

16



Ascanius Aualdy

A. V. 51

EE 1 11

D. IOANNIS ALPHONSI

CVRIELIS

DOCTORIS PROFVNDISSIMI,
ECCLESIAE SALMANTICENSIS
CANONICI,

ET IN EIVSDEM VRBIS ACADEMIA CELEBERRIMA
PRIMARIAE QVONDAM CATHEDRAE

MODERATORIS SAPIENTISSIMI,

LECTVRAE SEV QVÆSTIONES

IN D. THOMÆ AQVINATIS
DOCTORIS ANGELICI

PRIMAM SECVNDÆ.

Servant ad Bibliothecam S.ⁿⁱ Francisci Transiberim alme, Vobis
Ad Reuerendissimum in CHRISTO Patrem ac Dominum M. AN-
TONIVM DE CASTRO, totius Congregationis Benedi-
ctinæ in Hispania Generalem.

Ex Testamento M.ⁿⁱ et R.ⁿⁱ Domini Azeani Quatdi



G. B.
12.




D V A C I,

Ex Officina Typographica BALTAZARIS
BELLERI, sub Circino aureo.

ANNO M. DC. XVIII.

CVM GRATIA ET PRIVILEGIO.

EE: I: 128



REVERENDISSIMO
IN CHRISTO PATRI AC DOMINO
M. ANTONIO DE CASTRO,
ILLVSTRISSIMÆ CONGREGATIONIS
S. BENEDICTI DE OBSERVANTIA
PER HISPANIARVM REGNA
GENERALI PRÆSTANTISSIMO,
F O E L I C I T A T E M.



X ENOPHON ille apud Attica (REVERENDISSIME P. GENERALIS) cuius eloquentiam parem Platonis facundia, sapietiam non inferiorem iudicavit Græcia: mirabilem non iniuria Persarum legem initio Cyropædiæ suæ collaudavit, qua statutum fuit apud eos, ingratitude actionem, nō minus quam repetundarum aut aliarum atrocium iniuriarum, concedendam esse; rationemq; addidit non minus admirabilem, ex ipsa tamen natura vitiorum desumptam. *Ὁς ἂν γινώσκῃ διουκιδέον μὴ χάριν ἀποδιδόναι, μὴ ἀποδιδόντα δὲ, καλᾶσαι καὶ τῶν ἀνθρώπων, οἷοντα γὰρ τὸς ἀχαρίστους καὶ πρὸς θεοῦ αἰμαλῶς ἔχοντα, καὶ πρὸς γονέων καὶ πατέρων καὶ φίλων. ἵπταρ δὲ δοκεῖ μάλιστα τῇ ἀχαριστίᾳ ἢ ἀνομιᾳ, καὶ γὰρ αὐτὴ μάλιστα δοκεῖ εἶναι ὅππῃ πάντων τῶ ἀχρεῶν ἡμεῶν.* *Si quem autem cognoverint, qui possit quidem gratiam rependere, non rependit tamen, hunc gravissimè castigant; arbitrantur enim ingratos maximè omnium negligenter se gerere erga deos, & erga parentes, & patriam & amicos. Comitem autem videri ingratitude impudentiam, quia nempe ad omnia turpia dux ea potissimum esse soleat.* Hæc ille. Ne igitur ingratitude atque impudentiæ, atrocissimi videlicet criminis, Rei, & lege Persica constricti teneremur, si officium innumeris & immortalibus titulis debitum R. P. V. Sanctissimæq; Congregationi nostræ publico aliquo testimonio, & saltem insigni conatu bene merendi, testatum non redderemus: laborem hunc nostrum in Præstantissimi M. N. CVRIELIS operibus prælo exarandis impensum, ipsumq; adeò CVRIELEM ex scriptis monumentis longè vtilissimis rediuium, tibi (Reuerendissime Pater Generalis) dedicare opere pretium duximus: quo orbis vniuersus hac quasi professione nostra intelligat, quantum debeamus R. P. tuæ, quantumq; cupiamus debitores fideles esse & videri. Debetur enim tibi, quicquid à nobis laude dignū proficisci vnquam potest, tanquā illius cōgregationis capiti & Moderatori, cuius cōgregationis beneficio copiosus numerus 40 & ampliùs monachorum Anglorum, summa charitate, maximis impensis, maioribus curis in Hispaniæ monasterijs altus est,

atque educatus, & in collegijs vestris studiorum laude florentissimis ita formatus, vt apti, idoneiq; essent, qui Apostolica fulti benedictione, Apostolica etiam in Angliæ, patriæ nostræ (heu quondam catholica) reductione procuranda, fungerentur occupatione. E quorū numero multi in Anglia sanctè innocēterq; fidei mysteria tractātes, carceres & vincula, & ludibria experti, insuper & martyrio affecti sunt; non quidē vlla Serenissimi Principis sæuitia, (à qua ipsius cōditionē piaq; viscera lōgè abesse nō dubitamus) sed hæreticorū ministrorum impietate, qui animarū reconciliationē, per quā Catholicæ Ecclesię gremio reuniūtur, Maiestatis lesē crimē, & rebellionis interpretātur.

Liceat nobis (quia patrem communem nostrū alloquimur) aliquos ex illo fœlici ante Maiestatis diuinæ oculos numero recensere, & imprimis P. Marcum Barky vorthium, & P. Ioannē de Meruinia monasterij nostri Compostellani alumnū, martyrij celebritate propter immensam populi ad spectaculum illud confluentis multitudinem gloriosos, qui regnante Elizabetha passi sunt: & P. Georgium Geruasium ac P. Maurum Scottū ē conuentu S. Facundi monachū, simili etiam aut maiori gloria constantiæ testatissimæq; innocentia sub hoc principe, pseudoepiscoporum odio & calumnijs agentibus, occisos. Nec præterire possum superioris anni martyrem Nordouici passum Thomam Tunstallum, aliàs Helmium, quem ad habitum sanctæ religionis in ipso carcere concaptiuus eius, F. noster, P. Anselmus de Monteferrato sub nostra ratihibitione acceptauit. Is ergo adhuc Nouitius pro tribunali sententia mortis damnatus, quia presbyter Romanæ communionis factus, iuramentum vetitum fidelitatis, aliosq; hæreticæ prauitatis, auersabatur articulos, & aliquos ab hæresi conuersos Ecclesiæ reconciliauerat: se Nouitium Benedictinum protestatus, petijt, & obtinuit à iudicibus, vt caput suū à trunco corpore post suspendia & laniānam abscissum, portē ciuitatis Nordouicensis S. Benedicto dicatē imponeretur; vt quę porta S. Patriarchæ monachorū memoriam adhuc retineret, haberet, tanquam ornamentum, huius martyris caput, qui collū regulę S. Benedicti subiecerat, & fidei simul, ac religionis solennem professionem gloriose mortis perpeffione emiserat simul & obfignauerat. Huius præclari viri martyrium, vnā cum aliorum trium (qui eodem anno in Anglia passi sunt) actis ediderunt alij, sed quia vel siluerunt, vel non ita clarè explicuerunt hāc eius laudem, nempe quòd à cōfratre nostro P. Anselmo fuisset in nouitium ordinis nostri Congregationisq; susceptus (hoc enim forte velarunt illa periphrasi, qua dicunt ipsum se Benedictino habitu vouisse, modò superiores admitterent, quę est omnium nouitiorum in probatione adhuc degentium conditio) idcirco hac ipsa occasione volui ad solatium Reuerendissimę P. V. hic enarrare.

Tales igitur magno numero monachi, martyres & martyrij cādidati (REVERENDISSIME PATER GENERALIS) immortale beneficium Congregationis (cuius alumni & filij fuere, & adhuc sunt quamplurimi) testatissimum orbi Christiano perpetuis futuris temporibus facient. Nec extrā chorum mentio huius tanti beneficii in dedicatione operum CVRIELIS facta nobis est: quandoquidem plerique omnes isti, vel in ipsa Salmanticensi Academia ipsius CVRIELIS viam vecem resonantem audiuerunt, eiusque energia edocti sunt fidei Christianæ fundamenta; vel eius saltem doctrina per magistros Congregationis nostræ, CVRIELIS discipulos, explicata, & in eos transfusa, sunt enutriti. Neque debuit tanta laus Magistri præteriri: neque debuit sileri titulus hic gratitudinis nostræ, qui CVRIELEM magistrum R. P. T. Sancteq; Congregationi offerimus post sua fata, quasi sibi ipsi posthumum, quem dum viueret vestra magnifica liberalitate audiuius præceptorem.

Quanquam autem hæc dedicatio etiam hoc eodem titulo debebatur R. Patri M. ALPHONSO BARRANTES, inter maximos CVRIELIS discipulos excellenti dignitate prædito, qui etiam nostram hanc missionem Anglicanam summis beneficijs ornauit: sub cuius etiam Generalatu hæc incepta est impressio, ipso ad eam promouendam omni auctoritate sat agente: tamen fato quodam, aut (Christiano magis vocabulo vtamur) potius prouidentia Dei factum est, vt non potuerit vlllo modo editio sub ipso fieri, impediens vndique operam nostrā negotijs, & calamitatibus; vt sic speciali quodā titulo tibi inter omnes Generales (REVERENDISSIME PATER) deberetur à nobis hæc cōsecratio, qui ipse in religiosissimo cœnobio Oñensi Prioris officium gerens, magnā ibi monachorū missionis nostrę partē, & inter eos, eum, quē dixi, martyrem P. MAVRVM regulari cura alueras, foueras, & summa pietate in moribus ac studijs direxeras. Quam tuam in nos pietatem nunc in maiori positus potestate illustrius in nos radiare facis, tua, qua potes & polles, autoritate protegens & muniens paruulū hunc gregem, & in difficillimis occasionibus confirmans.

Ergo noster hic labor tibi debitus est tanquam sanctæ Congregationis nostræ Hispanicæ simul & missionis Anglicanę Capiti supremo, & fautori maximo, atque altori: CVRIEL verò ipse tibi debetur tanquam præstantissimo ipsius discipulo, non solum generis nobilitate illustrissimo (quis enim nescit antiquissimum stemma familiæ Castrensis comitatus nobilissimi corolla insignis inter Hispaniæ numerosos proceres gloria & honore excellere?) verum etiam virtutum ornamentis, quę vera est tua hæreditas, ab optimis quidem proavis longa serie transmissa, in te autem minime

EPISTOLA DEDICATORIA.

degenerans, sed religionis cultura incrementa quotidie accipiens, ut ita non persaltum, sed more militaris disciplinæ (nam & religionum est quædam militia, tantò potior militia terrena, quanto præstantior est corpore diuinus animus) per omnes militiæ gradus ad hanc Dictatoriam & quasi imperatoriam in sancta congregatione dignitatem ascendisti, Prior, Abbas, Definitor, & tandem Generalis quasi emeritæ militiæ merito factus: ut sine fuce possit de te dici, quod de se heros ille Virgilianus, magnanimiter pronunciat,

Magnorum haudquaquam indignus auorum.

Accipies igitur (REVERENDISSIME PATER GENERALIS) vultu & animo, quo soles, placido & paterno, hanc CVRIELIS nostri dedicationem amplissimo nomini tuo inscriptam, testimonium publicum nostri in te officij & obseruantia, & in totam adeo congregationem sacratissimam gratitudinis & pietatis; & perge hanc filiam vestram nunc sub auspicio vestro paulatim adolescētem, missionem Anglicanam Benedictinam, cepiosis, ut hætenus, fauoris influentijs fouere & corroborare. Duaci in Belgio, ex Collegio Vedastino S. Gregorij 27. Februarij, Diuo Leandro tutelari meo, & Hispaniæ secundo Apostolo sacra. 1618.

REVERENDISSIMÆ P. V. indignus Filius

F. LEANDER DE S. MARTIN missionis
vestræ Anglicanæ Vicarius generalis.

REVE

R E V E R E N D O
IN CHRISTO PATRI AC DOMINO
D. FRANCISCO DE VALDIVIA,
ABBATI INSIGNIS MONASTERII ET COLLEGII
S. VINCENTII
IN CELEBERRIMA ACADEMIA
SALMANTICENSI.



QUOD longe serius omnium discipulorum ipsius expectatione & desiderio CVRIEL praeceptor noster, semper cū honoris praefatione memorandus, in lucem prodeat, (Reuerende Praesul) nec potuerit durante Praesulatu Reuerendi & sapientissimi Patris nostri M. Didaci Salararij praedecessoris tui (qui tamen magnam partem sumptuum, unā cum ipsis autographis suppeditauit) diem aspicere oculatissimis his lectionibus, quem iam dudum clausis oculis carnis: fatalis quadam necessitas, & rerum nostrarum perturbatus priuatis publicisque calamitatibus status effecit.

Nam, ut omittam, difficulter admodum, & non nisi amicitia vi quadam & violentia cogente, potuisse nos impressorem inuenire, qui opus imprimendum susciperet: cum hoc saeculo diuturnis iam altercationibus fatigato libentius, quia & fructuosius, alias materias, quam scholasticas istas & controversas, impressores eudant, & lectores harum prouinciarum sibi comparent: postquam optimus vir, & amicissimus nobis impressor opus in se suscepisset, & aliquousque progressus fuisset, morbus me periculosissimus inuasit, & per septem integros menses in custodia medica detinuit: quo toto tempore (occupatus in me adiuuando, negotiisque officij mei procurandis fratribus meis, ita ut huic operi, aut non omnino, aut non adeo assidue intendere potuerint) necesse fuerat, etiam cum damno Impressoris ipsius, praesi operas interquiescere. Nōdum plenè confirmata valetudine, propter non paruas controversias exortas, ad quas finiendas Apostolica tandem opus fuit auctoritate, rursus ab opere cogebamur desistere; & illis controversijs, aut finitis, aut certe sopitis: ecce inuadit Academiam hanc nostram formidabilis epidemia contagio, qua diu ciuitatem hanc affligens, non potuit non labores nostros interrompere.

Haec causa fuerunt praecipua cur adeo sera facta sit Lecturarum editio; & haec etiam in causa fuisse, cur non usque adeo correctæ sint omnia, ut merebatur praestantissimi praeceptoris nostri gloria, & tua (R.P. Abba) amplitudo & Collegij Vincentiani, imò tanta Academia Salmanticensis dignitas & expectatio. Sed errata quidem (quæ essent alicuius momenti, & diligentem

possent lectorem turbare) diligenter collecta in fine libri collocauimus. Rogamus autem omnes PhiloCuriales, hoc est Φιλαμαθῆς, ἔσ' πολυμαθῆς florentis Hispania, ut excusationem hanc mora longioris non fictam aut quasitam, sed veracem, ἔσ' necessarijs obicibus iniectam, aequi boniq; consulant; Te autem cumprimis, (Reuerende Pater) cui non solum debet doctissimus praeceptor Lecturae suae promulgationem; sed nos etiam debebamus semperque debebimus immortales gratias, qui olim in exordio missionis nostrae à sancta congregatione suscepta, contra nonnullos graues viros, negotium illud impedire conatu summo satagentes, non minori prudentia ἔσ' autoritate, quam felicitate, nostrae missionis quasi natales ἔσ' infantiam propugnabas. Gaudemus ideo hanc nobis occasionem à bono Deo contigisse, qua nostram tibi nauantes operam, aliquod publicum nostrae in te gratitudinis atque officij mнемosynon, ἔσ' professionem exhibere potuimus. Quid ἔσ' in ceteris eius operibus adendis eo maiori sollicitudine prestare nitemur, quo longior fuerat huius editionis mora: ut ita tarditatem huius officij sequentium operum celeritate compensemus.

R. P. V. Filius in CHRISTO

F. LEANDER DE S. MARTIN.



LECTO-



LECTORI PHILOTHEOLOGO

SALVTEM.



UCC E (Lector candide, & studiose, diuinæ veritatis amator) CVRIELEM tibi Salmanticensem damus: Duobus enim illis vocabulis, tãquã fecundissimo *dicarum* seu definitione, maximum Theologiæ magistrum conceptui tuo contemplandum obieciimus. Salmanticam omnium orbis Christiani Academiarum hoc sæculo celeberrimam, studiosorum multitudine, collegiorum numero & amplitudine; Scholarum multiplicium capacitate; Professionum omnium copiosis auditorijs, Mineralium, seu didactorum, seu, vt planius dicam, stipendiorum magnificentia; Professorum, & Magistrorum excellentia, quorum quisque in sua facultate sic fulget, vt parem vix habere vllibi videatur, ferè, imò verè incomparabilem mecum, scio, fateberis. Quippe hæc omnia, cùm sint per se singula maximi pretij atque existimationis; tamen quia fortè singula, aut aliqua ex singulis, in alijs inueniuntur Academijs, at omnia simul coniuncta, in nulla, præterquam in Salmanticensi, reperiri posse, fidenter dixerim. In hac igitur Academiæ regina, & imperatrice, si Professorum & Magistrorum Sacræ Theologiæ suo tempore Coryphæum CVRIELEM fuisse, & dictaturam in literis diuinis explicandis omnium consensu tenuisse asseram: puto me nemini hyperbolicum laudatorem videri debere; puto hoc sine vllius iniuria à me affirmari; nec potest me fallere magistri mei amor, quem Academia ipsa Salmanticensis, sicut ad primæ cathedræ dignitatem prouexit, ita hoc ipso iudicio suo incorruptissime, quid de tanto Præceptore senserit, pronunciauit.

Cuius è copioso scientiæ flumine, quantum aquarum ad hortos suos irrigandos deriuauerint alij tractatores doctissimi; vel testantur ipsa multorum commentaria ex huius longè antea scriptis in auditorio dictatis confecta, & tantum non descripta, Çumelium, Cabreram, Herreram Minoritam, aliosq; cum his quæ damus compara, & inuenies me proprias CVRIELIS plumas ipsi vendicare.

Ergo (Lector optime) habes à nobis CVRIELEM, maximè Academiæ professorem maximum; sed non totum inquis. Ita est, alterum enim tantummodo Lecturarum totum producimus; à prima parte non incipientes, quia deerant autographo aliqua; quæ dum ex Hispania, profundo Oceano à nobis separata, expectamus, voluimus Lecturas secundæ partis præmittere, quibus nihil eorum, quæ ipse in prima secundæ Diui Thomæ scripserat, & in scholis dictauerat, deesse perspeximus.

At hunc ipsum tomum aliquibus in partibus, inquis, legentes, animaduertimus ei nondum in vna aut altera questione extremam auctoris manum accessisse. Non negamus. Neque enim doctissimus præceptor cogitavit vnquam de suis Lecturis prælo committendis; imò idipsum, dum viueret, postulantibus ab eo amicis, constantissimè, & (vt sic dicam) pertinaciter negauit se facturum. Ad auditorij proinde sui, temporisq; quod explicando insumere debuit, mensuram: non ad Lectoris cupidi desiderium has suas Lecturas concinnauit; reliquo tempore (vt par est credere) maximarum rerum, quas iam longo studio, & summo ingenio penetrauerat, contemplatione animum suum magis pascere; & quasi inchoata felicitate beare proponens: quàm aliorum desiderijs sicientibus satisfacere. Non inuidia id, quod nouerat, alijs communicandi, (inuidia enim à sapientiæ palatijs, vt rusticana aut potius infernalis furia, semper exulat:) sed humillima sui ipsius æstimatione, qua, in tanta magnorum professorum copia, quos illa abundanter oscentabat Academia, & tota Hispania reliqua, suam operam in explanationibus typo publicandis superuacaneam semper iudicabat. Nimirum quanto quisque doctior est, tanto de se, suisq; submissius sentit: profectu ipso cognitionis, magis magisq; illuminante tenebras intellectus nostri, nubemq; ignorantie humanæ, quanta sit, clariùs patefaciente. Quæ autem ab ipso relictæ fuerunt incomplete, nefas iudicauimus ipsi complere: tum quia Apellis huius opera imperfecta, non nisi ab alio possunt Apelle perfici; tum vel maximè, quia id nobis inhiuerunt ij, quorum imperio omnes vitæ nostræ rationes subieccimus.

Quodsi crebriora errata typographiæ obijcias, quàm ab amante gloriæ præceptoris sui discipulo debuerant committi, neque id inficiamur, sed dolentes fatemur; non tamen incuria factum id est, sed necessitate, quàm in præcedenti ad R. P. Abbatem S. Vincentij Salmanticensis epistola explicuimus. Huic tamen malo facilè remedium adhibuimus, nempe erratorum indicem cum emplastris emendationum: eum quæso Lector percurrere, prius quàm lectioni incumbas & calamo beneuolo loca ipsa reforma; & nobis ita (vt diximus) impeditissimis humana sphalmata ignosce, & expecta breui reliquos tomos, per quos in sacre Theologiæ labyrinthis euoluendis dirigaris. Vale.

AUTORIS VITA

PER R. P. M. F. ANTONIVM PEREZ, Familia Benedictinæ olim Generalem dignissimum, & Sanctæ Inquisitionis Hispanicæ à censuris hereticæ prauitatis ministrum & consultorem.



MAGISTER sapientissimus IOANNES ALPHONSVS CVRIEL, Theologia auscultationis non secundum, sed alterum decus, natus fuit editissimo, atque vetustissimo oppido Burgenfis Diœcesis, propè ciuitatem Palantiæ, nomine Palençuela, in Hispania. Hæc patria illius. Par enim est (ait Plato) matrè ipsam ante omnia honorare. Mater autem (inquit Artemidorus) patriam significat.

Parentes habuit non solum honestate natalium, sed & diuitiarum opulentia conspicuos; & proinde undique præclaros: siquidem (ut vult Aristot.) Nobiles, & diuites honore digni habentur: & (ut habet Seneca) Censuræ senatoriû gradum ascendit: census in castris ordinem promouet, iudices in foro legit. Vnde Lucilius satyricè.

Aurum, atque ambitio, specimen virtutis vtrique est:

Tantum habeas, tantum ipse scies, tantiq; habearis.

Hæc natalia autoris: Natalibus enim (inquit Apollinarius) seruanda reuerentia est. Vtique exemplo Lucæ, qui (ut notauit Ambrosius) Baptistæ beati meritum ab originis claritate detexit. Vnde D. Petrus Chrysologus: Oratores magni, & excellentis ingenij quoties illustrium virorum parant narrare virtutes, auos atque, commemorant, ut ad honorem præsentium accedat dignitas antiquorum; & laus patrum filiorum redundet ad gloriam. D. item Hilarius: Illud notum est omnibus oratorix disciplinæ; quorum laudandam receperunt vitam, patriam prius, & originem prædicare. Quare patriæ, & parentum præmissa commendatio prætermitti non debuit.

Nec solum generis nobilitate, rerumque affluentia effulsere felicissimi parentes isti: verum & sedulitate ac studio salubriter instituendi, optimisque artibus imbuendi filium, quem ab incunabulis contemplabantur virtutum atque literarum ardore flagrantem. Et licet (ut notauit Plutarchus) Nihil parentibus sit filiorum educatione propensius, nihilque conducibilius filiis: hæc tamen propensio non parentum omnium passio est; aliàs Solonis legē non promulgarentur immunes à parentum obsequio filij, qui congruentem à patribus educationem non suscepissent. Quare inter præcipua, & optima progenitorum istorum reponi debet, eximia, qua emicuere in filij disciplinam, sedulitas.

Maximè quod non tantum congrue, sed mature etiam illius educationi consuluerunt: expoliendo vtrique à tenera ætate cum: Nouella enim ætas (ait Plutarchus) ad fingendū facilis, & tenera est; & ipsorum animis, dum molles adhuc extant, disciplinæ melius instillantur: difficilius autem, quæ dura sunt, molliuntur. Vnde à primis vnguiculis Vallisoletū (magnificentissimam veteris Castellæ urbem, in qua tum Regum Hispaniæ sub Imperatore Carolo V. Curia vigeat) veluti in parentum vlnis delatus est: ubi rudimenta priora, legendi vtrique, scribendi, & summis labijs Grammaticam degustandi breui annorum, imò mensium spatio percalluit. Et inde sub nonum ætatis suæ annum Salmanticam (scientiarum omnium principem) translatus, literis, quarum innato tenebatur amore

(nimirum

nimirum Philosophicis, Theologicis, Græcis atque Hebraicis) impensus operam dedit: omnem planè suam insumens operam in exercitio illarum, omni alio (quod mirabantur omnes) oblectamento repulso. Et ideo tales in literis progressus habuit, ut de quacunque re illi disserendum libitum esset, in ea solùm videretur exercitatus. Adeò vel à puero, multiplici rerum scientia instructus euasit.

Absoluto autem illustrum disciplinarum orbe, expletisque atque exactis ad Baccalareatù culmen explendis curriculum, tamque in Philosophia quàm in sacra Theologia initatus penès Salmantinam matrem: quinimò & promotus ad Licentiatus, Magistratusque in Philosophia laureas, penès Complutensium scholam subtilissimam, tantique boni, & equamantissimam, ut in Licentiatorum categoria eum, licet alumnus Academiæ extraneæ, proprijs pretulerit unice sibi dilectis, atque literatissimis filijs, qui cum eo apud proprios parentes, & iudices de sede, & gradu decertabant: quoniam illos longè impares tanti Philosophi introspexit: & ideo eum in supremo culmine, ad caputque collocavit, promulgauitque summam.

His igitur absolutis, de recipiendo se in aliquod Salmanticensem Collegiũ illicò cogitavit: Vbi sequestratus à turbis, non autem omninò elongatus; liberius & optabilis studijs literarum vacaret: Licet enim (ut notauit Sen.) conuersatio dissimilium disturbet bene composita, & quidquid imbecillum in animo est, nec percuratum, exulceret: miscenda tamen ista, & alternanda sunt, solitudo & quies; Illa facit nobis hominum desiderium, hæc nostri: & est altera alterius remedium. Odium turbæ sanat solitudo: tedium solitudinis turba.

Et quoniam Disciplinæ vestigia iustitia sequitur (ait iterum Seneca) pietas, & religio, ac omnis comitatus virtutum, non solùm studiorum gratia, sed studiositatis potius, atque honestatis Collegium ambibat. Sed certè non tam laicum, & politicum, quàm regulare, & monasticum, utpotè maiori ex voto perfectioni deuinctum: sed maxime Benedictinorum Collegium (Diuo Vincentio dicatum) deperire cæpit: doctus quantum Doctorum, optimorumque, qui ibi commorabantur, consuetudo referret ad formandos mores, abyssosque scientiarum tranandas. Quare reuelata facie Collegium istud non solùm appetijt, sed enixè petiuit, licet retento semper, retinendoque suo clericali habitu.

Ipsi autem Benedictini Monachi, quod nullo hominum hortatu, nullius lucri commodo, nullius mali effugio, nullius boni accessu (si fas ita loqui) permisissent: allecti adolescētis præstantia ingenue præstiterunt: illum apud se recipiendo, atque in Collegij sui accolam adoptando. In cuius incolatu tam altæ probitatis, & scientiæ radices egit, ut omnes in admirationem vocaret: & plus satis ostenderet, quod dicendi pariter, & faciendi ductores intra Monasterium clarissimos, atque præstantissimos habuisset. Deo, medius fidius, sic providete, ut qui alterum Thomam de Aquino, tanquam Cassinenses Monachi, susceperant educandum: ipsi tanquã lumina Ecclesiæ luminare splendidũ reddidissent, & cõspicue efformasset.

Inde tanto literarum splendore fulgorèque enituit, ut totam Philosophiam, totamque Theologiam, & magna ex parte sacras literas eruditissimis lucubrationibus suis monumentisque locupletauerit: ut ea, quæ hodie manibus vniuersorum teruntur, ex amussim demonstrant. Quapropter nulla tam ardua, tamque edita fastigij culmina Schola Salmanticensis obijciebat, quæ ipse iustitiæ pennis volatùque non transcendit, & planè, ac plenè occupavit. Victor enim euasit, & voti compos acerrimus in petitione, & contentione tam bonarum artium, quã sacræ Theologiæ honorum. Nã imprimis supplementũ Logicæ, atque Philosophiæ naturalis, mox proprietatẽ huius Cathedræ contra subtilissimos, acuminatissimosque (ut ita dixerim) cõpetitores obtinuit. Põst labente tẽpore Scoti, Durandi, sacrarũque Bibliorũ Cathedras Theologicas in conflictu præstantissimorum Doctorum, tanquam ipse facile princeps

ita facile, feliciterque adeptus est, ut in petitione reliquarum, que tanquam suprema, & optima supererant Cathedra, utique Vesperaria, & Primaria, emulum non haberet, cedentibus sponte sua maiori minoribus. Adde ad celi sidera suum culmen extulit!

Et quod mirum est, tam præcox triumphator enasit, tamque præcoces cepit in huiusmodi preliis agere triumphos: ut cum in petitione supplementi Logica obiectum illi coram iudice ab aduersariis fuerit, quod in gratiam, & ad instantiam cuiusdam publici præceptoris absentis, supposuerit se legentem pro illo, uno ex diebus interdictis petitoribus Cathedrarum sub reatu repulse, ineptitudinisque irrefragabilis: cum igitur relum hoc acriter, & fortiter intorsum esset in eum, ipse elusit ictum tempestiuè clausando, & asserendo se filium familiae, nec sui iuris esse, & proinde restituendum, capacemque & habilem ad illius cathedra petitionem, contentionemque declarandum. Quo obtento, primo capax, & habilis, mox compos Cathedra promulgatus est. Ecce qui sui iuris nondum erat, sui iuris, ditionisque Cathedram iuridicè fecit, aduersum viros maiores natu, & quocunque magistratu dignos.

Post tam præclaram in literaria contentione victoriam reportatam, illico Magistrorum eiusdem Schola Collegio associatus est, utpotè insignitus magistrali Theologorum laurea. Repudiato tamen prius, & à se penitus abdicato (in gratiam iunioris fraterculi tunc florentissimi) iure maioratus ad amplissimum patrimonium parentum: retento tantum apud se Canonatu, non pingui, præstantissimo tamen Ecclesia Cathedralis Burgenfis, cum redditibus alijs non admodum opulenti simplicium beneficiorum, quibus apud Conchensem Diocesim ab infantia gaudebat, usque dum Canonicatu Salmanticensi obtento, literarijsque certaminibus insigniter assequuto, ad pinguiorem fortunam euectus est.

Sed (bone Deus!) omnes isti anni redditus in quotidianam pauperum subleuationem insumebantur, Faciendo in terris (ut Sydonius dicebat Pape Patienti) opera celorum: & respiciendo prius indigentium causas, quam personas: lacrymasque tergendis illorum, quorum oculos nusquam viderat, quia non minus absentium querimonia, quam præsentium tangebatur verecundia. Quare amabatur, laudabatur, desiderabatur, excolebatur omnium, qui illum vel à longè nouerant, pectoribus votisque: Sed maximè egenorum, qui in eius obitu vicissim se fletu rigabant, lacrymis madefacti, & absumpti, Heu virum beneficium, debiliam auxiliatorem, mærentium consolatorem, mæstorumque lenamen.

Nec ignarus mali miseris succurrere didicit: nam alternante victoria durissimas, & que vel adamantina corda confoderent, iterum atque iterum, quinimò terque quaterque repulsas perpeffus est, iacturisque grauiores. Tanta tamen animi tolerantia, ut nulla propter huiusmodi euentus (o virum non nisi à Deo!) animi exscescencia ageretur: ut vel certus, semperque idem, semperque tranquillus vultus illius demonstrabat, & ipse clanculum pressus à quodam Augustiniano grauissimo, valde sibi in amicitijs coniuncto, iuveniendo affirmavit, & ulterius subiunxit, quod neque luore actus est aduersum illos, qui petulantius, & impudentius stomachum illius pronocant. Quapropter non tam laudem scientie, conscientieque donum tam omnes admirabantur in illo, quam constantiam patientie: illumque tanquam alterum Iob, manus Dei tactum, & centum, submisit venerabantur.

Solamen mæstitudinis sue, animique labentis (si quando laboribus pressus propendebat ad lapsum) sustentaculum erat, (præter subsidium diuinum) indefessa librorum sacrorum lectio, atque in euoluendis sanctorum Patrum voluminibus assidua, & vltra fidem exercitatio. Ut enim legendo insumeret omne sibi possibile tempus, ita ut exercitium huiusmodi non interciperetur, vel ab horis destinatis ad prandium, ipse quotidianam sibi abstinenciam indixit non gustandi cibum per diem sed semel tantum ad noctem, & ad multam noctem, & tunc in modicissima, semperque inuariabili mensura, & quantitate. Quo circa, qua sic legendo,

gendo, sacrisque voluminibus adherendo publice docebat, quasi diuinitus instillata, & more Angelico conquesta (utique sine Cerere, & Baccho) communiter habebantur, desiderabatur, conquirebantur, ingenti que pretio vendebantur, coemebanturque certatim, ut nimis conducibilia ad docendum, ad arguendum, veritatesque indagandum, & vel ab inuitis peritoribus eruendum.

Talem autem doctrina imbrem, sicim ignorantie irrigantem, per triginta, & eo amplius annos in Scholis Salmanticensibus cum emisisset, emeritus tandem ipse est, ac rude donatus. Sed dum incipit suo privilegio gaudere, & tota Salmanticensium schola praestolari eximiam aliquam à Rege Hispanie dignitatem tanti viri meritis, & ipsius Regis votis non imparerem: ecce Rex Regum Deus à conspectibus nostris alaripit eum sibi, ne anteuertereetur ab alio in remuneratione meritorum, quæ æternum, non autem incertiorum, remuneratorem efflagitabant: ut quæ apud Deum præcipue, non apud mortales homines, etiam Reges, stipendium fecerant.

Illo autem ad exitum vocato, supremoque eius urgente die, testamento legauit, ut corpus suum illi redderetur terre, à qua cælum crederet se accipere: utique Benedictinorum Collegio, D. Vincentio sacro, cuius (ut iam supra vidimus) alumnus extiterat. Item: quod in paupimento humili Bibliotheca Monasterij humaretur, ad pedes eximij cuiusdam verbi Dei proclamatoris, eiusdem Monasterij olim Præpositi dignissimi, aliorumque Abbatis vigilatissimi, ac totius Benedictina familie ad instar exemplaris, & speculi, non solum quia omni criminis labe purgati, sed vniuersarum virtutum choro etiam sepi) utique eruditissimi Magistri F. Joannis de Cústariça, cum quo, dum viueret, arctam eamque honestate conspiciam amicitiam contraxit: & cuius extremum diem clarissimus ipse Curiel lacrymarum turbine perpetim lamentabatur. Ad pedes igitur huius tanti viri humari decreuit, ut sicut in vita, ita & in eius morte pedisequas eius existeret.

Demum testamento legauit, quod integram Bibliothecam suam cum omnibus scrinijs, ac thecis lucubrationum suarum Monachi dono acquirerent, & in Collegij sui Bibliothecam illuc transferre curarent, & illis ordinatè componerent: ut corpus humatum suum condecoraret, & comitaretur dimidiam saltem animæ suæ, utique librorum, & scripturarum (in quæ ambo confluxere) supellex.

Vnde sic conditum corpus requiescit in spe: nos autem defatigamur lugentes, & proclamantes, quia talem præceptorem ac tantum semper, & ubique optabimus, sed nunquam habebimus. Habeat illum apud se, qui exemit, vel emit potius de terra: siquidem (ut nescit nullus) aperit fuit vnus ex ijs, Qui empti sunt ab agno de terra, ut sequerentur agnū quocunque iret, virgines enim sunt. Et quia hæc integritas eius: pro sigillo huius instrumenti sit: Pro inscriptione verò sit sepulchri eius epitaphium à quodam eruditissimo elaboratum, quod sic habet,

D. Ioanni Alphonso Curiel, V. C. Theologorum sui temporis nulli toto orbe secundo, Salmantica primo: Benedictini Monachi (quibus moriens corpus, quod hoc, à se, humili; ab illo, excelsio tegitur lapide: dimidiumque animæ, id est, vniuersam literariam suppellectilem legauit) Magistro incomparabili, sui ordinis deuotissimo cultori, tanquam vni ex suis C. P. Obijt 28. Septemb. Anno M. DC. IX.

A P P R O B A T I O.

DIOANNIS ALPHONSI CVRIELIS, Canonici, dum viueret, in Cathedrali Ecclesia Salmanticensi, & ibidem Professoris Academici Primarij, Lecturas, seu Quæstiones in Primam secundę B. THOMÆ AQVINATIS, à diuersis in Hispania doctis Theologis (quod nobis constat) probatas, & in hac Duacensi Vniuersitate à duobus in Theologia Magistris viris eruditiss. accuratè perlectas, & dignas impressione repertas, Infra scriptus vtiliter imprimi posse censui. Duaci, die 6. Martij, 1618.

BARTHOLOMÆVS PETRVS S. Theol. Doctor,
& in eadem Duac. Vniu. Professor.

S V M M A P R I V I L E G I I.


PHILIPPI III. Hispaniarum Regis Catholici priuilegio cautum est, nequis D. IOANNIS ALPHONSI CVRIELIS, Canonici, & primaria cathedra Theologica in Academia Salmanticensi quondam moderatoris sapientissimi, opera, Lecturas, & Quæstiones in D. THOMAM, præter voluntatem R. Abbatis & Conuentus Monachorum S. Vincentij Salmanticensis ordinis, & Congregationis S. BENEDICTI de obseruantia, ullo modo imprimat infra decennium post eorum impressionem ipsorum permissu factam, aut impressa aliter quàm ex eorum voluntate in regna Hispania importet, venaliãve habeat. Qui secùs faxit, confiscatione librorum & alia graui poena mulctabitur, uti patet latius in literis datis Madritj.

S I G N A T

IORGE DE TOVAR. Et infra
VILLAR OEL.

Reuerendus D. Abbas & Sanctus Conuentus Monachorum S. Vincentij Salmanticensis potestatem mihi infra scripto fecit, ut hunc tomum Lecturarum & Quæstionum CVRIELIS in 1. 2. D. Thomæ, per quemcunque Catholicum impressorem in prouincijs inferioris Germaniæ sub Serenissimorum Archiducum dominio imprimi curarem, quod per BALTHAZAREM BELZERVM Duacensem Typographum præstiti, & fideliter ex ipso autoris autographo exprimi curavi; estq; finita impressio huius tomi die xx. Martij 1618.

F. LEANDER DE S. MARTIN Monachus Compostellanus,
missionis Anglicana sub Congregatione Hispanica Vicarius Generalis,
Sacra Theologia Doctor, & in Academia Duacena lingua sancta Professor Regius.



LECTURA

PRIMA,

DE VLTIMO FINE.

SECUNDA,

DE BEATITVDINE.

TERTIA,


DE VOLVNTARIO ET INVOLVNTARIO.


QVARTA,

DE BONITATE ET MALITIA ACTVVM

HVMANORVM.

Ad 6. priores quaestiones & 18. 1. 2.
D. Thomæ Aquinatis.





INDEX ARTICVLORVM

ET

DVBIORVM LECTVRÆ I.

IN QVÆST. I.

P *Relegomena.*

1. *Quod sit huius partis obiectum.*
2. *Sunt hæc pars practica, an speculativa.*
3. *Ordo huius partis ad reliquas partes summæ.*
4. *Distributio huius partis in tractatus suos.*

QVÆSTIO PRIMA.

De ultimo fine hominis.

Methodus questionis.

ARTICVLVS PRIMVS.

Vtrum homini conveniat agere propter finem?

Dubium 1. Quid intelligatur per actiones humanas?

- §. 1. *Argumenta contra sententiam S. Thomæ.*
- §. 2. *Stabilitur eadem D. Thomæ sententia.*
- §. 3. *Solvitur 1. argumentum. An intentio finis ultimi & amor consequens visionem beatificam sint actiones humanæ?*
- §. 4. *Solvitur 2. & 3. argum. Quæ actiones infantium & amentium nequeant esse meritoria?*

Dubium 2. Vtrum omnes & solæ actiones humanae sint propter finem.

- §. 1. *Pars negativa probatur.*
 - §. 2. *Sensus dubij propositi.*
 - §. 3. *Refutatio questionis.*
 - §. 4. *Solvuntur obiectiones. An intentio finis sit actio propter finem.*
 - §. 5. *An actiones beatorum possint esse propter finem.*
 - §. 6. *Quomodo finis & bonum sit obiectum voluntatis.*
 - §. 7. *Quomodo media ad finem sint obiectum voluntatis.*
 - §. 8. *An omnia quæ sunt in aliquo genere, deriventur à principio illius generis.*
- Dubium 3. An actus imperatus aut elicitus à voluntate possit habere rationem ultimi finis.*

ARTICVLVS SECVNDVS.

Vtrum agere propter finem sit proprium rationali creaturæ.

COMMENTARIVS.

Dubium 1. Vtrum Deo conveniat agere propter finem.

- §. 1. *Argumenta partis negativæ.*
 - §. 2. *Sensus dubij propositi.*
 - §. 3. *Quid dicendum de actionibus Dei omnino immanentibus, essentialibus scilicet & notionalibus.*
 - §. 4. *Quid sit dicendum de actionibus Dei ad extrinsecum formaliter aut virtualiter transcendentibus.*
 - §. 5. *Solvuntur argumenta initio dubij adducta.*
 - §. 6. *An creatura possint dici utiles Deo.*
- Expenditur ratio, quæ D. Thomæ probat primam conclusionem.*

Explicatur 2. conclusio D. Thomæ.

Dubium 2. An irrationalia operentur propter finem.

- §. 1. *Argumenta pro affirmativa.*
 - §. 2. *Explicatur & probatur sententia D. Thomæ negativæ.*
 - §. 3. *Solvuntur rationes dubitandi.*
- Proprium esse rationalis creaturæ agere propter finem.*

Cur creatura irrationalis debeant moveri in fines suos ab aliqua voluntate rationali.

ARTICVLVS TERTIVS.

Vtrum actus hominis recipiant speciem ex fine.

COMMENTARIVS.

Dubium 1. Vtrum actus recipiant speciem à principijs efficientibus, à quibus dimanant?

Dubium 2. Vtrum finis sit principium actionum humanarum.

ARTICVLVS QVARTVS.

Vtrum sit aliquis ultimus finis humanæ vitæ.

- §. 1. *Sensus tituli.*

- §. 2. Explicatur prima conclusio articuli de finibus per se subordinatis.
 §. 3. Explicatur 2. conclusio de finibus per accidens subordinatis.
 §. 4. Bonum est diffusivum sui.
 §. 5. An in specibus numerorum & figurarum possit dari processus in infinitum.

ARTICVLVS QVINTVS.

V. vnus hominis possint esse plures ultimi fines.

- §. 1. Argumenta contra conclusionem D. Thoma id negantis.
 §. 2. Sensus dubij & fundamenta.
 §. 3. Resolutio questionis.
 §. 4. Soluitur primum & secundum argumentum de pluribus bonis copulativè & disiunctivè sumptis.
 §. 5. Soluitur tertium argumentum de fine peccantis mortaliter.

§. 6. Solutio quarti argumenti de fine in illis peccatis venialiter.

§. 7. Solutio §. & 6. argumenti principalis.

ARTICVLVS SEXTVS.

Verùm homo omnia quæ vult, velit propter ultimum finem?

Explicatur titulus articuli.

§. 1. Proponuntur diversa sententia.

§. 2. Resolutio questionis.

§. 3. Solvuntur argumenta.

ARTICVLVS SEPTIMVS.

Verùm sit vnus finis ultimus omnium hominum?

ARTICVLVS OCTAVVS.

Verùm in ultimo fine aliz creature conveniant?





SAPIENTISSIMI MAGISTRI NOSTRI
D. IOANNIS ALPHONSI
CVRIELIS,

SANCTÆ ECCLESIAE SALMANTICENSIS CANONICI,
ET PRIMARIÆ CATHEDRÆ THEOLOGICÆ
IN EADEM FLORENTISS. ACADEMIA MODERATORIS,
DVM VIVERET, CELEBERRIMI,

Lecturæ in 1. 2. D. Thomæ Aquinatis, Doctoris Angelici,

PROLEGOMENA.



EXPLICATVR EAM
VNIVERSÆ THEOLOGI-
CÆ A D. THOMÆ
conscriptæ partem,
quæ *moralis* appella-
tur: in eius exordio
quædam capita præ-
mittimus, quæ ad to-
tum opus faciliorem
aditum præbeant; Ea
verò sunt, Quod sit

huius partis *obiectum*; Qualis sit doctrina, quæ in
ea traditur, hoc est, an sit *practica* vel *speculativa*;
Quis *ordo* eiusdem ad reliquas partes summi; Quæ
denique sit ipsius *distributio*.

1. Quod sit huius partis *obiectum*.

ET pro explicatione primi, ADVERTEN. non
esse idem *obiectum attributionis* alicuius operis,
& *materia* de qua agitur in singulis partibus eius.
Obiectum enim *attributionis* est, cuius cognitio
potissimum intenditur in scientia, & ad quod at-
tributionem, aut *habitudinem* habent omnia, quæ
in scientia considerantur: ratione cuius eorum co-
gnitio deferuit ad perfectius cognoscendū ipsum
obiectum. Ex quo fit, posso considerari plura in aliqua
scientia, quæ distinguantur ab *obiecto attributionis*:
quoniam multa possunt habere prædictam
habitudinem ad ipsum. Et hoc modo etiam distin-
guuntur ista duo in hac parte; nam cum pertineat
ad summam, quæ D. Thomas vniuersam Theologi-
am est complexus, necessariò dicendum est,
Deum (qui est *obiectum* totius Theologiæ) esse
etiam *obiectum* ipsius: *materia* verò de qua in ea
agitur, est *motus rationalis creatura in Deum*, ut in

ultimum finem; siue *actus*, quibus potest ad eum
peruenire, & alia quæ ad eos sunt necessaria, tan-
quam ipsorum principia; ut constat ex discursu to-
tius operis, & ex ipso D. Thomæ 1. p. q. 2. in pro-
œmio; Habētque hæc omnia *habitudinem* illam ad
Deum: quoniam non solum potest cognosci Deus
ut est in seipso; sed etiam secundum *habitudines*
quas habet ad creaturas, quarum vna est *ulti-
mi finis*.

Neque obstat, quod D. THOMAS in proœmio
huius partis ita dicat: *restat ut dicamus de eius (sc.
Dei) imagine, id est de homine, secundum quod & ipse
est suorum operum principium, quasi liberum arbitrium
habens, & suorum operum potestatem*; Quoniam his
verbis non significatur, esse *materiam* huius partis
aliquid distinctū ab eo, quod nos explicauimus. Cū
enim homo, quatenus habet liberum arbitrium, &
dominium suarum operationum, possit se mouere
in finem, & sic capax beatitudinis: idem est dicere,
materiam, de qua agitur in hac parte, esse, *hominem
consideratum secundum prædictam rationem*; aut, *mo-
tum ipsum in ultimum finem*.

Neque rursum obstat, quod etiam Philosophus
moralis agat de actibus humanis, & de virtutibus,
atque vicijs; quoniam differt à Theologo in ratio-
ne formali; non enim participat diuinam reuelationem;
quæ ut applicata per discursum, est ratio
formalis *sub qua* theologus hæc omnia considerat.
Non est autē inconueniens, eandem rē sub diuersis
rationibus formalibus pertinere ad plures sciētias.
Differt etiā in ipsa *materia*; quoniam solum agit de
virtutibus naturalibus, quæ cōducunt ad *felicitatem
naturalem*. Theologus verò agit de virtutibus tam
naturalibus quàm supernaturalibus; & de gratia &
donis supernaturalibus, quibus peruenitur ad *felici-
tatem supernaturalem*. & hæc de primo.

2. Sit ne hæc pars practica, aut speculativa.

EX QUO videtur colligi quid sit dicendum de secundo. Si enim doctrina hæc est de actibus humanis, quatenus eis potest homo tendere in suum finem: manifestum est quod debet esse practica. **PROBATUR**, quia doctrina de actibus, quatenus conducunt ad consequutionem finis, necessarium debet esse directiva ipsorum in ordine ad talē consequutionem; ergo est practica. **Conseq.** patet, quia iudicium quodcunque directivum operationis, est practicum: non enim habet pro fine ultimo cognitionem veritatis, sed operationem. Et **antecedens** probatur, quia nequit intelligi, quomodo possit aliqua doctrina versari circa actus, quatenus deferunt ad consequutionē finis: nisi contineat modū, quo exerceri debent, ut sint apti ad consequutionē illius finis, quod est esse directivum ipsorum.

Et **CONFIRMATUR**. Quia tota ista pars est plena regulis operandi in genere moris: ergo doctrina, quæ in ea traditur, practica est, & non speculativa. **Conseq.** patet, quia scientia, quæ ex se habet pro fine ultimo operationem, practica est, & non speculativa: eamque scientiam indicamus suapte natura habere pro ultimo fine operationem, quæ tradit regulas, & præcepta operandi; Et **antecedens** probatur: Quia sæpe in hac parte explicatur quid teneamur facere, & quid vitare, non solum in communi, sed etiam in particularibus materijs; & quæ circumstantiæ, aut conditiones requirantur, ut ea, quæ sunt à nobis, iuste fiant, aut facta teneant, aut vim habeant obligandi nos.

Et quamvis simul in hac parte explicantur naturæ & proprietates virtutum & vitiorum: tamen hoc totū dirigitur ad opus; nempe ut melius tradatur & explicentur regulæ operandi moraliter.

Neque hoc derogat dignitati Theologiæ: imò potius provenit ex eius perfectione, & ex quadam illimitatione, quam participat ex divina scientia, quod una, & sub eadem ratione formali contineat veritates practicas, quales sunt illæ, quæ pertinent ad istam partem; & speculativas, quales sunt illæ, quæ traduntur 1. parte.

Sed obicitur. Obiectum attributionis totius Theologiæ, & ex consequenti huius partis (ut supra diximus) est Deus: sed Deus non est obiectum practicum, quoniam non est à nobis factibilis, seu operabilis; ergo hæc pars non est practica ex parte sui obiecti, & ex consequenti neque simpliciter.

Respondetur. Quod Deus potest dupliciter considerari, scilicet, secundum suam substantiā; & prout est ultimus finis noster, in quem nos possumus actibus nostris tendere: & priori modo habet rationem obiecti speculativi, posteriori vero, practici; & ita est obiectum huius partis. Quod verò Deus posteriori modo consideratus sit obiectum practicum, probatur, quia ex ipso tanquam ex principio colliguntur regulæ directivæ actionum, quæ propriè sunt praxes: & tanquam obiectum terminat eas. Colligimus enim, ipsum esse summè colendum & diligendum: & actu colimus ac diligimus eum.

Et **confirmatur**. Quia respectu istarum actionum & aliarum similium, quibus in ipsum tendimus, est obiectum practicum: ergo etiam respectu doctrinæ directivæ ipsarum.

Neque obstat id, quod obijciatur, scilicet, Deum non esse à nobis factibilem vel operabilem: quoniam induit quodammodo rationem obiecti operabilis, quatenus est à nobis attingibilis nostris actibus, qui sunt propriè praxes: aut in quantum possumus ipsum consequi nostris operibus. Quare ut obiectum aliquod sit practicum, non est necessarium quod sit in rigore operabile, sed satis est quod per se, & ex propria ratione formali habeat, posse terminare actiones, quæ verè & propriè sunt praxes. Et hæc de secundo.

3. Ordo huius partis ad reliquas summa partes.

CIRCATERTIUM ADVERTEN. Deum, qui (ut diximus) est obiectum totius Theologiæ, duobus modis posse considerari: scilicet, prout est in seipso, aut secundum habitudinem aliquam ad creaturas, ratione cuius creaturæ ab ipso pendeant. Est autem in Deo duplex habitudo huius generis ad creaturas: altera *primi principij efficiendi*, & altera *ultimi finis*; & ita de Deo secundum has rationes est tota disputatio theologia: & iuxta ordinem, quem ipsæ servaverint inter se, sunt disponendæ partes theologiæ. Ex quo faciliè potest colligi ratio ordinis inter hanc partem, & reliquas: sublequitur enim primam, quoniam prius est Deū habere in seipso suū esse, & suam infinitam perfectionem, quam communicare se creaturis producendo eas, quod est, creaturas quodammodo *exire ab ipso*; & rursum hoc est prius, quam easdē tendere in Deum, ut in finem suum, quod est *regredi ad ipsum*. De duobus autem prioribus agit D. THOMAS in prima parte, & de tertio in ista. Præcedit vero hæc pars tertiam partem, quoniam in illa differitur de remedijs extrinsecis, quibus peruenitur ad Deum, scilicet de verbis incarnatione, & Sacramentis ab ipso institutis; ad quorum cognitionem necessarium est præsupponi eā quæ in hac parte dicuntur de medijs intrinsecis, scil. de actibus humanis, & eorū principijs.

Sed obicitur. Inter omnes causas prima est finalis, ergo prius debet disputari de Deo, ut est finis creaturarum, quam ut est causa efficiens: & ex consequenti, iuxta rationem ordinis nunc explicatam, hæc pars debet præcedere primam.

Respondetur, antecedens solum esse verū, quando causa finalis habet habitudinem causæ, non solum respectu effectus, sed etiam respectu efficientis: tunc enim causalitas finis præcedit causalitatem efficientis, quia efficiens operatur ut motum à fine. Quando verò solum habet rationem causæ respectu effectus, non est necessarium quod eius causalitas præcedat causalitatem efficientis, imò potius est posterior ea, quia prius est effectum esse productum, quam trahi & moveri in suum finem. Atque ita contingit in præsentī; quia Deus non est causa finalis respectu sui ipsius, sed respectu creaturarum: & ideo habitudo causæ finalis in ipso non præcedit habitudinem causæ efficientis, sed potius præsupponit eam. Et hæc de tertio.

4. Distributio huius partis.

DE ULTIMO, scil. de operis distributione, dicendum est, totam partem theologiæ, quæ continet disputationem de moribus, in duas partes dividi à D. Thoma: in quarum priori, quam

primam secundam appellamus, agit de actibus humanis, ac de virtutibus & vitijs in communi; in posteriori verò, quam appellamus *secundam secundam*, agit de ijs omnibus in particulari. Prior autem pars, quam nunc explicandam suscipimus, in octo præcipuas partes distribui potest; in quarum *prima*, quæ quinque prioribus quæstionibus continetur, agit D. Thomas de *sine ultimo*, & de felicitate humanæ vitæ: quoniam finis in moralibus habet se vt principium in speculabilibus, & à fine sumenda est ratio eorum, quæ sunt ad finem. In *secunda*, quæ extenditur vique ad quæstionem vigesimam primam inclusiue, agit de *actibus humanis*, quales sunt illi qui mediata aut immediata procedunt à libero arbitrio: quoniam eis debet felicitas humana comparari. In *tertia*, quæ 27. quæstionibus sequentibus continetur, agit de *passionibus*, non solum in communi, sed etiam in particulari: quia ex eis multum pendent actiones nostræ, etiam illæ quibus tendimus in finem; & earum cognitio multum conducit ad noticiam materię moralis. In

quarta, hoc est à quæst. 49. vsque ad 54. agit de *principijs intrinsicis* humanorū actuum in generali, nēpe de *habituibus*. In *quinta* agit etiam de *principijs intrinsicis* eorundem actuum ceterum in speciali, hoc est de *habituibus virtutum*, idque à quæstione 55. vsque ad 70. inclusiue. In *sexta* agit 19. quæstionibus sequentibus de *habituibus vitiorum*, & de *peccatis*: quoniam hæc habent oppositionem cum virtutibus, & ad perfectionem doctrinæ pertinet, quod in ea tradatur etiam notitia oppositorum. In *septima*, à quæstion. 90. vsque ad 108. agit de *legibus*, quæ sunt regulæ humanorum actuum, & veluti principia quædam extrinseca ipsorum. In *ultima*, quæ à quæst. 109. extenditur vique in finem libri, agit de altero principio intrinseco, supernaturali tamen humanorum actuum, quod ipsis tribuit esse meritorium, nimirum de *Gratia*. Atque hæc sunt in summa, quæ in hac I. 2. continentur: quorum conexio & ordo, & ex dictis patet, & suis locis poterit latius explicari.

QVÆSTIO I.

De ultimo fine hominis.

METHODVS QVÆSTIONIS.

IN hac quæstione hunc ordinem seruat D. Thomas, vt tribus prioribus articulis disputet de fine humanarum actionum in communi, & prout abstrahit ab ultimo & non ultimo: in sequentibus verò de fine ultimo, etiam secundum communem rationem ultimi finis; non enim inquit in quo in particulari consistat ratio ultimi finis, vsque ad quatuor quæstiones sequentes, in quibus de fine ultimo hominis in particulari, hoc est de beatitudine, differit; & ita, iuxta doctrinam Aristotelis, ab vniuersalioribus ad minus vniuersalia progreditur.

ARTICVLVS I.

Vtrum homini conueniat agere propter finem?

CONCLUSIO EST: Omnes actiones humanae sunt propter finem; CIRCA QVAM EST

PRIMUM DVBIUM.

Quid intelligatur in ea per actiones humanas?

DE THOMAS in articulo dupliciter hoc explicat, scil. quid sit actionem aliquam esse humanam. Nam primo, inquit, proprie humanam esse illam, cuius homo est Dominus: & postea subdit esse illam, quæ ex voluntate deliberata procedit. Verum hæc duo solum differunt verbis, & non sensu; nam (vt bene aduertit CONRADVS hoc loco, & latius Vitoria in relectione de eo, ad quod tenetur veniens ad vsum rationis p. I. n. 6.) hominem esse dominum suarum operationum

non est aliud, quam habere liberum arbitrium; hoc est, facultatem consultandi & deliberandi quid agendum sit; & libertatem voluntatis ad eligendum aut relinquendum illud; quam D. THOMAS appellat voluntatem *deliberatam*, hoc est, præsupponentem deliberationem.

Probatur hoc imprimis *authoritate* ipsius D. THOMÆ, qui expressè hoc fatetur in hoc art. & sequenti; & præterea *ratione*: Quia hominem habere dominium suarum actionum, non est possidere illas tanquam suas, quoniam etiam sunt *sua*, operationes merè naturales, quales sunt illæ, quæ pertinent ad partem vegetatiuam, & tamen non dicitur illarum dominus; Neque est *habere ius*, ratione cuius liceat sibi eas exercere, quia tunc non diceretur homo dominus actionis prauæ; Neque etiam est, agere *sponte* & sine coactione, quoniam hoc etiam conuenit pueris & amentibus, qui tamen non habent dominium suarum actionum. Superest ergo quidd sit, habere supradictam facultatem voluntatis ad exercendum operationes,

aut omittendum eas.

§ 1. Argumenta contra sententiam D. Thomæ.

Sed contra hanc sententiam D. THOMÆ argumentor. PRIMò, quia, ut ipse docet in principio huius articuli, illæ actiones propriè dicuntur *humanae*, quæ sunt propriæ hominis in quantum est homo: sed multæ actiones sunt propriæ hominis in quantum est homo, quæ non procedunt ex voluntate deliberata; ergo non requiritur hoc, ut actio aliqua sit propriè humana. Probatur *minor*, nam *prima operatio intellectus*, quæ antecedit omnem actum voluntatis; & motus *primo primi*, qui reperiuntur etiam in voluntate; & *intusio ultimi finis*; & *visio atque amor Dei in beatis* sunt actiones propriæ hominis in quantum est homo: quia sunt ab ipso quatenus rationalis est, & non ratione aliorum graduum, in quibus convenit cum alijs rebus; Et tamen constat, quod nulla istarum actionum procedit ex voluntate deliberata, cum omnes sint necessariæ.

SECUNDò. Actiones quas amentes, & pueri antequàm perueniant ad usum rationis, exercent per intellectum & voluntatem, sunt propriæ hominis in quantum est homo, & ex consequenti sunt propriæ *humanae*; & tamen non procedunt ex voluntate *deliberata*, quia aliàs haberent rationem boni vel mali moralis, & ex consequenti, meriti aut demeriti, quod nemo concedet. Ergo ut aliqua actio sit propriè humana, non requiritur quod procedat ex deliberatione.

TERTIò. Omnis actio, quæ potest habere rationem culpæ, est actio propriè humana: sed potest aliqua actio habere rationem culpæ, quamvis non procedat ex voluntate deliberata; ergo non est necessarium, actionem procedere ex ea, ut sit propriè humana. Probatur *minor*, quia quando aliquis *potest deliberare*, & nihilominus operatur *sine deliberatione*, non excusatur à culpa, si operatio sit mala: & tamen tunc operatio non procedit ex deliberatione, quoniam nulla præcessit deliberatio; ergo bene potest aliqua actio habere rationem culpæ, quamvis non procedat ex voluntate deliberata.

§ 2. Stabilitur sententia D. Thomæ.

Sed his non obstantibus, sententia DIVI THOMÆ est vera pro, cuius explicatione & probatione,

ADVERTENDUM est PRIMò, in homine posse dici duo fundamenta, aut principia radicalia operandi: scilicet, *substantiam*, aut naturam ipsius absolute sumptam; & *modum* (qui peculiariter ipsi convenit) tendendi aut perueniendi in suum finem; non quòd iste *modus* sit aliqua natura, aut essentia distincta ab ipsa natura humana, aut non sit ipsi proportionatus & debitus: sed quia ratione eius natura humana pertinet ad ordinem agètiū moraliter, ad quem nulla ex naturis carentibus ratione potest pertingere; neque ipsamet, si præcisè consideretur quatenus *natura* quædam secludendo prædictum *modum*; & in isto ordine ille *modus* habet se quasi primum fundamentum operationum, quæ ad eum pertinent. Habet enim natura humana hoc commune cum naturis aliarum

A rerum, quod sit quædam natura, sicut ipsæ: & quia de ratione cuiuscunque naturæ perfectæ est, quod sit principium radicale suarum operationū, (quoniam *esse est propter operari*), idè hoc etiam debet ipsi convenire. Habet etiam hoc peculiare in quo excedit omnes irracionales, quòd sit ipsi debitus & proportionatus *modus* quidam consequendi suum finem, qui consistit in hoc, quod non consequatur eum per modum *perfectiōis naturalis* sibi congenitæ à natura: sed per modum *præmij bonorum* operum; & secundum hanc rationem debet etiam esse principium operationum, quæ sint aptæ & proportionatæ illi *modo* consequendi finem.

Ex hoc fundamento sequitur PRIMò, duplices operationes posse distinguere in homine, quæ sint propriæ ipsius, quatenus homo est, & quatenus differt à rebus ratione carentibus. Probatur, quia *primo* habet operationes, quarum principium est *natura* humana secundum ultimum gradum, quo in proprio esse constituitur, & ab alijs distinguitur, considerata tamen præcisè quatenus *natura* quædam est: & *præterea* habet alias, quarum principium est eadem natura, quatenus ipsi convenit peculiaris ille *modus* consequendi finem ultimum, quem suprà explicuimus. *Primi* generis sunt omnes operationes pertinentes ad gradum intellectuum, quales sunt illæ, quarum principia sunt intellectus & voluntas; & operationes etiam quæ pertinent ad alios gradus, scilicet ad vegetativum & sensitivum, quatenus in homine habent certum quendam *modum perfectiōis* propter coniunctionem illorum graduum cum intellectivo, quem non habent in alijs rebus, in quibus illi gradus sunt ab eo separati. *Secundi* autem generis sunt tantum illæ, quæ procedunt ex voluntate deliberata; hoc est ex libera facultate operandi aut non operandi, præcedente deliberatione rationis; siue huiusmodi operationes procedant à voluntate *immediatè*, quales sunt illæ, quæ ab ea *eliciuntur*; siue *mediatè*, quales sunt illæ, quæ *imperantur* à voluntate, & *eliciuntur* ab alijs potentijs. Cuius ratio est manifesta; quoniam omnes istæ actiones, & solæ, in homine sunt dignæ laude aut vituperio, & habent rationem meriti aut demeriti respectu retributionis, ut explicat D. THOMAS infrà q. 11. art. 2. & 3. Ergo etiam omnes & solæ istæ actiones sunt propriæ hominis, quatenus tendit ad consequutionem finis, qui habet rationem præmij: patet *consequentia*, quia præmium non confertur nisi propter merita, nec denegatur, nisi propter demerita.

Veruntamen *advertendum* est, quòd quamvis istæ posteriores actiones possint differre à prioribus in *entitate substantiali*, ut si vna sit elicitæ ab intellectu aut voluntate, & altera ab aliqua potentia materiali: tamen non est necessarium quòd ita distinguantur, sed satis est quòd differant in *modo* quo procedunt à suis principijs; quia priores procedunt cū *determinatione ad unum*, posteriores autè debent procedere cū *prædicta libertate & indifferetia*.

SECUNDò sequitur, quòd ex his actionibus solæ posteriores sunt dicendæ propriæ hominis in quantum est homo, loquendo in theologia, aut philosophia morali; Probatur, quia Theologus moralis solum considerat hominem, quatenus habet peculiarem illum modum tendendi in finem ultimum, quem suprà explicuimus: solum autem tendit per se loquendo actionibus posterioris ge-

neris,

neris, ut modo probauimus; ergo illæ solæ sunt dicendæ propriæ homini, in Theologia morali.

ULTIMO sequitur id, quod intendimus, nimirum verissimè dixisse D. THOMAM, illas solas actiones dici propriè humanas, quæ procedunt ex voluntate deliberata; probatur, quia D. THOMAS in hoc libro loquitur ut theologus moralis, & considerat hominem secundum eam rationem, quæ pertinet ad theologiā moralem.

§ 3. Soluitur 1. argumentum; Docetur an intentio finis ultimi, & amor consequens visionem beatificam sint actiones humanæ.

AD PRIMUM Respondetur, quod cum D. Thomas inquit, illas actiones dici propriè humanas, quæ sunt propriæ hominis in quantum est homo; particula *in quantum* non determinat *differentiam* specificam hominis præcisè sumptā, sed *modum* tendendi in ultimum finem, qui homini peculiariter conuenit. Et in hoc sensu neganda est *minor*. Et ad probationem dicendum est, actiones, quæ in ea referuntur, (excepta prima intentione finis ultimi) solū esse proprias hominis in quantum est homo, si particula *in quantum* sumatur priori modo.

Dixi autem *excepta prima intentione finis ultimi*, quoniam de hac est peculiaris ratio, propter quam possit dici propriè humana. Ea autem est, quia vel potest sumi ut ordinata ad alium finem, & sic manifestum est, quod est humana, & procedit ex deliberatione; aut ut habet rationem intentionis simpliciter, & sic aliqui dicunt quod est libera, scilicet quoad exercitium, & fundat rationem meriti, de quo disputabimus infra q. 9. ar. 4. Hoc autē posito, necessario dicendum est, quod sit propriè actio humana, siquidem deseruit homini ad consequendum suum finem per modum meriti.

Quod si *obiciat*, intentionem, quæ simpliciter est intentio, non posse procedere ex deliberatione, cum deliberatio supponat intentionē finis; Respondetur, hoc argumento solū probari, quod prima intentio nō procedat ex deliberatione, quæ requiritur ad electionem mediorum: non tamen quod non procedat ex deliberatione, quæ requiritur ad operandum bene vel male moraliter; Ad hanc enim sufficit facultas ad discernendum inter bonum & malum morale, quæ bene potest præcedere primā intentionem finis: & de ista deliberatione loquitur D. Thomas, cum inquit, actionem humanam esse eam, quæ procedit ex voluntate deliberata, ut explicabimus in solutionibus aliorum argumentorum.

SED HÆC solutio difficultatem habet, quantum attinet ad *amorem Dei in patria*; quoniam quod sit actio humana videtur probari hoc argumento. Procedit à voluntate humana cōcurrente modo quodam operandi sibi proprio, & quo distinguitur ab omni alio appetitu, scilicet naturali & animali: ergo est actio propriè humana. Antecedens patet, quia voluntas humana concurret ad illum actum, non quidem raptā ab obiecto, ut appetitus brutorum; neque ut præcisè determinata ab extrinseco, scilicet ab auctore suo, ut appetitus naturalis: sed ut determinās, & applicās seipsam ex vi perfectæ cognitionis bonitatis obiecti. Neque videtur posse negari, quod se determinet & applicet ad istum actum, quamuis concurrat ad illum necessariò: quoniam quod ita cōcurrat, prouenit ex perfecta cognitione & aduer-

sentia ad bonitatē obiecti; & quasi ad merita ipsius; postulat autē obiectum, ut si diligendū sit seruata proportionē ad exigentiā suæ bonitatis, diligatur necessario amore, non indifferenti ad utramque partem. Ex quo tale desumitur argumentū ad probandum, quod tunc sit determinata voluntas; Quando voluntas diligit libere aliquod particulare bonum, dicitur determinare seipsam, quia quiddā ita diligit, prouenit ex eo, quod per intellectū cognoscat, nō esse dignū perfectiori amore illud obiectum; Ergo etiā cum necessariò amat Deū in patria, dicitur determinare seipsam; Patet consequentia, quia necessitas huius actus prouenit ex eadem causa, ex qua prouenit libertas alterius: scilicet ex eo quod voluntas operatur præsupposita aduertentia rationis ad bonitatē obiecti, & ad hoc, quod est, obiectum illud dignū esse tē perfectō amore. *Prima etiā consequentia* probatur, quia operatio aliqua habet quod sit humana, ex eo quod procedat à voluntate humana: ergo ex eo quod procedat ab ea cōcurrente modo sibi maximè proprio, habebit quod sit propriè humana.

Confirmatur. Quia voluntati duplex modus operandi conuenit, *aliter cū necessitate*, & hoc fertur in summū bonū sibi perfectē propositum: & *aliter cū libertate* & indifferentia ad utramque partē, & isto diligit aliqua bona particularia; Sed non est minus proprius primus modus voluntatis, quā secundus: quia ita propriū est voluntatis tēdere necessariò in summū bonum ex aduertentia rationis, sicut feti liberè ex eadem aduertentia rationis in bona particularia; neque est magis perfectus in via, quā in patria. Ergo nulla ratio est propter quam actiones, ad quas voluntas concurret posteriori modo, dicantur magis propriæ voluntatis, & ex consequenti neque magis propriæ humanæ, quā illæ ad quas concurret priori modo.

HOC ARGUMENTO aliqui conuicti admittunt, actionē istam, de qua loquimur, esse propriè humanā: neque existimant hoc repugnare definitioni actionis humanæ suprà positæ ex mente D. Thomæ; quia dicunt hunc actū etiam procedere ex voluntate deliberata, quoniam procedit à voluntate ex vi aduertentiæ rationis ad exigentiā obiecti: & hominem habere eius dominiū, quia non concurret ad eum modo seruili, & quasi *subdatus* obiecto, & præcisè raptus ab eo; sed ut *dirigens* & applicans ad tendendum in obiectū toto conatu, & sine vlla indifferentia, ex vi prædictæ aduertentiæ. Quare distinguunt duplex dominiū in homine respectu suarū operationum, & *primum* dicunt consistere in *libertate* ad exercendū aut omittendū eas: *secundū* verò in modo illo; concurrendi, applicando & determinando se ad operandū ex vi cognitionis obiecti, & quasi cuiusdam pōderationis obiecti bonitatis; qui modus operandi non cōuenit brutis; quā quamuis mouētur præsupposita cognitione obiecti, non tamen ponderant quid exigit obiectum, sed ab eo proposito rapiuntur sua propria directione & applicatione, quasi ad modum seruorum. Et istud secundum dominiū dicunt isti conuenire homini, respectu actus de quo loquimur.

SED MIHI neque hæc sententia videtur vera, neque eius argumentū efficax. Et imprimis contrā eā sic argumentor. Cognitio illa, quam isti appellant *pōderatiuā* aut *apprehtiuiuā* bonitatis obiecti, est omnino necessaria; & sequela amoris eiusdē obiecti ex illa cognitione etiam est omninò necessaria.

ergo amor ille non potest dici propriè actio humana. Patet cōsequentia, quia nulla in eo reperitur libertas: ut verò suprà probauimus, nō dicitur in hac materia aliqua actio propriè humana, nisi aliquo modo procedat à voluntate liberè concurrente.

Confirmatur, quia nemo concedet visionē Dei, ut antecedit amorem, esse actionem propriè humanam: ergo neque de amore est concedendum; probō consequentiam, quia non minus caret libertate ille amor, quàm vilio.

Deinde, falsum est fundamentū, quo illi vtūtur, scilicet, quod ex ponderatione bonitatis obiecti proueniat, quod voluntas feratur in obiectū aliquod necessariò aut liberè: quoniā illa ponderatio necessariò includeret iudiciū dictans diligendū esse obiectū liberè aut necessariò, quod tamen videtur fictū, neque vnquā aliquis expertus est illud. *Et præterea*, quia vel præsupposita illa cognitione voluntas se determinat liberè, aut necessariò, v. g. ad actū, de quo loquimur, amoris Dei in patria. Si *primum*, ergo pollet non determinare seipsam, quod & in se falsum est, quia supposita visione Dei non potest voluntas continere seipsam ab eius amore; & *repugnat* cum eo quod dicitur, scilicet, amorem Dei esse necessarium; non enim potest esse simpliciter necessarius actus voluntatis, ad quē ipsa voluntas liberè se determinat. Si verò dicatur *secundum*, sequitur quod voluntas non se determinat ad modū agentis morālis: quod tamen erat necessarium, ut actio procedens ex illa determinatione diceretur in præsentī materia propriè humana. Imò sequitur quod voluntas simpliciter non se determinet; sed sit determinata ex natura sua: quia cognitio solū mouet voluntatem ut præsentans ei obiectum, ut docet D. THOMAS infrā q. 9. art. 1. ergo non potest ratione cognitionis determinari necessariò voluntas ad diligendum necessariò aliquod obiectū, nisi ipsa sit ex natura sua determinata: patet cōsequentia, quia sola præsentatio obiecti, nullā efficaciam habet in voluntatem.

Et ad argumentum Respondetur distinguendo antecedens si enim intelligatur de voluntate præcisè quatenus potentia quædā, considerata secundum suam *entitatē*, concedendū est; quia sicut distinguitur specie ab omni alio appetitu, ita habet propriū modum tendendi in suum obiectū, ceterum in hoc sensu est omnino extra rem. Si tamen intelligatur de voluntate quatenus est *principium proximi operandi ad consequendum finem habentem rationem præmij*, falsum est: quia non deseruit ad hoc naturę humanę, nisi in quantum libera est, ut suprà diximus; & in hoc sensu deberet esse verum illud *antecedens*, ut ex eo posset colligi *consequens* intentum, ut satis constat ex dictis.

Neque obstat *probatio* huius antecedentis, nam imprimis ex ea constat, non esse sufficientē ad probandū antecedens in secundō sensu, cum statim in eius initio supponatur, voluntatē non concurrere liberè ad illū actum. Et præterea falsum est præcipuū eius fundamentū, scil. voluntatē determinare seipsam ad illum actum ex vi cognitionis bonitatis obiecti, ut paulō superius probauimus. Et ad argumentum quod hoc probatur, respondetur, quod quamuis voluntas se determinet ad diligendū bonum particulare, nō sequitur quod etiam se determinet ad diligendum Deum clarē visum: & ratio discriminis est, quod respectu primi obiecti, nō est

determinata ex sua natura, sed indifferens, respectu verò secundi determinata est.

Ad confirmationem concessa *maiori* distinguenda est *minor*: est enim vera si intelligatur de voluntate absolutè considerata, quatenus est *potentia quædam natura* humanę; Falsa verò si intelligatur de ea, quatenus est *principium operandi moraliter* in ordine ad præmiū, quoniā voluntatis itā cōsideratę magis propriū est operari liberè quàm necessariò, cū solū operationibus liberis possit obtineri præmiū.

§ 4. Soluitur 2. & 3. argumentum; Quare actiones amentium & infantium nequeant esse meritorie?

AD SECUNDVM argumentum principale facile posset responderi, sicut ad primū: quia etiā operationes illę *puerorū* antequā perueniant ad vsū rationis; & *amentium*, quāuis exerceantur per intellectum & voluntatem, sunt inutiles ad consequendum finē habentem rationem præmij: & ideo non sunt proprię hominis secundum eam rationē, quia de eo agitur in theologia morali, hoc est, quatenus potest tendere in prædictū finem.

SED DIFFICULTAS est de radice ex qua proueniat, quod *istorū* operationes non possint esse meritorie præmij, ac proinde neq; proprię humanę in sensu quo hic loquimur de actionibus humanis. Ad quā cōmuniter solet responderi, causam esse, quod isti non habeant liberam facultatē ad operandum & non operandū: sed ita se habeant ut bruta, quę habita notitia obiecti, & concurrentibus quibusdam circumstantiis, non possunt non agere; & illis deficientibus, non possunt agere.

Sed tamen hoc non placet omnibus. Nā VICTORIA 1. p. relectionis citat, in principio huius dubitationis num. 5. affirmat, in potestate istorum esse, exercere aut non exercere operationes, non solū eas, quę immediatē eliciuntur à voluntate, sed etiā eas, quę imperantur ab ea.

Et ideo quicquid sit de hoc, de quo disputabimus alio loco, respondetur aliter, actiones illas non posse habere rationem meriti aut demeriti, quia saltem non sunt perfectē liberę: ad perfectam enim libertatem requiritur, præter facultatem ad operandum & non operandum, *sufficiens lumen* ex parte intellectus ad consultandum & deliberandum de agēdis, & ad discernendum inter bonū & malum morale. Cum enim radix libertatis sit in intellectu iudicante de agēdis aut vitandis; non potest in aliquo esse perfecta libertas, nisi etiam sit in eo tantum lumen ex parte intellectus, quantum requiritur ad deliberandum, & ad discernendum inter bonum & malū morale; Hoc autem lumen deest pueris ante perfectum vsū rationis, & *amentibus*, quia patiuntur impedimentum aliquod ex parte virium sensitiuarum. *Pueri* enim propter nimiam humiditatem; & *amentes* propter nimiam siccitatem, aut læsionem alicuius organi, nō habent perfectū vsū rationis. Et ex hoc cōstat quare istorū actiones nō sint proprię humanę; sicut enim non possunt habere rationem meriti aut demeriti: itā neque possunt deseruire ad consequendum finem habentem rationem præmij.

Neque obstat, quod D. TH. dicat illas actiones esse proprię humanas, quę procedunt ex voluntate deliberata, aut quarum homo habet dominium; Nam per voluntatem deliberatam, intelligit voluntatem cum prædicto lumine & facultate ex parte intel-

intel-

intellectus ad iudicandum de agendis aut vitandis; & nomine *domini* nō intelligit qualēcūque libertatem, & potestatem operādi & nō operādi, sed perfectam, qualis est illa, quæ à nobis est explicata.

Ad ultimum respondetur *aduertendo* ex *CONRADO* hoc loco, voluntatem duobus modis esse posse deliberatā; scil. *expresse & formaliter* aut *interpretatiue & virtualiter*. *Expresse & formaliter* dicitur deliberata, quando præsupponit deliberationem formalem, quæ est *actuale iudicium intellectus* de re agenda aut vitanda, cum sufficienti lumine ad discernendum inter bonum & malū morale. *Interpretatiue* verò dicitur voluntas deliberata, quando ita operatur, vt quamuis non præcesserit formalis deliberatio, præcessit tamen interpretatiua: quæ est *facultas cum tempore sufficienti ad deliberandum*. Et vtroque modo sumitur voluntas deliberata in definitione actionis humanæ. Itaq; sufficiat quod præcedat quæcūque deliberatio, siue formalis, siue interpretatiua, vt actio subsequuta dicatur procedere ex voluntate deliberata, & ex consequenti propriè humana. Quo posito, ad argumentum in forma concessa *maiori* neganda est *minor*, & ad probationē dicendum est, quod in eo casu aliqua deliberatio præcedit actionem, non quidem formalis, sed interpretatiua, & hoc satis est vt dicatur propriè humana.

DVBIVM SECVNDVM.

V. omnes & sola actiones humanae sunt propter finem?

Circa eandem conclusionem est. **SECVNDVM** Dubium. *V. omnes & sola actiones humanae sunt propter finem.*

§ 1. Pars negativa probatur

Primò quia *intentio finis* est actio humana, vt diximus dubio præcedenti, & tamen non est propter finem: ergo non omnis actio humana est propter finem. Probat *minor*, quia vt aliquod agens operetur propter finem, necessarium est præsupponi intentionem finis; operari enim propter finem, est operari propter finem intentum aut volitum: Sed ipsa intentio finis non potest præsupponere intentionem finis, ergo neque est propter finem.

Confirmatur primo, quia si intentio finis debet esse propter finem, sequitur quod detur processus in infinitum, cum ad vnamquamque sit necessarium præsupponere aliam, propter rationem assignatā.

Confirmatur secundo, quia ita se habet finis in agibilibus sicut principium in speculabilibus: ac proinde *velle propter finem* ita se habet in agibilibus, sicut in speculabilibus *assentiri* propter principia; sed in speculabilibus non assentimur primis principiis propter principia; ergo neque in agibilibus volumus finem propter finem.

Secundo potest aliqua operatio humana habere rationem ultimi finis: sed inuoluit repugnantiam quod illa actio exerceatur propter finem; ergo non omnis actio humana est propter finem.

Minor patet, quia si illa actio exerceretur propter finem, haberet finem etiam in intentione operantis, & ex consequenti ipsa non haberet rationem ultimi finis. *Maiores* etiam probatur, quia si quis liberè velit cytharizationem non ordinando eam in

A alium finem, tunc cytharizatio & est actio humana, saltem vt imperata; & habet rationem ultimi finis, respectu volentis eam, quia est ab eo volita vt finis non ordinatus ad alium finem.

TERTIO. Operationes quas beatus liberè exercet, postquam obtinet beatitudinem, sunt verè humanæ, vt constat ex præcedenti disputatione; & tamen non sunt propter finem, cum agere propter finem sit operari ad consequendum finem intentum, beatus verò iam obtinuerit suum finem: atque proinde non possit velle eum consequi suis operationibus.

QVARTO probò, quod in homine non solæ operationes humanæ sunt propter finem. Quia operationes partis *vegetatiuæ*, quæ nullo modo pendēt ex libertate hominis; & operationes partis *sensitiuæ* quæ exercentur sine concursu voluntatis; imò & operationes partis *intellectiue*, quæ præsupponuntur ad vsum libertatis, non sunt propriè actiones humanæ: & tamen sunt propter finem; ergo non solæ actiones humanæ sunt propter finem. Probat *minor*, quia omnes suo modo adiuuant homines ad consequendum suum finem: operationibus enim partis vegetatiuæ conseruatur & confirmatur corpus, quod deseruit homini ad exercendum plures actiones meritorias; Operationes etiam partis sensitiuæ, si pertineant ad *sensus*, deseruiunt operationibus intellectus: si vero pertineant ad *appetitum*, deseruiunt operationibus voluntatis, quia sæpe disponunt hominem ad rectè operandum. Et tandem operationes intellectus adiuuant proponendo voluntati suum obiectum, & sunt fundamentum & radix libertatis.

VLTIMO argumentor contrā rationem; quæ **D. THOMAS** probat hanc suam sententiam; quia & in ea supponitur vt certum, aliquid falsum; & præterea ipsa videtur inefficax.

Nam imprimis, supponitur in ea hoc antecedens, *obiectum voluntatis est finis & bonum*; quod tamen esse falsum, probatur tripliciter. *Primo* quia vnus potentia vnicum tantum est obiectum formale: sed finis & bonum non sunt idem formaliter; ergo neque sunt obiectum voluntatis. *Secundo* obiectum vnus potentia non est commune alijs: sed omnis appetitus, siue sensitiuus, siue naturalis fertur in bonum, iuxta illud Aristotelis 1. Eth. cap. 1. *Bonum est quod omnia appetunt*; ergo bonum non est obiectum voluntatis. *Tertio* obiectum debet esse adæquatum potentia, ita vt potentia non feratur in aliquid, quod sit extrā latitudinem ipsius: At voluntas non solum appetit finem, sed etiam media; & per *volitionem* versatur circa malū sub ratione mali, & circa id quod contrariatur finis; vt, nolumus ea, quæ non possunt simul esse cum fine, quem appetimus; aut quæ nobis impediunt eius consequutionem; Ergo finis & bonum non sunt obiectum voluntatis.

C Et præterea ex illo antecedenti supposito colligit **D. THOMAS** hanc conclusionem, *ergo omnes actiones humanæ sunt propter finem*; & tamen videtur solum posse colligi, quod sint finis, aut quod tendant in finem; sicut ex eo quod obiectum visus sit color, solum sequitur, quod omnis actus videndi sit coloris, aut tendat in colorē: non tamē quod sit propter colorē; & sicut ex eo quod voluntas habeat idē obiectū, quatenus ab ea eliciuntur aliqui actus necessarii, non sequitur quod huiusmodi actus sint

propter finem; sed ut plurimum, quod tendant in obiectum voluntatis, scilicet finem & bonum.

§ 2. Sensus dubij propositi.

IN hac dubitatione potest esse difficultas & de *re ipsa* & de *sensu* D. Thomæ, & de utroque peculiaribus conclusionibus statuemus. Prius tamen **ADVERTENDUM** est, quod agere propter finem, est operari præsupposita motione finis, ita quod agens motum a fine aliquid operetur propter ipsum, aut gratia ipsius: quoniam cum particula *propter* importet causalitatem finis, & finis, siue causa finalis (ut docet Aristoteles 2. Phys.) sit id cuius gratia aliquid fit: causalitas eius consistet in hoc, quod *moueat agens ad efficiendum aliquid gratia ipsius*. Dupliciter autem potest finis mouere ipsum agens, scilicet. Aut *medio desiderio* & appetitu sui: ut cum ex eo quod volumus finem aliquem mouemur ad apponendum media, quibus eum consequamur; Aut *solum media cognitione* suæ bonitatis & perfectionis, nam bonitas alicuius rei cognita potest allicere & attrahere ad sui amorem: ut cum quis ex cognitione bonitatis & convenientiæ, quæ habet sanitas in ordine ad ipsius naturam, mouetur ad desiderandum eam. Et ita dupliciter etiam sumitur, agere propter finem, scilicet. *strictè*, pro eo quod est agere propter finem appetitum & desiderium sui ipsius; Aut *magis late* pro eo, quod est, agere propter finem mouentem solum media cognitione suæ bonitatis aut convenientiæ, & non præsupposito aliquo desiderio, aut amore sui ipsius. Quæ distinctio aliter solet ab alijs explicari. Dicunt enim quod cum particula illa *propter* importet rationem aliquid diligendi aut operandi, dupliciter sumi potest, scilicet. aut prout significat *rationem extrinsecam obiecto*, & non existentem in ipso, ut cum dicimus quod aliquis propter sanitatem sumit cibos, aut vitur medicamentis: tota enim ratio hoc efficiendi, est sanitas formalis, quæ extrinseca est cibis & medicamentis; Aut prout importat *rationem intrinsecam obiecto*, & existentem in eo, sicut convenientia, quæ habet sanitas ad salutem nostram, est in ea, & est ratio propter quam desideramus ipsam sanitatem.

§ 3. Resolutio quæstionis.

SIT PRIMA CONCLUSIO. *Absolutè, cõcedendum est, conuenire homini agere propter finem.* Hæc est certa secundum fidem probatur psal. 118. *Inclinamini cor meum ad faciendas iustificationes tuas in æternum propter retributionem.* Ad Heb. 11. *Iuxta fidem defuncti sunt omnes isti, non acceptis repromissionibus, sed à longè eas aspicientes & saluantes,* id est: Cum non acciperent promissa, sed fide viderent, seu crederet, & præ desiderio consalutarent. 1. Petri 1. *Reportantes finem fidei vestra salutem animarum vestrarum.* Etc. 2. *Subditi estote omni humane creature propter Deum.* Tandem quia alijs nullus esset locus promissionibus & minis, quibus Deus in scriptura vult aut inducere homines ad benefaciendum, aut detertere à malefaciendo.

Est etiam *euidens* in lumine naturali: Quoniam euidens est hominem habere liberum arbitrium, & cognoscere finem in ratione finis, & proportionem mediorum ad ipsum: Ergo etiam est euidens, quod potest operari propter finem eligendo media convenientia ad consequendum ipsum. Et ita Arist. 1. Eth. c. 2. ut euidens, & ut fundamentum totius philosophiæ moralis supponit, hominem agere prop-

ter finem, cum inquit, *omnem artem, doctrinam, actionem, consilium siue propositum, appetere bonum aliquod.* Neque mirum est quod Aristoteles non probauerit propositionem.

SECUNDA CONCLUSIO. *Omnes actiones hominis, quæ sunt propriæ humanæ in sensu explicato præcedenti dubitatione, sunt propter finem, non quidem necessariò strictè, sed aut strictè, aut late.*

PRIMA pars probatur; Quia omnes illæ actiones sunt meritoria aut demeritoria alicuius præmij, & sunt dignæ laude aut vituperio: ergo sunt propter finem aliquem. Patet *consequentia* quia quævis omnibus actibus creaturarum conueniat suo modo esse propter finem: tamen hæc, quæ diximus, nõ conueniunt nisi illis, qui sunt propter finem ex directione ipsius agentis, quod in hac materia morali est esse propter finem propriè, ut dicemus art. seq.

Deinde probatur inductione. Quia vel actiones quæ sunt propriæ humanæ versantur circa media, vel circa finem: si *primum*, necessarium est quod sint propter finem *strictè*, tum quia debet procedere ex deliberatione, quæ præsupponit intentionem finis, tum etiam quia tota ratio eligendi media, est volitio finis, & convenientia ipsorum in ordine ad finem. Si *secundum*, erunt propter finem *late*, quod sic probabo. Illi actus procedunt ab homine moto à fine media cognitione suæ bonitatis: ergo sunt propter finem *late*; Cõsequentia patet ex fundamento supraposito, & *antecedens* probatur, quia voluntas non potest ferri in aliquod obiectum nisi ratione suæ bonitatis cognita: sed bonitas obiecti non est ratio propter quam ipsum obiectum diligatur, nisi alliciendo & attrahendo ad sui amorem, quod est mouere per modum causæ finalis: ergo neque possumus diligere voluntate aliquod obiectum ut finem, nisi prius moueamur ab eius bonitate media cognitione.

Ultimo probatur ratione D. Thomæ, quæ est fundamentum potissimum huius veritatis, & potest ad hanc formam reuocari. Obiectum voluntatis est finis, ut finis est, in actu exercito; hoc est, prout exercet suam causalitatem: ergo cum omnes actiones humanæ procedant ex voluntate, omnes erunt propter finem. Probatur *consequentia*: quia omnes actiones alicuius potentiæ, procedunt ab ea secundum rationem sui obiecti, id est, ut postulat ratio formalis sui obiecti: sed ratio formalis finis in actu exercito consistit in hoc, quod eius gratia, aut propter ipsum aliquid fiat; ergo omnes actiones humanæ, siquid est procedunt ex voluntate, debent esse propter finem.

Quod verò non possit hoc argumento probari, id est esse dicendum de actionibus voluntatis necessarijs, explicabimus in solutione ultimi argumenti.

SECUNDA etiam pars probatur: quia volitio finis potest esse actio humana, & tamen non potest esse propter finem *strictè*, quia aliàs deberet præsupponere intentionem alterius finis, & ex consequenti ipsa non esset propriè volitio finis, sed electio medij, quod certum est repugnare suppositioni factæ. Et potest ista repugnancia apertius ostendi, in actu, quo volumus finem ultimum; quoniam fini ultimo repugnat esse volitum propter alium finem; aliàs ipse nõ esset ultimus. Non est ergo necessarium quod omnis actio humana sit propter finem *strictè*, sed satis est quod sit propter finem *strictè*, aut *late*, iuxta sensum in notabili explicatum.

Neque obstat quod ad appetendum finem, etiam ultimum, possumus moueri ex desiderio suæ gloriæ, aut

nostra

nostræ perfectionis: quia tunc in rigore non volumus proximè ipsum finem, sed actum appetendi ipsum; & hunc actum ordinamus aut in honorem Dei, aut ad nostram perfectionem, quatenus actu operando perficimur; & ita in illo casu potius dicemus, eligere medium, quàm velle finem.

Neque rursus obstat, quod ex desiderio summi boni nostri in vniuersali possimus moueri ad appetendum visionem Dei, in qua scimus consistere nostrum bonum; Quoniam in isto casu non deligimus vnum in ordine ad alterum, hoc est visionem in ordine ad summum bonum; sed applicamus rationem vniuersalem finis ad particularem: & ita in rigore non mouemur ad appetendum visionem Dei ex intentione alterius finis; sed id, quod prius appetebamus in confuso, & in vniuersali appetimus in particulari: quia incipimus cognoscere ipsum in particulari, & ex consequenti solum incipimus appetere, moti à bonitate obiecti perfectius cognita.

TERTIA CONCLUSIO. Quauis præcedens conclusio possit defendi vniuersaliter quoad omnes actiones humanas, tam elicitas quàm imperatas: tamen ad veritatem sententiæ D. THOMÆ, & sensus quem potissimum intendit in sua conclusione, non est hoc necessarium; sed in *imperatis*, quando habent rationem ultimi finis, satis est quod intelligatur quoad actum voluntatis quo imperantur, & quo habent quod sint humanæ. Hanc conclusionem statuo vt explicem sententiam D. THOMÆ. Pro quo *Aduertendum*, quod duplices sunt operationes humanæ, quædam *elicite* à voluntate, & aliæ *imperate*, vt dixi præcedenti dubitatione; Et de prioribus certum est, omnes debere esse propter finem: de posterioribus verò est nonnulla difficultas, quæ vt intelligatur,

SYPPONENDUM est, aliquas ex his operationibus imperatis à nostra voluntate, posse habere interdum rationem ultimi finis, etiam sumendo finem pro re, quæ est finis: vt cum neque ordinantur ab exercente eas in alium finem, neque ipsæ habent pro fine terminum à seipsis distinctum; Sicut cum quis vult actionem contemplandi aut cytharizandi, non ordinando eam in alium finem. Nam quamuis cum intelligimus producat verbum, tamen verbum non est finis intellectiōis, sed potius ordinatur ad eam, vt in materia de verbo mentis solet explicari.

Hoc autem posito, consequenter videtur dicendum, quod huiusmodi actiones non sint propter finem: quoniam cum quæuis earum sit finis ultimus, vt res quæ est finis, non poterit esse propter finem; Quia neque propter alium finem distinctum, aliàs ipsa non esset finis ultimus; neque propter seipsam, quoniam cum finis sit causa eorum quæ sunt ad finem, sequeretur quod id esset causa sui ipsius, quod repugnat, & in nullo genere causarum solet admitti.

Hanc difficultatem proponit D. THOMAS in secundo argumento huius articuli: & quamuis in eius solutione aliqua dicat, quæ postea sunt examinanda, in summa tamen respondet his verbis: *Ibi*, hoc est, in casu posito, *aliqua actio hominis, ad minus, ipsum velle, est propter finem; quicquid ergo homo faciat, verum est discernere, quod homo agat propter finem, etiam agendo actionem, quæ est ultimus finis.* Quibus verbis nihil apertius dici potest in confirmationem nostræ conclusionis. Fatetur enim D. THOMAS, non esse necessariū omnes & singulas actiones hu-

manas esse propter finem: quoniam illæ quæ habent rationem ultimi finis non sunt propter finem; sed satis esse, quod etiam in ijs exercendis homo operetur propter finem, saltē quoad actum elicitem voluntatis, quo actiones illæ imperantur, & à quo habent quod sint humanæ. Præmiserat enim, quod si aliqua actio humana habeat rationem ultimi finis, illa non potest esse elicita à voluntate, sed solū imperata. Et verè hoc satis est ad institutum Diui THOMÆ: quoniam in titulo articuli non inquit, vtum omnes actiones humanæ sint propter finem, sed vtum homini conueniat agere propter finem: quomodo autem defendi possit, etiā istas actiones esse propter finem, dicam in solutione secundi.

ULTIMA CONCLUSIO. *Actiones quæ in homine non sunt propriè humanae, siue pertineant ad partem vegetatiuam, siue ad sensitiuam, siue etiam intellectiuam, non sunt propter finem.* Hæc colligitur apertè ex D. THOMA in solutione ad 3. vbi docet, actiones, quæ in nobis non procedunt ex deliberatione quales sæpe sunt, fricatio barbæ, & motus manuum aut pedum, non esse propriè humanas, & idèò neque propter finem. Et idem docet 3. con. gent. c. 2. Et probatur ratione ex ipso desumpta, quia illæ actiones non sunt propter finem ex directione ipsius hominis, sed ex directione auctoris naturæ: ergo in materia morali non sunt propter finem. Patet consequentia, quia propter hanc rationem dicemus art. seq. actiones brutorum, & omnium rerum ratione carentium non esse propter finem.

§ 4. Soluuntur obiectiones initio adductæ; vbi 1.

An intentio finis sit actio propter finem:

AD PRIMUM cum suis confirmationibus. Resp. solū probare quod intentio finis non sit propter finem *strictè*; vt ita vt particula *propter* importet rationem volendi, quæ sit extrinseca ipsi fini: non tamen quod non sit propter finem *late*, aut sumendo particulam *propter*, vt importat rationem volendi intrinsecam obiecto. Et in hoc sensu etiam concedi potest, quod assentimur principiis propter principia, hoc est, propter veritatem eorundem principiorum notæ ex connexionem terminorū tanquā propter rationem formalem obiecti assentiendi.

Sed obijciens, quia finis non habet rationem finis nisi respectu mediorū: At neque finis neque volitio finis habet rationem medij, si cōparentur ad bonitatem eiusdem finis; ergo velle finem propter suam bonitatem, non est velle propter finem. Probat *minor*, quia imprimis finis non est medium respectu suæ bonitatis, non enim ordinatur ad eam; & ex hoc sequitur quod neque volitio eiusdem finis sit medium, quia actus specificantur à suis obiectis, Ergo actus voluntatis, cuius obiectum non est medium, non potest esse medium.

Respondetur negando maiorem: quia finis non solū exercet rationem finis in ordine ad media, quæ propter ipsum appetuntur: sed etiam in ordine ad actionem voluntatis, quæ ipse appetitur; Cuius ratio est, quia voluntas appetit finem propter bonitatem, aut conuenientiam, quam iudicat intellectus esse in eo: & ex consequenti homo dirigit actum, quo vult finem, in ipsum finem propter suam bonitatem: atque proinde finis vt terminat istum actum, habet rationem finis, quia ratio finis consistit in hoc, quod *eius gratia aliquid fiat*. Itaque finis habet rationem finis & respectu actus

quo appetitur, & respectum mediorum quæ ad ipsum diriguntur mediante actu voluntatis: & prius respectu illius actus, sicut prius est velle finem, quàm dirigere media in ipsum, imò & quàm cogitare de medijs.

§. 1. An actio, qua habet rationem ultimi finis, possit esse propter finem?

AD 2. diximus in explicatione tertie conclusionis quomodo respondeat D. Thomas in solutione secundi. Sed ut nos defendamus nostram secundam conclusionem vniuersaliter intellectam de omnibus actionibus humanis, sicut in principio tertie diximus fieri posse: necesse est aliter respondere; quod ut efficiamus,

SUPPONENDUM est, actionem illam, quam supposuimus in argumento habere rationem ultimi finis, duobus modis considerari posse; scilicet, *ut subordinatur* actui voluntatis, quo imperatur, *aut secundum se* præcisè sumptam. Si *priori modo* sumatur, est actio propriè humana; si tamen sumatur *posteriori modo*, non est actio humana, sed habet rationem obiecti, non solum respectu actus, voluntatis; sed etiam respectu sui ipsius, quatenus ei coniungitur & est actio humana. Habet enim ita considerata bonitatem aliquam, siue artificialem, siue alterius generis, secundum quam sicut obijciatur actui voluntatis, ita necesse est quod obijciatur sibi ipsi, ut ei subordinatur; quia impossibile est quod actus voluntatis respiciat aliquod obiectum, & quod actus ab eo imperatus non participet ordinem ad idem obiectum; ad eum modum quo actiones inferiorum artificum, quatenus procedunt ex directione superioris, respiciunt obiectum ipsius. Quod verò eadem actio considerata secundum se, possit esse obiectum sui ipsius quatenus subordinatur imperio voluntatis, potest explicari optimo exemplo: nam actio externa v. g. dandi elemosynam, habet suam bonitatem moralem obiectiuam, secundum quam est obiectum, non solum actus voluntatis, sed etiam sui ipsius, quatenus ei subordinatur, quoniam ut ita subordinata participat bonitatem moralem formalem siue intrinseca denominatione, siue solum extrinseca, (de quo dicemus suo loco in q. 18.) Impossibile autem est quod participet bonitatem formalem, quæ consistit in ordine ad obiectiuam, quin etiam participet ordinem ad eandem sicut ad obiectum.

HOC SUPPOSITO, ad argumentum in forma, nego minorem; & ad probationem dicendum est, quod illa actio secundum diuersam rationem est finis ultimus, & exercetur propter finem. Est enim *finis ultimus* sumpta secundum se præcisè, & prout habet rationem obiecti; exercetur autem *propter finem* quatenus subordinatur imperio voluntatis, & habet rationem actionis humanæ.

ET SI OBIICIAS id quod proposuimus in fauorem tertie conclusionis, scilicet, non posse hanc actionem exerceri propter finem, qui sit ab ea distinctus, quoniam ipsa non erit finis ultimus, neque propter finem qui sit ipsamet, quoniam erit causa sui ipsius; & ex consequenti non posse exerceri propter finem;

Respondetur, quod ea ratione, qua est actus humana, potest exerceri propter seipsam, ut ei obiectum: neque est inconueniens quod idem secundum diuersas rationes sit causa sui ipsius sicut in exemplo proposito, actio exterior quatenus est bona bonitate obiectiuam, est causa sui ipsius quatenus participat, formalem, quia bonitas obiecti est causa bonitatis formalis, quæ conuenit actui.

SED OBIICIENS rursum, quando volumus aut appetimus Deum tanquam finem ultimum quamuis actus appetendi sit propter finem, tamen ipse Deus non est propter finem, quoniam est finis ultimus; Ergo similiter cum quis vult actum cytharizandi tanquam finem ultimum, quamuis volitio sit propter finem, scilicet propter cytharizationem; tamen ipsa cytharizatio non erit propter finem, quia etiam est finis ultimus.

Respondetur concedendo antecedens & negando consequentiam: & ratio discriminis est, quod in Deo non possunt distinguì duæ illæ rationes obiecti & actionis, sicut distinguuntur in actione imperata à voluntate.

§. 3. An actiones beatorum possint esse propter finem?

AD 3. concessa maiori neganda est minor; & ad probationem etiam negandum est, quod agere propter finem sit operari ad consequendum finem, si loquamur de eo in quo formaliter & per se consistit iste modus operandi, agere enim propter finem *formaliter* loquendo, est operari gratia finis & propter eius bonitatem ex propria directione; ad hoc autem per accidens & materialiter se habet, quod quis nondum est adeptus finem, & velit operari propter eius consequutionem; aut quod iam obtinuerit eum; & ita in utroque casu potuit operari, propter finem: in priori quidem propter bonitatem, quæ reperitur in eius consequutione, quod est operari propter consequutionem finis: In posteriori vero, aut propter bonitatem ut iam à se obtentam, sicut cum gaudet quis de obtenta salute, aut fruitur ea; aut propter bonitatem absolute sumptam, ut amando finem, aut aliquid efficiendo gratia finis, & propter eam; & hoc posteriori modo potest beatus operari propter finem iam adeptum: quia potest exercere liberè plures actus propter Deum quem amat, & propter eius bonitatem.

Ad 4. Respondetur solum probare, illos actus ordinari etiam ad illum finem ex directione auctoris naturæ.

§. 4. Quomodo finis & bonum sit obiectum voluntatis?

AD **ULTIMUM** Respondetur, falsa esse illa duo quæ obijciuntur contra rationem Diui Thomæ. Et ad primum argumentum eorum, quibus probatur primum illorum, Quidam concessa maiori negant minorem. Dicunt enim quod bonum & finis non solum sunt idem realiter, sed etiam secundum rationem formalem;

quam

quam sententiam videtur sequi Medina hoc loco. Sed mihi non placet, quia *ratio formalis boni* consistit in *habitudine convenientiæ*: ratio vero *formalis finis* in *habitudine ad ea quæ sunt gratia ipsius*; At istæ habitudines sunt distinctæ, quoniam habent distinctos terminos. Ergo ratio boni est distincta à ratione finis. Probatur maior quoad *priorem partem*, quia in tantum res aliqua est bona alicui, in quantum est ipsi *conueniens*, & ideo est bona respectu unius, & mala respectu alterius, quia uni congruit, & alteri non congruit. Atque ita D. Thomas 2. contra gentil. c. 3. in principio inquit, id, quod est alicui *conueniens* esse ipsi *bonum*. Et quoad *posteriorem partem* probatur *eandem* maior, quia finis (vt docet Aristot. 5. Metaphy. & 1. Phys.) est *cuius gratia aliquid fit*.

Dices, maiorem, quoad secundam partem, solum esse veram de fine, quatenus exercet suam causalitatem, & actu finalizat: non tamen quatenus est principium huius exercitij, quoniam hoc modo solum importat id quod potest finalizare & mouere ad hoc vt eius gratia aliquid fiat, atque hoc est ipsa ratio boni.

Sed contra. Eundem terminum respiciunt principium alicuius exercitij, & ipsum exercitum. Sed ratio finis, quatenus actu finalizat, consistit in hoc, quod eius gratia aliquid fiat actu, vt isti fatentur. Ergo ratio finis in potencia, siue quatenus est principium finalizandi, consistit in hoc, quod eius gratia possit fieri aliquid: & ex consequenti importabit habitudinem ad id, quod potest fieri gratia eius; quæ habitudo distincta est ab habitudine convenientiæ, quam formaliter importat bonum.

Confirmatur, quia reliquæ causæ eundem terminum respiciunt vt principia suarum causalitatum & secundum suas causalitates, vt, materia non solum vt actu materializans, sed etiam vt principium materializandi respicit formam; & forma siue vt actu informans, siue vt principium informandi, respicit effectum; Ergo similiter finis, tam prout actu finalizat, quam prout potest finalizare, respicit id quod fit gratia ipsius, aut saltem fieri potest.

Præterea illa sententia est contra D. THOMAM, qui 1. p. q. 5. art. 4. ex eo probat, bonum habere rationem finis, quia bonum est appetibile, iuxta illud, *bonum est quod omnia appetunt*; & appetibile habet rationem finis. Ex quo sic arguuntur. Bonum non est secundum suam intrinsecam rationem appetibile formaliter, sed solum fundamentaliter, vt CAIETANVS probat super articulum 1. eiusdem quæstionis. Ergo etiam solum habet rationem finis fundamentaliter; quod ita fatentur CAIETANVS super illum art. 4. & FERRARIENSIS 1. contragent. c. 17.

QUARE ALITER RESPONDETUR, concedendo maiorem, si intelligatur de obiecto in genere obiecti, & negando minorem intellectam de distinctione inter bonum & finem in eodem genere; Nam quamuis distinguantur formaliter in genere rei, vt hætenus probaui: possunt constituere unum obiectum formale voluntatis, quod sit unum in genere obiecti, quia non pertinent ad hoc obiectum vt omnino distincta, & nullum habentia ordinem inter se; sed quatenus unum, scilicet Bonum, determinatur per alterum,

scilicet per Finem; ita quod bonum non est obiectum voluntatis, nisi quatenus habet rationem finis, non quidem in actu signato, sed in exercitio, hoc est prout exercet rationem finis, ita enim sumitur finis à D. Thoma hoc loco, vt aduenterunt CAIETANVS in solutione primi dubij, & CONRADVS in explicatione horum verborum. Vt autem hoc intelligatur,

ADVERTA, quod sicut Bonum est obiectum cuiuscunque appetitus, (bonum enim est quod omnia appetunt) ita etiam est obiectum voluntatis, quæ est quidam appetitus. Cæterum hoc differt voluntas ab omni alio appetitu, siue naturali, siue sensitui: quod illi tendant in sua bona absoluta; voluntas vero feratur in bonum, quatenus exercet causalitatem finis. Et potest facile probari hoc ita esse, quia voluntas non fertur in aliquod obiectum appetendo illud, nisi quatenus intellectus ipsum apprehendit vt dignum quod appetatur propter suam bonitatem aut conuenientiam: Ergo cum appetit obiectum, ordinat actum appetendi in ipsum propter eius bonitatem: Ergo ipse actus appetendi terminatur ad obiectum quatenus exercet rationem causæ finalis. Prima consequentia patet, quia modus appetendi proportionatur modo cognoscendi. Secunda etiam probatur, quia id, cuius gratia aliquid fit, exercet rationem causæ finalis: Sed in isto casu actus appetendi terminatur ad obiectum gratia ipsius, & propter eius bonitatem. Ergo terminatur ad ipsum quatenus exercet rationem finis.

Et ex hoc patet solutio ad 2. Nam reliqui appetitus non feruntur in bonum, secundum eam rationem, quæ est obiectum voluntatis: hoc est, quatenus habet rationem finis in exercitio. ALII respondent, quod, cum dicimus, bonum esse obiectum appetitus sensitui, & naturalis: debet intelligi de bono materialiter, hoc est, de re quæ est bona; non autem de bono formaliter, hoc est secundum rationem bonitatis & conuenientiæ; vt dicemus articulo sequenti.

AD TERTIUM, quantum attinet ad actum nolitionis mali, Responderur, quod si D. THOMAS loquatur de obiecto voluntatis (de quo statim dicemus) intelligendus est solum de obiecto quoad actum volitionis: Nolle autem non est velle, sed respuere obiectum. Deinde dico, quod quamuis obiectum immediatum nolitionis sit malum sub ratione mali, aut id quod contrariatur fini, quatenus ita contrariatur: tamen quia omnis nolitio, vt aduertit ANSELMVS, est virtute alicuius volitionis: (vt, nolumus mortem, quia volumus vitam; & nolumus proiectionem mercium in mare, quia volumus earum conseruationem.) Hinc fit vt etiam omnis nolitio sit propter bonum & propter finem, scilicet, propter illud bonum, quo prius malum quod nolumus, non solum tanquam propter bonum, sed etiam tanquam propter finem.

§ 5. Quomodo media ad finem sint obiectum voluntatis?

Quod verò attinet ad id, quod in illo argumento obijciatur de medijs, Respondet CAJETANVS, D. Thomam loqui de obiecto voluntatis primo & formali, & hoc dicit esse finem in actu exercito. Neque obstat (inquit CAJETANVS) quod etiam media appetantur in quantum media sunt: quia non appetuntur, nisi ratione finis; ita quod finis sit tota ratio appetendi ea. Quam solutionem recentiores Thomistæ variè intellexerunt, atque ita occasione sumpta ex ea, duas confinxerunt solutiones, quas MARTINA refert hoc loco.

Nam primo dixerunt aliqui D. THOMAM loqui de obiecto motivo voluntatis, media verò non esse obiectum motuum, sed terminatum tantum: quia ut voluntas feratur in aliquod medium sub ratione medijs, non mouetur ab ipso medio; sed à fine.

Alij verò dixerunt, D. Thomam loqui de obiecto voluntatis formali & per se: media verò non esse obiectum formale & per se, sed materiale tantum & per accidens, quia solum appetuntur ratione finis; sicut patet dicitur obiectum materiale & per accidens potentie visuæ, quia solum attingitur ratione coloris, qui est obiectum formale & per se.

Sed mihi utraque solutio displicet. Primo quia utraque videtur expresse contra D. Thomam, qui infra, quæst. 8. art. 2. ubi loquitur de obiecto per se voluntatis, inquit, quod si voluntas sumatur pro potentia, extendit se ad finem & ad medium, quia in utroque reperitur ratio sui obiecti, scilicet, ratio boni: Ex quo aperte rejicitur prima solutio Thomistarum; nam supposito quod aliqua res possit apprehendi ab intellectu, & quod habeat rationem obiecti voluntatis, nulla potest reddi ratio cur non possit mouere eam; Est autem notum apud omnes, quod primum horum conueniat medijs: quod verò etiam secundum conueniat eis, constat aperte ex isto testimonio.

Nec potest assignari pro ratione improprio talis obiecti cum voluntate in modo essendi: sicut dici solet, substantias separatas non posse mouere intellectum nostrum pro isto statu, quia excedunt eum in modo essendi; Tum quia non est necessarium, quod semper media sint ita improprio rationata voluntati; Tum etiam quia hæc ratio non habet locum in voluntate, cum finis possit esse improprio rationatus ipsi eo modo quo medium, & nihilominus sit obiectum motuum ipsius.

SECUNDA ETIAM SOLVTIO rejicitur, quia id quod habet rationem formalem obiecti alicuius potentie, est eius obiectum formale & per se: atque ideo patet solum est obiectum per accidens potentie visuæ, quia ipsi secundum suam substantiam non conuenit ratio formalis sui obiecti, sed ratione coloris, quem sustentat.

Confirmatur, quia D. Thomas in solutione secundi argumenti illius articuli, ita dicit se habere media & finem respectu voluntatis, sicut lucem & colorem respectu visus: Sed tam lux quam color est obiectum motuum & per se, ac formale potentie visuæ; Ergo idem est dicendum de medijs & fine respectu voluntatis.

A PRÆTEREA CONTRA eandem solutionem in particulari sic argumentor. Obiectum materiale & per accidens non specificat actum potentie, ut patet non specificat actum potentie: sed medium ut medium specificat actum voluntatis, scilicet electionem; quæ quia terminatur ad medium, distinguitur ab intentione quæ terminatur ad finem: ergo medium ut medium non est obiectum per accidens voluntatis, sed per se.

Item medium ut medium & ut distinctum à fine, importat bonitatem quandam, quæ dicitur utilitas: sed ratione eius potest terminare actum voluntatis, ergo non est obiectum materiale aut per accidens, sed per se. Consequentia patet, quia obiectum materiale, verbi gratia, patet respectu potentie visuæ, si sumatur secundum se, & ut distinguitur à colore, nihil habet ratione cuius posset terminare actum illius potentie. Et maior etiam est nota quia medijs, ut distinguitur à fine habet hoc, quod est conueniens & conduciens in ordine ad finem, quod est esse bonum utile. Minor vero probatur quia propositis duobus medijs ad eundem numero finem, quorum vnum sit altero conuenientius, & subinde utilius ad finem; voluntas potius eligit quod utilius est: sed non propter bonitatem finis, quoniam hæc est eadem numero respectu vtriusque medijs; ergo præcisè propter maiorem utilitatem ad finem, & ex consequenti illa est ratio terminandi actum voluntatis.

Et ex hoc potest desumi argumentum contra primam solutionem, quia sicut bonitas finis media apprehensione intellectus mouet voluntatem: ita etiam utilitas medijs, & eodem modo concurrat ad actum eius: ergo etiam est obiectum motuum voluntatis. Quare concedendum est, quod ad obiectum voluntatis formale, aut per se, & motuum, non solum pertinet finis, sed etiam media.

Neque obstat id quo isti videntur decepti, scilicet quod voluntas vult media propter decepti, scilicet ratione finis, & non aliter. Quoniam aliud est nullo modo mouere voluntatem neque terminare formaliter eius actum: & aliud non mouere nec terminare nisi per supposita motionem & terminationem finis: Ex primo bene potest colligi aliquid non esse obiectum motuum, & formale voluntatis, ceterum illud non conuenit medijs ut probauimus. Ex secundo vero solum potest colligi, non esse obiectum primarij; & hoc fatemur conuenire medijs: quia sicut tota eorum bonitas est per cōparationem ad finem, ita quod moueant voluntatem, & terminent eius actum, pendet ex eo, quod finis vtrūque exerceat. Potestq; hoc explicari exemplo conclusionum, quæ pertinent ad obiectum per se & formale intellectus, & nihilominus intellectus assentitur ijs propter principia, tanquam propter causam extrinsecam: imo ex hoc exemplo desumitur argumentum pro nostra sententia: nam (ut etiam D. THOMAS faceret loco citato ex Aristotele 5. Ethic.) ita se habet finis in appetibilibus, sicut principium in intelligibilibus; sicut ergo Conclusio est intelligibilis per se & formaliter, quamuis dependenter à principio, ut à causa extrinseca: ita etiam medium erit appetibile per se, quamuis in ordine ad finem, & propter finem.

ALIIS RELICTIS istis solutionibus, Respondent D. THOMAS non loqui de obiecto adæquato voluntatis, sed de primario tantum: & hoc dicunt esse finem; media vero esse obiectum secundarium,

cuius

caus rationem assignauimus nos paulo superius. Adduntque, propositionem illam ita intellectam defendere optime intento Diui THOMÆ, quod est, probare, omnem actionem voluntatis deliberatæ esse propter finem. Nam quamuis obiectum primum alicuius potentie contineatur sub adæquato, tanquam pars eius; tamen habet hunc modum adæquationis respectu potentie, quod in nihil possit ferri potentia, nisi aut sit ipsum, aut saltem importet ordinem ad ipsum. Sicut obiectum adæquatum visus non est lumen solum, sed lumen & color: quoniam tamen lumen est obiectum primum, quidquid videtur, aut est lumen, aut videtur ratione luminis. Et similiter quidquid intellectus intelligit, aut est principium, aut intelligitur ratione principiorum: quia principia sunt obiectum primum & præcipuum intellectus, licet non adæquatum. Atque dicunt isti voluntatem nihil velle, nisi aut sit finis, aut importet ordinem ad finem: & ex consequenti semper velle aut finem, aut propter finem.

SED NEQUE hæc solutio mihi placet. Primo, quia Diuus THOMAS in solutione secundi fatetur, quod si aliqua actio imperata à voluntate sit vltimus finis; ipsum velle, quo imperatur, quatenus terminatur ad eam, est propter finem: & tamen constat quod illa actio non est obiectum primum voluntatis, ergo non loquitur Diuus THOMAS in hoc articulo de obiecto primario voluntatis. Quoniam aut isti nomine finis intelligunt vltimum simpliciter siue materialiter siue formaliter; aut proximum. Primum dici non potest, quoniam Diuus THOMAS hic nomine finis non intelligit finem vltimum, sed finem vt abstrahit ab vltimo, & non vltimo; alias non possit distingui hic articulus à 6. in quo explicat Diuus THOMAS quomodo actiones hominis sint propter finem vltimum. Item quia sequitur, quod ex illa propositione, obiectum voluntatis est finis & bonum non possit colligi, voluntatem semper operari actum & formaliter propter finem, quod tamen videtur intendere Diuus THOMAS, quoniam alias non explicuisset perfecte modum operandi, qui homini conuenit quoad actiones deliberatas: siquidem exercet eas propter finem expresse & formaliter. Et sequela probatur quia vt docet Diuus THOMAS articulo 4. huius quæstionis, solum est necessarium, actiones hominis esse virtualiter propter finem vltimum formaliter sumptum, siue in vniuersali. Si vero dicatur secundum, sequitur, falsum esse, quod illi supponunt vt certum, scilicet Diuum THOMAM loqui de obiecto primario voluntatis: quoniam plures sunt fines proximi, obiectum autem primum cuiuscunque potentie debet esse vnum. Itē quia obiectum primum potentie est, quod inter omnia, quæ ad eam pertinent, est præcipuum; & ad quod cætera important habitudinem aliquam: hoc autem respectu voluntatis solum conuenit Deo, & non alijs finibus proximis.

IOBO ALITER Respondetur supponendo Diuum THOMAM loqui de obiecto adæquato voluntatis; quod, vt aduertit CONTRARIUS, nomine finis non solum intelligit vltimum, sed etiam non vltimum: quia etiam ea, quæ sunt ad finem, habent rationem finis respectu actuum voluntatis, quibus appetuntur: non solum quia terminant eos, sed etiam quia

A sua bonitate mouent vt appetantur propter eam, vt explicuimus cum impugnabamus priorem solutionem.

Ad alteram partem huius argumenti qua impugnatur illatio Conclusionis intentæ ex Antecedenti nunc explicato, Respondetur, quod quamuis in alijs obiectis non valeret illa consequentia, tamen loquendo de obiecto, quod est finis in actu exercito, est optima. Quoniam cum ratio finis in actu exercita consistit in hoc, quod eius gratia aliquid fiat: non potest aliqua actio terminari ad ipsum secundum istam rationem, quin sit gratia ipsius; & ex consequenti propter ipsum, quod idem est. Ex quo patet non obistere exemplum potentie visus. Neque etiam obstat id quod obijciatur de voluntate, quatenus est principium actuum omnino necessariorum. Quoniam voluntas secundum istam rationem non habet pro obiecto finem sub ratione finis, nisi vt subest directioni sui auctoris; & ideo actus, qui ab ea ita sumpta procedunt, non sunt propter finem quatenus ab ea procedunt; sed quatenus substant prædictæ directioni, quod commune est omnibus actionibus agentium naturalium vt dicemus articulo sequenti.

B Neque, cum Diuus THOMAS inquit obiectum voluntatis esse finem & bonum, loquitur de voluntate absolute: sed quatenus est principium operandi humano modo; aut cum deliberatione: sic enim solum respicit finem sub ratione finis.

Et ita explicata illa cōsequentia, constat quā vim habeat ad probandū eam altera propositio qua Diuus THOMAS vtitur, scilicet quod omnes actiones quæ procedunt ab aliqua potentia causantur ab ea secundum rationem sui obiecti id est vt postulat ratio formalis sui obiecti. Ex hac enim propositione bene sequitur, quod si obiectum voluntatis est finis prout exercet rationem finis, hoc est, quatenus est id, cuius gratia aliquid fit: necessarium est, quod actiones voluntatis, quatenus ab ea procedunt sint gratia finis, & propter finem; quoniam ratio formalis sui obiecti postulat quod ita fiant. Sicut quia color est obiectum visus in quantum est visibilis, ideo actiones potentie visus, quatenus ab ea procedunt, sunt visiones, quia aliter non possent attingere obiectum, vt visibile. Quoniam vero non est obiectum intellectus vt visibilis, sed vt intelligibilis: ideo actio, quia intellectus eum percipit, non est visio, sed intellectio.

§. 6. An omnia, quæ sunt in aliquo genere, deriventur à principio illius generis?

CIRCA ARGUMENTVM SED CONTRA, Nota, propositionem, qua Diuus THOMAS vtitur ad probandum Conclusionem, scilicet, omnia quæ sunt in aliquo genere derivantur à principio illius generis, duobus modis referri ab eius expositoribus. Primo, vt iacet apud ipsum, & vt à nobis est proposita; Secundo ita, Primum in unoquoque genere est causa reliquorum, quæ in illo genere reperiuntur; Et utroque modo defendere instituto ipsius. Si enim sumatur, priori modo, intelligenda est de derivatione in illo genere, in quo principium habet rationem principij: quare

B cum finis

cum finis sit principium actionum humanarum, per modum finis, hoc est, tanquam id cuius gratia aliquid fit; bene sequitur, quod actiones humanæ deriuentur ab eo ut à fine, hoc est, ut ab eo cuius gratia fiunt, quod est esse propter ipsum. Si tamen sumatur *posteriori modo*, non est intelligenda determinate de causalitate in genere causæ efficientis, sed confuse de aliqua causalitate; & quia finis est primus respectu omnium operabilium ab homine, ideo bene sequitur, quod sit causa omnium actionum humanarum non quidem efficiens, sed finalis: quoniam causalitas finalis est proportionata modo, quo finis habet rationem primi respectu illarum actionum. Et ex hoc sequitur ulterius, quod omnes istæ actiones sint propter finem: quoniam cum causalitas finis in eo posita sit, quod eius gratia aliquid fiat; idem erit, aliquid esse effectum finis in genere causæ finalis, & esse gratia finis, aut propter finem. Verum aduertendum, quod *prima* propositio est per se nota, ut constat; *secunda* vero habet aliquam difficultatem, de qua non disputabimus nunc, quoniam, pertinet ad metaphysicam, & sufficienter explicatur à CONRADO, hoc loco, & à CAJETANO I. p. q. 12. art. 3. Solum placeat advertere circa eam, non haberi apud Aristotelem primo metaph. cap. secundo ut CAJETANVS loco citato arbitratur. Quoniam ibi ARISTOTELES, ut probet, principia esse maxime scibilia, assumit hanc propositionem; *quæ ceteris sunt causa, ut sciuntur, ipsa sunt maxime scibilia*; ex qua non potest colligi propositio de qua agimus; sed ista, *quod in aliquo genere est reliqua causa, ut sunt talia, ipsum est maxime tale*; quæ valde distincta est ab illa; & videtur esse eadem cum alia, qua idem ARISTOTELES utitur I. posteriorum c. 7. scilicet *propter quod unumquodque tale & illud magis*.

CIRCA SOLUTIONEM primi Nota; propter illa verba *finis est primus in intentione agentis & postremus in executione*, Interpretes Divi THOMÆ dua hic excitant questiones; prima est, *utrum semper finis sit primus in intentione & ultimus in executione?* Secunda est; *utrum esse intentionalis quod finis habet in intellectu agentis sit ei ratio formalis secundum quam finalizat aut movet per modum finis, vel potius suum esse reale?* Sed quoniam amba pertinent ad philosophiam omittam eas.

DUBIVM. TERTIVM.

An actus imperatus; aut elicitus à voluntate possit habere rationem ultimi finis.

CIRCA SOLUTIONEM SECUNDI est difficultas quoniam in ea Divus THOMAS dicit duo, quæ videntur falsa & inter se pugnantis. Primum est, quod aliqua actio imperata à voluntate humana potest esse ultimus finis; quod aperte videtur falsum; Quoniam finis aut sumitur in particulari, & sic est Deus; aut in universali & formaliter, & sic est summum bonum; siue quod continet

totum bonum hominis: constat autem quod nulla actio imperata à voluntate creata est Deus, neque totum bonum hominis, sed pars huius boni; ergo nullo modo potest habere rationem ultimi finis. Alium est, quod actus elicitus à voluntate non potest esse ultimus finis: quod etiam aut est falsum, aut contradicit primo dicto; quod sic probo: Aut loquitur Div. THOMAS de fine ultimo pro re quæ est ultimus finis, ut pecunia est finis avari, & Deus finis noster; aut pro *adeptione huius rei*, hoc est pro actu, quo consequimur rem, quæ est ultimus finis, quo pacto possessio pecunie est finis avari, & visio Dei est ultimus finis noster. Si primo modo, sequitur quod nullus actus humanus siue elicitus à voluntate, siue tantum imperatus ab ea, & elicitus à quacunque potentia; possit esse ultimus finis, quod est contra primum dictum; & probatur sequela quoniam finis ultimus pro re *adepta*, si sumatur in particulari est Deus; & in universali aut formaliter, est summum bonum; Si vero dicatur secundum, sequitur, falsam esse hanc sententiam Div. THOMÆ, quia bene potest actus elicitus à voluntate esse finis ultimus pro *adeptione*; & ita Scotus, qui dicit nostram beatitudinem formalem consistere in actu elicito à voluntate, hoc est in actu amoris, consequenter concedit, huiusmodi actum esse *adeptionem* nostri ultimi finis.

Et confirmari potest hoc: quia ratio D. THOMÆ non probat oppositum; etenim hæc, Obiectum voluntatis est appetibile, quod est finis; ergo primum appetibile, quod est finis ultimus, non potest esse actus voluntatis. Cui tamen responderi potest, Antecedens tantum esse verum, si intelligatur de fine *ut res est*, quoniam finis pro *adeptione*, non est ipsum appetibile, quod est obiectum voluntatis, sed eius adeptio. Et proportionaliter dicendum est finem ultimum, *ut res est* esse primum appetibile, non tamen ut est adeptio. Atque ita defendi potest, actum elicitem à voluntate esse ultimum finem, sumptum pro *adeptione*: quoniam huiusmodi actus habebit pro obiecto finem ultimum *ut res est*, scilicet ipsum Deum.

AD HANC DIFFICULTATEM, quantum attinet ad priorem partem, facile responderi posset, Divum THOMAM non adinvisisse absolute, actum imperatum à voluntate creata posse habere rationem ultimi finis: sed conditionaliter tantum, ut daretur locus argumento; quasi diceret, etiam si admittamus, aliquam actionem humanam esse ultimum finem, adhuc est vera nostra sententia, scilicet, hominem cum operatur humano modo, agere propter finem. Quod qua ratione sit intelligendum iam supra est à nobis explicatum. Neque ex testimonio Aristotelis, cui argumentum illud innititur, potest colligi, quod ipse senserit, aliquam actionem humanam esse ultimum finem: quoniam illo loco Aristoteles, (ut exponit ipsum Divus THOMAS I. p. q. 103. art. 2. ad secundum) non loquitur de fine ultimo, neque de fine hominis quatenus potest operari cum deliberatione, sed de finibus aut effectibus artium. Constituit enim hoc discrimen inter artes, quod quædam earum non habent pro ultimo termino operationem; sed aliquid sua

opera.

operatione factum : alia vero habent pro ultimo termino operationem , ita ut nihil amplius efficiant , ut cytharædica . Cum hoc tamen bene fiat , quod etiam istarum actiones ordinentur in finem .

Sed tunc obijciat quis secundam partem difficultatis propositæ : quomodo scilicet , illa conditione supposita , possit esse verum discrimen , quod D. THOMAS constituit inter actiones voluntatis elicitas , & imperatas , videtur enim satis impugnari argumento illo .

Hinc difficultati Caietanus duas adhibet solutiones ; & in gratiam primi supponit , quod cum finis *ut res* , & eius adeptio distinguuntur , sicut in exemplis propositis in argumento , non distinguuntur ut duo fines , sed ut partes , aut quali partes unius finis sumpti integraliter & complete ; sicut respectu auari non sunt duo fines pecunia & possessio pecunie , sed unus integer & totalis : quod etiam expresse docet D. THOMAS infra q. 2. art. 3. ad tertium . Ex hoc autem sequitur , quod si ratio primi appetibilis conuenit ultimo fini , etiam debet conuenire , adaptioni : quoniam , ut diximus , pertinet ad integram rationem ultimi finis . Et hoc supposito respondet CAIETANUS ad argumentum , Diu. THOMAS non loqui de fine præcise sumpto , ut est *res* , aut ut est adeptio : sed de fine integro & completo . Et ex hoc patet solutio ad confirmationem , quoniam ratio D. THOMAS intelligenda est de fine isto modo sumpto . Et ita CAIETANUS dicit , ipsum hoc modo argumentari : finis prædicto modo sumptus est primum obiectum voluntatis ; sed actus voluntatis non potest esse primum obiectum voluntatis ; ergo neque potest esse finis ultimus : siue finis sumatur pro *adeptione* , siue pro *re adeptæ* , quoniam utroque modo pertinet ad rationem finis ultimi , ut est primum obiectum voluntatis .

Secundo Respondet , Diu. THOMAS loqui de fine ut *res* est . Et ad obiectionem contra hoc propositam dicit , non esse intelligendum de fine ultimo simpliciter , qualis est Deus ; sed de ultimo in aliquo genere . Et hoc modo non repugnare quod aliqua actio imperata à voluntate sit finis ultimus ; quoniam potest homo ita sibi eam assumere pro fine , ut non ordinet eam ad alium finem ; repugnare autem quod actio elicita à voluntate sit hoc modo finis ultimus ; quoniam finis ultimus sumptus pro *re* , quæ est finis , debet esse obiectum primum voluntatis , & ex consequenti non potest esse ipsum velle , cuius est obiectum .

Mihi ambæ istæ solutiones placent ; Et *primus* videtur valde conformis Diu. THOMAS infra in q. 3. art. 4. ad secundum , ubi tradit eandem doctrinam , quam hoc loco ; & tamen ut ibi sit ad rem , necessario dicendum est , quod , cum inquit , beatitudinem non esse actum voluntatis , quoniam est obiectum ipsius ; loquatur de beatitudine formali , siue ut sumitur pro adeptione , quoniam alias maneret insolutum argumentum , quod procedebat de hac beatitudine , & non de obiectina .

Verum circa solutionem hanc duo sunt aduertenda : primum est , non inueniri in omnibus finibus distinctionem illam finis pro adeptione , & pro re adeptæ ; speculatio enim veritatum naturalium

A potest intendi ut finis , & tamen ibi non distinguuntur adeptio , & res adeptæ . Quare ut doctrina Diu. THOMAS sit vniuersalis , dicendum est , quod per finem integrum non intelligit determinate eum qui constat adaptione , & re adeptæ ; sed eum , qui habeat integram rationem finis , quæ , ubi illa duo distinguuntur , constat ex eis . *Alterum* est , intelligendum esse cum limitatione secundæ solutionis , scilicet de fine ultimo non simpliciter , sed in aliquo genere , quoniam D. THOMAS in propositione quâ defendimus , loquitur de fine ultimo , qui sit actio humana , & imperata à voluntate , constat autem quod finis ultimus simpliciter siue sumatur integraliter siue pro adeptione tantum , non est actio humana ; quoniam priori modo est Deus visus , & posteriori modo est visio diuinæ essentia , quæ , cum sit omnino necessaria , non est actio humana . Et propter hoc CAIETANUS , quantum ego intelligo , addidit in fine solutionis , Diu. THOMAS loqui de homine in quantum est homo , & non in quantum est consors diuinæ naturæ per gloriam : quibus verbis solum intendit docere , quod quando Di. THOMAS dicit , solos actus imperatos à voluntate posse habere rationem ultimi finis ; loquitur de actibus , ad quos homo concurret ut homo , id est ex propria directione , & libere tendendo in eos ut in finem ; nam actus in quo consistit vltima felicitas , ad quem homo non concurret isto modo , sed ut particeps diuinæ naturæ per gloriam , bene potest habere rationem ultimi finis , quamvis non sit imperatus à voluntate ; Quod nihil aliud fuit , quam addere priori solutioni limitationem prædictam .

SED ADHUC OBJICIUNT aliqui contra hanc sententiam Diu. THOMAS : quoniam delectatio est actus elicited à voluntate , & tamen potest appeti ut finis ultimus ; ergo , &c. probant *minorem* , quia cum quis vult exercere aliquam actionem præcise propter delectationem , quam ex ea percipit , tunc delectatio habet rationem finis ultimi ; *tum* quia bonitas ipsius est tota ratio appetendi exercitium actus , ita ut ea ablata non esset volitum tale exercitium : *tum* etiam qui est vltima in executione , & ex consequenti prima in intentione , quod est proprium finis .

Respondetur negando *Minorem* , & ad *primam* probationem dicendum est , quod cum delectatio consequatur ad operationem per modum effectus & passionis , non potest aliquis velle operationem propter delectationem , quin principaliter velit ipsam operationem : & ita in eo casu delectatio habebit se respectu operationis ut finis effectus ; & è conuerso operatio respectu ipsius ut finis principalis ; *neque obstat* , quod ablata delectatione non appeteretur operatio ; quoniam hoc prouenit ex necessaria connexion , quam delectatio habet naturaliter cum operatione , & non ex eo quod sit finis ipsius , nisi per modum effectus : Sicut ad hoc ut sit verum , quod quis nollit producere hominem , nisi futurus esset risibilis , non est necessarium , quod risibilitas sit finis humanæ naturæ , sed satis est quod naturaliter sit necessaria sequela risibilitatis ex ipsa ; qui enim positiue non vult id , quod ex alio sequitur naturali

& necessaria sequela, non potest velle id ex quo sequitur. *Ad secundam probationem* dicendum est quod quamvis delectatio sit posterior in executione, quam operatio ad quam consequitur: non sequitur quod etiam sit prior in intentione, quoniam operatio non solum est prior delectatione ordine generationis, sed etiam causalitate efficientiæ aut cuiusdam resultantiæ; illa vero maxima *ultimum in executione est primum in intentione*, non est vera, ubi ultimum pendet à primo isto genere causalitatis, ut constat in passionibus respectu essentia à qua dimittant.

ARTICVLVS SECVNDVS

Vtrum agere propter finem sit proprium rationali creaturæ.

Prima Conclusio. *Necesse est omnia agentia agere propter finem.*

Secunda Conclusio. *Natura irrationalis agit propter finem quasi ab alio mota, & ducta, scilicet ab amore naturæ.*

Tertia Conclusio. *Proprium est rationalis creaturæ agere propter finem quasi agendo se, & ducendo ad finem.* CIRCA PRIMAM CONCLUSIONEM

NOTA, eam pertinere ad eam partem philosophiæ, in qua disputatur de causis: ex ea enim, tanquam ex principio, colligitur, dari causam finalem, quæ aliqui ex antiquis philosophis omnino ignouerunt, aut non distinxerunt à reliquis; quia non satis perceperunt propositionem istam; sed determinationem omnium causarum in modo operandi unicuique proprio, ex qua D. Thomas, colligit propositionem hanc, referebant ultimum in casum & fortunam, aut in necessitatem ipsarum causarum, ut statim dicam. Contra quos videri possunt plures rationes pro ista propositione apud Aristotelem 2. libro. Physicorum. c. 8. & 9. & apud D. THOMAM. libro 3. contra gentes cap. 2. & 3. Neque tamen hoc loco proposita est à Div. THOMA ista Conclusio extra rem, sed congruentissima ratione: nam cum articulo precedenti docuisset, hominem agere propter finem; consequenter explicandum erit, an hoc conveniat homini modo aliquo ipsi proprio, aut solum eo modo quo communis est omnibus agentibus.

Sed dubitari potest circa propositionem hanc, utrum sit vera uniuersaliter in omnibus agentibus: & quoniam D. Thomas in alijs Conclusionibus explicat in particulari quomodo sit intelligenda in agentibus creatis; ideo nunc solum examinabimus eam respectu Dei, quare

DVBIVM. I. EST,

Vtrum etiam Deo conveniat agere propter finem.

§. 1. *Argumenta partis negativæ.*

Pars negativæ probatur PRIMO, quia operari propter finem est exercere aliquam actio-

A nem gratia finis: sed de Deo non potest dici, quod exerceat aliquam actionem gratia finis: ergo neque quod operatur propter finem. Probatur *Minor*, quia omnis actio Dei, etiam illa, qua operatur ad extra, est ipsa substantia Dei, ut docet D. THOMAS. 1. p. q. 25. art. 1. ad 3. & q. 45. art. 3. ad primum. Ergo sicut essentia Dei non potest esse gratia alicuius tanquam finis, quoniam aliàs haberet causam finalem: ita neque actio Dei.

SECUNDO, si Deus agit propter finem, aut ipse ille est ipse Deus, aut aliquid extra Deum: non *primum*, quia Aristoteles docet 2. physicorum cap. 7. causam efficientem & finalem non coincidere in idem numero; neque *secundum*, cum efficiens moueatur, ut statim probabimus, sequeretur Deum moveri ad aliquo extrinseco, quod est impossibile; ergo nullo modo operatur propter finem.

VITIMO. Ut aliquod agens operetur propter finem proprie, & non ex directione alterius, necessarium est quod moueatur à fine eius voluntas, etiam antequam operetur: sed voluntas Dei à nullo fine potest moveri, quoniam esset potentialis; & præterea haberet causam finalem, cum motio voluntatis à fine, sit effectus causæ finalis; ergo neque potest agere propter finem. *Major* probatur *authoritate* Div. THOMÆ, qui probat, omne agens agere propter finem, quia necessarium est, quod causalitas finis præcedat causalitatem efficientis: sed ista causalitas quæ ita præcedit, non potest esse alia, quam motio metaphorica, qua finis mouet causam efficientem: ergo prius quam aliquod agens operetur propter finem, mouetur ab ipso fine. Et *præterea* probatur *ratione* ex ipso desumpta, quia nisi agens sit determinatum in ordine ad finem, non magis operabitur propter unum finem, quam propter alium: sed agens liberum determinatur, quatenus eius voluntas mouetur à fine: ergo ut aliquod agens agat propter finem ex propria directione, necessarium est quod prius eius voluntas moueatur à fine.

§. 2. *Sensus dubij propositi.*

PRO SOLVTIONE supponendum est primum, quæstionem hanc, *vtrum Deus operetur propter finem*, tripliciter posse intelligi: scilicet, vtrum operetur propter finem qui sit finis ipsius Dei; aut qui sit finis sue actionis; aut termini actionis.

Secundo supponendum est quod triplices actiones possunt distinguui in Deo; quædam enim sunt *rationales*, quales sunt emanationes personarum, filij & spiritus sancti: aliæ sunt *essenciales* omnino immanentes siue importent ordinem ad creaturas ut cognitio purè speculatiua creaturarum; siue non importent eum, ut amor & cognitio ipsius Dei; & *tertio* sunt aliæ quibus Deus aliquid *producit ad extra*, quales sunt creatio & conseruatio, quas ideo distinximus ab essentialibus, quoniam non est certum, sed controuersum, an sint idem cum eis, vel potius distinguantur, &

non sint

non sint in Deo formaliter, sed recipiantur in creaturis.

§. 3. Quid sit dicendum de actionibus Dei omnino immanentibus, essentialibus sc. & notionalibus.

SIT PRIMA CONCLUSIO. Deus non agit propter finem, qui sit finis suus, aut suarum actionum omnino immanentium, siue sint essentialiter, siue notionales. PRIMA PARS probatur, quia Deus nullam habet causam, ergo non potest operari propter finem, qui sit finis sui ipsius: probatur consequentia quia haberet causam finalem.

Confirmatur primo, quia quod habet finalem, necessario habet causam efficientem: cum finis sit cuius gratia aliquid sit; ergo sicut Deo repugnat operari dependenter à causa efficiendi sui ipsius, ita etiam repugnat agere propter finem, qui sit finis ipsius.

Confirmatur secundo, quia finis melior est, & præstantior eo, quod ordinatur in finem: sed nihil potest esse melius Deo; ergo nihil potest esse finis ipsius.

Et ex hoc manet etiam probata SECUNDA PARS, quoniam actiones illæ sunt formaliter in Deo, imo sunt idem omnino cum essentia diuina, ergo sicut Deo repugnat habere finem, ita etiam ipsis. Addidi in Conclusionem particulam illam omnino, ad excludendum actiones, quibus Deus producit aliquid ad extra, siue sint formaliter transientes, siue virtualiter tantum, & formaliter immanentes.

EX HAC CONCLUSIONE SEQUITUR PRIMO, quod neque pater, cum generat filium, neque pater & filius, cum spirant spiritum sanctum, dicuntur ullo modo agere propter finem: probatur, quia tam principio utriusque emanationis, quam ipsis emanationibus & terminis repugnat habere finem; ergo nullo modo possunt dici illæ personæ tunc agere propter finem: patet consequentia, quia ut aliquid agat propter finem, necessarium est quod finis, propter quem agit; sit finis aut ipsius, aut suæ actionis, aut saltem termini producti.

Sed obijciat, quia quævis illorum præsupponit cognitionem & amorem sui termini; ergo quævis earum est propter suum terminum, tanquam propter finem; *Antecedens* suppono ex materia de Trinitate, in qua omnes docent, quod cognitio essentialis utriusque personæ præsupponitur ordine rationis emanationibus; & similiter quod amor essentialis præsupponitur processionibus spiritus sancti: & multi quod etiam præsupponatur generationi filij, quamvis id non requiratur ex parte filij per se, & intrinsece. Et probatur consequentiam, quia satis est ut aliqua actio sit propter finem, quod præsupponatur in suo principio cognitio, & amor bonitatis termini.

Confirmatur primo quia satis est cognitio & amor bonitatis termini, scilicet personæ procedentis, ut propter eam sit volita eius processio prius ordine rationis: ergo & ut sit volita propter finem, patet consequentia, quia bonitas quatenus eius gratia aliquid est volitum, habet rationem finis in actu exercito.

Confirmatur secundo quia perfectissimus modus operandi naturæ intellectualis consistit in hoc, quod est operari dirigendo operationes in suos terminos & fines, quod est operari propter finem; & in hoc excedit naturam carentem ratione, ergo non est deneganda Deo quantum ad processiones diuinarum personarum.

Ad argumentum admissum Antecedenti neganda est consequentia, quia quamvis cognitio & amor essentialis personarum procedentium præsupponatur processionibus ipsarum, non præsupponuntur ut motiua determinantia ad eas, etiam secundum nostrum modum intelligendi: non enim mouetur pater ad generandum filium propter eius amorem, sed ad hoc est determinatus ex perfectione & fecunditate naturæ diuinæ; & idem est de patre & filio respectu spiritus sancti. Quod vero solet dici, actionem, quam præcedunt cognitio & amor termini, esse propter finem & intelligi debet, quando præcedunt ut mouentia & determinantia ad talem actionem, tunc enim aut terminus habebit rationem veri finis, aut saltem rationis à priori, ut postea explicabimus.

Ad primam Confirmationem respondetur negando Antecedens, quia illa cognitio, & ille amor, etiam nostro modo intelligendi, non determinant neque mouent personam diuinam, à qua procedit alia, ad eam processionem: sed ipsa est ex perfectione suæ naturæ determinata ad eam. Si tamen hoc non obstarat, concedendum est, quod illa cognitio, & ille amor sufficeret, ut processio esset propter bonitatem termini: non tanquam propter verum finem, quia processionibus diuinæ personæ repugnat habere veram causam finalem; sed tanquam propter rationem à priori, ut statim magis explicabimus.

Ad secundam confirmationem Respondetur quod quamvis ille modus operandi importet perfectionem respectu naturæ intellectualis creatæ, non sequitur quod etiam importet eam respectu increatæ, & quantum ad processionem ad intra: maior enim perfectio est, quod determinatio ad has processiones proveniat ex intrinseca determinatione, & perfectione diuinæ naturæ, quam quod ad eam sit necessarium præsupponi directionem aliquam in finem. Imo neque in natura creata ille modus operandi importat perfectionem vniuersaliter quoad omnes actiones: sed solum quoad eas, quibus tendit in finem, quoniam perfectius est tendere in finem ex propria directione, quam solum ex directione superioris; & ita non est imperfectio in homine, quod actiones, in quibus consistit eius formalis beatitudo, non sint propter finem, ut articulo præcedenti explicuimus.

SECUNDO SEQUITUR ex eadem Conclusionem, nullo modo esse concedendum, quod Deus agit propter finem quoad actiones essentialiter, quatenus terminantur ad ipsum: ut eum amat, aut intelligit seipsum. Probatur, quia neque Deus consideratur siue in ratione principij, siue in ratione termini illarum actionum; neque ipsæ actiones, habent causam finalem.

TERTIO SEQUITUR neque esse absolute concedendum, quod Deus agit propter finem

quoad easdem actiones essentielles & omnino immanentes, quatenus terminantur ad creaturas, sed aut esse absolute negandum; aut utendum distinctione, qua explicetur cuius sit ille finis; ita ut solum concedatur de fine *qui est finis creaturæ*. Probatur, quia si, cum Deus amat creaturam, aut complacet in eius bonitate, dicamus quod agit propter finem, particula illa *propter* potest importare causalitatem finalem, non solum respectu creaturæ, sed etiam respectu actionis: sed si importet eam respectu actionis, est falsa illa propositio; ergo non est concedenda absolute, patet consequentia, quia propositio quæ secundum rigorem, & proprietatem sermonis potest habere sensum verum & falsum, non est absolute concedenda, sed aut neganda, aut distinguenda.

Et confirmatur, quia propter hanc rationem D. Thomas. I. p. q. 19. art. 5. negat absolute hanc propositionem, Deus vult hoc propter hoc.

Sed contra illationem istam argumentor sic: ille actus essentialis, prout terminatur ad creaturas, est formaliter liber: ergo necessario debet esse propter finem; probatur *consequentia*, quia actus ille secundum illam rationem est volitio medij, & non est Deus determinatus ab intrinseco & ex propria natura ad eum: ergo necessarium est quod determinetur à volitione finis, & ex consequenti quod ipse actus sit propter finem. Patet *consequentia*, quia semper determinatio voluntatis ad medium, ut medium est, provenit ex volitione finis.

Confirmatur quia Divus THOMAS art. præcedenti docet obiectum voluntatis esse finem & bonum: quod nos ibi explicuimus de voluntate quatenus libere agit, & de fine quatenus exercet causalitatem finis: ergo volitio Dei quatenus libere terminatur ad creaturas, habet pro obiecto finem isto modo sumptam, & ex consequenti est gratiâ finis & propter finem, ut ibidem explicuimus.

Ad argumentum concessio antecedenti neganda est consequentia. Et ad probationem, dicendum est, quod ut voluntas divina determinetur nostro modo intelligendi ad volitionem mediorum, satis est, ut præsupponatur ordine rationis volitio finis, tanquam *ratio* à priori volitionis mediorum, amor enim divinæ bonitatis est Deo sufficiens ratio ut velit communicari creaturis.

Neque ex eo, quod detur huiusmodi ratio à priori respectu actus divini omnino immanentes, sequitur, quod talis actus sit propter finem; quia esse propter finem, est esse gratiâ finis, & ex consequenti habere causam finalem: constat autem non esse idem habere rationem à priori, & habere causam; & quod secundum repugnat Deo, non vero primum; & ita negamus in Deo unum attributum esse causam efficientem alterius: concedimus tamen esse rationem à priori. Quo exemplo potest etiam explicari, quomodo ut vna prædictarum volitionum sit ratio à priori respectu alterius, non requiratur distinctio, aut ordo actualis à parte rei inter eas, sed sufficiat fundamentalis aut virtualis.

Verum advertendum est, quod, cum concedimus, in Deo dari rationem à priori actus essentialis omnino immanentes, loquimur de illo actu, solum prout terminatur ad creaturas; nam prout terminatur ad Deum, neque habet causam finalem, neque rationem à priori.

Ad confirmationem responderetur, quod quamvis bonum sit obiectum cuiuscunque voluntatis: tamen prout habet rationem finis, tantum est obiectum respectu eius voluntatis, cuius actus potest habere causam. Cuius ratio est, quod bonum solum exercet rationem finis in ordine ad actum, qui habet causam, non tamen in ordine ad illum cui repugnat habere eam.

§. 4. Quid sit dicendum de actionibus Dei ad extra, formaliter aut virtualiter transcendentibus.

SECUNDA CONCLUSIO. *Deum, cum aliquid producit ad extra, semper operatur propter finem terminum producti, & actionis qua producitur. si talis actio sit formaliter transiens & subielectur in creatura; non tamen si maneat in ipso Deo.*

Prima pars est adeo certa, ut de ea nulla ratione possit dubitari. Probatur ex illo Prouer. 16. *universa propter semetipsum operatus est Dominus.* & Apocalip. 1. *ego sum alpha & omega principium & finis.* Item *ratione*, quia evidens est, quod quicquid habet causam efficientem, habet etiam causam finalem, imo etiam quod primum efficiens est etiam ultimus finis: ergo ad hunc finem ordinat Deus cuncta quæ facit.

Et ex hoc manet etiam probata *secunda pars*, quia si actio, qua Deus aliquid producit ad extra, sit extra ipsum Deum, erit res creata, vel potius concreta: ergo convenit cum alijs creaturis in hoc, quod est habere finem, & ex consequenti ad eum ordinatur à Deo: quod est, esse propter finem ex directione ipsius Dei.

Tertia vero Pars probatur, quia si actio illa sit formaliter in Deo, & non in creatura, erit eadem cum ipsa substantia Dei: & ex consequenti non poterit habere causam finalem, ut satis ostendimus argumentis quibus confirmavimus præcedentem conclusionem.

Sed obicitur contra hanc tertiam partem, quia sequitur ex ea, sententiam eorum, qui dicunt, actionem, qua formaliter Deus producit aliquid ad extra, esse in ipso Deo, & non in creatura, repugnare veritati certæ secundum fidem. Probatur sequela, quia de fide est, quod Deus, cum aliquid ad extra producit, agit propter finem, ut patet ex testimonijs adductis pro prima parte huius Conclusionis: & tamen si vera sit illa sententia, non potest hoc concedi; ergo illa sententia repugnat veritati fidei, probatur ista *Minor primo*, quia agere propter finem, est actionem agentis ex directione ipsius ordinari in finem: Ergo ubi actio non potest ita ordinari, quia repugnat ipsi habere finem, non potest dici quod agens agat propter finem. Et *secundo*, quia D. THOMAS. I. p. q. 19. art. 5. docet negandam esse hanc propositionem, *Deus vult hoc propter hoc.* Et rationem dicit esse, quod ex ea sequeretur, dari causam divinæ volitionis, Sed hac ratione etiam concluditur, supposita illa sententia, negandam esse istam propositionem, *Deum agere propter finem*, quia non minus denotatur causalitas finalis per particulam *propter* in hac, quam in priori; neque actioni qua Deus operatur ad extra, si sit formaliter in ipso Deo, repugnat minus habere causam, quam volitioni, ut probavimus: Ergo etiam est neganda ista propositio.

Respondetur negando sequelam. Et ad proba-

tionem

tionem dici potest *primo*, ex illis testimonijs non colligi absolute, quod Deus agat propter finem: sed solum quod est omnium finis, & quod omnia, quæ fecit, ordinavit ad seipsum, ut ad finem eorum. *Secundo* dico, bene posse defendi, quod Deus agat propter finem, quando aliquid producit ad extra, quamvis actio, qua producit, sit formaliter in ipso. Et ad *primum* argumentum quo probatur oppositum, negandum est antecedens, si intelligatur universaliter de omni agente, quod agit propter finem: solum enim est verum de eo, quod agit propter finem suæ actionis; non vero de eo, quod solum dicitur agere propter finem, quia ordinat effectum, quem producit, in suum finem, non quidem postquam produxit eum, sed dum producit. Ad *secundum* respondetur, esse hoc discrimen inter *volitionem* Dei, quatenus est omnino immanens, & *productionem* siue operationem ad extra: quod *volitio* ita considerata nihil ponit in creatura, quod ordinetur in finem; & ideo si dicamus quod Deus vult aliquid propter finem, denotatur quod diuinæ volitioni convenit immediate & ratione sui habere finem: at verò *productio*, aut operatio, ponit in creatura aliquod esse, quod per eandem productionem ordinatur in suum finem; & ideo si dicamus quod dum Deus producit aliquid ad extra, operatur propter finem, non denotatur quod ipsa operatio est propter finem, aut habet finem, sed quod per eam producitur aliquid esse ordinatum in suum finem.

Fator solutionem hanc non omnino euacuare difficultatem, quia operari propter finem in rigore, non est producere aliquid quod habeat finem, sed exercere actionem gratia finis: nam sicut operari, est exercere operationem, ita operari propter finem, est exercere operationem propter finem, aut gratia finis, quod idem est. Sed mihi non occurrat alia melior.

Neque ignoro CAIETANVM. 1. p. q. 44. art. 4. ut defendat Deum agere propter finem, cum aliquid producit ad extra, admittere dari causam finalem actionis, qua Deus ita operatur. Et ut evitet inconueniens, quod ex eo sequitur, scilicet substantiam Dei, cum qua prædicta actio identificatur, habere etiam causam finalem, *aduersus*, actionem illam dupliciter posse considerari, scilicet, *materialiter*, hoc est quantum ad rem, quæ est actio, & *formaliter*, hoc est secundum rationem actionis; & dixisse, quod *priori* modo non habet finem, quia est ipsa substantia Dei, *posteriori* vero habet finem, scilicet bonitatem ipsius Dei.

Verum mihi non placet hæc solutio, nam vel per rationem actionis intelligit Caietanus aliquam rationem realem, vel solam relationem rationis. Si *primum*, redit eadem difficultas, quoniam cum illa ratio formalis sit formaliter in Deo, necessario debet identificari cum substantia Dei, non enim potest esse aliquid reale formaliter in Deo, quod ab eo distinguatur actu à parte rei, ut nunc suppono, & ex consequenti non poterit habere causam finalem. Si vero dicatur *secundum*, quod video placuisse quibusdam Thomistis recentioribus, sequitur quod neque secundum eam rationem possit actio Dei habere finem; quod sic probo, ratio rationis, sicut non est secundum se bona aut appetibilis, ita secundum se non potest habere rationem medij ordinati in finem, sed solum ratione funda-

menti, aut quasi fundamenti: sed in Deo id quod habet modum fundamenti respectu illius relationis, scilicet ipsa actio Dei secundum suam substantiam, non habet finem, ut etiam Caietanus fatetur, ergo neque ipsa relatio. Potest etiam hoc impugnari, quia intelligibile est, quod in sola relatione rationis consistat integra ratio formalis actionis: qua Deus operatur ad extra, etiam ut actio est; si vero consistit simul in entitate ipsius actus diuini, sequitur quod sicut entitas ista non habet finem, ita neque integra ratio formalis actionis ut actio est, habeat finem. Duo vero argumenta quibus Caietanus probat suam sententiam partim ex dictis & partim ex solutionibus nostrorum poterunt dissolui.

§. 5. Soluuntur argumenta initio dubij adducta.

AD PRIMUM, supposito quod, cum dicimus, Deum agere propter finem, loquimur de eo quatenus operatur ad extra; Respondetur, quod, si sequamur sententiam eorum, qui dicunt actionem qua Deus aliquid producit ad extra, esse formaliter transeuntem, & subiectari in creatura, potest concedi *maior*, ceterum *minor* est neganda. Si tamen sequamur oppositam sententiam, neganda est *maior* ut explicuimus in solutione difficultatis propositæ contra secundam conclusionem.

AD SECUNDVM respondetur, Quod finis propter quem Deus operatur, cum aliquid producit ad extra, potest esse & ipse Deus, & aliquid extra ipsum: Ceterum ipse ut finis ultimus, id autem quod est extra ipsum, ut finis non ultimus, seu habens Deum pro fine. Et ad testimonium Aristotelis, quatenus obijci potest contra primum, dicendum est quod illo loco Aristoteles solum loquitur de causis proxime & particulatiter concurrentibus ad generationem, ubi forma geniti, quæ est finis primus generationis, non potest esse idem numero cum generante, sed solum secundum speciem.

§. 6. An creatura possint dici viles Deo.

SED ADHVC contra illud idem obijcit Durandus in 2. d. 1. q. 6. nu. 10. sequi ex eo, quod creaturæ sint bonæ ipsi Deo, ut viles: & ex consequenti quod Deo propeniat utilitas aut commodum ex creaturis, quod est signum indigentiae; probat sequelam, quia medium ut medium non est volitum nisi in quantum est bonum fini, propter quem appetitur: esse autem hoc modo bonum est esse vtile.

Respondetur negando sequelam: & ad probationem, etiam est negandum, quod medium sit volitum, in quantum est bonum aut vtile fini; utilitas enim medij non est utilitas aut commodum finis, sed ad finem: sicut utilitas medicinae ad comparandum sanitatem, non est utilitas ipsius sanitatis, sed est utilitas ad sanitatem, quæ cedit in commodum infirmi, & ita non utimur medicamentis, quia sint bona aut vtilia sanitati, sed quia sunt nobis bona & vtilia ad consequendum sanitatem. Atque ita non sequitur, quod Deo in quantum habet rationem finis creaturarum sint bonæ ipsi creaturæ.

Sed contra quia saltem sequitur quod sint bonæ & viles ipsi, quatenus ordinat eas ad seipsū vt ad finem. Probat sequela, quia medium vt medium, formaliter est bonum vtile: & ex consequenti alicui debet esse vtile, quod si non fini, vt dictum est, saltem ordinati ipsum in finem. Sicut in exemplo posito, medicamentum dicitur bonum vtenti eo propter suam sanitatem.

Respondetur negando sequelam. Et ad probationem dicendum est, dupliciter posse intelligi, Deum ordinare creaturas in seipsū, vt in finem, primo vt in finem ipsarum, secundo vt in rationem à priori, qua nostro modo intelligendi determinatus est ad hoc vt libere vellet eas producere. Si primo modo sumatur, dico creaturas habere rationem boni vtilis, non respectu Dei, sed respectu ipsarum, quia medium est bonum vtile, quatenus deferuit alicui ad finis consecutionem: Deus autem non ita ordinat creaturas in finem, vt illis tanquam medijs velit consequi finem aliquem; sed potius vt ipsæ consequantur fines suos, quorum vltimus est Deus. Neque est verum quod si medium non est vtile fini, debet esse vtile ordinanti ipsum in finem, si loquamur de ordinante præcisè & formaliter quatenus ordinans est: solum enim est vtile illi rei, quæ vel ex directione propria, vel alterius, consequitur finem per tale medium, & hoc solum probat exemplum propositum. Si vero sumatur secundo modo, posset alicui videri quod creaturæ sint bonæ aut viles Deo, quia non potest intelligi, quiddam sit volitum propter finem, aut rationem à priori, nisi in quantum est bonum volenti in ordine ad talem finem. At neque isto modo est concedendum: quia non mouetur Deus, etiam nostro modo intelligendi, ad productionem creaturarum ex amore suæ bonitatis, tanquam ex appetitu obiecti obtinendi per talem productionem: sed tanquam ex appetitu obiecti communicandi; & ita non vult creaturas tanquam bonum suum, etiam quatenus sic amat suam bonitatem: sed tanquam indicium, aut signum manifestationis suæ bonitatis, & perfectionis. Itaque quamuis fini vt obtinendus postulet media, quæ sint bona operanti propter talem finem, vt in nobis constat: tamen finis vt communicandus, præcisè non postulat talia media, sed ea ex quibus communicetur; & de huiusmodi medijs bene potest intelligi, quod fini volita propter finem aut rationem à priori, quamuis non sint bona volenti talem finem, aut rationem à priori. Cùm vero dicimus, bonitatem medijs esse vtilitatem, aut intelligendum est solum de medijs ordinatis ad finem vt obtinendum, aut vtilitas non debet sumi pro bonitate ordinata ad splendendum indigentiam alterius, sed pro bonitate quæ consistit solum in quadam proportionem ad aliud; siue ista proportio sit aptitudo vt tale medium deferuiat ad consequendum finem, siue ad manifestandum perfectionem finis, sicut in vniuersum electio medijs subordinatur intentioni finis, & dimanat ex ea.

Et si inquiras, quo modo volitio creaturæ per modum medijs possit nostro modo intelligendi subordinari amoris diuinæ bonitatis, tanquam rationi à priori, si creaturæ neque bonitati Dei tanquam fini, aut rationi à priori, neque Deo vt amanti ipsas, sunt bonæ. *Respondetur*, ad hoc satis esse, quoddam Deum communicari creaturis, debeat

diuinam bonitatem; ex eo enim quod Deus amet suam bonitatem, tanquam ex ratione à priori. potest, nostro modo intelligendi, provenire, quoddam vellet id, quod ipsum decet, atque proinde communicari creaturis: vt autem dicatur hoc decere diuinam bonitatem, non est necessarium quod sit ipsi bonum, sed satis est esse consonum; & quod sit consonum satis patet, quia, cum sit ipsa bonitas, erit sui communicatiua, & quasi propensa ad hoc, vt se communicet: quoniam bonum est diffusivum sui, & ex consequenti erit ipsi consonum quod se communicet.

Sed adhuc potest obijci, quoniam saltem dicimus, quod Deus vult creaturas propter seipsū, tanquam propter rationem à priori, quia vult eas producere ad manifestationem suæ naturæ, & suarum perfectionum: sed hæc manifestatio est bonum quoddam, & non ipsarum creaturarum, atque proinde Dei; ergo cum Deus vult producere creaturas propter seipsū, tanquam propter rationem à priori, vult illis medijs consequi aliquid bonum suum, & ex consequenti creaturæ sunt ad hoc bonæ & ipsi viles.

Ad huius solutionem, supponendum est, quod cum dicimus, Deum velle creaturas propter manifestationem suæ perfectionis, non est ita intelligendum, quasi huiusmodi manifestatio sit ratio à priori, propter quam vltimo sunt volitæ creaturæ, illa enim est quid creatum, quoniam non est aliud quam ipsæ creaturæ, quatenus vt participationes quædam perfectionum, quæ sunt in Deo, manifestant eas: Sed sensus est, quod creaturæ, quatenus hoc præstant, ordinantur in diuinam bonitatem, vt in finem. *Hoc supposito* dico, falsum esse, quod hæc manifestatio sit bonum Dei, potius enim est bonum creaturarum, non solum quia quo maior est, eo maiores sunt perfectiones, quas creaturæ à Deo participant: sed etiam quia ipsa manifestatio formaliter sumpta cedit in vtilitatem & commodum creaturarum; tum quia ex ea excitantur creaturæ rationales in laudem & amorem creatoris, tum etiam, quia sicut cedit in honorem filij quod nobilitas suorum parentum fiat omnibus manifesta, ita etiam cedit aliquo modo in honorem creaturarum, quod manifestentur perfectiones sui creatoris.

Ad vltimum Respondetur concedendo maiorem si intelligatur de motione aut secundum rem, aut secundum nostrum modum intelligendi, & de fine sumpto aut pro causa finali aut pro ratione à priori: neque argumenta, quibus eam confirmavimus probant motionem aut finem debere accipi determinate, priori modo, vt ex dictis constat. quod si sumatur posteriori modo, bene potest reperiri in Deo, vt satis explicatum est, & in hoc sensu neganda est minor: quare concedimus bonitatem Dei per modum rationis à priori, nostro modo intelligendi, mouere & determinare sufficienter eius voluntatem prius ordine rationis, quam velit operari ad extra.

Expenditur ratio, qua D. Th. probat primam conclusionem.

Circa rationem D. Thomæ, quæ probat hanc conclusionem *adverte*, quod in ea supponit vt certam propositionem hanc necessarium esse,

tum esse,

rium esse, ut agentia sint determinata ad certos effectus quod habeant determinatos fines. Circa quam est duplex difficultas, prima quia videtur falsa, vñtūquodque enim agens est sufficienter determinatum ad certum effectum ex determinatione suæ naturæ, quamuis secludamus ordinem ad finem; Quod & ratione probari potest, quia determinata natura habet determinatam formam, & hæc determinatam virtutem, & hæc est principium determinatæ actionis. Et præterea inductione, nam ignis verbi gratia ratione suæ naturæ est determinatus ad producendum ignem, & non aquam.

Secunda difficultas est, quia videtur esse extra rem, nam D. THOMAS intendit probare, quod omne agens agit propter finem, & hoc colligit ex eo, quod non producat determinatum effectum, nisi habeat certum finem cuius gratia agat: videtur autem, quod non bene colligatur; quia actiones agentium terminantur ad effectus determinatos in individuo, (actiones enim sunt circa singularia) constat autem quod quantum ad effectus isto modo sumptos non determinantur agentia à fine: nam, verbi gratia, ignis, cum producat ignem semper habet eundem finem, siue conseruationem speciei, siue aliquod aliud; & tamen non semper producit eundem numero ignem.

Ad primam difficultatem Respondetur, quod quamuis determinata natura sit principium determinatæ actionis, & determinati effectus: tamen, quia ipsa natura non accepit casu à prima causa talem determinationem, sed in ordine ad aliquem finem, ideo tandem determinatio actionis & effectus agentis naturalis reducitur ad determinationem finis.

Ad secundam Respondetur, satis esse, quod determinatio actionis & effectus, quoad specificationem, proueniat à fine, ut possit colligi intentum D. THOMAS, scilicet agentia omnia agere propter finem; nam licet actiones versentur circa singularia, tamen ipsæ sunt determinatæ quoad specificationem, & per eas producuntur effectus determinati secundum speciem; & ideo necessarium est quod sint propter certos & determinatos fines. A quo vero proueniat determinatio agentium ad producendum potius hunc numero effectum quam alium, de quo aliqui disputant hoc loco, alibi explicandum est.

Explicatur secunda conclusio D. Thomæ.

CIRCA SECUNDAM CONCLUSIONEM, aduerte, intelligi de omni natura carenti intellectu, siue omnino careat cognitione; siue habeat cognitionem sensitivam. Et quod attinet ad priorem, ferè nulla est difficultas, quoniam cum careat omni cognitione, certum est, quod non potest dirigere operationem suam in finem, quod est agere propter finem, ut statim dicam: quoniam directio non est sine cognitione. Et ita quantum ad hoc necessario se habet ut mota, quoniam sua operatio dirigitur in finem ab alio, scilicet à suo auctore. Quare licet concedendum sit, quod operatio huius naturæ sit propter finem, quoniam alias non posset esse verum id quod vniuersaliter affirmavit D. Thomas in prima Conclusionem, scilicet, omne agens agere propter finem: negandum tamen est, quod, ut exit ab ea, sit propter finem; quod erat

A necessarium, ut talis natura operetur propter finem, ut mouens seipsum in finem.

Verum non ita intelligendum est dirigi à Deo operationem huius naturæ in suum finem, ut supposita ipsa natura, Deus libere ordinet eius operationem in finem: quamuis enim per impossibile non esset voluntas Dei quæ ita ordinaret operationes agentium naturalium in suos fines aut effectus, ipsæ operationes essent determinatæ ad eos, quia procederent ab agentibus habentibus naturas & virtutes determinatas in ordine ad eos; Sed dicendum est, cuiuscunque agentis naturalis operationem dirigi in suum finem à Deo, quia sicut natura & virtus ipsius agentis est propter operationem, & operatio propter finem, aut effectum: ita etiam Deus, cum producat agens talis naturæ, ordinavit eum ad suam operationem, & ad terminum eius; & sicut libere produxit ipsum, ita etiam libere voluit esse, ut operaretur tali modo, & ut produceret determinatum effectum.

Neque per hoc negamus, causas secundas indigere concursu primæ, ut actu operentur: Sed solum quod, ut habeant determinatos fines & terminos, cum operantur, necessarium sit quod de nouo ordinentur & determinentur ad eos; ignis enim, quia habet calorem, est determinatus ad producendum calorem, quoniam ea est vis caloris: non tamen producat eum de facto, sine concursu Dei. Neque obstat exemplum sagittæ in scopum iactæ: quo D. THOMAS vtitur in hoc articulo, & quo aliqui decepti, exemplificant priori modo hanc directionem agentium naturalium in suos fines; Quoniam D. THOMAS solum vtitur eo ad explicandum, quod sicut sagitta tendit in scopum ut mota ab alio, quia tendit ut subest directioni proiectantis: ita & prædicta agentia operentur propter fines suos ut mota ab alio, quia operantur propter eos, ut ab alio ordinata, & directa in eos; non tamen quia existimauerit, quod sicut sagitta, quando proiectur, determinatur & dirigitur ad certum scopum, quoniam de se est indeterminata; ita etiam ista agentia, cum operantur, dirigantur de nouo ad suos fines, ita ut antea non essent ad eos determinata.

DUBIUM SECUNDUM

An irrationalia operentur propter finem.

DUBIUM TAMEN est an etiam respectu brutorum sit vera ista Conclusio D. Thomæ.

§. 1. Argumenta, quod bruta agant propter finem.

ET RATIO DVBITANDI pro parte negativa est, quoniam bruta mouentur ad sua obiecta ex cognitione conuenientie, quæ est in ipsis, ad suam naturam: ergo mouentur, aut agunt propter finem. (consequentia patet, quia, (ut diximus articulo præcedenti) satis est quod obiectum media cognitione suæ bonitatis attrahat & moueat ad sui appetitionem, ut talis appetitio, quatenus exit ab homine, sit propter finem. Et Antecedens probatur, quia in hoc excedit appetitus sensitivus naturalem, quod mouetur in suum obiectum præsupposita eius cognitione: sed obiectum eius est bonum sensibile; quo mouetur in suum obiectum præsuppo-

præsupposita cognitione suæ bonitatis, aut convenientiæ ad naturam sensitivam.

Confirmatur, quia ideo homo mouetur ad finem, quia eius voluntas allicitur a bono, ut habet rationem finis; & ideo mouetur à se, quia mouetur ex propria cognitione: sed verumque reperitur in brutis; ergo etiam bruta mouentur à seipsis ad finem. Probatur *Minor*, quia imprimis appetitus bruti allicitur ab objecto, quatenus est sibi conueniens, & bonum: sed non allicitur, aut attrahitur in genere causæ efficientis, sicut virtutibus naturalibus attrahuntur aliquæ res materiales; ergo allicitur ab objecto in genere causæ finalis, & ex consequenti ut habet rationem finis. Et præterea brutum cognoscit illud obiectum esse sibi bonum, & conueniens; ergo in brutis reperiuntur illa duo, quæ diximus sufficere in homine, ut dicatur mouere seipsum in finem.

Secundo bruta cognoscunt finem secundum rationem finis: ergo mouent seipsa in finem; *consequentia* patet, quia, ut statim dicemus, nihil amplius requiritur. Et *Antecedens* probatur, nam quamcunque appetitionem antecedit cognitio obiecti; non secundum quamcunque rationem, sed quatenus appetibile est: quia solum mouet appetitum secundum rationem appetibilitatis, quæ est in eo; & non sufficit cognitio obiecti ut appetibile est in communi, quoniam non mouet nisi ut habet determinatam rationem appetibilitatis; ergo ut bruta appetant aliquod obiectum, necessarium est quod cognoscant ipsum secundum determinatam rationem appetibilitatis, quæ est in eo: sed tantum sunt duo modi appetibilitatis, scilicet *propter se & propter aliud*; vel, quod idem est, *finis*, & *utilitatis* aut *medij*: quoniam omnes alie differentie habent se materialiter respectu appetibilitatis; ergo bruta cognoscunt duas istas rationes.

Confirmatur, quia bruta cognoscunt obiecta secundum illam rationem, secundum quam appetunt ea: sed appetunt ea ut habent rationem mediorum; ergo etiam cognoscunt ea ut media sunt, & ex consequenti etiam cognoscunt finem, ut finis est: quia non possunt cognosci media, ut media sunt, nisi etiam cognoscatur finis. Probatur *minor*, nam imprimis si canis alligato proijciatur caro, statim appetit, & conatur vincula dirumpere, & non alia ratione, nisi quia impedimento sunt ad arripiendum carnem, & ex consequenti ut arripiat eam, quoniam antea quiescebat: ergo appetit diruptionem vinculorum tanquam medium. Item cum hirundo appetit colligere festucas, non appetit colligere eas ut festucæ sunt: ergo quia aptæ sunt ad construendum nidum; & ex consequenti ut habent rationem medij. Et idem argumentum fieri potest de brutis quatenus quærant victum, pabulum, aut potum ad sedandam famem aut sitim.

Tertio quæ mouentur ex determinatione suæ naturæ, semper operantur eodem modo; imo & semper operantur, si adsint omnia necessaria, & remota sint omnia impedimenta: sed bruta non semper operantur eodem modo, neque semper operantur, quamuis possint, ut constat; ergo non mouentur in suos fines ex determinatione suæ naturæ.

Ultimo, viuentia, iuxta doctrinam Aristotelis 8. philosophorum, mouentur à se; & hoc peculiari ratione concedendum est de brutis quoad motum

appetendi, cum moueantur isto genere motus ex propria cognitione; ergo non mouentur in finem appetendo ipsum ut mota ab alio, sed ut mouentia se.

§. 2. Explicatur & probatur sententia Dni Thomæ.

SED HIS NON OBSTANTIBUS vera est sententia D. THOMÆ. Pro cuius explicatione & probatione, *adverte* quod agere propter finem, est exercere actionem quæ sit gratia finis; dupliciter autem potest contingere, quod aliqua actio sit gratia finis, scilicet, vel ut exit à proprio agente, vel ut subest ordinationi vel directioni superioris agentis. Quando actio vel propter finem aut gratia finis *priori* modo, tunc agens dicitur agere propter finem, tanquam mouens se: quia virtute propria est causa actiua actionis, secundum eam rationem, quæ est propter finem; Quando vero actio est gratia finis *posteriori* modo, tunc agens tantum dicitur agere propter finem materialiter, & ut motum ab alio; *materialiter* quidem, hoc est non formaliter, quia actio eius est gratia finis, non tamen prout est ab eo; Et *ut motum ab alio*, quia sicut instrumenta dicuntur operari ut mota ab alio, quia non operantur virtute propria, sed virtute superioris agentis, ita etiam huiusmodi agens dicitur agere propter finem ut motum ab alio, quia non concurret virtute propria ad suam actionem, quatenus est gratia finis, sed ut subest superiori agenti ordinanti ipsum & suam actionem in finem, quod qua ratione fiat, explicatum est satis paulo superioribus.

Secundo adverte, quod ut actio aliqua quatenus exit à proprio agente, sit gratia finis, requiritur, quod in agente sit virtus, quæ, quatenus est ipsius, sit actiua actionis: non solum secundum entitatem, sed etiam quatenus est gratia finis; ut autem virtus aliqua sit principium actionis secundum istam rationem, necessarium est quod habeat pro obiecto finem sub ratione finis: sicut vniuersaliter, ut actio quæcunque, quatenus procedit ab aliqua potentia, aut ab aliquo habitu, terminetur ad aliquod obiectum, necessarium est quod illa potentia, aut ille habitus, secundum propriam rationem respiciat idem obiectum.

Tertio adverte, quod nullus appetitus, præter rationalem, si consideretur præcise secundum propriam rationem formalem, inclinatur ad obiectum, quatenus formaliter habet rationem finis. Et quamuis hoc facile concedatur ab omnibus de appetitu naturali: tamen ratione communi probatur, tam de ipso, quam de sensitivo in brutis; quia finis ratio in exercitio consistit in hoc, quod moueat ad hoc, ut eius gratia aliquid fiat; & ex consequenti, ut fiat tanquam proportionatum ipsi; sed hanc rationem neuter appetitus potest attingere; ergo neque finem ut finis est formaliter. Probatur *minor*, quia non potest appeti aliquid ut proportionatum alteri, nisi præsupponatur cognitionalis proportionis, quoniam appetitus semper commensaturur cognitioni: sed neque appetitus naturalis, neque sensitivus in brutis, præsupponit talem cognitionem in proprio subiecto; quia cognoscere proportionem vnius ad aliud, est proprium rationis, ergo neuter potest attingere ra-

tionem

tionem finis in suo obiecto, quo manet satis confirmata conclusio D. Thomæ.

Ex his sequitur primo, verum esse quod diximus articulo præcedenti, dubitatione secunda, in principio; scilicet, quod agere propter finem est, præsupposita motione finis operari aliquid propter finem, illud enim intelligendum est de agente quod agit propter finem tanquam mouens seipsum in finem, huic enim agenti conuenit moueri.

Secundo sequitur, quod etiam si finis non consideretur, ut habet rationem præmij, sed absolute prout etiam reperitur in rebus naturalibus, præciso ordine moris, non est concedendum, agentia quæ carent cognitione intellectiua, agere propter finem mouendo seipsa.

§. 3. Soluntur rationes dubitandi:

Ad primum aliqui respondent, bruta non cognoscere formaliter bonitatem, aut conuenientiam sui obiecti; sed solum materialiter, quia cognoscunt rem, quæ est sibi bona, aut conueniens; & consequenter dicunt, quod appetitus sensitivus in eis non fertur in bonum formaliter; sed solum materialiter. Quo posito, nulla est difficultas in argumento, potest enim negari Antecedens, verum hæc sententia, ut capi dicere articulo præcedenti, mihi non placet. Primo quia expresse videtur esse contra D. Thomam, qui in 1. p. q. 80. art. 1. ad secundum docet, obiectum potentie apprehensivæ & appetitivæ esse idem subiecto, sed differre ratione formali, quoniam apprehenditur res ut est eius sensibile vel intelligibile, appetitur verò, ut est conueniens aut bonum.

Confirmatur secundo quia appetibilitas est ratio formalis sub qua obiecti potentie appetitivæ, sicut cognoscibilitas est ratio formalis sub qua obiecti potentie cognoscitivæ; sed appetibilitas dimanat immediate ex ipsa bonitate formaliter sumpta, ut docet Caietanus. 1. p. q. 5. art. 1. ergo bonum formaliter sumptum est obiectum in quod fertur potentia appetitiua, ut talis est. Patet consequentia, quia obiectum quod formaliter attingit quæcunque potentia, est illud quod immediate substat rationi sub qua; sicut potentia visiva percipit colorem formaliter, quia ad eum consequitur immediate visibilitas, quæ est ratio sub qua sui obiecti.

Tandem vel ratio formalis secundum quam obiectum est formaliter appetibile ut quod, est sua entitas absolute sumpta; vel quatenus est fundamentum & causa bonitatis aut conuenientie ad subiectum; vel quatenus est bona & conueniens formaliter: primum dici non potest, quia alias nulla posset reddi ratio cur potius appeteretur una res, quam alia; Neque secundum, quia difficilius est quod appetitus, qui non ducitur ratione, fecatur in obiectum quatenus est causa aut fundamentum bonitatis, quam quod appetat ipsum quatenus est bonum formaliter; ergo necessario dicendum est tertium.

Quare aliter respondetur, concedendo Antecedens ita absolute propositum; (supponimus enim cum D. Thomæ, quod æstimatoria in brutis percipit obiecta, quæ sunt conuenientia, aut disconuenientia naturæ ipsorum), & negando

consequentiam. Et ad probationem, dicendum est, id quod refertur ex articulo præcedenti, intelligendum esse de motione quæ provenit ab obiecto, ut exercet rationem causæ finalis; & non præcise ut bonum est, quo modo autem differunt inter se duæ istæ motiones, statim explicabitur.

Ad confirmationem concessa maiori neganda est minor: non enim allicitur appetitus bruti à bono, prout habet rationem finis, sed solum allicitur ab eo, illo modo attractionis, quo unaquæque res, etiam inanimata, dicitur attrahi à suo bono & à sua perfectione. Quod ut intelligatur, advertatur quod quamvis attractio metaphorica, prout distinguitur à physica (quæ fit aut actuali impulsu, aut media virtute, aut qualitate reali emissâ ab agente in passum) reducatur late ad causam finalem, tamen in rigore loquendo non est necessarium quod semper fiat à fine, ut habet rationem finis: sed sæpe potest provenire à bono; ut habet rationem boni; quæ, ut diximus articulo præcedenti, distinguitur à ratione finis. Nam finis solum attrahit ut finis, quando mouet agens, ut gratia ipsius operetur: siue moueat desiderio suo ad electionem mediorum; siue sola cognitione suæ bonitatis excitet agens ad hoc, ut in ipsum ditigat & ordinet suam actionem. At bonum, ut bonum præcise sumptum, solum attrahit ad simplicem tendentiam in ipsum, non tamen ut gratia eius aliquid fiat.

Quod si obijcias, attractionem hanc esse exercitium alicuius causæ, & non posse esse alterius quam finalis, atque proinde necessarium esse quod proveniat à fine, ut habet rationem finis. Respondetur, quod quamvis attractio ista explicatur per modum exercitij alicuius causæ: (dicimus enim quod provenit à bono, sicut dicimus motionem finalem provenire à fine, aut physicam ab efficienti) tamen proprie non est exercitium alicuius causæ, sed consistit in hoc, quod est vnum tendere in alterum, non quomodocunque, sed tanquam in suum bonum, & in suam perfectionem; ad quod satis est, vnum esse ex natura sua commensuratum & proportionatum in ordine ad alterum. Est autem hoc discrimen inter bruta, & ea quæ carent cognitione sensitiva: quod ista per formam acceptam à suo auctore habent completam & proximam commensurationem in ordine ad suum bonum; bruta vero non nisi per formam, quam ipsæ accipiunt per sensum.

Ad secundum respondetur negando Antecedens. & ad probationem etiam negandum est totum Antecedens, non enim est necessarium quod appetitionem antecedit cognitio obiecti, quoad rationem quæ appellatur sub qua: sed satis est quod antecedit cognitio eius quoad rationem quæ appellatur ratio formalis qua, secundum quam formaliter terminat appetitionem. Quoniam cognitio solum præsupponitur ad appetitionem, quia sicut nihil est volitum quin præcognitum, ita neque appetitum appetitu sensitivo; ratio autem sub qua non est quæ formaliter appetitur, sed ratio formalis qua. Sicut ratio sub qua obiectum pertinet ad potentiam visivam, scilicet visibilitas, non videtur, sed ratio formalis qua, scilicet color, & idem est in alijs potentijs. Constat vero ex dictis quod ratio formalis qua obiecti potentie appetitivæ est bonitas aut conuenientia, & appetibilitas solum est ratio sub qua.

Ad confir-

Ad confirmationem concessa maiori neganda est minor, & ad probationem negandum est *Antecedens*, scilicet, quod ex desiderio carnis moueatur in illo casu canis ad appetendum ruptionem vinculorum: quod tamen necessarium erat, ut appeteret eam tanquam medium; sed simul mouetur ad carnem & ad ruptionem vinculorum, quatenus ex eis integratur vnum obiectum totale sui appetitus, quod est consecutio carnis. Et eodem modo dicendum est, non proponi cani per sensum, tanquam duo obiecta habentia inter se ordinem finis & medij, arripere carnem, & rumpere vincula; sed ut vnum obiectum, quod, ut dixi, est consecutio carnis. Et satis est quod ita incipiat de nouo proponi cani ruptio vinculorum sub ratione boni sui, scilicet tanquam pars illius obiecti; ut ipse de nouo incipiat appeter eam: quamuis non proponatur sub ratione medij; & idem dicendum de alijs exemplis in argumento propositis, neque amplius est tribuendum brutis, nisi velimus concedere, esse in eis vsum rationis.

SED CONTRA hoc obijci potest, quia canis apprehendit ruptionem vinculorum sub ratione boni, & similiter hirundo congregationem festucarum; & tamen non sub ratione boni honesti, ut constat; nec sub ratione delectabilis, quia vtraque fit cum labore & defatigatione; ergo sub ratione boni utilis, & ex consequenti ordinati ad aliud, quod est esse medium.

Respondetur quod quantum attinet ad præsentem quæstionem, nulla est in hoc argumento difficultas, quoniam, ut dixi, ruptio vinculorum apprehenditur ut vnum obiectum cum arceptione carnis; & congregatio palcarum cum constructione nidi; & ideo vtraque apprehenditur à bruto sub ratione boni, secundum quam suus terminus mouet brutum. Difficultas vero est communis in omni sententia, à qua specie boni moueantur bruta cum appetunt obiecta? In quo mihi probabilius videtur, quod semper moueantur à bono delectabili, ut docet D. THOMAS, infra. q. 4. art. 2. ad secundum, quoniam non cognoscunt bonum honestum, neque utile: & præter hæc non datur quartum bonum; verum est, quod aliqui fingunt bonum quoddam naturæ, distinctum ab istis. Sed hoc vel solum importat rationem bonitatis communem ad omnia ista: vel, si importat aliquam particularem rationem bonitatis, illa reducitur ad utilitatē. Quare in exemplis propositis in argumento, dicendum est, quod ruptio vinculorum, & motus ad victum aut potum, apprehenduntur sub ratione bonorum delectabilium, quia sub ista ratione mouent bruta caro proposita, & victus atque potus. Et idem videtur dicendum de congregatione festucarum respectu hirundinis: nam quamuis non adeo manifesta sit delectatio, quam percipit hirundo in constructione nidi, credendum tamen est esse aliquam, quoniam (ut D. THOMAS aduertit articulo citato in secundo argumento) natura in necessarijs ad conseruationem indiuidui & speciei, delectationem apposit, ut huiusmodi operationes ab animalibus non negligantur. Neque obstat quod prædictæ operationes non possint exerceri sine aliquo labore & defatigatione: quoniam hoc commune est omni delectationi corporali, cum enim consequatur ad actionem corpoream, necessarium est quod habeat adiunctam defatigationem aliquam.

AD TERTIVM respondetur, maiorem duas partes continere: prima est, quod ea, quæ agunt ex determinatione suæ naturæ, semper operantur eodem modo; & ista potest esse vera, & falsa: si enim sensus eius sit, quod hæc agentia non exercent diuersas operationes, falsa est, si intelligatur vniuersaliter de omnibus; si vero sit sensus, quod quamlibet operationem in particulari exercent semper eodem modo, & cum omnimoda determinatione, & sine indifferentia, vera est. Et hoc est satis ut verum sit, quod huiusmodi agentia operantur ex determinatione suæ naturæ, quia quamcunque operationem exercent cum determinatione ad vnum; & hoc etiam reperitur in brutis.

Altera pars est, quod hæc agentia positis omnibus requisitis ad operandum, & remotis impedimentis, semper actu operantur, & hæc est vniuersaliter vera etiam in brutis. Neque obstat quod aliquando non operentur, quamuis obiectum sit præsens: quia cum hoc contingit deesse illis aliquid necessarium, scilicet apprehensionem obiecti per modum conuenientis; non enim semper apprehendunt bruta, obiecta sibi proposita, tanquam conuenientia, sed solum illis temporibus, quibus secundum ordinem naturæ sunt conuenientia, quia sicut eorum æstimatiua determinatur à propria natura ad apprehendendum ut conuenientia, illa obiecta solum quæ ipsis sunt conuenientia; ita etiam determinatur ad apprehendendum ea sub ista ratione solum pro illis temporibus, quibus sunt conuenientia.

AD VLTIMVM respondetur, quod in hoc, quod est agere propter finem, duo includuntur, scilicet agere, & propter finem, & quantum ad primum bruta & reliqua viuientia mouent se, quia habent in seipsis virtutem aut formam, quæ ut est ipsorum, est principium agendi; non tamen quantum ad secundum, quia non est ipsis virtus ordinatiua aut directiua in finem sub ratione finis, ut supra explicuimus. Quando vero asserimus cum D. THOMA, bruta agere propter finem ut mota ab auctore naturæ, intelligendum est quantum ad hoc, quod est propter finem, non tamen ratione actionis secundum se. Quare neganda est ista consequentia, quæ fit in argumento: bruta agunt ut mouentia se; ergo etiam agunt propter finem ut mouentia se: Aut potius distinguendum est consequens, iuxta doctrinam traditam.

Declaratur ultima conclusio D. Thoma: quod proprium sit rationalis creatura agere propter finem.

CIRCA VLTIMAM CONCLUSIONEM aduerte, intelligendam esse tantum quoad actiones, quas homo exercet cum aliqua libertate; illæ enim ad quas concurrit cum determinatione, quoad exercitium, & quoad specificationem, neque dicuntur propriæ humanæ, ut explicuimus articulo præcedenti; neque sunt propter finem, quatenus exeunt ab homine, sed ut ordinantur in finem ab auctore naturæ: & ita quoad huiusmodi operationes homo non mouet seipsum in finem, sed potius mouetur à suo auctore.

Neque obstat, quod per cognitionem, quæ præcedit actiones istas, possit homo cognoscere finem in ratione finis; Quoniam per hanc cognitionem

non de-

non determinatur homo aditas actiones, sed determinatus est ab intrinsecis; & ideo non ita præcedit, ut ratione eius dirigantur in finem, quod tamen necessarium erat ut ratione eius dicerentur esse propter finem, ut explicuimus supra, cum inquirebamus an Deus quoad processiones ad intra dicatur agere propter finem.

Cur creatura irrationales debeant moueri in fines suos ab aliqua voluntate rationali?

CIRCA solutionem ad tertium adverte, quod illud argumentum facile posset dissolui, solum enim concludit quod natura irrationalis non agit propter finem ut mouens & dirigens se in finem, quia ad hoc necessarium erat quod haberet pro obiecto finem sub ratione finis: non tamen quod non agat propter finem, licet id quod ab alio mouetur in finem, quia ad hoc non est necessarium habere pro obiecto finem sub ratione finis, sed satis est dirigi ab alia causa cognoscente finem.

Ceterum D. THOMAS vult reddere rationem propter quam creature irrationales debeant moueri in suos fines ab aliqua voluntate rationali, scilicet à voluntate diuina. Contra quam tamen sunt duæ difficultates.

Prima quia D. Thomas colligit, voluntatem esse causam vniuersalem respectu reliquorum appetituum, ex eo, quod ipse habet pro obiecto bonum vniuersale; illi vero particulare: in quo tamen comittitur æquiuocatio, quia est argumentari ab vniuersalitate abstractionis, siue communitatis, ad vniuersalitatem causalitatis.

Secunda difficultas est, quia Diu. THOMAS probat, in brutis non esse voluntatem hac ratione: voluntatis obiectum est bonum vniuersale; sed in brutis non est apprehensio obiecti vniuersalis; ergo neque voluntas; & tamen maior aut est falsa, aut extra propoliti; quod sic ostendo: quia aut in ea est sermo de obiecto voluntatis quoad exercitium volendi, aut quoad specificationem ipsius potentie; Si *primum*, falsum est quod tale obiectum sit bonum vniuersale, voluntas enim in exercitio non tendit in bonum vniuersale & abstractum ab inferioribus, sed in bonum singulare; quia sicut illud non perficit rem aliquam, sed istud: ita istud tantum est volitum; Si *secundum*, quamuis verum sit, quod voluntas specificatur à bono vniuersali siue vniuersaliter sumpto, non potest ex eo colligi quod non sit in aliquo subiecto, si non sit in eo, apprehensio boni vniuersalis: *sum* quia apprehensio solum requiritur ad potentiam appetitiuam propter exercitium appetendi: si ergo exercitium tantum terminatur ad bonum singulare, sufficit apprehensio huius boni: *Tum etiam* quia appetitus sensitivus, & specificatur per ordinem ad bonum sensibile in communi, & non ad hoc vel illud in particulari; & tamen est in brutis, in quibus non est apprehensio boni sensibilis in vniuersali.

Ad primam difficultatem respondetur, quod quamuis ita argumentetur D. THOMAS, nullam committit æquiuocationem: non enim colligit, voluntati cōuenire vniuersalitatem causalitatis ex eo, quod habeat pro obiecto bonum in communi, quia indistincte sumat vnam vniuersalitatem pro

A altera: sed quia in prædicti vniuersalitates causalitatis colligitur optime ex vniuersalitate abstractionis ex parte obiecti. Id autem ostendi poterit hac ratione: quicumque appetitus siue sensitivus, siue naturalis, habet pro obiecto bonum aliquod particulare, & finem particularem; voluntas vero habet pro obiecto bonum & finem secundum communem rationem boni & finis; ergo datur aliqua voluntas à qua omnes isti appetitus moueantur ad suos fines particulares. Probatur consequentia, quia in omnibus potentijs actiuis ordinatis, illa potentia quæ respicit finem vniuersalem, mouet potentias quæ respiciunt fines particulares, ut D. THOMAS probat. 1. p. quæst. 82. artic. 4. duobus exemplis, altero desumpto ex politicis, & altero ex naturalibus; & priori in isto loco; est autem euidentis dari voluntatem aliquam, respectu cuius omnes isti, appetitus sint ordinati, scilicet diuinam: non enim comparantur ad eam, sicut ad nostras; ergo ab ea mouentur ad suos fines particulares. Neque oportebat omnia ista dici hoc loco; quia supponebat dicta fuisse loco citato, unde nos rationem istam desumpsimus.

B *Ad secundam* Respondetur, imprimis maiorem illam esse veram de obiecto quoad exercitium: quia, ut inquit D. THOMAS 1. p. quæst. 80. artic. 2. ad primum quamuis appetitus intellectivus feratur in res, quæ sunt extra animam singulares, feratur tamen in eas secundum aliquam rationem vniuersalem; sicut cum appetit aliquid, quia est bonum, & hoc satis est ad colligendum intentum Diu. THOMAS, scilicet, voluntatem non esse in creaturis carentibus cognitione intellectiva, quia in illis non potest esse apprehensio prædictæ rationis vniuersalis. *Deinde dico* esse veram de obiecto quoad specificationem. Ceterum hoc supposito dicendum est, Diu. THOMAS per bonum vniuersale non intelligere præcise bonum sumptum vniuersaliter, prout distinguitur à singulari: quia hoc modo etiam appetitus sensitivus habet pro obiecto bonum sensibile in vniuersali, non enim specificatur per ordinem ad hoc, vel illud bonum determinatum; Sed intelligere bonum ita in vniuersali sumptum, ut contineat totam latitudinem boni, quoniam hoc est proprium obiectum appetitus intellectiui, & in eo differt ab appetitu sensitivo & naturali, quia quivis eorum fertur in determinatam aliquam partem boni ut explicui art. præcedenti.

C *Neque contra* hoc habent vim obiectiones propositæ, quoniam dici potest, Diu. THOMAS per apprehensionem boni vniuersalis, intelligere apprehensionem boni, ut continet totam latitudinem boni, & ex eo quod non possit reperiri in aliquo subiecto talis apprehensio, recte colligi, quod neque possit esse in eo appetitus, qui specificatur per ordinem ad illud bonum: quoniam sicut appetitus præsupponit in suo subiecto vim cognoscitiuam, ita etiam postulat talem ut extendi possit ad totam latitudinem sui obiecti.

ARTICVLVS III.

*Utrum actus hominis recipiant speciem
ex fine.*

CONCLUSIO. Actus humani siue considerentur per modum actionum siue per modum passionum, speciem a fine sortiuntur.

Quæstionē huius articuli, ut aduertit CONRADVS, incidenter proposuit hoc loco D. THOMAS: nā quoniam articulo primo definerat, omnes actiones humanas esse propter finem; & articulo secundo, esse propter finem, modo quodam peculiari, & distincto ab eo, quo omnia agentia dicuntur agere propter finem: Ideo voluit in hoc articulo inuestigare, quomodo se habeant actiones humanæ respectu finis, & an ab eo sortiantur speciem. Cæterum quoniam de specificatione actuum humanorum agendum, est infra q. 18. ideo ad eum locum remittimus præcipuam difficultatem huius articuli. Et solum proponemus duo dubia circa litteram articuli.

DVBIUM PRIMVM.

*Utrum actiones recipiant speciem à principijs efficientibus à quibus
dimanant?*

ET RATIO DVBITANDI pro parte negatiua est, quia sæpe eadem actio potest provenire à principijs efficientibus distinctis secundū speciem, ut calefactio ab igne, & à sole mediante lumine: Et è conuerso actiones specie distinctæ proveniunt ab eodem principio, ut à sole mediante lumine calefactio & illuminatio.

Confirmatur, quia, verbi grati, si calefactio ut actio specificatur per ordinem ad suum principium secluso ordine ad terminum, scilicet ad calorem qui producitur; sequitur quod vltima ratio calefactionis, quæ sit ab igne, consistat in hoc, quod sit actio à calore formali, quia ab eo est de facto; & ex consequenti quod calefactio, quæ sit à sole, aut non sit calefactio, aut sit calefactio alterius speciei.

Secundo, potentia, quæ est principium effectivū actionis, specificatur per ordinem ad actionem, ut docet Aristoteles 2. lib. de anima cap. 4. ergo non est dicendum, quod etiam actio sumat speciem ab ipsa potentia, ne detur circulus.

Et confirmatur, quia omnes admittunt doctrinam Aristotelis, qui in illo capite docet, potentias specificari per actus, & actus per obiecta: ergo actio in ratione actionis specificatur per ordinem ad obiectum: & ex consequenti non per ordinem ad principium; quoniam vna res tantum habet vnum specificationum.

PROPTER HOC ARGVMENTVM Respondent aliqui, Dn. THOMAM solum loqui de actibus humanis, respectu quorum finis habet rationem principij, & obiecti aut termini, ut statim dicemus. Alij autem dicunt, propositionem istam non esse intelligendam cum tanta limitatione, neque vero

vniversaliter de omni actione: sed solum de ea, cuius principium est potentia partim actiua & partim passiva; & quod respectu eius sumpsit pro eodem D. THOMAS specificari à principio, aut à termino, quoniam utroque modo concurret ad eam obiectum, scilicet & ut obiectum, & ut terminus; ut constat *in* exemplo actionum potentiarum cognoscitiuarum, & appetitiuarum; *Tum* ex ipso D. Thoma, qui 1. p. q. 77. art. 3. docet, hoc esse discrimen inter actionem potentie passivæ, & actiuv; quod ad priorem concurret obiectum duobus modis prædictis, ad posteriorem vero solum altero eorum, scilicet ut terminus.

VERVM MIHI neutra expositio placet. *Primo* quoniam D. THOMAS, ut probet eam propositionem, de qua est disputatio, vitur exemplo calefactionis, quam tamen certum est, non esse actionem humanam, neque procedere à potentia partim passiva, sed ab omnino actiua, scilicet à calore. Et *præterea*, quia in neutra explicatur, quomodo specificatio actionis, quæ consistit in habitudine & commensuratione ad obiectum ut habet rationem termini, possit sumi à principio. Non enim satis est, quod idem obiectum secundum aliam rationem sit etiam principium actionis: quia ex hoc solum sequitur, quod principium materialiter sumptum, id est res, quæ est principium, specificet actionem; non tamen quod specificet in ratione principij.

IDEO ALITER Respondetur, (supposito quod loquimur tantum de vltima specificatione, & nō de gradibus superioribus, aut conditionibus communibus) dupliciter sumi specificationem ab aliquo: scilicet *efficienter* aut *formaliter*; & *priori* modo sumi à principio efficienti, quoniam sicut hoc producit efficienter entitatem rei, ita & producit eam determinatam ad certam speciem; *posteriori* vero à forma, seu actu constituyente rem intrinsecam. Estque hoc commune actioni cum omnibus rebus quæ habent causas. Habet autem hoc peculiare actio, quod importat habitudinem, & ad principium actiuv effectiuv, tanquam aliquid eius; & tanquam id quo formaliter reducitur ad actum secundum suæ actiuitatis; & ad obiectum, quoniam est ipsa communicatio, aut productio termini, aut saltem attingit obiectum; adeum modum quo actiones cognoscendi aut appetendi dicuntur attingere obiecta; & ideo peculiariter actionis specificatio tribuitur utrique, non tamen provenit ab utroque eodem modo, sed ab vno efficienter, & ab alio quasi formaliter; à principio quidem *efficienter*, & aliquo modo radicaliter, non quia principium sit radix specificationis, sicut forma dicitur radix differentie: sed quia postulat actionem talis speciei, licet non eodem modo conveniat hoc omnibus principijs, ut statim dicam; Ab obiecto vero *formaliter*; quia obiectum habet se ut forma actionis, non quia vere sit forma, sed quia terminat habitudinem aut commensurationem ipsius, in qua consistit eius intrinseca specificatio; & terminus ut terminus reducitur ad genus causæ formalis.

Cæterum in principijs actiuis actionum est magna diversitas, nam quædam sunt ex suæ natura sufficienter determinata ad specificationem suarum actionum; alia vero indigent ad hoc vnione aliqua cum suis obiectis.

Primi generis dixit D. THOMAS 1. p. loco citato esse potentias pure actiuas; *posteriores* uero eas quæ partim sunt actiuæ, & partim passiuæ. Et in hac p. q. 72. art. 3. reducit ad *primum* genus omnia principia actiua naturalia; & ad *secundum* principia actiua actuum voluntariorum, ubi simul comprehendit potentias omnes cognoscitiuas & appetitiuas, quoniam quantum ad hoc eadem est ratio de omnibus. Et ex hoc discrimine inter principia actionum prouenit aliud in modo quo obiecta concurrunt ad specificationem ipsarum actionum; nam quando principia sunt primi generis, specificatio actionum solum sumitur à terminis seu obiectis formaliter, in sensu supra explicato: quia obiecta solum concurrunt terminando actiones; Quando uero principia sunt secundi generis, tunc specificatio actionum sumitur ab obiectis utroque modo supra explicato, scilicet efficienter aut quasi efficienter, & formaliter; quia obiecta non solum concurrunt terminando actiones, sed etiam determinando principia effectiua ad earum specificationem. Et propterea D. THOMAS hoc loco, & infra q. 72. art. 3. dixit specificationem actuum humanorum sumi utroque modo à fine.

NAQUE OBSTAT, quod actio importat ordinem ad agens: Nam vel non importat eum ut sibi intrinsicum, sed ut connotatum, quoniam ratio actionis formaliter consistit in hoc, quod sit productio actiua termini, quia tamen productio ita sumpta debet esse ab aliquo producete, ideo connotat ordinem ad ipsum: vel importat illum ordinem tanquam conditionem communem, & quasi transcendentem ad omnia quæ habant esse tanquam id, quo alia sunt. Nam sicut potentia actiua, & habitus operatiui sunt aliquid agentis & operantis, & ita important habitudinem ad ipsum, & nihilominus specificantur per ordinem ad sua obiecta: ita etiam actio est aliquid agentis, & quasi actus ipsius, in quantum est id, quo agens tanquam exercitio suæ actiuitatis comunicat, aut producit aliquid, & ideo importat habitudinem ad ipsum; eius tamen specificatio consistit in ordine ad terminum aut obiectum. Et altero ex his modis exponendum est id, quod communiter dici solet, scilicet, actionem formaliter esse motum ut ab agente.

AD PRIMUM respondetur, quod cum stet unitas obiecti cum distinctione principiorum, & è conuerso distinctio obiectorum cum unitate principij, ut constat in exemplis propositis, & uniuersaliter in principijs æquiuocis, & eorum actionibus: ideo indifferenter potest contingere, quod eadem actio secundum speciem emanet à principijs specie distinctis, aut quod ab eodem principio emanent actiones specie distinctæ.

Ad confirmationem patet solutio ex dictis, non enim dicimus actionem specificari formaliter per ordinem ad principium effectiuum: sed per respectum ad terminum; & ita calefactio, siue sit à sole, siue ab igne, semper est eiusdem speciei, quoniam terminus, scilicet calor productus, est idem secundum speciem.

AD SECUNDUM Respondetur, circulum illum in nostra sententia non esse vitiosum, quoniam est in diuersis generibus causarum: actio enim specificatur à potentia efficienter aut radicaliter ut supra dixi, potentia uero ab actione formaliter, aut in genere causæ finalis, quia actio est finis poten-

tia, & secundum istam rationem specificat eam, ut docet D. THOMAS 1. p. q. 77. art. 3. ad primum.

Ad confirmationem Respondetur non esse inconueniens quod eadem res habeat duplex specificatio, alterum efficiens, & alterum formale.

DUBIUM SECUNDUM

Verum sit verum id, quod supponit D. THOMAS, ut probet, actionem humanam, quatenus habet rationem actionis, specificari à fine; scilicet finem esse principium actionum humanarum.

ET RATIO dubitandi pro parte *negativa* est, quia sequitur ex eo, quod obiectum concurrat effectiue ad actum humanum, quoniam alias non poterit esse simul in voluntate principium, & tamen hoc non solet admitti ab omnibus, immo multi existimant esse contra doctrinam D. THOMÆ.

Respondetur, impertinens esse ad veritatem sententiæ D. THOMÆ, quod finis concurrat efficienter ad actum voluntatis, quia solum affirmauerit finem habere rationem principij respectu huiusmodi actus; ad quod non est necessarium quod sit principium effectiuum in rigore, sed satis est quod sit quasi forma principij effectiui, scilicet voluntatis, non quidem dans ei virtutem ad operandum, quoniam si hoc præstaret deberet concurrere efficienter ad actum; sed determinans eam quantum ad specificationem actus. An uero concurrat efficienter disputabimus infra.

ARTICVLVS QVARTVS.

Verum sit aliquis ultimus finis humanæ uitæ.

PRIMA CONCLUSIO. In finibus per se subordinatis non datur processus in infinitum, neque ordinis intentionis, neque ordinis executionis, hoc est neque ex parte finium, neque ex parte mediorum; sed datur ultimus finis & primum medium ad ealem finem. SECUNDA CONCLUSIO in finibus per accidens ordinatis non est inconueniens dari processum in infinitum.

§. 1. Sensus tituli.

CIRCA titulum NOTA, quod postquam D. THOMAS docuit, hominem agere propter finem, abstrahendo ab ultimo & non ultimo: consequenter uult explicare, utrum habeat aliquem ultimum finem, propter quem operetur. Et ita, ut diximus in principio huius questionis, ab hoc articulo incipit D. THOMAS agere de fine ultimo in communi. Quia tamen dupliciter posset negari, hominem habere aliquem finem ultimum propter quem operetur; scilicet, dicendo, aut dari processum in infinitum in finibus; aut quod quamuis non datur talis processus, tamen non est vnus aliquis ultimus finis actionum humanarum, sed plures, ita ut in quocunque eorum sistendum sit, tanquam in ultimo: Ideo D. THOMAS utroque modo reuo-

cat in dubium, verum homo habeat aliquem ultimum finem suarum actionum: & priori in isto articulo; posteriori vero in sequenti. Quare sensus huius tituli est, verum detur aliquis finis humanæ vitæ aut humanarum actionum, qui sit ultimus respectu ipsarum: ita ut non ordinetur ad alium finem, sed in eo sit status tanquam in ultimo, siue sit vnus tantum, siue plures, quorum vnusquisque sit ultimus in suo ordine, & non ordinetur ad alium.

§. 2. Explicatur prima conclusio articuli, de finibus per se subordinatis.

CIRCA PRIMAM CONCLUSIONEM Nota, per fines subordinatos intelligi eos, qui in causando sunt subordinati, ita ut causalitas vnus pendeat ex causalitate alterius: quare cum causalitas finis consistat in hoc, quod moueat appetitum ad hoc, ut eius gratia aliquid efficiat, aut appetat; non erit aliud finem aliquem subordinari alteri in causando, quam mouere prædicto modo appetitum dependenter ab alio fine, hoc est ut ordinatum ad alium finem. Et ita D. THOMAS. 3. contra gen. cap. 17. ratione 4. ait, in omnibus finibus ordinatis oportere, quod ultimus finis sit finis omnium præcedentium finium. Quia tamen potest provenire ex duplici capite, quod vna res ordinetur ad aliam, tanquam ad finem, scilicet ex ipsius natura, aut ex intentione operantis: ideo duobus modis potest dici subordinata in ratione finis alteri fini; scilicet aut quia sua natura postulat quod ordinetur ad eum, sicut medicina ex propria natura habet quod ordinetur ad sanitatem & quod appetatur propter eam; aut quia, quamuis id natura eius non postulet, tamen ex intentione operantis ordinatur, ut cum quis vult sanitatem ut possit incumbere negotijs, quibus cogerat diuitias. Et quocumque ex istis modis subordinetur vna res alteri, dicitur subordinari per se, in eo sensu quo D. T. hic loquitur de finibus per se subordinatis. Nam quævis subordinatio proveniens ex sola intentione operantis accidat rei consideratæ secundum suam naturam: tamen non accidit ei quatenus exercet causalitatem finalem, quia exercet eam ut habens talem subordinationem, & non aliter; & vniuersaliter, ut aliqua causa dicatur per se subordinata alteri, satis est quod quantum ad causalitatem dependeat ab ea in eodem genere causæ, quia dependere isto modo, est subordinari in ratione causæ.

CIRCA RATIONEM qua D. T. probat hanc primam conclusionem, ADVERTE, eam esse euidenter, siue ad fines, siue ad media spectes; nam neque incipit motio finalis, nisi detur aliquis ultimus finis, qui primo moueat finaliter: neque executio, nisi detur aliquod primum medium, quod primo utatur agens in ordine ad finem. Estque ratio ista desumpta ex Aristotele. 2. metaph. cap. 2. ubi ea videtur ad probandum peculiariter, non dari processum in infinitum in finibus per se subordinatis, & 8. phisic. c. 5. ubi idem probat de mouentibus per se subordinatis: Est autem eadem ratio quantum ad hoc de mouentibus efficienter, aut finaliter: & eadem ratione videtur D. T. 1. contra ge. c. 38. & 3. contra gen. c. 1. & 17.

Verum circa eam tria sunt aduertenda. PRIMUM est, ex ea non relinqui probatum, dari vnum ultimum finem humanarum actionum, ad quem tam ipsæ actiones, quam obiecta earum ordinantur: sed solum, in quacunque serie causarum finalium per

se subordinatarum dari vnum ultimum finem, in quo sistendum sit, ita quod non procedatur in infinitum. Hoc enim posito, bene posset incipere motio finalis, & executio mediorum; & ex eo non sequitur omnes series causarum finalium reduci ad vnum finem: sicut quamuis in quacunque serie prædicamentali detur vnum supremum genus, non continuo sequitur omnes series prædicamentorum reduci ad vnum supremum genus; neque amplius intendit D. THOMAS, ut dixi in explicatione tituli.

ALTERVM est, aliquos existimasse, ratione ista solum ostendi, respectu cuiuscunque actionis in particulari non dari processum in infinitum in finibus: non tamen simpliciter; quia bene posset aliquis ita operari, ut in vna operatione haberet vnum finem & in alia alium superiorem, & in alia alium, & sic in infinitum sine categorematice. Sed isti decipi sunt quia non aduerterunt, quod si finis primæ operationis subordinetur superioribus per se, & in causando, non poterit mouere finaliter agens, nisi etiam superiores fines moueant ipsum; & ita nisi aliquis finis primò moueat (quod est impossibile in isto casu, nisi detur aliquis finis ultimus) nunquam agens exercebit primam ex illis operationibus. Si vero ille finis non subordinetur illo modo superioribus, sed sit volitus independenter ab eis, & sine ordine ad eos: tantum erit subordinatus eis per accidens; Et ita quamuis hoc modo multiplicet sibi homo fines in infinitum, solum sequitur dari processum in infinitum in finibus per accidens subordinatis, quod expresse fatetur D. THOMAS in secunda conclusione, esse possibile.

TERTIVM est quod, quod hæc ratio non solum habet vim respectu singulorum finium, sed etiam respectu totius collectionis eorum. Quia ut bene aduertit SCOTVS in 1. d. 2. q. 2. §. quantum ad primum articulum, si singuli illorum finium sint dependentes ab alijs in causando, aut monendo finaliter: etiam tota eorum collectio erit dependens, (quoniam collectio non habet causalitatem distinctam ab ipsis finibus; sicut collectio diuersarum causarum efficientium, non habet causalitatem distinctam ab ipsis causis) & ex consequenti, sicut singulorum finium vis ad mouendum finaliter erit incompleta, nisi dependentia terminetur in aliquo, quod est impossibile, posito processu in infinitum: ita etiam tota collectio erit incompleta & imperfecta ad mouendum finaliter, nisi eius dependentia terminetur, quod etiam est impossibile propter eandem rationem; siquidem, ut dixi, dependentia in causando totius collectionis, non est distincta à dependentia singulorum finium.

§. 3. Explicatur secunda conclusio articuli de finibus per accidens subordinatis.

CIRCA SECUNDAM CONCLUSIONEM Nota, illos fines dici per accidens subordinatos, quorum vnus in causando non pendet ab altero, tanquam à fine suo, sed mouet finaliter sine dependentia ab eo. Et in huiusmodi finibus docet D. THOMAS, posse dari processum in infinitum: estque eorum exemplum in actibus reflexis nostræ voluntatis, ut docet D. THOMAS, in solutione ultimi. Si quis enim velit rem aliquam, & rursus velit volitionem, qua voluit eam, & postea velit volitionem istam reflexam: tum res volita est finis primæ volitionis, &

prima volitio secundæ, & secunda tertiæ. Et quia poterit aliquis multiplicare in infinitum huiusmodi volitiones reflexas: ideo etiam possunt in infinitum ordine quodam multiplicari huiusmodi fines. Cæterum ordo ille est per accidens, quia vnus finis nō pender ab altero in causando: nam quamuis de facto prima volitio sit finis secundæ, tamen si per impossibile non esset eius finis, non minus posset secunda volitio mouere in genere causæ finalis ad volitionem sui.

NEQUE OBSTAT huic conclusioni, quod DIV. THOMAS 1. p. q. 7. art. 4. probauerit, non solum in ordinatis per se, sed etiam in ordinatis per accidens; non posse reperiri infinitum; Quoniam ibi loquitur de infinito in actu; hic autem de infinito syncategorematico, aut in potentia; Et ita hoc loco non docet, dari actu infinitos fines per accidens subordinatos: sed solum posse istos fines multiplicari in infinitum successive, & in potentia.

§. 4. Circa solutionem primi.

DISPUTANT aliqui de sensu illius propositionis. Bonum est diffusivum sui; Sed non est nunc necessarium de eo agere, quia quamuis diffusio Boni procederet in infinitum, siue in appetitū quatenus bonum causaret appetitionem sui, & hæc appetitio aliam, & sic in infinitum; Siue à parte rei per effluxum vnus boni in aliud: nihil sequitur contra determinationem huius articuli, quia fines illi essent accidentaliter ordinati. Videri possunt circa propositionem illam, quæ CAJETANUS dicit hoc loco.

§. 5. Circa solutionem secundi.

NOTANDUM quod, cum D. THOMAS inquit, *in speciebus numerorum & figurarum, posse dari processum in infinitum*, secundum rationem, quia nō habent inter se ordinem per se, sed per accidens; Intelligendum est solum quatenus ab inferioribus ascendimus ad superiores, non verò è conuerso. Nam quamuis numeri posteriores non habeant ordinem causalitatis respectu priorū, vt ternarius non est causa binarij, nec quaternarius ternarij: & ideo ascendendo à prioribus numeris ad posteriores, possit dari processus in infinitum: tamen priores semper habent ordinem causalitatis respectu posteriorum, vt binarius est causa ternarij, & ternarius quaternarij; & ideo tendendo versus priores numeros non potest dari processus in infinitum, sed sistendū est in aliquo, qui sit primus aut in vnitatem.

SED OBSTACULUM, quia sequitur, quod posito vno ultimo fine, possit dari processus in infinitum, tendendo versus inferiores, aut proximiores fines. Patet sequela ex paritate rationis; quia sicut numeri superiores nō sunt causæ inferiorum, & accidunt inferioribus, quod multiplicentur superiores: ita etiam proximiores fines non sunt causæ ultimi finis non enim appetitur ultimus finis propter proximiores, & accidunt ultimo fini multiplicatio proximiorum.

PRO SOLVTIONE, duo supponenda sunt PRIMUM est, quod sicut fines proximiores dicuntur subordinari per se superioribus ordine intentionis, & in genere causæ finalis, quia scilicet non sunt voliti nisi propter eos: ita etiam superiores possunt subordinari per se inferioribus ordine executionis, &

quoad consequutionem, in quantum, scilicet, non potest perueniri ad superiores nisi per inferiores. ALTERUM est, dupliciter posse fieri processum in infinitum in finibus proximioribus sub vno fine ultimo: scilicet; *aut ita vt inter eos nō reperiatur prædictus ordo quoad executionem*, sed quilibet eorum sit immediatè volitus ad vltimū finem; vt cum quis vult tanquam finem vltimum congerere diuitias, & propter hunc finem vult dare operam literis, & exercere aliquas artes, & adhibere alia media sine villo ordine vnus ad alterum; *Aut ita vt inter eos seruetur ille ordo*, ita vt sicut ad vltimum finem est volitus secundus, sic etiam ad secundum sit volitus tertius, & ita consequenter.

HIS SUPPOSITIS dico, quod si ille processus in infinitum intelligatur priori modo, concedenda est *sequela*: neque hoc est contra D. THOMAM, quoniam tam in finibus, quàm in ijs quæ sunt ad fines, dicit posse dari processum in infinitum, quando non habent ordinem per se. Si verò intelligatur *posteriori modo*, neganda est *sequela*; & ad probationem negandum est, esse paritatem rationis: constat enim ex dictis, esse magnum discrimen, quoniam numeri priores nullo modo subordinantur per se posterioribus; at verò superiores fines subordinantur per se proximioribus ordine executionis, & quoad consequutionem.

ARTICVLVS QVINTVS.

Vtrum vnus hominis possint esse plures vltimi fines?

CONCLUSIO. *Impossibile est quod voluntas vnus hominis simul & semel se habeat ad diuersa sicut ad vltimos fines.* Titulus huius articuli manet explicatus ex ijs, quæ diximus circa titulum articuli præcedentis. Circa conclusionem est

DVBIVM

Vtrum sit vera?

§. 1. Argumenta partis negatiue:

PARS NEGATIVA probatur PRIMO, quia potest aliquis simul velle tria bona, scilicet, diuitias, honorem, & voluptatem, ita vt neque ordinet ea ad aliū finem, neque vnum eorum ad alterum: ergo potest voluntas alicuius hominis habere simul tres vltimos fines. CONSEQUENTIA patet, quia in casu antecedentis quodlibet illorum bonorum habet rationem finis, cum sit obiectū cuius gratia voluntas operatur; & *vltimi*, quoniam voluntas operatur gratia eius, sistēdo in eo, & sine ordine ad aliud bonū. Et antecedens probatur, cum auctoritate D. THOMÆ, qui infra q. 12. art. 3. vbi docet posse aliquem simul intendere plura, non ordinata ad invicem, & vt plura sunt, *Tunc etiam ratione* ipsius quæ talis est: Potest aliquis præeligere vnum alteri, quatenus vtile est ad plura: ergo potest etiam simul intendere illa plura. Nos ergo simili ratione argumentemur, datis duabus rebus, quarum vna sit vtilis ad consequendum etiam illa bona, quæ retulimus in antecedenti; & altera solum ad vnum, potest aliquis eligere priorem relicta posteriori: ergo etiam potest simul intendere illa tria bona vt plura sunt, & sine ordine vnus ad aliud.

SECUNDO Potest aliquis constituere suum ultimum finem in duobus bonis sub disjunctione: ergo potest habere simul duos ultimos fines. *Consequentia* patet, quia in casu antecedentis ille homo constituit suum ultimum finem in illis duobus bonis independentem ab omni alio distincto: & in eis constituit ipsum ex æquo, ita ut non magis in uno, quam in altero; & non ut constituunt unum tertium, quia sub disjunctione vult unumquodque eorum: ergo constituit suum ultimum finem in eis ut sunt duo, & ex consequenti habet duos ultimos fines totales. Et *antecedens* probatur, quia si aliquis ita statuat apud se, si obtinero hoc, aut illud bonum, nihil amplius desiderabo: tunc quodcumque illorum bonorum est ita finis illius hominis, ut eo obtento quiescat omnino eius appetitus, & sit omnino satius. Sed possibile est quod aliquis ita illud statuat: ergo etiam est possibile, quod constituat suum ultimum finem in duobus bonis sub disjunctione.

TERTIO. Qui peccat mortaliter, habet pro ultimo fine bonum commutabile, ad quod inordinatè conuertitur: Sed potest unus homo non solum esse in multis peccatis in habitu, sed etiam actus ferri simul suo affectu ad plura peccata, absque subordinatione aliqua inter ea; ergo etiam potest sua voluntate constituere sibi plures ultimos fines.

QUARTO Iustus cum peccat venialiter habet pro ultimo fine Deum & creaturam: ergo habet duos ultimos fines. Probatur *antecedens*, quia imprimis, quoniam est in gratia, habet pro ultimo fine Deum; & præterea quatenus peccat venialiter habet pro ultimo fine creaturam, quod sic ostendo: Omnis operatio humana habet aliquem finem ultimum, ergo etiam operatio, quæ est peccatum veniale; sed non habet pro ultimo fine Deum, quoniam repugnat ipsi referri in Deum, cum sit Dei offensa, quamvis levis; ergo habet pro ultimo fine creaturam.

QUINTO. Cum aliquis, postquam commisit peccatum mortale, iustificatur; prius ordine naturæ quam recipiat gratiam, conuertitur in Deum tanquam in finem ultimum, & simul habet creaturam pro fine ultimo: ergo simul habet duos fines ultimos. Probatur antecedens quoad *priorem* partem, quia prius ordine naturæ habet actum dilectionis Dei super omnia, & actum penitentiae, quoniam istis actibus disponitur ad recipiendum gratiam, ergo etiam conuertitur in Deum tanquam in finem ultimum: patet ista consequentia, *Tunc quia* impossibile est Deum, aut aliquod obiectum diligere super omnia, & non diligere ut ultimum finem; *Tunc etiam, quia* illi actus habent aliquem ultimum finem, & non creaturam, ergo Deum. Quoad *secundam* etiam partem probatur illud antecedens, quia pro illo priori non intelligitur remissum peccatum, quoniam remissio peccati est effectus ipsius gratiæ.

ULTIMO. Angelus, quando peccauit, non est deordinatus à Deo ut est finis naturalis: quoniam nec peccauit, nec potuit peccare contra ipsum consideratum secundum istam rationem, ergo etiam post peccatum habet pro ultimo fine Deum ut est finis naturalis: & simul habet pro ultimo fine creaturam ratione peccati; ergo habet duos ultimos fines. Et idem argumentum potest fieri de puero,

qui quatenus nascitur cum peccato originali, habet pro ultimo fine creaturam: & quia, iuxta aliquorum sententiam, non nascitur auersus à Deo ut est finis naturalis, etiam habet ipsum pro ultimo fine.

§. 2. Sensus Dubij, & fundamenta.

PRO SOLVTIONE huius quæstionis *supponendum* est primo, quod nomine *finis ultimi* intelligitur bonum perfectum cuiusque hoc est totam latitudinem boni possibilis acquiri. Cuius ratio est manifesta: quia sicut finis alicuius rei est terminus sui appetitus, ita finis ultimus, est ultimus terminus, & in quo omnino quiescit appetitus; Sed nullus appetitus quiescit omnino in bono, cui desit aliquid perfectionis sibi possibilis: quoniam cum sit capax maioris perfectionis, & non habeat eam, non est satius; negatio enim perfectionis in subiecto apto nato, siue priuatio, excitat appetitum: ergo nullum bonum potest habere rationem ultimi finis respectu alicuius rei, nisi contineat totam latitudinem perfectionis ipsi possibilis.

Secundo *supponenda* sunt duæ distinctiones ultimi finis. **PRIMA** est Diu. THOMÆ artic. 7. vbi docet, finem ultimum dupliciter sumi posse, *uno modo* in vniuersali secundum rationem finis ultimi, abstrahendo ab hoc vel illo, in quo est talis ratio ultimi finis; hoc est, pro ipsa bonitate & perfectione consummata alicuius rei, abstrahendo à subiecto, in quo talis perfectio reperitur; *Alio modo* in particulari, aut materialiter, hoc est, pro ipso subiecto particulari, in quo est tota illa perfectio. Et ita potest distinguere ultimus finis humanæ vitæ: potest enim sumi *formaliter*, pro tota perfectione possibili acquiri ab homine; & *materialiter*, pro eo in quo cernitur talis perfectio, siue illud sit una res tantum, siue aggregatum ex pluribus, de quo dicemus postea.

ALTERA distinctio finis ultimi est, quantum ad determinationem huius materialis, siue particularis, in quo consistit ratio finis ultimi; & insinuat etiam à Diu. THOMÆ in eodem articulo, ut ibidem dicemus. Potest autem fieri solum de ultimo fine hominis, quoniam reliqua omnia habent determinatum ultimum finem *uno modo*, scilicet à suo auctore: At verò respectu hominis potest determinari *vel à Deo*, & ut est auctor naturæ, & ut est auctor gratiæ; *vel ab ipso homine*, & ut sequitur rationem naturalem rectam, aut errantem, & ut sequitur lumen fidei.

§. 3. Resolutio quæstionis.

SIT **PRIMA** CONCLUSIO. *Finis ultimus humanarum actionum, sumptus in vniuersali & formaliter, non potest esse nisi unus.* Hæc est euidens ex definitione finis ultimi sumpti formaliter, quam in duobus suppositionibus supra positis explicuimus: quoniam implicat quod latitudo bonitatis aut perfectionis, quæ potest conuenire alicui rei, non sit una; Posito enim quod sint duæ, neutra earum continebit totam perfectionem, cum extra eam sit perfectio, quæ pertinet ad alteram latitudinem.

SECUNDA CONCLUSIO. *Finis ultimus humanarum actionum sumptus in particulari aut materialiter,*

si consideretur

si consideretur prout determinatur a Deo, (sine ut est auctor naturæ, sine ut est auctor gratiæ) necessario debet esse unus tantum, imò & unus est tantum.

Et primo quod de facto sit vnus tantum; est certum secundum fidem; Nam de Deo ut est auctor naturæ, dicitur Prouerb. 16. *Vniuersa propter semetipsum operatus est dominus*; quare & hominem. De ipso verò ut est auctor gratiæ etiam est certum secundum fidem, quod ordinauerit nos ad fruendum ipso, de quo in materia de beatitudine.

Quod vero in neutro ordine, scilicet naturæ aut gratiæ, potuerit constitui à Deo ratio ultimi finis nostri in duabus rebus, quarum quælibet per se esset ultimus finis noster, probatur ex precedenti conclusione. Quia ratio formalis ultimi finis in hoc consistit, quod sit tota bonitas & perfectio nostra: at ista ratio non potest esse in duabus rebus; ita quod in qualibet earum sic adæquatè & totaliter; ergo neque potuit constitui à Deo ratio nostri ultimi finis in duabus rebus, quarum quælibet per se esset ultimus finis noster. Quod verò neque potuerit constitui in eis ut integranibus vnum finem totalem, probabimus statim. Minor probatur; Quia vel quælibet illarum rerum contineret totum bonum nostrum, vel neutra, vel alterum tantum. *Primum* dici non potest, quia cum cuiuslibet earum deesset bonitas & perfectio alterius, neutra earum posset continere totum bonum nostrum. Si verò dicatur *secundum*, sequitur quod neutra esset ultimus finis noster quia neutri conueniret ratio formalis ultimi finis. Quod si dicatur *tertium*, sequitur quod illa tantum, quæ contineret totum bonum nostrum, esset ultimus finis noster, quoniam ei duntaxat conueniret ratio ultimi finis.

Confirmatur. Quia vel quælibet illarum rerum esset ita totum bonum nostrum, quod sola & sine altera sufficeret nobis, & satiare appetitum nostrum; aut altera tantum. Si *primum*, sequitur, quod altera superfluerit, & ex consequenti quod non esset ultimus finis noster: quia ultimus finis cuiusque rei est necessarius ad satietatem & quietem sui appetitus: & sequela probatur, quia si quælibet sola sufficeret ad satiandum nostrum appetitum, altera non posset esse ad hoc necessaria, & ex consequenti esset superflua. Si verò dicatur *secundum*, sequitur quod illa tantum esset ultimus finis noster, ut constat ex definitione ultimi finis superius explicata.

Ad id in fine conclusionis illa verba, *imò & una res tantum*: quia etsi homo possit sibi constituere ultimum finem in aggregato ex duabus rebus, ut statim dicemus; tamen à Deo id fieri non potest. Quod sic ostendo. Aut ambæ illæ res erunt creatæ, aut altera increata, scilicet ipse Deus, & altera creata: ambæ enim non possunt esse increatæ. *Primum* dici non potest, quia neque duæ, neque omnes res creatæ simul, continent totam perfectionem, quam potest homo appetere; atque ita non sufficiunt ad satiandum eius appetitum; Ergo Deus, qui cognoscit naturas rerum, non potuit constituere ultimum finem nostrum in aggregato ex rebus creatis. Neque *secundum*, quia Deus virtute, & eminenter est tota latitudo boni possibilis acquiri à nobis: sicut enim est *totum esse*, formaliter quidem suum; & eminenter totum esse creatum: ita etiam est *omne bonum*, formaliter suum;

& eminenter omne bonum creatum. Ergo superflue adderetur ipsi res creata ad constituendam finem ultimum, qui perfecte satiare appetitum humanum.

TERTIA CONCLUSIO. *Si homo sequatur lumen fidei, aut rationem naturalem rectam, non potest constituere sibi plures fines ultimos in particulari, neque totales, neque parciales & integrantes vnum totalem.*

Probatur, quia lumen fidei inclinat ad credendum, nostrum finem ultimum esse Deum clarè visum: hoc enim est nobis reuelatum; Ergo si homo sequatur ductum huius luminis, solum constituet suum finem ultimum in Deo clarè viso. Et quod idem etiam dicendum sit, si sequatur rationem naturalem rectam, probatur, quia ratio naturalis, si non erret, conformatur directioni auctoris naturæ; sicut ergo est impossibile, hominem dirigi à suo auctore ad duos fines ultimos: ita etiam impossibile, dirigi ad eos à ratione naturali recta.

VLTIMA CONCLUSIO. *Si homo sequatur rationem naturalem errantem, poterit constituere sibi plures fines ultimos in particulari, seu materialiter, verum parciales, seu per modum partium integranrium vnum totalem; sed non totales.*

PRIMA PARS probatur, quia non repugnat, quod aliquis ignorantia aut errore ductus iudicet, totum suum bonum non posse reperiri in aliqua via re simplici: sed in aggregato ex multis, ita quod in qualibet earum sit aliqua eius pars, & totum in omnibus simul.

Et *Confirmatur* auctoritate Diui THOMÆ, qui in primo argumento refert ex D. AUGUST. lib. 9. de ciuitate Dei, quosdam posuisse ultimum finem hominis in quatuor, scilicet in voluptate, in quiete, in bonis naturæ, & in virtute. Et postea in eius solutione dicit, quod omnia ista accipiebantur in ratione vnius boni perfecti ex eis constituti, ab ijs qui in eis ultimum finem ponebant. Et eodem modo decepti sunt quidam ex antiquis philosophis, qui (ut refert ARISTOTELIS lib. 1. Ethic. c. 8.) constituebant beatitudinem in bonis animi scilicet, virtute & sapientia, & in copia externarum rerum. Imò & ipse ARISTOTELIS aliquo modo videtur constituere ultimum finem in aggregato ex diuersis rebus. Nam cum cap. 7. illius libri dixisset, summum bonum, quod habet rationem beatitudinis & ultimi finis, consistere in operatione secundum virtutem in vita perfecta: postea capite 8. & 10. inquit, necessaria esse etiam bonæ externæ, & corporis, saltem ut adiumenta, & instrumenta ad rectè operandum.

SECUNDAM PARTEM vt probemus, *Supponendum* est, duobus modis posse intelligi, quod aliquis constituat sibi duos ultimos fines totales: scilicet, *copulatiue*, ita vt vtrumque velit consequi, & quemlibet eorum tanquam finem ultimum satisficientem ad satiandum suum appetitum; aut *sub disiunctione*, ita vt non intendat consequi vtrumque, sed alterum tantum; & non magis vnum quam alterum; & quemcunque eorum vt sufficientem, ad satiandum perfecte suum appetitum. Hoc supposito, probatur illa pars;

Et *primum*, quod **PRIMOR** modus sit impossibilis, satis probari videtur argumentis, quibus probauimus secundam conclusionem. Ex eis enim constat, impossibile esse, quod duobus obiectis

conueniat ratio ultimi finis, ita quod unicuique conueniat totaliter & adæquatè respectu eiusdem appetitus: & ex hoc sequitur, quod intendimus, scilicet, etiam esse impossibile, quod aliquis homo illo modo constituat sibi rationem ultimi finis in duabus rebus.

Dices argumentum hoc non habere vim respectu eius, qui ignorauerit rationem formalem ultimi finis: nam cum ex ea proveniat, quod repugnet applicari illo modo diuersis rebus; qui ignorauerit eam, non cognoscat repugnare, & ex consequenti poterit eam applicare.

Respondetur, quod quantumvis is, qui appetit aliquod obiectum ut finem ultimum, possit ignorare rationem finis ultimi in actu signato, tamen in actu exercito non potest eam ignorare: hoc est, quamuis ignoret, quod ea ratio, secundum quam appetit obiectum, sit ratio formalis ultimi finis; non tamen potest ignorare eam: Sicut enim in exercitio tendit affectu suo in obiectum secundum illam rationem: ita necessarium est, quod cognoscat ipsum secundum eam, & ex consequenti quod concipiat illud obiectum ut totum bonum suum, & ut sufficiens ad satiandum perfectè suum appetitum. Et quoniam repugnat, quod aliquis simul concipiat hoc modo duo obiecta distincta: ideo etiam repugnat, quod simul proponat sibi duos ultimos fines totales.

De posteriori etiam modo probatur quod sit impossibilis. Quoniam qui illo modo appetit duos ultimos fines, cognoscit se esse capace bonitatis & perfectionis, quam uterque continet: ergo etiam cognoscit, quod neuter solus est sufficiens ad replendum suam capacitatem, & ex consequenti neque ad satiandum perfectè suum appetitum; ergo repugnat, quod simul appetat eos, etiā sub distinctione, tanquam ultimos fines. *Prima consequentia* probatur, quia cognoscit, quod sua capacitas & suus appetitus extenditur ad utrumque finem, cum videat se appetere utrumque tanquam bonum suum: ergo etiā cognoscit, quod obtento quocunque eorum, manet sua capacitas replenda, quatenus extenditur ad alterum; & ex consequenti quod neuter eorum solus est sufficiens ad replendum eam. *Secunda* etiam probatur, quia repugnat, quod aliquis appetat ut ultimum finem, id quod non apprehendit sub ratione ultimi finis: hoc est, ut bonum sufficiens ad satiandum suum appetitum.

Dices, hac ratione non probari intentum absolute, sed solum respectu finium, quoniam in ratione appetibilium, aut quoad suas bonitates distinguuntur specie: si enim distinguerentur solum numero, quilibet eorum posset apprehendi ut sufficiens ad satiandum appetitum, quod sic videtur ostendi; illi duo fines conueniunt in vna ratione formali appetibilitatis, ita ut hæc non sit maior in utroque quam in altero tantum: ergo non minus adæquat capacitatem appetentis & vim appetitiuam vnus eorum solus, quam ambo simul; & ex consequenti non minus poterit quis apprehendere alterum eorum ut sufficiens ad satiandum suum appetitum, quam utrumque simul.

Propter hoc argumentum aliqui concedunt, non repugnare, quod aliquis constituat sibi sub distinctione duos ultimos fines, qui solū distinguantur inter se numero. Sed *mihi* oppositum videtur verius, & ad id moueor hoc argumento. Aut enim qui appe-

tit duas res solo numero distinctas, tanquam ultimos fines suos, diligit eas præcisè quatenus sunt vnus formaliter; aut etiam quatenus distinguuntur numero: Si *primum*, sequitur quod non constituat rationem ultimi finis, aut suum summum bonum in duabus rebus quatenus duæ sunt, nisi, ut plurimum materialiter, & remotè; quia scilicet ratio formalis in qua conueniunt, & in qua iste constituit suum summum bonum, est in illis rebus; Si vero dicatur *secundum*, sequitur manifestè quod non diligit quilibet earum per se ut totum suum bonum, quia non potest appetere vnā earum quatenus distinguitur ab altera, nisi appetat id quo distinguitur, & ex consequenti, nisi apprehendat illud ut bonum suum: quare cum non sint in qualibet earum ambæ differentie, quibus ab inuicem distinguuntur, impossibile est quod quamlibet earum appetat ut totum suum bonum. Et ex hoc patet solutio ad argumentum oppositum.

Sed adhuc obijci potest, quia non repugnat quod duæ causæ efficientes, quæ solum distinguantur numero, concurrant sine vlla subordinatione inter se ad eundem effectum: ergo neque etiam repugnat, quod aliquis habeat duos fines ultimos solo numero distinctos.

Respondetur concedendo antecedens, & negando consequentiam: quoniam ex illo antecedenti ut plurimum posset colligi, non repugnare quod eadem voluntas habeat duos fines immediatos, & nullo modo subordinatos inter se: non tamen, quod non repugnet istos fines esse ultimos; nam quamuis vnus eorum non subordinetur alteri, possunt ambo subordinari vni tertio, vel constituto ex ipsis quasi per aggregationem; vel ab eis omnino distincto; non necessarium est ita subordinari, quia neuter eorum appetitur ut continens totum bonum appetentis. Et similiter in casu antecedentis illæ duæ causæ non concurrent ut primæ, sed solum ut æque immediatæ respectu effectus: quia licet vna earum non subordinetur alteri, necessarium est utramque subordinari vni primæ, quam repugnat non esse vnā.

§. 4. Soluitur primum & secundum argumentum, de pluribus bonis copulatis & disiunctis.

Ad primum, omissa solutione quorundam recetiorum, qui dicunt, quod qui ita appetit illa tria bona, constituit seipsum finem eorum: quia vult ea in ordine ad seipsum, & propter se, quatenus vult ea sibi, & ita tantum habet vnum ultimum finem; quoniam de hac sententia dicemus in solutione tertij. *Respondetur primo*: Transeat antecedens, & nego consequentiam, quia ex eo quod appetitio terminetur ultimo in aliquo obiecto, solum potest colligi quod illud obiectum sit finis ultimus ipsius appetitionis, non tamen quod sit finis ultimus appetentis: quia ad hoc (ut diximus) requiritur quod sit totum bonum eius, constat autem, quod in casu illius antecedentis nullum illorum bonorum appetitur ut integrum bonum, & sufficiens ad satiandum appetitum, sed ut pars boni totalis. Et quando dicimus non posse eundem hominem habere simul plures ultimos fines, non loquimur de fine operis, sed de fine sufficiens ad satiandum perfectè appetitum: quoniam iste tantum appellatur simpliciter finis

ultimus, ut

ultimus, ut ostendimus in prima suppositione.

Sed quoniam potest ulterius *objci*, quod cum homo semper operetur propter aliquem ultimum finem simpliciter, ut probamus articulo sequenti: & in casu antecedentis, non appetat illa tria bona propter aliquem finem ultimum distinctum ab ipsis, siquidem appetit ea sine ordine ad alium finem; videtur sequi quod appetat ea tanquam ultimos fines simpliciter.

Ideo *aliter Respondetur* negando antecedens. Nam quamvis in eo casu homo non appetat vnum illorum bonorum propter alterum: tamen vnumquodque eorum appetit tanquam partem sui boni totalis, & ex consequenti ut medium ad consequendum suum bonum totale, quod ille ignorantia ductus existimat existere in aggregato ex illis tribus bonis. Et ad *primam* probationem illius antecedentis Respondetur, D. THOMAM illo loco solum docere, posse aliquem simul intendere plura quæ non sint ordinata ad invicem; non tamen quæ non sint ordinata respectu ultimi finis. Quomodo verò ea, quæ non sint ad invicem ordinata, possint subordinari eidem fini, explicuit D. THOMAS ibidem in solutione ad 2. ubi inquit, quod qui intendit simul plura intendit ea quatenus sunt vnum: *vel quia* concurrunt ad integrandum aliquod vnum, sicut ad sanitatem concurrunt calor & frigus commensurata; & ita vnumquodque eorum appetit ut finem ultimum non simpliciter, sed partialem duntaxat. (quod in ultima conclusione diximus posse fieri) & aliquo modo ordinat ipsum ad alium finem, ut magis explicabimus articulo sequenti, *vel quia* continentur sub aliquo communi, quod potest esse intentum, sicut acquisitio vini & vestis continetur sub lucro, & ita qui intendit lucrum potest hæc duo simul appetere. Quo loco aperte docet D. THOMAS, illud, quod habet rationem vniuersi, esse finem plurium, quæ appetuntur simul & sine ordine inter ipsa. Et ex hoc patet solutio *secundæ* probationis.

Ad *secundum*, aliqui ex recentioribus respondent, negando quod in illo casu homo habeat duos ultimos fines: huius autem quatuor assignat rationes. *Prima* est quod duo illi fines constituent vnum sub distinctione, cuius ratio consistat in hoc, quod sit vnus illorum vel alter, & non magis vnus quam alter: sicut aliqui dicunt conceptum adæquatum Entis esse vnum sub distinctione, quia est esse per se & in alio. *Secunda* est, quod in illo casu homo non incipiet operari nisi prius determinauerit sibi alterum illorum finium in particulari. *Tertia* est quod obtento altero illorum quiescat homo. *Ultima* est, quod tunc homo constituat seipsum ultimum finem, quoniam vtrumque finem refert in suum commodum. Sed ex his rationibus tres priores sunt aperte insufficientes: de vltima vero dicemus in solutione tertij. Ideo *aliter* & facilius respondetur negando *antecedens*: cuius rationem assignauimus in argumento, quo probauimus secundam partem vltimæ conclusionis. Ex qua etiam constat quid dicendum sit ad probationem huius antecedentis.

§. 5. Soluitur tertium argumentum de fine peccantis mortaliter.

AD TERTIUM communiter solet dici, CAIETANVM respondere, quod, qui peccat mortaliter,

A non conuertitur ad obiectum immediatum, sine ad finem proximum peccati, sed seipsum constituit finem ultimum boni apparentis, quod est in illo obiecto aut fine, quia sibi vult bonum illud: & ita quamvis actu feratur quis suo affectu in plura peccata, non sequitur quod feratur in plures ultimos fines, quia respectu omnium constituit se ultimum finem; Et ideo potius dicitur conuerti per plures vias, aut per diuersa media in seipsum, tanquam in ultimum finem; Adduciturque pro hac solutione testimonium AUGUSTINI, qui lib. 14. de ciuit. Dei. c. vlt. hie ait: *Fecerunt civitates duas amores duo, terrenam scilicet amor sui usque ad contemptum Dei; celestem vero amor Dei usque ad contemptum sui.*

Sed mihi hæc solutio neque videtur CAIETANI, neque sufficiens. Et *primum* quod non sit Caietani, probatur aperte, quoniam in fine solutionis huius difficultatis inquit, quod bona commutabilia, ad quæ conuertitur peccator, non appetuntur ab eo ut fines ultimi simpliciter sed ut fines ultimi partiales; hoc est ut partes boni proprii, quod est simpliciter finis ultimus ipsius. Vbi aperte dicit, finem ultimum, ad quem conuertitur is, qui peccat mortaliter, esse aliquid distinctum ab ipso, scilicet, bonum quod sibi intendit acquirere. Cum vero in principio prædictæ solutionis dicit, huiusmodi finem ultimum esse ipsummet peccatorem; intelligit bonum proprium eius; aut ipsum peccatorem non secundum suam substantiam præcise, sed ut habentem illa bona.

Ut etiam probemus solutionem illam esse *insufficientem*, supponendum est, finem sumi dupliciter, scilicet pro fine *ei*us gratia, & pro fine *eius*, hoc supposito, sic argumentor; Peccator non est finis *eius* gratia respectu boni commutabilis, ad quod conuertitur, cum peccat mortaliter, sed solum est finis *eius*; Sed quod finis *eius* gratia, ordinetur ad aliam rem ut ad finem *eius*, non tollit ab eo rationem ultimi finis simpliciter; ergo si in casu argumenti peccator habet plurimos ultimos fines, loquendo de fine *eius* gratia, scilicet plura bona commutabilia, ad quæ conuertitur, quamvis ordinet ea ad seipsum ut ad finem *eius*, concedendum erit absolute quod habet plures ultimos fines simpliciter. *Maiores* patet, quia finis *eius* gratia, est finis quem appetimus, & quem volumus consequi per media, quoniam respectu eius est intentio, & ad eum ordinatur electio mediortum: & finis *eius* est cui volumus bonum aliquod; sed peccator, cum conuertitur ad bonum commutabile, non appetit seipsum, neque vult consequi seipsum per bonum illud tanquam per medium; sed potius appetit & intendit consequi bonum illud, & seipsum respicit tanquam id, cui vult illud consequi; Ergo peccator non ordinat bonum commutabile ad seipsum, ut ad finem *eius* gratia, sed solum ut ad finem *eius*. *Minores* etiam probatur, *Primum* quia cum quis sperat sibi beatitudinem, respicit seipsum tanquam finem *eius* respectu ipsius beatitudinis, quia sibi vult eam: & nihilominus habet beatitudinem pro vltimo fine simpliciter; *Tum etiam* quia finis *eius* gratia non ordinatur ad finem *eius*, sicut medium ad finem, sed sicut perfectio ad perfectibile, & sicut actus ad potentiale: ergo quod finis *eius* gratia habeat finem *eius*, non tollit ab eo rationem ultimi finis simpliciter. Patet ista consequentia, quia fini vltimo solum repugnat ordinari ad aliud

ri ad aliud sicut medium ad finem; Imò hac ratione probari potest, quod repugnet, hominem habere seipsum tanquam ultimum finem simpliciter, cum vult sibi bonum commutabile tanquam suam perfectionem; quia repugnat ultimo fini simpliciter, quod sit volutus ut potentialis & perfectibilis respectu alicuius boni ipsius appetentis, cum sit de eius ratione quod contineat, aut verè, aut secundum exultationem appetentis, totum bonum eius, ut supra diximus. Et hac ratione videtur D. THOMAS. quæst. sequenti artic. 7. ad probandum impossibile esse quòd anima hominis, vel aliquid eius, sit ultimus finis ipsius: quia scilicet est in potentia ad aliquem perfectionem suam, nempe ad actum secundum.

Et confirmantur hæc omnia autoritate D. THOMAS, qui articulo citato in solutione secundi inquit, quod quamvis homo, cum amat aliquid distinctum à se, appetat illud sibi: nihilominus beatitudo eius consistit in bono, quod distinguitur ab ipso; quia solum est de ratione beatitudinis, quod amatur summè tanquam summè concupitum. Et 1. p. q. 60. artic. 4. ad 8. inquit, quod dilectio naturalis dicitur esse ipsius finis, non tanquam cui aliquis velit bonum, Sed tanquam bonum quod quis vult sibi. Ex quibus locis appertè colligitur, non repugnare fini ultimo simpliciter ordinari ad finem cui, hoc est, esse volutum alicui tanquam bonum ipsius.

Quod si propter hæc dixerint auctores, quibus placet illa solutio, peccatorem in casu huius argumenti non constituere suum ultimum finem in seipso præcisè sumpto, sed ut affecto perfectionibus apparentibus, quæ sunt in bonis commutabilibus ad quæ convertitur: hoc est, ut fruentem delectatione, lucro, aut honore; manebit in solutum argumentum: quoniam sicut peccator in casu argumenti non ordinat illicitam voluptatem ad lucrum, neque ad alium finem, ita neque se fruentem voluptate ordinat ad seipsum diuitem.

Idem alii respondent supponendo, quod peccator non convertitur ad creaturam ut ad ultimum finem intentione directæ & formali: quia sicut non iudicat in creatura esse totum suum bonum, ita neque expresse appetit eam ut totum suum bonum; Sed dicitur converti ad creaturam virtualiter & interpretatiuè, quatenus ex eo quod ut consequatur bonum creatum deserit Deum, & eius voluntatem, transgrediendo eius præcepta, convincitur diligere magis illud bonum creatum, quam Deum; & ex consequenti diligere illud ut ultimum finem suum. Et hoc supposito dicunt, quod quamvis repugnet aliquam directè & formaliter intendere simul duos ultimos fines simpliciter, non tamen repugnat quod dicatur eos intendere virtualiter & interpretatiuè. Adduntque, rationem huius esse, quod cum aliquis virtualiter intendit aliquem finem ut ultimum simpliciter, potest intentione formali solum intendere ipsum ut bonum parziale, ut patet ex ijs quæ diximus de eo qui peccat mortaliter: atque ita etiam quamvis virtualiter intendat duos fines ut ultimos simpliciter, potest

formaliter & expresse solum intendere unum quemque eorum ut partialem. Tota vero ratio, propter quam non potest aliqua voluntas habere simul duos fines ultimos simpliciter, sumitur ex actu formali, quia scilicet repugnat quod ita appetat actu duo obiecta, ut unumquodque eorum appetat tanquam totale bonum suum. Et ulterius addunt, quod cum voluntas peccantis sit deordinata, in alijs, non mirum est quod etiam in hoc sit deordinata, quod virtualiter, & non quoad actum formalem habeat duos fines ultimos simpliciter.

Sed mihi neque hæc solutio placet, quia in casu huius argumenti peccator habet actum, quo formaliter intendit unumquodque illorum bonorum tanquam bonum parziale: ergo non potest dici, quod simul intendat interpretatiuè illud idem bonum tanquam bonum totale. Patet consequentia, quia intentio interpretatiua non potest esse contraria formali efficaci: neque potest aliquis conuinci, quod velit aliquod obiectum modo aliquo repugnante illi modo, quo formali volitione vult ipsum absolute & efficaciter. Antecedens vero probatur, quia (ut ex dictis constat) repugnat quod peccator simul intendat formaliter unumquodque illorum bonorum ut totale. Ex hoc patet infirmam esse primam rationem pro illa solutione adductam; secunda verò nullam habet apparentiam: nam quamvis voluntas peccatoris sit deordinata in alijs, non sequitur quod etiam sit deordinata in eo, quod est impossibile; quale est intendere simul, siue formaliter, siue interpretatiuè duos fines ultimos totales.

QUARE ALITER RESPONDETUR cum CONRADO, quod peccator in casu huius argumenti non convertitur ad obiectum immediatum cuiuscunque peccati, tanquam ad suum bonum totale, & ex consequenti neque tanquam ad finem ultimum simpliciter: sed tanquam ad partem sui boni totalis, quod quasi per partes intendit consequi in singulis obiectis ad quæ convertitur, & ita solum habet plures ultimos fines parciales, quod in ultima conclusione diximus esse possibile. Et hæc reuera est etiam Caietani sententia, ut supra diximus & ipse expresse declarat articulo sequenti.

§. 6. Solutio quarti argumenti de fine iusti peccantis venialiter.

AD QUARTVM, omnes negant antecedens: cæterum ad probationem non eodem modo respondent. Nam imprimis aliqui Thomistæ dicunt, obiectum immediatum peccati venialis in homine iusto referri in Deum: non quidem actualiter, hoc est, ratione actus, quo directè & expresse ordinetur in Deum; neque virtualiter, hoc est ratione intentionis præcedentis, qua homo retulerit seipsum & omnia sua in Deum: sed habitualiter, hoc est, ratione habitus charitatis, quem iustus habet cum peccat venialiter; & ex consequenti non appetit ut ultimum finem, neque iustum habere ratione ipsius duos ultimos fines. Existimantque hoc esse con-

sonum doctrinæ Diu. THOMÆ, qui intra q. 88. art. 1. ad 3. inquit, quod, qui peccat venialiter, inheret bono temporalis; non ut fruens; quia non constituit in eo finem: sed ut utens, referens in Deum non actu, sed habitu. Et 2.2. quæst. 24. artic. 10. ad 2. sic ait: quod amatur in peccato veniali, propter Deum amatur habitu, etsi non actu. Et in hoc conveniunt CAISTANVS, CONRADVS, & alij recentiores explicantes prædicta testimonia Diu. THOMÆ.

SED in modo explicandi, qua ratione propter habitum charitatis dicatur iustus diligere habitualiter propter Deum, tanquam propter ultimum finem illud obiectum, quod appetit, cum peccat venialiter; non conveniunt inter se. Nam CAISTANVS loco citato ex 2. 2. & in hac parte quæst. 9. artic. 3. dicit, bonum illud solum amari habitualiter propter Deum, quia, cum amatur, est in amante habitus charitatis, ratione cuius, & quantum est ex eius natura & efficacia, non repugnat amari propter Deum, nisi aliunde repugnaret, scilicet, ex parte ipsius obiecti, quod non est amabile propter Deum. CONRADVS vero dicit, amari habitualiter propter Deum, quia non auertit à Deo, prout est finis ultimus. ALII tamen recentiores hoc loco dicunt, amari propter Deum habitualiter, quia saltem mediate refertur in Deum ab ipso habitu; non aliquo actu, qui tunc eliciatur ab habitu charitatis, sed sola entitate ipsius. Quod ita explicant; Quando iustus peccat venialiter, appetit obiectum proximum peccati propter se, & ordinando ipsum ad se, tanquam ad finem, non enim appetit ipsum, nisi quatenus cedit in proprium commodum, aut utilitatem; Et quia ipse iustus est ordinatus habitualiter ratione habitus charitatis in Deum tanquam in ultimum finem: ideo etiam obiectum illud ordinatur habitualiter, saltem mediate, in eundem finem.

VERVM hæc solutio mihi non placet: Nam imprimis, quamvis id, quod CAISTANVS & CONRADVS dicunt, sufficiat ad explicandum quomodo verba Diu. THOMÆ supra relata possint habere verum sensum, quod ipsi solum intendebant, non enim agebant de præsentis difficultate: tamen non sufficit ad explicandum quomodo iustus, cum peccat venialiter, non convertatur ad aliquod obiectum, tanquam ad finem distinctum à Deo, & non subordinatum ipsi tanquam ultimo fini: & ex consequenti, neque ad dissoluendum difficultatem argumenti propositi, quod sic ostendo. Obiectum peccati venialis est irreferibile in Deum, ut CAISTANVS fateretur, & probari potest facile, quoniam displicere Deo, & est ab ipso prohibitum; ergo non potest charitas referre ipsum in Deum. Patet consequentia, quia charitas solum capotest referre in Deum, quæ referibilia sunt, non verò ea quibus repugnat referri. Quod verò, cum iustus appetit huiusmodi obiectum, habeat habitum charitatis, per accidens est ad hoc, ut dicatur appetere ipsum, ut subordinatum fini charitatis: quia iuxta istorum sententiam solum concurret habitus charitatis ad appetitionem huius obiecti con-

A *comitanter*, quia scilicet est simul cum ea, non verò *per modum principij*: Ergo non magis dicitur appetere obiectum illud ut subordinatum fini charitatis, quam si ibi non adesset charitas.

IDEO ETIAM, quod retuli ex recentioribus, quamvis, si esset verum, sufficeret ad dissolvendum hoc argumentum: tamen videtur omnino falsum. Quod sic probō; Impossibile est, quod charitas vilo modo referat immediate in Deum, finem proximum aut obiectum immediatum peccati venialis, ut paulo superius probavi: ergo etiam est impossibile, quod referat ipsum hominem secundum eam rationem, qua appetit sibi illud obiectum; ergo non potest dici, quod illud obiectum appetitur ut ordinatum in Deum tanquam in finem ultimum, quia appetatur ut bonum hominis, qui est ita ordinatus. Hæc *secunda consequentia* patet, quia ad hoc necessarium esset, quod homo ea ratione, qua appetit sibi illud obiectum, esset ordinatus in Deum; Ut enim primum medium referatur in finem mediante secundo, necesse est quod secundum medium, quatenus terminat

B *habitudinem primi, ordinetur in finem. Prima vero consequentia* probatur, quia homo, quatenus appetit sibi illud obiectum, peccat & displicet Deo, ut transgrediens præceptum, quo ipse prohibuit peccatum illud: ergo secundum istam rationem est irreferibilis in Deum, sicut ipsum peccatum est irreferibile; & ex consequenti etiam est impossibile, quod habitus charitatis referat ipsum secundum istam rationem. Non enim potest habitus referre in suum finem, id cui repugnat referri.

IDEO ALII concedentes cum præcedentibus, iustum habere Deum pro ultimo fine simpliciter, & similiter negantes, habere simul creaturam pro ultimo fine, ALITER respondent ad argumentum, quo probatur hoc secundum. Negant enim maiorem; dicuntque non esse necessarium, quod omnis actio humana habeat finem ultimum simpliciter. Quod si eis *obijcias*, saltem necessarium esse, quod habeat suum obiectum tanquam finem, cum sit proprium actionis humanæ esse propter finem, ut diximus articulo primo; & ex consequenti etiam esse necessarium, quod huiusmodi obiectum appetatur ut ultimus finis, quantum est ex intentione appetentis, cum non appetitur ut ordinatum in alium finem; atque proinde eum, qui peccat venialiter, converti ad bonum commutabile, tanquam ad finem ultimum, quoniam appetit obiectum immediatum peccati sub ratione boni, & finis nullo modo ordinati in Deum tanquam in finem; Respondent admittendo, quod obiectum habeat rationem finis respectu actionis humanæ, quam terminat: negant tamen sequi, quod terminat ut finis ultimus simpliciter, ex eo quod terminet ut finis non ordinatus in alium finem; Dicunt enim ex hoc solum sequi, quod sit *ultimus finis negativè*, id est non volitus in ordine ad alium finem; non tamen quod sit *ultimus finis positivè*: quia ad hoc non est satis quod non sit volitus propter alium finem, sed requiritur, quod omnia sint volita propter ipsum. Sic

sum. Sicut ex eo quod aliquis à nullo fuerit viribus superatus, solum sequitur quod sit fortissimus negativè; ut verò sit fortissimus positivè non satis est hoc, sed requiritur quod ipse superet omnes. Et quoniam de ratione ultimi finis simpliciter, est, quod sit ultimus positivè, & non solum negativè: idèò obiectum peccati venialis non poterit dici ultimus finis simpliciter. Neque repugnat quod aliquis habeat duos fines ultimos, quorum unus sit ultimus simpliciter, & alter solum negativè: sicut in exemplo proposito non repugnat aliquem hominem esse fortissimum positivè & simpliciter, & simul alterum esse fortissimum negativè.

Sed proculdubio decipiuntur. Quia repugnat quod aliquid sit ultimum positivè, & quod aliud sit ultimum negativè, etiam secundum potentiam, ita ut neque referatur, neque referibile sit in illud, quod est ultimum positivè: sicut etiam repugnat dari aliquid, quod sit primum positivè, & quod simul detur aliud, quod sit primum negativè, ita ut neque si conferatur cum eo, quod est primum positivè, sit posterius eo. Neque facit eis suum exemplum: nam ille qui à nullo superatus est, potest superari ab eo, qui ipsum excedit viribus & robore, si cum eo congregiatur.

Item, quoniam Div. THOMAS artic. sequenti docet expresse, omnem actionem humanam esse propter finem ultimum positivè & simpliciter, & non solum negativè.

Atque ideo hoc supposito, tria mihi videntur dicenda ad huius argumenti solutionem. *Primum* est, quod iustus, qui peccat venialiter non refert in Deum, tanquam in finem, obiectum immediatum seu finem proximum peccati venialis, & hoc satis probatum est superius, quia obiectum immediatum peccati venialis est irreferibile in Deum. *Secundum* est, quod non appetit iustus illud obiectum ut ultimum finem simpliciter, sed ut finem partialem. *Probat*ur, quia eo modo aliquid habet rationem finis, quo habet rationem boni: sed iustus non appetit obiectum istud ut totale bonum suum, sed solum ut partiale; ergo etiam solum appetit ipsum ut finem partialem. Dicatur autem non potest, iustum non appetere obiectum istud sub ratione boni nec totalis, neque partialis, & ex consequenti neque ut finem simpliciter sine partialiter; Quia iustus de facto appetit obiectum istud: ergo appetit ipsum ut bonum, nihil enim potest appeti nisi sub ratione boni, aut veri, aut apparentis; sed non appetit ut bonum totale, alias recederet à Deo: ergo appetit ut bonum partiale. *Tertium* est, quod finis ultimus actionis terminatur, ad hoc obiectum, quantum est ex intentione operantis, non est Deus, sed bonum satiativum sui appetitus. *Probat*ur, quia iustus, ut diximus, non refert obiectum illud in Deum, sed intendit eo satiare suum appetitum; ergo actio illa quatenus exit ab eo, non tendit per obiectum istud in Deum, tanquam in ultimum finem, sed in bonum satiativum sui appetitus.

Et ex his patet solutio ad argumentum. Nam quamvis operatio, quæ est peccatum veniale, quantum est ex intentione operantis, non habeat pro ultimo fine Deum: non sequitur quod habeat pro ultimo fine creaturam; quia sa-

tis est quod habeat pro ultimo fine bonum satiativum appetitus ipsius iusti. Neque ex hoc potest colligi, quod iustus in illo casu habeat duos fines ultimos: quia Deus, & Bonum satiativum appetitus, non comparantur inter se, ut duo fines ultimi; sed ut finis materialiter sumptus, seu res, quæ est finis, & ratio formalis finis non determinata, aut applicata ad aliquam rem in particulari.

Sed restant duæ difficultates circa solutionem hanc. *PRIMA* est, quia sequitur, quod loquendo de fine materialiter sumpto, seu de re, quæ est finis, Deus non sit finis ultimus simpliciter, aut totalis, respectu iusti peccantis venialiter, sed partialis tantum, quantum est ex parte suæ intentionis. Probat sequela, quia res, quæ est finis ultimus simpliciter, & totalis, continet totum bonum appetentis, & satiat perfectè eius appetitum; sed in isto casu neutrum horum convenit Deo respectu iusti, quantum est ex intentione ipsius iusti, cum appetit aliquid extra Deum, & sine ordine ad ipsum; Ergo Deus non est finis totalis iusti secundum eius intentionem, sed partialis tantum.

Confirmatur primo, quia iustus in isto casu non constituit totaliter rationem formalem sui ultimi finis in Deo, sed partialiter tantum: ergo quantum est ex propria intentione, non habet ipsum pro ultimo fine totali. *Consequentia* patet, quia eo modo aliquid est finis ut res, quo est in ipso ratio formalis finis: ergo si iustus solum constituit partialiter rationem formalem sui ultimi finis in Deo: solum habet ipsum, quantum est ex propria intentione, pro ultimo fine partiali. Et *antece*dens probatur, quia ratio formalis ultimi finis, est tota latitudo boni acquisibilis, aut bonitas completa & sufficiens ad satiandum appetitum: sed hanc in casu argumenti, non constituit iustus adequatè in solo Deo, sed in Deo, & in aliquo extra Deum, scilicet in obiecto immediato peccati venialis, appetit enim ipsum, tanquam partem sui boni; ergo partialiter tantum constituit rationem formalem sui ultimi finis in Deo.

Confirmatur secundo, quia pars dicitur quatenus cum alia parte constituit totum: sed obiectum immediatum peccati venialis dicitur finis partialis iusti, quia non ipsum solum est finis iusti, sed ipsum, & Deus; ergo etiam Deus est finis partialis, aut pars finis totalis, qui erit aggregatum ex Deo, & ex illo obiecto.

Ad argumentum Respondetur, consequens illud duplicem posse habere sensum. *Primus* est, quod iustus, cum peccat venialiter, relinquat Deum quatenus habet rationem finis ultimi. & in hoc sensu est certum secundum fidem esse negandum, quoniam alias propter peccata venialia amitteret homo gratiam & charitatem, non enim permanent isti habitus in eo qui avertitur à Deo tanquam à fine ultimo; neque in isto sensu probant ipsum argumenta proposita. *Alius* sensus est, quod iustus, cum peccat venialiter, non avertatur à Deo, tamen quia vult aliud obiectum tanquam finem, non ordinatum in ipsum, dicatur habere pro fine ultimo non Deum solum, sed

Deum &

Deum & obiectum illud; non tanquam duos ultimos fines totales, sed quasi parciales, & constituentes unum totalem per aggregationem. Et in hoc sensu habet difficultatem illud consequens, & nihilominus est negandum. Et ad probationem dicendum est, quod ultimus finis dicitur totum bonum appetentis, quia ita appetitur, ac si extra ipsum nullum haberet bonum is qui appetit: ad quod non est necessarium, nihil aliud appeti, sed satis est ipsum esse principium finale omnium appetitionum, & habere quasi dominium quoddam ipsius voluntatis quoad suos actus; hoc autem conuenit ei, quatenus nihil appetitur, quod non sit ipsum, aut importet ordinem ad ipsum, aut saltem (si appetatur aliquid sine tali ordine, sicut appetitur obiectum peccati venialis in nostro casu) ratione ipsius est propensus appetens ad relinquendum illud obiectum, & ad inclinationem oppositam illi, qua tendit in ipsum. Sicut enim amicitia compatitur secum offensas leues amici, & nihilominus amor amici, quantum est de se, inclinat ad tollendum eas; ita etiam cum hoc, quod aliquis habeat Deum pro ultimo fine simpliciter, stat quod appetat aliquod obiectum, non referendo ipsum in Deum, & quod amor appreciativus Dei inclinet, quantum est de se, ad relinquendum illud obiectum. Et propterea **DIVVS THOMAS** infra quæstione octuagesima octava, articulo primo dicit, quod peccatum veniale, est reparabile per principium intrinsecum, existens in ipso homine, quia non tollit ordinem in ultimum finem: qui, cum sit principium totius ordinis, inclinat ad tollendum deordinationem peccati venialis.

Et ex hoc patet solutio ad *primam Confirmationem*, constat enim quomodo iustus, quantum est ex propria intentione, constituat in Deo totam rationem formalem sui ultimi finis totalis.

Ad *secundam* respondetur, quod obiectum peccati venialis non dicitur finis partialis in isto casu, quia simul cum Deo, tanquam cum altera parte, constituat finem totalem: sed quia appetitur ut bonum in se limitatum, & non continens in se totam latitudinem boni; sicut etiam creatura respectu Dei dicitur ens & bonum parziale, quia in seipsa est limitata, quamvis Deus non sit pars eius.

SECUNDA DIFFICULTAS, est, quia sequitur ex hac nostra solutione, quod, sicut qui peccat mortaliter, auertitur à Deo, ut habet rationem finis ultimi; ita etiam auertatur, qui peccat venialiter. Probatur sequela, quia eodem modo conuertitur uterque ad creaturam, ut ad ultimum finem: ergo etiam auertitur uterque eodem modo à Deo, ut ab ultimo fine. *Consequentia ista* patet, quia tota ratio auersionis à Deo, est conuersio ad creaturam: sicut tota ratio recessus à termino à quo est accessus ad terminum ad quem; & *antecedens* probatur, quia dupliciter potest intelligi, quod aliquis conuertatur ad creaturam ut ad ultimum finem; scilicet, aut quia affectu suo diligit eam ut totale bonum suum, & omnia sua

A refert in eam; aut quia, licet diligit eam ut bonum parziale, tamen nullo modo refert, neque refertre potest eam ad Deum. Et *priori modo* neuter conuertitur ad creaturam ut ad ultimum finem: ut de eo, qui peccat venialiter est notum, ex ijs, quæ paulo superius dicebamus; & de eo, qui peccat mortaliter constat ex solutione *tertij*, & ex communi experientia: non enim, qui furatur, refert omnia in furtum, imò sæpè est ita effectus erga furtum, ut, si opus esset, relinqueret ipsum, propter aliud peccatum utilius. *Posteriori vero modo* uterque conuertitur ad creaturam ut ad ultimum finem: ut de eo, qui peccat mortaliter, constat apud omnes; & de eo, qui peccat venialiter, est à nobis concessum in solutione huius argumenti.

Respondetur negando sequelam: & ad probationem dico, quod quamvis uterque conuertatur ad obiectum immediatum sui peccati posteriori modo: tamen iste modus habet latitudinem; Dupliciter enim potest aliquis conuertere hoc modo in bonum commutabile, scilicet: *Primò* non solum non referendo ipsum in Deum, qui est verus ultimus finis; sed etiam quantum est ex parte sui affectus, aut, ut alij dicunt, *interpretantur*, præferendo bonum commutabile Deo; ut cum quis appetit bonum commutabile cum graui offensa Dei, & agendo contra eius voluntatem in re magni momenti: Qui enim ita appetit bonum aliquod, proculdubio convinci potest, quod affectu suo præferat bonum illud Deo & eius amicitiz; quia repugnat quod aliquis velit esse alicui amicus, & quod simul velit ei displicere in re magni momenti, & graviter ipsum offendere. Aut *secundò* potest aliquis ita conuertere ad bonum commutabile, non referendo ipsum in Deum, ut neque præferat ipsum Deo: ut si appetat bonum illud cum leui tantum offensa Dei, & agendo contra eius voluntatem solum in re parvi momenti. Qui enim sic appetit bonum aliquod, non præfert ipsum diuinæ amicitiz simpliciter, sed solum perfectioni aut feruori amicitiz: quoniam leues offensæ non repugnant amicitiz, sed perfectioni ipsius, quæ quæ maior est, eo magis postulat, ut neque in rebus parvi momenti amicus displiceat amico. Quando aliquis *priori modo* conuertitur ad bonum commutabile, necessarium est quod auertatur à Deo; & ita conuertitur, qui peccat mortaliter, quoniam graviter offendit Deum: Quando vero conuertitur *posteriori modo*, non auertitur à Deo, ut à fine ultimo: & sic conuertitur, qui peccat venialiter, solum enim committit leuem offensam contra Deum.

§ 7. Solutio quinti & sexti argumenti principalis.

AD QUINTVM Respondetur negando antecedens; & ad probationem admitto quod tunc ille homo habeat Deum pro ultimo fine: negamen, quod etiam habeat creaturam pro ultimo fine. Erad argumentum, quod hoc probatur, dico, quod in eo instanti quo introducit gratia, non est peccatum in anima: quia primum esse gratiæ, est primum non esse peccati; & nihilominus dicitur tunc expelli peccatum, quia tunc introducit forma, quæ expellit ipsum formaliter; quod etiam concedendum est in expulsiōe formarum naturalium, quæ desinunt esse per primum non esse.

Quod si obijcias, quia actus illi sine gratia non sunt sufficientes ad expellendum peccatum: ergo in illo priori naturæ, quo præsupponuntur gratiæ, intelligitur homo cum peccato, & ex consequenti conuertitur ad creaturam, ut ad ultimum finem; Respondetur, negando consequentiam. Ex illo enim antecedenti solum potest colligi, quod non sit expulsum peccatum ex vi illorum actuum præcisè: non tamen quod omnino non intelligatur expulsum, quia simul adest gratia expellens ipsum. Et ratio huius est, quia prioritas naturæ non est prioritas in qua, sed solum est prioritas causalitatis seu dependentiæ unius ab altero in aliquo genere causæ: & ita, ex eo quod actus illi præcedant gratiam ordine naturæ, non sequitur quod detur aliquod instans siue temporis, siue naturæ, in quo sint sine gratia, aut simul cum peccato; sed solum quod gratia, pendet ab eis, tanquam à dispositionibus, & quod ad effectum gratiæ, qui simul est cum eis, non sufficiunt ipsi præcisè sumpti.

AD VLTIMUM Respondetur negando antecedens; & ad probationem dico, quod supposito quod angelus fuit ordinatus in finem supernaturalem, non potuit auerri ab eo, quin simul auerteretur à fine naturali, & à regula rationis; quoniam ratio naturalis dicitur, quod qui ordinatus est in finem supernaturalem sequatur in suis operibus directionem præceptorum, quibus ducitur in eum finem; de quo dicemus in materia de peccatis. Quod verò dici solet, angelum non potuisse peccare contra finem naturalem; intelligi debet de peccato directè & immediatè commissio contra illum finem; non autem de eo peccato, quod immediatè est contra finem supernaturalem: hoc enim ex consequenti potest esse contra finem naturalem, quatenus scilicet est contra id, quod dicitur ratio naturalis; non quidem immediatè, sed ex suppositione prædictæ ordinationis in finem supernaturalem.

Ad id etiam quod obijcitur de pueris, quatenus nascuntur cum peccato originali; Aliqui admittunt, eos non esse auersos ratione illius peccati, à fine naturali, sed solum supernaturali: negant tamen esse conuersos ad creaturam, ut ad ultimum finem, quia peccatum originale in eis importat auersionem solam sine conuersione. Alter etiam responderi potest, negando, quod pueri isti non sint auersi à fine naturali, ratione peccati originalis. Sed de hoc dicemus suo loco.

ARTICVLVS VI.

Verum homo omnia quæ vult, velit propter ultimum finem?

CONCLUSIO. *Necesse est quod omnia, quæ homo appetit, appetat propter ultimum finem.*

Explicatur titulus articuli.

CIRCA titulum & conclusionē **ADVERTE.** *Primo*, appetitionem alicuius obiecti in homine dupliciter considerari posse, vel *ut est à Deo, vel ut est ab ipso homine*; & sic adhuc dupliciter, scilicet, ut est ab homine *moto* in finem à suo auctore, aut ut *momento* seipsum in finem. & operante propter finem ex propria directione. Et hoc postremo modo sumitur hic à D. THO. Nam cum hactenus docuerit, hominem operari propter finem, & habere tantum unum ultimum finem: iam consequenter vult explicare in isto articulo, an semper, quando operatur propter finem, operetur propter ultimum finem; & responderet conclusionem affirmatiuam, quæ eodem modo est intelligenda. Quod si quæstionem proponas de eadem actione considerata secundum duas *prioritates rationes*, etiam est respondendum affirmatiuè: imò & addendum est, esse propter ultimum finem in particulari, qui est Deus: Deus enim ex propria intentione ordinat ad seipsum, tanquam ad ultimum finem, ea, quorū est causa, secundum eam rationem, secundum quam est eorum causa, ita ut velit ea esse propter seipsum, tanquam propter finem, ut diximus art. 2. & constat ex illo Prouer. 16. *Uniuersa propter semetipsum operantur est Deus.* Non tamen expressit D. THOMAS additionem hanc in sua conclusione, quoniam, ut dixi, solum loquitur de illa actione considerata secundum posteriorem rationem; secundum quam forte non est necessarium quod sit propter Deum, tanquam propter ultimum finem.

SECUNDO ADVERTE. Dupliciter posse inquiri, an necessarium sit, actionem illam prædicto modo consideratam esse propter ultimum finem, scilicet *aut ut sit meritoria aut saltem bona moraliter, aut præcisè ut sit propter finem*, ita ut necessarium sit, actionem illā, (quæ, ut exiit ab homine, est propter finem) etiam ut exiit ab eo esse propter ultimum finem, nec posse ista duo separari. Et in hoc secundo sensu proponitur hoc loco ista quæstio à D. THO. (nam in priori pertinet ad materiā de gratia) & in eodem est accipienda conclusio: Cui non oportet addere limitationem quorundā, qui dicunt intelligendū esse cum hac moderatione, ut id, quod homo appetit, non sit ipse ultimus finis, qui neque seipsum, neque aliquid distinctū à se potest habere pro fine. Nam cum D. THO. docet, hominem appetere propter ultimum finem quidquid appetit: nō loquitur determinatè de ultimo fine respectu obiecti, sed indifferētèr de ultimo fine, aut respectu obiecti & actionis simul, aut saltem respectu actionis. Sicut enim diximus art. 1. omnē actionē humanā, etiam illā, quæ terminatur ad ultimum finem, esse suo modo propter finem: sic nunc dicemus esse etiam suo modo propter ultimum finem. Et hoc est quod potissimum intendit docere D. THOMAS: atque ita sensus suæ conclusionis, ut ex his observationibus colligitur, est, necessarium esse,

quod

quod quicquid homo appetit humano modo, appetat ex propria directione propter ultimum finem: siue iste finis sit finis solius actionis, siue actionis & obiecti simul.

CIRCA hanc conclusionem ita explicatam est

DUBIVM VNICVM.

Vtrum sit vera?

§ 1. *Proponuntur diuersæ sententiæ.*

IN quo est controuersia inter SCOTVM & D. THOMAM de eius veritate absolute, & inter discipulos D. THOMAM, de sensu in quo est vera. Atque ut intelligatur diuersitas sententiarum, circa rem hanc, SUPPONENDA sunt distinctiones duæ. PRIMA est finis ultimi, qui dupliciter sumi potest, scilicet *formaliter & materialiter*, ut satis explicauimus artic. præcedenti. ALTERA distinctio est relationis in ultimum finem, quæ significatur, cum dicimus, actionem aliquam esse propter ultimum finem. Est enim triplex relatio actionis in finem, *actualis, virtualis, & habitualis*. *Actualis* est, quando actu cogitamus de fine, & in illum ordinamus actionem: ut cum quis ex actuali consideratione diuinæ bonitatis excitatur ad amandum Deum, tanquam ultimum finem. *Virtualis* est, quando virtute præcedentis relationis actualis, ordinatur aliqua actio in Deum: ut cum quis summo mane retulit actu se, & omnes actiones eius diei in Deum, virtute illius relationis censentur relata in Deum saltem illæ actiones, quæ eo die non sunt peccata, quamuis postea non fuerit recordatus Dei. Eridem est cum aliquis proficiscitur Compostellam propter Dei & D. Iacobi honorem: quamuis enim in itinere obliuiscatur huius finis, totum iter refertur in ipsum, virtute illius primæ relationis actualis, quam habuit, cum iter facere cepit. *Habitualis* appellatur ab aliquibus, quando actus ordinatur in finem solum ratione habitus existentis in operante: ut cum quis existens in gratia operatur bona moraliter, nihil cogitans de Deo ut est finis supernaturalis. Præter has relationes, aliqui, cum CONRADO hoc loco, constituunt quartam, quæ aliquis actus refertur in finem ultimum ratione sui obiecti proximi, & eo mediante, quia, scilicet, obiectum ex natura sua ordinatur in ipsum: ut, cum quis vult id, quod suapte natura ordinatur in finem, dicitur velle illud propter finem ultimum, quamuis neque tunc cogitet, neque antea cogitauerit de Deo. Et ad hanc relationem reducitur alia, quæ actus humanus potest dici relatus in ultimum finem ratione *propensionis naturalis*, quæ voluntas habet in ipsum. Aliam etiam his adiungit relationem in ultimum finem CATET, qui, ut diximus artic. præcedenti, censet, peccatum veniale referri habitualiter in Deum, ratione habitus charitatis, cum quo est simul. Sed iste modus relationis impertinens est ad propositum: quoniam, ut nos ibidem probauimus, quamuis habitus charitatis referat in Deum habitualiter illud subiectum, in quo est; non tamē refert ipsum actum, qui est peccatum veniale, sed solum se habet concomitanter ad eū. Nos vero agimus de relatione actuum in finem.

HIS SUPPOSITIS est in hac re PRIMA sen-

tentia SCOTI, qui absolute videtur negare, esse necessarium, quod omnis actio humana sit propter finem ultimum; aut, quod omnia, quæ volumus actu elicitio, velimus propter ultimum finem. etiam si ultimus finis sumatur formaliter, & in vniuersali. Nam in 1. d. 1. q. 4. §. *ad istam rationem*, diluit argumentum, quo ante probauerat oppositum, & erat primum ex ijs, quibus D. THOMAS probat conclusionem articuli. Et in 4. d. 49. quæ 10. §. *ex his sequitur solutio 2. quæstionis*, inquit, quod appetitus naturalis est determinatus ad hoc, ut nihil appetat, nisi in ordine ad perfectionem appetentis, quia ad hoc est datus scibus, ut ad perfectionem suam inclinentur: tamen appetitus deliberatiuus non est ita determinatus, ut nihil possit appetere, nisi in ordine ad beatitudinem; & loquitur de beatitudine, non solum in particulari, sed etiam in vniuersali, ut colligitur manifeste ex comparatione inter appetitum naturalem & deliberatiuum; & ex primo argumento, quo probat suam sententiam, quod tale est: Voluntas ut deliberatè operans potest velle aliquid, & non propter beatitudinem negatiuè, hoc est, non volendo ipsum propter beatitudinem: ergo non est necessarium, quod quicquid appetit, appetat propter ultimum finem; aut quod omnis actio, quæ procedit ab ea, quatenus prædicto modo operatur, sit propter ultimum finem. Probatur *antecedens*, quia potest voluntas velle obiectum illud, intellectu nihil cogitante de beatitudine. Quæ ratio etiam habet vim respectu beatitudinis sumpæ in cōmuni, aut formaliter: quoniam etiam potest cōtingere, quod intellectus nihil cogitet tunc de beatitudine ita sumpta.

Confirmatur, quia intellectus potest cognoscere bonum aliquod particulare, scilicet, sanitatem, aut scientiam, nihil cogitando de habitu dine, quam habet ad ultimum finem: sed ut sic proponitur bonum illud voluntati ut habens sufficientem bonitatem ad mouendum voluntatem: ergo etiam voluntas potest velle illud in se, & sine ordine ad ultimum finem.

S E C U N D O. Potest voluntas velle aliquid, & non propter ultimum finem, non solum *negatiue*, hoc est, non referendo illud in finem ultimum: sed etiam *contrariè*, hoc est, volendo expressè, quod non sit propter beatitudinem: ergo non est necessarium, quod quicquid appetit, appetat propter ultimum finem. *Consequentiā* patet, quia repugnat quod voluntas velit aliquid propter finem ultimum, & quod simul velit non esse propter ipsum. *Antecedens* vero probat SCOTVS, quia Christianus certò credit, suum ultimum finem, & suam beatitudinem consistere in Deo clarè viso vel amato: & similiter credit, fornicationem non solum non ordinari in illum finem, sed etiam ei repugnare: ergo poterit velle fornicationem non propter beatitudinem, non solum negatiuè, sed etiam contrariè, dicendo, volo fornicationem, & nolo ut sit propter beatitudinem.

T R I T I O potest probari hæc sententia SCOTI, quia ex opposito sequeretur, non posse reperiri aliquem actum, qui ideò tantum esset malus, quia otiosus: quod videtur falsum, & contra D. THOMAM, ut inferiùs probabimus. Et probatur *sequela*, quia actus non dicitur otiosus, nisi quia non ordinatur in finem bonum, scilicet, propter ultimum.

SECUNDA SENTENTIA est aliorum, qui supponunt ut certum, omnem actum humanum esse propter ultimum finem: ut verò explicent in particulari, quomodo sumant finem ultimum, & de quo genere relationis in ipsum loquantur, dicunt duo: *Primum* est, non esse necessarium quod omnis actus humanus sit propter ultimum finem in particulari, scilicet propter Deum: sed satis esse, quod sit propter ultimum finem in communi, siue formaliter sumptum. *Secundum* est, necessarium esse, quod omnis actus humanus referatur *virtualiter* in ultimum finem, hoc est ratione intentionis formalis aut actualis eiusdem ultimi finis. Hanc sententiam quoad utrumque dictum sequitur CAPREOLVS in 1. d. 1. q. 3. art. 3. in probationibus primæ conclusionis. CAIETANVS hoc loco, & RICHARDVS in 2. d. 38. circa 2. principale. q. 3. ubi in corpore sequitur primum dictum huius sententiæ, & secundum in solutione ad 3. Et quoniam in *priori* dicto non dissentimus ab istis, solum referemus argumenta, quibus probari potest *secundum*, quod est magis controuersum inter discipulos D. THOMÆ. Probatur ergo PRIMO, quia videtur esse expressa sententia ipsius: quod *primum* colligo ex solutione ad 3. huius articuli, ubi ut explicet qua ratione homo, quicquid appetit, appetat propter ultimum finem, quamuis non cogitet de eo; dicit virtutem primæ intentionis, quæ est respectu ultimi finis, manere in quolibet appetitu cuiuscunque rei. *Deinde* colligitur ex secunda ratione articuli, in qua D. THOMAS facta collatione inter primum appetibile, & primum mouens, colligit, quodd, sicut causæ secundæ non mouent, nisi ut motus à primo mouente: ita secunda appetibilia non mouent appetitum, nisi in ordine ad primum appetibile, quod est ultimus finis. Ex quo ulterius colligitur intentum: quia non potest intelligi, quomodo secunda appetibilia pendeant à primo in mouendo, nisi quia necessarium sit præsupponi aut ordine, temporis, aut saltem naturæ, appositionem finis. Et *tandem* colligi potest ex 1. p. q. 60. art. 2. ubi inquit, intentionem ultimi finis esse naturalem, & ab ea tanquam à causa, procedere appositiones aliorum obiectorum, quæ appetuntur propter finem.

SECUNDO. Si non sit necessarium, actum humanum terminatum ad finem proximum referri in ultimum ratione præcedentis intentionis actualis eiusdem finis ultimi: sequitur, actum humanum non esse propter ultimum finem ex directione ipsius hominis; & ex consequenti, hominem, cum operatur modo humano, & propter finem, ex propria directione non mouere seipsum in ultimum finem; sed quantum ad hoc, operari ut motum ab alio, sicut operantur ea, quæ carent ratione. Probatur sequela, quia homo ideo dicitur mouere se in finem, cum appetit aliquid propter finem, quia appetit illud ut motus à fine, & ex desiderio aut intentione finis, ut explicauimus art. 1. & 2.

Confirmatur, quia ut homo dicatur appetere aliquid propter ultimum finem mouendo seipsum in finem ultimum, necessarium est, quod ex propria directione ordinet illud in finem: sed im-

possibile est ordinari aliquid in finem ex directione hominis, nisi in ipso homine præcedat cognitio & intentio illius finis; ergo impossibile est, quod homo appetat aliquid propter finem ultimum, tanquam mouens seipsum in illum finem, nisi præcedat in eo intentio actualis ultimi finis.

TERTIO appetitio alicuius obiecti propter ultimum finem, est electio, ergo procedit ex intentione ultimi finis, & ex consequenti, refertur in ipsum ratione præcedentis intentionis actualis; *Consequentia* patet, quia intentio finis præsupponitur ad consultationem, & ad electionem, quæ sunt de medijs ad finem. *Antecedens* verò probatur, *Tum quia* quod appetitur propter finem, appetitur ut medium, & actus voluntatis qui terminatur ad medium sub ratione medijs, est electio; *Tum etiam* à sufficienti enumeratione actuum voluntatis: ille siquidem actus non est simplex voluntas, neque intentio, quoniam isti actus terminantur immediatè ad finem, & non ad id quod ordinatur ad finem: ergo, necessario debet esse electio.

QUARTO. Ita se habet finis in rebus agendis, sicut principia in scientijs, ut docet ARISTOTELIS 7. Ethic. cap. 8. & 2. Phys. cap. 9. Sed in scientijs semper assensus conclusionis, saltem quādo deducitur ex principijs, supponit assensum ipsorum principiorum: ergo etiam appetitio boni particularis propter finem ultimum præsupponit appositionem finis ultimi. Patet *consequentia*, quia ita se habet in conclusionibus, deduci earum assensum ex principijs, sicut in bonis particularibus appeti propter finem ultimum.

ULTIMO, ita se habet finis ultimus respectu immediati in mouendo appetitum, sicut causa prima & secunda in alijs motionibus Physicis: sed causa secunda non potest mouere aut concurrere, nisi prima moueat & concurrat prius ordine naturæ; ergo neque finis proximus potest mouere appetitum, nisi ultimus prius moueat, & ex consequenti non poterit appeti finis proximus propter ultimum, nisi prius saltem ordine naturæ appetatur ultimus.

TERTIA SENTENTIA est aliorum; qui à præcedentibus dissentunt in omnibus: dicunt enim esse probabile primum dictum eorum, oppositum tamen esse probabilius, & primum dictum esse falsum; existimantque necessarium esse, hominem quæcunque appetit appetere propter ultimum finem in particulari, qui est Deus. Et probant hoc PRIMO, quia homo in omni opere suo appetit suam beatitudinem, & bonum quod possit explere suum desiderium: sed beatitudo & hoc bonum, non potest reperiri nisi in Deo; ergo homo semper, cum habet actum appetendi circa quodcunque obiectum, appetit Deum.

SECUNDO, quicumque appetit esse, viuere, & perfectus esse, appetit etiam omnia, quæ necessaria sunt ut sit, ut viuatur, & ut perfectus sit: sed ad hæc omnia est Deus simpliciter necessarius; ergo nihil eorum potest homo appetere, quin etiam appetat Deum.

TERTIO, quodcunque bonum particulare est quædam participatio diuinæ bonitatis: ergo non potest aliquis appetere bonum aliquod particulare, quin

saltem

altem implicite & virtualiter appetat Deum.

ULTIMO, sicut Deus est prima causa efficiens omnium rerum, ita etiam est ultimus finis, iuxta illud Apocal. ultimo: *Ego sum Alpha & Omega, principium & finis*. Et Prouerb. 16. *Uniuersa propter semetipsum operatus est Dominus*: sed impossibile est causas secundas efficientes mouere, aut efficere aliquid, nisi prima, quæ est Deus, efficiat, & moueat; ergo etiam est impossibile, fines particulares mouere ad sui appetitionem, nisi etiam moueat finis ultimus in particulari, qui est Deus.

§ 2. Resolutio questionis.

SIT PRIMA CONCLUSIO, non est necessarium, quod omnis actus humanus referatur actu & formaliter in ultimum finem, aut quod quicquid homo appetit, appetat actu & formaliter propter ultimum finem: siue ultimus finis sumatur materialiter & in particulari, siue formaliter. In hac conueniunt omnes expositores D. THOMÆ, & potest facile probari, quia sæpe experimur omnes, quod appetimus aliqua bona particularia, cum neque recordamur Dei, neque boni in communi: ergo tunc non possumus referre actu & formaliter obiecta illa in ultimum finem. Patet consequentia, quia actualis relatio alicuius obiecti in finem requirit actualem cognitionem finis.

SECUNDA CONCLUSIO. Non est necessarium, quod actus humanus, quatenus procedit ex directione hominis, sit propter ultimum finem in particulari, qui est Deus: neque quod propter eum appetat homo, quicquid appetit. Addidi verba illa, *quantum est ex directione hominis*: quia si consideretur actus humanus quatenus est à Deo, necessarium est, quod secundum eam rationem, secundum quam est ab ipso, sit etiam propter ipsum, tanquam propter ultimum finem. Et idem est si actus ille consideretur quatenus exit à naturali propensione voluntatis; sicut enim voluntas habet naturalem propensionem ad Deum tanquam ad ultimum finem: ita etiam actus, quatenus exit ab ista propensione, debet respicere eundem finem. Probatum ista conclusio: quia sæpe actus humanus, quatenus procedit ex particulari directione hominis, auertit à Deo, ut habet rationem finis ultimi, ut constat in actu peccati mortalis; ergo repugnat, quod, quatenus procedit ex eadem directione, ordinetur in Deum tanquam in ultimum finem.

Confirmatur primo, quia actus peccati mortalis, quatenus procedit ex directione hominis, habet pro ultimo fine creaturam: ergo non potest secundum eandem rationem habere pro ultimo fine Deum.

Confirmatur secundo, quia actus, qui est peccatum mortale, quatenus procedit ex directione hominis, habet quod terminatur tanquam ad obiectum immediatum, ad id, cui repugnat ordinari in Deum, tanquam in finem ultimum; ergo etiam habet secundam istam rationem, quod non possit ordinari in Deum, tanquam in ultimum finem. Patet consequentia, quia quando obiecto actus repugnat ordinari in aliquem finem, etiam repugnat actu, quatenus terminatur ad illud obiectum. Et antecedens probatur, quia actus ille, quatenus procedit ex directione hominis, habet quod terminetur ad obiectum repugnans regulæ & voluntati diuinæ & prohibenti

aliquid, tanquam offensiuum Dei in re magni momenti.

AD HÆC respondent autores oppositæ sententiæ, in peccato mortali duo posse distingui, scilicet *Emittentem* ipsius, & *bonitatem*, scilicet utilitatem aut delectationem; & *malitiam* moralem: & ratione primi ordinari in Deum ut in finem ultimum, quoniam illa bonitas, & illa entitas, est quædam participatio diuinæ bonitatis, in qua Dei bonitas & sapientia relictet; non verò ratione secundi. Et quia peccans non intendit secundum, sed primum (quoniam nemo intendens ad malum operatur; neque voluntas potest ferri actu, qui sit prosequutio, in obiectum sub ratione mali) ideo dicunt, actum, qui est peccatum mortale, etiam si consideretur quatenus procedit ex intentione peccantis, ordinari in Deum, ut in ultimum finem.

SED CONTRA, quia actus peccati in tantum habet quod est malus moraliter, & peccatum, in quantum est voluntarius voluntate peccantis, ut probat CATHARTAN. inf. q. 72. art. 1. Sed esse voluntarium voluntate peccantis, exprimitur per hoc, quod est procedere ex eius intentione & directione: quia non potest intelligi, in quo alio consistat, actum aliquem per modum actus, esse homini voluntarium aut liberum; ergo actus peccati, quatenus procedit ex intentione & directione peccantis habet quod sit malus moraliter & peccatum: & ex consequenti non potest, quatenus procedit ex ea, referri in Deum, quia malo mortali quatenus tale malum est, & peccato ut peccatum est, repugnat referri in Deum.

Confirmatur, quia homo, quoniam potest operari ut mouens se in finem, & ut dirigens suas operationes in eum, habet quod possit operari cum respectu ad regulam, & ad legem; ergo operationes eius, quatenus procedunt ex eius directione, habent conformitatem, aut dissonantiam ad regulam. Neque ad hoc oportet, quod primo moueatur ad operandum à dissonantia obiectiua, quæ est in obiecto actus: sed satis est quod cum ea sit coniuncta bonitas delectationis aut utilitatis, à qua primo mouetur; & quod huiusmodi bonitas non possit terminare actum aliquem, qui procedat ex directione hominis, si sumatur ut separatus à prædicta dissonantia.

Item actus odij Dei, quatenus procedit ex directione hominis, est formalis & directa iuxta à Deo: ergo non potest secundum eandem rationem esse tendentia in Deum.

Et tandem, qui peccat ex malitia, vult peccare quia malum est, quauis sub aliqua ratione boni, ut postea explicabimus: sed repugnat quod malum rationis, etiam sub ratione boni, referatur in Deum, tanquam in ultimum finem; ergo peccatum illud, quatenus procedit ex voluntate libera, aut ex directione hominis, non potest referri in Deum, ut in ultimum finem.

TERTIA CONCLUSIO. Omnis actus humanus est propter ultimum finem sumptum formaliter, aut in vniuersali: & ex consequenti, quicquid homo appetit, vel est ultimus finis, vel appetitur propter ultimum finem ita sumptum. Probatum primo ratione articuli, homo nihil potest appetere, nisi sub ratione boni: aut ergo, cum appetit aliquod obiectum, appetit ipsum tanquam bonum vniuersale, & perfecte atque omnino satians suum appetitum; aut tanquam bonum parziale, quod non omnino satiat appetitum suum. Si primum, ergo tunc homo appetit ultimum finem, & actus eius est propter ultimum finem; patet consequentia, quia ultimus finis simpliciter est bonum,

quod perfectè faciat appetitum, ut diximus articulo præcedenti. Si secundum, ergo homo appetit illud bonum propter ultimum finem formaliter sumptum, & ex consequenti etiam actus eius est propter eundem finem; Probatur *consequenter* quia finis ultimus formaliter sumptus est bonitas tota, seu totalis latitudo boni possibilis acquiri, abstrahendo à re, vel à rebus, in quibus potest reperiri: sed bonum partiale habet partem huius bonitatis totalis, & ratione eius appetitur propter bonitatem totalem, & ex consequenti propter ultimum finem formaliter sumptum; patet consequentia, quia pars est quædam inchoatio totius, & inchoationes usque natura ordinatur ad eius consummationem: ergo impossibile est, quod voluntas appetat bonum partiale, quia appetat ipsum propter ultimum finem formaliter sumptum.

Secundo probatur testimonio AUGUSTINI, nam 4. de civit. Dei cap. 13. inquit, neminem aliquid appetere propter aliud, nisi vel felix fiat; Et lib. 12. de Trin. cap. 6. referens quosdam actus voluntatis, inquit, omnes istæ, atque tales voluntates, proprios fines habent, quæ feruntur ad finem illius voluntatis, quæ volumus beate vivere. Et lib. 13. cap. 5. ita inquit: omnes homines esse beati volunt, idque unum ardentissimum amore appetunt, & propter hoc cetera quæcumque appetunt.

QUARTA CONCLUSIO. *Ut alius humani, qui non terminatur immediate ad ultimum finem, sed ad bona particularia, dicatur esse propter ultimum finem formæ, uter sumptum, non est necessarium quod referatur in eum vivente alicuius intentionis actualis ipsius finis ultimi, sed satis est, quod illa bona particularia suapte natura sint ordinata ad ultimum finem uter sumptum, sicut partes ad finem totum, & sicut inchoationes boni perfecti ad bonum perfectum.*

Pro explanatione & probatione huius conclusionis ADVERTS, non esse eius sensum, quod non possint isti actus referri in ultimum finem virtute intentionis actualis ipsius finis, si, cum appetuntur bona particularia, maneat ipsa intentio finis aliquo modo: hoc est aut secundum se, aut in aliquo effectu; quando enim continuatur intentio finis altero ex his modis, bene potest movere ad appetitionem aliorum bonorum propter finem, ut constat in exemplis propositis in principio huius dubij, cum explicabamus, quid esset relatio virtualis in finem. Sed sensus est non referri de facto hoc modo actus humanos in ultimum finem; Sed sensus est, non referri de facto hoc modo actus humanos in ultimum finem, sed ratione obiectorum, quæ suapte natura tendunt in eum. Vbi due partes involuntur, ex quibus *secunda*, quæ continet modum rerum, quo isti actus referuntur in ultimum finem satis confirmata est argumento, quo probavimus præcedentem conclusionem. *Prima* vero, quæ est negatio alterius modi, probatur: quia vel intentio finis ultimi est *simul tempore* cum appetitionibus bonorum particularium, vel *præcessit eis tempore*, & non manet cum eis; *Primum* dici non potest, quia repugnat manifeste experientie: memo enim recordari semper acta summi boni in communi, & ex consequenti neque semper appetit ipsam actum. Item nullus est qui in seipso experiat, quod semper, cum appetit bonum aliquod particulare, moveatur ab actuali desiderio summi boni in communi. Neque etiam potest dici se-

condum, quia intentio finis non dicitur referre appetitiones aliorum bonorum in finem, nisi quis movetur ad eas: sed intentio, quæ non est, sed fuit, neque reliquit aliquem effectum sui, qualis est illa de qua loquimur, non potest movere, aut inclinare ad appetendum alia bona: ergo neque potest referre in suum finem actus quibus appetuntur.

Quod vero aliqui dicunt, intentionem finis relinquare aliquem effectum physicum, scilicet physicam propensionem voluntatis in finem; non sufficit ad dissolvendum hoc argumentum; Quia illa propensio debet esse superaddita voluntati, & ex consequenti, aut haberet rationem habitus, aut dispositionis, cum non sit actus: & tamen neutrum admittitur respectu summi boni in communi, in doctrina magis recepta inter discipulos D. THOMÆ. Et præterea quamvis admittatur, certum est quod illa propensio non erit habitus, quoniam in voluntate non acquiritur habitus unico actui; si vero sit dispositio, non permanebit illa in voluntate; Et *tandem*, quamvis intentio illa relinquit habitum in voluntate, non satis est, ut ratione eius dicantur actus subsequentes relati virtualiter in finem illius intentionis: quia habitus non potest esse causa relationis virtualis ad eum, quorum non est principium in suum obiectum, nisi mediante proprio actu. Si vero sumatur præcisè secundum suam entitatem tantum, potest esse causa relationis habitualis, quæ est media inter virtualem & actualem, & distincta ab utraque.

Aliqui probant hanc secundam partem conclusionis hoc argumento: non est necessarium, quod primus actus voluntatis sit formalis intentio ultimi finis in universali; ergo non est necessarium quod omnes appetitiones bonorum particularium, referantur in ultimum finem virtute prioris intentionis formalis; & consequentia quidem, supposito antecedenti evidens est; ceterum antecedens est controuersum, de quo nos dicemus in suo loco.

ULTIMA CONCLUSIO. *Alius humani, quatenus prædicto modo ordinatur in ultimum finem, scilicet ex parte obiecti, dicatur esse propter ultimum finem, & quatenus subsistant directioni primæ causæ, & quatenus procedunt ex directione hominis, ceterum priori modo expresse & formaliter, posteriori vero implicite & quasi virtualiter.* Hæc conclusio quoad utramque partem videtur certa; nam *imprimis* quod actus ille, ex directione primæ causæ referatur actus in ultimum finem, patet, quoniam obiectum eius suapte natura tendit in ultimum finem, ut diximus, ergo etiam & actus; sed inclinationes aut relationes convenientes rebus creatis ex natura rei, subsistant actuali directioni primæ causæ ordinantes actum rebus ad alteram; ergo actus ille ex directione primæ causæ ordinatur actu & formaliter in ultimum finem. *Quod vero etiam* quatenus procedit ex directione hominis ordinatur in ultimum finem implicite, & quasi virtualiter, Probatur, quia operatur propter finem, siue ultimum, siue non ultimum, est operari ut motum ab ipso fine, ut explicuimus art. 1. & c. Sed cum homo appetit bona particularia propter finem ultimum, eo modo quem in conclusione præcedente explicuimus, movetur quasi virtualiter ab ipso fine ultimo; ergo appetit illa bona propter finem ultimum ex propria directione quasi virtualiter.

Proba-

Probat *minor*, quia homo appetit illa bona ut motus ab eis, quatenus aliquo modo appetitum quietant & satiant, & ex consequenti quatenus participant aliquo modo virtutem ultimi finis generaliter sumpti, quæ est, posse quietare & satiare perfectè appetitum.

Confirmatur primo, quia bonum particulare suapte natura ordinatur in finem ultimum sumptum formaliter: ergo actus, qui ex directione hominis, ordinatur in huiusmodi bonum, etiam ex eadem directione tendit, saltem implicite, in finem ultimum.

Confirmatur secundo, quia actus, qui, ut procedit ex directione hominis, est auersius à bono rationis, etiam ut procedit ex eadē directione est auersius à Deo: ergo similiter actus, qui ex directione hominis est propter bonum particulare, etiam ex eadem directione erit propter bonum vniuersale, saltem implicite.

Est autem aduertendum, quod consulto dixi in cōclusionē, *quasi virtualiter*, ut distinguerem relationem illam in ultimum finem, ab ea, quam in principio huius dubij appellauimus *simpliciter virtualiter*.

SED RESTAT DIFFICULTAS, quia ex his duabus cōclusionibus, & ex potissima earum ratione, sequitur, quod actus peccati, quatenus procedit ex intentione peccantis, ordinetur in Deum, ut in finem ultimum: quod est contra id, quod diximus in probatione secundæ cōclusionis. Probatur sequela, quoniam illa utilitas aut delectatio, quam appetit is qui peccat, ordinatur suapte natura in Deum: ergo etiam tanquam in finem; ergo etiam actus peccati, qui ad eam terminatur, tendit quatenus procedit ex directione aut intentione peccantis, in eundem finem ipsa mediante. Patet consequentia ex ratione, quæ probauimus illas duas cōclusiones.

Respondetur negando consequentiam, nam quāuis bonitas illa possit, quantum est ex sua natura, referri in Deum: tamen ut hic & nunc appetitur à peccante, & ex directione ipsius, referri non potest; quoniam (ut diximus) is, qui peccat non appetit, neque potest appetere bonitatem illam, ut separatam à malitia morali. Quamuis enim vellet, quod non esset ei coniuncta: quia tamen aduertendo, aut cum obligatione aduertendi, quod est coniuncta, appetit ipsam; ideo simpliciter & absolute, & ex propria directione appetit eam, ut coniunctam malitiæ morali; & ita constat, obiectum, quod habet iste actus, quatenus procedit ex directione peccantis, non posse secundum istam rationem referri in Deum, & ex consequenti neque actus ratione ipsius.

§ 3. Soluuntur argumenta initio dubij posita.

AD PRIMUM SCOTI respondetur negando antecedens, si intelligatur de fine ultimo in vniuersali, aut formaliter sumpto: ut nos intelligimus sententiam D. THOMÆ. Et ad probationem, dicendum est, quod ut homo dicatur appetere bonum aliquod propter ultimum finem, non est necessarium, quod tunc cogitet, aut antea cogitauerit de ultimo fine; sed satis est, quod bonum illud suapte natura ordinetur in ipsum, ut explicuimus. Et eodem modo respondendum est *ad confirma-*

tionem. Quomodo autem relatio in ultimum finem sit homini voluntaria, quamuis non cogitet de ultimo fine, explicabimus in solutione confirmationis secundi argumenti secundæ sententiæ.

AD SECUNDVM etiam est negandum antecedens, si etiam intelligatur de beatitudine sumpta quoad suam rationem formalem in communi; & ad probationem, dicendum est, fornicationem solum repugnare beatitudini sumptæ in particulari pro uisione diuinæ essentiae, non tamen rationi formali beatitudinis sumptæ in communi; imo potius ordinari ad ipsam, sicut bonum parziale, & inchoationem boni perfecti, ad perfectum; ita respondet D. THOMAS articulo sequenti ad primum.

AD TERTIUM Respondetur negando sequelam, & ad probationem dicendum est, actum aliquem non dici otiosum ex defectu finis sumpti in generali, sed ex defectu finis sumpti in particulari, aut materialiter pro *re*, quæ est finis.

AD PRIMUM SECUNDÆ SENTENTIÆ Respondetur, negari non posse, esse valde consonum aliquibus verbis D. THOMÆ, illud secundum dictū: sed nihilominus non colligitur apertè ex ipsis. Nā ad *primum* testimoniū potest dici, quod, cū D. THOMAS inquit, virtutē primæ intentionis esse in quolibet appetitu cuiuscumque rei, non loquitur de intentione formali præcedenti, sed de virtuali, quæ continetur virtualiter in appetitione cuiuscumque boni particularis; nam sicut in ipso bono est participatio virtutis ultimi finis, ut supra explicuimus: ita etiam in eius appetitione est virtualiter desiderium ultimi finis, & ita exponit verba ista *CONRADVS* hoc loco. *Ad secundum* testimoniū respondetur, ad veritatem illius comparationis satis esse, quod sicut causæ efficientes nihil possunt efficere, nisi virtute accepta à prima: ita bona particularia non possunt mouere voluntatem, nisi ut habent participatam virtutem ultimi finis sumpti in communi; hoc est, ut habent partem eius: ad quod non est necessarium, quod ultimus finis moueat prius voluntatem, sed satis est quod bona particularia non moueant, nisi ut est in eis virtus ultimi finis, saltem secundum participationem, & inchoationē quandā. Et ex hoc colligitur optime intentum D. THOMÆ, scilicet, quod non potest voluntas appetere huiusmodi bona, nisi in ordine ad ultimum finem, ut in probatione tertiæ cōclusionis explicuimus. *Ad tertium testimoniū* Respondetur, aliud esse loqui de eo, quod necessarium est, ut actus aliquis referatur in finem ultimum sumptum in vniuersali; & aliud loqui de eo, quod requiritur, ut sit propriè electio; & de *primò* diximus nos, non fieri semper & de facto virtute aliquius intentionis formalis ipsius ultimi finis; de *secundo* vero concedimus, postulare necessario, quod præsupponatur aliquo modo intentio finis, quoniam ex ea procedunt electiones mediorum, & hoc solum docuit illo loco D. THOMAS; non enim loquitur ibi de *primò*, sed de *secundo*, quoniam solum intendit explicare, quo modo sit in Angelis dilectio electiua; In quo tamen sensu sit accipiendum id, quod ibi addit, scilicet, intentionem ultimi finis esse naturalem, nos explicabimus infra questione decima, art. primo.

AD SECUNDVM ARGVMENTVM respondetur, negando sequelam, iuxta sensum explicatum in ultima cōclusionē, & ad probationem dico, du-

pliciter posse moueri hominem à fine ad volendum aliquid propter finem; scilicet, aut ab ipso fine secundum se, aut à virtute eius participata in aliquo obiecto; & ad *primum* requiri, quod præcedat desiderium, aut intentio ipsius finis, non vero ad *secundum*, vt explicuimus in probatione illius conclusionis.

Ad *confirmationem* respondetur, concedendo *maiores*, si non intelligatur in rigore, de ordinatione obiecti in finem, tanquam boni consequentis ad consecutionem ipsius finis, sed de ea, quæ sufficit vt obiectum dicatur volitum propter finem; & negando *minores*, quia satis est, quod intellectus cognoscat in obiecto virtutem ultimi finis participatam; vt homo dicatur ordinare ex propria directione appetitionem illius obiecti in vltimum finem, saltem implicitè, & quasi virtualiter, vt illo loco explicuimus.

AD TERTIVM. Respondetur negando antecedens, si vniuersaliter accipiat: solum enim est verum, quando id, quod appetitur propter finem, appetitur tanquam medium ordinatum ad consecutionem finis; non vero quando solum dicitur appeti propter finem, quia partialiter habet rationem vltimi finis, & ordinatur ad eam, sicut pars ad totum; & ita accidit in nostro casu. Sicut enim non potest homo consequi summum bonum sumptu formaliter, & vt abstractum à rebus abstractione formalis: ita non potest appetere aliquid propter ipsum vt obtinendum. Et ex hoc patet solutio ad *primam probationem* illius antecedentis, non enim dicitur appeti vt medium, id quod quomodocunque appetitur propter finem: sed id, quod appetitur vt ordinatum ad consecutionem finis. Et ad *secundam* dicendum est, quod appetitio boni particularis propter finem vltimum in vniuersali, est formaliter intentio, non quidem finis vltimi simpliciter, sed finis particularis.

AD QUARTVM Respondetur, Aristotelem non comparare ad principia propria scientiarum finem vltimum simpliciter, præsertim sumptum formaliter & in vniuersali; vt nos loquimur de eo; & ita ex illa doctrina nihil colligi contra nos: sed solum comparare finem vltimum in aliquo genere, & comparisonem consistere in hoc, quod sicut in quavis scientia, si procedendum sit à priori, præsupponitur cognitio principiorum, & inde progredimur ad conclusiones: ita etiam ad electiones in quacunque materia necessarium est, præsupponi intentionem vltimi finis in illo genere, quoniam ex fine proprio sumitur ratio electionum in quacunque materia. Et ad argumentum in forma, cōcessa maiori & minori, si in eis fiat sermo de principijs proprijs cuiusque scientiæ, neganda est consequentia, si conclusio intelligatur de fine vltimo simpliciter sumpto in vniuersali, sicut debet ne argumentum sit extra rem. Neque obstat comparatio, quæ adducitur in probationem consequentiæ: quoniam vt vera sit, debet intelligi de appetitione bonorum particularium propter finem, tanquam mediorum, quæ ordinantur ad finis consecutionem; & ita intellecta est omnino extra rem. Quod vero ita sit intelligenda comparatio Aristotelis, colligitur ex eo, quod per principia non potuit intelligere vniuersalissima, quæ communia sunt omnibus scientijs; sed propria cuiusque scientiæ: quoniam satis est, præsupponi horum assensum, vt

A procedat à priori ad cognitionem conclusionum; & ex hoc colligitur vltius, quod etiam loquatur de fine vltimo in aliquo genere, quoniam iste correspondet principijs proprijs scientiarum. Et præterea ex modo loquendi, quo Aristoteles vtitur, quoniam per *res agendas* semper solet intelligere eas, de quibus est consultatio, deliberatio & electio: ergo etiam per finem earum intelligit finem, qui est principium electionum in quocunque genere.

AD VLTIMVM Respondetur, comparisonem factam in maiori solum esse veram, quantum ad hoc, quod sicut causæ secundæ efficientes nihil possunt efficere, nisi virtute accepta à prima: ita bona particularia non possunt mouere voluntatē, nisi vt habent in se participationē virtutis vltimi finis, non tamen quantum ad hoc, quod sicut causa secunda non potest aliquid efficere nisi prima cōuertente, ita bona particularia non possunt mouere voluntatē, nisi vltimo fine actu mouente ipsam; vt dixi cum respondēbā ad secundum testimonium adductū in primo argumento huius sententiæ. Et ita ad argumentū in forma, concedenda est *maior* in isto sensu & *minor*, & neganda *consequentia*. Et si quæras cur comparatio illa non sit intelligenda etiam quoad *secundum*? Respondetur, rationem esse desumendam ex diuerso modo concurrendi causarum efficientium & finalium; nam cum efficientes concurrant producendo aliquam entitatem, & nulla sit entitas quæ non producat à prima causa, ideo necessarium est quod concurrentibus causis secundis efficientibus, concurrat etiam prima: at vero causa finalis non concurrat producendo aliquam entitatem, sed mouendo metaphoricè ad sui amorem, & terminando actum voluntatis; & quia ad hoc habent sufficientem bonitatem multa bona particularia, ideo possunt concurrere finalizando, quamuis non concurrat eodem modo vltimus finis.

AD PRIMVM TERTIÆ SENTENTIÆ respondeatur, solum probare, quod omnes actus hominis ex directione primæ causæ tendant in Deum; non tamen quod etiam tendant in eum, ex directione ipsius hominis, quia *minor* solum est vera, si intelligatur de eo, in quo reuera est summum bonum hominis; non tamen si intelligatur de eo, in quo constituitur ab ipso homine: potest enim homo constituere suum summum bonum in eo, quod repugnet Deo.

AD SECVNDVM respondeatur, ex illis præmissis solum posse colligi, quod in omni operatione nostra desideremus Deum esse: non tamen quod ex amore ipsius moueamur semper ad operandum; quod erat necessarium vt operationes nostræ essent propter Deum, ex nostra directione.

AD TERTIVM concessa antecedenti neganda est consequentia, si consequens intelligatur de appetitu boni particularis, quatenus procedit ex directione hominis: quia non semper bonum particulare terminat appetitum hominis, quatenus præcisè est participatio diuinæ bonitatis, sed sæpe quatenus habet adiunctam malitiam, cui repugnat ordinari in Deum.

AD VLTIMVM respondeatur, antecedens solum esse verum, si intelligatur de fine vltimo sumpto pro re, quæ verè est finis vltimus; ex eo vero sic intellecto non posse colligi, quod bona particularia

semper,

semper, & de facto moueant hominem ad operandum, & terminent eius actus, ut ordinata in Deū, ut explicuimus in solutione difficultatis propositæ in fine conclusionum; & multo minus, quod non moueantur nisi Deo actu mouente, & finalizante, ut constat ex solutione ultimi argumenti secundæ sententiæ.

ARTICVLVS VII.

Verum sit vnus vltimus finis omnium hominum?

P RIMA CONCLUSIO. omnes homines conueniunt in vltimo fine sumpto formaliter pro ipsa ratione vltimi finis.

SECUNDA CONCLUSIO in re, in qua reperiuntur ratio vltimi finis, non conueniunt omnes. Et est intelligenda per respectum ad iudicium & affectum hominum: nam reuera, secundum iu-

A dicitur ab his liberum, vna est tantum res, in qua reperiatur ratio vltimi finis simpliciter, scilicet Deus.

ARTICVLVS VIII.


Verum in vltimo fine alie creature conueniunt?

B

P RIMA CONCLUSIO. Si finis sumatur pro re, quæ est finis, omnes creature conueniunt in vltimo fine hominis, quoniam Deus est vltimus finis hominum & omnium aliarum rerum. Et est intelligenda de re, quæ reuera est vltimus finis, ne repugnet primæ conclusioni præcedentis articuli: potestque videri circa eam D. Thomas 1. p. q. 44. art. 4. & q. 103. art. 1. & 3. & 3. contra gentes 17.

SECUNDA CONCLUSIO si finis sumatur pro apprehensione finis, non conueniunt creature irrationales cum homine in vltimo fine.





INDEX
QVÆSTIONVM,
ARTICVLORVM ET
DVBIORVM LECTVRÆ SECUNDÆ,
QVÆ EST DE
BEATITVDINE
IN QVÆSTIONEM II. D. THOMÆ.

De his in quibus hominis beatitudo consistit, seu
de beatitudine obiectiua.



*Regomena. 1. Ratio ordinis, & conne-
xio 2. generalis metho-
di totius tractatus. 3. specialis
methodus huius
secundæ quæstionis.*

ARTIC. 1. Virum beatitudo homi-
nis consistat in diuinitate

*Discursus articuli. Diuinitas diuinitatum in naturales
& artificiales. Quomodo desiderium diuinitatum
naturalium sit finium?*

ART. 2. V. beatitudo hominis consistat in honoribus?
*Honoris definitio. Duplex excellentia, & duplex honor,
in veritate, & apparentia. Ratio D. Thomæ. in corpo-
re: & in argum. Sed contra.*

ART. 3. V. beatitudo hominis consistat in fama sine
gloria?

*Discrimen honoris à gloria; Fama in communi, & deter-
minatè; Gloria humana, & apud Deum. In hac
consistit beatitudo nostra non formaliter, sed causaliter
tanquam in fine.*

ART. 4. V. beatitudo hominis consistat in potestate?
Discursus articuli.

ART. 5. V. beatitudo hominis consistat in aliquo cor-
poris bono? *discursus articuli.*

ART. 6. V. beatitudo hominis consistat in voluntate.
*1. De' effectibus spiritualis & corporalis. 2. Conclusio
negativa certa secundum fidem probatur.*

ART. 7. V. beatitudo hominis consistat in aliquo bono
animæ? *1. Discrimen bonorum terminorum, ultimus fi-
nis, Beatitudo, id in quo beatus uero consistit. 2. Amor
amicitiæ, & concupiscentia.*

ART. 8. V. beatitudo hominis consistat in aliquo bono
creato? *Explicatur & defenditur ratio D. Thomæ.*

QVÆSTIO III. D. THOMÆ.

De beatitudine formali, seu essentiali.

Methodus quæstionis.

ART. 1. Virum beatitudo sit aliquid increatum?
Explicatur conclusio articuli.

ART. 2. V. beatitudo sit operatio. 1. Ratio D. Thomæ
declaratur 2. discriminè actionis immanentis & trans-
euntis in per, ciendo agente. 3. Quomodo unumquod-
que est propter suam operationem.

ART. 3. V. beatitudo sit operatio sensitivæ partis, an
intellectivæ tantum. *discursus articuli.*

ART. 4. V. si beatitudo est intellectivæ partis, sit ope-

ratio intellectus, an voluntatis? Ratio D. Thomæ
declaratur.

ART. 5. V. beatitudo sit operatio intellectus specula-
tius an practicus? 1. Sensus tituli. 2. Conclusio intelli-
gitur de beatitudine perfecta supernaturali future vite,
& imperfecta naturali huius vite. 3. Beatitudo con-
sistit essentialiter in operatione intellectus speculativi,
accidentaliter in operatione intellectus practici. 4. An
licet D. Thomæ sit corrupta?

ART. 6. V. beatitudo consistat in consideratione scien-
tiarum speculativarum. Ratio ordinis 2. Probatio
D. Thomæ. 3. Tres difficultates circa rationem D. Thomæ.

ART. 7. V. beatitudo consistat in cognitione substantia-
rum separatarum. declaratur ratio D. Thomæ.

ART. 8. V. beatitudo hominis sit in v. fine diuine ef-
sentie? *discursus articuli.*

TRACTATUS DE ESSENTIA BEA-
TITUDINIS, ad quæstionem præcedentem, quin-
que quæstionibus comprehensis.

Proemium.

*Duo fundamenta. 1. Dari aliquam beatitudinem for-
malem supernaturalem. 2. Non posse eam obtineri in
hac vita.*

QVÆSTIO I. Quid nomine beatitudinis forma-
lis intelligatur?

§ 1. Sensus quæstionis. Beatitudo non significat statum
beatificum. § 2. Tres sententiæ. 1. significari hoc nomi-
ne plenitudinem perfectæ boni 2. summum & maximum
bonum beati. 3. ultimum actum beati. § 3. Vera sen-
tentia, significare talem coniunctionem cum summo bo-
no, qua sufficiat ad satiandum appetitum beati. § 4. Sol-
vantur argumenta aliarum sententiarum. Bonum per-
fectum substantialiter aut accidentaliter. Bonum ma-
ximum formaliter aut radicaliter.

QVÆSTIO 2. V. possessio summi boni, quæ est essentia
beatitudinis formalis, consistat in unionem summi boni
cum substantia animæ nostræ.

§ 1. Sententia Henrici Gandauensis de unionem Dei
cum substantia animæ per illapsum infinitum. § 2. Pra-
notanda ad quæstionis decisionem. Unio Dei cum sub-
stantia animæ, moralis, aut physica, mediante dono su-
pernaturali, aut sine eo. § 3. Potest dari unio mora-
lis animæ secundum substantiam cum Deo sine ullo do-
no supernaturali: de facto tamen non datur nisi mo-
do dono

dum dono

divi donogratte. §. 4. Datur unio physica Dei cum substantia anima mediante gratia habituali: sed non medianibus aliis donis supernaturalibus. §. 5. Unio physica Dei cum substantia anima, absque aliquo quasi effectu communicato ipsi anima, est impossibilis. §. 6. Hic quasi effectus debet esse aliqua entitas de nouo communicata, non solus modus nouus penetrationis, nec solus nouus modus unionis, sed qua inferat veram mutationem. §. 7. Nulla unio Dei cum anima incipit de nouo in patria. An charitatem patriam habeat nouum modum efficiendi, quem non habebat in via. §. 8. Essentia beatitudinis formalis non consistit, nec totaliter, nec principaliter in unione Dei cum substantia anima. Censura Henrici. §. Soluuntur argumenta pro sententia Henrici adducta. Unio Dei cum intellectu in ratione speciei intelligibilis. An accidens supernaturale sit nobilius quam substantia naturalis.

QVÆSTIO 3. Vtrum possessio summi boni qua est essentia beatitudinis formalis, consistat in unione cum summo bono, mediante aliquo actu primo?

§. 1. Sensus tituli. §. 2. Sententia D. Bonaventurae, constituens beatitudinem in habitu. §. 3. Resolutio. Beatitudo formalis, nec in solo habitu nec in habitu ut habet actum adiunctum; sed in sola operatione consistit. §. 4. Soluuntur argum. 1. Sententia. An alius sit perfectior habitu.

QVÆSTIO 4. V. si de ratione operationis, in qua consistit beatitudo formalis, effici ab ipso beato?

§. 1. Ratio ordinis. §. 2. Dua sententia negantes. 1. Ioannis de Ripa, beatitudinem formalem esse ipsam increatam visionem Dei. 2. Nominatum esse à solo Deo productam, ab anima tantum receptam. §. 3. Beatitudo nostra formalis est verum accidens creatum inherens anima, & multiplicatum iuxta pluralitatem beatorum. §. 4. Beatitudo formalis est operatio intrinseca beato quoad receptionem & productionem. §. 5. Contra duas opinionum negantium. Summe temeraria sed non erronea fide. §. 6. Ad argumenta prima sententia. An visionem increatam unius intellectus creato per modum operationis, sit possibile. §. 7. Argumenta secunda sententia. Comparatio habitus & actus in perfectione. Primum obiectum & formale. §. 8. An intellectus à solo Deo productus, possit unius intellectus creato per modum actus secundi.

QVÆSTIO 5. V. operatio, in qua consistit beatitudo formalis, debeat esse pars intellectiva, & non possit esse pars sensitiva?

§. 1. Sensus questionis, & pars affirmativa proponitur. §. 2. Pars negativa ut certior igitur.

QVÆSTIO 6. V. operatio, in qua consistit beatitudo formalis, sit operatio intellectus vel voluntatis?

§. 1. Prima opinio Bonaventurae, Beatitudinem includere operationes v. v. utque potentie. §. 2. Secunda opinio Aureoli, beatitudinem consistere in delectatione voluntatis consequente visionem & amorem Dei. §. 3. Tertia opinio Scoti, beatitudinem consistere in actu voluntatis, qui est amor amicitiae erga Deum. §. 4. Quarta seu entia vera D. Thomae, consistere beatitudinem in actu intellectus qui est clara visio diuina essentia. §. 5. Beatitudo formalis non consistit in pluribus actibus, sed in uno tantum. §. 6. Beatitudo formalis non consistit in gaudio seu delectatione de Deo viso & amato. §. 7. Beatitudo formalis non consistit in actu aliquo voluntatis, sed in actu intellectus qui est clara Dei visio. §. 8. Prima ratio S. Thomae. Intellectus est perfectior voluntate. §. 9. Secunda ratio D. Thomae defenditur. Visio ex propria ratione vult

A dentem reali unione cum Deo. Amor id non habet à propria ratione. §. 10. Appetitus ex sua ratione propria non est consequutio finis. §. 11. Actus elicitus à voluntate non potest esse primum obiectum voluntatis: intellectus potest. §. 12. Esse amatum non prerequiritur ad beatitudinem ut ratio secundum quam obiectum terminat visionem, nec ut conclusio necessaria. §. 13. Amor consequens visionem non requiritur ad beatitudinem, tanquam pars eius essentialis, nec tanquam commotum; nec tanquam dispositio ex parte obiecti, nec subiecti. §. 14. Beatitudo formalis essentialiter consistit in actu speculativo. §. 15. Soluuntur argumenta prima sententia. §. 16. Soluuntur argumenta secunda sententia. §. 17. Soluuntur argumenta tertia sententia.

QVÆSTIO IV. D. THOMÆ.

De ijs quæ ad beatitudinem exiguntur.

Ratio ordinis.

ART. 1. Vtrum delectatio requiratur ad beatitudinem?

Commentarius.

DVB. 1. Vtrum obiectum delectationis in patria sit Deus, vel visio beatifica, vel utrumque simul.

§. 1. Sensus dubij. §. 2. Sententia prima Durandi cum argumentis. §. 3. Sententia secunda Capreoli. §. 4. Sententia tertia Caietani, & decisio questionis. §. 5. Soluuntur argumenta prima sententia. §. 6. Soluuntur argumenta secunda sententia.

DVB. 2. Quod principium elicitum habeat actus delectationis in beatis?

§. 1. Exponitur ratio dubitandi. §. 2. Solutio M. Suarez, afferentis principium elicitum delectationis esse virtutem spei, refutatur. §. 3. Adfertur vera solutio, afferens delectationem eici ab habitu charitatis. §. 4. Satisfit varijs obiectis adductis contra veram solutionem.

DVB. 3. Vtrum delectatio sit necessariò adiuncta beatitudini formali, vel potius possit pro libera voluntate beati ab ea separari?

§. 1. Explicatur status questionis, & separantur certa ab incertis. §. 2. Dua sententia contraria. 1. affirmans nec de potentia Dei esse separabilem à beatitudine delectationem. 2. affirmans pro libertate voluntatis beati eam separabilem. §. 3. Argumenta secunda sententia. §. 4. Assumitur media sententia esse separabilem per diuinam potentiam, sed non per naturam ipsius delectationis. §. 5. Separata delectatione à beatitudine formali, non esset quis beatus quoad statum, sed tantum quoad essentiam beatitudinis. §. 6. Non potest esse hac delectatio in aliquo nisi presupposita aliqua cognitione obiecti. §. 7. Excusantur tria dubia, de natura harum delectationum. §. 8. Satisfit in generali fundamentis prima & secunda sententia. §. 9. Soluitur primum argumentum, de delectatione habente pro obiecto bonum diuinum in se, & ut conuenit Deo. §. 10. Soluitur 2. argum. de delectatione cuius obiectum est Deus ut possessus à beatis per visionem. §. 11. Soluitur argum. 3. de delectatione cuius obiectum est ipsa beatitudo formalis.

ART. 2. Vtrum in beatitudine sit principalis, visio, quam delectatio?

Commentarius.

ART. 3. Vtrum ad beatitudinem requiratur comprehensio?

Commentarius.

QVÆSTIO V. D. THOMÆ.

De adeptione beatitudinis.

Methodus questionis.

ART. 1. *Virum homo possit consequi beatitudinem?*

Commentarius.

Dubium vnicum. An solo lumine rationis possit ostendi, possibilem esse homini beatitudinem, qua consistit in visione divina essentia.

§. 1. Potest evidenter convinci, aliquam beatitudinem esse homini possibilem de facto: non autem hanc, de qua est sermo, de qua tamen potest id ostendi probabiliter. §. 2. Solvuntur aliquos apparentes demonstrationes.

ART. 2. *Virum unus homo possit esse beator altero?*

Commentarius.

§. 1. Ratio ordinis. §. 2. Inequalitas beatitudinis ostenditur ex scriptura, & patribus. Hæreses contraria refutantur. §. 3. Duo argumenta contra veritatem solvuntur. §. 4. Dubium incident. An per quæcunque gradum visionis beatifica faceret appetitus beati & sensus dubiosi. §. 5. Decisio dubiosi. Quocunque gradu, quem habet beatus, de facto, satiatur eius appetitus. §. 6. Diversæ opiniones in assignanda ratione huius satisfactionis. §. 7. Solvitur secundum argumentum paragrapho tertio propositum. §. 8. Tria alia dubiosa. 1. An omnes beati sint inæquales in beatitudine formali. 2. In quo consistat hæc inæqualitas. 3. quæ sit eius radix. §. 9. In quo consistat inæqualitas beatitudinis formalis.

ARTIC. 3. *Virum aliquis in hac vita possit esse beatus?*

Commentarius.

ART. 4. *Virum beatitudo habita possit amitti?*

§. 1. Explicatur sensus articuli. §. 2. Error quorundam antiquorum circa perpetuitatem beatitudinis. §. 3. Stabilis sententia D. Thomæ.

Dub. An beatitudo sit inamissibilis ex natura sua, aut ex dono Dei?

§. 1. Resolutio questionis. §. 2. Inferuntur nonnulla ex dictis. §. 3. Proponitur & solvitur obiectio Scoti. §. 4. Proponuntur aliqua argumenta contra primam rationem D. Thomæ. §. 5. Satisfit argumentum propositum. §. 6. Secunda ratio D. Thomæ pro perpetuitate beatitudinis. §. 7. Obiectiones contra eam. §. 8. Solvuntur.

ART. 5. *V. homo per sua naturalia possit acquirere beatitudinem?*

§. 1. Notanda circa titulum articuli & Conclusionis.

DUB. Utrum ad elevandum intellectum per lumen gloria ad eliciendum visionem beatificam presupponatur in eo potentia æterna visionis, vel passiva duntaxat?

§. 1. Sententia asserens potentiam æternam naturalem respectu æterni ad communem rationem vitalitatis, non ad specificam supernaturalitatis. §. 2. Sententia ponens virtutem æternam partialem partialitate causa quoad omnes gradus æterni beatifici. §. 3. Sententia presupponens potentiam obedientialem, instrumentalem. §. 4. Sententia auferens omnem vim æternam ab intellectu antecedenter ad elevationem. §. 5. Quid sit coaptatio potentia ad obiectum, & quantitas virtutis, quæ respicit obiectum motuum. §. 6. Non presupponi ullam efficaciam æternam, aut quantitatem virtutis, sed tantum coaptationem essentialem ad Deum, & visionem. §. 7. Solvuntur tres difficultates ex dictis. §. 8. Quæ sit virtus æterna. Solvitur fundamentum primæ sententiæ. §. 9. Satisfit argumentis secundæ sententiæ. §. 10. Dissolvuntur argumenta tertiæ sententiæ. §. 11. Dissolvuntur argumenta ultimæ sententiæ.

ARTIC. 6. *Virum homo consequatur beatitudinem per æternam alicuius superioris creatura.*

Commentariolus.

ARTIC. 7. *Virum requirantur aliqua opera bona ad hoc quod homo beatitudinem consequatur?*

Commentariolus.

ARTIC. 8. *Utrum omnis homo appetat beatitudinem?*

Commentarius.

QVÆSTIO II.

De his in quibus hominis Beatitudo consistit.

PROLEGOMENA QVÆDAM.

§ 1. Cur hoc loco egerit D. THOMAS de Beatitudine?

PRO INTRODUCTIONE NOTANDUM est PRIMO rationem ordinis inter hanc questionem & præcedentem esse, quod post tractationem de ultimo fine hominis in communi, hoc est, de ratione ultimi finis respectu humanarum actionum: consequenter agendum sit de ultimo fine in particulari, siue materialiter sumpto, hoc est, de eo in quo consistit ratio ultimi finis hominis, quatenus homo est agens morale, & potest, mouendo se ipsum in hunc finem, consequi eum, vel ab eo deuiare. Et quoniam ultimus finis hominis ita sumptus est eius beatitudo; ideo D. THOMAS ab hac questione incipit agere de hominis beatitudine.

ET HUNC esse rectum ordinem probatur (contra aliquos, qui ab hoc loco excludunt disputationem hanc.) Quoniam cuiuscunque actus, potentie, & habitus cognitio debet inchoari ab eius obiecto: & propterea in principio huius partis Theologiæ, quæ versatur circa actus, quibus homo tendit in suum finem, agitur de ultimo fine hominis in communi; ergo propter eandem rationem debet statim disputari de ultimo fine in particulari, siue materialiter sumpto. Probatur consequentia, quoniam ad explicationem obiecti necesse est agere de obiecto materiali, saltem *principali*: quod addo, quoniam obiectum materiale adæquatū alicuius tractationis sunt omnia, quæ ad eam pertinent, & hæc non possunt in principio explicari. Et quamvis ultimus finis, etiam in communi, non pertineat ad obiectum formale huius partis, (quoniam hoc est talis modus scibilitatis) sed ad materiale: tamen ut explicetur obiectum materiale præcipuum, non satis est agere de eo, quod in ipso se habet ut formale in genere rei; sed oportet etiam agere de eo, quod se habet ut materiale.

Confirmatur, quia in quavis scientia distinguitur duplex obiectum, quorum vnum dicitur *formale* in genere scibilis, & alterum *materiale*; & tutum hoc diuiditur in *principale*, quod est præcipuum inter omnia, quæ in tali scientia considerantur, & ad quod reliqua habent aliquem modum habitudinis; & in *minus principale*, quod comprehendit reliqua omnia, & interdum appellatur *materiale adæquatum*, quatenus comprehendit etiam principale. Cum vero dicitur, scientiam inchoandam esse ab eius obiecto; non intelligitur se obiecto *formali* in genere scibilis, quoniam eius cognitio, saltem in naturalibus, parum conducit ad ipsam scientiam: neque de *materiali minus principali*, aut adæquato, propter rationem paulo superius explicatam; sed de *materiali principali*: ergo hæc scientia moralis, quæ in hac parte traditur, debet inchoari ab eius obiecto ma-

teriali principali. Quare cum huiusmodi obiectum consistit duabus quasi partibus, scilicet *formali* aut communi, quæ est ratio ultimi finis in communi; & *materiali* aut particulari, quæ est hominis beatitudo: de utraque erit agendum in hoc principio, & prius de formali ut magis communi, & postea consequenter de materiali; ut magis particulari.

Confirmatur secundo, quoniam ARISTOTELES eundem ordinem seruauit in libris Ethicorum, qui correspondent huic parti Theologiæ, nam libro primo: in principio egit de ultimo fine in communi, & deinde à capite quarto vsque in finem libri egit de beatitudine: Et D. THOMAS in principio primæ partis explicuit, quæ ratione Deus secundum se, esset obiectum materiale, seu obiectum quod principale totius Theologiæ, & statim egit de eo ita considerato.

SED OBIICIETUR quia hunc ordinem seruauit D. THOMAS in theologia, ut quo posterius aliqua conueniunt hominibus, quatenus tendunt in finem supernaturalem, vel ab eo aueruntur, eo posteriori loco disputet de eis: sed beatitudo ultimum locum obtinet inter omnia, quæ ita conueniunt hominibus, ergo etiam debet habere postremum locum in disputatione theologia. Probatur maior quoniam propter illam rationem DIUS THOMAS reliquit disputationem de resurrectione, & extremo iudicio, in finem ultimæ partis theologiæ.

Dices, beatitudinem habere hoc peculiare, quod est ultimus finis hominis, & ideo secundam hanc rationem pertinere ad eam partem theologiæ, in qua agitur de ultimo fine.

Sed contra, quia ad eandem partem cuiuscunque scientiæ pertinet agere de oppositis: sed D. THOMAS reliquit disputandum in fine theologiæ de pena damnatorum; ergo etiam ibi debet agere de gloria beatorum, quæ est beatitudo, & non hoc loco.

Confirmatur prima, quia propter hanc rationem D. THOMAS in materia de angelis, simul, & in eius fine, egit de beatitudine sanctorum angelorum, & de penis malorum.

Confirmatur secundo, quia quamvis beatitudo consideretur, quatenus habet rationem ultimi finis, pertinet ad eandem theologiæ partem cum pena damnatorum: quod sic probatur; In theologia nullibi agitur de beatitudine, quatenus habet rationem finis, qui determinatè obtineatur ab hominibus, sed quatenus habet rationem finis qui indifferenter possit obtineri, & amitti ab homine suis actibus: sed ultimus finis ut obtentus beat obiectiue; & ut amissus cruciat obiectiue, & ita in priuatione diuinæ visionis consistit pena damni; ergo ad eandem partem theologiæ pertinet disputare de beatitudine bonorum hominum,

& de pena damnatorum.

Confirmatur tertia, quia homines non solum moventur ad operandum amore beatitudinis, sed etiam timore pænæ: ergo eodem loco deberet disputari de beatitudine, quatenus per modum finis mouet ad operandum, & de pænâ.

Confirmatur vltimo, quia multa alia pertinent suo modo ad beatitudinem supernaturalem, quatenus habet rationem vltimi finis, quorum disputationem D. THOMAS dimisit in finem tertiæ partis: ut patet in gloria, & dotibus corporum beatorum, & in aureolis; ergo in eundem locum debuisset dimittere disputationem de beatitudine, quatenus habet rationem vltimi finis.

AD ARGUMENTVM, sufficit solutio ibidem tradita: & ad obiectiorem contra eam propositam, Respondetur, maiorem esse veram, ubi ordo doctrinæ, aut prudentiæ non postulat aliud; & quoniam D. THOMAS in fine tertiæ partis erat disputaturus de vltimo iudicio omnium nostrarum actionum, & ad huiusmodi iudicium pertinet, quod propter bonas actiones conferatur præmium, & propter malas pænâ, ideo reliquit disputandum ibi de pænâ damnatorum, non autem reliquit ita disputandum de beatitudine, quæ est præmium bonorum: quoniam necesse fuit agere de ea in tractatu de vltimo fine, qui debuit præponi toti theologiæ morali.

Ad primam Confirmationem Respondetur, quod D. THOMAS non instituit theologiam moralem de angelis, quoniam non egent scientia directiua suarum actionum, *bonis quidem* quia sunt beati, & omnino confirmati in bono; *malis vero* quia sunt damnati, & obstinati in malo: & ideo non egit de vltimo fine ipsorum, siue naturali siue supernaturali, quatenus erat principium suarum actionum liberarum: sed solum quatenus eis conueniebat, aut per naturam, aut per gratiam Dei.

Ad secundam Confirmationem Respondetur, conuincere intentum, nisi aliud postulet ipsa consequentia doctrinæ, sicut in præsentia accidit, ut paulo superius explicui.

Ad tertiam Confirmationem Respondetur, non probare, esse agendum de beatitudine in fine theologiæ, sed esse agendum de pænâ hoc loco; & neque hoc conuincere, quoniam pænâ non mouet per se ad operandum, sed quasi per accidens, & deterrendo: & ideo ubi agebatur de hoc, quatenus est principium motuum finaliter respectu humanarum actionum, satis fuit agere de beatitudine, & non oportuit agere de pænâ.

Ad vltimam Respondetur, quod gloria corporum beatorum non pertinet ad beatitudinem essentialiter, sed consequenter ut D. THOMAS docet, quæst. 3. art. 3. & quæst. 4. art. 6. & ex parte vtriusque fuit peculiaris ratio, ut distinctis locis ageretur de eis; nam quod hoc loco ageretur de beatitudine postulabat tractatus de vltimo fine: quod vero de gloria corporum ageretur in fine tertiæ partis, postulabat tractatus de corporum resurrectione.

Methodus, quam seruat D. THOMAS in toto tractatu de beatitudine.

SECUNDO NOTANDVM, beatitudinem duobus modis sumi, scilicet pro beatitudine obiectiua, quæ est illud bonum, quod nos beatificat; & pro beatitudine formali, quæ est id, quo formaliter sumus beati; siue adepti boni beatificantis. De beatitudine sumpta priori modo agit D. THOMAS in hac secunda

A quæstione, & de beatitudine sumpta posteriori modo agit tribus quæstionibus sequentibus; quod colligitur ex verbis, quibus vtitur in titulis harum quæstionum: nam in hac secunda quæstione titulus est de his, in quibus beatitudo consistit, & ut aduertit SORTVS in 4. d. 49. q. 7. art. 2. idem est inquirere, in quo consistat beatitudo, & quod sit bonum, siue obiectum, quod nos beatificat: quia in eo dicimus consistere beatitudinem alicuius, quod habet rationem boni, aut obiecti beatificantis ipsum. At vero quæstione sequenti non inquit D. THOMAS in quo consistat beatitudo, sed quid sit. Et apertius colligitur ex titulis articuloꝝ vtriusque quæstionis; nam in omnibus articulis huius quæstionis inquit D. THOMAS an hoc, vel illud sit bonum; quod nos beatificat: at vero in articulis quæstionis sequentis non inquit quod sit bonum beatificans, sed an beatitudo sit operatio, & qualis operatio; & nihilominus in omnibus his quæstionibus agit D. THOMAS de beatitudine formali, quoniam agere de beatitudine obiectiua, siue de bono beatificante non est aliud quam agere de obiecto beatitudinis formalis; & disputatione de obiecto alicuius actus pertinet ad disputationem, quæ est de ipso actu. Quare D. THOMAS in his quatuor quæstionibus explicat quatuor de beatitudine formali, scilicet quod sit eius obiectum; quid sit ipsa, aut eius essentia; quid pertineat ad ipsam, tanquam consequens, aut concomitans; quis sit modus consequendi ipsam, hoc est quibus viribus, aut auxilijs possit homo eam consequi; & agit de his omnibus eodem ordine, quo hic proposita sunt: qui optimus est, & consonus doctrinæ Aristotelis, qui 1. de anima capite quarto docuit, ex obiecto cognoscendum esse actum, & per actum potentiam, atque adeo prius esse agendum de obiecto, & postea de actu, & concomitantibus actum, & postremo de potentia.

§ 3. Specialis methodus quæstionis secunda.

VLTIMO NOTANDVM, quod circa beatitudinem obiectiuam siue bonum beatificans, tam variaz fuerunt apud antiquos philosophos sententiaz, ut D. AVGVST. 19. de Civitate c. 1. referat, MARCVM VALERONEM in lib. de philosophia reduxisse eas ad ducentas octoginta octo: verum non oportet de omnibus agere, quoniam (ut ARISTOTELES lib. 1. Ethic. c. 4. postquam dixit, neque vulgus, neque sapientes circa quæstionem hanc conuenire, sed in varias diuidi sententias, inquit:) omnes quidem opinioniones expendere forsasse operâ ludere fuerit; satis autem erit si eas potissimum, quæ sunt insigniores, quæ aliquâ ratione nisi videntur, in medium proferamus, & ita neque D. AVGVSTINVS, neque ARISTOTELES, neque D. THOMAS retulerunt singulas opinioniones, sed unusquisque eorum conatus est eas reducere ad certa quædam capita. Et quoniam beatitudo obiectiua est bonum beatificans, quod est summum bonum vniuscuiusque: ideo omnes vsi sunt ad id efficiendum diuisione aliqua boni, & D. AVGVSTINVS supponit, omnes constituere suum bonum in eo genere vitæ, quod magis appetunt; & distinguit tria genera vitæ, vnum vitæ contemplatiuæ, alterum actiue siue ciuilis, & postremum voluptuosæ. ARISTOTELES etiam aliqua ratione vtitur hac diuisione, sed potissimum diuisione boni in honestum, utile, & delectabile. Caterum D. THOMAS supponit, bonum diuidi in increatum, & creatum; & rursum creatum in bona animæ, cuiusmodi sunt

sunt scientia & virtus; & in bona corporis, ut sanitas & pulchritudo; & in bona externa, ut honor & diuitiæ. Et hoc supposito in quatuor prioribus articulis inquit an beatitudo consistat in aliquo bono externo; in duobus sequentibus, an in bono corporis, articulo 7. an in bono animæ, & articulo 8. an in aliquo bono creato, vel potius in increato quod est Deus.

ARTICVLVS PRIMVS.

Vtrum beatitudo hominis consistat in diuitijs?

CONCLUSIO, impossibile est beatitudinem hominis consistere in diuitijs, & est certa secundum fidem.

COMMENTARIVS.

Probatur ex psal 61. ubi sic habetur: *diuitia affluant nolite cor apponere*, ex quo aperte sequitur, diuitias non esse vehementer appetendas, atque adeo neque ut vltimum finem, aut summum bonum. Item Lucæ 12. de appetitu diuitiarum, & de ipsis diuitijs ait Christus: *Videte & caute ab omni auaritia: quia non in abundantia cuiusquam vita ipsius est ex his quæ possidet*. Et tandem Christus consuluit paupertatem & diuitiarum contemptum. Est etiam evidens in lumine naturali, quod ostendi potest in primis discursu morali, quia (ut inquit D. THOMAS in solutione ad primū, & quæstione præcedenti art. 7. in corpore; & ARISTOTELIS 10. Ethicorū c. 6. & CICERO lib. 2. de finibus) iudicium de bonis humanis, & maximè de summo bono, debet sumi à sapientibus, & non à stultis, quantumvis sint nobiles, aut potentes, vel alijs excellentijs præditi; sicut iudicium de saporibus, ab ijs qui habent gustum bene moderatum, & non ab ægro, qui eum habet prauæ affectum. At vero sapientes non constituunt summum bonū in diuitijs, imo eas contemnendas esse docent, ut experientia constat, & de antiquis philosophis id refertur CICERO Tuscul. 5. SENECA Epist. 5. 14. & 15. & pro hac re habetur elegans testimonium IAMBlici apud EUGENIUM li. 10. de perenni philosophia cap. 75. Deinde probatur ratione D. THOMÆ in qua supponitur, beatitudinem obiectiuā, seu summum bonū hominis nō posse esse aliquid deterius ipso homine, ut D. AVG. inquit to. 1. li. 1. de moribus ecclesiæ c. 3. imò debere esse aliquid melius, & præstātius homine, ut docet D. THOMAS 3. contra gentes c. 30. ratione quarta, & conuincitur ratione: quia homo est gratia sui vltimi finis, & debet se & omnia sua in ipsum referre; & ex hac suppositione ita colligitur: sed diuitiæ sunt inferiores homine, quia deseruiunt tanquam media ad sustentandam eius vitam, & ex consequenti ordinantur ad ipsum, ut ad finem; ergo non sunt beatitudo obiectiua hominis.

CIRCA DIVISIONEM DIUITIARVM in naturales, & artificiales, quæ D. THOMAS vtitur in corpore articuli. *Notandum*, esse desumptam ex ARISTOTELE lib. 1. polit. c. 5. & 6. cum vero D. THOMAS connumerat inter diuitias naturales vestimenta, vehicula & habitacula, considerat hæc omnia quatenus præcisè deseruiunt ad supplendos defectus naturæ, & propter hanc rationem appellat ea diuitias na-

turales, non vero quia fiant à natura, & nō ab arte.

CIRCA SOLUTIONEM AD TERTIUM. vide ARIST. lib. 1. polit. c. 6. & D. THOMAS infra q. 30. art. 4. & *Notandum* quod cum D. THOMAS inquit, desiderium diuitiarum naturalium esse finitum, loquitur de desiderio in actu, & non successiue, quæ ratione (ut dixi) sunt naturales; & de his diuitijs præcisè, quatenus exiguntur à natura, non vero quatenus ab hominibus liberè desiderantur, ad comparandum alia bona, quæ ratione sunt artificiales: cum enim inquit, desiderium beatitudinis esse infinitum, non sumit desiderium pro amore rei non habitæ, quia huiusmodi desiderium obtenta beatitudine finitur, & terminatur; sed pro continuo amore sine fastidio alicuius rei, siue habitæ, siue non habitæ, de quo intelligitur illud 1. Petri. 1. *in quæ desiderat Angeli prospicere*, ut D. THOMAS docet infra q. 33. a. 2.

ARTICVLVS II.

Vtrum beatitudo hominis consistat in honoribus?

CONCLUSIO. Impossibile est beatitudinem consistere in honore.

COMMENTARIVS.

CIRCA quam *Notandum*, honorem, ut ab ARIST. definitur lib. 1. Ethic. cap. 5. & à D. THOMA 2. 2. q. 63. art. 3. & q. 103. art. 1. & 2. esse cultum, qui exhibetur in testimonium alicuius excellentiæ: verum quoniam excellentia est duplex, *Vna*, quæ verè & secundum rationem est talis, cuiusmodi est virtus & sapientia; *Altera*, quæ non verè, sed deprauato hominum iudicio cèsetur excellentia; ideo etiā honor est duplex, *vnus* qui est debitus ratione prioris excellentiæ, ut qui debetur virtuti, sapientiæ, & alicui dignitati reipublicæ; & *alter* qui a vulgaribus & stolidis hominibus exhibetur ratione posterioris excellentiæ, ut cū quis honorat diuitem propter diuitias præcisè, & de viroque honore intelligitur Conclusio D. THOMÆ: & videtur admittā ab antiquis philosophis quoniam ARIST. loco citato, ubi disputat quæstione hanc, nullum ex eis refert pro opposita sententia, sed solū dicit *potiores*, siue ut alij vettūt *præstantes viros* & qui ad agendum nati sunt, beatitudinem in honore collocasse. Et ratione D. THOMÆ probatur satis efficaciter, quæ ut proponitur ab ARISTOTELE loco citato, & explicatur à D. THOMA 3. contra gentes c. 18. ratione secūda, debet ad hanc formā reduci: Beatitudo nō ordinatur ad aliud, sed honor ordinatur ad aliud quoniam exhibetur propter virtutē, & desideratur ad habendum testimonium propriæ virtutis; ergo honor non est beatitudo obiectiua.

CIRCA ARGUMENTVM SED CONTRA, *Notandum*, sensum illius rationis, ut colligitur ex ARISTOTELE loco citato, à quo desumpta est, & explicatur à D. THOMA loco citato ratione tertia, non esse, quod beatitudo sit in beato, ut in subiecto, & honor non sit hoc modo in eo qui honoratur; sed quod beatitudo, quantum ad consecutionem, est posita in voluntate eius, qui beatificatur: at vero honor non est positus in voluntate eius, qui honoratur, sed potius in voluntate honorantis, qui pro suo libito eum exhibet, aut denegat.

ARTICVLVS III.

Verum beatitudo hominis consistat in fama siue gloria?

PRIMA CONCLUSIO. *Impossibile est beatitudinem hominis in fama, seu gloria humana consistere.*

SECUNDA CONCLUSIO. *Beatitudo hominis dependet, sicut ex causa, ex gloria qua est apud Deum.*

COMMENTARIVS.

CIRCA TITVLVM huius articuli, vt eius quæstio distinguatur à quæstione præcedentis articuli. *Notandum*, esse hoc discrimen inter honorem, & gloriam: quod honor est reuerentia, quæ exhibetur propter aliquam excellentiam, vt dixi articulo præcedenti; at vero gloria est clara notitia cum laude vt ex D. AMBROSIO refert hoc loco D. THOMAS; vel vt CICERO 2. de inuentione definit, est frequens de aliquo fama cum laude, sicut D. THOMAS refert 3. contra gentes c. 19. in principio; & ambæ definitiones conueniunt, quoniam clara notitia idem est quod fama. Quare licet D. THOMAS videatur sumere pro eodem famam & gloriam, tamē distinguuntur inter se, non solum sumendo famam in communi, sed etiam sumendo eam determinatē pro bonā aut malā fama. Pro quo *aduertendum* quod fama sumitur duobus modis, primo in communi, & sic solum importat celebrem notitiam cum sermone, siue rumore, qui de aliquo per multorum aures & ora extendi solet, siue huiusmodi notitia aut rumor sit de re bona, siue de mala: Secundo sumitur in particulari, & sic addit determinationem materiæ, scilicet quod sit de re turpi, aut de honesta, & cū est de turpi appellatur fama mala; cum vero est de honesta, dicitur bona. At vero gloria supponit notitiā aut rumorem celebrem, & addit laudē: & ita differt à fama priori modo sumpta; & ulterius, quia laus humana non est nisi de re, quæ aut verē, aut secundum hominum æstimationē est bona, (ideo enim differt à fama sumpta posteriori modo, quoniam fama, si sit mala, est de re mala; si vero sit bona solum importat notitiā aut rumorem celebrem de re bona, & nō laudē,) gloria tamē non est sine laude. Aliqui contendunt, esse hoc discrimen inter bonam famam & gloriam: quod bona fama est multorum laus, siue vulgarium, siue rectē sentientium; gloria vero non dicitur, nisi sit laus prudentium, & rectē sentientium. Et idē videtur sentire CICERO qui TVSCVL. 1. ita definit, est consentiens laus bonorum, & incorrupta vox bene iudicantium. Sed hoc est præter definitionem famæ & gloriæ ab omnibus receptam, & contra D. THOMAM, qui in hoc articulo docet, laudem hominū, qui in suis iudicijs falli possunt dici gloriā.

CIRCA SECUNDAM CONCLUSIONEM *Notandum*, sensum eius esse, nostram beatitudinē non consistere formaliter in gloria, quæ est apud Deū; sed solum causaliter, in quantum pendet ab ea, tñquam à causa. Vbi nomine beatitudinis videtur potius intelligere adoptionem obiecti beatificantis, quam ipsum obiectū beatificantem; quoniam huiusmodi obiectum, cum sit Deus, nullam habet causam, nisi dicamus intelligere hoc obiectum, quatenus possessum &

Adeptum à beatis, quod est idem. Probat autem, beatitudinem non consistere formaliter in gloria, quæ est apud Deum: quoniam pendet ab ea, tñquam à causa; & hoc rursum probat, quoniam gloria, quæ est apud Deum, est ipsa scientia Dei, sicut gloria in communi est clara notitia cum laude: sed scientia Dei est causa rerum, ergo etiā gloria quæ est apud Deum est causa nostræ beatitudinis; intelligit autem D. THOMAS nomine scientiæ, quam dicit esse gloriam apud Deum, non nudam scientiam, sed vt habet adiunctam voluntatem, quæ appellatur scientia approbationis, quoniam hoc modo scientia Dei est causa rerum, vt ait D. THOMAS, 1. p. q. 14. art. 8.

SED CONTRA CONCLUSIONEM hanc est obiectio. Quoniam gloria non est quomodocumque scientia, sed cum laude: at vero laus præsupponit perfectionem, tñquam fundamentum & occasionē; ergo etiam gloria, quæ est apud Deum præsupponit beatitudinem in beatis, & ex consequenti non est eius causa.

Confirmatur, quia sicut nullus à Deo beatificatur, nisi præsupposita iustificatione: ita etiam nullus laudatur de beatitudine, nisi præsupposita in ipso eadem beatitudine; ergo sicut in mente diuina iustificatio præsupponitur beatificationi, ita etiam beatitudo præsupponitur laudi.

AD HOC ARGUMENTVM respondent aliqui, laudem, quam importat gloria, quæ est apud Deum, non referri immediatē ad beatitudinem, sed ad aliquid præsuppositum, & consistere in approbatione, qua Deus approbat nos, vel opera nostra, acceptando nos in vitam æternam, & hanc approbationem dici causam nostræ beatitudinis, quia ex eo quod Deus nos approbet, & acceptet in vitam æternam, sequitur quod tribuat nobis visionem sui, in qua consistit nostra beatitudo.

Sed hac solutio non placet, quia iuxta eam laus vel gloria beatorum apud Deum non erit de ipsa beatitudine, sed de operibus præcedentibus, quod tamen est apertē falsum: quoniam nulla perfectio nostra est magis digna laude & gloria, quam beatitudo; & ideo aliter respondetur, negando minorem, si intelligatur de laude apud Deum, quoniam laus in mente diuina non est aliud quam cognitio æstimationis perfectionis, & hæc æstimatio includitur in scientia approbationis, quā diximus esse causam rerum; & ideo sicut huiusmodi scientia non præsupponit res, sed est earum causa: ita etiam laus, de qua loquimur, non præsupponit perfectionem tñquam fundamentum, sed est eius causa.

Ad confirmationem respondendum, negando antecedens: & ratio discriminis est, quod beatificatio est aliquis effectus in beato, & non est causa effectus iustificationis: & ideo potest ordine executionis præsupponere iustificationem, & ex consequenti est verum, quod nullus beatificatur, nisi præsupposita iustificatione; at vero laus, vt dixi non est aliquis effectus in beato, sed potius est causa suæ beatitudinis, & ideo non præsupponit ordine executionis beatitudinem, neque est verum, quod nullus laudatur de beatitudine apud Deum, nisi præsupposita in ipso beatitudine.

ARTICVLVS IV.

Vtrum beatitudo hominis consistat in potestate?

CONCLUSIO, impossibile est beatitudinem in potestate consistere.

COMMENTARIVS.

Vbi notandum, quod si in aliquo externo bono posset consistere hominis beatitudo, maximè consisteret in potestate: tum quoniam ad eam consequuntur reliqua bona externa, tanquam effectus, aut accidentia, sicut cernimus in regibus & principibus, quibus potestas abundantiam horum bonorum parit; tum etiam quia est valde consentanea naturæ hominis, quoniam homo natura sua est liber, & ad exercendam hanc libertatem adiuuatur potestate. Sed nihilominus certa est conclusio D. THOMÆ, quæ satis efficaciter probatur ratione huius articuli, & alijs quas ipse adducit, tertio contra gētes c. 31. vidēdus est etiā pro ea SENECA in libris de beata vita, & de tranquillitate animi; & EUGV. lib. 10. de peregrina philosophia c. 16. rationes etiam quas in fine articuli proponit D. THOMAS ad probandum vniuersaliter, in nullo externo bono consistere beatitudinem, idem ostendunt de potestate, quam D. THOMAS ideo connumerat inter bona externa, quia licet quantum ad actum primum resideat in anima, tamen quantum ad exercitium, & materiā, pertinet ad res externas, quia consistit in hoc, quod quis alijs, tāquam subiectis, dominetur & imperet.

ARTICVLVS V.

Vtrum beatitudo hominis consistat in aliquo corporis bono?

CONCLUSIO, impossibile est beatitudinem hominis in bonis corporis consistere.

COMMENTARIVS.

Agit D. THOMAS in hoc articulo de secundo genere bonorū, scilicet de bonis corporis, & potissimum de vitā ipsius corporis cum sanitate, quoniam hæc est fundamentum reliquorum omnium, & supremum bonum inter omnia bona corporis: & ad probationem conclusionis sufficiunt rationes D. THOMÆ hoc loco & 3. contra gentes c. 32.

CIRCA SOLUTIONEM SECUNDI posset inquiri, an esse sit perfectius quam vivere: sed de hoc ex professo disputatur 1. p. q. 4. art. 2.

ARTICVLVS VI.

Vtrum beatitudo hominis consistat in voluptate?

CONCLUSIO, voluptas corporalis neque est ipsa beatitudo, neque accedens per se consequens ipsam.

COMMENTARIVS.

Circa quam, notandum primo, esse intelligendā tantū de delectatione corporali, quæ dicitur voluptas, quoniam de hac proponitur titulus articuli; & quamvis D. THOMAS in ratione, qua probat hanc conclusionem, admisceat multa, quæ pertinent ad delectationem spirituales; & doceat, quæ ratione hæc etiam, quatenus sequitur ad summum & perfectissimum bonum, habeat se ad beatitudinem: solū id facit, vt constituat discrimen inter hanc delectationem, & corporalem, & vt ex hoc discrimine relinquat explicatum, quæ ratione se habeat delectatio corporalis ad beatitudinem. Discrimen vero consistit in hoc, quod delectatio spiritualis, quæ sequitur ad summum bonum, quāuis non sit ipsa essentia beatitudinis, consequitur ad eam per se, velut accedens proprium: tamen delectatio corporalis neque est ipsa essentia beatitudinis, neque consequitur ad eam per se. Et quod attinet ad delectationem spirituales, relinquit D. THOMAS probandum infra q. 4. art. 7. vbi ex professo de ea agit: quod vero attinet ad delectationem corporalem, probat in hoc articulo ratione satis efficaci, quæ apud ipsum videri potest, simul cum alia quæ habetur 3. contra gentes c. 35.

SECUNDO NOTANDUM, conclusionem hanc esse intelligendam de beatitudine obiectiua, quoniam, vt dixi, D. THOMAS loquitur de ea in tota hac quæstione: erit autem eius sensus, si ita intelligatur, quod bonum, quod vt habitum causat delectationem corporalem, neque est secundum istam rationem beatitudo obiectiua, aut summum bonum nostrum, neque eius proprietas.

TERTIO NOTANDUM, conclusionem hanc ita explicatam, esse certam secundum fidem, quoniam sūt aperta testimonia scripturæ, in quibus repræhenduntur homines dediti huiusmodi voluptatibus, vt Matthei 22. inquit Christus, quod in resurrectione neque nubent, neque nubentur, sed erunt sicut Angeli Dei. Et ad Romanos 14. Regnum Dei non est esca & potus: sed iustitia, & pax, & gaudium in Spiritu Sancto, & alia multa videri possunt apud ALFONSVM A CASTRO lib. 3. aduersus hæreses, verbo beatitudo hæresi secunda; vbi refert, fuisse quosdam Iudæos, qui asseriebant beatitudinem consistere in carnis delicijs, & ideo omnia, quæ in prophetis de regno Christi dicuntur, carnaliter intelligebant. Et in eodem errore fuisse versatum CHERINTHYM hæreticum refert ex EVSEBIO lib. 3. historię Ecclesiasticę c. 28. Est etiam nota lumine naturali, vnde admilla fuit ab omnibus philosophis rectè sentientibus: & ita ARISTOTELIS lib. 1. Ethicorum c. 5. solū de vulgo, & perditissimis hominibus, quos mancipijs similes appellat, dicit, constituisse beatitudinem in his voluptatibus; & LACTANTIUS lib. 3. diuinarum institutionum cap. 7. de solo ARISTIPPO refert, existimasse, summum bonum nostrum esse corporis voluptatem; & quamvis aliqui censeant EPICVRVM fuisse huius sectæ authorem; tamen LACTANTIUS ibidem dicit, eum locutum fuisse de voluptate animi; & SENECA epistola 18. multa refert de eius abstinencia à cibis, & lib. de beata vita c. 13. eum defendit ab hac nota.

ARTICVLVS VII.

Verum beatitudo hominis consistat in aliquo bono animæ?

PRIMA CONCLUSIO. Si beatitudo aut ultimus finis sumatur pro re adepta, impossibile est, quod beatitudo hominis sit ipsa anima, vel aliquid eius; siue sit eius potentia, siue actus, siue habitus.

SECUNDA CONCLUSIO. Si sumatur pro aptione rei, qua appetitur ut ultimus finis, est aliquid bonum ipsi animæ inhaerens, scilicet actus eius.

COMMENTARIVS.

AGIT D. THOMAS in hoc articulo de ultimo genere bonorum creatorum, scilicet de bonis animæ, & omnia, quæ de ipso dicit in utraque conclusione, sunt satis aperta in littera: solum placet aduertere circa modum loquendi, quod D. THOMAS in eis vtitur his tribus terminis, *ultimus finis*, *beatitudo*, & *id in quo beatitudo consistit*: qui quamvis indifferenter soleant dici de beatitudine sumpta pro re adepta, & pro aptione; tamen (ut ipse docet in fine corporis, & in solutione tertij) ita differunt inter se, ut *finis ultimus* proprius dicatur de re adepta, quàm de aptione; & similiter id in quo beatitudo consistit; è contrà verò beatitudo proprius dicatur de aptione, quàm de re adepta. Et ratio primi est, quòd *finis ultimus* est id, quod non ordinatur in alium finem; & res adepta, & aptionio, siue Deus & visio beatifica, ita se habent inter se, quod *adeptio*, scilicet visio beatifica, ordinatur ad *rem adeptam*, scilicet ad Deum, tanquàm ad ulteriorem finem, & non è contra; quia Deus, non ordinatur ad visionem. Ratio vero secundi insinuata est à nobis in principio huius quæstionis, notabili secundo, ubi diximus, secundum communem loquendi modum, solum dici, consistere beatitudinem alicuius in obiecto beatificante ipsum, & explicatur apertius à D. THOMA locis citatis, cum inquit, id in quo beatitudo consistit, esse id, quod beatitudo facit: non autem dicitur facere beatum adeptio, sed res adepta. Et tandem ratio tertij, (ut D. THOMAS inquit in solutione tertij) est, quòd beatitudo, cum sit abstractum beati, & perfectio animæ beatæ, debet esse perfectio aliqua inhaerens ipsi animæ, & non aliquid extrinsecum: non enim dicitur anima beata denominatione extrinseca, sed intrinseca; & *res adepta*, scilicet Deus, est aliquid extra animam; *adeptio* vero, scilicet visio, est forma inhaerens animæ; & serè hoc idein discrimen obseruat DURANDVS in 4. d. 49. q. 1. & SOTVS ibidem art. 1.

CIRCA SOLUTIONEM SECUNDE notandum, difficultatem illius argumenti consistere in hac consequentia: *unusquisque appetit sibi quodcumque bonum amat, ergo diligit se plus quam omnia bona, & ex consequenti ipse habet rationem propria beatitudinis*; quia beatitudo est id quod maxime amatur, cum propter ipsam omnia amentur & desiderantur. Ut vero respondeat D. THOMAS, supponit, amorem esse duplicem, *unum* amicitie & *alterum* concupiscentie. *amor amicitie* est, quo personam aliquam diligimus, volendo illi aliquid bonum; *amor vero*

concupiscentie est, quo amamus bonum, quod eadem personæ volumus; verbi gratia, si quis velit Petro pecuniam, dicitur amare pecuniam amore concupiscentie, & Petrum amore amicitie; & hoc supposito respondeat, negando consequentiam, quoniam fit comparatio in diuerso genere amoris; nam cum quis vult sibi aliquid bonum, se amat amore amicitie, & bonum illud amore concupiscentie; & ideo non sequitur, quòd se plus amat, quoniam hæc consequentia fundatur in illa maxima, propter quod unusquisque tale &c. ad cuius veritatem inter alia requiritur, quod fiat comparatio in eodem, & secundum eandem rationem. Et ex hoc patet, non valere hanc consequentiam, quam aliqui obijciunt contra hanc solutionem; ergo saltem si fit comparatio in solo amore concupiscentie, dicendum est, quod hoc amore unusquisque amat seipsum plus quam Deum; nam impossibile est in hoc casu fieri comparisonem in solo amore concupiscentie: Quia cum quis vult sibi aliquid bonum, non dicitur amare se amore concupiscentie, sed solum amicitie. Quia tamen posset obijci, nos saltem perfectiori amore diligere personam, cui volumus bonum aliquid, quàm bonum ipsum, quoniam amor amicitie perfectior est quam amor concupiscentie: ideo D. THOMAS in fine solutionis apposuit hæc verba: *utrum autem amore amicitie aliquid homo supra se amet, erit locus considerandum de charitate agitur*. Quibus voluit significare, quod cum quis vult sibi Deum, ita se amat amore amicitie, ut non sistat in seipso tanquam in fine, ad quem referat Deum; sed potius seipsum referat in Deum, ut in finem; & ideo etià amore amicitie diligit Deum plus quam seipsum, de quo videndus est D. THOMAS 2. 2. q. 26. art. 3. ad 3.

ARTICVLVS VIII.

Verum beatitudo hominis consistat in aliquo creato?

PRIMA CONCLUSIO. Impossibile est beatitudinem hominis esse in aliquo bono creato.

SECUNDA CONCLUSIO. In solo Deo beatitudo hominis consistit.

COMMENTARIVS.

POSTQUAM D. THOMAS egit de triplici genere boni creati, sub quo comprehendit omnia bona creata; iam in hoc articulo agit de bono increato. Nam quamvis in titulo solum proponatur quæstio de bono creato in communi, siue indeterminatè; tamen in corpore D. THOMAS, & respondet expresse de bono increato, ut patet ex secunda conclusione; & præterea, cum in prima conclusione excludit omne bonum creatum à ratione beatitudinis obiectivæ, consequenter relinquit ostensum, eam consistere in bono increato.

CIRCA RATIONEM qua D. THOMAS probat primam conclusionem, potest inquiri, de qua vniuersalitate loquatur D. THOMAS, cum inquit bonum vniuersale esse obiectum intellectus? an scilicet loqua-

loqua-

loquatur de vniuersalitate in prædicando, qualis est, quæ conuenit bono in communi, quod continet sub se omne bonum; vel de vniuersalitate in essendo, qualis est quæ conuenit bono, quod continet in se omnem latitudinem boni, aut formaliter, aut eminenter. Et *ratio dubitandi* est, quia, si loquatur de priori vniuersalitate, non erit efficax consequentia, quam colligit ex illa propositione, scilicet, *ergo solus Deus potest satiare voluntatem humanam*; quia proceditur in ea ab vniuersali in prædicando, ad vniuersale in essendo: si vero loquatur de posteriori vniuersalitate, non erit efficax probatio illius propositionis, quæ est huiusmodi: *objectum intellectus est verum vniuersale, ergo objectum voluntatis est bonum vniuersale*; quoniam antecedens intelligitur de vniuersali in prædicando, & ex eo quod objectum intellectus sit vniuersale in prædicando, non sequitur, quod objectum voluntatis debeat esse vniuersale in essendo.

RESPONDETUR D. THOMAM in illa propositione non loqui in rigore de vniuersalitate in prædicando, nec de vniuersalitate in essendo, sed sumere vniuersale pro indeterminato: ita ut sensus eius sit, quod objectum adæquatum voluntatis non est hoc, vel illud bonum determinatum, sed omne bonum indeterminatè & indifferenter; quia extendi potest ad omnem differentiam boni, siue materialis siue immaterialis. Ex hac vero propositione sic accepta optime deducitur consequentia, cuius vis in hoc consistit, quod cum beatitudo hominis debeat satiare eius appetitum, qui est voluntas; & voluntas habeat pro objecto adæquato bonum vniuersaliter sumptum, & indeterminatè; id est, extendat se ad totam latitudinem boni contentam sub bono in communi: non poterit satiari ab aliquo bono particulari, sed solum à bono vniuersali in essendo, quod eminenter continet

A totam latitudinem boni; sicut, quia materia respicit adæquate formam communiter sumptam, non potest satiari ab aliqua particulari, sed solum satiaretur ab ea, quæ in ratione formæ esset vniuersalis in essendo, hoc est contineret eminenter omnes alias, si esset possibilis.

Quomodo vero ex vniuersalitate objecti intellectus colligatur hic modus vniuersalitatis in objecto voluntatis, explicandum est in prima parte q. 8. art. 1. vbi D. THOMAS in solutione secundi agit de hac re; & videndus est ibi CAIETANVS & q. 82. art. 1. § *circa rationes pro conclusione adductas*, & D. THOMAS in hac quæstione artic. 6. vbi eius ratio, quæ probat, delectationem corporalem non esse beatitudinem, & ratio quæ videtur art. 7. debent exponi iuxta doctrinam hanc.

Sed OBJECIES contra rationem sic explicatam, quoniam voluntas non habet pro objecto bonum vniuersaliter, ut ab eo satiatur infinite, sed ut satiatur finite, quia non est capax infinitæ satietatis; ergo bene potest satiari appetitus voluntatis à bono, quod non sit infinitum in essendo; patet consequentia, quoniam signata quacunque satietate finita, potest dari aliquod bonum finitum quod sit sufficiens causa ipsius.

C Respondetur distinguendo antecedens; si enim sit eius sensus, quod voluntas non appetit satiari infinite categorematicæ, verum est; si tamen sensus sit quod non appetit satiari infinite syncategorematicæ, falsum est: & ideo neganda est consequentia, quoniam ad effectum infinitum syncategorematicæ requiritur causa infinita in essendo, ut ad omne creabile requiritur virtus infinita Dei. Quo modo vero beati de facto habeant appetitus satiatis cum beatificatione finita, explicatur à D. Thoma infra q. 5. art. 2. ad 3.



QVÆSTIO III.

Quid sit Beatitudo?

METHODVS QVÆSTIONIS.



IN HAC QVÆSTIONE agit D. THOMAS de *secundo* ex ijs, quæ diximus pertinere ad hanc materiam, scilicet de *quidditate & essentia beatitudinis formalis*, hoc est de eo, in quo formaliter consistit nostra beatitudo formalis. Vt autem hoc rectius intelligatur, *aduertendum* iuxta doctrinam ARISTOTELIS 1. Ethicorum c. 7. beatitudinem sumi duobus modis: PRIMO pro statu beati, & sic definitur à theologis (qui in hoc secuti sunt BOETIVM 3. de consolatione) *status omnium bonorum aggregatione perfectus*, quod ARISTOTELES loco citato magis explicuit his verbis: *hoc igitur perspicuum est, beatitudinem perfectum quiddam esse, & seipso contentum, bonisque omnibus per se cumulatam*. SECUNDO sumitur pro eo, quod tãquàm forma, aut perfectio constituit beatum quoad essentiam, ita vt eo posito in aliquo homine, sit in tali homine essentia beatitudinis, & eo ablato non sit. Estq; discrimen inter has duas acceptiones, quoniam ad beatitudinem sumptam *primo modo* non sufficit essentia beatitudinis, sed requiritur aggregatio omnium bonorum, quæ possunt subiecto beato conuenire, quamuis sint extra essentiam beatitudinis, & comparentur ad eam vt concomitantia, aut consequentia ipsam: tamen ad beatitudinem sumptam *posteriori modo* sufficit præcisè illud, in quo essentia & quidditas beatitudinis consistit. Neque est nouum, requiri plus ad statum perfectum alicuius rei, quàm ad eius essentiam: nam puer habet essentiam hominis, & non statum; & quælibet virtus moralis, quamuis sit à reliquis separata, habet essentiam virtutis: non tamen habet statum sine connexionem aliarum; & idem dicunt aliqui de fide supernaturali separata à charitate. Ex his autem acceptionibus D. THOMAS in hac quæstione solum explicat *posteriorem*, & ita solum agit de prædicatis, quæ pertinent ad quidditatem beatitudinis, & prius de cõmunionibus.

ARTICVLVS PRIMVS.

Vtrum beatitudo sit aliquid increatum?

CONCLUSIO. Si beatitudo hominis consideretur, quantum ad causam, vel obiectum: sic est aliquid increatum; si autem consideretur quantum ad ipsam essentiam beatitudinis, sic est aliquid creatum.

COMMENTARIVS.

CIRCA TITVLVM hunc & Conclusionem; *Notandum*, quod quia beatitudo (vt dixi art 7. quæstionis præcedentis) proprius sumitur pro adeptione, quàm pro re adepta: ideo D. THOMAS respectu beatitudinis absolute sumptæ distinguit obiectum, id est rem adeptam; & essentiam ipsius beatitudinis, id est id, in quo formaliter consistit adeptio: quamuis (vt ibidem dixi) etiam obiectum appelletur latè bea-

titudo; & de vtraque respondet duabus partibus huius Conclusionis, quarum priorem, quæ est de re adepta, relinquit sine probatione, quoniam probauerat eam articulo ultimo præcedentis quæstionis: posteriorem tamen meo iudicio probat hac ratione; Possessio rei volitæ per modum ultimi finis in homine est aliquid creatum: ergo essentia beatitudinis est aliquid creatum, *consequentia* patet, quoniam essentia beatitudinis consistit in in possessione summi boni; & *antecedens* probatur, quia homo non habet summum bonum per essentiam suam sicut Deus, sed per participationem & acquisitionem: sed hæc participatio seu acquisitio est aliquid creatum; ergo etiam possessio summi boni in homine est aliquid creatum.

ARTICVLVS II.

*Vtrum beatitudo sit operatio?*CONCLUSIO *neceffe est beatitudinem hominis operationem esse.*

COMMENTARIVS.

CIRCA RATIONEM qua D. THOMAS probat hanc conclusionem. NOTANDVM PRIMO, posse reduci ad hanc formam: ultimus actus hominis est eius beatitudo: sed operatio hominis est eius ultimus actus; ergo etiam est eius beatitudo: *maiores* probat D. THOMAS, quia vltima perfectio hominis est eius beatitudo: sed vltimus actus hominis est eius vltima perfectio, quoniam vnumquodque in tantum est perfectum in quantum est in actu, quia potentia sine actu est imperfecta; ergo vltimus actus hominis est eius vltima perfectio; *minores* etiam probat, quoniam operatio est vltimus actus operantis; hoc probat, *nam* quia operatio ab ARISTOTELE appellatur actus secundus comparatione formæ, à qua emanat, quoniam habens formam potest esse in potentia operans; *etiam quia* in alijs etiam rebus vnumquodque dicitur esse propter suam operationem, ut habetur secundo de calo c. 3. & lib. 5. metaphysicæ c. 9. quod tamen non posset esse verum, nisi in omnibus operatio haberet rationem vltimi actus.

SECUNDO NOTANDVM, D. THOMAS in probatione maioris supponere, beatitudinem hominis esse aliquid creatum inherens ipsi homini: quoniam alias posset ei responderi, beatitudinem hominis esse vltimam eius perfectionem extrinsecam, seu per modum obiecti; at vero vltimum actum non esse hoc modo vltimam perfectionem, sed intrinsecam, cui superuenire potest alia extrinseca quæ vniatur beato per modum obiecti aut termini. Vel etiam posset responderi, beatitudinem esse vltimum actum, non inherenter, sed vnitum per modum obiecti, aut alia ratione; tamen operationem esse vltimum actum inherenter.

TERTIO NOTANDVM, quod, cum dicitur operationem esse vltimum actum & vltimam perfectionem operantis: non solum intelligitur de actione immanenti, quæ sola in rigore appellatur operatio, (quævis loci sufficeret ad veritatem doctrinæ D. THOMAS, & ad efficaciam suæ rationis) sed etiam de actione transeunti, licet dicamus, hanc nullo modo esse in agente, ut in subiecto; sed in patiente. Potest autem actio, quæ non est in agente, sed extra ipsum, dici actus & perfectio eius, *nam quoniam* omnis potentia actiua creata, de qua solum loquimur, ordinatur ad actionem, tanquam ad suum finem, & finis secundum suum esse reale habet rationem actus & perfectionis respectu rei ordinatæ ad ipsum, quia est complementum suæ dependentiæ & habitudinis. (Vide CAPRE. in 4. d. 49. q. 2. art. 3. ad primum argumentum SCOTI contra primam Conclusionem) *etiam quoniam*, sicut actione transeunti perficitur passum intrinsece, quia recipit in se non solum actionem ipsam, sed etiam formam per eam productam, ita etiam perficitur extrinsece agens per eandem actionem, quia per eam producit sui similitudinem in passio, & ad perfectionem cuiuscunque; agens finiti & limitati pertinet, quod eius forma aliquo modo extendatur in res alias; *vel quia* hoc cōducit ad eius perpetuitatem,

A quantum possibilis est in rebus corruptibilibus; *vel quia* est ratio, ut agentia creata assimilentur primæ causæ in hoc quod est communicare se. Cum vero D. THOMAS 1. p. q. 18. art. 3. ad 1. constituit hoc discrimen inter actionem immanentem, & transeuntem: quod immanens est perfectio agentis, transiens vero non est perfectio agentis, sed passio; loquitur de perfectione intrinseca & inherenti.

VLTIMO NOTANDVM, propositionem illam, *vnumquodque est propter suam operationem*, habere varias expositiones, ex quibus facilius est illa, quam hoc loco assignat CAIET. scilicet, quod non intelligatur de operatione sola, sed ut est adiuncta operanti, tanquam eius complementum: neque habear rationem finis operatio sola, sed esse complementum operantis; & sensus sit, quod vnumquodque est propter suam operationem, hoc est propter se redactum in actum vltimum, & perfectum. Cum vero dicimus, operationem hoc modo habere rationem finis; non loquimur de fine vltimo, quoniam cum est productiua termini, ordinatur natura sua in ipsum terminum tanquam in finem; sed sensus est, quod vnumquodque est hoc modo propter operationem, tanquam propter finem. siue ipsa operatio, & ex consequenti principium, à quo emanat, ordinetur in ulteriorem finem in eodem sensu, siue non.

ARTICVLVS III.

*Vtrum beatitudo sit operatio sensitiue partis an intellectiue tantum?*PRIMA CONCLUSIO. *Sensus non potest pertinere essentialiter ad beatitudinem.*SECUNDA CONCLUSIO. *Operationes sensus possunt pertinere antecedenter ad beatitudinem imperfectam, qualis in presenti vita haberi potest, quoniam operatio intellectus in hoc statu præexigit operationem sensus.*TERTIA CONCLUSIO. *Operationes sensus pertinent consequenter ad perfectam beatitudinem, quæ expectatur in calo, quoniam ex beatitudine animæ fiet quadam refluencia in corpus & in sensus corporeos ut in suis operationibus perficiantur.*

DE MATERIA PRIMA Conclusionis dicam in fine huius questionis; & de materia tertia in fine vltimæ; de materia vero secunda agendum est in libris de anima ubi explicatur quomodo operatio intellectus præexigat operationem sensus.

ARTICVLVS IV.

*Vtrum si beatitudo est intellectiue partis, sit operatio intellectus, an voluntatis?*PRIMA CONCLUSIO. *Beatitudo quantum ad id, quod in ipsa est essenziale, non est actus voluntatis, sed intellectus.*SECUNDA CONC. *Ad voluntatem pertinet delectatio, quæ est quasi accidens per se consequens beatitudinem.*

COMMENTARIVS.

CIRCA RATIONEM, qua D. THOMAS probat primam Conclusionem. NOTANDVM, posse reduci ad hanc formam, Adeptio vltimi finis extrinseci est essentia beatitudinis: sed actus intellectus, & non voluntatis, est adeptio vltimi finis; ergo actus intellectus, & non voluntatis, est essentia beatitudinis;

dinis;

dinis; *maiores* supponit D. THOMAS ut certam, ex
ijs, quæ dixit articulo primo huius quæstionis; &
minores probat; & primum quantum ad actum vo-
luntatis; quia voluntas fertur in finem absentem per
desideriū, & in præsentē per delectationem: sed ne-
que desiderium est consecutio finis, quia potius est
mover in ipsum ut absentem & nondum habitū;
neque etiam delectatio, quoniam consequitur ad
consecutionem & præsentiam finis; ideo enim vo-
luntas delectatur quia finis est præsens, & non è cō-
tra, quia voluntas delectatur finis est præsens; ergo
nullus actus voluntatis est consecutio finis ultimi,
& quantum attinet ad actū intellectus probat eandē
minorem, quoniam per actum ipsius fit nobis præ-
sens finis ultimus extrinsecus, qui est quoddam in-
telligibile. & *Confirmat* D. THOMAS eandem mi-
norem exēplo sumpto ex finibus sensibilibus, quos
appetit voluntas; nam cum avarus appetit pecuniā
desiderium pecuniæ non est eius consecutio, alias
enim statim atque ipsam desiderat, esset eam con-
secutus; sed apprehensio per manum, vel aliquid
huiusmodi, & tunc sequitur delectatio in pecunia
habita: ergo similiter dicemus de fine intelligibili,
qualis est Deus, quod eius consecutio non est desi-
deriū, neque delectatio: sed actus intellectus. De effi-
cacia tamen huius rationis, quoniam multū impu-
gnatur à SCOTO, & autoribus alterius sententiæ,
dicemus postea in nostris quæstionibus.

ARTICVLVS V.

*Utrum beatitudo sit operatio intellectus
speculatiui an practici?*

CONCLUSIO. *Beatitudo magis consistit in operatio-
ne speculatiui intellectus quam practici.*

COMMENTARIVS.

CIRCA TITVLVM. *Notandū* ex D. THOMA
I. p. q. 79. art. 11. intellectum speculatiui
& intellectum practicum non esse duas
potētiās, sed vnā, quæ quatenus elicit
cognitionem speculatiuam, vocatur intellectus
speculatiui; & quatenus elicit cognitionem pra-
cticā, dicitur intellectus practicus, cognitio vero
dicitur speculatiua, vel practica, à fine ad quem per
se & ex natura sua ordinatur; si enim per se ordina-
tur ad opus, dicitur practica: si tamen per se nō ordi-
natur ad opus, sed solum ad cognoscendum ver-
itatem, est speculatiua. Quare idem est, quærere
an beatitudo sit operatio intellectus speculatiui vel
practici, & an sit cognitio speculatiua vel practica.

CIRCA CONCLUSIONEM *Notandum*, exponi va-
riè, nam imprimis CONRADVS dicit intelligi de
beatitudine formali, prout communis est ad beati-
tudinem naturalem huius vitæ, & ad beatitudinem
vitæ futuræ; & appositam fuisse illam particulam
magis, quoniam beatitudo quantum ad beatitudinē fu-
turæ vitæ consistit omnino in operatione intellectus
speculatiui; & quantum ad beatitudinem huius vi-
tæ, consistit primo & principaliter in operatione
eiusdem intellectus, & secundario in operatione in-
tellectus practici. Probat autē debere sic intelligi,
ex verbis, quæ habentur in fine corporis huius ar-
ticuli, de quibus dicemus statim. Alii vero dicūt,
intelligi de beatitudine perfecta vitæ futuræ & sen-
sum eius esse, quod huiusmodi beatitudo absolutē

consistit in operatione intellectus speculatiui, & nō
in operatione intellectus practici, idque probant,
quoniam rationes, quibus D. THOMAS hanc con-
clusionem confirmat, conuincunt hunc sensum
absolutē, & dicunt non ob stare particulam *magis*,
quæ in ea ponitur, quia nō est necesse quod faciat
hunc sensum, beatitudo consistit in operatione
vtriusque intellectus, sed magis in operatione in-
tellectus speculatiui; quoniam hæc particula *magis*
sepe apud D. Thomā sumitur pro potius, & signi-
ficat tantum vñū extremū cum exclusionē alterius.

Ergo TAMEN dico primò conclusionē hanc D.
THOMAS posse intelligi de vtrāq; beatitudine, scil.
de supernaturali perfecta, quæ expectatur in futura
vita; & de naturali imperfecta, quæ potest haberi in
hac vita: Tamen ab ipso constitui de beatitudine
vitæ futuræ; & probo *priorem partem*, quoniam tres
rationes, quibus D. THOMAS probat hanc conclu-
sionem, sumuntur ex tribus excellentijs beatitudi-
nis, quæ communes sunt suo modo vtrique beati-
tudini: *posteriorem* veto, quoniam in argumento *sed
contra*, adducit D. THOMAS testimonium D. AVGV-
STINI, quod proculdubio intelligitur de beati-
tudine futuræ vitæ. Et *preterea*, quoniam D. THOMAS
in tota hac quæstione præcipuè intendit explicare,
in quo consistat essentia huius beatitudinis. Et *tan-
dem*, quoniam in fine tertiæ rationis apponit D.
THOMAS tanquam eius conclusionē hæc verba: *&
ideo vltima & perfecta beatitudo, quæ expectatur in
futura vita &c.* Dico secundo, duo continentur in hac
conclusionē; *primum* est, beatitudinem consistere
essentialiter in operatione intellectus speculatiui,
& non in operatione intellectus practici; *alterum*
est, consistere etiam accidentāliter, & secundariò in
operatione intellectus practici, & quod contineat-
ur *primum* in hac conclusionē, videtur colligi ex
rationibus, quibus D. THOMAS eam probat: quo-
niam omnes concludunt de operatione intellectus
speculatiui, cum exclusionē intellectus practici;
quod vero etiam contineatur *Secundum*, colligitur
inprimis ex illa particula *magis*, quæ cum habeat
vim comparandi, importat, quod aliquo modo cō-
sistat beatitudo in operatione intellectus practici,
& *preterea* ex verbis, quæ habentur in fine corporis
huius articuli, vbi D. THOMAS sic ait: *& ideo vltima
& perfecta beatitudo quæ expectatur in futura vita, to-
ta principaliter consistit in contemplatione, secundario
in operatione practici intellectus ordinantis actiones &
passiones humanas, ut dicitur in 10. Ethicorum.* Vbi
apertè docet D. THOMAS beatitudinem futuræ vi-
tæ consistere in operatione vtriusque intellectus,
non tamen equaliter, & eodem modo; sed princi-
paliter, hoc est essentialiter, in operatione intelle-
ctus speculatiui, & secundario, hoc est accidentā-
liter, in operatione intellectus practici.

Sed respondent qui secundam expositionem se-
quuntur, esse deprauatam hanc literam, & corri-
gendam esse cum CONRADO hoc loco, & cū CA-
PREOLO in 4. d. 49. q. 2. art. 1. in probatione tertiæ
conclusionis, hoc modo: *& ideo vltima & perfecta
beatitudo, quæ expectatur in futura vita, tota consistit
in contemplatione: beatitudo autem imperfecta, qualis
hic haberi potest, primo quidem & principaliter consi-
stet in contemplatione, secundario in operatione practi-
ci intellectus &c.* quæ correctionem multæ editio-
nes post illam, quæ iussu Pij Quinti facta est, sunt
secutæ: ex hac autem lectione non colligitur quod

beatitu-

beatitudo futura vitæ consistat aliquo modo in operatione intellectus practici. Quod verò litera vtriusque eam adduximus, sit corrupta, probant hi *imprimis*, quoniam alias contineret hanc contradictionem, quod beatitudo tota consistit in operatione intellectus speculativi, & quod non consistit tota, sed principaliter aut primario. *Secundo* quia in beatitudine futura vitæ non erunt passiones, quæ operatione intellectus practici debeant ordinari: ergo illa verba, *secundario in operatione intellectus practici ordinantis actiones & passiones humanas*, non possunt intelligi de beatitudine vitæ futurae. Et *tertio*, quoniam D. THOMAS ad confirmandam sententiam horum verborum adducit testimonium ARISTOTELIS 10. Ethicorum, ubi certum est ARISTOTELI loqui de beatitudine huius vitæ.

Verum hæc solutio nulla est. *Primo* quia forte littera non est depravata, neque id conueniunt inconuenientia quæ obijciuntur. Nam ad *primum* dici potest, non esse contradictionem in illis verbis: quia cum dicitur, beatitudinem totam principaliter consistere in operatione intellectus speculativi, sensus est, totam quantum ad id, quod in ipsa est principale, hoc est essentiale, consistere in operatione intellectus speculativi. Et ad *secundum* potest dici, provenire participem ex perfectione intellectus practici, quod in beatitudine non sunt passiones inordinatæ; aut aliter responderetur, D. THOMAM addidisse illud de ordinatione passionum, ad explicandum completè munus intellectus practici, quantum ad operationes humanas: non tamen quia in beatitudine sint vitæ passiones, quæ indigent eius moderatione. Ad *tertium* responderetur, quod quavis ARISTOTELI ibi loquatur de beatitudine huius vitæ, tamen quia id est iudiciū quantum ad hoc de beatitudine futurae vitæ, ideo optime probatur illo testimonio, hanc etiam consistere aliquo modo in operatione intellectus practici. Aut dici potest, non adduci illud testimonium ad probandum aliquid de beatitudine vitæ futurae, sed solum ad probandum, esse mūnus intellectus practici ordinare actiones & passiones humanas.

Præterea potest obijci contra illam solutionem, quod licet ita corrigatur littera, potest ex ea colligi idem sensus conclusionis; *primo*, quia, cum dicitur quod beatitudo futura vitæ tota consistit in contemplatione, intelligitur de tota beatitudine, non quoad omnia, quæ quomodocunque includit, sed quoad essentiam. *Deinde*, quia quantum ad hoc, quod est importare aliquo modo operationem utriusque intellectus, eadem est ratio de utraque beatitudine; & ita diminutus fuisset D. THOMAS, si id non explicuisset de beatitudine vitæ futurae. Et *tandem* quia in aliquibus editionibus, in quibus recepta est hæc correctio, dicitur de beatitudine vitæ futurae, quod *tota principaliter &c.*

Solum restat contra hoc *difficultas*, quia in ea parte, qua iuxta hanc conclusionem loquitur D. THOMAS de beatitudine huius vitæ, apponit particulam aduersativam, *autem*, quæ videtur denotare, constitui aliquod discrimen inter has duas beatitudines: & hoc non potest esse aliud, ut ex verbis ipsis colligitur, nisi quod beatitudo futura consistit solum in contemplatione; & beatitudo huius vitæ consistit primario in contemplatione, & secundario in operatione intellectus practici.

Respondetur, discrimen denotatum illo modo loquendi consistere in hoc, quod contemplatio futu-

ra vitæ, vel simul est operatio intellectus practici; vel necessario eam adducit secum, de quo dicemus postea: at vero contemplationi huius vitæ neutrum conuenit, quia quamvis requirat operationem intellectus practici ad suam perfectionem in ratione beatitudinis, tamen & distinguitur ab ea, & non adducit eam quantum est ex vi sua. Dixi tamen, consistere in hoc illud discrimen, quia cum contemplatio futura vitæ, vel sit, vel ex propria vi adducat totum, quod tunc requiritur ad beatitudinem, merito potuit dici, quod in ea consistit tota beatitudo; è contra vero, quia contemplatio huius vitæ, non adducit secum omnia, quæ requiruntur ad beatitudinem, ideo non est dictum absolute, quod in ea consistit tota beatitudo, sed quod consistat in ea, & in operatione intellectus practici.

Hæc dixi ad defensionem huius lectionis, quæ facilius poterit corrigi iuxta modum nunc propositum ex CONRADO, si in priori parte huius periodi legatur, *tota principaliter*, & in posteriori pro ditione *autem* ponatur particula *etiam*.

CONTRA RATIONES, quibus D. THOMAS probat hanc conclusionem, solent obijci aliqua, de quibus dicam postea.

ARTICVLVS VI.

Vtrum beatitudo consistat in consideratione scientiarum speculatiuarum?

PRIMA CONCLUSIO. *Ultima & perfecta hominis beatitudo non potest consistere essentialiter in consideratione scientiarum speculatiuarum.*

SECUNDA CONCLUSIO. *Consideratio scientiarum speculatiuarum est quædam participatio vera & perfecta beatitudinis.*

COMMENTARIVS.

CIRCA TITVLVM *Notandum*, quod, cū articulo præcedenti definitum sit, essentiam beatitudinis formalem consistere in operatione intellectus speculativi; & hæc possit esse multiplex: consequenter D. THOMAS in tribus articulis sequentibus explicat, in qua operatione intellectus speculativi consistat; & in hoc articulo inquit, an consistat in ea operatione, quæ est consideratio scientiarum speculatiuarum. Vbi per *hanc considerationem*, intelligit cognitionem actualem, non quidem quæ haberi potest de ipsis scientijs, sed quæ in eis habetur de earum obiectis.

Sed tunc est *difficultas*, quia videtur frustra proponi dubium hoc, quoniam art. 8. quæstionis præcedentis dictum est, beatitudinem obiectiuam, siue obiectum illius operationis, in qua consistit essentialiter beatitudo formalis, non esse aliquod bonum creatum: & tamen obiecta harum scientiarum sunt aliquid creatum.

Respondetur, titulum huius articuli posse habere duplicem sensum: *primus* est, an beatitudo consistat in consideratione scientiarum speculatiuarum, quatenus præcisè terminatur ad earum obiecta creata; *Secundus* est, an consistat in huiusmodi consideratione, quatenus ex ipsis obiectis cognitis extenditur ad Deum; & *prior* sensus non pertinet ad hunc articulum, ut satis conuincitur argumento propo-

fit, sed

lito; sed *posterior* seruat autem D. THOMAS optime ordinem ad præcedentia, cum dubium hoc in hoc sensu disputat in hoc articulo: nam postquæ quæstione secunda dictum est, summum bonum, quod est obiectum nostræ beatitudinis, esse Deum; & in hac quæstione est constitutum, beatitudinem formalem esse operationem intellectus speculatiui circa hoc obiectum, hoc est cognitionem Dei: consequenter explicandum est, in qua cognitione Dei consistat huiusmodi beatitudo, an scilicet consistat in cognitione abstractiua, quæ ex creaturis haberi potest; vel potius in intuitiua, quæ est clara visio eius in seipso; & *primum* horum explicat D. THOMAS hoc articulo, & sequenti; *secundum* vero articulo vltimo. Et ita etiã est exponendus ipse D. THOMAS tertio contra gentes c. 37. vbi primum statuit vltimam felicitatem hominis consistere in contemplatione veritatis, & deinde probat non consistere in contemplatione, quæ est intellectus principiorum, neque in ea quæ in scientijs speculatiuis habetur de rebus infimis.

CIRCA PROBATIONEM PRIMÆ CONCLUSIONIS *Notandum*, esse reducendam ad hanc formam. In cognitione sensibilium non potest consistere vltima hominis beatitudo, quæ est vltima eius perfectio: ergo neque in consideratione scientiarum speculatiuarum; *consequentiam* probat D. THOMAS, quia cognitio principiorum in scientijs speculatiuis non extenditur vltra id, ad quod cognitio sensibilium potest ducere, quoniam est accepta per sensum, & ex sensibilibus, vt ARISTOTELIS docet in principio Metaphysicæ, & in fine posteriorum; sed tota consideratio scientiæ speculatiuæ pertinet ad eundem ordinem cum cognitione suorum principiorum, quia non potest extendi vltra virtutem principiorum, cum in principijs scientiæ virtualiter tota scientia contineatur; ergo tota consideratio scientiarum speculatiuarum non potest extendi vltra quam sensibilium cognitio potest ducere; & ex consequenti, si in cognitione sensibilium non consistit beatitudo, neque etiam consistet in consideratione scientiarum speculatiuarum. *Antecedens* etiã probat, quia nihil perficitur suo inferiori, nisi in quantum in tali inferiori est aliqua participatio superioris: sed formæ rerum sensibilium sunt inferiores homine; ergo per formas rerum sensibilium non perficitur homo quoad actum intelligendi, nisi vt participant aliquid simile alicui, quod est supra intellectum humanum, scilicet lumen intelligibile, vel aliquid huiusmodi & vltius; ergo cum omne quod est per aliud, reducat ad id quod est per se, sequitur, quod vltima perfectio hominis, qualis est beatitudo, non consistat in cognitione rerum sensibilium, sed in cognitione alicuius rei, quæ est supra intellectum humanum.

Sed CONTRA ea quæ in hac ratione dicuntur, sunt tres *difficultates*. PRIMÆ est contra id, quod dicitur in probatione consequentis; scilicet, cognitionem principiorum in scientijs speculatiuis non extendi vltra id, ad quod cognitio sensibilium potest ducere. Quoniam principia generalissima scientiarum speculatiuarum, vt, *quodlibet est vel non est*, &, *omne totum est maius sua parte*, sunt per se nota absque inductione sensus; item, quia hæc principia continent omnia scibilia, non solum sensibilia, sed etiam abstracta à sensibilibus: ergo eorum cognitio potest extendi vltra sensibilia; & tandem quoniam aliqua scientia speculatiua agit de huiusmodi principijs, & de alijs gradibus entis, vt abstrahunt ab

omni sensibilitate & materia.

SECUNDA DIFFICULTAS est circa illam propositionem, quæ habetur in probatione antecedentis, *nihil perficitur ab aliquo inferiori, nisi secundum quod in inferiori est aliqua participatio superioris*. Quoniam accidentia, quamuis sint imperfectiora quam substantia, perficiunt ipsam; & tamen non constat, quid sit illud superius, quod accidentia participat, cuius virtute id possint præstare; & id est de obiectis sensibilibus quæ, cum sint inanimata, sunt imperfectiora quàm potentiæ sensitivæ, & tamen perficiunt eas, non solum producendo in eis species, sed etiam efficiendo earum operationes; & similiter non constat quid participant superius, cuius virtute id faciant; & denique omnia ista agentia inferiora, cum communicent in materia, agunt in se inuicem: atque adeo perficiunt se mutuo; & tamen sunt inter se inæqualia in perfectione, & ea, quæ sunt minus perfecta, sæpe agunt, virtute propria.

Et Confirmatur quia vel participatio superioris in inferiori debet esse secundum aliquid superadditum formaliter & actu ipsi inferiori; vel solū est ipsa natura rei inferioris, quæ dicitur participatio rei superioris, quia participat aliquid de eius perfectione, sicut omnes creaturæ dicuntur quædam participationes Dei, & ens per participationem dicitur participatio entis per essentiam; *primum* dici non potest, quia experientia constat, esse falsum in exemplis propositis, & in multis alijs; si vero dicatur *secundum*, sequitur, quod si res inferioris ordinis ratione propriæ naturæ non potest perficere id, quod est superius, neque etiam possit ratione participationis alicuius rei superioris: patet sequela, quia huiusmodi participatio in re inferiori non excedit propriam ipsius perfectionem, & naturam, cum non sit aliud quam eius natura.

TERTIA DIFFICULTAS est circa Conclusionem, quæ D. THOMAS deducit ex hac propositione, scilicet, *ergo homo quantum ad actum intelligendi non perficitur per formas rerum sensibilium, nisi vt participant aliquid simile alicui quod est supra intellectum humanum*. Et ratio dubitandi est, quia res sensibiles solum dicuntur perficere intellectum humanum, quatenus aliquo modo concurrunt ad productionem speciei intelligibilis, & mediante specie ad productionem intellectionis: sed ad modum, quo res sensibiles concurrunt ad utrumque, non requiritur, quod sit perfectior, quam intellectus humanus; ergo non bene deduxit D. THOMAS hanc conclusionem ex illa propositione. Probatur *minor*, quoniam, licet species intelligibilis sit perfectior, quàm forma sensibilis: tamen non producit ab ea, nisi vel vt à causa materiali, & determinante intellectum agentem; vel vt à causa efficiendi instrumentali & subordinata eidem intellectui agentis: at uterque modus causandi potest conuenire inferiori respectu superioris; & similiter forma sensibilis media specie intelligibili non concurrat ad intellectionem vt causa totalis, sed vt partialis, & minus principalis, quia intellectus coëcurrit vt causa principalis; & in causa partiali & minus principali non requiritur tanta perfectio, sicut in effectu, sicut D. THOMAS infra quæstione 51. art. 2. ad 3. explicat quæ ratione actus sunt causæ efficientes habituum.

AD PRIMAM DIFFICULTATEM Respondet bene CATET. quod licet ad assensum illorum principiorum fortè non præexigatur inductio, tamen requi-

runtur species quarum productio & usus in nobis A est cum dependentia à sensibilibus; & *similiter* quavis eadem principia secundum se sint consequentia ad omnia scibilia. etiam ad ea quæ non sunt sensibilia; tamen quia in nobis quoad species & usum pendent ex sensibus, ideo in nobis tantum se extendunt ad ea, ad quæ cognitio sensuum ducere potest. Et *tandem* quamvis aliqua scientia agat de entibus secundum rationes *abstractas* à sensibilibus, & prout ab eis abstrahunt, tamen non agit de eis nisi medijs speciebus dependentibus prædicto modo à sensibilibus.

AD SECUNDAM DIFFICULTATEM CAIETANVS Responder, propositionem illam non intelligi de perfectione secundum quid, sed solum de perfectione simpliciter; ita ut sensus eius sit, nihil perfici simpliciter per aliquid inferius, nisi in quantum in inferiori est aliqua participatio superioris. Et per hoc dicit, excludi primam instantiam de accidentibus, quoniam accidentia non perficiunt sua subiecta simpliciter, sed solum secundum quid, & idem videtur dicendum iuxta sententiam CAIETANI ad tertiam instantiam de actione, aut reactione, quæ est ab agere imperfectiori secundum gradum entis, quam sit passum, & ad secundam instantiam, quæ est de obiectis sensibilibus, concedit obiecta sensibilia esse minus perfecta quam potentias sensitivas, & nihilominus esse perfectiora simpliciter ipsarum potentiarum, tamen dicit esse ita perfectiora quatenus participant naturam superiorem quam sit sensus, quia est in ipsis quedam participatio substantiarum immaterialium, scilicet angelorum: hanc autem participationem dicit, esse quendam modum immaterialitatis, quem convenire obiectis sensibilibus probat à posteriori, ex modo operandi, hoc argumento: obiectis sensibilibus convenit modus operandi, qui est proprius substantiarum immaterialium, ergo etiam convenit eis aliqua ratione modus essendi ipsarum, *consequentiam* relinquit CAIETANVS ut certam, quia cum res ita se habeant ad esse, sicut ad operari, bene poterit ex modo operandi, qui convenit alicui rei, tolligi à posteriori modus essendi, qui ipsi convenit; & *antecedens* probat, quia modus agendi corporum est, movere ut motum, & modus agendi incorporeum est, movere ut non mora, non enim res corporea producit aliquid in intelligentia, à qua movetur, at vero obiecta sensibilia habent utrumque modum operandi: *primum* quidem, quatenus producant formas secundum esse naturale, ut ignis calorem, & *secundum* quatenus producant formas intentionales, ut idem ignis producit speciem caloris in sensu tactus. Intelligit autem CAIETANVS per hunc modum immaterialitatis, non carentiam materię, sed elevationem quandam supra conditiones materię, & rerum corporalium. Et ad *Confirmationem* non respondet expresse CAIETANVS, ceterum quantum colligitur ex eius doctrina hoc loco, & secundo libro de anima c. 11. ad *enim* *enim* *enim*. ubi eandem sequitur sententiam, videtur supponere, quod hæc participatio non est aliquid superadditum rei inferiori, sed est sola eius natura, quæ talis est, ut sapiat naturam & proprietates alicuius rei superioris. Et contra hoc non habet vim obiectio proposita contra secundum membrum divisionis, factæ in hac confirmatione: quoniam cum dicimus, quod inferius non est perfectiorum superioris, nisi quatenus est in ipso participatio alicuius

superioris; non est sensus distingui in inferiori propriam naturam, & participationem superioris, ita ut inferius ratione participationis, & non propriæ naturæ sit perfectiorum superioris, sed requiri, esse talem naturam inferioris, ut simul sapiat naturam superioris, & eius proprietates.

SED CONTRA HANC SENTENTIAM CAIETANI obijciuntur ex GREGORIO DE VALENTIA. 1. 2. disputatione 1. quæst. 3. puncto 3. quia vel per perfectionem simpliciter intelligit perfectionem substantialem, quæ perficiat substantialiter, sicut forma substantialis perficit materiam; vel perfectionem, quæ in hoc habeat modum perficiendi substantialiter, quod constituat unum simpliciter cum suo perfectibili; ad eum modum quo ipse CAIETANVS ex sententia commentatoris sapie dicit, fieri magis unum ex intellectu & intelligibili, quam ex materia & forma *primum* dici non potest, *primum* quoniam certum est, obiectum sensibile non esse formam substantialem potentię, neque perficere eam substantialiter: *tum etiam* quia forma substantialis non pericit aliquid se superius, sed potius inferius, scilicet materiam primam. Si vero dicatur *secundum*, sequitur, esse inefficacem illam secundam consequentiam, qua D. THOMAS ex hac propositione colligit, quod summa perfectio nostri intellectus non consistat in cognitione sensibilibus, aut Dei per sensibilia, sed in alia altiori cognitione Dei, scilicet aut in seipso, aut per substantias separatas: quoniam non apparet, quam connexionem habeat hæc conclusio cum illo antecedenti, hoc est, cum illa propositione ita explicata. Et præterea hæc consequentia habet manifestam instantiam, quia eodem modo probaretur, summam perfectionem potentię visuæ non consistere in visione coloris, sed in visione Dei, aut substantiarum separatarum: probatur hoc, simili argumento; color perficit potentiam visuam, quatenus est in ipso aliqua participatio Dei, aut substantiarum separatarum, quoniam secundum istam rationem potest producere speciem in potentia visuæ, & concurrere ad visionem; ergo C summa perfectio potentię visuæ non consistit in visione coloris, sed in visione Dei, aut substantiarum separatarum; probatur hæc consequentia eadem ratione, qua D. THOMAS probat suam, scilicet, quia omne, quod est per aliud, reducitur ad id quod est per se.

Respondetur quod CAIETANVS perfectionem simpliciter videtur appellare eam, ad quam res ordinatur suapte natura, ut forma substantialis respectu materię primæ, & quæcunque operatio, ad quam per se ordinatur aliqua potentia, respectu eiudem potentię, & consequenter perfectionem secundum quid appellat illam, quæ est infra eam, ad quam res ordinatur suapte natura, ut caliditas est perfectio secundum quid respectu hominis, quia est infra illam ad quam ordinatur homo. Et quoniam potentia sensitiva ordinatur suapte natura ad sentiendum, & intellectiva ad intelligendum, ideo quamcunque ex his operationibus respectu suæ potentię computat CAIETANVS inter perfectiones simpliciter: & de quacunque eorum potest dici, quod habet modum perficiendi substantialiter in hoc, quod respicit perfectibile ordinatum per se ad ipsam; & hoc intellexit CAIETANVS, cum dixit, intelligibile esse perfectionem propriam,

per participationem. Supponitur tamen in hac ratione, Deum, ut cognoscibilem in seipso, pertinere ad obiectum specificatum nostri intellectus, & intellectum secundum suam essentiam esse perfectibilem per Deum ita cognitum. De quo alibi est agendum.

ARTICVLVS VIII.

Verum beatitudo hominis sit in visione diuinæ essentia?

CONCLUSIO. *Ultima & perfecta hominis beatitudo non potest esse, nisi in visione diuinæ essentia.*

COMMENTARIVS.


CONTINUATIO huius articuli ad duos præcedentes, & sensus tituli, patent ex ijs, quæ dixi in explicatione tituli articuli sexti: ratio vero conclusionis potest ad hanc formam reduci; nulla cognitio Dei, præter visionem, satiat appetitum hominis: ergo sola visio Dei, &

non aliqua alia cognitio, potest esse perfecta beatitudo hominis, consequentiam probat D. THOMAS, quia homo non est perfecte beatus quamdiu restat sibi aliquid desiderandum, & querendum, & ex consequenti quamdiu non habet satiatum suum appetitum, & antecedens etiam probat, quia omnis cognitio Dei, præter visionem, est ex effectibus, qui licet sufficiunt ad cognoscendum de Deo, *an est*, non sufficiunt ad cognoscendum *quid sit*: ergo nulla cognitio Dei, præter visionem, potest satiare appetitum hominis, patet hæc consequentia, quia quando ex effectibus solum cognoscitur de causa *an est*, statim confurgit naturale desiderium cognoscendi de ea *quid sit*. Huius autem ratio est; quod cum perfectio vniuscuiusque potentia attendatur secundum rationem sui obiecti, & obiectum intellectus sit essentia rei, (ut dicitur in 3. de anima) eoque procedit intellectus, quousque cognoscat essentiam rei, & ex consequenti non satiabitur antea eius appetitus.

CIRCA rationem hanc disputat Caietanus, an cognito de Deo *an est* per eius effectus, confurgat in nobis naturale desiderium cognoscendi *quid sit*. & vniuersaliter, an sit in nobis naturale desiderium videndi Deum? Sed de his dicemus postea.

TRACTATVS DE ESSENTIA ET QVIDITATE BEATITVDINIS FORMALIS.

PROOEMIOLVM.



QUONIAM, UT DIXI in principio huius quæstionis, D. THOMAS in ea tota agit de beatitudine formali, ut distinguitur ab obiectiua, & explicat in quo consistat eius essentia, prout essentia distinguitur à statu: ideo, ut quæ à D. THOMA circa hoc dicuntur, magis explicentur, proposui hunc tractatum, in quo disputare institui de essentia beatitudinis formalis hoc est de eius genere & differentia specifica; præscindendo ab omnibus, quæ per modum accidentium antecedunt, comitantur, vel subsequuntur ipsam. Verum *aduertendum* est, solere à theologis distinguere tres beatitudines formales vnam *perfectam supernaturalem*, quæ expectatur in futura vita, & alteram etiam *supernaturalem sed imperfectam*, quoniam habet rationem vite, & tendentiæ ad perfectam, quæ in hac vita per gratiam Dei potest obtineri, & tertiam *naturalem*, quæ licet imperfecta sit respectu supernaturalis, tam huius vite, quam futuræ; tamen aliquo modo dicitur perfecta, scilicet quatenus est quid independentens ab alio in suo ordine, & summum inter omnia, ad quæ homo secundum suam naturam, & seclusa omni eleuatione gratiæ, ut in puris naturalibus, posset peruenire. Et de vnaquaque harum beatitudinum est hæc difficultas pertractanda, scilicet quid sit secundum suam essentiam & quidditatem & ideo iuxta earum numerum tractatus hic tres continebit partes, in quarum prima agemus de beatitudine perfecta supernaturali, quoniam dignior & præstantior est reliquis.

PRIMA PARS.

De essentia beatitudinis supernaturalis vite futurae.

DVO FVNDAMENTA.

1. Esse aliquam beatitudinem formalem supernaturalem.

SUPPONIMVS, duo esse certa secundum fidem. PRIMUM est aliquam esse hominis beatitudinem formalem: quæ supernaturalis sit respectu ipsius. hoc est, ad quam ipse non possit viribus suæ naturæ, siue integer, siue corruptus, aut confusus in puris naturalibus, sed solum per gratiam Dei peruenire. Hoc asserimus contra Begardos & Beguinas, qui (vt constat ex CONCILIO VIEN. eius decretum refertur in clementina ad nostrum de hæreticis) dicebant quamlibet intellectuales naturam in seipso naturaliter esse beatam: Et potest probari imprimis omnibus testimonijs, quæ adduci solent ad probandum, habitus gratiæ & virtutum infusarum, esse supernaturales, quoniam his habitibus respondet aliqua beatitudo eis proportionata, atque adeo eiusdem ordinis cum ipsis. Item omnia testimonia, quibus probari solet, non posse hominem viribus suæ naturæ operari aliquid, prout oportet ad salutem consequendam, probant etiam, esse hominem propositum aliquam beatitudinem, ad quam non possit viribus naturæ peruenire. Et præterea illa testimonia, quibus probatur hominem in beatitudine videre Deum in seipso, coniungunt hoc idem, quoniam sunt alia multa testimonia quibus probatur, non posse hominem suis viribus peruenire ad videndum Deum in seipso, quæ videri possunt apud D. THOMAM, & eius expolitores, prima parte quæst. 12. artic. 4. Et tandem sunt aliqua testimonia, in quibus hoc aperte dicitur, nam imprimis S. PAVLVS ad Romanos 6. sic ait, *gratia Dei vita æterna*, vbi propterea *vita æterna* appellatur *gratia Dei*, quoniam facultate naturæ, & sine gratia Dei, non potest obtineri, & i. Corin. 2. adducit illud ex Isa. 64. *oculus non vidit, nec auris audiuit, nec in cor hominis ascendit, quæ præparauit Deus* ut, qui diligunt illum, & statim subiungit: *nobis autem reuelauit Deus per spiritum suum*. vbi S. PAVLVS loquitur de CHRISTO, & de salute, quam Deus decreuit nobis conferre per eius incarnationem; & de hac salute, quæ comprehendit non solum donum huius vite, sed etiam vitam æternam, docet aperte, non posse ab homine naturali facultate cognosci, non solum quia illa verba, *oculus non vidit*, &c. habent vim significandi impossibilitatem cognoscendi, imo & incidendi in cogitationem alicuius rei: sed etiam quoniam expresse subiicit, solum cognosci hæc bona per reuelationem spiritus sancti. Ex hoc autem bene sequitur, quod neque possit homo suis viribus consequi huiusmodi bona, quoniam difficilior est obtinere quam cognoscere aliquid bonum, & his testimonijs adiungi potest definitio CONCILII VIENNENSIS loco citato, vbi primum inter octo errores illorem hæreticorum proponitur quinto loco, quem supra reuelimus, & postea omnes damnantur simul his

A verbis: *nos sacro approbante Concilio scilicet ipsum cum promissa erroribus damnationis & reprobandis omnino.*

§. 1. Non posse secundum totam suam essentialem perfectionem acquiri in hac vita.

SECVNDVM quod supponimus vt certum, est, non posse hominem secundum legem Dei ordinariam, & secluso privilegio, obtinere in hac vita hanc beatitudinem supernaturalem secundum totam suam perfectionem essentialem: vbi apponimus hoc additum, *secundum totam suam* &c. vt explicemus, non esse hoc intelligendum de beatitudine supernaturali absolute, quoniam hæc comprehendit etiam beatitudinem inexistens, quæ potest haberi in via, vt postea dicemus, sed de beatitudine supernaturali secundum totam illam perfectionem, quam debet habere, vt sit beatitudo termini, & non via. Et hanc perfectionem appellamus *essentialem*, ad significandum, per *totam perfectionem* beatitudinis finalis non intelligi totam perfectionem, quam beatitudo supernaturalis potest habere in termino, sed præcise illam, quæ requiritur vt sit beatitudo termini, quoniam hæc sola dicitur *essentialem* respectu beatitudinis finalis: & maior aut minor quantitas huius perfectionis, censetur accidentalit. Hoc etiam supponimus contra eosdē Begardos & Beguinas, de quibus in CONCILIO VIEN. loco citato referuntur octo errores, & inter eos hic est quartus, quod homo potest in finealem beatitudinem secundum omnem gradum perfectionis in præfenti assequi, sicut eam in vita obtinebit beata. Et potest hoc suppositum probari primo quoniam beatitudo hæc includit clarum Dei visionem, vt postea dicemus, & huiusmodi visio secundum legem Dei ordinariam nulli communicatur in hac vita, vt in probatione præcedentis suppositionis diximus. Secundo probatur auctoritate CONCILII VIEN. quod, vt reueli, damnat hunc errorem simul cum reliquis. *Primo* probari potest testimonijs scripturæ, quæ videri possunt apud ALFONSYM A CASTRO lib. 3. aduersus hæreses, *verbo beatitudo heresi* 4. Hæc ergo supponimus vt certa de hac beatitudine supernaturali pestela: & inquirimus in quo consistat eius essentia, & ratio formalis hoc est quod sit eius genus, & quæ differentia speciei, quod distinctis questionibus est explicandum.

QVÆSTIO PRIMA.

Quid nomine beatitudinis formalis intelligatur?

§. 1. Sensus questionis. Beatitudo non significat suum beatificum.

VT MELIUS explicemus in quo consistat essentia beatitudinis formalis, oportet supponere prius,

præ, quid per beatitudinem formalem significetur: quoniam nisi hoc fuerit prius determinatum, non poterit certo definiri, in quo consistat essentia rei significata per hanc vocem *beatitudo formalis*; Sed modo constitueretur in vno & postea in alio, pro diuersitate significatorum, quæ huic voci fuerint attributa, & ex titulo relinquitur ut certum non significari hac voce *beatitudinem*, neque bonum illud, quod per modum obiecti beatificat: quoniam licet utrique tribuatur nomen beatitudinis; nam & *status* appellari potest beatitudo, & bonum illud beatificans dicitur beatitudo obiectiua; tamen neutri tribuitur nomen beatitudinis formalis, sed hoc nomine appellatur solum illa res, à qua homo formaliter, & intrinsecè habet, quod sit beatus, ut in principio quæstionis tertiæ D. THOMÆ explicatum est.

§. 2. *Tres sententia: significari hoc nomine, 1. totam plenitudinem perfectionis; 2. summum bonum beati. 3. vltimum actum eiusdem.*

IN HAC RE, quantum ex D. THOMÆ in hac quæstione colligi potest, tres possunt esse sententiæ. PRIMA est, significari hac voce totam plenitudinem perfectionis, quæ conuenire potest subiecto, quod dicitur beatum, & probatur imprimis testimonio D. THOMÆ, qui prima parte quæst. 16. artic. 3. in corpore, inquit, nihil aliud sub nomine beatitudinis intelligi nisi bonum perfectum intellectualis naturæ: sed bonum perfectum cuiuscunque naturæ est bonum, cui nihil deest ex bonitate requisita ad talem naturam, atque adeo plenitudo bonitatis, quæ tali naturæ potest conuenire; quoniam (ut etiam inquit D. THOMAS prima parte quæstione 4. art. 1.) perfectum dicitur, cui nihil deest secundum modum suæ perfectionis; ergo nomine beatitudinis hominis intelligitur plenitudo totius bonitatis, quæ potest homini conuenire.

Confirmatur, quia defectus bonitatis debet, aut quæ potest conuenire humanæ naturæ; importat indigentiam talis bonitatis: ergo cum huiusmodi defectu, atque adeo sine plenitudine bonitatis, quæ potest conuenire homini, non potest reperiri hominis beatitudo; ergo per beatitudinem formalem hominis significatur huiusmodi plenitudo bonitatis, quæ potest homini conuenire. PRIMA consequentia patet, quia indigentia est miseria, & infelicitas, atque adeo pugnat cum beatitudine; & secunda probatur, quia nomine beatitudinis solum significatur id, quod est beatitudo: ergo si sola plenitudo bonitatis est beatitudo, etiam ipsa sola significatur nomine beatitudinis.

SECUNDA SENTENTIA est, per beatitudinem formalem hominis significari summum, & maximum bonum, inter omnia bona, quæ subiecto, quod dicitur beatum, possunt conuenire, & probatur primo autoritate Diu. THOMÆ, qui infra quæstione 5. artic. 3. & 4. inquit, beatitudinem, secundum communem rationem beatitudinis, esse perfectum & sufficiens bonum, omne malum excludens, & omne desiderium implens:

A sed hoc solum conuenit maximo & summo bono inter omnia, quæ possunt conuenire subiecto, quod dicitur beatum, quia sine eo non impletur desiderium, cum semper restet aliquid desiderandum; ergo in eo consistit ratio beatitudinis in communi, atque adeo ipsum intelligitur per beatitudinem formalem.

Secundo, beatitudo obiectiua est summum bonum obiectiuum subiecti, quod dicitur beatum; ergo beatitudo formalis est summum bonum formale eiusdem subiecti: patet consequentia quoniam ita seruabitur proportio.

Confirmatur, quoniam inter omnia bona nobis intrinseca beatitudinem formalem maxime diligimus; ergo beatitudo formalis est maximum bonum nostrum: patet consequentia, quia sicut amabile bonum proprium, iuxta doctrinam Aristotelis, ita maxime amabile maximum bonum proprium.

TERTIA SENTENTIA est, hac voce *beatitudo formalis*, significari vltimum actum inter omnes actus, qui conuenire possunt subiecto, quod dicitur beatum: & probatur autoritate D. THOMÆ, qui in hac quæstione artic. 2. in corpore expresse inquit, beatitudinem formalem hominis consistere in vltimo actu hominis.

Et Confirmatur ratione ipsius D. THOMÆ, scilicet, quia vltima perfectio hominis est eius beatitudo: sed vltimus actus hominis est eius vltima perfectio, quia vnumquodque in tantum est perfectum, in quantum est in actu, quia potentia sine actu est imperfecta; ergo vltimus actus hominis est eius beatitudo formalis.

§. 3. *Vera sententia. Significat coniunctionem cum summo bono, quæ sufficiat ad satiandum appetitum.*

SIT NIHILOMINVS CONCLUSIO, nomine *beatitudinis formalis* significatur consecutio seu possessio maximi boni quod potest desiderari ab eo subiecto quod dicitur beatum, seu quod potest satiare perfectum eius appetitum. Et probatur, quoniam beatitudo formalis consistit in huiusmodi consecutione, seu possessione, ergo etiam hæc consecutio significatur nomine beatitudinis formalis; consequentia patet, quoniam significatum huius nominis est id, in quo consistit beatitudo formalis; & antecedens probatur imprimis testimonio Diu. THOMÆ, qui in hac quæstione 3. artic. 1. in corpore & ad tertium, dicit beatitudinem formalem esse vltimum finem, sumendo finem pro consecutione, seu ademptione rei desideratæ & artic. 4. in corpore inquit, expresse, beatitudinem esse consecutionem finis vltimi, & idem repetit quæstione sequenti artic. 3. in corpore.

Secundo probatur idem antecedens ex modo loquendi scripturæ, in qua beatitudo appellatur nominibus possessionis, comprehensionis, & acceptionis, ut Matthæi 25. *possidere paratum vobis regnum à constitutione mundi.* 1. ad Corinthios 6. *neque maledicti, neque rapaces regnum Dei possidebunt.* & c. 9. *nescitis quod y, qui in stadio currunt, omnes quidem currunt, sed vnus accipit præmium: sic currite, ut comprabendatis.*

TERTIO probatur duabus rationibus desumptis

ex Diu. THOMAS. *Prima*, quæ desumitur ex articulo primo huius quæstionis tertiæ, est huiusmodi. Beatitudo formalis habet rationem finis ultimi respectu hominis: sed non est finis ultimus, si sumatur finis pro re desiderata; ergo est finis ultimus sumendo finem pro adeptione seu consecutione rei desideratæ.

Secunda ratio sumitur ex alia, qua D. THOMAS art. 4. eiusdem quæstionis probat, beatitudinem formalem non consistere in actu voluntatis, & potest ad hanc formam reduci: Beatitudo formalis dicitur essentialiter ordinem ad summum bonum, seu ad ultimum finem; & hic ordo tantum potest esse triplex, scilicet per modum tendentiæ in finem consequendum, & per modum consecutionis aut possessionis finis; & per modum gaudij & delectationis de fine iam adepto, & possessio: sed beatitudo formalis non consistit in primo ordine, quoniam tendentia habet rationem inquisitionis, & (ut inquit D. THOMAS art. 8. huius quæstionis) non potest homo esse perfecte beatus, quamdiu restat sibi aliquid desiderandum, & querendum; neque etiam consistit in tertio, quoniam gaudium & delectatio supponit præsentiam finis & boni, atque adeo beatitudinem formalem, quæ non potest separari à præsentia summi boni, & ultimi finis; ergo consistit in tertio ordine.

Confirmatur exemplo, quo D. THOMAS, utitur in eodem articulo quarto, nam avarus, qui suam beatitudinem constituit in diuitijs, non censet se esse beatum inquirendo eas, nec gaudendo de earum possessione, sed obtinendo, & possidendo eas: & idem est de omnibus alijs qui in bonis creatis suam beatitudinem collocant; ergo idem est dicendum de vera beatitudine, scilicet, quod consistit in possessione veri summi boni.

SED QUÆRES Quid sit huiusmodi consecutio, aut possessio in qua dicimus consistere rem, quæ est beatitudo formalis, & quæ nomine beatitudinis formalis significatur? *Respondetur*, interrogationem hanc posse dupliciter intelligi, scilicet aut de eo, in quo in particulari consistit huiusmodi consecutio: aut de ratione aliqua communi, & indeterminata ipsius; si *priori modo* intelligatur, non potest dissolui ante quæstiones sequentes, in quibus explicandum est, quid sit hæc consecutio, quæ dicimus esse beatitudinem formalem; si vero intelligatur *posteriori modo*, dicendum est, hanc consecutionem consistere in quadam coniunctione cum vero summo bono rei beatificandæ, quæ sit sufficiens ad satiandum appetitum rectum ipsius rei, quæ beatificatur; ex quo etiam provenit, quod debeat esse consentanea eius naturæ, & summo bono, quod est obiectum beatificans. An vero huiusmodi coniunctio sit immediata unio cum ipso summo bono, vel media operatione, aut alio modo, dicendum est dubijs sequentibus: Et nunc id, quod diximus, explicatur exemplis. Nam imprimis; qui beatitudinem suam constituit in pecunijs, consequitur eam per coniunctionem cum eis, quæ sit dominium earum & libera facultas ad utendum eis, quoniam iste modus coniunctionis satiat eius appetitum deprauatum, & est consentaneus, tum ipsi quatenus appetit beatificari hoc bono; tum etiam naturæ ipsarum pecuniarum; Et similiter, qui ponit suam beatitudinem in delectatione ciborum, assequitur eam per quandam coniunctionem cum

ipsis cibis, quæ sit per sensum gustus: Et præterea in ipsis sensibus reperitur hoc idem, quoniam pro diuersitate sensuum diuersa est coniunctio cum obiectis, in qua ipsorum sensuum quasi beatificatio consistit, & satietas sui appetitus: ut, verbi gratia, gustus, & tactus uniantur cum suis obiectis per realem coniunctionem, & visus per solam intentionalem.

§. 4. Soluuntur argumenta. Bonum perfectum substantialiter & accidentaliter; formaliter, & radicaliter.

AD PRIMUM *prima sententia*, respondetur primo, Diu. THOMAS ibi loqui de beatitudine sumpta pro statu beatifico, & non pro beatitudine formali; *Secundo* admissio, quod loquatur de beatitudine formali, distinguenda est *minor*, si enim intelligatur de bono *perfecto simpliciter* hoc est totaliter, vera est, sed non ad propositum; quoniam D. THOMAS non appellauit in eo sensu beatitudinem boni perfecti, si vero intelligatur de bono *perfecto substantialiter*, & quoad essentiam, falsa est, & in hoc sensu potest deferuire ad inferendum conclusionem; quoniam cum D. THOMAS dicit, beatitudinem formalem esse bonum perfectum, loquitur de bono perfecto tantum substantialiter; hoc est quoad essentiam, & non quoad accidentia, quæ essentiam comitantur, aut consequuntur. Et eodem modo distinguenda est definitio perfecti, adducta in probationem minoris, quoniam potest intelligi, aut de eo cui nihil deest quoad *substantiam & essentiam* tantum; aut de eo cui nihil deest quod *substantiam & accidentia* simul; & debet intelligi *priori modo*, cum attribuitur bono perfecto, quod est beatitudo formalis; sumiturque hæc distinctio boni perfecti ex D. THOMAS prima parte quæstionis quinta art. 1. ad 1.

Ad confirmationem *Respondetur primo* concedendo antecedens, & negando primam consequentiam; si consequens intelligatur de beatitudine formali sumpta quoad eius essentiam. Et ad probationem *Respondetur*, quod cum dicimus, indigentiam alicuius perfectionis esse miseriam, & infelicitatem, debet intelligi de perfectione substantiali & essentiali, & non de accidentali. *Secundo* *Respondetur*, duplicem posse reperiri defectum alicuius perfectionis debiti, unum *formalem*, ut cum talis perfectio non habetur secundum seipsam, & suam entitatem; & alterum *radicalem simul & formalem*, ut cum eadem perfectio neque habetur secundum suam entitatem, neque secundum radicem, ad quam sit apta consequi; & quamuis *posterior* defectus possit dici indigentia perfectionis, quæ deest, quoniam nullo modo habetur talis perfectio, tamen *prior* non debet dici absolute indigentia eiusdem perfectionis, quia saltem radicaliter habetur huiusmodi perfectio.

AD ARGUMENTA *Secunda sententia* *Respondetur primo*, solum concludere, quod beatitudo formalis sit summum & maximum bonum, facta comparatione inter omnia bona, quæ formaliter & intrinsece conueniunt beato: tamen hoc non esse contra nostram sententiam, quoniam etiam eo admissio restat inquirendum magis in particulari, quid sit hoc, quod appellatur maximum bonum formale beati; & id nos explicuimus in conclu-

sione, cum

lione, cum diximus, esse possessionem, vel adeptio-
nem summi boni desiderati.

Secundo Respondetur negando quod beatitudo
formalis, considerata præcisè quoad suam essen-
tiam, sit maximum bonum inter omnia, quæ for-
maliter conveniunt beato; quoniam multi cen-
sent habitus gratiæ & luminis gloriæ esse perfe-
ctiores visione beatifica, in qua dicemus consistere
essentiam beatitudinis formalis.

Et ad primū argumentum huius sententiæ, quo
probatur oppositum, Respondetur, *primo* Diu.
THOMAS eo loco sumere beatitudinem pro statu
beatifico: Aut *secundo* Respondetur, ea, quæ ibi
dicit D. THOMAS de beatitudine, verificari de es-
sentia beatitudinis formalis, non quidem ratione
sui præcisè, sed ratione sui obiecti, cuius est posses-
sio; nam quoniam est possessio summi boni, habet
quod sit maximum bonum inter omnia, quæ for-
maliter conveniunt beato, quamvis actus, in quo
consistit huiusmodi possessio, forte sit minus per-
fectus, quam aliqui habitus, qui etiam sunt forma-
liter in beato. Et ita D. THOMAS articulo primo
huius quæstionis, in solutione ad secundum, inquit
expresè, quod beatitudo dicitur esse summum ho-
minis bonum, quia est adeptio vel fruitio summi
boni; & ex eodem obiecto habet quod expellat
omne malum, & impleat omne desiderium. Aut
Tertio Respondetur, & in idem recidit, quod illa
conveniunt essentia beatitudinis formalis, nō for-
maliter, sed *radicaliter*, scilicet quia est possessio
summi boni, quod est radix & principium om-
nium illorum bonorum: Sicut possessio pecunia-
rum in avaro non habet formaliter quod expellat
omne malum; & impleat omne desiderium, etiam
in eius opinione: sed solum *radicaliter*, in quantum
ipse avarus existimat, pecuniam, quam possidet, es-
se ad omnia hæc sufficientem.

Ad secundum Respondetur, quod ut servetur
proportio inter beatitudinem formalem, & obie-
ctivam; satis est, quod beatitudo formalis sit sum-
mum, & maximum bonum, inter ea, quæ possunt
habere rationem possessionis, & consecutionis; ita
ut beatitudo formalis secundum se, sit maximum
bonum, non absolute, sed per modum adeptionis;
cum quo stat, quod dicatur minus perfecta, quàm
habitus superius commemorati, qui non habent
rationem adeptionis.

Ad confirmationem Respondetur; *primo* distin-
guendo *antecedens*, aut enim intelligitur de beati-
tudine ipsa formali secundum se, & præcisè sum-
pta; quatenus est quædam possessio: & sic est fal-
sum; aut quatenus etiam includit obiectum pos-
sessoriū, & sic est verum; & ita ex hoc antecedenti
solum potest colligi, quod beatitudo formalis,
quatenus includit suum obiectum, sit maximum
bonum nostrum; & explicatur exemplo avari,
qui neque diligit summe, neque habet pro maxi-
mo bono suo possessionem præcisè sumptam, sed
possessionem pecuniarum. *Secundo* Respondetur
concedendo *antecedens* & distinguendo *consequens*,
aut enim intelligitur de maximo bono formaliter,
& sic neganda est consequentia; aut de maximo
bono *radicaliter*, & sic concedenda est, quoniam
beatitudo formalis secundum suam essentiam, li-
cet non importet *formaliter* maximam perfectio-
nem beati, tamen *radicaliter* importat eam: quia
est veluti radix quædam, ad quam consequuntur

A omnes perfectiones, quas exigit status beatificus;
vel quantum ad earum inceptionem, ut si sint ali-
quo modo posteriores ipsa essentia beatitudinis;
vel saltem quantum ad conservationem, & perma-
nentiam, ut si sint priores, cuiusmodi sunt lumen
gloriæ, & gratia habitualis. Et eodem modo Res-
pondetur ad probationem consequentiæ, quod ve-
aliquid sit maxime amabile, satis est, quod radicali-
ter sit maximum bonum, quamvis formaliter non
sit maximum.

AD ARGUMENTVM VLTIMÆ SENTENTIÆ
simul cum sua *confirmatione*. Respondetur, solum
convincere, quod beatitudo formalis sit ultimus
actus beati, tamen hoc non esse contra nostram
sententiam: quoniam nos eo admissio progredi-
mur ulterius, ad explicandum magis in particulari,
qualis sit iste ultimus actus, & dicimus, esse pos-
sessionem, & adeptioem summi boni deside-
rati.

QVÆSTIO II.

B *Verum possessio summi boni quæ est essentia
beatitudinis formalis consistat in unio-
ne summi boni cum substantia animæ
nostræ.*

§. 1. *Sententia Henrici Gandavensis, de unione
per illapsum.*

DIXIMVS quæstione præcedenti essentiam bea-
titudinis formalis consistere in adeptione
summi boni, & hanc adeptioem esse coniunctio-
nem quandam rei beatificandæ cum suo summo
bono: nunc magis in particulari explicandum est,
quæ ratione perficiatur huiusmodi coniunctio; an
scilicet, res beatificanda, verbi gratia nostra anima,
uniatur immediate per suam substantiam, quate-
nus præsupponitur suis potentijs, & eorum habi-
tibus, & operationibus: vel potius mediante ali-
quo istorum, & quo mediante? & in hac quæstio-
ne peculiariter intendimus explicare *an* uniatur
immediate per suam substantiam.

C IN QVÆ RE est celebris sententia HENRICI
quodli. 13. q. 12. quam quoniam male referunt
SCO. in 4. d. 49. q. 2. CAPRE. ibidem q. 1. & SOR. q.
1. art. 3. oportet latius explicare, ut etiam constet
an sit falsa; & an sit aliqua gravi censura digna, si-
cut ab aliquibus recentioribus indicatur. Is ergo
author dicit tria. PRIMUM est, duplicem esse unio-
nem Dei cum anima beata; *prima* est, quæ Deus
illabitur immediate in essentiam ipsius, & circum-
insidet eam, ad eum modum quo ignis circumin-
sedet, & illabitur in substantiam ferri candentis: si-
cut enim ignis per illum illapsum quodammodo
transformat, & convertit ferrum in se, ita ut videat-
ur esse ignis; sic etiam Deus per illapsum in animam
quodammodo eam transformat, & convertit in se,
ita ut in ipsa nō videatur esse aliud quàm Deus; *Alia*
est, quæ Deus in ratione obiecti, scilicet in ratio-
ne veri, & boni, illabitur in potetias eiusdē animæ,
& purgat eas, ut perfectius eliciant suas operatio-
nes: dicitur autem purgare potetias, quatenus
intellectum amplius illuminat, ut clarius videat, &
voluntatem amplius inflamat, ut ardentius dili-

gat. *Secundum* est, quod *prima* unio est prior & perfectior quam *secunda*. *Tertium* est, quod quamvis in utraque unione consistat nostra beatitudo formalis, tamen principalius consistit in *prima*, quam in *secunda*.

Hæc sententia probatur *Primo* quoad *primum* dictum ipsius. Quia utraque unio est possibilis: ergo utraque reperitur in beatitudine; *consequent* probatur, quia beatitudo formalis consistit in unione beati cum summo bono quæ sit sufficiens ad satiationem eius appetitum, ut dictum est dubio precedenti: sed beatus appetit uniri cum suo summo bono, non solum medijs potentijs, sed etiam immediate per suam essentiam, & substantiam; quia non solum appetit perfici in potentijs, sed etiam, imo multo magis, in sua substantia; ergo, si est possibile uniri utroque modo, dicendum est quod de facto unitur utroque modo, alias unio, quæ est beatitudo formalis, non erit sufficiens ad satiationem appetitum beati; Et *antecedens* probatur, quoniam *imprimis* quod unio cum potentijs sit possibilis, imo & de facto reperitur in beatitudine; conceditur ab omnibus; quod vero unio cum substantia anime sit etiam possibilis, probatur tribus medijs.

Primum est, quia in via anima iusta unitur Deo, non solum secundum suas potentias per actus fidei, & charitatis; sed etiam immediate secundum suam substantiam: ergo etiam in patria potest uniri utroque modo. *Dices* quod in via non unitur immediate, secundum suam substantiam, sed mediante dono gratiæ, quod accipit à Deo, & hoc modo non solum potest uniri, sed etiam de facto unitur in patria. *Sed contra*, quia sicut Deus unitur substantiæ anime in via mediante dono gratiæ, ita etiam unitur eius intellectui mediante specie intelligibili: Sed in patria potest uniri, & de facto unitur intellectui sine aliqua specie per suam essentiam suppletentem vices speciei intelligibilis; ergo etiam potest uniri substantiæ anime sine dono gratiæ per suam essentiam suppletentem vices eiusdem gratiæ; pater consequentia, quia non est maior ratio repugnantiz in vno casu quam in alio.

Confirmatur, quia Deus dicitur esse specialiter in anima iusti per gratiam habitalem, quoniam gratia dat animæ esse acceptum ad amicitiam cum Deo & ad eius bona supernaturalia: sed potest Deus per suam essentiam immediate supplere vices gratiæ quantum ad huiusmodi acceptionem, præsertim iuxta probabilem sententiam eorum, qui dicunt, hanc acceptionem non esse effectum primarium gratiæ, & inseparabilem ab ipsa per respectum ad potentiam Dei absolutam; ergo etiam potest supplere vices gratiæ quantum ad specialem modum essendi in anima iusti.

Secundum medium est, quia iuxta probabilem multorum sententiam, Deus dicitur esse præsens præsentia physica spatio imaginario, quamvis in eo nihil efficiat: ergo etiam potest esse præsens præsentia quadam speciali, quæ dicatur amicabile, anime beate secundum suam substantiam, quævis in ea nihil efficiat; pater consequentia, quia nulla potest assignari sufficiens ratio discriminationis.

Confirmatur, quia in corporibus potest reperiri illapsus, aut coniunctio intima sine productione alicuius effectus, & sine diuisione aliqua; ut si Deus

constituat unum corpus penetrative intra aliud; ergo multo melius potest reperiri inter spiritus, & ex consequenti potest uniri Deus intimè substantiæ anime nostræ per illapsum explicatū ab *Henrico*, quamvis nihil efficiat in ipsa.

Tertium medium est, quoniam persona verbi divini speciali genere unionis, & distincto ab eo, quo est in omnibus rebus, est immediate unita humanitati secundum suam substantiam; & tamen nihil in ea efficit, ratione cuius dicatur unita, sed tantum terminat dependentiam ipsius humanitatis: ergo similiter Deus secundum suam essentiam potest uniri substantiæ anime nostræ alia speciali unione immediata, distincta etiam ab hypostatica; pater consequentia ex paritate rationis.

Secundo probatur eadem sententia quoad *secundum dictum*, quia imprimis, quod *prima* unio sit prior quam *secunda* videtur notum: quia sicut essentia præsupponitur potentijs, saltem ordine naturæ, ita videtur rationi consonum, ut si essentia, & potentia sint perficiendæ per unionem cum Deo, prius etiam ordine naturæ perficiatur essentia, quam potentia, atque prius uniat. Quod vero etiam *prima* unio sit perfectior probatur, quia in *prima* unione unitur Deus secundum suum esse reale, & immediate cum anima: at vero in *secunda* unione unitur Deus secundum esse obiectivum, & intelligibile cum potentijs; & ex consequenti *prima* unio est immediata, & *secunda* est mediata: quia potentia uniuntur Deo medijs suis operationibus; & ulterius, *prima* est intrinseca ipsi anime, quia per eam Deus secundum suum esse reale est intimè præsens anime, at vero *secunda* est quodammodo extrinseca potentijs, quia obiecta intellectus & voluntatis, quatenus ut obiecta terminant operationes harum potentialium, non uniuntur secundum suum esse reale intrinsece cum huiusmodi potentijs.

Tertio probatur hæc sententia quoad suum *ultimum dictum*, & primum quod beatitudo formalis consistat in utraque unione, probatur, quoniam alias non erit sufficiens ad satiationem appetitum beati, ut in primo argumento ostensum est; quod vero *principalius* consistat in *prima* unione probatur, quoniam beatitudo formalis est summa perfectio beati saltem per modum consecutionis & adeptionis, ut in questione precedenti explicatum est; ergo est maxima & perfectissima coniunctio beati cum suo summo bono: quoniam (ut ibidem dictum est) in coniunctione cum summo bono consistit eius adeptio, quæ est beatitudo formalis, sed *prima* unio est perfectior quam *secunda*, ut ostensum est argumento precedenti: ergo in eo consistit beatitudo formalis principalius, quam in *secunda*.

Confirmatur quoniam ex opposito sequuntur nonnulla inconuenientia. *Primum* est, Deum in collatione beatitudinis non servare iustitiam distributionis secundum singulorum dignitatem: quoniam anime, quæ est dignior quam potentia, non confert id, in quo principalius consistit beatitudo formalis. *Secundum* est, beatitudinem formalem, saltem quoad id, in quo principalius consistit, esse accidentem, atque ad eo formicam esse perfectiorem nostra beatitudine, quoniam quævis substantia est perfectior quam accidentem. *Tertium* est, animam denudatam suis potentijs non posse esse

beatam, &

beatam, & potentias separatas ab essentia per diuinam potentiam posse esse beatas, saltem si loquamur de beatitudine formati quantum ad id, in quo principaliter consistit. *Ultimum est*, beatitudinem non esse in eo subiecto, in quo est gratia habitualis; quoniam gratia est immediate in substantia animæ, tanquam in subiecto, saltem secundum sententiam D. THOMÆ; & tamen hoc videtur contrarium communi theologorum sententiæ, quoniam omnes videntur insinuaré, beatitudinem respondere gratiæ, atque proinde esse in eius subiecto, cum dicunt gloriam, quæ est beatitudo nostra, esse gratiam consummatam.

§. 2. *Prænotanda ad quæstionis solutionem. Unio Dei cum anima, moralis aut Physica; mediante dono supernaturali, aut sine eo.*

PRO SOLVTIONE NOTANDVM PRIMO, tria esse à nobis explicanda. *primum* est, quæ unio sit possibilis, aut de facto sit futura in patria inter Deum secundum suam essentiam, & substantiam animæ nostræ, quatenus præsupponitur suis potentijs. *Secundum* est, an aliqua huiusmodi unio possit incipere, aut de facto incipiat esse de nouo in patria, ita ut ratione huius unionis dicatur Deus de nouo esse speciali modo in anima beata. *Tertium* est an in huiusmodi unione consistat aut simpliciter & totaliter, aut saltem principaliter nostra formalis beatitudo.

SECUNDO NOTANDVM, dupliciter posse intelligi, vniri Deum in patria cum substantia animæ beatæ unione aliqua speciali, & distincta à communi, quæ est in omnibus rebus per essentiam, præsentiam, & potentiam. *Primo unione quadam morali*, quæ consistat in determinatione diuinæ voluntatis ad assistendum amicabiliter animæ secundum suam substantiam, protegendo ipsam, & communicando maxima bona, non ipsi immediate, sed in suis potentijs: ita ut huiusmodi determinatio, & assistentia præcedat ordine naturæ communicationem actualem horum bonorum, & solum habeat rationem cuiusdam applicationis amicabilis ad benefaciendum animæ, admittendo eam ad participationem actualem bonorum Dei, non per seipsam immediate, sed per operationes suarum potentialium. Ad eum modum, quo apud homines intelligimus, amicum prius habere affectum amicabilem erga suum amicum, quo vult eum admittere ad communicationem suorum bonorum; & postea communicare actu ei sua bona, quæ alter suis actibus & operationibus accepturus est. *Secundo unione physica*, quæ consistat in coniunctione secundum proprias entitates Dei & animæ beatæ secundum suam substantiam.

TERTIO NOTANDVM, quod de vtraque unione potest intelligi, fieri dupliciter, scilicet *aut mediante aliquo dono* communicato immediate ipsi animæ secundum suam substantiam; *aut sine aliquo dono* intermedio; sicut in via, Deus de facto vnitur animæ iusti affectu amicabili mediante dono gratiæ habitualis, quod eius essentia communicat, & etiam unione physica; siquidem ratione gratiæ habitualis dicunt iusti dilecti à Deo dilectione amicitie, & habere Deum secundum suam entitatem vnium, & præsentem suæ animæ speciali quodam mo-

Ado. Et posset aliquis dicere, quod hæc duo, quæ à Deo præstantur secundum legem ordinariam per donum gratiæ habitualis, possent per potentiam absolutam Dei præstari ab ipso immediate, & sine cuiusmodi dono. Quod, quantum ad primum, à multis censetur probabile in materia de iustificatione.

§. 3. *Potest dari unio moralis animæ cum Deo sine dono supernaturali, sed de facto non datur.*

PRIMA CONCLUSIO Deus per potentiam absolutam posset vniri unione morali substantiæ animæ beatæ sine infusione gratiæ habitualis, aut alio iuri doni; tamen secundum legem ordinariam non vnitur hoc modo nisi mediante gratia habituali. **PRIMA PARS** negabitur ab eis, qui in materia de iustificatione detinent, non posse aliquem fieri amicum Dei, & acceptum ad eius bona supernaturalia, sine infusione alicuius doni supernaturalis, etiam per potentiam Dei absolutam: quoniam tota ratio, propter quam dicunt, non posse hoc fieri, est, quod dilectio, quæ Deus diligit aliquem dilectione amicitie, & acceptat eum ad bona sua, est dilectio absoluta, & efficax; atque adeo est causatiua alicuius effectus, aut doni in ipso; & hæc ratio eandem vim habet respectu patriæ, & respectu viæ; quia dilectio quæ Deus diligit aliquem ut amicum, non minus est efficax in patria, quam in via. At vero qui censent, posse Deum de potentia absoluta acceptare aliquem in via ad suam amicitiam, & ad bona sua supernaturalia: consequenter dicunt, idem de statu patriæ. Et quia secuti sumus illam sententiam in materia de iustificatione, ideo nunc statuimus hanc partem Conclusionis, quæ potest confirmari omnibus argumentis, quibus sententiam illam de statu viæ probauimus loco citato. Ex quibus nunc satis sit proponere hoc: neque propter *exclusionem peccati*, neque propter *acceptationem ad amicitiam* & bona Dei est necessarium, produci in homine de nouo aliquod donum supernaturale, siue per modum habitus, siue per modum actus: ergo nulla ex parte est necessarium; *antecedens* quoad *priorem partem* patet, quia neque peccati ratio & essentia consistit in priuatione alicuius doni realis, & physici, ut non possit expelli sine introductione huiusmodi doni; sicut tenebræ, quia consistunt in priuatione luminis, non possunt expelli sine introductione luminis: neque Deo est minus possibile, remittere offensam contra ipsum commissam non efficiendo in offensore aliquid physicum positiuum, quam homini remittere offensam ipsi irrogatam nihil producendo in eo, qui talem offensam irrogauit; Et quoad *posteriorem partem* probatur, *tum quia vnus homo potest admittere, seu acceptare alterum ad suam amicitiam, & ad bona sua, nihil producendo in eo; ergo etiam Deus; tum etiam, quia nullus est ratio, propter quæ Deus non possit diligere Petram pro hoc instanti amicabiliter, & velle ei bona sua supernaturalia, quæ non sint ei conferenda nisi in fine viæ, quamuis in hoc instanti nihil in ipso producat.*

Et si querat, quo modo hæc dilectio pro hoc instanti habeat obiectum sibi proportionatum, & sit efficax? Respondetur, quod ut dilectio habeat obiectum proportionatum satis est, quod bonum per eam volitum rei dilectæ sit eiusdem ordinis cum ipsa, quam-

ipsa, quamvis res, quæ est dilectio, sit inferioris ordinis: & ita contingeret in hoc casu, quoniam Deus sua dilectione acceptaret hominem ad bona supernaturalia; utque etiam ipsa dilectio dicatur efficax pro hoc instanti per modum dilectionis, satis est, quod in hoc instanti sit de se sufficiens ad communicandum actu homini dilecto bona supernaturalia in tempore à Deo constituto, & quod pro eodem instanti ita se habeat ad hominem, ut sit volitio communicandi ipsi bona Dei, ita ut ad actualem communicationem non sit necesse, remoueri aliquod impedimentum repugnans, neque poni aliquam dispositionem, vel acceptationem, sed solum aduenire tempus constitutum. In quo differt ista dilectio à predestinatione, qua Deus efficaciter vult predestinato existenti in peccato mortali dare gloriam in tempore mortis sue, & à volitione qua Deus hominem existentem hoc instanti in puris naturalibus statueret acceptare pro alio instanti ad amicitiam & bonam; quoniam per predestinationem non vult Deus efficaciter dare gloriam predestinato pro illo instanti quo est in peccato mortali, etiam si tunc moriatur, nisi prius remoueatur impedimentum peccati, & per alteram volitionem non vult Deus efficax ter communicare bona sua homini pro illo instanti, quo fingitur in puris naturalibus, quia ad actualem communicationem necessarium esset prius acceptari aut extrinsece aut intrinsece.

Et si obijciat, quia per hanc dilectionem nunquam in hoc casu communicaret Deus bona sua essentie secundum se, sed solum potentijs: ergo hæc dilectio non esset efficax respectu essentie. Respondetur, quod medijs potentijs communicaret Deus eadem bona animæ secundum suam substantiam, & hoc satis esset, ut dilectio, virtute cuius fieret hæc communicatio, diceretur efficax etiam respectu animæ secundum suam essentiam.

SECUNDA ETIAM PARS huius conclusionis probatur, quia secundum legem ordinariam nullus est amicus Dei, aut dilectus ab ipso amore amicitie, neque acceptus ad bona supernaturalia Dei, nisi mediante gratia habituali: imo hæc omnia computantur inter effectus formales gratiæ in materia de iustificatione.

§. 4. Datur illapsus seu unio physica Dei in substantiam animæ mediante gratia habituali, sed non mediante alijs donis supernaturalibus.

SECUNDA CONCLUSIO, Datur de facto in patria medio dono gratiæ habitualis unio physica, & intima Dei cum substantia animæ: quæ potest appellari illapsus Dei in ipsam animam secundum eius substantiam, non tamen medijs alijs donis, aut effectibus supernaturalibus, quamvis de potentia ab o'ia posset reperiri. Hæc conclusio tres continet partes. PRIMA est quod de facto datur in patria illapsus Dei in substantiam animæ per gratiam habitualement, ad cuius explicationem & probationem supponendum est, non esse nouam, sed communem, & in hac conveniunt cum HENRICO, SCOTO, & SOTO, locis citatis omnes Thomistæ. Neque obstat quod hi omnes, ut hoc probent, impugnatæ videantur immediatam unionem Dei cum substantia animæ, quoniam loquuntur de unione sine productione alicuius effectus in essentia ipsius animæ. Neque etiam obstat quod HENRICVS quod lib. 4.

A q. 10. & SCOTVS loco citato in 2 d. 26. q. unica, dicant, gratiam & charitatem esse eundem habitum, secundum rem, & subiectari in voluntate; quia etiam dicunt essentiam, & voluntatem esse eandem entitatem, quæ secundum diuersas rationes est essentia & potentia. Et similiter distinguunt in habitu, qui est gratia & charitas, duplicem rationem, scilicet in quantum dat esse supernaturale & participationem quandam diuinæ essentie; & in quantum constituit principium diligendi, ut inquit HENRICVS vel ut inquit SCOTVS loco citato ex 4. & in 2. d. 27. q. unica, in quantum dat esse obiectum dilectum à Deo, & in quantum dat esse principium diligendi Deum. Et dicunt, hunc habitum secundum priorem rationem esse gratiam, & sic efficere primo essentiam, quatenus habet rationem essentie, & secundum posteriorem rationem esse charitatem, & sic efficere primo voluntatem, quatenus habet rationem potentie.

B Et hoc suppositio probatur hæc pars ex duobus principijs receptis apud omnes theologos, & præsertim apud Diu. THOMAM. Primum est, gratiam sanctificantem esse immediate in essentia animæ, tanquam in subiecto: quod docet expresse Diuus THOMAS. 1. 2. q. 110. art. 3. Secundum est, ratione huius gratiæ esse Deum speciali quodam modo in essentia animæ, non solum secundum participationem, quæ est ipsa gratia; sed etiam secundum suam essentiam: ita quod quamvis gratia sit ratio vinculi & unionis, tamen ipse Deus secundum suam essentiam & substantiam est intimè vnitus & præsens essentie animæ, modo quodam speciali & distincto à communi, quo dicitur esse in omnibus rebus per essentiam, præsentiam, & potentiam. Hoc etiam docet expresse D. THOMAS. 1. p. q. 8. art. 3. in corp. & ad 4. & q. 43. art. 3. Et quamvis utrobique dicat, Deum hoc modo esse in creatura rationali, sicut cognitum in cognoscente, & sicut amatum in amante, quod est esse vnitum per modum obiecti: tamen non negat, quod sit vnitus per suam entitatem, & substantiam immediate, & intime ipsi creaturæ rationali; sed vult per hoc explicare à posteriori, & quasi ex effectibus, in quo consistat ille specialis modus quo Deus est in anima iusti ratione gratiæ habitualis, quasi diceret, consistere in vnione per quandam participationem suæ naturæ, tam perfectam, ut ex ipsa emanent habitus, qui sint principia cognoscendi & amandi ipsum, ut eisdem locis est explicandum.

C Dico autem colligi hanc partem ex his duobus principijs, quoniam suppono ut certum, animam in patria habere in sua substantia inhaerentem gratiam habitualement, sicut in via; Quod potest facile probari, quia hæc gratia est magna perfectio animæ secundum suam substantiam, & non importat aliquam imperfectionem repugnantem statui beatitudinis; ergo manet in eo; patet consequentia, quia nulla est ratio, propter quam dici possit, Deum auferre in patria hanc perfectionem à substantia animæ.

Confirmatur primo, quia in via ponitur hæc gratia in essentia animæ, ut ea mediante Deus vnatur ipsi essentie animæ: ergo propter eandem rationem debet poni in patria; patet consequentia, quia non minus debet poni in patria unio Dei cum essentia animæ quàm in via. Dicitur quod in patria propter perfectionem status debet fieri hæc unio perfectioni modo, quam mediante gratia habituali; Sed contra quia

vel de-

vel debet fieri sine aliquo dono producto in essentia animæ, vel mediante aliquo dono perfectioni quàm sit gratia habitualis: *Primum* dici non potest, *quia* forte est impossibile, de quo dicemus Cōclusionem sequenti, *etiam quia* magis consentaneum est naturis eorum quod hæc unio fiat mediâ te aliquo dono intrinseco, & inherente ipsi animæ, ergo ita fit secundum legem ordinariâ & de facto; Neque etiam potest dici *secundum*, quia gratia habitualis est perfectissimum, & supremum donum inter omnia dona creata ordinis supernaturalis, quoniam per eam efficitur divinæ naturæ consortes, ut dicitur 2. Petri. 1.

Confirmatur secundo quia per gratiam habitualement animam in via efficitur amica Dei, & accepta ad beatitudinem, ergo in patria habet eandem gratiam. patet consequentia, quoniam alias anima secundum suam substantiam careret his effectibus gratiæ habitualis, & non posset dici amica Dei, nec accepta ad eius bona.

Confirmatur ultimo, quia causa formalis nostræ iustitiæ, & sanctitatis est gratia habitualis, iuxta doctrinam Concilij Tridentini. Sess. 6. decreto de iustificatione cap. ergo manet in patria: patet consequentia, quoniam alias vel beati non erunt iusti & sancti, quia non habebunt causam formalem iustitiæ, & sanctitatis; vel erunt iusti & sancti alia ratione, quam in via, quoniam habebunt causam formalem iustitiæ & sanctitatis quæ sit diuersæ rationis, & alterius speciei ab ea quam habuerunt in via: atque adeo uiatores & beati dicentur iusti & sancti æquiuoce.

SECUNDA PARS huius conclusionis est, quod in patria non datur de facto, & secundum legem ordinariâ unio physica Dei cum substantia animæ medijs donis aut effectibus supernaturalibus distinctis à gratia habituali. Et probatur, quoniam iuxta communem sententiam theologorum nullus effectus supernaturalis est in patria in essentia animæ, præter gratiam habitualement: ergo neque datur unio physica Dei cum essentia animæ medio aliquo dono distincto à gratia habituali.

Confirmatur quia nulla est ratio, propter quam sit necessarium in essentia animæ aliquod donum supernaturale creatum distinctum à gratia habituali: ergo non est concedendum esse de facto, & secundum legem ordinariam tale donum in essentia animæ; *consequentia* patet, quia de supernaturalibus non est aliquid asserendum sine fundamento auctoritatis, vel rationis; & *antecedens* probatur, quia duplex potest esse ratio ponendi donum aliquod supernaturale in essentia animæ, *prima* est, ut anima secundum suam essentiam sit unita Deo, amica ipsi, accepta ad eius bona & iusta, & sancta, & hæc ratio non habet locum, quoniam adhuc omnia sufficit gratia habitualis secundum legem Dei ordinariam; *Altera* est, ut sit in subiecto beato aliqua participatio diuinæ naturæ, ut natura est, & ut huiusmodi participatio habeat subiectum sibi proportionatum, scilicet essentiam, & non potentiam; & neque hæc ratio habet locum, quia per gratiam habitualement fit anima particeps diuinæ naturæ, ut natura est.

TERTIA PARS huius Conclusionis est posse repetiri, per potentiam Dei absolutam, unionem physicam Dei cum substantia animæ medijs alijs effectibus supernaturalibus distinctis à gratia habituali: & hæc videtur satis aperta, quoniam nulla est

A ratio sufficiens, imo neque appareus ad negandum posse Deum secundum suam potentiam absolutam producere in essentia animæ qualitates aliquas supernaturales, distinctas à gratia habituali; & positis his qualitatibus, loquendo consequenter ad ea, quæ diximus in probatione secundæ partis huius conclusionis, necessario facendum esset, quod Deus esset speciali modo vnitus essentia animæ.

Et Confirmatur, quia secundum legem Dei ordinariam concedimus, corpora gloriosa habitura esse quatuor dotes gloriæ supernaturales, ex quibus aliquæ erunt qualitates inherentes ipsis corporibus; & multi concedunt, characterem esse qualitatem supernaturalem physice inherentem substantiæ animæ; ergo pari ratione poterit Deus per potentiam suam absolutam producere in essentia animæ qualitates aliquas supernaturales, distinctas realiter à gratia habituali.

Sed obijciat, repugnare hanc partem præcedenti; quia, si est possibile per potentiam Dei absolutam produci huiusmodi qualitates in substantia animæ, nulla est ratio propter quam negemus produci de facto: imo ratioque status videtur asserendum; quoniam, cum beatitudo sit status omnium bonorum aggregatione perfectus, videtur postulare multa ornamenta in substantia animæ.

Et Confirmatur, quia corpori conferuntur de nouo quædam ornamenta supernaturalia, scilicet dotes gloriæ; & potentijs animæ tribuuntur alia, quæ etiam appellantur à theologis dotes, scilicet intellectui visio, aut comprehensio; & voluntati delectatio, aut fructio, ergo etiam essentia animæ debet tribui aliquod ornamentum de nouo.

Respondetur hoc argumentum solum probare, quod, supposita hac parte, non sit aliqua ratio, quæ efficaciter probetur præcedens; deinde in particulari ad argumentum respondetur, non valere hanc consequentiam: potest produci aliqua perfectio vel qualitas supernaturalis in substantia animæ, ergo de facto producit; alias omnes perfectiones possibiles deberent produci, quod nullus concedet. Et ad probationem sumptam ex definitione status beatifici. Respondetur, esse intelligendam de bonis requisitis ad eum statum, siue quantum ad essentiam beatitudinis, siue quantum ad annexa, aut antecedenter, aut concomitanter, aut consequenter.

Ad Confirmationem concessio antecedenti neganda est consequentia, & ratio discriminis est, quod tam in corpore, quam in potentijs animæ sunt aliquo modo necessariæ ad beatitudinem perfectiones, in quibus dotes illæ consistunt, & de sunt omnino: at vero perfectiones, quas animæ essentia participaret medijs qualitatibus supernaturalibus distinctis à gratia habituali, non essent villo modo necessariæ ad beatitudinem, supposito, quod in essentia animæ esset gratia habitualis.

§. 5. Unio physica Dei cum substantia anima absque aliquo effectui communicato ipsi anima, est impossibilis.

TERTIA CONCLUSIO, impossibile est, Deum vniri specialem modo unionis physica anima secundum suam substantiam, nisi medio aliquo effectui, aut quasi effectui communicato immediate substantia ipsius animæ. Io hac conueniunt SCOTVS & SOTVS locis citatis, &

fere om-

ipsa, quamuis res, quæ est dilecta, sit inferioris ordinis: & ita contingeret in hoc casu, quoniam Deus sua dilectione acceptaret hominem ad bona supernaturalia; vtque etiam ipsa dilectio dicatur efficax pro hoc instanti per modum dilectionis, satis est, quod in hoc instanti sit de se sufficiens ad communicandum actu homini dilecto bona supernaturalia in tempore à Deo constituto, & quod pro eodem instanti ita se habeat ad hominem, vt sit volitio communicandi ipsi bona Dei, ita vt ad actualem communicationem non sit necesse, remoueri aliquod impedimentum repugnans, neque poni aliquam dispositionem, vel acceptionem, sed solum aduenire tempus constitutum. In quo differt ista dilectio à *predestinatione*, qua Deus efficaciter vult prædestinato existenti in peccato mortali dare gloriam in tempore mortis sue, & à *volitione* qua Deus hominem existentem hoc instanti in puris naturalibus statuerit acceptare pro alio instanti ad amicitiam & bona sua; quoniam per *predestinationem* non vult Deus efficaciter dare gloriam prædestinato pro illo instanti quo est in peccato mortali, etiamsi tunc moriatur, nisi prius remoueatur impedimentum peccati, & per *alteram volitionem* non vult Deus efficax ter communicare bona sua homini pro illo instanti, quo fingitur in puris naturalibus, quia ad actualem communicationem necessarium esset prius acceptari aut extrinsece aut intrinsece.

Et si obijciat, quia per hanc dilectionem nunquā in hoc casu communicaret Deus bona sua essentia secundum se, sed solum potentis: ergo hæc dilectio nõ esset efficax respectu essentia. Respondetur, quod medijs potentis communicaret Deus eadem bona animæ secundum suam substantiam, & hoc satis esset, vt dilectio, virtute cuius fieret hæc communicatio, diceretur efficax etiam respectu animæ secundum suam essentiam.

SECUNDA ETIAM PARS huius conclusionis probatur, quia secundum legem ordinariam nullus est amicus Dei, aut dilectus ab ipso amore amicitia, neque acceptus ad bona supernaturalia Dei, nisi mediante gratia habituali: imo hæc omnia computantur inter effectus formales gratia in materia de iustificatione.

§. 4. Datur illapsus seu unio physica Dei in substantiam animæ mediante gratia habituali, sed non mediante alijs donis supernaturalibus.

SECUNDA CONCLUSIO, Datur de facto in patria *medijs dono gratia habitualis unio physica, & intima Dei cum substantia animæ: quæ potest appellari illapsus Dei in ipsam animam secundum eius substantiam, non tamen medijs alijs donis, aut effectibus supernaturalibus, quamuis de potentia ab o'ia possit reperiri.* Hæc conclusio tres continet partes. PRIMA est quod de facto datur in patria illapsus Dei in substantiam animæ per gratiam habitualem, ad cuius explicationem & probationem *supponendum* est, non esse nouam, sed communem, & in hac conueniunt cum HENRICO, SCOTO, & SOTO, locis citatis omnes Thomistæ. Neque obstat quod hi omnes, vt hoc probent, impugnare videantur immediatam unionem Dei cum substantia animæ, quoniam loquuntur de unione sine productione alicuius effectus in essentia ipsius animæ. Neque etiā obstat quod HENRICVS quod lib. 4.

A q. 10. & SCOTVS loco citato in 2. d. 26. q. vnica, dicant, gratiam & charitatem esse eundem habitum, secundum rem, & subiectari in voluntate; quia etiā dicunt essentiam, & voluntatem esse eandem entitatem, quæ secundum diuersas rationes est essentia & potentia. Et similiter distinguunt in habitu, qui est gratia & charitas, duplicem rationem, scilicet in quantum dat esse supernaturale & participationem quandam diuinæ essentia; & in quantum constituit principium diligendi, vt inquit HENRICVS vel vt inquit SCOTVS loco citato ex 4. & in 2. d. 27. q. vnica, in quantum dat esse obiectum dilectum à Deo, & in quantum dat esse principium diligendi Deum. Et dicunt, hunc habitum secundum priorem rationem esse gratiam, & sic afficere primo essentiam, quatenus habet rationem essentia, & secundum posteriorem rationem esse charitatem, & sic afficere primo voluntatem, quatenus habet rationem potentia.

B Et hoc *supposito* probatur hæc pars ex duobus principijs receptis apud omnes theologos, & præsertim apud Diu. THOMAM. PRIMUM est, gratiam sanctificantem esse immediate in essentia animæ, tanquam in subiecto: quod docet expresse Diuus THOMAS. 1. 2. q. 110. art. 3. SECUNDUM est, ratione huius gratia esse Deum speciali quodam modo in essentia animæ, non solum secundum participationem, quæ est ipsa gratia; sed etiam secundum suam essentiam: ita quod quamuis gratia sit ratio vinculi & unionis, tamen ipse Deus secundum suam essentiam & substantiam est intimè vnitus & præsens essentia animæ, modo quodam speciali & distincto à communi, quo dicitur esse in omnibus rebus per essentiam, præsentiam, & potentiam. Hoc etiam docet expresse D. THOMAS. 1. p. q. 8. art. 3. in corp. & ad 4. & q. 43. art. 3. Et quamuis vtrique dicat, Deum hoc modo esse in creatura rationali, sicut cognitum in cognoscente, & sicut amatum in amate, quod est esse vnitum per modum obiecti: tamen non negat, quod sit vnitus per suam entitatem, & substantiam immediate, & intime ipsi creaturæ rationali; sed vult per hoc explicare à posteriori, & quasi ex effectibus, in quo consistat ille specialis modus quo Deus est in anima iusti ratione gratia habitualis, quasi diceret, consistere in unione per quandam participationem suæ naturæ, tam perfectam, vt ex ipsa emanent habitus, qui sint principia cognoscendi & amandi ipsum, vt eisdem locis est explicandum.

C Dico autem colligi hanc partem ex his duobus principijs, quoniam suppono vt certum, animam in patria habere in sua substantia inhaerentem gratiam habitualement, sicut in via; Quod potest facile probari, quia hæc gratia est magna perfectio animæ secundum suam substantiam, & non importat aliquā imperfectionem repugnantem statui beatitudinis; ergo manet in eo; patet consequentia, quia nulla est ratio, propter quam dici possit, Deum auferre in patria hanc perfectionem à substantia animæ.

Confirmatur primo, quia in via ponitur hæc gratia in essentia animæ, vt ea mediante Deus vnatur ipsi essentia animæ: ergo propter eandem rationem debet poni in patria; patet consequentia, quia non minus debet poni in patria unio Dei cum essentia animæ quā in via. Dices quod in patria propter perfectionem status debet fieri hæc unio perfectioni modo, quam mediante gratia habituali; Sed contra quia

vel de-

vel debet licet sine aliquo dono producto in essentia animæ, vel mediante aliquo dono perfectiori quàm sit gratia habitualis: *Primum* dici non potest *quia* forte est impossibile, de quo dicemus Conclusionem sequenti, *etiam quia* magis consentaneum est naturis rerum quod hæc unio fiat mediâ te aliquo dono intrinseco, & inherente ipsi animæ, ergo ita sit secundum legem ordinariâ & de facto; Neque etiam potest dici *secundum*, quia gratia habitualis est perfectissimum, & supremum donum inter omnia dona creata ordinis supernaturalis, quoniam per eam efficiuntur divinæ naturę consortes, ut dicitur 2. Petri. 1.

Confirmatur secundo quia per gratiâ habitualement animam in via efficitur amica Dei, & accepta ad beatitudinem, ergo in patria habet eandem gratiam. patet consequentia, quoniam alias anima secundum suam substantiam careret his effectibus gratiæ habitualis, & non posset dici amica Dei, nec accepta ad eius bona.

Confirmatur ultimo, quia causa formalis nostræ iustitiæ, & sanctitatis est gratia habitualis, iuxta doctrinam Concilii Tridentini. Sess. 6. decreto de iustificatione cap. ergo manet in patria: patet consequentia, quoniam alias vel beati non erunt iusti & sancti, quia non habebunt causam formalem iustitiæ, & sanctitatis; vel erunt iusti & sancti alia ratione, quam in via, quoniam habebunt causam formalem iustitiæ & sanctitatis quæ sit diuersæ rationis, & alterius speciei ab ea quam habuerunt in via: atque adeo viatores & beati dicentur iusti & sancti æquivoce.

SECUNDA PARS huius conclusionis est, quod in patria non datur de facto, & secundum legem ordinariâ unio physica Dei cum substantia animæ medijs donis aut effectibus supernaturalibus distinctis à gratia habituali. Et probatur, quoniam iuxta communem sententiam theologorum nullus effectus supernaturalis est in patria in essentia animæ, præter gratiam habitualement: ergo neque datur unio physica Dei cum essentia animæ medio aliquo dono distincto à gratia habituali.

Confirmatur quia nulla est ratio, propter quam sit necessarium in essentia animæ aliquod donum supernaturale creatum distinctum à gratia habituali: ergo non est concedendum esse de facto, & secundum legem ordinariâ tale donum in essentia animæ; *consequentia* patet, quia de supernaturalibus non est aliquid asserendum sine fundamento authoritatis, vel rationis; & *antecedens* probatur, quia duplex potest esse ratio ponendi donum aliquod supernaturale in essentia animæ, *prima* est, ut anima secundum suam essentiam sit unita Deo, amica ipsi, accepta ad eius bona & iusta, & sancta, & hæc ratio non habet locum, quoniam adhuc omnia sufficit gratia habitualis secundum legem Dei ordinariâ; *Altera* est, ut sit in subiecto beato aliqua participatio divinæ naturæ, ut natura est, & ut huiusmodi participatio habeat subiectum sibi proportionatum, scilicet essentiam, & non potentiam; & neque hæc ratio habet locum, quia per gratiam habitualement sit anima particeps divinæ naturæ, ut natura est.

TERTIA PARS huius Conclusionis est posse reperiri, per potentiam Dei absolutam, unionem physicam Dei cum substantia animæ medijs alijs effectibus supernaturalibus distinctis à gratia habituali: & hæc videtur satis aperta, quoniam nulla est

A ratio sufficiens, imo neque apparens ad negandum posse Deum secundum suam potentiam absolutam producere in essentia animæ qualitates aliquas supernaturales, distinctas à gratia habituali; & positis his qualitatibus, loquendo consequenter ad ea quæ diximus in probatione secundæ partis huius conclusionis, necessario facendum esset, quod Deus esset speciali modo unitus essentia animæ.

Et Confirmatur, quia secundum legem Dei ordinariâ concedimus, corpora gloriosa habentia esse quatuor dotes gloriæ supernaturales, ex quibus aliquæ erunt qualitates inherentes ipsis corporibus: & multi concedunt, characterem esse qualitatem supernaturalem physice inherentem substantiæ animæ; ergo pari ratione poterit Deus per potentiam suam absolutam producere in essentia animæ qualitates aliquas supernaturales, distinctas realiter à gratia habituali.

Sed obijciat, repugnare hanc partem præcedenti; quia, si est possibile per potentiam Dei absolutam produci huiusmodi qualitates in substantia animæ, nulla est ratio propter quam negemus produci de facto: imo ratione status videtur asserendum; quoniam, cum beatitudo sit status omnium bonorum aggregatione perfectus, videtur postulare multa ornamenta in substantia animæ.

Et Confirmatur, quia corpori conferuntur de novo quædam ornamenta supernaturalia, scilicet dotes gloriæ; & potentijs animæ tribuntur alia, quæ etiam appellantur à theologis dotes, scilicet intellectui visio, aut comprehensio; & voluntati delectatio, aut fructio, ergo etiam essentia animæ debet tribui aliquod ornamentum de novo.

Respondetur hoc argumentum solum probare, quod, supposita hac parte, non sit aliqua ratio, quæ efficaciter probetur præcedens; deinde in particulari ad argumentum respondetur, non valere hanc consequentiam: potest produci aliqua perfectio vel qualitas supernaturalis in substantia animæ, ergo de facto producit; alias omnes perfectiones possibiles deberent produci, quod nullus concedet. Et ad probationem sumptam ex definitione status beatifici. Respondetur, esse intelligendam de bonis requisitis ad eum statum, siue quantum ad essentiam beatitudinis, siue quantum ad annexa, aut antecedenter, aut concomitanter, aut consequenter.

Ad Confirmationem concessio antecedenti neganda est consequentia, & ratio discriminis est, quod tam in corpore, quam in potentijs animæ sunt aliquo modo necessariae ad beatitudinem perfectiones, in quibus dotes illæ consistunt, & desunt omnino: at vero perfectiones, quas animæ essentia participaret medijs qualitatibus supernaturalibus distinctis à gratia habituali, non essent villo modo necessariae ad beatitudinem, supposito, quod in essentia animæ esset gratia habitualis.

§. 5. Unio physica Dei cum substantia animæ absque aliquo effectui communicato ipsi animæ, est impossibilis.

TERTIA CONCLUSIO, impossibile est, Deum uni-
ri specialem modo unionis physica animæ secundum suam substantiam, nisi medio aliquo effectui, aut quali effectui communicato immediate substantia ipsius animæ. In hac conveniunt SCOTVS & SOTVS locis citatis, & fere om-

fere omnes scolastici: & dicunt, se in ea dissentire ab HENRICO, quamvis non sit certum, HENRICUM sensisse oppositum; quoniam ipse non loquitur de eo, quod posset fieri per potentiam Dei absolutam; sed de eo quod sit de facto, & dicit Deum illam essentiam animæ, deificando ipsam, & intelligit *deificare ipsam*, non per essentiam, sed per participationem; atque adeo communicando ei aliquam participationem deitatis, quam appellavit dispositionem diuinam, & est ipsa gratia habitualis. Et confirmatur ex exemplo quo ipse vtitur, nam inquit, quod ita Deus transformat in se animæ essentiam (quod est *deificare ipsam*) sicut ignis transformat ferrum candens: at ignis non transformat ferrum, nisi medio aliquo effectu in ipso producto, scilicet calore valde intenso, aut etiam igne in aere contento in poris & cavitatibus ipsius ferri; ergo etiam Deus, iuxta sententiam huius authoris, non transformat in se essentiam animæ nisi producendo in ea aliquem effectum.

Sed cuiusvisque sit opposita sententia, probatur nostra conclusio contra eam hoc argumento SCOTTI: impossibile est, aliqua extrema, quæ antea non fuit unita speciali quodam modo unionis physice, incipere esse unita eodem genere unionis, nisi interueniat aliqua mutatio physica, vel in utroque extremo, vel in altero eorum: ergo ut Deus, & substantia animæ incipiant de nouo habere inter se specialem modum unionis physice, necessarium est, quod fiat aliqua mutatio physica vel in Deo & anima, vel saltem in anima; sed in Deo fieri non potest, quoniam est omnino immutabilis, ergo necessarium est quod fiat in anima; sed non potest fieri mutatio physica in anima sine aliquo effectu reali intrinsece communicato ipsi animæ, ergo neque potest incipere esse specialis unio physica inter Deum & substantiam animæ, nisi mediante aliquo effectu communicato substantiæ animæ.

Ut probemus aliquas propositiones huius argumenti *supponendum* est, quod per mutationem physicam non intelligimus mutationem naturalem, sed eam quæ sit intrinsece in re mutata, secundum aliquam entitatem realem, quamvis huiusmodi entitas, atque adeo ipsa mutatio, sit supernaturalis. Appello autem ita hanc mutationem, ad distinctionem mutationis moralis, & eius quæ sit præcise secundum aliquam denominationem extrinsecam, & hoc supposito probatur *primum antecedens*, quoniam nisi extrema illa mutentur physice, habebunt se physice nunc eodem modo sicut antea: quia sicut mutari est aliter se habere nunc quam prius, ita non mutari est habere se eodem modo nunc & prius, sed antea illa extrema non habebant inter se specialem unionem physicam, ergo neque nunc, deinde probatur *secunda minor*, scilicet quod non possit esse mutatio physica in anima sine aliquo effectu intrinsece in sua entitate ipsi communicato, quoniam alias eodem modo se habebit anima nunc & prius, quantum ad omnem entitatem sibi intrinsecam, ergo non est nunc mutata physice, patet consequentia, quia mutari physice, ut nunc loquimur, est aliter se habere nunc quam prius, secundum aliquam entitatem intrinsecam.

§.6. Communicari debet aliqua entitas de nouo: & non solum nouus modus sine penetrationis, sine unionis; nisi inferat veram mutationem.

AD HOC ARGUMENTUM, quod est potissimum fundamentum huius sententiæ, duobus modis solet responderi. *Primum* est eorum, qui dicunt, animam in hoc casu mutari aliquo modo, non quia recipiat nouam entitatem in ipsa productam, sed quia recipit nouum modum se habendi, quid autem sit iste *nouus modus*, non explicatur eadem ratione ab omnibus. Nam *quidam* dicunt, esse maiorem *penetrationem* quasi passiuam, qua anima secundum suam substantiam intimius penetratur à Deo.

Sed hoc facile impugnatur, quoniam vel ista *penetratio* dicitur maior quia est magis intrinseca substantiæ animæ, & pertingit ad ea, quæ sunt ipsi magis intima, aut quia perfectionis, & sublimioris ordinis: *Primum* dici non potest, quia Deus ratione actionis, qua conseruat substantiam animæ, est ei vnitus ita intrinsece, & quoad omnia, quæ sunt ipsi maxime intima, ut non possit vniri magis intrinsece; quoniam pertingit vsque ad entitatem animæ, & nihil est cuiusque rei magis intrinsecum quam propria entitas. Neque etiam potest dici *secundum*, quia penetratio non potest esse altioris ordinis, nisi quia per eam datur aliquod esse altioris ordinis.

Alij dicunt, esse modum unionis, quia sicut iuxta aliquorum sententiam in omni vnione nona fit de nouo quidam modus, vel in utroque extremo, si utrumque sit capax acquirendi talem modum; vel saltem in eo, quod est capax: & hic modus est ipsa unio in facto esse, à qua extrema dicuntur formaliter vnita; ita isti dicunt, animam in hoc casu acquirere nouum modum à quo dicitur speciali modo vnita Deo.

Sed & hoc potest facile impugnari *primo*, quia forte est falsa sententia asserentium, unionem, ut præsupponitur relationi, esse modum aliquem realem absolutum superadditum extremis de quo alibi est agendum. Deinde, quia etiā hoc admissio, non potest dici in hoc casu: nam sic argumentor, vel ratione illius modi dicerentur vnitz diuinitas & anima in vno aliquo tertio constituto ex vtraque; vel solum inter se: si dicatur hoc *secundum*, sequitur quod unio, quæ in eo casu reperiretur inter diuinitatem & animā, solum esset quædam iuxta positio, & indistantia inter ipsas, & ex consequenti quod non esset specialis unio; quia ratione actionis, qua Deus conseruat entitatem animæ, est ita indistans ab ipsa anima, ut non possit esse magis indistans; si vero dicatur *primum*, vel illud tertium esset *vnium accidentaliter*, & hoc dici non potest, quia repugnat diuinæ naturæ vniri cum aliquo extremo constituendo cum ipso vnum accidentaliter, quia ad hoc necessarium esset, quod haberet rationem formæ accidentalis, aut sui subiecti, vel esset *vnium substantialiter*, & neque hoc dici potest: quia illud vnum neque esset vnum *vnitate nature*, quoniam ex duobus extremis non potest constitui vna natura, nisi vnum habeat rationem materiæ & alterum rationem formæ substantia-

lis, & utrumque repugnat diuinæ naturæ; neque esset vnum *vnitate persone*, aut subsistentiæ, quia huiusmodi vnio esset *hypostatica*, de qua supponimus non fieri nunc sermonem; & præter hos duos modos vnionis substantialis, non potest dari alius, vt in materia de incarnatione ostendi solet.

Dices, quod illud tertium esset vnum vnitate existentie substantialis, quæ vnitas consisteret in hoc, quod anima & diuinitas existerent vna & eadem existentia, scilicet diuina, quæ per hanc vnionem communicaretur animæ à diuinitate; sicut, iuxta multorum Thomistarum sententiam, humanitati assumptæ à verbo diuino communicatur existentia diuina, ita quod formaliter existit per eam, & caret propria existentia creata. Sed hoc dici non potest, primo, quia fortè est impossibile communicari naturæ creatæ siue totali, qualis est humanitas, siue partiali, qualis est anima, existentiam diuinam, nisi etiam communicetur subsistentia, de quo disputari solet in materia de incarnatione. Secundo, quia in hoc casu iam communicaretur de nouo animæ aliquid distinctum ab eius substantia, scilicet existentia diuina, per quam terminaretur eius dependentia & potentialitas ad existendum.

SECUNDVS MODVS RESPONDENDI ad argumentum propositum, est GREGORII in 1. dist. 14. 15. & 16. quæst. 1. art. 2. vbi, vt defendat tertiam conclusionem, quam proposuerat articulo primo, scilicet, quod potest per potentiam Dei absolutam dari alicui de nouo persona Spiritus sancti, absque eo quod detur ei aliquod donum creatum, vel aliquis alius effectus; proponit hoc argumentum: cum datur persona Spiritus sancti, incipit esse vera hæc propositio, homo habet Spiritum sanctum, & antea non erat vera: ergo fit mutatio in significato huius propositionis; quoniam quamdiu significatum propositionis se habet eodem modo, etiam ipsa propositio est eodem modo vera aut falsa: sed hæc mutatio in significato non potest fieri in persona Spiritus sancti, ergo fit in homine, cui datur Spiritus sanctus, & ex consequenti in homine produci-
tur aliquid de nouo; quia mutatur, & non deperdendo aliquid de sua entitate, neque per con-
uersionem sui in aliud, ergo acquirendo in se aliquid distinctum à propria entitate. Et Respondet GREGORIUS ad hoc argumentum, quod se-
rè est idem cum nostro, concedendo duas pri-
mas consequentias, scilicet quod fit aliqua mu-
tatio in significato, & quod fit in homine; &
negando tertiam, scilicet quod huiusmodi mu-
tatio fiat per productionem alicuius entitatis de nouo. Pro quo aduertit, quod mutatio duplici-
ter sumitur primo proprie, qua ratione de ipsa lo-
cuti sunt philosophi, & ad hanc, quando non
est deperditia, aut conuersiua, requiritur pro-
ductio aut acquisitio alicuius entitatis de nouo.
Secundo sumitur improprie; & ad mutationem
ita sumptam non requiritur productio, aut ac-
quisitio nouæ entitatis, sed sufficit quod res,
quæ mutatur possit dici aliquo modo habere
se aliter nunc quam prius; & dicit quod in ca-
su huius argumenti homo mutatur mutatione
improprie sumpta, ad quam satis est, quod in
re sit verum hoc obiectum significationis pro-

A positionis, homo habet Spiritum sanctum, & antea non esset verum. Et ad argumentum, quo probatur, quod mutatio in hoc casu sit acquisitio; Respondet, quod illa consequentia solum habet locum in mutatione proprie dicta; quoniam ad mutationem improprie dictam, non requiritur quod subiectum conuertatur in aliud; nec quod deperdat aut acquirat aliquid in sua entitate: sed satis est, quod habeat id, quod antea non habebat, & homo in hoc casu haberet Spiritum sanctum quem antea non habebat. Et iuxta doctrinam hanc potest responderi ad argumentum nostrum, quod in illo casu in anima fieret mutatio physica improprie sumpta, & ideo non oporteret, quod in ea produceretur, de nouo aliqua entitas, sed satis esset quod ipsa haberet in se Deum quem antea non habebat.

*Sed hæc solutio nullum habet fundamentum in rebus ipsis, sed solum consistit in verbis; quoniam, cum in ea dicitur, quod in illo casu homo mutaretur mutatione improprie dicta, quia haberet se aliquo modo aliter, quam prius, non quidem per acquisitionem alicuius entita-
tis, sed solum per hoc, quod haberet Spiritum sanctum, quem antea non habebat: supponitur pro certo id, de quo est difficultas; scilicet quod homo possit habere de nouo præsentem sibi physice Spiritum sanctum sine acquisitione alicuius entitatis, aut effectus de nouo. Et idem obijci potest contra eandem solutionem cum per eam tentatur dissolui nostrum argumen-
tum.*

*Et Confirmatur quia vel anima dicitur muta-
ri isto genere mutationis improprie, ratione actus diuini, quo Deus vult ei hoc bonum, quod est, esse acceptam ad beatitudinem etiam pro hoc instanti, aut ratione nouæ vnionis diuinitatis cum ipsa: si dicatur primum, sequitur animam solum mutari extrinsecè, & moraliter, atque adeo solum habere vnitam sibi de nouo diuinitatem vnione morali, iuxta sensum primæ conclusionis, non vnione physica, de qua loqui-
mur in hac conclusione; si vero dicatur secundum restat explicandum in quo consistat illa noua vnio, & proculdubio nihil poterit assignari ra-
tione cuius diuinitas sit physice de nouo, aut magis vnita animæ; quia quantum ad omnes modos physicos, vt distinguuntur à modo quo-
dam morali & amicabili, habent se eodem mo-
do sicut antea, entitas diuinitatis & entitas animæ.*

§ 7. Nulla vnio Dei cum anima incipit de nouo in patria. Et, An charitas in patria habeat nouum modum essendi, quem non habebat in via?

QVARTA CONCLUSIO. Nulla vnio Dei cum anima incipit esse de nouo in patria secundum legem ordinariam, & de facto. Probat, quia (vt constat ex secundo notabili posito ante conclusiones) tantum possunt esse duæ vniones diuinitatis cum anima, scilicet physica, & moralis: & ambæ secundum legem ordinariam sunt mediante dono gratiæ habitualis, vt ostensum est in secunda conclusione: sed gratia

habitualis non incipit in patria esse de nouo in anima, quia secundum legem ordinariam nullus admittitur ad beatitudinem, nisi prius in via habuerit gratiam habitualement: ergo neque unio diuinitatis cum anima incipit tunc esse de nouo.

Sed obijciens, gratia habitualis in patria acquirit nouum modum essendi: ergo Deus per productionem huius noui modi dicitur uniri de nouo animæ; *consequentia* patet, quia quamuis Deus per conseruationem voluntatis sit intimè vnitus voluntati, dicitur uniri de nouo eidem voluntati per productionem habitus charitatis in ipsa: ergo similiter, quamuis Deus sit vnitus animæ per conseruationem gratiæ habitualis, dicitur uniri de nouo eidem animæ per productionem noui modi essendi in ipsa gratia, sicut per productionem noui effectus: Et *antecedens* probatur, *primo*, quia gratia habitualis, quamuis sit eadem non solum specie, sed etiam numero, in patria, & in via; tamen in patria dicitur consummata & perfecta, & in via inconsummata & imperfecta, ergo in patria acquirit aliquid, ratione cuius habeat hanc consummationem, & perfectionem; quia si nihil amplius habet in patria, quàm in via, nulla erit ratio propter quam dicatur consummata in patria potius quàm in via. *Secundo* probatur *idè antecedens*, quia gratia in patria habet duos modos essendi, quos non habebat in via; *primus* est maior intensio, quia quicumque beatus habet in patria gratiam magis intensam quam in via; *Secundus* est inamissibilitas, atque adeo inseparabilitas ab anima, quia gratia in via potest amitti, & separari ab anima.

Et *Confirmatur primo*, quia D. THOMAS prima parte quæstione 43. art. 6. ad 1. concedit, quod etiam secundum profectum virtutis, aut augmentum gratiæ sit missio inuisibilis personæ spiritus sancti; ergo etiam ratione modi, quem de nouo acquirit gratia in patria, sit unio de nouo diuinitatis & animæ: patet *consequentia*, quia quantum ad hoc, quod est incipere esse de nouo, eadem est ratio de missione, & de unione.

Confirmatur secundo, quoniam ibidem in solutione ad tertium inquit D. THOMAS expressè, quod ad beatos est facta missio inuisibilis in ipso principio beatitudinis.

AD ARGVMENTVM Respondetur, *PRIMO* negando antecedens: & ad *primam probationem* Respondetur, quod gratia in patria dicitur consummata & perfecta, non quia in sua entitate intrinseca acquirat aliquam perfectionem; sed quia non est in via ad maiorem perfectionem, neque intrinsecam per intensiorem propriæ entitatis; neque extrinsecam, per remotionem impedimentorum, & coniunctionem aliarum rerum, quibus ipsa adiuuatur, & perficitur; sed est in termino, ita vt neque possit secundum legem ordinariam augeri, neque habeat aliquod impedimentum ex parte corporis, aut potentiarum, siue materialium, siue immaterialium, neque defectum alicuius rei necessarii ad propriam perfectionem.

Ad secundam probationem Respondetur, forte non esse verum id, quod in ea supponitur scilicet gratiam esse magis intensam in princi-

A pio beatitudinis, quàm fuerit in fine viæ: quod vt intelligatur, *aduertendum* est, quod qui illud asserunt, possunt habere tria fundamenta.

Primum est, gratiam non augeri de facto, neque per Sacramenta ex opere operato; neque per proprium meritum actuale ex opere operantis; neque per reparationem gratiæ amissæ, quæ sit cum reuiuiscunt præcedentia merita per penitentiam; nisi seruata proportione ad actum præsentem, secundum eius intensiorem, tanquam ad dispositionem: ita quod si actus præsens, non sit magis intensus, quàm gratia quæ est in homine, aut quàm illa, quæ ei conferitur de nouo per penitentiam, non sit homini conferendus de facto aliquis gradus gratiæ, aut ex ea quam meretur, aut ex amissæ quæ ei restituitur; sed aut nunquam talis gratia conferatur, aut solum conferatur in principio beatitudinis per modum præmij.

Secundum fundamentum est, Deum præmiare ultra condignum, & ita conferre unicuique aliquos gradus gratiæ ultra eos quos meruit in via;

Tertium est, gratiam in patria habere intensiorem distinctæ, & altioris rationis, quam in via; & ita in patria esse magis intensam, hoc est altiori & perfectiori ratione intensam.

Sed hæc fundamenta communiter solent reijci à theologis & de *primo* quantum ad reparationem gratiæ amissæ, quæ sit per penitentiam, egi in materia de penitentia; & quantum ad gratiam respondentem actui remisso, disputatur ab aliquibus ibidem, & in materia de charitate; & in materia de merito, vbi solet impugnari sententia eorum, qui dicunt, actum remissum non esse meritum alicuius gradus gratiæ distincti ab eo, quem habet de facto is, qui meretur; aut hunc gradum nunquam homini dari; & ita relinquitur tanquam certum, ipsum actum esse meritum alterius gradus, & hunc gradum esse conferendum homini; & solum controuertitur, an sit conferendus per modum præmij in principio beatitudinis, vel potius in via statim atque elicitur actus; & concluditur, conferendum esse in via in instanti quo actus meritorius elicitur; quia licet habeat rationem præmij, est præmium viæ, & confert vires ad melius operandum; & ex parte operantis non est aliquod impedimentum, neque aliqua indispositio repugnans vt non conferatur.

De secundo etiam fundamento disputari solet 1. 2. quæstio. 114. articulo tertio. Vbi omnes, cum explicant illam propositionem: *Deus præmiat ultra condignum*, dicunt, ad veritatem eius satis esse, quod præmium beatitudinis excedat merita nostra, si considerentur quatenus procedunt à nostro libero arbitrio, iuxta illud Pauli, *non sunt condigne passionis huius viæ ad futuram gloriam quæ reuelabitur in nobis*; aut quod excedat merita, etiam quatenus procedunt ex gratia, si solum considerentur secundum proportionem gradualem, quam habent cum gloria, quatenus præcisè procedunt ex gratia habituali, & seculis promissione Dei: non tamen esse necessarium,

quod

quod simpliciter, & absolutè excedat merita; quia merita, quæ considerata præcisè, quatenus procedunt ex gratia, non habent proportionem gradualement cum gloria, possunt habere huiusmodi proportionem ratione diuinæ promissionis, quæ non eleuat omnino extrinsecè ipsa opera ad huiusmodi proportionem, sicut contingeret in operibus ordinis naturalis; sed supposito fundamento ex parte ipsorum operum; propter quandam proportionem radicalem quam habent ad quemcunque gradum gloriæ, quatenus procedunt ex gratia habituali; & hoc significauit D. THOMAS in solutione ad 3. art. citati. cum inquit, gratiam viam non esse equalem gloriæ in actu, sed in virtute. Quare propter illam propositionem non est necessarium concedere, quod Deus det homini in beatitudine aliquos gradus gratiæ ultra eos, quos meruit in via.

- Et tandem de tertio fundamento disputatur in materia de charitate, vbi omnes impugnant sententiam CAIETANI, asserentis, intensiorem gratiæ & charitatis in patria esse diuersæ rationis ab intensiōe, quæ habent in via: si non intelligatur de diuersitate quadam extrinseca, ratione maioris perfectionis, quam habent in eo statu extrinsecè. & obijciunt contra eam, quod, cum intensio sit modus intrinsecus entitatis, necesse est, vbi manet eadem numero entitas, manere eandem intensiōem.

Deinde Respondetur ad id, quod in eadem probatione obijciunt, de secundo modo essendi, scilicet de inamissibilitate: quod inamissibilitas non importat aliquam perfectionem intrinsecam gratiæ, sed coniunctionem ipsius cum visione beatifica; quia quod gratia in patria sit inamissibilis, non prouenit ex aliqua perfectione superaddita suæ entitati, quæ sit in essentia animæ: sed ex eo, quod homo in eo statu non potest peccare; & ipsa non potest amitti, nisi propter peccatum mortale, quod vero homo tunc non possit peccare, prouenit ex visione beatifica, vt in fine huius materiæ dicemus.

SECUNDO Respondetur ad totum hoc argumentum, admittendo antecedens, si solū intelligatur de nouo modo essendi, qui sit maior intensio, quoniam vt nunc dicebam, inamissibilitas nō est modus essendi intrinsecus gratiæ secundum suam entitatē; & negando consequentiam: & ad probationem, cōcesso antecedenti neganda est consequentia, & ratio discriminis est, quod charitas non importat modum entitatis voluntatis, sed nouam & distinctam entitatem, & donum aut effectum altioris ordinis; at vero maior intensio solum est modus entitatis gratiæ, & non entitas distincta, aut nouus effectus. Sed quamuis verum sit, quod ratione maioris intensiōis gratiæ non incipit esse de nouo vnio diuinitatis cum substantia animæ: nihilominus concedendum est, quod perficitur, quia sicut hæc vnio fit mediante dono gratiæ habitualis, vt dictum est, ita etiam perficitur mediante maiori perfectione eiusdem doni, qualis est maior intensio.

Ad primam Confirmationem Respondetur, D. THOMAM postea in eadem solutione, quasi explicando sensum illorum verborum, dicere, quod secundum augmentum gratiæ non est missio inuisibilis, nisi quando aliquis proficit in aliquo nouo actu, vel nouum statum gratiæ: quare ex illa so-

lutione non potest colligi, quod sufficiat maior intensio gratiæ sine nouo effectu aut dono ad missionem inuisibilem.

Ad secundam Confirmationem posset eodem modo responderi, scilicet quod, cum D. THOMAS dicit, ad beatos fieri missionē in principio beatitudinis, non intelligit fieri ratione intensiōis gratiæ, sed ratione noui effectus, scilicet visionis beatificæ, quia tamen videtur probari, quod intelligat fieri missionem ratione intensiōis gratiæ, quoniam statim inquit, quod post principium beatitudinis non fit missio secundum intensiōem gratiæ, sed secundum quod aliqua mysteria beatis reuelantur de nouo: Ideo aliter Respondetur, quod per fieri missionem non intelligit ibi D. THOMAS, fieri de nouo, sed perficiam; quæ facta est per collationem gratiæ habitualis; vbi obiter aduertendum est, D. THOMAM planè admittere intendi gratiam in principio beatitudinis, quamuis non constet an id admittat absolutè, & ex propria sententia, vel solum vt procedat argumentum.

§ 8. Beatitudo formalis non consistit in vnione Dei cum substantia animæ.

VLTIMA CONCLUSIO. Essentia nostra beatitudinis formalis non consistit, nec totaliter, nec principaliter in vnione, quæ de facto reperitur in patria inter Deum & substantiam animæ mediante dono gratiæ habitualis. In hac Conclusionē conueniunt omnes theologi contra HENRICVM, & probatur primo argumentis Scoti in 4. d. 49. q. 2. §. ad istam secundam questionem, quia beatitudo formalis non reperitur in via, nec in purgatorio: sed vnio perfecta Dei cum substantia animæ mediante dono gratiæ habitualis reperitur in via, & in purgatorio; ergo hæc vnio non est beatitudo formalis.

Confirmatur quia beatitudo formalis incipit esse de nouo in patria; sed hæc vnio non incipit esse de nouo in patria; vt diximus in Conclusionē præcedenti: ergo hæc vnio non est beatitudo formalis.

Secundo, perfectior & maior est vnio diuinitatis cum substantia animæ per communicationem personalitatis verbi factam humanitati, quam cum substantia alterius animæ, aut eiusdem animæ per productionem gratiæ habitualis in ipsa: sed anima CHRISTI non est formaliter beata per illam vnionem factam per communicationem personalitatis verbi; ergo neque eadem anima, aut alia quæcunque est formaliter beata per vnionem factam per productionem gratiæ habitualis in ipsa; Et ex consequenti hæc vnio non est nostra beatitudo formalis. Maiorem suppono vt certam ex ijs, quæ D. THOMAS docet 3. p. q. 2. art. 9. & minorem probo ex communi omnium consensu; & præterea, quia de potentia absoluta diuinitas potest vniri animæ irrationali per communicationem personalitatis factam alicui naturæ irrationali; quia Deus de potentia absoluta potest assumere naturam irrationalem; & tamen per huiusmodi vnionem anima irrationalis non esset beata, quia neque est capax beatitudinis.

Tertio per id, similitudine & proportionem quadam

anima est beata, per quod Deus est beatus : sed Deus, quatenus in ipso distinguitur nostro modo intelligendi vnio secundum existentiam obiecti beatifici in ipso, quæ est per omnimodam identitatem ab vnione per actus intelligendi & amandi, non intelligitur vt beatus per priorem vnionem, sed per posteriorem; ergo neque anima est formaliter beata per vnionem secundum existentiam obiecti beatifici in ipsa, quæ est per gratiam habituales; sed per vnionem, quæ est per actus intelligendi & amandi. Ambæ præmissæ huius syllogismi videntur colligi ex illo 1. Ioannis 3. *nunc filij Dei sumus, & nondum apparuit quid erimus, scimus quoniam cum apparuerit, similes ei erimus & vidimus eum sicut est.*

Ultimo potest probari illis argumentis, quibus infra probabimus beatitudinem nostram formalem consistere in operatione:

SED QUÆRES quid sentiendum sit de sententia Henrici? Respondetur, quod quantum ad duo prima eius dicta, si intelligantur de vnione Dei cum substantia animæ mediante dono gratiæ habitualis, sicut à nobis exposita sunt in explicatione primæ partis secundæ Conclusionis, & tertiæ Conclusionis, est vera: tamen quantum ad tertium est omnino falsa; & mihi videtur habere aliquid temeritatis; quia in re graui est contra communem modum loquendi theologorum & philosophorum: non tamen est contra testimonia quædam, quæ adducemus postea ad probandum, beatitudinem formalem consistere in visione Dei & fruitione, sicut arbitrantur quidam ex recentioribus Thomistis; quoniam in illo tertio dicto non negatur hoc; imò potius asseritur, beatitudinem consistere in his actibus, quamuis minus principaliter, quam in vnione Dei cum substantia animæ.

§ 9. Soluuntur argumenta pro Henrico adducta. Vnio Dei cum intellectu in ratione speciei intelligibilis. An accidens supernaturale sit nobilius substantia naturali.

AD PRIMUM Respondetur, distinguendo antecedens, si enim quantum ad vnionem Dei cum substantia animæ, intelligatur de vnione mediante dono gratiæ habitualis, verum est, & ita de facto reperitur hæc vnio in beatitudine, vt diximus in secunda Conclusionis: si tamen intelligatur de vnione sine aliquo dono mediante, falsum est, vt ostensum est in tertia conclusionis.

Et ad primum medium quo probatur illud antecedens in hoc secundo sensu. Respondetur, quod, (vt ibi dictum est) solum conuincit, id quod nunc dicebamus, scilicet, quod sicut in via Deus vnitur cum substantia animæ mediante gratia habituali: sic etiam vnietur in patria. Et ad obiectionem contra hoc factam, Respondetur, transeat maior, supposito quod particula *sicut*, non importat æqualitatem inter illas duas vniones Dei cum substantia animæ mediante gratia habituali, & cum intellectu mediante specie intelligibili; sed solum conuenientiam in hoc, quod sicut prior vnio fit per aliquid superadditum entitati animæ, scilicet per gratiam, ita posterior per aliquid super-

additum entitati intellectus, scilicet per speciem. & distinguatur minor, si enim sit eius sensus, quod Deus in illo casu per suam essentiam supplet vicem speciei intelligibilis quantum ad vnionem, quam mediante specie poterat habere cum intellectu, falsa est; quia Deus, si secludatur species intelligibilis, & omnis alius effectus ab intellectu, quatenus præsupponitur intellectui, non est vnitus intellectui vnione aliqua per essentiam, quæ sit distincta ab ea, quæ est vnitus ipsi, quatenus conseruat eius entitatem; si tamen sensus sit, quod Deus per suam essentiam supplet vicem speciei quantum ad causalitatem, quam habet, aut determinando intellectum, aut etiam efficiendo simul cum ipso intellectiōnem vera est; quia id, quod quantum ad hanc causalitatem præstaret species intelligibilis, præstat essentia diuina remotis imperfectionibus inherentiæ, & dependentiæ, & alijs similibus. Verum ad hoc non requiritur, quod Deus vnietur intellectui vnione aliqua distincta ab ea, quæ est ipsi vnitus conseruando eius entitatem: quia hæc est maior, & magis intima, quam vnio speciei cum eodem intellectu per inherentiā, & ex consequenti est magis sufficiens ad eam causalitatem, propter quam requiritur vnio speciei cum intellectu. Et est optimum exemplum ad explicandum hæc omnia, si supponamus Deum supplere vicem luminis gloriæ, quod pauci negant esse possibile per potentiam eius absolutam; nam in eo casu Deus non suppleret vicem luminis, quantum ad eam vnionem, quam habet cū intellectu mediante ipso lumine, sed solum quantum ad causalitatem; & ad hoc non esset necessaria alia vnio Dei cum intellectu, præter eam, quæ est ipsi vnitus conseruando eius entitatem. Et ita constat negandam esse consequentiam: quia vt conclusio illa posset deduci ex præmissis, oporteret quod minor esset vera in priori sensu.

Ad Confirmationem Respondetur, solum conuincere, quod de potentia Dei absoluta sit possibilis vnio moralis Dei cum substantia animæ, sine productione gratiæ, aut alterius doni in ipsa anima: quod nos concessimus in prima conclusionis.

Ad secundum medium, quo probatur idem antecedens, Respondetur, concedendo antecedens, & distinguendo consequens; si enim per præsentiam amabilem intelligatur præsentia moralis, concedenda est consequentia, sicut nunc dicebamus de vnione morali: si tamen intelligatur de præsentia physica, neganda est consequentia.

Et si quæras, cur Deus sit præsens spatio imaginario præsentia physica, quamuis nihil producat in eo: & non possit esse præsens animæ eodem genere præsentia, nisi aliquid producat in ea? Respondetur, rationem discriminis esse, quod Deus non incipit esse de nouo præsens spatio imaginario, & ideo non requiritur aliqua mutatio, nec ex parte Dei, nec ex parte ipsius spatij; at vero animæ, in nostro casu, debet incipere esse præsens de nouo, & ideo requiritur aliqua mutatio physica vel in Deo, vel in anima; & cum in Deo non possit reperiri, necesse est quod fiat in

a anima,

animæ; ut in probatione tertiæ conclusionis ostensum est.

Ad Confirmationem Respondetur, quod non solum in corporibus, sed etiam in spiritibus potest reperiri intima unio sine productione alicuius effectus ab uno in altero, ut de corporibus constat in exemplo ibidem adducto; & de spiritibus est magis notum: quia naturaliter potest unus angelus esse simul cum altero in eodem omnino spatio; verum neutra unio incipiet esse de nouo sine mutatione vtriusque, aut saltem alterius extremi. Et ita ut Deus incipiat esse de nouo vnitus animæ, requiritur aliqua mutatio ex parte ipsius animæ, ut nunc dicebam.

Ad tertiam medium Respondetur, quod personalitas verbi terminat dependentiam humanitatis, & actuat eius potentialitatem ad subsistendum per se; & hoc, quamuis non sit propriè efficere, est communicare aliquid ipsi humanitati, quod sit quasi effectus; scilicet complementum & terminationem suæ dependentiæ & potentialitatis. Et ideo consulto dixi in conclusione requiri ad hanc unionem *communicationem alicuius effectus aut quasi effectus*.

AD SECUNDVM ARGVMENTVM Respondetur, non convincere aliquid contra nos: quia illud *secundum dictum*, ad cuius probationem proponitur, si intelligatur de unione cum substantia animæ mediante gratia habituali secundum legem Dei ordinariam, aut per respectum ad potentiam Dei absolutam mediante alio dono, vel effectui, admissum est à nobis, si vero intelligatur in alio sensu, non probatur.

AD TERTIVM ARGVMENTVM quantum ad *priorem partem*, qua probatur beatitudinem formalem consistere in vtraque unione Dei, scilicet cum substantia animæ mediante gratia, & cum potentijs mediantibus suis actibus; negatur *sequela*, scilicet, quod alias beatitudo formalis non erit sufficiens ad satiandum appetitum beati; & *suppono*, (ut argumentum procedat) dari in homine appetitum, siue inclinationem naturalem ad huiusmodi uniones cum Deo; quod posset negari, & mihi, saltem quantum ad primariam inclinationem, videtur omnino negandum; Et ad probationem propositam in *primo* argumento, Respondetur, quod ut beatitudo formalis dicatur sufficiens ad satiandum appetitum beati, non est necesse, quod per seipsam immediatè id præstet: sed satis est, quod id, quod beatus potissime appetit, scilicet, possidere aut tenere suum summum bonum, præstet per seipsam; & reliqua per antecedentia, concomitantia, & subsequencia.

Ad Confirmationem Respondetur, negando sequi aliquid inconueniens ex hac nostra sententia. Et ad *primum inconueniens* Respondetur, quod cum dicitur, Deum seruare iustitiam distributiuam in collatione beatitudinis, debet intelligi respectu eorum, quæ distinguuntur supposito: non vero respectu eorum, quæ in eodem supposito continentur; quoniam solum in suppositis distinctis reperitur inæqualitas dignitatis secundum merita, quam respicit iustitia distributiva; & adhuc respectu eorum, quæ pertinent ad idem suppositum, seruat Deus ordinem dignitatis, quoniam facta comparatione inter animam, & potentiam animæ, confert beatitudinem princi-

paliore modo: quoniam animæ confert eam tanquam *subiecto quod*, & potentiæ tanquam *subiecto quo*, siue organo, aut instrumento, quod mediante anima consequitur beatitudinem; quoniam aliter ipsa anima non est capax beatitudinis. Sicut etiam inter nos, qui distribuit pecuniam per iustitiam distributiuam, non tribuit eam unicuique supposito, nisi mediante manu, quia suppositum ea parte mediante est susceptivum pecuniæ.

Ad secundum inconueniens Respondent aliqui beatitudinem formalem posse duobus modis considerari, *uno* quidem secundum suam entitatem & essentiam, quatenus est quoddam accidens; & *alio* ut coniungit nos Deo tanquam eius adeptio; & *priori modo* esse minus perfectam quam formicam, aut aliam quamvis substantiam. At verò *posteriori modo* esse nobis maius bonum, quam cætera bona creata; sicut quamvis formica entitatiuè sit perfectior auro: tamen in ordine ad nostros usus melius multo est aurum.

Et si obiecias, beatitudinem formalem esse finem substantiæ, scilicet hominis, aut Angeli: & finem esse perfectiorem, etiam entitatiuè, eo, quod est ad finem; quoniam finis est id cuius gratia aliquid est, & non ordinatur suapte natura id quod est magis perfectum, ad id quod est minus perfectum. Respondetur, beatitudinem formalem dici finem substantiæ eo modo quo operatio appellatur eius finis; & ad hoc non est necesse, quod operatio sit perfectior: sed satis est, quod substantia sit in statu perfectiori cum operatur, quam cum est in potentia ad operationem. Item beatitudo formalis est finis *ut quo*, siue ut consecutio finis, & ex consequenti ita est id *cuius gratia*, ut etiam ordinetur ad rem *cuius est finis*, scilicet ut ipsa bene se habeat per coniunctionem cum suo fine principali, & ideo non oportet quod sit simpliciter perfectior.

Secundo Respondetur, quod sicut dicā in materia de gratia, ipsam gratiam habitualemente entitatiuè perfectiorem omnibus substantijs creatis ita nunc dici potest, visionem beatificam, in qua nostra beatitudo formalis consistit, esse eodem modo perfectiorem. Neque est inconueniens aliquid accidens supernaturale esse perfectius entitatiuè omnibus rebus naturalibus, etiam si sint substantiæ: quoniam supernaturale ex gradu suo excedit naturalia; & suprema inter omnia supernaturalia creata, sunt gratia, lumen gloriæ, & visio beatifica, quæ faciunt homines diuinæ naturæ consortes. Cum vero dicitur, substantiam perfectiorem esse accidenti; intelligitur, facta comparatione intra eundem ordinem; ut in ordine naturalium, substantia excedit accidens; & in ordine supernaturalium Deus, qui est substantia increata, excedit omnia supernaturalia: & gratia habitualis, quamuis sit accidens, tamen quia in eo ordine habet modum naturæ & substantiæ, est perfectior entitatiuè quam reliqua accidentia.

Ad tertium inconueniens, concedenda est *prima pars* sequelæ & neganda *secunda*: quia cum visio beatifica, quæ est beatitudo formalis, sit operatio vitalis, postulat suapte natura principium vitæ essenziale à quo procedat,

ideo non potest à solo intellectu produci, qui est principium instrumentale.

● *Ad ultimum inconueniens* Responderetur, concedendo sequelam, & negando quod id sit contrarium communi theologorum sententiæ: quia neque omnes fatentur, gratiam esse immediatè in essentia animæ; neque etiam admissio, sequitur, quod beatitudo formalis debeat esse in eodem subiecto, quoniam gratia non est actus secundus, neque habitus operatiuus: at vero beatitudo formalis est actus secundus. Cum etiam dicitur, gloriam esse gratiam consummatam, non sumitur gloria pro ipsa beatitudine formali, sed pro eius radice, quæ est gratia habitualis, quæ in beatitudine est consummata, ut superius explicui. Quod si sumatur pro beatitudine formali, dicendum est gratiam non sumi pro gratia habituali, sed pro dono, & significari beatitudinem esse maximum donum.

QVÆSTIO III.

Vtrum possessio summi boni, quæ est essentia beatitudinis formalis, consistat in vnione cum ipso summo bono mediante aliquo actu primo?

§ 1. Sensus tituli.

QUoniam in anima nostra præter eius substantiam, distinguuntur tria, scilicet potentia, habitus, & operationes; & tam potentia, quam habitus appellantur *actus primi*; & operationes *actus secundi*: ideo postquam quæstione præcedenti conclusimus, beatitudinem formalem non consistere in vnione cum summo bono secundum ipsam animæ substantiam; nunc inquirimus an consistat in vnione mediante aliquo actu primo, ut distinguitur ab animæ substantia, & ab operatione. Et quamuis esse *actum primum* ita distinctum sit quid commune ad potentiam animæ; & ad habitus, tam naturales, qui sunt in potentijs, quam supernaturales, siue sint immediatè in essentia animæ, sicut iuxta sententiam D. THOMÆ dicitur de gratia habituali; siue in potentijs ut lumen gloriæ est in intellectu beati, & charitas in voluntate: tamen nos non sumimus ipsum in tanta communitate, quia de potentijs & habitibus naturalibus non potest esse nunc difficultas, cum loquamur de beatitudine supernaturali; neque etiā de habitu supernaturali qui sit in essentia animæ, quoniam de eo egimus quæstione præcedenti: sed solum sumimus ipsum pro habitu supernaturali operatiuo, qui sit in aliqua potentia animæ beatæ. Et ita sensus huius quæstionis est, an in aliquo huiusmodi habitu, vel in pluribus simul, consistat essentia nostræ beatitudinis formalis, aut potius in operatione.

§ 2. Sententia constituens beatitudinem in habitu.

IN qua re est sententia aliquorum qui dicunt beatitudinem in habitu consistere & non in operatione pro qua cum quadam limitatione refertur Bonauent. in 4. d. 49. 1. p. d. q. 1. ad ultimum, qui inquit beatitudinem formalem importare

A vtrumque scilicet habitum & operationem, sed principalius importare habitum, itaque dicit beatitudinem esse quasi scientiam aut habitum scientiæ considerantem, & ita in recto & intrinsece importare habitum, & in obliquo & extrinsece, & quasi connotatum, importare actum: & pro ipsa sententia absolutè & sine hac limitatione proponit multa argumenta Sco. in 4. d. 49. q. 1. in principio, ex quibus hoc vnum proponam. Habitus perfectior est sua operatione, ergo in habitu & non in operatione consistit nostra beatitudo formalis: aut saltem aliqua perfectio erit maior in homine quam sua beatitudo formalis, probatur antecedens quoniam habitus est causa principalis & propria suæ operationis & non est causa vniuoca quoniam differt specie ab operatione, ergo est causa æquiuoca, & ex consequenti est perfectior operatione quoniam causa æquiuoca est perfectior suo effectu.

§ 3. *Resolutio quæstionis. Beatitudo formalis nec in solo habitu, nec in habitu ut habet actum adinueniendum, consistit: sed in sola operatione.*

PRIMA CONCLUSIO. Beatitudo formalis non consistit essentialiter in solo habitu, ita ut nullo modo includat actum. In hac conueniunt omnes scholastici in 4. d. 49. & probatur primo testimonijs ARISTOTELIS, qui expressè allerit, non sufficere habitum ad beatitudinem, seu felicitatem. Nam primo Ethicorum ad Nicomachum cap. 5. sic ait: *videtur posse virtutem habentem, aut non agere quicquam per vitam, & insuper maximis malis, atque aduersa fortuna laborare: eam vero qui ita se habet, nemo felicè dixerit.* & c. 12. inquit, *felicitatem non esse potentiam scilicet, ad operandum:* & lib. 10. cap. 6. ita inquit, *dicens itaque felicitatem habitum non esse, inesset enim dormienti per vitam, plantarum vitam uiuenti, & in calamitatibus maximis constituto.* Item toto lib. 1. Ethicorum. & lib. 7. polit. c. 3. & lib. 1. Ethicorum ad Eudemum, constituit felicitatem in actu, quare supponit non sufficere habitum.

Secundò probari potest illis testimonijs, quæ infra adducemus, ad probandū, beatitudinem nostram consistere in visione, & fruitione Dei, quod expressè dicitur in CONCILIO VIENNEN. cuius decretum refertur in CLEMENTINA ad nostrum de hereticis. Nam ex hoc bene sequitur, quod ad beatitudinem non sufficiat habitus sine operatione.

C Tertio probatur ex proprietatibus beatitudinis, nam omnes cum ARISTOTELE dicunt, conuenire ei, esse vitam perfectam, honestissimam, & iucundissimam; quod tamen non potest dici de solo habitu: quoniam qui solum habet habitum, non habet vitam perfectam, cum desit ei cōplementū vitæ, scilicet operatio: neque etiam habet vitam iucundam, quia solus habitus non affert delectationem.

Quarto, beatitudo formalis est actualis consecutio, vel possessio summi boni, ut diximus q. 1. sed per habitum solum non consequimur, aut tenemur actu ipsum summum bonum, sicut neque aliquod aliud obiectum; sed solum sumus in actu primo atque adeo in potetia ad consequendū ipsum: ergo in habitu solo non consistit beatitudo formalis.

Vltimo potest probari argumentis sequentis Conclusionis.

SECUNDA CONCLUSIO. Quamuis beatitudo for-

malis

malis præsupponat habitum, tamen non consistit essentialiter in ipso, etiam prout habet adiunctum actum.

PRIMA pars intelligitur secundum legem Dei ordinariam, quia de potentia Dei absoluta non sunt necessarij habitus in potentijs ad operationes, in quibus constituitur beatitudo: & ita intellecta probatur, quia secundum legem Dei ordinariam ad huiusmodi operationes, quæ sunt visio, & amor Dei, præsupponuntur habitus in potentijs, quæ sunt earum principia, scilicet, lumen gloriæ in intellectu, & charitas in voluntate, ut magis perfectio & connaturali modo producatur ab ipsis potentijs.

SECUNDA ETIAM pars probatur, primo ex ARISTOTELIS, qui in nonnullis testimonijs ex ijs, quæ adduximus pro præcedenti cōclusionē, dicit expressè, felicitatem non consistere in habitu, sed in operatione; ergo sentit non consistere in habitu, etiam ut habet adiunctum actum; patet consequentia, quoniam qui oppositum sentiunt, solum possunt respondere, Aristotelem negasse consistere in habitu, quia non consistit in habitu solum, sed in habitu simul cum actu. Contra quam solutionem potest obijci, quod iuxta eandem sententiam pari ratione posuisset Aristoteles negare beatitudinem consistere in actu; imo potius debuisset negare consistere in actu, quā in habitu, quia iuxta illā sententiā beatitudo principalius consistit in habitu, quā in actu. Secundo probatur ratione, quia beatitudo formalis est formaliter ipsa adeptio & consecutio summi boni; sed habitus, etiam ut habet adiunctum actum, non est formaliter talis adeptio, sed solum efficiēter, scilicet tanquam principium effectuum actus, qui est adeptio; ergo beatitudo formalis non consistit in habitu, etiam ut habet adiunctum actum. Probat *minor*, quoniam habitus non est consecutio eodem modo quo actus, quare cum actus sit formaliter consecutio, sequitur quod habitus non sit hoc modo cōsecutio, sed solum efficiēter.

Confirmatur primo, quia eodem genere causæ consequimur obiectum per potentiam & per habitum, sed per potentiam non consequimur ipsum tanquam per formalem consecutionem, sed tanquam per principium effectuum consecutionis; ergo idem dicendum est de habitu.

Confirmatur secundo, quia si beatus per potentiam Dei absolutam sine habitu videret ipsum Deū diceretur consequi & possidere suum summum bonum: sed in eo casu habitus non esset villo modo formaliter consecutio; ergo nec nunc. Dices, non valere hanc consequentiam, & habere hanc instantiam similis formæ: habitus in eo casu non esset consecutio efficiēter, ergo neque nunc. Sed contra quia non valet instantia à causalitate efficiēti ad formalem.

Tertio probatur alia ratione desumpta ex ea, qua D. THOMAS articulo secundo, quæstionis tertie, probat, beatitudinem non esse potentiam, sed operationem, & est huiusmodi: beatitudo est ultimus actus; sed habitus non est ultimus actus, quoniam est in potentia ad operationem; ergo beatitudo non est habitus. Dices quod beatitudo non est solus habitus, sed habitus ut redactus in actum, & habitus hoc modo sumptus habet rationem ultimi actus, quia non est in potentia ad aliū actum. Sed contra, quia si hæc duo comparentur inter se, habitus habet rationem potentie, & actus rationem actus; ergo solus actus est ultimus actus,

A & ex consequenti in ipso solum, & non in aggregato ex ipso & habitu consistit beatitudo.

VERVM CONTRA rationem hanc est difficultas; quia cum dicitur, quod beatitudo est ultimus actus, aut intelligitur de ultimo ordine generationis, aut ordine perfectionis: si dicatur *primum*, sequitur beatitudinem consistere in actu amoris, & non in actu visionis; quoniam amor posterior est ordine generationis, & causalitatis, quā visio, quoniam sequitur ex ea: & propter eandem rationem sequitur, consistere in delectatione, quia delectatio sequitur ex visione, & amore. Si vero dicatur *secundum*, sequitur, beatitudinem consistere in habitu, & non in operatione; quia ordine perfectionis operatio non est ultimus actus, hoc est supremus in perfectione: quoniam habitus perfectior est quam operatio, ut ostensum est in argumento proposito pro opposita sententia.

Ad hoc facile Respondent, qui sentiunt, operationem esse perfectiorem habitu: quoniam dicunt, maiorem illam propositionem intelligi de actu ultimo, ordine perfectionis. Sed quoniam (ut dicam in solutione argumenti oppositæ sententiæ) habitus supernaturales, quales sunt isti, de quibus loquimur, perfectiores sunt suis actibus. Ideo aliter Respondetur, propositionem illam non intelligi de actu ultimo ordine perfectionis, neque de ultimo præcisè ordine generationis, sed de ultimo ordine actuationis: hoc est de eo, qui ita actuatur, ut non relinquatur, quantum est de se, potentiam in subiecto ad ulteriorem actum, quo talis potentia reducatur in actum. Et quoniam hoc ordine operatio est actus posterior quam habitus quia habitus ita actuatur subiectum, ut relinquatur in ipso potentiam reducibilem in actum per operationem: ideo beatitudo consistit in operatione & non in habitu. Neque est eadem ratio de amore respectu visionis; aut de delectatione respectu utriusque: quia licet supposita visione sit in subiecto potentia ad amorem, tamen visio non importat hanc potentiam, neque ex vi suæ actuationis relinquit eam in subiecto; unde nec amor actuatur subiectum mediante visione, sicut actus informat substantiam mediante habitu, & potentia tanquam quo. Ratio vero propter quam beatitudo consistit in actu, qui sit ultimus secundum hunc ordinem, est, quod beatitudo formalis habet rationem ultimi termini, & complementi intrinseci, & ideo, si consistit in actu, necesse est quod consistat in actu ultimo secundum ordinem actuandi.

Secundo Respondetur quod beatitudo est ultimus actus quoad unionem cum obiecto, beatificante; hoc est, id, quo subiectum est ita unitum obiecto, ut non sit in potentia ad aliam unionem: & quoniam recepto habitu manet subiectum in potentia ad unionem per operationem cum summo bono: ideo operatio, & non habitus, dicitur in hoc sensu ultimus actus; & in operatione, & non in habitu, consistit beatitudo formalis.

ULTIMA CONCLUSIO. Beatitudo formalis consistit essentialiter in sola operatione. In hac etiam conveniunt serè omnes scholastici in 4. d. 49. præter BONAVENTURAM, & colligitur aperte ex præcedentibus: nam si non consistit in habitu solo, neque in habitu ut habet adiunctam operationem, bene sequitur quod consistat in sola operatione; quia nihil superest, in quo possit consistere, sup-

posito quod neque est ipsa substantia animæ, neque eius potentia.

§ 4. Soluitur argumentum primæ sententiæ. An alius sit perfectior habitus?

AD ARGUMENTVM oppositæ sententiæ. **SCOTVS** in 4. d. 49. q. 1. art. 2. in probatione primæ conclusionis Respondet, habitum & actum non esse comparabiles in perfectione, quoniam differunt species & comparatio debet fieri in eadem specie, iuxta doctrinam **ARISTOTELIS** 10. metaph. textu 13.

Sed procul dubio hæc solutio non est sufficiens, quia non solum inter ea quæ differunt species, sed etiam inter ea quæ sunt genere diuersa, imo & quæ in nulla ratione vniuoca conueniunt, sed solum analogica, potest fieri huiusmodi comparatio: sic enim dicimus, hominem esse perfectiorem leone, & substantiam esse perfectiorem accidenti. **ARISTOTELIS** vero non intellexit, esse necessariam conuenientiam in specie inter extrema cōparationis, sed conuenientiam in ratione, quæ sit aliquo modo vnæ; quoniam ea quæ nullo modo conueniunt, non sunt inter se comparabilia.

SECVNDO Respondent quidam ex recentioribus Thomistis, sequentes **CAPREO**. in 4. d. 49. q. 1. art. 3. in solutione ad secundum argumentum **SCOTI**, contra primam Conclusionem; quod actus est perfectior habitus: idque probant, *quoniam actus perficit, & actuat habitum, tanquā potentiā; tum etiam, quoniam habitus ordinatur ad actum, tanquā ad suū finem; & tandem quoniam ARISTOTELIS* lib. 1. magnorum moralium c. 3. videtur hoc expresse docere, nam ut probet, felicitatem consistere in bene agendo, & bene viuendo, & non in habitu, sic ait: *quorum finis & habitus est, semper melius & optabilius eorum est usus habitus, usus enim est actio finis, cum sit propter usum ipse habitus*. Et ad argumentum, quo probatur habitum esse perfectiorem, Respondent, quod habitus non est causa totalis actus, sed solum partialis; & cum dicitur, causam efficientem esse perfectiorem suo effectui, intelligitur de causa totali. Et deinde addunt, habitum non dici propriè causam vniuocam, nec æquiuocam; quoniam hæc diuisio datur de causa totali: sicut propter hæc rationem instrumentum nec appellatur causa vniuoca, nec æquiuoca.

Sed neque hæc solutio placet, quia saltem de habitibus supernaturalibus videtur necessario concedendum, quod sunt perfectiores suis actibus in genere entis, quāuis in genere moris sint minus perfecti: & ratio primi est, quod habitus supernaturales dant simpliciter posse, & eleuant simpliciter potentias ad operandum, & ideo habent rationem potentiarum in ordine supernaturali; atque proinde sicut potentie sunt perfectiores actibus sibi proportionatis, ita etiam isti habitus sunt perfectiores suis actibus. Ratio vero secundi est, quod habitus non habent formaliter bonitatem, aut malitiam moralem, sed solum radicaliter, tanquam principia actuum, qui formaliter sunt boni aut mali moraliter. Et iuxta distinctionem hanc est exponendus **D. Thomas** 1. 2. q. 71. art. 3. ubi videtur dicere, actus esse præstantiores habitibus. Et ea quæ in hac solutione adducuntur ad probandum, absolute actum esse perfectiorem habitu in genere

entis, facile solui possunt. Nam ad primum dici potest, quod actus non perficit, neque actuat simpliciter habitum, sed solum secundum quid; & ideo non sequitur quod sit perfectior quā habitus: sicut propter hanc rationem accidens quāuis perficiat & actuet substantiam, non sequitur quod sit perfectius ipsa substantia. Et ad secundum Resp. quod cum dicimus, operationem esse finem habitus, non intelligitur de operatione sola, sed de ipso habitu, ut est constitutus in ultimo complemento per operationem; ita ut habitus secundum se sumptus dicatur ordinari, ut ad finem, ad seipsum quatenus habet statum completum, & perfectum per operationem: sicut quæstione præcedenti in solutione tertij argumenti explicatum est, qua ratione substantia ordinetur ad beatitudinem formalem tanquam ad finem, quamuis ipsa beatitudo formalis sit accidens; Et sicut in explicatione litteræ articuli secundi, huius quæstionis tertie, dictum est, qua ratione sit intelligenda illa propositio, *unumquodque est propter suam operationem*. Et ad testimonium **ARISTOTELIS** Respondetur, quod sicut intelligitur de felicitate naturali, ita etiam de habitu naturali; aut secundo Respondetur, quod illa propositio, *usus est melior & optabilior habitu*, intelligenda est, sicut nunc dicebamus intelligendam esse alteram, quæ ibidem assignatur ab **Aristotele**, in eius rationem, scilicet *habitus ordinatur ad operationem tanquam ad finem*.

TERTIO igitur Respondetur ad argumentum principale, concedendo antecedens, saltem si intelligatur de habitu supernaturali, de quo nos loquimur, & negando consequens: & ad probationem, dicendum est, non esse inconueniens, quod in beato sit aliqua perfectio, quæ entitative sit maior, quā beatitudo formalis: quia (ve dixi quæstione prima huius tractatus in solutionibus ad argumentis secundæ sententiæ) non est de ratione beatitudinis formalis, quod sit formaliter summa perfectio beati, et si solum fiat comparatio cum perfectionibus, quæ formaliter & intrinsecè insunt ipsi beato. Vbi etiam explicuimus, in quo sensu huiusmodi beatitudo appelletur summum bonum beati.

QVÆSTIO IV.

Verum sit de ratione operationis in qua consistit beatitudo formalis, effici ab ipso beato?

§ 1. Ratio ordinis.

QUAMVIS QVÆSTIO HÆC aliquo modo videatur pertinere ad tractatum de causis efficientibus beatitudinem formalem, cum in ea disputetur, an ipse beatus sit eius causa efficiens: tamen non est omnino aliena ab hoc tractatu, in quo agimus de quidditate eiusdē beatitudinis formalis. Quoniam, cum ex ijs, quæ hactenus diximus colligatur esse operationem intrinsecam beato; & operatio quæcunque duobus modis possit dici intrinseca alicui subiecto, scilicet aut solum quoad receptionem, siue huiusmodi receptio sit per inhaesionem, siue solum per unionem; aut etiam quoad productionem, scilicet quia produ-

citur ab

citur ab ipso subiecto, & in eo recipitur, & non in alio subiecto extrinseco, sicut dici solet de actione immanente: consequenter nunc explicandum est, an huiusmodi operatio, quæ est beatitudo formalis, habeat ex propria ratione, esse intrinsecam beato solum quoad receptionem, an etiam simul quoad productionem.

§ 2. *Dua sententia negantes. 1. beatitudinem formalem esse increataam visionem Dei. 2. esse à solo Deo productam ab anima tantum receptam.*

IN QUA RE aliqui sentiunt, operationem hanc solum esse intrinsecam beato quoad receptionem: qui etiam sunt inter se diuisi in duas partes; & ita est PRIMA SENTENTIA eorum, qui sentiunt operationem hanc, de qua loquimur, neque esse productam à beato, neque in ipso: sed esse illam operationem increataam, in qua consistit formalis beatitudo Dei, receptam in ipso beato, non per inhaerentiam, sed per vnionem; ad eum modum, quo personalitas verbi diuini, quæ est increata, est personalitas humanitatis assumptæ, & est ipsi intrinseca, non quidem per inhaerentiam, sed per vnionem sine vlla inhaerentia. Et supponunt, hanc operationem esse visionem, qua Deus seipsum videt: atque adeo dicunt, beatos esse formaliter beatos, & videre Deum, per eandem visionem increataam, qua Deus est beatus, & seipsum videt. Hanc sententiam sine nomine authoris referunt GREGOR. in 2. d. 7. q. 2. art. 1. in obiectionibus contra secundam partem tertie conclusionis. Et CAIET. 1. p. q. 26. art. 3. & 3. p. q. 9. art. 1. & ead. CAPREO. in 3. d. 14. q. 1. art. 2. tribuit cuidam IOANNI DE RIPPA, & alijs, quos dicit referri ab Adamo 1. Sen. q. 2. & in 3. q. 3. & probatur.

PRIMO QVIA non repugnat, operationem illam diuinam vniri beato per modum operationis beatificantis formaliter: ergo de facto ita vnitur; patet consequentia, quia beatitudo formalis debet esse operatio perfectissima in ratione consecutionis summi boni, & coniunctionis cum ipso: sed operatio, qua Deus ipse est beatus, si consideretur vt communicata beato, est ipsi beato perfectior consecutio Dei, & coniunctio cum ipso, quam quævis alia operatio creata; ergo in ipsa vt communicata beato consistit nostra beatitudo formalis. Et antecedens probatur, quia vel repugnet ex parte diuinæ operationis, quam gratia disputationis supponamus esse visionem; vel ex parte animæ beatæ. Primum dici non potest, quia si repugnet ex parte diuinæ operationis, maxime quia ad hanc vnionem necesse esset ipsam mutari, & Deo repugnet quælibet mutatio: at hæc ratio impugnari potest, quia personalitas diuina potest sine sui mutatione vniri naturæ creatæ, dando ei formaliter esse terminatam; ergo etiam operatio diuina potest sine sui mutatione vniri animæ, dando ei formaliter esse beatam. Neque etiam potest dici secundum, quia in anima est capacitas, vel potentia obediens ad talem vnionem non minus quam in humanitate ad vnionem cum personalitate verbi.

Confirmatur primo, quia sicut anima forma-

Aliter constituitur in actu secundo intelligendi per intellectionem, ita constituitur in actu primo ad intelligendum per vnionem cum obiecto, siue cum specie intelligibili: sed essentia diuina per seipsam potest vniri intellectui creato per modum obiecti, seu speciei intelligibilis constituentis ipsum formaliter in actu primo ad intelligendum; ergo etiam potest vniri eidem intellectui per modum intellectionis constituentis ipsum in actu secundo intelligendi. Patet consequentia, quia essentia diuina non minus habet rationem intellectionis, quam obiecti vel speciei intelligibilis; neque habet maiorem improporportionem cum intellectu creato in ratione intellectionis, quam in ratione speciei intelligibilis.

Confirmatur secundo, quia sicut anima formaliter est beata per actum videndi Deum, ita etiam formaliter subsistit per personalitatem: ergo siue non repugnat, ipsam subsistere per diuinam personalitatem, ita etiam non repugnat, esse beatam per actum videndi Deum.

SECUNDA SENTENTIA est eorum, qui dicunt, operationes, in quibus consistit beatitudo formalis, scilicet visionem & fruitionem, esse quidem productas (in quo hæc sententia differt à præcedenti) verum produci à solo Deo, ita vt nulla virtus creata concurrat ad eas efficienter: atque adeo esse solum intrinsecas beato quoad receptionem, quia visio recipitur in eius intellectu, & fruitio in voluntate, & hoc satis esse vt beatus per eas dicatur videre Deum, & frui ipso. Hanc sententiam sequuntur OKAM in 1. d. 1. q. 2. conclusionem secundam, & in 2. q. 19. in probatione tertie conclusionis, & in 4. q. 14. in dubitationibus additis in eius fine, in solutione sextæ dubitationis. GABRIEL in 1. d. 1. q. 2. art. 2. conclusionem 2. & 3. & eius supplementum in 4. d. 49. q. 2. artic. 3. dubio 2. DURANDVS in 3. d. 14. q. 1. numero 9. & in 4. d. 49. q. 2. numero 28. MARSIIVS in 3. q. 10. art. 2. prima parte ipsius, in dubio incidenti, in solutione secundæ obiectionis contra ipsam propositam, & conclusionem 6. PALVD. in 4. dist. 49. quæst. 1. art. 2. in prima probatione conclusionis 3. & art. 3. in responsione ad tertiam instantiam; & eandem reputat probabilem RICARDVS in 4. d. 49. art. 3. q. 3. & PROBATVR IMPRIMIS argumento desumpto ex OCCAMO, quia quando aliqua duo sunt supernaturalia, si id quod est minus perfectum propter suam perfectionem, est à solo Deo producibile, à fortiori id quod est magis perfectum erit etiam à solo Deo producibile: sed habitus charitatis, & habitus luminis gloriæ, & eorum actus scilicet fruitio, & visio Dei, sunt supernaturalia; & habitus, qui sunt minus perfecti, quam actus, postulant propter suam perfectionem produci à solo Deo: ergo etiam actus, scilicet visio, & fruitio, postulant esse à Deo solo, vt à causa efficienti.

SECUNDO probatur hoc ex eodem autore specialiter de actu voluntatis, quia omnis potentia liberè agens, & contingenter, potest de potentia sua absoluta cessare ab actu suo aliquo modo: sed voluntas respectu cuiuscunque obiecti liberè & contingenter agit; ergo simpliciter de potentia sua absoluta potest cessare ab actu suo; & ex consequenti si est causa effectiua actus fruitionis, poterit cessare ab eo, &

facere

facere se non beatam, quod est contra rationem beatitudinis. *Maiores* patet, & *minor* probatur, quia voluntas non potest necessitari respectu aliquius obiecti.

Confirmatur, quia non minus repugnat voluntati beati, recipere actum beatificum à solo Deo, quam voluntati damnati recipere à solo Deo actum pertinentem ad eius penam: sed voluntas damnati non se habet activè ad actus, quibus torquetur, scilicet ad actus tristitiæ, & desiderij habendi beatitudinem, & carenti pena: quoniam alias posset cessare ab huiusmodi actibus, & consequenter carere pena: ergo similiter voluntas beati non concurret activè ad actus, quibus beatificatur, sed recipit eas à Deo. Et hoc idem argumentum potest fieri de actu intellectus, quoniam intellectus subiacet imperio voluntatis, eo quod voluntas est potentia libera.

TERTIO, de ratione operationis, in qua consistit beatitudo formalis, est, esse præmium: ergo etiam est de eius ratione, esse efficienter à solo Deo; patet *consequentia*, quia sicut de ratione meriti est esse à merente: ita de ratione præmij est recipi in merente, & produci, aut donari ab alio, scilicet à præmiante.

ULTIMO aut potentia creata est causa efficiens huius operationis per solas vires proprias, & naturales; aut per solas vires supernaturales acceptas à Deo, siue mediante auxilio extrinseco, siue mediante habitu, aut forma inhærente ipsi potentiæ; aut partialiter per vires proprias, & partialiter per vires acceptas à Deo: sed nullo ex his modis potest esse causa efficiens huius operationis; ergo absolutè & simpliciter est dicendum, non esse eius causam efficientem, *maior* patet à sufficienti partium enumeratione, quia non sunt alij modi, quibus potentia creata possit concurrere ad huiusmodi operationem; & *minor* quoad omnes illos tres modos concurrenti probanda est infra q. 5. in tractatu de causis beatitudinis formalis, ubi disputabimus, qua virtute intellectus creatus concurrat ad visionem Dei.

§ 3. *Beatitudo nostra formalis est verum accidens creatum inhærens animæ.*

PRIMA CONCLUSIO. Operatio, in qua consistit nostra beatitudo formalis, est aliquid creatum, & verum accidens inhærens animæ beatæ, & multiplicatum iuxta pluralitatem subiectorum, quæ ab ea dicuntur beatæ. In hac conclusione conveniunt omnes scholastici in 4. dist. 49. & alijs locis, in quibus dixi agere de hac re authores, quos pro duabus primis sententijs citavi. Et **PRIMA** eius pars, scilicet quod operatio hæc sit aliquid creatum, probatur *primo*, quia nulla unio inter Deum & creaturam, præter eam, quæ sit per assumptionem, sufficit ad communicationem idiomatum, vel ad denominationem; ut, unio essentia diuinæ in ratione speciei intelligibilis, quia non est per assumptionem, non sufficit, ut intellectus noster ab ipsa essentia dicatur Deus: cum ergo inter animam beatam, & operationem, qua Deus dicitur formaliter beatus, non sit unio per assumptionem; sequitur quod

A anima non dicatur formaliter beata ab ea operatione, à qua Deus dicitur beatus; atque adeo quod beatitudo formalis animæ nostræ, à qua ipsa anima dicitur formaliter beata, non consistat in huiusmodi operatione: sed in aliqua operatione creata.

Confirmatur, quia cum de quocunque dicitur unum attributum diuinum dicantur & reliqua; imo & ipsa essentia diuina, propter omnimodam identitatem eorum inter se: sequitur, quod, si anima dicitur beata ab operatione, à qua Deus dicitur beatus, etiam dicatur iusta à iustitia Dei, & à bonitate bona, imo & à natura diuina Deus.

Secundo, beatitudo formalis animæ nostræ non est beatitudo per essentiam, sed per participationem; neque infinita, & adæquata obiecto beatificanti, siue summo bono, sed finita, & inadæquata illi obiecto: ergo non consistit in actu, qui est formalis beatitudo Dei. Patet *consequentia*, quia huiusmodi actus est beatitudo per essentiam, & infinita, & adæquata obiecto beatificanti.

Tertio, operatio, quæ est beatitudo formalis animæ nostræ, debet esse intrinseca ipsi animæ per modum operationis: sed actus, qui est in Deo, non potest esse intrinsecus hoc modo animæ nostræ; ergo neque potest consistere in eo formalis beatitudo ipsius animæ. Probatur *minor*, quoniam actus non potest esse intrinsecus per modum operationis, nisi aut per *identitatem*, sicut in Deo actus secundus est ipsa substantia Dei; aut per *inhærentiam*, sicut in creaturis: & actui, qui est in Deo, repugnat esse intrinsecum creaturæ aliquo ex his duobus modis. Cum vero dico, actum non posse esse intrinsecum per modum operationis, nisi aut per *identitatem* aut per *inhærentiam*: consulto addo illud per *modum operationis*, quoniam absolutè bene intelligimus diuinam essentiam, & eius actus, habere intimam unionem cum aliqua substantia creata, sine identitate aut inhærentia, ut quæstione secunda est explicatum; tamen huiusmodi unio non sufficit, ut actus diuinæ essentia dicantur uniri tali substantiæ creatæ, per modum operationum, & ita substantia creata non dicitur operari per huiusmodi actus.

Confirmatur ex modo loquendi pontificum, & Sanctorum Patrum. nam AGATHO Papa in epistola Synodali, quæ refertur 6. Synod actione quarta, & suscipitur in octava, probat non posse esse in Christo unam operationem utriusque naturæ, quia impossibile est propriam operationem unius naturæ, fieri operationem alterius; & eodem modo loquuntur S. AUGUSTINUS lib. de duabus animabus contra Manichæos cap. 10. S. AMBROSIVS libr. 2. de fide cap. quarto. DAMASCENVS libr. 3. cap. 13. 14. & 15. & LEO PAPA epistola decima ad Flavianum. & 96. ad Leonem Augustum; ergo operatio diuinæ naturæ, qualis est visio, qua Deus seipsum videt, non unitur animæ beatæ per modum operationis.

Ultimo potest probari hæc pars argumentis adducendis pro partibus sequentibus, & pro conclusione sequenti.

Deinde probatur SECUNDA PARS huius conclusionis, scilicet, quod operatio, quæ est nostra beatitudo

beatitudo formalis, sic verum accidens inherens animæ nostræ: quod addo, quoniam cum accidens sit duplex, scilicet *prædicabile*, quod comprehendit omnia, quæ sunt extra rei substantiam, tam formaliter quam virtualiter, seu quoad emanationem, sine sint substantiæ, siue accidentiæ; & *prædicamentale* quod solum continet accidentia, quæ distinguuntur aliquo modo à substantia: posset aliquis dicere, operationem, quæ est nostra beatitudo formalis, esse ipsum actum diuinum, & esse accidens, non quidem prædicamentale, quoniam est ipsa substantia Dei; sed prædicabile, quoniam accidentaliter conuenit nobis, habere eum unitum in ratione operationis, aut beatitudinis formalis. Vt ergo excluderem hunc modum dicendi, addidi *esse verum accidens inherens animæ*.

Et probatur imprimis, quoniam, (vt colligitur ex argumento ultimo partis præcedentis,) operatio, in qua consistit nostra beatitudo formalis, debet esse intrinseca beato per inherentiā: ergo est verum accidens inherens animæ beate.

Secundo probatur testimonio CONCILII TRID. sess. 6. decreto de iustificatione cap. 7. & can. 10. & 11. vbi definitur, iusticiam, qua sumus formaliter iusti; non esse iusticiam, qua Deus est iustus, aut quæ est in Christo: sed esse iusticiam, quæ in nobis recipitur, & nobis inheret: sed quantum ad hoc, videtur, esse eandem omnino rationem de beatitudine, à qua beati formaliter habent esse beatos; ergo operatio, in qua consistit huiusmodi beatitudo, est verum accidens inherens animæ beate.

Et ex his manet probata TERTIA PARS huius Conclusionis, scilicet, quod operatio, quæ est nostra beatitudo formalis, multiplicatur iuxta pluralitatem subiectorum, quæ ab ea dicuntur beati: quoniam idem numero accidens non potest inherere subiectis realiter distinctis, si ergo huiusmodi operatio est verum accidens inherens beato, necesse est, vt multiplicetur iuxta pluralitatem beatorum.

Confirmatur, quia certum est secundum fidem, quod beati non habebunt æqualem beatitudinem formalem, sicut nec habuerunt æqualia merita: sed eadem forma non potest simul participari secundum magis & minus, neque in vno neque in diuersis subiectis; ergo necesse est quod beatitudo formalis, & ex consequenti operatio, in qua consistit multiplicetur iuxta pluralitatem beatorum.

§ 4. Beatitudo formalis est operatio, beato intrinseca quoad receptionem & productionem.

SECUNDA CONCLUSIO. Operatio, quæ est nostra beatitudo formalis, producit efficienter ab eo subiecto, quod ab ipsa habet formaliter esse beatum; itque ita est intrinseca beato non solum quoad receptionem, sed etiam quoad productionem. Hæc conclusio videtur esse certa apud D. THOMAM, iam quamuis nullibi expressè eam statuatur, tamen ubicunque agit de beatitudine, supponit eam veram; & ita in hac quæstione, cum dicit, beatitudinem consistere in operatione, loquitur de

A operatione producta à beato, vt constat ex ratione, qua id probat; & postea, cum inquit hanc operationem esse visionem Dei, supponit intellectum creatum concurrere efficienter ad huiusmodi visionem, ex ijs quæ dixit 1. p. q. 12. & probatur *imprimis*, quia possibile est operationem, in qua consistit beatitudo formalis, elici ab homine beato: ergo de facto elicitur; *antecedens* patet, quia, vt colligitur ex CONCILIO TRIDENT. sess. 6. decreto de iustificatione cap. 3. & can. 4. homo efficienter concurrat ad actus supernaturales, quibus ad gratiam disponitur; & quantum ad hoc, quod est, posse produci ab homine, eadem est ratio de vno actu supernaturali, & de omnibus; ergo, si actus supernaturales, qui sunt dispositiones ad gratiam, possunt produci, & de facto producuntur ab homine: etiam actus, qui est beatitudo formalis, poterit ab ipso produci; & *consequentia* probatur, quia perfectior & connaturalior modus producendi hanc operationem est, quod eliciatur ab homine, quam quod producat à Deo solo, & homo tantum concurrat ad eam passivè recipiendo ipsam; & Deus in ordine supernaturali ita disposuit omnia fieri secundum legem ordinariam, sicut naturalis rerum erat magis consentaneum; vt, quamuis potentia animæ nostræ possent eleuari per auxilium sine habitu ad eliciendum actus supernaturales, & quamuis remissio peccati, & iustificatio posset fieri sine infusione habitus gratiæ; tamen quia connaturalius fiebant hæc omnia per habitus, ideo secundum legem ordinariam, & de facto, sunt per habitus infusos.

Confirmatur, quia non sunt multiplicandi effectus supernaturales, & miraculosi sine necessitate: sed quod operatio hæc producat à solo Deo, & non ab homine, est quid supernaturale, & miraculosum respectu ipsius operationis; quoniam est operatio vitalis, quæ saltem secundum naturam suam postulat dimanare à principio formali vite, & non est necessarium, quia (vt dictum est,) potest produci ab homine, imò ab aliquibus reputatur impossibile, vt postea dicemus, ergo non est admittendum.

Secundo probatur, quoniam in concilijs non obscure insinuat, hominem in statu beatitudinis concurrere efficienter, ad visionem Dei; nam in CONCILIO VIENENSI, cuius decretum refertur in CLEMENT. ad nostrum de hereticis, damnatur heretici, qui dicebant, animam in beatitudine non indigere lumine gloriæ, quoad visionem Dei eleuetur: vbi Concilium non loquitur de eleuatione ad recipiendum visionem, sed ad producendum ipsam, quoniam supponit, requiri hanc eleuationem propter defectum virtutis actiue, in intellectu creato.

§ 5. Censura duarum sententiarum quas initio proposuimus esse temerarias, sed non erroneas in fide.

EX HIS CONCLUSIONIBUS, & earum probationibus, sequitur, esse plus quam falsas, & temerarias, duas sententias in principio huius quæstionis propositas; non tamen auderem damnare eas erroris, sicut faciunt quidam ex recentioribus Thomistis, quoniam pro his conclusionibus non sunt adducta aliqua fundamenta certa

secundum fidem, cum quibus aperte pugnent; quod discurrendo per singula poterit facile constare. Nam imprimis contra primam sententiam quæ maiorem difficultatem habet, non colligitur hoc ex primo argumento facto pro prima parte primæ conclusionis: quia dici potest, quod denominatio beati à diuina operatione non esset substantialis, sed accidentalis, & in esse intelligibili, & ideo ad eam non esset necessaria unio hypostatica; sicut ab essentia diuina unita intellectui creato in ratione speciei intelligibilis denominatur intellectus proximè intellectuius, & constitutus in actu primo ad intelligendum. Et ex hoc patet, non sequi inconueniens deductum in confirmatione, ut eodem exemplo potest explicari. Neque etiam colligitur ex secundo argumento eiusdem partis, quia visio increata non vniretur intellectui creato totaliter & adæquate, sed magis, aut minus, seruata proportionem ad merita vniuscuiusque beati, aut ad gratiam, in qua vnusquisque decederet ab hac vita: sicut de facto essentia diuina in ratione speciei intelligibilis non vnitur adæquate, & totaliter intellectui, sed magis, aut minus, iuxta eandem proportionem. Neque tandem colligitur *exterioris*, quia quamuis aliquis diceret, non esse magis de ratione operationis intellectualis, quam de ratione speciei intelligibilis, vniri per identitatem, aut per inherentiam, non sequeretur aliquid contra fidem. & ad Confirmationem dici potest, quod pontifices & Sancti, cum assignant illam rationem, loquuntur de operatione, quoad productionem, non autem quoad receptionem; & addi potest, quod, quamuis Conclusio ab eis intenta sit certa secundum fidem, non oportet quod ratio sit eodem modo certa. Et ad primum argumentum secunda partis, quatenus ex eo colligi potest, quod operatio, quæ est nostra beatitudo formalis, non sit visio increata, quia hæc non potest inherere: patet solutio ex ijs; quæ diximus ad tertium primæ partis. Et ad secundum, negari potest, esse eandem rationem quantum ad hoc, quod est esse accidens inherens, de iustitia, qua formaliter iustificamur, & de beatitudine formali: quoniam iustitiæ, quæ est in via, respondet in patria immediatè gratia habitualis, & non operatio, quæ est beatitudo formalis; & præterea concilium loquitur expressè de iustitia, & non de beatitudine formali, & ex hoc patet quid dici possit pro illa sententia ad argumentum tertie partis, & ad Confirmationem dici potest, quod ex solutione secundi argumenti primæ partis patet, quæ ratione visio increata posset habere inæqualitatem in ratione beatitudinis formalis.

Argumenta etiam facta pro secunda Conclusionem non conuincunt, esse contra fidem secundam sententiam, contra quam directè proponuntur, neque primam, quatenus deseruiunt ad eius impugnationem; cum ex eo, quod beatitudo formalis producat ab ipso beato, sequatur, quod non consistit in operatione increata. Nam ad primum dici potest, solum concludere, quod sententia nostra sit magis consentanea doctrinæ, quam tradidit concilium de actibus supernaturalibus, quibus disponimur ad gratiam.

Item dici potest, non esse eandem rationem

A de huiusmodi actibus, & de beatitudine formali: quoniam beatitudo formalis habet rationem præmij, & ideo particulariter postulat esse à præmiante, vel efficienter, si sit aliquid creatum; vel saltem quoad communicationem, si sit operatio increata, & ex hoc patet solutio ad Confirmationem, quoniam propter hanc rationem non fieret sine necessitate illud, quod appellatur miraculum, & ad secundum Respondetur, solum conuincere, esse necessarium lumen gloriæ, ut beati videant Deum; non tamen esse necessarium, ad producendam visionem: quia dici potest, esse necessarium ad suscipiendum aut visionem increatam iuxta primam sententiam, aut creatam iuxta secundam, & ut intellectus fiat eius capax.

Sed adhuc solent hoc loco disputari duæ difficultates. PRIMA est, an per potentiam Dei absolutam sit possibile, visionem increatam vniri intellectui creato per modum visionis, ita ut intellectus creatus per eam videat Deum? SECUNDA est, an etiam sit possibile per potentiam Dei absolutam, visionem, qua intellectus creatus videt Deum, produci à solo Deo, & intellectum solum concurrere passivè recipiendo eam: sed de prima dicam in solutione primi argumenti primæ sententiæ; & de secunda, in solutione Confirmationis secundi argumenti secundæ sententiæ.

§ 6 Ad argumentum primæ sententiæ; An visionem increatam vniri intellectui creato per modum operationis sit possibile?

AD PRIMUM primæ sententiæ Respondetur, PRIMO, quod quicquid sit de antecedenti, potest negari consequentia; & ad probationem Respondetur, quod cum dicitur, beatitudinem consistere in operatione, quæ sit perfectissima in ratione consecutionis summi boni: intelligitur de operatione perfectissima, non solum secundum suam entitatem, sed etiam quoad connaturalitatem. Et quoniam non est connaturale visioni increatæ habere rationem operationis, quæ intellectus creatus videat Deum; quia videtur consentaneum naturæ operationis, per quam agens aliquod dicitur operari, quod procedat ab ipso agente, quoniam agens dicitur agere, & operari, quatenus est principium, à quo emanat actio, aut operatio: ideo non consistit in ea beatitudo formalis, quantumcunque ipsa secundum suam entitatem sit perfectissima.

Et iuxta solutionem hanc Respondetur AD VTRAMQUE CONFIRMATIONEM admittendo intentum; scilicet, quod sicut essentia diuina potest vniri intellectui creato per modum speciei intelligibilis constituentis ipsum in actu primo; & sicut personalitas diuina potest vniri naturæ creatæ dando ei subsistere, ita etiam visio increata potest de potentia Dei absoluta vniri intellectui creato constituendo ipsum in actu secundo videndi, & dando animæ formaliter esse beatam.

Et si quæras, cur, dato quod hoc tertium sit possibile,



Intellectus non requiritur, quod producat ab eo. Probatur antecedente testimonio D. THOMAE 1. p. q. 14. art. 1. ad 3. ubi sic ait, *intelligere imperat solum humanum, non illi genti ad rem intellectum*. in qua nulla ratio originis importatur, sed solum informari quidem in intellectu nostro, prout intellectus nostre in acta per formam rei intellectus.

Confirmatur secundo, quoniam ex ratione propter quam CAPRUS dicit intellectum creatum esse principium productum intellectus, per quam intelligit, solum sequitur, quod distinguatur ab ipsa intellectus one: quia hoc solum colligi potest ex difference constituto inter essentiam divinam, & creatam in ordine ad esse.

Confirmatur tertio, quia quod sit de ratione intellectus, quia intellectus creatus intelligit, produci ab intellectu creato, vel convenit ei in quantum est actus, quia agens creatum dicitur agere, & operari, vel in quantum est actus vitalis, vel in quantum est talis actus, sicut intellectus dicitur *primum*, sequitur, quod in illa ratione petatur principium, quia supponitur in ea, quod intellectus est actus, per quem intellectus creatus agit & operatur, atque adeo quod procedat ab ipso intellectu tanquam à principio, & tamen de hoc est controversia, si dicatur *secundum*, sic quia si quod ratio, propter quam CAPRUS dicit, esse hoc de ratione intellectus, quatenus constituit intellectum creatum in actu intelligendi, sit insufficientis; quia in ea nihil dicitur de vitalitate intellectus, & praeterea *potest obijci*, quod quia hoc est verum de intellectu creato, de quo statim dignum, tamen de increato nullo modo dici potest, quoniam nullum habet principium à quo producat, quare sicut intellectus increatus intelligit ut actus secundus vitalis divini intellectus, quatenus non producat ab eo ita etiam poterit intelligi ut actus secundus vitalis intellectus creati, quatenus ab eo non producat. Si tandem dicatur *tertium*, oportet assignare rationem, propter quam id peculiariter conveniat intellectui, quatenus intellectus est.

SECUNDUM ARGUMENTUM est contra *secundam rationem*, quia videtur falsum, quod intellectus, ut constituit intellectum in actu secundo intelligendi, debeat ei vni per identitatem, aut per informationem, quod sic probatur: tanta vni requiritur inter personalitatem & naturam, ut personalitas constituat naturam in actu subsistendi, quanta inter intellectiorem, & intellectum, ut intellectus constituat intellectum in actu intelligendi: sed ad primum non requiritur vni per identitatem, aut per informationem propriam, ut patet in personalitate verbi divini terminante humanitatem; ergo neque ad secundum.

Dicitur personalitatem vni per modum termini, ut vero intellectiorem non ita vni, & ideo necessario debere vni per identitatem, aut per informationem.

Sed contra, quia etiam intellectus habet rationem termini, & complementi potentialitatis, quoniam habet intellectus, quatenus est in actu primo, atque ideo in potentia ad actum secundum.

Confirmatur primo, quia non minor vni requiritur inter intellectum creatum, & id, quod constituitur in actu primo, quam inter eum intellectum, & id, quod constituitur in actu secundo: sed ad primum vniorem non requiritur identitas, nec propria informatio, ut patet cum intellectus creatus constituitur per essentiam divinam in actu primo ad videndum Deum, ergo nec ad posteriorem.

Confirmatur secundo, quia potest reperiri vni per propriam informationem sine ulla imperfectione in eo, quod ita vniatur: ergo potest convenire intellectui increato respectu intellectus creati probatur antecedens, quia in eo, quod proprie informat, res (ut plurimum) reperitur imperfectiones, quae videantur necessarias ei convenire; scilicet, dependere aut à subiecto, quod informat, aut à composito, quod cum eo constituit, & habere proprie rationem *paris & mutari*, & ex his, *prima* separari à propria informatione in anima rationali, cum in generatione hominis vniatur matri, quia nec pendet in suo esse à materia, nec ab homine quem constituit, & *secundo*, quatenus de facto non separatur ab informatione propria in aliqua forma, quia de facto nulla est forma proprie informans quatenus non constituit, imo

& componat aliquod tertium, cuius sit pars: tamen per potentiam Dei absolute potest separari. Quod sic probatur, non videtur magis requiri, esse partem, ad constituendum tertium compositum per informationem, quam per vniorem hypostaticam: sed divinitas & humanitas quatenus vniuntur in persona verbi constituit vnam personam compositam ex duobus naturis, quia Christus ut homo est persona composita ex duabus naturis, ut D. THOMAS docet, 3. p. q. 4. art. 4. & praeterea personalitas verbi cum humanitate constituit personam compositam; ergo similiter potest per divinitatem potentiam fieri, ut vnum extremum vniatur alteri per propriam informationem ad componendum aliquod tertium, quatenus non habeat rationem partis; & in nostro casu habet hoc exemplum maiorem vni, quoniam ideo dici solet, personalitatem verbi, aut divinitatem non habere rationem partis, quia propter suam unitatem continet totam perfectionem, & unitatem alterius extremi: ergo propter eandem rationem dici poterit, intellectiorem increatam non habere rationem partis, quatenus vniatur per propriam informationem intellectui creato, quia etiam est infinita, atque ideo continet totam perfectionem & unitatem intellectus creati. *Quod si dicatur*, id, quod vniatur per propriam informationem ad componendum aliquod tertium, habere rationem partis; non autem id, quod vniatur per vniorem hypostaticam; *respondetur primo*, quoniam hoc est quod inquitur, scilicet, cum id dicatur de eo, quod vniatur per informationem, & non de eo quod vniatur per vniorem hypostaticam. Et tandem de *tertia* imperfectione probatur, quod etiam possit separari à propria informatione, quia personalitas verbi divini potest propter suam infinitatem vni hypostaticae cum natura creata absque ulla sui mutatione; ergo etiam forma increata, quia etiam est infinita, poterit vni per propriam

informationem abique mutatione, ita ut, licet hoc constituitur discrimen inter personalitatem incretam, & creatam, quod illa sine sui mutatione potest terminare de nouo aliquam naturam, non vero hæc: sic etiam inter formam incretam & creatam fit hoc discrimen, quod ut forma increta proprie informet, non requiratur eius mutatio, ut vero forma creata informet requiratur. Imo idem probatur de forma creata, quia in resurrectione hominis anima incipiet informare materiam sine ulla sui mutatione: quia ut informet non erit necessarium quod acquirat, aut perdat aliquid; & omnis mutatio vel est acquisitiua, vel deperditiva; Et quod nec acquirat nec deperdat aliquid, probatur: quia imprimis non perdet, alias resurrectio cederet aliquo modo in eius destructionem, nec etiam acquireret aliquid, quia vel illud erit ens rationis, & hoc dici non potest, quia informatio erit realis, vel ens reale, & neque hoc potest dici, quia etiam illud ens reale deberet communicari materię per modum actus, atque adeo per informationem, & ex consequenti rediret eadem quæstio de necessitate nouæ entitatis ad informandum.

Ad primum horum Responderetur, quod, quicquid sit de *maiori*, potest negari *consequentiā*, quoniam ex illa propositione solum sequitur, quod si intellectio posset recipi in intellectu creato, daret ei esse actum intelligentem, quamuis non procederet ab eo. ceterum supposito quod intellectio consistat in passione siue informatione passiva intellectus, dicendum est esse impossibile, intellectum creatum informari per intellectionem non procedentem ab ipso. In quo differt intellectio ab alijs passionibus aut mutationibus, quę inferuntur ab agentibus extrinsecis, cuiusmodi sunt motus non viuientium, qui adducuntur in probationem minoris, & ita etiam admissa illa maiori est verum id, quod CAPREO. dixit, scilicet esse de ratione intellectionis, quatenus constituit intellectum creatum in actu secundo intelligendi, quod procedat ab ipso: quia si intellectio non potest informare intellectum creatum, nisi procedat ab eo, bene sequitur quod intellectus creatus non possit pati, aut mutari, atque adeo nec intelligere per intellectionem, cuius non fuerit principium. Quare ad formam argumenti concessa *maiori*, neganda est *minor* si vniuersaliter intelligatur de omni passione & mutatione. Verum quamuis absolute dixerim, non posse intellectum creatum informari per intellectionem non procedentem ab ipso, non excludo distinctionem, quam aliqui solent adhibere de intellectione sumpta entitatiue, & in ratione intellectionis, nec disputo an intellectio sumpta entitatiue possit informare intellectum, a quo non procedit, quamuis in ratione intellectionis non possit, quoniam hoc pertinet ad aliam quæstionem & ad dissoluendum argumentum propositum satis est, quod vel secundum utramque rationem, vel saltem secundum posteriorem non possit.

Et si quæratur, unde proveniat, quod intellectio, saltem in ratione intellectionis, non possit informare intellectum creatum, nisi procedat ab eo: cum tamē sint multe alię mutationes, & passionēs, quę possunt recipi in subiectis, a quibus non procedunt, Responderetur, rationem esse, quod intellectio saltem ut intellectio est, non consistit in quacunque passione, sed in passione virali, hoc est habente in-

trinsecam vitalitatem, & passio, quantum est ex parte sua, non potest esse vitalis, nisi procedat a principio formali vitę, ut constat *imprimis* inductione facta in omnibus passionibus, quibus dicuntur pati, aut informari subiecta quęcunque, etiam si sint viuientia, nam verbi gratia, calefactio sumpta pro passione, quamuis recipiatur in viuente, non dicitur vitalis, quia non procedit a principio formali vitę, sed ab igne, aut alio extrinseco agente, & idem est de reliquis. Et *præterea* colligitur ex propria ratione passionis vitalis, nam passio non dicitur vitalis, quia sit principium vitę, aut vita per modum actus primi, sed quia est vita per modum actus secundi; & actus secundus non potest habere vitam, nisi procedat ab actu primo virali formaliter, hoc est, concurrente per modum principij vitę, quoniam alias non seruabatur proportio inter actum secundum & primum, & Confirmatur quia passio non dicitur vitalis, nisi sicut actio, cum qua identificatur, & actio non habet vitalitatem, nisi in quantum procedit a principio formali vitę: quia in hoc consistit eius vitalitas, aut in ordine ad huiusmodi principium.

Ad primam Confirmationem Responderetur, quod licet ex illa ratione immediate solum colligatur, intellectum creatum distingui ab intellectione, per quam intelligit: tamen ex hoc ulterius sequitur esse, principium elicitiuum ipsius. Pro quo *aduertendum* est, quod actus secundus dupliciter potest habere vitalitatem per ordinem ad principium vitę, scilicet aut per *identitatem* cum eo; aut quia *procedit ab ipso*, quare cum intellectione, qua intellectus creatus intelligit, non habeat vitalitatem *priori modo*, quia, ut ostenditur illo argumento, distinguitur ab ipso intellectu creato, bene sequitur quod habeat eam posteriori modo.

Ad secundam Confirmationem Responderetur, quod intellectioni, qua intellectus creatus intelligit, conuenit secundum illas tres rationes debere procedere ab ipso intellectu creato, & ad obiectionem factam contra primam, negatur, quod in illa ratione petatur principium, quia licet sit de ratione actionis per quam agens creatum agit, quod procedat ab ipso agente, ita ut aliter sit impossibile, quod agens creatum dicatur agere per eam, tamen hæc duo, saltem quoad disputationem, sunt valde distincta, scilicet operari aut agere per aliquam actionem, & esse principium talis actionis, & ita ex primo potest colligi secundum sine aliquo defectu petitionis principij, quod autem ex primo sequatur secundum, explicatur hoc exemplo, si admittatur sententia Nominalium, asserentium, causas secundas non esse principia actionum, quibus produuntur effectus naturales, consequenter dicendum erit, ipsas causas secundas non agere, sed Deum ad earum præsentiam agere, ergo ut causa creata dicatur agere per aliquam actionem, necessesse est quod sit eius principium. Et ad obiectionem factam *contra secundam rationem*, quoad priorem partem negatur sequela; quia in illa ratione supponitur, quod intellectio est actio aut passio vitalis, & ostenditur expresse, quod est distincta a principio formali vitę, & ita consequenter probatur, quod debet procedere ab eo, atque adeo ab intellectu, quoniam per ipsum concurrat ad huiusmodi operationem principium formale vitę.

Et quoad posteriorem partem patet solutio ex ijs, quæ dixi in solutione primæ confirmationis, quoniam intellectio increata potest intelligi ut actus secundus vitalis respectu diuini intellectus, non quidem per processionem ab aliquo principio vitæ, sed per identitatem cum eo, quod in Deo habet rationem vitæ, quod est ipsum viuere. At vero eadem intellectio respectu intellectus creati non potest habere rationem actus secundi vitalis, quia respectu eius nec habet vitalitatem per processionem à principio vitæ, nec per identitatem cum eo. Et ad obiectionem factam contra tertiam rationem Respondetur, quod intellectio, qua intellectus creatus intelligit, postulat ex propria ratione, procedere ab ipso intellectu, quia secundum propriam rationem est eius actio, aut passio vitalis.

AD SECUNDVM ARGVMENTVM Respondetur negando quod illud sit falsum, & ad probationem Respondetur distinguendo maiorem, si enim per tantam vnionem intelligatur vnio æqualis quoad indistantiam extremorum inter se, vera est; & ita tam indistans est personalitas verbi diuini ab humanitate, sicut quæcunque intellectio ab intellectu, qui per eam intelligit: si tamen intelligatur vnio eiusdem rationis, falsa est; quoniam personalitas non vnitur naturæ per modum actus formalis, sed per modum termini, & ideo non est necesse quod vnatur naturæ per identitatem, nec per propriam informationem, sicut patet in alijs terminis qui nec identificantur cum rebus, quas terminant, nec informant eas. At vero intellectio vnitur intellectui per modum actus formalis, & ideo necesse est quod vnatur, aut per identitatem, aut per informationem propriam. Et ad id quod ibidem contra hoc obijcitur, scilicet intellectiorem etiam habere rationem termini respectu potentialitatis intellectus, Respondetur, dici terminum late; quatenus omnis actus, etiam proprie informans, est terminus suæ potentie.

Ad primam Confirmationem Respondetur distinguendo maiorem eo modo, quo distinximus maiorem præcedentis argumenti, est enim vera de æqualitate vnionis quoad indistantiam; non vero quoad modum, & rationem vnionis; quoniam id, quod intellectus constituitur in actu primo, per se loquendo, non vnitur ei per modum actus formalis, sed ut principium concurrens simul cum ipso ad actum intelligendi, & ideo non est necesse, quod vnatur per identitatem, aut per propriam informationem.

Ad secundam Confirmationem Respondetur, negando antecedens: & ad probationem, negandum est, posse illas tres imperfectiones separari à propria informatione, & ad argumentum quo probatur, primam posse separari, Respondetur, quod anima rationalis non pendeat simpliciter quoad esse, nec quoad operari, aut à corpore, quod informat, aut à toto quod constituit; quia potest separata à corpore habere esse, & operationem: tamen secundum statum, quo est vnita corpori per propriam informationem, pendet aliquo modo quoad vtrumque: quia & subsistit per subsistentiam totius, imo & existit per existentiam totius, iuxta sententiam eorū, qui dicunt existentiam distingui realiter ab essentia; & operatur dependenter à corpore, saltem ministerialiter, quia nihil potest in eo statu natura-

liter intelligere, sine ministerio sensuum, & sine conuersione ad phantasmata, & ad argumentum quo probatur idem de secunda imperfectione, negandum est, esse possibile per respectum ad potentiam Dei absolutam, separari illam imperfectionem à propria informatione: & ad probationem distinguenda est maior, aut enim intelligitur de parte constituyente vnum tertium per modum naturæ totalis, aut de parte constituyente vnum tertium per modum numeri; si intelligatur primo modo, falsa est, quia personalitas constituit suppositum per modum termini simul cum natura quam terminat, & de ratione termini non est constituere vnum per modum naturæ siue substantialis siue accidentalis, sicut patet in terminis quantitatis & relationum, at vero forma, quæ proprie informat, constituit vnum tertium, dando aliquod esse reale, aut substantiale, aut accidentale alteri extremo, cui vnitur, quia in hoc consistit causalitas formæ, quæ proprie informat; & ideo constituit vnum per modum naturæ, aut substantialis, aut accidentalis constituitur ex illo esse reali, & ita magis requiritur esse partem alicuius naturæ totalis ad constituendum vnum tertium per informationem propriam, quam ad constituendum vnum per vnionem hypostaticam: si tamen intelligatur posteriori modo, vera est, quia sicut forma, quæ proprie informat, dicitur pars tertij per modum numeri, quia tertium importat ipsam formam & alterum extremum cui vnitur; ut binarius importat primam unitatem & secundam: ita etiam personalitas dici potest pars tertij suppositi per modum numeri, quia suppositum importat ipsam personalitatem, & præterea naturam, quam terminat. Et eodem modo est distinguenda minor quoad priorem partem, quia si intelligatur de constitutione vnus in ratione naturæ, falsa est; si tamen intelligatur de constitutione vnus in ratione suppositi, vera est, quia nec diuinitas & humanitas, nec personalitas verbi & humanitas vniuntur in Christo in vna natura, sed in vna persona, ut nunc suppono ex materia de incarnatione: & ideo neganda est consequentia, quia proceditur ab vnione in tertio, quod est vnum per modum numeri, & non per modum naturæ, ad vnionem in tertio quod est vnum per modum naturæ: & ut constat ex distinctione adhibita maiori propositioni, magis separabilis est ratio totius & partis à priori vnione, quam à posteriori, & ex hoc patet solutio ad id, quod vltius obijcitur, scilicet quod hoc exemplum vnionis hypostaticæ habet maiorem vim in nostro casu; nam ex eo solum colligitur, rationem totius, & partis per modum numeri, posse separari ab vnione intellectiōis increatæ cum intellectu creaturæ, sicut separatur ab vnione personalitatis verbi diuini cum humanitate; non tamen posse separari rationem totius & partis per modum naturæ, & tandem ad argumentum quo probatur posse separari tertiam imperfectionem. Respondetur, concedendo antecedens, & negando consequentiam, & ratio discriminis est; quod personalitatem diuinam vniri naturæ creatæ, est, terminare dependentiam ipsius naturæ, & non importat aliquam dependentiam in ipsa personalitate: & ideo non arguit potentialitatem, atque adeo nec mutabilitatem in ipsa; at vero intellectiōem increatam vniri per propriam informationem intellectui creato, importat in ipsa intellectiōe

dependen.

dependentiam per modum partis à toto, quia, ut dixi, à forma proprie informante non potest separari ratio partis, & ideo etiam arguit potentialitatem & mutabilitatem in ipsa intellectione, & ad id quod obijciatur de vnione animæ rationalis cum corpore in tempore resurrectionis: Respondetur quod illa vnio *saltem* arguit potentialitatem, & mutabilitatem in ipsa anima, propter rationem nunc assignatam, & deinde dico, etiam fieri cum actuali mutatione ipsius animæ, & quamuis posset dici huiusmodi mutationem esse acquisitiuam noui modi in ipsa anima; sicut aliqui sentiunt omnem actionem vnitiuam terminari ad nouum aliquem modum, vel in utroque extremo vnionis, vel saltem in eo, quod cum sui mutatione vnitur, tamen non est necesse ad hoc confugere, quoniam ad mutationem alicuius extremi vnionis satis est, quod incipiat actu habere rationem partis & dependere aliquo modo à toto.

§. 7. *Argumentum secunda sententia soluitur.*

AD PRIMUM ARGUMENTUM SECUNDÆ SENTENTIÆ, aliqui ex recentioribus Thomistis, qui (ut vetuli quæstione præcedenti in solutione primi argumenti) sentiunt habitus, etiam supernaturales, esse minus perfectos, quam actus, Respondent, concedendo maiorem, & negando minorem, quantum ad eam partem, qua dicitur: habitus supernaturales præcise propter suam perfectionem postulare, quod à solo Deo producantur, & ut explicent, unde proueniat, quod habitus supernaturales quauis sint minus perfecti quam actus, producantur à solo Deo, & tamen actus procedant à Deo, & à potentijs: dicunt esse hoc discrimen inter habitus, & actus, quod habitus non sunt operationes vitales, & ideo non postulant ex sua natura procedere à potentia vitali, & præterea eleuant ipsas potentias ad eliciendum actus supernaturales, atque proinde necesse est, quod à solo Deo supernaturaliter producantur, quia si potentia ad eos concurrerent, aut id efficienter propria virtute naturali, & sic habitus non essent supernaturales, atque adeo nec principia actuum supernaturalium, aut ut eliciantur ab alijs formis supernaturalibus, & sic vel daretur processus in infinitum, vel deueniendum esset ad aliquas formas supernaturales, quæ essent principia operandi, & à solo Deo producerentur, & huiusmodi formæ essent habitus. At vero actus supernaturales sunt operationes vitales, & ideo ex natura sua postulant procedere à potentijs vitalibus, & præterea non eleuant potentias ad operandum, & ideo nihil habent, ratione cuius repugnet ipsis, procedere à potentijs.

Sed hæc solutio alijs non placet, & contra primam rationem discriminis in ea explicatam obijciunt, quod ex ea solum sequitur, hos actus, quatenus vitales sunt, non posse produci à solo Deo; non tamen absolute non posse produci, quia eadem entitas actus vitalis, non solum secundum speciem, sed etiam secundum numerum, potest incipere esse de nouo, aut conservari, sine vitalitate, quoniam vitalitas est modus quidam superadditus entitati actus aut intrinsece, aut secundum denominationem extrinsecam, quæ consistat in hoc, quod est procedere à principio vitali, & non pertinet ad

A eius specificationem essentialem, neque ad indiuiduationem in ratione entis, de quo postea dicemus. Et contra secundam rationem potest obijci, habere facilem solutionem, si dicamus, potentias concurrere ad productionem habituum ut eleuatas per auxilium supernaturale, sicut concurrunt ad actus quibus homo disponitur ad gratiam; & ideo nec dari processum in infinitum, nec deueniri ad aliquas formas supernaturales, quæ habeant rationem habituum, sed ad auxilia.

Ex ideo aliter Respondetur, hoc argumentum non habere difficultatem contra nos, quia diximus quæstione præcedenti loco citato habitus supernaturales esse perfectiores actibus.

AD SECUNDUM, concessa Maiori, neganda est minor, quia voluntas respectu Dei clare vili, non concurret libere ad eius dilectionem, sed necessario ut infra est ostendendum.

AD CONFIRMATIONEM Respondetur concedendo maiorem, si fiat sermo de actibus vitalibus pertinentibus ad penam damnatorum, cuiusmodi sunt nolitio illius status, & tristitia aut dolor; & negando minorem, & ad probationem etiam est negandum, quod damnatus possit cessare ab huiusmodi actibus. unde autem proueniat tam in beatis, quam in damnatis necessitas non cessandi ab huiusmodi actibus, explicandum est postea, & nunc dici potest, quod quauis neutra proueniet ex natura obiecti, & modo suæ applicationis, posset prouenire ex diuina potentia.

AD TERTIUM respondent aliqui, concedendo antecedens, & negando consequentiam, & ad probationem dicunt, sufficere ad rationem præmij in beatitudine formali, quod sit à Deo, tanquam à prima & principali causa concurrente ad operationem, in qua consistit, & conferente virtutem potentia quæ eleuetur ad eliciendum eam. **S**ecundo Respondetur, quod quauis de ratione præmij obiectiui, siue per modum rei, quæ datur in præmium, sit effectus, aut saltem dari, vel communicari à solo præmiante; tamen de ratione præmij formalis, siue per modum adeptiōis, vel possessionis, aut retentionis ipsius præmij obiectiui, non est, prouenire à solo præmiante; imo solum respectu Dei est necesse, quod proueniat ab ipso, nam in creaturis non requiritur, ut verb. g. si rex conferat alicui in præmium equum, vel aliquid aliud, necesse est quod equus proueniat à rege, tanquam à dante ipsum; tamen actio, qua tenetur, aut possidetur equus, non prouenit à rege, sed ab eo, cui datur in præmium.

AD VLTIMUM Respondetur, quod potentia creata est causa efficiens operationis, in qua consistit beatitudo formalis, per propriam entitatem eleuatam viribus supernaturalibus ei superadditis, siue per habitum secundum legem ordinariam, siue per auxilium de potentia Dei absoluta non tamen ita, ut potentia secundum suam entitatem nullo modo sit principium operationis; nec ita, ut partialiter concurrat ad eam simul cum viribus supernaturalibus: sed ita, ut secundum suam entitatem sit principium quasi radicaliter, & proxime concurrat per vires superadditas, quod loco in argumento citato est latius explicandum.

aut *hinc specie*, per essentiam diuinam ubi vocamur in ratione speciei intelligibilis, possit esse principium elicitiuum, & subiectum receptiuum visionis Dei.

IN HAC RE aliqui recentiores in primo sensu absolute sequuntur partem *affirmatiuam* quam probant hoc argumento: non repugnat, quamcunque creaturam, etiam materialem, & corporalem, eleuari a Deo ad producendum effectum spirituales, & supernaturalem in subiecto immateriali: sicut sacramenta eleuantur ad producendum gratiam in anima; ergo neque repugnat eleuari sensum ad producendum visionem Dei in intellectu aliquo creato; probatur consequentia ex paritate rationis, quia si repugnet, maxime propter supernaturalitatem, & immaterialitatem visionis Dei, & propter immaterialitatem intellectus in quo esset recipienda. In secundo autem & tertio sensu sequuntur partem *negatiuam*, & eam probant, quia in utroque casu visio Dei deberet esse immaterialis, & accidens immateriale, etiam per potentiam Dei absolutam non potest inherere subiecto corporeo cuiusmodi est sensus.

§. 2. Eligunt partem negatiuam.

SED MIHI in omnibus his sensibus videtur *errare partem negatiuam*, & in secundo & tertio est expressa sententia D. THOMÆ 1. p. quæst. 12. art. 3. quoniam in utroque admissa parte affirmatiua, deberet concedi, quod sensus videret Deum, ut constat ex argumento, quo in fine questionis præcedentis ostendimus, non posse intellectionem recipi in aliquo intellectu, quin det ei esse actu intelligentem; & tamen D. THOMAS ibi absolute docet, non posse fieri, etiam per potentiam Dei absolutam, ut oculis corporeis videatur Deus.

Et ad hoc *Confirmandum* non est inefficax ratio patum superius adducta pro secunda parte opinionis telatæ, quoniam accidens immateriale non potest propria virtute inherere subiecto corporali, neque ut eleuatum a Deo; ergo nullo modo potest etiam per potentiam Dei absolutam inherere subiecto corporali, consequens patet à sufficiente partium enumeratione; & antecedens quoad priorem partem etiam est notum, ex qua patet non esse ad propositum instantiam de anima rationali; quæ quamuis sit immaterialis, informat materiam, & quoad posterioriorem probatur, quia inherencia est proprie causalitas causa formalis, & informatio, sed in hac causalitate non potest dari eleuatio, quoniam Deus non potest habere rationem formæ informantis: ergo accidens immateriale non potest habere ex Dei eleuatione quod inhercat subiecto corporeo, & quamuis duo præsupponantur in hac ratione, quæ videntur habere difficultatem: *primum*, quod visio in utroque casu deberet esse immaterialis; *Secundum*, quod eleuatio visionis ad inherendum sensui deberet fieri a Deo in genere causæ formalis, & non in genere causæ efficientis, potest facile vtriusque reddi ratio: & *primum* quidem ratio est, quod alias visio nullam haberet proportionem cum subiecto viso, *secundum* vero quod causalitas in causa eleuata & inherere debet esse eiusdem ordinis, ut in instrumento & causa principali.

Et idem probatur de primo sensu, quoniam vel sensus eleuaretur ad producendum visionem per mo-

diū potentia cognoscitiua, vel per modum nudi & mortui instrumenti, non habentis rationem potentia vitalis: & *primum* dici non potest, quia nulla potentia potest eleuari per modum potentia ad elicendum actum circa obiectum, quod est extra totam latitudinem obiecti, à quo specificatur; neque *Secundum*, quoniam illa visio esset in specie visionis, & cognitionis, & de ratione visionis, & cognitionis est, procedere à principio, quod habeat rationem potentia cognoscitiua. Sed de his latius dicemus quæstione 5. ubi agemus de causis operationis quæ est beatitudo formalis.

Et ex his patet solutio ad argumentum alterius sententia: quoniam in exemplis, quæ possunt adduci in confirmationem antecedentis, non est de ratione effectus procedere à principio habente modum potentia, & ideo potest procedere à quacunque creatura, ut à nudo & mortuo instrumento, saltem quoad causalitatem.

QUESTIO VI.

Utrum operatio in qua consistit beatitudo formalis sit operatio intellectus, vel voluntatis?

Postquam dictū est quæstionibus præcedentibus, operationem, in qua consistit nostra beatitudo formalis, produci ab ipsis beatis; & non produci per potentias partis sensitivæ, sed per potentias partis intellectivæ; consequenter nunc explicandum est, per quam potentiam huius partis producat, & quoniam nos in parte intellectivæ solum habemus duas potentias realiter distinctas, scilicet intellectum, & voluntatem: ideo inquirimus, an sit operatio intellectus, vel voluntatis, vel potius sit aggregatum ex utraque operatione? & vltius, quia quælibet harum potentiarum habet distinctos actus, ideo etiam explicandum erit in particulari, in quo eorum determinare consistat nostra beatitudo formalis.

§. 1. Prima opinio beatitudinem includere operationes vtriusque potentia. Est D. Bonaventura.

IN QUA RE EST PRIMA SENTENTIA eorum, qui dicunt, beatitudinem formalem non consistere in una simplici operatione, sed includere operationes vtriusque potentia. Hanc sententiam sequuntur RICHARDVS in 4. d. 49. artic. 1. quæst. 6. BONAVENTURA eadem d. 1. p. d. quæst. 5. ARGENTINA ibidem q. 3. art. 3. in fine, in declaratione, & impugnatione quartæ opinionis; SUPPLEMENTVM GABRIELIS q. 1. art. 3. dubio 3. & ex retentionibus Corduba lib. 1. quæstionarij theologicij q. 42. Conclusionem primam, & secundam; & eidem sententia fauent aliquo modo illi auctores, qui supponentes, beatitudinem animæ posse sumi duobus modis, scilicet pro beatitudine perfecta, & pro eo quod est in ipsa præstantissimum, dicunt beatitudinem sumptam priori modo includere actus vtriusque potentia, de quorum numero sunt DURANDVS in 4. d. 19. q. 4. MAIOR q. 1. & alij, & meo iudicio sequitur eam expresse GREGORIUS in 1. d. 1. q. 2. art. 1. in

fine, in solutione octavi argumenti, & q. 3. art. 1. in fine in Secunda significatione beatitudinis. Verum quamvis hi auctores in hoc conveniant inter se, differunt in explicando in particulari, qui sint actus harum potentiarum qui pertinent ad essentia beatitudinis. Nam RICHARD. SUPPLEMENTUM GABRIELIS. GRIG. & CORDUBA dicunt, esse visionem diuine essentiae, quae est actus intellectus, & amorem eiusdem essentiae clarae visae, qui est actus voluntatis; At vero alij adiungunt tertium actum, quem dicunt pertinere ad voluntatem, & hunc S. BONAVEN. dicit esse fruitionem, aut retentionem, quae correspondet spei, & alij esse gaudium, confurgens in voluntate ex visione & amore Dei.

Sed quicquid sit de hac diuersitate, id in quo hi auctores conveniunt, scilicet nostram beatitudinem formalem includere actus utriusque potentiae probatur PRIMO ex RICHARDO, quia beatitudo formalis consistit in perfecta vnione animae rationalis cum Deo: sed anima rationalis non vnitur perfecte Deo, nisi simul vnatur per actus intellectus, & voluntatis; ergo beatitudo formalis consistit simul in actibus utriusque potentiae; maior patet ex ratione beatitudinis formalis superius explicata; & minor probatur, quia vnio perfecta animae rationalis est illa, quae fit per omnem potentiam, per quam est vnibilis Deo, sed anima rationalis est vnibilis Deo per actus intellectus & voluntatis; quoniam per actum intellectus potest vniri ipsi, quatenus est summum verum: & per actum voluntatis, quatenus est summum bonum; ergo anima rationalis non vnitur perfecte Deo, nisi simul vnatur per actus intellectus & voluntatis.

Confirmatur primo, quia omnis actus, per quem immediate perfecte attingitur obiectum beatificum, quatenus est obiectum beatificum, est essentialiter beatitudo formalis: sed per actus intellectus & voluntatis attingitur immediate Deus, quatenus est obiectum beatificum; ergo actus intellectus & voluntatis simul sunt essentialiter nostra beatitudo formalis; minor patet, quia Deus non solum est obiectum beatificum sub ratione summi veri, sed etiam sub ratione summi boni: & secundum priorem rationem attingitur perfecte & immediate per actum intellectus; & secundum posteriorem per actum voluntatis; & maior probatur, tum quia beatitudo formalis est essentialiter id, quo immediate habetur obiectum beatificum; tum etiam quia omnis actus, quo immediate attingitur obiectum visibile, quatenus est visibile, est essentialiter & formaliter visio; ergo similiter omnis actus, quo attingitur immediate obiectum beatificum, quatenus est beatificum, est essentialiter formalis beatitudo.

Confirmatur Secundo quia D. THOMAS infra q. 4. art. 3. videtur colligere, comprehensionem esse de ratione beatitudinis, ex illo 1. ad Corin. 9. sic currite ut comprehendatis, sed comprehensio (ut ibidem docet D. THOMAS) fit simul per actus intellectus & voluntatis: ergo in eisdem actibus consistit nostra beatitudo formalis.

Secundo probatur, quoniam in CONCILIO VIENNENSI, cuius definitio refertur in CLEMENTINA ad nostrum, de haereticis; refertur inter alios, quidam error Begardorum & Beguinarum, & apponuntur haec verba: quodque anima non indiget lumine glorie ipsam eleuante ad videndum Deum, & eo beate fruendum; ubi aequaliter constituitur

A nostra beatitudo formalis in visione Dei, & in fruitione; ergo in utraque consistit essentialiter.

Et Confirmatur primo ex quadam extrauaganti BENEDICTI 12. quae licet non habeatur in corpore iuris, est communiter recepta a theologis, cum disputant quaestionem illam, an animae iustorum statim atque separentur a corporibus, si nihil habeant purgandum in purgatorio, admittantur ad beatitudinem; & refertur a SUPPLEMENTO GABRIELIS loco citato, & ab ALFONSO DE CASTRO lib. 3. aduersus haereticos, verbo beatitudo, haer. 6. quoniam in ea habentur haec verba: nec non quod tali visione, (scilicet Dei) & fruitione eorum animae, qui iam decesserunt; sunt vera beata, & habent vitam aeternam. Vbi aperte definitur, veram beatitudinem consistere in visione Dei & fruitione simul; & hoc testimonium videtur aliquibus de quorum numero est CORDUBA, esse adeo efficax & apertum pro hac sententia, ut non possit de eius veritate dubitari.

Confirmatur secundo ex Catechismo Concilij Trid. ad parochos, in quo super illam particulam symboli, vitam aeternam, habentur haec verba: solida beatitudo, quam essentialiter communi nomine licet vocare, in eo fita est, ut Deum videamus, eiusque pulchritudine fruamur.

B 5.2. Beatitudinem consistere in delectatione voluntatis, consequente amorem & visionem Dei; opinio secunda.

Anteol.

SECUNDA SENTENTIA est aliorum, qui dicunt, beatitudinem formalem consistere in operatione quadam voluntatis, quae est delectatio consequens ex amore & visione Dei. Hanc sententiam SOTVS in 4. d. 49. q. 1. art. 3. tribuit AVAROLO, & probatur PRIMO, quia beatitudo formalis nihil aliud est, quam vltima quies, & satietas beati circa suum summum bonum: quoniam in hac quiete consistit ratio vltimi termini, & quidquid eam praecedat habet rationem motus & tendentiae in terminum, sed huiusmodi quies est gaudium de Deo viso, ergo in hoc gaudio consistit nostra beatitudo formalis.

Secundo, cruciatus, quos damnati patiuntur, sunt summa poena; ergo gaudium, quod beati habent, est summum praemium: consequentia patet ex paritate rationis, inter poenam & praemium; & antecedens probatur, ex c. maiores, causa de baptismo & eius effectu, ubi dicitur, carentia diuinae visionis esse poenam peccati originalis, & cruciatus inferni esse poenam actualis, ex quo aperte sequitur, hos cruciatus, & non carentiam diuinae visionis, esse summam poenam damnatorum, quoniam alias sequeretur, eos, qui decedunt cum solo peccato originali, pati summam poenam.

TERTIO, delectatio est nobilior & maius bonum, quam operatio, cui est coniuncta, ergo in delectatione consistit nostra beatitudo formalis, & non in operatione, ad quam consequitur, scilicet, in visione, & amore Dei, consequentia patet quia dato, quod beatitudo consistat in operatione, debet consistere in nobiliori & praestantiori operatione, quoniam est maximum bonum nostrum, & antecedens probatur, quoniam non appetimus delectationem propter operationem, cui est annexa: sed potius operationem propter delectationem, ergo nobilior

est delectatio.

est delectatio, quam operatio. Hæc *consequentia* patet, quia in ordinatus per modum medijs & finis, semper finis est nobilior; & id, propter quod aliud expetitur habet rationem finis respectu eius, quod propter ipsum expetitur, & *antecedens probatur imprimis* ex illa propositione, *ultimū in executione est primū in intentione*, & delectatio est posterior in executione, quam operatio, cui est annexa; & deinde, quia, si appetimus delectationem propter operationem, aut ordinamus delectationem in bonum operationis, ut scilicet ipsa operatio sit coniuncta cum suo effectu, atque adeo sit eo nobilitata & completa; aut in bonum nostrum, ut scilicet media ipsa delectatione acquiramus nobis hoc bonum, quod est, habere actualem operationem. *Primum* dici non potest, cum quia desiderio, de quo loquimur, desideramus assequi aliquid, non autem quod res sint vel non sint coniunctæ; tum etiam, quia nullus desiderat connexionem eorum, quæ necessario & ex natura rei sunt coniunctæ; ut, nemo desiderat quod homo sit animal, aut rationalis: sed delectatio est necessario, & ex natura rei coniuncta cum operatione, de qua loquimur, scilicet cum visione, & amore Dei: ergo nullus appetit coniunctionem delectationis cum hac operatione. Neque etiam potest dici *secundum*, quia id quod posterius est, non potest sumi, nec desiderari pro medio, ad id quod est prius; ut, non desideramus videre lucem, ut aperiamus oculos, sed potius aperimus oculos, ut videamus lucem: sed delectatio est in nobis posterior, quam operatio, cui est annexa, ergo non appetimus delectationem tanquam medium ad habendam operationem.

Confirmatur ex ratione, quæ D. THOMAS, art. 2. huius quæstionis utitur, ad probandum, beatitudinem consistere in operatione, scilicet quod operatio est ultimus actus, non relinquens potentialitatem in subiecto; & beatitudo, quoniam est ultima perfectio, debet esse ultimus actus; nam ex hac ratione sequitur, quod beatitudo consistat in delectatione, & non in operatione, cui delectatio est annexa, quod sic probatur: si fiat comparatio inter operationem, & delectationem, operatio non habet rationem ultimi actus respectu subiecti. quoniam relinquit ipsum in potentia ad delectationem: at vero delectatio habet rationem ultimi actus, quia quantum est de se, non relinquit potentialitatem in subiecto, & ita ARIST. lib. 10. Ethicorum c. 4. inquit, operationem perfici per voluptatem: Quod non esset verum, nisi voluptas respectu operationis haberet rationem ultimi actus, & ultimæ perfectionis, ergo in delectatione potius, quam in operatione consistit nostra beatitudo.

ULTIMO probatur testimonijs, nam imprimis AUGUSTINVS videtur constituere nostram beatitudinem in delectatione, quia *primo* videtur hoc insinuare in locis, in quibus dicit, eam consistere in *fruitione*, quæ referemus pro opinione sequenti, quoniam *fructio* non videtur esse aliud, quam delectatio, ut etiam fatetur D. THOMAS, infra q. 34. artic. 3. ubi inquit, fruitionem importare delectationem quandam in ultimo fine, & *præterea* id dicit aperte lib. 10. confess. cap. 22. ubi sic ait: *ipsa est beata vita, gaudere ad se, de se, propter se, ipsa est, & non est altera*, & c. 23. inquit beatam vitam non esse aliud, quam gaudium de veritate: Et deinde colligitur ex testimonijs scripturæ, in quibus beatitudo significatur nomine gaudij, ut Matthæi 25. *intra in gaudium*

A *Domini tui*. Ioan. 15. *Ut gaudium meum in vobis sit, & gaudium vestrum sit plenum* & c. 16. *gaudium vestrum nemo tolles à vobis*. Et tandem, videtur colligi ex ARIST. qui lib. 10. Ethicorum c. 2. refert opinionem EUDOXI assidentis, voluptatem esse summum bonum, & non improbat eam, & ita D. THOMAS infra quæ. 4. art. 2. refert ipsum illo lib. 10. excitasse quæstionem hanc & reliquisse eam insolutam.

§. 3. *Beatitudinem consistere in actu voluntatis, qui est amor amicitie erga Deum, sententia tertia Scoti.*

TERCIA sententia est SCOTI qui in 4. d. 49. q. 4. & 5. dicit duo, quibus responderi huic quæstioni: *primum* est, beatitudinem formalem consistere essentialiter in actu voluntatis, & non in actu intellectus, *Secundum* est, non consistere in quocunque actu voluntatis, sed in amore amicitie, quo Deus diligitur in statu beatitudinis, siue præsupposita visione Dei, quam ipse fruitionem appellat: & hoc assent q. 3. duabus conclusionibus distinctis. Vt autem intelligatur hæc sententia SCOTI, *aduertendum* est quod ipse distinguit duos actus voluntatis, scilicet *velle*, & *nolle*, & rursum *velle* diuidit in *amorem concupiscentie*, quo diligitur Deus propter bonum amantis, hoc est, quatenus habetur ab amante, & est bonum ipsius, & in *amorem amicitie*, quo diligitur Deus propter seipsum, & sunt ipsi voluta sua bona, & dicit beatitudinem consistere in actu voluntatis: & non in alio, quam in amore amicitie. Verum quia non solum in patria, sed etiam in via potest Deus diligere amore amicitie, ut explicet, quæ ratione nullus habeat in via beatitudinem formalem, quamvis diligat Deum amore amicitie, inquit, non consistere beatitudinem formalem in quocunque amore Dei, sed in eo, qui procedit ex visione Dei, siue huiusmodi amor distinguatur specie ab eo, qui non procedit ex visione, sed ex fide, siue non distinguatur specie, sed solū secundū perfectionem accidentalem, Verbi gratia, intensiorem, aut aliam similem. Et in hac sententia conueniunt cum SCOTO, fere omnes authores, quos retulimus pro prima sententia, nam ita dicunt beatitudinem includere actus utriusque potentie, ut fateantur eam principaliter, & perfectius consistere in actu voluntatis, & alij quos refert CORDVBA quæstione citata in fine probationum tertiæ conclusionis. Et quamvis SCOTVS particularibus argumentis confirmet utramque conclusionem, nos solum adducemus ea, quibus confirmat *priorem*, quoniam de ea est præcipua difficultas, & ea admitta, necessario est concedenda posterior, scilicet quod, si beatitudo consistit in actu voluntatis, non potest consistere in nolitione, nec in amore concupiscentie, sed in amore amicitie.

ET PROBATUR PRIMO, quia perfectissimus actus voluntatis, qualis est amor amicitie Dei, perfectior est quocunque actu intellectus: ergo in actu voluntatis, qui est amor Dei, consistit essentialiter beatitudo, & non in aliquo actu intellectus, quamvis sit visio Dei, *consequentia* patet, quia beatitudo debet consistere essentialiter in præstantissima operatione nostra, & *antecedens* probatur varijs medijs. *primum* sit, quia S. DIONYSIVS c. 7. celestis hierarchiæ, quæ in hoc sequuntur omnes theologi, disponit choro angelorū ordine dignitatis, & in tu-

primo

premo loco collocat SERAPHINOS, qui dicuntur *incensi & ardentes charitate* divina, & in secundo CHURVYNOS, qui dicuntur *plenifcientia* divina, quod tamen non fecisset, nisi etiam in patria amor Dei esset præstantior cognitione, aut visione Dei.

Secundum est, quia voluntas est præstantior potentia, quam intellectus: ergo præstantissima operatio voluntatis, qualis est amor Dei, est perfectior præstantissima operatione intellectus, qualis est visio Dei. Hæc *consequentia* patet, *tum quia* potentia minus perfecta non potest elicere actum perfectiorem præstantissimo actu perfectioris potentia, quia sicut potentia specificantur per ordinem ad suos actus, ita etiam mensurantur in sua perfectione essentiali; *tum etiam quia*, cum gradus genericus in actibus sumatur per ordinem ad potentias, à quibus eliciuntur; ut verbi gratia, esse actus cognoscitivos, aut appetitivos; sequitur, quod actus elicitus à potentia perfectiori sit perfectior secundum gradum genericum, quam actus elicitus à potentia minus perfecta; & ex hoc ulterius sequitur, quod etiam sit perfectior secundum gradum differentialem, & ex consequenti secundum totam essentiam, quæ solum constituitur ex genere & differentia: quia impossibile est, genus minus perfectum contrahi per differentiam perfectiorem illa, quæ contrahitur genus magis perfectum; quia inter genus & differentiam servatur proportio, sicut inter potentiam & actum, & sicut inter perfectibile & suam perfectionem; Et *antecedens* probatur *tum quia* per voluntatem efficiuntur formaliter liberi, & Domini nostrarum actionum, & boni vel mali, & non per intellectum; *tum etiam quia* voluntas ratione suæ libertatis est quasi Domina reliquarum potentialium, quæ quoad exercitium suarum operationum subduntur nostræ libertati, & habet se ut mouens & imperans respectu earum.

Tertium medium est, quia illud est melius simpliciter, & præstantius, quod secundum rectam rationem est præferendum alteri: sed amor Dei secundum rectam rationem est præferendus cognitioni, etiam si sit clara visio; ergo amor Dei est simpliciter præstantior, quam visio; *maior* patet, quia secundum rationem rectam non est præferendum, nisi quod plus meriti habet ut præferatur; & *minor* probatur *tum* testimonio S. ANSELMI lib. 2. *cur Deus homo* c. 1. dicentis, esse peruersum ordinem, amare ad intelligendum; rectissimum autem intelligere ad amandum; & inter ea, quæ ex natura rei ordinantur inter se, sicut medium & finis, semper finis est secundum rectam rationem præferendus medijs, *tum etiam quia* illud est magis eligendum, & volendum; cuius oppositum est magis detestandum & fugiendum, iuxta regulam topicam; & oppositum amoris Dei, siue sumatur contrarie, siue priuatione, aut negatiue, est peius, & magis fugiendum quam oppositum visionis eodem modo sumptum, ut odium Dei, quod opponitur contrarie amori, est magis fugiendum, quam error positivus circa ipsum qui eodem modo opponitur visioni, & similiter, carentia, aut priuatio diuini amoris est magis fugienda, quam carentia, aut priuatio diuinæ visionis.

Quartum medium est, quia quod est posterius generatione, est prius perfectione, hoc est magis per-

fectum, ut ARIST. docet 9. Metaph. & constat, si fiat comparatio inter diversos gradus, quos materia recipit ab eadem forma; ut inter sensitivum, & intellectivum: sed amor Dei, etiam in patria, est posterior ordine generationis quam visio, ergo est prior ordine perfectionis.

Quintum medium est, quoniam amor in patria attingit Deum secundum rationem obiectivam perfectiorem, quam visio Dei: ergo est præstantior operatio; *consequentia* patet quoniam ex præstantia & dignitate obiecti secundum rationem obiectivam sumitur præstantia operationis; quæ ad ipsum terminatur, ita ut tanto aliqua operatio sit perfectior, quanto præstantius habuerit obiectum secundum rationem formalem obiectivam, & *antecedens* probatur, quoniam amor tendit in Deum propter est in seipso; visio autem ut est in intellectu, ut constat ex discrimine, quod ab omnibus constituitur inter intellectum & voluntatem, scilicet, quod intellectus trahit res ad se, voluntas vero fertur in ipsas res: sed Deus, ut est in seipso, habet rationem terminandi minus limitatam, atque adeo præstantiorem, quàm ut est in intellectu, siue per speciem siue immediate per seipsum, ergo amor Dei in patria attingit Deum secundum rationem obiectivam præstantiorem, quam visio.

SECUNDUM ARGUMENTUM PRINCIPALE pro hac sententia est, quoniam beatus in patria per amorem amicitia, quo diligit Deum, perfectius consequitur ipsum Deum, quam per visionem; ergo in amore amicitia consistit essentialiter beatitudo, & non in visione Dei; *consequentia* patet, quia (ut diximus quæstione prima huius tractatus) de ratione beatitudinis formalis est, quod sit ipsa consecutio, & adeptio summi boni, & *antecedens* etiam solet probari multis medijs, quorum *primum est*, quoniam non solum visio, sed etiam amor amicitia in patria, habet rationem consecutionis, & amor est perfectior consecutio; ergo beatus in patria perfectius consequitur Deum per amorem amicitia, quàm per visionem. Probatur *antecedens* quoad *priorem partem*, quoniam consecutio dicitur respectu desiderij, & ita non solum desiderio, quod nascitur ex amore concupiscentia, debet respondere consecutio, sed etiam desiderio quod nascitur ex amore amicitia: sed visio est consecutio solum respectu desiderij procedentis ex amore concupiscentia, & solus amor amicitia potest esse consecutio respectu desiderij procedentis ex amore amicitia, quoniam per primum desiderium desideramus consequi Deum, quatenus est bonus nobis, & hoc modo consequimur ipsum per visionem, at vero per secundum desiderium desideramus consequi ipsum ut est bonus in se, & propter se, & hoc modo non possumus consequi ipsum, nisi per amorem amicitia, quia id quod præcipue desideramus in via per illud desiderium, est perfectissime, & sine villo impedimento diligere Deum amore amicitia: ergo non solum visio Dei, sed etiam amor amicitia in patria habet rationem consecutionis. Et ex hoc manet probatum idem *antecedens* quoad *posterio-rem partem*, quoniam sicut amor amicitia est perfectior, quam amor concupiscentia, ita etiam desiderium procedens ex amore amicitia est perfectius, quam desiderium procedens ex amore concupiscentia: ergo similiter consecutio respondens desiderio procedenti ex amore amicitia est perfectior

consecutione,



argumentor; beatitudo formalis consistit in fruitione, quoniam de sola beatitudine dicitur, quod est summa merces & id quod sufficit: sed fruitio est actus voluntatis, ut constat ex S. AVGVSTINO eodem lib. 1. de doctrina Christiana c. 4. ubi sic ait: *Frui est amare alicui rei inherere propter seipsam*, & ex D. THOMA infra q. 11 art. 1. ergo beatitudo formalis consistit in actu voluntatis. Item in epistola ad Macedonium quæ est 32. sic ait: *unatibi (scilicet in beatitudine) virus eris, & idipsum eris virus primumque virtutis*, quod dicit in sanctis eloquiis, homo, qui hoc amat, mihi autem adherere Deo bonum est. hac ibi eris plena & sempiterna sapientia eademque veraciter vna iam beata. Et sermone 33. de tempore inquit *charitatem esse primum sanctorum in celo, quia in perenni gaudio nihil gratius nihil dulcius habent sancti, perfecto amore Dei*.

S. 4. Quarta sententia vera, beatitudinem consistere essentialiter in solo actu intellectus, qui est visio clara diuina essentia, hac est S. Thome.

VLTIMA SENTENTIA est eorum, qui dicunt beatitudinem formalem essentialiter consistere in actu intellectus, qui est clara Dei visio, hanc sequitur D. THOMAS in hac q. 3. art. 8. & 1. p. q. 26. art. 2. & eisdem locis CAIETANVS & 3. contra gentes c. 26. & ibidem FERRARA. & in 4. d. 49. q. 1. art. 1. quæstioncula 2. in qua d. defendunt late eandem sententiam CAPREO. q. 2. & SOTVS q. 1. art. 3. & ex alijs DVRAND. q. 4. & MARSIL. in 4. q. 13. art. 3. cuius sententia fundamenta & explicationem adducemus postea.

S. 5. Beatitudo formalis non consistit in pluribus actibus, sed in uno tantum.

PRIMA CONCLUSIO, beatitudo formalis non consistit essentialiter in distinctis actibus, sine eiusdem potentia, sine distinctarum potentiarum, sed in uno tantum simplici actu. Hæc statuitur contra primam sententiam & est aperte D. THOMAS in tota hac quæstione, & præsertim art. 4. ubi docet, beatitudinem esse tantum operationem vnius potentia, scilicet intellectus, quoniam (ut statim dicemus) non possunt pertinere essentialiter plures operationes intellectus ad beatitudinem, & art. 8. ubi expresse inquit, consistere tantum in visione diuinæ essentia, quoniam huiusmodi visio est vna simplex operatio, & eandem sententiam sequitur SCOTVS in 4. d. 49. q. 3. quia licet utatur quadam distinctione beatitudinis in beatitudinem naturæ, & potentia: tandem concludit non posse pertinere essentialiter ad beatitudinem aliquam plures operationes, & eidem fauet DVRAND. loco citato pro prima sententia, quia quamvis præsupponat distinctionem ibidem explicatam, inquit, quod beatitudo sumpta pro eo, quod est optimum inter omnes perfectiones pertinentes ad beatitudinem totalem & perfectam, consistit in vna tantum operatione, & non in pluribus.

SED IN ASSIGNANDA RATIONE huius conclusionis est difficultas, quoniam tres solent assignari, & nulla earum videtur satis efficax. PRIMA EST qua vritur DVRAND. q. cit. numero 12. & alijs, quos refert SCOTVS q. cit. 9. alia est opinio,

A & est huiusmodi. Si requiruntur essentialiter plures operationes ad beatitudinem formalem, vel sunt plures intra eandem speciem, vel distinctarum specierum: primum dici non potest, quoniam multiplicatio operationum intra eandem speciem forte est impossibilis in eodem subiecto, maxime respectu eiusdem obiecti, & dato quod esset possibilis, videtur esse accidentaria, & superflua: quia quicquid posset subiectum præstare per duas operationes eiusdem speciei circa idem obiectum, poterit commodius & facilius efficere per vnam, quoniam vel huiusmodi operationes sunt æquales in perfectione, & sic quævis earum sufficeret ad attingendum obiectum tam perfecte sicut ambæ, vel inequales, & sic illa, quæ perfectior fuerit, sufficeret, & tolletur impedimentum multiplicationis operationum. Neque etiam potest dici secundum, quoniam duo actus specie distincti non possunt esse æquales in perfectione, sed vnus eorum debet esse perfectior altero: quia (ut inquit ARIST. 8. Metaph. textu 10.) species sunt sicut numeri, qui, si specie differant, non possunt esse inter se æquales: ergo non possunt ambo pertinere essentialiter ad beatitudinem formalem. Paret consequentia, quia cum beatitudo formalis sit nostrum summum bonum: & ultimus finis noster: necesse est quod consistat in ea operatione, quæ in nobis est præstantissima & perfectissima. Et idem argumentum fieri potest de pluribus actibus, quæ duobus, quia cū huiusmodi actus non sint numero infiniti, necessario in eis deueniendum est ad vnum, qui sit omnibus perfectior.

Verum hæc ratio facile dissolui potest, quoniam supponitur in ea, beatitudinem formalem consistere in perfectissima operatione, quod tamen non est certum, quia (ut contra HENRICVM diximus q. 2. huius tractatus) non est de ratione beatitudinis formalis, quod sit vnio cū Deo perfectissima, & maxima entitatie, sed quod sit perfectissima in ratione consecutionis, & quasi possessionis summi boni. Unde si forte contingeret, quod operatio, quæ secundum suam entitatem esset minus perfecta haberet rationem consecutionis, in ea esset constituenda beatitudo formalis. Et præterea dici potest, quod beatitudo formalis adæquate, & secundum se totam, non est præstantissima operatio, sed solum inadæquate, & quoad aliquid sui, quoniam ut satiet, & quietet appetitum, satis est, quod includat perfectissimam operationem, & non est necesse ut eam solam includat, præsertim, cum ad satiandum appetitum possit requiri, quod includat alias operationes præter præstantissimam. Et ad ARISTOT. qui lib. 1. ethicorum c. 7. & lib. 10. c. 17. videtur constitueret hominis felicitatem in perfectissima operatione, responderi potest, ipsum fuisse locutū de felicitate naturali huius vite: & præterea postulasse multa alia ad hanc felicitatem, ut videtur potest toto illo lib. 10. ethicorum, & ita in illis locis fuisse locutum de beatitudine inadæquate, quoad partem eius magis præcipuam; & aliqui dicunt testimonium eius in hac re esse parui momenti, quia sicut beatitudinem obiectiuam, ita & formalem ignorauit.

SECUNDA RATIO EST, qua vritur SCOTVS q. citata 5. ad quæstionem, & est huiusmodi; obiectum beatitudinis formalis, (scilicet summum bonum) est vnum & simplex, ergo etiam ipsa beatitudo formalis est vnus simplex actus, ut ita seruetur proportio inter beatitudinem formalem & obiectiuam.

Sed etiam

Sed etiam hac ratio potest dissolui, quia nō est necesse seruari in omnibus proportionē inter beatitudinem formalem, & obiectiuam: quod in proposito est magis certum; quia beatitudo obiectiua, cum sit bonum infinitum, non potest esse nisi vnū numero, & simplicissimum bonum: at vero beatitudo formalis, quoniam est quid creatum, potest in multis operationibus consistere. Et potest hoc magis explicari ex ratione beatitudinis formalis, quā (quæstione prima huius tractatus) diximus consistere in possessione summi boni; quoniam licet obiectum propter suam vnitatem & simplicitatem postulet, quantum est ex parte sui, obtineri per vnā tantum operationem: tamen ex parte subiecti, & ex eius imperfectione potest provenire, quod requirantur plures operationes ad huiusmodi possessionem; quia sicut subiectum potest varijs modis, & per varias operationes attingere obiectum beatificum: ita fortasse non dicitur consequi, aut possidere huiusmodi obiectum, nisi per illas operationes attingat ipsum.

TERTIA RATIO, qua alij vtuntur, sumitur ex quodam inconuenienti, scilicet, quod alijs sequeretur, beatitudinem formalem esse vnā tantum aggregatione, & per accidens: quoniam illę operationes non cōstituerent ipsam, vt partes metaphysicę, scilicet vt genus & differentia, quoniam essent duo indiuidua completa distinctarum specierum operationis: neque vt partes physicę, quoniam duę operationes, præsertim immateriales, non possunt hac ratione cōponere vnum tertium; quare superest, quod solū cōstituerent ipsā secundū aggregationē.

Sed neque hac ratio videtur sufficiens, quia responderi potest, non esse incōueniens concedere, quod beatitudo formalis non sit vnū per se, quoniam cōstitit in quadā perfecta dispositione animę, quę cōsurgit ex proportionē diuersarum operationum: sicut sanitas cōsurgit ex proportionē humorum, & pulchritudo ex proportionē partium.

Et præter has solutiones non desunt, qui dicant, nō posse ex ipsa ratione beatitudinis formalis, sumi argumentum efficax, ad probandū, consistere essentialiter in vna tantum operatione: & ideo ad hoc probandū necessariū esse, agere in particulari de operationibus, quibus homo attingit suū summum bonum, & ostendere ex proprijs rationibus ipsarū, solū vnā earum habere modum consecutionis, aut tentionis ipsius summi boni.

Sed nihilominus primaria ratio potest habere efficaciam, si paulo magis explicetur cum SCOTO q. cit. §. ad quæstionem, hoc modo: de ratione beatitudinis formalis est, quod sit intensiue perfectissima cōsecutio summi boni, & non extensiue: sed quāuis multiplicentur in homine operationes, quarum quęuis sit consecutio summi boni, non sequitur quod homo consequatur perfectius intensiue suum summū bonum quā per eam, quę inter omnes est perfectissima in ratione consecutionis; sed solū quod cōsequatur perfectius extensiue, hoc est pluribus modis: ergo beatitudo formalis nō cōstitit in pluribus operationibus distinctis secundū speciem, sed in vna tantū, scilicet in ea, quę est perfectissima consecutio. Probatur minor, quia plures operationes distinctę secundū speciem, non possunt constituere aliquid tertium, quod sit vnum intensiue.

Confirmatur, quia si beatitudo formalis cōsistit in duabus operationibus distinctis specie, vel dicendū

est quod quęuis earū per se est consecutio summi boni, vel quod neutra per se est cōsecutio, sed ambe simul constituunt vnā consecutionē; si dicatur primū, sequitur, quod illę duę operationes distinguantur specie, & ex cōsequenti sint inæquales in perfectione in ratione consecutionū; & ex hoc sequitur vltterius, quod beatitudo formalis solum consistat essentialiter in ea operatione, quę fuerit perfectior in ratione cōsecutionis: quā sicut habet ex propria ratione esse consecutionem, ita etiam habet esse perfectissimā consecutionē. Secundū vero dici non potest, quia beatitudo formalis consistit in consecutione per modum operationis, & non in consecutione per modum vñionis, aut identitatis cū summo bono, vt supra dictū est: sed ambe illę duę operationes non constituunt vnā operationem, aut simpliciter, aut totalem; ergo neque vnā consecutionem.

§ 6. Beatitudo formalis non consistit in gaudio, seu delectatione de Deo viso & amato.

SECUNDA CONCLUSIO, beatitudo formalis non cōsistit essentialiter in gaudio, vel delectatione de Deo viso & amato. Hęc proponitur contra secundam sententiam, & est expressa sententia D. THOMÆ in hac quæstione art. 4. vbi, vt probet, beatitudinem non esse actum voluntatis, probat in particulari non esse illum actum, qui est delectatio & q. sequenti art. 1 & 2. & 3. contra gentes c. 26. & sequitur eam SCOTVS in 4. d. 49. q. 7. & ad eius explicationem, & probationem SUPPONENDUM est, dupliciter sumi gaudium de Deo viso & amato: primo pro affectu, quo beatus gaudet propter bona, quę videt habere Deum, quę amat amore amicitie, & quoniam ipse Deus habet huiusmodi: vt cū quis gaudet, quoniam videt amicum suum abundare multis bonis & perfectionibus. Secūdo pro delectatione consequente ad ipsas actiones videndi & amandi Deum; & est discrimen inter hæc duo gaudia; quoniam *primum* habet pro obiecto bonum Dei, quatenus est bonum Dei, & ita pertinet ad amorem amicitie; secundum vero habet pro obiecto bonum proprium, scilicet operationes ad quas consequitur, & ita pertinet ad amorem concupiscentie. Et nostra conclusio non intelligitur de primo gaudio, sed de secundo: quoniam *primum* vel est amor amicitie, scilicet actus quidam, quo beatus vult Deo bona sua & cōplacet sibi in hoc, quod habeat ea, quod est amare ipsum amore amicitie, quoniam huiusmodi amor non videtur esse aliud quā velle bonū amico; vel saltē consequitur ad amorē amicitie, & ideo de hoc gaudio agendū est cōclusionē sequenti, in qua explicabitur an in actu voluntatis, qui est amor amicitie, consistat beatitudo formalis.

Et hoc supposito probatur conclusio IN PRIMIS RATIONE desumpta ex D. THOMÆ. artic. 4. huius quæstionis, quoniam, gaudium hoc supponit consecutionem summi boni: ergo & beatitudinem formalem; atque proinde beatitudo formalis non consistit in ipso. Prima consequentia patet, quia (vt sæpe dictum est) beatitudo formalis consistit in consecutione summi boni; & antecedens probatur, tum quia gaudium hoc supponit actus videndi & amandi Deum, ad quas consequitur, & in his actibus reperitur

adeptio summi boni; *nam etiam quia ex illis actibus non solum sequitur hoc gaudium & delectatio propter ipsorum perfectionem, sed maxime quia sunt adeptio summi boni.*

SECUNDO PROBATVR alia ratione D. THOMÆ q. sequenti art. 2. & 3. contra gentes c. 26. quæ est huiusmodi: beatitudo formalis consistit in eo, quod est propter se appetibile, & non propter aliud, vt ARIST. docet lib. 10. Ethic. cap. 2. & 6. & colligitur ex ipsa ratione ultimi finis, cuiusmodi est felicitas & beatitudo formalis: quoniam finis ultimus est, qui propter se appetitur, & propter quem reliqua appetuntur, sed delectatio non est ex natura sua appetibilis propter se, sed propter operationem: ergo in delectatione non consistit beatitudo formalis; probatur minor, quoniam delectatio, quæ consequitur ad operationem, consistit in quadam quietatione voluntatis in ipsa operatione, sed quietatio voluntatis in aliqua re non est voluta propter se, sed propter bonitatem eius rei, in qua voluntas quietatur; ergo delectatio quæ consequitur ad operationem, non est appetibilis propter se, sed propter bonitatem operationis, ad quam consequitur; quoniam in huiusmodi bonitate quietatur voluntas.

§ 7. *Beatitudo formalis non consistit in actu aliquo voluntatis, sed in actu intellectus qui est clara Dei visio.*

TERTIA CONCLUSIO *beatitudo formalis non consistit essentialiter in aliquo actu voluntatis, sed in operatione intellectus, quæ est clara Dei visio.* Hæc statuitur contra *seriam sententiam*, & sequuntur eam omnes auctores citati pro ultima sententia.

Sed ante eius probationem ADVERTENDVM est, non esse adeo certam, vt habeat firmum aliquod fundamentum aut in scriptura, aut in communi doctrina sanctorum, & eius opposita sententia non possit cum æquali probabilitate defendi. Hoc autem constabit facile discurrendo per testimonia, quæ communiter adducuntur pro hac conclusione.

ET IN PRIMIS ex scriptura citari solet illud Ioan. 17. citatum à D. THOMÆ hac q. 3. art. 4. in argumento. *sed contra* & 1 p. q. 12. art. 4. & 6 & 3. contra gentes c. 61. *hæc est autem vita æterna, vt cognoscant te solum verum Deum, & quem misisti Iesum Christum.* Vbi cum per *vitam æternam* sit intelligenda beatitudo, & cognoscere Deum & Christum sumatur pro clara visione: manifestè significatur beatitudinem consistere in visione Dei.

Sed ad hoc testimonium respondet SCOTVS q. cit. §. ad rationes principales; quod quamuis cognoscere sumatur pro videre, tamen vita æterna non sumitur pro beatitudine aut pro vita æterna beata, sed pro vita in æternum duratura, & quoniam visio illa est quædam vita, sicut omnis operatio vitalis; & præterea est in æternum duratura; ideo appellatur vita æterna.

Verum hac expositio communiter rejicitur ab omnibus, tanquam aliena à communi modo loquendi scripturæ, iuxta quem nomine *vita æternæ*, solet significari vita beata & beatitudo ipsa; & à contextu, nam ibi *vita æterna*, proculdubio sumitur, sicut in verbis immediate præcedentibus: *vt omne quod dedisti ei, des eis vitam æternam*, vbi certè

est *vitam æternam* sumi pro *præmio* dādo à Christo suis electis, de quo non potest negari esse vitam æternam.

Non tamen est valida impugnatio SCOTI in 4 dist. 49. art. 3. in probatione conclusionis principalis, quæ vititur contra hanc expositionem, scilicet, quod ex ea sequatur, cognitionem, quæ damnati cognoscunt miseriam suam, posse appellari vitam æternam, quoniam etiam est actio vitalis duratura in æternum: Nam responderi potest, cognitionem illam, quamuis in rigore sit vita, non appellari simpliciter vitam, quoniam est de obiecto repugnante vitæ, & pertinet ad summam miseriam, & propterea appellari in scriptura *mortem æternam*. Imo ex hoc summi argumentum pro ratione SCOTI, quoniam si hæc cognitio damnatorum, quoniam est de obiecto malo & disconuenienti, appellatur mors æterna, non est cur visio beata, quia est de obiecto bono & conuenienti, non possit appellari vita æterna.

Secundo respondet Alphonsus à Castro li. 3. aduersus hæreses verbo *beatitudo*, hæresi 4. per *cognitionem Dei* non intelligi visionem, sed cognitionem fidei, quæ habetur in hac vita; & hæc expositio confirmatur in primis, quia optime coheret cum præcedentibus, nam cum Christus postulasset à patre vt clarificaret ipsum, hoc est, vt notum faceret mundo, esse filium Dei naturalem, & verum Deum, ita vt omnes hoc confiterentur de ipso per fidem; & deinde explicuisset, finem, propter quem postulabat hanc claritatem esse, vt daret eis vitam æternam: postea reddens huius rei rationem dixit, *hæc est autem vita æterna* & c. hoc est, quia non aliter poterunt peruenire ad vitam æternam, nisi per fidem cognoscant, *te verum Deum* & c. & deinde confirmatur quia est communiter recepta apud Sanctos, nam ita exponūt hæc verba, CYRILL. lib. 11. in Ioan. c. 16. CHRYSOS. hom. 79. EUTHY. ibidem. AVG. tract. 105. in Ioan. AMBRO. lib. 5. de Fide c. 2. HILARIUS lib. 9. de Trinitate in medio. CYPRIAN. in epistol. ad Iubaianū de hæreticis baptizandis quæ est 73. & in lib. ad Demetrianum prope finem, & in li. de exhortatione martyrij ad Fortunatum c. 2. & denique omnes sancti contra Arianos probant hoc testimonio, necessarium esse ad salutem credere, Christum esse verum Deum, quare immerito SCOTVS loco citato hæc expositionem rejicit tanquam minus consentaneam contextui & modo loquendi scripturæ, & minus receptam. Ne autem videatur alicui inconueniens, fidem appellari vitam æternam, notat idē auctor, vitam æternam in scriptura, non solū sumi pro beatitudine patriæ & supremo præmio beatorū; sed etiam pro eo, quod est via ad beatitudinē, vt Ioan. 3. *qui credit in filium habet vitam æternam*. & c. 5. *qui audit verbum meum, & credit, habet vitam æternam*. Et hoc modo beato beatitudines à Christo enumeratæ, Matthi. 5. quia sunt viæ ad æternam beatitudinem, appellantur beatitudines, & frequenter nomen effectus tribuitur causæ, vt primo Ioan. 5. *hæc est autem gloria quæ vincit mundum fides nostra*: hoc est, fides est nobis causā victoriæ, quia per eā vincimus tentationes, iuxta illud ad Ephesios 6. *in omnibus summes sententiam fidei, in quo possitis omnia tela nequissimi ignea extinguere*. & eodem modo Christus Ioan. 12. mandatum appellauit *vitam æternam*. & cap. 15. seipsum appellauit *resurrectionem & vitam*.

SECUNDO adducuntur alia testimonia scripturæ, quæ

quæ sonare videntur, beatitudinem principaliter consistere in visione Dei, ut psal. 15. *hereditas mea præclara est mihi*, & statim explicatur qualis sit hæc hereditas, cum additur, *adimplebis me lætitia cum vultu tuo* &c. hoc est, cum ostenderis mihi vultum tuum, quod ad visionem pertinet; & psal. 16. *Satiabor cum apparuerit gloria tua*, apparere vero est per potentiam cognoscitiuam, & non per appetitiuam. psal. 25. *inebriabuntur ab ubertate domus tua & torrente voluptatis tua potabis eos*; & statim explicatur modus, quoniam apud te est fons vitæ, & in lumine tuo videbimus lumen; id est, lumine, quod nobis communicabis, videbimus te ipsum qui es lumen infinitum, & inaccessibile. psal. 90. *longitudine dierum replebo eum*, & ostendam illi salutare meum. & Ioan. 14. S. Philippus dixit Christo: *Domine ostende nobis patrem & sufficeret nobis*, & per hanc ostensionem intelligit visionem, & in ea constituit totam sufficientiam atque adeo beatitudinem nostram, & postea dixit Christus, *Qui diligit me, diligetur a patre meo, & ego diligam eum, & manifestabo ei meipsum*. & cap. 17. *pater quos dedisti mihi, volo ut ubi ego sum, & illi sint mecum; ut videant charitatem meam quam dedisti mihi*. & S. Paulus 1. ad Corinth. 13. comparans perfectionem viæ, cum perfectione patriæ inquit: *videmus nunc per speculum in enigmate, tunc autem facie ad faciem*. & tandem 1. Ioan. 3. dicitur: *nunc filij Dei sumus*, scilicet per adoptionem; quod si filij (ait S. Paulus ad Rom. 8.) & heredes, heredes quidem Dei, coheredes autem Christi, & subiungit S. Ioan. & *nondum apparuit quiderimus*, scilicet, quia nondum est nobis tradita hereditas; & addit: *scimus quoniam cum apparuerit, similes erimus: quoniam videbimus eum sicuti est*.

Sed neque hæc testimonia conuincunt, nam præter illa, quæ ad singula in particulari dici possent, Respondetur ad omnia simul, non attribui visioni ea, quæ pertinent ad beatitudinem, quoniam ipsa sit substantia beatitudinis: sed quia est radix, & primum fundamentum omnium actionum, quæ sunt in beato: sicut fidei tribuitur nostra iustificatio, non quia sit nostra iustitia, sed quoniam est radix & fundamentum iustitiæ nostræ.

TERTIO adduci solent nonnulla testimonia sanctorum, ex quibus aliqua refert SORVS loco citato; præter quæ possunt hæc considerari. S. AVG. to. 1. lib. 1. retract. c. 14. sic ait: *Illud beatissimos facit quod ait, (scilicet Apostolus, 1. ad Corin. 13.) tunc autem facie ad faciem, & tunc cognoscam sicut & cognitus sum. Qui hoc inuenerunt, ipsi discendi sunt in beatitudinis possessione consistere*. & lib. de beata vita, prope finem: *illa est plena satietas animarum, hæc est beata vita, pie perfecteque cognoscere à quo indicaris in veritatem, quo veritate perfruaris, per quid connectaris summo bono*. & lib. 1. soliloq. cap. 6. *Fides, qua credatur, ut a se rem habere, ad quam conuertendus aspectus est, ut visa faciat beatum*. & lib. de quantitate animæ c. 33. aperte constituit summum gradum, ad quem anima peruenire potest, in visione & contemplatione veritatis; & dicit, eum non esse appellandum gradum, sed mansionem, & finem, ad quem cæteris gradibus peruenitur. & idem dicit sub nomine beatitudinis lib. 2. de lib. arb. c. 13. & to. 1. lib. 10. de Trinitate c. 7. inquit esse proprium mentis inuenire Deum, sicut & quærere, & to. 5. lib. 12. de ciuit. cap. 29. sic ait: *primum*

A fidei nobis visio ista seruat de qua & S. Ioan. Apostolus loquens: cum apparuerit, inquit, similes ei erimus, quoniam videbimus eum sicuti est. pro eadem sententia citatur idem S. AVG. tom. 8. concio 2. in psal. 90. & super psal. 85. IRENÆVS lib. 4. aduersus hæreses cap. 17. CYRIL. lib. 3. contra Iulianum in principio. BASILIUS in constitutionibus monasticis cap. 19. DAMASCE. lib. 2. fidei cap. 12. & ANSEL. in monolog. c. 66. 67. & 68. & lib. 2. cur Deus homo c. 1. & in dialogo de casu diaboli cap. 13.

Sed etiam ad hæc & alia similia testimonia respondetur, quodd, cum in statu beatitudinis reperiuntur plures actus nostri in parte intellectuali, scilicet, visio, amor, & gaudium, aut delectatio, sancti pro diuersitate occasionum, interdum per vnum, & interdum per alium explicant, quid sit nostra beatitudo, nihil statuantes circa metaphysicam disputationem de eo, in quo substantia & essentia ipsius beatitudinis consistit, & idem potest etiam responderi ad testimonia scripturæ superius adducta.

§ 8. Prima ratio S. Thomæ propugnatur. Intellectionem esse perfectiorem actum quam visum.

EX HIS SEQUITUR, conclusionem hanc solum esse probandam rationibus; & quamuis soleant pro ea adduci plures à discipulis D. THOMÆ, tamen omnes possunt reduci ad duas, quibus ipse D. THOMAS potissimum est usus. PRIMA est, quæ vtitur 1. p. q. 26. art. 2. & 3. contra gentes c. 26. ratione prima. & in 1. d. 1. q. 1. art. 2. Quoniam visio Dei est perfectissimus actus inter omnes actus partis intellectualis, qui reperiuntur in beatis: ergo in visione Dei consistit essentialiter nostra beatitudo formalis; consequentia patet, *nam quia* (ut D. THOMAS inquit loco citato ex prima parte) beatitudo significat bonum perfectum intellectualis naturæ; quod etiam probat ipse ab effectu, quoniam intellectualis natura appetit beatitudinem, sicut vna quævis res appetit suam perfectionem; *nam etiam quoniam* ideo beatitudo consistit in operatione, & non in potentia operativa, aut aliquo actu primo, quoniam operatio est ultimus actus, & ultima perfectio, (ut dictum est in expositione literæ articuli secundi huius quæstionis tertie,) ergo etiam consistit in operatione, quæ est perfectissimus actus: & antecedens probari debet ex eo, quod operatio intellectus ex suo genere, aut cæteris paribus, perfectior & nobilior est, quàm operatio voluntatis. Hoc autem varijs medijs probatur à D. THOMAS locis citatis, nam imprimis loco citato ex prima parte, probatur ex modo quo fit vtræque operatio, quoniam intellectio fit trahendo obiectum ad intellectum, & capiendo ipsum; at vero volitio non fit capiendo obiectum volitum nec trahendo ipsum ad voluntatem, sed potius tendendo in ipsum: sed perfectius est, cæteris paribus, habere aliquid, quàm tendere in illud; quia tendere in obiectum extrinsecum est quodammodo exire à se: ergo intellectio ex modo quo fit, est perfectior quàm volitio.

Secundo probatur ex loco citato ex 3. contragentes ex modo quo utraque operatio conuenit naturæ intellectuali: quoniam intelligere est magis proprium intellectualis naturæ ut intellectualis est, quam velle: ergo intelligere est ex genere suo operatio perfectior quam velle; *consequentia* patet, quia natura intellectualis habet supremum gradum perfectionis in ratione naturæ, in quantum intellectualis est; ergo etiam est summe perfecta in ratione operantis, in quantum habet operationem maxime propriam gradui intellectui, & ex consequenti illa operatio, quæ fuerit magis propria naturæ intellectuali ut intellectualis est, erit cæteris paribus perfectior. Et *antecedens* probatur, quoniam intelligere conuenit immediatè naturæ intellectuali, quatenus distinguitur à reliquis naturis, quæ non sunt intellectuales, at vero velle non ita conuenit ipsi, quoniam *vel sumitur* præcisè pro inclinari in bonum conueniens, & sic est commune omnibus naturis, etiam non cognoscitiuis, quia omnes habent pondus naturæ, quo inclinantur sine actu elicitio in id quod est ipsis conueniens; *vel sumitur* pro inclinari actu elicitio, non determinando qualis sit huiusmodi actus, & sic etiam est commune naturæ sensitiuæ, quoniam hæc habet appetitum sensitiuum, quo per actum ab ipso elicitum inclinatur in sua obiecta; *vel tandem sumitur* pro inclinari per actum elicitum, qui sit immaterialis, & propriè volitio, & sic quamuis sit proprium naturæ intellectuali, quatenus distinguitur à reliquis naturis, non conuenit ipsi immediatè, sed mediante actu intelligendi, & dependenter ab eo, quoniam ex natura sua sequitur formam apprehensam per intellectum; ergo intelligere est magis proprium naturæ intellectuali ut intellectualis est, quam velle.

Et *Confirmatur* hæc ratio, quoniam inter operationes pertinentes ad gradum intellectuale, illa est ex genere suo perfectior, quæ immediatius, & independentius conuenit ipsi: sed intelligere conuenit huic gradui immediatius, & independentius quam velle, ut ostensum est, ergo est operatio perfectior ex genere suo.

Tertio probatur idem à D. THOMA I. p. quæst. 82. articulo 3. ex obiectis vtriusque operationis, quoniam illa operatio est ex genere suo præstantior, cuius obiectum est simplicius, & abstractius: sed obiectum intellectionis est simplicius & abstractius, quam obiectum volitionis: quoniam intellectio terminatur ad essentias rerum abstrahendo ab existentia, imò & ad ipsam existentiam terminatur per modum quidditatis, & abstrahendo ab exercitio existendi; volitio vero non terminatur ad aliquid, nisi in ordine ad existentiam; nemo enim appetit sanitatem aut honorem nisi ut actu, & in exercitio existat; ergo intelligere est operatio præstantior quam velle.

SED OBIICIENS contra totam hanc rationem, quod iuxta eam solum concluditur, quod operatio intellectus pertineat ad beatitudinem formalem, tanquam pars eius magis principalis: non tamen quod sola pertineat, & non coniuncta cum operatione voluntatis, tanquam

cum altera parte.

A *Sed hoc iam* impugnatum est in probatione primæ conclusionis, ubi ostensum est, beatitudinem formalem ex propria ratione habere quod debeat consistere in vna simplici operatione.

SED OBIICIENS ULTERIUS, rationem hanc solum habere vim, facta comparatione inter operationes naturales harum potentiarum; quoniam ad operationes supernaturales concurrunt istæ potentie per potentiam obedientialem, atque adeo ut instrumenta eleuata à Deo: ergo potest fieri, quod potentia minus perfecta eleuetur à Deo ad operationem perfectiorem illa, ad quam eleuatur potentia magis perfecta; & ex consequenti quod volitio sit perfectior intellectione.

Respondetur, quod rationes, quibus ostenditur intellectionem intra ordinem naturæ esse perfectiorem volitione ex genere suo, sunt sufficientes ad ostendendum idem, si fiat comparatio inter easdem operationes supernaturales: quia etiam in ordine supernaturali intellectio sit trahendo obiectum ad intellectum, & volitio tendendo in obiectum; Et *præterea* intellectio est magis propria naturæ intellectuali, quam volitio; & *tandem* intellectio terminatur ad obiectum secundum rationem magis abstractam, quam volitio. Et ad formam argumenti, concedendo antecedens quantum ad id, quod in eo dicitur, scilicet, has potentias concurrere ad operationes supernaturales ut eleuatas à Deo; & non disputando, an iste modus concurrendi sit instrumentalis; neganda est consequentia, si consequens intelligatur de excessu perfectionis intra genus proprium vniuscuiusque potentie: quoniam eleuatio non tollit illas tres rationes propter quas diximus intellectionem esse ex genere suo perfectiorem volitione. Neque est eadem ratio de instrumentis, quæ non sunt potentie: quia neque habent determinatum modum operandi, neque emanant ab aliqua natura, tanquam à radice; neque habent aliquod obiectum specificatum, extra cuius latitudinem non possunt operari.

ET SI TANDEM OBIICIENS, quod quamuis intellectio sit ex genere suo perfectior, quam volitio, etiam in supernaturalibus: solum sequitur quod beatitudo naturalis consistat in intellectione, potius quam in volitione, non tamen potest hoc concludi de beatitudine supernaturali, quoniam cum hæc conueniat homini per gratiam Dei, potuit à Deo collocari in operatione minus perfecta ex genere suo.

Respondetur in hoc seruari proportionem inter beatitudinem naturalem, & supernaturalem: quia cum utraque sit summum bonum hominis in suo ordine, etiam utraque debuit consistere in operatione, quæ esset ex genere suo perfectissima in suo ordine.

§ 9. *Secundario D. Thoma deducitur, & defenditur. Visio, ex propria ratione unit videntem cum Deo vnione reali. Amor id non habet ex propria ratione.*

SECUNDA RATIO est, qua vitur S. THOMAS art. 4. huius quæstionis & 3. contra gentes c. 26. rationes & est huiusmodi. Adeptio, vel possessio, aut tertio vicini finis est essentia nostre beatitudinis formalis: sed actus intellectus, qui est visio Dei, est adeptio ultimi finis, & non aliquis actus voluntatis; ergo actus intellectus, qui est visio Dei, est essentia beatitudinis formalis, & non aliquis actus voluntatis. *Minor* patet ex definitione beatitudinis formalis, tradita q. 1. huius tractatus: & *minor* quoad priorem partem, quæ est de actu intellectus, probatur à Thomistis ratione desumpta ex D. THOMA in 4. d. 49. q. 1. art. 1. in solutione 2. quæstionculæ, quæ talis est: visio Dei habet ex propria ratione vnire videntem cum Deo vnione quadam reali; & amor id non habet ex propria ratione: ergo visio Dei est consecutio & adeptio Dei; *consequens* patet, quia (vt dixi loco citato) beatitudo formalis dicitur consecutio summi boni, quatenus est vnio beati cum ipso: & *antecedens* probatur ex triplici discrimine, quod ab omnibus constituitur inter intellectiōnem & volitionem. *Primum* est, quod intellectio fit trahendo obiectum cognitum ad intellectum: volitio vero non fit trahendo obiectum volitum ad voluntatem, sed potius tendendo in ipsum. *Secundum* est, quod intellectio fit per assimilationem intellectus cum obiecto cognito; volitio vero non fit per assimilationem voluntatis cum obiecto volito, sed potius per impetum, & propensionem in ipsum. *Tertium* est, quod intellectio suo modo facit præsentem rem intellectam: at vero volitio non facit præsentem rem volitam, sed potius præsupponit eius præsentiam factam per cognitionem, & sequitur modum, quo per cognitionem fit præsens: si enim proponitur vt præsens tantum obiectum, & secundum rem absens, & futura, volitio habet rationem desiderij, si tamen proponitur vt præsens secundum rem, potest habere rationem amoris, aut complacentiæ, vel delectationis.

Ad hoc SCOTVS in 4. d. 49. q. 4. §. in ista quæstione, & cum eo GREGORIUS DE VALENTIA. 1. 2. disputatione 1. q. 3. puncto 4. respondent, consecutionem summi boni, in qua consistit beatitudo formalis, non esse aliud, quam vnionem cum summo bono per operationem, qua attingamus ipsum, tanquam obiectum, & non minus conuenire operationi voluntatis esse hoc modo consecutionem, quam operationi intellectus: quia etiam per operationem voluntatis attingimus Deum vt obiectum, atque adeo vnimur cum ipso tanquam cum obiecto. Imo addi potest, non probari ex illo triplici discrimine constituto inter intellectiōnem & volitionem, quod per visionem vniamur cum Deo, nisi attingendo ipsum tanquam obiectum: quia tractio obiecti ad intellectum ac assimilatio intellectus cum obiecto, & præsentia ipsius obiecti, fit, quatenus intellectus recipit in se speciem representatiuam obiecti, aut producit verbū, quod est eius imago; & tam species, quam verbum solum est ratio vnionis cum re intellecta, tanquam

cum obiecto.

A SED CONTRA solutionem hanc argumentor primo, quia si consecutio summi boni non sit aliud quam attingere summum bonum, aut tendere in ipsum tanquam in obiectū, sequitur quod quicunque actus voluntatis terminatus ad summū bonum, siue sit desiderium, siue amor, siue delectatio, habeat rationem consecutionis: patet *sequela* quia quicunque ex his actibus attingit summum bonum tanquam obiectum suum, & est quædam tendentia in ipsum.

Item, quia, si vnio cum summo bono, quæ est eius consecutio, non est solum attingere ipsum summū bonum tanquam obiectū, vt nunc ostendimus; ergo est coniungi ipsi aliquo modo realiter: sed visio Dei ex eo, quod est intellectio, habet coniungere realiter videntem cum Deo: & amor, aut alius actus voluntatis non id habet ex propria ratione, & in quantum est volitio; quoniam visio in quantum est intellectio, postulat, quod Deus sit intra intellectū videntem, saltem secundum suam imaginem realem, & per realem assimilationem, & præsentiam: at vero amor in quantum est volitio, non postulat quod Deus sit aliquo modo realiter intra voluntatem amantem, sed solum est causa vnionis affectiue, quæ inter res omnino distantes potest reperiri, ergo sola visio Dei & non amor est vnio cum Deo sufficiens ad consecutionem. Et ita ex illo triplici discrimine, non solum colligitur, quod per visionem beatus vnatur Deo attingendo ipsum tanquam obiectum, sed quod attingat ipsum, tanquam obiectum cum quo habet realem coniunctionem, saltem mediante sua imagine; & tandem quia visio Dei, ex propria ratione, & in quantum intellectio est, postulat, quod essentia diuina per seipsam, & sine media specie, sit realiter vnita intellectui videntis, quia intellectio postulat quod obiectum vnatur intellectui, vel immediate per seipsam, si potest vniri; vel mediante specie.

Quod si obieciat, consecutionem, in qua consistit beatitudo formalis, debere esse ipsam operationem, quæ est beatitudo formalis: at vero vnionem cum essentia diuina, siue sit immediata, siue mediata & per speciem, non esse ipsam visionem, quam contendimus esse beatitudinem formalem, sed præsupponi ad eam; sicut ad quamcunque intellectiōnem præsupponitur vnio intellectus, cum specie obiecti. *Respondetur*, satis esse, quod visio, & quæcunque intellectio postulet hanc vnionem, vt dicamus ipsam ex modo, quo fit, habere rationem consecutionis; & deinde dici potest, quod intellectio non solum postulat vnionem cum obiecto, aut eius imagine, tanquam cum principio ipsius, sed etiam tanquam termino: & ita visionem Dei, vt completam & terminatam, esse formaliter vnionem realem intellectus cum Deo.

DEINDE PROBATVR EADEM minor argumenti principalis, quoad posteriorem partem, quæ est, de actu voluntatis; & ad hoc vtamur tribus medijs desumptis ex D. THOMA. **P**RIMUM sit ratio, qua ipse probat hoc idem articulo 4. huius quæstionis, quæ est huiusmodi: actus voluntatis erga vltimum finem, vel est desiderium, vel delectatio: sed neque desiderium est consecutio, quia potius *antecedit* eam,

quia est motus, & tendentia in finem; neque delectatio, quoniam *presupponit* consecutionem, quia consequitur ad eam, sicut quietatio in quocunque bono, aut fine, consequitur ad eius adeptionem; ergo nullus actus voluntatis est consecutio ultimi finis.

Sed ad hoc medium respondet SCOTVS loco citato, quod inter duos actus propositos in maiori, scilicet desiderium, & delectationem, datur alius medius, qui est *amor rei præsentis*, & hic est affectio ultimi finis.

Et si querat, per quid fiat præsens finis? Respondet, quod per visionem, & si obiecas quod visio, quatenus per eam fit præsens ultimus finis, erit affectio ipsius finis, atque adeo amor, qui præsupponit finem ut præsentem, non erit affectio. Respondet quod uterque actus est affectio finis: tamen quia visio est prior ordine generationis, ideo amor est prior ordine perfectionis; quia iuxta doctrinam ARISTOTELIS 9. metaph. posteriori ordine generationis, sunt priora ordine perfectionis; & propterea in amore consistit substantia beatitudinis formalis. Quia cum dicimus beatitudinem formalem esse primam affectuionem ultimi finis, intelligitur de affectuione *prima* ordine perfectionis, hoc est de perfectissima.

Verum hac solutio SCOTI non est sufficiens, & antequam id probemus, *supponendum* est D. THOMAM hoc loco, cum videtur hoc medio, non processisse diminutionem, quamvis non meminerit huius amoris rei præsentis; quia non prætermisit eum, quoniam non habuerit eius notitiam, cum 3 contra gentes cap. 26. ratione 5. enumerauerit ipsum; sed propter rationem, quam ibidem assignat, scilicet quia eiusdem rationis est amor finis ante visionem finis, & post visionem; ut statim dicam, & hoc *supposito* argumentor contra ipsam solutionem, quoniam amor Dei eiusdem speciei est, ante visionem & post visionem: sed ante visionem non est affectio; ergo nec post visionem.

Ad hanc objectionem Respondet SCOTVS d. citata. q. 5. §. ad questionem duplici solutione: Primo concedit maiorem & minorem, si intelligantur de ratione specifica præcisè sumpta; & negat consequentiam: quoniam ille actus non dicitur affectio ultimi finis, nec beatitudo formalis, secundum suam rationem specificam præcisè sumptam, sed quatenus habet certum gradum perfectionis: ita ut nisi eum attingat, nec possit dici affectio, nec beatitudo formalis; & non habet hunc gradum perfectionis, ut antecedit visionem, sed ut præsupponit eam.

Verum contra hanc solutionem obijcit ipse SCOTVS, quod ex ea sequatur idem inconueniens, scilicet posse aliquem amorem viatoris non habentis visionem Dei, sed fidem, esse affectuionem Dei & beatitudinē formalem: quod probat hoc argumento; vel ille gradus perfectionis, quem habet amor post visionem, est *eiusdem speciei* cum eo, quem habet ante visionem; vel *alterius speciei*: hoc secundum dici non potest, quia ubi forme sunt eiusdem speciei, etiam perfectiones graduales ipsarum debent esse eiusdem speciei; quoniam perfectio gradualis, aut individualis, commensuratur naturæ specificæ. Si vero dicatur *primum*, vel illæ duæ perfectiones sunt *æquales*, & sic habetur intentum; vel perfectio amoris

A post visionem est maior; & sic, cum inter has duas perfectiones non sit infinita distantia, quoniam utraque est finita; & perfectio amoris ante visionem possit crescere ultra quemcunque gradum signatum, sicut etiam cognitio fidei, quam præsupponit, potest crescere: sequitur, quod perfectio amoris ante visionem possit esse tanta, sicut perfectio amoris post visionem, & ex consequenti quod amor ante visionem possit esse affectio Dei, & beatitudo formalis; quia nihil ei deest nec ex parte perfectionis specificæ, nec ex parte perfectionis gradualis.

Et hoc argumento conuincitur SCOTVS ut relinquat hanc solutionem ut insufficientem, sed immerito, quoniam facile dissolui potest. Ad quod *supponendum* est, quod in actu, qui sit capax intentionis, (cuiusmodi est amor de quo loquimur) tres perfectiones possunt considerari; una secundum speciem, altera secundum intensiōem, & tertia secundum adiuncta & extrinseca, qualia sunt subiectum, remotio impedimentorum, & alia similia, & potest contingere quod vnus actus possit alterum adæquare in perfectione specifica, & in intensiua: & tamē in ea, quæ provenit ab extrinseco, semper maneat inferior; sicut lumen auroræ aut crepusculi, nunquam perueniet ad perfectionem luminis meridiani; & perfectio pueritiæ, quantumcunque crescat intra terminum iuventutis, nunquam adæquabit perfectionem iuventutis, aut status virilis. Et ratio huius in utroque exemplo est, quod perfectio luminis auroræ, & perfectio pueritiæ, habent adiunctam imperfectionem, à qua nunquam denudantur, quantumcunque crescant intra proprios terminos. Et hoc modo possunt distingui istæ tres perfectiones in actu amoris: quia potest considerari secundum suam *essentiam*, & secundum *intensiōem* & secundum id, quod ipsi conuenit ex parte sui *subiecti*, scilicet quatenus elicitur à subiecto vidēte Deum, aut non vidente; & in statu viæ, aut patriæ; quia feruentius & expeditius elicitur à vidente, quam à non vidente; & in patria, quàm in viâ, & ita maiorem habet suauitatem, & continuationem, aut durationem in patria, quàm in viâ. Et quamvis amor viæ possit adæquare amorem patriæ, quantum ad primam, & secundam perfectionem: tamē quantum ad tertiam semper erit inferior, quia ratione fidei, à qua procedit; & status viæ, habet adiunctam imperfectionem, à qua nunquam denudatur, quamdiu procedit ex fide, & est in hoc statu, etiamsi in intensiōe crescat ultra quemcunque gradum signatum. Quod latius est explicandum in materia de charitate, ubi disputari solet an charitas viæ possit esse tam perfecta, sicut charitas patriæ. Et hoc *supposito ad argumentum* SCOTI Respondetur, negando sequelam: & ad probationem dicendum est, quod quamvis gradus perfectionis specificæ, & intensiue sit eiusdem speciei in amore post visionem, & ante visionem: tamen gradus perfectionis conuenientis ab extrinseco, scilicet ratione subiecti & status, non est eiusdem speciei; Neque oportet hoc genus perfectionis commensurari in omnibus naturæ specificæ; Et de hoc gradu perfectionis loquuntur, qui dicunt, amorem non esse affectuionem, nisi quatenus pertingit ad certum gradum perfectionis, ad quem non potest peruenire, nisi ut

præsupponit visionem & est in patria. Argumentum tamen solum habet vim respectu perfectionis intensiue. Quomodo vero ille actus non sit beatitudo formalis, aut assecutio summi boni ratione sue essentiae, nec ratione intensificationis, sed ratione modi aut perfectionis conuenientis ipsi propter aliquid extrinsecum, potest explicari exemplo quodam, quod etiam admittitur in sententia D. THOMÆ; Nam visio Dei, quamuis sit eiusdem speciei, & forte habeat æqualem intentionem, cum communicatur alicui in hac vita, quasi in transitu, (sicut multi dicunt fuisse communicatam D. Paulo,) & cum communicatur in vita futura, & permanenter; tamen non habet rationem assecutionis summi boni, nec beatitudinis formalis, nisi cum communicatur cum illo modo, qui est permanentia.

Quare aliter est impugnanda illa solutio SCOTI hoc argumento: Illa maior perfectio, quam habet amor post visionem, non dat ei esse consecutionem; ergo amor, quatenus habet talem perfectionem, non est consecutio; *consequentia* patet, quia si amor secundum suam speciem non est consecutio, non potest esse consecutio quatenus pertingit ad illam perfectionem, nisi ab ipsa formaliter accipiat esse consecutionem; & *antecedens* probatur, quoniam illa perfectio solum consistit in hoc, quod amor fiat perfectiori modo intra propriam rationem specificam actionis; ut verbi gratia, quod fiat intensius, aut suauis, & permanentius; ergo non dat ei nouam rationem actionis, cuiusmodi est esse consecutionem.

Confirmatur, quoniam quod actio aliqua sit consecutio sui obiecti, pertinet ad eius rationem formalem, & non consistit in hoc quod fiat perfectiori modo; ergo illa perfectio, quæ solum dat actui fieri perfectiori modo, non dat ei esse consecutionem; probatur *antecedens*, quia esse consecutionem in actione aliqua, importat, esse quasi apprehensionem, & retentionem obiecti, & hoc pertinet ad rationem formalem actionis.

Dices, quod, in exemplo paulo superius proposito, visio habet esse consecutionem & beatitudinem, ex modo quodam, qui est extra eius rationem formalem, scilicet ex permanentia. *Sed contra*, quia potius illud exemplum fauet nobis; si enim visio non esset ex propria ratione formali apprehensio, & tensio sui obiecti, quamuis adiungeretur ei permanentia, non haberet rationem consecutionis. At quoniam ex propria ratione formali est quædam apprehensio, ideo si adiungitur ei permanentia, est perfecta apprehensio, & tensio obiecti; qualis requiritur, ut simpliciter & absolute dicatur consecutio summi boni, & beatitudo formalis.

SECUNDA SOLVTIO SCOTI ad eandem obiectionem est, *maior* esse falsam, quoniam amor Dei, qui procedit ex fide, distinguitur specie ab amore qui procedit ex visione.

Sed hæc solutio, quamuis ipsi placeat, non est sufficiens; quoniam cognitio, siue concurrat efficienter ad volitionem, siue solum ut propositio obiecti, quæ se habet ut approximatio passi, non pertinet per se ad obiectum specificatum amoris, sed ut conditio sine qua non: ergo distinctio specifica cognitionum, non sufficit ad distinctionem specificam volitionum.

Et ad argumentum quo ipse mouetur ad hoc dicendum, scilicet, quod nunquam individua eiusdem speciei postulant procedere à causis specie distinctis, siue sint causæ per se, siue sine quibus non; & tamen amor, patriæ per se postulat procedere ex visione, & amor viæ ex fide, & visio & fides differunt specie; Respondetur, quod amor, siue sit viæ, siue patriæ, quantum ad suam perfectionem intrinsecam & specificam, potest indifferenter procedere ex utraque cognitione; quamuis propter extrinsecas condiciones horum statuum habeat, in via procedere ex fide, & in patria ex visione. Sed hæc in materia de charitate & alijs locis sunt latius examinanda.

Et contra utramque solutionem potest obijci, quod siue amor patriæ distinguatur specie ab amore viæ, siue sit eiusdem speciei cum eo: non potest esse consecutio, in quantum est amor rei presentis; quia secundum hanc rationem præsupponit præsentiam, & consecutionem summi boni; sicut delectatio, quia præsupponit assecutionem, & consequitur ad eam, non est assecutio.

Dices cum SCOTO ut in principio huius medijs retuli, tam visionem, quam amorem esse assecutionem; *Sed contra*, quia vel sunt duæ assecutiones totales, vel duæ partiales, & integrantes vnam totalem: *primum* dici non potest, quia in nulla natura ponitur duplex assecutio totalis sui finis, & frustra poneretur in quacunque: quia per quancunque consecutionem totalem, obtinetur finis sufficienter & totaliter, quantum est ex parte naturæ, quæ eum continet: ergo frustra ponitur alia consecutio, etiam totalis. Si vero dicatur *secundum*, sequitur, quod essentia beatitudinis formalis non consistit in vno simplici actu, sed in duobus actibus, quod est contra veritatem, & contra ipsum SCOTUM, ut ostensum est in probatione primæ conclusionis; probatur *sequela*, quia essentia beatitudinis formalis consistit in assecutione totali ultimi finis, & non in partiali.

§ 10. *Appetitus ex sua ratione propria non est assensio finis.*

SECUNDVM MEDIVM ad probandam eandem *minorem argumenti principalis* desumitur ex D. THOMA loco citato pro præcedenti medio, ex tertio contra gentes & ex DVRANDO in 4. d. 49. q. 4. quod potest ad hanc formam reduci: Appetere, est suo modo commune omnibus naturis, tam intellectualibus, quam sensitiuis, quam carentibus cognitione: quia in intellectualibus, & sensitiuis est actus elicitus à potentia appetitiua vnicuique proportionata; & in carentibus cognitione non est actus elicitus, sed pondus, & propensio naturæ: sed appetere in naturis sensitiuis, & in carentibus cognitione, non est assecutio ultimi finis; ergo neque in natura intellectuali. Quare cum omnis actus appetitus partis intellectualis, qui est voluntas, sit quoddam appetere, sequitur quod nullus actus voluntatis sit consecutio ultimi finis; *consequentia* patet ex paritate rationis, quia in eundem usum proportionaliter datur appetitus intellectualis naturæ intellectuali; & sensitiuus naturæ sensitiuæ, & pondus aut propensio naturæ rebus cognitione carentibus. Et *minor* probatur *in primis*

ex propria ratione appetitus, quæ (vt D. THOMAS docet. 1. p. q. 86. art. 1.) consistit in hoc, quod sit inclinatio consequens formam aliquam, siue naturaliter inditam, cuiusmodi est appetitus naturalis; siue apprehensam, cuiusmodi sunt appetitus intellectus & sensitus; constat autem quod inclinatio, vt est inclinatio, non importat consecutionem boni, quod respicit, sed tendentiam in ipsum, aut fugam à contrario. Et *deinde probatur inductione*, quia v. g. animalia per actum appetendi non consequuntur bonum suum, sed excitantur ad querendū ipsum, siue tendendo in ipsum, siue tollendo impediētia; & confirmantur ad manendū in bono quod habent, & percipiunt per operationem alterius potentie. Et similiter *res carentes cognitione* per pondus naturale non consequuntur bonum conueniens suæ naturæ, sed tendunt in ipsum, vt lapis per gravitatem mouetur in centrum, & consequitur ipsum formaliter per physicam vnionem cum eo, sine vlla operatione, quia propter suam imperfectionem non attingit suum bonum vitali modo, aut media aliqua operatione; & ad hanc consecutionem subsequitur quietatio in eo, quæ est veluti alter actus ponderis naturalis, & sicut delectatio in appetitu. Et proportionaliter potest hoc explicari eodem modo in omnibus rebus cognitione carentibus.

Ad hoc responderi potest ex doctrina ipsius DURANDI q. citata. numero 10. negando consequentiam, & ad probationem dicendum est, esse discrimen inter *appetere* in natura sensitua, & carente cognitione ex vna parte; & *appetere* in natura intellectuali ex alia parte: quoniam appetere in natura sensitua & carenti cognitione semper respondet amor concupiscentie, quia sicut per amorem concupiscentie volumus aliquid vt bonum nostrum, & non vt bonum alterius: ita etiam appetere in natura sensitua, & carente cognitione, solum respicit bonum proprium, & non alienum; & ideo sicut per amorem concupiscentie, non consequimur bonum, quod amamus & concupiscimus: ita neque appetere in natura sensitua, aut carente cognitione est consecutio boni quod respicit. At vero *appetere* in natura intellectuali non solum habet rationem amoris concupiscentie, sed etiam amicitie; & ideo sicut amor amicitie, non semper ordinatur ad aliam consecutionem, sed terminatur vltimo in seipso, vt cum volumus amico bona, quæ habet: ita etiam appetere in natura intellectuali non semper est inclinatio ad consecutionem alicuius boni, & hoc maxime videtur verum in amore amicitie respectu Dei, quoniam per hunc amorem volumus Deo bona sua, & non inclinamur ad aliam consecutionem respectu Dei, sed in hoc affectu sistimus.

Sed hæc solutio ex fundamento proposito in argumento potest impugnari, Quia sicut appetitus quicunque ex propria ratione habet, quod sit inclinatio per modum principij, aut actus primi: ita etiam quodcunque *appetere* debet habere ex propria ratione, quod sit inclinatio per modum actus secundi; quoniam alias non seruabitur proportio inter actum primum & secundum: sed inclinationi & tendentiæ actuali, non potest conuenire ratio consecutionis, quoniam consecutio & tendentia ref. ad eundem terminum habent

A rationes oppositas, ergo neque actui appetendi, quamuis sit amor amicitie. Et *præterea* falsum est quod amor amicitie, quo volumus alijs bonum, non ordinetur ad aliam consecutionem; quoniam amor iste vel habet rationem desiderij boni non habiti, vel complacentie in bono iam habito, vel gaudij & delectationis de bono iam habito, & de desiderio, satis patet, quod ordinatur ad futuram consecutionem; & de gaudio quod præsupponit eam, & de complacentia, vel simplici amore, probatur quod sit inclinatio ad consecutionem, vt præsentem; quia per hunc actum volumus, quod amicus habeat ea bona, quæ videmus ipsum habere, siue habeat ea per adeptionem ab extrinseco, vt in creaturis; siue per omnimodam identitatem vt in Deo: sed habere actum bonum aliquod est consecutio & possessio quædam actualis eiusdem boni; ergo per actum, quo volumus quod amicus habeat aliquod bonum, volumus eidem amico consecutionem talis boni, & ex consequenti iste actus est inclinatio & tendentia in talem consecutionem.

Dices, quod iste actus ordinatur ad aliam consecutionem in amico amato, non tamen in amante: & ideo non est inclinatio ad consecutionem alicuius boni respectu sui ipsius, atque adeo potest esse consecutio, sicut requiritur ad beatitudinem formalem: quia cum dicimus, beatitudinem formalem esse consecutionem summi boni, intelligitur de consecutione respectu subiecti, quod dicitur beatum; & non repugnat, quod idem amor sit inclinatio ad consecutionem respectu amati, & sit ipsa consecutio respectu amantis, & hoc in amore amicitie, quo diligimus Deum, est magis notum: quoniam velle Deo bona sua, & amare ipsum, est maximum bonum amantis, & ita est ipsa formalis consecutio summi boni.

Sed contra quia beatitudo formalis non est consecutio cuiuscunque boni, aut perfectionis, sed consecutio summi boni, quod est Deus: sed in casu isto amor non est consecutio Dei respectu amantis: ergo neque est consecutio, quæ est beatitudo formalis; probatur *minor*, quia vt actus aliquis sit consecutio summi boni respectu alicuius subiecti, requiritur quod terminetur ad ipsum summum bonum quatenus est bonum talis subiecti: sed in isto casu amor non terminatur ad Deum, quatenus est bonum amantis, quia terminatur ad ipsum vt ad obiectum amicitie, & non concupiscentie: ergo in isto casu amor non habet rationem consecutionis summi boni respectu amantis.

Confirmatur, quia consecutio, quæ est nostra beatitudo formalis, respicit Deum vt bonum nostrum, quia respicit eum vt præmium nostrum extrinsecum: & ita ANSELMVS in Dialogo de casu diaboli cap. 4. inquit, beatitudinem constare ex commodis: sed amor amicitie, dato quod sit consecutio, non respicit Deum vt est bonum nostrum, sed vt est bonus in se; quia per hunc amorem volumus Deo sua bona, & non volumus ipsum nobis, ergo amor amicitie non potest esse consecutio, quæ est nostra beatitudo formalis.

§ 11. *Actus elicited à voluntate, non potest esse primum obiectum voluntatis: intellectus potest.*

VLTIMUM MEDIUM pro eadem minori desumitur ex D. THOMA supra q. 1. articulo 1. ad secundum, & in hac q. 3. art. 4. ad secundum, & tertio contra gentes cap. 26. ratione secunda & tertia, & potest ad hanc formam reduci. Actus elicited immediate à voluntate non potest esse primum obiectum voluntatis: ergo neque potest esse consecutio obiecti beatificantis, quæ est nostra beatitudo formalis; *consequentia* patet, quia hæc consecutio est ultimus finis noster, ergo est primum obiectum voluntatis; quia cum ad obiectum voluntatis tantum pertineant finis, & media; & inter hæc, finis sit primum volitum, quia ex volitione finis mouetur voluntas ad volendum media; sequitur, quod etiam finis ultimus sit simpliciter primum volitum, atque adeo primum obiectum voluntatis. Probat D. THOMAS (locis citatis ex hac parte) hoc tantum exemplo, impossibile est quod primum obiectum visus sit visio: ergo etiam est impossibile quod primum obiectum voluntatis sit volitio; Sed loco citato ex summa contra Gentes probat duabus rationibus: *prima* est, quia in omnibus potentijs, quæ mouentur à suis obiectis, obiecta sunt naturaliter priora actibus talium potentiarum; sicut motor est naturaliter prior quam moueri sui mobilis: sed voluntas mouetur à suo obiecto; ergo in voluntate obiectum præcedit actum, qui terminatur ad ipsum; & ex consequenti primum obiectum præcedit omnem actum, atque adeo non potest esse aliquis actus elicited immediate à voluntate. *Secunda ratio* est, quia quando potentia aliqua conuertitur super suum actum, oportet quod eius actus prius feratur in aliquod obiectum; ut cum intellectus intelligit, se intelligere, necesse est quod eius intellectus feratur prius in aliquod obiectum: ergo similiter, quando voluntas conuertitur in suum actum habendo ipsum pro obiecto, necesse est quod eius actus feratur prius in aliquod obiectum, atque adeo ipse actus non potest esse primum obiectum voluntatis.

Sed hoc medium aliquibus videtur inefficax, de quorum numero est GREGORIUS DE VALENTIA. 1. 2. disputatione 1. quæst. 3. puncto 4. qui respondet distinguendo *antecedens*; si enim intelligatur de obiecto, quod secundum suum esse actuale vel possibile sit primum ordine generationis, aut executionis; verum est; quoniam hoc ordine vel voluntas non habet aliquod obiectum primum; *vel*, si habet aliquod, non est bonum aliquod in particulari, sed bonum incommuni. Si tamen intelligatur de obiecto, quod secundum suum esse actuale, vel possibile, sit primum ordine perfectionis, aut dignitatis, falsum est; quoniam beatitudo formalis est obiectum perfectissimum inter omnia obiecta, saltem creata nostre voluntatis: & huiusmodi beatitudo, quamvis esset actus voluntatis, posset esse obiectum eiusdem voluntatis; quoniam voluntas potest conuertere aut reflectere seipsum supra suum actum, atque

Adeoque habere ipsum pro obiecto. Et negat *consequentiam*, quoniam beatitudo formalis non est primum obiectum ordine executionis, sed solum ordine dignitatis; & ad probationem *consequentie* responderet consecutionem, quæ est beatitudo formalis, esse ultimum finem in particulari, & non in communi; & ideo non esse primum volitum ordine executionis, sed solum ordine dignitatis, & ad exemplum, quo probatur antecedens, quatenus deseruire potest ad probandum ipsum; absolute & sine distinctione Respondet, non esse ad propositum, quoniam obiectum formale visus est ita contractum, & determinatum, ut non comprehendat sub se visionem; & ideo visio nullo modo potest esse obiectum visus; at vero obiectum formale voluntatis est ita vniuersale, ut extendatur ad totam latitudinem boni, atque adeo contineat sub se volitionem; & ideo volitio potest esse obiectum voluntatis, & primum; non quidem in executione, sed ordine dignitatis.

Ad rationes vero, quibus idem antecedens probatur, non responderet iste author; sed ex eius doctrina responderi potest, solum conuincere, quod volitio non sit primum obiectum in exercitio, non tamen quod non sit primum ordine dignitatis, facta comparatione cum obiectis creatis, & beatitudinem formalem debere esse primum obiectum hoc modo.

Sed hæc solutio nisi aliquid ei addatur, mihi videtur omnino insufficiens; quia cum D. THOMAS inquit, volitionem non esse primum obiectum voluntatis, & beatitudinem formalem esse primum obiectum; intelligitur de primo in executione; quia utrumque probat ex ordine, quo volitio, & beatitudo formalis mouent voluntatem in exercitio, non agendo de gradu dignitatis, aut perfectionis, secundum quem conueniens mouere, ut patet ex omnibus probationibus, tam consequentis, quam antecedentis: verum quamuis hoc quantum attinet ad volitionem sit vniuersaliter verum respectu omnium volitionum: quia nunquam volitio, siue secundum esse actuale, siue secundum esse possibile, potest esse in exercitio primum mouens finaliter voluntatem; quia veroque modo importat ordinem ad obiectum, quod etiam in exercitio mouet prius: tamen quantum attinet ad beatitudinem formalem, non debet intelligi vniuersaliter respectu omnium volitionum, ita ut semper voluntas in volitione cuiuscunque boni debeat incipere à beatitudine formali in particulari; sed cum in exercitio sit comparatio inter beatitudinem formalem, tanquam finem, & aliud quodcunque bonum creatum, tanquam medium; quia tunc necessario debet voluntas incipere ab ipsa beatitudine formali, tanquam à fine, à quo etiam in exercitio prius mouetur. Et in hoc, meo iudicio, deceptus est iste author, quia existimauit D. THOMAM loqui de primo obiecto respectu omnium volitionum. Quare vis rationis D. THOMAS in hoc consistit: consecutio, quæ est beatitudo formalis, saltem quando occurrit volenda cum ordine ad aliud obiectum, est primum obiectum, & primum volitum in executione, & exercitio, saltem ordine causalitatis finalis: sed volitio nunquam potest esse hoc modo primum obiectum; ergo neque potest

esse consecutio, quæ est beatitudo formalis. Cum vero D. THOMAS ad probandum hanc minorem vitur exemplo visionis, non supponit, conuenire visionem in omnibus cum volitione, sed solum in hoc, quod ad eam præsupponitur suum obiectum, in quod ipsa fertur, atque adeo ipsa non potest habere rationem primi obiecti.

Sed obijci quia ideo dicit D. THOMAS, volitionem nunquam esse hoc modo primum obiectum voluntatis, quia præsupponit suum obiectum: sed similiter visio Dei præsupponit suum obiectum, ergo etiam visio Dei non potest esse primum obiectum intelligibile; & ex consequenti propter eandem rationem non potest esse consecutio, quæ est beatitudo formalis.

Ad huius solutionem supponendum est, quod D. THOMAS non constituit discrimen inter volitionem & intellectionem in hoc, quod volitio non possit esse primum volibile; & tamen intellectio possit esse primum intelligibile: quoniam potius in secunda ratione, quam ex ipso adduximus ad probandum antecedens huius medij, ut probet quod voluntas non potest conuertere supra suum actum, nisi prius eius actus feratur in aliquod obiectum volitum; adducit exemplum desumptum ex intellectu, qui non intelligit se intelligere, nisi prius eius actus feratur in aliquod obiectum intelligibile, atque adeo supponit actum intellectus non posse esse primum intelligibile. Sed totum discrimen constituit in hoc, quod intellectio potest esse primum obiectum voluntatis, non vero volitio: & hoc solum discrimen erat necessarium ad id, de quo D. THOMAS agebat in hoc argumento; quoniam ad hoc, ut aliquis actus sit, aut non sit ultimus finis, atque adeo consecutio, quæ est nostra beatitudo formalis, impertinens est, quod sit, aut non sit primum obiectum intellectus; & solum est alicuius momenti, quod sit, aut non sit primum obiectum voluntatis: quia (ut dixi) finis ultimus est primum obiectum voluntatis. Et hoc supposito, ad formam argumenti, concessa maiori & minori, concedenda est prima consequentia, scilicet quod visio non est primum intelligibile, & neganda secunda; scilicet quod propter hanc rationem non sit consecutio, quæ est beatitudo formalis; quoniam ad hoc ut aliquis actus sit talis consecutio, non requiritur quod sit primum intelligibile, sed quod sit primum volibile, quoniam debet esse ultimus finis, ut nunc dicebam.

Sed adhuc potest obijci, quia si intellectio non est primum intelligibile, sequitur quod neque sit primum volibile: patet sequela, quia sicut in ratione intelligibilis præsupponit suum obiectum, ita etiam in ratione volibilis præsupponit ipsum.

Respondetur negando sequelam, & ad probationem neganda est paritas rationis: quoniam intellectio in ratione intelligibilis non constituit unum cum suo obiecto, & ideo semper habet rationem intelligibilis secundarij, & præsupponentis aliud; at vero in ratione volibilis potest constituere unum cum suo obiecto, quatenus tenet se ex parte ipsius, quia potest contingere, quod obiectum non sit volitum quatenus præsupponitur ad intellectionem, sed præcisè quatenus est per eam visum, & apprehensum: ut cum amatur quatenus est obiectum beatificum, & actu beatificans; quia non beatifi-

cat, nisi ut apprehensum, & obtentum: apprehenditur autem per visionem.

Dices, peti in hac solutione principium, quod supponitur, ut certum, id, de quo est controuersia, & quod probandum est: scilicet, volitionem non esse apprehensionem, & consecutionem obiecti; & visionem esse eius consecutionem, quoniam qui dixerit cum SCOTO, volitionem esse consecutionem, & perfectiorem quam visionem: poterit dicere, quod volitio etiam constituit unum volibile cum obiecto, quia obiectum non est volitum nisi ut apprehensum per eam.

Respondetur negando quod petatur principium, quia quamvis respectu volitionum, quæ antecedunt visionem, possit dici, quod per eas volitio, quæ subsequitur visionem, est volita ut ultimus finis, scilicet quatenus tenet se ex parte obiecti beatificantis: tamen absolute, & respectu omnium volitionum, non potest hoc dici; quia saltem respectu eius volitionis, quæ immediate succedit visioni, non potest dici; cum per hanc non possit esse volita aliqua volitio, ut tenens se ex parte obiecti per modum apprehensionis: quia nulla alia præsupponitur, quæ habeat rationem apprehensionis, aut consecutionis, at vero visio respectu cuiuscunque volitionis potest habere rationem primi voliti, saltem ut tenet se ex parte obiecti beatificantis.

Neque satis est dicere, quod volitio, quæ immediate succedit visioni, est volita ut obiectum implicitè, aut virtualiter per seipsam: ad eum modum quo CAIETAN. infra quæst. 9. artic. 4. dicit, quod actus voluntarij voluntatis sic supra teipsum reflectuntur, ut quilibet eorum sit volitus obiectiue, aut explicitè, & formaliter per alium actum distinctum; aut implicitè & virtualiter per seipsum. Quoniam contra hoc potest obijci, quod illa volitio, quæ proximè succedit visioni, non potest esse volita expresse & formaliter per quamcunque volitionem, quia non est sic volita per seipsam: & tamen videtur esse de ratione ultimi finis, quod respectu cuiuscunque volitionis, possit habere rationem primi obiecti voliti, & ita hoc conuenit visioni.

Et ex his patet, non habere locum solutionem, quam assignat SCOTVS in 4. dist. 49. quæst. 4. §. in ista questione. ubi inquit, hoc medium solum convincere, quod volitio non sit primum volitum facta comparatione cum obiecto extrinseco; Quoniam contra eam potest obijci, quod consecutio obiecti beatifici debet esse primum volitum ut quo, & ut tenens se ex parte obiecti extrinseci, & tamen volitio non potest esse hoc modo primum volitum simpliciter, & absolute, ut ostensum est.

§ 12. *Esse amatum non prærequiritur ad beatitudinem formalem, ut ratio secundum quam obiectum terminat visionem; nec ut conditio necessaria.*

SED CIRCA HANC VLTIMAM CONCLUSIONEM restant tres dubitationes quarum PRIMA est, an essentia nostra beatitudinis formalis consistat in visione Dei quatenus est cognitio summi intelligibilis, vel ut est cognitio summi boni à beato amari. Et ut intelligatur, in quo consistat difficultas, est

aduerendum, quod Deus, qui est obiectum beatificum, tribus modis potest obijci actibus spiritalibus animæ nostræ: *primo* in ratione entis, & veri absolute; *secundo* in ratione boni amabilis; *tertio* in ratione boni is amati. *Primo* modo est obiectum visionis absolute sumptæ: *secundo* modo est obiectum amoris: *tertio* est obiectum etiam visionis, non tamen absolute sumptæ, sed quatenus præsupponit amorem. Quare sensus huius difficultatis est, an essentia nostræ beatitudinis formalis consistat in visione, quatenus terminatur ad Deum absolute, ut est summum verum, & primum ens: vel potius quatenus terminatur ad ipsum, ut est summum bonum, & à beato amatum? In quo autem differant hæc duæ rationes visionis, potest facile intelligi, ex hoc, quod visio secundum priorem rationem præcedit amorem, secundum posteriorem vero subsequitur eum.

Ad huius dubij solutionem supponendum est, quod dupliciter potest requiri amor ex parte obiecti visionis, ad hoc, ut visio ipsa sit beatitudo formalis: *primo* tanquam ratio, secundum quam obiectum terminat visionem; sicut aliqui dicunt, requiri lumen ex parte coloris ut videatur: *secundo* tanquam conditio sine qua non, ita ut esse amatum non sit ratio, secundum quam obiectum terminat visionem: sed solum conditio, sine qua obiectum non potest terminare visionem, quatenus est beatitudo formalis: ad eum modum, quo esse cognitum est conditio, sine qua bonum non terminat volitionem: & tamen volitio non terminatur ad esse cognitum, sed solum ad ipsam bonitatem obiecti.

Hoc supposito **DICO PRIMO**, non requiritur ad hoc, quod visio sit beatitudo formalis, quod terminetur ad obiectum beatificum quatenus est amatum, ita ut esse amatum sit ratio secundum quam obiectum terminat ipsam visionem. Probatur *primo*, quia si visio esset beatitudo ut terminatur ad obiectum beatificum quatenus est amatum, sequeretur quod obiectum beatificum secundum suam rationem formalem, qua est obiectum beatificum esset aliquid creatum: quod est contra **D. THOMAM** questione præcedenti artic. 8. probatur *sequela*, quia sicut in visione corporali, qua videtur aliquid ut album, esse album est ratio formalis, secundum quam videtur: ita in visione spiritali, qua videtur aliquid ut amatum, esse amatum est ratio formalis secundum quam videtur; & tamen esse amatum formaliter importat denominationem extrinsecam, sumptam à forma creata, scilicet ab amore creato: atque proinde est aliquid creatum.

Secundo, visio ut præcedit amorem, est intentio, aut consecutio obiecti beatifici: ergo ipsa ut sic est beatitudo formalis: & ex consequenti non requiritur ad hoc, ut visio sit beatitudo formalis, quod terminetur ad obiectum beatificum quatenus est amatum: *antecedens* patet, quia omnes rationes, quibus superius est ostensum, visionem esse consecutionem, habent vim respectu visionis hoc modo consideratæ, & *prima consequentia* probatur, quia beatitudo formalis consistit formaliter in consecutione obiecti beatifici ut dictum est questione *prima* huius tractatus.

Confirmatur, quia visio, quatenus præcedit amorem, est consecutio per modum operationis,

ut ex dictis constat; & est perfectior, quam ut subsequitur amorem, quia secundum priorem rationem terminatur ad Deum sub ratione veri: & secundum posteriorem sub ratione boni & amati; & ratio veri, etiam in Deo, secundum nostrum modum intelligendi, est perfectior & abstractior quam ratio boni.

Tertio, per visionem, ut antecedit amorem, anima ita consequitur Deum, ut in hac consecutione contineatur virtualiter, aut radicaliter tota consecutio, quæ potest reperiri in visione, ut subsequitur amorem: ergo in visione ut antecedit amorem consistit beatitudo formalis; consequentia patet, quia quando plures perfectiones conveniunt alicui rei hoc ordine, ut omnes oriantur ab una earum, tanquam à prima radice: illa, quæ est prima, & radix cæterarum, est essentia talis rei: ut patet, si in homine conferatur esse animal rationale, cum reliquis perfectionibus, & proprietatibus, quæ ab eo dimanant: & *antecedens* probatur, quia ex eo, quod beatus videt Deum, sequitur tanquam ex radice, quod amet ipsum, siue amore amicitia, siue amore concupiscentia; & quod continuando visionem videat ipsum ut amatum à se.

Confirmatur, quia ideo dicimus, delectationem non esse beatitudinem formalem quia consequitur ad operationem, quæ est consecutio obiecti beatifici: & continet radicaliter ipsam delectationem: sed uterque actus, scilicet amor Dei, & visio Dei amati, consequitur ad visionem Dei, quæ & est consecutio Dei, & continet radicaliter huiusmodi actus; ergo neuter actus est nostra beatitudo formalis.

DICO SECUNDO, non requiritur esse amatum obiectum beatificum, tanquam conditio necessaria ut eius visio sit beatitudo formalis. Ad hoc probandum possunt deferri omnia argumenta facta pro præcedenti conclusione, præter *primum*; nam ad *primum* respondere possunt, qui hoc negant non sequi, quod obiectum beatificum secundum suam rationem formalem sit aliquid creatum; quia esse amatum non requiritur iuxta eorum sententiam ut ratio formalis terminativa visionis, sed ut conditio necessario requisita: sicut etiam, quamvis esse cognitum requiratur, ut Deus terminet actum charitatis, non sequitur quod Deus sit obiectum formale charitatis secundum aliquid creatum: quia esse cognitum non requiritur ut ratio formalis terminandi, sed ut conditio necessario requisita ad terminandum: ex reliquis vero argumentis potest hoc confici: visio, quatenus omnino præcedit amorem, hoc est siue ut rationem formalem obiecti, siue ut conditionem; est consecutio obiecti beatifici & est consecutio per operationem: & perfectior, quam prout aliquo modo præsupponit amorem: & continet virtualiter, aut radicaliter omnem modum consecutionis, qui potest reperiri in visione quatenus aliquo modo præsupponit amorem: ergo in visione ut ita præcedit amorem, consistit substantia beatitudinis formalis: probatio totius antecedentis, & consequentis, desumi potest ex argumentis citatis.

SED CONTRA hanc sententiam, saltem quantum ad hoc secundum dictum, argumentor *primo*, quia summa delectatio, quam habet beatus, non consequitur ad visionem, quate-

nus ter-

nus terminatur ad Deum sub ratione summi intelligibilis, & præcedit amorem: sed quatenus terminatur ad Deum sub ratione summi boni amati ab ipso beato: ergo visio non habet rationem beatitudinis formalem quatenus omnino præcedit amorem, sed ut præsupponit ipsum ex parte sui obiecti; siue ut rationem formalem, siue ut conditionem necessario requisitam: *consequentia* patet, quia summa delectatio consequitur ad beatitudinem formalem, quod probatur *tum ex ipsa ratione delectationis*, quæ est esse quietationem appetitus, nam ex hoc sequitur quod summa delectatio sit summa quietatio, & hæc non potest reperiri sine consecutione summi boni, quæ est beatitudo formalis; *tum etiam quia* delectatio, non solum est effectus beatitudinis, sed etiam signum, imò & mensura à posteriori: quia ex eo quod aliquis delectatur, colligimus esse consecutum suum bonum, siue verum, siue apparens: & quanto magis delectatur, colligimus esse consecutum maius bonum: ergo ex eo quod summe delectatur, colligimus esse consecutum summum bonum, quod est esse beatum: atque adeo summa delectatio est signum beatitudinis formalis, & consequitur ad eam & *antecedens* probatur, *tum quia* nunquam aliquis delectatur propter præsentiam aut possessionem alicuius rei, nisi eam amet; ut, quamvis habeam præsentem Petrum, & videam eum in summa dignitate constitutum, si nullo modo diligam eum, non delectabor: imò si odio habeam, crucior: Et quamvis aliquis percipiat cibum, si nullo modo appetat eum, non delectabitur, imò potius afficietur molestia, & fastidio, ut in infirmis contingit. *Tum etiam quia* in falsa & apparenti beatitudine non sequitur delectatio ex possessione boni, prout abstrahit ab eius amore; ut avarus non censet se beatum, neque summe delectatur, quia præcisè possidet pecunias, sed quia possidet pecunias, quas amat; unde si non amaret eas, non delectaretur, quantumvis eas possideret: ergo similiter in vera beatitudine non potest sequi summa delectatio ex visione summi boni, nisi præsupposito eius amore.

Secundo de ratione beatitudinis formalis est quod appetitus, consequatur summum bonum, siue per seipsum, siue per aliam potentiam; & quod per consecutionem talis boni satiatur: sed non potest intelligi, quod appetitus consequatur actualiter summum bonum, & satiatur, nisi actualiter appetat: quoniam tam consecutio, quam satietas responder alicui affectui, qui satiatur; ut, appetitus sensitiuus non dicitur consequi per aliam potentiam cibum, & satiari hac consecutione, nisi actualiter habeat famem cibi: ergo non reperitur beatitudo formalis nisi præsupposito amore actuali summi boni.

Tertio, beatitudo formalis responder spei, ergo beatitudo est consecutio Dei, ut est summum bonum beati, & ex consequenti non est visio ut antecedit amorem, sed ut subsequitur eum: *antecedens* patet, quia obiectum formale spei est Deus ut consequibilis à nobis, & beatitudo formalis est eius consecutio: & *prima consequentia* probatur, quia fidei responder visio Dei sub ratione veri; & spei sub ratione bo-

ni nostri; & charitati quatenus est in se bonus. & *secunda* etiam probatur, quia (ut diximus) visio, ut antecedit amorem, terminatur ad Deum sub ratione veri: & solum ut subsequitur amorem, terminatur ad ipsum sub ratione summi boni.

Ad primum Respondetur, negando antecedens; & ad *primam probationem* dicendum est, quod quamvis cum C A I E T. infra quæst. 31. artic. 4. delectatio de consecutione alicuius obiecti præsupponat, non solum consecutionem talis obiecti, sed etiam amorem: tamen non est necesse, quod præsupponat amorem formalem, sed satis est quod præsupponat formalem, aut virtuales: ut in priori exemplo proposito in hac probatione, quamvis ego non diligam actum amicum, quem habeo præsentem potero gaudere & delectari de eius præsentia; in posteriori vero exemplo, ideo, qui sine ullo appetitu sumit cibum, non delectatur, quia non habet appetitum formalem; neque virtuales, saltem proximum, sed solum remotum, qui est indigentia naturæ. & in nostro casu, qui videt Deum, quamvis non habeat amorem eius formalem, habet virtuales; non solum remotum, qui sit propensio per modum capacitatis ad summum bonum, quod habet præsens: sed etiam proximum, qui, præter propensionem hanc, includit ipsam visionem summi boni, ad quam consequitur necessario amor: & ad *secundam probationem* concessio antecedenti neganda est consequentia. & ratio discriminis est, quod avarus, neque ratione capacitatis naturalis, neque ratione possessionis pecuniarum, habet virtuales amorem ipsarum & ideo ut delectetur de earum possessione, necesse est quod habeat amorem formalem ipsarum, aut saltem habuerit eum, tam proximè, ut aut propter effectum aliquem, aut propter propensionem aliquam relictam in voluntate maneat in ipsa virtualiter.

Ad secundum concessio maiori, neganda est minor, si intelligatur determinate de actu appetendi formali, quia sufficit virtualis, ut nunc dicebam: & idem dicendum est ad exemplum appetitus sensitiui.

§ 13. Amor consequens visionem non requiritur ad beatitudinem formalem tanquam pars eius essentialis, nec tanquam connotatum, nec tanquam dispositio ex parte obiecti vel subiecti.

Ad tertium concessio antecedenti, & prima consequentia, neganda est secunda, quia per visionem, ut antecedit amorem, possidet Deum quatenus est summum bonum beati: & ad probationem dicendum est, quod per visionem, etiam ut antecedit amorem, cognoscitur, Deum esse summum bonum beati, quamvis visio terminetur ad Deum sub ratione intelligibilis & veri.

SECUNDA DUBITATIO est, dato quod ut visio sit beatitudo formalis, non requiratur quod præsupponat ullo modo ex parte

huius obiecti amorem, ut antecedentem, siue tanquam rationem formalem terminandi; siue tanquam conditionem necessario requisitam; an saltem sit necessarium, quod habeas adiunctum amorem ut subsequentem ad ipsam, ita quod visio, si separatur per diuinam potentiam ab amore Dei, qui ad ipsam consequitur non sufficiat ad beatificandum simpliciter videntem? Vbi satis constat in quo differat hæc dubitatio à præcedenti, nam in præcedenti dubitatione agebatur, de amore, quatenus aliqua ratione præsupponitur ad visionem, in hac vero agitur de amore, quatenus subsequitur ad visionem, eodem modo quo dicere solemus, actum voluntatis subsequi ad actum intellectus, siue subsequatur tanquam ad suam causam, per se, siue tanquam ad conditionem necessario requisitam. Et potest hæc dubitatio habere duos sensus sicut præcedens: *primus* est, an iste amor consequens ad visionem requiratur tanquam conditio necessaria, & sine qua visio non beatificat formaliter subiectum in quo est. *Secundus* sensus est, an requiratur tanquam pertinet intrinsece ad essentiam beatitudinis, ita ut visio sola sine hoc amore non sit integra & completa essentia beatitudinis, atque adeo non sufficiat ad beatificandum formaliter suum subiectum simpliciter & absolute. Et ita variae sunt sententiae inter eos, qui cum D. THOMA defendunt, visionem esse substantiam, & essentiam beatitudinis formalis. Nam imprimis *aliqui* dicunt absolute, quod, si quis videret Deum, & non amaret, non esset beatus: non tamen explicant an hoc proveniret ex defectu conditionis necessario requisitæ ad beatitudinem formalem, vel potius ex defectu aliquius rei pertinentis ad eius essentiam: quam sententiam videtur sequi SOTUS in 4. d. 49. q. 1. art. 4. prope solutionem argumentorum principalium, ubi inquit, quod si per diuinam potentiam aliquis videret Deum, & non amaret, non esset beatus; & nihilominus visio sola, & non aggregatum ex ipsa & amore est beatitudo formalis, quia virtute continet amorem.

Alij vero dicunt, requiri amorem tanquam conditionem necessariam, & connotatam per ipsam; quia essentia beatitudinis non consistit in visione nuda, sed ut importat relationem actualem causæ ad dilectionem tanquam ad suum effectum. Et ita defendunt, quod essentia beatitudinis non consistat in aggregato ex visione & amore, sed in sola visione: & nihilominus postulet amorem tanquam terminum connotatum per ipsam, ratione illius relationis actualis. Sicut etiam essentia relationis non consistit in aggregato ex habitudine & termino, sed in sola habitudine, & nihilominus postulat terminum tanquam aliquid connotatum.

Tertio alij dicunt, requiri tanquam conditionem necessariam per modum dispositionis necessario requisitæ ex parte obiecti beatificantis, ut beatificet, & ex parte subiecti, ut recipiat à beatitudine esse beatum. Itaque iuxta horum sententiam, quamvis visio simpliciter, & secundum suam essentiam præcedat amorem, tamen non dat subiecto esse beatum nisi supposita hac dispositione: quia neque obiectum aliter beatificat, neque subiectum est aliter capax beatitudinis, & utrumque explicant ratione, & exemplo; nam imprimis dicunt, ideo requiri amorem tanquam dispositionem ex parte obiecti, quia sicut obiectum non est beatifi-

cum, nisi in quantum est summum bonum, ita non beatificat in actu secundo, nisi quatenus in actu secundo est summum bonum; & non potest esse in actu secundo summum bonum, nisi actu diligatur; & ad explicandum qua ratione possit requiri ex parte obiecti, quod habeat adiunctam hanc quasi dispositionem (quæ est, esse amatum) ut actu beatificet, quamvis non requiratur ut sit beatificum; vtuntur hoc exemplo: color, siue lucidum, aut quicquid aliud sit obiectum potentie visivæ, non potest esse obiectum actu visum, nisi habeat adiunctam hanc dispositionem, quæ est, esse quantum, & extensum; & tamen sine ea est obiectum formale, siue specificum visus, & visibile, cur etiam requiratur hæc dispositio ex parte subiecti, dicunt hanc esse rationem, quod multæ conditiones requiruntur in subiecto, ut sit beatum, ad quas non sufficit ex natura rei sola visio, sine amore; ut attingere Deum sub ratione summi boni, & ultimi finis, & carere omni peccato tam actuali quam habituali; Et ad explicandum qua ratione, quamvis visio sit ipsa beatitudo formalis, & sit in subiecto, scilicet in intellectu, non det ei esse beatum, nisi habeat in ipso adiunctam hanc dispositionem, quæ est amor obiecti beatifici: vtuntur hoc exemplo actionis vitalis ver. g. visionis, quæ quamvis ponatur per Dei potentiam in lapide, non dat ei esse videntem, quoniam in hoc effectu formali visionis includitur vitalitas, cuius non est capax aliquod subiectum, nisi sit vivens.

Et si contra hoc obijcias, visionem, ut existentem in intellectu, esse aliquo modo causam amoris, atque adeo non posse dependere ab eodem amore, qui ad eam consequitur, tanquam à dispositione necessario requisita, ut det subiecto, in quo est, suum effectum formalem, qui est esse beatum; *Respondent*, amorem non esse proprie, & in rigore dispositionem, sed conditionem necessario requisitam, quasi per modum dispositionis, & non esse inconueniens, quod prius dependeat à posteriori tanquam à conditione necessaria. *Et secundo addunt*, posse formam dependere à dispositionibus, quarum est causa, ut in naturalibus asseritur à multis. Et *denique* illis modis, quibus saluatur, in multorum sententia, dependentia formæ à dispositionibus quarum est causa, defendi potest ab his dependentia visionis ab amore, cuius est causa, & forte facilius, quoniam effectus primarius visionis non est esse subiectum beatum, sed esse videns, & non est inconueniens quod forma quantum ad suum effectum secundarium, pendeat ab eo, cuius est causa secundum primum.

Quarto dicunt alij, quod essentia beatitudinis formalis consistat principaliter in clara Dei visione, & simul includit intrinsece amorem, qui ad visionem consequitur; ita ut sine amore non sit integra & completa essentia beatitudinis, neque subiectum visionis possit dici simpliciter & absolute beatum, & loquuntur de amore amicitie, quo Deus diligit, ut est in se bonus; & non de amore concupiscentie, quo concupiscitur propria beatitudo, & dicunt hunc amorem pertinere intrinsece simul cum visione ad essentiam beatitudinis, quia consecutio ultimi finis creaturæ rationalis consistit partialiter in vtroque ex his duobus actibus & totaliter in vtroque simul.

Et si eis obijcias Diu. THOMAM in sola visione

constituisse essentiam beatitudinis formalis. *Respondent* Diu. THOMAS non negasse, quod amor pertineat intrinsece ad essentiam beatitudinis, sed quod pertineat principaliter, aut quod solus sit essentia beatitudinis. Quod *confirmant*, quia 3. contra Gentes cap. 16. ubi latius de hac re est locutus, sæpe dicit beatitudinis essentiam principaliter consistere in visione Dei, quasi insinuando, consistere etiam in amore, licet minus principaliter.

Et si vlietius obijcias, amorem contineri radicaliter & virtualiter in visione. *Respondent*, hoc non obstat, ut essentia beatitudinis non sit completa, donec adueniat actualis amor: sicut in lumine gloriæ, & vnione essentia diuinæ cum intellectu per modum speciei intelligibilis, continetur radicaliter visio, & tamen non inchoatur formalis beatitudo, nisi in ipsa actuali visione.

Quod si contra hoc obijcias, amorem esse aliquomodo effectum visionis, iuxta varias sententias, de modo quo actus intellectus requiritur ad ad actum voluntatis, atque adeo non posse pertinere intrinsece simul cum ipsa visione ad essentiam beatitudinis, quia vna pars essentia non pendet ab alia parte ut à sua causa. *Respondent*, non esse inconueniens, quod in ijs rebus, quarum essentia consistit in vnione, aut proportionem diuersarum rerum, vna pars essentia pendeat ab altera ut à sua causa; sicut in compositis substantialibus, forma, quæ educitur de potentia materia, pendet à materia, ut à sua causa, & materia à forma in alio genere causæ: & in pulchritudine, quæ consistit in proportionem partium, & accidentium, dependent accidentia à partibus, & quædam partes etiam pendunt ab alijs partibus saltem ut à componentibus.

Vltimo dicunt alij, amorem, qui consequitur ad visionem non pertinere ad formalem beatitudinem, neque tanquam partem essentialem, neque tanquam conditionem necessariam requisitam, & in hoc videntur conuenire CAPREOLVS. CALETANVS, & FERRARIENSIS.

DICO PRIMO, amor, qui consequitur ad visionem, non requiritur ad beatitudinem formalem, tanquam pars eius essentialem. Hoc assero contra quartum modum dicendi; & probatur primo *authoritate* D. THOMÆ. Nam præter testimonia, quæ ex ipso adduximus in confirmationem primæ conclusionis principalis, huius quæstionis, quibus etiam hoc probatur: est aliud apertum articulo secundo huius quæstionis, ubi proponit quinto loco hoc argumentum ad probandum, beatitudinem non consistere in operatione. Beatitudo vnius hominis est vna: sed operationes sunt multæ; ergo beatitudo non est operatio, & postea in solutione quarti, ubi etiam dissoluit hoc argumentum, dicit, beatitudinem perfectam siue in angelis, siue in hominibus, esse operationem vnicam, & sempiternam, quod tamen non posset esse verum, si amor simul cum visione pertineret ad essentiam beatitudinis.

Secundo potest probari omnibus argumentis, quibus confirmauimus primam conclusionem citatam, quoniam si beatitudo formalis consistit tantum in vno simplici actu, bene sequitur quod non includat intrinsece & essentialiter visionem & amorem.

Tertio etiam potest probari argumentis, quibus in fauorem vltimæ conclusionis ostendimus, amorem non esse consecutionem, nec totalem, nec partialem; quoniam cum essentia beatitudinis formalis consistat in consecutione summi boni, non potest aliquid pertinere intrinsece ad eius essentiam, nisi aliquo modo sit consecutio, aut totalis, aut partialis.

Nec satisfaciunt authores oppositæ sententiæ testimonijs D. THOMÆ, quoniam D. THOMAS ita docet beatitudinem consistere in actu intellectus, ut simul neget consistere in actu voluntatis, & id confirmat efficacissimis rationibus, quas ibidem explicuimus, & ad quoddam medium quod in eis adducitur, scilicet, amorem contineri radicaliter in visione, non satisfit exemplo visionis, quæ continetur virtualiter in lumine gloriæ, & vnione essentia diuinæ cum intellectu, quoniam visio est consecutio summi boni per modum operationis, at vero in lumine gloriæ & vnione essentia diuinæ cum intellectu non reperitur talis modus consecutionis, qui tamen necessarius est ad beatitudinem formalem.

Vltimo probatur, quoniam visio, ut antecedit, saltem ordine naturæ, hunc amorem, de quo loquimur, facit ita præsentem Deum beato, ut per amorem non fiat magis, neque nouo modo præsens: ergo consecutio summi boni, quæ est nostra beatitudo formalis, consistit essentialiter solum in visione, & non in visione simul cum amore, patet *consequentia*, quia consecutio hæc non videtur esse aliud, quam habere Deum præsentem obiectiue.

DICO SECUNDO amor, qui consequitur ad visionem, non requiritur ad beatitudinem formalem, ut conditio necessaria, siue ut aliquid connotatum, siue ut dispositio requisita ex parte obiecti, & subiecti. PRIMA pars statuitur contra secundum modum dicendi, & probatur facile, quia visio, iuxta sententiam Diu. THOMÆ, in quantum est possessio, aut consecutio summi boni, est beatitudo formalis: sed non requiritur ut causet actu amorem, ut sit possessio; ergo neque ut sit beatitudo formalis, & ex consequenti amor non requiritur ad beatitudinem, ut aliquid connotatum per visionem, quatenus est beatitudo, hoc est, ut visio sit beatitudo formalis, tanquam aliquid connotatum per ipsam; & SECUNDA pars statuitur contra tertium modum dicendi, & probatur; ac *imprimis* quod non requiritur ex parte obiecti, quia amor solum addit ex parte obiecti esse amatum, quod est quædam denominatio extrinseca: ergo non est dispositio necessaria requisita ex parte obiecti ut beatificet; patet *consequentia*, quia sola denominatio extrinseca non addit obiecto aliquid, ratione cuius possit, quod ea seclusa non posset.

Neque obstat ratio pro contraria parte adducta, quia sicut obiectum est beatificum in quantum est summum bonum, quod potest possideri; ita etiam beatificat in actu secundo per modum obiecti, in quantum est summum bonum quod possidetur in actu secundo; & possidetur per actum intellectus. *Neque etiam obstat exemplum* obiecti visibilis, tum quoniam esse quantum, & extensum, ponit aliquid in ipso obiecto; tum etiam quia hoc non requiritur præcise ut obiectum sit visum terminatiue, sed quia obiectum non potest naturaliter esse visum, nisi emittat ex

Vol. 17, No. 1

CHICAGO, ILL., JANUARY 1, 1918

Subscription price, \$5.00 per annum in advance

Single copies, 15 cents

Entered as second-class matter, June 26, 1907

Postpaid by mail at special rate of postage provided for

by Act of Congress, October 3, 1917

Acceptance for mailing at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Published by the American Medical Association, 535 North Dearborn Street, Chicago, Ill.

Copyright, 1918, by American Medical Association

Printed at the Chicago Press, Chicago, Ill.

Second-class postage paid at Chicago, Ill.

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

Postpaid by mail at special rate of postage provided for

by Act of Congress, October 3, 1917

potuisset Deus, aut creare tantum vnâ creaturam rationalem, quæ esset capax beatitudinis, aut vnâ tantum admittere ad beatitudinem, & in eo casu non minus esset beata talis creatura, quam si haberet plures socias in visione Dei; in secundo vero testimonio, aut loquitur D. THOMAS, de beatitudine naturali; aut loquitur de statu beatitudinis, & non de essentia præcise sumpta.

§. 14. An beatitudo formalis consistat in visione speculatiua, vel practica? Primum verius.

TERTIA DUBITATIO est, an hæc visio Dei, in qua consistit essentia beatitudinis formalis, sit practica, vel speculatiua, vel utrumque simul? Ad huius solutionem supponendum primo, visionem hanc non esse notitiam pure apprehensiuam, sed etiam iudicatiuam, non quidem per modum actus reflexi, quo intellectus iudicat ita se habere rem, sicuti ab ipso cognoscitur sed per modum actus directi qui consistit in quodam simplici intuitu, quo intellectus iudicat Deum v. g. esse infinitum, bonum &c. *Secundo supponendum*, iudicium intellectus dupliciter dici practicum, primo remota, vt cum dirigit operationem, quæ potest dici praxis, & non mouet proxime ad operationem cuiusmodi est iudiciu, quod continet regulas, quibus constituenda est domus, & non mouet in particulari ad faciendum domum, *secundo immediate*, vt cum hic, & nunc mouet proxime ad operandum cuiusmodi est iudicium, quo intellectus iudicat in particulari, faciendum esse aliquid.

DICO PRIMO, si practicum sumatur primo modo, visio Dei est simul speculatiua & practica formaliter. Ita tenent CAPRE. in 4. d. 49. q. 1. art. 3. in solutione ad argumenta PETRI DE PALLYDE, contra 3. concl. CAIST. in hac q. art. 5. SOT. eadem distinctione q. 1. art. 4. in explicatione 3. concl. & omnes Thomistæ recentiores; & ex alijs RICHARDVS in 4. d. 49. art. 1. q. 8. & probatur PRIMA PARS quia visio Dei, quatenus terminatur ad Deum præcise vt contemplabilem aut cognoscibilem, & abstrahendo ab ordine ad aliquam operationem circa ipsum, quæ vere sit praxis, habet omnes condiciones scientiæ speculatiuæ: ergo vt sic est cognitio speculatiua formaliter. *Consequentia* est euidens, & antecedens probatur, quia vt notitia sit simpliciter speculatiua sufficit, quod aut non sit de re operabili tanquam de obiecto immediato; aut quod quamuis sit de obiecto operabili tamen ex propria ratione, non versetur circa ipsum modo operabili; hoc est, tradendo modum, quo fieri debeat, sed modo speculabili, hoc est sistendo in contemplatione veritatis; sed hæc duo conueniunt visioni Dei consideratæ secundum prædictam rationem, quia neque habet obiectum operabile, cū Deus nullo modo sit operabilis; neque versatur circa ipsum modo operabili, quia (vt supponimus) terminatur ad Deum præcise vt contemplabilem, aut cognoscibilem, abstrahendo ab ordine ad operationem circa ipsum, ergo visioni Dei secundum prædictam rationem conueniunt condiciones cognitionis speculatiuæ simpliciter.

SECUNDA etiam pars probatur; quia eadem visio Dei quatenus terminatur ad creaturas, scilicet ad actiones voluntatis circa Deum, tanquam circa vltimum finem, & ad effectus artis, habet condiciones cognitionis practiciæ: ergo est formaliter practica, Probatur antecedens, & in primo supponimus, quod illa visio ex vi primarij & immediati obiecti extendi potest secundario ad iudicandum, quia ratione beati se debeant habere circa Deum in operationibus voluntatis, & reliquarum potentialium, vt v. g. quod debeant amare & colere ipsum, imo & quomodo res artificiales sint faciendæ multo perfectius quam per artes, siue sint in hac vita acquisitæ, siue in patria infusæ in proprio genere. Et hoc posito probatur, quod visio secundum istam rationem habeat condiciones notitiæ practiciæ, quia est de re operabili, & versatur circa ipsam modo operabili: vnde beati non indigent alia regula ad dirigendum potentiam executiuam in productione effectuum artificialium, neque voluntatem & alias potentias ad vltimum finem.

CONTRA HANC SENTENTIAM sentit SCOTVS quæst. 4. prologi sen. 5. ad obijciatur, vbi in solutione cuiusdam tertij argumenti concedit, quod in eo intetur, scilicet, non posse de Deo haberi scientiam speculatiuam: sed omnem scientiam, quæ habent ipsum pro obiecto, etiam si sit de his veritatibus, Deus est Trinus, pater generat filium, esse practicam. Et quamuis non loquatur SCOTVS expresse de visione Dei: tamen eius sententia est intelligenda necessario etiam de visione, non solum quia comprehenditur sub communi nomine scientiæ de Deo, seu, quæ habeat Deum pro obiecto: sed etiam quia rationes, quibus eam sententiam confirmat, habent eandem vim respectu visionis Dei; imo ipse SCOTVS paulo inferius censet, esse probabile idem de scientia, quæ Deus seipsum cognoscit, & ab eadem dissentit PALLYDANVS in 4. d. 49. quæst. 3. artic. 2. concl. prima & secunda, quamuis alia ratione: quoniam videtur sentire, visionem Dei esse pure speculatiuam, nam constituit duas felicitates aut duas partes felicitatis totalis, vnâ appellat contemplatiuam, & alteram actiuam, & primam dicit consistere in actu intellectus pure speculatiui, secundam vero in actu intellectus practici antecedenter, & in dilectione voluntatis essentialiter, & in delectatione consequenter & ita supponit repetiri in totali beatitudine duos actus intellectus, vnum pure speculatiuum, qui est cognitio veritatis, atque adeo visio Dei; & alterum pure practicum, qui mouet voluntatem ad diligendum, & consequenter asserit visionem Dei esse simpliciter speculatiuam, & non simul practicam & speculatiuam.

Pro his authoribus, & contra nostram conclusionem solent obijci argumenta duplicia, quædam ad probandum, aut pro SCOTO, visionem Dei esse practicam, aut pro PETRO DE PALLYDE esse speculatiuam, & alia ad probandum, non posse eundem actum visionis esse simul formaliter practicum & speculatiuum, propter repugnantiam, quæ in rationibus practici & speculatiui inuoluitur. Sed priora in rigore non sunt contra nos, quia non probant,

visionem

visionem Dei esse tantum practicam, aut tantum speculatiuam, & ita potest admitti in fauorem nostræ sententiæ totum, quod probant scilicet esse practicam, & esse speculatiuam; & *posteriora* possunt facile dissolui ex ijs, quæ dici solent ad explicandum, practicum & speculatiuum, nisi addatur particula exclusiua tantum, non habere inter se oppositionem; & non importare hanc exclusionem mutuam respectu scientiæ infinitæ, siue sit simpliciter infinita, vt diuina; siue secundum quid tanquam impressio, & proxima quædam participatio infinitæ, quæ respiciat obiectum sub ratione quadam illimitata & communis ad speculabilia, & agibilia; sed solum respectu finitæ, quæ respicit suum obiectum sub ratione magis limitata, & contracta; qua doctrina deffendi solet cum Diuo THOMA de theologia nostra esse formaliter practicam & speculatiuam 1. part. quæst. 1. artic. 4. & de dono sapientiæ q. 45. art. 3. & de scientia Dei q. 14. art. 16. & de fide 2. 2. q. 4. art. 2.

SED OBIECTIBUS, quemadmodum se habent actus fidei & theologiæ ad actus credendi & assentiendi theologiæ: ita se habet lumen gloriæ ad actum videndi Deum: sed quamuis tam habitus fidei, quam habitus theologiæ sit practicus, & speculatiuus, nullus actus credendi aut assentiendi theologiæ est practicus & speculatiuus, ergo similiter quamuis lumen gloriæ sit practicum & speculatiuum, nullus actus elicitus ab eo erit practicus & speculatiuus.

Respondetur negando maiorem, si intelligatur de omnimoda similitudine: nam quamuis visio comparata cum lumine gloriæ conueniat in hoc, cum actibus credendi & assentiendi theologiæ, comparatis cum habitibus fidei & theologiæ; quod procedat à lumine vt à suo principio, sicut illi actus procedunt à suis habitibus. tamen in alijs differt; nam in primis visio respondet adæquate lumini, non solum quoad intensionem, sed etiam quoad numerum: at vero illi actus non adæquant semper in intensione suos habitus, & multiplicantur sæpe secundum numerum, manentibus eisdem habitibus; & ideo quamuis illi actus non adæquent perfectionem suorum habituum in hoc, quod est esse simul practicos, & speculatiuos: non sequitur quod visio non possit adæquare in hoc perfectionem luminis gloriæ; & præterea visio est perfectissima quædam participatio scientiæ Dei, & ideo sicut illa scientia respectu essentiæ diuinæ est speculatiua & respectu creaturarum practica; ita etiam visio secundum istos duos respectus erit speculatiua, & practica, vt explicatum est in conclusione.

DICO SECUNDO, visio Dei primario & principaliter est speculatiua, & secundario & minus principaliter practica. In hac conclusione conueniunt omnes authores citati pro præcedenti, & *Probat*, quia respectu obiecti primarij habet quod sit speculatiua, & respectu obiecti secundarij quod sit practica; & cognitio quæcunque, ab obiecto præcipuo ad quod cetera attributionem habent, est iudicanda & denominanda.

Sed obieci, visio Dei non est practica & speculatiua secundum duas rationes formales aggregatas in ipsa, sed secundum vnam tantum;

ergo equaliter est practica, & speculatiua. *Probat*ur consequentia quia cum tota ratio formalis alicuius rei conueniat ei equaliter, necesse est vt quæ conueniunt ei secundum ipsam rationem formalem conueniant etiam equaliter.

Respondetur, concedendo antecedens & negando consequentiam; & ad probationem dicendum est, quod cum ratio formalis alicuius rei consistit in ordine ad aliquid extrinsecum sicut ipsa ratio formalis potest respicere inequaliter aliqua extrinseca, & vnum primario, & alterum secundario; ita etiam possunt aliqua conuenire inequaliter tali rei secundum suam rationem formalem per or linem ad illa extrinseca.

DICO TERTIO si practicum sumatur secundo modo, visio Dei non est formaliter practica. In hoc meo iudicio debent conuenire omnes, qui iuxta sententiam D. THOMÆ dicunt, non sufficere propositionem obiecti, etiam sub ratione fugiendi aut prosequendi, vt voluntas moueatur ad fugiendum, vel prosequendum ipsum actum nolitionis, aut amoris: sed requiri iudicium, quo intellectus dicet hic & nunc in particulari esse fugiendum, aut prosequendum; siue præter hoc iudicium requiratur alius actus distinctus, qui appelletur imperium, siue non. Et *Probat*ur, quia visio Dei solum mouet ad diligendum Deum inuitando per modum propositionis obiecti, quia per eam cognoscuntur rationes diligibilitatis, quæ sunt in Deo: ergo non mouet per modum iudicii applicantis & determinantis moraliter voluntatem ad diligendum, & ex consequenti non est practica secundo modo. *Antecedens* patet, tum quia visio solum terminatur ad Deum, vt ad obiectum: ergo solum mouet voluntatem proponendo obiectum; tum etiam quia ita mouet visio summi boni ad dilectionem, sicut cognitio summi malitiae ad odiū, vel fugam: sed cognitio malitiae solum mouet ad fugam proponendo obiectum, ergo & visio summi boni solum mouet ad amorem proponendo obiectum. Et *consequentia* probatur, quia valde distincta iudicia sunt hæc duo, hoc obiectum est diligibile; & bonum est quod voluntas hic & nunc diligit ipsum; & stante primo, potest non sequi secundum, saltem respectu aliorum bonorum, CONTRARIUM sentit CAPREOLVS in 4. d. 49. q. 1. artic. 3. in solutione ad argumentum PATRI DE PALVDI contra tertiā conclusionem, ubi inquit, quod eodem actu, quo quis videt diuinam essentiam, videt eam sub ratione entis, & veri, & boni, & summe diligibilis, & ad hanc cognitionem sequitur dilectio Dei: ita vt non requiratur aliud iudicium intellectus distinctum à visione, neque aliquis discursus practicus, cuius conclusio sit tale iudicium; quia hæc omnia continentur virtualiter in visione, & pro hac sententia contra nostram conclusionem sit hoc argumentum, voluntas est necessitata quoad exercitium, & quoad specificationem, ad diligendum Deum clare visum: ergo sufficit visio Dei sine alio iudicio, practico, vt voluntas diligit Deum.

Respondetur, negando consequentiam, quia voluntas ex propria natura habet, quod non operetur nisi præuia directione & motione

iudicii practici: quare *autecedens* etiam solum est verum, quia visio clara Dei habet necessario annexum iudicium practicum mouens immediate ad dilectionem, & ita quantumcunque perfecte proponatur obiectum sub ratione boni aut mali, non mouebitur voluntas ad prosecutionem aut fugam nisi præcedat iudicium practicum intellectus, quod proxime moueat ad alteram earum, cuius rationem explicat D. THOMAS infra q. 17.

DICO VLTIMO essentia beatitudinis formalis consistit in visione solum ut est speculatiua, & non ut est practica. In hac etiam conclusione conueniunt omnes auctores citati pro prima, & probatur in prima auctoritate D. THOMAS art. 4. huius quæstionis, ubi expresse docet, beatitudinem consistere in operatione intellectus speculatiui, & non in operatione intellectus practici, & 1. p. q. 1. art. 4. Probat quod Theologia nostra agit de actibus humanis propter Dei speculationem, quoniam agit de ijs propter beatitudinem, & beatitudo Dei consistit in perfecta Dei cognitione. Deinde probatur tribus rationibus, quibus D. THOMAS videtur art. 4. citatus ubi legi possunt, & eis potest adiungi quarta, quæ huiusmodi est: essentia beatitudinis formalis consistit in operatione, quæ habet pro obiecto summum bonum & increatum: sed visio ut speculatiua habet pro obiecto summum bonum, & increatum, scilicet Deum, & ut practica non habet pro obiecto bonum increatum, sed creatum, scilicet operationes, ut dictum est in probatione primæ conclusionis, ergo essentia beatitudinis consistit in visione solum, ut est speculatiua, & non ut simul est practica & speculatiua.

Sed obijciat quia D. THOMAS art. 4. citatus in conclusione inquit, quod beatitudo magis consistit in operatione intellectus speculatiui, quam practici; & in fine corporis, inquit, quod beatitudo vitæ futuræ tota principaliter consistit in contemplatione, ubi propter dictiones magis & principaliter videtur insinuare, quod beatitudo aliquo modo, licet minus principaliter consistat in cognitione practica.

Respondetur, quod, ut dixi in explicatione litteræ illius articuli, illæ particule denotant, beatitudinem consistere aliquo modo in visione ut est practica, verum non essentialiter; quia essentialiter solum consistit in visione ut est speculatiua, sed accidentaliter & secundario.

§. 15. Soluuntur argumenta primæ sententiæ.

AD PRIMVM PRIMÆ sententiæ, Respondeo primo, distinguendo maiorem si enim intelligatur de vnione perfecta intensiue, hoc est, de vnione perfectissima, vera est: si tamen intelligatur de vnione perfecta extensiue, hoc est de vnione includente omnes modos possibiles vnionis, falsa est: *nam quia* (ut dixi in probatione primæ conclusionis) nullius rei essentia consistit in perfectione extensiua, sed in intensiua: *nam etiam quoniam* alias sequeretur, quod beatitudo secundum suam essentiam consisteret in vnione, non solum per operationem, sed etiam per habitum; & eodem modo est distinguenda minor, si enim sit eius sensus, quod actus intellectus & voluntatis requiruntur ad vnionem perfectam extensiue, vera est: si tamen sensus sit quod requiruntur ad vnionem perfectam intensiue, falsa est: quoniam maior & nobilior est, vnio, quæ fit per visionem, quam quæ fit per amorem, ut postea ex-

plicabimus; & ita neganda est consequentia.

Secundo Respondetur concedendo maiorem, si intelligatur de perfecta vnione per modum consecutionis & adeptionis, & negando minorem; quia (ut diximus in probatione vltimæ conclusionis) actus voluntatis non habet rationem consecutionis, & ad probationem dicendum est, quod anima non est vnibilis Deo, vnione, quæ habeat rationem consecutionis, & adeptionis, per actum voluntatis, sed solum per actum intellectus: & per eum vnitur hoc genere vnionis Deo, non solum quatenus est summum verum, sed etiam quatenus est summum bonum.

Ad primam confirmationem Respondetur concedendo maiorem, si intelligatur de obiecto beatifico sumpto non materialiter, pro eo, quod est beatificum, sed formaliter pro eo, quod est beatificum ut beatificum est, & ut beatificat obiectiue: & negando minorem, si intelligatur de obiecto beatifico sumpto eodem modo. Et ad probationem dicendum est, quod Deus non est formaliter obiectum beatificum in ratione summi veri absolute, neque in ratione summi boni: sed in ratione summi boni possesse, & obtenti, aut quod a nobis potest possideri & obtineri; & secundum istam rationem non attingitur formaliter per actum voluntatis, sed solum per actum intellectus: quia solus actus intellectus habet rationem possessionis & consecutionis; sicut in exemplo ibidem adducto in probationem minoris, color ut visibilis non attingitur formaliter per actum intellectus, aut appetitus, quamuis intelligatur & appetatur; sed solum per actum potentie visiuæ, quia solus iste actus est visio.

Ad secundam confirmationem respondetur, quod comprehensio ut in eo articulo sumitur a D. THOMAS non pertinet intrinsece ad essentiam beatitudinis formalis, sed tanquam quid consequens, aut concomitans, ut ibidem explicabimus.

AD SECVNDVM ARGVMENTVM cum prima confirmatione Respondetur in nullo ex illis duobus testimonijs esse aliquid definitum circa quæstionem hanc: nam hæc est regula generalis ad intelligendum, quid in consilijs & decretalibus pontificum definiatur, ut solum illa sint definita ut certa secundum fidem, quæ sunt necessaria ad damnationem hæresis, de qua fit sermo, vel ad responsionem dubij propositi; & in testimonio CONCILII VIENENSIS solum damnatur error Begardorum & Beguinarum qui dicebant hominem natura sua & sine lumine gloriæ posse videre Deum, & ipso beatè frui; & ita solum definitur id, quod est necessarium ad huius erroris damnationem, scilicet indigere hominem lumine gloriæ ad videndum Deum, & ad fruendum ipso. Reliqua vero, quæ huius occasione adduntur, in quibus beatitudo nostra equaliter constituitur in visione & fruitione; non definiuntur, sed acceptantur ut consona opinioni probabilis theologorum. Et in testimonio Benedicti papæ, respondetur dubio, quod eo tempore vigeat, scilicet, utrum animæ defunctorum, quæ nihil habent purgandum, videant statim Deum, & sint beatæ, & ita solum definitur id, quod requiritur ad respondendum huic dubio; scilicet, animas istas statim videre Deum, & esse beatas: reliqua vero quibus explicatur modus, quo efficiuntur beatæ, non definiuntur, sed proponuntur ut probabilia, iuxta sententiam aliquorum theologorum, quos pontifex voluit

ibi sequi.

ibi sequitur: *Secundo Respondetur*, quod in neutro testimonio explicatur *essentia* beatitudinis, sed *status* qui comprehendit visionem & delectationem, quæ nomine fruitionis significatur: imo & amorem, qui, ut medius inter veramque subintelligitur & hoc modo responderi potest *ad secundam confirmationem* quoniam hic *status* beatitudinis significatur in Catechismo nomine solidæ beatitudinis.

§. 16. Soluuntur argumenta secunda sententia.

AD PRIMVM SECUNDÆ SENTENTIÆ Respondetur negando maiorem, quia beatitudo non est formaliter ipsa quies & satietas beati, sed consecutio ultimi finis, ad quam consequitur quies & satietas: sicut consecutio finis in lapide non est ipsa quies in centro, sed unio quantitativa & localis cum ipso centro, ad quam sequitur quies, & ita D. THOMAS q. sequenti art. in corpore inquit, quod delectatio causatur ex hoc, quod appetitus quiescit in bono adepto; hoc est, ex hoc, quod appetitus est in tali statu, ut suum bonum sit iam obtentum, sequitur quies, quæ est delectatio, & *ad probationem illius maioris* negandum est, quod quidquid antecedit illam quietem, sit motus, & tendentia in finem, quia etiam antecedit eam adeptio finis.

AD SECUNDVM Respondetur, negando antecedens, quoniam pœna damni, quæ consistit in carentia diuinæ visionis, maior pœna est, quam pœna sensus, quæ consistit in illis cruciatibus: & ita D. THOMAS infra q. 87. artic. 4. inquit, quod peccatum ex parte auersionis est infinitum, & ita respondet ei pœna damni, quæ est infinita; & ex parte conuersionis est finitum; & ita respondet ei pœna sensus, quæ est finita. Et *ad probationem illius antecedentis*, Respondetur, sensum illius capitis esse, quod pœna peccati originalis est tantum carentia diuinæ visionis, & pœna peccati actualis est non solū carentia diuinæ visionis, sed etiam cruciatus inferni: atque ita non sequitur, eos, qui decedunt cum solo peccato originali, pati pœnam summam; quia maior est pœna, carentia diuinæ visionis cum cruciatibus inferni, quam sola carentia diuinæ visionis.

AD TERTIVM Respondetur, negando antecedens, & *ad probationem* negatur etiam antecedens; & *ad primam probationem* huius antecedentis, dicendum est, quod illa propositio, *ultimum in executione est primum in intentione*, intelligitur, quando id, quod est posterius in executione, non pendet à priori in genere causæ efficientis, si enim pendeat, non habet rationem finis, sed potius ordinatur ad id, quod est prius, tanquam ad finem, ut patet in passionibus respectu essentia; & ita quia delectatio pendet hoc modo ab operatione quam comitatur, quamuis sit posterior in executione, non sequitur quod habeat rationem finis; Et *ad secundam probationem* Respondetur, quod cum appetimus delectationem propter operationem, ordinamus delectationem in bonum operationis, & in bonum nostrū; Et *ad obiectionem factam contra primum*, Respondetur quod appetere delectationem propter operationes, non est simpliciter appetere coniunctionem earum, sed est ea, quæ secundum suam naturam sunt coniuncta; appetere, non eque primo neque ordinando operationem ad delectationem: sed potius & conuerso ordinando delectationem ad operationem, hoc est, ad hoc ut operatio habeat totum suum

complementum: ut cum dicimus, passionem posse appeti propter essentiam, tanquam propter finem earum, non est sensus, quod appetatur unio passionum cum essentia, sed quod hæc duo appetuntur hoc ordine, ut passionem sint volitæ in ordine ad essentiam, hoc est ut essentia sit completa, quantum ad accidentia, quæ ipsi debentur. Et *ad obiectionem factam contra secundum* Respondetur, quod ordinare delectationem in bonum nostrum, non est velle ipsam tanquam medium ad habendum absolute actualem operationem; sed ad habendum eam cum ultimo complemento; & hac ratione bene potest id, quod est posterius, ordinari in id, quod est prius, tanquam in finem; quia non ordinatur in ipsum ut sit absolute, sed ut bene sit, sicut patet in passionibus & proprietatibus respectu essentia, & in operatione respectu subiecti.

Ad Confirmationem Respondetur, quod (ut dixi q. 3. huius tractatus in probatione secundæ conclusionis) quando D. THOMAS inquit, beatitudinem esse ultimum actum, loquitur de *ultimo in actuando*, hoc est, qui ex modo actuandi non relinquit potentialitatem in subiecto: & quæcunque operatio actuatur hoc modo suum subiectum, quia licet una possit aduenire subiecto, priusquam alia: tamen nulla actuatur subiectum cum ordine potentia; ad aliam sicut actuatur quicumque actus primus, siue sit potentia, siue habitus, si comparatur cum actu secundo. Deinde dici potest illam doctrinam D. THOMAS non esse intelligendam quando sit comparatio inter actus, ex quibus posterior habet se ad priorem sicut appendix eius, & complementum consequens ad ipsum, sicut se habet delectatio respectu operationis quam concomitatur; neque quando sit comparatio inter actus, qui quamuis sint distincti, tamen quodammodo integrant unum totalem, & constituunt unum obiectum, sicut contingit in operatione & delectatione quæ ad eam consequitur. Et quando ARISTOTELIS inquit, operationem perfici per voluptatem, non est eius sensus, quod perficiatur tanquam per ulteriorem actum, sed tanquam per complementum, & quasi per quādam extensionem, aut tanquam per accidens suum.

AD VLTIMVM patet solutio ex ijs, quæ dixi de testimonijs sanctorum in principio probationis conclusionis ultimæ.

§. 17. Soluuntur argumenta tertia sententia.

AD PRIMVM TERTIÆ SENTENTIÆ Respondetur primo, quod, quidquid sit de antecedenti potest negari *consequentia*, & ad probationem dicendum est, quod beatitudo formalis non consistit in prestantissima operatione nostra in ratione entis, sed in ratione consecutionis: & quamuis actus amicitia; Dei in ratione entis esset perfectior quocunque actu intellectus, posset esse minus perfectus in ratione consecutionis. *Secundo Respondetur* negando antecedens, & **AD PRIMVM MEDIVM**, quod probatur, (omissis varijs solutionibus, quas aliqui tradunt occasione quorundam verborum, quæ D. THOMAS dicit circa rationem horum nominum 1. p. 4. 108. art. 5. ad 5. de quibus videri potest FERRA. tertio contra gentes cap. 26. Respondetur illa duo nomina non esse imposita ab amore, quem habent in patria, & à visione beatifica, sed ab amore quem

habuerunt in via, & à cognitione quam etiã habuerunt in via, & quoniam amor, scilicet supernaturalis in via excedit quamcunque scientiam, aut cognitionem viã, ideo Seraphini qui supremi sunt inter omnes angelos, ab amore nominati sunt, & Cherubini à scientia: nominantur autem Seraphini ab amore potius viã quam patrie *nam quia* illo amore meruerunt patriam, & visionem patrie, & plus solet quis gloriari ex merito, quam ex præmio; *nam etiam quia* ordo angelorum constitutus est in via, prius enim quam ad patriam pervenirent, fuerunt dispositi ut modo sunt. Et ita etiam angelis, qui peccaverunt, tribuuntur aliquando hæc nomina, quod argumento esse potest, ut credamus imposita eis fuisse in via, & propter actiones, aut excellentias viã, ut cum Ezech. 28. dicitur. *In Cherub excelsus & protegens &c.* & postea, *& peccasti, & eiici te de monte Dei, & perdidisti Cherub protegens*, quæ verba de angelo peccante exponunt HIERONYMVS ibid. CRILL. lib. 6. in Ioan. c. 6. & GRIG. lib. 32. moral. c. 24. & refertur de penitentia d. 2. c. *principium*.

AD SECUNDVM MEDIVM Respondetur primo, quamvis admittatur antecedens, potest negari *consequentia* & ad *primam probationem* Respondetur quod cum dicitur potentias specificari & mensurari in sua perfectione essentiali per ordinem ad suos actus, non intelligitur de actibus secundum suas proprias & specificas rationes, sed secundum communem rationem, in qua conveniunt omnes actus alicuius potentie: ex hoc autem non potest colligi, quod suprema operatio præstantioris potentie debeat esse perfectior secundum gradum specificum quam suprema operatio potentie minus præstantis, sed solum, quod debet esse perfectior secundum rationem communem & genericam; & ita quamvis voluntas esset perfectior potentia quam intellectus, non sequeretur, quod amor Dei in patria sit perfectior quam visio, si fiat comparatio inter rationes specificas horum actuum; sed solum quod est perfectior facta comparatione inter rationes communes volitionis & intellectionis. Et ad *secundam probationem*, quæ est replica contra hanc solutionem, Respondetur, quod non semper, quando gradus genericus est perfectior, etiam differentia specifica debet esse perfectior; sed ut plurimum quando est unicum principium proximum, à quo sumatur ratio generica & differentia specifica; sicut contingit in substantijs & aliquibus accidentibus, in quibus tam ratio generica, quam differentia specifica sumitur ab una simplici forma, scilicet à forma substantiali, vel ab entitate ipsius accidentis. Quando vero huiusmodi principium est multiplex, sicut contingit in actibus & habitibus, in quibus ratio generica sumitur aut explicatur per ordinem ad potentiam, & ratio specifica per ordinem ad obiectum tam quoad rationem formalem *qua*, quam, quoad rationem formalem *sub qua*, bene potest differentia specifica esse minus perfecta, quamvis gradus genericus sit perfectior; quia potest contingere, quod actus, aut habitus pertineat ad genus minus perfectum, excedat ex parte obiecti, aut ex parte modi attingendi, ipsum alterum actum aut habitum, qui pertineat ad genus magis perfectum, sicut CAIET. cum D. THO. infr. q. 66. art. 3. inquit, virtutes intellectuales secundum rationem genericam virtutis esse minus perfectas quam morales; & secundum rationem specificam esse magis perfectas, & eadem

A ratione conceditur ab omnibus, quod actus opinionis, quia est intellectio, est perfectior secundum rationem genericam, quam actus temperantiae, qui est actus appetitus, & tamen non est perfectior secundum differentiam, qua constituitur in esse opinionis, quoniam includit imperfectionem in modo attingendi suum obiectum, & ita etiam 2. 2. q. 23. art. 6. solet defendi, quod quamvis actus fidei, quia est intellectio, sit perfectior secundum gradum genericum, quam actus charitatis, qui est volitio: non sequitur etiam quod sit perfectior secundum differentiam specificam. Imo aliqui dicunt etiam in substantijs posse contingere, quod differentia magis perfecta contrahat genus minus perfectum, ut corpus corruptibile est genus minus perfectum, quam corpus incorruptibile, & tamen differentia per quas corpus corruptibile contrahitur ad esse vivens, hominis, & animalis; perfectiores sunt, quam differentia, per quam corpus incorruptibile contrahitur ad esse celi, & rationem huius dicunt esse, quod, ut differentia aliqua possit contrahere aliquod genus, non tam requiritur equalitas perfectionis in talem differentiam & tale genus, quam proportio in ratione contrahentis, & contrahibilis, & potest contingere, quod genus & differentia quæ magis distant in perfectione, distant minus in proportionem: sicut quia ad unionem inter aliqua per modum actuabilis & actuantis, non tam requiritur equalitas perfectionis, quam proportio in ratione actus & potentie, & potest contingere quod inter ea, quæ magis distant in perfectione, sit maior proportio in ratione actus & potentie, ideo sæpe ea, quæ conveniunt minus inter se in perfectione, sunt magis unibilia prædicto modo, ut quamvis una substantia magis conveniat cum alia substantia in perfectione, quam cum accidente, tamen, quia maiorem habet proportionem cum accidenti in ratione potentie & actus, quam cum alia substantia, ideo est magis unibilis cum accidenti in ratione actuabilis & actuantis, quam cum alia substantia.

Secundo Respondetur ad idem medium, negando antecedens, & ad utramque probationem respondetur, quod omnia illa, in quibus tribuitur voluntati excellentia supra intellectum, solum convincunt, voluntatem esse præstantiorem quam intellectum, in genere moris, non tamen in genere naturæ, aut entis, & eodem modo concedimus, actum præstantissimum voluntatis, imo & quemcunque actum liberum, esse perfectiorem actu præstantissimo intellectu. Verum cum dicimus beatitudinem consistere in præstantissima operatione nostra, intelligitur de præstantissima in genere entis, & non in genere moris: quoniam præstantia in genere entis est præstantia simpliciter, & præstantia in genere moris solum est secundum quid, ut docet D. THOMAS infr. q. 69. art. 3. ad secundum. Et ad hanc solutionem reducitur ea, quam assignat CAIET. loco statim citando, & alij Thomistæ, qui etiam negant antecedens, & ad utramque probationem dicunt omnia illa in quibus refertur, voluntatem esse perfectiorem intellectu, intelligi de præstantia in genere moris, non in genere entis. Imo operatio, quæ est nostra beatitudo formalis, non pertinet formaliter ad genus moris, quia non est formaliter libera.

AD TERTIUM MEDIUM. CAIET. 1. p. q. 26. art. 2. in fine. DURAN. & SOTVS locis citatis respondent, concedendo maiorem, & negando minorem:

quia cum

quia cum voluntas sit data homini præcipue ad volendum bonum suppositi, illud secundum rectam rationem erit magis volendum per voluntatem, quod fuerit maius bonum suppositi; & visio est maius bonum suppositi quam amor, & eodem modo respondeo ad terminos argumenti, quod secundum rectam rationem mouentem voluntatem ad diligendum vel operandum, debet præferri illud obiectum, quod est maius bonum suppositi; & quia visio est maius bonum, & maior perfectio suppositi, quam amor, ideo visio est præferenda secundum rectam rationem.

Sed hæc solutio videtur aliquibus insufficiens, quia iuxta eam solum explicatur, quod visio sit præferenda & diligenda magis amore concupiscentiæ; non tamen quod sit magis diligenda amore amicitie; & non dicitur simpliciter melius, quod est præferendum amore concupiscentiæ, sed quod est præferendum amore amicitie, quod vero iuxta solutionem hanc solum explicatur, visionem esse magis volendam amore concupiscentiæ, probatur, quia solum colligitur esse magis volendam ex eo, quod est maius bonum suppositi, & amor concupiscentiæ respicit obiectum sub ratione boni proprii, non vero amor amicitie; Imo quod amore amicitie sit magis volendus amor Dei, quam visio, probatur, quoniam amore amicitie magis amandum est bonum diuinum, quam proprium: sed amor est bonum diuinum, quia est obsequium quo præferimus Deum cunctis rebus creatis, & nobis ipsis; & visio est bonum nostrum, quia est consecutio summi boni, ergo amor Dei magis volendus est amore amicitie quam visio. Item si beatus deberet carere altero ex his duobus actibus, & daretur ei optio ut eligeret, quod veller carere, deberet secundum rectam rationem eligere potius visionem Dei carere, quam amore: ergo amor Dei est magis diligendus etiam appetitiue, quam visio: *consequens* patet, quoniam per has conditionales examinamus, quod obiectum sit magis diligendum appetitiue. *Et antecedens* probatur, *nam* quia esset magis gratum Deo quod beatus in eo casu eligeret carere visionem Dei, quam quod eligeret carere eius amore: quia sicut Deus omnia ordinat ad se, & vult esse propter se: ita magis vult operationes eas, quibus creaturæ actu referuntur ad ipsum, quam alias; & beatus per amorem refertur actu in Deum, ut in vltimum finem, & non per visionem: *nam etiam* quoniam actualis amor amici est vinculum & confirmatio amicitie, ergo si beatus eligeret in illo casu carere amore Dei potius quam visionem, censeretur eligere potius separari ab amicitia Dei quam ab eius visione & præsentia. *Et tandem* hoc potest probari duabus probationibus minoris huius tertij medij.

Sed hæc obiectio neque conuincit, illam solutionem esse insuffICIENTEM, neque amorem Dei esse magis volendum amore amicitie, quam visionem, *Et ad primam explicationem aduertendum*, quod cum dicimus, non posse negari beatitudinem formalem esse summe amatam inter omnia obiecta nostra, secluso obiecto beatifico, quod est Deus, quoniam habet rationem finis vltimi simpliciter per modum adæptionis: tamen hoc non est intelligendum facta comparatione inter obiecta amoris amicitie, sed solum inter obiecta amoris concupiscentiæ, quod in primis potest probari rationibus, quibus in secundo medio proposito pro vltima co-

A clusione huius quæstionis, probauimus, non consistere consecutionem, quæ est beatitudo formalis, in amore amicitie; & *deinde* explicatur, quia multa alia non solum distincta à beatitudine formali, sed etiam ei opposita, & repugnantia, possunt esse magis volita ex charitate, atque adeo amore amicitie, quam ipsa consecutio. Nam in primis qui constituit suam felicitatem in præsentia amici, si cum vere diligit vtrumque amicum, habebit actum amicitie, quo amico velio omnia bona, scilicet salutem, honorem, diuitias & alia similia, imo, & quo ipse velit carere eius præsentia, si ita oportuerit, ut amicus consequatur huiusmodi bona: ergo amore amicitie magis diligitur carentia præsentie obiecti beatificantis, quam eius præsentia, in qua consistit felicitas aut beatitudo formalis aliquorum hominum, ut nunc supponimus, *Et deinde* si Deus veller, ut beatus careret beatitudine formali, siue sit visio, siue quidquid aliud, & præciperet ei, ut veller carere ea; tunc charitas inclinaret ad volendum carere beatitudine, atque adeo carentia beatitudinis esset magis volita amore amicitie, quam ipsa beatitudo; & *tandem* beatus magis vult amore amicitie Deum esse, & esse infinite sapientem, bonum &c. quam possidere ipsum: & tamen beatitudo formalis solum consistit essentialiter in possessione aut adæptione Dei, ergo aliquid distinctum à beatitudine formali est magis volitum amore amicitie, quam ipsa beatitudo formalis. Quia ergo beatitudo formalis ex propria ratione non est magis volita amore amicitie, sed solum amore concupiscentie, ideo *CA. I. &* reliqui auctores huius solutionis, solum existimauerunt, esse necessarium ad dissoluendum argumentum propositum, explicare, qua ratione visio Dei sit magis volita amore concupiscentie, quidquid sit de amore amicitie. Et ita manet explicatum *primum*, scilicet, solutionem illam non esse insuffICIENTEM.

Et ut etiam explicemus secundum, scilicet, quod, si fiat comparatio inter visionem Dei, & amorem, secundum proprias rationes, & abstrahendo à ratione beatitudinis formalis, non sit magis volendus amor amore amicitie: *Aduertendum* est, quod proprie amor amicitie non terminatur ad visionem, neque ad amorem Dei, sed ad ipsum Deum, cui volumus visionem, aut amorem, tanquam bona ipsius, non quidem intrinseca ipsi, sed extrinseca: neque ita ut ab eis pendeat, aut illis indigeat villo modo ad suam optimam consistentiam, sed quia actus isti sunt congruentes & conuenientes Deo. Sicut reuerentia, honor, cultus, & gloria Dei solent appellari bona ipsius, atque ita ex vi amoris amicitie Dei ille actus erit magis volitus, qui ex natura rei, & secluso præcepto aut omni alia extrinseca suppositione, fuerit in hoc sensu maius bonum. *Quo posito* sic argumentor, si secundum hanc rationem conferamus inter se visionem & amorem Dei, videtur certum, quod visio sit maius bonum Dei: ergo visio Dei est magis volita ex vi amoris amicitie Dei, quam amor: Probatur hoc antecedens, quoniam amor solum dici potest bonum Dei, quatenus per ipsum homo subicitur Deo ut auctori suo, & vltimo fini, etiam supernaturali; At vero visio, est bonum Dei, quatenus est quædam manifestatio diuinæ excellentie, atque adeo pertinet quodammodo ad extrinsecam gloriam, ex qua sequitur Deo laus & honor, & *præterea* quatenus est causa excitans, & dirigens amorem, sed hæc duo simul sumpta maius bonum sunt Dei, quam il-

lud solum

lud solum, quod est in amore. Imo in his duobus est etiam aliquo modo (scilicet tanquam in causa) illud bonum, quod est in amore: ergo visio est maius bonum, Dei, quam amor.

Confirmatur, quia quando amicus non indiget aliquo bono, amicitia magis inclinat ad volendum scire, quod recte se habeat in rebus suis, quam ad volendum ei illud bonum: sed Deus non indiget bono, quod est amor, & per visionem beatus cognoscit infinitam perfectionem Dei, & quam recte Deus se habeat in seipso, ergo ex vi amicitie Dei magis inclinatur beatus ad volendum visionem Dei, quam amorem.

Et ex his prius solutio ad duo argumenta quibus in impugnatione solutionis CALET. probatur oppositum, nam in *priori* supponitur, quod visio sit tantum bonum beati, & non Dei, & in posteriori supponitur, quod saltem amor est maius bonum, & carentia amoris maius malum, & ideo assumitur antecedens falsum, scilicet, quod secundum rectam rationem sit potius eligendum carere visione, quam amore: Et ad *primam probationem* negandum est, quod hoc esset gratius Deo, quia sicut Deus ordinat creaturas ad seipsum, quatenus in eis manifestantur suæ perfectiones, & ex consequenti cedunt in eius gloriam: ita etiam cæteris paribus vult quod velimus magis eam operationem, per quam magis manifestatur ipsius excellentia, & ut dixi magis manifestatur per visionem quam per amorem. Et ad *secundam probationem* distinguendum est antecedens, quia si intelligatur de amicitia cum Deo in via, aut de alia amicitia humana, verum est, si tamen intelligatur de amicitia cum Deo in patria, falsum est, quia veræque amicitia, scilicet, habitualis, & actualis, in eo statu, habet immutabilitatem ex visione radicaliter, & quidquid sit de hoc, neganda est absolute *consequentia*, quia magis confirmatur amicitia operibus, quæ sunt bonum amici, quam actuali amore.

Solum superest respondere duabus probationibus minoris TERTII MEDII quatenus diximus, eis probari, amorem esse magis volendum ex vi amoris amicitie, quoniam ad dissolvendum illud medium non oportet eis respondere, quia solum possunt convincere, quod amor Dei sit præferendus visioni secundum amorem amicitie, cum quo stat quod visio sit præferenda secundum amorem concupiscentie, & ex consequenti quod sit maior perfectio beati & beatitudo formalis. Et ad *primam*, quæ sumitur ex testimonio ANSELMI Respondent, omnes ANSELMUM ibi loqui de amore & cognitione Dei in via: & ad *secundam* quæ sumitur ex cōparatione inter opposita visionis & amoris, in ratione fugiendi & detestandi, Respondetur primo quod ut argumentum habeat aliquam vim, debet fieri cōparatio inter opposita eodem genere oppositionis, possunt autem distinguī opposita his actibus, scilicet amoris & visionis Dei, secundum duplex genus oppositionis, scilicet, aut secundum oppositionem primatiuum cuiusmodi sunt carentia visionis, & carentia amoris, aut secundum oppositionem contrariam, cuiusmodi in argumento dicuntur esse error positivus circa Deum, ut est in se, & odium Dei; Si comparatio fiat inter *priora opposita*, falsum est id, quod in argumento supponitur, ut certum, scilicet, esse magis fugiendam carentiam amoris actualis, quam carentiam visionis, quia inter privationes illa est magis fugienda, cuius positivæ oppositum est ma-

A
gis diligendum, quia in idem re coincidunt fuga privationis, & prosecutio habitus, aut positivæ oppositi, & constat ex eis, quæ diximus, visionem ex natura rei esse magis diligendam ex vi amoris amicitie Dei, quam amorem actuale. Si vero fiat comparatio inter *posteriora opposita*, dici potest primo non opponi errorem positivum contrarie visioni Dei, sicut odium opponitur amoris; aliqui negant errorem opponi contrarie visioni, quia dicunt absolute visionem Dei non habere oppositum contrarie, & ita respondent ad argumentum, regulam topicam non habere locum in præsentī casu, quia non fit comparatio in eodem genere oppositionis.

Sed hoc mihi non placet, quia non faciendo vim in illa quæstione, an actus ordinis naturalis, cuiusmodi sunt error, & odium Dei, opponantur formaliter contrarie actibus supernaturalibus, cuiusmodi sunt visio & amor Dei non potest negari, quod error opponatur visioni aliquo modo contrarie; saltem eo modo, quo opponuntur duo iudicia contraria, quoniam per visionem iudicatur Deum esse trinum & unum, & per errorem iudicatur non esse trinum & unum, & præterea hoc modo opponuntur odium & amor, quia ita se habent prosecutio & fuga in actibus voluntatis, sicut assensus & dissensus in actibus intellectus, atque ita in hoc casu fit comparatio in eodem genere oppositionis.

B
Alii dicunt errorem & odium posse comparari, aut in genere entis aut in genere moris; & in priori genere errorem esse magis fugiendum, quia est maius malum entitative, tamen in posteriori odium esse magis fugiendum, quia est maius malum morale, & maius peccatum: & consequenter dicunt, non posse colligi ex hoc, neque quod amor sit magis diligendus, tanquam maior perfectio in genere naturæ, neque quod beatitudo consistat in visione, quia cum dicimus, beatitudinem consistere in operatione perfectissima, debet intelligi de perfectissima entitative, aut in genere naturæ.

Et si quæras ab eis, ex eo quod odium excedat in malitia morali, errorem, de quo actu ex visione & amore poterimus colligere, quod excedat alterum in bonitate in genere moris? Respondent, de nullo id posse colligi, quoniam isti actus non sunt comparabiles in bonitate morali, quia cum uterque sit necessarius, neuter potest esse formaliter bonus moraliter, quare dicunt solum in via esse comparabiles in bonitate morali actus oppositos odio & errori, scilicet amorem & fidem quoniam sunt liberi.

C
Sed hac solutio difficultatem habet, quoniam iuxta doctrinam D. THOMÆ in 1. q. 97 art. 4. peccata, quæ opponuntur directe & per se maioribus virtutibus, sunt maiora peccata secundum rationem specificam. Quare mihi videtur dicendum, in hoc argumento non fieri comparisonem inter opposita secundum eandem rationem, quoniam error non opponitur adæquate visioni secundum rationem specificam visionis, sed secundum rationem iudicii certi & veri, quæ communis est visioni & actui credendi, at vero odium opponitur amoris secundum rationem specificam amoris, quæ est eadem in via & in patria, & ita quamvis odium sit maius malum quam error, solum sequitur, quod amor secundum suam rationem specificam sit maius bonum, & magis eligendum quam visio, secundum rationem communem actui credendi. Et hoc non est contra nostram

sententiam quia loquimur de visione secundum rationem specificam visionis, & ita comparamus eam cum amore.

Et si quis cur error non opponatur visioni secundum suam rationem specificam sicut odium opponitur amor? Respondetur rationem discriminis esse, quod visio secundum rationem communem actui credendi importat totum id, cum quo habet repugnantiam error: quoniam illa ratio communis consistit in hoc, quod est esse iudicium verum & certum, de rebus diuinis, & error de quo loquimur, est iudicium falsum de eisdem rebus diuinis, at vero amor secundum suam rationem specificam, & non secundum aliquid commune sibi cum alijs actibus, importat id, cum quo habet repugnantiam odium Dei.

AD QUARTVM MEDIVM patet solutio ex solutione tertij argumenti secundæ sententiæ ubi explicuimus illam maximam.

AD QVINTVM MEDIVM Respondetur negando antecedens, & ad probationem Respondetur quod qui sentiunt, beatos formare verbum, quo mediante, aut in quo visio terminetur ad Deum, dicere possunt cum FERRA. 3. contra gentes ca. 26. quod habere esse in se ad terminandū actū voluntatis & habere esse in intellectu ad terminandum actum intellectus, tantum requiritur ex parte obiectorum harum potentiarum, tanquam conditio necessaria: & ideo quamuis prior ratio terminandi sit perfectior quam posterior, solū sequitur, quod actus voluntatis excedat actum intellectus in conditione obiecti, quod est excedere secundum quid, cum quo stat, quod actus intellectus excedat in eo, quod se habet ut ratio formalis obiecti, & ex consequenti quod excedat simpliciter: quoniam actus intellectus terminatur ad suum obiectum sub ratione veri, aut sub ratione cognoscibilis, & actus voluntatis terminatur ad suum sub ratione boni, aut sub ratione appetibilis: & ratio veri aut cognoscibilis est purior & abstractior, quam ratio boni aut appetibilis ut D. THOMAS docet 1. p. q. 32. art. 3. ubi videndus est CAIETANVS § ad obiectio- nes Scoti in fine. Qui vero negant beatos producere verbum, poterunt dicere, quod in beatitudine, tam amor quam cognitio terminatur ad Deum, prout est in se.

ET SI QUERAS an in patria verificetur illud discrimen, quod voluntas fertur in ipsas res, & intellectus trahit eas ad se? Respondetur affirmative, tamen non est eius sensus, quod actus intellectus non terminetur ad res, prout sunt in seipsis, sed quod actus intellectus præsupponit ex parte principij vnionem obiecti cum intellectu, & terminatur ad ipsum obiectum per modum cuiusdam apprehensionis ipsius, & vnionis cum intellectu; at vero actus voluntatis non præsupponit ex parte principij vnionem obiecti cum voluntate, neque habet modum apprehensionis, sed tendentiæ, & propensionis in obiectum. Quod facilius intelligitur quando per actus harum potentiarum producuntur termini intra ipsas potentias, quoniam per actum intellectus producit verbum, quod, cum sit similitudo obiecti, est ratio vnionis intellectus cum ipso obiecto, saltem secundum assimilationem; at vero per actum voluntatis, si producit aliquis terminus, non est similitudo obiecti, sed potius & inclinatio in ipsum, atque adeo non

est ratio vnionis voluntatis cum suo obiecto, sed potius tendentiæ in ipsum.

SED OBIICIES, essentia diuina terminat visionem seruata proportionem ad modum, quo est vnita intellectui, tanquam principio; sed est vnita finitè, ergo etiam terminat secundum modum finitum, & limitatum; & ex consequenti non terminat secundum modum essendi, quem habet à parte rei: quoniam hic modus est infinitus & illimitatus. Respondetur hoc argumento solum probari, quod visio non terminetur ad Deum adæquate, & quantum cognoscibilis est, quod est non esse comprehensiuam Dei; non autem quod non terminetur ad Deum prout est in seipso, & non prout est in alio, scilicet in specie, aut verbo; & hoc etiam est dicendum de amore, quia non terminatur ad Deum adæquate, & quantum amabilis est, sed seruata proportionem ad visionem & ad habitum charitatis à quo procedit.

AD SECVNDVM ARGVMENTVM PRINCIPALE Respondetur, negando antecedens, & ad PRIMVM MEDIVM quo probatur Respondetur negando antecedens, quoad vtramque partem, & ad probationem *primæ partis* Respondetur, quod consecutio sumitur duobus modis, primo *late* pro adimplatione cuiuscunque desiderij: secundo *stricte* pro adeptione & tentione summi boni; si sumatur *primò* modo verum est, quod cuiuscunque desiderio respondet sua consecutio; & ita etiam desiderio orto ex amore amicitie Dei respondet propria consecutio, quæ, ut in argumento dicitur, potest consistere in perfectione diuini amoris, si tamen consecutio sumatur *secundo* modo, falsum est, quod cuiuscunque desiderio, etiam si oriatur ex amore amicitie, respondeat consecutio, quia consecutio hæc, cum habeat rationem proprii boni, respondet proprie amoris concupiscentie, & eius desiderio, ut superius dixi de beatitudine formali. Potest etiam *addi*, quod desiderio orto ex amore amicitie Dei, potest respondere consecutio, quæ est visio Dei, & beatitudo formalis; quia ex amore amicitie Dei potest aliquis moueri, ad desiderandum habere visionem, quatenus cedit in gloriam Dei, & manifestationem suæ dignitatis, & ex hoc patet solutio, ad probationem *secundæ partis*, eiusdem antecedentis quia tota fundatur in veritate *primæ*.

AD SECVNDVM MEDIVM, concessa maiori, neganda est minor, & ad probationem Respondetur, amorem appellari vim vnitiuam, & transformatiuam, primo *causaliter*, quoniam est causa ut inter amantem & amatum sit similitudo in affectibus, hoc est, ut producant similes actus in voluntate, & habeant idem velle & idem nolle; Secundo *affectiue*, quoniam amor est quidam affectus, & quædam inclinatio siue potius quædam inclinatio affectuosa & vehemens in rem amatam, ex quo prouenit, ut amans dirigat omnes suas cogitationes, & actiones, iuxta exigentiam rei, quam amat. At vero intellectio est vnio intellectus cum re intellecta, non secundum operationes, & affectum, sed secundum naturam vtriusque: quoniam intellectio postulat ex propria ratione, quod intellectus habeat sibi vnicum obiectum, non solum ex parte principij, sed etiam ex parte termini, vel *secundum suam imaginem*, ut contingit in nobis in hac vita; vel *secundum se* ut contingit in beatis, & iuxta multorum sententiam in angelo cognoscente seipsum.

AD TERTIUM MEDIUM Respondetur quod consecutio, quæ est beatitudo formalis, consistit in vnione cum summo bpo secundum esse obiectiuum, quoniam est consecutio per operationem vitalem naturæ rationalis, non tamen secundum esse obiectiuum præcise sumptum vt distinguitur ab esse reali; sed vt includit esse reale ipsius obiecti, aut secundum imaginem, aut secundum se: & in utroque differt ab vnione, quæ per actum voluntatis potest fieri cum obiecto attingendo ipsum secundum esse obiectiuum, quoniam per actum intellectus attingitur obiectum tenendo, & apprehendendo ipsum; at vero per actum voluntatis attingitur solum tendendo in ipsum, quoniam actus voluntatis, ex propria ratione habet modum inclinationis, & tendentiæ, vt sæpe dictum est superius. Et quoad secundum etiam differt, quoniam actus voluntatis non postulat vnionem cum obiecto secundum eius naturam, vt in solutione mediij præcedentis dicebam, & ad obiectionem factam contra hoc secundum, neganda est sequela, & ad primam probationem negandum est, quod visio non faciat, aut postulet vnionem cum obiecto secundum suum esse reale, vt ibidem dixi, & ad secundam probationem Respondetur, quod si destrueretur res visa secundum suum esse reale, non posset manere in ratione obiecti nisi eius natura maneret secundum aliquem modum essendi realem, scilicet in imagine.

AD QVARTVM MEDIVM concesso antecedenti neganda est consequentia, & ad probationem dicendum est, quod si particula (vt) in antecedenti importet rationem formalem *sub qua*, est verum, si tamen importet rationem formalem *qua* falsum est; quoniam bonum, quod sub ratione boni & finis appetitur à voluntate, cognoscitur ab intellectu sub ratione veri, & cognoscibilis, & non est necesse quod bonum possideatur sub ea ratione, sub qua appetitur, quantum ad modum attingendi ipsum, sed satis est quod teneatur & apprehendatur secundum eam rationem, qua appetitur, scilicet, vt summum bonum, & vltimus finis, quamuis sub alia ratione attingendi ipsum, scilicet sub ratione veri & cognoscibilis, & ita neganda est consequentia, quoniam actus intellectus potest esse consecutio boni & finis sub ratione veri & ad exemplum coloris respondetur eodem modo, quod si per rationem visibilis intelligatur ratio formalis *sub qua*, verum est non posse attingi nisi per actum potentiæ visivæ, si tamen intelligatur ratio formalis *qua*, falsum est, quia color, quatenus est visibilis potest sub ratione veri aut intelligibilis ab intellectu, & sub ratione boni aut appetibilis à voluntate attingi.

AD VLTIMVM MEDIVM Respondetur concedendo antecedens & negando consequentiam, & ad probationem negandum est quod quando subiectum habet distinctas potentias, quibus possit tendere in finem, & quiescere in eo, pertineat utrumque ad eandem potentiam, si quies sumatur pro consecutione finis; nam vt supra diximus, appetitus est principium motus & tendentiæ in cibum delectabilem, & tamen consecutio eius fit per gustum, & in præmijs magis est notum, non oportere, quod recipiantur in eadem parte, in qua est meritum, vt miles pugnat manibus, & recipit coronam in capite; & addi potest, quod visio, quamuis elicia-

tur ab intellectu, pertinet aliquomodo ad voluntatem, quia iuxta doctrinam D. THOMÆ infr. q. 11. art. 1 ad. 1. & 2. perfectio & finis cuiuslibet potentiæ, in quantum est quoddam bonum, pertinet ad voluntatem, propter quod voluntas mouet alias potentias ad suos fines; & ipsa consequitur finem, quando quælibet aliarum pertingit ad finem.

AD TERTIUM ARGVMENTVM PRINCIPALE Respondetur negando antecedens, si intelligatur de ijs, quæ immediate sunt annexa essentia beatitudinis, & non de ijs quæ sunt annexa mediate, scilicet medijs aliquibus actibus, qui non pertinent ad essentiam beatitudinis, sed ad eius statum. Et ad primam probationem, quæ sumitur ex impeccabilitate, Respondetur quod si per impeccabilitatem intelligatur non posse peccare, consequitur immediate ad visionem beatificam, quia ex vi eius sequitur in voluntate rectitudo, quæ opponitur peccato actuali, vt dicemus quæstione sequenti art. 4. si vero intelligatur carentia peccati habitualis, quamuis de facto non solum comitetur, sed etiam antecedit beatitudinem, tamen non est ei ita necessario annexa vt omnino repugnet esse peccatum habituale cum essentia beatitudinis; imo facta comparatione cum actibus visionis & amoris, cum neutro repugnat, vt ibidem dicemus: Et ad secundam probationem, quæ sumitur ex delectatione, Respondetur, quod delectatio, si sit de consecutione summi boni, quæ est beatitudo formalis, nascitur immediate ex visione, quæ est talis consecutio, vt diximus, quamuis sit actus voluntatis, si vero sit de perfectionibus Dei amati amore amicitie, consequitur ad amorem. Et ad vltimam probationem Respondetur negando, quod satietas & quies appetitus sequatur potius ex amore, quam ex visione.

AD VLTIMVM ARGVMENTVM PRINCIPALE, quoad priorem partem, quæ sumitur ex testimonijs AVGVSTINI, in quibus beatitudinem appellat *fruitionem*, omitta illa quæstione an *fructio sit actus intellectus vel voluntatis*, de qua disputat D. THOMAS infr. q. 11. art. 1. & supposito vt magis consentaneo doctrinæ D. THOM. ibidem, quod est actus voluntatis, qui dicitur delectatio; (quidquid dicat SCOTVS in 4. d. 49. q. 1. art. 4. 12.) locutionem illam esse accipiendam in *sensu causali*, ita vt beatitudo dicatur fructio, quia est eius causa: nisi forsan AVGVSTINVS nomine beatitudinis intellexerit *statum beatificum*, & nomine fruitionis siue delectationis, quæ est vltimus actus, comprehenderit reliquos. Et quoad posteriorem partem, quæ sumitur ex testimonijs alijs AVGVSTINI, in quibus constituit beatitudinem in amore. Respondetur, iuxta doctrinam traditam de testimonijs sanctorum in principio probationis vltimæ conclusionis, iuxta quam etiam potest responderi ad præcedentia.

QVÆSTIO IV.

De ijs quæ ad Beatitudinem exiguntur.

RATIO ORDINIS.



Incipit DIVVS THOMAS agere de tertio ex ijs quæ in principio diximus pertinere ad hanc materiam, scilicet, de ijs quæ comitantur essentiam beatitudinis formalis, aut ad eam consequuntur; cuiusmodi sunt ea quæ inter proprietates rei connumerantur. Et quoniam ad beatitudinē pertinet adducere omne bonum & expellere omne malum, & in homine quia constat a-

nima & corpore vtrumque est præstandum tam ex parte animi, quam ex parte corporis, ideo D. THOMAS in hac quæstione agit de accidentibus quæ comitantur essentiam beatitudinis tam in anima quam in corpore, siue sint accidentia importantia perfectionem positivam, siue consistant in sola expulsionem mali. Et dividitur hæc quæstio in duas partes, in priori quæ continet quatuor priores articulos, agit D. THOMAS de accidentibus quæ comitantur beatitudinem ex parte animæ: & in posteriori quæ continet reliquos quatuor, agit de ijs quæ comitantur ipsam ex parte corporis, siue pertineant ad bona interna corporis, siue ad externa.

ARTICVLVS PRIMVS.

Vtrum delectatio requiratur ad beatitudinem?

CONCLUSIO. Delectatio requiritur ad beatitudinem sicut aliquid congomitans eam, sicut calor requiritur necessario ad ignem tanquam quid congomitans ipsius naturam.

Circa hanc conclusionem notandum ex ijs quæ dixi quæstione præcedenti in tractatu de Essentia beatitudinis formalis primā parte, quæstione vltima in explicatione secundæ conclusionis, duplicem delectationem posse repetiri in beatis, unam de bonis Dei, alteram de propria beatitudine formali tanquam de proprio bono: & de vtraque potest intelligi hæc conclusio, quamvis D. THOMAS specialiter loquatur de secunda ut patet ex ratione quæ eam confirmat.

Secundo notandum duo contineri in hac conclusione, primum est esse delectationem in beatitudine, secundum est non esse ut constituentem essentiam beatitudinis, sed ut quid consequens ad eam. Et hoc secundum est ostensum loco citato ex quæstione præcedenti: primum vero est nunc ostendendum, & ita in communi est certum secundum fidem. Quoniam in multis locis scripturæ dicitur apertè in beatitudine, futurum esse gaudium magnum. IOANNES 16. Iterum videbo vos, & gaudebit cor vo-

Astrum, & gaudium vestrum nemo tollet à vobis, & postea petite & accipietis ut gaudium vestrum sit plenum. Et MATTHÆI 25. Ite in gaudium Domini sui. I. PETRI 1. in quo exultabitis modicum nunc si oportet contristari in variis tentationibus, & c. 4. communicantes Christi passionibus gaudete. ut & in remissione gloriæ eius gaudeatis exultantes.

Deinde probatur in particulari quoad priorē delectationem, quoniam ut D. THOMAS probat 2. 2. quæst. 28. artic. 1. ex charitate quæ diligimus Deum, & volumus ipsi bona sua, sequitur gaudium de bono diuino: sed hæc charitas quantum ad actum volendi Deo sua bona & diligendi ipsum propter se est perfectissima in beatis, ergo etiam est in eis perfectissimum gaudium de bonis diuinis. Et tandem probatur quoad posteriorem delectationem, quia in hac vita spes beatitudinis parit gaudium iuxta illud. I. PETRI 1. in quem (scilicet CHRISTVM) credidistis, credentes autem exultatis letitia inenarrabili. & glorificati: & illud: spe gaudentes. Ergo multo magis in patria præsentia ipsius beatitudinis efficiat simile gaudium.

BConfirmatur quia visio Dei in qua diximus consistere essentiam beatitudinis formalis, siue consideretur ut visio, siue ut beatitudo, est ex natura sua, causa gaudij in vidente: ergo beatitudo habet adiunctum, gaudium. Consequentia patet quia beatitudo aut est formaliter ipsa visio, aut non est sine visione. Et antecedens probatur & imprimis de visione ut visio est, quia delectatio sequitur ex operatione, & tamen efficacius &

perfectius quanto operatio est perfectior: sed visio
 ut visio est perfectissima operatio & contemplatio
 perfectissima: ergo ex visione præcise sumpta qua-
 tenus visio est, sequitur maxima delectatio. Et deinde
 probatur de visione considerata quatenus est bea-
 titudo, quia ex consecratione boni amati aut con-
 venienter, sequitur quies appetitus, quæ est de-
 lectatio: sed visio quatenus est beatitudo, est consecra-
 tio summi boni, ergo ex visione quatenus est bea-
 titudo sequitur maxima delectatio. Vbi adverten-
 dum est quod cum DIVVS THOMAS in hac ratio-
 ne, inquit, quod delectatio causatur ex hoc quod
 appetitus requiescit in bono adeptio, & postea in
solutione primi dicit quod ex hoc ipso quod merces ali-
 cui redditur, voluntas merenti quiescit, quod est de-
 lectatio, non contradicit sibi ipsi quasi prius dixerit
 delectationem causari ex quiete, & postea esse ip-
 sam quietem: quia respondere potest quod in priori
 sententia verbum *requiescit* sumitur pro *constituitur*
est in facto esse, ut distinguitur contra *constituitur* in
 fieri, ita ut significetur, delectationem non causari
 ex eo quod appetitus constituitur in fieri in suo
 bono, sed ex eo quod est in ipso *constituitur* in facto
 esse. In posteriori vero sententia verbum *quiescit*,
 sumitur pro quiete quæ sequitur ad hoc quod ap-
 petitus sit in facto esse constitutus in bono sibi
 convenienti, & hæc quies appellatur delectatio.

Tertio notandum quod ad explicandum quid sit
 hæc delectatio possunt multa inquiri: *Primo verum*
 sit in eadem potentia in qua est operatio ad quam
 consequitur, vel potius sit solum in appetitu, quæ
 nis operatio elicitur ab alia potentia & recipitur
 in ipsa. Et secundo dato quod sit in appetitu, an sit
 in eo ut actio ab ipso elicita, vel solum ut passio in
 ipso recepta & causata ab obiecto quatenus termi-
 nat operationem ad quam ipsa delectatio conse-
 quitur. Et tertio dato quod sit actus elicitus ab ap-
 petitu, quis actus sit in particulari, hoc est an sit de-
 siderium vel amor, vel alius actus ab utroque spe-
 cie distinctus. Et quarto dato quod sit actus specie
 distinctus à desiderio & amore, an præsupponat
 necessarius desiderium & amorem, ita ut nisi præce-
 dant isti actus in appetitu non possit in eo genera-
 ri delectatio. Tamen quia hæc cõmunia pertinent
 ad materiam de delectatione in communi. De qua
 agit DIVVS THOMAS inf. q. 31. & sequentibus idem
 nunc omittenda sunt: & ex omnibus est adverten-
 dum quod *secundum* in appetitu rerum naturalium ca-
 rentium agnitione distinguimus *quatuor* circa bonum
 ipsius convenientis, scilicet inclinationem ad
 tale bonum, tendentiam & motum ad consequen-
 dum ipsum, consecrationem eius, quæ est constitu-
 tio vel in suo bono, & quietem in eodem bono iam
 adeptio. Sic etiam proportionaliter sunt distinguen-
 da, alia *quatuor* in appetitu rerum vntentium co-
 gnitione, nam *in primis* est inclinatio quedam in
 tale bonum, apprehensum præcise sub ratione bo-
 ni, & hæc inclinatio dicitur amor. Deinde si hu-
 iusmodi bonum apprehendatur, non vt habemus,
 sed vt possibile haberi, succedit quidam tenden-
 tia & quidam motus ad consequendum ipsum,
 & hic motus appellatur desiderium. Et tandem
 si idem bonum sit obiectum & cognoscatur vt
 tale, sequitur quies in ipso, & hæc quies dicitur
 delectatio de qua nunc agimus. & quantum
 ad eam est discrimen inter res carentes cog-
 nitione, & res quæ videntur ea, quoniam res casen-

tes cognitione non cognoscuntur quando consti-
 tuuntur in bono sibi convenienti & ideo non di-
 cuntur quiescere in eo per aliquem actum aut
 motum, sed per solam cessationem à tendentia &
 motu præsupposita consecratione, ut vero res quæ
 videntur cognitione cognoscuntur quando obtinet
 suum bonum, & ideo ipsarum appetitus quiescit in
 eo, non per solam cessationem à tendentia quæ
 est desiderium, sed per actum positiuum, qui in
 appetitu sensitivo dicitur delectatio, & in appetitu
 rationali appellatur gaudiū. Et præterea in appetitu
 sensitivo, quia fit cū transmutatione corporali sub-
 iecti appellatur propriè passio, in rationali vero, quia
 fit sine hac transmutatione nõ dicitur propriè passio.

Sed supposito quod huiusmodi delectatio sit ac-
 tus elicitus à voluntate possunt inquiri tria de
 ipso in particulari vt melius explicetur eius natura.
Primum est quod habeat obiectum à quo specifi-
 cetur, sicut reliqui actus specificantur per ordi-
 nem ad sua obiecta: *secundum est* quod habeat prin-
 cipium à quo producatur: *Tertium est* quam habeat
 connexionem cum beatitudine? Circa primum, et

DYBIVM PRIMVM.

*Verum obiectum delectationis in patria sit
 Deus vel visio beatifica, vel verum-
 que simul?*

§ 1. *Sensus dubij.*

SYMPONENDVM EST non intelligi hoc dubiū de
 priori delectatione quam in primo notabili, di-
 ximus esse de bono diuino, quoniam de hac certam
 est habere pro obiecto bonum diuinum prout iam
 Deo conuenit & visionem huius boni tanquā
 conditionem necessariam requiritur, ita tamē vt sub bono
 diuino cõprehendatur non solum bonum ininsecu-
 Deo, cuiusmodi est eius bonitas increata, sed etiam
 bonum extrinsecu Deo, quatenus refertur in Deū,
 cuiusmodi est bonum creatum supernaturale, sum-
 ptum non absolutè, sed vt subest rationi boni diuini
 tanquam rationi formali, sub qua, quia de viroque
 est tanquā de obiecto, delectatio de qua loquimur,
 licet non equaliter, sed de priori tanquā de *primario*
 obiecto, & de posteriori tanquā de *secundario*, sicut
 etiam amor charitatis ad quem huiusmodi delectatio
 cõsequitur, habet pro obiecto *primario* Deum qua-
 tenus in se bonus est, & etiam se extendit tanquam ad
 obiecta *secundaria* ad diligendum eam propter Deū
 & cognitionē habet pro conditione necessariā re-
 quisita, per modum propositionis obiecti vt ad om-
 nem actum voluntatis requiritur proportionata pro-
 positio obiecti facta per cognitionē intellectus.

Et si obuius sequi ex hoc nõ differe specificè hæc de-
 lectionem ab amore charitatis, quia cõuenit cum
 eo in obiecto cum viroque actus habeat pro obiecto
 bonum diuinum. Respondens negando sequelam,
 & ad probationē negandū est quod hæc delectatio
 conuenit cū amore charitatis in obiecto formali aut
 in ratione formali sub qua, quia licet viroque actus
 habeat pro obiecto bonū diuinū, tamē actus chari-
 tatis respicit ipsū absolutè quatenus diligibile est &
 delectatio quatenus iam cõuenit Deo, solū ergo in-
 telligitur hoc dubium de posteriori delectatione.

§ 2. *Sens.*

§ 2. Sententia 1. Durandicum argumentis.

DE hac est prima sententia DURANDI qui in 4. d. 49. q. 5. asserit obiectum immediatum huius delectationis in patria esse visionem beatificam, & Deum esse tantum obiectum mediatum in quantum est obiectum immediati obiecti, scilicet visionis. & dicit idem de obiecto fruitionis in 1. d. 1. q. 2. & de obiecto spei in 3. d. 26. q. 2. probant hanc sententiam.

Primo quia illud solum potest esse proximum & immediatum obiectum delectationis quo est, vel potest esse proprium bonum eius qui delectatur, sed Deus non potest esse proprium bonum beati, nisi ratione operationis per quam attingitur ab ipso beato, scil. ratione visionis: ergo Deus non est obiectum immediatum delectationis in patria, sed mediante visione atque adeo visio est obiectum immediatum. Maiorem probat DURANDVS, *primo*, quia vniuersaliter videmus hoc esse verum, quod nullus delectatur in aliquo bono, nisi quatenus est suum vel existimatur esse aliquo modo suum: & deinde quoniam ARISTOTELES octavo Ethicorum, inquit, *amabilia quidam esse bonum, unicuique autem proprium*. Minorē etiam probat, quia quando aliquid dicitur bonum alicuius per extrinsecam denominationem non dicitur bonum ipsius, nisi ratione alicuius quod sit formaliter & intrinsece in ipso, vt medicina non dicitur sana aut bona aegrotis, per extrinsecam denominationem, nisi ratione sanitatis quæ est formaliter & intrinsece in ipso aegrotis. Et sol non est bonus frigescienti, nisi quia causat calorem qui sit in ipso formaliter & intrinsece: sed Deus non est bonum hominis nisi per extrinsecam denominationem, quia distinguitur supposito ab ipso, & nihil distinctum supposito ab homine potest esse bonum hominis, nisi per extrinsecam denominationem, ergo Deus non conuenit esse proprium bonum hominis, nisi ratione alicuius boni quod sit in homine formaliter & intrinsece, quod in beato non potest esse aliud quam operatio qua attingit ipsum Deum, scil. visio.

Secundo immediatum obiectum amoris concupiscentis non potest esse res supposito distincta à concupiscente, nisi ratione actus quo talis res à concupiscente attingitur aut possidetur, sed in nostro casu delectatio est quidam amor concupiscentiæ, & Deus & visio ita se habeant respectu beati, quod Deus distinguitur supposito ab ipso, & visio est operatio qua mediante attingitur aut possidetur à beato: ergo obiectum immediatum delectationis non est Deus, sed visio. *Maiorē* probat DURANDVS: *primo* inductione, quia qui diligit vinum, dilectione concupiscentiæ, non habet pro obiecto immediato dilectionis, vinum, sed eius usum, qui est actus gustandi: & idē est in omnibus alijs. *Et deinde* ratione quoniam illud amat amor concupiscentiæ quod est bonum quod volumus nobis aut amicis: sed res subiecto distincta non est bonum volitum nobis nisi ratione actus quo nobis coniungitur: ergo res supposito distincta à concupiscente non est obiectum immediatum amoris concupiscentiæ, nisi ratione actus quo attingitur aut possidetur à concupiscente. *Et minorē* etiam probat quoad illam partem in qua dicitur delectationē esse amorem concupiscentiæ *primo*, quia delectatio de Deo habito, responderet desiderio de ipso habendo, sed desiderium hoc non pertinet ad amorē amicitie,

A sed ad amorē concupiscentiæ, quia per ipsum non volumus Deo aliquod bonum, sed nobis volumus ipsum Deum, scilicet quod sit bonum nostrum. Ergo etiam delectatio pertinet ad amorē concupiscentiæ. & *secundo* quoniam amor habens pro obiecto formali bonum utile vel delectabile, est amor concupiscentiæ: sed delectatio hæc habet pro obiecto bonum summe delectabile, ergo pertinet ad amorē concupiscentiæ.

Tertio idem est obiectum desiderij in via, & delectationis in patria: quia idem est obiectum in quod in via mouetur voluntas per desiderium, & in quo in patria quiescit per delectationem: sed immediatum obiectum desiderij in via non est Deus, sed aliquis actus quo attingimus Deum in patria. Ergo similiter immediatum obiectum delectationis in patria non est Deus, sed actus quo attingitur Deus, probatur minor, quia obiectum desiderij est aliquid futurum: sed Deus secundum se non est futurus & eius visio est nobis futura. Ergo visio Dei & non Deus est obiectum immediatum desiderij.

Quarto obiectum immediatum tristitiæ quæ habent damnati non est Deus secundum se, sed carentia diuinæ visionis: ergo obiectum immediatum delectationis quam habent beati non est Deus secundum se, sed visio diuina; patet consequentia, quia sicut se habent desiderium & delectatio ad bonum, ita se habent timor & tristitia ad malum. *Et si respondetur* non valere consequentiam, quia Deus secundum se non potest habere rationē mali, & ideo secundum se non causat per modum obiecti timorem aut tristitiam; at vero secundum se potest habere rationem boni, & ideo secundum se potest esse causa desiderij & delectationis. *Contra obijcit* DURANDVS quod sicut Deus secundum se non habet rationem mali respectu damnati, sed solum ratione pænæ quam infert ita etiam non est secundum se bonus respectu beati, nisi ratione præmij quod confert quia vt ostensum est in primo argumento nihil extrinsecum est bonum respectu alicuius nisi ratione alicuius boni intrinseci.

C *Primo* iuxta doctrinam ARISTOTELIS decimo Ethicorum capite quinto delectationes distinguuntur secundum operationes ad quas consequuntur & secundum eas iudicantur, bonæ vel malæ, ergo operatio ad quam consequitur delectatio est obiectum immediatum talis delectationis, & ex consequenti cum delectatio de qua loquimur consequatur ad visionē, habebit pro obiecto ipsam visionem, probatur consequentia, quia vel doctrina Aristotelis intelligitur de operationibus quæ solum præsupponuntur delectationibus tanquam præuiæ & non tanquam obiecta, sicut cognitiones præsupponuntur semper delectationibus, quia delectationes non sunt nisi de obiectis cognitis. Vel præsupponuntur tanquam obiecta: *primum* dici non potest quia ratione cognitionis quæ præsupponitur delectationi nulla delectatio potest iudicari mala, cum omnis cognitio etiam rei malæ sit bona: sequitur ergo debere dici *secundum*, & cum in hoc casu nulla operatio præsupponatur quæ magis sit ratio delectationis quam visio, sequitur quod visio præcedat tanquam obiectum immediatum ipsius delectationis.

§ 3. Sententia 2. attribuitur Capreolo & alijs.
Et argumenta huius sententia.

Secunda sententia est aliorum, qui dicunt neque solam visionem, neque solum Deum, esse obiectum immediatum delectationis, sed visionem & Deum simul constituere adequatum obiectum ipsius; itaque non solum Deus, sed etiam visio pertinet ad hoc obiectum tamquam intrinsecum constitutum. Hæc sententia tribuitur CAPREOL. in 1. d. 1. q. 1. art. 1. conclusionem quinta, & articulo tertio in solutionibus ad argumenta AVREOLI contra eandem quintam conclusionem: & CONRADO inf. q. 28. articulo 1. sed reuera neuter eam sequitur nam in primis CAPREOLVS quamvis fateatur visionem & Deum pertinere ad immediatum obiectum delectationis, tamen in solutionibus ad illa argumenta AVREOLI explicans, quare ratione sit hoc intelligendum, inquit, *Deum pertinere principaliter, & visionem minus principaliter, tanquam conditionem obiecti requisitam ex parte potentia, qua elicit actum delectationis, & non ex parte Dei: & CONRA. inf. q. 11. art. 1. inquit fruitionem esse delectationem & articulo tertio circa solutionem ad tertium dicit, visionem esse conditionem principalis obiecti fruibilis, scilicet Dei, quare uterque videtur sentire visionem pertinere ad obiectum delectationis tanquam conditionem & non tanquam rationem constitutivam eius, sed cum scilicet hæc sententia probanda est suis argumentis non quoad eam partem qua in ea asseritur Deum esse obiectum immediatum delectationis, quoniam in hac conveniemus postea cum ipsa, sed quoad eam qua dicitur etiam visionem pertinere intrinsece ad hoc obiectum.*

Probatur primo testimonij D. THOMÆ quoniam inf. q. 11. art. 3. ad 3 inquit quod sicut finis sumptus pro re qua est finis, & pro adeptione rei, non sunt duo fines, sed unus finis in se consideratus & alteri applicatus, sic eadem est ratio fruitionis respectu utriusque. quare cum Deus sit finis ut res adeptæ & visio ut adeptio, sequitur iuxta doctrinam D. THOMÆ quod fruitio atque adeo delectatio sit de Deo & de visione tanquam de obiecto. & q. 32. art. 1. in corp. inquit quod ad delectationem requiritur consecutio boni convenientis qua consistit in quadam operatione, & quod non solum bonum obiectum, sed etiam ipsa operatio qua est eius consecutio habet rationem boni convenientis. Ex quo aperte sequitur non tantum ipsum bonum, sed etiam operatio delectat ut quod. Et in solutione primi argumenti, inquit quod obiecta operationum non sunt delectabilia nisi in quantum coniunguntur nobis, & postea, quod non sunt delectabilia nisi in quantum apprehenduntur ut habita: sed in nostro casu Deus coniungitur nobis & habetur à nobis per visionem, ergo iuxta doctrinam DIVI THOMÆ Deus non habet rationem obiecti delectabilis, nisi in quantum videtur à beatis, atque proinde visio concurret ad obiectum delectationis, sicut ratio constitutiva ipsius in esse obiecti delectabilis.

Secundo probatur ratione desumpta ex DIVO THOMÆ in hoc postremo testimonio quia dupliciter convenit visioni beatificæ esse obiectum delectationis, primo secundum se quod sic probatur ratione sumpta ex eo loco, ratio formalis obiecti delectabilis consistit in hoc quod sit bonum conveniens & coniunctum nobis, aut habitum à nobis,

A sed visio Dei est bonum conveniens & coniunctum nobis per inhaerentiam, ergo convenit ei ratio formalis obiecti delectabilis.

Secundo convenit, hoc visioni quasi cuidam parti simul cum Deo constituenti obiectum adequatum delectationis, & hoc etiam probatur argumento desumpto ex DIVO THOMÆ ibidem, quoniam ad obiectum huius delectationis tria requiruntur, scilicet, quod sit bonum conveniens; quod sit nobis coniunctum aut præsens; & quod utrumque cognoscatur. & ex his duo priora pertinent intrinsece ad obiectum quod delectationis, & tertium se habet ut conditio necessario requisita: sed in nostro casu bonum conveniens beato est Deus & id quo coniungitur ei & est præsens, est visio Dei, quoniam ut supra dictum est habet rationem formalis consecutionis & adeptionis summi boni, & apprehensio utriusque est cognitio qua beatus cognoscit se per visionem consequi summum bonum Deum, qui est summum bonum & sibi maxime conveniens: ergo in nostro casu Deus & visio Dei pertinent intrinsece ad obiectum quod delectationis, & conditio reflexa est conditio necessario requisita.

B *Tertio id quod in via ut futurum, est obiectum quod spei aut desiderij, est in patria, ut præsens, obiectum quod delectationis: sed in via obiectum quod spei non est solum Deus, sed etiam visio beatifica aut beatitudo formalis, quia non solum speramus Deum, sed etiam visionem per quam efficiamur formaliter beati, quia speramus esse formaliter beatos. Ergo etiam in patria obiectum quod delectationis non solum est Deus, sed etiam visio beatifica.*

§ 4. Sententia 3. Caietani, & decisio questionis.

TERTIA SENTENTIA est eorum qui dicunt solum Deum pertinere intrinsece ad obiectum quod eius delectationis de qua loquimur; & visionem pertinere tantum ut conditionem necessario requisitam. Hanc sententiam sequuntur CAIET. 2. 3. q. 17. artic. 5. OKAM in 1. d. 1. q. 4. artic. 3. quamvis loquatur sub conditione, quod delectatio sit actio, quia si non sit actio, sed solum passio, dicit non habere obiectum. GREGORIUS in 1. d. 1. q. 3. artic. 1. GABR. q. 5. articulo secundo, conclusionem quarta, & PALVD. in 4. d. 49. q. 4. fundamenta huius sententia adducimus postea.

C *PRIMA CONCLUSIO. Deus est obiectum immediatum ut quod delectationis beatifica, hoc est, quæ immediate sequitur ex beatitudine formali. Hæc statuitur contra primam sententiam.*

Probatur in primis autoritate D. THOMÆ in omnibus locis citatis pro secunda sententia.

Secundo probatur hac ratione, obiectum immediatum ut quod spei virtutis Theologicæ est Deus, ergo etiam obiectum immediatum ut quod delectationis beatificæ est Deus, consequentia patet, quia ut dictum est pro alijs sententijs, id quod in via ut futurum speratur & desideratur, delectat in patria ut præsens. & antecedens probatur primo ex sententia DURANDI, quia si visio Dei est obiectum immediatum spei, ergo etiam Deus, patet hæc consequentia, finis ut adeptio, & finis ut res adeptæ, non faciunt numerum in ratione finis & obiecti, sed constituunt unum finem integrum & totalem, ut potatio vini & vinum non sunt duo fines: sed unus ergo non

possunt

possunt habere intrinsecè ordinem finis aut obiecti mediati aut immediati, quoniam ad hunc ordinem requiritur distinctio, & ubi secundum aliquam rationem non recipitur distinctio, impossibile est recipere ordinem mediati & immediati, sicut neque prioris & posterioris: quare si visio Dei est obiectum immediatum spei ut DvRANDVS fatetur bene sequitur quod etiam Deus ipse sit obiectum immediatum. *Secundo* probatur idem antecedens, quia spes est virtus Theologica, ergo habet Deum pro immediato obiecto.

Dices cum DvRANDO in 3. d. 26. q. 2. quod quamvis beatitudo formalis sit immediatum obiectum spei, & Deus mediatum in quantum est obiectum ipsius beatitudinis formalis, tamen Deus est obiectum principale, quoniam ab ipso sumit actus spei suam bonitatem & arduitatem & hoc satis est ut spes sit virtus Theologica. Sed hæc solutio non est sufficiens ut latè ostendi solet in materia de spe, & nunc potest facile probari, *sum quoniam* de quacunque virtute est iudicandum an sit Theologica ex obiecto sibi proprio & immediato, non vero ex alieno & remoto: & iuxta hanc solutionem Deus non aliter est obiectum spei quam in quantum est obiectum beatitudinis formalis, quæ est immediatum & proprium obiectum spei, *sum etiam* quia sequeretur quod spes non magis esset virtus Theologica quam religio, quia etiam religio habet pro immediato obiecto reuerentiam, cuius obiectum est Deus, atque adeo habet Deum pro obiecto mediato.

Secundo probatur hæc conclusio, quia Deus immediate est summum bonum & premium beati, ergo etiã est immediatè obiectum delectationis quæ immediate sequitur in beato ex beatitudine formalis: probatur cõsequentiã quia summum bonum & premium est id quod immediate delectat beatum.

Cõfirmatur, quoniã auarus nõ delectatur immediate de possessione auri & mediate de auro, sed immediate delectatur de auro possessio, ergo similiter beatus immediate delectatur de summo bono possessio.

Primo, applicatio virtutis activæ ad passum nõ est id quod immediate agit sed ipsa virtus activa. Ergo similiter coniunctio summæ bonitatis ad subiectum quod per eam perficitur, non est id quod immediate delectat, sed ipsa summa bonitas. patet consequentiã, quia sicut se habet virtus activa ad movendum physicæ passum ita se habet bonitas ad movendum metaphoricæ appetitum. *Cõfirmatur* quia obiectum immediatum ut quod reliquorum actum appetitus, qui habent rationem prosecutionis, scilicet amoris & desiderij est bonum, ergo idem dicendum est de actu delectationis.

SECUNDA CONCLUSIO ad hanc delectationem concurrunt ex parte obiecti visio simul cum Deo, non tamen ut obiectum quod sit integrum, siue quasi partiale, neque ut ratio formalis obiecti, sed ut conditio necessaria requisita. *Prima pars* scilicet quod visio concurrat aliquo modo ex parte obiecti simul cum Deo ad hanc delectationem probatur satis argumentis propositis pro secunda sententia.

Cõfirmatur quoniã alio modo delectat Deus ut præsens & coniunctus beato per visionem, & alio modo ut absens & ut speratus coniungi, ergo visio aliquo modo pertinet ad obiectum delectationis quæ habetur de Deo ut præsentem & coniunctum. *Secunda vero pars*, scilicet quod visio non concurrat

ad hanc delectationem ut obiectum quod sit integrum, siue quasi partiale neque ut ratio formalis obiecti, probatur *primo*, quia quocumque ex his modis delectatio hæc pertineat ad obiectum quod, sequitur quod absolute huiusmodi obiectum non sit aliquic increatum; quod tamen non videtur admittendum quia sequitur quod neque obiectum spei sit absolute aliquid increatum, quia sicut sæpe dictum est id est obiectum quod spei in via & delectationis in patria, & ex consequenti sequitur quod spes non sit absolute virtus Theologica, & probatur sequela quia in primis si visio sit integrum obiectum quod, satis manifesta est, quia visio est aliquid creatum. Si vero sit obiectum quasi partiale cõstituens simul cum Deo obiectum adequatum, probatur quia huiusmodi obiectum constat duobus extremis, scilicet visione & Deo, ergo sicut ex parte Dei dicitur increatum, ita ex parte visionis dicitur creatum, imo cum bonum confurgat ex integra causa, & malum ex quocumque defectu, sequitur quod potius sit dicendum creatum, quoniam ex parte alterius extremi, scilicet visionis est creatum: si tandem sit ratio formalis constitutiva obiecti, probatur facilius, quia unumquodque dicitur tale in aliquo genere à ratione formali à qua in eo genere constituitur: ergo si visio est ratio formalis constitutiva Deum in genere obiecti huius delectationis aut spei, sequitur quod quamvis Deus secundum se sit increatus, tamen in esse talis obiecti sit aliquid creatum. *Secundo probatur* hæc pars quia *vel visio* & Deus pertinent ad hoc obiectum æque primo ut duo extrema inter se distincta, & non constituentia unum tertium in genere obiecti; & hoc dici non potest quia sequeretur quod obiectum hoc nõ esset unum etiam in genere obiecti nisi per accidens: *vel æque* primo, ut duo extrema constituentia intrinsece unum tertium in genere obiecti; & neque hoc dici potest, quia sequeretur quod unum extremum, scilicet Deus haberet se ut materiale in hoc obiecto, & alterum, scilicet visio haberet se ut ratio formalis constitutiva huius obiecti, quod paulo superius est impugnatum; & non potest intelligi quod æque primo, & intrinsece pertineant alio modo ad hoc obiectum: *vel non pertinent* æque primo, sed unum directe & in recto, & alterum ut connotatum & in obliquo, & tunc inquirendum est quod horum extremorum pertineat in recto? & si dicatur quod Deus, habetur intentum, si vero dicatur quod visio, inciditur in opinionem Durandi, scilicet, quod Deus non pertineat ad obiectum immediatum quod huius delectationis nisi ut plurimum secundum quandam connotationem. *Cõfirmatur* quia quidquid dicatur de ratione qua Deus & visio pertinent ad obiectum huius delectationis, poterit dici de reuerentia, aut cultu, & de Deo respectu obiecti religionis; quia sicut visio est Dei tanquam obiecti ita etiam cultus.

Primo, ad solum est obiectum quod delectationis de qua loquimur, quod est obiectum quod visionis beatificæ: sed solus Deus & non visio Dei est obiectum quod ipsius visionis; ergo solus Deus, & nõ visio est obiectum quod huius delectationis; probatur maior quia sicut nihil est volitum nisi sit præcognitum, ita nihil est volitum ut quod nisi sit præcognitum ut quod.

Dices quod visio etiã est obiectum sui ipsius, quia virtualiter reflectitur super seipsum, sicut omnes actus immateriales animæ nostræ virtualiter reflectuntur super seipsos, ut intellectus per intellectionem obiecti intelligit se intelligere, & voluntas per

electionem obiecti eligit ipsam electionem.

Contra quoniam nullus actus reflectitur supra seipsum tanquam obiectum *quod*, sed tanquam obiectum *quo*, licet cum dicitur verbum per quod aut in quo cognoscitur lapis esse obiectum eiusdem cognitionis, non intelligitur de obiecto *quod*, sed de obiecto *quo*; & sicut cum ARISTOTELES dicit eundem motum esse in imaginem & in rem cuius est imago. si intelligatur de motu directo & de imagine præcisè *ut imago est*, non intelligatur de ipsa tanquam de obiecto *quod*, sed tanquam de obiecto *quo*.

Confirmatur primo quia Deus ut visus, (præ sciendo ab actu reflexo quo cognoscatur esse visum) potest esse obiectum delectationis: sed secundum istam præcisionem hoc quod est esse visum non potest esse obiectum *quod* eiusdem delectationis. Ergo respectu huius delectationis quæ procul dubio est prima & beatifica, obiectum *quod* est solus Deus & non Deus & visio: maior patet quia Deus ut ita visus est infinitum bonum habitum à vidente. Ergo est sufficiens obiectum delectationis: & minor etiam patet quia esse visum non convenit Deo nisi ratione visionis terminatæ ad ipsum: ergo non potest esse obiectum *quod* eiusdem visionis, ergoneque delectationis quæ sequitur immediate ad talem visionem, patet consequentia quia (ut dictum est in probatione antecedentis huius argumenti) non potest aliquid esse obiectum *quod* delectationis nisi sit obiectum *quod* cognitionis quæ præsupponitur ad eam.

Confirmatur secundo quia in delectatione morosa, (quæ ut nunc supponimus est peccatum,) distinguuntur hæc tria scilicet obiectum delectabile, cogitatio eius; & præsentia aut coniunctio facta per eandem cogitationem; sicut in nostro casu distinguuntur proportionaliter alia tria, scilicet obiectum delectabile, quod est Deus; cognitio eius quæ est visio; & præsentia aut coniunctio facta per eandem visionem: sed in delectatione morosa, obiectum immediatum ut *quod* est tantum obiectum delectabile, scilicet res turpis, & cogitatio solum se habet ut conditio necessario requisita, Ergo similiter in nostro casu obiectum immediatum ut *quod* delectationis est tantum Deus, & visio solum se habet ut conditio necessario requisita; probatur minor quia delectatio morosa (de qua nunc loquimur) ut supponimus est peccatum mortale, ergo habet hoc ratione sui obiecti ut *quod* sed non ratione cognitionis: quia cognitio per se loquendo aut non est obiective mala moraliter, aut solum est mala malitia veniali, quia est inutilis & non habet bonum finem ut docet expresse DIVVS THOMAS inf. q. 35. art. 5. ad 3. & q. 74. art. 8. in cor. ad tertium, ergo solum id habet ratione rei cogitatæ, & ex consequenti solum res turpis cogitata habet rationem obiecti immediati ut *quod* respectu delectationis morosæ, de qua nunc loquimur. Et ex his locis potest adduci in probationem eiusdem minoris autoritas DIVI THOMÆ, quoniam in eis docet, expresse contemplationem quandoque tantum esse causam & non obiectum delectationis, & quandoque esse simul causam & obiectum, & in priori casu, qualis est ille de quo fit sermo in illa minori propositione, delectationem, non esse de ipsa cōtemplatione, sed de re contemplata.

TERTIA CONCLUSIO præter hanc delectationem (de qua loquuti sumus in præcedentibus conclu-

A sionibus) potest dari in beatis alia distincta, ab ipsa, secundum speciem, quæ etiam procedat ex amore concupiscentiæ & habeat pro obiecto immediato ut quod ipsam visionem divinam.

Ad huius explicationem & probationem, notandum primo quod in beatis distinguuntur tres delectationes distinctæ secundum speciem; quarum Prima est qua delectantur de bono divino ut est in ipso Deo, & hæc pertinet ad amorem amicitiae, ut dixi in principio huius dubij. Secunda est qua delectatur de Deo ut viso & præsentia aut habito per visionem, & hæc etiam pertinet ad amorem concupiscentiæ ut ibidem explicui, & habet pro obiecto immediato ut quod ipsum Deum & præsentia, aut adaptionem tanquam conditionem necessario requisitam, (ut dixi in præcedenti conclusione) Tertia est de ipsa visione Dei quæ etiam pertinet ad amorem concupiscentiæ, quoniam terminatur ad visionem ut ad bonum quoddam ipsius videntis & habet pro obiecto immediato ut quod ipsam visionem & Deum pro obiecto mediato aut quasi connotato per immediatum; & de hac intelligitur hæc conclusio.

B Secundo notandum quod ratio ponendi has tres delectationes & distinguendi eas, & amores ad quos pertinent, sumitur ex obiectis; & quoniam hoc quantum attinet, ad primam est satis notum ex ijs quæ diximus in principio huius dubitationis, solum erit nunc explicandum quantum attinet ad duas ultimas: potestque explicari ex doctrina D. Thomæ inf. q. 31. art. 5. & in locis superius citatis. ubi inquit quod delectatio pertinet ad amorē concupiscentiæ provenit ex coniunctione boni convenientis alicui, cui tale bonum concupiscitur, supposita cognitione coniunctionis & convenientiæ: & quia cum aliquod bonum concupitur alicui, coniungitur ei per actionem intellectus aut sensus reperitur duplex bonum coniunctum & convenientis ipsi, & utrumque cognoscitur ut tale, quorum primum est illud obiectum quod coniungitur per operationem intellectus aut sensus, & secundum, ipsa operatio, quoniam operatio hæc quia est immanens habet rationem boni & convenientis respectu operantis & cognoscitur ut talis per intellectum aut sensum, ideo etiam coniungitur duplex delectatio quarum una habet pro obiecto illud bonum quod coniungitur per operationem intellectus aut sensus & altera ipsam operationem, & utraque pertinet ad amorem concupiscentiæ, quoniam utraque est de bono ut voluit aut amato alteri. Et ex his sumitur hoc argumentum pro hac conclusione. In visione Dei non solum habet rationem boni convenientis & coniuncti videntis & cogniti ut tale, Deus, sed etiam ipsa visio, ergo non solum resultat delectatio pertinet ad amorem concupiscentiæ de Deo tanquam de obiecto, sed etiam de ipsa visione.

§ 5. Solvuntur argumenta prima sententiæ.

AD PRIMUM primæ sententiæ, concessa maiori si intelligatur de delectatione pertinenti ad amorem concupiscentiæ; distinguenda est minor, si enim illa verba nisi ratione operationis: importent rationem formalem, falsa est; si vero importent tantum conditionem necessario requisitam vera est sed in hoc sensu non est ad propositum arguentis quoniam

quoniam ex eo quod ut Deus sit bonum proprium beati requiratur tanquam conditio aliqua operatio qua attingatur à beato, solum sequitur quod ut Deus sit obiectum quod delectationis concupiscentiæ, requiratur eadem operatio ut conditio necessaria, non vero quod requiratur ut obiectum quod immediatum neque ut ratio formalis constitutiva talis obiecti: & ad probationem huius minoris quatenus deservire potest ad probandum eam in primo sensu *Respondetur primo* distinguendo maiorem iuxta eandem distinctionem, si enim illa verba: *nisi rationis alicuius quod sit formaliter & in se in ipso*, importent rationem formalem ut sit bonum proprium, falsa est, si tamen importent tantum conditionem necessario requisitam, vera est, sed non ad propositum, ut dixi de ipsa minori.

Respondetur secundo quod quidquid sit de maiori neganda est minor, quia quamvis medicina solum dicatur sana secundum denominationem extrinsecam, & dato quod similiter sol tantum dicatur bonus frigescenti secundum denominationem extrinsecam, in quo est aliqua difficultas, quia sol ratione suæ bonitatis intrinsecæ, scilicet virtutis calefactivæ est bonus frigescenti, tamen falsum est quod Deus solum sit bonum nostrum denominatione extrinsecæ, quia sicut bonitate divina sibi intrinsecæ, est finis noster propter quem sumus, ita etiam est bonum nostrum: *Ad probationem respondetur* non esse idem, esse bonum supposito distinctum, & esse bonum denominatione extrinsecæ, quia ad hoc secundum, plus requiritur quam distingui supposito, scilicet non habere extrinsecam bonitatem formalem ratione cuius dicatur bonum, & ita CAIETANVS loco citato concedit quod Deus est bonum nostrum morale denominatione extrinsecæ, quia non habet intrinsecam bonitatem moralem formalem ratione cuius dicatur bonum nostrum morale.

AD SECUNDVM RESPONDEO distinguendo maiorem iuxta distinctionem traditam in solutione præcedentis argumenti, nam dato quod non possit esse obiectum concupiscentiæ, res supposito distincta à concupiscente, nisi ratione alicuius actus quo attingatur aut possideatur à concupiscente, non debet intelligi requiri talem actum tanquam rationem formalem obiecti, sed solum tanquam conditionem necessariam, & in hoc sensu illa maior non est ad propositum, ut ibidem explicui. Et ut intelligatur id quod in illa solutione & in hac dictum est, scilicet requiri esse bonum proprium ad obiectum quod delectationis de qua loquimur & actum aliquem ad obiectum amoris concupiscentiæ non tanquam rationem formalem obiecti, sed tanquam conditionem necessariam, notandum est exemplum quo CAIETANVS utitur in solutione primi argumenti DVRANDI, ubi inquit quod sicut se habet applicatio virtutis actiue ad passum respectu rationis physice qua ab agente movetur passum, ita se habet coniunctio bonitatis obiecti siue per operationem siue alio modo facta, ad appetitum respectu motionis metaphoricæ, qua appetitus movetur à bono ad actionem concupiscendi & delectationis, quare sicut ratio per se motionis physice in prior casu est ipsa virtus activa, & applicatio solum se habet ut conditio necessario requisita, ita etiam ratio per se motionis metaphoricæ in posteriori casu est ipsa bonitas

A obiecti & coniunctio facta per operationem ut alio modo, solum se habet ut conditio necessario requisita.

Et si obijciat saltem propter aliam rationem non posse Deum esse obiectum amoris concupiscentiæ, scilicet, quia per amorem concupiscentiæ volumus aliquid nobis aut alteri, atque adeo volumus illud propter eum cui concupiscimus, at vero Deus non potest esse volutus propter aliquem tanquam propter finem quia est ultimus finis omnium.

Respondetur cum CAIETANO in solutione primæ non esse idem esse volitum alicui, & esse volitum propter aliquem, quia finem possumus velle & desiderare alicui & non propter ipsum, & quamvis sapie id quod est volitum alicui sit etiam volitum propter ipsum tanquam propter finem (ut patet in divitijs & honoribus) tamen in Deo hoc non habet locum, quia ipse est finis ultimus eius cui est volutus. Est autem advertendum in hoc argumento DVRANDI minorem etiam esse falsam si universaliter intelligatur de omni delectatione, quia ut ostensum est in hoc dubio non omnis delectatio pertinet ad amorem concupiscentiæ, sed aliqua ad amorem amicitiae, imò hæc est prima & potissima in beatis, quia sicut magis diligunt bonum Dei, quam proprium, ita etiam magis gaudet de bono eius, quam de proprio, & ita prima probatio illius minoris, non procedit de omni delectatione, sed solum de illa quæ respicit Deum tanquam bonum nostrum. Et in secunda supponitur aliquid falsum, scilicet quod semper actus voluntatis, habens pro obiecto bonum delectabile, pertineat ad amorem concupiscentiæ.

AD TERTIVM ARGUMENTVM Respondetur concedendo maiorem, si intelligatur de re, quæ est obiectum ut quod & non de obiecto formali, quoniam hoc (ut bene advertit CAIET.) necessatio debet esse distinctum, sicut actus desiderij, & delectationis, distinguuntur specie, sed de re, quæ est obiectum ut quod, & negando minorem: & ad probationem, dicendum est, quod futuritio non est obiectum quod desiderij, sed conditio necessaria ut obiectum moueat appetitum ad actum desiderij, & Deus, quamvis secundum se, & suam bonitatem, non sit futurus, tamen secundum id quo nobis coniungendus est, scilicet secundum visionem, futurus est, & hanc respicit actus desiderij, de quo loquimur; non ut obiectum, sed ut conditionem obiecti. Itaque, obiectum quod huius desiderij est Deus, & conditio necessario requisita, est coniunctio ipsius nobiscum, per visionem ut futura.

AD QVARTVM. Respondet CAIET. concedendo antecedens, & negando consequentiam, & dicit rationem discriminis esse, quod beati habent appetitum recte dispositum & ideo, quamvis possint delectari de bono diuino in se, & de bono diuino ut viso, & obtento per visionem, & de ipsa visione: tamen primo, & principaliter gaudent de eo, de quo secundum rectam rationem est magis gaudendum; & ita primo gaudent de bono diuino in se, deinde de eodem bono quatenus est suum per visionem, & tertio de ipsa visione. at vero mali habent voluntatem inordinatam, & peruersam, & ideo non tristantur de eo quod opponitur bono diuino in se, cuiusmodi est malum culpa, sed de eo quod opponitur bono

proprio cuiusmodi est *ma'um pæne*, scilicet carentia diuinæ visionis. imò addi potest, quod ex hac eadem peruersitate prouenit, ut quamuis, præter tristitiam, de malo culpæ ut opponitur bono diuino in se, quæ respondet primæ delectationi beatorum, possent distingui duæ aliz tristitiæ, seruata proportionem ad reliquas duas delectationes beatorum, quarum una esset de Deo non viso, quæ haberet pro obiecto *quod*, ipsum Deum, & pro conditione necessaria, carentiam visionis: & altera de ipsa carentia visionis, quæ haberet eam, pro obiecto *quod*, & non Deum; tamen damnati, solum habent hanc ultimam tristitiam, quia non contristat eos Deus non visus, quia est Deus; sed quia est non visus.

SECUNDO RESPONDETUR assignando aliam rationem discriminis, quæ sicut in ipso argumento insinuat, consistit in hoc, quod Deus secundum se est obiectum perfectissimū, & maxime conueniens, & ideo secundum se habet, quod possit esse obiectum delectationis; at vero secundum se non habet aliquid disconueniens, & ideo secundum se, non potest esse obiectum tristitiæ; sed solū quatenus inferi malum pæne. Et ad obiectionem contra hoc factā, negandum est cum CAIST. in fine præcedentis solutionis, quod Deus non sit bonus beatis, nisi ratione præmij quod dat.

AD VLTIMUM respondetur ex doctrina D. THOMÆ inf. q. 31. art. 5. & q. 35. art. 5. ARISTOTELEM loqui, in casu quo operatio, non solum est delectationis ut adducens, & coniungens obiectum delectabile, sed etiam, ut obiectum *quod* ipsius delectationis: at vero in nostro casu, visio solum dicitur causa delectationis priori modo, quamuis etiā possit esse causa posteriori modo, ut explicauimus in vltima conclusione.

§ 6. Soluuntur argumenta secunda sententiæ.

AD PRIMUM secundæ sententiæ respondetur, quod cū D. THOMAS in primo testimonio dicit, *finem pro re adeptā, & pro adeptione, esse unum finem*; sensus eius est, quod suo modo concurrunt hæc duoad constituendum vnum finem, scilicet res adeptā ut obiectum *quod*, & adeptio ut conditio necessario requisita. Et cum in secundo testimonio, inquit ad delectationem requiri coniunctionē boni conuenientis, quæ est operatio, & etiam ipsam operationem esse bonum cōueniens: explicat duos modos quibus operatio potest esse causa delectationis, scilicet ut conditio necessario requisita & ut obiectum *quod* sicut explicauimus in secunda & tertia conclusione: & tandem cum in vltimo testimonio dicit obiecta operationum non esse delectabilia, nisi in quantum coniunguntur nobis & apprehenduntur ut habita, explicat conditionem necessario requisitam ad delectationem. quomodo vero non solum apprehensio, sed etiam coniunctio non concurrat quasi pars obiecti, sed ut conditio necessaria explicabitur in solutione sequentis argumenti.

AD SECUNDUM respondetur quod prior ratio D. THOMÆ solum conuincit quod visio possit esse obiectum *quod* delectationis, quod satis est a nobis explicatum in vltima conclusione: & posterior ratio solum conuincit quod eadem visio possit etiam concurrere ad delectationem ut conditio necessario requisita.

Et si obijcias quod sicut in eadem ratione dicitur,

A *apprehensio conuenientia & coniunctionis obiecti concurrat ut conditio necessaria*, ergo ipsa coniunctio quæ in nostro casu est visio non concurrat etiam ut conditio sed ut pertinet intrinsece ad obiectum *quod* delectationis. *Respondetur* negando consequentiā. *Pro quo est aduertendum* quod apprehensio obiecti cum conditionibus quæ tenent se ex parte ipsius est cōmunis conditio omnibus actibus voluntatis & præter hanc conditionē, dantur aliz propriæ aliquibus actibus & non cōmunes omnibus, cuiusmodi sunt futuritio respectu desiderij; præsentia respectu delectationis; & arduitas respectu spei; & ita ex eo quod apprehensio concurrat ut conditio ad delectationē de qua loquimur, non sequitur quod præsentia aut coniunctio non possit esse conditio.

AD VLTIMUM RESPONDETUR quod spes quæ est virtus Theologica solum Deum habet pro obiecto immediato ut *quod*, & visionē quatenus est consecutio futura tanquam cōditionem necessario requisitam. Et hæc de primo. Circa secundum est.

D V B I V M II.

B *Quod principium elicitum habeat actus delectationis in beatis, id est (supposito quod est actus voluntatis) vtrum eliciatur a voluntate sine habitu, vel potius consistat in actu per aliquem alium actum aut habitum.*

§ 1. Exponitur ratio dubitandi.

I N HOC QUANTVM ATTINET ad delectationē quæ pertinet ad amorē amicitie, nulla est difficultas, quoniam certum est elici ab habitu charitatis De quo videndus est D. THOM. 1. 2. q. 28. art. 1. quantum vero attinet ad delectationem, quæ pertinet ad amorem concupiscentie est maior difficultas, quoniam non potest dici quod procedat a voluntate cum sola facultate naturali, quia huiusmodi delectatio est supernaturalis etiā quæ ad substantiam & intrinsecam entitatem: neque quod procedat a voluntate eleuata per alium actum aut per auxilium; quoniam delectatio quantum est ex natura rei non præsupponit necessario alium actum formalem in voluntate, sed potest esse primus actus voluntatis, præsupposita consecutione obiecti quæ in hoc casu sit per visionē quæ est actus intellectus. Et per auxilium sine habitu non disponitur perfecte potentia, & tamen ad statum beatitudinis videtur pertinere ut omnes potentiæ sint perfecte dispositæ in ordine ad suas operationes, si tamen propter hæc dicatur procedere a voluntate eleuata per habitum supernaturalem, non poterit explicari quis sit huiusmodi habitus, quia neque est charitas; *tum quoniam* charitas inclinat ad diligendum Deum ut est bonus in se & non ut est bonus nobis, ergo etiā inclinat ad gaudendum de ipso secundum priorem rationem, & non secundum posteriorem: *tum etiam* quia hæc delectatio pertinet ad amorem concupiscentie, & non ad amorem amicitie, ut supra dictum est: ergo non procedit ab habitu qui est principium amoris amicitie, cuiusmodi est charitas, neque potest dici, quod talis habitus sit spes, a qua in via procedunt amor Dei ut est bonum nostrum, & desiderium aut actus sperandi, & delectatio de ipso ut præsentia in spe; quoniam virtus spei non ma-

ner in beatis, ut nunc suppono ex doctrina D. THO. 2.2. quæst. 18. art. 2. *Neque tandem potest dici quod sit in voluntariis beatorum alia virtus distincta à spe & charitate, à qua procedat huiusmodi delectatio, quia sine fundamento authoritatis & rationis poneretur talis virtus.*

§ 2. *Solutio M. Suarez afferentis principium elicitiuum delectationis esse virtutem spei, refutatur.*

AD hoc FRANCISCUS SUAREZ 3. p. q. 7. art. 4. disputans eandem difficultatem de principio elicitiuo dilectionis beatificæ in anima Christi; dicit principium elicitiuum huius delectationis esse voluntatem cum habitu spei, & ut reddat huius rationem & simul explicet quomodo possit hoc stare cum communi sententia asserentium non esse habitum spei in beatis; inquit quod circa Deum quatenus est bonum nostrum, amabile nobis, amore concupiscentiæ, versantur *quatuor* actus, scilicet, amor, desiderium, spes, & delectatio; & horum omnium principium est virtus spei, ubique reperitur, quia tamen in via reperitur in nobis omnes hi quatuor actus ad quos potest extendi virtus spei, ideo simpliciter dicitur hæc virtus esse in nobis in via: & è contra quia in beatis non possunt reperiri hi omnes actus, sed duo ex eis scilicet, amor, & delectatio, quoniam desiderium, & actus sperandi respiciunt obiectum ut futurum; ideo dicitur non esse in beatis scilicet quantum ad imperfectionem quam hi duo actus important. Et fauet huic solutioni D. THO. inf. quæst. 60. art. 4. ad 3. ubi concedit quod istæ tres passionis amor, concupiscentia, & delectatio, ordinantur ad idem obiectum secundum quendam ordinem; & ideo pertinent ad eandem virtutem moralem. Et 2.2. quæst. 28. art. 4. in corp. ubi ex hac doctrina tradita de passionibus, colligit quod etiam eadem virtus inclinat ad diligendum & ad desiderandum bonum dilectum & ad gaudendum de Deo. Et quamvis DIVVS THOMAS non meminerit actus sperandi, sed solum desiderij, tamen videtur esse eadem ratio de ipso quantum ad hoc quia pertinet ad eundem ordinem concupiscentiæ.

Sed mihi difficilis videtur quoniam actus propter quem vel simpliciter vel saltem primario & principaliter infunditur nobis hæc virtus, est actus sperandi, quoniam in hoc est specialis difficultas, ergo ubi huiusmodi actus est impossibilis sicut in beatis non manet ipsa virtus quia ratio formalis obiecti virtutis spei scilicet bonum futurum possibile & arduum, non manet in beatis, ergo neque ipsa virtus.

Dices quod obiectum spei quantum ad actum sperandi requirit has omnes condiciones, non tamen absolute & quantum ad omnes actus, quia virtus spei per se primo datur ad perficiendum amorem concupiscentiæ qui respicit obiectum sub ratione boni nostri: quod vero hoc bonum sit præiens aut futurum, & quod sit arduum, vel non arduum, sunt differentie materiales, & quasi secundariæ respectu huius obiecti, scilicet boni nostri; & ideo non diversificant ipsum respectu habitus aut virtutis, sed solum respectu actuum.

Sed contra quia virtus spei ponitur in parte animæ quæ dicitur irascibilis: ergo sicut hæc pars per se

A respicit obiectum sub ratione boni ardui, & in hoc distinguitur à concupisibili, ita etiam virtus spei patet consequentia, quia id quod per se pertinet ad obiectum potentiæ, etiam pertinet per se ad obiectum habitus qui est in ea.

Confirmatur quia quotiescunque DIVVS THOMAS agit de hac re ut 1.2. quæst. 67. art. 4. 2.2. quæst. 18. art. 2. & 3. p. q. 7. art. 4. absolute docet, spem propter hanc rationem non solum quoad actum, sed etiam quoad habitum non manere in beatis, & limitare hæc sententiã ad habitum quantum ad imperfectionem quã habet, quatenus est principium actus desiderandi & sperandi, videtur esse præterius mentem, imo & contra eam; quoniam D. THOMAS expresse docet imperfectionem futurationis & arduitatis, pertinere ad obiectum formale habitus spei, saltem tanquam conditionem necessariam. Ex quo videtur sequi quod ubi non potest reperiri huiusmodi imperfectio, non possit etiam reperiri obiectum huius habitus: & ex consequenti neque habitus saltem in ordine ad operationes.

Et tandem iuxta illam sententiam vix poterit assignari ratio cur repugnet esse in dñatis habitum spei, saltem donec eliciant actum desperationis ratione cuius amittant eum. Et probatur quia non videtur repugnare damnatis habere actum simplicis amoris concupiscentiæ respectu beatitudinis, quoniam etiam huiusmodi actus respiciunt in eis, beatitudinem præcisè, quatenus est bonum hominis abstrahendo ab hoc quod sit eis possibilis, quoniam hoc pertinet ad obiecta actuum desiderandi & sperandi.

§ 3. *Refertur vera solutio afferens delectationem elici ab habitu charitatis.*

QUARE secundo respondetur quod delectatio de qua loquimur elicitur ab habitu charitatis. Pro quo adverte ex doctrina D. THOMÆ inf. q. 60. art. 4. in corp. & aliis locis paulo superius citatis: sunt quidam actus voluntatis boni, qui secundum se non important specialem aliquam difficultatem ratione cuius postulent produci à speciali aliqua virtute, sed producuntur ab ea virtute à qua specialiter procedit actus cum quo habent maiorem connexionem, sicut amor sumptus pro simplici affectu ad bonum castitatis, & delectatio quæ consequitur ad eius operationem; eliciuntur à virtute castitatis quæ primario inclinat ad operationes in materia castitatis: & ita in nostro casu, quoniam in via amor beatitudinis propriæ & delectatio de ea quasi præfenti & habita in spe, habent connexionem cum actu spei, quoniam amor est quasi quædam inchoatio eius & ordinatur ad eum veluti dispositio, & delectatio consequitur ad ipsum per modum proprietatis & effectus; ideo in via hi duo actus eliciuntur à virtute spei, & uterque respicit aliquo modo obiectum spei, scilicet bonum futurum, possibile, arduum; amor quidem, ut inchoatio actus completè tendentis in ipsum, & delectatio, ut consequens ad talem actum. Quia tamen in patria, hi duo actus non habent hanc connexionem cum actu spei, sed potius cum actu benevolentie, & charitatis, quo beatus vult sibi suam beatitudinem, ideo in patria non eliciuntur ab habitu spei, sed ab habitu charitatis.

§ 4. Satisficit caritas obiecti omnibus ad salutem contra
veram solutionem.

Sed obicitur contra solutionem datam, quoniam hi duo amores, scilicet amicitia, & concupiscentia, differunt inter se essentialiter, quoniam habent motum, honestates, & difficultates diversarum rationum. Ergo habitus charitatis qui est principium amandi amore amicitia; imò est ipsa amicitia habitualis, non est principium amoris & delectationis pertinentis ad amorem concupiscentia.

Respondetur primo negando antecedens quoniam ut docet D. THOMAS inf. quæst. 16. art. 4. divisio amoris in amorem amicitia, & concupiscentia, non est in distinctio actus sed in unum per ordinem ad diversa obiecta; quia eodem actu volumus amico bonum aliquod, v.g. salutem, honorem, & divitias; & hic actus quatenus terminatur ad amicum dicitur amor amicitia, & quatenus terminatur ad bonum quod ei concupiscimus dicitur amor concupiscentia. Et hoc est quod voluit D. THO. significare in locis citatis pro præcedenti conclusione, cum inquit: *amorem, desiderium & delectationem suas in appetitu sine in voluntate habere idem obiectum & per omnia ad eundem finem*. quod quantum attinet ad identitatem obiecti, intelligendum est respectu actuum, quia forte distinguantur specie, saltem in genere naturæ & non respectu habitus. Et hæc solutio traditur expressè à Divo THOMA 2. 2. quæst. 8. art. 1. ad 3. ubi sic ait *durante virtute spei, eodem spe aliquis sperat beatitudinem sibi & alijs, sed evanescit spe in beatis, secundum quam sperabant sibi beatitudinem speris quidem alijs beatitudinem, sed non virtutis spei, sed magis ex amore charitatis*. In quibus verbis aperte significat D. THO. quod charitas quatenus est principium volendi bonum proximo, extenditur in patria ad actum sperandi ei bonum, ad quem in via inclinabat virtus spei quare melius diceret, quod eadem charitas in patria est in unoquoque principium gaudendi de beatitudine obiecta à proximo & à seipso, quoniam hoc gaudium est distinctum specie ab eo cuius principium in via erat virtus spei.

Et si quæras quomodo non contradicat sibi D. THO. in verbis citatis & 3. p. q. 7. art. 4. ad 3. ubi inquit, *quod spei dicitur proprie respectu alicuius quod expectatur ab ipso sperantis habendum, & ideo Christo non convenit proprie virtus spei, respectu adificationis Ecclesie per conversionem fidelium* ubi videtur significare non pertinere ad virtutem spei sperare alijs beatitudinem.

Ad hoc respondendum est eisdem locis. Et omne breviter dico quod actus sperandi proximo beatitudinem non postulat per se produci à virtute spei, quia non respicit arduum respectu sperantis nisi quatenus proximus reputatur vnus cum ipso ratione charitatis. & ideo in subiecto in quo est virtus spei ut in puro viatore elicitur à virtute spei per quandam extensionem, & secundario: in subiecto vero in quo non est, ut in beato, & in Christo, elicitur à charitate erga proximum.

Et si obicitur si figuræ distinctionem obiectorum ad distinctionem formalem & specificum actuum, quamvis non sufficiat ad distinctionem realem rei, quoniam idem actus secundum rem potest pertinere ad distinctas species, non solum in genere

moris sed etiam in genere naturæ.

Respondetur quod hoc intelligitur de obiectis simplicibus, & quæ non habent inter se talem subordinationem ut vnum non sit volitum ratione sui, sed solum in ordine ad aliud, & ita constituent vnum totale obiectum in genere obiecti & in nostro casu (ut D. THO. ibidem docet), res cui concupiscimus aliquod bonum est amara secundum se & ratione sui, tamen bonum concupiscimus quantum est ex vitalis amoris non amatur secundum se, sed præcisè in ordine ad rem cui concupiscitur, & ideo constituent vnum totale obiectum in genere obiecti.

Et si obicitur ulterius amicitiam honestam quæ pertinet ad amorem amicitia distingui ab vili & delectabili quæ pertinet ad amorem concupiscentia.

Respondetur cum D. THOMA in eodem articulo in solutione ad tertium quod distinctio inter has amicitias in ratione amicitia & concupiscentia non sumitur ex distinctione amoris quia in omni amicitia volumus amico aliquod bonum, quoniam amare aliquem est velle ei bonum; & hoc est concupiscere ei aliquod bonum volendo quod habeat vel illud bonum quod habet, vel illud quod nondum habet: & ita in omni amicitia reperitur uterque amor: sed sumitur ex eo quod in amicitia honesta concupiscitur amico bonum iustum in ipso, at vero in vili & delectabili bonum quod concupiscitur amico, refertur in propriam utilitatem aut delectationem.

Secundo respondetur quod quamvis demus amorem amicitia & concupiscentia quoad actus distingui inter se specie, non sequitur quod habitus charitatis qui per se primo est principium amandi amore amicitia non possit extendi secundum ad amorem concupiscentia tanquam ad aliquod necessario adiunctum suo actui, præsertim cum ex distinctione specifica actuum, non possit colligi, quod non pertineant ad eundem habitum, ut patet in intentione finis, & electione mediorum in eadem materia, & in multis alijs exemplis. Et hæc de secundo. Circa tertium scilicet quam habeat connexionem delectatio cum beatitudine formali est.

DUBIUM III.

Utrum delectatio sit necessario adiuncta beatitudini formali vel potius possit pro libertate voluntatis beati separari ab ea.

§ 1. Explicatur status questionis, & separantur
certa ab incertis.

PRO omni solutione advertendum aliquid esse in hoc dubio certum apud Theologos, & aliquid controversum: nam certum est utramque delectationem superius explicatam, scilicet tuam eam quæ pertinet ad amorem amicitia Dei, quam eam quæ pertinet ad amorem concupiscentia propriæ beatitudinis, esse sic coniunctam cum beatitudine vt saltem secundum legem Dei ordinariam non possit ab ea separari. *Quod potest confirmari* omnibus testimonijs sacra scripturæ adductis, in principio huius articuli ad probandum

dam

dum reperiri in beatitudine utramque delectationem; quoniam in eis fit sermo de beatitudine absolute, atque proinde de eo quod in ipsa semper futurum est. *Tamen* quamvis hoc sit certum, controuersum est unde proueniat hæc coniunctio delectationis cum beatitudine, hoc est, utrum proueniat ex sola voluntate Dei statuentis, quod inseparabiliter, hæc duo se inuicem concomitentur ut nunquam reperiatur beatitudo sine utraque delectatione, neque è contra delectationes illæ reperiuntur sine ipsa beatitudine. An vero proueniat ex natura, tam beatitudinis quam delectationum, quæ postulat ut neque beatitudo sine delectationibus, neque delectationes sine ipsa beatitudine reperiuntur: sicut natura hominis & natura risibilitatis postulant ut nec homo sine risibilitate nec risibilitas sine homine reperiatur.

§ 2. *Dux extrema sententia circa hoc dubiū referuntur.*

1. ponit delectationem ita connecti cum beatitudine formali ut absoluta Dei potentia non possint separari.
2. asserit à voluntate creata pro libertate sua posse illa separari.

Fundamentum huius sententiæ.

Prima est eorum qui absolute dicunt, hanc connexionem ita prouenire ex naturis extremorum, ut neque per potentiam Dei absolutam possint ab inuicem separari, ita ut aut beatitudo sit sine delectatione aut delectatio beatifica sine beatitudine. Hanc sequuntur HENRICVS quodlib. 12. quæst. 2. & GILBERTVS quodlib. 3. q. 6. & GODEFRIDVS quod. 1. quæst. 2. apud CAPR. in 4. d. 49. q. 2. art. 3. ad 5. Contra primam conclusionem. Hi authores nullum adducunt fundamentum pro hac sententia nisi, quod quamvis visio beatifica & delectatio distinguantur realiter, non sequitur, quod possint ab inuicem separari, quia contingit aliqua esse inter se realiter distincta quæ tamen ex propriis rationibus formalibus postulet mutuat coexistentiam, & ideo per nullam potentiam possint ab inuicem separari sicut patet in correlatiuis. Cæterum non probant quod visio beatifica & delectatio sint de istorum numero.

Secunda sententia in altero extremo, est eorum qui asserunt non solum per potentiam Dei absolutam, sed etiam per liberam determinationem voluntatis creatæ ad suspendendum concursum suum vel in ipsum actum delectationis, vel in alium actum ad quem delectatio consequatur, posse fieri ut visio beatifica sit sine delectatione, non tamen explicant authores huius sententiæ de qua delectatione loquantur ex tribus explicatis dubio primo, quamvis ex argumentis quibus utuntur in eius confirmationem, videatur colligi quod loquuntur de delectatione de bono diuino secundum se. Hanc sententiam GREG. DE VALENTIA. 1. 2. disputatione. 1. q. 4. panctor. tribuit SCOTO in 1. d. 1. quæst. 4. §. *neg. utina istius artiendi*; quia licet ibi non loquatur expresse de delectatione, tamē dicit voluntatem, supposita visione non determinari ad diligendum Deum sed contingenter diligere ipsum, & posse cessare à dilectione, & ita consequenter videtur sensisse idem de delectatione, quæ sequitur ad dilectionem. Et expresse videtur id asserere in eadem quæstione: *§ ad principalia argumenta in prima solutione primi.* Et non obstat quod senserit delectationem non esse actionem elicita à voluntate.

sed passionem causatam in eo ab obiecto, quia iuxta eius doctrinam in solutione citata, obiectum non causat hanc passionem, nisi supposito quod actu placeat volutari, & non placeat actu nisi quatenus actu diligitur, & ideo sicut voluntas est libera ad suspendendum actum dilectionis circa obiectum, ita etiam erit libera ad impediendum ne obiectum causet in ipsa passionem delectationis. Quare ex doctrina Scoti in illa quæst. possunt sumi *tria* argumenta ad probandum quod voluntas videntis Deum possit pro sua libertate impedire aut suspendere tres delectationes quas dubio primo explicuimus & omnia fundantur in hoc.

Quæcumque delectatio de bono quod aliquis habet præsupponit amorem quo tale bonum ut ei voluit, & ideo eo modo quo voluntas fuerit libera ad cessandum ab hoc amore, erit etiam libera ad impediendum ne sequatur talis delectatio: Quod vero quæcumque delectatio præsupponat hunc amorem. Probat in primis inductione quoniam verbi gratia pecunie possessæ, non delectant possidentem, nisi ab ipso sint sibi volutæ & amate, & ita avarū summe delectant, & alios non adeo delectant, & aliquibus possunt esse fastidio. Et idem argumentum fieri potest de quocunque alio bono. *Es præterea* ex ipsa ratione delectationis, quæ ut D. THO. docet inf. quæst. 31. ar. 1. requirit inter alia constitutionem in bono quod est alicui conueniens, & non est satis quod sit conueniens ex naturæ rei, sed requiritur quod sit conueniens per ordinem ad appetitum, quod est placere & esse volutum, quia et sæpe quæ secundum naturam sunt conuenientia, displicent, & ex consequenti quamvis possideantur non delectant, Et hoc fundamento supposito sit

§ 3. *Argumenta secunde sententiæ.*

Primum argumentum ad probandum hanc sententiam de delectatione quæ habet pro obiecto bonum diuinum quatenus est in se & conuenit Deo, quoniam voluntas beati est libera ad cessandum à dilectione Dei qua ipsi est volutum suum bonum, ergo etiam est libera ad cessandum à delectatione de bono diuino ut est in Deo & conuenit ipsi. Consequentia patet ex fundamento supposito. Et antecedens probatur à SCOTO, in primis illo communi medio, quod *Uni potentia ex natura rei vnicius modus operandi conuenit*: sed voluntas est vnica potentia, & ei conuenit naturaliter modus diligendi liberè, ergo ex natura rei non conuenit ei modus diligendi necessario, & ex consequenti voluntas etiam in patria diligit Deum liberè. *Sed hæc* medium etiam utitur eo ad probandum quod processio Spiritus sancti à Patre & Filio est libera, & non sumit liberum pro eo quod est contingens & potest esse & non esse, sed pro eo quod est ab aliquo principio præsupposita cognitione cum quo stat, quod sit omnino necessarium & determinatum ad vnum: & ita principium liberum appellat quod operatur ex cognitione præsupposita, quamvis operetur cum determinatione ad vnum, & distinguit ipsum à principio naturali non prout naturale sumitur pro necessario seu determinato ad vnum, sed prout sumitur pro eo quod operatur sine cognitione præsupposita, quæ admodum operatur agentia quæ caret vi cognoscitiua. Quare aliter probat Scotus illud antecedens

hac ra-

hac ratione: necessitas in operatione sumitur ex de-
terminatione principij operativi & non ex diuersa
approximatione passi ad ipsū principium, quia maior
approximatio passi ad agens non causat necessitatem
in actione, sed maiorem intensiōem, sicut patet
in calefactione respectu calefactibilium quæ sunt ma-
gis aut minus applicata calori: sed in patria & in via
idem est principium illius dilectionis Dei de qua lo-
quimur scilicet, charitas, & solū est discriminē in ma-
iori & minori applicatione obiecti quod se habet,
ut passum circa quod operatur voluntas, per suum
actum quia solum est discriminē in modo cognitionis
quæ se habet ut applicatio obiecti; quoniam in via ap-
plicatur obiectū per cognitionē obscurā, & in patria
per cognitionē clarā: ergo sicut in via illa dilectio est
cōtingens & potest esse & nō esse ita etiam in patria.

Secundum argumentum sit ad probandum ean-
dem sententiam de delectatione quæ habet pro ob-
iecto Deum quatenus est possessus à beatis per vi-
sionē, quoniam voluntas potest cessare à dilectione Dei
quatenus est bonū beatorū, ergo etiam potest cessare
à delectatione de Deo quatenus est bonū possessū
per visionem. Consequentia patet quia si Deus po-
test non diligere quatenus est bonum beatorum bene
sequitur quod etiam possit non diligere quatenus est
bonum possessum ab ipsis. Et ex hoc si adiungatur
fundamentum suprapositum sequitur ulterius, quod
etiam sit libetum beatis non habere actum delecta-
tionis circa Deum quatenus est bonum possessum
ab ipsis per visionem. Et antecedens probatur *tum*
quia charitas magis inclinat ad amandum bonum
diuinum ut est bonum Dei, quam ut est bonum
nostrum. Sed non inclinat necessario ad amandum
bonum diuinū quatenus est bonum Dei. (ut osten-
sum est in argumento precedenti) ergo neque qua-
tenus est bonum nostrum. *Tum etiam* quoniam amor
quo amatur Deus ut est bonum nostrum, est amor
imperfectus, quoniam sistit in ipso amante tanquam
in fine, saltem quantum est ex parte operis licet non
ex parte operantis nec ex parte obiecti; quia Deus
per hunc amorē nō ordinatur in amātem tanquam
in finem; & alia ex parte, nulla est necessitas ponendi
hunc actum in beatis quia per eum non excitantur
ad operandum sicut in via per actū spei, ergo non
postulat natura beatitudinis quod necessario repe-
riatur in beatis & ex consequenti quamvis beati pos-
sint eū habere etiam poterunt cessare liberē ab eo.

Tertium argumentum sit ad probandum idem de
delectatione quæ habet pro obiecto immediato ut
quod suam beatitudinem formalem quoniam voluntas
beati quamvis ex natura rei & seclusa omni supposi-
tione extrinseca præcepti aut voluntatis diuinæ, non
possit velle carere beatitudine formali ut ostēdemus
ex doctrina D. THOM. quæ. seq. art. 4. bene tamē po-
test cessare ab exercitio actus amandi vel volendi suā
beatitudinem formalem, ergo etiā potest cessare ab
actu delectationis de ipsa beatitudine formali tan-
quam de obiecto. Consequentia patet ex eodē fun-
damēto præsupposito. Et antecedens probatur *primo*
quoniam charitas quæ est principium huius amoris, non
inclinat necessario, sed contingenter ad amorē Dei ut
est bonus in se, nec ut est bonus nobis, ut ostēsum
est in argumentis præcedentibus, ergo maiori ratio-
ne non inclinat necessario sed contingenter ad a-
morem nostræ beatitudinis formalem. *Secundo* pro-
batur quoniam in hoc magis est notum reperiri im-
perfectionem sistendi in amante tanquam in fine

operis, quam in actu de quo loquebamur in præ-
cedenti argumento; quoniam obiectum ut quod
huius actus, est beatitudo formalis, & non Deus, &
beatitudini formali non repugnat esse volitum, non
solum amanti sed etiam propter amantē tanquā pro-
pter finē; quia est operatio ipsius & quamvis etiam
sit finis eius nō est finis ut res adepta, sed ut adeptio
& ut quod. *Tertio* probatur quoniam hæc volitio
neque est summum bonum neque adeptio summi
boni, ergo voluntas beati nō est ex natura rei & se-
clusa omni extrinseca suppositione necessitata ad
eius exercitium. *ultimo* probatur quoniam D. THOMAS
de verit. q. 12. art. 6. dicit quod *voluntas*
est libera quoad exercitium actus: hoc est quantum
ad velle & non velle in quolibet statu naturæ &
respectu cuiuslibet obiecti. Et hoc, in statu beatifi-
co & respectu actuum qui pertinent ad ipsum, po-
tissimū videtur intelligendum de volitione de qua
nunc loquimur.

§. 4. *Assumitur media sententia sc. visionem beatifi-
cam si relinquatur sua natura, non posse esse sine
delectatione, posse vero per potentiam
Dei absolutam.*

P R I M A C O N C L U S I O Deus per potentiam
suam absolutam potest communicare alicui visionem
beatificam sine ulla delectatione in eius voluntate.

Hæc est contraria primæ opinionioni & sequuntur
eam cum D. THOM. omnes Thomistæ, & præterea
SCOT. in 4. d. 1. quæst. 4. §. *negativa istius ar-
culi*; & in 4. d. 49. quæst. 7. §. *disco ergo in solutione
ad primum argumentum prima opinionis*. & DURAN.
in 4. d. 48. quæst. 2. & probatur primo, quia in eo
nulla reperitur contradictio, ergo non est denegand-
um potentie Dei absolutæ. *Secundo*, visio beatifi-
ca & quæcunque delectatio ex tribus explicatis
quæstione, præcedenti distinguuntur realiter, siue
delectatio, sit vera actio siue tantum passio: ergo
requirunt distinctam causationem, siue effectio-
nem, & ex consequenti distinctum concursum Dei,
ergo cum visio præsupponatur saltem ordine natu-
ræ ad quæcunque ex illis delectationibus, poterit
Deus producta visione suspendere concursum
suum, ne inde emanet delectatio; & ita dabitur
visio beatifica sine ulla delectatione in volun-
tate.

Confirmatur quia quando duo actus sunt sub-
ordinati in ratione prioris & posterioris, prior actus
potest esse sine posteriori absque ulla contradictione:
sed visio diuinæ essentiae habet se ut prior res-
pectu cuiuscunque ex illis delectationibus, quoniam
vel est cognitio obiecti delectabilis, & cognitio ob-
iecti voluntatis præsupponitur ad actum voluntatis,
quia nihil volitum quin præcognitum; vel est con-
ditio requisita ex parte obiecti motui ad delecta-
tionem; vel est ipsum obiectū ut quod, & obiectum
motuum ut quod ad actum voluntatis præsupponit-
ur ad ipsum actum, ergo visio beatifica sine ulla
delectatione potest esse sine illis delectationibus.

Ad hoc argumentum cum sua confirmatione,
Respondet HENRICHVS quod quamvis visio & de-
lectatio postulent concursus Dei distinctos, &
quamvis habeant inter se ordinem prioris & poste-
rioris non possunt ab invicem separari, non quia pen-
deant à se invicem quoad existentiam sicut correla-

tiva, sed quoniam ambopendent à tertio vt ab ob-
iecto causante & mouente. Sed hoc vt bene vidit
Sextus facile potest impugnari quia quamuis idē
summum bonum sit obiectum motuum ad visio-
nem beatificam & ad illas delectationes, non mo-
uet necessario ad delectationem supposito quod
moueat ad visionem, neque est vlla ratio contradi-
ctionis in hoc, quod facta motione obiectiva ad
visionem quæ est prior, suspendatur motio ob-
iectiva ad delectationem quæ est posterior.

§. 5. Si Deus communicaret homini, visionem beati-
ficam, sine delectatione, neque in rigore diceretur
beatus absolute, neque secundum quid, sed
diceretur beatus quoad essentiam for-
malis beatitudinis, & non quoad
statum beatitudinis.

ET SI QUÆRAS, an posito hoc casu quod Deus
communicaret alicui homini visionem beati-
ficam sine vlla delectatione, diceretur talis homo be-
atus? Respondetur, quod diceretur beatus quoad es-
sentiam formalis beatitudinis, quoniam hæc cōsi-
stit in sola visione Dei, iuxta sententiam D. THO-
MÆ, vt dictum est questione præcedenti, non vero
quoad statum beatitudinis, quoniam hic status vt
ibidem dictum est, consistit in aggregatione om-
nium bonorum.

Et si ulterius quærās an sine addito diceretur
simpliciter & absolute beatus? Respondetur bene
posse defendi cum illa sententia D. THO. de essen-
tia beatitudinis formalis, partem negatiuam, quo-
niam hoc nomen *beatitudo* non est impositum ad
significandum absolute essentiam beatitudinis, sed
ad significandū eam quatenus deservit secum omnia
bona quæ pertinent ad statum beatificum: neque
tamen propterea esset dicendus talis homo beatus
secundum quid. Et ratio huius sumitur ex ipsa si-
gnificatione huius nominis *beatitudo*, quoniam hoc
nomen absolute sumptum significat ex propria ra-
tione, summam & completam perfectionem homi-
nis, & consequenter significat visionem beatificam:
quia in ea sumpta quantum ad omnia quæ vel im-
portat formaliter vel continet radicaliter, cōsistit
hæc summa & completa perfectio hominis: ergo
non dicitur absolute & sine addito de visione præ-
cise sumpta: neque etiam cum addito secundum
quid, quia neque vt sic importat actu totum quod
significatur hoc nomine, neque etiam importat id
quod est accidens & minus principale in tali signi-
ficato, sed potius id quod est essenziale. Et est ex-
emplum ad hoc explicandū in hoc nomine perfectū,
nam perfectum simpliciter & sine addito in aliquo
genere dicitur quod habet omnia quæ ipsum huius
sunt perficere tam essentialiter quā accidentaliter
in tali genere: & perfectum quoad essentiā dicitur
quod habet omnia quibus potest perfici essentiali-
ter in eodem genere, & perfectum secundum quid
quod tantum habet accidentia: & ita puer non di-
citur absolute & sine addito perfectus homo quo-
niam non habet totam perfectionem humanæ na-
turæ, neque perfectus secundum quid sed perfectus
essentialiter, quoniam habet totam perfectionem
quæ pertinet ad essentiam humanæ naturæ. Verum
quomodo in hoc casu ita esset loquendum, tamen
de facto bene potest visio Dei appellari absolute
& sine addito beatitudo humana, quoniam de facto

A deservit secum omnia quæ pertinent ad consumma-
tam perfectionem hominis, & præterea satis intel-
ligitur in quo sensu ita appelletur.

SECUNDA CONCLUSIO. Non potest fieri per po-
tentiam Dei absolutam vt omnes tres delectationes expli-
cata dubio præcedenti sint in aliquo nisi prius saltē ordi-
ne naturæ sit in eo visio beatifica. Ad huius explicatio-
nē & probationē supponendū est quod visio beati-
fica dupliciter potest concurrere ad illas delectatio-
nes, primo vt cōditio tenens se ex parte potētis, sci-
licet voluntatis, siue præcise concurrat vt cōditio
& applicatio obiecti siue etiā cōcurrat vt causa ef-
ficiens eius actus qui est delectatio iuxta diversas
sententias circa modum quo actus intellectus cō-
currit ad actū voluntatis. Secundo potest concurrere
vt obiectum siue sit obiectū vt quod, siue cōditio
necessario requisita ex parte obiecti: quando visio
beatifica concurrat priori modo ad delectationē be-
ne potest fieri, nō solum per potentiam Dei absolutā
sed etiam secundum legem ordinariam, vt delecta-
tio sit in aliquo, sine visione, quia licet nō, sit in eo,
id quod se habet vt cōditio requisita ex parte po-
tētis, & vt applicatio obiecti, potest esse id, quod
se habet vt ratio formalis obiecti, & hoc est satis vt
B sit ipse actus delectationis. Et idem est dicendum
quamuis visio concurrat efficiēter ad delectationē
quia delectatio non postulat per se produci à visio-
ne, sed indifferenter ab aliqua cognitione superna-
turali. Quando vero visio beatifica cōcurrit poste-
riori modo ad delectationem, non potest fieri etiam
per potentiam Dei absolutā vt delectatio sit in ali-
quo nisi visio beatifica sit in eo prius, saltē ordine
naturæ, quia per nullā potentiam fieri potest vt actio
sic alicubi nisi præsupposito saltem ordine naturæ
obiecto, à quo specificatur, & in hoc casu visio
beatifica pertinet ad obiectū specificatiuum de-
lectationis, ita vt ea sublata nō maneat tale obiectū.

Et hoc supposito probatur conclusio in qua cum
dicimus non posse fieri vt omnes illæ tres delecta-
tiones reperiantur in aliquo sine visione Dei, con-
sulito ita loquimur vt significemus non esse hoc in-
telligendum de singulis earum, sed tantū de duabus
quæ pertinent ad amorē nostrū quarū vna habet
pro obiecto vt quod Deū, quatenus est bonū nostrū,
& pro conditione requisita ex parte obiecti posse-
sionem eius quæ est visio: & altera habet pro ob-
C ecto vt quod visionem ipsam; Ex his probatur quia vt
ex hoc constat vtraque includit in suo obiecto vi-
sionem, vel tanquam ipsum obiectum, vel tanquā
conditionē ita requisitā vt ea deficiente nō maneat
obiectum in ratione obiecti. Non tamē intelligenda
est nostra conclusio de alia delectatione quæ habet
pro obiecto Deū, vt est in se bonus; aut bonum di-
uinum vt cōuenit Deo: quoniam de hac certū vide-
tur (secundum doctrinā D. T.) quod non solum de
potentia Dei absoluta, sed etiam secundum legem
ordinariam potest esse eadem secundum speciem,
cum visione & sine visione, cū fide. Quod proba-
tur quoniam ratio formalis obiecti huius delecta-
tionis est eadē cū visione, & cum fide, ergo delectatio
est eiusdē speciei. Consequentia patet, quia ad idē-
titatē specificā actū sufficit identitas formalis ra-
tionis obiecti. Et antecedēs probatur quia obiectū
formale, est bonū diuinū quatenus cōuenit Deo:
& cognitio solum se habet vt cōditio necessario
requisita ex parte potētis, & vt applicatio obiecti,
sed ex parte boni diuini, nulla est diuersitas, quia

de eodem bono diuino potest esse gaudium cum visione, & cum fide & sub eadem ratione formali, scilicet, quatenus conuenit Deo : & solum est diuersitas in cognitione, quia in vno casu est visio, & in altero, fides; ergo eadem est ratio formalis obiecti huius delectationis cum visione & cum fide.

Quod potest amplius confirmari, quia propter hanc rationem, in materia de charitate solet dici, charitatem esse eiusdem speciei in via & in patria, non solum quoad habitum, sed etiam quod actus proportionatos, qui possunt haberi in utroque statu, ut quoad actus amoris, comparatos inter se, & quoad actus complacentiæ: & eadem est ratio de actibus gaudij aut delectationis.

Et si quæras, an hæc delectatio possit esse tam perfecta cum fide, sicut cum visione beatifica quantum ad perfectionem intensiuam? Respondetur, utramque partem esse probabilem, quoniam affirmatiue fauet sententia cõmuniter recepta in materia de charitate circa intensiõnem habitus, scilicet quod habitus charitatis potest esse magis intensus in via, quam in patria in diuersis subiectis, quia ex hoc bene sequitur, quod etiã actus eius, qualis est ista delectatio, possit esse magis intensus; quia viator, potest elicere actum æqualem habitui quæ habet in intensiõne. *Pro parte vero negatiua* facit, quod intensio actuum pendet multum ex conatu potentiarum, qui propter varia impedimenta quæ sunt in via, & non in patria, non potest esse tam perfectus in via quam in patria: & quamuis cõcederetur pars affirmatiua respectu actus amoris, non sequitur quod etiam sit concedenda respectu actus delectationis, quia multa impediunt delectationem in via, quæ non tam directe impediunt amorem, ut tristitiæ, curæ, & afflictiones. Cæterum quidquid sit secundum legem Dei ordinariam, certum est quod per potentiam Dei absolutam potest hæc delectatio esse tam intensa cum fide in via, sicut cum visione beatifica, quia per potentiam Dei absolutam possunt remoueri aut etiã superari hæc impedimenta: ita ut quamuis adsint, non obstant perfectioni delectationis.

§. 6. Non potest esse hæc delectatio in aliquo, nisi præsupposita aliqua cognitione obiecti.

Sed maius dubium est an per potentiam Dei absolutam possit esse hæc delectatio in aliquo, nõ solum sine visione beatifica, sed etiam sine omni alia cognitione obiecti quæ loco eius succedat? Ad hoc aliqui *respondent* absolute affirmatiue, idque probant, quoniam visio aut quæcunque alia cognitio, solum concurret ad hanc delectationem ut applicatio obiecti, & ut plurimum tanquam causa partialis simul cum voluntate: sed Deus potest supplere applicationem obiecti cum solum requiritur ex parte potentie, ut in hoc casu, & similiter potest supplere concursum causæ efficientis; ergo etiam potest supplere concursum cuiuscunque cognitionis ad hanc delectationem. Et ex consequenti potest facere, quod hæc delectatio sit in aliquo, non præsupposita visione, neque alia cognitione.

Alij vero vtuntur hac distinctione, quod si hæc delectatio consideretur ut actio vitalis, non potest

esse in aliquo nisi præsupposita in eo aliqua cognitione obiecti, quia esse actionem aliquam in aliquo subiecto ut vitalem, est esse in eo ut ab ipso elicita modo vitali; & actus voluntatis non elicatur modo vitali nisi præsupposita cognitione obiecti: si tamen nõ consideretur ut actio vitalis, sed ut accidens aliquod, bene potest esse in aliquo subiecto non præsupposita in eo cognitione obiecti: ut si delectationem elicita a voluntate mea collocaret Deus in voluntate alterius; imo & potest produci a voluntate non præsupposita cognitione in eodem subiecto: ut si Deus eleuaret voluntatem eius, qui nullam habet cognitionem boni diuini, ad efficiendum hanc delectationem, ita tamen ut hæc delectatio non reciperetur in tali voluntate, sed vel conseruaretur a deo extra omne subiectum, vel collocaretur in alia voluntate.

Sed mihi (consequenter ad ea quæ superius dixi) neutra sententia placet, quoniam ex ultimo non posse actionem vitalem effici, nisi a principio vitali; & voluntas non operatur ut principium vitale nisi præsupposita cognitione obiecti, propter intrinsecam subordinationem quam habet ad intellectum. Et præterea, quia licet hæc aut illa cognitio obiecti solum concurret ad actum voluntatis ut applicatio obiecti aut etiam ut causa efficiens ipsius: tamen cognitio, etiam absolute concurret ut conditio requisita ex parte obiecti, quia voluntas nõ tendit in bonum nisi ut cognitum, & in hoc differt obiectum appetitus eliciti ab obiecto appetitus innati siue naturalis.

TERTIA CONCLUSIO. *Si visio beatifica relinquatur sue naturæ, non potest esse sine delectationibus explicatis in probatione precedentis conclusionis, atque ita inseparabilitas visionis beatificæ ab eis non solum promouetur ex voluntate Dei sed etiam ex natura ipsius delectationis.* Hæc conclusio statuitur contra secundam sententiam, & conueniunt fere omnes in ea præter Scotum. Et probatur discurrendo per singulas delectationes: & in primis quod illa quæ est de bono diuino quatenus conuenit Deo sequatur necessario, ex natura visionis, probatur quia ex natura visionis, sequitur quod voluntas amet Deum quatenus est bonus in se: ergo sequitur etiam quod delectetur de hoc, quod sit tam bonus in se.

Confirmatur quia ideo sequitur ex natura visionis amor Dei ut in se est bonus: quia per eam ostenditur, quod in Deo sit tota ratio bonitatis & quod in eius amore actuali nulla est ratio mali neque in carentia amoris, aliqua ratio boni: sed similiter per eandem visionem ostenditur, quod in Deo quatenus habet per omnimodam identitatem infinitam bonitatem est tota ratio boni delectabilis, & quod in delectatione de hoc, quod Deus sit tam bonus, nulla est ratio mali, neque in eius carentia aliqua ratio boni: ergo etiam sequitur ex natura visionis hæc delectatio.

Deinde idem probatur de delectatione quæ habet pro obiecto Deum ut est bonum nostrum possessum a nobis per visionem. Et ad hoc probandum est optima ratio D. THOMÆ in hoc articulo, quia in omnibus rebus ad consecutionem sui finis ultimi sequitur ex natura rei quis in eo: ergo etiam in homine ad visionem Dei consequitur ex natura rei delectatio de Deo viso. patet conse-

quentia

quæstia quia visio est consecutio summi boni, & delectatio habet rationem quietis in bono adepto.

Et Confirmatur quia neque in obiecto, ut quod scilicet in Deo ut est bonum nostrum; neque in conditione, scilicet in visione; neque in ipsa delectatione actuali, est aliqua ratio mali; neque etiam in carentia delectationis est aliqua ratio boni.

Et hæc ratio potest etiam deservire ad probandum idem de delectatione, quæ habet pro obiecto ut quod ipsam visionem: quia in rebus naturalibus non solum consequitur quies in fine adepto, sed etiam in eius adeptione; ergo similiter in homine non solum sequitur delectatio de summo bono adepto, sed etiam de eius adeptione, quæ est visio. Et præterea neque in hoc obiecto, neque in delectatione actuali reperitur aliqua ratio mali, neque in carentia eius aliqua ratio boni.

Et tandem quod omnes has delectationes potest probari hæc conclusio illa ratione, qua Div. THOMAS utitur quæstione sequenti articulo 4. ad ad probandum, quod beatitudo vitæ futuræ semel habita non possit amitti; quia vel beatus carebit aliqua ex his delectationibus, & eadem est ratio de omnibus; vel omnibus, propria voluntate, quia scilicet posset velle non habere eam; vel Deo denegante concursum requisitum ad eius resultantiam, aut aliquo modo impediente eam: vel virtute alterius agentis impredientis eam. *Primum* dici non potest, quia nulla est ratio boni in carentia delectationis, neque mali in ipsa delectatione, aut per se, aut tanquam in impeditivo maioris boni; & quamvis voluntas possit hoc velle, non sufficeret ut delectatio non esset; quia delectationes illæ neque quantum ad fieri neque quantum ad conservari subiiciuntur libertati voluntatis. Neque *secundum* quia cum delectationes illæ pertineant ad præmiū beatorum, denegatio aut impedimentum earum esset pœna, quæ à Deo non infligitur nisi ob culpam, quam beatus nequit committere, quia ad visionem divinæ essentiae sequitur rectitudo voluntatis. Nec tandem *tertium* quoniam anima cōiuncta cum summo bono per eius visionem & amorē elevatur supra omnia agentia naturalia, atque adeo nullum agens naturale potest eam impedire à suis actibus. Et quæ loco citato dicemus ad huius rationis explicationem possunt præsentī disputationi inferuire.

§. 7. *Excusantur tria dubia quæ hoc loco ab aliquibus disputantur, de natura harum delectationum.*

SE de hoc loco solent ab aliquibus disputari tria dubia, *primum* est, an istæ delectationes sint ex natura sua sufficientes ad expellendū à beatis omnē tristitiam, siue de suis obiectis, siue de alijs. *Secundum* est, an Deus per potentiam suam absolutam non solum possit efficere quod visio beatifica sit in aliquo sine his delectationibus, sicut dictū est in prima conclusione; sed etiam quod sit simul cum tristitia, siue de ipso obiecto visionis, siue de alio. *Tertium* est, an per potentiam Dei absolutam possit fieri, ut istæ delectationes sint simul in eodem cum tristitia, siue de suis obiectis, siue de alijs, sed de his commodius disputabitur infr. q. 31. & 32. ubi agitur de delectatione & eius causis, & contrarijs: & videnda sunt quæ de Christo in tempore suæ passio-

nis dici solent 3. p. q. 46. art. 7. & 8.

§. 8. *Satisfit fundamentis primæ & secundæ sententiæ.*

AD FUNDAMENTVM PRIMÆ SENTENTIÆ Respondetur, quod quamvis dentur aliqua realiter distincta, quæ ex proprijs rationibus formalibus postulant mutuam coexistentiam, atque adeo per nullam potentiam possunt ab invicem separari: tamen non probatur quod visio beatifica & delectatio sint de horum numero.

AD ARGVMENTA SECUNDÆ SENTENTIÆ Respondetur, *primo* ad omnia simul sumpta, explicando qua ratione sit intelligendum illud fundamentum, quod ad omnia præsupponitur, scilicet, quod quæcumque delectatio de bono, quod aliquis habet, præsupponit amorem, quo tale bonum sit ei volitum; quoniam nō est intelligendum determinate de amore formali, sed indifferenter de formali vel virtuali, ut explicui superius q. 3. in tractatu de essentia beatitudinis formalis q. 6. in dubitatione prima, posita post ultimā conclusionē in solutione argumenti propositi cetera secundum dictum. Et hoc solum convincunt ea, quæ nunc adducuntur in confirmationem huius fundamenti; quoniam ad inductionē Respondetur, ut auctus delectetur propter pecunias, quas possidet, nō est necesse quod actu formali amoris eas sibi amet, sed satis est quod virtualiter habeat hunc actum: & idem est in alijs similibus casibus; nā v. g. ut quis delectetur de bono quod videt cōferri amico suo, non est necesse quod actu amet amicum suum, aut velit ei bonum tale, sed satis est quod virtualiter habeat hunc actum. Et ad rationem dicendum est, quod hic virtualis amor significat ut bonum, quod est obiectū delectationis, dicatur conveniens, non solum ex natura rei, sed etiam, per ordinem ad appetitum. Et ex hac explicatione manent soluta argumenta omnia, quæ proponuntur pro illa secunda sententiā; quia quāvis concedatur, posse beatum pro sua libertate cessare à tribus actibus amoris, qui præsupponuntur ad illas tres delectationes, de quibus illa argumenta proponuntur; potest dici quod manebūt illi actus virtualiter in ipso beato, & quod hoc est satis ut resultent in ipso delectationes eis respondentes.

C §. 9. *Solvitur primum argumentum quod agit de delectatione, quæ habet pro obiecto bonum divinum quatenus est in se & convenit Deo.*

SECVNDO RESPONDETUR in particulari ad singula, admissio illo fundamento. Et ad PRIMVM negatur antecedēs. Et ad primam probationē, quæ sumitur ex illa cōmuni propositione, *uni potentia tantum convenit ex natura rei unicus modus operandi*, neganda est hæc propositio, quoniam sicut noster intellectus etiam est unica potentia, & tamē ex natura sua habet distinctos modos operandi respectu diversorū, quia principijs assentitur sine discursu, & conclusionibus medio discursu: sic etiam voluntas quamvis sit unica potētia potest habere distinctos modos operandi respectu diversorū, & respectu Dei clare visi, erit determinata ad amorē, & respectu nō solū creaturarū sed etiā Dei obsecrare cogniti, nō erit ita determinata: sicut etiā voluntas divina est libera respectu cuiuscunq. boni creati, & tamē respectu divinæ bonitatis est necessario determinata.

determinata. Et plura quæ dici poterant circa hos diuersos modos operandi voluntatis videri possunt apud CAIET. infra q. 10. art. 1. & 1. p. q. 41. art. 2. & apud CAPRE. in 1. d. 1. q. 3. art. 3. ad argumenta SCOTI contra quartam conclusionem.

Et ad secundam probationem respondetur quod necessitas in operatione quoad exercitium, non solum sumitur ex determinatione principij operatiui sed etiam ex applicatione passi ad ipsum principium, quamuis non sumatur equaliter nec eodem modo ex utraque parte, sed ex determinatione principij tanquam ex ratione per se, & ex applicatione passi tanquam ex conditione necessario requisita; sicut in exēplo ibidem proposito, ignis ita se habet respectu calefactibiliū, vt si fuerint ei applicata, calefaciat ea necessario, si vero nō fuerint applicata nō calefaciat ea non quidem propter defectū virtutis actiue aut suæ determinationis, sed propter defectū conditionis necessario requisitæ. Quare eodē modo dicemus in nostro casu quod quamuis cognitio obscura fidei, & visio clara, solum cōcurrant ad amorem Dei per modum applicationis obiecti potest ex earum diuersitate provenire, quod amor sit necessarius aut liber quoad exercitium non tanquā ex ratione per se, sed tanquam ex conditione necessario requisita; sed quæ pertinent ad necessitatem quoad exercitium quam habet amor Dei in vidente Deū ex professo disputari solent infra q. 10. art. 1. & 1. p. q. 82. art. 2. quibus locis videndus est CAIET. & FERRA. 3. contra gentes c. 62. & SOT. in 4. d. 49. q. 3. art. 4. conclusionem 4.

§. 10. Soluuntur secundum argumentum in quo agitur de delectatione habente pro obiecto Deum quatenus est possessus à beatis per visionem.

AD SECUNDVM RESPONDETUR negando antecedens, & ad primam probationē concessa maiori, negāda est minor si intelligatur de charitate in patria, vt dictū est in solutione præcedētis argumenti: & ad secundā probationē respondetur quod licet amor ille sit imperfectus negatiue, quia non est tā perfectus sicut amor amicitie, non est imperfectus cōtrarie quia non habet aliquam imperfectionem positiuam, nec priuatiue quia non caret aliqua perfectione sibi debita secundum suā speciem; & ideo non est inconueniens quod ponatur in beatis quia non est necesse quod omnes actus qui ponuntur in eis sint æquales inter se in perfectione, vt patet de amore, & delectatione, si inter se comparentur.

Et ad id quod vltius obicitur scilicet non esse aliquam rationem necessitatis ponendi hunc actū in beatis. Respondetur quod hic actus nō ponitur in beatis vt eo excitentur ad operandum, sicut ponitur actus spei in viatoribus, sed vt in ipsis sit perfectus amor concupiscentie in ordine ad se, quoniā hic amor tunc habet vltimum complementum, cū vnusquisque amat sibi summum bonum vt possessum à se, sicut amor amicitie est maxime perfectus, cum amatur Deus vt est in se. Et præterea hic actus est maxime cōsentaneus inclinationi naturali, quia sicut in via est ei cōsentaneus actus sperandi & desiderandi summum bonum nondum habitum, ita etiam in patria & in termino est eidem inclinationi cōsentaneus, actus volendi & amādi sibi idem summum bonum vt possessum.

§. 11. Respondetur tertio argumento agenti de delectatione, quæ habet pro obiecto immediato vt quod suam beatitudinem formalem.

AD VLTIMVM vt respondeamus supponendum est quod ille actus amādi visionem Dei potest dici necessarius duobus modis, scilicet quoad specificationem, ad quod satis est quod voluntas non possit habere contrarium actum volendi carere eadem visione; & quoad exercitiū ad quod requiritur quod voluntas non possit cessare ab illo actu. Et quamuis sit certum quod hic actus est necessarius priori modo, vt dicemus infr. q. 5. art. 4. non est ita certū quod etiam sit necessarius posteriori modo, quia vix potest assignari ratio huius necessitatis in hoc actu: & ad omnia propter quæ potest esse necessari⁹ hic actus, videtur sufficere alter actus de quo egimus in præcedenti argumento, scilicet, quo beatus vult sibi summum bonum vt possessum à se per visionem. Et similiter sufficit ad probandum quod beatitudo sit inamissibilis ex parte voluntatis beati. Nihilominus tamen aliqui ex scolasticis videntur sequi partem affirmatiuam, quamuis non satis explicant, an loquātur de hac volitione prout terminatur ad visionem tanquam ad conditionem obiecti, quod: vel prout terminatur ad eandem visionem tanquā ad obiectū quod; de quorū numero sunt DVRAND. in 4. d. 49. q. 8. num. 17. PALVD. q. 7. MAIOR q. 8. & potest hæc sententia confirmari tum quia vt D. THOMAS, inquit, quæstione sequenti, art. 4. volūtas non potest cessare a volitione alicuius boni sibi perfecte propostū nisi quia est insufficiens. Et queritur aliud sufficientius, loco ipsius, vel habet aliquod incommodum annexum, ratione cuius venit in fastidium, vel est impeditum maioris boni. Constat autem non reperi-ri aliquid horum in visione Dei & idem potest dici de eius amore, quia neque generat fastidiū in beato, neque habet aliquod incommodum, neque impedit aliquod maius bonum, tum etiam quia sicut dixi de alio amore in solutione præcedētis argumenti, quod est valde cōsentaneus inclinationi naturali ita potest dici de hoc, quia valde cōsentaneum est inclinationi naturali amare summam perfectionem propriam, & intrinsecam, qualis in beatis est visio beatifica.

ET HOC SUPPOSITO AD ARGVMENTVM Respondetur negando antecedēs, & ad primam probationem etiam est negandum antecedens, vt cōstat ex solutionibus præcedētium argumentorum. Et ad secundam probationem respondetur quod ille modus imperfectionis nō repugnet statui beatifico, vt explicatum est in solutione præcedētis argumenti, & constat in actu delectationis, qui siue sit de bono diuino, aut quatenus conuenit Deo aut quatenus possidetur à beatis, siue de ipsa visione, ponitur ab omnibus in beatis, & tamen potest esse volitus nō solum beato, sed etiam propter beatum tanquam propter finē. Et in hoc eodē actu de quo loquimur, quia dato quod nō sit necessarius quoad exercitiū, nō potest negari quod sit possibilis, nō obstat illa imperfectione, quia nulla est ratio propter quā repugnet beato, cōplacere in visione Dei, tanquā in bono proprio & ex motu amoris proprii. Ad tertiam probationē respondetur quod vt hæc volitio sit necessaria quoad exercitiū nō est necesse quod ipsa secundum se sit summum bonū aut adeptio summi boni, sed

boni, sed

boni, sed satis est quod alterum horum conveniat suo objecto, scilicet visioni, sicut amor Dei in beatitudine est necessarius quoad exercitium quamvis ipse secundum se neque sit summum bonum neque etiam adeptio summi boni iuxta sententiâ D. THO. Ad ultimam probationem respondetur quod D. THOMAS per quemlibet statum naturæ, non intellexit statum beatitudinis in quodam actus voluntatis quorum exercitium non potest apprehendi sub ratione mali, neque eorum cessatio sub ratione boni, sed intellexit quemlibet statum viæ. Alias explicationes huius testimonij refert FERRA. 3. contra gentes cap. 63. in fine

ARTICVLVS II.

Verum in beatitudine sit principalis visio quam delectatio?

CONCLUSIO Visio est præstantior quam delectatio.

COMMENTARIVS.

CIRCA HANC CONCLUSIONEM solet disputari. Vtrum delectatio sit appetenda propter visionem tanquam propter finem, vel è contra visio propter delectationem. Sed de hoc egimus quæstione tertia in tractatu de essentia beatitudinis 1. p. q. 6. Vbi dissoluimus argumenta quæ adducuntur ad probandum beatitudinem formalem consistere in delectatione ex eo quod delectatio in patria est præstantior visione & habet rationem finis respectu eius.

CIRCA SOLUTIONEM SECUNDI notandum quod in ea D. THO. statuit tres propositiones. Prima est, appetitum sensitivum querere operationes propter delectationes. Secunda, intellectum principaliter intendere bonum quam delectationem quæ ex eo sequitur. Tertia, auctorem naturæ apposuisse delectationes propter operationes.

Contra quas argumentor primo quoniam prima contradicit tertiæ quod sic probo, ordo inter appetibilia quem servat appetitus sensitivus, est institutus ab auctore naturæ, quoniam ab eo dirigitur appetitus absque villo errore, ergo repugnant inter se hæc duo, appetitus sensitivus querit operationes propter delectationes: & secundum ordinem institutum ab auctore naturæ delectationes queruntur propter operationes.

Argumentor secundo quoniam secunda propositio repugnat doctrinæ traditæ à D. THO. in alijs locis, nam in primis superius q. 2. art. 6. ad 1. inquit delectationem appeti per se, & non propter aliud, si particula (propter) importet causam finalem. Et deinde infr. q. 34. art. 13. in corp. inquit, quod delectatio in ultima fine, potest dici optimum, inter bona humana ergo contradicit sibi cum inquit hoc loco, delectationem esse institutam ab auctore naturæ propter operationem.

AD PRIMVM Respondetur primo cum CAIET. quod cum D. THOMAS in prima propositione inquit appetitum sensitivum querere operationem propter delectationem non sumit operationem & delectationem ut duo objecta quorum unum ordinetur ad aliud ut ad finem, sed ut unum in quo operatio se habeat ut materiale & delectatio ut formale, & ut ratio sub qua appetitur operatio, atque ita particula (propter) non importat habitudinem causæ finalis,

A sed rationis formalis sub qua totum illud obiectum terminat actum; Et sensus est appetitum sensitivum querere operationem, propter delectationem tanquam propter rationem formalem sub qua, quod est querere eam sub ratione boni delectabilis, sicut cum dicimus substantiam videri propter colorem, non est sensus, videri propter colorem tanquam propter finem in quem eius visio referatur, sed videri propter colorem, tanquam propter rationem formalem sub qua potest videri. Et quod illa propositio debeat exponi hoc modo, colligitur ex ratione illius propositionis quam D. THO. assignat, scilicet, quod apprehensio sensitiva non apprehendit communem rationem boni, sed tantum aliquod bonum particulare, scilicet delectabile, nam ex hoc bene sequitur quod appetitus sensitivus qui solum fertur in bonum apprehensum per sensum, non possit ferri in operationes, nisi sub ratione delectabilis. Et si huic limitationi appetitus sensitivus adiungas aliam, scilicet quod non appetit unum propter aliud, quia non agit propter finem, ut docuit D. T. superius q. 1. art. 3. colliges ulterius quod non potest appetere operationes quatenus sunt delectabiles, ordinando ipsas operationes in delectationem tanquam in finem, sed solum appetendo operationem sub ratione delectabilis, sicut materiale sub suo formali. Et hac expositione supposita nulla restat contradictio inter illas propositiones, quia tertia propositio intelligitur respectu appetitus potentis appetere delectationem & operationem tanquam duo objecta ordinata inter se in ratione mediæ & finis, prima vero de appetitu imperfecto & limitato, qui non potest appetere operationem secundum se & ut obiectum distinctum à delectatione sed solum sub ratione delectabilis.

AD SECUNDVM Respondetur ex eodem CAIET. sensum D. THO. in priori testimonio esse quod delectatio est obiectum sufficiens ut possit appeti propter se, & non propter aliud tanquam propter finem, in quo differt à bono utili, quod non potest appeti, nisi propter aliud in ordine ad quod est utile: in posteriori vero testimonio, loquitur D. THO. de delectatione patriæ ut includit adeptionem summi boni,

ARTICVLVS III.

Verum ad beatitudinem requiratur comprehensio?

CONCLUSIO. ad beatitudinem necessario concurrunt ista tria visio, comprehensio, & delectatio vel fructio.

COMMENTARIVS.

CIRCA hanc conclusionem notandum primo ex D. THO. in solutione ad primū quod comprehensio sumitur dupliciter primo pro inclusione comprehensum in comprehendente, quia attingitur ab ipso adæquate quantum attingibile est. Secundo pro retentione & adeptione eius rei, quam insequabamur & sperabamus ut cum quis insequabatur aliquem dicitur comprehendere eum, quando tenet eum. Et hoc loco non sumitur prior modo quia certum est comprehensionem ita sumptam non requiri ad beatitudinem, sicut est certum non esse possibilem.

rationis, consistit in ordine ad proprium obiectum, & de utroque scilicet de obiecto beatitudinis formalis & de eius quidditate disputauit, iam D. THO. quæstione secunda, & tertia, neque etiam agit de causa finali, quia cum ipsa sit ultimus finis, ut res adepta: & de hoc fine, ut dixi egit D. THO. quæstione secunda: Neque etiam agit de causa materiali, quia cum docuerit quæstione tertia, beatitudinem formalem consistere in visione Dei quæ est actio immanens, satis explicatum reliquit ipsam habere pro causa materiali & subiecto, intellectum à quo producit. Quare solum agit de causa efficienti; & quoniam causa efficiens est *duplex* scilicet vniuersalis, & propria siue particularis, non agit de causa vniuersali, sed de particulari, quia supponit Deum esse causam vniuersalem huius operationis, sicuti reliquarum omnium rerum creatarum, per concursum proportionatum entitati ipsius operationis. De hac autem causa particulari non inquit, quodnam principium aut quæ potentia sit, quia supponit esse intellectum creatum ipsius hominis, aut angeli beati: sed qua virtute & quibus viribus sit causa eius actus qui est beatitudo formalis. Neque solum hoc explicat D. THO. in hac quæstione, sed etiam agit de capacitate hominis ad consequendum hanc beatitudinem, & de medijs quibus indiget ut ad eam perueniat: Et ita hæc quæstio diuiditur in *tres* partes: In *prima* (quæ continet quatuor priores articulos) agit D. THO. de prædicta capacitate & explicat statum & modum quo homo potest consequi hanc beatitudinem. In *secunda* (quæ continet duos sequentes articulos) agit de principio effectiuo ipsius beatitudinis. Et in *ultima* (quæ continet duos ultimos) agit de medijs ex parte viæ requisitis ad consequendum eandem beatitudinem.

ARTICVLVS PRIMVS.

Utrum homo possit consequi beatitudinem?

CONCLUSIO *Homo potest beatitudinem adipisci.*

COMMENTARIVS.

CIRCA TITVLVM NOTA quod verbum *possit* sumitur absolute pro habere capacitatem, quæ excludat repugnantiam ad consequendum beatitudinem, siue id sit faciendum viribus proprijs, siue alienis, siue naturaliter, siue supernaturaliter. Et verbum *consequi* non sumitur pro tendere per viam & per media pertinentia ad ipsam, ad consequendum beatitudinem formalem, sed pro adipisci in termino viæ, & habere actu ipsam beatitudinem formalem, quare sensus huius tituli est. *Utrum sit homini possibile siue viribus suæ naturæ siue supernaturalibus, habere beatitudinem formalem & esse actu beatum.*

Sed obieci quæstionem hanc superflue proponi hoc loco à D. THOMA quia iam in præcedentibus est ab ipso explicata, siquidem quæstioni præcedenti docuit beatitudinem formalem consistere in clara Dei visione, & prima parte, quæstione

A duodecima, articulo primo ostendit esse homini possibile videre Deum.

Ad hoc quidam ex recentioribus Thomistis respondent beatitudinem in titulo huius articuli, non sumi pro beatitudine in particulari, quæ est visio Dei; sed pro beatitudine in communi, & ita quæstionem hanc esse distinctam, ab ea, quæ prima parte est disputata.

Sed contra hanc solutionem obijci potest quod D. THO. in tota hac quæstione loquitur de adeptione eius beatitudinis, cuius quidditatem & essentiam inuestigauit quæstione præcedenti, & docuit consistere in visione Dei. Et præterea quod non vitatur hac ratione inconueniens superfluitatis huius articuli, quia ex eo quod probetur esse homini possibile videre Deum, non solum relinquitur probatum, esse ei possibile consequi beatitudinem sumptam in particulari pro visione Dei; sed etiam esse possibile consequi beatitudinem sumptam secundum rationem communem beatitudinis, quia hæc ratio includitur intrinsece in beatitudine sumpta in particulari.

CAIET. in titulo huius quæstionis quintæ respondet quod quamuis visio Dei sit secundum rem nostra beatitudo formalis, tamen aliam rationem formalem habet quatenus est visio; & aliam quatenus est nostra beatitudo, & ideo quæstionem huius articuli esse formaliter distinctam ex parte obiecti, à quæstione disputata loco citato ex prima

parte; & hoc est satis ut sine vitio superfluitatis potuerit proponi.

Verum neque hac ratio placet GREGORIO DE VALENTIA in explicatione tituli huius quintæ quæstionis, quia non obstante illa distinctione rationum formalium visionis, eadem doctrina sufficeret ad ostendendum posse hominem consequi visionem illā ut est visio & ut est beatitudo nostra, sicut ex eadem radice habet homo quod sit eius capax secundum utramque rationem; & ita ipse concludit potuisse à D. THOMA, omitti nonnullos articulos huius quæstionis, de quorum materia disputauerat, prima parte quæstione duodecima.

Sed nihilominus defendi potest ratio CAIETANI, quia ut quæstiones istæ sint distinctæ sufficit distinctio rationum formalium in visione, & ut vitetur vitium superfluitatis, satis est posse distingui proportionaliter duas rationes formales in radice ex qua habet homo quod sit capax visionis ut est visio, & ut est beatitudo, quia hoc est satis ut media quibus id probatur, sint etiam formaliter distincta, & ita D. THO. vltus est distinctis rationibus in his duobus locis, ut ex earum collatione potest constare.

CIRCA CONCLUSIONEM potest inquiri an sit possibile homini consequi beatitudinem in particulari quæ est visio Dei secundum suam essentiam. *Sed de hoc* disputati solet prima parte quæstione duodecima articulo primo contra ARMINIOS & alios quosdam hæreticos, apud BERNARDUM, epistola centesima nonagesima, & TYRRECRE *De potestate eccl. s. caput vigesimo quinto* qui existimabant beatitudinem cælestem à Deo promissam non consistere in visione diuinæ essentia sed cuiusdam fulgoris ab ea manantis, & contra eos videri potest ALTHONSVS à CASTRO libro tertio, aduersus hæreses verbo *beatitudo, hæresi prima*, & de nonnullis testimonijs sanctorum legatur SIXTVS SINENSIS, libro quinto, bibliot. sanctæ, an. ot. 78. & lib. 6. annot. 53. & 182.

Circa rationes quibus D. THO. probat conclusionem,

D V B I V M E S T,

An possit solo lumine rationis naturalis ostendi esse possibile homini, consequi hanc beatitudinem quæ consistit in visione diuinæ essentia.

§. 1. *Convincitur euidenter esse in homine capacitatem ad consequendam aliquam beatitudinem in particulari sed ex principijs naturæ non potest euidenter demonstrari hominem esse consecuturum visionem beatificam quamvis probabiliter possit probari hoc esse possibile illi.*

DICO PRIMO ex principijs naturæ potest euidenter ostendi esse in homine capacitatem ad consequendum aliquam beatitudinem in particulari.

Ille consilio addo illud verbū in particulari, propter quosdam Thomistas qui hoc loco dicunt solū posse demonstrari esse possibile homini consequi

beatitudinem in *communis*, cum tamē tam retributio beatitudinis ex parte Dei, quam cōsecutio eiusdem beatitudinis ex parte hominis, debeat terminari ad rationem beatitudinis sumptam, in *particulari*, & contractā ad particularem aliquā beatitudinem. Sicuti omnes actiones sunt circa singularia iuxta doctrinam ARISTOTELIS libro primo, metaphisicæ, capite primo, & *probatur hoc* quia homo secundum suam naturam ordinatur in aliquē finem vltimum, ergo secundum suam naturam habet capacitatem, ut consequatur hunc vltimum finem, quoniam alias frustra & insipienter ordinaretur ad eum: sed consecutio finis vltimi est beatitudo formalis, ergo homo secundum suam naturam habet capacitatem ad consequendum beatitudinem aliquam in particulari, scilicet, illam quæ consistit in consecutione eius finis vltimi ad quem ordinatur secundum suam naturam.

Sed obicitur hoc argumento etiam probari esse in brutis & in omnibus rebus inanimatis capacitatem ad consequendum beatitudinem, quia omnia creata ordinantur natura sua in aliquem finem vltimum, atque proinde habent capacitatem ut eam consequantur.

Respondetur cum D. THO. superiori quæstione prima, articulo octauo, creaturas irracionales habere capacitatem ut consequantur finem vltimum, imperfecto modo, scilicet non attingendo ipsum secundum se, sed participando aliquam eius similitudinem, vel bi gratia esse, vivere, aut etiā cognoscere, & ideo non sequi quod habeant capacitatem ad consequendum beatitudinem, quia beatitudo importat adeptionem vltimi finis, & non solum participationem suæ similitudinis.

Et si contra hoc obicitur non probari in argumento proposito, quod homo habeat capacitatem ad consequendum finem vltimum, attingendo ipsum secundum se, quia sicut ad hoc ut creaturæ irracionales nō ordinentur frustra in finem vltimum, satis est quod possint eum consequi participando eius similitudinem, ita etiam ad hoc ut homo non dicatur frustra ordinari, satis erit quod possit eum consequi eo modo.

Respondetur, quod cum in primo antecedenti argumento propositi, dicimus hominem secundum suam naturam ordinari ad cōsequendum aliquem finem vltimum, intelligi debet de consecutione proportionata naturæ humanæ, & eodem modo est intelligendum consequens primæ consequentiæ. *Supponimus* autem ibi ex doctrina D. THO. loco citato hominem & reliquas creaturas racionales, habere hunc peculiarem modum consequendi finem vltimum, quod attingunt ipsum, secundum se actibus cognitionis & amoris, & ideo recte potuimus statim subsumere, quod in consecutione vltimi finis, consistit beatitudo formalis, quoniam loquebamur de consecutione, quæ fit attingendo ipsum finem, & non solum participando aliquam eius similitudinem.

SECUNDO PROBATVR prima ratione huius articuli, quæ loquendo de beatitudine particulari indeterminate sumpta, hoc est, pro aliqua beatitudine, videtur euidentis, & potest ad hanc formam reduci: homo secundum suam naturam habet capacitatem respectu perfecti boni ergo & respectu beatitudinis, consequentia patet quia cum beatitudo sit consecutio perfecti boni, necesse est ut

quicumque

quicumque est capax perfecti boni, ac etiam capax beatitudinis: & antecedens probatur, quoniam in homine est naturalis appetitus consequendi bonum perfectum & vniuersale, quia voluntas hominis secundum suam naturam potest appetere huiusmodi bonum sicut intellectus potest apprehendere ipsum, ergo etiam est in homine naturalis capacitas ad consequendum idem bonum, quoniam appetitus à natura inditus, non potest esse frustra. In qua ratione duo sunt *aduertenda*. *Primum* est quod cum, in probatione antecedentis dicitur, quod voluntas hominis potest appetere bonum perfectum & vniuersale, non intelligitur de vniuersali per abstractionem, sed de bono vniuersali in essendo, hoc est quod continet omnem rationem boni, cuiusmodi, est summum bonum. Et non obstat quod hoc probet ex eo quod intellectus potest apprehendere bonum vniuersale, quia etiam hoc intelligitur de bono vniuersali eodem modo sumpto ita ut ex eo quod intellectus potest apprehendere summum bonum, colligatur, voluntatem etiam posse ipsum appetere: sicut ex eo quod sensus non potest apprehendere bonum vniuersale ita sumptum, sed solum bonum aliquod particulare & determinatum, colligitur quod etiam appetitus sensitivus tantum possit appetere bonum particulare. Et eodem modo exponendus est D. THOMAS supra quaestione secunda, articulo octauo, ubi inquit, *quod obiectum voluntatis, quæ est appetitus humanus est vniuersale bonum, sicut obiectum intellectus est vniuersale verum*. *Secundum* est quod cum in probatione consequentiarum eiusdem probationis, dicitur *quod appetitus inditus à natura non potest esse frustra*, non supponitur quod esset frustra si homo de facto non consequeretur beatitudinem, sed si non habeat capacitatem ut consequeretur eam. Quod est *notandum* ad defendendum non habere eandem vim hanc rationem ad probandum quod ex principiis naturæ sequatur hominem esse de facto consequuturum aliquam beatitudinem, quia quamuis non consequeretur eam non esset in ipso simpliciter frustra prædictus appetitus sicut si non haberet capacitatem ut posset eam consequi.

Sed quæres an his duabus rationibus probetur non solum hominem habere capacitatem ad consequendam aliquam beatitudinem in sensu explicato, sed etiam aliquomodo de facto, esse consequuturum eam.

AD HOC DICO SECUNDO neque his rationibus neque alijs, potest probari hoc euidenter, sed solum probabiliter & congruenter.

Prima pars probatur quia quamuis Deus permitteret ut omnes homines deficerent à consecutione ultimi finis in quem sunt natura sua ordinati, non sequeretur *aut* frustra esse ordinatos in cum finem, *aut* non habere capacitatem ad consequendum ipsum, *aut* frustrari in eis appetitum naturalem, aut Deum non uti perfecta prouidentia erga speciem humanam: sicut quamuis multæ species angelorum defecerint à consecutione finis, ad quem natura sua ordinabantur non sequitur aliquod ex his inconuenientibus. *Et suppono* angelos per peccatum auersos fuisse à fine naturali, & omnes angelos differre inter se specie.

Confirmatur quia quod homines consequantur de facto aliquam beatitudinem pendit ex gratia aut ex libera voluntate Dei: Sed ex principiis na-

turæ non potest euidenter ostendi quod Deus aut decreuerit dare hominibus gratiam necessariam, aut habuerit hanc voluntatem, ergo neque quod homines sint consecuturi aliquam beatitudinem.

Secunda etiam pars probatur quia consonum est diuinæ bonitati & prouidentie ut supposita capacitate quæ est in humana natura ad consequendum aliquam beatitudinem, decreuerit Deus, ita se habere cum ea, ut non omnes homines deficerent de facto à consecutione beatitudinis.

Confirmatur quia consonum est diuinæ prouidentie, ut supposito quod Deus ordinaverit reliquas naturas carentes ratione in finem ultimum. det etiam eis omnia necessaria ut de facto consequantur eum, iuxta modos sibi proprios, ergo idem dicendum est respectu humanæ naturæ.

Verum in hac parte non loquimur de humana natura quoad omnia individua ipsius, sed quoad aliqua quia cum sit libera, magis consonum est suauitati diuinæ prouidentie ita dirigere ipsam in finem ultimum, ut aliqua individua ipsius consequantur eum, quamuis multa deficiant ab eius consecutione.

Et si contra hanc partem obijciat exemplum angelorum superius propositum in quo constat esse multas naturas específicas quæ quoad nullum ipsarum individuum sunt consecuti beatitudinem. *Respondetur imprimis* propterea, dici in conclusio: ne solum probari hoc congruenter cum quo stat quod etiam sint congruentes rationes pro parte opposita. Sicut quando asseritur probari aliquam propositionem probabiliter, non negatur quod etiam eius contradictoria possit probabiliter ostendi.

Deinde, dico esse magnum discrimen quantum ad hoc inter species angelicas & speciem humanam, quoniam species angelicæ conueniunt in vno gradu naturæ intellectualis secundum quem conuenit ipsis capacitas beatitudinis, & ideo satis est quod aliqui angeli fuerint consecuti beatitudinem ut capacitas hæc fuerit in suis indiuiduis sufficienter completa, & redacta in actum, quamuis multæ eorum species in nullo indiuiduo suo fuerint consecutæ beatitudinem: at vero hominibus conuenit hæc capacitas immediate secundum gradum naturæ rationalis, & ideo si nullum indiuiduum naturæ humanæ consequeretur beatitudinem non completeretur talis capacitas in aliquo indiuiduo suo.

DICO ULTIMO ex principiis naturæ non potest euidenter ostendi quod in homine sit capacitas ad consequendum beatitudinem quæ consistit in visione Dei, sed solum probabiliter. In hoc conueniunt omnes discipuli D. THOMÆ: contra SCOTVM qui in 4. d. 49 q. 3. videtur asserere posse hoc cognosci euidenter & demonstratiue per rationem naturalem.

Et probatur prima pars quoniam visio Dei est secundum suam substantiam super naturam hominis ut nunc suppono, ergo ex principiis naturæ non potest euidenter ostendi quod homo possit eleuari ad huiusmodi visionem. Pater consequentia quia ex solis principiis naturæ non potest cognosci euidenter quæ habitudo sit inter naturam aliquam, & ea quæ sunt ipsi supernaturalia.

Confirmatur quoniam alias etiam posset ex principiis

principijs naturæ ostendi euidenter, quod natura humana possit eleuari ad vnionem hypostaticam cum persona diuina. Item intellectus humanus non concurrat ad illam visionem virtute naturaliter: ergo non potest naturali ratione ostendi, quod possit eleuari supernaturaliter ad concurrendum; patet consequentia, quia non potest naturali ratione probari euidenter, quod aliqua potentia possit eleuari ad agendum ultra suam virtutem.

Confirmatur quia omnia argumenta, quibus hoc solet probari, possunt sufficienter dissolui, vt statim explicabitur.

Secunda etiam pars probatur, tum quia solo lumine naturali possunt fieri argumenta satis probabilia pro hac parte, *tum etiam quia* eodem lumine ostendi potest quod rationes contra eam factæ non conuincunt.

§. 2. *Adducuntur apparentes demonstrationes concludentes esse in homine capaciatem ad consequendam visionem beatificam, & dissoluntur.*

Sed vt in fauorem huius secundæ partis conficiamus aliqua argumenta, & in fauorem primæ partis dissoluamus ea: *aduertendum est* tria potissimum fieri argumenta ad probandum, esse in homine capaciatem ad consequendum hanc beatitudinem.

PRIMUM EST SCOTI loco citato, vbi sic argumentatur: Quæcunque potentia potest aut virtute propria, aut vt eleuata à Deo, operari circa quodlibet obiectum contentum intra latitudinem sui obiecti adæquati: ergo etiam intellectus noster potest, saltem vt eleuatus à Deo, videre Deum vt est in se, & ex consequenti potest consequi beatitudinem, quæ consistit in visione Dei; *Antecedens* supponitur vt certum ex inductione, quæ potest fieri per omnes potentias; & *consequentia* probatur, quia Deus, vt est in se, continetur intra analogiam entis, & tota analogia entis est obiectum adæquatum nostri intellectus.

SECUNDVM EST SCOTI ibidem, quod est huiusmodi, quando aliquid est perfectio simpliciter, & conuenit inferiori alicuius generis, etiam conuenit superiori eiusdem generis: sed notitia intuitiua, est perfectio simpliciter potentie cognoscitiuæ, & conuenit sensui, respectu sui obiecti; ergo multo magis conuenit intellectui respectu sui obiecti, & maxime Dei, qui est perfectissimum intelligibile.

TERTIVM desumitur ex D. THOMA, prima parte, questione duodecima, articulo primo, & est hoc: in homine est naturalis appetitus videndi Deum, ergo in homine est capacitas ad videndum Deum; & ex consequenti ad consequendum beatitudinem, quæ consistit in visione Dei; *consequentia* patet quia, vt supra dicebā, appetitus naturalis nō potest esse frustrā, atque adeo semper supponit in subiecto capaciatem respectu sui termini, & *antecedens* probatur, quia intellectus cognito effectu, naturaliter appetit cognoscere causam eius, non solum quantum ad *an est*, sed etiam quantum

A ad *quid est*: ergo cognitis effectibus primæ causæ, naturaliter appetit cognoscere ipsam primam causam, non solum quoad *an est*, sed etiam quoad *quid est*, atque proinde videre ipsam vt est in se, quia sine hac visione non poterit cognoscere *quid sit*.

VLTIMVM ARGUMENTVM desumitur ex D. THOMA in hoc articulo & est propositum à nobis secundo loco, pro prima conclusione, & magna ex parte conuenit cum præcedenti.

HAC ARGUMENTA talia sunt vt probabiliter concludant intentum, quod satis est ad confirmationem secundæ partis: non tamen ipsum demonstrent, sed possint dissolui, ex quo prima pars confirmatur.

ET AD PRIMVM RESPONDETUR primo antecedens non esse euident in solo lumine naturali, quoad eam partem, qua asseritur, potentiam vt eleuatam à Deo posse operari circa aliquod obiectum, ad quod tota sua virtute nō potest pertinere: quia vt dicebam in probatione vltimæ conclusionis, non potest naturali ratione probari euidenter, quod aliqua potentia possit eleuari ad agendum ultra totam suam virtutem.

Secundo Respondetur quod ad veritatem antecedentis satis est, quod potentia possit sua operatione attingere aliquo modo quodcumque obiectum contentum intra latitudinem sui obiecti, & non requiritur quod possit attingere ipsum vt est in se, aut perfectissimo modo; & ita potest negari consequentia.

AD SECUNDVM RESPONDETUR primo, negando maiorem, quia non est necesse vt omnis perfectio simpliciter, quæ conuenit inferiori naturæ, conueniat etiam superiori: vt, esse incorruptibile est perfectio simpliciter & conuenit naturæ cæli, & non naturæ humane, quæ est perfectior ipsa. Et euidentia, est perfectio simpliciter cognitionis, & conuenit cognitioni naturali, & non omni supernaturali, vt patet in fide.

Secundo Respondeo, maiorem solum esse veram quando in omnibus seruatur proportio inter extrema inter quæ sit comparatio; at vero in casu huius argumenti non seruatur proportio inter sensum & intellectum: quoniam sensus sumitur per ordinem ad obiectum sibi proportionatum, intellectus vero per ordinem ad obiectum improporcionatum; & ideo ex eo quod sensui conueniat notitia intuitiua per ordinem ad hoc obiectum, non sequitur quod etiam possit conuenire intellectui per ordinem ad obiectum de quo loquimur; alias simili argumento probaretur, quod intellectus noster virtute naturali possit videre Deum, quia posse virtute naturali habere notitiam intuitiuam, est perfectio simpliciter in potentia cognoscitiua, & conuenit sensui respectu sui obiecti; ergo etiam conuenit intellectui nostro respectu Dei. Quare hoc argumentum vt plurimum probat, quod intellectui respectu obiecti sibi proportionati possit conuenire notitia intuitiua. Cur vero hoc concedamus de sensu absolute, & respectu cuiuscunque obiecti; & de intellectu cum addito, & solum respectu obiecti proportionati: Forte ratio est, imperfectio ipsius sensus, qui propter suam materialitatem, determinatus est natura sua ad percipiendum solum obiecta ex-

istentia,

stantia, & sub hac conditione quod existant.

Et ex hoc potest colligi alia solutio, scilicet, quod noticia intuitiva, quæ conuenit sensui, non est perfectio simpliciter, quia prouenit ex limitatione & materialitate ipsius sensus: & ideo non sequitur quod etiam debeat conuenire potentia, quæ careat hac imperfectione, cuiusmodi est intellectus.

AD TERTIUM RESPONDETUR primo, quod quamuis admittatur antecedens, solum sequitur quod ex suppositione sic etiam in homine capacitas huius beatitudinis; non tamen quod esse in homine talem capacitem possit probari euidenter ratione naturali, quia antecedens, scilicet esse in homine appetitum naturalem eiusdem beatitudinis, non potest cognosci euidenter facultate naturæ, non solum ab homine, sed neque ab angelo. Neque oppositum conuincit probatio illius antecedentis, quoniam habet apertam solutionem, ut statim dicam.

Et si quæras, quomodo angelus, qui cognitione comprehendit naturam humanam, non cognoscat hunc appetitum naturalem, si est in ipsa?

Respondetur, quod ad comprehensionem alicuius rei non est necesse cognoscere ea, quæ ita conueniunt ipsi secundum naturam, ut importent ordinem ad aliquod supernaturale. Et deinde dico, quod hic appetitus respicit primario adeptionem summi boni in communi, & secundario hanc actionem, scilicet, visionem Dei, in qua huiusmodi adeptio in particulari consistit: & ideo quamuis angelus cognoscat hunc appetitum, non cognoscere eum quatenus respicit obiectum secundarium, scilicet, visionem; sed solum quatenus respicit obiectum primarium scilicet adeptionem in communi; sicut ad hoc ut quis cognoscat potentiam visivam, non est necesse quod cognoscat visibilia particularia, sed satis est quod cognoscat communem rationem visibilis.

Secundo respondetur negando antecedens, & ad probationem dico, quod quando in nobis ex cognitione effectuum excitatur appetitus cognoscendi causam, scilicet Deum; huiusmodi appetitus non est innatus per modum propensionis, siue in intellectu, siue in alia potentia; sed est actus elicitus à voluntate; & tamen antecedens, ut esset ad propositum, deberet intelligi de appetitu insito à natura per modum ponderis naturalis. Et præterea voluntas, hoc actu non appetit cognoscere Deum quidditative, sed ut plurimum cognoscere ipsum perfectiori modo, quo potuerit naturaliter, etiam quoad prædicata pertinentia ad eius quidditatem.

AD VLTIMUM RESPONDETUR quod ratio huius articuli, si intelligatur de capacitate visionis Dei, potest dissolui, si dicamus quod antecedens solum probatur euidenter ratione ibi posita respectu boni perfecti in communi, non sane respectu boni perfecti in particulari.

ARTICVLVS II.

Vtrum unus homo possit esse beator altero.

PRIMA CONCLUSIO quantum ad bonum, quod est beatitudinis obiectum & causa, non potest esse una beatitudo maior quam altera.

SECUNDA CONCLUSIO. Quantum ad adeptionem huiusmodi boni, vel fruitionem, potest aliquis esse alio beator.

COMMENTARIVS.

§. i. Ratio ordinis

POSTQVAM D. THOMAS articulo præcedenti docuit, esse in hominibus capacitem ad consequendum beatitudinem, quæ est visio Dei: nunc incipit explicare modum quod eam sunt consecuturi, & in hoc articulo agit de eius gradu, & quantitate, & ita inquit, *Vtrum omnes sint habituri æqualem gradum beatitudinis, vel potius vnus maiorem, & alter minorem?*

CIRCA PRIMAM conclusionem Nota, quod ex parte obiecti beatifici dupliciter posset esse inæqualitas in beatitudine: Primo quia obiectum beatificum respectu vnus beati esset summum bonum increatum, scilicet Deus, & respectu alterius esset aliquod bonum creatum; secundo quia licet Deus sit obiectum beatificum respectu omnium beatorum, tamen Deus non esset obiectum respectu omnium quoad omnia quæ sunt in ipso formaliter, sed quoad plura vel pauciora iuxta gradum beatitudinis ad quem vnusquisque eueheretur: ut si ex ijs quæ sunt in Deo formaliter, plura viderentur ab eo qui est magis beatus, & pauciora ab eo qui est minus beatus. Et contra vtrumque modum inæqualitatis statuitur à D. THOMA hæc prima conclusio, quæ est certa secundum fidem, ut contra primum potest ostendi omnibus testimonijs & argumentis, quæ supra quæstione secunda, adduci solent ad probandum, obiectum beatificum non esse aliquid creatum, sed solum Deum.

Et confirmari potest testimonijs in quibus dicitur, beatitudinem consistere in visione & fruitione Dei, quæ adduximus supra, quæstione tertia, cum agebamus de essentia beatitudinis, quoniam in ijs omnibus supponitur, Deum esse obiectum beatificum.

Et contra secundum quamuis non habeat pro se tam aperta testimonia, tamen potest probari communi consensu Theologorum; & illis testimonijs in quibus dicitur, Deum videri à beatis, sicuti est, quæ adduci solent prima p. q. 12. art. 7. & 8.

§. 2. *Ex sacra scriptura, concilijs, & Sanctorum Patrum dictis, ostenditur unum esse beatitudinem alio in celo. Similiter hæreses circa hanc rem refutantur.*

CIRCA SECUNDAM conclusionem quod quia à causa vel ratione formali denominatur aliquid simpliciter tale, & beatitudo sumpta pro adeptione summi boni, est beatitudo formalis, atque adeo est causa formalis, à qua beatus habet formaliter esse beatum, ideo satis est beatitudinem ita sumptam esse inæqualem, ut beati dicantur simpliciter & absolute inæquales in beatitudine, & ut unus dicatur simpliciter magis beatus quam alius. In quo erravit olim IOVINIANVS, qui ut refert HIERONYMVS libro 1. aduersus eundem, c. 12. asserit beatos omnes futuros esse æquales in præmio, & in eodem errore fuit LUTHERVS in sermone de natiuitate beatæ virginis, ubi sicut referunt SOTO libro 2. de natura & gratia c. 20. & in 4. d. 49. quæst. 3. art. 2. VALENTIA I. 2. disputatione. 1. quæst. 5. puncto 3. eo dementia processit, ut dixerit nos omnes, esse eque sanctos & consequenter futuros esse æque beatos atque ipsa Dei mater.

Sed contra verumque nostra conclusio est certa secundum fidem, ut late probat auctores citati & CASTRO. l. 3. aduersus hæreses, verbo *beatitudo* hæresi septima. Et VEGA, libro decimo, super CONCILIVM TRIDENTINVM à capite quarto. Et nunc probatur breuiter, quia imprimis colligitur aperte ex scriptura: nam IOANNIS 14. habetur. *In domo patris mei mansiones multe sunt*, hoc est, plura præmia respondentia meritis & operibus in quibus vnus quisque se exercuerit. Et non potest responderi, per mansiones intelligi Ecclesias quæ sunt in terra, ut dicebat IOVINIANVS, quia ut HIERONYMVS libro citato, capite decimo quinto, obijcit contra eum, conuincitur aperte, debere intelligi de cælorum mansionibus & æternis tabernaculis, ex eo quod statim sequitur, *quia vado parare vobis locum*: quia per locum intelliguntur mansiones quas CHRISTVS dixerat esse in domo patris sui; Et certum est CHRISTVM noluisse significare se discedere à discipulis suis, ut pararet eis locum in terra, sed in cælo.

Et præterea colligitur ex verbis subiunctis: *iterum venio, & accipiam vos ad me ipsum, ubi sum ego & vos sitis*, quæ necessario debent intelligi de gloriæ mansionibus, ut notauit AMBROSIVS libro de bono mortis, capite duodecimo, quoniam significant CHRISTVM accepturum discipulos, ad locum in quem ipse per mortem suam & passionem volebat proficisci, qui procul dubio erat cælum. *Et tandem* potest conuinci ex fine propter quem CHRISTVS hæc verba exposuit, scilicet, ut sedaret turbationem discipulorum ortam ex eo quod dixerat in fine capituli præcedentis: *quo ego vado, vos non potestis venire*, &c. quasi diceret; ne turbemini putantes, aut mihi soli paratum esse mansionem apud patrem, aut PETRVM solum me secuturum, quia in domo patris mei, &c. quod non satis esset

A ad sedandum illam turbationem nisi intelligeretur de cælestibus habitaculis

Neque etiam potest responderi solum significari hoc testimonio mansiones futuras esse distinctas pro diuersitate beatorum non tamen futuras esse inæquales, quia ex ipso contextu colligitur oppositum in quo non solum dicitur mansiones esse paratas, pro CHRISTO & PETRO, sed etiam pro multis alijs quare sicut non omnes alij erant æquales, aut inter se aut cum CHRISTO & PETRO, ita non promittuntur eis æquales mansiones. *Et præterea* constat ex communi consensu sanctorum, qui verba hæc non solum de multitudine sanctorum, sed de inæqualitate interpretantur ita IRENEVS libro tertio aduersus hæreses cap. 21. HYLARIUS in illud psalmi 64. *Beatus quem elegisti*: HIERONYMVS loco citato AVGVSTINVS libro de sancta virginitate cap. 26. GREGORIUS, libro nono moralium cap. 39. CYRILLVS libro 9. in IOANNEM cap. 31. Et BASILIUS, libro de Spiritu sancto cap. 16. & huic testimonio potest adiungi illud primæ ad CORINTH. 15. *Stella enim à stella differi in claritate sic & resurrectio mortuorum*, ubi aperte significatur sicut, stellæ distant inter se in claritate, ita beatos futuros esse inter se inæquales in gloria, & non solum intelligitur de gloria corporis sed etiam de gloria animæ, quoniam inæqualis gloria corporis ex inæqualitate gloriæ animæ dignatur.

Secundo probatur ratione Theologica, in qua per euentem consequentiam ex duabus propositionibus de fide deducitur conclusio, & est huiusmodi: beatitudo est hominibus danda ut præmium, & merces suorum meritorum: Sed non erunt in omnibus hominibus æqualia merita: ergo neque conferetur eis, æqualis beatitudo. *Maior* probatur ex illo primæ ad CORINTHIOS 3. *vnusquisque propriam mercedem accipiet secundum suum laborem & 2. ad CORINTHIOS 5. Omnes nos manifestari oportet ante tribunal Christi ut referat vnusquisque propria corporis propter gesta siue bonum siue malum*. Et ad ROMANOS 2. *qui reddit vnique secundum opera sua*. Et minor etiam probatur ex illo 2. ad CORINTHIOS 9. *qui parce seminat parce & metet, & qui seminat in benedictionibus, &c.* ubi non solum significatur inæqualitas gloriæ per *metere parce & de benedictionibus*, sed etiam inæqualitas meritorum per *seminare parce in benedictionibus*. Et vtrique præmissa distincta est & confirmata testimonijs scripturæ in CONCILIO TRIDENTINO sessione 6. decreto de iustificatione c. 16.

Tertio probatur definitionibus ecclesiæ, nam imprimis HIERONYMVS in apologia ad PAMACHIVM pro libris suis, contra IOVINIANVM c. primo significat eum Romæ fuisse damnatum, quoniam ex hoc errore, coniugium, merito virginitatis, faceret æquale, nam primo sic ait. *Cur placulum huius vocis Romæ Victorinus audire non potuit*: & Paulo post damnatio (inquit) eius mei testimonium sit: & deinde adducitur contra hunc IOVINIANI errorem concilium Telense, & quauis in eo Concilio, ut habetur in editione Surij, Tom. 1. nulla fuit mentio huius erroris, tamē inter decreta SIRICII Papæ, sub quo illud concilium celebratum

hinc, adducitur epistola eiusdem SIRICII aduersus IOVINIANVM & eius socios, in qua generaliter damnantur errores IOVINIANI, & rescriptum AMBROSII & aliorum episcoporum eiusdem consilij ad SIRICIVM in quo habentur hæc verba: *Agrestis enim vltimus est, nullam virginis gratiam, nullum castitatis ordinem seruare, promiscue omnia velle confundere, diuersorum gradus abrogare meritum. & paupertatem quandam calidius remunerationum inducere quasi Christo una sit palma quam tribuit, ac non plurimi abunde vituli premio. Et tandem adducitur testimonium CONCILII FLOR. in litteris sanctæ unionis. Vbi de animabus quæ exutæ à corporibus nihil habent pingandum definitur, in calum mox recipi & intueri citare ipsum Deū trinum & vniū sic ut est, meritum tamen diuersitate alium alio perfectius.*

Primo probatur autoritate sanctorum, quorum testimonia legi possunt in expositione testimoniorum scripturæ quæ citauimus in argumento præcedenti, & referuntur à BELLARMINO tomo 3. lib. 3. de iustificatione, cap. 16. & à VALENT. lococitato.

Sed quæres quibus fundamentis moueantur hæretici ad hoc asserendum. Respondetur IOVINIANVM habuisse duo fundamenta, quorum primum est omnes virtutes esse pares, & peccata etiam paria, iuxta veterum STOICORVM sententiam. Huius fundamenti meminit HIERONYMVS lib. primo, aduersus eundem IOVINIANVM cap. 2. Alterius est in scriptura solum referri duas sortes hominum, vnā saluandorum, & alteram damnandorum, & nullam fieri mentionem diuersitatis graduum in quacunque ex his sortibus. Et huius etiam fundamenti meminit HIERONYMVS lib. 2. aduersus IOVINIANVM cap. 12. Fundamentum vero LUTHERI fuit error suus, de iustitia imputatiua, nam cum existimauerit nullum hominem esse iustum per iustitiam aliquam sibi propriam & intrinsecam, sed per iustitiam CHRISTI apprehensam per fidem, & imputatam à Deo, consequenter dixit quod sicut iustitia Christi est eadem & equalis respectu omnium, sic etiam omnes dicantur æqualiter iusti & sancti. Sed de primo fundamento IOVINIANI agi solet in materijs de virtutibus & peccatis; de secundo in materia de merito, & in locis citatis ex scriptura, & agit de eo HIERONYMVS libro secundo citato cap. 12. & sequentibus. Et de fundamento Lutheri in materia de iustificatione. Quare ex his argumētis hæreticorū nunc solum oportet dissoluere vnū quod pro hoc errore sumitur ex parabola vineæ Mathæi 20. vbi operarijs inæqualiter laborantibus redditur æquale stipendium, scilicet, idem denarius diurnus. Ad quod D. THOM. in hoc art. citato in solutione secundi, Respondet vnitatem denarij significare vnitatem & æqualitatem beatitudinis ex parte obiecti, non tamen æqualitatem ex parte gradus ipsius beatitudinis. Itaque illo exemplo significatur, reddi omnibus beatis in præmio fruitionum eiusdem summi boni, quod est Deus, non tamen æqualem fruitionem, quia vnus alio perfectius fructur eodem summo bono. Et hæc expositio est etiam desumpta ex AMBROSIO libro septimo, in Lucam super caput decimum quintum; AVGVSTINO libro de sancta virginitate cap. 26. & GREGORIO libro 4. moralium cap. 42.

3. Adferuntur duo argumenta contra definitam veritatem, probantia vnam beatitudinem non esse maiorem altera, quia quilibet est summum bonum & quo non est aliud magis appetibile. Et soluntur.

Sed ut explicemus solutiones argumentorum D. THOM. proponemus ex ipso duo argumenta contra hanc veritatem.

Primum est quia beatitudo in vno quoque beato est summum bonum, sed summo bono non est aliud bonum maius: ergo beatitudine cuiuscunque beati non est alia beatitudo maior, & ex cōsequenti omnes beatitudines sunt æquales.

Secundum est quia sequitur quod beati non habeant appetitum satiatum, sed semper restat eis aliquid desiderandum & querendum. Consequens est falsum quia hoc repugnat rationi beatitudinis, immo quia desiderium non expletum causat in animo tristitiam & mutabilitatem quæ est contraria beatitudini; immo etiam quia D. THOM. supra, quæstione 3. art. 8. vt probet beatitudinem consistere in visione diuinæ essentie, supponit non esse hominem perfecte beatum quamdiu restet sibi aliquid desiderandum & querendum: Et tandem quia de ratione beatitudinis est quod sit perfectum & sufficiens bonum imo à Theologis post BOETIVM definitur status omnium bonorum aggregationis perfectus. Ergo repugnat ipsi quod non sit sufficiens ad satiatum appetitum beati. Et consequentia probatur primo, quia quamdiu alicui restat aliquid perfectionis possibilis acquiri, quam tamen non acquisiuit, non potest habere appetitum satiatum, & semper ei restat aliquid desiderandum & querendum: sed cuiusque ex inferioribus beatis restant perfectiones superiorum, quas absolute possunt habere & non habent; ergo interiores beati non habent appetitum satiatum, & semper eis restat aliquid desiderandum & querendum. Secundo probatur quia si beatus inferior consideret beatitudinem superioris beati eliciet actum desiderandi eam, & huiusmodi actus erit naturalis & necessarius saltē quoad specificationē, ergo signum est quod nō habet appetitum satiatum, & quod restet ei aliquid desiderandum & querendum. Tertio probatur quoniam alie res non habent suum appetitum satiatum, quousque assequantur suum finem perfectissimo modo quo potest acquiri, vt v. g. lapis non habet satiatum appetitum exiitendi in centro nisi sit in eo perfectissimo modo, ita vt centrum ipsius sit centrum mundi, ergo similiter homo non habet satiatum appetitum consequendi Deum, nisi eum consequatur perfectissimo modo, qui sibi fuerit possibilis, & ex consequenti per beatitudinem minorem maxima possibili, non satietur appetitus humanus.

Ad primum respondet D. THOM. in solutione secundi huius articuli, quod beatitudo dicitur esse summum bonum, in quantum est summi boni perfectæ possessio sine fructu, ex quibus verbis colligitur beatitudinem formalem secundum se, non dici summum bonum, sed solummodo ratione obiecti quod est Deus. Et ita ad formam argumenti, neganda est maior, si intelligatur de beatitudine formali, de qua nos loquimur, & consequenter etiam neganda est consequentia.

Sed contra hanc solutionem sunt tres obiectiones. *Prima* est, quia de ratione beatitudinis formalis est, quod sit summum bonum huius hominis, tum quoniam est id quod ab eo summè diligitur, tum etiam quia est ultimus finis eius.

Secunda obiectio est, quia solum summum bonum potest satiare appetitum, si ergo beatitudo formalis non est summum bonum, sequitur quod quantum est ex parte sua non possit satiare appetitum, quod proculdubio repugnat rationi beatitudinis & ultimi finis.

Tertia obiectio est, quia **DIVVS THOMAS** videtur insinuate quod etiam beatitudo formalis sit summum bonum non simpliciter, sed in ratione possessionis & consecutionis, quoniam in solutione quam explicamus appellat eam perfectam possessionem, & perfectum est id cui saltem in suo genere nihil deest.

Ad primam obiectionem Respondetur antecedens esse verum, si intelligatur de beatitudine formali sumpta secundum suam essentiam & speciem, non tamen si intelligatur de ea quoad individua, quæ intra latitudinem suæ speciei continentur: & inter omnia quæ in nobis sunt, saltem si fiat comparatio inter bona quæ habent rationem operationis, nullum est quod secundum suam speciem sit tantum bonum, quantum est ipsa beatitudo formalis; tamen quantum ad individua quæ sub ipsa continentur non est conueniens, quod unum sit maius bonum quam aliud. Et ad primam probationem illius antecedentis, quatenus deferuire potest ad probandum ipsum absolute, Respondetur quod quamvis beatitudo formalis sit id quod à beato summè diligitur de facto, non sequitur quod sit summum bonum possibile haberi ab ipso etiam per modum adeptionis summi boni, sed solum quod est summum bonum inter omnia quæ in hoc ordine sunt in ipso: quia cum hoc stat quod in eodem ordine bonorum, scilicet habentium rationem adeptionis, sit aliud quod possit à beato magis diligi & appeti, & ex consequenti sit maius bonum. Vnde autem proveniat quod quævis beatus possit appetere sibi illud magis bonum tamē de facto non appetat, dicemus statim. Et ad secundam probationem. Respondetur quod beatitudo formalis est ultimus finis per modum adeptionis non sicut res adepta, & de ratione ultimi finis per modum adeptionis non est, quod sit summum bonum aut maxima perfectio quoad conditiones individuales, sed solum secundum rationem specificam.

Ad secundam obiectionem Respondetur quod summum bonum secundum rationem specificam, quamvis non sit summum secundum conditiones individuales, est sufficiens ad satiandum appetitum, ut statim dicemus.

Ad tertiam obiectionem Respondetur quod **D. THOMAS** quamcunque beatitudinem formalem appellat perfectam possessionem secundum rationem specificam, non tamen propterea est concedendum quod sit imperfecta secundum conditiones individuales, sed solum quod est imperfecta negativè, aut quod non habet totam refectionem quam in individuo posset habere: quoniam imperfectum absolute non dicitur cui deest aliqua perfectio, sed id cui deest aliqua perfectio ex ijs quæ sibi debentur, & non debetur cuiusque individuo, tota perfectio indivi-

idualis quæ intra latitudinem suæ speciei potest repetiri.

§ 4. In solutione 2. argumenti incidit dubium. An per quemcunque gradum visionis beatifica, satiatur appetitus beati.

Explicatur sensus quasi.

AD SECUNDVM ut respondeamus disputandum est, an per quemcunque gradum beatitudinis formalis, siue visionis Dei satiatur appetitus beati. Ad cuius solutionem supponendum est duplicem posse distingui in beato appetitum, qui per beatitudinem formalem sit satiandus; unum innatum, & aliorum elicitorum. Innatus est capacitas insita rei ab auctore naturæ ad habendum bonum aliquod; quod in nostro casu erit beatitudo: & dicitur satiatus quando habet huiusmodi perfectionem, & è contra non satiatus quamdiu caret ea. Elicitor vero est actus appetendi, quo res cognitionis participes feruntur in bonum verum vel apparens, quod in hoc casu est ipsa beatitudo formalis, & eodem modo hic appetitus dicitur satiatus quando res habent bonum in quod per ipsum feruntur: & non satiatus quamdiu tali bono carent. Et quoniam bonum quod uterque appetitus respicit, interdum est naturale & interdum supernaturale, ut in hoc casu beatitudo de qua loquimur, scilicet, visio Dei est bonum quoddam supernaturale, ideo uterque appetitus dividitur in naturalem & non naturalem: & elicitor non naturalis dicitur simpliciter supernaturalis, & est actus quo res ex cognitione alicuius boni supernaturalis, fertur in ipsum sub ratione supernaturalis. Innatus vero non dicitur simpliciter supernaturalis sed ab aliquibus dicitur obediencialis, & ab alijs naturalis remote & incomplete; & non est aliud quam capacitas insita ab auctore naturæ ad habendum perfectionem aliquam supernaturalem, per media & vires quæ sint eiusdem ordinis cum ipsa perfectione; atque adeo non conueniat rei habenti talem capacitatem secundum suam naturam, sed virtute agentis supernaturalis, & de utroque appetitu intelligitur hæc dubitatio; Et ita sensus est, an quicumque gradus beatitudinis sufficiat ad satiandum appetitum elicitorum, ita ut beatus non eliciat actum desiderij quo appetat superiorem gradum beatitudinis, quoniam habet totum quod respondet suo desiderio, & ad satiandum appetitum innatum ita ut capacitas quæ est in homine respectu beatitudinis supernaturalis habeat totam perfectionem ad quam ordinatur, & quamvis posset elicere actum desiderij, non desideraret nec appeteret maiorem. Est autem advertendum quod licet uterque appetitus beati, posset comparari ad alia genera bonorum distincta, ab essentia beatitudinis formalis, ut explicaretur an etiam respectu eorum satiatur uterque appetitus per quemcunque gradum beatitudinis formalis, tamen nunc solum comparatur cum beatitudine formali, quoniam hoc tantum postulat difficultas huius articuli.

§ 5. Deciso huius Dubii. Ostenditur appetitum innatum esse satiatum in unoquoque beato, per eum gradum gloria quem de facto habet.

DICO PRIMO concedendum est. absolute quilibet beatus habere de facto satiatum suum appetitum respectu beatitudinis formalis. Probatum quia in hoc conveniunt Theologi ut videtur colligi ex illo PSALMI 16. *Saturabor cum apparueris gloria tua.* Et præterea colligitur ex ipsa ratione beatitudinis formalis, quæ est esse ultimum terminum: nam ex hoc sequitur quod excludat omnem motum, atque adeo omne desiderium respectu ipsius, quoniam desiderium habet rationem motus: & hoc probant satis argumenta proposita in secundo argumento cuius occasione de hac re disputamus.

DICO SECUNDO per quemcumque gradum beatitudinis formalis satiatum in beatis appetitus elicitus, respectu ipsius beatitudinis, ita ut nullus actus elicitus desideret, maiorem gradum beatitudinis formalis, quam sit illa quem habet. Hoc probant efficacius rationes factæ loco citato, quoniam ex hoc desiderio notius est oriri mutationem & afflictionem, quamdiu non impletur, iuxta illud: *Spes que differitur affligit animum.* Et præterea probatur quia ut articulo quarto præcedentis quæst. ostensum est, beatitudo non solum causat rectitudinem in voluntate beati, sed etiam summam conformitatem cum voluntate & ordinatione Dei: sed posito quocumque gradu beatitudinis in homine, videt homo Deum statuisse & decrevisse non dare ei maiorem gradum beatitudinis; ergo non desiderat maiorem, & ex consequenti non habet appetitum insatiatum elicitum qui maneat insatiatus respectu beatitudinis formalis: Et ex hoc argumento sequitur hanc conformationem voluntatis beati cum divina, quantum ad hoc quod non eliciat actum desiderandi maiorem beatitudinem non fieri ex electione ipsius beati, eo modo quo subditi solent conformare suam voluntatem cum voluntate superiorum, sed fieri naturaliter ex vi visionis Dei, quia tanta est vis summæ & infinitæ bonitatis claræ visæ, ut naturaliter impediatur omne desiderium quod ipsi non placent.

SED QUÆRES an hoc sit intelligendum tantum de desiderio absoluto & efficaci in suo ordine, quia solum ab aliquibus appellatur absolute desiderium, an vero etiam intelligatur de desiderio conditionato & inefficaci; cuiusmodi est actus voluntatis inefficax, qui solet appellari velleitas. Ad hoc **MOLINA** prima parte, quæst. 12. art. 6. disputatione quarta responderi intelligi solum de priori desiderio, quoniam censet non esse inconueniens quod in beatis sit velleitas quæ vellet habere maiorem gradum gloriæ sub conditione, si ita esset dispositum à Deo, aut id sua merita postularent. Idque confirmat quia licet huiusmodi desideria non satientur, non sequitur quod appetitus beatorum non sit satiatum, neque quod in beatis sit aliqua afflictio aut

A velleitas, quia hæc velleitas non appellatur proprie appetitus nec causat afflictionem aliquam: nam nusquam sit futura consecutio rei desideratæ per eam, ut patet in Deo, in quo nullus est tristitia, neque appetitus non satiatum, & tamen non sunt futura omnia quæ vult per voluntatem conditionatam aut velleitatem, ut patet in salute omnium hominum. Et addi potest quod huiusmodi velleitates non repugnant voluntati diuinæ absolute quæ Deus vult beatos non habere maiorem gradum gloriæ quam de facto habent; quoniam ad contrarietatem voluntatum requiritur, ut quod uni sub aliqua ratione placeat, sub eadem displiceat alteri, quod in prædicti casu non contingit. Et hæc omnia possunt explicari ex ijs quæ de voluntatibus Christi docet **DIVVS THOMAS** tertia parte, quæstione 18. artic. 6.

SED **NICHILOMINVS** mihi videtur intelligi de utroque desiderio, quoniam huiusmodi velleitates quando vere sunt actus voluntatis non sunt admittendæ in beatis, nisi quantum decet & est rationi consentaneum, ut si ordinentur ad Dei honorem, sicut ordinatur velleitas salutis omnium hominum, aut amicorum, aut procedant ab appetitu naturæ sicut procedit velleitas qua anima separata vellet uniri proprio corpori: quoniam anima natura sua inclinatur ad id quod est commodum & bonum naturæ humanæ cuiusmodi est eius integritas, quæ non est sine corpore perfecta: sed velleitas habendi maiorem beatitudinem non ordinatur ad honorem Dei; neque ad bonum proprium quod procedit ex inclinatione naturæ, ergo non est admittenda in beatis, quoniam erit actus otiosus. Et non obstat id quod pro parte opposita adducitur de velleitate quæ est in Deo, quoniam huiusmodi velleitas licet secundum se non possit ordinari in aliquem finem, quia cum sit increata caret omni causa, tamen secundum suum terminum ordinatur in gloriâ Dei sicut omnia creata & in particulare bonum eorum qui ipsum recipiunt; & de velleitate quæ Christus refugiebat mortem dici solet quod præcedebat ex inclinatione naturæ.

DICO TERTIO appetitus innatus si consideretur ut ordinatur per merita aut divinam providentiam ad certum gradum gloriæ, satiatum est in unoquoque beato.

Probatur quia nullus beatus ordinatur per sua merita, aut per divinam providentiam ad maiorem gradum gloriæ quam sit is quem de facto habeat, ergo quilibet beatus habet totam gloriam, quam respicit suus appetitus innatus, quatenus est ita ordinatus, & ex consequenti habet hunc appetitum satiatum.

DICO VLTIMO etiam appetitus innatus consideratus secundum se & seclusa omni ordinatione ad certum gradum gloriæ per merita aut per divinam providentiam est satiatum in unoquoque beato per eum gradum gloriæ quem de facto habet. Ita tenet **DIVVS THOMAS** in hoc articulo in solutione tertij argumenti, quia non solum loquitur de desiderio sumpto pro actu elicitum, sed etiam quatenus sumitur pro

appetitu innato quem supponit actus elicitus, & communiter conceditur ab omnibus contra Scotum qui in 3.d.13.q.4.9. ad argumenta alterius quæstionis dicit, *appetitum naturalem cuiuscunque voluntatis esse ad summam gloriam, & ideo semper appetere maiorem gloriam quamdiu non habet summam*, & appellat summam gloriam eam quæ est maxima inter omnes creabiles, quia existimat sicut gratia, ita & gloriæ creabilis dari terminum intrinsicum secundum magnitudinem, sed difficile est assignare rationem huius conclusionis.

§ 6. *Diversitas opinionum in assignanda ratione, cur appetitus cuiuscunque beati sit satius eo gradu gloriæ quem Deus de se habet.*

[*In primis* MOLINA loco citato vitur hac ratione: omnes cognitiones requisitæ ad cognoscendum totam latitudinem veri cognoscibilis naturaliter ab intellectu si possent esse simul in ipso, satiarent perfectè eius appetitum naturalem: sed quælibet visio Dei in seipso cuiuscunque gradus sit, continet virtute & eminenter omnes illas cognitiones, & longo intervallo eas excedit: ergo quæcumque visio Dei si sit in intellectu nostro latibit perfectè eius appetitum naturalem, consequentiam relinquit ut certam quoniam appetitus innatus dicitur satiatus quando habet totum bonum ad quod ordinatur; & quælibet visio Dei est totum bonum ad quod ordinatur appetitus naturalis nostri intellectus. Et maiorem probat quoniam appetitus naturalis nostri intellectus, *primario est*, ad cognoscendum verum indeterminate, quod est ab ipso naturaliter cognoscibile, & *secundario* ad cognoscendum, hoc, & illud verum, atque adeo totam latitudinem veri cognoscibilis ab ipso naturaliter: ergo omnes cognitiones requisitæ ad cognoscendum totam istam latitudinem, sunt totum id ad quod appetitus naturalis nostri intellectus se extendit, atque adeo si simul essent in nostro intellectu, satiarent perfectè eius appetitum naturalem. Et minorem etiam probat quia in Deo clare visio continetur eminenter tota latitudo veri naturaliter cognoscibilis à nostro intellectu: ergo etiam in visione clara Dei, continentur eminenter omnes cognitiones requisitæ, ad cognoscendum totam illam latitudinem veri naturaliter cognoscibilis.

Confirmat hoc idem, articulo primo illius quæstionis, disputatione secunda exemplo appetitus materiæ primæ ad formam: quoniam si materia reciperet aliquam formam quæ eminenter contineret totam perfectionem quæ est in omnibus formis quas suus appetitus naturalis secundario respicit, haberet huiusmodi appetitum satiatum; ergo similiter si intellectus habeat visionem quæ eminenter continet omnes intellectiones, quas suus appetitus secundario respicit, habebit suum appetitum satiatum. Et eodem exemplo vitur CAJETANUS tertia parte, quæstione quarta, artic. 2. ad probandum

A quod appetitus naturalis humanitatis Christi ad propriam personalitatem VERBI sit satiatus per VERBI personalitatem. Ex qua doctrina potest etiam magis confirmari hæc ratio Molina.

SED MIHI HÆC RATIO non videtur sufficiens primo quia probatio minoris scilicet quod quæcumque visio beatifica contineat virtualiter & eminenter omnes cognitiones requisitas ut noster intellectus cognoscat totam latitudinem veri ab ipso naturaliter cognoscibilis. videtur inefficax, quiaquamvis in Deo clare visio contineatur tota hæc latitudo veri, non sequitur quod in quacumque clara visione Dei contineantur eminenter omnes illæ cognitiones; quia ut vna cognitio contineat alteram eminenter, non est satis quod suum obiectum contineat eminenter obiectum alterius, sed requiritur quod ipsa terminetur ad suum obiectum quatenus eminenter continet obiectum alterius, aut quod idem est quod possit in genere causæ formalis præstare totum quod præstat ea cognitio, quam continet, hoc est, quod possit dare intellectui esse actu intelligentem respectu eorumdem obiectorum: sed non est necesse quod quælibet visio Dei terminetur ad Deum quatenus continet eminenter totam illam latitudinem veri, aut quod possit hoc modo præstare totum quod præstarent omnes illæ cognitiones si essent simul in intellectu; quia non est necesse quod quilibet beatus cognoscat totam latitudinem veri cognoscibilis naturaliter ab intellectu; imo ut idem author probat art. 8. eiusdem quæstionis disputatione quinta, mebr. 1. potest dari aliqua visio Dei per quam cognoscantur omnia quæ sunt in Deo formaliter & non cognoscatur aliquid eorum quæ continentur eminenter. Ergo non est necesse quod quælibet visio Dei contineat eminenter omnes illas cognitiones.

Præterea quamvis esset vera illa minor, scilicet quod quælibet visio Dei continet eminenter omnes cognitiones requisitas ad cognoscendum totam latitudinem veri cognoscibilis naturaliter à nostro intellectu, solum sequeretur posse colligi ex ea quod quælibet visio Dei satiaret appetitum innatum nostri intellectus respectu cognitionum naturalium & obiectorum quæ possunt ab ipso naturaliter cognosci; non tamen quod satiaret appetitum innatum respectu visionis Dei. Quod sic proba: visio ut tria non continet eminenter visionem ut sex, aliter beatus ut tria esset eminenter beatus ut sex, atque proinde tam beatus, sicut beatus ut sex, quod est contra inæqualitatem beatitudinis formalis: sed qui habet visionem ut tria habet etiam appetitum innatum ad visionem ut sex, ergo visio ut tria non sufficit ad satiandum appetitum ad visionem ut sex. Et idem argumentum fieri potest de quacumque visione minori, respectu appetitus ad maiorem; patet consequentia, quia tota ratio propter quam dicitur, *per quamcumque visionem satiari appetitum innatum nostri intellectus*, est, quod quæcumque visio continet eminenter totum id ad quod ordinatur huiusmodi appetitus.

AD HOC MOLINA RESPONDET duobus modis. primo dicit in intellectu nostro non esse appetitum innatum ad visionem Dei, sed solum ad cognitionem.

cognitio.

cognitiones naturales, & ideo satis esse probare quod per quaecunque visionem satiatur appetitus innatus nostri intellectus respectu harum cognitionum, ut absolute & simpliciter maneat probatum quod satiatur appetitus innatus intellectus nostri.

Sed hæc solutio videtur insufficiens, quia negati non possunt duo. Primum est quod in intellectu nostro sit capacitas innata respectu visionis Dei siue appelletur obediensialis; siue naturalis incompleta, & radicalis; *alterum* est quod hæc capacitas non est sola non repugnantia, ut in pane est non repugnantia, ut conuertatur in corpus Christi, & in aqua est non repugnantia ut producat gratiam, & alium effectum supernaturalem; sed etiam est coaptatio specifica & essentialis ipsius intellectus in ratione potentie cognoscitivæ, quia sicut Deus ut visibilis in seipso pertinet ad obiectum specificatum huius potentie, ita etiam visio Dei pertinet ad latitudinem actuum à quibus eadem potentia specificatur, eo modo quo dicimus potentiam non solum per obiectum sed etiam per operationem specificari, quamvis non sit in intellectu virtus innata ad attingendum Deum secundum prædictam rationem aut ad elicendum actum visionis Dei. *Utrum* autem hoc genus capacitatis possit appellari, appetitus innatus, aut non possit, magis pertinet ad questionem de nomine, quam ad questionem de re, & videtur impertinens ad difficultatem de qua agimus, quia relicto nomine appetitus potest inquiri an hæc capacitas innata satiatur per quaecunque visionem Dei, & non potest responderi non satiari, neque esse inconueniens quod non satiatur, sicut non est inconueniens quod non satiatur non repugnantia, quam habet idem intellectus ad plures effectus quos diuina virtute posset efficere aut recipere. Quia ut ostensum est hæc capacitas non importat solam non repugnantiam.

Secundo respondet Molina, quod licet visio ut tria non contineat eminenter visionem ut sex, tamen Deus qui videtur visione ut tria, continet eminenter visionem ut sex, & hoc satis est ut appetitus innatus videntis Deum visione ut tria, sit satiatus respectu visionis ut sex, & cuiuscunque intentionis aut perfectionis, quia per visionem ut tria possidet Deum qui eminenter continet omnem visionem cuiuscunque sit intensio nis aut perfectionis. Et ex hoc non sequitur quod omnes beati sint inter se æquales in beatitudine formali sed solum quod sunt æquales in obiecto beatitudinis formalis quod est Deus.

Sed neque hæc solutio mihi placet, cum capacitas de qua loquimur non respiciat immediate obiectum, sed visionem; quia Deus quamvis contineat eminenter beatitudinem ut sex, non vnitur intellectui beati in ratione beatitudinis ut sex, ergo non satiatur appetitum aut capacitatem intellectus ad beatitudinem ut sex: antecedens patet, quia Deus non vnitur intellectui in ratione operationis, & ex consequenti neque in ratione beatitudinis formalis, & *consequentia* probatur quoniam appetitus innatus (ut supra dixi) tunc satiatur cum habet bonum ad quod ordinatur, ergo si ordinatur ad bonum quod habet ratio-

nem operationis non satiatur nisi habeat bonum illud in aliquo quod habeat rationem operationis, aut eiusdem speciei, aut alterius superioris.

Confirmatur primo, quia personalitas **VERBI DIVINI** ideo satiatur appetitum humanitatis Christi ad propriam personalitatem, quia continet eminenter personalitatem creatam, & vnitur humanitati in ratione personalitatis & non sufficeret ad satiandum huiusmodi appetitum, continentia eminentialis sine vnione in ratione personalitatis, & ita quamvis personalitas patris contineat eminenter, personalitatem creatam, & sit intima vnita humanitati Christi per essentiam, præsentiam, & potentiam non dicitur satiare eius appetitum ad propriam personalitatem, quia non vnitur ei per modum personalitatis.

Confirmatur secundo quia Deus ut vnitus animæ separatae non solum continet eminenter visionem ut sex, sed etiam corpus eiusdem animæ, & tamen non satiatur appetitum animæ separatae ad corpus, quia non vnitur animæ ut corpus; & ita anima separata naturaliter appetit vniri suo corpori, ut docet **DIVVS THOMAS** questione præcedenti, articulo quinto ad quintum, ergo similiter non satiatur appetitum aut capacitatem eius ad beatitudinem ut sex, quia non vnitur ei in ratione beatitudinis formalis.

Quare mihi magis placet alia ratio quæ desumitur ex **DIVO THOMA**, in solutione tertij argumenti huius articuli, & est huiusmodi: Capacitas intellectus ad beatitudinem solum habet rationem inclinationis aut appetitus etiam incomplete & radicaliter respectu summi boni quod per beatitudinem formalem est obtinendum, & non respectu graduum consecutionis eiusdem summi boni, verbi gratia, quod consecutio sit ut tria vel ut quatuor: sed si quilibet beatus consequitur suum summum bonum, quamvis vnus alio consequatur perfectiori modo, ergo quilibet beatus satiatur suum appetitum innatum ad beatitudinem. *consequentia* est nota quia ut supra dixi appetitus innatus tunc est satiatus cum habet bonum ad quod ordinatur. Et *maior* in qua est difficultas probatur, quia inclinatio naturalis quamvis sit incompleta, solum est ad aliquid determinatum, & non ad aliquid indeterminatum: sed ex his duobus, scilicet, summo bono & gradu consecutionis ipsius summi boni, tantum *primum*, scilicet summum bonum est aliquid determinatum, & *secundum*, scilicet, gradus consecutionis est aliquid indeterminatum; quia potest crescere in infinitum syncategorematicè, ergo capacitas intellectus tantum potest habere rationem appetitus aut inclinationis respectu summi boni, & non respectu gradus consecutionis ipsius summi boni. Quare iuxta rationem hanc, concedendum est quod quilibet beatus habet capacitatem maioris beatitudinis formalis & nihilominus habet eam satiata in ratione appetitus aut inclinationis; ita quod si posset appetere per actum elicatum non appeteret maiorem beatitudinem. Et hoc voluit significare **DIVVS THOMAS** in solutione citata cum dixit: quod nulli beato deest aliquod bonum desideratum,

cum habet ipsum bonum infinitum; sed aliquis dicitur alio beator ex diuersa eius boni participatione, quia ratio huius esse potest, quod appetitus beati solum est ad consequendum summum bonum, & capacitas nostri intellectus ad modum appetitus aut inclinationis, qui conuenit nostro intellectui respectu beatitudinis supernaturalis, solum est ad consequendum summum bonum, non vero ad gradum consecutionis, quem **DIVVS THOMAS** intellexit per diuersam participationem: quoniam hinc prouenit quod obtento summo bono non desit intellectui aliquid quod desideret, quia habet totum id ad quod suus appetitus ordinatur.

§ 7. Soluitur secundum argumentum paralographi tertij.

EX HIS PATET SOLVTIO AD SECVNDVM ARGVMENTVM supra positum, cuius occasione de hac re disputauimus; nam responderetur negando sequelam. & ad primam probationem, *Respondetur* negando maiorem, si intelligatur de desiderio per modum appetitus innati, quia non est satis quod alicui desit, aliquid perfectionis possibilis acquiri, vt hoc modo appetat vel desideret illud, sed ulterius requiritur quod habeat appetitum innatum in ordine ad illud; & beati quamuis habeant capacitatem ad gradum beatitudinis, qui eis deest, non habeant appetitum innatum respectu talis gradus, sed absolute respectu beatitudinis & consecutionis summi boni. *Ad secundam probationem respondetur* quod quamuis beatus inferior consideret beatitudinem superioris, non eliciet actum desiderandi eam propter conformitatem quam habet ex vi visionis Dei cum voluntate diuina, à qua discordaret etiam physice si huiusmodi actus esset absolutus, & saltem moraliter si esset condicionatus, quia esset actus otiosus & careret bono fine.

Ad tertiam probationem respondetur primo, negando antecedens, & ad exemplum lapidis dicendum est, quod appetitus lapidis non est ad appropinquandum centro, sed ad existendum in centro. Verum quia id appetit secundum se totum, & secundum quamlibet sui partem; (quia idem est appetitus totius & singularum partium) ideo numquā appetitus lapidis quoad omnes suas partes, est plene satiatus, nisi quando centrum lapidis est in centro mundi; tunc vero est satiatus, quia licet singulæ partes propter distantiam quam ratione quantitatis habent inter se non sint immediatè & per se ipsas collocatæ in centro; tamen quam maxime fieri potest, accedunt ad ipsum: & ita cessat omnino grauitatio partium.

Secundo respondetur quod quando inter ea, ad quæ appetitus innatus alicuius rei inclinatur, datur aliquid summum quod sit certum & determinatum, tunc appetitus talis rei non quiescit donec perueniat ad illud summum, quoniam natura quæ tali rei præparauit terminum suæ inclinationis certum & determinatum, dedit ei appetitum vt ad eum terminum quam maxime fieri posset accederet. Et ita contingit in appetitu lapidis ad locum deorsum, quoniam inter loca quæ sunt deorsum, datur aliquis

locus certus & determinatus, qui maxime conuenit esse deorsum, qui est centrum mundi; Quare ad formam argumenti, concessio antecedenti, si intelligatur de ijs rebus neganda est consequentia, quia in beatitudine formali quæ est visio Dei, non datur terminus intrinsecus certus & determinatus secundum magnitudinem.

§ 8. Satisfit tribus dubiis. 1. An sit inæqualitas beatitudinis. 2. in quo consistat. 3. quod sit eius fundamentum.

SED SUPPOSITA hac veritate de inæqualitate beatitudinis formalis, tria possunt inquiri circa ipsam. *Primum est*, an omnes beati sint inter se inæquales in beatitudine formali. *Secundum est*, in quo consistat hæc inæqualitas beatitudinis formalis. *Tertium*, quæ sit eius radix & causa.

Circa primum. **PALVD.** in 4. d. 4. quæst. 1. articulo 1. videtur insinuare partem affirmatiuam, & eius fundamentum est quod iuxta sententiam **GREGORII** relatum, à **D. THOMA** prima parte quæst. 23. artic. 7. suppresso eius nomine; & habetur apud ipsum homil. 34. in Ezech. homines beati futuri sunt æquales in numero & gradu gloriæ angelis beatis: quare cum Angeli omnes sint inter se inæquales in beatitudine formali, vt colligitur ex doctrina **D. THOM.** 1. p. quæst. 82. artic. 6. sequitur quod omnes homines beati sint futuri inæquales inter se in eadem beatitudine. Et potest aliter hoc fundamentum explicari iuxta aliam sententiam relatum à **D. THOMA**, articulo septimo, supra citato, eorum qui dicebant homines assumi ad beatitudinem ad reparandas ruinas angelorum qui ceciderunt, quare sicut angeli qui ceciderunt si sterissent, habuissent inæquales gradus gloriæ, ita homines qui in eorum locum succedunt, habituri sunt inæquales.

VERVM HÆC sententia quoad eos qui ante usum rationis mortui sunt cum eodem remedio, contra peccatum originale, vt cum baptismo, aut circumcisione, aut martyrio videtur omnino falsa; quia ubi applicatur idem remedium, vt ex parte dispositionum subiecti, nulla potest esse inæqualitas; necesse est sequi æqualem effectum oblationis peccati originalis & infusionis gratiæ: & cum hæc gratia in huiusmodi paruulis non fuerit postea aucta; necesse est, quod semper in eis fuerit æqualis, atque adeo quod in alia vita, respondeat eis æqualis gloria; de adultis tamen nihil certum habemus, quoniam non constat an Deus inæquali vi auxiliorum præueniat & adiuuet singulorum homines sicut de angelis fecisse, docet **DIVVS THOMAS** articulo sexto, supra citato; & motiua, propter quæ solet dici cum **D. THOMA** articulo septimo, supra citato, non esse nobis notum numerum prædestinatorum, possunt deseruire vt etiam fateamur non esse nobis notos gradus gloriæ ad quos sunt prædestinati. Quia tamen **D. THOM.** nullibi posuit hanc inæqualitatem in hominibus sicut in angelis videtur non esse concedendum, & de fundamento alterius sententiæ disputandum est in illo articulo.

ticulo septimo.

CIRCA SECUNDVM est aduertendum quod cum dictum sit beatitudinem formalem consistere in visione Dei, non potest explicari in quo consistat, inæqualitas beatitudinis formalis, nisi explicetur, qua ratione visiones Dei possunt esse inæquales. In visionibus autem potest cõstitui inæqualitas *duplex*. Primo quidem in gradu specifico, ut si aliquis contēderet dari visiones Dei distinctas speciebus etiam in intellectibus eiusdem speciei, cuiusmodi sunt humani, siue detur huiusmodi distinctio propter species representantes diuinam essentiam, quæ possunt esse specie distinctæ ut dixit MARSILIUS in 3. q. 10. ar. 2. in dubio incidenti, in probatione secundæ conclusionis; siue propter infinitatem cognoscibilitatis Dei, ut sub dubio insinauit PALVD. in 4. d. 49. quæst. 5. art. 1. in fine; siue propter aliquam quamcunque rationem. De quo agendum est 1. p. q. 12.

Secundo potest cõstitui inæqualitas in visionibus quoad conditiones individuales, quæ possunt esse aut extrinsecæ, hoc est, extra entitatem ipsius visionis, cuiusmodi sunt reuelationes voluntariæ factæ aliquibus beatis, & gradus dignitatis in quibus aliqui eorum excedunt aliis; aut intrinsecæ hoc est pertinentes ad ipsam entitatem visionis, ex quibus tres possunt in præsentem considerari. Prima est intentio, sumendo intentionem pro conatu potentiz, de qua certum est posse esse maiorem & minorem sicut ipsum conatum. Secunda est penetratio obiecti quæ ab aliquibus appellatur claritas, & est modus proprius cognitionis, & potest esse maior & minor, quia quamuis Deus videatur ut est in se ipso & quoad omnia, quæ sunt in ipso formaliter, ita ut nihil horum lateat videntem, tamen hæc possunt magis & minus penetrari quoad suam virtutem & infinitatem; & cum magis penetrantur dicuntur clarius cognosci. Tertia est extensio ad obiecta, quæ etiam potest esse maior & minor quia potest visio extendi ad plura vel pauciora eorum quæ sunt in Deo, non quidem respectu eorum quæ sunt formaliter, quoniam hæc omnia videntur per quamcunque visionem; sed respectu eorum quæ sunt eminenter, quoniam ex his possunt videri plura per vnā visionem quam per aliam.

§. 9. Declaratur in quo consistit inæqualitas inter beatitudines formales.

ET HOC SUPPOSITO DICO PRIMO, inæqualitas inter beatitudines formales non consistit in inæqualitate in gradibus specificis visionum: PROBATUR PRIMO quia dato quod possint de potentia Dei absoluta esse visiones Dei distinctæ secundum speciem, tamen de facto non sunt. Deinde quia quamuis de facto distinguerentur specie in ratione visionum, & in genere entis non sequeretur quod etiam distinguerentur specie in ratione beatitudinis & in genere præmij, sicut nūmus argenteus & aureus non distinguntur specie, in ratione beatitudinis obiecti respectu avari quamuis in genere entis distinguantur, & sicut quamuis à Theologis constituantur essentia beatitudinis formalis in rebus distinctis specie in genere entis, scilicet in visione aut in amore, aut in aggregato ex utroque actu, non sequitur ex eorum sententijs, quod beatitudines formales sint inter se specie distinctæ.

A DICO SECUNDO: Hæc, inæqualitas non consistit in inæqualitate cõditionum quæ sunt extra entitatem visionis: Hoc assero contra DURAN. qui in 4. d. 49. quæst. 2. n. 27. occasione cuiusdam argumenti, refert oppositam sententiam, & non improbat eam, quamuis statim proponat aliam solutionem quam dicit esse meliorem & securiorem. Probatur quoniam alias sequitur quod in ipsa beatitudine essentiali, non sit inæqualitas, quoniam huiusmodi conditiones sunt omnino extra eam, & non pertinent ad consecutionem summi boni in qua ipsa consistit; Item quoniam in illis reuelationibus potest qui est minus beatus, excedere eum qui est magis beatus.

DICO TERTIO, neque etiam consistit in inæqualitate intentionis quatenus nullo modo importat inæqualitatem ex parte obiecti, sed tantum ex parte persone magis aut minus conantis; neque in inæqualitate extensionis respectu eorum quæ sunt in Deo eminenter. Probatur utraque pars quia beatitudo consistit in visione quatenus est consecutio summi boni, ergo inæqualitas beatitudinis consistit in inæqualitate visionis quatenus est consecutio summi boni: sed inæqualitas intentionis aut extensionis in sensu explicato, non est formaliter inæqualitas in consecutione summi boni; quia inæqualitas intentionis stat cū equali cõsecutione obiecti; ut in naturalibus cum inæqualitate ex parte medij, verbi gratia, demonstratiui atque adeo in certitudine & euidētia stat, inæqualis intentio & conatus ex parte personæ, & extensio ad illa obiecta non est formaliter consecutio summi boni, ergo in neutra inæqualitate consistit inæqualitas beatitudinis formalis.

Confirmatur quia summum bonum ut possessum & cognitum beatificat nos obiectiue, ergo non potest intelligi quod efficiamur inæqualiter beati nisi ipsum summum bonum sit aliquo modo inæqualiter possessum & cognitum.

DICO QUARTO. Inæqualitas beatitudinis consistit in inæqualitate penetrationis diuinæ essentia, quatenus ex vi eius prouenit quod visio extendatur ad plures effectus Dei. PROBATUR PRIMO à sufficienti partium enumeratione: Deinde quia huic inæqualitati conueniunt omnia requisita ad inæqualitatem beatitudinis: ut ex singulorum consideratione potest constare.

DICO VLTIMO. Hæc inæqualitas penetrationis inæqualis est modus cognitionis, ut etiam sit modus obiecti; non quidem in genere rei, sed in genere obiecti, & secundum denominationem extrinsecam. Probatur, quia sicut in Deo, esse cognoscibilem ab intellectu creato, cum inæquali penetratione, est modus tenens se ex parte ipsius Dei, ita etiam esse actu cognitum cum inæquali penetratione, est modus tenens se, non solum ex parte cognitionis, quæ est magis penetratiua, sed etiam ex parte Dei, qui est magis penetratus, & perfectius ex parte sua cognitus, & non solum ex parte cognitionis. Ut si formica comprehendatur intellectione angelica & diuina, ex parte obiecti non datur inæqualitas, quamuis detur ex parte intellectionum.

Circa tertium est aduertendum, quod duplex potest assignari radix huius inæqualitatis, una moralis & remota, ad quam pertinent merita, & gratia, & charitas huius vitæ, & de hac intelligitur ratio art. Et altera physica, & proxima, ad quam pertinet virtus proxime elicitiva visionis. Et de priori, quantum attinet ad merita, agit D. THOMAS 1. 2.

quæst. 104. & art. 7. huius quæstionis. Et quantum attinet ad gratiam, & charitatem i. p. quæst. 12. ubi docet lumen gloriæ proportionari charitati cum qua unusquisque decedit ab hac vita. Et de posteriori agit ibidem, & art. 3. huius quæ. ubi nos aliquid dicemus de ea.

ARTICVLVS III.

Verum aliquis in hac vita possit esse beatus?

CONCLUSIO. *Aliqualis beatitudinis participatio in hac vita haberi potest: perfecta autem, & vera beatitudo, que consistit in visione Dei, non potest haberi in hac vita.*

CIRCA secundam partem huius conclusionis, notandum, esse intelligendam secundum legem Dei ordinariam; nam ex diuina dispensatione CHRISTVS manens in hac vita mortali fuit beatus. Et iuxta aliquorum sanctorum sententiam, PAVLVS, & MOYSES, viderunt in transitu diuinam essentiam. Et de tota hac re, videndus est DI. VVS THOMAS i. p. quæst. 12. art. 11. & contra errorem begardorum, & beguinarum negantium hanc partem, videnda sunt quæ supra diximus quæst. 3. in tractatu, de essentia beatitudinis formalis i. p. in explicatione tituli, suppositione secunda.

ARTICVLVS IV.

Verum beatitudo habita possit amitti?

PRIMA CONCLUSIO. *Beatitudo imperfecta, qualis in hac vita potest haberi, siue sit actiua, siue contemplatiua, potest amitti.*

SECUNDA CONCLUSIO. *Beatitudo perfecta qua expectatur post hanc vitam non potest amitti.*

§. 1. *Explicatur sensus Articuli.*

CIRCA titulum nota primo, quod in rigore aliud est beatitudinē formalem non posse amitti, in subiecto in quo est, & aliud, ipsam secundum se esse incorruptibilem; quoniam ad primum satis est, quod subiectum, aut secundum se, aut ratione alicuius status, vel conditionis, postulet quod nunquam ab eo separetur beatitudo; siue ipsa secundum se sit incorruptibilis, siue corruptibilis: ad secundum vero requiritur, quod ipsa beatitudo formalis secundū se sit incorruptibilis. Et quod hæc duo sint valde distincta patet quoniam animæ rationali in hac vita non conuenit quod respectu corporis non possit amitti, & tamen conuenit ei, quod secundum se sit incorruptibilis. Et è contra quantitati cæli non conuenit, quod secundum se sit incorruptibilis, & tamen conuenit quod ei respectu cæli non possint amitti. Et ideo D. THOMAS in titulo artic. consulto quærit. *Verum beatitudo possit amitti?* & non, utrum

sit incorruptibilis aut perpetua?

SECUNDO nota quod cum beatitudo formalis consistat in quadam operatione, ut dictum est quæst. 3. dupliciter potest sumi in titulo huius artic.

PRIMO in ratione operationis, hoc est, quatenus est visio Dei, aut amor. **SECUNDO** in ratione beatitudinis, hoc est, quatenus ei cōueniunt ea, quæ sunt de ratione beatitudinis formalis. Et hoc posteriori modo sumitur in tit. artic. quoniam D. THOM. non agit de natura visionis, aut amoris Dei, sed de ratione beatitudinis ut beatitudo est. Et ita sensus huius tituli est an beatitudo formalis, quam ex præcedentibus supponimus esse visionem Dei, siue secundum se sit incorruptibilis, siue non, postquam semel est habita, possit amitti, vel potius sit inamissibilis.

§. 2. *Error quorundam antiquorum circa perpetuitatem beatitudinis.*

CIRCA SECUNDAM CONCLUSIONEM nota fuisse quorundam antiquorum errorem, neque beatitudinem perfectam vitæ futuræ, neque miseriam futuram esse perpetuam; sed in utraque dari vicissitudines, ita ut & beati post multa sæcula detrudantur in infernum, & miseri damnati à miseria euocentur ad beatitudinem. Hunc errorem S. AUGUST. lib. de hæresibus cap. 43. & D. THO. hoc loco & 3. contragentes cap. 62. tribuunt ORIGENI. Et hoc videtur significare HIERON. in epistola ad AVITVM, quæ inter suas est 59. cū referens quid cauendum sit in libris ORIGENIS perierchōn, dicit eum posuisse; nescio quas transmutationes animarum sanctorum in demones, & è conuerso: Alij tamen contendunt ORIGENEM non habuisse hunc errorem circa beatitudinem, sed alium qui simul pertinebat ad pœnas damnatorum; quoniam asseruit has pœnas aliquando esse finiendas, & ipsos damnatos esse ad beatitudinem euocandos. Et hoc confirmant, quoniam in Concilio antiquis ubi damnati sunt errores ORIGENIS, solum fit mentio huius in hac materia, ut in quinta Synodo generali. Et quamuis in gestis huius Synodi, ut habetur in Tomis Consiliorum, desideretur ea pars, in qua continebatur damnatio huius, & aliorum errorum ORIGENIS; tamen refertur à NICEPHORO lib. 17. Hist. cap. 27. & à PHOTIO Patriarcha Constantinopolitano in Epistola ad MICHAËLEM Bulgaricæ Principem, de septem Concilijs ecumenicis, atque ex hoc factum est, ut recentiores non tribuant hunc errorem ORIGENI, sed eum quem retulimus; ut constat ex PRATEOLO in Elencho hæresum, verbo origenistæ; & ex SANDERRO lib. sept. de visibili Monarchia Ecclesiæ, hæresis 46.

§. 3. *Stabilitur sententia D. Thomæ.*

VERVM quidquid sit de authore huius erroris conclusio D. THO. est certa secundū fidem: si intelligatur secundum legem Dei ordinariam; & de eo quod beatitudini conuenit absolutè, non curando unde, aut secundum quam rationem id habeat. Et probatur, quoniam MATTH. 6. dicitur: *thesaurizare vobis thesaurum in Cælo, ubi neque timea demolitur, de fures effodiunt*: Et hoc est, ubi nullo modo amitti potest; neque quia thesaurus ipse

rus ipse, scilicet beatitudo corrumpatur neque quia ab alio auferatur. APOC. 3. qui vicerit, faciam illum columnam in templo Dei mei, & foras non egredietur amplius, & ECCLESIAST. 11. vbiennque ceciderit lignum, siue ad austrum, siue ad aquilonem ibi erit.

Et hoc idem significatur in omnibus scripturae testimoniis in quibus beatitudo appellatur vita æterna, vt ECCLESIASTICI 24 IOAN. 17. MATTH. 25. & ad ROMA. 6. & in Symbolo dicitur, vitam æternam &c.

Sed quamuis hæc conclusio, in sensu explicato, sit certa: tamen

DVBIVM ESSE POTEST.

Utrum beatitudini semel habita conveniat ex natura sua esse inamissibilem, vel potius ex dono Dei conservantis ipsam in perpetuum?

ET ut constat ex tituli explicatione, potest hoc dubium dupliciter intelligi, scilicet aut de ipsa beatitudine secundum se, aut ratione subiecti in quo est. Et rursum utroque modo potest adhuc intelligi aliis duobus modis, Primo de beatitudine considerata, non vt est beatitudo, sed vt est talis operatio, scilicet visio Dei, aut amor. Et secundo de ipsa beatitudine considerata, quatenus est beatitudo formalis, perfecta, & ultima. Et quamuis ad hunc articulum propriè solum pertineat agere de beatitudine quatenus est beatitudo, quoniam de ea quatenus est visio Dei, aut amor, solet disputari i. p. quæst. 10. occasione specierum durationis, & mensurarum ipsis convenientium & quæst. 12. vbi agit D. THOM. de natura & proprietatibus visionis diuinæ essentia, vt visio est; tamen vt melius intelligatur hæc res, non nihil dicemus de beatitudine secundum utramque rationem.

§. 1. Resolutio questionis.

DICO PRIMO *Visio Dei considerata præcise quatenus est talis operatio, neque secundum se, neque ratione sui subiecti, habet ex propria natura, quod semel habita non possit amitti.* Hoc assero contra SOTVM in 4. d. 49. quæst. 3. artic. 4. Conclusionem secundam quam ab aliquibus connumeratur CAIE. in hoc articulo, sed immerito; quoniam aperte loquitur solum de visione quatenus est beatitudo, vt statim dicam. Et in hoc conveniunt SCO. in 4. d. 49. quæst. 6. §. hic duo sunt: parum ante finem & §. dico ergo. DVLAM. ead. d. & quæst. numero 5. & 6. & OKAM. in 4. quæstione ultima post articulum quartum in solutione textæ dubitationis. Verum aliqui dicunt SCOTVM immerito citari pro hac sententia, quoniam in priori loco dicit, posse concedi visionem beatificam esse incorruptibilem sicut angelos & cælos: quia licet possit desinere esse per annihilationem, Deo subtrahente influxum necessarium ad eius conservationem, non potest destrui à contratio vel ab aliqua causa creata. Et ita concedit visionem esse incorruptibilem per causas crea-

tas, quod licet iuxta eius sententiam non sit satis, vt dicatur simpliciter, & absolute incorruptibilis, tamen iuxta sententiam D. THOM. & veritatem. satis est, vt ostendi solet i. p. quæst. 10. & in materia de angelis in principio.

Sed isti decipiuntur, quia licet SCOTVS dicat visionem convenire cum angelis, & corporibus celestibus in hoc, quod non potest corrumpi à contrario, nec destrui ab aliquo agente creato extrinseco; tamen postea dicit differre, quia potest desinere esse per potentiam, quæ est in suo principio intrinseco, & proprio, quod est intellectus, ad cessandum ab ea: quoniam intellectus, neque ratione propria inclinationis, neque ratione habitus superadditi, scilicet luminis gloriæ est determinatus ad eliciendum visionem, neque ad permanendum in ea.

Imo addit visionem quoad exercitium pendere ab imperio voluntatis applicantis intelligentiam, memoriæ obiecti ipsius visionis, hoc est, facientis vt intellectus eliciat actum circa obiectum cuius habet speciem, vel aliquid quod habeat rationem speciei; quoniam per memoriæ, intelligit intellectus cum specie, vel eo quod habet vicē speciei, quod in Schola ARIST. & D. THOM. appellatur intellectus in actu. Et ideo sicut apud ipsum huiusmodi imperium est liberum & contingens, ita etiam applicatio intellectus ad videndum, & ipsa visio est contingens, & libera: & postquam incepit esse, potest inapè natura desinere esse; & ex consequenti amitti.

Et probatur hæc conclusio quoad utramque partem: quia principium proximum huius visionis, neque secundum se, neque ratione sui subiecti habet ex natura rei quod non possit desinere esse. Ergo similiter, ipsa visio neque secundum se, neque ratione sui subiecti, habet ex natura rei quod non possit desinere esse; & ex consequenti amitti.

Consequenter patet, quoniam actio *visio*, præsertim quantum ad contingentiam, & mutabilitatem, aut necessitatem, & immutabilitatem in suo esse, habet dependentiam intrinsecam, & per se à suo principio proximo, ita vt dicatur contingens, aut necessaria simpliciter, & non solum ex suppositione, per ordinem ad huiusmodi principium. Et antecedens probatur, quia principium proximum huius visionis est intellectus, vt eleuatus per lumen gloriæ, & constitutus in actu primo per essentiam diuinam, tanquam per speciem intelligibilem: sed totum hoc, scilicet intellectus ita eleuatus, & constitutus in actu primo, neque secundum se, neque ratione sui subiecti, scilicet hominis, aut angeli, habet ex natura rei, quod non possit desinere esse. Ergo principium proximum visionis neutro modo habet ex natura rei non posse desinere esse. Probatur ista *minor* quia in primis quod intellectus sit eleuatus per lumen gloriæ, & idem est de constitutione in actu primo per essentiam diuinam, non est ex natura rei debitum conservari in perpetuum, neque ad unam horam; aut aliquam certam durationem, neque ratione ipsius principij constituti per talem eleuationem, neque ratione sui subiecti: quod sic probetur.

Intellectus creatus non postulat ex propria natura conservationem luminis gloriæ in ipso, quoniam lumen gloriæ est ipsi supernaturale, non solum quoad fieri, sed etiam quoad conservari. Ergo huiusmodi conservatio non est debita, ex natura rei,

principio

principio constituto ex intellectu, & lumine gloriæ.

Dices hoc argumento solum probari, non esse debitam conseruationem luminis huic principio ex parte intellectus, non tamen non esse debitam ex parte ipsius luminis.

Sed contra, quia cum accidentis esse sit inesse, non est iudicandum ex parte ipsius accidentis, an conseruatio talis esse sit debita, sed potius ex parte subiecti, cui tale accidens attribuitur.

Confirmatur primo, quia ex parte subiecti iudicatur, an aliquod accidens sit naturale vel supernaturale. Ergo etiam ex parte eiusdem subiecti est iudicandum, an eius conseruatio sit debita, vel non debita. *Confirmatur secundo*, quia esse luminis gloriæ in intellectu, non est debitum quantum ad fieri. Ergo neque quantum ad conseruari.

Pars consequentia: quia vniuersaliter valet tam affirmatiue, quam negatiue in accidentibus, quia non sunt per se entia, sed entis entia. *Ubi quia* Soli est lux debita quoad fieri, etiam est ipsi debita quoad conseruari, quamdiu sol ipse permanferit; & idem est de quantitate, & figura circulari respectu corporis celestis.

Et è contra: quoniam aliquibus partibus cæli, non est debita lux quo ad fieri, bene sequitur quod neque eis sit debita quo ad conseruari. Et idem omnino argumentum cum suis confirmationibus potest fieri de subiecto principali huius principij proximi; scilicet, de homine, aut angelo, quia etiam hoc subiectum, non postulat conseruationem principij proximi visionis, neque ex propria natura, neque ratione eleuationis ad statum aliquem immutabilem; quia non est necesse eleuari subiectum ad talem statum, ex eo præcisè quod eleuetur ad visionem Dei, præcisè quatenus est visio, & non beatitudo.

§. 2. Inferuntur nonnulla ex prædictis.

Ex his sequitur primo, quod quamuis conueniamus cum Scoto in cōclusionē, dissentimus in ratione, quia non dicimus rationem potentiam in visione ad non essendum, siue ad corruptionem esse, quod principium proximum ipsius non sit determinatum ad eliciendum eam, saltem ratione habitus; scilicet, luminis gloriæ: sed quod huiusmodi principium potest desinere esse, non solum per potentiam Dei ad subtrahendum influxum necessarium ad eius conseruationem; sed etiam per potentiam quæ est in ipso ad non esse.

Secundo sequitur, quod idem est censendum, quantum ad hoc, de visione siue procedat ab intellectu eleuato per lumen gloriæ, & constituto in actu primo, immediatè per ipsam essentiam diuinam habentem rationem speciei intelligibilis; sicut secundum legem Dei ordinariam procedit; siue ab intellectu eleuato per auxilium actualē, & constituto in actu primo, per speciem representatiuam Dei, ut est in seipso: sicut per potentiam Dei absolutam posset procedere, saltem quantum ad auxilium, quia quantum ad speciem representatiuam Dei, maior est difficultas an sit possibilis per potentiam Dei absolutam. *Et probatur*, quoniam eadem argumenta possunt fieri, ad probandum principium proximum visionis posse desinere esse, siue tale principium sit intellectus ut eleuatus, & constitutus in actu primo, secundum priorem modum, siue secundum posteriorem.

§. 3. Proponitur & soluitur obiectio Scoti.

Sed contra hanc cōclusionem obicit Scotus rationes D. THOMÆ in articulo præterea, quod species à qua hæc visio procedit est essentia diuina, atque proinde sicut essentia diuina est ex natura rei immutabilis, & incorruptibilis, ita etiam visio, quia illi sequitur naturam speciei per quam produciuntur. Sed rationes D. THOMÆ non obstant, quia intelliguntur de visione ut est beatitudo, & non ut est visio, ut statim dicam. Neque etiam obstat id quod obicitur de essentia diuina, quia licet secundum se sit incorruptibilis, potest desinere esse in ratione speciei intelligibilis, quia potest non esse unita intellectui per modum speciei, siue vlla sui mutatione, aut corruptione.

DICO SECUNDO. visio, quatenus est beatitudo formalis, habet ex natura rei quod sit inamissibilis, & quod non possit desinere esse: non solum ex parte subiecti, sed etiam secundum se, & secundum propriam rationem formalem. Contrarium huius cōclusionis asserunt SCOTVS DVAN. & OKAM locis citatis pro præcedenti cōclusionē, sed sequuntur eam expressè D. THO. hoc loco & 1. p. quæst. 10. arti. 5. ad 1. & 3. contra Gentes cap. 62. Et eisdem locis CAIE. & FERRAR. *Et probatur* satis efficaciter duabus rationibus D. THOMÆ in hoc articulo quarum prior est huiusmodi: Beatitudo ex propria ratione habet, quod sit bonum perfectum, & sufficiens; & ex consequenti, quod quietet desiderium hominis, & excludat omne malum: sed homo naturaliter desiderat retinere bonum quod habet, & consequi securitatem, quod illud retinebit, quia si careat hac securitate, necesse erit quod affligatur, vel timore amittendi, si sit dubius an amittet: vel dolore de certitudine amissionis, si sit certus quod amittet: Ergo ad veram beatitudinem requiritur, quod homo habeat certam opinionem, quod nunquam amittet bonum quod habet, scilicet ipsam beatitudinem.

Et de hac opinione inquiri potest, an sit vera vel falsa, si est vera: sequitur quod ita erit in re, scilicet, quod homo nunquam amittet beatitudinem quam habet: si autem est falsa: sequitur quod homo non habeat perfectam beatitudinem; quia de ratione perfectæ beatitudinis est, quod excludat omne malum, & hæc non excludit falsam opinionem, quæ est quoddam malum intellectus.

Et confirmatur, quoniam S. AUG. lib. 12. de CIVIT. cap. 20. utens hac ratione. *Scilicet dicit: quid illa beatitudo falsitas, arguit fallaciam: ubi nos futuros miseros, aut in tanta luce veritatis nesciamus, aut in summa felicitatis ære timeamus.*

§. 4. Proponuntur aliqua argumenta contra primam rationem D. Thomæ.

Sed contra hanc rationem obicitur primo, quia maior est falsa, nam in primis, animæ beatæ desiderant unionem cum corporibus, atque adeo habent hoc desiderium non satiatum: Et præterea beatitudo essentialiter iuxta sententiam D. THOMÆ quam superius explicuimus, consistit in visione: & tamen alia sunt bona præter visionem, quæ beatus potest appetere, ut delectatio, cognitio creaturarum & similia.

Secundo

Secundo obicitur quia ex *præmissis* huius rationis solum potest concludi, pertinere ad veram beatitudinem quod in beato sit securitas non amittendi beatitudinem, non autem, quod sit in eo opinio certa, qua iudicet non esse amissurum eam: quoniam illa securitas, non est *formaliter* notitia certa, sed carentia timoris, neque requirit talem notitiam, quoniam ut quis careat timore alicuius mali; non est necesse quod iudicet, non esse euenturum sibi tale malum, sed satis est quod non iudicet oppositum.

Tertio obicitur, quia quamvis ex *præmissis* possit colligi, convenire beato prædictam opinionem certam, non concluditur intentum, scilicet, quod beatitudo sit *ex natura rei* inamissibilis, quoniam, ut beati habeant illam certam opinionem, satis est, quod cognoscant Deum decrevisse conservare beatitudinem unuscuiusque in perpetuum; quamvis ita conservari, non sit ipsi debitum secundum suam naturam, & decretum diuinæ voluntatis esse omnino immutabile.

§. 5. Satisfit argumentis propositis.

AD PRIMUM responderetur cum CAT. in hoc art. nō esse de ratione beatitudinis, quod per ipsam *formaliter*, & seculis omnibus aliis, expleat omne desiderium; sed satis esse, quod id præstet per seipsam *formaliter*, quantum ad aliqua; & quantum ad alia, per seipsam *radicaliter*, aut virtualiter, hoc est, medijs alijs quorum est radix; & hoc vel statim à principio, vel saltem pro tempore à Deo statuto, & determinato.

AD SECUNDUM responderetur negando, quod ex *præmissis* huius rationis, non colligatur pertinere ad veram beatitudinem quod in beato sit certa opinio non amittendi eam.

Et ad probationem dicendum est: quod *duplīter* potest aliquis habere securitatem de retentione alicuius boni. *primo imperfecte*, & quasi mortuo modo, ut si nihil cogitet de eare, sicut dicere solemus, eos qui nimium adhærent rebus caducis, esse valde securos de possessione earum, non quia sint certi nō esse amissuros eas, sed quia nihil cogitant de hoc, & ideo etiam nihil timent. *Secundo perfecte*, & quasi vitali modo, ut ex advertentia circa bonum quod possidet, & modum possidendi, reddatur securus de eius retentione, & in hac probatione fit sermo de *priori*, securitate; ratio **VERO** **DIVI THOMÆ** intelligitur de *posteriori*, quoniam securitas beatorum debet esse perfectissima.

Quare securitas hæc beatorum, de qua loquitur D. THO. non est actus elicitus à voluntate circa Deum, sub ratione qua est ens summe arduum, quo excludatur omnis timor: ut putavit RICAR. in. 4. d. 49. art. 3. quæst. 7. neque etiam est *formaliter* notitia certa, qua beatus certo scit Deum velle suam beatitudinem continuari sine interruptione, ut existimavit OKAM loco citato pro præcedenti conclusione; sed est carentia timoris, fundata in vera, & certa existimatione nunquam amittendi beatitudinem, quare ex parte sue rationis *formalis* pertinet ad voluntatem, sicut timor cui opponitur: & ex parte *fundamenti*, à quo procedit, ad intellectum.

AD TERTIUM, responderetur negando quod hæc ratione non concludatur intentum, scilicet, beatitu-

A dinem *ex natura rei*, esse inamissibilem, quoniam nō colligitur pertinere quomodo cumque ad veram beatitudinē, quod beatus habeat hanc certā existimationē; sed ita ut beatitudo ex propria ratione *formali*, scil. quia est bonum sufficiens ad sariandum omnem appetitum, id postulet. Et ex hoc bene sequitur, quod etiam postulet beatitudo, ex propria ratione *formali*, omnia quæ per se, & immediate requiruntur ad veritatem huius existimationis, quare cū potissimum inter hæc sit obiectum talis existimationis, scilicet, ipsam beatitudinem conservari in perpetuum à Deo; sequitur quod beatitudo ex propria ratione *formali* postulet ita conservari: & ex consequenti quod in perpetuum conservari, sit ipsi debitum, & conveniat ipsi *ex natura rei*: quia quod aliquates ex propria ratione *formali* postulat, dicitur ipsi debitum, & convenit ipsi *ex natura rei*.

B *Etia* si quæras unde habeant beati hanc certam existimationem, non est respondendum, quod habent eam *præcisè* ex cognitione determinationis diuinæ voluntatis, ad conservandum in perpetuum eorum beatitudinem, & immutabilitatis talis determinationis, quoniam hanc determinationem posset habere Deus, respectu rei quæ non esset ex natura rei incorruptibilis, sed quod habent eam ex cognitione, *tamen* illius determinationis diuinæ voluntatis, *tamen* etiam naturæ propriæ beatitudinis, quam vident esse talem, ut ex propria ratione postulet conservari in perpetuum, sicut ex cognitione utriusque circa naturam angelicam, habent certam existimationem quod sit ex natura rei incorruptibilis.

Et si ulterius quæras, qua ratione beati hoc cognoscant de sua beatitudine? Respondebit tibi D. THO. 3. contra G. ca. 62. ratione tertia. ubi inquit, quod sicut beati videndo diuinam substantiam, cognoscant etiam alia quæ naturaliter sunt: ita etiā & multo magis cognoscunt qualis sit illa visio, utrum perpetua, vel aliquando delitura.

§. 6. Proponitur secunda ratio D. Thomæ pro perpetuitate beatitudinis.

C **SECUNDA RATIO** **D. THOMÆ** pro hac conclusione, sumitur ex ratione beatitudinis in particulari, scilicet, *quatenus* consistit in visione Dei, & est huiusmodi: Beatus non potest amittere hæc beatitudinē propria voluntate, scil. quia velit non videre diuinam essentiam, nec Deo illam subtrahente, nec virtute alterius agentis creati, aut creabilis: ergo nullo modo potest eā amittere. *Consequentia* patet, quoniam in *antecedenti* enumerantur omnes modi quibus hæc beatitudo posset amitti.

Et *antecedens* probatur, quia in primis non potest eam amittere *primo modo*, quia nemo potest vel le desistere ab aliquo actu, nisi quis *aut* est insufficiens ad explendum appetitum, & quæritur aliquod sufficientius loco eius *aut* habet adiunctum aliquid incommodum ratione cuius habetur fastidio: neutrum vero potest dici de visione beatifica; quia neque est bonum insufficiens, sed potius replet animam omnibus bonis, cum coniungat ipsam fontem totius bonitatis; neque habet aliquod incommodum adiunctum, quia nihil requiritur ad eam quod vel beatum priuet aliquo bono, vel afferat ei aliquod damnum. Et utrumque probat D. THOM. testimonijs scripturæ.

Neque etiam potest eam amittere, secundo modo, quia subtractio beatitudinis est quædam pœna, & pœna non indigitur a iusto iudice, cuiusmodi est Deus nisi ob culpam, quam tamen beatus non potest committere; quia ad visionem diuinæ essentiae necessario sequitur rectitudo voluntatis, ut ostensum est quæstione præcedenti art. 4.

Neque tandem potest eam amittere tertio modo, quia mens Deo coniuncta per visionem beatificam, supra omnia agentia creata eleuatur, & ideo ab huiusmodi coniunctione non potest excludi actione alicuius agentis creati.

§. 7. Obiectiones contra secundam rationem
D. Thomæ.

SED CONTRA hanc rationem argumentor primo quia in antecedenti non referuntur omnes modi quibus beatitudo formalis potest amitti, quod sic probatur, potest amitti ex parte subiecti, quia quamuis secundum se sit incorruptibilis, potest desinere esse subiectum visionis; quia inter animam consideratam ut subiectum, & visionem consideratam ut actum eius, non est necessaria connexio, ergo datur alius modus quo possit amitti beatitudo. Probatur antecedens, quia ut alij actus, & habitus animæ nostræ, siue sint naturales, siue supernaturales, in via possint desinere esse ex parte subiecti, satis est, quod anima in ratione subiecti possit desinere esse, quamuis secundum se sit incorruptibilis.

Secundo argumentor, quoniam beatus potest velle carere visione beatifica, ergo potest amittere beatitudinem propria voluntate. Probatur antecedens, tum quia exercitium visionis beatificæ non est summum bonum, ergo non necessitat voluntatem ad volendum ipsum, & ex consequenti potest voluntas habere actum nollitionis circa ipsum: quoniam voluntas à nullo obiecto necessatur simpliciter, & seclusa omni suppositione, præterquam à summo bono, tum etiam quia sunt quidam casus, in quibus voluntas potest velle carere visione Dei, primus est, si Deus conferat alicui visionem ad horam, & reueler ei quod non est amplius duratura. Secundus est, si voluntas absoluta velit, quod voluntas beati eliciat hunc actum, volo carere visione beatifica, aut præcepto eam obliget ad hoc; & tam voluntatem tuam quam præceptum ei manifestet.

TERTIO ARGUMENTOR, quia rationes quibus probatur, quod visio, quatenus est beatitudo, sit inamissibilis tribus modis enumeratis in antecedenti, habent eandem vim, respectu visionis, quatenus est visio. Ergo vel visio, secundum istam rationem est inamissibilis, vel ratio hæc non est efficax, ad id conuincendum de visione quatenus est beatitudo. Probatur antecedens quantum ad rationem primi modi, quia visio ut visio, coniungit animam hominis cum fonte totius bonitatis; & nullum habet incommodum adiunctum: ergo voluntas videntis Deum, non potest velle carere visione Dei quatenus visio est. Et quantum ad rationem secundi, quia etiam subtractio visionis, quatenus est visio haberet rationem pœnæ, sicut subtractio cuiusque doni gratiæ, quod semel sit datum alicui, habet rationem pœnæ, & non fit nisi ob culpam; quæuis non fuerit datum in præmium: ut patet in subtractione primæ gratiæ habitualis. Et denum, quantum ad rationem tertij probatur, quia etiam mens, ut coniuncta Deo

per visionem, quatenus est visio, & non beatitudo, eleuatur supra omnia agentia creata.

§. 8. Soluuntur obiectiones propositæ.

AD PRIMUM respondetur quod illum modum amissionis comprehendit D. Tho. sub secundo, qui est per subtractionem diuinæ concursus, quoniam intellectus non potest alio modo desinere esse subiectum visionis aut luminis.

AD SECUNDUM respondetur primo, quod quidquid sit de antecedenti, potest negari consequentia; quia visio beatifica neque quantum ad fieri, neque quantum ad conseruari subicitur libertati voluntatis.

Secundo respondetur, negando antecedens, si intelligatur de visione beatifica secundum naturam rei. Et ad primam probationem respondetur, quod quamuis exercitium visionis beatificæ non sit summum bonum, est eius adeptio: & hoc est satis ut necessiter voluntatem ad volendum ipsum, saltem quantum ad specificationem, hoc est, quantum ad hoc, quod si elicit actum circa ipsum, talis actus debeat esse volitio & non possit esse nollitio, aut volitio cærendi eo. Vtrum verò necessiter etiam voluntatem, quantum ad exercitium volitionis, ita ut voluntas beati non possit suspendere actum volitionis, circa ipsum exercitiū visionis beatificæ? dictum est quæ præcedenti art. 1 & explicatur à FERR. 3. contra Gentes c. 61.

Et ad secundam probationem dico in primis, quod nullus ex illis casibus est admittendus secundum legem Dei ordinariam. Vide de his casibus CAPRE. in d. 1. q. 3. art. 3. ad argumenta contra quartam conclusionem.

Deinde dico quod in primo casu non fit sermo de visione, quatenus est beatitudo, sed quatenus est visio: quoniam beatitudo ex propria ratione postulat, quod communicetur inamissibiliter. Et in secundo casu fit sermo, facta suppositione extrinseca voluntatis diuinæ, aut præcepti, cum quo stat, quod considerata rei natura, sicut nos loquimur, sit verum id quod dicimus.

Est autem aduertendum aliquos negare quod in hac materia sit admittenda suppositio illius voluntatis diuinæ, aut præcepti, quia obligaret ad id quod inuoluit repugnantiam, scilicet, quod aliquis velit non esse beatus. SED CONTRA eos obijci potest: quod quamuis absolute hoc repugnet, tamen ex suppositione quod Deus id velit, aut præcipiat, non repugnat: quia charitas inclinat ad eligendum obedire Deo, & quod impleatur eius voluntas, etiam cum amissione proprii comodi in quacunque materia. Cæterum in hoc casu, voluntas Dei, aut præceptum non obligaret ad volendum suspendere visionem Dei, quoniam hoc non est possibile per voluntatem beati, sed ad volendum pati carentiam visionis causatam à Deo.

AD TERTIUM respondetur, quod in primo modo est aliquod discrimen: quoniam visio Dei, quatenus est visio, non coniungit summo bono inamissibiliter, nec ita ut expleat omnem appetitum; quia visio, ut est visio, non postulat ex natura rei gloriam corporis, nec extractionem hominis ab eo statu, in quo indiget multis, quæ neque habet per visionem, neque potest consequi ipsa durante. Et in secundo modo est apertum discrimen: quoniam subtractio

visionis

visionis non habet rationem pænæ, neque debet fieri solum ob culpam; quia ipsa visio neque datur ut premium, sicut *quatenus* est beatitudo, neque, ut conservanda, quamdiu ex parte nostra non fuerit appositum impedimentum peccati mortalis, sicut prima gratia. Et ita subtractio visionis in S. PAVLO non fuit facta in pœnam, neque ob culpam aliquam.

ARTICVLVS V.

Verum homo per sua naturalia possit acquirere beatitudinem?

PRIMA CONCLUSIO. Homo potest per sua naturalia acquirere beatitudinem imperfectam, qua in hac vita haberi potest.

SECUNDA CONCLUSIO. Neque homo, neque aliqua creatura potest per sua naturalia consequi beatitudinem perfectam, qua consistit in visione diuine essentie.

§ 1. Notanda circa titulum articuli & conclusiones.

Circa titulum notandum est, quod (sicut dixi in explicatione tituli art. primi huius quæstionis) verbum *acquirere*, quod est idem cum verbo, *consequi*, ibi posito; non sumitur, pro *præstare omnia*, quæ tanquam media requiruntur in via ad acquirendum beatitudinem; quoniam de hoc agit D. THO. art. 7. huius quæstionis: sed pro *habere operationem*, quæ est adeptio summi boni, & beatitudo formalis. Et ita sensus est, Vtrum homo possit viribus naturæ habere huiusmodi operationem, an vero ad hoc indigeat aliquo auxilio supernaturali.

Circa primam conclusionem notandum est non esse intelligendam *absolute* de omni beatitudine viæ; sed solum de illa, quam philosophi ducti lumine rationis naturalis cognouerunt; nã de supernaturali imperfecta; quæ in hac vita potest haberi, certum est non posse acquiri viribus naturæ; sed requiri auxilium naturale ad eliciendum operationes in quibus consistit.

Circa secundam conclusionem notandum primo: quod sic *absolute* proposita, est certa secundum fidem, & est definita in concilio VIENENSI contra BEARDOS, & BEGVINAS, qui asserabant, *quod qualibet intellectualis natura in seipsa naturaliter est beata; quod anima non indiget lumine gloriæ ipsam eleuante ad Deum videndum, & eo beate fruendum*. Et refertur totus hic error, cum eius damnatione facta à concilio in Clementina, ad nostrum de hæreticis.

Dico autem conclusionem hanc, ut proposita est, esse certam secundum fidem, quoniam ex eo quod totus hic error dānetur, duo colliguntur ut definita; *Primum est*, quod nulla intellectualis natura habet ex natura sua esse beatam; *Alterum est*, quod anima ad videndum Deum, & eo beate fruendum indiget lumine gloriæ eleuante ipsam. Et ex his apertè sequitur, quod anima non habet esse beatam beatitudine, quæ consistit in visione Dei, per naturam suam, siue ita, ut beatitudo sit aut intrinseca animæ secundum suam naturam per identitatem, vel alio modo, aut connaturalis per modum proprietatis resultantis ex ea; siue ita ut quauis sit extrinseca, & omnino accidentalis, tamen habeatur, & acquiratur facultate naturalis ipsius animæ: sed indiget lumine gloriæ eleuante

A ipsam ad habendum talem beatitudinem. Et hoc est quod significatur per conclusionem *absolute* sumptam: quamuis non dicatur in ea exprèsse, illud quod præter naturalia requiritur, esse lumen gloriæ, sicut dicitur in concilio.

Secundo notandum est, quod quamuis sit certum secundum fidem, non sufficere naturalia, sed requiri lumen gloriæ eleuans animam, ad habendum hanc beatitudinem; tamen duo possunt circa hoc inquiri, in quibus neutra pars est adeo certa: *Primum est*, quid sit hoc lumen? hoc est, an sit aliquid præsuppositum ex parte potentie ad ipsam beatitudinem, siue per modum habitus infusi, siue per modum auxilij; vel potius sit ipsa visio supernaturaliter infusa à Deo, siue simul procedat efficienter ab intellectu creato, siue non; aut aliquid realiter identificatum cum ipsa, cuiusmodi est concursus, & influxus immediatus Dei in ipsam visionem; de quo certum est non distinguere realiter ab ea. *Secundum est*, dato quod sit aliquid præsuppositum ex parte potentie ad visionem: quomodo eleuet intellectum ad videndum? hoc est, vtrum eleuet tanquam *virtutis actiua* ad eliciendum visionem, vel potius tanquam *virtutis passiuæ* ad recipiendum eam; aut tanquam *dispositio*, aut tanquam *potentia receptiua*, aut totalis, aut partialis constituens cum intellectu vnam integrā, & totalem, vel vtroque modo?

Dico tamen neutram partem in his duobus esse certam secundum fidem; quoniam qualibet earum data, possunt explicari iuxta eam verba, quæ ex concilio retulimus, quamuis non cum tanta proprietate iuxta quemlibet.

Et si quæras, quomodo, dato quod lumen gloriæ sit ipsa visio, aut concursus realiter identificatus cum ipsa, saluetur, quod per ipsum eleuetur intellectus ad videndum Deum? *Respondetur*, quod intelligitur de eleuatione per *formam* supernaturalem, ad effectum formalem talis formæ; ita ut sensus sit, quod intellectus eleuatur per visionem, tanquam per formam supernaturalem, ad videndum, hoc est, ad hoc ut sit actu videns.

Tertio notandum, quod quamuis vtrique pars in his duobus dubijs possit defendi sine nota hæresis, aut erroris, propter rationem assignatam; tamen rarius, & magis consentaneum est prædictæ definitioni Concilij, asserere quod lumen gloriæ sit habitus infusus intellectui, & præsuppositus ante visionem, tanquam virtus actiua constituens eum in actu ad eliciendum ipsam visionem; siue simul concurrat etiam *materialiter* ad recipiendum eam aliquo ex modis supra relatis, siue non. Quoniam magis consentaneum est doctrinæ conciliorum, asserere, quod visio beatifica sit operatio producta efficienter ab intellectu beati, ut probauimus in tractatu de essentia beatitudinis formalis. Et 1. p. q. 4. conclusione 2. ergo cum hæc visio sit supernaturalis, necessarium est præsupponi ex parte intellectus, virtutem supernaturalem ad eliciendum eam. Et vltèrius hæc virtus debet habere rationem habitus, quoniam si in via, (iuxta doctrinam Conciliorum) intellectus & voluntas ad eliciendum actus supernaturales, perficiuntur per habitus supernaturales infusos, ergo maiori ratione debent ita perfici in patria, propter maiorem perfectionem statum. Et cum sit consentaneum verbis CONCILII VIENNENSIS superius propositis, quod per lumen eleuans ad videndum Deum intelligatur huiusmodi virtus, ut dixi loco citato; sequitur quod etiam sit

magis contentancum suæ definitioni, quod lumen gloriæ sit habitus supernaturalis infusus intellectibus beatorum, & eleuant eos ad eliciendum actum visionis beatificæ. Quare negare hoc post illam definitionem concilij, videtur parum tutum in fide, & periculosum; & hæc omnia, quæ nunc præsupponimus, sunt latius discussa 1. p. q. 12. art. 5. contra DURANDUM in 4. d. 49. q. 2. nu. 20. & sequentibus, & SCO. in q. 11. §. respondes ergo ad questionem. Sed his suppositis

DUBIVM EST.

Undum ad hoc, ut intellectus eleuetur per lumen gloriæ ad eliciendum visionem beatificam, præsupponatur in intellectu aliquid virtutis seu potentie actiue respectu ipsius visionis, vel solum potentia passiva ad recipiendum elevationem quæ fit per lumen gloriæ.

§ 1. Sententia prima asserit præsupponi in intellectu, potentiam actiuam naturalem, in ordine ad visionem beatificam, quantum ad communem rationem actus vitalis, & intellectiōis, sed non quantum ad rationem specificam eius prout supernaturalis est?

In hac re inuenio quatuor sententias inter eos qui admittunt id, quod diximus de lumine & de elevatione intellectus ad eliciendum hunc actum quæ formaliter fit per ipsum. Prima est eorum, qui distinguunt in visione rationem communem actus vitalis, & intellectiōis, & rationem specificam visionis Dei & hoc supposito: dicunt duo, Primum est, præsupponi in intellectu potentiam actiuam naturalem in ordine ad visionem quantum ad rationes illas communes, Secundum quantum ad rationem specificam non præsupponi potentiam aliquam actiuam, sed solum passiuam ad recipiendum elevationem quæ fit per lumen gloriæ. Hanc sententiam videtur sequi FARRA 3. contra Gen. c. 54. §. ad primum dicunt, & CAPR. in 4. d. 49. q. 4. art. 3. ad argumēta DURANDI contra 2. conclusionem in solutione primi. Quoniam uterque vt explicet, quæ ratione lumen gloriæ eleuet intellectum ad eliciendum visionem, virtutem hoc exemplo; species v. g. lapidis, est intellectui ratio agendi, ad eliciendum determinate intellectiōnem lapidis, & non ad eliciendum absolute actum vitalem aut intellectiōnem, quoniam præsupponit in ipso intellectu sufficientem rationem agendi, quantum ad hoc; sic etiā lumen gloriæ eleuat intellectum sicut ratio agendi respectu visionis, quantum ad gradum eius specificum, secundum quem est visio Dei, & non quantum ad gradum communem, secundum quem est actio vitalis, & intellectiō, quia quantum ad hoc supponit in intellectu sufficientem virtutem actiuam.

Fundamentum huius sententiæ quantum ad priorem partem est, quod intellectus in ratione virtutis actiue vitalis, & in ratione potentie intellectiue præsupponitur ad elevationem quæ fit per lumen gloriæ; ergo absolute præsupponitur in ratione potentie actiue ad eandem elevationem respectu visionis Dei, quatenus est actio vitalis & quatenus est intellectiō; consequentia, patet quoniam actio vitalis quatenus vitalis est, saltem ex natura sua, postulat produciā virtute actiua vitali; & similiter intellectiō quatenus intellectiō est postulat produciā a potentia intellectiua: & antecedens pro-

bat, quoniam lumen gloriæ, neque est formaliter vitale, neque potentia intellectiua: ergo neque constituit intellectum in ratione virtutis actiue vitalis, neque in ratione potentie intellectiue.

Et fundamentum quoad posteriorem est, quod visio Dei quantum ad rationem specificam, quæ est visio Dei, est intrinsece supernaturalis, (vt nunc supponitur ex magis recepta sententia, ergo non est secundum suam naturam apta dimanare a virtute actiua naturali; quia id dicitur per se supernaturale quod non est secundum suam naturam aptum fluere a principiis naturæ: quare cum tota virtus actiua, quæ est in intellectu antecedenter ad elevationem quæ fit per lumen gloriæ, sit naturalis, bene sequitur quod non sit in intellectu antecedenter ad hanc elevationem aliqua virtus actiua, respectu visionis Dei quantum ad gradum specificum quo est visio Dei.

§ 2. Asserit secunda sententia præsupponi in intellectu prius quam eleuetur ad videndum Deum, quandam virtutem actiuam partialem, partialitate causæ, non solum quoad gradus communes prædictos, sed etiam quoad gradum vltimum & specificum, & ex illa & altera virtute partiali, constitui unam totalem.

SECUNDA SENTENTIA est aliorum qui dicunt præsupponi in intellectu antecedenter ad prædictam elevationem quandam virtutem actiuam partialem in ordine ad visionem, non solum quantum ad gradus communes sicut concedunt authores præcedentis sententiæ, quamuis non dicant eam esse partialem; sed etiam quantum ad vltimum & specificum gradum, secundum quem est visio, & ex hac virtute partiali simul cum lumine gloriæ tanquam cum altera virtute partiali, constituitur vnā integram & totalem vim actiuam ad eliciendum visionem secundum omnes gradus & modos intrinsecos suæ entitati. Verum aduertunt virtutes actiue intellectus & luminis gloriæ appellari partiales non partialitate effectus, quia nihil est in visione quod non procedat eorum a qualibet eorum, sed partialitate causæ, quia non sufficit concursus aliquis ex ipsis ad productionem visionis, sed requiritur concursus vtriusque simul Et ad hoc explicandum videntur hoc exemplo, licet duo deferant aliquod pondus dicuntur causæ partiales non partialitate effectus, quia nullus est gradus in tali motu qui non procedat ab vnoquoque deferentium, neque vlla pars in re graui quæ non deferatur ab vnoquoque, sed partialitate causæ, quia quiuis eorum simul cum altero & non sine altero efficit singulos gradus illius motus, & deferit singulas partes ipsius grauis.

Obijcias ex DURAND. in 4. dist. 49. quæst. secunda, num. 21. sequi ex hac sententia quod lumen gloriæ & intellectus vniuntur vt duæ potentie intellectiue partiales ad constituendum vnā totalem, quia semper causæ partiales constituentes vnā totalem, habent virtutes agendi similes & eiusdem rationis vt probatur in exemplo proposito duorum deferentium pondus.

RESPONDENT qui sequuntur eam cum CAPREOLO loco citato, præcedenti sententia, negando sequelam; & ad

proba-

probationem dicunt, bene posse contingere quod causæ partiales conficientes vnā totalem habeant virtutes agendi diuersarum rationum sicut patet in potentia cognoscente & specie obiecti respectu cognitionis: & in potentia, & habitu respectu actus: & quocumque vna pars causæ agentis, eleuat aliam ad operationem supernaturalem, sicut contingit in hoc casu; quoniam lumen gloriæ eleuat intellectum ad visionem supernaturalem, & cum habitus supernaturales eleuant potentias ad actus supernaturales. Hanc sententiam sequuntur RICAR. in 4. dist. 49. artic. 3. quæstione 1. in corpore. DURAN. in 3. dist. 14. numero 6. 9. 11. & 12. quāuis numero 9. influentiam lumen naturale intellectus, quam lumen gloriæ concurrere tantum passiue ad visionem CAIETA 3. par. quæstione 10. artic. 4. circa solutionem ad secundum, vbi ex eo quod visio Dei pendet à virtute naturali intellectus, & à lumine gloriæ, colligit quod præstantior intellectus cum aequali lumine gloriæ videbit Deum perfectius, & MOLINA. prima parte, quæst. 12. artic. 5. disputatione 1. in dubio, an possit fieri potentia diuinā vt intellectus sine lumine videat diuinam essentiam: in explicatione propriæ sententiæ, & postea in solutione ad primum: & art. 6. disputatione.

PROBATVR PRIMO quia intellectus per se, & immediatè & non tantum ratione luminis gloriæ influit in visionem secundum suum gradum specificum, & quatenus supernaturalis est: ergo per se, & immediatè, & non solum ratione luminis, habet vim actiuam respectu visionis ita sumptæ: consequentia probatur quia influxus actualis in effectum, præsupponit vim actiuam respectu talis effectus in principio aut causa influente; quia præsupponit vim ad influendum, & huiusmodi vis est actiua: & antecedens probatur quia de ratione actionis vitalis est, quod procedat à principio vitali vt influente in ipsam: sed visio etiam secundum illam rationem est actio vitalis, ergo procedit à principio vitali, & ex consequenti ab intellectu vt influente in ipsam; probatur maior huius probationis, quia vitalitas actionis consistit in hoc quod procedat à principio vitali & non potest intelligi quod procedat à principio vitali, nisi ipsum principium influat in eam: sicut vniuersaliter quicumque effectus non procedit ab aliquo principio, nisi per hoc quod principium influat in ipsum.

Secundo. Tota virtus actiua respectu visionis, est lumen gloriæ aut partim est lumen gloriæ & partim intellectus secundum se, si dicatur hoc secundum, habetur intentum, scilicet, quod in intellectu sit virtus actiua saltem partialis respectu visionis beatificæ, si vero dicatur primum, sequitur quod intellectus solum concurrat ad visionem sustentando rationem agendi, scilicet, lumen gloriæ, & non influendo in ipsam; probatur sequela, quoniam aqua calida ideo ad calefactionem non concurrat influendo, sed solum sustentando virtutem calefactiuam, quia tota virtus calefaciendi est calor quæ sustentat tanquam eius subiectum: & propter eandem rationem concurrat eodem modo materia prima ad operationes vitales quæ procedant ab anima cuius est subiectum; consequens tamen videtur omnino falsum, quia ex eo sequuntur duo inconuenientia & absurda.

mentia & absurda.

Primum est quod visio beatifica non sit actio vitalis; & quod sequatur hoc inconueniens probatur: quoniam ad vitalitatem actionis non satis est quod procedat aliquomodo à principio vitali, sed requiritur quod procedat ab eo vt concurrente modo vitali, sed quando principium vitale concurret ad aliquam actionem solum sustentando virtutem agendi receptam ab extrinseco, non concurret modo vitali: quoniam hic modus concurrendi communis est rebus viuentibus & non viuentibus: & ita manus calida, quamuis secundum se sit viuens non concurret modo vitali ad calefactionem medio calore recepto ab extrinseco: ergo quando principium concurret ad actionem solum sustentando virtutem agendi sicut in hoc casu concurret intellectus ad visionem, talis actio non est vitalis. Tum etiam quoniam cum anima sit in viuentibus primum principium vitæ, nulla est in eis vitalitas neque quoad supposita, neque quoad operationes quæ non proueniunt ab anima, vel in genere causæ formalis, vel in genere causæ efficientis: sed in isto casu anima non communicat visioni aliquam vitalitatem, neque in genere causæ formalis vt constat, neque in genere causæ efficientis; quia quatenus est principium vitæ, non præbet influxum aliquem ad eam, neque immediatè, neque medio intellectu, aut alia potentia sua: ergo visio Dei non est actio vitalis.

Alterum inconueniens est quod anima media visionem non videat Deum: & quod etiam sequatur hoc probatur, quoniam anima non videt Deum nisi quatenus elicit visionem, sed in isto casu non elicit visionem; quia subiectum non causat media aliqua virtute tanquam principio quo, nisi ex propriis præbeat aliquem concursum in effectum simul cum ipsa virtute, ergo anima beata in hoc casu non videt Deum.

Tertio. Id quod est potètia intellectiua respectu visionis Dei essentialiter, est potètia actiua respectu eiusdè visionis: sed intellectus vt præsupponitur lumen gloriæ est potètia intellectiua respectu visionis Dei, ergo etiam est potètia actiua respectu eiusdè visionis: & ex consequenti antecedenter ad eleuationem quæ fit per lumen gloriæ præsupponitur in intellectu virtus actiua respectu visionis Dei, quia non potest esse aut præsupponi potètia actiua sine virtute actiua, maior videtur nota, quia licet potètia intellectiua concurrat antecedenter & consequenter passiue ad intellectionem, dum mouetur aliquomodo ab obiecto constituyente ipsam in actu primo, & recipit intellectionem productam, tamen essentialiter & primario importat ordinem potètiæ actiue ad intellectionem; & quamuis etiam secundum suam essentiam importaret ordinem potètiæ passiue, ita vt sicut CAI. dicit quod intelligere est actiue & passiue vitaliter operari: sic etiam potètia intellectiua essentialiter esset actiue & passiue vitaliter operatiua: non potest negari quod essentialiter importet ordinem potètiæ actiue & ex consequenti quod id, quod respectu alicuius intellectionis est potètia intellectiua, sit etiam respectu eiusdè, potètia actiua minor probatur, quia respectu huius eleuationis intellectus ad videndum Deum, lumen gloriæ concurret vt causa formalis & intellectus quatenus est

potentia intellectiva concurrat ut subiectum; ergo necesse est quod intellectus quatenus est potentia intellectiva præsupponatur ad lumen gloriæ, & ad hanc elevationem. patet *consequentia* quia subiectum præsupponitur ad formam quam recipit, & ad suum effectum, & non constituitur in esse subiecti per talem formam, neque per suum effectum formalem.

QUARTO si in intellectu non præsupponetur ad lumen gloriæ, vis activa respectu visionis Dei, maxime propter supernaturalitatem ipsius visionis cui non potest esse proportionata vis naturalis intellectus creati; sed hæc ratio non obstat: ergo dicendum est quod præsupponitur talis virtus in intellectu: probatur *minor cum* quia hæc vis activa non est causa totalis; respectu visionis, sed partialis tantum (ut dictum est in explicatione huius sententiæ) & non est necesse singulas causas parciales secundum se esse proportionatas effectibus producendis (ut patet in exemplis ibidem propositis) & ita species intelligibilis, aut sensibilis, quæ secundum se non est vitalis, concurrat ut causa partialis ad actum intelligendi aut sentiendi qui est vitalis: & species intelligibiles naturalis ordinis concurrunt efficienter ad actum fidei, qui intrinsece est supernaturalis. Tum etiam quoniam actus, quibus homo disponitur ad gratiam, sunt secundum fidem supernaturales, & iuxta vetiorem sententiam sunt supernaturales in substantia & intrinseca entitate, & non tantum in modo aut specie accidentali, & tamen ad huiusmodi actus etiam ut sunt supernaturales concurrunt effectivè nostræ potentie, non solum ratione elevationis quam participant ab auxilio divino, vel ab habitibus supernaturalibus, sed etiam ratione facultatis naturalis per se & immediatè.

Quod videtur co ligi ex consilio Trident. sess. sexta, decreto de iustificatione can. 4. ubi definitur nostrum liberum arbitrium cooperari assentiendo Deo excitanti atque vocanti quo ad obveniam iustificationis gratiam se disponat. In quibus verbis duo significantur, ex quibus manifestè colligitur nostrum intentum. Primum est quod actus quibus disponimur ad gratiam, producuntur efficienter à nostro libero arbitrio secundum eam rationem qua sunt dispositiones ad gratiam, atque proinde quatenus sunt supernaturales. Secundum est quod nostrum liberum arbitrium concurrat efficienter ad hos actus ut cooperans gratiæ Dei excitanti & vocanti, atque adeo per vim activam condistinctam ab ipsa gratia excitante, & vocante, quoniam liberum arbitrium ut cooperans alicui gratiæ, & ipsa gratia, sumuntur ut duo extrema condistincta inter se, atque adeo non potest liberum arbitrium sumi, ut constitutum in esse cooperantis aut cooperativi per talem gratiam, sed per aliam virtutem distinctam quæ non potest esse alia facultas naturalis.

ULTIMO PROBATVR hæc sententia, autoritate DIVI THOMÆ, nam imprimis prima parte, quæst. 12. artic. 5. in corp. explicans quæ ratione fiat per lumen gloriæ hæc elevatio intellectus ad videndum Deum, sic ait: cum igitur virtus naturalis intellectus creati non sufficiat ad Dei essentiam videndam (ut ostensum est) oportet quod ex aliqua & alia superacrescat ei virtus intelligendi,

A & hoc augmentum virtutis intellectivæ, illuminationem intellectus vocamus. Ex quibus verbis sic argumentor. Augmentum supponit esse rei, si ergo elevatio intellectus per lumen gloriæ habet modum augmenti, sequitur quod ad eam præsupponatur in intellectu vis activa intellectionis; quoniam alias non augetetur hæc virtus per lumen gloriæ, sed daretur omnino intellectui & de novo. Et in solutione ad primum, inquit, lumen gloriæ esse necessarium ut intellectus fiat potens ad intelligendum per modum quo potentia fit perfectior ad operandum per habitum: sed habitus supponit in potentia aliquam vim activam respectu visionis Dei. Et tertia parte, quæst. 10. artic. 4. ad secundum, inquit, quod gradus in visione beatifica attenduntur magis secundum ordinem gratiæ, quam secundum ordinem nature, ubi CAIETA. notat, quod ratione illius particulæ magis significatur, quod gradus visionis attenduntur, secundum virtutem naturæ, & secundum virtutem gloriæ, atque adeo quod in natura, ut præsupponitur gratiæ, est virtus aliqua activa respectu visionis beatificæ.

B 3. Tertia sententia tribuit intellectui antecedenter ad elevationem, virtutem quandam non naturalem, sed obedientialem non principalem, totalem, vel partialem, sed instrumentalem.

TERTIA SENTENTIA est aliorum qui cōtueniunt cum præcedenti sententia in hoc, quod in intellectu antecedenter ad elevationem quæ fit per lumen gloriæ, præsupponitur aliqua virtus activa, respectu visionis beatificæ, differunt tamen ab ea in duobus; Primum est quod hanc virtutem non appellant naturalem, sed obedientialem. Secundum est quod dicunt eam non esse virtutem causæ propriæ etiam partialis, sed instrumentalis. Hanc sententiam primum videritur explicatam in commentarijs FRANCISCI SVAREZ in 3. p. tom. 1. disput. 11. sect. 6. qui quantum ad priorem partem in qua hæc sententia convenit cum præcedenti, probat eam argumentis factis pro præcedenti: & quantum ad posteriorem in qua differt ab ea, scilicet, quod hæc virtus sit obedientialis instrumentalis probat eam argumentis sequentibus.

Primum est ad probandum quod sit obedientialis, quoniam sicut intellectus antecedenter ad lumen gloriæ, habet aliquam potentiam activam ad eliciendum visionem Dei; ita etiam habet potentiam passivam ad recipiendum eam; quoniam cum visio sit actio immanens, non potest aliquid præsupponi ut principium elicitiuum eius, quin præsupponatur ut subiectum receptivum: sed potentia passiva est obedientialis, ergo etiam activa est obedientialis. probatur minor *nam* quoniam intellectus non est capax visionis nisi quatenus subest imperio Dei supernaturali respectu ipsius; tum etiam quia omnes fatentur potentiam animæ ad recipiendum gratiam & alios habitus supernaturales esse obedientialem.

SECUNDVM ARGUMENTVM etiam est ad probandum idem, & est huiusmodi. Hæc potentia activa non est supernaturalis neque rationalis, ergo est obedientialis, consequentia probatur à

sufficien-

sufficiente partium enumeratione; & minor probatur, quia imprimis non est supernaturalis, *nam* quoniam alias esset aliquo modo distincta ab entitate ipsius intellectus, aut tanquam alia essentia, aut saltem tanquam realitas aut modus eius, quia eadem omnino essentia non potest esse simul intrinsece naturalis; & supernaturalis; consequens tamen est falsum, quia intellectus secundum suam entitatem immediate & præcise quocumque addito, siue tanquam realitate siue tanquam modo, habet hanc virtutem actiuam respectu visionis beatificæ. *Tum* etiam quoniam producitur productione distincta ab ea qua producitur ipse intellectus, quia cum productio identificetur cum termino producto, debet esse eiusdem ordinis cum ipso quoad naturalitatem vel supernaturalitatem; & hoc consequens etiam est falsum, quoniam hæc virtus est congenita naturæ intellectus ex vi causalitatis naturalis qua producitur ipse intellectus, & ab agente naturali operante consensu naturali.

Quod vero non sit naturalis probatur, nam quia ordinatur ad actum supernaturalem, scilicet, ad visionem Dei; ergo non potest esse naturalis. Probatur *consequentia* quia omnis potentia actiua habet proportionem cum actu aut effectu ad quem ordinatur, imo specificatur per ordinem ad ipsum, & ita, ut probemus habitus infusos non esse naturales, solemus assignare hanc rationem, quod habent vim actiuam proportionatam ad efficiendos actus supernaturales: *nam* etiam quia vel hæc virtus actiua est ipsa essentia intellectus; vel aliud distinctum ab ea saltem ut *realitas*, vel tanquam *modus*. *Primum* dici non potest quia nulla potentia naturalis qualis est intellectus est secundum suam essentiam ordinata & commensurata ad efficiendum actus supernaturales, neque ad attingendum eorum objecta sub ea ratione qua ab ipsis attingi possunt, siue totaliter, siue partialiter, ergo neque secundum suam essentiam virtus naturaliter actiua respectu talium actuum: *antecedens* probatur quoniam ordinatio & commensuratio potentie, non excedit eius essentiam, imo est ipsa eius essentia, quare si essentia est naturalis etiam commensuratio. Et ex consequenti non extenditur ad supernaturalia sub ea ratione qua supernaturalia sunt: & *consequentia* probatur quia virtus naturaliter actiua respectu alienius actus; siue sit totalis siue partialis, est secundum suam essentiam ordinata & commensurata ad talem actum. Si vero dicatur *secundum* redibit idem argumentum quod factum est de essentia potentie, quia quæcumque virtus actiua specificatur per ordinationem & commensurationem ad actus; quorum est principium secundum suam naturam: & propterea potest in contrarium obijci quod vel talis virtus appellatur naturalis, respectu intellectus, & sic sequitur quod potentia naturali sit debita & connaturalis vis actiua ad producendum actum supernaturalem; & ad attingendum obiectum supernaturale sub ratione supernaturalis, quod est subvertere totam distinctionem inter ordinem naturalem & supernaturalem; vel solum appellatur naturalis respectu visionis, scilicet, quia visio est ipsi connaturalis: & hoc non est satis ut dicatur naturalis, quia habitus qui secundum se

A est supernaturalis potest dici hoc modo naturalis, quoniam actus supernaturalis quem respicit est ipsi connaturalis, sicut dici solet de lumine gloriæ respectu visionis beatificæ.

ULTIMUM ARGUMENTUM est ad probandum quod hæc virtus actiua quæ præsupponitur in intellectu non sit virtus causæ principalis, siue totalis, siue partialis, sed sit virtus causæ instrumentalis; ita ut intellectus quatenus præcise concurret per hanc virtutem, non concurrat villo modo ut causa principalis, sed ut instrumentum, & argumentum est huiusmodi. Hæc virtus non est eiusdem vel eminentioris ordinis respectu effectus ad quem ordinatur, scilicet, visionis, neque agit per concursum debitum suæ naturæ, sed per concursum superioris ordinis; ergo non est virtus causæ partialis sed instrumentalis; *consequentia* patet quia causa efficiens principalis est in actu respectu sui effectus, ergo vel in actu formali vel virtuali, quod est esse in actu eiusdem ordinis vel eminentioris: & ex consequenti habet virtutem actiuam quæ sit eiusdem vel eminentioris ordinis respectu sui effectus. Quoniam causa efficiens est in actu primo respectu sui effectus per suam virtutem actiuam. *Præterea* cuiusque virtuti actiue si sit completa & principalis est debitus ex diuina dispositione concursus proportionatus & requisitus ad productionem sui effectus, antecedens probatur quia imprimis hæc virtus, quia non est ordinis supernaturalis, ut ostensum est in argumento præcedente, non potest esse eiusdem vel eminentioris ordinis respectu visionis quæ est supernaturalis: & *præterea* quia non potest concurrere actu ad visionem, nisi prius eleuetur, & quasi compleatur per lumen gloriæ, aut per auxilium aliquod, non est ipsi debitus concursus proportionatus & requisitus ad productionem visionis.

§ 4. Ultima sententia, aufert omnem vim actiuam, ab intellectu considerato antecedenter ad eleuationem.

C ULTIMA SENTENTIA est quorundam Recentiorum qui dicunt non præsupponi ex parte intellectus aliquam vim actiuam, sed solum potentiam passiuam obedientialem ad recipiendum eleuationem quæ sit per lumen gloriæ. Hanc sententiam sequitur. Soto in 4. d. 49. q. 2. art. 4. in solutione primi argumenti principalis. Vbi, inquit, quod intellectus non ita eleuatur per lumen gloriæ ut per ipsum fiat potentior, sed ita ut fiat simpliciter potens. Et probatur primo quia lumen gloriæ non dat intellectui respectu visionis Dei posse melius aut magis, sed simpliciter posse, ergo non præsupponit in intellectu aliquam vim actiuam respectu eiusdem visionis; *consequentia* probatur, quia si præsupponeret intellectum ut potentem per talem potentiam actiuam, ergo non daret ei simpliciter posse: sicut calor qui præsupponit in subiecto esse calidum secundum aliquem gradum non dat ei simpliciter esse calidum: & antecedens probatur quoniam in CONCILIO TRID. sess. 6. decreto de iustificatione can. 2. definitur gratiam non dari ut homo facilius possit.

possit operari supernaturaliter quasi sine ipsa possit, sed agere & difficulter, ergo similiter in beatitudine non datur lumen gloriæ, ut homo facilius aut intensius videat Deum, quasi sine illo possit aliquo modo quamvis difficulter, & agere: & ex consequenti datur ut simpliciter possit.

Confirmatur ex communi sententia Theologorum qui hoc constituunt discrimen inter habitus acquisitos, & infusos per se: quod acquisiti solum dant potentiis posse facilius & delectabilius operari, at vero infusi dant eis simpliciter posse: sed lumen gloriæ est habitus infusus per se; ergo dat simpliciter posse.

SECUNDO visio beatifica est tota secundum suam substantiam & entitatem intrinsecam, supernaturalis; ergo etiam tota virtus actiua respectu ipsius est supernaturalis: sed nihil præsuppositum in intellectu ad lumen gloriæ est supernaturale, ergo nihil ita præsuppositum est virtus actiua respectu visionis beatificæ; *primum antecedens* supponitur ut certum ex sententia veriori & magis recepta inter theologos, & *prima consequentia* probatur, quia inter principium effectuum integritum & totale, & suum effectum debet seruari proportio, ita ut principium sit aut magis perfectum quam effectus, si sit æquiuocum, aut saltem æquè perfectum si sit vniuocum; at vero hæc proportio non seruabitur inter visionem & virtutem actiuam, si virtus actiua non fuerit secundum se totam & quancunque sui partem supernaturalis; quoniam visio est hoc modo supernaturalis.

TERTIO lumen gloriæ est principium visionis beatificæ per modum potentie, & non solum per modum habitus, ergo non supponit in intellectu aliquam virtutem actiuam respectu eiusdem visionis; Consequentia probatur, quia potentia est primum principium ut *quo*, & ut virtus actiua respectu suæ operationis, ergo si lumen gloriæ habet rationem potentie est primum principium ut virtus actiua, & ex consequenti non præsupponit aliam virtutem actiuam priorem. Et antecedens probatur quia possibile est dari principium visionis per modum potentie vitalis, ergo de facto datur; & cum de facto non sit aliud præter lumen, sequitur quod lumen est principium visionis per modum potentie vitalis; consequentia patet, quia Deus disposuit de facto supernaturalia, seruata proportionem ad naturalia, quantum fuit possibile, ergo sicut respectu operationum naturalium dantur principia prima, quæ sint potentie vitales naturales, ita etiam disposuit Deus respectu operationum supernaturalium dari principia proxima quæ sint potentie vitales supernaturales, si in hoc nulla erat ratio implicationis; probatur antecedens huius probationis, *tum* quia possibile est accidens quod secundum se totum sit vitale & supernaturale per modum actus secundi; ergo etiam est possibile accidens quod secundum se totum sit vitale & supernaturale per modum actus primi, & potentie: *tum etiam* quia est possibilis visio Dei quæ secundum se totam est vitalis & supernaturalis, ergo etiam est possibile principium eiusdem visionis per modum potentie tam vitalis & supernaturalis in ratione potentie, ut visio in ratione operationis: sicut quia est possibilis visio corporea vitalis & naturalis, colligitur optime esse possibilem potentiam visiuam corpo-

ream tam vitalem & naturalem in ratione potentie, ut ipsa visio in ratione operationis: & sicut in vniuersum ex eo quod sit possibilis aliqua operatio vitalis in ordine naturæ, colligitur esse possibilem potentiam vitalem in eodem ordine, quæ sit eius principium. Et vis huius probationis fundatur in hoc quod non videtur minus possibile dari in ordine supernaturali potentias proportionatas operationibus quam in ordine naturali,

§ 5. Notationes pro vera opinione. Explicatur quid sit illa coaptatio quam dicit qualibet potentia ad obiectum suum specificatum; & quid sit quantitas virtutis qua respicit obiectum motuum, & virtus distinguantur inter se.

PRO SOLVTIONE NOTANDVM quod quamvis quælibet potentia tam cognoscitiua quam appetitiua sit quædam vis actiua, quoniam essentialiter est principium proximum ut *quo* operationis, tamen in ea distinguuntur essentia, & quidam modus qui appellari potest quantitas virtutis, & ab alijs appellatur alijs nominibus ut statim dicam: & vtriusque ratio explicanda est per ordinem ad obiectum potentie, quamvis non eodem modo, quoniam essentia potentie consistit in quadam coaptatione ad attingendum per actus à se elictos, obiectum à quo specificatur secundum totam eius latitudinem, & absque vlla determinatione ad aliquam eius partem: & ab aliquibus hæc coaptatio appellatur commensuratio, & proportio radicalis, aut essentialis. At vero quantitas virtutis consistit in virtute efficaci ad eliciendum actus circa obiectum specificatum; *vel* ad æquate quantum ad totam eius latitudinem: *vel* limitate & determinate quantum ad aliquam eius partem, & quod hæc quantitas virtutis debeat distingui aliquo modo à coaptatione essentiali in qua consistit essentia potentie, probatur, quoniam reperitur inter eas triplex discrimen.

Primum est quod habent distincta obiecta, quod facile intelligitur ubi respectu harum potentialium distinguitur obiectum determinatum, quod est specificatum, à motiuo quod est proportionatum: ut respectu intellectus nostri obiectum terminatum est tota latitudo entis, & motiuum quidditas rei materialis, quoniam coaptatio essentialis consistit in ordine ad obiectum terminatum, & quantitas virtutis in ordine ad motiuum.

Secundum est quod habent diuersa distinctiua, quoniam coaptationes essentielles distinguuntur penes obiecta terminatiua formaliter sumpta: & quantitates virtutis penes motiua: & ita contingit potentias aliquas minus distingui in coaptationibus essentialibus quam in quantitatibus virtutis: sicut intellectus humanus & angelicus conueniunt in hoc quoad coaptationes essentielles, quod respiciunt obiectum terminatum equalis latitudinis, scilicet totam latitudinem entis, quamvis propter diuersum modum attingendi hoc obiectum, qui refunditur in obiectum formale, distinguantur inter se specie; & tamen quoad quantitates virtutis non ita conueniunt; quoniam obiectum motiuum intellectus humani, & quidditas rei materialis, minoris est latitudinis,

quam

quam motuum angel, quod etiam continet quidditates substantiarum separatarum.

Et confirmari potest hoc fundamentum ex doctrina D. THOMÆ qui sæpe admittit intellectus eleuari quoad quantitatem virtutis & non quoad essentiam, ut statim adductis eius testimoniis ostendimus. Et idem concedit FERRA 3. contra Gentes cap. 54. in principio; ubi quantitatem virtutis appellat *virtutem intelligendi*. Et expressius hanc distinctionem admittit CATI. 1. p. quæst. 79. art. 7. in fine ubi distinguit, in intellectu essentiam ab efficacia intentionis; quibus nominibus significat commensurationem essentialem & quantitatem virtutis.

SED QUÆRES unde proveniat quod quantitas virtutis in aliqua potentia, non sit æqualis coaptationi essentiali; hoc est nō possit extendi ad totā latitudinē obiecti quam respicit coaptatio essentialis? RESPONDETUR ex doctrina CAIRTANI loco citato, rationem huius esse quod quantitas virtutis siue efficacia potentię commensuratur modo essendi naturę cognoscitiuę, sicut & modus operandi: at vero coaptatio essentialis commensuratur capacitati eiusdem naturę non cuiuscunque sed capacitati quam habet ut per modum naturę vitalis attingat aliquod obiectum: & quoniam modus essendi non semper est adæquatus huic capacitati, sed quandoque est magis limitatus, ideo etiam quantitas virtutis aut efficacia connaturalis alicui potentię non semper habet tantam extensionem aut latitudinem ex parte obiecti, sicut eius coaptatio essentialis: & ita CAIRTANVS aduertit quod cum D. THOMAS 1. p. quæst. 12. art. 4. distinxit gradus quosdam inter intellectus penes diuersos modos essendi naturarum quibus conveniunt, non est intelligendus de gradibus specificationis qui consistunt in coaptationibus essentialibus, sed de gradibus in quantitate virtutis aut efficacia virtutis; & hæc inæqualitas extensiva inter coaptationem essentialem & quantitatem virtutis potest explicari duobus exemplis: quorum *primum* desumitur ex calore aut alia qualitate actiua quę sit capax intensiōis. Nam calor secundum suam essentiam respicit omnem gradum caloris producibilis, & tamen secundū efficaciam intensiuam, determinatur ad eum gradum qui est proportionatus suę intensiōi; *alterum* desumitur ex potentię sensitivis; nam verbi gratia potentia visiva noctuę, secundum suā coaptationem intensiuam, respicit omne coloratum aut lucidum, sicut visus hominis; & tamen secundum efficaciam intensiuam, limitatur ad tale lucidum, scilicet, tenebrosū.

SECUNDO SUPPONENDVM est quod intellectus (& idem est de aliis potentiis cognoscitiuis & appetitiuis) *duplīter* eleuari potest ad operandum. *Primo* per modum potentię vitalis ut cum eleuatur ad attingendum aliquod obiectum quod non est extra suū obiectū specificatiuū; sicut sonus est extra obiectum visus aut substantia immaterialis extra obiectum sensus: sed extra obiectum proportionatum sicut excellens sensibile est extra obiectum sensus: & cum hoc modo eleuatur, verbi gratia, intellectus non extrahitur extra suam coaptationem essentialē, quia cum obiectum ad quod eleuatur non sit extra latitudinem obiecti specificatiui, necesse est ut non sit extra coaptationem essentialē, quę adæquate respicit totam illam latitudinem, sed præsupposita hac coaptatione essentiali,

A eleuatur supra quantitatem virtutis quam habet quoniam accipit nouā quantitatem virtutis aut efficaciam & virtutem, ad attingendum suo actu illud obiectum quod per quantitatem virtutis sibi connaturalē non poterat attingere: *Secundo* potest eleuari per modum rei non viuētis, & sicut eleuantur alię res quę neque sunt potentię vitales, neque vllō modo viuunt, ut si Deus, quemadmodum eleuat aquam aut aliam rem non viuētem ad producendum aliquē effectum supernaturalem, ita etiā eleuaret intellectum ad producendum eum, quoniam ex hoc quod intellectus sit potentia vitalis, non caret potentia obedientiali, quam habent reliqua entia creata ut ipsis mediantibus producat Deus varios effectus. Et cum hoc modo eleuatur intellectus, extrahitur omnino extra suam coaptationem essentialē, & accipit quantitatem virtutis aut efficaciam non mediante suā coaptatione essentiali, sed mediante potentia obedientiali, quę communis est sibi cum omnibus rebus creatis: & ita quamuis id quod hoc modo eleuatur sit intellectus & potentia vitalis, non tamen eleuatur formaliter ut intellectus nec ut potentia vitalis, sed ut ens quoddam creatum; itaque ad hunc modum eleuationis non est per se requisitum quod sit intellectus aut potentia vitalis, quia eodem modo posset eleuari aliud accidens aut ens creatum.

TERTIO supponendum quod ad operationem supernaturalem vitalem quatenus vitalis est, non est necessarius neque sufficiens posterior modus eleuationis, sed solus prior requiritur & sufficit. Vbi consulto addo illa verba *quatenus vitalis est* ut abstinēam ab illa disputatione quę est impertinens ad præsens institutum, an operatio vitalis, non ut vitalis est, sed secundum aliam rationem possit produci à potentia eleuata posteriori modo, atque adeo non concurrente vitaliter: quoniam hæc disputatio impertinens est ad præsens institutum, quia loquimur de visione Dei, quatenus est operatio vitalis, & probatur nostrum fundamentum quia in *primis* quod sufficiat prior modus eleuationis videtur notum, quia ipso posito nihil deest ex requisitis in potentia ad operandum, siue fiat sermo de requisitis per modum coaptationis essentialis, siue de requisitis per modū quantitatis virtutis. Et ex hoc etiā patet quod nō requiratur posterior modus eleuationis, quia neque requiritur ad coaptationē essentialē, neque ad quantitatem virtutis, quod verō non sufficiat probatur, quia illē modus eleuationis non dat potentię concurrere vitaliter, ut constat ex præcedenti fundamento, ergo non sufficit ad operationem supernaturalem vitalem, quatenus vitalis est, patet consequentia quia de ratione operationis vitalis est, quod procedat à principio vitali quatenus vitale est, atque adeo concurrente vitaliter. Et totum hoc fundamentum colligitur ex D. THOMAS 1. p. quæst. 12. art. 4. ad 3. & 1. 2. quæst. 5. art. 1. ad 1. & 3. contra Gentes cap. 54. in solutione primæ rationis, ubi, cum in argumentis proponit hanc difficultatem cur intellectus inferior possit eleuari ad eliciendum actum intelligendi, circa obiectum superioris intellectus, ut intellectus humanus circa substantias omnino separatas à materia, & tam humanus quam angelicus circa Deum, ut est in seipso & tamen sensus non possit eleuari ad eliciendum actum sentiendi circa substantias quę pertinent ad obiectum intellectus: & respondet rationem discri-

minis esse quod substantiæ immateriales sunt omnino extra latitudinem obiecti specificantis sensum: At vero nulla differentia entis est extra latitudinem obiecti specificantis quemcumque intellectum etiam infimum qualis est noster.

Quomodo autem in hoc contineatur ratio illius discriminis explicatur optimè ex doctrina huius fundamenti, nam supposito quod ad operationem vitalem, qualis est cognitio siue sensus, siue intellectus requiritur & sufficit in potentia prior modus eleuationis, & quod hic modus eleuationis tantum reperitur quando obiectum operationis non est extra latitudinem obiecti specificantis potentia bene sequitur, quod si substantia immaterialis est extra obiectum specificantium sensus non possit eleuari ad eius cognitionem, & contra quod si Deus non est extra obiectum specificantium intellectus humani & angelici, potest uterque intellectus eleuari ad videndum Deum ut est in seipso. Et ex hac solutione **DIVI THOMÆ** constat id quod diximus in primo fundamento, scilicet, ipsum sensisse, distingui in potentijs cognoscitiuis coaptationem essentialem & quantitatem virtutis, siue efficaciam aut virtutem cognoscendi.

S. 6. *Nulla efficacia intensiva, vel quantitas virtutis, presupponitur in intellectu ad eleuationem, quæ sit per lumen gloriæ sed solum coaptatio essentialis ad Deum, ut ad obiectum & ad visionem, ut ad operationem qua attingit ipsum.*

P RIMA CONCLUSIO ad eleuationem intellectus quæ sit per lumen gloriæ, presupponitur in ipso intellectu coaptatio essentialis ad Deum ut ad obiectum, & ad visionem ut ad operationem qua attingit ipsum.

Hæc conclusio intelligitur de visione Dei non solum secundum rationes communes: actionis vitalis, sed etiam secundum rationem particularem visionis Dei, & in hoc sensu statuitur contra *primam sententiam* quatenus in ea solum conceditur præsupponi in intellectu vim actiuam respectu visionis Dei quoad illas rationes communes: & per vim actiuam intelligitur non solum quantitas virtutis, sed etiam coaptatio essentialis, quia nulla fit distinctio inter hæc: & contra *ultimam sententiam*, quoniam iuxta eam solum conceditur præsupponi in intellectu potentiam passiuam obedientialem ad recipiendum lumen, & tamen coaptatio essentialis non est potentia per se primo instituta ad recipiendum lumen, sed ad agendum producendo intellectiōnem, quamvis propter defectum efficaciz aut quantitatis virtutis non agat respectu obiecti supernaturalis, & ideo respectu eius appellatur actiua radicaliter & incompletè.

Et probatur hæc conclusio primo authoritate **DIVI THOMÆ** qui in omnibus locis pro ultimo fundamento citatis, inquit exprisè, *Deum, ut cognoscibilis est in seipso non esse extra obiectum specificantium intellectus creati*: atque adeo supponit esse in eodem intellectu coaptationem essentialem ad Deum ita sumptum: quoniam ut dictum est in quacunque potentia est coaptatio essentialis ad totam latitudinem obiecti à quo specificatur.

Secundo probatur ratione quoniam intellectus per lumen gloriæ eleuatur ad eliciendū visionē Dei quatenus est actio vitalis, ergo eleuatur priori modo ele-

uationis explicato in secundo fundamento; atque adeo præsupposita ex parte ipsius coaptatione essentiali ad obiectum & ad visionem, patet consequentia ex tertio fundamento.

Confirmatur quia vel ad hanc eleuationem nulla omnino prærequiritur coaptatio essentialis in intellectu respectu visionis, vel prærequiritur coaptatio respectu visionis quoad gradus eius communes actionis vitalis, & intellectiōnis; aut prærequiritur coaptatio respectu visionis etiā quoad gradū eius specificatiuū, hoc est quatenus est visio Dei si dicatur hoc *ultimum* habetur intentum, si vero dicatur *primum* sequitur quod eodem modo posset eleuari tabula aut res alia materialis & non viuens: probatur sequela, quoniam impertinenter & per accidens se habet in intellectu ad hanc eleuationem coaptatio essentialis, quia quantum est ex vi ipsius eleuationis, nullo modo prærequiritur; ergo etiam se habent impertinenter & per accidens ea quæ intrinsecè pertinent ad hanc coaptationem, scilicet, esse potentiam vitalem, immaterialem, & intellectiuam, & ex consequenti aque poterit hæc eleuatio communicari rei quæ nihil horum habeat, sed sit materialis & non viuens; si tamen dicatur *secundum* sequitur quod in intellectu debeat præsupponi coaptatio essentialis respectu visionis quoad eius supernaturalitatem, quia licet ratio vitalitatis & intellectiōnis in cōmuni sit indifferens ad actiones naturales & supernaturales, tamen in visione est intrinsecè supernaturalis, quia visio beatifica quoad totam suam entitatem est supernaturalis, & non possunt in ea distingui partes, ex quibus aliquæ sint naturales & aliæ supernaturales, ergo nullus est in ea gradus entitatis, qui non sit supernaturalis.

Item potest obiici quod hæc coaptatio necessario debet præsupponi in intellectu respectu obiecti visionis, ergo & respectu ipsius visionis secundum suum gradum specificum. consequentia patet, quia specificatio actionis sumitur ex suo obiecto, atque adeo non potest esse in aliqua potentia coaptatio essentialis respectu alicuius obiecti quin sit etiam respectu actionis quæ ab eo specificatur: & antecedens probatur quoniam alias non posset intellectus eleuari ad videndum Deum, sicut diximus de sensu respectu substantiarum immaterialium in ultimo fundamento.

Dices quod in intellectu est coaptatio essentialis respectu obiecti visionis secundum rationem communem obiecti intelligibilis, non tamen secundum specialem rationem obiecti visibilis. Et ex hoc solum sequitur quod sit eadem coaptatio respectu visionis secundum communem rationem intellectiōnis, non tamen secundum specialem rationem visionis.

Sed contra quia etiā in sensu est coaptatio essentialis respectu substantiæ materialis secundū cōmunem rationem cognoscibilis, & in appetitu sensitivo est coaptatio essentialis respectu boni honesti secundum communem rationem boni appetibilis, & tamen neque sensus potest eleuari ad cognoscendum substantiam immaterialem, neque appetitus sensitivus ad appetendum bonum honestum: ergo ut potentia aliqua possit eleuari ad attingendum aliquod obiectum secundum aliquam specialem rationem, non satis est quod eius coaptatio essentialis terminetur ad illud obiectum secundum aliquam rationem communem.

SECUNDA CONCLUSIO ad hanc elevationem, non præsupponitur in intellectu aliqua quantitas virtutis aut efficacia intensiva ad eliciendum visionem divinam.

Hæc statuitur contra secundam & tertiam sententiam in quibus admittitur præsupponi in intellectu aliquam virtutem activam, & non potest intelligi solum de coaptatione essentiali, quoniam in secunda sententia conceditur intellectum secundum se præbere concursum partialem distinctum à concursu luminis gloriæ, & ad concursum non sufficit sola coaptatio essentialis, sed requiritur simul quantitas virtutis, siue efficacia intensiva; & ferè idem dicitur in tertia sententia, nisi quod hæc virtus appellatur obedientialis, & non naturalis, & instrumentalis, & non principalis siue totalis, siue partialis.

Probatur hæc sententia in primis testimonio D. THOMÆ qui in omnibus locis citatis in ultimo fundamento inquit, quod videre Deum per essentiam est supra naturam omnis creaturæ, quia est supra modum essendi omnis creaturæ, atque adeo supra modum operandi, & supra virtutem activam ei connaturalem, quoniam hæc virtus commensuratur modo essendi.

Secundo probatur ratione quoniam principium efficiens debet esse in actu per suam virtutem activam respectu effectus producendi, sed intellectus, ut præsupponitur elevationi quæ fit per lumen gloriæ, non est in actu respectu visionis Dei, ergo neque habet virtutem activam. Maior patet quia principium activum respectu alicuius effectus sua virtute reducit de potentia in actum, aut ipsum effectum aut passum: ergo per suam virtutem debet esse in actu respectu talis effectus, quoniam à potentia, ut potentia est, non fit reductio de potentia in actum, & propterea in hoc genere causalitatis est recepta apud philosophos illa maxima, *nemo dat quod non habet*: & minor probatur quia intellectus quatenus ita præsupponitur neque est in actu formali respectu visionis, quia esset ordinis supernaturalis sicut ipsa, neque in actu eminentiori, quia res ordinis naturalis qualis est intellectus non potest continere eminenter rem ordinis supernaturalis qualis est visio, sicut ordo inferior non continet eminenter ordinem superiorem.

Ad hoc argumentum auctores secundæ & tertiæ sententiæ respondent maiorem non esse veram in principio agente per virtutem activam partialem, & multo minus in agente per virtutem instrumentalem.

Sed hoc facile potest impugnari quia de ratione principij concurreris efficienter (siue sit partiale siue instrumentale) est quod concurrat reducendo de potentia in actum, aut effectum, aut passum, ergo & quod quatenus ita concurrat sit in actu respectu effectus quem producit. Et hoc supposito,

Inquiri an intellectus per virtutem activam quæ habet, quatenus præsupponitur luminis, siue partialem, siue obedientialem & instrumentalem, concurrat efficienter ad visionem, vel non? si dicatur primum, sequitur quod secundum modum concurrendi hoc est aut partialiter, aut instrumentaliter, sit in actu respectu visionis, cuius contrarium est ostensum; si vero dicatur secundum, sequitur quod intellectus quatenus præsupponitur luminis, non habet aliquam virtutem activam, neque partialem neque instrumentalem: patet sequela: quia quæcumque virtus activa per modum efficacie intensivæ, aut quantitas virtutis, concurrat suo modo, hoc

est, aut totaliter, aut partialiter, aut instrumentaliter ad effectum.

ULTIMA CONCLUSIO. Hæc coaptatio essentialis quæ præsupponitur in intellectu ad elevationem quæ fit per lumen gloriæ, non consistit in potentia passiva obedientiali ad recipiendum ipsum lumen, sed in potentia activa incompleta & radicali ad eliciendum visionem.

Hæc conclusio duas continet partes in quarum priori explicatur, quid non sit hæc coaptatio essentialis, & in posteriori quid sit & quoad utramque statuitur contra ultimam sententiam.

Et utraque pars probatur simul, quia hæc coaptatio est ipsa essentia intellectus, ergo non consistit in habitudine potentie passivæ seu receptivæ respectu luminis, sed in habitudine potentie activæ respectu visionis: Probatur consequentia quia intellectus essentialiter est potentia elicitive visionis, ergo coaptatio quæ est eius essentia consistit in habitudine potentie activæ respectu visionis & non in habitudine potentie receptivæ respectu luminis.

Dicitur utramque habitudinem pertinere ad essentialitatem intellectus, sicut pertinet ad eam habitudo potentie elicitive & receptivæ respectu intellectionis.

Sed contra, quia intellectus respectu intellectionis ut elicivæ & recipivæ non importat duas habitudines totales & omnino distinctas, sed duas quasi partiales, & constituentes unam totalem, sicut ipsa intellectio ut elicivæ & recipivæ non est duo termini sed unus totalis; & ratio huius est, quod cum intellectus secundum suam essentiam non importat absolute habitudinem potentie activæ, sed determinate habitudinem potentie activæ immanenter, sequitur quod non respiciat intellectionem præcisè ut elicivam, sed simul ut elicivam & recipivam: at vero habitudo potentie activæ respectu visionis, & habitudo potentie receptivæ respectu luminis sunt due habitudines totales & omnino distinctæ, sicut lumen & visio sunt duo termini omnino distincti inter se, ergo licet habitudines priores pertineant simul ad essentialitatem intellectus, non sequitur quod possit dici idem de posterioribus. Appello autem hanc potentiam activam incompletam, quoniam deest illi quantitas virtutis, aut efficacia intensiva ut patet ex præcedenti conclusione, & radicalem non in eo sensu quo forma substantialis dicitur principium radicale operationum facta comparatione cum potentijs quæ dicuntur principia proxima, sed quia cum deest illi efficacia, non est ultimo approximata ad operationem.

5. 7. Ex doctrina præcedentis paragraphi solvantur tres difficultates quæ in alijs sententijs non facile solvantur.

EX HIS CONCLUSIONIBUS sequitur solutio trium dubitationum quæ in alijs sententijs habent difficultatem. PRIMA EST an intellectus & lumen concurrant ut una causa totalis vel ut due partiales partialitate causæ, sicut dictum est in explanatione secundæ sententiæ. RESPONDETUR quod neque concurrunt ut due causæ totales, neque ut due partiales, quia in rigore non concurrunt ut due causæ, sed ut una completa & sufficiens, non quidem in eo sensu quo ex duabus causis partialibus quarum quælibet secundum se est incompleta & insufficient respectu totius effectus, dicimus

continui

constitui vnam causam completam & sufficientem. sed sicut potentia prout habet non solum coaptationem essentiali. sed etiam efficaciam intensiuam sufficientem ad producendum aliquem effectum, dicitur vna causa completa & sufficiens respectu talis effectus: & sicut calor prout habet essentiali caloris quæ est calefactiva & intensiorem ut sex est vna causa completa, & sufficiens ad producendum calorem ut sex.

Sed obicitur quia lumen gloriæ non est intrinsecus modus entitati intellectus, sed solum coniungitur ei per inhaerentiam sicut alter habitus acquisitus aut infusus, aut aliud quodcumque accidens suo subiecto, ergo non constituit cum eo vnam causam sicut efficaciam intensiuam cum potentia, aut sicut intentio cum calore. Patet *consequentia* quia efficaciam intensiuam est modus intrinsecus entitati potentie, & intentio entitati caloris.

Respondetur concedendo antecedens, & negando consequentiam, & ad probationem, *Respondetur* ex doctrina D. THOMÆ 3. contra Gentes cap. 53. ratione quarta, quod *dupliciter* potest principium operationum perfici quantum ad virtutem actiuam, siue efficaciam intensiuam, *primo* per simplicem intensiorem virtutis quam habet, ut cum calidum perficitur per intensiorem caloris. *Secundo* per appositionem nouæ formæ, ut cum virtus diaphani perficitur per lumen superadditum & est magnum discrimen inter hos duos modos perfectionis, quoniam per priorem solum datur posse efficere operationem *eiusdem rationis*, sed per posteriorem ut calidum per intensiorem caloris solum accipit posse efficere calefactionem intensiorem: per posteriorem vero datur posse efficere operationem *alterius rationis*, ut aer per lumen superadditum accipit posse illuminare quod antea non poterat. Et quoniam eleuatio siue perfectio virtutis actiuæ in intellectu ad eliciendum visionem Dei est ad operationem altioris ordinis, quam sit quæcumque operatio ad quam virtus naturalis actiuæ intellectus potest extendi, ideo debet fieri per formam superadditam intellectui, & distinctum realiter ab eius virtute naturali: quare falsum est quod in hac probatione supponitur ut certum, scilicet, quod efficaciam intensiuam semper sit modus intrinsecus entitatis potentie operatiue, & nunquam distinguatur ab ea realiter, quoniam hoc solum est verum quando efficaciam est ad operationem connaturalem potentie, non tamen quando est ad operationem non connaturalem, sed supernaturalem aut alterius rationis & connaturali.

Sed obicitur ulterius quoniam, per efficaciam intensiuam perficitur intrinsecè entitas rei cui conuenit ut entitas potentie per suam efficaciam, & entitas caloris per intensiorem, sed entitas intellectus non perficitur intrinsecè & secundum se per lumen gloriæ, quia entitas intellectus intrinsecè & secundum se non est magis perfecta post suspensionem luminis quam antea, ergo lumen gloriæ non se habet ut efficaciam intensiuam intellectus. *Respondetur* maiorem solum esse veram de efficaciam ad operationem connaturalem, non tamen de efficaciam ad operationem supernaturalem.

SECUNDA DUBITATIO, est *utrum intellectus concurrat ad visionem Dei ut causa principalis siue totalis siue partialis, vel potius ut causa instrumentalis*. *Respondetur* cum distinctione, autem intellectus eleuatur per lumen gloriæ quod est habitus inhaerens ipsi, aut per auxilium loco habitus, si eleuatur

priori modo sicut eleuatur secundum legem Dei ordinariam, concurret ut causa principalis quia concurret per formam sibi inhaerentem, & non ut causa partialis ut ex p. c. in solutione dubitationis precedentis, si vero eleuatur posteriori modo sicut potest eleuari per potentiam Dei absolutam, neque concurret propriè ut causa principalis, neque ut instrumentalis, sed medio modo; & aliquid participat de utroque modo concurrendi: quia cum instrumentis conuenit in hoc quod non agit ut eleuatur per propriam formam, sed per auxilium quod habet rationem motionis actualis: differt tamen ab eis & cōuenit cum causis principalibus in hoc quod agit circa proprium obiectum, & per suam coaptationem essentiali, nam licet coaptatio essentialis intellectus non concurrat virtute sibi connaturali, sed virtute accepta ab auxilio actuali, tamē ipsa prærequirit & cōcursit per virtutē illā ad eum modum quo potentia concurret per virtutem & efficaciam sibi connaturalem: qui modus concurrendi valde distinctus est ab eo qui cōuenit instrumentis, quoniam hæc virtus & eleuatio non potest attribui cuilibet enti, sed solum potentie intellectui, & in ea non habet rationem *primæ* potentie & formæ actiuæ, sed efficaciam præsupponentis potentiam actiuam saltem radicalem & incompletā iuxta sententiam *ultima* conclusionis: at vero eleuatio quæ cōuenit instrumentis diuinis potest attribui indifferenter cuilibet enti, & habet rationem *primæ* formæ actiuæ: nam verbi gratia, eleuatio aquæ ad producendum gratiam eodem modo posset attribui lapidi aut cuicumque alteri enti, & non præsupponit in aqua aliquam potentiam actiuam aut coaptationem essentiali ad agendum, & ita ipsa non solum habet rationem efficaciam, sed etiam primæ formæ.

TERTIA DUBITATIO est: *an cum aequali lumine gloria, intellectus qui ex naturalibus est præstantior elicias intensiorem visionem?* *Respondetur* negatiuè quia concursus cuiuscunque potentie, cōmensuratur efficaciam intensiuæ, aut quantitati virtutis, & non coaptationi essentiali, ut patet in caloribus inæqualis intensiorem & in potentis visuius noctuæ & aquilæ, sed in hoc casu efficaciam intensiuam est æqualis, quia ut dixi in secunda conclusione, tota efficaciam intensiuam est à lumine gloriæ, quod supponitur esse æquale: ergo etiam concursus intellectuum ad videndum sunt æquales, & ex consequenti etiam ipsæ visiones sunt æquales.

§ 8. Explicatur quid intelligitur in argumentis aliarum sententiarum, per virtutem actiuam, & soluitur fundamentum primæ sententiæ.

PRO SOLUTIONE argumentorum quæ pro alijs sententijs sunt proposita est aduertendum quod in eis sicut in ipsis sententijs per virtutem actiuam, non intelligitur sola coaptatio essentialis, neque sola efficaciam, sed integra virtus actiuæ constans coaptatione & efficaciam. Et hoc supposito. Ad fundamentum primæ sententiæ quoad priorem partem qua probatur præsupponi in intellectu virtutem actiuam etiam quoad efficaciam respectu visionis Dei, quantum ad eius gradus cōmunes intellectiōis & actionis vitalis. *Respondetur* quoad utrumque gradum sufficit præsupponi ex parte intellectus coaptationem essentiali potentie vitalis & intellectui, & non est necesse præ-

supponi

supponi efficaciam siue quantitatem virtutis. Et ad *posteriores partes*, qua probatur, non præsupponi in intellectu virtutem actiuam quoad coaptationem essentialem respectu eiusdem visionis quantum ad eius gradum specificum. Respondetur concedendo antecedens & distinguendo consequens, si enim intelligatur de virtute actiuâ quoad efficaciam *intensionem*, consequentia est concedenda; si tamen intelligatur de eadem virtute quoad coaptationem *essentialem*, neganda est, quoniam ex supernaturalitate actionis solum sequitur, quod principium effectum debeat esse supernaturale quoad efficaciam *intensionem*, non tamen quod etiam debet esse supernaturale quoad coaptationem essentialem.

§. 9. Satisfic argumentis secunda sententia.

AD PRIMVM secunda sententia *respondet* negando antecedens, quoniam influere in visionem, est concurrere ad eam; & intellectus secundum se & ut præsupponitur lumini, non habet efficaciam *intensionem* respectu visionis, & tamen ut intellectus concurrat ad visionem, aut alia potentia ad aliam actionem, non est satis præsupponi coaptationem essentiali respectu talis actionis, sed simul requiritur efficaciam *intensionem* proportionata tali actioni. Et ad *probationem* respondetur quod de ratione actionis vitalis, si sit connaturalis est, quod principium vitale concurrat ad eam per efficaciam naturalem, si tamen actio sit supernaturalis, quamuis sit de eius ratione quod principium vitale concurrat per coaptationem essentiali non requiritur quod etiam concurrat per efficaciam connaturalem.

AD SECUNDVM RESPONDETUR quod virtus actiuâ respectu visionis quantum ad coaptationem essentiali est solus intellectus, & quantum ad efficaciam *intensionem* est solum lumen gloriæ. Et ex hoc non sequitur, quod intellectus & lumen concurrant ad visionem ut duæ causæ partiales, ut explicui in fine vltimæ conclusionis; neque etiam sequitur alterum inconueniens, quod ibi obijecitur contra eos qui dicunt, totam virtutem actiuam respectu visionis esse lumen gloriæ, scilicet, quod intellectus solum concurrat ad visionem sustentando rationem agendi. Et ad *probationem* dicendum est quod aqua calida ideo ad calefactionem non concurrat influendo, sed solum sustentando virtutem calefactionis: quia ex parte eius neque præsupponitur efficaciam, neque coaptatio essentiali ad calefaciendum, sed calor est tota & integra virtus calefaciendi, tam quoad efficaciam, quam quoad coaptationem essentiali.

AD TERTIVM RESPONDETUR distinguendo *maiores*, si enim intelligatur de potentia actiuâ quoad coaptationem *essentiali*, vera est, quoniam potentia intellectiuâ essentialiter consistit in coaptatione essentiali ad intelligendum, & hæc coaptatio consistit in potentia actiuâ incompleta & radicali, ut explicui in vltima conclusione: si tamen intelligatur de potentia actiuâ quoad efficaciam *intensionem*, falsa est, quoniam hæc non est essentialis potentia intellectiuâ, sicut neque alijs potentijs cogitandi aut appetitui, sed est connaturalis respectu operationis connaturalis, & supernaturalis respectu operationis alterius rationis. Et eodem modo distinguendum est consequens; si enim per potentiam actiuam intelligatur coaptatio

essentialis, concedenda est consequentia; si tamen intelligatur efficaciam *intensionem*, negari debet.

AD QUARTVM RESPONDETUR concedendo *maiores*, si per vim actiuam intelligatur virtus completa quoad efficaciam *intensionem*, & negando *minores*. Et ad *primam probationem* negandum est, quod etiam ut causa partialis possit concurrere, ad aliquem effectum concursu proprio & non participato per aliquam eleuationem; id, quod non habet proportionem cum eo. Et ad exemplum desumptum ex concursu speciei sensibilis aut intelligibilis ad cognitionem vitalem, dicendum est, quod utraque concurret ut subordinata potentia vitali, & ut ita subordinata habet vitalitatem, non quidem intrinsecam, sed ratione potentia quam supponit, & cui subordinatur. Et ad exemplum desumptum ex speciebus intelligibilibus concurrentibus ad actum supernaturalem fidei, dicendum est, quod non concurrunt, nisi ut subordinata habitui fidei aut auxilio supernaturali, de quo agendum est in materia de fide; & quamuis habitus subordinetur potentia quantum ad vitalitatem, quia cum non habeat intrinsecam vitalitatem non potest concurrere ad vitalitatem actus, hoc est, dare ei esse vitale, nisi ratione potentia quam supponit quantum ad cooperationem essentiali: tamen est contrario etiam potentia subordinatur habitui, quantum ad supernaturalitatem, quia secundum se non habet intrinsecam supernaturalitatem, sed solum ratione habitus à quo eleuatur quoad efficaciam, ut possit elicere actum altioris ordinis & supernaturalem. Et ad *secundam probationem*, neganda est *minor*, scilicet, quod ad illos actus supernaturales concurrant nostre potentia ratione facultatis naturalis per se & immediate. Et ad testimonium CONCILII TRIDENTINI, concedendum est colligi ex eo illa *duo* quæ ibi proponuntur, scilicet, & quod actus, quibus disponimur ad gratiam, quatenus sunt supernaturales producuntur efficienter à nostro libero arbitrio; & quod nostrum liberum arbitrium concurrat ad eos, ut cooperans gratia Dei excitanti & vocanti: negandum tamen est sequi ex his duobus, quod liberum arbitrium concurrat per vim actiuam distinctam à gratia excitante & vocante quæ sit sua facultas naturalis sola: quia potest esse alterum extremum illius cooperationis, ut eleuatum per ipsam gratiam excitantem & vocantem, quatenus non exercet causalitatem moralem excitandi & vocandi, sed causalitatem physicam constituendi in actu ipsas potentias, & concurrenti cum eis ad actus liberos supernaturales, qui sunt dispositiones adiuncto concursu supernaturali proportionato supernaturalitati ipsorum actuum, siue simul requiratur aliud auxilium vel alia motio, siue non, de quo nunc non disputo.

AD VLTIMVM RESPONDETUR explicando singula testimonia DIVI THOMÆ. Et de *primo* dicendum est, quod in eo eleuatio, quæ fit per lumen gloriæ appellatur augmentum virtutis intellectiuæ, quia per eam augetur efficaciam *intensionem* intellectus, non quidem per simplicem intensionem, sed per additionem efficaciam pertinentis ad ordinem altioris & supernaturalem. Et ad argumentum, quod ex hoc testimonio desumitur, concedimus, hoc argumentum præsupponere in intellectu aliquam efficaciam *intensionem*, scilicet, connaturalem; negamus tamen hanc efficaciam aut intellectum per eam extendi

illo modo ad visionem Dei. Et dicendum est de secundo testimonio comparationem illam non verificari quoad omnia, sed solum quoad hoc quod sicut habitus non dat posse quoad coaptationem essentialis potentie, sed præsupponit hanc coaptationem, & dat efficaciam aut aliquem modum eius, scilicet facilitatem aut conaturalitatem: Ita etiam lumen gloriæ præsupponit coaptationem essentialis intellectus & dat efficaciam, quamvis in modo quo hæc efficacia est necessaria ad operandum, sit magna inæqualitas; quoniam efficacia quæ datur ab habitu naturali non est simpliciter necessaria: & efficacia, quæ datur à lumine gloriæ est simpliciter necessaria, ita ut sine ea intellectus nullo modo possit concurrere ad visionem. Et de tertio testimonio dicendum est, quod ex illa solutione & ex intentione DIVI THOMÆ in ea, non potest colligi hæc secunda sententia, sed potius opposita: quia in argumento inferitur, angelum perfectius videre Deum quam animam CHRISTI ex eo quod habet perfectiorem intellectum; Et in solutione negatur consequentia, & assignatur hæc ratio, quod visio excedit naturalem potentiam cuiuslibet creaturæ, & ideo gradus in ipsa magis attenduntur secundum ordinem gratiæ quàm secundum ordinem naturæ, quæ ratio non esset sufficiens, nisi ex ea concluderetur, gradus visionis nullo modo attendi secundum perfectionem potentie intellectivæ: quare particula *magis* nō sumitur prout habet vim comparationis & affirmat utriusque extremū, & alteri eorum tribuit excellentiam, sed sumitur pro *potius*, & affirmat vnum extremum exclusionem alterius.

§ 10. *Disiunguntur argumenta tertiæ sententiæ.*

AD PRIMUM TERTIÆ SENTENTIÆ RESPONDETUR primo iuxta sententiā eorum, qui dicunt lumen gloriæ non solum disponere intellectum ad eliciendum visionem Dei, sed etiam ad recipiendū eā; quod sicut ad eliciendū visionē præsupponitur coaptatio essentialis, quæ habet modum potentie actiue incompletæ, & radicalis: ita etiam ad recipiendū eam præsupponitur eadem coaptatio in ratione potentie passiue incompletæ & radicalis aut remotæ: & sicut hæc coaptatio completur & quasi approximatur per lumen gloriæ ad eliciendum visionem: ita etiam approximatur per idem lumen ad recipiendum eam.

Sed obicitur quia iuxta illam sententiā coaptatio essentialis intellectus, quatenus præsupponitur lumen gloriæ, habet aliquo modo rationem potentie actiue & passiue respectu visionis: sed eo modo quo habet rationem potentie passiue non est potentia naturalis, quia non reducitur in actum per actionem agentis naturalis; neque est potentia supernaturalis, quia est ipsa essentia intellectus quæ pertinet ad ordinem naturæ: sed est potentia obedientialis, ut patet ex sufficienti enumeratione specierū potentie passiue; ergo similiter eo modo quo eadem coaptatio habet rationem potentie actiue, non est potentia naturalis, neque supernaturalis, sed obedientialis; & ex consequenti ad elevationem intellectus, quæ fit per lumen gloriæ præsupponitur in ipso intellectu potentia actiua obedientialis respectu visionis Dei.

Respondetur quod de re satis constat qualis &

A quanta potentia tam actiua quàm passiua respectu visionis præsupponitur ad lumen gloriæ: quia constat quod solum præsupponitur coaptatio essentialis intellectus in ratione potentie actiue & passiue radicalis & incompletæ atque remotæ; utrum vero hoc genus potentie debeat appellari potentia naturalis, vel obedientialis, pertinet ad questionem de nomine, in qua meo iudicio satis propriè loquuntur, qui dicunt debere appellari potentiam obedientialem: & non video cur aliqui ex recentioribus refugiant magis uti nomine potentie obedientialis actiue ad hoc propositum, quam nomine potentie obedientialis passiue; cum non magis repugnet, esse in intellectu potentiam obedientialem actiuam respectu visionis aut cuiuscunque alterius actus supernaturalis, quam esse potentiam passiua: imo vero non possit esse potentia passiua, nisi secundum eandem rationem sit etiam potentia actiua. Quod sic probo, potentia passiua, quæ est in intellectu respectu visionis aut cuiuscunque alterius intellectus, non est pure passiua, ita ut solum sit ad recipiendum, sed simul & principalius est actiua, quia est ad recipiendum agendo: ergo secundum nullum modum prioris potest præsupponi in intellectu ratio potentie actiue obedientialis.

Sed nihilominus mihi magis placet quod appelletur potentia naturalis, non simpliciter, sed cum addito, scilicet incompleta, radicalis, & remota, iuxta sententiam tertiæ conclusionis: quia hæc potentia non est aliud quam coaptatio, in qua consistit essentia intellectus, neque argumentum factum pro precedenti sententia conuincit oppositum, quia solum habet vim contra eos, qui dicunt, potentiam illam, quæ præsupponitur ad lumen gloriæ, esse ipsam essentiam intellectus, & esse simul actiuam & passiua, & ut passiua esse obedientialem, & non ut actiuam, quia nulla est ratio huius differentie in essentia intellectus in ratione potentie passiue & actiue, cum, sicut reducitur in actum recipiendi ab agente supernaturali, & propterea dicitur potentia obedientialis: ita etiam reducat in actum agendi ab agente supernaturali, & ex consequenti etiam debeat dici obedientialis ut actiua. Et ad rationem, quæ in hac obiectione probatur, quod potentia passiua, quæ præsupponitur in intellectu, non sit naturalis, scilicet, quia non reducitur in actum ab agente naturali; *Respondetur in primis* nō esse de ratione potentie passiue naturalis, quando solum est remota & incompleta, quod possit reduci in actum ab agente naturali, tum quoniam alias nihil deesset ipsi ut esset potentia passiua incompleta intra ordinem naturæ: tum etiam quia ut reducat in actum debet prius fieri completa & proxima in ratione potentie passiue per dispositionem ad hoc requisitam: & hæc dispositio est supernaturalis, scilicet, lumen gloriæ, & ideo non postulat reduci in actum quatenus pertinet ad ordinem naturæ, & ex consequenti neque reduci per agens sui ordinis.

Deinde dico quod ipse intellectus secundum suam coaptationem essentialem est potentia actiua radicalis & incompleta ad reducendum in actum prædictam potentiam passiua naturalē, & non oportet, quod respondeat illi alia potentia actiua intra ordinem naturæ: quia cum potentia passiua est incompleta & remota, satis est quod in suo ordine, scilicet naturali, respondeat ei potentia actiua etiam incompleta & radicalis. Et ita seruatur optime proportio

inter potentiam actiuam & passiuam, quia sicut intellectus secundum se importat potentiam passiuam respectu visionis remotam & incompletam: ita etiam importat potentiam actiuam incompletam & radicalem; & sicut mediante lumine tanquam dispositione subiecti importat potentiam passiuam proportionatam & connaturalem: ita etiam mediante eodem lumine tanquam vi actiua, importat potentiam actiuam proportionatam & connaturalem.

SECUNDO RESPONDETUR ad idem primum argumentum iuxta sententiam eorum, qui dicunt lumen gloriæ solum disponere intellectum ad eliciendum visionem, & non ad recipiendum eam. Quod quamuis potentia passiuæ, quæ antecederet ad lumen præsupponitur in intellectu respectu visionis, sit obedientialis; nõ sequitur quod etiam potentia actiua, quæ eodem modo præsupponitur, sit etiam obedientialis: & ratio discriminis est, quod iuxta hanc sententiam potentia passiuæ, quæ præsupponitur, est completa & proxima in ratione potentie passiuæ, quia nulla alia requiritur dispositio ex parte subiecti ad recipiendum visionem; at vero potentia actiua, quæ præsupponitur, est incompleta tantum & radicalis in ratione potentie actiuæ ut dictum est in tertia conclusione; & quamuis sit inconueniens concedere, esse intellectu potentiam passiuam naturalem, completam, & proximam, quoniam hæc postulat naturale agens completum, & proximum à quo reducatur in actum; non est inconueniens concedere esse in eo potentiam actiuam naturalem, incompletam, & radicalem, ut supra dictum est.

Verum iuxta hanc solutionem dicendum est quod hæc potentia passiuæ obedientialis formaliter sumpta, non est ipsa coaptatio essentialis intellectus, quatenus habet rationem essentiae, sed quædam conditio ipsius quæ consistit in non repugnantia, fundata in natura potentie, ut ab agente supernaturali possit per modum potentie vitalis reduci in actum videndi Deum: hoc autem *adherio*, quia si sit ipsa essentia intellectus (quæ quoniam est actiua actione immanenti est simul actiua & passiuæ) non poterit reddi ratio cor in quantum passiuæ dicatur obedientialis, & non in quantum actiua, ut dicebam in precedenti solutione.

AD SECUNDVM RESPONDETUR quod hæc potentia actiua est naturalis cum addito, scilicet incompleta & radicalis, iuxta sensum tertiæ conclusionis. Et ad primam probationem oppositi, Respondetur quod hæc potentia non ordinatur proxime & complete ad actum supernaturalem, sed tantum incomplete & radicaliter, & ideo non sequitur quod non sit naturalis: neque oportet quod potentia quæ, hoc modo ordinatur ad actum supernaturalem, habeat proportionem cum eo in ratione supernaturalis, quia ut potentia vitalis sit supernaturalis, non est satis quod intra totam latitudinem obiecti specificatiui aut suorum actuum contineatur aliquid supernaturale, sed requiritur quod obiectum proportionatum suæ efficaciz intensiue sit supernaturale, & quod actus proportionati eidem efficaciz sint supernaturales: quoniam alias non posset aliqua potentia naturalis eleuari per modum potentie vitalis ad attingendum sua operatione aliquod obiectum supernaturale, quia quodcunque obiectum supernaturale esset extra latitudinem sui obiecti. Et quando dicimus, habitus per se in-

infusos esse supernaturales, quia habent vim actiuam proportionatam ad efficiendum actus supernaturales; intelligitur de vi proxima & completa & quæ est proportionata quoad efficaciam intensiuam & non solum quoad coaptationem essentialem; quamuis in habitibus qui sunt magis limitati quam potentie, non decur proportio quoad coaptationem essentialem sine proportionem quoad efficaciam intensiuam.

Et ad secundam probationem Respondetur quod hæc virtus actiua est ipsa essentia intellectus, & ad ea quæ contra hoc obijciuntur, patet solutio ex ijs quæ nunc dicebamus.

AD VLTIMUM RESPONDETUR quod hæc virtus quæ præsupponitur ad lumen gloriæ, non est secundum se virtus principalis, neque instrumentalis; quia nõ est secundum se completa & proxima: sed solum est fundamentum ad agendum per modum causæ principalis, & medio modo inter causam principalem & instrumentalem, iuxta efficaciam intensiuam quæ ei fuerit addita, ut dixi in solutione secundæ dubitationis posita post tertiam conclusionem; quare ad formam argumenti concedo antecedens & nego consequentiam, loquendo de hac virtute secundum se, & non ut completa per efficaciam superadditam. Et ex hoc patet solutio ad probationem, quia procedit ex falsa imaginatione, quod nos dicamus hanc virtutem secundum se, habere efficaciam per modum causæ principalis, cum tamen omnino negemus habere aliquam efficaciam.

§. II. Dissoluntur argumenta vltima sententiæ relata §. 4.

AD PRIMVM VLTIMÆ SENTENTIÆ RESPONDETUR distinguendo antecedens, si enim intelligatur de posse quoad efficaciam intensiuam verum est, si tamen intelligatur de posse quoad coaptationem & essentiam potentie falsum est. Et eodem modo potest distingui consequens, quoniam si per vim actiuam intelligatur efficacia intensiua concedenda est consequentia, si tamen intelligatur coaptatio essentialis, potentie actiuæ, neganda est, & nos solum concedemus vim actiuam, sumptam pro hac coaptatione, præsupponi ad lumen gloriæ. Et ad probationem antecedentis dicendum est quod hæc coaptatio sola sine efficacia, nõ sufficit ut intellectus possit aliquo modo operari neque difficulter neque remisse.

Ad Confirmationem Respondetur, eodem modo, quo Theologi dicunt habitus infusos per se dare potestis posse simpliciter, non quia dent eis posse quoad coaptationem essentialem, sed quia dant posse quoad efficaciam intensiuam, sine qua nulla potentia potest aliquo modo operari.

AD SECUNDVM RESPONDETUR concedendo antecedens & negando consequentiam, si in consequenti per totam virtutem actiuam intelligatur, tam coaptatio essentialis, quam efficacia intensiua: quoniam efficacia est supernaturalis, tamen coaptatio est naturalis, quia est ipsa essentia intellectus. Et ad probationem Respondetur, quod ut seruetur proportio inter integram & completam virtutem intellectiuam & visionem, satis est quod virtus quoad efficaciam sit supernaturalis, quamuis quoad coaptationem sit naturalis: tum quoniam naturalitas vel supernaturalitas actionis responderet efficaciz, & non coapta-

tionem aut essentiam, potentiam: *inm etiam* quoniam actio est supernaturalis, ut actio vitalis, & ideo etiam ut supernaturalis habet intrinsecam dependentiam à principio vitali, atque adeo à principio non supernaturali secundum suam essentiam, licet secundum efficaciam sit naturale: & ita principium, quod secundum potentiam, quæ secundum essentiam est naturalis, & secundum efficaciam supernaturalis, habet totam supernaturalitatem, quæ requiritur ex parte actionis, & ex consequenti est satis proportionata actioni in supernaturalitate.

AD VLTIMUM RESPONDETUR negando antecedens, si intelligatur de potentia quasi ad videndum Deum, quæ sit prima & radicalis, & distinguatur ab omni habitu non solum acquisito & connaturali, sed etiam infuso & supernaturali: hoc est, importet non solum efficaciam intensiuam ad videndum Deum, sed etiam coaptationem essentialem quæ est essentia potentiæ. Quoniam potentia hoc modo sumpta debet habere rationem proprietatis, atque adeo debet dimanare à principiis intrinsecis naturæ, cui conuenit tanquam complementum ipsi debitum; & ex consequenti debet esse connaturalis tali naturæ, quod tamen repugnat principio visionis beatificæ.

Sed obieciat: calor in aqua est prima & radicalis potentia ad calefaciendum, & tamen non habet rationem proprietatis dimanantis à principiis intrinsecis aquæ: ergo similiter lumen gloriæ in homine potuit esse principium visionis Dei per modum potentiæ primæ & radicalis, quamuis non dimanet à principiis intrinsecis naturæ humanæ, sed sit ei omnino supernaturale.

Respondetur negando consequentiam, quoniam quod potentia prima & radicalis ad videndum Deum debet esse proprietas dimanans à principiis humanæ naturæ, non provenit ex communicatione potentiæ actiue primæ & radicalis, quoniam huic non repugnat communicari omnino ab extrinseco, & esse omnino extraneam subiecto, ut constat in exemplo caloris aquæ; sed ex particulari ratione potestatis ad videndum Deum, & ad intelligendum. Et ratio huius est, quod hæc potentia debet esse vitalis, & vitalitas potentiæ non potest consistere nisi in hoc quod sit proprietas intrinseca manens à primo principio vitæ, quod est anima, tanquam complementum ipsi debitum ad perficiendum operationes sibi connaturales.

Et si obieciat ulterius, quod, sicut supra diximus, efficacia potentiæ vitalis non debet dimanare à principio vitæ, sed potest superaddi omnino ab extrinseco, ergo idem poterit dici de coaptatione essentiali, atque adeo de tota potentia quæ solum includit coaptationem & efficaciam;

Respondetur negando consequentiam, quoniam si potentia non dimanaret quoad suam coaptationem à principio vitæ, non esset aliquo modo vitalis, quia in hac coaptatione consistit eius essentia & prima atque substantialis entitas. Et ad probationem illius primi antecedentis quæ est quasi obiectio contra hanc solutionem, Respondetur negando antecedens, & ad primam eius probationem negatur consequentia. Et ratio discriminis inter actum & vitalem potentiam est duplex, quarum prior sumitur ex diuerso modo procedendi à principio vitæ, quoniam actus non procedit ab ea per naturalem

resultantiam tanquam complementum ipsi debitum, sed supposita tota perfectione debita viventi, procedit ab eo per novam actionem distinctam & separatam à productione completa ipsius viventi; & ideo quamuis sit vitalis non est necesse quod sit connaturalis, sed potest esse supernaturalis: at vero potentia vitalis debet procedere à principio vitæ per naturalem resultantiam, quia non præsupponit aliam potentiam qua mediante producatur à viventi per aliam actionem; & ideo debet procedere ut complementum ipsi debitum, & ex consequenti ut quid naturale, quia solum ea quæ habet modum complementi debiti respectu alicuius rei, producantur in ea per naturalem resultantiam. Posterior ratio sumitur ex diuerso modo supernaturalitatis, quoniam supernaturalitas actus, est ad perficiendum immediate potentiam; & non repugnat quod eadem potentia perficiatur per actus naturales & supernaturales quia potest habere efficaciam connaturalem & supernaturalem; at vero supernaturalitas potentiæ, est ad perficiendum immediate naturam, sicut & ipsa potentia, quia una potentia non recipitur immediate in alia, & repugnat quod eadem natura immediate perficiatur per potentias naturales & supernaturales, præsertim eiusdem rationis communis, quales sunt duæ potentiæ intellectiue aut appetitiue, quæ in hoc casu essent concedendæ. Et ad secundam probationem concessio antecedenti, neganda est consequentia præpter rationes nunc assignatas.

ARTICVLVS VI.

Vtrum homo consequatur beatitudinem per actionem alicuius superioris creature:

CONCLUSIO. Est negativa.

IN solutione secundi nota quod Diu. THOM. asserit nullam creaturam posse producere in altera lumen gloriæ ut causam principalem secundam, eo modo quo aqua calida producit calorem in subiecto sibi applicato: & eadem est ratio de gratia habituali & habet locum etiam in CHRISTO Domino secundum quod homo est.

ARTICVLVS VII.

Vtrum requirantur aliqua opera bona ad hoc quod homo beatitudinem consequatur.

CONCLUSIO, A Deo nulla pura creatura commenter beatitudinem consequitur absque motu operationis, per quam tendat in ipsam.

IN qua conclusione ponuntur illæ voces pura creatura, ad excludendum CHRISTVM, qui nullum habuit meritum beatitudinis animæ suæ; & ad comprehendendum Angelos & omnes homines tam adultos quam pueros, nam licet pueri ante perfectum usum rationis non habeant proprium meritum: habent meritum CHRISTI cuius membra sunt per Baptismum: ut Diu. THOMAS inquit,

in solutione secundi: Et intelligitur secundum legem Dei ordinariam, nam de potentia Dei absoluta potuisset Deus puris creaturis concedere beatitudinem sine ullo merito, siue ipsarum, siue communicato à capite. Vtrum vero dentur aliqui casus secundum legem Dei ordinariam in quibus adulti possunt consequi beatitudinem sine merito proprio, explicandum est infra. q. 114. Et vtrum meritum possit esse simul duratione cum beatitudine in termino viæ (vt CAIET. dixit de Angelis,) disputatur, ibidem, & 1. p. q. 62. art. 5.

ARTICVLVS VIII.

Vtrum omnis homo appetat beatitudinem.

PRIMA CONCLUSIO. Si beatitudo consideretur secundum communem rationem beatitudinis, hoc est secundum rationem boni perfecti, & totaliter satisfaciens voluntati, necesse est quod omnis homo beatitudinem velit.

SECUNDA CONCLUSIO. Si beatitudo sumatur secundum specialem rationem beatitudinis, hoc est, quantum ad id in quo beatitudo consistit, non omnes volunt beatitudinem.

COMMENTARIVS.

Et decisio articuli.

CIRCA SENSVM TITVLI & decisionis huius articuli, Nota decipi aliquos expostores, quoniam existimant D. THO. disputare an appetamus necessario beatitudinem, de quorum numero sunt CAIET. & CONTRA. hoc loco, FERRA. 3. c. g. c. 51. in principio ET SOT. in 4. d. 49. q. 2. art. 1. & quamuis CAIET. non dicat hoc expresse tamen dicit materiam huius articuli, esse ab ipso tractatam 1. p. q. 82. art. 1. Et ibi egit de modo necessitatis qui conuenit appetitui

A respectu beatitudinis, & hi omnes conueniunt & merito in hoc quod D. THOMAS, non loquitur de appetitu innato sed de elicitō. Dico autem hos omnes decipi, *sum quia* Diu. THOMAS in titulo absolute inquit vtrum omnis homo appetat beatitudinem, & non vtrum necessario appetat eam; *sum etiam* quia de hac quaestione agit D. THOMAS infra quæst. 10. art. 2. & tandem quia neque potest dici quod D. THOMAS loquatur de appetitu innato, quia dicit rationem secundæ cōclusionis esse quod non omnes cognoscunt id in quo in particulari consistit beatitudo, atque proinde insinuat se loqui de appetitu qui sequitur cognitionem qui est elicitus: Neque quod loquatur de appetitu elicitō, quia non esset verum discrimen quod prædicti authores colligunt ex his conclusionibus, inter beatitudinem in communi & in particulari, scilicet quod beatitudinem in communi appetimus necessario quoad specificationem, non vero beatitudinem in particulari; quia sicut beatitudinem in communi nobis propositam, necessario appetimus actu elicitō quoad specificationem; ita etiam necessario appetimus quoad specificationem, beatitudinem in particulari nobis propositam; *sum quia* magis appetimus eam quam scientiā, & scientiam appetimus necessario quoad specificationem actus; *sum etiam* quia D. THOMAS ideo dicit non omnes eam velle quia non omnes eam cognoscunt ergo significat quod si omnes eam cognoscerent etiam vellent eam sicut beatitudinem sumptam in communi. Sed hoc alibi est probandum latius. Quare quod Diu. THOMAS disputat in hoc articulo est *verum omnis homo in omni sua appetitione cuiuscunque sit obiecti appetat beatitudinem.*

Et Respondet, necesse esse quod appetat beatitudinem in communi, non tamen in particulari. Ita vt sicut supra q. 1. art. 6. quaesuit hoc idem de ultimo fine sub ratione ultimi finis, ita nunc idem quaerat de ultimo fine sub ratione magis particulari, scilicet, sub ratione beatitudinis. Et hic sit finis materiz de beatitudine.



QVÆSTIO VI.

De voluntario & inuoluntario.

METHODVS HVIVS QVÆSTIONIS.



ACTENVS EGIT D. THOMAS DE VLTIMO FINE HOMINIS, tam in communi quam in particulari: iam ab hac quæstione, quæ initium est secundæ partis huius libri, (vt in proœmio diximus) incipit agere de actibus humanis in communi, quatenus eis potest homo in suum finem peruenire, aut ab eo deuiare; quia secundum hanc rationem pertinent ad hanc partem Theologiæ vt dixi q. 1. art. 1. Et quoniam actus humani secundum istam rationem debent esse voluntarij, quia alias non poterunt esse boni aut mali moraliter: ideo incipit in hac quæstione à voluntario, docens quid sit, & vbi inueniatur; & simul agit de inuoluntario, quoniam eo cognito melius percipietur ratio voluntarij, sicut in omnibus contrarijs contingit, & præterea quia inuoluntarium minuit bonitatem & malitiam actus.

ARTICVLVS PRIMVS.

Vtrum in humanis actibus inueniatur voluntarium?

CONCLUSIO, Est affirmatiua:

COMMENTARIVS.

AD CUIVS INTELLIGENTIAM, & eorum quæ dicenda sunt in hac materia, inquirendum est quid sit voluntarium. In quo Nominales dissentiunt à D. THOMA: ipsi enim cum ALMAINO in suis moralibus tract. 1. cap. 1. confundentes voluntarium cum libero, dicunt voluntarium esse operationem, vel omissionem, quæ ita est in potestate agentis, vt positus omnibus præijs & requisitis ad eam, sit in potestate agentis, ponere eam vel non ponere. At vero D. THOMAS in hoc art. Et sequenti dicit, voluntarium esse, cuius principium est intra cognitionem finis: Et hæc definitio proculdubio est melior; quod probo imprimis, quia ita definit voluntariū ARISTO. lib. 3. Ethico. ca. 1. vbi inquit, id sponte fieri, cuius principium est in eo, qui agit res singulares eas, in quibus actio consistit non ignorante. Et DAMASCE. lib. 1. de fide orthod. cap. 24. vbi sic ait: Sponte id fieri dicitur, cuius principium & causam continet is qui agit, resque singulas, per quas actio geritur, & in quibus versatur, (quas rhetores circūstancias) appellant compertas & exploratas habet; Refertur etiam pro eadem definitione GREGOR. NYSSÆ: à D. THOMA in primo argumento, & ab alijs: sed ego solum reperio descriptum quodam exemplo modum operandi propter finem in lib. de hominis opificio cap. 3.

SECUNDO quia multæ sunt actiones, quæ sunt voluntariæ & non liberae; ergo non definitur bene quid sit voluntarium si confundatur cum libero: Proba-

Atur antecedens, nam imprimis beati voluntarie amant Deum & non libere, hoc est, cum indifferentia ad vtrumque; & similiter Deus voluntarie amat seipsum & non libere: & tandem pater & filius voluntarie spirant spiritum sanctum, & tamen sine indifferentia aut libertate ad spirandum & non spirandū, vt nunc suppono ex materia de Trinitate.

Confirmatur, quia id, quod præcise requiritur ad operandum voluntarie, non continet omnia quæ requiruntur ad operandum libere, vt constat in exemplis propositis, & statim magis declarabitur: ergo melius definitur ratio voluntarij, si definiatur vt distincta à ratione liberi, quā si confundatur cum ea.

Sed quoniam his argumentis solum impugnatur definitio ALMAINI, & non explicatur convenientia definitionis D. THOMÆ, ideo ad huius explanationem aduertendum est primo, quod voluntariū dicitur per ordinem ad voluntatem: dupliciter autem potest aliquid importare habitudinem ad voluntatē, scilicet aut tanquā obiectū volitū, aut tanquā actus ad suum principium; & ita dupliciter potest sumi voluntarium, primo vt denominat obiectū voluntatis, quomodo omne illud, quod placet voluntati, & est consonum inclinationi elicite ipsius, appellatur voluntarium: sicut id quod est consonum inclinationi naturali alicuius rei dicitur ei naturale; & hoc modo potest dici, esse volūtarium alicui, quod existat, aut quod exerceat operationes vitæ, scilicet nutritionem & augmentationem, quia potest in vtroque complacere tanquam in obiecto: & eodē modo dicunt Theologi, patrē in diuinis generare voluntarie filium, quia placet sibi quod generat. Secundo sumitur vt denominat actū voluntatis, hoc est cuius ipsa voluntas est aliquo modo principium, & ita sumitur in præfati voluntariū: quoniam hic solum agimus de voluntario, quatenus est cōditio actū & de eo ita sumpto est intelligenda definitio, D. T.

Secundo

Secundo adverte dupliciter posse aliquem actum procedere à voluntate tanquam à principio, scilicet immediate aut mediate, *priori modo* procedunt à voluntate, actus qui eliciuntur ab ipsa, cuiusmodi sunt volitiones & nollitiones; *posteriori modo* illi qui nō eliciuntur à voluntate, sed ab alia potentia quæ operetur ut mota ab ipsa, cuiusmodi sunt moveri localiter, intelligere, & similes: & ex hoc fit ut etiam *dupliciter* dicatur aliquis actus voluntarius, scilicet immediate & mediate, *priorem* appellamus elicitum, *posteriorem* imperatum, & de utroque intelligitur definitio D. THOMÆ, quoniam (ut diximus) utraque importat ordinem ad voluntatem tanquam ad suum principium quatenus transcendit ordinem inclinationis naturalis.

Tertio adverte quod voluntas non concurret ad suos actus eo modo quo inclinatio naturalis ad suos cum habet eos, nam inclinatio naturalis secundum suum esse, & sine apprehensione obiecti est principium actus quo tendit ad ipsum, sicut gravitas sine vlla apprehensione centri inclinat ad motum quo graue movetur ad ipsum: at vero voluntas non inclinat ad actum aliquem nisi præsupposita cognitione obiecti talis actus; & quamvis in hoc conveniat cum appetitu sensitivo etiam quatenus appetitus operatur sine subordinatione ad ipsam & prout recipitur ab ea separatus ut in brutis, tamen adhuc excedit ipsum, quoniam præsupponit perfectiorem cognitionem obiecti. Et ideo modus iste operandi voluntatis qui est distinctus ab eo qui convenit inclinationi naturali, etiam est distinctus ab eo qui convenit appetitui sensitivo, licet sit ei aliquo modo similis, ut dicemus articulo sequenti.

Ex his sequitur primo id quod intendimus scilicet optimam esse definitionem voluntarij traditā à D. THOMÆ in hoc articulo. Probatur quoniam in ea continentur omnia requisita ad voluntarium, quod ita explico: Ad voluntarium prout denominat actum, satis est quod sit actus procedens à voluntate tanquam à principio concurrente secundum modum proprium ipsius voluntatis, quatenus primo excedit ordinem inclinationis naturalis, sed totum hoc exprimitur in definitione Div. THOMÆ, ergo in ea continentur omnia requisita ad voluntarium prout denominat actum. Probatur minor quia procedere actum aliquem à principio intrinseco cum cognitione finis est procedere à voluntate, & secundum modum proprium ipsi voluntati, ut constat ex tertio notabili.

Secundo sequitur omnem actum elicitum immediate à voluntate esse voluntarium, & ex consequenti tam amorem quo Deus diligit seipsum, quam illum quo beati eum amant, & actum quo spiratur Spiritus Sanctus esse voluntariū. Probatur quia voluntas non potest elicere actum nisi modo sibi proprio ratione suæ essentia: sed satis est quod voluntas eliciat isto modo actum ut ipse actus dicatur voluntarius, ergo voluntas non elicit actum qui non sit voluntarius.

Tertio sequitur actus qui non eliciuntur à voluntate sed ab alijs potentijs esse voluntarios mediate, si imperentur à voluntate & non alias, & ex consequenti actus nutritionis, & augmentationis nullo modo esse voluntarios. Probatur quoniam in tantum aliquis actus dicitur voluntarius in quantum importat habitudinem ad voluntatem tan-

quam ad suum principium ut constat ex primo notabili & ex definitione voluntarij, sed actus aliarum potentiarum qui imperantur à voluntate, procedunt mediate ab ipsa tanquam à principio, qui vero non imperantur ab ea non procedunt ab ea villo modo, ergo illi sunt voluntarij mediate, & isti nullo modo.

Ultimo sequitur voluntarium non esse idem cum libero, sed comparari ad ipsum sicut superius ad inferius: Probatur quoniam ad voluntarium satis est procedere à principio intrinseco cum cognitione, sed totum hoc est intrinsecum & essentiale libero, & aliquid amplius, scilicet procedere à principio operante cum indifferentia & indeterminatione, ergo voluntarium habet se ad liberum sicut genus ad speciem: patet consequentia quia gradus ita pertinens ad essentiam rei ut possit ei addi aliquid etiam pertinens ad eandem essentiam necessario debet esse genericus aut constitutivus gradus generici. Neque obstat quod aliqui actus sint voluntarij & non liberi quales sunt illi quos reculimus in secunda illatione, quoniam ex hoc non potest colligi quod voluntarium distinguatur à libero sicut una species ab alia & non sicut genus ab specie, illi enim actus non distinguuntur à liberis quia sunt voluntarij, imo potius in hoc conveniunt cum eis, & distinguuntur, quia procedunt à principio determinato ad unum saltem quoad ipsos, & liberi procedunt à principio indeterminato & indifferenti ad utrumlibet, itaque voluntarium est veluti genus quod contrahitur per determinatum ad unum, & per indifferens ad utrumlibet.

Ex hac illatione habemus tria, primum est infirmam esse rationem quorundam Thomistarum qui probant voluntarium distinguī à libero hoc argumento. Potest aliquid mihi esse liberum & non voluntarium, sicut submersio navis quam potui impedire & non tenebar, est mihi libera & non voluntaria, ergo voluntarium distinguitur à libero, & tamen constat antecedens esse impossibile si voluntarium habet se ut genus liberi. Sed de hoc dicemus articulo tertio: *secundum* est esse evidentem conclusionem D. THOMÆ quoniam si actiones humanæ sunt illæ quæ procedunt à voluntate deliberata, ut diximus q. 1. art. 1. necessarium est quod sint liberae, atque proinde voluntariae, *Tertium* est optime posse convenire eidem voluntati respectu diversorum obiectorum duos modos operandi, scilicet cum indifferentia, & cum determinatione ad unum, quoniam non specificatur per ordinem ad eos in particulari sumptos, sed per ordinem ad hoc quod est voluntarie operari, hoc enim respicit primario voluntas, & quasi secundario illos duos modos: Neque propter istos duos modos operandi oportet concedere in voluntate duas inclinationes, sed sufficit una ratione cuius sit propensa *primario* ad operandum voluntarie, & *secundario* ad operandum voluntarie cum indifferentia & libertate aut sine ea, iuxta exigentiam obiectorum, quod amplius explicari potest exemplo nostri intellectus, cui etiam respectu diversorum conveniunt duo modi operandi, scilicet cum discursu & sine eo.

ARTICVLVS II.

Verum voluntarium inueniatur in animalibus Brutis?

PRIMA CONCLUSIO. *Soli rationali creatura competit voluntarium secundum rationem perfectam.*

SECUNDA CONCLUSIO. *Voluntarium secundum rationem imperfectam competit brutis.*

COMMENTARIVS.

QVOD IN BRUTIS SIT voluntarium docet expresse ARIST. 3. Ethic. cap. 2. ubi ita inquit: *Eius enim quod sponte fit & pueri sunt participes, & reliqua animalia, quod etiam non sit in eis ita perfectum sicut in hominibus, nemo negauerit, & vtriusque ratio atque explicatio potest facile sumi ex ijs quæ diximus articulo præcedenti.* Pro quo aduerte quod sicut in nobis reperitur voluntas quæ aut elicit actus aut mouet alias potentias vt eliciant eos, & cognitio obiectorum ad quæ terminantur huiusmodi actus, & aliorum quæ ad eos requiruntur, & ideo dicimus actus præcedentes aliquo modo à toto isto principio hoc est à voluntate cum cognitione prædicta, esse voluntarios; ita etiam dicere debemus in brutis esse actus voluntarios quoniam etiam est in eis principium aliquod suorum actuum simile illi; est enim in brutis appetitus sensitivus, qui vt inquit D. THOMAS in solutione primi est quedam participatio voluntatis, in quantum habet cum ea convenientiam aliquam & similitudinem; & præterea huiusmodi appetitus non operatur nisi præsupposita cognitione obiecti, & aliquorum ex ijs quæ necessaria sunt ad operandum. Neque obstat quod denominatio voluntarij sumatur à voluntate, quoniam vt inquit Diu. THOMAS ad primum inde potuit extendi ad ea in quibus est aliqua assimilatio cum voluntate.

SECUNDO ADVERTE quod cognitio quæ requiritur ad voluntatem, est cognitio rerum singularium in quibus actio consistit & per quas exercetur quas circumstantias solemus appellare, vt aperte docet ARIST. lib. 3. Ethic. cap. 1. & lib. 5. cap. 3. & DAMASCENVS 2. de fide orthodox c. 24. cuius verba retulimus articulo præcedenti, & ideo ibi tantum reperietur perfecte voluntarium, ubi fuerit harum rerum perfecta cognitio, quare cum homo possit operari cum perfecta cognitione obiecti, & omnium circumstantiarum, in eo reperietur voluntarium secundum perfectam rationem, in brutis vero solum reperietur secundum imperfectam quandam rationem, quoniam bruta neque cognoscunt omnes circumstantias, neque eas quas possunt apprehendere (scilicet quis operetur, & obiectum, & instrumentum quo actio est exercenda) cognoscunt perfecte sed imperfecte. Et idem dicendum est de homine quantum ad operationes procedentes ab appetitu sensitivo operante sine subordinatione ad voluntatem, quoniam huiusmodi operationes nullo modo procedunt ex perfecta cognitione hoc est neque immediate, sicut operationes elicite à voluntate neque mediate, sicut illæ quæ eliciuntur ab alijs potentijs & ab ipso appetitu cum subordinatione ad motionem voluntatis: imo & idem dicendum est propter ean-

dem rationem de actibus elicitis aut imperatis ab ipsa voluntate sine perfecta cognitione, nam quanto minus perfecta fuerit hæc cognitio, tanto huiusmodi actus erunt minus perfecte voluntarij.

Et si quæras, quomodo dicatur voluntarium de voluntario quod est in hominibus, & de eo quod est in brutis.

Aliqui respondent quod analogice, quoniam in brutis solum dicimus esse voluntarium quia est in eis quedam participatio voluntarij quod est in hominibus seu quedam assimilatio ad ipsum: Sed mihi verius videtur quod dicatur vniuocè: Pro quo aduerte quod voluntarium dupliciter sumitur, scilicet in particulari, & secundum communem rationem, & quamuis secundum priorem considerationem non posset esse perfectum sine perfecta cognitione, tamen secundum posteriorem solum postulat quod sit à principio intrinsecò cum cognitione circumstantiarum abstrahendo ab hoc quod huiusmodi cognitio sit omnium circumstantiarum vel aliquarum tantum, & quod sit perfecta aut imperfecta; & quia totum hoc præcise consideratum reperitur æqualiter in voluntario brutorum & in voluntario hominum, & sine vlla dependentia vnius ad alterum, ideo necessarium est quod de eis dicatur vniuocè.

Et ad argumentum oppositæ sententiæ dicendum, illud intelligi quantum ad denominationem quæ proculdubio sumpta est à voluntario hominum vt diximus.

DVBIUM

An ratio qua D. Thom. probat perfectum voluntarium non competere brutis, sit vera?

DIFFICULTAS EST circa rationem qua Diu. THOMAS probat in brutis non reperiri voluntarium secundum rationem perfectam, supponit enim in ea requiri ad huiusmodi voluntarium quod procedat ex cognitione finis secundum rationem finis & proportionis mediorum ad ipsum, & postea inquit, ad huiusmodi cognitionem sequi voluntarium perfectum, in quantum qui habet eam potest deliberando de fine & de ijs quæ sunt ad finem moueri in finem vel non moueri.

In hoc autem tria continentur quæ videntur falsa: Primum est cognitionem requisitam ad voluntarium perfectum esse cognitionem finis in ratione finis, & proportionis mediorum ad ipsum; Ex quo sequitur neque amorem quo Deus diligit se ipsum aut quo diligitur à beatis neque actum quo spiratur spiritus sanctus esse perfecte voluntarium, quod sic probo: actus qui procedit ex illa cognitione est propter finem ex directione operantis: sed nullus ex illis actibus est hoc modo propter finem vt probauimus supra, q. 1. art. 2. ergo neque procedit ex tali cognitione, & ex consequenti neque est perfecte voluntarius.

Confirmatur quia amor essentialis quo Deus se diligit & actus quo spiratur spiritus sanctus non habent finem cuius gratia sint, ergo non sunt à vo-

luntate cum illa cognitione & ex consequenti non sunt perfecte voluntarij.

Secundum est, voluntarium perfectum esse idem cum libero; ex quo magis confirmatur id quod dicebamus de illis tribus actibus, scilicet nullum eorum esse perfecte voluntarium, quoniam nullus eorum est à principio indifferenti ad utrumque respectu ipsius.

Ultimum est deliberationem esse de fine & de medijs cuius contrarium est expressa sententia ipsius D. THOM. infr. q. 14. ar. 2. & ARIST. 3. Ethic. cap. 2. & 3.

Sed ad primum Respondetur negando sequelam & ad probationem dico quod quamvis requiratur illa cognitio tam perfecta ut operans dicatur operari propter finem ex propria directione, non tamen sufficit, sed ulterius requiritur quod ea præsupposita maneat voluntas indifferens ad utrumque, hoc est ad operandum, vel non operandum; & media illa cognitione determinat se ad alterum, tunc enim dicitur agens operari propter finem ex propria directione, quia sicut ex propria virtute & facultate determinat se ad operandum, ita etiam ex eadem dicitur ordinare operationem suam aut medium quod per eam amplectitur in finem, ac vero quando stante illa cognitione voluntas est determinata ad operandum, siue hoc proveniat ex cognitione radicaliter, siue solum tanquam ex conditione necessario requisita & per se ex ipsa natura voluntatis, tunc sicut operans non se determinat ad operandum, ita neque dirigit aut ordinat suum actum in finem, sed tota directio provenit ab auctore illius determinationis; & ita contingit in actu quo beatus amat Deum. Et idem dico proportionaliter de alijs duobus actibus, nam quamvis possent habere causam finalem, non dicerentur esse propter finem ex directione operantis quia voluntas non se determinat ad eos supposita indifferentia, sed determinata est ex sua natura.

Ad confirmationem Respondetur D. THOMAS uti nomine finis prout significat comprehendere aut causam finalem aut obiectum, & ita sensus ipsius est quod cum actus habuerit causam finalem, necessaria est cognitio huius causæ, ut dicatur perfecte voluntarius: quando vero non habuerit causam finalem, sed obiectum, sufficiet cognitio obiecti, quare ex hac parte nihil deest illis duobus actibus ut sint perfecte voluntarij, cum uterque sit à voluntate cum perfectissima cognitione obiecti & omnium quæ ad eos requiruntur.

Ad secundum Respondent aliqui non esse sensum D. THOMAS quod actus perfecte voluntarius debeat esse formaliter liber, sed quod debet esse à voluntate quæ posset libere operari, quod certum est convenire illis tribus actibus.

Sed contra quia D. THOMAS ita inquit perfectam igitur cognitionem finis sequitur voluntarium secundum rationem perfectam prout scilicet, apprehenso fine, aliquis potest deliberans de fine & his quæ sunt ad finem, moveri in finem vel non moveri: quibus verbis expresse docet, ipsum actum cui convenit ratio perfecta voluntarij, exerceri cum indifferentia ad utrumque. Alij admittunt actus illos non esse voluntarios perfecte & dicunt non derogare hoc divine perfectioni, quoniam esse perfecte voluntarium non est perfectio simpliciter simplex. Sed isti aperte decipiuntur, quoniam supponunt volunta-

rium perfectum prout distinguitur ab imperfecto quod est in brutis, non differre à libero, quod tamen est falsum, quoniam ad voluntarium perfectum, satis est quod sit à principio intrinseco cum perfecta cognitione eorum quæ requiruntur ad actum, ut supra diximus ex ARISTOTELE, & totum hoc potest reperiri sine indifferentia aut libertate.

IDEO ALITER Respondetur quod D. THOMAS non comprehendit illis verbis adequate voluntarium perfectum, sed alteram speciem eius, scilicet illud quod est cum libertate, quoniam hoc sufficiebat ad excludendum voluntarium quod est in brutis à ratione perfecti voluntarij, id autem potest colligi hac ratione: quod voluntarium non sit liberum potest provenire ex duplici capite, scilicet ex magna perfectione obiecti aut ex defectu cognitionis, sed in brutis non provenit ex primo, ergo provenit ex secundo & ex consequenti non est in eis voluntarium perfectum, quoniam hoc non est sine perfecta cognitione: Constat autem quod hæc ratio non habet locum in actibus qui referuntur in argumento, quoniam quod illi sint necessarii non provenit ex defectu cognitionis sed ex perfectione obiecti.

AD TERTIUM dico verba illa esse intelligenda de deliberatione de fine quatenus per media potest obtineri, quæ potius est deliberatio de ipsis medijs.

ARTICVLVS III.

Vtrum voluntarium possit esse absque omni actu.

PRIMA CONCLUSIO. Voluntarium directe non potest esse absque aliquo actu.

SECUNDA CONCLUSIO. Voluntarium indirecte potest esse absque actu, aliquando quidem absque actu exteriori tantum, aliquando vero etiam absque interiori.

TERTIA CONCLUSIO. Ad voluntarium indirecte tria requiruntur, scilicet posse teneri, & non velle aut non imperare.

*Q*UONIAM D. THOMAS art. 1. huius quæstionis definierat voluntarium esse quod est à principio intrinseco hoc est à voluntate, ideo merito dubitat nunc, utrum possit reperiri voluntarium sine omni actu, potest enim sumi ex illa definitione ratio dubitandi pro parte negativa ut statim dicemus. Circa secundam conclusionem

DVBIVM PRIMVM EST

Vtrum possit dari voluntarium sine omni actu tam voluntatis quam intellectus.

§. 1. Argumenta pro parte negativa.

*I*N HOC DVBO D. THOMAS aperte sequitur partem affirmatiivam quoad utrumque actum, nam in conclusionem hac, sequitur eam quoad actum voluntatis, & in solutione ad tertium quoad actum intellectus. Alij vero inter quos sunt

ALMA : in suis moralibus tracta. 1. cap. 1. Et ANGUSTVS in suis moralibus cap. 6. super textum primum in solutione 16. argumenti conueniunt cum D. THOMA in primo, & differunt in secundo : sed quoad utrumque actum probatur pars negatiua, & primo quoad actum voluntatis, quia voluntarium est, quod procedit à voluntate vt à principio vt diximus art. 1. sed non potest intelligi quomodo procedat aliquid à voluntate vt à principio nisi sit operatio elicitā aut imperata ab ea, vel saltem terminus operationis, ergo non potest reperiri voluntarium sine omni actu voluntatis.

Confirmatur quia non potest aliquid procedere à voluntate vt à principio nisi voluntate ipsa aliquo modo concurrente, sicut vniuersaliter non potest aliquid procedere ab aliqua causa nisi causa habeat causalitatem circa ipsum, sed non potest voluntas concurrere nisi agendo: ergo non potest aliquid procedere à voluntate vt à principio & ex consequenti neque esse voluntarium sine omni actu voluntatis.

SECUNDO probatur idem quia duobus tantum modis dicitur aliquid voluntarium in actu, hoc est non solum habitu aut in potentia, scilicet formaliter & virtualiter: sed neutro modo potest aliquid esse voluntarium sine aliquo actu voluntatis, ergo non potest dari voluntarium in actu sine omni actu voluntatis: Probatur minor, quia imprimis certum est non dari voluntarium formaliter sine actu voluntatis: quod vero idem sit dicendum de voluntario virtualiter, *Probatur* quia voluntarium virtualiter supponit voluntarium formaliter, ergo si ad voluntarium formaliter requiratur aliquis actus voluntatis, etiam erit necessarius ad voluntarium virtualiter. Probatur hoc vltimum *antecedens* quia voluntarium virtualiter dicitur aliquid quatenus est voluntarium in virtute alicuius quod est formaliter voluntarium, sicut non dicitur aliquid volitum virtualiter nisi quatenus est volitum in virtute alterius quod est volitum formaliter, vt media dicuntur volita virtualiter quatenus eorum volitio continetur in formali volitione finis.

Confirmatur quia omne id quod est tale *per accidens* reducitur in id quod est tale *per se* tanquam in causam, sed voluntarium indirecte est voluntarium *per accidens*, ergo reducitur in voluntarium directe quod est voluntarium *per se* tanquam in causam, & ex consequenti præsupponit semper aliquem actum voluntatis, quia voluntarium directe non est sine eo, vt D. THOMAS docet in prima conclusione.

TERTIO quando voluntas est indifferens ad eliciendum actum volitionis & ad non eliciendum eum, neutrum dicitur ei voluntarium in actu secundo, quia non est maior ratio de vno quam de altero, & utrumque simul non potest esse voluntarium in actu secundo, respectu eiusdem voluntatis, sed quamdiu voluntas non elicit actum nisi ei addatur actus quo velit non elicere, semper manet eodem modo indifferens: ergo nunquam erit ei magis voluntarium non elicere actum quam elicere nisi ei addatur actus quo determinetur ad non eliciendum, & ex consequenti non dabitur voluntarium sine omni actu voluntatis.

QUARTO D. THOMAS infr. q. 71. art. 5. probat non dari peccatum omissionis sine aliquo actu vo-

luntario, ergo absolute non potest dari voluntarium sine aliquo actu voluntatis. Patet consequentia, quia si ad voluntarium malum, requiritur aliquis actus multo magis erit necessarius ad voluntarium bonum, & ex consequenti ad omne voluntarium erit necessarius.

VLTIMO probatur quod non possit dari voluntarium indirecte sine aliquo actu ex parte intellectus, quia ommissio actus solum dicitur voluntaria quia est in potestate voluntatis exercere actum aut omittere ipsum vt sæpe D. THOMAS docet in hoc articulo, sed non est hoc situm in potestate voluntatis sine cognitione obiecti, ergo ommissio actus non est voluntaria siue actu ex parte intellectus: Probatur *minor* quia tunc dicitur esse situm in potestate voluntatis exercere actum & omittere, cum adsunt omnia requisita ad utrumque, vnum autem ex requisitis ad exercendum actum est cognitio obiecti.

Dicitur vt videtur insinuare D. THOMAS hic ad 3. satis esse quod sit in potestate hominis considerare aut non considerare.

Sed contra quia consideratio quando non est actu, solum dicitur esse in potestate hominis, quoniam homo potest libere excitare intellectum ad eam: sed non potest homo excitare suum intellectum ad certam considerationem alicuius obiecti in particulari sine media cognitione, ergo consideratio quando non adest, non dicitur esse in potestate hominis sine omni cognitione.

Confirmatur quia alias cuiuscunque obiecti aut actus ommissio esset dicenda voluntaria homini: patet quia secluso omni actu intellectus non est in voluntate maior facultas ad excitandum intellectum ad considerationem vnius obiecti quam ad considerationem alterius.

S. 2. Præmittuntur aliqua ad quæstionis decisionem necessaria

IN HAC QUÆSTIONE prius est separandum id quod est sine difficultate certum, ab eo quod est difficile: Pro quo *adverte* quod dupliciter potest aliquid dici voluntarium, scilicet in potentia, & in actu, vt priori modo dicatur voluntarium satis est quod sit in potestate voluntatis tanquam in causa quæ habeat facultatem ad ipsum, sicut mihi est nunc liberum ambulare etiam si sedeam, quoniam habeo liberam facultatem ad ambulandum si velim; vt vero dicatur voluntarium posteriori modo, non sufficit quod in voluntate sit facultas ad ipsum, sed requiritur quod aliquo modo sit hæc facultas voluntatis redacta in actum, & quod habeat aliquam causalitatem respectu ipsius. Estque ratio huius discriminis, quod voluntarium importat habitudinem ad voluntatem vt ad causam vel ad principium, ergo vt sit in potentia satis est quod voluntas habeat facultatem ad ipsum, vt vero sit in actu necessarium est quod habeat aliquam causalitatem. Patet consequentia quia vt id quod dicitur habitudinem ad aliquam causam sit in potentia, satis est quod causa habeat sufficientem facultatem ad extrahendum ipsum de potentia in actum: non tamen sufficit hoc vt sit in actu sed necessaria est aliqua causalitas ipsius cause.

Confirmatur quia quando causa est reducibilis de potentia in actum qualis est nostra voluntas

non

non potest importare habitudinem ad suum effectum aut terminum ut in actu, nisi media causalitate. Et ex hoc discrimine constat, quod in hac questione non est difficultas de voluntario in potentia; quoniam, cum ad hoc sufficiat, quod in voluntate sit potestas aut facultas respectu ipsius, certum est quod potest reperiri sine omni actu voluntatis, sicut ante omnem actum, est in voluntate prædicta facultas: sed difficultas tota est de voluntario in actu, & de hoc inquirimus, utrum possit esse sine actu voluntatis, qui aliquo modo terminetur ad ipsum, & ratione cuius tanquam causæ habeat quod sit voluntarium.

§. 3. Decisio questionis.

SIT PRIMA CONCLUSIO, *Bene potest reperiri voluntarium in actu sine actu formali voluntatis, qui ullo modo terminetur ad ipsum, erit tamen voluntarium indirecte & non directe: Prima pars probatur, quia quando aliquis tenetur aliquid facere, potest omittere illud culpabiliter sine omni actu formali voluntatis, qui aliquo modo terminetur ad ipsum: sicut cum quis tenetur audire rem sacram, potest non audire culpabiliter, quamvis non habeat in voluntate actum, quo aliquo modo vellet non audire; ergo in eo casu, ommissio illa erit voluntaria sine actu formali voluntatis terminato aliquo modo ad ipsam: patet consequentia, quia non potest reperiri culpa aut peccatum ubi non est voluntarium.*

Ad hoc respondent aliqui, non posse omitti voluntarie sine actu voluntatis, qui terminetur ad ipsam omissionem aut formaliter, ut si sit volitio omitterendi; aut saltem virtualiter & consecutivæ, ut si sit volitio alicuius impossibilis cum actu omitterendo: & ad argumentum negant antecedens, & huius sententiæ videtur esse BVRIDA. lib. 3. Ethic. quæst. 9.

Sed contra, posito quod præceptum obliget ad aliquid faciendum, & quod aliquis id advertat, & habeat omnia requisita ad operandum, potest omittere illud, quamvis non habeat actum voluntatis, quo velit omittere aut facere aliquid, quod sit impossibile cum illo opere: & tamen in isto casu, omittere opus illud est voluntarium, quoniam est peccatum; ergo bene potest reperiri voluntarium sine actu voluntatis terminato ad ipsum aut formaliter, vel virtualiter, vel consecutivæ. Probatur maior dupliciter: Primo quia in illo casu voluntas est æque indifferens ad eliciendum actum, quo velit adimplere præceptum illud, & ad non eliciendum eum; sed potest elicere huiusmodi actum sine alio actu, quo velit elicere eum siue formaliter siue consecutivæ, quoniam alias daretur processus in infinitum in actibus voluntatis; ergo etiam potest non elicere eum sine actu, quo velit aut formaliter aut consecutivæ non elicere. Secundo probatur eadem maior, quoniam in illo casu voluntas non est determinata ad volendum omittere, quoniam alias non peccaret volendo omittere, cum id faceret sine libertate; neque ad volendum facere aliquid impossibile cum adimplitione præcepti, cum propter idem inconueniens, cum etiam quia non est determinata voluntas ad volendum aliquod obiectum sub ratione boni particularis, si ipsi proponeretur exercitium illius operis; ergo bene potest omittere adimplitionem præ-

cepti, quamvis non habeat aliquem ex illis actibus.

Secunda etiam pars probatur, quia istud voluntarium non est à voluntate ut habente influxum & realem concursum in ipsum, sed potius ut non efficiente: ergo non est à voluntate directe sed solum indirecte; ergo solum est voluntarium indirecte. Hæc secunda consequentia patet, quia cum voluntarium in actu dicatur in ordine ad voluntatem ut ad principium, ut paulo superius diximus, eo modo erit aliquid voluntarium, quo fuerit à voluntate: Prima vero probatur, quia id tantum dicitur esse directe per modum effectus ab aliqua causa, in quod talis causa habet influxum vel concursum, aut immediatum, aut saltem mediatum; negationes vero solum dicuntur esse à causis indirecte, & quasi medio quodam circuitu, quatenus scilicet, tales causæ possunt concurrere ad effectus positivos, quibus positivis non essent illæ negationes, & de facto non concurrunt.

SECUNDA CONCLUSIO. *Non potest dici aliquid voluntarium directe sine actu interpretativo aut virtuali voluntatis, respectu ipsius; aut aliter. Ut ommissio aliqua dicatur voluntaria, necessarium est quod voluntas ita se habeat circa ipsam, ut ex eius dispositione possit censei quod vult eam.*

Probatur primo, quia etiam voluntarium indirectum est aliquo modo à voluntate tanquam à principio: quoniam alias non erit voluntarium in actu: sed non à voluntate ut influente, & concurrente formaliter, ergo saltem est ab ea ut influente interpretative aut virtualiter.

Confirmatur primo, quia ad voluntarium indirecte non satis est quod voluntas se habeat solum permissive, ergo requiritur quod habeat concursum interpretativum respectu ipsius: Antecedens patet, quia alias peccata dicerentur voluntaria indirecte respectu divinæ voluntatis.

Confirmatur secundo, quia in voluntario indirecto, prout imputatur ad culpam, possumus distinguere rationem peccati actualis ab habituali quod manet transacto actuali, & ex consequenti etiam possumus distinguere voluntarium actuale ab habituali: quoniam eo modo, quo aliquid est peccatum, est etiam voluntarium; ut si quis eo tempore, quo præceptum obligat ad aliquid faciendum, non faciat, dicitur peccare actu peccati omissionis; & peccatum dicitur actuale & actu voluntarium; postea vero transacto illo tempore, dicitur esse in peccato aut in statu peccati, & peccatum manens in eo appellatur habituale, & voluntarium habitualiter: sed ista distinctio non potest intelligi, nisi dicamus, peccatum & voluntarium actuale includere aliquem actum, & habituale non includere actum, sed manere eo transacto; cum ergo voluntarium indirectum in actu, non includat actum formalem, (ut diximus in prima conclusione,) necessario postulabit actum interpretativum.

Sed obijciat, id, quod est indirecte voluntarium, potest esse directe inuoluntarium ratione formalis nolitionis terminatæ ad ipsum, ergo non requiritur ad indirecte voluntarium volitio interpretativa ipsius.

Consequentia patet, quia repugnat quod voluntas actu for-

actu for-

Actu formali nolit aliquid, & quod simul dicatur velle interpretatiue illud idem, si enim positive non vult illud non se habet circa illud ac si vellet, neque ex eius dispositione potest censeretur quod vult illud, & *antecedens* probatur, quia medico diligenti infirmum displicet eius mors, & tamen poterit esse ipsi voluntaria indirecte si negligens sit in adhibendis remediis contra infirmitatem, & similiter nauclero est directe involuntaria nauis submersio quæ sit cum eius morte, & tamen simul est ipsi voluntaria indirecte si negligenter se gerat in nauis gubernatione.

Respondetur transeat antecedens si intelligatur de nolitione inefficaci, & nego consequentiam, & ad probationem dico, nolitionem illam formalem inefficacem posse esse simul in eadem voluntate cum volitione interpretatiua de qua loquimur. Pro quo *adverte* quod nolitio formalis inefficax voluntarij indirecti, est actus quo voluntas inefficaciter vult illud voluntarium non esse, & ex consequenti est actus ex propria ratione insufficiens, ut ex vi ipsius sequatur oppositio, seu executio eorum quæ requiruntur ad vitandum id quod ita est nolitum; & ideo bene stat quod voluntas habeat huiusmodi actum & quod simul sit negligens in prædicta executione, quoniam actus iste quantum est ex sua natura non postulat eam: at vero volitio interpretatiua non est actus aliquis formalis superadditus ipsi voluntati, sed est ipsamet voluntas quatenus ita se habet circa illud voluntarium ac si vellet illud, & quatenus ex modo se habendi possumus eam interpretari dicendo quod vult, & ideo hæc volitio potest esse simul cum illa nolitione, quoniam ut voluntas habeat hanc dispositionem satis est quod cum sufficienti aduertentia sit negligens in executione eorum quæ requiruntur ad hoc ut illud voluntarium indirectum non sequatur; quoniam est negligens in opponendis medijs necessarijs ad consecutionem finis, ita se habet ac si nollet ipsum, quia facit aut amittit id quod faceret aut omitteret si nollet, & merito possumus interpretari ipsum dicendo quod non vult finem. Et quod voluntas ut ita negligens non repugnat volitioni prædictæ ut dixi. Est autem aduertendum quod consulto dixi posse admitti illud antecedens si intelligatur de nolitione inefficaci, si enim intelligatur de efficaci falsum est, quoniam volitio efficax quantum est ex sua natura est sufficiens principium illius executionis, ergo repugnat quod simul cum ea sit voluntaria negligentia in eadem executione.

TERTIA CONCLUSIO. Bene potest reperiri voluntarium indirectum sine aduertentia formali intellectus quæ terminetur actu ad ipsum in particulari (hoc est) sine actuali consideratione ipsius, non tamen sine interpretatiua aut virtuali.

Prima pars probatur primo autoritate Div. Thomæ in solutione ad tertium, nam argumentum erat hoc: de ratione voluntarij est cognitio, ergo voluntarium non potest esse saltem sine actu cognitionis: & respondet quod eo modo requiritur ad voluntarium actus cognitionis, quo requiritur actus voluntatis, quare sicut non requiritur for-

malis actus voluntatis, ita non erit necessarius formalis actus intellectus.

Deinde probatur ratione quia omissiones quæ sunt per inadvertentiam vincibilem dicuntur voluntariæ, & tamen non habemus aliquem actum intellectus circa ipsas. *Secunda etiam pars* probatur quia non potest esse aliquid à voluntate ut à principio, nisi media cognitione, ut patet ex definitione voluntarij: sed voluntarium indirectum est à voluntate ut à principio, quoniam est voluntarium in actu ut diximus, ergo necessaria est ad ipsum aliqua cognitio aut formalis aut interpretatiua.

Confirmatur primo quia sicut nihil volitum quin præcognitum, ita nihil potest dici interpretatiue volitum nisi sit cognitum saltem interpretatiue: sed voluntarium indirectum debet esse volitum à voluntate interpretatiue voluntatis, ut diximus in conclusione præcedenti ergo etiam debet esse cognitum interpretatiue.

Confirmatur secundo quia voluntarium indirectum est liberum & humanum quoniam est à voluntate ut habente liberam facultatem ad ipsum & ad oppositum, ergo præsupponit aliquam aduertentiam rationis saltem interpretatiuam: patet consequentia quia sine omni aduertentia non est libertas in actu secundo si nulla sit aduertentia intellectus circa omissionem aliquam, hoc est, neque formalis, neque interpretatiua, nullo modo potest ommissio imputari voluntati ad culpam, ergo neque est voluntaria, patet consequentia quia ommissio voluntaria præcepti imputatur ad culpam.

Confirmatur tertio quia si secludatur omnis aduertentia intellectus circa omissionem, solum se habebit voluntas negativè respectu omissionis, ergo nullo modo est ipsi voluntaria talis ommissio, patet consequentia, quia ita se habet voluntas in isto casu respectu illius omissionis sicut voluntas ebrij aut dormientis qui nullo modo potuit prævidere quod ex ebrietate aut somno poterat provenire illa ommissio, certum est autem quod respectu huius, ommissio non est voluntaria.

SED DIFFICULTAS RESTAT circa duas ultimas conclusiones, quod obiectum habeant illi actus interpretatiui, quos in eis diximus requiri ad voluntarium indirecte, scilicet volitio & aduertentia interpretatiua? *Respondetur* quod aduertentia habet pro obiecto illum actum cui opponitur ommissio ut indifferentem ex natura rei ad hoc ut mandetur executioni, & ut omittatur, volitio vero interpretatiua habet pro obiecto ipsam omissionem, & probatur hoc, quoniam volitio interpretatiua consistit in hoc quod interpretamur voluntatem dicendo quod non vult elicere actum aut operari, neque ex hoc sequitur quod ommissio sit tantum voluntaria ut voluntarium denominat obiectum, & non ut denominat actum, quoniam volitio interpretatiua non est aliquid superadditum potentie per modum actus tendentis in omissionem tanquam in obiectum, sed est ipsa potentia quatenus cessat ab actu cum tali dispositione, ut possumus iudicare quod vult non velle aut non agere; cum quo stat quod

negatio actionis sit immediate ab ipsa voluntate, & ex consequenti voluntaria per modum actus.

§. 4. Soluuntur argumenta in principio
anby adducta.

AD PRIMVM RESPONDETUR, utramque præmissam, ut sit vera vniuersaliter, egerè explicatione: nam maior ut sit vera vniuersaliter respectu cuiuscunque voluntarij siue directi siue indirecti, intelligenda est de duplici modo procedendi à voluntate, scilicet, directe, & indirecte; & similiter minor ut sit vera de quocunque ex istis duobus modis procedendi à voluntate, debet intelligi de operatione voluntatis aut formali aut interpretatiua; & ita explicatis præmissis neganda est consequentia, si consequens intelligatur de actu formali voluntatis: quod si intelligatur indifferenter de actu formali aut interpretatiuo, non erit argumentum contra nostram sententiam, quoniam in secunda conclusione diximus expresse, non reperiri voluntarium indirectum in actu sine actu interpretatiuo voluntatis.

Ad confirmationem Respondetur, maiorem solum esse veram de eo, quod est à voluntate directe, non autem de eo quod est ab ea indirecte: & voluntarium de quo loquimur solum esse à voluntate posteriori modo, neque mirum est quod negatio actus dicatur esse à voluntate, quatenus non agit aut non concurrit, quoniam negationes vniuersaliter dicuntur esse à causis quatenus non efficiunt positiva quibus opponuntur, & quibus positis non essent ipsæ negationes, sicut tenebræ dicuntur esse ex sole, quatenus sol non producit lucem.

AD SECVNDVM RESPONDETUR maiorem solum esse veram de voluntario directe, nam voluntarium indirecte solum dicitur voluntarium, quia voluntas non vult, aut non agit cum potest & tenetur, & ideo potest reperiri sine actu formali terminato ad ipsum siue mediate siue immediate. Neque obstat quod in secunda conclusione diximus, voluntarium indirectum esse voluntarium interpretatiue aut virtualiter, quoniam aliud est esse voluntarium volitione interpretatiua aut virtuali, & aliud esse virtualiter voluntarium volitione tamen formali, quoniam prior volitio non est formaliter actus sicut secunda, & primum affirmauimus nos de voluntario indirecto in illa conclusione. Secundum vero nunc negamus.

Ad Confirmationem Respondetur satis esse quod voluntarium indirectum reducat ad voluntarium directum, interpretatiue, & ad hoc non requiri volitionem formalem, sed sufficere interpretatiuam, quam diximus in secunda conclusione esse necessariam ad voluntarium indirectum. Verum aduerte quod cum dicimus voluntarium indirectum reduci ad directum ratione illius voli-

Ationis interpretatiue, non est intelligendum de omni voluntario indirecto, sed solum de eo quod est sine omni actu: quando enim omisio est actu volita non præsupponit volitionem interpretatiuam, quoniam satis est quod præcesserat volitio formalis, quæ est volita?

AD TERTIVM RESPONDETUR concedendo maiorem & negando minorem, quia quando non elicere actum dicitur voluntarium intelligitur voluntas ut determinata ad ipsum ratione volitionis interpretatiue: quid autem requiratur ut voluntas censeatur habere hanc volitionem interpretatiuam, dicemus dubio sequenti.

AD QVARTVM RESPONDETUR quod nos solum diximus, posse dari voluntarium indirecte sine actu voluntatis qui terminetur ad ipsum tanquam eius causa: an vero possit reperiri sine aliquo actu voluntario qui saltem se habeat concomitanter ad ipsum, non pertinet ad hanc disputationem, neque nos circa hoc definimus aliquid: & hoc modo videtur Diuus THOMAS docere, illo loco non dari omissionem liberam sine actu voluntario, quod quæ ratione sit intelligendum dicemus ibi.

AD VLTIMVM RESPONDETUR optimam esse solutionem ex Diu. THOMA relata, & ad eius impugnationem, dico quod quamuis ut voluntas libere excitet intellectum ad certam considerationem alicuius obiecti in particulari, necessarius sit actus liber quo voluntas velit totum hoc obiectum, scilicet intellectum excitari ad illam considerationem, atque proinde etiam sit necessaria cognitio totius obiecti illius actus liberi, quoniam voluntas ad quemcunque actum requirit propositionem obiecti, quæ sit à potentia cognoscitiua: tamen non est necessarium quod ista cognitio terminetur ad illud obiectum in particulari, sed satis est quod terminetur ad ipsum in confuso & secundum rationes communes; sufficit enim quod intellectus cognoscat hoc modo aliquod obiectum, ut voluntas possit libere excitare ipsum ad cognitionem eiusdem obiecti perfectam & in particulari. Quare fateor, quod, ut sit in libera facultate voluntatis mouere intellectum ad considerationem alicuius obiecti, necessarium est quod in intellectu sit cognitio eiusdem obiecti in confuso, & in communi: nego tamen necessarium esse, quod sit in ipso cognitio eius in particulari; & consequenter etiam concedo non dari voluntarium in actu sine actu intellectus, nego tamen non posse reperiri sine formali aduertentia intellectus ad obiectum in particulari, & hoc solum voluit Diuus THOMAS in solutione ultimi, & nos in vltima conclusione.

D V B I V M II.

Vtrum ad voluntarium indirecte, requiratur quod voluntas possit & teneatur velle aut agere, & non velit aut non agat, ut D. Thomas videtur docere in ultima conclusione articuli.

HOC DVBIUM SVB alijs verbis proponitur sic, an vt voluntas dicatur velle interpretatiue non agere (quod dubio præcedenti diximus esse satis vt non agere dicatur voluntarium indirecte) requirantur istæ tres conditiones: scilicet, posse & teneri facere & non facere. In quo certum est apud omnes requiri duas extremas conditiones, scilicet posse facere & actu non facere, quoniam ablata posteriori aufertur casus quæstionis. scilicet, quod nullus sit actus voluntatis, non enim potest illa auferri nisi per hoc quod voluntas faciat: & ablata priori aufertur fundamentum, vt ipsum non facere, possit tribui voluntati tanquam effectus proueniens ab ea, quod requiritur ad voluntarium in actu, vt diximus dubio præcedenti; non enim dicitur aliqua causa principium negationis, nisi quatenus non concurrat ad positium cui opponitur talis negatio, vt etiam diximus ibidem, quare necesse est quod possit concurrere ad huiusmodi positium. De secunda vero conditione est magna difficultas vtrum sit necessaria?

§. 1. Sententia 1. docet, conditionem hanc scilicet actu non facere. Solum esse necessariam vt omissio sit indirecte voluntaria imputabiliter, sed non simpliciter.

IN qua re est prima sententia ANGELI in suis moralibus cap. 6. in expositione textus, in definitione consensus interpretatiui, & cap. 10. in expositione textus primi, parum ante tertiam conclusionem, & aliorum recentiorum, qui dicunt conditionem illam solum esse necessariam vt omissio sit voluntaria imputabiliter, hoc est ita vt imputetur ad culpam, non tamen vt simpliciter sit voluntaria indirecte, supponuntque ad tollendam æquiuocationem, quod quamuis omissio soleat sumi pro peccato omissionis, tamen in hoc dubio, non ita sumatur, sed pro quacunque negatione actus siue sit peccatum siue non.

PROBATVR ISTA SENTENTIA PRIMO voluntariū est quod est in potestate voluntatis: sed quāuis nullum sit præceptum audiendi rem sacram, est situm in potestate voluntatis audire & non audire, supposito quod non adsit ignorantia aut aliqua causa determinans aut cogens ad alteram partem, ergo qui in isto casu non audit, voluntarie non audit. Probatur maior testimonio ARISTOTELIS, qui lib. 3. Ethico. cap. 5. ea dicit nobis esse voluntaria quæ possumus efficere & omittere, &

A ita probat nos voluntarie & nostra sponte esse probos aut improbos, quia in nostra situm est potestate turpia & honeste agere, & similiter non agere.

Confirmatur primo, qui in isto casu audit rem sacram proculdubio dicitur audire voluntarie, idque solum quia in ipso est prædicta potestas: ergo similiter si non audiat dicitur non audire voluntarie, patet consequentia quia illa potestas non minus erit sufficiens vt audire sit voluntarium, quam vt non audire sit etiam voluntarium.

Confirmatur secundo quia vt DIU. THOMAS inquit in argumento SED CONTRA; illud cuius Domini sumus dicitur esse voluntarium; sed eodem modo sumus Domini huius quod est non audire rem sacram, siue sit præceptum obligans ad audiendum siue non, ergo eodem modo est nobis voluntarium.

SECUNDO ad voluntarium indirecte, satis est quod sit à voluntate concurrente interpretatiue, vt constat ex ijs quæ diximus dubio præcedenti: sed omissio potest esse hoc modo à voluntate quamuis nullum sit præceptum obligans ad actum oppositum, ergo etiam potest esse voluntaria indirecte. **Minor** probatur tripliciter; **primo** quia si quis possit tantum subuenire vni ex duobus qui laborant extrema necessitate, & velit alicui eorum determinate subuenire, eo ipso vult interpretatiue non subuenire alteri, quamuis non habeat actum quo nolit subuenire: & tamen nullo præcepto obligatur ad subueniendum illo, ergo in isto casu omissio subueniendi est à voluntate concurrente interpretatiue, quia est volita interpretatiue, & tamen sine obligatione ad subueniendum. **Secundo** quoniam qui sciens & prudens omittit aliquid, censetur interpretatiue velle omittere; sed vt aliquis ita omittat non est necessarium quod sit præceptum obligans, ad non omitendum, ergo neque etiam vt omissio sit volita interpretatiue, & ex consequenti neque vt sit à voluntate concurrente interpretatiue.

Et ultimo quoniam omissio quæ potest esse actu formali volita, potest etiam esse volita actu interpretatiuo, quod est esse à voluntate concurrente interpretatiue; sed omissio audiendi rem sacram potest esse volita actu formali seclusa omni obligatione audiendi, nihil enim vetat quod in diebus profectis habeat quis actum voluntatis quo velit non audire rem sacram, ergo etiam potest esse volita interpretatiue.

TERCIO voluntarium in actu dicitur per ordinem ad principium intrinsecum agentiaut omitte, est enim quod est à principio intrinseco cum cognitione: ergo non est necessarium præceptum obligans ad aliquem actum vt eius omissio sit voluntaria, patet consequentia quia præceptum est omnino extrinsecum agenti.

QUARTO. Omissio sine vilo præcepto obligante ad actum oppositum potest esse libera, ergo & voluntaria: **consequentia** patet, quia vt diximus articulo primo huius quæstionis, voluntarium comparatur ad liberum sicut genus ad speciem. Et **antecedens** probatur, **nam** quia si quis sciens & prudens omittat audire rem sacram, eodē modo omittit, hoc est, cum eadem in-

differentia ad omittendum & non omittendum, siue sit præceptum obligans ad non omittendum siue non, ergo & cum eadem libertate, patet consequentia, quia libertas in operando aut omittendo consistit in indifferentia potentia ad utrumque; *tum etiam*, quia ut voluntas libere agat, non est necessarium quod teneatur agere, sed satis est quod possit agere & non agere, ergo similiter ut omittat libere, satis erit quod possit omittere & non omittere.

QVINTO, potest imponi de nouo præceptum prohibens omissionem aliquam quæ antea non esset prohibita: sed præceptum non facit, sed potius præsupponit esse voluntariam materiam de qua datur, ergo omissio illa ut præsupponitur præcepto, & ex consequenti seclusa præcepto habet, quod sit voluntaria. *Probatur minor*, quia vel id de quo imponitur præceptum est voluntarium prius natura, quam præceptum obliget ad ipsum vel posterius: si *primum* ergo non habet à præcepto quod sit voluntarium, quia effectus non est prior ordine naturæ sua causa: *secundum* vero dici non potest, quia nemo potest obligari ad id quod non est sibi voluntarium & sicum in sua potestate; & ita ARISTOT. 3. Ethicor. cap. 5. inquit quod *nemo excitat ad eas actiones, quæ neque in nobis posita sunt, neque sponte nostra obveniunt, perinde quasi nihil profuturum sit persuasum nobis esse, ut ne vel caleamus, vel d. leamus, vel esuriamus, vel aliquid aliud tale.* Quod si hoc de excitatione aut persuasionem concedi debet, multo maiori ratione concedendum erit de obligatione præcepti, ergo non potest fieri neque intelligi quod aliquis sit obligatus præcepto ad aliquid prius natura, quam illud sit ipsi voluntarium.

Dices non imponi præceptum prohibens omissionem, nisi quatenus præcipitur actus oppositus, sicut non prohibetur omissio audiendi rem sacram, nisi quatenus præcipitur actus audiendi, & ideo non esse necessarium, quod omissio ut præsupponitur præcepto sit voluntaria, sed satis est quod sit capax voluntarij.

Sed contra, quia si actus præcipitur ergo prius natura; quam aliquis obligetur præcepto ad actum, debet ei esse voluntarius ipse actus, ergo etiam commissio debet esse ei voluntaria prius natura, quam obligetur ad actum: Prima consequentia facile potest probari eo argumento quo paulo superius probauimus idem de omissione: Secunda vero probatur, quia non potest esse aliquis actus voluntarius libertate contradictionis, nisi etiam eius omissio sit voluntaria.

VLTIMO. Si causa omissionis est mihi voluntaria, etiam ipsa commissio debet esse voluntaria, sed actus positivus quo impediatur ab audienda missa, est mihi voluntarius simpliciter, etiam si non tenear audire, ut si die profecto libere velim intendere studio alicuius rei eo tempore quo missa est celebranda. Ergo etiam omissio audiendi missam est mihi voluntaria quamuis nullo præcepto tenear audire, maior probatur, quia in naturalibus causis positivi, etiam est causa priuationis quæ ex illo necessario sequitur, sicut causa generationis, etiam est causa corruptionis: ergo si voluntas est principium & causa actus ex quo sequitur, omissio etiam est

A dicenda principium omissionis. Et in moralibus si causa est voluntaria etiam effectus positivus, qui intrinsece & per se sequitur ex ea dicitur voluntarius, ut si quis proijciat sagittam, & ex eo sequatur per se homicidium, etiam ipsum homicidium dicitur ei voluntarium, modo addit sufficiens aduertentia aut formalis aut interpretatiua. Ergo idem dicendum est de effectu priuatiuo, scilicet de omissione.

§ 2. Punctis proponuntur secunda & tertia sententia.

SECUNDA SENTENTIA est aliorum qui dicunt conditionem illam requiri ad voluntarium indirecte, hanc sequuntur CAIETAN. & COVARR. hoc loco: & CAIETAN. infra quæst. 18. art. 9. & verè hæc est sententia DIVI THOMÆ ut probabimus postea, & referemus eius fundamenta.

TERTIA SENTENTIA inter has media est quorundam recentiorum qui primum aduertunt in negatione actus duo posse distingui quæ dicantur voluntaria, scilicet, ipsam omissionem actus, & effectum positivum qui ex ea sequitur, ut si non subueniam indigenti, & ex eo sequatur eius mors, ibi duo possunt dici voluntaria, scilicet omissio subueniendi, & mors, & hoc supposito dicunt conditionem illam non requiri ad primum, sed solum ad secundum, itaque iuxta sententiam istam, ut omissio censeatur voluntaria alicui, omnino requiritur quod teneatur non omittere, ut vero effectus qui sequitur ex omissione dicatur ei voluntarius, necessarium est quod teneatur non omittere. Fundamentum huius sententiæ quoad priorem partem possunt esse argumenta adducta pro secunda sententia, quoad posteriorem vero adducetur statim.

§ 3. Decisio dubij, ut omissio vel effectus secutus ex omissione censeatur voluntarius, necessaria est illa conditio scilicet, ut is qui omittit, teneatur non omittere.

PRO solutione supponenda est duplex distinctio, prima est voluntarij etiam indirecti, in voluntarium in potentia, & in voluntarium in actu, quam explicuimus dubio præcedenti. Altera est omissionis, ab effectu ex ea subsequuto, quam explicuimus cum referebamus ultimam sententiam.

PRIMA CONCLUSIO, ut effectus secutus ex omissione censeatur voluntarius indirecte necessarium est, quod qui omittit teneatur non omittere, ita quod si non teneatur non poterit effectus dici voluntarius respectu ipsius, sed ut plurimum permissus. Hanc conclusionem statui priori loco, quoniam etiam notior est sequenti & ab omnibus communiter recipitur. Et probatur primo testimonio D. THOMÆ in hoc articulo, ubi ita inquit: *sed sciendum quod non semper id quod sequitur ad defectum actionis reducitur sicut in causam in agens, ex eo quod non agit, sed solum tunc cum potest & debet agere:*

Dices DIVVVM THOMAM non loqui de reductione in voluntatem absolutè, sed de tali reductione ut sufficiat ad hoc ut effectus imputetur ipsi voluntati ad culpam, quoniam statim explicans sententiam verborum quæ retulimus exemplo gubernatoris navis, inquit, quod nisi esset ei commissæ gubernatio navis, non imputaretur ei navis submersio. Sed contra, quia post exemplum istud aperte explicat, quod per imputari voluntati, intelligat esse à voluntate ut à principio: inquit enim, quod quando voluntas potest & debet agere & non agit, tunc non agere imputatur, ei, quasi ab ipsa existens.

SECUNDO, si non sit obligatio ad non omittendum, non potest effectus positivus reduci in voluntatem tanquam in causam aut principium, ergo neque potest dici voluntarius, consequentia patet, quia nil dicitur voluntarium in actu tanquam effectus, nisi in ordine ad voluntatem ut ad principium aut causam eius. Et antecedens probatur, quia dupliciter tantum potest esse effectus ille à voluntate tanquam à causa, scilicet, physicè vel moraliter: sed neutro ex istis modis potest esse ab ea, ergo nullo modo. Probatur ista *minor*, quia imprimis non est ab ea physicè quod sic ostendo: aut voluntas in isto casu nihil agit, (ut ex suppositione concedendum est) & ita certum est non provenire ab ipsa physicè effectum de quo loquimur, quia non potest reperiri causalitas physica in genere causæ efficientis sine concursu & actione actuali: aut agit aliquid, & sic cum opus illud non sit productivum effectus de quo loquimur, quoniam alias huiusmodi effectus esset directè à voluntate, (quod est contra suppositionem) necessario concedendum est quod solum concurrat ad effectum illum tanquam impediens, ne voluntas faciat id quod posset ne sequeretur ille effectus, & ex consequenti quod etiam ipsa voluntas eo mediante nullum habet concursum in effectum illum, sed ut plurimum se habet tanquam non removens prohibens, quod tamen certum est non sufficere ut effectus positivus dicatur provenire physicè ab ipsa tanquam à causa, quod vero non proveniat ab ea moraliter probatur, quia non potest provenire à voluntate moraliter nisi media omissione, solum enim potest dici voluntas causa illius effectus quatenus omittit: sed secluso præcepto non omittendi nullam connectionem moralem, habet ille effectus cum omissione, alias redderet ipsam bonam aut malam moraliter, ergo neque procedit à voluntate moraliter.

SECUNDO probatur conclusio, quia damnum alterius quod sequitur ex actu positivo quem nullo præcepto tenemur omittere non est nobis voluntarium, neque directè, neque indirectè, & ideo non imputatur nobis ad culpam, ut cum **CASSIUS** concedunt omnes expositores **D. THOMAS** inf. q. 20. art. 5. ergo maiori ratione concedendum est effectum subsequutum ex omissione, non esse nobis voluntarium neque directè, neque indirectè, quando nullo præcepto est prohibita talis omisio.

Dices effectum de quo fit sermo esse voluntarium physicè, & non moraliter, & ideo non imputa-

ri ad culpam, & eodem modo esse voluntarium effectum qui sequitur ex omissione in casu consequentis. Sed contra primo, quia saltem de effectum qui sequitur ex actu positivo est impossibile, quod sit voluntarius physicè & non moraliter, quia impossibile est, quod voluntas sit eius causa libera & non moralis, quoniam omnis actus positivus cuius causa est voluntas ut libera, & cum perfecta advertentia est regulabilis per rationem; Et hoc est satis secundum omnium sententiam ut sit in genere moris: & quod idem sit dicendum de alio effectum qui sequitur ex omissione, probabimus paulo inferius.

Secundo in multis casibus nulla potest reddi ratio cur effectus proveniens ex omissione dicatur voluntarius uni & non alteri, nisi quod unus tenetur non omittere & alter non: ergo concedendum est necessariam esse conditionem istam, scilicet, teneri non omittere: probatur antecedens quoniam imprimis, si duo cum æquali advertentia & libertate omittant claudere fores templi, alter tamen cum obligatione claudendi & alter sine ea, si ex hac omissione provenierit quod fures aliquid ex templo surripiant, priori dicetur voluntarium huiusmodi furtum & non posteriori: & similiter si navis propter defectum directionis submergatur, illa submersio solum dicetur voluntaria illi qui ex officio tenebatur dirigere navim, & non alijs quamvis cum eadem advertentia & libertate omiserint dirigere eam: huius generis sunt plura alia exempla.

AD HOC RESPONDENT aliqui effectus istos solum imputari ad culpam ijs qui tenebantur non omittere, esse tamen voluntarios etiam respectu aliorum. *Sed contra* non potest aliquis in illis casibus esse causa voluntaria damni alterius sine culpa ergo repugnat, quod effectus illi sint voluntarii respectu alicuius, & quod non imputentur ei ad culpam: consequentia patet, quia ut effectus qui sequitur ex omissione sit alicui voluntarius, necessarium est quod procedat aliquo modo ab eius voluntate tanquam à principio & causa, ut constat ex ijs quæ diximus dubio præcedenti. Et antecedens probatur, quia esse causam illius damni non est bonum moraliter, imo dissonat rationi, ergo est malum.

Confirmatur primo, quia velle actu formali damnum alterius in illis casibus esset peccatum, quoniam huiusmodi actus habet obiectum malum & repugnans legi; ergo etiam velle actu interpretativo idem obiectum, quia actus interpretativus æquivaleret formali: sed necessarium est ut aliquid sit voluntarium indirectè quod saltem sit volitum actu interpretativo, ut diximus dubio præcedenti, ergo non potest esse voluntarium in illis casibus damnum alterius, quin etiam imputetur ad culpam.

Confirmatur secundo, quia propter illos effectus non potest aliquis laudari non enim est dignus laude esse eorum causam: ergo potest vituperari, ergo potest ei imputari ad culpam quod fuerit eorum causa: prima consequentia probatur, quia **ARISTOTELIS** tertio Ethicorum ca. 1. videtur supponere, ut certum

nihil esse voluntarium quod non sit dignum laude aut vituperio, & ita probat actiones quæ proveniunt ex ignorantia circumstantiarum esse involuntarias, quoniam in his locum habet misericordia & venia, non autem vituperatio aut laus: Secunda etiam probatur, quia ut inquit DIVVS THOMAS infr. quæst. 21. artic. 2. non est aliud laudari aut vituperari aliquem, quam imputari ipsi bonitatem aut malitiam sui actus.

Sed ad hæc omnia Respondent alij effectus illos qui referuntur in argumento, solum esse voluntarios moraliter respectu eorum qui tenentur non omittere, esse tamen voluntarios physice, etiam respectu aliorum qui non tenentur. Ex ideo prioribus tantum imputari ad culpam & non posterioribus, atque ita iuxta illorum sententiam, conditio illa de qua disputamus, solum est necessaria ut effectus proveniens ex omissione sit voluntarius moraliter, non tamen ut sit voluntarius physice.

Verum hæc solutio satis impugnata est primo argumento, quoniam in eo probauimus non posse effectum politicum, qui sequitur ex omissione provenire à voluntate physice, & ex hoc optime sequitur non esse voluntarium physice, quoniam voluntarium physice, est quod physice est à voluntate tanquam à principio. Deinde saltem respectu voluntatis creatæ nullam habet apparentiam, quod sic probo. Esse principium morale alicuius effectus, vel est idem quod est principium voluntarium & liberum, vel solum addit, quod sit principium subiectum regulæ quantum ad directionem suæ libertatis: sed totum hoc convenit voluntati creatæ respectu illorum effectuum, si ipsi effectus sint ei voluntarij, ergo non possunt illi effectus esse voluntarij respectu voluntatis creatæ quia sint ab ea tanquam à principio morali, quod est esse voluntarios moraliter. Probatur minor quia imprimis non possunt illi effectus dici voluntarij respectu voluntatis creatæ nisi aliquo modo procedant ab ipsa ut à principio voluntario, quoniam de ratione voluntarij est esse à principio intrinseco, & præterea ipsa voluntas creata in quantum principium liberum est subiecta legi.

Confirmatur quia voluntas creata ideo est principium operandi cum subiectione ad regulam, quia est libera, & habet dominium suorum actuum, ergo non potest aliquid esse ab eo ut à principio perfecte libero quin sit ab eo ut à principio subiecto regulæ, & ex consequenti, moraliter unde impossibile mihi videtur quod voluntas, siue agendo, siue omittendo sit principium alicuius effectus cum perfecta libertate & aduertentia, & quod non sit principium eius morale, quia non potest ipsa ut principium perfecte liberum, separari à subiectione ad regulam. Addi tamen in principio huius argumenti limitationem illam, saltem respectu voluntatis creatæ, & ea usus sum in toto argumento, quia aliqui dicunt Deum esse causam liberam peccati, etiam quoad malitiam moralem, supposito quod hæc sit aliquid potissimum, non tamen esse causam moralem, sed physicam aut naturalem, de quo dicam in materia de peccatis.

SECUNDA CONCLUSIO, ut omissio prout

A distinguitur ab effectu qui ex eo subsequitur, sit voluntaria in actu, necessaria est illa conditio, scilicet, quod is qui omittit teneatur non omittere. Probatur primo testimonio DIVI THOMÆ, nam quamvis superius dicat necessariam esse conditionem istam, ut id quod sequitur ad defectum actionis reducat in agens, sicut in causam, ex eo quod non agit, in quibus verbis expresse loquitur de effectu qui sequitur ad omissionem, & propterea aliqui crediderint de eo tantum esse intelligendam sententiam, tamen paulo inferius ita colligit ex illa regula: quia igitur voluntas, volendo & agendo potest impedire hoc quod est non velle & non agere, & aliquando debet, scilicet, impedire, ideo hoc quod est non velle & non agere imputatur ei quasi ab ipsa existens. Et sic voluntarium potest esse absque actu: ubi tanquam causam propter quam ipsa omissio sit voluntaria, assignat quod voluntas possit & teneatur impedire eam. Neque loquitur solum de voluntario morali aut imputabili ad culpam, ut aliqui dicunt, ut patet ex illis verbis, quasi ab ipsa existens, ex quibus aperte colligitur, quod loquitur de voluntario absolute, quoniam nullo modo potest omissio esse voluntaria in actu, nisi à voluntate habeat tanquam à principio eum modum existendi secundum quam dicitur esse actu.

SACUNDO. Voluntas ut æqualiter indifferens ad agendum & non agendum, & non magis determinata ad unum quam ad alterum, aliquid minus habet quam ut principium à quo actu intelligitur procedere omissio actus, quia sic est determinata ad alteram partem, scilicet ad omittendum: sed secundum priorem statum habet potentiam ad agendum & non agendum, & negationem actus, quoniam alias non esset æque indifferens ad utrumque, sed determinata ad actum: ergo secundum posteriorem aliquid amplius debet habere: hoc autem cum non sit aliquid physicum ipsi superadditum, necessario erit aliquid morale, scilicet obligatio ad agendum.

Confirmatur, quia omissio actus comparata ad voluntatem in priori statu: est voluntaria tantum in potentia & non in actu, ergo non sufficit ut sit voluntaria in actu quod voluntas possit agere & non agat, sed requiritur etiam quod teneatur: probatur antecedens, quia voluntas in illo statu non est actu principium omissionis, alias non esset æqualiter indifferens ad agendum & non agendum, sed determinata ad alterum, scilicet ad non agendum, sicut cum est actu principium actionis est determinata ad agendum, ut autem omissio sit actu voluntaria, necessarium est quod aliquo modo procedat à voluntate tanquam à principio, ut diximus dubio precedenti.

Dicit voluntatem nunquam habere statum illum in quo sit æque indifferens ad agendum & non agendum, ita ut habeat negationem utriusque, quoniam semper necessarium est quod agat aut non agat, cum hæc duo sint immediate opposita respectu ipsius.

Sed contra, quia licet inter actum & negationem actus non detur medium, tamen inter hæc duo, scilicet, voluntatem esse principium actus, & esse principium à quo

negatio actus habeat quali existentiā, bene datur medium, scilicet ipsa voluntas ut indifferens ad utrumque: sicut cum obligat præceptum ad aliquid agendum, prius, saltem ordine naturæ, est voluntas indifferens ad agendum & omittendum, quam actu sit principium actionis aut omissionis: neque potest dici quod in isto casu sit voluntas prius indifferens solum moraliter & non physice, *nam quoniam* ficticia est indifferencia moralis voluntatis, quæ omnino sit distincta a physica, ita ut nullo modo eam includat: quoniam indifferencia est modus physicus potentie; *nam etiam*, quia quamvis distinguatur ab ea, debet saltem præsupponere eam, quoniam libertas aut indifferencia physica est fundamentum indifferencie moralis.

TERTIO omisso operis boni, secluso præcepto non omittendi, non est bona neque mala moraliter, ergo non est voluntaria. *Antecedens* patet, quia præcise omittere bonum opus, ut opus consilij, non habet rationem boni, neque etiam potest esse malum si non sit contra aliquod præceptum; *consequentia* vero probatur, quia, ut sæpe diximus, ut omisso sit voluntaria in actu, necessarium est quod procedat à voluntate, ut à principio perfecte libero: nihil autem potest procedere isto modo à voluntate creata, quod non procedat ab ea ut ab agente morali, & ex consequenti aut bene aut malo moraliter; sicut id quod procedit ab aliquo agente ut ab artifice, necessario debet procedere aut bene aut male per respectum ad regulas artis.

Confirmatur, quia iuxta sententiam **DIVI THOMÆ** infra quæst. 18. artic. 9. nullus est actus voluntarius, aut liber in individuo, qui non sit bonus vel malus moraliter, ergo idem dicendum est de omissione voluntaria in actu; patet consequentia, quia hoc etiam procedit suo modo à voluntate tanquam à principio perfecte libero, & cum perfecta aduertentia.

Ad hoc Respondent aliqui, omissiones, de quibus loquimur, non esse voluntarias moraliter, sed physice duntaxat, & ideo neque esse bonas neque malas moraliter: ut vero defendant non esse voluntarias moraliter, hanc reddunt rationem, quod non important ordinem ad legem, cum nulla lex eas prohibeat aut præcipiat, & sine ordine ad legem nulla potest esse moralitas in omissionibus, aut etiam in actibus voluntariis.

Sed contra, quia voluntas est principium morale illius omissionis, ergo ipsa omisso est moralis: *consequentia* patet, quia sicut effectus procedens ab homine ut artifex est debet esse artificialis, ita effectus procedens à voluntate in quantum est principium morale debet esse moralis. *Antecedens* vero probatur, quia, ut supra dicebamus, non potest voluntas creata esse principium cum perfecta libertate & aduertentia, quin sit principium morale.

Est autem advertendum ut omnino hæc solutio rejiciatur, quod qui ea utuntur, decepti sunt, quoniam non intelligunt in quo consistat, actionem aliquam aut omissionem esse voluntariam moraliter, abstrahendo à bonitate vel malicia;

existunt enim consistere in hoc, quod est esse lege aliqua prohibitam aut præceptam; quod tamen si esset verum, non posset explicari quomodo actus, aut omisso, habeat moralitatem præcise à bonitate & malicia, quoniam per ordinem ad legem prohibentem aut præcipientem, habet determinate bonitatem aut maliciam, nec potest ad eam comparari quin habeat alteram earum. Quare dicendum est quod sicut actus dicitur artificialis, quatenus procedit à principio subiecto regulis artis, bonus aut ematur malus in genere entis, artificialis, quatenus illis regulis est conformis aut disformis, ita etiam actio vel omisso dicitur moralis, quatenus procedit à principio subiecto regulis morum; & quoniam voluntas creata ut perfecte libera & cum perfecta aduertentia, est subiecta regulis morum, quia tenetur dirigere suam libertatem per ordinem ad eam: ideo nihil potest procedere à voluntate ita libera, quin procedat ab ea, ut à principio morali, & ex consequenti, ipsum etiam pertinet ad genus moris.

§ 4. Solutio Argumentorum principalium.

AD PRIMUM prime sententie. Respondetur negando maiorem si intelligatur de voluntario in actu, nam quamvis, esse in potestate voluntaris, sufficiat ad voluntarium in potentia; non sufficit ad voluntarium in actu: sed requiritur quod procedat actu à voluntate habente potestatem illam, & in hoc consistit eius ratio formalis; ut vero omisso procedat suo modo à voluntate, necessarium est præceptum non omittendi. Et ad probationem dico, aut **ARISTOTELI** loquantur de voluntario in potentia, aut si loquantur de voluntario in actu, sensum eius esse, ea esse nobis voluntaria, quæ actu efficitur com potestate ad faciendum & omittendum. Et quod hic sit eius sensus, constat ex eo, quod in argumento refertur, velle ipsam probare, scilicet, nos sponte nostra esse probos aut improbos, non enim sumus voluntarii actu tales, quatenus habemus potestatem ad utrumque, sed quatenus cum hac potestate eligimus alterum eorum.

Ad primam Confirmationem concessio antecedente, neganda est consequentia, & ratio discriminis est manifesta, quia audire rem sacram in illo casu procedit actu à voluntate, quia non solum habet voluntas potestatem audiendi & non audiendi, sed etiam vult audire: at vero omisso audiendi non procedit actu à voluntate, quia deest aliquid ad hoc requisitum præter illam potentiam, ut diximus.

Ad secundam Confirmationem Resp. quod sicut distinximus duplex voluntarium, scilicet, in potentia & in actu: ita distingui potest duplex dominium, aliud in potentia & aliud in actu. *Primum* dominium habemus respectu eorum, quæ non procedunt actu à nostra voluntate, sed possunt procedere; *secundum* vero solum respectu eorum quæ actu procedunt, & ita **DIVVS THOMAS** supra

quæst. 1. artic. 1. non dixit hominem habere dominium earum actionum quæ possunt procedere à voluntate deliberata, sed solum illarum quæ actu procedunt, & hoc supposito neganda est minor, quoniam non audire rem factam in casu quo præceptum obligat ad audiendum, procedit actu à voluntate: quando vero præceptum non obligat non procedit, & ideo in priori casu homo actu habet dominium eius, & in posteriori solum in potentia.

AD SECUNDVM concessa maiori neganda est minor, & ad primam probationem, negandum est quod qui in illo casu vult subuenire vni ex duobus extreme indigentibus, eo ipso velit interpretatiue non subuenire alteri, quoniam nihil additur voluntati ratione cuius censetur ad hoc determinata, sed proinde se habet quantum ad hoc ac si nullo modo posset alteri subuenire.

Sed obijciat impossibilitas hæc est ipsi voluntaria, ergo etiam negatio aut omisio subueniendi quæ ex ea sequitur: *Respondetur* transat antecedens si intelligatur de impossibilitate ut in fieri, quoniam hæc non est omisio, sed actus positivus quo ille homo aufert à se id quo posset tunc subuenire alteri: & nego consequentiam, quoniam illa impossibilitas non est voluntaria quatenus postea est causa non subueniendi; sed quantum ad hoc per accidens se habet respectu voluntatis huius hominis,

Quod si rursus obijcias, quoniam si is qui habet obligationem recitandi horas canonicas impossibiliter se voluntariè ad recitandum, ut si projiciat in mare breuiarium sine spe habendi aliud, non solum dicitur ei voluntarium quod ita se impossibiliter, sed etiam quod non orat, ergo idem est dicendum in nostro casu: *Respondetur* concedendo antecedens & negando consequentiam, & ratio discriminis sumitur ex obligatione quæ est in isto casu orandi, & consequenter non auferendi sibi omnino ea quæ sunt ad orandum necessaria, quoniam ex hac obligatione pronemum quod impossibilitas ad orandum sit voluntaria, quatenus est causa non orandi; potestque hoc explicari exemplo eius qui tantum habet unum panem, ex quo tanquam ex unico remedio pender conservatio suæ vitæ, & nihilominus tribuit eam alteri patienti extremam necessitatem; huic enim voluntarium est quod tunc sit impossibile conservare suam vitam, quia hoc non est omittere, sed agere auferendo sibi id quod simpliciter est necessarium ad vitæ conservationem, & tamen non est voluntarium quod postea non conservetur, quoniam alias esset causa voluntaria suæ mortis quod nemini licet, & tota ratio huius est, quod ille non tenetur in eo casu conservare suam vitam. Ad secundam probationem illius antecedentis nego maiorem. Ad tertiam etiam nego maiorem si intelligatur univ ersaliter de omni omisione, & ratio discriminis est, quod ut omisio sit voluta formaliter, satis est quod sit voluta tanquam obiectum, & ad hoc non est necessarium quod omisio sit voluntaria sumendo voluntarium prout denominat actum aut effectum voluntatis, ut in multis exemplis constat, at vero ut sit voluta interpretatiue requiritur quod sit voluta tanquam actus aut effe-

ctus procedens à voluntate, & ex consequenti quod sit voluntaria sumendo voluntarium prout denominat actum, & hoc ut saepe diximus, non potest convenire omisioni seclusa obligatione ad actum oppositum.

AD TERTIUM ARGUMENTUM *Respondetur*, quod voluntarium indirectè de quo loquimur non dicitur procedere à voluntate physice sed moraliter tantum & interpretatiue, & ideo præceptum quamvis sit extrinsecum ipsi voluntati potest esse ad hoc necessarium tanquam conditio.

AD QUARTVM aliqui concedunt antecedens & negant consequentiam, sed proculdubio decipiuntur quoniam ut probauimus art. 1. huius quæstionis: voluntarium comparatur ad liberum sicut genus ad speciem, & ideo nullibi potest reperiri ratio liberi, quin etiam ibi reperiat ratio voluntarij. Et ideo aliter *Respondetur* supponendo liberum dici dupliciter, scilicet in potentia, ad quod satis est potentia siue indifferentia ad utrumque; & in actu, ad quod requiritur aliqua causalitas sicut diximus de voluntario, & hoc supposito nego antecedens si intelligatur de libero in actu, sicut debet intelligi, ut ex eo posset colligi conclusio intenta, scilicet, secluso præcepto posset omisionem esse voluntariam in actu, Et ad primam probationem *Respondetur* negando antecedens, quoniam quando est præceptum est aliqua causalitas voluntatis in omisione, saltem moralis & interpretatiua; & ideo omisio est libera in actu, at vero secluso præcepto nullam habet voluntas causalitatem in omisione. Et ideo omisio solum est voluntaria in potentia & non in actu. Ad secundam probationem concessio antecedenti, neganda est consequentia: & ratio discriminis est, quod ut voluntas habeat causalitatem in actum suum, satis est quod agat; ut vero sit actu causa omisionis, necessarium est quod teneatur non omittere, ut diximus.

AD QUINTVM RESPONDETUR concedendo maiorem & distinguendo minorem, si enim intelligatur de voluntario in potentia vera est, si tamen intelligatur de voluntario in actu de quo nos loquimur est falsa: sicut enim ut imponatur præceptum de aliquo actu, non est necessarium quod ipse actus præsupponatur ut actu voluntarius, sed satis est quod præsupponatur ut voluntarius in potentia, quod est præsupponi potentiam liberam ad ipsum, ita etiam ut prohibeatur omisio satis erit quod præsupponatur ut voluntaria in potentia, quod etiam non est aliud quam præsupponi potentiam voluntatis ad ipsam, & ad actum oppositum. Verum est tamen, esse hoc discrimen inter actum & omisionem, quod ut actus existat non est necessarium præceptum, ut vero omisio sit suo modo actu, ut procedens à voluntate, requiritur præceptum ut conditio necessaria.

Sed obijciat omisio quatenus procedit actu à voluntate dicit ordinem repugnantiam ad præceptum quo prohibetur, & ideo est mala, ergo ut procedit à voluntate præsupponitur illi præcepto, & ex consequenti non potest illud idem præceptum esse conditio requisita

et omissio ita procedat à voluntate. Hæc *secunda consequentia* patet quia alias præceptum deberet præsupponi omissioni, & ex consequenti esset prius & posterius ea. *Prima* vero probatur, quia omne regulabile præsupponitur regulæ sicut materiale formali.

Respondetur præceptum dupliciter considerari posse, scilicet quatenus imponitur & obligat nos, aut quatenus actu exercet rationem mensuræ, respectu actuum aut omissionum procedentium à nostra voluntate: Et secundum priorem rationem præcedit, non solum omissiones, sed etiam actus, quoniam prohibet ne actus eliciantur, aut præcipit quod eliciantur: secundum posteriorem vero præsupponit omissiones & actus tanquam subiectum & materiam, quoniam comparatur ad ipsum sicut ad regulam cui si conformentur habebunt bonitatem, sin minus malitiam, & ita dico præceptum prohibens omissionem præsupponi secundum priorem rationem ipsi omissioni, & habere rationem conditionis requisitæ, ut ipsa procedat à voluntate, & secundum posteriorem præsupponere eam. Nec est inconueniens quod idem secundum diuersas rationes sit prius & posterius.

AD VLTIMUM concessa maiori, distinguenda est minor, si enim sit sensus, quod opus illud cui incumbit, eo tempore quo missa celebratur absolute sumptum, est mihi voluntarium, vera est, si tamen sit sensus eius, quod illud opus est mihi voluntarium, quatenus est causa non audiendi missam, falsa est: oporteret autem quod esset vera in isto sensu, ut ex ea posset colligi intentum, & ita neganda est consequentia: ratio autem quare minor in illo sensu sit falsa est, quod quamuis illud opus sit impossibile cum actu audiendi missam, & ex consequenti quantum est de se impeditiuum ipsius non tamen est actu impediens neque actu causa omissionis audiendi missam.

Et si quæras cur illud opus non sit actu causa huius omissionis? *Respondetur* rationem esse quod effectus positivus, non habet actu causalitatem in priuatiuum, nisi quatenus expellit formam aut positivum quod priuat; & ad hoc est necessarium quod talis forma aut saltem debitum habendi eam præsupponatur in subiecto, sicut forma substantialis quæ producitur de nouo in materia, quamuis de se sit impossibilis, cum omni alia in eadem materia, tamen non est actu causa priuationis cuiuscunque formæ, sed tantum illius quæ erat in materia, aut proximè ei erat debita ratione dispositionum; quoniam illam tantum expellit, neque dicitur causa cæcitaris, nisi id quod expellit visum, qui est aut deberet esse in subiecto. Et quoniam in casu isto neque actus audiendi missam, neque debitum habendi eam, est in homine, quoniam (ut supponimus) neque audit missam, neque habet obligationem audiendi eam, ideo opus illud impossibile cum isto actu, non expellit eum; & ex consequenti non est actu causa omissionis eius; quia vero quando præceptum obligat ad audiendum missam, licet non sit in homine actus audiendi est in eo debitum habendi hunc actum, ideo tunc opus impossibile cum eo, dicitur expellere ipsum, & causa

actu, omissionis eius.

Quod si obijcias, quia saltem opus illud erit causa omissionis actus audiendi missam, ut habet rationem negationis, licet non in ratione priuationis, quia ille actus non est debitus. *Respondetur* neque isto modo esse eius causam quoniam ommissio in ratione puræ negationis, præsupponitur illi operi & non pendet ab eo, sicut forma quæ producitur de nouo, non est causa negationis omnium formarum, sed solum illius quæ expellitur, quoniam negatio aliarum præsupponitur in materia. Et ex hoc potest aliter & melius solui prima probatio minoris, secundi argumenti, potest enim dici impossibilitatem ad subueniendum alteri indigenti quæ in illo casu est voluntaria secundum se, non esse voluntariam ut causam non subueniendi, quia tunc non est actu causa non subueniendi, cum neque sit in homine actus quo velit subuenire, neque debitum habendi eum, & pura negatio præsupponatur ipsi impossibilitati.

DVBIVM TERTIVM.

Verum sufficiant illæ tres conditiones, ut ommissio sit voluntaria indirectè.

RATIO DVBITANDI pro parte negatiua est, quod ommissio furandi nullo interueniente actu voluntatis non est voluntaria, & tamen possunt concurrere ad eam illæ tres conditiones, ut si cum obligatione ad non furandum, & cum potentia ad furandum & sufficienti aduertentia aliquis non furetur.

Dicitur quod vltima conditio, scilicet obligatio intelligitur respectu actus oppositi & non respectu ipsius omissionis ut in casu huius argumenti.

Sed contra quia si obligatio ad actum cum alijs conditionibus sufficit ut eius ommissio sit voluntaria, ergo à fortiori obligatio ad ipsam omissionem sufficit ut ipsa ommissio sit voluntaria.

PRIMA CONCLUSIO, quando obligatio est ad actum, sufficiunt illæ tres conditiones ut ommissio sit voluntaria. Probatum quoniam sufficiunt ut sit peccatum, & nihil potest esse peccatum, quin sit voluntarium.

SECUNDA CONCLUSIO, quando obligatio est ad ipsam omissionem non sufficiunt illæ tres conditiones. Hæc est contra ANGELOM qui cap. 10. suorum moralium textu 3. dicit hanc omissionem esse bonam moraliter & ex consequenti voluntariam. Sed videtur esse D. THOMAS qui infra quæst. 71. artic. 5. ad 1. dicit omissionem istam non posse esse meritatoriam, ex hoc enim videtur probabiliter sequi quod non sit voluntaria in actu, quoniam alijs nulla potest reddi ratio cur in homine existente in gratia qui paulo ante retulit se & omnia sua in Deum non sit meritatoria: sed de hoc dicemus illo loco. Nunc probatur conclusio, quoniam in isto casu nihil est in homine ratione cuius dicamus ipsum vel le interpretatiue omissionem illam: ergo ommissio illa non est ei voluntaria, consequentia

patet

pater quia ut probauimus dubio primo, ut puta omisso aut negatio actus sit voluntaria requiritur quod sit volita saltem interpretatiue, & antecedens probatur quia imprimis non sufficit potentia ad actum oppositum cum aduer-
tentia (ut probauimus dubio precedenti) neque etiam sufficit præceptum quod sic probo. Præceptum in isto casu non obligat ad actum verbigratia furandi: imo potius prohibet ipsum, neque ad actum volendi non furari, quoniam satis est ipsi sola negatione actus furandi: ergo ratione eius non possumus interpretari voluntatem dicendo quod vult pater consequentia, quia præceptum non est conditio ad colligendum actum interpretatiuum, nisi quatenus facit debitum aliquem actum, quia enim tunc imputatur omisso ideo censetur volita interpretatiue. Adde tamen quod ubi aliquis magnis tormentis cogeretur ad committendum aliquid malum si posset non facere aut non consentire, reprimendo voluntatem & suspendendo omnem actum ipsius, tunc pura omisso esset voluntaria & volita interpretatiue, qui enim talia sustinet ad vitandum peccatum interpretatiue vult illud non facere. Neque hoc est contra conclusionem quia in illo casu non solum concurrunt illæ tres conditiones, sed etiam motiua illa vehementia, ratione quorum intelligimus determinari aliquo modo voluntatem sicut in casu primæ conclusionis ratione præcepti. Verum impossibile est quod tunc non interueniat aliquis actus saltem in principio quo peccatum respuatur: Et idem existimo dicendum si aliquis vehementissimis tentationibus motus ad consentiendum alicui peccato, posset non consentire suspendendo omnem actum voluntatis. Attamen in utroque casu videtur mihi impossibile quod non interueniat aliquis actus voluntatis quo ipsum non consentire sit formaliter volitum, nam in priori necessarium est quod saltem in principio interueniat actus quo peccatum respuatur, cum ad vitandum peccatum eligatur permissio tormentorum & in utroque, cum obiectum, tam fortiter moueat, videtur necessarium quod suspendatur actus consentiendi eliciendo actum nollitionis circa ipsum. Ad argumentum placet solutio ibi tradita, & ad replicam concessu antecedenti, neganda est consequentia, & ratio discriminis patet ex probatione secundæ conclusionis.

ARTICVLVS IV.

Utrum violentia possit voluntati inferri?

PRIMA CONCLUSIO voluntas quantum ad actus ab ipsa imperatos potest pati violentiam.

SECUNDA CONCLUSIO quantum ad actus elicitos a voluntate non potest ei inferri violentia.

COMMENTARIVS ET METHODVS ARTICVLI.

POST QUAM D. THOMAS egit de voluntario iam ab isto articulo agit, de inuoluntario & de causis eius, & quoniam vna ex illis est vis illata voluntati, ideo primum

Agit de violentia & inquirir. Vtrum voluntas possit eam pati? ut autem nos clarius procedamus, oportet imprimis explicari quid sint & quomodo distinguantur ista quatuor, *necessitari*, *impediri*, *cogi*, & *violentiari*.

Necessitari est determinari ad vñ sine facultate ad oppositum, sicut lapis cum projicitur deorsum, dicitur necessitari ad descendendum si nullum sit impedimentum, & similiter cum projicitur sursum necessitatur ad ascendendum. *Impediri* est id quod verbum sonat, scilicet, impediri ab exercitio propriæ actionis aut operationis, sicut lapis detinetur supposita columna ne descendat deorsum, aut etiam cum ascendit potest ab aliquo obitante detineri ne ulterius ascendant: & in his conueniunt omnes. In explicatione autem reliquorum est nonnulla dissensio: nam quamuis omnes conueniunt in hoc quod utrumque importet repugnantiam respectu alicuius inclinationis, differunt tamen quia nonnulli volunt esse inter ea aliquod discrimen quod DURANDVS in 2. d. 26. quæst. 4. numero 4. constituit in hoc, quod *violentiari* dicatur de omnibus rebus tam animatis quam inanimatis, *cogi* vero solum de animatis. Et ANGELVS cap. 3. suorum moralium, in explicatione textus noni notat, 3. & 5. in hoc, quod *cogi* importet repugnantiam respectu actus elicit, *violentiari* vero respectu naturalis inclinationis. Alij tamen hæc duo confundunt, & pñ eodem sumunt, & ræo iudicio rectius, nam quamuis fortè secundum proprietatem sermonis sit inter voces illas aliquod discrimen, tamen a philosophis non agnoscitur sed indifferenter dicitur *violentiari* aut *cogi* id quod patitur aliquid contra propriam inclinationem: neque ARISTOT. observauit aliquod discrimen & ita vniuersa definitione definiuit utrumque Ethic. 3. cap. 1. his verbis iuxta translationem Lambini: *Violentum igitur id esse videtur cuius principium extra est, cum id cui vis inferitur nihil opera conferat*. Ex quo loco hanc violenti definitionem colligunt ARISTOTELIS interpretes & Theologi omnes: *Violentum est quod fit ab extrinseco, passio non conferente vim*, in qua solum videntur expresse duæ conditiones ad violentum: *Prima* quod principium effectiui sit extra: *Secunda* quod subiectum seu id quod patitur violentiam, non concurrat ad ipsum, adiuvando effectiue, sed passiue recipiendo: *Tertia* tamen est simul intelligenda, scilicet, quod repugnet inclinationi subiecti, alias enim motus, qui dicuntur præter naturam inter quos ARISTOTELIS libro primo de celo, cap. secundo refert motum circularem ignis, dicerentur violenti; cum non sit in subiecto principium actiui eorum sed extra, quod tamen est contra sententiam ARISTOTELIS illo loco, item motus quibus subiecta perficiuntur a superiori agente, ut illuminatio respectu aeris dicerentur violenti, quoniam subiecta non concurrunt ad eos efficienter, & tamen utrumque est contra ARISTOTELEM illo loco, & contra eius rationem quæ talis est: aut actus qui recipitur ab extrinseco agente est conformis inclinationi subiecti aut repugnans, aut neque est conformis neque repugnans, si primum est naturalis, si secundum violentus, si tertium præter naturam, continetur autem hæc conditio in illis verbis definitionis *passio non conferente vim*, non enim sunt accipienda negatiue, sed contrariè, ut bene aduertit SCOTVS in

1.29. quæst. 1. §. ad quæstionem quæritur, & videtur satis expresse ab ARISTOTELIS cum subiectum violenti appellavit id cui vis affertur: si enim subiectum solum se haberet negativè respectu violenti, non diceretur ei affertur aliqua vis, et in primo exemplo constat & multo minus si haberet potentiam naturalem ad recipiendum ipsum.

Ex his sequitur quod duobus tantum modis potest aliquid cogi violentari, primo quia necessitatè ad recipiendum aliquid contra propriam inclinationem, tunc illud in actus secundus aut operatio, siue actus primus, aut alia similis forma vel qualitas: & secundo quia impeditur ab actu contra propriam inclinationem, & probatur, quoniam si tantum modus potest intelligi quod subiectum recipiat aut patitur aliquid à principio extrinseco contra propriam inclinationem, in quo consistit ratio violenti. Et ex hac illatione colliguntur duo.

Primum est quod cogi priori modo est infertus ad necessitatem sumptum in tota sua latitudine. Probatur quia necessitatem ita sumptam est determinari ad aliquid ante agendum aut recipiendum, siue hoc sit conforme propriæ inclinationi siue repugnans, nihil autem potest cogi quod non determinetur ad alteram partem ab agente à quo cogitur. Et ex hoc provenit quod necessarium interdum sumitur in tota illa communitate, & interdum prout est cum coactione, & quod aliquando confundatur cum violento: in quo sensu explicandi sunt aliqui sancti cum dicunt non posse aliquid esse voluntarium & necessarium, non enim loquuntur de necessitate in tota illa communitate, quoniam sic solum excludit libertatem aut indifferentiam ad utrumque: Et est certum posse reperiri voluntarium sine hac indifferentia, ut constat in amore quo beati diligunt Deum, de quo diximus articulo secundo, sed loquuntur de necessitate determinate sumpto pro violento & ita D. THOMAS de verit. quæst. 22. artic. 5. in solutionibus ad primum & quartum sed contra exponit AUGUSTINUM & BERNARDUM: dicens quod loquuntur de necessitate coactionis, & non de necessitate talis inclinationis.

Alterum est quod cogi posteriori modo est infertus ad impediendum sumptum in communi, quoniam impedi potest contingere & cum repugnantia propriæ inclinationis & sic est violentum, & sine ea & sic non est violentum. Et ex his omnibus sequitur, quod tota quæstio huius articuli consistit in hac difficultate. Vtrum voluntas ita possit necessitari, aut impedi ut in eo patitur aliquam violentiam, idque siue quoad actus elicitos, siue quoad imperatos, tamen claritatis gratia tam pertractabimus distinctis dubijs.

DUBIUM I. CIRCA PRIMAM CONCLUSIONEM.

Vtrum voluntas possit cum aliqua violentia necessitari ad actus imperatos aut ab eis impedi?

§. 1. Pari negatina utriusque partis dubij declaratur.

PROBATUR PRIMO, quod non possit prior modo violentari quoad istos actus, quia ut actus aliquis sit imperatus à voluntate, necessarium est quod procedat ab ea tanquam à principio, ergo non potest aliquis actus esse imperatus à voluntate & violentus respectu ipsius, patet consequentia, quia violentum debet esse à principio extrinseco, ut constat ex eius definitione.

SECUNDO PROBATUR idem, quia vel illi actus dicuntur imperati, quia actu imperantur à voluntate, vel quia possunt imperari: si primum ergo sunt voluntarii & ex consequenti non coacti, si secundum, ergo eliciuntur à potentijs quæ ex natura sua possunt applicari voluntati ad operandum, quoniam alius non posset imperari ab ea, & ex hoc videri sequitur, quod procedant à principio intrinseco, & ex consequenti quod non sint violenti.

TERTIO PROBATUR quod neque possit voluntas pati violentiam posteriori modo quoad actus istos: quoniam potentia quæ sunt principia immediata istorum actuum, cum impediuntur ab eis non violentantur, ergo multo minus voluntas dicitur tunc pati violentiam. Probatur consequentia, quia voluntas non habet inclinationem absolutam & efficacem ad istos actus, nisi quatenus applicat & movet potentias illas ad eliciendum eos, ergo cessario ab istis actibus non potest esse contra inclinationem voluntatis, & ex consequenti nec violentia ipsi, nisi prius & immediatus sit contra inclinationem illarum potentiarum, & violentia ipsius.

§. 2. Respondetur affirmativè utrique parti dubij propositæ, loquendo de creaturis quæ violentantur, non autem de Deo.

CONCLUSIO. Voluntas potest pari violentiam quoad actus imperatos & quoad actus cessantes. In hoc conveniunt omnes Scholastici cum D. THOMA: & probatur facile, quia contra intentionem & repugnantiam voluntatis actu aliquo formalis, potest homo necessitari ad exercendum actus aliarum potentiarum, quæ subduntur aliquo modo imperio voluntatis & ad cessandum ab eis, ergo potest voluntas utroque modo pati violentiam quoad actus istos. Antecedens patet, quia voluntate appetente quod oculus videat, potest oculus impedi à videndo, ut si ab aliquo claudatur, & volente quod non videat potest necessitari ad videndum, ut si aperiat: & obiectum proportionatum ei appropinquet: & consequentia probatur, quia sicut in lapide gravitas est inclinatio ad motum deorsum

deorsum ita in voluntate, actus, quo vult quod potentia sibi subdita exerceat suum actum aut cesset ab eo, est inclinatio actualis ad exercitiū aut ad cessationem, ergo sicut moueri sursum & impediti à motu deorsum, est violentum lapidi quia utrumque repugnat gravitati quæ est eius inclinatio, ita etiam exercitio actus, aut cessatione, si repugnant actui voluntatis, violentabitur ipsa voluntas.

Sed dubitari potest, an voluntas possit pati hanc violentiam quoad actus imperatos non solum ab alijs creaturis, sed etiam à Deo?

Et quidem quod possit eam pati ab alijs creaturis, ab omnibus admittitur, & est satis notum experientia: an vero posset eam pati à Deo, non est ita notum, nisi contra hoc loco, & CAIET. prima parte quæst. 82. art. 1. defendunt partem negatiuam, quoniam affirmant vniuersaliter, non posse creaturam pati aliquid à Deo violentè, estque fundamentum ipsorum, quod in omnibus creaturis est inclinatio ad obediendum suo Creatori, & ad omne id quod ipse circa eam disposuerit: ergo siue potentia quæ subduntur imperio voluntatis necessitentur ad operandum, siue impediuntur ab operando contra imperium voluntatis, si id fiat à Deo, non patietur voluntas aliquam violentiam, quia illud erit conforme suæ inclinationi. Alij vero ex recensionibus Thomistis defendunt absolute partem affirmatiuam, quorum fundamentum est hoc: Deus potest inferre vim voluntati sicut & cuicunque creaturæ, sed in nullo casu potest eam inferre potius quam in isto, quoniam vel impedit vel necessitat contra absolutam inclinationem voluntatis, ergo in isto casu patitur voluntas violentiam à Deo. Et probant maiorem, quia creatura potest violentare voluntatem in isto casu, ergo & Deus; patet ista consequentia, quia Deus potest supplere concursum creaturæ, cum non sit formalis nec materialis.

Confirmatur, quia Deus potest concurrere ad effectum istum, supplendo præcisè id quod fieret à creatura; sed si effectus iste fieret à creatura esset violentus voluntati, ergo etiam erit violentus si fiat illo modo à Deo.

Sed mihi magis placet distinctio aliorum qui dicunt effectum impediendi aut necessitandi respectu illorum actuum posse comparari ad voluntatem secundum diuersas rationes, scilicet, prout natura quædam est, aut quatenus est principium voluntarium aut liberum: & quod si comparatur ad eam secundum priorem rationem, non potest dici simpliciter violentus, si proueniat à Deo: si tamen comparatur ad eam secundum posteriorem rationem, bene potest dici simpliciter violentus; & ratio prioris est quod voluntati ut natura quædam est correspondet inclinatio naturalis, ut distinguitur ab elicitæ, quæ non est aliud quam ipsa natura voluntatis, ut habitualiter propensa: & sicut in quacunque alia creatura, ita etiam in voluntate ut natura est, non solum est inclinatio naturalis ad bonum proprium, sed etiam inclinatio ad bonum vniuersale, & ad obediendum suo Creatori. Est hæc inclinatio, & maior quam illa, ut constat cum contra priorem mouentur res naturales ad bonum vniuersale, ut aqua mouetur sursum ad impediendum vacuum; ergo id quod patitur voluntas à Deo in isto casu, non est contra potissimam eius inclinationem na-

turalē & ex consequenti, non est simpliciter violentum respectu ipsius ut natura quædam est.

Confirmatur testimonio AVGVSTINI qui libro 6. lib. 26. contra FAVSTVM Manicheum cap. 3. ita inquit, *Deus autem Creator & conditor omnium creaturarum nihil contra naturam facit: id enim erit cuique naturale. quod ille fecerit, à quo est omnis modus, numerus, ordo natura*, loquitur autem AVGVSTINVS de ijs quæ Deus facit circa vnamquamque rem postquam est producta, quoniam de eis inquirat FAVSTVS, cui ibi respondet AVGVSTINVS.

Ratio autem secundi? est quod inclinatio voluntatis ut est principium voluntarium aut liberum, est inclinatio elicitæ, hoc est, actus ipsius voluntatis. Et quoniam effectus iste, de quo loquimur, est contra actum absolutum voluntatis, ideo dicitur esse simpliciter contra eius inclinationem ut est principium voluntarium aut liberum, & ex consequenti simpliciter violentum ipsi consideratæ secundum istam rationem.

Confirmatur, quoniam, secundum communem sententiam Theologorum, demones coacti, & repugnante ipsorum voluntate detinentur in inferno, & tamen detinentur diuina virtute, ergo bene potest cogi voluntas quoad actus imperatos, aut quoad eorum cessationem.

Et si quæras cur voluntas ut principium liberum posset habere inclinationem repugnantem Deo quoad effectum, de quo loquimur, & non ut natura est? Respondetur nos non negare quod voluntas etiam ut natura est habeat aliquam inclinationem repugnantem illi effectui, sed solum quod ista inclinatio sit potissima in voluntate, quod tamen erat necessarium ut effectus ille diceretur violentus voluntati, ut natura quædam est.

Quod si quæras vterius, cur de voluntate ut natura est, concedendum sit, esse in ea duas inclinationes, & quod potissima earum est conformis iste effectus: & non de voluntate, ut principium liberum? Respondetur, rationem esse quod voluntas ut natura est, habet suam inclinationem à suo auctore: & ideo necessarium est quod talis inclinatio non sit inordinata: esset autem inordinata si voluntas solum haberet inclinationem ad bonum suum particulare, aut si non esset magis inclinata ad obediendum suo auctori quam ad bonum particulare, quoniam Deus habet rationem vltimi finis, & boni vniuersalis, & ab ipso pendet voluntas non solum in fieri, sed etiam in conseruari: at vero voluntas ut principium liberum, est sibi causa suæ inclinationis, & ideo inclinatio quæ ipsi ita sumptæ correspondet, potest esse inordinata & repugnans Deo.

AD FVNDAMENTVM CAIETANI, Respondetur solum habere vim respectu voluntatis ut naturæ est, & non ut est principium liberum: quoniam illa inclinatio correspondet ipsi sumptæ secundum priorem rationem, & non secundum posteriorem.

Ad fundamentum aliorum respondetur negando maiorem si intelligatur de voluntate ut natura est & de violentia simpliciter, ut de voluntate explicuimus; & de alijs creaturis est eadem ratio, quoniam licet posset Deus efficere aliquid quod repugnat inclinationi particulari alicuius creaturæ, tamen illud idem est conforme alteri inclinationi & maiori eiusdem creaturæ quia fertur in bonum vniuersale,

& ad pro-

& ad probationem concessio antecedenti neganda est consequentia: & ad eius probationem dico quod ut Deus possit supplere concursum creature non requiritur quod sit causa effectus, inferendo vim sicut creatura inferret eam, sed satis est quod sine concursu creature sit eius causa.

Ad confirmationem concessio maiori & minori; neganda est consequentia; & defectus consistit in hoc quod sit transitus ab effectu ad modum quo recipitur in passo: pro quo *adverte*. Quod cum ego moueo, verbi gratia, lapidem sursum, duo possunt distingui, scilicet, motus ipse & modus quo recipitur in ipso lapide; hoc est quod recipiatur cum repugnantia aut sine ea ex parte inclinationis ipsius lapidis, & quamvis Deus posset mouere lapidem applicando tantum eum concursum, qui requiritur ut moueatur ea velocitate qua mouetur cum à me proijcitur, imo & quamvis possit ex propria intentione ita attemperare suum concursum ut granitas lapidis reniretur & retardet motum sicut id facit cum à me mouetur, ita ut eodem concursu, lapis qui haberet minorem grauitatem moueretur velocius sicut de Angelo est certum, posse hoc modo mouere lapidem aut aliud corpus; tamen non potest Deus ita efficere motum istum, ut recipiatur in lapide cum resistantia suæ principalis inclinationis. Neque hoc est contra eius potentiam aut perfectionem, imo potius prouenit ex ea, nam quoniam Deus est bonum vniuersale, & prima causa, à qua cuncta pendent in fieri & conservari; ideo in quacunque natura creata est maior inclinatio ad obediendum ipsi quam ad proprium bonum.

Et ex hoc constat nullam habere difficultatem, id quod aliqui deducunt tanquam inconueniens ex hac sententia, scilicet, quod Deus etiam de potentia eius absoluta non possit violentare simpliciter lapidem, hoc enim non est inconueniens, sicut non est inconueniens quod Deus etiam de potentia absoluta non possit concurrere ad effectum aliquem tanquam causa secunda, & ratio vtriusque sumitur ex maxima perfectione Dei.

§.3. Dissoluntur argumenta principalia.

AD PRIMUM RESPONDETUR cum CONRADO hoc loco & cum ALMAINO in suis moralibus tractat. primo, cap. secundo, non appellari actus istos imperatos, quia proueniunt actu ex imperio voluntatis: sed quia deberent prouenire, nisi potentia quæ subduntur illi imperio, impedirentur, ut cum voluntas patitur violentiam quoad cessationem istorum actuum, vel quia alij ei similes solent prouenire, ut cum coactio quoad actus istos consistit in receptione eorum contra imperium voluntatis.

AD SECUNDUM RESPONDETUR, actus illos dici imperatos, quia alij eis similes solent imperari à voluntate, ut modo dicebamus: & quamvis ex hoc possit colligi, quod eliciuntur à potentia, quæ, quantum est ex sua natura, subduntur imperio voluntatis; non potest ulterius colligi, quod simpliciter procedant à principio intrinseco, quoniam ad actus istos duplex principium concurrat, alterum per modum elicientis, & alterum per modum applicantis, aut mouentis istud ad eliciendum suum actum. Et quamvis *primum* sit in isto

calu intrinseco, *secundum* est extrinseco: quoniam applicatio illarum potentiarum ad operandum non fit à voluntate propria, sed ab agente extrinseco.

AD VLTIMUM, quicquid sit de *antecedenti*, de quo dicemus postea neganda est *consequentia*. Et ad probationem negandum est *antecedens*, quoniam ut voluntas habeat inclinationem ad illos actus, quæ sit sufficiens, ut cessatio eorum sit ipsi violenta; satis est quod volitione absoluta veliet eos esse, & quamvis hæc volitio sit sufficiens quantum est ex natura sua, ut ex ea sequatur applicatio aliarum potentiarum; tamen quia comparatur ad huiusmodi applicationem sicut causa efficiens ad suum effectum, ideo non repugnat ipsi separari ab ea, ut dicemus infra quando explicabimus modum, quo voluntas mouet potentias sibi subditas ad operandum. Circa secundam conclusionem est

D V B I V M II.

Verum voluntas possit ita necessitari ad actus elicitos, ut in ea patiatur violentiam?

§. 1. *Explicatur sensus dubij propositi: duplex necessitas ab intrinseco, & extrinseco.*

PRO EXPLICATIONE tituli: aduerte primo, in eo aliquid supponi ut certum, & aliquid vocari in dubium: supponimus enim, voluntatem nostram non solum posse induci & reddi faciliorem ad volendum aliquid propositis terroribus vel præmiis, aut infusione habitus inclinantis ad illud, aut facta meliori offensione obiecti; siue proueniat ab illustratione interius participata à Deo, siue ab extrinseca doctrina, siue à passionibus appetitus sensitui: sed etiam posse necessitari ad eliciendos aliquos actus, ita ut eliciat illos sine vlla indifferentia ad oppositum, vocamus autem in dubium, an, quod voluntas ista necessitatur, possit fieri cum eius violentia?

SECUNDO ADVERTE, dupliciter posse voluntatem necessitari ad eliciendum actus aliquos, scilicet, ab *intrinseco* & ab *extrinseco*, *primi modo* necessitatur cum necessitas ortum habet ab inclinatione ipsius voluntatis, & ita necessitatur voluntas beati ad amandum Deum, quia ex inclinatione, quam voluntas habet ad bonum, prouenit, quod, supposita visione Dei qui est summum bonum, non possit non amare ipsum, ut suo loco explicandum est: *Secundo modo* necessitatur, cum necessitas non oritur ex inclinatione voluntatis, sed ab extrinseco agente: ut cum voluntas, quantum est ex parte suæ inclinationis, est indifferens ad eliciendum actum, & non eliciendum; tamen ab extrinseco agente ita determinatur ad eliciendum, ut necessario id faciat, & sine indifferentia ad oppositum; & videtur certum, quod saltem per Dei potentiam possit hoc modo necessitari voluntas, quoniam non minus subduntur diuino imperio omnes voluntates creatæ, quam reliquæ potentie naturales; sed potentie naturales, & omnes creature ita subduntur diuino imperio, ut omnino & simpliciter necessitentur ad eius executionem, ut si

Deus imperet aquæ, quod calefaciat, necessitabitur omnino aqua ad calefaciendum, ergo idem est dicendum de voluntate.

Confirmatur, quia si Deus imperet voluntati creatæ, quod concurrat ad aliquem alium effectum, necessitabitur ad concurrendum: ergo si simili imperio imperet, si, quod eliciat actum volendi, necessitabitur omnino ad eliciendum.

Dices voluntatem in isto casu non necessitari simpliciter, sed ex suppositione diuini imperij, & ita actum simpliciter elici libere.

Sed contra, quia sequitur, quod non possit Deus extrinsecè necessitare simpliciter voluntatem, non enim est alius modus, quo id fieri possit, nisi mouendo & applicando ipsum determinate ad eliciendum actum. *Item* in isto casu voluntas non determinat se ad operandum ex vi propriæ libertatis, aut indifferentiæ, sed determinatur à Deo mouente, & applicante ipsam: ergo necessitatur simpliciter ad operandum.

Neque obstat quod ad hoc sit necessaria suppositio diuinæ motionis: quoniam hæc motio est talis in isto casu, vt omnino determinet voluntatem.

Et si querat in quo differat motio ista ab ea, qua Deus, cum absolute vult, quod voluntas creata habeat aliquem actum, mouet ipsam efficaciter ad operandum, & non necessitat eam simpliciter, neque actus elicitur ab ea necessario simpliciter, sed solum ex suppositione? *Respondetur*, quod si iste modus mouendi & applicandi voluntatem ad operandum sit possibilis (vt admitti debet iuxta magis receptam sententiam) discrimen poterit constitui in hoc, quod in casu isto, motio attemperatur naturæ voluntatis, & modo operandi qui ipsi conuenit secundum suam naturam; ita vt quamuis ex motione sequatur infallibiliter actus voluntatis, non tamen sequatur ex voluntate determinata ad vnum, sed potius determinate seipsam præiudici deliberatione, & ex vi propriæ potestatis; at in nostro casu motio determinat omnino voluntatem, & ipsa vt ita determinata elicit suum actum. Hæc ideo obseruauit vt explicarem de quo genere necessitatis intelligatur nostra quæstio, non enim intelligitur de priori, quoniam cum illud proueniat ab intrinseca inclinatione voluntatis, certum est quod non continet violentiam aliquam, quæ semper prouenit à principio extrinseco; sed intelligitur de posteriori, atque ita sensus nostræ quæstionis est, vtum possit voluntas ita necessitari ab extrinseco ad agendum, vt in eo patiatur, aliquam violentiam?

§. 2. Pars affirmatiua proponitur.

IN hac re, ANGELVS in suis moralibus cap. 3. tex. vltimo & in eius expositione, sequitur *partem affirmatiuam*, addit tamen, quod voluntas non dicitur *proprie violentari* in casu isto, sed *cogi*; quia, (vt diximus in principio huius articuli) existimat, hoc esse discrimen inter *violentiam* & *coactionem*, quod *violentia* est cum repugnantia ex parte naturalis inclinationis; *coactio* vero cum repugnantia ex parte actus eliciti: Et quoniam voluntas non potest aliquid recipere, quod non sit secundum eius inclinationem naturalem, quia aut erit actus, aut propensio habitualis in ob-

iectum; potest autem iuxta suam sententiam elicere aut recipere actum, qui repugnet alteri actui: ideo dicit, posse voluntatem in isto casu *cogi*, & non *violentari*. Et hæc sententia potest probari ex ipso his argumentis.

PRIMO cum voluntas habet actum odij respectu alicuius rei, potest simul recipere actum amoris eiusdem rei: ergo potest necessitari à Deo ad recipiendum actum elicitem cum coactione: *Consequentia* patet, quia posterior actus est ab agente extrinseco, & contra inclinationem elicitem actualem voluntatis, scilicet contra priorem actum; & *antecedens* probatur, quia neque implicat, quod actus amoris producat solum à Deo, voluntate non concurrente ad ipsum; neque quod duo actus contrarij, quales sunt amor & odium eiusdem obiecti, simul sint in eadem voluntate; & supponit iste auctor, hæc duo tanquam certa.

Confirmatur primo, quia, his duobus admissis, sequitur, quod etiam renitente voluntate, hoc est habente actum quo absolute velit non habere actum amoris alicuius rei, possit infundi à Deo huiusmodi actus amoris; sed si hoc fiet, recipietur iste actus in voluntate à principio extrinseco contra elicitem inclinationem ipsius; ergo patietur voluntas coactionem.

Confirmatur secundo, quia naturaliter potest hoc accidere, vt si, voluntate habente actum elicitem, quo nollit consentire in aliquod obiectum, insurgat in appetitu sensitivo vehemens passio, qua inclinetur & feratur ad obiectum illud: tunc enim posset habere voluntas aliquem actum, qui esset motus primo primus circa idem obiectum: quoniam sicut est impossibile quin visis tangamur, iuxta doctrinam Augustini: ita difficilimum est, quod, si appetitus sensitivus vehementi motu feratur in aliquod obiectum, non tangatur voluntas, & habeat aliquem motum in ipsum; quoniam cæteris paribus, fortius mouetur voluntas ab obiecto, præsupposita passione in appetitu, quam sine ea.

SECUNDO, voluntas, cum actu odit aliquod obiectum, potest necessitari à Deo ad eliciendum actum amoris circa ipsum: ergo potest cogi quoad actum elicitem, *consequentia* patet, quia iste secundus actus repugnabit inclinationi elicite voluntatis, scilicet, priori actui; & *antecedens* probatur, quia imprimis certum est, voluntatem posse necessitari à Deo ad eliciendum actum, vt probauimus in explicatione tituli: sed in isto casu non est sufficiens aliqua ratio repugnantie; ergo etiam in eo potest necessitari: probatur *istâ minor*, quia aut ratio repugnantie erit, quod voluntas non potest habere simul plures actus, & hæc saltem respectu absolute potentie Dei non est sufficiens: aut quod illi actus sunt contrarij, & ex consequenti repugnantes ad existendum simul in eadem voluntate, & neque hoc est sufficiens, quoniam quod aliqua sint contraria, non satis est, vt non possint esse simul in eodem; duæ siquidem forme accidentales contrarie possunt naturaliter esse simul in eodem subiecto in gradibus remissis, & per potentiam Dei absolutam etiam in gradibus intensis.

Confirmatur, quia voluntas potest necessitari ad actum, ex quo sequatur in ea tristitia: sed tristitia est violenta voluntati; ergo bene potest necessitari voluntas ad actum illicitum illatum violentie, aut ex quo sequatur violentia: *minor* probatur *ita quia*

dolor est violentus appetitui sensitivo; ergo etiam tristitia est violenta voluntati: *item etiam quia* tristitia & dolor opponuntur gaudio & delectationi: sed per gaudium & delectationem fit in potentia appetitiva oppositum violentiæ, quod iste author appellat *spontaneum* & *inquietum*, ergo per tristitiam & dolorem fit violentia.

TERTIO, supposita sententia affirmantium, quemlibet actum voluntatis habere determinatum tempus suæ durationis quoad brevitatem, ita ut non possit voluntas ab eo cessare, antequam finiatur illud tempus, quod dicunt esse brevissimum. Potest sententia huius auctoris probari hoc modo: si aliquis eliciat actum odij Dei, potest tempore, quo iste actus debet necessario durare elicere alterum dilectionis, aut etiam actum poenitentiae, qui sit formalis displicentia, & nolitio continuationis ipsius odij, quoniam alias esset extra statum salutis: ergo prior actus continuatur violententer: probatur *consequentia*, quia continuatur voluntate repugnante, & renitente, non enim potest voluntas magis reniti continuationi illi, quam si habeat actum, quo absolute velit eam non esse, supponit autem iste author, sententiam illam esse certam, loco citato, & eodem capite in expositione textus 16. dubio secundo cum GREGORIO in 2. d. 3. 4. & 5. quæ. vni. art. 2. ad 4.

VLTIMO, potest voluntas alicuius necessitati à Deo ad eliciendum actum, quo velit mortem eius, aut quo velit non esse, ergo potest cogi: *antecedens* patet, quia sicut voluntas potest pro sua libertate habere hunc actum, ita potest necessitari à Deo ad eliciendum eum, & *consequentia* probatur, quia voluntas est naturaliter inclinata ad volendum esse, & vivere, ut D. THOMAS docet infra quæstione 10. articulo secundo ad ultimum, ergo actus quo voluntas appetit his opposita, est contra naturalem inclinationem ipsius, & ex consequenti violentus ipsi.

§. 3. Resolutio quæstionis pro parte negativa.

CONCLUSIO: Per nullam potentiam fieri potest, quod voluntas ita necessitetur ad eliciendum aliquem actum, ut in eo patitur violentiam. Sensus huius conclusionis est, non posse aliquem actum esse elicitum à voluntate, & simul violentum ipsi. Hæc est expressa sententia D. THOMAS hoc loco, & prima parte quæstione 81. articulo primo & de veri. quæst. 22. artic. 5. & 8. & sequuntur eam RICAR. in 2. d. 25. circa quartum principale quæstione 2. DURAND. ead. d. q. 4. & in 4. d. 29. quæst. 1. SCOT loco citato in explicatione definitionis violenti, GABR. in 2. d. 7. quæstione unica art. 2. in probatione tertiæ conclusionis. & d. 25. quæstion. unica, artic. 3. dub. primo conclusione 5. ALMAINVS in suis moralibus. tract. 1. cap. 2. & fere omnes scholastici, & probatur

PRIMO ratione DURANDI in posteriori loco: actus elicitus à voluntate est essentialiter voluntarius; ergo non potest dici violentus, *antecedens* patet, quoniam convenit ipsi ratio voluntarij intrinsicæ, & non ratione alterius, & omnibus aliis, hoc est, actibus non elicitis convenit ratione ipsius. *Consequentia* vero probatur, quia quamvis idem subiectum possit recipere contraria, scilicet, calorem & frigiditatem; tamen unum contrarium

non potest esse aliud, ut calor non potest esse frigiditas, sed *voluntarium* essentialiter, & non ratione alterius, & *violentum*, sunt contraria: ergo voluntarium illud non potest esse violentum.

SECUNDO probatur evidenter ratione D. THOMAS in hoc articulo, quæ talis est: *actus elicitus à voluntate, & violentum* secundum suas rationes formales habent proprietates contradictione oppositas: ergo implicat, quod actus elicitus à voluntate sit violentus; & ex consequenti nulla potentia hoc fieri potest; probatur *antecedens*, quia actus elicitus à voluntate est, qui ab ea, immediate produciatur effectivè, id autem quod est voluntati violentum, non procedit ab ea efficienter, quia violentum est à principio extrinseco, ita quod passum nullo modo concurrat ad ipsum efficienter: constat autem quod eundem actum procedere, & non procedere efficienter ab eadem voluntate, opponuntur contradictoriè.

Confirmatur primo, quia violentum ita est à principio extrinseco, quod est contra inclinationem passivi, ut constat ex ultima conditione definitionis violenti: sed implicat quod actus elicitus à voluntate sit contra eius inclinationem; ergo etiam implicat, quod sit ipsi violentus; probatur *minor*, quia ipse actus est inclinatio voluntatis in obiectum, ut dubio præcedenti explicuimus, & de eo videri potest FERRAR. 3. contra Gentes cap. 88. implicat autem quod ipsa inclinatio alicuius rei, sit contra eiusdem rei inclinationem.

Confirmatur secundo, quia ita se habet voluntariū ad voluntatis inclinationem sicut naturale ad naturæ inclinationem: ergo sicut impossibile est aliquid esse simul violentum & naturale, ita est impossibile esse simul voluntarium & coactum simpliciter; & ex consequenti etiam est impossibile quod actus elicitus à voluntate, sit violentus ipsi, quia omnis actus elicitus à voluntate, est actu voluntarius.

§. 4. An potentia vitalis possit cogi?

SED CONTRA TOTVM HOC ARGUMENTVM sunt duæ difficultates; **PRIMA** contra ipsum argumentum, & contra primam confirmationem: quia sequitur ex ea quod nulla potentia vitalis possit cogi quoad actus ab ipsa immediate elicitos: Probatur *sequela*, quia omnes actus elicitus ab huiusmodi potentiis procedunt ab ipsis concurrentibus ad eos efficienter, & sunt quædam inclinationes ipsarum in sua obiecta.

Confirmatur, quia eadem ratione erit hoc concedendum de quacunque potentia non vitali, quoniam etiam repugnat actui elicitus, aut productus ab ea, quod sit omnino à principio extrinseco, & ex consequenti quod sit violentus.

SECUNDA DIFFICULTAS est contra secundam confirmationem, quoniam actus elicitus à voluntate non est inclinatio ipsius voluntatis per modum actus primi, sed solum per modum actus secundi: non autem repugnat, quod inclinatio actualis, siue per modum actus secundi, sit contra inclinationem habitualem, siue per modum actus primi, ergo non bene colligitur, quod actus elicitus à voluntate non possit esse violentus ipsi, ex eo, quod est quædam inclinatio eius. Probatur *minor*, quia actus peccati elicitus à voluntate est inclinatio

actualis

actualis ipsius, & tamen contra inclinationem A
habitualement eiusdem voluntatis, quoniam est contra rectam rationem: & voluntas ex natura sua inclinatur in bonum regulatum ratione, & ob id D. THOMAS infra. q. 71. art. 2 docet, vicia, esse contra naturam.

Et confirmatur, quia sequitur ex illa ratione, quod nullus appetitus naturalis possit violentari simpliciter quoad proprias operationes, & ex consequenti quod nihil possit in hoc dici peculiare de voluntate. Probatur sequela, quia omnis operatio appetitus est quædam inclinatio ad connaturale obiectum, operatio enim appetitus nihil est aliud quam appetere, & appetere est libere, aut naturaliter inclinari in aliquod obiectum conueniens.

Ad PRIMAM difficultatem, DVRAND. locis citatis concedit sequelam de omni potentia apprehensiva & appetitiva, & peculiariter eam probat de intellectu in 2. d. 24. q. 3.

VERVM sententia ista non placet SOTO in 4. d. 29. q. 1. art. 1. & obicit contra eam, quod violentiæ iudicium non sumitur ex inclinatione potentie, quæ elicit actum; sed ex inclinatione suppositi, quoniam sicut suppositum est, quod proprie agit & patitur, ita etiam ipsum est, quod proprie cogitur: sed quæcumque potentia cognoscitiua potest necessitari, saltem à Deo, ad eliciendum actum contra inclinationem totius suppositi: ergo etiam potest cogi, probat minorem, quoniam necessitari contra inclinationem voluntatis, hoc est contra actum elicitum ipsius, est necessitari contra inclinationem totius suppositi, quia inclinatio totius suppositi in homine est voluntas, sicut in rebus inanimatis appetitus naturalis, & in brutis sensitivus.

SED NEQUE ipse dissolvit difficultatem, non enim explicat quomodo actus illi, cum eliciantur ab ipsis potentijs, & ex consequenti sint conformes earum inclinationi, possint esse ipsis violenti: & argumentum ipsius solum probat, quod actus illi sunt violenti respectu voluntatis, & respectu totius hominis, cuius inclinatio est ipsa voluntas, & ex consequenti quod sint simpliciter violenti, quia sunt contra eam inclinationem, quæ simpliciter est inclinatio hominis: non tamen probat, quod etiam sint violenti respectu ipsarum potentiarum in particulari, quoniam non probat quod sint contra proprias & particulares inclinationes earum.

ALITER RESPONDET SONCINAS 9. Metaph. q. 18. ubi de intellectu dicit duo: Primum est, quod homo potest cogi ad actum intellectus, & hoc probat argumento SOTI; Alterum est, quod intellectus, si sumatur secundum se, præcisè, & non in ordine ad suppositum agens, non potest cogi quoad actus elicitos, & hoc probat argumento DVRANDI, quod propositum est principio huius difficultatis; Et quamvis iste author solum loquatur de intellectu, tamen quantum ad hoc eadem est ratio de alijs potentijs vitalibus, quæ subduntur imperio voluntatis.

SED NEQUE hæc sententia mihi placet, quoniam actus alicuius potentie subditæ voluntati, si eliciatur contra actum absolutum voluntatis, non solum est violentus homini & voluntati: sed etiam ipsi potentie, à qua elicitur, ut statim probabo.

Ideo alij mox iudicio recte distinguunt in huiusmodi potentijs duas inclinationes: alteram particularem, quæ est propensio ad propria perfectionem & ad proprium actum, & alteram universalem, quæ est propensio ad bonum totius suppositi, & ad obediendum voluntati; & dicunt, potentias has non posse cogi ad suos actus respectu prioris inclinationis, bene tamen respectu posterioris. Primum probatur satis argumento propositum in principio huius difficultatis; & quia impossibile est, quod aliqua potentia concurret propria virtute ad aliquem actum, & quod talis actus non sit secundum impetum & inclinationem ipsius, quod satis est ut non sit violentus respectu illius inclinationis: secundum etiam probatur, quia si in potentijs istis sit inclinatio ad obediendum voluntati, impossibile est quod eliciant aliquem actum contra imperium voluntatis, & quod idem actus non sit contra illam inclinationem.

Quod vero in huiusmodi potentijs debeant distinguere prædictæ duæ inclinationes, Probatur, quia imprimis est in eis prior inclinatio, quia nulla res est, quæ non habeat naturalem inclinationem ad propriam perfectionem; & posterior etiam est in eis, quia sicut voluntas naturaliter eas movet, & applicat ad operandum: ita ipse naturaliter moventur, & ex consequenti habent naturalem inclinationem ad hoc, ut ita moveantur; quia ut motus sit naturalis, necessarium est quod præsupponatur naturalis inclinatio ad ipsum. Item, quia potentie istæ ex natura sua sunt subordinatæ voluntati, quantum ad applicationem ad operandum, ergo etiam sunt ex natura sua aptæ ut applicentur ab ea, & ex consequenti habeant naturalem inclinationem ad sequendam applicationem, aut motionem voluntatis.

Neque potest dici, quod ad ista duo sufficiat una inclinatio in huiusmodi potentijs: quoniam inclinatio ad proprium actum sæpe est tanta, ut impediat inclinationem, quæ est ad obediendum voluntati; ut constat in appetitu sensitivo. Item quia obedire superiori motori, & elicere proprium actum distinguuntur inter se, saltem formaliter; & ita posterius potest à priori separari, etiam in istis potentijs; ergo terminant inclinationes distinctas inter se, saltem formaliter.

SED ADHVC RESTAT explicandum in hac sententia; an, cum potentie istæ coguntur respectu inclinationis universalis, & non respectu particularis, concedendum sit, quod coguntur simpliciter. Respondetur affirmative, saltem de alijs potentijs, præter appetitum sensitivum: & probatur, quia inclinatio universalis est magis præcipua in istis potentijs, quam particularis; ergo in ordine ad eam est iudicandum, an actus aliquis sit violentus potentijs, potius quam in ordine ad particularem. Consequentia patet, quia si lapis, cum movetur sursum ad replendum vacuum, detineatur, patitur violentiam; & idem est, si manus detineatur cum movetur ad defendendum caput; & ratio utriusque est, esse contra magis præcipuam inclinationem, quamvis utrumque sit conforme inclinationi particulari: Et antecedens probatur, quia quælibet harum potentiarum est aliquid totius hominis, & magis est

hominis, quam sui; ergo potissima inclinatio eius est, ad sequendum inclinationem totius hominis; patet *consequentia*, quia alias non esset recte ordinata constitutio totius ex partibus. *Item*, quia pars ut pars magis inclinatur ad conformitatem cum toto, quam ad propriam perfectionem, ergo etiam potissima inclinatio in quacumque parte est ad sequendum inclinationem totius.

Confirmatur, quia propter hanc rationem diximus dubio præcedenti, quod in omnibus rebus creatis est maior inclinatio ad obediendum Deo, quam ad particulares suas perfectiones: & quia rationes istæ habeant etiam vim respectu appetitus sensitui, excepti eum, quoniam de eo est peculiaris difficultas de qua agi solet in materia de peccatis.

EX HIS PATET solutio ad argumentum huius difficultatis, est enim neganda *sequela*, & ad probationem dicendum est, quod in ea sumuntur duo ad colligendum intentum: *primum* est, quod actus elicit ab istis potentijs procedunt ab ipsis efficienter concurrentibus; & non minus repugnat eis esse omnino à principio extrinseco, sicut requiritur ad violentum, quam actibus voluntatis; & *ad hoc* dicendum est, actus illos, respectu inclinationis particularis, esse à principio intrinseco, quia eliciuntur ab ipsis potentijs: tamen respectu inclinationis vniuersalis, esse à principio extrinseco, quoniam hæc inclinatio est ad sequendum applicationem, & motionem voluntatis, & in isto casu non applicantur istæ potentie ad operandum à voluntate, sed ab agente extrinseco, ut explicui dubio præcedenti in solutione secundi. *Alterum* est, quod actus isti sunt inclinationes ipsarum potentialium; & *hoc est falsum*, quoniam potentie, quæ non sunt appetitivæ non habent inclinationem elicitam ad suos actus, vel obiecta, sed solum habent inclinationem naturalem, quæ non est aliud, quam natura cuiusque potentie secundum diuersas rationes considerata, actus vero ab eis elicit, possunt dici tendentie, & veluti motiones earum in propria obiecta.

EX HIS SEQUITUR PRIMO solutio argumenti, quo DURANDVS utitur locis citatis, ad probandum; intellectum non posse cogi ad suum actum, quod est tale: Id solum potest cogi, quod habet inclinationem determinatam ad certum obiectum seu terminum, & determinatum modum tendendi in ipsum; sed intellectus inclinatio ad intelligere non est determinata ad aliquod obiectum in particulari, nec ad determinatum modum; ergo intellectus non potest cogi; *minor* patet, quia intellectus non habet inclinationem ad vnum intelligere, & non ad aliud nec ad vnum obiectum, & non ad aliud: sed ad omne intelligere, & ad omne obiectum intelligibile. *Maiores* vero probatur quia ideo materie secundum se nulla generatio est violenta, quia ipsa de se non est determinata ad aliquam formam in particulari; & è contrario, ideo lapis violentatur, cum projicitur sursum, quia eius inclinatio est determinata ad locum deorsum, & ad motum qui fit descendendo; quod si lapis haberet inclinationem ad omnem locum indifferenter, & ad omnem modum motus, non posset violentari aliquo motu locali. Dixi solu-

tionem huius argumenti colligi ex ijs, quæ diximus: quoniam ex ijs constat, quod, quamvis inclinatio particularis intellectus, quæ est ad proprium actum, sit indeterminata, ut DURANDVS dicit: tamen altera inclinatio, quæ est ad obediendum voluntati, est determinata ad vnum modum operandi, scilicet, cum subiectione ad voluntatem; & ita potest intellectus habere actum, qui sit contra hanc inclinationem; & nos solum respectu huius inclinationis diximus ipsum posse violentari. Et cum hac solutione coincidit altera CAPREOLI in 2. d. 24. q. 1. artic. 3. ad argumenta DURANDI, contra tertiam & quartam conclusionem, in solutione secundi, ubi inquit, *maiores* esse falsas, nisi addatur, quod vel agat, vel patiatur contra inclinationem suppositi, *in quo*, vel *inuis* est: ut in isto casu agit intellectus contra inclinationem voluntatis, quæ est inclinatio suppositi, cuius potentia est ipse intellectus; Et quamvis actus elicit ab huiusmodi potentijs essent inclinationes earum: tamen in isto casu essent violenti, quoniam essent contrarij præcipuæ inclinationi ipsarum potentialium, ut statim explicabo: vnde vis illius rationis non consistit absolute in hoc, quod actus elicit sit inclinatio ipsius: sed huic debet adiungi, quod ita est inclinatio actualis, ut procedat ex ea inclinatione habituali, quæ est non tantum præcipua, sed etiam sola in voluntate, ut explicabo in solutione secundæ difficultatis.

AD CONFIRMATIONEM, Respondetur cum CAJETANO. 1. p. q. 82. artic. 1. & cum CONRADO hoc loco, rationem illam non habere locum in potentijs non vitalibus, quoniam non semper concurrunt efficienter ad actus, quibus mouentur; sed sepe recipiunt eos ab extrinseco, & contra propriam inclinationem, ut constat in motu lapidis sursum, & in alijs, & ita cogi possunt quantum ad actus istos.

§. 5. An actus secundus voluntatis potest illi esse violentus?

AD SECUNDAM DIFFICULTATEM concedenda est *maior*, & neganda est *minor*, si intelligatur de voluntate; & ad probationem, dicendum est, quod quamvis malicia peccati sit contra inclinationem voluntatis, actus peccati non est absolute contra eam: quoniam habet aliquam rationem boni respectu hominis, saltem secundum delectationem sensus, aut aliquam prauam dispositionem, ut inquit D. THOMAS ad 3. & inclinatio voluntatis non est determinata ad bonum conforme rectæ rationi, sed ad bonum totius hominis. Dicuntur autem vitia contra naturam hominis, quia sunt contra rectam rationem, secundum quam viuere, est consonum naturæ rationali, quæ præcipuum locum obtinet in homine: vnde Diu. THOMAS infra q. 29. artic. 4. in corp. inquit, *quod qui peccant, odunt seipsos per accidens, in quantum odunt id quod vere sunt, dum volunt contraria rationi*. Et dixerat ante, quod vnumquodque maxime est id, quod est principalius in ipso: sicut ciuitas dicitur facere quod rex facit, quasi rex sit tota ciuitas, & quod homo maxime est mens hominis.

Et si qua-

Et si quæras cur potius minor illa sit falsa, si intelligatur de inclinatione auali voluntatis, quæ est actus elicitus ab ea; quam si intelligatur de actibus elicitis ab alijs potentijs vitalibus, huiusmodi actus sunt dicendi inclinationes earum, tunc non.

Respondetur, rationem esse, quod quamvis commune sit omnibus actibus elicitis, quod non possint esse contra particulares inclinationes potentiarum, à quibus eliciuntur, (quoniam quæcunque potentia operatur secundum pondus, & propensionem huius inclinationis) tamen actus eliciti à voluntate hoc habent peculiare, quod absolute debeant esse conformes inclinationi ipsius. Huius ratio est, quod voluntas non habet duas inclinationes, quarum altera feratur ad bonum totius, & altera ad suos actus; sed una & eadem inclinatione fertur in virtutem, quia ipsa secundum suam propriam & particularem rationem est inclinatio totius: & ideo idem est, actum aliquem esse conformem inclinationi particulari voluntatis, & esse absolute conformem inclinationi ipsius; at vero in alijs potentijs distinguuntur duæ prædictæ inclinationes, & ideo quamvis omnes actus eliciti ab eis debeant esse conformes inclinationibus particularibus ipsarum, non est necessarium quod absolute & simpliciter sint conformes earum inclinationibus, quia possunt repugnare inclinationibus, quas habeat ad obediendum voluntati.

Ad confirmationem Respondetur negando sequelam, quia (vt dixi in solutione confirmationis præcedentis difficultatis,) non est necessarium, quod omnis operatio, quæ convenit cuicunque appetitui *subiective*, hoc est tanquam subiecto, conveniat etiam ei *originaliter*, hoc est tanquam principio efficienti; neque quod, si eliciatur ab eo, sit conformis præcipue inclinationi ipsius, vt dictum est.

Quod si quæras, an hoc sit etiam verum in appetitu sensitivo, *Respondetur*, quod in eo, & in omnibus potentijs vitalibus, tam necessarium est, quod omnem actum, quem recipiunt, eliciant etiam efficienter, sicut in voluntate; inter voluntatem autem, & alias potentias vitales, quæ subduuntur eius imperio, est apertum discrimen, quod hætenus explicui. Sed de appetitu sensitivo dicendum est, quod si in eo inclinatio ad obediendum voluntati sit maior, quàm inclinatio ad proprios actus, poterit cogi, sicut dictum est de alijs; si tamen non sit maior, non poterit ipse secundum se cogi, sed homo diceretur cogi ad actus ipsius, cum contra absolutam volitionem necessitatus fuerit appetitus ad eos: quod ita intelligendum est, sicut à me est explicata solutio Sorii ad primam difficultatem. Neque modo est disputandum, quæ illarum inclinationum sit maior, quoniam hoc pertinet ad materiam de virtutibus, aut de peccatis.

§ 6. Respondetur ad argumenta principalia.

AD PRIMUM, Respondetur negando antecedens & ad probationem dico, illa duo, quæ

A in ea allinuntur vt certa, implicare contradictionem secundum veram philosophiam, quidquid aliqui dicant; cuius ratio quantum ad primum non potest nunc reddi, quoniam postulat longam disputationem de modo, quo actiones vitales pendent à principijs vitalibus; quoad secundum vero potest reddi ista, ita pugnant inter se amare & odio habere eandem rem, sicut accessus, & recessus, aut fuga & persecutio respectu eiusdem termini: quoniam amor habet rationem accessus & prosecutionis, odium vero fugæ & recessus; sed repugnat quod idem mobile simul accedat ad terminum aliquem, & recedat ab eo: aut quod aliquis simul fugiat rem aliquam, & prosequatur eam; ergo etiam repugnat, quod eadem voluntas simul amet & odio habeat eandem rem.

Fortè dices, quod quamvis ista duo repugnant inter se, non ita repugnant illa de quibus disputamus, scilicet odio habere rem aliquam, & recipere à Deo actum amoris eiusdem rei: quia si voluntas non sit principium huiusmodi actus, sed solum se habeat respectu eius passive, vt subiectum recipiens, non poterit eo amare obiectum, quoniam amare est agere vitaliter, & nulla causa potest agere actione, quæ nullo modo procedat ab ea, tanquam à principio.

Sed contra, quia actus amoris est secundum suam essentiam quidam motus, aut quædam tendentia in obiectum, vt amatum: ergo impossibile est, quod recipiatur actu in voluntate, & quod in genere causæ formalis non faciat ipsum actu tendentem, & motum in obiectum vt amatum, quod est facere actu amantem: quia amare actu est tendere aut moveri motu amoris in obiectum; antecedens patet, quia amor secundum suam essentiam est quædam mutatio, & non quæcunque, sed peculiaris naturæ: hoc autem explicatur, dicendo, quod est mutatio in obiectum vt amatum; & consequentia probatur, quia impossibile est, quod forma aliqua recipiatur actu in aliquo subiecto, & quod secundum suam rationem formalem non constituat ipsum actu tale: sicut impossibile est, quod motus localis recipiatur in aliquo subiecto, & quod vt forma non faciat ipsum actu motum localiter.

Confirmatur, quia iste actus amoris est essentialiter actio, ergo denominat aliquod agens, ita vt dicatur agere amando: sed non denominat Deum; ergo denominat voluntatem, in qua recipitur.

Et ex his posset desumi argumentum ad probandum, impossibile esse, quod actus amoris procedat omnino à principio extrinseco: & idem est de alijs actionibus vitalibus: sed de hoc, vt dixi, agendum est alio loco.

SED QUÆRES an admissio gratia disputationis antecedenti argumenti, possit negari consequentia? Aliqui *Respondent affirmativè*. Et assignant duplicem rationem: prima est, quod actus illi amoris & odij non essent contrarii inter se, nam quamvis convenirent in obiecto materiali, differrent in formali; quia odium tenderet in ipsum sub ratione mali, amor vero sub ratione boni. *Altera ratio* est, quia uterque actus esset conformis naturali inclinationi voluntatis: quia inclinatio ista non est determinata ex natura sua ad actum amoris, nec actum odij, sed

indifferentem respicit omne obiectum voluntatis, vel ut prosequendum actu amoris, vel ut fugiendum actu odij.

Verum mihi distinctione opus esse videtur, si enim actus amoris in illo casu comparetur cum voluntate ut natura est, non posset ei esse violentus, tum propter secundam rationem ex ijs, quas præcedenti solutione retulimus; tum etiam quia actus ille, ex suppositione, infunderetur à Deo, & ex consequenti esset conformis præcipue inclinationi voluntatis, ut explicui dubio præcedenti: si tamen actus ille referatur ad voluntatem ut libera est, dici debet violentus ipsi; quia esset contra inclinationem elicitam ipsius, scilicet contra absolutum actum odij, quem in eo casu eliceret voluntas.

Neque rationes aliorum habent contra hoc vim aliquam, ut de secunda dixi; & de prima probatur, quia si, ut actus odij & amoris essent contrarij, esset necessarium, quod terminarentur ad idem obiectum, & sub eadem ratione, scilicet, aut boni aut mali; sequeretur esse impossibile, reperiri duos actus contrarios, alterum amoris, & alterum odij: quia impossibile est quod actus illi non differant in illis rationibus obiectivis; quoniam neque amor potest terminari ad suum obiectum, nisi ut bonum est siue conveniens, aut reipsa, aut secundum apparentiam: neque odium ad suum, nisi ut malum, siue disconveniens, ut D. THOMAS docet inf. quæst. 29. artic. 1. & tamen videtur non posse negari, quod actus amoris possit esse contrarius actui odij, si ambo sint de eodem obiecto, quoniam tendunt in ipsum modis oppositis, & repugnantibus: odium siquidem habet se ad obiectum per modum negationis & remotionis à proprio affectu, amor vero per modum affirmationis, & ita D. THOMAS citata art. 2. ad 1. inquit, quod amor & odium sunt contraria, quando sunt circa idem, & 2. 2. quæst. 34. artic. 2. in argumento, sed contra, inquit, quod odium Dei opponitur dilectioni Dei. Quare ad rationem illam dicendum est, quod cum dicimus, requiri ad contrarietatem inter istos actus, quod ambo terminentur ad idem obiectum, & secundum eandem rationem formalem: non debet intelligi de ratione sub qua, quoniam hæc respectu odij est malicia, aut disconvenientia, & respectu amoris bonitas, aut convenientia; & in nullo istarum possunt illi actus convenire, ut diximus: sed intelligitur de ratione formali qua; itaque ut amor & odium Petri habeant inter se repugnantiam, necessarium est quod terminentur ad ipsum, secundum eandem rationem qua, verbi gratia, in quantum doctus est. Non enim sunt contrarij actus amor Petri quatenus est doctus, & odium eiusdem quatenus est praus.

ET EX his patet solutio ad primam confirmationem.

AD SECUNDAM Respondetur, falsum esse, quod naturaliter possit contingere, necessitari voluntatem ad eliciendum aliquem actum, existente in ipso actu absoluto, quo velit non elicere: imo neque supernaturaliter potest hoc fieri, ut explicabimus in solutione sequentis argumenti. Et ad id quod obijciatur de virtute, quam habet appetitus sensitivus ad movendum voluntatem, Respondetur, quod, quamdiu

passiones non absorbeant & ligant totaliter rationem, liberum est voluntati nullum elicere actum, quo ipsis consentiat, ut DIVVS THOMAS docet infra quæstione decima articulo quinto.

AD SECUNDUM Respondetur negando antecedens, & ad probationem nego minorem: quoniam in isto casu est peculiaris ratio repugnantia, non quidem propter pluralitatem actuum; sed propter oppositionem, quam haberent illi duo actus inter se, ut explicuimus in solutione præcedentis argumenti. Et ad id quod ulterius obijciatur, oppositionem illam solum esse contrariam, & non contradictoriam, & ex consequenti non impedire coexistentiam illorum actuum in eadem voluntate, saltem respectu potentia absolute Dei: quoniam respectu ipsius solum dicitur impossibile id, quod implicat contradictionem, constat autem nullam esse implicationem aut contradictionem in hoc, quod duo contraria sint simul in eodem subiecto; Respondetur, quod motus contrarij quandoque quantum ad modos, quibus fiunt, habent conditiones contradictorie oppositas, & tunc implicat contradictionem, quod sint simul in eodem subiecto: quia cum motus immutet subiectum secundum modum quo fit, & communicet ei conditionem & denominationem pertinentem ad istum modum; si huiusmodi motus essent simul in eodem subiecto, sequeretur quod simul convenirent contradictoria: sicut duo motus locales contrarij, quales sunt illi, qui cum oppositione fiunt inter eodem terminos, fiunt modis habentibus inter se oppositionem contradictoriam, quoniam alter fit accedendo ad unum terminum; & alter recedendo ab eodem: recedere autem, & accedere, respectu eiusdem termini, opponuntur contradictorie, sicut esse in termino, & non esse in eo, ut dicemus postea. Itaque ad objectionem dicendum est, quod quando ea, quæ opponuntur contrarie, habent conditiones contradictorie oppositas, & secundum eas afficiunt sua subiecta, nulla potentia fieri potest, quod sint simul in eodem subiecto: & idem implicat contradictionem, quod idem mobile moveatur simul his duobus modis; & idem est de intensione & remissione eiusdem formæ. Et quoniam actus absolutus odij, & actus amoris, quantum ad modos, quibus fiunt, habent conditiones contradictorie oppositas; quia amor fit per modum accessus & affirmationis ex parte affectus, & odium per modum recessus & negationis, ut dixi in solutione præcedentis argumenti: ideo implicat contradictionem, quod sint simul in eodem subiecto; & propter eandem rationem dicendum est etiam, implicare contradictionem, quod voluntate habente volitionem non eliciendi actum aliquem, & manente in ea ista volitione, necessiteretur à Deo ad eliciendum actum: quoniam etiam volitio & nolitio respectu eiusdem obiecti fiunt modis oppositis contradictorie, quoniam volitio habet modum affirmationis, & nolitio modum negationis respectu obiecti; volitione siquidem vult voluntas obiectum esse, & nolitione vult non esse, & ita, quantum est ex his actibus, facit, aut destruit obiectum. Verum hoc intelligendum est, dummodo volitio

illa sit

illa sit absoluta & efficax: si enim sit conditionata aut inefficax, bene potuit necessitari voluntas ad eliciendum, neque in isto casu diceretur huiusmodi actus simpliciter coactus, sed secundum quid, sicut proectio mercium in mare tempore tempestatis, est voluntaria simpliciter, & inuoluntaria secundum quid.

Et si quæras, an admissio isto casu, esset aliquis illorum actuum violentus voluntati: Respondetur, quod quamvis aliqui dicunt, utrumque esse naturalem, quia uterque est secundum inclinationem naturalem: Et alij dicant, quod sicut ex impossibili sequitur quodlibet, ita uterque actus potest dici simul naturalis, & violentus, quia uterque est contra inclinationem elicita, cum unus sit contrarius alteri; & uterque est conformis inclinationi naturali voluntatis, cum uterque eliciatur ab eadem: *mibi videtur dicendum* quod si actus isti comparantur ad voluntatem *ut natura* est, uterque debet dici naturalis propter rationem assignatam; si tamen comparatur ad eam *ut libera* est, ille actus, ad quem in eo casu necessitaretur, debet dici violentus. Et probatur, quoniam actus videtur, qui est contra imperium voluntatis, est violentus voluntati *ut libera* est, ut dixi dubio precedentis: sed actus ille voluntatis est contra ipsius imperium, scilicet contra volitionem absolutam non eliciendi eam; ergo etiam debet dici violentus.

Verum aduertendum est, quod actus ille, quamvis eliciatur à voluntate, dicitur imperatus: quia sicut quando voluntas proprio imperio determinatur ad eliciendum aliquem actum, talis actus dicitur imperatus, ut postea explicabimus: ita etiam actus ad quem necessitatur contra proprium imperium, dicitur imperatus, in eo sensu, quo dubio precedenti in solutione primi, diximus, actus elictos ab alijs potentijs, contra imperium voluntatis, posse dici imperatos. Et ex hoc patet, non esse eandem rationem de istis duobus actibus; quatenus ad duo quæ sunt de ratione violenti, scilicet esse à principio extrinseco, & esse contra inclinationem; quoniam cum actus imperatus debeat procedere à voluntate ut mota & applicata virtute sui imperij; si procedat ab ea ut applicata ab alio agente, dicitur esse à principio extrinseco quantum ad applicationem: & similiter si procedat contra imperium ipsius, dicitur esse contra inclinationem intrinsecam, scilicet contra imperium imperij, quæ tamen duo non possunt habere locum in actu, qui solum est elictus.

AD CONFIRMATIONEM Respondetur, negando *minorem*, quidquid sit de *maiori*, quoniam tristitia est actus elictus à voluntate, ut D. THOMAS docet in multis locis, & ideo neque procedit à principio extrinseco, neque est contra inclinationem ipsius voluntatis, quod erat necessarium, ut esset ei violenta.

Neque obstat quod tristitia & dolor sint de ijs, quæ nobis nolentibus accidunt: nam hoc intelligitur de obiecto, ex cuius apprehensione & duplicentia sequitur tristitia, non autem de ipsa tristitia; neque ex eo quod obiectum sit nolitum, sequitur quod ipsa tristitia sit nolita & inuoluntaria: quoniam id, quod est nobis ma-

lum, potest esse nolitum actu voluntario, & tristitia in motibus appetitus habet rationem fugæ & recessus, ut D. THOMAS docet inf. quæ. 36. art. 1. Et propter eandem rationem negandum est antecedens *primæ* probationis illius minoris; & ad *secundam* neganda est minor, si intelligatur de delectatione, quatenus opponitur tristitia, & non quatenus est voluntaria, in quo non opponitur tristitia, sed potius conuenit cum ea.

AD TERTIUM Respondetur, ridiculam esse sententiam illam de necessitate continuationis actuum voluntatis. De quolibet est agendum.

AD VITIMUM concessio *antecedenti* neganda est *consequentia*, & ad probationem Respondetur, DIVVM THOMAM illo loco tantum loqui de esse & vivere, quatenus connexa sunt cum beatitudine: ad ea enim ita sumpta est naturaliter inclinata voluntas quoad specificationem, ita quod non potest ea nolle positivè, sicut neque ipsam beatitudinem. Cum vero dicimus, quod voluntas aut determinata à Deo, aut pro sua libertate, potest nolle esse, aut vivere: loquimur de ijs secundum se, & sine connexionem cum beatitudine, sine qua possunt esse obiecta voluntatis; quoniam huiusmodi connexio potest esse incognita, vel inconsiderata. Ratio autem quare ad ista obiecta sumpta *priori modo* habeat voluntas prædictam inclinationem, & non ad ea sumpta *posteriori modo*, est, quod illo modo ita sunt bona, ut non possint apprehendi ut mala; neque eorum opposita ut bona; non autem isto modo.

DVBIVM TERTIVM.

Verum ita possit voluntas impediri ab actibus, qui dicuntur elicti, ut in eo patiatur aliquam violentiam aut coactionem?

§ 1. Proponitur pars affirmativa.

VBI SUPPONIMUS ut certum, voluntatem posse impediri ab illis actibus: & Probatur, quia ut voluntas eliciat actum aliquem, indiget propositione obiecti facta ab intellectu, & concursu Dei: sed hæc duo possunt ei auferri à Deo; ergo potest impediri ne eliciat actum. Vocamus autem in dubium, an cum ita impeditur voluntas, possit pati aliquam violentiam?

PARS AFFIRMATIVA probatur *primò*, si lapis detineatur ne descendat deorsum, violentatur: ergo etiam voluntas patietur coactionem, si ita impediatur, ut in nullum actum, possit exire: Probo *consequentiam*, quia sicut gravitas lapidis est inclinatio ad motum deorsum, ita voluntas est inclinatio & propensio ad operationem indeterminate; ergo sicut lapidem detineri sursum, est contra imperium & inclinationem

grauitatis, & ideo est ipsi violentum; ita voluntatem impediri ab omni actu, erit contra eius propensionem, & ex consequenti erit ipsi violentum.

SECUNDO, non minus naturale est voluntati alicuius beati amare Deum, supposita visione Dei; quam lapidi moueri ad centrum, supposita grauitate ipsius lapidis: sed si lapis impediatur ne descendat deorsum, cessatio ista à motu est ipsi violenta; ergo similiter si voluntas beati impediatur ab amando Deum, (sicut re vera impediri potest, si Deus denegat suum concursum ad istum actum) cessatio ab amando erit ei violenta.

ULTIMO, si voluntas habeat aliquem actum, quo velit elicere alium actum, verbi gratia, actum amoris; non minus inclinata est ad istum secundum actum, quam, cum vult potentiam visuam videre obiectum aliquod est inclinata ad actum videndi: sed si potentia visiva in isto casu impediatur à videndo, cessatio ab actu videndi est contra inclinationem voluntatis, & ideo est ipsi violenta, ut diximus dubio primo; ergo similiter si ipsa voluntas in priori casu impediatur ab amando, cessatio ab isto actu erit contra eius inclinationem, & ex consequenti erit ipsi violenta. Pro hac sententia solent referri D V R A N D V S A L M A I. & A N G E L S T. locis citatis dubio precedenti, sed duo priores immerito, ut statim dicam.

§ 2. Resolutio questionis.

PRO SOLVTIONE SUPPONENDVM est ex ALMAINO in suis moral. tract. 1. cap. 2. duplices esse actus elicitos à voluntate: quosdam qui tantum sunt elicti, & alios qui simul sunt elicti, & imperati: primi generis sunt illi quos voluntas producit non precedente alio actu, quo applicetur & moueatur ad producendum eos: ut actus, quo amat obiectum aliquod, est tantum elictus; posterioris vero generis sunt illi actus, quos producit ut determinata & mota alio actu formali suo: ut cum vult amare rem aliquam, iste secundus actus amandi est simul elictus & imperatus; elictus quidem, quia producit immediate ab ipsa voluntate, & non mediante alia potentia: imperatus vero, quia producit ab ea mota ad operandum virtute alterius volitionis formalis. Neque obstat, quod posset ille secundus actus produci à voluntate; quamuis nullus alius præcessisset: quia de facto præcessit alius, & non utrumque, sed ut applicans & mouens ipsam voluntatem ad eliciendum eum; hoc enim habet voluntas quoniam immaterialis est, ut, quod efficit suis actibus circa alias potentias, possit etiam præstare circa seipsam: & ita, sicut mouet suo imperio, quod est volitio absoluta, alias potentias ad operandum: sic etiam potest mouere seipsam; & eodem genere causalitatis concurrat eius imperium ad actus ipsius, quo concurret ad actus aliarum potentiarum.

SIC PRIMA CONCLUSIO voluntas non potest violententer impediri ab actu suo, qui tantum esset elictus, & non imperatus. ita tenent CAIETAN. prima parte, questione 82. articulo primo. CONRAD. hic: ALMAI. loco citato, & D V R A N D V S, qui pro opposita sententia solet

A referri. Nam quamuis in 2. distinct. 25. quæst. quarta, num. 5. dicat, voluntatem cogi, cum impeditur ab omni actu suo: tamen in 4. distinct. 29. quæst. 1. num. 7. quasi explicans seipsum, inquit, illud non esse propriè & strictè cogi, secunde: Et probatur conclusio argumento ex ipso de iuramento: ut alicui virtuti aut potentie sit violentum impediri ab agendo, necessarium est, quod pati impedimentum, sit contra ipsius inclinationem: sed voluntatem impediri ab actu, qui tantum esset elictus, non est contra aliquam inclinationem ipsius, ergo neque est ipsi violentum. Maior constat ex definitione violenti, & minor probatur, quia duplex tantum est inclinatio in voluntate, altera naturalis, quæ correspondet ipsi ut natura est; & altera elicta quæ respondet ei in quantum est principium liberum: sed impediri ab actu illo, non est contra prioris inclinationem, quoniam voluntas non est ex natura sua inclinata ad exercitium alicuius actus in particulari, neque contra posterioris, quoniam, ex suppositione, nullum habet actum voluntas, quo velit elicere illum, de quo loquimur. ergo absolute non est contra aliquam inclinationem voluntatis.

SECUNDA CONCLUSIO. Voluntas potest impediri violententer ab actu suo qui, si proinceretur, esset simul elictus & imperatus. Ita tenet ALMAINVS loco citato, & meo iudicio probatur satis efficaciter ultimo argumento ex adductis pro parte negativa.

AD QVOD variè respondent, qui sequuntur oppositam sententiam, nam imprimis CAIETAN. & CONRAD. locis citatis, dicunt, voluntatem in isto casu impediri à Deo, respectu cuius nulla creatura potest pati violentiam.

Sed quamuis hoc sit verum, loquendo de voluntate, ut est quedam natura; tamen loquendo de ipsa ut est principium liberum; & quoad inclinationem elictam falsum est, ut dixi dub. 1.

ALII DICVNT, impossibile esse voluntati in isto casu elicere actum de quo loquimur, & ideo cessationem ab eo non esse ipsi violentam. Ut enim negatio alicuius rei sit violenta, non satis est quod sit contra voluntatē: sed præterea requiritur, quod sit negatio rei possibilis; nam v.g. nō volare, quamuis sit contra voluntatem alicuius, non dicitur violentum ipsi, quia volare est impossibile.

Sed contra, quia quamuis, ex suppositione negationis diuini concursus, sit impossibile voluntati elicere actum: tamen absolute, & simpliciter est ei possibile. Item, cum detinetur lapis sursum, etiam caret concursu Dei necessario ad motum deorsum: quoniam non præbet Deus concursum suum ad motum sine ipso motu; & tamen detinetur violententer, ergo idem est dicendum in nostro casu.

TERTIO DICVNT ALII, cessationem ab actu in isto casu non esse violentam voluntati, quia non est contra inclinationem ipsius sufficientem ad operandum: non enim habet voluntas omnia, quæ ad hoc requiruntur, cum defit ei concursus Dei, aut propositio obiecti.

Sed hæc ratio solum habet locum, quando voluntas impeditur propter effectum cognitionis, ut statim dicam: non tamen quando impeditur propter subtractionem diuini concursus; quoniam in isto casu voluntas habet omnia, quæ requiruntur, ut sit sufficienter inclinata intrinsecè

ad ope-

ad operandum; non enim enumeratur inter hæc actualis concursus Dei, ut patet in exemplo lapidis, paulo superius proposito.

ULTIMO RESPONDENT ALII, quod, ut cessatio ab actu sit violenta non satis est cautam, quæ impeditur, habere sufficientem virtutem ad operandum; alioqui intellectus in dormientibus pateretur violentiam; sed requiritur nixus & conatus ad operandum; & ita in lapide cum detineretur sursum, non solum est gravitas, sed etiam nixus seu intentia quædam actualis ad motum (quæ à nonnullis appellatur gravitatio,) ratione cuius paulatim commovetur & frangit rem ipsi suppositam, quamvis actu non moveatur. At vero voluntas in nostro casu non habet huiusmodi nientiam: quoniam voluntatem niri & conari ad operandum respectu actus eliciti, non est habere alium actum, quo velit operari, alioqui daretur processus in infinitum: sed est producere ipsum actum.

Sed isti proculdubio decipiuntur, nam voluntas in isto casu ita habet nientiam ad eliciendum suum actum, sicut habet eam respectu actus imperati, qui elicitur ab alia potentia; quod sic probatur: ideo imperium voluntatis est nientia respectu actuum, qui eliciuntur ab alijs potentijs, quia virtute ipsius applicantur, & moventur ipsæ potentie ad operandum, ita quod, nisi obstat impedimentum, eliceret suos actus: sed idem præstat respectu actus eliciendi à voluntate, ut dixi, paulo ante primam conclusionem; ergo etiam est nientia & conatus voluntatis ad ipsum. Neque ex hoc sequitur, dari processum in infinitum in actibus voluntatis: quoniam (ut in illo loco explicui) non est necessarium huiusmodi imperium voluntatis, ut ipsa eliciat suos actus.

Verum ADVERTE circa conclusionem hanc, quod, quando voluntas impeditur propter defectum cognitionis, non dicitur cogi, *tum quia*, cognitio obiecti quodammodo est necessaria, ut voluntas constituatur in actu primo ad operandum, nec sine ea potest esse sufficienter inclinata ad eliciendum actum circa obiectum, cuius cognitio deest, *tum etiam, quia* (ut bene advertit PALVD. in 4. d. 29. quæst. 1. art. 1.) naturale est cuiuscunque potentie non operari, si subtrahatur obiectum, aut materia, cuius præsentia est necessaria ad operationem; & ita neque est violentum visui non videre, si subtrahatur visibile, neque igni non comburere, si desit combustibile.

§. 3. Respondetur ad argumenta in principio dubi, proposita.

AD PRIMUM, concessio antecedenti, neganda est consequenti, si consequens intelligatur in casu primæ conclusionis; & ad probationem, neganda est comparatio illa inter lapidem & voluntatem, est enim magnum discrimen: quoniam lapis habet naturalem inclinationem ad motum deorsum; voluntas vero neque habet naturalem inclinationem, neque elicitam in illo casu ad exercitium alicuius actus in particulari, sed indifferenter potest, quantum est ex parte suæ naturæ, aut operari, aut suspendere omnem actum.

AD SECUNDUM Respondetur primo, negando maiorem, quoniam lapidi est ab intrinseco & simpliciter naturale descendere deorsum, quia gravitas, &

A tota virtus necessaria ad descensum, est ipsi connaturalis: at vero voluntati beati non est naturale ab intrinseco & simpliciter amare Deum visum, quoniam etiam suppositio visionis Dei, & virtus qua ipsa indiget ad amandum, est ei supernaturalis.

Sed obicitur, quod saltem in isto casu habet voluntas inclinationem omnino determinatam ad unum, respectu actus amandi Deum, quamvis sit ei superaddita: & ex consequenti est contra istam inclinationem, impediti ipsam ab amando. Respondetur, ex hoc non sequi, quod ipsa voluntas patitur violentiam secundum suam naturam, & seclusa suppositione.

Secundo respondetur, quod, manente visione Dei in intellectu, dupliciter potest intelligi, voluntatem impediti ab amando; scilicet aut ita ut simul habeat actum formalem quo velit elicere actum amandi, à quo impeditur; aut ita, ut nullum omnino habeat actum: & quamvis admittamus, posse voluntatem impediti priori modo, (quod posset negari, quia voluntas videntis Deum non potest habere actum repugnantem divinæ voluntati) nihil inde sequitur contra nostram sententiam, quoniam in eo casu actus amandi, si produceretur à voluntate, non solum esset elicitus sed etiam imperatus; atque proinde, si voluntas pateretur aliquam violentiam in cessatione ab eo, solum pateretur eam quoad actum, qui simul esset elicitus & imperatus, quod nos in secunda conclusione diximus esse possibile. Si vero impediatur voluntas posteriori modo, non patitur violentiam; quia in eo casu non habet voluntas inclinationem elicitam ad amandum, & (ut probavi dubio primo) voluntas solum potest cogi à Deo quoad inclinationem elicitam.

Ad ultimum, patet solutio ex secunda conclusione.

ULTIMUM DUBIUM EST.

Utrum voluntas possit violenter recipere aliquam formam, aut habitum, aut actum primum prout distinguitur ab actu secundo vel operatione?

AD HOC DICO PRIMO, à nullâ creaturâ operante propria virtute potest voluntas violenter recipere formam aliquam. Probat, quia creatura distincta à voluntate non potest virtute propria producere formam in voluntate: ipsa vero voluntas, cum producit suis actibus in se ipsa aliquos habitus, non potest sibi inferre violentiam, quoniam violentia semper provenit à principio extrinseco.

DICO SECUNDO à Deo potest voluntas recipere violenter formam aliquam, ita tamen ut solum inferatur violentia voluntati, verum violentia ista solum erit quoad inclinationem elicitam. Probat, quia Deus potest producere in voluntate formam aliquam, aut habitum, renuente ipsa voluntate, & habente actum formalem, quo absolute, nolit recipere; Quod vero hoc non sit violentum voluntati quoad suam inclinationem non elicitam, patet ex ijs, quæ diximus dubio primo. Et in hac conclusione conveniunt nobiscum PALVD. & ANGEL. locis citatis.

ARTICVLVS V.

Utrum violentia, causet inuoluntarium?

COMMENTARIVS.

Quid facere debeat femina viopressa ut non sit illi voluntaria oppressio.

CONCLUSIO est affirmatiua; Pro cuius explanatione ADVERTE, violentiam posse summi actiue & passiue; actiue sumitur pro virtute, quam agens applicat, ut compellat subiectum ad agendum, vel recipiendum aliquid; passiue vero pro ipsa actione vel receptione, sicut cum aliquis impellitur alium ad motum, applicatio sue virtutis ad impellendum dicitur violentia actiue; & motus, qui inde sequitur, dicitur violentia, passiue; si priori modo sumatur, potest conclusio habere sensum causalem, quoniam virtus extrinseci agentis, ut applicata ad efficiendum aliquid in subiecto contra inclinationem ipsius est causa, ut effectus ille sit violentus subiecto: si vero sumatur posteriori modo, necesse est explicare eam in sensu identico, quoniam ipsa actio, vel receptio, est violentia passiue sumpta, & simul est inuoluntaria.

SECUNDO ADVERTE, violentiam actiue sumptam, siue vim, duplicem esse: alteram simpliciter, & alteram secundum quid; violentia simpliciter est, cum applicatur tanta virtus, ut per se sufficiat ad efficiendum effectum, etiam omnino renitente subiecto: ut cum aliquis mouet brachium alterius, ipso renitente, & repugnante motui, & propterea violentia ista ab aliquibus solet appellari sufficiens, & compellens: & à iurisperitis appellatur absoluta, & præcisæ: violentia vero secundum quid, est cum virtus quæ applicatur, non sufficit sola ad effectum, nisi simul etiam concurrat voluntas: quæ ideo dicitur violentia, quia est, contra aliquam inclinationem subiecti, scilicet, contra desiderium aut volitionem inefficacem siue velleitatem; dicitur tamen violentia cum addito diminuyente, scilicet, secundum quid, quia non est contra maiorem inclinationem subiecti, scilicet, contra volitionem absolutam efficacem, quam tunc habet voluntas, cum concurrat ad effectum, ad quem huiusmodi violentia impellit, hæc à iurisperitis appellatur conditionata, quia requirit concursum voluntatis; & ab alijs dicitur insufficiens & impellens, quia sola non sufficit ad effectum sed solum inducit & impellit voluntatem. Ita distinguitur hæc duplex violentia à iurisperitis, ut docet COVARR. in epitome, in quartum decretal. 2. parte, §. primo, numero 11. vbi etiam adducit textum Iustiniani ex quibus colligitur ista distinctio. Conclusio DIVI THOMÆ intelligenda est de priori violentia: nam de posteriori, quæ non distinguitur à metu mali futuri, & dolore præsentis, agit ipse articulo sequenti.

TERTIO ADVERTE, quod sicut violentia passiue sumpta, est, quæ fit à principio extrinseco, passio non conferente vim, hoc est, repugnante & renitente, ut explicui in principio articuli præcedentis; ita etiam ad violentiam actiue sumptam requiruntur hæc omnia, scilicet, quod sit à

A principio extrinseco, & contra inclinationem subiecti. Et quoniam inclinatio totius hominis est voluntas, ideo tunc dicitur aliquid agens inferre vim aut violentiam simpliciter homini, cum eius voluntas repugnauerit ipsi.

Ex his sequitur primo evidens ratio pro conclusione DIVI THOMÆ, quæ talis est: violentia actiue sumpta ita est causa actus, aut motus; ut voluntas eius, qui patitur violentiam, nullo modo ad eum concurret, sed potius contrariatur & repugnet, ergo etiam est causa ut actus ille sit inuoluntarius: patet consequentia, quia tollit id, quod est de ratione voluntarij, scilicet, procedere à principio extrinseco.

Secundo sequitur, quod ea, quæ quis agit, aut patitur per vim simpliciter, siue absolutam, neque habet meritum, quamuis alias sint bona; neque demeritum, quamuis alias sint mala: unde neque ille, qui per vim absolutam inclinatur ante idolum peccat, ut habetur in cap. præbueres d. 50. & in cap. maiores de baptismo & eius effectibus; neque ille, à quo per eandem vim extorquetur eleemolina, meretur aliquid. Et ratio vtriusque est manifesta, quoniam ubi non est voluntarium, non potest esse meritum, neque demeritum.

Tertio sequitur, quod baptismus per vim absolutam sumptus, neque est baptismus, neque aliquid efficit in suscipiente: atque adeo si ista vis probetur ex parte baptizati, non cogetur ad seruandam regulam fidei Christianæ. Ita definitur in cap. maiores supra citato, vbi hæc redditur ratio, quod alias sequeretur, posse aliquem simpliciter inuitum cogi ad obseruantiam legis Christianæ. Neque obstat quod in cap. de lvdm. d. 45. definiatur, eos, qui tempore Sisebuti Regis coacti fuerant venire ad Christianitatem, quia iam susceperant baptismum & alia sacramenta, compellendos esse ut fidem, quam vis susceperant, tenerent: quoniam (ut Innocentius tertius docet in illo cap. maiores) definitio illa non intelligitur de vi absoluta, sed de conditionata, quæ non impedit sacramentum baptismi.

Ultimo sequitur quod ut censeatur aliquis actus factus, aut aliqua passio recepta per vim absolutam, non satis est quod voluntas se habeat negativè, hoc est, neque consentiat, neque renitatur; sed requiritur, quod actu formali absoluto & efficaci, quantum est ex parte sua, renitatur, hoc est, quod habeat actum formalem, quo nolit actionem, aut passionem, & qui sit absolutus, & efficax. Et probatur, quia si voluntas non habeat hunc actum, sed aut nullum, aut inefficacem, & conditionatum: non erit actus, aut passio absolute contra inclinationem hominis; ergo neque erit simpliciter violentus ipsi: Consequentia patet ex definitione violenti explicata articulo præcedenti & antecedenti probatur, quia si voluntas nullum habeat actum, non repugnat positivè; si vero solum habeat actum inefficacem, non repugnat perfectè, cum possit iste actus esse simul cum opposito efficaci.

Et ex hoc sequitur ulterius esse necessarium, quod homo efficiat totum, quod voluerit, ad propulsandum violentiam. Probatum, quia alias à posteriori poterit colligi, voluntatem non renitiādu absolutam & efficacem, quoniam volitio efficax sufficiens est, quantum est ex propria natura, ut efficiantur omnia, quæ necessaria fuerint ad propulsandum violentiam cui renititur, sicut in vniuersum, volitio

efficax

efficax hoc habet respectu cuiuscunque effectus itaque solum illæ actiones, aut passionēs sunt hominū simpliciter violentæ, quibus contrahitur & voluntione efficacī, & opere externo, omnibus mediis sibi possibilibus, si necessarium fuerit, ad vitandum eas.

Sed obicitur, quia sequitur ex hoc, quod si femina, cum violenter opprimitur, non faciat omnia sibi possibilia ad vitandum oppressionem v. g. clamare; & conari interficere aggressorem, quantum ex eo sequatur ipsi infamia, & mors, aut aliud grane damnum, non dicitur pati oppressionem violentem: & ex consequenti, dicitur eam pati voluntariè, atque proinde peccare:

Ad hoc CALE. 2.2 quæst. 151. art. 2. circa solutionem 2. & q. 134. art. 4. circa solutionem 2. concedit sequenti, quantum ad omnia quæ inferuntur. **Sed in his non videtur necessarium concedere eam**, quoad omnia illa: quare concedo, oppressionem non esse violentam in isto casu feminae, nego tamen ex hoc sequi, esse ipsi voluntariam, supposito quod non solum non consentit, sed etiam habet voluntionem formalem, qua tenetur, & propter gratiè damnum, quod ipsi imminet, non adhibet alia media ad propulsiandum oppressionem: Pro quo **ADVERTE** quod oppressio in isto casu solum potest esse voluntaria feminae indirectè, & tanquam effectus omissionis resistendi, aut opponendi media ad resistendum: quare, cum effectus omissionis non sit voluntarius, nisi supposita potentia, & obligatione ad agendum, (ut dixi artic. 2.) non erit illa oppressio voluntaria feminae, nisi supposito, quod teneatur adhibere media illa: & ita si non teneatur, non erit oppressio voluntaria, quamvis non sit violenta.

Sed quæres, quænam media externa teneatur opponere femina in isto casu ad resistendum oppressioni? **Respondetur**, non esse huius loci disputare de hoc, sed pertinere ad quæstionem citatam ex secunda secundæ: nunc tamen dico breviter, quod si femina timeat in se periculum consentiendi in peccatum mortale, tenetur facere omnia quæ sibi possibilia fuerint ad resistendum, etiam si ex eo sequantur ipsi gravissima incommoda, ut infamia, & mors. Probat, quoniam consentire illi peccato, aut exponere se periculo consentiendi est, secundum se actio mala moraliter respectu ipsius feminae, & prohibitum præcepto naturali negativo, quod obligat semper & in omni euentu. Si vero non timeat tale periculum, videtur mihi probabilis sententia eorum, qui dicunt, quod solum tenetur facere, id quod commodè poterit, habita ratione periculi, in quo versatur; ita quod, si ex vociferatione, aut alia resistentia, possit sequi grave incommodum, ut mors, infamia, aut percussio gravis, vel detrimentum in bonis suis, non tenebitur ea uti. Probat, quoniam oppressio in isto casu non habet rationem actionis liberæ respectu feminae, sed puræ passionis: & resistere ipsi solum præcipitur præcepto affirmativo, quod non obligat in omni euentu, sed iuxta mensuram rationis, & ex consequenti, modo morali atque humano, atque proinde non obligat cum tanto periculo: Verum quia raro continget, ut feminae non habeant periculum consentiendi, ideo semper consulendum est ipsis ut resistant.

ARTICVLVS VI.

Utrum motus causet involuntarium simpliciter?

PRIMA CONCLUSIO, Ea, quæ sunt per metum, mixta sunt ex voluntario & involuntario.

SECUNDA CONCLUSIO, magis sunt voluntaria, quam involuntaria: sunt enim voluntaria simpliciter, & involuntaria secundum quid.

COMMENTARIVS.

§. 1. Explicatur titulus articuli.

PRO EXPLICATIONE doctrinae huius articuli, SUPPONENDVM est ex D. THOMA infra qu. 41. art. 1. & 2. timorem esse passionem partis appetitivæ, quæ refugimus, & nolumus obiectum aliquod, quatenus nobis repræsentatur ut malum futurum, & difficile, cui resisti non potest. Ex quo intelligi potest definitio metus, quæ ab ARISTOTELE traditur 2. lib. rhetorice cap. 5. his verbis: *Metus est animi agilitudo, aut perturbatio orta ex cognitione imminentiis mali, quod aut int. ritum, aut molestiam adferre possit.* Quam definitionem CICERO in Tusculanis ita explicuit: *metus est opinio impendentis mali quod intolerabile esse videatur.* Et VLPIANVS Iurconsultus libr. 1. ff. de eo quod metus causa: *Metus est instantis vel futuri periculi causa mentis trepidatio.* Verum quævis metus propriè respiciat malum ut futurum, & tristitia, seu dolor sit de malo præsentis: tamen hoc loco sumitur magis latè, scilicet, prout comprehendit & timorem mali futuri, & dolorem seu tristitiam præsentis; quoniam quantum attinet ad præsentem disputationem eadem est ratio de utroque. Eodem enim modo cogitur, aut impellitur voluntas ad aliquid agendum metu futuri mali, & tristitia proveniente ex malo præsentis ut ex cruciatibus, & alijs similibus.

SECUNDO SUPPONENDVM est, non ideo dici, effectum aliquem fieri per metum, quia metus sit causa effectiva ipsius: sed quia est causa mouens, & impellens voluntatem, ut efficiat ipsum; sicut mercator tempore tempestatis mouetur metu mortis ad proijciendum merces in mare. Ex quo sequitur, differre metum à violentia absoluta, de qua diximus in principio articuli præcedentis; quoniam violentia illa compellit, & necessitat ad actionem, vel passionem, cuius dicitur causa, non expectato consensu voluntatis, imo & tenente voluntate: at vero metus solum est causa effectus medio consensu libero voluntatis, hoc est mouendo voluntatem, ut libere concurrat ad eam.

CIRCA PRIMAM conclusionem est

D V B I V M I.

Vtrum sit vera:

§. 1. Pars negativa proponitur.

ET PARS NEGATIVA probatur PRIMO, quia vel voluntarium sumitur secundum communem rationem, hoc est, pro eo quod est à principio intrinseco cum cognitione, vel secundum particularem rationem, hoc est, pro libero; si sumatur priori modo, falsa est conclusio, quoniam impossibile est quod idem effectus simul & respectu eiusdem principij, scilicet, eiusdem voluntatis, sit, & non sit à principio intrinseco, aut cū cognitione, & sine ea, quod tamen est necessarium ut simul sit voluntarius & inuoluntarius; si vero sumatur posteriori modo, apertius est esse falsam, quoniam ut aliquis effectus procedat ab eadem voluntate libere, & non libere, necessarium est quod procedat ab ea ut operante cum indifferentia & sine ea, quod tamen inuoluit repugnantiam.

SECUNDO, si id, quod sit per metum, fieret à voluntate sine metu, esset omnino voluntarium, ita quod nullo modo esset inuoluntarium: sed metus nō est causa propter quā sit inuoluntarium; ergo id, quod sit per metum, nullo modo est inuoluntarium: Probatur minor, quia metus solū est causa illius effectus mouendo voluntatē, ut libere concurrat ad eum: ergo non est causa ut sit à principio extrinseco, vel ut producat a voluntate sine libertate; quod erat necessarium, ut haberet à voluntate, tanquam à causa, quod esset aliquo modo inuoluntarius.

§. 2. Decisio quæstionis pro parte affirmatiua.

PRO SOLVTIONE supponendum est primo, voluntariū, de quo hic loquimur, duo includere in suo conceptu, scilicet, esse à voluntate tanquam voluntum & imperatum ab ipsa. quoniam metus iste primario mouet ad effectum voluntatis, & consequenter ad volitionem ipsius, ut necessariam ad productionem effectus; & libertatē, hoc est esse à voluntate ut à principio imperante cum indifferentia ad utrumque. Neque ex hoc sequitur, voluntarium istud esse vnū per accidens, quoniam primum comparatur ad secundum, sicut gradus genericus ad differentialem, ut dixi art. 2. de voluntario & libero in communi: & ex hoc constat nomine inuoluntarij hoc loco intelligi conditiones oppositas prædictis rationibus.

SECUNDO SUPPONENDVM est, quod non loquimur de omni euentu, quo propter metum aliquid facimus: aliquando enim facimus propter metum ea, circa quæ, si non adesset metus, neque haberemus volitionem, neque nolitionē, & in isto casu eadem est ratio de metu, & de alijs passionibus, quantum ad hoc, quod est esse causam inuoluntarij; ut dicam art. 7. sed loquimur de eo euentu in quo propter metum volumus id, quod alias nollemus, ut cum mercator merces, quas vellet retinere, projicit in mare, ad vitandum periculum mortis, quod ipsi imminet ex tempestate.

TERTIO SUPPONENDVM est, quod in casu isto

A quando per metum projiciuntur merces in mare (eodem est in alijs casibus similibus) cōcurrunt saltem tres actus ex parte voluntatis eius, qui projicit: *Primus* est amor mercium, qui est volitio habendi eas. & (ut inquit D. THOMAS art. sequenti ad secundū) maneretiam cum merces projicitur in mare: *secundus* est nolitio mortis qui est volitio repellendi periculum submersionis, quod timetur. *Tertius* est volitio projiciendi merces in mare, cuius causa est secundus actus: quoniam volitio finis est causa volitionis mediij, quod est volitum propter se, sed ut medium ad repellendum periculum illud. Præter hos actus aliqui constituunt quartum quem dicunt esse nolentiam seu nolitionem conditionatam projectionis mercium, & causam eius esse primum actum, scilicet, amorem mercium. Sed mihi non videtur necessarium addere istum actum *primo*, quia solum additur ad explicandum quo modo projectio mercium sit inuoluntaria, & tamen sine eo potest hoc explicari, ut statim dicā; *secundo* quia vel conditio illa tenet se ex parte actus, vel ex parte obiecti: si *primum*, sequitur, quod in illo casu non habeat voluntas aliquem actum formalem, quo nolit projicere merces. Probatur *secundo*, quia non potest conditio tenere se ex parte actus ut intrinseca ipsi, quia intelligi non potest quomodo conditio sit in actu voluntatis; sed ut plurimum, ut requisita ad hoc, ut ipse actus inhæreat subiecto: sed in isto casu conditio non est adimpleta; ergo neque actus, qui ipsam requirit ad suam inexistentiā, est actu in subiecto, scilicet, in voluntate; si vero dicatur *secundum*, etiam sequitur idem inconueniens, quoniam cum conditio solum, se tenet ex parte obiecti tunc actus voluntatis est in seipso absolutus, & explicatur per indicatum, ut cum dicimus *volo*; quamuis non sit efficax, nisi dependenter à conditione, ut constat in promissionibus & votis conditionatis: sed forsitan est impossibile, quod voluntas in isto casu habeat actum absolutum, quamuis inefficacem, quo nolit projicere merces; aut saltem est valde difficile, quoniam actus ille ita explicari debet, volo non projicere merces, si non adsit nunc hoc periculum: constat autem esse valde difficile quod habeat hunc actum is, qui videt periculum esse præsens, & iudicat non posse vitari, nisi projiciendo merces, & propterea vult actu absoluto & efficaci projicere eas; ergo impertinenter additur ille quartus actus.

Neque ex hoc sequitur, non repetiri volitiones aut nolitiones conditionatas: solum enim impugnauimus illas, quas aliqui dicunt habere conditionem sibi intrinsecam, & ad exprimendum huiusmodi conditionem explicantes eas hac forma, vellem nollem. Neque mihi deest ratio ad hoc asserendum: quoniam sicut dicere, quod dissentirem ab ecclesia in rebus fidei, aut quod currerem, si hoc aut illud fieret, non est habere formalem dissentium, aut actum currendi; sed est iudicare ex meo affectu, tanquam ex causa sufficiente, posita conditione, quod haberem actus istos: sic etiam dicere, nollem aut vellem, est habere simile iudicium de illis actibus; & ita in nostro casu, quamuis mercator

nullam

nullam habeat nolitionem formalem, potest vere dicere, nollem proijcere merces; quoniam ex proprio affectu ad merces, qui est primus actus ex ijs quos retulimus, scilicet amor ipsarum, potest vere iudicare, quod, nisi immineret periculum submersionis, haberet actum formalem, quo nollet proijcere eas in mare.

Et si quæras, quomodo ex amore mercium non sequatur in mercatore nolitio proijciendi eas in mare: sicut ex volitione vitandi periculum provenit volitio proijciendi eas? *Respondetur*, quia amor ille redditur inefficax circa media, quia impeditur à secundo actu, qui est efficacior.

Et si rursum quæras, quomodo amor mercium, qui contrarius est volitioni proijciendi eas in mare, possit esse simul cum ea, imo & cum ipsa proiectione? *Respondetur*, actus istos non esse inter se contrarios, quoniam habent obiecta distincta; nam (vt hoc loco docet Diu. THOMAS,) mercator amat merces suas absolute consideratas, quatenus sunt quoddam bonum ipsius: & vult eas proijcere in mare, quatenus habent adiunctam circumstantiam istam, quod sunt impedimento ad vitandum periculum naufragij; sicut Iudex amat hominem sceleratum consideratum absolute, quatenus homo est, & proximus: & tamen spectatis eius sceleribus vult ipsum occidere.

Ex his sequitur decisio huius quæstionis, scilicet veram esse sententiam D. THOMÆ, & probatur in exemplo opposito, quoniam proiectio mercium est voluntaria ratione secundi actus, quia procedit ab eo, vt à causa; & est inuoluntaria ratione primi, quia repugnat ipsi: ex quo etiam colligitur, quod non tam libere procedat, quoniam voluntas non esset eius causa contra proprium actum; & inuita, nisi aliqua vi determinaretur. Et hæc est expressa sententia ARISTOTELIS 3. Ethic. cap. 10. vbi eodem modo probat, ea, quæ sunt metu alicuius mali, esse inuoluntaria, quo nos id probauimus; quod vero sint voluntaria probat alijs argumentis, quæ apud ipsum legi possunt.

§. 3. Soluuntur argumenta partis negatiue.

AD PRIMUM Respondetur quod voluntarium sumitur vtroque modo, prout tamen reperitur in ijs, quæ sunt voluntaria, & imperata, sicut diximus in prima suppositione. Et ad primam obiectionem Respondetur, quod, cum isti effectus solum dicantur esse à voluntate, tãquam à principio, vt imperati ab ipsa, & medio imperio ipsius, non repugnat, quod simul dicantur esse & non esse ab ipsa, non quidem considerata absolute, sed vt habet diuersos actus; nam in exemplo supra posito, proiectio mercium in mare est à voluntate, quatenus habet volitionem efficacem, qua vult eam; & non est ab ea, quatenus habet alterum actum, scilicet amorem mercium; qui inclinat ad oppositum, scilicet ad retentionem earum.

Et ad secundam obiectionem dicendum est, quod vt effectus aliquis procedat à voluntate libere, & aliquo modo non libere; satis est, quod procedat ab ea, vt operante cum indifferentia, quæ requiritur simpliciter ad libertatem; & sine perfectione accidentali illius indifferentiæ, quæ non est necessaria ad libertatem simpliciter, sed ad ipsius perfectionem accidentalem; & hanc perfectionem ac-

cidentalẽ indifferentiæ tollit metus, & in eo conuenit cum alijs passionibus, vt magis explicabimus art. 7.

AD SECUNDVM concessa maiori, distinguenda est minor, si enim sit eius sensus, quod metus non est causa à qua ea, quæ fiunt per metum, habeant quod sint inuoluntaria, vera est: cæterum ex ea in isto sensu non potest colligi conclusio; quia ex alia causa possunt ista habere quod sint inuoluntaria, scilicet ex amore ad opposita; sicut in exemplo supra posito, proiectio mercium in mare habet quod sit inuoluntaria, ex amore ad ipsas merces; si tamen sit sensus, quod metus non est causa vt fiant ea, quæ aliunde, scilicet ex amore illio, habent quod sit inuoluntaria; falsa est: quia secluso metu illa non fierent; vt in eodem exemplo, si mercator non timeret periculum mortis, non proijceret merces in mare. Et propter eandem rationem neganda est consequentia. Quare cum dicimus, ea, quæ metu fiunt, esse inuoluntaria; aut, metum causare inuoluntarium; non est sensus, quod illud inuoluntarij, quod reperitur in huiusmodi rebus, proveniat à metu mali, quod timetur tanquam à causa; sed quod metus est causa, vt fiant ea, quæ sunt inuoluntaria; nam quoniam est causa vt fiant non obstante amore, & propensione ad opposita; ideo dicitur causare inuoluntarium.

CIRCA secundam conclusionem est

D V B I V M II.

Verum ea quæ metu fiunt, sint simpliciter voluntaria?

§. 1. Partis negatiue argumenta.

PROBATVR pars negatiua PRIMO testimonijs; nam imprimis ARISTOTELIS 3. Ethic. cap. 1. loquens de ea iactura, quæ orta tempestate fieri solet, ita inquit: *simpliciter & absolute nemo sua sponte rerum suarum iacturam facit.* Et paulo inferius: *hæc igitur talia, scilicet quæ metu fiunt, sponte aguntur, simpliciter autem fortassis inuite.* Et Diu. THOMAS 2. 2. q. 142. art. 3. inquit, ea quæ metu fiunt, non esse simpliciter voluntaria. Et paulo inferius, inquit, in ijs, quæ pertinent ad timiditatem, singularia esse minus voluntaria, & ipsum commune esse magis voluntarium. Ex quo sic argumentatur ipse D. THOMAS in hoc art. docet ea quæ metu fiunt, si sumantur in vniuersali, esse inuoluntaria; ergo si sumpta in singulari sunt minus voluntaria, sequitur nullo modo esse voluntaria simpliciter. Et tandem in cap. maiores de baptismo & eius effectu, dicitur, quod is qui terroribus atque supplicijs violenter attrahitur, & ne detrimentum incurrat, baptismi suscipit sacramentum, tanquam conditionaliter volens, licet absolute non velit, cogendus est ad obseruantiam fidei Christianæ.

§. 2. Partis affirmatiue eligitur.

SED HIS NON OBSTANTIBVS CONCLUSIO D. THOMÆ EST VERA. Et probatur ratione ipsius quæ desumpta est ex ARISTOTELIS 3. Ethic. cap. 1. vbi eandem tradit doctrinam. Et CONFIRMATUR,

quia pro-

quia proiectio mercium, quæ sit orta tempestate, (& idem est de alijs, quæ metu fiunt,) est volita consideratis omnibus circumstantijs, & solum est nolita sumpta secundum se, & vt separata à circumstantijs, quas habet adiunctas à parte rei: ergo est volita simpliciter, & nolita secundum quid; Patet *consequentia*, quia vnumquodque: denominatur simpliciter ab eo, quod ei conuenit consideratis omnibus circumstantijs suis; & secundum quid ab eo, quod solum conuenit ipsi, vt separato ab huiusmodi circumstantijs.

ITEM id, quod metu fit, procedit à volitione efficaci, tanquam à causa, & solum repugnat volitioni imperfectæ & inefficaci, vt dixi dubio præcedenti: ergo est voluntarium simpliciter, & inuoluntarium secundum quid; Patet *consequentia*, quia sicut dicitur aliquid voluntarium vt imperatum, quia procedit à volitione; & inuoluntarium, quia repugnat volitioni; ita dicitur voluntarium simpliciter, si processerit à volitione simpliciter, qualis est efficax, & inuoluntarium secundum quid, si repugnauerit volitioni secundum quid, qualis est inefficax.

Ex hac conclusione SEQUITUR PRIMO, transgressionem legis siue naturalis, siue positivæ, formaliter loquendo, non esse immunem à culpa, quamvis fiat metu. Probatur, cum transgressio legis sit intrinsece mala, non potest esse à culpa libera, nisi fiat inuoluntarie: sed cum sit metu alicuius mali, non sit inuoluntarie, sed potius simpliciter voluntarie, vt diximus; ergo tunc non est immunis à culpa.

SECUNDO SEQUITUR, in ijs, quæ ita sunt intrinsece & ex natura sua mala, vt nulla circumstantia possint reddi bona, nullum metum excusare à tota culpa; quamvis eam minuat, ita vt quanto metus est maior, tanto culpa sit minor. *Prima pars* probatur primo quia *neque excusatur* à culpa, quia ratione eius desinat opus illud esse malum; quoniam cum id, quod est intrinsece malum, sit malum ratione eorum quæ includit: sicut ratione metus non amittit ea quæ antea includebat ita non desinit esse malum; *neque etiam excusatur*, quia ratione eius illud opus non sit voluntarium simpliciter, vt constat ex conclusione; ergo nullo modo excusatur à tota culpa. *Præterea* hoc videtur significari in cap. *sacris*, de ijs quæ vi metusue causa fiunt; vbi dicitur pro nullo metu esse committendum peccatum mortale. Et cap. *primum est*, & cap. *omne genus mendacij*. 22. q. 2. vbi dicitur pro nulla re esse dicendum aliquod genus mendacij, & 11. q. 31. *quisquis*, vbi & de eo, qui veritatem occultat, scilicet cum tenetur eam manifestare; & de eo qui mendacium dicit metu cuiuslibet potestatis, dicitur, quod iram Dei super se prouocat, quia magis timet hominem, quam Deum.

Secunda etiam pars probatur primo, quia ita dicitur expresse in cap. *sacris*, supra citato; & in cap. *imprimis* 2. q. 1. præcipitur, quod imponatur lenior poenitentia quibusdam Episcopis, si dixerint se metu iudicis commisisse crimen, de quo ibi agitur. Et *præterea* quia ARISTO. 3. Ethic. cap. 1. inquit, dari veniam illi, qui egerit ea, quæ non sunt agenda, compulsus ijs rebus, quæ humanam naturam superant, & quas nemo perferre queat. Et *eadem*, quia actus aliquis in tantum est peccatum, in quantum est voluntarius: sed metus minuit voluntarium, vt dixi-

mus, ergo etiam minuit culpam.

Neque obstat, quod metus sit causa, vt peccatum committatur maiori intentione & conatu voluntatis, sicut quo aliquis magis timet tormenta, eo intentius vult sacrificare idolis: *Quoniam* licet metus intendat volitionem circa peccatum, & ex consequenti augeat ipsum intensiue: tamen quia minuit libertatem, ideo simpliciter dicitur minuire maliciam peccati; quoniam ad peccatum plus facit libertas, quam intensio actus: sepe enim actus peccatorum & amentium, & etiam motus primo primi sunt intensissimi, & tamen propter defectum libertatis non sunt peccata.

Verum aduerte circa istam secundam partem, non esse eius sensum, quod metus ita diminuat peccatum, vt de mortali faciat veniale; & de veniali nullum; quia peccatum habet ex obiecto quod sit mortale, aut veniale, supposito quod ex parte peccantis sit sufficiens deliberatio; *Sed sensus est*, quod si peccatum secundum se fuerit mortale, aut veniale, erit leuius intra limites horum peccatorum, si committatur metu; & tanto leuius, quanto maiori metu fuerit commissum.

TERTIO sequitur, contractus metu celebratos non esse irritos iure naturæ, propter defectum voluntarij requisiti ad transferendum dominium ex parte eius, cui incutitur timor. Et ita censendum est de promissionibus, & votis, & de matrimonio: ita tenet CAIETA. hoc loco. Et probatur, quia voluntarium simpliciter, quamvis habeat admixtum inuoluntarium secundum quid, sufficit de iure naturæ ad omnia ista: sed metus non tollit istis voluntarium simpliciter vt constat ex conclusione; ergo, quamvis ista omnia fiant metu, habebunt voluntarium, quod requiritur, vt sint valida de iure naturæ. Probatur *maior*, quia si ista fiant metu proveniente à causa naturali extrinseca, vt si quis metu tempestatis, aut incendij contrahat cum aliqua, aut emitat votum, vel donet aliquid, sunt omnia valida, & ex consequenti habent voluntarium quod requiritur secundum ius naturæ ad eorum valorem: & tamen voluntarium, quod in eo euentu reperitur in istis omnibus, habet admixtum inuoluntarium: ergo voluntarium simpliciter, quævis habeat admixtum inuoluntarium, sufficit ad omnia ista secundum ius naturæ. Cum tamen aliqua ex istis dicuntur *in iure irrita*, debet intelligi secundum dispositionem iuris, & non propter defectum voluntarij, quod secundum ius naturale requiritur ad eorum valorem.

An vero alia ex parte sint ista irrita secundum ius naturæ aliquando, scilicet quando metus incutitur ex iniuria ex parte eius, in cuius fauorem fiunt: explicandum est suis locis in materia de restitutione; & in materia de voto, & in materia de matrimonio, quoniam hoc loco solum agimus de effectibus metus, quatenus est aliquo modo causa inuoluntarij.

ULTIMO SEQUITUR, quod, si lege aliqua siue positiva siue naturali; & siue affirmatiua siue negatiua, aliquid præcipiatur, & aliquis metu commotus fecerit oppositum, non excusabitur à culpa transgressoris propter defectum voluntarij: sed quantum est ex hac parte poterit dici transgressor legis. Probatur, quia voluntarium simpliciter, quamvis habeat admixtum inuoluntarium secundum quid, sufficit ad transgrediendum legem: qui enim metu

mortis committit fornicationem, proculdubio est transgressor legis prohibentis fornicationem: *Ad vero alia ex parte*, scilicet quia lex aliqua non obligat in isto casu, excusetur aliquis à culpa transgressionis; & quæ leges non obligent, & qualis metus requiratur ut non obligent; pertinet ad materiam de legibus.

§. 3. *Ad argumenta partis negativæ.*

AD TESTIMONIUM ARISTO. Respondetur, particulam *simpliciter*, referri ad obiectum, scilicet ad iacturam bonorum: & sumi ut significat idem quod *absolute*, & sine adiectione alterius; atque ita sensum esse, quod si iactura bonorum sumatur simpliciter, hoc est *absolute*, & sine adiectione alterius circumstantiæ, nemo eam facit sponte sua, cum quo tamen stat, quod si sumatur prout habet adiunctam circumstantiam istam, quod est necessaria ad vitandum periculum mortis, sit simpliciter voluntaria. Et quod hic sit sensus ARISTOTELIS in utroque loco, colligitur aperte ex contextu: nam in priori post verba, quæ retulimus, subdit: *sed sua ac ceterorum salutis causa omnes faciunt, qui modo sana mentis sunt.* ubi satis explicat, intelligenda esse præcedentia verba de iactura bonorum sumpta sine adiectione huius circumstantiæ, quod scilicet sit necessaria ad suam, & suorum salutem. Et in posteriori loco quasi reddens rationem eius quod dixerat, subiungit: *nemo enim quidquam tale ipsum propter se optaverit*; quibus verbis idem significatur atque in præcedentibus, scilicet, quod nemo optaverit iacturam suorum bonorum propter seipsum, sed propter aliud, hoc est propter salutem, & idem est sensus, si pro eo quod LAMBIVS dixit *propter se*, legamus ut alij, *per se*; nam iactura optatur per seipsum, cum optatur, & non propter aliud, tanquam propter finem.

AD PRIMUM TESTIMONIUM D. THOMÆ Respondetur, ibi particulam *simpliciter*, non sumi ut opponitur contra *secundum quid*, sicut hoc loco: sed ut est idem quod *pure*, & opponitur huic, quod est *mixte*; & ita sensus illorum verborum est, ea, quæ metu fiunt, non esse voluntaria *pure*, sed *mixte*: hoc est simul voluntaria & inuoluntaria, & hoc modo se explicuit ipse Div. THOMAS hoc loco.

AD SECUNDUM TESTIMONIUM Respondetur, quod actus proveniens ex timore v. g. fugere metu mortis, duobus modis potest considerari, scilicet secundum se; hoc est sine ordine ad finem intentum, nimirum ad vitandum mortem; aut ut habet adiunctum illum ordinem; & isto posteriori modo adhuc potest dupliciter sumi, scilicet in communi, & abstrahendo ab exercitio, aut in particulari, & in ipso exercitio fugiendi; quando D. THOMAS hoc loco dixit, actum istum secundum se esse minus voluntarium, quam prout est in singularibus, comparavit eum sumptum priori modo ad seipsum sumptum posteriori modo; quando vero loco citato dixit actum istum in communi esse minus inuoluntarium, quam in particulari, loquebatur de eo sumpto secundo modo hoc est cum ordine ad finem intentum, & comparavit eum sumptum in communi, ad seipsum, prout hic & nunc est in exercitio; & ita nulla est contradictio, quoniam actus iste, si sumatur cum illo ordine, siue sumatur in communi, siue in particulari, est sim-

pliciter voluntarius; magis tamen si sumatur in communi, quoniam habet minus inuoluntarij admixtum propter rationem, quam illo loco assignat D. THOMAS, quæ desumpta est ex ARISTOTELE. 3. Ethic. cap. 11. ubi etiam docet timiditatem in communi esse minus inuoluntariam quam in particulari.

AD TESTIMONIUM ex cap. maiores Respondetur, quod ibi *velle propter timorem* appellatur *conditionatum*, ex parte sui obiecti, quia non terminatur ad ipsum sumptum absolute, sed ut habet adiunctam hanc circumstantiam, & conditionem, quod sit necessarium ad vitandum periculum, quod timeatur: atque ita ea sublata, aut reipsa, aut nostra consideratione, statim non est volitum, sed simpliciter nolitum.

ARTICVLVS VII.

Utrum concupiscentia causet inuoluntarium?

CONCLUSIO. *Concupiscentia non causat inuoluntarium, sed magis facit aliquid voluntarium.*

COMMENTARIVS.

PRO EXPLICATIONE huius articuli ADVERTE primo ex D. THOMA infra q. 73 art. 6. ad secundum, nomen concupiscentiæ posse sumi duobus modis: primo *strictè*, pro motibus appetitus sensitivi; secundo *late*, ita ut comprehendat etiam actus voluntatis similes actibus appetitus sensitivi. Et priori modo sumitur hic. Et quamvis nomen hoc communiter solet tribui motibus concupiscibilis, tamen hic sumi debet, prout etiam significat motus irascibilis, quoniam omnes conveniunt in eodem modo mouendi voluntatem, & ex consequenti in eodem modo causandi voluntarium, aut inuoluntarium, excipienda tamen est passio metus, de qua diximus articulo præcedenti, quoniam habet peculiarem modum mouendi ad effectus voluntarios.

SECUNDO ADVERTE etiam ex D. THOMA infra q. 14. art. 3 ad 1. quod etiam repetit loco citato & q. 77. art. 6. motum appetitus sensitivi duobus modis se posse habere ad actum voluntatis, primo *anecedenter*, & secundo *consequenter*, tunc se habet *anecedenter*, quando fertur in obiectum prius quam voluntas feratur, & voluntas mota & excitata aliquo modo ab ipso, elicit similem actum circa idem obiectum; tunc vero se habet *consequenter*, quando voluntas prius fertur in obiectum, & deinde appetitus excitatus à voluntate elicit suum motum, aut passionem circa ipsum. Potestque voluntas dupliciter excitare appetitum, ut etiam D. THO. docet in priori loco; primo *per modum redundantia*, quia scilicet, cum pars superior animæ, nempe voluntas, intense movetur in aliquod obiectum, sequitur eius motum pars inferior, nempe appetitus; secundo *per modum electionis*, quando scilicet homo ex iudicio rationis eligit affici aliqua passione, ut promptius operetur cooperante appetitu sensitivo. In præsentia non agit D. THOM. de concupiscentia aut passione

consequente; quoniam hæc, sicut non mouet voluntatem ad actum, ita neque proprie est causa, ut sit voluntarius, aut inuoluntarius: sed potius est signum declarans & manifestans intensiōem actus voluntatis; quod enim voluntas excitet concupiscentiam, signum est, motum internum ipsius esse vehementem.

Neque obstat, quod aliquando concupiscentia consequens augeat intensiōem actus voluntatis: Quoniam tunc non se habet ad actum voluntatis ut consequens, sed potius ut antecedens, & ut causa eius, saltem quantum ad maiorem illam intensiōem: quando enim à voluntate excitatur passio in appetitu sensitivo, quamuis possit ratione illius passionis intendi actus voluntatis, tamen nunquam hoc fiet, nisi aliquo modo excitet voluntas ab ipsa passione ad operandum cum maiori intensiōe: & hoc modo passio consequens potest esse causa actus voluntatis, non absolute, sed quantum ad aliquas proprietates, scilicet quantum ad permanentiam, suauitatem, intensiōem, & alia similia.

HIS SUPPOSITIS, circa concupiscentiam antecedentem est

DVBIVM PRIMVM

Verum augeat vel minuat voluntarium?

§. 1. Proponuntur sententia.

In quo. varia sunt sententiæ inter discipulos Diu. THOMÆ. PRIMA est quorundam recentiorum & Buridæ. Ethic. 9. q. 10. qui dicunt duo. *Primum* est, concupiscentiam istam augere voluntarium; *Alterum* est, minuire liberum. *Primum* probant Primo testimonio D. THOMÆ in hoc articulo; *Secundo*, testimonio ARISTOT. 3. Ethic. cap. 1. & 2. *Tertio* hac ratione, voluntarium est, quod procedit ex inclinatione voluntatis, & magis voluntarium id, ad quod magis inclinatur: sed concupiscentia facit quod voluntas magis inclinetur in rem desideratam; & ita voluntas cum passione maiori conatu fertur in obiectum quam sine ea; ergo concupiscentia antecedens augeat voluntarium.

Secundum etiam probant, quia libertas iudicii requiritur ad libertatem actuum voluntatis: sed concupiscentia perturbat iudicium rationis; ergo minuit libertatem in actibus voluntatis.

SECUNDA SENTENTIA est CONRADII hoc loco & CATIETI. infra q. 77. art. 6. qui dicit, concupiscentiam antecedentem non augere, sed minuire voluntarium actus producti. Et probat hoc, quia concupiscentia cum est causa actus voluntatis, habet conditionem repugnantem perfectioni voluntarij, quæ posset esse formaliter in illo actu, ergo impedit ne tota ista perfectio communicetur ipsi, quod est minuire voluntarium, quod posset esse formaliter in eo. Probatur *antecedens*, quia cum sit de ratione voluntarij, quod procedat à principio intrinseco, illud erit perfectiori modo voluntarium, quod processerit à principio magis intrinseco: sed concupiscentia est causa actus voluntatis mouendo & attrahendo ipsam ut motum extrinsecum, ergo habet conditionem repugnantem perfectioni voluntarij. Et addit non re-

A pugnare huic sententiæ conclusionem Diu. THOMÆ, ut postea referam ex ipso.

§. 2. Fundamenta iaciuntur pro solutione.

PRO SOLVTIONE SUPPONENDVM est primo, ex ijs quæ diximus articulo primo & secundo huius quæstionis, tres esse gradus voluntarij; *primus* consistit præcisè in hoc, quod est procedere à principio intrinseco cum cognitione, & est communis hominibus & brutis. *Secundus* addit, quod cognitio, à qua procedit, non solum sit cognitio obiecti, sed etiam circumstantiarum & dignitatis ipsius obiecti: de quo egit ARISTO. 3. Ethic. ca. 1. & lib. 5. c. 8. & iste reperitur solum in natura intellectuali, conuenitque ipsi etiam quoad actus necessarios, ut loco citato explicui. *Tertius* addit ulterius, quod cognitio illa relinquat voluntatem indifferentem ad vtrumque, ita ut libere possit operari aut non operari; & iste gradus reperitur etiam in natura intellectuali; non quoad omnes actus, sed solum quoad illos, quorum principium est voluntas cum prædicta indifferentia.

SECUNDO SUPPONENDVM est, quod, quemadmodum in calore consideramus duo, scilicet essentiam ipsius caloris, & perfectionem accidentalem, quæ consistit in multitudine graduum caloris; ita in quocunque ex tribus illis gradibus voluntarij, quos enumeramus, possunt duo considerari; *Primum* est essentia ipsius gradus voluntarij; *secundum* est perfectio accidentalis ipsius in esse voluntarij ita sumpti; essentia primi gradus est, quod id, quod dicitur voluntarium, sit reuera & simpliciter à voluntate. Perfectio vero accidentalis ipsius est duplex: *Prima* quod procedat à voluntate sola, hoc est operante secundum proprium motuum, & non ratione impulsus extrinseci; hoc enim modo dicitur esse magis à voluntate, quam si simul sit ab impulsu extrinseco, quia emanat totaliter à voluntate; *Secunda* est, quod procedat à voluntate per intensum actum: tunc enim, sicut voluntas dicitur magis & intensius velle, ita quæ ab ipsa procedunt dicuntur magis & intensius volita, & voluntaria. Essentia *secundi gradus* est, quod id, quod dicitur voluntarium, verè & simpliciter procedat à voluntate operante cum cognitione dignitatis obiecti, & circumstantiarum, siue singularium quæ ad operationem requiruntur; & perfectio accidentalis ipsius est, quod hæc cognitio sit perfecta, & extendatur ad plura ex illis singularibus. Et tandem essentia *ultimi gradus*, hoc est libertatis, est, quod voluntas non sit necessario determinata ad vnum, sed indifferens ad vtrumque; & eius perfectio accidentalis consistit in hoc, quod voluntas non inclinetur, aut determinetur aliquo modo ad alteram partem ab agente extrinseco, sed à seipsa omnino determinetur ex vi propriæ libertatis, & sui motiui.

ULTIMO SUPPONENDVM est non esse idem, tolli voluntarium, & minui: tollitur enim, cum ita sit aliquid, ut non sit simpliciter voluntarium: ut si aut omnino non procedat à voluntate, aut saltem secundum aliquem gradum ex tribus enumeratis; ut cum, etiam si procedat à voluntate, tamen deest aliquid ex ijs, quæ requiruntur ad essentiam illius gradus. Tunc vero minuitur voluntarium,

com, licet maneat simpliciter voluntarium, aut secundum omnes illos tres gradus, aut secundum aliquos eorum; tamen non habet omnem perfectionem, quâ intra latitudinem illorum graduum possit habere.

§. 3. *Decisio dubij propositi.*

SIT PRIMA CONCLUSIO: *concupiscentia antecedens, neque tollit, neque minuit primum gradum voluntarij: sed potius auget ipsum quoad secundam perfectionem accidentalem, scilicet, intensiorem.* Probat *prima pars*, quia concupiscentia non impedit, ne effectus emanet à voluntate, sed potius mouet ad hoc vt procedat ab ea. *Secunda etiam pars* probatur, quia imprimis non minuit ipsum quoad priorem perfectionem accidentalem: quod sic ostendo; tunc minuitur illa perfectio, cum ita producit effectus, vt non procedat pure, & totaliter à voluntate: sed concupiscentia non impedit ne effectus, ad quem mouet, procedat totaliter à voluntate, ergo non minuit illam perfectionem. Probat *minor*, nam concupiscentia non mouet voluntatem impellendo ipsam efficienter, sed occasionaliter & obiectiue; quatenus, scilicet, est occasio vt effectus, ad quem inclinat, apprehendatur ab intellectu vt magis bonum, & magis conueniens, vt docet **DIVVS THOMAS** infra quæstio. 9. articulo secundo vbi bene hoc explicat **CARISTANVS**; sed, quod voluntas concurrat vt mota occasionaliter & obiectiue, non est satis vt effectus non procedat ab ea totaliter, alias nullus effectus procederet totaliter à voluntate, neque haberet hanc perfectionem voluntarij, quoniam semper voluntas concurrat vt mota obiectiue; ergo concupiscentia non impedit, quod effectus, ad quem mouet, procedat totaliter à voluntate.

Et confirmatur testimonio **ARISTO.** qui 3. Ethic. cap. 1. docens non esse dicendum, nos inuitos appetere res iucundas, quia appetamus eas moti ab extrinseco, scilicet ab ipsis rebus iucundis, quæ sunt extra: hoc videtur argumento, quod par ratione dicendum esset, nos inuitos appetere quæcunque obiecta.

Sed obicitur contra rationem hanc, quia metus, quoniam est extrinsecus voluntati, minuit voluntarium quantum ad illam perfectionem: & tamen non mouet voluntatem, nisi occasionaliter & obiectiue; sicut cæteræ passiones appetitus; ergo etiam concupiscentia, quoniam est extrinseca voluntati, quamuis solum moueat eam obiectiue, minuet voluntarium quoad illam perfectionem.

Respondetur negando maiorem, vt etiam explicui articulo præcedenti, metus solum dicitur causa involuntarij secundum quid, quia est causa effectus repugnantis alicui actui voluntatis: non vero quia mouendo voluntatem est principium extrinsecum illius effectus; neque in hoc habet aliquid peculiare, quod non conueniat reliquis passionibus appetitus, vt etiam dixi ibidem.

Quod etiam concupiscentia non minuat illum gradum voluntarij quoad secundam perfectionem accidentalem. Probat, quia auget ipsam quoad

intentionem, vt dicimus in vltima parte conclusionis, quod experientia constat: vnusquisque enim experitur in seipso, quod quo maiori concupiscentia mouetur ad faciendum aliquid, et actus voluntatis, quo fertur in ipsum est intensior. Verum hoc non ita accipiendum est, vt dicamus, actum voluntatis aut non posse habere intensiorem illam sine concupiscentia: aut non posse non habere eam, si adsit concupiscentia: quoniam concupiscentia non est causa necessaria illius intensioris, ita vt sine ea non possit esse tanta intentio in actu, neque ita vt necessitet voluntatem ad eam; sed sensus est, quod concupiscentia est de se sufficiens ad mouendum voluntatem, vt operetur cum tota illa intentione.

SED CONTRA CONCLUSIONEM hanc solent obijci duo argumenta: **PRIMUM** de ratione voluntarij secundum istum gradum est, quod procedat à principio intrinseco cū cognitione: ergo eius perfectio non solum consistit in hoc, quod est esse pure & totaliter à principio intrinseco; sed etiam in hoc, quod est procedere ex perfectiori cognitione; & ex consequenti, quanto cognitio fuerit maior, tanto voluntarium erit perfectius, & è contra; Sed concupiscentia antecedens minuit cognitionem, quia perturbat rationem; & aliquando potest esse tanta, vt absorbeat eam, vt **DIVVS THOMAS** docet infra quæst. 10. articulo tertio, ad 2. ergo etiam minuit perfectionem huius voluntarij.

Confirmatur, ignorantia antecedens tollit omnino voluntarium, quia tollit cognitionem: ergo similiter concupiscentia minuet voluntarium, quia minuit cognitionem.

SECUNDO, concupiscentia antecedens minuit peccatum, ergo & voluntarium istud, de quo loquimur in conclusione. *Antecedens* supponatur nunc, vt certum, ex communi sententia Theologorum, de quo agemus in materia de peccatis; & proba *consequentiam primo*, quia etiam de illo gradu voluntarij intelligitur sententia Theologorum *peccatum in tantum est peccatum in quantum est voluntarium*: sicut enim actus non potest habere rationem peccati, si ab eo secludas libertatem: ita etiam non potest habere eam, si ab ipso secludas, quod procedat à voluntate cum cognitione; ergo non potest minui peccatum in quantum peccatum, quin etiam minuat in quantum voluntarium. *Essecundo* probatur, quia **DIVVS THOMAS** infra quæ. 77. articulo sexto probat, passionem minuere peccatum, quia minuit voluntarium.

Neque potest dici, quod sumit voluntarium pro libero, *tum quia* cum hæc duo sint valde distincta inter se, non potuisset **DIVVS THOMAS** nomen vnus tribuere alteri sine nota improprietatis; *tum etiam quia* ex verbis ipsius videtur colligi, quod loquatur de isto gradu voluntarij; nam in corpore illius articuli probat, passionem minuere voluntarium, quia quanto voluntas & ratio magis ex se agunt, & non ex impulsu passionis: tanto effectus est magis voluntarius; vbi aperte videtur insinuare, quod quando voluntas operatur ex affectu passionis, tunc effectus, non tam perfecte procedit à voluntate, tanquam à principio, & ideo est minus voluntarius: quod necessario videtur

intelligendum de isto gradu voluntarij, qui consistit in hoc, quod effectus procedat à voluntate, & ratione, tanquam à principio. Et in solutione ad tertium, inquit, quod, quamuis motus voluntatis ex passione incitatus, sit intensior: non tamen ita est voluntatis proprius, sicut si sola ratione moueretur ad peccandum.

Ad PRIMVM horum respondetur, quod sicut distinguuntur illi tres gradus voluntarij: ita etiam distinguuntur cognitiones, quæ ad eos requiruntur, ut constat ex prima suppositione; & ita non quidquid minuit, aut impedit aliquam perfectionem cognitionis, minuit etiam quemcunque gradum voluntarij, sed solum illum, ad quæ requiritur ista perfectio cognitionis: Et quoniam concupiscentia solum minuit cognitionem, quæ extenditur ad circumstantias, & illam quæ relinquit voluntatem indifferentem: non autem illam quæ solum terminatur ad appetibilitatem obiecti, imo potius eam auget, quatenus est occasio ut obiectum appareat magis appetibile, ut dixi, & ista sola requiritur ad primum gradum voluntarij; ideo non sequitur, quod concupiscentia, quatenus impedit cognitionem, minuat huiusmodi voluntarium.

Ad confirmationem concessio antecedenti neganda est consequentia; quoniam ignorantia, de qua intelligitur antecedens, tollit omnem cognitionem; at vero concupiscentia non minuit omnem cognitionem, sed tantum illam, quæ requiritur ad duos ultimos gradus voluntarij.

Ad SECUNDVM concedo antecedens, & nego consequentiam, & ad primam probationem dico, propositionem illam non esse accipiendam formaliter, sed fundamentaliter, ut sit sensus, in tantum aliquem actum esse capacem maliciæ peccati, in quantum est voluntarius; & hoc modo accepta, est vera de omni gradu voluntarij suo modo: quoniam quilibet earum requiritur, licet non sufficiat quilibet, sed necessarii sint omnes; si enim delit prior, non potest manere posterior, & sine ultimo non potest reperiri malicia moralis. Cæterum ex ea ita sumpta non potest colligi, quod, si minuitur malicia, debeat etiã minui voluntarium: cum possit minui ex parte obiecti, & ex alijs multis, quamuis actus sit æqualiter voluntarius secundum omnes tres gradus voluntarij. Et ad secundam probationem dico, DIVVM THOMAM illo loco nomine voluntarij intelligere liberum, siue deliberatum; neque propterea loquutus est improprie, quoniam in materia morali hoc appellatur absolute voluntarium, quia solum est capax bonitatis & maliciæ moralis. Neque etiam ipse DIVVS THOMAS insinuavit oppositum; nam in corpore illius articuli per agere magis ex se intellexit agere magis ex vi deliberationis & libertatis. Et eodem modo exponi potest in solutione ad tertium: non enim dicit, motum illum non esse tam proprium voluntatis, quia non procedit ab ea totaliter; sed quia non procedit tam perfecte secundum modum proprium agendi ipsius voluntatis, qui est, agere ex deliberatione.

SECUNDA CONCLUSIO, concupiscentia antecedens potest tollere omnino, & minuire duos alios gradus voluntarij: Probatur de primo: quoniam imprimis, quod possit eum minuire, sa-

tis constat, cum omnes experiamur, quod, cum mouemur aliqua passione, non aduertimus perfecte ad singulas circumstantias; & tamen hoc pertinet ad perfectionem accidentalem illius gradus, ut dixi.

Quod vero etiam possit concupiscentia eum tollere omnino: Probatur, primo testimonio ARISTOTELIS tertio Ethicorum capite primo, ubi loquens de circumstantijs, inquit, neminem eas omnes ignorare, si modo non insaniat: sed vehementer passio potest esse alicui causa insaniendi; ergo etiã potest tollere cognitionem circumstantiarum. Neque oppositum potest colligi ex eo, quod ARISTOTELIS statim dixerit, perspicuum esse, non esse ignotum eum, qui agit: quoniam verba ista apposita sunt ad probandum, neminem, nisi insaniat, posse ignorare omnes circumstantias, quia saltē seipsum, qui agit, non ignorabit. Secundo probatur ratione, quia non videtur impossibile, quod passio ita absorbeat in aliquo usum rationis, ut nihil omnino aduertat eorum, quæ ad actionem requiruntur, neque quod ipse est, qui agit.

De ultimo etiam gradu voluntarij probatur utrumque; nam imprimis concupiscentia, quamuis non semper absorbeat omnino rationem, tamen determinat aliquo modo iudiciū ipsius ad alteram partem, quatenus est causa ut obiectum apprehendatur ut magis appetibile & conueniens: ergo minuit indifferentiam voluntatis; patet consequentia, quoniam ad huius perfectionem requiritur perfecta indifferentia iudicij. Item passio aliquando omnino tollit indifferentiam iudicij, ut constat in amentibus; ergo etiam tollit indifferentiam voluntatis: & hoc docet expresse DIVVS THOMAS hic ad tertium & infra quæst. 10. art. 3. ad secundum.

§. 4. Ad argumenta in principio dubij posita.

AD ARGUMENTA PRIMÆ SENTENTIÆ quatenus eis videtur probari absolute, concupiscentiam augere voluntarium, saltem prout distinguitur à libero: Respondetur, testimonia DIVI THOMÆ & ARISTOTELIS exponenda esse de primo gradu voluntarij, & quoad secundam perfectionem accidentalem ipsius, iuxta nostram primam conclusionem; neque est necessaria solutio CONTRADI; qui dicit, sensum Conclusionis DIVI THOMÆ non esse, quod concupiscentia augeat voluntarium, sed quod magis, hoc est potius facit voluntarium quam inuoluntarium; cum quo stat quod minuat ipsum quoad perfectionem voluntarij. Et ad rationem dicendum est, solum conuincere, quod concupiscentia augeat voluntarium, quoad intentionem aut conatum, quod est augere primum gradum voluntarij quantum ad secundam perfectionem accidentalem ipsius ut diximus.

Ad secundum argumentum secundæ sententiæ, quatenus potest eo probari concupiscenti à minuere primum gradum voluntarij, etiam quoad priorem perfectionem accidentalem ipsius, Respondetur, negando antecedens, & ad probationem di-

cendum

cendum est, concupiscentiam non concurrere ad actum voluntatis efficiendo ipsum actum, aut impellendo voluntatem efficienter: sed solum mouendo eam obiectiue; & ideo non repugnare perfectioni voluntarij, quod ipsa sit extrinseca voluntati, vt in probatione primæ conclusionis explicui.

D V B I V M II.

Verum ea que sunt ex concupiscentia alicuius delectationis sint mixta & ex voluntario & inuoluntario, ita vt sint voluntaria simpliciter, & inuoluntaria secundum quid? sicut diximus de ijs que sunt metu alicuius mali.

§. 1. Explicatur titulus dubij, & proponitur sententia affirmatiua.

VBI PRIMUM pro explicatione tituli ADVERTE, dubium hoc esse valde distinctum à præcedenti; nam in illo agebamus de effectu voluntario absolute considerato in seipso, & inquirebamus an in seipso sit magis aut minus voluntarius ratione concupiscentiæ, hic autem agimus de eo in ordine ad diuersos actus voluntarij, & inquiremus. Verum simul possit esse voluntarius simpliciter, & inuoluntarius secundum quid, ratione diuersorum actuum voluntatis, qui ad ipsum terminentur, quorum alter sit volitio efficax ipsius, & alter nolitio inefficax. Quare idem est inquirere: vtum ea, quæ sunt ex concupiscentia, sint mixta ex voluntario, & inuoluntario: & inquirere, Vtrum cum volitione obiecti proveniente ex concupiscentia delectationis, possit esse simul nolitio inefficax eiusdem obiecti, siue nomine nolitionis intelligatur nolitio formaliter, siue radicaliter, hoc est amor inefficax oppositi, vt explicui articulo præcedenti.

IN HAC RE aliquibus placet PARS AFFIRMATIVA, de quorum numero est ANGEVS in suis moralibus cap. 3. tex. 5. & in annotationibus ad ipsum: vbi in communi concedit, posse esse simul volitionem efficacem, & nolitionem inefficacem respectu eiusdem obiecti, sicut in ijs, quæ sunt metu: appellanturque isti volitionem & nolitionem efficaces, his nominibus; inefficaces vero, velleitatem & nolietatem, & nos breuitatis causa utemur: eisdem terminis.

PROBATVR hæc sententia PRIMO, quia volitio & nolitas non ita repugnant inter se, vt non possint esse simul in eodem subiecto, respectu eiusdem obiecti materialis habentis formalitates requisitas ad istos actus: sed in obiecto concupiscentiæ sunt formalitates requisitæ ad terminandum volitionem & nolietatem: ergo non repugnat quod in eadem voluntate sint simul volitio efficax & nolitas ipsius; minor patet, quia illud obie-

ctum simul habet rationem boni delectabilis, & mali culpæ, est enim offensa Dei: & istæ duæ rationes, scilicet boni & mali, sufficiunt in obiecto, vt possit terminare volitionem & nolietatem. Maior vero probatur, quia illi duo actus non habent inter se repugantiam ex parte obiecti formalis, cum terminentur ad ipsum secundum diuersas rationes formalis; neque ex parte materialis, quoniam alter eorum est inefficax.

SECUNDO, in eo, qui orta tempestate projicit merces in mare, volitio efficax projiciendi eas, quatenus illud est necessarium ad vitandum periculum naufragij, est simul cum amore inefficaci ipsarum mercium, quatenus sunt quædam bona ipsius, siue (vt alij loquuntur) cum nolietate projiciendi eas; ergo similiter, in nostro casu, volitio efficax obiecti concupiscentiæ, quatenus delectabile est, poterit esse simul cum nolietate eiusdem secundum aliam rationem, scilicet quatenus est offensa Dei, aut illatium alicuius damni.

CONFIRMATUR, quia non magis repugnat nolitio efficax proveniens ex dolore cum velleitate eorundem; quam è conuerso repugnat volitio efficax boni delectabilis, proveniens ex concupiscentia ipsius, cum nolietate eiusdem: Sed in priori casu nolitio stat cum velleitate; ergo etiam in posteriori volitio poterit esse simul cum nolietate: Maior patet, quia eadem videtur esse in utroque casu repugnantia terminorum; Et minor probatur, quia non magis repugnat illa nolitio cum velleitate, quam in eo, qui projicit merces in mare, repugnet volitio cum nolietate projiciendi eas.

TERCIO, si voluntas in se sumpta, antequam inclinetur per modum concupiscentiæ ad delectationem, velit efficaciter ipsam delectationem quatenus est quoddam bonum proportionatum naturæ sensitivæ, poterit simul habere nolietatem erga eandem, quatenus est offensa Dei; vel quatenus ex ea provenit homini aliquod damnum: ergo etiam, si insurgat passio in appetitu sensitivo, & ab ea inclinetur voluntas, poterit ipsa voluntas præstare idem. Antecedens patet, quia nulla est ratio repugnantie inter illos duos actus, vt probauimus in argumento primo; & consequentia probatur, quia quod voluntas moueatur ab appetitu sensitivo, non immutat ipsam, vt, quod, antequam sic moueretur, poterat facere, non possit etiam postea.

QUARTO, ea, quæ sunt ex concupiscentia delectationis, sunt cum aliqua tristitia, vt constat in ijs, qui peccant cum remorsu conscientiæ, aut cum consideratione mali, etiam temporalis, quod ex eo possit ipsa provenire: sed tristitia vel est nolitio obiecti, vel habet eam adiunctam; ergo cū volitione obiecti proveniente ex concupiscentia stat aliqua nolitio eius.

CONFIRMATUR PRIMO, quoniam, qui ita peccant, conantur sepe auertere considerationem illam, vt ita liberius fruantur delectatione; quod propulso dubio est signum, ex recordatione illius inconuenientis effici in ipsis aliquam nolietatem delectationis.

CONFIRMATUR SECUNDO: Nam ad Romanos 7. ita dicitur: *Non enim quod volo bonum, hac ago: sed quod odi malum, illud facio.* Et statim; *si autem quod nolo illud facio, &c.* Et ad Galatas 5. *Caro concupiscit aduersus spiritum: spiritus autem aduersus*

curram, hac enim sibi inimicem aduersantur, ut non quacunque vultis, illa faciatis: quibus locis aperte videtur significari, quod, cum aliquid facimus moti à concupiscentia, habemus in voluntate actum, quo illud nolumus, aut quo eialiquo modo repugnamus.

ULTIMO, concupiscentia est causa timoris, ut D. THOMAS docet infra q. 43. art. 1. sed timor est causa actus mixti ex voluntario & inuoluntario, ergo etiam concupiscentia.

§. 2. Resolutio dubij.

PRO SOLYTIONE SUPPONENDVM est, quod concupiscentia potest ad duo comparari, scilicet ad obiectum suum principale, quod est bonum illud delectabile, quod appetitus concupiscit; aut ad medium, per quod voluntas mota à concupiscentia, tendit in bonum illud; siue huiusmodi medium sit positium, quod consistit in faciendo, ut cum aliquid facimus ut consequamur bonum concupitum; siue sit negatum, ut cum nolumus facere aliquid, aut scire, ut libetius fruamur bono concupito.

SIT PRIMA CONCLUSIO, concupiscentia respectu mediorum aliquando causat inuoluntarium secundum quid, id est, aliquando est causa, ut eligamus medium aliquod ad assequendum bonum delectabile concupitum, quod tamen alias non eligeremus; imo etiam tunc simul nollemus eligere, atque ita simul est volitum volitione efficaci, & nolitum nolitione inefficaci, aut nolletate, ita tenet CATO. in Summa. verb. *restitutio §. quia vero*, ubi dicit, cupiditatem aliquando quasi compellere ad ludendum, & inducere inuoluntarium mixtum. Et constat experientia, nam avarus qui expendit pecunias ut consequatur delectationem aliquam concupitam, proculdubio expendit ea attractus concupiscentia delectationis; & tamen cum nolletate.

Et Confirmatur, quia medium in isto casu non est volitum secundum se præcisè, sed in ordine ad obiectum concupiscentiæ, ut ad finem: ergo simul potest esse nolitum, secundum se actu aliquo inefficaci: Patet consequentia, quia id quod sit metu, ideo potest simul esse nolitum inefficaciter, quia non est volitum secundum se præcisè, sed ut medium ad vitandum maius malum.

SED OBIICES, conclusionem hanc esse contra DIU. THOMAM: nam in solutione ad secundum, comparans concupiscentiam cum metu, inquit, metum causare inuoluntarium secundum quid, concupiscentiam vero nullo modo: Sed id quod dicit D. THOMAS de metu, non intelligitur respectu obiecti ipsius metus, sed respectu mediorum; ergo etiam id, quod dicit de concupiscentia, debet intelligi respectu mediorum.

Respondetur, quod quamvis id, quod D. THOMAS dicit de metu, debeat intelligi respectu mediorum, ut etiam ipse fatetur; non sequitur, esse accipiendum eodem modo id quod dicit de concupiscentia: sufficitque pro ratione discriminis communis modus loquendi, iuxta quem non dicitur metu fieri ipsa nolitio mali, aut periculi, quod est obiectum metus: sed usus medij necessarii ad propulsandum huiusmodi malum: at vero concupiscentia, siue passio, dicitur mouere pri-

marium ad obiectum suum.

SECUNDA CONCLUSIO, concupiscentia respectu obiecti primario concupiti non causat inuoluntarium secundum quid: hoc est, non potest voluntas velle efficaciter aliquod obiectum inducta motu concupiscentiæ, & simul habere nolletatem eiusdem obiecti. Probatur primo testimonio DIU. THOMAE in solutione secundi argumenti, ubi expresse docet, hoc esse discrimen inter metum & concupiscentiam: quod in eo, qui aliquid facit metu, manet repugnantia voluntatis ad id, quod facit, quatenus consideratur secundum se, ita quod facit contra id, quod etiam tunc vult; at vero in eo, qui aliquid facit inductus à concupiscentia, non manet talis repugnantia; quia licet antea quam ita induceretur, habuerit actum forsan, quo reiiceret obiectum concupitum: tamen postea non habet eum.

Sed reddere rationem huius sententiæ videtur mihi difficillimum; neque reperire potui aliquam probabilem, præter eam, quæ à DIU. THOMA infirmatur in solutione primi: Quæ talis est: Concupiscentia allicit voluntatem ut velit suum obiectum propter ipsius bonitatem; ergo cum voluntas vult illud obiectum, non manet in ea aliquis actus nolitionis circa ipsum. Antecedens patet quia concupiscentia solum dicitur mouere voluntatem quatenus est causa ut obiectum apprehendatur ut magis bonum & delectabile; & ex consequenti, ut magis attrahat voluntatem, ut supra dixi; & consequentia probatur, quia cum voluntas vult aliquod obiectum præcise propter suam bonitatem & non propter aliud, nec ad vitandum maius malum; fertur in ipsum ex vi inclinationis & affectus ad illam bonitatem, & ex consequenti totaliter, quantum est ex parte ipsius: & ita non manet in ea locus ad habendum actum oppositum circa illud obiectum.

Et confirmatur, quia concupiscentia ex parte sui obiecti, quod est iucundum & delectabile, habet mouere voluntatem ut feratur in ipsum non quomodocunque, sed (ut inquit ARISTO. 3. Ethic. cap. 1.) iucunde & cum voluptate; ergo & sine renitentia actus oppositi: Patet consequentia, quoniam (ut ibidem inquit ARISTO.) qui aliqua inuiti agunt, hoc est cum illa renitentia voluntatis, moleste ea ferunt.

SED OBIICES, sequi ex his duabus conclusionibus, non magis conuenire metui, quam concupiscentiæ, esse causam inuoluntarij secundum quid; probatur sequela, quia ea, quæ in eis sunt dicta de concupiscentia, conueniunt etiam metui; est enim causa inuoluntarij secundum quid respectu mediorum, & nullo modo respectu sui obiecti primarij; quod sic ostendo: obiectum primarium metus est malum, atque proinde est voluntarium ut nolitum, quia scilicet est voluntarie nolitum; sed cum ita est nolitum, non potest simul esse volitum alio actu; ergo neque potest esse inuoluntarium secundum quid; Consequentia patet, quia non potest esse inuoluntarium, nisi repugnet alicui actui voluntatis; & probo minorem, quia malum ut malum non potest esse volitum.

Respondetur, negando sequelam, & ad probationem concedo, metum non magis esse causam inuoluntarij respectu obiecti primarij, quam concupiscentiam; nego tamen esse eandem equalitatem respectu mediorum; quoniam licet media utrius-

que

que possint esse inuoluntaria secundum quid, tamen metus ex parte sui obiecti, habet ita mouere voluntatem ad media, ut non excludat nolitionem voluntatis respectu ipsorum: at vero concupiscentia non habet hoc ex parte sui obiecti; & ita magis per se conuenit metui, esse causam inuoluntarij secundum quid respectu mediorum, quam concupiscentia. Hoc autem intelligitur facile, si aduertamus, obiectum metus esse malum ut malum; & obiectum concupiscentia esse bonum, ut iucundum, & delectabile; Ex primo enim prouenit, quod metus non moueat voluntatem ad volendum suum obiectum, sed potius ad respuendum ipsum; Et ex hoc fit ulterius, quod non moueat ad media quatenus secundum se sunt bona & placenta voluntarij, sed precise quatenus conducere possunt ad vitandum malum, quod timetur, siue sint bona, siue mala & repugnantia voluntati; & tandem prouenit ex hoc, quod metus ex parte sui obiecti, habeat non conari ad excludendum a voluntate displicentiam respectu mediorum, quia impertinens est ad ipsum, quod medium sit molestum aut iucundum voluntati, dummodo sit aptum ad vitandum malum, quod est eius obiectum.

Ex eo vero quod obiectum concupiscentia est bonum, ut iucundum & delectabile, prouenit primo, quod ipsa moueat voluntatem ad hoc, ut iucunde & sine molestia velit ipsum, & ex hoc prouenit ulterius, quod, quantum est ex parte sui obiecti, moueat eodem modo ad media, & ex consequenti quod respectu ipsius sit per accidens tota molestia, quae aliquando percipitur in vsu mediorum: quia nimirum ipsa non potuit omnino tollere repugnantiam aliarum inclinationum, quamuis quantum est ex parte sui obiecti cederet ad hoc per suos conatus.

§. 3. Solutio argumentorum.

AD PRIMVM, nego maiorem, si vniuersaliter sumatur, nam saltem quando voluntas consentit iucunde & cum voluptate, ut in nostro casu, non potest habere simul nolitionem eiusdem obiecti.

AD SECVNDVM, concesso antecedenti, distinguendum est consequens; nam cum dicitur, eum, qui vult delectationem, posse habere nolitionem eiusdem delectationis quatenus est offensa Dei; dupliciter potest sumi particula *quatenus*, nempe *re duplicative*, hoc est, ut facit sensum causalem, aut *specificative*, si sumatur *priori modo* habebit hunc sensum illa propositio: qui motus a concupiscentia vult delectationem, potest simul nolle eam quoniam est offensa Dei, & in hoc sensu est falsa, quoniam sequitur ex eo, concedendum esse, quod potest nolle eam secundum se, quod est falsum. Neque obstat id, quod obijciatur de metu, propter rationem discriminis supra explicatam. Si vero sumatur illa particula *posteriori modo*, tunc sensus propositionis erit, posse illum hominem habere nolitionem delectationis, non in se ipsa, sed ut est offensa Dei, quod est nolle offensam Dei, & non ipsam delectationem; & in hoc sensu est vera illa propositio, ceterum non contra nostram sententiam, quoniam ex ea ita sumpta solum potest colligi, offensam Dei; & non ipsam delecta-

tionem, esse inuoluntariam secundum quid.

Ad Confirmationem, concessa maiori neganda est minor: quod si de aliquibus referatur, quod, cum cruciarentur, ut idolis sacrificarent, recedebant a loco, in quo cruciabantur, cum velleitate permanendi in eo propter Christum: dicendum est, eos non habuisse huiusmodi velleitatem, cum actu cruciabantur, sed postquam recesserant a loco illo.

AD TERTIVM Respondetur, distinguendo antecedens; si enim voluntas in illo casu velit efficaciter delectationem tam iucunde, & cum tanta voluptate, sicut cum moueretur a concupiscentia, falsum est: si tamen non ita vellet, poterit esse verum; sed extra rem.

AD QVARTVM, Respondent aliqui, tristitiam in illo casu non prouenire ex aliqua nolitione; sed solum ex stimulis conscientia: satis enim est, agitari eis eum, qui peccat, ut tristetur: *Mibi* tamen addendum videtur, etiam concurrere ad hoc nolitionem aliquam, non quidem ipsius delectationis, sed offensae Dei, aut alterius adiuncti ipsi delectationi, nollet enim qui ita peccat, offendere Deum, aut incurrere damnum illud. Neque hoc est contra nostram sententiam, ut explicui in solutione secundi: Et eodem modo dissolui potest *prior confirmatio*.

Ad secundam Respondetur, testimonia illa dupliciter solere exponi, QVIVAM enim putant **APOSTOLVM** ibi loqui in persona eius, qui iustatur cum concupiscentia, & tandem ab ea superatus consentit ipsi; & iuxta illorum sententiam dicendum est, illis locis, fieri sermonem de pugna carnis siue concupiscentia, & rationis atque spiritus, non autem de repugnantia aliqua actuum voluntatis inter se. Neque obstat quod utrobique apponantur voces, quibus solent significari actus pertinentes ad voluntatem, & habentes inter se repugnantiam, scilicet velle bonum, & facere malum, aut e contra: non enim ita sumuntur his locis; sed quibusdam significatur iudicium rationis & spiritus: & alijs motus concupiscentia. Atque ita cum in priori testimonio dicitur, *non quod volo bonum, hoc ago*: sensus est, non quod ratione & mente iudico bonum esse, & ut bonum laudo, & probro, id ago: sed potius quod odi malum, hoc est, quod ratio & mens damnat & refugit ut malum, illud ago, nimirum cupiditate victus; Et eodem modo exponendum est quod sequitur, *si autem quod nolo illud facio*, hoc est, si cupiditate pellectus facio id, quod ratio damnat &c. Et eundem sensum habent verba illa posterioris testimonij; *ut non quaecunque vultis illa faciatis*, hoc est, ut ea, quae iuxta spiritum nostis esse fugienda, faciatis, superati a concupiscentia. Ita haec omnia exponunt **CHRYSOSTO**: & **THEOPHIL**: **ALII** VERO sequentes **AVGVST**. 7. tomo. lib. 1. de nuptijs & concupiscentia cap. 17. & lib. 2. retract. cap. 1. dicunt, **D. PAVLVM** loqui in persona eius, qui gratia Dei adiutus resistit concupiscentia, & nullo modo ei consentit: & consequenter dicunt, ibi solum fieri sermonem de repugnantia inter actum voluntatis, qui saepe insurgit, voluntate non solum non consentiente, sed etiam actu repugnante: atque ita exponunt prius testimonium hoc modo, *non quod volo bonum hoc ago*, hoc est, volo non concupiscere, aut non sentire motus concupiscentia: ceterum/

terum non semper id opere præsto; sed quod odi *malum*, videlicet, concupiscere, illud facio; quoniam appetitus insurgit contra rationem, quamvis ego voluntate mea resistam; & eodem modo exponunt cætera: & iuxta utramque expositionem constat, non posse colligi ex illis testimonijs, esse in voluntate eius, qui consentit concupiscentiæ, actum aliquem, etiam inefficacem aut conditionatum, quo ei repugnet.

AD VLTIMUM, concessa maiori & minori, neganda est, consequentia, quoniam concupiscentia non est causa timoris, etiam quantum ad suam causalitatem: supposito enim, quod quis ex amore alicuius boni moueatur ad timendum periculum carendi eo, sufficiens est ipse timor per se, & sine dependentia ab amore, ad mouendum voluntatem; illa vero maxima, quod est causa causa est causa effectus, quæ est fundamentum huius argumenti, intelligitur, quando posterior causa pendet per se in sua causalitate à priori.

ARTICVLVS VIII.

Utrum ignorantia causet inuoluntarium?

PRIMA CONCLUSIO, ignorantia concomitans non causat inuoluntarium, sed facit non voluntarium.

SECUNDA CONCLUSIO, ignorantia consequens sine sit affectata sine sit actualis inconsideratio eius, quod quis potest, & tenetur actu considerare; quæ appellatur ignorantia mala electionis; sine sit defectus cognitionis habitualis iuris aut facti, quæ quis potest & tenetur habere; non potest causare simpliciter inuoluntarium, causas tamen secundum quid inuoluntarium.

ULTIMA CONCLUSIO, ignorantia antecedens, causat inuoluntarium simpliciter.

COMMENTARIVS.

§. 1. *Varia diuisiones ignorantia.*

PRO EXPLICATIONE huius articuli ADVERTE, varias tradi à Theologis diuisiones ignorantia, quas refert CORDVBA in suo questionario Theologico: q. 1. Nam PRIMO diuidunt eam ex parte causæ in ignorantiam *negationis*, *privationis*, & *prædispositionis*. SECUNDO ex parte subiecti in *innicibilem* & *vincibilem*: ex quibus priorem confundunt aliqui cum *probabili*; & posteriorem subdividunt in *affectatam* & *crassam* siue *supinam*. TERTIO ex parte obiecti in ignorantiam *iuris* & *facti*, & utraque est multiplex propter diuersitatem iurium, & rerum quæ ignorari possunt; de quibus latius dicemus in materia de peccatis. Et interim potest desumi eorum explicatio ex CASTRO. lib. 2. de potestate legis penalis cap. 14. Et ex CORDVBA. Verum D. THOMAS consulto prætermisit eas, & solum tradidit nobis unam, quæ ignorantia diuiditur in *antecedentem*, *concomitantem*, & *consequentem*, quoniam hæc sola sufficiebat suo instituto, quod erat, explicare, quæ ignorantia sit causa inuoluntarij.

SED CIRCA EAM EST DIFFICULTAS, quoniam istæ rationes, penes quas hic diuiditur à Diu. THOMA ignorantia, dicunt ordinem ad aliud: sed ad nihil aliud potest comparari ignorantia, respectu cuius distinguantur in ipsa illa tres rationes; ergo non diuiditur bene penes eas ignorantia. Probat *minor*, quia si id, ad quod ignorantia comparatur, sit ille effectus, qui dicitur ignoranter fieri, sequitur nullam ignorantiam esse consequentem, quia nulla ignorantia potest esse posterior effectui isto; si enim sit posterior, præsupponet cognitionem, & ex consequenti effectus non fiet ignoranter; Si vero id, ad quod comparatur, sit actio voluntatis, à qua ille effectus procedit, sequitur imprimis, tantum esse duo membra huius diuisionis, quoniam quæcunque ignorantia erit respectu huius actus voluntaria, aut non voluntaria; Item sequitur, nullam ignorantiam esse concomitantem, sed quæcunque esse consequentem, aut antecedentem: si enim sit aliquo modo volita isto actu, hoc est aut directe, aut indirecte, erit consequens; si tamen nullo modo sit volita, erit antecedens, quoniam antecedit ipsum.

RESPONDETUR D. THOM. expresse distinxisse tres istas rationes in ignorantia, comparando ipsam ad actionem voluntatis, quæ est principium effectus, qui fit ignoranter; & respectu eius posse optime distinguamur vel est causa huius actionis, aut effectus, quoniam ignorantia comparata ad actum voluntatis, potest habere omnes habitudines, quæ illis vocibus significantur; *Interdum* enim est eius causa, ut quando aliquis facit aliquid, quia ignorat quidnam sit id, quod facit, si enim sciret, nullo modo faceret: sicut ille, qui circumspicit omnibus, quæ secundum prudentiam debent circumspici, remittit sagittam in id, quod putat esse feram & reuera est eius amicus, si hoc sciret non emitteret eam; & tunc ignorantia vocatur antecedens, quia cum sit causa, ut velimus facere, iam est prior natura ipso actu voluntatis, sicut vniuersaliter causa est prior natura suo effectui; est autem causa, non per se, aut efficiendo aliquid, sed remouendo prohibens, quoniam est negatio entis, scilicet scientiæ; (& negatio non potest esse causa per se effectus positivi) remouet enim scientiam, quæ si adesset, impediret ne voluntas vellet illud facere, ut docet D. THOM. infra q. 76. art. 1. *Interdum* vero ignorantia est effectus voluntatis, ut quando est volita, ideo enim tunc ignoramus, quia volumus, & hæc appellatur consequens, hoc est posterior natura actu voluntatis, sicut effectus est posterior natura sua causa. Sicut autem dupliciter potest esse quid volitum, scilicet directe, & indirecte, (ut explicuimus art. 3. huius questionis,) ita hæc ignorantia potest esse volita utroque modo, & ideo subdividitur à D. THOMA, in eam quæ est volita *per se* & *formaliter*, hoc est actu elicitu à voluntate, & terminato ad ipsam formaliter, ut cum quis vult ignorare; & in eam quæ non est volita per se & formaliter, sed solum *indivelle* & *interpretatiue*, hoc est quia non curamus scire id, quod possumus, & tenemur scire. Priorem appellat D. THOMAS *affectatam*, posteriorem vero *defectum cognitionis*, quam *tenemur habere*, & alij eam appellant *crassam*, siue *supinam*; & sub ista comprehendit Diu. THOMAS defectum cuiuscunque cognitionis, siue actualis, siue habitualis; & siue sit iuris, siue facti. Et tandem ali-

quando

quando ignorantia neque est effectus actus voluntatis, quia nullo modo est volita: neque causa eius, quoniam etiam ea absente vellet voluntas id, quod ea presente vult; sed solum est simul cum eo: ut cum quis omnibus prudenter circumspicit, & existimans nullum esse periculum, projicit sagittam in id, quod merito putat esse feram, & occidit inimicum suum, idem facturus si eum cognovisset: & tunc ignorantia vocatur concomitans: estque ratio nominis, quod in eo casu ignorantia, neque antecedit actum voluntatis, ut eius causa; neque subsequitur, ut effectus; sed quasi comitatur eum.

Et ex his patet solutio ad rationem dubitandi: constat enim, ignorantiam concomitantem differre ab antecedenti respectu actus voluntatis, quamvis neutra earum sit voluntaria illo actu: & propterea ARISTOT. 3. Ethic. cap. 1. tantum dividit ignorantiam in duo membra, quorum primum appellatur agere per ignorantiam, aut ex ignorantia; & alterum agere ignoranter. Et sub isto comprehendit ignorantiam antecedentem & consequentem.

§. 2. An ignorantia concomitans causet involuntarium.

CIRCA PRIMAM conclusionem duo sunt advertenda PRIMVM est, ALMAINVM in suis moralibus tract. primo capite quarto negare priorem partem eius, idque propter hoc argumentum. Ignorantia concomitans excusat à peccato, ergo facit actum involuntarium; & ad probandum antecedens nulla congerit argumenta. Verum decipitur, ut evidenter ostendi potest ratione DIVI THOMÆ, & testimonio ARIST. 3. Ethic. capite 5. ubi ita inquit, quod autem sit per insipientiam, sit omne illud quidem non sponte, ab initio autem id sane fieri dicendum, quod subsequitur dolor, cuiusque enim, qui egit, pœnitet. Quibus verbis, & sententia DIVI THOMÆ, & ratio qua ipse eam confirmat, continentur. Deceptus vero est ALMAINVS, quoniam existimavit, non posse actum, qui de se est malus, excusari à culpa ratione ignorantie, nisi sit involuntarius: & hoc est fundamentum sui argumenti. Ad quod respondetur, admittendo antecedens, & negando consequentiam: satis enim est ignorantiam concomitantem facere omnino non voluntarium, ut excuset à culpa; quia voluntarium, quod est de ratione peccati, non minus tollitur per non voluntarium, quod ei contradictoriè opponitur; quam per involuntarium, quod est quasi contrarium ipsi: & ideo satis erit, quod ignorantia concomitans faciat non voluntarium, ut possit excusare à culpa: quamvis non sit causa involuntarij, An vero excuset, dicemus infra quæst. 76. artic. 3. ubi DIVVS THOMAS de hac re agit.

SECUNDO ADVERTE circa secundam partem eiusdem conclusionis, non esse intelligendam de actu secundum suam substantiam, sic enim est simpliciter voluntarius: sed secundum aliquam circumstantiam, aut effectum: quoniam ignorantia non coniungitur volitioni, quatenus est principium actus secundum suam substantiam; sed solum quatenus actus habet talem circumstantiam, aut effectum: ut in exemplo, quo supra vix sum ad explicandum quid sit ignorantia concomitans, projectio sagittæ voluntaria est

A secundum suam substantiam, & solum dicitur non voluntaria quatenus est occisio hominis.

SED CONTRA eam sic explicatam obijci potest hoc argumentum; Ignorantia non est causa alius effectus, nisi quatenus excludit scientiam, quæ impediret eum; sed ignorantia concomitans non excludit scientiam, quæ impediret effectum non voluntarium, quoniam etiam si adesset scientia, fieri ille effectus: ergo ignorantia concomitans non est causa effectus non voluntarij; & ex consequenti non facit non voluntarium; maior patet ex ijs, quæ diximus, cum explicabamus, quid sit ignorantia antecedens: & minor ex definitione ignorantie concomitantis.

Respondetur, maiorem solum esse veram respectu effectus positivi, & hoc tantum probare ea, quæ pro ipso adducuntur: non autem respectu privativi; qualis est ille, de quo loquimur. Pro quo ADVERTENDVM est, duo reperiri in illo effectui, quem D. THOMAS appellat non voluntarium, v.g. in occisione inimici facta cum ignorantia concomitanti. Primum est, ipsa occisio positiva, & alterum, negatio voluntarij; & huius secundi tantum est causa ignorantia concomitans, non autem primum: & propterea D. THOMAS non dixit, ignorantiam istam esse causam effectus non voluntarij: sed solum, facere non voluntarium, hoc est, quod effectus non sit voluntarius: Et si quæras causam huius effectus: Respondetur, causam esse ipsam voluntatem, cum aliqua cognitione, & cum defectu cognitionis huius effectus, & ex consequenti concurrente ad eum non voluntariè.

CIRCA SECUNDAM conclusionem sunt duæ difficultates: PRIMÆ, quia videtur falsum, quod ignorantia consequens, non causet simpliciter involuntarium, quod sic probatur: Ista ignorantia excludit scientiam, quæ si adesset, impediret, ne fieret effectus: ergo causat simpliciter involuntarium, consequenti patet, quia D. THOMAS nulla alia ratione videtur probare, ignorantiam antecedentem esse causam involuntarij simpliciter; & antecedens probatur, tum quia D. THOMAS dicit, esse ignorantiam consequentem, cum quis vult ignorare, ne, si habeat scientiam, retrahatur à peccando; tum etiam quia, si quis non adhibita sufficienti diligentia putet aliquid esse feram, & projiciat in ipsum sagittam; & tamen vere sit pater eius, habet ignorantiam consequentem huius rei: & tamen si haberet scientiam appositam, proculdubio nollet projicere sagittam.

Confirmatur, quoniam ARIST. 3. Ethic. capite primo ita inquit: Eorum igitur, qui per insipientiam agunt; is, quem falsè pœnitet, iniustus egisse videtur, ubi aperte docet, tunc posse iudicari, eum, qui per insipientiam aliquid facit, facere iniustum, hoc est involuntariè, cum postquam cognoscit, quid fecerit, afficitur dolore: sed is, qui in casu proposito occidit patrem suum, cum scit esse suum patrem, id quod antea putabat esse feram, afficitur dolore, eo quod in ipsum projecit sagittam; ergo effectus iste censendus est involuntarius simpliciter respectu ipsius, & ex consequenti dicendum, est ignorantiam consequentem facere simpliciter involuntarium.

SECUNDA DIFFICULTAS est, quia etiam videtur falsa altera pars huius conclusionis, scilicet, ignorantiam istam consequentem facere involuntarium.

rium secundum quid. Et probatur primo esse hoc illud vniuersaliter, respectu cuiuscunque ignorantie consequentis, quia D. THOMAS dicit, ignorantiam illam facere inuoluntarium secundum quid, inquantum præcedit motum voluntatis ad aliquid agendum, qui non esset, scientia presente: & tamen hoc neque videtur verum, quia cum ignorantia ita sit volita, aut directè, aut indirectè non potest præcedere motum voluntatis: neque, si esset verum, sufficeret ad colligendum intentum; quoniam eadem ratione posset colligi, ignorantiam antecedentem facere inuoluntarium secundum quid: quia etiam antecedit motum voluntatis ad aliquid agendum, qui non esset scientia presente.

Secundo probatur quod saltem de aliqua ignorantia consequente non sit verum: quia ignorantia affectata est consequens, & tamen non potest facere inuoluntarium secundum quid; ergo &c. Probatur minor quia illa ignorantia est formaliter & explicitè volita, etiam ut causa ex qua sequitur effectus, de quo disputamus; quia est volita propter ipsum effectum, & non propter se; ergo non potest voluntas habere simul aliquem actum, cui talis ignorantia, aut effectus, qui per se sequitur ex ea; repugnet; & ex consequenti non potest huiusmodi ignorantia facere aliquo modo inuoluntarium.

Confirmatur, quia ignorantia malæ electionis etiam est consequens: & tamen non potest esse causa inuoluntarij secundum quid, ergo &c. Probo minorem, quia, ut D. THOMAS inquit, ista ignorantia provenit ex passione, vel ex habitu: sed passio & habitus non faciunt inuoluntarium secundum quid, ut de concupiscentia probauimus articulo precedenti: ergo neque ista ignorantia.

S. 3. An ignorantia consequens causas simpliciter inuoluntarium.

AD PRIMAM DIFFICULTATEM Respondetur, veram esse illam sententiam D. THOMÆ, & optimam esse rationem, qua ipse eam confirmat, scilicet, quod ignorantia illa est voluntaria, ex hoc enim bene sequitur non posse eam esse causam inuoluntarij simpliciter, quia ex eo quod est volitum simpliciter & absolute, non potest per se provenire aliquid, quod repugnet volitioni absolute, & efficaci, quod tamen est necessarium ut sit simpliciter inuoluntarium.

Sed ut dissoluamus argumentum ADVERTE, dupliciter posse scientiam oppositam ignorantie impedire effectum, qui fit ignoranter: scilicet, primo mutando inclinationem voluntatis; mutato enim iudicio de re aliqua etiam mutatur affectus voluntatis in ipsam: ut cum quis existimat, non licere sibi, quod antea putabat licere, mutat affectum voluntatis, & non vult, quod antea volebat: Aut secundo manifestando, esse in obiecto aliquid, quod repugnet inclinationi, quam voluntas habebat, cum aderat ignorantia: ut contingit, cum aliquid fit, cum ignorantia antecedente, ut dicemus circa ultimam conclusionem. Estque magnum discrimen inter duos istos modos impediendi effectum, quantum attinet ad id, de quo disputamus, scilicet an effectus proveniens ex ignorantia sit inuoluntarius simpliciter. Nam ut huiusmodi effectus sit ita inuoluntarius, non est satis quod

scientia opposita ignorantie possit impedire eum priori modo, sed requiritur quod possit eum impedire posteriori modo, ut DIVVS THOMAS docet infra quæst. 76. articulo tertio & reddit apertam rationem huius discriminis; scilicet, esse de ratione inuoluntarij, quod, dum fit, repugnet inclinationi voluntatis: constat autem non reperiri repugnantiam inter effectum qui fit ignoranter, & inclinationem voluntatis, cum scientia opposita ignorantie impediret ipsum priori modo: sed solum cum impediret posteriori modo.

Et ex hoc patet solutio ad argumentum: Nam antecedens solum est verum, si intelligatur de scientia, quæ impediret effectum priori modo, in quo sensu non est ad rem, ut diximus; neque ex eo ita sumpto potest colligi conclusio intenta. Et ad primam probationem dicendum est quod in eo qui vult ignorare, ne, si habeat scientiam, retrahatur à peccando, non impeditur scientia peccatum, quia repugnat inclinationi, quam voluntas habet, cum vult ita consentire peccato; sed, quia moueret, & excitaret ad habendum inclinationem oppositam. Et idem dico ad secundam probationem, supposito quod ignorantia sit voluntaria, non solum quatenus illa profectio sagittæ est occisio hominis, sed etiam quatenus est occisio proprij patris.

Ad confirmationem videtur respondere CONTRA hoc loco, non satis esse, ut effectus proveniens ex ignorantia sit simpliciter inuoluntarius, quod postquam est factus subsequatur tristitia, aut dolor, sed simul requiri, quod ipsa ignorantia non sit voluntaria. Sed ARISTO. aperte videtur docere oppositum.

Ideo aliter respondetur, doctrinam illam intelligendam esse, quando adueniente scientia subsequitur tristitia propter repugnantiam inter effectum & inclinationem quam voluntas habebat eo tempore, quo effectus est factus: non autem quando sequitur tristitia, quia tunc excitatur in voluntate noua inclinatio cui repugnat effectus. Et hoc posteriori modo sequitur tristitia in casu confirmationis; supposito enim quod is, qui proijciat sagittam, ignoret voluntariè, non solum esse hominem id, in quod vult eam proijcere, sed etiam esse suum patrem: consequenter habet volitionem interpretatiuam aut virtualem ferendi sagittam, non solum hominem sed etiam proprium patrem, & ex consequenti non habet inclinationem cui hoc repugnet, quare si postea dolet necessarium est dicere in eo, excitari nouam inclinationem cui effectus ille repugnet, quod autem ita, ut diximus, sit exponendus ARISTO. constat ex eo, quod dolor, in isto casu solum se habeat tanquam signum ad colligendum à posteriori, illum, qui eo afficitur, operatum fuisse inuoluntariè, quantum ad id, propter quod dolore afficitur, constat autem quod dolor non potest esse tale signum, nisi proveniat ex repugnantia inter effectum, & inclinationem voluntatis, quam habebat, qui sic operabatur, quoniam si ex alia causa proveniat, non poterit ex eo colligi, quod effectus, cum producebatur, erat contrarius inclinationi voluntatis; quod tamen erat necessarium ut esset inuoluntarius.

§. 4. An ignorantia consequens causet inuoluntarium secundum quid.

AD SECUNDAM DIFFICULTATEM Respondetur, etiam veram esse illam secundam partem Conclusionis. Sed ut intelligatur eius sensus & ratio qua D. THOMAS eam confutatur, ADVERTE quod sicut in cōmuni nō est aliquid voluntarium, nisi, dum sit, sit contrarium alicui inclinationi, quā tunc habeat voluntas: ita neque erit inuoluntarium secundum quid, nisi repugnauerit inclinationi inefficaci ac conditionatæ, quæ est inclinatio secundum quid; Et ideo ut probemus, effectum, qui provenit ex ignorantia consequente, esse inuoluntarium secundum quid, necessarium est probare, esse tunc in voluntate inclinationem aliquam inefficacem, & secundum quid, cui talis effectus repugnet: hoc autem colligitur ex ratione D. THOMAS, scilicet, quod, si adesset scientia, non sequeretur talis effectus, ex hoc enim bene potest colligi, quod, cum voluntas operatur cum illa ignorantia, habet virtualiter & interpretative illam inclinationem inefficacem ad oppositum; satis siquidem est, quod præsentē scientia non operaretur, ut possumus ipsam interpretari, cum operatur, dicendo quod nollit ita operari. Quare inuoluntarium, de quo hic loquitur D. THOMAS, non est inuoluntarium formaliter, quia non dicitur tale in ordine ad inclinationem formalem: sed virtualiter, quia solum dicitur inuoluntarium quatenus repugnat inclinationi virtuali.

Neque potest eadem ratione probari, huiusmodi effectum esse inuoluntarium simpliciter, contrariorem partem huius conclusionis: quoniam, cum voluntas velit eum volitione formali absoluta, & efficaci, non possumus interpretari ipsam, dicendo, quod etiam vult efficaciter oppositum, & ex consequenti non potest ipsa habere virtuales inclinationem efficacem, cui ille effectus repugnet.

Et ad primum argumentum, quoad primam partem dico, Div. THOMAS, per motum voluntatis, non intelligere actum voluntatis, quo ista ignorantia est volita, & respectu cuius dicitur consequens: sed eius effectum; quoad posteriorem vero partem dico, non esse eandem rationem de ignorantia antecedenti: quoniam ista, quia non est volita, non excludit inclinationem efficacem ad oppositum; & ideo facit inuoluntarium simpliciter, ut statim dicam.

Ad secundum, ALIQUI admittunt, non esse intelligendam conclusionem istam de ignorantia affectata: SED quoniam Div. THOMAS recensuit eam cum alijs ignorantijs consequentibus, & statim sine vlla exceptione apposituit Conclusionem, ideo aliter Respondetur negando minorem; & ad probationem, concesso antecedenti neganda est consequentia, si consequens intelligatur de actu inefficaci, & virtuali tantum, & non formali; & de effectu ipso, & non de ignorantia.

Et si obijcias, non magis posse esse in voluntate istum actum respectu effectus, quam respectu ipsius ignorantie, cum voluntas eodem actu & æque efficaci, & absoluto velit ignorantiam, & effectum; Respondetur, esse magnum discrimen inter hæc, quoniam ad interpretandum voluntatem illo mo-

do respectu effectus, est aliquid fundamentum, scilicet, quod, si adesset scientia, impediret eum: ad interpretandum vero eam eodem modo respectu ignorantie, non est tale fundamentum.

Ad Confirmationem, nego minorem, & ad probationem dico, quod, quamvis ignorantia malæ electionis proveniat ex passione, aut habitu, potest eius effectus esse inuoluntarius, non quidem ratione passionis, sed ratione ipsius ignorantie.

§. 5. An ignorantia antecedens causet inuoluntarium simpliciter.

CIRCA ULTIMAM conclusionem, est

DUBIUM.

Vtrum sit vera?

ET RATIO dubitandi pro parte negativa est, quia in isto casu voluntas nullum habet actum; cui sit contrarius effectus, factus cum ignorantia antecedenti, ergo effectus iste non potest esse inuoluntarius: patet consequentia, quia ut sæpe diximus) nullus effectus potest esse inuoluntarius, nisi contrarius inclinationi actuali voluntatis.

Sed Respondetur affirmative, est tamen intelligenda conclusio de inuoluntario simpliciter, non formaliter, sed virtualiter, aut interpretative: & de isto probatur, quia, si adesset scientia opposita huic ignorantie, impediret effectum istum ut contrarius inclinationi voluntatis: ergo etiam ignorantia est causa eius, quatenus est contrarius eidem inclinationi, & ex consequenti quatenus est inuoluntarius. Consequentia patet, quia ignorantia est causa huius effectus remouendo scientiam, quæ impediret, ne fieret: ergo si impediretur ut contrarius, etiam sic remoto impedimento ut contrarius; sicut si motus lapidis deorsum impeditur ut naturalis, etiam sic remoto impedimento ut naturalis. Antecedens vero probatur à posteriori, quia statim atque aliquis animaduertit, id, quod fecit propter hanc ignorantiam, afficitur dolore, quamvis nullam in eo consideret rationem mali: hoc autem est apertum indicium præexistentis in ipso affectus, saltem virtualis, ad oppositum.

Et ad argumentum Respondetur, antecedens solum esse verum de actu formali; non autem virtuali, aut interpretativo, ut probauimus; & hunc sufficere, quoniam (ut diximus) Div. THOMAS solum loquitur de inuoluntario virtualiter.

Sed obijces, si adesset scientia, possit duobus modis impediri effectus iste de quo disputamus, v. g. occisio patris; scilicet actu formali voluntatis, quo ipsa nollit occidere, aut sola negatione actus volendi occidere: ergo ex eo, quod, si adesset scientia, impediretur effectus, qui sit ignoranter; non potest determinate colligi, esse in eo, qui ita operatur, actum virtuale, quo nolit illum effectum; sed solum potest colligi, esse in eo indifferenter aut actum istum, aut virtuale negationem actus, quo velit eundem effectum; & ex consequenti non potest determinate colligi, effectum illum esse inuoluntarium, sed aut esse inuoluntarium, aut non voluntarium.

Respondetur, quod quamvis scientia absolute considerata possit impedire effectum istum duobus illis modis, qui in antecedenti referuntur; tamen in casu, de quo loquimur, solum poterit impedire eum priori modo, hoc est medio actu formali voluntatis, supposito enim quod quis existimans esse iterum id, quod vere est pater suus, velit in ipsum

projicere sagittam; Et tunc advertat ille patrem movetur hac cognitione ad habendum actum, quo nollit projicere sagittam. Et quando nos colligimus actum virtuale ex eo, quod scientia impedit effectum, non loquimur de scientia absolute sumpta, sed in casu isto particulari.

INDEX
ARTICULORVM ET
DVBIORVM LECTVRÆ TERTIÆ,
QVÆ EST IN
QVÆSTIONEM VI. D. THOMÆ.

De voluntario & in voluntario.



Methodus huius questionis.

ART. I. *U. in humanis actibus inveniatur voluntarium. Commentarius.*

ART. II. *U. voluntarium inveniatur in animalibus brutis. Commentarius.*

DVB. VNIC. *An Ratio D. Thomæ qua probat, perfectum voluntarium brutis non competere, sit vera?*

ART. 3. *P. voluntarium possit esse absque omni alio. DVB. 1. P. possit dari voluntarium sine omni actu tam voluntatis, quam intellectus?*

§. 1. *Argumenta pro parte negativa. §. 2. Premittuntur aliqua ad decisionem questionis necessaria. §. 3. Decisio questionis. §. 4. Solvantur argumenta initio dubij adducta.*

DVB. 2. *Quid requiratur ad voluntarium indirecte? §. 1. Sententia docens, actum non facere, esse necessarium solum ut omisso sit indirecte voluntaria impubiler, non vero simpliciter. §. 2. Secunda & tertia sententia. §. 3. Decisio dubij, ad omissionem voluntarium necessarium ut qui omittit, teneatur non omittere. §. 4. Solutio argumentorum principalium.*

DVB. 3. *P. sufficiant illæ tres conditiones, ut omisso sit voluntaria indirecte, posse, teneri, & non agere?*

ART. 4. *P. violentia possit inferri voluntati. Commentarius. & methodus articuli.*

DVB. 1. *P. voluntas possit cum aliqua violentia necessitari ad alium imperari, aut ab illo impedi.*

§. 1. *Parti negativa utriusque partis dubij. §. 2. Affirmat utramque partem, loquendo de extrinsecis violentiis, non de Deo. §. 3. Diluantur argumenta principalia.*

DVB. 2. *P. voluntas possit ita necessitari ad alium elicit, ut in eis patiatur violentiam.*

§. 1. *Explicatur sensus dubij. Duplex necessitas, ab intrinseco, & ab extrinseco. §. 2. Parti affirmativa proponitur. §. 3. Resolvitur questio pro parte negativa.*

§. 4. *An potentia vitalis possit cogi. §. 5. An alius secundus voluntatis possit illi esse violentus? §. 6. Respondetur ad argumenta principalia.*

DVB. 3. *U. possit voluntas ita impedi ab alio, qui dicitur elicit, ut in eo patiatur aliquam violentiam?*

§. 1. *Proponitur parti affirmativa. §. 2. Resolvitur questio. §. 3. Respondetur ad argumenta in principio dubij proposita.*

ART. 5. *P. violentia causet involuntarium. Commentarius.*

ART. 6. *P. metus causet involuntarium. Explicatur titulus articuli.*

DVB. 1. *An conclusio D. Thomæ sit vera?*

§. 1. *Parti negativa adducuntur. §. 2. Decisio questionis pro parte affirm. §. 3. Solvantur argumenta parti negative.*

DVB. 2. *P. ea qua metu sunt, sint simpliciter voluntaria?*

§. 1. *Negativa parti argumenta. §. 2. Praefertur parti affirmativa. §. 3. Ad argumenta parti negative.*

ART. 7. *U. concupiscentia causet involuntarium.*

DVB. 1. *P. concupiscentia augeat, aut minuat voluntarium.*

§. 1. *Proponuntur opiniones. §. 2. Fundamenta pro solutione. §. 3. Decisio dubij propositi. §. 4. Ad argumenta in principio dubij posita.*

DVB. 2. *U. ea, qua sunt ex concupiscentia alium delectationis, sint mixta ex voluntario & involuntario?*

§. 1. *Explicatur titulus dubij; & proponitur sententia affirmativa. §. 2. Resolvitur dubij. §. 3. Solvitur argumentum.*

ART. 8. *U. ignorantia causet involuntarium?*

§. 1. *Parti divisionis ignorantie. §. 2. An ignorantia concomitans causet involuntarium. §. 3. An ignorantia consequens causet involuntarium simpliciter. §. 4. An ignorantia consequens causet involuntarium secundum quid. §. 5. An ignorantia antecedens causet involuntarium simpliciter.*

INDEX ARTICULORVM ET DVBIORVM, IN

QVÆSTIONEM XVIII. DE BONITATE & malitia actuum humanorum in generali.



METHODVS quaestionis & con-
nexio cum cæteris.

ART. 1. *Utrum omnis humana
actio sit bona, vel aliqua mala.*
Commentarius. Duo principia
pro tota doctrina hac. 1. Boni-
tatem actuum consistere in ple-
nitudine essendi. 2. Hanc ple-
nitudinem aliquando adesse actibus aliquando de-
esse.

DVB. 1. Per quid actiones humane tanquam per formam
constituuntur in esse seu genere morali, prout presup-
ponitur ut quid commune ad particularia, in eodem
genere morali.

§. 1. Explicatio tituli.

§. 2. Prima sententia, constituta in esse morali per li-
bertatem ipsam actuum, sumptam pro indifferentia ad
verumque.

§. 3. Primum fundamentum huius sententia, esse mo-
rale in communi actuum, consistere in ipsa libertate ac-
tuum.

§. 4. Secundum fundam. 1. sententia, libertatem
hanc comparari ad rationem particulari moralitatem,
non sicut genus ad differentias aut species proprias, sed
sicut subiectum ad accidentia.

§. 5. Tertium fundamentum 1. sententia, Hoc esse
morale non addere entitati actuum aliud quam denomi-
nationem extrinsecam.

§. 6. Quartum fundamentum 1. sent. ex auctori-
tate D. Thomæ.

§. 7. Secunda sententia esse morale non consistere in
libertate actuum, sed in aliquo alio superaddito.

§. 8. Decisio quaestionis. Esse morale in communi re-
quirat libertatem tanquam conditionem sine qua non
conueniret actibus: non tamen in ea formaliter consi-
stet, sed in aliquo alio superaddito.

§. 9. Illud superadditum, est habitudo actuum ad
obiectum ut subdum regula mori in fugiendo vel pro-
sequendo.

§. 10. Hac habitudo non est relatio rationis, nec de-
nominatio extrinseca, sed aliquid reale existens in ipsis
actibus elicitis.

§. 11. Dissoluantur fundamenta prima sententia.

§. 12. Ad argumenta secunda sententia.

DVB. 2. Per quid tanquam per formam constituatur
bonitas moralis.

§. 1. Explicatur titulus dubij.

§. 2. Prima sententia Scoti, constituta per aggregatum
perfectiorum quas ratio requirit, & carentia eorum
qua ratio prohibet.

§. 3. Secunda sententia Conradi, constituta per rela-

tionem conformitatis ad rectam rationem, seu ad legem
tanquam regulam.

§. 4. Sententia tertia Caietani constituta per modum
quendam realem absolutum superadditum intrinsece
entitati actui liberi, ab aggregato Scoti, & ab omni rela-
tione distinctum.

§. 5. Decisio quaestionis. Licet bonitas formalis re-
quirat illud aggregatum non tamen in eo consistit, sed in
aliquo reali, inherenti in ipso actu, quod est relatio
transcendentalis terminata ad obiectum secundum quod
habet obiectinam conformitatem cum ratione.

§. 6. Ad argumenta prima sententia.

§. 7. Ad argumenta secunda sententia.

§. 8. Ad argumenta tertia sententia.

ART. 2. *V. Actio hominis habeat bonitatem vel
malitiam ex obiecto.* Commentarius.

DVB. 1. quo sensu dicat S. Thomas, actus humanos
sumere bonitatem ex obiecto circumstantijs & sine?

§. 1. Ratio dubitandi.

§. 2. Non sumunt ab eis bonitatem vera causalitate,
sed tanquam a forma extrinseca.

§. 3. Ad rationem dubitandi.

DVB. 2. *V. prima & specificus bonitas aut malitia
moralis actus humani sumatur ex eius obiecto?*

§. 1. Exponitur dubij titulus.

§. 2. Proponitur pars negativa.

§. 3. Preferunt sententia affirmativa, ut vera.

§. 4. Actum sumere bonitatem ab obiecto prout obie-
ctum est bonum moraliter.

§. 5. Bonitas sumpta ab obiecto est prima omnium
qua possunt actus competere.

§. 6. Bonitas sumpta ab obiecto est essentialis actus
secundum gradum specificum ultimum.

§. 7. Requiritur in obiecto ipso proportionata bonitas
aut malitia.

ART. 3. *V. actio hominis sit bona vel mala ex cir-
cumstantijs.* Commentarius.

DVB. An actio humana sumat suam bonitatem vel
malitiam ex circumstantijs.

§. 1. Explicatio tituli.

§. 2. Pars negativa.

§. 3. Omnis actio humana habet circumstantias; &
ab illis sumit bonitatem vel malitiam accidentalem.

§. 4. Soluitur 1. argumentum. An actus internus ha-
beat circumstantias, & secund. argum. de circumstan-
tibus speciem mutantibus.

§. 5. Soluitur 3. argumentum de continuatione ac-
tionum: & reijciuntur solutiones aliquorum Thomæ
Suaris, Gregorij Ariminensis, Francisci Suarez.

§. 6. Vera solutio.

ART. 4. *V. actio hominis sit bona vel mala ex fine?*

§. 1. De

§. 1. De quo sine loquatur hic D. Thomas.

§. 2. Quadruplex bonitas actuum humanorum.

§. 3. An actus bonus ex obiecto & circumstantiis, possit esse malus ex fine adiuncto?

ART. 5. V. ex fine aliqua actio humana sit bona vel mala in sua specie? *Commentariolus.*

ART. 6. V. actus habeant speciem boni vel mali ex fine?

DVB. 1. V. actus habens finem operantis distinctum ab obiecto sumat ab unoquoque propriam speciem boni vel mali in genere moris?

§. 1. Expositio tituli.

§. 2. Resolutio dubii de obiecto bono & fine etiam bono.

§. 3. Argumenta contra doctrinam traditam.

§. 4. Solvuntur argumenta proxime deducta.

§. 5. De obiecto bono & fine malo.

§. 6. De obiecto malo & fine bono.

§. 7. Duae difficultates expenduntur.

DVB. 2. V. species primo conveniat actui ex obiecto operis, an ex fine operantis?

§. 1. Duae opiniones cum motibus.

§. 2. Resolutio quaestionis.

§. 3. Solutio argumentorum prima sententia.

ART. 7. V. species, quae est ex fine, continetur sub specie, quae est ex obiecto, sicut sub genere, vel converso?

DVB. An conclusio sit vera.

ART. 8. V. aliquis actus sit indifferens secundum suam speciem?

DVB. An conclusio sit vera?

ART. 9. V. aliquis actus sit indifferens secundum individuum?

DVB. 1. V. aliquis actus in individuo pensatis omnibus circumstantiis, possit esse indifferens?

§. 1. Prima sententia Scoti affirmans.

§. 2. Eliguntur sententiae D. Thomae negant.

§. 3. Diluuntur argumenta partis affirmantis.

DVB. 2. quomodo debeat actus referri in finem, ut sit bonus moraliter?

ART. 10. V. aliqua circumstantia constituat actum moralem in specie boni vel mali?


Commentarius.

§. 2. An quando circumstantia dat speciem actui, habeat actus duas species in genere moris, an vero unam tantum?

§. 1. An quando circumstantia dat speciem actui, habeat rationem substantiae, aut potius praecipuae conditiones, aut differentia specifica?

ART. 11. V. omnis circumstantia augens bonitatem vel malitiam, constituat actum moralem in specie boni vel mali?

Commentarius.



QVÆSTIO XVIII

DIVI THOMÆ DOCTORIS ANGELICI.

De bonitate & malitia humanorum actuum in generali.

METHODVS QVÆSTIONIS.

DISPVTATIONEM de actibus humanis in communi inchoauit D. THOMAS à quæstione sexta. Et quoniam eam diuisit in duas partes, iuxta duas rationes, quæ in ipsis actibus distinguuntur, ex quibus aliæ pertinet ad ipsorum *naturam physicè consideratam*, & aliæ ad *esse morale* ipsorum: ideo absoluta priori parte, ab illa quæstione usque ad præcedentem; iam ab hac quæstione aggreditur posteriorem, quam optimè explanat usque ad vigesimam primam. Nam in tribus prioribus quæstionibus agit de bonitate & malitia actuum humanorum, *primò* quidem in hac quæstione quantum ad actus humanos in *communi*: & deinde quæst. 19. quantum ad actus *elicitos* à voluntate; Et *tertio* quæst. 20. quantum ad imperatos. In quarta vero quæ est 21. agit de quibusdam proprietatibus, quæ consequuntur eisdem actus humanos quatenus sunt boni vel mali moraliter; scilicet esse laudabiles, aut vituperabiles, esse dignos præmio aut pœna.

ARTICVLVS PRIMVS.

*Vtrum omnis humana actio sit bona,
vel aliqua mala?*

PRIMA CONCLUSIO. *Actio humana, in quantum habet aliquid de esse, scilicet, quoad requisita ad actiones humanas, aut in genere moris, in tantum habet de bonitate; In quantum vero deficit ei aliquid de plenitudine essendi, scilicet, quæ debentur actioni humana, aut in genere moris, in tantum deficit à bonitate, & sic dicitur mala.*

SECUNDA CONCLUSIO. *Non omnis actio voluntatis est bona, sed aliqua est mala.*

COMMENTARIVS.

Ponuntur duo principia pro tota hac doctrina. 1. Bonitatem actuum consistere in plenitudine essendi.

2. Hanc plenitudinem aliquando adesse actibus, aliquando deesse.

CIRCA primam conclusionem est **ADVERTENDVM**, eam non tam esse *conclusionem*, quàm *fundamentum* ad probandam conclusionem intentam: quia in ea supponit **DIVVS THOMAS** duo quasi

A principia: **PRIMUM** est, *bonitatem*, quæ propria est actionibus humanis ut tales sunt, & ut transcendunt ordinem actionum *naturalium*, (hoc est, quæ non participant modum proprium actionis humanæ) consistere in plenitudine essendi quoad omnia, quæ debent apponi ad actionem ita consideratam, scilicet ex parte obiecti & circumstantiarum; Et è contra *malitiam* oppositam consistere in defectu huius plenitudinis quoad aliquid ex ijs, quæ ad huiusmodi actiones requiruntur. Et hoc probat **DIVVS THOMAS** ex communi ratione bonitatis & malitiæ, quæ conuenit rebus omnibus in genere entis; quia ratio Bonitatis consistit in plenitudine essendi, quoad omnia, quæ unicuique rei debentur secundum propriam naturam; & ratio Malitiæ in defectu huius plenitudinis. Quare **DIVVS THOMAS** in hoc principio per *esse* aut per *plenitudinem essendi*, non intelligit concursum eorum, quæ ad actiones humanas requiruntur in genere entis, aut *naturæ*: sed eorum quæ ad eas requiruntur in alio genere, quod ingrediuntur quatenus humanæ sunt, scilicet, in genere *moris*.

ALTERVM principium est, hanc plenitudinem aliquando conuenire actionibus humanis, & aliquando eis deesse, saltem quoad aliquid, vel aliqua eorum, quæ ad ipsam pertinent. Et hoc non probat **D. THOMAS** speciali aliqua

ratione, sed relinquit ut per se notum: quia saltem quantum est ex parte rationis sumptæ secundum se, & cum abstractione à conditione operantis; & ex parte modi, quo fit, scilicet, liberè (qua ratione consideratur hoc loco à D. THOMA) nihil est, ratione cuius non possit fieri cum tota ista plenitudine, aut cum aliquo defectu eius. Vel forsan colligit ipsum ex eadem doctrina de communi ratione Bonitatis, & malitiæ in genere entis, quia sicut in illo genere plenitudo essendi aliquando convenit rebus, & aliquando eis deest (præsertim quantum ad contingentia & extranea:). Ita etiam in genere moris aliquando conveniet actionibus humanis, & aliquando eis deerit, quia tota est liberà & contingens. Et ex his duobus principiis apertè sequitur conclusio intentata, scilicet, *actiones humanas aliquando esse bonas bonitate propria, hoc est morali; & aliquando malas propria malitia. Aut, aliquas actiones humanas esse bonas, & aliquas malas.*

CIRCA secundam conclusionem est ADVERTENDUM; eam non proponi expresse à D. THOMA, sed solum virtute, ut contentam in præcedenti, ex qua tamen facile potest deduci medio discursu à nobis nunc explicato. Et quamvis aliqui circa eam disputent contra Lutheranos, *An omnia opera nostra sint peccata?* tamen videtur esse omnino extra rem: cuius tamen rationem non æquam aliqui assignant, scilicet D. THOMAS in hac conclusione supponere ut certum, aliquam actionem humanam esse bonam; & solum definire, posse aliquam esse malam: quia conclusio non habet talem sensum; sed huc, *non est necesse omnem actionem humanam esse bonam, sed aliqua potest esse bona, & aliqua mala;* ubi utrumque continetur, & utrumque æqualiter relinquitur à DIVO THOMA ut per se notum, vel colligitur ex eadem doctrina præsupposita, ut diximus. Sed ratio est, quia hæc conclusio non est contraria errori Lutheranicorum: aliud est enim posse actionem, quantum est ex parte sua, fieri cum tota plenitudine essendi requisita ad eius Bonitatem; & aliud, non posse in exercitio fieri cum ea propter conditionem operantis, scilicet propter infectionem formatam. quæ semper in exercitio communicatur ipsi actioni, atque adeo reddit eam malam; Et primum assertum à DIVO THOMA in hac conclusione: Secundum à Lutheranis, qui poscent, admissa conclusione DIVI THOMÆ, illud defendere. Quare non est necesse, ubi agitur de veritate huius conclusionis, impugnare hunc Lutheranicorum errorem: sed hoc præstandum est in materia de Gratia, in qua explicatur quanta sit virtus hominis in statu naturæ lapsæ ad operandum bene moraliter. Sicut etiam propter hanc rationem non est hic disputandum cum aliquibus Theologis: An homo in hoc statu possit cum solo concursu generali ordinis naturæ efficere aliquod opus bonum moraliter, sed in materia de gratia; quia illi Theologi, quamvis defendant hanc conclusionem DIVI THOMÆ, sequuntur in illa quæstione partem negativam, existimantes hominem ita consideratum non habere virtutem sufficientem ad aliquod opus bonum moraliter.

Sed quod attinet ad ipsam conclusionem AD-

VERTENDUM est esse certam secundum fidem & evidentem in lumine naturali. Et imprimis hoc secundum colligitur apertè ex discursu facto circa præcedentem conclusionem: Et deinde primum potest probari omnibus illis testimoniis, quibus contra Lutheranos probatur, non omnia opera nostra esse mala, sed aliqua esse bona & aliqua mala. Itemque illis, in quibus in scriptura, aut præcepto, aut exhortatione, aut propositione præmij & pænæ, aut laude & vituperatione, movemur ad faciendum aliqua opera, & ad vitandum alia: quia hoc non fieret, nisi ut minimum ipsa opera secundum se possent esse bona aut mala.

Cæterum ad maiorem explicationem doctrinæ huius articuli, imò & harum quatuor quæstionum, oportet explicare tria: scilicet, Quid sit in actionibus humanis genus, aut esse morale in communi, & quid sit Bonitas moralis in particulari, quid item malitia illi opposita; quod tribus dubijs distinctis præstabimus.

DUBIVM PRIMVM.

Per quid actiones humane, tanquam per formam, constituentur in esse, aut genere morali, prout præsupponitur tanquam quid commune ad particularia in eodem ordine morali?

§ 1. Explicatur titulus difficultatis.

AD CUIVS tituli explicationem ADVERTENDUM est, per esse morale, intelligi modum quendam essendi, fundatum in entitate naturali alicuius rei, secundum quam talis res dicitur habere speciem moralem distinctam à naturali, & bonitatem aut malitiam moralem etiam distinctam à naturali: quia contingit cum unitate speciei naturalis esse simul pluralitatem speciei morales, & cum bonitate naturali malitiam moralem, aut è conuerso. Sicut etiam in artificialibus distinguimus eodem modo esse naturale ab artificiali, & speciem aut bonitatem & malitiam artificialem ab specie & bonitate aut malitia naturali. Verum quia hoc esse potest considerari ut determinatum ad particulares rationes morales, v. g. ad distinctas bonitates & malitias morales; vel ad bonitatem in particulari, ut distinguitur à malitia: Et ut quid commune & indeterminatum ad huiusmodi rationes particulares: ideo addimus illa verba, *ut præsupponitur tanquam quid commune;* ad denotandum sumi priori modo. ET CONSVLTO non explicamus modum communitatis, scilicet, an sit commune ut genus propriè sumptum, vel analogum, aut proportionale, vel tanquam subiectum ad accidentia, vel tandem ut æquiuocum, & solum quoad vocem: quia de his omnibus potest esse difficultas.

Et non obstat, appellari in ipso titulo nomine

1.2.15; Quia non solum ibi hoc nomen proprie, sed ut significat indistincte aliquem modum communitatis. **ULTERIVS.** Quia hoc esse potest reperiri varijs modis in rebus distinctis, scilicet, in *hominibus*, ut in principijs operandi moraliter; in *legibus*, ut in regulis operationum moralium; in *obiectis*, ut in terminis specificantibus eas; & in *actionibus* humanis, ut in eo, quod formaliter habet ipsum *esse morale* (ut postea dicemus:). Ideo in titulo non proponitur hæc quæstio de *esse morali* absolute sumptum, sed solum prout reperitur in actionibus humanis. Et tandem, quia quodcunque *esse* in rebus creatis provenit non solum à causa efficienti, sed etiam ab aliqua forma, vel ratione formali, quæ sese habeat tanquã forma: ideo inquiritur in titulo, quid se habeat ut forma, vel ratio formalis dans formaliter hoc *esse morale*. **QUARE** integer sensus tituli dubij propositi, est; *quid sit, quod respectu actionum humanarum se habet ut forma, vel ratio formalis, dans eis quasi in genere causam formalem, aut per modum formæ, esse morale ut sumptum; scilicet in communi, & sine determinatione ad particulares rationes entis morales.*

§. 2. Prima sententia, constitui actiones humanas in esse morali, per libertatem ipsam actuum sumptam pro indifferentia ad utrumque.

IN QUÀ RE dux solent referri sententiæ, ad quas varij modi loquendi in hac quæstione possunt reduci. **PRIMA** eorum, qui dicunt, formam, quæ dat formaliter actionibus humanis *esse morale* ita sumptum; non esse aliud, quàm libertatem ipsam actionum, sumptam proprijsimè pro indifferentia ad utrumque. Intelligitque hæc sententia de indifferentia, saltem quoad exercitium, *Tum quia* sine hac non potest reperiri indifferentia quoad specificationem, quia determinatio ad exercitium, si sit ab intrinseco, provenit ex determinatione ad obiectum quoad specificationem; *Tum etiam* quia hæc sola, sine indifferentia quoad specificationem, sufficit ad *esse morale*, ut patet in merito angelorum in primo instanti, iuxta multorum Thomistarum sententiam; & in merito Christi secundum omnes. In hac sententia ita proposita, conveniunt **HENRICVS** quodlibet, 3. q. 10. ubi referens quinque modos, quibus bonum reperitur in actionibus humanis; & explicans quartum, quem dicit summi à circumstantia agentis convenienti ipsi naturaliter, scilicet, à libertate; inquit, actionem dici *moralem* ab hoc agente libero. **DVRANDVS** in 2. d. 38. q. 1. num. 5. ubi dicit, actum nostrum esse *moralem*, quatenus est in potestate voluntatis, siue ut elicitus, siue ut imperatus. Et **SCOTVS** d. 40. q. 1. §. de secundo dico. Vbi inquit, actum dici *moralem* à causa efficienti, quia liberè producitur ab ea, & hoc esse commune bono actui & malo. Et quodlibet, 18. §. de secundo principali, ubi ait, præmiabile & punibile contineri sub imputabili tanquam sub communi: & rationem huius communis esse vnam, scilicet, *esse in libera potestate voluntatis*. Et ex Thomistis **SOTVS** lib. 1. de iustitia quæst. 7. art. 2. qui, ut explicet definitionem consuetudinis traditam ab **ISIDORO**, in qua consuetudo appellatur *mos*, proponit tres acceptiones huius vocis, *mos*, & sic ait: Accipitur primo pro singulari humano actu,

A *pugna libero; actiones enim brutorum, nisi per metaphoram, mores non dicuntur; & ab hac acceptione dicitur Philosophia moralis, id est humanorum actuum.* Et apertius **CONRADVS** super articulum 5. huius quæstionis, ubi expresse dicit, bonitatem & malitiam *moralem*, esse differentias determinantes immediate actum, ut procedit à principio libero, ad constitutionem specierum moralium. Quod est dicere, actionem humanam per libertatem constitui formaliter in *esse determinabilis per differentias específicas morales*, atque adeo in *esse morali in communi*: quia hoc *esse morale* est, quod immediate determinatur per differentias específicas. Et præterea ibidem principium libertatis appellat *principium moralitatis*. Et quæst. 18. art. 1. inquit, bonum & malum esse differentias essentielles actuum interiorum, secundum esse *naturæ & moris* simul: quia supponit, actus internos per libertatem constitui in *esse naturæ & moris* simul; & in hoc distinguit eos ab externis, de quibus dicit, constitui per libertatem (quam participant ab internis) in *esse moris*, non tamen in *esse naturæ*.

B **VERVM** hæc sententiã distinctos potest habere sensus ex duplici capite. Nam imprimis *ex modo quo hoc esse morale* (quod actiones humanæ accipiunt à libertate) fuerit *commune respectu particularium moralitatum*, potest habere duos sensus.

Primus est, libertatem dare formaliter actionibus humanis *esse morale*, quod sit commune per modum *subiecti respectu accidentium*, quæ ad ipsum consequuntur: ita ut divisio entis moralis in bonum & malum morale, aut in alias particulares rationes, non sit generis in species, sed subiecti in accidentia. *Secundus* est, dare tale esse, quod sit cõmutanquam genus ad suas species: ita ut eadem divisio sit generis in species, aut per differentias essentielles & específicas.

Et deinde *ex parte modi quo libertas, atque adeo illud esse morale*, ponatur in actionibus humanis, potest habere alios duos sensus. *Primus* est, libertatem formalem, (quæ solum est intrinsecè in principio operatio, & extrinsecè in actionibus humanis) habere rationem formæ dantis eisdem actionibus esse morale, quod physice non sit in ipsis, intrinsecè & inherenter; sed secundum extrinsecam denominationem; & moraliter reputetur intrinsecum in quantum eodem modo se habet quoad *moralem estimationem ipsarum actionum*, ac si eis inhereret. Quod poterit explicari ad eum modum, quo aliqui dicunt, dignitatem personæ Christi (quæ est extrinseca suis operationibus) dare eis per modum formæ valorem infinitum, qui physice est eis extrinsecus; & moraliter, hoc est, quoad *moralem estimationem*, reputatur intrinsecus. *Secundus* est, libertatem, quæ intrinsecè & inherenter, saltem modaliter, est in actionibus humanis, dare eis illud esse morale, quod eodem modo sit in ipsis intrinsecè & inherenter. Et quod attinet ad primum caput huius diversitatis sensuum, auctores citati pro hac sententia non distinguunt eos; nam quamvis **SCOTVS** appelleret illud *ex morale commune ad bonum & malum*, & *imputabile ad laudabile & vituperabile*: non explicat tamen; in particulari, an sit commune per modum generis, vel tanquam subiectum. Solus **CONRADVS** super art. 5. huius quæst. distinguit aper-

tē illos duos sensus, & acceptauit priorem, relicto posteriori: quoniam inquit, differentias boni & mali moralis constituere cum actione libera diuersas species morales; non quidem contrahendo ipsam, tanquam aliquid commune confusum & potentiale, quale est genus; sed addendo ipsi, (scilicet tanquam subiecto) distinctas habitudines conformitatis aut difformitatis ad rationem. Verum est tamen, argumenta, quæ ex illis authoribus desumuntur pro hac sententia, fere nō habere vim, nisi intelligatur in priori sensu. Quod verò attinet ad secundum caput diuersitatis, omnes illi authores insinuant, esse intelligendam hanc sententiam in priori sensu: quia non loquuntur de libertate, quæ sit in ipsis actionibus, sed de ea, quæ est in principio operatio. Et DURANDVS id expressit num. 6. quæstionis citatæ, ubi inquit, *esse morale* (quod ipse constituit in hac libertate) nihil reale addere entitati actuum, sed solam denominationem extrinsecam, sumptam ab indifferentia principij agentis.

Quare ut probemus hanc sententiam in eo sensu, qui videtur verior & quem omnes sui authores aut insinuant, aut expresse asserunt: oportet probare tria; *Primum* est, *esse morale*, quod reperitur in actionibus humanis, si sumatur in communi, consistere formaliter in libertate ipsarum actionum; *Secundum*: hoc *esse morale*, siue libertatem, in qua consistit, non comparari ad rationes particulariū moralitatum sicut genus ad differentias, vel species propriè sumptas, sed sicut subiectum ad accidentia; *Tertium* est, idem *esse morale*, non addere aliquid entitati naturali ipsarum actionum, præter denominationem illam extrinsecam. Ad hæc autem probanda eo ordine quo proposita sunt, deservient sequentia argumenta.

§. 3. *Primum fundamentum huius sententia, esse morale actionum humanarum consistere formaliter in libertate ipsarum.*

PRI-MVM pro primo; Posita in actione humana libertate, & secluso (saltem per considerationem intellectus) quocunque alio extrinseco superaddito, ponitur, *esse morale*; & è contra, ablata libertate, & manente quocunque alio, aufertur *esse morale*: ergo *esse morale* in actione humana non est formaliter aliud, quam eius libertas. *Consequentia* videtur nota; quia id, quo posito, sine alio superaddito, ponitur essentia alicuius rei, & quo ablato aufertur, est essentia talis rei. Et *antecedens* quoad secundam partem admittitur fere ab omnibus, & à nobis postea probabitur; & quoad primam partem probatur varijs medijs.

PRI-MVM MEDIVM desumitur ex DURANDO loco citato; Quia actus dicitur moralis à more quatenus sumitur pro consuetudine, qua possumus ei assue fieri per frequentationem similium actuum: sed satis est, poni in actu aliquo libertatem, quamuis secludatur quodcunque aliud extrinsecum superadditum, ut possumus ei prædicto modo assue fieri; ergo & ut dicatur *moralis*. *Minorem* probat DURANDVS; Quia satis est aliquem actum non esse liberum, ut circa eum mos aut consuetudo non habeat locum: & ita la-

Apis, quamuis millies projiciatur sursum, non assue fieri illi motui; quia neque motus sursum, neque motus deorsum est illi liber, sed prior violentus, & posterior naturalis; Ergo è contra etiam erit satis, actum aliquem esse liberum, ut circa eum habeatur mos, aut consuetudo: quia ubi negatio est causa negationis, etiā affirmatio est causa affirmationis; quæ propositio est vniuersaliter vera in causis adæquatis, & nihil potest assignari, quod sit causa adæquata in aliquo actu, ut circa ipsum habeat locum consuetudo, præter eius libertatem.

SECUNDVM MEDIVM desumptum ex SCOTO est, quia posita in actu aliquo libertate, quamuis secludatur omne aliud extrinsecum superadditum, ponuntur in eo proprietates *esse morales* sumpti in communi: ergo etiam ponitur in eo *esse morale*. *Consequentia* est euidentis, quia cum proprietates sint inseparabiles ab essentia, quæ est earum radix: necesse est, ubi ponuntur proprietates, poni essentia. Et *antecedens* probatur, quia duæ imputabilitates sumptæ in communi (hoc est, abstrahendo à terminis duarum imputabilitatum particularium) quarum vna in actibus bonis est ad laudem, & in malis ad vituperationem; & altera in bonis est ad præmium, & in malis ad pœnam; sunt proprietates *esse morales* sumpti in communi: Sed posita in actu aliquo libertate, quamuis nihil aliud superaddatur, ponentur in eo duæ illæ imputabilitates; ergo & proprietates *esse morales* sumpti in communi. *Maiores* huius probationis patet, Tum quia sicut se habent duæ illæ imputabilitates sumptæ in particulari ad *esse morale* sumptum in particulari, ita etiam sumptæ in communi ad *esse morale* sumptum in communi; ergo sicut sumptæ in particulari sunt proprietates *esse morales* sumpti in particulari pro bono aut malo: ita sumptæ in communi sunt proprietates *esse morales* sumpti in communi.

Tum etiam quia posse imputari illis duobus modis sumptis in communi conuenit omnibus actionibus moralibus, tam bonis quàm malis, & semper, & solis: atque adeo est proprietas earum secundum aliquod esse commune ipsis; quia quod conuenit omni, soli & semper secundum aliquem gradum, est proprietas eiusdem gradus: & tamen non ita conueniunt eis secundum esse naturæ, quia nulla imputatio particularis propriè sumpta reperitur intra genus naturæ: Ergo conueniunt secundum esse moris, atque adeo sunt proprietates talis esse; Et minor probatur à SCOTO, quia posse imputari aliquo ex illis duobus modis, prout est commune actibus bonis & malis, solum importat respectum ad dominium aut potestatem agentis in ipsos actus; cuius ratio videtur esse, quia imputari hoc modo alicui actum, non est aliud, quam attribui ei ut domino, in ordine ad aliquid, tanquam fructum participandum in eo virtute sui dominij: ergo satis est actum aliquem procedere à voluntate agente cum dominio circa ipsum (quod est esse liberum) ut conueniat ei posse hoc modo imputari. Et à nobis potest probari testimonio Diu. THOMÆ, qui infra quæst. 21. art. 2. sic ait: *Tunc actus imputatur agenti, quando est in potestate ipsius, ita quod habeat dominium sui actus*; hoc autem est in omnibus actibus voluntarijs, quia per voluntatem homo dominium sui actus habet.

TERTIUM MEDIVM est, quia voluntas, ut est

princi-

principium liberum, & secluso omni alio superaddito, est agens morale: ergo etiam actio, quatenus procedit ab ea, ut à principio libero (quod est, quatenus ipsa est libera) & secluso omni alio superaddito, est moralis. *Consequentia* videtur nota, quia principia denominant suas actiones; ut, actio procedens à visu, dicitur visio, & quæ procedit à principio artificiali, dicitur artificialis: ergo similiter, quæ procedit à principio morali dicitur moralis. Et *antecedens* probatur, quia voluntas ut est principium liberum, est immediate determinabilis ad hoc ut sit in particulari principium agendi bene aut male moraliter: quia ut sic est immediate determinabilis, ut sit principium cum subordinatione ad rationem rectam; vel non rectam; quod est esse principium agendi cum conformitate ad rectam rationem, atque adeo bene, vel cum difformitate, atque adeo male moraliter: ergo etiam secundum eandem rationem est agens morale. Patet *hac consequentia*, quia ratio agentis moralis est, quæ immediate determinatur ad rationes particulares agentis bene aut male moraliter; sicut in artificialibus, ratio agentis artificialis est veluti gradus immediate determinabilis ad rationes agentis bene vel male artificialiter.

ULTIMUM MEDIUM est, quia inter conforme & difforme rectæ rationi in actionibus humanis non datur aliquod medium abstrahens secundum propriam rationem ab utroque, præter liberum: ergo in hoc consistit formaliter esse morale sumptum in communi quod convenit actionibus humanis. *Consequentia* patet, quia esse morale sumitur in communi quando consideratur ut abstrahit à particularibus rationibus moralitatis, quæ constituuntur per conformitatem & difformitatem ad rectam rationem. Et *antecedens* probatur, quia si daretur aliquid aliud, quod esset medium, maxime id esset aliqua habitudo ad rectam rationem ut ad regulam morum: & tamen videtur impossibile explicare aut fingere rationem habitudinis regulati ad regulam, quæ non constituatur in conformitate vel difformitate ad eandem regulam.

§. 4. Secundum fundamentum prima sent. libertatem actionum comparari ad rationes particularium moralitatum sicut subiectum ad accidentia.

SECUNDUM ARGUMENTUM sit ad probandum secundum; scilicet, *esse morale* ita sumptum in communi non comparari ad particulares bonitates sicut genus ad species, vel differentias; sed sicut subiectum ad accidentia; & est huiusmodi: Rationes particulares moralitatis, scilicet bonum & malum, diuidunt immediate actum humanum quatenus liber est; & non ut genus proprie sumptum: ergo ut subiectum. *Antecedens* quoad priorem partem patet ex ultimo medio, quo probauimus antecedens præcedentis argumenti: quia ex eo constat, actum, ut liberum, includere omne illud, quod potest intelligi ut commune intra genus moris ad prædictas rationes. N.

Atem non dixi absolute commune, sed intra genus moris: ut excludam communes rationes relationis, vel habitudinis, quæ etiam sunt communes ad habitudines conformitatis & difformitatis; verum cum non respiciant rectam rationem ut regulam, non pertinent ad genus moris, sed ad genus naturæ. Et has excludo, quia habitudines conformitatis & difformitatis solum secundum esse naturæ, quod habent in se imbutum, sicut reliquæ habitudines non-morales, diuidunt eas: & ideo hoc non obstat, ne intra genus moris diuidant aliquid aliud immediatè; & hoc dicimus esse actum humanum quatenus liber. Et quoad posteriorem partem probatur idem *antecedens*, Tum quia idem actus, etiam quoad libertatem, potest de bono fieri malus, & è conuerso; quod ab omnibus ferè conceditur de actibus, qui solum sunt mali, quia prohibiti præcepto positivo; Ergo esse liberum, non comparatur ad bonum & malum ut genus propriè sumptum ad differentias; patet consequentia, quia impossibile est destrui differentiam, quæ constituit speciem cum aliquo genere, & non destrui ipsum genus; Tum etiam quia genus propriè sumptum, quia est una & eadem entitas cum differentia, quæ constituit speciem; & quatenus distinguitur ab ea, consideratur ut eius radix & inchoatio; debet esse eiusdem generis cum ea: atque ideo, si differentia pertinet ad genus moris, etiam genus debet ad ipsum pertinere. Et ex his manet probata prima consequentia huius argumenti; quia si bonum & malum diuidunt immediate actum liberum, & non ut genus propriè sumptum; bene sequitur, diuidere ipsum ut subiectum.

§. 5. Tertium fundamentum prima sententia. Esse morale non addere aliud actuum entitati, quam denominationem extrinsecam.

TERTIUM argumentum sit ad probandum tertium, scilicet, hoc esse morale addere solum entitati naturali ipsarum actionum, denominationem extrinsecam; & est huiusmodi! Libertas in nostris actionibus est formaliter denominatio extrinseca sumpta à libertate & indifferentia potentiz, à qua procedit: sed hoc esse morale, de quo loquimur, consistit formaliter in libertate, quæ est in actionibus humanis; ergo etiam consistit formaliter in illa denominatione extrinseca, quæ est libertas ipsarum actionum. Minor supponitur probata ex prima propositione huius sententia; & maior probatur duobus medijs. PRIMUM est, quia per solam mutationem in principio actionis humanæ, sine ulla mutatione in entitate intrinseca ipsius actionis, mutatur actio de necessaria in liberam, & è conuerso: ergo libertas in actione humana non est aliquid intrinsecum, sed sola denominatio extrinseca. *Consequentia* videtur nota, quia si libertas esset aliquid intrinsecum in actione, necesse esset, apposita vel ablata libertate, mutari actionem intrinsece & secundum seipsam; quia haberet se aliter nunc, quam prius, quoad aliquid pertinens intrinsece ad suam entitatem. Et *antecedens* probatur.

quia si quis incipiat libere operari ex sufficienti aduertentia rationis, & postea vel propter amentiam, vel propter distractionem cogitationis, amittat libertatem & indifferentiam principij operatiui: poterit ulterius operari sicut alij, qui ex eisdem causis patiuntur eundem defectum indifferentiæ, exercent similes operationes: & tamen in eo casu operatio, vt cōtinuata, carebit libertate, & nulla fit mutatio in entitate intrinseca ipsius, neque quoad substantiam, neque quoad aliquem modum intrinsecum, siue absolutum siue relatiuum. Quod potest probari, quia nulla fit mutatio, in obiecto, aut in motiui operationis; ergo neque in eius entitate intrinseca. Et idem argumentum fieri potest, si quis cum simili inaduertentia incipiat operari necessario & naturaliter, & postea adueniente aduertentia continuet operationem libere. *Secundum* mediū est, quia si libertas in actione esset aliquid intrinsecum suæ entitati, maximè esset relatio aliqua realis ad principium operans cum libertate & indifferentia ad utramque partem: At hoc dici non potest, *Tum* quia libertas principij, cum operatur, consistit in hoc, quod ita operetur, vt simul possit hic & nunc operari: & tamen effectus, quamuis importet relationem realem ad causam vt actū efficientem, non potest importare eam ad eandem causam, quatenus potest non efficere, quia effectus non pendet à causa quatenus habet hanc potentiam, sed quatenus actū efficit; *Tum etiam* quia cum relatio realis necessario consequatur ad suum fundamentum, non potest libertas actus, quæ opponitur necessitati, consistere formaliter in aliqua relatione reali; quare sequitur, hanc libertatem consistere in denominatione extrinseca, sumpta ab indifferentia principij operantis.

§. 6. *Quantum fundamentum prima sententia, ex autoritate S. Thomæ.*

VLTIMUM argumentum sit ad probandum omnia illa tria, quæ in hac sententia continentur; autoritate Diu. THOMÆ. Nam *primum* eorum expresse docet supra q. 1. quia cum art. 1. definiat, actiones humanas esse illas, quarum homo est dominus; aut, quæ procedunt ex voluntate deliberata; (quod est esse liberas) postea art. 3. in fine inquit, idem esse *actus morales* & *actus humanos*. Et hoc idem sepe repetit in tota hac q. 18. quia actiones nostras quatenus eis bonum, seu bonitas & malitia moralis conuenit, semper appellat *actiones humanas*. Et peculiariter art. 4. vbi docet, in actione humana posse considerari quadruplicem bonitatem, ex quibus sola prima (quæ ei conuenit quatenus est actio & ens) pertinet ad genus naturæ: & reliquæ tres, (quæ sumuntur ex obiecto, & ex circumstantijs, & ex fine) pertinent ad genus moris; & tamen de omnibus dicit D. THOMAS, conuenire immediatè actioni humanæ vt *humana est*, & non prout pertinet ad diuersa genera, scilicet *naturæ*, & *moris*. Et artic. 5. vbi docet, bonum & malum morale esse differentias per se respectu actuum nostrorum, prout procedunt à ratione vt à principio. Ex quo sic possumus argumentari; Nullæ differentiæ appellantur differentiæ per se, nisi respectu eius, quod ad eas compa-

A ratur vt genus: ergo bonum & malum non sunt per se differentiæ actus, vt procedit à ratione deliberata, nisi actus vt sic se habeat vt genus. Et postea inquit, actus aliquos dici humanos, vel morales, secundum quod sunt à ratione: In quibus verbis pro eodem sumit, actum aliquem esse humanum; & esse moralem, & utrumque tribuit actibus nostris vt procedunt à ratione, hoc est, vt sunt liberi. Huic testimonio potest adiungi aliud ex 1. d. 40. quæst. 1. art. 1. vbi Diu. THOMAS docet, ea, quæ per se pertinent ad aliquod genus, differre per se differentiis illius generis: sicut albedo & nigredo per se differunt differentiis colorum, quia per se pertinent ad genus coloris; ea vero, quæ per accidens pertinent ad aliquod genus, etiam per accidens distinguuntur differentiis eius, sicut clauis & cultellus, quia per accidens reducuntur ad genus entis artificialis, & per se pertinent ad genus substantiæ: ideo solum per accidens distinguuntur differentiis generis artificij, & per se sunt eiusdem generis substantiæ; & subdit, actiones voluntatis, quia per se sunt in genere moris, ideo per se diuidi & distinguuntur differentiis illius generis. Et eandem tradit doctrinam quæst. sequenti artic. 2. vbi inquit, bonum & malum esse per se differentias actus voluntatis, quia per se pertinent ad voluntatem: sicut verum & falsum, quia per se pertinent ad rationem, ideo etiam per se distinguuntur eius actus; Ex quo exemplo potest amplius confirmari hæc sententia, quia actus intellectus vt est in genere cognitionis intellectiue, & non vt reducitur ad aliud genus, diuiditur per verum & falsum. Et artic. 8. huius quæstionis, vt explicet an detur aliquis actus indifferens ad bonitatem & malitiam secundum suam speciem, supponit hanc propositionem; *Actus humanus, qui dicitur moralis, habet speciem ab obiecto relato ad principium actuum humanorum, quod est ratio*; Ex quo aperte concedit, actum humanum dici moralem: quod non est accipiendum *materialiter*, aut denominatiue, vt sit sensus, actum humanum esse rem, quæ dicitur & denominatur moralis vt subiectum moralitatis; sed *formaliter*, vt eius sensus sit, actum humanum in quantum humanum formaliter esse moralem; quia Diu. THOMAS ex eo infert, actum moralem sumere speciem ex obiecto relato ad principium humanorum actuum, quod est ratio: & tamen hæc illatio esset inefficax, si actus humanus solum diceretur moralis materialiter aut denominatiue, scilicet, per aliquid sibi superadditum. Ex alijs etiam locis possunt adduci testimonia ad idem confirmandum, quia 3. contra gent. cap. 9. ita inquit: *secundum hoc aliquid ad genus moris pertinet, quod est voluntarium*, & quæst. 2. de malo art. 6. sic ait: *actus moralis est actus, qui est à ratione procedens voluntarius*. Deinde reliqua duo quæ in hac sententia continentur, possunt ex his eisdem testimonijs confirmari. Nam cum ex eis probetur, actum aliquem habere formaliter ex eo, quod est humanus aut liber, esse moralem; consequenter possunt probari illa duo de ipso esse morali sumpto in communi: scilicet, non comparari propriè vt genus ad differentias particulares boni & mali: sed vt subiectum ad accidentia; & præterea non addere aliquid intrin-

secum entitati naturali actus, sed solum denominationem extrinsecam; si ad hoc adiungamus secundum & tertium argumentum principale: quia in utroque supponitur, esse morale actionum consistere in earum libertate.

9. 7. *Esse morale non consistere in libertate actionum, sed in aliquo alio ipsis superaddito.*

SECUNDA sententia est aliorum, qui quamvis admittant, non posse reperiri esse morale in actibus humanis, nisi supposita in eis libertate: dicunt, ipsum esse morale non consistere formaliter in libertate, sed in aliquo alio superaddito; atque adeo hoc habere rationem formæ dantis formaliter actibus nostris esse morale sumptum in communi. In hac sententia quantum ad hoc, conveniunt aliqui ex recentioribus (quos statim referam) & sunt divisi in tres modos explicandi quid sit illud, quod *esse morale* addit entitati naturali & libertati actuum. Quorum,

PRIMVS MODVS est, *esse morale*, esse habitudinem quandam realem intrinsecam actui ad suum principium, quatenus est agens morale: quod est, habere subordinationem & subiectionem ad rectam rationem, ut ad regulam morum. Hic modus mihi aliquando placuit, & placet aliquibus ex recentioribus doctissimis, fauetque ei ex antiquis RICARDVS, 2. d. 41. circa 2. principale quæ. 4. ubi inquit, moralitatem, quæ inest actui, ex sui comparatione ad obiectum & circumstantiam, inesse ei, per comparationem ad rationem. Sed ad explicandum hunc modum dicendi, & eius fundamentum, solet adneris ex CONRADO quæ. 18. art. 5. voluntatem posse subordinari rationi quatuor modis, qui comprehenduntur vna divisione, & alia subdivisione. *Primus* modus est quo voluntas subordinatur rationi, ut proponenti obiectum cum indifferentia ad utrumque; *Secundus* quo subordinatur ut regulæ dictanti quid expediat agere aut non agere. Et rursus hic secundus modus potest in alios duos subdividi; quorum *primus* qui sit ordine *tertius*, est, quo voluntas quoad actum secundum, ut comprehendit operationem, & eius negationem, subordinatur & subiecitur rationi ut regulæ. *Secundus*, qui ordine sit *quartus*, est, quo voluntas antecedenter ad actum secundum, & quatenus per modum principij præsupponitur ad ipsum, subordinatur rationi tanquam regulæ, ut obligata sequi eius ductum, & conformare se ei quoad hoc, quod est, agere & non agere. Per primam subordinationem constituitur voluntas in ratione principij liberi intra genus nature: quia cum illa propositio obiecti pertineat ad genus nature, non est sufficiens ut per eam voluntas, transferatur ad alium ordinem agentium. Per secundam constituitur in ratione agentis moralis, abstrahendo à coniunctione cum actu secundo, & à separatione ab eo; Per tertiam constituitur etiam in ratione agentis moralis, exterum determinatè prout includit coniunctionem cum actu secundo, prout actus secundus dicitur per rationem ut regulam; & ideo illa subordinatio consistit in conformitate voluntatis quoad actum secundum cum sua regulâ, & est bonitas moralis ipsius actus. Per quartam constituitur voluntas in

A ratione agentis moralis determinatè prout per modum principij præsupponitur ad coniunctionem cum actu secundo, & excludit eam quantum est ex se: ideoque illa subordinatio non importat actualem conformitatem voluntatis cum regulâ; sed obligationem ad habendum hanc conformitatem; Explicaturque hæc obligatio in voluntate per modum cuiusdam ponderis, aut determinationis moralis ad agendum conformiter ad regulam sibi propositam per rationem: sicut agens naturale, antequam operetur, intelligitur determinatum per suam inclinationem naturalem, tanquam per regulam ad operandum, servata conformitate cum ea; Et agens artificiale etiam præsupponitur determinatum per apprehensionem exemplaris conformitatem ad servandum in suis operationibus conformitatem cum eis. Quamvis in modo determinationis sit magnum discrimen inter hæc agentia: quia agens naturale determinatur omnino necessitatè, & sine ulla connexionione cum aliqua libertate aut indifferentia sua, & ideo, quantum est ex se, non potest deficere à conformitate cum regulâ; At verò voluntas, & agens artificiale determinatur dependentèr à sua libertate: atque ideo ex vi suæ libertatis possunt non servare conformitatem cum suis regulis. Et de hac quarta subordinatione intelligitur hæc sententia, quia per eam voluntas constituitur in ratione principij moralis. Et hoc supposito,

FUNDAMENTVM huius sententiæ est, quia voluntas ab illa subordinatione habet formaliter esse principium morale, ergo etiam actio voluntatis ab habitudine ad voluntatem ita subordinatam, tanquam ad principium suum, habet formaliter esse morale sumptum in communi; patet consequentia, quia quæcumque actio ex ordine ad suum principium habet formaliter rationem, saltem genericam & communem; ut actio vitalis habet quod sit vitalis ex ordine ad principium vitale à quo procedit; & actio quæcumque habet communem rationem actionis ex ordine ad agens, & in quantum procedit ab ipso.

CONFIRMATUR, quia potentia exequutiva, in quantum illo modo subordinatur regulis artis, habet esse principium artificiale: & eius operationes, quatenus procedunt ab ea ut ita subordinata, quod est, quatenus important habitudinem ad eam, habent esse artificiales; ergo idem dicendum est de voluntate & eius actibus.

Quod vero in hoc modo dicendi supponitur, scilicet, hanc habitudinem esse realem & intrinsecam entitati actuum, debet intelligi de actibus immediatè elictis à voluntate; non autem de imperatis, siue internis siue externis; cuius rationem reddituri sumus postea. Et quantum ad elictos ratio est manifesta: quia dependentia actionis à suo principio effectivo est realis & intrinseca ipsi actioni; & habitudo, de qua loquimur, est hæc dependentia.

SECUNDVS MODVS explicandi hanc sententiam est, illud superadditum libertati & entitati naturali actionis, esse modum quandam realem, absolutum & intrinsecum ipsi actioni. Hunc modum dicendi sequitur CAJETANVS infra quæst. 49. artic. 3. §. *Præterea quinta* in solutione ad argumentum, quod proposuerat ex DURANDO, ad probandum, habitum non esse per se principium esse moralis

in actu

in actu. Vbi (non reiiciendo alias sententias de eo, in quo consistat esse morale in actu) defendit, consistere in modo quodam absoluto, & non relativo, existente in ipso actu. FUNDAMENTUM eius est, quia hoc supposito melius soluitur illud argumentum, quod erat huiusmodi; *Esse morale in actu est relatiuum*, atque adeo non habet per se causam nisi ratione sui fundamenti, quia ad relationem non est per se motus: sed habitus nō potest esse principium fundamenti, quod est ipsa substantia actus secundum esse naturæ; ergo neque est principium ipsius esse moralis. Et assignat tres solutiones, in quarum secunda, & tertia admittit, *esse morale in actu esse relatiuum*; ceterum in prima id negat quantum ad actus elictos à voluntate, licet quantum ad imperatos dicat esse verum. Et confirmat hoc amplius, quia inter habitus morales est contrarietas, secundum esse absolutum, ut inter fortitudinem & timiditatem; libertatem & auariciam; ergo similiter inter actus elictos horum habituum; parerit consequentia, quia nulla est ratio propter quam inter habitus morales sit contrarietas secundum esse absolutum, potius quam inter eorum actus.

TERTIUS MODVS explicandi eandem sententiam est aliorum, qui dicunt, illud *superadditum* libertati & entitati naturali actionis esse proprietatem quandam, quæ est, *posse regulari per rationem* vtest quid commune ad conformitatem & difformitatem cum ratione, & consistit in sola denominatione extrinseca sumpta ab ipsa regula rationis, tanquam à forma; & præsupponit in actione, cui attribuitur, libertatem, ut fundamentum necessarium; hunc modum dicendi sequitur ex recentioribus GABRIEL VAZQUEZ to. i. in primam secundæ DIVI THOMÆ disputatione 3. cap. 9. & disputatione 95. c. 10. & disputatione 129. cap. 17. qui etiam addit, posse prædictam proprietatem (disputationis causa) appellari *regulabilitatem per rationem*, & illam denominationem extrinsecam esse relationem rationis, FUNDAMENTUM eius, quantum colligi potest ex locis citatis, est quia nihil potest dari commune per modum superioris ad conformitatem & difformitatem, præter hanc *regulabilitatem*; & hæc non potest esse aliud, quam denominatio extrinseca, *nam quia* importat duo, scilicet, potentiam ex parte actus ut reguletur, & specificatum huius potentie quæ est regula rationis; & neutrum addit aliquid reale intrinsecum super entitatem naturalem actus: quia potentia conuenit actui immediate per suam entitatem, & sine aliquo superaddito; & regula est realiter separata ab eo; *nam etiam quia* differentie inferiores, scilicet conformitas, & difformitas, consistunt in denominatione extrinseca sumpta à regula rationis, quia important entitatem naturalem actus & regulam extrinsecam, cui talis entitas est cōformis vel difformis: sicut propter hanc rationem esse dextrum, aut sinistrum in ligno, est denominatio extrinseca, sumpta à parte animalis dextra aut sinistra, cui respondet; ergo idem est dicendum de regulabilitate, quæ se habet ut genus ad has differentias: quia genus debet esse eiusdem ordinis cum differentiis per se diuidentibus ipsum. Quod vero hic author ulterius addit, scilicet, hanc denominationem extrinsecam esse relationem rationis, videtur certum, si admittantur relationes rationis: quia, quamuis tam entitas actus, quam re-

gula rationis, & correspondentia vnius ad alteram, habeat esse ex natura rei; tamen hanc correspondentiam habere modum formæ constitutivus intrinsecè actum in ratione regulabilis, non habet esse ex natura rei, sed per considerationem intellectus.

§ 2. *Decisio questionis. Esse morale in communi requirit libertatem tanquam conditionem sine qua non conueniret actibus: At non in ea consistit formaliter, sed in alio aliquo superaddito.*

PRIMA CONCLUSIO, *esse morale sumptum in communi requirit in actu cui conuenit, libertatem tanquam conditionem necessario requisitam, & sine qua non conueniret ei: non tamen consistit formaliter in ipsa libertate, sed in aliquo alio superaddito.* Hæc conclusio duas continet partes, quarum prior est, non posse conuenire alicui actui *esse morale*, nisi sit liber; & intelligitur de libertate saltem quoad exercitium, & de hac non solum expressa & formaliter, sed cuiuscunque modi fuerit, siue *virtualis*, siue *interpretativa*, siue *directa*, siue *indirecta*. Et in hoc sentu hæc pars admittitur ab omnibus. Et probatur, quia actio quæ nullo modo est libera, non procedit ab homine ut ab agente morali: ergo neque habet esse morale. *Consequentia* patet, quia impossibile est actionem, ut actio est, habere aliquam proprietatem aut conditionem, nisi eam participet quatenus procedit ab agente, atque adeo nisi in agente præsupponat virtutem actui sibi proportionatam: & nulla virtus est proportionata respectu *esse moralis*, nisi suo modo sit moralis; sicut nulla virtus est proportionata ad dandum actioni efficienter esse vitale aut artificiale, nisi sit aliquo modo vitalis aut artificialis; & vniuersaliter quæcunque causa efficiens debet continere aliquo modo esse quod dat effectui, quoniam alias non erit in actu respectu eius; & *antecedens* probatur, quia homo constituitur in ratione agentis moralis per subordinationem ad regulas morū, & nō habet talem subordinationem quoad actiones, quæ omnino carent libertate.

Confirmatur primo, quia actiones, quæ simpliciter sunt naturales & necessariæ, non sunt capaces differentiarum particularium, per quas diuiditur *esse morale*, scilicet, bonitatis & malitiæ; moralis; neque suarum proprietatum, scilicet imputabilitatis ad laudem, vel vituperationem; & ad præmium vel penam: ergo neque ipsius *esse moralis* sumpti in communi; *consequentia* patet, quia ratio communis non potest à parte rei subsistere separata à differentiis particularibus, per quas diuiditur per se, & ab earum proprietatibus. Et *antecedens* probatur, quia homo in illas actiones non habet dominium neque potestatem ullam: & nullus potest censeri bonus aut malus, neque dignus laude aut vituperatione, neque præmio aut pœna, propter actiones, quæ nullo modo sunt in eius libera potestate; quia quoad tales actiones non se habet ut mouens se perfecte, sed potius ut motus ab alio, saltem quoad directionem in finem.

Ad hoc aliqui respondent admittendo, non reperiri in eo casu *esse morale*, nisi coniunctum alicui ex illis differentiis particularibus, scilicet, bonitati; & negando posse coniungi indifferenter cuiuscunque ex eis, scilicet, aut bonitati, aut malitiæ, aut etiam,

illis proprietatibus, scilicet imputabilitati ad præmium, vel pœnam, quæ explicantur per meritum & demeritum, & rationem discriminis dicunt esse, quia non potest aliquis reddi culpabilis, neque dignus præmio aut pœna, nisi per id, quod est ipsi voluntarium & liberum. At vero potest reddi bonus & sanctus & iustus per actum, qui est bonus ex obiecto suo, quamvis non sit liber: ut per actum charitatis necessario elicitum.

Sed hæc solutio nulla est, quia absque ratione constituitur hoc discriminem inter bonitatem & malitiam moralem, cum non minus bonitas postulet conformitatem cum lege, quàm malitia difformitatem; & lex non habeat locum nisi respectu illorum, qui libero operantur. *Item quia* sicut ex malitia morali sequitur dignitas pœnæ: ita etiam ex bonitate opposita sequitur meritum præmij; ergo saltem de hac bonitate erit verum, postulari libertatem in actu; quod late probabimus cum D. THOMA quæstione vigesima prima; quare si actui voluntatis necessario conveniat illa bonitas, secundum quàm sumus sancti & iusti (de quo est agendum in materia de gratia) dicendum est, illam bonitatem esse similem bonitati habituum scilicet, gratiæ & charitatis per quos habemus esse iustos & sanctos: atque adeo esse distinctam ab ea, de qua nunc agimus, quæ opponitur formaliter & immediate malitiæ morali, & habet tanquàm proprietatem inseparabilem, valorem meriti; & ideo postulat in actu, cui convenit, omnes condiciones requisitas ad meritum, ex quibus una est libertas.

Confirmatur secundo, quoniã alias sequeretur, actiones puerorum, antequàm perveniant ad perfectum usum rationis; & amentium, esse capaces esse moralis sumpti in communi, atque adeo prædictarum differentiarum, & proprietatum; patet *sequela*, quia nihil eis deest ad hoc præter libertatem; & tamen *consequens* est absurdum, etiam stando in solo lumine naturali, quia nullus iudicat, pueros aut amentes esse bonos aut malos, neque laudabiles aut vituperabiles, neque mereri aut demereri propter suas actiones; de quo videndus est ARISTOTELES 3. ethicorum capite 5.

Sed ac hoc etiam respondent aliqui, actiones puerorum & amentium, non propter defectum libertatis; sed propter defectum plenitudinis iudicij requisiti ad discernendum inter bonum & malum morale, esse incapaces moralitatis in communi, & suarum differentiarum particularium, & proprietatum.

Sed hæc solutio omnino est rejicienda, quia subiectio ad rectam rationem ut ad regulam actionum, tam necessario coniuncta est agenti libero, ut impossibile sit eum hominem, qui habet cognitionem sufficientem ad operandum libere, carere perfectione iudicij requisita ad cognoscendum, se esse obligatum ad conformandum se huic regulæ in suis actibus: atque adeo ad discernendum inter conforme & difforme, quod est bonum & malum morale. Et ita ARISTOTELES loco citato dicit, ebrios & eos, qui cum inscientia aut ignorantia res improbas faciunt, solum puniri à legislatoribus, cum sibi fuerint causa inscientiæ, quæ fuit causa ut eas facerent: quia tunc solùm fuit ipsis liberum eas facere, aut non facere.

SECUNDA PARS est, non consistere formaliter in libertate esse morale sumptum in communi, sed in aliquo alio ei superaddito; & ab hac solum differentiant auctores citati pro prima sententia: & contra

tra eos potest probari potissimum duobus argumentis desumptis ex alijs duobus, quibus CAPITANVS quæstione sequenti articulo primo videtur, ad probandum, bonum & malum morale non esse differentias substantiales aut per se dividentes actum humanum ut est in genere naturæ. *Primum est*, quia idem numero actus voluntatis potest simul esse in duabus speciebus moralibus: ut cum volo homicidium propter furtum, hæc volitio est in duabus speciebus mali morales, scilicet homicidij, & furti; & cum volo ieiunium propter finem pœnitentiæ, scilicet ad satisfaciendum pro peccatis, hæc volitio est in duabus speciebus bonitatis morales, scilicet temperantiæ & pœnitentiæ: ergo differentię constituentes has species non addantur immediate actui libero contrahendo aut determinando ipsum ad constitutionem prædictarum specierum; & ex consequenti non consistit in libertate actus formaliter esse morale sumptum in communi, quod per has differentias diuiditur in has species; *antecedens* nunc supponatur ut certum, quia postea sumus acturi de eo; & quamvis admittamus sententiam eorum, qui dicunt, solum esse verum de speciebus malitiæ, & non de speciebus bonitatis (quæ ibidem probabimus esse falsam) adhuc argumentum retinebit suam vim: quia si actus ut liber non est id, quod immediate diuiditur in differentias malitiæ; neque etiã erit, quod per se diuiditur per differentias bonitatis: cum, quantum ad hoc, eadem sit ratio de omnibus; & *consequentia* probatur, quia impossibile est, eundem gradum contrahi aut determinari simul per duas differentias totales in suo genere, hoc est non componētes unam totalem; & *aque ultimas*, hoc est non subordinatas inter se in ratione superioris & inferioris; quia in hoc casu quælibet ex eis differentijs actuabit potentialitatem gradus contrahibilis totaliter, hoc est independentem ab altera; & *ultimo*, hoc est non relinquendo potentialitatem ad hoc, ut actuetur per alteram, quia neutra est potentialis respectu alterius; & ita mutuo se impediunt ab actuatiōe talis gradus, cum quælibet earum repleat & satiet adæquate eius capacitatem.

Dices iuxta hanc sententiam, has differentias non determinare actum humanum tanquàm genus, vel tanquàm aliquo modo superius: sed tanquàm subiectum; & ideo quamvis genus non posset simul contrahi per duas differentias totales & æque ultimas, non sequi esse idem dicendum de actu humano respectu differentiarum. Cuius ratio videtur esse, quia gradus genericus importat unam tantum potentialitatem respectu differentiarum, per quas immediate diuiduntur; at vero subiectum habet plures potentialitates respectu formarum distinctarum secundum speciem, sicut patet in quacumque substantia prout est in potentia ad recipiendum plura accidentia specie distincta.

Sed hæc solutio falsum supponit fundamentum, & etiam est falsum id, quod ex eo deducitur: nam imprimis falsum est, differentias constitutivas specierum addi alicui præcise ut subiecto, & non ut generi, aut superiori potenti: quia differentia, si sit proprie differentia, semper additur generi cum quo componit & constituit speciem; si vero non sit proprie differentia, sed modus differentialis, additur suo modo alicui

superiori

superiori potentiâ & confuso, ut patet in modis determinatibus eius; ergo non potest addi alicui præcise ut subiecto. Item quia differentia secundum se præcise sumpta non potest habere aliquem modum essendi à parte rei, sed solum ut coniuncta cum eo, quod habet rationem generis, ad constitutionem speciei: ergo neque potest habere hunc modum essendi, qui est esse in aliquo ut in subiecto. Et tandem, quia ex unione formæ accidentalis siue naturalis siue artificialis, cum suo subiecto, non resultat una natura specifica accidentalis, sed unum concretum accidentale: ergo similiter ex unione formæ moralis particularis v. g. bonitatis aut malitiæ cum suo subiecto, scilicet cum actu humano, non resultat una natura specifica moralis, sed unum concretum morale; atque adeo rationes particulares moralitatis non uniuntur immediate actui libero ad constituendum cum eo species morales; & deinde etiam falsum est, plures differentias moralitatis posse uniri simul eidem actui libero, quia uniuntur ei tanquam subiecto; quia duobus modis potest uniri aliqua forma subiecto, primo substantialiter aut essentialiter, ut cum unitur tanquam pars cum altera parte essentiali ad constituendum aliquam naturam integram, sicut unitur forma substantialis cum materia prima; & secundo accidentaliter ut cum unitur tanquam natura totalis accidentalis cum subiecto ad constituendum unum concretum accidentale, sicut unitur quodcumque accidens cum suo subiecto; & quando unio fit priori modo, impossibile est, saltem naturaliter, plures formas uniri eidem materiæ: cum ergo in casu, de quo loquimur, iuxta sententiâ quam impugnamus, differentia specifica moralitatis uniantur actui libero substantialiter aut essentialiter, scilicet tanquam partes cum altera parte ad componendum intrinsece & essentialiter unam speciem; quamvis uniantur ei tanquam subiecto, non poterunt plures simul uniri.

SECUNDVM ARGUMENTVM est, quia eadē actio voluntatis manens omnino eadē quoad substantiâ, potest mutari quoad differentias moralitatis: ergo ratio communis, quæ cum his differentiis componit particulares species moralitatis, non est actio voluntatis ut libera. Consequentia videtur nota, quia impossibile est, differentiam componentem aliquam speciem definire esse, & alterâ partē, quæ cum ea per modum generis componit eandē speciem, non definire esse: quia definente esse differentia essentiali alicuius rei, necesse est totam ipsam rem definire esse. Et antecedens solet probari in tribus casibus primus est, cum quis voluntarie incipit exercere aliquod opus, quando non est malum, sed bonum, & continuat ipsum accedente prohibitionē præcepti positivi, & nullâ habet ignorantiam huius prohibitionis redditur malum: ut cum quis feria quinta comedit carnes & continuat idem opus feria sexta, in qua scit esse prohibitum; aut cum accedit ad celebrandum missam quando nullo modo est prohibitum, & ulterius progreditur in eo opere facta prohibitionē sibi nota per interdictum; quia tunc volitio faciendi hoc opus potest esse eadē secundum substantiâ in principio, & in continuatione, cum propter prohibitionē & eius noticiam non sit necesse mutari motuum formale, & expressum volitionis, sicut requiritur ad mutationem ipsius volitionis, secundum suam substantiam; & tamen in principio est bona, & in continuatione redditur mala: secundus casus est, cum in eis-

de exemplis interuenit ignorantia culpabilis prohibitionis; & distinguitur hic casus à præcedenti, qui in eo propter ignorantiam facilius explicatur, quæ modo non variatur motuum expressum voluntatis Tertius casus est, cum quis libere incipit exercere aliquod opus bonum, & continuat ipsum sine libertate propter defectum aduertentiæ ad eam requisitæ; aut è conuerso incipit sine libertate (ad eum modum quo dantur motus primo prius in voluntate non solum respectu mali, sed etiam respectu boni) & continuat cum libertate & aduertentiâ sufficienti: quia etiam in hoc casu actus voluntatis est idē secundum substantiam, cum nullum proponatur nouum motuum propter quod sit necessarium mutari; & omnes faciantur posse eundem actum charitatis, qui in via est liber, continuari in patria sine ulla libertate; & tamen de bono fit non quidem malus, sed non bonus negatiue, quia propter defectum libertatis non est capax bonitatis moralis, neque vllius moralitatis; aut è conuerso de non bono in eodem sensu fit bonus moraliter. Et hoc ad vim argumenti propositi videtur aliquibus esse satis, quia manente actu immoto quoad substantiâ, deperditur in eo, vel acquiritur differentia moralitatis, scilicet bonitas moralis: quod in argumento contendimus non posse contingere, sine deperditione aut acquisitione gradus generici, qui per talem differentiam contrahitur.

Sed mihi ex hoc casu videtur nihil posse probari contra primam sententiâ, quia iuxta eam non dicitur, actum humanum quomodocumque consideratum secundum suam substantiâ, diuidi per se & immediate per differentias boni & mali moralis: sed consideratum ut liber est, & in hoc casu libertas neque conuenit actui ante bonitatem neque permanet in eo post eam amissam, sed simul cum ipsa bonitate incipit & desinit esse.

Ad hoc argumentum duobus modis potest responderi, pro prima sententiâ: primo solum convincere, actum humanum non contrahi per has differentias moralitatis tanquam genus, quia de genere proprie sumpto verum est, non posse existere ante differentiam, per quam contrahatur; neque permanere deperdita tali differentia: non tamen non contrahi aut determinari tanquam subiectum, sicut ens naturale determinatur per figuram artificialem ad constituendum unam speciem in genere entis artificialis, & compositum resultans ex unione materiæ & formæ alicuius sacramenti, determinatur per propriam rationem eiusdem sacramenti in genere sacramenti, siue signi ad constituendum unam speciem in eodem genere.

Sed hac solutio impugnata manet ex ijs, quæ diximus in præcedenti argumento, quia probauimus non posse differentiam essentialē, ut distinguitur à natura specifica integra, determinare immediate ad constituendum aliquam speciem, id quod tantum se habet ut subiectum, & non ut genus, vel superius potentiale confusum.

Et potest idem amplius conformari ex impugnatione horum exemplorum, quia in neutro additur subiecto aut materiæ differentia proprie sumpta, ut distinguitur à natura integra in suo genere; sed potius natura integra: in priori quidem talis figura, quæ est species constituta ex genere & differentia, atque adeo completa in genere entis artificialis; & in posteriori talis ratio sacramenti, quæ in genere sacramenti est composita ex genere & differentia, atque adeo natura specifica completa & integra.

Secundo respondet alij, non se qui, esse inconueniens, id, quod se habet ut genus in aliqua specie, manere idem destructa differentia essentiali, quod duobus modis dicunt posse accidere: *primo* si differentia essentialis non desinat esse secundum rem, sed secundum rationem differentie ultimæ: quæ est, esse ultimam actualitatem formalem intra terminos essentialis: ita ut differentia maneat quidem secundum rem, non tamen in ratione ultimæ actualitatis formalis: quia tam ipsa, quam species, quam constituit, est potentialis ad illam actualitatem formalem; per quam constituitur alia species: sicut contingit quodviscunque integra aliqua species ingreditur materialiter compositionem essentialem alterius speciei, ut iuxta opinionem Aristotelis, qui dicit locum esse superficiem, concedendum est integram speciem superficiem esse potentialem ad suscipiendum propriam differentiam loci, & ad componendum intrinsicè speciem loci; & in numeris integra species prioris numeri est potentialis ad suscipiendum propriam differentiam posterioris numeri, & ad constituendum eius speciem, ut ternarius manens integer quoad omnes suas unitates, æque adeo quoad propriam speciem, est in potentia ad hoc ut uniatut quaternitati, & ut cum ea constituat speciem quaternarii; in quibus exemplis constat differentiam essentialem desinare esse quoad rationem ultimæ actualitatis, & gradum genericum manere omnino immutatum: & nihilominus mediante specie, quam constituit, suscipere nouam differentiam essentialem & constituere cum ea aliam speciem.

Secundo dicunt, posse id accidere si differentia desinat esse secundum rem, & succedat loco eius alia, quæ actuet genus, manens omnino immutatum secundum se: sicut contingit, cum differentia essentialis intrinsicè importat habitudinem ad aliquid extrinsecum, & genus non importat eam: quia tunc, ablato illo extrinseco, necesse est auferre, differentiam, & nulla est ratio propter quam genus sit auferendum; hoc modo dicunt aliqui virtutes morales acquisitas, quia habent inter se, & cum prudentia, quæ est una respectu omnium, & cum charitate intrinsicè connexionem, posse singulas acquiri per se quoad rationem genericam habitus, & non quoad propriam rationem virtutis, quæ in singulis postea producit, cum omnes sunt simul; & similiter, postquam habent esse virtutis, posse illud amittere, manente ratione habitus; vel quia una earum amittitur, vel quia charitas expellatur per aliquod peccatum mortale; & habent fundamentum in doctrina Divi Thomæ inf. quæst. 65. art. 1. ad 1. & art. 2. in corp. & art. 4. ad 1. & quæst. 71. art. 4. in corp. & ad primum; & alij dicunt, posse per potentiam Dei absolutam, intellectionem productam ab aliquo intellectu constitui in lapide, non secundum propriam rationem intellectionis, sed secundum communem rationem qualitatis, aut accidentis, in quibus exemplis etiam constat, manere rationes genericas non sine ullis differentiis quibus contrahantur, nec cum propriis; sed cum alijs succedentibus loco earum; & utroque modo dicunt hi authores, posse in nostro casu manere genus idem, ablata ab eo differentia essentiali, quæ contrahabatur. Quia imprimis potest, integra species verbi gratia boni moralis, desinare esse quoad rationem ultimæ differentie, & fieri potentialis ad suscipiendum aliam actualitatem formalem, scilicet

A cet differentiam mali moralis, & ad componendum materialiter cum ea aliam speciem, quæ non sit boni, sed mali moralis: in quo casu actus non constituetur aliquo modo in specie boni moralis, sed simpliciter & omnino in specie mali, quia differentia boni non habeat rationem differentie sed materialiter ibi manet, & unaquæque res constituitur in specie per suam differentiam ultimam; & deinde etiam potest illa differentia verbi gratia boni moralis, quæ conuenit actui, auferri ab eo propter aliquam mutationem factam in obiecto extrinseco, quod respicit, quamvis non auferatur gradus genericus, qui, iuxta illam primam sententiam, non respicit idem obiectum.

Sed neque hac solutio est sufficiens, quia neutro ex illis duobus modis potest differentia desinare esse manente gradu generico, quem contrahit: quod de *primo modo* probatur, quia in differentia ultimæ, esse ultimam actualitatem, est aliquid intrinsicè suæ entitati; sicut in differentia intermedia, esse actualitatem non ultimam, sed potentialem ad suscipiendum aliam actualitatem; & vniuersaliter in quacunque, esse in actu aut in potentia: ergo impossibile est differentiam ultimam desinare esse in ratione ultimæ actualitatis & non secundum suam entitatem, & simpliciter. Neque exemplum pro illo modo adductum ei fauent, quia quando ternario additur quarta unitas dissoluitur omnino ternarius propter ablationem terminationis, quæ fiebat per tertiam unitatem; & ita non manet in quaternario, sed manent in eo tres unitates: & superficies non suscipit differentiam loci, sed integram speciem compositam ex genere & differentia, & sibi identificatam realiter, & distinctam formaliter: quod in multis alijs speciebus, quæ etiam materialiter vniuntur, contingit. Et de *secundo modo*, probatur, quia ablata differentia specifica destruitur individuum, in quo est de facto: ergo etiam destruitur gradus genericus, quem de facto contrahit in eodem individuo: quia destructis nobis, destruuntur omnia quæ sunt in nobis. Quare etiam propter hoc existimo, esse falsa omnia illa, quæ in exemplis pro illo secundo modo adductis dicuntur, de destructione differentie manente gradu generico in virtutibus, & in actibus nostris vitalibus, neque habent fundamentum in D. Tho. ut suis locis est explicandum.

Tertio potest hæc pars probari, quia esse morale non posset conuenire actibus nostris, si per impossibile nulla esset lex: & tamen esse liberum posset eis conuenire; ergo esse morale sumptum in communi, quod conuenit nostris actibus, non consistit formaliter in eorum libertate. *Minor* patet, quia indifferentia voluntatis creatæ, in qua consistit eius libertas, quævis postulet legem, qua sui actus liberi reguleantur, non habet dependentiam necessariam & intrinsicè a lege, quantum ad exercitium, & causalitatem eorundem actuum: ergo etiam si omnis lex auferatur, poterit voluntas ex vi suæ libertatis exercere actus liberos; & *maior* probatur, *in* quia artificiale etiam sumptum in genere, non potest conuenire alicui rei seculis regulis actus, ergo neque esse morale potest conuenire nostris actibus seclusa lege: quæ est regula morum; *in* quia dato illo casu non possent conuenire nostris actibus species illius generis, scil. bonitas, & malitia moralis, cum ea-

cum rationes consistant in conformitate & difformitate respectu legis; ergo neque ipsum genus posset convenire, patet consequentia, quia impossibile est subsistere aliquod genus à parte rei separatum à suis speciebus.

ULTIMO, operari libere, est bonum naturæ rationalis, intra genus naturæ: ergo non consistit in libertate operationum *esse morale*, quod est aliud genus rerum distinctum à genere naturæ; probatur *antecedens*, quia sicut quæcunque natura creata habet proprium modum operandi, quo perficitur in ordine ad proprium finem intra genus naturæ: ita etiam natura rationalis, quia nulla est ratio propter quam conveniat cum reliquis naturis creatis in hoc, quod est pertinere ad genus naturæ: & non conveniat cum eis in hoc, quod est habere proprium modum operandi, quo intra idem genus possit perfici in ordine ad suum finem; sed nullus modus operandi est magis proprius naturæ rationali quatenus rationalis est, quam is qui est cum libertate; ergo libere operari est bonum perficiens naturam rationalem intra genus naturæ.

Confirmatur, quia libertas requiritur ad multa opera artis etiam præciso genere moris, quod eis superadditur: qualia sunt illa, quæ non possunt perfecte fieri intra limites artis sine pleno iudicio rationis: ergo *esse morale* sumptum in communi, non consistit formaliter in libertate nostrorum actuum.

§. 9. *Illud superadditum, est habiundo actuum ad obiectum, quatenus subiectum regula morum ut fugiatur, aut procuretur.*

SECUNDA CONCLUSIO illud superadditum libertati actuum, in quo formaliter consistit *esse morale* sumptum in communi, est habiundo ad obiectum sumptum secundum eam rationem communem, qua obiectivè pertinet ad genus moris; & hac ratio in obiecto non est aliud, quam *esse subiectum regula morum*, ut obiectum prosequendum, aut fugiendum nostris actibus liberis. Ad huius conclusionis explicationem & probationem SUPPONENDUM est id, quod in principio huius dubij diximus, scilicet, *esse morale* convenire non solum actibus nostris, sed etiam eorum obiectis, non tamen eodem modo: quia actibus, convenit formaliter; & obiectis terminativè, aut motivè, vel causaliter: sicut sanum dicitur de animali formaliter, & de medicina causaliter; quare sicut in actu distinguimus naturam, aut substantiam actus, ab *esse morale*: ita etiam in obiecto est distinguenda eius natura, aut entitas, secundum quam pertinet ad genus naturæ, ab *esse morale* ratione cuius pertinet ut obiectum ad genus moris, ut verbi gratia in homicidio sumpto obiectivè, debet distinguere entitas naturalis ab *esse formali*. Et rursum sicut ibidem diximus de *esse morale* ut convenit actibus, posse considerari duobus modis, scilicet, aut secundum rationes particulares, aut secundum rationem communem & genericam: ita etiam nunc de *esse morale* ut convenit obiectis dicendum est, posse eisdem duobus modis considerari, scilicet, aut secundum rationes particulares, quæ sunt *esse obiectum bonum* tali bonitate vel malum tali malitia, aut secundum rationem genericam & communem his rationibus particularibus: & de utroque agitur in hac conclusione secundum posteriorem rationem, scilicet, ut sumitur in communi; & explicatur in quo secundum talem rationem consistat

formaliter. Et hoc supposito constat duas contineri partes in hac conclusione & quis sit earum sensus. PRIMA est, *esse morale* sumptum in communi, quod est in actibus nostris, consistere formaliter in habitudine ad obiectum, non præcisè secundum suam entitatem naturalem, sed quatenus subest *esse morale* sumptum in communi; SECUNDA est *esse morale* sumptum in communi, quod convenit obiecto, consistere formaliter in subiectione ipsius obiecti ad regulam morum dictantem an sit prosequendum vel fugiendum nostris actibus.

ET PRIMA PARS probatur primo, quia *esse morale* in actibus nostris, etià secundum illum gradum communem, importat modum quandam ipsorum actuum, quatenus sunt actus, vel actiones tendentes ad obiecta: ergo consistit in habitudine ad obiectum sibi proportionatum; & ex consequenti ad obiectum, quatenus in eo est *esse morale* obiectivè. Hæc *secunda consequentia* colligitur aperte ex prima, quia respectu actus moralis ut formaliter est moralis, non potest obiectum esse proportionatum secundum suam entitatem naturalem nisi obiectivè habeat *esse morale*: alias non magis erit obiectum actuum ut morales sunt, quam ut pertinent ad genus naturæ; Et prima consequentia probatur ex doctrina ARISTOTELIS libro primo de anima capite quarto, recepta ab omnibus: actus specificantur per obiecta; quæ non solum est intelligenda de ultima specificatione ipsorum actuum, sed etiam de omnibus gradibus superioribus, & de modis superadditis, qui continentur sub communi ratione actionis, aut actus tendentis in obiectum; cum de his omnibus, quantum ad hoc, sit eadem ratio, scilicet consistere in tendentia, aut in modo tendentis ad obiectum. Et antecedens probatur, quia actus nostri primo recipiunt *esse morale*, quatenus sunt liberi, & ex consequenti quatenus ex propria directione operantis tendunt in obiectum aut finem.

Secundo probatur autoritate DIVI THOMÆ, nam articulo sequenti probat, actionem nostram habere bonitatem ex obiecto convenienti in ordine ad rectam rationem, hoc est bono moraliter, quia quæcumque actio sumit speciem ab obiecto propriè sibi proportionato: ergo consequenter ad hanc doctrinam dicendum est, actionem nostram habere *esse morale* secundum rationem communem, ex obiecto, quatenus obiectivè habet *esse morale* in communi, patet consequentia ex paritate rationis, quia sicut bonitas moralis fundatur in actione nostra, ut est talis actio libera: ita etiam *esse morale* sumptum in communi fundatur in ea, ut absolute in communi est, actio libera.

Confirmatur, quia si tota essentia bonitatis moralis consistit in habitudine actus ad obiectum conformè rectæ rationi, ut DIVVS THOMAS docet loco citato, & nos ostendemus dubio sequenti: ergo ab habitudine ista debet sumi non solum differentia propria bonitatis; sed etià gradus genericus, qui est *esse morale* sumptum in communi, patet consequentia, quia in rebus non compositis ex materia & forma ab eadem entitate sumitur genus & differentia.

Ultimo probatur ex impugnatione trium modorum, quibus diximus, explicari secundum sententiam quæ constituit *esse morale* in aliquo superaddito libertati actuum: quia si nullus eorum sit verus, sequitur quasi à sufficienti partium enumeratione, admittendum esse eum, qui à nobis in hac

conclu-

conclusionem proponitur, & imprimis *contra primum* qui est, consistere *esse morale* in habitudine actionis ad principium morale, potest obijci, actionem vi actio est, & tendentia, non respicere ut terminum siue formam extrinsecam suum principium effectuum, sed obiectum; & ideo nullum gradum aut modum convenientem actioni intra genus actuum, sed consistere formaliter in ordine ad principium efficiens, sed in ordine ad obiectum, quamvis quaecunque actio, sicut & quaecunque alia res, habens causam efficientem, accipiat ab ipsa causa in genere causæ efficientis propriam entitatem & essentiam siue formalitatem, & deinde *contra secundum* modum, qui est, consistere *esse morale* in aliquo absoluto, potest obijci, quia, ut nunc dicebam, est modus convenientis actui, quatenus importat tendentiam in obiectum: ergo non potest consistere in aliquo absoluto, & *præterea*, quia, si *esse morale* sit aliquid reale existens in ipso actu, ut etiam iuxta illam sententiam supponitur, necesse est assignare aliquam causam effectivam ipsius, & de nullo alio poterit dici, quæ talem causam, quam de voluntate, ut est causa sui actus liberi: quare cum voluntas, hoc modo non operetur, nisi ut mota ab obiecto, & in ordine ad ipsum, sequitur etiam ipsum *esse morale*, quod est eius effectus, importare ordinem ad obiectum, & tandem *contra tertium modum*, qui est consistere esse morale in regulabilitate per rationem, potest obijci: hæc regulabilitas vel non distinguitur à libertate actus, cum actus per suam libertatem immediate, & secluso omni alio superaddito, habeat potentiam ut reguletur per rationem sicut & debet; vel si distinguatur, ad eum modum quo iuxta aliquos distinguitur in quantitate mensurabilitas ab eius essentia, solum distinguitur ut quidam modus proprietatis pertinentis ad genus naturæ, & non ad genus moris; quia essentia, quæ non pertinet ad genus moris, non potest esse radix proprietatis pertinentis ad ipsum: sicut essentia, quæ non est artificialis, non potest esse radix proprietatis, quæ pertineat ad genus entis artificialis quod probatur, quia essentia solum dicitur radix proprietatum, quæ in ipsa continentur virtualiter, & quasi eminenter, & ordinantur ad eius perfectionem & complementum intra proprium genus, & consequantur ad eam naturali sequela aut substantia: sed proprietati pertinenti ad genus moris nihil horum potest conveniri respectu essentiae, quæ præcise pertinet ad genus naturæ; ergo si illa regulabilitas pertineat ad genus moris (ut iuxta hanc sententiam supponitur non potest esse proprietas actus liberi, qui, ut sic pertinet præcise ad genus naturæ. *Major* admittitur ab omnibus, cum loquuntur de condicionibus proprietatum. & *minor* probatur, quia imprimis natura non est sufficiens principium *esse morale*: ergo neque continet ipsum virtualiter & eminenter, & deinde *esse morale* non perficit entitatem naturalem intra proprium genus naturæ, sed eleuat & extrahit ipsum ad aliud genus rerum: ergo non ordinatur ad perfectionem & complementum eius intra genus naturæ. & tandem *esse morale* non consequitur ad actum liberum, quatenus procedit a principio sue libertatis, quod est voluntas, ut præcise est indifferens ad utramque partem; sed quatenus procedit à principio morali, quod est eadem voluntas, ut, præter indifferentiam, importat subiectionem ad regulas mo-

rum: ergo non consequitur naturali sequela ad actum liberum, ut liber est, vel ut pertinet ad genus naturæ. Et explicatur tota hæc probatio quia licet *esse gratiæ* & *esse artificiale* recipiatur in entitate naturali, ut in subiecto & perficiant naturam, tamen quia neque procedunt ab ea ut à principio, neque perficiunt eam intra genus naturæ; sed eleuant eam ad aliud genus rerum; neque consequuntur ad actionem, qua procedit à sua causa: ideo non habent rationem proprietatum respectu eius.

Confirmatur primo, quia in actu libero potentia ut reguletur per rationem, est obedientialis, & ex consequenti non est moralis per se & directe, cum conveniat ipsi actui ex vi sue naturæ: sicut propter hanc rationem potentia, quæ est in ente naturali ad suscipiendum formam artificialem non est artificialis, sed obedientialis: ergo non potest constituere genus moris.

Confirmatur secundo, quia potentia ut actus reguletur, vel respicit, tanquam terminum specificationis, regulationem, ut est quid commune ad conformitatem vel difformitatem, vel sumptam in particulari pro conformitate & difformitate; si dicatur *primum*, sequitur potius ipsam regulationem sumptam in communi constituere genus moris; si vero dicatur *secundum*, sequitur potentiam illam nullo modo habere rationem generis, quod per conformitatem & difformitatem contrahatur ad constitutionem particularium specierum, quia potentia receptiva alicuius forme nunquam habet rationem generis contrahibilis per ipsam formam, tanquam per differentiam; & *denique* contra hunc modum dicendi possunt obijci omnia, quibus contra reliquos probauimus *esse morale* importare habitudinem ad obiectum.

SECUNDA etiam pars huius conclusionis probatur, quia certum est, non convenire *esse morale* obiecto secundum suam entitatem naturalem præcise sumptam ut pertinet ad genus naturæ. ergo convenit secundum aliquem superadditum, quia non potest esse aliud, quam aliquis ordo ad regulam morum, & hic ordo non potest melius explicari, quam per subiectionem illam.

Confirmatur, quia in obiecto reperiuntur duo, scilicet, sua *entitas naturalis*, & *subiectio illa*: & ratione *primæ* est indifferens ad terminandum quaecunque actiones etiam non morales neque liberas sed purè naturales, & ratione *secundæ* habet determinate posse terminare actiones morales: ergo per secundum constituitur obiectum in ratione obiecti morali, patet consequentia, quia in quocunque obiecto alicuius actus aut habitus, ratio formalis in genere obiecti, est illa secundum quam terminat ipsum.

§ 10. *Hæc habitudo respectu actuum elicitorum à voluntate, non est relatio rationis, nec denominatio extrinseca: sed aliquid reale existens in ipsis.*

ULTIMA CONCLUSIO, hæc habitudo ad obiectum, in qua diximus consistere *esse morale*, quod est in actibus nostris, non est relatio rationis, si comparatur ad elictos à voluntate, neque denominatio extrinseca: sed aliquid reale existens in ipsis. Hanc statuo contra *tertium modum* explicandi secundam sententiam: quia iuxta eum regulabilitas, in qua consistit *esse morale*, est denominatio extrinseca, & relatio ra-

tionis. Et addidi in ea limitationem illam, *si comparatur ad actus elictos à voluntate*, quoniam de imperarij ut imperati sunt, quia solum sunt voluntarij quatenus subordinatur elictis, est peculiaris difficultas, de qua agendum est postea. Et de his actibus probatur hæc conclusio, & imprimis quantum ad id, quod dicitur, *habitudinem illam non esse relationem rationis, sed aliquid reale*: quia conuenit actu & formaliter, & non solum fundamentaliter nostris actibus ante omnem operationem intellectus.

Confirmatur, quia rationes specifice & particulares contentæ sub hoc genere, scilicet bonitas, & malitia moralis, prout sunt in actibus nostris, non magis pendent ab intellectu, quantum ad suum esse actuale, & quantum ad distinctionem & oppositionem inter se, quam bonitas & malitia moralis, prout sunt in habitibus virtutis & vitij: imò & quam essentia reales quarumcunque rerum, verbi gratia, hominis & leonis; ergo idem dicendum est de genere, quod per se diuiditur per has rationes particulares: patet consequentia, quia impossibile est, relationem rationis diuidi per se per differentias reales.

Et deinde, quantum ad id, quod postea dicitur, *non esse denominationem extrinsecam, sed aliquid reale existens in ipsis actibus* videtur sequi ex eo, quod nunc probauimus, scilicet, non esse relationem rationis, quia omnis denominatio extrinseca quantum ad suam formalitatem & actualitatem est ens rationis, quamuis forma, à qua sumatur, sit actu à parte rei: non enim habet rationem forme respectu rei denominatæ, nisi per operationem intellectus considerantis eam, ut dantiem esse proportionatum ipsi denominationi; quare cum hæc denominatio habeat modum habitudinis, erit relatio rationis.

Verum quia aliqui contendunt, has denominationes extrinsecas, quando sumuntur à forma reali, quauis extrinseca, esse reales: ideo oportet in particulari probare, hæc habitudinem, de qua loquimur, non solum esse aliquid reale, sed etiam non esse denominationem extrinsecam: & hoc probatur primo, quia hæc habitudo est ratio actioni liberæ, ut sit in actu talis tendentia, & mutatio voluntatis in obiectum morale: ergo est intrinseca ipsi actioni liberæ; *anteceðens* patet, quia voluntas per suam actionem actualiter tendit & mouetur in obiectum morale, & non tendit per eam sumptam præcisè quoad suam entitatem naturalem, & libertatem: ergo prout includit prædictam habitudinem, & consequentia probatur, quia ratio mutationis & tendentiæ actualis in obiectum est extrinseca entitati actionis: ergo non potest conuenire ei per solam denominationem extrinsecam.

Ad hoc aliqui assignant instantiam in libertate, quæ conuenit actioni; quia etiam ipsi est ratio ut sit actualis tendentia, & mutatio libera voluntatis in obiectum suum, & tamen solum importat in ea quædam extrinsecam denominationem.

Sed hæc instantia est omnino extra rem, quia admissa sententia, quæ asserit libertatem in actione esse solum extrinsecam denominationem, dicendum est consequenter, non esse modum ipsius actionis, sed agentis, quatenus elicit eam, atque adeo actionem non dici mutationem liberam formaliter, & secundum se, sed solum concomitanter, propter conditionem & quæ est in agente: quod tamen non potest dici de tendentia in obiectum morale; & ratio discriminationis est, quia libertas, etiam ut tribuitur actioni, non postulat specialem aliquam rationem in ob-

iecto, sed solum specialem modum agendi, in suo principio, scilicet, cum indifferentia ad utramque partem: at vero tendentia in obiectum morale postulat in ipso obiecto specialem quandam rationem, scilicet, *esse morale*.

§. 11. Soluuntur fundamenta prima sententia.

AD PRIMVM prima sententia, respondetur negando antecedens quoad priorē partē, & ad PRIMVM MEDIVM quo probatur, respondetur primo, ut plurimum probare, requiri in actu libertatem, ut conditionem necessariam ad hoc, ut sit moralis: quod nos asseruimus in 1. parte primæ conclusionis; & ab hac conditione sumptæ esse denominationem moralem; non tamen sufficere libertatem, ut actus sit moralis. Quare ad formam argumenti, distinguenda est maior, si enim sit eius sensus, actum dici moralem à more tantumquam à ratione formali moralitatis, falsa est: si tamen sensus sit, dici, tanquam à conditione requisita, vera est; & concedenda est minor absolute, & neganda est consequentia, quia ut valeret, oporteret maiorem esse veram in priori sensu.

Secundo respondetur iuxta regulam dialecticorum, non semper esse idem id à quo nomen imponitur, & id, ad quod significandum imponitur: ut lapis dicitur à lædendo pedem, & tamen non significat id, quod lædit pedem, alias etiam lignum, & ferum posset dici lapis; & ita quamuis hoc nomen morale originem habeat à nomine Mor, ut sumitur pro consuetudine & assuefactione: non significat actum, quatenus præcisè habet, ut possumus ei assuefieri, sed quatenus, præter hoc, importat ordinem ad obiectum morale.

AD SECUNDVM MEDIVM respondetur, negando antecedens, & ad probationem respondetur primo, negando maiorem, scilicet, duas illas imputabiles, sumptas in communi esse proprietates esse morales sumptas in communi; quia solum sunt rationes communes ad imputabiles particulares quæ sunt proprietates actuum humanorum, ut sunt boni & mali moraliter, & non est necesse rationem communem ad proprietates specierum, quæ continentur sub eodem genere; esse proprietates ipsius generis aut dimanare ab eo secundum se sumpto, tanquam à radice: quia in suis inferioribus, scilicet, in ipsis proprietatibus particularibus, emanant hoc modo à speciebus eiusdem generis. Sicut ratio communis ad proprietates hominis & equi v.g. naturalis potentia, non est proprietas animalis neque emanat ab ipso secundum se sumpto, sed in ipsis proprietatibus particularibus emanat quasi secundario ex speciebus, quibus ipsæ proprietates conueniunt: ad eum modum, quo dicimus, gradus communes non fieri aut corrumpi per se primo, sed consequenter ad productionem, vel corruptionem inferiorum. Et ad primam probationem illius maioris, negandum est antecedens, quia duæ illæ imputabiles sumptæ in communi non emanant ex esse morali sumpto in communi, sed simul cum suis inferioribus emanant ex speciebus entis morales scilicet ex bonitate & malitia; & ad secundam probationem respondetur, duas illas imputabiles sumptas in communi ita conuenire omnibus actionibus moralibus, ut non conueniant ambæ omnibus indifferentes, vā bonis, quā malis; sed vna eorum, scilicet illa, quæ est ad præmium & laudem, conueniat omnibus bonis; & altera, scilicet illa, quæ est ad pœnam & vituperationem conueniat omnibus malis; & ideo non esse necessarium, dari vnā rationem moralem communem omnibus

actionibus,

actionibus, tam bonis, quā malis, secundū quā ambē
imputabilitates eis cōueniāt: sed satis esse, dari vnā
rationē cōmunē omnibus bonis, sc. bonitatē, secun-
dū quā eis conueniat prior imputabilitas, & alteram
cōmunē omnibus malis, secundū quā eis conueniat
posterior. *Secundo* respondetur ad probationē illius
primi antecedētis huius argumētī negando minorē,
& ad primam probationē, quæ est *Scoti* responde-
tur, ad imputabilitatē actus, de quo hic loquimur,
quoniā est moralis, non satis esse, attribui actū alicui
vt domino quocunq; genere dominij: sed necessariū
esse, attribui ei vt dño *dominio morale*, q. nō solū po-
stulat in principio act⁹ libertatē, sed etiā subiectionē
ad regulas morū, quā posita, actus procedit non solū
cum entitate & libertate naturali, sed etiam cū ha-
bitudine ad obiectū morale, in qua diximus con-
sistere *esse morale* sumptū in cōmuni. Et quāuis apud
homines omne dominij rerum, quæ sūt extra ipsos,
dicatur morale: tamen respectu rerum, quæ sūt in
ipsis, potest explicari hæc distinctio dominij *natura-
lis & moralis*; quia homo habet quodā modo *dominiū
naturale* potentiariū, quæ sub sunt suæ libertati quia
ratione cōiunctionis naturalis potest pro suo bene-
placito vti eis: & idem genus dominij habet suorū
actū quatenus procedūt ab eo, vt præcisē est agens
liberum; & simul habet aliud *dominiū*, sc. *morale*.
eorundē actū & non potentiariū, quatenus est eorū
causa cum subordinatione ad regulas morum: & ita
ratione huius duplicis dominij, percipit distinctos
fructus; nā ratione *dominiij naturalis* percipit tam ex
potentijs, quam ex actibus, fructum, qui est esse per-
fectum in genere naturæ: & ratione dominij moralis
percipit ex actibus fructum, qui est vtilitas aliqua in
genere morū, sc. præmiū & laus, aut dānum in eodē
genere, quod est pœna & vituperatio. Et eodē modo
respondetur ad *secundam probationem*, quæ sumitur
ex verbis *Drvi Thomæ*, quia intelligūt de *do-
minio morali*; & non oportuit *Drvm Thomam* id
explicare, quia voluntas creata ex propria ratione
habet operari cum subiectione ad regulas morum.

AD TERTIUM MEDIUM respondetur, negando
antecedens, quia (vt iam cōpi dicere) voluntas non
constituitur cōmpletē in ratione agentis moralis per
solā libertatē, sed vt simul includit subiectionem ad
regulas morū quasi in actu primo, & vt præsupponi-
tur per modū principij, ad actualem operationē; Et
ad probationem dicendū est, supponi in ea falsum, sc.
in voluntate, vt est principium morale suorū actū,
distingui duas rationes morales, alteram cōmunem,
quā constituit in ratione principij operatiui mo-
raliter in cōmuni; & alteram specificam, quā consti-
tuatur determinatē in ratione principij operatiui
bene moraliter, aut male moraliter in particulari.
Dico autē, hoc esse falsum; quia voluntati nō potest
conuenire hæc, posteriori ratio, cum secundū se sit
indifferens ad vtrumque modū operandi moraliter,
& in hoc differat ad habitibus virtutis & vitij, quia
prior ratione suæ differentię essentialis est determi-
natus ad operandum bene moraliter, & posterior
ad operandum male. Et non propter hoc concedi-
mus, *esse morale*, quod conuenit voluntati tanquam
principio, esse cōmune, & non determinatum ad a-
liquam speciē intra propriā latitudinē, quia solum
dicimus, non determinari per differentias operandi
bene aut male, cum quo stat determinari per aliam
differentiam, quæ desumatur ex modo operandi mo-
raliter, qui sit proprius voluntatis & distinguatur à

A modo, qui conuenit habitibus moralibus, & etiam
intellectui tanquam dirigenti: & hac falsitate dete-
cta, patet, probationem illam antecedentis, nullam
habere vim, quia tota supponit, distingui in volūate
duas illas rationes, & quamuis distinguerētur, posset
negari, voluntatem, vt præcisē est principium liberū,
esse immediate determinabilem: quia prius intel-
ligitur, vt principij liberū, & subiectū regulę morū.

AD VLTIMUM MEDIUM respondetur, negando
antecedens, & ad probationē dicendū est, prædictā
habitudinem ad obiectū morale sumptū in cōmuni,
in qua nos constituimus esse morale, quod est in a-
ctibus nostris, esse mediū inter conformitatē & dif-
formitatem, abstrahens ab vtraq; Quod facilius in-
telligetur ex eo, quod dicemus dubijs sequentibus,
de cōformitate aut difformitate actū ad rationē,
sc. nō consistere in habituine immediata ad ipsam
rationē; sed ad obiectū ei conforme, aut difforme;
quia sicut in obiecto, inter conforme, aut difforme,
datur medium abstrahens ab vtroque, quod est esse
subiectū regulę in sensu superius explicato: ita etiam
ab habituine, quæ terminatur ad obiectū, poterit
dari medium, quod sit terminari ad ipsum secun-
dum illam rationem communem.

B Et si obiciat, manere eandem difficultatē in ipso
obiecto, quia non potest in eo considerari aliqua
subiectio aut habitudo ad rationē, vt ad regulā, quæ
non sit per modum conformitatis aut difformitatis:
respondetur, bene posse considerari per intellectum
in obiecto illū modū habitudinis ad rationē, quem
diximus cōsistere in subiectione ad ipsam rationē vt
ad regulā, quæ secundū se neque sit cōformitas, neq;
difformitas, sed ratio quædam cōmunis abstrahens
ab vtraque, quia potest cōsiderari obiectum vt sub-
iectum regulę quantum ad hoc, quod est præcipi
aut prohiberi per eam indifferētē, & in hoc impor-
tatur quædam ratio subiectionis actualis ad regu-
lam, quæ non conuenit obiectis, prout præcisē per-
tinet ad genus naturæ, sed vt ingrediuntur aliud
genus obiectorum, scilicet, moralium; & non est se-
cundum se actu conformitas aut difformitas, sed
communis & indifferens ad vtramque.

C Et si quæras, quid sit actū secundum se subiectio, si
nō est conformitas, neque difformitas: respondetur
difficile esse nobis id explicare in ipsa relatione se-
cundū se: posse tamē aliquo modo explicari per or-
dinē ad fundamētum cōformitatis aut difformitatis;
quia cum hæc duæ habitudines cōueniant in vna ra-
tione fundamēti, quæ est ipsis communis, nō secundū
suā essentiā, sed ex parte fundamēti, siue materialiter,
& nō est ita cōmunis alijs relationibus, à quibus di-
stinguuntur genere: poterimus dicere, illam subie-
ctionem fundamēti posse explicari per hoc disun-
ctum, cōformabile, vel difformabile in ordine ad
regulā: sicut relatio similitudinis & relatio dissimi-
litudinis conueniunt in vna ratione relatiua cōmuni
sibi genericē, & nō alijs rationibus, à quibus differūt
genere, & quia est difficile designare, in quo cōsistat
hæc ratio relatiua cōmuniter explicamus id, per
ordinem ad rationem fundādi sibi adæquatē respō-
dētē, & dicimus, esse rationē relatiuā talis naturæ, vt
postulet pro fundamēto adæquato aliquid cōmune
ad fundamenta similitudinis & dissimilitudinis: &
hoc cōmune explicamus per huiusmodi distinctum,
vnū vel plura, quia *vnū* in qualitate est fundamē-
tum similitudinis, & *plura* dissimilitudinis.

AD SECVNDVM ARGVMENTVM PRINCIPALE

respondetur, nullam habere vim contra nos, quia negato antecedenti quoad priorem partem, sc. bonū & malum diuidere, immediatē actum humanū quatenus liber est; corrumpitur argumentum, & illa pars supponitur vt probata ex ultimo medio, quo probauimus primā partem antecedentis præcedentis argumenti, cui tamen abunde est satisfactum.

AD TERTIVM ARGVMENTVM, quantum attinet ad hanc sententiam, facile potest responderi negando minorem, scilicet, *esse morale*, de quo loquimur, consistere formaliter in libertate, quæ est in nostris actibus: & ad probationem huius minoris, quæ sumitur ex primo argumento huius sententiæ, patet solutio ex ijs, quæ ad idem argumentum diximus. Si quis tamen obijciat, hoc argumentum non solum habere vim, supposito eo, quod iuxta hanc sententiam dicitur in illa minore, scilicet, *esse morale* nostrorum actuum consistere formaliter in libertate eorundem actuum: sed etiam quamuis admittatur, consistere in aliquo superaddito libertati, quia si libertas in actibus est solū quædam denominatio extrinseca, etiā *esse morale*, quod in ea fundatur, consistet in extrinseca denominatione. Ad hoc, quamuis videretur respondendū in solutione ad fundamentum ultimi modi explicandi secundam sententiam, iuxta quam hoc totū asseritur, vt in eo retuli; tamen, quia Authores illius modi vtuntur hoc argumento, vt probent, bonitatem moralem consistere in extrinseca denominatione, & non vt idem probent de *esse moralis* sumpti in cōmuni: ideo eius solutionem differimus vsque ad dubium sequens, in quo est agendum de bonitate morali.

AD VLTIMVM ARGVMENTVM, quod sumitur ex testimonijs D. THO. respondebimus explicando singula testimonia eo ordine, quo posita sunt: Et ad primum, quod est ex q. 1. ar. 1. & 3. Respondetur si admittamus, D. THO. per verba art. 1. intelligere actiones nostras, quatenus præcisè sūt libera: posse exponi verba ar. 3. de identitate, non *formali*, qualis est necessaria, vt *esse morale* consisteret formaliter, in libertate: sed de *materiali*, ad quam sufficit inseparabilis coniunctio, quæ est respectu actuum nostrorum, inter libertatē & *esse morale*: quia neutra earum potest sine altera in eis reperiri. Secundo respondetur D. THO. per verba citata ex 1. artic. non intelligere actiones nostras quatenus præcisè sunt libera: sed quatenus, præter hoc, habent *esse morale* superadditum: quia loquitur de *dominio morali*, quod (vt diximus in solutione primi argumenti) habet homo respectu suorum actuum, vt sunt subiecti regulis morum; & de deliberatione in ordine ad huiusmodi regulas: Imò actio aliqua non dicitur simpliciter & absolute deliberata, quia procedit ex deliberatione sufficienti ad indifferentiam quoad vtramque partem, nisi simul procedat ex deliberatione sufficienti ad discernendum inter bonum & malum secundum rectam rationem. Et altero ex his duobus modis potest exponi id, quod in secundo testimonio adducitur ex hac qu. 18. de vsu appellandi actiones nostras, quatenus eis conueniunt bonitas & malitia morales, *actiones humanas*. Ad tertium testimonium desumptū ex art. 4. huius questionis Respondetur, D. THOM. satis explicuisse, primam bonitatem, quæ pertinet ad genus naturæ, conuenire actioni nostræ, vt est in eodem genere naturæ; & tres alias bonitates, quæ sunt morales, conuenire ei vt est in alio genere, scil. in genere moris; quia dixit, solam primam

bonitatem conuenire actioni quatenus est actio, & ens; & per hoc aperte significauit, reliquas tres bonitates non cōuenire ei in hoc genere, sed in alio, quod non potest esse aliud, quam genus moris. Ad quartum & quintum testimonium respondebimus quæstione sequenti, articulo primo, vbi disputabimus an bonum & malum morale sint differentie per se actus voluntatis.

Ad sextum testimonium, quod desumitur ex articulo octauo huius quæstionis, respondetur, verba illa, quibus D. THOMAS asserit, actum humanū dici moralem, esse intelligenda *subiectiue*, vt sit sensus actum humanum, hoc est, liberum, esse subiectū moralitatis, à qua dicitur moralis; Et non obstat, D. THOMAS ex illa propositione inferre, actum moralem sumere speciē ab obiecto: Quia ex hac bene sequitur, actionem humanam quæ dicitur moralis, siue consideretur præcisè vt humana & libera, siue vt moralis, sumere speciē ab obiecto, quia secundum vtramque rationem est actio.

Ad septimum, quod est ex 3. cōtra Gentes, Respondetur, D. THO. illis verbis explicuisse solum conditionem necessario requisitam, vt aliquid pertineat ad genus moris: non tamen rationem formalem secundum quam pertinet. Et eodem modo respondetur ad duo sequentia testimonia, quæ sunt vltima, & ex horum testimoniorū explicatione constat, non posse ex eis desumi argumentū ad duas alias propositiones, quæ in illa prima sententia continentur.

§. 12. Ad argumenta secunda sententiæ.

AD FVNDAMENTVM primi modi explicandi SECUNDAM SENTENTIAM Respondeo concedendo antecedens, & distinguendo consequens, si enim eius sensus est, actionem voluntatis habere *esse morale* ab habitudine ad suum principium in genere causæ efficientis, verum est, & concedenda est consequentia: si tamen sensus sit, habere *illud esse* ab hac habitudine in genere causæ formalis, falsum est, & neganda est consequentia; quia hoc modo actio habet *illud esse* ab habitudine ad terminum, vel obiectum; & ratio huius est, quia principium actionis solum comparatur ad ipsam actionem, vt causa efficiens, & non vt forma: at vero terminus comparatur ad eam vt forma, quia complet & determinat potentialitatem, quam habet in quantum est via ad ipsum. Et eodem modo respondetur ad probationem consequentia, solum probare eam sumendo consequens in priori sensu, & hac distinctione applicata antecedenti confirmationi potest ei responderi.

AD FVNDAMENTVM SECUNDI modi explicandi eandem secundam sententiam respondetur, necessarium non esse, vti illa doctrina, ad dissoluendum illud argumentum Durandi, vt patet ex ipso CAIETANO, qui aliis modis ipsum dissoluit, de quo agendum est in materia de habitibus, in qua, qui negant, habitum esse principium actus quoad suam substantiam, etiam negant esse principium eius quoad esse morale; & qui concedunt esse principium quoad substantiam, etiam concedunt, esse principium quoad esse morale; non quidem propter rationem, quæ in illo argumento proponitur, scilicet, quia ad relationem non est per se motus, atque adeo id, quod non est causa fundamenti, non est causa relationis quæ ad ipsum consequitur; & quod est causa fundamenti, etiam est causa relationis: quia hæc ratio

solum

solum habet locum in relationibus predicamentali-
libus, & non transcendentalibus, & habitudo, in
qua consistit *esse morale*, non est predicamentalis, sed
similis transcendentalibus, in duobus: quorum *pri-*
mus est, posse esse primam entitatem rei in suo genere,
nempe in genere moris; *alterum* est, non sufficere ad
eius productionem, ex parte causae, virtutem pro-
ductivam subiecti, sed requiri virtutem sibi pro-
portionatam; quia voluntas, ut praecise est prin-
cipium liberum, non potest producere actum mo-
ralem, nisi constituatur in esse principij moralis
per subiectionem ad regulas morum. Et haec duo
sufficiunt, ut ad hoc genus habitudinis possit ef-
se per se motus, quamvis nunquam producat, nisi
praesupposita substantia actus. Quare tota ratio
diversitatis inter illos auctores est, quia *priores* sup-
ponunt ut certum, si voluntas sufficiens sit prin-
cipium actus quoad substantiam & esse morale, su-
perflue addi habitum in ordine ad eundem effe-
ctum; & *posteriores* id negant.

Ad confirmationem respondebimus dubio sequen-
ti, ubi explicabimus, quare ratione sit oppositio con-
traria inter bonum & malum morale, tam in acti-
bus, quam in habitibus.

AD FUNDAMENTUM TERTII MODI explicandi
eandem secundam sententiam respondetur, falsum
esse id, quod in eo supponitur, scilicet, nihil dari com-
mune per modum superioris ad conformitatem &
disformitatem actuum, praeter *regulabilitatem*, in
qua, iuxta illum modum, constituitur esse mora-
le: quod satis est ostensum in probatione secunda
conclusionis. An vero, eo admissio, dicendum sit,
regulabilitatem illam esse denominationem extrinse-
cam, quod illo argumento amplius contenditur,
non pertinet ad nos explicare, sed ad auctores il-
lius modi dicendi, qui tamen meo iudicio deci-
piuntur, dum in hoc sequuntur partem affirmati-
vam: quia *regulabilitas* illa non est aliud, quam ipsa
entitas actus, aut proprietas quaedam ad eam con-
sequens, supposita tamen libertate, tanquam con-
ditione requisita: Ergo siue libertas in actu sit
dehominatio extrinseca, siue aliquid ei intrinse-
cum, dicendum est, *regulabilitatem* non esse deno-
minationem extrinsecam; *consequentia* patet, quia
neque ipsa entitas rei, neque proprietas ad eam
naturaliter consequens, potest esse denominatio ex-
trinseca respectu talis rei; *Es antecedens* probatur,
quia id, quod regulatur per rationem, non est li-
bertas, sed entitas actus cum eadem conditione li-
bertatis. Et ex hoc patet solutio ad primam proba-
tionem oppositi, quia in ea supponitur, *regulabilita-
tem* hanc debere esse aliquid superadditum entitati,
& proprietatibus naturalibus actus, & ex hoc in-
fertur, esse denominationem extrinsecam. Et ad se-
cundam dicendum est, solum probare contra hos
auctores, esse repugnantiam inter duo, quae ab eis
asseruntur, scilicet, genus moris consistere in illa re-
gulabilitate, quae, ut ostendimus, est aliquid intrin-
secum actibus; & differentias diuersas huius gene-
ris, quae sunt conformitas & disformitas, esse deno-
minationes extrinsecas, (de quo agendum dubio
sequenti) quod ab ipsis non probatur, quia confor-
mitas & disformitas non consistunt in formali cor-
respondentia ad regulam, sed in eo quod est ex par-
te actus ratio talis correspondentiae.

DUBIVM SECVNDVM.

Per quid tanquam per formam, constitu-
tur bonitas moralis?

§. 1. Explicatur titulus dubij.

QVOD EST INQUIRERE, quid sit differentia
contrahens genus moris explicatum dubio
precedenti, ad constitutionem huius speciei, quae
dicitur bonitas moralis? quare ad explicationem
huius tituli supponendum est in primis ex ijs, quae
diximus circa titulum illius dubij, formam & ra-
tionem formalem, siue id, quod habet modum
formae; & bonitatem moralem; non sumi prout
communis est aliquo modo habitibus, actibus, le-
gibus, & obiectis: sed prout determinate conue-
nit tantum actibus, sicut ibi diximus *esse morale*
sumi, ut tantum est in actibus nostris.

ET PRAETEREA SUPPONENDVM est ex SCOTO
quodlib. 18. id, quod ipse colligit ex AVG. 10. 3. lib. 8.
de Trinitate cap. 1. dupliciter posse aliquid dici bo-
num in communi, siue secundum suam entitatem;
scilicet, *respectu* siue in ordine ad alterum; & *ab-*
solute siue in seipso. *Priori* modo dicitur bonum,
quod est expediens & conueniens alteri, quod est,
esse perfectionem alterius; *Posteriori* vero, quod in se
habet omnia, quae requiruntur ad suum esse com-
pletum sibi debitum, siue essentiale, siue acciden-
tale; quod est, *esse in seipso perfectum*; quia perfe-
ctum de formali est idem, quod habens omnia
requisita & debita ad suum esse, ut docuit ARIS-
TOT. lib. de caelo cap. 1. aut (quod in idem reci-
dit,) cui nihil deest, scilicet, ex requisitis ad suum
esse; Nam quamvis homini desint multa ex ijs,
quae non requiruntur ad esse hominis: dicitur
perfectus, si habeat omnia, quae sunt ad hoc esse
requisita; quam definitionem etiam tradidit ARIS-
TOT. primo de caelo cap. 1. & 5. metaph. tr. 11. &
lib. 10. tract. 13. Et iuxta hos duos modos, quibus
aliquid potest dici bonum, distinguitur duae bonita-
tes, ex quibus una, quae respondet *priori modo*, con-
sistit in habitudine conuenientiae eius, quod ab ea
dicitur bonum, ad id cui est bonum; & *altera*
quae respondet *posteriori*, in integritate & concursu
eorum omnium, quae requiruntur, ut id, quod ab
ea dicitur bonum, sit completum & perfectum
quoad esse sibi debitum, siue essentiale, siue sub-
stantiale; siue accidentale. Et utrumque modum
explicuit AVGVST. loco citato exemplis; *priorem*
quidem cum dicit, cibum suauem & aptum vale-
tudini esse bonum, scilicet in ordine ad valetudinem; &
valetudinem ipsam esse bonum homini: *Posteriori*
vero cum inquit, faciem hominis dimesam pariter,
& affectam hilariter, & luculenter coloratam, esse
bonam: quia tota ratio propter quam appellat eam
bonam, est, habere in seipsa eam commensurationem
partium & accidentium, quae requiruntur ad eius
pulchritudinem, & perfectionem. Et sicut distin-
guuntur hi duo modi quibus aliquid dicitur bonum,
& haec duae bonitates in naturalibus: ita etiam debet
distingui in genere moris, prout reperitur, in acti-
bus nostris. Nam actus aliquis potest dici bonus
moraliter, in quantum est conueniens natura-

rationali, & in quantum secundum se, & sine ordine ad aliud, quod perficiat, habet omnia, quæ requiruntur ad suum complementum, & ad suam perfectionem secundum regulas morum, & ex consequenti etiam debent distinguere in hoc actu duæ bonitates morales, à quibus utroque modo dicitur bonus moraliter, ex quibus una dicitur relatiua, & altera absoluta: Verum titulus huius dubij non intelligitur de utraque; sed solum de absoluta, nam de altera, quæ dicitur relatiua, certum est, consistere in habitudine convenientiæ actus, qui ab ipsa dicitur bonus moraliter, ad id, cui est bonus: Quare sensus tituli est, *quæ sit forma, siue ratio formalis, per modum differentie specificæ constituens eam bonitatem moralem, à qua actus nostri dicuntur absolute & in seipsis boni moraliter.*

§. 2. Prima sententia Scoti, constituitur per aggregatum omnium, quæ secundum rectam rationem requiruntur ad alicuius actus perfectionem: cum carentia eorum, quare illa ratio prohibet.

IN quæ re etiam sunt variz theologorum sententiz. **P. R. I. M. A** est eorum, qui dicunt, rationem formalem bonitatis moralis consistere in concursu, & collectione eorum omnium, quæ secundum rationem rectam requiruntur ad alicuius actus perfectionem, cum carentia eorum, quæ possent illum inficere, aut quæ prohiberetur ratio. Quæ autem sint illa, quæ secundum rectam rationem requiruntur ad perfectionem actus humani, enumerat **DIVVS THOM.** articulo quarto, huius quæstionis, ubi inquit, præter entitatem actionis, requiri bonitatem ex parte obiecti, circumstantiarum, & finis. Itaque, iuxta hanc sententiam, ratio formalis bonitatis moralis, consistet in concursu horum omnium ad actionem, iuxta præscriptum rationis. In hac sententia, debent convenire omnes, qui admittentes id, quod communiter solet dici, bonitatem moralem nostrorum actuum consistere in conformitate ad rectam rationem, explicant conformitatem hanc, non esse aliud, quam ipsos actus habere ex parte obiecti & circumstantiarum id, quod recta ratio postulat, aut dicat: quia hoc est idem, atque dicere, bonitatem, à qua actus nostri sunt secundum se boni, consistere in integritate, & concursu eorum omnium, quæ secundum rectam rationem requiruntur ad ipsos actus. Nam quævis demus, hanc integritatem consistere in multis respectibus particularibus eorum omnium, quæ ita concurrunt; aut in vno totali ex eis resultante: certum est, esse eorum concursum & convenientiam ad ornandum, & perficiendum actus, & distinguere ab omni alia habitudine actus, siue conformitatis ad regulam, siue tendentiæ ad hæc omnia ut ad obiectum, hanc sententiæ ita explicatam sequitur **SCOT.** in 2. d. 40. q. 1. c. 8. *de secundo dico & quodlibet 18. §. de primo & ex suis expositioribus LEVCHETVS* in priori loco & **BARGIVS** in 1. d. 26. q. 1. art. 1. ubi dicit, esse commune apud suos aduersarios, cum quibus disputabar, & apud omnes theologos **GABR.** d. 7. q. 1. art. 5. in principio & in 3. d. 26. q. 1. art. 1. notab. 3. & **ALMAT.** in moral. tract. 1. c. 13. & 14. & probatur hæc sententia,

P. A. R. M. O, quia in genere entis naturalis & artificialis hæc bonitas absoluta, quæ aliquid dicitur in seipso,

A bonum & perfectum, consistit in concursu eorum omnium, quæ ad eius bonitatem & perfectionem requiruntur: Ergo etiam in genere entis moralis; *Consequentia* patet ex paritate rationis, & *antecedens* probatur in primis quoad bonitatem entis naturalis, quia in naturalibus tunc dicitur aliquid bonum in seipso, cum habet omnem perfectionem sibi debitam secundum suam naturam, ut **D. THO.** docet 1. p. q. 7. art. 1. ad 1. & est evidens, quia id, quod sic habet omnem perfectionem, non habet defectum alicuius perfectionis sibi debitæ secundum suam naturam; ergo non est imperfectum secundum suam naturam; & ex consequenti est perfectum: quia inter perfectum, & imperfectum non datur mediū in subiecto capaci. Et deinde probatur quoad bonitatem entis artificialis, inductione, quia ut locutio sit bona in grammatica, & ut syllogismus sit bonus in dialectica, & ut cathedra vel statua sit bona in sua arte, satis est, inuehiri in ijs operibus ea, quæ secundum præcepta suarum artium requiruntur.

B *Confirmatur* quia ratio boni sumpti absolute, aut in seipso, quæ in principio huius dubij est explicata, est communis ad tria bona, scilicet, naturalia, artificialia, & moralia. Ergo ratio formalis vniuscuiusq; ex his tribus bonis & ex consequenti eius bonitas, consistit in concursu eorum omnium, quæ sibi debentur in suo genere. Et cum mensura eorum, quæ debentur, sit respectu boni naturalis propria natura; & respectu artificialis, regula artis; & respectu moralis, regula morum, quæ est recta ratio; sequitur, bonitatem moralem, quæ est in nostris actibus, consistere formaliter in concursu eorum omnium, quæ ipsis actibus debent convenire secundum rectam rationem. *Consequentia* utraque patet, quia secunda sequitur ex prima, et prima est applicatio rationis formalis sumptæ in communi ad particularia quæ sub ea continentur. Et *antecedens* probatur, tum quia ratio formalis boni sumpti relatiue ibidem explicata, est communis ad eadem tria bona: Ergo etiam ratio boni sumpti absolute, quia nulla est ratio disparitatis: Tum etiam quia negari non potest, illam rationem convenire alicui bono sumpto absolute, & nulla est ratio propter quam determinare conveniat solum naturali, aut artificiali, aut morali, ergo convenit omnibus.

C **S. E. C. U. N. D. O,** posito in nostro actu concursu eorum omnium, quæ secundum rectam rationem requiruntur ad ipsum, & omni alio secluso aut re ipsa, aut consideratione intellectus, ponitur in eo bonitas moralis; & ablato tali concursu, aufertur bonitas; ergo bonitas moralis nostrorum actuum consistit in illo concursu. *Antecedens* quoad posteriorem partem non indiget probatione, quia in nullo genere potest manere bonitas simul cum defectu eorum, quæ in eodem genere sunt debita; & quoad priorem probatur, quia in eo casu actus erit qualis postulat sua regula, quod est, esse ei conformem fundamentaliter, cum habeat omnia, quæ ipsa regula requirit: ergo & bonus, quia in re mensurabili aut regulabili tota bonitas consistit in hoc genere adæquationis cum regula.

Confirmatur, quia, iuxta doctrinam **DIONYSII**, bonum confurgit ex integra causa, & malum ex

quocunque

quocunque defectu; sedposito in actu humano illo concursu, & omni alio secluso, ponitur in eo integra causa moralis, id est, tota integritas requisita in genere moris; ergo & bonitas moralis.

VIIMO probatur autoritate DIVI THOMÆ nam imprimis in hoc articulo inquit, de bonitate in actionibus, hoc est de morali, loquendum esse, sicut de bonitate in rebus, hoc est, de naturali & entitativa. Et ex hoc colligit, sicut bonitas in rebus consistit in plenitudine essendi in suo genere, scilicet, in genere naturæ, & hæc plenitudo est concursus in vnaquaque re eorum omnium quæ ei debentur secundum suam naturam: ita etiam bonitatem in actionibus: consistere in plenitudine essendi in suo genere, scilicet, in genere moris, & hanc plenitudinem esse concursum eorum omnium, quæ actionibus debentur in hoc genere moris, aut, quod idem est, secundum rationem. Et ita in fine articuli explicans, quæ sint illa, quæ pertineant ad hanc plenitudinem in actionibus, refert circumstantias. Et eandem doctrinam repetit art. 3. huius quæstionis ubi inquit, sicut in naturalibus tota plenitudo perfectionis non consistit solum in forma, sed simul in accidentibus superadditis: ita etiam in actione plenitudinem bonitatis eius, non consistere totam in sua specie, sed aliquid addi ex ijs, quæ adveniunt tanquam accidentia quædam, cuiusmodi sunt circumstantiæ debite. Et adhuc apertius articulo quarto sequenti, ubi inquit, in actione humana quadruplicem bonitatem considerari: *vnam* secundum genus, prout scilicet, est actio; *aliam* secundum speciem, quæ accipitur ex obiecto: *tertiam* secundum circumstantiam & *quartam* secundum finem. Quibus verbis videtur significare, quamlibet ex his bonitatibus esse partialem, & secundum quid; & aggregatum ex omnibus esse bonitatem simpliciter, à qua actus dicitur simpliciter bonus.

§. 3. *Sententia secunda Conradi, bonitatem moralem consistere in relatione conformitatis ad rectam rationem, seu ad legem tanquam ad regulam.*

SECUNDA SENTENTIA est aliorum qui dicunt, rationem formalem bonitatis moralis consistere in relatione conformitatis ad rectam rationem, siue ad legem, tanquam ad regulam. Hanc sequitur aperte CONRAD. in hoc articulo parum ante solutionem argumentorum ipsius articuli; & articulo quinto sequenti in principio corporis. Et quamvis adducat pro eadem sententia SCOTVM in locis citatis, pro præcedenti, in quantum dicit, bonitatem moralem esse relationem, aut multas relationes, & appellat eam conformitatem, tamen valde decipitur, quia SCOTVS per relationem ibi non intelligit illam relationem, quæ est conformitas formalis ad rationem; sed illam, quæ est concursus mutuus, aut convenientia eorum, quæ requiruntur ad actum, & hunc concursum appellat conformitatem cum ratione, non formalem; quæ est relatio, sed fundamentalem. Eandem sententiam sequitur ANGEVS in moralibus cap. 6. in principio commentarii, & cap. 7. in principio textus, quia in priori loco dicit, tres condiciones

A requirit ad bonitatem moralem actus, scilicet, libertatem, integritatem omnium debitarum circumstantiarum, & conformitatem ad rectam rationem; & per conformitatem intelligit conformitatem formalem quæ est relatio, quoniam alias non distingueret eam ab integritate; & in posteriori loco dicit bonitatem moralem consistere formaliter in hac conformitate, prout, distinguitur ab aliis duabus conditionibus. Et idem videntur sentire communiter recentiores Thomistæ, cum dicunt, bonitatem moralem consistere in conformitate ad rectam rationem, & malitiam in difformitate ab ea. Et referunt pro se CANVS. & consentit cum eis VAZQUEZ to. 1. in. 1. 2. disputatione 45. cap. 10. nam quamvis dicat, hanc relationem esse convenientiam cum natura rationali, vt rationalis est, non negat esse conformitatem cum recta ratione; sed quia existimat, esse in nobis duas regulas nostrorum actuum, vnam *primam*, quam dicit esse naturam rationalem, quatenus rationalis est; & alteram *proximam*, quam dicit esse rectam rationem; (de quo agemus quæstione sequenti articulo 3.) ideo inquit, bonitatem moralem esse relationem convenientiæ cum natura rationali vt rationalis est, tanquam cum prima regula, & simul admittit, esse relationem conformitatis cum recta ratione tanquam cum proxima regula, & ita ipse pro eodem sumit, quantum ad hoc, relationem convenientiæ cum natura rationali, & relationem conformitatis cum recta ratione.

Et si ab his authoribus queratur an huiusmodi relatio sit realis, vel rationis? ad hoc duo priores nihil respondent, & duo posteriores scilicet, CANVS, & VAZQUEZ dicunt esse relationem rationis, & denominationem quandam extrinsecam, iuxta prædictam regulam, tanquam forma efficiens actum ipsum, & dante ei esse regulatum & mensuratum per eam.

QUARE vt proponamus integrum fundamentum huius sententiæ duo sunt probanda: *Primum* est, rationem formalem bonitatis consistere in illa relatione; *Secundum* est ipsam relationem esse rationis, & denominationem extrinsecam; quod præstabitur sequentibus argumentis.

PRIMUM SIT pro primo, quia ratio formalis mensurabilis, vt tale est, consistit in relatione, & commensuratione ad mensuram: sed formalis ratio bonitatis moralis est ratio mensurabilis per rectam rationem, vt per suam mensuram; ergo consistit in relatione ad ipsam rationem rectam vt ad mensuram; *maior* patet in potentijs, habitibus, & actibus, quorum omnium rationes formales ideo constituuntur in quibusdam respectibus siue commensurationibus ad obiecta, quia comparantur ad ipsa, vt mensurabilia ad suas mensuras. Et *minor* probatur, quia recta ratio est regula præscribens ea, quæ necessaria sunt ad bonitatem actus: ergo etiam bonitas actus est regulabilis & mensurabilis per eam.

Confirmatur, quia veritas intellectus speculativi consistit in relatione ad quætionem ad obiectum: ergo etiam bonitas moralis actus consistit in relatione conformitatis ad rectam rationem. Patet *consequentia*, quia tota ratio, propter quam ad dicimus de veritate intellectus, est actum intellectus comparari ad obiectum vt mensurabile ad suam mensuram.

SECUNDUM ARGUMENTUM sit ad probandum idem, quia variata in actu solum habitudine ad legem, sit in eo mutatio à bonitate morali in malitiam: ergo ratio formalis bonitatis moralis consistit in habitudine ad legem, siue ad rectam rationem. Probatur *antecedens*, quia si postquam cœpit fieri aliquis actus sine vlla prohibitione legis, accedat talis prohibitio, incipiet actus esse malus, qui antea erat bonus, & rursus, si cesset prohibitio, incipiet esse bonus: & tamen propter hanc mutationem legis non est necesse, mutari aliquid in actu, præter relationem ad ipsam legem.

TERTIUM ARGUMENTUM sit ad probandum *secundum*, quia relatio mensurabilis ad mensuram est rationis & extrinseca, ut docet ARIST. 5. metaph. cap. 15. si ergo relatio hæc, in qua consistit bonitas, est mensurabilis ad rectam rationem, ut ad mensuram (ut argumento primo est ostensum) sequitur esse relationem rationis, & extrinsecam.

Confirmatur, quia quandoque actus habet esse conformem rectæ rationi ex ordine ad obiectum, non existens actu, imo & impossibile: Ergo in hoc casu conformitas est relatio rationis. Patet *consequentia*, quia ordo ad obiectum est fundamentum conformitatis; hæc. n. causalis est vera, quia actus respicit tale obiectum, ideo est conformis formaliter regulæ: & tamen huiusmodi ordo ad obiectum in casu posito est relatio rationis, cum relatio realis requirat extrema realia, & realiter existentia, ergo etiam conformitas est relatio rationis.

QUARTUM ARGUMENTUM sit ad probandum *idem secundum*, quia libertas in actu solum est denominatio extrinseca relatiua sumpta ab indifferentia principij: ergo etiam bonitas moralis in eodem actu non est aliquid reale ei inherens, sed denominatio extrinseca relatiua sumpta à sua regula. *Consequentia* patet, quia libertas in actu est fundamentum bonitatis moralis, imo & totius moralitatis quæ est in eo, ut dubio præcedenti est ostensum; & habitudo aut modus quicumque non habet maiorem entitatē quam suum fundamentum. Et *antecedens* solet probari potissimum duobus medijs, quæ proposuimus dubio præcedenti in tertio argumento primæ sententiæ, ad probandum eius maiorem propositionem, quæ erat hoc idem antecedens; scilicet, libertatem nostrorum actuum esse denominationem extrinsecam sumptam ab indifferentia principij à quo procedunt. Et eis potest adiungi aliud *tertium medium*, quod est huiusmodi: libertas hoc loco sumitur pro indifferentia ad vtrūque: ergo non conuenit intrinsecè actui, sed solum potentix; & ex consequenti tantum potest dici de actu secundum denominationem extrinsecam sumptam à libertate potentix. Probatur *consequentia*, quia indifferentia est modus intrinsecus potentix, in quantum secundum suam entitatem est operatiua cum indifferentia ad vtrūque; & non est modus intrinsecus actui, quoniam actus secundum suam entitatem, neque habet indifferentiam ad operandum, ut constat; neque ad inherendum, cum non minus determinatè inheret suo subiecto, quàm si non esset productus à causa libera, & non apparet in quo alio posset constitui eius indifferentia.

QUINTUM ARGUMENTUM sit ad

A probandum idem, quia ex libera voluntate hominum, non quidem operante physicè media potentia executiua, sed constituyente aliquid circa actus humanos, pendet, ipsos actus esse bonos moraliter: ergo bonitas moralis in nostris actibus non est aliquid reale eis intrinsecum. *Consequentia* patet, quia quod hoc modo pendet ex libera voluntate hominum, non potest esse aliquid reale, sed vel est aliquid rationis, vel denominatio extrinseca fundamentalis, cuius ratio à priori est, voluntatem secundum hanc rationem non influere physicè aliquam entitatem in subiectum suæ dispositionis: & ita relatio signi, qua vox refertur ad suum significatum, non est realis, sed rationis, quia pendet ex libera hominum impositione: & similiter valor, qui conuenit monetæ in ratione monetæ, non est realis, quia pendet ex libera institutione reipublicæ. Et *antecedens* probatur, in primis in actibus, qui solum sunt mali, quia prohibiti iure humano: quia si stante prohibitione legis, fiat aliquis ex his actibus, erit malus; & ea ablata, erit bonus; & totum hoc, scilicet poni, & auferri prohibitionem legis, pendet ex libera hominum voluntate. Et *deinde* probatur in actibus qui sunt mali iure naturæ, quia multi ex his actibus, ut importent repugnantiam ad ius naturæ, & sint mali, postulant conditionem, aut circumstantiam aliquam dependentem ex libera hominum voluntate: ut furtum est acceptio rei alienæ iniusto domino, in quo duo includuntur, quæ pendent ex libera voluntate hominum, scilicet, rem, quæ accipitur, esse sub dominio alterius, & eum, qui est dominus, esse inuitum. Et ad adulterium requiritur, alterū eorum, à quibus committitur, esse alicui matrimonio coniunctum, & hoc pendet ex libero consensu voluntatis eorum, qui matrimonium contraxerunt.

Confirmatur, quia sola mutatione voluntatis alienæ non mutatur aliquid reale in actu, qui nullo modo pendet physicè à tali voluntate: ergo in his casibus, cum acquiritur aut deperditur bonitas moralis in actu, non mutatur aliquid reale in eo, sed solū denominatio extrinseca, aut relatio rationis.

C §. 4. *Sententia Caietani, constituit in modo quodam reali absoluto superaddito intrinsecè entitati actus liberi, ab aggregato Scoti: & à relatione, quam ponit secunda sent. distincto.*

TERTIA SENTENTIA est aliorum, qui dicunt, bonitatem moralem consistere in modo quodam reali absoluto, superaddito intrinsecè entitati actus liberi, & distincto ab omni relatione actus siue ad obiectum, siue ad rationem, vel aliam regulam; & ab aggregato eorum omnium; quæ ex parte obiecti, & circumstantiarum requiruntur ad bonitatem ipsius actus, hanc sententiam sequitur CAIETA. in hac quæstione articulo quinto & quæst. 71. artic. 6. & quæst. 72. artic. 1. & quamuis ipse loquatur, expresse solum de malo morali: tamen supponit ut certum, debere dici idem de bono. Et probatur **PRIMO** argumento simili, confirmationi, quam pro eodem CAIET. proposuimus dubio præcedenti in secundo modo explicandi secundam sententiam, quia inter actum bonum & malum est oppositio contraria, non minus quam inter habitum bonum & malum, scilicet, virtutem & vitium: Ergo vtriusque ratio formalis, scilicet,

boni & mali moralis, consistit in modo aliquo reali, & absoluto superaddito entitati actus; patet consequentia, quia alias non poterit esse inter ipsa oppositio contraria.

SECUNDO, bonitas moralis in habitu virtutis consistit in ratione formali reali & absoluta, pertinente ad prædicamentum qualitaris; ergo etiam bonitas moralis in actu consistit in ratione formali, reali, & absoluta pertinente ad prædicamentum, in quo collocatur ipse actus; quod dico, propter diuersitatem opinionum circa prædicamentum, in quo huiusmodi actus inmanentes sunt collocandi. *Antecedens* patet, quia habitus virtutis, secundum specificam rationem virtutis atque adeo ut bonus moraliter, pertinet ad prædicamentum qualitaris. Et *consequentia* probatur ex paritate rationis, quia sicut habitus virtutis est habituale pondus in obiectum conforme rectæ rationi: ita etiam actus virtutis est actuale pondus siue actualis tendentia in idem obiectum.

TERTIO, in actu bono est relatio vel ad obiectum conforme regulæ, vel conformitatis ad ipsam regulam: Ergo præsupponitur in eo ad hanc relationem aliquid absolutum, tanquam fundamentum, ad quod ipsa relatio consequatur; & ulterius, ergo in illo absoluto consistit formaliter bonitas moralis actus. *Prima consequentia* patet, quia commune est omni relationi, præsupponere aliquod fundamentum, quod infallibiliter comitetur & consequatur. Et *secunda* probatur, tum quia ratione illius absoluti est actus conueniens naturæ rationali atque adeo bonus bonitate morali relatiue; ergo etiam ratione eius est in seipso bonus & perfectus secundum rectam rationem atque adeo bonus bonitate morali absolute: tum etiam quia si illud absolutum est fundamentum conformitatis relatiue; ergo est conformitas radicalis & fundamentalis; & ex consequenti, est bonitas moralis.

Confirmatur, quia quamuis bonitas delectabilis, quæ est in aliquo obiecto, importet relationem ad appetitum, cui tale obiectum est delectabile; & bonitas utilis, quæ est in medio, importet relationem ad finem, ad cuius consecutionem tale medium est utile, neutra consistit formaliter in relatione, sed in absoluto, quod ad relationem præsupponitur tanquam fundamentum ex quo procedit; ergo similiter, quamuis bonitas moralis, quæ est in actu, importet relationem ad regulam vel ad obiectum: non consistit formaliter in hac relatione, sed in absoluto, quod ad eam præsupponitur.

§. 5. Bonitas moralis actus consistit in aliquo reali inbarenti in ipso actu.

PRIMA CONCLUSIO, ad bonitatem moralem, quæ est in actu humano, requiritur collectio eorum omnium quæ ex parte obiecti & circumstantiarum sunt debita secundum rectam rationem actus, non tamen consistit in huiusmodi collectione ratio formalis ipsius bonitatis. **PRIMA PARS** probatur latè à D. THOMA articulis sequentibus huius quæstionis, Et nunc potest breuiter probari, quia deficiente quocunque eorum, quæ pertinent ad illam collectionem, actus erit dissensans rectæ rationis, atque adeo malus: ergo tota illa collectio requiritur ad bonitatem actus: & in ea conuenire debent omnes sententiæ relatæ & quorquæ in hac quæstione pos-

unt excogitari.

SECUNDA ETIAM PARS, quæ peculiariter statuitur contra primam sententiã, probatur PRIMO, quia ad actum voluntatis in genere naturæ requiritur suum obiectum; & tamen specificatio eius non consistit formaliter in ipso obiecto; ergo similiter, quæuis ad actum ut bonum moraliter, requirantur obiectum, & circumstantiæ, prout dicitur recta ratio, non consistit in eis formaliter specificatio eius quoad bonitatem moralem.

Confirmatur, quia ad veritatem iudicii intellectus requiritur obiectum, & talis modus se habendi; & tamen non consistit formaliter in hoc veritas iudicii: ergo etiam quamuis ad bonitatem moralem actus voluntatis requirantur obiectum & circumstantiæ, non consistit formaliter in eis bonitas.

SECUNDO, gradus genericus entis moralis distinguitur realiter ab illa collectione, ut patet ex ijs, quæ de ipso diximus, dubio præcedenti: ergo ratio formalis bonitatis moralis distinguitur ab ea relatione, & ex consequenti non consistit formaliter in ea. Patet *consequentia*, quia gradus genericus & differentialis in quacunque re sunt idem realiter, atque adeo non potest vnus eorum distingui realiter ab aliquo, quin alter etiam distinguatur: Et per rationem formalem bonitatis moralis intelligimus differentiam contra actum gradus genericus entis moralis, ut in principio huius dubij diximus.

VITIMO, ex opposita sententia sequuntur duo inconuenientia. *Primum* est, non dari proprie in actibus speciem bonitatis moralis, atque adeo actus distinctarum virtutum non distingui inter se specie in genere moris: Patet sequela, quia species proprie supra est vnus per se, & illa collectio est vnus per accides, & aggregatione; *secundum* est, bonitatem moralem consistere formaliter in extrinseca denominatione, quod statim probauimus esse falsum: patet sequela, quia tota illi collectio est extra entitatem actus.

SECUNDA CONCLUSIO ratio formalis bonitatis moralis est aliquid reale, ut distinguitur ab ante rationis, & existens in ipso actu, seu inbarenti ei ut distinguitur à denominatione extrinseca. Hæc conclusio intelligitur de actibus elicitis à voluntate ut eliciti sunt, quia de imperatis quantum ad hoc, alia est ratio, ut dubio præcedenti dixi de esse morali in communi, & continet duas partes, & quoad veramque proponitur contra secundam sententiã, nam quamuis breuiter sit ostensum dubio præcedenti, denominationes extrinsecas, etiam quantum ad habitudinē quasi formalem inter rem, à qua sumitur denominatio, & re denominatam, esse actum & formaliter entia rationis, tamen quia aliqui ex ijs, qui defendunt illam sententiã, ne videantur concedere, bonitatem nostrorum actuum non habere actum esse à parte rei ante operationem intellectus, dicunt has denominationes extrinsecas non sepe esse entia rationis, sed aliquando esse reales, non quidē quantum ad exercitiū denominandi, quod etiam in denominationibus intrinsecis est opus rationis, sed quantum ad habitudinē & cōueniētiã quasi formalem rei à qua sumitur denominatio ad re denominatā, ut cū sumitur à forma reali, & in hoc habent pro se FRANCISCUM SVAREM disp. 54 metaph. sectione 2. § 10. ideo distinximus has duas partes, ut aperiremus fallitatem illius sententiæ quoad omnes sentias, in quibus defendi solet. Et probatur, PRIMA, quia ante operationem intellectus sunt actus distinctæ species boni artis moralis in nostris actibus; ergo bo-

nitas nostrorum actuum consistit formaliter in aliquo reali, & non in ente rationis. *Consequenter* patet, quia nullo alio efficaciori argumento uti possumus ad probandum aliquid esse ens reale, quam quod habeat actu esse ante operationem intellectus; & *antecedens* probatur, quia ante operationem intellectus tres actus trium virtutum, v.g. iustitiae, temperantiae, & misericordiae habent actu tres bonitates morales, distinctas inter se specie.

Ad hoc respondent aliqui, esse aliqua entia rationis, quæ dant subiectis suum esse & suam denominationem seclusa operatione intellectus; ut in moralibus, titulo dignitatum & officiorum reipublicæ vig. prætoris, ducis, regis & similium sunt entia rationis; & nihilominus dant suum esse, & suam denominationem subiectis ante operationem intellectus. & in physicis privationes & negationes, sunt formaliter entia rationis, & dant suum esse & suam denominationem subiectis ante intellectus operationem; nam homo carens visu dicitur, & est à parte rei, & sine dependentia ab intellectu, cæcus: & tabula est eodem modo non videns; quare similiter ratio formalis, in qua consistit bonitas formalis, quamvis sit ens rationis, poterit dare actui à parte rei & sine dependentia ab intellectu esse bonum moraliter.

Sed hæc solutio facile impugnari potest, quia ens rationis est ens, cuius esse aut *existere* pender ab intellectu, non quidem *subiectivè*, aut *efficienter*, sicut conceptus & actus ipsius intellectus, sed *obiectivè*: ergo impossibile est, ipsum aut habere, aut dare alicui esse seclusa operatione intellectus, quæ ei obijciatur. Et non probatur oppositum illis duobus exemplis: nam in priori dicendum est, non habere aliquem esse aut huius prætoris vel ducis, à parte rei, & sine dependentia ab intellectu, ratione tituli, prout formaliter est ens rationis: sed ratione sui fundamenti, sc. electionis factæ ab habente potestatem, quæ licet physicè transierit, manet moraliter in memoria, & æstimatione hominum; & similiter in posteriori dicendum est, hominem aut lapidem in eo casu esse cæcū, aut non videntem, non ratione privationis, aut negationis prout formaliter est ens rationis, si vere ita est: sed ratione sui fundamenti, quod est, suum subiectum esse, & formam oppositam non esse, quia etiam est à parte rei non per modum entis positiui, sed per modum remotionis; & ita uniuersaliter dicendum est in omnibus alijs exemplis, quæ ad explicandum illam solutionem solent adduci, ut de Deo creatore, & domino creaturarum, & volente aliquid habere, & alijs similibus: quia nunquam aliquid est tale à parte rei & seclusa operatione intellectus, à relatione rationis, sed ab eo, quod re ipsa præsupponitur, tamquam fundamentum vel motiui, ut intellectus consideret, aut fingat relationem rationis.

Dicit tamen aliquis, esse quantum ad hoc eandem rationem de bonitate moraliter, quia quamvis ipsa consistat formaliter in relatione rationis, poterit actus dici bonus re ipsa moraliter, non ratione talis relationis, sed sui fundamenti, sc. concursus eorum omnium, ex quibus intellectus in eo considerat talē relationem rationis.

Sed etiam hoc potest impugnari, quia ex eo sequitur, bonitatem moralem non consistere formaliter in relatione rationis, sed in fundamento, quod à parte rei præsupponitur ad eam. Patet sequela, quia in argumento probatur, bonitatem moralem esse à parte rei, & ante operationem intellectus, non solum fundamentaliter, sed etiam formaliter, & quoad propriam rationem formalem ipsius; & tamen iuxta hanc solutionem,

solum ponitur à parte rei fundamentum.

DEINDE PROBATUR SECUNDA PARS & in primis autoritate D. TH. quia in hoc articulo dicit, bonitatem moralem consistere in plenitudine essendi debitam actui humano sicut bonitas naturalis consistit in plenitudine essendi secundum naturam; ergo sicut bonitas naturalis consistit in plenitudine quoad esse in se, sic etiam bonitas moralis. Et art. 2. non solum repetit hanc doctrinam, sed etiam dicit, sicut res naturalis habet primam & essentialē speciem ex sua forma: ita etiam actionem moralem habere eam ex obiecto; sicut etiam motus eam habet ex termino: & loquitur de specie in actione morali, quæ consistit in bonitate morali, ut ipse paulo inferius explicat, ex hoc aperte sequitur, sicut species, quæ res naturalis habet à sua forma, non est extrinseca denominatio, sed aliquid ipsi rei intrinsecum, ita etiam speciem quæ actui moralis habet ex obiecto, quæ est prima bonitas moralis, non consistere (iuxta sententiam D. TH.) in extrinseca denominatione; præsertim cum simul comparet hanc speciem actionis, speciem, quam motus quicunque naturalis habet ex termino: quia cum eodem modo le habeat actio ad obiectum, sicut motus ad terminum: non potest assignari sufficiens ratio disparitatis propter quod species motus, quæ sumitur à termino, sit intrinseca ipsi motui, & species actionis sumpta ab obiecto consistat in extrinseca denominatione.

SECUNDO probatur ratione desumpta ex hac doctrina D. TH. quia actio humana sumit bonitatem moralem ex obiecto: ergo bonitas moralis est aliquid reale intrinsecum ipsi actioni humanæ. *Consequenter* patet, cum quia id quod actus sumit à suo obiecto, est modus, secundum quem actus ex parte sua attingit ipsum obiectum, atque adeo non potest esse denominatio extrinseca; cum etiam exemplis, nam veritas, quæ actus intellectus sumit à suo obiecto, eo modo quo actio humana sumit bonitatem moralem à suo, sc. quia per ordinem ad obiectum habet veritatem, non est denominatio extrinseca respectu ipsius actus intellectus, sed aliquid reale intrinsecum ipsi: & similiter specificatio, quæ quicumque actus intellectus & voluntatis in genere nature sumit à suo obiecto, est aliquid ei intrinsecum: quare idem dicendum erit de bonitate morali, quam actio humana sumit etiam ab obiecto; aut assignanda erit ratio discriminis. Et *antecedens* probatur ex doctrina ARIST. 2. de anima cap. 4. recepta ab omnibus theologis & philosophis, de specificatione actuum per sua obiecta, quia non solum intelligitur de specificatione in genere nature, sed etiam in genere moris, atque adeo quoad bonitatem moralem, cum sit eadem ratio quantum ad hoc in utroque genere, sc. actum comparari ut viam & tendentiam, & ex consequenti ut quid potentiale, ad obiectum ut ad terminum, atque adeo ut ad actum & formam: & unumquodque sumere suam specificationem ab eo, quod respectu eius habet rationem formæ.

TERTIO, bonitas moralis in habitu virtutis non est extrinseca denominatio, sed aliquid reale ei intrinsecum: ergo etiam in actu virtutis, qui ut sic est bonus moraliter. *Antecedens* nunc suppono, ut certum ex communi sententia omnium theologorum; quia licet aliqui dicant, bonitatem moralem in habitu virtutis non esse differentiam contrahentem per se rationem habitus ad constitutionem ipsius virtutis, sed supponere, ut materiam & fundamentum, rationem habitus contractam ad ultimam speciem in genere habitus: nullus est, qui dicat, esse denominationem extrinsecam,

de quo

de quo agendum est in materia de virtutibus. Et *consequenter* probatur, quia quicumque habitus, eo modo quo concurrat ad suum actum, facit eum intrinsece & secundum suam entitatem participem sui obiecti, & dat ei specificationem sibi proportionatam: ut, habitus scientiæ facit suum actum secundum suam entitatem participem obiecti scientiæ, & dat ei specificationem scientiæ: ergo idem præstabit habitus virtutis in suo actu.

Confirmatur, quoniam alias sequitur, actus nostros non concurrere, neque dispositiue, neque efficienter ad acquisitionem virtutum moralium ut virtutes sunt, & bonæ moraliter; quod est contra communem omnium theologorum & philosophorum sententiam. Patet *sequela*, quia actus nostri neutro ex illis duobus modis possunt concurrere ad acquisitionem virtutum moralium secundum illam rationem, nisi ut ipsi sunt boni moraliter: alias non magis concurrent ad virtutem vnius speciei, quam alterius; imo neque ad virtutem ut virtus est, & bona moraliter, quia seclusa ab eis bonitate morali, non habent per quid sint proportionati magis ad bonitatem vnius virtutis quam alterius, neque ad aliquam bonitatem virtutis: ergo neque possunt concurrere, nisi sint boni bonitate intrinseca, & quæ non consistat solum in denominatione extrinseca. Probatur hæc *consequenter*, quia uterque modus causalitatis, scilicet dispositiue & efficientis, est physicus, & conueniens actibus ex natura rei: ergo etiam id, quod ad utrumque modum causalitatis requiritur ex parte ipsorum actuum tanquam ratio concurrendi, debet esse intrinsecum eis: quia non potest aliquid constitui in ratione causæ concurrentis physicæ, & ex natura rei, per solam denominationem extrinsecam; Et ex hoc sequitur aliud inconueniens, scilicet, non dari in nobis virtutes morales acquisite: quia non dantur actus, per quos possimus eos acquirere; Dicere vero, esse satis concursum obiecti realis, & circumstantiarum realium, quamuis totus sit extrinsecus actui, ut actus ille concurret illis duobus modis ad acquisitionem virtutis, & vnius virtutis potius, quam alterius (sicut aliqui ex ijs, qui defendunt, malitiam moralem in peccato commissionis esse denominationem extrinsecam, aut relationem rationis, dicunt, esse satis ut peccatum ipsum expellat ex natura rei gratiam) videtur omnino ridiculum: quia quod concurret illis duobus modis ad virtutem, non est concursus obiecti, & circumstantiarum, sed actus per se ipsum; & tamen neque habet vim proportionatam ad hoc, secundum aliquid suæ entitatis, neque potest eam accipere tanquam à forma, ex concursu illorum omnium: quia omnino est extrinsecus ipsi; & non potest id, quod est extrinsecum alicui rei, habere rationem formæ dantis ei proportionem ad concurrendum physicè, & ex natura rei, ad aliquem effectum. Et *præterea*, iuxta hanc solutionem, hæc sententia videtur coincidere cum prima, asserente, bonitatem moralem consistere formaliter in concursu eorum omnium, quæ ex parte obiecti & circumstantiarum requiruntur ad actum secundum rectam rationem.

Quinto sequitur ex opposita sententia, Deum non esse causam efficientem actus virtutis ut virtutis est, siue (quod est idem) ut est bonus moraliter: probatur sequela, quia denominatio extrinseca, si habet aliquam causam efficientem, non habet

aliam præter eam, quæ est causa eius, quod consequitur, & secundum eam rationem, quæ consequitur: sed Deus iuxta oppositam sententiam, non est causa efficiens actus humani secundum eam rationem; secundum quam ad ipsum consequitur hæc denominatio extrinseca, in qua consistit bonitas moralis, ergo neque ipsius denominationis, siue bonitatis moralis: *maior* probatur exemplis, quia denominationis extrinsecæ, quæ color dicitur visus, nihil potest esse causa efficiens, præter id, quod est causa visionis, secundum eam rationem, quæ ad eam consequitur talis denominatio: & ita, quia huiusmodi denominatio consequitur ad visionem præcisè secundum eam rationem, quæ elicitur à principio vidente ut videns est; & Deus non est hoc modo eius causa, quia licet efficiat totam entitatem visionis, non efficit eam ut principium videns, ideo non dicitur causa efficiens huius denominationis; & idem est de alijs omnibus denominationibus extrinsecis, quæ conueniunt obiectis, quatenus terminant actiones potentiarum cognoscentiarum aut appetituarum. Et *minor* etiam probatur, quia, iuxta sententiam oppositam, hæc denominatio extrinseca, in qua consistit bonitas moralis, consequitur ad actum humanum quatenus habet libertatem, & omnia requisita secundum rectam rationem ex parte obiecti & circumstantiarum, & tamen neque habere in particulari libertatem, neque habere in communi aliqua requisita secundum rectam rationem, cõuenit ei, iuxta oppositam sententiam, ut est à Deo, sed præcisè ut est à libero arbitrio creato: quia Deus eodẽ modo, quantum est ex parte sua, concurret ad actum voluntatis nostræ liberum, & ad necessarium & sine subiectione ad aliquam regulam, ratione cuius sint aliqua debita actui nostro, prout procedit ab ipso; atque adeo etiam concurret eodem modo ad actum, cui conueniunt omnia requisita secundum regulam, & ad eum cui desunt.

Confirmatur, quia denominationes extrinsecæ non habent propriam causam efficientem: ergo si bonitas moralis consistit in denominatione extrinseca, non habebit Deum pro causa efficienti; præbatur *antecedens*, quia postquam est facta res, cui cõuenit denominatio, & forma à qua provenit, talis denominatio, non potest intelligi fieri alicuius nouum effectum reale: ergo neque esse necessarium concursum causæ efficientis. Et explicatur exemplo: quia postquam est factus color, & actus videndi ipsum, non fit aliquis effectus realis qui sit, colorem esse visum: ergo neque est necessarius novus concursus causæ efficientis propter huiusmodi effectum; & eodẽ exemplo potest explicari *consequenter*, quia si bonitas moralis consisteret formaliter in hoc, quod est, colorem esse visum, similiter non haberet propriam causam efficientem, sicut neque color esse visum habet eam: quare idẽ dicendũ erit de quacũque alia denominatione extrinseca, in qua consistat.

Ad hoc argumentum respondēt aliqui ex aduersarijs, solũ cõvincere, Deum non esse causam physicam bonitatis moralis, quia neque ipsa bonitas, saltem immediate, potest habere talem causam; ne tamen videatur concedere, Deum non magis esse causam bonitatis, quàm malitiæ moralis, addunt, non probari hoc argumento Deum non esse causam moralem bonitatis: quia Deus exhortatione, cõsilio, & præcepto mouet nos ad eam. Et dicunt, in hoc esse discrimen in causalitate Dei respectu bonitatis, & malitiæ moralis:

quia, licet neutrius sit Deus causa physica, tamen bonitatis est causa moralis, & non malitiæ, cum neque consilijs, neque præceptis moueat nos ad malum, sicut ad bonum.

Et contra hanc solutionem ego non video quid possit obijci, quod vim ullam habeat, si præcise listamus in bonitate morali actuum naturalium, ut distinguuntur à supernaturalibus; nisi repetamus argumenta præcedentia, ad probandum, bonitatem moralem esse aliquam entitatem positiuam realem, existentem actu à parte rei; & ex hoc colligemus, esse à Deo, ut à causa efficienti, sicut omne ens per participationem est ab ente per essentiam. Si tamen hanc rem examinemus in bonitate morali actuum supernaturalium, videtur mihi esse sufficiens fundamentum Theologicum ad impugnandum prædictam solutionem; quod sic potest colligi iuxta doctrinam conciliorum non sufficiunt vires naturæ ad credendum, sperandum, diligendum, & persistendum sicut oportet, scilicet, in ordine ad salutem supernaturalem animæ: sed requiruntur vires gratiæ & supernaturales; & per illud verbum *sicut oportet*, intelliguntur, iuxta communem Theologorum sententiam, omnes conditiones, quæ ex parte actus requiruntur ad hoc, ut deferuiat ad salutem animæ; siue per modum dispositionis ad iustificationem, siue per modum meriti gloriæ, & augmenti gratiæ, ut nunc suppono ex materia de gratiâ; sed una ex his conditionibus est bonitas moralis, quia ea deficiente, non erit actus, qualis requiritur ad meritum, imo neque ad dispositionem, ut multi volunt: ergo ad bonitatem moralem illorum actuum requiruntur vires gratiæ; & cum huiusmodi vires sunt actiue, quia dantur ad operandum; sequitur bonitatem moralem illorum actuum procedere ab eis efficienter, & ex consequenti etiam à Deo; quare videtur concedendum, Deum non solum esse causam moralem bonitatis moralis illorum actuum, sed etiam efficientem physicè.

Confirmatur ex modo loquendi Conc. Trident. nam imprimis sess. 6. decreto de iustificante cap. 5. docet, hominem posse resistere gratiæ Dei præuenienti, ex excitanti, & sine adiutorio huius gratiæ non posse mouere se ad iustitiam; & statim id probat, quia cum dicitur, *Conuertimini ad me, & ego conuertar ad vos*; libertatis nostræ admonemur; cum respondemus, *conuertere nos domine ad te, & conuertermur*; Dei nos gratia præueniri confitemur, ubi Concilium supponit ut certum, motum nostrum ad iustitiam, quem appellat conuersionem in Deum, esse bonum moraliter: quoniam alias non moueremur per eum ad iustitiam, neque conuerteremur in Deum, & dicit expresse esse liberum, & de eo prout includit hæc duo, scilicet bonitatem moralem, & libertatem, docet esse effectum diuinæ gratiæ. Et deinde sess. 14. doctrina de sacramento penitentiarum c. 4. docet attritionem, quæ vel ex consideratione turpitudinis peccati, vel ex poenarum metu communiter concipitur non solum non facere hominem hypocritam, & magis peccatorem, verum etiam donum Dei esse, & spiritus sancti impulsus, non adhuc inhabitantis, sed tantum mouentis; quo poenitens ad iustitiam sibi ad iustitiâ parat; ubi etiam docet expresse concilium, hanc attritionem non esse peccatum, sed *donum Dei*, atque adeo bonum moraliter, & secundum hanc rationem esse effectum gratiæ diuinæ: Et præterea can. 5. eiusdem doctrinæ definit,

A contritionem esse utilem dolorem, & præparare ad gratiam, & non facere hominem hypocritam, & magis peccatorem; in quibus necessario includitur non esse peccatum, sed bonam moraliter, & subdit, non esse dolorem coactum, sed liberum, & voluntarium; & præsupponit, hanc contritionem secundum hanc rationem esse effectum diuinæ gratiæ, *nam ex eo*, quod dixerat de attritione, *nam etiam quia id definitur* sess. 6. decreto de iustificante cap. 3.

ULTIMA CONCLUSIO, illud reale superadditum intrinsece entitati actui humani, in quo dixi consistere formaliter eius bonitatem moralem, non est absolutum simpliciter, sed est quidam habitudo siue relatio transcendentalis, terminata ad obiectum secundum eam rationem particularem; quæ est bonum moraliter obiectiue, quæ est conformitas obiectiua cum rella ratione, hæc conclusio statuitur contra tertiam sententiam, & continet duas partes, in quarum prior explicatur, quid sit formaliter bonitas moralis actus, & in posteriori, quid sit bonitas moralis obiecti. & quoad utramque manet explicata ex ijs, quæ diximus dubio præcedenti, ad explicationem secundæ conclusionis. Solum est aduertendum circa priorem, consulto dici, non esse absolutum simpliciter, sed relationem transcendentalem: quia duobus modis dicitur aliquod ens absolutum, scilicet, quia nulla ratione respicit secundum suam essentiam aliquid extrinsecum, ut homo & Angelus; vel quia eius essentia ita est in se absoluta, ut habeat esse in particulari rationis & modi, potius quam alterius, intra latitudinem essentiarum, iuxta exigentiam alicuius extrinseci, ut potentia, habitus, & actus, de quorum essentijs solet dici consistere in coaptatione, & cõmensuratione ad obiecta, vel terminos, Et quod hoc posteriori modo est absolutum, dicitur non esse simpliciter absolutum, quia respicit prædicto modo extrinsecum; neque tamen dicitur relatiuè prædicamentale, sed transcendentalis, *nam quia* extrinsecum, quod respicit non est correlatiuum, sed terminus, à quo specificatur; *nam etiam quia* potest esse prima entitas rei, & primario intenta ab agente, saltem in suo ordine, scilicet entis moralis quod nunquam conuenit relationi prædicamentali, quia nunquam fit per se, sed consequenter ad aliud in suo ordine, scilicet entis naturalis. Et hoc supposito probatur PRIMA PARS ratione desumpta ex doctrina D. THO. & ARISTOTELIS; nã ARISTOTELES lib. 2. de anima cap. 4. docuit, actiones sumere speciem ex termino, vel obiecto: & ex hoc colligit D. THO. articulo sequenti, actiones humanas sumere speciem bonitatis moralis ex obiecto; quia par ratio est quantum ad hoc de omnibus actionibus siue in genere naturæ, siue in genere moris, ut explicui dubio præcedenti, in probatione conclusionis citatæ; & hanc doctrinam omnes ita explicant, ut dicant, actum sumere speciem ab obiecto vel termino, quia obiectum est quasi causa formalis, non intrinseca, sed extrinseca, talis speciei; ut D. T. explicuit in illo articulo, & ratio eius est, quia per esse id, unde sumitur aliquod esse importatur aliqua causalitas respectu talis esse; & hæc, in re, de qua loquimur, cum non possit esse efficiens, nec materialis; erit finalis, vel formalis, non intrinseca, sed extrinseca: quia obiectum non informat intrinsece, actum, sed terminat extrinsece. Et ex hac doctrina ita intellecta sic argumetur: forma extrinseca non potest esse causa alicuius esse realis absoluti, sed solum respectui ad ipsam: ergo

ergo specificatio actus quæ sumitur à suo obiecto, ut à forma extrinseca non est aliquid absolutum, sed respectu ad ipsum obiectum antecedens hoc patet, quia forma extrinseca, aut finis solum potest esse causa commensurationis & coaptationis ad ipsam formam, in quantum res, cuius est forma, est commensurata iuxta eius exigentiam; & hæc commensuratio est quædam habitudo transcendentalis.

Confirmatur, quia omnes, cum explicant illam doctrinam ARISTOTELIS de specificatione actuum per obiecta, dicunt, rationem eius esse, quia specificatio intrinseca & essentia actuum consistit in ordine & commensuratione ad obiecta; & idem dicunt de potentijs, & habitibus.

SUPEREST AUTEM probandum in hac parte, hanc relationem terminari ad obiectum in quantum in eo est bonitas moralis obiectiva. Et hoc probatur, quoniam alias non erit proportio inter relationem & terminum; item quia in hoc obiecto tantum possunt distingui duo, scilicet entitas naturalis, & bonitas moralis; & ratione prioris terminatur actum ut est in genere naturæ; & indifferenter potest terminare actum bonum aut malum moraliter; ergo ratione posterioris terminatur actum in quantum est bonus moraliter.

SECUNDA ETIAM PARS probatur quia supposito convenire obiectis actuum humanorum bonitatem moralem obiectivam, ut nunc ostendimus ex proportionem requisita inter actus & obiecta, non potest hæc bonitas obiectorum constitui in alio, quam in eorum conformitate ad regulam: quia non potest constitui in eorum entitate naturali præcise sumpta, ut pertinet ad genus naturæ, propter eandem rationem: ergo debet constitui in alio superaddito; & hoc non potest esse aliud, quam prædicta conformitas; quia in obiecto, ut obiectum est (licet interdum sit actus, ut cum per actum voluntatis volumus alium actum, siue in æternum, siue externum) non est formalis tendentia in suum obiectum, & ideo nihil restat in quo constituatur bonitas moralis præter illam conformitatem.

Et tandem advertendum ex Durando in 2. d. 18. q. 1. n. 8. nomen *obiecti* in utraque parte non sumi strictè, ut distinguitur à circumstantijs: sed late, & secundum totum suum ambitum, & prout est idem, quod volitum, secundum quam rationem comprehendit non solum obiectum, sed etiam circumstantias, quia non est volitum obiectum nude sumptum, sed quatenus est affectum suis circumstantijs; ut cum quis vult v. g. opus eleemosinæ, non vult ipsam solum, sed quatenus fit tali loco, & tempore & propter talem finem, & ut procedit à tali operante. & obiectum ita sumptum est quod importat plenam conformitatem cum regula, & quod dat actui speciem bonitatis moralis.

SED DUE RESTANT DIFFICULTATES circa hanc conclusionem. PRIMA est, an hæc relatio, in qua consistit bonitas moralis actus, sit distincta ab ea, in qua dubio præcedenti conclusione secunda dixi consistere esse morale sumptum in genere. Secunda est an conformitas obiecti ad regulam: in qua consistit eius bonitas, sit relatio rationis aut denominatio extrinseca respectu ipsius obiecti, vel potius sit aliquid reale existens realiter in eo.

AD PRIMAM Respondetur, non esse distinctam relationem, sed distinctum gradum essentia, eiusdem relationis; quia in actu humano bono una

tantum est relatio transcendentalis, in qua consistit suum esse morale, & quoad gradum genericum supremum, scilicet esse morale sumptum in communi, & quoad differentialem, seu specificum subalternum, scilicet bonitatem moralem in communi, & quoad differentialem, seu specificum ultimum, scilicet bonitatem moralem talis speciei v. g. temperantiæ, obedientiæ aut humilitatis, & in hac relatione distinguuntur hi tres gradus per ordinem ad tres rationes morales obiectivas correspondentes proportionaliter in obiecto, quæ omnia facile poterunt intelligi exemplo desumpto ex modo, quo similes gradus essentia distinguuntur in quacumque relatione in genere naturæ, v. g. in paternitate aut filiatione.

AD SECUNDAM difficultatem respondetur in conformitate illa obiecti cum regula, duo posse considerari, scilicet, *concursum* & *convenientiam* quædam eorum omnium, quæ ex parte obiecti & circumstantiarum requiruntur secundum regulam; & ipsam conformitatem, quam tale obiectum habet ad regulam, & quoad primum, esse relationem rationis mutui concursus, & quasi mutui coniunctionis illorum omnium inter se, ad constituendum obiectum, quale postulat regula; & quoad secundum esse etiam relationem rationis, siue denominationem extrinsecam, sumptam à regula cui obiectum dicitur conforme. & hoc convincunt aperte aliqua ex argumentis factis pro secunda sententia.

Esse obiectivas sequi ex hoc, etiam relationem in qua diximus consistere bonitatem moralem actus, non esse realem, sed rationis; quia relatio realis postulat terminum realem, quod videtur maxime verum in hoc genere relationum transcendentalium, quæ non solum respiciunt suos terminos, sed etiam pendunt quoad suum esse ab eis, ut à mensuris & foris extrinsecis: quia impossibile est ens reale dependere quoad suum esse ab ente rationis.

Respondetur negando sequelam; & ad probationem, (quicquid sit de requisitis ad realitatem relationis prædicamentalis) dicendum est, non semper requiri ad realitatem relationis transcendentalis terminum realem: quia neque requiritur propter fundamentam relationis, cum relatio transcendentalis non habeat proprie fundamentum, neque propter naturam ipsius relationis, quamvis aliquando consistat in dependentia quoad suum esse à termino, ut in nostro casu, quia hæc dependentia sæpe solum est ab obiecto ut à forma extrinseca, & mensura coaptationis & commensurationis, in qua consistit sua essentia; & hoc modo bene potest essentia realis ab ente rationis dependere, quia non est accipere realitatem aut esse ab ente rationis, sed esse commensuratam iuxta exigentiam entis rationis tanquam obiecti, hoc est sicut oportet ad attingendum ens rationis tanquam obiectum: & ita datur conceptus realis & cognitio entis rationis, quamvis per ordinem ad ens reale; & de habitu dialecticæ tenentur fateri idem omnes, qui dicunt, eius obiectum esse secundam intentionem; & idem demum est de actibus, quibus appetuntur officia reipublicæ, quorum ratio formalis consistit in relatione rationis, aut denominatione extrinseca.

§. 6. Ad argumenta prima sententia.

AD PRIMVM PRIMÆ SENTENTIÆ Respondetur, distinguendo antecedens, aut enim intelligitur de ijs, quæ pertinent ad vtrumque genus, tanquam entia omnino, & simpliciter absoluta, vt in genere entis naturalis sunt homo, angelus & similia; & in genere entis artificialis, domus, & effectus artis, qui non consistunt in commensuratione ad extrinsecum; aut de ijs, quæ pertinent, non vt simpliciter absoluta, sed vt commensurata quoad suas essentias, iuxta exigentiam alicuius extrinseci; & in vtroque genere, potentia habitus & actiones. Si intelligatur primo modo, concedendum est, tamen neganda est consequentia, quia proceditur à bonitate entis absoluti simpliciter, ad bonitatem entis respectui transcendentem: quasi huiusmodi entia conuenirent in modo suæ bonitatis, cum tamen sicut differunt in modo essentia etiam intra idem genus, vt ex dictis constat, ita debeant differre in modo bonitatis essentia; quia sicut essentia entis absoluti non postulat aliquid extrinsecum, vt essentia entis respectui postulat obiectum aut terminum: ita etiam bonitas essentia entis absoluti non postulat concursum alicuius extrinseci; sicut bonitas entis respectui. Si tamē intelligatur secundo modo, falsum est, nisi intelligatur cum limitatione, scilicet de concursu tantum eorum, quæ requiruntur intrinsece, aut in recto, ad rei perfectionem; & non eorum, quæ requiruntur extrinsece, & vt connotata, vel in obliquo. Dico autē antecedens illud intellectum in secundo sensu sine hac limitatione esse falsum, quia in entibus respectuius aliqua requiruntur ad eorum perfectionem vt connotata, & hæc quamuis requirantur ad eorum bonitatem, non sunt formaliter ipsa bonitas, sicut neque sunt ipsa essentia, quamuis requirantur ad eam: & quia addita hac limitatione excluduntur hæc connotata, ideo dixi, esse cum ea verum antecedens; ceterum ex eo intellecto cum hac limitatione non potest deduci consequentia, quia obiectum & circumstantia non requiruntur ad perfectionem actus in genere moris, nisi vt connotata, & extrinsece. Et ad probationem antecedentis, quatenus deferuire potest ad probandum ipsum in secundo sensu, Respondetur imprimis, quantum attinet ad bonitatem entis naturalis, solum convincere, ens naturale respectuum esse bonum in seipso, cum habet omnem perfectionem sibi debitam secundum suam naturam: non tamen consistere eius bonitatem in collectione harum perfectionum, quia aliqua perfectiones sunt ei debite extrinsece, & vt connotata, vt respectu actus naturalis, aut habitus, vel potentia, eius obiectum; & in his non consistit formaliter talis entis bonitas; & quantum attinet ad bonitatem entis artificialis, dicendum est, illam inductionem fieri solum in effectibus artificialibus, quorum essentia non sunt respectui in ordine ad aliquid extrinsecum, & ideo non esse ad propositum: si tamen sermo fiat de actionibus artificialibus, quibus sunt effectus, dicemus ad eorum bonitatem & perfectionem requiri aliquid vt intrinsecum, scilicet habitudinem & commensurationem ad effectum vt ad terminum artificialem; & aliquid vt extrinsecum & connotatum, scilicet ipsum terminum; & earum bonitatem artificialem consistere in priori, & non in posteriori.

Ad Confirmationem respondetur concedendi antecedens, si in illo ratio, siue definitio boni absoluti intelligatur de requisitis intrinsece, & non vt connotata, ad completum: & similiter concedi vtramque consequentiam, si vtriusque consequens sumatur in eodem sensu: ceterum ex hoc nihil sequitur contra nostram sententiam, quia hoc modo solum debetur actui, secundum rectam rationem, habitudo ad obiectum cum circumstantiis, ipsum vero obiectum cum circumstantiis solum debetur vt extrinsecum & connotatum.

AD SECUNDVM RESPONDETUR concedendo antecedens, si consequens intelligatur de concursu eorum quæ requiruntur vt extrinsece, qua ratione debet sumi, vt argumentum sit contra nos: & tota antecedentis ratio est, quia posito & ablato illo concursu, ponitur & aufertur proportio actus ad ipsum, in quo consistit eius bonitas, & possunt assignari duæ instantia huius consequentia prior est in termino relationis, qui adeo necessarius est ad esse relationis in altero extremo, vt eo posito, & secluso omni alio, ponatur relatio; & eo ablato auferatur: & tamen essentia relationis non consistit formaliter in termino, sed in habitudine ad ipsum; posterior est in scientia, quæ sumit suam dignitatem ex nobilitate obiecti, ita vt quo obiectum est nobilius, eo scientia sit præstantior: & satis sit poni & auferri nobilitatem obiecti, vt ponatur & auferatur bonitas & præstantia scientia, vt docuit ARISTOTELIS lib. 1. de anima c. 1. & tamen præstantia scientia non consistit formaliter in nobilitate obiecti, sed in habitudine sibi intrinseca ad ipsum.

Ad Confirmationem Respondetur, solum convincere, posito in actu humano toto illo concursu, poni in eo bonitatem moralem: non tamen consistere in tali concursu ipsam bonitatem; & ita sensus DIONYSII est, bonum consurgere ex integra causa, quia ad bonitatem actus cumque rei requiritur hæc integritas: non tamen, quia in ea consistat formaliter ipsa bonitas.

AD VLTIMVM respondetur, D. THOMAM in duobus primis testimoniis, plenitudinem essendi aut perfectionis, quæ docet esse ipsam bonitatem moralem nostrorum actuum, constituisse in collectione obiecti & circumstantiarum, quæ debentur ipsis actibus, secundum rectam rationem: non quia plenitudo consistat formaliter in huiusmodi collectione, sed quia consistit in commensuratione & coaptatione ad eam; ita vt tunc actus dicatur habere totam plenitudinem essendi, aut perfectionis sibi debitam secundum rectam rationem, cum est commensuratus iuxta exigentiam huius collectionis. Quemadmodum cum ARISTOTELIS & D. THOM. dicunt, actus specificari per sua obiecta: non est eorum sensus, specificationem actuum consistere formaliter in ipsis obiectis; sed consistere in commensuratione & habitudine ad obiecta. Et esse hunc sensum D. THOM. colligitur ex articulo sequenti ad tertium, ubi vt explicet, qua ratione actio humana sumat bonitatem ex obiecto, quod interdum est eius effectus; inquit, effectum esse terminum actionis, & ideo dare speciem bonitatis ipsi actioni, non quia proprie sit eius causa; sed quia actio dicitur bona ex eo, quod bonum potest inducere effectum, & ita ipsam proportionem actionis ad effectum esse rationem bonitatis ipsius actionis; & art. 4. ad 2. cum in argumento probasset, actionem humanam non sumere bonitatem

SECUNDUM ARGUMENTUM sit ad probandum idem, quia variata in actu solum habitudine ad legem, sit in eo mutatio à bonitate morali in malitiam: ergo ratio formalis bonitatis morali consistit in habitudine ad legem, siue ad rectam rationem. Probatur *antecedens*, quia si postquam cæpit fieri aliquis actus sine ulla prohibitione legis, accedat talis prohibitio, incipiet actus esse malus, qui antea erat bonus, & rursus, si cesset prohibitio, incipiet esse bonus: & tamen propter hanc mutationem legis non est necesse, mutari aliquid in actu, præter relationem ad ipsam legem.

TERTIUM ARGUMENTUM sit ad probandum *secundum*, quia relatio mensurabilis ad mensuram est rationis & extrinseca, ut docet ARIST. 5. metaph. cap. 15. si ergo relatio hæc, in qua consistit bonitas, est mensurabilis ad rectam rationem, ut ad mensuram (ut argumento primo est ostensum) sequitur esse relationem rationis, & extrinsecam.

Confirmatur, quia quandoque actus habet esse conformem rectæ rationi ex ordine ad obiectum, non existens actu, imo & impossibile: Ergo in hoc casu conformitas est relatio rationis. Patet *consequentia*, quia ordo ad obiectum est fundamentum conformitatis; hæc .n. causalis est vera, quia actus respicit tale obiectum, ideo est conformis formaliter regulæ: & tamen huiusmodi ordo ad obiectum in casu posito est relatio rationis, cum relatio realis requirat extrema realia, & realiter existentia, ergo etiam conformitas est relatio rationis.

QUARTUM ARGUMENTUM sit ad probandum *idem secundum*, quia libertas in actu solum est denominatio extrinseca relatiua sumpta ab indifferentia principij: ergo etiam bonitas morali in eodem actu non est aliquid reale ei inhaerens, sed denominatio extrinseca relatiua sumpta à sua regula. *Consequentia* patet, quia libertas in actu est fundamentum bonitatis morali, imo & totius moralitatis quæ est in eo, ut dubio præcedenti est ostensum; & habitudo aut modus quicumque non habet maiorem entitatem quam suum fundamentum. Et *antecedens* solet probari potissimum duobus medijs, quæ proposuimus dubio præcedenti in tercio argumento primæ sententiæ, ad probandum eius maiorem propositionem, quæ erat hoc idem antecedens; scilicet, libertatem nostrorum actuum esse denominationem extrinsecam sumptam ab indifferentia principij à quo procedunt. Et eis potest adiungi aliud *tertium medium*, quod est huiusmodi: libertas hoc loco sumitur pro indifferentia ad utrumque: ergo non conuenit intrinsecè actui, sed solum potentia; & ex consequenti tantum potest dici de actu secundum denominationem extrinsecam sumptam à libertate potentia. Probatur *consequentia*, quia indifferentia est modus intrinsecus potentia, in quantum secundum suam entitatem est operatiua cum indifferentia ad utrumque; & non est modus intrinsecus actui, quoniam actus secundum suam entitatem, neque habet indifferentiam ad operandum, ut constat; neque ad inhaerendum, cum non minus determinatè inhaereat suo subiecto, quam si non esset productus à causa libera, & non apparet in quo alio posset constitui eius indifferentia.

QUINTUM ARGUMENTUM sit ad

A probandum idem, quia ex libera voluntate hominum, non quidem operante physice media potentia executiua, sed constituyente aliquid circa actus humanos, pendet, ipsos actus esse bonos moraliter: ergo bonitas morali in nostris actibus non est aliquid reale eis intrinsecum. *Consequentia* patet, quia quod hoc modo pendet ex libera voluntate hominum, non potest esse aliquid reale, sed vel est aliquid rationis, vel denominatio extrinseca fundamentalis, cuius ratio à priori est, voluntatem secundum hanc rationem non influere physice aliquam entitatem in subiectum suæ dispositionis: & ita relatio signi, qua vox refertur ad suum significatum, non est realis, sed rationis, quia pendet ex libera hominum impositione: & similiter valor, qui conuenit monetæ in ratione monetæ, non est realis, quia pendet ex libera institutione reipublicæ. Et *antecedens* probatur, in primis in actibus, qui solum sunt mali, quia prohibiti iure humano: quiaistente prohibitione legis, fiat aliquis ex his actibus, erit malus; & ea ablata, erit bonus; & totum hoc, scilicet poni, & auferri prohibitionem legis, pendet ex libera hominum voluntate. Et *deinde* probatur in actibus qui sunt mali iure naturæ, quia multi ex his actibus, ut importent repugnantiam ad ius naturæ, & sint mali, postulant conditionem, aut circumstantiam aliquam dependentem ex libera hominum voluntate: ut furtum est acceptio rei alienæ inuito domino, in quo duo includuntur, quæ pendunt ex libera voluntate hominum, scilicet, rem, quam accipitur, esse sub dominio alterius, & eum, qui est dominus, esse inuitum. Et ad adulterium requiritur, alterum eorum, à quibus committitur, esse alicui matrimonio coniunctum, & hoc pendet ex libero consensu voluntatis eorum, qui matrimonium contraxerunt.

Confirmatur, quia sola mutatione voluntatis alienæ non mutatur aliquid reale in actu, qui nullo modo pendet physice à tali voluntate: ergo in his casibus, cum acquiritur aut deperditur bonitas morali in actu, non mutatur aliquid reale in eo, sed solù denominatio extrinseca, aut relatio rationis.

C 5.4. Sententia Caietani, constituit in modo quodam reali absoluto superaddito intrinsecè entitati actus liberi, ab aggregato Scoti: & à relatione, quam ponit secunda sens. distincto.

TERTIA SENTENTIA est aliorum, qui dicunt, bonitatem moralem consistere in modo quodam reali absoluto, superaddito intrinsecè entitati actus liberi, & distincto ab omni relatione actus siue ad obiectum, siue ad rationem, vel aliam regulam; & ab aggregato eorum omnium; quæ ex parte obiecti, & circumstantiarum requiruntur ad bonitatem ipsius actus, hanc sententiam sequitur CAIETA. in hac quæstione articulo quinto & quæst. 71. artic. 6. & quæst. 72. artic. 1. & quamuis ipse loquatur, expresse solum de malo morali: tamen supponit ut certum, debere dici idem de bono. Et probatur PRIMO argumento simili, confirmationi, quam pro eodem CAIET. proposuimus dubio præcedenti in secundo modo explicandi secundam sententiam, quia inter actum bonum & malum est oppositio contraria, non minus quam inter habitum bonum & malum, scilicet, virtutem & vitium: Ergo utriusque ratio formalis, scilicet,

boni & mali moralis, consistit in modo aliquo reali, & absoluto superaddito entitati actus; patet consequentia, quia alias non poterit esse inter ipsa oppositio contraria.

S E C U N D O, bonitas moralis in habitu virtutis consistit in ratione formali reali & absoluta, pertinente ad prædicamentum qualitaris; ergo etiam bonitas moralis in actu consistit in ratione formali, reali, & absoluta pertinente ad prædicamentum, in quo collocatur ipse actus; quod dico, propter diversitatem opinionum circa prædicamentum, in quo huiusmodi actus inmanentes sunt collocandi. *Antecedens* patet, quia habitus virtutis, secundum specificam rationem virtutis atque adeo ut bonus moraliter, pertinet ad prædicamentum qualitaris. Et *consequentia* probatur ex paritate rationis, quia sicut habitus virtutis est habituale pondus in obiectum conforme rectæ rationi: ita etiam actus virtutis est actuale pondus siue actualis tendentia in idem obiectum.

T E R T I O, in actu bono est relatio vel ad obiectum conforme regulæ, vel conformitatis ad ipsam regulam: Ergo præsupponitur in eo ad hanc relationem aliquid absolutum, tanquam fundamentum, ad quod ipsa relatio consequatur; & ulterius, ergo in illo absoluto consistit formaliter bonitas moralis actus. *Prima consequentia* patet, quia commune est omni relationi, præsupponere aliquod fundamentum, quod infallibiliter comitetur & consequatur. Et *secunda* probatur, tum quia ratione illius absoluti est actus conveniens naturæ rationali atque adeo bonus bonitate morali relatu; ergo etiam ratione eius est in seipso bonus & perfectus secundum rectam rationem atque adeo bonus bonitate morali absoluta: tum etiam quia si illud absolutum est fundamentum conformitatis relatiue: ergo est conformitas radicalis & fundamentalis; & ex consequenti, est bonitas moralis.

Confirmatur, quia quamvis bonitas delectabilis, quæ est in aliquo obiecto, importet relationem ad appetitum, cui tale obiectum est delectabile; & bonitas vilis, quæ est in medio, importet relationem ad finem, ad cuius consecutionem tale medium est utile, neutra consistit formaliter in relatione, sed in absoluto, quod ad relationem præsupponitur tanquam fundamentum ex quo procedit: ergo similiter, quamvis bonitas moralis, quæ est in actu, importet relationem ad regulam vel ad obiectum: non consistit formaliter in hac relatione, sed in absoluto, quod ad eam præsupponitur.

§. 5. Bonitas moralis actus consistit in aliquo reali inherenti in ipso actu.

P R I M A C O N C L U S I O, ad bonitatem moralem, quæ est in actu humano, requiritur collectio eorum omnium quæ ex parte obiecti & circumstantiarum sunt debita secundum rectam rationem actus, non tamen consistit in huiusmodi collectione ratio formalis ipsius bonitatis. **P R I M A P A R S** probatur latè à D. THOMA articulis sequentibus huius quæstionis, Et nunc potest breviter probari, quia deficiente quocunque eorum, quæ pertinent ad illam collectionem, actus erit dissilens rectæ rationis, atque adeo malus: ergo tota illa collectio requiritur ad bonitatem actus: & in ea conveniunt debent omnes sententiæ relatæ & quorquor in hac quæstione pos-

sunt excogitari.

A **S E C U N D A E T I A M P A R S**, quæ peculiariter statuitur contra primam sententiā, probatur **P R I M O**, quia ad actum voluntatis in genere naturæ requiritur suum obiectum; & tamen specificatio eius non consistit formaliter in ipso obiecto; ergo similiter, quævis ad actum ut bonum moraliter, requirantur obiectum, & circumstantiæ, prout dicitur recta ratio, non consistit in eis formaliter specificatio eius quoad bonitatem moralem.

Confirmatur, quia ad veritatem iudicii intellectus requiritur obiectum, & talis modus se habendi; & tamen non consistit formaliter in hoc veritas iudicii: ergo etiam quamvis ad bonitatem moralem actus voluntatis requirantur obiectum & circumstantiæ, non consistit formaliter in eis bonitas.

S E C U N D O, gradus genericus entis moralis distinguitur realiter ab illa collectione, ut patet ex ijs, quæ de ipso diximus, dubio præcedenti: ergo ratio formalis bonitatis moralis distinguitur ab ea relatione, & ex consequenti non consistit formaliter in ea. Patet *consequentia*, quia gradus genericus & differentialis in quacunque re sunt idem realiter, atque adeo non potest vnus eorū distingui realiter ab aliquo, quin alter etiam distingatur: Et per rationem formalem bonitatis moralis intelligimus differentiam contra gradum genericum entis moralis, ut in principio huius dubij diximus.

V I T I M O, ex opposita sententia sequuntur duo inconuenientia. *Primum* est, non dari proprie in actibus speciem bonitatis moralis, atque adeo actus distinctarū virtutū non distingui inter se specie in genere moris: Patet sequela, quia species propriè supra est vnū per se, & illa collectio est vnū per accidens, & aggregatione: *secundum* est, bonitatem moralem consistere formaliter in extrinseca denominatione, quod statim probauimus esse falsum: patet sequela, quia tota illa collectio est extra entitatem actus.

S E C U N D A C O N C L U S I O ratio formalis bonitatis moralis est aliquid reale, ut distinguitur ab ente rationis, & existens in ipso actu, seu inherens ei ut distinguitur a denominatione extrinseca. Hæc conclusio intelligitur de actibus elicitis à voluntate ut eliciti sunt, quia de imperatis quantum ad hoc, alia est ratio, ut dubio præcedenti dixi de *esse morali* in communi, & continet duas partes, & quoad vtramque proponitur contra secundam sententiā, nam quamvis breviter sit ostensum dubio præcedenti, denominationes extrinsecas, etiam quantum ad habitudinem quasi formalem inter rem, à qua sumitur denominatio, & re denominatam, esse actu & formaliter entia rationis, tamen quia aliqui ex ijs, qui defendunt illam sententiā, ne videantur concedere, bonitatem nostrorū actuum non habere actu esse à parte rei ante operationem intellectus, dicunt has denominationes extrinsecas non sepe esse entia rationis, sed aliquādo esse reales, non quidē quantum ad exercitiū denominandi, quod etiam in denominationibus intrinsecis est opus rationis, sed quantum ad habitudinem & cōuenientiam quasi formalem rei à qua sumitur denominatio ad re denominatā, ut cū sumitur à forma reali, & in hoc habent pro se FRANCISCVM SVAREM disp. 54 metaph. sectione 1. §. 10. ideo distinximus has duas partes, ut aperiremus fallitatem illius sententiæ quoad omnes sentus, in quibus defendi solet. Et probatur, **P R I M A**, quia ante operationem intellectus sunt actu distinctæ species boni atque moralis in nostris actibus; ergo bo-

nitatis nostrorum actuum consistit formaliter in aliquo reali. & non in ente rationis. *Consequentia* patet, quia nullo alio efficaciori argumento uti possumus ad probandum aliquid esse ens reale, quam quod habeat actu esse ante operationem intellectus; & *antecedens* probatur, quia ante operationem intellectus tres actus trium virtutum, v.g. iustitiæ, temperantiæ, & misericordiæ habent actu tres bonitates morales, distinctas inter se specie.

Ad hoc respondentaliqui, esse aliqua entia rationis, quæ dant subiectis suum esse & suam denominationem seclusa operatione intellectus; ut in moralibus, titulo dignitatis & officiorum reipublicæ vig. prætoris, ducis, regis & similibus sunt entia rationis; & nihilominus dant suum esse, & suam denominationem subiectis ante operationem intellectus. & in physicis priuationes & negationes, sunt formaliter entia rationis, & dant suum esse & suam denominationem subiectis ante intellectus operationem; nam homo carens visu dicitur, & est à parte rei, & sine dependentia ab intellectu, cæcus; & tabula est eodem modo non videns; quare similiter ratio formalis, in qua consistit bonitas formalis, quamvis sit ens rationis, poterit dare actu à parte rei, & sine dependentia ab intellectu esse bonum moraliter.

Sed hæc solutio facile impugnari potest, quia ens rationis est ens, cuius esse aut existere pendet ab intellectu, non quidem subiectivè, aut efficienter, sicut conceptus & actus ipsius intellectus, sed obiectivè; ergo impossibile est, ipsum aut habere, aut dare alicui esse seclusa operatione intellectus, quæ ei obijciatur. Et non probatur oppositum illis duobus exemplis: nam in priori dicendum est, non habere aliquem esse aut dici præiorem vel ducem, à parte rei, & sine dependentia ab intellectu, ratione tituli, prout formaliter est ens rationis; sed ratione sui fundamenti, sc. electionis factæ ab habente potestatem, quæ licet physicè transierit, manet moraliter in memoria, & æstimatione hominum; & similiter in posteriori dicendum est, hominem aut lapidem in eo casu esse cæcū, aut non videntem, non ratione priuationis, aut negationis prout formaliter est ens rationis, si vere ita est; sed ratione sui fundamenti, quod est, suum subiectū esse, & formam oppositam non esse, quia etiam est à parte rei non per modum entis positiui, sed per modum remotionis; & ita uniuersaliter dicendum est in omnibus alijs exemplis, quæ ad explicandum illam solutionem solent adduci: ut de Deo creatore, & domino creaturarum, & volente aliquid habere, & alijs similibus: quia nunquam aliquid est tale à parte rei & seclusa operatione intellectus, à relatione rationis, sed ab eo, quod re ipsa præsupponitur, tamquam fundamentum vel motiū, ut intellectus consideret, aut fingat relationem rationis.

Dicit tamen aliquis, esse quantum ad hoc eandem rationem de bonitate moralis: quia quamvis ipsa consistat formaliter in relatione rationis, poterit actus dici bonus re ipsa moraliter, non ratione talis relationis, sed sui fundamenti, sc. cōkursus eorum omnium, ex quibus intellectus in eo considerat talē relationem rationis.

Sed etiam hoc potest impugnari, quia ex eo sequitur, bonitatem moralem non consistere formaliter in relatione rationis, sed in fundamento, quod à parte rei præsupponitur ad eam. Patet sequela, quia in argumento probatur, bonitatem moralem esse à parte rei, & ante operationem intellectus, non solum fundamentaliter, sed etiam formaliter, & quoad propriam rationem formalem ipsius; & tamen iuxta hanc solutionem,

solum ponitur à parte rei fundamentum.

DEINDE PROBATVR SECUNDA PARS & in primis autoritate D. TH. quia in hoc ar. dicit, bonitatem moralem consistere in plenitudine essendi debitam actui humano sicut bonitas naturalis consistit in plenitudine essendi secundum naturam; ergo sicut bonitas naturalis consistit in plenitudine quoad esse intrinsecum rei, ita etiam bonitas moralis. Et art. 2. non solum repetit hanc doctrinam, sed etiam dicit, sicut res naturalis habet primam & essentialē speciem ex sua forma, ita etiam actionem moralem habere eam ex obiecto; sicut etiam motus eam habet ex termino: & loquitur de specie in actione morali, quæ consistit in bonitate morali, ut ipse paulo inferius explicat, ex hoc autem aperte sequitur, sicut species, quam res naturalis habet à sua forma, non est extrinseca denominatio, sed aliquid ipsi rei intrinsecum, ita etiam species, quam actio moralis habet ex obiecto, quæ est prima bonitas moralis, non consistere (iuxta sententiam D. TH. in extrinseca denominatione; præsertim cum simul compareret hanc speciem actionis, speciei, quam motus quicunque naturalis habet ex termino: quia cum eodem modo se habeat actio ad obiectum, sicut motus ad terminum; non potest assignari sufficiens ratio disparitatis propter quam species motus, quæ sumitur à termino, sit intrinseca ipsi motui, & species actionis sumpta ab obiecto consistat in extrinseca denominatione.

SECUNDO probatur ratione desumpta ex hac doctrina D. TH. quia actio humana sumit bonitatem moralem ex obiecto: ergo bonitas moralis est aliquid reale intrinsecum ipsi actioni humanæ. *Consequentia* patet, *nam* quia id quod actus sumit à suo obiecto, est modus, secundum quem actus ex parte sua attingit ipsum obiectum, atque adeo non potest esse denominatio extrinseca; *nam* etiam exemplis, nam veritas, quam actus intellectus sumit à suo obiecto, eo modo quo actio humana sumit bonitatem moralem à suo, sc. quia per ordinem ad obiectum habet veritatem, non est denominatio extrinseca respectu ipsius actus intellectus, sed aliquid reale intrinsecum ipsi: & similiter specificatio, quam quicunque actus intellectus & voluntatis in genere naturæ sumit à suo obiecto, est aliquid ei intrinsecum: quare idem dicendum erit de bonitate morali, quam actio humana sumit etiam ab obiecto; aut assignanda erit ratio discriminis. Et *antecedens* probatur ex doctrina ARIST. 2. de anima cap. 4. recepta ab omnibus theologis & philosophis, de specificatione actuum per sua obiecta, quia non solum intelligitur de specificatione in genere naturæ, sed etiam in genere moris, atque adeo quoad bonitatem moralem, cum sic eadem ratio quantum ad hoc in utroque genere, sc. actum comparari ut viam & tendentiam, & ex consequenti ut quid potentiale, ad obiectum ut ad terminum, atque adeo ut ad actum & formam: & unumquodque sumere suam specificationem ab eo, quod respectu eius habet rationem formæ.

TERTIO, bonitas moralis in habitu virtutis non est extrinseca denominatio, sed aliquid reale ei intrinsecum: ergo etiam in actu virtutis, qui ut sic est bonus moraliter. *Antecedens* nunc suppono, ut certum ex communi sententia omnium theologorum; quia licet aliqui dicant, bonitatem moralem in habitu virtutis non esse differentiam contrahentem per se rationem habitus ad constitutionem ipsius virtutis, sed supponere, ut materiam & fundamentum, rationem habitus contractam ad ultimam speciem in genere habitus; nullus est, qui dicat, esse denominationem extrinsecam,

de quo

de quo agendum est in materia de virtutibus. Et *consequenter* probatur, quia quicumque habitus, eo modo quo concurret ad suum actum, facit eum intrinsece & secundum suam entitatem participem sui obiecti, & dat ei specificationem sibi proportionatam: ut, habitus scientiæ facit suum actum secundum suam entitatem participem obiecti scientiæ, & dat ei specificationem scientiæ: ergo idem præstabit habitus virtutis in suo actu.

Confirmatur, quoniam alias sequitur, actus nostros non concurrere, neque dispositiue, neque efficienter ad acquisitionem virtutum moralium ut virtutes sunt, & bonæ moraliter; quod est contra communem omnium theologorum & philosophorum sententiam. Patet *sequela*, quia actus nostri neutro ex illis duobus modis possunt concurrere ad acquisitionem virtutum moralium secundum illam rationem, nisi ut ipsi sunt boni moraliter: alias non magis concurrent ad virtutem vnius speciei, quam alterius; imo neque ad virtutem ut virtus est, & bona moraliter, quia seclusa ab eis bonitate morali, non habent per quid sint proportionati magis ad bonitatem vnius virtutis quam alterius, neque ad aliquam bonitatem virtutis: ergo neque possunt concurrere, nisi sint boni bonitate intrinseca, & quæ non consistat solum in denominatione extrinseca. Probatur hæc *consequenter*, quia uterque modus causalitatis, scilicet dispositiue & efficientis, est physicus, & conueniens actibus ex natura rei: ergo etiam id, quod ad utrumque modum causalitatis requiritur ex parte ipsorum actuum tanquam ratio concurrenti, debet esse intrinsecum eis: quia non potest aliquid constitui in ratione causæ concurrentis physicæ, & ex natura rei, per solam denominationem extrinsecam; Et ex hoc sequitur aliud inconueniens, scilicet, non dari in nobis virtutes morales acquisitas: quia non dantur actus, per quos possimus eos acquirere; Dicere vero, esse satis concursum obiecti realis, & circumstantiarum realium, quamuis totus sit extrinsecus actui, ut actus ille concurret illis duobus modis ad acquisitionem virtutis, & vnius virtutis potius, quam alterius (sicut aliqui ex ijs, qui defendunt, malitiam moralem in peccato commissionis esse denominationem extrinsecam, aut relationem rationis, dicunt, esse satis ut peccatum ipsum expellat ex natura rei gratiam) videtur omnino ridiculum: quia quod concurret illis duobus modis ad virtutem, non est concursus obiecti, & circumstantiarum, sed actus per se ipsum; & tamen neque habet vim proportionatam ad hoc, secundum aliquid suæ entitatis, neque potest eam accipere tanquam à forma, ex concursu illorum omnium: quia omnino est extrinsecus ipsi; & non potest id, quod est extrinsecum alicui rei, habere rationem formæ dantis ei proportionem ad concurrendum physicè, & ex natura rei, ad aliquem effectum. Et *præterea*, iuxta hanc solutionem, hæc sententia videtur coincidere cum prima, asserente, bonitatem moralem consistere formaliter in concursu eorū omnium, quæ ex parte obiecti & circumstantiarum requiruntur ad actum secundum rectam rationem.

Quinto sequitur ex opposita sententia, Deum non esse causam efficientem actus virtutis ut virtutis est, siue (quod est idem) ut est bonus moraliter: probatur sequela, quia denominatio extrinseca, si habet aliquam causam efficientem, non habet

aliam præter eam, quæ est causa eius, quod consequitur, & secundum eam rationem, quæ consequitur: sed Deus iuxta oppositam sententiam, non est causa efficiens actus humani secundum eam rationem, secundum quam ad ipsum consequitur hæc denominatio extrinseca, in qua consistit bonitas moralis, ergo neque ipsius denominationis, siue bonitatis moralis: *maior* probatur exemplis, quia denominationis extrinsecæ, quæ color dicitur visus nihil potest esse causa efficiens, præter id, quod est causa visionis, secundum eam rationem, quæ ad eam consequitur talis denominatio: & ita, quia huiusmodi denominatio consequitur ad visionem præcisè secundum eam rationem, quæ elicitur à principio vidente ut videns est; & Deus non est hoc modo eius causa, quia licet efficiat totam entitatem visionis, non elicit eam ut principium videns, ideo non dicitur causa efficiens huius denominationis; & idem est de alijs omnibus denominationibus extrinsecis, quæ conueniunt obiectis, quatenus terminant actiones potentiarum cognoscitiuarū aut appetitiuarū. Et *minor* etiam probatur, quia, iuxta sententiam oppositam, hæc denominatio extrinseca, in qua consistit bonitas moralis, consequitur ad actum humanum quatenus habet libertatem, & omnia requisita secundum rectam rationem ex parte obiecti & circumstantiarum, & tamen neque habere in particulari libertatem, neque habere in communi aliqua requisita secundum rectam rationem, conuenit ei, iuxta oppositam sententiam, ut est à Deo, sed præcisè ut est à libero arbitrio creato: quia Deus eodē modo, quantum est ex parte sua, concurret ad actum voluntatis nostræ liberum, & ad necessarium & sine subiectione ad aliquam regulam, ratione cuius sint aliqua debita actui nostro, prout procedit ab ipso; atque adeo etiam concurret eodem modo ad actum, cui conueniunt omnia requisita secundum regulam, & ad eum cui desunt.

Confirmatur, quia denominationes extrinsecæ non habent propriam causam efficientem: ergo si bonitas moralis consistit in denominatione extrinseca, non habebit Deum pro causa efficiēti, præbatur *antecedens*, quia postquam est facta res, cui conuenit denominatio, & forma à qua provenit, talis denominatio, non potest intelligi fieri aliquem nouum effectum realem: ergo neque esse necessarium concursum causæ efficientis. Et explicatur exemplo: quia postquam est factus color, & actus videndi ipsum, non fit aliquis effectus realis qui sit, colorem esse visum: ergo neque est necessarius nouus concursus causæ efficientis propter huiusmodi effectum; & eodē exemplo potest explicari *consequenter*; quia si bonitas moralis consistit formaliter in hoc, quod est colorem esse visum, similiter non haberet propriam causam efficientem, sicut neque color esse visum habet eam: quare idē dicendum erit de quacūque alia denominatione extrinseca, in qua consistat.

Ad hoc argumentum respondēt aliqui ex aduersarijs, solū convincere, Deum non esse causam physicam bonitatis moralis, quia neque ipsa bonitas, saltem immediate, potest habere talem causam; ne tamen videatur concedere, Deum non magis esse causam bonitatis, quā malitiæ moralis, addunt, non probari hoc argumento Deum non esse causam moralem bonitatis: quia Deus exhortatione, cōsilio, & præcepto mouet nos ad eam. Et dicunt, in hoc esse discrimē in causalitate Dei respectu bonitatis, & malitiæ moralis:

quia, licet neutrius sit Deus causa physica, tamen bonitatis est causa moralis, & non malitiae, cum neque consilij, neque præceptis moueat nos ad malum, sicut ad bonum.

Et contra hanc solutionem ego non video quid possit obijci, quod vim ullam habeat, si præcise listamus in bonitate morali actuum naturalium, ut distinguuntur à supernaturalibus; nisi repetamus argumenta præcedentia, ad probandum, bonitatem moralem esse aliquam entitatem positiuam realem, existentem actu à parte rei; & ex hoc colligimus, esse à Deo, ut à causa efficienti, sicut omne ens per participationem est ab ente per essentiam. Si tamen hanc rem examinemus in bonitate morali actuum supernaturalium, videtur mihi esse sufficiens fundamentum Theologicum ad impugnandum prædictam solutionem; quod sic potest colligi iuxta doctrinam conciliorum non sufficiunt vires naturæ ad credendum, sperandum, diligendum, & persistendum sicut oportet, scilicet, in ordine ad salutem supernaturalem animæ: sed requiruntur vires gratiæ & supernaturales; & per illud verbum *sicut oportet*, intelliguntur, iuxta communem Theologorum sententiam, omnes conditiones, quæ ex parte actus requiruntur ad hoc, ut deferuiat ad salutem animæ; siue per modum dispositionis ad iustificationem, siue per modum meriti gloriæ, & augmenti gratiæ, ut nunc suppono ex materia de gratiâ; sed una ex his conditionibus est bonitas moralis, quia ea deficiente, non erit actus, qualis requiritur ad meritum, imo neque ad dispositionem, ut multi volunt: ergo ad bonitatem moralem illorum actuum requiruntur vires gratiæ; & cum huiusmodi vires sunt actiue, quia dantur ad operandum; sequitur bonitatem moralem illorum actuum procedere ab eis efficienter, & ex consequenti etiam à Deo; quare videtur concedendum, Deum non solum esse causam moralem bonitatis moralis illorum actuum, sed etiam efficientem physicè.

Confirmatur ex modo loquendi Conc. Trident. nam imprimis sess. 6. decreto de iustificante cap. 5. docet, hominem posse resistere gratiæ Dei præuenienti, ex excitanti, & sine adiutorio huius gratiæ non posse mouere se ad iustitiam; & statim id probat, quia cum dicitur, *Conuertimini ad me, & ego conuertar ad vos*; libertatis nostræ admonemur; cum respondemus, *conuerte nos domine ad te, & conuertermur*; Dei nos gratia præueniri confitemur, ubi Concilium supponit ut certum, motum nostrum ad iustitiam, quem appellat conuersionem in Deum, esse bonum moraliter: quoniam alias non moueremur per eum ad iustitiam, neque conuerteremur in Deum, & dicit expresse esse liberum, & de eo prout includit hæc duo, scilicet bonitatem moralem, & libertatem, docet esse effectum diuinæ gratiæ. Et deinde sess. 14. doctrina de sacramento poenitentiae c. 4. docet attritionem, quæ vel ex consideratione turpitudinis peccati, vel ex poenarum metu communiter concipitur non solum non facere hominem hypocritam, & magis peccatorem, verum etiam donum Dei esse, & spiritus sancti impulsus, non adhuc inhabitantis, sed tantum mouentis; quo poenitens adiutus, viam sibi ad iustitiâ parat; ubi etiam docet expresse concilium, hanc attritionem non esse peccatum, sed donum Dei, atque adeo bonum moraliter, & secundum hanc rationem esse effectum gratiæ diuinæ: Et præterea can. 5. eiusdem doctrinæ definit,

A contritionem esse utilem dolorem, & præparare ad gratiam, & non facere hominem hypocritam, & magis peccatorem; in quibus necessario includitur non esse peccatum, sed bonum moraliter, & subdit, non esse dolorem coactum, sed liberum, & voluntariū; & præsupponit; hanc contritionem secundum hanc rationem esse effectum diuinæ gratiæ, *sum ex eo*, quod dixerat de attritione, *sum etiam quia* id definierat sess. 6. decreto de iustificante cap. 3.

ULTIMA CONCLUSIO, illud reale superadditum intrinsece entitati alius humani, in quo dixi consistere formaliter eius bonitatem moralem, non est absolutum simpliciter, sed est quidam habitudo sine relatio transcendentalis, terminata ad obiectum, secundum eam rationem particularem; quæ est bonum moraliter obiectiue, quæ est, conformitas obiectiua cum recta ratione, hæc conclusio statuitur contra tertiam sententiam, & continet duas partes, in quarum prioribus explicatur, quid sit formaliter bonitas moralis actus, & in posteriori, quid sit bonitas moralis obiecti. & quoad utramque manet explicata ex ijs, quæ diximus dubio præcedenti, ad explicationem secundæ conclusionis. Solum est aduertendum circa priorem, consulto dici, non esse absolutum simpliciter, sed relationem transcendentalem: quia duobus modis dicitur aliquod ens absolutum, scilicet, quia nulla ratione respicit secundum suam essentiam aliquid extrinsecum, ut homo & Angelus; vel quia eius essentia ita est in se absoluta, ut habeat esse in particulari talis rationis & modi, potius quam alterius, intra latitudinem essentiae, iuxta exigentiam alicuius extrinseci, ut potentia, habitus, & actus, de quorum essentia solet dici consistere in coaptatione, & cõmensuratione ad obiecta, vel terminos. Et quod hoc posteriori modo est absolutum, dicitur non esse simpliciter absolutum, quia respicit prædicto modo extrinsecum; neque tamen dicitur relatiuè prædicamentale, sed transcendentale, *sum quia* extrinsecum, quod respicit non est correlatiuum, sed terminus, à quo specificatur; *sum etiam quia* potest esse prima entitas rei, & primario intenta ab agente, saltem in suo ordine, scilicet entis moralis quod nunquam conuenit relationi prædicamentali, quia nunquam fit per se, sed consequenter ad aliud in suo ordine, scilicet entis naturalis. Et hoc supposito probatur PRIMA PARS ratione desumpta ex doctrina D. THO. & ARISTOTELIS; nam ARISTOTELIS lib. 2. de anima cap. 4. docuit, actiones sumere speciem ex termino, vel obiecto: & ex hoc colligit D. THO. articulo sequenti, actiones humanas sumere speciem bonitatis moralis ex obiecto; quia par ratio est quantum ad hoc de omnibus actionibus siue in genere naturæ, siue in genere moris, ut explicui dubio præcedenti, in probatione conclusionis citatæ; & hanc doctrinam omnes ita explicant, ut dicant, actum sumere speciem ab obiecto vel termino, quia obiectum est quasi causa formalis, non intrinseca, sed extrinseca, talis speciei; ut D. T. explicuit in illo articulo, & ratio eius est, quia per esse id, unde sumitur aliquod esse importatur aliqua causalitas respectu talis esse; & hæc, in re, de qua loquimur, cum non possit esse efficiens, nec materialis; erit finalis, vel formalis, non intrinseca, sed extrinseca: quia obiectum non informat intrinsece, actum, sed terminat extrinsece. Et ex hac doctrina ita intellecta sic argumtor: forma extrinseca non potest esse causa alicuius esse realis absoluti, sed solum respectui ad ipsam:

ergo specificatio actus quæ sumitur à suo obiecto, ut à forma extrinseca non est aliquid absolutum, sed respectu ad ipsum obiectum antecedens hoc patet, quia forma extrinseca, aut finis solum potest esse causa commensurationis & coaptationis ad ipsam formam, in quantum res, cuius est forma, est commensurata iuxta eius exigentiam; & hæc commensuratio est quædam habitudo transcendentalis.

Confirmatur, quia omnes, cum explicant illam doctrinam ARISTOTELIS de specificatione actuum per obiecta, dicunt, rationem eius esse, quia specificatio intrinseca & essentia actuum consistit in ordine & commensuratione ad obiecta; & idem dicunt de potentijs, & habitibus.

SUPEREST AUTEM probandum in hac parte, hanc relationem terminari ad obiectum in quantum in eo est bonitas moralis obiectiva. Et hoc probatur, quoniam alias non erit proportio inter relationem & terminum; item quia in hoc obiecto tantum possunt distingui duo, scilicet entitas naturalis, & bonitas moralis; & ratione prioris terminatur actum ut est in genere naturæ; & indifferenter potest terminare actum bonum aut malum moraliter; ergo ratione posterioris terminatur actum in quantum est bonus moraliter.

SECUNDA ETIAM PARS probatur quia supposito convenire obiectis actuum humanorum bonitatem moralem obiectivam, ut nunc ostendimus ex proportionem requirita inter actus & obiecta, non potest hæc bonitas obiectorum constitui in alio, quam in eorum conformitate ad regulam: quia non potest constitui in eorum entitate naturali præcise sumpta, ut pertinet ad genus naturæ, propter eandem rationem: ergo debet constitui in alio superaddito; & hoc non potest esse aliud, quam prædicta conformitas; quia in obiecto, ut obiectum est (licet interdum sit actus, ut cum per actum voluntatis volumus alium actum, siue in terminum, siue externum) non est formalis tendentia in suum obiectum, & ideo nihil restat in quo constituatur bonitas moralis præter illam conformitatem.

Et tandem advertendum ex Durando in 2. d. 18. q. 1. n. 8. nomen *obiecti* in utraque parte non sumi strikte, ut distinguitur à circumstantijs: sed late, & secundum totum suum ambitum, & prout est idem, quod volitum, secundum quam rationem comprehendit non solum obiectum, sed etiam circumstantias, quia non est volitum obiectum nude sumptum, sed quatenus est affectum suis circumstantijs; ut cum quis vult v. g. opus eleemosinæ, non vult ipsam solum, sed quatenus fit tali loco, & tempore & propter talem finem, & ut procedit à tali operante: & obiectum ita sumptum est quod importat plenam conformitatem cum regula, & quod dat actui speciem bonitatis moralis.

SED DUE RESTANT DIFFICULTATES circa hanc conclusionem. PRIMA est, an hæc relatio, in qua consistit bonitas moralis actus, sit distincta ab ea, in qua dubio præcedenti conclusione secunda dixi consistere esse morale sumptum in genere. SECUNDA est, an conformitas obiecti ad regulam: in qua consistit eius bonitas, sit relatio rationis aut denominationis extrinseca respectu ipsius obiecti, vel potius sit aliquid reale existens realiter in eo.

AD PRIMAM Respondetur, non esse distinctam relationem, sed distinctum gradum essentia eiusdem relationis; quia in actu humano bono una

tantum est relatio transcendentalis, in qua consistit suum esse morale, & quoad gradum genericum supremum, scilicet esse morale sumptum in communi, & quoad differentialem, seu specificum subalternum, scilicet bonitatem moralem in communi, & quoad differentialem, seu specificum ultimum, scilicet bonitatem moralem talis speciei v. g. temperantiæ, obedientiæ aut humilitatis, & in hac relatione distinguuntur hi tres gradus per ordinem ad tres rationes morales obiectivas correspondentes proportionaliter in obiecto, quæ omnia facile poterunt intelligi exemplo desumpto ex modo, quo similes gradus essentia distinguuntur in quacumque relatione in genere naturæ, v. g. in paternitate aut filiatione.

AD SECUNDAM difficultatem respondetur in conformitate illa obiecti cum regula, duo posse considerari, scilicet, *concursum* & *convenientiam* quædam eorum omnium, quæ ex parte obiecti & circumstantiarum requiruntur secundum regulam; & ipsam conformitatem, quam tale obiectum habet ad regulam, & quoad primum, esse relationem rationis mutui concursus, & quasi mutui coniunctionis illorum omnium inter se, ad constituendum obiectum, quale postulat regula; & quoad secundum esse etiam relationem rationis, siue denominationem extrinsecam, sumptam à regula cui obiectum dicitur conforme. & hoc convincunt aperte aliqua ex argumentis factis pro secunda sententia.

Es subijcias sequi ex hoc, etiam relationem in qua diximus consistere bonitatem moralem actus, non esse realem, sed rationis, quia relatio realis postulat terminum realem, quod videtur maxime verum in hoc genere relationum transcendentalium, quæ non solum respiciunt suos terminos, sed etiam pendunt quoad suum esse ab eis, ut à mensuris & formis extrinsecis: quia impossibile est ens reale dependere quoad suum esse ab ente rationis.

Respondetur negando sequelam; & ad probationem, (quicquid sit de requisitis ad realitatem relationis prædicamentalis) dicendum est, non semper requiri ad realitatem relationis transcendentalis terminum realem: quia neque requiritur propter fundamentum relationis, cum relatio transcendentalis non habeat proprie fundamentum, neque propter naturam ipsius relationis, quamvis aliquando consistat in dependentia quoad suum esse à termino, ut in nostro casu, quia hæc dependentia sæpe solum est ab obiecto ut à forma extrinseca, & mensura coaptationis & commensurationis, in qua consistit sua essentia; & hoc modo bene potest essentia realis ab ente rationis dependere, quia non est accipere realitatem aut esse ab ente rationis, sed esse commensuratam iuxta exigentiam entis rationis tanquam obiecti, hoc est sicut oportet ad attingendum ens rationis tanquam obiectum: & ita datur conceptus realis & cognitio entis rationis, quamvis per ordinem ad ens reale; & de habitu dialecticæ tenentur fateri idem omnes, qui dicunt, eius obiectum esse secundam intentionem; & idem demum est de actibus, quibus appetuntur officia reipublicæ, quorum ratio formalis consistit in relatione rationis, aut denominatione extrinseca.

§. 6. Ad argumenta prima sententia.

AD PRIMVM PRIMÆ SENTENTIÆ Respondetur, distinguendo antecedens, aut enim intelligitur de ijs, quæ pertinent ad vtrumque genus, tanquam entia omnino, & simpliciter absoluta, vt in genere entis naturalis sunt homo, angelus & similia; & in genere entis artificialis, domus, & effectus artis, qui non consistunt in commensuratione ad extrinsecum; aut de ijs, quæ pertinent, non vt simpliciter absoluta, sed vt commensurata quoad suas essentias, iuxta exigentiam alicuius extrinseci; & in vtroque genere, potentia habitus & actiones. Si intelligatur primo modo, concedendum est, tamen neganda est consequentia, quia proceditur à bonitate entis absoluti simpliciter, ad bonitatem entis respectui transcendentem: quasi huiusmodi entia conuenirent in modo suæ bonitatis, cum tamen sicut differunt in modo essentia etiam intra idem genus, vt ex dictis constat, ita debeant differre in modo bonitatis essentia; quia sicut essentia entis absoluti non postulat aliquid extrinsecum, vt essentia entis respectui postulat obiectum aut terminum: ita etiam bonitas essentia entis absoluti non postulat concursum alicuius extrinseci; sicut bonitas entis respectui. Si tamē intelligatur secundo modo, falsum est, nisi intelligatur cum limitatione, scilicet de concursu tantum eorum, quæ requiruntur intrinsece, aut in recto, ad rei perfectionem; & non eorum, quæ requiruntur extrinsece, & vt connotata, vel in obliquo. Dico autē antecedens illud intellectum in secundo sensu sine hac limitatione esse falsum, quia in entibus respectuius aliqua requiruntur ad eorum perfectionem vt connotata, & hæc quamuis requirantur ad eorum bonitatem, non sunt formaliter ipsa bonitas, sicut neque sunt ipsa essentia, quamuis requirantur ad eam; & quia addita hac limitatione excluduntur hæc connotata, ideo dixi, esse cum ea verum antecedens; ceterum ex eo intellecto cum hac limitatione non potest deduci consequentia, quia obiectum & circumstantia non requiruntur ad perfectionem actus in genere moris, nisi vt connotata, & extrinsece. Et ad probationem antecedentis, quatenus deseruire potest ad probandum ipsum in secundo sensu, Respondetur imprimis, quantum attinet ad bonitatem entis naturalis, solum conuincere, ens naturale respectuum esse bonum in seipso, cum habet omnem perfectionem sibi debitam secundum suam naturam: non tamen consistere eius bonitatem in collectione harum perfectionum, quia aliqua perfectiones sunt ei debite extrinsece, & vt connotata, vt respectu actus naturalis, aut habitus, vel potentia, eius obiectum; & in his non consistit formaliter talis entis bonitas; & quantum attinet ad bonitatem entis artificialis, dicendum est, illam inductionem fieri solum in effectibus artificialibus, quorum essentia non sunt respectui in ordine ad aliquid extrinsecum, & ideo non esse ad propositum: si tamen sermo fiat de actionibus artificialibus, quibus sunt effectus, dicemus ad eorum bonitatem & perfectionem requiri aliquid vt intrinsecum, scilicet habitudinem & commensurationem ad effectum vt ad terminum artificialem; & aliquid vt extrinsecum & connotatum, scilicet ipsum terminum; & earum bonitatem artificialem consistere in priori, & non in posteriori.

Ad Confirmationem respondetur concedendi antecedens, si in illo ratio, siue definitio boni absoluti intelligatur de requisitis intrinsece, & non vt connotata, ad completum; & similiter concedi vtramque consequentiam, si vtriusque consequens sumatur in eodem sensu: ceterum ex hoc nihil sequitur contra nostram sententiam, quia hoc modo solum debetur actui, secundum rectam rationem, habitudo ad obiectum cum circumstantijs, ipsum vero obiectum cum circumstantijs solum debetur vt extrinsecum & connotatum.

AD SECUNDVM RESPONDETUR concedendo antecedens, si consequens intelligatur de concursu eorum quæ requiruntur vt extrinsece, quia ratione debet sumi, vt argumentum sit contra nos: & tota antecedentis ratio est, quia posito & ablato illo concursu, ponitur & auferitur proportio actus ad ipsum, in quo consistit eius bonitas, & possunt assignari duæ instantia huius consequentia prior est in termino relationis, qui adeo necessarius est ad esse relationis in altero extremo, vt eo posito, & secluso omni alio, ponatur relatio; & eo ablato auferatur: & tamen essentia relationis non consistit formaliter in termino, sed in habitudine ad ipsum; posterior est in scientia, quæ sumit suam dignitatem ex nobilitate obiecti, ita vt quo obiectum est nobilius, eo scientia sit præstantior: & satis sit poni & auferri nobilitatem obiecti, vt ponatur & auferatur bonitas & præstantia scientia, vt docuit ARISTOTELIS lib. 1. de anima c. 1. & tamen præstantia scientia non consistit formaliter in nobilitate obiecti, sed in habitudine sibi intrinseca ad ipsum.

Ad Confirmationem Respondetur, solum conuincere, posito in actu humano toto illo concursu, poni in eo bonitatem moralem: non tamen consistere in tali concursu ipsam bonitatem; & ita sensus DIONYSII est, bonum consurgere ex integra causa, quia ad bonitatem cuiuscumque rei requiritur hæc integritas: non tamen, quia in ea consistat formaliter ipsa bonitas.

AD VLTIMVM respondetur, D. THOMAM in duobus primis testimonijs, plenitudinem essendi aut perfectionis, quæ docet esse ipsam bonitatem moralem nostrorum actuum, constituisse in collectione obiecti & circumstantiarum, quæ debentur ipsis actibus, secundum rectam rationem: non quia plenitudo consistat formaliter in huiusmodi collectione, sed quia consistit in commensuratione & coaptatione ad eam; ita vt tunc actus dicatur habere totam plenitudinem essendi, aut perfectionis sibi debitam secundum rectam rationem, cum est commensuratus iuxta exigentiam huius collectionis. Quemadmodum cum ARISTOTELES & D. THOM. dicunt, actus specificari per sua obiecta: non est eorum sensus, specificationem actuum consistere formaliter in ipsis obiectis; sed consistere in commensuratione & habitudine ad obiecta. Et esse hunc sensum D. THOMAS colligitur ex articulo sequenti ad tertium, vbi vt explicet, quia ratione actio humana sumat bonitatem ex obiecto, quod interdum est eius effectus; inquit, effectum esse terminum actionis, & ideo dare speciem bonitatis ipsi actioni, non quia proprie sit eius causa; sed quia actio dicitur bona ex eo, quod bonum potest inducere effectum, & ita ipsam proportionem actionis ad effectum esse rationem bonitatis ipsius actionis; & art. 4. ad 2. cum in argumento probasset, actionem humanam non sumere bonitatem

ex fine, quia bonitas actus est aliquid in ipso existens, finis autem est causa extrinseca: Respondet his verbis; *quamvis finis sit causa extrinseca, tamen debita proportio ad finem, & relatio in ipsum, inhaeret actioni*: ex quibus locis aperte colligitur, Div. THOMAM constituere plenitudinem essendi in collectione obiecti & circumstantiarum tanquam in mensura proportionis, quae est formaliter ipsa plenitudo; & ex eis etiam ostenditur aperte, nostram sententiam in hac quaestione esse ipsam mentem Div. THOMAE, quia in *priori* dicit, bonitatem esse proportionem actionis ad obiectum, & in *posteriori*, hanc proportionem dicit esse relationem inherentem actioni: quo nihil clarius dici potuit; & ex *posteriori* manet explicatum *ultimum testimonium*, quod est desumptum ex corpore eiusdem articuli quarti, quia dicemus Div. THOMAM, quamvis dixerit quadruplicem illam bonitatem in actione sumi ab extrinsecis, scilicet obiecto, circumstantiis, & fine: non constituisse eam formaliter in horum collectione, sed in proportionem & habitudine actionis ad ipsa.

5.7. Ad argumenta secunda sententiae; quomodo libertas sit in actibus.

AD PRIMUM SECUNDAE SENTENTIAE UT RESPONDEAMUS SUPPONENDUM est, *mensurabile* sumi dupbus modis, scilicet *formaliter* pro relatione constituto per relationem praedicamentalem, fundatam in mensurabili, quae solet appellari tertij generis, quia mensurabile, quod est eius fundamentum, connumeratur ab ARISTOTELE tertio loco inter fundamenta relationum; Secundo sumitur *fundamentaliter*, pro eo quod est fundamentum huius relationis praedicamentalis; quae, ut nunc dicebamus, est ipsum ens mensurabile, & hoc etiam saepe est relatum formaliter, non quidem a relatione praedicamentali, sed a transcendentali, quae consistit in commensuratione & proportionem ad suum terminum, vel obiectum, ut ad mensuram: quia est entitas commensurata & proportionata iuxta exigentiam talis termini; & utroque modo potest intelligi, quod dicitur de bonitate morali actus, scilicet, consistere in mensurabili per rectam rationem ut per mensuram suam; nam potest esse sensus, vel, consistere formaliter in ipsa relatione praedicamentali mensurationis ad rectam rationem; vel consistere fundamentaliter in huiusmodi relatione, quod est consistere formaliter in eius fundamento; si intelligatur *priori modo*, falsum est, si vero intelligatur *posteriori modo*, verum, quod probatur, quia ad hanc relationem praesupponitur in actu fundamentum ratione cuius verum est dicere, actum ita se habere, sicut postulat recta ratio: alias non consurgeret talis relatio ergo etiam praesupponitur bonitas moralis, quia impossibile est actum ita se habere sicut postulat recta ratio, & non esse bonum moraliter. Et explicatur exemplo, quia cum dicimus, summam nostram perfectionem consistere in conformitate cum voluntate divina: non intelligitur de ipsa relatione conformitatis, sed de eius fundamento; quia quod summe nos perficit, non est talis relatio, sed eo modo nos habere, quo Deus vult ut nos habeamus; quod est eius fundamentum; & quia

A fundamentum relationis conformitatis eum ratione est habitudo actus ad obiectum bonum moraliter conforme obiectivè eidem rationi, quia impossibile est actum habere hanc habitudinem, & non consurgere in eo talem relationem; aut non habere hanc habitudinem, & consurgere: ideo idem est dicere, bonitatem moralem actus consistere fundamentaliter in tali relatione, atque si diceremus, consistere formaliter in praedicta habitudine ad obiectum. Et hoc modo exponenda sunt duo, quae communiter dici solent de bonitate morali nostrorum actuum; scilicet, ipsam consistere in conformitate ad rectam rationem; & actus nostros in tantum esse bonos, in quantum habent huiusmodi conformitatem: quia in utroque per conformitatem non intelligitur ipsa relatio conformitatis, quae immediate terminatur ad rationem: sed relatio transcendentalis ad obiectum conforme rectae rationi; haec enim, quia est eius fundamentum, appellatur conformitas, & relatio conformitatis: & posset appellari cum addito, *fundamentalis*. Aut etiam de secundo dicere possumus, particulam *in tantum* non denotare rationem formalem bonitatis, sed signum, quo nos a posteriori significamus, aliquem actum esse bonum: quia cum relatio conformitatis necessario consequatur ad relationem transcendentalem, in qua consistit bonitas actus; recte per eam, tanquam per signum, poterit significari ipsa bonitas. Ex hoc supposito, ad formam argumenti respondetur, concedendo maiorem, & negando minorem: quia quamvis ratio bonitatis consistat in mensurabili: non respicit tanquam propriam & immediatam mensuram rectam rationem, sed suum obiectum; quia est commensurata in ordine ad ipsum; quod in omnibus relationibus transcendentalibus, quae habent modum inclinationis, & propensionis ad aliud, ut ad obiectum, est necessario dicendum. Et ad probationem respondetur, rectam rationem solum praescribere, quae necessaria sunt ad bonitatem actus, extrinsece, scilicet ex parte obiecti & circumstantiarum: non tamen modum habitudinis, & commensurationis, in qua consistit bonitas, quia hic modus solum determinatur iuxta exigentiam obiecti veluti.

AD SECUNDUM respondetur negando antecedens, quia impossibile est, variari in aliquo actu relationem ad legem, quin saltem prius natura varietur habitudo ad obiectum, quae ad eam praesupponitur tanquam fundamentum. Et ad probationem respondetur, in eo casu, facta mutatione legis, variari obiectum in genere moris de bono in malum, & è converso: & ideo necessario etiam variari in actu habitudinem ad idem obiectum; non quidem *naturalem*, quae terminatur ad ipsum ut est in genere naturae: sed *moralem*, quae respicit ipsum, ut est in genere moris.

AD TERTIUM respondetur, primo, quicquid sit de antecedenti, posse negari consequentiam: quia supponitur in ea ex primo argumento, relationem, in qua consistit bonitas, esse commensurationem ad rectam rationem, ut ad regulam; quod tamen in solutione eiusdem argumenti est ostensum esse falsum. Sed quia posset aliquis dicere, argumentum illud habere eandem vim, si relatio, in qua consistit bonitas, est mensurabilis, siue respiciat tanquam mensuram rectam,

rationem, siue obiectum, aut quicquid aliud. Respondetur *secundo* negando antecedens, si intelligatur de relatione transcendentali, qualis est hæc, de qua loquimur: ut patet in habitudine, in qua consistit essentia cuiusvisque potentie, habitus, & actus; quoniam de hac non potest negari, esse realem, sicut neque de essentijs harum rerum; & tamen quia est cõmensuratio & coaptatio ad obiectum vel terminum, est relatio mensurabilis ad mensuram. Et *tertio* respondetur, etiam loquendo de relatione prædicamentali, esse falsum illud antecedens, quia quamvis de relationibus tertij generis soleat dici, illam quæ fundatur in mensura esse rationis & extrinsecam: tamen de illa, quæ fundatur in mensurabili, omnes fatentur esse realem, saltem quantum est ex parte fundamenti, & quando non deest aliqua ex conditionibus requisitis ad relationem realem. Et non obstant verba ex ARISTOTELIS adducta, quia in eis, per *mensurabile*, significatur obiectum, & ita connumeratur cum sensibili respectu scientie, & sensibili respectu sensus: appellatur autem obiectum *mensurabile* respectu potentie, habitus, vel actus, non ex natura rei & quoad suam essentiam; sed vel quoad nostram cognitionem, quia nos per potentias & habitus & actus quasi mensuramus obiectorum quantitatem molis aut perfectionis, & certificamur de ea: vel quoad denominationem, quam ei attribuimus; ideo .n. appellamus obiectum intellectus intelligibile, quia intellectus versatur circa ipsum; & obiectum sensus sensibile, quia percipitur sensu. Et cum hoc stat, potentiam habitum & actum, importare ex natura rei habitudinem mensurabilis ad obiectum, quia secundum proprias essentias consistunt in coaptatione & cõmensuratione iuxta exigentiam obiecti; & hanc habitudinem mensurabilis esse realem & intrinsecam.

Ad confirmationem respondetur, concedendo antecedens, & negando consequentiam; & ad probationem patet quid sit respondendum ex solutione secundæ difficultatis politæ post ultimam conclusionem, ubi explicui, qua ratione non semper requiratur ad realitatem relationis transcendentalis realitas termini.

AD QUARTVM, fateor mihi adhuc non constare, an libertas in actu sit tantum denominatio extrinseca, desumpta ab indifferentia principij; vel potius sit aliquid reale existens intrinsece in ipso actu; & ideo conabor utramque partem explicare, & iuxta utrumque respondere huic argumento. Quare *primo* respondetur cõcedendo antecedens, scilicet libertatem in actu esse tantum denominationem extrinsecam; & negando consequentiam, qua infertur, idem esse dicendum de bonitate morali: & ad probationem respondetur, libertatem non esse proprie fundamentum bonitatis morales, neque moralitatis in genere, quæ est in actibus nostris, sed conditionem necessario requisitam ad eam: ideo quamvis libertas in actibus sit tantum denominatio extrinseca, non colligi etiam bonitatem moralem in eis esse tantum denominationem extrinsecam, cuius ratio aperta est, quia neque bonitas, neque aliqua alia res aut modus rei, accipit suum esse ab eo, quod solum concurrens ut conditio necessario requiritur. Et ita plures sunt modi reales tam respectui quam absoluti, qui sunt intrinsece & inherenter in aliquo subiecto, & tamen requirunt

A ad suum esse, tanquam conditionem necessariam, id, quod non est in eodem subiecto, nisi secundum denominationem extrinsecam, & intrinsece aut inherenter est in alio subiecto: ut relatio paternitatis est in patre, & requirit ut conditionem necessariam actionem generandi, quæ neque præsens est, sed transit; neque unquam fuit in patre, ut in subiecto, sed in filio; & relatio actu agentis est in agente, & requirit eodem modo actionem, quæ quamvis debeat esse præsens, tamen si sit transiens non est in ipso agente, ut in subiecto, sed in passio; & similiter, qui dicunt prædicamenta *quando & ubi & unionem fundamentalem in facto esse*, consistere in quibusdam modis realibus absolutis cõuenientibus intrinsece alteri, vel utrique extremo, tenentur concedere consequenter, requiri ad unumquemque ex his modis, prout est in suo extremo, tanquam conditionem necessariam, aliquid, tenens se ex parte alterius extremi.

HANC SOLVTIONEM ego iterum proposui, & impugnauit: quia in ea continentur duo, quæ videntur falsa. *Primum est*, libertatem in nostris actibus esse tantum denominationem extrinsecam, & hoc esse falsum probabam, *tum quia* libertas actus est quidam modus vitalitatis: ergo sicut vitalitas est intrinseca actui, ita etiam libertas; *tum etiam quia* voluntas diuersis modis est libera, quatenus per modum principij, præsupponitur ad suos actus, & quatenus per suos actus tendit actu in obiecta: ergo sicut per modum principij habet propriam libertatem, quæ est indifferentia ad utramque partem, à qua dicatur libera; ita etiam per modum tendentis actu in obiecta habet aliam libertatem à qua ut sic dicatur libera; & tandem quia effectus libere productus à Deo dicitur liber denominatione extrinseca sumpta à libertate causæ, & tamen non est liber per modum actionis: ergo libertas actionis in alio consistit, quam in denominatione extrinseca sumpta à libertate sui principij. *Secundum est*, libertatem non præsupponi ad bonitatem actus ut fundamentum, sed solum ut conditionem necessario requisitam; & hoc etiam probabam esse falsum, *tum quia* actus secundum suam entitatem naturalem præsupponitur ut fundamentum, & non ut determinatus ad vnum; ergo ut liber, & ex consequenti libertas præsupponitur ut fundamentum; *tum etiam quia* omnes Theologi admittunt hanc propositionem ut acceptam ex AUGUSTINO, *peccatum in tantum est peccatum, in quantum est voluntarium*, quæ tamen non esset vera, si esse voluntarium solum requireretur ad peccatum ut conditio; non .n. dicimus lignum in tantum esse calefactum, in quantum est applicatum calefacienti, quamvis calefactio requiratur ut conditio; & tandem quia Dñ. THOMAS infr. q. 10. art. 3. docet, actum internum voluntatis, & externum, esse vnum actum in genere moris: & huius doctrine nulla est ratio, nisi esse in eis vnum & idem voluntarium: & tamen hæc ratio non erit efficax, si voluntarium aut liberum solum requiratur ad esse morale tanquam conditio, quia vnitas forme non sumitur ex vnitate conditionis requisitæ, sed ex vnitate fundamenti, siue obiecti.

SED AD HÆC FACILE potest responderi pro illa solutione; nam imprimis de eo, quod ex ea primo loco impugnatur, dicere possumus, non concedi quia id postulet ipsa solutio, sed solum ad-

mitti, quasi ex suppositione ut omni ex parte explicetur vis huius argumenti, quod est potissimum fundamentum oppositæ sententiæ: & deinde potest dici etiam illud esse verum; & ad primam probationem oppositi, respondetur de vitalitate actuum esse eandem difficultatem, an sit aliquid reale existens in ipsis actibus, vel potius in eis sit tantum denominatio extrinseca sumpta à principio operante vitaliter; & est satis probabile hoc secundum, quia sic melius explicantur aliqua, quæ actibus vitalibus conceduntur ab omnibus, scilicet habere esse vitales per ordinem ad suum principium, & non per ordinem ad obiectum; & ita dependere in ratione vitalium à principio creato vitali, & sine eius immediato concursu non posse effici à Deo, neque immediate per seipsum, neque mediante principio creato non vitali. Et quamvis concedatur *primum*, non sequitur esse dicendum idem de libertate: quia sicut aliæ denominationes extrinsece dicuntur modi, non intrinsece & inherentes, sed extrinsece rerum quibus conveniunt: ita etiam libertas potest dici modus extrinsecus vitalitatis in actibus. Et ad *secundam probationem* concessio antecedenti distinguendus est consequens, si enim intelligatur de alia libertate secundum rem, neganda est consequentia, quia eadem forma secundum rem potest denominare intrinsece unum subiectum, & extrinsece aliud; si vero intelligatur de alio modo se habendi eiusdem libertatis concedenda est consequentia, quia non potest eadem forma eodem modo se habens tam quoad intrinseca quam quoad extrinseca dare distinctas denominationes: & ita libertas eadem secundum rem, prout tenet se ex parte voluntatis ut est principium suorum actuum, dat ei esse liberam per modum principij, & prout comparatur ad actus præcedentes ab ea, ut à principio libero, dat esse ei liberam in actu secundo, & per modum tendentis actu in obiectum, quod est dare ipsis actibus esse liberos, sicut eadem visio ut elicitur à potentia visiva, & recipitur in ea dat ei esse actu videntem, & ut terminatur ad calorem dat ei esse visum. Ad *tertiam probationem* respondetur, libertatem causæ alio modo denominare actionem procedentem ab ea per modum actionis, & alio modo effectum qui solum procedit per modum effectus; & quando dicimus, libertatem actus consistere in denominatione sumpta à libertate causæ, debere intelligi de priori modo denominandi; esse autem diversum modum denominandi constat, tum quia effectus non dicitur liber elicitivus, sed solum obiectivus quatenus terminat liberam causalitatem, sicut etiam quodcumque obiectum libere volitum, aut nolitum, potest hoc modo dici liberum, & hoc non est denominari liberum immediate à libertate principij, sed mediate, scilicet mediante actione, quam terminat: at vero actio dicitur libera elicitivus, atque adeo immediate à libertate sui principij; tum etiam quia effectus ut effectus, siue comparatur ad Deum siue ad quicumque causam liberam creatam non potest dici absolute liber, etiam per denominationem extrinsecam, sed solum libere productus; alias nullus erit effectus, qui secundum se possit dici simpliciter & absolute naturalis & necessarius, cum omnes effectus, saltem à Deo producantur libere.

ET DEINDE DE ALTRO quod ex eadem solu-

tionem impugnatur secundo loco, negandum est esse falsum, & ad *primam probationem* oppositi respondetur, distinguendo antecedens quoad posteriorem partem, in qua dicitur, & non ut determinatur ad unum; si enim particula (ut) denotet rationem formalem constitutivam actus in ratione fundamenti bonitatis, falsum est: si vero denotet solum conditionem necessario requisitam ad tale fundamentum verum est; & eodem modo distinguendum consequens primæ consequentiæ, & sumendo ipsum in priori sensu est neganda consequentia; & in posteriori est concedenda; ceterum absolute *secunda consequentia* est neganda, quia ut valeret, oporteret tam consequens primæ, quam antecedens esse verum in priori sensu; & est instantia aperta in simili forma, si ita argumentemur: causa efficiens concurrat ad suum effectum, & non ut existens, vel ut non applicata: ergo, ut existens, vel applicata; & ex consequenti existentia vel applicatio est ratio per se agendi. Ad *secundam probationem* respondetur, in illa propositione particulam *in quantum* denotare tantum conditionem necessariam requisitam, & sensum eius esse, non posse aliquid habere rationem culpæ, aut peccati, nisi sit voluntarium: ut colligitur ex ipso AUGUSTINO cum hanc doctrinam tradit, de quo agendum est in materia de peccatis; & in hoc sensu conceduntur etiam similes propositiones de alijs conditionibus requisitis, qualis est illa, quæ adducitur in hac probatione, lignum in tantum est calefactum, in quantum est applicatum. Ad *tertiam probationem* respondetur, rationem illius doctrinæ esse, quam ipse Div. THOMAS assignat in argumento *sed contra* illius articuli, scilicet actum voluntatis habere se ad actum exteriorem ut formale ad materiale: & ex formali & materiali fieri unum, & ideo ex actu interiori & exteriori fieri unum subiectum bonitatis & malitiæ moralis. Ad efficaciam autem huius rationis *supponitur*, subiectum & quasi fundamentum bonitatis esse ipsos actus secundum proprias entitates; & conditionem ad hoc requisitam ex parte ipsorum actuum, esse aliquam unitatem eorum: quia ea quæ sunt realiter distincta, & nullo modo constituunt inter se unum, non possunt esse subiectum eiusdem numero formæ; & explicatur, hanc unitatem consistere in vnione subordinationis eorumdem actuum inter se in ratione partis materialis & formalis. Quare falsum est, quod in hac probatione dicitur, scilicet unitatem formæ sumi ex unitate fundamenti, seu subiecti: quia quamvis unitas subiecti sit conditio necessaria ad unitatem numericam formæ, in quantum non potest eadem numero forma actuare & informare subiecta omnino distincta & separata: non est id ex quo, tanquam ex principio sumitur talis unitas formæ; quod magis explicamus loco ibidem citato. Et hoc idem est dicendum, quoties subiectum alicuius formæ constat partibus physicè distinctis, quia in eo casu probatur formam esse unam numero, quia partes subiecti habent inter se vnionem, & hæc vnio solum requiritur ut conditio necessaria ad unitatem formæ; & interdum est simpliciter per se, ut in partibus subiecti substantialis; & interdum quoad subordinationem, sicut multi dicunt de partibus edificij, ut constituunt subiectum formæ artificialis, & de unitatibus ut constituunt subiectum formæ numeri.

SECUNDO RESPONDETUR ad argumentum principale negando antecedens, scilicet libertatem in actibus esse tantum denominationem extrinsecam; & AD PRIMUM MEDIUM quod probatur, quod est desumptum ex dubio præcedenti, respondetur, negando antecedens; & ad probationem dicendum est, in eo casu fieri mutationem in entitate intrinsecam actus, non quoad substantiam, sed quoad quemdam modum intrinsecum eius, qui est libertas; & ad probationem oppositi respondetur, non esse necessarium mutari obiectum, aut motuum voluntatis, ut eius operatio mutetur quoad hunc modum, qui est libertas: quia sicut sine ulla mutatione in obiecto, potest mutari quoad modum, qui est intensio, quia intensio pendet per se ex virtute principij, aut ex eius conatu & applicatione: ita etiam poterit mutari quoad medium, qui est libertas, quia etiam libertas pendet per se ex modo operandi voluntatis, scilicet cum aduertentia sufficienti rationis. Et non obstat, aduertentiam rationis esse extrinsecam voluntati, quia propter dependentiam quam habet voluntas ut principij suorum actuum ex cognitione intellectus, satis est, fieri mutationem in aduertentia rationis, ut voluntas mutetur in ratione principij operativi, & ita posita aduertentia rationis operativi ut principij liberi formaliter, & ea deficiente operatur ut principium naturale. Item falsum videtur, non mutari in eo casu obiectum, non quidem quoad rationes motivas, sed quoad modum movendi voluntatem: quia quando movet eam sine sufficienti aduertentia rationis, movet determinando ipsam saltem quoad specificationem, sicut appetibile movet appetitum sensitivum: quando vero est sufficiens aduertentia in ratione, movet non determinando ipsam, sed potius relinquendo liberam, ut se determinet.

AD SECUNDUM medium desumptum ex eodem dubio Respondetur primo, libertatem in actione non esse aliquid absolutum, neque respectivum, quod habeat rationem naturæ accidentalis absolutæ aut relativæ superadditæ entitati actionis: sed esse modum quemdam realem proportionatum naturæ actionis; & ideo, sicut actio natura sua est quædam tendentia, & habitudo in terminum: Ita etiam hic modus ut modificans eam ordinatur ad eundem terminum, non quidem quia postulet in eo aliquam specialem rationem, quam respiciat (ut explicui dubio præcedenti) sed quia actio libere attingit obiectum secundum omnes rationes quæ sunt in eo; quod explicari potest exemplo aliorum modorum, qui etiam conveniunt actionibus. Nam verbi gratia, intensio in actione non est aliqua natura accidentalis ei superaddita, sed est modus quidam realis proportionatus naturæ ipsius actionis, atque adeo alterius rationis ab intentione cuiusque alterius accidentis omnino absoluti, & ordinatus ad terminum eiusdem actionis, non secundam aliquam specialem eius rationem, sed secundum omnes, quas ipsa actio respicit: quia actio sua intentione tendit in eas. Et idem proportionaliter est dicendum de contingentia & necessitate actionis, scilicet esse modos ei proportionatos, atque ordinatos ad terminum secundum omnes rationes, quas actio, ut contingens vel necessaria, in eo respicit. Et contra hoc non habent vim duæ obiectiones in argumento factæ; quia in prioribus supponitur, libertatem hanc esse relationem ad

A principium ut operans cum indifferentia ad veramque partem; & in posteriori etiam supponitur, esse relationem consequentem necessario ad fundamentum & terminum. SECUNDO Respondetur admittendo, esse relationem realem ad principium liberum quod aliquando mihi placuit; & ad primam probationem contra hoc factam respondetur, descripti aliquos, qui, ut explicant libertatem voluntatis ut habet rationem principij, dicunt eam includere duas facultates, unam ad volendum, & alteram ad non volendum; & contra eos potest obiter, unamquamque potentiam actiivam secundum propriam rationem esse proximam vim & facultatem operativam, & ideo non posse in propria essentia includere duas facultates, neque aliquam quæ per se & directè sit ad non agendum; quod non solum est verum in potentijs actiivis naturaliter & necessario, sed etiam in liberis: quia pertinet ad communem rationem potentiarum actiivarum, quæ essentialiter convenit potentiarum liberarum. Et ad rationem, qua hi videntur moveri, scilicet, quia alias dici non poterit, in quibus consistit indifferentia voluntatis, ut habet rationem principij, quæ est eius libertas; Respondetur, esse aliud, loqui de re, & aliud de modo quo à nobis potest explicari; quia secundum rem potest dici, hanc indifferentiam voluntatis consistere in tali gradu potentiarum actiivarum, ita elevato ab omni determinatione ad unum circa operationem, ut ex propria vi & perfectione intrinseca possit se determinare ad quam partem maluerit, non quidem positive eligendo unam partem potius quam alteram, aut aliquid efficiendo in seipsa antecedenter ad exercitium, sed ipso exercitio, ut hoc nomine comprehenditur operatio, & eius negatio. Quoad modum tamen explicandi, dicendum est, commodè hanc explicari indifferentiam illa distinctione duarum facultatum partialium, aut duarum partium eiusdem facultatis, quarum una sit ad agendum, & altera ad non agendum, & hoc modo existimo esse intelligendum Franciscum Suarez, lib. 1. de concursu Dei c. 2. numero, 8. ubi ad explicandum libertatem voluntatis utitur illa distinctione facultatum in ipsa. Cæterum quia relatio actionis, aut cuiuscunque effectus ad potentiam liberam, non terminatur ad eam sumptam secundum modum quo à nobis explicatur, sed ut se habet in seipsa secundum rem: ideo non sequitur, huiusmodi relationem in qua constituitur libertas actionis, terminari ad negationem, aut ad facultatem ad non agendum, & ex consequenti neque ex hoc capite non posse esse relationem realem. Et ad secundam obiectionem, quamvis dici posset, hanc relationem non esse ex numero earum quæ consequuntur ad fundamentum & terminum, quia non est prædicamentalis; Respondetur, solum probare, hanc relationem habere necessitatem ex suppositione præsentis sui fundamenti, quod erit actio, ut secundum suam entitatem procedit à suo principio actu operante: & tamen hanc necessitatem non repugnare libertati simpliciter: sicut necessitas ex suppositione præsentis, quæ est in omnibus rebus præsentibus lux illam propositionem ARISTOTELIS, omne quod est quando est necesse est esse, non repugnat contingentie simpliciter. Et hæc eadem difficultas potest proponi contra omne aliud, in quo constituitur libertas actuum, etià si sic denominatio extrinseca

sumpta à libertate principij: quia illud quidquid sit, habebit eandem necessitatem præsentis, cum non possit esse libertas actionis, nisi ut efficiens ipsam actum.

AD TERTIUM MEDIUM quod ibi proponitur. Respondeo, concedendo antecedens & negando consequentiam; & ad probationem dicendum est, indifferentiam, in qua consistit libertas, non esse eiusdem rationis in principio, & in actione; quia in principio est indeterminatio in ordine ad operationem, & consistit in hoc, ut, positis omnibus requisitis ex parte principij, possit operari, aut non operari; at vero in actione, est indeterminatio in modo essendi, & quia modus essendi actionis est inherere suo obiecto, ideo eius indeterminatio consistit in quadam veluti potentia & indifferentia intrinseca ad non inherendum, quæ potest intelligi tum ex comparatione ad voluntatem quæ est eius principium; quia sicut voluntas concurrat ad actum cum indifferentia ad utramque partem, ita etiam transfundit in ipsum quandam modum essendi, secundum quem non sit omnino determinatus ad inherendum; tum etiam ex comparatione ad actum naturalem & necessarium, quia huiusmodi actus, sicut procedit à principio determinato ad unum, ita participat intrinsecum modum essendi, secundum quem est omnino determinatus ad inherendum suo subiecto. Quare non est verum, quod in hac propositione dicitur, scilicet, non minus determinate inherere hunc actum, quam si non esset productus à principio libero, sed à necessario: quia quamvis quoad necessitatem & determinationem ex suppositione præsentialitatis, eodem modo se habeat, quia præsupposito, quod inheret, necessario & determinate inheret, sicut omne quod est, quando est, necesse est esse; tamen quoad determinationem simpliciter, & ex natura rei, est magnum discrimen; quoniam hic actus ab intrinseco non habet determinationem ad inherendum, sed potius indeterminatorem, quæ stat cum necessitate ex suppositione.

AD QUINTUM Respondetur, distinguendo antecedens, si enim sensus eius sit, dependere actus nostros quoad bonitatem vel malitiam moralem, à libero arbitrio creato, tanquam à causa vi sua immediate immutante in eis bonitatem aut malitiam, falsum est, & negandum: si vero sensus sit, dependere tanquam à causa immutante in obiectis ipsorum actuum bonitatem aut malitiam obiectivam, verum est & concedendum. Ceterum neganda est consequentia, quia ut valeat, oportet antecedens esse verum in priori sensu, & hoc tantum convincit eius probatio, cum omnibus exemplis, quæ in ea referuntur: quia tam vocum significatio, quam valor monetæ, immutatur immediate virtute humana institutionis. Et non valere consequentiam, si antecedens sumatur in posteriori sensu, potest explicari hoc exemplo: In obiecto, quod reuera non habet eam bonitatem aut malitiam naturalem, quæ movet voluntatem, tota bonitas aut malicia obiectiva pendet ex hominis iudicio, & apprehensione, & tamen species verbi gratia desiderij aut timoris, quam actus voluntatis habet ex tali obiecto, non est ens rationis, aut extrinseca denominatio. Et in exemplo monetæ ibi adducto est hoc manifestum, quia licet eius valor formaliter consistat in ente rationis, aut in extrinseca denominatione; tamen

species, quam actus cupiditatis sumit ex ipso, ut ex obiecto, est realis & intrinseca actui; Et ad omnes probationes antecedentis, quatenus deferuire possunt ad probandum ipsum in priori sensu, Respondetur, in omnibus illis casibus non pendere actus nostros secundum se, & immediate, à libero arbitrio humano; sed eorum obiecta: quia neque prohibitio, verbi gratia, comedendi carnes terminatur immediate ad volitionem comedendi, sed ad eius obiectum, neque reliquæ conditiones, quæ ibi referuntur, tenent se immediate ex parte actuum voluntatis, verbi gratia, volendi furari, aut comittere adulterium; sed ex parte obiectorum. Et quamvis facta immutatione in obiecto de bono in malum, aut è converso, siue propter prohibitionem legis, siue propter aliquam ex illis conditionibus, sit necesse mutari consequenter actum quoad bonitatem vel malitiam formalem: tamen hæc mutatio non fit ex vi voluntatis humanæ in ipso actu, sed ex natura rei, quia mutato obiecto necesse est mutari habitudinem ad ipsum iuxta existentiam ipsius obiecti. Quare in his casibus non est concedendum, actum manere immutatum omnino, tam quoad substantiam, quam quoad omnes modos reales in eo existentes intrinsece: sed solum quoad substantiam, ut postea latius explicabimus.

Ad confirmationem Respondetur, concedendo antecedens, & negando consequentiam: quia in casibus adductis in probatione antecedentis argumenti principalis, ex vi mutationis voluntatis alienæ solum fit mutatio quoad bonitatem vel malitiam in obiectis actuum; & facta hac mutatione, fit ex natura rei consequenter alia similis in ipsis actibus ut explicatum est.

§ B. Ad argumenta tertie sententia.

AD PRIMUM TERTIÆ SENTENTIÆ Respondetur concedendo antecedens, si oppositio contraria sumatur ut comprehendit quamcumque repugnantiam inter formas, ratione cuius non possunt esse simul in eodem subiecto, sed ab eo se expellunt aliquo modo; & negando consequentiam quoad eam partem consequentis, quæ dicitur, rationem formalem boni aut mali morales consistere in absoluto; & ad probationem negandum est, non posse aliter esse inter has rationes oppositionem contrariam. Et non video quæ ratione possit hoc probari, nisi quia, aut inter relationes est oppositio relativa, quæ est distincta à contraria; aut inter relationes non potest esse oppositio contraria, cum relationi nihil sit contrarium, ut docuit ARISTOTELIS in prædicamento quantitatis; & tamen neutra ratio aliquid probat; quod de priori constat, quia, cum dicitur, inter relationes esse oppositionem relativam, intelligitur de relationibus oppositis, quæ constituunt correlativa, cuiusmodi sunt paternitas & filiatio; non vero de disparatis, quales sunt paternitas & similitudo, & hæc relationes, in quibus constituimus bonitatem & malitiam actuum. Et de posteriori etiam est manifestum, quia doctrina illa intelligitur de relationibus prædicamentilibus, de quibus ibi loquitur ARISTOTELIS; & non de transcendentalibus, cum quibus diximus esse computandas has, de quibus loquimur; quia sicut relationibus transcendentalibus

conuenit esse actiuas & operatiuas, quod non conuenit prædicamentalis: ita etiam potest eis conuenire, habere ex proprijs rationibus, repugnantia, ratione cuius mutuo se expellent ab eodem subiecto, quamuis non conueniat prædicamentalis, quod ARISTOTELES explicuit in principio prædicamenti relationis.

AD SECUNDVM Respondetur, si de re loquamur, tam in habitu virtutis, quam in actu, concedendum esse, bonitatem moralem, quæ vnicuique eorum suo modo conuenit, consistere in relatione: quia bonitas in virtute, est coaptatio per modum principij ad operandum bene moraliter, & hæc coaptatio est quædam habitudo ad operationem; & in actu est tendentia, atque adeo habitudo in obiectum; tamen quoad modum loquendi; solemus id concedere de bonitate actus, & non de bonitate habitus; & ratio huius discriminis est, quia *bonitas in habitu* est differentia essentialis constituens essentialiam specificam virtutis moralis, & non habet modum habitudinis actualis, sed quasi potentialis, & ideo loquimur de ea, vt de qualitate absoluta: at vero *bonitas in actu* non est prima eius entitas, neque constituit eam, sed superuenit ei constituta, & habet modum habitudinis actualis; in quibus assimilatur relationibus prædicamentalis; & ideo loquimur de ea, vt de relatione.

Et si queratur in quo prædicamento collocentur hæc duæ habitudines, siquidem neutra est prædicamentalis. Respondetur, *habitudinem virtutis*, tanquam differentiam eius essentialem, constitui ad latus in prædicamento qualitatis; & *habitudinem actus*, tanquam modum eius, reduci ad prædicamentum, in quo constituitur ipse actus, siue qualitatis, siue actionis.

AD TERTIVM, concessio antecedenti, neganda est consequentia; & ad probationem dicendum est, illam doctrinam intelligi tantum de relationibus prædicamentalis; & tamen hanc relationem, de qua loquimur, non esse prædicamentalem, sed connumerari inter transcendentales, vt sæpe dixi; & non obstat, hanc etiam præsupponere entitatem actus, vt pertinet ad genus naturæ: quia solum supponit eam vt subiectum, cui conuenit, & non vt fundamentum, id quod consequatur.

Ad Confirmationem respondetur negando antecedens, si in utroque exemplo fiat sermo de relatione transcendentali & non de prædicamentali, quæ forte ad eam consequitur: quia esse bonum aliquod delectabile, non est aliud, quam ita esse conueniens alicui potentia, vt ex eius perceptione delectetur; & similiter in medio non est alia bonitas, quam proportio in ordine ad finem.

III. DVBIUM.

De ratione formali mali moralis, remittitur.

TERTIVM DVBIUM restabat de ratione formali malitiæ moralis seu de differentia, qua formaliter constituitur malum morale: sed quoniam de hac re solet ex professo disputari infr. q. 71. art. 6. vbi agitur de ratione formali peccati; ideo huius dubij exactam discussio-

ne remittimus ad eum locum, & nunc breuiter, consequenter ad ea quæ diximus de bonitate morali, respondebimus, malitiam moralem, quæ reperitur in peccato commissiōis, esse rationem quandam realem & positiuam superadditam entitati naturali actus, & ipsi inhaerentem; non absolutam sed respectiuam, & terminatam immediate non ad legem, sed ad obiectum, vt dissonum legi; & ad eam, vt ad fundamentum, consequi relationem difformitatis à recta ratione, & à lege æterna Dei, & ab alijs legibus; & propterea ipsam appellari difformitatem, & relationem difformitatis. An vero ratio hæc mali moralis sit omnino positiva, vel potius contineat aliquam priuationem? & quomodo, quāuis sit realis & positiva, non habeat Deum pro causa; & alia quæ circa hanc rem solent disputari, explicanda sunt loco citato.

ARTICVLVS II.

Vtrum actio hominis habeat bonitatem vel malitiam ex obiecto.

CONCLUSIO. Bonitas & malitia prima actionis humane & qua dicitur ex genere, sumitur ex obiecto conuenienti vel disconuenienti iuxta rectam rationem.

COMMENTARIVS.

QUONIAM Diu. THOMAS articulo præcedenti docuit ex actibus humanis, quosdam esse bonos, & alios malos moraliter; & bonitatem consistere in plenitudine & concursu eorum omnium, quæ secundum rectam rationem requiruntur ad actum; & malitiam, in defectu huius plenitudinis; iam in his tribus articulis explicat, in particulari, quæ sint ea, quæ ad hanc plenitudinem pertinent, vt sic constet vnde actus humani habeant suam bonitatem aut malitiam moralem: Docetque, esse tria, scilicet, obiectum, circumstantias, & finem: quæ omnia sunt à nobis suis dubijs explicanda. Et circa hos tres articulos simul est

DVBIVM PRIMVM

Quo sensu sit accipiendum quod in eorum titulis dicitur, scilicet actus sumere bonitatem ex obiecto, circumstantijs, & fine?

§. I. Ratio dubitandi.

ET RATIO DVBITANDI est quia videtur non posse habere verum sensum, cum quia hoc modo loquendi videtur denotari aliqua causalitas, qua bonitas ex obiecto & reliquis comunicetur actioni, quoniam alias, cur potius ex his, quam ex

alijs.

alijs rebus habebit actio suam bonitatem : & tamē non potest explicari, quānam sit eiusmodi causalitas ; quia neque est efficiens, cum nihil illorum efficiat actum, neque formalis, aut materialis, cū omnia illa sint extrinseca actui, & separata ab eo, quod de causa formali & materiali dici non potest ; neque finalis, quia bonitas aut malitia actus non ordinatur ex natura rei ad illa tria, neque est gratia ipsorum, quod est proprium causæ finalis ; *tum etiam quia* in hoc modo loquendi videtur supponi, bonitatem aut malitiam moralem esse in obiecto formaliter & circumstantijs & fine, quoniam ab eo in quo non est bonitas aut malitia non poterit actus eam accipere ; & tamen hoc omnino est falsum, quia hæc omnia habent suum esse ante actum voluntatis, ante quem certum est non reperiri posse formaliter bonitatem aut malitiam moralem, sicut neque libertatem.

AD HOC DVBIUM, quod solum proponitur ad explicandum hunc modum loquendi, diuersimodo potest responderi iuxta diuersos modos explicandi, in quo consistat bonitas moralis. Nam qui dicunt, eam consistere in aggregato horum omnium, quæ ex parte illorum trium requiruntur ad actum, dicent consequenter sensum esse, actum sumere suam bonitatem ex illis tribus, tanquam ex partibus integranibus ipsam ; Et qui dicunt, bonitatem consistere in conformitate formali, quæ sit denominatio extrinseca sumpta à regula, cui actus est conformis, aut relatio rationis ad eam : dicent consequenter, actum sumere bonitatem ab illis tribus, tanquam ex requisitis ad hoc, ut sit capax illius denominationis, aut relationis rationis : Nos vero, qui diximus, bonitatem consistere in habitudine ad obiectum conforme rectæ rationi, prout hoc nomine comprehendunt illa tria, aliter rem hanc explicabimus.

§. 2. Non sumit ab eis bonitatem aut malitiam vera causalitate, sed tanquam à forma extrinseca.

PRO quo sit PRIMA CONCLUSIO non dicitur bonitas actionis sumi ab obiecto, circumstantijs & fine, quia ab eis vera & propria causalitate communicatur actioni. Probatur quia à nullo horum, neque ab obiecto deriuatur vera & propria causalitate in actum eius specificatio : ergo neque bonitas moralis ; consequentia patet, quia eodem modo concurrunt illa tria ad specificationem actus, & ad bonitatem moralem. Et antecedens probatur, *tum quia* ita concurrunt illa tria ad specificationem actus humani, sicut terminus ad specificationem motus, & terminus non concurret ad specificationem motus vera & propria causalitate ; *tum etiam quia* de obiecto certum est, non concurrere causalitate propria, & ex reliquis, quamuis circumstantia personæ sit causa efficiens specificationis actus ; & finis sit causa finalis, tamen non dicuntur esse id unde sumitur specificatio actus, nisi in quantum habent aliquo modo rationem obiecti.

SECUNDA CONCLUSIO. Bonitas actionis dicitur sumi ab obiecto, circumstantijs, & fine, tanquam à forma extrinseca, non immediata, sed mediata. Ad huius conclusionis explicationem & probatio-

nem ADVERTENDUM est, formam, à qua res aliqua habet suam speciem, esse duplicis generis, quia interdum est *intrinseca*, ut cum est in re quam constituit, sicut forma substantialis est in composito substantiali quod constituit ; & forma accidentalis inhaeret subiecto, cui dat suum esse accidentale : & interdum est *extrinseca*, ut cum non est in re, cuius est forma, sed extra eam : sicut terminus est extra motum (cuius dicitur forma) saltem formaliter, & obiectum est extra actum cognitionis & appetitionis, cuius etiam dicitur forma. Appellatur autem terminus forma motus, & obiectum forma cognitionis, aut appetitionis, quia sicut forma intrinseca determinat potentialitatem materię ad tale esse in particulari, & perficit, atque complet eam : sic etiam terminus, & obiectum determinant & complent potentialitatem, quam motus quicumque, & appetitio, aut cognitio, vel alius actus importat, in quantum est quædam via ordinata ad ipsum. Et rursum hæc forma extrinseca est duplex : quia quædam est *immediata*, ut cum per se ipsam immediate dat eum effectum formalem respectu cuius dicitur forma ; & alia *mediata*, ut cum per seipsam non dat hunc effectum, sed est radix extrinseca, & principium formale alterius formæ, dantis eum. Quæ omnia possunt explicari hoc exemplo ; visio habet speciem visionis à colore, ut à forma extrinseca, & contra color habet speciem visi ab eadē visione : ut à forma extrinseca : ceterū non eodem modo proueniūt hæc duæ specificationes ab utraque forma : quia prior prouenit à colore non immediate per seipsam, sed mediate, scilicet, quatenus est radix extrinseca, per modum formæ, eius habitudinis, quæ constituit visionem ; ac vero posterior prouenit à visione immediate per seipsam, quia visio per seipsam, & non mediante aliquo alio, dat colori esse visum ; & ita etiam dexteritas, quæ est in animali, dat parieti esse dextrum.

Et hoc supposito, sensus conclusionis est, ab obiecto, circumstantijs, & fine sumi bonitatem actionis, tanquam à forma extrinseca, hoc est existente extra ipsam actionem, & mediata, hoc est non dante per seipsam actioni esse bonam, sed per aliam formam, cuius ipsa sit aliquo modo radix, & principium, etiam extrinsecum, cum vero dicimus obiectum cum reliquis esse formam extrinsecam, à qua actio habeat esse bonam : non est intelligendum de forma omnino extrinseca, sed de ea, quæ quamuis secundum suam entitatem sit separata, tamen habet cum ea talem connexionem, ut non possit ab ea omnino abstrahi. Et probatur in primis, bonitatem actionis huius sumi ab obiecto, circumstantijs, & fine, tanquam à forma extrinseca : quia reuera sumitur ab eis, ut à forma : & non existente in ipso actu, ergo ut à forma extrinseca. Consequentia patet exijs, quæ diximus de forma extrinseca : & antecedens quoad posteriorem partem est notum, exceptis aliquibus circumstantijs, quæ sunt in ipso actu, ut intensio, & duratio ; & quoad priorem partem probatur, *tum quia* obiectum, & reliqua duo, ut habent rationem termini voliti, aliquo modo per actum determinant & complent potentialitatem, & imperfectionem, quam habet actus, ut est quædam via & tendentia : ergo habent ratio-

nem formæ respectu eius; *etiam quia* obiectum & reliqua duo sunt mensura moralitatis actus, in quantum iuxta eorum exigentiam est moralitas, hoc est bonitas aut malitia, ergo etiam sunt eius forma; quia mensura comparatur ad mensuratum sicut forma & actus ad potentiam.

Deinde probatur sumi ab eis bonitatem & malitiam actus ut à forma mediata, & non ut ab immediata; quia actus secundum se, & ut distinguitur ab obiecto, circumstantijs, & fine, habet suam bonitatem aut malitiam: ergo non sumit eam ab ipsis, ut à forma immediata, sed ut à mediata. Vbi supponimus, sumere eam ab ipsis, ut à forma extrinseca; & addimus, sumere ut à forma mediata; probatur *consequentia* quia forma immediata includitur in eo esse, quod dat, vel constituit, siue sit intrinseca, siue extrinseca: quia non est aliud illud esse, quam ipsa forma ut unita vel applicata suo obiecto.

Confirmatur quia actus non est bonus formaliter & immediate per obiectum, circumstantias & finem: ergo non sumit ab eis bonitatem ut à forma immediata; *consequentia* patet, quia cum res aliqua habet speciem, aut aliquod esse à forma immediata, dicitur talis formaliter & immediate per eandem formam; & *antecedens* probatur, quia neque motus est talis speciei formaliter & immediate per suum terminum; neque actio cognoscendi aut appetendi per obiectum; ut, motus localis non est motus localis immediate per *ubi*, quod est eius terminus, sed per aliam formam, quæ est propria eius natura; & visio non est visio immediate per obiectum visum, sed per suam naturam, ut distinguitur ab obiecto viso; & idem dici potest de appetitione respectu sui obiecti; & in his omnibus est eadem ratio, scilicet, differentiam, aut formam constitutivam alicuius rei debere esse ei intrinsecam: ergo similiter actus humanus non est bonus immediate per obiectum, circumstantias, & finem, sed per aliam formam, quæ sit eius bonitas moralis; patet *consequentia* ex paritate rationis, quia sicut se habet quoad suam speciem motus ad terminum, vel alius actus ad obiectum: ita se habet quoad esse bonum moraliter actus humanus ad obiectum.

Ex hac conclusione sequitur primo idem esse, actum sumere bonitatem aut malitiam ex obiecto, circumstantijs & fine: & habere eam per ordinem ad hæc. Probatur, quia actum sumere ab his tribus bonitatem, non est aliud, quam bonitatem actus provenire ab his tribus tanquam à forma extrinseca mediata, ut in hac conclusione est explicatum: & hoc non est aliud, quam hæc tria esse id, iuxta cuius exigentiam proportionatur bonitas actus, atque adeo est id, in ordine ad quod actus eam habet.

Secundo sequitur, non esse sensum huius locutionis, actum sumere bonitatem ab obiecto circumstantijs & fine ut à principio tantum declarativo, & manifestativo à posteriori talis bonitatis; sed sensum esse, sumere bonitatem secundum rem, ut à principio formali, & à priori. Probatur, quia iuxta hanc conclusionem obiectum cum reliquis est id, ex quo sumitur bonitas actus, tanquam mensura cui ipsa bonitas proportionatur & commensuratur, & tanquam finis ad quem ordinatur; & hæc omnia sunt con-

sona doctrinæ Div. THOMÆ, & CAJET. l. p. q. 77 art. 1. ubi explicant sententiā ARISTOTELIS de distinctione potentiarum per actus, & actuum per obiecta.

§. 3. Ad rationem dubitandi.

ET EX HIS patet solutio ad rationem dubitandi, quia negandum est, hanc locutionem non habere verum sensum; *Et ad primam probationem*, admittimus, hac locutione denotari aliquem modum causalitatis, quo illa tria communicent, & dent bonitatem actui; ceterum negamus esse modum propriæ causalitatis: quia sufficit ille modus causalitatis, qui convenit formæ extrinsecæ & mediatæ, ut potius ab eis, quam ab alijs rebus, sumatur bonitas actus; sicut patet in specificatione motus per suum terminum, & cuiuscunque actus per obiectum; & illo argumento solum probatur, illa tria non concurrere propriæ causalitate ad specificationem actus. *Ad secundam probationem*, negamus, supponi in hac locutione, bonitatem moralem esse formaliter in obiecto, circumstantijs & fine; quia satis est, esse in eis obiectivè, & quasi radicaliter, ut possit ab eis sumi bonitas, quæ formaliter est in actu: sicut etiam specificatio motus, vel actus, sumitur à termino, vel obiecto, quamvis non sit in eo formaliter, sed solum obiectivè, & radicaliter.

Circa conclusionem huius secundi articuli, est

II. DUBIUM.

Verum prima & specifica bonitas aut malitia moralis actus humani sumatur ex eius obiecto?

§. 1. Explicatur titulus difficultatis.

PRO TITULI INTELLIGENTIA explicandi sunt tres termini, scilicet, *prima*, *specifica*, & *obiectum*. Et de primo dicendum est, eam significare bonitatem moralem, quæ ordine aliquo præsupponitur ad omnem aliam bonitatem quæ actui humano potest convenire. In quo supponimus ex D. THOMÆ ex hoc articulo & sequenti, sicut in genere naturæ conveniunt rebus diversæ bonitates, seu perfectiones, habentes inter se ordinem aliquem, secundum quem aliquæ earum præsupponuntur ad alias, non solum facta comparatione inter essentialem & accidentalem, sed etiam facta tantum inter perfectiones accidentales; ut potentia præsupponuntur ad actus, & actus ad habitus, qui per eos acquiruntur; sic etiam in genere moris posse convenire actibus humanis distinctas bonitates, ex quibus quædam præsupponantur ad alias ordine aliquo.

Et de secundo dicendum est, accipi pro bonitate morali essentiali, ut distinguitur ab accidentali; & in specie infima, ut distinguitur à gradu generico, in quo etiam supponimus ex D. THOMÆ eisdem locis, sicut in genere naturæ datur duplex perfectio, una essentialis distincta in plures gradus,

scilicet,

scilicet, genericos, & específicos, quæ conuertiuntur in eis, quæ sunt extra essentiam; ita etiam in genere moris posse distinguere in actibus humanis duplicem bonitatem, quarum altera sit eis essentialis intra hoc genus distincta in gradum genericum & specificum; & altera accidentalis.

Et de tertio dicendum est, accipi pro obiecto, non prout comprehendit omne, quod est volitum, siue ut obiectum, siue ut circumstantia, siue ut finis; quia ratione articulo precedenti diximus cum D. V. AN. sumi, cum dicebamus bonitatem moralem consistere in ordine ad obiectum: quia ibi loquebamur de tota bonitate, quæ quomodocumque potest conuenire nostris actibus; sed magis stricte ut distinguitur à circumstantiis & fine, quia D. THO. hoc loco non agit de tota bonitate, quæ potest conuenire nostris actibus, sed solum de essentiali, & specifica, quæ in eis est prima; & de alia bonitate, quæ postea superuenit ratione circumstantiarum, & finis, agit duobus articulis sequentibus. Et præterea obiectum non sumitur ut præcisè pertinet ad genus naturæ, sed ut obiectiue pertinet ad genus moris, & importat aliquam rationem moralem bonitatis & malitiæ: quia D. THO. non dixit absolute, hanc bonitatem sumi ab obiecto, sed cum addito, ab obiecto conuenienti, scilicet, secundum rectam rationem; quod procul dubio est idem cum bono obiectiue. Quare integer sensus tituli est, *an ea bonitas aut malitia moralis, quæ in actibus humanis præsupponitur ut prima ad omnes alias bonitates aut malitias, & est essentialis secundum gradum specificum vltimum, sumatur ab obiecto ut obiectiue importat bonitatem aut malitiam proportionatam.*

§. 2. Propugnatur pars negativa.

PRO PARTE NEGATIVA sunt quatuor difficultates. PRIMA est, quia videtur falsum, actum sumere bonitatem ab obiecto ut obiectiue est bonum moraliter. Et hoc probatur tribus mediis. PRIMUM est, quia actus externus non habet obiectum distinctum à seipso: ut, actio dandi eleemosinam non ordinatur per se & ex natura sua ad aliud obiectum ab ipsa distinctum, & tamen est actus humanus, quia ut actus, præcipitur aut prohibetur lege: ergo non omnis actus humanus sumit suam bonitatem ab obiecto.

SECUNDUM medium est, quia alias sequeretur actum internum sumere bonitatem aut malitiam ab externo: pater sequela quia actus externus est obiectum interni, à quo imperatur, ut elargitio eleemosinæ est obiectum volitionis elargiendi: & tamen consequens est falsum, quia potius bonitas aut malitia moralis derivatur ab actu interno ad externum, ut D. THO. docet quest. 10. sequenti articulo primo, & potest probari, quia actus externus, ut participat ab interno libertate, sic ab eo participat bonitatem, aut malitiam moralem, atque adeo non dat eam ipsi, alias daretur circulus.

TERTIUM medium est, quia circa idem obiectum possunt versari actus bonus & malus, ut amor & odium proximi habent pro obiecto ipsum proximum, & prior actus est bonus, & posterior malus: ergo non sumunt hi actus ab obiecto bonitatem & malitiam, quia idem obiectum non potest dare vtrumque, neque magis vnam vni, & alteram alteri, quam è conuerso.

SECUNDA DIFFICULTAS est, quia admissio

actum sumere bonitatem ab obiecto; falsum est, hanc bonitatem esse primam inter omnes quæ possunt conuenire: quod probatur vnicò medio, quia actus in quantum procedit à voluntate libera, etiam si præcindatur omnis ordo ad obiectum, est ei conueniens: ergo ut sic habet bonitatem, & tamen hæc bonitas præsupponitur ad eam, quam actus potest habere ex obiecto, sicut ordo ad principium præsupponitur ordini ad terminum: ergo bonitas, quam actus habet ex obiecto, non est prima.

Dices hanc bonitatem non pertinere ad genus moris, sed ad genus naturæ, & ideo non esse moralem, sed naturalem; & D. THO. loquitur de prima bonitate morali.

SED CONTRA, quia si comparetur actus ad voluntatem non præcisè, ut libera est, sed ut est operatiua cum subiectione ad regulas morum, atque adeo ut est principium moraliter operatiuum, potest fieri idem argumentum, scilicet actum esse conuenientem voluntati, ut est principium morale, atque adeo esse bonum moraliter.

TERCIA DIFFICULTAS est, quia etiam illo admissio, videtur falsum, hanc bonitatem esse essentialem secundum gradum specificum vltimum & hoc probatur tribus mediis. PRIMUM est, quia bonitas, quam actus habet ex obiecto, potest contrahi ratione circumstantiarum, & finis, ad varias species bonitatis: ergo est generica, & non specifica secundum speciem vltimam: consequens videtur nota, quia species vltima ideo appellatur vltima, quia non est contrahibilis ad alias species; & antecedens probatur, quia eleemosina verbi gratia, si ordinetur in recompensationem pro peccatis, ut in finem, contrahitur ad speciem penitentiarum; & si ordinetur in cultum Dei, contrahitur ad speciem religionis. Et idem argumentum fieri potest de malitia, ut, cum homicidium ordinatur ad furandum.

SECUNDUM medium est, quia iuxta doctrinam D. V. THOMÆ superius questione prima arti. tertio specificatio actuum humanorum sumitur ex fine: ergo etiam bonitas aut malitia moralis specifica, atque adeo hæc non sumitur ex obiecto. Probatur, prima consequentia, quia D. THO. ibi loquitur de specificatione actuum humanorum in genere moris, & hæc specificatio est idem quod bonitas aut malitia moralis specifica.

TERTIUM medium est, quia hic actus, volo studere viuere, habet bonitatem moralem specificam; & tamen non habet eam ex obiecto; ergo non omnis actus humanus sumit suam bonitatem ab obiecto. ANTECEDENS quoad priorem partem patet, quia hic actus habet determinatam speciem in genere moris, & non mali, neque indifferentis, cum sit de obiecto conformi rectæ rationi, ergo boni: & quoad posteriorem partem probatur, quia studiosè viuere, quod est obiectum huius actus, est commune ad obiecta omnium virtutum: ergo ex eo non potest desumi bonitas pertinet ad aliquam determinatam speciem, siue virtutis, siue actus studiosi; pater consequentia, quia nulla potest assignari ratio, propter quam sumatur ex eo bonitas alius vnius determinatæ speciei, potius quàm alterius. Et idem argumentum fieri potest ad probandum, neque malitiam specificam actus sumi semper ex obiecto, quia hic actus volo peccare, habet malitiam specificam: & tamen non sumit eam ex suo obiecto, nam neque sumit malitiam omnium peccatorum simul, neque alicuius peccati determinati, cum nulla

fit ratio propter quam sumat malitiam vnius peccati, potius quam alterius.

QUARTA DIFFICULTAS est, quia admissio, actum humanum sumere ab obiecto bonitatem aut malitiam primam, & specificam, videtur falsum, requiri ad hoc, esse in obiecto proportionatam bonitatem aut malitiam obiectiuam: quod probatur duobus modis. *primum est*, quia actus, qui dicuntur indifferentes secundum suam speciem, ut leuare festucam, & ire in agrum, possunt esse boni, si adiungatur eis circumstantia boni finis cum alijs requisitis: & tamen eorum obiecta non sunt bona, neque includunt aliquid, quod pertineat ad ordinem rationis, sed indifferentia ad bonitatem vel malitiam; ideo enim ipsi actus dicuntur indifferentes secundum suam speciem, quam sumunt ab obiectis, ut D. THOMAS docet articulo octauo huius quæstionis; imo non possent dici indifferentes secundum speciem, si obiecta includerent aliquid consonum aut dissonum rationi, sed essent boni aut mali: ergo ut actus sumat bonitatem aut malitiam specificam ab obiecto, non oportet ipsum obiectum habere proportionatam bonitatem aut malitiam obiectiuam.

Secundum modum est, quia actus potest esse bonus secundum suam speciem, quamuis obiectum sit malum; ut amor proximi est actus bonus secundum speciem, & tamen proximus, qui est obiectum, est sæpe malus moraliter. Et idem argumentum desumi potest ex eo, quod dictum est in tertio medio primæ difficultatis, scilicet, posse circa idem obiectum, versari duos actus quorum vnus sit bonus, alter vero malus: quia in hoc casu non poterit obiectum habere bonitatem & malitiam proportionatam vtrique actui.

§. 3. Sententia affirmatiua stabilitur ut vera.

SED HIS NON OBSTANTIBUS vera est D. THOMAS sententia, scilicet, omnem actum humanum sumere primam & specificam bonitatem aut malitiam ex obiecto, quatenus habet proportionatam bonitatem aut malitiam obiectiuam. Et quantum ad id quod est, sumi primam & specificam bonitatem ab obiecto, est efficax ratio D. THOMAS in articulo, quæ est huiusmodi: A forma habet vnaquævis res suam speciem, sed respectu actus obiectum se habet vt forma; ergo actus ab obiecto habet suam speciem: & hæc ratio æquæ probat de specie actionis in genere naturæ, & in genere moris; quia in vtroque genere obiectum se habet vt forma actionis. Quantum vero ad id quod additur de ratione, secundum quam sumitur obiectum in hac sententia, quamuis D. THOMAS id non probet in corpore articuli, sed supponat vt certum: tamen in solutione ad primum tradit doctrinam, ex qua potest desumi pro eo hoc argumentum: obiectum vt est in genere naturæ non magis dat actui speciem boni, quam mali, quia indifferens est ad dandum vnâ vel alteram, iuxta exigentiam ipsius actus: vt, eadem pecunia aliena dat actui accipiendi eam inuito domino speciem mali; & actui restituendi eam, speciem boni: ergo actus non sumit bonitatem aut malitiam moralem ex obiecto vt est in genere naturæ, atque adeo sumit eam ab ipso, vt est in genere moris obiectiuæ; quia solum hæc duæ rationes possunt distingui in obiecto quantum attinet ad propositum.

A Confirmatur, quia quando dicitur, habitus & actus specificari per sua obiecta, explicatur ab omnibus de obiectis, non in genere rei, sed in genere obiecti, & tota huius ratio est, quoniam alias sequeretur magnum inconueniens, scilicet, non esse discrimen specificum inter actus distinctorum habituum, aut diuersarum potentiarum, vel etiam inter ipsos habitus aut potentias, quia sæpe versantur circa idem obiectum in genere rei: ergo eodem modo, cum dicitur, actus humanos sumere ab obiecto specificam bonitatem, debet intelligi de obiecto non in genere rei, sed in genere obiecti; quoniam alias sequeretur etiam inconueniens, scilicet, non esse distinctionem specificam inter actus bonos & malos, aut inter bonos per se, & malos per se: quia sæpe versantur circa idem obiectum in genere rei, vt in hoc argumento est ostensum.

B Et potest addi ad maiorem huius rei confirmationem, per genus obiecti, intelligi rationem aliquam conuenientem ipsi obiectis, secundum quam sunt proportionata eisdem potentijs, habitibus, & actibus: & hanc rationem in obiectis actuum humanorum non esse aliud, quam aliquod esse morale in determinata specie boni aut morali, conueniens eis, non formaliter, sed obiectiuè, & radicaliter.

Et denum potest probari ex communi consensu omnium theologorum qui vt tam certam admittunt hanc sententiam, sicut doctrinam ARISTOTELIS de specificatione habituum & potentiarum per actus, & actuum per obiecta, quia idem est vtriusque fundamentum, scilicet, obiecta, vt sunt in genere obiecti, habere rationem formarum. Et quamuis aliqui dicant SCOTUM ab ea dissentire, decipiuntur, vt explicabo in solutione secundæ difficultatis.

§. 4. Discutitur prima difficultas. Actum sumere bonitatem ab obiecto, vt obiectiuè est bonum moraliter.

AD PRIMAM DIFFICULTATEM negandum est, esse falsum id, quod ibi refertur, & ad PRIMUM MEDIUM, quo probatur, respondent aliqui, actus externos habere pro obiecto materiam circa quam versatur, vt in exemplo ibidem proposito, actio dandi elemosinam habet pro obiecto pauperem; & concubitus coniugalis & fornicarius habent pro obiecto mulierem suam, & non suam: & homicidium externum, habet pro obiecto hominem: existimantque hi authores, se id colligere ex D. THOMAS qui q. 2. de malo art. 4. prope finem corporis, sic ait: *cognoscere mulierem suam, & cognoscere mulierem non suam, sunt actus habentes obiecta differentia secundum aliquid ad rationem pertinens, nam sunt & non sunt determinantur secundum regulam rationis*, quibus verbis videtur significare, obiecta huius duplicis concubitus esse mulierem suam, & non suam: & articulo sexto huius quæstionis docet, actum externum habere speciem ab obiecto circa quod est, vbi aperte docet, obiectum actus externi esse id, circa quod versatur.

C Sed hæc solutio mihi non placet, quia materia circa quam versatur actio externa, non est obiectum, sed circumstantia, quæ ab ARISTOTELE appellatur *circa quid & in quo* & a D. THOMAS comprehenditur sub circumstantia, *quid*; Item quia bonitas aut malitia specifica est vna

& eadem

& eadē in actu interno & externo (ut postea dicemus cū D. THOMAS) ergo etiam in utroque actu est idem obiectum à quo sumatur huiusmodi bonitas, aut malitia; quia non potest esse eadem specificatio, ubi non est idem specificatum: quare cum materia circa quam non sit obiectum actus interni, neque etiam erit obiectum externi. Et ex testimonijs adductis ex D. THOMAS non colligitur oppositum: quia *in priori* per *sumum & non sumum* non intelligit ipsas mulieres, ut præcisè sunt materia circa quam; sed ut sunt quædam conditio requisita ad constituendum obiectum à quo huiusmodi concubitus sumunt suam bonitatem aut malitiam specificam; quia, ut statim dicemus, obiectum utriusque concubitus externi est ipse concubitus in facto esse, & in hoc includitur non solum ipse actus secundum se, sed etiam materia circa quam, ut conditio necessaria, scilicet, mulier sua, vel non sua; & ita D. THOMAS probat, hunc actum non esse indifferentem secundum suam speciem, quia ex parte obiecti, à quo sumit speciem, includit ut conditionem, esse mulierem *suam vel non suam*, & hæc conditio importat ordinem ad rationem. Et idem dicendum est de re aliena respectu furti externi, quia est circumstantia circa quid, & pertinet ad obiectum specificatum, & ex consequenti ad substantiam actus ut conditio necessaria. Et in *posteriori testimonio* per *id circa quod est actus externus* non intelligit materiam, circa quam versatur; sed obiectum, ut distinguitur à fine intento ab operante; quia etiam est actio circa suum obiectum. Quare *aliter respondetur*, actum externum habere pro obiecto seipsum ut in facto esse, quia ut sic est terminus respectu sui ipsius, quatenus ut in fieri habet rationem viæ & tendentiæ: & ut licet iam apprehensus per intellectum est obiectum respectu actus interni.

Ad secundum medium Respondetur distinguendo consequens, si enim intelligatur de actu externo, prout in executione est posterior actu interno, & præscindit, atque emanat ab eo per modum actus, neganda est sequela; si vero intelligatur de eo prout in apprehensione rationis est prior actu interno, & mouet ad eum per modum obiecti, concedenda est, & hoc solum conuincit eius probatio: Et *ad testimonium* DIVI THOMAS, quod contra hoc obijciunt, Respondetur, esse intelligendum in priori sensu; & *ad rationem*, dicendum est, actum externum secundum diuersas rationes dare interno bonitatem vel malitiam, & participare eam ab ipso: quia dat eam quatenus ut obiectum præsupponitur in apprehensione intellectus ad actum internum; & participat eam, quatenus in executione procedit ab ipso. Item in diuerso genere causæ dat, & participat bonitatem aut malitiam: quia dat ut obiectum, cui commensuratur actus internus in ea, atque adeo ut mensura, & finis: & participat eam ab actu interno ut à forma, sicut in alio genere causæ color dat speciem visioni, & participat ab ea speciem visi, & ita non sequitur circulus vitiosus.

Ad tertium medium Respondetur, ex eo probari id, quod diximus de ratione, secundum quam sumitur obiectum in hac sententia, scilicet sumi, non prout pertinet ad genus naturæ, sed ut obiectiue pertinet ad genus moris: quia cum proximus non possit dare bonitatem & malitiam acti-

bus amoris & odij, ut est vnus & idem in genere naturæ, necesse est recurrere ad genus moris; in quo habet distinctas rationes: atque ita dicimus, proximum, quamuis in genere naturæ sit vnus & idem, tamen in genere obiecti moralis esse multiplicem: quia habet esse obiectum morale, quatenus recta ratio disponit circa ipsum, præcipiendo, aut prohibendo, quorum actuum debeat aut non debeat esse obiectum; & quia præcipit esse obiectum amoris, & prohibet esse obiectum odij, ideo colligimus, eum, ut attingitur per actum odij, esse obiectum dissentaneum rectæ rationi, atque adeo malum obiectiue; & ut attingitur per actum amoris, esse obiectum consentaneum rectæ rationi, atque adeo bonum. Quare ad formam argumenti, distinguendum est antecedens, si enim intelligatur de obiecto *in genere naturæ*, verum est: si tamen intelligatur de eo *in genere obiecti morali* falsum; & neganda est consequentia, quia ut valeret, oporteret antecedens esse verum in posteriori sensu, propter rationem nunc assignatam.

§ 5. Bonitas sumpta ab obiecto est prima omnium earum, quæ possunt actus commovere.

AD SECUNDAM DIFFICULTATEM ut respondeamus ADVERTENDUM est, aliquos, de quorum numero est CONRADVS, ita referre sententiam SCOTI circa rem hanc, ut dicant, ipsum in 2. d. 40. q. vnica §. *de secundo*, sensisse, bonitatem aut malitiam, quæ sumitur ex obiecto, non esse primam; & fuisse adductum, ad hoc asserendum, argumento, quo id probatur in hac difficultate, scilicet, quia ante hanc bonitatem præsupponitur alia in actu humano, quæ consistit in conuenientia ipsius actus cum principio, quod est liberum arbitrium; quia sicut liberum arbitrium concurret liberè ad eum, ita ipse liber est. Sed immerito tribuitur hoc SCOTO, quia quamuis constituat in actu humano bonitatem quandam, quæ consistat in conuenientia cum suo principio quoad libertatem, & dicat esse priorem ea, quæ sumitur ex obiecto: non intelligit esse bonitatem moralem, sed naturalem, & transcendentalem, quod ipse aperte explicuit, cum ibidem dixit, illam bonitatem esse communem actui bono & malo moraliter; & rationem reddit, quia non potest actus esse laudabilis aut vituperabilis nisi sit liber, quod de nulla bonitate morali posset dici. Et præterea in 2. d. 7. quæst. vnica §. *de primo*, dicit expresse, bonitatem, quæ conuenit actui in quantum est quoddam ens positium, esse naturalem, & conuenire omni enti positiuo, & non pertinere ad genus moris, & addit præter hanc bonitatem, conuenire actui alias tres morales, quas hoc ordine enumerat, ut prima sit ex obiecto, secunda ex circumstantijs, & tertia meritoria ex gratia & acceptione diuina; & demum quodlib. decimo-octauo, §. *de primo*, inquit, primam determinationem actus ad bonitatem in genere moris, fieri ab obiecto. Et de eadem bonitate naturali seu transcendentali exponendus est DIVVS THOMAS in 2. dist. 36. quæst. 1. articulo ultimo.



test ei accedere ratione circumstantiarum. Vbi SCOT. aperte significat, bonitatem ex obiecto appellari genus, & circumstantias differentias; non quia bonitas sit proprie genus, & circumstantiæ veræ sint differentiæ: sed propter similitudinē, quā habent cū genere & differentiis, quia sicut gradus genericus est potētiālis & actualis & determinabilis per differentias ad particulares species: ita etiam bonitas ex obiecto est aliquo modo potētiālis vt determinetur per circumstantias ad alias bonitates particulares. Et in hoc modo loquendi cōuenit SCOTVS cum DIVO THOMA, qui in articulo secundo expresse dicit, bonitatem ex obiecto appellari *ex genere*: imò CONRADVS in eodē articulo existimat etiam conuenire in ratione, quia affirmat rationem illam esse D. THOM. in secundod. 36. art. 3. ad 3. verum aliam meliorem assignat D. THO. in illo articulo, sc. sumi genus pro specie, quod frequentissimū est in cōmuni modo loquendi, sic enim solemus specie humanā appellare genus humanum, & apud iurisperitos est valde receptum ita sumere genus, sicut etiam sumere speciem pro indiuiduo; vt cum dicunt reddendū esse aliquid in specie, aut non esse reddendū in specie, ad significandum, esse, aut non esse reddendū certum aliquod & determinatum indiuiduū.

Et hoc supposito ad difficultatem, Respondetur, negando, esse falsum, quod in ea supponitur. Et ad primum medium, quo probatur, respondetur, negando antecedens, si intelligatur de contractione propria generis per differentiam, quia genus vt quid cōmune & incompletum quoad essentiam, atque adeo potētiāle, contrahitur per differentiam, tanquā per actum, quo completur per se in gradu essentiae: at vero bonitas, quæ sumitur ex obiecto, cōtrahitur vt quid completum in esse specifico, atque adeo per accidens, per circumstantias, ratione alicuius conjunctionis cū eis in eodē actu. Et ad probationē, dicendum est, in illis casibus solum hoc posteriori modo contrahi speciem & bonitatem elemosinæ ad speciem & bonitatem pœnitentiæ, aut religionis.

Ad secundum medium respondetur, D. THOM. ibi per finem, intelligere obiectum, quia loquitur de fine proximo operis, qui est eius obiectum; non de fine remoto aut intento ab operante in tali opere.

Ad tertium medium variæ solent adhiberi solutiones. PRIMA est aliquorum, qui concessio antecedenti quoad priorem partem, scil. hunc actum, *volo studiosè viuere*, habere bonitatē moralem specificam, vt opinitur contra genericam, negant ipsum quoad posteriorem partem, sc. non sumi hanc bonitatem ab obiecto; & ad probationem concedunt antecedens, & negant consequentiam: ad cuius probationē dicunt, solum convincere de bonitatibus particulariū virtutum v.g. misericordiæ, temperantiæ, & cetera; quia cum sit æqualiter commune ad obiecta omnium, nihil potest habere peculiare, propter quod det bonitatem, quæ sumitur ex obiecto vnius ex his virtutibus, potius quam eam, quæ sumitur ex obiecto alterius; non tamen de bonitate alicuius virtutis, quæ secundū se fit vna & determinata, & fit aliquo modo superior ad virtutes particulares; quia quamuis studiosè viuere sit commune ad obiecta omnium virtutum particularium, potest constituere obiectum virtutis superioris ad ipsas virtutes; Et ex hoc potest assignari sufficiens ratio, propter quam sumatur ex eo bonitas huius virtutis potius quam bonitas alicuius ex aliis particularibus virtutibus,

A ut quam omnium simul. Sicut ens, quamuis sit commune ad obiecta omnium scientiarum particularium constituit obiectum metaphysicæ, quæ est aliquo modo superior scientiis particularibus, & propterea ex ipso sumitur specificatio metaphysicæ, potius quam alicuius ex alijs scientijs, aut quā omnium simul. Et addunt hi authores, virtutem hanc esse iusticiam legalem, quæ quodammodo est superior alijs virtutibus, & versatur circa omnium materias, vt docet D. THO. 1. 2. q. 58. art. 5. & 6. & eodem modo respondent ad alteram partem, de malitia huius actus *volo peccare*, dicunt enim esse speciale, & pertinere ad vitium oppositum iusticiæ legali, & sumi ab illo obiecto communi, scilicet, *peccare*, quatenus constituit obiectum huius vitij.

Sed hæc solutio mihi non placet primo, quia iuxta eam non explicatur, qua ratione hoc obiectum, *studiosè viuere*, importet rectitudinem aliquam particularem obiectivam: ergo neque qua ratione possit dare specialem bonitatem actui terminato ad ipsum; consequentia patet, quia vt dixi, bonitas actus sumitur ex obiecto vt habet proportionatam secundum gradum bonitatem obiectivam. Et antecedens probatur, quia vel *studiosè viuere* sumitur in hac solutione absolute & secundum se, vel vt ordinatum ad rectitudinem aliquam particularem, vt ad finem; si dicatur, *primum*, sequitur, non sumi vt importat rectitudinem particularem, quia *studiosè viuere* est idem, quod viuere secundum rectam rationem, & hoc est, quid commune ad omnes rectitudines particulares, verbi gratia, ad rectitudinem temperantiæ, & misericordiæ, quia de quacunque earum est verum dicere, esse secundum rationem. Secundum vero dici non potest, tum quia est contra suppositionem, siquidem supponitur in hac difficultate, obiectum actus de quo agimus, esse absolute *uiuere studiosè: tum etiam quia vel obiectum hoc ordinatur, per se & ex natura sua ad illum finem vel solum ex intentione operantis; Et primum dici non potest, quia studiosè viuere non ordinatur ex natura sua ad aliquam rectitudinem particularem, vt ad finem, cum comprehendat, sub se oēs rectitudines particulares. Si vero dicatur secundū, sequitur, obiectum illud non effici particulare propter ordinationē ad illū finē, quia ordinatio extrinseca, & accidentaliter non potest immutare eius naturam. (vt patet cū volumus furtū propter homicidium, aut e conuerso) & ratione eius constituere obiectum alicuius virtutis specialis.*

Secundo quia videtur falsum, hoc obiectum constituere specialiter obiectum iusticiæ legalis, quod probatur quia iusticia legalis nullo modo est superior ad alias virtutes, sed condistinguitur ab eis vt vna virtus specialis ab alijs ergo nlla est ratio, propter quam hoc obiectum, quod est commune ad obiecta virtutum specialium, constituat obiectum iusticiæ legalis, potius quam alterius virtutis specialis. Consequentia patet, quia vt in ipsa solutione dicitur, contra ratio, propter quam videtur posse id dici, est, quia iusticia legalis est superior ad alias virtutes. Et antecedens probatur, quia iusticia legalis neque dirigit, neque mouet alias virtutes, quatenus suis operationibus attingunt propria obiecta formalia: sed solum versatur circa earum materias secundum aliam rationem formalem, vt statim dicam, ergo nullo modo est superior ad eas: patet consequentia, quia vna virtus solum potest dici superior

alia, quia vel dirigit eam, sicut prudentia dirigit omnes virtutes; vel mouet & applicat eam suo imperio ad operandum, sicut charitas mouet reliquas virtutes.

Et confirmatur hoc, quia maiori ratione obedientia potest dici superior aliis virtutibus, quam iusticia legalis, cum moueat ad earum actus in ordine ad proprium finem, scilicet, ut obediat superiori: & tamen non dicimus propterea, *studiosè operari*, quod est commune ad obiecta omnium virtutum, constituere obiectum obedientie: ergo neque est dicendum constituere obiectum iusticie legalis.

Et consulo addo hanc confirmationem propter aliquos, qui ad argumentum respondent negando antecedens quantum ad illam partem, qua in eo dicitur, iusticiam legalem nullo modo esse superiorem ad alias virtutes, quia ut **DIVVS THOMAS** inquit 2.2. quæst. 58. artic. 6. non est superior aut generalis secundum prædicationem, sed secundum virtutem, in quantum ordinat actus aliarum virtutum ad suum finem, scilicet, ad bonum commune, quod est mouere per imperium omnes alias virtutes, sicut charitas potest dici virtus generalis, in quantum ordinat actus omnium virtutum ad bonum diuinum. Sed quamuis hæc solutio possit utique habere locum in argumento; non potest applicari confirmationi, quia non est satis conuenire hunc modum superioritatis aut generalitatis alicui virtuti, ut id, quod est commune ad obiecta omnium virtutum, constituat eius obiectum: ut patet in obedientia, & charitate.

Et neque est sufficiens ad respondendum argumento, quia **D. THO.** loquitur de ordinatione, quæ accidentaliter conueniat actibus aliarum virtutum quantum est ex parte suorum obiectorum formalium, sicut pœnitentia potest hoc modo ordinare actus aliarum virtutum, verbi gratia, misericordie, temperantie, & religionis, imo & omnium theologiarum in obiectum suum ut in finem. Nos vero in argumento loquimur de ordinatione, quæ conueniat per se actibus ordinatis ex parte suorum obiectorum formalium; sicut ordinatio, quæ fit per charitatem, conuenit per se aliis virtutibus, quia ratione suorum obiectorum, postulant ordinari in finem charitatis, aut connaturaliter, si sint supernaturales; aut obediencialiter, si sint naturales. Et ex hoc patet non fauere illi solutioni exemplum metaphysicæ, cuius obiectum est ens, quod est, commune ad obiecta omnium scientiarum: quia metaphysica, est propriè superior aliis scientiis, & versatur circa earum principia.

Ultimo, quia iusticia legalis non versatur circa materias & opera aliarum virtutum secundum rectitudines, quas in eis attingunt aliæ virtutes: sed secundum aliam rectitudinem specificam distinctam ab eis, scilicet, ut in illis operibus sit, quod est debitum in ordine ad bonum commune totius reipublicæ: ergo *studiosè vivere*, quod importat rectitudinem omnem ad obiecta omnium virtutum secundum proprias earum rectitudines, non est obiectum iusticie legalis. *Antecedens patet in primis* ex doctrina **DIVI THOMÆ** loco citato in ipsa solutione; & *præterea* quoniam alias superflue poneretur hæc virtus, quæ esset distincta ab aliis, cum ad omnia illa opera secundum proprias rectitu-

dines sufficiat ceteræ virtutes. Et *consequentia* probatur, non solum quia in illo obiecto ita sumpto non includitur illa ratio formalis, sub qua iusticia legalis fertur in suum obiectum: sed etiam, quia quando bonitas alicuius virtutis est volita in ordine ad bonitatem alterius ut ad finem, prior bonitas non constituit obiectum virtutis, quæ versatur circa bonitatem, quæ se habet ut finis; ut quando bonitas misericordie est volita propter bonitatem charitatis, aut pœnitentie, tunc bonitas misericordie, non constituit obiectum charitatis, vel pœnitentie; ergo similiter quando bonitas communis ad obiecta omnium virtutum, scilicet, *studiosè vivere*, est volita in ordine ad finem speciale, qui est bonum publicum: dicendum est, illam bonitatem communem non constituere obiectum virtutis respicientis illum finem, quæ est iusticia legalis.

SECUNDA SOLUTIO est aliorum, qui dicunt, hunc actum, *volo studiosè vivere*, quamuis sit vnus secundum rem, & in genere naturæ, esse plures formaliter & in genere moris, & habere bonitates específicas omnium virtutum, & sumere eas à suo obiecto, quod quamuis sit vnum formaliter & actu, est multiplex virtualiter: quia ut superius ad obiecta particularium omnium virtutum, continet ea virtualiter; & eodem modo dicunt, hunc actum *volo peccare*, habere malitias omnium peccatorum. Addunt tamen, neque primum actum crescere ex hoc nimium in bonitate, neque secundum in malitia, quia neuter eorum terminatur ad obiecta particularia secundum se, & distinctè, sed ut continenter in confuso, & in potentia, in obiecto in communi.

Sed neque hæc solutio mihi placet. Primo, quia vel hic actus terminatur æque immediate ad omnia illa obiecta particularia, vel seruat ordine, ita ut ad vnum eorum terminetur mediare, & ad reliqua immediate. Si dicatur *primum*, sequitur omnes bonitates, aut species morales, quæ sumuntur ab illis obiectis, conuenire æque primo huic actui, quod in primis est aperte contra **DIVVM THOMAM**, qui suprà quæst. 1. artic. 3. ad tertium ne concedat, eundem actum pertinere æque primo ad distinctas species, docet eundem actum non posse habere plures fines proximos; cur autem sit inconueniens conuenire eidem actui æque primo distinctas species in genere moris dicemus postea. Et *præterea* est contra rationem, quia nulla potentia neque cognoscitiua neque appetitiua potest vno actu, aut pluribus simul ferri in distincta obiecta, nisi ut habent modum vnius; & cum hæc, de quibus loquimur, non habeant rationem vnius, quia coniungantur ad constituendum aliquod totum, sequitur non habere talem rationem, nisi ut terminant actum voluntatis cum subordinatione aliqua inter se. *Secundum* vero dici non potest, quia cum obiectum illud commune, contineat eodem modo, & æque primo, omnia particularia, nulla poterit reddi ratio, propter quam vnum ex particularibus terminet immediatius actum voluntatis, quam aliud.

Secundo, quia hoc actu, quantumcumque sæpe iteretur, non potest acquiri habitus, qui inclinet ad obiecta virtutum in particulari; ergo hic actus non habet specificationes aut bonitates, quæ desumi possunt ab illis obiectis in particulari: *consequentia* patet, quia ex frequentatione actuum, qui habent

speciem ab aliquo obiecto, acquiritur habitus inclinans ad idem obiectum, si talis habitus est acquisitus per nostros actus. Et *antecedens* probatur, quia *neque* acquiritur *unum tantum* habitus, qui inclinet ad illa obiecta omnia particularia, alias male colligeretur distinctio virtutum ex distinctione illorum obiectuum; *neque* acquirerentur *tot habitus*, quod sunt illa obiecta, aut (quod idem est) non acquirerentur habitus, qui inclinent ad illa obiecta secundum se, & ut sunt inter se distincta, cuiusmodi sunt habitus virtutum, quia non potest acquiri habitus inclinans ad aliquod obiectum, nisi per actus tendentes formaliter in idem obiectum & secundum se: & tamen constat, actus, de quibus loquimur, non terminari ad obiecta particularia virtutum secundum se & formaliter, sed solum ut continentur in potentia, & in consilio. in illa communione obiectina omnium virtutum, scilicet, *studiosè vivere*.

Ultimo, quia obiecta particularia virtutum non terminant hunc actum, de quo loquimur, ut sunt plura & distincta inter se, ergo neque dant ei plures distinctas bonitates, aut specificationes; *Antecedens* patet, quia terminant eum, ut continentur in hoc obiecto communi, quod est *studiosè vivere*. & secundum hanc rationem non distinguuntur inter se, sed potius conveniunt & sunt unum: Et *consequentia* probatur, quia ab specificatione uno, ut unum est, non possunt provenire distinctæ specificationes; & obiectum dat actui specificationem & bonitatem in genere moris, ut principium formale specificationum, ut dubio primo explicui.

TERTIA SOLVITIO est eorum, qui concedunt antecedens *quoad priorem partem*, si intelligatur de specie quadam bonitatis innominata, & distincta à speciebus, quæ conveniunt actibus virtutum particularium; & negant ipsum *quoad posteriorem partem*, & ad probationem ut respondeant, *supponunt*, obiectum illud, scilicet, *studiosè vivere*, posse sumi duobus modis: *primo*, ut continet in potentia speciales & particulares modos operandi studiosè. *Secundo* præciso hoc ordine ad inferiora, & ut secundum se importat actum *studiosè operari*, abstrahendo ab omni potentialitate ad aliquid: & sumptum *priori modo*, esse commune ad obiecta omnium virtutum sumptum vero *posteriori modo* non esse commune ad obiecta particularium virtutum, sed esse speciem quandam obiecti moralis distinctam ab eis. Et explicant dupliciter quia ratione possit hoc obiectum sumi his duobus modis: *primo* ex diversitate conformitatis ad rationem quam importat, quia *priori modo* sumptum non importat conformitatem aliquam specificam, sed solum rationem genericam conformitatis, sumptum vero *posteriori modo*, importat peculiarem & specificum modum conformitatis ad rectam rationem: quia hoc, quod est *studiosè operari*, præcisum ab inferioribus, est obiectum consonum rectæ rationi conformitate quadam speciali, & distincta ab ea, qua alia obiecta particularia dicuntur conformia. Et *secundo* ex diversitate in modo quo hoc obiectum terminat nostrum actum, quia sumptum *priori modo* terminat actum secundario; & quasi consequenter ad obiectum aliquod particulare, quod terminat eum primario & immediate per seipsum; sicut prædicata communia dicuntur fieri secundario, & consequenter ad productionem singularium. At vero sumptum *posteriori modo* terminat actum seipso, & primo.

hoc supposito, respondent, obiectum hoc, cum actui bonitatem specialem, quam diximus ei convenire, non sumi *priori modo*, sed *posteriori*. Et si ab utraque, ad quam speciem virtutis pertineat bonitas huius actus? ut ad hoc respondeant, divisi sunt inter se, ut refert GABRIEL VAZQUEZ l. 2. disp. 10. cap. 2. nam *quidam eorum* dicunt, ad nullam pertinere, quia non est necesse omnem actum bonum pertinere ad aliquam speciem virtutis, ut constat in actu quo volumus beatitudinem in communi. ad quem, iuxta sententiam DIVI THOMÆ non egemus habitu. *Alij* vero dicunt, esse in nobis peculiarem quendam habitum acquisitum, qui est virtus specialis ab alijs distincta, quamvis *innominata*, & habet pro obiecto *studiosè vivere*, siue, bonum honestum in communi; & ad speciem huius habitus pertinere bonitatem actus, de quo loquimur. Et hi respondent ad testimonia, DIVI THOMÆ, in quibus videtur docere, non dari habitum virtutis respectu boni honesti, aut beatitudinis in communi. Et omnes explicante eodem modo, quæ ratione alter actus, scilicet, *volo peccare*, sumat malitiam specificam ab obiecto communi, quod est, *peccare*, sumptum sine determinatione ad aliquod peccatum in particulari.

Hac solutio mihi aliquando placuit, sed nunc mihi videtur insufficiens quantum ad modum respondendi ad probationem posterioris partis antecedentis, quia videtur falsum quod in eo dicitur, scilicet, hoc obiectum, quod est *studiosè operari*, si sumatur posteriori modo, non esse univiale & commune ad obiecta particularia virtutum, sed esse obiectum quoddam specificum distinctum ab eis: quod sic probo, *studiosè operari* quatumcunque præcisedatur à potentialitate ad alia, est secundum se commune ad particulares modos studiosè operandi: ergo ut est obiectum huius actus, de quo loquimur: *consequentia* patet, quia proprium est voluntatis ferri in suum obiectum ut est in seipso, ergo si hoc obiectum secundum se est commune & univiale, etiam ut est obiectum huius actus voluntatis, quo est volitum, est commune. Et *antecedens* probatur, quia tota actualitas, quæ est *studiosè operari*, convenit omnibus illis modis particularibus: ergo est eis communis. Et *non faciunt huic sententia* duo modi explicandi eam in ipsa relati, quia in utroque supponitur aliquid aut falsum, aut non satis explicatum: in *primo* enim supponitur, obiectum sumptum illis duobus modis, importare duas illas conformitates ad rationem, cum tamen neque huius assignetur causa, neque explicetur cur una earum conveniat obiecto sumpto primo modo, & altera conveniat eidem sumpto secundo modo, potius quam è converso; & in *secundo* etiam supponitur, convenire huic obiecto duas rationes terminandi nostrum actum, & una earum attribuitur ipsi sumpto primo modo, & altera sumpto secundo modo, & tamen neutrius assignatur sufficiens ratio.

ULTIMA SOLVITIO est GABRIELIS VAZQUEZ loco citato pro præcedenti: ubi admissio antecedentis quoad priorem partem, negat ipsum quoad posteriorem. Et ad probationem respondet, ipsam actum voluntatis posse sumere speciem boni aut mali ex obiecto, quod est *studiosè operari*, quamvis non sit unum secundum speciem, sed solum se

lum secundum genus: quia existimat, ex obiecto, quod est commune secundum genus, imo & secundum analogiam, posse sumi speciem potentie habitus, & actus. Idq; probat, quia intellectus habet pro obiecto, à quo sumit suam peculiarem speciem, ens sumptum in communi, quod non est in aliqua determinata specie; imo neque in aliquo determinato genere, sed solum est unum analogicè: & idem dicendum est de actu, quo intelligimus ens sic sumptum.

Sed neque hac solutio mihi placet, primo, quia supponit ut fundamentum, non esse necessariam in obiecto unitatem specificam, ut ab eo sumatur specificatio potentie, habitus & actus: & tamen hoc fundamentum videtur, falsum; quia sicut actus (& idem est de habitu & potentia) sumit ab obiecto gradum essentie, scilicet, esse talis, aut talis essentie: ita etiam sumit unitatem; ergo sicut ad primum requiritur ipsum obiectum habere rationem obiectivam proportionatam, ita etiam ad secundum requiritur habere unitatem proportionatam.

Confirmatur, quia actus sumit ab obiecto omnes gradus sue essentie, scilicet, genericos, & específicos. & unitatem proportionatam unicuique actui: ergo sicut actus non sumit gradum specificum ab obiecto, quatenus habet obiectivè esse genericum, sed quatenus habet esse specificum: ita etiam non sumit ab eo unitatem specificam, quatenus habet unitatem analogicam, aut genericam, sed determinatè quatenus habet unitatem specificam.

Secundo, quia ratio, qua probatur illud fundamentum, nullam habet vim, cum contineat eandem omnino difficultatè, scilicet, quomodo intellectus & eius actus sumat specificationem ab ente, quod solum est unum analogicè,

Quare omissa hac solutione, quantum ad probationem illius posterioris partis antecedentis, aliter responderetur ad eam: *Studiosè operari*, si sumatur in genere rei, esse commune ad obiecta virtutum particularium; si tamen sumatur in genere obiecti, non esse commune ad ea, sed habere determinatam speciem, secundum quam distinguitur ab eis; & hoc est satis, ut actus, de quo loquimur, sumat ab eo bonitatem specificam; quia cum dicimus, actus humanos sumere ab obiecto determinatam speciem bonitatis aut malitiae, debet intelligi de obiecto in genere obiecti: de qua distinctione videnda sunt quæ CAIETANUS dicit de obiectis scientiarum 1. parte quæst. 1. art. 3. Ut autem intelligatur quomodo hæc distinctio locum habeat in obiecto de quo agimus, ADVERTE, posse in eo distingui duas rationes, *unam* quatenus est ens quoddam, quæ est sua entitas siue consideretur, in genere nature, siue in genere motus, hoc est, quoad conformitatem cum ratione; quia utroque modo est ens, & hoc formaliter per suam entitatem; & *alteram* quatenus terminat actum voluntatis, & obijicitur ei, quæ non est aliud, quam specialis modus appetibilitatis, qui convenit ei in ordine ad hunc actum, & non in ordine ad alios; non quidem quia consistat in tali ordine, cum ad hoc esset necessarium præsupponi ipsam actum specificatum: sed quia per eum à nobis explicatur & concipitur; ex quo potest responderi ad præcipuum argumentum, quo VASQUEZ 1. parte disp. 7. cap. 3. impugnat hanc distinctionem obiecti contra CAIETANUM quamvis ipse CAIETANUS, si consequenter loquatur, non possit hac solutione

vi. Et verè hæc distinctio est desumpta, ex D. THOMAS, qui in solutione ad primum articuli secundi, dicit, obiecta *ut sunt res quedam*, hoc est, ut sunt in seipsum, nunquam esse mala, sed semper bona; tamen *ut sunt obiecta* talium actionum, hoc est, ut obijciuntur eis, non semper esse bona, sed aliquando esse mala, quia non semper habent debitam proportionem ad hanc vel illam actionem. Vbi aperte distinguit in obiecto *rationem res à ratione obiecti*, & priorem constituit in modo entitatis, qui convenit obiecto secundum se; & posteriorem in modo secundum quem obijcitur actui, ut proportionatum vel improporionatum in ordine eodem. Et ex his duabus rationibus, in obiecto, de quo agimus prior est communis omnibus obiectis particularium virtutum, & convenit huic obiecto, ut pertinet ad genus rei; & posterior est uni unitate speciei specialissimæ, & convenit eidem obiecto, ut pertinet ad genus obiecti. Et hac distinctione potest responderi ad argumentum propositum præcedenti solutione de specificatione intellectus, & actus intelligendi per ens, sumptum in communi; & ita etiam respondendum est ad argumentum, quod solet fieri de specificatione metaphysicæ per ens eodem modo sumptum, & de specificatione voluntatis & sui actus per bonum commune.

Et si quæras, an per hunc actum repetitum acquiratur specialis habitus virtutis distinctus ab habitibus aliarum virtutum, quamvis sit innominatus? *Respondetur negativè*, quia in prosecutione huius obiecti non patitur voluntas difficultatem aliquam ad quam superandam sit necessarius habitus; sed ex sua inclinatione naturalis est, sufficienter ad eam determinata: de quo videndus est DIVVS THOMAS inf. quæst. 56. art. 6. cuius doctrinam bene explicat GABRIEL VAZQUEZ loco citato, quamvis in eo, quod addit de volitione pravè operandi, scilicet, per eam sæpe repetitam non acquiri habitum vitij, mihi displiceat, quia cum voluntas non habeat inclinationem naturalem ad malum, non erit satis determinata ex sua natura ad eius prosecutionem, & ideo patietur in ea difficultatem, quæ poterit superari per habitum acquisitum.

§. 7. Requiritur in obiecto ipso proportionata bonitas aut malitia.

AD QUARTAM DIFFICULTATEM responderetur, *negando*, esse falsum id, quod proponitur & ad primum medium quo probatur, respondet ALIQUI, ut actus sumat bonitatem ab obiecto, non esse necessarium, obiectum ipsum esse bonum: sed satis esse, non esse malum, aut (quod idem est) esse indifferens, & in hoc sensu debere accipi hanc doctrinam DIVI THOMAS: *Sed hi neque mentem D. THOMAS*, neque veritatem, attigerunt; nam in primis DIVVS THOMAS articulo secundo dicit expresse, primam bonitatem actus sumi ex obiecto convenienti. Vbi appellat *obiectum convenienti* id, quod est convenienti & proportionatum in ordine ad actionem humanam, ut ipse explicuit in solutione ad primum eisdem articuli: & quæstione sequenti articulo primo ad primum, ubi obiectum, quod dat bonitatem, appellat *convenienti ad appendendum*; & constat non posse obiectum aliquod dici convenienti respectu actionis humanæ, si tantum sit indifferens, & non sit conforme rectæ rationi: quæ

est eius

est eius principium & regula. Ex quo etiam sequitur, obiectum illud non esse morale, quia nihil habet, quo importer ordinem ad rectam rationem, atque adeo non possit ab eorum aliquo specificationem in actus in genere moris; quare neque bonitatem moralem. Et *præterea*, dato quod indifferentia in obiecto sit ratio formalis obiectiva pertinet ad genus moris, dicendum est esse distinctam à bonitate & malitia intra idem genus: ergo sicut bonitas obiectiva non dat actui speciem mali, neque malitia speciem boni, propter eorum distinctionem inter se: ita etiam indifferentia obiectiva non dat speciem boni, quia etiam distinguitur specificè à bonitate obiectiva, uno non dabit magis speciem boni, quam speciem mali, quia eodem modo & æqualiter differet à bonitate & malitia obiectiva. *Ad respondendum* actum in illo casu habere duas species in genere moris, quarum unam appellant speciem actus indifferentem, & alteram speciem boni, & priorem dicunt esse primam & essentialem in ipso actu, & sumi ex obiecto; & posteriorem esse secundariam, & accidentalem, & sumi ex fine, & consequenter asserunt, hanc doctrinam de priore, & essentiali specificatione actuum per obiecta debere intelligi de omni specificatione morali, hoc est, siue quoad bonitatem siue quoad malitiam, siue quoad indifferentiam, ita videtur actus ab obiecto bono aut malo sumi primam speciem in genere moris, quæ est bonitas aut malitia, ita etiam ab obiecto indifferenti sumi primam speciem in eodem genere, quæ est indifferentia.

Sed ibi, & in fundamento, de specie positum in genere moris, quæ sit indifferentia; & in eo quod ex hoc fundamento deducunt, de prioritatem huius speciei, decipiuntur, vt ostendam arti. 3. & 9. huius questionis. Et ideo aliter respondeo, in illo casu, finem transire in conditionem obiecti, quia obiectum secundum se importer ordinem ad rationem: vt *Divus Thomas* dicit loco citato & ex consequenti non habet aliquam rationem obiectivam moralem, sed solum quatenus ordinatur in bonum finem. & ita finis in eo casu non est circumstantia, sed ratio formalis constituens obiectum in esse obiecti moralis & proportionati ad terminandum actum moralem, vt loco citato explicabimus.

Ad secundum medium quoad priorem partem responderetur, proximum, quoniam sit malus moraliter secundum se, & in genere rei, esse bonum in genere obiecti, hoc est esse proportionatum ad terminandum actum dilectivum. Et quoad *posteriorem partem* Responderetur, obiectum in eo casu esse unum in genere rei, & duo in genere obiecti, quia est proportionatum ad terminandum unum illorum actuum, & improportionatum & discorveniens ad terminandum alterum. Et ex hoc magis confirmatur distinctio superior explicata de duplici genere in obiecto alicuius actus.

ARTICVLVS III.

Verum actio hominis sit bona vel mala ex circumstantiis.

CONCLUSIO est affirmativa.

COMMENTARIVS.

Circa hanc conclusionem est

DUBIVM I.

An actio humana sumat suam bonitatem aut malitiam ex circumstantiis.

§. 1. Explicatio tituli.

ET AD TITULI intelligentiam explicandi sunt tres termini. Primus est *actio humana* quia non sumitur pro actione vt est in genere naturæ, sed vt est in genere moris: loquimur enim de speciali quodam bonitate & malitie modo, qui aduenit actibus humanis ratione circumstantiarum & respectu actionis vt est in genere naturæ, omnis bonitas & malitia. vnd. quæ proveniat, siue ex obiecto, siue ex circumstantiis, est extrinseca & accidentalis; neque etiam sumitur determinatè pro actione externa, aut imperata; neque pro interna aut imperante; sed in communi, vt comprehendit omnem actionem humanam, siue imperantem, siue imperatam: quia de omnibus potest disputari, an ex circumstantiis habeant aliquam bonitatem, aut malitiam.

SECUNDVS TERMINVS est *bonitas aut malitia*, quo non significatur determinatè bonitas & malitia distincta specie ab ea, quæ sumitur ab obiecto, aut quæ solum addit modum & determinationem intra eandem speciem, sed indistinctè significatur quæcumque bonitas & malitia, hoc est siue sit per se species aliqua bonitatis aut malitie, siue tantum sit modificatio speciei constitutæ: quia quocumque ex his modis addatur actus bonitas aut malitia ratione circumstantiarum, est verum dicere, actum sumere bonitatem & malitiam ex circumstantiis; & de ipsis modis agit in particulari *Divus Thomas* articulo 10. & 11. huius questionis.

TERTIVS TERMINVS est *circumstantia*, quo intelligitur ea, quæ comparantur ad actionem humanam vt constitutam, scil. ex suo obiecto in aliqua specie morali, tanquam accidentia eius, qui sunt extra eius substantiam & naturam; aut secundum esse specificum, aut secundum esse individuale: quod explicari potest exemplo entis naturalis, cuius perfectio aut imperfectio totalis consistit ex accidentibus, quæ sunt extra eius substantiam & naturam, aut secundum esse specificum, aut secundum individuale. Et ita hoc nomen *circumstantia* proprie dicitur de accidentibus rerum natura-

rum

lium, maxime corporearum, quæ sunt in loco, quoniam illa dicuntur circumstare corpus alicubi existens, quæ non sunt ei intrinseca. & tamen ipsum aliquo modo attingunt; & inde translaturum est ad significandum accidentia, quæ adiunguntur actibus moralibus; verum non significat generaliter omnia, quæ accidentaliter concomitantur actionem humanam: sed solum ea, quæ aliquo modo afficiunt, & immutant ipsam in ordine ad rectam rationem, ita ut ratione eorum sit faciendum aliud iudicium secundum rectam rationem de ipsa actione quoad bonitatem vel malitiam moralem; quia quæ solum comitantur actum, & nullo modo afficiunt ipsum, non pertinent ad eius bonitatem vel malitiam, ut rectè aduertit **ARIST.** cap. 8. moral. §. *non omnis circumstantia*, conclusione prima. Quare sensus tituli est, *an omnes actiones humane sumant aliquam bonitatem & malitiam moralem ex huiusmodi accidentibus, quæ eas aliquo modo afficiunt, & appellantur circumstantiæ ipsarum.*

§. 2. Argumenta partis negative.

PARS NEGATIVA probatur **PRIMO**, quia actus internus voluntatis est vere actus humanus, & pertinet ad genus moris, & tamen nullas habet circumstantias, à quibus sumat bonitatem aut malitiam, ergo non omnis actus humanus sumit à circumstantiis bonitatem aut malitiam. *Antecedens* quoad priorem partem est notum; & quoad posteriorem probatur *PRIMO*, quia ex nulla circumstantia potest sumi bonitas aut malitia actus nisi in quantum est volita, quoniam alias non erit voluntaria; ergo neque nisi in quantum est obiectum voluntatis, & ex consequenti actus voluntatis non habet circumstantias, à quibus sumat bonitatem aut malitiam; Hæc *secunda consequentia* patet, quia, ut dictum est in explicatione tituli, bonitas & malitia circumstantiæ conveniunt actui constituto in specie à suo obiecto. Et *prima* probatur, quia obiectum actus voluntatis est id, circa quod veritatur, & ex consequenti est ipsum volitum. *Secundo* probatur, idem antecedens autoritate **DIVI THOMÆ**, qui id docet de circumstantia finis articulo sexto huius quæstionis in corpore: & in solutionibus primi & secundi argumenti, & generaliter de omnibus circumstantiis quæstione sequenti articulo secundo.

SECUNDO nullæ circumstantiæ dant actui bonitatem aut malitiam accidentalem; ergo absolute non dant ei bonitatem aut malitiam. *Consequentia* patet, quia, ut diximus in explicatione tituli, circumstantiæ appellantur ea, quæ sunt extra substantiam & naturam actus, & afficiunt ipsum, tanquam eius accidentia, & ex consequenti, si dant ei bonitatem aut malitiam, solum dant accidentalem; & *antecedens* probatur, quia circumstantiæ mutant species dant speciem bonitatis aut malitiæ distinctam ab ea, quam dat obiectum; & una species non dicitur accidens alterius, præteritum quando sunt eiusdem ordinis & generis, ut in casu, de quo loquimur, & circumstantiæ, quæ non mutant speciem, sunt partes substantiæ ipsius actus, vel quoad

A eius entitatem, ut patet in continuatione & intensione actus; vel ex parte obiecti, ut patet in quantitate materiæ in fusto: ergo etiam bonitas aut malitia, quæ sumitur ab his circumstantiis, est pars bonitatis aut malitiæ substantialis ipsius actus, & ex consequenti non est accidentalis.

TERTIO continuatio & intensio actus, & quantitas obiecti, sunt circumstantiæ actuum humanorum; & tamen non dant eis bonitatem aut malitiam moralem; ergo non sumitur ex omnibus circumstantiis bonitas aut malitia actuum humanorum. *Antecedens* quoad priorem partem supponatur ut certum ex doctrina **DIVI THOMÆ** superius quæstione septima; & quoad posteriorem probatur discurrendo per singulas ex his tribus circumstantiis; & primo probatur de *continuatione*, quia alias sequeretur in quocunque actu bono continuato per quodecunque tempus, esse infinitam bonitatem moralem, quod est absurdum; probatur *sequela*, quia si continuatio, aut duratio dat actioni bonitatem, ergo durationi per unum instans, (scilicet, per primum, in quo incipit actio, verbi gratia, charitatis) responderet certus aliquis gradus bonitatis in ipsa actione; & ulterius, ergo durationi per tempus quantumvis breve responderent infiniti gradus æquales primo: & ex consequenti bonitas totalis, quæ respondet huic durationi, est simpliciter infinita. Hæc *tertia consequentia* patet, quia hæc bonitas totalis constat infinitis partibus non communicantibus, & æqualibus; & *prima* etiam *consequentia* patet, quia in illo primo instanti est tota substantia actionis, & duratio proportionata ipsi instanti, ergo nihil deest ex requisitis ut actio ratione huius durationis habeat certum aliquem gradum. Et *secunda consequentia* probatur, quia in quolibet tempore, quantumcunque brevi, sunt infinita instantia continuativa; aut, si hæc negaveris, sunt infinitæ partes proportionales, in quibus maiorem vim habet hæc difficultas, cum quævis earum excedat incomparabiliter instans, sicut divisibile est maius indivisibili; & in quocunque ex his instantibus est eadem ratio, atque in primo, quantum ad hoc, quod est, esse in ipso totam substantiam actionis & æqualem durationem; ergo etiam est eadem ratio ut durationi per quodecunque ex his instantibus respondeat in actione gradus bonitatis æqualis ei, qui responderet durationi per primum instans: Ac proinde si instantia sunt infinita etiam gradus bonitatis respondentes durationi per ea omnia, erunt infiniti. Et hæc eadem difficultas proponi potest de valore meriti, qui convenit actioni meritorie ratione durationis; & de premio gloriæ essentialis ei respondentem; & de demerito & pœna, seu de supplicio.

Secundo probatur eadem pars antecedentis *quantum ad circumstantiam intensiōis*, quia intensio actus non est cognita ab operante per cognitionem, quæ dicitur operationem, eliciendam, & modum eius, ut experientia constat: unusquisque enim experitur, se non moveri ad operandum intense ex cognitione intensiōis, quam actus est habiturus, ergo neque est volita ab ipso, & ex consequenti non potest dare actui bonitatem aut malitiam. *Prima consequentia* patet, quia nihil est volitum, quin præcognitum; Et *secunda* probatur, quia quod non est volitum, non est voluntarium, atque adeo non potest

dare actui bonitatem aut malitiam.

Confirmatur primo, quia multæ sunt causæ maioris intensiōis in actibus, quæ non sunt nobis voluntariæ: ergo saltem in hoc casu maior intensiō non est nobis voluntaria, & ex consequenti non dat actui bonitatem & malitiam. Probatur *antecedens*, quia sepe maior intensiō potest provenire ex maiori proclivitate & propensione naturali ad virtutem, aut etiā ex gratia & habitibus supernaturalibus infusis à Deo, sine ullo merito, & sine industria & dispositione ex parte operantis, sicut infunduntur pueris in baptismo.

Confirmatur secundo, quoniam alias sequeretur, bonitatem, quæ provenit ex intensiōe actus, non posse adæquari per quancunque multiplicationem actuum cum minori intensiōe: ut verbi gratia, bonitas, quam habet actus ex intensiōe ut sex, nō posset adæquari per multiplicationem actuum habentium bonitatem ex intensiōe ut tria; probatur *sequela*, tum quia multiplicatio alicuius perfectionis non auget ipsam perfectionem: ergo si perfectiō aliqua sine multiplicatione est minor altera, etiam si addatur ei multiplicatio erit minor; & ex consequenti non adæquabit eam: atque adeo si bonitas actus minus intensi non adæquat bonitatem actus magis intensi, etiam si multiplicetur actus minus intensus, non adæquabit eam; tum etiam quia perfectiō, quam habet calor ex intensiōe ut sex non potest adæquari per multiplicationem caloris intensi ut tria, quia omnes calores multiplicati cum hac intensiōe non excedunt perfectiōem caloris ut tria: ergo similiter perfectiō bonitatis, quam habet actus humanus ratione suæ intensiōis, non potest adæquari per multiplicationem actuum cum minori intensiōe: & tamen *consequens* videtur falsum, quia ex eo sequitur, si ex duobus hominibus vnus toto aliquo tempore continet peccatum mortale, & in eius sine resurgat per actum intensum ut sex: & alter eodem tempore abstineat omnino à peccatis, & exerceat assidue opera studiosa intensa tantum ut tria: non habere hunc posteriorem maiorem bonitatem moralem, neque esse dicendum magis bonum moraliter quam priorem: quod statim se offert ut magnū inconueniens, & constabit amplius ita esse, si proponatur talis casus de valore meriti, & de præmio gloriæ essentialis ei respondententi.

Tertio probatur eadem secunda pars antecedentis quantum ad circumstantiam quantitatis obiecti, quia sequitur, actionem, quæ habet infinitam quantitatem ex parte obiecti, habere infinitam bonitatem aut malitiam moralem: ut verbi gratia, hanc actionem, *volo furari infinitos nummos aureos*, esse infinitè malam; & hanc, *volo elargiri totidem nummos in elemosinam*, aut, *volo dare elemosinam infinitis pauperibus*, esse infinitè bonam; probatur *sequela*, tum quia inter quantitatem infinitam nulla est proportio: ergo etiam inter bonitates aut malitias, quæ ab eis proveniunt, nulla est proportio: sed si ambæ sint finitæ, quantumcunque vna earū excedat alterā, habebunt inter se, aliquam proportionem; ergo necesse est vnam esse finitam, & alteram infinitam; tum etiam quia, posita illa sententia, voluntas dandi elemosinam vni pauperi habebit ex quantitate obiecti certum aliquem gradum bonitatis, qui ex suppositione sit vnus, & ex consequenti voluntas dandi elemosinam duobus pauperibus habebit

ex eadem parte bonitatē, ut duo: quia sicut duplicatur causa, scilicet obiecti quantitas, sic duplicandus est effectus, scilicet actus bonitas; & hac supputatione possumus procedere in infinitum: ergo voluntas dandi elemosinam infinitis pauperibus habebit ex quantitate obiecti infinitam bonitatem. Patet consequentia, quia sicut in augmento finito quantitatis obiecti servatur proportio cum bonitate actus, ita ut duplicata quantitate, duplicetur bonitas: ita etiam in augmento infinito eiusdem quantitatis debet servari similis proportio cum bonitate: ita ut aucta infinitè quantitate obiecti, etiam bonitas actus sit infinita. Et tamen *consequens* illud videtur falsum, quia ex infinitate secundum essentiam alicuius obiecti non sumit actus infinitam bonitatem: ut actus charitatis, quo diligimus Deum infinitum secundum essentiam, non est infinitè bonus moraliter: ergo neque ex infinitate obiecti, secundum multitudinem aut magnitudinem molis, sumit actus infinitam bonitatem. *Antecedens* ab omnibus admittitur; & *consequentia* probatur, quia nulla poterit assignari sufficiens ratio disparitatis, propter quam infinitas obiecti secundum essentiam non det actui infinitam bonitatem, & infinitas secundum multitudinem det eam.

§. 3. Omnes actus humani habent à circumstantiis bonitatem & malitiam accidentalem.

PRIMA CONCLUSIO omnes actus humani habent aliquas circumstantias, & ab eis sumunt bonitatem aut malitiam accidentalem. Hæc conclusio duas continet partes, & PRIMA, in qua affirmamus, nullum esse actum humanum, qui non habeat aliquas circumstantias, statuitur contra aliquos, qui ducti primo argumento, & testimoniis DIVI THOMÆ in eo adductis asserunt, actum voluntatis non habere circumstantias, de quorum numero est CONRAD. quæstione sequenti articulo secundo, & fauet eis DURAND. in secunda distinctione 38. quæst. 1. nu. 8. ubi inquit, distinctionem subiecti & finis & circumstantiarum, debere intelligi respectu ipsorum, quia si fiat comparatio inter ipsa, aliquid habet rationem obiecti; & aliquid est eius finis, & aliquid est circumstantia; non tamen respectu actus voluntatis, quia omnia conveniunt in vna ratione obiecti eius. Sed contra eos probatur hæc pars PRIMO auctoritate DIVI THOMÆ, qui articulo tertio huius quæstionis supponit, de omnibus actionibus humanis, habere circumstantias; quia docet, actiones humanas generaliter, & sine vlla limitatione ad genus aliquod earum, sumere bonitatem aut malitiam ex circumstantiis, & ad hoc necessario supponitur, actiones humanas eodem modo sumptas habere circumstantias: & constat nomine actionis humanæ ita indistinctè sumpto comprehendere, non solum actus internos, sed etiam actus externos voluntatis, imo hos principaliter, quia eis primo convenit ratio libertatis, & moralitatis.

Sed ad hoc respondent aliqui, doctrinam hanc DIVI THOMÆ de bonitate aut malitia conveniente

niente actibus ex circumstantiis, explicandam cum limitatione, ut intelligatur tantum de actibus externis, vel de omnibus habentibus circumstantias, vel de omnibus permissiue, & non positiue, & tantum de externis positiue.

Verum hæc solutio facile potest impugnari, cum quia, quod DIVVS THOMAS indistincte, & sine limitatione dixit de actionibus humanis, contra eius mentem limitatur ad aliquas earum; *cum etiam quia* DIVVS THOMAS, ut probet hanc suam doctrinam, vitur exemplo rerum naturalium, quarum bonitas non solum consistit in forma substantiali, sed etiam in accidentibus: ergo sicut hoc exemplum intelligitur de omnibus rebus naturalibus sine ulla limitatione, quia nulla est quæ non habeat accidentia: ita doctrina, quæ ex eo deducitur, debet intelligi de omnibus actionibus humanis indistincte & sine limitatione, quia nullæ sunt quæ non habeant circumstantias.

SECUNDO probatur *ratione*, quia nullæ sunt actiones humanæ, siue externæ, siue internæ, quæ in genere rei non habeant accidentia distincta ab obiecto, à quo sumunt in eo genere suam essentiam specificam: ergo etiam nullæ sunt actiones humanæ, quæ in genere moris non habeant circumstantias distinctas ab obiecto, à quo in eodē genere moris sumunt suam bonitatem aut malitiam specificam, & essentialem. *Antecedens patet, tum experientia*, quia experimur, in omni actione humana esse aliqua accidentarie adiuncta, vel quoad modum, quo fit, ut intentio, & continuatio, & maior aut minor aduerrentia operantis; vel quoad obiecti quantitatem, ut esse obiectum magnum, aut paruum, aut alia similia; *cum etiam ratione*, quia, cum actio sit ens creatum, & potentiale, non habebit completam suam perfectionem ex sola essentia, sed simul ex accidentibus, & consequentia probatur, quia accidentia quæ conveniunt actibus internis in genere naturæ, si sunt libera, præcipiuntur aut consuluntur in bono, & prohibentur in malo, per dictamina rationis, tanquam distincta aliquo modo à substantia ipsorum actuum, & pertinentia ad ipsam: ergo sunt circumstantiæ actuum humanorum in genere moris; patet consequentia, quia sicut ex eo, quod actus aliquis importet ordinem conformitatis aut difformitatis ad rectam rationem, colligimus, ipsum habere speciem boni aut mali in genere moris: ita etiam ex eo, quod accidentia eiusdem actus importent similem ordinem, colligimus, esse eius circumstantias in genere moris.

Dicitur accidentia hæc, respectu actus interni habere rationem obiecti, quia sunt volita per ipsum; &, tanquam obiectum, importare ordinem ad rectam rationem; & ideo non dici circumstantias.

Sed contra quia hæc accidentia non sunt volita ut obiectum specificans, sed ut accidentia obiecti, vel actus: ergo, quantumcunque sint volita, distinguuntur ab obiecto specificante, ut circumstantiæ.

Confirmatur primo, quia eo modo quo actus externus furandi, ut imperatus ab interno, terminatur ad pecuniā alienā, vel ad maiorem quantitatem pecuniæ, terminatur etiam actus internus imperans: quia actus imperatus ad nihil terminatur voluntarie, nisi ut procedat ab imperante: ergo sicut actus externus terminatur diverso modo ad pecuniā alienam, & ad

A quantitatem, quia ad pecuniā terminatur ut ad obiectū, vel materiam circa quam; & ad quantitatem ut ad circumstantiam; ita etiam dicendum terminari actū internum imperantem, atque adeo maiorem vel minorem quantitatem non magis esse circumstantiam furandi externi, quam volitionis furandi.

Confirmatur secundo, quia dupliciter potest esse quid volitum, scilicet, *directe & primario*, aut *indirecte & secundario*, aut *concomitanter*; & priori modo est volitum obiectum specificans, & posteriori sunt volitæ circumstantiæ: sed illa accidentia, de quibus loquimur in hoc argumento, solum sunt volita posteriori modo; quia, verbi gratia, per actum amoris Dei, ipse Deus est volitus directe & primario, & circumstantiæ intentionis, & continuationis solum sunt volitæ indirecte, aut consequenter, in quantum idem actus, quo volumus obiectum, est indirecte & consequenter volitio sui ipsius, & omnium modorum, qui ei conveniunt; & per volitionem furandi pecuniā alienam, ipsa pecunia est directe & primario volita, & maior vel minor quantitas solum est volita concomitanter: ergo illa accidentia non sunt volita ut obiecta proprie & in rigore, sed solum ut circumstantiæ. Et forte hoc voluit significare D. R. A. N. D. loco superius citato pro opposita sententia, cum inquit, circumstantias respectu actus interni habere rationem obiecti, quia dicit, se sumere obiectum voluntatis secundum suum totum ambitum, hoc est, ut comprehendit id, quod est quomodocunque volitum, ut explicuimus dubio precedenti art. 1. dubio 2.

SECUNDA PARS est, *actus humanos sumere ab his circumstantiis bonitatem aut malitiam accidentalem*; ubi in primis supponimus, sumere bonitatem vel malitiam distinctam aliquomodo, ab ea, quam sumunt ab obiecto specificante; & hoc probatur, quia actus humani ratione circumstantiarum sunt magis conformes aut difformes rectæ rationi, quam præcisè ratione suorum obiectorum: ergo ratione earum habent bonitatem aut malitiam distinctam ab ea, quam habent ratione obiectorum. *Consequentia patet*, quia sicut ex conformitate & difformitate actus cum recta ratione colligitur eius bonitas aut malitia (ut diximus articulo primo, dubio secundo) ita ex maiori conformitate aut difformitate colligitur maior bonitas aut malitia: & non potest esse maior in nostro casu, nisi, præter eam, quæ sumitur ab obiecto, addatur alia distincta aliquo modo, quæ sumatur ex circumstantiis. Dixi autē *aliquomodo distincta*, ut comprehendam omnes modos, quibus bonitas & malitia ex circumstantiis distinguitur à bonitate & malitia ex obiecto, scilicet, aut specificè, aut intra eandem speciem.

Et antecedens probatur, quia dictamina rationis rectæ non solum præcipiunt aut consulunt in bono, nec solum prohibent in malo actum quoad obiectum, sed etiam quoad circumstantias; ut, non solum consulunt actum dilectionis Dei quoad obiectum, sed etiam quoad fervorem, & eleemosinam non solum quoad suum obiectum, sed etiam quoad magnitudinem: & non solum prohibent furtum quoad obiectum, sed etiam quoad quantitatem: & ita magis inclinant in bono ad actum, & prohibent in malo actum ratione obiecti & circumstantiarum simul, quam ratione obiecti solius; cū tamē ex parte obiecti in actibus eiusdē speciei sit

æqualitas ut præcipiantur, vel prohibeantur: ergo ratione obiecti & circumstantiarum magis, hoc est quoad plura, sunt conformes aut disformes re-
Et rationi actus humani, quam solum ratione obiecti.

Et deinde explicamus in particulari qualis sit huiusmodi bonitas aut malitia, quæ ratione circumstantiarum convenit actibus humanis, & dicimus esse accidentalem, quod (ut in principio huius dubij observavimus) intelligitur de actibus ut sunt in genere moris, & non præcise ut sunt in genere nature. Et probatur, quia omnis bonitas aut imperfectio, quæ advenit rei ut constituitur in suo esse specifico, est accidentalis, & extranea, ut patet generali inductione in omnibus rebus ut pertinent ad genus nature: sed bonitas aut malitia, quæ convenit actibus humanis ex circumstantiis, advenit eis ut constitutis in suo esse specifico intra genus moris per bonitatem aut malitiam specificam, quam habent ex obiecto: ergo est eis accidentalis & extranea.

SECUNDA CONCLUSIO, *bonitas aut malitia, quam actus humani habent ex circumstantiis, non solum est accidentalis eis consideratis quoad suum esse specificum, sed etiam quoad suum esse individuum & singulare.* Hæc statuo contra aliquos, qui asserunt, circumstantias appellari accidentia actuum humanorum, quia sunt eis extrinsecæ & accidentales quoad gradum genericum, & specificum, licet non quoad gradum individuum, de quorum numero est GREGORIUS DE VALENTIA tom. 2. commentariorum theologicorum disputatione 2. q. 7. puncto 1. §. *sed ut recte intelligatur* & tom. 4. disputatione 7. q. 11. puncto 1. §. *in primis enim oportet ut nonnullis alio divisionibus sequentibus.* ubi, licet concedat, aliquas esse circumstantias, quæ verè sint circumstantiæ, & accidentaliter se habeant ad actum secundum utramque rationem, cuiusmodi sunt, *duratio, intensio, focus, tempus, & modus* & similia; negat idem esse de ratione circumstantiæ proprie sumptæ, quia ad hanc satis esse dicit, convenire accidentaliter actui sumpto præcise secundum speciem suam, atque huius generis asserit esse quantitatem obiecti, ut in furto magnâ vel parvâ quantitatem. In quo videtur pugnantia, dicere, quia repugnat quantitatem obiecti pertinere ad substantiam individuum actus, & non pertinere ad eam, *intensionem & durationem* actus, cum hæc sint magis intrinsecæ actui, quam obiecti quantitas; sed de hoc, & de huius sententiæ fundamento dicemus in solutione secundi argumenti; & contra hoc probatur nostra conclusio. PRIMO ea ratione, quæ ipsi videntur, ad probandum de aliquibus circumstantiis esse accidentales, & extraneos actibus humanis, consideratis secundum utrumque gradum, scilicet, quia remotis cogitatione aut re ipsa talibus circumstantiis ab actu, manet tota substantia actus in individuo; nam simili modo possumus argumentari de quacunque alia circumstantia, ut verbi gratia de quantitate pecuniæ in furto, quâvis remoueat aliqua pars huius quantitatis manebit eadem individuatione substantialis furti in genere moris, ita ut maneat eadem numero malitia furti: ergo quantitas obiecti accidentalis est extranea actibus nostris, consideratis secundum suum esse individuum; & antecedens huius argumenti potest sufficienter probari ex paritate rationis inter quantitatē obiecti, & quantitatem actus, siue intensiōis, siue durationis, quantum ad hoc, quod est, pertinere aut non

A pertinere ad individuationem substantialem actus. Confirmatur generali ratione quoad omnes circumstantias, quia omnes accidunt individuationi (substantiali actus in genere nature; ergo etiam omnes accidunt individuationi eiusdem actus in genere moris; antecedens patet, quia ideam numero actus posset fieri cum minori aut maiori intensiōe, & duratione, & advertentia ex parte operantis, & circa minorem aut maiorem quantitatem ex parte obiecti, quando habet eam: non enim pendet individuatione substantialis actus ex his conditionibus; & ita nullus dicit, esse alium numero actum furandi in genere nature, quia furetur quis centum aut quinquaginta; & consequentia probatur, *nam quia nulla est ratio, propter quâ magis sumatur individuatione substantialis actus in genere moris, hoc est quoad suam bonitatem vel malitiam moralem, ex aliquo, vel aliquibus horum, quam in genere nature, tum etiam quia licet specificatio in utroque genere sumitur ab eodem, scilicet ab obiecto considerato secundum diversas rationes obiectivas: ita dicendum est de individuatione, sumi ab eodem diversimode considerato.*

B SECUNDO PROBATUR conclusio ex doctrina D. THOMÆ, qui superius q. 7. ar. 3. ad tertium ut explicet difficultatem, quæ in eo argumento proponebatur, scilicet quomodo dux causæ actionis, scilicet efficiens & finalis, sint circumstantiæ, quæ ab ipso appellantur *quis & propter quid*; cum tamen ut causæ pertineant ad substantiam illius actus; dicit, illam conditionē causæ, ex qua substantia actus dependet; non esse circumstantiā, sed aliquā conditionem adiunctam, ex quo omnes colligunt causam efficientem non esse circumstantiā secundum suam substantiā siue specificam siue individualement, quia secundum utramque rationem concurret per se ad substantiā actionis, sed solum secundum aliquam conditionē, vel qualitatem superadditam, quæ accidentaliter se habeat ad substantiā actionis, ut in homine, esse talis status, scilicet esse laicum, aut sacerdotem, vel religiosum. Et nos ex hac doctrina possumus sumere hoc argumentum: si ad rationem circumstantiæ est satis, esse accidentalem actioni quoad esse specificum & non requiritur quoad esse individuale, sequitur causam efficientem secundum suam substantiā individualement, scilicet hunc hominem individuum, & singularem, posse esse circumstantiam actionis humanæ: probatur sequela, quia hic homo individuus & singularis per accidens se habet ad actionē secundum speciem, & solum requiritur per se ad eā secundum esse individuale. Quod probatur quia sine hoc homine operante posset fieri eadem actio secundum speciem moralem, verbi gratia furti, aut, elemosinæ, non tamen eadem in individuo.

§. 4. Solvitur 1. argumentum de actibus voluntariis, & 2. de circumstantiis speciem mutantibus, & non mutantibus eam.

AD PRIMUM Respondetur negando antecedens quoad posteriorem partem. Et ad primam probationem, supposita distinctione explicata in probatione primæ conclusionis, de duplici modo, quo aliquid potest esse volitum scilicet *primario* & immediate, aut *secundario* & concomitante, aut ut adiacens alteri, & ut modus eius; Respondetur antecedens solum esse verum de volito posteriori modo; & ideo

primam consequentiam solum valere, si consequens intelligatur de obiecto latè sumpto, prout est idem quod volitum quocunque ex his duobus modis; & *secundam* esse omnino negandam, quia, quando dicimus circumstantiam distingui omnino ab obiecto, aut aduenire actui constituto in specie à suo obiecto, sumimus obiectum propriè, & in rigore, prout est idem quod volitum priori modo. Itaque concedimus circumstantiam, ut det bonitatem aut malitiam actui, debere esse volitam aliquo ex his duobus modis, acque adeo debere esse obiectum voluntatis latè; & negamus debere esse volitam priori modo, & consequenter esse obiectum propriè sumptum, quod distinguitur à circumstantiis, quia dat actioni bonitatem aut malitiam specificam & essentialem.

Ad secundam probationem ex testimonijs Diu. THOMÆ Respondetur, *primum testimonium*, quantum attinet ad hanc questionem, non habere difficultatem, quia in eo solum dicit D. THOMAS, finem operantis dare speciem actui voluntatis tanquam eius obiectum, non tamen explicat an sit obiectum propriè sumptum, ut distinguitur à circumstantia, vel solum late qua ratione est idem quod volitum aliquomodo, & dicitur de circumstantiis. Et de hoc solet esse dubium, de quo ibi est agendum, & de *secundo testimonio* dico D. THOMAS ibi sumere obiectum pro volito, ut est commune ad obiectum & circumstantias, & in hoc sensu dixisse, actum voluntatis à solo obiecto sumere bonitatem aut malitiam.

AD SECUNDVM respondetur, negando antecedens; & ad probationem quantum attinet ad *priorem partem*, quæ est de circumstantiis *mutantibus speciem*, dicendum est, speciem bonitatis aut malitiz, quam dant actui, esse accidens respectu speciei, quam etiam in genere moris habet idem actus ex obiecto; & non esse inconueniens, vnam speciem esse accidens respectu alterius speciei: sicut in genere naturæ multæ sunt species completæ, quæ sunt accidentia substantiæ. Et ita CAJET. super art. 10. & 11. huius quæstionis, per analogiam ad accidentia naturalia, ex quibus quædam sunt per se species completæ, ut albedo, & nigredo; & alia sunt solum conditiones, & modi præsuppositarum specierum, ut intensio, & remissio; explicat quæ ratione intra genus moris reperitur similis distinctio accidentium. Et ad id quo probatur oppositum de genere moris, scilicet ex speciebus, quæ sunt eiusdem ordinis & generis, vnam non esse accidens alterius, ut in lacte albedo non est accidens dulcedinis; & speciem quæ sumitur ex obiecto, & eam quæ sumitur ex his circumstantiis esse eiusdem generis moris; Respondetur ex doctrina Diu. THOMÆ, superius quæst. 7. art. 1. ad tertium, vnum accidens accidere alteri propter convenientiam in subiecto, & hoc contingere dupliciter; scilicet aut quia coniunguntur in vno subiecto *sine aliquo ordine inter se*, ut in lacte coniunguntur albedo & dulcedo, & tunc neutrum esse accidens alterius; aut quia coniunguntur *seruato ordine inter se*, in quantum recipit vnum median- te alio, ut corpus recipit colorem mediante superficie, & tunc vnum dici accidens alterius, ut color dicitur accidens superficiæ. Et quia species bonitatis aut malitiz, quæ est ex circumstantia, conuenit actui seruato ordine aliquo ad alte-

ram speciem, quam habet ex obiecto, in quantum præsupponit eam in ipso actu, ut conueniat ei; ideo dicitur accidens huius speciei. E quantum ad *posteriorem partem*, quæ est de circumstantiis non mutantibus speciem, GREGORIUS DE VALENTIA locis citatis in probatione vltimæ conclusionis, Respondet, illas tres circumstantias, quæ ibi referuntur, quamuis sint partes substantiæ actus, aut quoad eius entitatem, aut ex parte obiecti, esse eius accidentia, non solum in genere naturæ, sed etiam in genere moris, hoc est quoad bonitatem vel malitiam, quia eis cogitatione remotis, intelligitur manere tota substantia actus in vtroque genere; verum addit, esse discrimen quantum ad hoc inter eas, quia intensio & duratio sunt accidentia actus quoad esse specificum & individuale; & quantitas obiecti solum quoad esse specificum. Et probat hoc discrimen *quia* intensio & duratio non sunt de essentia, ut constat; nec de indiuiduatione, quia hæc sumitur ex obiecto determinato ad esse indiuiduum, & ad talem determinationem obiecti non concurrunt intensio & duratio actus, at vero quantitas obiecti concurrit ad eam; *tum etiam quia* quod dicitur de quantitate obiecti, videtur colligi ex Diu. THOMÆ superius quæst. 7. art. 3. ad tertium, ubi explicat, quantitatem pecuniæ esse circumstantiam furti, in quantum furtum est ablatio rei alienæ secundum suam speciem, & in hoc non includitur quantitas. Et mihi hæc solutio placet, si excludatur illud discrimen, propter argumenta supra posita contra ipsum. Et ita dico, circumstantias illas esse accidentia quædam actus in genere moris non solum quoad esse specificum, sed etiam quoad esse indiuiduale, quamuis sint partes suæ substantiæ indiuidualis; quia non sunt partes necessariæ ad eius consistentiam: cuius ratio est, quia quamuis actus, saltem quoad esse indiuiduale, & quoad existentiam, postulet aliquam intensionem, & aliquam durationem, & etiam aliquam quantitatem ex parte obiecti, cum habet eam; tamen nullam earum postulat determinatam, hoc est in gradu determinato, quia quocunque gradu signato, poterit hæc species indiuiduata subsistere in minori: atque adeo de quocunque gradu signato, siue quoad intensionem, siue quoad durationem, aut quantitatem obiecti, est verum dicere, esse accidentalem huic speciei, etiam quantum ad suum esse indiuiduale: quia iuxta PORPHYRII definitionem, *Accidens est quod potest esse & abesse sine subiecti corruptione*.

An vero hæ circumstantiæ, & aliz, propter hanc rationem sint dicendæ accidentia ab accidete prædicabili, vel à prædicamentali, videtur pertinere ad quæstionem de nomine, quia de re satis constat, omnes has circumstantias secundum se pertinere ad accidens prædicamentale, quia vel sunt accidentia prædicamentalia, vel conditiones & modi eorum; & solum potest esse quæstio de nomine, an hoc sufficiat, ut ita appellentur: vel saltem potius illæ, quæ non mutant speciem, atque adeo non distinguuntur specie ab actu, cuius sunt accidentia, non sint ita appellandæ; quia ad hoc, ut aliquid dicatur accidens prædicamentale, requiritur distinctio eius secundum naturam, & speciem, ab eo, cuius dicitur accidens. Et quamuis videam placere aliquibus hoc *secundum*, mihi magis placet *primum*:

quia

quiam diuisione entis in substantiam & accidens prædicamentale, substantia sumitur ut comprehendit quidquid est substantia, aut tanquam natura substantialis, vel tanquam pars, aut modus eius; & accidens pro omni eo quod non est aliquo ex his duobus modis substantia: ergo cum circumstantiæ, quæ non mutant speciem, non sint aliquo ex his duobus substantiæ, sequitur eas esse dicendas accidentia prædicamentalia.

Confirmatur primo, quia plures modi substantiales dicuntur accidentia ab accidenti prædicabili, ut multi dicunt de existentia substantiæ creatæ, & de vnione substantiali, quæ potest reperiri inter partes substantiæ creatæ: ergo modi accidentales non solum sunt dicendi hac ratione accidentia, sed etiam ab accidenti prædicamentali; patet consequentia, quia magis habent de natura accidentis quam modi substantiales.

Confirmatur secundo, quia in modis substantialibus satis est, esse substantias tanquam modos, ut in illa diuisione comprehendantur sub substantia: ergo & in modis accidentalibus est satis esse accidentia tanquam modos, ut in eadem diuisione comprehendantur sub accidente.

Et ad primam probationem GREGORII DE VALENTIA pro illo discrimine, negamus, aliquam signatam quantitatem obiecti esse necessariam ad determinationem eiusdem obiecti ad esse indiuiduum; & quamuis diceretur necessaria, non probaretur ex hoc, dicendum esse idem de intensione, quia pertinet magis ad substantiam indiuidualem actus, quam quæritas obiecti, cum sit pars intrinseca substantiæ indiuidualis actus, quod nulli quantitati obiecti potest conuenire.

Ad secundam probationem dicendum D. THOMAM ibi solum dicere in obiecto furti *esse alienum*, non esse circumstantiam ipsius furti, (quia hoc pertinet ad eius substantiam) sed esse magnum vel paruum; ubi D. THOMAS non dicit magnum vel paruum conuenire furto accidentaliter tantum respectu suæ essentia specifice.

§. 5. *Examinatur tertium argumentum de continuatione & intensione actuum: & reijciuntur solutiones Thomistarum quorundam, & Gregorij Arimienfis, & Fran. Smar.*

AD TERTIVM respondetur negando antecedens. Quoad posteriorem partem, & ad primam probationem, quæ sumitur ex continuatione omnes negant sequelam, & ad eius probationem variz assignantur solutiones, ex quibus, quoniam maiori ex parte solent adhiberi huic difficultati propositæ de valore meriti, & de præmio ei respondentem de quo agendum est alibi; solum referam eas quæ ad bonitatem vel malitiam moralem potuerint applicari. PRIMA ERGO est quorundam recentiorum Thomistarum, qui existimantes se in hoc defendere doctrinam D. THOMÆ, supponunt, non augeri in actibus nostris valorem meriti respectu gloriæ essentialis ratione solius continuationis, nisi simul augeatur intensio; sed solum respectu gloriæ accidentalis. Et si ab eis quæras, an idem censetur de augmento bonitatis moralis. Ad hoc respondent duobus modis; *primus* est quorundam, qui concedunt

sufficere solam continuationem, si cætera requisita ad sint, & augeatur bonitas moralis accidentaliter, sicut nos diximus vniuersaliter eam augeri ratione circumstantiarum: quia ex difficultate operis crescit eius bonitas, & in continuatione & perseverantia boni operis est specialis difficultas, quia corpus quod corrumpitur aggrauat animam. Dicunt tamen, nihil de hac bonitate accidentali respondere durationi primi instantis, quia illa duratio non est circumstantia, cum sit intrinsece necessaria ad esse ipsius actus, & bonitas accidentalis solum conuenit accidentibus ratione circumstantiarum; sed totam respondere continuationi, non quidem habito respectu ad singula instantia, vel ad singulas eius partes proportionales, sed ad totam continuationem, prout fit successiue. *Secundus* modus est aliorum, qui etiam dicunt, non augeri bonitatem moralem in aliquo actu ratione solius continuationis, nisi simul augeatur intensio, & hoc probant, quia ratione solius durationis nihil additur in entitate intrinseca actus, sed solum coexistentia ad maius tempus, quæ in ipso actu est extrinseca denominatio, sicut mutua coexistentia duarum rerum permanentium inter se, non est in eis aliud, quam extrinseca denominatio: quod maxime videtur verum in actibus internis voluntatis, à quibus bonitas formalis communicatur extrinsece alijs actibus imperatis; quia, cum huiusmodi actus producantur in instanti, non videtur esse aliud, maior duratio in eis, quam permanentia eiusdem entitatis indiuisibilis pro maiori tempore: ergo si solum additur hæc permanentia, non addetur maior bonitas moralis; quia sicut bene intelligitur, eandem entitatem actus, & eandem bonitatem naturalem non auctam permanere toto illo tempore, ita etiam intelligitur eandem bonitatem moralem non auctam permanere. Et hoc supposito ad formam illius probationis, qui sequuntur *priorem modum exponendi* hanc sententiam, Respondent, negando *primam consequentiam*, & ad eius probationem dicunt, aliquid deesse in illo instanti, ex requisitis, ut actio habeat certum aliquem gradum huius bonitatis accidentalis, scilicet, durationem illius instantis non esse circumstantiam; quia tota hæc bonitas, cum sit accidentalis, respondet actui ratione circumstantiarum. Et ita etiam negant *secundam consequentiam*, quatenus fundatur in prima, propter proportionem, quæ est inter singula instantia succedentia, & primum, quantum ad hoc, quod est, esse in singulis eorum omnia requisita ad bonitatem moralem, sicut in primo. Si autem fiat eadem consequentia, aut potius simile argumentum ad probandum respondere actui infinitam bonitatem ratione continuationis post primum instans, propter infinita instantia aut infinitas partes proportionales, quæ sunt in ea; Respondent, bonitatem accidentalem quæ respondet actioni ratione continuationis, non commensurari singulis instantibus eius, aut partibus proportionalibus, sed toti continuationi, prout fit successiue. Sicut motus quicunque continuus non commensuratur instantibus vel partibus proportionalibus temporis, nec punctis continuationis aut partibus spatij, sed toti successioni temporis, aut extensioni spatij per partes indeterminatas, & totam hæc solutionem accommodat hi authores ad simile argumentum, quo contra eos probatur infinite augeri valorem meriti respectu præmij accidentalis, & ipsi præ-

mum accidentale ratione continuationis actus. Qui vero sequuntur *posteriores modum exponendi* eandem sententiam, respondent, admittendo antecedens, & *primam consequentiam*, & negando *secundam*; & consequenter etiam *terciam*, quæ ex ea pendet; & ad probationem *secunda*, Respondent, esse magnum discrimen inter primum instans, & reliqua sequentia: quia in primo fit de nouo tota entitas actus, & ideo etiam fit modo suo eius bonitas moralis; at vero in sequentibus neque fit de nouo tota entitas, neque additur ei aliquid intrinsecum, sed solum additur coexistētia ad longius tēpus, & permanentia in eo; & ideo non est necesse fieri, aut addi nouam bonitatem, sed satis est permanere eandem; quod, vt dixi, non est aliud, quam quædam denominatio extrinseca. Et ne videatur alicui difficile id, quod in hac solutione dicitur, scilicet, non respondere actui bonitatem moralem ratione continuationis, cum tamen continuatio postulet maiorem conatum potētiz, & ex consequenti sit causa maioris difficultatis, quæ auget bonitatem operis; Respondent ex doctrina VICTORIA in relectione de augmento charitatis, prima parte, numero decimo octauo, quando dicitur, ex continuatione augeri difficultatem operis, & ex hac bonitatem, intelligendum esse, non de quacunque continuatione, sed de notabili & sufficienti ad defatigandum: ipsos vero loqui de quacunque, etiam si non sit sufficiens ad defatigandum, quoniam argumentum propositum vim habet in quacunque, & non in notabili, cum non sint infinitæ partes notabiles, & sufficientes ad defatigandum in aliqua duratione continua.

Hac solutio mihi non placet, & vt omittam, quod in ea supponitur, scilicet, opera nostra non esse meritoria augmenti charitatis & gloriæ essentialis, nisi sint intensiora habitu charitatis, à quo procedunt, quia de hoc (vt dixi) est alibi agendum: potest impugnari quantum ad id, quod in ea dicitur de bonitate morali. Et in primis contra *priorem modum* exponendi eam potest obijci, esse falsum, non respondere aliquem gradum bonitatis accidentalis durationi primi instantis; quod probatur, quia actus ratione illius durationis est bonus, & non bonitate substantiali, siue quoad esse specificum, siue quoad esse indiuiduale: ergo bonitate accidentali. *Consequentia* patet ex sufficienti partium enumeratione; & *antecedens quoad priorem partem* etiam patet, quia actus secundum illam durationem est conformis rectæ rationi, non minus quam secundum durationem cuiuscunque instantis ex sequentibus: ergo & bonus. Et *quoad posteriorem partem* probatur, quia bonitas substantialis quoad esse specificum sumitur ab obiecto, & quoad esse indiuiduale, vel sumitur etiam ab obiecto, vt determinato adesse indiuiduum; vel vndeunque sumatur, non pendet à duratione, vel existentia illius instantis, vel alterius; quia res quæcunque vt indiuiduata per propria principia præsupponitur suæ existentiz, & durationi, aut ordine naturæ, aut rationis, iuxta modum quo distinguitur ab ea.

Confirmatur primo quia idem actus in genere naturæ ratione illius durationis aut existentiz habet aliquam bonitatem, aut perfectionem naturalem quæ est ei accidentaliter respectu suæ substantiæ specificæ & indiuidualis: ergo idem dicendum est de eo in genere moris.

Confirmatur secundo, quia si hoc sit verum de duratione primi instantis, maxime propter rationem in hac solutione assignatam, scilicet, quia illa duratio est intrinsece necessaria ad esse ipsius actus, atque adeo non est ei accidentaliter, neque circumstantia. At hæc ratio nullam habet vim, *nam quia* illa determinata duratio non est simpliciter necessaria ad esse actus, sed ex suppositione, quod incipiat esse in tali instanti; & hoc non est satis, vt non sit simpliciter accidentaliter, atque adeo circumstantia; *nam etiam quia* quantumcunque sit necessaria, non pertinet ad speciem; neque ad indiuiduationem actus: ergo est accidens eius & circumstantia; patet *consequentia*, quia hoc satis est vt idem concedatur de intensione, cum qua incipit actus, tam in genere naturæ quam in genere moris. *Et tandem quia* alias sequeretur, idem esse dicendum de duratione cuiuscunque alterius instantis, aut temporis sequentis. Probatur sequela, quia eodē modo est necessaria illa duratio ad esse actus, pro tunc, scilicet, & ex suppositione tantum, & non simpliciter: & in utroque nihil habet, ratione cuius importet conformitatem cum ratione distinctam à substantiali, potius quam duratio primi instantis.

Confirmatur tertio, quia etiam si hoc admittatur, non dissolvitur difficultas de infinito augmento bonitatis accidentaliter. Probatur, quia signato aliquo instanti determinato post primum, non quidem immediate, sed post tempus breuissimum, sicut potest assignari, aut operantis libera reflexione & cogitatione, aut à deo, concedendum est, iuxta hanc solutionem, respondere actui ratione durationis illius instantis aliquem certum gradum bonitatis accidentaliter; & habito respectu ad hoc instans potest fieri argumentum de multiplicatione infinitorum graduum æqualium ratione instantium, aut partium proportionalium temporis succedentis.

Et deinde contra posteriorem modum exponendi eandem sententiam potest obijci; falsum esse, non augeri bonitatem moralem ratione continuationis, etiam si intelligatur cum limitatione de continuatione, quæ non sit notabilis & sufficiens ad defatigandum. Quod probatur, quia vel differentia inter magnam & parvam continuationem ponitur in defatigatione & difficultate, quam patitur operans ratione magnæ continuationis, & non ratione parvæ; aut solum in inæqualitate eorum inter se. *Primum* dici non potest, quia ex maiori conformitate cum ratione, potest colligi maior bonitas in nostris actibus, & hæc maior conformitas potest reperiri in continuatione actus facta sine aliqua difficultate & defatigatione: ergo maior bonitas. *Antecedens quoad priorem partem* patet, quia si conformitas sumatur fundamentaliter, est ipsa bonitas; si vero formaliter, aut relative, est signum ad colligendum à posteriori bonitatem, vt explicui articulo primo; & *quoad posteriorem partem* probatur, *nam quia ipsa* continuatio sumpta secundum se, & secluso ordine ad defatigationem & difficultatem operantis, est conformis rectæ rationi; sicut è contra, continuatio in malis est difformis; *nam etiam quia*, quamuis homo in statu innocentie continuaret opera bona moraliter, sine vlla defatigatione aut difficultate; & angelus in statu viæ saltem per correspondentiā ad nostrum tempus; tanto in

eis aliquod opus esset ceteris paribus magis bonū moraliter. *Neque etiam potest dici secundum*; quia ex inæqualitate continuationum solum potest colligi, eas augere inæqualiter bonitatem, non vero vnam augere, & alteram non augere: quia sicut continuatio magna multum augeat bonitatem, ita brevis & parua augebit parum.

Et confirmatur, quia ideo dicimus, continuatio nem augere bonitatem, quia augeat conformitatem cum ratione, ut patet ex probatione secundæ partis primæ conclusionis; sed hæc ratio non solum habet locum in magna continuatione, sed etiam in parua, quia vtræque augeat conformitatem, licet magis magna quam parua.

Et ad fundamentum huius sententiæ, Respondetur, actionem, quamdiu continuatur, etiam si sit indivisibilis, recipere influxum & concursum potentiz, quia pendet ab ea non solum in fieri, sed etiam in conservari: & ideo etiam recipere semper entitatem suam non ut novam, sed ut conservatam; & propterea falsum esse, quod dicitur de duratione aut continuatione, scilicet, consistere tantum in denominatione extrinseca: sicut propter eandem rationem est falsum eius conservationem passivam esse denominationem extrinsecam.

SECUNDA SOLUTIO est desumpta ex GREGORIO in 1. d. 3. q. unica art. 2. ad quartum, quem in hoc sequuntur aliqui ex nominalibus, & ex recentioribus, ad cuius expositionem, *supponitur* tanquam fundamentum certum, dari aliquam continuationem post primum esse actionis, quæ non sit omnino libera, sed aliquo modo necessaria, ita ut intra tempus, quo durat huiusmodi continuatio, non sit liberum voluntati cessare ab actione, sed necessario debeat in ea perseverare, saltem naturaliter loquendo; solet autem hoc fundamentum tribus modis explicari, ad defendendum libertatem voluntatis, quantum ad continuationem actus. *Primus est*, post instans, in quo actio voluntatis incipit esse, dari tempus aliquod brevissimum, certum & determinatum, quod à solo Deo cognoscitur, & homini est imperceptibile; & in hoc tempore, & qualibet parte eius aut instanti, non posse hominem, saltem naturaliter loquendo, cessare ab actione, usque ad instans extrinsecum terminativum eius: & quando in eo non cessat, succedere aliud tempus simile præcedenti, & in eo etiam non esse homini liberum desistere ab actione, usque ad instans terminativum ipsius, & sic consequenter succedere huiusmodi tempora imperceptibilia, & instantia terminativa eorum; atque ita iuxta hanc sententiam *necessitas* continuationis est quoad hæc tempora imperceptibilia, & *libertas* quoad instantia terminativa eorum quæ quoniam separantur ab invicem, temporibus interpositis, appellantur *intercalaria* à nonnullis authoribus. Hunc modum explicandi hoc fundamentum refert ANGEVS in moralibus capite octavo, in expositione partis textus, quæ incipit *duplici habitudine* & quoad primum punctum. Et ALMAINS tractatu primo moralium c. 9. & in dictatis supra sententias Holtzhor questione tertia, quæ est de libertate voluntatis articulo septimo, opinione secunda, in solutione tertij; qui utrobique tribuit cum GREGORIO, & proculdubio videtur sequi eum loco citato. *Secundus modus* exponendi idem fundamentum est, dari, post primum esse actionis voluntatis, tempus aliquod, non quidem certum &

determinatum, sed vagum & indeterminatum, in quo necessario debeat durare actio, ita ut quamvis voluntas non possit aliquo tempore cessare ab actu, postquam produxit eum, tamen nullum detur certum & determinatum tempus, aut instans, in quo non possit cessare. Quare iuxta hanc sententiam *necessitas* continuationis est quoad aliquod tempus indeterminatum, & *libertas* quoad quodlibet instans signatum, & quæcumque determinatam partem temporis, post primum instans, in quo actus incipit esse. Hunc modum explicandi illud fundamentum refert etiam ANGEVS loco citato, & GABRIEL VASQUEZ to. 1. in 1.2. D. THOMAS disputatione 54. cap. 3. qui sequitur eum, & tribuit GREGORIO & ALMAINS locis citatis; sed proculdubio necertum sequitur. *Tertius modus* exponendi est, dari certum aliquod & determinatum tempus post primum instans, quo actus incipit esse, intra quod voluntas non potest cessare omnino ab actu ipso (hoc est usque ad non gradum, & ita ut quoad suam totam entitatem definat esse) sed solum potest remittere, & diminuerе eius perfectionem, aut intentionem; ita ut si actus in primo instanti producat in ens ut sex, possit voluntas immediate post illud instans diminuerе eius intentionem successive per partes, quousque finito illò tempore desinat omnino à tali actu. Et quamvis huiusmodi tempus sit certum & determinatum respectu cuiuscunque actus, non est æquale respectu omnium; sed tanto maius, quanto actus fuerit perfectior & intensior. Atque ita iuxta hanc explicationem *necessitas* continuationis est quoad totalem desitionem actus, & *libertas* quoad remissionem suæ perfectionis aut intentionis. Hunc modum exponendi fundamentum propositum sequuntur ALMAINS & ANGEVS locis citatis. Et supposito hoc fundamento ad probationem sequelæ Respondetur concedendo *primam consequentiam* & negando *secundam*, & consequenter *tertiam*, quæ in ea fundatur. Et ad probationem *secundæ* responderetur concedenda *antecedens*, scilicet, in quolibet tempore, post primum instans, esse infinita instantia; & in quocunque eorum esse totam substantiam actionis quoad suam entitatem, ut distinguitur à modis siue extrinsecis siue intrinsecis; & tantam durationem sicut in primo; & negando *consequentiam*, quæ inferitur, respondere durationi cuiuscunque ex his instantibus æqualem gradum bonitatis, cum eo, qui respondet durationi primi instantis. Et ratio distinctiva est, quia in duratione primi instantis concurreunt omnia, quæ requiruntur ad bonitatem moralis actus, ac verò in duratione alicuius instantis aut partis temporis immediate sequentis, deest libertas, quia (ut patet ex fundamento supposito) continuatio actus post primum instans sui esse est aliqua ratione necessaria, scilicet, iuxta aliquem modum ex tribus, quibus fundamentum illud est expositum. Et quantum ad id, in quo deest actui libertas, etiam deest bonitas moralis, quæ (ut diximus articulo primo) præsupponit in actu, cui convenit, libertatem, aut tãquam fundamentum; aut tanquam conditionem necessario requisitam.

Sed neque hæc solutio mihi videtur sufficiens: *Primo* quia fundamentum, quod in ea supponitur, de necessitate durationis actus post primum instans sui esse, est falsum, quod contra primum & tertium modum exponendi ipsum probatur

efficaciter, quia ex eo ita intellecto sequitur, eum, qui peccat mortaliter, esse pro aliquo tempore determinato extra statum salutis, scilicet pro tempore, quo necesse fuerit durare actum peccati; Probatur sequela, quia, iuxta verumque modum, datur tempus aliquod certum & determinatum, licet sit brevissimum, intra quod voluntas non potest desistere ab actu peccati mortalis, aut quoad totam perfectionem suam, iuxta primum modum; aut saltem quoad aliquam partem eius, iuxta tertium; & quamdiu aliquis peccat mortaliter non potest conuerti in Deum, & ex consequenti est extra statum salutis. Esse autem hoc inconueniens, patet ex communi modo, quo in scriptura vocantur peccatores ad penitentiam, quia in eo significatur, vocari pro quocumque tempore, aut instanti, atque adeo in quocumque esse eis possibile, & liberum desistere à peccato, & conuerti in Deum per penitentiam, quod saltem debet intelligi de quocumque instanti aut tempore determinato. Et ad hoc probandum solet adduci peculiariter illud Ezech. 18. *Si autem impius egerit penitentiam ab omnibus peccatis suis &c. & postea conuertimini & agite penitentiam, &c.* quæ verba referuntur ad quodcunque tempus & instans. &c. 33. *Impietas impij non nocet ei in quacunque die conuersus fuerit ab impietate sua, ubi illud, in quacunque die,* ponitur pro in quocumque tempore siue instanti. Et non est satis id quod auctores vtriusque explicationis respondent, scilicet peccatorem debere, sibi hoc imputare, cum voluntariè commiserit peccatum, cui est annexa hæc miseria, ut non possit in quocumque tempore aut instanti sequere adhiberi remedium; quia scriptura videtur loqui indistincte de quocumque tempore siue sit immediatum instanti, in quo committitur peccatum, siue ab eo separatum.

Dixi autem hoc argumentum non habere vim contra secundum modum exponendi illud fundamentum, quia iuxta eum nullum potest assignari instans aut tempus, in quo non possit homo pro sua libertate cessare ab actu peccati. Et ex necessitate durationis actus peccati pro tempore indeterminato & vago non sequitur esse concedendum hominem qui peccat, esse pro aliquo tempore extra statum salutis; quia in consequenti, per aliquod tempus, intelligitur tempus determinatum; imo quamuis dicatur pro aliquo tempore vago, non est concedendum, quia esse extra statum salutis consistit in impossibilitate habendiea, quæ requiruntur ad salutem, scilicet gratiam iustificantem, & actus quibus ad eam disponimur, & hæc impossibilitas respicit tempus aut instans signatum & determinatum. Et hæc eadem difficultas est in sententia eorum, qui negant necessitatem continuationis actus peccati pro tempore aliquo, siue determinato, siue indeterminato: quia quamuis actus peccati desinat per ultimum sui esse, quod etiam sit primum instans sui esse, non potest homo immediate post tale instans habere actum penitentiae, quo disponatur ad gratiam iustificantem, neque ipsam gratiam, quia actus penitentiae, cum sit secundum suam entitatem indiuisibilis, incipit esse per primum sui esse, & similiter infusio gratiæ fit in instanti, & inter hæc duo instantia necesse est interponi tempus aliquod saltem indeterminatum & vagum, quia non dantur duo instantia immediata.

ET CONTRA OMNES TRES MODOS exponendi il-

lud fundamentum probatur idem communiter ratione, quia quotiescumque per intellectum proponitur voluntati exercitium sui actus sub indifferentia ad vtramque partem, siue in inceptione, siue in continuatione, manet voluntas libera, & indifferens ad vtramque partem respectu exercitij; sed immediate post primum esse actus voluntatis, hoc est in eius continuatione, proponitur per intellectum voluntati exercitium talis actus sub indifferentia ad vtramque partem; ergo manet voluntas libera ad vtramque partem respectu exercitij, & ex consequenti nulla necessitate determinatur ad ipsam. Maior patet, quia ex indifferentia iudicij prouenit, tanquam ex radice, libertas voluntatis; & minor probatur, qui in primo esse actus voluntatis intellectus proponit eius exercitium sub indifferentia ad vtramque partem, & nihil est quod obstat, aut impediat ne idem modus proponendi ipsum continuetur immediate post tale instans; ergo re ipsa continuatur, & ex consequenti proponitur exercitiū actus sub indifferentia ad vtramque partem; imo, si vera esset sententia, quæ impugnamus, deberet necessario continuari, cum, quantum ad hoc, sit eadem ratio de actu intellectus, & voluntatis propter vtriusque indiuisibilitatem. Quare duo inter se repugnantia videtur hæc sententia inuoluere, scilicet, dari necessariam continuationem actus post primum instans sui esse, atque adeo necessarium esse, continuari propositionem factam ab intellectu de exercitio actus sub indifferentia ad vtramque partem; & nihilominus hoc exercitium continuari à voluntate, sine indifferentia & indeterminatione ad alteram partem.

Et Confirmatur, quia necessitas continuationis solum est ex suppositione primæ productionis: ergo, sicut necessitas ex suppositione presentis, quæ habet actus in primo instanti sui esse, non tollit libertatem requiritam ad bonitatem moralem: ita neque necessitas ex simili suppositione, quam habet in continuatione, tollit eam.

SECUNDO IMPUGNATUR eadem solutio, quia etiam si admitratur illud fundamentum, non vitatur inconueniens de infinita multiplicatione graduum bonitatis moralis: quod probatur discurrendo per tres modos, quibus illud fundamentum explicatur Et in primis, *INTRA TEMPUS NON TERMINATUM*, quia si finito tempore illo brevissimo, per quod necessario durat actus, continuatur ulterius per aliud tempus æquale, aut maius, poterit fieri idem argumentum: quia in hoc secundo tempore sunt infinita instantia, ratione quorum debent respondere actui infiniti gradus bonitatis, si verum sit, augeri bonitatem ex continuatione actus, dicere vero, in casu quo actus non desinit esse in instanti terminationis primi temporis, sicut supponitur in hoc argumento succedere aliud tempus, per quod debeat necessario durare actus: videtur voluntariè confictum ad vitandum hoc inconueniens, cum nulla sit ratio neque ex parte operantis, neque ex parte ipsius actus, quæ id postulet.

Confirmatur, quia operans non maiorem, aut magis distinctam habet notitiam instantis terminantis tempus primum imperceptibile quam instantium temporis succedentis: ergo non magis est ei libera continuatio actus pro illo instanti, quæ pro sequentibus, atque proinde, si continuatio illius instantis addit bonitatem, etiam continuatio

aliorum addet eam, & ita colligitur inconueniens de infinito augmento bonitatis.

NEQUE ETIAM VITATUR *iuxta secundum modum*, quia in illo tempore indeterminato & vago sunt infinita instantia determinata, aut infinite partes proportionales determinatæ, & in quolibet ex his instantibus, aut in qualibet parte, continuatur actus libere, iuxta illum modum dicendi: ergo in quolibet augeatur eius bonitas secundum aliquem certum gradum, & ex consequenti augeatur in omnibus infinite. Et *præterea* potest contra hunc modum obijci argumentum factum contra præcedentem, scilicet, posse colligi idem inconueniens in tempore, quod subsequitur ad tempus primum indeterminatum & vagum.

SED ADVERTENDUM EST, GABRIELEM VAZQUEZ, supposito illo fundamento, & hac secunda expositione, non vti ad vitandum inconueniens de augmento infinito bonitatis, ratione in hoc modo dicendi assignata, scilicet, quia actus post primum instans sui esse careat libertate, atque adeo bonitate; sed alia, scilicet, quia ex illo fundamento sequitur, actum bonum moraliter postulare natura sua ut sit non tantum per instans, sed etiam per aliquam temporis successionem: & ex hoc sequitur, non respondere partem aliquam aut gradum bonitatis moralis singulis instantibus, sed certum aliquem gradum respondere toti durationi, & partem aliquam singulis partibus; atque ita non est necesse primo instanti respondere certum gradum bonitatis, neque ex eo potest desumi argumentum ad instantia sequentia, ex quorum infinitate colligitur augmentum infinitum.

SED NEQUE HAC ratione vitatur illud inconueniens: quia duratio temporis, quam, iuxta hanc sententiam, postulat actus ut sit, non est determinata, sed indeterminata, & minor quacumque signata; & hoc modo quacumque duratio temporis, sequens habet infinitas partes, in quibus potest fieri argumentum propositum ad probandum, sequi illud inconueniens; quia in quacumque est eadem ratio atque in prima, ut respondeat ei certus gradus bonitatis. Item quia, cum dicitur, sequi ex illo fundamento, actum postulare, ut sit, aliquam durationem temporis: potest habere duos sensus; *Primus est*, non posse actum esse secundum suam substantiam in instanti indiuisibili, sed solum in tempore aliquo diuisibili; *Secundus* sensus est, actum, quamuis sit secundum suam substantiam in instanti indiuisibili, non posse delinere esse, nisi post aliquam durationem temporis; & *primus* sensus non est verus, quia actus, de quo loquimur, est indiuisibilis secundum suam substantiam: ergo incipit esse per primum sui esse, & ex consequenti non postulat, ut sit secundum suam substantiam, durationem temporis diuisibilis; patet consequentia, quia in hoc distinguuntur quoad inceptionem entia indiuisibilia à diuisibilibus: & ita motus localis, quia est secundam suam entitatem diuisibilis, & extensus, non potest habere esse in instanti, sed solum in tempore diuisibili, quamuis indeterminato. Neque etiam colligitur hic sensus ex fundamento præsupposito, quia ex eo solum habetur, esse necessarium, durare actum aliquo tempore post instans, in quo incipit esse, quod est solum id quod explicatur *secundo sensu*; iuxta quem, non vitatur illud inconueniens, eo modo, quem hic author sequitur. & probatur quia est

A se primi instantis supponitur ad durationem temporis sequentis: ergo ei, ut, ita præsupposito, respondet aliquis gradus bonitatis distinctus à bonitate, quæ respondet durationi temporis sequentis.

NEQUE TANDEM VITATVA illud inconueniens *iuxta tertium* modum exponendi prædictum fundamentum, quia de continuatione actus quoad eam partem, quæ est omnino libera, potest fieri idem argumentum, scilicet, respondere ratione eius aliquem gradum bonitatis, pro quocumque instanti illius continuationis: & hunc gradum quamuis sit minor eo, qui responderet ratione durationis primi instantis, tamen quia multiplicatur per infinita instantia, constituere infinitum augmentum bonitatis moralis, & *deinde* etiam potest fieri argumentum de tempore, quod subsequitur ad tempus necessarii continuationis, sicut obijciebamus contra primam expositionem, quia etiam in hoc casu erit fictum, dicere, quando in termino illius temporis voluntas non desistit ab actione, succedere aliud simile tempus, in quo actio est necessario continuanda.

Solutio Suaris examinatur & rejicitur.

B
TERTIA SOLVTIO est communiter recepta à Theologis, & à FRANCISCO SVAREZ in relectione de reuiscencia meritorum, disputatione secunda, sectione 3. num. 39. & sequentibus, qui admittunt *primam consequentiam* illius probationis, scilicet, ratione durationis primi instantis respondere actui certum gradum bonitatis moralis: & negant *secundam & tertiam*, scilicet ratione durationis temporis sequentis respondere eidem actui infinitos gradus æquales primo; & bonitatem, quæ his gradibus constat, esse infinitam. Et quoniam hæc tertia consequentia fundatur in *secunda*, & ex ea probatur: respondent ad probationem secundæ, concedendo *antecedens* quoad utramque partem, scilicet, in tempore continuationis esse infinita instantia, & in quocumque ex eis esse totam substantiam actionis, & tantam durationem eius sicut in primo; & negando *consequentiam*, qua inferitur, ratione durationis actus in vnoquoque horum instantium respondere eidem actui gradum bonitatis æqualem ei, qui responderet ratione durationis in primo; & ut possit assignari ratio huius discriminis inter primum instans & sequentia; & simul explicetur, qua ratione augmentum resultans ex continuatione infinitarum partium, aut infinitorum instantium, non sit infinitum. NOTAT peculiariter FRANCISCUS SVAREZ, in actu de quo loquimur, duo esse, quæ saltem ratione nostra distingui possunt: *Primum est substantia ipsius*, *secundum, continuatio eius*; pro aliquo tempore post primum instans suæ productionis; & de *substantia* dicitur, totam esse in primo instanti, & in tempore continuationis, & in singulis instantibus eius, & consequenter etiam bonitatem, quæ responderet actui ratione suæ substantiæ, conuenire ipsi in eodem tempore & eidem instantibus: quia substantia actus, cum sit indiuisibilis, incipit per primum sui esse, & ex consequenti est in primo instanti, quo producit, & non potest continuari per tempus sequens, nisi & eo habeat esse & propter suam indiuisibilitatem

habebit etiam esse in singulis instantibus eius, sicut in primo; & eadem est ratio de bonitate morali, quæ inseparabiliter sequitur substantiam actus: De continuatione vero dicit, neque esse in primo instanti initiativo, neque in instantibus continuativis temporis sequentis, sed in tempore, quod sequitur post primum instans, & continuatur instantibus sequentibus; & consequenter etiam bonitatem quæ respondet actui ratione huius continuationis, convenire ipsi in eodem tempore; quia continuatio consistit in quadam successione continua, & ideo habet esse iuxta modum successuorum, & propterea in nullo instanti siue initiativo siue continuativo, sumpto secundum se, habet esse, sed solum in tempore; & ita in primo instanti non est, sed inchoatur extrinsece, ut sit verum dicere, nunc non est continuatio, & immediate post hoc erit; & in unoquoque instantibus temporis sequentis est tantum ut in continuativo, in quo est verum dicere, nunc non est continuatio, sed immediate ante hoc erat, & immediate post hoc erit, quod est, nunc continuari; & in tempore quod succedit post primum instans, dicitur esse, iuxta modum quo ipsum tempus sumitur: quia si sumatur ut indeterminatum, quale est, quod explicatur his verbis, *immediate post hoc*, etiam est in eo aliquid indeterminatum continuationis, scilicet, non tantum, quin minus; si vero sumatur ut determinatum, cuiusmodi est certa & determinata pars temporis, etiam est in eo determinata aliqua continuatio. Et idem est dicendum de bonitate, quæ convenit actui ratione continuationis, scilicet, resultare, aut causari ex ipsa etiam successione continua, & ideo convenire actui eodem modo per ordinem ad tempus & ad instantia, siue continuata, siue terminativa.

Et hoc superposito dicit, in primis intelligi facile, quæ ratione per continuationem actus augeatur eius bonitas, siue infinitate; quia *prima bonitas*, quæ convenit actui ratione suæ substantiæ, non augeatur, cum se habeat eodem modo ipsa substantia actus in toto tempore, & singulis instantibus eius; sicut si habitus esset augendus physice per actum oppositum siue resistentia, quamvis idem actus, & in eodem gradu dureret per annum, non amplius augeatur habitus per talem actum toto illo tempore, quam in primo instanti; & *posterior bonitas* quæ est ex continuatione, quamvis augeatur ex continuatione infinitarum partium, aut infinitorum instantium, non est infinita, quia augeatur instar continuorum successuorum, & ideo nullo modo fit maior *ratione instantium*, cum non habeat esse in instantibus secundum se sumptis; & *ratione partium* non potest fieri infinite maior, quia sicut partes non sunt infinitæ, nisi ut indeterminatæ aut communicantes: ita ratione earum non fit additio bonitatis, quæ resultat cum eadem successione, nisi per partes indeterminatas, aut communicantes; & ex additione talium partium non potest resultare augmentum infinitum.

Et deinde dicit, haberi ex eadem doctrina rationem discriminis in hac solutione constituti, inter primum instans, & sequentia: ea vero est, quia, si fiat comparatio inter hæc instantia quoad *primam bonitatem*, nihil ex ea additur de nouo in instantibus sequentibus post primum; & similiter si comparatio fiat quoad *secundam*, nihil ex ea est, in primo instanti; si vero comparatio fiat quoad *primam* bo-

nitatem respectu primi instantis, & quoad secundam respectu instantium temporis sequentis, *prima* habet esse in primo instanti, quia est indivisibilis; & *secunda* non habet esse in instantibus sequentibus, quia resultat ex continuata successione unius partis post aliam. Et explicat hoc amplius exemplo: quia si ponamus, solem & diaphanum creati in instanti in certa distantia inter se, & immediate post illud instans successive sibi magis approximari: dicemus consequenter, solem in illo primo instanti producere in diaphano certum gradum luminis, verbi gratia ut duo, vel tria; & immediate post illud instans intendere successive idem lumen toto tempore, quo duraverit approximatio successiva, & hoc lumen respondere quoad se totum toti tempori approximationis, & quoad partem determinatam, parti eiusdem temporis determinatæ; & quoad partem indeterminatam parti incertæ & indeterminatæ; quoad nihil vero respondere instantibus continuativis huius temporis, nisi ut plurimum quoad continuationem suarum partium, siue hæc fiat per indivisibilia suæ latitudinis, siue per immediatam coniunctionem ipsarum partium per propriam entitatem, quamvis in singulis horum instantium sit totum lumen productum in primo.

SED NEQUE HÆC SOLUTIO inini placet, *PRIMO* quia, si ratione substantiæ actus ut durantis siue existentis, in primo instanti, respondet eidem actui certus gradus bonitatis: ergo etiam ratione eiusdem substantiæ, ut durantis & existentis in quocunque instanti continuativo temporis sequentis, debet ei respondere certus alius gradus bonitatis, (siue maior siue minor; quia hoc impertinens est ad difficultatem, de qua agimus) cum eodem modo colligatur infinitum augmentum ex multiplicatione infinitorum graduum facta in infinitis instantibus, siue huiusmodi gradus sint secundum se magni, siue parvi; quia hæc collectio non fundatur in quantitate ipsorum graduum secundum se, sed in eorum multiplicatione infinita. Probatur *consequentia*, quia in quocunque instanti continuativo est eadem ratio, & quasi causa bonitatis, quæ in primo, scilicet, tota substantia actus, & æqualis duratio: ergo est etiam bonitas distincta, siue æqualis siue minor.

Dices, manere in secundo instanti eandem substantiam actus; quæ fuerat in primo; & ideo etiam manere eandem bonitatem moralem; & non resultare aliam de nouo.

SED CONTRA, quia nunc non agimus de bonitate, quæ convenit actui ratione substantiæ, siue specificæ, siue individualis: sed de ea, quæ convenit ipsi ratione durationis; ergo non potest ob stare identitas substantiæ, si duratio est distincta, ut non resultet distincta bonitas; esse vero in hoc casu distincta durationem, patet, quia duratio primi instantis est duratio primæ productionis, & duratio secundi instantis est duratio conservationis; ergo sicut conservatio præsupponit productionem, ita duratio respondens conservationi præsupponit eam, quæ respondet productioni: atque adeo distinguitur ab ea.

Confirmatur primo, quia si hæc duo instantia possent esse immediata, responderet actui maior bonitas ratione durationis in utroque, quam ratione durationis in primo; ergo idem est dicendum,

quam-

quamvis sint mediata; patet *consequentia*, quia in utroque casu est eadem virtus causæ, & eadem remotio impedimentorum.

Confirmatur secundo, quia in secundo instanti permanet bonitas primi instantis; ergo etiam convenit actui alia bonitas ratione durationis, quam habet in eo instanti: *Antecedens* patet ex suppositione facta ab authoribus huius solutionis; & *consequentia* probatur, quia est sufficiens ratio ex parte durationis, & nullum est impedimentum.

Confirmatur tertio, quia duratio actus pro illo instanti est libera, & conformis recte rationi: & non per libertatem & conformitatem primi instantis, & temporis intermedij, sed per aliam; ergo etiam est bona per aliam bonitatem.

SECUNDO, quia sequitur ex hac solutione, maioris bonitatis esse, ceteris paribus, habere plures actus discontinuatos per interruptionem in spatio unius horæ, quam habere unum actum continuatum per eandem horam: probatur sequela, quia in instanti medio continuatio huius horæ non respondet actui aliqua bonitas moralis; ergo si fiat interruptio actus in hoc instanti, ita ut sit primum non esse unius actus habiti in priori medietate huius horæ, & primum esse alterius actus habendi in posteriori medietate, respondet ei certus aliquis gradus bonitatis moralis; & ulterius, ergo in fine horæ maior bonitas moralis respondebit his duobus actibus ita discontinuatis, quam uni actui continuato per eandem horam. *Prima consequentia* probatur, quia in casu posito, illud instans non est continuativum, sed initiativum, & de instanti initiativum fatentur authores huius solutionis, respondere ei certum & determinatum gradum bonitatis; & *secunda* probatur, quia illi duo actus, cum durent per totam horam, habebunt bonitatem continuationis per eandem horam; & præterea posterior actus habebit amplius bonitatem respondentem instanti continuatio huius horæ, quatenus est inchoativum ipsius.

Fortè negabis interrumpi in hoc casu actum, quia ambæ partes eius copulantur *vno termino communi*, scilicet, eodem instanti medio, quod est primum non esse partis præcedentis, & primum esse partis sequentis; aut *per correspondentiam* ad hoc instans, sicut partes temporis dicuntur continuæ, quia uniuntur vno instanti medio, & partes motus localis, quia coniunguntur vno mutato esse.

Sed contra, quia in hoc casu, illud instans medium non pertinet ad entitatem partium, tanquam terminus earum: ergo unitas ipsius non sufficit ad continuationem partium; probatur *consequentia*, quia, cum dicimus, continuum esse cuius partes copulantur vno termino communi, intelligitur de termino pertinente ad entitatem, quæ per ipsum continuatur, & non ad entitatem alicuius mensuræ extrinsecæ; alias si canis proiectus ex turre manserit in medio: motus vivi, & motus cadaveris succedentis, essent inter se continui, supposita sententia D. THOMÆ, qui dicit, eos esse distinctos. & *antecedens* probatur, quia in nostro casu, illud instans medium non pertinet ad entitatem actionis, sed ad entitatem temporis, quia est eius mensura extrinseca: & ita partes actionis habent duos distinctos terminos coexistentes eidem instanti temporis, quia prior terminatur per non esse suum,

A tanquam per mutatum esse; & posterior inequit per esse suum intrinsecum & indissolubile. At vero in exemplis adductis, instans pertinet ad partes temporis, quæ per ipsum continuantur, & mutatum esse ad partes motus, scilicet, ut terminus earum: quia non habent alium terminum.

Et præterea probatur aliter eadem sequela, quia cum bonitas continuationis sit finita, erit certi alicuius gradus, & habebit aliquam proportionem cum bonitate, quæ, iuxta hanc solutionem, responderet primo instanti inchoativum actus; ponamus ergo, bonitatem continuationis esse ut decem, & bonitatem primi instantis esse ut unum (quia idem argumentum fieri poterit quomodocumque designetur quantitas utriusque bonitatis) & hoc posito, sic argumentor, qui in spatio illius horæ haberet decem actus discontinuatos per interruptionem in decem instantibus eius, haberet ut minimum decem gradus bonitatis: ergo qui haberet undecim, vel duodecim actus discontinuatos in totidem instantibus eiusdem horæ haberet ut minimum undecim aut duodecim gradus bonitatis; & ex consequenti haberet plus bonitatis, quam qui per eandem horam continuaret unum actum. *Præterea consequentia* probatur, quia ex suppositione, quia ita continuaret actum tantum haberet decem gradus bonitatis. Et *prima* sequitur evidenter ex antecedenti, quia eadem est ratio, aut proportio de decem actibus in ordine ad decem gradus bonitatis sibi respondentis, & de undecim actibus in ordine ad undecim gradus; & *antecedens* probatur, quia, ex suppositione, primo instanti horæ responderet unus gradus bonitatis, ergo cuiuscumque instanti temporis sequentis, ut est initiativum novi actus, respondet æqualis gradus bonitatis; quia omnia, quæ ad hoc requiruntur, concurrunt in quocumque ex his instantibus eodem modo, sicut in primo: quia supponimus, hos actus esse de eodem obiecto, & elici cum eodem conatu, & æquali libertate, atque adeo esse æquales quantum ad omnia, quæ requiruntur ad bonitatem moralem; quare, si sunt decem actus, respondebunt eis decem gradus bonitatis. Dico autem respondere ut minimum decem gradus, quia ratione instantis initiativi respondet unicuique actus unus gradus, & ratione continuationis, quam unusquisque habet post illud instans, debet ei respondere certa alia pars bonitatis.

AD HOC ARGUMENTUM respondet FRANCISCUS SVAREZ loco citato, concedendo sequelam, quia existimat non esse inconueniens concedere eius consequens, idque explicat: quia in primis ex eo non sequitur id, quod tanquam inconueniens solet obijci contra hanc solutionem, distractionem mentis, aut interruptionem per omnimodam cessationem ab actu, conducere ad augmentum bonitatis, cum neutra sit per se necessaria ad multiplicandum actus, sed possit hoc fieri sine eis; ut si quis ex advertentia cesset ab aliquo actu per primum non esse, & in eodem instanti inchoet alium per primum sui esse, in quo casu nulla est distractio mentis, neque aliquod instans sine actu. Deinde in ipsa interruptione, cum eliciantur actus de nouo, exercetur magis libertas & determinatio voluntatis, quod sicut continet maiorem difficultatem, ita auget bonitatem.

SED CONTRA, quia inconueniens, quod in consequenti

consequenti sequelæ propositæ includitur, non est hoc, sed aliud, scilicet ex vi solius interruptionis præcise sumptæ provenire augmentum bonitatis; & hoc est magnum inconueniens, quia interruptio secundum propriam rationem, & ut opponitur continuationi, non importat aliquam entitatem, ergo neque bonitatem: quia non potest esse bonitas operationis sine entitate eiusdem operationis; Includi autem hoc inconueniens in consequenti illius sequelæ, patet, quia intelligitur de maiori quantitate bonitatis proveniente ex vi solius interruptionis. Quod probari potest, quia eo ita intellecto habet tota probatio sequelæ eandem vim ad probandum ipsam: cum, quamuis ponamus fieri illam interruptionem actus sine maiori aduertentia aut libertate, quam esset ea, qua fieret continuatio, sequatur manifeste ex illa solutione, esse in diuersis actibus ita interruptis & discontinuatis maiorem bonitatem, quam in vno actu continuato per idem tempus.

Quod vero FRANCISCUS SVAREZ insinuat non posse fieri discontinuationem actuum sine maiori aduertentia & libertate, propter inchoationem actus, videtur falsum: quia, si ponamus cum interruptione alicuius actus fieri inchoationem de nouo alterius actus æqualis quoad intentionem, & perfectionem, & difficultatem, tam ex parte obiecti, quam ex parte operantis, & denique quoad omnia, præterquam quoad continuationem, & inchoationem nouam: dicendum est libertatem & aduertentiam, quæ est proportionata respectu continuationis, esse etiam proportionatam respectu inchoationis; ergo etiam est dicendum, esse æqualiter sufficientem ad inchoationem noui actus, & ad continuationem præcedentis; *consequentia* patet, quia ex proportionem virtutis actiue, in ordine ad aliquem effectum bene colligitur eius sufficientia ad producendum talem effectum, cum sufficientia virtutis actiue consistat in huiusmodi proportionem. Et *antecedens* probatur, quia in illo casu solum est inæqualitas inter actum continuatum, & actum inchoatum de nouo, quantum ad conditionem continuationis, & inchoationis: & ex his duabus conditionibus continuatio, cæteris paribus, est causa maioris difficultatis, quam inchoatio; *sum quia* ipsa continuatio est exercitium causalitatis, quod est causa defatigationis; *sum etiam quia* interruptio vnius actus, & inchoatio alterius, includit quandam varietatem, qua potius recreamur & leuamur a tædio, quo ex continuatione eiusdem actus afficimur: ergo aduertentia & libertas, quæ est proportionata ad superandum difficultatem continuationis, etiam est proportionata ad superandum difficultatem inchoationis, quæ est minor.

Et MAGIS videtur à veritate recedere quod alij dicunt, scilicet, difficilius & præstantius esse inchoare actum, quam continuare, quia inchoare, est deducere actum de non esse ad esse, & continuare, est conservare in esse accepto in ipsa inchoatione; & sicut est maior distantia inter non esse, & esse, quàm inter esse acceptum in inchoatione, & conservatum in continuatione: ita requiritur ex parte agentis maior vis, (quæ in nostro casu est aduertentia rationis, & libertas voluntatis) ad pertranscundum priorem distantiam, quam ad pertranscundum posteriorem.

NAM CONTRA hoc potest obijci, conservatio-

A nem, quæ respondet alicui productioni, habere eosdem terminos, quos ipsa productio: atque adeo non esse maiorem distantiam inter terminos productionis, quam inter terminos conservationis: ergo virtus, quæ est proportionata & sufficiens ad pertranscundum distantiam, quæ est inter terminos alicuius conservationis: etiam est proportionata & sufficiens ad pertranscundum distantiam, quæ est inter terminos inchoationis, cui talis conservatio respondet; *antecedens* hoc non eget probatione, sed explicatione, quia difficile videtur, conservationem, quæ præsupponit esse rei, quæ conservatur, habere eundem terminum à quo, cum inchoatione, siue prima productione, quæ non præsupponit tale esse, sed potius ordinatur ad ipsum; & hoc tamè potest facile explicari, si aduertamus, esse rei, quæ conservatur, non præsupponi ad conservationem, tanquam subiectum, aut principium constitutum rei, quæ conservatur: sed ut quid necessario requisitum ex peculiari ratione conservationis; & ideo non pertinere per se ad eius terminum à quo: quod in conservatione, quæ respondet creationi, est notum, quia non minus est ex nihilo, tanquam ex termino à quo, quam ipsa creatio, quamuis præsupponat esse rei productum per creationem.

B *Confirmatur* quia difficilius, & præstantius est, dare aliquod esse toto aliquo tempore sine intermissione, quam in aliquibus partibus eiusdem temporis dare idem esse, & in alijs non dare: quia in primo nulla est requies ab operatione, sicut in secundo; & in primo magis, saltem extensivè, se communicat causa, quam in secundo: quod præstantius est, saltem in causis creatis; & primum horum fit in continuatione, & secundum in multiplicatione distinctorum actuum, cum interruptione; & ideo proculdubio continuatio, cæteris paribus, est censenda difficilius, & præstantior, quam huiusmodi multiplicatio.

g. Vera solutio argumenti quantum ad circumstantiam continuationis actuum

QVARE AD VERAM SOLUTIONEM huius probationis de qua agimus mihi videntur dicenda tria, PRIMUM est, respondere ad iurisdictionem durationis primi instantis certum aliquem gradum bonitatis. Et hoc mihi videtur certum ex ijs, quæ dixi contra primum modum exponendi primam solutionem, & peculiariter contra secundum modum exponendi secundam solutionem; & præterea probatur, quia in illo instanti habet actus determinatum gradum entitatis cum omnibus requisitis ad bonitatem moralem: ergo & determinatum gradum bonitatis; *consequentia* probatur, *sum quia* nulla potest assignari ratio disparitatis, quantum ad hoc, *sum etiam quia* conformitas cum recta ratione, in qua consistit bonitas actus, respondet ad æquate entitati, quam habet actus pro illo instanti, quia absolute convenit entitati actus, (neque de hoc potest dubitari) secundum se totam, & convenit ei ita, ut neque sit maior ea, neque minor: ergo sicut entitas actus pro illo instanti est quid determinatum, ita etiam conformitas cum recta ratione, atque adeo bonitas; & *antecedens* probatur, quia actus, quoniam est indivisibilis secundum suam substan-

tiam,

tiam, incipit esse in instanti per primum sui esse: ergo & secundum determinatum gradum entitatis, & non secundum aliquid indeterminatum, & vagum; patet hæc consequentia ex significatione terminorum, quia incipere per primum sui esse, est dari aliquod instans, in quo sit verum dicere, nunc entitas est, & immediate ante hoc non erat, nec secundum se tota nec secundum aliquam partem eiusdem rationis cum toto; ut de homine in instanti generationis dicimus, nunc est, & immediate ante hoc non erat, nec secundum se totum, nec secundum aliquam partem quæ sit homo, quamvis esset secundum aliquam partem componentem, scilicet secundum materiam: & hoc non potest dici de rebus, quæ incipiunt secundum partem sui vagam, & determinatam, quia incipere hoc modo est dari tempus vagum & indeterminatum, in quo sit verum dicere, rem habere esse, & immediate antea, siue in instanti, cui tale tempus immediate succedit, non habuisse esse; & non dari instans aut tempus determinatum in quo talis res sit & immediate antea, siue in tempore antecedenti, aut minori, non fuerit secundum aliquam partem sui, quæ sit eiusdem rationis cum toto: ut motus localis, quamvis incipiat extrinsecè in instanti per ultimum non esse, etiam dicitur incipere intrinsecè secundum suam entitatem in tempore immediate succedente post hoc instans, tamen secundum partem indeterminatam suæ entitatis: & ita nullum datur instans, aut tempus determinatum post primum instans intrinsecum, ante quod non fuerit motus.

Addidit tamen in illo antecedenti hæc verba, cum omnibus requisitis ad bonitatem mortalem, ut significarem, concurrere ad actum pro illo instanti aduertentiam rationis, & libertatem voluntatis requisitam ad bonitatem moralem, ita ut nihil ei deficiat hoc ut pro illo instanti sit bonus moraliter.

Et confirmatur primo quia bonitas moralis incipit esse in actu pro illo instanti, & non per ultimum non esse, alias, actus tunc non est bonus; ergo per primum sui esse, & ex consequenti secundum gradum determinatum, ut ostensum est in hoc argumento.

Confirmatur secundo, quia si actus esset de malo obiecto, aut cum mali circumstantia, responderet ei ratione durationis illius instantis certus gradus malitiæ: ergo etiam in nostro casu responderet certus gradus bonitatis; *consequentia* patet ex paritate rationis; & *antecedens* probatur, tum quia pro illo instanti responderet ei malitia, & non incerta, aut indeterminata, alias non cognosceretur à Deo quæta esset, & ex consequenti neque quanta pœna esset digna; ergo certa & determinata; *tum etiam quia* si ponamus, definire esse actum in illo instanti per ultimum sui esse, ita ut sit verum dicere, nunc est, & immediate post hoc non erit; concedendum est actum pro illo instanti esse malum, & non malitia indeterminata, quia nihil potest esse à parte rei, indeterminatum & vagum, nisi ut coniunctum per modum partis alicui enti determinato: ergo malitia certa & determinata.

Et non obstat, authores huius solutionis negare actum definire per ultimum sui esse: Quia nos in hoc argumentum loquimur ex suppositione, si ita delineret, ad examinandum an ei pro illo instanti conveniat aliquis gradus malitiæ; sicut quamvis non possit dari vacuum, inquirimus an, si daretur,

A posset per ipsum fieri motus localis, ad examinandum unde habeat notus suam successionem. *Et adde*, hos authores, quamvis negent, posse actum naturaliter definire per ultimum sui esse, non omnes negare, id esse possibile divina potentia. *Et tandem*, quia quamvis primum instans, quo actus incipit esse, non possit esse eius ultimum esse, quoad suam substantiam & entitatem, bene potest esse quoad malitiam, ita ut sit verum dicere, nunc actui convenit hæc malitia, & immediate post hoc non convenit: ergo in eo casu concedendum est, respondere actui ratione durationis illius instantis certum gradum malitiæ; & *ulterius*, ergo id est dicendum de quocumque alio casu, de quo malitia continetur ultra illud instans; *prima consequentia* patet, quia malitia illa tota, prout est à parte rei, non potest esse quid indeterminatum; & ex suppositione, tota convenit actui pro illo instanti; & *secunda etiam patet*, quia durationi primi instantis accidentale est, malitiam durare aut non durare ulterius: quare in utroque casu erit eodem modo sufficiens, ut ratione eius respondeat in actu determinatus gradus malitiæ. *Et antecedens* probatur in duobus casibus; *Primus est*, si Deus statuat legem obligantem usque ad instans. B. & non ulterius, & det hominibus notitiam huius obligationis, & instantis, & aliquis homo in eo instanti eliciat actum repugnantem huic obligationi: quia in hoc casu certum est, malitiam actus, cum consistat in dissonantia à lege, non posse durare ultra illud instans, quod est terminus intrinsecus obligationis legis. *Secundus casus est*, si quis baptizetur, & in instanti terminatio formæ eliciat actum voluntatis, qui sit peccatum mortale, & eo impediat effectum sacramenti; quia etiam in hoc casu, quamvis huiusmodi actus debeat durare aliquo tempore, saltem indeterminato, post illud instans, tamen malitia particularis irreverentiæ, quam habet ex repugnantia cum causalitate sacramenti, non durat ulterius.

Secundo dico, actum ratione continuationis per aliquod tempus post primum instans habere certum aliquem & determinatum gradum bonitatis, qui respondeat totus toti continuationi & secundum partes, ita ut primæ medietati continuationis respondeat, prima medietas bonitatis, & secundæ medietati continuationis secunda medietas bonitatis, & alijs partibus proportionalibus sub his in infinitum cunctis respondeat similes partes proportionales bonitatis; at instantibus continuativis ut continuativis sunt nihil bonitatis respondeat neque divisibile, neque indivisibile; Et ratio horum omnium est eadē, scilicet, quia eo modo, quo continuatio est causa bonitatis, respondet ipsi bonitas: sed continuatio secundum se totam est causa totius bonitatis; & secundum suas partes est causa partium bonitatis; & secundum instantia continuativa non est causa talis bonitatis, neque quoad aliquid divisibile, neque quoad aliquid indivisibile continuativum: ergo etiam bonitas actus respondet secundum se totam toti continuationi & secundum partes suas partibus continuationis: & non respondet secundum aliquid sui siue divisibile siue indivisibile instantibus continuativis temporis quo continuatur actus. *minor quoad primam partem* patet, quia continuatio est causa totius bonitatis, & non secundum quasdam partes suas seclusis alijs, quia non

est quan-

est quatum ad hoc maior ratio de quibusdam partibus, quam de alijs, ergo secundum omnes partes simul, atque adeo secundum se totam; & similiter patet quoad secundam partem, quia cōtinuatio sicut habet esse, ita est causa bonitatis; ergo sicut habet esse prius secundum qualdam partes, & postea secundum alias succedentes, & ita consequenter: sic etiam est in exercitio causa bonitatis prius secundum partes priores, & postea secundum posteriores, & succedentes; & cum bonitas proveniens ex continuatione vnius horæ non sit tota actu, cū sunt priores partes eiusdem horæ, sed postquam succedunt posteriores: sequitur continuationem secundum suas partes esse causam partium bonitatis sibi respondentium; quoad tertiam vero partem probatur, *nam quia* continuatio non augeat bonitatem nisi secundum id, quod ipsam facit maiore, & tamē huiusmodi indivisibilia nō faciunt eā maiore, sed solū terminant & copulant, *nam etiam quia* indivisibilia continuatiua solum ponuntur vbi est extensio, cuius partes continuantur per ipsa, & tamen constat, bonitatem moralem non habere in se ipsa extensionem partium, neque per formam sibi super additam & inherentem, sicut substantia materialis per quantitatem; neque immediate per suam entitatem, sicut ipsa quantitas; sed solum dicitur extensa denominatione extrinseca ab extensione temporis, cui correspondet; & tandem quia si in bonitate ponantur huiusmodi indivisibilia, erunt alterius rationis & naturæ ab ipsa bonitate, atque adeo non erit bonitas; sicut puncta continuatiua lineæ sunt distinctæ naturæ ab ipsa lineæ, & non sunt lineæ; & ex hoc sequuntur alia inconuenientia; scilicet, aut in his indivisibilibus non fundari valorem meriti, qui semper fundatur in bonitate morali, nec respondere eis præmium; aut fundari quædam indivisibilia meriti, quæ propter eandem rationem non possint dici meritum; & respondere eis ex parte præmij quædam indivisibilia visionis beatificæ, quod est ridiculum.

Et si obijciat, nos in bonitate proveniente ex continuatione distinxisse partes habentes inter se ordinem, secundum quem aliquæ earum præcedunt, & aliæ subsequuntur, per correspondentiam ad tempus, quo actus continuatur; respondetur, has partes in bonitate non esse extensionis propriæ sumptæ, sed cuiusdam intensiōis, ratione cuius eadem bonitas dicitur nunc maior, quam antea; non duratione, sed perfectione intensiua; & ex his partibus diximus, quædam acquiri prius, & alias posterius, per correspondentiam ad partes temporis, quo continuatur actus. Et non est necesse adquiri aliqua indivisibilia per correspondentiam ad indivisibilia eiusdem temporis, quia continuatio non augeat bonitatem nisi ut est maior, & non est maior ratione durationis quam habet in his instantibus; ut superius dixi; & quamvis aliqui in latitudine intensiua qualitatum, physicarum constituent indivisibilia continuatiua, non est hoc extendendum ad formas morales, ut morales sunt; quia in genere moris non est facile explicare quam rationem habeant huiusmodi indivisibilia, cum negentur eis rationes rerum quas continuant, ut paulo superius dicebā; & ratio continuatiui præcise sumpta non pertineat ad genus moris, sed ad genus naturæ. Quare ratio quæ mouet ad negandum, respondere hæc indivisibilia bonitatis instantibus continuatiuis, est, quia

A non dantur talia indivisibilia; & non quia id sit necessarium ad vitandum inconueniens infinitatis in bonitate, cum sit notum non consequi tale inconueniens ex huiusmodi infinitis indivisibilibus; quia sicut infinita instantia in tempore aut puncta in lineæ, non sufficiunt ut entitas temporis aut lineæ sit infinita: ita etiam infinita indivisibilia bonitatis non sufficiunt, ut ipsa bonitas sit infinita; & in his omnibus est eadem ratio, scilicet, indivisibile additum indivisibili non facere maius, & ideo neque ex additione infinitorum indivisibilium resultare infinitum.

SED OBJICIET, quia primo instanti, quo actus incipit esse, respondet certus gradus bonitatis diuisibilis quoad intensiōem, in sensu nunc explicato: ergo etiam respondet cuiusque ex instantibus continuatiuis, quia non minus est, ad hoc sufficiens duratio instantis continuatiui, quam initiatiui, & supponimus nihil deesse actui, quatenus durat in instanti continuatiuo, ut sit bonus; & non potest responderi, non esse tantam libertatem in voluntate, neque tam perfectam cognitionem in intellectu respectu instantis continuatiui, sicut respectu initiatiui: Quia ex hoc solum sequitur, non respondere tantam bonitatem actui respectu instantis continuatiui, sicut respectu initiatiui; non tamen, non respondere certum & determinatum gradum bonitatis respectu vtriusque.

RESPONDETUR concedendo antecedens, & negando consequentiam: & ratio discriminis est, quia respectu primi instantis datur distincta notitia, quæ ex parte intellectus proponitur obiectum ut prosequendum tali actu in ipso primo instanti. non quidem sub conceptu instantis, sed sub conceptu durationis initiatiuæ actus; & ex parte voluntatis datur actus, quo expresse est volitum in eo instanti determinate operari; ideo duratio actus pro illo instanti est voluntaria secundum se ut totum quoddam, & non in alio; & ut tale totum dat actui bonitatem; & sicut ipsa est quid certum & determinatum, ita etiam dat certam bonitatem. At vero respectu instantium continuatiuorum solum datur notitia confusa, & in alio tanquam toto, scilicet, in tempore, quo continuatur actus, & non ut partium eius, sed ut pertinentium aliquo modo ad ipsum; & similis actus voluntatis; & ideo nullum eorum ita sumptum dat actui bonitatem, neque ut totum secundum se, quia non est volitum ut totum; neque ut pars temporis, quo continuatur actus, quia sicut non est pars eius, ita non est volitum ut pars, ex quo patet non esse eandem rationem de partibus proportionalibus, quamvis etiam sint cognitæ & volitæ in alio, & non secundum se: quia sunt volitæ ut partes, & ideo sicut augent cōtinuationem ut partes, ita etiam dant actui bonitatem ut partes, licet non ut tota.

DICO TERTIO, cuiusque instanti continuatiuo, in quo homo cum distincta cognitione velit explicite operari, respondebit certus & determinatus gradus bonitatis, sicut primo; & quia possibile est, hominem ita operari in singulis instantibus non tamen in omnibus, etiam per diuinam potentiam; & ratione cuiusque ex his instantibus continuatiuis potest actus habere certum gradum bonitatis: non tamen potest ratione omnium habere infinitos gradus; atque adeo nulla potentia fieri potest, ut actus ratione instantium continuatiuum habeat infinitam bonitatem; PRIMUM,

quod

quod in hac propositione continetur, scilicet, *cuiusque instantis continuatio ita sumptio respondere certum gradum bonitatis sicut primo*, colligitur aperte ex antecedentibus, quia tota ratio discriminis inter instans initiativum & continuativum, (ut paulo superius diximus) est, quia initiativum sumitur secundum se, & ut totum quoddam ratione distincte cognitionis, & explicitæ volitionis: ergo si respectu alicuius instantis continuativum, datur idem modus cognitionis, & volitionis, nulla remanebit ratio discriminis; & ex consequenti, sicut initiativum respondet certus gradus bonitatis, ita etiam respondebit continuativum; & propterea cum in propositione precedenti negavi respondere certum gradum bonitatis instanti continuativum, addidi hanc limitationem, *ut continuativum est*: quia in casu, quo de eo habetur huiusmodi notitia, & volitio, non sumitur ut continuativum, sed secundum se: ac si esset totum quoddam per se separatum: quamvis reipsa sit continuatum partibus temporis, & continuet eas; sicut etiam de primo diximus semper sumi secundum se, & ut totum, quia ratione inceptionis habetur de eo expressa notitia & voluntas, quamvis re ipsa etiam sit coniunctum temporis & terminet ex sua parte tempus sequens.

Quod vero statim additur, scil. *posse sumi hoc modo, scil. ut instantia & non omnia*, patet quia in singulis non est maior ratio repugnantiae, quam in primo; in omnibus tamen est illa ratio repugnantiae, quæ communiter solet assignari in numeratione distincta omnium instantibilium alicuius temporis: quia pertransiretur infinitum, atque adeo haberet terminum, quod repugnat rationi infiniti.

Et ex hoc patet id, quod ultimo loco adieci-mus, sc. *nulla potentia fieri posse ut ratione instantium continuativum respondat actui infinitae bonitatis*, quia ad hoc necessarium esset respondere omnibus instantibus in particulari certos gradus bonitatis, & hoc ostendimus esse impossibile.

Ex his sequitur prima solutio ad argumenta, quæ proposuimus contra tertiam solutionem: quæ etiam videntur pugnare contra hanc nostram: nam ad primum patet ratio discriminis inter primum instans, & reliqua, & ex ea patet differentia inter casum in prima confirmatione propositum, & nostrum; quia in illo eliceretur actus cum notitia distincta, & volitione expressa respectu utriusque instantis, non tamen in nostro; & ex eadem ratione patet, negandam esse consequentiam secundæ confirmationis, quia est impedimentum negativum, scilicet, defectus notitiæ & libertatis expressæ in particulari respectu secundi instantis, & tandem ex eadem ratione patet, dicendum esse ad tertiam confirmationem, actum pro instanti continuativum non esse liberum, neque conformem rectæ rationi secundum se, & ut totum quoddam; sed in alio: & non ut partem eius, sed ut terminum, & ideo non habere bonitatem aliquam. Et ad secundum argumentum neganda est sequela. Et ad primam probationem dicendum est, quando interruptitur actus, respondere certum gradum bonitatis instanti initiativum non actus, non ratione interruptionis, sed ratione explicitæ volitionis terminatæ ad ipsum quæ etiam posset haberi respectu cuiuscunque instantis continuativum sine ulla interruptione actus, ut explicatum est in secundæ propositione, & similiter ad secundam probationem di-

endum est, actus multiplicatos intra unam horam posse adæquare imo & superare in bonitate actum continuatum per eandem horam, non ratione interruptionis, sed ratione maioris perfectionis, in ratione voluntarij quoad durationem instantium initiativorum.

Et non obstat ceteris paribus esse diffinitius continuare actum per unam horam; quam intra eandem horam cum interruptione inchoare distinctos actus: quia bonitas, quæ in continuatione resultat ex hac maiori difficultate, compensatur & superatur in interruptione per bonitatem, quæ resultat ex modo operandi cum maiori notitia & libertate respectu instantis initiativi.

Et si obiciatur id, quod contra illam solutionem obiciebamus, scilicet, aduertentiam & libertatem, quæ sufficit ad continuandum aliquem actum, sufficere etiam ad inchoandum alium de novo, quia ut nunc dicebamus difficilius est continuare actum, quam inchoare de novo: Respondetur, nostram solutionem differre ab illa, quia iuxta illam dicitur, non posse concurrere tantam notitiam & libertatem ad operationem respectu

instantis continuativum, sicut respectu initiativi; at vero iuxta nostram dicendum est, posse concurrere æqualem ad utrumque, quamvis notitia & libertas quæ sufficit ad contingendum sit necessario minor, quam ea, quæ sufficit ad inchoandum, & non provenit hoc ex maiori difficultate continuationis, ut in hac obiectione supponitur, sed ex ipso modo operandi, quia cum quis inchoat actum, necesse est advertere, se nunc, aut in instanti presenti, inchoare actum: at vero cum continuat, latet est advertere se tempore futuro velle continuare eundem actum, & ad hoc non est necesse advertere in particulari ad instans præiens nisi ut plurimum ut continetur in tempore futuro, tanquam eius terminus.

Secundo sequitur, quomodo sit respondendum ad formam huius probationis, de qua agimus: quia concedenda est prima consequentia, quæ est de bonitate respondente durationi primi instantis, in quo incipit actus; & neganda est secunda, & consequenter tertia, quæ in ea fundatur; Et ad probationem secundæ, concedendum est totum antecedens, quoad omnes suas partes, & neganda est consequentia; & ratio discriminis inter primum instans, & partes proportionales continuationis sequentis est, quia primum instans habet secundum se actum certam & determinatam entitatem distinctam ab entitate partium proportionalium continuationis sequentis, & ideo responderet ipsi actui gradus bonitatis distinctus a gradibus, qui respondent partibus proportionalibus; at vero partes proportionales, non habent actu certas entitates distinctas inter se, sed solum in potentia & in fieri, in quantum per actualem divisionem fit ut sint determinatæ entitates distinctæ inter se; & hæc divisio nunquam est, nec potest esse actu facta in partes infinitas, sed semper est in potentia ut ulterius protrahatur; & ideo sicut huiusmodi partes ante actualem divisionem non habent actu plures entitates distinctas inter se, sed unam tantum, quæ est in potentia ut per divisionem fiat plures entitates in infinitum, & si ne termino: ita etiam non respondent eis actu plures gradus bonitatis distincti inter se, sed unus

tantum proportionatus durationi totius continuationis, qui etiam est in potentia ut fiat plures portiones bonitatis in infinitum, & sine termino. Quomodo autem huiusmodi gradus, quamvis sit finitus, possit dividi in infinitos gradus, quorum quilibet sit in alios divisibilis; non habet maiorem difficultatem, quam divisio eiusdem quantitatis continuæ finitæ in infinitas partes, quarum quælibet possit in alias dividi.

Et ratio discriminis inter idem primum instans & instantia continuata sequentia, est, quia primum instans est volitum secundum se, ut totum quoddam ex advertentia & volitione explicata terminata ad ipsum in particulari, & reliqua instantia solum sunt volita in alio, scilicet, in continuatione totalitatem terminus eius.

§. Solvitur difficultas de intensione actus.

AD secundam probationem eiusdem posterioris partis antecedentis tertij argumenti principalis, quæ sumitur ex intentione actus: Respondetur, distinguendo antecedens, si enim intelligatur de intentione quantum ad determinationem gradualement, scilicet, in quantum est ut tria, vel ut quatuor, *verum est*, & hoc solum convincit eius probatio sumpta ab experientia; si tamen intelligatur de ea quantum ad magnitudinem vel parvitatem sumptam absolute, & sine determinatione ad aliquem gradum, *falsum est*, & non convincit oppositum experientia, quæ ad eius probationem adducitur; imo unusquisque experitur se moveri ad operandum magis aut minus intendere ex cognitione magnæ & parvæ intensiois. Et neganda est consequentia, quæ ut valeret, oporteret antecedens esse verum in secundo sensu: quia ut intentio sit voluntaria non est necessarium præsupponi cognitionem eius quoad gradum, sed satis est præsupponi quoad totam latitudinem, & forte voluit hoc significare ANG. ST. capite primo moralium in expositione textus, qui incipit, *agens liberum*, & dubio primo cum inquit, intentionem aut remissionem actus esse homini liberam in genere, & non in specie, quia per *genus* intelligitur latitudinem magnitudinis vel parvitatis absolute sumptam; & per *speciem*, determinationem ad certum gradum.

Ad primam confirmationem, respondetur, intentionem, quæ provenit ex causis, quæ non sunt nobis voluntariæ, saltem quantum ad usum & applicationem, non esse nobis voluntariam: atque adeo non augere bonitatem ac malitiam actuum nostrorum; at vero intentionem quæ provenit ex causis, quæ sunt nobis voluntariæ quoad usum, quamvis non sunt voluntariæ quoad acquisitionem, esse nobis liberam, & augere bonitatem & malitiam: & ita dicimus intentionem iræ, quæ provenit ex vehementia passionis prævenientis, aut impediens nostram libertatem, non esse nobis liberam, atque adeo neque esse malā; & contra in exemplis propositis dicimus maiorem intensio-

A virtutem, & ex habitibus infusis etiam si infunderentur sine vlla cooperatione nostra libera, siue per modum meriti, siue per modum dispositionis, esse nobis liberam, & conducere ad augmentum bonitatis in nostris actibus: quia quamvis huiusmodi principia non pendeant quoad acquisitionem à nostra libertate, pendent quoad usum, quia non possunt concurrere ad suos actus nisi concurrant simul cooperatione nostra libera.

Ad secundam confirmationem: responderetur distinguendo consequens, si nimirum intelligatur de æquivalentia quoad perfectionem & causalitatem physicam concedenda est sequela: & ita duo actus virtutis, quorum quilibet sit intensus, ut duo, non æquivalent uni actui intenso ut tria quantum ad perfectionem physicam, & vim ad generandum vel augendum physicè habitum virtutis; si tamen intelligatur de perfectione & causalitate morali, neganda est sequela, & ita in exemplo proposito duo illi actus possunt tertium magis intentum adæquare imo & superare, quod ad bonitatem moralem, ut reddit hominem bonum & sanctum, & quantum ad valorem siue causalitatem moralem per modum meriti in ordine ad præmium vel mercedem. Sicut etiam apud homines moneta ærea quantumcumque multiplicatur non potest adæquare nam monetam auream quoad perfectionem & causalitatem physicam: & tamen quoad perfectionem & æstimationem aut causalitatem moralem per modum pretij potest eam adæquare & superare. Ex hac distinctione patet solutio ad utramque probationem sequelæ.

§. Solvitur difficultas de quantitate obiecti actus.

AD TERTIAM PROBATIONEM eiusdem partis antecedentis tertij argumenti principalis, quæ sumitur ex quantitate obiecti, responderetur, negando sequelam, & ad primam probationem, responderetur, inter quantitatem obiecti finitam & infinitam non esse proportionem in genere entis, bene tamen in genere obiecti voluntarij, quia habent esse tale obiectum dependenter à propositione, quæ sit per cognitionem intellectus, aut tanquam à ratione formali, aut tanquam à conditione necessario requisita: & hæc propositio propter imperfectionem nostri intellectus est imperfecta respectu quantitatis finitæ & secundum rationem confusam & communem quantitatis carentis termino; & non secundum rationem distinctam & particularem singularum partium, ex quibus constituitur, quæ ratio formaliter & explicitè non importat infinitam quantitatem, sed potius finitam: & quia quantitas obiecti non augeat bonitatem ut est in genere rei, sed ut est in genere obiecti voluntarij: ideo etiam inter bonitates aut malitias provenientes à quantitate finita & infinita obiecti potest esse aliqua proportio.

Ad secundam probationem responderetur, negando antecedens, quatenus in ea dicitur, du-

plicata quantitate obiecti duplicari bonitatem A
 quæ ex quantitate obiecti conuenit actui; & con-
 sequenter negando consequentiam, cuius proba-
 tio manebit soluta, si ostendatur falsitas anteced-
 entis, quia tota fundatur in eo. Esse autem falsum
 illud antecedens declaratur, quia quando duplica-
 tur quantitas, non duplicantur omnia quæ requi-
 runtur, ut ex ea sumatur actus bonitatem: nam at-
 tingere eam voluntarie, est ad hoc per se requisi-
 tum, & tamen hoc non duplicatur neque augetur,
 imo potius minuitur, cum augetur quantitas ob-
 iecti, quia propter inbecillitatem nostri intelle-
 ctus non tam distincte & in particulari percipitur
 quantitas obiecti magna, sicut parua; & ideo ne-
 que actus voluntatis, qui semper proportionatur
 actui intellectus, terminatur tam distincte in ma-
 gnâ, sicut in parua: & ita volitio dandi elec-
 mosinam decem hominibus, non habet tantam
 bonitatem sicut decem volitiones, quarum singu-
 lis sit volitum dare elemosinam singulis eorum.
 Hæc tamen diminutio bonitatis quæ provenit ex
 defectu claritatis & distinctionis propter additio-
 nem materiæ, non semper est æqualis, sed eo
 maior, quo additio materiæ fuerit maior: quia et-
 iam confusio est tunc maior; & tanta potest esse
 additio materiæ, ut etiam defectus claritatis sit
 tantus, ut impediatur ne ex ea quantitate augeatur
 magis bonitas actus, quæ ex alia materia: quod po-
 tissimum est verum, cum quantitas obiecti est infi-
 nita, quia tunc est maxime improporcionata capa-
 citati nostræ. Et ex hoc manet solutum quod-
 dam argumentum quo Gabriel Vasquez tom. 1. in
 1.2. disputatione 76. n. 14. impugnat hanc solu-
 tionem, scilicet, quia quamuis non augetur bo-
 nitas in eo gradu, quo quantitas obiecti: tamen
 semper augetur, & eo magis, quo magis augetur
 quantitas obiecti: ergo si hæc quantitas augetur
 infinitè, etiam bonitas augetur infinitè, quia aug-
 mentum hoc fit intra eandem speciem. Nam ne-
 gandum est, eo semper magis augeri bonitatem,
 quo magis augetur quantitas obiecti: quia hoc so-
 lum est verum intra limites quantitatis propor-
 tionatæ nostræ capacitati; & multo facilius
 posset fieri hæc calculatio contra suam solutio-
 nem. Est tamen aduertendum, actum ex infinita-
 te obiecti semper habere quandam infinitatem se-
 cundum quid, & extrinsecam, ratione cuius nun-
 quam potest adæquari per actum terminatum ad
 obiectum finitum, quantumcunque crescat: &
 ideo circumstantiam infinitæ quantitatis obiecti
 in peccatis mortalibus esse necessario explican-
 dam in confessione, ut, si quis vno actu velit occi-
 dere infinitos homines, non satisfaciet integritati
 confessionis, si dicat se voluisse occidere multos
 homines, sed debet dicere se voluisse occidere infi-
 nitos, quia hæc infinitas non potest aliter explicari.
 Et eodem modo actus terminati ad obiectum infi-
 nitum per essentiam habent hoc genus infinitatis,
 ut de peccatis, quatenus sunt offensa Dei, solet
 explicari in principio materiæ de incarnatione.

Quartum dubium restabat circa articulum quar-
 tum an & quomodo actus humanus sumat bonita-
 tem & malitiam ex fine, sed de eo dicitur in expli-
 catione sexti articuli.

ARTICVLVS IV.

*Verum actio hominis sit bona vel
 mala ex fine?*

PRIMA CONCLUSIO, Est affirmativa.

SECUNDA CONCLUSIO. In actione humana qua-
 druplex bonitas considerari potest: una secundum ge-
 nus, prout scilicet est actio, alia secundum obiectum;
 tertia secundum circumstantias; & quarta secundum
 finem.

COMMENTARIVS.

CIRCA PRIMAM CONCLUSIONEM, & simul
 circa titulum articuli ADVERTE ex Diu. THO-
 MA in 2. dist. 36. q. 1. art. 5. ad 5. & de malo q. 2. art.
 4. ad 9. duplicem esse finem in aliqua actione, alte-
 rum proximum & alterum remotum: finis proximus
 est, quem immediate respicit operatio, & est ipsum
 obiectum actus; remotus vero est, in quem obiectum
 ordinatur ab agente; ut si quis velit interficere ali-
 quem, ut furetur eius pecunias, homicidium erit fi-
 nis proximus huius actus, & furtum remotus;
 prior finis solet appellari finis operis, & posterior
 operantis, ut etiam docet D. THOMAS in 4. dist. 16.
 qu. 3. art. 2. quæstioncula 2. ad tertium & ratio
 nominum est manifesta: nam priorem finem res-
 picit operatio ex sua natura, posteriorem vero ex
 libera voluntate operantis, ordinantis ipsam ad eum;
 quod si operans intendat illum eundem finem, ad
 quem opus natura sua ordinatur, tunc finis iste di-
 cetur finis operis & operantis.

§. 1. De quo fine loquatur hic D. Thomas.

HOC SUPPOSITO, inquiri potest de quo fine
 loquatur hic Diu. THOMAS; & ratio dubitan-
 di est, quod de quocunque loquatur, videtur su-
 perfluum iste articulus: nam cum prior finis sit ob-
 iectum actus, & posterior sit eius, circumstantia ex
 consequenti sit necesse finem esse aut obiectum
 aut circumstantiam actus humani; superflue,
 Diu. THOMAS, postquam docuit articulo 2. boni-
 tatem actus sumi ab obiecto, & art. 3. sumi ex cir-
 cumstantijs, addit articulum istum, in quo docet
 sumi à fine.

Respondetur, D. THOM. loqui de posteriori fi-
 ne, ut colligitur ex 2. conclusione, in qua bonita-
 tem, quæ sumitur ex fine, distinguit ab ea, quæ su-
 mitur ex obiecto: & in hoc conueniunt omnes
 expositores D. THOMÆ. Caterum in solutione
 argumenti dissentient inter se: nam CAIETANVS
 inquit, ideo D. THOM. inquirere particulariter in
 isto articulo, an ex fine sumatur bonitas vel mali-
 tia actus humani, quamuis artic. precedenti do-
 cuerit eam sumi ex omnibus circumstantijs; quo-
 niam finis habet hoc peculiare inter omnes circū-
 stantias, quod non solum est circumstantia, sed etiam

specificatiuum actus: est enim circumstantia respectu actus externi, & specificat internum; & etiam externum, quatenus vnitur interno, & participat ab eo, quod sit formaliter humanus; & ex hoc provenit, quod ab eo sumantur diversæ bonitates: nam ab eo ut specificat, sumitur bonitas essentialis; ut vero est circumstantia, sumitur accidentalis; & ideo non satis erat explicuisse, quomodo ex circumstantiis sumatur bonitas & malitia actus, ut etiam maneret sufficienter explicatum quomodo sumatur ex fine.

Sed hæc solutio falso nititur fundamento, scilicet, quod finis, ut distinguitur ab obiecto, specificet essentialiter actum internum, & non sit eius circumstantia; ut probabimus art. 6. huius quæstionis; & quamvis hoc esset verum, non vitatur inconueniens quod in argumento deducitur, scilicet, superfluum esse articulum istum; quia de fine, quatenus ex ipso sumi potest bonitas aut malitia specifica actus, agit Diu. THOMAS articulo 6. sequenti.

Alii dicunt Diu. THOMAS fecisse peculiarem mentionem finis, quamvis contineatur inter circumstantias, quia inter eas obtinet præcipuum locum & est maxime considerandus in philosophia morali: & hæc solutio mihi placet, si tamen ratio reddatur, propter quam hæc fini conueniant; ea vero est illa, quam D. THOMAS in articulo assignat, quod scilicet finis non tantum habet rationem circumstantie respectu actus, sed etiam principij, & causæ suæ bonitatis: magis autem attendenda est bonitas aut malitia actus penes causam ipsius, quam penes accidentia; quia ergo solus finis inter circumstantias omnes habet hunc peculiarem modum reddendi actum bonum aut malum: ideo, quamvis vniuersaliter docuerat Diu. THOMAS de omnibus circumstantiis, sumi ex ijs bonitatem aut malitiam actus; non est superfluum, quod rursum doceat idem de fine in particulari, ut ita explicet illum modum.

CIRCA EANDEM conclusionem posset esse dubium an sit vniuersaliter verum, quod cum actio habet aliquem finem remotum, aut operantis, sumit ab eo bonitatem, aut malitiam? Et ratio dubitandi pro parte negativa posset esse, quod ex opposita parte sequeretur, bonum esse actum furandi ad dandam eleemosinam; & malum dare eleemosinam aut etiam pati mortem, propter inanem gloriam, quoniam prior actus habet bonum finem, & posterior malum. Sed de his art. 6. dicemus.

§. 2. Quadruplex bonitas actuum humanorum.

CIRCA SECUNDAM conclusionem sunt nonnulla aduertenda; PRIMVM est, primam ex illis quatuor bonitatibus non pertinere ad genus moris, sed esse bonitatem quandam naturalem, quæ consequitur entitatem actionis: & est communis actionibus bonis & malis; appellat vero eam Diu. THOMAS genericam, non quia vere sit genus respectu aliarum bonitatum (quamvis aliqui oppositum sentiant de quo dicemus q. sequente art. 1.) sed quia consequitur communem rationem actionis, aut entis. Quare aliter videtur

A hoc nomine generis, quam articulo secundo, ubi bonitatem, quæ sumitur ex obiecto, estque specifica, appellauit bonitatem ex genere, quoniam ibi sumpsit genus pro specie, ut ibidem diximus.

SECUNDO ADVERTE, secundam ex illis bonitatibus, quam Diu. THOMAS dicit sumi ex obiecto, & appellat specificam, esse bonitatem moralem; neque obstat, quod eandem appellauerit absolutam, cum inquit, actiones, præter bonitatem relativam, quæ sumitur ex fine, habere aliam absolutam, quæ in ijs existit, scilicet eam, quæ sumitur ex obiecto: quod videtur repugnare rationi bonitatis moralis, quæ, ut nos probauimus articulo primo, consistit in relatione transcendentali, nam dici potest, Diuum THOMAS non appellare eam absolutam, quia non sit relatiua; sed ad insinuandum, esse hoc discrimen inter eam, & aliam bonitatem, quæ sumitur ex fine operantis, quod ipsa conuenit actui secundum se, quatenus terminatur ad suum obiectum, absque noua & superaddita relatione operantis: bonitas autem ex fine, solum conuenit actui quatenus ab operante refertur in finem, atque ita bonitas ex obiecto tantum dicitur absoluta ab ista secunda relatione in finem operantis, non autem ab omni relatione.

TERTIO ADVERTE, quod (ut cepimus dicere articulo primo huius quæstionis, dubitatione secunda, in solutione ultimi argumenti primæ sententiæ quod desumptum erat ex hac conclusione) bonitas totalis actus humani non est vna vnitatem indiuisibilitatis, sed vnitatem ordinis & aggregationis: constituitur enim ex pluribus bonitatibus partialibus scilicet ex bonitate sumpta ex obiecto, & ex ea quæ sumitur ex circumstantiis, & ex alia quæ sumitur ex fine: quod expresse docet Diuus THOMAS in solutione tertij, ubi inquit actionem non esse simpliciter bonam, nisi omnes bonitates concurrant & in secundo d. 36. art. 5. ad 1. & in hoc conuenit SCOTVS cum Diuo THOMA in locis quæ in eadem difficultate retulimus; ubi etiam videtur ad hoc explicandum exemplo pulchritudinis, ad cuius perfectionem requiruntur perfectiones singularum partium.

Sed est aduertendum quod SCOTVS in illis locis, ut ibidem diximus, constituit bonitatem in aggregato ex obiecto circumstantiis, & fine: nos autem in aggregato ex relatione ad ista; in quo duo inquiri solent: PRIMVM an saltem pro istis tribus terminis necessarium sit esse in actione tres relationes realiter distinctas? Alium est, an pro numero circumstantiarum sint multiplicandæ bonitates, & ex consequenti relationes in actu bono moraliter.

AD PRIMVM respondetur breuiter cum CONTRARIO, affirmatiue, dummodo finis operantis differat specificè in genere moris ab obiecto: quod an semper contingat cum actio refertur ab operante in aliquem finem, dicemus articulo sexto; & probatur, quoniam illi tres termini distinguuntur formaliter in ratione terminorum: ergo relationes, quæ ad ipsos terminantur, distinguuntur specie; ergo & realiter; patet ista consequentia, quia relationes transcendentales, quales sunt istæ, de quibus loquimur, cum differunt specie etiam differunt realiter, ut constat in actibus & habitibus,

& ratio

& ratio est manifesta, quoniam relatio transcendentalis in hoc differt à prædicamentali, quod est ipsa entitas rei, & non supponit fundamentum, à quo sumat suam entitatem, ut constat in exemplis propositis. Ex quo patet, non obitare, quod relationes similitudinis & dissimilitudinis, quibus vnum album refertur ad aliud album, & ad nigrum, non distinguantur realiter sed solum formaliter: quia quicquid sit de hoc, est longe diuersa ratio, quoniam relationes istæ sunt prædicamentales. Patet etiam multo minus obitare, quod idem pater eadē numero relatione referatur ad plures filios, quoniam non solum ista relatio est prædicamentalis, sed etiam est vna secundum speciem propter unitatem terminorum, & supposita unitate specifica accidentis, unitas numerica sumitur ex subiecto.

Verum aduertendum est, hoc quod dicimus de relationum harum distinctione reali non esse intelligendum de distinctione reali rei à re, sed de distinctione reali quæ conuenit modis rerum: nam relationes istæ, de quibus loquimur, comparantur ad substantiam actus, ut modum ipsius.

AD SECUNDVM ut respondeamus, supponenda est diuisio circumstantiarum in eas, quæ dant actui nouam speciem in genere moris; & in eas, quæ hoc non præstant. & ea supposita, dicendum est, de prioribus veram esse partem affirmatiuam, propter rationem quæ eam probauimus de obiecto, circumstantijs & fine, quæ etiam in his circumstantijs habet locum, quia etiam differunt formaliter in ratione terminandi actus humanos, de posterioribus vero esse veram negatiuam, ut probabimus art. 11. huius questionis: vbi disputabimus cum CONRADO, an iuxta numerum harum circumstantiarum sint multiplicandæ bonitates partiales & relationes in nostris actibus.

§. 3. An actus bonus ex obiecto & circumstantijs, possit esse malus ex fine adiuncto.

CONTRA solutionem tertij obijcit CAIET. esse impossibile, actum bonum ex obiecto, & circumstantijs, esse malum ex fine adiuncto: aut è contrario actum malum ex circumstantijs esse bonum ex fine; quoniam finis adiunctus continetur inter circumstantias: & ex consequenti qualis fuerit actus ex circumstantijs, talis erit ex fine adiuncto.

Et respondet duobus modis, sed illis omissis quoniam prior impugnatur ab ipso, & posterior conuenit cum ratione, quia ipse distinguit hunc articulum à precedenti, quam nos supra diximus esse falsam; Respondetur facile, D. THOMAM non connumerare finem inter circumstantias; propter illam rationem, quam supra assignauimus, ad explicandum quomodo non sit superfluum inquirere in particulari de fine, an ex eo sumatur bonitas vel malitia actus; postquam vniuersaliter de omnibus circumstantijs erat hæc questio definita.

SED vltius obijci potest, quod quamuis hoc ita sit, adhuc difficultas manet in hac solutione Diu. THOMÆ: concedit enim in ea, posse contingere, quod actio aliqua habeat vnam aut duas ex bonita-

tibus explicatis in secunda conclusione, quamuis deficiat; ut quod sit bona secundum speciem suam, & circumstantias, quamuis finem habeat malum; quod tamen videtur esse contra id, quod dicemus art. 2. parum ante solutionem argumentorum; & probauimus testimonio ipsius Diu. THOMÆ; & contra rationem, quia sequeretur eundem actum esse simul bonum & malum moraliter: quod quamuis intelligatur de bonitate partiali, & de malitia partiali probabimus postea esse impossibile.

RESPONDETUR, non esse sensum huius solutionis, quod actus in illo casu habeat simul actum bonitatem partialem & malitiam partialem; sed, quod, quamuis non habeat malitiam ex parte obiecti aut circumstantiarum, sufficit malitia finis ut ipse sit simpliciter malus; neque tamen ex eo, quod actus itenon habeat malitiam ex obiecto, potest colligi quod habeat ex eo bonitatem, ut aliqui male colligunt, quoniam Diu. THOMAS loquitur de obiecto illo sumpto secundum se, & sic non pertinet ad genus moris, quoniam non importat tanquam obiectum ordinem ad rationem, neque conformitatem neque difformitatem; & ideo non dat speciem actui in genere moris, neque bonitatis neque malitiæ. Quare in illo casu, prima, & essentialis malitia actus sumitur ex fine, qui tunc habet rationem differentie essentialis obiecti, quatenus comparatur ad rationem, aut (quod idem est) quatenus pertinet ad genus moris, ut explicabimus art. 6. & explicatur à D. THOM. art. seq. ad 3. cum inquit, quod circumstantia, quæ transmutat actum de bonitate in malitiam, est differentia essentialis obiecti, secundum quod ad rationem comparatur, & ideo potest dare speciem moralem actui.

ARTICVLVS V.

COMMENTARIVS.

Utrum aliqua actio humana sit bona vel mala in sua specie?

CONCLUSIO. Bonum & malum, tanquam differentia per se, diuersificant speciem in actibus humanis.

EST intelligenda de actibus humanis prout pertinent ad genus moris; sic enim per se distinguuntur per bonum & malum morale, tanquam per differentias diuisivas per se illius generis; si tamen considerentur actus humani quatenus pertinent ad genus naturæ, non distinguuntur per se his differentiis, sed accidentaliter: quia vtraque aduenit eis sicut accidens subiecto, ut explicandum est quest. seq. art. 1.

CIRCA DOCTRINAM huius articuli disputant CAIET. & alij, quomodo malum, cum sit privatio & nihil constituat speciem actus morales? sed de hac difficultate agemus intra quest. 71. art. 6. & pro ea est notanda solutio secundi argumenti.

CIRCA solutionem tertij ADVERTENDVM, quod, cum Diu. THOM. inquit, circumstantiam aliquando

transmutare actum de bonitate in malitiam: nō est eius sensus, quod actus prius habeat actu bonitatem moralem, sed quod haberet eam, nisi obstitaret circumstantia mala.

ARTICVLVS VI.

Vtrum actus habeat speciem boni vel mali ex fine?

CONCLUSIO, actus humani species formaliter consideratur secundum finem, materialiter autem secundum obiectum exterioris actus.

Circa conclusionem hanc est,

DVBIVM PRIMVM

Vtrum cum actus humanus habet finem operantis qui distinguatur ab obiecto, specificatur in genere moris ab vnoquoque eorum per se sumpto.

§. 1. Expositio tituli.

HOC EST VTRUM sumat ab vnoquoque propriam speciem boni vel mali in genere moris, ita vt in isto genere habeat duas species; vbi pro applicatione tituli tria sunt aduertenda, PRIMVM est, quod quamuis, cū aliquis operatur aut vult aliquid propter finem, debeant distingui actus essentialiter distincti, scilicet intentio finis, & electio medij: tamen in presenti non est difficultas de priori actu, sed de posteriori. hoc est de electione medij ordinati in finē. SECVDVM est, titulū huius dubij intelligendū esse de fine, qui sit omnino extraneus, & remotus respectu obiecti, aut actus voliti; si enim finis non sit extraneus respectu ipsius, certum est actum non habere duas species ex eis, sed vnā tantum; vt cum quis vult temperate comedere propter bonum temperantię, aut facere sacrum propter bonum religionis, quia tunc finis & obiectum non habent bonitates aut malitias obiectiuas diuersarum specierum, vbi in exemplo proposito, comedere temperate non habet bonitatem moralem diuersā à bonitate temperantię, & ideo ab eis non potest actus habere duas species distinctas in genere moris. TERTIVM & vltimum est, tripliciter posse coniungi, respectu eiusdem actus, obiectum & finem ipsi extraneum; aut enim in vtroque est bonitas, vt cum quis vult facere sacrum pro salute proximi, aut ieiunare ad satisfaciendum; aut in vtroque est malum, vt cum quis vult occidere alterum vt furetur eius pecunias; aut tandem in vno est bonitas, in alio malitia, vt cum quis vult ieiunare propter inanem gloriam, vel furari vt det eleemosinam; & in omnibus his casibus habet locum nostra quæstio, licet non in omnibus habeat æqualem difficultatem, quare vt ea, quę videntur faciliora, separemus à difficilioribus, sit,

§. 2. Resolutio tituli de obiecto bono, & bono fine; & de obiecto malo & fine malo.

PRIMA CONCLUSIO quando obiectum & finis ipsi extraneus ita se habent, vt in vtroque sit bonitas moralis obiectiuā; tunc actus ratione ipsorum est in duplici specie in genere moris, & habet duas bonitates morales specificas; & idem dicendum est proportionaliter de malitia. In hac conclusione conueniunt omnes, & est expresse Diu. THOM. art. sequent. & probatur ratione ex ipso desumpta; actus in isto casu, qui terminatur ad illud obiectum, & ad illum finem, est conformis rationi duobus modis omnino condistinctis, & non subordinatis inter se, quorum vnus non determinat alterum, sicut differentia determinat genus; ergo habet ratione ipsorum duas bonitates morales specie distinctas; consequentia patet, quia conformitas ad rationem, si sumatur fundamentaliter, est ipsa bonitas moralis; si vero sumatur formaliter, consequitur ad eam, tanquam ad fundamentum, vt explicui art. 1. huius quæst. ergo ex numero conformitatum ad rationem in aliquo actu potest recte colligi numerus bonitatum moralium; & antecedens probatur, quia obiectum & finis in illo casu habent conformitates ad rationem condistinctas inter se; quia neque finis pendet ab obiecto quantum ad conformitatem, neque obiectum à fine; & vna ex his conformitatibus non est differentia determinatiua alterius; quia inter genus & differentiam ipsius est ordo per se, qui tamen non est inter conformitates istas; ergo etiam actus habet duas conformitates eodem modo condistinctas inter se.

Confirmatur quoniam actus in isto casu pertinet ad virtutes specie distinctas, ergo habet bonitates morales distinctas specie; patet consequentia quia quæcumque virtus inclinat ad operandum cum peculiari conformitate ad rationem, & ex consequenti cum peculiari bonitate.

§. 3. de obiecto bono & fine malo.

SECVNDAM CONCLUSIO quando obiectum est bonum & finis malus, tunc actus non habet ratione ipsorum duas species in genere moris, sed vnā tantum quam sumit ex fine, neque est simul bonus moraliter ratione obiecti, & malus ratione finis, sed est malus simpliciter; ita tenent DURAND. in 2. d. 40. quæst. 3. GABRI. q. 1. art. 2. conc. 2. GREG. d. 42. & 43. quæst. 1. conc. 4. vbi inquit, non posse eundem actum externum esse bonum & malum moraliter. PRIMA PARS probatur, quia obiectum non specificat actum in genere moris, nisi quatenus ipsum habet rationem aliquam obiectiuā pertinentem ad genus moris, & secundum eam terminat actum: sed obiectum non habet in isto casu rationem aliquam specificam pertinentem ad genus moris, secundum quem terminet actum, nisi quatenus subordinatur fini; ergo secundum se ipsum non potest specificare actum, sed solum quatenus subordinatur fini; & ex consequenti

actus

actus non habet duas species morales vnam ratione ipsius, & alteram ratione finis, sed vnam tantum, cuius præcipua & totalis ratio est finis. *Minor* patet, quoniam alias non distingueretur specificatio actus in genere moris, ab ea, quæ conuenit ipsi in genere naturæ: quia vtraque sumeretur ab obiecto secundum eandem rationem, de quo videnda sunt quæ dixi art. 1. & 2. huius quæstionis; *minor* vero probatur, quia nulla est ratio moralis specifica in obiectis actuum, præter conformitatem & difformitatem ad rationem: constat autem quod obiectum in isto casu, quatenus terminat actum, non est conforme rationi, quia terminat ut subordinatum malo fini, neque etiam est difforme, nisi quia ita subordinatur.

Ex hac parte colligitur aperte *SECUNDA*: cum enim bonitas & malitia sint duæ species distinctæ in genere moris; si actus de quo loquimur non sumit suas species ab obiecto & fine, bene sequitur quod neque sumat bonitatem & malitiam.

Et præterea probatur hac ratione: actus non potest sumere ab obiecto bonitatem, si terminetur ad ipsam non ut bonum, sed ut malum: sed in isto casu actus terminatur ad obiectum ut malum, quia terminatur ad ipsum præcise quatenus ordinatur in malum finem; ergo non sumit ex obiecto bonitatem.

Confirmatur primo, obiectum ut terminat actum istum non est bonum obiectiue, nec consonum rectæ rationi: ergo actus non habet ex ipso bonitatem moralem; *antecegens* patet, quia obiectum terminat ut relatum in malum finem, & secundum istam rationem non potest esse consonum rectæ rationi; *consequentia* vero probatur, quoniam bonitas, quæ actus sumit ex obiecto, consistit in ordine ad ipsum obiectum ut conforme rectæ rationi, ut dixi art. 1. huius quæstionis.

Confirmatur secundo, quoniam actus terminatus ad illud obiectum non est conforme rectæ rationi: ergo neque bonus moraliter.

Ultimo probatur testimonijs D. THOMÆ, nam in *primis* articulo præcedenti ad ultimum, inquit, quod quando circumstantia transmutat actum de bonitate in malitiam, est differentia essentialis obiecti, secundum quod ad rationem comparatur: ex quo sic argumentor, finis in isto casu transmutat actum de bonitate in malitiam, ergo est differentia essentialis obiecti in ordine ad rationem, aut (quod idem est) in genere moris; ergo malitia, quam actus habet ex fine, conuenit ipsi primo & essentialiter in genere moris, & ex consequenti non potest habere prius bonitatem ex obiecto: quia nihil conuenit alicui rei prius, quam sua essentia. *Deinde* quæstione sequenti art. 2. ad tertium, inquit, D. THOM. quod, cum quis vult facere aliquid, quando non debet, ita ut circumstantia referatur ad obiectum volitum, tunc voluntas non est boni: quia velle facere aliquid, quando non debet fieri non est bonum; ex quo aperte colligitur nostra sententia, si enim defectus circumstantiæ reddit obiectum malum, ita ut nullo modo sit bonum velle ipsum, multo magis id præstabit additio mali finis.

Alii probant hanc sententiam deducendo ex opposita *via inconuenientia*. *PRIMUM* est, eundem actum esse simul bonum & malum, quod dicunt esse impossibile: quoniam bonum & malum sunt

contraria, & mutant speciem; & præterea, quia non minus repugnat, eundem actum voluntatis esse simul bonum & malum, quam eundem actum intellectus esse simul verum & falsum: & tamen constat hoc esse impossibile. *ALTERVM* est, falsam sententiam esse DIONYSII dicentis, bonum consurgere ex integra causa, & malum ex quocumque defectu, cum actus iste, cui deest circumstantia finis, dicatur bonus. *ULTIMUM* est, actum qui est malus, & peccatum, saltem veniale, esse meritorium, & ex consequenti gratum, & acceptum Deo.

Sed ad hæc facile responderet auctores oppositæ sententiæ; nam ad *PRIMUM* dicunt, non sequi ex ea, eundem actum esse simpliciter bonum, & simpliciter malum: sed solum esse secundum quid bonum, & simpliciter malum, quia habet aliquid eorum, quæ requiruntur ad bonitatem simpliciter, & totalem, & non omnia: & negant, ista duo non posse coniungi in eodem; ut vero respondeant obiectionibus contra hoc factis, supponunt, bonum & malum, cum ita sumuntur, non conuenire actui respectu eiusdem, sed respectu diuersorum: dicitur. n. bonus respectu obiecti, & malus respectu finis, aut alterius circumstantiæ; & ex hoc colligunt tria, quibus satisfaciunt illis obiectionibus; *primum est*, non esse inter hæc oppositionem, quæ impediatur ne coniungantur in eodem actu: idque explicant exemplo rerum naturalium, nam eadem res dicitur perfecta essentialiter, cum habet omnia quæ pertinent ad eius essentiam, & non perfecta simpliciter & totaliter, si desit ei aliquid eorum, quæ requiruntur ad perfectionem totalem, quamuis sit accidentale; *secundum est*, bonum & malum sic sumpta non ita mutant speciem actus, ut vnum impediatur, aut destruat speciem alterius, sed solum addendo nouam speciem, quod non est satis ut non possint conuenire simul eidem actui. *Tertium est*, maiorem oppositionem & repugnantiam esse inter veritatem & falsitatem, respectu eiusdem iudicii, quam inter bonum istud & malum, de quo loquimur, respectu eiusdem actus, quoniam veritas & falsitas, si conuenirent eidem iudicio, deberent conuenire ipsi respectu eiusdem obiecti. Ad *SECUNDVM* inconueniens, negant posse deduci ex sua sententia, quoniam Dionysius non loquitur de bonitate secundum quid, sed de bonitate simpliciter, & totali: & hæc deest actui habenti malum finem; & similiter ad *TERTIVM*, negant sequi ex ea, non. n. sufficit actui esse bonum secundum quid, ut sit meritorium, sed requiritur quod sit bonus omni ex parte, ne possit displicere Deo: & ita quæuis malitia venialis, quæ conuenit actui ratione mali finis adiuncti, non tollat ab eo bonitatem ab obiecto, nec à persona meriti æternæ vitæ, impedit tamen ne illo actu mereatur eam ut CAIET. aduertit, loco, quem statim referemus.

§. 4. Argumenta contra doctrinam traditam.

CONTRA CONCLUSIONEM hanc sentiunt *Ægidius* Rom. in 2. d. 37. q. 3. art. 3. in solutione primi CAIET. super art. 8. & 9. huius quæstionis in fine & tomo. 1. opusculi tract. qui inscribitur *de septemdecim responsionibus*, responsione 14. & aliqui ex recentioribus Thomistis qui sequentes CAIET. infr. quæst. 55. art. 4. concedunt, posse virtutem aliquam concurrere ad actum

malum ratione mali finis adiuncti; & cum eis referunt aliqui ALMA 1. sed immerito, nam in suis moralibus tract. 1. c. 11. circa. fin. & capite 12. dicit expresse electionem, cuius finis est malus non esse aliquo modo bonam. Potest autem hæc sententia contra nostram probari.

PRIMO, quia cum quis vult dare eleemosinam propter inanem gloriam, volitio sumit speciem ex obiecto, & ex consequenti ex parte ipsius est bona: patet consequentia, quia nulla posset assignari ratio, propter quam eleemosyna non specificat volitionem in posteriori casu, sicut in priori.

SECUNDO, virtus potest concurrere ad actum, qui ab operante ordinetur ad inanem gloriam: ergo etiam actus posset tunc sumere speciem & bonitatem ab obiecto illius virtutis, quamvis simul sumat malitiam ex fine adiuncto; consequentia patet; quia non potest actus procedere à virtute aliqua, quin ab ea participet suam bonitatem, scilicet eā, quæ sumi posset ex eius obiecto; & antecedens probatur primo in virtutibus intellectualibus, nam confessio fidei facta propter inanem gloriam, procedit à fide supernaturali, ut concedi solet ab expositioribus D. THOMÆ 2.2. q. 4. art. 5. & secundo probatur in moralibus, quoniam actus, quo quis vult reddere alteri, quod ei debet ex iustitia, quamvis habeat admixtum lene aliquod conuicium, aut ab ipso referatur ad inanem gloriam, procedit ex virtute iustitiæ. Et similiter procedit à virtute temperantiæ actus, quo quis vult comedere temperate, & servatis omnibus circumstantiis, quas ipsa temperantia postulat, secundum propriam rationem, quamvis ab operante ordinetur in malum finem. Et ratio utriusque est eadem, scilicet, quod virtus, sicut quicumque habitus, aut quæcumque potentia ibi potest operari, ubi adest proprium obiectum formale: neque potest impediri ratione alienius extrinseci.

Et Confirmatur quia cum quis ex virtute incipit exercere aliquem ex istis actibus, vel alium similem ut actum orationis, quamvis in continuatione referat eam ad inanem gloriam, non minus prompte & delectabiliter operatur, quam in principio; ergo signum est, quod etiam tunc operatur ex habitu virtutis, sicut in principio.

ULTIMO alius sequeretur, quod voluntas suscipiendi baptismum, aut patiendi martyrium, propter inanem gloriam, non sit bona; & ex consequenti quod neque realis susceptio baptismi, neque actualis permissio mortis in eodem casu sit bona moraliter: quoniam actus externi non possunt habere bonitatem moralem si interni à quibus prodeunt, careant ea; ex utroque autem sequitur suum inconueniens: ex primo quidem, quod cum ille, qui sic baptizatur, recipiat gratiam, (quoniam peccato veniali non poterit hoc impediri) si statim moriatur, consequetur beatitudinem sine proprio merito, quod in adultis videtur difficile, ex secundo vero, quod de paucissimis martyribus poterit certo constare, quod ipso martyrio fuerint consequuti beatitudinem; & quod ecclesia non habeat certum fundamentum, cui innixa possit hoc de quopiam iudicare: quoniam nullo signo externo potest infallibiliter cognosci, aliquem, cum patiebatur mortem caruisse appetitu inanis gloriæ.

§. 5. Solvuntur argumenta proxime adducta.

AD PRIMUM, concesso antecedenti, neganda est consequentia: & ratio discriminis est, quod in priori casu eleemosina secundum se, & sine ordine ad finem operantis, est volita sub ratione quadam obiectiva, pertinente ad genus moris; non autem in posteriori: quod quamvis ex argumentis factis pro utraque conclusione maneat aliquomodo explicatum, tamen adhuc est amplius explicandum. Pro quo ADVERTENDUM, quod quando vno actu volumus obiectum ipsius actus propter finem aliquem à nobis intentum, tunc assumimus obiectum illud, tanquam viam deducentem nos in finem, & tanquam medium proportionatum ipsi fini; & quoniam repugnat bono honesto, & conformi rectæ rationi, quatenus tale est, esse hoc modo viam aut ita proportionatum in ordine ad finem malum: ideo non potest esse volitum obiectum aliquod ut bonum honestum propter malum finem; & ita eleemosina secundum propriam rationem obiectivam pertinentem ad genus moris, quæ est determinata bonitas honesta, & certa quædam conformitas ad rationem, non potest esse volita propter aliquem malum finem. Quare cum aliquis dicit se velle dare eleemosinam propter inanem gloriam, quamvis dicat se appetere honestatem eleemosinæ, non appetit eam, sed solum vult actum eleemosinæ quatenus est bonum quoddam naturale, & ordinat eum in finem à se intentum. At vero quando obiectum & finis sunt eiusdem ordinis in genere moris, hoc est utrique convenit bonitas aut malicia, ut contingit in casu antecedentis illius argumenti, est longe diversa ratio: quoniam cum vnum bonum sit medium proportionatum in ordine ad aliud bonum, & vnum malum in ordine ad aliud malum, non repugnat quod obiectum bonum, quatenus habet bonitatem obiectivam in genere moris, sit volitum propter finem bonum, & ex consequenti, quod det speciem actui in isto genere, & idem dicendum est de obiecto malo respectu finis mali.

Quod si adhuc obijcias, actum non minus libere terminari ad eleemosinam in casu consequentis, quam in casu antecedentis, atque proinde non minus pertinere ad genus moris; Respondetur, quod quamvis libertas requiratur ut aliquis actus pertineat ad genus moris, non tamen est formaliter ipsum esse morale, sed eius fundamentum, ut explicui articulo primo huius quæstionis: & ideo non sufficit, actum terminari libere ad aliquod obiectum, ut, quatenus ita terminatur, pertineat ad genus moris; sed ulterius requiritur, quod terminetur ad ipsum quatenus habet rationem aliquam obiectivam pertinentem ad genus moris, quam tamen non habet eleemosina in casu consequentis, ut dixi. Quomodo vero actus ille, quatenus terminatur ad eleemosinam, non habeat bonitatem nec malitiam moralem, sed solum bonitatem naturalem, explicari posset exemplo actus fidei, qui, si consideretur præcise quatenus procedit ex virtute fidei, solum habet quod sit verus, & ut sic nec est bonus nec malus moraliter, ut statim dicam.

AD SECUNDUM Respondetur, negando antecedens,

des, si intelligatur de virtutibus moralibus, in quibus solū potest habere difficultatē: & non in pure intellectualibus, quoniam cum iste ex propria ratione non inclinet ad bonum morale, sed ad verum, non est necessarium quod actus, quatenus procedit ab eis, sit bonus moraliter; & ideo quamuis recipiat malitiam ratione mali finis adiuncti: non sequitur contra nostram conclusionem, quod simul habeat bonitatem ex obiecto, & malitiam ex fine. Et ita patet solutio ad primam probationem illius antecedentis, quoniam licet concedatur intentum de virtute fidei, nihil efficitur contra nostram sententiam; quoniam fides ex propria ratione solum respicit verum, & ideo actus, quatenus procedit ab ea, solum habet quod sit verus, & abstrahit à bonitate & malitia morali. Ad secundam probationem negandum est virtutes iustitiæ & temperantiæ concurrere ad illos actus: & ad rationē, qua de veraque probatur oppositum, respondetur, in illo casu non adesse obiectum formale virtutis, quod semper debet esse conforme rectæ rationi, quamuis pro diuersitate virtutum importet diuersas conformitates.

Ad confirmationem respondetur, quod in illo casu promptitudo & delectatio in operatione non prouenit ex habitu virtutis, sed ex aliqua dispositione proxima & conformi ipsi virtuti, & ex remotione impedimentorum tacta exercitio actus, & ex motu inanis gloriæ, quod maxime rapit voluntatem.

Ad ultimum respondetur concedendo sequentiam, & ad primum inconueniens quod inde deducitur, multi cōcedunt, quod cum dispositio, qua suscipitur baptismus, est peccatum veniale ratione mali finis adiuncti, posset adultus consequi beatitudinem sine proprio merito, per meritum Christi sibi applicatum in baptismo: sicut contingit in pueris baptisatis decedentibus ante usum rationis; & mihi videtur necessario concedendum, nisi velimus recurrere ad diuinam prouidentiam impediētem ne iste adultus moriatur cum gratia recepta in baptismo, priusquam habeat aliquem actum meritorium, sicut in alijs casibus solet dici à Theologis; sed de hoc diximus in materia de gratia.

Ad secundum inconueniens respondetur primo quod, supposita sententia eorum, qui dicunt, martyrium conferre gratiam ex opere operato, non habet peculiarem difficultatem: quoniam, sicut culpa venialis in recipiente baptismum non impedit ne per baptismum conferatur ipsi gratia: ita etiam non impedit in eo qui patitur martyrium, ne per martyrium conferatur ei gratia, dummodo ad sint omnia, quæ ad essentiam martyrii requiruntur. Dixi tamen, non esse peculiarem difficultatem in hoc inconuenienti supposita ista sententia, quoniam restat difficultas prioris inconuenientis, scilicet, quod adultus, qui nunquam habuit actum meritorium, & patitur isto modo mortem pro Christo, consequatur beatitudinem sine proprio merito.

Secundo Respondetur, iuxta sententiam aliorum, qui dicunt, in martyrio non conferri gratiam ex opere operato, sed solum ex opere operantis, credendum esse de diuina misericordia, quod non permittet illos ita mori, quia saltem in fine mutabuntur voluntates, & morientur non intendendo inanem gloriam; neque deest ecclesiasticum fir-

A mamentū, ad iudicandum cōsequutum fuisse beatitudinem, eum, qui passus est mortem pro Christo, quoniam habet assistentiam sancti spiritus, cui præcipue innititur in hoc iudicio, & non externis testimonijs, aut signis; quamuis hæc etiam suo modo requirantur, vt dici solet in materia de canonizatione sanctorum.

§. 6. De obiecto malo & fine bono.

ULTIMA CONCLUSIO, cum obiectum operis est malum, & finis operantis bonus (vt cum quis vult furari vt det elemosinam) dicendum est, actum non esse simul bonum & malum, sed malum tantum; & non habere duas malitias specie distinctas, sed unam tantum quam sumit ab obiecto. PRIMÆ PARS videtur euidens, quoniam si actus ille esset bonus maxime est ratione finis; scilicet elemosinæ: sed in isto casu finis iste non est bonus; ergo actus ille nulla ex parte est bonus; maior patet, quoniam actus ille non potest esse bonus ratione obiecti, scilicet furti; præter obiectum autem nihil restat, à quo possit sumere bonitatem, nisi finis; & minor probatur, quia finis in isto casu non est volitus absolute, & sine ordine ad media in communi, & indistincte; sed determinate, in ordine ad medium malum, scilicet furtum: itaque non est volitus nisi per hoc medium; sed finis vt volitus per medium malum, non potest esse bonus: quia medium malum non est proportionatum ad perueniendum in finem bonum: ergo finis in isto casu non est bonus.

Confirmatur, quia velle dare elemosinam ex re furto sublata, & contra voluntatem veri domini, non est consonum rectæ rationi: & ex consequenti non est bonum; ergo neque velle furari ad dandum elemosinam.

SECUNDA ETIAM PARS probatur, & imprimis quod actus ille sumat speciem mali ex obiecto, patet, quoniam est dissonus regulæ prohibenti furtum: ergo habet malitiam furti; & ex consequenti sumit hanc speciem mali ex obiecto: quoniam non potest sumere eam ex alio. Quod vero præter hanc speciem mali non sumat aliam ex fine, probatur, quoniam finis (& idem est de obiecto) non dat actui speciem aliquam mali, nisi quatenus ipse habet eam obiectiue, vt dixi articulo primo huius questionis: sed elemosina, quæ est finis huius actus, non habet malitiam obiectiuam specie distinctam à malitia furti; ergo neque dat eam actui. Probatur minor quia elemosina solum est mala, in quantum volita per illud medium, scilicet per furtum, vt constat ex probatione præcedentis partis.

Confirmatur, primo actus iste solum est contra præceptum prohibens furtum: ergo habet malitiam furti, & ex consequenti non habet aliam specie distinctam, quæ sumatur ex fine.

Confirmatur secundo, quia non poterit explicari ad quam speciem mali pertineret altera species mali sumpta ex fine.

SED ALIQUIBUS non placet ista secunda pars, existimant enim semper actum sumere à fine speciem aliquam pertinentem ad genus moris: & cōsequenter dicunt, actum, de quo loquimur, habere duas species mali morales, alteram sumptam ex obiecto, & alteram sumptam ex fine. Et ad nostrum

argumentum

argumentum respondeat, finem huius actus habere malitiam quandam obiectiuam specie distinctam à malitia furti, quod vt explicent. *aduersum*, quod sicut liberalitas est virtus quædam cõsistens in medio, & habet duo extrema sibi opposita, quorum alterum est vitiosum secundum defectum, & appellatur auaricia; & alterum secundum excessum, & appellatur prodigalitas: sic etiam miscordia, ad quam pertinet eleemosina, habet duo extrema opposita, quibus non sunt imposita nomina, & alterum vitiosum secundum defectum, quia deficit à medijs præscriptis à ratione ad benefaciendum; & alterum secundum excessum, quia transgreditur huiusmodi media, & extenditur ad alia prohibita, vt ad furtum, & alia similia. Et ad hoc secundum dicunt pertinere finem huius actus: nam quamuis appellatur eleemosina, non est vere eleemosina, sed modus quidam benefaciendi indigenti inordinatus, secundum excessum; & ita iuxta eorum sententiam, qui vult furari vt det eleemosinam, habet affectum furandi, & inordinate secundum excessum subueniendi indigenti, & ex consequenti eius volitio habet duas inordinationes & malitias morales specie distinctas.

VERVM sententia hæc falsa est: *primo*, quia sequeretur, quod qui vult furari vt det eleemosinam committat duplex peccatum, alterum furti, & alterum illius inordinate & nimix voluntatis benefaciendi: quod videtur difficile, alias etiam qui prodige effundit bona sua vt placeat amicis, committeret duo peccata, alterum prodigalitatit, & alterum nimij amoris amicorum. *Secundo* probatur, quia solutio, quam isti adhibent nostro argumento, est insufficiens: quod sic ostendo, voluntas benefaciendi indigenti non potest esse nimia, neque inordinata secundum excessum, nisi quatenus extenditur ad media illicita, & prohibita; ergo solum habet malitiam mediorum; & ex consequenti, in isto casu, solum habet malitiam furti.

Confirmatur, quia volitio ista solum est dissona legi, quatenus est contra præceptum prohibens furtum: ergo solum habet malitiam furti. *Præterea*, isti duo actus, *volo furari vt det eleemosinam*, & *volo furari vt aliquid offeram in cultum Dei*, sunt eiuldem speciei in genere moris: ergo vterque habet solum malitiam furti.

§. 7. Dua difficultates expenduntur.

SED CONTRA CONCLUSIONEM hanc argumentor, & *primo contra priorem partem* eius: isti duo actus, *volo iurare vt det eleemosinam*, & *volo furari vt det eleemosinam*, habent eundem finem, scilicet eleemosinam: sed primus sumit speciem boni ex illo fine, ergo & secundus, & ex consequenti habet bonitatem sumptam ex eleemosina, & malitiam sumptam ex furto.

Secundo argumentor *contra secundam partem*: actus, quo quis vult occidere hominem, vt furetur, habet duas species in genere moris, alteram sumptam ex obiecto, & alteram sumptam ex fine: ergo etiam actus quo quis vult furari vt det eleemosinam; patet consequentia ex paritate rationis; sicut. n. furtum est volitum priori actu, vt finis homicidij: ita etiam eleemosina est volita posteriori actu, vt finis furti: ergo sicut prior

A actus sumit à furto speciem in genere moris, distinctam ab altera, quam sumit ab homicidio: ita etiam posterior actus præter speciem quam sumit à furto, sumet alteram ab eleemosina.

Confirmatur quia Diu. THOMAS articulo sequenti, inquit, quod quando obiectum non est per se ordinatum ad finem, tunc actus moralis est sub duabus speciebus, quasi disparatis; & paulo superius, vt explicet, quomodo obiectum non sit per se ordinatum ad finem, vtitur hoc exemplo, sicut accipere rem alienam, per accidens ordinatur ad dandum eleemosinam.

AD PRIMUM vt respondeamus, *supponendum est*, finem, quatenus terminat actus morales, dupliciter posse considerari, scilicet *in genere rei*, hoc est materialiter, & secundum substantiam rei, quæ est finis; aut *in genere obiecti*, hoc est formaliter, & secundum eam rationem, qua terminat actus morales, quatenus distinguuntur ab actibus pertinentibus ad genus naturæ:

Si priori modo sumatur, neque specificat, neque distinguit actus morales: sicut vniuersaliter, obiecta quorumcumque habituum materialiter sumpta non specificant, neque distinguunt eorum actus; nam eadem propositio potest terminare assensus pertinentes ad scientias specie distinctas, imo & assensus fidei, scientiæ, & opinionis. *Si vero* sumatur *posteriori modo*, sic dat speciem actibus moralibus, & obiecta habituum (vt in eodem exemplo persistamus) formaliter sumpta & quatenus pertinent ad genus obiecti, specificant eorum actus; & hoc supposito, *dico*, actus illos, qui in argumento referuntur, habere eundem finem materialiter, non tamen formaliter: quoniam prior terminatur ad eleemosinam quatenus est conformis recte rationi, posterior vero terminatur ad eam abstrahendo ab omni ordine ad rationem, & quatenus solum pertinet ad genus naturæ, vt statim magis explicabo; & ideo, quamuis prior actus sumatur ab eleemosina specie aliquam pertinentem ad genus moris, scilicet bonitatem, non sequitur esse credendum idem de posteriori.

AD SECUNDVM, omnes, qui nobiscum conueniunt in illa conclusione, concedunt antecedens, & negant consequentiam: sed in assignanda ratione disparitatis magna est sententiarum diuersitas; **NAM IMPRIMIS** ALIQUI dicunt, quod quia bonum confurgit ex integra causa, & malum ex quocumque defectu, iuxta sententiam Dionysii cap. 4. de diu. nomi. ideo sufficit, esse malum finem, aut medium, vt actus sit malus; & non sufficit finem esse bonum, vt actus sit bonus; & præterea furtum, in casu antecedentis, dat actui speciem mali, & eleemosina in casu consequentis non dat actui speciem boni.

Sed tamen hæc solutio videtur insufficiens, quoniam in ea solum explicatur ratio, propter quam actus, qui refertur in consequenti, non sit bonus: non tamen vnde proueniat, quod finis operantis interdum det speciem actui, vt in casu antecedentis; & interdum non, vt in casu consequentis.

Alij quali hoc explicant, dicunt, quod finis in vtroque casu est de se sufficiens ad dandum speciem actui: cæterum in posteriori impeditur ab obiecto, ratione cuius, actus redditur incapax bonitatis ipsius finis, scilicet eleemo-

sinæ; &

linæ; & ideo tunc actus solum habet unam speciem in genere moris, & sumit eam ab obiecto.

Sed neque hæc solutio mihi videtur sufficere, quia si eleemosina, quatenus est finis secundi actus, habet omnia quæ requiruntur, ut det actui speciem in genere moris: impossibile est, quod non det eam actui terminato liberè ad ipsam, qualis est iste, de quo loquimur, quod sic probat: actus ipse terminatur liberè ad eleemosinam ut ad finem pertinentem obiectivè ad genus moris; ergo sumit ab eo aliquod esse morale; & hæc consequentia, supposito antecedenti, est evidens ex ijs, quæ diximus articulo primo & secundo huius quæstionis.

Ideo aliter respondetur consequenter ad ea, quæ hactenus diximus, rationem discriminis esse, quod finis in casu antecedentis importat specialem ordinem dissonantiæ ad rationem, & distinctum ab eo, quem importat obiectum; quia furari, etiam si non esset volitum per medium illud malum, scilicet, per homicidium, esset malum, & ideo habet totum quod requiritur, ut det actui speciem: at vero in casu consequentis non importat aliquam dissonantiam, nisi præcisè ratione mediij, ut paulo superius probavi: neque etiam importat conformitatem ad rationem, aut bonitatem aliquam, ut constat ex probatione primæ partis huius conclusionis: & ideo nullam speciem potest dare actui distinctam ab ea, quam actus sumit ab obiecto, quoniam species actuum in genere moris sumuntur ab obiectis moralibus.

SED UT INTELLIGATUR, qua ratione eleemosina terminat actum istum, & reddatur mala ratione furti. ADVERTENDUM, quod eleemosina in illo casu dupliciter considerari potest: primo secundum se, & quatenus habet rationem motui formalis respectu furti; quamvis enim sit volita uno & eodem actu cum furto: tamen habet se respectu furti ut ratio à priori in genere causæ finalis, alias non haberet rationem finis respectu ipsius; & isto modo considerata nullam importat rationem obiectivam pertinentem ad genus moris, sed solum actum ipsum in genere naturæ, scilicet, in quantum est collocatio agentis, aut alterius rei, in manu pauperis: & ut sic terminat actum voluntatis, quatenus distinguitur à furto; & ideo non dat actui speciem aliquam in genere moris, quia ut sæpe dixi, obiectum secundum suum esse naturale non dat speciem actui in isto genere, sed solum quatenus morale est; secundo modo potest considerari eadem eleemosina quatenus est volita per tale medium, scilicet, per furtum, & sequitur ex eo: & sic importat rationem obiectivam pertinentem ad genus moris, non tamen distinctam ab ea, quam importat furtum, sed eandem ut continuatam; est enim illa eleemosina, aut rectius illa collocatio rei alienæ in manu pauperis, quædam continuatio furti, ut dicebam articulo præcedenti, & ut sic terminat actum voluntatis eleemosina isto modo considerata, & ideo non dat ei speciem aliquam mali distinctam ab specie furti, sed continuationem eiusdem maliciæ.

SED OBSTAT, actus ille, de quo loquimur, prout terminatur ad eleemosinam secundum se,

habet rationem intentionis: sed intentio est actus moralis, ergo etiam eleemosina secundum se, & abstrahendo à furto, est obiectum morale; Respondetur, negando maiorem, quoniam quando uno actu volumus finem & media; non sunt in eo rationes intentionis & electionis, sed solum ratio electionis: quoniam intentio non respicit finem descendendo ab ipso ad media, est enim intentio, volitio finis cum ordine ad media, in communi, hoc est, quatenus potest obtineri per media; itaque actus ille simpliciter & omnino est electio, sicut actus quo assentimur conclusioni propter præmissas, quamvis terminetur ad conclusionem & ad principia, non dicitur intellectus, sicut assensus principiorum, sed simpliciter & omnino est assensus scientificus. Neque obstat distinctio obiectorum, scilicet, finis, & mediij, aut eleemosinæ & furti; & quod unum sit volitum, propter aliud; quoniam in isto casu & univèrsaliter, quoties appetuntur eodem actu, non distinguuntur ut duo obiecta totalia sed tanquam partialia constituentia unum totale, in quo mediū se habet ut materiale, & finis ut formale, & ut ratio à priori volendi mediū, aut, ut actus terminetur ad medium: & hoc est satis, ut in isto casu medium dicatur volitum propter finem, & furtum propter eleemosinam: quoniam particula, propter, non importat causalitatem ex parte actus, sed rationem à priori ex parte obiecti, ut optime explicat CAJETAN. superius quæstione octava, articulo tertio. Neque etiam est inconueniens, quod eleemosina secundum suum esse naturale sit ratio à priori ex parte obiecti, quod actus voluntatis terminetur ad furtum: quoniam perfectio naturalis bene potest esse ratio volendi id, quod est malum morale, propter proportionem quæ potest reperiri inter hæc in ratione mediij & finis; sæpe enim id, quod est malum morale potest adiuvari ad consequendum aliquam perfectionem naturalem.

Ad confirmationem respondetur, DIVVM THOMAM loqui in casu, quo obiectum & finis terminant actum voluntatis secundum rationes aliquas obiectivas pertinentes ad genus moris: neque obstat, quod usus fuerit illo exemplo, quoniam tantum id fecit, ut explicaret, quomodo obiectum non sit per se ordinatum ad finem, quia ibi hoc apertius cernitur, cum furtum nullam habeat proportionem ex natura sua cum bonitate misericordiæ, quam haberet finis, scilicet, eleemosina, nisi obstarat medium assumptum; non tamen quia senserit esse in eo intelligendam suam regulam, & ita quasi consulto, quamvis prius usus fuisset illo exemplo, tamen postea, cum tradidit regulam, non est usus eo, sed alio, scilicet, eius qui furatur, ut mæchetur.

DUBIUM II.

*Vtra species primò conueniat actui,
ex obiecto operis, an ex fine
operantis?*

SECUNDO DUBITATUR consequenter, an cum actus habet duas species in genere moris, alteram sumptam ex obiecto, & alteram ex fine, conueniant ei ambæ æque primo & immediate: an vero vna conueniat prius altera? quod est inquirere, an vna earum sit substantialis, & essentialis: & altera accidentalis: nam sicut in substantijs primum esse specificum est substantiale & essentialis, & quod postea eis aduenit, est accidentale: ita in actibus primum esse specificum poterit dici substantiale & essentialis, & quod ei superadditur, dicetur accidentale: quoniam habent inter se ordinem, sicut esse substantiale & accidentale: debetque hoc intelligi de actu, non in genere naturæ, sed in genere moris, *tum quia* cum utrumque esse specificum, de quo loquimur, pertineat ad genus moris, neutrum eorum poterit conuenire actui in genere naturæ; *tum etiam* quia utrumque supponit specificationem actus in genere naturæ, & ex consequenti accidit ei.

RESPONDETUR breuiter, duas istas species habere inter se ordinem in genere moris, ita ut vna præsupponatur alteri, non quidem ex natura rei, sed ex intentione operantis; probatur, quoniam operans in isto casu non vult obiectum & finem æque primo, & æque immediate: sed vnum in ordine ad alteram; ergo similiter actus sumet ab eis duas specificationes seruato aliquo ordine, ita ut vna præsupponatur alteri.

Neq̃ue obstat, quod **DIVVS THOMAS** articulo sequenti, dicat, actum humanum in isto casu esse sub duabus speciebus quasi disparatis: *quoniam* non negat esse inter eas ordinem, secundum quem vna præsupponatur alteri: sed superioris & inferioris, ut constat ex intentione ipsius articuli. An vero aliquando actus humanus possit habere plures species in genere moris, inter quas nullus omnino sit ordo, solet disputari ab aliquibus, sup. quæst. 1. articulo sexto, circa solutionem tertij, & nos aliquid dicemus de eo articulo sequenti circa solutionem primi, ubi **DIVVS THOMAS** eandem repetit difficultatem.

CÆTERVM dato quod prædictæ duæ species conueniant actui seruato illo ordine inter se: quænam earum conuenit primo? an illa quæ sumitur ex obiecto operis, an vero illa quæ sumitur ex fine operantis?

§. 1. *Dua opinioniones cum motibus ipsarum.*

IN HAC RE variz sunt sententiz. **PRIMA** est **CAIETANI** qui articulo quarto huius quæstionis dicit, finem operantis esse specificatum actus

A eliciti à voluntate, & ex consequenti etiam externi, aut imperati, quatenus ei subordinatur obiectum vero operis esse circumstantiâ eorū & solum specificare actum externum sumptū materialiter aut secundum se, & sine subordinatione ad internum: quod est idem, atque si diceret primam aut substantialem speciem actus interni & externi, quatenus ei subordinatur, sumi à fine operantis; & ab obiecto sumi secundam & accidentalem, quæ respectu actus externi considerati secundum se est essentialis; & probatur hæc sententia **PRIMO**, quicumque terminus, siue sit obiectum, siue finis, solum specificat actum, in quantum est eo volutus: sed finis in casu nostro est prius volutus quam obiectum operis; ergo etiam specificat actum, prius quam obiectum; probatur **MINOR**, quia finis est ratio à priori volendi obiectum: nam qui vult occidere ut morietur vult occidere, & morietur, & quia vult morietur ideo vult occidere, ergo finis est prius volutus.

SECUNDO, actus est in genere moris in quantum voluntarius: sed in quantum voluntarius specificatur primo & essentialiter à fine: ergo & in quantum moralis; Probatur minor, quia finis est obiectum actus voluntarij, ergo sicut reliqui actus specificantur primo & essentialiter à suis obiectis, ita actus voluntarius in fine.

TERTIO, primum motuum voluntatis ad appetendum est ratio formalis obiectiua specificans primo actum voluntatis: sed finis operantis est primum motuum voluntatis in nostro casu, quoniam ab eo mouetur voluntas ad volendum obiectum operis tanquam medium: ergo à fine operantis sumitur prima & essentialis specificatio actus voluntatis.

Confirmatur, quia specificatio essentialis assensus intellectus sumitur ex medio, quo intellectus determinatur ad assentiendum alicui veritati, & non ab ipsa veritate materialiter sumpta: ergo similiter specificatio essentialis actus voluntatis sumitur à motu, quo voluntas mouetur ad volendum aliquod obiectum, scilicet à fine operantis; & non ab ipso obiecto; *consequenter* patet ex paritate rationis, & *antecegens* probatur, nam respectu eiusdem propositionis potest intellectus habere assensus specie distinctos propter diuersitatem mediorum.

QUARTO **ARISTOTELES** quinto Ethicorum capite secundo, iuxta translationem Argyropiti, inquit, quod, si quis lucrandi causa morietur, & pecunias accipiat, iniustus est, non intemperans: ex quo loco **DIVVS THOMAS** in fine huius articuli colligit, **ARISTOTELEM** sensisse, quod qui furatur ut committat adulterium, est per se loquendo magis adulter, quam fur; & ex hoc aperte colligitur hæc sententia **CAIETANI** quoniam in isto casu adulterium est finis operantis; & furtum est obiectum operis.

Dicit **ARISTOTELEM** non dixisse ipsum esse magis in specie adulterij, quam furti: sed operantem esse magis adulterium, quam furtum; *sed contra* operans denominatur fur & adulter in suo actu, ergo si dicitur magis adulter, quam fur, etiam suus actus est magis in specie adulterij quam furti.

VLTIMO probatur hæc sententia testimoniis **D. THO.** nam hoc ait. in corpore inquit, quod, sicut actus exterior accipit speciem ab obiecto, circa quod versatur: sic actus interior accipit speciem à fine,

à fine sicut à proprio obiecto; & in solutione secundi argumenti inquit, quod, quamvis ordinari in finem accidat actui exteriori, non accidit actui interiori voluntatis; & supra q. 13. art. 1. inquit, quod si quis exerceat actum fortitudinis propter Dei amorem, actus ille materialiter est fortitudinis, formaliter vero charitatis, & q. 8. art. 3. & q. 12. art. 4. docet, quod, quando idem numero actus voluntatis terminatur ad medium & ad finem, tunc finis comparatur ad medium sicut ratio formalis ad obiectum, & sicut terminus motus ad motum: constat autem quod obiectum materialiter sumptum non dat speciem actui, sed quatenus subest rationi formali, cum idem obiectum materialiter sumptum possit, quatenus subest diuersis rationibus formalibus, terminare actus specie distinctos; neque motus sumit speciem à medio sed à termino.

SECUNDA SENTENTIA est quorundam recentiorum, qui in hac questione dicunt duo: *primum* est, speciem quæ sumitur ab obiecto, esse primam & essentialem; eam vero quæ sumitur à fine, esse accidentalem; & ex consequenti, finem, respectu illius actus, habere rationem circumstantiæ. *Alterum* est, speciem, quæ sumitur ex fine, esse magis principalem & præcipuam; itaque in istorum sententiam, cum quis vult furari ut mechetur, actus iste substantialiter & accidentaliter est furtum, sed principaliter est adulterium, argumenta, quibus isti probant priorem propositionem, adducam postea; ea vero quibus probant posteriorem sunt hæc. *Primum* actio humana in tantum est mala, in quantum voluntaria: sed qui vult furari propter mæchiam, potius vult mæchiam, ut per se notum est; ergo est magis mæchus quam fur. *Secundum*, actus imperans potior est quam actus imperatus: sed, quando quis vult furari propter mæchiam, imperat sibi furtum ex volitione mæchiæ; ergo est magis mæchus quam fur.

5. 2. Resolutio dubij.

SIT PRIMA CONCLUSIO, *actus externus, aut qui-
cunque imperatus sine sumatur materialiter & secundum se, sine formaliter & quatenus subest ordinationi & imperio voluntatis; sumit in isto casu primam & essentialem speciem ex obiecto.* dixi in principio, huius conclusionis, aut quicumque imperatus, ut comprehenderem simul omnes actus imperatos, etiam illos, qui alias sunt elicit à voluntate: ut cum voluntas vno actu applicat se, aut mouet seipsam ad eliciendum alium actum; quoniam omnibus istis commune est, posse ordinari in finem operantis distinctum à proprio obiecto; & ita de omnibus intelligitur nostra conclusio: *In cuius prioris parte* conueniunt omnes, ut hic explicat CAISTANVS circa solutionem; & probatur euidenter, quoniam quicumque ex actibus istis considerato secundum se, & secundum suam naturam, accidit ordinari in finem operantis, qui sit distinctus à proprio obiecto: ergo etiam accidit ei species, quam ex huiusmodi ordinatione participat, & ex consequenti ea, quam sumit ex proprio obiecto, est in ipso prima & essentialis.

Quod si quæras, an species, quæ ratione obiectorum conueniunt actibus istis consideratis secundum se

A & sine subordinatione ad imperium voluntatis, pertineat ad genus moris: *respondetur* affirmatiue quamvis non in omnibus pertineat eodem modo; nam in actibus, qui non sunt elicit à voluntate, solum pertinent obiectiue: quia cum actus isti neque eliciantur à voluntate, neque considerentur ut imperati ab ipsa, non possunt importare ordinem ad regulam morum tanquam actus humani, sed solum tanquam obiecta, ut explicui articulo primo huius questionis; in actibus vero elicitis à voluntate peruenit formaliter: quoniam licet actus isti considerentur sine subordinatione ad imperium voluntatis, satis est quod sint elicit ab ea, ut, tanquam actus humani, importent ordinem ad regulam morum, & hoc est satis ut pertineant formaliter ad genus moris, ut eodem loco explicui.

ALII SEQUENTES CONTRA. in hoc articulo aliter explicant discrimen hoc, dicunt enim species priorum actuum pertinere ad genus moris incomplete, & in potentia: & species posteriorum pertinere complete & actu; verum isti sensu conueniunt nobiscum & solum differunt verbis: totam enim rationem huius discriminis dicunt esse, quod priores actus non emanant actu à voluntate sed possunt emanare, posteriores autem procedunt ab ea.

SECUNDAM PARTEM negant CAIST. & omnes, qui magis consequenter loquuntur, cum defendunt, primam & essentialem speciem actus voluntatis sumi ex fine operantis: quoniam vix poterit hoc defendi admittendo illa parte; *sed contra eos* probatur PRIMO, quoniam alias sequeretur quod actus elicitus ab una virtute & imperatus ab alia non sumat speciem essentialem ab obiecto virtutis elicientis ipsum.

SECUNDO, ordinari aliquem ex istis actibus à voluntate in finem operantis non mutat eius naturam: ergo si ipse actus secundum se sumptus sumit speciem essentialem ex suo obiecto, ut constat ex precedenti parte, etiam ut ordinatus in finem illum, manebit eodem modo specificatus; & ex consequenti erit in ipso prima & essentialis illa species, quæ sumitur ex eius obiecto.

CONFIRMATUR, actus iste non ordinatur à voluntate in finem operantis, nisi ut terminatus ad suum obiectum, & ex consequenti ut specificatus ab ipso; nam, verbi gratia, qui vult furari propter mæchiam non ordinat ad mæchiam actum in communi, sed actum terminatum ad certum terminum, & specificatum ab eo, scilicet actum furandi: sed huiusmodi specificatio non tollitur ab actu propter superuenientem ordinationem in finem; ergo actus, etiam, ut subest huic ordinationi, manet eodem modo specificatus, & ex consequenti specificatio, quam habet à suo obiecto, est in ipso prima, & essentialis.

ET TANDEM hæc videtur esse expressa sententia DIU. THOM. supr. q. 7. art. 3. ad 3. ubi inquit, finem adiunctum, qualis est liberatio patriæ, cum quis vult propter eam fortiter agere, esse circumstantiam actus; ex quo aperte sequitur, non sumi ex eo primam & essentialem speciem actus, quoniam circumstantia est accidens actus, etiam quatenus pertinet ad genus moris.

Neque potest dici, quod ibi loquatur de actu illo considerato secundum se, & non quatenus

subest ordinationi, aut imperio voluntatis : quoniam statim articulo sequenti probat, finem esse circumstantiam primam inter omnes, quoniam est obiectum, & motuum voluntatis, à qua habent actus quod sint proprie humani, & voluntarij; vbi expresse docet, finem esse circumstantiam actus, quatenus procedit à voluntate.

SECUNDA CONCLUSIO, etiam actus, quo voluntas vult aliquem ex istis actibus imperatis, de quibus loquimur, propter finem operantis, sumit in isto casu primam & essentialem speciem ab obiecto operis; ita tenent CONRADVS in hoc articulo, quamvis ab alijs referatur pro opposita sententia; & aliqui ex recentioribus; & probatur PRIMO testimonijs Diu. THOMÆ, nam in primis artic. 2. huius quæstionis docet, quod sicut species & prima bonitas rei naturalis sumitur ex sua forma: ita etiam species & prima bonitas actus moralis sumitur ex obiecto; & loquitur etiam de actu voluntatis, vt constat ex solutione ultimi argumenti; quod si dicas, nomine obiecti comprehendendi finem adiunctum; facile poteris impugnari, quoniam statim artic. 4. distinguit Diu. THOMAS bonitatem, quæ sumitur ex obiecto, ab ea, quæ sumitur ex fine: & priorem appellat bonitatem secundum speciem. Item 2. 2. q. 11. art. 1. ad secundum inquit, quod vitia habent speciem ex fine proximo, & statim apponit hoc exemplum, sicut cum aliquis machatur vt furetur, est ibi quidem species machiæ ex proprio fine & obiecto.

SECUNDO probatur ratione, quoniam eadem omnino est bonitas aut malitia moralis in actu imperato & imperante, sed in actu imperato bonitas aut malitia, quæ sumitur ex obiecto, præcedit eam, quæ sumitur ex fine, vt iam probauimus: ergo etiam in actu imperante.

TERTIO, iste actus voluntatis, de quo loquimur, est electio: ergo non sumit primam & essentialem speciem in fine, sed à medio, atque proinde ab obiecto.

Confirmatur, electio prius attingit medium, quam finem, est enim ascensus à medijs ad finem; sicut è conuerso, intentio est quasi quidam descensus à fine ad media; ergo prius sumit bonitatem aut malitiam à medio, quam à fine operantis, quando medium est tale, vt ex eo possit sumi, sicut contingit in nostro casu.

Ex his duabus conclusionibus sequitur, finem operantis posse habere rationem circumstantiæ, non solum respectu actus externi aut imperati, considerati secundum se, sed etiam respectu eiusdem, quatenus subest actui imperanti, imò & respectu ipsius imperantis. Probat, quoniam in casu nostro dat eis speciem secundariam, & accidentalem.

VLTIMA CONCLUSIO, magis præcipua est in actu species, quæ sumitur ex obiecto; quam ea, quæ sumitur ex fine operantis. Hanc statim contra authores secundæ sententiæ: & pro eius explicatione & probatione ADVERTENDVM est, duas illas species posse dupliciter comparari inter se, primo quantum ad bonitatem aut malitiam, vt si quæras quæ earum sit magis bona, aut mala, & denominet actum magis bonum aut malum; secundo, quantum ad modum, quo conueniunt ipsi actui, vt si quæras, quæ earum conueniat magis præcipue actui, & teneat in eo

A magis præcipuum locum, ita vt ab ipsa denominetur actus magis præcipue, & magis principaliter. In nostra conclusione non comparantur priori modo, quoniam indifferenter potest specificatum, quod excedit in bonitate aut malitia, assumi pro obiecto operis aut pro fine operantis, vt indifferenter potest aliquis velle furari vt occidat, aut è conuerso occidere vt furetur; sed cōparantur posteriori modo; itaque sensus conclusionis est, speciem, quæ sumitur ex obiecto, magis præcipue cōuenire actui, & denominare ipsum, quam speciem, quæ sumitur ex fine operantis; vt cū quis vult furari vt machetur, actus iste magis præcipue & magis principaliter erit & dicetur furtum, quam adulterium.

HÆC CONCLUSIO ita explicata sequitur meo iudicio, euidenter ex præcedenti; nam cuiusque rei conuenit magis præcipue id, quod pertinet ad eius essentiam, quam id, quod in ea est accidentale: si ergo species, quæ sumitur ex obiecto, est prima & essentialis in actu, de quo loquimur, vt ibi probauimus; etiā conueniet ei magis præcipue, quā ea, quæ sumitur ex fine operantis, quæ est in eo accidentalis.

§. 3. Solutio argumentorum primæ sententiæ.

AD PRIMUM primæ sententiæ, cōcessa maiori neganda est minor, & ad probationem, dicendum est, quod, vt finis dicatur in illo casu ratio à priori volendi obiectum, nō est necessarium, quod illo actu, de quo loquimur, sit prius volitus, quam medium: sed satis est, quod obiectum attrahat, & moueat voluntatem, & terminet eius actum, vt subordinatū ipsi fini, sicut finis semper est ratio à priori eligendi media, & tamen electio non incipit à fine, sed à medijs. Sicut etiam assensus conclusionis, qui demonstratione producit, habet pro ratione formali & à priori principia, ex quibus ipsa conclusio deducitur, & tamen non terminatur immediate ad principia, quoniam est assensus sciētificus, sed ad conclusionem.

AD SECUNDVM, concessa maiori, si particula *in quantum* non importat rationem formalem, sed fundamentum, neganda est minor, si intelligatur de fine vt distinguitur à medio; & ad probationem, dicendum est, quod D. THOMAS illis locis nomine finis comprehendit vltimum, & non vltimum, scilicet, medium; quoniam medium comparatum ad actum voluntatis habet rationem finis, cuius rationem reddimus in articulo primo.

AD TERTIVM respondetur, concedendo maiorem, si per primum intelligatur immediatum, & negando minorem in eodem sensu, quoniam immediatius & proximius mouetur (in nostro casu) voluntas ab obiecto, quam à fine, vt dixi in solutione primi; & ad probationem dicendum est, quod finis non dicitur mouere ad actum, de quo loquimur, scilicet, ad volitionem obiecti, vt prius volitus ipso actu, sed solū quia est ratio finalis vt actus terminetur ad obiectum; & ideo non est necessarium, quod se ipso immediate moueat prius ad huiusmodi actum, sed satis est, quod obiectum non moueat ad eum, neque terminet ipsum, nisi vt ordinatum in illum finem.

Neque obstat, quod antea fuerit mota voluntas immediate ab ipso fine: quoniam non fuit mota immediate ad actum, de quo loquimur, sed ad actum intentionis, & ideo ex eo solum potest colligi, intentionem specificari à fine.

AD CONFIRMATIONEM concessa antecedenti neganda est

confe-

consequentia, si nomine motui intelligatur tantum finis operantis, & non quidquid habet rationē motui respectu voluntatis; & ratio discriminis est, quia ratio formalis, secundum quam obiectum aliquod specificat actum intellectus, est peculiaris quidam modus cognoscibilitatis, & quia iste modus convenit ipsi per ordinem ad medium & multiplicatur iuxta diversitatem mediorum; ut, aliter est cognoscibilis aliqua veritas per demonstrationem, aliter per divinam revelationem; & aliter per testimoniū humanum: Ideo specificatio ita solet tribui medio, tanquā constitutio obiecti specificantis; at vero obiectū voluntatis specificat eius actum quatenus est tali modo appetibile, & quia in nostro casu obiectū operis habet propriam bonitatem & appetibilitatē non participatā à fine operantis, & secundū eā obijciatur voluntati ut moveat eā, quāvis non sine ordine ad finē: ideo ab obiecto potest specificari primo & essentialiter actus, de quo loquimur, & nō est necessariū, quod isto modo specificetur à fine operantis.

AD QUARTVM, placet solutio ibi tradita: & ad objectionē contra eā factā responderetur, quod ut ille dicatur magis adulter quā fur, non est necessarium quod actus sit magis in specie adulterij, quia nō denominatur ita ab illo actu, sed ab affectu, & intentione mæchandi; sicut qui assentitur conclusioni propter præmissas, dicitur assentiri magis præmissis, non quia ipse assensus conclusionis sit magis assensus præmissarum quam conclusionis, sed quia habet in se assensum præmissarum, qui in multis proprietatibus excedit assensum conclusionis; & ita ARTIST, postquam dixit, eum, qui sic operatur, videri iniustum, & non intemperantem: quasi reddens huius rationem, subdidit, *constat sane quod lucrandi causa id facit*; quasi diceret, hoc ideo certum esse, quia ille motus intentione lucrandi id facit.

AD VLTIMVM respondebimus explicando singula testimonia D. THO. eo ordine quo proposita sunt, & ad primum dico, supposito quod in hoc art. loquitur D. THOM. de fine operantis, ut dixi artic. quarto huius quæstionis, quod nomine obiecti intelligit rationem formalem obiecti, in sensu explicato in solutionibus præcedentiū argumentorū: & ita ex eo quod finis sit hoc modo obiectū voluntatis, non colligit D. THOM. speciem, quæ sumitur ex eo, esse in actu humano primam & essentialē, sed solū comparari ad eā, quæ sumitur ex obiecto, sicut formale ad materiale; ad quod satis est ipsum superuenire actui, ratione superioris principij, scil. ratione intentionis, quæ habet rationem principij respectu actus; & præsupponere in eo speciem, quæ sumitur ex obiecto: sicut propter hanc rationem species, quæ convenit actui ratione virtutis impetantis ipsum, dicitur formalis, quamvis sit ei accidentalē; & è conuerso species, quæ convenit ipsi ratione virtutis elicentis, dicitur materialis, quamvis sit in eo essentialis & prima; & vniuersaliter, ut inquit CONTR. semper conditio, quæ effectus participat à causa superiori & mouente habet se formaliter ad eam, quam participat à causa inferiori & nota: & hoc solum significatur in conclusione, quā nos deduximus ex isto articulo. Ad secundum dico D. THO. ibi non loqui in nostro casu, sed in casu, quo actus habet tantum vnam speciem in genere moris, & sumptam ex fine operantis, quoniam obiectū secundū se non est morale, & ex consequenti non potest dare speciem actui in illo genere, ut con-

stat ex exemplo, quo videtur in argumento, quod ibi dissoluit: sc. cū aliquis vult dare eleemosinā propter inanem gloriam; & in illo casu docet D. THO. finē operantis nō accidere actui voluntatis, quoniam tunc habet rationem differentie essentialis constituentis primo obiectū in esse obiecti morali, ut ipse D. THO. docuit art. 1. ad quartum, & nos ibi explicuimus: Ad tertium testimonium respondendum est sicut ad primum: Ad quartū patet, quid dicendū sit ex solutione primi argumenti, ubi explicuimus in quo sensu finis operantis dicatur ratio formalis obiecti; & ex solutione confirmationis tertij argumenti, ubi explicuimus, quo modo distinguatur à ratione formali sub qua quæ constituit obiectum specificationem actus. Ad quintum dicendū est, finem operantis in nostro casu comparari termino moris, non quidem intrinsecē, & per se, qualis est calor respectu calefactionis; sed extrinsecō & accidentali, qualis est introductio forme substantialis respectu alterationis præuig.

ARTICVLVS VII.

Utrum species, quæ est ex fine, contineatur sub specie, quæ est ex obiecto, sicut sub genere, & è conuerso?

PRIMA CONCLUSIO. Quando obiectum non est per se ordinatum ad finem, neutra species continetur sub altera, sed tunc actus moralis est sub duabus speciebus quasi disparatis.

SECUNDA CONCLUSIO. Si obiectum per se ordinatur ad finem, tunc species quæ sumitur ex obiecto, continetur sub ea, quæ sumitur ex fine, sicut species sub genere.

§ De utraque conclusione potest dubitari.

§. Utrum sit vera.

ET contra primam obiicitur id quod D. THO. 2. 2. quæstione 11. articulo primo ad secundum inquit, *vitia habent speciem ex fine proximo: sed ex fine remoto habent genus & causam*; sicut cum aliquis mæchatur ut furatur, est ibi quidem species mæchia ex proprio fine & obiecto, sed ex fine ultimo ostenditur, quod mæchia ex furto oritur, & sub eo continetur sicut effectus sub causa, vel sicut species sub genere. In quibus verbis aperte contradicit huic conclusioni: quod sic ostendo; in exemplo isto, obiectum, sc. mæchia, non ordinatur per se in finem, scil. in furtum; & tamen docet D. THO. quod species, quæ sumitur ex obiecto illo, continetur sub ea, quæ sumitur ex fine.

Es confirmatur, quoniam D. THOM. eodem illo exemplo, scilicet, eius, qui mæchatur ut furatur, videtur hoc loco ad explicandum conclusionem hanc: & ita statim atque eam proposuit, subdit: unde dicimus, quod ille, qui furatur, ut mæchetur, committit duas malitias in uno actu.

SECUNDO argumentor contra secundam conclusionem, quia vel actus habet duas species, vnam sumptam ex obiecto, & alterā sumptam ex fine; vel vnam tantum, & illam sumptam ex fine: si primum, falsa est conclusio, quoniam quævis illarum specierū est infirma, & ex consequenti neutra poterit contineri sub altera, sicut species sub genere; si secundum, etiam videtur falsa, quoniam, si actus nullam habet speciem ex obiecto, non poterit esse verum, speciem sumptam ex obiecto contineri sub ea,

subest ordinationi, aut imperio voluntatis: quoniam statim articulo sequenti probat, finem esse circumstantiam primam inter omnes, quoniam est obiectum, & morium voluntatis, à qua habent actus quod sint proprie humani, & voluntarij; vbi expresse docet, finem esse circumstantiam actus, quatenus procedit à voluntate.

SECUNDA CONCLUSIO, etiam actus, quo voluntas vult aliquem ex istis actibus imperatis, de quibus loquimur, propter finem operantis, sumit in isto casu primam & essentialem speciem ab obiecto operis; ita tenent CONRADVS in hoc articulo, quamvis ab alijs referatur pro opposita sententia; & aliqui ex recentioribus; & probatur PRIMO testimonijs Diu. THOMÆ, nam in primis artic. 2. huius quæstionis docet, quod sicut species & prima bonitas rei naturalis sumitur ex sua forma: ita etiam species & prima bonitas actus moralis sumitur ex obiecto; & loquitur etiam de actu voluntatis, vt constat ex solutione ultimi argumenti; quod si dicas, nomine obiecti comprehendi finem adiunctum; facile poteris impugnari, quoniam statim artic. 4. distinguit Diu. THOMAS bonitatem, quæ sumitur ex obiecto, ab ea, quæ sumitur ex fine: & priorem appellat bonitatem secundum speciem. Item 2. q. 11. art. 1. ad secundum inquit, quod vitia habent speciem ex fine proximo, & statim apponit hoc exemplum, sicut cum aliquis machatur vt furetur, est ibi quidem species machiæ ex proprio fine & obiecto.

SECUNDO probatur ratione, quoniam eadem omnino est bonitas aut malitia moralis in actu imperato & imperante, sed in actu imperato bonitas aut malitia, quæ sumitur ex obiecto, præcedit eam, quæ sumitur ex fine, vt iam probauimus: ergo etiam in actu imperante.

TERTIO, iste actus voluntatis, de quo loquimur, est electio: ergo non sumit primam & essentialem speciem in fine, sed à medio, atque proinde ab obiecto.

Confirmatur, electio prius attingit medium, quam finem, est enim ascensus à medijs ad finem; sicut è conuerso, intentio est quasi quidam descensus à fine ad media; ergo prius sumit bonitatem aut malitiam à medio, quam à fine operantis, quando medium est tale, vt ex eo possit sumi, sicut contingit in nostro casu.

Ex his duabus conclusionibus sequitur, finem operantis posse habere rationem circumstantiæ, non solum respectu actus externi aut imperati, considerati secundum se, sed etiam respectu eiusdem, quatenus subest actui imperanti, imo & respectu ipsius imperantis. Probat, quoniam in casu nostro dat eis speciem secundariam, & accidentalem.

VITIMA CONCLUSIO, magis præcipua est in actu species, quæ sumitur ex obiecto: quam ea, quæ sumitur ex fine operantis. Hanc statuo contra authores secundæ sententiæ: & pro eius explicatione & probatione ADVERTENDVM est, duas illas species posse dupliciter comparari inter se, primo quantum ad bonitatem aut malitiam, vt si quæras quæ earum sit magis bona, aut mala, & denominet actum magis bonum aut malum; secundo, quantum ad modum, quo conueniunt ipsi actui, vt si quæras, quæ earum conueniat magis præcipue actui, & teneat in eo

A magis præcipuum locum, ita vt ab ipsa denominetur actus magis præcipue, & magis principaliter. In nostra conclusione non comparantur *priori modo*, quoniam indifferenter potest specificatum, quod excedit in bonitate aut malitia, assumi pro obiecto operis aut pro fine operantis, vt indifferenter potest aliquis velle furari vt occidat, aut è conuerso occidere vt furetur; sed comparantur *posteriori modo*; itaque sensus conclusionis est, speciem, quæ sumitur ex obiecto, magis præcipue conuenire actui, & denominare ipsum, quam speciem, quæ sumitur ex fine operantis; vt cū quis vult furari vt machetur, actus iste magis præcipue & magis principaliter erit & dicetur furtum, quam adulterium.

HÆC CONCLUSIO ita explicata sequitur meo iudicio, euidenter ex præcedenti; nam cuiusque rei conuenit magis præcipue id, quod pertinet ad eius essentiam, quam id, quod in ea est accidentale: si ergo species, quæ sumitur ex obiecto, est prima & essentialis in actu, de quo loquimur, vt ibi probauimus; etiā conueniet ei magis præcipue, quā ea, quæ sumitur ex fine operantis, quæ est in eo accidentalis.

§. 3. Solutio argumentorum primæ sententiæ.

AD PRIMUM *primæ sententiæ*, concessa maiori neganda est minor, & ad probationem, dicendum est, quod, vt finis dicatur in illo casu ratio à priori volendi obiectum, nō est necessarium, quod illo actu, de quo loquimur, sit prius volitus, quam medium: sed satis est, quod obiectum attrahat, & moueat voluntatem, & terminet eius actum, vt subordinatū ipsi fini, sicut finis semper est ratio à priori eligendi media, & tamen electio non incipit à fine, sed à medijs. Sicut etiam assensus conclusionis, qui demonstratione producit, habet pro ratione formali & à priori principia, ex quibus ipsa conclusio deducitur, & tamen non terminatur immediate ad principia, quoniam est assensus sciētificus, sed ad conclusionem.

AD SECUNDVM, concessa maiori, si particula *in quantum* non importat rationem formalem, sed fundamentum, neganda est minor, si intelligatur de fine vt distinguitur à medio; & ad probationem, dicendum est, quod D. THOMAS illis locis nomine finis comprehendit ultimum, & non ultimum, scilicet, medium; quoniam medium comparatum ad actum voluntatis habet rationem finis, cuius rationem reddidimus in articulo primo.

AD TERTIVM respondetur, concedendo maiorem, si per primum intelligatur immediatum, & negando minorem in eodem sensu, quoniam immediatus & proximius mouetur (in nostro casu) voluntas ab obiecto, quam à fine, vt dixi in solutione primi; & ad probationem dicendum est, quod finis non dicitur mouere ad actum, de quo loquimur, scilicet, ad volitionem obiecti, vt prius volitus ipso actu, sed solū quia est ratio finalis vt actus terminetur ad obiectum; & ideo non est necessarium, quod se ipso immediate moueat prius ad huiusmodi actum, sed satis est, quod obiectum non moueat ad eum, neque terminet ipsum, nisi vt ordinatum in illum finem.

Neque obstat, quod antea fuerit mota voluntas immediate ab ipso fine: quoniam non fuit mota immediate ad actum, de quo loquimur, sed ad actum intentionis, & ideo ex eo solum potest colligi, intentionem specificari à fine.

AD CONFIRMATIONEM concessa antecedenti neganda est

confe-

consequentia, si nomine motui intelligatur tantum finis operantis, & non quiddam habet rationem motui respectu voluntatis; & ratio discriminis est, quia ratio formalis, secundum quam obiectum aliquod specificat actum intellectus, est peculiaris quidam modus cognoscibilitatis, & quia iste modus conuenit ipsi per ordinem ad medium & multiplicatur iuxta diuersitatem mediorum; ut, aliter est cognoscibilis aliqua veritas per demonstrationem, aliter per diuinam reuelationem; & aliter per testimoniū humanum: Ideo specificatio ita solet tribui medio, tantquam constitutio obiecti specificantis; at vero obiectū voluntatis specificat eius actum quatenus est tali modo appetibile, & quia in nostro casu obiectū operis habet propriam bonitatem & appetibilitatem non participatā à fine operantis, & secundū eā obijciatur voluntati ut moueat eā, quāuis non sine ordine ad finem: ideo ab obiecto potest specificari primo & essentialiter actus, de quo loquimur, & non est necessarium, quod isto modo specificetur à fine operantis.

AD QVARTVM, placet solutio ibi tradita: & ad obiectionē contra eā factā responderetur, quod ut ille dicatur magis adulter quā fur, non est necessarium quod actus sit magis in specie adulterij, quia non denominatur ita ab illo actu, sed ab affectu, & intentione machandij; sicut qui assentitur conclusioni propter præmissas, dicitur assentiri magis præmissis, non quia ipse assensus conclusionis sit magis assensus præmissarum quam conclusionis, sed quia habet in se assensum præmissarum, qui in multis proprietatibus excedit assensum conclusionis; & ita ARIST. postquam dixit, eum, qui sic operatur, videri iniustum, & non intemperantem: quasi reddens huius rationem, subdidit, *constat sane quod lucrandi causa id facit*; quasi diceret, hoc ideo certum esse, quia ille motus intentione lucrandi id facit.

AD VLTIMVM respondebimus explicando singula testimonia D. THO. eo ordine quo proposita sunt, & ad primum dico, supposito quod in hoc art. loquitur D. THOM. de fine operantis, ut dixi artic. quarto huius quæstionis, quod nomine obiecti intelligit rationem formalem obiecti, in sensu explicato in solutionibus præcedentium argumentorum: & ita ex eo quod finis sit hoc modo obiectū voluntatis, non colligit D. THOM. speciem, quæ sumitur ex eo, esse in actu humano primam & essentialē, sed solū comparari ad eā, quæ sumitur ex obiecto, sicut formale ad materiale; ad quod satis est ipsum superuenire actui, ratione superioris principij, scil. ratione intentionis, quæ habet rationem principij respectu actus; & præsupponere in eo speciem, quæ sumitur ex obiecto: sicut propter hanc rationem species, quæ conuenit actui ratione virtutis impetrantis ipsum, dicitur formalis, quamuis sit etiam accidentalis; & è conuerso species, quæ conuenit ipsi ratione virtutis elicientis, dicitur materialis, quamuis sit in eo essentialis & prima; & vniuersaliter, ut inquit CORN. semper conditio, quæ effectus participat à causa superiori & mouente habet se formaliter ad eam, quam participat à causa inferiori & nota: & hoc solum significatur in conclusione, quā nos deduximus ex isto articulo. Ad secundum dico D. THO. ibi non loqui in nostro casu, sed in casu, quo actus habet tantum vnam speciem in genere motus, & sumptam ex fine operantis, quoniam obiectū secundū se non est morale, & ex consequenti non potest dare speciem actui in illo genere, ut con-

stat ex exemplo, quo vitur in argumento, quod ibi dissoluitur: sc. cū aliquis vult dare eleemosinā propter inanem gloriam; & in illo casu docet D. THO. finem operantis non accidere actui voluntatis, quoniam tunc habet rationem differentie essentialis constituentis primo obiectū in esse obiecti morali, ut ipse D. THO. docuit art. 1. ad quartum, & nos ibi explicuimus: Ad tertium testimonium respondendum est sicut ad primum: Ad quartum patet, quid dicendum sit ex solutione primi argumenti, ubi explicuimus in quo sensu finis operantis dicatur ratio formalis obiecti; & ex solutione confirmationis tertij argumenti, ubi explicuimus, quo modo distinguatur à ratione formali sub qua quæ constituit obiectum specificationum actus. Ad quintum dicendum est, finem operantis in nostro casu comparari termino motus, non quidem intrinsecè, & per se, qualis est calor respectu calefactionis; sed extrinsecè & accidentali, qualis est introductio forme substantialis respectu alterationis præuiæ.

ARTICVLVS VII.

Utrum species, quæ est ex fine, contineatur sub specie, quæ est ex obiecto, sicut sub genere, & è conuerso?

PRIMA CONCLUSIO. Quando obiectum non est per se ordinatum ad finem, neutra species continetur sub altera, sed tunc actus moralis est sub duabus speciebus quasi disparatis.

SECUNDA CONCLUSIO. Si obiectum per se ordinatur ad finem, tunc species quæ sumitur ex obiecto, continetur sub ea, quæ sumitur ex fine, sicut species sub genere.

§ De utraque conclusione potest dubitari.

§. Utrum sit vera.

ET contra primam obiicitur id quod D. THO. 2. 2. quæstione 11. articulo primo ad secundum inquit, *vitia habent speciem ex fine proximo: sed ex fine remoto habent genus & causam*; sicut cum aliquis machatur ut furetur, est ibi quidem species machia ex propria fine & obiecto, sed ex fine ultimo ostenditur, quod machia ex facto oritur, & sub eo continetur sicut effectus sub causa, vel sicut species sub genere. In quibus verbis aperte contradicit huic conclusioni: quod sic ostendo; in exemplo isto, obiectum, sc. machia, non ordinatur per se in finem, scil. in furtum; & tamen docet D. THO. quod species, quæ sumitur ex obiecto illo, continetur sub ea, quæ sumitur ex fine.

Es confirmatur, quoniam D. THOM. eodem illo exemplo, scilicet, eius, qui Machatur ut furetur, vitur hoc loco ad explicandum conclusionem hanc: & ita statim atque eam proposuit, subdit: *unde dicimus, quod ille, qui furatur, ut machetur, committit duas malitias in uno actu*.

SECUNDO argumentor contra secundam conclusionem, quia vel actus habet duas species, vnam sumptam ex obiecto, & alterā sumptam ex fine; vel vnam tantum, & illam sumptam ex fine: si primum, falsa est conclusio, quoniam quæuis illarum specierum est infinita, & ex consequenti neutra poterit contineri sub altera, sicut species sub genere; si secundum, etiam videtur falsa, quoniam, si actus nullam habet speciem ex obiecto, non poterit esse verum, speciem sumptam ex obiecto contineri sub ea,

quæ sumitur ex fine, tanquam sub genere, præsertim cum hæc sit, infima, & non subalterna.

PRO VTRIVSQUE solutione ADVERTENDUM est, dupliciter posse explicari mentem DIVI THOMÆ in hoc articulo; nam in primis possumus dicere, ipsum supponere ex præcedentibus, actum posse habere duas species distinctas in genere moris, alteram sumptam ex obiecto, & alteram sumptam ex fine: & velle in hoc articulo explicare, an quando actus habet huiusmodi species, habeat eas servato aliquo ordine inter ipsas, & ita ut una subordinetur alteri, aut potius sine ullo ordine; idque præstitisse duabus conclusionibus propositis. *Aut alter possumus*, dicere, DIVVM THOMAM solum supponere ex articulis præcedentibus, actum humanum posse sumere ab obiecto, & à fine bonitatem aut malitiam specificam: & hoc supposito, velle nunc explicare, an sumat ex eis duas bonitates aut malitias specie distinctas, vel vnam tantum, quæ suo modo pendeat ab utroque, & ad hoc statuisse illas duas conclusiones, quibus tota ista difficultas explicatur, ut constabit ex solutionibus argumentorum.

AD PRIMVM, si sequamur *posteriorem expositionem*, dicendum est, sensum prioris conclusionis, contra quam obijcitur illud testimonium, esse, quod in illo casu, hoc est quando non est ordo per se inter obiectum & finem, actus moralis sumit ab eis duas species omnino distinctas, quod non negat DIVVS THOMAS illo loco: sed solum docet, esse ordinem aliquem inter has species; *Neque obstat*, quod dicat vnam contineri sub altera, sicut speciem sub genere; nam non sumit ibi genus pro gradu generico, sed pro eo, quod est aliquo modo commune; & ita sensus est, quod finis in illo casu habet quandam communitatem respectu obiecti, ut statim explicabo. Si vero sequamur *priorem expositionem*, dicendum est, sensum huius conclusionis esse, quod in illo casu actus sumit ab obiecto & fine duas species, non solum distinctas, sed etiam disparatas, ita ut una non contineatur sub altera ex natura sua, sicut dicemus contineri vnam sub altera in casu secundæ conclusionis, sequendo hanc expositionem; neque hoc negavit DIVVS THOMAS illo loco; nam quamvis dixerit, obiectum contineri sub fine; non explicuit, an hoc proneniat ex ipsorum natura, vel solum ex intentione operantis: imo potius videtur reliquisse ut manifestum, pronenire ex intentione operantis, quoniam loquebatur de vitiis, inter quæ, sicut non est connexio, aut ordo per se, ut inter virtutes: ita neque subordinatio vnius ad alteram ex natura ipsorum: & ita conclusio hæc potissimum habet locum in malis, nam inter bona magis reperitur ordo per se in ratione medij & finis.

AD SECUNDVM, si sequamur *priorem expositionem*, dicendum est, actum in casu secundæ conclusionis habere duas species in genere moris, quarum una subordinatur alteri, tanquam generi; & ad *objectionem* responderetur, DIVVM THOMAM non sumere genus in rigore, sed secundum quandam similitudinem: ita ut sensus eius non sit, speciem, quæ sumitur ex fine, esse proprie genus respectu speciei, quæ sumitur ex obiecto, sed esse in hoc similem generi, quod sicut genus importat naturam communicabilem multis speciebus, ita finis importat, v.g. bonitatem quandam, communicabilem multis

A mediis, quorum quodlibet habeat suam aliam bonitatem moralem; ut per actus ieiunij, orationis, & eleemosinæ, in quibus sunt propriæ bonitates morales, potest aliquis velle satisfacere: si vero placeat alicui *posterior expositio*, quam sequitur CONTRA ADVS aduertat in primis, dicendum esse iuxta eam, hanc secundam conclusionem non esse intelligendam de obiecto quocumque ordinato per se ad finem, sed de ordinato ut ad finem non extraneum, & remotum sed internum: & hoc supposito dicat consequenter cum CONTRA actum illum habere tantum vnam speciem in genere moris, quæ sumit ex fine, non enim habet medium bonitatem aut malitiam moralem distinctam ab ea, quam habet finis internus: ut, comedere temperanter propter bonam temperantiam, tantum habet bonitatem temperantiam, ut dixi artic. præc. dub. 1. in principio & ad *objectionem* dicendum est, quod quamvis sit, verbi gratia, eadem bonitas in obiecto & in fine, ramen, quia in obiecto est magis determinata, scilicet, ad vnum medium; & prout est in fine, est indifferens ad plura media: ideo quatenus est in obiecto, dicitur contineri sub seipsa quatenus est in fine, tanquam sub magis vniuersali, & tanquam sub genere. *Neque obstat* id, quod vterius obijcitur, scilicet, quod etiam prout est in fine, est quædam species infima, quia non dicitur absolute genus, sed quasi genus, propter convenientiam quam habet cum genere, ratione illius communitatis & indifferentiæ ad plura media.

ARTICVLVS VIII.

Vtrum aliquis actus sit indifferens secundum suam speciem?

CONCLUSIO est affirmatiua.

DVBIVM VNICVM.

An conclusio sit vera.

CIRCA TITVLVM, NOTA, non esse eius sensum, vtrum sint aliqui actus, qui successe possint fieri bene & male: *tum quia* de hoc, quantum attinet ad actus externos, agit D. THOMAS infra qu. 20. artic. 6. *tum etiam quia* manifestum est, actum bonum ex genere suo, aut ex obiecto, posse fieri bene, si ad sint omnes circumstantiæ requisitæ, & male, si desit aliqua earum: sed sensus eius est, vtrum detur aliquis actus, qui quantum est ex parte sui obiecti, non habeat bonitatem neque malitiam moralem, sed sit indifferens ad utramque. Nam DIVVS THOMAS nomine speciei intelligit obiectum, quoniam ab obiecto sumitur specificatio cuiuscumque actus.

IN QVA QVAESTIONE fere omnes scholastici conueniunt cum DIVO THOMA vno excepto SCOT. qui in 2. dist. 7. quæst. unica §. de primo dico inquit, bonum & malum ex genere, siue ex obiecto, esse contraria immediata: ex quo aperte sequitur, iuxta eius sententiam, non dari actum humanum, qui

quantum

quantum est ex parte sui obiecti, non sit bonus aut malus; quoniam quale est obiectum in genere moris, talis est, quantum est ex parte eius, actus, qui ad ipsum terminatur; & probatur hæc sententia, PRIMO, quia necesse est quodcumque obiectum esse cōueniens vel disconueniens rationi: ergo etiam est necesse, esse bonum aut malum moraliter; & ex consequenti, actum, qui terminatur ad ipsum, esse ex parte ipsius bonum aut malum moraliter; *prima consequentia* patet, quia obiectum esse bonum aut malum moraliter, non est aliud, quam esse cōueniens aut disconueniens rationi, & *antecedens* probatur, quia in obiecto non potest reperiri medium inter illa duo.

Confirmatur, quia quodcumque obiectum volitionis est bonum aut honestum, aut vile, aut delectabile; & si quidem fuerit honestum, erit conforme rationi; si vero fuerit vile, aut delectabile, aut habebit contrarietatem aliquam ad rationem, & sic erit ipsi disconueniens, aut nullam habebit contrarietatem, & sic erit ei cōueniens: ergo nullum est obiectum voluntatis, quod non sit cōueniens aut disconueniens rationi.

SECUNDO vel actus qui vocatur indifferens, habet bonum finem, vel non: si *primum*, ergo est bonus; si *secundum*, ergo est malus propter defectum bonæ circumstantiæ, scilicet, finis: sufficit enim ad malum morale negatio bonæ circumstantiæ; & rursus ex utraque consequentia sequitur altera, scilicet, quod huiusmodi actus non potest esse indifferens ad bonum & malum morale: quoniam non datur medium inter illa duo extrema, quæ assumuntur in antecedenti, scilicet, habere bonum finem, aut carere eo.

ULTIMO, bonum & malum opponuntur privatiue, quoniam malum est privatio boni: ergo non datur medium inter ipsa; & ex consequenti non datur actus, qui secundum suam speciem neque sit bonus, neque malus.

SIT PRIMA CONCLUSIO. Bene possunt dari actus indifferentes secundum suas species, hoc est, qui, quantum est ex parte suorum obiectorum, neque sunt boni, neque mali moraliter, sed indifferentes ad utrumque. Hæc euidenter probatur ratione articuli, neque eget alia probatione.

SECUNDA CONCLUSIO, indifferencia ad bonum & malum morale ex parte obiecti, non est ratio aliqua obiectiua pertinet ad genus moris: sed pro materiali importat ipsam bonitatem, aut naturam obiecti: & pro formali negationem, non solum conformitatis aut difformitatis ad rectam rationem, sed etiam maioris propensionis ad unam quam ad alteram, cum non repugnantia ad utrumque. PRIMA PARS, probatur, quia obiectum non pertinet ad genus moris, nisi quatenus importat relationem ad rationem rectam, tanquam ad regulam, ut dixi articulo primo huius quæstionis: sed nulla datur relatio in specie ad rationem ut ad regulam, quæ non sit conformitatis aut difformitatis; ergo neque datur species aliqua obiecti in genere moris, quæ non importet conformitatem aut difformitatem ad rationem; & ex consequenti bonitatem aut malitiam moralem sumptam obiectiue; atque proinde repugnat, obiectum, ut indifferens ad utramque, pertinere actu ad genus moris.

SECUNDA ETIAM PARS probatur, quia in pri-

mis quod indifferencia illa importet entitatem, aut naturam ipsius obiecti pro materiali, satis patet, quoniam fundatur in ea; quod vero pro formali importet negationem illam, cum illa non repugnantia patet, quia in communi non potest intelligi, quod subiectum aliquod sit ex sua natura indifferens ad alteram ex duabus formis, si ex sua natura habeat alteram earum, aut sit determinatum ad habendum eam, aut etiam repugnet ipsi utraque, vel altera earum. Ut autem hoc rectius intelligatur *aduertiendum* est, quod obiectum actus tripliciter potest comparari ad relationes cōformitatis & difformitatis ad rectam rationem; nam aut habet actu alteram earum, ut cum est actu præceptum, aut prohibitum lege; vel saltem est ex natura sua fundamentum determinatum alterius earum; sicut exhibere Deo cultum, quatenus præsupponitur omni legi, & quam obiectum, est determinatum ex natura sua ad fundandam relationem cōformitatis; & e contra futurum eodē modo consideratum, est ex natura sua determinatum ad fundandam relationem difformitatis; *aut secundo*, neque habet actu, neque est determinatum ex natura sua ad habendum alteram illarum relationum, non tamen repugnat ipsi habere eam; *aut tandem* non solum caret utraque relatione, sed etiam repugnat ipsi habere alteram earum; sicut homicidio, quatenus est obiectum aut effectus actus bruti, repugnat habere conformitatem aut difformitatem ad rectam rationem. Quando obiectum comparatur ad relationes illas *primo* aut *tertio* modo, non dicitur indifferens ad eas, & ex consequenti neque ad bonitatem & malitiam moralem: sed solum quando comparatur secundo modo.

ULTIMA CONCLUSIO, indifferencia ad bonitatem & malitiam moralem in actu, non est species aliqua positiua pertinet ad genus moris: sed solum importat, præter entitatem actus, negationem relationum, in quibus diximus supra, consistere formaliter bonitatem aut malitiam moralem actuum, cum non repugnantia ad habendum quancumque earum; ita tamen ut tam illa negatio, quam ista non repugnantia cōueniat ad sui rationem sui obiecti: PRIMA PARS statuo contra aliquos, qui dicunt, actus indifferentes pertinere ad speciem quandam in genere moris, distinctam ab speciebus bonorum & malorum; ita ut actus moralis non diuidatur adæquate in actus bonos & malos, sed addendos esse indifferentes secundum speciem; & probatur contra eos *primo*, quia D. THOMAS articulo sequenti ad primum expresse docet, actum solum dici indifferentem secundum suam speciem, quia non habet ex sua specie quod sit bonus vel malus; deinde probatur ratione, quoniam species positiua actus in genere moris sumitur ex obiecto, quatenus habet esse morale: sed in obiecto nullum esse morale potest reperiri, quod non sit bonum aut malum; ergo neq; in actu potest esse species aliqua pertinet ad genus moris, quæ non sit bonitas aut malitia; probatur *minor*, quoniam obiectum non est morale, nisi quatenus importat relationem ad rationem: & non potest importare relationem specificam, quæ non sit aut conformitatis, aut difformitatis.

SECUNDA ETIAM PARS probari potest eo argumento, quo probauimus secundam partem præcedentis conclusionis, quoniam non minus requiritur illa negatio, & non repugnantia, ad indifferenciam actus, quam ad indifferenciam obiecti.

ET TANDEM TERTIA PARS, scilicet, quod tã negatio illa, quam non repugnantia, debeat conuenire actui ratione sui obiecti, probatur ex ijs, quæ diximus in explicatione tituli huius articuli, quoniam alias sequeretur, actum, qui ex obiecto est bonus, posse dici indifferentem: nam v.g. actus dandi eleemosinam est bonus ex obiecto, & tamen habet negationem & capacitatem conformitatis & dissimilitudinis ad rectam rationem, quæ ipsi possunt conuenire ratione finium, ad quos potest ordinari ab operante, vt si ordinetur ad satisfaciendum, vel ad inanem gloriam.

SED CONTRA CONCLUSIONEM hanc sic argumentor: actus, qui dicitur indifferens secundum speciem, v. g. velle ire in agrum; continetur sub cõmuni & generica ratione actus moralis, quoniam est actus liber & humanus: ergo habet aliquam differentiam specificam, qua constituitur in specie positiua pertinente ad illud genus; quoniam nullibi potest esse genus, nisi contractum per differentiam ad speciem sub ipso contentam: sed actus, de quo loquimur, nullam habet differentiam specificam præter eam, quam sumit ex suo obiecto; ergo ex parte sui obiecti habet, quod sit in specie aliqua positiua pertinente ad genus moris; & ex consequenti, esse indifferentem, non consistit formaliter in negatione illa supra explicata, sed in ratione aliqua formali positiua constituyente speciem intra genus moris distinctam à bonitate & malitia; patet ista consequentia, quoniam non habet actus ille à suo obiecto aliã speciem, quæ possit pertinere ad genus moris, præterquam esse indifferentem: cum non habeat ab eo quod sit bonus aut malus moraliter.

RESPONDETUR, actum illum, quatenus respicit obiectum præcisè sumptum, non pertinere ad genus moris; sed solum quatenus respicit ipsum vt vestitum circumstantiis requisitis, vel cum defectu earum; quia obiectum tantum habet quod sit morale, quatenus est affectum circumstantiis, aut caret eis: quia hoc modo tantum importat ordinem ad rectam rationem, vt ad regulam; & ideo non est necessarium, quod ab obiecto præcisè sumpto habeat actus ille differentiam, qua constituitur in specie intra genus moris: sed satis est quod habeat eam ab ipso sumpto posteriori modo; & tunc circumstantiæ, aut earum defectus, habebunt rationem differentiarum essentialium, constituentium obiectum in esse obiecti moralis, vt supra dicebamus de fine operantis, cum quis vult obiectum de se bonum propter finem malum, vt dare eleemosinam propter inanem gloriam. Quare actus indifferens solum habet ex parte sui obiecti speciem positiuam pertinentem ad genus naturæ, & negationem speciei moralis, scilicet, bonitatis & malitiæ, cum non repugnantia ad habendum alteram earum, media circumstantia adiuncta.

SED OBJECIES rursus, quia in illo exenplo, quod modo adduximus, obiectum est malum ratione mali finis adiuncti, & ita actus est simpliciter malus, & non bonus secundum speciem, aut ratione obiecti; & malus ratione finis, vt supra diximus; ergo similiter in nostro casu, si illi obiecto adiungatur malus finis, ipsum obiectum reddetur malum, & actus erit simpliciter malus, & non indifferens secundum speciem, aut ratione obiecti, & malus ratione finis; atque ita iuxta sententiam D. THO. nunquam dabitur actus, qui sit indifferens secundum speciem; quoniam ipse docet art. seq. omne actum habere finem

bonum aut malum, vel contrarie, vel priuatiue.

RESPONDETUR, concedendo antecedens, & negando consequentiam, & ratio discriminis est, quod bonitas in casu antecedentis, est quædam species moralis; & obiectum secundum se sumptum non est morale: & ideo ab eo nõ potest actus sumere bonitatem, vt supra explicui. At vero indifferentia in casu consequentis non est species aliqua moralis, sed potius negatio speciei, cum non repugnantia ad habendum eam, & ideo quamuis obiectum secundum se & præcisè sumptum non sit morale, potest dare actui indifferentiam: quoniam hoc non est dare speciem, imo neque dare aliquid, sed solum relinquere actum, quantum est ex parte sua, sine specie morali, & cum non repugnantia ad habendum quamcunque, hoc est, aut bonitatem, aut malitiam.

AD PRIMUM respondetur, antecedens solum esse verum, si disconueniens sumatur negatiue, pro non conuenienti, quod opponitur contradictione conuenienti; non tamen si sumatur contrarie, aut priuatiue, pro defectu conuenientie debite, quoniam multa sunt obiecta, quibus non est debita conuenientia, aut conformitas ad rectam rationem, quia nulla lex aliquid præcipit circa ipsa: vt patet in exemplis, quæ adducuntur à D. THO. Et ita neganda est consequentia; & ad probationem dicendum est, illud debere intelligi de dissimili & disconuenienti contrarie, aut priuatiue.

Ad confirmationem respondetur, obiectum actus indifferentis, si sumatur secundum se, non esse bonum honestum, sed posse esse utile, aut delectabile: neque vt ita sumptum, importat repugnantiam, aut conuenientiam ad rectam rationem, sed abstrahit ab vtraque, propter rationem assignatam in solutione argumenti, de qua etiam dicemus plura articulo sequenti.

AD SECVNDVM respondetur, actum indifferentem, prout indifferens est, non habere finem bonum: & ad obiectionem quæ contra hoc proponitur, neganda est consequentia; & ad probationem, dicendum est, quod vt actus sit malus, non sufficit negatio cuiuscunque circumstantiæ, vel bonitatis, sed debite & requisitæ, non enim omnis negatio facit rem malam, sed solum negatio boni debite: at vero actui, de quo loquimur, non est debitus finis bonus; & ideo non sufficit negatio huiusmodi finis, vt sit malus; & si quæras, cur non sit debitus finis bonus huic actui secundum suam speciem: respondetur, rationem esse, quod, vt diximus, nulla lex aliquid præcipit circa actum istum sic consideratum.

Ad vltimum respondet hic D. THO. in solutione primi, quæ vere est difficilis, sed circa eam sufficiunt quæ dicit CARB. Aliter respondet ipse D. THO. quæst. 2. de malo art. 5. ad tertium vbi inquit, quod quamuis bonum & malum naturæ opponantur sicut priuatio & habitus & ideo sint immediate opposita circa proprium susceptibile, in moralibus opponuntur contrarie, & potest inter ea esse medium sicut inter alia contraria.

ARTICVLVS IX.

*Verum aliquis actus sit indifferens
secundum indiuiduum?*

PRIMA CONCLUSIO. *Necesse est, omnem actum hominis à deliberativa ratione precedentem, in indiuiduo consideratum, bonum esse vel malum.*

SECUNDA CONCLUSIO. *Actus, qui non procedit à ratione deliberativa, sed ex quadam imaginatione, est indifferens, quasi extra genus moralium actuum existens, ut cum aliquis fricat barbam, vel mouet lapidem aut manum.*

CIRCA HANC CONCLUSIONEM est

DVBIUM I.

*Utrum aliquis actus in indiuiduo pensatus
omnibus requisitis, possit esse
indifferens?*

HOC EST, utrum detur aliquis actus in indiuiduo, aut consideratus, non solum quantum ad id, quod ipsi conuenit ratione sui obiecti, sed etiam in ordine ad omnes circumstantias debitas, & requisitas, qui neque sit bonus, neque malus moraliter, sed indifferens ad utrumque? Vbi tantum loquimur de actibus deliberatis, sicut **DIVVS THOMAS** quoniam de omnino indeliberatis, constat eos, neque esse bonos, neque malos moraliter, & præterea solum loquimur de indifferencia ad bonitatem & malitiam moralem, & non de indifferencia ad meritum & demeritum: nam illa quaestio, quam aliqui hic disputant, utrum possint dari actus in indiuiduo indifferentes ad meritum & demeritum, pertinet ad materiam de gratia.

§. 1. *Prima sententia, Scoti præsertim; affirmatiua.*

IN HOC DVBIO multi sequuntur partem affirmatiuam, quamuis non conueniant inter se in particulari circa actus, qui possunt esse indifferentes; nam in primis **D. BONAVENTURA**, in secunda dist. 41. circa primum principale quaestio. 3. dicit, tunc actum in indiuiduo, siue, ut ipse loquitur, ex intentione operantis, esse indifferentem ad bonum & malum, cum habet obiectum indifferens, & operans ita grauatur imbecillitate, & infirmitate propriæ naturæ, ut difficile sit ipsi referre suam actionem in Deum; indulgetur enim, inquit, naturæ fragili & infirmæ, ut sæpe omitat ita referre suas actiones: nec Deus requirit ab homine in tali statu distractionis & miseris, quod omnia, quæ facit, referat ad se; Quare iuxta sententiam **BONAVENTURÆ** extra calum istum nullus actus

A est indifferens: & ita addit, quod si aliquis pro loco & tempore possit referre actum suum in Deum, teneatur referre.

Et quod hæc sit sententia **BONAVENTURÆ**, colligitur aperte, & ex eo loco, quo ex propria sententia respondet quaestioni, & ex solutione ultimi argumenti. *Nec obstat* quod quidam ex recentioribus dicant, ipsum solum loqui de indifferencia quoad meritum & demeritum, & non quoad bonitatem & malitiam moralem; & alij, loqui cum de actibus, qui procedunt sine deliberatione ex imbecillitate naturæ humanæ; nam contra priores facit, quod expresse distinguit bonitatem moralem & malitiam à merito & demerito, & interdum vitur istis vocibus, & interdum illis: & contra posteriores, quod, cum vult respondere huic quaestioni, dicit, intelligendam esse de actione voluntatis deliberatiuæ quatenus deliberatiua est: quoniam illa sola est, quæ diuiditur per bonum & malum; & postea, cum statuit propriam sententiam, inter actiones procedentes ex deliberatione refert illam, quæ propter infirmitatem naturæ potest sine culpa carere relatione in Deum, ut in finem.

B SECUNDO dicunt alij quasi exponentes hanc sententiam **BONAVENTURÆ** solum dari actus indifferentes in operibus, quæ deferunt indigentiam naturæ, quoniam in eis Deus & ratio ipsa indulgere videtur, ut neque sint digna laude, nec vituperio.

TERTIO dicunt alij, in omnibus operibus, minimi momenti, qualia sunt leuare festucam, mouere manus aut pedes, & similia, dari posse actus indifferentes; ita fertur sensisse quosdam ex Thomistis recentioribus, & ita sentit, Hieronymus ab Hangesto, in suis moralibus cap. 8. in expositione penultima partis textus, circa finem.

QUARTO dicunt alij, solum dari actum indifferentem in eo casu, quo quis ductus ignorantia inuincibili, æstimat non esse peccatum non apponere circumstantiam boni finis operi, quod ex obiecto suo est indifferens: & ita exercet opus illud non referendo ipsum in finem; & hoc placet nunc ferre omnibus, etiam Thomistis, qui dicunt, non esse contra sententiam **D. THOMÆ**.

C **V**LTIMO **SCOTVS** in 2. d. 7. quaest. vnica §. de secundodico, admittit, sæpius dari actus indifferentes in indiuiduo quoad bonitatem & malitiam moralem, scilicet, quoties aliquis exercet opus, quod ex subiecto suo non est malum, & non apponit ei aliquam circumstantiam malam, prætermittit tamen aliquam requisitam ad bonitatem perfectam, siue ad bonitatem virtutis, quæ attenditur per circumstantias; Et non debitam ratione alicuius præcepti. Quæ sententia ut rectius intelligatur, **ADVERTENDUM** est quod **SCOTVS** illo loco præter bonitatem naturalem actus, quæ est ipsius entitas, distinguit in eorum bonitates pertinentes ad genus moris, & totidē malicias eis oppositas, sc. bonitatem & malitiam ex obiecto; & ex circumstantiis & secundum meritum atque demeritum: dicitque, vnamquamque ex istis maliciis opponi suæ bonitati, verum non eodem modo: nam prima opponitur immediate ut ex eius sententia diximus articulo precedenti: secunda vera & tertia mediate; & ut hoc explicet de secunda, (de qua nunc loquimur) *aduertit*, quod, ut opus aliquod habeat bonitatem, quæ requiritur ad actum virtutis siue, ut sit bonum ex parte circumstantiarum, requiritur quod nulla circumstantia ei defuit: ut autem sit malum,

non sufficit, quod desit ei quæcumque circumstantia, sed requiritur quod desit ea, quæ ratione alicuius præcepti est ipsi debita, vel quod adiungatur aliqua repugnans rectæ rationi, & quia possunt dari actus, quibus neque opponatur circumstantia mala, neque desit aliqua ex debet ratione præcepti, & tamen desit aliqua: ut cum aliquis vult dare elemosinam sine circumstantia finis, quia non recordatur eius: ideo colligit **SCOTVS** malitiam illam opponi mediate suæ bonitati, & ex consequenti quoad eas dari actum indifferentem, hoc est, qui neque habeat bonitatem perfectam ex circumstantiis, neque tamen sit malus: & hæc est sententia **SCOTI**, nam cum in 1. d. 41. q. unica dicit, actus, qui non procedunt ex habitu virtutis, siue præcedant eius generatione, siue subsequantur, esse indifferentes, intelligitur de indifferentia quoad modum virtutis, qui consistit in hoc, quod est operari ex scientia & propter bonum virtutis, & firma atque constanti voluntate, ut docet **ARTS.** 1. ethi. ca. 4. in quo sensu etiam **D. THO.** 1.2. qu. 100. art. 9. & q. 1. de virtutibus art. 9. ad 13. concedit, actus præcedentes virtutem non habere perfectionem virtutis, quod est esse indifferentes respectu eius; & ex his constat, non repugnare sibi **SCOTVM**, cum negat dari actum indifferentem secundum speciem, & concedit dari in individuo: nam primum intelligitur respectu obiecti, & respectu eius etiam actum in individuo negat **SCOT.** esse indifferentem: secundum vero respectu circumstantiarum, & respectu earum etiam concedit esse indifferentem actum secundum suam speciem: constat etiam non contradicere sibi, ut ei obijcit **CAL.** cum actum indifferentem appellat malum privative: non enim ideo ita eum appellat, quia sit viciosus, sed quia habet aliquem defectum, cum non habeat totam bonitatem, quæ requiritur ut sit actus virtutis, & hanc sententiam sequuntur **ALMAIN.** in suis moralibus tract. 1. c. 14. & in 3. d. 23. q. 1. **GAB.** in 2. d. 41. q. unica art. 1. conclusionem 1. & clarius **Basolis** d. 40. & 41. questione unica artic. 2. qui ita, ut diximus, explicat **SCOTVM**.

POTISSIMUM FUNDAMENTVM huius partis est, nullum esse præceptum, quo teneamur referre quodcumque opus deliberatum in finem bonum moraliter: supposito enim, quod non sit tale præceptum, aperte sequitur possè dari plures actus indifferentes in individuo, scilicet illos, quorum obiecta fuerint indifferentia; nam illi actus, si non ordinentur in finem bonum, non erunt boni, cum nullum habeant obiectum bonum moraliter, à quo sumatur eorum bonitas; neque mali, quia etiam non habent obiectum malum; & non sufficit ut sint mali, quod non dirigantur in finem bonum: quia nullo præcepto tenetur voluntas eos ita dirigere, & ubi non est lex, nec prævaricatio esse potest, & ex consequenti neque malitia moralis; *fundamentum* vero illud probatur **PRIMO**, quia non magis tenemur, quando facimus aliquod opus deliberatum, dirigere ipsum in finem bonum moraliter, quam cum facimus aliquod opus, facere ipsum considerate ut homines decet, & non inconsiderate, sicut bruta operantur: sed nullo præcepto tenemur ad hoc secundum, saltem in casibus expressis à **BONAVENTURA**, & ab alijs, quos secundo, & tertio loco retulimus, ergo neque tenemur ad primum in eisdem casibus; *minor* patet, quoniam alias fricatio barbae, & alij motus similes, de quibus **DIVVS THOMAS**

A loquitur in conclusione articuli erunt peccata venialia, & *minor* probatur, quia ideo dicunt auctores oppositæ sententiæ esse præceptum obligans nos ad dirigendum nostros actus deliberatos in finem bonum moraliter: quoniam habemus rationem & usum ipsius, & ad rationem pertinet dirigere & ordinare actus: sed hac ratione etiam probatur, esse præceptum obligans nos ad operandum considerate quotiescumque aliquid facimus, quoniam non minus pertinet ad rationem hoc, quam illud; ergo nulla est ratio propter quam magis teneamur ad illud quam ad istud.

SECUNDO præceptum ita dirigendi actus deliberatos non est naturale, quoniam non continetur inter præcepta decalogi: neque positivum, quoniam non est credendum de divina bonitate, quod voluerit imponere hominibus præceptum tam rigidum, & quod adeo restringeretur via ad salutem: ergo est fictitium.

Confirmatur, quia posito illo præcepto, sequitur, homines passim, imo & continue peccare venialiter, quod videtur durissimum: probatur consequentia, quia communiter homines fere semper exercent aliquem actum, ut morum manuum, aut pedum, vel totius corporis, & alios similes, & tamen neque recordantur boni honesti.

TERCIO, multa opera, quæ deseruiunt indigentia naturæ, ut spueri, & alia similia, non sunt bona moraliter ex obiecto suo, sed indifferentia, ut constabit ex testimonio **HIER.** quod statim referam: & tamen, quamvis in individuo non referantur in finem bonum, non sunt peccata; ergo non est præceptum obligans ad referendū omnia opera in individuo in finem bonum moraliter; *consequentia* patet, quia si esset tale præceptum, essent contra ipsum opera illa facta: & ex consequenti essent peccata; & *minor* probatur, quia alias sequeretur, quod opera illa essent materia sufficiens confessionis, & quod ei, qui ea tantum confiteretur, posset impendi beneficium absolutionis, quod videtur ridiculum.

Confirmatur, quia **HIERO.** in epistola quadam ad **AVGVST.** quæ refertur inter epistolas **AVG.** 1. to. & est 11. capite quarto, ita inquit: *bonum est continentia, malum est luxuria, inter utrumque indifferentia, ambulare, digere alui stercore, capitis navibus purgamenta proicere, sputis phlegmata iacere; hoc nec bonum nec malum est, siue enim feceris, siue non feceris, nec iustitiam habebis, nec iniustitiam*: ex quo testimonio sic argumentor: **HIERONYMVS** loquitur de illis operibus in individuo, ut patet ex illis verbis: *siue enim feceris, &c.* nam fieri non dicitur res aliqua, nisi in individuo; & tamen inquit de eis, quod neque sunt bona neque mala, ergo sensus, non esse præceptum obligans ad referendum omnia opera in individuo in finem bonum morale; patet consequentia, quia posito tali præcepto, necessarium esset opera illa esse bona aut mala: aut enim referrentur in finem bonum, & sic essent bona, aut non referrentur, & essent mala.

QUARTO non est præceptum obligans ad faciendum ea opera, quæ sunt ex obiecto indifferentia, quatenus talia sunt: ut, v.g. ad levandum festucam: ergo neque ad referendum ea in finem bonum: patet consequentia, quia eadem videtur ratio in utroque.

ULTIMO, omissiones istorum operum, &

eorum, quæ pertinent ad consilia, quamvis sumantur absolute, & sine ordine ad aliquem finem bonum moraliter, non sunt malæ, neque prohibita aliquo præcepto: ergo neque volitiones, quibus volumus huiusmodi omissiones sumptas eodem modo; patet *consequentia*, quoniam si obiectum non est contra præceptum, neque velle ipsum erit contra præceptum: quod enim licet, & sine transgressione alicuius legis possumus facere vel omittere, etiam licet possumus velle facere, aut omittere.

Confirmatur, quia non est magis contra legem ommissio ut voluntaria indirecte, quam ut volita actu aliquo formali: sed ommissio alicuius operis indifferens, quamvis sumatur secundum se & sine ordine ad finem bonum moraliter, non est contra aliquod præceptum; ut cum sine ullo actu voluntatis libere omittimus ire in agrum; ergo neque ut volita volitione formali.

§. 2. Eliguntur sententia negans, quæ est Dini Thomæ.

SED NIHILOMINUS SIT CONCLUSIO. nullus actus deliberatus in individuo potest esse indifferens ad bonum & malum morale, sed necessario debet esse aut bonus aut malus moraliter, hanc defendit DIVVS THOM. hoc loco & in secunda distinctione quadragesima prima, artic. 5. & de malo questione secunda artic. 4. & 5. DV RAND. distinctione 40. questione prima GREGOR. & CAPRE. ibidem IOAN. MAIOR. quest. 2. & RICAR. eadem dist. circa secundum principale questione 3. quamvis dissolvat argumenta, quæ proponit contra oppositam sententiam, tamen dicit hanc sibi videri rationabiliorem; & probatur ex fundamento opposito ei, cui altera sententia innuitur, scilicet, teneri homines apponere finem bonum moraliter omnibus actibus suis deliberatis. Si enim opus caret isto fine, erit malum, quoniam non solum carebit aliqua perfectione, sed perfectione debita ratione illius præcepti. Si vero habet istum finem cum aliis requiritis, erit bonum, & id eo sicut non datur medium inter hæc duo, scilicet, actum habere finem illum, aut carere eo: ita neque inter ista, scilicet, eundem actum esse bonum, aut esse malum moraliter. Fundamentum vero illud probatur PRIMO, quia sicut agentia naturalia determinantur suis inclinationibus ad proprios actus: ita agentia libera determinantur ad suos obligatione præcepti; sed agentia naturalia accipiunt à suo auctore inclinationes, quibus determinantur ad tendendum suis actibus in fines convenientes propriis naturis, & in finem ultimum: ergo etiam agentia libera habent à suo auctore præceptum tendendi suis actibus liberis in finem convenientem naturæ rationali, scil. in bonum rationis, quod est bonum morale.

Confirmatur, quia non minus pertinet ad auctorem naturæ dare agenti naturali determinationem naturalem in finem, scilicet, inclinationem propriam, quam dare agenti libero determinationem moralem, scilicet, præceptum; ergo sicut impressit agentibus naturalibus determinationem naturalem quoad omnes actus suos: ita dedit agenti libe-

ro determinationem moralem quoad omnes actus liberos.

SECUNDO, tenemur non expendere pecunias sine aliquo bono fine, & ita qui eas aliter expendit, committit ut minimum peccatum prodigalitatis: sed actus nostri sunt multo maioris pretij, quæ pecuniæ; ergo etiam tenemur aliquo præcepto non exercere eos sine bono fine.

ULTIMO, verbum otiosum est nobis prohibitum, atque proinde peccatum: sed verbum tunc dicitur otiosum, quando dicitur sine bono fine morali; ergo dicere aliquid sine bono fine morale est nobis prohibitum aliquo præcepto, ergo etiam est prohibitum, facere quodcumque aliud opus sine bono fine morali. Hæc *secunda consequentia* patet, quia, nulla videtur esse ratio, cur potius in verbis, quàm in reliquis operibus, teneamur semper intendere bonum finem moralem, cum non sint maioris ponderis verba, quàm reliqua opera deliberata; & maior est de fide, ut constat ex illo MAT. 23. Dico autem vobis, quoniam omne verbum otiosum, quod loquuntur homines, reddent de eo rationem in die iudicii. Minor vero probatur ex communione in die iudicii. Minor vero probatur ex communione in die iudicii. Nam impius Greg. 7. li. moral. cap. 25. & in pastoralis par. 3. ca. 25. adducens

locum illum, ita inquit; otiosum verbum est, quod aut ratione iniusta necessitatis, aut intentione pie utilitatis caret; & homil. 6. in Evangelia pro illis verbis, intentione pia utilitatis; dixit; vitia re vestitudo & HIERONYMVS in expositione illius loci ita inquit, otiosum verbum est, quod sine utilitate, & loquentis dicitur, & audientis: si omisseries de rebus frivolis loquamur, & fabulas narremus antiquas; & addit, ceterum qui scurrilia replicat & in cachinnis ora dissolvit, & aliquid proferat turpitudinis: hic non otiosi verbi, sed criminosi tenebuntur reus, quam expositionem fere ad verbum sequitur, ibi GLOSS. interlinearis, & præterea idem HIERONYMVS in commentariis super epistolam ad Ephesios, quæ habentur tomo 6. exponens illa verba capitis quarti: omnis sermo malus de ore vestro non procedat, sed si quis bonus ad edificationem, &c. ita inquit, quotiens loquimur, aut non in tempore, aut in importuno loco, aut non ut convenit audientibus, totiens sermo malus procedit de ore nostro: consideremus itaque quid loquamur, quia pro omni otioso verbo redditur sumus rationem in die iudicii, & referuntur ista verba 22. quest. 5. quæres vero, & continuo quasi magis scriptum explicans subdit, ut, etiam si non ledamus, non tamen adificemus, mali verbi nobis luenda sit pena; & BASIL. in regulis brevioribus, in responsione ad interrogationem vigesimam tertiam ita inquit, in universum omne verbum, quod ad propositum in Domino usum non facit, otiosum est; & tandem BEDA exponens locum Matthæi, per verbum otiosum, intelligit superfluum loquutionem: constat autem superfluum esse, quidquid non deservit ad proprium finem. Ex recentioribus etiam sequuntur hanc expositionem ABVLAM. questione 77. supra illud cap. Matth. ERASM. in paraphrasi illius loci & IANSEN. supra capite quadragesimo nono sue concor. Evangelicæ; & confirmatur ista expositio ex significatione verbi otiosum; nam otiosum in communi dicitur id, quod non deservit ad finem suum præcipuum, & reputatur inutile, atque superfluum, quamvis conducatur ad alium finem: sicut in ædificio, aut pictura, si aliquid apponatur, quod ad eius finem non pertineat.

1.3. diluuntur argumenta paria affirmantis.

AD PRIMUM respondetur, negando maiorem, & ad probationem, dicendum est, esse diuersam rationem; nam licet nos simus rationales tamen habemus rationem obligatam sensibus, & ideo non possumus semper exercere operationes cum consideratione: at vero quando exercemus aliquem actum deliberate, tunc ratio non est impedita, & potest dirigere eum in finem debitum, & ideo ad hoc obligatur.

AD SECUNDUM respondetur, negando, quod præceptum hoc non sit naturale; & ad primam probationem, dico reduci ad primum præceptum decalogi, quod est de dilectione Dei; & ad secundam, dico, esse diuersam rationem, quoniam finis supernaturalis, non repugnat naturali; & ideo res supernaturalis, quæ dirigit in finem supernaturalem non obligat ad referendum omnes actiones in illum finem, quoniam hoc esset tollere ordinem in finem naturalem.

Ad Confirmationem respondetur negando sequelam, & ad probationem, dico, illos actus non fieri cum deliberatione sufficienti ad peccatum: quia communiter procedunt ex quadam imaginatione ut D. THOMAS inlinuat in secunda conclusionem huius articuli; & apertius supra q. 1. art. 1. ad 3. neque tamen præterea volo excusare à peccato omnes istos actus, cum ab hominibus fiunt sine fine bono morali: sed tunc tantum quando fiunt sine prædicta deliberatione.

AD TERTIUM respondeo, negando maiorem, dummodo intelligatur de illis actibus factis cum deliberatione & aduertentia, quæ sufficiat ad peccatum: si enim fiant sine ea, non erunt peccata, ut modo dicebamus de alijs actibus; & ad probationem concedenda est sequela, neque esset magis ridiculum confiteri, actus istos sic factos, quam confiteri alios actus otiosos aut verba otiosa. *Neque obstat*, non esse certum, actus istos esse peccata cum de eo sint oppositæ sententiæ: quoniam sufficit esse probabile, non solum speculative, sed etiam practice: sicut in alijs sacramentis sufficit quod secundum opinionem isto modo probabilem aliquid sit materia alicuius sacramenti, ut possit ei applicari forma.

AD CONFIRMATIONEM RICHARDVS loco citato admittit HIERONIMVM fauere oppositæ sententiæ; sed IOANNES MAIOR respondet, illa opera communiter fieri sine deliberatione, solo impulsu naturæ: & ideo communiter non esse bona nec mala moraliter; quando tamen fiunt deliberate ad succurrendum indigentia naturæ, habere suam bonitatem, quamuis exiguam: & propterea HIERONIMVM dixisse absolute nec esse bona nec mala.

AD QUARTUM, concesso antecedenti neganda est consequentia: quoniam licet non teneamur leuare festucam, tamen supposito quod deliberate ea leuemus, tenemur apponere huic actui finem bonum; sicut non tenetur aliquis surgere de loco, in quo sedet, & tamen supposito quod velit facere sacrum, debet surgere.

Ad vltimum etiam est concedendum antecedens, & neganda consequentia propter eandem rationem; & ad probationem, dicendum est, illud esse verum, quantum est ex parte obiecti, quia obiectum de se non postulat ut omittatur propter aliquem finem,

sicut neque postulat quod omittatur: tamen ratione actus, quo volumus omittere huiusmodi obiectum est contra præceptum non intendere bonum finem. itaque sicut est malum, non apponere bonum finem actui quo volumus ire in agrum, quamuis ire in agrum, si desumatur secundum se, & sine ordine ad finem bonum, non sit obiectum malum: ita etiam erit malum non apponere bonum finem actui quo volumus omissiones illorum operum, quidquid sit de illis omissionibus.

Ad confirmationem aliqui admittunt, dari omissiones voluntarias indirecte, quæ sint indifferentes ad bonum & malum morale: & ita ad argumentum in forma negant maiorem; & dicunt, rationem discriminis esse, quod ommissio ut voluntaria indirecte non importat aliquem actum voluntaris, sed potius negationem actus, quam nemo tenetur referre in finem bonum; at vero ut voluta aliquo actu formali, importat huiusmodi actum, quem tenetur quicumque referre in finem bonum. *Sed mihi* consequenter ad ea, quæ dixi supra q. 6. art. 3. videtur negandum, dari omissionem voluntariam indirecte, quæ sit indifferens ad bonum & malum morale: quoniam, ut illo loco dixi, ex sententia D. THOMÆ, ommissio actus non est voluntaria indirecte, nisi in eo, qui potest & tenetur agere, & non agit; & ita semper est contra præceptum agendi.

DUBIVM II.

Quomodo debet actus referri in finem, ut sit bonus moraliter?

CONSEQUENTER solet hic inquiri, *quomodo debeant nostre actiones referri in finem ut sint bona moraliter?* sed de hoc agendum est in materia de gratia: nunc breuiter dico, satis esse, quod habeant obiecta conformia rectæ rationi, & ad hoc sufficere, vel huiusmodi obiecta apprehendi rationabiliter ut talia, vel saltem ex natura sua esse veluti media ordinata in bonum rationis: & ita D. THOMAS in 2. d. 40. q. 1. art. 1. dicit, satis esse, quod, cum volumus aliquid obiectum velimus ipsum quia rationabiliter iudicamus esse bonum nobis, vel quoad corpus, vel quoad animam, vel quoad res externas; & hic, ad tertium, ita inquit: *Nam hoc ipsum quod aliquis agit ordinate ad sustentationem, vel quietem sui corporis ad bonum virtutis ordinatur in eo, qui corpus suum ordinat ad bonum virtutis*; neque propter ista vltima verba, existimandum est, requiri peculiarem relationem corporis in bonum virtutis: satis enim est, quod quis non apponat impedimentum contrariæ relationis in finem malum, quia velle bonam valetudinem proprii corporis, est conforme rectæ rationi: & ideo, quia in hunc finem ordinatur, tendit, saltem implicite, in bonum virtutis.

Circa secundam conclusionem disputant aliqui utrum sit vera? & ratio dubitandi pro parte negativa est, quoniam actus illi possunt impedi à voluntate: respondetur omissa priori solutione CAJETANI, D. THOMAM loqui de actibus, qui sunt indifferenter ex obiecto, & istos nullo modo esse voluntarios, quia non directe, cum nullo actu sint voliti: nec indirecte, cum nulla sit obligatio impe-

diendi

diendi eos, quæ requiritur ut effectus subsequens exnegatione actionis impediendi, aut cuiuscumque alterius, sit voluntarius indirecte, ut dixi supra q. 6. art. 3.

ARTICVLVS X.

Vtrum aliqua circumstantia constituat actum moralem in specie boni vel mali?

CONCLUSIO. *Quandocumque aliqua circumstantia respicit specialem ordinem rationis, vel contra, oportet quod circumstantia det speciem actui morali vel bonitati vel malitie.*

COMMENTARIVS.

CIRCA conclusionem hanc NOTANDVM, in ea contineri regulam, qua possit cognosci, quæ circumstantia det actui speciem boni aut mali in genere moris: scilicet, illam circumstantiam, quæ importat peculiarem ordinem conformitatis aut disformitatis ad rectam rationem, dare actui speciem bonitatis aut malitiæ moralis; & est evidens ex ijs quæ diximus articulo primo huius quæstionis, cum agebamus de ratione formalis bonitatis & malitiæ moralis. Si enim huiusmodi ratio, ut ibi diximus, consistit in ordine actus ad terminum ut conformem vel disformem rectæ rationi, non poterit circumstantia dare per modum termini actui speciem boni aut mali moralis, nisi ipsa importauerit ordinem conformitatis aut disformitatis ad rectam rationem; quomodo vero cognoscatur, quæ circumstantia importet specialem ordinem ad rationem non explicatur perfecte à Diuo THOMA in hoc articulo; solum enim inquit quod, cum ratio aliquid ordinat, vel decernit circa circumstantiam per se sumptam, tunc circumstantia importat specialem ordinem convenientiæ aut disconvenientiæ ad rectam rationem; quod quia ratione sit intelligendum explicabimus articulo sequenti, ubi Diu. THOMAS tradit aliam regulam, qua possit hoc sciri de quacumque circumstantia. Sed prius explicanda sunt nonnulla dubia.

PRIMUM EST

circa conclusionem.

An cum circumstantia dat speciem actui, habeat actus duas species in genere moris, vel vnā tantum?

ET magis in particulari, an cum circumstantia dat speciem actui mali moralis, habeat actus duas malitias morales specie distinctas: ubi non loquimur de circumstantia, quæ dat actui primam malitiam, qualis est illa, quæ actui, qui ex obiecto esset bonus, reddit malum: ut cum quis vult dare eleemosinam propter inanem gloriam; nam in isto casu certum est, actum non habere duas malitias,

A neque duas species in genere moris, sed vnā tantum, eamque sumptā ex fine malo, ut probauimus articulo sexto huius quæstionis; sed loquimur de circumstantia, quæ dat actui malitiam secundam, & distinctam ab ea, quam habet ex obiecto, sicut circumstantia loci sacri dat furto malitiam distinctam ab ea, quam habet ex suo obiecto; & inquirimus, an in isto casu vtraque malitia, scilicet ea, quæ sumitur ex obiecto, & ea quæ sumitur ex circumstantia, sit specifica, & ita actus habeat duas species mali moralis: an vero prior sit generica, & contrahatur per posteriorem, tanquam per differentiam, ad constitutionem speciei, & ita actus tantum habeat vnā speciem mali; ut si in exemplo proposito, circumstantia loci sacri non det actui speciem distinctam ab specie furti, sed malitiam furti, tanquam genus, contrahat ad constitutionem speciei sacrilegij.

In qua re certum est apud omnes Thomistas, quod, cum circumstantia, quæ dat speciem, est finis, tunc actus habet duas species in genere moris: ut, si quis foretur propter mæchiam, actus iste habet duas malitias morales specie distinctas, ut probauit loco citato, & colligitur aperte ex Diu. THOMA art. 7. huius quæstionis. Quare tota controuersia est circa alias circumstantias, & in hoc sunt variae sententiæ inter thomistas; nam CONRADVS, in hoc articulo dicit, circumstantias istas non dare speciem disparatam respectu illius, quæ sumitur ab obiecto, sed contentam sub ea, tanquam sub genere; & probatur hæc sententia testimonijs Diu. THOMÆ, nam 2. 2. q. 154. art. 6. 7. 8. 9. & 10. docet, stuprum, raptum, adulterium, incestum, & sacrilegium, prout committitur in violatione personæ sacre, esse species luxuriæ, idque probat, quia in quocumque ex istis actibus, præter deformitatem luxuriæ, reperitur peculiaris alia deformitas ratione peculiaris circumstantiæ, ut in illis articulis videri potest; ex quo aperte colligitur, quod malitia, quæ sumitur ex circumstantia, contrahit eam, quæ sumitur ex obiecto; tanquam rationem genericam: alioqui nullus ex illis actibus posset dici species luxuriæ ratione particularis malitiæ, quam sumit à propria circumstantia, & q. 2. de malo art. 6. ad 2. & ad. 12. inquit, sacrilegium, quod committitur, cum quis furatur aliquid in loco sacro, contineri sub furto; & adulterium sub fornicatione, sicut speciem sub genere. Et confirmatur ratione, quia v. g. adulterium, est tantum vnum peccatum, & idem est de furto sacrilego, ergo etiam est tantum in vnâ specie peccati.

SED CAIET. hoc loco, & 2. 2. q. 154. art. 10. sequitur aperte oppositam sententiam, quæ mihi videtur verior: primo, quia alias sequitur, eandem speciem contineri sub diuersis generibus, quorum vnum non contineatur sub altero, quod est impossibile; & probatur sequela, quia v. g. in furto sacrilego, malitia sacrilegij continetur sub malitia furti, tanquam sub genere, iuxta oppositam sententiam; & simul continetur sub malitia sacrilegij, nam ratio, sacrilegij communis est iniurijs, quæ irrogantur locis, rebus, & personis sacris.

Confirmatur, quia furtum hoc ratione iniuriæ, quæ irrogatur loco sacro, tanquam ratione differentie, constituitur sub genere sacrilegij: ergo ratione eiusdem iniuriæ non constituitur sub genere iniustitiæ, atque proinde, neque sub furto, quod

conti-

continetur sub iniustitia, patet consequentia, quia, ut Aristoteles docet capite tertio antepredicamentorum, diversorum generum non subalternationem positorum diversæ sunt differentie, quibus diuiduntur, & contrahuntur ad constitutionem specierum; constat autem, sacrilegium & iniustitiam esse duo genera, quorum vnum non continetur sub altero, cum primum opponatur religioni, & secundum iustitiæ.

Secundo, quia hæc est expressa sententia D. THOMÆ: nam in hoc articulo in solutione ad tertium inquit, non esse inconueniens, eundem actum esse in pluribus speciebus moris, etiam disparatis; & articulo septimo huius quæstionis, dixit, quando obiectum ordinatur per se ad finem, tunc species, quæ sumitur ex obiecto, non contineri sub ea, quæ sumitur ex fine, tanquam sub genere, nec è conuerso: quia differentie per se diuidunt genus, & non accidentaliter; sed non minus accidentaliter vniuntur cum subiecto alicuius actus circumstantiæ loci, aut personæ, quam circumstantia finis: ergo non minus repugnat ipsis contrahere tanquam genus speciem, quæ sumitur ex obiecto, quam circumstantiæ finis & 2. 2. q. 154 art. 1. ad secundum, inquit, adulterium contineri sub luxuria & sub iniustitia.

Et ad primum testimonium, respondetur, quod, ut CAJET. Aduertit art. 10. illius quæstionis, cum illi actus dicuntur species luxuriæ, non sumitur nomen speciei proprie, sed abusiue & secundum quandam extensionem; nam quamuis in vnoquoque eorum sint duæ malitiæ specificæ, altera luxuriæ, & altera, quæ sumitur ex propria circumstantia: tamen quia hæc ordinatur ad illam tanquam ad finem, ideo dicuntur vni per modum contrahibilis & contrahentis, & illa dicitur habere rationem generis, hæc vero differentie constituentis speciem.

Ad secundum testimonium, concedo Diu. THOMÆ ibi multum saue Corrado, sed non obstat, quoniam postea in summa mutauit sententiam, ut probauit.

Ad confirmationem respondetur, quemcumque ex illis actibus dicivnum peccatum, & nō duo peccata, quamuis habeat duas malitias morales specie distinctas; quia cum hoc nomen peccatum, sit substantiarum concretum, ad eius pluralitatem non sufficit pluralitas significati formalis, sed simul requiritur pluralitas materialis: quod in præsentia casu est vnum tantum, scilicet vnus actus secundum substantiam; de hac autem regula dixi pluram p. q. 39. art. 3.

II. DVBIUM,

Est circa solutionem ad primum & secundum.

An quando circumstantia dat speciem actui, habeat rationem circumstantiæ, vel potius præcipue conditionis, vel differentie specificæ obiecti?

ET RATIO dubitandi est, quia Diu. THOMAS, vt dissoluat illa argumenta, videtur affirmare hoc secundum.

Respondetur, circumstantiā duobus modis posse dare speciem actui; aut enim dat primam speciem, hoc est nō supponentē alia, quæ pertineat ad genus moris, vt, cum aliquis vult dare elemosinā propter inanē

A gloriam, circumstantia finis dat actui primam speciem in genere moris, quia actus ille ab obiecto, scilicet ab elemosina non accipit aliquam speciem pertinentem ad genus moris, vt explicui articulo sexto; aut dat secundam speciem, hoc est supponentem in actu aliam speciem, quæ pertineat ad genus moris, sicut circumstantia loci dat furto sacrilego secundam speciem, quoniam præsupponit in eo malitiam furti sumptam ab obiecto; *In priori casu* circumstantia non habet rationem circumstantiæ, sed differentie essentialis, constituentis primo obiectum in esse obiecti moris, vt loco citato dixi, & colligitur aperte ex D. THOMÆ articulo quinto huius quæstionis, ad quartum; *In posteriori vero* habet rationem circumstantiæ respectu primæ speciei moris, quoniam semper id, quod aduenit rei constituitur in suo esse, habet rationem accidentis, vt etiam dixi supra; non tamen respectu eius speciei, quam dat actui, quoniam respectu huius habet rationem differentie aut conditionis obiecti, in ordine ad rectam rationem, vt ad regulam morum; quoniam ratio vt approbans vel reprobans respicit per se ipsam; An vero sit necessarium, quod circumstantia, quæ dat speciem, sit obiectum, per se intentum, dicemus infra q. 72. art. 9.

ARTICVLVS XI.

Vtrum omnis circumstantia augens bonitatem vel malitiam constituat actum morale in specie boni vel mali.

Conclusio est negativa.

COMMENTARIVS.

EX DOCTRINA huius articuli habemus id, quod in præcedenti diximus, non esse ibi perfecte explicatum à D. THOMÆ, scilicet, quomodo possit cognosce, an aliqua circumstantia respiciat specialem ordinem rationis, quæ requiritur vt possit dare speciem actui in genere moris. Vt autem regula, quam ad hoc explicandum assignat Diu. THOMAS, rectius intelligatur, SUPPONENDVM est ex ipso, duo esse genera circumstantiarum: primum est earum, quæ nisi præsupposita alia circumstantia aut conditione obiecti, à qua actus habeat bonitatem aut malitiam moralem, nō respiciunt ordinem rationis, hoc est rationem vt ordinatam, aut statuentem aliquid circa eas approbandam vel reprobando ipsas, cuius generis sunt, multum & paucum, maius & minus, insensum et remissum, nam ratio nihil ordinat circa hæc, nisi supposito, quod applicentur materiæ aut obiecto sufficienti ad dandum speciem boni aut mali moris, & sic neque approbat neque reprobat magnitudinem aut multitudinem absolute sumptam, sed in obiecto elemosinæ approbat eam, & in obiecto furti reprobat. Secundum genus est aliarum, quæ etiam non præsupposita prædicta conditione ex parte obiecti, respiciunt ordinem rationis, vt cum quis furatur propter Mæchiā, species enim Mæchiæ ex se diffinis est rationi & reprobata ab ipsa, etiam non præsupposito obiecto furti, &

hoc discrimine supposito, facile intelligetur regula, quam DIV. THOMAS tradit, scilicet, quod *circumstantia secundi generis respiciunt specialem ordinem rationis, non vero illa quæ pertinent ad primum genus*; cum enim illæ per se & independenter ab alia conditione obiecti approbentur aut reprobentur à ratione, necesse est quod respiciant specialem ordinem rationis, nempe illum, quo per se & peculiariter approbantur aut reprobantur.

SED CONTRA regulam istam (adiunctam regulæ traditæ in articulo præcedenti) sunt tres difficultates. PRIMA, quia sequitur, quod circumstantia loci in furto sacrilego non respiciat specialem ordinem rationis, & ex consequenti non det speciem actui: probatur sequela, quia ratio non prohibet accipere aliquid de loco sacro, nisi supposito quod iniuste accipitur; & idem argumentum fieri potest de circumstantia personæ, in percussione sacrilega clerici, si enim tollatur malitia iniustitiæ, ut si percussio fiat gratia correctionis, non erit contra rationem illa circumstantia.

SECUNDA DIFFICULTAS est, quia sequitur, quod in prodigalitate, quando est excessus in dando ex parte dantis, & ex parte recipientis, sit duplex malitia secundum speciem: probatur sequela, quoniam quicumque excessus ex istis duobus, altero secluso respicit ordinem rationis, repugnat enim rectæ rationi; ergo quicumque ex eis respicit specialem ordinem rationis; ergo etiam quicumque dat actui propriam speciem mali; *prima consequentia* patet, ex regula huius articuli; & *secunda* ex regula præcedentis articuli; & idem argumentum fieri potest de defectibus quarumcumque circumstantiarum, quando quilibet eorum sufficit ad reddendum actum malum.

VLTIMA DIFFICULTAS est, quia videtur sequi, quod, quando plures circumstantiæ non dant actui distinctas species, sed augent eandem speciem bonitatis aut malitiæ, dent actui plures bonitates aut malitias numero distinctas: probatur sequela, quia quælibet earum dicit ordinem ad rationem distinctum numero ab eo, quem dicit altera; ergo quælibet earum dat actui bonitatem aut malitiam numero distinctam ab ea, quam dat altera. Patet ista consequentia, quia sicut ordines circumstantiarum ad rationem, quando distinguuntur specie, sufficiunt ut circumstantiæ dent actui distinctas species bonitatis aut malitiæ: ita etiam quando distinguuntur

A numero sufficient ut circumstantiæ dent actui bonitates aut malitias numero distinctas.

AD PRIMAM difficultatem respondetur, negando sequelam, & ad probationem, dicendum est, quod circumstantia loci, à qua furtum habet, quod sit sacrilegum, non est absolute accipere de loco sacro, sed accipere cum iniuria ipsius loci; & quævis hoc in fieri pendeat ab iniustitia furti, quoniam si seclusa non irrogaretur iniuria loco accipiendo aliquid: tamen non pendet in prohiberi à ratione, quoniam irrogare iniuriam loco sacro absolute sumptum est contra rectam rationem, etiam si per impossibile furtum non repugnaret ipsi. Et hæc solutio nunc mihi magis placet, quam alia, quam adhibui huic argumento in materia de confessione.

AD SECUNDAM difficultatem etiam est neganda sequela, & ad probationem, concesso antecedenti, neganda est *prima consequentia*, & consequenter *secunda*, & ad probationem *prima*, dico, quod illi duo modi excedendi in dando, sunt conditiones obiecti prodigalitati, includentes ipsum, quando dicunt habitudinem difformitatis aut repugnantiam ad rationem: nam obiectum prodigalitati est dare plusquam opus est; & hoc contingit, quia id, quod datur, excedit facultatem dantis, aut necessitatem recipientis, & ideo de neutro eorum intelligitur regula DIV. THOMAS; sicut nec intelligitur de inobedientia, nec de contemptu legis quatenus sunt conditiones omnium peccatorum, de quo plura dicemus in materia de peccatis.

AD VLTIMAM respondetur negando sequelam, & ad probationem, concesso antecedenti, supposito quod circumstantiæ distinguantur inter se numero, neganda est consequentia: & ad eius probationem, neganda est paritas rationis, quia cum v.g. bonitas actus consistat in relatione ad obiectum ut conforme rationi, sufficit, quod in obiecto cum circumstantiis sint conformitates ad rationem specie distinctæ, vel in actu sint plures bonitates specie distinctæ; sicut ad multiplicationem specificam quarumcumque relationum sufficit pluralitas formalis terminorum; non tamen sufficit, quod in obiecto sint conformitates numero distinctæ, ut etiam in actu sint bonitates numero distinctæ: quia non sufficit pluralitas numerica terminorum, ad pluralitatem numericam relationum, sicut unus pater eadem numero relatione paternitatis refertur ad plures filios, iuxta sententiam DIV. THOMAS.

Finis Læcture quarta, quæ est in 18. Quæst. 1. 2.

Laus Deo opt. max.

LECTURA
QVINTA,

DE

ESSENTIA ET CAUSIS
VIRTVTVM MORALIVM,

AD

QVÆSTIONEM 55. ET 63. DIVI THOMÆ.

INDEX

QVÆSTIONVM,
ARTICVLORVM, ET DVBIORVM

Lecturæ quintę de essentia & causis virtutum.

Ræminis, & diuiso tra-
ctatus.QVÆST. 55. De virtutibus
quantum ad suas essentias.ARTIC. 1. Vtrum virtus
humana sit habitus?
Multiplex acceptio no-
minis. Virtutis.DV8. An virtus sit habitus
essentialiter, vel potius subiectiue tantum & mate-
rialiter?§. 1. Sententia Scoti asserentis virtutem esse habi-
tum materialiter tantum, non autem essentialiter.§. 2. Eligitur contraria sententia D. Thoma, vir-
tutem essentialiter habitum esse.

§. 3. Soluuntur argumenta pro Scotio allata.

ARTIC. 2. Vtrum virtus humana sit habitus ope-
ratiuus?

DV8. De veritate conclusionis D. Thoma.

§. 1. Sententia Scoti & Durandi declaratur.

§. 2. Praefertur sententia D. Thoma, asserentis vir-
tutem esse habitum formaliter operatiuum.

§. 3. Diluuntur argumenta contraria.

ARTIC. 3. An virtus humana sit habitus bonus.

DV8. 1. An habitus virtutis possit concurrere ad a-
lium malum ex obiecto?

§. 1. Explicatur sensus difficultatis.

§. 2. Approbatur sententia negativa.

§. 3. Argumenta contraria proponuntur & dis-
soluuntur.DV8. 2. An habitus virtutis possit inclinare ad a-
lium malum ex circumstantia?

§. 1. Explicatur sensus dubij.

§. 2. Sententia affirmatiua Caietani.

§. 3. Praefertur sententia negativa.

§. 4. Ad argumenta pro Caietano.

DV8. 3. An habitus virtutis possit inclinare ad a-
lium bonum, qui ex ignorantia putatur malus.§. 1. Quid dicendum si ignorantia ponatur inuinci-
bilis?§. 2. Quid si ignorantia aut inaduerentia sit vinci-
bilis.

ART. 4. Vtrum virtus conuenienter definitur.

§. 1. Definitiones tradite ab Aristotele examinan-
tur.

§. 2. Definitio tradita ab Augustino expenditur.

QVÆST. 63. de causa virtutum. Ratio ordinis.

ART. 1. Vtrum virtus infusetur nobis à natura.

§. 1. Quomodo virtus secundum inchoationem sit
homini naturalis.§. 2. Quomodo virtus secundum consummationem
non infusetur nobis à natura?ART. 2. Vtrum aliqui virtutes emittantur in nobis ex
affinitudine operum?

§. 1. Exponitur titulus articuli.

§. 2. Quomodo virtus ut versatur circa bonum
modificatum per rationem humanam possit a nobis hu-
manis acquiri?§. 3. Quomodo virtus ut circa bonum modificatum
per legem diuinam, non nisi ope diuina possit acquiri.ARTIC. 3. Vtrum aliqua virtutes morales sint in
nobis per infusionem.ARTIC. 4. Vtrum virtus acquisita sit eiusdem spe-
cies cum virtute infusa?DV8. Vtrum de facto secundum legem Dei ordina-
riam in iustificatione simul cum gratia infundantur
virtutes morales?

§. 1. Exponitur titulus dubij.

§. 2. Paria sententia explicantur.

§. 3. Sententia affirmatiua D. Thomę eligitur.

§. 4. Quam censuram mereatur sententia contraria?

§. 5. Ad argumenta. Vbi primo, de prudentia &
theologia infusa.

2. De oppositione virtutum cum virtutibus infusis.

3. An virtutes infusa praesent aliquam facilitatem
potentijs.



LECTURA QUINTA.

De virtutum essentia & causis.

PROOEMIUM, ET DIVISIO TRACTATUS.



QVAMVIS DIV. THOMAS ab hac quæstione vsque ad 68. in qua incipit agere de donis, multa disputet de virtutibus, nos ex omnibus, QUATVOR tantum, quæ magis præcipua sunt & peculiariter pertinent ad hunc tractatum de virtutibus in communi, assumpsimus explicanda; **P**RI-MVM est, quæ sit quidditas & essentia virtutis in communi: quod pertinet ad causam formalem; quoniam in simplicibus, quæ non constant materia & forma, ratio formalis habet modum causæ formalis. **S**ECVNDVM est, quæ sit eius causa efficiens? cuius occasione disputabimus de distinctione virtutum infusarum ab acquisitis? & an dentur virtutes morales infusæ? **T**ERTIVM, quæ sit causa materialis, siue quod sit subiectum virtutum? **Q**VARIVM, an ad quamcunque virtutem requiratur connexio cum reliquis? quod pertinet ad quandam perfectionem, siue proprietatem ipsarum virtutum. Et licet hæc omnia possent disputari tam de virtutibus moralibus, quam de intellectualibus & Theologicis: tamen peculiariter disputabimus ea de moralibus, quoniam de reliquis agit **D**IVVS THOMAS ex professo in secunda secundæ, & de singulis horum dicemus circa aliquam quæstionem **D**IVI THOMÆ. Et de primo circa primam quæ est, quinquagesima quinta, In qua **D**IU. THOMAS quatuor articulis investigat virtutis essentiam, & tradit eius definitionem.

QVÆSTIO QVINQVAGESIMA QVINTA,

*De virtutibus quantum ad earum essentias in 4.
articulos diuisa.*

ARTICVLVS PRIMVS.

*Utrum virtus humana sit
habitus?*

CONCLUSIO est affirmativa.

Multiplex acceptio nominis virtutis.

CIRCA TITVLVM NOTA D. THOMAM eius occasione in corpore explicuisse, quid nominis virtutis humanæ, siue quid hoc nomine significetur. Pro quo aduertendum est, tot esse acceptiones huius nominis, *virtus*, vt GABRIEL in 3. d. 17. quæst. 1. artic. 2. notabili 1. referat octo, quibus omissis, solum explicabimus tres, quarum meminit D. THOMAS in solutione ad primum huius articuli: *Prima* pro obiecto; *secunda* pro actu, siue operatione; *tertia*, pro complemento, aut perfectione potentie, quæ est principium actus, quicquid sit huiusmodi complementum; sicut fides christiana appellatur *veritas*, quæ credimus tanquam obiectum; & actus credendi; & habitus fidei, & *primo modo* sumptis hoc nomen ARISTOTELIS libro 1. de celo cap. 11. cum dixit, virtutem esse *ultimum potentie*, vt exponit DIUS THOMAS hoc loco, & 2. 2. quæst. 13. art. 3. ad 1. & quæst. 1. de virtutibus artic. 9. ad 15. nos tamen hic sumimus ipsum in *ultima acceptione*, scilicet pro complemento ultimo potentie, in ordine ad operationem; hoc autem complementum consistit in quadam determinatione potentie in ordine ad suum actum; & quoniam potentie naturales secundum seipsas sunt ultimo determinatæ ad suos actus, ideo per virtutes earum intelliguntur ipsæ potentie; & è contra in potentijs rationalibus, quia non sunt secundum se determinatæ ad suos actus, sed habent aliquam indifferentiam respectu eorum, saltem quoad specificationem; per virtutes earum intelliguntur aliquæ formæ accidentales superadditæ ipsis potentijs, & aliquomodo ab eis distinctæ. Quare nomine virtutis humanæ in titulo huius articuli significatur forma aliqua perficiens, & determinans potentiam rationalem in ordine ad suam operationem. Verum quamvis DIUS THOMASumat nomen hoc in tota hac latitudine, qua comprehendit omnes virtutes humanas tam morales, quam pure intellectuales: nos strictius sumimus ipsum pro virtute humana morali, quæ est determinatio & complementum potentie humanæ in ordine ad operationem bonam moraliter.

CIRCA CONCLUSIONEM
EST DUBIVM.

An hæc forma, quam diximus significari nomine virtutis humanæ, sit habitus essentialiter, vel potius subiectiue tantum, & materialiter?

QUOD EST inquirere, an propria ratio formalis virtutis humanæ adueniat habitui, sicut differentia contrahens ipsum, tanquam genus ad constitutionem virtutis, vt integræ naturæ specificæ, sicut rationale contrahit animal ad constitutionem hominis; vel potius, sicut accidens completum in sua specie, & constituens cum ipso, tanquam cuni suo subiecto, vnum accidentaliter.

§. 1. *Sententia Scoti asserentis virtutem esse habitum materialiter tantum, non autem essentialiter.*

IN QUA quæstione supponimus vt certum, virtutem esse habitum, quod ab omnibus admittitur: & inquirimus qua ratione virtuti conueniat esse habitum; & in hoc est diuersitas sententiarum. Nam SCOTVS in 1. d. 17. q. 2. §. *quantum ad ipsum articulum* & §. *ad argumenta alia*, & in quodlibetis. q. 18. §. *de primo*, asserit, virtutem non esse habitum essentialiter, sed materialiter tantum; & fundamentaliter, & vt hoc explicet, inquit, virtutem completam, & constitutam in esse virtutis, esse compositum quoddam accidentale, vt album; & consequenter importare duo, vnum vt materiale, & alterum vt formale: quæ non vniuntur inter se ad constituendum aliquam essentiam, aut speciem integram & completam, sicut genus & differentia, sed solum accidentaliter, vt corpus & albedo: *materiale* dicit esse formam quandam absolutam, contentam sub habitu in genere qualitatis; *formale* vero, per quod ista forma de genere qualitatis habet complete & formaliter esse virtutis, dicit esse relationem conformitatis habitualis ad prudentiam, vel clarius, relationem coexistentie cum prudentia in eodem operante: atque ita concludit, virtutem formaliter & essentialiter esse hanc relationem, & fundamentaliter tantum, aut subiectiue esse habitum. Et huic sententiæ fauet DURANDVS in 3. d. 36. q. 2. n. 8. vbi inquit, virtutes morales dependere essentialiter à prudentia. Et apertius GABRIEL in 3. d. 23. q. 2. art. 1. parum ante finem, vbi, saltem de habitibus, qui sunt in intellectu & voluntate, inquit, quod solum sunt virtuosus extrinsecè, non intrinsecè & essentialiter.

ET PROBATVR hæc sententia PRIMO, quia virtus constituitur formaliter in esse virtutis per relationem, ergo non continetur sub habitu, tanquam sub suo genere; & ex consequenti, non est essentialiter & quidditatiue habitus, sed vt plurimum fundamentaliter: *prima consequentia* patet, quia habitus pertinet ad prædicamentum qualitatis, & relatio ad prædicamentum ad aliquid: & genus &

differe-

differentia per se diuisiva ipsius non possunt pertinere ad diuersa predicamenta, alias species ex eis constituta pertineret ratione suae differentiae ad vnum predicamentum, & ratione generis ad aliud: & *antecedens* probatur tripliciter, *primo*, quia virtus formaliter habet quod sit virtus, in quantum conuenit potentiae, quam disponit: cuius signum est, quod si, verbi gratia, forma, quae dicitur temperantia, poneretur in Angelo, non diceretur virtus, quia non disponderet ipsum conuenienter ad suam naturam: & tamen in homine est virtus, quia recte disponit ipsum; sed haec conuenientia est quaedam relatio ad subiectum: ergo virtus constituitur formaliter in esse virtutis per relationem. *Secundo* probatur idem *antecedens*, quia forma quae dicitur virtus, nulla mutatione in ipsa facta, amittit esse virtutis per corruptionem prudentiae, & acquirit hoc esse per aduentum eiusdem prudentiae, & verumque contingit propter mutationem materiei extrinsecas, aut legis: ergo esse virtutis consistit formaliter in relatione aliqua coexistentia cum prudentia; *consequens* patet, quia proprium est relationum, quod acquirantur & deperdantur sine mutatione subiecti; & *antecedens* quoad *priorem partem* patet, quia si in habente virtutem temperantiae corrumpatur, aut desinat esse prudentia, non poterit temperantia determinare & inclinare suum subiectum ad id, quod in sua materia est consonum rectae rationi, & ex consequenti non habebit complete & formaliter esse virtutis, & quoad *posterio-rem*, quoniam habitus temperantiae genitus ex actibus temperantiae elicitis sine prudentia, aut cum ratione erronea, non habet esse virtutis, donec adueniat recta ratio, & prudentia; & ea adueniente, incipit esse virtus: & est notum in his casibus, quod neque per corruptionem, neque per aduentum prudentiae, neque per mutationem legis aut materiei sit mutatio in ipso habitu, cum haec omnia sint omnino extrinseca habitui; & quoad *utramque partem* probatur in casu, quo fit mutatio legis, aut materiei; nam, verbi gratia, si quis acquirat habitum virtutis comedendi temperate carnes certo tempore, & postea accedat lex id prohibens, iam habitus ille inclinabit ad comedendum carnes eodem tempore, atque adeo in malum; & ex consequenti desinet esse virtus: & similiter, si quis acquirat habitum vitij inclinantem ad delectationem illicitam accedendi ad aliquam mulierem non suam, & postea ducat eam in uxorem, iam idem habitus inclinabit ad illam delectationem vt licitam, & ex consequenti incipit esse bonus, & virtus. *Tertio* probatur idem *antecedens*, quia virtus solum addit habitui bonitatem moralem: sed haec bonitas est quaedam relatio; ergo virtus formaliter consistit in relatione; probatur *illa minor*, quia bonitas moralis, etiam vt conuenit habitibus, non est aliud, quam bonitas transcendens, limitata ad materiam particularem moris: sed bonitas transcendens solum addit enti relationem conuenientiae; ergo etiam bonitas moralis, quae est in habitu virtutis, solum addit entitati ipsius habitus relationem conuenientiae respectu naturae rationalis, cui est conueniens.

Secundo principaliter sic argumentor: virtutes intellectus sunt perfectiores in ratione habitus, quam virtutes voluntatis; & e contra istae sunt perfectiores quam illae, in ratione virtutis vt docet

A *Div. Thomas* infra quest. 66. artic. 3. ergo virtus non est essentialiter habitus; patet *consequens*, quia impossibile est quod gradus genericus sit magis perfectus in vna re, quam alia, & gradus differentialis non sit magis perfectus: cum inter genus, & differentiam per se diuidentem ipsum, debeat esse proportio.

Tertio, virtus formaliter constituitur in esse virtutis per quandam differentiam pertinentem ad genus moris; ergo virtus formaliter sumpta non est essentialiter habitus; patet *consequens*, quia cum genus moris supponat totum ordinem naturae tanquam fundamentum, & materiam, nihil, quod pertineat ad ordinem naturae, poterit ingredi intrinsece rationem formalem pertinentem ad genus moris: sicut fundamentum, aut subiectum non ingreditur intrinsece rationem formalem rei, quae in ipso recipitur; sed habitus pertinet ad ordinem naturae; ergo non ingreditur intrinsece essentiam virtutis formaliter sumptae, & ex consequenti virtus formaliter sumpta non est essentialiter habitus; & *antecedens* probatur, quia virtus formaliter sumpta est inclinatio habitualis, & ex consequenti ordo in actum, & in obiectum sub ratione boni moraliter, ergo constituitur in esse virtutis per differentiam pertinentem ad genus moris, patet *haec consequens*, quia ordo tendentiae actualis in obiectum sub ratione boni moralis pertinet ad genus moris, vt patet in actibus; ergo etiam ordo inclinationis habitualis in obiectum sub ratione boni moralis pertinet ad genus moris.

Ultimo, sicut se habet esse virtuosum actuale ad actum, ita proportionaliter se habet esse virtuosum habituale ad habitum; sed esse virtuosum actuale non comparatur ad actum vt ad suum genus, sed solum vt ad fundamentum, & subiectum, & ita non est essentialiter actus, sed fundamentaliter tantum; ergo similiter, esse virtuosum habituale non comparatur ad habitum vt ad suum genus, sed solum vt ad fundamentum, & ex consequenti non est habitus essentialiter, sed tantum fundamentaliter.

Confirmatur, quoniam cum habitus virtutis acquiratur generetur ex actibus, videtur, quod quicquid est in actu, sit proportionaliter in habitu virtutis: sed in actu sunt duo, scilicet esse actuale virtutis, quod consistit in relatione conformitatis ad rationem, & substantia actus; & primum non continetur essentialiter, sub secundo, sed comparatur ad ipsum vt ad suum subiectum: ergo similiter in habitu virtutis sunt alia duo concedenda, scilicet esse habituale virtutis, quod consistit in relatione conformitatis habitualis ad rationem, & substantia habitus, & est dicendum quod primum non continetur essentialiter sub secundo, sed comparatur ad ipsum vt ad suum subiectum.

S. 1. Eligitur sententia D. Thoma, afferentis virtutem esse habitum essentialiter.

PRIMA CONCLUSIO: In virtute reperitur ratio habitus contraria ad constitutionem speciei per formalitatem quandam tanquam per differentiam: & haec formalitas consistit in modo quodam inclinationis habitualis in obiectum virtutis. In hac conclusione

quantum ad priorem partem, scilicet quod ratio ha-
bitus in virtute sit contracta per aliquam differentiam
essentialem ad constitutionem alicuius speciei, debent
omnes convenire. Et probatur facile, quia omnes
concedunt, reperiri in virtute rationem habitus, ut
dixi in principio huius dubij: sed non possunt di-
cere esse abstractam à proprijs individuis, & ex
consequenti, neque à speciebus; quia ratio gene-
rica neque potest esse à parte rei abstracta à singu-
laribus, neque potest contrahi ad singularia, nisi
prius contrahatur ad aliquam speciem; ergo con-
sequenter debent concedere, esse contractam per
aliquam differentiam essentialem ad constitutio-
nem alicuius speciei. Quoad posteriorem vero par-
tem, scilicet; quod hac differentia consistat in modo
quodam inclinationis habitualis in obiectum virtutis,
non admittitur ab omnibus; nam SCOTVS conce-
dit habitum, qui est fundamentum virtutis, esse
quidem individuum à parte rei, & consequenter
pertinere ad aliquam determinatam speciem habi-
tus; cæterum dicit differentiam, per quam habi-
tus contrahitur ad hanc speciem, non esse inclina-
tionem ad obiectum virtutis formaliter sumptum,
quatenus est obiective conforme rectæ rationi, sed
solum secundum suum esse naturale, verbi
gratia, in obiecto habitus temperantiæ, quatenus
est tanta vel tanta quantitas cibi, & non maior ne-
que minor, quæ posset etiam esse obiectum man-
dicationis in homine, non habente usum rationis,
aut etiam in bruto.

Sed contra eum probatur nostra conclusio, quo-
niam habitus in potentia in differenti & non deter-
minata ex natura sua ad suum obiectum, determi-
nat ipsam per modum inclinationis habitua-
lis ad tale obiectum: sed in nostro casu habitus
temperantiæ est in appetitu indifferenti & non
determinato ex natura sua ad obiectum virtutis
temperantiæ, non solum secundum eius esse na-
turale, sed etiam formaliter quatenus est obiectum
virtutis, & conforme rectæ rationi; ergo determi-
nat appetitum per modum inclinationis habitua-
lis ad illud obiectum, secundum utramque ratio-
nem; & ex consequenti hic modus inclinationis
habitualis convenit habitui temperantiæ secun-
dum aliquem gradum suæ entitatis: & cum non
conveniat ei secundum gradum genericum habi-
tus, sequitur quod convenit secundum gradum
differentialem, atque adeo quod differentia con-
stitutiva speciei huius habitus consistit in quodam
modo inclinationis habitualis ad obiectum virtu-
tis formaliter sumptum, quatenus est obiectum
virtutis.

Confirmatur primo, quoniam appetitus per actus
temperantiæ non minus redditur facilis respectu
objecti, quoad esse formale objecti virtutis, quam
quoad esse naturale: ergo non minus acquirit in
habitu producto per huiusmodi actus inclinatio-
nem habitualement ad obiectum quoad priorem ra-
tionem, quam quoad posteriorem.

Confirmatur secundo, quoniam habitus, qui est
virtus intellectualis, importat secundum suam dif-
ferentiam specificam inclinationem habitualement
ad suum obiectum, quatenus formaliter est bonum
intellectus, scilicet verum; ergo etiam habitus, qui est
virtus appetitus, importat secundum suam differen-
tiam specificam inclinationem ad suum obiectum, qua-
tenus formaliter est bonum appetitus rationalis,

A scilicet conforme rectæ rationi.

Sed quæres, quidnam sit iste modus inclinationis
habitualis, in quo dicimus consistere differentiam
essentialem huius habitus, qui reperitur in virtute?
Respondetur, esse relationem quandam habitualement
pertinentem ad prædicamentum qualitatis ad la-
tus, tanquam quid incompletum in eo genere: sicut
dici debet de modis commensurationum aut co-
aptationum ad obiecta, in quibus consistunt, iuxta
doctrinam ARISTOTELIS, differentiarum potentiarum,
& aliorum habituum.

SECUNDA CONCLUSIO. In virtute morali non
solum reperitur duæ istæ formalitates explicatae in
precedenti conclusione, sed etiam duæ relationes tran-
scendentes, quarum una est relatio convenientiæ &
congruitatis ad naturam potentia, cui inheret, & al-
tera relatio subordinationis habitualis ad prudentiam.
In hac etiam conclusione conveniunt omnes; nam
SCOTVS expresse dicit, has duas relationes conve-
nire virtuti morali, ut constat ex argumentis pro-
positis pro eius sententia. Et Div. THOMAS in hoc
articulo concedit, convenire ei priorem, quoniam
inquit, virtutem esse perfectionem potentia. quod
cum non possit intelligi de perfectione in genere
entis; (alias enim error, cum sit quidam actus, &
ex consequenti perfectio entitativa sui subiecti, ef-
ficeret virtus intellectus) necessario erit intelligendum
de perfectione conformi & consentanea naturæ
potentia, atque proinde iuxta hanc doctrinam D.
THOMAS virtus importat relationem conformita-
tis & congruentia ad naturam subiecti; & infra q.
58. art. 4. docet, etiam convenire virtuti postero-
rem relationem, quoniam inquit, virtutem mor-
alem non posse esse sine prudentia, quod saltem
debet intelligi de conjunctione cum prudentia;
quam virtus moralis postulat secundum suam na-
turam.

Et probatur quantum ad priorem relationem, quia
virtus moralis secundum propriam rationem for-
malem inclinat, & faciliat subiectum ad bonum
conforme rectæ rationi, quod est conveniens &
congruum naturæ rationali: ergo ex propria ra-
tione est inclinatio conveniens naturæ rationali,
& ex consequenti importat relationem conve-
nientiæ & congruitatis ad ipsam. Et idem argu-
mentum fieri potest de virtutibus intellectualibus
respectu intellectus, quia etiam inclinant, &
facilitant ad verum, quod est bonum intelle-
ctus.

Et quantum ad posteriorem relationem, quæ solū
convenit virtutibus moralibus, probatur, quia vir-
tus moralis, ut nunc dicebam, secundum propriam
rationem inclinat ad obiectum conforme rectæ ra-
tioni; ergo ex propria ratione dependet à recta ra-
tione dirigente ipsam, & quasi per modum mensu-
ræ præstituentem & taxantem ipsi suum obiectum:
sed hæc dependentia est relatio subordinationis
habitualis ad rectam rationem; ergo virtus mora-
lis ex propria ratione formali habet importare re-
lationem subordinationis habitualis ad pruden-
tiam.

TERTIA CONCLUSIO. Virtus moralis quoad om-
nia, quæ sunt intrinseca suæ essentia, consistit in duabus
formalitatibus explicatis in prima conclusione, & duæ
relationes explicatae in secunda non sunt ipsi intrinseca,
sed consequuntur ad eius essentiam quasi per modum
proprietas. Hæc est expressa sententia D. THOMAS

in hoc

in hoc articulo, & apertius articulo 4. huius quæstionis, ubi ait, habitum esse genus proximum virtutis; quod non posset esse verum, nisi differentia essentialis virtutis simul cum habitu constitueret intrinsece eius essentiam; atque adeo nihil aliud pertineret ad eam intrinsece. Et in 3. d. 23. q. 1. art. 3. q. 1. & de spiritualibus creaturis q. 4. quæ est de virtutibus in communi art. 9. & sequuntur cum CAIETANUS hoc loco & CAPREOLUS in 3. d. 23. q. unica art. 3. ad argumenta contra secundam conclusionem.

Et probatur prima pars, quia inclinatio habitualis in obiectum formale virtutis est differentia essentialis ipsius virtutis moralis; ergo per hanc differentiam, simul cum ratione habitus, quæ contrahit tanquam genus, constituitur essentia virtutis moralis quoad omnia, quæ sunt ei intrinseca; *antecedens* patet, quia respectus transcendentalis per modum inclinationis habitualis ad obiectum formale virtutis moralis est differentia essentialis virtutis moralis sumptæ formaliter: sicut inclinatio habitualis ad obiectum formale artis est differentia essentialis artis sumptæ formaliter quatenus est ars; & *consequentia* probatur, quia nihil est intrinsecum alicui essentia præter genus & differentiam, quibus constituitur, & ea quæ sunt, his gradibus intrinseca.

Et ex hac parte manet probata secunda: quia si in illis duabus formalitatibus consistit essentia virtutis quoad omnia, quæ sunt ipsi intrinseca, bene sequitur quod illæ duæ relationes non sunt intrinseca eidem essentia. Et præterea probatur in particulari de *prima relatione*, quia ideo virtus est convenientis naturæ rationali, quia est talis secundum suam essentiam; & è contra ideo vitium est inconvenientis; quia est tale secundum suam speciem: sicut calor ideo est convenientis igni, & inconvenientis aquæ, quia est talis secundum suam naturam; ergo relatio convenientiæ ad naturam rationalem non pertinet intrinsece ad essentiam virtutis, sed præsupponit eam, tanquam radicem, ad quam consequitur. Et simili argumento probatur idem de *secunda relatione*, quia virtus ideo importat subordinationem ad rationem, quia secundum suam essentiam respicit obiectum mensuratum à recta ratione, & ei conforme; sicut habitus artis, ideo importat subordinationem ad rectam rationem in genere artificialium, quia secundum suam essentiam respicit obiectum conforme tali rectæ rationi; ergo in virtute, sicut in arte, præsupponitur essentia ad huiusmodi subordinationem, nec modo disputo, an ista conformitas obiectiva ad rectam rationem pertineat ad obiectum virtutis moralis, tanquam conditio necessario requisita, vel potius tanquam ratio formalis, quoniam de hoc agendum est postea.

ULTIMA CONCLUSIO, *Virtus moralis formaliter sumpta, quatenus est virtus moralis, est essentialiter habitus*. Hæc est expressa sententia Div. THOMÆ locis citatis pro præcedenti conclusione; & colligitur aperte ex ea; quia si essentia virtutis moralis constituitur ex ratione habitus tanquam ex genere, bene sequitur quod virtus moralis est essentialiter habitus.

Et Confirmatur testimonio ARISTOTELIS 2. Ethicorum c. 5. inquirentis genus virtutis, ubi probat eam contineri in genere habitus; & tamen

A non potest dici, ARISTOTELEM loqui de virtute sumpta materialiter, aut fundamentaliter, & non formaliter: quoniam alias non explicuisset genus virtutis sumptæ formaliter; de ratione vero, quæ ibi ARISTOTELES videtur, nihil dico, quoniam longiorem postulat explicationem, quamvis, si bene intelligatur, sit satis efficax.

Ex his sequitur, falsum esse id, quod SCOTVS dixit ad explicationem suæ sententiæ, scilicet, virtutem esse quoddam compositum accidentale, quod de materiali importat habitum, & de formali relationem conformitatis habitualis ad rectam rationem: quoniam virtus non est compositum accidentale, sed importat unam essentiam specificam, ad quam pertinet habitus intrinsece tanquam genus, & illa relatio tanquam quid consequens ad ipsam; vtrum vero nomen virtutis fuerit impositum ad significandum solum essentiam illam specificam, vel potius aggregatum ex ipsa, & illa relatione, per modum nominis concreti: ita ut de formali importet relationem, & de materiali essentiam specificam illius habitus; pertinet ad quæstionem de nomine, in qua non est cur laboremus, si quidem constat de re, & quamvis SCOTVS dicat hoc secundum; mihi magis placet primum, quoniam est receptum communi usu philosophorum, & Theologorum; quem in loquendo sequi debemus; & ita ARISTOTELES in post prædicamentis, capite de oppositis; & 2. Ethicorum c. 8. & 1. de cælo c. 4. cum docet, virtutem & vitium opponi contrarie, sumit virtutem pro inclinatione habituali ad obiectum oppositum obiecto vitij, & non pro aggregato ex huiusmodi inclinatione, & illa relatione ad rectam rationem.

5. 3. Solvuntur argumenta pro Scoti sententia.

AD PRIMUM respondetur, primo, quod si antecedens intelligatur indeterminate de quacunque relatione, etiam transcendentali, debet concedi *antecedens*, quia, ut dixi in fine primæ conclusionis, differentia contrahens ad speciem habitus, quæ reperitur in virtute, consistit in relatione transcendentali ad obiectum virtutis: & ut dixi in tertiâ conclusione, hæc eadem differentia constituit essentiam virtutis formaliter sumptæ; cæterum *neganda est consequentia*; & ad probationem dicendum est quod hæc relatio transcendentalis non pertinet ad prædicamentum ad aliquid, sed ad prædicamentum qualitatis; sicut etiam dixi, loco citato, differentias specificas habituum & potentiarum esse commensurationes quasdam ad sua obiecta, quæ sunt relationes transcendentales, & nihilominus constitui in prædicamento qualitatis ad latus. *Secundo* respondetur negando antecedens, si intelligatur de relationibus, de quibus fit sermo in eius probationibus; & ad primam probationem respondetur negando maiorem; & ad signum, quod probatur, dicendum est, quod si virtus temperantiæ poneretur in Angelo, diceretur virtus moralis quoad essentiam, quamvis deesset ei relatio convenientiæ ad naturam subiecti; quia hæc relatio, ut dixi, non pertinet intrinsece ad essentiam virtutis; sed consequenter ad eam per modum proprietatis.

Sed obicitur, quia temperantia non daret Angelo suum effectum formalem primum quatenus est virtus, quia neque daret ei esse inclinatum habitualiter ad bonum temperantiæ, neque esse temperatum; quoniam Angelo repugnant huiusmodi effectus; ergo non esset in eo secundum essentiam virtutis, quia non potest forma aliqua secundum suam essentiam esse in aliquo subiecto, nisi communicet ei suum effectum formalem primum.

Respondetur imprimis, quod hæc obiectio eandem difficultatem habet contra oppositam sententiam, quia essentia habitus temperantiæ, qui secundum oppositam sententiam supponitur tanquam fundamentum virtuti, consistit in inclinatione habituali ad obiectum temperantiæ, sumptum secundum suum esse naturale, & præsciendū à conformitate ad rectam rationem; & non minus repugnat Angelo esse inclinatum ad huiusmodi obiectum secundum suum esse naturale, quam addita illa conformitate; deinde dicitur, quod in nostra solutione nihil definimus circa illam questionem, an Angelus posset esse subiectum virtutum moralium, quæ versantur circa passiones, siue sumantur tantum ut habitus specificativi in genere naturæ, siue etiam ut virtutes formaliter, quia secundum utramque rationem est eadem difficultas, ut nunc dicebamus; sed supposito ex conditione quod Angelus sit earum subiectum, explicamus quæ ratione huiusmodi virtutes sint in ipso quoad suam essentiam, quamvis desit eis relatio convenientiæ ad naturam subiecti; verum vero satis sit, quod Angelus possit inclinari habitualiter ad actus conditionatos circa obiectum temperantiæ, aut ad absolutos, ut est bonum aliorum, ut sit subiectum huius virtutis, & idem est de omnibus quæ versantur circa passiones.

Ad secundam probationem respondetur negando antecedens; & ad probationem prioris partis, respondetur, quod quamvis in habente virtutem temperantiæ amittatur prudentia, non solū quoad habitum, sed etiam quoad actum dictaminis recti, virtus temperantiæ, non amittit esse virtutis quoad essentiam, sed solum quoad perfectionem quandam accidentalem & extrinsecam, quam participat ex coniunctione cum prudentia; nam cum virtus moralis sit habitus electivus in mediocritate consistens ut definierit prudens, (ut postea dicemus) perficitur & completur quoad ea, quæ postulat, extra suam essentiam, per coexistentiam cum prudentia; & rursus, cum ad operationem virtutis moralis requiratur lumen & dictamen prudentiæ, ostendens quid sit consonum rectæ rationi; etiam perficitur accidentaliter in ordine ad operandum per coexistentiam cum hoc dictamine prudentiæ; Quare in eo casu virtus temperantiæ esset inclinativa per modum habitus in bonum conforme rectæ rationi; quamvis non perfecte & complete propter defectum prudentiæ; quoniam ut inclinatio habitualis in bonum conforme rationi, quæ est virtus, sit omnino perfecta & completa etiam quoad accidentalia, requirit coniunctionem cum principio directivo ostendēte & iudicante obiectum; & propter eandem rationem non posset operari, quia non haberet obiectum in quod terminarentur sui actus; non tamen propter hoc non haberet essentiam virtutis; sicut potentia visiva,

quamvis cum caret specie coloris, careat complemento quodam accidentali sibi debito, ut cum caret lumine manifestante obiectum, non posset operari, habet essentiam potentiæ visivæ completam quoad omnia quæ intrinsece pertinent ad eius essentiam.

Scio aliquos ex Thomistis dicere, quod virtus in eo casu maneret in ratione habitus, & non in ratione virtutis; & alios, quod maneret in ratione virtutis, & sine perfectione accidentali, tamen intrinseca suæ entitati. *Sed decipiuntur*, ut ostendam infra, cum agam de connexionione virtutum moralium cum prudentia.

Et ad probationem posterioris partis dicendum est, quod habitus temperantiæ acquisitus sine prudentia per actus bonos, est habitus bonus in esse naturæ, non tamen bonitate morali virtutis; neque acquireret eam, quamvis adveniat prudentia sed solum facilitabit aliquomodo subiectum ad actus virtutis temperantiæ, sicut etiam complexio corporalis sepe adiuvat & faciliat ad actus multarum virtutum moralium. De habitu vero acquisito per actus procedentes ex ratione erronea dicendum est, quod si ratio sit erronea vincibiliter practice, actus ex ea procedentes erunt mali; & ex consequenti habitus, per eos acquisitus erit vitium, & nunquam acquirat esse virtutis, quantumcumque rectificetur ratio circa suam materiam, ut latius explicabo articulo tertio huius questionis. Et ad alia duo exempla, quibus probatur utraque pars huius antecedentis, dicendum est: quod in primo habitus virtutis temperantiæ non inclinat ad comedendum carnes potius una die quam alia, sed ad comedendum quando, & quomodo, & quantum oportet, cum reliquis circumstantiis; quare qui acquisivit virtutem temperantiæ actibus comedendi carnes temperate feria quarta & quinta, si Ecclesia prohibeat comedere illis diebus carnes, non inclinabitur virtute ad comedendum tunc carnes, sed potius ad abstinendum ab eis, ut magis explicabo articulo tertio huius questionis; & in secundo exemplo, habitus virij non inclinabit ad illam delectationem, quatenus est licita & consentanea rectæ rationi, sed præcise quatenus est delectatio carnis, & ex consequenti non incipiet esse virtus, quia ad virtutem non est satis inclinare ad actum qui reuera est consonus rectæ rationi, sed necesse est inclinare ad illum, quatenus talis est, de quo plura dicam loco citato.

Ad tertiam probationem antecedentis principalis huius argumenti respondetur primo, negando maiorem, si intelligatur de bonitate morali formaliter sumpta, quoniam hæc bonitas solum reperitur in actibus, qui sunt formaliter liberi: at vero in virtutibus reperitur bonitas moralis radicaliter sumpta, quæ consistit in hoc, quod est esse principium operandi bene moraliter, quia virtutes morales inclinant ad sic operandum: sicut ars non importat bonitatem artificialem formalem, quoniam hæc consistit in conformitate ad regulas artis, quæ solum reperitur in operationibus aut effectibus; sed radicalem, quia est principium operandi bene artificialiter, quod latius explicabo articulo tertio sequenti. **Secundo** respondetur negando minorem, si intelligatur de relatione convenientiæ ad subiectum, & loquor peculiariter de hac relatione, & non univ ersaliter de quacumque: quoniam

niam suppono, bonitatem moralem, quæ reperitur in virtute, esse eius differentiam specificam; & de hac dixi superius, consistere in relatione transcendentali inclinationis habitualis ad obiectum conforme rectæ rationi; & ad probationem illius minoris, dicendum est, quod bonitas transcendens non est superior essentialiter ad hanc bonitatem moralem, quæ est in virtute, quoniam hæc pertinet ad quidditatem talis entis, & ex consequenti pertinet directe ad lineam, qua ens determinatur ad sua inferiora, & bonitas transcendens est extra hanc lineam, tanquam passio ipsius entis, de quo agemus loco citato.

AD SECUNDUM argumentum principale, respondetur, quod D. THOMAS eo loco loquitur de habitu, ut est genus ad virtutem, & comprehendit sub se alios habitus, qui non sunt virtutes; & de virtute quatenus abstrahit à virtutibus moralibus; & comparat has virtutes quantum ad perfectionem, non solum secundum rationem virtutis, sed etiam secundum rationem habitus, quamvis præcipue secundum rationem virtutis: cum vero inquit quod intellectuales sunt perfectiores secundum rationem habitus, loquitur de perfectione essentiali, quæ sumitur ex obiecto; cum vero dicit, morales esse perfectiores secundum rationem virtutis, loquitur de perfectione quadam accidentali, & secundum quid, quæ consistit in extensione inclinationis ad dandum bonum vsum in operatione. Quare ex hac doctrina Div. THOMAS aperte sequitur, quod virtutes intellectuales sunt perfectiores, loquendo de perfectione simpliciter & essentiali, non solum secundum rationem habitus, sed etiam secundum rationem virtutis, imo & secundum determinatam rationem virtutis intellectualis, quia secundum omnes has rationes respiciunt obiectum nobilius & abstractius; & virtutes morales solum sunt perfectiores secundum rationem virtutis, loquendo de perfectione accidentali, & secundum quid. Tribuit autem D. THOMAS hunc excessum virtutibus moralibus secundum rationem virtutis, potius quam secundum rationem habitus, quia dixerat q. 56. art. 3. proprium esse virtutis, dare, non solum facultatem agendi, sed etiam bonum vsum in operatione. Et ita argumentum propositum nullam habet vim, quia supponitur in eo, quod D. THOMAS loquatur de perfectione essentiali, quæ attenditur secundum differentiam essentialem, in utraque parte huius comparationis: quomodo autem sit intelligenda hæc sententia D. THOMAS, dicemus suo loco.

AD TERTIUM argumentum respondetur, negando antecedens, si intelligatur de differentia, quæ formaliter pertineat ad genus moris: quoniam esse morale solum reperitur formaliter in actibus, & in habitibus radicaliter, quatenus sunt principia actuum, in quibus huiusmodi esse reperitur formaliter. Et ad probationem concessio antecedenti neganda est consequentia, ad cuius probationem dicendum est, esse discrimen inter ordinem tendentiæ actualis, & ordinem inclinationis habitualis ad obiectum bonum moraliter: quoniam ordo tendentiæ actualis est liber, & voluntarius formaliter; at vero ordo inclinationis habitualis non est ita liber, & ideo prior ordo pertinet formaliter ad genus moris, & non posterior.

A AD VLTIMUM respondetur, negando maiorem, si proportio intelligatur quoad omnia, quia proportio solum debet servari in hoc, quod sicut esse virtuosum in actu consistit in tendentia actuali ad obiectum ut conforme rectæ rationi; ita etiam in habitu consistit in inclinatione habituali ad idem obiectum; non tamen in hoc, quod sicut esse virtuosum in actu supponit substantiam actus, ita etiam in habitu supponat substantiam habitus. Et ratio discriminis est, quod esse virtuosum in actu pertinet ad genus moris, & ideo necesse est quod præsupponat substantiam actus tanquam esse naturæ in quo fundetur; quia esse morale superinducitur entitati naturali ab agente moraliter. At vero esse virtuosum in habitu non pertinet ad genus moris, sed potius ad ordinem naturæ, & ideo non est necesse quod præsupponat aliam entitatem naturalem, in qua fundetur. Et est optimum exemplum in esse artificioso prout reperitur in actibus siue effectibus, & ut reperitur in habitu artis; nam secundum priorem rationem pertinet formaliter ad genus entis artificialis, & ideo præsupponit aliquam entitatem naturalem, in qua fundetur; at vero secundum posteriorem rationem non pertinet ad genus entis artificialis, sed ad ordinem naturæ, & ita non præsupponit aliquam entitatem tanquam fundamentum, sed pertinet ad primam & substantialem entitatem habitus.

B Ex hoc patet solutio ad confirmationem, quia neganda est maior, nam ex eo quod habitus virtutis generetur ex actibus, solum sequitur, quod sicut actus terminantur ad obiectum, quatenus est conforme rectæ rationi, ita etiam habitus sit inclinatio habitualis ad idem obiectum sub eadem ratione; non tamen quod quicquid est in actibus debet esse formaliter in habitu, nam in actibus reperitur formaliter voluntarium aut liberum, & bonitas moralis, & non in habitu.

ARTICVLVS II.

Vtrum virtus humana sit habitus operatiuus?

C CONCLUSIO, est affirmatiua.

COMMENTARIVS.

P OSTquam D. THOMAS explicuit, genus proximum virtutis, scilicet esse habitum, nunc accedit ad explicandum eius differentias: & quoniam ex habitibus, ut docuit D. THOMAS supra q. 49. art. 1. & 3. quidam per se primo dicunt ordinem ad naturam, quam bene vel male disponunt, ut sanitas & pulchritudo; & alij per se primo dicunt ordinem ad operationem tanquam principia effectiua ipsius, ut scientia; ideo nunc inquit an virtus sit habitus operatiuus, hoc est, qui per se primo dicat ordinem ad operationem, tanquam eius principium effectiuum.

Circa conclusionem est;

DVBIMVM.

Utrum sit vera?

§. 1. Sententia negans Scoti & Durandi proponitur.

ET PARTEM negatiuam defendunt aliqui duobus modis; PRIOR EST eorum, qui absolute negant, habitus concurrere efficienter ad actus, siue secundum substantiam eorum, siue secundum modos aliquos intrinsecos substantiæ, & entitatis ipsorum actuum. Hunc sequitur DURANDVS in 3. d. 23. q. 1. 2. 3. & 4. & idem sentit de virtutibus, tam intellectualibus, quam moralibus, quia hoc asserit vniuersaliter de omnibus habitibus, non solum secundum communem & genericam rationem habitus, sed etiam secundum peculiare rationes habituum intellectualium, & moralium, in quibus iuxta eius sententiam consistunt completæ rationes virtutum quoad omnia, quæ sunt eis intrinseca, vt patet ex eius testimonio adducto in articulo præcedenti. Et idem defendit vt probabile SCOTVS in 1. d. 17. q. 2. §. qui vult tenere quartam viam. Vbi dissoluit argumenta, quibus probatur, habitum concurrere efficienter ad actum. Fundamenta huius sententiæ non adducam modo, quoniam de hac quæstione an dentur habitus operatiui, disputat ex professo D. THOMAS supra q. 49. art. 3. & ex eo loco supponit nunc vt certam partem affirmatiuam: quare nos etiam supponemus eam.

SECUNDVS MODVS defendendi eandem partem negatiuam est SCOTI, qui admissio quod dentur habitus operatiui, supponit in actu virtutis reperiri duo, scilicet substantiam seu entitatem intrinsecam, & conditionem quandam accidentalem, quæ est bonitas moralis; & similiter in habitu virtutis reperiri alia duo, scilicet habitum tanquam fundamentum siue materiam; & coexistentiam cum prudentia, tanquam id, in quo formaliter consistit tota essentia virtutis, vt ex eius sententia explicui articulo præcedenti. Et hoc supposito dicit duo: PRIMUM est, virtutem moralem quoad habitum, quem importat de materiali, concurrere efficienter ad actum secundum eius substantiam, & ad nihil amplius. SECUNDUM est, virtutem moralem quoad id, in quo formaliter consistit eius essentia, non esse operatiuam. Et primum relinquit SCOTVS sine probatione, quia quasi gratis illud concedit, vt dissoluat argumenta, quibus probatur, virtutem concurrere aliquo modo efficienter ad actum. SECUNDUM vero probat §. sed oppositum. PRIMO, quia essentia virtutis moralis consistit formaliter in relatione conformitatis ad rectam rationem; ergo virtus moralis, quantum ad id, in quo formaliter consistit eius essentia non est principium effectiui actus; patet consequentia, quia relatio formaliter sumpta non est ratio agendi.

SECUNDO si virtus moralis secundum suam essentiam esset principium effectiui sui actus, maxime quoad bonitatem moralem: sed non est principium effectiui actus quoad hanc bonitatem; ergo quoad nihil est eius principium; minorem probat SCOTVS, quia bonitas moralis in actu

A consistit in relatione proportionis debitæ ad omnia, quibus actus debet proportionari, scilicet ad obiectum, & ad circumstantias, siue ad rectam rationem distantem hæc omnia; ergo nullum habet principium effectiuium, & ex consequenti neque virtutem; patet consequentia, quoniam alias ad relationem terminaretur per se productio quod est contra ARISTOTELIS 3. Physicorum cap. 3.

Confirmatur, quia hæc relatio consequitur extrema necessario, & ex natura rei, quia impossibile est poni actum & obiectum cum circumstantiis debitis, prout dicitur recta ratio, quin consequatur in actu ex natura extremorum proportio debita ad hæc omnia, aut conformitas ad rectam rationem; ergo hæc relatio non habet principium effectiuium, probatur consequentia, quia relatio, quæ necessario consequitur extrema non habet causam efficientem distinctam à causa extremorum.

B §. 2. Præfertur sententia affirmatiua D. Thomæ asserentis virtutem formaliter esse habitum operatiuum. Et defenditur ratio qua hoc probat.

SIT CONCLUSIO. Virtus moralis sumpta formaliter quoad id, in quo eius essentia consistit, & secundum propriam differentiam specificam, est principium productiuium sui actus, tam quoad eius substantiam, quam quoad bonitatem moralem: vbi duo dico, scilicet, quod virtus secundum suam differentiam est productiua actus, & quod est productiua eius quoad substantiam & quoad bonitatem moralem; & quoad verumque hæc conclusio est sententia D. THOMÆ, in hoc articulo, & conueniunt cum eo CAIETANVS & CONRADVS ibidem, & CARROLLVS in 3. d. 23. q. unica art. 1. in probationibus primæ & secundæ conclusionis, & art. 3. in responsionibus ad argumenta DURANDI contra primam conclusionem, & in primis, quod virtus ratione sua differentia sit productiua actus absolute, & non determinando in particulari quid producat in ipso, Probatur argumento deducto ex ijs, quæ articulo præcedenti diximus contra sententiam SCOTI, ex qua ipse sumit fundamentum suæ opinionis in hoc dubio, & argumentum est huiusmodi: differentia constitutiva virtutis moralis diuidit & contrahit per se habitum operatiuum, tanquam genus, ergo importat peculiarem rationem principij effectiui: antecedens patet, quia supponimus cum SCOTO, rationem habitus, quæ reperitur in virtute, esse operatiuam, & articulo præcedenti ostendimus, hæc rationem habitus esse contractam ad speciem aliquam habitus per differentiam quandam, quæ consistit in modo inclinationis habitualis ad obiectum virtutis, & est constitutiva virtutis formaliter sumptæ, & consequentia probatur, quia si virtus ratione huius differentiæ non est absolute operatiua, sequitur quod neque in quantum habitus possit operari, patet consequentia, quia id quod secundum gradum differentialem non est operatiuum, neque secundum genericum potest operari: sicut in genere causæ formalis, id quod ratione suæ differentiæ non habet dare esse aliquod formaliter,

neque

neque ratione generis potest illud dare, & ita constat inductione, quod uti gradus genericus est operatiuus, etiam gradus differentialis importat specialem modum aut determinationem principij operatiui: ut patet in potentijs & habitibus operatiuis.

Quod vero virtus ratione suæ differentie specificæ sit in particulari productiua actus quoad substantiam & quoad bonitatem moralem, probatur, nam imprimis quod ratione suæ differentie sit productiua actus quoad substantiam, colligitur aperte ex argumento proposito: quia substantia actus, quando distinguitur à bonitate morali, ut in hoc casu supponitur, non comparatur ad eam sicut gradus genericus ad specificum, sed sicut fundamentum & subiectum individuum ad formam accidentalem; ergo non potest convenire virtuti, quatenus est habitus, esse productiuam substantiæ actus, quin etiam conveniat ei ratione differentie contrahentis habitum ad eius constitutionem; patet hæc consequentia, quia impossibile est, quod gradus genericus sit operatiuus respectu alicuius effectus, qui per se superius est singularis & individuus, nisi etiam differentia contrahens talem gradum genericum sit operatiua respectu eiusdem effectus. Dico autem notanter in hoc argumento, quod substantia actus in hoc casu est effectus singularis per se & non in alio: quia quando effectus est aliquis gradus communis individuatus in alio inferiori, quoniam principium effectuum secundum omnes gradus suos concurrat efficienter ad illum gradum commune, non est necesse quod virtus effectiua conveniat principio efficienti ratione suæ differentie specificæ; sed satis est quod conveniat ei ratione gradus generici; & propterea diuersi gradus subordinati in aliquo effectu tribuntur causæ secundum diuersos gradus subordinatos in ipsa. Et confirmatur hoc, quia substantia actus boni moraliter terminatur ad obiectum secundum specialem rationem boni moralis fundamentaliter, & materialiter, & in particulari materia verbi gratia iustitiæ & temperantiæ, quævis non secundum formales rationes obiectivas harum virtutum: ergo virtus non habet, quatenus est habitus, quod sit productiua talis substantiæ actus: sed quatenus est talis habitus respiciens tale obiectum, & talē materiā, & ex consequenti ratione suæ differentie specificæ; prima consequentia, patet, quia communis ratio habitus non respicit illud obiectum: ergo non est productiua actus quatenus terminatur ad illud obiectum quia habitus solum est productiuus actus in ordine ad obiectum quod respicit; & secunda etiam probatur, quia, ut articulo precedenti ostendimus, ratio habitus in virtute contrahitur ad speciem ultimam, secundum quam respicit illud obiectum in materia particulari, per differentiam specificam virtutis.

Quod vero virtus moralis ratione suæ differentie specificæ sit etiam productiua actus quoad bonitatem moralem probatur: quia virtus ratione suæ differentie specificæ respicit obiectum formale, in ordine ad quod actus habet bonitatem moralem: ergo ratione eiusdem differentie est productiua actus quoad bonitatem moralem, eo modo, quo huiusmodi bonitas potest habere causam efficientem; antecedens patet ex articulo precedenti; & consequentia probatur, quia quando habitus est causa actus quoad substantiam, etiam est eius causa quoad conditiones, quæ ipsi conveniunt, quatenus terminatur ad obiectum, quod respicit ipse habitus; & loquor in consequenti nulla limitatione de causa efficiēti bonitatis moralis, propter varietatem opinionum, circa id, in quo consistit;

A nam qui dicunt non addere aliquid intrinsecum actui, sed solum determinationem extrinsecam provenientem ex eo, quod actus est conformis recte rationi, aut legi: consequenter dicent, non habere secundum se propriam causam efficientem, sicut dicendum est de reliquis denominationibus extrinsecis, cuiusmodi sunt in colore esse visum, & in columna esse dextram aut sinistram.

SECUNDO probatur tota conclusio ratione Divi THOMÆ, ut examinemus eam; & possumus eam ad hanc formam reducere: virtus ratione suæ differentie specificæ est perfectio potentie ad producendum actum; non solum in genere naturæ, sed etiam in genere moris; ergo virtus ratione suæ differentie specificæ est productiua eiusdem actus, non solum in genere naturæ, sed etiam in genere moris; & ex consequenti concurret efficienter ad ipsum, etiam quoad eius substantiam, quam quoad bonitatem moralem: consequentia patet, quia perfectio debet esse proportionata exigenti sui perfectibilis, quatenus per ipsum est perfectibilis; ergo virtus, quæ est perfectio potentie quatenus est productiua sui actus secundum prædictas duas rationes, debet esse productiua eiusdem actus secundum easdem rationes; & antecedens probatur, quia duplex est potentia, una ad esse, quæ tenet se ex parte materiæ, quæ est ens in potentia; & altera ad agere siue ad producendum actum, quæ tenet se ex parte forme, quæ est principium agendi, quia unum quodque agit in quantum est actu: sed virtus moralis secundum suam differentiam specificam est perfectio alicuius potentie, quia per eam constituitur in quadam specie habitus, ut diximus articulo precedenti; & non est perfectio prioris potentie quia virtus moralis, quæ est propria hominis ut homo est, & quatenus distinguitur à brutis, non est proportionata perfectio corporis, neque suarum potentialium: quoniam hæc omnia sunt communia homini cum brutis; ergo est perfectio posterioris potentie.

SED CONTRA rationem hanc sunt duæ difficultates. PRIMA est, quia hæc consequentia videtur inefficax: virtus est perfectio potentie productivæ actus, & quatenus est eius productiua: ergo est productiua eiusdem actus. Quod probatur in primis, quia potentia, quæ est actiua cum subordinatione ad aliam, potest perfici per virtutem, quæ non sit actiua, sed dispositiua ad obediendum superiori: sicut quia intellectus ad assentiendum veritatibus fidei subordinatur motioni voluntatis, ponunt autem qui in eo virtutem, quæ non est productiua assensus, sed dispositiua & determinatiua intellectus ad obediendum voluntati. Item quia multa sunt agentia, quæ ad operandum perficiuntur per aliquam formam, quæ solum est dispositiua aliquo modo talium agentium, & non est productiua suæ operationis: ut, iuxta multorum sententiam, lumen perficit colores ad producendum species, & tamen non producit eos; & quantitas perficit omnes potentias activas materiales, ita quod sine ea non poterunt suas actiones exercere, & tamen ipsa nullius actionis est principium effectivum; & tandem quia potest aliqua forma perficere agens in ordine ad suam actionem, non quidem concurrente ad eam efficienter, sed disponendo, & hoc duobus modis, primo collendo difficultates, quæ tenent se ex parte agentis: ut si aliqua forma mitigaret passiones, quæ impediunt exercitium honorum operum; aut præ-

DV B I M V M.

Utrum sit vera?

§. 1. *Sententia negans Scoti & Durandi proponitur.*

ET PARTEM negatiuam defendunt aliqui duobus modis; PRIOR EST eorum, qui absolute negant, habitus concurrere efficienter ad actus, siue secundum substantiam eorum, siue secundum modos aliquos intrinsecos substantiæ, & entitati ipsorum actuum. Hunc sequitur DURANDVS in 3. d. 23. q. 1. 2. 3. & 4. & idem sentit de virtutibus, tam intellectualibus, quam moralibus, quia hoc asserit vniuersaliter de omnibus habitibus, non solum secundum communem & genericam rationem habitus, sed etiam secundum peculiares rationes habituum intellectualium, & moralium, in quibus iuxta eius sententiam consistunt completæ rationes virtutum quoad omnia, quæ sunt eis intrinseca, ut patet ex eius testimonio adducto in articulo præcedenti. Et idem defendit ut probabile SCOTVS in 1. d. 17. q. 2. §. qui vult tenere quartam viam. Vbi dissoluit argumenta, quibus probatur, habitum concurrere efficienter ad actum. Fundamenta huius sententiæ non adducam modo, quoniam de hac quæstione an dentur habitus operatiui, disputat ex professo D. THOMAS supra q. 49. art. 3. & ex eo loco supponit nunc ut certam partem affirmatiuam: quare nos etiam supponemus eam.

SECUNDVS MODVS defendendi eandem partem negatiuam est SCOTI, qui admissio quod dentur habitus operatiui, supponit in actu virtutis reperiri duo, scilicet substantiam seu entitatem intrinsecam, & conditionem quandam accidentalem, quæ est bonitas moralis; & similiter in habitu virtutis reperiri alia duo, scilicet habitum tanquam fundamentum siue materiam, & coexistentiam cum prudentia, tanquam id, in quo formaliter consistit tota essentia virtutis, ut ex eius sententia explicui articulo præcedenti. Et hoc supposito dicit duo: PRIMUM est, virtutem moralem quoad habitum, quem importat de materiali, concurrere efficienter ad actum secundum eius substantiam, & ad nihil amplius. SECUNDUM est, virtutem moralem quoad id, in quo formaliter consistit eius essentia, non esse operatiuam. Et PRIMUM relinquit SCOTVS sine probatione, quia quasi gratis illud concedit, ut dissoluat argumenta, quibus probatur, virtutem concurrere aliquo modo efficienter ad actum. SECUNDUM vero probat §. sed oppositum. PRIMO, quia essentia virtutis moralis consistit formaliter in relatione conformitatis ad rectam rationem; ergo virtus moralis, quantum ad id, in quo formaliter consistit eius essentia non est principium effectiui actus; patet consequentia, quia relatio formaliter sumpta non est ratio agendi.

SECUNDO si virtus moralis secundum suam essentiam esset principium effectiui sui actus, maxime quoad bonitatem moralem: sed non est principium effectiui actus quoad hanc bonitatem; ergo quoad nihil est eius principium; MINOREM probat SCOTVS, quia bonitas moralis in actu

A consistit in relatione proportionis debitæ ad omnia, quibus actus debet proportionari, scilicet ad obiectum, & ad circumstantias, siue ad rectam rationem distantem hæc omnia; ergo nullum habet principium effectiui, & ex consequenti neque virtutem; patet consequentia, quoniam alias ad relationem terminaretur per se productio quod est contra ARISTOTELEM 5. Physicorum cap. 3.

Confirmatur, quia hæc relatio consequitur extreme necessario, & ex natura rei, quia impossibile est poni actum & obiectum cum circumstantiis debitis, prout dicitur recta ratio, quin consequatur in actu ex natura extremorum proportio debita ad hæc omnia, aut conformitas ad rectam rationem; ergo hæc relatio non habet principium effectiui, probatur consequentia, quia relatio, quæ necessario consequitur extrema non habet causam efficientem distinctam à causa extremorum.

B §. 2. *Præfertur sententia affirmatiua D. Thomæ asserentis virtutem formaliter esse habitum operatiuum. Et defenditur ratio qua hoc probat.*

SIT CONCLUSIO. Virtus moralis sumpta formaliter quoad id, in quo eius essentia consistit, & secundum propriam differentiam specificam, est principium productiui sui actus, tam quoad eius substantiam, quam quoad bonitatem moralem: vbi duo dico, scilicet, quod virtus secundum suam differentiam est productiua actus, & quod est productiua eius quoad substantiam & quoad bonitatem moralem; & quoad utrumque hæc conclusio est sententia D. THOMÆ, in hoc articulo, & conueniunt cum eo CAIETANVS & CONRADVS ibidem, & CAPELOVS in 3. d. 23. q. unica art. 1. in probationibus primæ & secundæ conclusionis, & art. 3. in responsionibus ad argumenta DURANDI contra primam conclusionem, & in primis, quod virtus ratione sua differentia sit productiua actus absolute, & non determinando in particulari quid producat in ipso, Probatur argumento deducto ex ijs, quæ articulo præcedenti diximus contra sententiam SCOTI, ex qua ipse sumit fundamentum suæ opinionis in hoc dubio, & argumentum est huiusmodi: differentia constitutiua virtutis moralis diuidit & contrahit per se habitum operatiuum, tanquam genus, ergo importat peculiarem rationem principij effectiui: antecedens patet, quia supponimus cum SCOTO, rationem habitus, quæ reperitur in virtute, esse operatiuam, & articulo præcedenti ostendimus, hæc rationem habitus esse contractam ad speciem aliquam habitus per differentiam quandam, quæ consistit in modo inclinationis habitualis ad obiectum virtutis, & est constitutiua virtutis formaliter sumptæ, & consequentia probatur, quia si virtus ratione huius differentiæ non est absolute operatiua, sequitur quod neque in quantum habitus possit operari, patet consequentia, quia id quod secundum gradum differentialem non est operatiuum, neque secundum genericum potest operari, sicut in genere causæ formalis, id quod ratione suæ differentiæ non habet dare esse aliquod formaliter,

neque

neque ratione generis potest illud dare, & ita con-
stat inductione, quod uti gradus genericus est ope-
ratiuus, etiam gradus differentialis importat spe-
cialem modum aut determinationem principij ope-
ratiui: ut patet in potentijs & habitibus operatiuis.

*Quod vero virtus ratione suæ differentie specifi-
cæ sit in particulari productiva actus quoad substantiam
& quoad bonitatem moralem*, probatur, nam imprimis
quod ratione suæ differentie sit productiva actus
quoad substantiam, colligitur aperte ex argumento
proposito: quia substantia actus, quando distinguitur
à bonitate morali, ut in hoc casu supponitur, non cõ-
paratur ad eam sicut gradus genericus ad specificum,
sed sicut fundamentum & subiectum individuum ad for-
mam accidentalem; ergo non potest convenire virtuti,
quatenus est habitus, esse productivam substantiæ ac-
tus, quin etiam conveniat ei ratione differentie cõ-
trahentis habitum ad eius constitutionem; patet hæc cõ-
sequentiā, quia impossibile est, quod gradus genericus
sit operatiuus respectu alicuius effectus, qui per se
superius est singularis & individuus, nisi etiam differentia
contrahens talem gradum genericum sit operatiua res-
pectu eiusdem effectus. Dico autem notanter in hoc ar-
gumento, quod substantia actus in hoc casu est effe-
ctus singularis per se & non in alio: quia quando effectus
est aliquis gradus communis individuatus in alio in-
feriori, quāvis principium effectivum secundum omnes
gradus suos concurrat efficienter ad illum gradum cõ-
mune, non est necesse quod virtus effectiva conveniat
principio efficienti ratione suæ differentie specifi-
cæ; sed satis est quod conveniat ei ratione gradus
generici; & propterea diversi gradus subordinati in
aliquo effectui tribuuntur causæ secundum diversos
gradus subordinatos in ipsa. Et confirmatur hoc
quia substantia actus boni moraliter terminatur ad
obiectum secundum specialem rationem boni moralis fun-
damentaliter, & materialiter, & in particulari mate-
ria verbi gratia iustitiæ & temperantiæ, quāvis non
secundum formales rationes obiectivas harum virtu-
tū: ergo virtus non habet, quatenus est habitus, quod
sit productiva talis substantiæ actus: sed quatenus est
talisis habitus respiciens tale obiectum, & talē mate-
riam, & ex consequenti ratione suæ differentie specifi-
cæ; prima consequentiā, patet, quia communis ratio ha-
bitus non respicit illud obiectum: ergo non est pro-
ductiva actus quatenus terminatur ad illud obiectum
quia habitus solum est productivus actus in ordine
ad obiectum quod respicit; & secunda etiam proba-
tur, quia, ut articulo præcedenti ostendimus, ratio
habitūs in virtute contrahitur ad speciem ultimam,
secundum quam respicit illud obiectum in materia
particulari, per differentiam specificam virtutis.

*Quod vero virtus moralis ratione suæ differentie
specificæ sit etiam productiva actus quoad bonitatem
moralis* probatur: quia virtus ratione suæ differē-
tiæ specificæ respicit obiectum formale, in ordine ad
quod actus habet bonitatem moralem: ergo ratione
eiusdem differentie est productiva actus quoad boni-
tatem moralem, eo modo, quo huiusmodi bonitas
potest habere causam efficientem; antecedens patet ex
articulo præcedenti; & consequentiā probatur, quia
quando habitus est causa actus quoad substantiam,
etiam est eius causa quoad conditiones, quæ ipsi cõ-
veniunt, quatenus terminatur ad obiectum, quod res-
picit ipse habitus; & loquor in consequenti nulla
limitatione de causa efficiēti bonitatis moralis, pro-
pter varietatem opinionum, circa id, in quo consistit;

A nam qui dicunt non addere aliquid intrinsecum actui,
sed solum determinationem extrinsecam provenientem
ex eo, quod actus est conformis recte rationi, aut
legi: consequenter dicunt, non habere secundum se
proprie causam efficientem, sicut dicendum est de
reliquis denominationibus extrinsecis, cuiusmodi
sunt in colore esse visum, & in columna esse dex-
tram aut sinistram.

SECUNDO probatur tota conclusio ratione Divi
THOMÆ, ut examinemus eam; & possumus eam ad
hanc formam reducere: virtus ratione suæ differentie
specificæ est perfectio potentie ad producendum
actum; non solum in genere naturæ, sed etiam in genere
moris; ergo virtus ratione suæ differentie specifi-
cæ est productiva eiusdem actus, non solum in ge-
nere naturæ, sed etiam in genere moris; & ex cõse-
quenti cõcurrit efficienter ad ipsum, tã quoad eius
substantiam, quam quoad bonitatem moralem: cõ-
sequentiā patet, quia perfectio debet esse proportio-
nata exigentiæ sui perfectibilis, quatenus per ipsum
est perfectibilis; ergo virtus, quæ est perfectio pote-
tiæ quatenus est productiva sui actus secundum præ-
dictas duas rationes, debet esse productiva eiusdem
actus secundum easdem rationes; & antecedens probatur,
quia duplex est potentia, una ad esse, quæ tenet se ex
parte materiæ, quæ est ens in potentia; & altera ad
agere siue ad producendum actum, quæ tenet se ex
parte forme, quæ est principium agendi, quia unum
quodque agit in quantum est actum: sed virtus mo-
ralis secundum suam differentiam specificam est per-
fectio alicuius potentie, quia per eam constituitur in
quodam specie habitus, ut diximus articulo præce-
denti; & non est perfectio prioris potentie quia vir-
tus moralis, quæ est propria hominis ut homo est,
& quatenus distinguitur à brutis, non est propor-
tionata perfectio corporis, neque suarum poten-
tiarum: quoniam hæc omnia sunt communia homi-
ni cum brutis; ergo est perfectio posterioris
potentie.

SED CONTRA rationem hanc sunt duæ difficul-
tates. PRIMA est, quia hæc consequentiā videtur in-
efficax: virtus est perfectio potentie productivæ
actus, & quatenus est eius productiva: ergo est pro-
ductiva eiusdem actus. Quod probatur in primis,
quia potentia, quæ est activa cum subordinatione
ad aliam, potest perfici per virtutem, quæ non sit
activa, sed dispositiva ad obediendum superiori:
sicut quia intellectus ad assentiendum veritatibus
fidei subordinatur motioni voluntatis, ponunt assen-
tiri in eo virtutem, quæ non est productiva assensus,
sed dispositiva & determinativa intellectus ad obe-
diendum voluntati. Item quia multa sunt agentia,
quæ ad operandum perficiuntur per aliquam formam,
quæ solum est dispositiva aliquo modo talium a-
gentium, & non est productiva suæ operationis: ut
iuxta multorum sententiam, lumen perficit colores
ad producendum species, & tamen non producit eas;
& quantitas perficit omnes potentias activas ma-
teriales, ita quod sine ea non poterunt suas actiones
exercere, & tamen ipsa nullius actionis est prin-
cipium effectivum; & tandem quia potest aliqua
forma perficere agens in ordine ad suam actionem,
non quidem concurrente ad eam efficienter, sed
disponendo, & hoc duobus modis, primo tollendo
difficultates, quæ tenent se ex parte agentis: ut
si aliqua forma mitigaret passiones, quæ im-
pediunt exercitium bonorum operum; aut præ-

cile confortaret potentiam actiuam, verbi gratia, voluntatem ne superaretur ab eis: aut *secundo* disponendo ad ipsam actionem, eo modo quo prior forma disponit ad posteriorem, quamuis non sit eius causa efficiens; sicut grauitas disponit ad motum deorsum, etiam in opinione eorum, qui dicunt non concurrere efficienter ad eum, & hoc modo defendit SCOTVS quæstione citata *§. qui vult tenere quartam viam*, habitum non esse operatiuum, quāuis sit perfectio potentie operatiue.

SECUNDA difficultas est, quia probatio antecedentis continet aliqua, quæ videntur falsa. *Primum* est, habitus, qui perficiunt potentias, quæ tenent se ex parte animæ, perficere eas ad operandum: nam gratia est habitus perficiens ipsam animam, & tamen non perficit eā ad operandum. *Secundum* est, potentias operatiuas in homine tenere se ex parte animæ: nam potentie vegetatiue sunt operatiue, & tamen sunt materiales & communes hominibus & brutis. *Tertium* est, virtutes humanas tantū perficere eas potentias, quæ tenent se ex parte animæ: nam in appetitu sensitiuo, qui & materialis est, & communis hominibus cum brutis, ponuntur multæ virtutes morales, iuxta sententiam D. THOMÆ. Nec satis est dicere, tenere se ex parte animæ *radicaliter & originarie*, quia hoc etiam conuenit potentijs vegetatiuis, in quibus tamen non ponuntur virtutes morales.

AD PRIMAM difficultatem Respondetur, consequentiam illam esse optimam, si intelligatur de potentia, quatenus per se primo & proxime ordinatur ad operationem; & de forma, quæ per se primo & directe, & non indirecte, & quasi per quandā consequentiam, perficiat ipsam in ordine ad operationem; sicut sanitas & bona complexio corporis perficit indirecte potentiam corporalem in ordine ad suam operationem; & de *prima instantia*, dicendum est, quod si detur forma disponens potentiam actiuam præcise ad obediendum superiori, non agendo, sed quasi mortuo modo permittendo seduci à superiori, non perficiet per se primo in ordine ad operationem sed mediate, & ex consequenti: sicut bona dispositio organi appetitus sensitivi cōducit ad obediendum rationi, quod dici nō potest de virtutibus, quæ supponunt potētiam completā quoad ea, quæ requiruntur vt in suo ordine sit proximum principium operationis; & sententia quæ ponit in intellectu virtutem, cuius munus sit solū disponere ipsum intellectum ad obediendum voluntati, nō est vera; quia intellectus eliciendo eum actum, ad quem mouetur à voluntate obedit ipsi, & ad hoc disponitur sufficienter per habitū fidei, qui eo modo perficit intellectum, quo ipse est operatiuus, scilicet cum subordinatione ad motionem voluntatis. Et idem dici potest de *secunda instantia*, quoniam lumen requiritur in potentia visiva tāquam dispositio organi ad recipiendum species colorum, quia non recipiuntur nisi in diaphano in actu, quod est illuminatū, & quantitas requiritur in omnibus potentijs materialibus tanquam conditio organi ad agendum; & qui dicunt lumē perfici colore ad producendum species, non loquuntur de perfectione, quæ per se primo sit ad operandū, sed de ea quæ immediate est ad aliquod esse, scilicet vt colores participant quendam modum immaterialitatis, secundum quem possint agere in potētias cognoscitiuas & producere species; Et de *tertia instantia*, dicendū

est, quod forma, quæ præcise mitigaret passionem, non perficeret per se primo & directe ad operandū sed ex consequenti; sicut sanitas, in quantum tollit infirmitatem, quæ impedit exercitiū operationis; & forma quæ solum disponderet ad recipiendum actū, non diceretur perficere potentiam per se primo ad operandum; & necessario est concedendum de grauitate iuxta sententiam, quā SCOTVS admittit, quoniam graue iuxta eam non est principium effectiuum sui motus.

AD SECUNDAM difficultatem, respondetur, nihil ex illis tribus, quæ dicuntur esse falsa in probatione antecedentis, esse falsum; & ad obiectionem factam *contra primum*, dicendum est, quamuis habitus, qui perficiunt potentias, quæ tenent se ex parte animæ, sint operatiui: non sequitur quod sit dicendū idem de habitu perficiente ipsam animam secundū suam substantiam; quia sicut anima secundū se nō est proximum principium operandi, sed radicale, à quo oriuntur potentie, quibus conuenit proxime operari: ita etiā habitus gratiæ, qui perficit animæ substantiā, non est proxime operatiuus, sed radicaliter in quantum consequuntur ad ipsum in potentijs virtutes infusæ, quæ sunt proxima principia actū supernaturaliū. Et ad obiectionem factam *contra secundum* dico, illam propositionem D. THOMÆ intelligi de potentijs operatiuis humano modo, sicut etiam loquitur de virtutibus humanis, quibus conuenit perficere potentias ad operandum, non quomodocunque, sed modo humano; & potētie vegetatiue non sunt ita operatiue. Et ad obiectionem *contra tertium* dico, appetitum sensitiuum non esse subiectum virtutum moralium, quatenus est communis hominibus cum brutis; sed quatenus in homine propter subordinationem ad voluntatē participat modum humanum operandi, scilicet cum differentia, vt dicemus suo loco.

§. 3. *Dilunumur argumenta opposita sententiæ.*

AD PRIMUM argumentum SCOTI, patet solutio ex articulo precedenti; nam ibi est ostensum, essentiam virtutis moralis non consistere in relatione conformitatis ad rectam rationem.

Et si obieciat esse eandem difficultatē de relatione inclinationis habitualis, quā ibi diximus esse differentiam essentialē virtutis: *Respondetur*, falsū esse, quod nulla relatio transcendentalis possit esse principium effectiuū, vt patet in potētijs, de quibus docet ARISTOTELIS, specificari per ordinē ad actus & obiecta.

AD SECUNDUM respondetur, quod virtus moralis ratione suæ differentie est principium effectiuū, sui actus secundū vtramque rationē: & ad argumentū, quo probatur, quod nō sit eius causa quoad bonitatem morālē, CAIET. hoc loco respōdet, quod, quicquid sit de essentia bonitatis moralis in actu, & admissio quod consistat in illa relatione cōformitatis ad dictamen rectæ rationis, non sequitur quod non habeat causam efficientē, quoniam illa cōmunis propositio, in qua fundatur, scilicet ad relationē nō est per se motus aut causalitas; potest habere duos sensus; *vnus* est, quod causalitas, aut productio nō terminatur ad relationē per se, hoc est solā, sed simul cū alio; *alter* est, quod productio nō terminatur ad relationē per se, hoc est tāquā ad effectū per se intētū, aut quasi sequatur per se ex vi talis productionis, sed tanquā ad effectū per accidēs: & in priori sensu est vera; & in posteriori falsa; & ita solū colligitur ex ea, quod bonitas moralis in actu nō producat sola,

sed simul

sed simul cum substantia ipsius actus; non tamen quod non producat tanquam effectus per se intentus, & hoc requirebatur, ut virtus secundum propriam rationem non esset effectiva ipsius. Quod vero ad relationem in posteriori sensu possit terminari per se productio, probat CAIETANVS his exemplis: summum bonum in vniuerso habet causam actiuam per se intendentem ipsum: sed ordo vniuersi est summum bonum in vniuerso, ut dicitur 2. Metaphysices, ergo habet causam actiuam per se: constat autem quod huiusmodi ordo est quædam relatio. Item effectus artis per se fit ab arte: sed ordo & commensuratio partium est effectus artis v.g. dolatiuæ; ergo fit ab ipsa arte, & tamen est quædam relatio.

Hæc solutio vs vera sit, & sufficiens, indiget duplici moderatione. *Prima* est, ut intelligatur de relationibus transcendentalibus, quæ supponunt aliam entitatem: nam si relatio sit prædicamentalis nunquam est per se intenta, neque est effectus per se, sed per accidens: Nec oppositum conuincunt exempla CAIETANI, quoniam ordo, qui dicitur summum bonum vniuersi, est relatio transcendentalis; & similiter ordo partium, qui est per se intentus ab arte: Si vero relatio sit transcendentalis, & non supponat aliam entitatem, sed sit prima entitas rei, non solum erit effectus per se intentus, sed etiam produceretur sola. *Secunda moderatio* est, ut loquendo de relatione transcendentali, quæ est bonitas moralis in actu, intelligatur de causa, quæ producat substantiam actus; quoniam causa, quæ non producit substantiam actus, non potest producere relationem, quæ ad eam consequitur, sicut in artificialibus, supposito, quod bonitas actionis aut effectus artificialis consistat in relatione conformitatis ad regulas artis, non poterit aliqua causa producere hanc relationem, nisi etiam producat substantiam effectus, aut absolute, aut saltem quatenus ad eam consequitur talis relatio. Et hæc solutio sic explicata videtur sufficiens, supposito, quod bonitas moralis in actu præsupponat substantiam ipsius actus, & non sit prima entitas eius.

Si tamen aliquis contendat, dari aliquos actus, quibus bonitas moralis sit adeo intrinseca, ut sit prima entitas ipsorum, poterit respondere, negando, quod relatio transcendentalis nunquam habeat propriam & per se causam efficientem, ut patet in substantia cuiuscunque actus, quæ consistit in relatione transcendentali ad suum obiectum, & tamen producitur à potentia ut à causa propria & per se.

Ad confirmationem, quidquid dicat CAIETANVS, concedo, quod, quando relatio, in qua consistit bonitas moralis in actu, præsupponit substantiam ipsius actus, consequatur necessario ad extrema; scilicet ad ipsam substantiam actus, & ad obiectum sumptum, non materialiter, sed ut conforme rectæ rationi; Nego tamen ex hoc sequi, quod huiusmodi relatio absolute non habeat causam efficientem per se: quia solum sequitur, quod non producat sola, sed à causa quæ producit substantiam actus; & ita poterit produci à virtute ut virtus est, quia, ut diximus, secundum istam rationem, est causa effectiva substantiæ actus.

ARTICVLVS III.

Vtrum virtus humana sit habitus bonus?

CONCLUSIO, Virtus humana est bonus habitus, & boni operatiuus.

COMMENTARIVS.

Ratio ordinis: & expositio iuncti.

CIRCA TITVLVM & conclusionem nota Diu. THOMAM in hoc articulo inuestigare ultimam differentiam virtutis humanæ; nam cum in præcedenti constitutum sit, virtutem humanam secundum propriam differentiam essentialem importare modum quendam habitus operatiui, & habitus operatiuus possit esse principium actus boni, & mali: restabat ulterius explicandum, an virtus humana sit habitus operatiuus boni actus, vel potius mali; & hoc intelligitur, in titulo articuli, per habitum bonum, & similiter in conclusione, ut patet ex illis verbis conclusionis, *Est boni operatiuus*, in quibus explicatur, quid in præcedentibus intelligatur per bonum habitum; quoniam per *esse bonum habitum & boni operatiuum*, in hac conclusione, non intelliguntur duæ conditiones virtutis humanæ, sed vna tantum: quasi diceretur, virtutem esse habitum bonum, & hanc bonitatem consistere in hoc, quod est esse operatiuum boni actus.

In quo deceptus est CONRADVS, qui, quoniam D. THOMAS in conclusione videtur loqui de bonitate virtutis, & de eius vi operatiua boni actus, tanquam de duabus distinctis conditionibus virtutis; dixit ipsum in hac conclusione docere duo de virtute, scilicet esse habitum bonum, & esse habitum operatiuum boni; & *primum* probare expresse ratione articuli; secundum vero non probare, sed relinquere ut notum ex primo, adiuncta conclusione præcedentis articuli, in qua dictum est, virtutem esse habitum operatiuum; quoniam si virtus est habitus operatiuus, & est bonus, sequitur quod sit operatiuus boni.

Et contra eum potest probari id, quod diximus: quoniam bonitas virtutis, de qua nunc agit Diuus THOMAS, est eius differentia essentialis: ergo consistit in ordine ad suum actum, & obiectum, sicut differentia cuiuscunque habitus operatiui: & ex consequenti consistit in coaptatione quadam & inclinatione ad eliciendum actum circa obiectum proprium virtutis; quod non potest explicari melius, quam si verbis conclusionis dicamus, virtutem ratione huius differentiæ esse operatiuam boni actus. Et quod hæc sit mens D. THOMÆ colligitur aperte ex ordine articulorum, quoniam cum articulo præcedenti docuerit virtutem esse habitum operatiuum; & nunc inquirat an sit habitus bonus; videtur loqui de bonitate, quæ virtuti conueniat, quatenus est habitus operatiuus, atque proinde de bonitate, quæ consistit in hoc, quod est esse habitum operatiuum boni actus.

SED CIRCA conclusionem sic explicatam potest dubitari, an ita sit intrinsecum virtuti moralis esse operatiuam boni actus, ut nullo modo, possit inclinare aut concurrere ad actum malum?

Et quoniam hoc potest habere varios sensus, oportet eos distinguere, ut clarius procedamus; pro quo *aduertendum* est, quod de virtute morali in hac controuersia possumus loqui dupliciter, scilicet aut secundum rationem propriam, & formalem virtutis moralis; aut quatenus est habitus. Et præterea actus tribus modis potest in proposito dici malus; *primo ex parte sui obiecti* proprii ut actus comedendi plus quam oportet, aut actus fornicandi est malus ex parte obiecti; *secundo propter defectum alicuius circumstantiæ*, siue huiusmodi circumstantia pertineat per se ad materiam talis actus, ut tempus, & conditio personæ, pertinet ad materiam actus comedendi carnes temperate; siue pertineat per accidens, & omnino extrinsece, ut finis extrinsecus malus v.g. inanis gloria, aut esse impedimentum alterius actus debiti, pertinet extrinsece ad materiam actus contemplandi; & *tertio propter inaduertentiam* circa aliquid necessarium ad bonitatem actus, quæ si sit *vincibilis* dicetur actus malus formaliter; si vero sit *invincibilis*, dicetur actus malus tantum materialiter. Et ita quamuis hoc dubium possit habere plures sensus, tamen omnes possunt reduci ad tres: *Primus* est, utrum virtus moralis, aut quatenus est virtus moralis, aut quatenus est habitus, possit concurrere ad actum malum ex obiecto. *Secundus* est utrum possit concurrere ad actum malum ex defectu circumstantiæ, siue propriæ, siue extraneæ. *Tertius* utrum possit concurrere ad actum malum ex inaduertentia, aut vincibili, aut invincibili. Et de singulis dicemus proprijs & distinctis dubijs. Est ergo

I. DVBIUM.

Verum virtus moralis, aut secundum propriam & formalem rationem virtutis moralis, aut quatenus est habitus, possit concurrere, aut inclinare ad actum, qui ratione sui obiecti sit malus?

§. 1. Explicatur sensus dubij.

VBI consulto dico, concurrere aut inclinare, propter SCOTVM, & DURANDVM, qui, ut retuli articulo primo, nolunt concedere, virtutem, aut quatenus formaliter est virtus, aut etiam quatenus est habitus, concurrere efficienter ad actum; & tamen concedunt inclinare & determinare ad eum. Et loquor in casu, quo non sit in homine ignorantia, aut inaduertentia circa malitiam obiecti.

§. 2. Probatur sententia negativa.

AD hoc, dico PRIMO, virtus moralis secundum propriam rationem formalem virtutis moralis non potest inclinare ad actum malum ex parte obiecti. In hac conueniunt omnes Theologi, & Philosophi; & colligitur aperte ex definitionibus virtutis ab eis traditis, quas referemus articulo sequenti. Deinde probatur ratione; quia nulla vis actiua potest esse principium actus, qui per se tendat in obiectum, quod sit extra latitudinem sui obiecti specificatiui: ergo virtus moralis, quatenus talis est, non potest concurrere aut inclinare ad actum, qui sit malus ex parte obiecti; patet consequentia, quia obiectum malum est extra latitudinem obiecti specificantis virtutem, quod est bonum honestum, aut consentaneum rectæ rationi.

Dices, in hac ratione peti principium, quia sup-

A ponitur id, de quo est controuersia; scilicet obiectum specificatiuum virtutis esse bonum honestum, quod est idem atque actum virtutis non posse esse malum ratione obiecti.

Sed contra, quia licet vnum colligatur ex alio, tamen non sunt omnino idem; ergo non petitur principium, ut, si quis ita argumentetur: Angelus est extra latitudinem obiecti specificantis visum corporeum, ergo visus corporeus nullo modo potest concurrere ad actum videndi Angelum. Supponimus vero in hoc argumento, obiectum specificatiuum siue terminatiuum virtutis moralis esse bonum honestum, aut consonum rectæ rationi; quia supponimus ex articulo præcedenti virtutem esse perfectionem potentie operatiue humano modo; hoc est cum subordinatione ad rationem.

Et denique totum hoc probatur ratione articuli redacta ad hanc formam: virtus moralis est perfectio potentie operantis cum subordinatione ad rationem; ergo inclinatur ad bonum huius potentie, quod est bonum honestum, aut consonum rectæ rationi; & ex consequenti est operatiua actus boni secundum rectam rationem; antecedens supponitur ex articulo præcedenti; & consequentia probatur, quia virtus cuiuscumque potentie determinatur ad ultimum, in quod potest, ut docet ARISTOTELES. i. de celo; ergo determinatur ad bonum eius, quia ultimum, in quod potest aliqua potentia debet esse bonum eius, cum è conuerso malum importet defectum; & ulterius, ergo virtus potentie rationali inclinatur ad bonum eius.

SED OBIECTIS, quia sequitur, quod saltem possit virtus ut virtus est, inclinare ad actum malum ex obiecto, quantum ad eius substantiam; probatur sequela, quoniam actus secundum istam rationem non tendit ad obiectum quod sit extra latitudinem obiecti specificantis virtutem; cum ostensum sit articulo primo virtutem ratione differentie, qua constituitur inesse virtutis, inclinare ad substantiam actus.

Confirmatur, quia magis repugnat Deo malitia actus, quam virtuti morali; & nihilominus concurret ad substantiam actus mali ex obiecto; ergo similiter poterit virtus moralis, ut virtus est, concurrere ad substantiam eiusdem actus.

AD ARGUMENTVM, respondetur negando sequelam; & ad probationem dicendum est, quod quamuis virtus ratione sue differentie habeat concurrere ad actum bonum quoad substantiam, & quoad bonitatem moralem; tamen concurret ad substantiam ratione bonitatis, quam primario respicit; & ideo ubi deest bonitas, quamuis adsit substantia actus, & eius obiectum, deest omnino obiectum specificatiuum virtutis moralis.

Ad confirmationem respondetur, quod virtutem non posse concurrere ad substantiam actus, non provenit ex repugnantia cum malitia, quia bene posset ab hac præscindi, etiam quoad causalitatem, ut patet in exemplo Dei: sed ex defectu sui obiecti formalis, & specificatiui. *Et si quæras*, unde proveniat, quod virtus habeat pro obiecto specificatiuo bonitatem moralem obiecti, & non bonitatem naturalem, quam respicit actus secundum suam substantiam? Respondetur provenire ex eo, quod virtus moralis acquiritur per actus, ut terminantur ad obiectum quatenus est obiectiue bonum moraliter, & conforme rectæ rationi.

DICO SECUNDO, virtus moralis quatenus est ha-

visus, non potest inclinare ad actum, qui sit malus ratione sui obiecti. In hac conclusione conveniunt omnes Thomistæ cum D. THOMA in hoc articulo, & dissentit SCOTVS locis citatis articulo primo; quæ quantum ad virtutes, quæ sunt in appetitu sensitivo, sequitur GABRIEL locis ibidem citatis, quoniam exultimat convenire eis extrinsece esse virtutis; & quantum ad omnes sine limitatione, ANGELVS in moralibus c. 6. in explicatione textus, qui incipit, *in voluntarium impediunt innumerant Arist. Notab. 1. concl. 2. & c. 14. in principio.*

SED PROBATVR nostra sententia, quia dupliciter potest dici, quod virtus moralis, non vt virtus, sed vt habitus, cõcurrat ad hunc actum; *Primo*, quia ipsa manet in ratione habitus, & in ratione virtutis moralis, & secundum priorem rationem cõcurrit, & non secundum posteriorem; *Secundo* quia desinit esse in ratione virtutis, & manet in ratione habitus, & ita potest concurrere vt habitus, quãvis non cõcurrat vt virtus; quod vero neutrum dici potest, probatur ex fundamẽto præsupposito articulo primo huius quæstionis, scilicet, esse virtutis moralis non cõparatur ad habitum vt forma accidentalis ad subiectum, sed vt differentia essentialis ad genus, quod cõtrahit ad constitutionem speciei; nam ex hoc bene sequitur, quod, si virtus manet in esse virtutis, & in esse habitus, non possit concurrere vt habitus, quin etiã concurrat vt virtus: quia in gradibus essentialiter subordinatis impossibile est, quod superior cõcurrat ad aliquam actionem, nisi etiã inferior concurrat ad eam; imo gradus superiores nunquã operantur nisi vt cõtracti ad inferiores, imo & ad individua, quoniam actiones sunt suppositorum, quãvis per quandam attributionem quædam actiones attribuantur gradibus superioribus, & nõ inferioribus. Et similiter sequitur, quod virtus moralis nõ possit amittere esse virtutis, & manere in ratione habitus, quia si res aliqua destruitur secundum rationem specificam, etiã destruitur secundum rationem genericam, vt si Petrus desinit esse vt homo, etiã desinet esse vt animal.

Et Confirmatur hoc, quia si virtus manet in ratione habitus, debet manere idem habitus in individuo, aut non manebit virtus in ratione habitus, sed aliud ens; & est impossibile quod non manente differentia specifica constituere essentiam alicuius individui, maneat idem individuum.

SED CONTRA hanc conclusionem obijecitur, probando quod virtus in ratione habitus possit his duobus modis explicatis in eius probatione inclinare ad actum malum ex obiecto: Et probatur PRIMO, quod possit *priori modo*, quoniam habitus vitij nullo modo mutatus in se intrinsece, sed manens omnino idem in ratione habitus, & in ratione vitij, potest in quantum est habitus inclinare ad actum, qui sit bonus non solum ex obiecto, sed etiã ex omnibus circumstantijs: ergo similiter habitus virtutis manens omnino idem in ratione habitus, & in ratione virtutis, poterit in quantum est habitus inclinare ad actum, qui sit malus ex obiecto; probatur *antecedens*, quia si quis habeat habitum accedendi ad aliquam non suam, & postea ducat eam in vxorẽ, idem habitus, qui antea erat vitij, inclinabit ipsum ad actum accedendi ad eam, qui actus erit bonus ex parte obiecti, & poterit esse bonus ex parte omnium circumstantiarum, & tamẽ habitus in hoc casu neque amittet rationem vitij, quoniam nihil est passus intrinsece, neque in quantum est vitium inclinabit ad huius-

modi actum bonum, sed potius ad malum, ergo inclinabit in quantum habitus.

SECUNDO probatur, quod etiã possit virtus in quantum habitus inclinare *posteriori modo* ad actum malum ex obiecto, quia idẽ numero habitus secundum substantiam potest successiue esse virtus & vitij, ergo virtus manens in ratione habitus, potest inclinare ad actum malum ex parte obiecti, *consequentia patet*, quia vitium potest inclinare ad actum malum circa propriam materiam, siue sit malus ex parte obiecti siue ex quacumque alia parte, & *antecedens* probatur PRIMO, quoniam idem numero actus secundum substantiam potest successiue esse bonus & malus actualiter; ergo similiter idem numero habitus secundum substantiam potest successiue esse bonus & malus habitualiter, quod est esse virtutem & vitij. SECUNDO potest probari idem antecedens omnibus argumentis quibus articulo primo probauimus sententiam SCOTI, asserentis rationem formalem virtutis non esse intrinsecam habitui, sed aduenire ipsi, sicut accidens subiecto; quoniam hoc supposito bene sequitur, quod idem numero habitus possit successiue habere rationes formales virtutis & vitij, sicut subiectum potest successiue habere quæcumque opposita.

AD PRIMUM aliqui respondent, distinguendo antecedens, si enim intelligatur de actu illo, quatenus est bonus & consentaneus rectæ rationi, dicunt esse falsum: quoniam habitus vitij neque in quantum vitium, neque in quantum habitus, respicit obiectum vt conforme rectæ rationi, si tamen intelligatur de actu illo secundum suam substantiam, dicunt esse verum, & eadem distinctione vtuntur in casu probationis antecedentis; & negant *consequentiam*, & dicunt rationem discriminis esse, quod malitia moralis, sicut in actu malo, ita etiã in habitu vitij, consistit in quadam privatione; quia sicut actus dicitur malus quia caret debita conformitate actuali ad rectam rationem; ita etiã habitus dicitur malus, quia inclinat absque debita subordinatione ad rectam rationem tanquam ad principium directiuum actus; & ideo malitia moralis in habitu vitij non est differentia essentialis constituens cum habitu speciem aliquam, sed præsupponit rationem habitus contractam ad aliquam speciem, & ad individuum intra propriam latitudinem, & ex consequenti aduenit habitui sic contracto, sicut accidens suo subiecto; At vero bonitas moralis in habitu virtutis, est aliquid reale, & differentia essentialis constituens cum habitu essentiam virtutis, vt explicui artic. 1. Et ex hoc discrimine colligunt, quod habitus vitij secundum propriam speciem non inclinat ad opus malum quatenus malum est, sed quantum ad eius substantiam; & quod potest manere idem numero in ratione habitus, & desinere esse vitium, quamuis non acquirat esse virtutis: & ita dicunt in casu argumenti, quod habitus ille etiã ante matrimonium, nõ inclinabat secundum propriam speciem ad accedendum ad nõ suam, sed absolute ad accessum ad mulierem, etiam certã in particulari; non tamen determinando quod sit vel non sit propria vxor; & sic post matrimonium, quia manet omnino idem secundum speciem habitus, poterit eodem modo inclinare ad illum accessum quoad eius substantiam, non tamen quoad conformitatem cum recta ratione.

Sed hac solutio mihi non placet, quia existimo malitiam moralem in actu non consistere in

privatione, sed in positivo ordine ad obiectum dispositionum rationi, ut explicui in materia de peccatis. Et hoc est magis certum & receptum apud omnes de malitia, quæ convenit habitui vitij, quamvis alias non possit saluari contrarietas inter virtutem & vitium, quam omnes concedunt cum ARISTOTELI: neque poterit reddi sufficiens ratio propter quam habitus vitij adveniente subordinatione ad rectam rationem non inclinet ad operandum conformiter ad eam, atque adeo sit virtus, & operetur ut virtus.

Quare aliter respondetur, negando antecedens, & ad probationem dicendum est cum ANGELO loco citato, per actus vitij sæpe comparari dispositionem aliquam corpoream, quæ faciliorem reddat hominem ad opus virtutis, & similiter per actus virtutis comparari dispositionem iuvantem ad opus vitij, ut, per actus abstinendi à cibis plusquam oportet, debilitatur facultas naturalis, & reprimuntur fames, & ita facilius est exercere opera temperantia; & à conuerso per actus comedendi tempore salutis certam cibi quantitatem, quæ pro eo statu corporis sit commensurata rectæ rationi, & ex consequent temperata, assuefit appetitus ad appetendum eandem cibi quantitatem, etiam tempore infirmitatis, quæ tunc erit maior quam oporteat; atque ita in casu argumenti dicendum est, quod ille homo sentiet in se maiorem propensionem ad accedendum ad illam mulierem, quam ad aliam, & quam alius homo ad accedendum ad eandem mulierem; non quidem ratione habitus vitij, quem acquisiuit per actus fornicandi cum ipsa, quia huiusmodi habitus nullo modo potest inclinare ad actum castitatis coniugalis; sed quia per illos actus acquisiuit in appetitu & imaginatiua talem dispositionem, ut apprehensa per imaginationem hac muliere statim sanguis accurrat ad cor, & excitet eius amorem in appetitu sensitivo. Et ad hoc etiam adiuuat memoria delectationis perceptæ ex actibus præcedentibus; quoniam ratione huius memorie proponitur ab imaginatiua vel estimatiua appetitui sensitivo hic accessus ut bonum conueniens & delectabile. Itaque sicut hæc dispositio acquisita per actus fornicandi inclinabat ante matrimonium ad accedendum ad mulierem, quæ non erat propria vxor; ita etiam post matrimonium inclinat ad accedendum ad eandem, quæ iam est facta propria.

AD SECUNDVM DVRANDVS in 2. d. 40. q. 3. n. 3. concedit, esse aliquos habitus intellectuales, qui successiue possint inclinare ad verum & ad falsum ex parte obiecti; quod est esse habitum bonum & malum respectu intellectus: & similiter concedit eundem habitum pertinētem ad appetitum, si correspondeat habitui intellectuali, quo contingit dicere verum & falsum, v.g. opinioni vel suspicioni, posse successiue inclinare ad bonum & malum ex parte obiecti, quod est esse successiue habitum bonum & malum respectu appetitus, atque adeo moraliter. Verum addit, quod habitus virtuosus, qui respondent prudentiæ, non possunt esse mali, & ex consequenti neque inclinare ad malum ex parte obiecti, quia prudentia non potest esse falsa; cum sit recta ratio rerum agibilium.

Sed hac solutio aliqua continet falsa, & est insufficient; nam in primis falsum est, quod idem habitus intellectus inclinet per se & directe ad verum & falsum; quia inclinare ad verum & ad falsum sunt

duæ differentie intrinsecæ & essentielles habitibus intellectualibus, & ideo neque simul, neque successiue possunt conuenire eidem numero habitui intellectuali; neque opinio inclinat ad falsum, sed ad verum, quamvis cum formidine ratione medijs allentendi; & in hoc differt ab habitu scientiæ. Et præterea etiam est falsum, quod idem habitus appetitus possit inclinare ad bonum & malum ex parte obiecti: quia vel huiusmodi habitus est bonus secundum suam speciem, vel malus, vel indifferens, hoc est nec bonus nec malus; si fuerit bonus vel malus, inclinabit determinate ad obiectum bonum vel ad malum; si vero fuerit indifferens, inclinabit ad obiectum in genere naturæ, præscindendo ab eius bonitate aut malitia obiectiua, ut postea dicam. Et tandem hac solutio est insufficient, quia non explicatur in ea ratio discriminis, propter quod idem actus secundum substantiam possit successiue tendere in obiectum bonum & malum, & tamē idem habitus virtutis non possit successiue inclinare in hæc duo obiecta.

Quare aliter Respondetur, negando antecedens; & ad primam probationem aliqui respondent negando antecedens, si intelligatur de bonitate & malitia, quæ sumitur ex parte obiecti, ut nunc loquimur, quia mutato obiecto necesse est mutari substantiam actus. Verum quia hoc non placet omnibus supra q. 18. vbi, de eo agitur, quia potest mutari obiectum quoad bonitatem & malitiam moralem, quamvis non mutetur in genere naturæ; & hoc quamvis sit satis ut actus mutetur quoad bonitatem & malitiam moralem, non sufficit ut etiam mutetur quoad substantiam; ideo aliter respondetur, concedendo antecedens, & negando consequentiam; & ratio discriminis est, quia (ut dixi articulo primo) bonitas & malitia moralis in actu, est extrinseca substantiæ actus, sicut accidens est extrinsecum suo subiecto; & ita potest fieri secundum hæc mutatio, quamvis maneat eadem numero substantia actus. At vero bonitas & malitia moralis in habitu est intrinseca substantiæ ipsius habitus, sicut differentia essentialis est intrinseca essentia, quam constituit: & propterea non potest fieri quoad hæc mutatio in habitu, quin mutetur intrinsece substantia ipsius habitus, ita ut non maneat eadem. Ad secundam probationem petenda est solutio ex loco ibidem citato.

II. DVBIUM EST.

Vtrum virtus secundum propriam rationem virtutis moralis possit concurrere, aut inclinare ad actum, qui sit malus ratione circumstantiæ, siue propriæ, siue extraneæ?

§. 1. Explicatur sensus dubij.

VB1 consulto loquor de virtute secundum propriam rationem virtutis moralis, quoniam ex probatione secundæ conclusionis dubij præcedentis constat, virtutem non posse secundum rationem habitus concurrere ad aliquem

aliquem actum, quin etiam concurrat secundum propriam & specificam rationem virtutis moralis. Et dico *concurrere aut inclinare*, propter rationem assignatam in titulo eiusdem dubij. Et per *circumstantias intrinsecas* intelligo illas, quæ per se pertinent ad materiam particularem alicuius virtutis, v. g. ad materiam temperantiæ, prout versatur circa cibos, pertinent per se quantitas cibi, & etiam tempus, non absolute, aut secundum quamcunque rationem convenientiæ ad prudentiam, sed quatenus hæc duo habent proportionem cum subiecto cōsiderato secundum suam naturam & complexionem, & ut subest legibus & obligationibus pertinentibus ad temperantiam; & è conuerso per *circumstantias extrinsecas* intelligo illas, quæ non pertinent per se ad materiam particularem alicuius virtutis, sed quatenus talis virtus simul concurrat cum alia in ordine ad eandem circumstantiam: ut in exemplis propositis quantitas cibi pertinet per se ad materiam temperantiæ, quatenus est cōmensurata respectu subiecti; tamen quatenus potest esse cōmensurata in ordine ad indigentiam proximi, scilicet ut possit ei subueniri ex cibo, vel in ordine ad debitum soluendum alteri, scilicet ut ex cibo possit solui, non pertinet per se ad materiam temperantiæ; sed quatenus hæc quantitas cibi, quæ requiritur ad opus temperantiæ, requiritur etiam ad opus misericordiæ, & ad opus iustitiæ; & ita diuersimode taxabitur hæc quantitas, si solum consideretur intra limites temperantiæ; & si simul consideretur ut requisita ad opus misericordiæ, & ad opus iustitiæ: quoniam quantitas, quæ respectu subiecti fuerit proportionata, poterit esse improporcionata & excedens, si habeatur ratio obligationis misericordiæ, & iustitiæ; & similiter tempus pertinet per se ad materiam temperantiæ, quatenus est cōmensuratum in ordine ad exigentiam subiecti considerati secundum suam complexionem naturalem, & ut subiaceat legibus & prohibitionibus pertinentibus ad materiam temperantiæ; tamē quatenus potest esse cōmensuratum in ordine ad audiendum sacrum, aut ad dandum operam literis, non pertinet per se ad materiam temperantiæ; sed quatenus hoc tempus, quod requiritur ad opus temperantiæ, est etiam necessarium ad opus religionis, & ad opus studiositatis; & ita forte tempus vnius horæ erit proportionatum ad actum sumentium cibum stando intra limites temperantiæ; & improporcionatum, nimirum si simul concurrat obligatio religionis, aut studiositatis; & idem est de fine extrinseco, ut cum quis ieiunat propter inanem gloriam, quoniam ieiunium hoc poterit esse cōmensuratum intra limites temperantiæ, quamuis non sit cōmensuratum per ordinem ad humilitatem, aut alias virtutes. Quare sensus huius tituli est, *An virtus moralis secundum propriam & formalem rationem virtutis possit concurrere ad actum, qui habet bonum obiectum, & est malus propter defectum ex parte alicuius circumstantiæ, siue huiusmodi circumstantia sit extranea ipsi virtuti, siue propria?*

§. 2. Sententia affirmatiua Caietani.

IN QUA pars affirmatiua ab aliquibus tribuitur SCOTO, sed immerito: quoniam ipse non sequi-

Aur eam, si intelligatur ut quæstio est proposita, scilicet de virtute secundum formalem rationem virtutis; sed, loquendo consequenter ad sententiam suam explicatam articulo primo de essentia virtutis, inquit, quod idem numero habitus, qui est virtus, potest concurrere ad hunc actum, non tamen ut est virtus, hoc est ut subordinatur prudentiæ. Sed ex Thomistis, qui concedunt rationē virtutis esse differentiam intrinsecam illi habitudini, qui dicitur virtus; sequitur eam aperte CAIETANVS articulo sequenti, & 1.2. q. 57. art. 1. §. *ad id autem quod obijciunt de opere temperato hypocritæ in fine.* Et quamuis utrobique apponat exemplum de opere malo ex parte finis extrinseci, tamen non negat hoc de opere malo ex parte circumstantiæ intrinsecæ.

B Et probatur hæc sententia PRIMO quoad opus malum propter circumstantiam intrinsecam; quoniam, qui habet virtutem acquiratam circa aliquam materiam, potest uti tali virtute ad operandum circa eius obiectum, quamuis desit aliqua circumstantia intrinseca ipsius: ergo virtus in eo casu cōcurrat ad actum malum ex defectu circumstantiæ intrinsecæ: *consequentia* patet, quia homo in isto casu utitur virtute ut principio actus, & actus ex suppositione est malus propter defectum circumstantiæ intrinsecæ, & *antecedens* probatur, quoniam virtutes intellectuales minus subduntur libertati voluntatis, quam morales: sed voluntas pro sua libertate potest uti virtutibus intellectualibus ad operandum circa propriam materiam cum aliquo defectu in suo genere: ergo melius potest uti virtutibus moralibus ad operandum circa proprium obiectum cum defectu circumstantiæ pertinentis ad suum genus; probatur *illa minor*, quia medicus potest uti arte medicinæ ad applicandum infirmo remedium in tempore, quo iuxta regulas medicinæ non est applicandum; & pictor utitur arte sua ad pingendum in subiecto non satis preparato iuxta regulas suæ artis, imo & ad pingendum cum aliquo defectu; & poëta potest uti arte poëtica ad componendum carmina, in quibus sit aliquis defectus intra limites suæ artis.

C *Confirmatur primo*, quia sicut in casibus huius probationis defectus isti non proueniunt ab artibus, sed ab artificibus defectuosis; ita in casu primi antecedentis defectus non proueniret à virtute morali, sed à voluntate defectuosa, ergo nulla est ratio, propter quam in casu antecedentis negetur concursus virtutis moralis ad actum, si in reliquis casibus non negantur concursus artium ad opera artificialia.

Dicit cum D. THOMA quæstione sequenti art. 3. esse discriminē inter virtutes intellectuales, & morales: quoniam intellectuales dant facultatem operandi, non tamen bonū vsum talis facultatis, qui est recte operari; at vero virtutes morales non solum dant facultatem operandi, sed etiam bonum vsum eiusdem facultatis, saltē intra suos limites; & ideo quamuis virtutes intellectuales possint concurrere ad actus malos & defectuosos in proprio genere: non sequitur, quod sit dicendum idem de virtutibus moralibus.

Sed contra, vel hoc discriminē intelligitur de bono vsum in genere moris, & sic non est ad propositū, quia non loquimur de defectu operis artificialis in genere moris, sed de defectu in genere artis, & ex eo

argumentamur ad defectum operis virtuosi in genere moris; vel intelligitur de bono usu in proprio genere, scilicet respectu artium in genere artis, & respectu virtutum moralium in genere moris, & sic est falsum: quia quæcumque ars inclinatur ad opus bonum in suo genere, sicut virtus ad opus bonum in genere moris.

Confirmatur secundo, quia non minus est de ratione virtutis intellectualis inclinare infallibiliter ad verum, siue speculativum siue practicum in proprio genere; quam sit de ratione virtutis moralis inclinare ad bonum: sed non repugnat virtuti intellectuali practice inclinare ad opus, quod ex obiecto & secundum substantiam habet veritatem practicam in proprio genere, quævis ratione alicuius accidentis pertinentis ad proprium genus habeat falsitatem & defectum, ut patet in exemplis propositis; ergo similiter non repugnat virtuti morali inclinare ad actum qui ex obiecto est bonus, quamvis ex circumstantia intrinseca sit malus.

Secundo ideo colligimus virtutem moralem inclinare ad opus, quod sit bonum ex obiecto & circumstantiis intrinsecis, quia homo, qui habet hanc virtutem, sentit in se facilitatem & propensionem ad huiusmodi opus, quam non sentit, qui caret virtute: sed eandem facilitatem & propensionem sentit in se homo habens virtutem ad opus, quod est ex obiecto bonum, quamvis sit malum propter defectum alicuius circumstantiæ intrinsecæ; ergo eodem modo colligemus, virtutem moralem inclinare ad huiusmodi opus; probatur minor, quia si iudex acquisita virtute inclinante ad puniendum malefactores per actus puniendi eos, deponat munus suum, non minus inclinabitur à tali virtute ad puniendum malefactores, quam ante depositionem muneris, quia virtus inclinabat ad hoc secundum suam entitatem intrinsecam, quæ nullo modo est immutata propter depositionem muneris; & tamen puniri malefactores à non iudice, est malum propter defectum circumstantiæ intrinsecæ, scilicet conditionis personæ, quam per se & intra proprios limites postulat iustitia vindicativa.

Confirmatur, quia si in continuatione actus comedendi carnes in quantitate, & tempore debitis, cum reliquis circumstantiis intrinsecis, procedente à virtute temperantiæ, fiat mutatio legis, quæ prohibeatur manducatio pro illo tempore, reddetur talis actus malus, propter defectum circumstantiæ intrinsecæ; & nihilominus poterit continuari idem numero actus, & cum eadem facilitate, & propensione, quæ cepit exerceri ante prohibitionem; quia per prohibitionem non est immutata facilitas, quæ erat in manducante; ergo & cum eodem concursu virtutis temperantiæ.

Tertio, nihil deest in hoc casu ex ijs, quæ simpliciter sunt necessaria, ut virtus concurrat ad actum; ergo dicendum est quod de facto concurrat; *consequentia* patet, quia quamvis virtus moralis subdatur libertati voluntatis quoad exercitium, ita ut voluntas aut non operando circa eius materiam, aut operando contra eius inclinationem, possit impedire ne exeat in actum; tamen supposito, quod voluntas exerceat actum circa eius materiam, cum omnibus requisitis ut ipsa concurrat ad talem actum, non subditur libertati voluntatis quoad hoc, quod est concurrere, vel non concurrere, sed necessario concurrat; & *antecedens probatur*, quia quando re-

Aquiruntur duo ex parte obiecti alicuius habitus, & unum se habet ut substantia obiecti, & alterum ut modus; sufficit primum, quamvis desit secundum, ut habitus eliciat actum circa tale obiectum; sicut virtus fidei potest in Philosopho Christiano elicere actum circa hanc veritatem, Deus est vnus, si proponatur ut revelata à Deo, quamvis non proponatur cum obscuritate, sed ita se habent obiectum ut commensuratum operanti, & circumstantiæ, quia circumstantiæ sunt accidentia; ergo si adsit hoc obiectum, quamvis desit aliqua circumstantia (ut contingit in nostro casu) concedendum est, non deesse aliquid ex ijs, quæ simpliciter sunt necessaria, ut virtus concurrat ad actum.

Quarto probatur hoc idem de circumstantiis extrinsecis, quoniam actus comedendi temperate, qui solum est malus ratione circumstantiæ extrinsecæ, habet totum, quod requiritur ex parte obiecti materialis & formalis, ut virtus moralis concurret ad ipsum: ergo de facto concurrat; *consequentia* patet ex probatione consequentiæ argumenti præcedentis; & *antecedens* probatur, quia respectu temperantiæ obiectum materiale est ipse cibus assumptus, consideratus in genere rei; & obiectum formale est conformitas ad rationem, non absolute in omni materia, sed determinate in materia temperantiæ; quoniam alias non distinguerentur virtutes inter se ex parte obiectorum formalium, sed solus ex parte materialium, quod non est satis ad distinctionem specificam habituum. Sed in isto casu actus temperantiæ habet pro obiecto materiali cibum assumptum ut est in genere naturæ, & totam conformitatem cum ratione, quæ per se pertinet ad materiam temperantiæ; quoniam habet conformitatem quoad obiectum, & omnes circumstantias intrinsecas temperantiæ, ut supponimus; ergo habet totum, quod requiritur ex parte obiecti materialis & formalis, ut virtus temperantiæ concurrat ad ipsum.

Confirmatur primo, quoniam, iuxta doctrinam Philosophorum & Theologorum, potest virtus moralis elicere substantiam actus sine modo in quo consistit bonitas moralis actuum talis virtutis: sed hoc non potest esse verum, si, ut virtus moralis concurret ad aliquem actum, requiritur quod talis actus sit bonus ex obiecto, & omnibus circumstantiis, tam intrinsecis, quam extrinsecis; ergo virtus moralis potest concurrere ad actum malum ex circumstantiis extrinsecis; *minor* patet, quia quando non est defectus neque ex obiecto, neque ex aliqua circumstantia, aut intrinseca, aut extrinseca, tunc actus est simpliciter bonus, & ex consequenti non est separata substantia actus à bonitate morali; & *maior* probatur tribus medijs. *Primum* desumitur ex auctoritate ARISTOTELIS, qui 2. Ethicorum cap. 4. constituit hoc discrimen inter opera artium, & virtutum, quod nullum opus sit *ab arte*, quod non fiat *artificiose*, & participet artis perfectionem; at vero contingit, ea, quæ à virtutibus fiunt, quamvis sint v.g. iusta & temperata; non fieri *iuste* & *temperanter*; & tamen discrimen hoc non esset verum, si virtus moralis non posset elicere substantiam sui actus separatam à modo, in quo consistit eius bonitas moralis. *Secundum* medium desumitur ex testimonio D. THOMÆ, qui infra q. 96. art. 5. ad 2. inquit, quod aliquis actus dupliciter dicitur esse virtutis; *uno modo* ex hoc, quod homo operatur virtuosè; sicut actus iustitiæ est facere recta, & actus fortitudinis

facere

facere fortia, *alio modo* dicitur actus virtutis, quia aliquis operatur virtuosa eo modo, quo virtuosus operatur: & intelligit D. THOMAS per *alium virtutis*, illum qui procedit à virtute: ergo iuxta eius doctrinam potest aliquis actus secundum substantiam suam procedere à virtute morali, quamvis nō habeat modum, secundum quem procederet à virtuoso, qui est bonitas moralis. TERTIUM mediū consistit in hac ratione: præcepta, siue sint positiua tam humana, quā diuina, siue naturalia possunt adimpleri per actus quoad substantiam, quamvis desit eis modus, qui est bonitas moralis, vt cum D. THOMAS, fatentur eius expositores infra, q. 100. art. 10. & 11. ergo etiam virtus moralis potest elicere substantiam actus, siue modo, qui est bonitas moralis; patet consequentia, quia præcepta dantur de actibus virtutum, vt D. THOMAS docet loco citato, in præcedenti medio.

Confirmatur secundo, quoniam proposito obiecto vt reuelato à Deo, sicut requiritur ad obiectum fidei, potest fides infusa concurrere ad actum assentiendi tali obiecto propter finem extrinsecum inanæ gloriæ: & huius ratio est, quod hic finis habet se accidentaliter ad obiectum fidei, & ita eo non obstante, habet fides totum, quod requiritur ex parte sui obiecti materialis & formalis ad operandum; ergo etiam proposito obiecto rectificato per ordinem ad omnes circumstantias requisitas intra limites temperantiæ, poterit ipsa temperantia concurrere ad actum volendi tale obiectum propter inanem gloriā; patet consequentia, quia etiam inanæ gloriæ habet se accidentaliter ad obiectum temperantiæ.

Dices esse discrimen, quoniam fides est virtus intellectualis, & perficit intellectum in ordine ad verum: & ideo quicquid non pertinet per se ad rationem veri & cognoscibilis, cuiusmodi sunt conformitas aut disformitas ad rationem, habet se per accidens ad suum obiectum: at vero temperantia, & quæcunque virtus moralis, est virtus perficiens appetitum in ordine ad bonum morale, & ideo, id quod tollit rationē boni morali ab obiecto operationis, non se habet accidentaliter ad eius obiectū.

Sed contra, quia sicut malitia moralis, vnde cumque proueniat, accidit obiecto specificatiuo fidei: ita etiā malitia moralis, quæ prouenit à circumstantia extrinseca temperantiæ, accidit obiecto specificatiuo ipsius temperantiæ; ergo sicut, non obstante malitia morali, potest saluari obiectum materiale & formale, circa quod operetur fides: ita etiam non obstante malitia morali, proueniente à circumstantia extrinseca temperantiæ, poterit saluari obiectum materiale & formale, circa quod operetur virtus temperantiæ; *hæc consequentia* patet ex paritate rationis, & *antecedens* probatur, quia bonitas moralis, quæ opponitur malitiæ, quæ sumitur ex circumstantia extrinseca, non magis pertinet per se ad obiectum specificatiuum temperantiæ, neque tanquam differentia essentialis, neque tanquā propria passio, quam bonitas moralis absolute sumpta ad obiectum specificatiuum fidei; ergo sicut malitia opposita bonitati absolute sumptæ accidit obiecto fidei: ita etiam malitia opposita tali bonitati, scilicet sumptæ à circumstantia extrinseca, accidit obiecto temperantiæ.

Confirmatur tertio, quia v. g. virtus temperantiæ non habet ex parte sui obiecti, siue materialis, siue

A formalis, postulare conformitatem cum recta ratione quoad circumstantias extrinsecas, neque ratione sui gradus generici, in quo conuenit cum reliquis virtutibus moralibus, neque ratione gradus differentialis, in quo differt ab eis: ergo, quamvis desit conformitas ex parte alicuius circumstantiæ extrinsecæ, poterit remanere totum, quod requiritur ex parte obiecti tam materialis, quam formalis, vt temperantia operetur circa ipsum. Probatur *antecedens*, quia in primis non id habet ratione gradus generici, quia qualis est proportio inter gradus virtutis, aut habitus subordinatos, talis debet esse inter eorum obiecta: sed gradus genericus virtutis moralis solum continet in potentia gradus específicos particularium virtutum, ergo etiam obiectum respondens gradui generico, siue consideretur quoad materiam, siue quoad conformitatem cum ratione, solum continet in potentia obiecta particularium virtutum, considerata quoad vtramque rationem; & ulterius; ergo virtus aliqua in particulari v. g. temperantia, non habet ex communi gradu virtutis moralis, quod postulet ex parte sui obiecti conformitatem cum ratione quoad circumstantias extrinsecas in particulari; patet *hæc consequentia*, quia, si ipse gradus genericus secundum se non postulat eam, bene sequitur quod neque ratione eius virtus particularis tam postulet; neque etiam id habet temperantia ratione proprii gradus differentialis, quia secundum hunc gradum distinguuntur à reliquis virtutibus; ergo ratione eius nō postulat ex parte sui obiecti conformitatem quoad circumstantiam pertinentem per se ad obiectum alterius virtutis.

§. 3. Præfertur sententia negatiua.

PRIMA CONCLUSIO. Virtus moralis, non potest concurrere ad actum, qui ex parte alicuius circumstantiæ intrinsecæ est malus; quamvis neque ex parte obiecti, neque ex parte reliquarum circumstantiarum sit malus.

Probatur primo, quia colligitur aperte ex D. THOMAS imprimis supra, q. 18. art. 5. in corpore, inquit, quod bonum & malum diuersificant speciem in actibus moralibus, saltem loquendo de bono & malo respectu eiusdem virtutis; quod debet intelligi de speciebus oppositis, eo modo, quo inter bonum & malum constituitur oppositio scilicet aut priuatiua aut contraria; & ex hoc sequitur aperte, quod idem numero actus non potest esse simul bonus & malus intra limites eiusdem virtutis. Ex quo sic argumentor: actus, qui est malus propter defectum circumstantiæ, quæ sit intrinseca, v. g. respectu temperantiæ, est malus malitia opposita temperantiæ, & suæ bonitati; ergo idem actus non potest esse bonus bonitate temperantiæ; ergo virtus temperantiæ nullo modo concurret ad eum; *prima consequentia* patet ex doctrina D. THOMAS præsupposita; & *secunda* probatur, quia virtus non potest concurrere ad actum, nisi efficiendo ipsum bonum, saltem propria bonitate; quod patet, *in* inductione, quia nullus habitus potest concurrere ad actum, nisi efficiendo ipsum secundum particularem rationem secundum quā talis actus ei attribuitur: vt ars non concurret ad opus, nisi communicando ei esse artificiosum; & hæc ratio in actu aliquo respectu virtutis moralis, est bonitas moralis; *tum etiam* ex definitione virtutis, quam Diu. THOMAS in argumento

argumento sed contra huius articuli refert ex ARISTOTELE 2. Ethicorum cap. 6. scilicet, *virtus est, quæ bonum facit habentem, & opus eius bonum reddit.*

Et confirmatur primo, quia D. THOMAS in hoc articulo inquit, quod virtus est habitus operatiuus boni actus; quod necessario est intelligendum de actu, qui sit bonus saltem bonitate particulari illius virtutis, quæ est eius operatiua; sed actus de quo loquimur, non habet bonitatem temperantiz: ergo temperantia non est operatiua ipsius, nec concurret ad eum.

Confirmatur secundo, quia D. THOMAS, articulo sequenti in corpore, inquit, quod virtus, in quantum est operatiua, semper se habet ad bonum, id est, non operatur actum malum, saltem intra proprios limites: & tamen actus, de quo loquimur, non est ita bonus; & in solutione ad 4. inquit, quod rectitudo, quæ importat ordinem ad finem debitum, & ad legem diuinam, est communis omni virtuti; & tamē cōstat, quod hoc non conuenit actui de quo loquimur; & in solutione ad 5. inquit, expresse, quod virtute, potest aliquis male uti tanquam obiecto, non autem tanquam principium vltus, ita scilicet quod malus sit actus virtutis.

Secundo probatur, quia etiam colligitur ex ARISTOTELE, non solum in definitione virtutis supra posita, sed etiam in alia, quum in eodem capite inquit, virtutem inclinare ad seruandum mediocritatem in nostris actionibus & affectionibus; & statim explicans, quomodo seruetur hæc mediocritas, inquit, tunc seruari, cum commouemur nostris affectionibus, quando, & quantum, & quomodo oportet; & enumerat omnes circumstantias sigillatim: quare iuxta sententiam ARISTOTELIS virtus moralis non inclinabit ad operandum, ubi defuerit aliqua ex his circumstantiis, quia in eo casu non reperietur mediocritas, ad quam virtus ex propria ratione inclinatur; & postea in eodem capite tradens aliam definitionem virtutis, inquit, *esse habitum electum, in mediocritate consistentem, prout prudens definitur*; sed prudens non definitur, esse prosequendum obiectum alicuius virtutis, nisi concurrant omnes circumstantiæ requisitæ, saltem intra limites talis virtutis: ergo neque virtus ipsa inclinabit aliter ad prosecutionem obiecti.

Vltimo probatur ratione: quoniam actus, qui est malus propter defectum circumstantiæ intrinsicæ, habet obiectum repugnans in genere moris obiecto specificatiuo virtutis moralis, ad quæ pertinet talis circumstantia: ergo hæc virtus moralis non potest concurrere ad talem actum; antecedens patet, quia v.g. obiectum specificatiuum temperantiz est obiectiue bonum bonitate temperantiz, siue quæ consistat in conformitate obiectiua ad regulam temperantiz: at vero actus malus propter defectum circumstantiæ intrinsicæ, respectu temperantiz, est malus, & non alia malitia, quam illa, quæ opponitur bonitati temperantiz, quæ est malitia intemperantiz, atque proinde habet obiectum malum eadem malitia obiectiue sumptum, quæ consistit in disconformitate obiectiua ad eandem regulam prudentiz: ergo obiectum temperantiz, & obiectum huius actus, opponuntur inter se, sicut conforme & disconforme respectu eiusdem regulæ; & consequentia probatur: quia nullus habitus, neque potentia inclinatur ad prosequendum obiectum

A repugnans suo specificatiuo; ut, voluntas non inclinatur ad volendum malum, sub ratione mali; neque intellectus ad assentiendum falso sub ratione falsi ostensa euidenter.

Confirmatur, quoniam hic actus intemperantiz disponit ad corruptionem temperantiz; ergo temperantia non concurret ad eum; patet consequentia, quoniam alias per se, & ex sua natura concurreret ad propriam destructionem.

Sed obicitur, quia his argumentis solum probatur, quod virtus moralis secundum rationem virtutis moralis, non concurrat ad hunc actum; non tamen quod nullo modo concurrat; quia dici potest, quod concurret secundum alias duas rationes, scilicet quatenus est habitus, & quatenus est quædam assuefactio potentiz ad operandum circa obiectum materialiter sumptum; & probatur primo, quod possit concurrere secundum priorem rationem; quia in materiali actus terminati ad obiectum ita sumptum reperiuntur omnia, quæ postulat ratio habitus operatiui pertinentis ad appetitum: ergo virtus moralis secundum istam rationem potest concurrere ad talem actum. Confirmatur, quia testimonia D. THOMÆ & ARISTOTELIS intelliguntur de virtute morali considerata secundum propriam rationem virtutis moralis, & similiter vltima probatio solum habet vim respectu virtutis ita sumptæ: quoniam obiectum malum non est contrariū obiecto specificanti communem rationem habitus operatiui pertinentis ad appetitum. Secundo probatur, quod etiam possit concurrere secundum posteriorem rationem, quoniam actus, quibus acquiritur virtus moralis, non solum disponunt & assuefaciunt potentiam ad operandum circa obiectum sumptum formaliter, ut pertinet ad genus moris; sed etiam sumptum materialiter, ut pertinet ad genus naturæ: ergo per virtutem est homo assuefactus habitualiter ad operandum circa obiectum secundum vtramque rationem: ergo virtus, ut est quædam assuefactio habitualis, potest inclinare ad actum, quatenus terminatur ad obiectum secundum quaecumque harum rationum; & ita in nostro casu, cum actus secundum suam substantiam terminetur ad obiectum virtutis sumptum materialiter, poterit virtus per modum assuefactionis inclinare ad ipsum secundum istam rationem; antecedens patet, quoniam actus terminantur ad obiectum secundum vtramque rationem; ergo disponunt & assuefaciunt actualiter potentiam ad operandum circa idem obiectum secundum vtramque rationem, quia nulla est ratio discriminis. Et explicatur exemplo, quoniam amens per actus comedendi ut tria assuefit ad comedendum ut tria, prout hic actus & eius obiectum pertinent ad genus naturæ: quia actus in amante non terminantur ad obiectum secundum rationem aliquam moralem, sed præcise ut pertinet ad genus naturæ; ergo qui utitur ratione, poterit per actus comedendi ut tria, cum reliquis circumstantiis, assuefieri ad operandum circa obiectum temperantiz secundum vtramque rationem. Et prima etiam consequentia patet, quoniam assuefactio habitualis proportionatur actuali, & ex consequenti respicit obiectum secundum omnem rationem, secundum quæ actualis terminabatur ad ipsum; & virtus est in nostro casu assuefactio habitualis, quæ acquiritur per actus bonos. Et secunda probatur, quia in obiecto, prout pertinet ad genus naturæ,

reperitur

reperitur sufficiens ratio ad determinandum inclinationem, aut concursum virtutis, prout est assuefactio habitualis ad ipsum, secundum eandem rationem; ergo virtus, ut est quædam assuefactio habitualis, potest inclinare ad actum, prout terminatur ad obiectum secundum rationem materiale.

RESPONDETUR; quod nullo ex his duobus modis potest virtus moralis concurrere ad actum, de quo loquimur. Et ad PRIMUM argumentum, quo probatur, quod possit secundum priorem rationem concurrere respondetur, concedendo, *antecedens*, & negando *consequentiam*; quia ratio generica habitus appetitivi non concurrat ad actum, nisi etiam concurrat ratio specifica, ad quam est contracta; & quoniam in hoc casu ratio specifica est ratio virtutis moralis, & hæc non potest concurrere ad substantiam actus, de quo loquimur; ideo neque ratio communis habitus appetitivi potest ad eam concurrere, ut in titulo huius dubij supponebam ex dubio precedenti.

Ad Confirmationem respondetur, quod quamvis omnia illa testimonia, & ultima probatio directe & immediate solum habeant vim respectu virtutis sumptæ secundum propriam rationem virtutis moralis; tamen consequenter etiam conuincunt, esse dicendum idem de ratione communi habitus; quia hæc ratio in virtute non potest concurrere nisi propria ratio virtutis concurrat. Ad SECUNDUM argumentum, quo probatur, quod virtus secundum posteriorem rationem possit concurrere ad actum, de quo loquimur, respondetur distinguendo *antecedens* si enim sit eius sensus, quod actus assuefaciunt potentiam ad operandum circa obiectum secundum illas duas rationes sumptas sine subordinatione inter se, per modum materialis & formalis, negandum est; quia sicut actus illi, quibus acquiritur virtus moralis, non respiciunt in suo obiecto rationem, secundum quam pertinet ad genus naturæ præcise sumptam; sed ut subordinatam rationi, secundum quam pertinet ad genus moris, scilicet conformitati ad rectam rationem; quoniam alias per eos non acquireretur virtus moralis, sed ut plurimum habitus aliquis indifferens: ita etiam non assuefaciunt potentiam ad operandum circa obiectum secundum utramque rationem, nisi cum eadem subordinatione; si vero sensus antecedentis sit, quod actus illi assuefaciunt potentiam ad operandum circa obiectum secundum illas duas rationes subordinatas inter se per modum materialis & formalis, ut nunc explicabam de ipsis actibus, debet concedi; & hoc solum conuincit eius probatio; quoniam in amentē actus assuefaciunt ad operandum circa obiectum secundum rationem naturalem præcise sumptam, quoniam ipsi terminantur ad eam sic sumptam, & ita non sunt actus virtutis, nec sufficientes ad acquirendum virtutem; at vero in eo, qui utitur ratione, actus, quibus acquiritur virtus; quamvis assuefaciant potentiam ad operandum circa obiectum secundum rationem naturalem, non assuefaciunt in ordine ad eam præcise sumptam, sed ut subordinatam rationi morali. Et eodem modo est distinguendum *consequens* primæ consequentiæ, quoniam per virtutē, quæ est assuefactio habitualis acquisita per hos actus, est homo assuefactus habitualiter ad operandum circa obiectum secundum utramque rationem simul sumptam, & cum prædicta subordinatione. Et ideo neganda est *secunda consequentiæ*, quæ inferitur, quod

A possit virtus inclinare per modum assuefactionis habitualis ad operandum circa obiectum secundum quolibet illarum rationum per se sumptam; quia virtus, etiam ut assuefactio habitualis, non respicit illas duas rationes in obiecto siue ordine inter eas, sed ut subordinatas ad constituendum unum obiectum per modum materialis & formalis. Et quia in nostro casu non solum deest in obiecto bonitas moralis, quæ se habet ut formalis; sed etiam reperitur malitia ei opposita, ut explicui in ultima probatione conclusio- nis; ideo virtus moralis nullo modo potest inclinare ad actum, quatenus terminatur ad hoc obiectum; & ad probationem huius secundæ consequentiæ negandum est antecedens, quia licet virtus sit assuefactio habitualis ad obiectum secundum rationem, quæ pertinet ad genus naturæ, non respicit hanc rationem præcise sumptam, sed ut subordinatur alteri, quæ pertinet ad genus moris.

Sed obicitur, quia videtur sequi ex hoc, quod per actus, quibus acquiritur virtus moralis, acquiritur simul aliqua assuefactio habitualis ad obiectum, secundum rationem, quæ pertinet ad genus naturæ præcise sumptam, & hæc assuefactio erit quidam habitus indifferens, & concurreret ad substantiam actus, de quo loquimur.

B RESPONDETUR negando sequelam, quia sicut actus non terminantur ad rationem naturalem ut præcisam à morali, sed ut subordinatam ei: ita etiam per eos non acquiritur assuefactio habitualis ad obiectum secundum rationem naturalem præcise sumptam, sed subordinatam morali.

SECUNDA CONCLUSIO. Virtus moralis non potest concurrere ad actum, qui sit malus ratione circumstantiæ extrinsecæ, quamvis neque ex parte obiecti, neque alicuius circumstantiæ intrinsecæ habeat defectum.

Hæc conclusio meo iudicio potest probari omnibus testimonijs adductis in confirmationem præcedentis: nam imprimis malitia moralis, undeque proveniat, repugnantiam habet cum bonitate morali, & ex consequenti non potest convenire simul cum bonitate eidem actui; quare actus, de quo loquimur, cum sit malus, non habebit bonitatem virtutis, atque adeo virtus non poterit concurrere ad ipsum. Et præterea D. T. absolute, & siue vlla limitatione, dicit, virtutem esse operatiuam boni actus, & semper se habere ad bonum, & importare ordinem ad finem debitum, & ad legem Dei, & non posse esse principium mali, ergo non est consentaneum suæ doctrinæ, dicere, quod hæc omnia sint intelligenda cum limitatione ad particularem materiam cuiuscumque virtutis. Et tandem ARISTOTELES etiam dicit sine limitatione, virtutem reddere opus bonum, & inclinare ad mediocritatem, quæ postulat concursum omnium circumstantiarum, & inclinare ad operandum prout prudens definierit.

C Sed ad hæc potest responderi pro sententia opposita, bonitatem & malitiam moralem non opponi formaliter, aut esse inter se repugantes, nisi pertineant ad latitudinem alicuius virtutis in particulari: sicut bonitas & malitia artificialis non habent inter se repugantiam, nisi pertineant ad eandem artem; & ita potest idem opus esse bonum in ratione picturæ, & malum in ratione gladii; & deinde D. THOMAS & ARISTOTELEM debere intelligi in particulari de bonitate pertinente ad aliquam virtutem, & de malitia ei opposita, & de circumstantijs intrinsecis cuiusque virtuti, & de prudētia, prout dicitur circa

natura & circumstantias vniuscuiusque virtutis in particulari, & nō omnium in cōmuni; quoniam, licet prudentia sit vna, distinguitur in plures regulas, iuxta exigentiam diuersarum virtutum, quia quilibet virtus habet suam propriā regulā in genere moris, sicut etiam quilibet ars habet propriam regulā in genere entis artificialis. Et propterea in materia de peccatis dixi, actum v.g. studiositatis, quādo solum est malus in quantum causa omissionis, non habere malitiam aliquam oppositā bonitati studiositatis: sed solum malitiam omissionis; & consequenter nō esse contra rectam rationem, prout est regula dicēns quid sit agendum intra limites studiositatis; & quamuis aliqua ex his possent impugnari, tamen quia etiam posset pro eis responderi, ideo omisiss illis testimonijs.

ALITER probatur hæc conclusio hoc argumento: actus, de quo loquimur, non habet bonitatem moralem eius virtutis, quam opposita sententia dicit concurrere ad eum; ergo non procedit à tali virtute; consequentia patet *in huiusmodi* (ut dixi in prima probatione præcedentis conclusionis) non potest virtus concurrere ad aliquem actum, nisi efficiendo eum bonum, saltem propria bonitate; *in huiusmodi* quia, si actus ille non habet bonitatem talis virtutis, bene sequitur quod neque eius obiectum habeat bonitatem obiectuam, à qua specificatur talis virtus, & ex consequenti quod virtus non possit concurrere ad ipsum actum, quia nullus habitus potest operari extra latitudinem sui obiecti specificatiui; & antecedens suppono vt certum ex ijs, quæ dixi supra. q. 18. vbi probaui, actum qui habet malum finem extrinsecum, cuiusmodi est actus dandi elemosinam propter inanem gloriam, non habere formaliter aliquam bonitatem moralem, sed esse simpliciter & omni ex parte malum malitia inanis gloriæ, quæ indicit obiectum proximum.

Et Confirmatur autoritate D. THOMÆ, qui supra q. 18. art. 5. ad 4. & art. 10. ad 1. inquit, quod quādo circumstantia transmutat actum de bonitate in malitiam, dat primam speciem actui in genere moris, & tunc habet se vt conditio, & quasi quædam differentia specifica & essentialis, cōstituens primo obiectum in esse obiecti morales: sed circumstantia extrinseca in nostro casu transmutat actū de bonitate in malitiam, quoniam est ratio, vt actus, qui ex obiecto & omnibus circumstantijs intrinsecis esset bonus, sit malus; ergo habet se vt differentia cōstituens primo obiectū huius actus in esse obiecti morales; & ex consequenti, prima species obiecti morales, quæ conuenit obiecto huius actus, cōsistit in malitia morali obiectiua, quæ provenit ex illa circumstantia extrinseca; & ex hoc sequitur, quod virtus non possit concurrere ad actum, de quo loquimur: quod sic probo; prima species morales, quæ conuenit obiecto huius actus, est malitia obiectiua sumpta à circumstantia extrinseca; ergo virtus morales non concurrat ad hunc actū; patet *hæc consequentia*, quia virtus morales non potest concurrere ad actum, nisi prout terminatur ad obiectum sub ratione aliqua boni morales, quia obiectum specificatum virtutis morales est bonitas morales sumpta obiectiue: & obiectū huius actus, vt pergit ad genus obiecti morales, nō est in specie boni, sed mali.

Sed QUÆRES, an eodem modo repugnet virtuti morali concurrere ad actum malum ex circumstantia intrinseca, & ad actum malum ratione circum-

stantiæ extrinseca? RESPONDETUR negativè, & ratio discriminis est, quod actus malus ratione circumstantiæ intrinseca, habet obiectum malum malitia opposita formaliter & secundum propriam rationem bonitati virtutis morales, ad quam comparatur; at vero actus malus ratione circumstantiæ extrinseca, quamuis careat absolute & simpliciter bonitate virtutis, & habeat obiectum malum moraliter: tamen malitia obiecti non est sic opposita bonitati talis virtutis; & ideo quod virtus non possit concurrere ad priorem actum, provenit ex repugnantia ex parte obiecti formalis; quod vero nō possit concurrere ad posteriorem, non provenit ex repugnantia, sed ex defectu obiecti formalis, scilicet, quia in obiecto non est bonitas morales obiectiua, quæ est obiectum formale & specificatum ipsius virtutis morales.

Et si OBJICIAS, quia quamuis obiectum formale talis virtutis morales secundum suam rationem specificā, sit talis bonitas morales, scilicet, determinata ad particularem materiam & ad circumstantias ei intrinsecas; tamen obiectum formale eiusdem virtutis, secundum genericam rationem virtutis morales, est bonitas morales obiectiua sumpta absolute & sine determinatione aliqua; ergo quæcumque virtus morales habet secundū gradū genericū virtutis morales, non posse concurrere ad actū malum ratione circumstantiæ extrinseca propter repugnantiam ex parte obiecti formalis; patet consequentia, quia quæcumque malitia morales obiectiua opponitur formaliter bonitati sumptæ absolute, & sine vlla determinatione. RESPONDETUR, quod bonitas morales obiectiua sumpta in cōmuni, vt est obiectum formale gradus generici virtutis morales, non dicitur careere determinatione ad aliquam particularem bonitatem, quia contineat actu omnes particulares bonitates, & omnia quæ ad eas requiruntur; sed quia continet eas in potentia, aut in confuso; imo forte non est aliud, quam ipsæ particulares bonitates sumptæ indeterminatè & confuse; & ideo cum ea sumpta secundum istam indeterminationem & potentialitatem, non habent oppositionem formalem malitiæ obiectiua, quæ opponitur bonitatibus obiectiuis particulariū virtutum; sicut sensibilitas obiectiua sumpta in cōmuni, vt est obiectum rationis genericæ potentie sensitivæ, non dicitur careere determinatione ad aliquam particularem sensibilitatem obiectiua, quia contineat actu omnes modos particulares sensibilitatis, quibus constituuntur obiecta particularium sensuum; sed quia continet eos in potentia, & in confuso; & ideo quæ opponuntur aliqua ratione, siue contrariè siue priuatiue alicui particulari modo sensibilitatis, non opponuntur eadem ratione sensibilitati sumptæ in cōmuni, neque ratione eius suis inferioribus.

Ex his SEQUITUR primo, non esse efficax argumentum illud, quo aliqui vtuntur ad probandum hanc cōclusionem; scilicet generica ratio virtutis morales postulat, quod actus & obiectum habeat omni ex parte bonitatem; ergo vbi est aliqua malitia, non reperitur formalis ratio obiecti virtutis morales; & ex consequenti neque obiectū talis virtutis; Quia impossibile est, quod aliquid habeat rationem specificam, & non genericam; sicut impossibile est, quod aliquid sit homo, & non animal; Nam responderi potest, negando antecedens, v.

patet ex solutione præcedentis difficultatis.

SECUNDO SEQUITUR, quæ ratione possit defendi, virtutes morales distingui inter se specie per ordinem ad diuersas conformitates obiectiuas ad rationem, quamuis conueniant in ratione communi virtutis morales, & in conformitate obiectiuâ ad rationem sumptâ in communi, quatenus est eius obiectum formale; quoniam conformitas obiectiuâ ita sumpta non includat actum omnia, quæ requiruntur ad conformitatem absolutam & omnem ex parte, sed solum in potentia, & in confuso: & ita potest contrahi ad particulares conformitates per determinationem actualem & formalem ad aliquam eorum, ut exemplo sensibilitatis obiectiuæ superius posito potest facile explicari.

§ 4. Ad argumenta Caietani.

AD PRIMUM responderetur, negando antecedens; & ad probationem concessâ maiori, neganda est minor, si intelligatur de concursu immediato, & per se virtutis intellectualis ad opus defectuosum, quatenus defectuosum est. Et ad exempla, quibus probatur, dicendum est *prima*, habitus in illis calidus non concurrere ad opera illa, quatenus vitiosa sunt in genere actus, propter defectum conditionis requiritæ intra genus proprium vniuscuiusque; sed quantum ad id, quod est in vnoquoque opere bonum in genere artis; & ita D. TH. infra quæst. 57, art. 3. ad primum, inquit, quod cum aliquis habens artem operatur malum artificium, hoc non est opus artis, imo est contra artem.

Et si QUÆRAS, vnde proueniat, quod ad opus bonum aliquo modo in genere artis, & etiam aliquo modo malum, possit voluntas vti habitu artis quantum ad id, quod in tali opere est bonum; & non quantum ad id, quod est malum; & tamen non possit vti virtute morali quantum ad id, quod in opere est bonum in genere moris, non vrendo ea ad id, quod in eodem opere est malum ex defectu circumstantiæ intrinsecæ? RESPONDETUR, rationem discriminis esse, quod in opere artificiali bonitas artificialis non tollitur propter defectum aliquem, etiam intrinsecum in genere eiusdem artis; & ita remanet in eo obiectum artis, circa quod ipsa ars possit operari: At vero in opere morali tollitur omnino bonitas morales propter quemcunque defectum in genere moris, siue proueniat ex circumstantia extrinseca, siue ex intrinseca; & ita non remanet in eo obiectum virtutis morales, quod est bonum morale, & ideo virtus morales ex defectu obiecti proprii non potest ad ipsum concurrere. Ratio vero cur in opere artificiali non tollatur bonitas artificialis per quemcunque defectum artificialem, sicut in opere morali aufertur bonitas morales per quemcunque defectum moralem, desumenda est ex alio discrimine, quod est inter bonitatem artificialem & moralem; nam regula, in ordine ad quam commensuratur bonitas artificialis, non est vna respectu omnium, quæ requiruntur ad completam bonitatem artificialem operis, sed multiplex; & ideo potest in aliquo opere reperiri bonitas artificialis per ordinem ad vnam regulam, simul cum defectu in ordine ad aliam; at verò regula, in ordine ad quam

commensuratur bonitas morales, est vna secundum se, scilicet, prudentia, quæ non potest dictare esse bonum aliquod opus, quod habet defectum moralem, nisi adit ignorantia inuincibilis talis defectus, ut postea dicam. Et quod prudentia non possit dictare, esse bonum huiusmodi opus, non solum conuenit ipsi absolute sumptæ, sed etiam quatenus est regula talis virtutis, quamuis non eodem modo se habeat secundum illam rationem respectu cuiuscunque defectus; nam quando opus est malum propter defectum ex circumstantia intrinseca, habet se quasi contrariè, scilicet, prohibendo ipsum; quando verò solum est malum propter defectum ex circumstantia extrinseca, habet se quasi negatiue, scilicet, non dictando ipsum, & suspendendo suum actum.

Et SECUNDO responderi potest ad illa exempla, quod virtus intellectualis concurrat ad sua opera mediante aliquo discursu practico, & in hoc discursu potest esse defectus aliquis falsitatis, saltem, practice, in altera præmissarum; quia cum vna præmissa vera speculative & practice, potest coniungi altera falsa aliquo ex his duobus modis in syllogismo: & ideo virtutes istæ possunt concurrere ad conclusionem, quæ est ipsatum actus immediatus, directiuus externi & mediati, quamuis in ea sit aliquis defectus in proprio genere, qui erit falsitas aliqua practica; qui defectus non refunditur in ipsam virtutem, sed in præmissam falsam, aut in eius assensum, qui non est à virtute: ita quod conclusio illa procedit à virtute, non quoad eius falsitatem, sed quoad veritatem practicam, quæ relucet aliquo modo in ea, ratione præmissæ veræ. At vero virtus morales non concurrat ad suum actum mediante aliquo discursu, sed immediate per seipsam, & ideo necesse est, quod, si in actu sit aliquis defectus, refundatur in ipsam, tanquam in causam; præsertim cum defectus prouenit ex circumstantia intrinseca; & propterea virtus morales non potest concurrere ad actum, qui sit hoc modo malus, quantumcunque reliqua, quæ requiruntur ad eius bonitatem, sint bona.

Et si OBIECTIAS, quia etiam virtus morales concurrat ad suum opus mediante discursu practico, in quo poterit esse similis defectus: RESPONDETUR, quod virtus morales non concurrat mediante discursu, sicut virtus intellectualis; sed præsupponit ipsum, quia præsupponit discursum prudentiæ; & ita conclusio huius discursus non dicitur actus ipsius virtutis morales, sed prudentiæ; sicut conclusio discursus practici in artificialibus dicitur actus artis; & adhuc in hoc discursu prudentiæ, non potest esse defectus practicus; quia quamuis altera præmissa possit esse falsa speculative, non potest esse falsa practice.

Ad primam confirmationem, patet solutio ex utraque solutione nunc assignata ad argumentum; nam negandum est antecedens, & ratio discriminis patet ex ijs, quæ nunc dicebamus; solutio vero, quæ ibi assignatur ad hanc confirmationem, quamuis admittatur ab aliquibus Thomistis, non est necessaria; imo neque sufficiens: quomodo tamen sit intelligendum testimonium D. THOMÆ pro ea adductum, dicam loco ibidem citato. Et ex his etiam manet soluta *secunda confirmatio*, non solum

quia est impugnatio illius solutionis, qua nos non utimur, sed etiam quia explicatum est duplex discrimen inter virtutes intellectuales & morales.

AD SECUNDVM ARGVMENTVM responderetur, negando minorem; & ad probationem, negandum est, quod, qui deposuit officium iudicis inclinatur à virtute morali v.g. à iustitia vindicativa ad volendum punire malefactores quoniam hæc virtus non inclinat absolute ad punitionem pravorum hominum, sed cum hac conditione, ut fiat ab habente potestatem; & ideo deficiente hac conditione, sicut in casu argumenti, non reperitur obiectum formale & specificativum talis virtutis, neque ipsa virtus potest inclinare, aut concurrere ad actum.

Ad confirmationem, concessa maiori si intelligatur de identitate actus quoad substantiam, distinguenda est minor, quia si intelligatur de facilitate & propensione proveniente à virtute morali, falsa est; quia propter mutationem legis mutatum est obiectum formale illius actus in genere moris, ita quod non habet rationem obiecti virtutis moralis: si tamen intelligatur de facilitate & propensione proveniente ex alijs causis, vera est; cæterum in hoc casu non est ad propositum, & ideo neganda est consequentia.

Et si quæras causas, ex quibus in hoc casu proveniat hæc facilitas & propensio? Responderetur, causas esse vel vitium aliquod inclinans aliquo modo ad operandum ea, quæ prohibentur; aut intellectum attendentem ad bonitatem delectabilem illius actus: aut voluntatem, quæ aliqua ratione allicitur ad suavitatem & prompte exercendum illum actum; aut denique dispositionem aliquam corpoream excitatam ipso exercitio actus, quæ inclinet ad eius continuationem, de quo supra aliquid diximus.

AD TERTIVM responderetur, negando antecedens quia, ut in solutione primi est explicatum, deest obiectum formale & specificativum virtutis; & ad probationem distinguenda est maior, si enim intelligatur de modo, qui ita requiritur, ut eo deficiente maneat obiectum formale & specificativum habitus, vera est; & hoc modo requiritur obscuritas ad obiectum fidei, iuxta sententiam eorum, qui dicunt, habitum fidei in philosopho Christiano concurrere ad assensum eundem huius propositionis, Deus est unus: si tamē intelligatur de modo, qui ita requiritur, ut eo deficiente non maneat obiectum formale habitus, falsa est; Et quoniam circumstantiæ, quamvis sint accidentiæ respectu obiectorum actuum humanorum, & quasi modi ipsorum, tamen sunt requisitæ hoc posteriori modo, ideo neganda est minor, & etiam consequentia.

AD VLTIMVM responderetur, negando antecedens, & ad probationem concessa maiori neganda est minor, quia, (ut explicui in fine ultimæ conclusionis, & in solutione primi argumenti) actus temperantiæ in illo casu non habet eam conformitatem cum ratione, quæ per se pertinet ad materiam temperantiæ; & ad probationem illius minoris, quæ ibi insinuat, scilicet,

acer, quod hæc conformitas consistit in hoc, quod concurrât omnia, quæ requiruntur ex parte obiecti, & circumstantiarum intrinsecarum; & hæc omnia concurrunt in hoc casu ex suppositione, quoniam actus, de quo loquimur, solum est malus ratione circumstantiæ extrinsecæ. Responderetur, quod, quamvis in casu argumenti concurrant materialiter illa omnia, quæ requiruntur ad conformitatem cum ratione pertinentem in particulari ad temperantiæ: non concurrant formaliter secundum eum modum, quo recta ratio, etiam ut est in particulari regula temperantiæ, postulat ea; quoniam recta ratio, ut est talis regula, non postulat ea absolute, sed ita, ut non ordinentur in aliquod malum, vel tanquam causa illativa eius, vel tanquam medium in finem: non quia, ut est talis regula, prohibeat illam subordinationem, sed quia non potest dictare illa, quæ participant eam: & ita in casu argumenti, actus qui dicitur temperantiæ, caret conformitate ad regulam temperantiæ, non quia prohibeatur per eam, quod esset habere malitiam oppositam formaliter bonitati temperantiæ; sed quia non dictatur per eam, quod est esse disformem illi regulæ non contrariè, sed negativè.

Ad primam confirmationem responderetur negando maiorem, & **AD PRIMAM** probationem responderetur, **ARISTOTELEM** eo loco non favere oppositæ sententiæ, sed potius nostræ: quoniam constituit hoc discrimen inter operationes, artis & virtutis, quod ut opus aliquod procedat ab habitu artis satis est quod opus habeat bonitatem artificialem, & quod operans concurrat ad ipsum ex scientia eorum, quæ requiruntur secundum artem; at vero ut opus procedat à virtute non satis est quod ipsum opus sit secundum se bonum, & quod operans concurrat ad ipsum ex scientia, sed requiritur ulterius, quod operans sit ita dispositum, ut operetur ex electione facta propter bonitatem operis, & animo firmo, atque constanti. Ex quo discrimine duo habemus. *Primum* est, actus, qui sunt aliquo modo mali, siue ratione circumstantiæ extrinsecæ, siue ratione intrinsecæ; non procedere à virtute, quia non procedunt ex electione facta propter bonitatem operis, cum in neutro casu habeat opus aliquam bonitatem moralem, ut dixi in probatione secundæ conclusionis; *Alterum* est, reperiri multos actus, qui sunt simpliciter boni moraliter, & tamen non procedant ex habitu virtutis; quia non requiritur ad opus bonum moraliter tota illa dispositio quam **ARISTOTELIS** exigit ad hoc, ut opus aliquod procedat ex virtute; & ex his patet, **ARISTOTELEM** potius favere nostræ sententiæ quam oppositæ.

Et si obicias, apud **ARIST.** haberi hæc verba: *at ea, quæ à virtutibus fiunt, non iuste aut temperate aguntur, si sint iusta, aut temperata*, ubi significatur, dari opera iusta & temperata, quæ non fiant iuste & temperate, & tamen fiant à virtutibus.

Responderetur, **ARISTOTELEM** non appellare huiusmodi opera simpliciter iusta, aut temperata, sed aliquo modo, atque ita

in gratia non dicitur, si sit iusta aut temperata, sed, si ea quodammodo se habeant: quibus verbis intelligit ARISTOTELIS opera, quæ aliquo modo sunt conformata secundum bonitatem iustitiæ, aut temperantiæ; vel quia simpliciter habent huiusmodi bonitatem, vel quia habent eam aliquo modo, scilicet, materialiter, in quantum habent quoddam eam requiritur ex parte obiecti materialis, & circumstantiarum intrinsicarum. Et ad id quod *ulterius* obijciunt, scilicet, ARISTOTELEM connumerare huiusmodi opera inter ea, quæ sunt à virtutibus; *Respondetur*, sensum illorum verborum, *ut ea que sunt à virtutibus*, non esse, quod opera, de quibus ibi loquitur ARISTOTELIS; procedant reuera à virtutibus: quia potius dicit non procedere, nisi concurrant omnes condiciones, quas ex ipso retulimus: sed, quod secundum communem æstimationem & secundum apparentiam sunt à virtutibus, quasi diceret ARISTOTELIS, at ea quæ videntur & reputantur fieri à virtutibus.

AD SECUNDAM probationem eiusdem maioris, respondetur, quod dupliciter aliquis actus potest appellari actus virtutis quantum attinet ad propositum; *Primo* quia reuera procedit à virtute; *Secundo* quia secundum apparentiam & communem æstimationem reputatur procedere, quia convenit solum materialiter cum operibus, quæ procedunt à virtutibus; & D. THOMAS in diuiso illius diuisionis non sumit actum virtutis determinate priori modo, sed indifferenter ad utrumque modum, quasi diceret, quod actus qui aliqua ratione videtur pertinere ad virtutem, dupliciter potest habere quod sit actus virtutis, *uno modo*, quia est virtuosus tantum materialiter & secundum apparentiam; *alio modo* quia habet modum intrinsecum & formalem virtutis, & ideo non dixit D. THOMAS de utroque membro illius diuisionis quod procedit à virtute: sed tantum de posteriori, ad quod solum pertinent actus, qui nulla ex parte sunt mali.

AD TERTIAM probationem respondetur, concedendo antecedens, & negando consequentiam; & ad probationem dicendum est, quod, cum dicitur, præcepta dari de actibus virtutum; intelligitur de actibus, qui pertineant ad virtutes materialiter: non autem de actibus, qui formaliter pertineant ad eas, aut procedant ab eis; itaque ut actus sit adimpletiuus præcepti, requiritur, quod habeat omnia, quæ requirantur ex parte obiecti, & circumstantiarum intrinsicarum: non tamen quod habeat bonitatem moralem, & ex consequenti neque quod procedat à virtute, & ita possunt adimpleri præcepta per actus, qui sunt peccata ex parte circumstantiæ extrinsecæ, ut per actum audiendi rem sacram, vel ieiunandi propter inanem gloriam.

Ad secundam confirmationem concessio antecedenti neganda est consequentia; & ad probationem sufficit solutio ibidem assignata: & ad objectionem contra eam factam, Respondetur, negando paritatem rationis quæ in antecedenti continetur inter accidentalitatem malitiæ moralis respectu obiecti fidei, & respectu obiecti temperantiæ; & ratio discriminis est, quod obiectum formale fidei continetur intra limites veri, & non

continet bonitatem moralem obiectiuam, & ideo quamuis addatur ei malitia moralis ex perueritate voluntatis, non amittit esse obiecti formalis fidei, quia ratio veri obiecti, non destruitur propter adiunctionem malitiæ moralis obiectiue. At vero obiectum formale temperantiæ consistit in bonitate morali obiectiua, & quamuis hæc bonitas non contineat omnem bonitatem moralem, quæ pertinet ad obiecta omnium virtutum, sed sit limitata ad terminos temperantiæ, & ad id quod recta ratio postulat quatenus præcæ est regula temperantiæ; tamen destruitur propter adiunctionem cuiuscunque malitiæ moralis, ita ut maneat obiectum bonum moraliter etiam bonitate limitata, & propria obiecti temperantiæ; & ideo sufficit quæcunque malitia moralis, etiam si proveniat à circumstantia extrinseca temperantiæ, ut non maneat obiectum formale temperantiæ, & ex consequenti ut virtus temperantiæ non possit eligere actum circa materiam illam. Et ex hoc patet solutio ad probationem illius antecedentis, quia inæqualitas consistit in hoc, quod quæcunque malitia moralis tollit obiectum formale temperantiæ, & non tollit obiectum formale fidei, & ad hoc non requiritur, quod bonitas moralis opposita pertineat per se tanquam genus aut differentia ad obiectum temperantiæ. Et huius ratio est, quod malitia extrinseca non destruit obiectum temperantiæ, auferendo bonitatem extrinsecam sibi oppositam; sed impediendo, ne prudentia, quatenus est regula temperantiæ, dicat, illud obiectum esse prosequendum, & ex consequenti efficiendo quod obiectum illud sit negativè disforme regulæ temperantiæ, ut superius explicui.

Ad tertiam confirmationem respondetur, concedendo antecedens, quod meo iudicio satis efficaciter probatur in ipso argumento, & distinguendo consequens, si enim sit eius sensus, quod conformitas ex parte circumstantiæ extrinsecæ desit tantum negativè, concedenda est consequentia, & non est contrarios: quia in eo casu actus erit bonus moraliter, ut cum quis exercet actum misericordiz cum omnibus circumstantiis extrinsecis, & sine appositione alicuius circumstantiæ extrinsecæ male, talis actus est bonus bonitate misericordiz, & non habet conformitatem cum ratione, quæ pertinet ad virtutem temperantiæ, aut ad alias virtutes. Si tamen sensus sit, quod desit illa conformitas quasi contrarie, scilicet, quia apponitur actui aliqua circumstantia extrinseca mala, neganda est consequentia, quia in eo casu non manet bonitas moralis obiectiua, aut conformitas cum recta ratione quæ est obiectum formale temperantiæ, ut superius est explicatum.

TERTIVM DVBIVM EST.

Utrum virtus moralis possit concurrere ad actum, qui materialiter sit malus, & tamen putetur bonus propter ignorantiam, aut inadvertentiam, siue vincibilem siue invincibilem.

VT verbi gratia comedere carnes in die veneris malum est, & similiter adorare hostiā non consecratam malum est, & tamen potest contingere, quod aliquis propter ignorantiam, aut inconsiderationem vincibilem, aut invincibilem putet esse feriam quintam, in qualiter comedere carnes, & esse hostiā consecratam, cui debetur adoratio latrice: & ita inquirimus, an in eo casu temperantia concurrat ad actum comedendi carnes vestitum reliquis omnibus circumstantiis intrinsecis, & virtus religionis ad actum adorandi hostiā. Quod dubium duas continebit partes; in priori agemus de casu quo actus putatur bonus propter ignorantiam & inconsiderationem invincibilem; & in posteriori, de casu quo actus putatur bonus propter ignorantiam vincibilem.

§. 1. De ignorantia & inconsideratione invincibili.

ET QUANTVM attinet ad priorem partem, nullum reperio authorem qui in eo casu sequatur partem negativam. Sed nihilominus argumentor pro ea, quia ita se habet virtus intellectualis ad verum, sicut virtus moralis ad bonum: sed virtus intellectualis non potest concurrere ad assensum falsum, quamvis propter ignorantiam aliquam, aut inconsiderationem invincibilem, putetur verus; ergo similiter virtus moralis; probatur minor, quia v.g. habitus scientiæ habet pro obiecto formali verum: sed putari verum aliquod obiectum non est satis, ut sit verum; quamvis opinio procedat ex ignorantia invincibili; ergo neque est satis ut habitus scientiæ habeat suum obiectum formale, & ex consequenti neque ut concurrat ad assensum circa ipsum, quia nullus habitus potest operari extra latitudinem sui obiecti formalis.

Confirmatur primo, quia obiectum formale virtutis moralis est bonum morale obiectivè sumptum: sed quod obiectum aliquod putetur bonum non est satis, ut sit bonum moraliter, quamvis quod ita putetur proveniat ex ignorantia invincibili: quia bonitas moralis convenit obiecto secundum se, & non dependenter ab opinione nostra; ergo neque etiam est satis, ut virtus moralis habeat suum obiectum formale, & ex consequenti neque ut concurrat ad actum circa tale obiectum.

Confirmatur secundo, quia quamvis Christianus propter ignorantiam invincibilem putet esse veram hanc propositionem, *Deus non est Trinus in personis*, habitus fidei non inclinabit ad assentiendum ei, quoniam alias fidei divinæ posset subesse

A falsum; ergo similiter, quamvis actus propter ignorantiam invincibilem putetur bonus, virtus moralis non concurreret ad eum.

SED NIHILOMINUS SIT CONCLUSIO, Ad actum, qui materialiter est malus, & propter ignorantiam, aut inadvertentiam invincibilem putatur bonus, potest virtus moralis concurrere.

Probatur PRIMO, quia verbi gratia punire eum, qui vere est innocens, & propter ignorantiam invincibilem iudicatur nocens, est secundum se & materialiter malum; & nihilominus recta ratio & prudentia dicitur esse puniendum; ergo etiam virtus iustitiæ inclinatur iudicem, in quo est, ad volendum punire ipsum, & ex consequenti ad actum, qui est materialiter malus, & propter ignorantiam invincibilem putatur bonus: *consequenter* patet, quia ut virtus moralis eliciat aliquem actum, satis est, quod recta ratio & prudentia dicitur esse eliciendum; & *antecedens quoad priorem partem*, scilicet, quod sit materialiter malum punire eum qui reuera est innocens, & propter ignorantiam invincibilem iudicatur nocens, satis notum est: quia punire hominem innocentem eo modo est malum quo talis homo fuerit innocens: sed in hoc casu est innocens materialiter, & formaliter aut secundum notitiam, quæ de ipso habetur, est nocens; ergo etiam punire ipsum est malum materialiter. *Et quoad posteriorem partem*, scilicet, quod prudentia dicitur esse puniendum probatur, quia prudentia dicitur puniendum esse eum, qui prudenter iudicatur & habetur nocens: sed hic homo prudenter iudicatur nocens, quia post adhibitam sufficientem diligentiam ad inquirendum & examinandum an sit nocens, iudicatur talis: ergo prudentia dicitur esse puniendum.

Confirmatur primo, quoniam hic actus, *volo punire hunc hominem*, in casu, de quo loquimur, est consonus rectæ rationi, & prudentiæ; ergo potest procedere ex virtute iustitiæ vindicativæ, si iudex eam habeat acquisitam.

Confirmatur secundo, quoniam actus in casu isto est debitus secundum iustitiam, ergo potest procedere ab eadem iustitia.

C SECUNDO probatur eadem conclusio, quia in casibus, in quibus proponitur alicui potentia, aut habitui obiectum aliquod constans ex materiali & formali, si obiectum materiale est idem & eodem modo applicatum materiali, quamvis obiectum materiale, siue id cui formale applicatur, sit diversum, talis habitus aut potentia tendit eodem modo in totum illud obiectum: sed in nostro casu, & in casu quo homo esset reuera malefactor proponitur obiectum quoddam iustitiæ vindicativæ, quod constat ex materiali & formali, & obiectum formale est idem & eodem modo applicatum materiali, & solum est diversitas in obiecto materiali: ergo iustitia vindicativa tendit in his duobus casibus eodem modo in hoc obiectum; quare cum in secundo casu inclinatur ad volendum punire hominem, etiam inclinabit in nostro; maior patet *in ratione*, quia ex obiecto formali ut applicato ad materiale specificatur potentia aut habitus, & non ex materiali: ergo ubi est idem obiectum formale, & eodem modo applicatum, quamvis materiale non sit idem, potentia aut habitus tendit eodem modo in ipsum; *in etiam indu-*

ctione,

ctione, quia in primis potentia visiva, quia habet pro obiecto formali colorem, & pro materiali subiectum cui inheret, quamvis mutetur subiectum, si maneat idem numero color, tendit eodem modo in ipsum; ut si loco panis cui inheret albedo succedat substantia papyri, potentia visiva eodem modo tendit in albedinem, & in album; verum est quod visus non attingit per se subiectum, sed tanquam obiectum per accidens, & ideo eodem modo tendit in colorem hostie consecratae quo tendebat ante consecrationem. Item intellectus in illo casu eodem modo iudicabit substantiam panis esse sub illis accidentibus, quamvis eius loco successerit substantia papyri: & in casu quo, postquam intellectus affirmavit aliquid de Petro, ponantur accidentia ex quibus cognoscit Petrum in Francisco, aut alia omnino similia, affirmabit de Francisco idem quod antea affirmaverat de Petro & random habitus odij quo quis prosequitur Petrum, inclinabit ad prosequendum quod Francisco occurrentem, si habeat accidentia, quæ reddant eum omnino similem Petro; Et ut probemus *minorem supponendum* est, quod sicut in obiecto integro potentia visiva dantur tria, scilicet, obiectum formale, quod est color; & obiectum materiale quod est subiectum cui convenit color; & applicatio obiecti formalis ad materiale, quæ est physica secundum realem informationem aut inhaerentiam coloris in subiecto; ita etiam proportionaliter distinguuntur alia tria in obiecto integro iustitiæ vindicativæ, & obiectum formale est esse malefactorem; & obiectum materiale est homo cui convenit esse malefactorem; & applicatio obiecti formalis ad materiale non est physica, & secundum inhaerentiam realem, sed moralis, & secundum prudentem estimationem, qua prudenter iudicatur, verbi gratia, talem hominem esse malefactorem; & quamvis hæc applicatio debeat esse vera, tamen eius veritas non est speculativa, sed practica: & ideo non pendet ab esse rei, sed à regulis prudentiæ, ita ut, quando adhibita fuerint omnia, quæ secundum prudentiam requiruntur ad huiusmodi iudicium, tunc ipsum iudicium erit verum practice, quamvis aliter se habeat; sicut è converso, quando non adhibentur omnia requisita, tunc iudicium non est verum practice, quamvis res ipsa ita se habeat sicut per iudicium dicitur; & ratio utriusque est, quod hæc veritas practica consistit in conformitate ad regulas prudentiæ; & in priori casu iudicium est eis conforme, & non in posteriori. Et hoc supposito, probatur illa *minor*, quia in duobus casibus in ea contentis, obiectum, quod proponitur, constat ex homine, tanquam ex materiali, & ex ratione malefactoris, tanquam ex formali, & est eadem ratio malefactoris, atque adeo idem obiectum formale, non secundum rem per inhaerentiam realem, sed per actum intellectus, quo iudicatur verbi gratia, talem hominem esse malefactorem; & eadem applicatio moralis huius rationis ad hominem, qui est obiectum materiale: quia eodem modo iudicatur secundum prudentiam in utroque casu illum hominem esse malefactorem, & solum est discrimen in homine, cui fit applicatio, qui est obiectum materiale, ergo in illis duobus casibus proponitur idem obiectum formale, & eo-

dem modo applicatū, & solum est diversitas in obiecto materiali.

Confirmatur, quoniam hic actus, de quo loquimur, est simpliciter bonus moraliter, ita quod nullam habet malitiam, & non est bonus alia bonitate, quam iustitiæ vindicativæ, ergo potest hæc virtus concurrere ad eum; patet consequentia, quia ut virtus aliqua moralis concurrat ad aliquem actum, satis est quod actus habeat bonitatem talis virtutis simpliciter, ita ut careat omni malitia.

Ad ARGUMENTUM alterius partis respondetur, distinguendo maiorem, si enim sit eius sensus, quod sicut virtus moralis habet pro obiecto vere bonum, ita virtus intellectualis habet pro obiecto id, quod vere, & non fictè est verum: concedenda est; ceterum non est ad propositum, quia in minori non sumitur verum in hoc sensu; quoniam assensus, qui secundum se est falsus, & propter ignorantiam invincibilem, putatur verus, non est verus reuera, sed solum fictè, & quoad apparentiam: & in consequenti bonum sumitur pro eo quod reuera est bonum, quia (ut paulo superius dicebam) actus, qui à parte rei est malus, & propter ignorantiam invincibilem putatur bonus, est bonus reuera, & per ordinem ad regulam bonitatis moralis quæ est recta ratio. Si tamen sensus illius maioris sit, quod sicut verum, ad quod inclinatur virtus intellectualis, consistit in conformitate ad esse, quod res habet secundum se: ita etiam bonum ad quod inclinatur virtus moralis, consistit in esse quod rei convenit secundum se, & à parte rei, neganda est, quia verum specularium, quod est obiectum virtutis intellectualis, consistit in conformitate ad esse, quod res habet à parte rei; & bonum morale, quod est obiectum virtutis moralis, consistit in conformitate obiectiva ad rectam rationem. Quare supponimus fieri sermonem in hoc argumento de virtute intellectuali speculativa, cuiusmodi est scientia; nam practica, qualis est ars, bene potest concurrere ad iudicium, quod non sit verum per ordinem ad esse rei, atque adeo nec virtute speculativa; sed per ordinem ad regulas prudentiæ, atque adeo veritate practica.

Ad primam confirmationem, respondetur, negando minorem, quia (ut nunc dicebam) bonitas moralis obiectiva consistit in conformitate ad rectam rationem, & obiectum, quod propter ignorantiam invincibilem putatur bonum, est absolute conforme rectæ rationi.

Ad secundam confirmationem, respondetur, concedendo antecedens, & negando consequentiam; & ratio discriminis est, quod fides supernaturalis habet pro obiecto verum specularium; quod non reperitur in casu antecedentis, quia consistit in conformitate ad esse rei, & in re Deus est trinus in personis; at vero virtus moralis habet pro obiecto bonum morale, quod reperitur in casu consequentis, quia (ut sæpe dixi) consistit in conformitate ad rectam rationem. Cur autem voluntas hominis Christiani non possit vñ habitu fidei ad assentiendum alicui propositioni falsa, quamvis proponatur à viris doctis, & magnæ autoritatis, & cum motibus sufficientibus ut eis habeatur fides, ita etiam ut sine culpa possit adhiberi assensus tali propositioni:

explicandum est in materia de fide; & meo iudicio recurrendum est ad naturam ipsius fidei, quæ talis est, ut postulet hoc obiectum, & non aliud. Et hæc de priori parte huius dubij.

§. 1. De ignorantia & inadvertentia invincibili.

CIRCA POSTERIOREM partem, scilicet, an virtus moralis possit concurrere ad actum, qui materialiter est malus, & propter ignorantiam vincibilem, putatur bonus? **S**COTVS & alij, qui (ut retuli articulo primo huius questionis) asserunt, virtutem moralem non esse habitum essentialiter, sed tantum materialiter, & subiectivè, dicunt consequenter, quod habitus, qui nunc est virtus, & propter defectum coniunctionis cum recta ratione amittit esse virtutis, potest inclinare ad actus procedentes ex ratione erronea, etiam si ratio sit erronea vincibiliter; & ex consequenti, quod potest inclinare ad actus, qui materialiter sunt mali, & propter rationem vincibiliter erroneam putantur boni. Sed hi auctores idem dicunt de actibus malis, quamvis non adsit aliqua ignorantia, propter quam reputentur boni; & eorum fundamentum hæc est impugnatum articulo citato, & ideo nunc non disputabimus contra eos; sed supposito ex eis, quæ hæcenus diximus, virtutem moralem esse habitum essentialiter, & non posse concurrere ad aliquem actum quatenus est habitus, quin etiam concurrat secundum propriam rationem virtutis moralis; inquiremus nunc, an virtus moralis sic sumpta possit concurrere ad actum, qui secundum se aut materialiter est malus, & propter ignorantiam culpabilem putatur bonus.

ET PARS AFFIRMATIVA probatur PRIMO, quia in casu, quo actus est malus, & propter ignorantiam invincibilem putatur bonus, potest virtus moralis concurrere ad eum, ut diximus in priori parte huius dubij; ergo etiam in casu quo idem actus putatur bonus propter ignorantiam vincibilem; probatur consequentia, quia in his duobus casibus est convenientia ex parte obiecti materialis, & ex parte obiecti formalis: quia v.g. proponitur respectu iustitiæ vindicativæ idem homo, & eadem ratio malefactoris; & solum est discrimen in applicatione obiecti formalis, quia in casu antecedentis hæc applicatio fit per iudicium intellectus falsum inculpabiliter: & in casu consequentis per iudicium falsum culpabiliter: sed hoc discrimen per accidens se habet ad hoc, quod virtus moralis verbi gratia iustitia vindicativa operetur, vel non operetur; ergo eo non obstante virtus operatur in utroque casu eodem modo; probatur minor, quia applicatio obiecti formalis ad materiale in hoc casu non pertinet ad virtutem moralem, scilicet ad iustitiam vindicativam, quia cum sit actus intellectus, scilicet, iudicium quo iudicatur hunc hominem esse malefactorem, non potest pertinere ad virtutem, quæ est in voluntate: ergo per accidens se habet ad iustitiam vindicativam, quod falsitas, quæ est in huiusmodi applicatione sit culpabilis, aut inculpabilis.

SECUNDO, sicut se habet applicatio physica obiecti formalis ad materiale respectu potentie physice, qualis est potentia visiva, ita se habet applicatio moralis respectu virtutis moralis, ut patet in secunda probatione conclusionis propositæ in priori parte huius dubij: sed quod applicatio physica habeat defectum physicum non obstat, quominus potentia visiva concurrat ad actum circa tale obiectum; ut quamvis Angelus non possit esse subiectum coloris, tamen dato quod vestitur eo, non erit minus visibilis & terminabit visionem quam corpus; ergo similiter quod applicatio moralis habeat defectum moralem, qualis est falsitas culpabilis, non obstat, quominus virtus moralis concurrat ad actum circa tale obiectum.

VLTIMO, quando applicatio obiecti formalis ad materiale fit per iudicium falsum culpabiliter, homo non minus facile & promptè & delectabiliter operatur circa tale obiectum, quam cum fit per iudicium falsum culpabiliter: ergo si in secundo casu operatur ex habitu virtutis, etiam in primo; *consequentia patet*, quia facilitas, promptitudo & delectatio, in aliqua operatione est signum, quod talis operatio procedit ex habitu; ergo operationes, quæ æqualiter habent has conditiones, etiā habent æqualiter procedere ex habitu, & antecedens probatur, quia si ego acquisivi habitum exhibendi reverentiam patri meo, & occurrat mihi Petrus, quem puto esse Patrem meum: non minus facilè, promptè, & delectabiliter assurgam ei, si hoc iudicium procedat ex ignorantia vincibili, quam si procedat ex invincibili.

SIT CONCLUSIO. *Virtus moralis non concurrat ad actum, qui materialiter est malus, & propter ignorantiam vincibilem putatur bonus*: Probatur, quia si actus hic esset formaliter malus, siue ex parte obiecti, siue ex parte alicuius circumstantiæ intrinsecæ, siue ex parte extrinsecæ, virtus moralis non posset concurrere ad eum, ut patet ex ijs, quæ diximus dubio primo, & secundo huius articuli; sed ignorantia vincibilis, non sufficit, ut actus, qui ex aliqua ex his partibus est malus materialiter, non sit malus formaliter, ut constat ex doctrina D. THOMÆ supra quæ. 6. art. 8. ergo neque sufficit, ut virtus moralis concurrat ad eum.

Confirmatur primo, quia prudentis non potest dictare, esse exercendum huiusmodi actum: ergo neque virtus moralis potest concurrere ad eum; *consequentia patet*, quia virtus moralis non potest operari, nisi sequendo regulam & dictamen prudentiæ, ut probauimus testimonio ARISTOTELIS, & DIVI THOMÆ dubio secundo huius articuli, in probatione primæ conclusionis; & *antecedens* probatur, quia esse exercendum huiusmodi actum non est verum practicè, neque consonum rectæ rationi, quia est malum, ut ostensum est: ergo non potest dictari a prudentia, alias prudentia non esset simpliciter virtus.

Confirmatur secundo, quia quando huiusmodi actus esset malus ex parte obiecti, aut ex parte alicuius circumstantiæ intrinsecæ, haberet malitiam repugnantem bonitati, ad quam inclinatur virtus moralis, ad quam comparatur; & quando esset malus ex parte circumstantiæ extrinsecæ, non haberet bonitatem moralem propriam talis

virtutis; ergo talis virtus in nullo ex his casibus posset concurrere ad eum: *antecedens* ex his, quæ diximus dubio primo, & secundo huius articuli, patet, & *consequentia* probatur, quia in nullo ex casibus antecedentis haberet virtus moralis suum obiectum formale, aut specificatum, ut locis citatis est ostensum; & nulla virtus, aut potentia potest operari extralatitude suæ obiecti specificatiui, & præterea in duobus prioribus casibus, scilicet, quando actus esset malus ex parte obiecti, aut ex parte circumstantiæ intrinsecæ, actus esset formaliter oppositus virtuti; eo modo quo inter actum & habitum potest reperiri oppositio formalis: & insuper esset destructivus ipsius, eo modo quo actus vitij est destructivus virtutis oppositæ, scilicet, introducendo habitum vitij; ergo virtus moralis non posset in illis casibus concurrere ad talem actum.

AD PRIMUM, concesso antecedenti, neganda est conclusio: & ad probationem, potest *imprimis negari maior*, quia in illis duobus casibus non est convenientia ex parte obiecti formalis; & quidem posset hoc facile explicari, dicendo, quod obiectum formale iustitiæ vindicatiuæ non est ratio malefactoris, sed æqualitas, quæ fit per punitionem malefactoris, dum per eam aufertur malefactori id, quod videbatur habere amplius, quàm debebat habere, scilicet, fuisse exaltatum supra legem; & restituitur legi id, quod videbatur ipsi detractum, scilicet, hominem illum esse ei subiectum: nam dici potest, quod hæc æqualitas non reperitur in illis duobus casibus, quia debet esse æqualitas vera, saltem practicè: & in casu, quo punitur is, qui propter ignorantiam vincibilem iudicatur malefactor, non fit æqualitas vera practicè, quia falsum est, non solum speculatiuè, sed etiam practicè, quod talis homo habeat plus, quam debet habere.

Verum contra hoc potest sic obijci: esse veram hanc æqualitatem, nascitur ex eo, quod præsupponatur inæqualitas vera, & hæc ortum habet ex ratione malefactoris: ergo si in illis duobus casibus reperitur eadem ratio malefactoris: etiam reperitur eadem eadem æqualitas; & præterea, ratio malefactoris appellatur obiectum formale iustitiæ vindicatiuæ, ut reducibilis ad æqualitatem per punitionem: sicut ratio peccatoris appellatur obiectum formale poenitentiae, ut compensabilis suo modo aut destructibilis per actus poenitentis, & vero utraque ratio appellatur obiectum formale, non respectu obiecti materialis, sed respectu subiecti. Et ideo admitrendo quod ratio malefactoris sit in hoc sensu obiectum formale iustitiæ vindicatiuæ, dicendum est, quod hæc ratio non habet esse tale obiectum, ut abstracta à subiecto, sed ut participata in aliquo homine; quia licet iustitia vindicativa possit esse principium actus, quo per modum intentionis velut aliquis, & amec bonitatem, quæ est in destructione rationis malefactoris, per punitionem, non potest esse principium actus, qui habeat rationem electionis respectu huius rationis, nisi ut applicatæ alicui subiecto; quia iustitia vindicativa non inclinatur ad puniendum ipsam rationem malefactoris, sed hominem, quia ab ea, tanquam à forma, dicitur malefactor: quare non eo modo ratio malefactoris dicitur obiectum formale iustitiæ vindica-

tiuæ, quo color dicitur obiectum potentie visus: quoniam color potest terminare exercitium visendi, non solum ut participatus in substantia, sed etiam ut sepeatus ab ea: at vero ratio malefactoris non potest terminare exercitium puniendi, nisi ut participata in aliquo homine. Et quoniam hæc ratio debet esse participata, aut secundum rem, aut saltem secundum prudentem estimationem; & in casu consequentis neutro modo est participata, & in casu antecedentis est participata posteriori modo, ideo in illis duobus casibus ratio malefactoris non est eadem, quatenus est obiectum formale iustitiæ vindicatiuæ. Et deinde etiam potest negari minor eiusdem probationis: & ad probationem negandum est antecedens, scilicet, quod applicatio obiecti formalis ad materiale in hoc casu non pertineat ad iustitiam vindicativam. Neque obstat, quod huiusmodi applicatio fiat per iudicium quod est actus intellectus: quia non pertinet ad iustitiam vindicativam tanquam actus elicitus ab ea, sed tanquam conditio necessario requisita ex parte sui obiecti: quia neque iustitia vindicativa, neque alia virtus moralis potest tendere in suum obiectum formale, ut applicatum materiali, nisi applicetur per iudicium verum practicè, atque adeo conforme regulis prudentiæ.

AD SECUNDUM respondetur, negando maiorem, quoniam non requiritur eodem modo applicatio physica obiecti formalis ad materiale respectu potentie visus, & applicatio moralis respectu virtutis moralis; & loco in argumento citato solum diximus, requiri has applicationes, non tamen requiri equaliter, aut eodem modo; & ratio discriminis est, quod applicatio physica coloris, si intelligatur respectu substantiæ, non requiritur per se in obiecto potentie visus ad exercitium actus videndi, imo neque ut conditio necessario requisita: sed solum quia secundum ordinem naturæ non potest color separari à substantia; & ita, si Deus separet colorem à substantia; & non à quantitate, poterit visus naturaliter videre ipsum, sicut de facto contingit in Sacramento altaris; si tamen intelligatur etiam respectu quantitatis, ego existimo requiri ut conditionem accidentalem, necessariam tamen secundum ordinem naturæ, & appello eam conditionem accidentalem, quoniam color non pendet ab unionem cum quantitate immediatè, ad hoc ut terminet visionem, sed mediatè, quia non potest aliter emittere ex se species: & dico esse necessario requisitam secundum ordinem naturæ, quia color sepeatus à quantitate, imo & ab extensione quantitativa quæ est in ordine ad locum, non posset naturaliter emittere species: & ita si per divinam potentiam fieret, ut color sepeatus à quantitate, aut ab extensione locali, emitteret ex se species in potentiam visivam, existimo quod visus posset naturaliter eum videre, ut colligitur ex DIVO THOMA tertia parte quæstio. 76. articulo septimo & ratio huius est, quod præcisè ad terminandum visionem non pendet à quantitate, neque ab extensione locali. At vero applicatio moralis est conditio per se, & simpliciter necessaria ad obiectum virtutis moralis, saltem respectu actus, qui habet modum exercitij, & electionis.

Secundo respondetur, *negando minorem*, & ad exemplum, quo probatur, negandum est, quod Angelus in eo casu sit visibilis, aut terminet visionem, etiam per accidens, eo modo quo corpus de prædicamento substantiæ terminat eam: quia quod videtur per se, est coloratum, siue color in concreto, & materiale huius concreti, scilicet, corpus, cui inhaeret color, est visibile aut sensibile per accidens, in quantum videtur color, quem sustentat; at vero Angelus non ita sustentat colorem, quo quasi vestitur in corpore assumpto, sed vnitur ei sicut motor mobili, & ideo neque per accidens est sensibilis, eo modo quo corpus de prædicamento substantiæ dicitur sensibile.

AD VLTIMUM, transeat antecedens, quia in aliquo casu potest ita contingere; & negatur consequentia, & ad probationem dicendum est, quod quamuis facilitas, promptitudo, & delectatio in aliqua operatione sint signa, quod talis operatio procedit ex habitu; non sunt adæquatè signa huius rei, sed etiam aliarum causarum, ex quibus potest provenire, quod aliqua operatio habeat huiusmodi conditiones, vt explicui dubio primo huius articuli in solutione primi argumēti & dubio secundo in solutione confirmationis secundi argumēti.

ARTICVLVS IV.

Virum Virtus convenienter definiatur hoc modo: Virtus est bona qualitas mentis, qua nullus male vititur, quam Deus in nobis sine nobis operatur?

CONCLUSIO est affirmativa.

COMMENTARIVS.

CIRCA HUNC ARTICVLVM nota quod ex præcedentibus potest sufficienter colligi completa definitio virtutis, siue sumatur prout est communis ad virtutes morales & intellectuales; siue magis determinatè, prout solum extenditur ad virtutes morales. Quoniam ex articulo primo habemus genus, scilicet, quod virtus est habitus: & ex secundo vnam differentiam, scilicet, quod sit habitus operatiuus; & ex tertio aliam, scilicet, quod sit operatiuus boni actus; vbi quamuis esse operatiuum, videatur habere rationem differentiæ, rectius dicemus constituere simul cum habitu genus proximum virtutis, quia virtus, vt supra dixi, non est habitus disponens ad esse, sed ad operari; & ita, esse operatiuum boni actus, habebit rationem vltimæ differentiæ. Possunt autem hæc verba accipi duobus modis, scilicet, aut de actu bono determinate, bonitate sumpta determinate, prout consistit in conformitate ad rectam rationem, quæ est bonitas moralis: & si ita accipiantur, solum conueniet hæc definitio virtuti vt comprehendit virtutes morales; aut de bonitate sumpta indifferenter, prout consistit vel in hac conformitate,

vel in conuenientia in ordine ad potentiam, quæ disponitur per habitum, à quo producit actus bonus, quæ est bonitas aut moralis, aut naturalis, & ex consequenti conueniens, aut actibus dependentibus à voluntate, aut etiam actibus intellectus veris, siue veritate speculatiua, siue practica; quoniam vtrique veritas est quoddam bonum intellectus; & vt actus aliquis dicatur bonus hæc posteriore bonitate, scilicet, per ordinem ad potentiam, requiritur, quod non solum quatenus efficitur perficiat ipsam, sed etiam secundum particularem suam rationem, qua ab alijs distinguitur: & si hoc modo accipiantur hæc verba conueniet hæc definitio virtuti, vt est communis omnibus virtutibus tam moralibus quam intellectualibus.

§. I. Definitiones virtutis tradita ab Aristotele, examinantur.

SECUNDO NOT A, quod ARISTOTELES quatuor potissimum tradidit definitiones virtutis, & ferè omnium meminit DIVVS THOMAS in distinctis locis huius quæstionis, & omnes possunt reduci ad hanc, quam ex D. THOMA colligemus: nam in primis secundo Ethicorū capite sexto tradidit duas, quarum prima est huiusmodi, *virtus est habitus qui bonum facit habentem, & opus eius bonum reddit*: cuius meminit DIVVS THOMAS articulo præcedenti in argumento *sed contra*, & hæc vt constat, nihil continet amplius, quam definitio proposita. Secunda talis est, *virtus est habitus elatus in mediocritate consistens definita à ratione, prout vir prudens indicauerit*: & huius definitionis non meminit DIVVS THOMAS in hac quæstione, quia est explicatio præcedentis applicatæ ad virtutes hominis, vt constat ex ipso contextu ARISTOTELIS, & ita etiam hæc continetur in definitione DIVI THOMÆ. Tercio, libro primo de celo capite vndecimo definit virtutem hoc modo, *virtus est vltimum potentia*, & huius meminit DIVVS THOMAS articulo primo huius quæstionis in solutione ad primum; & articulo tertio in corpore: vt autem intelligatur quomodo etiam hæc definitio contineatur in definitione DIVI THOMÆ: ADVERTE, tria posse distingui in aliqua potentia, quorum quodvis dicatur, *ultimum* suo modo respectu ipsius; scilicet, obiectum, actum, & habitum; nam *in primis obiectum* dicitur *ultimum*, quando est maximum, & optimum in quod potentia potest: vt respectu potentia delatiuæ ponderis, dicemus vltimum esse maximum pondus quod potest deferre. & hoc modo explicat hanc definitionem DIVVS THOMAS articulo primo huius quæstionis in solutione primi; & secunda secundæ quæstione vigesima tertia articulo tertio ad secundum, vbi inquit, vltimum quod ponitur in ratione virtutis, non importare ordinem effectus, sed magis ordinem excessus cuiusdam, sicut centum libræ excedunt quadraginta; & proculdubio hic est sensus intentus ab ARISTOTELE illo loco, quia solum vult explicare, vnde sit definienda potentia, quantum ad id, quod per ipsam est possibile, & dicit esse definiendam per maximum in quod potest; & ex hoc alij sumpserunt occasionem vt dicerent, ARISTOTELEM

ibi defi-

ibi definitione virtutem esse ultimum potentia. Et præterea actus etiam potest dici ultimum potentia quando est perfectissimus actus, qui potest elici à potentia; quia huiusmodi actus est ultimus, id est perfectissimus effectus, qui potest procedere à potentia: quod tamen non est intelligendum de actu perfectissimo quoad intensiorem, neque quoad speciem in tota latitudine actuum, qui possunt elici à potentia; sed in genere determinato, id est circa particulare obiectum materiale, si enim potentia possit elicere actus circa diversa obiecta, ille actus dicitur hoc modo ultimum potentia, qui fuerit circa proprium obiectum materiale perfectissimus secundum speciem: & ita intellexit hanc definitionem DIVVS THOMAS in 2. dist. vigesima septima, questio. 1. articulo primo ad primum & articulo tertio huius questionis in corpore, ubi probat, virtutem esse habitum operativum boni actus, quia virtus cuiuslibet potentia determinatur per ultimum in quod potest, & ultimum in unaquaque potentia oportet quod sit bonum eius; & bonum in potentia operativa est bonus actus ipsius. Et demum etiam ipse habitus potest dici ultimum potentia, non quidem per modum obiecti, nec per modum actus, sed per modum complementi, quia scilicet habitus virtutis est ultimus, id est, perfectissimum complementum potentia ad operandum, quod est esse complementum in ordine ad perfectissimum actum, quod etiam debet intelligi non absolute respectu quorumcunque actuum, sed respectu actuum, qui versantur circa idem obiectum materiale, sicut diximus de actu: & hoc modo intellexit hanc definitionem DIVVS THOMAS in 3. distinctione vigesima septima quest. prima, articulo tertio, questiuicula 3. ad secundum, & questione vicesima de virtutibus in communi articulo nono ad decimum quintum ubi inquit, virtutem esse ultimum potentia, quia inclinat ad id, quod ultimo potentia potest; & de veritate quest. 14. art. 3. ad 7. ubi ait, quod fides secundum hoc dicitur, esse ultimum potentia, secundum quod complet potentiam ad eliciendum actum bonum & meritum. Ut autem hæc definitio conveniat cum ea, quam ex DIVO THOMA proposuimus, oportet quod intelligatur tertio modo. Ultima definitio traditur ab ARISTOTELE 7. C. Physicorum cap. 3. textu. 17. ubi inquit, virtutem esse dispositionem perfectam ad optimum; & huius etiam meminit DIVVS THOMAS articulo primo & secundo huius questionis, ubi ut probet, virtutem esse habitum, & esse habitum operativum, assumit quod virtus denotat perfectionem potentia operativam in ordine ad suum finem, scilicet, ad operationem. Intelligitur autem hæc definitio hoc modo: virtus est dispositio perfecti: id est, principij actui, quoad appellatur perfectum, quia est in actu respectu sui effectus, aut est dispositio perfecti, id est, dispositio per eam accommodata ad suam naturam, ita ut significetur, ipsam virtutem esse dispositionem perfectam suum subiectum iuxta exigentiam sue nature, & definiatur in hac particula virtus per ordinem ad suum subiectum non absolute sumptum, sed quatenus participat effectum formalem ipsius virtutis; sicut multi explicant particulam definitionis animæ, qua dicitur animam esse actum corporis organici; per optimum vero, ad quod virtus disponit, significatur actus perfectissimus in

sentu explicato: in quo sentu actus fidei supernaturalis est actus perfectissimus inter omnes, quos in via potest habere intellectus circa Deum: & hoc est satis ut hæc fides dicatur simpliciter virtus, ut contra DURANDUM solet explicari secunda secunda quest. 4. artic. 5. Aliqui etiam dicunt per optimum significari absolute actum, qui dicitur optimum comparatione ipsius dispositionis, quæ est virtus, non quia actus sit perfectior quam habitus, si uterque præcisè sumatur, sed quia habitus reductus in actum habet, statum perfectiorem, quam cum est actu separatus, & in potentia ad ipsum; sicut exponi solet illa propositio, esse est propter operari; & de hac definitione sic explicata satis notum est, contineri in ea, quam in primo notabili collegimus ex articulis præcedentibus.

§. 2. Definitio tradita à D. Augustino expenditur.

TERZIO NOTA DIVVM THOMAM in hoc articulo adducere aliam definitionem virtutis, quam consulo propositam in titulo articuli, quamvis in aliquibus libris non habeatur, quia DIVVS THO. in principio corporis articuli, imò & in argumento, sed contra, supponit, fuisse iam propositam: dicit vero in argumento, sed contra, illam definitionem colligi ex verbis AVGVSTINI, id est ex varijs locis, & præcipue in secundo libro de libero arbitrio, qui habetur tomo primo: & quidem duæ illæ particule: *quam recte vivitur, quam nemo male vivit*: inveniuntur cap. 19. illius libri, & prior illarum cap. 18. ceterum illa verba quæ ponuntur in principio definitionis, scilicet, *est bona qualitas mentis*: & item illa quæ in fine, scilicet, *quam Deus in nobis sine nobis operatur*: non inveniuntur in his duobus capitibus, neque in toto illo libro, nisi forte quis dicat colligi ex cap. 18. priora quidem, quoniam AVGVSTINVS dicit virtutes esse bona animæ; Et posteriora, quoniam, ut probet voluntatem esse à Deo, adducit in exemplum iustitiam. Explicatio autem singularum partium huius definitionis habetur satis aperta in articulo; & ex ea constat, hanc definitionem, si detrahatur illa particula, *quam Deus in nobis sine nobis operatur*, contineri quoad omnes suas partes in illa, quam in primo notabili proposuimus.

SED CIRCA EAM solent inquiri tria. PRIMVM est, cur in ea non fiat mentio legis, aut rectæ rationis? SECUNDVM an conveniat solum virtutibus moralibus, an vero etiam intellectualibus? TERTIVM, cur DIVVS THOMAS relictis alijs definitionibus meminerit solum istius? Verum hæc facilia sunt. Nam ad PRIMVM dici potest in primis, legem non pertinere ad causas virtutis, quæ in hac definitione assumuntur explicandæ ut D. THOMAS docet, & ideo non debuisse fieri eius mentionem; & deinde dici potest, non fuisse omnino prætermisam, quia dicitur quod virtus est bona qualitas mentis, & per mentem significatur anima, cuius bonum, ut DIVVS THOMAS in solutione secundi refert ex DIONYSIO capite quarto de divinis nominibus, est secundum rationem esse; & deinde additur, *quam recte vivitur*: quod intelligitur de rectitudine, quæ consistit in conformitate ad rectam ra-

tionem. Et AD SECUNDUM respondetur, quod si illa verba, *qua recte vivitur* accipiantur proprie & cum rigore, solum conveniet hæc definitio virtutibus moralibus; quia de virtutibus intellectualibus non dicitur proprie, & cum rigore loquendo, quod eis bene vivitur. *Neque obstat*, quod in hac materia agit, DIVVS THOMAS de virtute, ut est communis ad intellectuales & morales; & ita sumit eam quæstione sequenti, cum agit de eius subiecto, ut patet ex articulis, in quibus explicuit subiectum respectu omnium virtutum, tam moralium, quam intellectualium & quæstione quinquagesima septima cum diuidit eam, ut etiam constat ex articulis in quibus singularum partium, scilicet, virtutum moralium, & intellectualium proprias rationes explicat: quare videtur quod etiam hoc loco debuerit tradere definitionem omnibus communem. *Nam ad hoc* dici potest, quod DIVVS THOMAS principaliter agit de virtutibus moralibus, quoniam eis convenit simpliciter & absolute nomen virtutis, propter perfectionem quandam accidentalem in qua excedunt reliquas; quæ in Theologia morali precipue consideratur, ut ipse docet infra quæstione 57. articulo primo & nos explicuimus articulo primo huius quæstionis in solutione secundi argumenti dubij propositi circa conclusionem, & ideo non mirum est, si solum definierit virtutes morales; dixit vero aliquid de subiecto & rationibus intellectualium, quoniam ita erat necesse ad explicandum naturam moralium. Si tamen illa verba sumantur late, ita ut comprehendant etiam: *vinere recte rectitudine intellectus circa verum*, quæ est non deviare à vero, poterit hæc definitio convenire, virtutibus intellectualibus: ceterum tunc dicendum est, quod etiam verba sequentia, scilicet,

qua nemo male vititur, sumuntur late, ut comprehendant etiam malum usum, qui consistit in deceptione & falsitate; & significant, quod virtus non concurret ad actum malum, id est, falsum, quod debet intelligi de concursu immediato: nam mediante alia causa, in qua sit aliquis defectus, bene potest virtus intellectualis concurrere ad assensum falsum, quamvis falsitas non sit tribuenda ipsi virtuti, sed causæ intermediæ defectuosæ, ut explicui articulo precedenti dubio secundo in solutione primi argumenti. Et AD TERTIUM respondetur, DIVVM THOMAM voluisse hoc loco explicare peculiariter illam definitionem, potius quam aliam, quoniam recepta erat apud Theologos, & desumpta ex AVGVSTINO Theologorum principe.

Solum restabat nunc inquirendum id, quod articulo primo in solutione primi argumenti dubij propositi circa conclusionem remisimus in hunc locum explicandum, scilicet, an virtuti morali conveniat tanquam differentia essentialis bonitas moralis radicalis, & ex consequenti prius, quam bonitas transcendentalis, ut determinata ad talem bonitatem, quæ consistat in convenientia & congruitate in ordine ad talem naturam? sed ex ijs, quæ ibi diximus, potest facile desumi explicatio & confirmatio partis affirmatiivæ; & solutio eorum quæ pro contraria parte obijciuntur, & ideo omisso hoc dubio, & nonnullis alijs, quæ dici poterant circa quidditatem virtutis moralis, & distinctionem eius ab habitu indifferenter, id est, qui non est vitium nec virtus; transibimus ad secundam partem huius tractatus, in qua agendum est de eius causa efficienti, idque circa quæstionem DIVI THOMÆ sexagesimam-terciam,



Q V Æ S T I O L X I I I .

De causa virtutum: quæ est secunda pars huius tractatus.

R A T I O O R D I N I S .

EXPLICATA quidditate & essentia virtutis moralis, instituimus statim disputationem de eius causa efficienti: quoniam ut agamus de causa materiali, scilicet, de subiecto, oportet præsupponere, an omnes virtutes morales sint naturales, an vero aliquæ sint supernaturales; & hoc est annexum disputationi de causa efficienti, & ita explicatur à D I V O T H O M A in hac quæstione, in qua agit de huiusmodi causa.

ARTICVLVS PRIMVS.

Utrum virtus insit nobis à natura?

PRIMA CONCLUSIO. omnes virtutes intellectuales, & morales, secundum aptitudinem, & inchoationem, sunt homini naturales, tam respectu naturæ specificæ, quam respectu complexionis individualis.

SECUNDA CONCLUSIO. hæc inchoatio virtutum æqualiter est naturalis omnibus hominibus respectu naturæ specificæ, non vero respectu complexionis individualis.

TERTIA CONCLUSIO. virtutes quoad consummationem & perfectionem non insunt homini à natura, sed assuefactione, & industria comparantur.

VLTIMA CONCLUSIO. virtutes Theologicae, neque quoad inchoationem, neque quoad consummationem insunt nobis à natura, sed totaliter ab extrinseco, scilicet, à Deo infundente.

COMMENTARIVS.

CIRCA TITVLVM nota, quod consulto D. THOMAS non inquit, utrum virtus sit nobis naturalis? sed *utrum insit nobis à natura*: quoniam naturale dicitur multis modis, scilicet, aut quia virtute naturali potest comparari, quamuis sit acquisitum; aut quia est secundum exigentiam naturæ, & conforme ipsi naturæ; sicut iustitia originalis sumpta pro dono præcisè integrante naturam rationalem intra ordinem naturæ, dicitur naturalis, quia est secundum exigentiam naturæ rationalis; quæ, sicut & quæcunque alia natura, postulat integritatem intra suum ordinem; aut quia cedit in naturæ utilitatem & perfectionem, quamuis sit supra eius exigentiam, quæ ratione supernaturalia di-

A cuntur aliquo modo naturalia; Aut etiam quia inest à naturitate, quæ solet appellari natura. At vero D. THOMAS quia hoc loco inquirebat causam efficientem virtutis, noluit uti illo termino: sed rogauit, an *virtus insit nobis à natura*, cuius sensus est, an dimanet ex principiis intrinsecis naturæ, ita ut non habeatur per acquisitionem, nec per infusionem ab extrinseco.

§. I. Quomodo virtutes secundum inchoationem sint homini naturales.

CIRCA PRIMAM CONCLUSIONEM NOT A PRIMO, sensum eius non esse, quod sit in nobis à natura idem genus inchoationis virtutum secundum naturam specificam, & secundum complexionem individualement; sed quod absolute est in nobis respectu vtriusque aliqua inchoatio virtutum, quamuis huiusmodi inchoatio sit valde distincta, & inæqualis; ut etiam D. THO. explicat in litera articuli: ut autem intelligatur quid sit hæc inchoatio, & in quo consistat eius diuersitas, & inæqualitas: aduertendum est, quod in homine potest distingui triplex inchoatio respectu virtutum: vna *passiva*, altera *effectiua*, & tertia *dispositiua*; Inchoatio *passiva* est potentia ad recipiendum virtutes; Inchoatio *effectiua* est virtus ad producendum eas; & demum inchoatio *dispositiua*, est dispositio conueniens Et respectu naturæ specificæ, & quidem secundum rationem specificam, quæ attenditur secundum animam rationalem, est in nobis inchoatio *passiva*, & etiam *effectiua* virtutum: quoniam in potentia animæ rationalis non solum est à natura potentia *passiva* ad recipiendum virtutes morales, sed etiam sunt quædam principia & veluti semina, quæ *effectiue* concurrunt ad eas; ut statim dicemus. At vero secundum complexionem individualement solum est in nobis à natura inchoatio *dispositiua* respectu virtutum, quia ratione dispositionis corporeæ, quæ nobis inest à natura, provenit diuersitas in operationibus potentiarum sensitiuarum, quæ sunt

quæ sunt actus corporis, & ex hac diuersitate sequitur diuersitas in iudicijs & affectionibus potentiarum partis intellectiue, quibus potentie sensitiue deferuntur ministerialiter; & ita quidam homines sunt à natura melius dispositi ad opera virtutum, quam alij; & rursus quidam sunt melius dispositi ad opera aliquarum virtutum, & alij ad opera aliarum, vt D. THOMAS docet in corpore articuli.

SECUNDO NOTA EX D. THO. supra q. 51. art. 1. quod *inchoatio effectiua* respectu virtutum intellectualium speculatiuarum cuiusmodi sunt scientie, est habitus primorum principiorum speculatiuorum, qualia sunt, *quodlibet est, vel non est: omne totum est maius sua parte*, & similia; & *inchoatio effectiua* respectu virtutum intellectualium practicarum, qualis est prudentia, est habitus primorum principiorum inagibilibus, quæ à D. THOMAS appellantur ibidem *principia iuris communis*, qualia sunt, *bonum est faciendum, malum est vitandum*: at vero respectu virtutum moralium, *inchoatio effectiua* est duplex: *vna* per modum dirigentis, quæ est habitus principiorum pertinentium ad agibilia; & *altera*, per modum proprii efficientis, quæ est inclinatio habitualis ad prosequendum bonum rationis sumptum in communi, & ad vitandum malum huic oppositum. Est autem discrimen inter has inchoationes, vt etiam docet ibidem D. TH. quoniam inchoatio virtutum intellectualium speculatiuarum, est habitus superadditus intellectui, qui etiam appellatur *intellectus*, & non est congenitus ipsi intellectui, sed acquisitus per actum assentiendi primis principiis, qui non habetur per discursum, sed per solam cognitionem terminorum: & idem est dicendum de inchoatione effectiua respectu virtutum intellectualium practicarum, quæ appellatur *synderesis*: At vero inchoatio propriè effectiua respectu virtutum moralium, non est qualitas superaddita voluntati, sed promptitudo ipsius voluntatis ad illa principia communia scilicet, ad prosequendum bonum, & ad vitandum malum; de quo modo non disputabo cum ijs, qui contendunt, etiam respectu illorum principiorum esse ponendum in voluntate habitum superadditum, & acquisitum; sed solum dissoluam obiectionem, quæ ex his potest fieri contra hanc primam conclusionem D. THO. quia ex his sequitur, quod inchoatio respectu virtutum intellectualium, non insit nobis à natura; cum dictum sit, hanc inchoationem esse illos duos habitus principiorum, qui non dimanant ex principiis intrinsecis nature, sed acquiruntur nostris actibus. Et respondetur negando sequelam; & ad probationem dicendum est, quod illi habitus dicuntur dimanare ex principiis nature, in quantum intellectus cognitis terminis statim suapte natura, & sine vilo discursu, producit assensum, vnde generantur ipsi habitus.

CIRCA SECUNDAM conclusionem NOTA, desumi ex ijs, quæ modo dicebamus rationem eius quoad *priorem partem*, scilicet, inchoationem virtutum esse æqualiter à natura in omnibus hominibus secundum naturam specificam: ea vero est, omnes homines habere à natura sufficientem vim ad acquirendum prædictos habitus, dummodo sit in eis expeditus vsus rationis ad discernendum inter bonum & malum. *Posteriores etiam partes* eiusdem conclusionis, scilicet, hanc inchoationem non esse æqualem in omnibus hominibus secundum com-

A plexionem indiuidualem, potest reddi ratio ex ijs, quæ diximus in primo notabili circa primam conclusionem; quoniam ex eis constat, hanc complexionem non esse æqualiter aptam ad opera virtutum in omnibus hominibus, neque ad opera earundem virtutum.

§. 1. An virtutes quoad consummationem insint nobis à natura.

CIRCA RATIONEM quæ D. THO. probat tertiam conclusionem, NOTA, eam posse reduci ad hanc formam: ea, quæ insunt nobis à natura, sunt determinata ad vnum, quia natura determinatur ad vnum: Atqui virtutum consummatio non est secundum vnum modum actionis, sed diuersimode secundum diuersas materias, & secundum diuersas circumstantias: ergo non insunt nobis à natura.

VERVM CONTRA hanc rationem obijciunt PRIMMO, quod respectu virtutum intellectualium sit inefficax: quia in primis, habitus principiorum, tam in speculatiuis, quam in practicis, non agit diuersimodè secundum diuersas materias, aut circumstantias, sed vno modo operatur, scilicet, cognitis terminis solo lumine naturali; & præterea scientia operatur vno tantum modo, scilicet, demonstrando, & circa vnam tantum materiam, quam habet pro obiecto.

Et confirmatur, hoc, quoniam in Angelis non tantum habitus intellectus, sed etiam scientia secundum consummationem est à natura; ergo non repugnat virtuti intellectuali esse à natura secundum suam consummationem.

SECUNDO obijciunt, quod neque in virtutibus moralibus sit efficax, quia quælibet virtus moralis habet pro obiecto determinatam materiam, extra quam non potest operari, sicut quælibet scientia; & præterea postulat rectas & determinatas circumstantias, scilicet, eas, quas supra appellamus intrinsecas.

Et confirmatur, quia *vel hoc*, indeterminatio virtutis intelligitur quoad bonitatem & malitiam moralem operationis, & hoc dici non potest quia (vt probauimus articulo præcedenti) nulla virtus moralis potest concurrere ad actum, qui sit aliquo modo malus formaliter, scilicet, aut ex parte obiecti, aut ex parte circumstantiæ siue intrinsecæ, siue extrinsecæ; imo etiam, putetur bonus propter ignorantiam vincibilem: *aut intelligitur* quoad obiectum formale, & hoc multo minus dici potest, quia quælibet virtus est determinata ad suum obiectum formale sicut quælibet potentia, & quilibet habitus; *aut tandem* intelligitur quoad obiectum materiale, vt comprehendit materiam obiectiuam, & circumstantias materialiter sumptas, & neque hoc dici potest, quia vnaquæque virtus determinat sibi certam materiam, & certas circumstantias intrinsecas.

AD HOCVM solutionem nota dupliciter posse exponi discrimen, quod hoc loco constituit D. THO. inter vires effectiuas quæ nobis insunt à natura, quoad suam consummationem, & virtutes tam morales quam intellectuales quantum ad hoc, quod est habere modum operandi determinatum ad vnum, aut indeterminatum, per ordinem ad diuersas materias & circumstantias.

Nam primo potest explicari ex parte ipsarum virtutum, quæ insunt à natura, & virtutum moralium & intellectualium: & ita exponitur à CAJETANO, qui inquit, discrimen consistere in hoc, quod virtutes morales & intellectuales ex propria natura habent vim ad operandum diuersimode, secundum diuersas materias, aut circumstantias, ita quod hæc diuersitas non solum provenit ex diuersitate materię, sed etiam ex parte ipsarum virtutum, quæ habent vim agendi cum hac indeterminatione. At vero vires actiue, quæ nobis insunt à natura, non habent hanc indeterminationem sed sunt ex natura sua determinatę ad vnum modum operandi, ita quod, si quando reperitur aliqua diuersitas in earum actibus, non provenit ex ipsarum vi actiua, sed ex conditione materię, sicut actiones agentium naturalium sæpe diuersificantur iuxta passi dispositionem. Secundo potest exponi ex parte subiecti virium actiuarum, quæ insunt à natura, & virtutum moralium & intellectualium, ita vt discrimen consistat in hoc, quod vires, quæ quoad suam consummationem insunt nobis à natura, non habent subiectum indeterminatum ad plures modos operandi; at vero virtutes tam morales quàm intellectuales habent subiectum indeterminatum ad diuersos modos operandi in ordine ad diuersas materias & circumstantias, & sic exponitur à CONRADO. Et iuxta hos duos modos exponendi hoc discrimen possunt etiam diuersimode dissolui argumenta contra ipsum proposita; & ita CAJETANVS qui sequitur priorem, respondet ad PRIMVM, admittendo, neque habitum scientię, neque habitum principiorum, qui dicitur intellectus inesse nobis à natura quoad consummationem; & negando, quod huiusmodi habitus non habeant diuersum modum operandi pro diuersitate materię; quoniam eorum operatio consistit in compositione prædicati cum subiecto, & scientia aliter componit ens cum non ente in hoc principio, quodlibet est vel non est, & aliter totum cum parte in hoc principio, totum est minus sua parte; & denique habitus principiorum practico- rum aliter componit bonum cum prosecutione in hoc principio, bonum est prosequendum, & aliter malum cum fuga in hoc principio, malum est fugiendum. Et ad confirmationem negat, quod Angeli habeant habitum principiorum aut conclusionum superadditum speciebus intelligibilibus, quia, cum habeant noticiam euidentem tam principiorum, quàm conclusionum sine vlla compositione, ad eum modum quo nos in prima operatione intellectus cognoscimus quod quid est, non indigent habitu superaddito, sed sufficiteis lumen naturale intellectus, cum speciebus terminorum, ad cognitionem omnium naturalium.

Ad secundum vero nihil respondet, sed supponit tanquam certum, tam artem, quàm virtutem moralem esse principium operandi diuersimode in ordine ad diuersas materias, vel circumstantias; & non solum provenire hoc ex diuersitate materię, sed etiam ex natura ipsorum habituum, qui vim habent ad operandum cum ea diuersitate: vt, temperantia ex propria natura habet concupiscere aliter potum, aliter cibum, & aliter nunc, aliter post; & posset iuxta eius do-

A
ctrinam responderi, quod quāuis quælibet virtus moralis habeat determinatam materiam adæquatam, extra cuius latitudinem non possit operari, tamen intra latitudinem materię adæquatę habet multiplicem materiam inadæquatam, circa quam possit versari; vt, in exemplo posito à CAJETANO, temperantia potest versari circa cibum, & circa potum; & liberalitas habet varias materias inadæquatas largitionis; vt pecunias, vestes, libros & similia; & fortitudo habet multiplicia opera fortia circa quorum quodlibet versatur tanquam circa materiam inadæquatam; & similiter quāuis quælibet virtus postulat determinatas circumstantias, scilicet illas quas appellauimus intrinsecas, tamen circa quamlibet earum potest diuersimode operari: vt in exemplo posito, temperantia pro diuersitate temporis, aut dispositionis proprii subiecti, vel aliarum circumstantiarum, inclinatur ad sumendum plus vel minus cibi aut potus; & liberalitas ad largiendum maiorem aut minorem quantitatem pecuniarum. Et ex hoc patet solutio ad confirmationem, quoniam dicendum est, hanc indeterminationem virtutis moralis non esse respectu bonitatis & malitię, nec respectu obiecti formalis; sed respectu obiecti materialis, vt comprehendit materiam obiectiuam, & circumstantias; si tamen hoc intelligatur de materia inadæquata, & de circumstantiis sumptis non formaliter, prout requiruntur ad conformitatem cum recta ratione, sed materialiter, vt in exemplis propositis potest facile explicari.

Sed quāuis iuxta sententiā hanc explicetur optime qua ratione conueniat virtutibus indeterminationem ad diuersos modos operandi in ordine ad diuersas materias vel circumstantias; & satisfiat sufficienter obiectionibus propositis; non explicatur id, quod est valde necessarium ad intelligendum efficaciam rationis Diui THOMÆ, scilicet, cur virtutes, non obstante hac indeterminatione, non possint inesse nobis à natura. Et potest sumi ratio dubitandi ex potentijs, quæ sunt subiecta ipsarum virtutum; nam verbi gratia voluntas maiorem indeterminationem habet respectu istorum omnium; in quibus dictum est, virtutes morales habere indeterminationem; quā quælibet virtus in particulari: quoniam habet indeterminationem respectu omnium, ad quæ extendi possunt omnes virtutes morales; si quidem omnes pendent ab ea in suis operationibus; & nihilominus hæc potentia quoad suam consummationem inest homini à natura; ergo multo maiori ratione quæcumque virtus moralis, non obstante prædicta indeterminatione, poterit inesse homini à natura, quoad suam consummationem.

Quare mihi magis placet posterior modus explicandi hanc rationem Diui THOMÆ, & iuxta eum dicerem vim rationis esse hanc: virtus habet ex parte sui subiecti indeterminationem aliquam, scilicet, vel ad verum & falsum si sit virtus intellectualis; vel ad bonum & malum si sit virtus moralis, vel saltem ad operandum vel non operandum circa obiectum; aut quia eget aliquo vt operetur, sicut intellectus eget notitijs extremorum,

ut determinetur ad assentiendum principiis, aut quia retardatur impedimento aliquo ab operatione; ergo est determinatio sui subiecti per modum inclinationis ad alteram partem, & ex consequenti distinguitur realiter ab ipso; quia id quod indeterminatum est, non potest determinari formaliter per seipsum; & ex hoc sequitur ulterius, quod non dimanet à principiis intrinsicis subiecti, & ex consequenti quod non inest ei à natura, quia non est determinatio sui subiecti per modum effectus, sicut actus determinat potentiam indifferentem à qua elicitur, sed per modum inclinationis, & propensionis, facilitantis & adiuuantis ad operandum; & subiectum, quod ex se, & ex propria natura est indeterminatum ad operandum, non potest habere tantam vim, ut ex principiis intrinsicis ipsius emanet determinatio per modum propensionis ad operandum, quia comparatur ad huiusmodi determinationem præcise, ut potentia passiva; & hæc est ratio, quæ Divus THOMAS videtur supra q. 49. art. 4. & tota q. 50. & q. 51. articulo primo.

Et ex hac explicatione patet solutio ad obiecta; nam ad primum respondetur, quod tam habitus conclusionum, quam etiam principiorum, præsupponit in intellectu aliquem modum indeterminacionis ad operandum, & ideo neuter inest intellectui à natura in rigore, quævis habitus principiorum dicatur inesse à natura in sensu explicato in secundo notabili posito circa primam conclusionem.

Ad Confirmationem respondetur, quod si in Angelis sint habitus principiorum & conclusionum distincti à lumine naturali intellectus, & à speciebus intelligibilibus, de quo disputandum est 1. part. quæst. 58. artic. 1. non est dicendum, inesse eis à natura, nisi in sensu, quo id concessimus de habitu principiorum respectu nostri intellectus. Quo modo vero concedat D. THOMAS 1. part. quæst. 55. artic. 2. species intelligibiles esse connaturales Angelis, quamvis per eas etiam determinetur intellectus Angelicus ad intelligendum, explicandum est ibidem; & certe non videtur appellare eas connaturales quia emanent à principiis intrinsicis per modum proprietatum, sed quia consentaneum est naturæ Angelicæ habere eas in principio suæ conditionis inditas à suo auctore.

Ad secundum cum sua confirmatione respondetur, quod in nullo subiecto potest poni virtus moralis, nisi in eo sit aliquis modus indeterminacionis circa operationem.

Circa ultimam conclusionem Nota, quod cum Divus THOMAS inquit, non inesse nobis à natura virtutes supernaturales quoad inchoationem; non negat, esse in nobis potentiam obedientialem, & capacitatem respectu earum; sed aut vim effectivam, aut potentiam passivam proportionatam & connaturalem.

ARTICVLVS II.

Virum aliqua virtus causetur in nobis ex assuetudine operum?

PRIMA CONCLUSIO. Virtus hominis ordinata ad bonum, quod modificatur secundum regulam rationis humane, potest ex actibus humanis causari.

SECUNDA CONCLUSIO. Virtus ordinans hominem ad bonum secundum quod modificatur per legem divinam, & non per rationem humanam, non potest causari per actus humanos, sed causatur solum in nobis per operationem divinam.

§. 1. Exponitur titulus articuli.

CIRCA TITVLVM nota primo, per virtutem, intelligi solum virtutem moralem, & non intellectualem, ut sumitur pro pure speculativa, quoniam Divus THOMAS in hac materia (ut sape dixi) potissimum agit de virtutibus moralibus, ut hoc nomine comprehendantur omnes, quæ important aliquem ordinem ad appetitum, & ad actus liberos; quamvis harum occasione dicat etiam aliqua de virtutibus intellectualibus, quæ sunt omnino speculativæ; & hoc etiam constat ex prima conclusione articuli, quæ nullo modo potest intelligi de virtutibus pure speculativis: quoniam de eis non potest dici, quod ordinentur ad bonum, quod modificatur secundum regulam rationis humane, quia verum speculativum, quod est bonum, ad quod ordinantur, non mensuratur secundum regulam rationis humane, sed secundum esse rei, iuxta illud, *ab eo quod res est vel non est propositio dicitur vera vel falsa*. Quare immerito CAIETANVS ut explicaret, qua ratione doctrina huius articuli intelligatur etiam de his virtutibus pure speculativis, dicit, verum speculativum habere duas regulas, quarum una est ipsum esse rei, quia propositio aut iudicium habet veritatem in quantum commensuratur ipsi esse rei, & altera est ratio humana, quia examinat veritatem conclusionum in principiis, & actus assentiendi principiis pendet à principio rationis humane, quod Caietanus dicit appellari lumen intellectus agentis, & appellaretur melius lumen aut vis cognoscitiva intellectus possibilis, quoniam intellectus agens, ut distinguitur à possibili, non habet munus aliud circa prima principia distinctum ab eo quod exercet circa conclusiones.

SECUNDO NOTA, quod in virtute morali includuntur duo, scilicet ratio communis habitus operativi, & ratio specifica virtutis moralis, quæ consistit in hoc, quod est esse operativus actus boni per ordinem ad regulam, aut legem morum. Et quamvis de virtute secundum priorem rationem iam Divus THOMAS disputasset an causetur ex nostris actibus, cum id disputavit in communi de habitibus supra q. 51. art. 2. tamen secundum posteriorem rationem non est hactenus disputatum, & potest habere

novam & maiorem difficultatem, propter id, quod virtus moralis addit supra communem rationem habitus, & ideo nunc D. THOMAS disputat de eo in particulari.

TERTIO nota, quod per verbum *causetur*, non intelligitur quodcumque genus causalitatis, v. g. dispositivæ, sed determinatè intelligitur causalitas effectiva, quoniam de ea agit D. THOMAS in tota hac questione; & ita integer sensus tituli est. *An virtus moralis producat efficienter per actus humanos.*

S. 2. De sensu prima conclusionis quantum ad virtutes, in ordine ad bonum modificatum per rationem humanam.

CIRCA PRIMAM conclusionem nota, intelligi de omnibus virtutibus moralibus, quæ sunt ordinis nature, ut distinguuntur à supernaturalibus & in ea explicari proprium specificativum ipsarum; & ut virtutes morales sunt, & ut naturales sunt; nam imprimis, cum dicitur, quod virtus de qua fit sermo, ordinatur in bonum *modificatum aut mensuratum per regulam rationis*; explicatur specificativum virtutis moralis, quoniam huiusmodi bonum est bonum morale, quod est obiectum, in ordine ad quod specificatur virtus moralis; & cum additur, quod ratio, quæ est regula mensurans huiusmodi bonum, est *ratio humana*, explicatur specificativum virtutis moralis, quatenus est naturalis, quoniam ratio, prout illustrata lumine supernaturali, quamvis sit ratio hominis, non potest dici absolute humana, sed superhumana; sicut non potest dici naturalis, sed supernaturalis; & ideo cum dicitur humana, sumitur ut non participat aliquid supernaturale, & ex consequenti ut naturalis; quare bonum, quod per eam ita sumptam mensuratur, & quod specificat virtutem, de qua in hac conclusione fit sermo, erit bonum naturale, quia consistit in conformitate ad regulam naturalem.

CIRCA rationem, qua D. THOMAS probat hanc conclusionem nota, contineri illis verbi articuli, in quantum huiusmodi actus procedunt à ratione sub cuius potestate & regula tale bonum consistit; & potest reduci ad hanc formam; Bonum, ad quod virtus moralis (de qua fit sermo in hac conclusione) inclinat tanquam ad obiectum, consistit in conformitate obiectiva cum ratione humana, tanquam cum regula; ergo per actus humanos potest causari huiusmodi virtus moralis; *antecedens patet ex definitione boni*, quod est obiectum huius virtutis, quam Div. THOMAS præsupponit in principio articuli; & *consequentia* probatur, quoniam actus humani, quatenus procedunt ex ratione humana, possunt attingere bonum, quod consistit in conformitate cum ratione humana; ergo per hos actus potest causari inclinatio habitualis ad huiusmodi bonum, quæ est ea virtus, de qua fit sermo in hac conclusione; patet *hac consequentia*, quia per actus attingentes aliquod obiectum potest causari habitus inclinans, in idem obiectum; ergo per actus attingentes bonum conforme rationi potest causari habitus inclinans in idem bonum.

SED CIRCA rationem est difficultas; quam ut

clarius proponamus, est ADVERTENDUM, quod Div. THOMAS supra quæst. 51. art. 2. ad 3. & in hoc articulo ad tertium dissolvit, hoc argumentum, quo solet probari, actus non esse causas habituum aut virtutum: *actus est minus perfectus quam habitus, aut virtus; ergo non est causa habitus aut virtutis, quia causa debet esse perfectior effectui, aut saltem æque perfecta cum eo.* Et utrobique respondet, quod actus procedunt ex principiis nobilioribus & perfectioribus, quam sint habitus aut virtutes morales, & quatenus procedunt ex huiusmodi principiis sunt causæ habituum aut virtutum; & in hac ratione, quam nunc explicamus, videtur docere, principium, à quo procedunt actus humani quatenus sunt causæ virtutum moralium, esse rationem humanam; quoniam inquit, actus humanos, quatenus procedunt ex ratione humana, esse causas virtutum; quæ ordinantur in bonum secundum regulam rationis humanæ. Ex hoc tamen sequuntur duo inconuenientia. PRIMUM est, quod actus humani non causant virtutes causalitate physica, sed morali, quod est contra intentum articuli, ut diximus in explicatione tituli; & probatur sequela, quia ratio humana non concurrens causalitate physica, sed morali, scilicet per modum regulæ, ad actus humanos, quatenus attingunt illud bonum, quod est obiectum virtutis moralis; ergo actus humani, quatenus procedunt ex ratione humana hoc genere causalitatis, non habent causare causalitate physica habitum inclinantem in illud bonum; *antecedens patet*, quia ratio humana eodem genere causalitatis concurrens ad modificandum bonum illud, & ad actus prout terminantur ad ipsum; & constat quod ad modificandum bonum illud solum concurrens ut regula & mensura, & possumus ad hoc confirmandum adducere omnia argumenta, quibus probari solet, cognitionem non concurrere ad actum voluntatis non ut causam efficientem physice, sed ut conditionem necessario requisitam; & *consequentia* probatur, quia quod participat ab alio vim causandi, non potest habere maiorem vim causandi, quam id, à quo eam participat si ergo actus humani habent posse causare virtutem, quatenus procedunt à ratione humana, & ratio humana non concurrens ad eos concursu physico; sequitur quod neque ipsi concurrant ad virtutis generationem concursu physico.

SECUNDUM inconueniens est, quod primum principium productionis virtutum moralium in nobis sit ratio humana, siue actus intellectus, & non naturalis inclinatio voluntatis ad prosequendum bonum in communi, & ad vitandum malum. Et quod sequatur hoc inconueniens, patet, quia ratio humana, & illa naturalis inclinatio voluntatis, non possunt concurrere æqualiter ad actus, quibus generantur virtutes, sed cum subordinatione inter se: ita ut inclinatio voluntatis subordinetur rationi humanæ; ergo si actus humani, quatenus procedunt à ratione humana, habent causare virtutes morales, sequitur quod primum principium productionis harum virtutum in nobis sit ratio humana; quod autem hoc sit inconueniens probatur, quia imprimis est contra D. THOMAM, qui articulo præcedenti docuit, inchoationem virtutum, quæ nobis inest à natura, esse primam causam actuum earum; & hanc inchoationem respectu

ARTICVLVS III.

Utrum aliquæ virtutes morales sint in nobis per infusionem?

CONCLUSIO est affirmatiua.

ARTICVLVS IV.

Utrum virtus, quam acquirimus ex operum assuetudine, sit eiusdem speciei cum virtute infusa?

CONCLUSIO est negatiua.

CIRCA HOS DVOS articulos, & simul circa secundam conclusionem secundi, agendum est de virtutibus infusis; non quidē de omnibus, sed solum de moralibus; nam cum duplex possit distingui genus virtutum infusarum, vnum Theologicarum, & alterum moralium: de priori solet disputari 1. 2. & ideo nos in principio huius materię diximus, agendum esse nunc solum de posteriori, de quo sit

DVBIUM.

An de facto, & secundum legem ordinariam in iustificatione simul cum gratia iustificante infundantur virtutes morales?

§. 1. Explicatio tituli.

VBI PRO TITVLI explicatione ADVERTENDVM est imprimis, nos loqui peculiariter de tempore iustificationis: quoniam, cum virtutes morales pertineant ad quandam animæ sanitatem, si aliquando producuntur per infusionem, tunc maxime produci debent, cum infunditur gratia, per quam anima sanatur à peccatis, & iustificatur, & loquimur de iustificatione quæ sit, vel præsuppositis habitibus virtutum moralium, vt cum quis proprio exercitio acquisiuit virtutes morales, & subito incidit in aliquod peccatum mortale, à quo statim resurrexit per penitentiam; vel etiam præsuppositis habitibus vitiorum, vt cum homo maxime vitiosus, antequam acquirat virtutes, iustificatur; vel tandem, nullis præsuppositis habitibus, siue virtutum, siue vitiorum, vt, cum puer ante vsum rationis iustificatur per baptismum.

Deinde notandum est ex CAIETANO art. 4. huius quæstionis, & supra q. 51. art. 4. virtutes morales dupliciter posse esse infusas: primo modo per accidens, vt cum ipsæ ex propria natura possunt produci actibus nostris, & tamen de facto producuntur à Deo supplente concursum nostrorum actuum; sicut

A saepe effectus producibiles per causas secundas producuntur à Deo supplente concursum secundarum causarum: quæ ratione docet D. THOMAS 1. p. q. 94. art. 3. & q. 95. art. 3. scientias & virtutes, quæ possunt acquiri actibus nostris, fuisse infusas primo parenti in primo instanti suæ conditionis; Secundo modo sunt infusæ per se, vt, cum ex propria natura possunt produci per infusionem à Deo, & non possunt acquiri actibus nostris; & de vtroque modo virtutum infusarum intelligitur hoc dubiū, & de omnibus virtutibus moralibus, siue sint ex infusis per accidens, siue ex infusis per se. Quare sententia est *An in iustificatione, siue præsupponantur habitus virtutum moralium, siue habitus vitiorum, siue nentis, infundantur omnes virtutes morales aut per accidens aut per se?*

§. 2. Variæ sententiæ Doctorum.

IN QVO EST PRIMA sententia eorum, qui absolute negant infundi cum gratia iustificante virtutes morales, siue per se, siue per accidens. Hanc sequuntur SCOTVS in 3. dist. 36. quæst. unica art. 3. §. contra hoc est AUGUSTINVS. DURANDVS in 3. dist. 33. quæst. 6. GABRIEL in 4. d. 4. quæst. 1. art. 2. conclusione 7. & 8. & artic. 3. dubio 2. & QUESAM in 4. quæst. 3. art. 3. in solutione, tertiæ & quartæ difficultatis, & postea in solutione 4. dubij. Quoniam hi omnes asserunt, præter virtutes morales, quæ possunt acquiri nostris actibus, non dari alias, quæ non possint eis acquiri, sed solum producuntur à Deo per infusionem, & ideo appellantur infusæ per se; & de his dicunt non infundi semper, aut secundum legem ordinariam simul cum gratia in iustificatione: & in hac sententia, quantum ad hoc, quod est negare virtutes morales infusas per se, & distinctas specie ab acquisitis, conueniunt HENRICVS quodlibeto 6. quæst. 12. & MARSIIVS in 4. quæst. 10. art. 1. in secunda parte, in quodam notabili posito ad dissoluendum argumenta proposita contra quintam conclusionem.

C ET PROBATVR hæc sententia, quia in iustificatione non infunduntur virtutes morales acquisitæ, neque aliæ etiam morales, quæ in hoc sunt distinctæ ab acquisitis, quod non possint acquiri nostris actibus; ergo secundum legem ordinariam non infunduntur simul cum gratia iustificante virtutes morales, neque per se, neque per accidens; consequentia patet, quia, vt patet ex tituli explicatione, virtutes morales dicuntur infundi per accidens, quando de facto infunduntur à Deo, quamuis ex propria natura possent acquiri nostris actibus; & per se, quando de facto infunduntur, & ex propria natura habent quod non possent nostris actibus acquiri. Et antecedens quoad priorem partem probatur à prædictis authoribus locis citatis, & præterea à DURANDO d. 36. quæst. 1. quia non est necessaria connexio inter gratiam iustificantem cum virtutibus Theologicis, quæ cum ea infunduntur, & virtutes morales acquisitæ, neque ex parte gratiæ & virtutum Theologicarum; neque ex parte virtutum moralium; neque ex parte alicuius tertij, cum quo tam gratia, quam virtutes morales habeant necessariam connexionem; de quo

nunc non agemus, quoniam est parum necessarium ad resolutionem huius quæstionis, & pertinet ad eam partem, in qua disputari solet de connexione virtutum moralium cum gratia & charitate. Et quoad posteriorem partem, in qua consistit præcipua difficultas, probatur quatuor medijs. **PRIMUM** est, quia ad iustificationem non est necessarium infundi homini virtutes morales, quæ in hoc excedat acquisitas, quod non possint acquiri nostris actibus; ergo non infunduntur secundum legem Dei ordinariam; *consequentia patet*, quia ex vi iustificationis solum infunduntur ea, quæ ad ipsam sunt necessaria; & *antecedens* probatur, quia in iustificatione homo emundatur à peccato, & renouatur interiorius, & acceptatur ad vitam æternam, & accipit ea, quæ necessaria sunt, ut possit mereri vitam æternam: sed virtutes morales infusæ, quantumcumque sint perfectiores acquisitis, non requiruntur ad aliquid horum; ergo neque sunt necessariae ad iustificationem; probatur *istâ minor*, quia imprimis certum est, quod non requiruntur ad remissionem peccatorum, neque ad internam renouationem hominis, neque ad eius acceptationem ad beatitudinem supernaturalem; quod vero non requirantur ad merendum eandem beatitudinem, probatur, quia, ut opus aliquod sit meritorium beatitudinis supernaturalis, satis est quod sit bonum moraliter, & quod fiat ab homine grato, & ordinetur in finem supernaturalem, saltem virtualiter; & ad hæc omnia sufficiunt gratia in essentia animæ, & fides supernaturalis in intellectu, & imperium charitatis in voluntate.

SECUNDUM MEDIUM est, quia istæ virtutes non sunt necessariae aliquo modo in ordine ad operationem; ergo non infunduntur secundum legem ordinariam in iustificatione, *consequentia patet*, quia, cum istæ virtutes sunt operative, ex modo, quo sunt necessariae ad operationem, colligitur an sit necessarium, eas infundi; & ex consequenti an infundantur secundum legem ordinariam in iustificatione: & *antecedens* probatur, quia non potest dici, esse necessariae propter substantiam operationis absolute sumptam; neque propter supernaturalitatem, quod sic probo, vel sunt necessariae ad supernaturalitatem operationis ex parte finis, id est, ut operatio ordinetur in finem supernaturalem; vel ex parte medij, id est, ut medium rationis, aut rei, ad quod ordinantur virtutes morales, attingatur per operationem in ordine ad finem supernaturalem, vel ex parte modi, id est, ut cognoscatur modus, quo est attingendum medium per operationem in ordine ad finem supernaturalem: sed *primum* dici non potest, quia, ut operatio ordinetur in finem supernaturalem, sufficit quod procedat ex imperio charitatis; & propter eandem rationem non potest dici *secundum*, quia sufficit, quod operatio ex imperio charitatis attingat medium rationis in materia alicuius virtutis moralis, ad hoc, ut dicatur attingere tale medium in ordine ad finem supernaturalem; neque tandem potest dici *tertium*, quia per lumen fidei sufficienter cognoscitur modus, quo attingendum est medium rationis ad hoc, ut operatio sit accommodata fini supernaturali.

TERTIUM MEDIUM est, quia in iustificatione secundum legem ordinariam non expelluntur ab eo, qui iustificatur, habitus vitiorum, quos antea ha-

bebat; ergo neque infunduntur virtutes morales; *antecedens* patet, quoniam vitiosus, qui conterritus de peccatis, & consequitur gratiam, experitur in se habitus vitiorum, quos antea habebat, & eandem difficultatem ad opera virtutum moralium, quam antea patiebatur ratione illorum habituum; & *consequentia* probatur, quoniam habitus virtutis & vitij, inclinant ad obiecta contraria, & habent inter se oppositionem formalem, & ideo non possunt esse simul in eodem subiecto, alias eadem potentia haberet simul inclinationes & propensiones formaliter oppositas.

Dices, virtutem infusam, & vitium, non habere proprie obiecta contraria, quia contrarietas proprie solum reperitur inter ea, quæ sunt eiusdem generis immediati, & hæc obiecta non solum differunt genere immediato, sed etiam ordine; cum vnum sit ordinis supernaturalis, & alterum ordinis naturalis; & ideo neque ipsam virtutem & vitium habere inter se formalem oppositionem, ratione cuius non possint esse simul in eadem potentia.

Sed contra hoc potest obijci, quod ad impossibilitatem aliquorum habituum in eodem subiecto non requiritur contrarietas inter obiecta formalia, sed sufficit contrarietas inter obiecta materialia, & in modo tendendi in ipsa; sicut patet in habitu charitatis supernaturalis, & habitu odij; & in actibus virtutum moralium infusarum, & vitiorum, qui propter hanc oppositionem sunt impossibiles in eodem subiecto; & non solum propter pluralitatem ipsorum sine subordinatione; & hoc genus oppositionis etiam reperitur inter ipsos habitus virtutum infusarum, & vitiorum; nam v. g. temperantia infusa convenit cum acquisita in materia & modo tendendi in ipsam; ergo habet ex parte utriusque eandem oppositionem cum vitio intemperantiae.

QUARTUM MEDIUM est, quia secundum legem ordinariam non datur hominibus in iustificatione maior aliqua facilitas ad exercendum opera virtutum moralium, quam habent ante iustificationem; ergo neque infunduntur virtutes morales; *consequentia patet*, quia unusquisque habitus operativus dat potentiam, in qua recipitur, promptitudo & facilitatem in ordine ad suam operationem; & ita **ARISTOTELES 2.** Ethicorum cap. 4. dixit esse signum habitus operari delectabiliter, atque adeo sine difficultate & labore; & *antecedens* probatur, *tum quia*, si ex duobus pueris æqualibus omnino in naturalibus, alter baptizetur, & alter non; cum pervenerint ad usum rationis, non exercebit promptius & facilius opera virtutum is, qui baptizatus est, quam qui non est baptizatus: ut constat ex eo, quod pueri baptizati, cum perveniunt ad illam ætatem non minus indigent persuasionibus & instructione, ut assuefiant operibus virtutum moralium, quam si non essent baptizati: *tum etiam quia* alias sequeretur, iustificatos cognoscere experientia certa infundi sibi has virtutes morales, & consequenter Theologicas, & gratiam, quia unusquisque experitur quando operatur facile & prompte.

Dices, hoc argumentum habere vim respectu virtutum acquisitarum, & non respectu infusarum, quoniam acquisitæ dant potentiam, in quibus sunt, facilitatem, non vero infusæ.

Sed contra, quia quæcumque virtus operativa,

siue sit acquisita, siue infusa, est secundum suam essentiam inclinatio & propensio habitualis ad suam operationem; ergo dat suo subiecto esse propensum & inclinatum ad eandem operationem, quia non potest forma vniri alicui subiecto, nisi det ei suum primum effectum formalem: sed dare esse propensum, & inclinatum ad aliquam operationem, est dare facilitatem & promptitudinem ad exercitium eiusdem operationis, quia in omnibus rebus propensio & inclinatio ad operationem reddit faciliorem ipsam operationem; ergo quæcumque virtutes morales siue sint acquisitæ, siue infusæ, dant facilitatem in ordine ad suas operationes.

SECUNDA SENTENTIA est eorum, qui dicunt, in iustificatione secundum legem ordinariam infundi per accidens omnes virtutes morales, & nullam infundi per se. Hanc sequitur MARSILIUS loco citato pro præcedenti sententia, nam ibi negat, esse aliquas virtutes ita infusas, ut non possint acquiri nostris actibus: & concedit omnes virtutes morales, quamuis possint acquiri nostris actibus, infundi semper in iustificatione, & non adducit aliquod fundamentum pro sua sententia: tamen pro ea parte, qua negat virtutes infusas per se, possunt proponi argumenta præcedentis opinionis, & pro ea parte, qua affirmat infundi virtutes morales acquisitas possumus sic argumentari: in iustificatione infunditur homini perfecta sanitas, ergo etiâ infunduntur virtutes morales, patet consequentia, quia ad perfectam sanitatem requiruntur principia operandi bene moraliter, & huiusmodi principia sunt ipsæ virtutes morales.

1. 3. Vera sententia Dini Thomæ
affirmativa.

TERTIA SENTENTIA est aliorum, qui dicunt duo: Primum est, non infundi secundum legem ordinariam in iustificatione virtutes morales, quæ possunt acquiri nostris actibus: Secundum est, infundi alias, quæ sint æquales numero acquisitis, & in hoc superent eas, quod non possint nostris actibus acquiri. Hæc est sententia D. THOMÆ artic. 3. huius questionis, & supra q. 51. art. 4. & q. unica de virtutibus in communi art. 10. & in 3. d. 33. q. 1. art. 2. q. 3. & sequuntur eum ex discipulis D. THOMÆ CAPREOLUS eadem dist. q. unica art. 1. conclusionem 3. & art. 3. ad argumenta DURANDI contra tertiam conclusionem, PALLUDANUS q. 1. art. 2. CAJETANUS & CONRADUS locis citatis ex hac parte, & ex alijs RICHARDUS in 3. d. 33. circa primum principalem q. 2. MAIOR q. 7. GABRIEL eadem d. q. unica art. 3. dubio 3. & OCKAM in 3. q. 12. in solutione 5. dubij propositi circa 4. articulum principalem, quamuis hi duo ultimi sequantur oppositum in locis citatis pro prima sententia: fundamenta huius sententiæ adducemus postea.

PRIMA CONCLUSIO, virtutes morales acquisitæ possunt à Deo infundi per accidens, siue in iustificatione, siue extra eam: tamen secundum legem ordinariam, & de facto, non infunduntur neque in iustificatione, neque in alia certa & determinata occasione.

Hæc conclusio quoad veramque partem est ex-

A prella sententia D. THOMÆ: & quoad primam partem probatur, quoniam locis citatis in explicatione tituli huius dubij docet, habitus, tam scientiarum, quam virtutum, qui possunt acquiri actibus humanis fuisse infusos primo parenti, & supra q. 51. art. 4. sic ait: *quandoque Deus ad ostendendum suam virtutem, infundit homini illos habitus, qui naturali virtute possunt causari: sicut Apostolus dedit scientiam scripturarum, & omnium linguarum, quam homines per studium vel consuetudinem possunt acquirere, licet non ita perfecte.*

Et confirmatur ratione, qua ibi utitur D. THOMAS: quia Deus potest producere effectus causarum secundarum absque ipsis causis secundis, quod saltem de causis efficientibus non concurrentibus vitaliter solet concedi ab omnibus; ergo etiam potest Deus causare in anima virtutes morales, quæ secundum suam naturam possunt produci nostris actibus sine concursu ipsorum actuum, atque adeo infundendo eas.

B Et quoad posteriorem partem probatur etiam imprimis testimonio D. THOMÆ, quoniam art. 3. huius questionis in corpore, docet, virtutes morales, quæ possunt acquiri nostris actibus, procedere ex quibusdam naturalibus principiis in nobis præexistentibus, atque adeo non produci per infusionem à solo Deo. Et in solutione primi, admittit ut certam, hanc propositionem, ea, quæ possunt fieri à causis secundis, non sunt immediate à Deo, nisi aliquando miraculose, atque adeo extra legem ordinariam; & consequenter concedit, virtutes, quæ secundum legem ordinariam infunduntur à Deo, non esse illas, quæ possunt acquiri nostris actibus, sed alias proportionatas virtutibus Theologicis. Et supra q. 51. art. 4. in corpore loquens de his virtutibus, dicit, quod Deus quandoque ad ostendendum virtutem suam infundit hominibus habitus, qui possunt naturali virtute causari: quare insinuat, Deum non id facere secundum legem ordinariam; & in solutione secundi admittit eandem doctrinam, quam ex præcedenti solutione retulimus, quoniam argumentum utrobique est idem.

C Et præterea potest etiam confirmari ratione desumpta ex ipso D. THOMÆ in his solutionibus; quoniam ea, quæ secundum suam naturam possunt fieri à causis secundis, non sunt regulariter & secundum legem ordinariam diuinæ providentiæ à Deo solo, & seclusis causis secundis; quia (ut D. THOMAS in vno ex his argumentis refert ex Dionysio cap. 4. de diuinis nominibus) diuinæ providentiæ est saluare naturam; & in altero, lex diuinitatis est, vltima per media adducere; ergo virtutes morales, quæ secundum suam naturam possunt produci actibus nostris, non producuntur secundum legem ordinariam à solo Deo per infusionem.

Et potest vltius confirmari hæc pars omnibus medijs propositis ad probandum pro prima sententia, non infundi in iustificatione secundum legem Dei ordinariam virtutes aliquas morales, quæ ex sua natura habeant non posse acquiri actibus nostris; quoniam omnia habent maiorem vim respectu istarum virtutum, de quibus nunc loquimur: nam imprimis cum possint acquiri actibus nostris, & sint ordinis naturalis, minus necessariæ sunt ad iustificationem, & in ordine ad operationem; & deinde magis habent dare potentij facilitatem &

promptitudinem in ordine ad suas operationes, & expellere ab eis vitia moralia opposita.

SECUNDA CONCLUSIO, *Secundum legem ordinariam infunduntur homini in iustificatione tot virtutes morales supernaturales, quos sunt acquisita, & infunduntur per se, quia non possunt acquiri nostris actibus.*

Hæc est expressa sententia D. THOMÆ, & omnium authorum, quos citauimus pro tertia sententia; & quamvis videatur continere duas partes, scilicet quod infunduntur virtutes morales supernaturales, & quod infunduntur per se: tamen hæc posterior non indiget probatione, quia sequitur aperte ex priori; si enim huiusmodi virtutes sunt supernaturales, non sunt nobis inditæ à natura principia aliqua, quibus possimus eas acquirere, & ex consequenti ipsæ non possunt produci nostris actibus; atque ita, si aliquando producuntur, necesse est ut producantur per infusionem à Deo, quod est infundere per se, ut diximus in explicatione tituli; & ideo probatur prior pars huius conclusionis; quia istæ virtutes sunt possibiles, ergo de facto, & secundum legem ordinariam infunduntur hominibus à Deo in iustificatione; consequentia patet, quia homo in iustificatione eleuatur intrinsece ad gratiam, quæ per modum naturæ dat consortium & participationem diuinæ naturæ; ergo consonum est perfectioni prouidentie diuinæ, ut etiam eleuetur intrinsece ad virtutes, quæ per modum potentiarum, dant posse operari moraliter, seruata proportionem ad huiusmodi naturam; atque adeo supernaturaliter, si tales virtutes sunt possibiles; patet ista consequentia, quia non minus pertinet ad perfectionem diuinæ prouidentie prouidere naturæ pertinenti ad ordinem supernaturalem de potentijs pertinentibus ad eundem ordinem, quam naturæ pertinenti ad ordinem naturalem de potentijs sibi proportionatis in eodem ordine.

Et Confirmatur, quia homo in iustificatione accipit per gratiam & virtutes Theologicas propensionem ad finem supernaturalem; ergo etiam accipit per virtutes morales pertinentes ad ordinem gratiæ propensionem ad media proportionata tali fini; quia cuiusque inclinationi naturali ad aliquem finem, præsertim si sit inclinatio completa, correspondet inclinatio naturalis ad media proportionata eidem fini; & diuina prouidentia non minus perfectum instituit ordinem gratiæ quoad propensiones in finem & in media, quam ordinem naturæ; & antecedens probatur, quia in eadem materia virtutis moralis v. g. in materia cibi & potus est possibilis bonitas & honestas obiectiua distincta à naturali, quæ est obiectum proportionatum temperantiæ acquisitæ; ergo etiam est possibilis virtus temperantiæ supernaturalis, cuius obiectum sit illa bonitas; patet antecedens huius probationis, quia bonitas naturalis, quæ est obiectum temperantiæ acquisitæ, consistit in conformitate ad naturam hominis, quatenus regitur ratione naturali, aut ad regulam rationis naturalis; & præter hanc bonitatem potest in eadem materia distingui alia, quæ consistit in conformitate ad naturam hominis, quatenus est eleuata ad participationem & consortium diuinæ naturæ per gratiam, aut quatenus regitur regula legis diuinæ supernaturalis; & consequentia probatur, quia virtutes specificantur per ordinem ad sua obiecta, aut motiua formalia, ergo ubi motiua, aut obiecta formalia sunt ita distincta, ut vnum perti-

neat ad ordinem naturalem, & alterum ad ordinem supernaturalem: etiam sunt possibiles virtutes ita distinctæ, ut vna pertineat ad vnum ordinem, & altera ad alterum.

§. 3. Censura sententia negantis.

SED QUÆRITUR. An hæc conclusio sit adeo certa, ut opposita sit digna aliqua graui nota? Ad hoc aliqui ex Thomistis respondent affirmatiue, licet differant inter se in explicando qualis debeat esse huiusmodi nota. Nam CAPREOLVS loco citato in fine solutionis secundi argumenti DVRANDI contra 3. conclusionem, dicit esse erroneum, negare infundi huiusmodi virtutes in iustificatione, & eius censuram refert, & aliquo modo confirmat CONTRA DVVS art. 3. huius questionis in fine corporis. Alij vero ex Thomistis nostri temporis exponentes D. THOMAM hoc loco, & supra q. 51. art. 4. dicunt esse ingentem temeritatem; & hi omnes adducunt pro se tria argumenta.

PRIMUM desumitur ex CONCILIO VIENNENSI, cuius definitio refertur in Clementina vnica, de *summa Trinitate*, ubi CLEMENS QUINTVS inquit, fuisse eo tempore controuersiam inter doctores, quoniam quidam eorum asseriebant remitti culpam, sed gratiam non infundi; & alij dicebant remitti culpam & infundi virtutes, & gratiam informantem; & in hac controuersia ita definit: *nos attendentes generalem efficaciam meritis Christi, quæ per baptismum applicatur pariter omnibus baptizatis, opinionem, quæ dicit tam paruulis quam adultis conferri in baptismo informantem gratiam & virtutes, tanquam probabiliorum, & dictis sanctorum ac doctorum modernorum Theologia magis consonam & concordem, sacro approbante Concilio diximus eligendam.* Ex quibus verbis colligunt authores citati, esse inuendam illis notis sententiam, quæ negat infundi in baptismo virtutes morales.

Et si respondeas cum DVRANDO loco citato, Concilium non loqui de virtutibus moralibus, sed solum de Theologicis: Contra hoc obijciunt iidem authores ex glossa in Clementina citata verba *Sanctorum ac Doctorum modernorum*, Concilium loqui de illis virtutibus, de quibus eo tempore erat controuersia, an infundantur in baptismo: sed tunc non erat talis controuersia de virtutibus theologicis, sed de moralibus, ergo Concilium loquitur de virtutibus moralibus, & non de Theologicis; minorem quoad eam partem, qua in ea negatur fuisse tunc controuersiam de virtutibus Theologicis, supponunt ut certam, quoniam authores, quos statim referemus dissensisse inter se circa questionem hanc, communi consensu concedunt, virtutes Theologicas infundi à Deo; & quoad alteram partem, qua in ea asseritur, fuisse controuersiam de virtutibus moralibus, probant, quia Concilium illud celebratum fuit anno Domini 1311. ut refert ONUPHRIVS in fastis Pontificum & imperatorum Romanorum in eodem anno; & antea multi ex Theologis fuerant diuisi in oppositas sententias circa virtutes morales; nam ex ijs, quos retulimus pro parte negatiua, floruerant SCOTVS, de quo GENEBRARDVS in Chronologia dicit obijisse Coloniz anno Domini 1308. & HENRICVS: quem ipse SCOTVS citat ut antiquiorem, & horum sectatores, quos multos eo tempore fuisse credendum est; & ex ijs, quos retulimus pro parte

affirma-

affirmatiua D. THOMAS, quem ONYPHRIUS ad-
scribit anno 1262 & RICHARDVS qui fuit eo anti-
quior, & eis adiungi potest PETRVS TARANTA-
SIA, qui postea fuit electus in summum Pontificem
anno 1276. & appellatus Innocentius quintus.

SECUNDVM argumentum desumitur ex scriptu-
ra, in qua de nonnullis virtutibus moralibus dici-
tur, esse supernaturales & infusas à Deo: nam im-
primis sapientie 8. dicitur, *sobrietatem & iustitiam
docet, prudentiam & virtutem*, id est fortitudinem;
ergo istæ quatuor virtutes morales infunduntur
nobis ex Dei dono, & non acquiruntur nostris vi-
ribus; probatur consequentia, quia simili argumē-
to vititur CONCILIVM MILEVITANVM cap. 4. ubi
ex eo, quod psalmo 93. dicitur, *qui docet hominem
scientiam*, & rursum: *beatus quem tu erudieris Do-
mine*, colligit, scientiam de qua ibi fit sermo, esse
donum Dei. Et deinde de continentia, siue tempe-
rantia, significatur hoc idem in fine eiusdem capituli,
cum dicitur: *seini quoniam aliter non possem esse con-
tinens, nisi Deus daret, & hoc ipsum erat summa sapien-
tia*, scire cuius esset hoc donum; Et præterea de
prudentia videtur hoc significari in testimonio nūc
citato ex psal. 93. & Iacobi 1. cum dicitur: *qui indi-
get sapientia, postulet à Deo*. Et ad Romanos 8. *pru-
dentia carnis mors est: prudentia spiritus vita*. Et de-
mum de religione dicitur etiam ad Rom. 8. *non ac-
cepistis spiritum servitutis iterum in timore, sed acce-
pistis spiritum filiorum, in quo clamamus Abba pa-
ter*. Et idem habetur ad Galatas 4. & ad Rom. 8.
iterum dicitur: *nam quid oremus nescimus, sicut oportet,
sed ipse spiritus interpellat pro nobis gemitibus in-
enarrabilibus*. Ex quibus testimonijs sic argumentan-
tur; clamare ad Deum inuocando ipsum, & ora-
re, est actus religionis; si ergo ex spiritu Dei hoc
habemus, sequitur quod etiam habeamus ab ipso
virtutem religionis.

TERTIVM argumentum desumitur ex quibus-
dam testimonijs Sanctorum, nam imprimis GRE-
GORIVS homilia 5. in Ezechielem, (& refertur de
pœnitentia dist. 2. cap. *potest discursus*) sic ait: *in
fide, spe, atque charitate, & in bonis alijs, sunt quibus ad
caelestem patriam non potest veniri, sicut est humilitas,
castitas, iustitia atque misericordia, perfectorum corda
non deserit, scilicet spiritus sanctus*; ubi aperte asse-
rit, has quatuor virtutes morales esse dona spiritus,
sicut tres Theologales prius commemoratas; Et
AVGVSTINVS in psalmum 118. concione 26. expo-
nens illud, *fecisti iudicium & iustitiam*, sic ait: *iusti-
tia nomine hoc loco, non ipsa virtus, sed opus eius si-
gnificatum est; quis enim fecit in homine iustitiam,
(intellige habitalem) nisi qui iustificat impium, hoc
est per gratiam ex impio facit iustum*. In quibus
verbis dicunt prædicti authores, AVGVSTINVM lo-
qui de iustitia virtute morali, atque adeo significa-
re, esse aliquam virtutem iustitiæ, quæ non possit
acquiri nostris actibus, sed infundatur à Deo. Et
tandem CATECHISMVS ad Parochos factus iussu
PII V. capite de sacramento baptismi, non lon-
ge à fine, dum agit de fructibus baptismi, post-
quam docuit, baptizatis infundi gratiam, sic ait: *huic
autem additur nobilissimus omnium virtutum
comitatus, qui in animam cum gratia divinitus in-
funduntur*, & citat AVGVSTINVM super illud Pauli
ad Titum 3. *salvos nos fecit per lavacrum regenerationis
& renovationis spiritus sancti quem effudit in nos
abundè*; exponentem hæc ultima verba, effudit abun-

A de hoc modo: *nimirum ad remissionem peccatorum &
copiam virtutum*; & eadem verba habentur in glos-
sa interlineari super illum locum Pauli: at vero si
solum infunderentur virtutes Theologicæ, quæ
non sunt plures, quam tres, non posset dici, dari
comitatum aut copiam virtutum.

Sed his non obstantibus, videtur mihi, sen-
tentiam illam non esse dignam aliqua ex his notis,
quamvis existimen esse multo minus probabilem
quam nostram. Moueor autem ad hoc dicen-
dum imprimis, quia nostra sententia non proba-
tur efficaciter aliqua definitione Ecclesiæ, neque
aliquo testimonio scripturæ, imo neque alicuius
Sancti, nisi solius D. THOMAS; neque admittitur cō-
muniter à Scholasticis; cum, sicut reuli in fano-
rem primæ sententiæ, multi ex antiquis opposi-
tum senserint, & semper daret controuersia inter
Scholam Diui THOMAS, & SCOTI. Et præterea
quoniam aliqui ex discipulis Diui THOMAS,
cum referunt illam sententiam, non damnant eam,
sed videntur relinquere intra latitudinem opinio-
num probabilium; ut constat ex CAIETANO art.
3. huius quæstionis, & ex SORO qui libro 2. de natu-
ra & gratia cap. 17. sic ait, *qui* (scilicet Theolo-
gi) *de gratia & virtutibus tribus saltem Theologicis,
quicquid sit de alijs moralibus, una mente consen-
tur esse habemus infusos*. Et cap. 18. dicit, non esse
tam vnā omnium sententiam, infundi virtutes
morales, sicut infundi theologicas. Et tandem ex
PALUDANO loco citato, qui cum impugnatur secū-
dam sententiam quorundam, qui negabant virtu-
tes morales infusas, & dicebant dari quasdam vir-
tutes morales acquisitas per actus virtutum mo-
ralium procedentes ex imperio charitatis & ex fi-
de, dicit eos loqui multum probabiliter. Et de-
mum quia proposita sententia sunt non invalida
argumenta, & ea, quæ contra ipsam obijciuntur,
possunt satis probabiliter dissolui, ut dicemus sta-
tim.

Es ad primum argumentum ex his tribus, res-
pondent aliqui duo. Primum est, solum colligi ex
CONCILIO VIENNENSI, esse nostram sententiam
probabiliorē, quia in eo solum eligitur ut pro-
babilior. Alterum est, falsum esse, non fuisse con-
trouersum tempore illius concilij de virtutibus
theologicis an infundantur à Deo, quoniam, in
cap. *maiores de baptismo & eius effectu*, quod est IN-
NOCENTII 3. qui præcessit tempus illius Concilij,
dicitur expresse oppositum. Sed neutrum horum
sufficit, nam contra primum obijci potest, quod in
Concilio non solum eligitur illa sententia ut pro-
babilior, sed etiam ut magis consona dictis sancto-
rum & Doctorum theologorum, quod satis esse
debet ut eligere oppositam sententiam, saltem fa-
cta comparatione cum ea, quam Concilium sic ap-
probat, censeatur temerarium, quoniam est elige-
re eam ut probabiliorē. Et contra secundum obij-
citur, quod quamvis eo tempore fuerit controuersia
de virtutibus theologicis, nō potest negari, quod
etiam fuerit de moralibus, & ideo cū Conciliū ab-
soluit, & sine vlla limitatione loquatnr de virtuti-
bus, de quibus tunc erat controuersia: debet intel-
ligi de omnibus, tam de theologicis quam de mo-
ralibus.

Quare aliter respondetur cum DVRANDO lo-
co citato, Concilium nomine virtutum non
intelligere morales, sed solum theologicas; & ita

videtur

videtur intellexisse ipsum Sorvs loco citato, quoniam videtur eius testimonio, ad probandum infundi virtutes Theologicas: & ponderat, quod Concilium distinguit gratiam & virtutes; & tamen statim, ut probet infundi etiam virtutes morales, non videtur tali testimonio & ponderatione, sed solum autoritate D. THOMÆ; & ad obiectionem contra hoc factam, respondetur quod quamvis tempore illius Concilij fuisset exorta inter Theologos controuersia de virtutibus omnibus, tam theologis, quam de moralibus, an infundantur à Deo in iustificatione; non sequitur quod conciliū loquatur de omnibus, aut in particulari de moralibus, quia erat impertinens ad suum institutum agere de moralibus; & erat valde conueniens agere de theologis, quoniam intentum Concilij ibi est, explicare effectum baptismi quoad iustificationem eius, qui baptizatur, scilicet an consistat in sola remissione culpæ, an vero simul includat infusionem alicuius iustitiæ, quæ sit aliquo modo intrinseca (scilicet aut per modum habitus, aut per modum actus, aut alia ratione) ei qui iustificatur; & quia nunquam fuit inter theologos controuersum an hæc iustitia consistat in virtutibus moralibus infusis animæ, sed omnes communi consensu fatentur, non consistere in eis, fuit autem semper & adhuc est controuersum an consistat formaliter in virtutibus theologis, & præcipue in charitate vel potius in gratia, quæ sit realiter distincta ab eis; quoniam multi ex theologis arbitrantur gratiam iustificantem esse eadem cum charitate, & alij dicunt distingui realiter ab ea: ideo Concilium ut explicaret priorem controuersiam, quæ ad suum institutum pertinebat, & non excluderet aliquam ex his sententijs theologorum circa posteriorem, quæ non erat ad suum institutum necessaria, dixit se eligere sententiam eorum, qui dicunt infundi gratiam informantem & virtutes, scilicet theologicas; quoniam auctores huius sententiæ conueniebant inter se in hoc, quod infunduntur illa omnia, & dissentiebant de eo, quænam ex ipsis est causa formalis iustitiæ interius, & remissionis peccatorum. Et quod hic sit Concilij sensus colligitur aperte ex eo, quod diximus esse ibi eius intentum, scilicet explicare, an iustificatio, quæ sit in paruulis per baptismum, consistat in sola remissione culpæ, vel simul in aliqua iustitia interna, quæ sit effectus formalis gratiæ & virtutum; quoniam in concilij inspicenda est intentio ad intelligendum quid definiant; quod vero hoc fuerit intentum Concilij patet ex eo, in quo constituit controuersiam, quam vult explicare; dicent enim, fuisse sitam in eo, quod quidam dicebant dari remissionem culpæ, sed non gratiam; & alij dicebant remitti culpam, & infundi gratiam & virtutes, ubi aperte significat non fuisse controuersiam absolute de infusione virtutum, sed in ordine ad effectum ad quem ordinatur gratia, & ad quem pertinet remissio peccati, scilicet ad iustificationem.

Et Confirmatur, quia concilium ibi explicuit sine vltima definitione eandem quæstionem, quam INNOCENTIVS tertius in cap. maiores de baptismo & eius effectum proposuerat, & reliquerat insolutam; & quam postea CONCILIVM TRIDENTINVM sessione sexta decreto de iustificatione cap. 7. & Canone 11. vltima definitione conclusit; sed INNOCENTIVS & CONCILIVM TRIDENTINVM

A loquuntur de hac controuersia, quam proposuimus; ergo etiam CONCILIVM VIENNENSE; probatur ista minor, quoniam imprimis INNOCENTIVS proposuit illam controuersiam, ut responderet cuidam argumento, quo hæretici probant, paruulos inutiliter baptizari, quod erat huiusmodi: nulli remittitur peccatum nisi per charitatem: sed paruulis in baptismo non infunditur charitas, quia non habent consensum, sine quo non potest infundi charitas; ergo neque remittitur eis peccatum. Et solutio est, non esse certum quod ad remissionem peccati in paruulis requiratur infusio charitatis, quia ex Theologis quidam dicunt, per baptismum paruulis remitti peccatum, sed non conferri gratiam, & alij dicunt remitti peccatum, & infundi virtutes quoad habitum, & non quoad vsum; ubi Pontifex, cum respondeat iuxta sensum argumenti, necessario debuit intelligere hanc controuersiam de virtutibus requisitis ad remissionem peccati, & primam iustificationem; & deinde CONCILIVM TRIDENTINVM, quasi definiens eandem quæstionem, sic ait, in principio cap. 7. quæ (scilicet iustificatio) non est sola peccatorum remissio, sed & sanctificatio, & reformatio interioris hominis per voluntariam susceptionem gratiæ & donorum; & apertius prope finem eiusdem capituli: unde in ipsa iustificatione cum remissione peccatorum hæc omnia simul infusa accipit homo per Iesum Christum cui inferuntur per fidem, spem, & charitatem; & Canone 11. damnat eos, qui dixerint, iustificari homines sola remissione peccatorum, exclusa gratia, & charitate quæ ipsis inhæreat. Vbi etiam notandum est. CONCILIVM non meminisse virtutum moralium, sed solum theologalium, ex quo quamvis non colligamus negare infundi morales, tamen recte poterimus colligere, sensisse controuersiam illam, quam volebat dirimere, non fuisse antea intellectam de virtutibus moralibus, sed solum de theologalibus.

AD SECUNDVM ut respondeamus, oportet explicare singula testimonia scripturæ, eo ordine, quo ponuntur; & de PRIMO dicendum est, non valere consequentiā, quæ ex eo colligitur, infundi nobis à Deo illas quatuor virtutes morales; & ad probationem desumptam ex simili consequentiā facta in CONCILIO MILVITANO respondetur, quod Concilium ibi supponit, posse colligi ex illo testimonio psalmi, quod scientia, de qua agit, est donum Dei; non tamen quod sit virtus infusa; quamvis in principio capituli id relinquat ut certum, cum dicit, esse scientiam, quæ habetur per reuelationem, & non alio modo: & ita ex eo quod Concilium supponat valere illam consequentiā, solum potest probari, etiam valere cōsequentiā, quæ ex primo testimonio inferitur illas quatuor virtutes esse dona Dei. Ceterum ex hoc non potest vltius inferri, esse infusas, & non acquisitas; alias sequeretur quod nulla virtus acquisita possit dici donum Dei, quod est contra communem vsum sanctorum, qui ad vincendum quamcunque tentationem, etiam si non sit extraordinaria, & nimium vehemens, & ad exercendum quodcunque opus bonum moraliter, in quo sit aliquis modus difficultatis, implorant diuinam opem, & post superatam tentationem & factum opus reddunt Deo gratias, tanquam pro beneficio & dono ab ipso accepto. Item dico, quod acquisitio alicuius

virtutis moralis maiori ratione potest appellari donum Dei, quam victoria illius tentationis, aut exercitium illius operis; quoniam ad vincendum illam tentationem & ad exercendum illud opus non requiritur speciale auxilium Dei, sed sufficit concursus generalis, iuxta magis receptam theologorum sententiam: at vero ad acquirendum aliquam virtutem moralem, cum sit necessarium exercere plures actus bonos in sua materia, & superare plures tentationes, quod inuoluit maiorem difficultatem, quia postulat plures actus, & victoriam plurium tentationum, & maiorem durationem, & perseverantiam in bono, forte requiritur auxilium Dei speciale; & hoc est certissimum respectu illarum quatuor virtutum, non solum quia sunt plures, sed etiam quia sunt omnes virtutes cardinales, quoniam per *sobrietatem* significatur temperantia, & per *virtutem* fortitudo, & in his quatuor virtutibus cardinalibus tanquam in cardine & capite continentur reliquæ virtutes morales, & tota perfectio moralis humanæ naturæ; Et de secundo testimonio negandum est, quod ex eo colligatur, temperantiam esse virtutem infusam, quia imprimis, quamvis nomine *continentis*, significetur temperatus, non potest colligi, nisi ut plurimum, quod esse temperatum sit donum Dei; & ad hoc non est necessarium quod esse temperatum habeatur per temperantiam, quæ sit virtus infusa; sed satis est quod non acquiratur sine speciali auxilio Dei: quod vero ad esse temperatum requiratur speciale auxilium Dei, potest intelligi duobus modis, quia dupliciter etiam potest accipi esse temperatum, scilicet prout importat virtutem ad tenendum modum in speciali materia temperantiæ, & prout importat virtutem ad tenendum modum in omnibus actionibus humanis, & in omni materia morum; & quocumque ex his modis intelligatur, patet satis ex eis, quæ dixi in solutione ad præcedens testimonium, esse certum; quoniam si ad acquirendum quamcunque virtutem moralem conceditur requiri auxilium Dei speciale, maiori ratione debet concedi esse necessarium ad acquirendum virtutem temperantiæ, quia in eius materia occurrunt frequentiores, & grauiiores difficultates, & tentationes; & adhuc fortiori ratione est concedendum requiri ad acquirendum virtutem ad tenendum modum in omnibus actionibus humanis, quoniam hoc includit omnes virtutes morales, & earum difficultates: & hoc posteriori modo sumitur in illo testimonio esse *continentem*, si nomine *continentis* intelligatur temperatus ut constat ex Augustino lib. 10. Confessionum c. 14. & colligitur ex ipso contextu, quia in sola virtute temperantiæ non constitueretur vera sapientia hominis, de qua ibi agitur. Et deinde negari potest quod nomine *continentis* significetur ibi temperatus, quia verissimilius est significari compotem & assecutum id quod desiderabat, quoniam contextus literæ id postulat, nam cum prius author libri dixisset, *circuibam querens ut mihi illam assumerem*; quibus verbis explicuit ardentissimum studium, quo conabatur comparare sibi sapientiam; subiecit statim verba, de quibus agimus: & *sciui quoniam aliter non possem esse continens nisi Deus*; &c. Vbi proculdubio significat se non posse esse continentem respectu sapientiæ, de qua antea loquebatur, nisi ope diuinæ; quod non potest esse aliud, quam fieri compotem voti

A sui respectu eius, & assequi sapientiam, quam tantopere desiderabat; & ideo consequenter dixit, *adij Dominum, & deprecatus sum illum*, scilicet ut ei concederet id, quod quærabat, & cupiebat, quod ut ex antecedenti constat erat sapientia; & ita in oratione, quam statim apponit in principio capitis noni, non postulat à Deo temperantiam, sed sapientiam; & non est insolitum apud nostrum interpretem sumi nomen *continentis* in hac significatione, nam Ecclesiastici 6. habetur: *investiga illam* (scilicet sapientiam) & *manifestabitur tibi, & continens facilius ne derelinquas eam*, quare licet illa verba, *nisi Deus det*, sumantur pro nisi infundat, non potest ex hoc testimonio colligi de temperantia, quod sit virtus infusa, sed solum de sapientia, quæ ibi sumitur ut includit cognitionem rerum supernaturalium, ut constat ex verbis præcedentibus in eodem capite, & ex capite sequenti, & ideo quoad hanc partem dicitur infundi à Deo. Et quamvis in rigore illa verba, *nisi Deus det*, non debeant sumi pro *nisi infundat*, sed pro *nisi opem et auxilium conferat*, ut constat ex illo Danielis 1. *pueris autem his dedit Deus scientiam & disciplinam in omni libro & sapientia*, scilicet Chaldæorum, quoniam in principio capitis dicitur fuisse electos ut docerent eos literas & linguam Chaldæorum; ubi non significatur, Deum infudisse illis pueris hanc scientiam, sed contulisse auxilium ut eam addiscerent tam brevi tempore: tamen ubi sermo sit de noticia rerum supernaturalium, sumenda sunt in illo sensu; quoniam harum rerum cognitio non acquiritur actibus nostris, sed infunditur à Deo. Et aliquo ex his modis possunt exponi reliqua testimonia, quibus probatur, infundi prudentiam & religionem, & peculiariter ea, quæ adducuntur pro religione, possunt intelligi de actu orationis, quatenus procedit ex imperio charitatis.

B AD TERTIUM respondetur, quod GREGORIUS, cum dicit de Deo, non deferere perfectos quoad illas virtutes, intelligit conferre eis auxilium necessarium ad exercendum earum operationes, & ad vitandum peccata, & vincendum tentationes, quæ contra eas occurrunt. Et AUGUSTINUS per virtutem iustitiæ non intelligit iusticiam, quæ est virtus moralis, sed eam, qua iustificamur, ut ex eius verbis constat. Et CATECHISMVS, & rursus AVGVSTINVS aut verius Glossa interlinearis, per virtutum comitatum & copiam intelligunt virtutes Theologales.

C §. 4. Soluitur fundamentum oppositæ sententiæ. De prudentia & theologia infusa. Opposito vitiolum cum virtute infusa.

AD fundamentum primæ sententiæ respondetur concedendo antecedens quoad priorem partem, in qua convenit cum nostra prima conclusione; & negando ipsum quoad posteriorem partem in qua repugnat nostræ secundæ conclusioni, & ad PRIMUM MEDIUM quo probatur posterior pars respondetur quod in iustificatione non solum infunduntur ea, quæ sunt necessaria in ordine ad effectus, in quibus ipsa iustificatio consistit, sed etiam ea, quæ pertinent ad eorum perfectionem: & virtutes morales, de quibus loquimur, requiruntur ad perfe-

ad perfectionem illorum quatuor effectuum, quæ in argumento referuntur, concedi homini à Deo in iustificatione; nam imprimis *emundatio* à peccato est magis perfecta, cum non solum auferitur id, quod in peccato habet rationem culpæ, sed etiam datur vis ad operandum bene moraliter, contra damnum quod causatur in potentijs per peccatum; & *renovatio interna* etiam est magis perfecta, cum homini non solum datur novitas spiritus quoad esse per gratiam habitualement, & quoad vires ad operandum circa Deum, tanquam circa obiectum per virtutes theologicas: sed etiam dantur vires ad operandum circa obiecta moralia; & *acceptatio ad gloriam* per modum cuiusdam connaturalitatis & proportionis, quæ datur per gratiam habitualement, etiam est magis perfecta, cum homini datur hæc connaturalitas non solum quoad id, quod habet rationem naturæ, quod est ipsa gratia habitualis, sed etiam quoad ea, quæ habent rationem potentiarum operatiuarum, tam circa finem, ad quem acceptatur homo, quam circa media proportionata eidem fini. Et tandem ad perfectionem eorum quæ sunt necessaria ad *merendum*, etiam requiruntur virtutes morales infusæ; quia licet sufficiat imperium charitatis procedens ex fide, & præsupponens gratiam habitualement, ad ordinandum & eleuandum actus bonos moraliter in finem supernaturalem, sicut requiritur ad hoc, ut sint meritorij: tamen, quia actus illi secundum se, & ut præcise respondent virtutibus acquisitis, non excedunt limites naturæ, nec habent proportionem cum charitate, & propterea non semper ordinantur in finem supernaturalem; oportet præter virtutes morales acquisitas; ponere infusas, ut possint esse in homine, actus morales, qui secundum se & intrinsecè habeant proportionem cum charitate, & ita semper ordinentur in finem supernaturalem.

Ad *secundum* medium respondetur negando antecedens; & ad probationem dicendum est, has virtutes esse necessarias propter vtramque rationem, scilicet propter *substantiam operationis*, & propter *supernaturalitatem*; quia ipsa substantia & entitas intrinseca operationis est supernaturalis, ut statim dicam. Et ad id quod in hac probatione obijciatur, contra priorem scilicet rationem, non posse dici esse necessarias propter substantiam operationis absolute sumptam, respondetur, quod substantia operationis duobus modis potest sumi absolute, *Primo* considerando eam quatenus respicit suū obiectū sumptū in communi, & sine determinatione ad hoc, quod sit naturale, vel supernaturale, v. g. considerando entitatem operationis temperantiæ, quatenus terminatur ad honestatem temperantiæ consideratam in communi, & sine determinatione ad hoc, quod consistat in conformitate ad regulam naturalem, vel ad supernaturalem: *Secundo modo* potest sumi absolute, considerando eam quatenus terminatur ad suum obiectum sumptum in particulari, secundum rationem formalem, quæ est specificatiuum ipsius, & secludendo ordinem ad aliud obiectum, quem potest participare ex imperio aut ordinatione alterius virtutis; ut cum consideratur entitas actus temperantiæ quatenus terminatur ad honestatem temperantiæ, sumptam in particulari, prout consistit in conformitate ad regulam supernaturalem, secludendo ordi-

nem quem ex imperio charitatis aut penitentia potest participare in ordine ad earum obiecta. Si substantia operationis sumatur absolute *primo modo*, verum est, quod ad eam non est necessaria virtus infusa, imo neque acquisita, quoniam potentia sola, & sine omni virtute tam infusa quam acquisita potest absolute elicere actum bonum bonitate temperantiæ, aut iustitiæ, aut alterius virtutis moralis. Si tamen sumatur *secundo modo*, falsum est; quod virtutes infusæ non sunt necessariae propter substantiam operationis, quoniam entitas huius operationis est supernaturalis, atque adeo non potest elici per vires naturales potentia aut nudæ, aut perfectæ virtute acquisita; cum tamen dicō virtutes infusas esse necessarias propter substantiam operationis, comparo has virtutes cum potentia quoad omnem vim actiuam, quam habet intra limites naturæ, siue secundum se, siue ratione virtutis acquisitæ; non tamen quoad vim, quam potest habere ut eleuata per auxilium supernaturale Dei, quoniam potentia ut ita eleuata, quamuis non habeat habitum virtutis supernaturalis, potest absolute elicere substantiam huius operationis, licet non connaturaliter; & ideo virtutes infusæ, si comparentur ad potentiam ut eleuata per auxilium supernaturale, non sunt simpliciter necessariae propter substantiam operationis, sed propter quendam modum, qui est connaturaliter operari, quia potentia ut eleuata per auxilium, operatur ut mota, & non connaturaliter, sicut cum operatur per formam propriam. Et nihilominus absolute & simpliciter dicuntur necessariae propter substantiam operationis, quia comparatæ ad potentiam consideratam secundum suam naturam sunt ita necessariae, & iudicium fit de rebus consideratis quoad ea, quæ ipsis conueniunt secundum suam naturam.

Et ad id, quod obijciatur contra posteriorem rationem necessitatis harum virtutum, scilicet ad probandum non esse necessarias has virtutes infusas propter supernaturalitatem operationis, respondetur, esse necessarias propter supernaturalitatem quam operatio potest habere ex omnibus illis tribus capitibus, scilicet ex parte finis ultimi, & ex parte medij, & ex parte modi siue directionis, quæ fit per intellectum: Et ad obiectionem factam contra *primum* respondetur, quod dupliciter potest operatio aliqua ordinari in finem supernaturalem, scilicet extrinsece, & accidentaliter; aut intrinsece & ex propria natura; & quamuis ut operatio ordinetur *priori modo*, sufficiat imperium charitatis, & ita quævis operatio bona moraliter, etiam si pertineat ad ordinem naturæ, possit à charitate ordinari in finem supernaturalem; tamen ut ordinetur *posteriori modo* non sufficit imperium charitatis, sed requiritur virtus moralis infusa, quia necessariū est quod operatio ipsa ex parte sui proprii obiecti formalis ordinetur in finem supernaturalem, & ad hanc operationem requiritur virtus infusa, & non sufficit acquisita. Et addi potest, quod quamuis non requiratur virtus infusa ut operatio ordinetur *priori modo* simpliciter & absolute in finem supernaturalem; tamen requiritur ut etiam illo modo ordinetur connaturaliter; quia, cum operatio procedens ex virtute acquisita sit ordinis naturalis, quod ordinetur per imperium charitatis in finem supernaturalem, non potest esse ipsi connaturale, sed necessario debet esse supernaturale: & ideo, ut operationi

virtutis moralis possit esse connaturaliter ordinari per imperiū charitatis in finē supernaturale necesse est quod procedat ex virtute morali infusa; & ex hoc patet solutio ad objectionē factā *contra secundū*, quia dici potest, quod, quāvis, ut operatio attingat mediū rationis in ordine ad finē supernaturale priori modo, scilicet, *extrinsecē*, sufficiat quod ex imperio charitatis attingat tale mediū, tamen ut attingat mediū rationis in ordine ad finem supernaturalem posteriori modo, hoc est *intrinsecē*, aut etiā extrinsecē sed connaturaliter, non sufficit quod procedat ex imperio charitatis, sed requiritur quod procedat ex virtute infusa. Et ratio est manifesta, quia medium rationis, quod attingitur per operationem procedentem ex virtute acquisita, est ordinis naturalis, & ex consequenti non est ex propria natura medium proportionatum fini supernaturali; & ideo quod assumitur ut medium in ordine ad hunc finem, necesse est quod conveniat ipsi præcisè per ordinationem extrinsecam, & per hanc non connaturaliter. Et ad objectionem factam *contra tertium*, respondetur, quod lumen fidei satis est ad cognoscendum in generali qualiter sit attingendum medium rationis; ad hoc ut operatio sit accommodata fini supernaturali, tamen ad iudicandum an hic & nunc, & in particulari ad finem omnia, quæ requiruntur ex parte obiecti & circumstantiarum, ut medium rationis attingatur illo modo per operationem, non sufficit lumen fidei; & multo minus ad iudicandum per modum imperij, quod hic & nunc, politis tali obiecto & talibus circumstantiis, faciendum est tale opus; quia utrumque iudicium deducitur per discursum ex principiis practici, ex quibus saltem illud, quod est univēsale, cognoscitur per fidem; & ideo ad utrumque iudicium, requiritur prudentia infusa & supernaturalis distincta à fide, cuius munus sit disponere ad eliciendum hæc iudicia ex principiis per discursum sine errore: sicut in naturalibus habitus principiorum speculativorum, qui appellantur intellectus, non sufficit ad assentiendum conclusionibus, quæ ex eis deducuntur, sed requiritur habitus scientiæ. Et similiter habitus principiorum practicoꝝ, qui quoad principia univēralia dicuntur Synderesis, non sufficit ad iudicium per modum conclusionis quod deducitur ex eis, sed requiritur prudentia naturalis & acquisita.

SED OBIECTIS, quod ad deducendum illa duo iudicia practica, propter quæ diximus requiri prudentiam, sufficit facultas ad efficiendum consequentiam, quæ deducitur; ergo sufficit virtus naturalis ad eliciendum illa duo iudicia; & ex consequenti non requiritur virtus supernaturalis & infusa; patet *consequentia*, quoniam ars efficiendi consequentias in quacunque materia est naturalis; & *antecedens* probatur, quoniam deducere illa duo iudicia non est aliud, quam efficere consequentiam, quæ deducuntur; ergo facultas, quæ sufficit ad faciendum consequentiam, sufficit etiam ad inferendum illa duo iudicia.

Respondetur negando antecedens, quia ratio per se ad deducendum illa duo iudicia non est consequentia, sed assensus principiorum, & consequentia solum concurret ut conditio requisita per modum applicantis virtutem, hoc est, veritatem & certitudinem principiorum ad conclusionē. Quod

Adicendum est in quacunque illatione conclusionis ex præmissis; quoniam alias ubique esset eadem bonitas consequentia, esset etiam æqualis veritas, & certitudo conclusionis; & tota cogitatio esset consequentiarum & non consequentiū, & ad probationem negandum est antecedens, quia licet deductio illorum iudiciorum fiat, dum conficitur consequentia, tamen deductio non importat solā consequentiam, sed causalitatem ipsorum iudiciorum, quæ pendet ab assensibus præmissarum, ut à causa per se: & à consequentia, ut à conditione requisita. Sicut quamvis calefactio ligni fiat per applicationē calidi ad lignū, pendet per se à calido, & ab applicatione solum ut à conditione necessario requisita, & ita non proportionatur applicationi, sed calido.

5. De Theologia infusa, an detur.

SED OBIECTIS, quoniam iuxta solutionem hanc illo duo iudicia non habent alium modum supernaturalitatis, quā quicumque assensus theologicus; sed non requiritur aliquis habitus infusus præter habitum fidei ad eliciendum assensum theologicum; ergo neque ad eliciendum illa duo iudicia: *maior* patet, quia sicut illa illa duo iudicia habent hanc supernaturalitatem, quod deducuntur per bonam consequentiā ex altero, vel ex utroque principio supernaturali: ita etiam assensus conclusionis theologice deducitur ex vno vel ex utroque principio certo secundū fidem, atque adeo supernaturali: & sicut consequentia respectu illorū iudiciorū; solū concurret ut applicatio principiorum ad conclusionē: ita etiam concurret solū hoc modo ad assensum theologicum. Et *minor* probatur, *tum quoniam* assensus conclusionis theologice est naturalis, & non supernaturalis: ergo, non requiritur ad eum aliquis habitus infusus: *tum etiā quia* habitus theologice, qui requiritur ad eliciendum assensum conclusionis theologice, non est infusus, sed acquiritur exercitio nostrorum actuum: ut constat experientia, & quoniam alias omnes iusti essent theologi, & nullus peccator quāvis sit doctus, esset theologus.

AD HOC ARGUMENTUM tribus modis solet responderi, iuxta diversitatem sententiarum de supernaturalitate assensus theologici; nam **IMPRIMIS** aliqui distinguunt duo genera assensuum scientificoꝝ, circa conclusiones theologicas: *Primum* est eorū assensuum, quos elicit intellectus sine dependentia à voluntate, ex meritis assensuum præmissarū & bonitatis consequentia, quatenus omnes isti assensus constituent vñā integrā causam assensus conclusionis. *Secundum* genus est aliorū assensuum, quos elicit intellectus dependenter à pia affectione voluntatis, quæ determinat intellectū ad assentiendū conclusioni ut reuelatē virtualiter in reuelatione eius præmissæ, quæ est de fide. Et hoc supposito dicunt esse discrimen inter hos assensus: quoniam priores sunt ordinis naturalis, & non habent maiorem certitudinē quā naturalē, quia assensus præmissarū & bonitatis consequentia concurrent ad quemlibet eorū ut modificari per eum, qui ex ipsis est ordinis naturalis, & in hoc dicunt verificari illam maximā, *conclusio sequitur debiliore partem*. At vero posteriores sunt ordinis supernaturalis, & habent certitudinem fundatā virtualiter in diuina reuelatione, atque ad eo superantē totā certitudinem ordinis naturalis, & in his dicunt non habere locum illam maximā, *conclusio sequitur*

debitorem partem; quia inter assensus, qui sunt causa cuiuslibet eorum, datur aliquis ordinis supernaturalis, & fundatus immediate in diuina reuelatione, & hic non modificatur per eum, qui est inferioris ordinis: quia accedente pia affectione voluntatis determinatur intellectus ad assentiendum conclusioni ut cōtēnta virtualiter in reuelatione præmissæ supernaturalis, atq; adeo ut reuelatæ virtualiter, quod ostenditur intellectui per consequentiam, aut per alteram præmissam, quæ est naturalis. Et hoc supposito ad formam argumenti respondent, maiorem non esse verā de priori genere assensuum theologicorum, sed solum de posteriori; & de hoc negant minorem, & ad primam probationem negant antecedens; & ad secundam probationem negant quod habitus, qui requiritur ad eliciendum hos assensus supernaturales, non sit infusus, aut quod acquiratur nostris actibus; & consequenter negant constare oppositum experientia, quia experientia solum constat quod exercitio nostrorum actuum acquiritur aliqua facilitas ad discurrendum & eliciendum assensus circa conclusiones theologicas: non vero quod hæc facilitas sit habitus acquisitus in intellectu: quia in primis potest esse bona dispositio sensuum interiorum ad ministrandum intellectui in suis discursibus; & deinde potest esse habitus acquisitus per assensus theologicos primi generis, qui etiam reddet suo modo intellectum facilem ad eliciendum assensus posterioris generis, sicut virtutes morales acquisite dant aliquam facilitatem ad actus virtutum moralium infusarum. Et ad id quod ulterius obijciatur in eadem probatione, scilicet, quod sequatur, omnes iustos esse theologos, & nullum peccatorem esse theologum, respondent negando sequelam; & quantum ad posteriorem partē consequentis, quæ est de peccatoribus, satis patet hoc ex eis, quæ nunc dicebamus quoniam peccator potest suis actibus acquirere facilitatem illam in sensibus, & habitum naturalem in intellectu.

SED ADHVC restat difficultas quoad utramque partem, si fiat sermo de habitu infuso, qui videtur sequi quod quilibet iustus sit theologus per hunc habitum, & quod nullus peccator sit per eum theologus, quantumvis se exercent in actibus perfectissimis theologie: sicut conceditur utrique de habitu prudentiæ infusa; & probatur sequela proponēdo iterū argumentū, quod nunc dissoluimus sub hac forma: tam supernaturales sunt assensus theologici secundi generis, sicut illa duo iudicia, prudentiæ supernaturalis; sed nulli peccatori infunditur habitus prudentiæ ad illa iudicia, & cuiuslibet iusto infunditur secundum legem ordinariā tempore iustificationis: ergo similiter nulli peccatori infunditur habitus theologie ad assensus secundi generis, & cuiuslibet iusto infunditur secundum legem ordinariā cum iustificatur; & ex consequenti quilibet iustus est per hunc habitum theologus, & nullus peccator est theologus per eū.

RESPONDENT etiam negando hanc secundam sequelam: & videtur supponere, committi in ea hunc defectū quod assignatur non causa, pro causa; & assumitur pro medio id, quod reuera non est medium sufficiens ad inferendū conclusionem; quia assignatur pro causa ut aliquis habitus secundū legē ordinariā infundatur in iustificatione, quod actus ad quem ordinatur sit supernaturalis: cum tamen hoc non sufficiat, sed requiratur quod talis actus sit ne-

cessarius in ordine ad finem, ad quē homo eleuatur intrinsece in iustificatione, quoniam hæc est ratio, propter quam dicimus infundi in iustificatione virtutes morales, ut, sicut homo per gratiam & virtutes theologicas habet proportionem cum fine supernaturali, non solum quoad esse, sed etiam quoad potentias, quibus possit exercere actus necessarios ad attingendū hūc finē secundū seita etiam per virtutes morales habeat proportionē cum eodē fine quoad potentias, quibus possit elicere actus necessarios ad attingendum media proportionata huic fini; Et quoniam actus prudentiæ sunt singulis hominibus necessarii ad attingendum hæc media, non quia immediate per seipsos attingant ea, sed quia sunt principia directiua & imperatiua actuum virtutum moralium, qui immediate attingunt huiusmodi media; assensus vero conclusionum theologicarum non sunt aliquo modo necessarii singulis hominibus, neque ad attingendum finem supernaturalem, neque ad attingendum media ipsi proportionata: quāuis sint necessarii respectu totius ecclesiæ, ideo habitus prudentiæ secundum legem ordinariā infunditur unicuique in iustificatione, & nulli peccatori infunditur; & habitus theologiæ nō infunditur secundum legem ordinariā in iustificatione, & sæpe infunditur ijs, qui sunt in peccato mortali.

Et si quæras, quibus & quando infunditur secundum legem Dei ordinariā? Respondent, quod infunditur ijs, qui exercent actus theologicos secundi generis, concurrentibus iisdem actibus ad infusionem eius, & augmentum, non efficienter, nec meritorie, sed dispositiue, ita quod Deus solus causat & auget huiusmodi habitum, & commensurat eius quantitatem actibus tanquam dispositioni.

Et si obijcias, quia sequitur, quod sicut distinguuntur hæc duo genera assensuum theologicorum, & hi duo habitus theologiæ: ita etiā in discursu practico pertinet ad prudentiam infusam debeant distinguī duo genera iudiciorum circa conclusionem, & duo habitus, præter habitū prudentiæ, qui versatur circa iudicia practica deducta ex principiis omnino naturalibus; Respondent concedendo sequelam, & ita concedunt dari tria genera iudiciorum prudentialium, quia quædam deducuntur ex principiis omnino naturalibus, & alia deducuntur ex principiis quorū saltem vnū est supernaturale, tamen virtute naturali intellectus, & sine depēdētia à voluntate; & tandem alia deducuntur ex principiis supernaturalibus virtute intellectus eleuati auxilio Dei supernaturali & determinati à voluntate. Et eodem modo dicunt dari tres habitus prudentiæ, quorum primus est simpliciter acquisitus per actus primi generis & nihil includit supernaturale; & secundus quamuis etiam sit acquisitus per actus secundi generis, habet hoc plus, quam primus, quod præsupponit aliquam supernaturalitatem ex parte principiorum; Et tertius est supernaturalis, & non acquiritur actibus nostris, sed infunditur a Deo.

Sed cum videretur alijs ut respondeant supponunt duo primum est, quod assensus theologicus non habet supernaturalitatem; & hoc probant, quia neque quoad substantiam, neque quoad certitudinem, aut aliquam proprietatem pertinentem ad assensum scientificum, est supernaturalis; ergo nullo modo est supernaturalis: consequentia hæc satis nota est: & antecedens probatur, quia in primis

quoad substantiam non potest esse supernaturalis, quia ratio formalis assentiendi conclusionibus theologice non est supernaturalis: quod probatur, quia si ratio formalis sub qua intellectus assentitur conclusioni theologice est supernaturalis, erit diuina reuelatio; sed intellectus non assentitur huic conclusioni ut reuelatæ à Deo, quia neque est reuelata in se, alias esset de fide, neque in sua causa, quia licet continetur in aliqua præmissa reuelata, non est reuelatum quod continetur; ergo neque assentitur ei sub ratione formali supernaturali; & ex hoc sequitur quod neque sit supernaturalis quoad certitudinem aut aliquam proprietatem pertinentem ad assensum scientificum, quia si ratio formalis assentiendi non est supernaturalis, sequitur quod neque assensus secundum suam speciem sit supernaturalis; & ex hoc ulterius sequitur, quod neque certitudo, neque aliqua alia proprietas pertinens per se ad assensum scientificum, possit esse supernaturalis; quia proprietates non possunt habere maiorem supernaturalitatem, quam essentia specifica ad quam consequuntur; & de certitudine, hoc potest in particulari probari, quia si non provenit ex diuina reuelatione, non potest esse supernaturalis.

Secundo, præsupponunt illa duo iudicia prudentialia, de quibus loquimur, posse duobus modis considerari: scilicet, aut quatenus præcisè consistunt in cognitione; aut quatenus important ordinem ad appetitum rectum rectitudine moris, seu charitatis. Et dicunt quod si considerentur *priori modo*, non habent supernaturalitatem aliquam, quia si sumantur in vniuersali, non transcendunt limites scientiæ, aut theologiæ moralis; & si sumantur in particulari, sunt quædam opiniones circa particularia agibilia; si vero considerentur posteriori modo, habent supernaturalitatem, quia respiciunt media ut proportionata fini supernaturali, in ordine ad quem præsupponunt rectitudinem in appetitu.

His suppositis ad formam argumenti respondent, distinguendo maiorem; si enim illa iudicia prudentialia considerentur præcisè, quatenus ex videtur intellectus deducitur ad modum quarundam cognitionum, vera est; quia secundum istam rationem nihil amplius supernaturalitatis habent, quam deduci ex aliquo principio supernaturali, & hoc etiam conuenit assensui theologico; si tamen considerentur quatenus important ordinem ad appetitum rectum rectitudine charitatis, falsa est illa minor; quia secundum hanc rationem illa iudicia respiciunt suum obiectum cum ordine ad eundem finem, atque adeo sub ratione aliqua supernaturali, quod non conuenit assensui theologico; & ad probationem huius maioris dicendum est, quod quamuis in qualitate præmissarum, & in modo concurrendi, qui conuenit consequentiæ, non differant iudicia prudentialia, ab assensu theologico; differunt in eo quod nunc explicamus.

TERTIO alij vt respondeant, supponunt, quod quamuis assensus theologicus conueniat cum illis iudicijs prudentialibus in supernaturalitate, quæ potest participari ex assensu supernaturali alterius, vel vtriusque præmissæ per consequentiam evidentem: non conuenit cum eis in supernaturalitate, quæ potest participari ratione obiecti, quoniam hanc habent illa iudicia prudentialia, & non assensus

theologicus: Quod ita explicant, assensus theologicus, quoniam est speculatiuus (& quamuis sit practicus, non habet modum practici) sistit in cognitione conclusionis, & non mouet ad operandum, & ideo solum habet supernaturalitatem, quæ potest participari ex præmissis, ex quibus deducitur: At vero iudicium prudentiale, quoniam est practicus, & habet modum practici mouet immediate ad operandum, & ideo cum operatio ad quam mouet est supernaturalis, (sicut supponimus esse supernaturalē operationem virtutis morales infusæ) non solum habet supernaturalitatem ex præmissis, sed etiam ex obiecto; quoniam operatio hæc supernaturalis pertinet ad eius obiectum. Et hoc supposito ad formam argumenti negant maiorem, & ad eius probationem dicunt, solum conuincere, quod assensus theologicus habeat eundem modum supernaturalitatis ex parte præmissarum & consequentiæ.

MIHI EX HIS SOLUTIONIBUS nulla omnino displicet, si tamen aliquid circa vnamquamque earum aduertamus; & CIRCA PRIMAM aduertendum est, posse contra eam obijci duo. PRIMUM est videri nouum, & sine sufficienti ratione, introducere duos habitus theologiæ, & peculiarem modum productionis & augmenti habitus infusi, cui nullus neque in naturalibus, neque in supernaturalibus similis est: & duos habitus prudentiæ circa iudicia deducta ex principiis, quæ aliquam habeant supernaturalitatem. SECUNDUM est, quod si maior illa certitudo, quæ est in assensibus præmissarum, provenit ex pia affectione voluntatis, & non ex meritis præmissarum, sequitur quod sit certitudo adhesionis ex parte subiecti, & ex consequenti, quod non sit certitudo scientifica; si vero præmissæ valent dare eum gradum certitudinis assensui conclusionis, sequitur quod semper dent æqualem, quandoquidem concurrunt ut causæ naturales.

VERUM hæc facile dissolui possunt, nam AD PRIMUM, patet quid sit dicendum, ex ijs, quæ in ipsius solutionis explicatione dicta sunt; ibi enim redditur sufficiens ratio eorum omnium, quæ in ipsa videntur noua: imo non debent censi noua cum aperte sequatur ex principiis, quæ ab omnibus admittuntur. Et ad SECUNDUM dicendum est, quod illa maior certitudo, ad quam determinatur intellectus per piā affectionem voluntatis, non provenit ex pia affectione, tanquam ex ratione per se, quia (ut obijcitur) esset certitudo adhesionis ex parte subiecti; sed tanquam ex determinante ad assentiendum iuxta exigentiam præmissæ reuelatæ; ita quod ratio per se assentiendi cum tanta certitudine est diuina reuelatio ut participata in conclusione mediate, scilicet, quatenus continetur in præmissa reuelata: & pia affectio voluntatis concurrat ut applicans & determinans intellectum ad assentiendum illo modo; quia sicut præmissa reuelata propter defectum euidentiæ non potest determinare intellectum ad assentiendum ipsi, ita etiam non potest eam determinare ad assentiendum conclusioni ut contentæ in ipsa: & ideo ad vtrumque assensum indiget intellectus aliquo determinante; & quamuis ipsæ præmissæ ex ea parte qua reuelatæ sunt, habeant vim ad causandum hunc gradum certitudinis in assensu conclusionis: non sequitur quod semper cum causent, quia potest esse defectus

applicantis, & determinantis intellectum ad assentendum conclusioni sub ratione diuinæ reuelationis; & ita respectu assensuum secundi generis non determinatur intellectus à pia affectione voluntatis; sed sub euidencia consequentiæ suppositis assensibus præmissarum. Et poterit hoc intelligi exemplo propositionis de fide, quæ simul proponitur alicui ut reuelata à Deo, & cum motiuis sufficientibus, ad reddendum ipsam credibilem; nam in hoc casu proponitur hæc propositio sub duplici ratione assentiendi, scilicet, sub diuina reuelatione, & sub motiuis credibilitatis: cæterum intellectus non determinatur eodem modo ad assentendum sub vtraque ratione, nam ad assentendum sub priori determinatur per piā affectionē voluntatis, & ad assentendum sub posteriori determinatur ab euidencia consequentiæ & præmissarum.

CIRCA SECUNDAM SOLUTIONEM duo sunt aduertenda; PRIMVM est, rationem, qua in primo fundamento probatur, theologiā nihil habere supernaturalitatis, esse satis efficacē ad probandum non habere supernaturalitatem intrinsecā, neque quoad substantiam, neque quoad certitudinem; quia verbi gratia, hæc conclusio, Christus est risibilis, non continetur in hac, Christus est homo, nisi mediante hac omnis homo est risibilis; quæ nullam prorsus habet supernaturalitatem; non tamen esse efficacem ad probandum non habere aliquem modum supernaturalitatis extrinsecæ, scilicet, quoad certitudinem: quia eius certitudo innititur alicui principio certo secundum fidem. ALTERVM est, quod cum in secundo fundamento distinguuntur illæ duæ rationes in iudiciis prudentialibus, de quibus loquimur, non est sensus, quod distinguuntur ita, ut vna accedat alteri, & ratio cognitionis, quæ est in iudicio prudentiali, præsupponatur secundū suam propriam speciem, & ei superueniat ordo ad appetitum rectum; quia ordo ad appetitum rectum rectitudine morali est intrinsecus illi speciei cognitionis actualis, in qua consistit iudicium prudentialē: & ita si huiusmodi ordo separaretur à cognitione, non remaneret eadem species cognitionis, quæ est iudicium prudentialē, sed erit cognitio alterius speciei, & habebit veritatem & certitudinem alterius speciei. Quomodo vero hic ordo ad appetitum rectum sit intrinsecus iudicio prudentiali, explicari potest ex doctrina ARISTOTELIS lib. 3. Ethicorum cap. 5. & lib. 6. cap. 5. & 12. quam explicat DIVVS THOMAS supra quæstio. 57. artic. 5. & secunda secundæ quæstione quadragesima-septima artic. 13. in corpore & ad secundum, & vtrique CAJETANVS supra; ponit autem ARISTOTELIS, quod sicut de ratione assensus scientifici, qui generatur per syllogismum speculativum, est intrinseca dependentia ab assensibus præmissarum eiusdem syllogismi, quia non quomodoque est assensus conclusionis, sed ita ut habeat pro ratione formali ex parte obiecti ipsos assensus præmissarum, & terminetur ad conclusionem non absolute, sed ut subest præmissis, & quasi manifestatur per eas: Sic etiam iudicium prudentialē, quod per syllogismum practicum generatur circa eius conclusionem, importat intrinsecum ordinem ad iudicia circa principia practica eiusdem syllogismi, ita ut non terminetur ad huiusmodi conclusionem, nisi ut subest principiis practicis ex quibus deducitur. Et hoc supposito

ARISTOTELIS in illis locis dicit duo, quæ ad propositum pertinent: PRIMVM est, quod in agibilibus finis habet rationem principij, ex quo sequitur, quod propositiones, quæ sunt principia in syllogismo practico, debeant confici ex fine: ALTERVM est, quod recta æstimatio circa finem, aut verum iudicium circa principia syllogismi practici, pendet intrinsece ex rectitudine appetitus circa eundem finem. Quod ut ARISTOTELIS ostendat, additur illa vulgata propositio, *qualis est finis, talis est ratio*: & hanc confirmat experientia, qua constat, quod vitiositas depravat & pervertit iudicium rationis circa finem, qui est principium agendi, aut circa præmissam, quæ ex fine conficitur. Estque hoc intelligendum de præmissa, quæ constat sine in particulari, & quoad circumstantias in particulari, & de hac explicatur exemplo; nam v. g. qui laborat vitio intemperantiæ circa materiā cibi & potus, quāvis habeat iudiciū rectū circa hanc propositionem vniuersalem, sumendus est cibus quando & ubi & quomodo oportet secundum regulam rectæ rationis; tamen circa minorem particularem, scilicet, oportet secundum regulam rationis hanc & nunc sumere talem & tantum cibum, habebit depravatū iudicium: quia propter connaturalitatem, quam habet immoderata sumptio cibi cum sua vitiosa dispositione, iudicabit esse moderatam, atque adeo saluam in ea bonum temperantiæ, quod est finis virtutis temperantiæ sumptus in particulari. Ex his autem aperte colligitur intentum, scilicet, quod iudicium prudentialē circa conclusionem syllogismi practici importat intrinsecum ordinem ad appetitum rectum: quia si iudiciū circa conclusionem, pendet intrinsece ex iudicio circa præmissas, bene sequitur, quod etiam pendeat à rectitudine appetitus, à qua pendet per se & intrinsece iudicium circa præmissas. Vtrum vero rectitudo appetitus, quam præsupponit iudicium circa præmissam particularem, quæ est minor syllogismi, debeat esse actualis, ita ut consistat in actu recto appetitus circa finem talis virtutis, quem eliciat appetitus post assensum maioris vniuersalis, & ante assensum minoris particularis, sicut vult CAJETANVS; vel potius aliquādo sufficiat rectitudo habitualis, ut, cum nulla est vitiositas passionis, aut habitus; quæ sit auerrenda per actum, ne sit causa deceptionis, in iudicio; explicandum est suo loco.

CIRCA TERTIAM SOLUTIONEM solum est aduertendum, quod dupliciter potest iudicium practicum mouere ad operationem supernaturalem; PRIMO, indirecte, & ex consequenti, aut ex suppositione; SECUNDO, directe, & quasi per se primo; quando mouet hoc secundo modo, certum est valere hanc consequentiam, operatio est supernaturalis, ergo etiam iudicium mouens ad eam est supernaturale, quia quod mouet directe & per se primo ad aliquam operationem, debet esse eiusdem ordinis cum ipsa operatione, atque adeo debet esse supernaturale, si operatio sit supernaturalis: quod probatur. *nam quia* specificatur per ordinem ad talem operationem, sicut omnis potentia ad habitum specificatur per ordinem ad operationem, ad cuius productionem ordinatur directe & per se primo; *nam etiam quia* hoc iudicium mouet per modum imperij ad operationem supernaturalem, & ex consequenti concurret ad eam in eodem

ordine,

ordine, in quo virtus infusa, que concutit ut sub-
ordinata ipsi ex natura sua, quia res superioris or-
dinis non subordinatur ex natura sua imperio ordi-
nis inferioris; ergo sicut virtus infusa est ordinis su-
pernaturalis, ita etiam iudicium. Et propter v-
tramque rationem, precepta, quae directe & per
se primo dantur de actibus supernaturalibus, sunt
supernaturalia. Quando vero iudicium mouet
priori modo ad operationem supernaturalem, est
aliqua difficultas an valeat illa consequentia: quia
lumen naturale potest indirecte, & ex consequen-
ti, aut ex suppositione dicere, excedendum esse
aliquem actum supernaturalem, sicut multi di-
cunt pertinere hoc modo ad ius naturae precepta
pernitendi, recipiendi fidem propositam sufficienti
predicatione, & diligendi Deum autorem bono-
rum supernaturalium; quia supposita sufficienti
propositione obiecti, & rectitudine diuini auxilij,
ratio naturalis dicitur elicere eos esse huiusmodi actus:
non quia respiciat eos directe & per se primo, quia
id quod naturale est non potest hoc modo attinge-
re supernaturale; sed indirecte, & ex consequenti,
scilicet, sub propositione quadam vniuersali perti-
nenti ad ordinem naturae verbi gratia, sub his pro-
positionibus, conandum est quantum fieri potest
compensare offensam alteri irrogatam; adhibenda
est fides cuiusque proponenti rem aliquam cum
motibus sufficientibus ad reddendum ipsam credi-
bilem secundam prudentiam, & diligendi sunt be-
nefactores pro meritis beneficiorum quantum fieri
potest. Sed quicquid sit de hoc, certum est, quod qua-
do iudicium mouet per modum imperij prudentia-
lis, valet illa consequentia, quamuis tale iudicium
deducatur per consequentiam ex aliquo principio
practico ordinis naturalis; quia huiusmodi imperium
mouet efficaciter ad operationem, ergo per se pri-
mo & directe respicit ipsam secundum propriam
rationem, & ex consequenti ut supernaturalem, at-
que adeo habet ex parte sui obiecti, quod respicit
per se primo, supernaturalitatem: patet consequen-
tia, quia alias non moueret efficaciter ad talem o-
perationem. Vnde hoc est discriminē inter iudicium,
quod per modum legis dicitur faciendum esse aliquid
a me etiam hic & nunc in particulari, & iudicium
quod per modum imperij practici dicitur idem: quod
primum solum exprimit obligationem ad faciendum
illud, sicut preceptum extrinsecum posset eam ex-
primere, & ideo non mouet efficaciter ad opera-
ndum, sed solum mouet per modum cuiusdam sua-
sionis extrinsecae, qua proponitur eadem obliga-
tio; & ad hoc genus iudicij pertinent illa precepta,
de quibus diximus, aliquos asserere pertinere ad ius
naturae, quamuis sint de actibus supernaturalibus,
& ideo non mirum est si non sint eiusdem ordinis
cum ipsis actibus, quia cum non importent effica-
ciam respectu eorum, non est necesse quod respec-
tiant ipsos secundum propriam rationem, qua sunt
supernaturales. At vero secundum iudicium, sal-
tem quantum est ex natura sua, non exprimit obli-
gationem illam, sed convenientiam, quae est inter
operationem & affectum hominis, & ideo impor-
tat vim & efficaciam moticem ad operandum: &
non est mirum, quod, sicut ex iudicijs praemissa-
rum quatenus sunt actus cognoscitiui, participat
quod sit actus cognoscitiuus; ita ex istis iudicijs,
quatenus pendunt ex affectu appetitus ad finem,
participat aliquam rationem propensionis & affe-

ctus ad operationem, tanquam ad medium pro-
portionatum eidem fini, & ita non solum sit co-
gnitio, sed cognitio affectiua, & impulsus ad ope-
randum: in quo consistit eius efficacia in mouendo ad
operandum. Nec modo disputo an haec efficacia sit
tanta, ut posito hoc iudicio non possit non sequi
actus voluntatis, quoniam hoc pertinet ad que-
stionem de imperio.

5. Oppositio vitiorum cum virtutibus infusis.

AD TERTIUM medium CAPELOVS in 3.
dist. 24. quaestione vnica articulo tertio in so-
lutione ad quartum argumentum DVRA-
NT contra secundam conclusionem, duas proponit
solutiones desumptas ex D. THOMA. Prima desu-
mitur ex quaestione vnica de virtutibus in commu-
ni articulo decimo ad 16. vbi D. THOMAS
admittit, vitium habere oppositionem formalem
& contrariam cum virtute infusa, quae responder
acquiret, cui tale vitium opponitur, verbi gra-
tia, intemperantiam cum temperantia infusa: &
inquit, quod quamuis per vitium actum simpli-
cem non corrumpatur habitus acquisitus, tamen
continuo habet virtute gratiae, quod corrup-
pat habitum vitij; & ita in eo, qui iustificatur,
non manet vitium in ratione habitus, sed in via
corruptionis, quasi dispositio quatuor, & di-
positio non contrariatur habui perfectio. Qua-
re ad formam argumenti iuxta solutionem hanc
distingendum est antecedens, quia si intelligatur
de habitibus vitiorum in ratione habituum, ne-
gandum est; si vero intelligatur de istis habitibus
in ratione dispositionum, concedendum est; &
consequentia est neganda; & ad probationem
dicendum est, quod quamuis vitium per mo-
dum dispositionis, & habitus virtutis habeant
obiecta contraria, non habent inter se eandem
oppositionem, quia dispositio est quid imperfe-
ctum respectu habitus vitij, qui respicit perfecte
& adaequare illud obiectum, & opponitur contra-
rie habitui virtutis: sicut quamuis actus, quo ac-
quiritur vitium, respiciat idem obiectum, quod
ipsum vitium, non sequitur quod sicut vitium ha-
bet contrarietatem & impossibilitatem cum
virtute acquisita, ita etiam actus habeat ean-
dem oppositionem; & actus comparatur ad ha-
bitum qui per ipsum acquiritur, sicut dispo-
sitio.

*Est si vitij probatione antecedentis ad proban-
dum, quod manent vitia in ratione habituum, &
tam perfecta, quantum ad suam entitatem, sicut
erant ante iustificationem, quia manet eadem dif-
ficultas ad opera virtutum; dicendum est cum D.
THO. in eodem articulo in solutione ad decimum-
quartum, quod haec difficultas non provenit ex eo
quod vitia maneat cum tota perfectione, quam
habebant ante iustificationem; sed ex eo, quod ma-
nent passionibus appetitus tam vehementes, sicut an-
tea: quia cum virtutes infusae non acquiescantur acti-
bus nostris, non imminuuntur passionibus per ea-
rum infusionem.*

*Sed mihi haec solutio nunquam placuit, quia
vel dispositio, quae manet, est eiusdem speciei cum
habitu vitij, vel alterius speciei; si dicatur pri-*

num, præterquam quod est contra sententiam D. THOMÆ, qui docet habitum & dispositionem in genere qualitatis esse duas species distinctas; Potest contra obici, quod nulla possit assignari ratio, propter quam virtute gratiæ, quæ infunditur in iustificatione corrumpatur habitus vitij, quoad esse habitus, & non quoad esse dispositionis. Et confirmatur, quia nec per contritionem virtute gratiæ, nec per ipsam gratiam, nec per virtutem infusam corrumpitur meritorium vitium in ratione habitus, quia nullus concedit tale meritum; si tamen corrumpitur propter repugnantiam formalem, quam habet cum aliquo istorum, sequitur etiam quod corrumpatur in ratione dispositionis; quia si forma, quæ introducit in iustificatione, habet vim ex propria natura ad expellendum vitium secundum esse perfectum habitus, multo melius poterit expellere ipsum quoad esse imperfectum dispositionis. Si vero dicatur secundum, sequitur, quod vitia, quæ ante iustificationem, erant habitus, non fiant dispositiones per ipsam iustificationem; quia una species nunquam fit alia, ut homo non fit leo, nec è conuerso.

Et ex priori parte huius argumenti potest impugnari solutio aliorum qui quali explicantes hanc solutionem, dicunt, in instanti, quo cum gratia infunduntur virtutes morales, remitti habitus vitiorum: & non esse inconueniens, quod contraria in gradibus remissa sint simul in eodem subiecto; nam cum non possit dici habitus vitiorum remitti meritorium per virtutes infusas, dicendum est remitti propter contrarietatem formalem, quæ est inter vitia & virtutes. Et ex hoc sequitur quod vitia non remittantur, sed omnino corrumpantur: quia virtus infusa non habet esse minus perfectum cum infunditur, quam acquisita cum acquiritur; ergo neque habet minorem vim ad expellendum vitium cui opponitur, quam virtus acquisita; & ex consequenti, si virtus acquisita sufficit ad expellendum omnino vitium propter contrarietatem, quæ habet cum eo, sequitur etiam quod virtus infusa sufficiat, siquidem habet eandem contrarietatem.

SECUNDA SOLVTIO desumitur ex 4. d. 14. quæst. 2. art. 2. in solutione ad quartum, ubi D. THO. negat vitium habere directè oppositionem formalem & contrariam cum virtute infusa: quia cum habeat hoc genus oppositionis cum virtute acquisita, non potest habere ipsam etiam cum infusa, quæ proculdubio distinguitur specie ab acquisita. Et quævis D. THO. ibi non explicet rationem, propter quam idem vitium non possit opponi contrarie duabus virtutibus specie distinctis, scilicet, acquisitæ & infusæ: aliqui dicunt tamen rationem esse, quod aliavide vitium haberet duo contraria specie distincta sibi directè opposita, quod est contra doctrinam ARISTOTELIS, qui libro primo de cælo cap. 2. inquit, *unitatem unum esse contrarium*. Et supposita hac doctrina, ad formam argumenti responderetur, concedendo antecedens & negando consequentiam; & ad probationem admittenda est solutio ibi tradita, scil. quod obiecta, ad quæ inclinant vitium & virtus infusa, non sunt inter se contraria. Et hac solutio mihi magis placet, & ad obiectionem quæ ibidem fit contra eam, respondetur, negando quod ad impossibilitatem aliquorum habituum in eodem subiecto sufficiat contrarietas inter obiecta materialia, & in modo tendendi in ipsa, sci-

licet, per modum accessus & recessus, aut prosecutionis & fugæ, aut assensus, & dissensus: quoniam habitus solum habent inter se repugnantiam aut impossibilitatem per modum inclinationum; & non repugnat esse in eodem subiecto simul duas inclinationes habentes inter se hanc contrarietatem ex parte obiecti materialis & modi tendendi; nam verbi gratia, in eodem graui ponitur omnes duas inclinationes, vnam ad descendendum deorsum, & alteram ad ascendendum sursum ad replendum vacuum; & termini materiales harum inclinationum sunt inter se oppositi, scilicet, locus deorsum & locus sursum, & modi tendendi in hos terminos etiam sunt oppositi, quia vnus est deicensus, & alter ascensus. Item in habitibus videtur hoc necessario dicendum, quia si aliquis acquirit per media physica habitum erroris qui inclinetur ad dissentiendum huic propositioni terra est rotunda, & postea per medium demonstratiuum mathematicum conueniatur ad assentiendum eidem propositioni, acquirit proculdubio habitum scientificum inclinantem ad assentiendum illi propositioni per medium mathematicum; & tamen non continuo amittit priorem habitum erroris: quod facile probatur, quia non amittitur ex natura rei aliquis habitus propter acquisitionem alterius, nisi cum acquisitio alterius disponit ex natura sua ad eius expulsiōem, ut constat inductione in amissionem cuiuscunque habitus aut formæ ex natura rei proueniente ex introductione alterius; sed in hoc casu acquisitio habitus scientifici mathematici non disponit ad expulsiōem habitus erroris physici; ergo neque continuo amittitur habitus erroris propter acquisitionem habitus scientifici; probatur ista minor, quoniam huiusmodi habitus scientificus nihil ponit in intellectu repugnans habitui erroris physici, cum solum ponat eidentiam & certitudinem circa illam propositionem, non absolute & secundum omnem rationem, sed in genere determinato, scilicet, præcisè quatenus talis propositio est cognoscibilis per medium mathematicum; cum quo stat, quod in eodem intellectu sit inclinatio ad eliciendum iudicium circa eandem propositionem per aliud medium sine eidentia, & certitudine, imo & cum falsitate: quia eidentia & certitudo per vnum medium nihil causat in intellectu circa aliud medium. Et ad exempla quibus in eadem obiectione probatur oppositum, dicendum est quod habitus odij & habitus charitatis infusæ non repugnant inter se formaliter, & ideo neque habent inter se impossibilitatem ex natura rei. Et ita Ockham in 3. q. 12. in fine solutionis primi dubij propositi circa quartum articulum principalem inquit, quod si quis per actus odij Dei secundum eam rationem, qua potest odio haberi, acquirit habitum odij, & postea per contritionem aut per attritionem cum sacramento iustificetur, & accipiat charitatem infusam, non amittet statim habitum odij. Et idem dicendum est, si quis, postquam acquisiuit habitum erroris circa veritates fidei, conuertatur ad fidem, & accipiat habitum infusum fidei; de quibus vero vitiorum & virtutum infusarum, quando habent oppositionem ex parte obiecti materialis & modi tendendi, mihi videtur probabilius, quod habent impossibilitatem respectu eiusdem subiecti, non solum quia sunt plures sine subordinatione, sed

etiam quia habent inter se hoc genus oppositionis. Et non valet argumentum ex eis ad habitus, quoniam actus comparantur inter se ut motus, & habitus ut formæ permanentes, & ad impossibilitatem motuum sufficit contrarietas ex parte obiecti materialis & modi tendendi, quamvis in ratione *sub qua*, aut formali tendendi non sit contrarietas; & tamen in formis aut inclinationibus habentibus modum formarum non sufficit hoc genus oppositionis, ut in exemplo propositio in principio huius solutionis, motus grauis deorsum & motus leuius ad replendum vacuum habent oppositionem ex parte terminorum materialium, quia terminus vnus est locus deorsum & terminus alterius locus sursum & ex parte modi tendendi, quia vnus motus tendit descendendo & accedendo ad locum deorsum & refugiendo à loco sursum, & alter tendit ascendendo & accedendo ad locum sursum & refugiendo à loco deorsum; & non habent oppositionem ex parte rationis formalis tendendi in hos terminos, quia graue descendit deorsum ut ad locum convenientem sibi in ordine ad naturam particularem, & ascendit sursum ut ad locum etiam convenientem sibi in ordine ad naturam vniuersalem; & tamen impossibile est, quod idem graue simul moueatur his duobus modis; & non est impossibile, imo de facto ita contingit, quod simul habeat inclinationes ad hos duos motus. Et ratio huius diuersitatis est, quod ex eo, quod sunt motus ita oppositi in eodẽ subiecto, sequitur contradictio, ut bigratia, quod mobile simul accedat, & recedat & ex consequenti quod accedat & recedat respectu eiusdem termini; quod autem ex eo quod sunt simul inclinationes ad hos motus.

§ 5. An virtutes morales infuse dent facilitatem operanti.

AD QUARTVM MEDIVM vt respondeamus oportet explicare, an virtutes morales infuse dent subiecto facilitatem ad exercendum earum actus; quod sane non parum conuenit difficultatem; quoniam parti affirmatiuæ fauet argumentum desumptum ex communi ratione habitus operantis; & parti negatiuæ communis experientia, ut in ipso medio, quod dissoluimus, est ostensum. Vt autem hoc explicemus, **SUPPONENDVM** EST PRIMO *facilitatem*, de qua nunc loquimur, non esse modum aliquem actionis, cuiusmodi est intentio, sed conditionem aliquam tenentem se ex parte principij operantis, quatenus comparatur & ordinatur ad ipsam actionem consideratam quantum ad omnia, quæ eius exercitium reddunt difficile. Et quod facilitas sit conditio tenens se ex parte agentis, & non ex parte actionis, probatur: quia posita vniuersitate ex parte actionis quantum ad omnia, quæ possunt reddere difficile eius exercitium, potest contingere, quod vni agentis sit facile exercere talem actionem, & alteri sit difficile; ergo facilitas non se tenet ex parte actionis, sed ex parte agentis: *anteceðens* constat experientia; & *consequenti* probatur, quoniam aliis, cum sit vniuersitas ex parte actionis, etiam esset æqualis facilitas aut difficultas.

Et confirmatur quia facilitas, de qua nunc loqui-

Amur, est conditio, secundum quam principium operantis potest facile & prompte operari; ergo tenet se ex parte agentis, & non ex parte actionis; Et ex hoc patet quod tenet se ex parte agentis, non absolute, sed quatenus comparatur ad actionem, quia est facilitas ad exercendum actionem; ergo conuenit agentis in ordine ad ipsam actionem; & *confirmatur*, quia hæc facilitas est conditio agentis ut agens est, ergo conuenit agentis in ordine ad actionem sicut esse agens. Et deinde quod conueniat agentis quatenus comparatur ad actionem quantum ad omnia, quæ eius exercitium reddunt difficile, probatur, quia ceteris paribus ex parte agentis, quanto ea, quæ exercitium actionis reddunt difficile, fuerint plura aut pauciora, tanto facilitas in agente ad exercendum ipsam actionem erit minor aut maior.

SECUNDO SUPPONENDVM est ex D. THO. infra questio. 114. artic. 4. ad secundum, quod ea, quæ reddunt difficile exercitium alicuius actionis sunt duplicia; quia *quædam* pertinent ad ipsam actionem, cuiusmodi sunt obiectum, & eius excellentia, aut magnitudo, & intentio, aut continuatio actionis; & *alia* pertinent ad defectum & inbecillitatem operantis, sicut vehementia passionum reddit difficile exercitium operationum virtutum moralium, & mala dispositio organorum etiam reddit difficile exercitium operationum potentialium, quæ vel sunt organice, vel pendunt ministerialiter à potentiis organicis.

TERTIO SUPPONENDVM est, quod exercitium actuum virtutum infusarum, quantum ad difficultatem, partim conuenit cum exercitio virtutum acquisitarum, & partim differt ab eo; & *conuenientia* consistit in hoc quod omnia, quæ tam ex defectu subiecti, quam ex actionis præstantia reddunt difficile exercitium actionis virtutis acquisitæ, reddunt etiam proportionaliter difficile exercitium actionis virtutis infusæ; nam imprimis mala dispositio organorum potentialium sensitiuarum, quæ deseruiunt intellectui, æqualiter reddit difficile exercitium actionis alicuius habitus intellectuales acquisiti, & actionis fidei infusæ; & idem est de actione prudentiæ acquisitæ, & infusæ; & similiter passionibus appetitus sensitiui in materia temperantiæ æqualiter reddunt difficile exercitium actionis temperantiæ acquisitæ, & infusæ; & deinde intentio aut continuatio actionis eodem modo reddit difficile exercitium contemplationis, aut amoris naturalis, & supernaturalis; & magnitudo, siue quantitas pecuniæ erogandæ in eleemosynam non minus reddit difficile elargitionem prouenientem à misericordia infusa, quam eam quæ prouenit à misericordia acquisita. *Differt* vero consistit in hoc, quod exercitium actionum virtutum acquisitarum nulla ex parte habet quod sit impossibile, comparatum cum viribus nostris naturalibus, sed solum est difficile: quia cum omni ex parte sit naturale, non potest esse impossibile viribus nostris naturalibus cum concursu Dei generali, sed est difficile & laboriosum. At vero exercitium actionum virtutum infusarum, quamvis ex parte defectuum, qui præcisè tenent se ex parte subiecti, cuiusmodi sunt dispositio organorum, & vehementia passionum, sit tantum difficile, quia huiusmodi defectus non magis retardant hoc exercitium, quam exercitium virtutum acquisitarum: tamen ex parte sui obiecti

formalis, & quoad suam essentiam & substantiam, est impossibile per respectum ad nostras vires naturales, aut saltem solum est possibile secundum potentiam obedientialem; quia cum huiusmodi actiones sint ex parte sui obiecti formalis, & quoad suam essentiam & substantiam supernaturales, non est nobis secundum naturam nostram maior potentia ad eas, quam obedientialis, aut naturalis incompleta radicalis & remota, (ut explicui in questione de elevatione nostrarum potentiarum) ad elicendum actiones supernaturales; & ideo earum exercitium secundum hanc rationem magis dicitur impossibile, quam difficile. Verum quia virtus supernaturalis aut quantitas virtutis, vel efficacia, (ut ibi loquebamur) quæ requiritur in nostris potentijs ad exercendum has actiones, datur nobis per auxilium sufficiens supernaturale, secundum legem Dei ordinariam, pertinentem ad ordinem gratiæ: ideo hoc exercitium etiam ex hac parte dicendum est absolute difficile nobis, & non impossibile: atque ita cum dicimus, exercitium actionum virtutum moralium siue acquiratarum, siue infusarum esse nobis difficile ex parte obiectorum formalium earundem actionum, & quoad ipsarum essentiam, & substantiam, loquimur de exercitio actionum virtutum acquiratarum per ordinem ad vires naturales nostrarum potentiarum: & de exercitio actionum virtutum infusarum per respectum ad vires, quas habent nostræ potentiæ per auxilium sufficiens supernaturale.

QUARTO SUPPONENDUM est, quod difficultas, quæ provenit ex defectibus subiecti, non est eiusdem rationis cum difficultate, quæ provenit ex ijs, quæ per se pertinent ad actionem: nam quæ provenit ex defectibus subiecti, consistit in quodam impedimento extrinseco respectu entitatis potentiæ operatiuæ, ad quod superandum requiritur tempus, & labor, circa id, in quo est tale impedimentum; ut, circa malam dispositionem organi, aut circa passionem; at vero quæ provenit ex ijs, quæ per se pertinent ad actionem, consistit in quadam indifferentia & indeterminatione intrinseca respectu entitatis potentiæ ad exercitium operationis, quia ipsa potentia, quæ est subiectum virtutis, habet secundum suam entitatem quandam indeterminationem & indifferentiam respectu operationis quoad omnia, quæ per se pertinent ad ipsam; ut, quoad obiectum & intensionem, & similia, & ratione huius indeterminationis patitur potentia quandam retardationem, atque adeo difficultatem in exercitio operationis: & hæc indeterminationem respectu operationum virtutum acquiratarum convenit completè & proximè ipsi potentiæ secundum suam naturam; & respectu operationum virtutum infusarum convenit ei ut eleuatur per auxilium sufficiens supernaturale; quia (ut explicui in præcedenti fundamento) potentiæ nostræ secundum suam naturam non habent efficaciam, & vires proximas ad elicendum actus supernaturales, & ideo non habent secundum hanc rationem indifferentiam proximam & completam ad elicendum, & non elicendum eos;posito vero hoc auxilio ex parte potentiæ, intelligimus ipsam pati prædictam indeterminationem, sicut patitur eam secundum suam naturam quoad actus naturales.

Ex his fundamentis SEQUITUR magis in par-

Articuli, quid sit *facilitas*, de qua in prima suppositione diximus, esse conditionem tenentem se ex parte principi, i. operatiui comparati ad actionem, quantum ad omnia, quæ eius exercitium reddunt difficile: quia non est aliud, quam id, quo formaliter aut omnino tollitur, aut saltem imminuitur difficultas, quæ est in potentijs ad exercitium operationum. Quare si difficultas fuerit *extrinseca* potentiæ, non erit *facilitas* effectus formalis virtutis, aut habitus, sed alterius bonæ dispositionis, quæ difficultas illa extrinseca aufertur, vel imminuitur: ut, cum organum, quod deseruit alicui potentiæ, aut subiectum, aut ministerialiter est prave affectum, & ideo reddit difficile exercitium operationis talis potentiæ, tunc *facilitas* non est effectus formalis virtutis, sed eius dispositionis, quæ huiusmodi organum bene disponitur; & similiter, cum passio aliqua est causa difficultatis in exercitio operationis alicuius virtutis moralis, *facilitas* est effectus eius dispositionis, quæ mitigatur huiusmodi passio. Si vero difficultas fuerit *intrinseca* potentiæ, *facilitas* erit effectus formalis ipsius virtutis aut habitus, & consistet in quadam inclinatione habituali, quasi passiva, determinans aliquo modo potentiam ad operandum. Et in primis quod inclinatio passiva sit effectus formalis ipsius virtutis, patet, quia virtus secundum suam essentiam est proximum principium operandi, ut supra dictum est; ergo secundum suam essentiam importat ordinem per modum inclinationis ad operationem tanquam ad suam perfectionem, & suum complementum, & ex consequenti dat potentiæ esse inclinatum, & propensam in idem obiectum, quod est esse causam formalem inclinationis passivæ in ipsa potentia; appello autem hanc inclinationem *passivam*, non quia non sit principium actuum operationis, sed ut distinguam effectum formalem à sua causa, quia virtus est inclinatio per modum formæ, & eius effectus in potentia est esse inclinatum, quod significatur *passive*. Et deinde quod hæc inclinatio sit habitualis, etiam patet, quia est effectus formalis virtutis secundum suam essentiam, & ex consequenti antecedenter ad operationem, quæ est actus secundus: ergo non est actualis per modum actus secundi, sed habitualis. In quo deceptus est Ockam in 3. q. 4. art. 2. in solutione 3. dubij propositi contra suam sententiam, ubi inquit, quod inclinatio habitus est actus secundus distinctus à principali operatione, imo inquit univ ersaliter non posse intelligi inclinationem principij operatiui sine aliqua actiuitate: & vitur exemplo gravitatis, quæ graue detentum sursum inclinat ad locum deorsum mediante aliqua operatione distincta à motu locali in hoc, quod non est acquisitina loci, sed solum debilitatiua corporis impediens motum grauis deorsum; & ita per eam tandem frangitur illud corpus, & tunc incipit motus grauis deorsum; & non potest intelligi quod gravitas inclinet graue sine aliqua actiuitate; & ideo solet dici quod elementa in locis proprijs non gravitant neque levirant, id est, non inclinantur ad descendendum neque ad ascendendum, quia ibi gravitas & leuitas nullam habent actiuitatem. Verum aperte deceptus est, & contra eum potest obijci argumentum propositum, scilicet, quod habitus prædicando ab omni actu secundo, est secundum suam essentiam inclinatio ad suam operationem; ergo non potest esse vnitus potentiæ, quin det ei

esse inclinatum ad eandem operationem, licet albedo non potest esse vnita parieti, quin det ei esse album. Vnde quamuis huiusmodi inclinatio ex parte habitus significetur per modum passionis, quia dicimus quod habitus inclinatur, & potentia inclinatur: tamen tenetur non est actio neque passio, sed causalitas causæ formalis, & eius effectus, sicut albedinem & albescenti respectu albedinis & parietis. Et non obstat exemplum grauitatis; quia dato quod ibi reperiantur duæ operationes, dicendum est quod prior est motus localis, quo graue comprimit partes corporis impediens, & paulatim pellit eas. Et quamuis aliqui dicant, grauitatem non inclinare actum, nisi mediante operatione, scilicet motu, non sequitur esse dicendum idem de habitu, quia grauitas non præsupponit naturam grauis, perfecte constitutam quoad omnia principia suarum operationum actiua aut passiua, & ideo non dicitur inclinare ipsum graue, nisi mediante aliquo præsupponente constitutionem eius, scilicet mediante operatione: sicut propter eandem rationem, potentia, quæ sunt subiecta habituum, non dicuntur inclinare subiecta, quibus inhærent, nisi mediante aliqua operatione à se elicta. At vero habitus aduenit naturæ iam perfectæ constitutæ. Et tandem quod per hanc inclinationem habitualem determinetur aliquo modo potentia ad operandum, patet, quia quæcunque inclinatio ad aliquam operationem est suo modo determinatio ad eam, & ex consequenti determinat eodem modo subiectum cui aduenit. Dico autem cum limitatione, *determinare suo modo*, quoniam habitibus vimur cum volumus, & ideo habitus non determinant simpliciter nostras potentias. Et ex his concluditur id, quod intendimus, scilicet, *facilitatem*, per quam tollitur difficultas intrinseca potentia, esse effectum formalem virtutis, qui consistit in prædicta *inclinatione habetuali passiva*: quia indeterminatio ad exercitium operationis est difficultas intrinseca potentia, ut diximus in ultimo fundamento: sed per prædictam inclinationem tollitur aliquo modo illa indeterminatio, quia eo modo, quo aliqua forma determinat subiectum, cui aduenit, tollit ab eo indeterminatorem; ergo etiam tollit difficultatem intrinsecam, & ex consequenti est eius facilitas, & expeditio ad operandum.

HIS SUPPOSITIS, ad difficultatem propositam,

DICO PRIMO, *virtutes morales infuse, neque ratione sui, neque ratione alienius adiuncti, dant subiecto facilitatem, qua tollatur difficultas extrinseca entitati potentia, siue qua tenet se ex parte subiecti*; probatur, quia *in primis*, quod virtutes infuse secundum se non dent suis subiectis hanc facilitatem, commune est ipsis cum acquisitis, & probatur de omnibus, quia quævis harum virtutum, si secundum se sumatur, tantum est quædam inclinatio habitualis in potentia ad suam operationem; ergo secundum se sumpta non dat subiecto hanc facilitatem: patet consequentia, quia hæc facilitas non consistit in aliquo modo inclinationis in ipsa potentia, sed in remotione impedimentorum, quæ sunt extra entitatem potentia.

Confirmatur, quia virtus quæcunque habet pro subiecto immediato aliquam potentiam; ergo non est causa facilitatis, quæ consistit in remotione impedimentorum, quæ sunt extra entitatem ipsius

potentia; patet consequentia, quia (ut supponimus ex ijs, quæ paulò superius dixi contra *Ocksum*) virtus secundum se non est causa efficiens alius facilitatis, sed formalis, & nulla qualitas est causa formalis sui effectus extra suum subiectum immediatum.

Quod vero virtus moralis non habeat, ratione alius necessario sibi adiuncti, dare subiecto hanc facilitatem, de quo loquimur, probatur: quia (ut constat ex communi omnium sententia) hoc est discrimen inter virtutes morales infusas, & acquisitas, quod infusæ non acquiruntur nostris actibus, nec earum infusio est necessario adiunctus aliquis actus repugnans passioni aut completioni subiecti aut organi, impediens operationes ipsarum virtutum; acquisitæ vero acquiruntur actibus nostris, quibus non solum comparantur ipsæ virtutes, sed etiam reprimuntur passionibus, & alterantur complexionibus organorum retardantes operationes ipsarum virtutum: ergo consequenter est dicendum, esse etiam hoc discrimen inter easdem virtutes, quod acquisitæ, licet non secundum se immediate, tamen medijs actibus, quibus acquiruntur, tollunt difficultatem, quæ provenit ex passione subiecti, & indispositione organi; infusæ vero neutro modo tollunt huiusmodi difficultatem.

Deinde probatur simul, quod neutro modo tollant virtutes infusæ hanc difficultatem; quia neque per aduentum virtutum infusarum sentitur maior facilitas in operibus studiosis, neque per earum recessum maior difficultas; ergo lignum est, quod virtutes infusæ non dant hanc facilitatem de qua loquimur, *antecedens* patet experientia, quia cum quis per baptismum, aut absolutionem sacramentalem iustificatur, & ex consequenti accipit virtutes morales infusas, non statim sentit facilitatem ad exercendum opera virtutum moralium; & iustus, cum per inaduertentiam culpabilem incidit in peccatum mortale, non statim sentit maiorem difficultatem ad exercendum eadem opera; & *consequentia* probatur, quia si virtutes infusæ cum adueniunt, dant hanc facilitatem, quæ consistit in remotione defectuum subiecti & organorum, qui impediunt & reddunt difficile exercitium suarum operationum, & cum amittuntur deferunt secum eandem facilitatem; sequitur, quod sentiamus aduentum huius facilitatis, & eius recessum; quiaposito hoc genere facilitatis, tollitur aut minuitur notabiliter labor & molestia in operando, & eo deficiente augetur etiam notabiliter, ut constat ex inæqualitate laboris, quam vnusquisque experitur in se ipso, cum contra vim passionum, aut mitigatis passionibus vult exercere opera studiosa, & nihil nos facilius sentimus, quam laborem & molestiam in operando, vel horum carentiam: at consequens videtur plusquam falsum, quia ex eo sequitur vltimus, quod per hunc effectum possumus certo cognoscere aduentum gratiæ, & eius recessum, cuius contrarium colligunt omnes Theologi ex CONC. TRIDENT. sessione 6. decreto de iustificatione cap. 9.

Ad hoc argumentum potest primo responderi ex doctrina CAPREOLI d. 17. q. 1. art. 3. in solutione ad 4. AVREOLI contra primam conclusionem. Vbi de charitate infusa inquit, facere actum delectabilem, sed nos ignorare, an hæc delectatio proveniat à charitate infusa, vel ab acquisita, & ideo

ex hac

ex hac delectatione non posse nos certo cognoscere, an habeamus charitatem infusam. Et idem dici potest de virtute morali infusa respectu effectus, qui est facilitas, de qua nunc loquimur.

Sed hac solutio aperte est insufficientis, quia potest fieri argumentum in homine, in quo sit evidens non habere virtutes morales acquisitas, ut si nunc primo pervenit ad usum rationis, & non habuit antea tempus sufficiens ad exercendum actus, quibus acquireret virtutes morales, aut si tempore præcedenti fuit assidue versatus in operibus vitiorum.

2. *Responderi* potest ex doctrina CAJETANI 2. 2. q. 23. art. 2. ubi quasi explicans præcedentem solutionem, inquit, habitus infusos non dare facilitatem & delectationem in exercitio suarum operationum statim ac infunduntur, sed postquam potentia operativa exercendo sæpe & continuè eorum actus assuecit aliquo modo ad eliciendum similes actus: & ita non potest dari casus, in quo, posita hac facilitate proveniente ab habitibus infusis, sit certum, non esse in subiecto aliquam dispositionem, aut virtutem acquisitam, à qua possit provenire, sicut obijciatur contra præcedentem solutionem.

Sed neque hæc solutio est sufficiens, quia vel intelligitur de facilitate, quæ consistit in inclinatione habituali determinante potentiam, & sic est extra propositum; vel de facilitate, quæ consistit in remotione impedimentorum ex parte subiecti, de qua nunc loquimur; & sic, quamvis sit ad propositum, potest facile impugnari: quia vel habitus infusus est successu temporis causa huius facilitatis medio exercitio propriorum actuum, vel immediate per seipsum.

Primum dici non potest, quia est omnino extraneum, quia nos loquimur de virtutibus infusis aut secundum se immediate, aut mediante aliquo adiuncto eis necessario, & in earum productione; Et præterea non bene explicatur, quia ratione habitus infusum mediante exercitio suorum actuum sunt causæ huius facilitatis, quia dicitur, quod sunt causæ, quatenus per huiusmodi exercitium assuecit potentia operativa ad eliciendum similes actus, quod videtur falsum, *tum* quia per actus supernaturales non assuecit potentia ad eliciendum alios actus, alias per eos produceretur aliquis habitus, aut supernaturalis aut naturalis, quod postea ostendimus esse falsum; *tum etiam* quia si sit aliqua assuefactio, debet fieri intrinsecè in ipsa entitate potentie; & ex consequenti non potest esse facilitas de qua loquimur, quia hæc facilitas consistit in remotione impedimentorum, quæ sunt extraneitatem potentie. Si vero dicatur *secundum*, præterquam quod est falsum, quia ostensum est, nullam virtutem neque infusam, neque acquisitam, esse per se ipsam & immediate causam huius facilitatis, de qua loquimur. Potest contra obijci, quod si habitus infusus est immediate per seipsum causa huius facilitatis, erit causa formalis, & ex consequenti, si non est causa statim ac infunditur, nec postea successu temporis poterit esse causa: quia cum habitus quantum ad effectum cuius est causa formalis non pendeat ex nostra libertate, sed concurrat necessario, & per modum causæ naturalis; non magis erit causa successu temporis, quam cum primò unitur suo subiecto: imo non poterit assignari

A sufficiens ratio, propter quam non sit causa statim ac infunditur, quia commune est omnibus causis naturalibus causare quantum possunt, & omnibus formis dare suos effectus formales suis subiectis, statim ac uniantur eis.

Et si quæras an virtutes infusæ, dato quod statim ac infunduntur non sint causa huius facilitatis de qua loquimur, nec secundum se nec mediante aliquo adiuncto, saltem successu temporis possunt esse eius causa, medio exercitio suorum actuum?

Respondetur affirmatiuè; & ratio colligitur aperte ex dictis, quia (ut explicui in tertio fundamento) impedimèta quæ se tenent ex parte subiecti: eodem modo reddunt difficile exercitium actuum virtutum infusarum, & acquisitarum; ergo etiam possunt tolli hæc impedimèta eodem modo per unum exercitium, sicut per alterum.

Sed obijciens, quia sequitur ex hoc, idem inconueniens, quod in hoc argumento deducebamus ex eo, quod habitus infusi darent hanc facilitatem statim ac infunduntur, scilicet, quod succedente tempore post infusionem possit aliquis certo cognoscere, se habere huiusmodi virtutes infusas; probatur sequela, quia quocumque habuerit hanc facilitatem sentiet eam, & ex hoc effectu poterit cognoscere virtutes, quæ sunt eius causa.

Respondetur negando sequelam. Et ad probationem dicendum est, quod quamvis in utroque casu remoueantur impedimèta, & causetur hæc facilitas per exercitium actuum, & etiam operans æqualiter sentiat hanc facilitatem, non poterit ex eo cognoscere certo in utroque casu, se habere virtutes infusas: & ratio discriminis est quod in *priori casu*, de quo nos loquimur in argumento, potest operans certo cognoscere, se non habere aliud quod principium naturale aut acquisitum, à quo proveniat facilitas, quam sentit in operando; at vero in posteriori casu, de quo nunc loquimur, non potest certo hoc cognoscere: quia quamvis actus, quibus sunt ablata impedimèta, sint reipsa supernaturales: tamen operans nullam habet viam, quæ certo cognoscat, esse supernaturales; cum indifferenter possint auferri impedimèta per quoscunque actus, tam naturales, quam supernaturales.

DICO SECUNDO. Virtutes morales infusæ, statim ac infunduntur, dant potentie, in quibus recipiuntur, eam facilitatem, quæ consistit in inclinatione habituali ad suas operationes, & auferi formaliter difficultatem, quæ est intrinseca entitati ipsarum potentialium. Hæc mihi videtur evidens ex fundamentis positis, quoniam ex eis habetur, habitum operativum, & consequenter virtutem moralem, cum sit habitus operativus, esse causam formalem huius facilitatis: sed virtutes morales infusæ sunt essentialiter habitus operativi; ergo sunt causæ formales huius facilitatis; & ex consequenti dant eam actu potentie, quibus uniantur; patet hæc 2. *consequentia*, quia forma non potest uniri subiecto, nisi communicet ei effectum, cuius est causa in genere causæ formalis: imo fortè non est aliud uniri, quam communicare hunc effectum, ut contra OCKAMVM obijciebam in ultimo fundamento, ad probandum, quod virtus antecedenter ad omnem actum secundum, det potentie esse inclinatum ad suam operationem: & inter auctores, qui dicunt, hanc inclinationem esse effectum formalem virtutis, non inuenio aliquem, qui hoc neget, præter CAJETANVM qui 2.

1. q. 23 art. 3. loquens de hac facilitate, inquit, habitus infusus conuenire cum acquisitis in hoc, quod quantum est de se possunt dare subiecto delectationem, & hanc facilitatem de qua loquimur, & differre, quia de facto non semper dant subiectis huiusmodi condiciones, aut perfectiones, sicut acquisiti. Et dicit rationem discriminis esse, quod infusi, quia sunt supernaturales, & non habent connaturalitatem cum potentijs, non participantur à potentijs per modum habituum, scilicet firmiter, & conformiter ad earum inclinationem, donec ipsæ potentie per exercitium actuum compareant quandam inclinationem ad similes actus: at vero habitus acquisiti propter oppositam rationem, statim atque acquiruntur, participantur à potentijs per modum habituum, & ideo dant ipsis potentijs delectationem & facilitatem in operando.

Per hæc solutio, si intelligatur de facilitate, quæ est effectus formalis virtutis, est omnino falsa, & sufficit ad eius impugnationem argumentum factum in probatione nostræ sententiæ: quod etiam potest in particulari confirmari contra modum loquendi CATANANI, quia quomodo in causa formali respectu sui effectus formalis, distinguatur aliquo modo actus primus ab actu secundo, siue exercitio suæ causalitatis, hoc est posse communicare suum effectum formalem, ab actuali communicatione: tamen causa formalis ut vnita subiecto non potest separari ab actuali communicatione sui effectus formalis, propter rationem assignatam in illo argumento, scilicet quia vnitur informando immediate per suam entitatem, & effectus formalis non est aliud, quam entitas formæ ut informans actu suum subiectum, & in hoc distinguitur ab effectu causæ efficientis: qui semper est aliqua entitas distincta ab entitate causæ, siue sit recepta in subiecto, siue per se subsistens: ergo cum hæc facilitas sit effectus formalis virtutis, non potest virtus esse actu vnita subiecto, nisi etiam actu communicet ei hanc facilitatem.

Dices hanc doctrinam intelligi de effectu formali primario, & non de effectu secundario: & hanc facilitatem, de qua loquimur, non esse effectum formalem primarium virtutis, sed secundarium.

Sed contra, quia dato quod sit effectus secundarius, non pender ab aliquo extrinseco, ut à conditione necessario requisita, ut actu communicetur subiecto; ergo saltem naturaliter non potest fieri, quod non communicetur actu supposita vnione actuali virtutis cum subiecto; *consequentia* patet, quia etiam effectus formales secundarij, si propriæ sint formales, & non pertineant ad genus causæ efficientis, non important entitatem distinctam ab entitate formæ ut vnita subiecto: ergo nisi ad sui communicationem requiratur aliqua condicio extrinseca, non sunt naturaliter separabiles à suis formis, ut informantibus subiecta; & ita dici solet extensionem partium in ordine ad locum, quæ est effectus secundarius quantitatis, non posse naturaliter separari à quantitate, sed solum supernaturaliter, sicut separatur à quantitate corporis Christi in sacramento altaris, quia non importat aliquam entitatem præter ipsam quantitatem ut unitam substantiæ; & *antecedens* probatur, quia virtus moralis in quantum est habitus operatiuus habet dare subiecto hanc facilitatem: sed ut virtus moralis det subiecto esse habituum non requiritur aliqua condicio extrinseca præter vnionem snipsum cum

subiecto: ergo neque ut det ei hanc facilitatem de qua loquimur.

Quare confictum mihi videtur id, quod CATANANVS dicit, scilicet, quod, ut virtus infusa participet à subiecto per modum habitus, necessarium sit, quod subiectum per exercitium bonorum actuum acquirat aliquam inclinationem ad exercendum actus talis virtutis; & potest probari esse falsum, quia *vel* actus illi, quorum exercitium debet præcedere, sunt naturales, & sic certum est, quod per eos non potest comparari inclinatio ad actus virtutum infusarum, *vel* sunt supernaturales, & sic falsum est quod per eos comparetur inclinatio ad actus alicuius virtutis infusæ: quia hæc inclinatio non erit supernaturalis, cum acquiratur actibus operantis, alias etiam virtus supernaturalis posset eodem modo comparari; neque etiam erit naturalis, *tum quia* inclinatio naturalis non respicit per se & directè actus supernaturales, quales sunt actus virtutum infusarum; *tum etiam quia* eodem modo posset per actus virtutum infusarum acquiri virtus naturalis. Et deinde argumentor contra eandem solutionem, quia falsum est, quod hæc facilitas sit effectus secundarius virtutis, & non primarius: quod sic probo, hæc facilitas provenit à virtute immediate secundum id, quod est ipsi virtuti essentielle; ergo est effectus primarius virtutis, & non secundarius; *consequentia* patet, quia effectus primarius formæ est, qui primario provenit ab ea, & de nullo effectu potest magis dici, quod primario provenit ab aliqua forma, quam de eo, qui provenit immediate ab ea, secundum id, quod est ipse essentialis, & *antecedens* probatur, quia hæc facilitas consistit in inclinatione habituali participata à virtute: ergo provenit immediate à virtute, secundum quod est inclinatio formalis, & ex consequenti secundum quod est ipsi virtuti essentielle, quia essentia virtutis consistit in inclinatione & propensione formali, per modum actus primi, ad operandum circa suum obiectum, ut in prima parte huius materie dictum est.

DICO ULTIMO, hæc facilitas, quæ est effectus formalis virtutis siue acquisita, siue infusa, si præcise sumatur, ut distincta à facilitate, quæ consistit in remotione impedimentorum, non est perceptibilis, neque ante exercitium operationis, neque in ipso exercitio.

Probat PRIMA pars, quia effectus formæ, aut habitus existentis in aliqua ex potentijs nostris, siue cognoscitiuis, siue appetitiuis, non dicitur perceptibilis nisi quatenus percipitur; & quasi sentitur per experientiam talis potentie: sed ante operationem virtutis moralis non potest haberi experientia huius facilitatis de qua loquimur; ergo neque potest percipi huiusmodi facilitas. Quare mihi certissimum videtur, quod inclinatio & propensio, quæ sentitur v. g. in manu ad motum deorsum propter graue aliquod ei superpositum, consistit in motu aliquo causato in manu ab ipso graui, quantumcumque tam manus, quam graue videantur quiescere.

SECUNDA ETIAM PARS probatur, quia facilitas, quæ præcise ratione virtutis conuenit potentiæ, dum actu operatur, est tam exigua, ut non possit sentiri aut percipi non solum quando nullo modo sunt ablata impedimenta ex parte subiecti, sicut contingit, cum aliquis incipit operari ex virtute infusa, sed etiam si sint ablata aliquo modo, ut contingit cum quis operatur ex virtute acquisita, aut etiam ex infusa, sed post exercitium multorum actuum.

solaum. Et potest hæc explicari exemplo specierum tam intelligibilium, quam sensibilium quas melius philosophantes concedunt esse necessarias propter aliquem effectum formalem, quem dant potentijs, v.g. propter defectum determinandi ipsas potentias, sicut quoad specificationem actus, & tamen nullus concedit nos sentire aut percipere villo modo hanc determinationem.

Et si queramus in quo consistat & ubi sit facilitas, quam sentimus in operando, cum operamur post acquisitionem virtutem, aut post diuturnum exercitium infuse virtutis. Respondetur quod consistit in remotione impedimentorum, quæ sunt in subiecto, aut in organo, quod aliquo modo defertur operationi virtutis, & ita collocanda est in subiecto, aut in tali organo; ut quoniam operatio virtutis intellectualis pendet materialiter ex operatione phantasie, ideo facilitas, quam sentimus in exercitio virtutis intellectualis, consistit in facilitate usus phantasie, & quia operatio virtutis moralis, etiam sit subiectiva voluntate, impeditur & rediditur difficilis, præcipue propter passionem appetitus, ideo facilitas quam sentimus in operibus virtutum moralium consistit maxime in moderatione harum passionum.

Et si obijcias, sequi ex hoc, quod frustra dentur virtutes, quandoquidem per eas formaliter non datur nobis facilitas ad operandum. Respondetur negando sequelam, quoniam virtutes infuse dant simpliciter posse operari, & facilitatem respectu potentie cum auxilio supernaturali, & acquiruntur dant facilitatem respectu potentie simpliciter secundum se, quamvis nihil horum præstent sensibiliter.

Et ex his patet solutio ad quartum medium cuius occasione hæc dicta sunt: quoniam distinguendum est antecedens; si enim intelligatur de facilitate, quæ consistit in expulsiōe impedimentorum, quæ tenent se ex parte subiecti, &

A organorum, concedendum est, ut patet ex primo dicto; si tamen intelligatur de facilitate, quæ consistit in quadam determinatione immixta potentia, negandum est, ut patet ex secundo dicto, & ideo neganda est consequentia; quia (ut dictum est) virtutes non dantur immediate propter priorem facilitatem, sed propter potentiam. Et ad probationem consequentis respondetur Aristoteli. Iam non agnovisse virtutes infusas, sed solum acquiras: quæ quoniam acquiruntur nobis actibus, non solum dant posteriorem facilitatem, sed etiam habent adiunctum prorem, & ita qui habet eas operatur cum delectatione, & hoc difficultate aut labore sensibili. Et ad primam probationem antecedentis respondetur, quod puer baptizatus habebit in eo casu maiorem facilitatem, si loquamur de hac posteriori facilitate, non tamen si loquamur de priori: quia retinet eadem impedimenta quæ puer non baptizatus, & ideo non parum est eum indigere instructione & perscrutationibus, sicut non baptizatus. Et ad 2. probationem negatur sequela, & ad probationem negandum est, quod hæc facilitas possit experimento cognosci, quia non tollit laborem & molestiam in operando. Reliqua quæ ibi obijciuntur ad probandum quod etiam virtutes infuse dent facilitatem nihil eliciunt contra nos, quia solum continent dare hanc priorem facilitatem, quod nos libenter fatemur.

B AD FUNDAMENTUM SECUNDÆ SENTENTIÆ, concessio antecedenti neganda est consequentia, si consequens intelligatur de virtutibus moralibus acquiras; & ad probationem dicendum est, quod ad perfectam sanitatem satis est, quod homini remittatur peccatum & infundatur gratia cum principijs operandis, quæ ipse non potest acquirere, cuiusmodi sunt virtutes theologice & morales supernaturales.

Finis Lectura quinta, de virtutum essentia & causis.



LECTURA
SEXTA;

QUÆ EST
DE VITIIS ET PECCATIS,

Ad quest. 71. & seqq.

Index huius Lecturæ habetur ad
calcem ipsius.

rationem, cum enumerat ibi inter virtutes, pulchritudinem & sanitatem, quæ non disponant ad operationem; iuxta quem sensum dicendum est particulam illam *ad optimum*, non significare operationem, sed quod res maxime amat, secundam suam naturam, ut ipse ARISTOTELES explicat paulo inferius.

SECUNDO ADVERTENDUM est, quod etiam bonitas & malitia sumuntur multis modis, nam *quædam bonitas consistit in ordine ad subiectum*, siue ad rem, quæ dicitur bona, hoc est, habens bonitatem; & sic *ante* sumitur pro *bonitate totali*, hoc est pro complemento eorum, quæ requiruntur ad alicuius rei perfectionem, & cuiuscunque eorum defectus est *malitia* ipsi opposita; *ante* pro quacunque forma vel dispositione alicuius rei, quæ sit conueniens naturæ ipsius, & hæc appellatur *bonitas transcendentalis*, & malitia quæ ei opponitur est defectus talis formæ aut etiam contraria dispositio; *Alia vero bonitas consistit in ordine ad regulam*, & sumitur pro conformitate ad ipsam, & malitia ei opposita pro dissonantia ab ea, & utraque formaliter solum reperitur in actibus, quoniam de his proximè & immediatè traduntur regulæ, atque leges, estque utraq; triplex scilicet, *naturalis, artificialis, & moralis*, quoniã tribus regulis potest esse aliquis actus conformis aut dissonus, nimirum *inclinationi naturalis, arti, & rationi*: An vero dissonantia à regula sit in actu aliquid positum, vel sola priuatio conformitatis, dicemus articulo 6.

TERTIO ADVERTENDUM EST, peccatum, quod propriè & formaliter significat operationem, dupliciter sumi, latè & strictè, *latè* sumptum comprehendit omnem actionem deuiantem à regula, & ita sicut regulæ directiue operationum, sunt tres paulo superius relatæ, ita triplicia sunt peccata, quædam pertinent ad genus naturæ, alia ad genus artificialium, & alia ad genus moris, ut explicat D. THOMAS supra q. 21. art. 5. *strictè* vero sumptum, solum dicitur de operationibus deuiantibus à regulis morum, sub quibus etiam omissiones comprehenduntur, & totidem modis necesse est dici actum bonum, ut ex eadem comparatione ad regulas constat.

ULTIMO ADVERTENDUM EST, ex his, quæ diximus, colligi sensum omnium conclusionum articuli; intelliguntur enim de actu bono, & peccato, quatenus pertinent ad genus moris. Et de bonitate & malitia, prout important conuenientiam & disconuenientiam ad subiectum; & de virtute & vitio strictè sumptis, & eodem modo utitur D. THOMAS his vocibus in tota ista materia.

DVBIVM PRIMVM.

An bonitas consequatur ad essentiam virtutis?

§ 1. Rationes dubitandi.

SED ex his nascitur difficultas circa 2. conclusionem, quoniam ex ijs sequi videtur, falsum esse id, quod in ea dicit D. THOMAS sc. bonitatem consequi ad essentiam virtutis, quod sic probat: bonitas, quæ consistit in conue-

nientia ad subiectum, pertinet ad essentiam virtutis directè, ut constat ex vltima conclusione articuli ergo si de ista bonitate est intelligenda secunda conclusio, falsum est id, quod in ea dicitur, scilicet, bonitatem consequi ad rationem virtutis; patet consequentia, quia id, quod consequitur ad essentiam rei, est extra eam, & ex consequenti non pertinet directè ad eam, ut proprijs in passionibus constat.

Confirmatur quia, virtutem esse dispositionem conuenientem naturæ subiecti, est esse ipsi bonam, atque proinde esse talem dispositionem est bonitas virtutis, quia ut inquit D. THOMAS supra q. 55. art. 4. ad 1. virtutes, & accidentia, sicut dicuntur entia, quia eis aliquid est, ita dicuntur bona: non quidem alia bonitate, sed quia eis aliquid est bonum; id esse talem dispositionem pertinet directè ad essentiam virtutis, ergo & bonitas.

Secundò D. THOMAS supra q. 55. art. 3. probat virtutem esse habitum bonum, & art. 4. docet, in hac definitione virtutis, *est bona qualitas* &c. qualitatem esse genus, & bonitatem differentiam: ergo bonitas pertinet ad essentiam virtutis ut differentia constitutiva ipsius, atque adeò non cōsequitur ad eam.

§ 2. Responsiones Caietani, Conradi, Medina refelluntur.

HIC DIFFICULTATI variè responderi solet; nam *imprimis* CAIET. hoc loco dicit, quod quamuis genus & differentia pertinent ad essentiam rei, & conueniunt ipsi per se & essentialiter: tamen sola differentia cōuenit ei per se primo, genus vero cōuenit ei per se secundo: & quia bonitas pertinet ad essentiam virtutis tanquam prædicatum genericum, & commune, ideo ait, dixisse D. THOMAS bonitatem conuenire virtuti consequenter; & ut intelligatur solutio, aduertendum est CAIET. lib. 1. post. c. 5. distinguere ista duo, *dici de subiecto in primo modo* dicendi per se; & *dici primo de subiecto*; nam ad primum concedit cum ARIST. sufficere, quod prædicatum pertineat ad essentiam subiecti, siue tanquam genus, siue tanquam differentia: ad 2. vero dicit requiri, quod prædicatum conueniat subiecto secundum eam rationem, quæ formaliter differt à cæteris, & quia ex partibus, quæ pertinent ad essentiam rei, sola differentia specifica conuenit hoc modo speciei, ideo, inquit, solam differentiam istam dici per se primo de specie, non vero genus: ex quo probatur esse parum efficax contra CAIET. argumentum illud, quo aliqui vtuntur contra ipsum, nempe ARISTOTELEM lib. 1. Post. c. 4. docuisse genus prædicari de specie in primo modo dicendi per se.

SED ADHVC mihi non placet ista solutio, nam quamuis verum sit, requiri id quod CAIETAN. inquit, ut prædicatum aliquod dicatur primo posterioritè de subiecto, & ut ipse vult, colligatur ex ARIST. cum definit prædicatum vniuersale: tamen ex eo solum potest colligi, genus non dici per se primo de specie; non vero quod dicatur per se 2. & consequenter. Nam cum ARISTOTELES inquit, prædicatum vniuersale dici primo de subiecto, particula *primo* non importat ordinem ad aliud prædicatum, quod posterius ordine aliquo & ita consequenter dicatur de eodem subiecto, sed

ad ipsum subiectum, & excludit quodcunque subiectum, siue superius, siue inferius, & ut CAJET. vult, etiam æquale, de quo prius aut æquè primo dicatur. Item quia falsum est, bonitatem esse prædicatum genericum respectu virtutis; ut constat ex testimonio D. THOM. adducto in 2. argumento; Et tandem, quia eo dato, non sequitur, bonitatem consequi ad essentiam virtutis; aliàs etiam consequeretur ad eam, esse dispositionem convenientem, quia hoc non minus commune est, quàm bonitas; & tamen D. THO. apertè docet, oppositum in vltima conclusione. Et confirmatur, quia genus præsupponitur differentie in constitutione speciei, tanquam fundamentum ipsius, non ergo conuenit differentia prius speciei, quàm genus; & ex consequenti genus non conuenit speciei secundario & consequenter respectu differentie. CONTRA DVS, admittit, bonitatem pertinere ad essentiam virtutis, tanquam differentiam, & qualitatem tanquam genus; addit tamen, quòd, quia differentia præsupponit genus, ideo dixit D. THOM. qualitatem pertinere directè ad essentiam virtutis & bonitatem ex consequenti.

SED NEQVE hæc solutio placet, quia eo modo differentia præsupponit genus in constitutione speciei; qua forma præsupponit materiam in compositione substantie physice; sed forma non conuenit consequenter substantie physice, ergo neque differentie speciei.

MEDINA Respondet, virtuti conuenire duas bonitates, alteram quatenus est dispositio subiecti, quia disponit ipsum conformiter ad suam naturam, & alteram quatenus est operatiua, quia est principium bonæ operationis; & ex eis priorem pertinere ad essentiam virtutis, & de ea loqui D. THOM. in locis citatis 2. argumento; posteriorem vero consequi ad essentiam & de ea esse intelligendum D. THO. hoc loco.

SED HÆC SOLVTIO in primis est contra D. THOMAM, quia in solutione primi, distinguens in virtute duas rationes, alteram secundum quam est bonitas quædam, & alteram secundum quam est operatiua boni, inquit quoad priorem opponit ei malitiam, & quoad posteriorem peccatum. Deinde falsum est, quod virtuti, in quantum est dispositio, præcendendo ad operationem, quam importat in quantum est operatiua, conueniat aliqua bonitas; quoniam virtus in quantum est dispositio, solum dicitur bona, quia est dispositio conueniens nature subiecti: sed non est dispositio conueniens præcendendo ab ordine ad operationem, ergo neque bona; probatur Minor, tum quia ideo virtus est dispositio conueniens, quia disponit ad operationem conuenientem subiecto; tum etiam quia virtus, sicut & quicunque habitus operatiuus, non disponit subiectum, sistendo in eo, sed ordinando ipsum ad operationem: Et tandem quia dato, quod ita distinguatur duæ illæ bonitates, falsum est, posteriorem non pertinere ad essentiam virtutis, quia ordo ad operationem bonam est de essentia virtutis, sicut est de essentia cuiuscunque potentie & habitus operatiui, ordo transcendentalis ad suum actum; ergo etiam bonitas, quæ ipsi conuenit, in quantum est principium boni actus: probatur consequentia, quia ista bonitas non est aliud in virtute, quàm ordo ad ipsum actum; & ita D. THO. art. 3. huius quæstionis, inquit, habitum non dici bonum vel malum nisi ex hoc, quod inclinat ad actum

bonum vel malum; constat autem, quod in habitu inclinatio ad actum est ordo transcendentalis, ad ipsum.

§ 3. Vera responsio traditur. Bonitas duplex moralis, & transcendentalis.

PRO SOLVTIONE ADVERTENDVM EST duplicem bonitatem posse distinguere in virtute, alteram in ordine ad rectam rationem, tanquam ad regulam, quæ appellatur bonitas moralis radicaliter, seu virtualiter; & alteram in ordine ad naturam humanam, tanquam ad subiectum, quæ appellatur transcendentalis: prior bonitas non est aliud in virtute, quàm inclinatio ad actum per se bonum: sicut enim actus bonus est consonus rectæ rationi, ita etiam inclinatio ad ipsum est eidem rationi consentanea, appellatur vero hæc bonitas moralis cum addito, sc. virtualiter vel radicaliter, quia virtutem esse isto modo bonam, potius est esse causam boni actus, quàm habere formaliter in seipsa aliquam bonitatem: & ita D. THO. art. 3. sequenti post verba, quæ paulo superius regulimus subdit, habitum dici bonum vel malum propter bonitatem vel malitiam actus: & ideo nos sup. q. 18. diximus, bonitatem moralem formaliter conuenire actibus, habitibus vero causaliter aut virtualiter tanquam causis bonorum actuum. Est autem duplex ratio ad hoc probandum, altera, quod bonitas moralis, ut loco citato explicui, fundatur in libertate, quæ non est formaliter in habitibus, sed in actibus; & altera, quod regulæ atque leges, ad quas importat ordinem bonitas moralis, non traduntur de habitibus, sed de actibus. Posterior bonitas est formalis habitudo conuenientie ad subiectum, quæ est fundamentum appetibilitatis formalis: nam ex eo quod virtus disponit ad operationem conuenientem nature rationali, sequitur, quòd sit formaliter conueniens ipsi, & quod importat prædictam habitudinem conuenientie; & ex hoc rursus sequitur, quod sit appetibilis formaliter: appellatur vero hæc bonitas transcendentalis, non quia sit communis & non propria virtuti, sed quia est quædam determinatio bonitatis communis; sicut enim bonitas transcendentalis in communi consistit in appetibilitate fundamentali in communi, hoc est in fundamento proximo appetibilitatis formalis, non determinate ad aliquam naturam, secundum doctrinam D. THOM. 1. p. quæ 3. art. 2. ut ibi exponitur a CAJETANO: ita hæc bonitas, de qua loquimur, consistit in fundamento appetibilitatis determinate ad aliquam naturam, sc. ad rationalem.

HOC SUPPOSITO DICO PRIMO, priorem bonitatem pertinere ad essentiam virtutis, posteriorem consequi ad eam. PRIMA PARS probatur, primo testimonio D. THOM. qui suprà q. 64. articulo 3. docet, habitum bonum & malum distinguere specie, quoniam bonus inclinat ad actum conuenientem nature, & malus disconuenientem; & statim apponit exemplum in virtute & vitio; & deinde rationem, quia essentia virtutis est esse inclinationem ad actus rationi consentaneos, & in hoc diximus consistere priorem bonitatem. Et confirmari potest argumentis propositis contra vltimam sententiam.

SECUNDA ETIAM PARS probatur. Primo, quia bonitas siue conuenientia respectu entis in communi, habet rationem passionis, quæ consequitur ad ipsum; ergo etiam talis bonitas, siue conuenien-

ta respectu talis entitatis, scilicet virtutis; secundo, quia in quacumque forma præsupponitur essentia, ad habitudinem convenientiæ respectu subiecti; sicut, prius intelligimus essentiam caloris, & ut resultantem ex ea intelligimus habitudinem convenientiæ ad ignem.

SECUNDO DICO, D. THOM. hoc loco intelligendum esse de posteriori bonitate, & in locis citatis in secundo argumento de priori. Probatur primo utraque pars simul, quoniam sequitur ex præcedenti conclusione; alius enim ea præsupposita non poterit esse vera doctrina D. THOM. Deinde probatur prima pars, quia D. THOM. in hoc articulo, ut explicet quomodo bonitas consequatur ad essentiam virtutis, ita inquit, *in hoc enim consistit uniuscuiusque rei bonitas, quod convenienter se habet secundum modum sue nature*; secunda etiam pars probatur, quia D. THOM. supra q. 55. art. 4. ad secundum, inquit, bonum, quod ponitur in definitione virtutis, esse bonum rationis: constat autem bonum rationis esse bonum morale; & quæstione unica, de virtutibus in communi articulo 2. ad 1. & 6. inquit expresse, bonum illud esse bonum moris.

§ 4. Satisfieri rationibus dubitandi.

AD PRIMUM respondetur, distinguendo antecedens, aut enim intelligitur de convenientia formali, hoc est de habitudine convenientiæ; aut de fundamentali, hoc est de fundamento convenientiæ formalis: utroque enim modo potest sumi convenientia, sicut vno, proportio, & alia multa sumuntur & pro relationibus, & pro fundamentis relationum: si intelligatur priori modo, falsum est; si vero intelligatur posteriori modo verum est, sed extra rem ut constat; & ex hoc manet explicatum id, quod obijciatur ex ultima conclusione, scilicet, convenientiam pertinere directe ad essentiam virtutis, intelligitur enim de convenientia fundamentali, & similiter ad confirmationem concedenda est maior, si intelligatur de convenientia formali & neganda minor intellecta de eadem.

Aliud etiam responderi potest ad argumentum & confirmatur simul, quod cum D. THOM. inquit, virtutē directe & essentialiter esse dispositionē quādam alicuius convenienter se habētis, extrema particula convenienter, non debet referri ad ipsam virtutem, sed ad operationem: ut sit sensus, virtutem disponere ad operationem convenientem, aut ratione cuius subiectum se convenienter habeat &c. & ita facile intelligi potest, quomodo convenientia sequatur ad essentiam virtutis: nam ex eo quod virtus disponit ad huiusmodi operationem, sequitur, quod sit convenientis respectu subiecti.

AD SECUNDUM patet solutio ex secunda conclusione.

SED OBSTACLES, bonitas moralis non est formaliter in virtute, sed solum ut in causa, ut nos diximus: ergo non est differentia constitutiva virtutis, patet consequentia, quia differentia formaliter est in essentia quam constituit. Respondetur negando consequentiam, quia esse causam actus boni formaliter convenit virtuti, & ad hoc significandum ponitur bonitas in eius definitione: quare sensus illius definitionis, quantum attinet ad illam particulam, est iste: *virtus est qualitas bona & talis ut sit principium boni actus*, sicut cum definimus scientiam

habitu verum, certum, & evidentem: non est sensus convenire formaliter ipsi veritatem, certitudinem, & evidentiam, sed ipsam esse causam actuum quibus conveniunt proprietates.

CIRCA SECUNDAM CONCLUSIONEM potest inquiri primo, & sit,

D V B I V M II.

De quo genere oppositionis, opponatur malitia virtuti:

RESPONDETUR, intelligendam esse conclusionem secundam de oppositione contraria, quod facile probari potest ex legibus contrariorum, quas ARISTOTELES tradit in postprædicamentis, capite de oppositis: ubi etiam inter contraria refert virtutem & vitium.

SED CONTRA obstant tria. PRIMUM est, virtutem & vitium non convenire in eodem genere immediato: SECUNDUM est, contrarietatem esse maximam differentiam, siue inter contraria debere esse maximam distantiam, ut ARISTOTELES docet libro 10. metaph. c. 6. & tamen vitium non semper distat maximè à virtute, ut cum virtus aliqua est medium inter duo vitia extrema, sicut liberalitas inter prodigalitatem & avaritiā, tūc enim unumquodque vitium distat magis ab altero, quàm a virtute, sicut univèrsaliter quodcumque extremum distat magis ab altero extremo, quàm à medio. TERTIUM est, unum tantum esse contrarium, & non plura: ut eodem loco docet ARISTOTELES; & tamen, si verum sit hoc, non eidem virtuti opponerentur duo vitia; & eidem vitio virtus & alterum vitium extremum.

AD PRIMUM respondetur satis esse, quod contraria conveniant in genere remoto, aut etiam eo modo, qui sufficiat ad mutuam transmutationem, ut ARISTOTELES docet loco citato.

AD SECUNDUM respondetur, propositionem illam, *quodcumque extremum distat magis ab altero extremo quàm à medio*, intelligendam esse de medio per participationē: hoc enim cum participet utroque extremo, non potest adeò distare ab eis, sicut ipsa distant inter se; quia neutrum altero participat; & hoc intelligendum puto, siue medium participet extremis formaliter siue virtualiter, siue solum comparatione facta ad alterum extremum. At vero virtus, ut docet D. THOM. supra q. 59. art. 1. ad 1. non ita dicitur medium inter vitia extrema, sed quia inclinat ad id, quod est medium inter excessum, & defectum, circa quæ versantur vitia, quod est, esse medium secundum suum effectum, & non secundum suam essentiam.

SED OBSTACLES, effectus, ad quem inclinat virtus est medium per participationem inter effectus vitiorum: nam mediocritas participat extremis, scilicet excessu, & defectu: ergo effectus & materia virtutis minus distant ab actibus vitiorum, quàm ipsi effectus vitiorum inter se, & ex consequenti, etiam ipsa virtus distat minus à vitijs, quàm distant vitia inter se: quia qualis est ordo convenientiæ aut distantie inter actus, talis est inter inclinationes ad ipsos.

Respondetur, cum DIVO THOMA supra

quæst. 64. articulo 1. ad 1. quod quamvis actus iste virtutis consideratus materialiter & physice sit medium per participationem inter effectus virtutum: tamen consideratus formaliter, & prout specificat habitum virtutis, non est medium, sed potius extremum; quia secundum istam rationem importat consonantiam ad rectam rationem, quæ habet rationem vnius extremi, respectu dissonantiae, quæ est in excessu & defectu, & habet rationem alterius extremi.

Ad TERTIVM responderetur virtutem mediam, verbi gratia, liberalitatem, non opponi aequatè, & immediate auaritiæ & prodigalitati: sed cuidam gradui generico habitus, qui potest appellari illiberalitas, sub quo continentur auaritia, & prodigalitas, quæ habent oppositionem inter se; quia tamen ista duo vitia continentur sub illo genere opposito liberalitati, ideo etiā quodlibet eorum opponitur ipsi. Cæterum mediate & inaequatè: & ita semper vni vnum tantum est contrarium formaliter, & immediate. Colligitur quæ hæc solutio ex DIVO THOMA loco proxime citato, vbi inquit, excessum & defectum habere rationem vnius extremi, quod est deformitas: colligitur etiam ex ARISTOTELE libro decimo, met. cap. 8. & 9. vbi inquit, equali non opponi magnum & paruum, sed inaequale: quod nomine privationis appellat, & sub eo dicit contineri illa duo, quæ inter se habent oppositionem: & similiter dicit vnitati non opponi multum & paucum, sed numerum, sub quo multum & paucum continentur, hanc sententiam sequitur Sonci. lib. 10.

CIRCA EANDEM CONCLUSIONEM est alterum dubium & sit ordine

TERTIVM DVBIUM.

Virum sit vera?

RATIO dubitandi pro parte negante est, quia cum peccator, qui habet plures habitus vitij, convertitur in Deum, iustificatur, & simul cum gratia accipit virtutes morales infusas: & tamen non statim amittit habitum vitiorum, ergo vitia non opponuntur contrarie virtutibus; pater consequentia, quia contraria, saltem in gradibus intensis, non possunt esse simul in eodem subiecto.

OCCASIONE huius argumenti disputant hic aliqui an vitia opponantur etiam virtutibus infusis, an vero solum opponantur acquisitis? sed hoc agi debet suprà q. 64. vbi explicatur natura virtutum infusarum.

ADVERTENDVM est breuiter, aliquos ex Thomistis supponere vt certum, vitia opponi virtutibus infusis veramen respondeant argumento proposito, vtuntur variis modis dicens; nam quidam respondent, in iustificato manere vitia, pro materiali, non tamen pro formali: Sed hoc fal-

sum videtur, quia vel manent vitia cum propriis differentiis specificis, vel line eis: si primum, ergo manent formaliter, quia non potest magis vere & proprie dici de aliqua re, quod manet formaliter, quàm cum retinet propriam differentiam specificam; tunc enim manet sua ratio formalis; si secundum, ergo nullo modo manent, destructa enim re aliqua quoad suam differentiam specificam, necesse est eā ipsam omnino destrui & ex consequenti nullo modo manere.

ALII dicunt, manere vitia, non in ratione habituum, sed in ratione dispositionum: & dispositionem posse esse simul cum habitibus contrariis; sed etiam hoc videtur falsum, quia habitus & dispositio differunt specie, vt nunc suppono: ergo impossibile est, ea vitia, quæ antea erant habitus, fieri dispositiones; sicut impossibile est, vinam speciem mutari in aliam, vt hominem fieri leonem; Neque fauet istis DIVVS THOMAS loco, quem statim referam, vt ibi explicabo.

ALII DICUNT, in ipso instanti, quo cum gratia infunduntur virtutes, remitti habitus vitiorum: & non esse inconueniens, contraria in gradibus remissis esse simul in eodem subiecto. Sed neque hoc placet, quoniam non possunt remitti habitus vitiorum propter infusionem virtutum, nisi quia cum eis habent contrarietatem: quod si hoc concedatur, videtur consequenter dicendum, habitus vitiorum omnino expelli; quia sufficit introductio alicuius habitus in esse perfecto, sicut introducuntur habitus virtutum in iustificatione, vt expellatur habitus contrarius.

Ideo tria videntur dicenda in hac re, PRIMUM est, posse manere vitia in eo, qui iustificatur: vt si cum leui attritione iustificetur per sacramentum; hoc ita concedit D. THOMAS tertia parte quæstio. 86. articulo nono & videtur constare experientia.

SECUNDVM est, vitia illa retinere rationem formalem vitij; probatur, quia alias non potest intelligi, quomodo mancant, vt paulo superius dicebam.

TERTIVM est, non denominare hominem vitiosum, aut prauum, neque mouere ita, aut inclinare ipsum in malum vt dominantur ei, sicut antea. PRIMA PARS probatur, quoniam à gratia, & ab actu conuersionis in Deum, & ab aliis virtutibus infusis denominatur homo ille simpliciter bonus, & studiosus; ergo impeditur denominatio, quæ posset ei conuenire ratione vitiorum: patet consequentia, quia semper à præstantiori sumitur denominatio, & impeditur ea, quæ posset sumi à minus perfecto: sicut caliditas vt quinque coniuncta in aqua cum frigiditate vt tria, impedit ne aqua ab ea denominetur frigida & facit vt simpliciter dicatur calida; Neque obstat, quod vitia illa retineant rationes vitij, quoniam denominatio non est effectus formalis formæ, sed fundatur in ea; & ideo recte potest impedi à præstantiori, vt constat in exemplo, proposito: frigiditas enim in eo casu retinet naturam frigiditatis.

SECUNDA ETIAM PARS probatur, quoniam homo ille à gratia & virtutibus infusis accipit vires ad prosequendum bonum, & resistendum

malis

malis impulsibus; ergo non est ita subiectus inclinationibus vitiorum, sicut antea; & quoniam hoc est informari quodammodo ipsa vitia, & remitti eorum vires: ideo DIVVS THOMAS loco citato dixit, in isto casu manere debilitata & minuta, & per modum dispositionum, non vero quia senserit non manere in sua entitate, aut amittere rationem habitus vitij; Neque ex hoc potest colligi aliquid, contra hoc, quod secundo loco diximus; non enim pertinet ad rationem formalem vitij actu ducere, & impellere homines in malum, sed habere vim ad hoc, quamvis impediatur propter resistantiam subiecti.

Et ad argumentum respondetur, inter vitia & virtutes morales infusas non esse contrarietatem, quoniam sunt diuersorum ordinum; de quo agendum est loco citato.

ARTICVLVS II.

Verū vitia sint contra naturam?

CONCLUSIO est affirmatiua; & intelligenda est tam de vitijs, quam de peccatis; sed est

DVBIVM.

An conclusio articuli sit vera?

CIVIS DIFFICULTAS melius percipietur, si primum supponatur non esse in presenti controuersiam de natura humana, prout includit dictamen, seu ordinem recte rationis: (si enim ita sumatur, manifestum est, vitia & peccata esse contra eam, cum peccata sint formaliter contra ordinem rationis, & vitia virtualiter, tanquam causæ peccatorum;) sed de ipsa præcisè sumpta, quatenus est natura quædam & principium suarum actionum ac si omnes earum regulæ essent extra eam.

§ 1. Partis negatiue argumenta proponuntur.

HOC supposito probatur PARS NEGATIVA, PRIMO, quia natura humana de se, & ab intrinseco non habet naturalem & necessariam connexionem cum ordine rationis, sed est libera ad sequendum & prætermittendum ipsam: ergo peccata non sunt contra eam; patet *consequentia*, quia DIVVS THOMAS in artic. dicit, ideo peccata esse contra naturam humanam, quia sunt contra ordinem rationis.

Confirmatur, quia naturale est homini, posse in suis actibus deficere ab ordine rationis, quod est posse peccare: ergo etiam agere deficienter, quod est peccare; & ex consequenti non est contra naturam humanam; *consequentia* patet, quia

A vbi potentia ad actum est naturalis, etiam ipsi actus est naturalis, aut saltem non est contra naturam; *antecedens* probatur dupliciter primo; quia DIVVS THOMAS prima parte, quæst. 63 articulo primo docet, esse impossibile; dari creaturam aliquam rationalem, cui secundum suam naturam conueniat, non posse peccare: & in hoc consentiunt omnes Theologi: ergo cuiusque creaturæ rationali conuenit secundum suam naturam posse peccare, quod est posse deficere ab ordine rationis; patet *consequentia*; quia posse & non posse peccare, aut deficere, opponuntur contradictoriè, & creatura rationalis est subiectum capax alterius eorum. Secundo probatur idem antecedens, quia ideo creatura rationalis potest peccare, quia non est ipsa regula suarum operationum; vt DIVVS THOMAS docet loco citato, & (vt alij addunt) quia neque habet cum ea necessariam connexionem: sed vitiumque est naturale homini, ergo & posse peccare.

SECUNDO, natura humana non habet naturalem inclinationem ad obiectum virtutis: ergo non est contraria ipsi tendentia actualis aut habitualis inclinatio in obiectum contrarium, atque adeo neque peccatum, neque vitium; *consequentia* patet, quia ex duobus contrarijs, non potest esse vnum contrarium naturæ alicuius subiecti, nisi subiectum illud habeat ex natura sua inclinationem ad alterum; & *antecedens* probatur, quia alias non indigeret natura humana virtutibus, quoniam habitus solum sunt necessarii vt inclinent ad actum.

TERCIO, in homine est naturalis inclinatio ad obiectum vitij & peccati, ergo vitium & peccatum non sunt contra naturam hominis: *consequentia* patet, quia id, quod est consentaneum inclinationi naturali alicuius rei, non est contra eius naturam; & *antecedens* probatur tripliciter.

PRIMO, quia appetitus sensitivus in homine est inclinatio naturalis in bonum sensibile, sicut quæcumque potentia est quædam propensio & inclinatio in suum obiectum: sed bonum sensibile sæpe est contrarium rectæ rationi, & ita adhesio appetitus ad ipsum impedit voluntatem a prosecutione boni honesti; ergo appetitus sensitivus in homine est quædam inclinatio naturalis in id, quod est contrarium rectæ rationi, & ex consequenti obiectum vitij & peccati.

SECUNDO, quia etiam voluntas est naturaliter propensa ad malum, tum quia cum sit inclinatio totius, etiam erit ex natura sua propensa ad bonum partium, & ex consequenti ad bonum appetitus sensitivi, quod, (vt diximus) sæpe est contrarium rationi; tum etiam quia voluntas non solum est inclinatio ad bonum honestum, sed etiam ad delectabile, saltem ad illud quod est in operationibus partis rationalis, quod etiam potest esse contrarium rationi.

TERTIO, iuxta communem sententiam theologorum, in voluntate sunt motus, primo primi, qui sunt ei naturales, & ex consequenti procedunt ex naturali inclinatione ipsius: & tamen habent pro obiecto malum rationis, si enim adesset aduertentia ex parte intellectus, essent peccata.

ULTIMO probatur quod saltem non omnia peccata sint contra naturam hominis; quia quædam sunt peccata, quæ omnino sunt contra virtutes supernaturales, & contra legem supernaturalem: ergo saltem ista non sunt contra naturam hominis; patet *consequentia*, quia neque virtutes supernaturales disponunt hominem secundum modum suæ naturæ, sed supra: neque in homine est inclinatio naturalis ad eas.

Confirmatur primo, quia etiam peccata, quæ committuntur contra leges positivas, & humanas, non videntur esse contra naturam, cum non sint contra legem naturæ.

Confirmatur secundo, quia etiam peccata aliqua sunt, quæ peculiariter dicuntur esse contra naturam, ergo non omnia.

§ 2. Fundamenta pro quæstionis decisione.

PRO SOLVTIONE SUPPONENDVM est primo, in homine esse duplicem naturam, scilicet rationalem, quæ est propria hominis vt homo est; & sensitivam, quæ communis sibi cum brutis: & consequenter etiam esse in eo duplicem appetitum, scilicet rationalem, quæ dicitur voluntas, & sensitivum, qui simpliciter appellatur appetitus sensitivus.

SECUNDO SUPPONENDVM est, duplicem esse in appetitu sensitivo inclinationem, alteram ad proprium obiectum, quod est bonum sensibile: & alteram ad sequendum motionem voluntatis; prior est ipsi propria & essentialis, & appellatur *inclinatio particularis*: posterior est communis ei cum reliquis potentijs, quæ subiiciuntur voluntati, & appellatur *inclinatio vniuersalis*; de quibus sufficiunt ea, quæ diximus supra q. 6. art. 4. vbi inquit D. THOM. appetitum sensitivum esse natum moueri à rationali.

TERTIO SUPPONENDVM est, tribus modis dici aliquid contra naturam: primo, quia est contra id, quod est à natura; quomodo, ferri sursum, est contra naturam lapidis, quoniam à natura lapidis est ferri deorsum. Secundo, quia est contra id, ad quod res aliqua habet inclinationem naturalem, siue elicitam, siue non elicitam: sicut in eodem exemplo motus sursum est contra naturam lapidis, quoniam in lapide est naturalis inclinatio ad motum deorsum. Tercio, quia opponitur ei, quod est secundum naturam, seu est consonum & accommodatum naturæ rei: sicut idem motus sursum in lapide opponitur motui deorsum, qui est consonus, atque conueniens naturæ lapidis ipsius. Et quamuis omnes isti modi, quibus potest dici aliquid contra naturam, possint eidem rei conuenire, vt dictum est de motu lapidis sursum, imo & necessario cui conuenirent priores, debeant etiam conuenire posteriores (sicut enim non potest aliquid procedere à natura alicuius rei, quin in tali re sit inclinatio naturalis ad ipsum, & ex consequenti quin ipsum sit consonum & conueniens illi rei: ita etiam non potest quid dici contra naturam illius rei primo modo, quin etiam sit contra naturam eiusdem alijs duobus modis; & sicut inclinatio naturalis semper est ad id, quod est consonum naturæ: ita quicquid est contra naturam secundo modo, est etiam contra eam tertio modo) tamen rationes habeat formales satis distinctas inter se, & posteriores possunt separari à prioribus, nam sicut figura artificialis est consona & accommodata ali-

quibus rebus, tanquam perfectio earum: & tamen neque inest ipsis à natura, neque in eis est inclinatio naturalis ad eam: ita etiam id, quod aliquo modo opponitur illi figuræ, dicitur contra naturam earundem rerum tertio modo, & non primo, neque secundo, & similiter sicut multa, ad quæ habemus naturalem inclinationem, non inveniunt nobis à natura, sed actibus nostris comparantur, vt patet in cognitione rerum, ad quam dixit ARISTOT. lib. 1. met. cap. 1. esse in nobis naturalem appetitum: ita etiam ea, quæ istis opponuntur, dicuntur contra naturam hominis secundo modo, & non primo.

§ 3. Decisio quæstionis.

SIT PRIMA CONCLUSIO. omnia vitia & peccata sunt contra naturam rationalem tertio modo: hoc est, sunt contra id quod est consonum & conueniens naturæ rationali: probatur euidenter ratione D. THOM. in articulo, virtus est dispositio conueniens; & consona naturæ rationali: sed vitium opponitur virtuti, vt dictum est articulo precedenti; ergo vitium est contra id quod est conueniens naturæ rationali: & idem argumentum fieri potest de peccato, quoniam etiam actus bonus, cui opponitur peccatum, est conueniens rationali naturæ. maiorem probat D. THOM. testimonio DIONYSII. 4. ca. de diuinis nominibus ratione hac; id quod est, secundum ordinem rationis est, consonum naturæ rationali: sed virtus est secundum ordinem rationis, ergo est consona naturæ rationali; minor vero huius probationis ostendit DIUUS THOMAS, quia unicuique rei est consonum id, quod conuenit ipsi secundum propriam formam: sed propria forma hominis est anima rationalis, ergo consonum est naturæ rationali id, quod est secundum rationem; & potest hoc amplius explicari & probari ex doctrina D. THOM. in alijs locis, hac ratione, id quod est consentaneum regulæ, qua natura aliqua est dirigenda in proprium finem, est etiam eidem naturæ consonum: sicut est ei conueniens non aberrare à proprio fine; sed ratio naturalis est proxima regula, qua natura rationalis est dirigenda in proprium finem; ergo quicquid fuerit consentaneum rationi naturali erit etiam consonum naturæ rationali; probatur ista minor primo: quia D. THOMAS ita docet supra quæst. 21. artic. 1. & præterea ratione ipsius, quia naturæ rationali conuenit agere propter finem, non utcumque sed mouendo se ipsam in finem, atque adeo dirigendo, & ordinando suos actus in finem, vt DIUUS THOMAS probauit supra quæst. prima, articulo secundo, ergo ne erret in directione suorum actuum, necesse est quod cognoscat primam & supremam mensuram eorum, hoc est legem æternam, & ex consequenti propria ratio naturalis, qua eam cognoscit, habet rationem applicationis illius mensuræ quod est esse proximam regulam, vt docet D. THOMAS supra quæst. 19. articulo quarto in corpore, & ad 3. & in fine, quæst. 93. articulo secundo.

DICES, toto isto argumento nihil probari de peccatis, quæ sunt contra legem supernaturalem, quia hæc non sunt contra rationem naturalem;

sed

sed contra id, quod est supra eam.

Sed contra, quia etiam hæc peccata, sunt contra rationem naturalem, saltem ex suppositione, & consequenter, nam sicut ratio naturalis dicitur, obediendum esse superiori, ita etiam, supposito quod Deus ut author bonorum supernaturalium præcipiat aliquid naturæ ordinare ad ipsa bona, dicitur consequenter obediendum esse ipsi; & ita **DIVVS THOMAS** secunda secundæ quæstione decima, articulo primo ad primum inquit, infidelitatem esse contra naturam: Dixi saltem ex suppositione & consequenter, quoniam ratio naturalis non attingit immediate & directe supernaturalia, sed supposita elevatione naturæ rationalis ad ordinem gratiæ, & ad finem supernaturalem; & voluntate Dei præcipiendi aliquid in ordine ad illum finem: quare conclusio nostra respectu istorum peccatorum intelligenda est cum limitatione ista, ut dicantur contra naturam rationalem, non absolute sed facta illa suppositione.

SECUNDA CONCLUSIO vitia & peccata, quæ opponuntur virtutibus acquisitis sunt contra naturam humanam secundo modo, hoc est, contra id ad quod natura rationalis habet inclinationem naturalem: non vero peccata, quæ committuntur contra legem supernaturalem. Ad huius probationem **SUPPONENDVM** est duplicem esse inclinationem naturalem, alteram elicitam, & alteram non elicitam: prior est quidam actus productus ab aliqua potentia, qui quoniam est motus in suum obiectum, dicitur inclinatio, & quoniam elicitur, hoc est producitur à potentia, dicitur inclinatio elicita; & tandem, quia necessarius est, vel quoad exercitium & specificationem simul, vel saltem quoad specificationem, dicitur naturalis; posterior vero est ipsa res, ut propensa ex natura sua ad formam, vel operationem, sibi connaturalem; sicut natura cuiuscunque rei inclinatur naturaliter ad suas potentias, & quævis potentia ad operationes sibi connaturales. Conclusio nostra non intelligitur de priori inclinatione, sed de posteriori: nam quævis sit in nobis illa inclinatio naturalis quoad specificationem respectu virtutis ut quoddam bonum est, quia respectu eius consideratæ quantum ad id, quod per se ipsi convenit, non possumus habere actum odij: tamen ista inclinatio non sufficit, ut omnia peccata, de quibus loquimur, dicantur esse contra naturalem inclinationem nostram, cum non opponantur ei peccata omissionis, imo neque omnia commissionis, sed tantum illa, quæ consistunt in odio, aut detestatione virtutis.

Hoc supposito, probatur **PRIMA PARS** ex isto fundamento, quod in nobis est, ista inclinatio naturalis ad virtutes acquisitas; hoc vero fundamentum probatur primo testimonio **DIVVS THOMAS** infra quæstione nonagesimaquarta art. 3. ubi probat, omnes actus virtutum pertinere ad legem naturæ, quia in homine est naturalis inclinatio ad eos, *Neque obicit*, quod dicat se loqui de actibus virtutum, quatenus eis convenit ratio actus virtutis, & non secundum proprias species eorum: quoniam his verbis solum volunt includere aliquos actus, qui si præ-

A cise considerentur secundum eam speciem, ad quam pertinent ratione sui obiecti non sunt in specie virtutis, sed solum reponuntur in ea, quatenus præcipiuntur lege aliqua humana; & ita species istas intellexit per proprias species actuum virtutis, non vero per proprias species particularium virtutum, scilicet, iustitiæ, temperantiæ, &c. quatenus distinguuntur à communi ratione virtutis. Et colligitur hunc esse sensum eius, ex ratione, qua probat, non pertinere ad legem naturæ omnes actus virtutum, si considerentur secundum proprias species ipsorum; scilicet, multa fieri secundum virtutem, quatenus inquisitione rationis inveniuntur quasi utilia ad bene vivendum.

Deinde probatur ratione ex ipso desumpta; quia unumquodque inclinatur naturaliter ad operationem sibi convenientem secundum propriam formam, hoc est ad eam operationem, cuius principium habet à propria forma, sed actus virtutum conveniunt hoc modo naturæ rationali: ergo natura rationalis habet naturalem inclinationem ad actus virtutum: *maiores* probat ibi **DIVVS THOMAS**, exemplo ignis qui naturaliter inclinatur ad calefactionem, quoniam à propria forma habet principium ipsius; *minores* vero probat, quoniam anima rationalis est propria forma naturæ rationalis: sed principia actuum virtutum: scilicet, assensus principiorum moralium, non solum communium, sed etiam pertinentium ad materias particulares virtutum, scilicet, iustitiæ, temperantiæ, &c. habet natura rationalis ab anima rationali, quoniam ab ea habet lumen naturale, intellectum, & synderesin, ergo principia actuum virtutum conveniunt naturæ rationali ratione propriæ formæ.

SECUNDA PARS, probatur ex opposito fundamento, scilicet, non esse in nobis naturalem inclinationem ad virtutes infusas, quod probatur primo, quia in nobis non est inclinatio naturalis ad finem supernaturalem, ut supernaturalis est, quoniam inter inclinationem naturalem, & suum terminum, debet esse proportio; ergo neque ad virtutes infusas, quibus disponimur in ordine ad eum. *Item*, quia natura rationalis non esset ordinata ad finem supernaturalem, non haberet inclinationem ad bona supernaturalia: ergo neque quævis ordinata sit; patet *consequentia*, quia esse ordinatam, est quid extrinsecum ipsi, inclinatio vero naturalis dimanat ex principijs intrinsicis naturæ.

TERTIA CONCLUSIO. Si natura sensitiva cum suo appetitu consideretur in homine secundum eam inclinationem, quam habet ad obediendum rationi & voluntati, dicendum est, vitia & peccata esse contra eam: si tamen consideretur secundum alteram inclinationem, qua fertur in bonum sensibile, dicendum est, peccata sumpta formaliter, prout important malum rationis, neque esse contra, neque secundum eam, sumpta tamen materialiter, pro bono sensibili, quod in eis reperitur, esse ipsi consentanea.

IN PRIORI PARTE huius conclusionis, omnes A conueniunt & colligitur apertè ex præcedentibus; nam cum inclinatio illa sit ad obediendum rationi, necesse est quicquid fuerit contra rationem, esse etiam contra eam.

IN SECUNDA VERO PARTE dissentiant à nobis Victoria & Sotus, nam primus in relectione de homicidio numero 3. circa finem, inquit, quod sicut cupit mundus & demon trahere humanam voluntatem ad malum: ita etiam cupit idem appetitus; & postea, quod trahit & tendit ad malum & peccatum ex specie & natura sua, & quod inclinatur contra virtutem. Alter etiam libro primo de natura & gratia cap. 3. circa finem, inquit, naturam sensualitatis esse, agere contra rationem.

Sed mihi distinctio illa videtur necessaria ad explicandum, quo modo propria & particularis inclinatio appetitus sensitui sit ad malum. Et in primis, quod sit ad malum materialiter, sumptum pro bono sensibili, quod in eo reperitur, experientia constat, & ratione probatur; quia in illo bono reperitur ratio boni sensibilis, quæ est ratio formalis appetitus sensitui; ergo inclinatio naturalis appetitus sensitui terminatur ad ipsum; & tandem, quia aliter non poterit reddi ratio belli inter appetitum sensituum, & rationem.

Quod vero illa inclinatio non sit ad malum rationis formaliter. Probo PRIMO quia obiectum adæquatum appetitus sensitui est bonum sensibile: ergo appetitus sensituius non habet inclinationem naturalem ad id, quod est extra latitudinem boni sensibilis, sicut vniuersaliter nulla potentia habet inclinationem ad id, quod est extra latitudinem sui obiecti adæquati: sed ordo ad rationem, siue sit conformitatis, siue difformitatis, est omnino extra latitudinem boni sensibilis; ergo inclinatio appetitus non terminatur ad ipsum, & ex consequenti neque ad bonum aut malum secundum rationem formaliter.

Confirmatur, quia nulla potentia respicit formaliter bonum & malum secundum rationem, nisi subiecta sit rationi tanquam regulæ suorum actuum: sed appetitus sensituius, quantum ad inclinationem illam, de qua loquimur, præcisè sumptam, non ita est subiectus rationi: ergo neque respicit bonum aut malum secundum rationem.

Neque obstat, quod ordo ad rationem sit coniunctus cum bono sensibili; quoniam inclinationes potentiarum terminantur ad sua obiecta cum præcisione eorum omnium, quæ accidunt ipsis: sicut inclinatio gustus terminatur ad dulcedinem lactis, & non ad albedinem, quæ cum eo est coniuncta, neque ad ordinem difformitatis ad rationem, quem posset importare, si eam gustare esset lege prohibitum.

SECUNDO, quia ex opposita sententia sequitur, Deum esse causam inclinationis naturalis ad malum culpæ formaliter: quod tamen videtur repugnare ipsi; probatur sequens, quia sicut Deus est causa cuiuscunque naturæ, ita & cuiuscunque inclinationis naturalis: quia inclinatio naturalis vel est ipsa natura rei, ut in po-

sentijs, vel consequitur ad eam, ut proprietas ipsius: Quod vero illud repugnet Deo probatur; sicut falsum cum vero pugnat, ita malum cum bono: sed primæ ac summæ veritati repugnat esse per se & immediate causam inclinationis ad falsitatem, & ita Theologi omnes (paucis exceptis) docent in materia de fide, non posse Deum infundere habitum inclinantem ad falsum; ergo etiam primæ & summæ bonitati repugnat, esse per se & immediate causam inclinationis ad malum culpæ.

TERTIO, dictamen, quo Deus iudicat non esse faciendum malum culpæ, pertinet ad scientiam eius naturalem: ergo repugnat ipsi mouere & inclinare determinate ad peccandum; ergo etiam repugnat ipsi esse causam in homine inclinationis mouentis & impellentis eum determinate ad malum culpæ, qualis esset illa inclinatio appetitus sensitui, prima consequentia patet, quia non posset illud stare cum immutabilitate illius dictaminis.

SECUNDA vero probatur, quia actus elicitus ab inclinatione naturali tribuitur auctori ipsius inclinationis: ergo si inclinatio naturalis mouet & inclinat ad malum culpæ, Deus diceretur mouere; atque proinde si Deo repugnat mouere, etiam repugnat esse causam inclinationis mouentis.

Confirmatur primo nam mouere & inclinare determinate ad malum est quodammodo esse causam mali, & consentire in ipsum, ut patet in suadente malum.

Confirmatur secundo, quia in decensesset, & contra rationem, quod vnus homo infunderet alteri inclinationem ad malum, hoc argumentum & præcedens conatur variè dissoluere Victor. relectione citata num. 7.

EX HAC CONCLUSIONE sequitur quæ ratione quoque sint explicanda, nonnulla testimonia, quibus authores oppositæ sententiæ conantur probare, appetitum sensituum esse naturaliter propensum in malum rationis: omnia enim intelligenda sunt de malo rationis non formaliter, sed materialiter sumpto, ut explicui in conclusione; testimonia vero sunt illa quibus signatur bellum inter appetitum sensituum & rationem: ut ad Rom. 7. scio quod non habitat in me, hoc est in carne mea bonum &c. & paulo inferius, condelector enim legi Dei secundum interiorem hominem, video autem aliam legem in membris meis repugnantem legi mentis meæ &c. & ad Galat. 5. Spiritus ambulate, & desideria carnis non perficietis, caro enim concupiscit aduersus spiritum &c. Neque aliam difficultatem habet, quod in Concilio Tridentino sessione quinta, decreto de peccato originali in fine, dicatur, concupiscentiam aliquam ab Apostolo appellari peccatum; quia ex peccato est & ad peccatum inclinatur; & eodem modo exponi potest DIUVS THOMAS prima parte, questione sexagesima-tertia, articulo quarto ad secundum, ubi exponens illud sapientiæ 12. eris malicia eorum naturalis, inquit, maliciam aliquorum hominum posse dici naturalem, vel propter naturalem inclinationem, ex parte naturæ sensitivæ ad aliquam inordinatam passionem, vel propter consuetudinem, quæ est altera natura.

ULTIMA CONCLUSIO, quidquid per de-
clinationem appetitus sensitivi, hoc est, etiam si dica-
mus eam esse ad malum rationis & peccatum for-
maliter; concedendum est absolute, & simpliciter, pec-
cata & vitia esse contra naturam & inclinationem
hominis. In hoc conveniunt nobiscum Victoria
& Sotus locis citatis, & probatur ratione ipso-
rum: quoniam natura rationalis est propria &
specifica natura hominis, & eius inclinatio est
proprie ei simpliciter inclinatio hominis ut ho-
mo est: satis ergo est, vitia & peccata esse con-
tra naturam rationalem, (ut diximus in duabus
prioribus conclusionibus) ut simpliciter dicantur
esse contra naturam hominis, & inclinatio-
nem ut homo est. Probatum etiam testimonijs
sanctorum. Nam **DIVVS DIONYSIVS** c.
4. de divinis nominibus saepe repetit, peccatum
esse contra naturam, & **D. AVGVST.** tomo
primo, libr. 3. de liber. arit. c. 13. & tomo 5.
lib. 11. de ciuit. Dei, cap. 17. & lib. 12. cap. pri-
mo, inquit, omne vitium esse contra naturam
eius, in quo est, & nocere ipsi, & **DAMASCE-
NVS** lib. secundo de fide Orthodoxa cap. 4.
loquens de angelo, qui peccant, inquit, cum
libera voluntate ex eo quod secundum naturam
erat, in id quod contra naturam erat, fuisse im-
mutatum.

SED OBIECTES, alia, quæ sunt homini
naturalia secundum corpus, & secundum natu-
ram sensitivam, ut esse mortalem, sentire, &
similia, dicuntur simpliciter naturalia homini:
ergo similiter, si peccata fuerint naturalia ho-
mini secundum naturam sensitivam, dicuntur
simpliciter naturalia ipsi; atque proinde, suppo-
sita sententia asserentium peccauit esse secundum
inclinationem naturæ sensitivæ, non poterit de-
fendi esse simpliciter contra naturam hominis:
quoniam non potest idem esse simpliciter natu-
rale homini, & contra eius naturam.

RESPONDETUR cum Soto loco citato,
negando consequentiam, & ratio discriminis
est, quod illa quæ referuntur in antecedenti,
non sunt contra naturam hominis, ut homo est
sicut peccata; & propter eandem rationem mo-
ti non est dicendum simpliciter naturale viuenti,
quamuis sit naturale ex parte materiæ, quoniam
est contra naturam, & inclinationem
viuentis, ut viuens est sicut motus calefactio-
nis est contra naturam aquæ; sed dicitur natu-
rale, id est, necessario consequens naturam.

§ 4. Argumenta initio dubij proposita dissoluntur.

AD PRIMUM respondetur, quod, ut pec-
cata dicantur esse contra naturam rationa-
lem secundo & tertio modo, non est necesse, ip-
sam habere necessariam connexionem cum or-
dine rationis, sed satis est habere naturalem in-
clinationem ad sequendum eam, & hoc esse
ipsi consonum & conueniens iuxta sensum ex-
positum in duabus conclusionibus primis.

Ad confirmationem concessio antecedenti ne-
ganda est consequentia, & ad probationem,

AD dico, potentiam ad peccandum non esse pro-
priam potentiam, sed potius impotentiam, ut
colligitur ex **DIONYSIO** cap. 4. de divinis
nominibus, ubi ita inquit, non tamen efficientes
sunt malorum rationes atque facultates, sed imbeci-
litates, infirmitas & non apta dissimulatio compo-
sitio; & inferius, neque malum quod sit, hoc a po-
testate proficiscitur, sed ab imbecillitate; & ex **DI-
VO THOMA** infra quæst. septuagelima-quin-
ta, articulo primo, ubi docet, peccatum for-
maliter sumptum reduci in voluntatem, ut in
causam deficientem. Quando vero dicimus ac-
tum non esse contra naturam alicuius subiecti,
quando potentia ad ipsum est eidem subiecto
naturalis, intelligi debet de potentia proprie
sumpta pro potentia, nam actus respondens im-
potentiæ bene potest esse contra naturam alicuius
subiecti, quamuis impotentia sit ei naturalis, sicut
ægoriare, & mori est contra naturalem inclina-
tionem, quam omnes res habent ad propriam
conservationem: & tamen in nobis est naturalis
quædam potentia seu potius impotentia ad utrum-
que; & idem dicendum est de actu erroris res-
pectu nostri intellectus, cui naturale est posse a ve-
ritate aberrare.

AD SECUNDVM RESPONDETUR
primo, non esse necessarium in nobis inclinatio-
nem naturalem ad obiecta virtutum, ut vitia &
peccata dicantur, contra naturam humanam
tertio modo: hoc est contra id, quod est ipsi
consonum, & conueniens, ut explicuimus in ter-
tia suppositione, & in prima conclusione. Se-
cundo respondetur negando antecedens, si intel-
ligatur de obiectis virtutum adquisitarum, ut dixi
in secunda conclusione: & ad probationem ne-
ganda est sequela, si vniuersaliter intelligatur de
omnibus virtutibus; nam quamuis voluntas ha-
beat naturalem inclinationem ad bonum ratio-
nis, tamen quandoque ista inclinatio non est suffi-
ciens & perfecta respectu huius boni determina-
ti ad particularem aliquam materiam, quoniam
respectu eius patitur voluntas difficultatem, non
solum ex parte appetitus sensitivi, sed etiam ex
propria natura: quia scilicet obiectum illud ita
in particulari sumptum addit bono rationis in
communi aliquid, quod est parum proportiona-
tum voluntati: & ideo ad superandam difficulta-
tem istam, & ut voluntas promptè & delecta-
biliter feratur in huiusmodi obiectum, necessa-
rius est in ea habitus virtutis, ut **DIVVS
THOMAS** docet supra quæst. 50. articulo quin-
to ad tertium, & ita ipse **DIVVS THOMAS**
supra quæst. 56. articulo sexto, quamuis dicat
non esse in voluntate virtutes respectu boni
proprii ipsius volentis tamen respectu boni per-
tinentis ad alterum admittit eas.

AD TERTIVM respondetur negando
antecedens, si obiectum vitij & peccati su-
matum formaliter, ut nos loquimur; & ad
PRIMAM PROBATIONEM patet solutio
ex tertia conclusione, ubi diximus, appetitum
sensitivum non esse inclinationem in bonum
sensibile, quatenus est contrarium rationi, sed
præscindendo ab ordinatione, ratione cuius dici-
tur contrarium & repugnans.

Sed obicies, liber consensus voluntatis in
bonum

bonum sensibile, quod est inordinatum, est malus & repugnans rationi formaliter: sed appetitus sensitivus, sicut ex propria inclinatione fertur in bonum sensibile quod est inordinatum, ita etiam mouet voluntatem, vt consentiat eidem obiecto; ergo eius inclinatio est ad malum & contrarium rationi formaliter.

Respondens primo, appetitum sensitivum ratione suæ inclinationis non intendere allicere voluntatem, vt libere consentiat, quoniam causa naturalis non intendit naturaliter id, quod pender ex alterius libertate, sed conatur solum remouere impedimentum voluntatis rationalis, idque aut exercendo rationem, aut extorquendo à voluntate, motum aliquem omnino naturalem in suum obiectum, qualis est motus primo primus, in quo cum nulla sit libertas, nulla etiam potest esse culpa.

Secundo respondetur negando minorem, nam inclinatio appetitus per se respicit bonum sensibile, tanquam proprium obiectum, non tamen contentum voluntatis, quoniam est extralimitatem sui obiecti, scilicet, boni sensibilis: & ita quamuis appetitus sensitivus de facto moueat voluntatem, non tamen habet hoc à propria inclinatione, sicut habet ab ea ferri in bonum sensibile.

Quod si rursus obijciat, omnem effectum agentis naturalis non deficientis provenire ab eius inclinatione naturali, quia agentia naturalia mouentur ad fines suarum operationum à suo auctore, medijs inclinationibus naturalibus, eis impressis; *Respondetur* hoc solum esse verum de effectibus, ad quos huiusmodi agentia concurrunt per se; non tamen de his, ad quos solum concurrunt per accidens, & occasionaliter: & hoc modo appetitus sensitivus mouet voluntatem, vt consentiat: quia (vt inquit *DIVVS THOMAS* supra questione nona articulo secundo) solum mouet eam tanquam dispositio, & occasio, vt obiectum sensibile apprehendatur ab intellectu vt bonum & conueniens, & ita vt tale proponatur voluntati: sicut insurgente in appetitu sensitivo passione iræ, apprehenditur ab intellectu vindicta vt bona & conueniens, & ita obijciatur voluntati: Quod vero ad mouendum isto modo non sit necessaria in mouente inclinatio naturalis, *pater ratione*, quoniam inclinationi naturali respondet virtus naturalis ad effectum, & ex consequenti causalitas per se, & non causalitas per accidens; & *exemplo*, nam etiam frigiditas est occasio vt calor apprehendatur vt bonus & conueniens, & consequenter vt appetatur: & tamen certum est, non esse in frigiditate inclinationem naturalem ad excitandum appetitum caloris, qui est ipsi contrarius.

AD SECVNDAM PROBATIONEM, illius antecedentis, aliqui vt respondeant, distinguunt in voluntate, sicut in appetitu, duplicem inclinationem: alteram ad id, quod est bonum secundum rationem; & alteram ad bonum appetitus sensitivi, hoc est ad bonum sensibile sumptum absolute, & sine or-

dine ad rationem; probantque hoc, quia voluntas est appetitus animæ informantis corpus, & constituentis compositum quoddam constans diuersis partibus, & potentijs: ergo non solum inclinatur ad bonum rationis, sicut inclinaretur, si esset appetitus puri spiritus, vt in angelo; sed etiam ad bonum partium, quod est bonum sensibile, & obiectum appetitus sensitivi. *Item* quia alias, neque appetitus sensitivus habebit vim ad trahendum voluntatem in sua obiecta; neque ipsa voluntas propter inclinationem & motum, etiam vehementissimum appetitus sensitivi in bonum sensibile, retardabitur ne prosequatur bonum honestum: sicut si rex esset naturaliter propensus ad faciendum Petro & non Paulo, nullis precibus fieri posset, vt relicto Petro faueret Paulo: & *hæc supposito* respondent ad argumentum, concedendo, voluntatem habere naturalem inclinationem ad malum sumptum materialiter, sicut dictum est de appetitu sensitivo; & dicunt hoc solum probari illo argumento, nam illa, quæ in eo referuntur, vt obiecta huius inclinationis, scilicet, obiectum appetitus sensitivi, & bonum delectabile, quod reperitur in operationibus partis intellectivæ, non sunt mala formaliter, sed solum materialiter, in quantum eis potest coniungi malum rationis; *Quod si eis obijciat* iuxta communem sententiam, solum conuenire appetitui sensitivo, inclinationem istam in malum; imo & hoc inter alia constitui discrimen inter ipsum, & voluntatem: *Respondent*, non ideo fieri hoc, quia non conueniat voluntati similis inclinatio, sed quia frequentius coniungitur malum rationis obiecto appetitus, quam obiecto voluntatis.

HÆC SENTENTIA est probabilis; *sed mihi opposita videtur probabilior*: itaque asserto, voluntati, secundum propriam rationem specificam, tantum conuenire vnam inclinationem naturalem, eamque esse ad bonum cum conformitate ad rationem: idque colligo *primo ex doctrina DIVI THOMÆ* qui (vt retuli in fine solutionis secundi argumenti) docet, non esse in voluntate virtutes respectu boni naturalis proprii ipsius volentis; & tamen si esset in ea illa diuersitas inclinationum, etiam essent in ea necessariæ virtutes ad superandum difficultatem, quæ proveniret ex pugna illarum inclinationum inter se. *Item* supra questione sexta articulo quarto ad tertium explicans quomodo consensus voluntatis in peccatum, non sit violentus ipsi voluntati, quamvis sit contra naturam rationalem, non dicit, actum illum esse conformem alicui inclinationi naturali voluntatis; sed procedere ab ea propter defectum intellectus apprehendentis obiectum vt bonum & conueniens secundum passionem appetitus, aut aliquem habitum prauum. *Deinde probatur ratione*, quia *vel* duæ illæ inclinationes conueniunt æqualiter voluntati; *vel* vna vt superior, & vniuersalis, & altera vt inferior & particularis; *primum* est impossibile, quia cum inclinatio naturalis potentie appetitivæ *vel* sit eius essentia, *vel* consequatur ad eam: sicut est impossibile conuenire eidem duæ ef-

fectibus;

sentias, ita etiam est impossibile conuenire æqualiter duas inclinationes; & secundum videtur aperte falsum, quia neutra earum potest dici vniuersalis respectu alterius: nam non illa, quæ respicit bonum rationis, quoniam conuenit voluntati secundum gradum proprium, quod distinguitur ab appetitu sensitivo; & multo minus aliter, quæ respicit bonum sensibile, quoniam necessario erit inferior huic, sicut in appetitu sensitivo est inferior illi inclinationi, quæ obedit rationi & voluntati; Item vel voluntas habet illam inclinationem ad bonum appetitus sensitivi, quatenus procedit ex rationali præcise sumpta, vel quatenus procedit ex ea, ut coniuncta est cum sensitiva: non primum, nam bonum proprium naturæ rationalis quatenus præcise est rationalis, est bonum rationis: bonum autem sensibile est bonum naturæ sensitivæ, ergo appetitus qui procedit à natura rationali, quatenus præcise est rationalis, solum habet inclinationem ad bonum rationis; patet consequentia, quoniam appetitus cuiuscunque naturæ deseruit ipsi tanquam inclinatio ad quærendum bonum proprium, & hoc datur ei à suo authore; nec etiam potest dici secundum, quoniam licet inferiora participant aliquam perfectionem ex coniunctione, cum superioribus, ut aliqui dicunt; cogitativam, quatenus in homine procedit ex gradu sensitivo coniuncto cum intellectu participare quendam discursum; tamen è conuerso nullam superiora perfectionem aut vim participant ab inferioribus, quibus coniunguntur; & tandem, appetitus totius non inclinatur in bonum partis, quando illud bonum cedit in damnum totius; ergo voluntas in homine non inclinatur in bonum appetitus sensitivi, quando ei coniungitur malum rationis; consequentia patet, quia voluntas in homine est appetitus totius, & bonum appetitus sensitivi in illo casu cedit in damnum totius supposito; & antecedens probatur, tum quia ideo appetitus totius respicit bonum partis, quia illud bonum & ipsa pars deseruit toti; tum etiam, quia ipsa pars relinquit proprium bonum, quando cedit in damnum totius, sicut aqua relinquit suum locum, & ascendit sursum, ad vitandum vacuum, quod est malum toti vniuerso, & manus exponit se ipsam periculo, ad vitandum damnum totius.

Ad hoc respondet, qui defendunt oppositam sententiam, antecedens solum esse verum de appetitu naturali, non tamen elicitu; & dicunt rationem discriminis esse, quod (ut inquit Diu. Thomas supra quæst. 8. articulo primo) appetitus naturalis sequitur formam in natura existentem, & ideo non pendet ex cognitione appetentis, ut dirigatur in bonum, sed ex cognitione authoris naturæ, & propterea semper fertur in id, quod reuera bonum est; At vero appetitus elicitus sequitur formam apprehensam, & quia in apprehensione, potest esse defectus, ita ut id, quod reuera est malum, apprehendatur ut bonum, ideo huiusmodi appetitus potest fieri in malum apprehensum ut bonum: & ita voluntas potest inclinari in bonum sensibile, cui coniungitur malum rationis, quia quamuis reuera sit malum to-

lius supposito, potest apprehendi ut bonum ipsius.

SED hæc solutio mihi videtur extra rem, quia per appetitum elicitum intelligitur actus elicitus ab aliquo appetitu, non autem ipsa potentia appetitiua: & de eo loquitur Diu. Thomas ut aduertit ibi Caiet. & colligitur aperte ex eius doctrina: nam sequi ad formam apprehensam, non conuenit potentie appetitiuæ, sed eius actui; at vero difficultas præsens non est de actu elicitu à potentia appetitiua, qui etiam dicitur inclinatio elicitu, & appetitus elicitus: sed de ipsa potentia appetitiua, & de eius inclinatione per modum actus primi; & de hac contendimus, non posse conuenire appetitui totius, qualis est voluntas, in id quod reuera est malum totius; quod magis confirmo ex ipsa solutione, nam inclinatio ista data est appetitui totius à suo authore, & sequitur formam in natura existentem, ergo non potest esse ad id, quod reuera est malum toti supposito.

Et ad primum Argumentum, quo probatur oppositum, respondetur, quod ut voluntas sit totius, satis est quod sit naturaliter inclinatio ad bonum cuiuscunque partis, quatenus ordinatur ad bonum totius hominis quod est bonum rationis.

Et ad secundum respondetur, non ita esse voluntatem inclinatum in bonum rationis, ut eius inclinatio non possit impediri, ne in exercitio & actu secundo consequatur eam perfectionem, ad quam ordinatur, scilicet operari, aut velle id, quod postulat recta ratio: idque propter defectum aliquem ex parte intellectus, aut non considerantis, aut male indicantis circa agibilia; & quoniam appetitus sensitivus potest esse causa huius defectus in intellectu (ut paulo superius dixi) ideo etiam potest esse causa, ut voluntas aut omnino prætermittat ordinem rationis, aut non sequatur eum sine difficultate.

Quod si obijciat, sequi, voluntatem non posse velle bonum sensibile, quod non sit conformæ rectæ rationi, siquidem huiusmodi bonum erit extra totam latitudinem obiecti adæquati siue inclinationis naturalis; Respondetur, negando sequelam; & ad probationem dico, obiectum adæquatum inclinationi naturali alicuius potentie non habere tantam latitudinem, sicut obiectum specificans ipsam: quoniam inclinatio naturalis solum est ad obiectum proportionatum viribus naturalibus ipsius potentie, & ad attingendum aut producendum ipsum eum certo modo perfectionis, & tamen intra latitudinem obiecti specificantis continetur sæpe aliquid supernaturale, & naturale sine illa perfectione; sicut naturalis inclinatio intellectus creati est tantum ad ens naturale, & ad cognoscendum ipsum cum perfectione, quæ consistit in veritate, quia non potest esse inclinatio naturalis ad falsum; & tamen intra obiectum specificans ipsum, quod solet appellari terminativum, continetur etiam Deus ut est in se ipso, & obiectum connaturale potest ab eo cognosci cum errore & falsitate; & similiter inclinatio naturalis potentie generatiuæ, in equo est ad generandum equum, cum perfectione

hæc probatur evidenter duabus rationibus articuli quæ ex littera possunt facile colligi, si tamen dicamus, *prioris* fundamentum non esse, quod sicut potentia est indifferens ad bonum & ad malum, ita habitus admittit secum malum (sicut habitus temperantiæ admittit actum intemperantiæ) sed habitum habere admixtum aliquid potentiz: quia non est ultimus actus subiecti, sed relinquit ipsum in potentia ad actum secundum. Consulto ante hoc aduerto, quoniam si dicamus illud esse fundamentum, consequenter dicendum erit, rationem illam solum habere vim in habitibus acquisitis, non autem in infusis: quoniam verbi gratia, habitus charitatis non admittit secum peccatum mortale, sicut neque suus actus; neque obstat quod admittat peccatum veniale; quoniam & suus actus admittit ipsum; potest enim aliquis diligere Deum & peccare venialiter circa aliud obiectum; Et potest eis addi ista *tertia* ratio; bonitas & malitia moralis supponit libertatem & obligationem provenientem ex præcepto aliquo, aut lege, aut saltem subiectionem aliquam respectu regulæ dirigentis mores, ut explicui supra quæst. 18. sed omnia ista conveniunt per se actibus; habitibus vero non nisi ratione actuum, quoniam habitus non dicuntur liberi, nisi quia acquiruntur actibus liberis; & præcepta non traduntur de habitibus, sed de actibus; neque vlla regula morum dicitur directiva habituum, nisi quatenus acquiruntur, aut deperduntur actibus; ergo etiam bonitas & malitia moralis est tantum formaliter in actibus, & in habitibus ratione actuum: atque proinde tam in bonitate, quam in malitia excedit actus habitum.

SED CONTRA HANC CONCLUSIONEM obijci possunt duo. PRIMVM est, habitum esse causam efficientem actus boni aut mali moraliter, etiam quatenus est ita bonus aut malus; & causam efficientem nunquam superari à suo effectu in eâ ratione, secundum quam est eius causa. ALTERVM est, gratiam esse habitum, & tamen esse præstantiorem quibuscumque actibus nostris in bonitate morali, cum ipsa sit causa formalis nostræ iustificationis, & sanctitatis, ut dicitur in concilio TRIDENTINO sess. 6. decreto de iustificatione cap. 7. atque proinde etiam, sit eodem modo causa nostræ bonitatis moralis: siquidem iustificatio & sanctitas nostra est quædam bonitas moralis, quod tamen non tribuitur nostris actibus.

AD PRIMVM horum respondent aliqui, habitum non esse causam principalem actus, sed instrumentalem; & ideo non esse necessarium, quod in perfectione adæquet actum; quoniam cum instrumenta non concurrant virtute propria ad effectus, non est necessarium quod contineant in seipsis rationem illam, secundum quam effectus procedunt ab ipsis, & ita sæpe instrumenta sunt imperfectiora suis effectibus. Alij dicunt, habitus non esse causas actuum quoad substantiam, sed solum quoad modum aliquem, verbi gratia, quoad facilitatem in operando.

Sed neutrum placet, quoniam neutrum potest dici, saltem de habitibus infusis supernatu-

alibus; concurrunt enim ut formæ ex natura sua constituentes potentias in actu primo ad operandum, & consequenter non ut instrumenta; & præterea dant simpliciter posse operari, & non solum facilius operari; supponimus enim ex sententia magis recepta, habitus istos non solum esse necessarios ad aliquem modum operationum supernaturalium, sed etiam ad earum substantiam.

Alij dicunt, habitum non esse causam bonitatis aut malitiæ moralis in actu, sed potius ab actu bono aut malo denominari ipsum habitum bonum aut malum moraliter. Sed neque hoc mihi placet, quoniam ideo conceditur, habitus potentiarum esse causas & principia effectiva operationum, quia ratio propria habitus pertinentis ad potentiam operatiuam est, esse inclinationem & determinationem potentiz ad operandum; ergo propter similem rationem concedendum est, habitus morales esse causas actuum, prout sunt boni aut mali moraliter; probatur consequentia, quia etiam pertinet ad essentiam habitus moralis esse inclinationem ad operandum moraliter: & in hoc differt ab habitibus, qui non sunt morales, verbi gratia ab intellectualibus.

Confirmatur, quia quæcumque virtus infusa concurrit efficienter ad suum effectum, quatenus terminatur ad obiectum secundum eam rationem formalem, ad quam inclinat ipse habitus: ergo etiam quæcumque virtus moralis infusa concurrit efficienter ad suum actum, quatenus terminatur ad obiectum secundum aliquam rationem moralem: ergo & quatenus ipse actus habet in se aliquod esse morale, & ex consequenti bonitatem; prima consequentia probatur, quia quicumque habitus moralis inclinat ad obiectum secundum aliquam rationem moralem; & ex ea colligitur aperte secunda, quoniam cum actus specificetur à ratione formali sui obiecti, necesse est quod quatenus terminatur ad obiectum secundum rationem moralem, habeat speciem moralem: antecedens vero probatur, quoniam habitus, qui efficit actum, secundum eam rationem efficit eum, secundum quam inclinat ad ipsum.

QUARE ALITER RESPONDETUR, habitus morales esse causas effectivas bonitatis aut malitiæ moralis in suis actibus; non tamen per se primo, sed quasi secundo, & consequenter: quia cum bonitas & malitia moralis in actibus sint relationes supponentes entitatem naturalem ipsorum actuum (ut dixi quæstione 18.) non possunt aliter produci; itaque habitus, primo & per se facit substantiam actus perfecti, & ad eam consequitur esse relationem, ut CAJETANVS explicat supra quæstione 49. articulo 3. & quoniam ea, quæ isto modo producuntur, & consistunt in ordine ad extrinsecam, non debent contineri formaliter in suis causis, neque alio perfectiori modo: ideo non est necesse, habitum, quia sit causa bonitatis aut malitiæ moralis, habere eam in se ipso formaliter, aut eminenter, & ex consequenti neque in ea superare aut adæquare suum actum.

Potestque hoc explicari his exemplis; sol producti calorem formalem in his inferioribus, & tamen non adequat eum in relatione similitudinis, aut identitatis specificæ, quæ ad eum consequitur respectu aliorum calorum, & idem est de quacunque causa æquiuoca comparata cum suo effectu, quantum ad relationem identitatis specificæ, aut æqualitatis gradualis, quæ consequitur ad ipsum effectum, respectu aliorum, cum quibus conuenit in natura specificâ, aut in gradu intensiōis. Item habitus scientiæ, quamuis concurret efficienter ad assensum, non adequat ipsum in veritate formali, quæ consistit in relatione ad æquationis ad obiectum; hæc enim non conuenit habitui nisi ratione actus.

AD SECUNDVM Respondetur, gratiam non esse habitum operatum, de quo, & respectu tantum proprii actus, intelligenda est nostra conclusio, & est vera vniuersaliter de omnibus habitibus, etiam de habitu charitatis; melius est enim quoad bonitatem moralem diligere actum Deum, quam habere habitum charitatis; An vero iustificatio & sanctitas, cuius causa formalis est gratia, sit bonitas moralis, de qua nunc loquimur, hoc est quæ consistit in conformitate ad legem: dicemus postea, cum agemus de ratione formali peccati, denominantis peccatorem transacto peccato actuali.

§. 2. Habitus infusus & supernaturales entitatem potiores sunt suis actibus.

SECUNDA CONCLUSIO. *Habitus infusus, & Supernaturalis excedit suum actum quoad perfectionem entitatem aut in genere entis & natura:* probatur: habitus infusus est causa sui actus secundum eius substantiam, aut entitatem; & non est causa vniuoca, neque instrumentalis, neque tanquam semen: ergo est causa æquiuoca, & ex consequenti est perfectior in genere entis; quia semper causa æquiuoca est isto modo perfectior suo effectu; *maiores* suppono vt certam esse sententiam magis receptam apud theologos; & *minorem* probō, quia in primis, non est causa vniuoca, cum differat specie ab actu, neque etiam causa instrumentalis, vt probauit contra priorem solutionem primi argumenti propositi contra præcedentem conclusionem, & eodem modo probatur, quod non concurret tanquam semen, quoniam semen secundum suam entitatem non est formaliter proportionatum ad producendum effectum, neque etiam virtualiter, vt causa æquiuoca, sed solum vt virtus principalis agentis, & vt importat ordinem ad ipsum, tanquam aliquid eius: & ita sua causalitas reducitur ad instrumentalem, at vero habitus supernaturalis secundum suam entitatem est proportionatus ad producendum actum supernaturalem, & hoc est etiam connaturale. sicut calori producere calorem, ergo non concurret ad eum tanquam semen.

Confirmatur, quia potentie naturales concurrunt illo modo ad suos actus, & sunt eis

A præstantiores in genere entis: ergo idem est dicendum de habitibus supernaturalibus respectu suorum actuum, probatur *consequenter*, quoniam habitus supernaturales dant simpliciter posse operari, & ideo equiparantur potentijs.

EX HAC CONCLUSIONE SEQUITUR, habitus supernaturales perfectius disponere, & constituere in actu sua subiecta, quam eorum actus: probatur, sunt perfectiores secundum suam entitatem, & in genere entis, suis actibus; sed entitas ipsorum est entitas formæ, & actus; ergo sunt perfectiores vt formæ & vt actus, & ex consequenti perfectius informant, & adiuuant, quia effectus formalis formæ aut actus, in quantum tales sunt, est informare & actuare, & vniuersaliter quo forma aliqua est perfectior, eo respondet ipsi perfectior effectus formalis.

Sed ARGUMENTOR PRIMO contra conclusionem ratione prima, articuli, habitus supernaturalis comparatur ad suum actum sicut potentia ad actum: ergo est minus perfectus in genere entis, quam suus actus; probatur *consequenter*, quoniam ARISTOTELIS 9. meth. cap. 10. textu 19. inquit in bonis, actum esse præstantiorem potentia.

Confirmatur primo ratione, quia ARISTOTELIS eodem lib. cap. 9. textu 15. probat, actum esse priorem substantia, hoc est perfectiorem potentia; nam ea, quæ sunt posteriora generatione sunt perfectiora; sed actus est posterior generatione, quam potentia, & quam habitus; ergo est perfectior.

Confirmatur secundo, quoniam habitus etiam supernaturalis, ordinatur natura sua ad suum actum, tanquam ad finem: ergo non est magis perfectus in genere entis, quam suus actus, *consequenter* probatur, quia perfectus non ordinatur ex natura sua ad minus perfectum, vt ad finem, *antecedens* vero probatur *testimonio* DNI THOMÆ ad tertium & ARISTOTELIS loco proxime citato, vbi inquit, actum esse finem potentie, & *ratione* qua id probat, scilicet, animalia habere visum, vt videant, & non videre vt habeant visum; nam simile argumentum potest fieri de habitibus infusis, ideo enim infunduntur nobis, vt operemur.

SECUNDO argumentor contra illationem, id quod in subiecto relinquit minus potentialitatis, disponit ipsum subiectum melius, & constituit magis in actu: sed actus relinquit minus potentialitatis in subiecto, quam habitus etiam infusus; cum enim vltimus actus inter eos, quos respicit potentialitatis subiecti, sit actus secundus, necesse est, vt eo opposito, maneat omnino expleta ipsa potentialitas, & eo deficiente, postulat eum, quamuis habeat habitum; ergo subiectum melius disponitur & magis constituitur in actu per actum, quam per habitum.

AD PRIMUM Respondetur concedendo antecedens, si intelligatur de potentia effedrice, & negando consequentiam, & ad probationem, dico, ARISTOTELIS ibi loqui de potentijs, & actionibus studiis.

sive bonis moraliter, & comparareas inter se non in entitate, sive in genere entis, sed in bonitate morali, aut in genere moris: quod ex græco aperte constat, nam ibi potentia dicuntur bonæ, nomine specificante rem *studiosam* & *probam*, & ita ALEXAN. aduertit, esse aliquas potentias *studiosas*, nempe illas, quarum actus sunt studiosi, & idem nomen ponitur statim in forma comparatiui, cum dicitur actus esse his potentijs præstantiores. Reliqua vero quæ hoc supposito requiruntur ad intelligentiam & expositionem huius loci, videri possunt apud expositores, præsertim apud DIVVM THOMAM & ALEXAN. Deinde dico, quod quamvis ARISTOTELIS loquatur de bonitate, aut perfectione in genere entis, nihil inde colligitur contra nos, quoniam sensus eius esse potest, actum esse secundum quid perfectiorem, habitu, quatenus est complementum, & perfectio eius, cum quo stat, habitum posse esse simpliciter perfectiorem: sicut substantia est simpliciter perfectior accidentibus, & tamen perficitur ab eis secundum quid; conuenitque expositio ista cum antecedentibus: nam paulo superius (ut retuli in prima confirmatione huius argumenti) inquit, actum esse perfectiorem potentia, quod non potest esse verum, si non exponatur de excessu secundum quid; nam simpliciter perfectior est potentia suo actu.

Ad primam Confirmationem, respondetur, maiorem illam, non esse veram, quando ea, quæ sunt priora generatione, sunt etiam priora in genere causæ efficientis: sicut potentia, & habitus, saltem illi, de quibus loquimur, sunt causæ suorum actuum; & probatur hoc, nam essentia est prior suis potentijs ordine generationis, & simul est eis perfectior in genere entis.

Ad secundam confirmationem Respondetur, habitum supernaturalem non ordinari ad suum actum, ut ad finem simpliciter, sed ut ad finem effectum; & non esse inconueniens perfectiora ordinari ad efficiendum, conseruandum, aut perficiendum ea, quæ sunt minus perfecta, Item dici potest, habitum non ordinari ad operationem præcise sumptam, ut ad finem: sed ad seipsum, aut ad subiectum redactum ad actum secundum operandi; & idem dicendum est de potentia respectu sui actus; & ita CAJET. supra q. 3. art. 2. exponit illam propositionem, *esse est propter operari*.

Ad tertiam Respondetur, maiorem esse veram, quando id, quod relinquit minus potentialitatis in subiecto, id præstat per se, & ex propria ratione formali: & in hoc sensu minorem esse falsam, quoniam si præcise consideretur actus supernaturalis, non replet totam potentialitatem subiecti, sed ratione habitus, quæ præsupponit; quod ut intelligatur, aduerte, potentiam verbi gratia intellectum respectu supernaturalium, non solum esse in potentia ad actum secundum, sed etiam ad actum primum, hoc est ad posse: & quoniam subiectum est magis in potentia, cum est in potentia ad posse, quoniam est magis elongatum ab actu, & hæc potentia non repletur formaliter per actum, sed per habi-

Actum, qui dat posse: ideo actus præcise sumptus non tollit magis potentialitatem à subiecto, quam actus, quia tamen solet præsupponere habitum, qui replet illam potentiam, ideo dicitur inferre omnem potentialitatem à subiecto.

3. 3. An habitus acquisiti sint perfectiores suis actibus in genere entis.

VLTIMA CONCLUSIO, Probabile est habitus acquisitos esse perfectiores in genere entis suis actibus, sed oppositum est probabilius dixi illud esse probabile, quoniam supposito, quod habitus acquisiti concurrant efficienter ad suos actus, difficile est probare, quod non concurrant ad eorum entitatem, sed solum ad modum: & quod non concurrant ut causæ propriæ, sed ut instrumenta, aut tanquam semina, vel causæ partiales, neque contra hoc fieri solent plura argumenta, quam ea, quæ proposuimus contra præcedentem conclusionem, quæ omnia fere eodem modo dissolui possunt.

Quod vero oppositum sit probabilius, probatur B actus perfectius & magis constituit in actu suum obiectum, quam habitus acquisitus: ergo secundum suam entitatem est perfectior habitu, consequentia probatur, quoniam actus informans, quo perfectior est secundum suam entitatem, eo perfectius constituit in actu suum subiectum, & antecedens probatur, quoniam subiectum vel est in potentia ad actum secundum, vel ad vires, quibus simpliciter possit operari, vel ad id, quo facilius & promptius possit operari: Sed actus constituit subiectum in actu quoad priorem potentiam, habitus vero neque actuat ipsum quoad illam potentiam, quoniam ipse habitus est in potentia ad actum secundum; neque quoad secundam, quoniam potentia naturalis, quæ est subiectum habitus, non habet talem potentiam respectu actuum naturalium, cum ex seipsa sit perfecte potens & sufficienter proportionata ad producendum eos, sed solum constituit subiectum in actu quoad ultimam potentiam; ergo actus perfectius constituit in actu suum obiectum quam habitus acquisitus; probatur ista consequentia, quia replet maiorem potentiam ipsius, constat enim esse maiorem potentiam illam, quæ respicit actum secundum suam entitatem absolute, quam illam, quæ solum respicit modum operandi, scilicet facilitatem & promptitudinem.

Sed CONTRA hoc, est argumentum; habitus acquisitus est causa effectiua sui actus, & non æniuoça, quoniam differt ab eo specie: ergo æquiuoça, & ex consequenti est perfectior eo.

Confirmatur, habitus continet virtualiter omnes actus, quorum est causa: ergo est perfectior secundum entitatem vnoquoque eorum: probatur consequentia, quia continere alia in virtute effectiua, prouenit ex maiori actualitate, cum vnumquodque agat secundum quod est in actu: ubi autem est maior actualitas, ibi est maior perfectio in genere entis.

Confermat secundum, quoniam ex eo, quod habitus sit causa duarum actuum, sequitur quod attingat obiectum sub ratione magis vniuersali, & abstracta, quam quicumque eorum; & ex hoc sequitur ulterius, quod etiam sit perfectior in genere entis: quia ratio sub qua respicit obiectum est etiam perfectior, cum sit magis abstracta.

AD ARGUMENTUM respondet aliqui, habitus acquisitos non esse causas suarum operationum secundum eorum substantiam, & entitatem, sed tantum quoad facilitatem operis: & ideo non oportere, quod secundum entitatem sint perfectiores actibus; *Sed hoc* difficultatem habet, nisi amplius explicetur, quoniam non potest habitus concurrere efficiēter ad facilitatem operis, nisi concurret ad entitatem: quia cum facilitas operis non sit aliud quam eius entitas, quatenus est facilis operanti, quoad productiōnem, hoc est quatenus producitur facile, ita et modus operantis reducit in ipsum opus: non poterit aliquid esse principium efficiētium operis quoad facilitatem, nisi etiam concurret efficiēter ad eius entitatem; & idem dicendum est de alijs modis operationum, scilicet de connaturalitate, delectatione, & intentione. Quare dico, habitus istos per se solum esse necessarios ad facilitatem operis, quia ad hanc dumtaxat desunt vires potentie, vt paulo superius probaui: tamen de facto concurrere ad eius entitatem, non quidem vt causas principales, sed vt instrumenta potentiarum (vt inquit CAPRE. in 4. d. 9. q. 1. art. 3. in solutione ad secundum argumentum SCOTI contra primam conclusionem) vel tanquam virtutes ipsarum potentiarum productas ab eis suis actibus, sicut semen est virtus generantis, & impetus impressus mobili est virtus mouentis: ea vero, quæ illo modo concurrunt ad aliquem effectum, non est necessarium esse ipso perfectiora, vt in iisdem exemplis constat.

Ex hoc probatur solutio ad primam conclusionem, nam continere virtualiter, vt instrumentum, aut virtutem principalis agentis, vel tanquam semen, non prouenit ex maiori perfectione, sed ex subordinatione ad agens perfectius, aut saltem æque perfectum; & de hoc genere continentie virtualis exponendus est D. THOMAS ad secundum, non autem de eo, quod conuenit causæ principali.

Pater etiam solutio ad secundam, quoniam sicut esse causam actuum conuenit habitui vt instrumento, aut virtuti potentia: ita etiam respicere obiectum sub ratione vniuersali, & abstracta; aut secundum potest dici, quod habitus non respicit obiectum sub ratione magis abstracta formaliter, sed solum quoad extensionem; & sicut in obiectis non est magis perfecta aliqua abstractio quia sit maior quoad extensionem: ita neque est sufficientis ratio, vt habitus respiciens ipsam sit magis perfectus.

ARTICVLVS IV.

Verum peccatum possit esse simul cum virtute?

PRIMA CONCLUSIO. Peccatum mortale non potest esse simul cum virtutibus infusis, saltem in quantum sunt virtutes.

SECUNDA CONCLUSIO. Peccatum mortale potest esse simul cum virtutibus acquisitis.

TERCIA CONCLUSIO. Peccatum veniale potest esse simul cum virtutibus acquisitis, quam infusis.

COMMENTARIVS.

CIRCA PRIMAM conclusionem est aduertendum, esse hoc discrimen inter fidem, & ipsam, & reliquas virtutes infusas: quod reliquæ nullo modo possunt esse simul cum peccato mortali, sed sicut per quodcumque peccatum mortale excluditur gratia, & charitas, ita etiam excluduntur illæ virtutes, quia secundum suam entitatem habent connexionem cum charitate in fieri, & in conservari, vt D. THOMAS docet supra quæst. 65. art. 2. At vero fides & spes non habent talem connexionem cum charitate & ideo non excluduntur per quodcumque peccatum mortale, quando tamen manent in peccatore, non habent perfede rationem virtutis, & ideo dicuntur manere in ratione habitus, vt D. THOMAS docet in suis locis, & q. citata art. 4. CAPRE. in 3. d. 32. & 33. q. 1. art. 3. ad argumenta contra primam conclusionem in solutione 4.1. vbi explicat quæ ratione inter fides & virtutes infusas est oppositio formalis.

Circa eandem conclusionem disputant hic aliqui, an per peccatum mortale excludantur gratia & virtutes infusæ ex natura rei, hoc est, propter oppositionem, quam peccatum habeat cum eis; vel solum demeritorie; sed de hoc disputari debet, art. 2. supra citato. & 2.3. q. 14. art. 10. & in materia de fide, & de spe, vbi peculiariter inquiritur, quomodo fides excludatur per actum erroris, & ipse per actum desperationis.

CIRCA SECUNDAM conclusionem, sunt etiam qui disputant, an virtutes morales acquisitæ possint manere in eo, qui peccat mortaliter, & an retineant rationem virtutis, vel solum maneat vt habitus: sed de hoc agi solet supra quæst. 65. art. 2. vbi D. THOMAS inquit an virtutes morales possint esse sine charitate & 2.2. q. 13. art. 7. vbi inquit an sine charitate possit esse vera virtus.

CIRCA TERTIAM conclusionem est

D V B I V M.

An actus, qui est peccatum veniale possit remittere virtutem moralem acquisitam aut etiam omnino destruere & expellere ipsam, si aut sit valde intentus, aut saltem multiplicatus.

§. 1. Sensus dubij exponitur.

VBI CONSILIO hoc inquiri de virtute acquisita, nam de infusa suppono partem negatam receptam ab omnibus sine controversia, eamque probo: nam per peccata venialia non amittuntur gratia & charitas, ergo nec virtutes morales infuse; antecedens probatur, quoniam in concilio Tridentino sess. 6. decreto de iustificatione c. 7. dicitur, homines iustificari per gratiam, & charitatem ipsis inhaerentem; & postea c. 11. dicitur istos, cum peccant venialiter, non desinere esse iustos; consequentia vero probatur, quia vt docet D. THOMAS supra q. 65. art. 2. virtutes morales infuse secundum suam substantiam habent connexionem in fieri & in conservari cum charitate.

AD NOVIS dubij solutionem SUPPONENDUM est, quasdam esse virtutes, quarum actibus opponuntur actus, qui ex genere suo, & ex obiecto non sunt peccata mortalia, sed venialia tantum: cuiusmodi sunt liberalitas, temperantia, circa cibos, & eutrapelia; & alias, quarum actibus opponuntur actus qui in genere suo sunt peccata mortalia, vt luxuria, & caritas; nam actus iniustitiae & luxurie ex genere suo sunt peccata mortalia.

Secundo SUPPONENDUM est, non semper actus, qui ex genere suo sunt peccata mortalia esse etiam de facto & in individuum mortalia; sed quandoque essentiam venialia: id autem ex duplici capite provenire potest, scilicet aut ex defectu deliberationis requiritæ ad peccandum mortaliter, vt cum quis subito & sine plena deliberatione consentit in delectatione venereas aut ex parvitate materis, cuius situratur rem parvi momenti.

§. 2. Decisio dubij.

SIT PRIMA CONCLUSIO. Virtutes primi generis venialiter possunt, & amitti per peccata venialia. In hac omnes conveniunt, & probatur, quoniam actus, qui sufficienter ad generandum habitum vitij, sufficienter etiam ad expellendum virtutem ei oppositam: sed vitia opposita illis virtutibus generantur per actus, qui sunt peccata venialia; ergo etiam ipse virtutes expelluntur eisdem actibus; maior probatur, quoniam actus expellunt aliquem habitum, quatenus produciunt, aut saltem possunt producere habitum oppositum; & minor probatur, quoniam actus, quibus possunt produci illa vitia, ad summum sunt peccata venialia, neque datur aliquis, qui ex genere suo sit peccatum mortale.

Confirmatur, quoniam per actus intentos, & maxime deviantes à medio expelluntur virtutes.

A & generantur vitia opposita: sed tales sunt actus, de quibus loquimur; ergo per eos possunt expelli virtutes, & produci habitus vitiorum.

SECUNDA CONCLUSIO. Virtutes secundi generis non possunt amitti per frequentationem actuum, quibus peccata venialia, propter defectum deliberationis, & in hac quantum ego intelligo, etiam conveniunt omnes; & probatur, quoniam per actus istos non generantur habitus vitij; ergo neque expellitur virtus: consequentia probatur ex ijs, quæ paulo superius dicebamus; & antecedenti probatur, quoniam actus illi, quamvis sint culpabiles, tamen sunt imperfecti; & præterea quia per similes actus circa bonum non acquiruntur habitus virtutis, non solum in genere naturæ, sed etiam in genere moris; quia cum libertas sit fundamentum & capacitas malitiae moralis, necesse est, vt licet actus illi sint imperfecte liberi, ita etiam sint imperfecte capaces ipsius, & ex consequenti imperfecte recipiant eam, quod etiam colligitur ex D. THOMA infra q. 88. art. 2.

ULTIMA CONCLUSIO. Probabilis mitis videtur, non expelli virtutes illas per actus, qui sunt peccata venialia propter parvitatem materis, quamvis ad ipsam plenam deliberationem, ita CAPRA. in 2. d. 43. q. vnica, in fine, in solutione argumenti propositi in principio questionis, & refert pro eadem sententia D. THOMAS eadem d. q. 1. art. 4. in solutione primi, & probatur eo modo, quo præcedens conclusio; quia per ista peccata venialia non generantur, neque possunt generari vitia opposita virtutibus, de quibus loquimur; ergo neque possunt expelli ipse virtutes; probatur antecedenti, quia huiusmodi peccata sunt actus imperfecti in illis vitij, & parum recedentes à medio; per actus autem imperfectos non comparantur habitus.

Confirmatur primo, quia quæcumque ex illis virtutibus est habitus perfectus in hoc sensu, quod inclinat perfecte ad medium in latitudine sue materis seu obiecti proprii; ergo vt alter habitus sufficiat ad expellendum ipsam, debet esse ita perfectus, vt inclinet ad recedendum perfecte ab illo medio: sed per actus istos, de quibus loquimur, non potest acquiri talis habitus, quoniam ipsi recedunt parum à medio, & ob id non sunt peccata mortalia; ergo neque potest expelli virtus.

Confirmatur secundo, quoniam effectus formalis virtutis est inclinare in actu primo suum subiectum ad medium: sed potest aliquis retinere hunc effectum, respectu vitiorum, de quibus loquimur, quamvis committat peccata venialia contra eas; ergo & ipsas virtutes: probatur ista minor, quoniam qui habet, verbi gratia, virtutem iustitiae, quamvis fuerit rem parvi momenti, potest esse bene dispositus, & propensus in actu primo ad non committendum furti gratia, imo & habere in actu secundo firmum propositum abstinendi ab eis.

§. 3. Argumenta contra doctrinam traditam.

SED CONTRA argumentor PRIMO, peccata illa venialia sunt eiusdem speciei cum mortalibus, quoniam conveniunt cum eis in obiecto, & ab obiecto sumitur specificatio peccatorum, vt

DIU. THOMAS docet questione sequenti art. 1. ergo sicut per peccata mortalia expelluntur virtutes, de quibus loquimur, ita etiam per venialia.

SECUNDO, illa peccata venialia eandem habent oppositionem formalem cum virtutibus, atque mortalia: ergo etiam sufficiunt ad expellendum eas; *consequentia* probatur, quoniam actus non expellunt habitus physice, & ex natura rei, nisi ratione alicuius repugnantie, & oppositionis; & *antecedens* probatur, quoniam oppositio inter peccata mortalia & virtutes non consistit in gravitate culpe, quæ est in peccatis, sed in naturis propriis peccatorum, & virtutum: quia, scilicet, sunt inclinationes ad obiecta contraria, & opposita; constat autem, hanc oppositionem reperiri etiam inter virtutes & peccata illa venialia, quoniam peccata venialia conveniunt cum mortalibus in obiecto formali.

TERCIO, illa peccata venialia multiplicata possunt generare habitum vitij, eiusdem speciei cum eo, quem producant mortalia: ergo etiam possunt expellere habitum virtutis; probo *antecedens*, & in primis, quod generent habitum, quia si quis se exercet in actibus furandi res parvi momenti, sentiet se propensum ad tales actus, non minus, quam ille, qui se exercet in magnis furtis. *Item* quia voluntas est subiectum capax ad recipiendum habitum, quo determinetur ad huiusmodi actus, quoniam de se est indifferens, & indeterminata respectu eorum; & ipsi actus sunt agentia naturalia ad producendum talem habitum; ergo de facto producant eum, quia posito agente naturali non impedito, & subiecto capaci, necessario producit effectus; Quod vero habitus productus ab huiusmodi actibus, sit eiusdem speciei cum eo, qui producit ab actibus, quibus sunt peccata mortalia, probatur: quoniam actus, à quibus producantur huiusmodi habitus, sunt eiusdem speciei, conveniunt enim in obiecto formali; & solum differunt in quantitate materiz ut patet in furtis parvæ & magnæ quantitatis; sicut propter eandem rationem pertinent ad eandem speciem; iustitiz actus reddendi alienum, siue sit parvi momenti siue magni.

ULTIMO, aliquando acquiruntur virtutes illæ per actus refutandi peccata venialia in materijs ipsarum virtutum, ergo saltem in eo casu poterunt expelli per peccata venialia; *consequentia* probatur, quia virtutes illæ ita acquisite solum inclinabunt ad actus contrarios peccatis venialibus: ergo non minus efficacia erunt peccata venialia ad expellendum eas, quam mortalia ad expellendum virtutes inclinantes ad actus ipsis contrarios; & *antecedens* probatur, quia si quis puer, cum accedit ad usum rationis, edoctus à suis parentibus, vitet furtum, eliciat actus aliquos nolendi furari res minimas, acquirat habitum iustitiz inclinantem ad similes actus; & idem argumentum fieri potest in adulto etiam de alijs virtutibus.

§. 4. Respondetur ad argumenta prædicta.

AD PRIMUM, quidquid sit de *antecedenti*, de quo dicam suo loco, neganda est *consequentia*: quia cum peccatum veniale sit quid imperfectum, etiam in proprio genere, quia recedit parum

A à medio, non sequitur, quod possit, quidquid potest mortale, quod in illo genere est quid perfectum, quamvis conveniat specie cum eo; sicut puer est eiusdem speciei cum viro, & tamen non potest quidquid vir; neque femina potest quidquid mas, cum quo convenit specie.

Et eodem modo respondetur ad secundum, nam quidquid sit de *antecedenti*, quod pendet ex præcedenti, potest negari *consequentia*; & ad probationem, dico, non sufficere oppositionem quæ reperitur inter actum & habitum, ut actus possit expellere habitum, nisi actus sit in suo genere perfectus: quoniam tunc solum potest producere habitum; qui proprie opponitur habitui, & formaliter expellit ipsum, ut DIU. THOMAS docet in hoc articulo ad primum & secundum, & art. 1. huius questionis.

Quod si ita obijciat, peccatum veniale convenit cum mortali in oppositione ad virtutem, & potest convenire etiam in intensione; ut si quis tanto conatu fureretur res minimas, sicut alter furatur maximas: ergo etiam convenit cum ipso in eo, quod requiritur, ut expellat virtutem; probatur *consequentia*, quia in naturalibus, ut una forma expellat alteram, solum requiritur præter oppositionem, intensio, hoc est quod superet eam in intensione; Respondetur, concedendo *antecedens*, & negando *consequentiam*; & ad probationem dicendum est, esse magnum discrimen inter illud exemplum, & id, de quo loquimur, quoniam forma naturalis, ut frigiditas, solum est imperfecta in suo genere propter defectum intensiōis, & ideo satis est ipsam esse intensiorem contrariis, ut possit eam expellere: At vero peccatum veniale, de quo loquimur, non dicitur imperfectum in suo genere propter defectum intensiōis, quoniam in hac bene potest adquare, imo & superare peccatum mortale; sed quia intra latitudinem obiecti formalis recedit imperfecte à medio, ad quod inclinat virtus, & ideo quantumcumque sit extensum, semper est hoc modo imperfectum in suo genere, & propterea non potest expellere virtutem.

AD TERTIUM respondetur negando *antecedens*, quoniam ista peccata venialia quia sunt imperfecta in suo genere, ut modo dicebamus, aut nihil producent, aut saltem non producent habitum perfectum, qui expellat habitum oppositum: sed solum dispositionem quandam imperfectam, quæ esse possit cum habitu opposito; & ad primam probationem dicendum, propensionem ad furtum minuta in illo casu neque provenire ex habitu, sed ex dispositione imperfecta (aut si neque ista producat ex assuefactione, quæ non minus habet vim in homine, quam in brutis, in quibus certum est, non produci habitus) & ex apprehensionibus, & iudicijs manentibus, tam ex parte intellectus, quam ex parte imaginationis, de convenientia obiecti, & ex memoria delectationis præceptæ ex actibus præcedentibus; quod in alijs etiam casibus dicendum est, in quibus concedenda est similis propensio, sine habitu; ad secundam probationem negandum est, actus illos esse agentia habentia vim ad producendum habitum, quia sunt imperfecti in suo genere.

AD ULTIMUM, aliqui admittunt, virtutem ita acquisitam posse expelli per peccata venialia; sed hoc pugnat cum fundamento nostræ sententiæ; &

ideo

ideo aliter respondetur, negando antecedens, & ad probationem etiam est negandum, puerum illis actibus acquirere habitum iustitiæ, & idem dicendum est de quocumque adulto exercente similes actus in materia iustitiæ, aut cuiuscumque alterius virtutis secundi generis. Ratio autem huius est quia ut inquit D. THOMAS supra q. 66. art. 1. virtutes morales eiusdem speciei non sunt inter se inæquales in ordine ad obiectum, sed omnes sunt æquales: quia quilibet earum inclinatur, quantum est de se, ad omnia, quæ continentur intra latitudinem sui obiecti; ut, temperantia, ubicumque est, inclinatur, quantum est de se, ad omnia, ad quæ se extendit temperantia; si autem virtus aliqua secundi generis acquireretur per actus oppositos tantum peccatis venialibus, non posset inclinare ad totam latitudinem sui obiecti; quia cum intra latitudinem hanc contineatur quædam summa & gravior, & alia infima, & lenia; & actus isti solum terminentur ad infima; non possunt producere virtutem, quæ sit inclinatio ad summa: sicut si quis exerceat vires corporis in re facili, ut in portando leue aliquod corpus, non assuefiat ad difficiliora, ut ad portantum graue pondus; & ex hoc manet magis explicata vis primæ confirmationis argumenti, quo probavi ultimam conclusionem.

ARTICVLVS V.

Utrum in quolibet peccato sit aliquis actus?

PRIMA CONCLUSIO. Si peccatum omissionis sumatur quoad id solum, quod per se pertinet ad rationem peccati, quandoque est cum actu interiori, ut cum aliquis vult non ire ad ecclesiam tempore, quo tenetur ire, quandoque vero absque omni actu vel interiori vel exteriori, ut cum quis illo tempore omittit ire ad ecclesiam nihil cogitando de eundo aut non eundo.

SECUNDA CONCLUSIO. Si peccatum omissionis sumatur etiam quoad causas, vel occasiones omittendi, necesse est in eo esse aliquem actum.

TERTIA CONCLUSIO. Quando causa, vel occasio omittendi non est in potestate hominis, tunc ommissio non habet rationem peccati: quando vero subiacet eius voluntati, tunc ommissio habet rationem peccati.

VLTIMA CONCLUSIO. Verius dici potest aliquod peccatum, scilicet omissionis, posse esse absque omni actu.

COMMENTARIVS.

Diuisio peccati in peccatum commissionis & omissionis; res sunt modi omissionis admixto actu.

DISPUTATIO hæc de omissionis valde difficilis est, & ad actiones multum necessaria, continetque plures difficultates, ad quam explicationem in primis SUPPONENDVM est, peccatum sumptum pro personali, hoc est ut distinguitur ab originali, diuidi in peccatum commissionis & omissionis. Peccatum commissionis est, committere & facere id, quod est lege aliqua prohibitum; Peccatum omissionis est omittere

Ad, quod lex præcipit, sumunturque descriptiones istæ ex nominibus: nam cum peccare in communi sit transgredi legem, peccatum commissionis erit transgredi legem committendo, & faciendo, atque proinde erit contra legem prohibentem facere, & peccatum omissionis erit transgredi legem omittendo; & ex consequenti erit contra legem præcipientem facere id, in cuius omissione consistit eius transgressio.

B Et ex hoc colligunt communiter doctores duplex discrimen inter hæc peccata: PRIMVM est, peccatum commissionis esse contra præceptum negatiuum; & peccatum omissionis contra affirmatiuum, cuius ratio sumitur aperte ex ijs, quæ modo dicebamus; nam præceptum prohibens aliquid furari, aut fornicari, habet formam negatiui, neque aliter solet exprimi prohibitio istorum aut aliorum actuum, quam per negationem, ut dicendo, ne fureris, ne forniceris; præceptum vero præcipientes fieri aliquid, ut orare, vel audire sacrum, retinet formam affirmatiui, neque potest commode proponi aliter, quam affirmatiue, ut dicendo, ora, audi sacrum; neque ab hac sententia recedit GABRIEL in 2. d. 41. q. vnica art. 3. dub. 3. ut aliqui volunt: nam cum inquit, in omni peccato commissionis reperiri omissionem, quatenus qui committit, aut facit id, quod prohibitum est, non omittit id, quod tenebatur omittere, scilicet actum illum; loquitur de omissione improprie sumpta, pro peccato, quo aliquis non omittit id, quod omittere tenebatur: & ita ipse se explicat ideoque subdit statim, omissionem proprie sumptam esse, cum aliquis omittit actum, quem tenetur facere, & esse contra præceptum affirmatiuum. Verum ut omnes remoueantur scrupuli, duo sunt aduertenda: PRIMUM est, esse quædam præcepta, quæ, licet videantur affirmatiua, tamen potius sunt negatiua, quia in illis est intenta prohibitio actus alicuius, & ita virtualiter continet eius negationem; cuiusmodi sunt præcepta, quibus præcipitur negatio aut priuatio actus alicuius; nam in ijs prohibetur ipse actus, ut quia ieiunare non est comedere, nisi semel in die, & tali hora, & tales cibos & ideo præcipere ieiunium, est prohibere comedere plus, quam semel in die & cetera. & est idem ac si diceretur, ne comedas nisi semel in die & cetera. & ita quamuis transgressionibus horum præceptorum fiant committendo, hoc est exercendo actus oppositos, vere sunt contra præcepta negatiua; ALIUD est, hoc esse intelligendum de contrarietate ad præceptum formali, & per se; & non de contrarietate impropria, & per accidens; quod addo, quia sæpe est adeo coniunctum præceptum affirmatiuum cum negatiuo, ut ommissio videatur esse contra præceptum negatiuum: ut cum quis non comedit id, quod est simpliciter necessarium ad vitæ conseruationem, peccat omittendo, & videtur peccare contra præceptum negatiuum non occidendi seipsum: tamen hoc est valde improprie, & per accidens; nam per se & formaliter solum peccat contra præceptum affirmatiuum conseruandi propriam vitam, quod esse distinctum ab illo negatiuo constat; quoniam in nullo casu licet interficere seipsum, & tamen sæpe licet non conseruare vitam aut exponere eam probabili periculo mortis ex rationabili causa, ut Theologi docent in materia de charitate.

SECUNDVM discrimen est, quod peccatum commissionis requirit pro materiali, cui conueniat malitia moralis, aliquem actum: omissio vero non item; colligiturque aperte ex dictis, nam malitia moralis actualis est in eo, quo actu transgredimur legem: constat autem, quod non possumus transgredi legem prohibentem operari, nisi operando; legem autem præcipientem aliquem actum possumus transgredi, eum omittendo.

Quod si ita obijcias, isti duo actus, scilicet orare sine attentione, & facere sacrum sine vestibus sacris, sunt peccata commissionis: & tamen eorum malitiæ non supponunt actus, sed potius defectus actionum: scilicet attentionis, & induendi se vestibus sacris, ergo non semper peccatum commissionis requirit actum, in quo recipiatur eius malitia; Respondetur concedendo maiorem, & negando minorem; quoniam malitiæ illæ morales supponunt ipsos actus, ut factos sine circumstantijs debitis, & eos denominant peccata actualia.

Quod si velis probare, actus illos non esse peccata commissionis, sed omissionis, quia sunt contra præcepta affirmatiua, scilicet orandi attente, & faciendi sacrum cum vestibus sacris: Respondetur præcepta ista virtualiter esse negatiua, quoniam in priori prohibetur distractio, & in posteriori irreuerentia circa res sacras; itaque præcepta illa non prohibent absolute orare, & facere sacrum: sed supposito quod hæc duo facias, ne ores, cum distractione, & ne offeras sacrificium cum hac irreuerentia, ut non sis ornatus vestibus sacris.

SECUNDO supponendum est cum Diu. THOMAS in artic. tribus modis fieri posse peccatum omissionis per actum positium, primo, ut actus ille pertineat per se ad rationem peccati, ut cum aliquis vult omittere; secundo ita ut tantum sit occasio ipsius, coniuncta tamen cum eo, ut si quis eo tempore, quo præceptum obligat ad actum audiendi sacrum, exerceat aliquod opus impossibile cum eo, verbi gratia ludere, idque aduertendo ad obligationem præcepti, & ad impossibilitatem illorum actuum; vel ignorando utramque vincibiliter; & tandem tertio ita ut, licet actus antecedit omissionem, & ex consequenti non sit eius occasio coniuncta ipsi, tamen ex eo sequetur moraliter aliquid, quod sit impedimento actui præcepto, & occasio coniuncta omittendi eum, & hoc ita futurum esse præuidetur: ut cum aliquis vult nimium vigilare noctu, aut inebriari vino, ex quo videt moraliter euenturum, ut mane eo tempore, quo obligat præceptum audiendi sacrum, dormiat. Est autem aduertendum, quod, cum dicimus in priori casu, actum voluntatis pertinere per se ad rationem peccati omissionis; non est sensus, pertinere ad ipsam malitiam moralem, tanquam partem intrinsecam eius (ut vult CONRADVS, qui dicit, habere in ea rationem generis, quoniam existimat cum alijs, voluntarium esse genus ad bonum & malum morale, & ita exponit Diuvm THOMAM, quod tamen falsum esse probaui superius quæst. 18. & hic potest facile ostendi, quoniam, cum ratio formalis malitiæ omissionis consistat in priuatione, non potest habere pro genere voluntarium actus, quod est quid positium & reale) sed sensus est, actum illum pertinere per se ad malitiam omissionis, tanquam fundamentum ipsius; nam sicut ad mali-

tiam peccati commissionis concurrat ut fundamentum, non solum actus externus, sed etiam internus, à quo externus habet, quod sit voluntarius: ita & actus ille, à quo omissio habet, quod sit voluntaria, erit fundamentum suæ malitiæ moralis: & hoc modo est exponendus Diu. THOMAS in prima conclusione.

His suppositis est

DVBIVM I.

An possit reperiri peccatum omissionis sine actu positio, qui concurrat ad ipsum aliquo ex his tribus modis, quos nunc retulimus?

§. 1. Sententia Alexandri; requiri actum qui sit volitio omissionis.

VB I SUPPONIMVS ut certum, non esse necessarium ad omissionem actum aliquem positium, ut pertinentem intrinsece ad eius essentiam, quatenus peccatum est, siue ad eius malitiam moralem: & in hoc omnes conueniunt; imo impossibile est, aliquem actum pertinere hoc modo ad essentiam peccati omissionis, ut paulo superius probaui.

In hac questione tres sunt distinctæ sententiæ. PRIMA est eorum, qui sentiunt, requiri ad peccatum omissionis actum voluntatis, qui sit volitio ipsius omissionis, & ex consequenti concurrat ad eam priori modo, dicuntque hoc esse discrimen inter peccatum commissionis, & omissionis, quod quamuis ad utrumque requiratur actus voluntatis, tamen peccatum commissionis consistit simul in actu interno voluntatis, & externo; peccatum vero omissionis consistit solum in interno; & præterea ipse actus internus non est eiusdem rationis in utroque peccato: quoniam in commissione est velle facere, & in omissione nolle facere, aut velle non facere; ita, ut dixi, refert hanc sententiam sine nomine authoris, BASOLIJS in 2. d. 35. q. vnica art. 1. & GABR. d. 41. quæstione vnica art. 3. d. 3. refert pro ea ALEXAND. 2. p. q. 130. m. 10. & dicit sibi videri probabilem, & facilem, addit tamen, non esse necessarium, actum illum voluntatis terminari ad omissionem formaliter, sed satis esse terminari virtualiter: ut si sit volitio operis impossibilis cum actu omittendo; verum ALEXAN. illo loco non agit de omissione sed quæstione 113, vbi m. 2. & 10. sequitur aperte hanc sententiam, & sine ulla limitatione, & potest probari PRIMO, quia etiam in peccato mortali omissionis reperiuntur auersio & conuersio: ergo requiritur ad ipsum prædictus actus voluntatis; consequentia probatur, quia actus voluntatis, quatenus eo volumus obiectum sub aliqua ratione boni, est conuersio ad bonum commutabile; & antecedens probatur, quia peccatum illud, non solum punitur pena damni, quæ respondet auersioni; sed etiam pena sensus, quæ respondet conuersioni.

SECUNDO, in omissione distinguitur peccatum actuale ab habituali, siue ab statu peccati: sed non potest intelligi in quo distinguatur, nisi quia requi-

rit actum

rit actum voluntatis, quo sit ipsa omissio volita, quem non postulat status peccati: ergo dicendum est, requiri huiusmodi actum, ad peccatum omissionis; *maior* probatur, quia tempore quo preceptum obligat, dicitur is, qui omittit, peccare; postea vero, quousque remittatur ei peccatum, non dicitur peccare, sed esse in peccato, aut in statu peccati; & *minor* probatur, quia negatio actus debiti semper manet, quousque remittatur peccatum.

TERTIO, omissio non est peccatum, nisi sit voluntaria per modum actus secundi: sed non potest esse isto modo voluntaria, nisi medio actu, quo ipsa est volita: ergo neque peccatum; *minor* probatur, quia sicut actus non est voluntarius, nisi sit actus voluntatis, aut sit volitus, vel imperatus medio aliquo actu: ita omissio actus, cum non sit actus, non erit voluntaria per modum actus, nisi ut volita aliquo actu; & *maior* probatur, quia nihil potest esse peccatum, nisi sit voluntarium, ut cum **AVGVSTINO** concedunt omnes theologi; & non est satis esse voluntarium in potentia, quoniam alias omnia peccata, quæ possumus committere, imputarentur nobis ad culpam; neque omissio actualis est voluntaria per modum termini relictæ ex actu secundo, sicut peccatum habituale; ergo necessarium est quod sit voluntaria per modum actus secundi.

VLTIMO, peccatum omissionis multiplicatum generat habitum inclinantem ad similes omissiones; sed sola omissio, cum non sit ens, sed negatio entis, non potest concurrere efficienter ad productionem habitus, qui est ens reale: ergo peccatum omissionis non est sola omissio actus, sed habet adiunctum actum, quo sit volita; probatur *consequentia*, quia nullus actus alius poterit concurrere ad productionem habitus, ut postea ostendam; & *maior* probatur, quia per peccata omissionis amittuntur virtutes, ut, qui non restituit alienum, non minus amittit virtutem iustitiæ, quam qui accipit; ergo etiam per ea generantur habitus vicioſorum.

§. 2. Sententia Capreoli, Caietani, & Conradi, requirit aliquem actum ad peccatum omissionis, non tamen necessarium actum, qui sit volitio omissionis.

SECUNDA SENTENTIA est eorum, qui dicunt posse reperiri peccatū omissionis sine actu, qui ad ipsum concurrat priori modo; non tamen sine actu, qui concurrat aliquo ex illis tribus modis. Huic sententiæ fauet **D. THOMAS** in secunda conclusionē; & sequuntur eam ex suis expositoribus **CAPRE**, in 2. d. 35. q. unica art. 4. concl. 2. & art. 3. in solutionibus ad argumenta contra eam proposita **CAIET.** 1. p. q. 6. art. 5. ubi ait, non potuisse esse in angelo in primo instanti peccatum omissionis, quoniam omissio ut sit peccatū, habet necessarium annexum actum voluntatis non rectum, qui tamen tunc non potuit esse in angelo, quoniam eius voluntas est naturaliter determinata ad rectitudinem primi actus; & **CONRADVS** hoc loco; & ex alijs **BONAVENT.** in 2. d. 35. dub. 1. circa literam mag. & **HENRIC.** quodlib. 12. q. 24. & **ADAM GORDAM** in 4. q. 6. dub. 2.

A *Probatur hæc secunda sententia PRIMO* quia ex opposito sequuntur nonnulla inconuenientia grauissima; *primum* est, posse aliquem sine vlla sui mutatione fieri de non peccante peccantem, imo de iusto iniustum, & de amico Dei, inimicum; probatur sequela, quia, posito quod aliquis teneatur in instanti aliquo determinato elicere actum dilectionis Dei, si ante illud instans, & in eo, nullum eliciat actum, se habebit eodem modo atque antea, & ex consequenti nullo modo mutabitur, & tamen antea non peccabit, neque amittet gratiam, si forte habeat eam: neque desinet esse iustus & amicus Dei, quia nondum tenetur elicere actum; at vero in ipso instanti peccabit, & fiet iniustus, & inimicus Dei, si ad peccatum omissionis nullus requiratur actus, sed sufficiat sola omissio actus debiti.

Dices, istum in illo instanti mutari, quia tunc amittit gratiam, & ipsa amissio gratiæ est quedam mutatio.

Sed contra, prius natura est esse aliquem peccatorem, quam amittere gratiam: quia ex eo, quod est peccator, pronenit quod amittat gratiam; ergo esse peccatorem præintelligitur mutationi quæ consistit in amissione gratiæ.

B *Secundum* inconueniens est, posse aliquem, cum dormit, esse in gratia, & continuato somno amittere eam; & quod hoc sequatur, probatur in eodem casu, quia si ille incipiat dormire ante illud instans, cum inconsideratione naturali & inuincibili periculi continandi somnum, etiam ultra illud instans, non peccat, ut omnes fatentur; & tamen in illo instanti peccabit, si ad peccatum omissionis sufficiat sola negatio actus debiti, quia tunc non eliciet actum, quem ratione præcepti tenetur pro illo instanti elicere.

VLTIMUM inconueniens est, posse aliquem, dum exercet se in operibus bonis & meritorijs, peccare & amittere gratiam; probatur, quoniam si quis, dum vacat orationi aut studio, vel audit confessiones, sine vlllo alio actu omittat recitare diuinum officium, ad quod tenebatur ex præcepto, peccabit, iuxta oppositam sententiam, ratione solius omissionis, & amittet gratiam, quamvis illi actus neque sint causa, neque occasio omittendi: & tamen hoc dato, actus illi nulla ratione erunt mali, sed boni & meritorij.

C **SECUNDO**, peccatum omissionis, est priuatio, aut actus debiti, aut conformitatis ad legem præcipientem fieri aliquid: ergo præsupponit aliquid positium, tanquam fundamentum proximum; quoniam commune est omnibus priuationibus præsupponere non solum subiectum, sed etiam fundamentum proximum, scilicet aptitudinem ad recipiendum formam oppositam, & in hoc differunt à negationibus: sed huiusmodi fundamentum respectu omissionis non est ipsa voluntas secundum suam substantiam, alias semper negatio actus haberet rationem omissionis priuatiuæ, & peccati: ergo est aliquis actus positius.

Confirmatur, conformitas cum præcepto affirmatiuo non potest recipi tanquam in subiecto proximo, nisi in actu: ergo neque priuatio huius conformitatis, siue difformitas ab eo in qua consistit peccatum omissionis; probatur *consequentia*, quia in eodem recipiuntur opposita priuatiue, alias non esset verum, priuationem alicuius forme

essene-

esse negationem in subiecto apto ad recipiendum eandam formam.

TERTIO non potest voluntas libere, & cum aduertentia requirita ex parte intellectus, desistere à volitione alicuius obiecti, aut actus, nisi aut volendo desistere, aut volendo aliquid aliud, ratione cuius distrahatur ab illa volitione: ergo neque potest aliter peccare omittendo voluntarie; *consequentia* probatur, quia ut voluntas peccet omittendo aliquem actum, requiritur quod omittat eum libere, & cum aduertentia intellectus sufficienti ad peccandum; & *antecedens* probatur, *nam quia* unusquisque experitur in seipso, quod de facto nunquam desistit, nisi altero ex his duobus modis; *nam etiam quia* si aliquando desisteret libere voluntas sola suspensione actuum, pari ratione posset desistere eodem modo ab omni actu per totam vitam; quia nulla ratio est, cur id possit illo tempore, potius quam reliquo tempore vitæ: & tamen hoc videtur repugnare.

Confirmatur, quia in intellectu considerante, antecedente, aliquid esse agendum, non potest voluntas omittere illud, nisi habendo actum, quo aut voluit illud, aut velit suspendere actum, aut saltem velit diuertere intellectum ad aliud: ergo non potest reperiri peccatum omissionis, nisi concurrente ad ipsum aliquo modo actu voluntatis; probatur *antecedens*, quia vel illud dictamen intellectus est, efficax vel non: si primum, sequitur quod voluntas non possit omittere, quia imperium efficax necessario mouet voluntatem, ita ut in sensu composito non possit illa non velle; si secundum, sequitur euidenter intentum, nam dictamen esse inefficax provenit ex eo, quod voluntas imperfecte voluit applicare intellectum ad talem considerationem, ergo omisio actus considerati & dictati ab intellectu, semper provenit ex aliquo actu voluntatis, saltem per accidens.

Dices, hoc argumento solum probari, non posse reperiri peccatum puræ omissionis in casu, quo intellectus considerat, & dicitur, quid agendum sit: non autem posita ex parte intellectus in consideratione.

Sed contra vel inconsideratio illa, ex qua provenit omisio, est naturalis: vel libera; si primum, ergo omisio ipsa non est peccatum, quia, cum proveniat ex causa, quæ non subiaceat voluntati, non potest esse peccatum, ut D. THOMAS docet in 3. conclusionem, si secundum, sequitur intentum, quia inconsideratio non potest esse libera, nisi in quantum voluntas habet aliquem actum, qui directe vel indirecte sit eius causa.

Quarto, voluntas secluso omni actu non exercet libertatem, quam habet ad volendum, siue ad operandum & non operandum: ergo repugnat eam peccare secluso omni actu; *consequentia* probatur, quia peccatum consistit in malo usu, & exercitio libertatis; *antecedens* vero probatur, *nam quia* exercitium causæ actiue, qualis est potentia libera, videtur importare intrinsece actum aliquem, & oppositum non potest intelligi; *nam etiam quia* voluntas secluso omni actu habet rationem actus primi, & potentie, respectu exercitij suæ libertatis & indifferentie ad utrumque: sicut quando consideratur ut antecedens omnem actum suum; & *tandem* quia indifferentia seu libertas voluntatis ad utrumque determinatur formaliter ad alteram

partem per exercitium ipsius: sed secluso omni actu non est voluntas determinata formaliter ad unam partem magis, quam ad alteram; ergo neque exercet suam libertatem.

ULTIMO, repugnat dari meritum sine omni actu, ergo & demeritum, & ex consequenti omissionem, quæ sit peccatum: probatur *consequentia*, quia idem modus voluntarij requiritur ad utrumque, sed ad meritum non sufficit voluntarium, quod consistit in negatione actus, cum indifferentia potentie ad utrumque: ergo idem dicendum est de demerito.

Confirmatur, quia Deus prouisor est ad præmiandum, quam ad puniendum: sed non præmiat solâ negationem actus, ergo neque punit, & ex consequenti pura omisio non habet rationem peccati.

§. 3. Resolutio. *Posse dari peccatum omissionis sine omni actu: licet ut plerumque semper interueniat aliquis actus.*

TERTIA SENTENTIA est eorum, qui dicunt, posse reperiri peccatum omissionis sine vlllo omnino actu: hanc sequuntur RICARD. in 2. d. 35. circa primum principale q. 1. DURAN. ead. d. q. 2. & in 3. d. 33. q. 2. n. 7. AEGID. ROMA. ead. d. q. 1. art. 2. ALTISIODOREN. in sua summa. lib. 2. tractatu 29. c. 2. q. 1. OKAM. in 3. q. 10. in solutione ad primum dubium propositum post quartam conclusionem, & q. 13. in solutione ad primum dubium propositum post conclusiones MARCIL. in 2. q. 21. art. 2. ALMAIVS in suis moralibus tractatu 3. cap. 25. & 26. GABRI. & BASOIS. locis citatis in 1. opinione. HERVEVS quodli. 7. q. 15. ADRIA. in materia de Eucharistia q. 3. in solutione ad 7. IOANNES MAIOR in 2. d. 41. q. 2.

PRIMA CONCLUSIO, *potest dari peccatum omissionis sine omni actu prorsus, tam interiori, quam exteriori, qui concurrat ad ipsum aliquo ex tribus modis supra velatis*, hoc est, ut pertinet per se ad ipsum, vel tanquam eius causa, vel occasio: in hac conueniunt omnes authores citati pro secunda sententia, addidi tamen limitationem illam, *qui concurrat ad ipsum, &c.* quoniam existimo, non posse reperiri peccatum omissionis sine omni actu intellectus, saltem sine eo, qui requiritur, ut omisio sit in potestate voluntatis; si enim aliquis propter inaduertentiam aut inconsiderationem omittat actum, ad quæ tenetur ratione præcepti, & huiusmodi inconsideratio fit talis, ut non subiaceat voluntati, ita ut voluntas possit eam vitare, applicando intellectum ad considerationem illius actus: tunc omisio non erit voluntaria, nec peccatum, iuxta doctrinam D. THOMÆ in 3. conclusionem; ut tamen voluntas possit ita applicare intellectum, requiritur aliqua cognitio ipsius actus, non quidem perfecta, & quoad rationes particulares, quoniam cum hac non esset inconsideratio & obliuio actus, sed imperfecta, & confusa & quoad rationes communes, ut explicui supra q. 6. art. 3. dub. 1. in solutione ultimi argumenti, & de hoc forsam dicam postea plura; verum huiusmodi cognitio, sicut & quæcumque alia perfectior, non pertinet per se ad omissionem, neque est eius causa, vel occasio: imo potius instigat ad opus.

Probatum.

Probat̃ur hac conclusio, quia ad peccatum omissionis satis est voluntaria omisio eius, quod quis tenetur facere: sed hæc omisio potest esse sine omni actu, siue interno, siue externo, qui sit eius causa, vel occasio: ergo & peccatum omissionis; maior probatur, *tum* quia omne voluntarium, quod est contra aliquod præceptum, est peccatum; *tum etiam* quia ibi reperiuntur omnes causæ peccati omissionis, scilicet, teneri aliquid ad faciendū aliquid, posse facere, & non facere: ergo & peccatum ipsum; minor vero probatur, quia occurrente tempore, quo præceptum obligat, verbi gratia, ad diligendum Deum, potest quis ratione alicuius negligentiae culpabilis, habere se mere negative ex parte voluntatis circa actum illum, ita ut nullū omnino habeat actum in voluntate, quo velit aut elicere aut non elicere eum, aut facere aliquid aliud, quo impediatur ab eo.

Ad hoc alij qui respondent, negligentiam illā, non esse voluntariam (quod tamen requiritur, ut omisio ex ea proveniens sit peccatum) nisi ratione alicuius actus voluntatis, quo vel tunc, vel antea fuerit volita.

Sed contra, quia, ut omisio sit peccatum, satis est, quod negligentia sit voluntaria indirecte: ut autem negligentia sit hoc modo voluntaria satis est, quod voluntas possit, & teneatur eam vitare, excitando intellectum ad actū sollicitudinis ei oppositū, & non vitet; ad quod non est necessarius actus voluntatis, quo ipsa negligentia sit volita, ut cum D. THOMA probavi supra q. 6. art. 3.

Confirmatur, quia D. THOMAS 1.2. q. 54. art. 3. ita inquit, *negligentia provenit ex quadam remissione voluntatis, per quam consingit, quod ratio non sollicitatur, ut præcipiat ea, quæ debet, vel eo modo quo debet*: ergo ad negligentiam non requiritur actus voluntatis, quo sit, sed sufficit defectus actus requisiti ad movendum intellectum.

Secundo PROBATUR CONCLUSIO, quia in casu præcedentis argumenti, potest quis advertere, se teneri ad eliciendum actum dilectionis, & suspendere simul eum, & omne alium actum voluntarium: ergo tunc reperiatur peccatū omissionis absque omni actu qui sit eius causa, vel occasio: *hac consequentia* probatur, quia in primis, ille peccabit peccato omissionis (ut constat ex probatione maioris præcedentis argumenti, & colligitur ex illo Iacobi 46. *sciēti facere bonum, & non facienti, peccatum est illi*, quod intelligitur de eo, qui non facit, cum præceptum obligat) & nullus actus voluntarius est causa, aut occasio talis omissionis, cum (ex suppositione) nullus sit ibi actus voluntarius, præter advertentiam, qua videt, se ad id teneri, quæ tamen non est causa, aut occasio omittendi, cū potius instiget, & moveat ad oppositum; & *antecedens* probatur, quia voluntas in illo casu non est solum libera ad eliciendum & non eliciendum actum dilectionis, quod omnes concedunt; sed etiam ad eliciendum, & non eliciendum quemcunque alium actum; & ex consequenti, sicut potest suspendere actum dilectionis, ita & omnem alium actum voluntarium; & *præterea*, quia si non posset simul suspendere omnem alium actum, necessitaretur ad aliquem, atque proinde ille iam non esset voluntarius, & ita, eo non obstante, posset dici, voluntatem suspendere omnem actum voluntarium.

Ad hoc authores aliarum sententiarum respon-

dent tribus modis: *nam in primis* HENRICVS loco citato dicit, omissionem actus in illo casu esse negativam, & non privativam: & ideo non esse peccatū.

Sed contra, quia omisio actus debiti, qualis est ille, de quo loquimur, cum ad eum obliget præceptum, non est negativa, sed privativa: sicut in naturalibus carētia formæ, aut perfectionis debita; *Item* alias posset homo subtrahere se ipsum ab obligatione præcepti eo tempore, quo præceptum obligat.

Secundo respondent alij, omissionem illam non esse voluntariam, & ideo non esse peccatum, & hoc videtur placere authoribus primæ sententiæ, & GAB. loco citato dicit, posse ita responderi pro ea.

Sed hoc bene impugnatur D. THOMAS q. 1. de malo art. 1. in solutione secundi, & in hoc art. ad 2. & supra qu. 6. art. 3. quæ talis est, ut aliquid sit voluntarium, non est necessarium, esse volitum aliquo actu, neque formaliter & immediate, neque virtualiter & consequentive: sed satis est, esse in potestate volūtatis quantum ad fieri, vel non fieri: sicut patet in actu voluntatis, qui quamvis non sit volitus alio actu, dicitur voluntarius, quia est hoc modo in potestate voluntatis: sed omisio in nostro casu est etiam ita in potestate voluntatis, quia voluntas potest eam impedire, aut non impedire, exercendo, aut non exercendo actum ei oppositum; ergo est voluntaria, quamvis nullo modo sit volita aliquo actu formali.

Confirmatur quia libertas, qua voluntas potest exire & non exire in actum, sufficit, ut voluntas habeat dominium actus, & ut ipse actus dicatur voluntarius: ergo etiam libertas, qua voluntas potest impedire, & non impedire omissionē sui actus, sufficit ad utrumque respectu omissionis.

Dices cum CAPRABOLO loco citato, in solutione ad primum D. THOMAS contra secundam conclusionem, hoc argumento solum probari, satis esse, ut omisio sit voluntaria, quod sit illo modo in potestate voluntatis, & ad hoc non requiri actū, quo ipsa sit volita per se, & directe: non tamen non requiri actū, qui sit eius causa vel occasio, quia non est liberum voluntari omittere actum in nostro casu, nisi exercendo alium actum, qui sit causa omissionis, vel per se, vel per accidens.

Sed hoc potest facile impugnari eodem exemplo actus eliciti à voluntate: nam ut iste sit in potestate voluntatis, ita quod voluntas libere possit eū exercere, non requiritur alius actus, qui sit eius causa per se, aut per accidens.

Dices ulterius, cum eodem in fine illius solutionis, esse hoc discrimen inter actum, & omissionem: quod actus est voluntarius formaliter & per se, omisio vero solum est voluntaria virtualiter & consequentive, aut per accidens; quia omisio, cum sit negatio, non potest esse volita ratione sui, sed ratione alicuius positiui, quod sit primò, & per se volitum: & ideo ad omissionem peculiariter requiri aliquem actum, qui sit voluntarius formaliter, & per se, & sit aliquo modo eius causa; quia omne, quod est tale per accidens, reducitur in id, quod est tale per se; & omne volitum virtualiter, præsupponit aliquid volitum formaliter, in quo ipsum sit volitum virtualiter & consequentive.

Sed hæc solutio aperte procedit ex æquivocatione, cum in ea sumantur pro eodem, esse volitum tan-

quam obiectum; & esse voluntarium, quia est in potestate voluntatis ut sit, vel non sit; & ex eo quod omissio est volita per accidens, aut consequentiū ad aliquid prius volitum, colligitur quod etiam sit eodem modo voluntaria: quare contra ipsam sic argumentor, libertas voluntatis æque immediate respicit actum, ac eius negationem; quoniam non est voluntas libera ad actum libertate contradictionis, nisi quatenus est libera ad eius negationem: ergo sicut actus est immediate, & secluso omni alio actu, in libera potestate voluntatis: ita etiam eius omissio; & ex consequenti sicut actus est immediate voluntarius: ita etiam omissio, quia (ut dixi) esse voluntarium, hic non sumitur pro volito per modum obiecti, sed pro eo, quod est in potestate voluntatis, ut sit vel non sit.

Et ex hoc probatur solutio ad argumentum, quod aliqui cum CAPREOLO obijciunt contra nostram sententiam, tanquam insolubile: scilicet, omissionem non esse voluntariam formaliter, & immediate, aut per se: sed virtualiter, & consequentiū, aut per accidens, & ideo debere reduci ad aliquid positivum, quod sit voluntarium formaliter, & per se, tanquam in suam causam; & ex consequenti, non posse omissionem esse voluntariam secluso omni actu voluntatis. Nam *in primis* dico, divisionem hanc voluntarij in voluntarium per se, & per accidens, aut formaliter, aut virtualiter; si propriè loquamur, solum intelligendam esse de voluntario quatenus habet rationem obiecti voliti, non autem de eo, quod solum dicitur voluntarium, quia est in libera potestate voluntatis. *Secundo dico*, quod si divisio illa intelligatur etiam de isto voluntario, diceretur ommissio, de qua loquimur, voluntaria formaliter, & immediate, & per se, non quidem directè, sed indirectè: quia ea, quæ requiruntur ad voluntarium indirectè (scilicet voluntatem teneri, & posse vitare, & non vitare ipsum) conveniunt illi omissioni formaliter, immediate, & per se, & non ratione alterius. *Tertio dico*, omissionem illam reduci ad volitionem interpretativam, quæ non est actus formalis, sed ipsa voluntas, cum libertate ad omittendum, & non omittendum, & cum obligatione ad non omittendum: quando nimirum voluntas ita se habet, & omittit, possumus interpretari ipsam, dicendo, quod vult ommittere, ut explicui supra q. 6. art. 3.

Tertio respondent alij negando antecedens, quoad secundam partem, scilicet, quod voluntas in illo casu possit suspendere omnem actum voluntarium. Et ut respondeant probationibus, *supponimus*, posse voluntatem esse determinatam necessario ad eliciendum aliquem actum vagè & indeterminate, & nihilominus concurrere liberè ad quemcumque actum determinate, & diuisive: sicut homo tempore suæ vitæ liberè potest vitare quodcumque peccatum veniale sumptum determinate, & diuisive non tamen omnia, sine speciali privilegio, & gratia; & sicut homines possunt impedire quamcumque generationem humanam determinate sumptam, & tamen non poterunt impedire omnes generationes, aut aliquas indeterminate, scilicet, quæ necessariæ fuerint ad speciei conservationem, & huius generis sunt plura exēpla, in quibus reperitur libertas circa singularia sumpta determi-

nate, & diuisive, & non circa totam collectionem eorum; & hoc supposito, dicunt ad primam probationem, antecedens solum esse verū, si intelligatur de quocumque alio actu determinate, & diuisive; non tamen si intelligatur de quocumque alio actu vagè, & indeterminate: & ita ex eo solum posse colligi, quod voluntas possit suspendere quemcumque aliū actum determinate, & diuisive: non tamē quod possit suspendere omnem aliū actum voluntarium, ut in exemplis adductis constat. Et ad secundam dicunt, quod quamvis voluntas non possit suspendere omnem alium actum, non sequitur, eam necessitari ad aliquem actum diuisive, & determinate, sed solum necessitari ad aliquem vagè & indeterminate: cum quo stat, quod quicumque actus ab ea tunc elicitus, sit liber, & voluntarius, quia non elicitus actus vagè sumptus, sed determinate, & in particulari, quæ omnia satis manifesta sunt in exēplis adductis. Itā respondet ADAM loco citato in solutione ad 4. argumentum aliorum contra secundam conclusionem: & hoc placet aliquibus recentioribus.

Sed mihi non placet, quia in isto casu nihil est, quod necessitet voluntatem ad exercitium actus, qui sit causa vel occasio omittendi, etiam si actus sumatur vagè & indeterminate: quod sic probō, *in primis non necessitatur à Deo*, alias Deus moueret determinate voluntatem ad causam, vel occasionem peccati, & consequenter ad peccatum: neque etiam necessitatur à propria natura, quia alias necessitaretur ab authore ipsius naturæ, neque necessitatur à bonitate ipsius exercitij, quia bonitas exercitij non necessitat voluntatem nisi apprehendatur sub ratione bonitatis simpliciter, & nullam habentis rationem mali: neque defectus, ut in beatis: quod hic non ita sit, neque potest fieri: ergo nihil est, quod in illo casu necessitet voluntatem, probatur *consequentia*, quia tantum mouetur voluntas ad exercitium à tribus, scilicet à Deo, à propria natura seu libertate, & à bonitate ipsius exercitij, ut apprehensa: ergo ab his tribus tantum potest habere modum ipsius exercitij, scilicet necessitatem.

Dicitur, necessitatem hanc, de qua loquimur, non esse necessitatem simpliciter, sed ex suppositione: & ideo non esse necessarium, quod proveniat ab aliquo ex his tribus, sed posse provenire ex suppositione aliqua, scilicet ex suppositione quod homo advertit ad præceptum, aut quod peccat peccato omissionis: sicut in exemplis supra adductis, prior necessitas provenit ex infirmitate naturæ humanæ & posterior ex suppositione quod species sit conservanda.

Sed contra, quia *in primis* non provenit ista necessitas ex advertentia ad præceptum, quoniam advertentia ad præceptum, ut paulo ante dicebam, instigat & mouet ad ipsius præcepti adimpletionem; ergo non necessitat voluntatem ad eliciendum actum, qui sit causa, vel occasio transgrediendi ipsum præceptum omittendo; neque etiam provenit ex suppositione peccati, quia sequeretur, quod peccatum omissionis præcederet determinationem illam voluntatis, & actum ex ea procedentem, & ex consequenti quod actus ille non esset causa vel occasio omissionis: sequela probatur, quia suppositio, ex qua sequitur voluntatem necessitari

in sensu composito ad aliquem effectum, vel est causa talis necessitatis, & determinationis; vel saltem tenet se ex parte causæ, & ex consequenti præcedit eam.

Atque hæc duo argumenta videntur mihi satis efficacia pro nostra conclusione. Aliqui vero vtuntur alijs duobus ad eius confirmationem, quorum PRIMUM est hoc; actus non est de essentia peccati omissionis, vt D. THOMAS docet in vltima conclusione, & nos probauimus parum ante quæstionem hanc, ergo peccatum omissionis potest reperiri sine omni actu; secundum est huiusmodi, si Deus imponat alicui præceptum eliciendi: (verbi gratia in hac hora) aliquem actum voluntatis, non determinando quod eliciat determinate hunc aut illum, poterit talis homo transgredi hoc præceptum: sed non per actum aliquem, quoniam (ex suppositione) quicumque actus erit adimpletius præcepti: ergo per puram omissionem.

Sed hæc duo argumenta sunt valde infirma: nam ad primum responderetur, negando consequentiam, habereque plures instantias: nã voluntas, & quæcûque potentia, non est de essentia suæ operationis, & tamen operatio non potest reperiri sine potentia, quæ est eius principium; & vnum relatiuũ non est de essentia alterius; & tamen neutrum potest esse sine altero; & quantitas non est de essentia figure, neque natura specifica est de essentia existentie: & tamẽ neque figura potest reperiri sine quantitate, neque existentia sine omni natura specifica. Et ad secundum, ommissis aliorum solutionibus, quorum aliqui dicunt, non posse imponi tale præceptum; & alij non posse hominem transgredi ipsum; Respondetur cum ADAM & CAPRAEO. locis citatis, negando minorem, quoniam si homo ille haberet hunc actum, volo non obedire huic præcepto, transgredere- tur ipsum præceptum; & ad probationem, nego, quod iste actus esset adimpletius illius præcepti, quoniam præceptum illud (sicut & quodcumque aliud affirmatiuum) non potest adimpleri nisi per actum, ad quem obligat, & non obligat ad actum, qui est malus ex obiecto, qualis esset iste; sicut propter eandem rationem iste actus, volo furari non esset adimpletius illius præcepti.

Quod si obijcias, actum illum non esse transgressionem illius præcepti, quoniam nõ est omissio, sed commissio; & transgressio præcepti affirmatiui quale est illud, sit per omissionem vt supra dixi: Respondetur, quod actus iste est peccatum omissionis, quoniam æquiualeat huic, volo omittere omnem actum; & ita habet pro obiecto omissionem, quod satis est, vt habeat maliciam omissionis, vt supra dixi, & amplius explicabo quæstione sequenti.

SECUNDA CONCLUSIO, regulariter, & vt plurimum, semper cum peccato omissionis est coniunctus aliquis actus, quo vel ipsa omissio est voluta, vel est volutum aliquid, quod est causa, vel occasio omissionis, & hoc solum voluit significare D. THOMAS in secunda conclusione, PRIMA PARS probatur. Primo quia vnusquisque expectatur hoc in se ipso, quod regulariter non omittit opus, quod tenetur facere, nisi quia vult omittere, aut saltem quia placet sibi magis aliud opus, quod est impossibile cum eo; deinde vel, qui peccat peccato omissionis, aduertit obligationem præcepti, vel non: si primum, sequitur aperte intentum, quoniam

homines regulariter non omittunt res magni momenti, & quæ eos vehementer mouent, nisi quia expresse volunt omittere, aut quia volunt intendere alijs rebus, quæ ipsis magis placent, & sunt impossibiles cum eis: sed præceptum obligans ad aliquem actum, solet mouere fortiter voluntates hominum ad operandum, & simul conscientia instigat ad opus, quia transgressio præcepti est res grauis, ergo regulariter nõ contingit aliquem omittere opus præceptum, nisi volendo omittere, aut volendo aliquid impossibile cum eo. Confirmatur, quia suspensio omnium actuum difficillima est, & multo magis in isto casu, in quo homo mouetur vehementer ad operandum.

Si vero dicatur secundum, poterimus argumentari eodem modo de ipsa inaduertentia; quoniam si inaduertentia sit naturalis, non erit peccatum omissio ex ea proueniens, vt D. THOMAS docet in 3. conclusione; si tamen sit vincibilis, proueniet regulariter ex aliquo actu, quo ipsa fuerit voluta, aut saltem fuerit volutum aliquid, ex quo ipsa sequatur; quod eodem modo probari potest, quia etiam aduertere ad obligationem præcepti, est res grauis, & ex consequenti regulariter homo non se habet circa eam merè negative.

Secunda etiam pars probatur, quia DIUYS THOMAS supra quæst. 6. artic. 3. & in hoc articulo ad secundum expresse docet, posse reperiri voluntarium sine omni actu voluntatis, siue elicitum, siue imperatum, quia ad voluntarium sufficit, quod sit in potestate voluntatis, vt fiat vel non fiat: ergo non est dicendum, quod in illa conclusione senserit, esse simpliciter necessarium aliquem actum ad peccatum omissionis, ita vt sine eo nullo modo possit reperiri huiusmodi peccatum.

Neque obstat, quod vtatur illa voce, necessarium, quoniam non sumit eam logicè, sed moraliter, & in moralibus id censetur necessarium, quod vt plurimum, & regulariter ita est; neque amplius probat eius ratio, scilicet, quod aliquem declinare ad non faciendum illud, quod potest facere, & non facere, non est nisi ex aliqua causa, vel occasione coniuncta, vel præcedente; nam quamuis regulariter nullus omittat id, quod potest, & tenetur facere, nisi propter aliquam causam, vel occasionem: tamen non repugnat aliter fieri; sufficit enim libertas voluntatis, & quod exercitium alicuius actus non apprehendatur vt bonum simpliciter, & omnino necessarium, & conueniens operanti, vt voluntas sine alia causa vel occasione possit cessare ab eo.

Neque obstat id, quod CAPREOLVS & CONRAD. locis citatis obijciunt, vt probent, non posse reperiri omissionem, quæ non habeat aliquam causam, scilicet, quod iuxta doctrinam ARISTOTELIS 8. phys. si aliquid quandoque mouetur, & quandoque non mouetur, oportet assignare aliquam causam quietis: Quoniam illa doctrina intelligitur de eo, quod mouetur naturaliter; & non de eo quod libere potest moueri, aut omittere motum, siue quiescere; propter rationem assignatam.

§ 4. *Ad argumenta primæ sententiæ. Quomodo in peccato pure omissionis reperitur auersio & conuersio.*

AD PRIMVM primæ sententiæ, concessio antecedenti, neganda est consequentia; & ad probationem, responderetur, dupliciter explicari posse, qua ratione in omissione pure reperitur conuersio, cui possit proportionari pœna sensus: nam in primis dici potest, quod ipsa negatio actus, quatenus est indirecte voluntaria, reducitur ad genus actus, (vt D. THOMAS docet 2. 2. q. 79. artic. 3. ad primum) & solet appellari *actus interpretatiuus*, & ita habet rationem conuersionis, non quidem per modum prosecutionis, sed per modum fugæ, cuius obiectum sit actus oppositus, quia dum voluntas liberè & voluntariè omittit actum illum, ita se habet, ac si aliquo actu elicto nollet ipsum; & quoniam actus ille est finitæ bonitatis, ideo negationeius respondebit pœna sensus finitæ. Neque oportet, quod conuersio in quocumque peccato sit prosecutio alicuius boni commutabilis, vt constat in peccato odij, quod, quamuis ortum habeat ex nimio amore alicuius boni, tamè formaliter cōstitit in fuga ab eo, quod saltem secundū apprehensionē est malum oppositum, & repugnans bono amato.

Quod si quæras, quomodo in hac negatione actus distinguatur conuersio ab auersione? *Respondetur*, quod eo modo, quo in ceteris peccatis, quæ consistunt in aliquo actu formali: sicut enim in illis, quoniam aliquis inordinate vult bonū cōmutabile; sequitur quod auertatur ab incommutabili: ita ex eo quod aliquis omittit actum debitū, sequitur quod auertatur à Deo præcipiente talem actū. Quomodo vero sit intelligēda distinctio inter auersionem & conuersionem in peccatis, dicemus articulo sequenti.

Secundo dici potest, duplicem esse conuersionem ad bonū cōmutabile; *quandam actualem*, quæ est actus formalis, quo voluntas amplectitur illud bonum; & *alterā virtuale*, quæ non est aliud, quam ipsa voluntas, quatenus, quia omittit facere id, quod Deus præcipit, conuincitur à posteriori habere affectum ad aliquod bonum distinctum à Deo præcipiente, atque adeo cōmutabile, & creatum: ex quo affectu, tanquā ex radice, proueniat, quod omittat id, quod Deus præcipit, & hæc posterior cōuersio reperitur in peccato pure omissionis, & ei respōdet pœna sensus.

Et si quæras, quod bonum sit obiectum huius conuersionis virtualis?

Respondent aliqui, nō esse bonum aliquod determinatū, sed bonum in confuso, & non esse hoc inconueniens, quoniam illa conuersio nō est formalis, sed virtualis; *Alij respondent*, cum qui sine omni actu omittit actum debitum, conuerti ad se ipsum, vt ad finem vltimum, quia cum voluntariè recedat à præcepto, & medio, consequenter à Deo summo bono, virtualiter vult complacere in se ipso appetitiuè, plus quam in Deo. *Sed mihi primum* magis placet, *quoniam* commune est etiam peccatis venialibus omissionis; & *præterea*, quia nemo, cum peccat, conuertitur ad se ipsum absolute sumptum, sed quatenus habet, aut potest habere aliquod bonum; & *tandem* quia nulla ratione conuinci-

atur, quod qui ita omittit, complacere determinate in se ipso, potius quàm velit aliquod aliud bonum, vt, experiri propriam libertatem, aut vitare laborem, vel aliquid simile.

Duo isti modi explicandi conuersionem in peccato omissionis insinuantur à D. THOMA 2. 2. q. 79. art. 4. ad 4. vbi assignat duas rationes, propter quas peccato omissionis respondeat pœna sensus: *Prima*, quod est non facere bonum debitum, & Matt. 7. dicitur, *quod omnis arbor quæ non facit fructum bonum, excidetur, & in ignem mittetur*; in quo, insinuat *prius modus*, quoniam sequitur ex eo, quod ipsum non facere debeat habere rationem conuersionis. *Secunda* est, quod, quamuis non habeat ex necessitate actualem conuersionem, habet radicem quandam, ex qua procedit: in quo insinuat *secundus modus*, quoniam radix illa præsupposito quod non sit conuersio actualis, non potest esse aliud, quam effectus virtualis ad bonum commutabile.

AD SECUNDVM, concessa maiori, neganda est minor; & ad probationem dico, esse magnum discrimen inter illos duos status peccati omissionis, nam cum quis actu peccat est in eo priuatio actus, vt actu voluntaria indirectè: quia tunc actu potest, & tenetur facere aliquid, & non facit; postea vero non est illa priuatio voluntaria actu, quia iam transijt obligatio faciendi, sed est voluntaria habitualiter, & vt relicta ex omissione voluntaria in actu.

Quod si obiciat, non conuenire illi omissioni definitionem peccati actualis, quam (vt DIUVS THOMAS refert art. sequenti) tradit AVEVSTINUS, scilicet, *est dictum factum vel concupitum &c.* *Respondetur*, imo ei optime conuenire; nam (vt DIUVS THOMAS docet art. sequenti ad primum & quæst. 7. de malo art. 1. & aduertunt ferè omnes scolastici (supra relati) AVEVSTINVS nominibus affirmationum intellexit simul negationes oppositas; vt nomine dicti, non dictum nomine facti, non factum &c. eo quod negatio reducitur ad genus affirmationis: vnde etiam *glos.* supra illud ad Rom. 7. *quod enim operor non intelligo*, sic ait, dimitto & facio sunt partes operandi. *Quod si vim facias in nomine*, & dicas non posse illud peccatum, quod nullum continet actum, appellari actuale: *Respondet DIUVS THOMAS* 2. 2. quæ. 79. articulo tertio ad primum, quod negatio actus reducitur ad genus actus, & ideo non agere accipitur vt agere quoddam; & constat hoc communi modo loquendi, quo dicimus *male feci, quia non feci hoc*; potest etiam addi, quod omissio, vt est peccatum actuale, includit actum interpretatiuum, vt dixi, & explicui latius, supra quæstione sexta, articulo tertio, dub. 1.

AD TERTIVM *Respondetur* concedendo maiorem & negando minorem, & ad probationem negotariet rationis; est enim magnū discrimen inter actū & omissionem, quantum attinet ad modū, quo vnicuique conuenit ratio voluntarij in actu secundo; quoniam actus est voluntarius directè, & ideo necesse est, quod voluntas re ipsa & positivè concurrat ad ipsum: & quia voluntas non concurrat hoc modo ad aliquem actum, nisi eliciendo aut imperando eum, ideo actus non potest esse voluntarius nisi sit actus elicitus à voluntate, aut saltem volutus vel imperatus medio

alio actu. At vero omisio est voluntaria indirecte, & ad voluntarium illo modo sumptum non requiritur realis consensu voluntatis, sed sufficit quod voluntas possit, & teneatur impedire ipsum, & non impediat; & ideo omisio, quamvis non sit actus elicitus à voluntate, neque sit volita alio actu, potest esse voluntaria in actu secundo, de quo videnda sunt quæ dixi loco citato.

AD VLTIMUM vt respondeamus, examinandum est id, quod in eo inquiritur, scilicet

5. *An per peccata omissionis multiplicata generetur habitus vitij inclinans ad similes omissiones?*

AD cuius solutionem SUPPONENDUM est omissionem posse contingere tribus modis, scilicet sine omni actu, vel cum actu, qui sit expressa & formalis volitio ipsius; vel cum actu, qui tantum sit occasio, vel causa ipsius, siue coniuncta, siue antecedens.

DICO PRIMO, per puras omissiones non potest acquiri habitus vitij; ita tenet D. THOMAS in 3. d. 13. quæst. 2. num. 6. & 7. & primo potest facile probari ex secunda conclusione, si enim puræ omissiones regulariter non reperiuntur, non poterunt multiplicari quantum satis sit, vt producant habitum; Deinde probatur argumento D. THOMAS, idem esse dicendum, etiam si sæpius iterentur: quoniam effectus positivus & realis, qualis est quicumque habitus siue virtutis, siue vitij, requirit causam positivam, & realem: sed pura omisio non est aliquid positivum, & reale; ergo quantumcumque multiplicetur, non potest esse causa habitus vitij.

Confirmatur, quia operari supponit esse; ergo quod non habet esse reale, non potest realiter efficere, & producere habitum; & idem argumentum fieri potest de quocunque genere causalitatis realis.

SED CONTRA hoc potest obijci fundamentum illius ultimi argumenti, quod nunc intendimus dissolvere; nā per puras omissiones corrumpuntur virtutes, ergo etiam generantur habitus vitiorum; consequentia probatur, tum quia virtuti opponitur vitium, vt diximus art. præcedenti, & vnum contrarium non expellitur à subiecto permanenti, nisi introducto altero contrario: vt, calor non expellitur ab aqua, nisi introducta frigiditate; tum etiam quia non minus opponitur virtuti actus vitij oppositi, quam omisio: sed actus vitij non corrumpit virtutem nisi introducendo habitum, vt loco citato diximus; ergo neque omisio, & ex consequenti, si omisio corrumpit virtutem, necesse est quod producat habitum vitij; & antecedens probatur, primo, quia D. THOMAS supra q. 53. art. 3. docet cessationem ab actu esse causam corruptionis habitus, & virtutis; constat autem cessationem ab actu esse puram omissionem, & secundo probatur, quia si quis sæpe petat mutuum, & non soluat, habendo se mere negatiue, temporibus quibus urget obligatio reddendi, amittet virtutem iustitiæ, non minus quam si sæpe acciperet iniuste alienum.

Ad hoc responderetur, omissiones, eo modo, quo concurrunt ad corruptionem alicuius virtutis, concurrere etiam ad generationem vitij oppositi; nam

Ad utramque concurrunt tantum per accidens & vt remouens prohibens, & non vt causa per se nā, vt D. THOMAS docet loco citato in argumento, sicut per actus virtutum impeditur ne crescant passionibus, quæ moueant ad actus oppositos, & consequenter ad generationem vitiorum, quibus corrumpuntur virtutes: ita per omissiones, quibus remouentur actus virtutum, fit vt non impediatur incrementum passionum, & generatio vitiorum, & consequenter corruptio virtutum; & ita ab omissione incipit generatio vitij, & corruptio virtutis, non quidem vt à causa per se, sed vt ab occasione, & remouente id, quod impediret utramque, & ita ad formam argumenti distinguendum est antecedens, & consequens: quia utrumque est falsum, si intelligatur de causa per se, & utrumque verum si accipiat de causa remouente prohibens, neque amplius euincunt omnes probationes utriusque, præter secundā probationem antecedentis, ad quam dicendum est, quod quamvis non restituere habeat formam negationis, tamen reuera est actus positivus retinendi alium, & est contra præceptum negatiuum, & per ipsum corrumpitur per se habitus iustitiæ, & generatur habitus iniustitiæ. Neque est hoc contra id quod diximus, quoniam in isto casu non acquiritur habitus vitij per puram omissionem, sed per actus, quorum occasio fuit ipsa omisio.

Quod sobrietas, vitium negligentie acquiri sola cessatione ab actu? Respondetur, falsum esse hoc, quoniam negligentia actualis, (vt D. THOMAS docet 2. 2. q. 54. art. 1.) importat defectum sollicitudinis, & sollicitudo (vt etiam docet D. THOMAS 2. 2. q. 47. art. 9. & ibidem explicat CAJETAN.) est attenta vigilantia rationis ad præcipiendum, cauendum, vel circumspicendum, aut discendum ea, quæ necessaria sunt ad studiosè viuendum: & ita negligentia actualis dupliciter poterit contingere, scilicet aut cum quis omnino non habet prædictam sollicitudinem, siue attentionem; aut cum habet eam, sed imperfectè, hoc est cum defectu aliquo eorum, quæ ad eam requiruntur secundum rectam rationem; aut si eius ratio remissa se habeat circa supra dicta; quod prouenire potest ex remissione voluntatis, vt D. THOMAS docet q. 54. supra citata, art. 3. & quamvis utraque negligentia sit culpabilis, & contra prudentiam, cuius actus est illa sollicitudo: tamē sola posterior potest producere habitum, qui inclinabit ad similes negligentias actuales: & idem dicendum est de alijs defectibus, qui sunt in ratione & opponuntur prudentie, scilicet de inconstancia, præcipitatione, & similibus.

DICO SECUNDO, Quando omisio est directè, expressè, & formaliter volita, producit habitum vitij; ceterum non ab ipsa omissione, sed à volitione, quæ est volita & ita huiusmodi habitus inclinabit ad similes alias volitiones omittendi, probatur, quoniam subiectum, scilicet voluntas, est capax habitus inclinantis ad volendum omittendi, quoniam non est ex natura sua determinata ad hoc, neque ad oppositum, sed indifferens ad utrumque: & in isto casu reperitur causa sufficiens ad producendum huiusmodi habitum, scilicet, ipsa volitio omittendi multiplicata; quoniam nulla est ratio, propter quam, supposita capacitate subiecti, sit

minus efficax ad producendum habitum, quam alij actus; ergo producit habitum ab ista volitione. Quod vero non producat ab omissione, probatur ex ratione, quæ probauimus præcedentem conclusionem; Et tandem quod huiusmodi habitus inclinet ad similes volitiones omittendi probatur, quia vnusquisque habitus inclinat ad actus similes illis, quibus acquisitus est.

DICO VLTIMO, quando actus possunt solum coniungi omissioni, ut occasio & per accidens, non acquiritur habitus inclinans ad omittendum, neque ad actum, quatenus sunt causa vel occasio omittendi probatur, quia vel habitus iste produceretur ab ipsa omissione multiplicata, vel ab illis actibus, quatenus peculiari, modo erant coniuncti cum ea, hoc est tanquam occasio ipsius; non primum, vt probatur ex eo, quod primo loco diximus; neque secundum, quoniam aut habitus ita productus inclinaret ad quamcumque occasionem omittendi, & hoc est impossibile, quia sicut per actum orandi non assuescit aliquis lusu, ita non potest acquirere habitum inclinantem ad ludum; & tamen vterque actus esse potest occasio omittendi: aut inclinaret tantum ad determinatam occasionem, scilicet, ad alios actus similes illis, à quibus productus est, & neque hoc dici potest, *nam quoniam* per accidens fuit illis actibus, quod coniungerentur cum omissione, ergo non potuerunt producere habitum inclinantem ad actum, quatenus coniuncti sunt cum omissione; probatur *consequentia*, quoniam habitus inclinaret per se ad actum, quatenus essent ita coniuncti, *nam etiam quia* alias tot essent habitus specie distincti inclinantes ad omittendum ex occasione aliqua, quot essent occasiones specie distinctæ; quod videtur falsum, quia infiniti sunt actus mali, & etiam boni, secundum substantiam, qui possunt esse occasiones eiusdem omissionis; vt omissionis audiendi rem sacram possunt esse occasiones homicidium, & furtum, & actus recitandi horas, & alij innumerati actus, & ita essent infiniti habitus, qui inclinarent ad eandem omissionem; Et tandem quia sequeretur, quod si quis sæpe & frequenter omitteret idem præceptum, tamen per diuersas occasiones, aut nullum acquireret habitum, quod videtur difficile supposito quod per occasiones omittendi possit produci habitus inclinans ad omittendum, cum occasione, quoniam ille isto casu assuesceret ad omittendum, data occasione, & redderetur ad hoc facilius; aut in singulis occasionibus acquireret singulos habitus specie distinctos, quod est absurdum.

Aliqui respondent, habitum in isto casu produci per actus illos, quatenus in eis est formaliter, aut virtualiter ista volitio, *velo omittere id, quod ratione præcepti debet facere*, & ideo non inclinare ad occasiones omittendi, neque omnes, neque aliquas; sed ad simpliciter omittendum.

Verum hoc dici non potest, nam in primis non est ibi ille actus formaliter, quoniam alias per eum produceretur habitus, qui inclinaret ad similes alios actus, iuxta id, quod secundo loco diximus; & præterea ommissio illa esset cum actu pertinenti per se ad ipsam, & non solum cum actu concurrente ad eam per accidens, & tanquam occasio, quod est extra casum nostræ conclusionis; Neque est ibi talis actus virtualiter nam si esset maxime ratione volitionis, quæ est volutus actus, qui est occasio omittendi;

hæc autem non sufficit, quod sic probatur: per eam non est volutus formaliter & directe ille actus, quatenus est occasio omittendi; ergo illa volitio non sufficit, vt sit ibi virtualiter iste actus, *velo omittere*; antecedent patet, quoniam alias volitio illa pertineret per se ad omissionem, & ipsa ommissio esset per se intenta, aut voluta, quod (vt dixi) est extra casum huius conclusionis; & *consequentia* probatur, quia ille actus non est causa per se omissionis, sed tantum per accidens, scilicet, quatenus coniungitur cum obligatione ad actum oppositum omissioni; & in volitione causæ per accidens non continetur virtualis volitio effectus, nisi causa sit voluta formaliter, in quantum est causa talis effectus: sicut in volitione effossionis terræ non continetur virtualis volitio inuentionis thesauri nisi effossio illa sit voluta vt causa inuentionis. Item dato quod volitio illa sit virtualis volitio omittendi, non sequitur quod ratione eius producat habitum, qui inclinet præcise ad omittendum, & non ad actum, qui est occasio omittendi: quoniam illa volitio primo & formaliter terminatur ad actum, & consequenter atque secundario ad omissionem; ergo etiam disponit subiectum seruato eodem ordine, hoc est prius ad actum, & consequenter ad omissionem: ergo habitus productus ab ea, aut ratione eius, etiam inclinabit subiectum ad illa duo seruato ordine eodẽ: probatur *consequentia*, quoniam habitus inclinatur ad obiectum dispositionum, quibus est acquisitus. Et eodem modo probari potest, non sufficere ad productionem talis habitus, quod volitio illius actus sit interpretaria, & indirecta volitio omittendi: & hoc amplius probatur, quia, quod volitio illa terminetur interpretarie & indirecte ad omissionem, non est in ea aliquid reale, ergo non potest esse ipsi ratio producendi habitum realem, neque per se producere eum.

Sed contra hoc possunt obijci duo, primum est, experientia, quæ constat, eos, qui frequenter omittunt aliquod præceptum propter aliquam occasionem, reddi faciliores & promptiores ad omittendum, quoties occurrit similis occasio: quod est signum habitus acquisiti; Alterum est, quod si quis frequenter omittat aliquod præceptum propter aliquem actum, qui sit bonus secundum substantiam, & solum sit malus, quatenus est occasio omittendi; verbi gratia, propter actum studij, acquireret habitum inclinantem ad similes actus; & tamen huiusmodi habitus non erit vitium, quoniam acquireretur actibus malis; ergo erit vitium; ergo inclinabit ad actus illos, quatenus sunt mali, & ex consequenti quatenus sunt occasio omittendi: quia, ex suppositione, non habent aliam maliciam moralem.

Ad primum horum, respondetur, illos, qui sic omittunt, reddi faciliores ad omittendum oblata simili occasione, non quia acquirunt habitum inclinantem ad hoc, sed quia acquirunt vitium; & quia manet in eis memoria delectationis perceptæ ex illis actibus, qui fuerunt occasiones omittendi; aut alicuius conuenientie reperiæ in eis; & aliquando etiam acquirunt habitum inclinantem ad illos actus absolutè, nam ratione negligentie sunt propensius ad actum intellectus, qui nõ sufficiat ad executionem actus præcepti, vt paulo superius dixi; & ratione illius memorie, aut habitus, incli-

nātur ad illos actus, data oportunitate: ex quo provenit quod velit eas exercere, & sic tunc ratione præcepti obligentur ad alios actus impossibiles cum eis: sicut ex eo, quod aliquis sit nimium propensus ad ludum, prouehit quod velit ludere: & eo tempore, quo præceptum obligat ad audiendum rem sacram.

Ad secundam responderetur, in illo casu non acquiritur habitum moralem, quoniam actus studij non habet tunc rationem aliquam moralem, nisi quatenus est occasio omittendi, & secundū istā rationem non potest producere habitū ut satis probaui; quod vero actus studij in illo casu non habeat aliam rationem moralem, constat ex ijs, quæ dixi supra, quæstio. 18. ubi probaui, actum, quo quis vult medium bonum propter finem malum, aut e conuerso, solum habere vnā speciem in genere moris, eamque sumi à malo, siue sine, siue medio.

Ex his probatur solutio ad illud vltimum argumentum cuius occasione dubium istud excitauimus.

§. 6. *Ad argumenta secunda opinionis.*

AD PRIMVM secundæ sententiæ responderetur, negando sequi illa inconuenientia ex nostra sententia, quamuis *MARITIVS* loco citato videatur ea admittere; & *ad probationem primi*, dico, quod quamuis illo casu dato non mutetur homo in illo instanti physice, mutatur moraliter, quoniam aliter se habet in ordine ad legem, quam prius, antea enim non erat difformis, & inæqualis respectu præcepti obligantis ad actum, quem omittit; & in illo instanti est difformis, & inæqualis: & ista mutatio satis est, ut de non peccatore fiat peccator, quoniam esse peccatorem, est esse præuicacitorem, & violatorem legis, siue hoc contingat agendo, siue non agendo.

Et si quæras quid sit, hominem esse difformem aut inæqualem respectu præcepti? hoc est, an sit habere relationem difformitatis, aut inæqualitatis: vel potius habere priuationem conformitatis? *Respondetur*, quod in peccato omissionis est, habere priuationem conformitatis sumptæ materialiter, hoc est, pro actu quem lex præcipit, quamuis etiam ad hanc priuationem consequatur relatio difformitatis, ut explicabo in solutione confirmationis secundi argumenti, ubi etiam dicam quid sit fundamentum huius priuationis.

Ad probationem secundi inconuenientis responderetur, quod in casu, quantumcumque homo dormiat, non peccabit, neque amittet gratiam: quia cum fuerit inuincibiliter ignoratum, quod somnus poterat esse causa omittendi præceptum, non potest ipsa omissio esse aliquo modo voluntaria, quod tamen requiritur ut sit peccatum.

Ad probationem tertij inconuenientis responderetur, quod, si actus illi sint causa, vel occasio omittendi, non sunt meritorij, neque boni moraliter, sed peccata: si tamen nullo modo sint causa omissionis, sed solum se habeant ad eam concomitanter, non erunt meritorij, si omissio sit pecca-

rum mortale, quoniam ratione eius amittetur gratia: poterunt tamen esse boni moraliter, si ex alia parte non habuerint aliquem defectum: neque est inconueniens, quod dum quis peccat omittendo actum debitum, exerceat alium actum bonum moraliter, ut explicabo quæst. sequenti.

Ad secundum argumentum responderetur, concedendo maiorem: nam peccatū omissionis formaliter est priuatio actus debiti ratione præcepti, & negando minorem, quoniam cum voluntas sit subiectum actus ipsa etiam cum potentia & debito habendum, erit fundamentum proximum priuationis actus: sicut in naturalibus subiectum alicuius formæ, quatenus aptum natum habere eam, est fundamentum proximum priuationis eiusdem formæ: & *ad probationem illius minoris*, nego sequentiam, quoniam non semper negatio actus præsupponit in voluntate potentiam & debitum habendum.

Ad confirmationem responderetur, negando antecedens, quia sicut voluntas est subiectum actus liberi, ad quem obligat præceptum affirmatiuum: ita etiam est subiectum conformitatis, cum ipso præcepto, quæ consistit in hoc, quod est habere actum illum. Pro quo *aduertendum* est, quod præceptum affirmatiuum obligat ad actum liberum, & ideo sumus ei conformes & commensurati, quatenus habemus huiusmodi actum: & ex hoc resultat in nobis relatio conformitatis ad ipsum præceptum, & ita duplex in nobis distinguitur conformitas ad præceptum affirmatiuum, altera *fundamentalis*, quæ consistit in hoc, quod est habere actum, ad quem obligat præceptum, & altera *formalis*, quæ consistit in relatione ad ipsum præceptum, & similiter in peccato omissionis, quod opponitur huic præcepto, possunt distingui duæ difformitates, quarum *prior* consistat in priuatione conformitatis fundamentalis, hoc est, in carentia actus debiti, nam in quantum caremus eo, sumus improporionati, & incommensurati præcepto obliganti ad ipsum; & *posterior* in relatione difformitatis & inæqualitatis, quæ consequitur ex eo, quod sumus ita incommensurati præcepto, *prior* subiectum est ipsa voluntas, supposito tanquam conditione, quod habeat potentiam, & debitum habendi actum ut diximus in solutione argumenti. *Posterioris* vero subiectum aut fundamentum est ipsa voluntas, non absolute, sed quatenus habet prædictam priuationem actus, quia sicut relatio similitudinis, fundatur in vnitate fundamentalis: ita relatio dissimilitudinis, aut difformitatis in incommensuratione, & difformitate fundamentalis; & ex his duabus difformitatibus, *prior* sola pertinet intrinsece ad rationem formalem peccati omissionis; *posterior*, vero consequitur ad eam.

Ad tertium responderetur negando antecedens, & *ad primam probationem* dico ex illa experientia solum posse colligi, quod regulariter ita contingat: non tamen quod repugnet aliter fieri. *Ad secundam* negari potest, esse parem rationem de suspensione ab omni actu voluntatis, pro aliquo tempore, & pro tota vita: nam in tota vita tot occurrunt motina ad volendum, aut nolendum, ut impossibile sit voluntatem non exire aliquando in actum, suntque plura exempla in quibus est aliquid possibile voluntati, & alijs potentijs pro

breui tempore, quod tamen non est eis possibile pro longo tempore, aut pro tota vita, ut patet in vitiatione unius peccati unius, & alijs similibus.

Ad confirmationem respondetur primo negando antecedens, & ad probationem dico, quod si dictum sumatur pro imperio efficacis, quod explicatur his verbis *fac hoc*, & ita distinguitur à iudicio, quo intel lectus non impetit proprie, sed dicitur, aut denunciat faciendum esse aliquid, (ut docet D. THOMAS super q. 17. art. 1. non potest voluntas, eo stante, omittere: quia imperium efficacis habet adiunctam voluntatem efficacem, inde procedit ab ea, ut docet ibi D. THOMAS si tamen sumatur dictamen pro iudicio, non dicitur proprie efficacis, sed absolutum; & evitante quantumque sit perfectum, potest voluntas omittere suspendendo omnem actum: quia eo stante, est voluntas libera quoad specificationem, & consequenter quoad exercitium, ut nunc suppono ex his, que dici solent supra, quæstione 10. art. 2. *Secundo* respondetur illi, quod ibi dictum est, & ad obiectionem dico, quod ut inconsideratio sit libera, sicut requiritur per omissionem ex ea procedens sit peccatum, satis est, quod si voluntas indirecte & ad hoc sufficit, quod voluntas possit excitare intellectum ad considerandum, & teneat exercitium ratione præcepti obligantis ad opus, ad cuius executionem requiritur contrarietas, & tamen non excuset.

Ad quartum respondetur, primo negando antecedens, quod si ut aliquod sit exercitium illius libertatis, sufficiunt duæ conditiones, scilicet, quod voluntas sit aliquo modo eius principium; & præterea quod determinetur eo formaliter ad alteram partem illius libertatis: & ambæ conveniunt pure omissioni in nostro casu; nam & voluntas est aliquomodo eius principium, scilicet, indirecte, & ita ipsa dicitur voluntaria indirecte, ut cum D. THOMAS dixi supra quæstione 6. artic. 3. & præterea determinatur per eam formaliter ad alteram partem illius libertatis, seu indifferenter; sicut enim per actionem determinatur ad agere, ita per omissionem voluntariam ad non agere, ut ita dicam, Et ad primam probationem, illius antecedentis, dico, illud esse verum de exercitio causæ, quæ solum seducitur in actum, agendo, non autem de exercitio causæ, quæ reducitur in actum non agendo, ita quod per ipsum non agere determinatur sua potentialitas tanquam per actum. *Ad secundam*, nego quod in isto casu sit voluntas indifferens per modum actus primi ad agendum, & non agendum: quoniam supposita obligatione præcepti est determinata ad agendum & non agendum ita, quod in sensu composito, non potest agere, sicut cum agitur non potest in sensu composito non agere, quando vero incipit voluntas esse determinata dicam posita. Et eodem modo Respondetur, ad tertiam probationem, quod secuslo omni actu & obligatione ad agendum, voluntas non est magis determinata ad non agendum, quam ad agendum tamen supposita obligatione præcepti determinata est ad non agendum, ut loco citato explicui.

Secundo respondetur, quod peccatum non solum consistit in malo usu & exercitio positivo libertatis, sed etiam in voluntaria privatione usus, aut exercitii debiti: quoniam etiam ista privatio est contraria legi; & omisio, de qua nos loquimur, quatenus non sit exercitium positivum li-

bertatis: est privatio exercitii debiti ratione præcepti.

Ad ultimum concessio antecedenti neganda est consequentia, & ad probationem D. THOMAS hic ad primum RICARDUS DURANDUS & ALTISSIMO locis citatis pro tertia sententia respondent, plura requiri ad meritum, quam ad demeritum: quia iuxta sententiam DIONYSII 4. cap. de divinis nominibus bonum confurgit ex integra causa, & malum ex quocumque defectu: & ideo quatenus ad meritum non sufficit voluntarium, quod consistit in negatione actus, cum indifferencia potentie ad utrumque non sequitur, quod non sufficit ad demeritum, siue peccatum. Potest etiam addi quod pura omisio ad hunc non est voluntaria in actu, sed solum in potentia, quia nihil est ratione cuius possit censeri voluntas magis determinata ad eam, quam cum consideratur ut in actu secundo, & ut indifferens ad eam, & ad actum: & ideo neque est bona moraliter, neque meritoria de quo videnda sunt que dixi supra quæ. 6. artic. 3. dub. ult.

Ad confirmationem respondetur negando consequentiam, quia in malis non assumuntur omissiones voluntariae, & digna præmio propter suam bonitatem, sicut in consequente proponitur omisio voluntaria & digna pœna, propter suam malitiam moralem.

Iam verò supposito quod regulariter non reputatur peccatum omissionis sine aliquo actu inquiri potest quid sentiendum sit de huiusmodi actu, hoc est, an sit peccatum? & ita est

DUBIUM II.

Verum omnes actus coniuncti cum omissione sint peccata?

S. t. Explicatur sensus dubij & proponuntur tria sententia.

VITRIA sunt advertenda pro sententiæ opinionem explicandæ; PRIMUM est, quod non loquimur de actibus, qui propter necessitatem, aut charitatem eximunt ab obligatione præcepti affirmativi: sicut actus necessarii ad vitandum grave damnum corporis vel animæ, excusant ab obligatione audiendi sacrum.

ALTERUM est, ex actibus qui non eximunt, ab obligatione præcepti, quosdam esse incompensabiles cum observatione præcepti ipsius, quales sunt ludus, & ambulatio per agrum respectu præcepti audiendi sacrum; & alios non esse ita incompensabiles, cuiusmodi sunt actus meditando passionem diuinam, & recitandi horas, aut alias orationes respectu eiusdem præcepti, possunt enim fieri eo tempore, ratione præcepti, quo auditur sacrum.

ULTIMUM est, quod isti actus dupliciter possunt coniungi cum omissione. PRIMO ut causæ vel occasiones ipsius: ut cum quis propter ludum adire sacrum omittit. SECUNDO solum concomitantem, ut si statuat non audire sacrum propter pluviam,

plurimam, & ne sit otiosus det operam literis: & de quibuscunque ex illis actibus, & quomodocunque vnitis, cum omissione, potest intelligi nostra questio: & ita circa illam sunt variae sententiae.

PRIMA EST DVRANDI in 2.d. 33. quæst. 2. nu. 6. & HERVÆI quodlib. 7. quæst. 25. qui vniuersaliter dicunt actum coniunctum omissioni, etiam vt eius causa, non esse peccatum: si alias non sit malus, aut ratione sui obiecti, aut alicuius circumstantiae: probatque hoc DVRAND. huiusmodi actus non est de se malus, vt supposuimus nec est prohibitus aliquo præcepto; ergo non est peccatum.

Dices prohiberi præcepto obligante ad actum.

Sed contra, quando præcepto aliquo determinato, prohibetur actus, semper prohibetur aliquis actus determinatus; vt constabit, si discutamus per singula: sed actus, qui possunt esse occasiones alicuius determinatæ omissionis, sunt pæne innumeri, vt, potest aliquis omittere sacrum propter actus studendi, orandi, ambulandi, & plures alios: ergo nullus ex istis actibus prohibetur præcepto obligante ad audiendum sacrum.

SECUNDA SENTENTIA est CAPR. qui in 2.d. 35. q. 1. ar. 3. in solutione ad secundum argumentum DVRA. contra secundam conclusionem, videtur sentire oppositum vniuersaliter, de quocunque statu, facto, eo tempore, quo præceptum obligat ad aliud faciendum: idque probat testimonio D. THO. qui q. 2. de malo ar. 1. ad 7. inquit, omnem actum posse male fieri propter defectum alicuius circumstantiae, vt si fiat, quando non debet, sicut laudare Deum potest male fieri, si fiat quando non debet, hoc est, quando alia facere tenetur.

Ex quo potest secundo probari hæc sententia isto argumento: actui, qui fit illo tempore, deest circumstantia temporis, ergo non est bonus: consequentia probatur, quia sufficit defectus cuiusvisque circumstantiae requiritæ secundum rectam rationem, vt actus non sit conformis rectæ rationi, & ex consequenti vt sit malus; & antecedens probatur, quia actus ille fit, quando non oportet, tempus enim illud non est suum, sed debitum alteri actui ratione præcepti.

§ 2. Resolutio questionis.

PRIMA CONCLUSIO. quando actus est causa omissionis, est peccatum. hæc est D. THO. & CAPR. locis nunc citatis, & conueniunt in ea fere omnes relationes præcedenti pro tertia sententia, & probatur. PRIMO actus, qui est causa libera alicuius peccati, est peccatum, quoniam est dissonus rationi, & repugnat eidem præcepto, cui opponitur peccatum: ergo etiam actus, qui est causa libera omissionis, est peccatum.

Confirmatur, quia ignorantia & passio, quatenus est voluntaria & libera causa peccandi, est peccatum.

SECUNDO, actus de se bonus, vt ingredi domum mulieris propter aliquam causam piam, si alijs sit scandalum, est peccatum: ergo etiam actus, qui mihi est causa peccati, quantumvis sit de se bonus, est peccatum.

Confirmatur, quia ingressus in illam domum, si ex eo imminet mihi probabile periculum peccan-

di, est peccatum; ergo a fortiori, actus, qui etiam mihi est causa peccati, erit peccatum.

ULTIMO ACTVS, qui alias esset bonus, fit malus ex malo fine, aut medio, vt probaui supra q. 8. ergo etiam ex malo effectu reddetur malus.

SECUNDA CONCLUSIO. quando actus non est causa omissionis, sed concomitantem se habet ad eam, non est malus, nisi aliunde sit malus. In hoc etiam conueniunt communiter doctores, præter vnum CAPREOLVM, quem etiam aliqui exponunt iuxta præcedentem conclusionem, & probatur, quoniam actus ille non est causa, vel occasio peccati, & est de bono obiecto (vt nunc suppono) & non habet aliquam circumstantiam malam: ergo non est peccatum.

Dices, circumstantiam temporis esse malam:

Sed contra in isto casu tempus illud non est malum, aut incommodum ad exercendum istam actionem ratione præcepti obligantis ad aliam: ergo nullo modo est incommodum; consequentia probatur, quoniam ablata obligatione illius præcepti non esset incommodum; & antecedens probatur, quia ratione huius præcepti solum potest dici tempus illud incommodum ad actionem istam, de qua loquimur, quatenus huiusmodi actio est causa non obediendi ipsi præcepto: constat autem quod actio ista in nostro casu non est causa non obediendi, quia non est causa, nec occasio non exercendi actum, ad quem præceptum ipsum obligat; ergo.

SECUNDO, actio ista est de se bona & non est contra aliquod præceptum: ergo non est peccatum; probatur antecedens, nam maxime esset contra præceptum obligans ad actum, qui omittitur; quod vero non sit contra ipsum probatur, quoniam nihil potest ei repugnare, nisi aliquo modo sit inobedientia ipsius, vt omissio actus, ad quem obligat, & id, quod est causa omissionis.

Ex his duabus conclusionibus sequitur, quod si actus est causa omissionis, quamvis omissio sit tantum venialis, & omittens sit in gratia, non potest esse meritorius, si tamen non sit eius causa, bene potest esse meritorius: ratio primi est, quod cum actus in eo casu sit peccatum & ex consequenti displiceat Deo, non potest esse ipsi gratus & acceptus; ratio vero secundæ est, quod actus tunc potest esse bonus, & habere omnes conditiones, quæ requiruntur ad meritum.

SED HIC restant duæ difficultates. Prima est

§ 3. Quomodo possit cognosci, an aliquis actus sit causa omissionis, vel solum se habeat ad eam concomitantem.

AD hoc vt respondeant aliqui ex recentioribus, statuunt hanc regulam: opera, quæ fiunt, postquam aliquis firmiter statuit omittere, non sunt causa omissionis, sed solum se habent ad eam concomitantem: & ex consequenti non sunt peccata. Addunt tamen, hoc intelligendum esse, dummodo determinatio voluntatis adeo parum distet ab executione omissionis, vt non sit verosimile, quod mutabitur voluntas: & ita dicunt, quod si, quando instat præceptum audiendi sacrum, statuat aliquis non audire, & postea eat dormitum: non peccat; Si tamen sacerdos in longa aliqua navigatione statuat non recitare, & projiciat breuiarium in mare, peccat sic projicien-

proijciendo, quoniam in tam longo tempore posset mutare propositū, & est vero simile quod mutaret; per projectionē vero breuiarij necessitatur ad omissionem præcepti, quamuis mutet propositū, & ideo huiusmodi projectio est causa omissionis. Et idem dicunt de eo, qui ducit uxorem post votum ingrediendi religionem, etiam si antea itauisset non seruare votum.

Verum hæc regula mihi non placet, quia quod præcesserit determinatio voluntatis ad omittendum, quamuis determinatum ab executione omissionis, non impedit, ne ad executionem concurrat aliquis actus externus; ergo non satis est quod præcedat illa determinatio voluntatis, ut actus, qui postea fiunt, non sint causæ omissionis, & consequenter peccata; *consequentia* probatur, quia sufficit, actum aliquem concurrere ad executionem omissionis, ut dicatur causa omissionis, & malus malitia omissionis: sicut actus, qui concurrat ad executionem homicidij, quamuis præcesserit illo modo determinatio & firmum propositum occidendi, est causa homicidij, & malus malitia homicidij, & *antecedens* probatur, quia stante firmitate illius determinationis, manet voluntas indifferens ad exequendum omissionem, vel non agendo, vel exercendo alium actum impossibilem cum eo, qui omittitur: sicut in exemplo supra posito, postquam aliquis decreuerit occidere alium, potest occidere eum variis modis, scilicet propinando ei venenum, aut strangulando, vel confodiendo eum gladio.

Mihi videtur dicendum, non esse respiciendum ad propositum, siue determinationem voluntatis, sed ad causalitatem actus in ipsam omissionem: & ideo statuo hanc regulam: *actus qui concurrat aliquo modo ad executionem omissionis, quamuis sit ex natura sua compossibilis cum adimplerione præcepti, est causa omissionis; qui vero nullo modo concurrat, esse sit impossibilem cum obseruatione præcepti, non est causa omissionis, sed solum se habet ad eam concomitanter.*

Hæc regula ut proposita est, videtur euidens: quia esse causam alicuius effectus, qui actu incipit esse, non videtur esse aliud, quam concurrere aliquo modo ad eius productionem siue executionem: & id quod est simul cum productione effectus (sicut actus, de quo loquimur coniungitur cum executione omissionis) & nullam habet causalitatem circa ipsam, non potest dici eius causa, sed comitari eam.

Sed ut intelligamus, quando aliquis actus concurrat ad executionem omissionis, *advertendum est in primis*, quod *propositum omittendi*, differt ab *executione omissionis*: nam *propositum illud* non est aliud, quam volitio omittendi quæ non solum causalitate, sed etiam tempore potest præcedere ipsam omissionem, *executio vero omissionis* est ipsa negatio actus debiti; quatenus actu, licet indirecte, procedat à voluntate ut à principio, quod est esse voluntarium indirecte.

Deinde advertendum est, præter volitionem, quæ expresse & immediate terminatur ad omissionem, cuiusmodi est iste actus, *volo non audire sacrum*; tribus modis posse contingere, aliquem actum concurrere ad executionem omissionis: *primo ut finem*, sicut cum quis omittit audire sacrum, ut det operam litteris; *secundo ut medium*, quod reducitur ad genus causæ materialis, sicut cum quis, ut

A omittat sacrum, recedit longe ab ecclesia; *tertio ut causam quasi efficientem ipsius omissionis, siue media-* te, ut cum actus est causa distractionis aut inaduertentiae, ex qua sequitur omisso: sicut cum quis ita intentus est studio, ut non attendat instare tempus, quo tenetur audire sacrum; *siue immediate* ut cum actus se ipso, & propter impossibilitatem quam habet cum actu, qui omittitur, impedit eum, & ita est causa vel occasio omissionis; & nisi actus concurrat aliquo ex his modis ad executionem omissionis, non dicitur concurrere ad eam, neque erit causa omissionis.

Ex his sequitur, quod actus, qui præsupponit alium actum, qui sit sufficiens causa totius omissionis quoad executionem, non concurrat ad eam, neque est eius causa; & ita si quis omittat sacrum propter pluuiam, vel ad vitandum laborem, & ne sit otiosus det operam litteris: tunc actus studij, quamuis sit incōpossibilis cū actu audiendi sacrum, non erit causa omissionis, neque propter omissionem erit malus: & similiter, si quis iter faciens omittat sacrum, & *B* in ipso itinere, legat librum, vel inuitat infirmum, aut confabuletur cum aliquo, non erunt huiusmodi actus causæ omissionis, neque peccata; probatur, quoniam ratione prioris actus procedit integre & totaliter omissio à voluntate, ergo non concurrat ad eius processionem, siue executionem alter secundus actus; & ex consequenti non est eius causa, quia (ut diximus) non dicitur causa, nisi aliquo modo concurrat.

Verum circa hæc exempla advertendum est, *primum* eorum, non placere aliquibus, quoniam existimant, actum voluntatis, non esse sufficientem causam omissionis, sed regulariter requiri alium actum, siue statum externum: & ita dicunt, solum illum actum habere se concomitanter ad omissionem, qui præsupponit alium externum, qui sit sufficiens causa omissionis, ut contingit in posteriori exemplo; *Sed aperte decipiuntur*, quoniam voluntas respectu illius volitionis habet sufficiens motuum, secluso studio, scil. vitare pluuiam aut laborem, ergo.

Confirmatur primo, quia propter hanc rationem, scil. quia volitio illa habet rationem & causam, recensiteam D. Tho. inter causas actus, qui possunt esse causæ omittendi. *Confirmatur secundo*, quia si ille noller studere, illa volitio esset sufficiens causa omittendi; ergo etiam si velit studere.

§. 4. Argumenta contra traditam doctrinam ponuntur & soluntur.

*S*ED CONTRA dicta obijcitur *primo*, impossibile est, quod actus aliquis ex natura sua sit impossibilem cum actu, ad quem obligat præceptum, & quod non impediat se ipso: ergo etiam est impossibile in eo casu, quod non concurrat ad omissionem, saltem ultimo modo, sc. impediendo actum oppositum.

Secundo, actus ex natura sua impossibilem cum obseruatione præcepti, est, quantum est de se, sufficiens causa omissionis: ergo etiam si præsupponat volitionem omittendi, poterit dici causa moralis omissionis; probatur *consequentia*, quia consilium faciendi aliquid malum, etiam respectu eius, qui firmiter decreuerat, imo & actu vult facere illud malum, dicitur causa moralis illius mali: quia, quantum est de se, est sufficiens causa, ut illud malum sequatur.

Confir-



iz omissionis, conuenire actui, quando talis actus respicit idem obiectum, & opponitur eidem præcepto, cum ipsa omissione; neque etiam repugnat actui, quatenus est malus ista malitia, esse peccatum omissionis, & non commissionis, quamuis sit actus: quoniam malitia ipsa est malitia omissionis, & ideo ab ea non potest denominari actus malus ut commissio, sed ut omisio; & præterea talis actus secundum istam rationem non opponitur præcepto negativo, sed affirmatiuo: & in hoc distinguitur peccatum omissionis à peccato commissionis. An vero huiusmodi actus sit malus altera malitia, ratione cuius sit peccatum commissionis, dicam statim.

DICO SECUNDO malitia ista non solum est eadem secundum speciem in omissione & in actu, qui est eius causa: sed etiam est eadem numero, ita ut actus cum omissione constituat unum numero peccatum in genere moris; probatur, eadem numero malitia est in volitione, quæ est actus externi mali, & in ipso actu, ut docet **DIVVS THOMAS** supra questione 20. artic. 3. siue sit intrinsece in utroque, ut aliqui dicunt, siue solum sit formaliter in volitione, & denominatiue in actu externo, ut ibi vult **CARSTANVS**. Sed à volitione actus, de quo loquimur, procedunt ipse quidem actus directe, & formaliter; omisio verò indirecte & interpretatiue: ergo eadem numero malitia omissionis est in hac volitione, & in actu, & omissione procedentibus ab ipsa.

Confirmatur primo, volitio formalis omittendi non habet malitiam pertinentem ad speciem omissionis distinctam à malitia omissionis, ergo neque volitio interpretatiua; ergo neque actus qui procedit directe ab huiusmodi volitione; *antecedens* probatur quia v.g. volitio furandi non habet malitiam furti distinctam numero ab ea, quæ est in actu furti; & *prima consequentia* probatur, quia nulla est ratio, propter quam illa malitia multiplicetur in omissione, & volitione ipsius interpretatiua, potius quam in eadem omissione & eius volitione formali. *Et secunda* probatur ex probatione antecedentis, quoniam actus ille ita se habet ad suam volitionem, sicut furtum ad volitionem furandi.

Confirmatur secundo, omnes actus, qui sunt causa homicidij, si in executione procedant ab eadem volitione continuata, vel formaliter, vel virtualiter, habent eandem numero malitiam homicidij, & integrant vnum numero peccatum; sicut cum quis sumit gladium ad occidendum inimicum, & progreditur ad querendum eum, & aggreditur ipsum, atque tandem interficit: omnes isti actus, habent vnā numero malitiā homicidij, & integrant vnū numero peccatum; aliās oporteret explicare eos in confessione, quod est contra communem vsum; ergo idem dicendum est in nostro casu de omissione, & de actu, qui est eius causa.

Et si obijcias, sequi ex hoc contra **D. THOMAM** in prima conclusione, non solum formale omittendi volitionem pertinere per se ad omissionem, sed etiam actū, qui est eius occasio; siquidem etiam iste actus est fundamentum malitiæ omissionis: & nos parum ante primum dubium diximus, volitionem illam pertinere per se, quoniam est fundamentum malitiæ. *Respondetur* negando sequelam, & ad probationem dico, quod nos supra loquebamur de fundamento per se: at vero actus iste per accidens est fundamentum malitiæ omissionis, quia per accidens est ipsi, quod omisio sit eo mediante voluntaria; &

A ideo loco citato dixi, volitionem formalem omittendi ita se habere ad omissionem, sicut volitionem operandi externe ad ipsam operationem: quoniam vnique eorum conuenit per se quod ea mediante suis effectus procedat à voluntate.

DICO VLTIMO, actus qui est causa omissionis, nisi aliunde sit malus, non habet alteram malitiam distinctam specie ab ea; in qua conuenit cum omissione; dixi, nisi aliunde sit malus, quoniam si actus ille sit malus ex proprio obiecto, retinebit propriam malitiam, & ita habebit duas malitias specie distinctas, alterā ratione sui obiecti, quæ in eo erit prima & substantialis, quia desumetur ex proprio specificatione; & alteram quæ est omissionis, quæ in eo erit secundaria & accidentalis, quia desumetur à conditione eccidentali: accedit enim ipsi iam specificato in genere moris, esse instrumentum, aut causam omissionis; atque ita si quis omittat facrum ut fureretur, actus furandus erit malus, non solum malitia omissionis, sed etiam malitia furti; neque in hoc potest esse dubium, quoniam malitia omissionis non tollit à furto propriam speciem in genere moris, & ex consequenti neque propriam malitiam. Quare id, quod diximus, solum est intelligendum de actu, qui tantum est malus, quatenus est causa omissionis. Et de eo probatur in primis argumento, & confirmationibus, quibus probaui id, quod secundo loco dixi, quæ hic eandem, imo & maiorem habent vim: nam neque actus internus habet malitiam specie distinctam à malitia externi: neque volitio formaliter & immediate terminata ad omissionem est mala moraliter aliqua malitia, quæ distinguatur specie à malitia omissionis: neque actus qui concurrunt ad idem peccatum commissionis v.g. ad homicidium (si aliunde non sint mali) habent aliquam malitiam præter malitiam homicidij.

Secundo, actus iste, de quo loquimur, solum est deordinatus, & malus, quatenus repugnat præcepto affirmatiuo obliganti ad actum, qui omittitur: ergo solum habet deordinationem & malitiā vnus specie; *Consequentia* probatur, quia saltem idem actus non potest habere respectu eiusdem præcepti plures deordinationes distinctas specie; & *antecedens* probatur, quoniam ablato illo præcepto, non esset malus ille actus.

Tertio, actus, quo quis vult bonum medium ad malū finem, ut dare eleemosynam propter inanem gloriam; aut à conuerso malum mediū ad bonum finem, ut furari ad succurrendum indigentibus; tantum habet vnā malitiam sumptam à malo siue fine, siue medio, ut probaui sup. q. 18. ergo similiter actus, quo quis vult formaliter aut interpretatiue alium actum de se bonum v.g. actum studij, ut finem, aut medium, vel occasionē omissionis, solum habebit vnā malitiam, sc. eam, quæ est eiusdem speciei cum malitia omissionis.

Vltimo potest hoc probari, quia ex opposito sequitur, quod volitio formalis aut interpretatiua omittendi facrum propter studium, esset magis mala quam volitio formalis omittendi facrum absolute; quod videtur contra communem sensum: omnes enim facerent, quod bonitas finis minuit malitiā electionis mali medij, quod probari solet sup. q. 19. art. 8. & *sequela* probatur, quia in isto posteriori solū esset vnā malitia moralis, sc. malitia omissionis, in priori vero esset ista, & alia, quæ ab ea distinguitur specie.

§. 6. Argumenta Henrici & aliorum contra opinionem dissoluntur.

CONTRARIUM sentit expresse HENRI. quodlib. 2. q. 14. & GABRI. in 2. d. 4. q. 1. art. 3. dub. 3. circa finem, qui in hoc conveniunt, quod actus, qui est causa omissionis, siue sit volitio terminata immediate ad ipsam, siue quicumque alius actus, habet malitiam specie distinctam à malitia omissionis: & propterea dicunt, quod tunc non est peccatum omissionis sine altero peccato commissionis; imo & idem videtur supponere ut certū RICAR. in 2. d. 35. circa primum principale q. 1. ubi probat, non esse necessarium, quod peccatū omissionis supponat aliquem actum, qui sit eius causa, vel occasio: quoniam alias sequeretur, non posse hominem peccare peccato omissionis, quā peccet duobus peccatis; & probat hanc sequelam, quia malum culpæ; quale est peccatum omissionis, nullo modo, hoc est neque libere, neque necessario, potest sequi tanquam ex causa, ex actu, qui nō sit malus. Et probatur istorum sententia primo, quoniam actus liber qui est causa mali, malus est secundum se: ergo actus, qui est causa omissionis, non solum est malus malitia omissionis, sed etiam secundum se.

Confirmatur primo, quoniam ut Christus dixit, arbor bona nō potest malos fructus facere: ergo neque actus, qui secundum se sit bonus, potest esse causa omissionis malæ.

Confirmatur secundo, quoniam si actus aliquis sit bonus & virtutis, nō poterit esse causa omissionis malæ: ergo semper in actu, qui est causa omissionis malæ præintelligitur aliquid non bonum, & ex consequenti aliqua malitia.

Secundo actus, v. g. studij, qui est causa omissionis, procedit ex volitione studij inordinata, inordinatione quadam distincta ab inordinatione omissionis: ergo habet hanc inordinationem, & ex consequenti malitiam distinctam specie à malitia omissionis; *consequentia* probatur, quia exercitium cuiuscunque actus habet eandem inordinationem, & ex consequenti malitiam, quam volitio, à qua procedit; & *antecedens* probatur, quoniam velle propter studium omittere sacrum, est velle, siue amare studiū plus appetitiue, quā Deum; quia est velle propter studium relinquere Deum, transgrediēdo eius præceptum in re gravi: sed inordinatio, quæ est in ista volitione, est distincta ab inordinatione omissionis: probatur ista *minor*, quoniam inordinatio omissionis sacri opponitur præcepto audiendi sacrum: inordinatio vero huius volitionis opponitur præcepto obliganti ad seruandum ordinem charitatis, & ut nihil ametur appetitiue plus quā Deus, in cuius transgressionem reperitur specialis inordinatio, & speciale peccatū distinctū à reliquis.

Confirmatur primo, quoniam qui ex amore vxoris & filiorū furatur, aut omittit sacrum, committit duplex peccatum, *primum* inordinati amoris, contra ordinē charitatis; & *alterum* furti, contra iustitiam, aut omissionis sacri cōtra religionem; & similiter, qui ex timore negat fidem, committit duo peccata: *primum* timoris inordinati, contra fortitudinem, quæ inclinatur ad patiendum mortem quando oportet; & *alterum* contra fidem.

Confirmatur secundo, quia saltem videtur, quod volitio illa studij habeat inordinationem oppositam virtuti studiositatis, quæ procul dubio est distincta

Alib inordinatione omissionis sacri: sicut rectitudo studiositatis differt à rectitudine religionis; & probatur hoc, quoniam virtutis studiositatis munus est moderari appetitum siue volitionem cognoscendi, aut vtēdi potētia cognitiua, ita vt in huiusmodi appetitū excedatur modus determinatus secundum rectam rationē prudentiæ, vt D. THO. docet 2. 2. q. 166. art. 2. sed in volitione cognoscendi siue vtēdi potētia cognoscitiua, quatenus huiusmodi vsus est impeditiuus operis debiti: sicut cū est causa omittendi sacrum) exceditur ille modus; quoniam prudentia dicitur, vsus illum non esse bonū moraliter: ergo volitio illa habet inordinationem oppositam virtuti studiositatis.

Dicesse isto argumento solum probari, quod actus, qui est formaliter volitus vt causa omissionis habet malitiam propriam & distinctā à malitia omissionis: nō tamen quod quomodocūque sit causa, habeat eam; quia cū solū est volitus interpretatiue vt causa, non procedit ab illo effectu inordinato; sicut cum quis ante tēpus, pro quo obligat præceptū audiendi sacrum, incipit dare operā litteris, & quia est intentus huic actui, nō aduertit ad obligationē præcepti, & ita omittit sacrum: tunc nimirū actus non est volitus aliqua volitione inordinata.

Sed contra, & sit *tertium argumentū*, vel attentio ad studiū est causa non aduertendi ad obligationē præcepti, vel non; *si primū*, ergo ipsa attentio secundum se est mala, quia est causa inaduerentiæ culpabilis, & ex consequenti actus studij etiam, in quantum exercitus cū tanta attentione, & tanto conatu, erit secundum se malus malitia distincta à malitia omissionis. *Si vero dicas secundum*, sequetur, quod actus factus cū illa attentione non sit malus malitia omissionis, probatur sequela, quia non est causa inaduerentiæ, & ex consequenti neque omittitur quæ provenit ex ea.

Ultimo actus, verbi gratia, studij, quomodocūque sit causa omittēdi sacrum (hoc est, siue vt causa sit volitus formaliter, siue tantū interpretatiue) habet malā circumstantiā temporis: ergo præter malitiam eiusdem speciei cum malitia omissionis, habet aliā oppositam virtuti studiositatis; *consequentia* probatur, quia sufficit quæcūque mala circumstantia, vt actus non sit conformis regulæ alicuius virtutis, & ex consequenti vt sit malus malitia opposita ipsi virtuti, & *antecedens* probatur, quoniam actus ille sit, quando non oportet.

CAD *PRIMUM* horum respondetur, quod si antecedēs intelligatur de malitia distincta à malitia effectus, sicut hic loquimur, vt plurimū est verū, quādo actus, qui est causa, est volitus volitione aliqua distincta realiter à volitione effectus: vt cum aliquis vno actu appetit placere principi, & ex hoc mouetur ad volendū alio actu consulere ipsi ea, quæ cedunt in damnum reipublicæ; nō tamen quādo voluntas eodē actu vult causam, & effectū, sicut cū quis vno actu vult furari ad dandū elemosinā; nā tunc actus voluntatis, quāuis sit simpliciter malus, hoc est non simul bonus & malus, tamen solū habet vnā malitiā sumptam à malo medio, aut effectu, vt probaui supr. q. 18. Et ita contingit in nostro casu: quoniam idē actus voluntatis, qui est volitio formalis actus, qui est causa omissionis, est etiam volitio formalis, aut interpretatiua ipsius omissionis. Dixi tamen, *antecedens vt plurimum esse verum in priori sensu*, quia multi negant eum etiam in illo

sentu dicunt nimirum intentionem bonam posse esse causam malæ electionis, & vitari ab ea, sed de hoc disputari solet supra q. 19. art. 8.

Ad primam Confirmationem, respondetur, concedendo antecedens, & negando consequentiam: quoniam actus, qui est causa omissionis, non est causa ex propria natura, & per se, sicut arbor est causa fructuum; sed solum est causa per accidens, hoc est, quatenus subordinatur liberæ volitioni formali, qua voluntas vult, aut formaliter, aut interpretative, exercere actum illum, ut causam vel occasionem omittendi; de illo vero testimonio plura dici solent loco citato, cum explicatur, quomodo non sufficiat bonitas intentionis ad bonitatem actus electionis.

Ad secundam confirmationem, concesso antecedenti neganda est consequentia, quoniam, ut actus ille sit virtutis, & bonus simpliciter, requiritur quod nulla ex parte, neque ratione alicuius adiuncti sit malus: ut vero non præintelligatur cum aliqua malitia propria, satis est quod de se non habeat eam: neque est inconueniens, quod actus, qui de se non habet aliquam malitiam, sit volutus ut causa actus mali: ut in solutione argumenti explicui exemplo eius, qui vult furari ad dandum elemosinam.

Ut si obijciat, quod cum actus studij non præintelligatur ut bonus moraliter, necessario debet præintelligi ut malus, & ex consequenti cum aliqua malitia: *Respondetur*, quod inter hæc potest dari medium, scilicet actus ille ut bonus secundum suam naturam, & ita præintelligitur; quamvis enim non detur actus in exercitio sine bonitate aut malitia morali: tamen secundum speciem, & secundum ordinem causalitatis, & nostre cognitionis, multi abstrahunt ab utroque; & ita actus ille ab effectu, siue ordine ad ipsum, sumit primam speciem, & malitiam moralem: sicut elemosyna in casu supra posito est mala, quatenus est voluta per furtum tanquam per medium, ut explicui loco citato.

Ad secundam aliquibus placet solutio ibi tradita; sed mihi omnino displicet, quoniam argumenta, quibus probavi id, contra quod istud obiectum est, eandem vim habent respectu utriusque modi concurrendi ad omissionem: & ideo aliter respondetur, negando antecedens; & ad probationem distingo maiorem, si enim sit eius sensus, quod velle propter studium omittere factum, est immediate & per se velle amare appetitativè studium magis quam Deum, falsa est: quoniam ut amor immediate & per se sit maior appetitativè respectu vnius rei, quam respectu alterius, requiruntur duo; *primum* est, quod gradus dignitatis aut excellentie ratione cuius una illarum rerum præfertur alteri, sit obiectum, aut conditio obiecti; ita quod res illa saltem in actu exercitio, terminet amorem, ut dignior amari, siue ut præferibilis alteri verè, siue apparenter; *alterum* est, quod ipsa appetitatio formalis sit modus aliquis conueniens actui, antequam intelligatur terminatus ad suum obiectum, ita ut actus secundum se habeat modum illum, qui dicitur maior appetitatio siue æstimatio (sicut habet intensionem, aut libertatem, vel alios modos) & cum eo tendas in obiectum suum; constat autem non esse necessarium, quod ista duo reperiantur in actu, de quo loquimur, quoniam eo est absolute volitum totum hoc, scilicet, omittere factum

propter studium, ad quod non est necessarium, actum volitionis tendere immediate in hoc obiectum, ut præferibile divinæ bonitati, etiam in actu exercitio; *Si vero sit sensus*, quod ille actus habet, quod sit illud velle tantum consequenter, hoc est, tanquam modus resultans in eo ex proprio specificatione ipsius, vera est: quoniam ex hoc quod actus ille terminatur ad obiectum aversivum a Deo, habet consequenter quod modaliter sit amor appetitativus creaturæ, ut ultimi finis; Et eodem modo distinguenda est minor, si enim intelligatur de inordinatione, quæ consistit in priori modo amandi appetitativè plus studium, quam Deum, vera est; si vero intelligatur de inordinatione, quæ consistit in posteriori modo amandi, falsa est; & ad probationem huius minoris, dico, quod prior inordinatio amandi immediate opponitur præcepto obliganti ad servandum ordinem charitatis, posterior vero solum opponitur ei mediate, & indirecte, hoc est, quatenus observatio præceptorum, in quorum transgressione committitur peccatum mortale, est necessaria ad conservationem charitatis, & non est prohibita peculiari aliquo præcepto, sed omnibus, quibus prohibenter obiecta mortalia, ad quæ consequitur; & ita non constituit speciale aliquod peccatum, sed est conditio & modus communis omnibus peccatis mortalibus, sicut D. THOMAS docet de inobedientia, quatenus reperitur in quacunque transgressione præcepti 2.2. q. 104. art. 2. & de superbia, siue aversione a Deo, & sua regula, quatenus est conditio generalis omnium peccatorum mortalium q. 167. art. 6. & 7. & CAIST. art. 7. in fine & i. p. q. 63. art. 2.

Et si petas, ut assignem amorem aliquem boni creati, qui habeat specialem illam inordinationem oppositam illi præcepto: *Respondetur*, quod quicumque amor, qui est talis nature, ut ex vi eius sit voluntas sufficienter determinata ad relinquendum Deum, habet eam; siue simul habeat aliam, siue non, quod raro continget. Quare in casu nostro, si amor studij præcederet, & esset talis, ut ex vi eius moueretur voluntas ad volendum alia volitione omittere factum, procul dubio haberet illam inordinationem; & ratio huius est, quod in isto casu amor creati boni, saltem in actu exercitio, fertur immediate in ipsum, ut præferibile Deo.

Ad primam confirmationem Respondetur, quod si actus illi amoris filiorum, & timoris tormentorum, sint secundum se inordinati, & non solum quatenus sunt causæ aliorum actuum, malorum: habebunt duas inordinationes & malitias specie distinctas; secus tamen, si solum fuerint inordinati, quatenus sunt causæ malorum actuum: & ita est inordinatus actus, de quo loquimur, dicentur autem illi actus inordinati priori modo, si quatenus terminantur ad propria obiecta sumpta absolute, & secundum se, habuerunt aliquam inordinationem: ut cum avarus propter amorem pecuniarum interficit aliquem, aut propter timorem amittendi eas (qui procedat ex isto amore) negat fidem; si vero solum habuerint inordinationem, quatenus sua obiecta comparantur ad alia siue bona, quæ impediunt, siue mala, quorum sunt causæ: solum dicentur inordinati posteriori modo; ut cum aliquis moderate amat bona sua, postea tamen oblata

occasione, ne amittat ea, negat fidem; ita CAIET. 2.2. q. 19. art. 2. circa solutionem secundi.

Ad secundam confirmationem Respondetur, negando; quod actus studij in nostro casu habeat inordinationem oppositam virtuti studiositatis: & ad probationem respondetur, *maiores* intelligendam esse de modo determinato à prudentia intra proprios limites materiæ studiositatis: non enim pertinet ad quamcumque virtutem moderari suum effectum in ordine ad regulam rationis sumptam absolute, sed determinatam ad particularem materiam; & *minorem* esse falsam, si intelligatur de modo rationis ita sumpto; quoniam esse impeditivum v. g. actus audiendi sacrum, non pertinet per se ad studium, quod est materia remota studiositatis, imo neque ad affectum, qui est materia proxima, quidquid dicat CAIETA. loco citato in argumento; *Neque obstat* id, quod ipse objicit, scilicet quod actui voluntatis nulla boni & mali moralis differentia est per accidens, quia totam illius latitudinem respicit per se; *hoc enim* solum est verum de actu voluntatis absolute sumpto, non tamen quatenus moderabilis & regulabilis à virtute studiositatis; quoniam secundum istam rationem determinatur præcise tanquam ad propria materiam, ad studium, siue ad cognitionem, & ex consequenti ad ea, quæ sunt ipsi propria, inter quæ non continetur posse impedire opus debitum, quoniam hoc commune est materijs aliarum virtutum.

Ad tertium, admitto, attentionem ad studium esse causam non aduertendi ad obligationem præcepti; & nego consequentiam, qua colligitur, attentionem ipsam secundum se esse malam malitia propria: quoniam (ut iam explicui) id quod de se non est malum, potest esse causa mali.

Ad ultimum, concesso antecedenti, neganda est consequentia: & ad probationem dicendum non quascumque malas circumstantias opponi regulæ alicuius virtutis, sed solum eas, quæ sunt propriæ suæ materiæ; sicut circumstantia temporis indebiti ratione scandali non opponitur regulæ iustitiæ, nec temperantiæ, & ideo solutio debiti facta cum scandalo alicuius, non habet malitiam oppositam iustitiæ; neque actus comedendi temperate factus cum simili scandalo est malus malitia repugnante temperantiæ: & ita in nostro casu circumstantia mali temporis, quæ consistit in hoc, quod actus studij exerceatur tempore, quo impeditur alius actus, qui tunc fieri deberet, non est propria studij, sed communis materijs aliarum virtutum.

Ad argumentum primæ sententiæ, Respondetur, id, quod in eo dictum est; & ad obiectionem dicendum est, *maiores* solum esse veram de eo, quod prohibetur directe, non autem de eo quod prohibetur indirecte, & consequenter: & sic prohibentur ea, quæ impediunt observationem præcepti.

Ad primum secundæ sententiæ Respondetur Div. THOMAM exponi posse iuxta primam conclusionem; & *ad secundum* patet solutio ex primo argumento, quo probauimus secundum conclusionem.

III. DVBIUM EST.

Quando peccet quis peccato omissionis.

AD quam D. THOMAS in solutione 3. Respondet, quod cum peccatum omissionis contrarietur præcepto affirmatiuo, quod obligat semper, sed non ad semper, solum illo tempore peccabit aliquis cessando ab actu, pro quo obligat præceptum affirmatiuum. Sed contra sententiam istam sunt duæ difficultates.

PRIMA est, quia si aliquis incipiat dormire ante tempus, quo obligat præceptum audiendi sacrum, & continuet somnum quousque transeat illud tempus tantum, peccabit peccato omissionis, cum transgrediatur præceptum affirmatiuum: & tamen non in tempore, pro quo obligat præceptum; quia tunc, cum somno impeditus est, carebit libertate, quæ requiritur ad peccatum; ergo peccatum omissionis potest incurri extra tempus, pro quo obligat præceptum affirmatiuum. Occasione huius difficultatis solet hoc loco inquiri,

§.1. An ommissio proveniens ex causa auferente potestatem ad exercendum actum, eo tempore, pro quo obligat præceptum affirmatiuum, habeat rationem peccati eo tempore, quo causa est voluta, vel potius illo, pro quo præceptum obligat.

VT IN CASU argumenti propositi, an ommissio sacri sit peccatum, & imputeur ad culpam, cum aliquis libere incipit dormire: vel in tempore pro quo præceptum obligat ad audiendum sacrum; neque aliquid refert, quod causa auferat potestatem auferendo usum rationis, ut contingit in somno, & ebrietate, siue relinquendo eum, ut proiectio breuiarij in mare non auferit usum rationis, sed solum facultatem ad recitandum; & habet hæc quæstio locum etiam in peccato commissionis: ut si aliquis se inebriet, & postea interficiat alium, inquiri potest an homicidium imputeur ipsi ad culpam, cum se inebriauit, vel potius cum actu perpetratum est.

Referuntur varia sententia cum motibus.

IN HAC RE tres sunt sententiæ, *PRIMA* est MAR-
SILIUS, qui in 2. q. 21. art. 2. suppositione 2. & conclusionem 2. & 4. dicit, omissionem in casu isto solum imputari ad culpam in tempore, pro quo obligat præceptum; additque posse aliquem incipere dormire in gratia, & non interrupto somno peccare mortaliter, & amittere gratiam, si ita impeditur omittat id, ad quod præceptum obligat. Hæc sententia quantum attinet ad hoc secundum, merito ab omnibus rejicitur, ut omnino improbabilis, & ut impia; sequitur enim ex eo, peccare aliquem in eo, quod simpliciter & absolute vitare non potest; & reperiri peccatum nullo modo voluntarium, contra sententiam AUGUSTINI receptam ab omnibus theologis; & Deum aliquando obligare ad impossibile; & tandem, hominem prius deferri à Deo per subtractionem gratiæ, quàm ipse sua voluntate deferat eum, quod est contra Concilium TRIDENTINUM sessione 6. decre. de iustificatione. Ceterum ab ipso probatur hoc argumento:

si quis incipiat dormire, videndo, quod potuerit continuare somnum ultra tēpus, pro quo obligat præceptum audiendi sacrum, & moriatur antequam aduenit tale tempus, non damnabitur propter omissionem huius præcepti; *nam quia* nondum tenebatur facere, quod tale præceptum præcipiebat; *nam etiam quia*, si non moreretur, potuisset excitari à somno, & adimplere illud præceptum; neque etiam damnabitur propter transgressionem alterius præcepti, quia supponimus contra nullum aliud peccasse; ergo non damnabitur, & ex consequenti non peccauit, nec amisit gratiam.

SECUNDA SENTENTIA omnino huic opposita, est aliorum, qui dicunt, omissionem in isto casu solum habere rationem peccati, quando adhibita est causa impotentiae adimplendi præceptum affirmatiuum, non vero in tempore, pro quo tale præceptum obligat: hanc sequuntur ALENSIS ALTISSIOD. GABR. & MAIOR locis citatis in 1. dubio & idem MAIOR in 4. d. 9. q. 2. & d. 17. q. 8. PALVD. in 4. d. 9. q. 3. ALMAL. tract. 1. moral. c. 5. & HANGEST. in suis mora. c. 6. in solutione 17. argumenti, & cap. 10. §. *difficilis est*, & alij. *Fundamentum* potissimum istorum est, quod, cum de ratione peccati sit, esse voluntarium; & ommissio, de qua loquimur, solum sit voluntaria in sua causa, solum in ea habebit rationem peccati.

TERTIA SENTENTIA inter has media, est quorundam Recentiorum Thomistarum, qui dicunt duo, *primum* est, quod causa voluntaria omissionis est mala, & peccatum; *Alterum* est, quod etiam ipsa carentia actus in tempore, pro quo præceptum affirmatiuum obligat, etiam si tunc desit facultas ad exercendum eum, est formaliter mala, & peccatum: non quidem secundum se, neque malitia propria, sed quatenus subordinatur causæ liberæ & voluntariæ, à qua procedit; & malitia eiusdem causæ, quæ primo couenit ipsi causæ, & ab ea deriuatur ad carentiam actus, tanquam ad effectum; hanc sententiam sequitur aperte SOTO in 4. d. 12. q. 1. art. 7. loquens de pollutione nocturna, & CAIER. qui 2. 2. q. 15. art. 4. inquit, quod, si quis præuideat, aut præuidere teneatur, quod ex ebrietate sequetur homicidium: quando vult ebrietatem, committit peccatum homicidij quoad actum internum, quia volitio ebrietatis est interpretatiue volitio homicidij; quoad actum vero externum postea, quando dum ebrius est interficit alium & q. 154. art. 5. ait, quod si quis vtatur somno vt instrumento ad exercendum malum, potest peccare mortaliter in somno, non imperatiue, sed executiue; Et quoniam in eo quod isti dicunt priori loco, non dissentimus ab eis, probatur hoc secundum, PRIMO, quia vt actio exterior sit formaliter mala, & peccatum, satis est quod sit contra præceptum, & quod procedat à libera voluntate interna: ergo similiter vt ommissio actus sit formaliter peccatum, satis erit, quod sit contra præceptum affirmatiuum, & quod procedat à causa libera, & voluntaria; probatur *consequentia*, quia ita se habet ommissio ad causam, sicut actus exterior ad interiorem.

Dices, esse discrimen; quoniam actus externus immediate, & actu subordinatur volitioni internæ à qua procedit, & ita actu est voluntarius, & in nostra potestate.

Sed contra, quia vt actus externus sit voluntarius

(quantum satis est, vt sit formaliter peccatum) (a-
tis est, quod in sua causa sit in nostra potestate, ita vt causa sit à nobis adhibita libere, & cum indifferencia ad vtrumque: ergo idem dicendum est de omissione; probatur *antecedens* in primis testimonio ARISTOTELIS qui 3. Eth. cap. 5. docet, ea, quorum principia sunt in nostra potestate, esse voluntaria, quamuis, cum fiunt, non possunt à nobis vitari; idque probat multis exemplis, quorum vnum desumit à legislatoribus, qui aduersus ista, si mala sint, decernunt pœnas: quod, nisi voluntaria essent, fieri non posset; & præterea, quia alias sequeretur, quod occisio hominis facta emissione sagittæ, aut iactu alterius teli, non esset voluntaria, neque formaliter peccatum, quia cum sit, non potest vitari à iaculante, cum non possit reuocari ab eo sagitta, vel telum; quod tamen videtur falsum, & est expresse contra ARISTOTHELEM loco citato, vbi inquit, iactum lapidis esse voluntarium, quia quamuis is, qui misit, non possit eum retrahere: tamē fuit in eius potestate iacere, aut retinere.

Confirmatur, quando ommissio procedit à volitione formali & directa, est formaliter peccatum: ergo similiter quando procedit ab indirecta, seu interpretatiua, vt in isto casu, in quo volitio causæ est interpretatiue volitio omissionis.

SECUNDO, effectus mali prouenientes à causa libera & voluntaria, quamuis, quando fiunt non sit in nostra potestate vitare eos, imputantur tamen nobis ad culpam, & sunt formaliter peccata: ergo idem est dicendum de omissionibus; *consequentia* patet ex paritate rationis; & *antecedens* probatur, quia alias sequeretur, quod si ebrius occidat aliquem, sufficienter confiteatur, si ita dicat, inebriaui me semel cum tanta probabilitate incidendi in homicidium, quamuis non explicet se de facto occidisse hominē; & præterea sequitur quod si quis mortifera vulnera infligat alicui, & confiteatur hoc peccatum, & postea sequatur eiusdem hominis mors, non tenebitur eam confiteri; & similiter, si quis mittat in Indiam aliquid infectum, vnde probabiliter sequetur mors aliquorum, & statim confiteatur hoc peccatum, & postea sciat tot vel tot ob id obiisse, nō tenebitur hoc confiteri, quod videtur durum.

Confirmatur primo, quoniam in c. *inebriauerunt* 15. q. 1. quod est AVO. lib. 22. contra Faustum c. 44. ita dicitur: *inebriauerunt Loth filia eius, & se nescienti misceuerunt, quapropter culpandus est quidam: non tamen quantum ille incestus, sed quantum illa meretur ebrietas*; vbi incestus sequutus post ebrietatem, imputatur ad aliquam culpam, & cap. *sexto die*. 35. quod est AMBROSII lib. de Elia. & ieiunio c. 4. & 5. ita dicitur, *fuit itaque ebrietas* (scilicet Loth) *origo incesti, pessima regeneratricis partus deterior*; vbi (iuxta expositionem glossæ) per *regeneratricem*, intelligitur ebrietas, quia cum esset effectus vini, & quasi genita ab eo, rursus genuit alium effectum, scilicet incestum; & significatur, incestū, qui fuit partus (hoc est effectus) ebrietatis, fuisse deteriorem ipsa ebrietate.

Confirmatur secundo, quia pollutio nocturna proueniens ex causa culpabili, est secundum se peccatum, alias enim non dicerent Sancti (quos vniuersi theologi sequuntur in 4. d. 12.) ipsam esse impedimento sumptioni eucharistiæ, sed solum id dicerent de eius causa.

Tertio, effectus, de quibus loquuti sumus in precedenti argumento, sepe puniuntur pœnis distinctis ab eis, quæ imponuntur propter eorum causas, ergo habent malitiam propriam, & ex consequenti, sunt formaliter mali, & peccata: consequentia patet, quia cum pœna imponatur propter culpam, sufficiens signum erit distinctio pœnæ, ad colligendum distinctionem culpæ; & antecedens probatur primo testimonio iuris canonici, nam c. *siquis infans*. 15. q. 1. ex penitentiali THEODORI, ita dicitur, *si quis infans aliquem occiderit, si ad sanam mentem pervenerit, lenior ei penitentia imponenda est*. ubi pro delicto commisso post insaniam imponitur penitentia; & in Clementina de homicidio *si furiosus*, non eximitur ebrius à pœna irregularitatis, imposita in iure propter homicidium, aut mutilationem membrorum. Secundo probatur testimonio ARISTOTELIS, qui 3. & 5. cap. 5. dicit, duplicem pœnam constitutam esse à legislatoribus in ebrios, alteram propter ebrietatem, & alteram propter delictum, quod in ea committunt.

Confirmatur, nam si quis det pecuniam alicui tendenti in Indiam, ut ibi interficiat sacerdotem, & dum navis est in medio itineris, doleat de peccato, & reponatur in gratia, iste, si postea sequatur homicidium, in India, incurrit excommunicationem, & non propter peccatum prius commissum, quia iam non est; ergo propter effectum, qui sequitur in India, quando ab ipso vitari non potest; & ex hoc sequitur ulterius, effectum illum esse peccatum, quoniam excommunicatio non incurritur, nisi propter peccatum; & idem argumentum fieri potest de eo, qui iactu sagittæ interficit sacerdotem, & in ipso egressu sagittæ dolet de peccato.

Vltimo probatur hæc sententia testimonio D. THOMÆ nam 22. q. 79. art. 3. in solutione tertij probat, eum, qui somno redditur impotens ad præcepti adimplerionem, non peccare, quando incipit dormire: quoniam potest excitari antequam adueniat tempus, pro quo præceptum obligat; & ex consequenti adimplere præceptum, & non omittere: & ita subdit statim, *unde dicendum est, quod omissio incipit ei imputari ad culpam quando fuit tempus operandi, tamen propter causam præcedentem, ex qua omissio sequens redditur voluntaria* & q. 150. art. 4. dicit, mala, quæ fiunt ab ebrio, qui culpabiliter se inebriavit, esse peccata, & esse voluntaria, quia proveniunt à causa voluntaria & q. 154. art. 5. repetit idem de pollutione nocturna proveniente ex causa culpabili.

Confirmatur quoniam infr. q. 74. art. 8. docet, notamentum præcognitum formaliter, aut interpretative, aggravare peccatum, etsi, quando evenit, non sit in nostra potestate; & supra q. 10. art. 5. docet, omnes effectus ita præcognitos addere ad bonitatem vel malitiam: ergo effectus isti, quando existunt, habent bonitatem, aut malitiam moralem, & ex consequenti, qui est eorum causa, dicetur tunc bene operari, aut peccare, & idem est de omissione.

PRO SOLVTIONE.

§. 2. Decisio proposita difficultatis.

DICO PRIMO in volitione siue formali siue interpretativa cause omissionis, est malitia moralis,

A & culpa, quæ consistit in transgressionem præcepti affirmativi, obligantis pro tempore sequenti ad exercendum aliquem actum: & hæc malitia est eiusdem speciei cum ea, quæ posset convenire ipsi omissioni, aut carentia huius actus, si essent libera, probatur PRIMA PARS, quia, quando aliquid est contra aliquod præceptum, etiam volitio illius siue formalis siue interpretativa est contra idem præceptum; ergo volitio formalis aut interpretativa omittendi, est contra præceptum affirmativum, cui repugnat omissio; & ex consequenti habet malitiam, quæ consistit in transgressionem illius præcepti; & ex hoc probatur SECUNDA PARS, quoniam malitia, quæ posset convenire carentiæ illius actus, consistet in privatione conformitatis ad huiusmodi præceptum.

Confirmatur, quia quando quis tempore, pro quo præceptum obligat ad exercendum aliquem actum, vult omittere eum, & omittit, eadem malitia non solum specie, sed etiam numero est in volitione omittendi & in ipsa omissione ut probavi, dubio precedenti: ergo quando prius vult omittere; & postea, hoc est, in tempore, pro quo obligat, omittit; quamvis forte propter discontinuationem possit esse in omissione malitia distincta numero ab ea, quæ est in priori volitione, non tamen erit distincta secundum speciem.

B Ex hoc sequitur primo, quod quando adhibetur causa voluntaria omissionis, tunc incipit imputari culpa omissionis; probatur, quia tunc incipit imputari culpa alicuius peccati cum incipit esse eius malitia.

Secundo sequitur, quod qui voluntarie dat causam omissionis, peccat formaliter peccato omissionis, & non solum reductivè, (ut aliqui volunt) probatur, quoniam ubi est formaliter malitia alicuius peccati, ibi est formaliter tale peccatum: sed in volitione causæ est malitia eiusdem speciei cum malitia omissionis, ergo in ea incurritur formaliter peccatum omissionis.

DICO SECUNDO, in omissione, quæ ex causa voluntaria sequitur, in tempore, quo vitari non potest, non est malitia numero distincta ab ea, quæ est in volitione causæ; ita tenet Cordubensis lib. 2. questionarii q. 13. & probatur, quia peccatum in tantum est peccatum, in quantum voluntarium: ergo ubi non est voluntarium distinctum, ut in prædicta omissione, non est malitia numero distincta.

C Confirmatur primo, quia ommissio in isto casu ut plurimum se habet in ratione voluntarij ad volitionem causæ, sicut actus externus ad internum: sed in actu externo non est malitia numero distincta ab ea, quæ est in interno, ergo neque in omissione ista.

Confirmatur secundo, nam quando ommissio provenit immediate ex volitione formali omittendi, non est in omissione malitia numero distincta ab ea, quæ est in volitione, & ita qui formaliter vult omittere, & omittit, non peccat duplici peccato, ergo idem est dicendum in nostro casu.

DICO TERTIO, malitia, quæ est in volitione causæ, non derivatur in isto casu ad ipsam omissionem, neque in basine, neque denominative, ita ut ratione eius ommissio dicatur proprie & formaliter peccatum: probatur, quoniam malitia actus interni non derivatur ad externum, nisi externus sit actus

in libera potestate nostra, ita ut exerceatur cum actuali potestate siue indifferentia ad vtrumque: ergo similiter malitia volitionis non deriuatur ad omissionem, nisi ipsa omisso sit actu in potestate omittentis; *consequentia* patet, quoniam malitia quæ est in volitione omittendi, non potest communicari omissioni, nisi ut plurimum eo modo, quo malitia actus interni communicatur externo; & *antecedens* probatur, quoniam malitia moralis, fundatur in voluntario, ergo quod non est actu voluntarium, & liberum, non est capax malitiæ moralis.

Ad hoc respondent aliqui, quod, ut aliquid sit capax malitiæ moralis per modum actus externi, satis est quod sit voluntarium virtualiter, hoc est, quod procedat ex causa actu libera & voluntaria: videturque hoc desumptum ex CATET. & SOTO locis citatis.

Sed contra, quia sequitur, quod, si quis alteri præbeat venenum, dicatur proprie peccare actu toto tempore, quo durauerit, actio veneni in eum, quia toto illo tempore erit huiusmodi actio ipsi voluntaria in sua causa; & similiter sequitur, eum, qui comedit id, quod noxium est salutis, vel propter quantitatem, vel propter qualitatem, peccare actu, non solum quando comedit, sed etiam quamdiuid, quod ita sumptum est permanet in corpore inferendo ei damnum.

Fortè negabis sequelam cum SOTO, qui loco citato in solutione primi argumenti videtur dicere, quod effectus, qui pendent ab actione potentie nutritiæ, quales sunt effectus veneni, & cibi sumpti, quoniam non possunt fieri nisi potentia nutritiua concurrente ad immutationem cibi & veneni, non sunt in nostra potestate per se & immediate, & in sua causa; quoniam actio potentie nutritiæ, quæ etiam est eorum causa, non subditur imperio voluntatis; sed solum mediate & antecedenter per applicationem agentium naturalium, hoc est per applicationem cibi aut veneni ad locum, in quo possit immutari à potentia nutritiua.

Sed contra, quia ut effectus sit liber & voluntarius in sua causa, satis est quod applicatio causæ ad producendum eum fiat libere, hoc est cum indifferentia ad vtrumque: sed in isto casu applicatur hoc modo tota causa effectus veneni; ergo, probatur *minor*, quia licet venenum non concurrat ad suum effectum nisi ut immutatum à calore naturali: tamen quod immutetur, fuit liberum præbenti venenum, ita ut potuerit ab eo impediri in principio.

Confirmatur quia alias idem poterit dici de homicidio perpetrato ab ebrio, siue de quocumque alio malo: quoniam causa propter quam huiusmodi malum est voluntarium, est ebrietas voluntaria; constat autem quod homo non est immediata causa & per se suæ ebrietatis, sed ut applicans actiua passiuus, scilicet sumendo intra stomachum vinum, ex cuius immutatione facta à calore naturali sequitur turbatio mentis, in qua consistit ebrietas; Neque video cur sint magis voluntarii effectus provenientes ex libera sumptione vini, quam illi qui proveniunt ex libera sumptione cibi noxii, aut ex actu dandi alteri venenum.

Præterea probatur illud idem antecedens, scilicet, quod, ut actus externus participet malitiam formalem ab interno, & sit propriè peccatum, debet esse actu in nostra potestate: quoniam alias sequeretur, aliquem, postquam iam est in gratia per penitentiam peccati, committere ipsum peccatum, imò postquam est in purgatorio l. in celo: ut patet, si quis post emissam sagittam antequam perueniat ad percutiendum, habeat veram contritionem de peccato intento per talem emissionem, & moriatur.

Ad hoc aliqui respondent negando sequelam, & ad probationem dicunt, quod in illo casu percussio nullo modo est voluntaria, quoniam prior volitio est retractata per actum contritionis: videturque hoc desumptum ex SOTO loco citato, ubi inquit, quod, si quis in vigilia dedit causam pollutioni futuræ in somno, & antequam dormiat, doleat de hoc peccato, non dicitur peccare, cum pollutio in somno euenerit, eo quod casu fuerit intercisæ.

Sed contra percussio in isto casu solum dicitur voluntaria virtualiter, aut in causa, quia procedit à causa, scilicet ab emissionem sagittæ, voluntaria & libera in actu: sed contritio neutrum istorum potest impedire; ergo neque quod percussio sit voluntaria in causa.

Dices, per contritionem impediri ne emissio sagittæ ut voluntaria concurrat actu ad ipsam percussione: quia interruptur eius causalitas.

Sed contra, emittens sagittam nullum præbet concursum voluntarium ad motum ipsius sagittæ, nisi quantum ad eius principium; sed quod concurrat isto modo non aufertur per subsequenter contritionem, ergo; probatur *maior*, quia nihil, quod sit causa motus sagittæ, postquam emissæ est, pendet in suo esse aut in causalitate à voluntate iacentis eam: sicut id quod est causa motus proiectorum, postquam proiecta sunt, siue sit impetus impressus, siue quidquid aliud, non pendet à proijciente, nisi in principio.

Confirmatur, quoniam alias sequeretur quod quamvis hac percussione occideretur sacerdos, non incurreretur excommunicatio, si esset lata, nec irregularitas; nec obligatio restituendi: patet *sequela*, quia nihil istorum incurri potest propter effectum, qui nec in se, nec in sua causa est voluntarius.

SED OBJICIES, omisso in isto casu est consummatio & complementum volitionis omittendi, ergo malitia, quæ est in illa volitione, communicatur ipsi omissioni: *antecedens* patet ex ratione qua DIUS THOMAS superius q. 20. art. 4. probat, actum externum esse consummationem & perfectionem interni; scilicet, quia comparatur ad ipsum, sicut eius finis, & terminus; & omnis inclinatio vel motus perficitur in hoc, quod consequitur finem, vel attingit terminum. Nam similiter poterimus dicere, omissionem actuale esse finem & terminum volitionis omittendi; & *consequentia* patet, cum quia malitia actus interni ideo deriuatur, imò extenditur ad externum, & ita fit maior extensio, quoniam in actu externo consummatur & perficitur internus, ut DIU. THOMAS docet loco citato; *sum etiam* quia præceptum, quod prohibet actum, prohibet etiam eius consummationem, & perfectionem; sicut præceptum, quod prohibet homicidium, prohibet homicidium in opere

opore externo consummatum.

Respondetur distinguendo antecedens, si enim intelligatur de consummatione & perfectione diuersi ordinis, hoc est, quæ non sit actus humanus, sed obiectum ipsius, & etiam effectus inuitabiliter procedens ex eo, verum est; quoniam ommissio est obiectum illius volitionis, saltem virtualiter, & vt contenta in causa expresse volita, & inuitabiliter procedit ex ea mediate, hoc est supposita causa; si tamen intelligatur de consummatione eiusdem ordinis, hoc est quæ sit actus humanus, & liber, falsum est, quoniam ommissio in isto casu non subiaceret secundum se libertati voluntatis; & vt valeret, deberet intelligi antecedens de perfectione secundi generis, & ita neganda est consequens; & ad primam probationem dico, illud esse verum, quoniam actus externus est consummatio interni secundo modo; ad secundam dicendum est, præceptum, quod prohibet actum aliquem, prohibere quamcumque consummationem ipsius, sed non eodem modo: nam priorem prohibet tantum vt obiectum malum, & propter malitiam obiectiuam, quam habet in se; posteriorem vero non solum isto modo, sed etiam vt actum humanum malum, & propter malitiam formalem quam habet derivatam ab actu interno, siue inhæsiue, siue denominatiue; & quia, vt aliquid sit proprie peccatum, non sufficit quod sit malum malitia obiectiua, sed requiritur quod sit malum malitia formali, ideo non quæcumque ex illis consummationibus actus est proprie peccatum, sed solum posterior.

Et si queratur an ommissio in isto casu possit aliquo modo dici peccatum? *Respondetur*, hoc pertinere ad quæstionem de nomine, nam de re iam constat, scilicet, quod non est peccatum, cum nullam habeat malitiam formalem, neque propriam, neque derivatam à volitione; dico tamen proprie non appellari peccatum, sed sequelam aut effectum peccati, figurate vero posse appellari peccatum, quia est effectus peccati, atque etiam causa, quatenus habet rationem obiecti; & nomina causarum solent attribui effectibus, & è conuerso: sicut Paulus ad Roma. 6. 7. & 8. appellat concupiscentiam peccatum, non quia vere & proprie peccatum sit, sed quia ex peccato est, & ad peccatum inclinatur vt exposuit CONCILIUM Trid. sess. 5. decre. de peccato. origi. can. 5.

5. 3. Soluuntur moria aliarum sententiarum.

AD ARGUMENTUM prima sententia, vt respondeamus, SUPPONENDUM est, ommissionem interdum sumi pro malitia & culpa ommissionis, & interdum pro ipsa actuali cessatione ab actu: & hoc supposito, dico, hominem in illo casu damnari, propter ommissionem sumptam priori modo, quia in volitione causæ, ex qua sequitur ommissio, reperitur malitia ommissionis; non vero propter ommissionem sumptam posteriori modo, & hoc tantum probatur eo argumento: quare concedo in primis quod tunc peccat homo contra præceptum affirmativum, cui opponitur ommissio; nā licet nō obliget pro tunc ad exercendum actum, tamen obligat ad non faciendum aliquid, quo reddatur impossibile exercere eum suo tempore: & ideo non oportet

A querere aliquod præceptum, contra quod sit hoc peccatum, sicut fecit Adrian. loco citato, ubi inquit, peccatum illud esse contra præceptum de adhibenda cautione, aut circumspectione, vt vitemus ea, quæ possunt impedire observationem legis, quod dicit colligi ex illo ad Ephe. 5. *videte quomodo caute ambuletis; & prouer. 4. oculi tui videant recta, & palpebra tua præcedant gressus tuos;* Quæ sententia mihi non placet, quia sequeretur ex ea, quod malitia, quæ est in volitione causæ, non esset eiusdem speciei cum malitia ommissionis, aut alterius effectus provenientis ex ea: sed potius pertineret ad imprudentiam. Et similiter concedo, quod si excitetur à somno antequam adueniat tempus, pro quo tenetur exercere actum, poterit adimplere præceptum, imo & peccare nouo peccato contra ipsum; quamuis iam antea peccasset alio peccato, quoniam cum primum peccatum non fuerit actualis cessatio ab actu, sed volitio cessandi, bene poterit postea ipsum adimpleri præceptum exercitio actus, aut etiam violari cessatione.

AD PRIMAM secundæ sententiæ respondetur, id, quod ibi dictum est, sufficit enim actum externum coniungi actu cum interno, & subordinari ei, vt ab eo participet esse actu liberum & voluntarium secundum se; & ex consequenti esse capacem malitiæ moralis: At vero ommissio in nostro casu non est libera secundum se, sed solum in sua causa, & ideo non secundum se capax malitiæ moralis, propter defectum conditionis requisitæ ex parte sui fundamenti; sed solum quatenus habet esse in sua causa.

Et ad obiectionem contra hoc oppositam respondetur, negando antecedens, & ad primam probationem respondetur, non esse contra nostram sententiam id, quod ibi docet ARISTOTELES, quoniam vt illa dicantur voluntaria, satis est quod aliquo modo sint voluntaria, scilicet in sua causa: neque oportet, quod etiam secundum se ipsa sint voluntaria; & hoc probatur optime testimonio legislatorum, quo ibi vititur ARISTOTELES, non enim iuste aduersus ista statueret penas, nisi aliquo modo essent voluntaria. Ad secundam probationem concedenda est sequela, si consequens intelligatur de occisione, cum sit actu percussione sagittæ, aut alterius proiecti: quoniam percussio non est voluntaria secundum se, sed solum in sua causa, id est in voluntaria emissionem sagittæ; & ita in ipsa emissionem reperitur malitia homicidij, tanquam in actu externo, & non in percussione, quæ postea sequitur.

Ad confirmationem distinguendum est antecedens, & consequens; quoniam *utrumque est verum si intelligatur de ommissione*, quæ actu coniungitur cum libertate, quæ est in volitione, siue formali siue interpretatiua ipsius; vt patet, cum quis propter ludum omittit sacrum; siue enim ludus sit formaliter volutus vt causa omittendi, siue solum interpretatiue, ipsa ommissio est formaliter peccatum, quoniam est actu voluntaria, quamuis indirecte; & *utrumque est falsum, si intelligatur de ommissione*, quæ non ita coniungitur libertati volitionis, vt contingit in nostro casu: nam siue somnus sit volutus formaliter vt causa omittendi sacrum, siue solum interpretatiue, non erit formaliter peccatum ommissio, quæ postea sequitur in somno. Quod si solū antecedens intelligatur de ommissione

coniuncta priori modo, poterit ipso concessio negari consequentia.

AD SECUNDVM, nego antecedens; & ad probationem dico, quod quamvis sit consilium confiteri effectus illos, quoniam ex eis melius cognosci potest qualitas probabilitatis, quæ erat in causa, ut ex ea sequeretur: tamen, si alia via sufficienter explicetur huiusmodi probabilitas, & fiat restitutio, quæ ratione illorum effectuum potest deberi, non est necessarium eos fateri, quia neque sunt peccata, neque partes peccatorum, neque circumstantiæ notabiliter aggrauantes.

Ad primam confirmationem, respondetur, primum caput ex ijs, quæ in ea referuntur, potius favere nobis: quoniam cum inquit, Loth solum culpam quantum ebrietas meretur, videtur significare, solum peccasse se inebriando, non vero committendo incestum: quando iam erat ebrius. Alterum vero caput exponi facile potest, si dicamus incestum dici partum deteriore, non in seipso, sed in causa, in qua fuit eius malitia, simul cum malitia ebrietatis, & fuit gravior ea. Verum est, quod aliqui excusare volunt Loth à crimine incestus, quia neque potuit, neque debuit prævire sequi talem effectum ex ebrietate: quam sententiam videtur sequi Hieron. epistola 22. quæ est ad Eustochium de custodia virginitatis c. 4. ubi inquit, ipsum ignorasse quid fecerit, & eius voluntatem non fuisse in crimine; & clarius Chrysostomus. homil. 44. in Genes. ubi de eo ita inquit: *nunc autem opinor & superna dispensatione esse factum, ita fuisse enim aggrauatum vino, ut omnino ignoraret, ne scilicet fieret criminum reus. ea enim peccata nos condemnant, quæ scientes & voluntarie facimus.* & ORIGENES. homil. 5. in Genes. & lib. 4. contra Celsum circa medium & D. THOMAS sub dubio, 2. 2. q. 150. art. 4. ubi pro eadem sententiam refert testimonium AUGUSTINI paulo superius explicatum. Quod si alicui hoc placuerit, poterit dicere, concubitus illum appellari ab AMBROSIO incestum, non in genere moris, sed in genere naturæ; aut secundum communem hominum estimationem: Sicut ARISTOTELIS 5. Ethic. c. 8. de eo qui subita ira correptus & sine deliberatione alium percutit, inquit, *nam qui his impulsus adit alterum, & qui his peccant, iniuriam illi quidem faciunt, & eorum facta sunt iniusta facta: nondum tamen propter hac iniusti, neque improbi sunt; & eodem modo etiam appellari partum deteriore; aut propter gentes ex eo ortas, scilicet Moabitas & Ammonitas, qui Deutro. 32. excluduntur ab ecclesia Domini etiam ultra decimam generationem.*

AD SECUNDAM confirmationem respondetur, sanctos non dicere, pollutionem in illo casu impedire sumptionem Eucharistiæ, quia sit formaliter peccatum; sed propter immundiciem corporis, quæ cum ea est coniuncta; & propter euagationem mentis, quæ ex ea solet sequi, ut docet D. THOMAS. 3. p. q. 80. articulo 7.

AD TERTIAM respondetur, negando antecedens, cum duplici limitatione: prima est, quod intelligatur de illis effectibus, non quatenus sunt in suis causis, sed quatenus existunt in seipsis, & ita superadduntur causis; sic enim negavimus eos esse formaliter peccata; altera est, quod intelligatur de pœnis, quæ imponuntur propter culpam; quoniam intellectum de alijs, de quibus statim dice-

A mus, non est ad propositum, ut constat; & ad primam probationem quantum attinet ad c. si quis insanians respondetur, cum glossa intelligi de eo, qui quamvis sua culpa inciderit in furorem, tamen nullo modo præviret inde secuturum homicidium & ex consequenti non peccavit in eo; imponitur vero ei pœnitentia ad cautelam, ne iterum sua culpa incidat in furorem, unde secutum fuit; sicut etiam in c. in lectum 24. q. 2. imponitur pœnitentia ei, qui cum ignorantia invincibili accessit ad furorem propriæ uxoris, credens esse propriam uxorem; non quidem quia in eo peccaverit, sed ad cautelam, & ne disciplina ecclesiæ deferatur, ut ibidem ait glossa. ver. pœnitentiam, ubi plures aliarum determinationes iuris referuntur ad hoc propositum quantum vero attinet ad clementinam si furiosus, dico, quod si homicidium nullo modo sit voluntarium in causa, quia neque prævium est, neque debuit præviri, quod poterat sequi ex ebrietate, non incurritur irregularitas; neque hoc est alienum à decisione illius textus, cum ibi eximatur ab hac pœna infans, & dormiens occidentes aliquem; si tamen homicidium fuit aliquomodo voluntarium in causa, quia prævium est, aut saltem debuit præviri, propter alios eventus ipsum secuturum ex ebrietate, incurritur irregularitas, neque ad hoc oportet, quod ipsum homicidium in se sit peccatum: sed satis est, quod in sua causa sit peccatum; imo & quod sit voluntarium, quoniam ad incurrendum irregularitatem non requiritur culpa, sed sufficit opus voluntarium; & ita non obstat quod præcellerit contritio de peccato commisso in causa, ut si quis post potum vini sufficientis ad inebriandum, habeat talem contritionem antequam amittat usum rationis: quia contritio non potest impedire, ne homicidium sit voluntarium in causa, ut paulo superius probavi de omissione simili modo subsecuta. Ad secundam probationem respondetur, illis legibus non puniri ea, quæ fiunt ab ebrio, quia in se sunt formaliter mala & peccata: sed propter malitiam quam habent in causa, in qua fuerunt voluta, in quo casu loquitur ibi ARISTOTELIS; itaque in ebrietate sunt duæ culpæ distinctæ: altera propria & altera male effectus verbi gratia, homicidij voluti in ea; & contra eas possunt statui etiam duæ pœnæ. Ceterum quia hominibus non constat effectum fuisse voluntarium in causa, nisi actu sequatur ex ea, ideo legibus humanis non statuitur pœna contra ipsum, nisi supposito quod sequatur.

C Alij inter quos est D. THOMAS 1. 2. q. 150. art. 4. ad primum dicunt, ARISTOTELEM loqui ex mente cuiusdam Pittaci antiqui legislatoris, qui (ut ipse ARISTOTELES refert 2. polit. in fine) legem tulit, ut si quis ebrius alium percussisset, puniretur gravius, quam si sobrius idem fecisset: in quo (ut ibi advertit ARISTOTELES) non respexit ad hoc, quod magis debeat ignoscere ebrijs, propter ea quæ faciunt, quia non sunt suæ potestatis; sed ad communem utilitatem reipublicæ, cui voluit prospicere, deterrendo homines ab ebrietate gravitate pœnæ, quia ex ea multa mala proveniunt, quæ homines sobrii non faciunt.

Ad confirmationem, aliqui dicunt, quod in eo casu non incurritur excommunicatio; sed hoc alijs videtur falsum, de quorum numero sunt PALVUS in 4. d. 18. q. 3. art. 3. Silvest. verb. excommuni-

catio 6. n. 5. & gloss. in c. mulieris de sententia excommunicationis verb. *authoritate, vel mandato*: ex quibus desumi possunt in argumenta ad eius impugnationem; & *præterea*, quamvis esset verum, non sufficeret ad dissolvendum argumentum: quoniam omnes conveniunt saltem in hoc, quod, si ecclesia haberet intentionem excommunicandi eum, qui illo modo occideret sacerdotem, maneret excommunicatus. Ideo aliter responderetur, supponendo duo: *Primum* est, quod non est idem *imponi, & incurri* excommunicationem: quoniam *primum* tenet se ex parte legis, aut superioris, *secundum* vero ex parte subditi; & quamvis ad utrumque requiratur culpa, non tamen eodem modo: nam *ad primum* requiritur culpa, ut præsens aliquo modo, vel futura, & ideo propter peccatum omnino præteritum & remissum non imponitur, imo neque potest imponi excommunicatio, ut dicunt Soto in 4. d. 22. q. 1. art. 2. & in relectione de sigillo. memb. 2. q. 6. ad 1. Navar. in Manua. c. 27. n. 9. & alij: tamen *ad secundum* non requiritur quod culpa sit præsens, sed satis est quod præcellerit, quamvis sit remissa, quia excommunicatio non est culpa, sed pœna, & pœna bene potest solui post remissionem culpæ, propter quam fuit imposita. *Alterum* est, quod, quamvis culpa sit sufficiens causa per modum condignitatis ut incuratur: tamen aliquando potest requiri aliquid aliud, non ut causa, sed ut conditio sine qua non incurretur, quia forsan legislator noluit ut delictum aliquod haberet annexam talem pœnam, nisi supposita tali conditione; & ita accidit in nostro casu, quoniam ecclesia voluit peccatum homicidij, aut percussionis clerici tunc solum habere annexam excommunicationem, quando sequitur effectus, ita ut de facto in clericum violenter manus iniiciantur, & non antea, quamvis interueniat aliquis actus externus; & ideo quamvis is, qui misit alterum in Indiam, ut interficeret sacerdotem, aut emisit sagittam, qua confingeret ipsum, tunc commiserit peccatum sacrilegij, & huiusmodi peccatum tamdiu potuerit durare ut actuale, quamdiu ab ipso vitari potuit effectus realis homicidij, aut percussionis, & non amplius: tamen non incurret excommunicationem quousque re ipsa sequatur huiusmodi effectus, quia tunc adimplebitur conditio, sine qua peccatum illud non habet annexam excommunicationem; tunc vero incurret eam, etiam si per contritionem fuerit antea repositus in gratia, ut explicui in priori suppositione; & est simile cum iudex præcipit alicui sub pœna excommunicationis, ut intra sex dies soluat debitum, quia tamen sua culpa noluit soluere quinque prioribus diebus, si iste sexto die antequam compleatur terminus, reddatur impotens ad soluendum, quamvis etiam doleat de peccato commisso non soluendo, & reponatur in gratia, incurret excommunicationem finito termino, quia terminus ille non est indulgentiæ, sed præcisionis, & ut conditio requisita ad incurrendum excommunicationem propter peccatum inobedientiæ commissum & ex his patet solutio *ad formam* argumenti, est enim neganda *minor*, scilicet, quod ille non incurrat tunc excommunicationem propter peccatum præteritum, nam licet tunc non sit peccatum illud, satis est quod fuerit & quod tunc adimpleatur conditio, sine qua non habet annexam excommunica-

tionem. Adde tamen, quod si ille, postquam repositus esset in gratia, moreretur, & postea sequeretur homicidium, non incurreret excommunicationem, quia iam esset extra iurisdictionem ecclesiæ militantis.

AD VLTIMUM responderetur, quod D. THOM. in priori testimonio non loquitur de peccato omissionis, quoad culpam, sed quoad executionem omissionis: & de hac dicit duo, *primum* est quod non est, quando quis incipit dormire cum periculo omittendi, quod nos etiam diximus esse verissimum, & hoc tantum probatur eius argumento, scilicet, quod si iste exciteretur, poterit adimplere præceptum exercendo actum; quia ex hoc tantum sequitur, quod non præcellerat actualis ommissio huius actus; *alterum* est, quod incipit imputari in tempore, pro quo obligat præceptum, quod licet sit difficilius, quia eius culpa & malitia antea imputabatur, scilicet cum adhibita est causa: tamen explicari potest, si dicamus, quod quia illa malitia tunc accipit complementum, quod consistit in hoc, quod est terminari, & habere effectum (ut paulo superius explicavi) ideo dicitur tunc incipere imputari, scilicet quantum ad illud complementum. In alijs vero duobus testimonijs, solum dicit D. THOMAS, illos effectus esse voluntarios, & peccata non tamen dicit, esse tales, prout sunt in seipsis; & ideo poterimus dicere, quod in suis causis habent utrumque.

Ad Confirmationem responderetur cum ADRIA. loco citato, quod cum D. THOMAS inquit, effectum præcognitum addere ad bonitatem, vel malitiam causæ: non loquitur de effectû quatenus existit, actu in seipso, sic enim ut plurimum addit bonitatem aut malitiam accidentalem; sed quatenus est in sua causa, quæ causa, quatenus est voluntaria, & continens talem effectum, habet eius bonitatem, aut malitiam.

Ad argumentum propositum in principio huius difficultatis, responderetur D. THOMAS in illa solutione tertij non dixisse absolute, solum peccare aliquem contra præceptum affirmatum in tempore, pro quo obligat: sed cum limitatione ad certum modum peccandi contra ipsum, scilicet cessando ab actu, in quo videtur innuere, posse alio modo esse peccatum, contra præceptum istud, antequam adueniat tempus illud, scilicet per actum positum.

§. 4. quando & quomodo incipiat peccatum omissionis.

SECUNDA DIFFICULTAS est: quia iuxta regulam *Sin illa solutione traditam à D. THOMA non poterit assignari tempus nec instant in quo peccatum omissionis incipiat esse?*

QUOD SIC PROBO: supponamus, quod tempus, pro quo obligat præceptum audiendi sacrum sit ultima medietas vndecimæ horæ ante meridiem; & argumentor sic: qui omittit sacrum, non peccat primo in aliquo instanti illius medietatis, neque in aliquo tempore, neque in tota medietate, ergo in illa medietate, pro qua obligat præceptum, nullo modo incipit esse peccatum omissionis: probo *antecedens*, quia in primis non peccat primo in aliquo instanti, quoniam (ut ita peccet, necesse est, quod

est, quod in illo instanti, possit audire sacrum, si
 cur requiritur ad præcepti observationem, quod
 si tunc potest, sequitur quod etiam immediate
 post illud instans possit, quoniam ablatio vnius
 instantis indivisibilis non impedit, ne tempus,
 quod remanet, sit sufficiens ad audiendum sacrum;
 & hoc argumentum fieri potest de quocumque
 instanti illius medietatis, siue extremo siue conti-
 nuativo. *Neque etiam potest dici, quod peccet primo*
in aliquo tempore, quoniam vel potest in qualibet
 parte illius temporis audire sacrum, vel solum
 potest in principio eius, & non post principium;
 si primum, ergo non peccat in priori parte illius
 temporis, quia post ipsam potest audire sacrum,
 & ex consequenti adimplere præceptum; si se-
 cundum, inquiram, an principium illud sit divisi-
 bile, hoc est tempus; vel indivisibile, hoc est
 instans; si dicas primum, redibit argumentum fa-
 ctum de toto illo tempore, cuius istud est pars,
 quoniam etiam istud habet partes; si vero dicas
 secundum, redibit argumentum factum de in-
 stanti. *Neque tandem potest dici quod peccet*
primo in tota illa medietate, quoniam supposito
 ex casu, quod tota sit necessaria ad audien-
 dum sacrum, sicut obligat præceptum, impos-
 sibile erit, in secunda eius medietate ita audire
 ipsum; & ex consequenti tunc non viola-
 bitur præceptum. Ocasione huius difficulta-
 tis inquiri, quando & quomodo incipiat pecca-
 tum omissionis; ubi non loquor de malitia, aut cul-
 pa, quæ est in volitione, aut causa voluntaria omit-
 tendi: quoniam de hac certum est quod inci-
 pit sicut ipse actus; sed de ipsa actuali omis-
 sione, siue cessatione ab actu, de quo agunt
 ALTISSIMO. lib. 2. sup. summæ tract. 29. c. 2. q. 3.
 ALMAI. in moral. tract. 3. c. 25. & ANGELUS. etiam
 in moral. cap. 10. §. 2. qui incipit, difficile est;
 non tamen mihi in omnibus placent, & ideo eis
 relictis.

DICO PRIMO quando præceptum affirmati-
 vum obligat ad exercendum actum instantaneum
 in aliquo instanti determinato, 'omissio incipit, &
 etiam desinit intrinsece in illo instanti, ita quod
 illud instans est primum & ultimum esse ipsum:
 probatur, quia tunc primo concurrunt condi-
 tiones requiritæ ad omissionem, scilicet posse, &
 teneri facere, & non facere; & ultra illud non
 manent, quia, ex suppositione, præceptum non ob-
 ligat ulterius.

DICO SECUNDO, si præceptum obli-
 gat ad exercendum illum actum pro instanti inde-
 terminato usque ad aliquem terminum extrinse-
 cum, verbi gratia, ad eliciendum actum dilectionis
 in aliquo instanti huius hora excludendo ultimum,
 dicendum est quod ommissio incipit, cum homo vi-
 det, aut tenetur videre se exponi periculo non
 eliciendi actum illum in tota hora, quia instans
 eius terminus. probatur, quia præceptum illud
 non potest continere perfecte vim obligandi,
 nisi determinetur saltem ad aliquod instans:
 sed prudentia dicat, debere determinari ad in-
 stans illud, & non ad aliud; ergo illud in-
 stans est primum, pro quo obligat; & ex con-
 sequenti, in eo incipit ommissio. minor patet,
 quia in illo est peculiaris ratio periculi; & ex
 suppositione, in nullo ex alijs est aut hæc ra-
 tio, aut alia potius, quam in reliquis; & ma-

A
 ior probatur, quia de ratione obligationis præ-
 cepti est, quod quantum est de se possit vio-
 lari: non autem potest violari, nisi determi-
 netur ad certum tempus, vel instans: *Neque po-*
test dici, quod violatio huius præcepti poterit
fieri in omnibus illis instantibus simul sumptis,
 ita ut in omnibus sit peccatum omissionis: quia
 certum est, non obligare præceptum istud pro
 multis eorum; neque etiam potest dici, quod po-
 terit violari in aliquo instanti sumpto vage, &
 indeterminate: quia ommissio, de qua loqui-
 mur, & eius duratio, esset quid certum, & de-
 terminatum, sicut actus, cui opponitur: ergo
 etiam eius mensura esset instans certum & deter-
 minatum.

Confirmatur, quia negari non potest, quod Deus
 cognoscat certo & infallibiliter, quando est id,
 quod habet esse certum & determinatum; ergo ne-
 que quod cognoscat instans, in quo est.

Quod si obijcias, non posse fieri prædictam de-
 terminationem, si terminus ille extrinsecus sit
 homini incognitus, ut si sit primum non esse
 suæ vitæ: Respondetur, quod neque poterit
 imponi tale præceptum, nisi communicetur ho-
 mini cognitio termini, aut aliquod lumen, vel po-
 testas, ad determinandum in particulari quando
 præceptum illud obliget.

DICO ULTIMO, quando præceptum obligat
 ad actum successivum, qui non potest exerceri ni-
 si in tempore, qualis est actus audiendi sacrum,
 vel recitandi horas, ommissio incipit esse in tempore,
 quo deberet incipere actus; probatur; quoniam
 actus non incipit esse debitus in instanti, sed in
 tempore: ergo eodem modo incipit eius ommissio;
 consequentia patet, quia ommissio de qua loquimur,
 non est carentia actus pure negatiua, sed privati-
 ua, & ex consequenti respicit actum, ut debi-
 tum; & antecedens probatur, quia actus non potest
 positive aut intrinsece incipere esse, nisi in tempo-
 re: ergo neque potest incipere esse debitus, nisi
 isto modo, alias præceptum obligaret ad impos-
 sibile.

Ex hoc sequitur primo, quod sicut actus, de
 quo loquimur, inciperet esse in tempore inde-
 terminato, sic etiam eius ommissio; & sicut res-
 pectu actus non daretur primum esse, sed vl-
 timum non esse: ita nec respectu ommissio-
 nis.

C
 Secundo sequitur, quod si ommissio ista sit pecca-
 tum mortale, gratia desinet esse in ultimo non esse
 ipsius omissionis: ita ut illud ultimum non esse, sit
 ultimum esse gratiæ; probatur, quia neque possunt
 esse simul in eodem peccatum & gratia; neque ho-
 mo in isto statu potest carere utroque; ergo ne-
 cesse est quod instans intrinsecum vni, sit extrinse-
 cum alteri, & ex consequenti, si aliquod instans est
 ultimum non esse peccati (ut in nostro casu) illud
 idem erit ultimum esse gratiæ.

Ad ARGUMENTUM respondetur, quod in il-
 lo casu peccatum non incipit intrinsece in aliquo
 instanti illius medietatis, neque in tota medietate,
 sed in tempore indeterminato, scilicet immediate
 post ultimum non esse illius medietatis: ita ut il-
 lud instans sit etiam ultimum non esse peccati o-
 missionis.

Et ad obiectionem, dici potest, primo, quod
 quamvis tempus istud sit divisibile physice, aut

dist. 37. q. 1. §. ista quæstiones & §. concedo. & §. ex ista solutione & quodlib. 18. §. de primo prope finem GABRIEL in 2. d. 35. q. vnica art. 2. & d. 37. q. vnica art. 3. & in 3. d. 37. q. vnica art. 1. notab. 3. HENRIC. quodlib. 1. q. 25. MARSI. in 2. q. 17. art. 1. ALMAI. in moral. tract. 2. c. 17. & plures alij. Verum quamuis isti in hoc conueniant: tamen in explicando, in quo consistat ista priuatio, aut cuius rei sit priuatio, valde dissentiunt inter se, vt postea referam in impugnacione huius sententia. Illud autem, in quo isti conueniunt, scilicet, formale peccati esse solum priuationem, probatur PRIMO ex modo loquendi scripturæ, quæ semper explicat malitiam peccati per *auersionem recessum, & defectum à Deo*, aut ab eius præceptis, quæ voces non important aliquid positium, sed priuationem vt Zacha. 7. *auertimus scapulas recedentes, & aures suas aggrauauerunt ne audirent* Ezech. 18. *cum auertitis se iustus à iustitia sua, cornuet*. Ierem. 2. *malum & amarum est reliquise re Dominus Deus tuum*. & cap. 14. *multa sunt auersiones nostra*, psal. 77. *auertimus se, & non seruauerunt pactum*. & Ioan. 7. *sine ipso factum est nihil*, quæ verba exponens aug. tom. 9. tract. 1. in Ioan. sic ait: *peccatum quidem non per ipsum factum est, & manifestum est, quia peccatum nihil est, & nihil fiunt homines cum peccant*.

Confirmatur testimonijs sanctorum, nam in primis DIONYSIVS c. 4. de diuinis nomini. prope finem dicit, malum esse priuationem aut scientiæ, quæ latere non potest, aut fidei, aut appetitus, aut actionis bonæ, & toto illo capite sæpe appellat ipsum nominibus importantibus priuationem, qualia sunt ista, *infirmetas, imbecillitas, vacuitas, & defectus*. & præterea alij sancti sæpe loquentes de peccato, dicunt, *malum non esse naturam aliquam, sed nihil*, & priuationem, aut absentiam vel corruptionem boni, sic AVOVST. to. 1. lib. 7. confes. cap. 16. & tom. 3. in enchiridio ad Laurentium. cap. 12. & to. 4. lib. 83. q. 6. & to. 5. lib. 11. de ciuit. cap. 9. & to. 6. lib. de natura boni contra Manichæos cap. 4. IUSTINVS martyr in responsionibus ad orthodoxos quæst. 46. & 73. BASIL. in constitutionibus monasticis cap. 3. in fine. ANSEL. lib. 1. cur Deus homo cap. 11. & lib. de casu diaboli cap. 8. & tribus sequentibus & lib. de conceptu virginali & Leo primus epistola 93. siue 91. quæ est ad TVRISIVM episcopum asturicensem cap. 6. vbi ita inquit, *fides vera quæ est catholica, omnium creaturarum sine corporalium sine spiritualium bonum consistit in substantiam: & mali nullam esse creaturam*. imo fere semper sancti supponunt hoc vt certum, vt respondeant manichæis: nam illi (sicut refert Iustinus martyr in quæstionibus christianis ad gentiles, quæstione prima, in refutatione responsionis non rectæ) vt probarent dari duo prima principia, alterum bonum, & alterum malum, quorum primum esset causa bonorum, & secundum malorum; sic obieiebant Catholicis: malum habet aliquod principium, & non bonum, scilicet Deum; quoniam Deus non est author mali: ergo malum: sancti vero respondebant, malum non esse naturam aliquam, sed priuationem, & ideo non habere primum aliquod principium effectuum; ita respondet AVOVSTINVS. quoties incidit in disputationem hanc, sed expressius to. 4. lib. 83. q. 21. & to. 9. lib.

A soliloquiorum cap. 5. CHRYSOS. hom. 2. in acta, prope finem. DAMASCE. lib. 4. de fide ortho. cap. 21. BASIL. hom. 9. cui titulus est, quod Deus non est author malorum, & IUSTINVS loco citato, vbi quantum ad hoc non redarguit responsionem gentilis. Et idem videtur supponi in Concilio LATERRA. sub INNOCEN. 3. & refertur e. de summa Trinitate vbi postquam definitur, Deum esse principium vniuersorum, dicitur demonem aut hominem non habere à Deo quod sit malus per peccatum, & ex consequenti excluditur malitia peccati à collectiōe vniuersorum entium realium.

SECUNDO probatur ista sententia, quoniam alias sequitur rationem formalem peccati esse positum & realem, atque adeo Deum esse causam peccati formaliter, quatenus est peccatum; quod si probo, Deus est causa omnis entitatis realis: ergo etiam est causa illius rationis formalis realis, quæ constituit peccatum, & ex consequenti peccati quatenus peccatum est formaliter; quia quod est causa rationis formalis constituentis rem in aliquo esse, etiam est causa ipsius rei quatenus habet tale esse.

B Confirmatur, quia illa ratio formalis realis non est realis per essentiam, sed per participationem, alioqui esset infinita in genere entis realis; ergo reducitur in id, quod est ens reale per essentiam, scilicet in Deum, tanquam in causam; patet consequentia, quia omne quod est tale per participationem reducitur in id, quod est tale per essentiam, sicut in suam causam.

C TERTIO, ratio formalis peccati, quatenus peccatum est commune ad peccatum actuale commissionis, & omissionis, est priuatio: ergo etiam ratio formalis peccati commissionis; antecedens patet, quia nihil positium reperitur in peccato omissionis, cum tota eius malitia consistat in priuatione & carentia actus debiti, vt dñi articulo præcedenti, & tamen in eo est ratio formalis peccati, sumpti in communi, sicut in quocumque inferiori sunt formaliter rationes formales graduum superiorum; & consequentia probatur, quia differentia positua, præsertim realis, non potest esse contradietoria priuationis, ergo ratio communis peccati, quæ consistit in priuatione, non potest contrahi ad constitutionem peccati commissionis per aliquid positium, sed solum per priuationem; & ex consequenti, formale peccati commissionis tam ex parte rationis communis, quam ex parte proprie differentia, consistit in priuatione.

Confirmatur, rationes formales commissionis & omissionis conueniunt vniuoce in illa communi ratione peccati: sed ratio omissionis consistit in priuatione; ergo etiam ratio commissionis; patet consequentia, quia positium & priuatio nihil habent commune vniuoce.

QUARTO in peccato commissionis reperitur duo, scilicet conuersio ad obiectum, hoc est ad bonum, quod appetitur, & auersio à Deo seu ab eius lege; & conuersio est aliquid positium scilicet actus quidam; auersio vero est priuatio subiectionis ad Deum, siue ad eius legem; sed auersio constituit peccatum commissionis in esse peccati, & non conuersio; ergo ratio formalis peccati commissionis, quatenus peccatum est, consistit in auersione, & ex consequenti in priuatione: probatur

batur minor quia abstracta per intellectum auersione, non erit conuersio contra legem, & ex consequente neque mala, & ea posita erit contra legem, atque adeo mala; ergo adæquata & totalis ratio malitiæ in peccato commissionis est auersio, sicut adæquata causa alicuius effectus dicitur illa, ex cuius affirmatione & negatione infertur affirmatio & negatio effectus; & sicut adæquatum constitutum formale hominis in esse hominis est id, quo posito ponitur essentia hominis, & quo ablatum auferretur.

Confirmatur, quia præcipuum in peccato commissionis, quatenus est peccatum, est culpa: sed hæc formaliter consistit in auersione à lege Dei: ergo etiam consistit in ea formale peccati omissionis: probatur *minor tum* quia denotatio à lege, quæ est formaliter ipsa culpa, consistit formaliter in auersione; in conuersione vero solum materialiter, prout scilicet ex ea sequitur auersio; *tum etiam quia* quantumcunque una conuersio sit interior altera, non dicitur grauior culpa, nisi quia ex ea sequitur maior auersio à lege: & ita grauior est culpa perituri, quam mendacij iocosi, quamuis maior intentione sit volitum mendacium, quam peritium; & intra eandem speciem non dicitur grauius peccare qui intensius conuertitur ad bonum commutabile, nisi quia quo plus conuertitur, eo plus se auertit à lege Dei; & vniuersaliter nihil dicitur augere grauitatem culpæ, nisi in quantum ratione eius est maior auersio à lege.

QUINTO peccatum habituale quod relinquitur in aliquo, ex peccato actuali commissionis, consistit formaliter in priuatione rectitudinis debite in esse personæ; ergo etiam ipsum peccatum actuale consistit formaliter in eadem priuatione: probatur *consequentia*, quia peccatum habituale comparatur ad actuale, sicut terminus, & sicut factum esse ad suum fieri: ergo eadem priuatio, quæ ut in facto esse est peccatum habituale, est ut in fieri peccatum actuale: sicut idem calor, ut in fieri est calefactio, & ut in facto esse manet transacta calefactio, & eadem priuatio luminis vii in fieri est obsecratio, sumpta per modum actionis, & ut in facto esse est obsecritas & tenebræ.

SIXTO malum simpliciter siue transcendens, hoc est, quod opponitur bono transcendentem, consistit formaliter in priuatione ergo etiam peccatum commissionis. *Antecedens* patet ex communi omnium sententia, quæ etiam est. d. Thomæ 1. p. q. 48. art. 1. & potest facile probari, quoniam alias malum illud esset ens, atque adeo haberet proprietates entis, & ex consequenti simul esset malum & bonum in eodem genere, quoniam ex illis proprietatibus una est bonitas, & *consequentia* probatur, quia peccatum commissionis, quatenus est peccatum, est quoddam malum, scilicet morale, & ex consequenti continetur essentialiter sub malo simpliciter, sicut inferius sub suo superiori; ergo si formale mali simpliciter consistit in priuatione, impossibile est quod formale peccati commissionis, quatenus peccatum est, consistat in positiuo; patet *alia consequentia*, quia, ut dicebam in tertio argumento, impossibile est gradum genericum, qui consistit in priuatione, contrahi differentiis posituius ad constitutionem suorum inferiorum.

ULTIMO, malum, siue peccatum in genere entis artificialis, quod reperitur in operibus actuum,

A consistit formaliter in priuatione conformitatis ad præcepta artium: ergo similiter malum siue peccatum, quod in genere entis moralis reperitur in actibus humanis, consistit in priuatione conformitatis ad regulas morum. *consequentia* patet ex paritate rationis, ita enim pendunt actiones humanæ à regulis morum, ut sint bonæ in genere moris: sicut pendunt opera artium à regulis ipsarum artium, ut sint bonæ in genere entis artificialis, scilicet tanquam à mensura, cui debent conformari, ut fiant bonæ. *Antecedens* probatur, quia alias sequitur ut quod locutio sit mala grammatica, & ut cathedra aut pugna sit mala in suo genere, non sufficiat quod non fiat iuxta præscriptum regularum, sed vterius requiratur aliqua entitas superaddita.

§. 3. Secunda sententia, consistit in positiuo.

SECUNDA SENTENTIA est aliorum, qui affirmant, formale peccati commissionis, quatenus peccatum est, esse aliquid positiuum, sed neque isti conueniunt in explicando quid sit istud positiuum, nam quidam dicunt esse quandam rationem formalem realem intrinsecam actui, hoc est inherente ipsi, quorum fundamenta adducemus postea.

Alij vero dicunt, esse aliquid reale, non tamen intrinsecum actui, sed extrinsecum per modum cuiusdam denominationis: vtunturque ad hoc explicandum exemplo isto, parietem esse visum à me, non est aliquid reale existens in pariete, sed est denominatio realis extrinseca; hoc est sumpta à forma reali extrinseca ipsi parieti, scilicet à visione quæ est in oculo meo. Nam visio quatenus terminatur ad ipsum, dat ei esse formaliter visum: & similiter parietem esse non visum à me, non est in pariete priuatio alicuius formæ debite ipsi parieti, neque forma realis ipsi inherens, sed denominatio quædam sumpta ab eadem visione mea; nam quatenus visio non terminatur ad eum, habet rationem formæ denominantis ipsum non visum. Atque hoc modo dicunt, bonitatem & malitiam moralem in actibus nostris esse denominationem extrinsecam prouenientem à forma extra ipsos actus existente, scilicet à lege, vel regula rationis, dictantis aut prohibentis tales actus: ita ut, actum esse bonum moraliter, non sit aliud formaliter, quam esse dictatum, aut regulatum per rationem, aut legem extrinsecam; & esse malum, sit denominatio opposita, sumpta ab eadem regula, quatenus opposito modo se habet ad Deum: hoc est, esse non regulatum, vel dictatum per rationem, aut legem extrinsecam: fundamenta istorum adduxi supra. q. 18. art. 1. dubitatione prima, & secunda, ubi egi de esse morali in communi, & de bonitate morali: quoniam illis argumentis, quibus probatur, esse morale & bonitatem moralem consistere in denominatione extrinseca; probatur idem de malitia, & ideo non oportet hoc loco ea repetere. *Alij* tandem concedunt, etiam formale peccati commissionis esse positiuum, dicunt tamen non esse aliquid reale, sed relationem rationis: adduntque hanc sufficere apud philosophum moralem, ad constituendum & distinguendum species in entibus realibus, qualia sunt peccata commissionis: quamuis

apud naturalem aut metaphysicum non sufficiat. Hic modus dicendi ab expositoribus DIVI THOMÆ hoc loco solet tribui magistro Cano. & probatur PRIMO, quoniam finis dat actibus humanis speciem moralem bonitatis aut malitiæ, in quantum intrinseca specificatio ipsorum actuum consistit in ordine ad ipsum finem: sed iste ordo sæpe est relatio rationis; ergo & bonitas aut malicia moralis. Probatur minor, quia sæpe finis non existit in rerum natura, & relatio realis requirit duo extrema realia & realiter existentia. SECUNDO, actus humani sunt boni aut mali moraliter secundum quod tanquam obiecta diversimode referuntur ad rationem, hoc est quatenus ut obiecta ipsius concordant aut discordant cum ea, quod ex eo patet quod actus eiusdem speciei, quales sunt concubitus coniugalis & adulterinus, differunt in bonitate & malicia quia diversimode comparantur ad rationem: sed relatio obiecti ad rationem non est realis, sed rationis; ergo & bonitas aut malicia moralis est relatio rationis.

§. 4. *Opinio tertia, peccatum commissionis formaliter constituitur positivo & privativo.*

TERTIA SENTENTIA inter precedentes media, est aliorum, qui dicunt, formale peccati commissionis constitui positivo & privativo, scilicet positivo ordine, aut voluntaria & positiva conversione ad obiectum, & privatione rectitudinis debitæ, aut conformitatis ad regulam. Et neque isti conveniunt inter se, quibusdam eorum dicentibus, privationem pertinere ad formale peccati, tanquam genus, & positivum, tanquam differentiam, inter quos solet hoc loco referri VICTORIA; Alii è contra affirmantibus, utrumque, scilicet, positivum, & privationem pertinere ad formale cuiuscunque peccati commissionis, tam secundum genus, quam secundum differentiam specificam; non tamen eodem modo: in quo etiam isti divisi sunt inter se, nam quidam eorum dicunt, privationem pertinere intrinsece, positivum vero ut extrinsece connotatum & in obliquo: ita ut non solum compareretur ad privationem, quæ intrinsece est ipsa malicia moralis, sicut eius subiectum, & materia: sed ut connotatum per eam in suo formalissimo conceptu, sine quo neque esse, neque intelligi possit talis privatio, quatenus constituit maliciam peccati commissionis. Alii tamen dicunt, positivum pertinere intrinsece & in recto, privationem vero ut connotatum, & in obliquo: ita tamen ut positivum quatenus constituit essentiam, non possit aliquo modo separari aut præcindi ab ipsa privatione, hanc sententiam sequitur expresse CAPREOL. in 2. dist. 35. quæst. 1. artic. 3. in solutione ad secundum & ad textum GREGORII; contra primam conclusionem, neque obstat quodd. dist. 43. quæstione unica, artic. 3. in solutione ad secundum AVROBI contra primam & secundam conclusionem, dicat, deviationem à regula non esse formale specificum peccati, quamvis possit dici formale genericum: quoniam per formale genericum non intelligit constitutum intrinsecum gradus generici, sed connotatum per ipsum, & per omnes

Al gradus específicos, ut ipse se explicat. Eandem sententiam (quantum ego intelligo) sequitur FERRA. 3. contra gen. c. 9. nam ibi, ut explicet, quæ ratione malum morale habeat oppositionem contrariam cum bono, & differentiam intrinsece & essentialiter constituentem ipsum in esse moralis mali, & distinguentem à bono morali: inquit, quod utrumque habet rationem positivum ordinis ad obiectum vel finem, non tamen absolute, sed quatenus subternitur privationi. Isti omnes, quantum ad id, in quo conveniunt, scilicet positivum & privationem pertinere ad formale peccati commissionis non adducunt pro se aliqua argumenta, præter illa, quibus duæ aliæ extremæ sententiæ confirmantur: supponunt enim eis simul sumptis convinci totum hoc; quantum vero ad ea, in quibus differunt circa modos, quibus illa duo pertineant ad formale peccati, potissimum fundamentum ipsorum est, quod admissio eo modo, quem unusquisque eorum assignat, vitatur melius inconveniētia, quæ contra conjunctionem istam positivi cum privatione solent obijci.

§. 5. *Formale peccati non est privativum dumtaxat,*

PRIMA CONCLUSIO. *formale peccati commissionis non consistit tantum in privatione, ita ut quidquid est in huiusmodi peccato, præter privationem, solum habeat respectu formalis, sicut subiectum & materiale.* In hac conclusione conveniunt expresse CAPREOL. & FERRA, locis citatis & CAJETAN, locis infra citandis, imo est expresse D. THOMÆ, ut postea dicam. *supponimus* vero in ea, in peccato commissionis præter privationem rectitudinis, reperiri aliquid positivum, scilicet voluntariam conversionem ad obiectum, neque de hoc est dubitatio; & quamvis ex natura & quidditate huius positivi possit delumi efficax argumentum pro conclusione; tamen quia eam explicabo alia conclusione; Deo nunc solum probabo privationem illam non esse sufficientem ad constituendum formale peccati commissionis; ut autem hoc efficiam, oportet prius explicare, quid intelligant authores oppositæ sententiæ per privationem istam, quam intendimus probare, non esse adæquate formale peccati commissionis, hoc est, quam rem dicant negari per eam,

Pro quo advertendum, eos omnes convenire inter se in duobus: primum est, privationem illam esse negationem alicuius bonitatis, aut rectitudinis moralis debitæ inesse: quoniam si esset negatio bonitatis, quæ præcise esset naturalis aut moralis non debitæ, non posset constituere rationem formalem peccati, quæ pertinet ad ordinem entium moralium, & importat oppositionem aliquam cum eo, quod ratione legis est debitum, ut constat ex ultima parte definitionis peccati: Alterum est, bonitatem illam non esse actum elicitum virtutis oppositæ, quia sæpe committitur peccatum, quando homo non tenetur ad actum virtutis oppositæ, ut quando quis odio prosequitur proximum, tempore, quo non tenetur eum diligere actu elicitum: aut quando quis fornicatur, quia tunc non tenetur habere actum elicitum castitatis,

sed solum cessare a fornicatione; dissentiunt tamen inter se in explicando, quid sit illa bonitas, aut rectitudo, & quod sit subiectum, cui debeat inesse. Nam Scot. in 2. d. 37. q. unica §. ex ista solutione, & quodlib. 18. §. de primo in fine, & clarius §. ex isto sequuntur, dicit, esse conformitatem ad rectam rationem; & subiectum, cui deberet inesse, aut convenire, esse ipsum actum: siue hæc conformitas sumatur pro relatione conformitatis, siue pro fundamento huius relationis, quod apud Scotum est aggregatum eorum omnium, quæ tam ex parte obiecti, quam ex parte circumstantiarum, requiruntur secundum rectam rationem ad bonitatem actus. Additamen Scotus quodlib. citato, conformitatem hanc esse debitam actui secundum rectam rationem, non quia ipsa ratio dicitur absolute eliciendum esse actum, qui habeat illam conformitatem: sed quia dicitur, quod si eliciatur, habeat eam.

Alij vero de quorum numero sunt ALMA-
NUS tract. 3. moral. c. 13. & GABRI. in 2. dist. 35.
q. 1. art. 2. conclusionem sextam, & OKAM ab eo
relatus quodlib. 4. quæst. 6. & quodlib. 3. quæst.
14. in solutione tertij dubij. Dicunt bonitatem
siue rectitudinem illam esse conformitatem ad le-
gem Dei, idem quoad præcepta negativa, quibus
opponuntur peccata commissionis, quam quoad
affirmativa, quibus opponuntur peccata omissionis;
& subiectum, cui debebat inesse huiusmodi
conformitas, non esse actum ipsum, etiam in
peccato commissionis: sed hominem aut voluntatem.
Nam quia lex præcipit non fornicari, tene-
tur homo se illi conformare non fornicando; & si-
militer quia præcipit audire sacrum, tenetur se illi
conformare habendo actum audiendi, constat
autem quod subiectum tam negationis actus for-
nicandi in qua consistit conformitas cum priori
præcepto; quam etiam actus audiendi, in quo co-
sistit conformitas cum posteriori, non est alius ac-
tus. Quod si ab istis queratur, an conformitas cum
præcepto negativo consistat solum in negatione
actus prohibiti; respondetur affirmative, quoniam
ipsum præceptum solum obligat ad non habendu-
m actum, ergo conformitas, quam tenemur
habere respectu ipsius, solum consistit in nega-
tione actus, & ita quamvis homo nullum eliciat
actum, poterit habere omnem conformitatem ac-
tuale, quam tenetur habere respectu præce-
ptorum negativorum.

His suppositis probatur PRIMO nostra con-
clusio, quia siue sequamur priorem, siue postero-
rem modum explicandi privationem rectitudi-
nis, non potest defendi, quod gradus specificus
peccati commissionis, verbi gratia furti, vel adul-
terij consistat in privatione: ergo formale pec-
cati commissionis non est privatio; *consequentia*
pater, *tum* quia formale peccati, sicut & cuiuscun-
que alterius rei, non solum importat gradum
genericum, sed etiam specificum: *tum etiam* quia
impossibile est, quod gradus specificus consistat
in positivo, & genericus in privatione, ut po-
stea probabo. Et *antecedens* probatur, quoniam
secundum utramque sententiam dicendum est,
privationem, quæ constituit gradum specifi-
cum alicuius peccati, non esse privationem re-
ctitudinis sumptæ in communi, pro rectitudine

A morali absolute, sed esse privationem, rectitu-
dinis specialis & determinatæ, verbi gratia per-
tinentis specialiter ad iustitiam, vel temperan-
tiam: quoniam cum privatio rectitudinis mora-
lis sumptæ in communi sit communis omnibus
peccatis, non potest constituere gradum speci-
ficum, in quo unum peccatum distinguitur ab
alio.

Et ulterius, si sequamur priorem sententiam,
dicendum est subiectum talis privationis rectitu-
dinis specialis esse ipsum actum, qui est pecca-
tum commissionis, quoniam in eo deberet esse illa
rectitudo, quamvis neque sit in ipso, neque un-
quam fuerit;

Contra hoc autem sic argumentor, actus qui-
cunque ex obiecto malus, ut fornicatio, furtum,
& odium siue Dei siue proximi, non est subiectum
illius privationis; ergo formale, à quo habet,
quod sit peccatum talis speciei, non consistit in
illa privatione; probatur antecedens, quoniam vel
actus ille est subiectum privationis, ut specifica-
tus à subiecto in genere naturæ, hoc est, quate-
nus respicit suum obiectum: vel solum secun-
dum rationem communem actus humani, & li-
beri. *Primum dici non potest*, quoniam actui, ver-
bi gratia odij Dei, quatenus respicit suum obie-
ctum, repugnat habere rectitudinem charitatis;
ergo non est subiectum privationis illius rectitu-
dinis: pater *consequentia*, quia privatio secundum
propriam rationem, qua distinguitur à pura ne-
gatione, supponit subiectum aptum natam habere
formam oppositam.

Dices, actum illum simpliciter esse capax
rectitudinis, & tantum ex suppositione esse in-
incapacem: & ideo esse subiectum privationis re-
ctitudinis: sicut homo, qui est in peccato mortali,
est subiectum privationis gratiæ, quia quamvis
ex suppositione dum est in peccato mortali, non
possit habere gratiam, tamen simpliciter potest
habere eam.

Sed contra, quoniam homo secundum suam
naturam non est incapax gratiæ; ac vero actus,
de quo loquimur, secundum propriam speciem
est incapax rectitudinis, neque suppositio spe-
cificationis, quam habet ab obiecto, est ipsi se-
cundum suam essentiam extrinseca, aut acciden-
talis, sicut homini suppositio peccati. *Neque*
etiam potest dici secundum, *tum quoniam* actus
ille consideratus præcise secundum rationem
communem actus humani, non est subiectum
aptum sufficienter ad recipiendum illam rectitu-
dinem particularem; ergo neque est subiectum
privationis talis rectitudinis, sicut quia homo se-
cundum gradum corporis non est subiectum
personæ visus, ideo neque secundum eum est
subiectum cæcitatis; *tum etiam*, quia illa rectitu-
do particularis non est debita actui humano sum-
pto in communi, aliàs nullus actus humanus
posset esse bonus sine ea: ergo actus de quo
loquimur, consideratus præcise secundum com-
munem rationem actus humani, non est subie-
ctum privationis illius rectitudinis: pater ista
consequentia, quia carentia rectitudinis ac-
tualis non habet rationem privationis, nisi mo-
ralis, ubi ipsa rectitudo est debita.

Si vero sequamur posteriorem sententiâ, dicendū

erit, priuationem illam rectitudinis particularis esse in voluntate, ut in subiecto, & consequenter actum habere ab ea, quod sit formaliter malus moraliter, & peccatum: non quia habeat eam in se, sed quia eius causa; ita ut sicut calor est malus aquæ, quatenus est causa priuationis frigiditatis: sic etiam actus iste sit malus naturæ rationali, quatenus in ea est causa priuationis conformitatis cum lege Dei.

Sed contra hoc argumentor primo, quia sequitur ex eo aperte, formale peccati commissionis non consistere in priuatione, sed in positio: probatur sequela, quia conformitas cum præcepto negatio, cui opponitur peccatum commissionis, consistit in carentia & negatione actus prohibiti, ut fatentur authores huius sententiae, & ostenditur euidenter ratione ipsorum superius adducta; ergo formale peccati commissionis, quod est id, quod opponitur huic conformitati, non est priuatio sed positium.

Hanc consequentiam probant aliqui, quia vniuersaliter negationi non opponitur priuatio formaliter, quatenus priuatio est, non enim est priuatio negationis, sed positium; sed responderi potest, hoc solum esse verum in Physicis, in quibus potentia & aptitudo, quæ præsupponitur priuationi, non respicit negationem sed positium, & ideo carentia negationis non est priuatio, sed aliquid positium; non tamen esse verum in moralibus, quia sicut negatio potest habere rationem formæ debitæ, ut patet in nostro casu: ita etiam eius carentia potest habere rationem priuationis moralis, quoniam ad priuationem moralem sufficit carentia formæ debitæ, siue talis forma sit positua, siue negatio.

Hæc solutio est apparens, propter discrimen assignatum: ideo aliter probatur illa consequentia, quoniam negationi actus prohibiti, in qua consistit illa conformitas, opponitur immediate affirmatio siue positio actus prohibiti, sicut in vniuersum negationi opponitur formaliter & immediate affirmatio; sed affirmatio actus prohibiti, est quid positium; ergo & id, quod opponitur illi negationi.

Confirmatur, quia negatio actus formaliter destruitur & expellitur per ipsam actum: ergo id, quod opponitur formaliter negationi actus, est ipse actus, patet consequentia, quia formalis expulsio non fit formaliter nisi a formaliter opposito.

Neque potest dici, actum non esse prohibitum secundum suam entitatem, sed solum ratione priuationis, cuius est causa: quoniam prius est, saltem ordine naturæ, actum esse contra legem, quam esse causatum priuationis conformitatis cum ipsa lege, cum illud sit huius causa, ergo non habet actus esse contra legem ratione illius priuationis, sed secundum suam entitatem.

Secundo solet probari hæc conclusio argumento CAJETANI infra quæst. 72. artic. 1. quod est huiusmodi: illud est formale constitutum alicuius rei in esse specifico, quod est distinctum eiusdem ab alijs: sed priuatio rectitudinis non est formale distinctum vnius peccati commissionis ab alio, ergo neque est constitutum ipsius in

esse specifico talis peccati, probatur minor, quoniam peccata, quæ habent rationem extremorum respectu rectitudinis virtutis mediæ inter ipsa (sicut peccata prodigalitatis, & auaritiæ respectu liberalitatis, & peccata insensibilitatis, & intemperantiæ respectu temperantiæ) distinguuntur inter se specie; & non per priuationes rectitudinis distinctas specie: quia cum rectitudo virtutis mediæ sit vna unitate speciei specialissimæ, non possunt ipsa peccata habere priuationes talis rectitudinis specie distinctas; cuius ratio est, quod priuationes specificantur per ordinem ad positua, quibus opponuntur, & ideo respectu eiusdem positiui non possunt reperiri priuationes specie distinctæ.

Ad hoc omnes, qui sequuntur oppositam sententiam, negant minorem; & ad probationem, admittunt, non posse priuationes distinguere specie, nisi rectitudines, quibus opponuntur, distinguantur inter se specie: ceterum in assignando rectitudines distinctas specie, quibus opponantur priuationes constituentes peccata, de quibus loquimur, differunt inter se.

Nam qui sequuntur priorem modum explicandi priuationem rectitudinis, quem in præcedenti argumento retulimus, dicunt, priuationem, quæ est formale peccati, non esse priuationem virtutis, aut rectitudinis habitualis, quæ est in ipsa; sed rectitudinis actualis, quæ debet esse in actibus nostris: & hanc posse esse diuersarum rationum in actibus pertinentibus ad eandem virtutem, idque ex duplici capite, scilicet vel propter diuersitatem materiæ, vel propter diuersum modum attingendi mediū rationis, ad quod inclinat virtus: exemplum primi dicunt esse in virtute iustitiæ particularis, quæ quamuis sit vna unitate speciei specialissimæ, habet actus, quorum rectitudines differant inter se specie, propter diuersitatem materiæ, scilicet defendere vitam alterius, defendere honorem, & defendere bona; & ita his tribus actibus opponuntur alij tres mali, qui etiam differunt inter se specie, scilicet homicidium, detractio, & furtum; exemplum vero secundum dicunt esse in actu virtutis mediæ inter duo vitia extrema, nam quamuis actus virtutis mediæ, verbi gratia liberalitatis, sit vnus, scilicet elargitio pecuniarum: tamen duobus modis attingit medium rationis, scilicet recedendo a duobus extremis, inter quæ est illud medium, nempe ab excessu & defectu; & consequenter habet rectitudines diuersarum rationum, quoniam quicumque modus tendendi in medium rationis, constituit peculiarem rectitudinem moralem. Quod vero diuersitas materiæ, aut modi tendendi in medium rationis, sufficiat ad colligendum diuersitatem rectitudinum, probant isti, quoniam vbi est illa diuersitas, est diuersitas dictaminum seu præceptorum, ut in priori exemplo distincta sunt dictamina & præcepta, quibus obligamur ad defensionem vitæ, honoris, & bonorum proximi; & in posteriori etiam sunt diuersa dictamina, quibus ratio dicat, non esse excedendum, nec deficientum a medio in elargitione pecuniarum. Ergo etiam vbi est illa diuersitas, est diuersitas rectitudinis in nostris actibus: patet consequentia, quia cum rectitudo, quæ est in nostris actibus, consistat in conformitate

formitate cum dictamine rationis, necesse est, quod ubi sunt dictamina distincta, sint rectitudines distinctæ, quia distinctio formalis & specifica relationum sumitur ex distinctione terminorum.

Hac solutio placet multis, etiam ex ijs, qui defendunt formale peccati esse positivum.

Sed mihi nullo modo placet. *Primo*, quia (ut probavi argumento præcedenti) non datur privatio rectitudinis debet inesse actibus nostris, quæ sit in actu malo ex obiecto tanquam ex obiecto; *secundo*, quia diversitas materię non sufficit ad hoc, ut in actibus nostris sint rectitudines distinctæ secundum speciem, nisi redundet in diversitatem rationis formalis ex parte obiecti, ut omnes farentur, & probari potest inductione: constat autem quod in exemplis adductis non est diversitas ex parte obiecti formalis, ergo neque sunt rectitudines specie distinctæ. Probo *minorem*, nam in *priori exemplo*, si defensiones illæ considerentur quatenus sunt ex debito iustitiæ, conveniunt in ratione formali iustitiæ, neque ut sic differunt inter se specie, neque opponuntur immediate & formaliter homicidio, detractioni, & furto, sed omissionibus ipsarum defensionum, & illis actibus mediate & consequenter, tanquam effectibus indirecte provenientibus ex ipsis omissionibus; & similiter si considerentur quatenus sunt ex debito charitatis, conveniunt in obiecto formali charitatis, & consequenter in specie aut rectitudine morali, & opponuntur omissionibus: in *posteriori etiam exemplo* apertum est, non esse diversitatem obiecti formalis: quoniam obiectum formale actus, quatenus habet rectitudinem, verbi gratia liberalitatis, includit omnia, quæ secundum rectam rationem requiruntur ex parte ipsius, ut actus habeat talem rectitudinem: ergo includit recessum ab utroque extremo obiective sumptum, patet *consequentia*, quia in recessu obiectivo ab altero extremo non potest esse neque intelligi integra ratio obiecti, quod secundum rectam rationem requiritur ad actum libertatis. & *tandem*, quia falsum est, quod in actu, verbi gratia liberalitatis, distinguantur duo modi attingendi medium rationis: quoniam nullo modo attingit ipsum, nisi recedendo ab utroque extremo. *Neque obstat* id, quod adducitur de diversitate dictaminum aut præceptorum, quoniam in *priori exemplo* non distinguuntur, eadem enim obligatione iustitiæ aut charitatis sunt debet illæ defensiones; in *posteriori* vero non distinguuntur præcepta affirmativa, neque dictamina rationis, quibus præscribitur modus, quo exercendus est actus liberalitatis: sed solum distinguuntur præcepta negativa, quibus prohibentur peccata extrema, scilicet prodigalitas & avaritia; rectitudo vero actus, dato quod sit relatio conformitatis cum recta ratione, non est conformitas cum dictamine negativo, sed cum affirmativo.

Qui vero sequitur posteriorem modum explicandi privationem, in qua consistat formale peccati commissionis, dicunt, intra latitudinem eiusdem virtutis mediæ inter duo vitia, posse in voluntate reperiri duas rectitudines morales distinctas specie. Quod ut explicent, supponunt duo: *Primum* est, sæpe ad eandem virtutem

A posse pertinere duo præcepta negativa; hoc autem probant, quia sæpe inter contraria eiusdem virtutis reperitur diversus modus contrariandi ipsi virtuti, quoniam quædam contrariantur propter excessum, & quædam propter defectum: ergo ex natura talis virtutis colligitur, debere multiplicari præcepta, quibus prohibeantur duo isti modo contrariandi ei: & ulterius, ergo ad eam pertinent præcepta ista. *Prima consequentia* patet, quia cum virtus ex propria natura postulet præcepta, quæ necessaria sunt ad sui custodiam, & ad hanc requiratur non solum fieri, quod est debitum secundum ipsam, sed etiam nihil fieri contra ipsam: ideo ex natura ipsius provenit, necessaria esse tot præcepta negativa, ut eis sufficienter prohibeantur omnes modi distincti formaliter, quibus aliquid potest fieri contra ipsam. *Secunda* vero probatur, quia præceptum dicitur pertinere ad aliquam virtutem, in quantum ex natura talis virtutis colligitur eius necessitas. *Alterum* est, conformitatem cum præcepto negativo prohibente excessum, esse alterius rationis à conformitate cum præcepto negativo prohibente defectum: idque colligunt, *unum* ex diversitate præceptorum, *aliud etiam* ex diversis modis contrariandi eidem virtuti, quibus huiusmodi conformitates opponuntur; & ex his duobus existimant deduci aperte id, quod propositum est: quoniam cum virtuti mediæ inter duo vitia extrema opponantur duo genera peccatorum, quædam per excessum, & quædam per defectum: ad ipsam pertinebunt duo præcepta negativa, quibus prohibeantur huiusmodi peccata, & ex consequenti etiam pertinebunt ad ipsam duæ conformitates cum huiusmodi præceptis, quæ sunt duæ rectitudines morales specie distinctæ.

Sed hac solutio satis impugnata est præcedenti argumento, cum ostensum sit, conformitatem cum præcepto negativo consistere in negatione, siue non positione actus prohibiti per ipsum, & hanc excludi per positionem ipsius actus, & non per aliquam privationem.

C *Scio quosdam* alia via conari dissolvere hoc argumentum CAITANI, negantes, esse necessariam distinctionem rectitudinum ad distinctionem privationum: quia respectu eiusdem rectitudinis, verbi gratia liberalitatis possunt distinguí duæ privationes, idque dupliciter, scilicet per ordinem ad duo præcepta distincta: aut propter diversos modos, quibus privant ipsa rectitudine, scilicet excedendo & deficiendo ab ea, sicut assensus opinativus, & scientificus eiusdem propositionis differunt inter se plus quam specie, quia diverso modo, & per diversa media tendunt in ipsam. *Sed isti* evidentiùs decipiuntur, quia cum specificatio privationis sumatur ex positivo, cui opponitur: impossibile est respectu eiusdem positivi reperiri privationes specie distinctas. *Neque in nostro casu sufficit distinctio præceptorum*, quoniam in præceptis non est formaliter rectitudo moralis, sed veritas quædam practica: ergo per ordinem ad ipsa non possunt distinguí specie privationes rectitudinis aut bonitatis morales. *Neque etiam sufficit distinctio*

modi priuandi, quoniam *vel est intrinseca* ipsis priuationibus, & hæc est impossibilis, ubi priuatio est totalis, ita quod adæquate & totaliter respondeat positiuo; *vel extrinseca*, scilicet diuersitas causalitatis, siue modi quo fiunt ipsæ priuationes, & hæc non sufficit ad distinctionem specificam ipsarum priuationum, sicut non sufficit distinctio actuum, qui sunt causæ omittendi, ad distinctionem specificam omissionum. Neque sufficit distinctio mediorum, quibus fiunt priuationes vitæ, ut ipsæ priuationes differant inter se specie; exemplum verò illorum assensuum est omnino extra rem, quoniam eorum specificatio non consistit in priuatione, sed in ordine positiuo ad obiectum, qui variari potest propter diuersitatem mediorum.

S. 6. Formale peccati commissionis, non est denominatio extrinseca, nec relatio rationis, nec positiuum & priuatiuum simul.

SECUNDA CONCLUSIO *formale peccati commissionis non consistit in denominatione extrinseca sumpta à regula rationis quatenus non regulatur, aut distatur ab ea; neque in relatione rationis.* **PRIMA PARS**, facile probari potest argumentis, quibus supra q. 18, art. 1. Dubitatione prima & secunda probati, *esse morale*, prout est commune ad bonitatem & malitiam; & ipsam bonitatem moralem, non consistere in denominatione extrinseca; & eisdem potest etiam probari **SECUNDA PARS** quæ amplius confirmabitur ex solutione secundi argumenti oppositæ sententiæ.

TERTIA CONCLUSIO; *formale peccati commissionis non consistit simul in priuatione & positiuo.* probatur confutatione eorum modorum, quibus auctores tertiæ sententiæ explicant, quæ ratione ista duo conueniant ad constituendam essentiam peccati. **ET IN PRIMIS** contra *primum*, sic argumentor: genus comparatur ad differentiam sicut potentia, & quasi materia ad actum, & formam, & sicut perfectibile ad suam perfectionem: sed priuatio non potest habere talem habitudinem respectu eius, quod est positiuum, & reale, quoniam non habet potentiam ut intrinsece actuetur, aut perficiatur per ipsum, ergo impossibile est quod priuatio tanquam genus contrahatur per differentiam positiuam & realem.

SECUNDO argumentor contra *secundum*, quia contra eum aperte pugnant duo argumenta proposita pro prima conclusione; nam quamuis priuatio, quæ iuxta ipsum pertinet intrinsece ad formale peccati, connotet aliquid positiuum: obijci potest, quod non sit sufficiens ad constituendum gradum specificum peccati, cum non sit priuatio alicuius rectitudinis particularis, ut in priori argumento deducebamus; & similiter obijci potest, quod ab ea non possit sumi distinctio specifica peccatorum, quæ sunt contra eandem virtutem: quia ipsa est vna vnitate speciei specialissimæ, sicut rectitudo cui opponitur, ut in secundo argumento probauimus.

Verum ad hoc respondetur auctores huius sententiæ, in peccatis, quæ sunt contra eandem virtutem, ut in prodigalitate & auaritia, posse distingui

A specie duas priuationes, per ordinem ad actus positivos quos extrinsece connotant, quoniam actus illi distinguuntur inter se specie, in quantum vnus habet rationem excessus, & alter defectus.

Sed contra, quia quatuor modis potest intelligi, quod priuationes illæ connotent actus positivos, scilicet tanquam subiecta, terminos, effectus, & causas; & potest facile probari, non distingui priuationes per ordinem ad actus propter aliquem existens modis connotandi eos. *Nam in primis*, non distinguuntur propter *primum*, tum quia sæpe priuationes non erunt in ipsis actibus ut in subiectis, ut in primo argumento, quo probaui primam conclusionem, ostensum est; *tum etiam, quia* principium specificationis alicuius rei, est etiam principium distinctionis specificæ eius rei ab alia; sed priuatio quæcunque specificatur per ordinem ad formam, cui opponitur, & non per ordinem ad subiectum; ergo eodem modo habet distinctionem specificam ab alijs priuationibus, & *confirmatur*, quia in eodem subiecto, scilicet in eadem

B voluntate, sunt omissiones specie distinctæ, quæ consistunt in priuationibus. *Neque etiam* distinguuntur propter *secundum*, quia priuatio rectitudinis non habet pro termino actum peccati, sed ipsam rectitudinem: non enim est priuatio actus, sed rectitudinis. *Neque propter tertium*, quia priuatio non potest esse causa actus, & ex consequenti non potest connotare ipsum, ut suum effectum. *Neque tandem* distinguuntur propter *quartum*, quia (ut supra probaui) neque in naturalibus, neque in moralibus sufficit, causas distingui specie, ut etiam priuationes, quæ ex eis proueniunt, distinguantur specie.

ULTIMO argumentor contra *ultimum modum*, quoniam in primis inquiri potest, ubi sit tanquam in subiecto, priuatio connotata per formale peccati, & quo modo distinguatur specie in peccatis, quæ opponuntur ut extrema, respectu eiusdem virtutis: & *præterea*, quoniam ex eo sequitur aperte quod formale peccati sit omnino & simpliciter positiuum: quia priuatio extrinsece connotata per ipsum est ei extrinseca, & nullo modo est eius pars, neque tanquam genus, neque tanquam differentia.

C *Neque obstat*, quod ordo ad priuationem sit ei intrinsecus: quoniam ordo non est priuatio, sed ipsa entitas actus, qui ex natura sua est inductiuus priuationis rectitudinis, sicut vnum contrarium est inductiuum priuationis alterius.

Confirmatur, quia illud formale non potest connotare priuationem, nisi ut effectum suum: sed effectus non pertinet ad esse causæ, ergo neque illa priuatio pertinet ad formale peccati, & ex consequenti totum formale peccati est positiuum: An vero sufficiat, quod formale peccati connotet priuationem, ut Deus non sit causa peccati, dicemus suo loco.

SOLVM RESTAT hic *aduertendum* quosdam excogitasse alium modum, quo positiuum & priuatio concurrant intrinsece ad constitutionem peccati; dicunt enim, peccatum tam secundum gradum genericum, in quo conuenit cum bono moralis; quam secundum differentiam, quæ ab eo distinguitur, esse aliquid positiuum, scilicet positiuum ordinem ad obiectum: & nihilominus etiam priuationem esse de intrinseca ratione ipsius, non tanquam genus, neque tanquam differentiam, sed tanquam modum intrinsece concomitantem essen-

tiam.

nam, non secundum omnem eius gradum, quoniam genericus est communis boni morali; sed secundum differentialem, omni extrinseco remoto, id quod sine vlla compositione cum ipsa differentia: & ex consequenti, absque impedimento simplicitatis requisitæ in differentia constituyente speciem, & unitatis per se in specie constituta. Vt vero explicent, qua ratione priuatio possit ita coniungi differentia positiua, adducunt ista exempla in primis, limitatio perfectionis, est negatio maioris in genere entis, & conuenit hoc modo differentia, qua creatura distinguitur à Deo, qui est infinita perfectio; item negatio certitudinis est intrinseca differentia opinionis; & negatio veritatis, differentia erroris; & negatio claritatis siue euidentiæ, differentia fidei. Et denique, negatio maioris perfectionis in proprio genere est intrinseca contrariatio minus perfectio; & propterea ARISTOTELES. 10. Metaph. ita inquit: *omnis namque contrarietas habet alterius contrarium priuationem*; & statim explicat, non quodcunque extremum contrarietatis esse priuationem alterius, sed id, quod minus perfectum, sicut inæqualitas est priuatio æqualitatis, dissimilitudo similitudinis, & vitium virtutis: constat autem non ideo dixisse hoc ARISTOTELEM, quia senserit, contrarium minus perfectum esse solum priuationem & non naturam positiuam, cum aperte distinguat oppositionem contrariam à priuatione: sed quod credidit ipsum simul cum positiuo includere priuationem extremi magis perfecti.

Sed contra istos argumentor, quia vel priuatio conuenit peccato commissionis solum secundum differentiam constituentem gradum genericum peccati, vel etiam secundum differentiam constituentem gradum specificum talis peccati, verbi gratia furti, vel adulterij: *Primum dici non potest, tum quia nulla est ratio, propter quam differentia generica includat priuationem, potius quam specifica: cum ista non minus sit mala neque minus habeat oppositionem cū rectitudine morali, quam illa; tum etiam, quia gradus genericus, saltem ea ex parte, qua includeret priuationem, non posset, contrahi per differentiam omnino positiuam, neque facere vnum per se cum ea, ut paulo superius probaui. Neque etiam potest dici secundum*, quia sequeretur, quod priuatio illa specifica esset in ipso actu, qui est peccatum commissionis, ut in subiecto, sicut necessario debet esse in eo differentia positiua, cui talis priuatio est intrinseca: quod tamē facile potest impugnari, ex ijs, quæ diximus in primo argumento adducto pro prima conclusione.

Item, quia illa priuatio non posset distingui specie à peccatis extremis oppositis inter se & eadem virtuti mediæ, ut constat ex secundo argumento eiusdem conclusionis; ex quo sequeretur, quod differentia specificæ horum peccatorum essent omnino positiua, quia priuatio, quæ esset communis vniuiusque vitij peccato, non posset esse intrinseca differentijs eorum, quæ sunt primo diuersæ, præsertim nullam faciendo compositionem cum eis.

Et tandem, quia sequeretur, quod peccatum quodcunque haberet duas species in genere moris; probatur sequela, quia differentia positiua cum sit ordo ad obiectum, dabit actui esse speci-

ficum in ordine ad obiectum; priuatio vero, cum sit essentialiter carentia rectitudinis morali, dabit eidem actui esse morale, quod consistit in hoc, quod est priuatum rectitudinis; quoniam qualis est forma, tale est esse, quod, tanquam formale, dat suo obiecto.

Neque potest dici, quod ex duplici isto esse constituitur vnum esse specificum, quoniam pertinent ad distincta genera; *Primum* enim continetur directe sub esse reali; *secundum* vero sub negatiuo.

Neque etiam potest dici, satis esse, quod priuatio pertineat reductiue ad ens reale, quoniam non reducitur ad ens reale ut pars eius, sed ut oppositum ipsi: & ideo non potest concurrere ad componendum intrinsece speciem entis realis; imo si priuatio illa sit reducenda ad aliquam speciem entis realis, non reduceretur ad speciem differentia positiua, cui coniungitur: sed ad speciem rectitudinis, cui opponitur, sicut tæritas reducitur ad speciem potentia vitia.

Neque funt istis exempla adducta; nam limitatio perfectionis, quæ est intrinseca differentia creaturae, positiua est, & ad eam conuenit negatio maioris perfectionis; & reliquæ negationes, si considerentur ex parte actuum, aut habituum non sunt negationes, sed modi positiui, qui explicantur per negationes, aut priuationes opposita perfectionis: quam necessario consequuntur, & sunt nobis notiores, & in hoc sensu appellat Aristoteles, contrarium minus perfectum, priuationem perfectioris.

Neque obstat, quod etiam ad contrarium perfectius consequatur in subiecto priuatio minus perfecti; quoniam, cum priuatio semper sit alicuius perfectionis, non dicitur proprie priuatio carentia minoris perfectionis, quando prouenit ex positione maioris: & ita subiectum, quod est album, non dicitur proprie priuatum nigredine.

5. 7. Formale peccati commissionis est ordo positius realis ad obiectum dissonum legi.

QUARTA CONCLUSIO. *Formale peccati commissionis consistit in ordine positiuo & reali superaddito entitati naturali actus & inherente ipsi, & terminato ad obiectum dissonum & disconforme legi.* Hæc conclusio fere quoad omnia desumpta est ex CAIETANO supra q. 18. art. 5, & inf. q. 72. arti. 1. q. 76. art. 2. dico tamen hoc cum limitatione, quia videtur innuere, formale istud non esse relationem, sed habere modum qualitatis absolute superaddita entitati actus: quod satis impugnaui, cum agebam de bonitate morali supra q. 18. art. 1. dubitatione secunda. Probatur ista conclusio, PRIMO à sufficienti partium enumeratione, quoniam formale peccati non consistit in sola priuatione, neque in priuatione & positiuo simul: ergo consistit solum in positiuo; sed huiusmodi positiuum non est entitas actus secundum suam naturam, quoniam sic non pertinet ad genus morale: neque etiam est aliquid absolutum superadditum huic entitati, superest ergo, quod relatio sit ei superaddita. Quod vero ista relatio habeat pro termino obiectum actus, ita ut ab ipso specificetur, & non

legem, contra quam committitur peccatum, probauit satis loco citato.

SECUNDO, actus liber voluntatis importat ordinem posituum tendentis & conuersionis ad obiectum dissonum legi prius ordine rationis, quam aliqua ratio rectitudinis sit, vel in eo, vel in subiecto, scilicet in voluntate; sed quatenus importat talem ordinem, etiam præcisa ipsa priuatione rectitudinis, est formaliter malus moraliter, & peccatum; ergo formale, à quo actus voluntatis habet quod sit malus moraliter, est ordo ille; maior patet, quia, quod actus tendat in obiectum prohibitum, est causa propter quam sit in ipso, aut in eius subiecto priuatio rectitudinis: ergo tendentia actus in tale subiectum præsupponitur priuationi, tanquam eius causa: & minor probatur, quoniam actus, quatenus importat ordinem ad illud obiectum, sumit ab eo aliquam speciem in genere moris: quia ipsum obiectum est morale, cum constitutur in esse obiecti ratione aliqua morali, scilicet dissonantia ad legem, & omnis ordo specificatur à suo termino in proprio genere: sed non sumit speciem boni; ergo mali.

Ad hoc aliqui respondent, negando maiorem, quia non potest intelligi actus voluntatis, & tendens in obiectum dissonum legi, quin intelligatur priuatio rectitudinis in ipso actu: quoniam tendere voluntatem sub actu in obiectum dissonum legi, est, actum careere rectitudine debita ex parte obiecti, hoc est, non habere tale obiectum, quale deberet habere secundum rectam rationem.

Sed contra, quia dato quod sit huiusmodi priuatio in actu, (quod supra est impugnatum) adhuc non dissoluitur argumentum propositum: quia nequit esse neque intelligi in actu priuatio obiecti debiti, nisi præsupposito quod respiciat indebitum; si enim consideretur actus præcise ut ægrediens à potentia, vel secundum aliquam rationem, secundum quam non respiciat determinate illud obiectum: nulla erit ratio, propter quam dicatur priuatus rectitudine, aut in actu aut in voluntate.

Item conuersio positua ad obiectum indebitum, saltem formaliter distinguitur à quacunque ex illis priuationibus: ergo concipere ipsam, non est formaliter concipere illas priuationes; & ulterius, illa conuersio habet ordinem per se, cum priuatione constituyente peccatum, quia non vniuntur per accidens, ut homo & Albedo; & non habent ordinem per se potentie & actus, quia neque conuersio realis est per se potentia receptiua priuationis, neque è conuerso; ergo solum habent ordinem causæ & effectus; sed priuatio non est causa conuersionis, ergo conuersio est causa priuationis, & ex consequenti præsupponitur.

Alij respondent negando minorem, dicunt enim conuersionem illam non esse malam, nisi quatenus est causa in voluntate priuationis rectitudinis, quæ consistit in cōformitate cum præcepto negativo, hoc est, in negatione ipsius conuersionis. Sed hoc satis impugnatum est.

Dices, quod quamuis tendentia terminata ad illud obiectum sumptum secundum suam naturam præsupponitur ad priuationem rectitudinis: non præsupponitur ut terminata ad ipsum quatenus est dissonum recte rationi: & solum ut terminata hoc posteriori modo, sumit ab obiecto speciem

A in genere moris; ut terminata vero priori modo sumit speciem in genere naturæ, ut si fieret ab amente, quoniam ipsum obiectum non est morale, nisi ut dissonum recte rationi.

Sed contra, quia argumentum aperte procedit de conuersione ut terminata ad obiectum, quatenus est dissonum recte rationi, non enim aliter est ratio, vel causa priuationis rectitudinis. Item conuersio illa positua, quatenus procedit libere à voluntate ut subiecta regulæ morum, & ex consequenti quatenus procedit ut à principio agente moraliter, præsupponitur priuationi: ergo etiam præsupponitur quatenus respicit obiectum sub aliqua ratione morali, quæ (ut constat) non potest esse alia in isto casu, quam dissonantia ad legem; patet consequentia, quia ratio formalis obiecti alicuius actus proportionatur principio.

Confirmatur, quia si conuersio ista, quatenus præsupponitur priuationi, habet gradum genericum pertinentem ad genus moris: ergo etiam habet gradum differentialem; ergo terminatur ad obiectum, quatenus habet talem dissonantiam ad rationem. Prima consequentia patet, quia gradus differentialis non poterit desumi ab ipsa priuatione, supposito quod genericus sit realis, ut supra probauimus; neque ab aliquo alio, ut constat; & secunda probatur, quia non est in obiecto alia ratio specifica pertinens ad genus moris.

SED OBIICIENS, dissonantia ad rationem non est in obiecto aliquid posituum, sed priuatio conformitatis: ergo conuersio vel tendentia actus non potest sumere ab ea speciem posituam, sed solum priuatiuam; Respondetur, transeat antecedens quod tamen falsum est, ut constat ex ijs, quæ de bonitate obiectiua dixi supra q. 18. art. 1. & nego consequentiam nam intelligere ens rationis est aliquid posituum; & assensus propositionum contradictoriarum sunt positui, etiam si alterum extremum obiecti sit negatio: & propterea ARISTOTELIS. 2. lib. de interpretatione, dixit, propositiones, quæ in re sunt contradictorie, esse contrarias in mente, & actus, quo quis vult abstinere à carnibus in die ieiunii, est bonus moraliter bonitate positua, quamuis obiectum sit negatio, scilicet non comedere.

TERTIO probatur ista conclusio testimonijs DIVI THOMÆ, quæ adducemus q. sequenti. art. 1. ubi etiam respondebimus ad ea, quæ pro opposita sententia solent adduci.

VLTIMO, natura rationalis perficitur in genere moris operationibus habentibus contrarium posituum, scilicet actibus bonis moraliter: ergo non solum potest pati malum in isto genere, quatenus priuatur sua perfectione morali, sed etiam quatenus recipit contrarium: & ex consequenti actus mali non solum sunt ei mali, quia priuant ipsam rectitudinem aliquam, sed etiam quia sua entitate sunt contrarii bonitati & perfectioni ipsius. Antecedens probatur primo, testimonio ARISTOTELIS, qui c. de qualitate ait, iustitiam & iniustitiam opponi contrarie, & c. de oppositis inquit, bonum & malum non opponi relative, sed contrarie; & præterea, quia habitus acquisiti virtutis & vitij opponuntur contrarie: ergo etiam actus boni & mali, in quibus acquiruntur: patet consequentia; quia propter oppositionem, quæ est inter obiecta, dicuntur habitus contrarii: sed actus conueniunt cum habitibus in

obiectis,

obiectis, & solum differunt in modo attingendi ea, alias non posset habitus acquiri actibus; ergo etiam actus sunt contrarii inter se.

Ut autem melius intelligatur vis huius argumenti, & suæ consequentiæ, *aduertendum*, quod qualitates, vel operationes perficientes aliquā substantiam, sunt in duplici differentia: *quædam*, enim habent contrarium positivum, ut gravitati & motui deorsum respectu lapidis, opponuntur leuitas, & motus sursum; delectationi respectu appetitus, opponitur tristitia aut dolor; scientiæ & cognitioni veræ respectu intellectus opponuntur habitus erroris, & error; & frigiditati respectu aquæ apponitur calor: *quædam* vero non habent contrarium, ut lux, & illuminatio in sole; visus & visio in oculo; Est autem hoc discrimen inter duos istos modos perfectionum, quod natura vel substantia, quæ perficitur qualitatibus & operationibus non habentibus contrarium, solum potest pati malum in privatione earum, ut hoc solum malum potest evenire soli, quod priuetur qualitate sua, scilicet luce; & oculo, quod priuetur lumine; natura vero, quæ perficitur qualitatibus & operationibus habentibus contrarium, dupliciter potest pati malum; *uno modo* in privatione propriæ perfectionis sibi convenientis; & *altero* in præsentia contrarij positivi: ut appetitus non solum patitur malum propter absentiam delectationis, sed etiam propter præsentiam tristitiæ aut doloris; & intellectus non solum patitur malum in privatione scientiæ, aut veritatis, sed etiam in præsentia erroris: & idem est in alijs exemplis.

Quod vero præsentia contrarij repugnantis sine ordine ad privationem perfectionis convenientis, habeat rationem mali, probatur: quia si ex suppositione, aut Dei virtute, in aliqua natura sit eius perfectio simul cum suo contrario, ut in aqua frigiditas cum calore, in appetitu delectatio cum dolore, & in intellectu scientia cum errore, talis natura male se habebit, & erit prave disposita ratione contrarij, ergo malitia contrarij non consistit solum in eo, quod priuat perfectione convenienti.

Confirmatur, quia minus malum est privatio perfectionis, quam privatio simul cum contrario positivo; ut in appetitu minus malum est privatio delectationis, quam ipsa, simul cum dolore; & in intellectu ignorantia privationis, minus malum est quam ipsa simul cum ignorantia prave dispositionis, scilicet cum errore; ergo contrarium ratione suæ entitatis addit privationi aliquid mali:

Neque audiendus est GREG. qui in 2. d. 34, & tribus sequentibus. qu. unica art. 1, contra sensum dicit oppositum, quamvis sequatur eum CAPRE. ead. d. q. 2. art. 3. in solutione ad secundum contra primam conclusionem.

EX HAC conclusione sequitur ratio, propter quam formale peccati dicatur esse contra legem: ea vero est, quod obiectum ordinis, qui est formale peccati, est dissonum & oppositum legi, in quantum opponitur obiecto, ad quod inclinat lex. Nam lex verbi gratia, quæ prohibet furtum, inclinat ad non furandum: voluntas vero eius, qui furatur, convertitur ad furtum, appetendo ipsum,

Quod si obicias contra illationem hanc, & simul contra conclusionem, falsum supponi in utraque: scilicet, conversionem voluntatis terminari ad obiectum ut dissonum, & oppositum legi, quia

conversionis voluntatis ad aliquod obiectum est appetitio eiusdem obiecti, appetitio autem semper est alicuius boni, & malum est præter intentionem appetentis, quia nemo intendens ad malum operatur, ut colligitur ex DIONYSIO c. 4. de divi. nomi. & ex ARISTOTELE. 1. Eth. c. 1. *Respondetur primo*, ex illis testimonijs solum colligi, quod dissonantia à lege, siue ratio cuiuscunque mali, tam naturalis, quam moralis, non sit ratio formalis obiecti appetitionis; non tamen, quod non possit esse terminus eiusdem appetitionis: itaque dissonantia potest esse voluta sub aliqua ratione boni, aut vitii aut delectabilis. *Secundo respondetur*, satis esse ad veritatem illius sententiæ, quod dissonantia à lege non sit obiectum motuum voluntatis ad appetendum, quia hoc debet habere rationem aliquam boni: cum quo tamen stat, quod possit esse obiectum terminativum.

Ut autem intelligatur, quâ ratione dissonantia à lege terminet appetitionem, *adverte* tribus modis posse hoc contingere, *Primo* expresse, & in actu signato, ut cum quis videns obiectum esse dissonum legi, vult ipsum ut deficiat à lege; *Secundo* minus expresse, & solum in actu exercito, ut cum is, qui videt delectationem, quam ex obiecto percipere potest, contrariam esse legi, appetit ipsam delectationem præcise: nam quamvis iste expresse non appetat dissonantiam à lege, tamen in actu exercito appetit eam, quoniam appetit obiectum, quod videt esse dissonum legi; *Tertio* interpretative, ut cum quis non adverte obiectum esse contrarium legi, tenetur tamen, & potest advertere, & ita eligit ipsum; & quicumque ex istis modis terminandi iussit, ut in actu voluntatis sit ordo ad obiectum ut dissonum legi.

§. 8. Solvuntur argumenta primæ sententiæ.

AD PRIMUM PRIMÆ sententiæ, respondetur, ut ille modus loquendi scripturæ sit verus, satis esse, quod in peccato sit recessus à Deo, & ab eius voluntate manifestata per legem, siue huiusmodi recessus sit essentialis peccato, siue tantum consequens ad essentialiam: & siue sit aliquid positivum, siue privatio: de quo dicemus in solutione quarti. Circa ultimum, vero testimonium adductum ex Ioanne, *adverte*, ex eo nullo modo posse probari oppositam sententiam, quia particula *nihil*, non sumitur *positive*, ita ut significet aliquid, quod sit nihil, scilicet peccatum: sed *negative*, ut est idem quod *nulla res*, siue nullum ens, ita ut sit sensus, nullam rem factam esse sine verbo: quod aperte colligitur ex textu græco, in quo pro illa particula ponuntur duæ significantes, *neque unum. Item*, quia quamvis particulâ illâ significaretur peccatum, dici posset non ideo peccatum appellari *nihil*, quia formaliter sit privatio, sed propter aliam rationem, quam statim assignabo.

Ad confirmationem, *Dico primo*, Sanctos non appellare peccatū nominibus privatiuis, qualia sunt, *nihil, vacuitas, corruptio* & alia similia, quia deserunt rationem formalem ipsius esse privationem: sed quia opponitur Deo, qui appellatur *ens* incircumscriptum, & enti solum opponitur nihil. *Item* quia in ordine ad veram beatitudinem, quam omnes

appetunt, non solum est nullius momenti, sed etiam est impedimentum, & tandem, quia si sit mortale priuat nos gratia, quæ est vita nostra, & nostrum esse. *Dico secundo.* errorem Manichæorum fuisse, reperiri quasdam naturas substantiales, quæ ex propria natura essent malæ malitia peccati, & esse unū principium malum, quod sit earum causā; & ideo sanctos aduersus eos dicere, peccatum non esse aliquam naturam, sed nihil, & priuationem, aut defectum: quibus verbis non sumebant naturam, pro entitate positiuā: sed pro natura substantiali & solum negabant peccatum esse naturam substantialem, non tamen esse entitatem positiuā, cuius principium sit voluntas creatæ: & hoc modo exponenda sunt testimonia adducta ex LEONE primo & ex CONCILIO LATERANENSI, quod ex ipsis colligitur aperte, & ex AVGVSTINO tomo 7. lib. 1. contra Iulianum Pelagianum cap. 9. ubi ita inquit: *non igitur resistimus Manichæis, nisi obuiamus, non esse mala oriā nisi ex bonis: nec ea mala esse substantias, sed substantiarum vitia creaturarum.*

AD SECUNDVM respondebimus latius infra quæ. 79. art. 5. nunc breuiter dico cum magistro CANO lib. 2. de locis cap. 4. in solutione octauī argumenti, negandam esse consequentiam istam: *Deus est causa omnis entitatis realis, ergo est causa peccati:* quoniam habet manifestum defectum variationis appellationis: quia antecedens intelligitur de causa naturali, & consequens de morali: quia peccatum cū sit effectus moralis, postulat ex propriatione causam moralem; quod vero Deus non concurrat per modum causæ moralis ad peccatum ex eo constat, quod neque concurrit efficiendo, vt principium subiectum regulæ morum: neque præcipiendo, aut consulendo. Neque tamen debet concedi Deum esse causam naturalem peccati absolute, siue concurrere ad ipsum per modum causæ naturalis, hoc est concursu generali, & naturali: sed solum, esse isto modo causam entitatis aut naturalitatis, quæ est peccatum: quia peccatum absolute sumptum importat effectum moralem, & ideo dicit ordinem ad causam moralem.

Quod si obijciat, sequi ex hoc, voluntatem creatam esse dicendam primam causam, & primum principium peccati: quia est eius causa, & nō subordinatur alteri causæ superiori: *Respondetur* negando sequelam, quia de ratione primæ causæ est, quod agat independentem ab alia: at vero voluntas, licet non pendeat à Deo tanquam à causa peccati, tamē pendet ab ipso vt à causa naturali entitatis, quæ est in formalitate peccati, ita vt nisi Deus concurrat ad ipsum concursu generali, non possit voluntas efficere peccatum; bene tamen potest concedi cum limitatione, voluntatem esse primam causam moralem, siue in ordine causarum moralium, respectu peccati: est enim idem, ac si dicamus, esse primam causam per modum peccantis, siue concurrentis ad peccatum concursu morali: sicut concedimus hominem esse primam causam visionis per modum videntis, quia non subordinatur alteri causæ, quæ concurrat ad visionem videndo, seu elicendo visionem; & idem est in alijs actionibus vitalibus.

Ad confirmationem respondendum est sicut ad argumentum.

AD TERTIVM respondetur, negando antecedens, quoniam peccatum, quatenus est commune

A peccatis commissionis & omissionis, non importat rationem vnā vniuocæ, sed tantum analogicæ, non secundum attributionem ad vnum, sed secundum proportionem, aut proportionalitatem; & ideo in ratione propria includit simul priuationem, & positiuum, non absolute, sed quatenus ista duo habent inter se proportionem, & analogiam in hoc, quod sicut vnum se habet ad violationem legis, & ad offensiuem Dei, ita & alterum: & ex hoc patet solutio ad probationem illius antecedentis, quoniam ratio communis analogicæ extremis alicuius proportionis non est quantum ad omnia, quæ includit, in quocunque eorum, sed solum quantum ad partem: & ita ratio communis peccati, quatenus includit priuationem, est in omissione, imo est ipsa omisso: *Pateat etiam solutio ad confirmationem,* constat enim negandam esse maiorem. Dixi tamen, rationem illam peccati non esse analogicam secundum attributionem, quoniam vtrumque extremum scilicet peccatum commissionis, & omissionis, est intrinsece & simpliciter atque proprie peccatum.

AD QVARTVM difficile respondent, qui concedunt, auersionem in peccato esse priuationem nam ad consequentiam istam, in qua potissime sita est vis illius argumenti, *posita auersione ponitur peccatum & ea ablata auferitur, ergo auersio est essentia peccati:* quidam Respondent negando antecedens dicunt enim; quod etiam si per impossibile auferatur auersio à conuersione, erit ipsa conuersio mala, & peccatum, quoniam habebit obiectum contrarium rationi & virtuti.

Sed hoc falsum est, quoniam, vt conuersio sit peccatum, requiritur quod sit contra legem, vt colligitur ex definitione AVGVSTINI, & ex D. THOMA sed ablata omni auersione, non est contra legem, ergo neque peccatum. Item quia deuiatio à regula est intrinseca peccato: hæc autem non potest esse, neque intelligi, sine auersione, quoniam deuiare à regula est auerti ab ea.

Alij negant consequentiam, quoniam existimant sufficere ad veritatem antecedentis quod auersio consequatur necessario ad essentiam peccati, sicut etiam negatur ista, *posita visibilitate, ponitur homo, & ea ablata auferitur: ergo visibilis est essentia hominis:* quia satis est quod sit necessario consequens & comitans essentiam. *Sed hæc solutio est insufficiens,* quoniam tota essentia rei præsupponitur proprietatibus, quæ ad ipsum consequuntur, & potest intelligi sine eis, at vero essentia peccati non præsupponitur auersioni, neque potest intelligi sine ea;

Ideo aliter Respondetur, duo supponi in illo argumento, tãquam certa, quæ mihi videntur omnino falsa. Primum est, auersionem à lege, quæ est in actu peccati commissionis, tanquam in subiecto, consistere in priuatione: Alterum est, conuersionem ad obiectum dissonum legi, posse præscindi ad hac auersionem, vt vna ratio formalis specifica præscinditur ab alia; & ratio negandi primum est, quia (vt supra dicebamus) actus peccati non est subiectum priuationis rectitudinis, aut conformitatis cum lege, quia sæpe non est capax talis rectitudinis, aut conformitatis, vt cum est intrinsece malus: & priuatio supponit in vno subiecto capacitatem ad recipiendum formam oppositam, atq; adeo auersio, quæ est in actu peccati, vt in subiecto non

potest

potest consistere in priuatione alicuius rectitudinis aut conformitatis cum lege. Quod si aliquando D. THOMAS & alij doctores scholastici dicunt, auersionem esse priuationem huius conformitatis, non sunt accipiendi in sensu formali, sed in causali: nam quia ad actum auerentem à lege consequitur in subiecto auersio quædam priuatiua conformitatis cum lege, aut ordinis ad finem, ideo auersionem actus appellant priuationem; vel loquuntur de hac posteriori auersione neque tamen ex hoc sequitur, quod auersio priuatiua sit peccatum distinctum à positiua, quoniam est terminus eius. & pertinet ad peccatum habituale, quia reputatur idem numero in ratione peccati cum actuali, vt suo loco dicemus.

Ratio vero negandi secundum est, quia conuersio, quatenus respicit suum obiectum, est contraria legi, vt explicui in illatione deducta ex vltima conclusione; ergo sicut non potest præscindi ab ordine ad obiectum, quoniam ipsa est formaliter huiusmodi ordinata neque à contrarietate, & ex consequenti neque ab auersione contraria.

Confirmatur primo, quia obiectum specificans conuersionem est auersum obiectiue à lege, ergo etiam ipsa conuersio, vt specificata ab eo, est formaliter quædam auersio.

Confirmatur secundo, quia quando duæ voluntates sunt contrariæ ratione obiectorum, à quibus specificantur, sicut nulla earum potest præscindi ab ordine ad suum obiectum, ita neque à contrarietate cum altera: quare conuersio ista in sua ratione formali vltima includit, quod sit simul formaliter auersio contraria & conuersio, quoniam hoc conuenit ipsi ratione obiecti, à quo specificatur, & ideo dici potest *conuersio auersio*, quamuis cum comparatur ad legem, vel ad finem, dicatur auersio: & conuersio, cum comparatur ad obiectum.

Ex his sequitur solutio ad formam argumenti propositi, constat enim, posse negari vtramque præmissam ipsius; *maiores* quidem, quia in ea supponitur vt certum, auersionem, quæ est in peccato commissionis, esse priuationem; *minores* vero, quia in ea tribuitur auersioni, vt distinctæ à conuersione, constituere ipsam conuersionem in esse peccati: & ad id quod assumitur ad probationem *maioris*, scilicet, actum esse auersum à lege, non esse aliud, quàm non subijci, neque conformari ipsi, vel deuiare ab ea, aut esse inordinatum respectu eius, & hæc omnia importate priuationes aliquas, scilicet subiectionis, conformitatis, & ordinis:

Respondetur ista omnia posse contingere duobus modis, scilicet *contrario*, & *priuatiue*: & priori modo non consistere in priuatione sed in positiuo, quod est positiue contrarium legi, explicatur tamen illis nominibus priuatiuis quoniam priuationes sunt nobis notiores. Ad probationem vero *minoris* dico, supponi in ea falsum, scilicet, posse abstrahi auersionem à conuersione ad obiectum dissonum regulæ; quod non magis fieri potest, quam in motu locali separari recessum ab accessu; in quo possit fieri similis consequentia, nam acquisitio loci, nisi fiat deserendo alterum locum, non est motus localis; vt patet, cum res acquirit locum, quia producit in eo; & tamen esset similiter inualida, non enim concedimus, rationem formalem motus localis consistere in desertione loci. Quomodo vero non repugnet huic doctrinæ id, quod D. THOMAS dicit

quæst. sequenti, scilicet, conuersionem esse per se intentam à peccante, & non auersionem, explicabimus ibi.

Ad confirmationem, nego minorem, si auersio sumatur seorsim à conuersione, quoniam culpa non est quicunque defectus contra legem, sed voluntarius: & voluntas deficit à lege in peccato commissionis, quia conuertitur ad obiectum contrarium ipsi, & ad primam probationem illius minoris dico, quod culpa consistit in deuiatione contraria, & hæc non sequitur ad conuersionem, sed potius est ipsa conuersio.

Ad secundum respondetur, quod ratione conuersionis dicitur vnum peccatum grauius altero: ceterum sicut in peccato distinguitur grauitas essentialis ab accidentali: sic in conuersione distinguitur essentia, quæ consistit in ordine ab obiectum specificans, ab accidentibus, inter quæ connumeratur intensio; & ita ratione conuersionis minus intensæ potest vnum peccatum habere maiorem grauitatem essentialem, quam alterum.

AD QUINTVM, transeat antecedens, de quo dicendum est suo loco, & nego consequentiam; & ad probationem, concesso antecedenti, potest negari consequentia; quia non est necessarium quod fieri priuationis sit ipsa formaliter priuatio in fieri, sed potest esse aliquid positiuum, ad quod consequatur priuatio, vt cum ad remotionem luminosi, quæ fit per motum localem, sequuntur tenebræ, fieri tenebrarum non est formaliter priuatio luminis, sed motus localis positiuus; & similiter, cum ad assensum erroneum sequitur in intellectu priuatio veritatis, fieri huius priuationis non est formaliter priuatio veritatis, sed error positiuus, ita ergo dicemus ad positiuum, quod est formale peccati, consequi priuationem rectitudinis debere in esse personæ.

Neque obstant exempla, quibus probatur illa consequentia: *quoniam primum* non est ad rem, cum calor sit qualitas positiua: & in *secundo* supponitur falsum, scilicet productionem tenebrarum esse formaliter priuationem luminis, sumptam per modum actionis:

AD SEXTVM, respondetur, transeat antecedens, & nego consequentiam: & ad probationem, nego, quod malum morale, prout est formale peccati commissionis, contineatur essentialiter sub malo, quod opponitur bono transcendenti, imo sicut est ens reale, ita suo modo habet bonitatem transcendentalem, & reliquas passiones entis. Neque sequitur, quod sicut bonitas transcendentalis est in bonitate morali sicut passio entitatis, quæ est ei intrinseca; ita & malitia transcendentalis sit in malitia morali: quoniam bonitas transcendentalis cum sit proprietas entitatis, est inseparabilis ab ea, & ideo debet esse, vbicumque fuerit entitas: at vero malitia non ita comitatur entitatem; imo potius destruit eam, seu potius est ipsa formalis destructio eius.

Secundo respondeo, quod malum oppositum bono transcendenti sumitur dupliciter, scilicet pro malo simpliciter, & pro malo respectu alicuius, & de primo tantum est verum illud antecedens: non autem de secundo: quoniam id quod est in se ens, & bonum, potest esse alicui malum positiue, quia positiue est ipsi contrarium, & repugnans, vt constat ex vltimo argumento, quo probaui vltimam conclusionem.

AD VLTIMUM Respondetur, distinguendo antecedens, aut enim intelligitur de effectu artificiali; aut de actione artificiali, qua fit huiusmodi effectus; si priori modo sumatur, concedendum est, etenim non est ad rem, & ita negari potest consequentia: & ad probationem neganda est illa paritas inter actiones humanas, & effectus artificiales; nam actiones humanæ non mensurantur regulis morum nisi quatenus respiciunt sua obiecta, quæ sunt consona aut dissona ipsi regulis; at vero effectus artificialis immediate mensuratur regulis artis, & non quatenus importent ordinem ad aliquid aliud. Si vero illud antecedens sumatur *secundo modo*, negandum est: quoniam, malitia illius actionis consistit in ordine & coaptatione ad dandum effectui esse artificiale repugnans & dissonum regulis artis; circa quod vidēda sunt, quæ dixi de bonitate artificiali, supra qu. 18. art. 1. dubitatione 2. in solutione primi argumenti.

§. 9. Solvuntur argumenta secunda sententia.

AD PRIMUM SECUNDÆ sententiæ, Respondetur, quod ordo transcendentalis bene potest esse realis, quamvis eius terminus non existat actu, ut patet in potentij habitibus, & actibus.

AD SECUNDUM, respondetur, quod obiecta actuum humanorum dicuntur bona, aut mala, quatenus diversimodè referuntur ad rationem: at vero ipsi actus dicuntur boni aut mali, quatenus important ordinem positivum ad huiusmodi obiecta.

Secundo dico, quod etiam relatio conformitatis aut diffinitivæ ad rationem, quæ convenit actibus humanis, supposita specificatione morali, quæ sumitur ab obiectis, est relatio realis: quoniam ista relatio non convenit eis respectu rationis speculativæ, sed respectu rationis practicæ: & consequenter convenit eis non præcisè ut obiectis cognitis, sed ut regularis, & mensuratis per rationem, & relatio mentutabilis ad mensuram est relatio realis.

Circa solutionem ad quantum est

DUBIUM II.

Utrum omnes actus humani, qui sunt peccata, ideo sint peccata quia sunt aliqua lege prohibiti: an vero aliqui secundum suam naturam, & seclusa omni prohibitione sint peccata?

§. 1. Sensus questionis: Afferitur omne peccatum ideo malum moraliter, quia aliqua lege prohibetur.

VBI SUPPONIMUS ut certum, omnia peccata de facto esse prohibita aliqua lege, saltem naturali: & inquirimus, an habeant quod sint peccata præcisè in quantum sunt

contra legis prohibitionem: vel potius dentur aliqua, quibus secundum se conveniat esse peccata.

Ut autem intelligatur in quo casu habeat locum huiusmodi questio, *Adverte*, actus, qui sunt peccata, tribus modis posse sumi sine ordine ad legem: primo fingendo casum impossibilem, in quo nulla esset lex; secundo, considerando ipsos actus secundum suam naturam, & præcise per intellectum ordinem ad legem: tertio, considerando eosdem actus quatenus Deus scientia, quæ appellatur simplex intelligentia, cognoscebat eos ut possibiles, prius ordine rationis, quam actu voluntatis, aut præcepto intellectus prohiberet eos.

RESPONDETUR, omnes actus, qui sunt peccata, habere quod sint peccata, quia sunt prohibita aliqua lege, saltem naturali; ita tenet OKAM in 2. q. 19. in solutione tertij & quarti dubij & ALMAIN. ita. 3. moralium c. 15, & 16. qui & refert pro hac sententia, ALLIACENSEM, & quēdā ANDREAM DE CASTRO NOVO, & GERSONEM, qui ita sentit 3. parte,

tractatu de viâ spiritali lect. 1. corol. 10. & Victoria in lect. de eo, ad quod tenetur veniens ad vsum rationis. 2. p. n. 9. ubi inquit, oppositum nullo modo esse probabile; & probatur hæc sententia PRIMO testimonijs scripturæ, nam in primis PAULVS ad Romanos. 4. ut probet legem MOYSI non dare hæreditatem promissam filijs ABRAHÆ, inquit: *Lex enim iram operatur*, & statim ut hoc probet, subdit *ubi enim non est lex, nec prævaricatio* q. d. vel ex eo notū esse, legem operari irā, quod ubi non est lex aliqua præscripta, & constituta, ibi non possit reperiri prævaricatio; & contra, ubi est lex constituta, ibi est prævaricatio: & prævaricatio excitat Deum ad iram, hoc est, ad sumendum vindictam. Quod tamen argumentum nullas haberet vires si absque legis prohibitione possit reperiri peccatum: quia licet tunc non esset legis transgressio, quam aliqui distinguunt à peccato, & ut distinctam ab eo dicunt significari à Paulo nomine prævaricationis, tamen esset aliquid dignum ira & pœna, scilicet peccatum; quia ad rationem formalem peccati consequitur reatus, hoc est dignitas pœnæ, ut paulo inferius dicam. Item IOANNES in ep. 1. ca. 3. explicans quid sit peccatum, ita inquit: *Omnis qui facit peccatum, & iniquitatem facit, & peccatum est iniquitas* ubi per *iniquitatem*, intelligit id quod deviationem à lege seu id, quod est contra legē, ut colligitur ex voce; *ἀνομία* quæ eius loco ponitur in græco; & ex ipsa voce latina. Nam iniquitas appellatur, eo quod sit æquitati contraria, & æquitas significat æqualitatem lege præscriptam.

SECUNDO probatur testimonijs sanctorum, nam AUGUSTINVS in definitione peccati, quam in hoc articulo explicat D. THOMAS, expresse inquit, esse de ratione peccati, quod sit contra legem, & tomo 7. lib. 2. de peccatorum meritis & remissione, contra Pelagianos. cap. 16. in principio, ita inquit: *nam neque peccatum eris, si quid eris, si non diminui subeatur, ut non sis*: & tomo 6. lib. de fide contra Manichæos. cap. 10. dicit malam non esse naturam, sed aversionem à Dei præceptis; & DIVVS THOMAS in corpore huius articuli inquit, in definitione AUGUSTINI, esse contra legem, explicari id, quod est formale in peccato, & in solutione quarti, inquit quod cum dicitur,

non

non omne peccatum ideo esse malum, quia est prohibitum: intelligitur de prohibitione facta per legem positivam; si autem peccatum referatur ad legem naturalem, quæ primario est in lege æterna Dei, & secundario in naturali iudicio rationis create, tunc omne peccatum est malum, quia prohibitum: Item AMBROSIVS lib. de Paradiso c. 8. ex loco Pauli supra adducto colligit hanc definitionem peccati, *quid est peccatum, nisi legis prævaricatio.*

TERCIO probatur ratione, quia peccatum formaliter est malum morale: quia est malum, & non naturale neque artificiale; sed malum morale consistit formaliter in deviatione à regulis morum, sicut malum artificiale in deviatione à regulis artis & malum naturale in deviatione à regulis naturæ, quæ sunt inclinationes naturales; ergo in tantum habet aliquis actus, quod sit peccatum in quantum deuiat à regulis morum, quæ sunt leges.

ULTIMO, ad peccatum intrinsece, & secluso omni extrinseco, consequitur reatus pænæ, ut probat D. THOMAS infra quæst. 87. art. 1. sed seclusa prohibitione, non consequitur huiusmodi reatus, ut constat ex testimonio PAULI supra adducto; ergo seclusa prohibitione non potest reperiri peccatum.

§. 2. Sententia Scoti negativa proponitur.

CONTRARIAM sententiam sequuntur SCOTVS in 3. d. 37. quæst. unica §. Sed ista expositiones & §. ad quæstionem GABRIEL eadem dist. q. unica art. 2. conclusionem 2. & 4. & GREGORIUS d. 34. & tribus sequentibus q. unica art. 1. corollario 2. Aliqui etiam referunt pro hac sententia RICARDVM in 3. d. 37. circa primum principale q. 4. & DURANDVM in 1. d. 47. q. 4. numero 16. sed de istis non est tam apertum, quod eam sequantur; & probatur hæc sententia PRIMO quia ex nostra sententia sequitur, quod actus intrinsece malus, verbi gratia, odium Dei, posset fieri sine culpa, imo & quod posset fieri ab vno homine cum culpa, & ab alio sine ea; probatur sequela, quia Deus liber prohibuit huiusmodi actum, quoniam prohibitio, vel est actus voluntatis, vel includit eam; & omnis actus diuine voluntatis ad extra, est liber; ergo potuit Deus vel absolute non prohibere actum istum, vel prohibere eum tantum respectu quorundam hominum, & non respectu aliorum.

Confirmatur, quia etiam sequitur, quod Deus possit dispensare in omnibus præceptis decalogi, ita ut licite omittantur actus præcepti, & exerceantur prohibiti; probatur sequela, quia libere imposuit Deus huiusmodi præcepta, ita ut potuerit non imponere: ergo habet potestatem dispensandi in eis, sicut supremus legislator temporalis, ut rex, potest dispensare in legibus, quas adeo libere constituit, ut possit non constituere. SECVNDO, in Deo ante prohibitionem (siue sit solum actus voluntatis, siue sit actus intellectus, qui dicitur imperium, aut præceptum, & præsupponit actum voluntatis) præcedit ordine rationis in intellectu apprehensio obiecti prohibendi, & iudicium quo voluntati proponitur, conueniens esse prohibere huiusmodi obiectum: sed quando intellectus ita apprehendit, & proponit

odiam Dei, apprehendit ipsum ut malum, & iudicat esse malum moraliter; ergo ante prohibitionem est malum moraliter; probatur minor, *tum quia* alias voluntas diuina posset velle ipsum, sicut enim inter illa quæ sunt, nihil odit, nisi malum morale, & peccatum, iuxta illud, *nihil eorum odisti, quæ fecisti*: ita neque inter possibilia, *tum etiam quia* ideo intellectus iudicat prohibendum esse odium Dei naturæ rationali, quia cognoscit quid sit odium Dei, & comparat ipsum naturæ rationali, & iudicat malum esse naturæ rationali, ut rationalis est, quod habeat actum odij circa Deum: sed id, quod est malum naturæ rationali, in quantum est rationalis, est malum morale, ergo.

§. 3. Argumenta Scoti dissoluantur.

AD PRIMUM istorum respondetur, negando sequelam, & ad probationem, potest negari antecedens, cum CAJETANO infra q. 100. art. 8. quod ut rectius intelligatur, aduerse, dupliciter posse intelligi, ad prohibitionem illam requiri actum diuine voluntatis: nam aut intelligitur de actu formali, quo Deus velit non existere actum odium ipsius, aut de actu, quo solum velit esse malum tale odium, siue existat, siue non: & solum est verum, si intelligatur de hoc posteriori actu; sufficit enim voluntatem diuinam velle, quod odium ipsius sit malum in ordine ad finem creaturæ rationalis, ut quantum est ex parte ipsius voluntatis censetur prohibitum tali creaturæ; imo forte prior actus non potest esse simul cum permissione odij; & propterea D. THOMAS 1. p. q. 19. art. 9. ad 3. inquit quod Deus neque vult mala fieri, neque vult mala non fieri: sed vult permittere mala fieri; ad volendum autem quod odium Dei sit malum, & consequenter dignum pænæ, determinata est diuina voluntas ex sua natura.

Neque contra hoc obstat id, quo probatur illud antecedens, scilicet, omnem actum diuine voluntatis terminatum ad extra, esse liberum: quoniam hoc intelligi debet, quando actus comparatur ad existentias rerum; atque ita nos non dicimus voluntatem Dei esse determinatam ex sua natura ad volendum formali actu, quod odium ipsius existat, vel non existat; sed solum dicimus, esse determinatam ad volendum, quod si existit, sit malum, & peccatum.

Et ex his patet solutio ad confirmationem, nam negata sequela, dicendum est, ad eius probationem supponi in ea aliquid falsum, scilicet, Deum ita libere prohibuisse actus illos, ut potuerit non prohibere, hoc est non velle & decernere eos esse malos; & ad hoc reducenda est solutio, quam D. THOMAS assignat eidem argumento, infra q. 100. art. 8. ad secundum; & quam aliqui non intelligentes impugnant; ut illo loco dicendum est.

AD SECUNDVM, concessa maiori, neganda est minor, & ad primam probationem, neganda est sequela; & ad eius probationem negandum est, quod Deus possit velle quidquid non est malum morale, aut quod hoc possit non displicere ipsi; quando enim aliquid opponitur directe alicui ex diuinis attributis, quamuis non sit malum morale, non potest esse volitum à Deo, aut non displicere ipsi, quia sicut Dei voluntas est ex natura sua determinata ad

amandum eius attributa, sic etiam est determinata ad hoc, ut ipsi displiceat, quidquid eis opponitur directe, & ex consequenti ad hoc, ut non possit esse volitum ab ipsa, & ita non potest Deus velle falsitatem, vel falsitas est, quamvis sit sine culpa; quia repugnat primæ veritati, quæ est attributum ipsius.

Neque obstat illud testimonium: nihil odisti, &c. quoniam intelligitur de eis, quatenus à Deo facta sunt; ac vero illa, quæ opponuntur directe diuinis attributis, si considerentur quatenus habent talem oppositionem, non sunt à Deo; sed quatenus ratio entis est intrinsece inclusa in omni modo reali ipsorum; & ideo non concedimus Deum esse causam falsitatis, quatenus falsitas est; quia ergo odium Dei, etiam ut apprehensum à Deo, prius ordine rationis quam prohibito, opponitur directe summe bonitati, quæ est attributum Dei, quoniam odium formaliter respicit obiectum sub aliqua ratione mali, quæ repugnat summe bonitati; ideo neque illo modo potuit esse volitum à Deo.

Ad secundam probationem illius minoris, nego minorem, quia respectu naturæ rationalis, etiam ut rationalis est, potest aliquid esse malum in genere naturæ, & non in genere moris; sicut enim natura rationalis, quatenus distinguitur à carentibus ratione, potest perfici suis operationibus in genere naturæ, & in genere moris, ut explicui supra q. 1. art. 1. sic etiam oppositis harum operationum potest male se habere in utroque genere; & ita quoad potentiam propriam cognoscitivam, quæ est intellectus, male se habere in genere naturæ, quando aberrat à veritate, & similiter quoad propriam potentiam affectivam, quæ est voluntas, habet se male in eodem genere, quando aliter affectitur ad obiecta, quam postulant ipsorum naturæ; ut cum amat id, quod in genere naturæ est malum, aut cum odio prosequitur id, quod in eodem genere est bonum; & hoc modo potuit Deus prius ordine rationis, quam prohiberet odium ipsius, indicare esse malum naturæ rationali, ut rationalis est, & ex consequenti dignum ut prohiberetur ipsi.

Ex his sequitur, decipi eos, quid dicunt, quod in casu quo nulla esset lex neque creata, neque diuina, odium Dei esset peccatum, & non esset peccatum; quoniam absolute probauimus non posse reperiri peccatum, sine ordine ad legem. Neque concedendum est, quod tunc odium Dei auerteret à Deo moraliter, quia solum auerteret naturaliter sicut falsitas à prima veritate; neque caretet rectitudine debita, quia nulla esset lex, ratione cuius esset ei debita; neque esset iniuria Dei, quia licet esset contentum diuine voluntati, non esset contrarium ipsi ut legi, neque ratione alterius legis, sed solum ut inclinationi determinatæ ad amandum propriam bonitatem.

Circa solutionem ultimi, est

III. DVBIUM.

Verum peccatum ex eodem habeat, quod sit contra rectam rationem, & quod sit contra Deum? vel an peccatum eo ipso quod est contra rationem, sit etiam contra Deum?

§. 1. Tenuit pars affirmatiua vera.

RESPONDETUR, peccatum eo ipso, quod est contra rectam rationem, esse etiam contrarium æternæ Dei, & contra ipsum Deum, ut est finis naturalis: ita tenent CAIETANUS & CONRAD. hoc loco, & VICTORIA in relectione de eo, ad quod tenetur homo veniens ad vsum rationis 2. p. n. 8. & 9. Et est expressa sententia D. THOMÆ supra q. 19. art. 4. & infra q. 73. art. 7. ad 3. & probatur ratione ipsius; nam recta ratio est valde impressio quedam, & participatio legis æternæ, quæ est in Deo, imo & continet voluntatem Dei, sicut lex scripta voluntatem principis, iuxta illud ad Romanos 1. cum gentes, quæ legem non habent (scilicet scriptam) naturaliter, quæ sunt legis, faciunt iuxta modum legem non habentes: sibi ipsi sunt lex: qui offendunt opus legis scriptum in cordibus suis, testimonium reddentes illi ipsorum conscientia, ergo id, quod est contra rectam rationem, est etiam contra legem Dei; & ex hoc sequitur, quod etiam sit contra ipsum Deum, ut est finis naturalis, quia quod est contra legem dirigentem in aliquem finem, etiam est contra ipsum finem, constat autem quod lex æternæ, quatenus participatur in lumine naturali rationis, dirigit nos in Deum, ut est finis naturalis nostræ.

Verum aduertenda sunt duo; Primum est, quod peccata non sunt contraria Deo in seipso, quoniam Deo cum sit purus actus, nihil potest esse contrarium; sed ex parte affectus peccantur, ut inquit CAIETANUS, vel ex parte obiecti ad quod Deus inclinatur, & mouetur sua lege, ut superius dixi. Alterum est, quod hæc proprie intelligenda sunt de peccato mortali; nam de veniali dicimus infra, quia ratione dicatur esse contra legem, & contra Deum ut legislator est; & non ut est ultimus finis.

§. 2. Obiectio proponitur & soluitur.

SED CONTRA, ponamus aliquem scire, verbi gratia, furtum esse contra rectam rationem, & ignorare inuincibiliter esse contra Deum aut eius voluntatē, vel legem, quia ignorat inuincibiliter Deum esse, aut offendi illo actu; & arguatur sic, cum furatur, peccat contra rectam rationem; & non contra Deum, aut legem æternam; ergo non sequitur, peccatum esse contra legem Dei, ex eo, quod sit contra rectam rationem; Probo antecedens, quoad secundam partem, quia ut actus sit contra legem, requiritur & quod sit aliquomodo voluntarius, ut oppositus ipsi; sed in isto casu furtum non est aliquomodo voluntarium ut oppositum legi æternæ, aut Deo, quia ignorantia inuincibilis alicuius rei tollit voluntariū circa ipsam; ergo in isto

casu

calu furtum non est contra Deum, aut contra legem, quæ est in eo.

Ad hoc aliqui cum VICTORIA loco citato respondent, negando antecedens, quoad secundam partem; & ad probationem, dicunt, quod licet actus virtutis suapte natura tendit in ultimum finem, etiam si ab operante non referatur in eum: ita etiam actus malus suapte natura est contra Deum finem, & auertit ab eo, quidquid sit de cognitione & voluntate peccantis; & alij addunt, quod quia esse contra legem æternam, aut contra Deum finem naturalem, non addit actui nouam malitiam, præter eam, quam habet in quantum est contra rectam rationem: ideo, non postulat nouam rationem voluntarij, & consequenter satis est, actum aliquem esse voluntarium, quatenus est contra rectam rationem, vt etiam dicatur voluntarius, quatenus est contra legem æternam.

Sed mihi hæc solutio difficilis videtur, quia non intelligo, qua ratione possit aliquis violare legem quam ignorat inuincibiliter, cum ita se habeat talis lex respectu suæ voluntatis, ac si non esset. Neque exemplum fauet eis: quoniam qui exercet actum virtutis, quamuis non recordetur actu Dei, potest referre virtualiter actum illum in Deum, quia cognoscit ipsum, saltem implicite, quatenus cognoscit obiectum illius actus vt bonum partiale, & subordinatum alteri, & non vt somnium bonum, & ita vult ipsum. *Ideo aliter* respondetur, dupliciter posse aliquem cognoscere Deum, & legem æternam, scilicet vno modo *formaliter*, vt cum cognitio terminatur ad Deum, vel ad legem secundum se: alio modo *virtualiter* & implicite,

vt cum cognitio terminatur ad legem creatam, vt subordinatam superiori; & non determinando, an superior lex sit in Deo in particulari. Et quamuis possit dari ignorantia inuincibilis Dei, quæ opponatur priori cognitioni; non potest dari ignorantia inuincibilis, quæ opponatur posteriori, in eo qui cognoscit rationem humanam habere vim legis; quia sicut iste non potest ignorare inuincibiliter, quod ipse non est à se, sed habet esse participatum ab alio: ita non potest ignorare, quod sua ratio non sit prima lex, & prima regula; & ideo respicit ipsam vt subordinatam superiori, & consequenter cum peccat contra rectam rationem, etiam peccat contra legem superiorem; & consequenter dico, quod in calu impossibili, quo esset ratio humana, & non Deus: dicendum est cum VICTORIA loco citato non posse reperiri peccatum, imo neque malum morale, quidquid aliqui dicunt; & probatur, quia tunc ratio humana non esset lex, quia neque esset prima, neque secunda, & sine ordine ad legem non potest reperiri malum morale, vt dixi dubio precedenti.

ALIIQUI disputant hic, an peccatum, eo ipso, quod est contra rationem, sit contra Deum vt est finis supernaturalis; & è conuerso, an peccatum, quod est contra finem supernaturalem, sit etiam contra rationem naturalem. Sed de his dicemus in materia de gratia; & de secundo dixi aliquid in materia de Angelis; & aliquid dicam in materia de peccato originali.

QVÆSTIO LXXII.

DE DISTINCTIONE PECCATORVM VEL VITIORVM.

ARTICVLVS I.

Vtrum peccata distinguantur specie secundum obiecta?

CONCLUSIO est affirmativa.

§. 1. Peccatum commissionis formaliter constitui possit.

COMMENTARIVS.

CIRCA QUAM NOTA, ex ea colligi expresse secundum sententiam D. THOMÆ, formale peccati commissionis consistere in ordine positivo ad suum obiectum, vt dixi articulo precedenti; & probatur, quia id, quo formaliter distinguitur specie vna res ab alia, est

constitutiuum eiusdem in esse specifico, vt patet in omnibus differentijs specificis: sed ordo positivus ad obiectum est id, quo formaliter vnum peccatum distinguitur specie ab alio; ergo etiam est id, quo formaliter constituitur in esse specifico: Probatur *minor*, quia cum distinctio specifica sit intrinseca peccato, non potest sumi ab obiecto, nisi vt à termino suæ habitudinis. Eandem sententiam sequitur semper D. THOMAS, nam supra q. 18. art. 5. inquit, quod bonum & malum, si sumantur obiectiue, diuersificant per se species in actibus moralibus. & q. 19. art. 1. quod, bonum & malum in actibus voluntatis attenditur per se, secundum eorum obiecta; & sequenti art. 2. refert conclusionem huius articuli; & art. 6. ad 2. inquit, peccatum non sumere speciem ex parte auersionis, quæ est negatio, vel priuatio; sed ex parte conuersionis, & q. 72. art. 3. docet, grauitatem primam & præcipuam in peccatis attendi penes eorum obiecta, quoniam ab obiectis habent speciem.

AD HÆC testimonia, aliqui ex eis, qui defendunt oppositam sententiam, Respondent cum CONRADO hoc loco, D. THOMAM non loqui de peccato *formaliter*, quatenus est malum & peccatum; sed *materialiter*, hoc est quatenus est actus voluntarius; itaque in peccato iuxta istos duplex specificatio distingui potest, *altera* in ratione actus voluntarii, & *altera* in ratione peccati & mali moralis; & *prior* sumitur ab obiecto, *posterior* vero consistit in priuatione rectitudinis; & de *priori* loquitur D. THOMAS.

Sed hoc in se falsum est, ut probauimus quæstione præcedenti; art. ultimo; & valde alienum à mente D. THOMÆ, in locis citatis, quoniam expresse loquitur de speciebus boni & mali moralis, & de gravitate peccatorum, quæ sine dubio est gravitas malitiæ moralis; & non entitatis naturalis, ut præsupponitur malitiæ.

SED AVTHORES isti adducunt pro se varia testimonia D. THOMÆ, quæ lato refert CAPREOLVS in 2. dist. 34. quæst. 2. art. 1. & 3. ad quæ omnia responderi potest, quod quia ad conuersionem positionem, ex qua sumitur species peccati, sequitur in subiecto, hoc est in voluntate, auersio priuatiua, quæ consistit in carentia conformitatis cum præcepto, contra quod committitur peccatum, & in ea perficitur ratio mali, tanquam in termino, ut D. THOMAS docet infra quæst. 73. artic. 3. ad 2. ideo ipse Diu. THOMAS aliquando videtur constituere rationem mali in priuatione, imo & tribuere ei distinctionem inter peccata, quatenus mala sunt & præterea id etiam facit, quia sæpe notior est nobis distinctio inter auersiones priuatiuas, quam inter conuersiones. Et quamvis 2. 2. quæst. 6. art. 1. ad 2. dicat, deformitatem esse de ratione speciei actus, quatenus est actus moralis, & hanc deformitatem esse priuationem; non explicuit an ista deformitas pertineat ad speciem, ut constitutiva ipsius; vel ut consequens ad ipsum, per modum proprietatis; imò statim, quasi sentiens difficultatem huius solutionis, subiicit aliam his verbis; vel dicendum quod deformitas non solum importat priuationem debiti forme, sed contrariam dispositionem; unde deformitas se habet ad actum, sicut falsitas ad fidem.

§. 2. *Recessus à Dei lege, non est per se intentus à peccante.*

CIRCA id, quod D. THOMAS dicit in argumento, quo probat conclusionem, scilicet, inordinationem actus, quæ consistit in recessu à lege Dei, non esse per se intentam à peccante, & ideo non dare speciem peccato, est *dubium*, quia non quæstione præcedenti artic. ultimo, diximus auersionem, quæ est inordinatio actus, non posse præscindi à conuersione: ergo si conuersio est per se intentus, & specificat actum, etiam auersio quæ ita est ipsi intima, ut non possit ab ea præscindi.

Respondetur primo, consequentiam hanc esse nullam, & habere manifestam instantiam in recessu à termino à quo, respectu motus localis, ut ibidem explicuimus, & in conditionibus transcendentibus, quæ non possunt præscindi à differentiis

A specificis, & tamen non constituunt species inferiores, sicut ipsæ differentie.

Secundo Respondetur, D. THOMAM duo dixisse de auersione, seu inordinatione actus: *primum* est, non esse per se intentam à peccante, & ad hoc factus est, quod non moueat peccantem ad operandum, ut loco citato explicui: *alterum* est, quod magis sumitur species peccati à conuersione, quam ab ipsa, & ad hoc non est necesse, quod nullo modo sumatur ab auersione, neque hoc sequitur ex primo, ut ibidem dixi; quando vero D. THOMAS dicit, auersionem esse priuationem, & non dare speciem peccato, ut in principio huius articuli reuoli, non loquitur de hac auersione contraria, sed de priuatiua, quæ ad peccatum consequitur in voluntate.

ARTICVLVS II

Utrum distinguantur peccata spiritualia à carnalibus?

CONCLUSIO est affirmatiua.

COMMENTARIVS.

DIVISIONEM hanc inquit Diu. THOMAS in argumento sed contra colligit ex D. GREGORIO lib. 30. Moralium qui capite 26. distinguit in viro continente duplex certamen, quorum *alterum* appellat spirituale, quoniam assumitur contra vitia spiritualia, & *alterum* carnis, quoniam in eo contra carnis incentiua pugnatur, & c. 31. ita inquit: *ex quibus videlicet septem peccatis quinque spiritualia, duosque carnalia sunt*: eandem tradit CASSIANVS collatione 5. cap. 4. Est autem ADVERTENDVM circa eam, quod cum vitia carnalia dicantur à carne, & caro inter varias acceptiones, quibus in scriptura solet usurpari (quas idem CASSIANVS refert collat. 4. c. 10.) interdum sumatur pro ipso homine, ut etiam Diu. THOMAS ad 1. refert ex AVGVSTINO lib. 14. de ciuitate cap. 2. & 3. & interdum pro tota deprauatione relictæ in natura humana ex peccato originali, quæ iuxta sententiam PAVLI ad Galatas 5. concupiscit aduersus spiritum; ideo omnia peccata possunt dici carnalia; & ita à PAVLO loco citato, & ad Romanos 8. appellantur *opera*, & *falsa carnis*, omnia illa, ad quæ caro inclinat aduersus spiritum, inter quæ continentur multa, imo & referuntur ab ipso PAVLO, quæ hoc loco comprehenduntur sub peccatis spiritualibus: Verum hic specialiter quædam peccata dicuntur *carnalia*, suntque illa, quorum delectatio consummatur in sensu tactus, sumendo tactum late, ut comprehendit etiam gustum, qualia sunt luxuria, & gula; peccata vero *spiritualia* dicuntur, quorum delectatio consummatur in alijs potentijs, tam cognoscitijs, quam appetitijs. Ratio autem nominum est, quod ceteræ potentie spirituales sunt gustu & tactu, quoniam à longe percipiunt sua obiecta, & sine immutatione physica.

SED QUÆRES an diuisio ista sit specifica? Respondetur negatiue, quia licet peccata carnalia semper differant specie ab spiritualibus: non differunt per esse carnalia, aut spiritualia, tanquam per differentias essentielles; siue subalternas, siue infimas; cuius rationem assignabo art. 4. huius questionis.

Hic disputant aliqui, an in demonibus possint esse peccata carnalia? sed de hoc dixi. 1. p. q. 51. & q. 63. art. 2. ubi D. THOMAS de eo agit.

ARTICVLVS III.

Verum peccata distinguantur specie secundum causas?

CONCLUSIO. Non distinguuntur secundum causas actiua vel motiua: sed solum secundum diuersitatem causæ finalis.

§. 1. Argumenta contra conclus. D. Thomæ.

SED CONTRARIAM argumentor prima, quia respectu voluntatis nullum est principium mouens, præter finem: quoniam nihil mouet ipsam, nisi quia volitum alio actu; aut quia est id cuius gratia aliquid fit; ergo male separauit D. THOMAS causam motiuam à finali, & coniunxit eam cum efficiente.

Secundo, peccata sunt quidam actus humani: ergo sumunt speciem, & consequenter distinctionem specificam à principio actiua; probo consequentiam, tum quia actus humani essentialiter sunt actiones, & propria ratio actionis consistit in ordine ad agens; tum etiam quia D. THOMAS supra q. 1. art. 3. docet expresse, actus humanos conuenire cum alijs actionibus in hoc, quod etiam sumunt speciem à principio actiua.

Confirmatur, quia si peccata non sumunt speciem à principio actiua, ergo neque à fine: probatur consequentia, quia, (vt D. THOMAS docet loco citato) finis est principium actuum humanorum.

TERTIO, cum quis vult interficere alterum, vt furetur res eius bona, furtum habet rationem motiui, quia homicidium est obiectum; & tamen dat illi actus speciem, quoniam volitio illa habet malitiam furti; ergo etiam à motiua possunt peccata sumere speciem.

Vltimo, peccata distinguuntur specie per sua obiecta, vt diximus articulo vltimo questionis præcedentis; & D. THOMAS docet art. 1. huius questionis; ergo non distinguuntur per causas finales.

Ad hoc respondet D. THOMAS hic ad secundum, negando consequentiam; quoniam obiecta, quatenus comparantur ad actum interiorem voluntatis, habent rationem finis.

Sed contra, quia peccata non distinguuntur specie per sua obiecta sumpta materialiter, hoc est, quatenus sunt bona quædam vtilia, vel delectabilia, siue vera, siue apparentia: sed sumpta formaliter, hoc est, quatenus important distinctos modos oppositionis cum recta ratione; constat au-

tem, quod, si ita sumantur, non possunt habere rationem finis, quoniam finis est cuius gratia aliquid fit, & nemo intendens ad malum operatur.

§. 2. Fundamenta quibus declaratur conclusio.

SED HIC non obstantibus Conclusio D. Thomæ est vera, ad cuius explicationem, & solutionem argumentorū, ADVERTENDVM est PRIMO, per motum voluntatis intelligi omne id, quod est quasi dispositio mouens, & inducens voluntatem, vt se applicet ad peccandum talem actum in particulari; siue moueat vt volitum alio actu (vt cum quis vno actu amat vxorē inordinate, & ab isto amore mouetur ad volendum alio actu aliquid, quod est illicitum, propter eam sic amaram) siue vt volitum eodem actu, tanquam finis obiecti proprii illius actus, vt cum quis vult interficere alterum, vt furetur eius bona: & ideo nomine motiui, non solum significantur illæ causæ generales omnium peccatorum, quas D. THOMAS refert in 3. argumento, scilicet timor male humilians, & amor male inflammans, ex AUGUSTINO supra psalmum 79. & GREGORIO 31. moralium cap. 3. & alix tres sed, IOAN. 2. scilicet, concupiscentiam carnis &c. sed etiam comprehenditur, quicumque finis operantis, prout distinguitur à fine proprio, vel obiecto operis: quia etiam iste finis habet rationem motiui respectu voluntatis sicut illæ causæ generales, licet non moueat ad tot genera peccatorum.

SECUNDO ADVERTE, quod (vt explicui supra q. 1. art. 3.) D. THOMAS duplex constituit principium specificationis cuiuscumque actus, alterum effectiuum; & alterum formale, aut quasi formale; primum est id, quod producit efficienter ipsum actum; secundum voco, terminus, vel obiectum actus; constituit autem hoc loco discrimen istud inter actiones naturales, & liberarum: quia naturales specificantur à suo principio, prout est in actu per suam formam naturalem; liberæ autem specificantur à suo principio, prout est aliquo modo in actu per obiectum apprehensum; & ratio huius discriminis est, quia agentia naturalia per suas formas sunt sufficienter in actu determinato respectu suarum operationum: voluntas autem, constituitur in actu, respectu suæ operationis (saltem quoad specificationem) per apprehensionem sui obiecti, siue talis efficientia concurrat efficienter, siue solum determinando per modum finis; ita tamen constituitur in actu per hanc apprehensionem, vt non determinetur ad vnum, sed ipsa se determinet, & moueat libere, in quo differt ab appetitu sensitiua.

TERTIO ADVERTE, quod, quamuis non solum constituatur isto modo in actu per finem proprium actionis, siue obiectum, sed etiam per finem operantis, & per quodcumque motiuum distinctum ab obiecto: tamen hoc est discrimen, quod per motiuum non constituitur determinate in actu, sed manet determinabilis, & indifferens ad volendum plura obiecta, propter ipsum motiuum; vt, amore diuitiarum potest aliquis moueri ad committendum

simoniam, furtum, homicidium, & alia genera peccatorum: at vero per obiectum, siue finem proprium actionis, constituitur voluntas determinate in actu quoad specificationem: non quia necessitate, sed quia ita constituitur in actu, ut non moueatur ad volendum alia.

VLTIMO aduerte, quod D. THOMAS non negat, motuum dare aliquando speciem actui, quia nullum det: sed quia non dat propriam, in qua vnum peccatum distinguitur ab alio, sed communem distinetis peccatis: in enim quis ut fruatur vxore alienius, interficiat eum, & furetur ea, quæ ipsa petit, & iuret falsum contra aliquem: tunc in omnibus istis actibus est species luxurie; cæterum non est propria alicui eorum, sed communis omnibus: & præter eam habet vnusquisque istorum actuum aliam speciem propriam in genere moris, scilicet homicidij, furti, &c. & similiter in actibus bonis, si quis propter motuum charitatis exerceat actus diuersarum virtutum, in omnibus erit bonitas charitatis ut communis: & præter eam habebit vnusquisque bonitatem suæ virtutis ut propriam.

§. 3. Dissoluntur argumenta contraria.

AD PRIMUM, concesso antecedenti neganda est consequentia, quia D. THOMAS non ideo distinguit causam motiuam à finali, quia non sit finis, sed quia mouet ad appetendum ipsum finem proximum, siue obiectum actus; coniungit vero eam cum causa actiua, quia suo modo constituit in actu causam actiuam, scilicet voluntatem.

AD SECUNDUM, concesso antecedenti, distinguendum est consequens, si enim intelligatur de principio actiui determinatio ad certam speciem peccati, potest concedi consequentia; si autem intelligatur de principio indifferente ad plures species, debet negari, & motuum prout distinguitur à fine proprio, vel obiecto operis, est indifferens, quantum est de se, ut explicui in tertio notabili.

Ad Confirmationem respondetur, Dña. THOMAM ibi loqui de fine operis, quem hoc loco ut dixi distinguit à motiua.

AD TERTIUM patet solutio ex ultimo notabili.

AD VLTIMUM, respondetur, optimam esse solutionem D. THOMÆ, & ad obiectionem contra eam propositam dico, quod per suum non intelligit obiectum motiuum; sed terminatum; hoc enim, quatenus terminat actum voluntatis, & est eo volitum, appellatur finis eius, & potest specificare ipsum, saltem quantum ad malitiam, quia malum ex quocumque defectu. Quomodo vero obiectum sumptum formaliter, ut distinetur recte rationi, potest dici volitum, explicui satis art. 1. huius quæstionis.

ARTICVLVS IV.

Virum peccatum conuenienter distinguitur in peccatum in Deum, in seipsum, & in proximum?

CONCEPITO, Est affirmatiua.

§. 1. Distinctionem hanc essentialiter esse, & in species subalternas.

QVIA HABET fundamentum in scriptura, nam peccati in spiritu sancto sit mentio. Lucæ. 12. et autem, qui in spiritu sancto blasphemauerit, non remittetur ei: de peccati in proximum, Mathæi. 18. sic & pater meus celestis faciet vobis, si non remiseritis vnusquisque fratri suo de cordibus vestris: & peccati in seipsum: ad Corinthios 6. qui fornicatur, in corpus suum peccat:

SED CIRCA eam aduertendum est primum, quod quamuis omnia peccata generali quadam ratione sint contra Deum, in quantum sunt contra legem Dei, quæ habet ut ordinate nos habeamus erga ipsum, erga proximos, & erga nos; atque etiam omnia sunt contra ipsum peccantem, qui sunt contra eius bonum, in quantum sunt contraria ipsius naturæ: tamen quedam peccata peculiariter habent denominationes ratione suorum oblectamentorum, & ratione virtutum, quibus opponuntur; nam quia ex virtutibus quedam disponunt nos ut recte nos habeamus in ordine ad Deum, quales sunt tres theologales, & religio, & penitentia; quedam ut recte nos habeamus in ordine ad proximum, ut iustitia; & denique alie, ut recte nos habeamus in ordine ad nosipsum, ut temperantia, & fortitudo; ideo etiam peccata, quatenus opponuntur his tribus generibus virtutum, diuiduntur in peccata in Deum, in proximum, & in nosipsum, estque diuisio ista sufficiens, ita ut comprehendat omnia genera peccatorum: quoniam tunc homo seruat rectitudinem, ad quam lege Dei obligatur, cum bene se habet, & prout oportet ad Deum, ad proximos, & ad seipsum. ut D. BERNARDVS in libro sententiarum moralium, & in declamationibus super illud Evangelij ecce nos reliquimus omnia, probat, ex illo ad Titum. apparuit gratia Deo credenti tui, ut sebris, pie, & iuste viuamus in hoc seculo; sebris in ordine ad nos, pie, in ordine ad Deum; & iuste in ordine ad proximum; & ex illo Michæ. indicabo tibi bonum, quid sit bonum, & quid Dominus requirat à te; virque facere iudicium, diligere misericordiam, & solummodo ambulare cum Deo suo. vbi summa eorum, quæ Dominus ab homine requirit, constituitur in his tribus.

NEQUE OBSTAT illud psalmi 50. tibi peccata mea quamuis DAVID peccatis suis læserit proximum, scilicet VARIAM; tamen vere potuit dicere, se solum peccasse contra Deum, vel propter rationem illam generalem, secundum quam omnia peccata dicuntur contra Deum; vel (sicut exponunt CHRYSOSTOMVS & EUTHIMIVS) quia cum esset Rex, non habebat superiorem, præter Deum,

cutus legem violaret, cum peccauit, & à quo puniri posset; vel etiam (vt alij opponunt) quoniam David sic occultauit seruis suis propria crimina, vt neque Iosab cognouerit causam mortis VRIB, & soli Deo fuerit nota; ita vt sensus sit, solus fuisse conscius meorum criminum; vt videtur exponi verbis sequentibus, *Et malum coram te feci.*

Secundo aduerte, diuisionem hanc esse essentialem, & specificam, quod vt D. THOMAS expresse docet in fine articuli: & probat euidenti ratione, nempe, quia sumitur ex parte obiectorum, quod ita explicari potest; obiectum, à quo specificatur peccatum, si formaliter sumatur, est aliquid dissonum recte rationi, aut legi Dei: ergo distinctio peccatorum, quæ sumitur ex diuersa dissonantia aut deniuatione à lege Dei, sumitur ex parte obiectorum formalium: Cæterum diuisio ista, quamuis sit specifica, non est in species infimas, sed in subalternas; quoniam sub quocumque membro ipsius continentur peccata specie distincta.

Ex his sequitur, diuisionem peccati in carnale, & spirituale, de qua egit D. THOMAS art. 2. non esse essentialem, & specificam; sed accidentalem, vt ibidem dixi; probatur, quia quilibet istarum diuisionum est adequata respectu peccati, ita vt contineat totam latitudinem peccatorum, vt constat ex ijs, quæ diximus; & præterea, quilibet earum, est subalterna, & non infima, cum sub veriusque membris contineantur diuersæ species peccatorum: & tamen neutra est subdivisio alterius, quia sicut quædam peccata spiritualia sunt peccata in Deum aut in proximum ita è cōuerso, quædam peccata in Deum aut in proximum sunt spiritualia, & ex consequenti mutuo mēbravniis continentur sub membris alterius: ergo tantum vna eorum potest esse essentialis: quia impossibile est diuidi idem genus duabus diuisionibus, quarum quævis sit adequata & essentialis, nisi vna sit subdivisio alterius; cum ergo constet ex ijs, quæ paulo superius diximus, eam diuisionem, quæ traditur in hoc articulo, esse essentialem: sequitur alteram non esse essentialem sed accidentalem.

§. 2. Soluitur quædam dubitatio, de diuisione peccatorum in carnalia & spiritualia.

SED CONTRA, diuisio peccati in carnale & spirituale, sumitur ex obiectis distinctis, non solum materialiter, sed etiam formaliter, & in genere moris: ergo est specifica: consequentia patet ex doctrina D. THOMAS art. 1. huius quæstionis; & antecedens probatur, cum quia, obiecta, scilicet delectatio carnalis, & spiritualis, habent diuersas deformitates, cum etiam quia virtutes, quæ inclinant ad seruandum medium rationis in delectationibus carnalibus, habent obiectum distinctum formaliter, & quantum ad conformitatem cum regula ab obiecto virtutum disponentium ad seruandum medium in delectationibus spiritualibus, quia diuersa est regula in vtrisque delectationibus, ergo & peccata opposita his virtutibus habent obiecta repugnantia diuersimode regulæ rationis, & ex consequenti distincta formaliter.

AD hoc aliqui respondent, distinctionem inter peccata carnalia & spiritualia non sumi ex obiectis, sed ex modo peccandi, aut ex causa peccatorum, scilicet apprehensione obiecti delectabilis:

A quoniam hæc apprehensio interdum fit concurrente quadam naturali immutatione organi, & coniunctione ipsius obiecti, vt in gustu & tactu, & interdum sine ea: at vero distinctio, quæ sumitur ex causis peccatorum, non est specifica, vt D. THOMAS docuit articulo præcedenti.

Sed hæc solutio repugnat doctrinæ D. THOMAS, qui supra q. 31. art. 3. ad 1. vt explicet, quæ ratione delectatio carnalis differat specie ab spirituali, quamuis distinctio inter eas sumatur ex illa diuersitate apprehensionis, inquit, eos distinguere ex parte obiectorum, quatenus diuersitas apprehensionis pertinet aliquo modo ad diuersitatem obiecti.

Ideo aliter Respondetur, supponendo, quod quamuis delectationes, vt sunt obiecta horum peccatorum, differant inter se specie, non solum in genere nature, sed, etiam in genere moris, vt in materia de Angelis probaui contra SCOTVM, qui omnem nimiam delectationem vult reducere ad luxuriam, tamen distinctio in genere moris non conuenit eis, quia distinguuntur in hoc quod est esse carnales & spirituales, aut propter diuersos illos modos apprehensionum: sed quatenus consequuntur ad operationes distinctas specie, & diuersimode regulabiles à ratione prohibente eas; quoniam lex aut recta ratio non respicit delectationes, quatenus percipiuntur hoc vel illo modo, sed quatenus consequuntur ad hanc vel illam operationem, cui per se conuenit oppositio cum bono rationis: & ita delectationes in quantum carnales aut spirituales non habent quod sint malæ moraliter, sed quia consequuntur ad operationes malas, & reducuntur ad eam speciem mali, ad quam pertinet ipsæ operationes.

Et hoc supposito ad argumentum in forma negotii antecedens, & ad primam probationem dico, quod delectationes malæ carnales & spirituales non habent diuersas deformitates, aut dissonantias à recta ratione, quia sunt carnales & spirituales: sed quia consequuntur ad operationes habentes distinctas deformitates ratione suorum obiectorum, & idem proportionaliter est dicendum ad secundam.

ARTICVLVS V.

C Vtrum diuisio peccatorum, quæ est secundum reatum, diuersificet speciem?

PRIMA CONCLUSIO, Differentia quæ sumitur ex reatu pænæ non potest constituere diuersitatem speciem.

SECUNDA CONCLUSIO, Non est necessarium distinguere specie peccatum mortale, à veniali quamuis mortale inducat reatum pænæ æternæ, & veniale inducat reatum pænæ temporalis.

COMMENTARIVS.

ISTÆ CONCLUSIONES, & alia, quæ D. THOMAS dicit de distinctione inter peccatum mortale & veniale, commodius explicabuntur infra q. 87. vbi D. THOMAS agit de reatu pænæ & q. 88. vbi

agit de distinctione inter peccatum mortale, & veniale. Soli est hic a bystativum, quod aliqui cum CONRADO intelligunt titulum de doctrinam huius articuli de distinctione in particulari inter peccatum mortale & veniale, quæ sumatur ex diversitate actuum; sed deceptus, quoniam D. THOMAS tradit doctrinam generalem, ut recte intellexit CATERANUS, quamvis ex ea colligat, quid sit dicendum in particulari de distinctione inter peccatum mortale & veniale.

ARTICVLVS VI.

Verum peccatum commissionis & omissionis differant specie?

PRIMA CONCLUSIO. Si omisso & commissio considerentur materialiter, sive in genere naturæ, differunt inter se specie, eodem modo quo distinguuntur laus & crimino.

SECUNDA CONCLUSIO. Si tamen considerentur formaliter, hoc est secundum ordinem ad finem proprium, quod est obiectum proprium: non differunt specie, quia ad idem ordinantur, & ex eodem motivo procedunt.

COMMENTARIVS.

IN hoc articulo, non agit D. THOMAS de omissione secundum se, quoniam sic agit de eart. 4. questionis precedentis: sed solum de distinctione eius à commissione; & ita nos solum dicemus de distinctione peccati in omissionem & commissionem.

Circa quam est

I. DVBIVM.

Verum sit sufficiens, ita ut nullum reperitur peccatum, quod non sit omisso vel commissio?

§. 1. Sententia negatiua.

PARTIM negatiua sequutus est quidam D. THOMAS CISTERCIENSIS, ut refert ALMAHUS tract. 3. moral. cap. 26. qui etiam reputat eam probabilem, quamvis dicat esse probabiliorum oppositam, & expresse sequitur eam ANGELVS in moralibus cap. 1. §. possibile confesio: ut vero iste probent hanc sententiam, ut proponit, conatum, voluntatis ad producendum suum actum distinctum ab ipso actu, & esse priorem eo: quoniam cum conatus iste non sit aliud, quam quidam nihil voluntatis ad producendum actum, non potest esse ipse actus, & necessario debet precedere eum tanquam eius causa; & propter eandem rationem conatus ad descendendum lapidem, distinguitur à motu delationis, & est prior eo. Quod posito, sic argumentatur, potest contingere, quod voluntate conante ad producendum in seipsa a-

ctum malum, v. g. voluntatem liberam furandi, non producat eum; ergo potest dari peccatum, quod neque sit commissio, neque omisso; consequens patet, quia in casu antecedentis voluntas peccat, quia conatur liberè ad actum malum; & tamen peccatum suum non est commissio, quia non est actus; neque omisso, quia non est contra præceptum affirmativum; & antecedens probatur, quia potest superari conatus voluntatis à resistentia alicuius causæ, vel habitus inclinantis ad oppositum; aut saltem Deus potest non concurrere cum voluntate ad illum actum, sicut potest non concurrere ad motum lapidis cum eo, qui conatur mouere ipsum.

§. 2. Esse adequatam distinctionem peccati in commissionem & omissionem, quoniam conatus est actus.

SED NIMIS LONINVS dicendum est, distinctionem hanc esse sufficientem & adequatam probatur, quoniam peccare, est transgredi legem, ut constat ex ijs, quæ diximus art. 6. questionis precedentis; sed tantum duobus modis potest violari lex, scilicet, quia sit aliquid, vel lex prohibet, quod est committere contra legem aut quia non sit, quod ipsa præcipit, quod est omittere; ergo tantum his duobus modis cõtingit peccare. Item cum conatus ille non sit actus rationis, est ens reale; & cum interdum sit in voluntate, & interdum non sit; erit aliquid distinctum, saltem ex natura rei à voluntate; & cum non sit effectus ab alio, quam à voluntate, aut producat eum ab eo medio alio actu, aut erit actus immediate procedens à voluntate; neutrum autem potest dici; quia quæ ratione concedendum est, quod vel ille alius actus, qui præsupponitur conatui, vel ipse conatus, est actus, & non distinguitur à conatu quo producit, ut dicitur procul in infinitum. poterit idem concedi de quocunque alio actu libero voluntatis, atque prout ad nullam voluntatem aut nolitionem esse necesse ponere conatum distinctum.

§. 3. Soluitur argumentum contrariæ sententiæ.

ET AD argumentum Respondetur, conatum voluntatis ad volendum, aut nolendum aliquid, non esse aliud, quam ipsam voluntatem, aut nolitionem; & ideo non minus repugnare, conati voluntatem ad producendum aliquam voluntatem, & non producere eam: quam velle & non producere voluntatem. Oportet autem distinguere voluntatem reflexam (v. g. actum, quo quis vult, ut desiderat elicere actum contritionis) à conatu: nam volens illa reflexa, non est conatus ad producendum actum contritionis; & dato quod esset conatus, nihil probaretur contra nos argumentum propositum, quoniam volitio aut desiderium producendi voluntatem furandi, quamvis productio secundæ voluntatis impeditur, esset peccatum commissionis.

II. DVBIUM EST,

Vtrum peccata commissionis & omissionis differant specie in genere moris?

§. 1. Sententia negans Caietani.

VBI NON INQUIRIMVS, Vtrum aliquando differant specie, de hoc enim nulla potest esse dubitatio, vt statim dicemus: sed an distinguatur specie cōueniat eis per se, in quantum sunt commissio, & omisio: atque adeo nunquam possunt esse eiusdem speciei? In hoc sensu placet CAIETANO & alijs pars negatiua, quæ probatur PRIMO testimonio D. THOMÆ, in secunda conclusione, & Confirmatur, quia si differunt specie, maxime, quia opponuntur distinctis præceptis, scilicet affirmatiuo, & negatiuo; & tamen D. THOMAS in solutione secundi docet, hoc non sufficere.

SECUNDO probatur ratione, quando omisio & commissio opponuntur eidem virtuti, potest reperiri in eis inordinatio eiusdem rationis; ergo tunc ratio formalis peccati in eis est eiusdem speciei; consequentia patet, quia cum ratio formalis peccati in genere moris cōsistat in inordinatione, vbi inordinatio fuerit eiusdem speciei, etiam ratio formalis peccati erit vna secundum speciem; antecedens vero probatur, quia inordinatio peccati consistit in hoc, quod destruit rectitudinem virtutis, sed quando omisio & commissio opponuntur eidem virtuti, possunt destruere non solum eandem rectitudinem, sed eodem modo; vt furtum, & omisio restituendi id, quod furto acceptum est, destrunt eodem modo rectitudinem iustitiæ, quia faciunt eodem modo inæqualitatem; ergo potest reperiri in eis inordinatio eiusdem rationis.

VLTIMO, omisio & commissio possunt conuenire in eodem motiuo aut fine; ergo etiam possunt conuenire in specie morali, quæ sumitur ab illo motiuo vel fine; consequentia patet, quia sicut à fine sumitur species moralis, ita ab eodem fine sumetur eadem species moralis, & antecedens probatur, quoniam avarus propter motiuum auaritiæ, potest rapere aliena, & non dare quæ v.g. præcepto Eleemosynæ debet dare pauperibus.

Confirmatur, quia si duo peccata commissionis ordinentur à peccante ad eundem finem, conueniunt in specie morali, quæ sumitur ex illo fine; vt patet, cum quis propter inanem gloriam mentitur & prodige effundit bona sua; ergo idem dicendum est de omissione, & commissione in nostro casu.

§. 2. Resolutio quæstionis: Differre specie, quando viraque secundum se est peccatum.

PRIMA CONCLUSIO; peccata commissionis & omissionis per se, & in quantum talia peccata, differunt inter se specie in genere moris, ita ut habeant

A malitias morales specie distinctas, dummodo vnicuique eorum secundum se et proprie conueniat esse peccatum; vbi propterea adiungo limitationem hanc, quoniam aliquando non solum omisio, sed etiam commissio secundum se sumpta, non est peccatum, & consequenter tunc non potest vna distinguab altera in ratione peccati, vt dicam in solutione primi. Probatur ista conclusio, quia ratio formalis omissionis, quatenus est peccatum, consistit in priuatione actus debiti; ratio vero formalis commissionis, quatenus est peccatum, consistit in ordine positivo ad obiectum dissonum rectæ rationi: ergo omisio & commissio, quatenus sunt peccata, habent rationes formales distinctas specie; antecedens patet ex ijs, quæ diximus quæstione præcedenti art. 5. & 6. & consequentia probatur, quia priuatio, & ens posituum non possunt conuenire specie.

Dices, hoc argumento solum probari, quod differunt in genere naturæ, non tamen quod differunt in genere moris.

Sed contra, quia ratio peccati pertinet formaliter ad genus moris: ergo si omisio & commissio differant quoad rationem formalem peccati, bene sequitur, quod differant in genere moris. Item, quia licet ordo ille non habet rationem materialis respectu commissionis, quatenus est in genere moris, sed potius est eius ratio formalis; ita dicendum est de priuatione respectu omissionis.

Secundo probatur conclusio, quia malitia moralis consistit in oppositione cum virtute, aut cum bono rationis; sed omisio & commissio opponuntur ipsi diuersimode; ergo habent distinctas malitias morales; probatur minor, quia omisio cum sit priuatio, non potest opponi nisi priuatiue; commissio vero habet oppositionem contrariam.

Ex hac conclusione sequitur primo, peccata commissionis & omissionis semper distinguuntur specie, siue opponantur diuersis virtutibus, siue opponantur eidem virtuti; Probatur, quoniam rationes formales istorum distinguuntur specie, vt patet ex conclusione; ergo semper & vbiunque reperiuntur, debent esse distinctæ secundum speciem.

Confirmatur exemplis, nam omisio sacri est contra religionem & commissio furti contra iustitiam; & differunt inter se specie; & contra eandem virtutem religionis distinguuntur specie omisio, & commissio dicendi sacrum irreuerenter, aut in peccato mortali; & contra virtutem charitatis omisio dilectionis actualis, siue Dei siue proximi, quando præceptum obligat ad eam, & commissio odij actualis.

Secundo sequitur, quod si quis peccauit mortaliter omittendo, & committendo etiam contra eandem virtutem, vt in exemplis propositis, non satisfaciet præcepto confessionis; si confiteatur se peccasse bis contra virtutem religionis, aut charitatis, sed tenebitur dicere, se peccasse tali peccato omissionis, & commissionis; probatur, quia tenemur explicare in confessione omnes species distinctas peccatorum mortalium, & non est satis confiteri numerum; & propter eandem rationem, si quis, cum tenetur actu diligere Deum, simul omittat actum istum, & habeat actum odij,

tenebitur

tenetur utrumque confiteri.

SECUNDA CONCLUSIO, *peccata ista non distinguuntur specie, ut species infima, sed ut genera*; probatur, quoniam sub unoquoque eorum continentur peccata diuersarum specierum.

SED OBJICIET quod D. THOMAS 2. 2. q. 79. artic. 2. docet, commissionem & omissionem distinguere specie, & loquitur de specie infima; quod probatur, quia de commissione, (quam ibi significat nomine transgressionis) & docet distinguere ab omissione, dicit expresse in corpore illius articuli, esse speciale peccatum: quod tamen non posset dici, si non esset species infima; & in solutione tertij dicit, transgressionem, quæ potest reperiri in omnibus peccatis commissionis, importare quandam rationem specialem, & distinguere ab omissionem.

Respondetur, quod commissio & omisio, etiam in genere moris, & prout sunt peccata, atque adeo contra legem, possunt dupliciter considerari; primo quatenus sunt contra id, quod est debitum ratione legis, non tamen ex intentione expressa peccantis: ut cum quis exercet actum prohibitum lege, aut omittit præceptum, non ea intentione, ut faciat contra legem, sed quia est sibi utile, aut delectabile; Secundo, quatenus sunt contra legem, ex intentione expressa peccantis; ut cum quis peccat ea intentione, ut sit contrarius legi, & eius debito; vel in contemptum legis; si primo modo considerentur, non sunt specialia peccata, sed important rationes quasdam communes alijs peccatis distinctis specie, & ita loquimur de eis in hoc dubio; si tamen considerentur posteriori modo, important rationem quandam peccati specialem, & distinctam à rationibus formalibus aliorum peccatorum. quæ constituit peccatum oppositum iustitiæ legali, ad quam pertinet inclinare ad actus, ut sunt conformes bono communi, & legi; & ita loquitur de eis Diu. THOMAS loco citato.

AN VERO commissio & omisio sub ista ratione differant inter se specie, vel potius conueniant in ea ut in specie infima, explicandum est latius illo loco; & nunc dico breuiter, mihi probabilius videri hoc secundum, quia commissio, & omisio siue considerentur in genere naturæ, siue in genere moris, differunt inter se ut positium & negatio, aut priuatio; ergo nullo modo possunt habere rationem differentiarum diuidentium eandem rationem genericam; & ideo dicendum est, rationem ipsam esse vnā unitate speciei infimæ, & comparari ad omissionem & commissionem sicut formale ad materiale, & non esse inconueniens, quod omisio non secundum se sed ratione actus, quo expresse est volita in ordine ad contemptum legis, sit materia huius malitiæ, de qua loquimur, quamuis sit positua, & consistat in ordine positui volitionis ad obiectum, ut formaliter contrarium legi; & opponatur præcepto negatiuo prohibenti odium aut contemptum legis, atque adeo in rigore contineatur sub malitia commissionis: neque Diu. THOMAS illo loco dixit, commissionem & omissionem consideratas secundum istam rationem differre inter se specie, sed solum differre tanquam partes integrales perficientes & complementes ex parte materiæ peccatum iniustitiæ opposi-

te iustitiæ legali: ad eum modum quo facere bonum, & declinare à malo sunt partes iustitiæ legalis, non tanquam virtutes specie distinctæ, sed tanquam partes integrantes eandem virtutem, ut docet Diu. THOMAS art. 1. illius quæstionis; ubi etiam in solutione secundi dicit, quod declinare à malo non est pars iustitiæ prout importat puram negationem, scilicet non facere malum, sed prout importat motum voluntatis repudiantis malum.

§. 3. Ad argumenta pro Caietano facta.

AD PRIMUM Respondetur, Diu. THOMAM in hoc articulo dupliciter exponi à suis discipulis; primo dicunt aliqui, eum non loqui de omni omissione, sed solum de ea, quæ necessario sequitur ex commissione, & propterea vsum fuisse duobus illis exemplis, primo omissionis restituendi, quæ sequitur ex detentione alieni, & altero omissionis ieiunij, quæ sequitur ex intemperata manducatione; addunque, in his omissionibus habere vim rationem D. THOMÆ, quoniam procedunt ex eodem motui cum commissionibus ad quas consequuntur. Et confirmari potest hæc sententia Diui THOMÆ, quia omissiones istæ solum sunt malæ ratione commissionum, ex quibus sequuntur, & malitia ipsarum commissionum, non vero secundum se, neque malitia propria; ut omisio restituendi, quæ sequitur ex detentione alieni, solum est mala, quia ipsa detentio est mala, quia solum est malum non restituere alienum, quia detinetur iniusto Domino, atque adeo iniuste; ergo omissiones istæ non solum non distinguuntur specie in genere moris à commissionibus; sed neque numero. quia sunt malæ malitia ipsarum commissionum, Et propter eandem rationem videtur dicendum esse idem de actibus posituius, qui solum sunt mali quatenus sunt causæ omissionum, de quibus egimus artic. 5. quæstionis præcedentis: isti enim, licet in genere naturæ distinguantur ab omissionibus; tamen in genere moris non distinguuntur, ut ibidem explicauimus; & in istis melius explicatur sententia Diui THOMÆ, quam in omissionibus, quæ necessario sequuntur ex actibus malis: quoniam facilius potest explicari distinctio ipsorum ab omissionibus in genere naturæ; nam in priori exemplo ex duobus paulo superius adductis, omisio restituendi non potest facile distinguere à commissione detinendi alienum, quoniam actus restituendi, cui omisio alia potest opponi, nunquam impeditur non agendo, sed positua detentione alieni; & in posteriori, non ieiunare nullo modo est omisio, sed actus posituius comedendi, qui explicatur per negationem; neque hoc derogat doctrinæ Diui THOMÆ, quoniam exemplorum, non requiritur veritas.

Secundo dicunt alij, Diuum THOMAM in illa conclusione agere de omissione, cui adiunctus est actus posituius, quo omisio ordinatur ad aliquem finem moralem, & de hac dicere, esse eiusdem speciei cum peccato commissionis, quod ordi-

dinatur

dinatur ad eundem finem; non quidem simpliciter, sed quantum ad malitiam, quæ sumitur ex illo motiuo, vel fine, ut explicabimus in solutione ultimi argumenti; & hæc expositio videtur valde conformis menti D. THOMÆ, ut patet ex ratione, qua probat illam conclusionem, scilicet, quod omissio & commissio ordinantur ad eundem finem, & procedunt ex eodem motiuo.

Ad Confirmationem, respondebimus dubio sequenti.

AD SECUNDUM respondeo negando antecedens nisi intelligatur in casibus explicatis in solutione primi; & ad probationem neganda est minor; & ad eius probationem dicendum est, quod omissio restituenti id, quod furto acceptum est, quamvis significetur nomine omissionis, non est omissio, sed commissio [retinendi] alienum inuito domino.

Quod si obijcias, fieri sermonem de omissione restitutionis, quæ sequitur ex retentione alieni; iam patet quid respondendum sit ex solutione primi argumenti. An vero hæc iniusta retentio alieni sit eiusdem speciei cum furto, explicari solet 2. 2. q. 62. art. 2. & 8. & q. 66. art. 3.

AD VLTIMUM respondetur concedendo consequentiam, neque consequens illud est contra nostram sententiam, quoniam malitia quæ sumitur ex illo fine, non est proprie malitia omissionis, sed conuenit ei tantum materialiter; quatenus procedit à volitione, qua finis ille est intentus: ut in exemplo ibi proposito, omissio dandi elemosynam habet propriam malitiam contra præceptum elemosynæ; & præter hanc habet aliam auaritiæ, quæ non est proprie malitia omissionis, sed potius commissionis, & est, tanquam in materia, in omissione, non secundum se, sed quatenus includit volitionem, qua ordinatur in finem auaritiæ, & ex hoc patet solutio ad Confirmationem.

CIRCA solutionem secundi est,

DVBIVM III.

Utrum ex distinctione præceptorum possit colligi distinctio specifica peccatorum?

§. 1. *Posse, quando ratio præcipiendi de eadem re est diuersa: non posse si sit eadem.*

DICO PRIMO, ex distinctione præceptorum non sumitur distinctio peccatorum, tanquam ex specificationibus ipsorum peccatorum. Probatur, quoniam (ut diximus articulo ultimo questionis præcedentis D. THOMAS docet art. 1. huius questionis) peccata ex obiectis sumunt specificationem, & distinctionem specificam, tanquam ex proprijs specificationibus.

DICO SECUNDO, quando leges nullo modo distinguuntur ex parte rei, quæ præcipiuntur, sed præcipiunt eandem rem omnino, & secundum eandem rationem

A non potest ex eorum distinctione deduci distinctio specifica peccatorum: quando vero differunt ex parte rationis secundum quam præcipiunt aliquid, optime deducitur ex eorundem distinctione distinctio specifica peccatorum. Prima pars probatur, quia in illo casu ex distinctione præceptorum non potest colligi distinctio aliqua in obiecto, ergo neque potest colligi distinctio specifica peccatorum, consequentia patet ex præcedenti conclusione, & antecedens probatur ex suppositione facta, quoniam ubi est eadem ratio, verbi gratia, prohibendi aliquem actum, ibi actus ille sumptus per modum obiecti tantum est dissonus regulæ secundum vnā rationem, scilicet secundum illam, quam respiciunt leges, quibus prohibetur; ergo tantum habet vnā rationem formalem obiecti moralis; patet ista consequentia, quia est obiectum morale quatenus respicit regulam habitudine dissonantiæ, & tantum est dissonus secundum vnā rationem formalem.

B Neque obstat distinctio legum, quoniam licet leges secundum se possint esse distinctæ plus quam genere, ut si vna sit humana, altera diuina; tamen in ordine ad rem prohibitam, conueniunt in vna ratione formali prohibendi; & ideo res prohibita potest referri ad eas habitudine dissonantiæ vnius speciei; sicut pater refertur ad plures filios eadem relatione paternitatis, saltem secundum speciem; & in vniuersum, ubi est vna ratio formalis terminandi aliquam relationem, quamvis termini secundum se sint plures, tantum respondet eis vna relatio secundum speciem: quoniam ad multiplicationem specificam relationum non sufficit quæcumque distinctio terminorum, sed requiritur formalis, & quantum ad rationem formalem terminandi. Et ex his potest facile deduci ratio opposita pro secunda parte.

§. *Quomodo cognoscatur, quando ratio præcipiendi eandem rem sit eadem, vel diuersa?*

SED QUÆRES, quomodo poterimus cognoscere, quando leges distinctæ præcipiant rem aliquam secundum eandem, vel secundam diuersam rationem?

C AD HOC DICO TERTIO, ubi legislatores con-
ducunt diuersas leges propter diuersas motiua conuenientia aut disconuenientia: ibi dicendum est leges differre ex parte rationis formalis, secundum quam aliquid per eas præcipitur aut prohibetur, & explicatur exemplis, nam quia verbi gratia furtum aut homicidium prohibetur iure naturali & humana civili propter idem motiuum disconuenientia, scilicet, quia opponitur iustitiæ, & humano conuiuii: ideo est prohibitum utroque iure secundum eandem rationem; & non sufficit distinctio istorum iurium ut furtum sit multiplex peccatum secundum speciem; quia tamen ius ecclesiasticum prohibuit furtum rei sacræ, & violentam percussione clericum propter aliud motiuum, scilicet ob reuerentiam diuini cultus ad quem sunt peculiariter dicatæ res aliquæ vel personæ: ideo quodcumque ex his peccatis est prohibitum isto iure secundum aliam di-

stinctam

distinctam rationem & habet aliam speciem peccati, scilicet sacrilegij; & idem dicendum est de homicidio facto in ecclesia, quia etiam est prohibitum, quia ex statuto ecclesie violatur effusione sanguinis sanctitas benedictionis ecclesie; non tamen de hæresi, aut blasphemia dicta in ecclesia, nec de grauissima percussione facta etiam in ecclesia, sine sanguinis effusione; quia nullum ex istis peccatis prohibetur specialiter, propter sanctitatem loci.

Sed quæres ulterius quomodo poterimus cognoscere, an leges fuerint conditæ propter diuersa motiua, vel propter idem motiuum.

Ad hoc dico ultimo, tunc esse distincta motiua in præceptis affirmatiuis, cum faciunt actus, ad quos obligant, materiam diuersarum virtutum; & in negatiuis, cum actus quos prohibent, habent rationem talis prohibitionis diuersam oppositionem ad virtutem, sine eadem sine distinctam, vel potius ad rectitudinem virtutis, vt supra explicui: probatur, quoniam proprium motiuum condendi legem est cuius odia alicuius rectitudinis, & in particulari eius, quam legislator vult sua lege tutari: & ita quæcumque lex affirmatiua faciat actum, ad quem obligat, materiam alicuius virtutis, & constituit eum in specie alicuius virtutis; & similiter ratione prohibitionis factæ, per legem negatiuam habet actus prohibitus oppositionem, cum rectitudine alicuius virtutis.

§. 3. Confessaria quedam ex hac doctrina.

Ex his sequitur primo, homicidium verbi gratia, tantum esse vnum peccatum secundum speciem, quamuis sit prohibitum distinctis præceptis, scilicet naturali, & humano, tam civili, quam ecclesiastico; probatur quoniam omnibus istis præceptis prohibetur secundum eandem rationem formaliter, & propter idem motiuum, vt dixi, Neque obstat quod aliquando prohibeatur peccatum istud præcepto ecclesiastico, sub pena excommunicationis, & quod excommunicatio supponat inobedientiam, aut contumaciam, vt incurratur: quoniam hoc non intelligitur de inobedientia, vt est speciale peccatum, sed vt est conditio generalis peccatorum: vt enim quis incurrat excommunicationem, non est necesse quod faciat, vel non faciat aliquid quia vult expresse non obedire superiori: sed satis est, quod sit inobediens, aut omittendo id, quod præcipitur à superiori, aut faciendo id, quod prohibetur.

Secundo sequitur, quod cum quis tenetur aliqua die ieiunare duplici ex causa, quia est dies quadragesimæ, & vigilia alicuius sancti; & non ieiunat, non committit duo peccata specie distincta, & idem dicendum est de eo, qui omittit sacrum die dominico, cum quo concurrat festum aliquod solemne; probatur quia in priori casu ambæ obligationes procedunt ex motiuo intemperantiæ, & in posteriori ex motiuo religionis.

Quod si quæras, an saltem in quocumque ex istis casibus committantur duo peccata numero distincta. Respondetur negatiue, quoniam malitia actus, si sit eiusdem speciei, non potest multiplicari numero in eodem actu, qui est eius subiectum.

Item, in quocumque ex istis casibus, tantum est debitus vnus actus, quo posset satisfieri duabus obligationibus: ergo etiam est tantum vna numero omisio. Confirmatur, quia in illo actu tantum est debita vna numero bonitas, aut rectitudo, scilicet vna bonitas temperantiæ, aut religionis, non enim haberet duas bonitates propter duas obligationes; ergo etiam in eius omissione tantum est vna numero priuatio bonitatis, aut rectitudinis.

Ex quibus patet quod neque propter distinctionem specificam peccatorum, neque propter numericam, est necesse in aliquo ex istis casibus explicare in confessione, peccatum opponi duabus obligationibus: quidquid dicat NAVARRVS in sum. cap. II. numero 40. Neque est eadem ratio de fratribus religionis D. FRANCISCI, qui non ieiunant die veneris, in quo occurrit vigilia alicuius sancti: quoniam in isto casu peccatum habet duas malitias specie distinctas, quia obligationes, quibus opponitur, differunt inter se specie ex parte motiui; alterum enim supposito statu religionis est voti; & pertinet ad religionem; & alterum præcepti ecclesiastici, & pertinet ad temperantiæ, & idem dicendum est de eo, qui non ieiunat eo die, quo tenetur ieiunare præcepto ecclesie, & confessarij: quoniam etiam præceptum confessarij habet speciale motiuum, scilicet satisfactionem, & punitionem pro peccatis, & facit actum materiam penitentis.

Quod si ulterius quæras, an saltem numerus obligationum, quæ in nostro casu violantur, sit circumstantia notabiliter aggrauans, & necessario explicanda in confessione:

Respondetur negatiue, quoniam apud prudentem confessarium parum malitiæ addit numerus iste; quia homines communiter non magis cauent peccata propter eum. Neque ex eius cognitione habebit confessarius aliud iudicium de statu & malitia penitentis, quam si ignoret eum.

Tertio sequitur quod si quis voueat castitatem, & sæpe reuouet atque repetat votum istud, & postea committit peccatum contra ipsum: non habebit plures malitias specie distinctas peccatum istud propter multiplicationem votorum; probatur, quoniam omnia ipsa vota habent idem motiuum religionis, & propter rationem assignatam in præcedenti illatione vnus actus repugnans istis votis non habebit malitias distinctas numero.

Ultimo sequitur, distinctionem præcepti affirmatiui à negatiuo sufficere, ad colligendum distinctionem specificam inter peccata eis opposita; probatur, quoniam etiam si pertineant ad eandem virtutem, habent motiua distincta formaliter scilicet distinctas rectitudines; alteram positiuam, & alteram negatiuam, vt explicui articulo ultimo quæstionis præcedentis, ad earum enim custodiam imponuntur præcepta affirmatiua & negatiua.





QVÆSTIO LXXIII. DE COMPARATIONE PECCATORVM.

ARTICVLVS PRIMVS.

Verum omnia peccata sint connexa?

CONCLUSIO, secundum illud, quod perficit speciem peccatorum, scilicet secundum illud, ad quod conueniunt, nullam connexionem habent peccata adinuicem.

COMMENTARIVS.

CIRCA QUAM aduerte, posse intelligi & de habitibus vitiorum, & de actibus peccatorum: & in priori sensu non pertinere ad hunc locum, quoniam de eo agi debet in materia de virtutibus; ubi disputatur de connexionem virtutum; & in posteriori vero esse certam secundum fidem ut constat ex illo Iaco. 2. *Quod si non machaberis, occides autem, factus es transgressor legis*; ubi ut certum supponitur, posse committi vnum peccatum sine alio. Item quia de fide est, non omnes peccatores habere eandem & æqualem maliciam.

SED CONTRA obijci potest illud, quod paulo ante dixerat idem IACO. *quicumque autem totam legem seruauerit, offendat autem in vno, factus est omnium reus*. Ad quod præter expositionem D. THOMÆ in solutione primi, solent assignari alia, prima est D. AVGVSTINI 2. to. epist. 29. ad Hieronymum, & 10. to. sermone 16. de tempore, qui inquit, ideo qui offendit in vno, fieri omnium reum, quia facit contra charitatem, unde tota lex & omnia præcepta pendent: fauetque huic expositioni, quod PAVLVS ad Rom. 13. ita inquit, *qui enim diligit proximum, legem impleuit*. Et ad Gal. 3. *nam omnis lex in vno sermo, ne impletur, diliges proximum tuum sicut teipsum*.

Secunda expositio est BVRGENSIS additione prima in illud caput; MONTANI & aliorum recentiorum, qui dicunt IACOBVM loqui de lege, quasi de quodam corpore ex varijs præceptis tanquam ex partibus constituto; & ita dixisse, eum, qui offendit in vno, fieri reum omnium, non quia peccat contra singula præcepta sumpta secundum se. sed quoniam peccando contra vnum, transgreditur legem sumptam collectivè pro lege integra; & consequenter contra alia præcepta, non prout considerantur in seipso, sed quatenus sumpta collectivè conficiunt illud corpus legis: Nam quemadmodum qui lædit aliquam partem Petri, dicitur lædere Petrum, & consequenter pertinere ad Petrum: sic qui lædit præceptum alicuius legis dicitur lædere integram legem, tanquam corpus, cuius pars est illud præceptum, & consequenter omnia præcepta, non ipsa quidem in se, sed quatenus collectivè sumpta constituunt in-

A tegrum corpus legis; & hunc esse IACOBI sensum videtur colligi ex sequentibus verbis, *qui enim dixit non machaberis, dixit & non occides: quod si non machaberis, occidas autem, factus es transgressor legis*; nam cum his verbis reddat IACOBVS rationem eius sententiæ, quam explicamus: dicendum est, ipsum pro eodem reputasse, fieri aliquem transgressorem legis sumptæ collectivè, & esse reum omnium; & ita HIERON. lib. 1. aduersus Pelagianos cap. 7. propter hæc verba dicit de isto loco, quod interpretatur seipsum; additque BVRGENSIS, Iacobum ibi confutare errorem Phariseorum, existimantium, eum, qui in vno tantum, aut paucis præceptis transgreditur legem, non dici apud Deum transgressorem legis, nec iniustum: sed potius iustum, quia plura sunt præcepta, quæ non transgreditur, quàm ea, quæ transgreditur.

ARTICVLVS III.

Verum omnia peccata sint paria?

CONCLUSIO est negativa.

COMMENTARIVS.

EST certa secundum fidem, habetur enim expresse Math. 5. *qui irascitur fratri suo, reus erit iudicio; qui autem dixerit fratri suo Raca, reus erit concilio; qui autem dixerit fause, reus erit gehenne ignis*. Vbi sicut in pœnis, ita in culpis constituuntur diuersi gradus, & Ioan. 19. *Propterea qui me tradidit tibi minus peccatum habet*. Math. 12. *fiant novissima hominis illius peiora prioribus*. Ierem. 7. *peius operati sunt quam patres eorum*. Et Ezech. 16. *pene sceleratiora fecisti illis in omnibus vijs suis*; Et paulo inferius, *vicisti sorores tuas peccatis tuis sceleratius agens ab eis*; potest etiam probari rationibus naturalibus, quæ desumi possunt ex singulis titulis ex quibus D. THOM. articulis sequentibus probat crescere gravitatem alicuius peccati, & ex ipso D. THOMA 3. contragent. cap. 139.

§ 1. *Fundamentum erroris stoicorum & Ioviniani declaratur.*

CIRCA errorem quem hic refert D. THOM. adverte, tribui primo Stoicis quos sequutus est CICERO parad. 3. & postea IOVIN. hæreticus ut constat ex D. AVGVST. 2. to. ep. 29. ad HIERON. & 10. 3. lib. de hæresibus, c. 81. & quamvis CASTRO lib. 12. aduersus hæreses verb. *peccatum*, hæres. 8. dicat, HIERON. in duobus libris, quos contra IOVINIAN. scripsit, non meminisse huius erroris, neque unquam eum IOVINIANO tribuisse: tamen oppositum est certum, nã lib. 2. c. 17. ita inquit, *de eo quod niteris approbare, concicium & homicidium, Raca & adulterium,*

*Et otiosum sermonem, & impietatem uno supplicio re-
pensari: iam & supra tibi responsum est, & nunc bre-
uiter respondebo, & AVGVSTINVS epistola citata di-
cit, IOVINIAN. qui in hoc errore stoicus erat, fuisse
ab HIERONYMO testimonijs scripturæ dilucidissi-
mè conuictum.*

CIRCA rationem, qua D. THOM. probat con-
clusionem, advertendum, est auctores illius erroris
huic potissimum rationi inniti: peccatum consistit
in priuatione rectitudinis: sed priuatio consistit in
indivisibili, ergo etiam ratio peccati, & ex conse-
quenti omnia peccata sunt paria.

Huic tamen rationi respondet D. THOM. mino-
rem non esse vniuersaliter veram: sunt enim duo
genera priuationum, quoddam eorum, quæ consi-
stunt quasi in *corruptum esse*, ut mors est priuatio vi-
tæ, & tenebræ sunt priuatio luminis; & alterum ea-
rū, quæ magis consistunt in *corrupti*, quam in *cor-
ruptum esse*, ut egrotudo est priuatio debite cōmensu-
rationis humorū, vel membrorū, estque discrimen
inter priuationes istas: nā priuationes *primi generis*
non recipiunt magis & minus, quia non relinquūt
in subiecto aliquid formæ oppositæ, neque enim cū
morte potest esse vlllo modo vita, neque cum tene-
bris lumen: at vero priuationes *secundi generis* reci-
piunt magis & minus, quia non omnino tollūt for-
mā oppositā, sed aliquid ex ea admixtum habet, ut
egrotudo non omnino tollit cōmensurationem hu-
morū: & ita quo minor est cōmensuratio humorū,
eo maior est egrotudo, & similiter obscuritas prout
distinguitur à tenebris, non est priuatio totalis, &
plena luminis, sed habet secum admixtam aliquam
eius partem: & ita quo pars hæc fuerit minor, eo ob-
scuritas erit maior; & idem est de formalitate, prout
opponitur proportioni partium requisitæ ad pul-
chritudinem, peccatum vero pertinet ad hoc secū-
dum genus priuationū, quod probat D. THO. quia
non potest reperiri aliquid peccatū, quod omnino
tollat rectitudinē rationis, ita ut sit malum integrū;
alioqui destrueret seipsum, ut inquit ARIST. 4. Ethic.
ca. 5. quia non posset remanere substantia actus, vel
affectio agentis.

SED CONTRA doctrinā istam argumentor *primo*,
quod iuxta eam inæqualitas peccatorum desumen-
da est ex priuatione rectitudinis: ergo ratio forma-
lis peccati consistit in hac priuatione, quod est con-
tra ea, quæ diximus de ratione formali peccati art.
vlt. quæstionis præcedentis; patet *consequentia*, quia
inæqualitas inter quascunque species, quantum ad
esse specificum, desumi debet ex rationibus forma-
libus, quibus illæ species constituuntur.

Secundo, in actu peccati nullus est gradus boni-
tatis moralis, aut rectitudinis, ergo neq; est aliquid
de ordine aut rectitudine rationis, ergo priuatio re-
ctitudinis in ipso, non pertinet ad secundum genus
priuationū, sed ad primum; *prima consequentia* pa-
tet ex identitate inter rectitudinem rationis, & bo-
nitatem moralem; & *secunda* ex definitionibus vtriuf-
que priuationis: *antecedens* vero probatur, quoniam
vel actus habet omnia, quæ requiruntur ad eius bo-
nitatem ex parte obiecti & circumstantiarum, & sic
erit tantum bonus, vel caret aliqua eorū, & sic erit
simpliciter malus: quia iuxta sententiarū DIONYS.
*bonum consurgit ex integra causa & malum ex quocun-
que defectu*: ergo nunquam datur casus, in quo ali-
quis actus simul habeat bonitatem & maliciā mo-
ralens: quoniam inter duo extrema huius antece-

A dentis, non datur medium, cum opponatur sicut
affirmatio & negatio.

Neque potest responderi, satis esse, ut peccatum
sit priuatio in fieri, quod maneat entitas, aut substantia
actus; quoniam ut priuatio aliqua pertineat ad
primum genus, satis est quod nihil maneat formæ
oppositæ, quamuis maneant aliæ formæ: sicut cæci-
tas pertinet ad illud genus, quia nihil visus manet
in subiecto, etiam si maneant in ea aliæ qualitates
& formæ.

Ultimo, malicia moralis non destruit entitatem
naturalem, aut substantiā actus, in quo est tanquam
in subiecto: quia nullam habet oppositionem cum
ea: ergo quamuis aliquod peccatum sit integrū ma-
lum, aut careat omni ordine & rectitudine ratio-
nis, non sequitur, quod destruat seipsum, ita ut non
possit manere substantia actus, vel affectio operantis.

§ 2. *Fundamentum stoicorum dissoluitur. Quomodo
priuatio suscipiat magis & minus. Quomodo pec-
catum comparatur secum aliquam boni-
tatem moralem.*

B **A**D primum Respondetur D. THOMAM nun-
quam in hoc articulo concessisse absolute,
quod inæqualitas inter peccata desumatur ex pri-
uatione rectitudinis, sed loqui ex suppositione,
quod admittatur fundamentum assertitum omnia
peccata esse paria, scilicet, formale peccati consiste-
re in priuatione rectitudinis, itaque cum D. THO.
in hac quæstione vellet explicare radices, ex quibus
prouenit, quod vnum peccatum sit grauius alio: &
ad hoc necesse sit supponere, esse aliquam inæqua-
litatem inter peccata: ideo voluit prius statuere hoc
tanquam rectum in isto articulo. Et quoniam potissi-
mum fundamentum eorum, qui hoc negabāt, erat,
quod formale peccati consistat in priuatione recti-
tudinis: ideo ostendit, quod etiā admissio eo, non est
neganda inæqualitas in peccatis, rationem ramen
quasi à priori huius veritatis non assignat in isto ar-
ticulo, sed in sequenti, ubi docet præcipuam diffe-
rentiam grauitatis inter peccata attendi penes ob-
iecta, atque penes diuersos modos oppositionis
positiui, aut contrarietatis, cum rectitudine ratio-
nis, ut ibi explicabimus.

Ad secundum varie solet responderi, nā imprimis
aliqui concedunt, vtrāque consequentiam, conui-
cti illo argumēto, scil. quod vnū peccatum non ha-
bet magis de ordine rationis, aut de bonitate mora-
li, quàm aliud: addunt tamen, non posse colligi ex
eo, quod malicia moralis, etiā si consistat in illa pri-
uatione rectitudinis, sit æqualis in omnibus pecca-
tis: nam quāuis priuatio primi generis in ratione pri-
uationis consistat in indivisibili, ut D. THO. docet,
tamen in ratione mali potest suscipere magis & mi-
nus, iuxta perfectionē formæ, cui opponitur: cuius
ratio est, quod malū non consistit solū in negatione
formæ, sed addit huic negationi habitudinē discō-
uenientie ad subiectū, & hæc discōuenientia tātō
potest esse maior aut minor, quanto forma opposita
est magis aut minus conueniens ipsi subiecto: sicut
in naturalibus peior est cæcitas, quam priuatio ol-
factus, quāuis vtrāque pertineat ad primum genus,
& consistat in indivisibili, quoniam visus quo illa
priuat, est nobilior, & nobis utilior, quàm olfactus,
quo priuat ista: atque ita in moralibus priuatio
rectitudinis in quocumque peccato, quamuis

constat in indiuisibili, ratione priuationis, tamen in ratione malitiæ moralis potest esse maior aut minor pro qualitate rectitudinum, quibus opprimuntur. Nam quo aliqua rectitudo fuerit melior, & conuenientior respectu naturæ rationalis: eo eius priuatio erit peior.

Hæc solutio mihi non placet, quia iuxta eam negari debet id, de quo est tota controuersia, & quod expresse conceditur à D. THOMÆ, scilicet priuationem rectitudinis, in qua consistit peccatum, pertinere ad secundum genus priuationum, & ideo etiam in ratione priuationis suscipere magis & minus; an vero doctrina, quæ in ea continetur, sit sufficiens ad explicandum, quomodo, quamuis formale peccati consistat in priuatione, possint distinguere diuersæ species peccatorum, ut aliqui volunt cum D. V. RANDO in 2. d. 42. q. 8. n. 5. & 6. non est hic disputandum: & quantum ego intelligo, ex ijs, quæ diu articulo ultimo quæstionis præcedentis, potest facile probari pars negatiua; concedo tamen, quod si darentur rectitudines distinctæ secundum speciem, quibus opponerentur priuationes constituentes species peccatorum, bene possent huiusmodi priuationes esse inæquales quantum ad maliciam moralem, licet in ratione priuationum essent æquales.

Secundo respondet CAJET. sup. q. 18. art. 8. dupliciter posse exponi, quod priuatio peccati non tollat totam rectitudinem rationis, aut bonitatem moralem; *primo permissiue*, ita ut sit sensus non esse necesse, quod semper tollat totam rectitudinem: sed aliquando admittere secum in actu peccati aliquid de rectitudine rationis: ut cum quis dat elemosinam propter inanem gloriam, actus iste est malus & peccatum, & tamen habet aliquid de rectitudine rationis, saltem per ordinem ad obiectum, & ita dicitur bonus moraliter secundum substantiam, & malus secundum circumstantiam finis; *Secundo positiue* seu per se, ita ut sit sensus, necesse esse, quod quicumque actus, quantumcunque sit malus, habeat aliquid de rectitudine rationis, saltem quod ordinetur ad beatitudinem in cōmuni, ut D. THO. docet q. 1. art. 6. quod est esse bonum moraliter bonitate finis sumpti formaliter, & in cōmuni.

Secunda expositio placet, *prima* quidem, quia supponit falsum, scilicet actum illum habere ratione sui obiecti aliquam bonitatem moralem, ut probauit sup. q. 18. art. 3. & *præterea*, quia si solum *permissiue* exponatur, illa sententia D. THOMÆ, sequitur quod sunt aliqua peccata, in quibus nulla sit rectitudo rationis, neque secundum obiecta, neque secundum circumstantias, & ex consequenti, quod huiusmodi peccata non sunt inæqualia ex parte priuationum; *secunda* veto, quia ordo ad beatitudinem in cōmuni, de quo loquitur D. THO. in illo loco, non est bonitas moralis, sed potius pertinet ad genus naturæ, & conuenit etiam actibus peccati, quatenus bona utilia, aut delectabilia, ad quæ terminantur, ordinantur ad bonū sariatiuum appetitus: sicut partes ad suum totum, & sicut inchoationes ad perfectionem & consummationem, ut ipse CAJET. explicat in expositione illius articuli.

Tertio respondent alij, negando antecedens, & ad probationem dicunt cum D. THOMÆ de malo. q. 2. art. 9. ad 11. tantum conuincere, quod nunquam datur actus, qui simul cum malicia habeat bonitatem moralem totalem, & integram: quoniam ad hanc

A bonitatem requiritur concursus eorum omnium, quæ postulat recta ratio, ex parte obiecti, & circumstantiarum, & de ea loquitur DIONYSIUS, nō tamen, quod non datur actus malus, qui habeat aliquam bonitatem moralem partialem: quoniam ad hanc bonitatem non requiruntur illa omnia, sed sufficit quodcunque eorum; si enim actus habuerit vel obiectum, vel aliquam circumstantiam iuxta exigentiam rationis: etiam habebit bonitatem talis obiecti, aut circumstantiæ, quamuis propter defectum aliorum non habeat bonitatem simpliciter, sicut in naturalibus docuit D. THOMAS 1. p. q. 5. art. 1. ad primum, quod, quamuis, ut aliquid sit bonum simpliciter, requiratur quod habeat omnes perfectiones, quas debet habere usque ad ultimam: ut tamen sit bonum secundum quid, satis est quod habeat aliquam, vel aliquas earum.

Hanc doctrinam sequitur CONTRARIUS hoc loco, & supra quæst. 18. artic. 8. in expositione solutionis primi argumenti; *sed mihi falsa videtur*, quoniam in ea supponitur, bonitatem moralem esse ens per accidens, scilicet aggregatum ex omnibus, quæ requiruntur secundum rectam rationem ad bonitatem actus, quod supra quæst. 18. articulo primo, dubio secundo, probauit esse falsum.

Quare aliter respondetur, concedendo antecedens, & primam consequentiam, & negando secundam; & ad probationem dico, quod, ut peccatum dicatur priuatio rectitudinis *ut in corrupti*, aut *in fieri*, non est necesse, quod in seipso habeat aliquam rectitudinem, vel bonitatem moralem: sed satis est, quod in suo subiecto, scilicet in homine, aut in voluntate, possit esse simul cum aliqua bonitate morali, neque amplius, potest colligi ex verbis, aut exemplis, quibus D. THOMAS utitur: nam v. g. egritudo non habet in seipsa aliquam sanitatem, sed est simul cum ea in animali, & idem est de deformitate respectu pulchritudinis, & de obscuritate respectu luminis. Quod autem quodcunque peccatum possit esse in suo subiecto simul cum aliqua bonitate morali, prouenit ex eo, quod nullum peccatum est priuatio totius rectitudinis aut bonitatis moralis: sed vnum est priuatio rectitudinis iustitiæ, aliud rectitudinis temperantiæ, & sic de alijs; & ideo nullum est peccatum quod ratione oppositionis priuationis habeat repugnantiam cum quacunque bonitate morali, itaque D. THOMAS considerauit rectitudines singularum virtutum, quasi partes constituentes integrum quoddam bonum, & quandam rectitudinem totalem hominis, propter unitatem finis, in ordine ad quem disponunt & perficiunt hominem ut sit bonus & rectus simpliciter, & in omni materia: ut ipse D. THOMAS videtur insinuare, loquens de peccatis articulo sequenti ad tertium; & quia peccatum quodcunque per se sumptum non tollit ab homine totum istud bonum, neque totam istam rectitudinem, sed admittit secum aliquam partem eius: ideo dixit, non esse priuationem *ut in esse corruptum*, vel priuatum; & quia est veluti quædam inchoatio, aut via ad totalem ablationem illius bonitatis moralis, quæ sit per omnia peccata, ideo dixit esse priuationem *ut in priuari*, vel *in fieri*.

Ad ultimum ut respondeamus, ADVERTENDUM est, quod D. THO. non probauit, peccatum esse

privationem, *ut infertur*, quia in ipso peccato maneat aliquid de rectitudine rationis: sed quia per peccatum non auferitur à subiecto totaliter ordo rationis; & hoc voluit significare illis verbis, *Sic in eis privatur debita commensuratio rationis, ut non totaliter ordo rationis tollatur*; quasi diceret, sic peccatum esse privationem illius commensurationis, ut per ipsum non auferatur totaliter ordo rationis, scilicet à subiecto; ut, si quis diceret, ægritudinem sic esse privationem sanitatis, ut per eam non auferatur totaliter sanitas, deberet intelligi respectu animalis, & non respectu ipsius ægritudinis; & in hoc sensu sumpsit D. THOMAS pro eodem, per peccatum aliquid auferri totaliter ordinem rationis, & tale peccatum esse integrum malum.

Sed adhuc restat difficultas argumenti, quomodo scilicet ex eo, quod peccatum aliquid auferat totaliter ordinem rationis, aut esset integrum malum, sequatur, quod destrueret seipsum, quia non posset remanere substantia actus? *Respondetur* non sequi hoc propter oppositionem inter maliciam moralem, & entitatem, aut substantiam actus, ut in argumento obijciatur: sed quia non posset voluntas operari nec exercere talem actum, quoniam voluntas semper agit cum affectu ad aliquod bonum determinatum, vel ad plura per modum unius; est autem impossibile, quod obiecta omnium peccatorum secundum proprias rationes specificas appetantur per modum unius: non solum quia sunt plura, & sine subordinatione, aut inter se ad invicem, aut respectu alicuius, à quo omnia pendeant: sed etiam quia multa ex ijs habent inter se repugnantiam, & sunt sibi invicem impedimento, ut patet in ijs, quæ opponuntur secundum excessum & defectum & in alijs, ut congregatio pecuniarum, quam vult avarus, impedit consecutionem delectationum venerearum, quam desiderat intemperans, & consecutionem honorum quam appetit ambitiosus; & ideo D. THOMAS non dixit absolute, quod non posset manere substantia actus, sed cum hac conditione, *vel affectu agentis*.

§ 3. *Etiā peccata, quæ tantum sunt mala, quia prohibita, possunt esse inæqualia.*

CIRCA SOLUTIONEM secundi, *adverte*, quod D. THOMAS 3. contra gent. cap. 139. ita proponit illud argumentum: si quis præcepto iudicis teneatur non transilire aliquam lineam, & transgrediatur eam; nihil refert apud iudicem quod multum, vel parum recedat ab ea: ergo similiter, cum teneamur non transgredi regulam rationis, si transgrediamur eam, nihil refert quod discedamus ab ea multum vel paucum. Et *Respondet*, non esse simile transgredi virtutem, & transilire lineam: nam virtus est secundum se quid bonum, & ideo transgredi virtutem est secundum se malum; at vero non transgredi lineam, non est secundum se bonum, sed solum ratione præcepti; & ideo transgredi eam non est secundum se malum, sed per accidens; & ex hoc provenit, quod quamvis non sit magis malum elongari magis à linea: tamen recedere magis à regula rationis sit magis malum; quoniam regula illa dialectica sicut simpliciter ad simpliciter, ita magis ad magis, solum

A habet locum in ijs, quæ per se sunt talia, & non in ijs, quæ per accidens sunt talia; ut, quoniam album est per accidens dulce, non sequitur quod quo aliquid est magis album, eo sit magis dulce; quia tamen album est per se disgregativum visus, bene sequitur, quod quo aliquid est magis album, eo sit magis disgregativum.

Sed ex hoc argumento, & eius solutione, colligit CONRADVS, esse inter se æqualia omnia peccata, quæ ideo tantum sunt mala, & peccata, quia prohibita; idque probat, quia cum ista peccata solum sint mala ratione prohibitionis, sequitur quod non sint mala per se, sed per accidens; & ex consequenti, quod non magis habeat in eis locum illa regula dialectica, quam in transgressionem lineæ.

Confirmatur primo, quoniam si transgressio, quæ reperitur in huiusmodi peccatis, non differt à transgressionem lineæ, eo modo quem DIVVS THOMAS explicuit, sequitur quod iuxta ipsius sententiam sit eadem ratio de utraque transgressionem: & ex consequenti, quod argumentum, quantum attinet ad hæc peccata, conuincat intentum.

Confirmatur secundo, quia malicia istorum peccatorum consistit præcise in transgressionem præcepti: sed hæc transgressio consistit in indivisibili, & non suscipit magis & minus, ut in argumento ostenditur exemplo transgressionem lineæ; ergo idem est dicendum de malicia.

Verum in hac illatione fallitur CONRADVS, quoniam actus, ad quos obligant leges positivæ, sunt inæquales in bonitate: ergo etiam actus quos prohibent, habent inæqualem maliciam; *consequentia* patet ex paritate rationis; & *antecedens* probatur, quoniam actus illi pertinent ad virtutes distinctas, & inter se inæquales.

Confirmatur primo, quoniam leges humanæ, siue civiles, siue ecclesiasticæ, nihil præcipiunt, nisi quod utile sit subditis in ordine ad finem intentum: neque prohibent nisi quod est noxium; sed tam in ijs quæ sunt utilia, quam in ijs, quæ sunt noxia, reperiuntur diversi gradus; ergo & in peccatis, quæ committuntur, aut omitiendo præcepta, aut faciendo prohibita.

Confirmatur secundo, quoniam obligationes istorum præceptorum sunt inæquales, quia tanto strictius obligat aliquod præceptum, quanto est de materia magis utili, aut magis noxia: ut, præceptum confitendi, & communicandi semel in anno, strictius obligat, quam præceptum audiendi sacrum die festo: quia illud magis expedit saluti fidelium; & præceptum ecclesiasticum prohibens simoniam, quæ solum sit talis ratione prohibitionis, magis obligat quam præceptum ieiunandi; & similiter, si rex præcipiat ne deferantur noctu arma, & ne vendantur Turcis, magis obligat hoc secundum, quam primum, quoniam prohibet rem magis noxiam reipublicæ: ergo etiam & violationes istorum præceptorum sunt inter se inæquales in malicia, & gravitate.

Confirmatur ultimo, quoniam peccata contra huiusmodi præcepta possunt esse inæqualia ratione circumstantiarum: ut furtum de loco sacro ratione quantitatis posset esse gravius etiam in ratione sacrilegij; & qui facit sacrum sine luminaribus, vasis factis, & vestibus, gravius peccat, quam qui tantum

tantum

cantum omittit vnum istorum.

Et ad argumentum CONTRADI, respondetur: solum probare, quod iuxta sententiam D. THOMÆ non possit colligi inæqualitas inter hæc peccata ex illa regula dialectica:

Ad primam confirmationem, respondetur, concedendo, non sufficere illam solutionem ad respondendum illi argumento, si proponatur contra inæqualitatem peccatorum, quæ solum sunt peccata, quia prohibita iure positio; neque propterea D. THOMAS fuit illo loco diminutus quoniam, cum ibi solum veller docere, non esse omnia peccata æqualia: satis fuit ostendere, non convincere illud argumentum respectu aliquorum peccatorum, scilicet respectu eorum quæ secundum se sunt mala, qualia sunt illa, quæ ante prohibitionem iuris positiui sunt mala;

Et si quæras, quid respondendum sit illi argumento ad defendendam nostram sententiam? Respondetur optime responderi à D. THOMÆ hoc loco his verbis: *dicendum, quod illa ratio procedit de peccato, ac si esset priuatio pura*: vbi docet, esse hoc discrimen inter priuationem, quæ est in transgressione lineæ, & priuationem, quæ est in transgressione regulæ rationis; quod illa est priuatio pura, hoc est totalis, quoniam tollit bonum oppositum, quod est continere se intra lineam; at vero hæc non est priuatio pura, hoc est totalis, quoniam non tollit totum ordinem rationis, vt explicui. Ad secundam confirmationem respondetur, negando minorem: neque obstat exemplum transgressiois lineæ, propter rationem nunc adsignatam.

ARTICVLVS III.

Verum grauitas peccatorum varietur secundum obiecta?

PRIMA CONCLUSIO. Secundum diuersitatem obiectorum attenditur diuersitas grauitatis in peccatis.

SECUNDA CONCLUSIO. Differentia grauitatis, quæ attenditur per obiecta, est prima & principalis, quasi consequens speciem.

COMMENTARIVS.

§. 1. Peccati quantitas seu grauitas essentialis, & accidentalis, quæ intensiua aut numeriua.

CIRCA DOCTRINAM huius articuli ADVERTE PRIMO, quod in peccato est sua quantitas, seu magnitudo, Probatum primo, quoniam tribuuntur ei proprietates & denominationes quantitatis, scilicet esse magnum, vel paruum, æquale vel inæquale; & præterea ex scriptura, nam Deutero. 25. dicitur *pro mensura* (hoc est quantitate) *peccati eris plagarum* modus; Apocalipsis 18. *quantum glorificauit se & in delicijs fuit, tantum date illi tormentum & luctum*. Iudic 10. *interrogatusque Lenita maritus mulieris in-*

perfecta, quomodo tantum (hoc est tam magnum) *scelus perpetratum esset* &c. & paulo inferius, *namquam tantum nefas, & tam grande piaculum factum est in Israël*, & alibi sæpe; hoc autem non est intelligendum de quantitate propria, sed de modalitate vt sit sensus, esse in peccato aliquid, quod habet modum quantitatis; sicut in substantijs & qualitatibus dicimus esse quantitatem ita sumptam: & hæc quantitas peccati metaphorice appellatur *grauitas*; quia sicut corpora sua grauitate feruntur à superiori loco ad inferiorem: sic & creaturæ rationales suis peccatis separantur à summo bono, & trahuntur ad miseriam; & tanto ad maiorem, quanto ipsa peccata sunt maiora, hoc est habent maiorem quantitatem. SECUNDO ADVERTITUR, quod in eodem peccato potest considerari triplex quantitas: *prima est essentialis*, quæ conuenit peccato sumpto secundum suam essentiam, & abstrahendo ab omnibus accidentibus; nam sicut peccatum quodcumque ita sumptum habet certam deformitatem, & malitiam, distinctam à deformitate alterius, & comparabilem cum ea: ita etiam considerari potest quanta sit huiusmodi deformitas; *secunda est quantitas intensiois vel remissionis*, secundum quam intra eandem speciem dicitur vnum peccatum grauius altero, sicut vnus calor est maior altero intra eandem speciem caloris. *Tertia est quantitas multitudinis*, quæ tanto est maior vel minor, quanto plures aut pauciores rationes diuersorum peccatorum coniunguntur in eodem peccato.

TERCIO ADVERTENDUM, quod quamuis istæ tres quantitates possunt conuenire eidem peccato: tamen non sumuntur ex eadem parte: nam *prima* sumitur ex obiecto, ita vt quanto obiectum fuerit malum obiectiue, tanto peccatum sit grauius secundum essentiam, & hoc conuenit cuiusdam ratio D. THOMÆ: quoniam ex eodem sumitur quantitas essentialis, & differentia specifica constituens essentiam: sed differentia specifica in quocumque peccato sumitur ex obiecto, vt D. THOMAS docuit art. 1. quæstionis præcedentis; ergo & quantitas essentialis; dicit vero D. THOMAS de hac quantitate, quod quasi consequitur essentiam, quia est veluti modus quidam ipsius essentiae; sicut quantitas perfectionis essentialis in quocumque accidenti, est modus: ex quo patet esse verum id, quod diximus articulo præcedenti, scilicet secundum sententiam D. THOMÆ rationem à priori inæqualitatis peccatorum non esse sumendam ex priuationibus, sed ex obiectis; Probatum, quoniam ea, quæ sunt principia quantitatis essentialis in aliquibus speciebus, sunt etiam principia inæqualitatis essentialis: inter eas: sed obiecta sunt principia quantitatis essentialis in peccatis; ergo etiam sunt principia inæqualitatis inter eas; atque adeo ex obiectis debet sumi ratio à priori, ad probandum, peccata esse inter se inæqualia. *Secunda vero quantitas* sumitur ex circumstantijs, quæ non dant speciem peccato, sed important modos specierum: vt furri grauitas crescit ex quantitate rei ablatae, & grauitas cuiuscunque peccati crescit ex modo, quo fit, scilicet ex aduertentia intellectus, & ex conatu voluntatis; Et tandem *tertia grauitas* sumitur ex circumstantijs, quæ dant actui speciem malitiæ, distinctam ab ea, quæ sumitur ex obiecto: vt cum idem

distinctam rationem & habet aliam speciem peccati, scilicet sacrilegij; & idem dicendum est de homicidio facto in ecclesia, quia etiam est prohibitum, quia ex statuto ecclesie violatur effusione sanguinis sanctitas benedictionis ecclesie; non tamen de hæresi, aut blasphemia dicta in ecclesia, nec de grauissima percussione facta etiam in ecclesia, sine sanguinis effusione; quia nullum ex istis peccatis prohibetur specialiter, propter sanctitatem loci.

SED QUÆRES ULTERIUS quomodo poterimus cognoscere, an leges fuerint conditæ propter diuersa motiua, vel propter idem motiuum.

AD HOC DICO VLTIMO, tunc est distincta motiua in præceptis affirmatiuis, cum faciunt alius, ad quos obligant, materiam diuersarum virtutum; & in negatiuis, cum alius quos prohibent, habent rationem talis prohibitionis diuersam oppositionem ad virtutem, siue eandem siue distinctam, vel potius ad rectitudinem virtutis, vt supra explicui: probatur, quoniam proprium motiuum condendi legem est custodia alicuius rectitudinis, & in particulari eius, quam legislator vult sua lege tutari: & ita quæcumque lex affirmatiua facit actum, ad quem obligat, materiam alicuius virtutis, & constituit eum in specie alicuius virtutis; & similiter ratione prohibitionis factæ, per legem negatiuam habet actus prohibitus oppositionem, cum rectitudine alicuius virtutis.

S. 3. Confessaria quadam ex hac doctrina.

EX HIS SEQUITUR primo, homicidium verbi gratia, tantum esse vnum peccatum secundum speciem, quamuis sit prohibitum distinctis præceptis, scilicet naturali, & humano, tam civili, quam ecclesiastico; probatur quoniam omnibus istis præceptis prohibetur secundum eandem rationem formaliter, & propter idem motiuum, vt dixi, Neque obstat quod aliquando prohibeatur peccatum istud præcepto ecclesiastico, sub pena excommunicationis, & quod excommunicatio supponat inobedientiam, aut contumaciam, vt incuratur: quoniam hoc non intelligitur de inobedientia, vt est speciale peccatū, sed vt est conditio generalis peccatorum: vt enim quis incurrat excommunicationem, non est necesse quod faciat, vel non faciat aliquid quia vult expresse non obedire superiori: sed satis est, quod sit inobediens, aut omittendo id, quod præcipitur à superiori, aut faciendo id, quod prohibetur.

Secundo sequitur, quod cum quis tenetur aliqua die ieiunare duplici ex causa, quia est dies quadragesimæ, & vigilia alicuius sancti; & non ieiunat, non committit duo peccata specie distincta, & idem dicendum est de eo, qui omittit sacrum die dominico, cum quo concurret festum aliquod solemne; probatur quia in priori casu ambæ obligationes procedunt ex motiuo intemperantiæ, & in posteriori ex motiuo religionis.

Quod si quæras, an saltem in quocumque ex istis casibus committantur duo peccata numero distincta. Respondetur negatiue, quoniam malitia actus, si sit eiusdem speciei, non potest multiplicari numero in eodem actu, qui est eius subiectum.

Item, in quocumque ex istis casibus, tantum est debitus vnus actus, quo posset satisfieri duabus obligationibus: ergo etiam est tantum vna numero omisso. Confirmatur, quia in illo actu tantum est debita vna numero bonitas, aut rectitudo, scilicet vna bonitas temperantiæ, aut religionis, non enim haberet duas bonitates propter duas obligationes; ergo etiam in eius omissione tantum est vna numero priuatio bonitatis, aut rectitudinis.

Ex quibus patet quod neque propter distinctionem specificam peccatorum, neque propter numericam, est necesse in aliquo ex istis casibus explicare in confessione, peccatum opponi duabus obligationibus: quidquid dicat NAVARRVS in sum. cap. II. numero 40. Neque est eadem ratio de fratribus religionis D. FRANCISCI, qui non ieiunant die veneris, in quo occurrit vigilia alicuius sancti: quoniam in isto casu peccatum habet duas malitias specie distinctas, quia obligationes, quibus opponitur, differunt inter se specie ex parte motiui; alterum enim supposito statu religionis est voti, & pertinet ad religionem; & alterum præcepti ecclesiastici, & pertinet ad temperantiam, & idem dicendum est de eo, qui non ieiunat eod. die; quo tenetur ieiunare præcepto ecclesie, & confessarij: quoniam etiam præceptum confessarij habet speciale motiuum, scilicet satisfactionem, & punitionem pro peccatis, & facit actum materiam penitentiarum.

Quod si ulterius quæras, an saltem numerus obligationum, quæ in nostro casu violantur, sit circumstantia notabiliter aggrauans, & necessario explicanda in confessione.

Respondetur negatiue, quoniam apud prudentem confessarium parum malitiæ addit numerus iste; quia homines communiter non magis cauent peccata propter eum. Neque ex eius cognitione habebit confessarius aliud iudicium de statu & malitia penitentis, quam si ignoret eum.

Tertio sequitur quod si quis voueat castitatem, & sæpe reuouet atque repetat votum istud, & postea committit peccatum contra ipsum: non habebit plures malitias specie distinctas peccatum istud propter multiplicationem votorum; probatur, quoniam omnia ipsa vota habent idem motiuum religionis, & propter rationem assignatam in præcedenti illatione vnus actus repugnans istis votis non habebit malitias distinctas numero.

Vltimo sequitur, distinctionem præcepti affirmatiui à negatiuo sufficere, ad colligendum distinctionem specificam inter peccata eis opposita; probatur, quoniam etiam si pertineant ad eandem virtutem, habent motiua distincta formaliter scilicet distinctas rectitudines; alteram positivam, & alteram negatiuam, vt explicui articulo vltimo quæstionis præcedentis, ad earum enim custodiam imponuntur præcepta affirmatiua & negatiua.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL: 773-936-5000

FAX: 773-936-5001

WWW.CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU



QVÆSTIO LXXIII. DE COMPARATIONE PECCATORVM.

ARTICVLVS PRIMVS.

Verum omnia peccata sint connexa?

CONCLUSIO. secundum illud, quod perficit speciem peccatorum, scilicet secundum illud, ad quod conuertuntur, nullam connexionem habent peccata ad invicem.

COMMENTARIVS.

CIRCA QVAM adverte, posse intelligi & de habitibus vitiorum, & de actibus peccatorum: & in priori sensu non pertinere ad hunc locum, quoniam de eo agi debet in materia de virtutibus, ubi disputatur de connectione virtutum; & in posteriori verò esse certam secundum fidem ut constat ex illo Iaco. 2. *Quod si non machaberis, occides autem, factus es transgressor legis;* ubi ut certum supponitur, posse committi unum peccatum sine alio. Item quia de fide est, non omnes peccatores habere eandem & æqualem maliciam.

SED CONTRA obijci potest illud, quod paulo ante dixerat idem IACO. *quicumque autem totam legem servaverit, offendat autem in uno, factus est omnium reus.* Ad quod præter expositionem D. THOMÆ in solutione primi, solent assignari alia. prima est D. AUGUSTINI 2. to. epist. 29. ad Hieronymum, & 10. sermone 16. de tempore, qui inquit, ideo qui offendit in uno, fieri omnium reum, quia facit contra charitatem, unde tota lex & omnia præcepta pendenti fauetque huic expositioni, quod PAVLVS ad Rom. 13. ita inquit, *qui enim diligit proximum, legem implet.* Et ad Gal. 3. *nam omnis lex in uno sermo, ne impletur, diliges proximum tuum sicut teipsum.*

Secunda expositio est BURGENSIS additione prima in illud caput; MONTANI & aliorum recentiorum, qui dicunt IACOBVM loqui de lege, quasi de quodam corpore ex varijs præceptis tanquam ex partibus constituto; & ita dixisse, eum, qui offendit in uno, fieri reum omnium, non quia peccat contra singula præcepta sumpta secundum se. sed quoniam peccando contra unum, transgreditur legem sumptam collectivè pro lege integra; & consequenter contra alia præcepta, non prout considerantur in seipsis, sed quatenus sumpta collectivè faciunt illud corpus legis: Nam quemadmodum qui lædit aliquam partem Petri, dicitur lædere Petrum, & consequenter membra eius, nõ ipsa quidem per se, sed quatenus pertinet ad Petrum: sic qui lædit præceptum alicuius legis dicitur lædere integram legem, tanquam corpus, cuius pars est illud præceptum, & consequenter omnia præcepta, non ipsa quidem in se, sed quatenus collectivè sumpta constituunt in-

tegrum corpus legis; & hunc esse IACOBI sensum videtur colligi ex sequentibus verbis, *qui enim dixit non machaberis, dixit & non occides: quod si non machaberis, occidas autem, factus es transgressor legis;* nam cum his verbis reddat IACOBVS rationem eius sententia, quam explicamus: dicendum est, ipsum pro eodem reputasse, fieri aliquem transgressorem legis sumptæ collectivè, & esse reum omnium; & ita HIERON. lib. 1. adversus Pelagianos cap. 7. propter hæc verba dicit de isto loco, quod interpretatur seipsum; additque BURGENSIS, Iacobum ibi confutare errorem Phariseorum, existimantium, eum, qui in uno tantum, aut paucis præceptis transgreditur legem, non dici apud Deum transgressorem legis, nec iniustum: sed potius iustum, quia plura sunt præcepta, quæ non transgreditur, quàm ea, quæ transgreditur.

ARTICVLVS III.

Verum omnia peccata sint paria?

CONCLUSIO est negativa.

COMMENTARIVS.

EST certa secundum fidem, habetur enim expresse Math. 5. *qui irascitur fratri suo, reus erit iudicio; qui autem dixerit fratri suo Raca, reus erit concilio; qui autem dixerit fatue, reus erit gehenna ignis.* Vbi sicut in pœnis, ita in culpis constituuntur diversi gradus, & Ioan. 19. *Propterea qui me tradit tibi maioris peccata habet.* Math. 12. *fiant novissima hominis illius peiora prioribus.* Ier. 7. *peius operati sunt quam patres eorum.* Et Ezech. 16. *pene sceleratiora fecisti illis in omnibus vijs suis;* Et paulo inferius, *vicisti sorores tuas peccatis tuis sceleratius agens ab eis;* potest etiam probari rationibus naturalibus, quæ desumi possunt ex singulis titulis ex quibus D. THOM. articulis sequentibus probat crescere gravitatem alicuius peccati, & ex ipso D. THOMA 3. contra gent. cap. 139.

§ 1. *Fundamentum erroris stoicorum & Ioviniani declaratur.*

CIRCA errorem quem hic refert D. THOM. adverte, tribui primo Stoicis quos sequutus est CICERO parad. 3. & postea IOVIN. hæreticus ut constat ex D. AUGUST. 10. 2. ep. 29. ad HIERON. & 10. 3. lib. de hæresibus, c. 82. & quamvis CASTRO lib. 12. adversus hæreses verb. *peccatum*, hæres. 8. dicat, HIERON. in duobus libris, quos contra IOVINIAN. scripsit, non meminisse huius erroris, neque unquam cum IOVINIANO tribuisse: tamen oppositum est certum, nõ lib. 2. c. 17. ita inquit, *de eo quod niteris approbare, concubinam & homicidium, Raca & adulterium,*

Et otiosum sermonem, Et impietatem uno supplicio re- pensari: iam & supra tibi responsum est, Et nunc bre- uiter respondebo, & AUGUSTINVS epistola citata di- cit, IOVINIAN. qui in hoc errore stoicus erat, fuisse ab HIERONYMO testimonijs scripturæ dilucidissi- mēconuictum.

CIRCA rationem, qua D. THOM. probat con- clusionē, aduertendum, est auctores illius erroris huic potissimum rationi inniti: peccatum consistit in priuatione rectitudinis: sed priuatio consistit in indiuisibili, ergo etiam ratio peccati, & ex conse- quenti omnia peccata sunt paria.

Huic tamen rationi respondet D. THOM. mino- rem non esse vniuersaliter veram: sunt enim duo genera priuationum, quoddam eorum, quæ consi- stunt quasi in *corruptum esse*, vt mors est priuatio vi- tæ, & tenebræ sunt priuatio luminis; & alterum ea- rum, quæ magis consistunt in *corrupti*, quam in *cor- ruptum esse*, vt ægrotudo est priuatio debitæ cōmen- surationis humorū, vel membrorum, estque discrimen inter priuationes istas: nā priuationes *primi generis* non recipiunt magis & minus, quia non relinquūt in subiecto aliquid formæ oppositæ, neque enim cū morte potest esse vilo modo vita, neque cum tene- bris lumen: at vero priuationes *secundi generis* reci- piunt magis & minus, quia non omnino tollūt for- mæ oppositā, sed aliquid ex ea admixtum habet, vt ægrotudo non omnino tollit cōmensurationem hu- morū: & ita quo minor est cōmensuratio humorū, eo maior est ægrotudo, & similiter obscuritas prout distinguitur à tenebris, non est priuatio totalis, & plena luminis, sed habet secum admixtam aliquam eius partem: & ita quo pars hæc fuerit minor, eo ob- scuritas erit maior, & idem est de formalitate, prout opponitur proportioni partium requisitæ ad pul- chritudinem, peccatum vero pertinet ad hoc secū- dum genus priuationū, quod probat D. THO. quia non potest reperiri aliquod peccatū, quod omnino tollat rectitudinē rationis, ita vt sit malum integrū, alioqui destrueret seipsum, vt inquit ARIST. 4. Ethi- ca. 5. quia non posset remanere substantia actus, vel affectio agentis.

SED CONTRA doctrinā istam argumentor *primo*, quod iuxta eam inæqualitas peccatorum desumen- da est ex priuatione rectitudinis: ergo ratio forma- lis peccati consistit in hac priuatione, quod est con- tra ea, quæ diximus de ratione formali peccati ar- t. vlt. quæstionis præcedentis; patet *consequentia*, quia inæqualitas inter quasunque species, quantum ad esse specificum, desumi debet ex rationibus forma- libus, quibus illæ species constituuntur.

Secundo, in actu peccati nullus est gradus boni- tatis moralis, aut rectitudinis, ergo neq; est aliquid de ordine aut rectitudine rationis, ergo priuatio re- ctitudinis in ipso, non pertinet ad secundum genus priuationū, sed ad primum; *prima consequentia* pa- tet ex identitate inter rectitudinem rationis, & boni- tatem moralem; & *secunda* ex definitionibus vtrius- que priuationis: *antece-*dens vero probatur, quoniam: vel actus habet omnia, quæ requiruntur ad eius boni- tatem, ex parte obiecti & circumstantiarum, & sic erit tantum bonus, vel caret aliqua eorū, & sic erit simpliciter malus: quia iuxta sententiarū DIONYS. *bonum confurgit ex integra causa & malum ex quocun- que defectu*: ergo nunquam datur casus, in quo ali- quis actus simul habeat bonitatem & maliciā mo- ralem: quoniam inter duo extrema huius antece-

Adentis, non datur medium, cum opponatur sicut affirmatio & negatio.

Neque potest responderi, satis esse, vt peccatum sit priuatio in fieri, quod maneat entitas, aut substantia actus; *quoniam* vt priuatio aliqua pertineat ad primum genus, satis est quod nihil maneat formæ oppositæ, quamuis maneant aliæ formæ: sicut cæci- tas pertinet ad illud genus, quia nihil visus manet in subiecto, etiam si maneant in ea aliæ qualitates & formæ.

Ultimo, malicia moralis non destruit entitatem naturalem, aut substantiā actus, in quo est tanquam in subiecto: quia nullam habet oppositionem cum ea: ergo quamuis aliquod peccatum sit integrū ma- lum, aut careat omni ordine & rectitudine ratio- nis, non sequitur, quod destruat seipsum, ita vt non possit manere substantia actus, vel affectio operantis.

§ 2. *Fundamentum Stoicorum dissoluitur. Quomodo priuatio suscipiat magis & minus. Quomodo pec- catum comparatur secum aliquam boni- tatem moralem.*

AD primum Respondetur D. THOMAM nun- quam in hoc articulo concessisse absolute, quod inæqualitas inter peccata desumatur ex pri- uatione rectitudinis, sed loqui ex suppositione, quod admittatur fundamentum asserētium omnia peccata esse paria, scilicet, formale peccati consiste- re in priuatione rectitudinis, itaque cum D. THO. in hac quæstione veller explicare radices, ex quibus prouenit, quod vnum peccatum sit grauius alio: & ad hoc necesse sit supponere, esse aliquam inæqua- litatem inter peccata: ideo voluit prius statuere hoc tanquam rectum in isto articulo. Et quoniam potissi- mum fundamentum eorum, qui hoc negabāt, erat, quod formale peccati consistat in priuatione recti- tudinis: ideo ostendit, quod etiā admissio eo, non est neganda inæqualitas in peccatis, rationem tamen quali a priori huius veritatis non assignat in isto ar- ticulo, sed in sequenti, vbi docet præcipuam diffe- rentiam grauitatis inter peccata attendi penes ob- iecta, atque penes diuersos modos oppositionis positiuæ, aut contrarietatis, cum rectitudine ratio- nis, vt ibi explicabimus.

Ad secundum varie solet responderi, nā imprimis aliqui concedunt, vtrāque consequentiam, conui- cti illo argumēto, scil. quod vnū peccatum non ha- bet magis de ordine rationis, aut de bonitate mo- rali, quàm aliud: addunt tamen, non posse colligi ex eo, quod malicia moralis, etiā si consistat in illa pri- uatione rectitudinis, sit æqualis in omnibus pecca- tis: nam quāuis priuatio primi generis in ratione pri- uationis consistat in indiuisibili, vt D. THO. docet, tamen in ratione mali potest suscipere magis & mi- nus, iuxta perfectionē formæ, cui opponitur: cuius ratio est, quod malū non consistit solū in negatione formæ, sed addit huic negationi habitudinē discō- uenientie ad subiectū, & hæc disconuenientia tōto potest esse maior aut minor, quanto forma opposita est magis aut minus conueniens ipsi subiecto: sicut in naturalibus peior est cæcitas, quam priuatio ol- factus, quāuis vtrāque pertineat ad primum genus, & consistat in indiuisibili, quoniam visus quo illa priuat, est nobilior, & nobis utilior, quàm olfactus, quo priuat ista: atque ita in moralibus priuatio rectitudinis in quocumque peccato, quamuis

confi-

consistat in indivisibili, ratione privationis, tamen in ratione malitiæ moralis potest esse maior aut minor pro qualitate rectitudinum, quibus opprimitur. Nam quo aliqua rectitudo fuerit melior, & convenientior respectu naturæ rationalis: eo eius privatio erit peior.

Hæc solutio mihi non placet, quia iuxta eam negari debet id, de quo est tota controuersia, & quod expresse conceditur à D. THOMAS, scilicet privationem rectitudinis, in qua consistit peccatum, pertinere ad secundum genus privationum, & ideo etiam in ratione privationis suscipere magis & minus; an vero doctrina, quæ in ea continetur, sit sufficiens ad explicandum, quomodo, quamuis formale peccati consistat in privatione, possint distinguere diuersæ species peccatorum, ut aliqui volunt cum DVRANDO in 2. d. 42. q. 8. n. 5. & 6. non est hic disputandum: & quantum ego intelligo, ex ijs, quæ dicti articulo ultimo quæstionis præcedentis, potest facile probari pars negativa; concedo tamē, quod si darentur rectitudines distinctæ secundum speciem, quibus opponerentur privationes constituentes species peccatorum, bene possent huiusmodi privationes esse inæquales quantum ad maliciam moralem, licet in ratione privationum essent æquales.

Secundo respondet CAIET. sup. q. 18. art. 8. dupliciter posse exponi, quod privatio peccati non tollat totam rectitudinem rationis, aut bonitatem moralem; *primo permissiue*, ita ut sit sensus non esse necesse, quod semper tollat totam rectitudinem: sed aliquando admittere secum in actu peccati aliquid de rectitudine rationis: ut cum quis dat eleemosynam propter inanem gloriam, actus iste est malus & peccatum, & tamen habet aliquid de rectitudine rationis, saltem per ordinem ad obiectum, & ita dicitur bonus moraliter secundum substantiam, & malus secundum circumstantiam finis; *Secundo positiue* leu per se, ita ut sit sensus, necesse esse, quod quicunque actus, quantumcunque sit malus, habeat aliquid de rectitudine rationis, saltem quod ordinetur ad beatitudinem in cōmuni, ut D. THO. docet q. 1. art. 6. quod est esse bonum moraliter bonitate finis sumpti formaliter, & in communi.

Secunda expositio placet, *prima* quidem, quia supponit falsum, scilicet actum illum habere ratione sui obiecti aliquam bonitatem moralem, ut probauit sup. q. 18. art. 3. & præterea, quia si solum *permissiue* exponatur, illa sententia D. THOMAS, sequitur quod sunt aliqua peccata, in quibus nulla sit rectitudo rationis, neque secundum obiecta, neque secundum circumstantias, & ex consequenti, quod huiusmodi peccata non sunt inæqualia ex parte privationum; *secunda* veto, quia ordo ad beatitudinem in communi, de quo loquitur D. THO. in illo loco, non est bonitas moralis, sed potius pertinet ad genus naturæ, & conuenit etiam actibus peccati, quatenus bona utilia, aut delectabilia, ad quæ terminantur, ordinantur ad bonū satiatiuum appetitus: sicut partes ad suum totum, & sicut inchoationes ad perfectionem & consummationem, ut ipse CAIET. explicat in expositione illius articuli.

Tertio respondens alij, negando antecedens, & ad probationem dicunt cum D. THOMAS de malo. q. 2. art. 9. ad 12. tantum convincere, quod nunquam detur actus, qui simul cum malicia habeat bonitatem moralem totalem, & integram: quoniam ad hanc

bonitatem requiritur concursus eorum omnium, quæ postulat recta ratio, ex parte obiecti, & circumstantiarum, & de ea loquitur DIONYSIUS, nō tamen, quod non detur actus malus, qui habeat aliquam bonitatem moralem partialem: quoniam ad hanc bonitatem non requiruntur illa omnia, sed sufficit quodcunque eorum; si enim actus habuerit vel obiectum, vel aliquam circumstantiam iuxta exigentiam rationis: etiam habebit bonitatem talis obiecti, aut circumstantiæ, quamuis propter defectum aliorum non habeat bonitatem simpliciter, sicut in naturalibus docuit D. THOMAS 1. p. q. 5. art. 1. ad primum, quod, quamuis, ut aliquid sit bonum simpliciter, requiratur quod habeat omnes perfectiones, quas debet habere usque ad ultimam: ut tamen sit bonum secundum quid, satis est quod habeat aliquam, vel aliquas earum.

Hanc doctrinam sequitur COMARIVS hoc loco, & supra quæst. 18. artic. 8. in expositione solutionis primi argumenti; *sed mihi falsa videtur*, quoniam in ea supponitur, bonitatem moralem esse ens per accidens, scilicet aggregatum ex omnibus, quæ requiruntur secundum rectam rationem ad bonitatem actus, quod supra quæst. 18. articulo primo, dubio secundo, probavi esse falsum.

Quare aliter respondetur, concedendo antecedens, & primam consequentiam, & negando secundam; & ad probationem dico, quod, ut peccatum dicatur privatio rectitudinis *ut in corruptis*, aut *in fieri*, non est necesse, quod in seipso habeat aliquam rectitudinem, vel bonitatem moralem: sed satis est, quod in suo subiecto, scilicet in homine, aut in voluntate, possit esse simul cum aliqua bonitate morali, neque amplius, potest colligi ex verbis, aut exemplis, quibus D. THOMAS virtutem nam v. g. egritudo non habet in seipsa aliquam sanitatem, sed est simul cum ea in animali, & idem est de deformitate respectu pulchritudinis, & de obscuritate respectu luminis. Quod autem quodcunque peccatum possit esse in suo subiecto simul cum aliqua bonitate morali, provenit ex eo, quod nullum peccatum est privatio totius rectitudinis aut bonitatis moralis: sed vnum est privatio rectitudinis iustitiæ, aliud rectitudinis temperantiæ, & sic de alijs; & ideo nullum est peccatum quod ratione oppositionis privatiuæ habeat repugnantiam cum quacunque bonitate morali, itaque D. THOMAS considerauit rectitudines singularum virtutum, quasi partes constituentes integrum quoddam bonum, & quandam rectitudinem totalem hominis, propter unitatem finis, in ordine ad quem disponunt & perficiunt hominem ut sit bonus & rectus simpliciter, & in omni materia: ut ipse D. THOMAS videtur insinuate, loquens de peccatis articulo sequenti ad tertium; & quia peccatum quodcunque per se sumptum non tollit ab homine totum istud bonum, neque totam istam rectitudinem, sed admittit secum aliquam partem eius: ideo dixit, non esse privationem *ut in esse corruptum*, vel priuatum; & quia est veluti quædam inchoatio, aut via ad totalem ablationem illius bonitatis moralis, quæ sit per omnia peccata, ideo dixit esse privationem *ut in priuari*, vel *in fieri*.

Ad ultimum ut respondeamus, ADVERTENDUM est, quod D. THO. non probauit, peccatum esse

privationem, ut inferi, quia in ipso peccato maneat aliquid de rectitudine rationis: sed quia per peccatum non auferitur à subiecto totaliter ordo rationis; & hoc voluit significare illis verbis, *Sic in eis privatur debita commensuratio rationis, ut non totaliter ordo rationis tollatur*; quasi diceret, sic peccatum esse privationem illius commensurationis, ut per ipsum non auferatur totaliter ordo rationis, scilicet à subiecto; ut, si quis diceret, ægritudinem sic esse privationem sanitatis, ut per eam non auferatur totaliter sanitas, deberet intelligi respectu animalis, & non respectu ipsius ægritudinis; & in hoc sensu sumptis D. THOMAS pro eodem, per peccatum aliquid auferri totaliter ordinem rationis, & tale peccatum esse integrum malum.

*Sed adhuc restat difficultas argumenti, quomodo scilicet ex eo, quod peccatum aliquid auferat totaliter ordinem rationis, aut esset integrum malum, sequatur, quod destrueret seipsum, quia non posset remanere substantia actus? Respondetur non sequi hoc propter oppositionem inter maliciam moralem, & entitatem, aut substantiam actus, ut in argumento obijciatur: sed quia non posset voluntas operari nec exercere talem actum, quoniam voluntas semper agit cum affectu ad aliquod bonum determinatum, vel ad plura per modum unius; est autem impossibile, quod obiecta omnium peccatorum secundum proprias rationes specificas appetantur per modum unius: non solum quia sunt plura, & sine subordinatione, aut inter se ad invicem, aut respectu alicuius, à quo omnia pendeant: sed etiam quia multa ex ijs habent inter se repugnantiam, & sunt sibi invicem impedimento, ut patet in ijs, quæ opponuntur secundum excessum & defectum & in alijs, ut congregatio pecuniarum, quam vult avarus, impedit consecutionem delectationum venerearum, quam desiderat intemperans; & consecutionem honorum quam appetit ambitiosus; & ideo D. THOMAS non dixit absolute, quod non posset manere substantia actus, sed cum hac conditione, *vel affectu agentis.**

§ 3. *Etiā peccata, quæ tantum sunt mala, quia prohibita, possunt esse inæqualia.*

CIRCA SOLUTIONEM secundi, adverte, quod D. THOMAS 3. contra gent. cap. 139. ita proponit illud argumentum: si quis præcepto iudicis teneatur non transilire aliquam lineam, & transgrediatur eam; nihil refert apud iudicem quod multum, vel parum recedat ab ea: ergo similiter, cum teneamur non transgredi regulam rationis, si transgrediamur eam, nihil refert quod discedamus ab ea multum vel paucum. Et *Respondet*, non esse simile transgredi virtutem, & transilire lineam: nam virtus est secundum se quid bonum, & ideo transgredi virtutem est secundum se malum; at vero non transgredi lineam, non est secundum se bonum, sed solum ratione præcepti; & ideo transgredi eam non est secundum se malum, sed per accidens; & ex hoc provenit, quod quamvis non sit magis malum elongari magis à linea: tamen recedere magis à regula rationis sit magis malum; quoniam regula illa dialectica sicut simpliciter ad simpliciter, ita magis ad magis, solum

A habet locum in ijs, quæ per se sunt talia, & non in ijs, quæ per accidens sunt talia; ut, quoniam album est per accidens dulce, non sequitur quod quo aliquid est magis album, eo sit magis dulce; quia tamen album est per se disgregatiū visus, bene sequitur, quod quo aliquid est magis album, eo sit magis disgregatiū.

Sed ex hoc argumento, & eius solutione, colligit CONRADVS, esse inter se æqualia omnia peccata, quæ ideo tantum sunt mala, & peccata, quia prohibita; idque probat, quia cum ista peccata solum sint mala ratione prohibitionis, sequitur quod non sint mala per se, sed per accidens; & ex consequenti, quod non magis habeat in eis locum illa regula dialectica, quam in transgressionem lineæ.

Confirmatur primo, quoniam si transgressio, quæ reperitur in huiusmodi peccatis, non differt à transgressionem lineæ, eo modo quem DIVVS THOMAS explicuit, sequitur quod iuxta ipsius sententiam sit eadem ratio de utraque transgressionem: & ex consequenti, quod argumentum, quantum attinet ad hæc peccata, conuincat intentum.

Confirmatur secundo, quia malicia istorum peccatorum consistit præcise in transgressionem præcepti: sed hæc transgressio consistit in indivisibili, & non suscipit magis & minus, ut in argumento ostenditur exemplo transgressionis lineæ; ergo idem est dicendum de malicia.

Verum in hac illatione fallitur CONRADVS, quoniam actus, ad quos obligant leges positivæ, sunt inæquales in bonitate: ergo etiam actus quos prohibent, habent inæqualem maliciam; consequentia patet ex paritate rationis; & antecedens probatur, quoniam actus illi pertinent ad virtutes distinctas, & inter se inæquales.

Confirmatur primo, quoniam leges humanæ, siue civiles, siue ecclesiasticæ, nihil præcipiunt, nisi quod utile sit subditis in ordine ad finem intentum: neque prohibent nisi quod est noxium; sed tam in ijs quæ sunt utilia, quam in ijs, quæ sunt noxia, reperiuntur diuersi gradus; ergo & in peccatis, quæ committuntur, aut omittendo præcepta, aut faciendo prohibita.

Confirmatur secundo, quoniam obligationes istorum præceptorum sunt inæquales, quia tanto strictius obligat aliquod præceptum, quanto est de materia magis vitii, aut magis noxia: ut, præceptum continentis, & communicandi semel in anno, strictius obligat, quam præceptum audiendi sacrum die festo: quia illud magis expedit saluti fidelium; & præceptum ecclesiasticum prohibens simoniam, quæ solum sit talis ratione prohibitionis, magis obligat quam præceptum ieiunandi; & similiter, si rex præcipiat ne deferantur noctu arma, & ne vendantur Turcis, magis obligat hoc secundum, quam primum, quoniam prohibet rem magis noxiam reipublicæ: ergo etiam & violationes istorum præceptorum sunt inter se inæquales in malicia, & gravitate.

Confirmatur ultimo, quoniam peccata contra huiusmodi præcepta possunt esse inæqualia ratione circumstantiarum: ut furtum de loco sacro ratione quantitatis posset esse gravius etiam in ratione sacrilegij; & qui facit sacrum sine luminaribus, velis sacris, & vestibus, gravius peccat, quam qui

tantum

tantum omittit vnum istorum.

Et ad argumentum CONRADII, respondetur: solum probare, quod iuxta sententiam D. THOMÆ non possit colligi inæqualitas inter hæc peccata ex illa regula dialectica:

Ad primam confirmationem, respondetur, concedendo, non sufficere illam solutionem ad respondendum illi argumento, si proponatur contra inæqualitatem peccatorum, quæ solum sunt peccata, quia prohibita iure positio; neque propterea D. THOMAS fuit illo loco diminutus quoniam, cum ibi solum veller docere, non esse omnia peccata æqualia: satis fuit ostendere, non convincere illud argumentum respectu aliquorum peccatorum, scilicet respectu eorum quæ secundum se sunt mala, qualia sunt illa, quæ ante prohibitionem iuris positiui sunt mala;

Et si quæras, quid respondendum sit illi argumento ad defendendam nostram sententiam? Respondetur optime responderi à D. THOMÆ hoc loco his verbis: *dicendum, quod illa ratio procedit de peccato, ac si esset priuatio pura*: vbi docet, esse hoc discrimen inter priuationem, quæ est in transgressione lineæ, & priuationem, quæ est in transgressione regulæ rationis; quod illa est priuatio pura, hoc est totalis, quoniam tollit bonum oppositum, quod est continere se intra lineam; at vero hæc non est priuatio pura, hoc est totalis, quoniam non tollit totum ordinem rationis, vt explicui. Ad secundam confirmationem respondetur, negando minorem: neque obstat exemplum transgressione lineæ, propter rationem nunc assignatam.

ARTICVLVS III.

Verum grauitas peccatorum varietur secundum obiecta?

PRIMA CONCLUSIO. Secundum diuersitatem obiectorum attenditur diuersitas grauitatis in peccatis.

SECUNDA CONCLUSIO. differentia grauitatis, quæ attenditur penes obiecta, est prima & principalis, quasi consequens speciem.

COMMENTARIVS.

§. 1. Peccati quantitas seu grauitas essentialis, & accidentalis, quæ mensura aut numeralis.

CIRCA DOCTRINAM huius articuli ADVERTE PRIMO, quod in peccato est sua quantitas, seu magnitudo, Probatum primo, quoniam tribuuntur ei proprietates & denominationes quantitatis, scilicet esse magnum, vel paruum, æquale vel inæquale; & præterea ex scriptura, nam Deutero. 25. dicitur *pro mensura* (hoc est quantitate) *peccati erit plagarum modus*; Apocalipsis 18. *quantum glorificauit se & in delicijs fuit, tantum date illi tormentum & luctum*. Iudic 20. *interrogatusque Lenita maritus mulieris in-*

terfusa, quomodo tantum (hoc est tam magnum) *scelus perpetratum esset* &c. & paulo inferius, *namquam tantum nefas, & tam grande piaculum factum est in Israël*, & alibi sæpe; hoc autem non est intelligendum de quantitate propria, sed de modalitate vt sit sensus, esse in peccato aliquid, quod habet modum quantitatis; sicut in substantijs & qualitatibus dicimus esse quantitatem ita sumptam: & hæc quantitas peccati metaphorice appellatur *grauitas*; quia sicut corpora sua grauitate feruntur à superiori loco ad inferiorem: sic & creaturæ rationales suis peccatis separantur à summo bono, & trahuntur ad miseriam; & tanto ad maiorem, quanto ipsa peccata sunt maiora, hoc est habent maiorem quantitatem. SECUNDO ADVERTIT, quod in eodem peccato potest considerari triplex quantitas: *prima est essentialis*, quæ conuenit peccato sumpto secundum suam essentiam, & abstrahendo ab omnibus accidentibus; nam sicut peccatum quodcumque ita sumptum habet certam deformitatem, & malitiam, distinctam à deformitate alterius, & comparabilem cum ea: ita etiam considerari potest quanta sit huiusmodi deformitas; *secunda est quantitas intensiōis vel remissionis*, secundum quam intra eandem speciem dicitur vnum peccatum grauius altero, sicut vnus calor est maior altero intra eandem speciem caloris. *Tertia est quantitas multitudinis*, quæ tanto est maior vel minor, quanto plures aut pauciores rationes diuersorum peccatorum coniunguntur in eodem peccato.

TERCIO ADVERTENDUM, quod quamuis istæ tres quantitates possunt conuenire eidem peccato: tamen non sumuntur ex eadem parte: nam *prima* sumitur ex obiecto, ita vt quanto obiectum fuerit malum obiectiue; tanto peccatum sit grauius secundum essentiam, & hoc conuenit euidenter ratio D. THOMÆ: quoniam ex eodem sumitur quantitas essentialis, & differentia specifica constituens essentiam: sed differentia specifica in quocumque peccato sumitur ex obiecto, vt D. THOMAS docuit art. 1. quæstionis præcedentis; ergo & quantitas essentialis; dicit vero D. THOMAS de hac quantitate, quod quasi consequitur essentiam; quia est veluti modus quidam ipsius essentia; sicut quantitas perfectionis essentialis in quocumque accidenti, est modus: ex quo patet esse verum id, quod diximus articulo præcedenti, scilicet secundum sententiam D. THOMÆ rationem à priori inæqualitatis peccatorum non esse sumendam ex priuationibus, sed ex obiectis; Probatum, quoniam ea, quæ sunt principia quantitatis essentialis in aliquibus speciebus, sunt etiam principia inæqualitatis essentialis: inter eas: sed obiecta sunt principia quantitatis essentialis in peccatis; ergo etiam sunt principia inæqualitatis inter ea; atque adeo ex obiectis debet sumi ratio à priori, ad probandum, peccata esse inter se inæqualia. *Secunda vero quantitas* sumitur ex circumstantijs, quæ non dant speciem peccato, sed important modos specierum: vt furri grauitas crescit ex quantitate rei ablata, & grauitas cuiuscunque peccati crescit ex modo, quo fit, scilicet ex aduertentia intellectus, & ex conatu voluntatis; Et tandem *tertia grauitas* sumitur ex circumstantijs, quæ dant actui speciem malitiæ, distinctam ab ea, quæ sumitur ex obiecto: vt cum idem

Peccatum homicidij habet malitiam sacrilegij, quia occisus est sacerdos; & furti, quoniam ab operante ordinatur ad furtum.

ULTIMO ADVERTE, quod de malitia obiecti, ex qua sumitur substantialis gravitas peccati; & de ipsa gravitate peccati, ita iudicandum est, ut illud obiectum censeatur magis malum obiectivè, quod opponitur præstantiori bono: & consequenter illud peccatum censeatur gravius secundum speciem, per quod maius & præstantius bonum læditur; & ita, quia Deus secundum se est præstantius bonum quam homo; & homo secundum suam substantiam, quàm bona externa; quoniam ad Deum ordinatur homo, & ad hominem reliqua bona: ideo peccata, quæ immediate sunt contra Deum, graviora sunt quam ea, quæ sunt contra proximum; ut hæresis, blasphemia, & odium Dei, quam furtum, homicidium, & similia; & interea, quæ sunt contra proximum, illa, quæ sunt contra eius substantiam, graviora sunt, quam illa quæ sunt contra bona externa, ut homicidium est gravius quam furtum.

EX HIS SEQUITUR, posse contingere, quod idem peccatum habeat gravitates inæquales; & ita ut secundum eas dicatur magis & minus grave respectu eiusdem peccati; probatur, quia potest aliquod peccatum excedere alterum in deformitate obiecti, & superari ab eo in numero circumstantiarum, quæ in utroque corrumpuntur; & explicatur exemplis, nam periurium, cum sit contra Deum, gravius est ex parte obiecti; quam furtum: & tamen furtum potest esse tantæ quantitatis, ut in gravitate accidentali, quæ sumitur ex quantitate obiecti, superet periurium; item gravitas accidentalis periurij, potest tantum extenuari ratione modi, quo fit, scilicet ratione inadvertentiæ, & ignorantie, ut quantum ad eam superetur à furto.

VERUM hic placet *advertere*, circa exemplum istud, quod RICARDVS in 3. d. 39. circa 4. principale q. 1. dicit, homicidium esse peccatum gravius periurio: sed contrarium sentit D. THOMAS quodlib. 1. art. 18. & SILVESTER verb. periurium, numero 2, & colligitur ex CHRYSOSTOMO hom. 15. ad populum, & ex doctrina huius articuli, ut dixi. *Neque obstat*, quod homicidium puniatur gravius lege humana, & etiam diuina veteris testamenti: quia leges istæ peculiariter respiciunt bonum commune, & externam reipublicæ tranquillitatem; & ideo seuerius puniunt illa peccata, quæ magis nocent huic bono, quamvis apud Deum sint leuiora; idem CAJETANVS 2. 2. quæstio. 144. artic. 3.

9. 2. An gravitas accidentalis possit equare aut superare essentialem.

Sed dubium, est utrum tantum possit crescere gravitas accidentalis alicuius peccati, ut ratione eius dicatur tale peccatum simpliciter, & absolute gravius, quam aliud quod est gravius ipso ex parte obiecti? ut v. g. utrum homicidium possit tantum crescere in malitia ratione circumstantiarum, ut sit simpliciter & absolute gravius peccatum quam blasphemia? ubi non loquimur de

A gravitate multitudinis, quæ etiam est accidentalis respectu specificæ; quoniam de hac non est dubium, quin possit excedere simpliciter & absolute gravitatem specificam; sed loquimur de gravitate intensiōis.

AD HOC ALIQUI absolute respondent affirmatiue, & addunt, non esse hoc contra D. THOMAM: quoniam, cum dicit, illud peccatum esse gravius, quod habet peius obiectum; intelligi debet cum limitatione hac, quod cetera omnia, ex quibus sumitur gravitas peccatorum, sint paria; pro quo non negatur, quod illa maior gravitas, quæ provenit ex obiecto, possit superari à gravitate proveniente ex circumstantijs; probantque hanc suam sententiam multis exemplis; nam *in primis* gravius delictum est infamare nobilem familiam de crimine proditionis, aut virum illustrem de crimine hæresis, quàm interficere hominem plebeium; & tamen homicidium, cum sit destructivum vite, est gravius ex parte obiecti, quàm detractio, per quam læditur honor, aut fama; & similiter maius peccatum est interficere quatuor homines, quam blasphemia; quamvis blasphemia sit ex parte obiecti gravius, quoniam opponitur præstantiori bono, scilicet diuino; & propter hanc rationem etiam peccaret gravius, qui expoliaret publicum ærarium, quam qui interficeret hominem plebeium.

Confirmatur primo: quoniam peccata ista sunt simpliciter & absolute digna maiore pœna, non solum apud homines, sed etiam apud Deum, & in alia vita; ergo etiam sunt simpliciter & absolute graviora: probatur *consequentiâ*, quia pœna, qua Deus punit in alia vita quodcunque peccatum, est commensurata gravitati ipsius peccati.

Confirmatur secundo, quoniam in naturalibus argentum magnæ quantitatis habet maiorem valorem, quàm aurum exiguæ quantitatis: ergo etiam in moralibus furtum ratione quantitatis poterit habere maiorem gravitatem, quam homicidium; quamvis homicidium sit secundum speciem gravius furto. Et idem dici potest in alijs exemplis propositis in argumento.

C *Confirmatur tertio*, quoniam gravitas v. g. homicidij, cum sit finita, non excedit infinite gravitatem furti mille aureorum: ponamus ergo quod illa sit ut decem, & ista ut quinque; & hoc posito, argumentor sic: furtum bis mille aureorum, est subduplum in gravitate homicidio, ergo furtum bis mille aureorum est ei æquale in gravitate, & furtum maioris quantitatis est maius in gravitate; & idem argumentum fieri potest de alijs peccatis inæqualibus in gravitate specifica, quæ referuntur in argumento.

MIHI VERO videtur utendum distinctione; *ante* enim est quæstio de re, aut de nomine, & quidem SIT QUÆSTIO DE RE, Dico, non sufficere gravitatem alicuius peccati ex parte circumstantiarum, quæ non dant speciem, ut tale peccatum sit simpliciter & absolute gravius, quam aliud, quod sit ex parte obiecti gravius: probatur, quoniam quantumcunque primum peccatum crescat in gravitate, quæ sumitur ex circumstantijs, semper superabitur à posteriori in gravitate substantiali & essentiali: ergo semper erit simpliciter & absolute minus grave, quam posterius; *antecedens* patet, quoniam gravitas ex circumstantijs est accidentalis, & gravitas,

quæ

quæ sumuntur ex obiecto est essentialis, ut dixi, & illa non facit vnum cum ista, neque potest augere eam, quoniam sunt diuersorum ordinum: ergo quantumcunque grauitas, quæ sumitur ex circumstantiis, crescat in priori peccato, semper grauitas essentialis erit in eo minor, quam in posteriori; & *consequentia* probatur, quoniam sicut grauitas essentialis est maior simpliciter & absolute quam accidentalis, sicut essentia superat simpliciter & absolute sua accidentia: ita etiam peccatum, quod excedit alterum in grauitate essentiali, erit simpliciter & absolute grauius eo, quamuis in grauitate accidentali superetur ab ipso.

Confirmatur primo, quoniam in naturalibus semper indiuiduum perfectioris speciei est simpliciter & absolute perfectius indiuiduo speciei inferioris, quamuis superetur ab eo in multis perfectionibus accidentalibus: & ita quamuis bruta superent hominem in multis accidentibus, & in operationibus sensuum externorum: tamen nullum eorum est simpliciter perfectius aliquo homine, etiam imperfectissimo; quia est semper quoad essentiam specificam & potentias, atque operationes ipsi debitas, minus perfectum; & ratio huius est ea, quam assignauimus in grauitatibus peccatorum, scilicet, quod perfectio accidentalis considerata præcisè secundum ea, quæ ipsi sunt propria, est inferior essentiali, & non facit vnum cum ea, neque augeat eam.

Confirmatur secundo, quoniam qualitas, quæ secundum speciem est inferior altera, semper manet simpliciter & absolute inferior, quamuis multum superet eam in intensione.

Dices esse discrimen inter naturalia & moralia: quoniam in naturalibus perfectio accidentalis differt specie, & ordine, ab essentiali: & ideo non facit vnum cum ea, neque augeat eam, ut patet si conferas substantiam cum accidentibus, quibus perficitur accidentaliter; At vero in moralibus grauitas accidentalis peccati, quæ sumitur à circumstantiis non mutantibus speciem, non differt specie ab essentiali; quoniam reducitur ad eam speciem malitiæ, quæ sumitur ex obiecto, cum per se non habeat aliam; & ad eandem speciem pertinet grauitas essentialis, & ideo grauitas accidentalis potest facere vnum cum essentiali, & augere eam.

Sed contra, quia ea ratione, qua in modis terum constituimus speciem, necessario dicendum est quod grauitas accidentalis differat specie & ordine (hoc est ratione formali) ab essentiali; quoniam grauitas essentialis est modus immediatus & intrinsecus essentiae, at vero accidentalis conuenit ei ratione extrinsecorum: *Neque obstat*, quod reducat ad speciem malitiæ specificæ, ad quam pertinet grauitas essentialis; *quoniam* cum hoc stat, quod, ut modus habeat propriam rationem formalem, & distinctam à ratione grauitatis essentialis; quia ratio formalis grauitatis alicuius malitiæ vel peccati non est ipsa malitia, sed, esse modum siue gradum, aut quantitatem eius. Et hoc idem dicendum est sæpe in naturalibus, quamuis in exemplo proposito aliter contingat: nam ut grauitas albedinis reducitur ad speciem albedinis, quia per se non importat aliquam naturam, & tamen habet propriam rationem formalem distinctam à quantitate perfectionis essentialis ipsius albedinis.

A SI VERO SIT QUÆSTIO DE NOMINE, siue de nominatione, Dico posse peccatum aliquod habere tantam grauitatem ratione circumstantiarum ut simpliciter, hoc est sine addito aut limitatione possit dici grauius, quam alterum, à quo superatur in grauitate, quæ sumitur ex obiecto. Probatur, quoniam peccatum illud ratione vtriusque grauitatis simul sumptæ potest iudicari secundum moralem æstimationem grauius sine vilo addito: ergo etiam potest appellari grauius sine addito, *consequentia* patet. quia ut denominatio sit vera, satis est quod conueniat cum iudicio vero; & *antecedens* probatur, quia licet illæ grauitates secundum se sint distinctæ, tamen in ordine ad æstimationem moralem possunt sumi simul, ut habita ratione vtriusque feratur iudicium de tota grauitate peccati; ac si esset omnino vna. Et ratio huius est, quia ad æstimationem moralem non minus attendendum est ad accidentia, quam ad substantiam & essentiam rei: imo sæpe magis; & in hoc differunt moralia à naturalibus: quoniam naturalia, quatenus talia sunt, hoc est sine ordine ad vsum hominum, non important ordinem ad moralem æstimationem, sicut moralia.

AD ARGUMENTVM alterius sententiæ patet solutio ex dictis; manet siquidem explicatum, quia ratione peccata illa, quæ sunt minus graua ex parte obiecti, non sunt simpliciter grauiora secundum se propter circumstantias, quamuis appellari possint grauiora sine addito.

Ad primam confirmationem, concessio antecedenti neganda est consequentia, & ad probationem, dico, quod, quia grauitas accidentalis punitur pœna eiusdem rationis cum ea, qua punitur grauitas essentialis, ideo satis est augeri grauitatem accidentalem, ut pœna ei respondens adæquet; imo ut superet pœnam respondentem alteri peccato grauiori siue addito.

Ad secundam responderetur, quod argumentum in illo casu non est melius, neque habet maiorem perfectionem simpliciter, quam aurum, sed solum secundum quid, hoc est quantum ad vsum hominum: & hoc modo dicitur habere maiorem valorem; non vero quia secundum suam entitatem, & secluso ordine ad vsum sit dignum maiori pretio, aut æstimatione; in quo sensu etiam equus, aut lapis, potest habere maiorem valorem quam homo.

Ad ultimam, admitto casum illum, & ad argumentum concessio antecedenti nego consequentiam, quoniam, cum grauitas essentialis sit alterius rationis à grauitate accidentali, non poterit excessus in grauitate essentiali superari, imo nec adæquari propter augmentum grauitatis accidentalis sicut quamuis excessus, quo essentia v. g. albedinis superat essentiam nigredinis, aut alterius qualitatis, sit finitus: non poterit vinci, quantumcunque nigredo crescat in intensione; & idem dici potest si fiat comparatio inter quascunque alias species; imo quamuis charitas viæ sit eiusdem speciei cum charitate patriæ, & iuxta multorum sententiam possit superare eam in intensione; tamen quantumcunque intendatur, non adæquabit eam in alijs perfectionibus.

ARTICVLVS IV.

Vtrum grauitas peccatorum differat secundum dignitatem virtutum quibus opponuntur?

PRIMA CONCLUSIO. *Sil quamur de oppositione directe & per se cum virtute, alienum est, maxime virtuti opponitur maximum peccatum.*

SECUNDA CONCLUSIO, *si vero loquamur de oppositione cum virtute quoad effectum ipsius virtutis, quæ est cohibere peccata: dicendum est quod quanto aliqua virtus fuerit maior, tanto magis opponuntur ei etiam leuia peccata, quia tanto magis ipsa virtus cohibet quacunque peccata, etiam leuia.*

COMMENTARIVS.

§. 1. Declaratur prima conclusio articuli.

CIRCA primam conclusionem, NOTANDVM PRIMO, quod cum D. THOMAS dicit, peccatum aliquod opponi directe & per se alicui virtuti: non contra dicit sibi ipsi supra q. 71. art. 3. vbi dixit, peccatum non opponi virtuti directe, sed quantum ad id, ad quod virtus ordinatur, scilicet quantum ad actum bonum; quoniam ibi per *opponi directe*, intelligit opponi quantum ad id, quod directe pertinet ad essentiam virtutis; hic autem intelligit opponi respectu eiusdem obiecti & quævis primum non conueniat peccato tamen secundum bene potest ei conuenire, ut statim dicam.

SECUNDO NOTANDVM, conclusionem hanc posse intelligi de habitibus virtutum, & de peccatis; nos tamen solum agemus de peccatis, quia de eis loquitur D. THOMAS; & quia fere eadem sunt difficultates contra eam, siue intelligatur de habitibus, siue de peccatis; & eodem modo sunt explicandæ: & tandem quia ex eadem parte est sumenda ratio ad probandam istam conclusionem, siue intelligatur vno, siue altero modo, scilicet ex oppositione cum maiori bono.

TERTIO NOTANDVM, veram esse hanc conclusionem, siue dicamus formale peccati esse priuationem, siue dicamus esse aliquid posituum; si enim dicamus primum, cum malitia priuationis consistat in carentia boni oppositi: consequenter tenemur concedere, quod quanto peccatum aliquod opponitur priuatiue maiori virtuti, tanto est magis malum quia tanto est carentia maioris boni: & idem probari potest, si dixerimus secundum, quoniam posituum dicitur malum quatenus opponitur contrarie alicui bono, & quatenus recedit a bono, quanto maiori bono opponitur contrarie, aut quanto recedit a maiori bono, tanto est magis malum. Et colligitur aperte hæc conclusio ex doctrina articuli præcedentis; si enim ex obiecto sumitur grauitas peccati, bene sequitur, quod etiam sumatur ex dignitate virtutis, cui opponitur, quia quanto maior est virtus, tanto habet melius obiectum, & ex consequenti tanto peccatum, quod ipsi opponitur ex parte obiecti, lædit præstantius bonum, & habet obiectum magis malum obiectum; & ita conclusio ista solum est intelligenda de grauitate essentiali, quæ sumitur ex obiecto:

Anam ex grauitate accidentali, quæ sumitur ex circumstantiis, bene potest peccatum oppositum maxime virtuti, superari ab eo quod opponitur inferiori.

VLTIMO NOTANDVM, non esse sensum huius conclusionis, quod semper peccatum grauius debeat opponi præstantiori virtuti: sed quod quando opponitur, est grauius; nam peccata extrema, quæ opponuntur eidem virtuti mediæ, sunt inter se inæqualia, etiam in grauitate essentiali, quæ sumitur ex obiecto, & tamen neque in ipsa virtute, neque in suo obiecto est inæqualis præstantia, aut bonitas, cum sit omnino eadem; nihilominus tamen etiam in huiusmodi peccatis potest explicari inæqualitas per respectum ad virtutem cui opponuntur: quoniam illud peccatum, quod habet maiorem contrarietatem & repugnantiam cum ea, dicendum est grauius, quia quantum est de se, est magis destructiuum rectitudinis ipsius virtutis, cum contrarietas sit ratio, propter quam peccatum destruit eam. Quomodo vero cognosci possit, quod peccatum ex ijs, quæ opponuntur eidem virtuti secundum excessum & defectum, habeat maiorem contrarietatem cum ipsa, explicatur optime ab ARISTOTELES 2. Ethic. ca. 8. vbi inquit, duobus modis posse illud cognosci, primo, ex collatione vtriusque vitij extremi cum ipsa virtute: si enim verè eorum naturam perpendamus, videbimus semper vnum eorum esse similius & propinquius virtuti, quam alterum, & ex consequenti recedere minus à virtute, atque proinde esse minus contrarium virtuti, quam alterum; quoniam sicut contraria sunt quæ inter se maxime distant sic etiam illa dicuntur minus contraria, inter quæ fuerit minor distantia; & ita dicit ARISTOTELES, prodigalitatem conuenire magis cum liberalitate, & ex consequenti esse minus contrariam ei, quam auaritiam; & propter eandem rationem, audaciam minus esse contrariam fortitudini, quam timiditatem; & insensibilitatem temperantiæ, quam intemperantiam: secundo ex comparatione etiam vtriusque peccati ad nostram propensionem, nam illud, ad quod sumus magis procliuus, est magis contrarium virtuti, quoniam ad illud facilius prolabimur, & ex consequenti facilius ratione illius destruetur virtus, quam ratione alterius; & addunt aliqui, quasdam virtutes per se ordinari ad coerendum hominem, ut humilitas & temperantia; & alias ad impellendum, ut liberalitas & fortitudo; & in prioribus peccatum per excessum esse magis dissimile virtuti, atque adeo magis contrarium, in posterioribus vero peccatum per defectum; & ex quo magis explicatur prior modus cognoscendi inæqualitatem, traditus ab ARISTOTELE,

§. 2. Argumenta contra conclusionem iam explicatam obijciuntur & dissoluntur.

SED CONTRA hanc conclusionem, præter argumenta huius articuli (de quorum solutionibus dicam statim) poterunt obijci, PRIMO tria testimonia D. THOMÆ; primum habetur infra q. 84. art. 4. ad 1. & 2. q. 118. art. 7, ad 1. vbi ait, non oportet, quod principalia vitia opponantur principalibus virtutibus; secundum habetur 2. 2. q. 142. art. 3. vbi inquit, peccatum timiditatis

quod



ut alteri; & præterea interrogatur iniuria proli, quoniam vel impeditur generatio, vel saltem regulariter impeditur legitima institutio & nutritio eius & ratione *primi* fornicatio non superat furtum, quia (ut ibi inquit D. Thomas ad 2.) ratio est maius bonum hominis, quam corpus, & rationi repugnat magis furtum; ratione vero *secundi* superat ipsum, quia (ut etiam docet D. Thomas ibid. & articulo præcedenti) peccatum, quod est contra propriam substantiam, aut vitam alicuius, grauius est, quam illud, quod est contra bona externa, quoniam est corruptivum maioris boni; cæterum fornicatio quantum ad hoc secundum, magis opponitur iustitiæ, quam temperantiæ.

AD SECUNDAM OBJECTIONEM negandum est, sequi illa duo inconuenientia ex conclusione D. THOMÆ, & ad probationem *primi*, dicendum est, neutrum exemplum esse ad rem; quoniam doctrina D. THOMÆ intelligenda est, quando fit comparatio inter peccata in oppositione cum virtutibus, seruata æqualitate in ratione oppositionis, ita ut oppositio sit eiusdem generis, & æque immediata & directa: quod tamen non fit in exemplis istis, nam in *priori*, ommissio sacri opponitur religioni priuatiue, homicidium verò iustitiæ opponitur contrarie, & præterea, quia ommissio sacri die festo non opponitur immediate obiecto religionis, quod est cultus Dei, sed potius determinationi temporis, quo aliquid est faciendum in cultum Dei, factæ iure positiuo ecclesiastico: homicidium vero opponitur immediate obiecto iustitiæ: & ita SILVESTER verbo *primi* num. 2. propter hanc rationem dixit, quod quamuis laborare die festo opponatur contrarie religioni, non est grauius peccatum, quam homicidium, quod etiam opponitur contrarie iustitiæ. In *secundo* exemplo etiam, orare indenuotè, aut siue attentione, non opponitur directe obiecto religionis, scilicet cultui Dei absolute sumpto, sed modo: homicidium vero directe opponitur obiecto iustitiæ. Ad probationem vero *secundi* inconuenientis, dico, in peccato nefando etiam interrogari iniuriam proli, tum quia impeditur eius generatio per actionem inordinatam, scilicet in voluntaria emissionem seminis extra locum à natura destitutum generationi; tum etiam, quia in eo est malitia fornicationis: quoniam actus venerei per se & ex natura rei ordinantur ad concubitum aptum generationi: ergo sicut quando coniunguntur cum isto concubitu habent eius malitiam, ita etiam quando ex intentione operantis separantur ab eo & ab ordine ad eum, habent illam malitiam: quoniam propter finem operantis non amittunt peccata speciem, quæ sumi potest ex fine operis, sicut de osculis, & tactibus argumentatur CATHARTANVS. 2. 2. q. 154. art. 4. & ideo sicut in fornicatione interrogatur hæc iniuria proli, quod impeditur eius bona educatio: ita etiam in peccato illo & ex hac parte peccatum illud habet oppositionem cum iustitiâ, & est grauius furto, sicut dixi de fornicatione: ex alia vero parte, scilicet quatenus in eo inuenitur ordo naturæ, est grauius ipsa fornicatione.

§. 3. Examinantur solutiones quas D. Thomas addidit argumentis in principio articuli factis.

CIRCA SOLUTIONEM secundi, aduerte, D. THOMAS, ut respondeat illi argumento, dicere tria, *primum* est, quod virtus, quanto præstantior est, tanto versatur circa bonum magis difficile; *secundum*, quod peccatum oppositum præstantiori virtuti versatur circa malum magis difficile; *tertium* est, quod illa minor argumenti, minus peccatum est deficere in magis difficili quam in minus difficili falsa est, si intelligatur de magis & minus difficile bono, quod est obiectum virtutis, aut de magis & minus difficili malo, quod est obiectum peccati, sicut debet intelligi, ut posset sumi sub maiori, quæ est ista: *in magis difficili deficit, qui peccat contra præstantiorem virtutem*: & ex his manet solum; argumentum, quoniam qui peccat contra præstantiorem virtutem, deficit circa magis difficile bonum & circa magis difficile malum, quod est signum maioris procliuatatis voluntatis ad peccandum, & ideo grauius peccat.

SED HÆC VIDENTUR falsa, & inter se repugnantia, nam *primum* est falsum, quoniam dignitas virtutis non sumitur ex maiori difficultate obiecti, sed ex maiori bonitate, & ita D. THOMAS 2. 2. q. 27. art. 7. docet, dilectionem amici esse meliorem, quam dilectionem inimici, quamuis ista sit difficilior: & art. 8. ad vltimum, dicit, quod plus facit ad rationem meriti, & virtutis bonum, quam difficile; & omnes concedunt, non esse meliorem actum ieiunii in homine intemperato quam in homine temperato, quamuis intemperatus ieiunet difficilius, quam temperatus. *Secundum* etiam contradicit *primo*, quia, cum obiecta virtutis & peccati sint opposita; impossibile est, quod vnum sit magis difficile nostræ propensioni: quin alterum sit magis facile. *Item*, quia deferendo virtutem labimur in peccata: ergo quo maius motiuum habemus ad deferendum virtutem, propter eius difficultatem, tanto facilius est nobis labi in peccatum. Et tandem etiam *tertium* videtur falsum, quoniam, qui deficit in bono magis difficili, succubit maiori oneri, & ex consequenti peccat minus volutarie; quia minus potest resistere.

AD HUIUS solutionem supponendum ex D. THOMAS infra q. 114. art. 4. ad 2. & in 2. d. 29. art. 4. ad 3. dupliciter posse bonum alicuius virtutis dici difficile, *primo* propter defectum operantis, ut cum aliquis est intemperans, & laborat vitio intemperantiæ, & propterea ægre ieiunat; *secundo* propter magnitudinem operis, ut cum opus aliquod ex sua natura est adeo excellens, ut secundum se sit arduum & difficile; Et similiter possumus intelligere, quod malum circa quod versatur aliquod peccatum, dicatur magis difficile dupliciter, *primo* propter perfectionem operantis, ut cum aliquis habitu temperantiæ & continuo exercitio abstinendi à cibis est ita firmatus in bono isto, ut sit ipsi difficile trahi à delectationibus ciborum, ita ut labatur in malum intemperantiæ: *secundo*, propter magnitudinem ipsius mali in ratione mali, ut cum est adeo malum, ut difficile sit, quantum est ex parte ipsius, quod appetatur,

quia

quia nihil appetitur nisi sub ratione boni & convenientis, & potest hoc appellari difficile, ut appetatur, vel ut ipsam trahat voluntatem; & hoc supposito dico, quod primum dictum D. THOMAS intelligitur de modo magis difficili secundo modo, non primo, quoniam difficultatem, quæ provenit ex imperfectione operantis, tollit ipsa virtus; & hoc solum conueniunt ea quæ pro contraria parte sunt obiecta; & similiter id quod D. THOMAS dixit secundo loco debet intelligi de malo magis difficili secundo modo: & in hoc sensu non contradicitur primo, imo sequitur ex eo euidenter, quoniam quo virtus est præstantior, eo versatur circa bonum maius, ergo etiam peccatum ei oppositum versatur circa malum maius, & ex conuenienti difficultas in illo sensu; & ad impugnationem tertij, dico illud esse verum, quando difficultas habet rationem motui extrinseci, impellentis ad volendum aliquid, ut contingit in metu, quo aliquis mouetur ad negandum rem; aut in concupiscentia, qua mouetur ad illa peccata; non vero quando est obiectum volutum, quia in isto casu potius est signum maioris conatus in voluntate, cum non retardetur à maiori difficultate; necum quis vult se exponere periculo mortis, ut faceret bona alicuius; & propterea dixit D. THOMAS, quod ostenditur voluntas procliuor in bonum, vel in malum, ex hoc, quod difficultas non vincitur: ceterum quod in casu argumenti sit in voluntate maior procliuor ad malum, intelligi debet per se, hoc est considerando id, quod ex natura obiecti potest colligi; nam de facto potest continere, quod obiectum magis malum sit volutum cum minori procliuoritate voluntatis, quam aliud minus malum; si enim quis metu mortis interficiat hominem, & alter nullo metu compulsus fuerit, prior minus voluntarie peccat, & circa obiectum magis malum, quam posterior; & ita peccatum prioris est grauius quoad essentiam, quamuis quoad grauitatem accidentalem, quæ sumitur ex modo, quo committitur peccatum, sit minus graue. Et propter eandem rationem, si duo cum eadem differentia negent fidem, peccatum quod præcise consistit in deserenda fide, aut eius confessione, erit æquale in utroque quoad grauitatem essentialem, quæ sumitur ex obiecto; quamuis quoad accidentalem sit minus graue in eo qui vi tormentorum fuit compulsus.

CIRCA solutionem tertij, est difficultas, quoniam videtur falsum, quod odium Dei sit grauius peccatum, quam infidelitas; sed de hoc agit D. THOMAS expresse 2.2. q. 34. art. 2.

CIRCA argumentum, sed contra aduerte, quod illa maxima, *pejimum opimum est contrarium*, desumpta est ex ARISTOTELIS Ethic. cap. 10. sed de eius expositione videndus est CAIRATANUS hic, & 2.2. q. 142. art. 3. CAPREOLUS in 1. d. l. q. 1. art. 2. ad 15. contra quintam conclusionem, & FERRARIENSIS 153. contra gent. c. 26. & de ea dicuntur multa ab exppositoribus D. THOMAS supra q. 3. art. 4.

ARTICVLVS V.

Verum peccata carnalia sint minoris culpe quam spiritualia?

CONCLUSIO: Si peccata ista considerentur prae se quantum ad differentiam carnalitatatis & spiritualitatis, grauiora sunt spiritualia, licet interdum contingat, aliquod peccatum carnale esse grauius, quam aliquod spirituale.

COMMENTARIVS.

CIRCA solutionem tertij, & circa argumentum, sed contra: NOTANDVM, non sumi ex eodem in peccatis quantitate culpe, & quantitate infamiae, nam (vt D. THOMAS docet 2.2. q. 142. art. 4. ad 1.) quantitas siue magnitudo culpe respicit deordinationem à fine, infamia vero respicit turpitudinem, quæ maxime consideratur secundum indecentiam peccatis, & ideo non repugnat, peccata, quæ sunt minoris culpe, esse maioris infamie. Quomodo vero peccata carnalia magis dedecent hominem, & ex conuenienti sint maioris infamie, quam spiritualia (quod expresse cõcedit de fornicatione D. GREGORIUS lib. 6. expositionis in primum Regum. cap. 2.) explicatur à D. THOMAS in hac solutione, & articulo citato in corpore & 2.2. q. 116. art. 2. ad 1. & videntur eius rationes desumptæ ex GREGORIO 16. moral. cap. 12. & ex ARISTOTELIS 1. Ethicorum cap. 10. vbi delectationes tactus & gustus, quæ appetuntur in peccatis carnalibus, dicit nobis esse communes cõbrutis, & appellat eas *ferules & bellinas*, & lib. 7. cap. 6. vbi ait, minus turpem esse iram, quam cupiditatem, quæ versatur circa voluptates corporis, quoniam in hac cernitur minus vsus rationis, quam in illa.

ARTICVLVS VI.

Verum grauitas peccati attendatur secundum causam peccati?

PRIMA CONCLUSIO, quanto causa propria & per se peccati, scilicet voluntas fuerit maior, tanto peccatum erit grauius.

SECUNDA CONCLUSIO, causa extrinseca inducens voluntatem ad peccandum secundum naturam ipsius voluntatis, scilicet finis, aggrauat peccatum, id est quo potius est finis, propter quem voluntas mouetur ad peccandum, eo peccatum sit grauius.

TERCIA CONCLUSIO, causa extrinseca, qua inclinat voluntatem ad peccandum præter naturam ipsius voluntatis, quales sunt illa, quæ minuant iudiciū rationis, vt ignorantia, vel qua minuant libertatem, sicut infirmitas, violentia, metus, & similia, diminuant peccatum sicut & diminuant voluntatem.

COMMENTARIVS.

§. 1. Exponitur prima conclusio articuli, quando explicanda in confessione intentio & contritio alius?

CIRCA primam conclusionem: NOTANDVM, quod nomine voluntatis intelligi conatus ipsius, qui

Pp dupli

dupliciter potest esse maior, scilicet quoad intensiōem, vel quantum ad extensiōem siue durationem; & utroque modo est causa maioris grauitatis, saltē accidentalis, in peccato: & de utroque probari potest ratione articuli, quoniam, siue conatus sit maior intensiue, siue duret magis; est verum dicere, quod causa propria, & per se peccari, est maior; fundamentum vero huius rationis est, quod in causis per se, sicut ex causa sequitur effectus, ita ex maiori causa maior sequitur effectus; quia in istis causis vera est illa maxima, sicut simpliciter ad simpliciter, ita magis ad magis: & hoc vult significare D. THOM. in argumento sed contra, cum probat, effectum maiorem, cum causa est maior, quoniam multiplicatur effectus cum multiplicatur causa.

Sed obicitur, quia sequitur, quod intensio & continuatio actus debeant explicari in confessione: siquidem ratione earum potest esse peccatum grauius. Ad hoc qui sentiunt, solas circumstantias mutantes speciem esse necessario explicandas in confessione, respondent facile, negando sequelā: sed quoniam communis Theologorum sententia, quam in materia de confessione sequutus sum, censet iam esse probabilius, dicendum esse idem de circumstantiis notabiliter aggrauantibus: ideo de intensione dico, quod quamuis possit notabiliter aggrauare malitiam peccati, sicut quantitas obiecti, & continuatio actus: tamen per se loquendo non est necesse explicare eam in confessione, primo quia vix potest explicari quanta fuerit; Secundo quia melius explicatur per alias circumstantias, ut per continuationem, aut moram, qua aliquis permansit in peccato actuali: hæc enim iuxta magnitudinem affectus ad ea, quæ agimus, solet esse maior, aut minor; aut per difficultates, & pericula quibus aliquis se exposuit, ut committeret aliquod peccatum; quoniam etiam hæc sunt signa maioris affectus, & propensionis ad peccatum, ut dicebam articulo precedenti; & ita si quis confiteatur se exposuisse seipsum periculo mortis, ut committeret adulterium, satis explicat vehementiam sui affectus, & tertio, quia communiter loquendo circa eadem obiecta semper solet esse eadem intensio in actibus paulo plus aut minus: neque à penitente potest certius explicari, quam communiter loquendo cognoscatur à confessario; & non est necesse confiteri eas circumstantias, quæ ex simplici confessione actus facile & communiter cognoscuntur. Dixi tamen per se loquendo, quoniam aliquando potest esse tam extraordinaria intensio alicuius actus, ut necessario sit explicanda in confessione: ceterum quia hoc raro contingit, ideo excluditur à numero eorum, quæ per se pertinent necessario ad confessionem. Verum intensio ista ordinatio non bene explicatur ab aliquibus, exemplo eius, qui amaret mulierē aliquam ut Deū, ita ut eius amorī cuncta postponeret: quoniam magnitudo huius amoris magis consistit in appropriatione, quam in intensione.

De continuatione etiam dico, quod, si nō sit multo maior, quam cōmuniter esse soleat in similibus peccatis, non est necessarium exprimere eam, in confessione, ut constat ex tertia ratione, qua id probauimus de intensione; secus tamen si sit multo maior, idque non solum, quia in lōgo tempore necesse est, moraliter loquendo, interrumpi actum, &

A ex cōsequenti multiplicari peccatum, saltē quoad numerum; sed etiam quia ipsa duratio est circumstantia notabiliter aggrauans; & confirmari potest ex capite consideret de penitentia dist. 5. ubi ita dicitur, consideret qualitatem criminis in loco, in tempore, in perseverantia, &c. & nomine perseverantia significatur continuatio, aut duratio peccati, ut constat ex eo, quod paulo inferius dicitur, consideret quantum perseverauerit & desistat.

§.2. Exponitur 2. conclusio articuli. An motinum, seu finis operantis augeat, vel minuat grauitatem peccati.

CIRCA secundam conclusionem NOTANDUM, quod cum in actibus nostris possit reperiri duplex finis, quorum vnus dicitur finis operantis, & vltimus; alter finis operis, & proximus, & obiectum proprium actus; THOM. loquitur de primo, qui habet rationem causæ respectu peccati, quoniam mouet voluntatem ad prosecutionem finis proximi: ut cum quis vult interficere aliquē, ut furetur eius bona, mouetur ab intensione furti ad volitionem siue electionem homicidij propter ipsum furtum; Et quod hic sit sensus D. THOM. probatur, tum ex verbis eius, nam ut probet hanc conclusionem, ita inquit, grauius enim peccat, cuius voluntas ex intentione peioris finis inclinatur ad peccandum; ubi intensiōem finis distinguit à peccato, ad quod inclinatur voluntas, tanquam causam talis inclinationis, tum etiam quia de secundo fine non poterat esse difficultas, cū enim ab eo sumat actus primam & substantialē malitiam, necessarium est, quod quanto iste finis fuerit peior, tanto actus sit magis malus. De primo vero potest esse difficultas, neque deest ratio dubitandi.

Primo, quia malus finis minuit libertatem electionis mediij: ergo etiam minuit, & non auget eius malitiam; consequentia patet ex tertia conclusione; & antecedens probatur, tum quia intentio efficax mali finis necessitat voluntatē ad eligendum mediū, quod iudicat necessariū ad eius cōsecutionē; tum etiam quia cōcupiscentia minuit liberū, quia mouet voluntatem, quamuis non necessitet eam; ergo etiam intentio finis, quatenus mouet voluntatem ad electionem mediij, minuit libertatem: & tandem quia id, quod est volitum propter aliud, nō est tam perfecte voluntarium, sicut illud, quod est volitum propter se: ergo esse aliquid volitum propter finem, etiam valde malum, est sufficiens ratio, ut sit minus perfecte voluntarium, quam si non esset volitum propter illum finem, & ex consequenti, ut sit minus perfecte liberum, quia non potest minui voluntarium, quin minuatur liberum.

Secundo, interficere hominem ad furandum ab eo vnum aureum, est peccatum grauius, quam interficere ad furandum mille; ergo non est grauius peccatum aliquod quoniam habeat peiorem finem; probō antecedens ex cōmuni consensu hominum, omnes enim censent esse turpius occidere hominem pro re vili, quam occidere pro re magni pretij; & præterea, quia res magni pretij est fortius motiuum, & magis attrahit voluntatem; ergo diminuit voluntarium, & ex consequenti peccatum; sicut leuius peccat, qui fornicatur cum muliere pulchra, quam qui for-

nicatur cum deformi : quia pulchritudo est vehemens motuum.

Ultimo, gravius peccatum est occidere alterum ad furandum ei sua bona, quam occidere propter odium; ergo non est eo gravius aliquod peccatum quo habet peius motuum, *consequentia* patet, quia odium proximi est peccatum gravius quam furtum; & *antecedens* probatur, quia in priori actu est duplex malitia, una homicidij, & altera furtij; in posteriori vero tantum malitia homicidij.

SED HIS non obstantibus, vera est sententia D. THOMÆ, ad cuius explicationem & probationem, ADVERTE PRIMO, quod *aliquando* finis operantis non addit speciem aliquam distinctam in genere moris ab specie obiecti; sed circumstantiam eiusdem speciei: ut cum vnus vult furari ad furandum, & alter ad subueniendum indigenti; prior habet peiorem finem intra speciem furti; *aliquando vero* importat speciem distinctam, ut cum aliquis vult interficere alterum ut furetur ei sua bona; & in vtroque casu finis aggrauat suo modo malitiam peccati; in priori quidem intra eandem speciem, quia ratione illius circumstantiæ malitia obiecti est magis directe, & expresse volita, & ita gravius peccat intra speciem furti, qui furatur ad furandum, quam qui furatur ut det elemosynam, ut contra ALMAINVM solet probari supra quest. 19. art. 7. in posteriori vero addendo nouam speciem malitiæ.

SECUNDO aduerte tribus modis posse intelligi, quod qui peccat ex intentione peioris finis pertinentis ad aliam speciem, dicatur gravius peccare, ut qui furatur ut committat adulterium; primo, quia ex intentione adulterij, & electione furti fit quasi vnum aggregatum, quod est magis malum, quam furtum solum.

Secundo, quia ipsa electio furti efficitur magis mala denominatione extrinseca, quoniam est in ea participatiue malitia adulterij, quæ formaliter est in intentione ipsius adulterij, ad eum modum quo CAJETAN. & alij dicunt actum externum esse malum participatiue ratione malitiæ, quæ est formaliter in actu interno; tertio, quia in ipsa electione furti est intrinsece, hoc est, inhaerendo ei non solum propria malitia furti, sed etiam malitia adulterij; & quamuis duo priores sensus videantur faciliores, tamen tertius videtur mihi magis verus, & intentus à D. THOMÆ; & probatur, quoniam electio furti terminatur in isto casu ad adulterium, tanquam ad rationem formalem volendi furtum; ergo accipit ab eo aliquam speciem moralem, & ex consequenti accipit speciem adulterij, quoniam ipsum adulterium non potest dare aliam: Et Confirmatur quia D. THOM. supra q. 19. art. 7. ita inquit: unde dicimus, quod ille, qui furatur, ut mechetur, committit duas malitias in vno actu: & ibi probauit hoc ex professo; & ideo hoc loco supponit illud tanquam certum; quod vero malitia adulterij sit intrinsece in electione furti, & non solum denominatione extrinseca, probatur, quoniam est intrinsece volitio libera adulterij; ergo intrinsece importat ordinem ad totum suum obiectum; & ex consequenti non solum ad furtum, sed etiam ad adulterium; de quo videnda sunt, quæ dixi supra q. 18. art. 3. vbi etiam explicui, quare ratione malitiæ furti in hac electione sit essentialis, & malitia adulterij sit accidentalis.

A VERVM hic placet ADVERTERE, quod aliqui dicunt, non solum malitiam adulterij esse in hac electione furti, sed etiam ratione illius finis augeri malitiam furti in sua specie; ita ut intra speciem furti sit grauior; quod tamen ego nunquam potui intelligere, quoniam *nec augetur essentialiter*, quia essentialiter rerum consistunt in indiuisibili, *nec accidentaliter*, quoniam finis ille dat actui speciem distinctam, & non modum malitiæ furti; & ita DIU. THOMAS art. sequenti, distinguit circumstantias, quæ non dant actui aliquam speciem malitiæ, ab illis, quæ dant speciem: & dicit, priores aggrauare peccatum intra suam speciem, posteriores vero transferendo actum ad aliam speciem peccati.

Et si queratur, an electio ista (quatenus habet malitiam furti) & intentio furti à qua procedit, sint duo peccata numero distincta, sicut duæ volitiones furandi non subordinate inter se? Respondetur negative, quia reputantur moraliter pro vno peccato, quoniam volitio committendi peccatum furti, & executio, quæ ab ea procedit sunt vnum numero peccatum consummatum, & terminatum; & executio integratur ex diuersis actibus, scilicet ex actu homicidij, ut includit volitionem ipsius tanquam ex medio, & ex ipso actu furandi, tanquam ex ultimo termino & fine; sicut cum quis vult interficere aliquem, & ex ista intentione mouetur ad eligendum media, & ad eorum executionem, ut ad volendum sumere gladium, & ad sumendum reipsum; non committit plura peccata, sed vnum integratum ex electione, & sumptione gladij, & ex intentione occisionis, & ipsa percussione. Ex quo sequitur quod si quis in nostro casu confiteatur, se commisisse tale furtum, satis erit quod dicat interfecisse vnum hominem, quamuis non explicet subordinationem huius actus ad præcedentem.

AD PRIMUM Respondetur, primo distinguendo antecedens, si intelligatur de libertate respectu finis, est aperte falsum, neque de ea ostenditur aliquid probationibus illius antecedentis; si tamen intelligatur de libertate respectu obiecti, quamuis admittatur, est omnino extra rem, quoniam ex co ita sumpto solum potest colligi, quod finis minuat malitiam, quæ sumitur ex obiecto; cum quo tamen stat, quod simpliciter augeat malitiam actus, quoniam dat ei aliam speciem malitiæ.

C Secundo Respondetur negando antecedens, & ad primam probationem dicendum est, quod in illo casu voluntas solum necessitatur ex suppositione ad electionem illius medij: tamen simpliciter, & absolute eligit ipsum libere, quoniam suppositio intentionis efficacis, ex qua provenit illa necessitas, est omnino libera voluntati, ita ut voluntas possit eam tollere; quia intentio illa, etiam cum mouet ad electionem medij, est actus libet voluntatis. Ad secundam probationem, concessio antecedenti neganda est consequentia, quoniam concupiscentia & intentio finis differunt valde in modo mouendi voluntatem, quoniam intentio finis non impedit perfectionem & indifferentiam iudicij, quæ requiritur ad libertatem voluntatis; sicut concupiscentia. Ad tertiam probationem concedo antecedens, & primam consequentiam, nego tamen secundam, & ad probationem dico, quod quando voluntarium minuitur quoad ea, ex quibus



esse sub genere intemperantiz, ratione vero posterioris sub genere iniustitiz.

Quod nunc etiam confirmo ex D. THOM: qui art. 5. huius questionis ad 1. inquit, adulterium non solum pertinere ad peccatum luxuriz, sed etiam ad peccatum iniustitiz; & in hoc articulo dicit, peccatum fornicationis, quod consistit in hoc, quod est accedere ad non suam, transferri ad genus iniustitiz, quando illa non sua est vxor alterius: quod tamen non potest esse verum, nisi malitia fornicationis sit in eo vltima species intra genus intemperantiz, & ex consequenti distinguatur à malitia iniustitiz, sicut vna species vltima ab alia: quoniam cum peccatum fornicationis transferretur ad genus iniustitiz, non desinit habere malitiam fornicationis sub genere intemperantiz, quia non mutat obiectum, quod est mulier non sua; neque habet eam secundum gradum aliquem genericum separatum ab speciebus, quoniam gradus genericus non potest esse à parte rei ita separatus; neque etiam habet eam in specie vltima, constituta per differentiam pertinentem ad genus iniustitiz, quia cum intemperantia & iniustitia sint duo genera ita distincta, vt vnum non contineatur sub altero, impossibile est speciem vnius constitui differentia alterius, iuxta regulam ARISTOTELIS in antepredicamentis; ergo habet eam in specie vltima constituta per differentiam pertinentem ad genus intemperantiz, & distinctam à differentia iniustitiz, quæ sumitur ex circumstantia; & ex consequenti habet duas species vltimas malitiz, vnam sub genere intemperantiz ratione sui obiecti, & alteram sub genere iniustitiz ratione circumstantiz; quoniam etiam differentia iniustitiz constituit speciem sub genere iniustitiz, quod diuidit.

Au vero differentia, qua in adulterio constituitur species intemperantiz, sit distincta ab ea, qua constituitur in fornicatione simplici, ita vt adulterium, non solum quatenus pertinet ad genus iniustitiz, sed etiam quatenus pertinet ad genus intemperantiz, differat specie à simplici fornicatione, explicandum est 2.2. q. 154. art. 8. & mihi probabilius videtur pars negatiua, quam expresse sequitur CAISTANVS art. 7. illius questionis, in solutione secundi dubij, vbi inquit, stuprum adulterium, sacrilegium, &c. appellari lato vocabulo luxuriz, & non in rigore: quoniam luxuria non diuiditur in hæc peccata per differentias per se diuisas ipsius in suo genere.

Neque obstat, quod D. THOM. sæpe dicat in illa quæstione augeri malitiam luxuriz in istis peccatis, & esse inæqualem ratione iniustitiz adiunctæ; quoniam augmentum illud & illa inæqualitas est secundum magis & minus intra eandem speciem, & consistit in hoc, quod tanto censeatur magis voluntaria malitia luxuriz, quanto iniustitia, quæ ex ea sequitur, est maior, vt statim explicabo.

CIRCA eandem conclusionem est

II. DVBIUM.

Utrum circumstantia quæ, dat actui aliquam speciem mali, non solum aggrauet peccatum, quia dat illam speciem, sed etiam quoniam auget malitiam, quæ sumitur ex obiecto intra latitudinem propriæ speciei.

§. 1. Pars affirmatiua proponitur.

AD hoc aliqui absolute respondent affirmatiue, & potest probari eorum sententia, primo, quia quæcumque circumstantia mala addita obiecto malo, auget malitiam, quæ sumitur ex obiecto intra propriam speciem: ergo etiam circumstantiæ dantes speciem; consequentia patet, quia circumstantiæ istæ non desinunt habere rationem circumstantiarum, quia dent speciem; & antecedens probatur, quia vt actus sit bonus, & intra latitudinem propriæ speciei; non sufficit bonitas obiecti, sed requiritur quod non habeat defectum ex parte alicuius circumstantiæ; ergo non solum vitiatur actus malitia obiecti, sed etiā vitiatur eum intra eandem speciem malitiz cuiuscumque circumstantiæ, quod est augere malitiam, quæ sumitur ex obiecto.

Secundo, si circumstantia loci sacri non daret furto speciem sacrilegij, aggrauaret malitiam furti intra propriam speciem: ergo idem facit, quauis det speciem sacrilegij: consequentia videtur evidens, & antecedens probatur, quia recta ratio dicat, debere esse magis tutum id, quod est in loco sacro, quam peculiari ratione constitutum sub presidio Dei: ergo magis repugnat rectæ rationi furari, id, quod est in loco sacro, quam furari id, quod est in alio loco; & ex consequenti illud est magis malum, & idem argumentum fieri potest de effusione sanguinis aut seminis; imò & antecedens posset proponi siue conditione in aliquo casu; vt admissa sententia eorum, qui dicunt quod furari non sacrum de loco sacro, non est sacrilegium, nisi quando res non sacra est ipsius loci sacri, cuiusmodi sunt bona Ecclesiæ; aut peculiariter est sub eius custodia; cæterum hoc alibi est examinandum.

§. 2. Circumstantia unita obiecto vt medium cum finali motu non auget: auget vero unita obiecto, vt ratio formalis seu motuum cum materia, aut quasi medio, aut conditione sine qua non.

PRO SOLUTIONE notandum, quod dupliciter vnitur obiectum cum circumstantia dante speciem mali, primo sicut materia, & sicut medium cum ratione formali volendi, & motiuo finali, vt cum quis vult interficere alterum vt furetur ei bona sua; nam tunc furtum est ratio formalis & motiuum volendi homicidium: Secundo è cōuerso sicut ratio formalis, & motiuum cum materia & quasi medio, aut potius conditione sine qua non potest obtineri bonum sensibile, aut apparens, quod est in obiecto, vt in adulterio, delectatio, quæ est obiectum fornicationis, coniungitur cum circumstantia illa, quæ est, mulierem illam esse vxorem alterius; nam qui committit adulterium

non mouetur ab illa circumstantia, sed à delectatione venerea; quia tamen delectatio ista hic & nunc est coniuncta cum illa circumstantia, nec potest sine ea obtineri, ideo consequenter, & ratione delectationis, est voluta; & idem dicendum est suo modo de alijs speciebus luxuriæ, quæ important malitias non pertinentes ad genus luxuriæ, vt de raptu, stupro, & fornicatione, aut emissione seminis sacrilega, & de furto, & homicidio sacrilego, hoc supposito,

DICO PRIMO, circumstantia, quæ uniuersum prioris modo cum obiecto malo, non augent malitiam, quæ sumitur ex illo obiecto intra eius speciem. Itaque si quis interficiat alterum ad furandum, non augetur malitia homicidij intra speciem homicidij propter malitiam furti, quamuis ipse actus sit intrinsece magis malus, quia simul cum malitia homicidij habet malitiam furti, vt explicui articulo precedenti.

Probat *primo*, quia homicidium in isto casu non habet ratione furti maiorem repugnantiam cum ratione intra speciem homicidij: ergo neque est magis malum. Probo antecedens, quia neque additur ei maior quantitas obiecti, quia furtum non augeat ullam quantitatem aut valorem obiecti homicidij; neque peculiaris modus repugnantie ad rationem intra speciem homicidij, quoniam cum furtum secundum se non habeat talem repugnantiam, sed aliam distinctam specie, non poterit dare eam homicidio; neque maior ratio voluntarij, quia potius minuitur, vt dixi articulo precedenti; ergo non fit quod aliquo modo habeat maiorem repugnantiam cum ratione intra propriam speciem.

Dices, sufficere corruptionem circumstantiæ, vt peccatum sit grauius, quamuis nil istorum fiat.

Sed contra, quia corruptio alicuius circumstantiæ non potest facere, quod malitia alicuius peccati intra propriam speciem repugnet magis rectæ rationi, nisi addendo ei aliquid pertinens ad eius speciem; ratione cuius magis repugnet: & oppositum est inintelligibile, & in nostro casu furtum nihil potest addere homicidio intra suam speciem, præter illa tria.

Secundo finis bonus non minuit malitiam medij intra eius speciem, quoniam alias tantum cresceret bonitas finis, vt tolleretur omnem malitiam à medio, de quo agi solet supra q. 19. art. 7. ergo neque finis malus potest augere malitiam medij intra eius speciem.

Tertio, quando finis malus apponitur obiecto bono, non causat malitiam oppositam bonitati obiecti; vt cum quis soluit debitum aliquod propter inanem gloriam, actus iste non est malus malitia opposita bonitati iustitiæ, sed malitia inanis gloriæ: ergo quando idem finis apponitur obiecto opposito illi bono, vt cum quis vult non soluere, aut retinere aliena, propter inanem gloriam, non augeat malitiam illius obiecti; patet consequentia, quia si finis malus augeat malitiam medij mali intra eius speciem, non augeat eam sicut circumstantiæ, quæ non repugnant rectæ rationi, nisi quatenus coniunguntur alteri circumstantiæ, aut obiecto repugnant; vt quantitas in furto; sed quia secundum se repugnat rectæ rationi; ergo si finis malus non potest immediate & primo dare actui malitiam medij, non poterit eam augere, cum actus, habuerit eam ex obiecto: probatur ista consequen-

A tia, quia circumstantia quæ ratione propriæ repugnantie ad rationem potest augere malitiam medij, etiam potest immediate, & secundum se dare eam actui: quia secundum se habet sufficientem causam eius, scilicet propriam repugnantiam ad rationem, & tandem hoc colligitur aperte ex Diu. THOMAS, quoniam in hoc articulo non solum vult docere circumstantias aggravare malitiam peccati; sed etiam explicare modum, quo singulæ hoc præstant: vt constat ex conclusionibus; & tamen de illis circumstantiis, quæ dant speciem, solum dixit, quod aggravant peccatum transferendo ipsum ad aliud genus.

DICO SECUNDO, circumstantia quæ uniuersum posteriori modo cum obiecto malo, augent malitiam, quæ sumitur ex illo obiecto intra eius speciem, quia augent voluntarium circa ipsum; probatur testimonio & ratione D. THOMAS 2.2. q. 154. art. 6. ad 3. vbi, vt explicet, quæ ratione malitia luxuriæ in stupro sit propter adiunctam circumstantiam grauior, quam in simplici fornicatione, sic ait: *ad tertium dicendum, quod nihil prohibet, vnum peccatum ex adiunctione alterius, deformius fieri, sit autem deformius peccatum luxuriæ ex peccato iniustitiæ, quia videtur concupiscentia esse inordinatior, quæ à delectabili non abstinere ut iniustitiæ viset, & art. 7. ad 2. vt explicet idem de raptu, sic ait: ad tertium, dicendum, quod illatio violentia videtur procedere ex magnitudine concupiscentiæ, ex qua aliquis non refugit immittere se periculo violentiæ inferendæ; quibus locis Diu. THOMAS non solum docet aperte id, quod diximus: sed etiam reddit eius rationem, scilicet, quod quanto circumstantia illa, sine qua non potest obtineri obiectum, quod voluntas appetit, est difficilius, tãto magis voluntarie appetitur ipsum obiectum: sicut circumstantia vehementer impellens ad committendum aliquod peccatum, minuit voluntarium circa ipsum, & reddit peccatum leuius; sic etiam circumstantia retrahens à peccando, cuiusmodi est difficultas, augeat voluntarium, & aggravat peccatum.*

§. 3. Ad argumenta partis affirmatiuæ.

C **AD PRIMUM** respondetur negando antecedens si intelligatur etiam de istis circumstantiis, quæ dant nouam speciem: & ad probationem concessio antecedenti, neganda est consequentia; quoad secundam partem consequentis, in qua dicitur quod quæcumque circumstantia mala vitiat actum intra speciem malitiæ, quæ sumitur ex obiecto.

Quod si obieciat, non posse aliter habere rationem circumstantiæ; Respondetur falsum esse hoc; quoniam ad rationem circumstantiæ satis est, quod accadat actui non solum in esse naturæ, sed in esse moris, quod bene conuenit circumstantiis, de quibus loquimur, cum præsupponant actum constitutum in specie morali quæ sumitur ex obiecto.

AD SECUNDUM respondetur imprimis, non esse contra nostram sententiam; quoniam nos expresse concessimus, circumstantiam sacrilegij augere malitiam furti intra eius speciem, quoniam augeatur voluntarium circa furtum, quoniam est

denu-

de numero earum, quæ uniuntur obiecto ut materia ratione formali, & motu volendi.

Cæterum; quoniam potest aliquis obijcere, non solum probari illo argumento, sacrilegium augere voluntarium circa furtum; sed etiam augere ipsam malitiam furti, ita ut, quamvis furtum non esset magis voluntarium, esset gravius intra propriam speciem propter coniunctionem cum sacrilegio; quoniam in casu antecedentis furtum esset hoc modo gravius ratione sanctitatis loci: *Ideo aliter est respondendum, advertendo* (ut colligitur ex CAIETANO supra quæst. septima) quod circumstantia loci sacri dupliciter potest aggravare peccatum; PRIMO ut modus, qui secundum se non importat deformitatem aliquam, tamen si adiungitur actui habenti deformitatem ratione sui obiecti, auget eam, & ita auget malitiam cuiuscunque peccati; nam quamvis facere aliquid in loco sacro non sit secundum se malum, sed possit esse bonum & malum: tamen facere malum, aut committere peccatum aliquod, est maius malum ratione loci; quia cum locus sacer sit peculiariter institutus ad exhibendum cultum Deo, est contra ordinem rectæ rationis ibi offendere ipsū: ut colligitur ex illo Luc. 19. *domus mea, domus orationis vocabitur, vos autē fecistis eam speluncam latronum*, & ex GREGORIO X. in CONCILIO generali LUGDVNENSI, & refertur cap. *decei*, de immunitate Ecclesiarum lib. 6. verum est, quod ista circumstantia isto modo neque dat speciem, nisi sit expresse volita: ut cum quis vult in contemptum loci sacri committere in eo peccata, neque aggravat ita notabiliter, ut necessario sit explicanda in confessione: SECUNDO potest hæc circumstantia aggravare peccatum dando actui speciem sacrilegij; & hoc modo non aggravat omnia peccata, sed tantum ea, quæ directe opponuntur suæ sanctitati, de quibus agit Div. THOMAS 1. 2. q. 99. hoc supposito ad formam argumenti, potest concedi antecedens, si intelligatur de priori modo aggravandi peccatum, cæterum consequentia debet negari: & ratio discriminis est, quod circumstantia ista considerata priori modo est modus deformitatis, aut malitiæ; quam ipsum peccatum habet à suo obiecto, & ideo potest augere eam intra propriam speciem; at vero considerata posteriori modo non est modus illius malitiæ, sed addit aliam speciem distinctam, & ideo non potest augere illam intra suam latitudinem; sicut in naturalibus intensio albedinis, quoniam est modus ipsius albedinis, auget eam intra suam speciem: tamen dulcedo ei adiuncta non sic auget ipsam, quoniam non est modus eius, sed distincta natura accidentalis.

CIRCA SECUNDAM conclusionem est

DUBIVM III.

An circumstantiæ, quæ aggravant multiplicando rationem peccati, dent actui vnam numero malitiam, vel plures numero distinctas?

ET PROBATVR hoc secundum, quoniam D. THOMAS inquit, quod si prodigus det quando non debet, ei, cui non debet multiplicius peccat eodem genere peccati, quā si solum det, cui non debet: ergo eius peccatum habet plures malitias numero distinctas, quoniam alias non posset esse verum, quod peccet multiplicius.

Confirmatur primo, quoniam statim ut hoc explicet, refertur ex CICERONE, quod in patris vita violanda multa peccantur:

Confirmatur secundo, quoniam in tertia conclusione inquit, aliquando circumstantiam aggravare augendo malitiam provenientem ex alia circumstantia: ergo in secunda conclusione loquitur de circumstantia, quæ non sic aggravat, sed dando aliam malitiam numero distinctam; quoniam alias frustra distingueret istas circumstantias in ordine ad effectum aggravandi peccatum, si omnes conveniunt in vno modo aggravandi.

AD HOC CONRADVS hic, & supra q. 18. art. 11. videtur concedere, quamcumque circumstantiam ex istis dare actui vnam malitiam distinctam numero ab ea, quam dat altera, & ita exponit D. T.

SED MIHI oppositum videtur verius; quoniam (ut probavi supra quæst. 18. art. 11. contra ipsum, & alios) bonitas moralis in individuo non est vna unitate ordinis, sicut domus, aut exercitus; sed unitate simplicitatis, quoniam consistit in habitudine ad obiectum, prout est conforme rectæ rationi, & ex consequenti prout in quantum volitum habet omnia, quæ postulat recta ratio ad bonitatem actus, inter quæ continentur etiam circumstantiæ, & idem dicendum est de malitia.

ET AD argumentum respondetur, sensum D. THOMÆ esse, quod in illo actu sunt plures rationes & causæ malitiæ, & deformitatis: ita ut quævis per se sit sufficiens ad reddendum ipsum malum; & idem dicendum est ad primam confirmationem.

Et ad secundam Respondetur, D. THOMAS non constituere discrimen inter illas circumstantias in hoc, quod priores aggravant dando malitiam distinctam, & non posteriores; sed in hoc, quod priores ita aggravant, ut quævis earum per se sumpta sit sufficiens ratio, ut actus sit malus; posteriores vero non sic, sed supponendo malitiam obiecti, aut alterius circumstantiæ, & addendo ei modum ratione cuius sit maior; sicut maior quantitas de se non est sufficiens, ut actus sit malus: tamen si addatur malitiæ furti, reddit ipsam graviores; ex quo maneat explicata ultima conclusio: plura de hoc dixi q. 18. art. ultimo in fine, ex quibus etiam potest sumi maior confirmatio huius nostræ sententiæ.

ARTICVLVS VIII.

Verum grauitas peccati augeatur secundum maius nocumentum?

PRIMA CONCLUSIO, quando nocumentum, quod promeretur ex peccato, est prauum & intentum, ut cum aliquis aliquid operatur animo nocendi alteri; ut homicida vel fur, tunc quantitas nocimenti augeat directe grauitatem peccati.

SECUNDA CONCLUSIO, quando nocumentum est prauum, sed non intentum: sicut cum aliquis transiens per agrum, ut compendiosius vadat ad fornicandum, infert nocumentum istis, quæ sunt seminata in agro scienter, licet non animo nocendi tunc quantitas nocimenti aggrauat peccatum, sed indirecte.

TERTIA CONCLUSIO, quando nocumentum nec est prauum, nec intentum, & sequitur per accidens ex peccato, non aggrauat peccatum directe, licet propter negligentiam considerandi nocumenta, quæ consequi possunt, imputentur homini ad penam mala, quæ enuntiantur prater eius intentionem, si dabit operam rectilicite.

QUARTA CONCLUSIO, si nocumentum sequitur per se ex actu peccati, quamuis non sit intentum, nec prauum, aggrauat directe peccatum: ut si quis publice fornicetur, sequitur scandalum plurimorum, quod quamuis ipse non intendat nec prauideat, aggrauat directe peccatum.

QUINTA CONCLUSIO, nocumentum penale, quod incurritur ipse, qui peccat, si per accidens se habeat ad actum peccati, & non sit prauum, nec intentum: non aggrauat peccatum, neque sequitur maiorem grauitatem peccati.

SEXTA CONCLUSIO, quando nocumentum proprium penale per se consequitur ad actum peccati licet non sit intentum, nec prauum, tunc maius nocumentum non facit grauius peccatum, sed e conuerso grauius peccatum inducit grauius nocumentum; ut infidelis, qui est omnino ignarus penarum inferni grauius punietur in inferno propter homicidium, quam propter furtum, quamuis homicidium non ideo sit in ipso grauius peccatum, quia respondet ei maior pena.

VLTIMA CONCLUSIO, si nocumentum penale per se consequatur ad actum peccati, & sit prauum, quamuis non sit intentum, augeat grauitatem peccati; ut fidelis, qui notitiam habet penarum inferni grauius peccat, ceteris paribus, quam infidelis, quia continet maiores penas, ut adimpleat voluntatem peccandi, quod est signum maioris voluntatis.

CIRCA OMNES HAS CONCLUSIONES SIMUL EST

I. DVBIUM.

An nocumentum, quod sequitur ex peccato aggrauet ipsum peccatum cum actu sequitur ex eo vel potius cum committitur peccatum, quod est eius causa?

PRIMA CONCLUSIO, quando committitur peccatum, quod est causa nocimenti, tunc nocumentum aggrauat eius malitiam: Et tanto magis, quanto est probabilius, quod ex tali peccato sequitur illud nocumentum sine postea re ipsa sequatur sine non; hæc conclusio debet accipi cum duplici limitatione; prima est ut intelligatur de peccato, ex quo per se, & ut in pluribus, sequitur nocumentum; si enim solū sequatur per accidens, quia aut nunquam, aut raro, & ut in paucioribus solet sequi: non aggrauatur peccatum ratione eius, nisi tale nocumentum sit expresse intentum à peccante, ut Diu. THOMAS docet supr. q. 20. art. 5. ALTERA est, quod non ignoretur inuincibiliter à peccante, esse illud peccatum causam, ex quo prædicto modo sequatur tale nocumentum; alias enim non poterit nocumentum esse in sua causa voluntarium peccanti, ut constat ex ijs, quæ dixi supra q. 6. art. 8. & magis explicabitur infr. q. 76. & hæc conclusio sic intellecta admittitur ab omnibus, & probatur facile, quoniam satis est apponere voluntarie causam alicuius effectus, ut effectus sit etiam voluntarius apponenti causam; & ex consequenti, ut, si talis effectus sit malus, imputetur ei ad culpam.

Confirmatur, quoniam effectus est volutus saltem interpretatiue, aut virtualiter, in sua causa: ergo volitio & executio causæ continet culpam effectus, quamuis postea non sequatur; Dixi tanto magis aggruari malitiam peccati ratione nocimenti futuri quanto est magis probabile quod sequitur ex eo: quia tanto magis est voluntarium peccanti illud nocumentum; & ita magis peccat, qui adhibet causam ex qua cum maiori probabilitate sequetur homicidium, quam qui adhibet causam ex qua cum minori probabilitate sequetur.

SECUNDA CONCLUSIO, si tempore, quo nocumentum sequitur ex peccato præcedenti, non sit in potestate peccantis vitare ipsum, quacumque de causa id proueniat; non aggrauatur tunc peccatum præcedens ratione talis nocimenti, incurritur tamen obligatio refarciendi damna, quæ ex eo eueniunt.

CONTRA priorem partem tenet ALPHONSUS à CASTRO lib. 2. de lege penali ca. 14. §. prima principalis Conclusio prope finem, ubi dicit, homicidium factum ab eo, qui sua culpa se inebriauit, non esse proprie homicidium, sed circumstantiam ebrietatis aggrauantem ipsam, & refert pro se BONAVENTURAM in 2. d. 22. art. 1. q. 3. dicentem nec furiosum nec ebrium, quamuis uterque sit sua culpa rationis vsu priuatus, posse committere nouam culpam, sed omne malum quod durante furia, aut ebrietate factum fuerit, esse circumstantiam, quæ aggrauat ebrietatis aut furie peccatum; citat etiam pro eadem parte D. THOM. supra q. 20. art. 5. sed male



consequenti non volita aut intenta per se & directe; refert tres modos explicandi, qua ratione circumstantia, quæ non est per se intenta à peccante, possit dare speciem actui; & impugnat eos, & remittit solutionem huius difficultatis ad q. 76. ubi in art. 4. aperte sequitur illam sententiam. Et 2. 2. q. 43. supra quatuor priores articulos docet circumstantiam scandalum non dare speciem, nisi sit expresse volita, & intenta: saltem quando actus, ex quo sequitur scandalum, est secundum se malus; & q. 53. art. 2. dicit iterum idem de scandalo, & addit, eandem esse rationem quantum ad hoc de omnibus circumstantiis; & ideo nullam circumstantiam dare actui speciem, nisi sit per se intēta à peccante; tamen statim obijcit contra seipsum, quod sequeretur, cum, qui committit adulterium in ecclesia solo appetitu satisfaciendi suæ voluptati, & non irrogandi iniuriam loco sacro, non esse sacrilegum, quod omnium aures offendit; & difficultate huius argumenti pressus, relinquit ipsum insolutum; & subdit, *in hoc dubio, libenter esse discipulus, quoniam docere nec me nec alios novi: Dixi tamen quod CAIETANVS fere semper est in hac sententia, quoniam aliquando videtur mutare eam, nam 2. 2. q. 150. art. 4. dicit, peccatum, quod committit aliquis, quando est ebrius, reputari præiudicium in sua causa, non solum quando est præcogitatum, quod sequeretur ex sua causa; sed etiam quando debuit præcogitari; & ideo tunc peccatum illud non excusari à specie sui peccati, sed redire ad naturam suæ speciei; hoc est, si peccatum illud secundum se erat homicidium, habere etiam in isto casu speciem homicidij.*

§. 2. *Fundamenta pro resolutione questionis ponuntur.*

AD HUIUS dubij solutionem ADVERTENDUM EST PRIMO, dupliciter posse aliquid dici intentum, siue sit nocumentum, siue quæcumque circumstantia peccati; primo ab intentione, quæ est actus voluntatis circa finem, & hoc modo certum est non esse necessarium, ut nocumentum det speciem peccato, quod sit intentum à peccante: nam qui vult interficere alterum, ut furetur eius bona, non intendit homicidium tanquam finem, & nihilominus volitio illa habet speciem furti; ergo similiter, quamvis damnum, quod sequitur ex peccato, non sit hoc modo intentum, poterit dare speciem peccato. Secundo dicitur aliquid intentum magis late, prout intentum significat, quidquid est volitum, & hoc modo est dubium, an, ut nocumentum det speciem peccato, debeat esse intentum, hoc est volitum, ita ut volitio terminetur ad ipsum secundum se; vel potius sit satis, quod sit volita causa, ex qua sequitur.

SECUNDO ADVERTE, tribus modis posse esse volitum seu voluntarium nocumentum, quod sequitur ex peccato; primo formaliter & directe, ut cum ipsum nocumentum est expresse intentum, siue sit obiectum operis, ut in exemplis primæ conclusionis articuli; siue sit finis, ad quem ab operante ordinatur obiectum, ut cum quis vult interficere alterum ad furandum ei bona sua; Secundo virtualiter, ut cum aliquis prævidens

A ex aliquo actu sequi per se nocumentum, vult exercere talem actum, non tamen intendendo nocumentum, imo volendo quod non sequeretur ex suo actu, & dolendo quod sequatur; ut si comburat segetes, & non intendat destruere fructus, qui ex eis possent percipi; aut interficiat mulierem gravidam & doleat quod ex eo sequatur mors fetus: vel inebriet seipsum, & non intendat committere ea peccata, quæ experientia aliorum temporum, quibus se inebriavit; novit sequi per se ex propria ebrietate; diciturque nocumentum in his casibus volitum tantum virtualiter, quoniam actus voluntatis, à quo possit denominari volitum, non terminatur ad ipsum secundum se, & immediate, sed tantum prout continetur in causa; & quia in causa solum habet esse virtualiter, ideo solum dicitur volitum virtualiter. Tercio potest nocumentum esse volitum interpretative, ut cum quis vult exercere aliquem ex istis actibus, ex quibus sequitur per se nocumentum, non tamen intendendo ipsum nocumentum, neque considerando quod sequatur ex actu, quem vult exercere, sed cum obligatione considerandi hoc, quoniam expertus est aut semper, aut in pluribus sequi nocumentum illud ex similibus actibus. Et si obijcias non posse nocumentum in isto casu dici volitum, quoniam non prævidetur, & nihil potest esse volitum quin præcognitum; Respondetur, quod (ut aduertit CAIETANVS 2. 2. q. 150. art. 5. §. ad hoc evidētiā, dupliciter potest nocumentum esse præcognitum, scilicet formaliter & physice; ut si actu sit præcognitum, quod solet sequi; aut imputative & moraliter, ut cum quamvis hoc non sit præcognitum, tamen debuit præcogitari propter rationem assignatam; & satis est nocumentum esse præiudicium hoc secundo modo, ut dicatur voluntarium siue volitum tertio modo, quoniam ut aliquis effectus sit ita voluntarius, non requiritur actus formalis voluntatis terminatus ad ipsum, sed sufficit actus, qui sit sufficiens dispositio, ut possimus interpretari ipsam voluntatem, dicendo, quod vult illum effectum, ut explicui supra q. 6. art. 3. & sicut nocumentum, quod sequitur ex peccato, potest esse his tribus modis volitum: ita etiam quæcumque circumstantia dans speciem, potest esse eisdem modis volita; ut potest facile explicari in irreverentia, quæ fit loco sacro per adulterium, aut per furtum calicis commillum in ipso.

§. 3. *Vera sententia declaratur.*

PRIMA CONCLUSIO, Si nocumentum, quod sequitur ex peccato, non sit volitum aliquo ex his tribus modis, non potest dare speciem peccato: Probat, quia nullo modo erit volitum, & impossibile est, quod actus voluntatis sumat speciem ab eo, quod nullo modo est volitum ab ipsa.

Confirmatur, quia quod nullo modo est voluntarium, non potest imputari voluntati ad culpam: ergo neque potest dare actui voluntatis speciem culpæ.

SECUNDA CONCLUSIO, Si nocumentum de se sit sufficiens ad dandum speciem actui voluntatis, satis est, quod sit volitum quocumque ex his tribus modis, ut det ei talem speciem: Probat, & imprimis quod sit satis esse volitum primo modo, satis constat, quoniam quod est ita volitum, est obiectum

voluntatis

voluntatis perfecte & ultimo modo, scilicet, secundum se, & directe.

Quod etiam sit satis esse volitum secundo modo, probatur, quia causa nocimenti quatenus est eius causa, habet deformitatem obiectivam eiusdem speciei cum deformitate ipsius nocimenti: ergo & volitio terminata ad illam causam in ratione causæ habet formalem malitiam eiusdem speciei cum malitia volitionis terminatæ formaliter ad nocimentum: ita ut, si volitio nocimenti esset in specie homicidij, etiam volitio causæ sit in ea; consequentia patet, quia volitio habet malitiam eius speciei, quæ sumi potest à suo obiecto immediato; & antecedens probatur, quia causa in ratione causæ habet repugnantiam cum lege, cui repugnat nocimentum quia eadem lege prohibetur nocimentum, & id quod est eius causa, vel occasio proxima; ergo etiam habet deformitatem obiectivam eiusdem rationis cum deformitate nocimenti, quia deformitas, siue malitia obiecti consistit in repugnantia cum lege, aut cum regula prohibente ipsum obiectum.

Dices, volitionem in isto casu non terminari ad peccatum, quatenus est causa nocimenti, quia peccatum in ratione causæ potius est nolitum, quoniam ex suppositione, is, qui peccat, vellet quod non esset causa, imo & dolet quod sit causa.

Sed contra, is, qui ita peccat, videt suum peccatum esse causam, ex qua sequetur nocimentum: ergo vult ipsum ut causam nocimenti: patet consequentia, quia satis est velle aliquid, videndo esse causam alicuius effectus, ad volendum ipsum ut causam: Neque obstat ille actus doloris aut nollitionis, quoniam etiam qui metu tempestatis projicit merces in mare, nollet projicere eas, & dolet atque tristatur de projectione, & nihilominus absolute & simpliciter vult projicere, ut ex sententia D. THOMÆ & ARISTOTELIS diximus supra q. 6. art. 6.

Et tunc probatur, quod etiam sufficiat esse tertio modo volitum, quoniam ut effectus, aut eventus aliquis det speciem actui voluntatis, satis est quod secundum se importet specialem modum inordinationis obiectivæ, & quod voluntarie procedat à voluntate medio illo actu: sed in nostro casu nocimentum, quod sequitur ex peccato, habet secundum se specialem modum inordinationis, & procedit voluntarie medio illo peccato à voluntate; ergo dat ei speciem mali; minor patet ex ijs, quæ diximus; & maior probatur inductione, nam v. g. volitio, ex qua procedit homicidium, habet peculiarem speciem mali, quia ipsum homicidium sumptum ut obiectum, habet specialem modum inordinationis, & procedit voluntarie media illa volitione à voluntate, & idem est in alijs peccatis.

Confirmatur primo, quia, si non adesset inconsideratio, nocimentum daret speciem peccato, ex quo sequitur, quia esset virtualiter volitum, ut constat ex definitione voliti virtualiter: ergo etiam si adsit inconsideratio, dat speciem: probo consequentiam, quia inconsideratio solum mutat modum voluntarij, quia aliter est voluntarium peccatum commissum cum inconsideratione invincibili, quam si committatur cum actuali consideratione: non tamen mutat specificationem actus, quia hoc est obiectum prout importat contrarietatem, aut repugnantiam ad rationem, quod semper est idem, non obstante illa inconsideratione.

A Confirmatur secundo, quoniam, cum nocimentum, quod sequitur ex peccato, est damnum iniustum proximi, quamvis ipsum peccatum secundum propriam speciem non sit iniustitia, (ut si ex fornicatione sequatur combustio domus, quoniam mulier intenta illi peccato est negligens in removendis periculis combustionis; aut si nauta, quoniam committit simile peccatum, sit negligens in gubernatione navis, & propterea sequatur eius submersio) tunc nocimentum obligat ad restitutionem: ergo dat peccato speciem iniustitiæ; patet consequentia, quia in isto casu non est obligatio restituendi, nisi propter iniustitiam commissam.

Et quod in his conclusionibus diximus de nocimento, intelligendum est etiam de circumstantijs, quæ secundum se sunt sufficientes ad dandum speciem, & probari potest eisdem argumentis: Et confirmari potest hæc secunda conclusio quantum attinet ad istas circumstantias; quomodocumque voluntarie irrogetur iniuria loco sacro per homicidium (hoc est siue hoc sit volitum formaliter, siue virtualiter, siue solum interpretative) semper committitur sacrilegium; neque CAJETANUS ausus est hoc negare, ut supra retuli; & ita ipse 2. 2. q. 150. art. 4. mutavit sententiam, quam multis locis fuerat sequutus; nam ibi loquens de peccato, quod fit ab ebrio, supponit, huiusmodi peccatum posse dici præsum, quia vel est præcogitatum, vel debuit præcogitari; & subdit: quando igitur peccatum sequens ebrietatem culpabilem est præsum, tunc peccatum illud non excusatur à specie sui peccati sed reduit ad naturam suam speciei ratione voluntarij in ignorantia inclusi terminati ad præsum.

Et si queratur, an, quando ex peccato sequitur nocimentum, quod solum est volitum interpretative, non tantum peccatum accipiat speciem aliquam mali à nocimento, sed etiam pertineat ad illam speciem per se, & directe, vel solum reductivè? Ad hoc aliqui absolute respondent, quod solum pertinet indirecte, & quasi reductivè. Sed mihi videtur respondendum sub distinctione, si enim per directe, intelligatur primario aut ratione proprii obiecti, ita ut sit sensus, quod peccatum illud primario & ex proprio obiecto habet pertinere ad illam speciem, certum est quod non pertinet directe, sed quasi secundario; & ratione consequentis ad proprium obiectum, & hoc voluit significare Divus THOMAS in secunda conclusione, ut dicam in eius expositione, si vero per directe intelligatur complete & perfecte & non partialiter, etiam est certum, quod pertinet directe: quoniam species mali, quæ sumitur ex nocimento, est in illo peccato complete & non partialiter, aut tanquam in parte speciei, & hoc satis est, ut simpliciter dicatur pertinere ad illam speciem, & malum malitia illius speciei.

Neque obstat, quod peccatum illud, ut causa nocimenti, non sit perfecte voluntarium; quoniam voluntarium non est genus ad malitiam moralem, sed supponitur ei, tanquam fundamentum aut subiectum, ut dixi supra q. 18. art. 1. & ideo, quamvis peccatum illud in ratione causæ non sit perfecte voluntarium, potest tamen esse simpliciter & perfecte malum quoad speciem.

3. Soluuntur argumenta contraria.

AD PRIMUM patet solutio ex ijs, quæ dixi in explicatione illorum articulorum præsertim primi, & noni, in fine.

AD SECUNDUM, transeat antecedens, & nego consequentiam; & ratio discriminis est, quod bonum confurgit ex integra causa, & malum ex quocumque defectu: & ideo quamvis, ut obiectum bonum det actui speciem boni, requiratur quod moueat ad operandum; non sequitur quod etiam obiectum malum debeat mouere ad peccandum, ut det speciem mali. Quod autem obiectum bonum debeat esse illo modo volitum, ut det actui speciem virtutis, colligitur ex ARISTOTELE 2. Ethico. cap. 4. ubi inquit, non esse satis, ut quis temperate, aut iuste operetur, quod opus ipsum sit secundum se iustum, aut temperatum: sed ulterius requiri, quod operetur sciens, & eligens talia opera propter ipsa, hoc est propter eorum bonitatem; & ratione probatur, quia hoc dicitur recta ratio, cui actiones nostræ debent conformari, ut sint bonæ sed de hoc disputari debet supra questione 19. art. 3.

AD TERTIUM respondetur concedendo antecedens, si nomine obiecti intelligatur, quidquid est aliquo modo volitum, siue sit obiectum dans primam speciem, siue circumstantiam; & hoc solum euincunt eius probationes; & accipiendo consequens in eodem sensu, potest concedi consequentia, neque ex eo sequitur aliquid contra nostram sententiam, quoniam nos in prima conclusione concessimus, necessarium esse, ut nocumentum det speciem actui, quod sit aliquomodo volitum; & in secunda solum negauimus, debere esse volitum expresse & formaliter.

Et si obiciatur, ex hoc sequi nullam ex circumstantijs dantibus speciem esse proprie circumstantiam cum omnes habeant rationem obiecti; *Respondetur*, negando sequelam, quoniam non sumimus hic obiectum *stricte*, pro eo, quod sub aliqua ratione moraliter terminat actum *primario & immediate*, sed *late* prout est *idem quod volitum*, etiam si sit volitum ut aliquid obiecti *primarij*, hoc est, quia sequitur ex eo, vel habet connectionem aliquam cum eo, ut explicui supra quæst. 18. art. 1. dubitatione vltima, parum ante vltimam conclusionem; concedo tamen quod, quando obiectum secundum se non importat rationem aliquam moralem, sed solum rationem circumstantiæ, ut cum obiectum bonum est volitum propter finem malum, ut electio synæ propter inanem gloriam, tunc circumstantia non habet rationem circumstantiæ, sed differentie constituentis primum obiectum in genere moris, ut explicui questione citata artic. 3.

AD QUARTUM, aliqui negant antecedens, dicunt enim in quocumque peccato mortali, esse duas deformitates specie distinctas; *Unam propriam* vnicuique, quæ sumitur ex suo obiecto; & *alteram communem* omnibus, quæ constituitur in auersione, saltem virtuali aut interpretatiua, à Deo, ut ab vltimo fine, & pertinet ad speciem odij Dei; sicut contemptus interpretatiuus pertinet ad speciem contemptus directe; & homicidium

A commillum cum ignorantia vincibili, & ex consequenti volitum dumtaxat interpretatiue, pertinet ad speciem homicidij commissi sine ignorantia; sed mihi hæc sententia non placet, de quo dicam infra q. 87. & ideo aliter *Respondetur*, concedendo antecedens, & negando consequentiam; & ratio discriminis potest sumi ex duplici capite: *Primo* ex ipsa auersione, quæ nisi sit expresse & formaliter volita, aut non importat deformitatem aliquam moralem, aut saltem non importat deformitatem specialem, sed communem modum deformitatis omnibus peccatis mortalibus; non solum quia reperitur in omnibus, sed quia est inclusa intrinsece, per modum conditionis in deformitate propria cuiuscumque peccati mortalis; & ideo non potest dare actui speciem odij, aut aliam quamcunque, distinctam ab ea, quæ sumitur ex obiecto; quod ita explico: triplex potest distingui auersio in peccato mortali, scilicet *primario gratia*, quæ est quædam separatio, seu exclusio ab amicitia Dei; & auersio contraria, quæ est idem cum conuersione ad obiectum; & respicit Deum ut legislatorem, & appellatur *auersio conuersiua*, vel *conuersio auersiua*, ut explicui supra q. 71. art. 6. & tandem *auersio virtualis* seu interpretatiua, quæ respicit Deum ut finem vltimum, & quodammodo consequitur ad præcedentem; nam ex eo quod aliquis faciat id, quod simpliciter repugnat consecutioni finis, sequitur quod virtualiter nolit finem; imo in re est virtualiter & interpretatiue nolle finem; ex his autem auersionibus, *prima* si secundum se consideretur, non importat deformitatem moralem, sed est effectus & pæna ipsius; *secunda* importat deformitatem conuersionis; & *tertia* gradum eiusdem deformitatis, scilicet quod sit ita grauis, ut omnino repugnet finis consecutioni; sicut quod offensa amici sit grauis, & iure dissoluat amicitiam, non importat nouam speciem offense, sed modum aut gradum offense; constat autem quod hoc non habet locum in nocumento; de quo loquimur: quoniam supponimus quod secundum se habet deformitatem obiectiuam distinctam à deformitate obiecti specificantis peccatum, ad quod consequitur. *Secundo* potest sumi ratio discriminis ex natura odij, quoniam cum obiectum odij sit malum quatenus malum est, ut Diu. THOMAS docet supra quæst. 19. artic. 1. necesse est, ut obiectum aliquod det speciem odij, quod sit volitum ut malum, non simpliciter (quoniam hoc non est appetibile) sed respectu alicuius; & ideo vel debet esse malum appetentis, ut in odio inimicitie, quo odio habemus personam alicuius quatenus est nobis disconueniens; vel debet esse malum ei quem odio prosequimur, ut in odio abominationis, quo volumus malum alicui quatenus est ipsi malum, & disconueniens; & in hoc distinguitur peccatum odij à peccatis, quæ etiam habent pro obiecto malum alterius; & ita si quis furetur non intendens malum proximi, sed suum commodum, est quidem iniustus, non tamen habet odium proximi, qui vero infert iniuste damnum proximo ex malevolentia ipsius, & affectu expresse malefaciendi, non solum peccat contra iustitiam, sed etiam contra charitatem proximi, & ita in suo actu est duplex malitia, altera iniustitiæ, & altera odij, & neque hoc habet locum in specie, quæ

sumi

iam potest ex nocimento: quoniam in furto & homicidio nocumentum alterius dat speciem, quamvis non sit expresse volitum, ut cum quis furatur non animo nocendi, sed ut subueniat proprio indigentie.

Ad ultimum aliqui concedunt antecedens, & negant consequentiam, & assignant duas rationes discriminis: *prima* est, quod scandalum est circumstantia generalis omnium, aut saltem multorum peccatorum, scilicet eorum, que sunt coram alijs: & ideo non potest dare speciem, nisi sit per se intentum, *altera* est, quod scandalum ex propria ratione hoc postulat, quoniam alias non habebit oppositum cum correctione fraterna.

Sed *multi* oppositum videtur verius, ut explicabo circa solutionem terti: & ideo *aliar* respondendo, negando antecedens, & ad probationem, concedo antecedenti nego consequentiam, & dico, rationem discriminis esse, quod (ut supra dicebam) virtus & bonum requirit integram causam, & ut directe intendatur suum motum formale. Circa eandem conclusionem est

III. DVBIUM.

Quid intelligat D. Thomas per illas voces *directe* & *indirecte*, cum interdum dicitur *nocumentum aggravare peccatum directe* & interdum *aggravare indirecte*.

ETRATIO DVBITANDI est, quod in his conclusionibus propter illas voces est quidam apparentia contradictionis, *nam* imprimis in *prima* dicitur, quod, si nocumentum sit praevisum, & intentum, aggravat peccatum *directe*, & tamen hoc repugnat exemplo *Secunda*, in quo dicitur, quod cum quis conculat segetes alienas, ut citius transeat ad fornicandum, tunc damnum illatum solum aggravat *indirecte* peccatum, quod sic probat, damnum in illo casu est intentum à peccante, ergo repugnat primæ conclusioni, dicere, quod solum indirecte aggravat peccatum: patet *autem* idem, quoniam eligitur à peccante ut medium ad finem percipere intentum, qui est citius explere suum appetitum; ergo est expresse volitum, & intentum, sicut cum quis eligit homicidium ut medium ad adulterium, vult & intendit expresse utrumque.

Deinde in *secunda* conclusione dicitur, quod quando damnum est praevisum, sed non intentum, aggravat indirecte peccatum, & hoc etiam repugnat *quarta* conclusioni, in qua dicitur, quod cum nocumentum sequitur per se ex actu peccati, licet non sit praevisum nec intentum, aggravat *directe* peccatum. *Nec* potest responderi, secundam conclusionem intelligi tantum de nocimento, quod sequitur ex peccato per accidentem, *nam* in damnum quod adducitur in exemplum, non sequitur per accidentem ex transitu per argum, sed per se: & non minus, quod scandalum sequitur ex publica fornicatione, quod adducitur in exemplum *quarta* conclusionis.

Ad hoc multa dicunt expostores D. Tho. & multi videntur parum referre ad mores, cognoscere aut nocumentum aggravat directe, vel indirecte, & sa-

tis esse, si sciamus, quando aggravat, & quando non aggravat intra eandem speciem, vel dando distinctam speciem: tamen vtræ explicem sententiam D. Tho. sequar potissimum Comm. qui ita exponit has conclusiones, ut dicat, per *directe* aggravare intelligi aggravare ex parte obiecti dantis speciem actus, & consequenter dico, quod in casu primæ conclusionis ideo nocumentum aggravat *directe*, quoniam auget ex parte obiecti dantis primam & substantialem speciem: ut constat in exemplis D. Tho. 1. a, quoniam nihil potest pertinere magis directe ad aliquem actum, quam id, quod pertinet ex parte obiecti, à quo sumitur eius essentia & substantia; in casu vero *secundæ* dicitur *aggravare indirecte*, quia (ut advenit idem Comm. ad.) dupliciter aggravat, *prima*, quasi à posteriori, & (ut ipse loquitur) *arguitur*, hoc est quia (ut inquit D. Tho. 2. a) ex voluntate multum inclinata ad peccatum procedit, quod non pratermittit nocere sibi vel alijs; *Secundo* addendo novam speciem peccati, scilicet speciem iniustitie, nam ratione illius nocenti volitio fornicandi est in specie iniustitie, & non solum in specie fornicationis: & utroque modo aggravat *indirecte*, quoniam prior *gravis* sumitur per se ex maiori voluntate, ex qua peccatum illud procedit, & ex damno solum *arguitur*, tanquam ex iudicio hominis maioris voluntatis, sicut articulo & ad secundum dixit D. Thomas, concupiscentiamque consequentiam voluntatis, auget peccatum, quatenus procedit ex maiori voluntate, & *posterior* *gravis* non sumitur ex obiecto peccati, sed ex circumstantia: & ideo non est substantialis & prima in peccato, sed accidentalis & secundaria, & consequenter non aggravat malitiam peccati directe, sed solum indirecte: & tandem in casu *quarta* conclusionis nocumentum dicitur aggravare directe, quia cum sequatur per se ex actu peccati, etiam sequitur per se aliquo modo ex obiecto, à quo actus sumit suam speciem, quia non potest sequi ex actu, nisi sit specificato à suo obiecto, ut in exemplo D. Tho. 1. a ex actu fornicationis publica non sequitur scandalum, nisi quatenus habet ex suo obiecto speciem fornicationis: & id quod aggravat peccatum ut tenens se illo modo, hoc est per se ex parte sui obiecti, bene potest dici aggravare directe: & hoc voluit significare D. Tho. cum dixit, ideo nocumentum in illo casu aggravare directe, quoniam pertinet quodammodo ad ipsam speciem peccati: intelligit enim per speciem obiectum specificatum. Quod aliqui non bene percipientes, addunt aliam rationem, scilicet, quod nocumentum in illo casu regulariter pertinet ad speciem peccati, ex quo sequitur ut in exemplo articuli pertinet ad speciem fornicationis, & ideo aggravat peccatum fornicationis intra propriam speciem, & ex consequenti directe. Sed ego non possum intelligere eam, quoniam non est sensus, quod in illo exemplo nocumentum pertinet ad speciem fornicationis in eo, qui patitur nocumentum, vel in eo, qui est eius causa, & *prima* est verum, ceterum non potest ex eo colligi, quod nocumentum aggravet malitiam peccati, ex quo sequitur, intra propriam speciem: quoniam malitia fornicationis, que est in eo, qui patitur scandalum, non adiungitur fornicationi, quia datum est illud scandalum, sed constituit aliud peccatum ex subiecto distinctum, *Secundo* autem videtur falsum, quoniam actus, qui est causa peccati in altero, solum per modum scandali, aut exempli, & non per modum consilii,

non accipit ab illo peccato, tanquam ab obiecto, speciem eius; sed solū speciē scandali, ut in exemplo articuli, fornicatio publica præter propriā malitiam fornicationis nō habet aliā etiā partiāle propter fornicationem, quam alias ea motus cōmisiit; & ira D. THOMAS 1. 2. q. 43. art. 3. ad 2. inquit, quod quando aliquis scandalizat proximum factō, quod de se non est peccatum, sed habet speciem mali; tunc factum illud habet speciem scandali separatam à speciebus aliorum peccatorum; quod tamen non posset esse verum, si sumeret speciem propriā illius peccati, cuius est causa. An vero in confessione sufficiat confiteri speciem scandali in isto casu quo peccatum non habet aliam speciem, vel potius sit necessarium in particulari explicare respectu cuius peccati fuerit datum scandalum: pertinet ad materiam de confessione; & modo videtur mihi *verius hoc secundum*, quoniam non minus est necessarium explicare quantitatem damni spiritualis, quod specificat scandalum, quā quantitatem damni corporalis, quod specificat furtum; & illa quantitas non potest explicari, nisi explicando peccatum particulare, ad quod datum est exemplum, quoniam tanto erit maior, quanto huiusmodi peccatum fuerit gravius.

AD PRIMVM, negandum est primam conclusionem repugnare exemplo secundæ, & ad probationem *dicunt aliqui*, in conculcatione segetum posse distingui duplex nocumentum; *alterum præsens*, quod consistit in destructione ipsarum segetum, & *alterum futurum* quod sequitur tempore quo fructus sunt percipiendi, v.g. in æstate. & modo est in ipsa conculcatione segetum, tanquam in causa; & dicunt, *primum* eligi à peccante ut medium, & in hoc sensu esse per se intentum ab ipso, quoniam est expresse & secundum se volitum: non vero secundum, & D. THOMAS loqui de *secundo*, quoniam *primum* respectu eius non est dignum consideratione. Sed mihi non placet hæc solutio, quoniam *secundum* nocumentum sequitur ex *primo* per se, tanquam ex causa, sicut ex publica fornicatione sequitur scandalum: ergo quamvis non sit intentum, aggravat peccatum directe in sensu quartæ conclusionis. Respondetur igitur negando consequentiam, quoniam illud secundum nocumentum solum sequitur per se ex primo, non tamen ex fine intento scilicet, ex fornicatione; quia per accidens se habet ad ipsam, quod assumatur ut medium transitus per agrum, ex quo sequatur tale nocumentum; & ita aggravat directe maliciam primi nocumenti, quoniam tanto destructio segetum est magis intra speciē iniustitiæ mala, quanto ex eo sequitur maior futurorum fructuum destructio: non tamen aggravat hoc modo malicia finis, quoniam fornicatio, quæ habet rationem finis solum sit magis mala quia adiungitur ei malicia iniustitiæ, & intra propriam speciem arguitur ut exposui.

AD SECUNDVM respondetur, quod ut in ipso argumento dictum est, secunda conclusio intelligitur in casu, quo nocumentum non sequitur per se ex obiecto specificante peccatum: & ad objectionem, quod quamvis nocumentum sequatur per se ex transitu per agrum, non tamen sequitur per se ex fornicatione, ut dixi in solutione præcedentis argumenti,

A Circa Conclusionem secundam est

QUARTVM DVBIVM.

Virum sit vera?

§ 1. Partis negativæ argumenta.

ET PARS NEGATIVA probatur, PRIMO, quoniam, ut modo dicebamus, illa conclusio solum intelligitur de nocumento, quod nō sequitur per se ex peccato; sed male quæ ex nostris actibus sequuntur per accidens (nisi sunt intenta) nō possunt reddere ipsos actus magis malos, quia non possunt reddere simpliciter malos, cum de se non sint mali, ergo:

SECUNDO, alias sequeretur, quod, contra cōmunem sensum, imputarentur hominibus ad culpam multa damna, quæ omnino per accidens, & præter intentionem sequuntur ex suis operibus: ut quod peccaret mulier formosa; quæ egreditur domum suam, prævidens quod erit alicui occasio peccandi mortaliter; & similiter, qui vendit infidelibus res, quibus scit eos vsuros in cultum idolorum; & Rex movendo bellum, aut vendendo officia publica, quoniam prævidet ex huiusmodi actibus multa mala prouentura.

PRO SOLUTIONE, adverte quod nocumentum dupliciter potest sequi ex actu peccati, ut D. THOMAS docet 1. 2. q. 20. art. 5. scilicet per se, & per accidens, primo modo sequitur, cum sequitur ex natura operis, ita quod opus ipsum sit per se causa vel occasio, ut sequatur nocumentum, *si* sit causa per se physice, ut ignis applicatus est causa combustionis domus; *si* tantum moraliter, ut cum regulariter, & ut in pluribus, sequitur ex eo nocumentum, sicut ex publica fornicatione regulariter sequitur scandalum aliorum; dixi tamen sub distinctione, *causa vel occasio*, quia respectu nocumenti spiritualis, scilicet peccati, nihil est causa sufficiens, præter propriam voluntatem: & ideo actus peccati, ex quo sequitur huiusmodi nocumentum in altero, non solet appellari *causa*, sed *ocasio*, ut D. THOMAS docet 2. 2. q. 43. art. 1. ad 3.

§ 2. Resolutio questionis.

PRIMA CONCLUSIO; ut nocumentum, quod omnino per accidens sequitur ex peccato, aggravat ipsum peccatum, necesse est quod sit præsens, & præcogitatum actu vel determinate, & in particulari, vel saltem in communi: hæc Conclusio est D. THOMAS supra q. 20. art. 5. & CAIETANI 1. 2. q. 150. art. 4. & ad eius explicationem & probationem ADVERTENDVM est, quod sicut tunc nocumentum sequitur per se ex aliquo peccato, cum sequitur ex natura operis aut physice, & ex natura rei, ut combustio domus sequitur ex applicatione ignis sufficientis ad comburendum domum, aut saltem moraliter, ut cum regulariter & in pluribus sequitur; ita etiam sequitur per accidens, cum neque sequitur ex natura rei, neque regulariter, aut ut in pluribus, ut colligitur ex DIVO THOMA supra questione vigesima, articulo quinto. Hoc supposito, probatur conclusio, quia nisi nocumentum istud sit actu

præiudicium, sequitur quod nullo modo sit præiudicium: & ex hoc sequitur ulterius, quod nullo modo sit voluntarium in causa, atque adeo neque peccatum. *Secunda sequela* probatur, quia quod nullo modo est cognitum, non potest esse voluntarium, & nihil habet rationem peccati, & culpæ nisi sit voluntarium; *Prima vero probatur*, quia imprimis non est præiudicium formaliter, & physice, ut constat; neque imputatiue aut moraliter, quia tunc dicitur aliquid hoc modo præiudicium, cum more humano potest, & debet præiudicari: sed effectus, qui omnino per accidens sequuntur ex aliqua causa, non possunt more humano præiudicari, quia hoc excedit communiter diligentiam humanam; ergo non sunt imputatiue præiudici in illa causa.

Confirmatur, quoniam obligatio præiudicandi nocumenta, quæ ex nostris actibus possunt sequi, debet explicari rationabiliter: esset autem irrationabilis & dura, si extenderetur ad ea, quorum præiudicio superat communiter humanam diligentiam.

SECUNDA CONCLUSIO: ut nocumentum istud, de quo loquimur, aggrauet peccatum ex quo sequitur, non satis est esse actum præiudicatum: sed requiritur, quod sit aliquo modo intentum aut volitum; non tamen est necesse quod sit formaliter & expresse volitum, sed satis est quod sit volitum virtualiter indirecte.

Antequam probemus hanc conclusionem, oportet explicare, quid intelligamus per *volitum formaliter*, & quid per *volitum virtualiter indirecte*; & primum est satis expositum in tertio dubio; secundum vero est aliquo modo expositum, scilicet quantum ad istam particulam *virtualiter*, non tamen omnino, quoniam additur illa particula *indirecte*, quare ad eius explicationem aduerte, quod quamuis voluntarium *directe*, soleat confundi cum primo membro diuisionis voluntarij explicatæ illo loco, scilicet cum voluntario formaliter: & voluntarium *indirecte* cum tertio scilicet cum voluntario interpretatiue; tamen hic distinguimus duos gradus voluntarij *virtualiter*, unum quando nocumentum sequitur per se ex actu peccati, & alterum quando sequitur per accidens; & primum appellamus *voluntarium virtualiter directe*, secundum vero *voluntarium virtualiter indirecte*, & distinguimus hunc gradum à voluntario interpretatiuo, quia est cum formali cognitione nocimenti, quæ non reperiitur in interpretatiuo, prout de eo loquuti sumus in tertio dubio: iam ergo *PRIMA PARS* probatur, quoniam alias nocumentum illud nullo modo erit voluntarium, quia neque per modum obiecti, neque per modum effectus procedentis à voluntate, potest aliquid dici voluntarium, nisi sit aliquo modo volitum; ergo non potest, aut facere simpliciter malum actum voluntatis, aut agere eius maliciam: patet *consequentia*, quia ratione eorum, quæ nullo modo nobis sunt voluntaria, neque efficiuntur mali, neque magis mali.

SECUNDA ETIAM PARS probatur, quia in exemplo secundæ conclusionis articuli, damnum quod sequitur ex fornicatione media conculcatione legitur, imputatur ad culpam, & aggrauat peccatum, & tamen non est expresse & formaliter volitum: item nocumentum illud est malum obiectum, ergo satis est quod sit aliquo modo voluntarium, ut imputetur ad culpam, & ut augeat maliciam actus, quo mediante est voluntarius, si talis actus fuerit ex se malus.

EX HAC CONCLUSIONE sequitur, qua ratione sit intelligenda conclusio articuli, quam nunc exponimus; dicendum est enim, quod D. THOM. per *non intentum* intellexit *non intentum formaliter*, ita quod sub nomine *non intenti* comprehendit quidquid non est formaliter intentum, etiam si sit intentum virtualiter indirecte; & eodem modo exponendus est D. THOM. supra q. 20. art. 3. ubi inquit, quod effectus, qui sequitur ex actu humano, si sit præcogitatus, addit ad bonitatem vel maliciam actus, huc sequatur ex eo per se, siue per accidens, & ita exponitur à CATETANO ibi, qui etiam probat, quod sic debeat exponi ex solutione primi argumenti huius articuli, ubi D. THOM. ita inquit sicut supra dictum est, cum de bonitate & malicia exteriorum actuum ageretur, euentus sequens, si sit præiudicatus, & intentus, addit ad bonitatem vel maliciam actus; constat autem, quod hoc dixit, propter locum citatum; & nos poterimus colligere ex istis verbis, quod etiam conclusio articuli sic intelligenda eodem modo.

SED QUÆRES, quid requiratur, ut nocumentum istud sit voluntarium virtualiter indirecte. Videtur enim certum, non sufficere, quod sit præiudicatum, etiam in particulari, & determinate: nam neque Christo, neque Apostolis imputari potest scandalum, quod certo cognoscebant passuros esse Iudæos ex prædicatione Euangelij, iuxta illud Pauli: *Nos autem prædicamus Christum crucifixum, Iudæis quidam scandalum* &c. Ad hoc SILVESTER verbis occasio, quem aliqui sequuntur, respondet duabus regulis: *Prima*, quando opus, ex quo per accidens sequitur nocumentum est indebitum, hoc est, peccatum. (ut ipse exponit) tunc nocumentum imputatur ad culpam, & ex consequenti volitum aut intentum virtualiter indirecte. *Secunda*, quando opus illud est debitum, hoc est (ut alij exponunt & ipse insinuat) est bonum, & licitum, tunc nocumentum non imputatur ad culpam neque est volitum virtualiter indirecte. Istæ duæ regulæ videntur colligi etiam ex CONRADO in expositione tertiæ conclusionis, ubi probat priorem hoc argumento: ut effectus qui sequitur ex actu vel omissione, censetur voluntarius indirecte, satis est, posse & teneri vitari actum, vel omissionem, unde sequitur tanquam ex causa: ut constat ex ijs, quæ diximus sup. q. 6. art. 3. sed in isto casu nocumentum sequitur ex causa, quam possumus, & tenemur vitare: quoniam est peccatum, & voluntariū indirecte. Sed hæc non sunt omnia vera ut constabit ex ijs quæ statim dicemus. Et ideo sit

TERTIA CONCLUSIO: Ut nocumentum, quod præiudicatum est euenturum per accidens ex nostro opere, censetur volitum virtualiter indirecte, in ipso opere requiritur, & sufficit, quod possimus & teneamur vitare ipsum nocumentum. Quod hoc requiratur, patet, quia mala, quæ quis non tenetur vitare, non censentur vitata ab ipso, etiam indirecte, sed solum permittuntur; & ita quamuis Deus videat, quod ex denegatione alicuius maximi auxilij, sequitur per accidens, quod Petrus peccet: non ideo dicitur huiusmodi peccatum volitum ab ipso, sed solum permittum; quia non tenetur impedire efficaciter peccata hominum, ut explicui loco citato; *Quod vero sufficiat*, patet, ex definitione voluntarij indirecti ibidem explicata.

Confirmatur quia si teneor vitare nocumentum, ergo etiam teneor omittere opus, ex quo video

euenturum; patet *consequencia*, quia, ex suppositione, video me non posse aliter vitare illud nocumentum.

Et ad argumentum, quod ex CONRADO proposuimus pro sententia SILVESTRI, Respondetur, maiorem esse veram, quādo tenemur vitare actum vel omissionem, quatenus est causa illius effectus; non tamen quando tenemur vitare actum secundum se, & non ratione effectus, aut in ordine ad ipsum; sicut si quis aut clericus aut laicus det operam venationi illicitæ, & prohibitz, & interficiat hominem, putans quod interficit feram, adhibita prius sufficienti diligentia ad cauendum, ne hoc euentat; non dicitur huiusmodi homicidium voluntarium ipsi indirecte, neque imputabitur ipsi ad culpam, quamuis enim teneatur omittere venationem illam, non tamen tenetur omittere eam vt causam homicidij, quia non est eius causa.

Sed obijciat, quia sequitur ex hoc, quod semper sit nobis voluntarium nocumentum, quod per accidens sequitur ex nostris actibus, quando est prauum; patet sequela quia salte debito charitatis, licet non iustitiz, tenetur vnusquisque vitare nocumentum proximi, si potest: quia sicut præceptum charitatis obligat ad diligendum proximum, ita etiam obligat ad vitandum damnum ipsius, quādo possumus. *Confirmatur*, quia si cura, quam vnusquisque tenetur habere de proximo, (iuxta illud, *vnusquisque Deum mandauit de proximo suo*) obligat ad bene faciendum ei; ergo etiam obligat ad remouendum ei mala. *Respondetur*, quod præceptum illud non obligat ad vitandum damnum proximi, quod per accidens sequitur ex nostris actibus, nisi cum possumus facile, & sine magno incommodo nostro. Quare ad iudicandum an in aliquo casu obliget, considerandum est an opus, ex quo illud nocumentum sequitur, sit nobis necessarium in ratione præcepti; & an sit vtile, vel in ordine ad bona spiritualia, vel in ordine ad temporalia, siue corporis, siue externa: & in casibus dicendum est, quod non obligat, dummodo huiusmodi bona non possint ita commodè acquiri per alia opera, & omisso isto opere, quod est causa per accidens nocumenti, quod latius est explicandum 2. 2. quæst. 26. art. 4. & 5. & quæst. 43. artic. 7. & 8.

§ 3. Confectaria quadam ex doctrina tradita.

EX HIS SEQUITVR decisio multorum dubiorum moralium; nam *imprimis* sequitur, non peccare eos, qui vendunt merces suas ijs, quos vident esse male vsuros ijs, dūmodo venditio ipsarum mercium non sit prohibita, aut omnino, aut respectu aliquorum: quidquid dicat MEDINA Codice de Restitutione qu. 31. de rebus per mercessionem acquisitis; & probatur, quoniam in isto casu venditor non tenetur propter peccata aliorum relinquere vtilitatem, quam ex venditione percipit, & propter eandem rationem est dicendum idem de eo, qui locat domum suam meretricibus, vsurarijs, & alijs hominibus, quos scit velle in ea exercere aliqua peccata, dummodo non possit facile, & cum æquali vtilitate locare eam alijs; de quo NAVARRVS in summa. cap. 17. numero 195. & cap. 21. num. 25. & idem dicendum est de famulo, qui ius-

A su domini emit ei cibos, quibus scit eum violaturum præceptum ieiunij, & de vendente eisdem cibos aut carnes, pro quo solet adduci NAVARRVS in summa cap. 21. numero 26. sed ego oppositum reperio in summa latina.

Secundo SEQUITVR, non peccare eum, qui petit mutuum ab vsuario, quoniam aliter non potest succurrere suæ necessitati, quamuis sciat; non daturum sine vsuris, quoniam *imprimis* non peccat, quia petendo sit causa per se peccati quod vsurarius committit, sicut peccat qui consulit alicui, aut petit ab eo quod committat aliquod peccatum: quia non petit quod mutuet exigendo vsuras, sed quod mutuet absolute, quod ipse potest bene & honeste præstare.

Neque etiam peccat, quia præbeat occasionem peccandi, quia petere mutuum non est occasio per se, sed per accidens, & propter maliciam ipsius vsurarij: & non tenemur omittere ea, quæ sunt hoc modo occasiones peccandi, quando sunt nobis necessaria, vel vtilia. Et propter eandem rationem dicendum est idem de eo, qui petit sacrum ab eo sacerdote, quem scit administraturum in peccato mortali, siue sit proprius, siue non: dummodo non possit ita commodè petere ab alio: & idem dicendum est de eo, qui deponit pecunias suas apud vsurarium, quia non potest commodè seruare eas alibi.

TERTIO SEQUITVR, quod si mulier ornet se, quia sibi expedit v. g. vt placeat viro suo; vel si in nuptia sit, vt melius & facilius nubat alicui; vel vt seruet patriæ consuetudinem: quamuis sciat aliquem in particulari, v. g. Petrum sumpturum ex eo occasionem amandi ipsam turpiter, non imputabitur ipsi vllō modo ad culpam peccatum illud; siue ornando se non peccauerit, siue etiam peccauerit, intendēdo aliquem malū finem, v. g. iactantiam, superbiam, vel aliquod aliud; aut excedendo in ipso ornatu limites rationis, ita tenet CAISTA in sum. verb. *ornatus*. & 2. 2. q. 169, art. 2. in solutione dubij 5. & NAVARRVS in sum. cap. 23. num. 18. & in priori casu facile admittitur ab omnibus, etiā a SILVEST. in sum. verb. *occasio* a quo tamen non admittitur in secundo casu ibi; & verb. *ornatus* numero quarto: sed probatur in eo, quoniam est eadem ratio excusandi ab obligatione vitandi illud damnum proximi, scilicet propria vtilitas.

Confirmatur, quia ornatus in illo casu non minus deseruit mulieri ad propriam vtilitatem, propter malum finem adiunctum; quam si non apponeretur ille finis; ergo non minus excusat.

Vltimo SEQUITVR quod non solum quando opus, ex quo præuidetur euenturum per accidens nocumentum proximi simpliciter, hoc est, ex parte obiecti & circumstantiarū, est bonum, aut quando est bonum ex parte obiecti & malum ratione alicuius substantiæ: sed etiam si sit malum intrinsece & ex parte obiecti; potest excusari a culpa, quæ consistit in violatione præcepti obligantis ad vitandum nocumentum, quod sequitur proximo per accidens ex nostris actibus; Probatur, quoniam etiam actus, qui est intrinsece malus, vt mendacium, potest esse vtilis alicui ad obrinendum bona temporalia, ad quæ habet verum ius.

Confr.

Confirmatur, quoniam opus, quod est bonum ex obiecto, & malum ratione circumstantia, simpliciter est malum moraliter, & non est partim bonum & partim malum; & ex consequenti operans non habet ius ad ipsum secundum se, quoniam potius est ei prohibitum: & nihilominus quando per ipsum intenditur bonum temporale, ad quod operans habet ius, excusat ab obligatione vitandi nocumentum, quod ex ipso sequitur proximo per accidens, ut diximus de ornatu mulieris ratione mali finis; ergo idem est dicendum de opere intrinsece malo in eodem casu: & ratio istorum est, quod actus, de quo loquimur, non excusat ab obligatione vitandi nocumentum proximi, quatenus est bonus moraliter, sed quatenus est utilis & aptus, ut eo mediante consequamur bonum temporale, ad quod habemus ius, & hoc indifferenter potest convenire actui bono, & malo.

§ 4. Respondetur argumentis initio positis, De nocumento reali, & penali.

AD PRIMVM Respondetur, minorem solum esse veram, quando mala ista nullo modo sunt intenta: non tamen quando non sunt intenta formaliter, quia simul possunt esse virtualiter intenta indirecte, & hoc est satis, ut reddant actus nostros malos, & ut augeant eorum maliciam, si ipsi secundum se sint mali; ut patet ex secunda conclusionem, & advertunt SOTVS in 4. dist. 13. qu. 2. artic. 1. in fine, & NAVAR. in sum. cap. 17. numero tertio.

AD SECUNDVM Respondetur, quod in primo casu mulier potest domum suam egredi quoties sibi fuerit necessarium, vel utile, quamvis sciat se esse turpiter amandam ab aliquo in particulari: Neque in hoc est aliquod discrimen, siue egressus sit omnino bonus & honestus, siue sit alia de causa peccatum, sicut dixi de ornatu; addidit tamen *ab aliquo in particulari*, quia (ut bene advertit idem NAVAR. cap. citato, num. 33.) non tenemur omittere actum, verbi gratia ludum, in quo sciunt aliquem in communi peccaturum in eo. De secundo vero casu dixi in prima illatione; & de tertio dico quod si Rex habet ius ad vendenda officia publica, (de quo alibi est agendum) non peccat vendendo, quia sequuntur illa inconuenientia, quia non sequuntur per se, & ex natura venditionis: sed per accidens, & ex malicia ementium; & (ut dixi) nemo tenetur relinquere utilitatem, ad quam habet ius, propter inconuenientia, quæ inde possunt resultare per accidens; & idem dicendum est de bello.

CIRCA TERTIAM Conclusionem solet disputari, an, quando nocumentum sequitur per accidens ex aliquo opere, & ita est omnino non intentum, neque praevisum; ut nullo modo imputetur ad culpam, possit imputari ad penam, si opus, ex quo sequitur sit secundum se illicitum, & peccatum? & peculiariter habet hoc difficultatem in irregularitate, quæ incurritur propter homicidium, sed de hoc agemus infra quæst. 76. ubi inquiremus: *Utrum ignorantia inuincibilis,*

A qua excuset a culpa, excuset etiam a penam? Brexponeamus sensum huius conclusionis, ex qua aliqui volunt colligere, quod D. THOMAS sequatur partem negatiuam.

CIRCA QUARTAM Conclusionem ADVERTE, quod DIVVS THOMAS loquitur in ea, de non intento & non praevisio formaliter & expresse; & non de nullo modo intento & praevisio: quoniam hoc, sicut non habet rationem voluntarij, ita neque peccati aut culpæ. Quare ut nocumentum, quod sequitur per se ex peccato, aggrauet ipsum, requiritur & sufficit, quod saltem sit praevisum *imputatiue* & moraliter: in quo differt à nocumento, quod sequitur omnino per accidens, quoniam hoc neque imputatur ad culpam, neque aggrauat maliciam peccati, ex quo sequitur, nisi sit actu praevisum, saltem in communi, ut explicui dubio quarto. Quomodo vero nocumentum istud dicatur aggrauare directe, quamvis det speciem distinctam, explicatum est dubio tertio.

CIRCA QUINTAM Conclusionem ADVERTE, nocumentum quod sequitur ex peccato, esse duplex, quoddam appellatur *reale siue damnum*, quale est illud, quod quis infert alteri; & aliud appellatur *penale*, quod est illud, quod quis infert peccando sibi ipsi; nam quamvis possit aliquis peccando inferre sibi & alijs idem damnum: tamen quod infert sibi, est regulariter ipsi penale & molestum, non vero quod infert alteri: & rursum hoc damnum *penale* subdistinguitur: nam *interdum* sequitur per accidens ex peccato, ut cum non sequitur ex actu, ut habet rationem peccati, sed secundum suam naturam, ita quod eodem modo sequeretur, quamvis ille actus non esset peccatum, ut in exemplo articuli, si quis currens ad occidendum, impingat, & laedat sibi pedem, nam eodem modo posset hoc contingere, quamvis curreret ad aliquod opus bonum; *interdum* vero sequitur per se, ut cum sequitur ex actu peccati: prout habet rationem peccati, sicut sequitur damnum, quod est punitio peccati; & de primo damno penali loquitur DIVVS THOMAS in hac quinta conclusionem, & de secundo in duabus ultimis: & quamvis in ista solum loquatur de primo in casu, quo non est intentum, nec praevisum, & ex consequenti non aggrauat peccatum: non ideo negat, quod interdum possit esse praevisum actu vel imputatiue, ut cum quis transit per agrum suum, & conculcat proprias segetes ut citius perueniat ad fornicandum: aut cum videt, aut tenetur praevidere, quod, si immoderate comedit, laedet propriam salutem: aut quod, si exerceat talem ludum, frangat propria crura, in quibus casibus nocumentum proprium aggrauat peccatum, aut indirecte iuxta sensum secundæ conclusionis, si sequatur per accidens; aut directe, iuxta sensum quartæ, si sequatur per se. Sed ideo hoc fecit D. THOMAS, quia voluit constituere hoc discrimen inter nocumenta propria, & aliena: quod ista facilius imputantur ad culpam, *nam quia*, cum homines regulariter sint magis solliciti ad cauendum propria damna, quam aliena, minus possint propria imputari eorum negligentia; *nam quia*, cum homines habeant maius ius in

bona propria, quam in aliena facilius possunt ea exponere periculo, & non tenentur adeo sollicite prouidere, & precauere propria damna.

Quod si querat, an, quando est prauisum nocumentum proprium & alienum, aggrauat magis peccatum nocumentum proprium, quam alienum? Respondetur, cum D. THOMA articulo sequenti ad secundum, quod interdum aggrauat magis & interdum minus; *nam quando nocumentum proprium fit in rebus, quæ subduntur dominio nostræ voluntatis, cuiusmodi sunt bona à nobis possessa: minus aggrauat peccatum, quam nocumentum alienum; ut, minus peccat, qui in exemplo secundæ conclusionis comburit segetes proprias, quam qui comburit alienas; quando vero nocumentum proprium fit in rebus, quæ non subduntur dominio nostræ voluntatis, cuiusmodi sunt bona naturalia, & spiritualia: magis aggrauat peccatum, quam nocumentum alienum, ut grauius peccat qui interficit seipsum, quam qui interficit alterum.*

CIRCA solutionem tertij est

DVBIUM V.

An inducens mulierem ad fornicandum grauius peccet quam homicida?

§ 1. *Proponuntur varia sententia cum fundamentis.*

ET UT INTELLIGATUR id, de quo est difficultas, ADVERTE 1. quod in peccato inducentis ad fornicandum potest distinguere duplex gravitas; una essentialis, aut substantialis, quæ sumitur ex obiecto ipsius fornicationis; & altera quasi accidentaria, quæ sumitur ex eo, quod fornicator prouocat mulierem ad peccandum, & est ipsi causa ruinæ, & mortis spiritualis: & quantum ad priorem gravitatem omnes supponunt ut certum, peccatum istud superari ab homicidio: quantum ad posteriorem vero est difficultas utrum ratione eius peccatum istud sit grauius homicidio, & in hoc sunt diuersæ sententiæ inter discipulos D. THOMÆ. Quæ ut rectius intelligantur,

NOTANDUM 2. quod dupliciter potest fornicator inducere mulierem ad fornicationem. *Primo* intendendo directe & formaliter hoc damnum spirituale ipsius, quod peccet & amittat vitam gratiæ; *Secundo* intendendo tantum propriam delectationem.

Hoc SUPPOSITO est PRIMA sententia eorum, qui dicunt, quod siue prouocat *primo* siue *secundo modo*, peccet leuius quam homicida, & probatur *primo*, quia homicida est causa totalis & efficax homicidij, & infert vim alteri: qui vero prouocat mulierem ad peccandum, etiamsi directe intendat quod peccet, *non est* causa totalis & efficax mortis spiritualis alterius: quia nemo moritur

A spiritualiter nisi propria voluntate peccando, *neque* infert vim, quia solum peccat suadendo: ergo grauius peccat homicida.

SECUNDO vita corporalis semel amissa recuperari non potest, vita vero spiritualis potest recuperari per penitentiam: ergo ex hac parte grauius damnum est priuari vita corporali, quam priuari vita spirituali; & ex consequenti homicida infert alteri maius damnum, quam prouocans ad peccandum.

TERTIO, peccatum scandali, siue mors spiritualis proximi sit directe intenta, siue indirecte, semper est eiusdem speciei, sicut peccatum homicidij siue occisio hominis sit indirecte intenta, siue indirecte; ut quando quis aliud intendens occidit hominem culpabiliter, semper est eiusdem speciei: sed quando mors spiritualis proximi est indirecte intenta, est minus graue peccatum scandali, quam peccatum homicidij, ut DIUUS THOMAS concedit in hac solutione; ergo etiam quando est directe intenta.

SECUNDA SENTENTIA est aliorum, qui dicunt, quod quomodocumque prouocet, peccat grauius quam homicida, non omni ex parte, sed ex parte obiecti, quorum fundamenta adducemus postea.

TERTIA SENTENTIA inter has media est CAIETANI hoc loco, qui dicit duo: *Primum* est, quod quando is, qui prouocat mulierem ad peccandum, intendit directe mortem spirituales ipsius, peccat grauius quam homicida. *Alterum* est, quod quando solum intendit eam indirecte, & consequenter, quia primario & directe intendit propriam delectationem, & ad eam consequitur mors spiritualis alterius, non peccat grauius quam homicida. Et in utroque sequuntur eum multi ex recentioribus, fundamentum *primum* est idem apud omnes, quod referam postea; fundamentum vero *secundum* est hoc, quod in illo ruina spiritualis proximi non dat actui inducenti ad fornicationem speciem peccati distinctam ab specie fornicationis, sed solum aggrauat maliciam fornicationis, ut circumstantia eius, ergo ratione huius nocumenti non est actus ille grauius peccatum, quam homicidium. *Consequentia* patet, quia *neque est grauius quoad speciem*, cum semper maneat intra speciem fornicationis, quæ est minus mala quam species homicidij; *neque quoad circumstantias non mutant speciem*, cum potius ex parte istorum superetur ab homicidio, ut constat ex argumentis primæ sententiæ. *Antecedens* vero tripliciter probatur; *Primo* à CAIETANO, qui hoc loco & alijs (ut retuli dubio secundo) sequitur illam sententiam, quod neque ruina proximi spiritualis, neque vlla circumstantia det speciem, nisi sit formaliter volita. Quia mors spiritualis proximi in isto casu nullo modo est volita ut obiectum: ergo non potest dare speciem. *Consequentia* patet, quia (ut supra diximus ex sententia DIUUS THOMÆ, & est satis euidens,) id quod nullo modo habet rationem obiecti respectu alicuius actus, siue voluntatis, siue cuiuscunque alterius potentie, non potest dare ei speciem; & *Antecedens* probatur, quia *neque* est volita ut medium ad delectationem, per se intentam, *neque* ut finis eius: *Confirmatur*, quia ista mors spiritualis nullo modo est intenta à peccante, sed conse-

quitur

quitur omnino præter eius intentionem: ergo non dat speciem suo actui. Probo antecedens, quia neque est intenta ab eo *ut homo* est, quia sic intendit delectationem absolute; neque *ut peccans* est, quia sic formaliter intendit delectationem ex fornicatione, aut inducere mulierem non suam ad illum actum turpem.

Secundo probatur ab alijs, quibus non placet illa sententia CAJETANI, quia saltem circumstantiæ generales omnium peccatorum, non dant speciem, nisi sint formaliter & directe intentæ: ut pater de inobedientia, superbia, odio Dei, & alijs similibus: sed huiusmodi est mors spiritualis respectu omnium peccatorum mortalium: ergo nisi sit formaliter intenta, non dat particularem speciem. *Dices minorem* solum esse veram de morte spirituali propria, non tamen de aliena, de qua nunc loquimur: quoniam hæc solum sequitur ad certum genus peccatorum. *Sed contra* quia ut circumstantia non det speciem nisi sit formaliter intenta, non est necesse quod conveniat omnibus peccatis, sed satis est quod conveniat certo generi peccatorum; sicut in omnibus peccatis contra præcepta Ecclesiæ est quidam contemptus potestatis Ecclesiasticæ, & in omnibus peccatis contra proximum est quoddam odium ipsius; & tamen neque in illis est determinata species contemptus, neque in istis species odij, nisi ista duo formaliter intendantur. Item quia omnibus peccatis mortalibus, quantum est de de se, convenit, quod ad ea consequatur mors spiritualis proximi, quia quodcumque peccatum mortale est ex se sufficiens exemplum ad movendum ad aliud simile.

Tertio probatur ab alijs, quibus nulla ex istis rationibus placet: quia esse causam mortis spiritualis proximi non habet oppositionem cum speciali virtute, nisi sit formaliter intentum, ergo neque habet specialem malitiam; *Consequentia* pater, quia sicut malitia consistit in oppositione cum virtute, ita specialis malitia in speciali oppositione cum speciali virtute; & *antecedens* probatur, quoniam imprimis non opponitur iustitiæ, sicut neque cum est formaliter intentum seclusa vi, & fraude; quia circa ea, quorum habemus dominium, cuiusmodi sunt actiones nostræ, & bona spiritualia, quæ habemus, nemini scienti & volenti fit iniuria, de quo 2. 2. q. 48. & quæ. 62. in materia de restitutione; neque etiam opponitur charitati, quoniam sicut hæc respicit bonum Dei, vel proximi propter Deum, qua ratione est bonum ipsis, ita etiam actus oppositus ipsi debet respicere malum oppositum illi bono: & ex consequenti malum Dei aut proximi, qua ratione est malum ipsis; quia tota ratio oppositionis inter actus aut habitus sumitur ex oppositione inter obiecta ipsorum; & eodem modo potest probari, quod non opponatur misericordiæ, quoad actum correctionis fraternæ; ut dubio secundo retulimus ex D. THOMA, quia etiam correctio fraterna habet pro obiecto remotionem peccati à proximo, quatenus est malum ipsius; & huic obiecto non opponitur formaliter inductio proximi ad peccatum, quomodocumque, sed quatenus, est malum ipsius.

5. 2. Vera sententia declaratur & probatur.

PRIMA CONCLUSIO, *qui inducit mulierem ad fornicandum, intendendo formaliter & directe, quod peccet & amittat gratiam viæ, peccat gravius quam homicida; non solum quoad gravitatem essentialem & specificam, sed etiam quoad gravitatem totalem, quæ conjungit ex essentiali & accidentalibus.* PRIMA PARS probatur, quia mors spiritualis est obiectum peius quam mors corporalis; ergo gravius peccatum est secundum essentialiam velle formaliter mortem spirituales alicuius, quam homicidium; Patet *consequentia*, quoniam gravitas essentialis peccatorum sumitur ex obiectis, ut supra dixi.

Confirmatur, quoniam illud peccatum quod opponitur præstantiori virtuti, est gravius secundum essentialiam, ut constat ex articulo quarto huius quæstionis: sed velle formaliter & directe mortem spirituales proximi, cum opponatur charitati, opponitur præstantiori virtuti, quam homicidium, quod opponitur iustitiæ; ergo est peccatum gravius secundum essentialiam, quam homicidium.

SECUNDA ETIAM PARS probatur, quia gravitas accidentalis, quæ simul cum essentiali constituit gravitatem totalem, sumitur ex circumstantiis, quæ sunt extra essentialiam; sed ex parte actus volendi directe mortem spirituales alterius non superatur ab homicidio, ergo neque quoad gravitatem accidentalem; Probatur *minor*, quia non superatur in modo voluntarij, cum utrobique sit volita mors æque intensè, & formaliter & directe; neque in quantitate obiecti, quoniam utrobique est volita tantum mors; neque in aliqua circumstantia addente novam speciem; Quod vero non sit satis superari in ijs, quæ referuntur in primo & secundo argumento primæ sententiæ, ostendimus facile in eorum solutione.

Sed obicietur, quia sequitur, esse gravius peccatum inducere prædicto modo mulierem ad fornicandum, quam interficere mille homines. *Respondetur* distinguendo consequens; si enim intelligatur de gravitate *essentiali*, & specifica, potest concedi sequela, si tamen intelligatur de gravitate *totali*, quæ resultat ex malitia specifica & accidentalibus seu individualibus, debet negari; quoniam ratione quantitatis obiecti crescit in posteriori peccato gravitas accidentalis, quod tamen non contingit in nostro casu.

SECUNDA CONCLUSIO, *qui inducit mulierem ad fornicandum non intendendo directe mortem spirituales ipsius, sed propriam delectationem, peccat gravius quoad gravitatem essentialem quam homicida; non tamen quoad gravitatem totalem quæ resultat ex specifica & accidentalibus, seu individualibus.*

PRIMA PARS probatur, quodnam mors spiritualis, etiam ut volita indirecte, est peius obiectum quam mors corporalis volita directe; ergo dat peiorem speciem malitiæ actui, qui ad ipsam terminatur; Probatur *antecedens*, quoniam neutra mors constituitur in ratione obiecti propter modum, quo est volita; ergo quæ secundum se fuerit peior, erit etiam peior in ratione obiecti spe-

efficantis, quamvis sit minus intensè aut minus di rectè volita.

Confirmatur primo, quoniam actus, ex quo sequitur voluntarie mors spiritualis proximi, est in eadem specie scandali, siue mors sit intenta formaliter, siue solum virtualiter, ut patet ex ijs, quæ dixi in tertio dubio, & solet probari latius 2. 2. q. 43. art. 2. sed in priori casu est peccatum gravius secundum speciem, quàm homicidium, ergo etiam in secundo.

Confirmatur secundo, quia etiam in secundo casu opponitur charitati, & ex consequenti opponitur præstantiori virtuti, quam homicidium, quod opponitur iustitiæ.

SECUNDA VERO PARS probatur, quia præter circumstantias, quæ referuntur in argumentis primæ sententiæ, reperitur in isto casu alia in homicidio, & non in scandalo, ratione cuius multum augeatur malitia homicidij quoad gravitatem accidentalem; scilicet damnum esse formaliter intentum & ex consequenti, esse magis perfecte volitum; quam si non esset formaliter volitum sicut in scandalo, & ita magis peccat contra iusticiam, qui animo inferendi nocumentum conculcat leges alienas, quàm qui id facit, ut citius transcat.

Sed CONTRA utramque conclusionem potest obijci, quod sequatur ex ijs, esse gravius peccatum inducere aliquem ad committendum peccatum veniale, siue hoc sit formaliter intentum siue non; quàm homicidium: & ex consequenti esse peccatum mortale; hæc secunda sequela patet, quia est gravius homicidio, quod est peccatum mortale; Prima vero probatur, quia maius nocumentum proximi est peccatum veniale, cum sit culpa, respectu ipsius, quàm mors corporalis, quæ respectu eius non habet rationem actus; Respondetur primo negando primam sequelam, & ad probationem dicendum est, quod nocumentum (ut docet D. THOMAS in solutione secundi) non aggravat peccatum, nisi quatenus est causa maioris inordinationis in ipso: non autem potest esse causa inordinationis in actu ex quo provenit, nisi quatenus inferatur contra ius, ut constat in iudice, qui, quamvis iubet suspendi latronem, non peccat ratione illius nocumenti, quia non est causa eius contra ius, & ideo illud nocumentum magis aggravat, quod magis repugnat rectæ rationi, aut o, ponitur maiori & strictiori obligationi, quamvis sit in rebus inferioris ordinis; ut quamvis pecunie pertineant ad inferiorem ordinem, quàm honor, & integritas corporis, tamen furari centum aureos gravius peccatum est, quam leviter lædere hominem, aut corpus alicuius: quia illud strictius prohibetur, quàm hoc; & ita contingit in casu argumenti, nam homicidium strictius prohibetur, & magis repugnat rectæ rationi, quàm inducere alterum ad peccandum venialiter. Neque mirum est, quod nocumentum in rebus inferioris ordinis repugnet magis rectæ rationi, quàm nocumentum in rebus superioris ordinis, si illud sit in suo ordine grave & maximum, istud vero leve & exiguum Sed quoniam obijci potest, peccatum scandali semper esse eiusdem speciei quantum ad malitiam scandali, siue sit inductio ad peccatum veniale, siue ad mortale, ut D. THOMAS docet de peccato veniali &

A mortali circa idem obiectum, quæstione præcedenti articulo 5.) & ex consequenti semper habere eandem gravitatem ex parte speciei; Ideo secundo potest responderi, admittendo primam sequelam, si consequens intelligatur præcisè de gravitate specifica, & negando secundam: & ad probationem respondetur, scandalum illud solum dici gravius furto magnæ quantitatis, aut homicidio ex parte speciei, ex quo non sequitur debere esse actu mortale, sicut odium Dei secundum speciem est gravius quocunque furto, & homicidio: & tamen propter defectum deliberationis potest non esse peccatum mortale; & similiter lædere corpus alicuius est gravius peccatum secundum speciem, quàm furtum: & tamen si læsio sit exigua, non erit peccatum mortale, propter parvitatem materiæ, & ita in nostro casu scandalum illud non est peccatum mortale propter lenitatem materiæ; & ratio in omnibus est eadem, scilicet quod esse mortale non convenit actu alicui peccato ratione suæ differentię specificę præcisè sumptæ, sed adiunctis conditionibus, quæ ipsi conveniunt de facto, & in individuo: cuiusmodi sunt perfecta deliberatio, quantitas sufficiens ex parte materiæ, siue obiecti, & alię similes, de quo agendum est infra q. 88. art. 1. neque ex hoc sequitur, concedendum esse sine additō, quod inducere ad peccatum veniale sit gravius peccatum, quàm homicidium, aut furtum grave: quia (ut dixi articulo 3. huius quæstionis) illud peccatum est dicendum simpliciter gravius, quod omnibus consideratis est gravius secundum moralem estimationem.

5. 3. Ad argumenta aliarum sententiarum.

AD PRIMVM & SECUNDVM PRIMÆ sententiæ respondetur, duas illas circumstantias, quæ reperiuntur in homicidio, non præponderare excessui malitiæ, quæ ex obiecto directè intentio cernitur in peccato intendenti formaliter & directè mortem spirituales, aut peccatum mortale alterius; alias eisdem argumentis probaretur, odium, blasphemiam, hæresin, & alia similia peccata, esse minus gravis quàm homicidium, quia etiam ex eis non sequitur efficaciter damnum Deo, sed solum secundum affectum; & præterea quodcunque damnum illatum per huiusmodi peccata esse irreparabile; & addi potest ad secundum quod quamvis mors spiritualis sit reparabilis ex divina misericordia per penitentiam; tamen quantum est de se, & viribus naturæ, est irreparabilis, quemadmodum mors corporalis.

AD TERTIVM concessa maiori neganda est minor, si intelligatur de gravitate specifica, cuius rationem assignavi in secunda conclusione; neque D. THOMAS docuit oppositum in illa solutione, quoniam loquitur de gravitate totali; quæ est maior in homicidio, quàm in scandalo, quando mors spiritualis proximi non est intenta formaliter, & directè; quoniam gravitas accidentalis propter illas duas circumstantias est maior, ut dixi in conclusione citata.

AD PRIMVM TERTIÆ sententiæ, respondetur negando antecedens, & ad probationem dico, non

esse

esse necessarium ut aliquid sit obiectum specificans actum voluntatis, quod sit in rigore medium aut finis: sed satis esse, quod tanquam effectus sequatur certo ex altero eorum, iuxta sensum explicatum in quarto dubio; & hoc modo habet rationem obiecti: mors spiritualis proximi in isto casu, quoniam sequitur certo & per se exactu inducendi ad fornicandum.

Ad confirmationem nego antecedens: & ad probationem dico, quod in illo casu homo ut peccans intendit virtualiter mortem spirituales proximi, & hoc est satis, ut ab ea sumat actus fornicationis speciem scandali, ut explicui in primo dubio.

Ad secundam responderetur, quod ut cepi explicare in solutione quarti argumenti dubij secundi, dupliciter aliqua circumstantia est communis omnibus aut pluribus peccatis: *Primo* quoniam aduenit eis supposita propria specie variscuifque, & gravitate quam intra eam habet: sicut circumstantia sacrilegij aduenit homicidio, fornicationi, & furto; *Secundo* quia est conditio intrinseca ipsis aut secundum rationes specificas, aut secundum gravitatem, quam habent de facto & in individuo intra proprias species; quando est communis secundo modo, non dat speciem nisi sit formaliter & directe intenta, & ita sunt communes circumstantiæ, quæ referuntur in maiori argumenti quia includuntur in ipsa violatione legis Dei, quæ est propria ratio peccati, nam violare legem superioris est in exercitio non obedire ei quod pertinet ad inobedientiam; & est nolle subijci quod pertinet ad superbiam; & auertere a Deo saltem ut legislatore, vel quantum ad eius præceptum, pertinet ad odium, quia ut docet D. THOMAS 2.2. q. 34. art. 2. sicut voluntas per se inhæret ei, quod amat: ita secundum se refugit id, quod odit; & similiter auersio a Deo ut ab ultimo fine, quæ reperitur solum in peccatis mortalibus, consistit in gravitate quam habet de facto intra propria speciem, quod scilicet sit tanta, ut merito dissoluatur amicitiam, ut loco citato explicui. Quando vero aliqua circumstantia est communis prioris modo, si secundum se importat deformitatem ad rationem, bene potest dare speciem actui, quamvis non sit formaliter & directe intenta, ut constat in exemplo proposito sacrilegij, & ita est communis circumstantia omnium aut aliquorum peccatorum mortalium, esse causas vel occasiones mortis spiritualis proximi; quia imprimis hoc non est intrinsecum ipsis, secundum proprias rationes formales, quæ consistunt in violationibus specialium præceptorum, cum conditionibus requisitis ad peccatum mortale: sed sequitur ex eis; & præterea secundum se importat deformitatem non minus, quam esse causam nocuenti in rebus externis, aut in corpore.

Ad ultimam responderetur, negando antecedens, & ad probationem dico, quod esse illo modo causam mortis spiritualis proximi opponitur charitati mediate ut imperanti actum oppositum; misericordie vero immediate & ut elicienti actum correctionis fraternæ; cui opponitur formaliter; & ad obiectionem contra hoc propositam; Responderetur negando quod mors spiritualis proximi, prout est obiectum scandali, non opponatur remotioni peccati ab ipso proximo, prout est obie-

Actum correctionis fraternæ; quia sicut ita habet rationem obiecti, in quantum est bonum proximi: ita illa in quantum est malum eiusdem; Neque obstat quod ista sit formaliter & directe volita, in quantum est tale bonum: & illa non sit eodem modo volita, in quantum est malum proximi, sed solum virtualiter, quia ut duo obiecta materialia dicantur formaliter opposita in genere moris, non requiritur quod sint volita eodem modo; sed satis est quod opponantur in ratione boni & mali respectu eiusdem, & per ordinem ad præceptum vel præcepta eiusdem virtutis.

ARTICVLVS IX.

Utrum peccatum aggrauetur ratione personæ, in quam peccatur?

PRIMA CONCLUSIO, *necesse est, peccatum aggruari secundum conditionem personæ, in quam peccatur.*

SECUNDA CONCLUSIO, *non quacunque conditio personæ in quam peccatur, aggruat peccatum: sed illa sola, quæ attenditur in personis in ordine ad Deum, vel peccantem, aut ad proximos.*

TERTIA CONCLUSIO, *ex parte Dei peccatum fit grauius, quia persona, in quam peccatur, est magis coniuncta Deo, vel ratione virtutis, vel ratione officij.*

QUARTA CONCLUSIO, *ex parte superioris tanto aliquis grauius peccat, quanto in personam magis sibi coniunctam, seu naturali necessitudine, seu beneficijs, seu quacunque coniunctione peccauerit.*

VLTIMA CONCLUSIO, *ex parte proximi tanto grauius peccatur, quanto peccatum plures tangit, & ideo peccatum quod committitur contra personam publicam, puta principem qui gerat personam totius multitudinis, grauius est quam quod committitur contra priuatam, & similiter iniuria quæ fit alicui famose seu celebri personæ, videtur esse grauior, ex hoc quod in scandalum & tribulationem plurimorum redundat.*

COMMENTARIVS.

NOTA PRIMO, Conclusiones istas posse habere duos sensus: *Primus* est, ratione cuiuscunque ex illis conditionibus personæ, in quam peccatur, habere peccatum semper aliquam gravitatem, & hanc tanto esse maiorem non simpliciter, nec respectu gravitatis quam potest habere peccatum ex ratione alterius conditionis, sed in proprio genere; quanto est maior excessus in conditione illa, quæ est eius causa vel ratio; *Alter* est, tanto aliquod peccatum esse simpliciter grauius, quanto magis excedit ex parte personæ, contra quam committitur. *Primus* est vniuersaliter verus, & videtur intentus à D. THOMA: quoniam in conclusione non comparat peccata simpliciter quoad gravitatem, sed determinat quoad eam, quæ sumitur ex conditione aliqua in particulari. *Secundus* vero non est vniuersaliter verus, sed solum in casu, quo cætera, quæ pertinent ad gravitatem, sunt paria in peccatis, in

ter quæ sit comparatio: quoniam bene potest contingere, quod peccatum grauius altero ex parte personæ, in quam peccatur, sit minus graue ratione obiecti, & aliarum circumstantiarum; ut minus graue est furtum commissum contra hominem sanctum, quam homicidium non sancti.

Ex his sequitur solutio duarum obiectionum, quæ proponi possunt contra conclusiones. *Prima* est, esse grauius peccatum interficere peccatorem, quem probabiliter credimus esse damnandum: quam interficere iustum; & tamen iustus est magis coniunctus Deo; *Altera* est, esse grauius peccatum id, quod committitur contra patrem, quam id quod committitur contra magis sanctum, ut colligitur ex D. THOMA 2. 2. q. 26. art. 8. & tamen magis sanctus est persona dignior. Nam ad *primum* responderetur, quod interficere peccatorem in illo casu esset simpliciter grauius peccatum ratione circumstantiæ, scilicet nocuenti inseparabilis: quod tantum est, ut præponderet excessui in dignitate personæ. Neque hoc est contra D. THOMAM, quoniam (ut dixi) *vel* non loquitur de maiori grauitate simpliciter; *vel* si de ea loquatur, debet intelligi cum cætera sint paria; neque etiam obstat id, quod obijcit ALMAINVS tract. 1. moral. ca. 8. in additione, scilicet, quod alias nunquam liceret vim repellere, & occidere iniustum aggressorem: quia sequitur idem nocumentum, scilicet æterna damnatio ipsius; Potest enim responderi, non esse eandem rationem: quia nocumentum in isto casu non est voluntarium interficienti aggressorem, quia non tenetur vitare ipsum, relinquendo ius propriæ defensionis; & ideo non imputatur ei, ut explicui articulo præcedenti; quod tamen non habet locum in casu, de quo loquimur, quoniam supponimus interfici peccatorem iniuste & cum præuisione illius nocuenti, & obligatione vitandi ipsum; quia nihil est quod excuset ab ea. Ad *secundam* responderetur concedendo id, quod obijcitur: quia magis tenemur diligere parentes, & consanguineos, quam extraneos, saltem quantum ad bona, quæ pertinent aliquo modo ad coniunctionem naturalem, quæ fundatur in consanguinitate; & ideo grauius peccatum est offendere ipsos, quam offendere extraneos. Et ad impugnationem responderetur, quod licet maior sanctitas sit maior dignitas in se, & in ordine ad præmium beatitudinis: tamen in ordine ad morem ipsis exhibendum, præsertim respectu illorum bonorum, maior dignitas & maius ius est coniunctio naturalis; Neque hoc est contra D. THOMAM in isto articulo, quia (ut dixi) non comparat peccata simpliciter quoad grauitatem, sed determinate quoad eam, quæ sumitur ex conditione aliqua in particulari.

Et si quæras quæ istarum conditionum aggrauat magis peccatum quantum est de se, siue conferendo titulos vnius conditionis inter se, ut coniunctionem cum Deo ratione virtutis, cum coniunctione cum ipso ratione officij; siue conferendo vnâ conditionem cum alia, ut coniunctionem nobiscum ratione consanguinitatis, cum officio publico? Responderetur solutionem huius difficultatis pendere ex solutione alterius, scilicet quæ istarum conditionum inducat maiorem obligationem secundum charitatem, & rectam rationem diligendi personam, in quam peccatur; quo-

nam illa quæ fuerit causa maioris obligationis, aggrauabit magis peccatum, quantum est de se: quia ubi violatur maior obligatio, committitur grauius peccatum. Verum explicare hoc non est huius loci, & de eo, videri potest D. THOMAS 2. 2. q. 26. ubi agit de ordine charitatis.

SECUNDO NOTANDUM, conditionem personæ dupliciter aggrauare, *primo* mutando speciem, ut cum vel ex natura rei, vel præcepto aliquo iuris, positiui importat specialem deformitatem, aut oppositionem cum virtute: ut occidere sacerdotem, est sacrilegium, & occidere patrem est parricidium; & similiter accedere ad virginem est stuprum, & accedere ad consanguineam est incestus: & sic in alijs; verum non est necessarium quod circumstantia personæ, quæ addita vim peccato mutat speciem, mutet eam si addatur alijs; ut circumstantia consanguinitatis, quæ in peccato homicidij, aut luxuriæ mutat speciem, non mutat eam in peccato detractionis, aut furti. *Secundo* aggruat circumstantia personæ intra eandem speciem, ut occidere virum sanctum est grauius peccatum intra speciem homicidij, & detrahare consanguineis intra speciem detractionis.

Et si quæras an circumstantia personæ, in quam peccatur, quando non mutat speciem, aggrauet malitiam notabiliter, & mortaliter? *Respondetur* cum distinctione: *aut enim* circumstantia ista adiungitur peccato mortali; *aut veniali* & in *primo* casu dicunt aliqui regulariter non ita aggrauare, sed in aliquo casu. ut si occisus sit vir doctissimus aut sanctissimus, qui maxime prodesse reipub. aut dux aliquis insignis. Verum est, quod in isto exemplo posset alicui videri, circumstantiam istam mutare speciem, quia importat specialem oppositionem cum charitate, aut cum iustitia legali; quoniam sicut ista inclinat partes ad bonum totius reipublicæ: ita etiam repugnat ipsi, quod pars inferat voluntarie damnum Reipublicæ. Sed quid sit de mutatione speciei, certum est notabiliter aggrauare, quia ratione ipsius extenditur ad multos graue damnum. In *posteriori* autem casu dicendum est, nunquam ita aggrauare: quod efficaciter ostenditur ex doctrina D. THOMAS de malo q. 7. art. 4. nam *vel* peccatum illud est veniale ex proprio genere: *vel* ex proprio genere mortale, & veniale de facto propter defectum alicuius conditionis requisitæ ad peccatum mortale: *si primum* per nullam circumstantiam, quæ non mutat speciem, poterit fieri mortale, quia illud peccatum dicitur veniale ex genere suo, quod intra proprium genus & speciem non potest esse mortale; *si secundum*, non poterit fieri mortale, nisi suppleatur ille defectus, ratione cuius est veniale; constat autem non suppleri propter dignitatem, aut conditionem personæ, in quam peccatur. Quod sic probatur, peccatum, quod ex genere suo est mortale, solum potest esse de facto veniale propter duos defectus, scilicet propter defectum quantitatis propriæ materiæ; aut propter defectum plenæ deliberationis: sed neuter defectus suppletur ratione circumstantiæ personæ, in quam peccatur; ergo absolute non suppletur ille defectus, propter quem est veniale. Probatur *ista minor*, quia imprimis deliberatio non sit magis perfecta, neque etiam materia sit maior: si enim obolus est exigua materia in furto, etiam erit exigua, quamuis furtum com-

mittatur contra virum sanctum, aut maximè dignitatis; ex quo patet non esse eandem rationem quantum ad hoc de augmento obiecti, & de augmento dignitatis personæ in quam peccatur: quia per augmentum obiecti suppletur primus defectus, quoniam additur maior quantitas propriæ materiæ, non vero per augmentum dignitatis personæ.

TERTIO NOTANDUM, quod quamvis D. THOMAS expresse solum loquatur de conditione personæ creatæ: tamen ex doctrina huius articuli aperte colligitur, quod peccatum mortale quatenus auerit a Deo ut sine ultimo, habet quandam infinitatem, non quidem simpliciter, (quoniam ad hoc esset necessarium, quod ex parte proprii obiecti esset infinite malum) sed secundum quid, quoniam nulla est ratio, propter quam ex conditione personæ creatæ, quæ attenditur in ordine ad Deum, augeatur gravitas peccati, & non augeatur ratio ipsius Dei; & cum nulla sit proportio inter augmentum, quod sumitur ex dignitate personæ creatæ; & illud, quod sumitur ex dignitate Dei, tunc neque inter ipsas dignitates sequitur, quod illud debeat esse aliquo modo infinitum; sed hoc latius explicandum est infra quæstion. 88.

CIRCA SOLUTIONEM SECUNDI, adverte, quod si quis voluerit defendere cum CANO 4. parte relectionis de pœnitentia, & cum alijs, nos habere dominium gratiæ, quæ est in nobis: poterit respondere ad verba huius solutionis, D. THOM. in eis non id negare absolute, sed solum dicere, bona spiritualia non subdi dominio voluntatis, comparatione facta ad bona possessa; quasi diceret, non ita plene subdi, sicut illa, quia non possumus ea transferre ad alios, sicut pecunias, quarum sumus domini.

CIRCA SOLUTIONEM TERTII, solet inquiri, verum iniuria facta diviti aut nobili, & potenti, sit gravius peccatum, quàm similis iniuria facta pauperi, aut ignobili, & de infima plebe? Et communiter Responderetur affirmatiue ex D. THOMA quodlib. 10. art. 12. & 2.2. q. 63. art. 3. quem sequitur SOTUS lib. 3. de iustitia q. 6. art. 6. & ratio colligitur ex tertia conclusione huius articuli, quia divites & potentes atque nobiles sunt potiores partes reipublicæ secularis, & ideo iniuria ipsis facta redundat in maius damnum reipublicæ, quia per eam læduntur præcipue partes ipsius. Item quia isti sunt magis conspicui & noti in reipublica, & ita eorum iniuria plus notatur ab alijs, & ex consequenti cedit magis in scandalum & tribulationem aliorum: Neque obstat illud; IACOBI 2. etenim si introierit in convivium vestrum vir anulum aureum habens &c. ubi cum reprehendat, tanquam peccatum, exhibere maiorem reverentiam diviti, quàm pauperi: consequenter videtur docere, non esse magis debitum honorem magis diviti: Nam responderetur, IACOBIUM loqui de honore, qui debetur alicui ratione propriæ virtutis, non autem de eo, qui debetur ei ratione status, quem habet in reipublica.

ARTICVLVS X.

Vtrum magnitudo personæ peccantis aggrauet peccatum?

PRIMA CONCLUSIO. Peccata, quæ propter infirmitatem humanæ naturæ proveniunt ex surreptione, minus imputantur ei, qui est maior in virtute.

SECUNDA CONCLUSIO. Peccata ex deliberatione præcedentia tanto magis alicui imputantur, quanto maiore est.

COMMENTARIVS.

NOTA PRIMO, circumstantiam personæ peccantis interdum aggrauare mutando speciem, quod ut CAJETAN. aduertit supra q. 7. tunc solum contingit, cum peccatum voto, vel statui peccantis repugnat directe; ut si religiosus fornicetur, erit peccatum illud propter circumstantiam personæ in specie sacrilegij, quia est contra votum. Et si parochus aut Episcopus omittat ea, ad quæ tenetur ratione status; si tamen blasphemet solius blasphemias reus erit, & interdum intra eandem speciem, ut patet in isto exemplo; & quando non mutat speciem, non aggrauat notabiliter, regulariter loquendo, neque facit unquam de peccato veniali mortale, sicut diximus articulo præcedenti de circumstantia personæ in quam peccatur; & asseritur expresse à D. THOMA q. 2. de malo art. 8. ad 5. & q. 7. art. 7. in corpore. In quo decepti aliqui, quos refert AUGUSTINUS capit. 8. moral. 5. circumstantia personæ, notabili 2. qui dicebant, mendacium quod de se est veniale, effici in viris perfectis mortale.

SECUNDO NOTANDUM, posse obijci contra primam conclusionem quod D. THOMAS 2.2. q. 186. art. 10. dicit, quodcunque peccatum religiosi, siue sit veniale, siue mortale, si non sit contra votum, neque fiat cum scandalo, aut contemptu, esse leuius peccato secularis eiusdem speciei: hic vero solum dicit peccata, quæ proveniunt ex surreptione esse leuiora. Sed responderetur, nullam esse repugnantiam in his locis, quoniam hic per peccata ex surreptione, non intellexit D. THOMAS solum venialia, sed etiam mortalia, quæ ex ignorantia & infirmitate procedunt. Et per peccata ex deliberatione, intellexit ea, quæ ex malitia aut contemptu committuntur; neque ita sumi surreptionem esse alienum à D. THOMA, nam ipse quodlib. 9. art. 14. in solutione primi dicit, peccatum Petri negantis Christum, non fuisse ex surreptione, ut surreptio opponitur deliberationi, sicut primi mortis dicuntur esse ex surreptione: sed ut opponitur electioni, quia Petrus non peccavit ex electione, quasi ex certa malitia, sed ex passione timoris, & subdit, hanc surreptionem non excusare à mortali.

Vtrum ut intelligatur sensus huius conclusionis, adverte, quod peccata illa cæteris paribus, hoc est supposita æqualitate ex parte obiecti, conatus, occasionis, & negligentia reprimendi &c. semper

sunt



AD HUC CONRADVS dicit duo: *Primum* est conclusionem istam propositam fuisse à D. THOMAS indefinite, & ideo non debere verificari in omnibus peccatis, sed in aliquibus, scilicet in illis, quæ sunt actus interni elicit à voluntate.

Alium est, intelligendam esse conclusionem istam de omni peccato, saltem quoad formale & principale peccati, quod est esse liberum aut voluntarium, quoniam hoc habent actus ab actibus voluntatis, quibus medijs imperantur; addit tamè dupliciter posse esse voluntarium actum alterius potentie, scil. directe ut cum voluntas directe & positive mouet ad eum, aut indirecte, ut cum non mouet, sed potest, & tenetur impedire talem actum, & non impedit; & quod in primo casu est in voluntate formale peccati positive, quia est in ipsa actus positius, à quo peccatum illud habet esse voluntarium; In posteriori vero solum est in ea formale actus peccati, sicut priuatio, quia peccatum illud non habet quod sit voluntarium ab actu positivo voluntatis, sed solum à priuatione actus debiti ad impediendum ipsum, & hæc priuatio est in voluntate. Et postea subdit, quod in isto casu peccatum est in voluntate, non proprie subiectiue, sed moraliter imputatiue.

§ 2. Resolutio quæstionis, pro parte affirmatiua.

DICO PRIMO, conclusio articuli, licet indefinita sit proposita, tamen intelligenda est vniuersaliter de omnibus peccatis. Probatur quoniam D. THOMAS colligit eam ex duobus principijs vniuersalibus, hoc modo: omnis actus immanens est in suo principio tanquam in subiecto; sed omnes actus morales siue sint actus virtutum, siue peccatorum sunt immanentes: ergo sunt in voluntate, quæ est eorum principium, tanquam in subiecto. Maiorem probat D. THOMAS ex discrimine apud omnes recepto inter actiones immanentes & transeuntes; minorem vero non probat, sed relinquit eam vt notam; sed CAJETANVS probat eam, quoniam actus boni aut mali moraliter habent effectum formalem in nobis existentem, ergo etiam ipsi sunt in nobis, & ex consequenti sunt immanentes, & non transeuntes. Antecedens patet, quia cum sumus actu boni, aut mali moraliter ratione actuum; tanquam formarum, ita quod esse nos ita bonos aut malos, est effectus ipsorum actuum in genere causæ formalis; consequentia vero probatur, quia causa formalis non potest separari, subiecto à suo effectui, sicut causa efficiens, quia effectus causæ formalis non est aliud, quam ipsam esse vnitam subiecto.

Neque obstat quod à forma extrinseca possit aliquid denominari formaliter tale, vt ab actione transeunte, quæ est passio, denominatur formaliter agens, & à visione, quæ est in oculo meo denominatur paries formaliter visus: nam quicquid sit de principio formali, vnde sumuntur istæ denominationes, est magnum discrimen, quoniam actio, quæ est in passio, non est causa formalis cuius effectus existens in agente, sed solum cuiusdam denominationis extrinsecæ, & idem est de visione respectu parietis, at vero nos non solum denominamur, sed sumus actu boni aut mali ratione nostrorum actuum.

Quod si obiciatur hoc argumento solum probati

A quod peccatum debeat esse in peccante, non vero quod determinate sit in voluntate; Respondetur vtrumque probari, quia etiam ipsa voluntas est bona vel mala ratione actuum moralium. Et præterea quoniam actus immanentes non solum sunt in agente, sed etiam in potentia, à qua procedunt, tanquam à principio, & omnes actus morales procedunt hoc modo à voluntate, quia vt D. THOMAS, docet in articulo proprium est actuum moralium esse voluntarios, & voluntarium dicitur quod procedit à voluntate tanquam à principio.

DICO SECUNDO: non solum sunt omnia peccata in voluntate, tanquam in primo mouente, sed etiam tanquam in subiecto. Probatur primo quoniam D. THOMAS hoc voluit docere, nam vt probet illam conclusionem, non assumit pro medio, quod voluntas in homine sit primum mouens respectu aliarum potentiarum, sed quod actus immanentes manent in principio à quo procedunt, tanquam in subiecto; Et in solutione tertij, vt explicet quomodo voluntas possit esse subiectum peccati, quamuis sit causa efficiens, dicit, quod solum in causis, quæ agunt à ratione transeunt, & quæ non mouent se repugnat esse eadem causam efficientem & subiectum actionis. Item quia ratio, quæ præcedentem conclusionem probauimus, conuincit hoc aperte: si enim omnis actio immanens est in suo principio, tanquam in subiecto; & omne peccatum est actio immanens, bene sequitur quod omne peccatum sit in voluntate, tanquam in subiecto, & non solum tanquam in mouente.

DICO TARTIO, id à quo formaliter, aut tanquam à ratione formali, omnia peccata habent, quod sint voluntaria, est in voluntate tanquam in subiecto: & hoc satis est vt ipsa peccata dicantur esse eodem modo in voluntate. Probatur PRIMA PARS, quia id, quo formaliter actus aliquis est in potestate voluntatis, est subiectiue in ipsa voluntate: ergo & id, quo formaliter est voluntarius, consequentia patet, quoniam actum aliquem esse voluntarium, est esse in potestate voluntatis, vt sit vel non sit. Et antecedens probatur, quoniam à duobus tantum habet actus aliquis formaliter, siue tanquam à ratione formali, quod sit in potestate voluntatis, scilicet aut à propria essentia, quatenus importat intrinsecam indifferentiam, quæ explicatur per habitudinem ad voluntatem operantem cum indifferentia, vt cum est actus elicitus immediate à voluntate: & de hac indifferentia certum est esse subiectiue in voluntate, quoniam est ipsa entitas actus; aut ab alio actu elicitio immediate à voluntate, vt cum est actus, qui tantum est in potestate voluntatis, vt imperatus ab ipsa, & de illo actu etiam est idem certum propter eandem rationem, scilicet quia etiam est volitio elicit à voluntate.

Neque obstat quod calor, qui est in ligno habeat esse à calore qui est in igne: quia non habet esse ab eo vt à causa, vel ratione formali ipsius, sed tanquam à virtute effectiua.

SECUNDA ETIAM PARS probatur, quoniam actus, qui est materiale peccati, non est subiectum malitiae, à qua formaliter habet esse peccatum, nisi in quantum est voluntarius, sed vt voluntarius est subiectiue in voluntate; ergo etiam

ut peccatum. Probatum minor, quoniam est in voluntate, quantum ad id, quo formaliter constituitur in esse voluntarij. Pro quo *adverte* id, quod D. THOMAS supra quæst. 17. artic. 4. sæpe docet, scilicet actum internum & externum, siue elicitum & imperatum, constituere vnum numero voluntarium, & subiectum malitiæ moralis; & nos dicere nunc, partem formalem huius subiecti in ratione subiecti esse in voluntate. An vero etiam ipsa malitia moralis sit subiectiue solum in voluntate, vel partim in voluntate, & partim in actu imperato, explicabitur articulo sequenti.

SED CONTRA Conclusionem hanc est argumentum, quia motus impudici sensualitatis, quamuis voluntas nullum eliciat actum circa eas, sed solum possit, & teneatur reprimere eos, & non reprimat; sunt peccata: & tamen non sunt in voluntate, quia non pendent ab aliquo actu ipsius; ergo non omnia peccata sunt in voluntate.

Respondetur, negando minorem, & ad probationem dicendum est, quod ut peccatum aliquod sit in voluntate, satis est esse voluntarium, & motus illos in casu posito esse voluntarios indirecte, propter negationem actus debiti, quæ solet appellari actus interpretatiuus; An vero malitia eorum sit commissionis, vel omissionis, & quo modo sit in voluntate, explicabitur articulo quarto.

Ex his patet solutio argumenti & confirmationis, manet siquidem explicatum, esse satis ut omnia peccata sint in voluntate quod sint in ea, quantum ad id, à quo formaliter habeant esse voluntaria, quamuis secundum proprias entitates sint in alijs potentijs.

ARTICVLVS II.

Vtrum sola voluntas sit subiectum peccati?

CONCLUSIO. Non solum voluntas potest esse subiectum peccati, sed omnes illa potentia, qua possunt moueri ad suos actus, vel ab eis reprimi per voluntatem.

COMMENTARIVS.

Circa quam est

DVBIVM.

Vtrum sit vera?

§ 1. Fundamenta pro explicatione dubij.

ET RATIO DVBITANDI pro parte negatiua est, quoniam aperte videtur repugnare conclusioni præcedentis articuli: si enim in alijs potentijs distinctis à voluntate, potest reperiri peccatum: ergo saltem peccata, quæ fuerint eis, non erunt in voluntate; quia idem numero accidens non potest esse in subiectis distinctis; & ex consequenti, non poterit esse vniuersaliter verum, omnia peccata esse in voluntate ut in subiecto, sicut in conclusione præcedentis articuli affirmatur, saltem iuxta nostram explicationem.

A PRO SOLVTIONE, *adverte primo*, in peccato, quod est actus potentie distinctæ à voluntate, posse considerari tria; scilicet *entitatem ipsius actus, rationem voluntarij, & malitiam moralem*, à qua formaliter habet esse malum & peccatum, de quorum distinctione dixi multa supra quæst. 18. artic. 10. Et de primo nulla est in præsentis difficultas, quoniam certum est, entitatem actus esse in potentia, quæ est principium immediatum, si sit actus immanens; aut in passio, si sit transiens; de secundo vero & potissimum de tertio solet esse difficultas.

Secundo adverte, actum illum ut D. THOMAS docet supra q. 10. ar. 1. in corpore, & ad 1. posse haberi duobus modis: *Primo* ut obiectum apprehensum per rationem, & propositum voluntati; antequam fiat; Et *secundo* in executione & exercitio, ut cum actu sit à potentia mota à voluntate. *Priori modo* antecedit actum voluntatis, saltem ordine naturæ, & non est eius effectus; *Posteriori vero modo* subsequitur eum, & est eius effectus; non quidē elicitur sed *mouetur & imperatur*, quia producit à potentia mota & applicata à voluntate ad agendum.

Tertio adverte, posse distingui in illo actu duplicem malitiam moralem, *vnam obiectiuam*, quæ conuenit ipsi, quatenus habet rationem obiecti; & *alteram formalem*, quæ solum conuenit ei, quatenus habet rationem vitij aut peccati.

§ 2. Resolutio dubij.

PRIMA CONCLUSIO. Malitia obiectiua conuenit actibus aliarum potenciarum primo & per se: & ex consequenti ipsi actus secundum se, & sine dependentia ab actu voluntatis sunt formaliter & intrinsece mali hoc genere malitia. Probatum PRIMA PARS quoniam ideo volitio alicuius ex illis actibus est mala, quia ipse actus est obiectum malum, v.g. ideo volitio homicidij est mala, quia homicidiū est malum; ergo prius est, illum actum esse malum, quam volitionem esse malam; & ex cōsequenti ille actus secundum se est malus.

C Confirmatur primo, quoniam volitio sumit suam maliciam ab actu, ad quem mouet aliam potetiam, tanquam ab obiecto à quo specificatur; ergo necesse est actum illum esse malum ut obiectum.

Confirmatur secundo, quoniam lex prius prohibet actus illos, & consequenter atque ratione ipsorum prohibet actum voluntatis, qui terminatur ad eas; ergo actus illi prius sunt mali, saltem ut obiecta. patet *consequentia*, quia sunt repugnantes & disformes legi prohibenti ipsas.

SECUNDA ETIAM PARS probatur, quia aperte sequitur ex ista; si enim actus illi, prius sunt ita mali, quam actus voluntatis: non poterunt participare illam malitiam ab actu voluntatis; & ex consequenti secundum se, & sine dependentia ab actu voluntatis, habebunt eum.

Confirmatur quoniam hæc malicia consistit in deformitate, & dissonantia à recta ratione; & hæc disformitas conuenit illis actibus, etiam si non sint voliti à voluntate; & ex consequenti independenter ab actu voluntatis: ut v.g. homicidium, quamuis non sit actu volitum, est dissonum rectæ rationi.

SED OBIECTIS, actus occidendi hominem, (& idem est de quocumque alio ex illis actibus,) non est secundum se malus neque prohibitus lege, sed solum ut factus à voluntate libera: quoniam secundum se est indifferens ut fiat à bruto, vel ab amente, vel ab ebrio; ergo malitia obiectiua non conuenit ei independentem à voluntate. *Respondetur*, quod, cum dicimus, actum illum esse formaliter malum malitia obiectiua sine dependentia ab actu voluntatis, loquimur de actu voluntatis in actu exercito, non vero in actu signato; hoc est, de exercitio alicuius actus in particulari, & non de actu voluntatis in communi; quoniam nullus actus prohibetur à lege neque est malus obiectiue, nisi quatenus fieri potest à voluntate libera, & in ordine ad ipsam; tamen, antequam fiat, potest esse malus, & prohibitus ipsi voluntati.

EX HAC CONCLUSIONE SEQUITUR, peccatum sumptum pro malo moraliter malitia obiectiua, quod appellatur peccatum obiectiue, non esse in voluntate, tanquam in subiecto; sed vel in apprehensione intellectus, vel in in suo principio immediato, si sit actus immanens, aut in passo extrinseco, si sit transiens. Probat, quoniam peccatum ita sumptum solum constat entitate actus, & malitia obiectiua: sed nihil horum est subiectiue in voluntate, imo utrumque cōuenit huic peccato in quocumque ex illis statibus, ergo; Verum *aduertendum est*, intelligendum esse hoc, quando peccatum ita sumptum est actus potentie distinctæ à voluntate, si enim sit actus elicited immediatæ à voluntate, v.g. odium Dei, aut proximi, erit in ipsa subiectiue. Neque repugnat istis actibus esse malos, aut peccata obiectiue; quia præscindendo ab executione, aut exercitio, repugnant legi & regulæ.

SECUNDA CONCLUSIO, actus aliarum potentiarum si præse considerentur quatenus procedunt ab eis, aut secundum se, non sunt mali malitia formalis, neque peccata in exercitio aut executione sine per modum demeriti. Ita DIVVS THOMAS quæst. 2. de malo, artic. 2. probatur, quoniam secundum istam rationem non sunt liberi.

SED OBIECTIS, malitia moralis formaliter consistit in difformitate ad rectam rationem: sed hæc difformitas conuenit illis actibus sumptis secundum se, & sine dependentia ab actu voluntatis; ergo & malitia formalis. *Respondetur* distinguendo maiorem, si enim intelligatur de malitia morali obiectiua, est vera: si tamen intelligatur de malitia morali formali, est falsa; quoniam ad malitiam istam non sufficit quæcunque difformitas, sed requiritur difformitas actionis, vel omissionis liberæ: quod facile intelligitur ex ijs, quæ dixi de bonitate morali supra quæst. 18. articulo primo, & hæc difformitas non conuenit illis actibus sumptis illo modo. *Neque obstat*, quod utrumque conueniat eis ratione actus voluntatis, à quo procedunt; quoniam actus voluntatis comparatur ad eos quantum ad hoc, sicut forma ad materiam, & ideo potest dare eis quod sint formaliter tales: sicut paries est formaliter albus, quamuis hoc habeat ab albedine, & est formaliter visus, licet hoc conueniat ei ratione visionis.

TERTIA CONCLUSIO, actus illi, si considerentur quatenus subordinantur motioni vel impe-

rio voluntatis, sunt mali malitia moralis, & peccata formaliter: verum hoc non conuenit eis ratione malitiae, quæ sit in ipsis inhaesive & intrinsece; sed denominatione extrinseca sumpta à malitia, quæ est in actu voluntatis à quo procedunt. PRIMAPARS probatur primo, quoniam illis actibus ita sumptis conueniunt omnia, quæ requiruntur ad malitiam moralem formalem: sunt enim formaliter liberi & difformes rectæ rationi.

Confirmatur, quia voluntas tenetur se conformare rectæ rationi, aut regulæ superioris in omnibus actibus, qui subduntur suæ potestati: ergo etiam in istis, de quibus loquimur; & ex consequenti, si in eis non se conformet, peccabit ratione eorum.

Et præterea, hoc colligitur ex usu scripturæ, in qua frequenter damnantur actus illi, ut mali & peccata, ut Matth. 5. ad Roman. 6. 1. Corinth. 6. & ad Galat. 5. *Et ex definitione S. AUGUSTINI*, peccatum est delictum vel factum etc. constat enim, actus istos esse lege prohibitos: *Et tandem ex obligatione*, qua tenemur confiteri eos, non solum ad explicandum internos, sed etiam ratione sui, quomodo solum tenemur confiteri ea, quæ formaliter sunt peccata.

SECUNDA ETIAM PARS probatur primo, quia peccatum includit esse voluntarium, ut colligitur ex DIVO AUGUSTINO dicente: Peccatum adeo est voluntarium, ut id, quod non est voluntarium, non possit esse peccatum: sed actibus de quibus loquimur non conuenit esse voluntarios aut liberos, nisi denominatione extrinseca ab actu voluntatis, quo sunt voliti aut imperati; ergo neque esse malos moraliter aut peccata.

Secundo, peccato conuenit esse auersionem à Deo vel à recta ratione, & esse vituperabile & dignum pænæ: sed hæc omnia solum cōueniunt actibus, de quibus loquimur, denominatione extrinseca sumpta ab eisdem actibus.

Tertio probatur testimonijs D. THOMÆ, nam imprimis supra quæst. 10. artic. 2. ad 3. inquit, actus externos esse voluntarios, quatenus procedunt à voluntate, & ideo in eis posse esse differentiam boni & mali. Vbi aperte docet, non aliter conuenire eis esse bonos aut malos, quam esse voluntarios; & hoc solum conuenire eis, quatenus procedunt à voluntate, atque adeo extrinsece: quia non procedunt à voluntate immediate, sed medio actu ipsius. Et artic. tertio ad 3. ut explicet, quæ ratione sit vna bonitas in actu interno & externo, quamuis ab interno deriuatur ad externum; inquit, non deriuari secundum causalitatem vniuocam, ut communicatur calor cum calidum calefacit; sed secundum analogiam, vel proportionem: & ideo posse esse vnam numero bonitatem in utroque actu: quia ad huiusmodi deriuationem non requiritur multiplicatio eius, quod deriuatur, sicut (inquit) a sano, quod est in animali, deriuatur, sanum ad vrinam & medicinam, & tamen non est in istis sanitas distincta ab ea, quæ est in animali, sed eadem numero sanitas, quæ subiectiue est in animali, efficitur per medicinam, & significatur per vrinam. Circa quem locum CAIETAN. in fine explanationis corporis illius articuli inquit, ex eo colligi, deriuationem bonitatis vel malitiæ ex actu

in actum non esse formalem, sed denominatiuum tantum, quod ipse magis explicat statim in quæstione, in solutione ad tertium; ubi ex prædicto testimonio desumit hæc sententia argumentum istud: Quando aliquid dicitur tale ex ordine ad aliud, dicitur tale denominatiue, & non oportet quod sit tale formaliter aut intrinsece: sed actus potentie distincte à voluntate solum dicitur malus malitia formali ex ordine ad actum voluntatis, à quo procedit; ergo solum est malus isto genere malitiæ denominatione extrinseca sumpta à forma, quæ est in actu voluntatis. *Minor* parer, quia solum habet quod sit liber & humanus & regulabilis per rationem, in quo consistit esse morale ex illo ordine. *Maior* verò probatur à CAIRANO, quia quod habet aliquid in se formaliter, dicitur tale secundum seipsum, & non ex ordine ad aliud, ut inductiue patet; & potest amplius confirmari argumento, quod ibi insinuat DIVVS THOMAS: scilicet, quæ sola attributione vnius ad alterum dicuntur talia, non dicuntur talia à forma sibi inhærenti, sed à forma, quæ est in principali analogato; & ita D. THOM. illo loco intelligendus est de deriuatione secundum analogiam attributionis vnius ad alterum. Et tandem ipse D. THOM. articulo 4. illius quæstionis docet, actum externum non addere bonitatem aut malitiam essentialem supra internum efficacem: quod tamen non posset esse verum, si actus externus haberet propriam malitiam formaliter distinctam ab ea, quæ est in actu interno, quia quodcumque finitum per additionem partium eiusdem rationis redditur maius.

Et in hac sententia conueniunt ex scholasticis RICARD. in 2. d. 42. circa primum principale q. 1. in corp. & ad 3. DURAND. ead. d. quæst. 1. num. 6. & 7. imo & SCOTVS in tota illa dist. sæpe dicit, peccatum formaliter solum esse in actu voluntatis, & materialiter in alijs actibus, quatenus imputantur à voluntate (quamuis quodlib. 18. oppositum insinuet, quoniam concedit esse in actu externo malitiam & imputabilitatem distinctam ab ea, quæ est in actu voluntatis) Gabr. quæst. vnica artic. 1. notab. 2. & art. 2. conclusionem 1. ubi pro eadem sententia refert OKAMVM quodlib. 1. quæst. 20. & quodlib. 3. quæst. 13. 14. & 15. & in 3. quæst. 10. Ferrati. 3. contra gentes, cap. 10. & alij.

SED CONTRA posteriorem partem huius conclusionis argumentor, quia sequitur ex ea, quod nulla malitia formalis conueniat actibus aliarum potentiarum, quæ non sit deriuata ad eos ab actu voluntatis: quod videtur esse contra D. THOMAM supra quæst. 20. artic. 1. & 2. ubi docet in actu externo posse reperiri duas bonitates aut malitias, *vnam ex fine, & alteram ex obiecto* & *circumstantijs*, & priorem inueniri per prius in actu voluntatis, & ab eo deriuari ad externum, *posterio-rem* vero non deriuari à voluntate, sed potius à ratione. RESPONDETUR D. THOMAM ibi non loqui determinate de bonitate aut malitia formali, sed solum voluisse constituere discrimen inter duas illas bonitates aut malitias, quantum ad ordinem prioritatis & posterioritatis, quo quævis earum conuenit actui interno ab externo, quoniam hoc erat necessarium ad id, quod potissimum intendit D. THOMAS in illo articulo, quod

A est, explicare cuiusmodi ex illis actibus conueniat prius bonitas aut malitia moralis. Discrimen autem consistit in hoc, quod malitia, quæ sumitur *ex obiecto*, conuenit aliquo modo prius actui externo, scilicet quatenus actus iste habet rationem obiecti, & conuenit ei ex ordine ad rationem, & independenter ab actu voluntatis; quamuis eidem actui prout habet rationem effectus, & in exercitio, conueniat ista malitia posterius, quam actui interno; quoniam ad eum ita sumptum deriuatur ista malitia ab actu interno: malitia vero quæ sumitur *ex fine*, nullo modo conuenit prius actui externo, hoc est, neque ut obiecto, neque ut effectui, siue in executione, sed deriuatur ad ipsum ab actu interno, cui primo & per se conuenit: quia malitia ista non conuenit actui externo, nisi quatenus ordinatur ad finem ex quo sumitur, ut v. g. homicidio non condemit malitia furti, nisi quatenus ordinatur ad furtum; ut ad finem: quod autem ita ordinetur, non conuenit ipsi à propria natura, neque aliunde quam ab actu voluntatis. Et potest doctrina ista reduci ad distinctionem malitiæ supra explicatam, in obiectiuam & formalem, si dicamus, malitiam, quæ sumitur ab obiecto, conuenire prius obiectiue actui externo; formaliter tamen, aut per modum malitiæ formalis conuenire prius interno: malitiam vero quæ sumitur ex fine neutro modo conuenire prius actui externo, quoniam; verbi gratia, in exemplo proposito, homicidium sumptum ut obiectum, & ut antecedit actum voluntatis, non ordinatur ad furtum, & ideo neque obiectiue habet malitiam furti.

§ 3. Confessaria ex hac doctrina.

EX DICTIS SEQUITUR PRIMO, quod loquendo de peccatis in exercitio, & quatenus imputantur ad culpam, vel demeritum, omnia peccata sunt subiectiue in voluntate, non solum quantum ad id, à quo formaliter habent esse voluntaria, ut dixi articulo præcedenti: sed etiam quantum ad id, à quo tanquam à ratione formali habent esse formaliter peccata, hoc est quantum ad formale peccati. Probatur quoniam formale peccati, ut est imputabile ad culpam, & demeritum, est malitia moralis formalis: sed hæc respectu omnium peccatorum est subiectiue in voluntate, ut constat ex secunda conclusione: ergo & omnia peccata, quantum ad formale peccati.

SECUNDO SEQUITUR, quod in potentijs distinctis à voluntate solum possunt esse peccata subiectiue, aut inhæsiue, quantum ad materiale peccati, non vero quantum ad formale. Probatur, quoniam actus, qui in illis potentijs dicuntur peccata, non sunt in eis inhæsiue quantum ad malitiam moralem, quæ est formale peccati, sed solum quantum ad proprias entitates, si sint actus immanentes.

Neque placet sententia quorundam, qui dicunt, vnâ numero malitiam moralem esse inhæsiue in actu voluntatis, & in actu alterius potentie: quia isti duo actus, quatenus habent se ut mouens & mobile, & ex consequenti ut formale & materiale, constituunt

vnus integrum & completum subiectum illius malitiæ: sicut vna forma numeri, verbi gratia, ternarij est in tribus lapidibus distinctis: & vna forma artificialis, verbi gratia, domus est in rebus numero distinctis in genere naturæ. Nam contra eos potest obijci, quod vel malitia illa est vna unitate compositionis ex diuersis partibus, ita vt vna pars sit in vno ex illis actibus; & alia in alio, & tota in toto, scilicet in constituto ex illis actibus; vel est vna unitate simplicitatis & indiuisibilitatis, ita vt tota sit in quolibet ex illis actibus & tota in vtroque simul; si primum ergo crescit malicia propter solam additionem actus externi, quoniam additur noua & distincta pars malitiæ, quod est contra **DIVVM THOMAM** supra quæst. 20. artic. 4. Si secundum, sequitur quod eadem numero forma accidentaliter inhaereat voluntati immateriali, & actui alicuius potentie qui sit materialis. Item cum forma accidentalis indiuiduetur per ordinem ad subiectum, in quo est, non poterit extendi ad inhaerendum alteri subiecto etiam partiali; imo ille modus indiuisibilitatis videtur excedere perfectionem formæ accidentalis; & tandem, malitia quæ est in actu interno non potest informare externum, nisi media vnione qua internus vnitur cum eo, sicut forma cum materia: sed hæc vnio non fit per inhaerentiam, ergo neque malicia informat actum externum inhaerendo ei.

VLTIMO SEQUITUR, peccatum in sensu, quo diximus, posse esse in potentia distinctis à voluntate, vt in subiecto; hoc est ita vt quantum ad materiale sit in eis inhaerere, & quantum ad formale, scilicet quantum ad malitiam moralem sit tantum secundum denominationem extrinsecam, & in voluntate inhaerere, nec solum esse subiectiue in omnibus potentis, quæ in agendo subduntur imperio rationis, siue sint cognoscitiue, vt intellectus & vires sensitiue; siue appetitiue vt appetitus sensitiuus: sed etiam in organis siue instrumentis harum potenciarum, qualia sunt membra externa, vt manus, pedes &c. Et quoniam de potentis facile admittitur ab omnibus, Probatum quod idem sit dicendum de istis membris: quoniam in membris internis sunt subiectiue multi actus voluntarij & inordinati; ergo & peccata. Consequentia patet, quia vt actus aliquis sit peccatum, solum requiruntur duo, scilicet quod sit voluntarius, & inordinatus; ergo vbi cumque potuerit esse actus voluntarius inordinatus, ibi poterit repetiri peccatum subiectiue; quod **D. THOMAS** articulo sequenti supponit vt certum, vt probet posse esse in appetitu sensitivo peccatum. Et antecedens probatur; quoniam imprimis in illis membris possunt esse actus immanentes, atque adeo existentes in ipsis subiectiue, vt in manibus & pedibus motus localis, & in lingua motus requisitus ad loquendum; & præterea isti actus possunt esse voluntarij & libeti, quia possunt actu subijci imperio rationis, sicut potentie à quibus immediate producuntur; & ita **DIVVS THOMAS** supra quæst. 17 articulo nono, docet vniuersaliter, eo modo se habere corporis membra, quantum ad hoc, quod est, obedire rationi; sicut se habent potentie animæ, à quibus mouentur, & ex hoc colligit, quod quia

A vires sensitiue subduntur imperio rationis, & non vires naturales: ideo motus membrorum, quæ mouentur à potentis sensitiuis, subduntur imperio rationis, non autem motus membrorum qui consequuntur vires naturales. Et tandem, actus illi possunt esse inordinati, quia cum possint subijci imperio inordinato, etiam possunt participare eius inordinationem & insalutem, saltem denominatione extrinseca. Et propter eandem rationem censeo dicendum esse idem de alijs instrumentis, quæ mouentur ab huminodi membris cum actuali subiectione ad liberum arbitrium; sicut mouetur baculus, aut gladius, cum eleuatur libere ad percutiendum alterum; Nam eleuatio illa, quamuis sit effectiue à manu, est subiectiue in gladio, & est voluntaria denominatione extrinseca ab actu interno voluntatis, quo imperatur; & similiter est mala formaliter, & peccatum denominatione extrinseca sumpta à malitia eiusdem actus.

Neque ex hoc sequitur, quod membra externa, aut reliqua instrumenta dicantur peccare; quia non semper idem est subiectum inhaerentis, & denominationis; vt actio transiens inhaeret passo, & tamen non denominatur ab ea agere, quoniam agere non significat habere in se actionem, sed esse actu principium eius. Ita ergo neque membra, neque alia instrumenta dicuntur peccare, quamuis sit in ipsis peccatum: quoniam peccare est esse principium liberum actionis, vel omissionis contra legem. Imo neque transacto peccato actuali manet in aliquo istorum peccatum habituale quod denominat peccatorem, quia non est in eis malicia moralis quæ est ratio formalis relinquendi talem terminum, sed in voluntate.

Neque etiam est hoc contra **DIVVM THOMAM**, qui in solutione tertij dicit, in appetitu sensitivo esse peccatum tanquam in subiecto, non tamen in membris externis; nam ibi non vult negare, quod peccatum, quantum ad materiale, possit esse subiectiue in membris externis, cum articulo octauo huius quæstionis ad primum, & quæst. 2. de malo art. 2. ad 6. & quæst. 7. art. 6. in corpore, concedat expresse, actus istorum membrorum posse esse peccata, imo & in ultimo loco id probet ratione, qua nos vsi sumus: sed solum vult docere, speciali quadam ratione attribui appetitui, magis quam membris externis, quod in eo sint peccata, tanquam in subiecto; ea vero est, quod appetitus sensitivus concurrat ad actum peccati vt mouens seipsum, membra vero externa concurrunt vt mota ab alio, sicut instrumenta, vt magis explicabo articulo quarto.

AD ARGUMENTVM Respondetur, non esse inconueniens, quod idem peccatum secundum diuersa sit inhaerere in distinctis subiectis: & ita cum in peccato possint considerari tria, scilicet materiale quod est entitas actus, formale quod est malitia moralis, & conditio necessaria vt materiale informetur malitia, quæ est esse voluntarium: **DIVVS THOMAS** in isto articulo, cum dicit peccata esse in potentis distinctis à voluntate, loquitur de primo; & in articulo precedenti, cum dicit, omnia peccata esse in voluntate, lo-

quitur de tertio, & nos ex alijs locis probauimus A
esse dicendum idem de secundo.

ARTICVLVS III.

Vtrum in sensualitate possit esse pec-
catum?

CONCLUSIO est affirmatiua.

COMMENTARIVS.

PRO EXPLICATIONE huius & sequentis articuli explicandum est imprimis quid nomine sensualitatis significetur, in quo DVAN: in 2. d. 24. q. 5. dicit, quod sicut liberum arbitrium non significat voluntatem & intellectum absolute, sed quatenus important habitudinem ad obiecta, à quibus non necessitatur; & sicut ratio non significat intellectum absolute, sed quatenus vritur discursu ad inferendas conclusiones ex principijs, sic etiam sensualitas non significat appetitum sensituum absolute, sed quatenus habet adiunctam inordinationem, & corruptionem ex peccato, ratione cuius non subijcitur plene rationi sed plerumque præuenit eius deliberationem. Sed D. THOMAS 1. p. q. 81. art. 1. & 2. & de veritate q. 25. art. 1. & Ricardus in 2. d. 24. circa secundum principale q. 5. dicunt nomine isto significari appetitum sensituum absolute, prout est virtus quædam appetitiua naturæ sensitivæ, & continet duas potentias distinctas, scilicet irascibilem & concupiscibilem, secundum quam rationem non includit corruptionem illam, sed præcise importat virtutem appetitiuam, quæ versatur circa bona sensibilia. Et *quædam* negari non possit, priorem acceptionem huius vocis esse à multis vsu receptam, ut ab AVGVSTINO tomo 2. Episto. 15. ad Nebridium, ubi inquit, totis animi viribus resistendum esse sensibus, & tomo 3. lib. 12. de Trinitate cap. 12. & 13. ubi ait, sensum corporis significari per serpentem. Genes. 3. *Tamen* etiam posterior acceptio est valde propria, & iuxta eam D. THOMAS 3. p. q. 81. artic. 2. dicit debere concedi, in Christo fuisse sensualitatem. Et in ea vsurpatur hoc loco à D. THOMA ista vox; nam ut probet suam conclusionem, dicit, actum sensualitatis, posse esse voluntarium, in quantum sensualitas, hoc est appetitus sensitivus, nata est à voluntate moveri, ubi non continetur illa corruptio aut inordinatio. Neque AVGVSTINVS in locis citatis vtitur absolute nomine *sensus*, sed cum aliquo addito exprimente corruptionem illam: nam in pñori dicit resistendum esse sensibus, quatenus aduersantur menti & intelligentiæ; & in duobus ultimis *sensum*, illum, quem assimilât serpenti, appellat carnalem, animalem, & corporalem.

Hoc supposito est.

DVBIUM PRIMVM.

An in sensualitate, hoc est in appetitu sensitivo secundum se, possit esse peccatum?

§. 1. Sententia affirmatiua Caietani.

ET PRO EXPLICATIONE TITVLII aduertit appetitum sensituum posse considerari tribus modis. *Primo* quantum ad ea, quæ sunt sibi propria intra latitudinem naturæ sensitivæ; hoc est, prout est communis nobis & brutis, *Secundo* quantum ad ea quæ participat ex coniunctione cum gradu intellectiuo, & quatenus procedit ex anima rationali tanquam ex radice; *Tertio* quatenus subordinatur actuali imperio voluntatis, vel formali, vel interpretatiuo, hoc est voluntati mouenti ipsum, aut non reprimenti, cum potest, & tenetur reprimere. Dubium istud solum intelligitur de appetitu sensitivo sumpto *secundo modo*, quoniam si sumatur primo modo non est capax peccati, ut constat in brutis; si vero sumatur *secundo modo* non explicatur id, quod appetitui conuenit secundum se, sed id quod habet ex imperio vel consensu voluntatis.

In hac re CAIETANVS articulo sequenti dicit, in appetitu sensitivo ita sumpto posse reperiri peccatum veniale, & non mortale; & probatur hæc sententia *PRIMO* testimonijs D. THOMÆ. *Primum* habetur in solutione tertij, præcedentis articuli, ubi constituit hoc discrimen inter membra externa, & appetitum sensituum: quod *in isto* potest esse peccatum veniale, & non *in illis*; & comparat hæc sumpta secundum se, & non quatenus subordinantur motioni voluntatis, quoniam sic etiam in membris externis potest reperiri peccatum, ut nos diximus articulo præcedenti. *Alterum* habetur in solutione tertij, huius articuli, ubi inquit, quod motus sensualitatis præueniens rationem est peccatum veniale. *Postremum* habetur articulo sequentij, ubi docet D. THOMAS, in sensualitate posse reperiri peccatum veniale, & non mortale, & videtur certum, quod loquatur de sensualitate secundum se, quoniam ut subest motioni voluntatis capax est peccati mortalis.

SECUNDO, appetitus sensitivus secundum se habet aliquam libertatem, ergo secundum se potest esse principium & subiectum peccati. *Consequentia* videtur nota, quoniam satis est, quod actus sit liber & circa obiectum malum, ut sit peccatum. *Antecedens* vero, quod est fundamentum potissimum CAIETANI, probatur tripliciter. *PRIMO* quia æstimatiua in nobis propter coniunctionem cum gradu intellectiuo habet hanc perfectionem magis, quam in brutis, quod discurret, circa particularia, vtriusque comparatione ut D. THOMAS docet 1. p. q. 78. art. 2. cuius loci meminisse hic in solutione primi: ergo etiam appetitus sensitivus propter eandem coniunctionem, est in hoc perfectior, quam in brutis, quod habet aliquid libertatis, saltem quantum sufficit ad peccatum veniale. Probatur consequentia, *tum* ex paritate rationis: *tum etiam*, quia libertas in po-

tentia

tentia appetitus omnium indifferentia in cognitione, quæ ei respondet.

SECUNDO probatur *idem antecedens*, quia passio appetitus soler renari, & interdum tolli, omnino, aut etiam augeri, rationibus excogitari in vniuersali ab intellectu, & applicari aut determinari ad particularia per cogitationem, ergo appetitus habet aliquam libertatem. Patet *consequens* quia quod omnino caret libertate, non ducitur, aut mouetur persuasione facultatis cognoscitiue, sed determinatione propriæ naturæ.

TERCIO probatur *idem antecedens* quoniam ART. 1. Polit. cap. 2. quem D. THOMAS refert, & sequitur articulo precedenti in solutione 3. inquit, appetitus sensituius moueri à ratione impetio politico, hoc est civilis: constat autem nihil subiaci huic impetio, nisi quod liberum est.

5. 2. Resolvitur pars negativa.

CONCLUSIO, *actus appetitus sensitui si consideretur in prædictis quatenus ab ipso procedit, & sine respectu ad voluntatem, non potest habere rationem peccati, etiam venialis; & ex consequenti in appetitu secundum se sumpto non potest reperiri peccatum*. Probatur PRIMO *essentiam* factorum, qui sine distinctione ne venialis vel mortalis peccati docent, non posse reperiri peccatum sine aliquo consensu voluntatis: AUGUSTINUS 10. l. 1. de libero arbitrio cap. 5. inquit, unde vnde proveniat, quod male faciamus, ita inquit, *ut ratio tractata monstratur, id facimus libero voluntatis arbitrio*. De vera religio. cap. 14. ita inquit, *quare aut negandum est peccatum committi, aut faciendum est voluntate committi*, & idem dicit lib. 1. retracta. cap. 15. tomo 3. libro de spiritibus & litera. c. 1. & tomo 4. lib. 83. q. 14. & q. 99. super Levitic. q. 14. & tomo 6. lib. de duabus animabus. cap. 10. & 11. & lib. 1. de sermone Dei in monte, cap. 12. ubi refert tres gradus, quibus perfruitur peccatum, scilicet suggestionem, delectationem, & consensum; & postremum, in quo dicit peccatum esse plenum, tribuit voluntati; & non appetitui, cui solum tribuit delectationem. Idem docent ORIGEN. homil. 25. in Num. CHRISOST. homil. 32. imperfecti in Mar. & homil. 13. super Epistolam ad Romanos GREGOR. lib. 4. moral. cap. 17. & PROSPER. lib. 3. de vita contemplativa cap. 4. & idem videtur sentire D. THOMAS, qui in 2. d. 34. q. 5. art. 2. inquit, nullum motum pertinere ad genus moris, nisi procedat à voluntate, quæ est principium moralium, quia ibi incipit genus moris, ubi incipit dominium voluntatis: ita in hoc articulo ad primum, ut explicet, quia ratione in sensualitate, quæ est communis nobis & brutis, possit reperiri peccatum veniale, non dicit, causam esse, quod in nobis sensualitas secundum se sumpta habeat aliquam libertatem; sed quod in nobis est nata obedire rationi; & quantum ad hoc potest esse principium actus voluntarii, & subiectum peccati. Et q. 7. art. 6. ad secundum, ut explicet hoc ipsum, inquit, ideo motum sensualitatis esse veniale, quia potest ipsum impedire; Et supra q. 14. art. 1. in corpore, inquit, in passionibus appetitus sensitui, si secundum

se considerentur, non esse bonum vel malum morale; sed solum quatenus subijcitur impetio rationis, & voluntatis; Et in solutione 3. dicit, huiusmodi passionibus non esse laudabiles aut vituperabiles secundum se, sed quatenus à ratione ordinantur.

Et confirmatur, quia concilium TARDA. sessione 3. decreto de peccato originali §. 3. denunciat concupiscentiam non nocere nua consensibus, ubi sapienter dicitur motum concupiscentie sine respectu ad voluntatem, ad quam proprie pertinet consentire, non esse peccatum: quoniam alias noceret etiam non consentientibus, tum quodcumque peccatum noceat peccanti.

SECUNDO probatur *ratio*, quoniam in appetitu sensitui *aut* non est libertas, *aut* si sit non est ea, quæ requiritur, ut possit esse principium peccati, quod hic probatur: libertas ad peccandum requirit cognitionem sufficientem ad decernendum inter bonum & malum honestum in communi: sed appetitui sensitui sumpto secundum se non respondet talis cognitio; ergo in eo non est libertas sufficiens ad peccandum. *Ad id* videtur nota, quoniam ideo amemus, & ebui, & pueri antequam perveniant ad perfectum usum rationis non possunt peccare, quia carent illa cognitione. Et *minus* probatur, quia ratio honestatis excedit ordinem sensibilibus, & ex consequenti non potest cognosci à facultate sensitiva, sed solum ab intellectu, & appetitus sensituius etiam in nobis non mouetur immediate ab intellectu, sed à cogitatione, quæ est virtus sensitiva.

Confirmatur primo, quoniam appetitus sensituius secundum se non est capax actus honesti, ergo neque peccati; *consequens* patet, quoniam ratio formalis peccati consistit in contrarietate ad honestatem, vel in privatione eius; & idem subiectum est capax oppositorum, siue opponatur contrariæ, siue privatiue; Et *antecedens* probatur, quoniam non habet pro obiecto bonum sub ratione honesti, sed sub ratione boni sensibilibus; & in hoc differt ab appetitu intellectivo.

Confirmatur secundo quoniam ut actus aliquis possit imputari agenti ad culpam, requiritur quod sit in potestate ipsius; ita ut habeat dominium talis actus, ut D. THOMAS docet supra q. 21. art. 2. sed appetitus sensituius secundum se, aut homo eo mediante, non habet dominium alicuius actus; quoniam, ut ibidem docet D. THOMAS, & latius supra q. 1. art. 1. per voluntatem homo habet dominium sui actus.

TERCIO probatur hæc sententia, quia exposita sequuntur nonnulla inconuenientia. PRIMUM est, cum, qui voluntate & appetitu sentit in obiectum malum in materia peccati mortalis, committere duplex peccatum, *omne* mortale per voluntatem, & *alterum* veniale per appetitum sensituium. SECUNDUM est, posse diæmonem efficaciter mouere nos ad peccandum, quia potest media alteratione primum qualitatem, excitare passionem in appetitu sensitui, ad quam sequitur concupiscentia huius motus ipsius appetitus; & sic Deus permittit nos tentari ultra id quod possumus, & non facit cum tentatione proveniunt: contra Paulum 1. Corin. 10. *Quod si dicat* posse appetitum propria libertate non concupiscere id, ad quod mouet passio excitata à diæmone: se-

quintum quod in appetitu sensitivo secundum se, & ex consequenti sine ordine ad finem supernaturalem, possit esse meritum, quia sicut appetitus peccat concupiscendo, ita etiam libere resistendo passioni, aut non consentiendo ei, merebitur. Tertium est, eum qui voluntate omnino resistit motui insurgenti in appetitu sensitivo, & tamen non potest eum reprimere, peccare venialiter propter illum motum, quod videtur esse contra CONCILIUM TRIDENTINUM loco citato. Vltimum est, quod in isto casu simul, & circa eandem materiam, mereatur quis per voluntatem, & peccet venialiter per appetitum sensitivum. Paret sequela quia resistentia, aut repugnantia facta per Christi gratiam motui concupiscentiæ coronat resistentem, ut concilium dicit loco citato: & tamen simul ipse motus concupiscentiæ est peccatum veniale.

SED AD HÆC DVO vltima inconuenientia respondent aliqui, supponi in illo casu impossibile: scilicet quod voluntate perfecte resistente duret motus concupiscentiæ; quia cum voluntas, sit motor vniuersalis totius suppositi, poterit reprimere quoscunque motus aliarum virium.

Sed contra quia hoc est contra experientiam & contra ARISTOTELUM, qui cum dixit appetitum sensitivum non moueri à voluntate imperio despotico, sed politico, & ita ut possit resistere: insinuat aperte, posse appetitum resistere cuicumque imperio, aut conatui voluntatis.

ALII vero dicunt, quod cum voluntas non potest reprimere concupiscentiam appetitus, neque ipse appetitus poterit eam reprimere: ex consequenti non imputabitur ei ad culpam.

Sed hoc etiam potest impugnari, quoniam nihil est in illo casu, ratione cuius appetitus impediat ab usu suæ libertatis: imo potius prouenit ab eo, quod non reprimatur à voluntate.

§. 3. Censura de sententia Caietani.

SED INQUIRITUR, an sententia CAIETANI sit adeo falsa, ut non liceat eam defendere? Ad hoc ALIQUI vt respondeant, supponunt, sententiam CAIET. posse habere duos sensus, Primus est appetitum sensitivum secundum se habere libertatem sufficientem ad peccatum veniale, etiam postquam ratio aduertit ad motum ipsius, & voluntas resistit ei, & conatur reprimere eum; Alter est, libertatem illam solum conuenire appetitui antecedenter ad aduertentiam rationis, & ad repugnantiam voluntatis. Et hoc supposito dicunt, sententiam illam in priori sensu non esse satisfactam; in posteriori vero non esse dignam tam grani nota, sed posse dici improbabilem.

Sed vt ego verum fatear, non video qua ratione sententia ista, etiam in posteriori sensu, non contradicat testimonio CONCILII TRIDENTINI supra adducto, nisi dicamus CONCILIUM ibi non loqui de non consentientibus negatiue, sed de non consentientibus contrarie; hoc est de repugnantibus, nam verba Concilii sunt ista: *Qua (scilicet concupiscentia) cum ad agendum relictæ sit, nocere non consentientibus, sed virtualiter per Christi Iesum gratiam repugnantibus, non valet.* Sed quamuis hoc vi-

deatur sufficere, vt posterior sensus non sit tam aperte contra concilium, sicut prior, tamen non sufficit vt non sit omnino contra ipsum. quoniam Concilium dicit quod *non nocet non consentientibus.* Item, quia ex posteriori sensu colligitur prior, qui est contra concilium; quod sic probō, Appetitus sensitivus ante aduertentiam rationis, & resistentiam voluntatis, habet libertatem sufficientem ad peccatum veniale: sed propter huiusmodi aduertentiam non omittit ipse libertatem propriam; ergo etiam postea quam ratio aduertit, retinet eam, & ex consequenti habet omnia quæ requiruntur, vt suus motus possit esse peccatum veniale. Probatur minor, quia iuxta sententiam CAIETANI appetitus habet libertatem illam independentem à motione voluntatis.

§. 4. Ad argumenta pro Caietani sententia.

AD PRIMVM CAIETANI respondebimus explicando illa testimonia D. THOMÆ, eo ordine quo proposita sunt; & ad primum dico D. THOMAM ibi comparare appetitum cum membris externis, quatenus subordinantur motioni voluntatis, & nihilominus dixisse, non esse in membris peccatum; non quia nullo modo sit: sed quia non est eo modo, quo in appetitu sensitivo, scilicet, vt in mouente se ad bonum, vel malum. Pro quo aduerte, quod materiale peccati, quod est inhæsiue in membris, aut potentijs distinctis à voluntate, (vt explicui articulo precedenti) dupliciter potest esse in aliquo eorum, primo præcise, tanquam in subiecto moto à voluntate, secundo simul tanquam in moto & mouente seipsum ad bonum vel malum; & priori modo est in membris externis, posteriori vero in appetitu sensitivo. Radix autem huius discriminis est diuersitas in modo, quo hæc omnia mouentur à voluntate, nam membra externa mouentur sola applicatione ipsorum ad opus facta à voluntate suo imperio, & ideo dicuntur concurrere ad actum peccati solum vt mota ab alio, quia immediate determinantur ad agendum ab imperio vel motione alterius; appetitus vero mouetur media apprehensione & cognitione, qua ipsi proponitur obiectum, in quod tendat, & ideo concurrat ad actum, vt mouens seipsum, quia determinatur ad agendum per formam propriam, scilicet per apprehensionem obiecti, & non per motionem alterius. Voluit autem D. THOMAS obseruare discrimen hoc, quoniam ex eo pendet ratio, propter quam in appetitu sensitivo sint virtutes, & non in membris externis, vt explicabo in fine solutionis sequentis articuli. Ad secundum testimonium Respondetur, D. THOMAM ibi loqui de motu sensuatiuitatis, qui quamuis præueniat usum rationis actualem, tamen potuit & debuit impediri à ratione, & ex consequenti est voluntarius saltem indirecte, & non habet rationem peccati, sine ordine ad voluntatem.

Quod si obijcias, D. THOMAM dixisse, motum illum propter defectum deliberationis, & quia nihil operatur in eoid, quod est principale in homine, esse tantum peccatum veniale, & non mortale; & ex consequenti non loqui de motu qui est voluntarius indirecte, quia voluntarium indirectum

sufficit

sufficit quantum est ex parte voluntatis & deliberationis ad peccatum mortale, & est cum aliqua deliberatione, saltem virtuali & interpretatiua; Respondetur quod deliberatio virtualis, & voluntarium indirectum habet gradus inæquales, & potest reperiri aliquis, qui sufficiat ad peccatum veniale, & non ad mortale: (vt postea explicabo) & de isto loquitur D. THOMAS, & ita non dixit simpliciter, motum illum, non esse actum humanum, sed cum addito, non esse perfecte actum humanum, vbi insinuat eum habere aliquo modo ea, quæ requiruntur ad actum humanum, licet non in gradu perfecto. *Ad vltimum testimonium*, respondebimus articulo sequenti.

AD SECVNDVM ARGVMENTVM, posset primo responderi, quod, quamvis appetitus sensitiuus secundum se habeat aliquam libertatem, non habet eam, quæ requiritur ad peccatum etiam veniale, vt explicabo in fine solutionis huius argumenti. Secundo Respondetur negando antecedens, & ad primam probationem potest primo negari antecedens; neque DIVVS THOMAS id dixit illo loco, sed solum, cogitativam in homine habere hanc excellentiam, quod quantum ad intentiones, (quas ibi distinguit a formis sensibilibus) cuiusmodi sunt commoditates, & nocumenta propriæ naturæ, vtitur collatione quadam, vbi non loquitur de collatione propriæ sumptæ, quæ ex cognitione proprietatum, quæ conveniunt extremis, & comparatione earum inter se, colligitur vnum extremum esse conueniens, aut disconueniens alteri: sed de quadam collatione imperfecta, quæ consistit in hoc, quod cogitativa veluti quadam recordatione, ex vno in aliud quasi inuestigando progreditur, constat autem quod ad discursum non sufficit hæc posterior collatio, sed requiritur prior. secundo dici potest, quod quamvis in cogitativa reperitur aliquod vestigium discursus, non sequitur quod etiam in appetitu sensitiuo sit libertas: quoniam cogitativa non proponit appetitui obiectum cum indifferentia ad opposita, sed cum determinatione ad vnum, & ita secundum illud vnum mouet ipsum determinate, vt D. THOMAS docet de virtute sensitiua in communi respectu appetitus i. p. q. 82. art. 2. ad 3. Cam vero dicimus, libertatem potentie appetitiuæ oriri ex indifferentia cognoscitiuæ, intelligitur de indifferentia in proponendo & mouendo. Verum est, quod, (vt ibi insinuat D. THOMAS) ista indifferentia in mouendo procedit ex eo, quod potentia cognoscitiua virtutis collatione, quæ ex perfecta cognitione & pōderatione bonitatis obiecti iudicat esse amandum sine exclusionē oppositi: & ita D. THOMAS ibi colligit, quod potentia sensitiua mouet appetitum cum determinatione ad vnum, ex eo, quod nō vtitur collatione; quod est notandū pro præcedenti solutione. Neq̃, ex eo quod appetitus sensitiuus in nobis sit perfectior quā in brutis, sequitur quod secundum se, & sine subordinatione ad motionē voluntatis, habeat libertatem. Vt vult CAJET. quia excessus in perfectione potest consistere in hoc, quod in nobis est natus obedire rationi, & in hoc constituit eum D. THOMAS hic ad 1.

Ad 2. probationem, concessio antecedenti neganda est consequentia: & ad eius probationem dicendum est, debere illud intelligi de persuasione

A proprie sumpta, quæ tamen non reperitur in cognitione sensitiua, quæ mouetur appetitus; sed solum quædam apprehensio obiecti determinata ad vñ.

Ad tertiam probationem, respondetur cum D. THOMAS i. p. q. 82. art. 3. ad 2. hoc esse discrimen inter imperium despoticum & politicum, quod despoticum est, quo dominus imperat seruis, qui non possunt ei resistere, quia nihil habent proprium; at vero politicum dicitur illud, quo aliquis imperat liberis, qui habent aliquid proprium, ratione cuius possunt reniri; & quibus loquendo cum isto rigore de vtroq; imperio, verum sit, vtrūq; postulare in subditis libertatē, saltem naturalem; & politicum vltius requirere libertatē civilem, hoc est facultatē inre concessam ad resistendū: tamen secundum quandam similitudinem conuenit vtrūque imperium rationi, respectu corporis: nā respectu exteriorum membrorum conuenit ei imperium despoticum, quoniam membra ista ita subiiciuntur ipsi, sicut serui domino suo, hoc est sine vlla renitentia; At vero respectu appetitus sensitiui conuenit ei imperium politicum, quoniam appetitus habet aliquid proprium, ratione cuius potest ei resistere, scilicet motum propriū, hoc est, proeudentem ex motione propria, & non ex directione & motione rationis. Itaque similitudo, ratione cuius tribuitur rationi respectu appetitus sensitiui imperium politicum, non fundatur in libertate ipsius appetitus, sed in facultate ad resistendum imperio rationis.

Secundo obicitur, quia vel posse resistere imperio voluntatis, conuenit appetitui ratione propriæ & intrinsecæ indifferentiæ, quam habet ad sequendū ipsum & ad oppositum; vel solum quia vehementius mouetur ab opposito, quā ab imperio voluntatis; si primum ergo appetitus secundum se & sine dependentia a motione voluntatis habet libertatem, quoniam illa indifferentia est libertas; si secundum ergo non sunt constituendæ in appetitu virtutes aliquæ; probatur consequentia, si quis ad superandū difficultatem, quam in operibus virtutū possumus pati ex hac resistētia appetitus principalis cōcurrat voluntas, quā appetitus ipse: quoniam appetitus solū concurret vt non motus vel tractus ab opposito voluntas vero cōcurrat efficacia sui imperij; ergo virtutes, quæ ad hoc sunt necessariæ, potius sunt constituendæ in voluntate, quā in appetitu; Tum etiam, quia tota ratio ponendi habitum aut virtutem in aliqua potentia, est indifferentia ipsius ad appositā, vt colligitur ex doctrina D. THOMAS supra, q. 50. & q. 56. ergo si appetitus sensitiuus non habet hanc indifferentiam, non est capax virtutis. Neque sufficit, quod habeat indifferentiam, quatenus subest voluntati mouenti cum indifferentia ad vtrumq; quoniam hoc modo etiam membra externa habent eam, & tamen non sunt subiecta virtutum.

Ad hoc aliqui, qui dissentiunt a CAJETANO, respondent, distinguendo duos gradus libertatis Primum dicunt consistere in indifferentia quadā ad agendum vel non agendū, & ad agendū hoc vel illud, sine vllō ordine ad honestatem, & conuenire amentibus, & pueris antequam perueniant ad perfectum vsum rationis, imo & brutis, quamvis non ita perfecte; quoniam si moneantur ab obiecto certo, & nulla sit causa quæ retardentur, non est in eorum potestate non moueri in tale obiectum. Secundum vero dicunt consistere in indifferentia ad operandum bene vel male moraliter. Probantque pos-

se priorem gradum reperiri sine posteriori: quoniam libertas, seu indifferentia in agendo proportionatur cognitioni: sed potest reperiri lumen cognitionis sufficiens ad iudicandum vnum esse magis bonum in ordine ad naturam, aut ad delectationem, & ex consequenti magis acceptandum, quam alterum, & non ad discernendum perfecte inter bonum & malum morale; ut patet in amentis, qui iudicat, melius esse sedere, quam præcipitare seipsum: & tamen non cognoscit discrimen inter bonum honestum, & malum oppositum; ergo etiam potest reperiri prior gradus libertatis sine posteriori. Atque ita explicant qua ratione appetitus sensitivus in homine ratione intrinseca indifferentiæ possit reniti voluntati, & tamen non possit habere peccatum, etiam veniale: dicunt enim, ipsum secundum se habere priorem gradum libertatis, & non posteriorem, videturque desumpta ista diuisio libertatis ex VICTORIA in relectione de eo, ad quod tenetur homo veniens ad usum rationis art. 5. quamvis ipse expresse solū loquatur de voluntate, & non de appetitu sensitivo; & sequitur MOLINA libro de concordia liberi arbitrii cum gratiæ donis, super articulum decimum tertium quæstionis decimæ quartæ, disputatione secunda, & disputatione quadragesima quinta. Vbi etiam in brutis concedit priorem gradum libertatis.

SED MIHI hæc sententia difficilis videtur, & vt omittam id, quod in ea dicitur de voluntate, quoniam de eo alibi est agendum; Argumentor contra id, quod dicitur de appetitu sensitivo: quoniam *imprimis non conuenit ei libertas quoad specificationem*; quia hæc prærequirit cognitionem sufficientem ad considerandum singulas rationes bonitatis, & malitiæ, quæ reperiuntur in obiecto, & ad conferendum eas inter se, & ad colligendum ex tali collatione, quæ præponderent alijs, quod tamen quia continet collationem & discursum valde perfectum, imo & cognitionem finis sub ratione finis, non potest præstari à sensu à quo mouetur appetitus, Et propter eandem rationem *non habet libertatem quoad exercitium*, quoniam hæc requirit vim ad cognoscendum ipsum exercitium actus, & eius negationem, & rationes bonitatis & conuenientiæ, quæ sunt in utroque, & quæ earum excedunt alias, & hoc etiam superat perfectionem facultatis sensitivæ.

IDEO ALITER responderetur, appetitum sensitivum solum repugnare rationi, quia vehementius trahitur, & mouetur ab opposito. Et ad obiectionem contra hoc propositum, neganda est consequentia: & ad primam probationem negandum est antecedens, si per *concurrere principaliter*, intelligatur, esse causam magis propriam, & per se: quoniam sicut proprius motus appetitus sensitivi est propria causa illius difficultatis: ita cessatio ab illo motu erit propria causa carenti illa difficultate, quia *vbi affirmatio est causa affirmationis, &c.* & ideo virtus, quæ ordinatur ad superandum istam difficultatem, debet poni in appetitu sensitivo: ibi enim debet applicari remedium, vbi est propria causa difficultatis.

Ad 2. probationem responderetur cum D. THOMA supra, quæstione 56. art. 4. quod quamvis appetitus sensitivus secundum se careat libertate tamē vt natus est obedire rationi, potest operari libere, & isto modo est subiectum virtutis. Et ad obiectionem propositam de membris externis, responderetur, esse triplex discrimen inter ipsa & appetitum: *Primum* est, quod, vt dicebam in inexploratione primi te-

monij præcedentis argumenti, membra externa concurrunt ad actus liberos solum vt mota ab alio: at vero appetitus sensitivus concurrat vt mouens seipsum, & media propria apprehensione: & propterea in ipso sunt constituendæ virtutes, & non in membris externis; quia hoc est discrimen inter agens, quod operatur vt mouens seipsum, & illud, quod operatur præcise vt motum, & vt instrumentum: quod *primum* constituitur in actu ad agendum per formam propriam, *secundum* vero per motionem principalis agentis, aut per subordinationem ad ipsum. Et hoc voluit significare D. THOMAS, cū in corpore huius articuli dixit, esse proprium potentiarum, quæ possunt moveri à voluntate ad suos actus, esse subiecta virtutum; loquitur enim de potentijs, quæ simul mouentur, & mouent seipsas ad bonum & malum, cuiusmodi sunt solum irascibilis, & concupiscibilis; quoniam reliqua quantum ad hoc potius operantur vt instrumenta, quam vt potentia; vt clarius supra quæstione 56. art. 4. in corpore, vbi dicit, ponendum esse habitum perficientem ad agendum in potentia mouente mota.

Alterum discrimen est, quod membra externa ita mouentur à voluntate vt, si sint in sua naturali dispositione, non possint ei resistere, aut impedire eius motionem: at vero appetitus sensitivus potest ei resistere, ratione proprii motus, ad quæ concurrat mouendo seipsum: nam licet resistat vt motus, aut tractus ab opposito: tamen simul mouet seipsum, quia trahitur ab eo vt ab obiecto; & ideo in appetitu sensitivo sunt necessariae virtutes ad superandum difficultatem, quæ provenit ex illa resistentia: & non in membris externis. Et hoc videtur docere D. THOMAS supra, quæstione 56. art. 4. ad 3. vbi dicit, irascibilem & concupiscibilem habere proprios motus, quibus interdū rationi repugnat, & ideo in eis esse aliquas virtutes quibus bene disponantur ad actum.

Tertium discrimen est, quod appetitus sensitivus habet quendam modum indifferentiæ, seu potius indeterminationis, respectu oppositorum; nam licet non habeat libertatem, est principium motuum oppositorum, potest enim mouendo seipsum & non præcise vt motus, sequi imperium voluntatis, & ei resistere; & ideo ad tollendam hanc indeterminationem, sunt necessaria habitus in ipso, vt D. THOMAS docet sup. q. 50. a. 3. ad 1. quod tamē non habet locum in membris externis, quæ sine resistentia obediunt voluntati.

II. DVBIUM.

Vtrum omnes motus appetitus sensitivi circa illicita sint peccata?

§. 1. Sententia affirmativa argumenta.

VBI NON INQUIRIMUS, an sint peccata mortalia, an venialia; sed in communi, an sint peccata: & loquimur de istis motibus eo modo, quo dubio præcedenti diximus, in eis posse reperiri rationem peccati, scilicet, per ordinem ad consensum voluntatis, vel formalem, vel interpretatiuum, hoc est, quatenus voluntas eis consentit, aut saltem non reprimat eos, cum potest & tenetur reprimere.

IN HAC RE multis placet *pars affirmativa*, licet non explicent eam vno & eodem modo: nam (vt dicunt multi ex recentioribus) antiquorum Theologorum sententia fuit, omnes istos motus indistin-

et esse peccata, saltem venialia, & pro ea referuntur MAGISTER in 2. distinctione 21. §. Porro sciendum, ubi inquit, tentationem carnis non fieri sine peccato; ubi ait, quod si in motu sensuali sit tantum illecebra peccati, est peccatum veniale, & leuissimum & loquitur de eo, ut antecedit cogitationem delectationis & consensum voluntatis; & distinctione 24. §. Nunc superest. GUILIELMVS PARTISIENSIS 2. parte Tractatus de sacramento matrimonij, ca. 7. cuius initium est. *Incipiamus ergo.* ALTISIODORENSIS lib. 2. summæ tractatu 28. ca. 1. ALEXANDER HALSENSIS 2. par. summæ quæst. 109. membro 2. Et vere multum fauent isti huic sententiæ: nam quamuis dicant, se solum loqui de motibus, qui sunt in potestate voluntatis; tamen de singulis sine discrimine affirmant, esse in eius potestate.

ALII vero distinguunt duplices motus in appetitu sensitivo, quosdam *resulantes naturaliter* ex alteratione facta in organo, quoad quatuor primas qualitates, sicut ex nimio calore excitatur libido; & alios *provenientes ex apprehensione imaginationis*; & priores dicunt non esse peccata, posteriores vero semper esse peccata, saltem venialia. Hanc sententiam cum ista limitatione sequuntur D. THOMAS in 2. distinctione 21. quæst. 1. art. 2. ad 5. & distinctione 24. quæst. ultima, art. 2. in corpore. & ad 4. & quæst. 7. de malo art. 6. ad 8. DURAND. in 2. distinct. 2. q. 1. n. 9. PAVLVS SOTO in tractatu de institut. sacerdotum 1. parte titulo, de peccatorum discrimine, lectione 8.

Fundamentum huius sententiæ quoad priorem partem est, quia cum dispositio corporalis non subiacet imperio rationis: neque motus appetitus sensitivi, quia ab ipsa excitantur, subijciuntur ei, & ex consequenti, non poterunt esse peccata.

Quoad posteriorem vero partem probatur primo quia motus illi sunt inordinati, quia sunt circa obiecta illicita, ut supponimus, & præterea sunt voluntarij saltem indirecte, quia ratio potuit præuenire apprehensionem imaginationis, ex qua proveniunt & ita præueniendo potuit etiam impedire: ergo nihil eis deest ex requisitis ad peccatum.

Secundo, quia alias sequitur, reperiri motus illos in Christo, contra doctrinam D. THOMAS 3. par. quæst. 41. art. 1. ad 3. & omnium Theologorum. Probat se quela, quia Christus subiectus fuit defectibus naturalibus, in quibus non est culpa, ut frigori, fami, & cæteris; & colligitur ex illo PAVLI ad Hebræos 4. *Non habemus pontificem, qui non possit compati infirmitatibus nostris, tentatum autem per omnia pro similitudine, absque peccato.*

Confirmatur quoniam D. THOMAS illo loco, ea ratione probat, non fuisse in Christo carnis tentationem, quia hæc non potest esse sine peccato, quod in Christo non est ponendum.

Secundo probatur testimonio AUGUSTINI, qui tom. 5. lib. 19. de civitate, ca. 4. ita inquit: *Neque enim nullum est vitium, cum (sicut dicit Apostolus) caro concupiscit adversus spiritum.* Et tom. 7. lib. 4. contra Iulianum Pelag. cap. 2. loquens de motu concupiscentiæ ad illicita, sic ait: *Hoc ergo malum, quod non dicitur esse bonum, nisi adversus omnem veritatis turbam sic obstruatur, ut clarescat, bonum esse concupiscere malum, quod nec inter surdos dicere audebit.* Imo & toto illo ca. probat, motus illos esse malos.

§. 2. Eligitur sententia negativa, ut certa.

PRIMA CONCLUSIO. Non omnis motus appetitus circa illicita, sunt peccata, etiam si excitentur ex ap-

Aprehensione sensu alicuius obiecti. Ita tenent RICARDVS in 2. distinctione 24. circa 4. principale, quæstione 1. ubi inquit, Inordinationem sensualitatis posse esse sine omni culpa, si voluntas non sit causa illius inordinationis, nec omittendo, nec committendo, nec antecedenter, nec concomitanter. SCOT. d. 42. in sol. 3. q. 5. Ad 1. de Apostolo ALMAGNI tract. 3. mor. cap. 24. ANGELVS moral. in c. 9. 2. *Tantæ est*: in ipso textu, & in eius expositione. §. *His præmissis*: CAPREOLVS in 2. d. 4. q. unica art. 3. in solutione ad 1. DURANDI contra 1. concl. & distinct. 24. quæst. unica, articulo 3. in solutione ad primum contra 1. conclusionem, ubi inquit, actus, qui non sunt deliberati, neque actus, neque potentia; hoc est, de quibus non est deliberatum, neque potuit deliberari, (sicut sunt primi motus subito agentes mentem) non esse in potestate nostra: & ex consequenti non imputatur nobis ad culpam. CORD. l. 2. q. 23. dubio 9. CONTRA late in expositione solutionis 2. argumenti huius articuli & alii expositores D. THOMAS.

PROBATVR primo, quia in Cōc. Trid. ff. 5. decreto de peccato originali §. 5. ita definitur de concupiscentia, *quæcumque ad agendum relinquitur, nocere non consentientibus, sed resistit per Christum Iesum gratis repugnans, non valet*, ubi duo sunt advertenda: *Primum*, quod conciliū non loquitur de concupiscentia solum quoad actum primum, sc. depravationem naturæ: sed etiam quoad actum secundum, sc. motus, qui ex illa depravatione oriuntur, quoniam loquitur de ea, quatenus possumus consentire & repugnare, quod aperte intelligitur de illis motibus quoniam ante eos non habet locum consensus, aut resistantia, neque certamen; ex quo efficaciter colligitur intentum, quoniam iuxta doctrinam istam concedi debet, reperiri casum, in quo motus concupiscentiæ circa illicita non noceat nobis, & ex consequenti non imputetur ad culpam. *Alterum* est, conciliū supponere ut certum, motus istos posse excitari in nobis ante omnem consensum voluntatis, & etiam posse continuari repugnante voluntate: quoniam dicit, non nocere non consentientibus, sed utriusque repugnans; Ex quo etiam potest alio modo colligi intentum, quoniam, cum nihil sit peccatum, nisi sit voluntarium, bene sequitur, motus istos posse esse in nobis sine culpa, si possunt esse sine consensu voluntatis. *Neque potest responderi*, conciliū esse intelligendum tantum de motibus, qui inturgunt ex organi alteratione; quoniam conciliū loquitur absolute, & sine ulla limitatione de concupiscentia.

SECUNDO non solum ex organi immutatione, sed etiam ex apprehensione imaginariæ possunt insurgere in nobis motus concupiscentiæ circa illicita, sine consensu & negligentia voluntatis, ergo & sine culpa, Cōsequenter patet ex testimonijs sanctorum, quibus dubio præcedenti probavi contra CAR. non reperiri peccatum sine ordine ad consensum voluntatis, aut formale, aut interpretativum Et videtur colligi ex testimonio adducto CONC. TAL. ibi dicitur, concupiscentiæ motum non nocere non consentientibus; ergo ante omnem consensum voluntatis non potest imputari ad culpam; quoniam noceret ei, cui imputaretur. *Antecedenti* vero probatur: quia posita imaginatione obiecti turpis, naturaliter, & subito insurgit motus in sensualitate, ut constat experientia; & colligitur ex AUGUST. t. 1. l. 3. de libero arbitrio dicente, impossibile esse, quod non tangamur visis: Sed prædicta imaginatio non semper potest à nostra voluntate impediri: quia sæpe insurgit ex subita & insperata visione obiecti præsentis, quæ nos nullo modo possumus prævenire aut vitare: & sæpe

etiam

etiam sine noua satisfactione externa, & nobis alijs de rebus cogitantibus; ergo neq; motus concupiscentiæ potest à nobis impediri, ne insurgat, & ex consequenti insurgit sine consensu, aut negligentia voluntatis.

Cōfirmatur 1. quia Deus nō obligat ad impossibile, ut definitur, in CON. TR. 1. ff. 6. decreto de iustificatione c. 11 & can. 18. ergo neque obligat ad impediendū, ne insurgat motus de quibus in isto argumento loquimur; ergo motus illi nō sūt peccata. **Hec 2. consequenti** patet: quia nō potest esse peccatum, de quo hic loquimur, sine violatione legis; Et **prima probatur**, quia nō est in nostra potestate præuenire, ne insurgat illi motus. **Neq; potest responderi**, esse hoc in nostra potestate quoad singulos motus, licet nō quoad omnes; **quoniam** in argumento loquimur de motu determinato, & de apprehensione imaginationis determinata.

Cōfirmatur 2. quia, si motus isti, quos impedire nō possumus, esset peccata; nō posset esse verū id, quod Paulus dicit, 1. ad Corinth. 10. *Fidelis Deus, qui non patitur vos errari, supra id quod præstis.*

TERCIO PROBATVR testimoniis scripturæ. Nā imprimis **ECCLES. 18.** dicitur, *post concupiscentias tuas ne eas*, id est, ut exponit **AVG. 1. 7. l. 3. cōtra Iulian. c. 3.** ne cōsētiās eis; & statim; *Si præstes animæ tuæ concupiscentias eius, faciet te gaudiū inimicis tuis*, hoc est, ut exponit ibidē **AVG.** Si præstiteris animæ tuæ desideria eius mala, sc. cōsentiēdo eis, faciet te gaudiū diabolo & angelis eius, qui sūt inimici atq; inuidi nostri; vbi aperte supponitur, posse esse in nobis desideria mala appetitus, sine cōsensu volūtatis, & sine peccato, quoniā per peccatū efficiamur gaudiū diabolo. Item **PAVLVS** cū ad **Rō. 7.** etiā de iustificatis sub sua persona diserteus, (ut **AVG.** multis in locis, & præcipue **1. 1. l. 1. retract. c. 1. & 1. 7. l. 6. cōtra Iulianū c. 11.** cōtēdit) exaggerasset vitii & corruptionē peccati habitatis in carne, hoc est concupiscētiæ; & dixisset, se mēte seruire legi Dei, carne vero tārū legi peccati, hoc est, tyrannidi concupiscentiæ, & fomitis (ut exponit **CHRYSO.**) atq; proinde simul pati motus illos concupiscētiæ, & volūtate atq; mēte resistere eis; intulit in principio c. 8. *Nihil ergo nūc dānationis est* (sc. propter motus illos impuros insurgētes ex concupiscētiā) *q̄s, qui sūt in Christo Iesu, (sc. renati per baptisimū) qui nō secundū carnē ambulant, id est, qui nō obediūt nec cōsentiūt impuris illis motibus, quos caro excitat & suggerit.* Et postea in eodē ca. *Ergo fratres debitorēs sumus, nō carni, ut secundū carnē viuamus; si enim secundū carnē vixeritis, moriemini; si autē spiritu facta carnis mortificaueritis, uiuetis.* Vbi admonet, non esse viuendū ex carnis libidine, sed ex præscripto spiritus, & eius vigore mortificādas esse carnis cupiditates, quas iuxta **CHRYSOS.** intelligit per facta carnis, ut euadamus eā mortē, ad quā, eis cōsentiēdo, properamus. Atq; proinde supponit, posse in nobis excitari cupiditates istas, sine cōsensu volūtatis, & sine culpa. Et tandē **IACOBI 1.** ita dicitur *unusquisq; tentatur à sua concupiscentia abstractus & illecebus; deinde concupiscentia, cū conciperit, parit peccatū.* Vbi aperte significatur, motū, quo concupiscentia allicit & attrahit voluntatem, ut assentiat ei, nō esse peccatū, sed præcedere eius paritū. Et ita **AVG. 1. 7. l. 5. cōtra Iulianū c. 3.** exponēs ista verba sic ait. *Concupiscentia nō parit (sc. peccatum) nisi conceperit; nō concipit, nisi illexerit,* hoc est, ad malū perpetrandū obtinuerit voluntatis assensum; & idem repetit **lib. 6. c. 11.**

VLTIMO PROBATVR testimonijs sanctorū. Nā

AVG. docet hoc expresse in isto testimonio; & in eodē **l. c. 3.** vbi sic ait, *Frustra dictū est, post concupiscentias tuas nō eas, si quisq; reus est, quia tumultuantes, & ad mala trahere nūcietes scit eas, nec eas sequitur, si nō eis traditur, exercens aduersus eas gloriosa certamina;* & alijs innumeris locis, quæ optime cōgerūt **Hieron. Turriā. l. 2. cōfessionis Augustinianæ, c. 2. n. 2.** vsque ad finē. Et **Tiletanus** in apologia pro Cōc. Trid. p. 1. c. de reliquijs peccati originalis post baptisimū in quo exponit canones cōcilij de peccato originali, qui habētur. **ff. 3. Idē** dicit **ANSEL.** super illud ad **Rōm. 7.** *Sed quod habuit in me peccatum;* & super verba, quæ retuli ex **c. 8. BERN. 1. 8.** in illud **Psā. 4. Sacrificasti sacrificiū iustitiæ.** **GRE. 1. 6.** expositionis in **1. Reg. c. 2.** circa finē: vbi adducēs illud ad **Rōm. 7.** *Id nō ego operor illud, quod habuit in me, peccatū,* dicit, ex peccato originali pronenire, quod lex mēbroū, hoc est concupiscētiā, exciter in nobis motus carnis inordinatos, præter volūtate nostrā, & nobis inuitis: vbi aperte insinuat, posse motus illos excitari sine peccato, quia nemo inuicē peccat. Et toto illo c. & præcedētū multa dicit ad hoc propositū. Et **1. 11. mo.**

B. c. 3. vbi ita inquit. *Et nimirū mēte nequaquā cogitatio immūda inquinat, cū pulsāt, sed cū hanc sibi per delectationē subiungat;* & statim adducens pro hac sententiā illud. **1. Cor. 10.** *Tentatio vos nō apprehēdit, nisi humana;* sic ait; *Humana quippe tentatio est, quā plerūq; in cogitatione tangimur etiā nolentes, quia ut nōnūquā etiā illicita ad animū veniat, hoc vitū, in nobismetipsis ex humanitatis corruptibilibus pōdere pronenit.* Et **BERN.** ser. 36. in Cantica: vbi loquēs de primis motibus concupiscētiæ, & de cōsensu volūtatis, & de executione operis, & de cōsuetudine, ita inquit: *Cura ergo concupiscētiæ priori totis resistere viribus, ut non perirabat in cōsensū, & omnis deinceps malignitatis fabrica euanescat nec est omnino quod spōn prohibeat appropinquare tibi, præter solū parietē corporis.* Quibus verbis aperte supponit, primos illos motus nō esse peccata: quoniā etiā ipsi impediēt eā approximationē (pōsi), de quo ibi loquitur **BER.** Et idem docet expresse ser. 5. de quadrag. cuius initium est: *Caritas quā pro vobis.*

5. 3. Contra Remitiū heretici explicationem. Item quo contra Henricum doctorem solennem.

C. EX HAC CONCLVSIONE SEQUITVR 1. reijciendā esse omnino sententiā, quæ dixerit, omnes motus appetitus circa illicita esse peccata, siue quia omnes sūt in potestate volūtatis, ut retulimus dixisse aliquos Theologos; siue quia non est hoc necessariū, ut sint peccata, sed sufficit deordinatio & deformitas, quæ secūdū se habēt, ut dicūt Heretici, cōtra quos directe pugnat definitio **Con. Trid.** & testimonia scripturæ, & sanctorum supra adducta.

Neq; admittendū est id quod **REMITIVS** hereticus (ut refert **TILATAN. l. c.**) responderat testim. **AVG.** sc. intelligēda esse de peccato sūpro politicē, & secūdū vulgi vsurpationē, iuxta quā requiritur ad ipsū, quod sit volūtariū: nō tamē in ordine ad legē Dei. Quoniā, ut sup. probaui, peccatum sumptū ad legem Dei, & prout respectu ei⁹ imputatur ad culpā, debet esse volūtariū. Et cōfirmari potest, quoniā scriptura solū imputat ad culpā violationē volūtariā legis, ut **Deut. 18.** *Quod si audire nolueris vocē domini Dei tui, ut custodias & facias omnia mādāta eius, & cetera monias quas ego præcipio tibi hodie: veni super te omnes maledictiones istæ.* Et **c. 30.** *Cōsidera, quod hodie proposuerim in cōpactū tuo vitā & bonū, & contrariū mortē & malū, ut diligas dominū Deū tuū, & post pauca: Si autem*

*autem sicut cor tuum, & audire nolueris. Et item
[Mat. 13.] volueris & audieris me, bona terra co-
metetur: quod fructificabit, & me ad iracundiam pro-
moueris, gladius deorabit te: Et Math. 15. de
cordo exenti cogitationes mala, homicidia, adulteria,
&c. hoc sunt quæ conquinant hominem.*

Secundo sequitur, etiam esse reiiciendam
sententiam HENRICI, qui quodlibet 6. q. 12. di-
cit, motus istos in renatis esse formaliter peccata
actualia, quia per propriam cuiusque concupis-
centiam committuntur; & ut sine voluntarij, quod
tunc requiritur ad peccatum actuale, satis esse, quod
educantur ad actum propriæ voluntatis, in quan-
tum scilicet aliquis non curat suscipere sacramen-
tum regenerationis; aut ad actum voluntatis primi
parentis, qui fuit principium concupiscentiæ;
ex qua isti motus procedunt. Et contra eum faciunt
omnia, quæ adducta sunt pro nostra conclusione, si
recte perpendantur.

Et Confirmatur: quia vel ratio disparitatis sumi-
tur ex defectu baptismi in non renatis, vel ex eo quod
eis tantum voluntarij sunt illi motus, Primum dici
non potest, quia recte aduertit D. THOMAS infra q.
89. art. 1. Dignitas persone non minuit peccatum,
sed potius augeat, ut etiam ipse docuit q. præce-
denti art. 10. & ita motus sensibiles non minus
erunt peccata in baptizatis, quia sunt baptizati, quā
in non baptizatis. Neque secundum, quia eodem modo
procedunt in omnibus isti motus ex voluntate A-
dæ, scilicet, ut ex remouente iusticiam originalem,
qua impediuntur. Quod vero isti motus in non re-
natis non dicantur voluntarij per ordinem ad vo-
luntates ipsorum, quatenus non curant suscipere
baptismum, probatur: quia per baptismum non fit,
ne insurgant: ergo neque per voluntarium non sus-
ceptionem baptismi fit, quod insurgant. Et præ-
terea, quia potest contingere, quod non sit volunta-
ria ista non susceptio baptismi, ut in ignorante in-
iunctibiliter baptismum.

Neque obstat, quod, cum CONCILIVM TRIDENTI-
NUM loco citato definit, motus istos non esse pecca-
ta, loquatur solum de renatis: quoniam per hoc
non negant, esse eandem rationem de non renatis:
sed definiit solum expresse id, quod suo iustitiae
erat necessarium; nam quoniam dixit, et per bap-
tismum remitti peccatum originale, & collit totū id,
quod verum & propriam rationem peccati habet:
ideo voluit explicare, concupiscentiam in bap-
tizatis non esse proprie peccatum; & in quo sensu
sit accipiendum, cum ab Apostolo, Paulo appella-
tur peccatum.

Neque etiam obstat, quod in testimonio addu-
cto ex principio capitis 8. Epistolæ ad Romanos,
loquatur de baptizatis: non enim voluit significare,
sieri per baptismum, ut motus concupiscentie, qui
ante ipsam essent peccata, non sint peccata post
ipsam, sed quoniam motus illi, quamvis secundum
se non essent peccata, poterant cedere nobis in dā-
nationem, extorqueudo suam opportunitate & vio-
lentia à nobis consensum: ideo voluit explicare,
quod neque hoc modo est aliquid damnationis in
renatis, quia per Christum peculiariter factum est
hoc, quod neque natura, neque lex scripta præla-
te potuit, ut iam non ita possit concupiscentia exerce-
ri in nos suam vim & tyrannidem; nam quamvis
ipsa suis motibus nos preueniat, & sollicitet: tamen
per gratiam, quæ nobis beneficio Christi cōstet, ut

possumus non obedire ipsi, & resistere suis motibus,
& ita in ipsi, qui renati sunt, non solum est verū, nihil
ille damnationis propter motus concupiscentiæ,
quia humilioris motus secundum se, non sint pec-
cata: sed etiam, quia non sunt adeo potentes ad
extorqueendum consensum, propter vires gratiæ,
quas ipsi renati habent.

§. 4. Quando motus circa illicita fiat vel non
sit peccata.

SECONDA CONCLUSIO: Illi tantum motus con-
cupiscentiæ circa illicita sunt peccata, quibus volun-
tas aliquo modo consentit, scilicet aut formaliter, aut
virtualiter, aut interpretative. Pro explanatione &
probatione huius conclusionis, ADVERTIT, volun-
tatem tribus modis posse consentire alicui motui
appetitui. Primo formaliter, ut cum habet volitionem
formalem terminatam ad actum ipsum, ut si ve-
lit excitare eam, aut in eo iam excitato compla-
ceat formaliter. Secundo virtualiter, ut cum vult a-
liquod, quod est causa illius motus sicut cogitationes,
& sermones de rebus oblectamentis, sunt causæ
motuum venereorum. Tercio interpretative, & indi-
recte, ut cum potest, & teneat recipere motus
illos, aut eis aliquo modo resistere, non id facit.

Hæc supposita probatur conclusio, Et in primis
quod motus, quibus voluntas non consentit ali-
quo ex istis modis, non sint peccata, satis patet ex
eis, quæ diximus dubio præcedenti, ubi probaui-
mus motum appetitus sensitivi secundum se, & si-
ne ordine ad consensum voluntatis, non esse pecca-
tum, & ex precedenti conclusione.

Quod vero satis sit, voluntatē consentire quocun-
que ex illis tribus modis, probatur: quia satis est,
ut motus appetitus sit voluntarius; & quicunque
motus voluntarius habens malum obiectum est
malum & peccatum.

Verum aduertendum est, quod, cum dicimus, sus-
citere quemcunque consensum voluntatis ex illis
tribus, ut motus appetitus imputetur ad culpam &
supponimus adesse omnia, quæ ex parte libera-
tionis requiruntur ad peccatum, nam hic non dis-
putamus, an, sicut in appetitu sensitivo, ita etiam in
voluntate dentur motus subij, præuenientes deli-
berationem actualem, & facultatem, cum requisi-
tis ad deliberandum, quæ sit sufficiens ad discer-
nendum saltem inter bonum & malum in com-
muni, de quo forsan postea dicemus aliquid.

TERCIA CONCLUSIO: Ut voluntas dicatur con-
sistere virtualiter praelitis motibus, non satis est, quod
præbeat quomodocunque, aut qualitercunque consensum
ipsorum; sed requiritur, quod aut præbeat consensum per
se, aut saltem consensum per accidens, cum aliis præ-
uentionibus ipsorum motuum, ut fuerint motus ex vi talis
causæ; aut saltem periculis imminentis torum, dum-
modo necessitas aut utilitas talis causæ non excuset ab
obligatione viuendi illis motus. Hæc conclusio quod
ad omnes suas partes patet ex eis, quæ dixi qua-
estione præcedenti, articulo 8. dubio 4. de nocu-
mento, quod sequitur per accidens ex peccato, &
explicabitur magis art. 8. huius questionis.

ULTIMA CONCLUSIO: Ut voluntas possit re-
primere motus appetitus, sine requiritur ut non
reprimendo consentiat consentire eis interpretative;
SI necessa-

necessarium est quod intellectus alius aduertat, eos excitari aut excitatos esse. Probatur primo, quoniam D. THOMAS in solutione 2. argumēti huius articuli, vt explicat qua ratione voluntas possit vitare motus inordinatos appetitus, ita vt imputentur ipsi ad culpam, inquit, quod potest reprimere singulos, si presentiat eos: constat autem quod presentire est actu cognoscere siue aduertere.

Deinde probatur ratione: quia voluntas non potest velle aliquid, nisi sit actu cognitū, iuxta illud nihil volitum quin præcognitū: ergo neque potest reprimere motum appetitus, nisi talis motus sit actu cognitus ab intellectu. *Paret consequentia*, quia voluntas reprimat motum volendo reprimere, aut apponere media, quæ ad id sunt necessaria: ergo ipse motus est obiectum volitionis illius, aut pars obiecti totalis, quod est ipse motus vt reprimendus, & ex cōsequēti necessario debet esse cognitus.

Confirmatur primo, quia voluntas nō potest velle occidere aliquē hominē determinate, nisi præsupposita cognitione eiusdē hominis: ergo neque potest velle reprimere aliquē motū concupiscentiæ determinatum, nisi præsupposita cognitione actuali talis motus.

Confirmatur secundo, quia vt voluntas possit reprimere aliquem motum sensualitatis, sicut requiritur ad propositum, non satis est, quod habeat potentiam remotam ad reprimendum; alias de nullo motu posset dici, quod est inuoluntarius, quia voluntas non possit reprimere eum: sed requiritur quod habeat potentiam proximam hoc est cum omnibus requisitis vt reducat se in actum reprimendi, & resistendi: sed vnum ex istis est aduerti motus illos, ergo.

SED QUÆRES, an necessarium sit, motus illos aduerti quantum ad eorum malitiam, & quatenus sunt lege prohibiti; vel potius sit satis aduerti secundum eorum entitatem & substantiam naturalem? RESPONDETUR, supponendum esse, quod non adsit ignorantia inuincibilis, quæ opponatur scientiæ habituali de malitia vel prohibitione, quoniam hæc sine dubio excusant à culpa; sed solum inconsideratio, aut inaduerterentia actualis; & hoc supposito, vtendum est distinctione: aut enim motus illi sunt mali, quia prohibiti iure naturali; aut quia prohibiti iure positivo; Et de prioribus dico, satis esse aduerti quoad entitates determinatas ad proprios terminos in genere naturæ; vt v.g. quod est appetitus accedendi ad non suam; aut sumendi vindictam, vel accipiendi alienum sine consensu domini, quamuis nō aduertatur esse istos actus malos, aut lege prohibitos. De posterioribus vero dico, nō satis esse hoc, sed necessarium esse, aduerti, quod sunt mali, aut prohibiti, vel dubij, vel periculosi, vel digni examine; si enim aliquis sentiat in se appetitum comedendi carnes tempore, quo est prohibitum comedere, & non recorderetur prohibitionis, neque aduertat actum illum esse malum, aut periculosum, neque de eo aliquo modo dubitet: non peccabit, si non reprimat appetitum illum, sicut neque, qui cum simili inaduerterentia comedat. Et ratio discriminis est, quia prohibitio & malitia est necessario adiuncta prioribus actibus, & ideo sufficit cognitio eorum quoad suum materiale, vt voluntas habeat sufficiens principium, vt possit excitare & applicare intellectum ad considerandum ipsum quoad prohibitionem vel malitiam, & hoc est satis, vt inconsideratio harū conditionum scilicet prohibitionis,

semali tæ respectu eorum, non sit inuincibilis, sed voluntaria indirecte, & ex consequenti, vt non reddat inuoluntarios illos motus quantum ad malitiam vel prohibitionē. At vero posterioribus actibus prohibitio & malitia adiungitur accidentaliter & omnino contingenter, & ideo consideratio eorum quoad suas entitates naturales non sufficit, vt voluntas habeat sufficiens principium ad applicandum intellectum ad considerandum prohibitionem vel malitiam. Et hoc est aduertendū quādo inconsideratio actualis sit inuoluntaria & inuincibilis, & excuset à peccato, de quo dicemus plura infra q. 76.

Ex dictis in hoc dubio intelligitur facile illa cōmunis diuisio motuum appetitus in motus primos, & secundo primos, & deliberatos. Nā primo primi dicuntur, qui præueniunt omnem deliberationem & negligentiam rationis & voluntatis ad reprimendum: & secundo primi, quia præueniunt plenam deliberationem rationis, & consensum voluntatis, non tamen omnē, sed sunt cum aliqua deliberatione, vel formali, vel interpretatiua quæ dicitur semiplena, & inchoata. Et tandem deliberati dicuntur, qui sequuntur plenam & perfectam deliberationem rationis, siue formalem, siue virtuale & consensum voluntatis. De primis diximus, carere omni culpa; & de reliquis hactenus solum est explicatum non esse sine culpa; postea vero, cum agemus de delectatione morosa dicemus in secundo primis esse culpam venialem, & plene deliberatis esse culpam mortalem, si materia sit mortalis. An vero etiam in voluntate sint distinguēdi isti tres actus, forsā explicabitur in fine huius questionis.

§. 5. Ad argumenta in iis dubij proposita.

AD PRIMVM respondetur, negando antecedēs quoad secundam partem, scilicet omnes illos motus esse voluntarios; & ad probationem negandū est, quod ratio possit semper præuenire apprehensionem imaginationis, ex qua illi motus insurgunt, & ita impedire eam: quia sæpe imaginatio excitatur à causa quæ non subiacet nostræ voluntati, vt ab alteratione secundum aliquam qualitatem; vel à dæmone, vt docet D. THOMAS q. 3. de malo art. 4. vel visione aut conditione alicuius obiecti, vt dicebam in argumento quo probaui primam conclusionem. Quod si obijcias, motus istos semper esse voluntarios, saltem voluntate primi parentis, vt supra retuli ex Henrico; Respondetur, nō sufficere hoc ad peccatum actuale, de quo in presenti loquimur, sed requiri quod sit voluntarium propria voluntate.

AD SECVNDVM respondetur negando sequelā, & ad probationem dicendum est cum D. THOMAS 3. parte quæst. 14. art. 4. Christum non assumpsisse defectus naturales, qui repugnant plenitudini scientiæ, & gratiæ, quam ipse habuit; & huiusmodi motus repugnare plenitudini gratiæ & virtutum, quæ non minus cohibebat omnes istos motus in Christo quam iustitia originalis in Adā. Est etiam secunda ratio, quod cum motus isti sint mali obiectiue, & tales suapte natura, quod si essent voliti, essent mali moraliter:

videtur

videtur indecens quod fuerint in Christo. Et addi potest 3. Quod cum motus isti solum excusentur à culpa propter defectum deliberationis, & aduertentia, & propter impotentiam ad impediendum ne insurgant: non possent esse sine culpa in Christo, qui poterat eos vitare, & nullum habebat actum sine aduertentia & deliberatione.

AD TERTIUM respondetur, AUGUSTINUM tribus de causis dicere, motus illos esse malos, & vitia, quamvis proprie non sint peccata; *Prima* quoniam sunt mali obiectiue, & accedente consensu voluntatis sunt peccata; *Secunda* quoniam sunt effectus peccati, & inclinant ad consensum voluntatis, qui est peccatum; *Tertia*, quoniam sunt quædā deprauatio & corruptio naturæ, quæ est satis ut possint dici vitium & malum ipsius: & omnes istæ rationes insinuantur ab AUGUSTINO locis adductis in argumento, & alijs multis congestis à Turriano & Tiletano locis supra citatis.

ARTICVLVS IV.

Verum in sensualitate possit esse peccatum mortale?

CONCLUSIO. Peccatum mortale non potest esse in sensualitate sed solum in ratione. Et addendum est ex solutione tertiæ, posse esse in ea peccatum veniale.

COMMENTARIVS.

I. DVBIUM.

An sit vera conclusio articuli?

TOTA RATIO dubitandi circa conclusionem hanc sumitur ex eis, quæ dicta sunt articulo præcedenti. Nam vel D. THO. loquitur in ea de sensualitate secundum se, vel quatenus subest imperio voluntatis; si priori modo loquatur, sequitur esse falsam secundam partem conclusionis, scilicet, peccatum veniale posse esse in sensualitate, nam (ut loco citato probaui) motus sensualitatis sumpti secundum se, & sine ordine ad voluntatem, nullam habent rationem culpæ; Si vero loquatur posteriori modo, sequitur esse falsam primam partem conclusionis, quoniam motus sensualitatis ut subest voluntati bene potest esse peccatum mortale, si habeat pro obiecto materiam peccati mortalis v.g. fornicationem, vel homicidium, & adsit plena deliberatio & consensus voluntatis sufficiens ad peccatum mortale.

IN HAC dubitatione magis est difficultas de sensu D. THO. quam de re. Nam de re satis constat, debere concedi, posse esse peccatum mortale in appetitu sensitivo, quatenus subest imperio voluntatis, ita tamen ut peccatum illud, quoad suum materiale sit subiectiue in appetitu, & quoad formale sit in voluntate, ut explicui art. 2. huius quæst. & probatur exëplo adducto in ratione dubitandi: nam in eo casu non potest negari motum appetitus esse peccatum mortale, cum ex suppositione neque ex parte materie aut obiecti, neque ex parte deliberationis, neque ex parte consensu desit ei aliquid ex ijs, quæ requiruntur ut aliquis actus sit peccatum mortale.

Et Confirmatur ratione delumpta ex D. THOM. art. præcedenti: Nā in illa potentia potest esse peccatum mortale, cuius actus potest esse voluntarius & inordinatus inordinatione propria peccati mortalis: sed actus sensualitatis potest esse voluntarius, in quantum sensualitas nata est moueri à voluntate, & potest esse inordinatus illo modo, si versetur circa materiam prohibita præcepto obligante sub mortali; ergo in sensualitate potest esse peccatum mortale.

Quod si a obijciat, inordinatio peccati mortalis, cum consistat in auersione à fine ultimo, necessario est in voluntate, cuius est ordinare & mouere in finem, quoniam opposita habent idem subiectum: ergo non est in sensualitate. Respondetur distinguendo antecedens; si enim sit eius sensus quod illa inordinatio est formaliter & subiectiue in voluntate, verum est; si autem sensus sit, quod ita est in eo, ut nullo modo deriuetur ad alias potestates, vel ad earum actus, falsum est; quia sicut à libertate in perij voluntatis habet actus sensualitatis, & reliquarum potentialium, quæ ei subiiciuntur, quod sint liberi, saltem secundum denominationem extrinsecam; ita etiam ab eius inordinatione formali habent quod sint formaliter inordinati & mali secundum eandem denominationem, quam D. THO. appellat esse liberos & inordinatos participatiue.

SED DIFFICULTAS est, cur D. THO. id negauerit de peccato mortali, & concesserit de veniali? Ad quam responder CAIET. D. THOM. tribuisse sensualitati peccatum veniale, quia conuenit ipsi consideratæ secundum se, & secundum sibi propria: & denegasse peccatum mortale, quia solum conuenit ipsi ratione voluntatis, & quatenus subest eius imperio. Sed hæc sententia satis impugnata est art. præcedenti. Alij dicunt, D. THOM. nomine sensualitatis intelligere appetitum sensitivum non absolute, sed quatenus suis motibus præuenit deliberationem rationis, & secundum istam rationem solum esse capacem peccati venialis. Sed neque hoc placet, quoniam (ut art. præcedenti probaui) D. THO. hic sumit sensualitatem pro appetitu. Item, quia rationes, quibus D. THO. in argumento, Sed contra, & in corpore articuli probat, non esse in sensualitate peccatum mortale, habent eandem vim respectu appetitus absolute sumpti.

Ideo aliter respondetur, D. THO. non negare, peccatum mortale esse in sensualitate, ut in subiecto: sed solum tanquam in principio suo; & hoc modo concedere esse in ipsa peccatum veniale: Ratio vero discriminis est; quia ad peccatum mortale requiritur plena deliberatio aut formalis, aut interpretatiua; & hæc nihil habet ratione cuius possit sensualitas dici principium ipsius, sed omnino pertinet ad rationem: at vero ad peccatum veniale sufficit semiplena & imperfecta deliberatio, & hæc saltem quantum ad imperfectionem, habet pro principio sensualitatem, quia sensualitas, quatenus suis motibus præuenit rationem, potest esse causa, ut imperfecte deliberemus circa agenda vel vitanda.

SECUNDO potest dubitari, supposito quod actus appetitus sensitivi possit esse peccatum mortale & veniale; quando erit mortale, & quando veniale? sed de hoc dicemus art. 8. ubi explicabimus eandem difficultatem de delectatione morosa.

VLTIMVM DVBIVM.

An quando motus appetitus est peccatum mortale, aut veniale, propter negligentiam voluntatis in reprimendo ipsum; sit peccatum commissionis, vel omissionis?

§. 1. Scotus affirmat esse peccatum omissionis.

ET LOQUITUR in casu, quo voluntas nullum habet consensum formalem, neque perfectum, qui sufficiat ad peccatum mortale, neque imperfectum, qui sufficiat ad veniale; nam quando habet aliquem consensum ex istis, nihil deest ad peccatum commissionis. Ad hoc SCOTVS in 2. distinctione 42. in solutione 3. questionis §. *ad primum*, dicit esse peccatum omissionis. Et idem videtur sentire ALMAINVS tract. 3. Moral. capite 24. ubi etiam refert pro eadem sententia Henricum, qui videtur eam sequi quodlibeto 6. quæstione 32. & probatur, quoniam tota malitia & inordinatio istius motus, est formaliter & subiectiue in voluntate, ut ex supradictis constat: sed in voluntate nulla est malitia aut inordinatio præter eam, quæ consistit in omissione actus reprimendi: ergo tota malitia illius motus consistit in omissione, & ex consequenti est peccatum omissionis.

Confirmatur, quia negligentia in reprimendo non importat actum, sed omissionem actus debiti:

Confirmatur secundo, quoniam si nauta sit negligens in gubernatione navis, & ex eo sequatur submersio navis, peccat peccato omissionis: & idem est de eo, qui non dat eleemosynam constituto in extremam necessitate, qui propterea moritur; ergo similiter negligentia voluntatis in reprimendo motus appetitus est peccatum omissionis.

§. 2. Melius tamen Caietanus, esse peccatum commissionis.

SED NIHILOMINVS oppositum existimo esse verum, cum CAIETANO articulo præcedenti, & CORDVBA libro 1. quæstione 23. dubio 15. Et probatur; quia peccatum istud consistit in violatione præcepti negatiui, v. g. non fornicandi, si motus appetitus sit circa res venereas: ergo est peccatum commissionis: antecedens patet, quia peccatum istud non est contra duo præcepta, quorum vnum sit affirmatiuum & alterum negatiuum, alias haberet duas malitias specie distinctas; sed contra vnum negatiuum primario, quo prohibetur ille motus, & consequenter negatio actus reprimendi ipsum. Et *consequentia* probatur quia, ut dixi supra quæstione 71. art. 5. præceptum negatiuum non violatur omissione, sed commissione.

Et Confirmatur primo, quia (ut ibi dixi) volitio formalis omittendi v. g. audire sacrum, est peccatum omissionis, quamuis sit actus, quia est contra

A præceptum affirmatiuum: ergo similiter negatio actus reprimendi motum illum est peccatum commissionis, quoniam opponitur præcepto negatiuo.

Confirmatur secundo, quoniam malitia obiectiua à qua sumitur tota malitia formalis, quæ constituit hoc peccatum, consistit in oppositione cum præcepto negatiuo: ergo etiam malitia formalis, & ex consequenti constituit peccatum commissionis.

§. 3. Soluitur fundamentum Scoti.

AD ARGUMENTVM concessa maiori & minori neganda est consequentia, quoniam omissio non sumitur eodem modo in minori, & in consequente; nam in *minore* sumitur pro negatione, aut carentia actus debiti absolute; in *consequenti* vero sumitur determinate pro peccato omissionis; & inter hæc duo est magnum discrimen, nam carentia actus debiti potest opponi præcepto negatiuo, ratione cuius sit debitus, saltem consequenter, ille actus, ut explicui; at vero peccatum omissionis importat oppositionem cum præcepto affirmatiuo. Et ita dico, inordinationem, de qua in minori dicitur, in omissione actus reprimendi motum sensualitatis esse inordinationem peccati commissionis.

Et ex hoc patet solutio ad primam confirmationem. Ad secundam, transeat antecedens, & nego consequentiam; & ratio discriminis est, quia in *casibus antecedentis*, negationes actuum gubernandi nauim, & dandi eleemosynam, opponuntur præceptis affirmatiuis, at vero negligentia voluntatis in casu *consequentis* opponitur præcepto negatiuo. Verum est quod CAIETANVS dicit, peccatum, quod est in primo exemplo antecedentis, esse commissionis, quia forte existimauit opponi præcepto negatiuo.

ARTICVLVS V.

Utrum in ratione possit esse peccatum?

C PRIMA CONCLUSIO. In ratione sumpta secundum se, hoc est, quatenus est cognoscitina veri, reperitur peccatum, quando habet ignorantiam, vel errorem circa id, quod potest & debet scire.

SECUNDA CONCLUSIO. In ratione sumpta quatenus est directiua aliarum virium, est peccatum, quando inordinatos actus inferiorum virium vel imperat, vel etiam post deliberationem non coerces.

COMMENTARIVS.

CIRCA titulum Nota, rationem & intellectum esse vnā potentiam, quæ per respectum ad distinctos actus appellatur his diuersis nominibus: nam quatenus discursu quodam, & quasi motu tendit ex vna in aliud, ad acquirendam cognitionem alicuius veritatis, dicitur *ratio*: quatenus vero simplici apprehensione, & quasi quiescendo, intelligit veritatem, dicitur *intellectus*: de quo discrimine agit D. THO. 1. parte q. 79. art. 8. & ita idem est inquirere, an in ratione possit esse peccatum & an possit esse in intellectu & hoc vult explicare D. T. in hoc art.

CIRCA primam conclusionem aduerte primo,

D. THO.

D. THOMAS in ea docere, certa quædam peccata, scilicet ea, quæ ex genere suo consummantur in intellectu, esse secundum proprias species in intellectu ipso, tanquam in subiecto: & reducere ea ad duo capita, quæ sunt *error positivus* & *ignorantia* eorū quæ possumus, & tenemur scire, de quibus satis constat quod secundum suas proprias species sint subiective in intellectu, quoniam isto modo est in eo cognitio veritatis, cui opponuntur; & quod etiā possint esse peccata probatur, quoniam possunt opponi aut cognitioni, aut perfectioni ipsius, quæ possumus & debemus habere; & peccatum in aliqua potentia appellatur defectus operationis debite, aut perfectionis ipsius operationis.

Quando tamen sint actus peccata explicat CAJETANVS, cōstituendo inter ipsa hoc discriminē, quod ignorantia nō semper est peccatum, etiam si sit voluntaria: sed solum est peccatum, quando est de rebus, quas possumus, & tenemur scire; error vero, si est voluntarius, semper est peccatum, etiam si sit de rebus, quas nō tenemur scire. Et probatur, quoniam error est contrarius & repugnans naturæ rationali, quatenus rationalis est: ergo si sit voluntarius, erit peccatum; *consequentia* patet; quia ut aliquis actus sit peccatū, satis est, quod repugnet naturæ rationali, & sit voluntarius; & *antecedens* probatur; quia quicumque error repugnat perfectioni intellectus, quæ consistit in cognitione veritatis.

Confirmatur primo, quia licet non teneamur scire omnia, tenemur tamen non abuti potentijs contra naturalem ordinem ipsarum; est autem contra ordinem à natura inditum intellectui, assentiri falso, scienter, & consulto.

Confirmatur secundo, quia error est quoddā malū naturale intellectus, & non potest ordinari in bonū finem, ergo peccatum est velle ipsum scienter.

SED OBJICITUR. Error intellectus circa res, quas nō tenemur scire, nō potest esse voluntarius: ergo neque peccatum; *consequentia* patet, quia nihil potest esse peccatum, nisi sit voluntarium: Et *antecedens* probatur, quia intellectus non potest assentiri alicui obiecto, nisi proponatur ipsi ut verum, & cum motivo ad assentiendū ei ut vero; quia sicut voluntas non potest amare aliquid nisi ut bonum, quoniam obiectum amoris est bonum: ita intellectus non poterit assentiri obiecto nisi ut vero, quia etiā obiectum assensus est verum: Quod autem hoc sufficiat, ut error non sit voluntarius, probatur; *Tum quia* non provenit ex voluntate specificatio actus intellectus, id est quod sit assensus falsi, atque proinde neque quod sit error, sed ex motivo ad assentiendum, quod est veritas: *Tum etiam*, quia alias etiam quando assensus opinativus est, de facto falsus, dicetur ille error voluntarius, & peccatum, quod nemo concedet.

AD HOC, qui concedunt posse voluntatem applicare & determinare intellectum ad assentiendū cuicumque obiecto, quamvis in eo nulla appareat ratio veritatis, respondent facile, negando antecedens: & ad probationem negant id quod in ea assumitur ut certum de intellectu. Alij vero, qui id non admittunt, dicunt argumentum hoc solum concludere, nō esse possibile casum, in quo quis voluntarie assentiat falso: non tamen quod in errore circa prædictam materiam non possit committi peccatum; quia si quis data opera conetur ad assentiendum falso, ille conatus erit peccatum.

Sed hoc non placet, quia cum conatus ille non sit actus intellectus, sed voluntatis: sequitur quod peccatum hoc non sit in intellectu, sed in voluntate. Item, quia falsum est non esse possibile illum casum, ut statim explicabo.

Et ideo aliter Respondetur negando antecedens, & ad probationem dico; quod quamvis intellectus non possit assentiri alicui obiecto, nisi ad hoc habeat aliqua motiva ex parte ipsius obiecti: tamē non est necessarium huiusmodi motiva esse sufficientia ad determinandum ipsum ad assentiendum; & quando sunt sufficientia potest intellectus determinari à libera electione voluntatis, ut D. THOM. docet 2. 2. q. 1. art. 4. & ideo si tunc intellectus decipiatur, dicetur eius error voluntarius, quia quod in illo casu assentiat, non provenit totaliter ex pondere motuorum, sed ex motione voluntatis. Et ad id quod obijciatur de assensu opinatio dicendum est, quod cū intellectus assentitur circa opinabilia sine motivo sufficienti ad indicandum esse probabilia, tunc eius error dicitur voluntarius: quando vero errat opinando probabiliter, hoc est cum motivo sufficienti ad opinandum, tunc error non est voluntarius.

SECUNDO advertendum circa eandem conclusionem, quod malitia & deformitas moralis, à qua error & ignorantia intellectus habent formaliter quod sint peccata, non est in intellectu, neque in eius actibus inhæruere: sed tota in voluntate, ut constat ex eis, quæ supra diximus de appetitu sensitivo; nā quātum ad hoc nihil amplius habet intellectus consideratus secundum se, quam appetitus. Et probatur, quoniam operatio intellectus, quæ est cognitio veritatis, non est secundū se formaliter libera, sed ut subiacet voluntati, & ita hoc docet D. THOM. art. 1. huius quæstionis ad secundum.

CIRCA secundam conclusionem advertendum D. THOM. in ea loqui de omnibus peccatis, etiam si secundum proprias species consummantur in alijs potentijs, & de omnibus dicere, esse aliquo modo in intellectu, scilicet tanquā in dirigente voluntatē in suis actibus; nam quoniam ad ipsum pertinet dirigere voluntatem, ideo ipsi peculiariter tribuuntur omnia peccata, quatenus vel mouet ad actus illicitos, dirigendo ad id, quod non est honestum: vel nō cohibet motus malos, negligēdo, vel omittendo dirigere ad id, quod est honestum; & ita quædā ex illis peccatis tribuuntur ipsi propter positivam causalitatem & directionem; & alia propter negligentiam, vel omissionem dirigēdi; ubi aperte supponit D. THOM. non esse peccatū in alijs potentijs, nisi præcedat aliquis defectus in intellectu ut dirigente eas: si enim intellectus perfecte, & sine defectu dirigat, nulla erit ratio, propter quam ipsi ut dirigēti tribuatur peccatum aliarum virium, quia eo posito nullo modo procedet tale peccatum ab intellectu ut dirigente, sed omnino procedet ex libertate voluntatis, de quo dicemus infra quæstione 77.

SED INQVIRI possunt duo circa hoc, *Primum* est, an, quando peccatum, quod consummat in alia potentia, tribuitur intellectui ut dirigente voluntatem, tribuatur ei formaliter, saltem secundario, & denominatione extrinseca sumpta à malitia illius peccati, quæ primario est in voluntate; ita ut etiam actus, quo intellectus dirigit voluntatem, dicatur malus formaliter malitia illius peccati.

Et idem queri potest de voluntaria negligentia dirigendi. *Ad hoc CAISTANVS* absolute respondet affirmatiue, quoniam existimat, actum, quo intellectus immediate dirigit voluntatem, esse imperium, quod est actus intellectus moti à voluntate, & explicatur his verbis, *Fac hoc* & in isto actu reperitur voluntarium, quoniam subordinatur motioni voluntatis, & etiam reperitur inordinatio illius peccati, quoniam subordinatur motioni inordinatae ratione obiecti illius peccati vt colligitur ex D. Tho. hic art. 3. & supra q. 17. Pro quo aduerte, quod ad actum peccati concurrunt simul duo actus partis rationalis, vnus intellectus, & alter voluntatis: & quoniam concurrunt simul tempore, tamen procedunt se inuicem in diuerso genere causam in genere causae formalis praecedat actus intellectus, quoniam dirigit voluntatem proponendo ei obiectum, quod est mouere primo quoad specificationem; tamen in genere causae efficientis praecedat actus voluntatis, quoniam ex actu intellectus non sequitur opus nisi ratione impulsus voluntatis, quae est primum mouens quoad exercitium; & ille actus intellectus, prout subordinatur actui voluntatis, & quasi accipit ab eo virtutem, dicitur imperium. At si vero dicunt peccatum illud tantum esse in intellectu, tanquam in principio & causa malae electionis, & non formaliter; quoniam existimant, actum, quo intellectus dirigit voluntatem, non esse illud imperium, sed iudicium, quod omnino antecedit actum voluntatis, ex quo immediate procedit peccatum, & ideo non potest participare à voluntate eius malitiam formaliter. Sed haec alibi sunt examinanda: & nunc satis sit explicuisse, quae ratio sit verum secundum veritatem sententiam omnia peccata esse aliquo modo in intellectu.

Saepe inquiri, potest, an actus, quo intellectus dirigit voluntatem, siue sit imperium, siue iudicium, habeat secundum se propriam malitiam moralem, quae sit distincta à malitia peccati, quod ex eo sequitur, & consistat in defectu aliquo pertinente ad intellectum: sed de hoc agemus infra quaestione 77.

ARTICVLVS VI.

Virum peccatum morosa delectationis sit in ratione?

Conclusio. Peccatum istud est in intellectu, quatenus ex deliberatione excitat passiones illicitas, vel non reprimit motum passionis illicitum, postquam deliberatum, esse inordinatum.

COMMENTARIVS.

Haec conclusio manet explicata ex secunda articuli praecedentis; est enim eius sensus. Peccatum istud esse in ratione, vt in principio directiuo; et quo stat, quod sit in voluntate vt in principio mouente ad exercitium, & quoad formale peccati: & quod in appetitu sensitivo sit tanquam in principio proxime elicitiuo, & secundum suam entitatem, vt D. Tho.

docuit articulo 3. Et etiam aduerte intelligendam esse de deliberatione formali, aut virtuali, vel interpretatiua.

ARTICVLVS VII.

Virum peccatum consensus in actum sit in ratione superiori?

Conclusio. Ad rationem superiorem proprie pertinet consensus in actum: ad rationem vero inferiorem pertinet consensus ad delectationem, quamuis aliquando etiam pertineat ad superiorem.

COMMENTARIVS.

QUAESTIONEM hanc cum alijs, quae pertinent ad artic. 9. & 10. excitauit D. THOM. propter AUGUSTINVM, qui tomo secundo libro 11. de Trinitate capite 21. dicit expresse, peccatum, quod consistit in consensu ad opus, pertinere ad rationem superiorem, quam comparat Adamo; & peccatum quod consistit in delectationis cogitatione, pertinere ad inferiorem, quam comparat mulieri hoc est Euz deceptae a serpente. Quid autem sint ratio superior, & inferior, & quomodo differant inter se, explicat ex professo scholasticus cum MAGISTRO in 2. distinctione 34. & D. THOMAS 1. parte quaestione 79. articulo 9. & de veritate quaestione 35. articulo 42. Et nunc ad eius explicationem aduerte: quod quamuis aliquando istae voces viurpentur à Theologis ad significandum distinctas potentias, scilicet intellectum, & cogitationem; tamen frequentius sumuntur pro vna potentia, scilicet intellectu, qui ratione diuersarum operationum aut propter diuersa motiua, vel distinctas regulas suarum operationum, dicitur ratio superior, & inferior, vt etiam docet expresse AUGUSTINVS libro citato capite tertio in principio: Nam quatenus respicit regulas aeternas & diuinas, dicitur ratio superior, & quatenus respicit rationes temporales, & inferiores, dicitur ratio inferior; & quoniam intellectus potest respicere varias rationes & regulas speculationis, quae pertinent ad intellectum speculatum; & actionis quae pertinent ad practicum ideo diuisio haec potest adaptari intellectui speculatiuo, & practico. Nunc autem solum loquimur de ea, quatenus conuenit intellectui practico: & ita per rationem superiorem intelligimus intellectum, quatenus conuenit ad considerandum rationes aeternas & diuinas, scilicet voluntatem & legem Dei, tanquam regulas ad iudicandum de agendis; & per inferiorem intelligimus eundem intellectum quatenus indicat de alijs virtutibus aut virtutibus per temporalia, nimirum per damna aut emolumenta temporalia, quae ex ipsis sequuntur.

Hoc supposito argumentor primo contra conclusionem. Consensus quicunque siue in operationem, siue in delectationem, est actus elicited à voluntate: ergo peccatum, quod consistit in consensu, non pertinet ad rationem, neque superiorem, neque inferiorem. Probatur consequentia, quia utraque ratio sumitur pro intellectu, & non pro voluntate vt dixi.

Secundo

Secundo, homo aduertens solum ad rationes temporales, & non ad æternas, potest consentire in actum: & è conuerso aduertens solum ad æternas & non ad temporales potest consentire in delectationem: ergo potest dari casus in quo consensus in actum pertineat solum ad rationem inferiorem, & consensus in delectationem ad superiorem; Probatur antecedens, quoad *prororem partem*; quia infidelis qui nihil audiuit de lege Dei, potest consentire in actum malum v.g. in fornicationem; & idem est de eo, qui ignorat inuincibiliter esse Deum; & de fidei, qui habet naturalem & inuincibilem obligationem aut inaduertentiam actualem prohibitionis alicuius actus. Quoad *secundam* etiam probatur: quia non repugnat, quod, qui consentit in delectationem cogitandi aliquid cōtra fidem, recordetur prohibitionis factæ per legem Dei, & non alicuius rationis temporalis v. g. emolumentum aut damni.

Tertio quotiescumque homo consentit in delectationem cogitationis secundum rationem inferiorem, hoc est propter motuum temporale, consentit etiam in eam secundum rationem superiorem: & quotiescumque consentit in actum secundum rationem superiorem, consentit etiam in ipsum secundum rationem inferiorem: ergo uterque consensus pertinet semper ad utramque rationem, & non unus ad unam, & alter ad alteram. *Prima pars* probatur argumento simili illi, quo *Di. THOMAS* ad 2. probat idem de peccato consensus in actum; nam ratio superior non solum tenetur dirigere secundum legem Dei actus humanos, sed etiam delectationes; ergo sicut propter istam obligationem censetur consentire in actum malum, cum non reprimat ipsum, quia si considerat legem contemnit ipsam expresse; si vero non considerat, negligit per modum omissionis, quia omittit id, ad quod tenetur, ita propter eandem obligationem censetur consentire in delectationem malam, cum non reprimat eam. *Secunda etiam pars* probatur, quia non poterit ille actus, supposito quod sit malus, habere rationem motui nisi sub aliqua ratione boni temporalis v.g. utilis, vel delectabilis, & hæc pertinet ad rationem inferiorem.

AD PRIMUM, concessio antecedenti neganda est consequentia: & ad probationem dico, ex ea solum colligi, quod consensus non pertineat ad rationem, ut ad principium elicitiuum; non tamen quod nullo modo pertineat, quia potest pertinere ut ad principium directiuum, quatenus procedit ex iudicio, & eius directione. Itaque consensus tam in actum, quam in delectationem potest pertinere ad voluntatem ut ad principium elicitiuum, & ad intellectum ut ad principium directiuum, quod non satis aduertit *ÆCIDIUS ROM.* in 2. distinctione 24. 2. parte, questione 1 articulo 1. qui conuictus hoc argumento, dicit, hanc diuisionem principaliter fieri in voluntate, quam in intellectu. Neque tamen propterea negamus, posse etiam fieri in voluntate; nam voluntas, quatenus sequitur directionem rationis superioris, potest dici ratio superior; & quatenus sequitur directionem rationis inferioris, potest appellari ratio inferior; quamuis aliqui malint voluntatem secundum istas rationes appellari portionem superiorem, & inferiorem, quoniam nomen rationis videtur proprium potentiæ cognoscentiæ.

AD SECUNDUM Respondetur, negando antecedens: & ad probationem *prima partis* dico, quod quamuis infidelis nihil audierit de lege super naturali Dei, potest habere cognitionem legis naturalis, quæ pertinet ad legem æternam Dei; & nego posse aliquem omnino ignorare inuincibiliter esse Deum, si habeat usum rationis sufficientem ad discernendum inter bonum & malum honestum, sicut requiritur ad peccandum: quoniam in hac cognitione includitur saltem virtualiter, & in confuso, cognitio Dei, ut explicui supra questione 71. articulo 6. in fine. Et de eo qui habuerit actualem inaduertentiam inuincibilem prohibitionis alicuius actus, dico, excusari à peccato, & ita non consentire secundum rationem inferiorem in actum malum formaliter; quando vero reperiatur talis inaduertentia inuincibilis, explicandum est infra questione 76.

Ad probationem vero secunda partis nego, non repugnare illud: quoniam ipsa delectatio, quæ in illo casu deberet esse motuum voluntatis, est bonum quoddam temporale, & ex consequenti pertinet ad rationem inferiorem.

AD VLTIMUM varie solet responderi; sed mihi placet solutio *CAIETANI* hoc loco, qui dicit, sententiam *D. THOMÆ* accipiendum esse secundum quandam appropriationem, ita ut, quamuis utraque ratio concurrat ad utrumque consentium, scilicet ad consensum in actum, & ad consensum in delectationem; tamen peculiariter prior consensus attribuitur & appropriatur rationi superiori, & posterior inferiori: quemadmodum, quamuis omnia opera trinitatis ad extra sint indiuisa personis diuinis, tamen secundum appropriationem opera potentiae tribuuntur Patri, & opera sapientiæ, Filio, & opera amoris spiritui sancto. Ratio autem huius appropriationis in nostro casu est ea, quæ assignatur in articulo. In qua aduerte, quod cum *D. THOMAS* dicit, delectationem esse quid præambulum ad actum, non loquitur de ea in executione, quoniam sic consequitur ad actum, sed prout est in apprehensione. Et hoc modo est verum, quod præcedit actum, & inducit ad ipsum; quia ex apprehensione delectationis, quæ consequitur ad actum, mouetur aliquis ad consentiendum in ipsum actum; & ad formam argumenti, concedo totum antecedens, quamuis *CAIETANVS* concedat solum priorem partem eius: in quo meo iudicio decipitur; quoniam ratio proposita in argumento probat efficaciter etiam secundam esse concedendam, & ex ea potest sumi solutio argumenti, quo *CAIETANVS* vitatur pro sua sententia.

ARTICVLVS VIII.

Vtrum consensus in delectationem sit peccatum mortale?

PRIMA CONCLUSIO. Quando delectatio, quæ consequitur ad cogitationem rei illicitæ, non habet pro obiecto ipsam rem illicitam, sed cogitationem, ut cum quis reflectens supra suam cogitationem gaudet se illud intelligere: tunc consensus in delectationem non est peccatum mortale, sed potest esse bonus moraliter, aut



est cognoscere maius malum, quam minus malum in eodem ordine; ergo impossibile est quod aliquis, propter quamcunque ex illis causis, possit habere cognitionem aut aduertentiam sufficientem ad peccatum veniale, & non ad mortale, neque potest assignari alia ratio illius impotentiae.

ULTIMO, aduertentia, quae requiritur ad peccatum mortale, neque ex parte obiecti, neque ex parte alicuius modi sibi proprii, excedit eam, quae sufficit ad peccatum veniale: ergo non est necessarium, quod in aliquo excedat, & ex consequenti eadem aduertentia potest sufficere ad utrumque peccatum. *Consequentia* patet, quia una aduertentia non potest dici perfectior altera, nisi aliquo ex illis modis, sicut de quacunque cognitione dicendum est. Et *antecedens* probatur, quod *primum partem*, quia cum ambae inaduertentiae habeant idem obiectum, non potest una earum dici perfectior altera ex parte obiecti, nisi quia attingit plures condiciones talis obiecti; & tamen in nostro casu constat, excessum non consistere in hoc; quia (ut postea dicemus) cum aequalitate quantum ad hoc stat, quod una aduertentia sufficiat ad peccatum mortale, & non altera. *Quod secundam partem* probatur, quia modus ille erit aliqua perfectio cognitionis & iudicii, ut maior evidentia, & claritas, aut firmitas & certitudo, aut etiam conatus: & videtur falsum quod inaequalitas aduertentiae quantum ad has proprietates sufficiat, ut circa eandem materiam peccati mortalis unum peccatum sit mortale, & alterum veniale; quia sequitur ex eo, quod similis inaequalitas circa materiam peccati venialis v.g. mendacium, sufficiat ut una delectatio sit peccatum veniale, & altera nullo modo sit peccatum: Probatur *sequela*, quia imperfectio aduertentiae quantum ad illas proprietates diminuit infinitam malitiam peccati in priori casu, cum faciat de mortali veniale, & ex consequenti auferat aliquam malitiam infinitam, scilicet mortalem; ergo etiam in posteriori: at non potest diminui infinitum in facto esse malitia peccati venialis; nisi tota auferatur, & ex consequenti non maneat peccatum, quoniam est finita: ergo sufficit illa inaequalitas aduertentiae circa materiam peccati venialis, ut una delectatio sit peccatum veniale, & altera nullo modo sit peccatum.

§. 2. Resolvitur questio. Deliberatio semiplena, & plena explicatur.

PRIMA CONCLUSIO, *insurgente in appetitum delectatione circa obiectum cognatum, quod sit materia peccati mortalis, potest esse in intellectu duplex deliberatio circa huiusmodi delectationem: una imperfecta & semiplena, quae sufficiat ad hoc ut illa delectatio sit peccatum veniale, & non ut sit mortale; & altera perfecta & plena, quae sufficiat ut sit peccatum mortale*. Probatur *PRIMO* ex communi sententia Scholasticorum, qui etiam circa materiam peccati mortalis distinguunt tres motus in appetitu sensitivo, ut dixi articulo 4. scilicet *primo primos*, *secundo primos*, & *deliberatos*, & ex his dicunt, *primos*, quia praeveniunt omnem deliberationem & aduertentiam, non esse peccata; & *secundos*, quia sunt cum deliberatione semiplena & imperfecta, esse peccata venialia; & *tertios*, quia sunt cum plena & perfecta deliberatione, esse peccata morta-

lia. Et praeterea etiam docent, peccata venialia esse triplicia, *quodam* ex genere suo, aut ex obiecto; *alia* ex parvitate materiae; & *alia* ex surreptione: quod tamen non posset esse verum, nisi aliqua peccata essent venialia propter defectum deliberationis & aduertentiae quoniam haec dicuntur venialia ex surreptione.

SECUNDO probatur, supponendo dari in nobis deliberationem semiplenam & imperfectam, quia experientia constat in semidormientibus, & in semiebriis, qui discernunt imperfecte inter bonum & malum rationis: & unusquisque experitur se multa agere cum imperfecta deliberatione; & hoc supposito argumentor sic: Actus nostri solum sunt perfecte voluntarii, cum procedunt ex perfecta deliberatione; ergo etiam tunc solum possunt imputari nobis ad culpam perfectam, & consummatam, qualis est mortalis, & non cum procedunt ex deliberatione imperfecta. *Antecedens* patet ex doctrina D. THOMAE, supra quaestione prima articulo primo; & *consequentia* probatur; quoniam actus nostri in tantum sunt laudabiles vel culpabiles, in quantum sunt voluntarii, ut etiam docet D. THOMAS supra quaestione 21. artic. 2. ergo solum possunt esse plene culpabiles, cum sunt plene voluntarii, & ex consequenti cum sunt plene deliberati.

Confirmatur, quia malitia moralis est gravissimum malum, cum propter eam excludamur ab amicitia Dei, & damnemur ad aeternas penas; ergo non reperitur in nostris operibus, nisi fiant cum plena deliberatione. Patet *consequentia*, quia non est credendum de misericordia Dei, quod voluerit nos incurrere tot mala dependentes a nostris operibus, nisi factis cum plena deliberatione, qui propter corruptionem appetitus sensitivi sumus tam fragiles.

SECUNDA CONCLUSIO. *Ut deliberatio circa delectationes istas sumptas secundum se sit perfecta & plena, ita ut sufficiat ad peccatum mortale, duo requiruntur: Primum est aduertentia formalis, siue iudicium de malitia & prohibitione delectationis; & alterum est firmitas talis iudicii & aduertentiae*. Ad huius explicationem *ADVERTA*, quod quamvis, deliberatio incipiat ab inquisitione an aliquid sit faciendum vel omittendum, & an sit bonum vel malum, & terminetur ad iudicium dicans alterum istorum: tamen in presenti sumitur pro isto iudicio, quoniam ratione eius habent actus nostri quod sint deliberati; si enim aliquis solum vteretur inquisitione, & nihil concluderet iudicando, non diceretur operari deliberate; & hoc iudicium appellamus non aduertentiam; quoniam licet inquisitio, a qua procedit, possit dici aduertentia (dicimus enim, eum, qui inquit an aliquid sit faciendum, advertere quid debeat facere) tamen non est perfecta aduertentia circa rem, quae est materia illius inquisitionis, ante iudicium. Quare sensus nostrae conclusionis est, quod, ut delectatio de obiecto illicito cogitato sit peccatum mortale, requiritur ex parte intellectus iudicium firmum de malitia, vel prohibitione, aut periculo ipsius delectationis: In quo conveniunt *PATRVS* soto libro de institutione sacerdotum, tractatu de peccatorum discrimine, lect. 9. ubi dicit, ad plenam aduertentiam requiri, quod quis attendat, & quid cogitet, & quid

sit contra diuina præcepta: Et subdit, quod quicquid sit, antequam quis aduertat, an sit peccatum, vel contra Dei præceptum, an non; magis pertinet ad surreptionem, quam ad voluntatem. Et postea, inter negationem & plenitudinem aduertentiz, dicit esse medium quendam gradum, in quo cum tepiditate quadam & somno consideramus illicitas cogitationes; ubi aperte dicit, requiri ad plenam deliberationem, quod sit cum consideratione firma & determinata, ut postea explicabo. Idem sentiunt expresse quantum ad utramque conditionem CORDV. ALMAI. loco citato, & ANGEST. capite 6. moral. §. *vsque adeo* dubio primo post 3. conclusionem, & CONRAD. articulo 6. huius quæstionis in corpore & ad tertium, Et VICTORIA in relectione de eo, ad quod tenetur veniens ad vsum rationis, 2. parte numero 11. circa finem. Et quantum ad primam, SILVESTER verbo delectatio, num 2. dicto 4.

Et probatur PRIMA PARS, scilicet quod requiritur aduertentia malitiæ, vel prohibitionis, primo testimonio Div. THOMÆ, nam quæstione 15. de veritate articulo 4. ad 10. inquit, quod antequam ratio delectationem perpendat, vel nocumentum ipsius, non habet interpretatum consensum, etiam si non resistat; & in argumento, loquitur de consensu, qui sufficiat ad peccatum mortale. Et articulo 6. huius quæstionis in corpore dicit, tunc esse peccatum mortale delectationis propter defectum reprimendi motum appetitus, cum aliquis, postquam deliberavit, quod motus passionis insurgens est inordinatus, nihilominus immoratur circa ipsam; ubi aperte docet, requiri deliberationem circa inordinationem actus.

Nec obstat, quod articulo 7. ad 2. dicat, quod etiam quando ratio non considerat legem Dei, committitur peccatum; quia non considerare est negligere per modum cuiusdam omissionis; nam dici potest, quod loquitur de peccato veniali, vel de peccato in communi, hoc est, non determinando an sit veniale, vel mortale.

Secundo probatur ratione, quantum ad omnem deliberationem, circa motum appetitus de obiecto illicito, quæ sufficiat ad peccatum, etiam si tantum sit veniale, requiritur aduertentia illorum motuum secundum suas entitates naturales, ut explicui supra articulo 4. ergo ad deliberationem, quæ propter suam plenitudinem & perfectionem sufficit ad peccatum mortale, requiritur maior aduertentia: sed non potest dici maior, saltem in materia morum, de qua loquimur, nisi terminetur ad illos motus secundum aliquam conditionem pertinentem ad genus moris, scilicet secundum eorum malitiam, aut prohibitionem: ergo.

Dicitur satis esse, ut deliberatio sit maior & plena, quod intellectus possit advertere, licet actu non aduertat, ad malitiam vel prohibitionem delectationis; quoniam propter potentiam ad aduertendum dicitur illa deliberatio plena, saltem virtualiter.

Sed contra: quia ista potentia etiam est in deliberatione, quæ tantum sufficit ad peccatum veniale, quoniam alias esset omnino inuoluntaria malitia, vel prohibitio delectationis, & ex consequenti non posset imputari ad culpam.

Confirmatur, quia supposito quod in utraque deliberatione sit formalis aduertentia delectationis secundum suam entitatem, & potentia ad aduertendum malitiam vel prohibitionem, nulla erit ratio inæqualitatis inter eas, & ex consequenti neque ut una sit minus plena & perfecta, & minus sufficiens ad peccatum mortale, quam altera: quoniam & quantum ad actum & quantum ad potentiam sunt æquales inter se.

Dicitur, posse deliberationes illas esse inæquales, quia potentia ad considerandum malitiam vel prohibitionem delectationis potest interdum facile reduci in actum, & interdum difficillime: & in priori casu constituit deliberationem plenam, in posteriori vero semiplenam.

Sed contra: quia sequitur, quod nullo modo possit à nobis cognosci, quando aliquis excusatur à peccato mortali propter defectum deliberationis, & quando non excusatur: quia non potest cognosci quando adest illa difficultas, ratione cuius deliberatio est semiplena.

Neque potest responderi, satis esse, cognosci hoc à Deo; quoniam etiam debet esse aliquod signum, quo possit à nobis cognosci, cum propter peccatum mortale incurramus tantum malum, quod excludamur ab amicitia Dei, & efficiamur digni pœna æterna; & oppositum videtur alienum à misericordia Dei, & à legibus amicitie.

SED INQUIRI potest, an, ut deliberatio sit plena, requiratur aduertentia malitiæ, non solum in communi, sed etiam in particulari, hoc est, quod aduertat delectationem non solum esse malam, sed etiam esse malam mortaliter. Ad hoc VICTORIA, ANGEST. & CORDV. respondent affirmatiue. Sed mihi oppositum videtur verius, itaque existimo, satis esse ex parte deliberationis ad peccatum mortale, quod aliquis aduertat delectationem esse malam, vel prohibitam, licet non aduertat in particulari esse malam mortaliter, dum modo ipse non iudicet probabiliter esse solum malam venialiter. Et probatur, quoniam aduertentia malitiæ est aduertentia periculi peccati mortalis, quod est plena, quantum requiritur ad peccatum mortale: consequentia patet, quia sicut exponere se periculo peccandi mortaliter est peccatum mortale; ita etiam aduertentia huius periculi erit sufficiens ad peccandum mortaliter. Et antecedens probatur, quia, supposita perfecta aduertentia malitiæ, nullus potest operari sine periculo peccandi mortaliter, nisi prius examinet in particulari, an tale opus sit peccatum mortale, vel solum veniale.

SECUNDA etiam pars conclusionis probatur, quia, nisi iudicium sit firmum, non potest dici perfectum & plenum, ut patet in semidormientibus & semiëbrijs, quorum actus in materia peccati mortalis excusamus à peccato mortali, propter imperfectionem iudicii, quamuis hiant cum actuali aduertentia malitiæ. Et similis imperfectio iudicii potest reperiri etiam in vigilia, quoniam reperiuntur causæ, ex quibus possit provenire, ut statim dicam. Et hoc concedunt, præter authores supra citatos, CAIET. in summa verbo de delectatione mortale, parum post principium; ubi dicit, posse aliquem, postquam cepit advertere, impediri impetu passionis, ne plene aduertat; Et expressius

INAVA. in Manuali prelium 9. num. 11. Et IOAN-
NIS MAIOR in 3. d. 17. q. 14. in fine.

EX HAC parte sequitur, posse contingere, quod
ex duplici deliberationibus terminatis ad obiectū
secundum eisdem conditiones v.g. & quantum ad
entitatem, & quantum ad malitiam, una sit plena
& perfecta, & altera imperfecta. Probatur, quia
potest contingere quod una habeat firmitatem
hanc, de qua loquimur, & altera careat ipsa.

Secundo argumentor *prime* contra *primam* conclu-
sionem *pariem*, quoniam vt motus externi sunt pec-
cata mortalia, est sufficiens deliberatio ea, quæ in-
cludit aduertentiam formalem actus secundū sui
entitatem, cum potentia ad aduertendum malitiam,
vel prohibitionem, vt patet in homicidio, & in alijs.
ergo idem dicendum est de motibus appetitus.

Secundo argumentor contra *secundam pariem*, si
quis optetur cum iudicio dubio, & formidoloso
de malitia, vel prohibitione operis, exponit se po-
tentialiter peccandi mortaliter: ergo non requiritur fir-
mitas iudicii, vt deliberatio sit plena & sufficiens ad
peccatum mortale: patet *consequenter*, quia propter
hanc rationem diximus paulo superius, sufficere
aduertentiam malitiae in communi.

Ad *PRIMAM* horum respondetur, quod quan-
vis *antecedens* sit verum in casu, quo quis habet
creantiam habituales malitiae, vel prohibitionis,
& respectu actuum, qui sunt intrinsece mali: quoniam
actus illi statim in seipso præceterent esse
malos, & dissonos à lege, vt dicam q. 76, tamen cō-
sequenter est neganda: Et ratio discriminis est duplex,
prima quia motus externi non impediunt aduertentiam
& deliberationem, sicut motus appetitus; &
ideo in illis facilius potest aduerti malitia, suppo-
sita aduertentia entitatis, quam in istis; *secunda*,
quod motus externi subduntur plene dominio rati-
onis & voluntatis: vero motus appetitus non
ita subduntur, sed sepe præueniunt rationem imo
& resistunt ei, & ideo maior aduertentia actualis
requiritur, vt illi sint peccata mortalia, quam vt
illi.

Ad *SECVNDAM* Respondetur ex duplici capite
posse provenire, quod iudicium de malitia delecta-
tionis non sit firmum, scilicet, ex rationibus & mo-
tivis sufficientibus ad dubitandum de ea; aut ex de-
fectu luminis intellectus, vel temporis, aut aliorū,
que requiruntur ad deliberandum. Nam *imprimis*,
propter vehementiam passionis potest fieri, vt in-
tellectus attendat ad eius bonitatem sensibilem, &
aut nullo modo, aut imperfecte consideret eius ma-
litiā mortalem, quod solet appellari execratio, &
obtenebratio intellectus: Et *deinde*, cū intellectus
habeat virtutem finitā, necesse est vt ex magna
attentione ad aliquod obiectum impediatur, ne
possit perfecte attendere ad alia; Et *præterea*, cum
in hac vita pendeat in suis actibus ex phantasmati-
bus, & istorum visus possit esse minus perfectus, vel
propter aliquam malam dispositionem organi, vel
propter defectum temporis, vel etiam propter ip-
sorum phantasmatum confusionem & obscurita-
tem, necesse est, vt propter easdem causas iudiciū
intellectus sit minus perfectum; & omnia ista pos-
sunt reperiri in vigilia. Et *hæc supposito*, ad formam
argumenti dico, *antecedens* solum esse verum, si in-
tellectus de iudicio infirmo, aut formidoloso
priori modo; sicut contingit, cum quis operatur
cum conscientia dubia; Non autem si intellegatur

de iudicio infirmo posteriori modo: & nos in isto
sensu diximus requiri quod iudicium de malitia
obiecti non sit infirmum.

ULTIMA CONCLUSIO, *De delectatione illa impu-*
tatur in sua causa ad culpam mortalem, sufficit aduer-
tentia, vel formalis, vel interpretativa periculo proba-
bili, quod sequeretur ex tali causa. Ad huius explica-
tionē & probationem *ADVERTE*, quod qui præ-
bet causam, ex qua sequuntur huiusmodi delecta-
tiones potest se habere tribus modis, quantum at-
tinet ad deliberationem, vel aduertentiam intellē-
ctus. *Primo*, ita vt neque aduertat actū, neque ra-
tionaliter possit motu humano aduertere, quod
sequatur, quia neque audit ab alijs, neque ipse
expertus est, quod regulariter, & vt plurimum se-
quantur. *Secundo*, aduertendo actū quod sequen-
tur, & *Tertio*, aduertendo interpretationē, quod est
posse, & debere aduertere; vt cum quis expertus
est, quod faciendo hoc, aut illud patitur inordinatos
motus appetitus, & non habet obliuionem natu-
ralem & inmutabilem experientia. In *primo* casu
nullum est peccatum. In *secundo* vero & tertio
dicimus, posse reperiri peccatum mortale, quan-
tum est ex parte aduertentiae, & deliberationis; &
de *secundo* satis notum est; de *tertio* vero probatur;
quoniam facit est similis aduertentia bibentis aleam
vini quantitatē, ex qua possit inebriari vt impu-
tatur ad culpā alienationis mentis, & mala quæ in ea cō-
stitutus facit, vt explicui quæstione precedenti arti-
culo 8.

Et si *queras*, cur sufficiat minor aduertentia, vt
delectationes istæ impotentur ad culpam mortalem
in sua causa, quam vt impotentur secundum se,
Respondetur, rationem esse, quia secundum se sub-
duntur minus rationali, & magis impediunt delibe-
rationem, & aduertentiam, vt paulo superius dixi.

§.3. Ad argumenta in initio propostia

Ad *PRIMUM* respondetur, quod quamvis de-
liberatio illa sufficiat, vt consensus volun-
tatis sit liber, non sufficit vt sit *plene liber*: quoniam
vt actus aliquis sit plene liber, requiritur quod
procedat ex plena deliberatione, & ad peccatum
mortale non sufficit actus quomodocumque liber,
sed requiritur plene liber.

Ad *SECVNDUM* respondetur, negando antecedens,
& ad probationem nego reperiri in eo casu potē-
tiam & obligationem, sicut requiruntur ad aduer-
tentiam interpretationem, quæ sufficit ad peccatum
mortale, & ad id, quo probatur, esse obligationē
dico cum ALMAINO, ARISTO, CORVO, locis citatis,
esse obligationem sub veniali tantum, & ad illam
aduertentiam interpretationem requiri obligatio-
nem sub mortali.

Et si *queras*, unde colligamus, in illo casu esse
tantum obligationem sub veniali? *Respondetur*,
dissolvendo simul id, quo probatur, esse tunc po-
tentiam ad deliberandum; & dico, esse quidem
potentiam, sed difficulter reducibilem in actum,
propter impedimenta paulo superius enumerata;
& ideo non esse obligationem sub mortali aduer-
tendi perfecte quoniam esset intolerabile iugum;
quod recte explicuit PETAVI SORO loco citato his
verbis; *Consulit Deus infirmis nostris & tardis, ut
quædam quæsi iudicia concedat nobis, ut plene
advertemini*



teneretur cessare ab huiusmodi actibus, ad vitandum delectationem illam; & *sequela* probatur, quia permissio huius delectationis non est mala, nisi quia prohibita præcepto naturali negativo non concupiscendi: quæ autem prohibetur præceptis naturalibus negativis sunt intrinsece mala, & in nulla occasione licent.

Tertio, delectatio in isto casu non habet malitiam obiectivam mortalem: ergo non est peccatum mortale permittere eam; *consequentia* videtur nota, quia permissio sumit malitiam & gravitatem malitiæ ex obiecto, sicut & reliqua peccata: & *antece-*
dens probatur, quia delectatio tantum potest esse mala obiective duabus de causis, scilicet *quia* obnubilat & offuscat rationem; *aut quia* suapte natura est incitativa ad actum, vel ad consensum: sed *ratione prima* nunquam est mala mortaliter, quia distractio illa & obnubilatio mentis est exiguum malum, & parvi momenti, *neque ratione secunda* in nostro casu, quia supponimus adverteri perfecte nullum esse periculum consentiendi, aut in ipsam delectationem, aut in operationem, ad quam consequitur: ergo delectatio in isto casu non habet malitiam obiectivam mortalem.

Confirmatur, quia tota malitia mortalis, quæ convenit tanquam obiecto, delectationi de opere illicito cogitato, consistit in hoc, quod incitat & attrahit ad opus ipsum, verbi gratia, ad fornicationem: sed in nostro casu non attrahit ad opus: ergo neque habet malitiam mortalem obiectivam. Probatur *minor*, quia delectatio non incitat ad opus, nisi medio consensu, quo quis vult, vel appetit ipsam delectationem; nam quoniam aliquis vult, vel appetit delectationem aliquam, ideo ex natura rei allicitur ad volendum actum, ad quem consequitur, ut ex eius exercitio maiorem delectationem percipiat: sed in nostro casu neque est consensus in delectationem, neque periculum consentiendi; ergo neque delectatio attrahit ad opus.

§ 2. Resolutio quæstionis.

P R I M A C O N C L U S I O. Satis est ex parte voluntatis ad peccatum mortale, quod præsupposita plena advertentia delectationis, habeat se omnino negativè circa ipsam, hoc est, permittat continuari sine formali consensu, & dissensu, imò & sine periculo formaliter consentiendi. Ita tenent HENRICVS quodlibeto sexto, quæst. 32. CAJETAN. in summa verbo *Delectatio morosa* §. 1. ubi ita inquit: si possit nec consentire nec dissensire, & tamen in illa cogitatione delectabili perseverare, convincitur, consentire ex ipsa continuatione delectationis, non prohibita a voluntatis imperio, quando potuit & debuit. Neque obstat quod postea §. Magna tamen dicat, quod quando aliquis est securus quod non trahetur a delectatione ad consentiendum, & quasi contemnens eius vim, nullum habet actum circa ipsam, excusatur a peccato mortali; quoniam etiam dicit, quod ille dissensit virtualiter, ut postea dicam: Eandem sententiam sequitur postea verbo *pollutio* in fine, & SILVASTER verbo *delectatio* numero undecimo dicto 4. ubi immerito

A refertur ab aliquibus pro opposita sententia; quoniam circa medium sic ait: Quando igitur quis negligit reprimere motum peccati, & post sufficientem deliberationem (i. tempus deliberandi) animadversionem periculi movet complacencia (i. non adest displicentia) propter negligentiam rationis, est peccatum mortale. Quibus verbis per periculum non intelligit periculum consentiendi formaliter, sed peccandi si delectatio permittatur continuari, & nulli ei fiat resistencia. Et eodem modo exponendus est D. THOMAS quæstione 5. de veritate artic. 4. ad 10. ubi cum expresse fateatur nostræ sententiæ, adducitur pro opposita; quoniam dicit, ad consensum interpretativum, qui sufficiat ad peccatum mortale, requiri, quod homo percipiat, se totaliter per delectationem in peccatum inclinari, & in præceptum ruere, nisi expresse resistat. Et ita cum explicat summam TABIENA verbo *cogitatio morosa*, numero septimo, quæ etiam sequitur eandem sententiam.

Et probatur 1. testimonijs DIVI THOMÆ, B nam articulo sexto huius quæstionis ad tertium, ita inquit: delectatio dicitur morosa, non ex mora temporis, sed ex eo quod ratio deliberans circa eam immoratur, nec tamen eam repellit &c. Et in corpore ita inquit: Desicit autem ratio in delectatione passionum interiorum dupliciter: uno modo quando imperat illicitas passiones, alio modo quando non reprimat illicitum passionis motum; sicut cum aliquis, postquam deliberavit, quod motus passionis insurgens est inordinatus, nihilominus circa ipsum immoratur, & ipsum non expellit; & secundum hoc dicitur peccatum delectationis morosa esse in ratione, quibus verbis nihil potuit clarius dici pro hac sententia. Et articulo septimo ad quartum dicit, quod, si ratio superior non cohibeat actum peccati per suam deliberationem, merito imputabitur ipsi.

Secundo, delectatio in isto casu habet malitiam obiectivam mortalem, & voluntas consentit in ipsam interpretative: ergo committit mortale; *consequentia* est nota, quoniam sufficit consensus interpretativus, aut voluntarium indirecte circa obiectum malum mortaliter, ad peccatum mortale; & *antece-*
dens probatur, quoniam alias etiam si esset periculum consentiendi formaliter, imò etiam si esset consensus formalis in delectationem, non committeretur peccatum mortale, quia non esset obiectum sufficiens.

Quoad secundam vero partem probatur, quia voluntas in isto casu potest reprimere, aut conari ad reprimendam delectationem, quia præsupponitur plena advertentia rationis; & tenetur, quia obligatione naturali tenetur ad regendum potentias, quæ subduntur suo imperio, inter quas continetur appetitus: (sicut quicunque tenetur eos gubernare, quibus est superior) & tamen nihil facit, sed habet se negativè respectu delectationis: ergo interpretative consentit in eam; siue (quod idem est) vult ipsam indirecte, quia ad consensum interpretativum, vel ad voluntarium indirecte sufficit, posse, & tenei facere aliquid, & non facere.

Confirmatur, quia si supposita plena advertentia

posset manus sine imperio rationis aut inchoare, aut continuare motum habentem malitiam obiectiuam mortalem, v. g. occisionem hominis, & voluntas non reprimeret talem motum, sine dubio peccaret mortaliter; ergo etiam peccat mortaliter in nostro casu; patet *consequentia*, quia utrobique est eadem ratio, scilicet ex parte obiecti malitia mortalis, & ex parte voluntatis potentia cum obligatione ad reprimendum.

Ad hoc duobus modis solent respondere, qui sequuntur oppositam sententiam: *nam imprimis aliqui* concedunt delectationem illam habere malitiam obiectiuam mortalem, & voluntatem obligari aliquo modo ad reprimendum eam; non tamen sub mortali, sed solum sub veniali; & ideo dicunt, quod, si nihil faciat ad reprimendum eam, peccabit solum venialiter, & non mortaliter, secluso periculo: Adduntque, ut respondeant confirmationi, esse hoc discrimen inter motus externos, & internos appetitus: quod illi plene subduntur imperio rationis & voluntatis, illi vero non ita subduntur, sed possunt & præuenire huiusmodi imperium, & etiam erreniti: & ideo ad reprimendum illos obligamur sub mortali, & ad reprimendum istos solum sub veniali; quia illud est facile, & hoc valde difficile.

Sed contra, Præceptum non concupiscendi, quo prohibentur delectationes istæ, & motus illi appetitus sensitivi, obligat quantum est de se, & ex parte obiecti sub mortali: ergo non potest voluntas excusari ab hac obligatione, ita ut solum maneat obligata sub veniali, nisi aut propter paruitatem materię, aut propter defectum libertatis ut constat in omnibus alijs præceptis, quæ ita obligant; sed in nostro casu non reperitur prior defectus, ut probauimus in argumento, & ipsi admittunt: *neque posterius*, quoniam præsupponitur plena aduertentia rationis, cum qua semper est coniuncta plena libertas voluntatis: ergo nullo modo excusatur voluntas ab obligatione sub mortali.

Confirmatur, quia discrimen, quod ab istis constituitur inter motus externos, & motus appetitus sensitivi, nullum est, quantum attinet ad hanc difficultatem: quoniam aliud est reipsa comprimere motum appetitus, & aliud conari ad comprimendum, & adhibere diligentiam, & satis est hoc secundum, ut voluntas excusetur a peccato; & ad hoc tam expedita est voluntas in nostro casu respectu motuum appetitus, sicut respectu externorum: quoniam præsupponitur plena aduertentia & deliberatio rationis, & ex consequenti plenum dominium voluntatis.

Quare discrimen inter illos motus in isto casu solum est constituendum quantum ad realem cessationem, & consistit in hoc (ut recte aduertit CAISTANVS in summa, verbo *delectatio morosa*, s. *inter subiectionem*) quod v. g. manus plene subiicitur voluntati, ita ut non possit resistere ei, & ideo perseverantia sui motus sufficit ad convincendum consensum aduertentis: at vero appetitus potest ei resistere, & ideo ex perseverantia sui motus non potest colligi consensus voluntatis, etiam in plene aduertente.

Et ex hoc patet solutio cuiusdam obiectionis, quæ fieri potest contra conclusionem, & contra efficaciam huius argumenti, & est huiusmodi: Poten-

tia ad aduertendum actu malitiam delectationis, siue ad deliberandum perfecte, non constituit deliberationem interpretatiuam, quæ sufficiat ad peccatum mortale, ut dixi dubio precedenti; ergo neque potentia ad reprimendum delectationem constituit consensum interpretatiuum, qui sufficiat ad peccatum mortale. *Nam respondetur* concedendo antecedens, & negando consequentiam, & ratio discriminis est, quia potentia ad perfecte deliberandum retardatur, & impeditur ipsa vehementia passionis, a suo exercitio, & ideo excusatur homo in illo casu ab obligatione sub mortali ad aduertendum perfecte, & solum obligatur sub veniali, ut explicui dubio precedenti; at vero potentia ad resistendum motibus, quantum satis est ad vitandum peccatum, non ita impeditur; quoniam (ut paulo superius dicebam) non tenemur reipsa comprimere ipsos, sed conari ad hoc, & adhibere diligentiam.

SECUNDO RESPONDENT ALII, negando, delectationem, (secluso consensu formali, & periculo consentiendi) habere malitiam obiectiuam mortalem: idque explicant iuxta ea, quæ dicta sunt in tertio argumento proposito in principio huius dubij, & in eius confirmatione. *Sed mihi etiam hæc solutio videtur insufficiens: Primum*, quia iuxta eam dicendum est, delectationem solum esse malam mortaliter, in quantum mouet & incitat ad opus, ad quod consequitur: quod dubio sequenti ostendam esse falsam; & *præterea*, quia non solum est malum obiectiue id, quod actu mouet ad opus malum: sed etiam id, quod est ex natura sua motiuum, & delectatio, quamuis in nostro casu non moueret actu, tamen ex sua natura esset motiua.

SECUNDA CONCLUSIO. *Quamuis voluntas formaliter dissentiat delectationi, si tamen suo dissensu non reprimat, aut conetur reprimere eam: signum est quod manet in ipsa consensus interpretatiuus sufficiens ad peccatum mortale.* Hanc conclusionem supponunt ut certam omnes autores, quos retuli pro precedenti, quoniam fere semper videntur verbo reprimendi, & resistendi: sola summa TABIENA videtur sentire oppositum: nam numero 7. circa medium, loquens de resistentia, quæ debet fieri delectationi appetitus, ut non imputeretur ad peccatum, ita inquit: intellige hanc resistentiam, scilicet saltem quod ratio iudicet esse malum, & voluntas teneat, id est, abhorreat tanquam malum: & statim dicit, sufficere ista duo, ut voluntas dicatur nullo modo consentire, neque implicite, neque explicite, quamuis non utatur alijs remedijs ad expellendum delectationem, inter quæ refert, diuertere imaginatiuam ad alia obiecta. *Sed fallitur*; & probatur, quoniam dissensus formalis inefficax non expellit consensum absolutum interpretatiuum: sed in isto casu dissensus voluntatis est inefficax; ergo eo non obstante manet in voluntate consensus absolutus interpretatiuus. *Minor* patet, quia ex voluntate efficaci sequitur usus mediorum, quæ sunt necessaria ad executionem, aut saltem conatus aliquis ad vtendum eis: & *maior* probatur, tum quia in proijciente merces meru tempestatis sunt simul volitio formalis absoluta proijciendi eas, & iuxta quosdam nolitio etiam formalis inefficax, aut conditionata, non proijciendi; aut iuxta alios

amor formalis inefficax, vel conditionatus conseruandi ipsas merces; *inueniatur*, quia ad ipsum consensum absolutum interpretatiuum sufficit, posse, & teneri reprimere, aut conari ad reprimendum delectationem, & non id facere: constat autem quod ista tria possunt esse simul cum dissensu illo formali inefficaci.

Confirmatur, quia ut mulier, cui infertur vis, non consentiat interpretatiue in fornicationem, non satis est, quod habeat formalem dissensum in voluntate, sed requiritur quod etiam exterius resistat, si potest, ut explicuit supra quæst. 6. art. 5. in fine, & hoc exemplo potest etiam confirmari conditio præcedens.

§ 3. *Quamvis conatus requiritur ad reprimendum; quæ causa rationalis sit, & quæ utilitas sufficiat ad non reprimendum.*

SED QUÆRES, quantum, & qualiter teneatur homo conari ad reprimendum delectationem, ut non sit in ipso consensus interpretatiuus in eam, neque peccatum mortale, hoc est, quibus remedijs teneatur vri, aut quam diligentiam adhibere? *Respondetur*, non posse circa hoc assignari certam regulam; illud tamen videri certum, quod secluso periculo consentiendi, non tenemur (ad reprimendum moris istos) neque affligere corpora nostra, vel inedia, vel alia castigatione neque relinquere ea, quæ nobis sunt aut necessaria aut vtilia, non solum in ordine ad spiritualia, sed etiam in ordine ad temporalia, ut statim dicam; & esse optimum & sufficiens remedium, conari diuertere imaginationem ad cogitandum de alijs obiectis, quoniam hoc medio natus est appetitus moueri a voluntate.

ULTIMA CONCLUSIO: *quando voluntas ex causa iusta & rationabili prætermittit reprimere, aut conari ad reprimendum delectationem, nullum habet consensum in ipsam delectationem, qui sufficiat ad peccatum mortale, neque peccat mortaliter.* Hæc conclusio est limitatio, vel declaratio præcedentium, & admittitur ab omnibus sine controuersia; & ad eius explicationem & probationem aduerte, non esse idem, neque prohiberi eodem modo, ista duo, scilicet, *consentire formaliter in delectationem; & non reprimere eam*: nam primum est actio, & prohibetur præcepto negativo naturali, quod obligat semper, & pro semper, & ideo nullo titulo potest esse licitum, aut consentire, aut exponere se probabili periculo consentiendi; *secundum* vero est negatio actionis, & prohibetur præcepto affirmatiuo, licet incluso in negatiuo; & quoniam præcepta affirmatiua obligant semper, & non pro semper, sed iuxta menturam rationis, & ex consequenti, modo moralitæque humano: ideo poterit dari causa, quæ secundum prudentem rationem iudicetur sufficiens ad excusandum ab obligatione illius præcepti: & tunc non erit malum, nec contra præceptum, non reprimere delectationem. *Hoc supposito* probatur conclusio: quia in isto casu non consentit voluntas formaliter aut directe in delectationem, ut supponimus; neque interpretatiue, aut indirecte, ergo non habet consensum sufficientem ad peccatum mortale: probatur *ante e-*
dens, quia, ut voluntas consentiat interpretatiue,

Aut indirecte, non satis est, posse facere aliquid, & non facere; sed requiritur posse, & debere facere, & non facere; ut constat ex eis, quæ de voluntario indirecto, siue interpretatiuo docet D. THOMAS: supra quæst. 6. artic. 3: sed in isto casu voluntas non debet conari ad expellendum delectationem, quoniam ex suppositione datur causa sufficiens ad excusandum ipsam ab obligatione, ergo non consentit indirecte aut interpretatiue in delectationem.

SED QUÆRES, quæ causa censenda sit rationalis? *Respondetur* tres causas reputari ab aliquibus rationabiles, ut refert N. A. V. A. R. in manuali cap. 17. numero 12. & super cap. *Cogitationis* de penitentia dist. 1. cap. *Cogitationis*, numero 12. *Prima* est, timere probabiliter, eo magis augendam esse delectationem, quo maior adhibetur conatus ad reprimendum ipsam, & colligitur ex D. THOMA 2. 2. quæst. 35. art. 1. ad 4. & 1. ad Corinth. 6. lect. 3. ubi exponens id, quod Paulus dicit, fugiendam esse fornicationem, inquit, tentationem luxuriæ vincendam esse potius fugiendo, quam resistendo, quia continua eius cogitatio auget potius incentiuum peccati. *Secunda* est, contemptus ipsius delectationis tanquam infirmi & debilis hostis, quando aliquis certus est quod non trahetur ab ea ad contentiendum: Hanc dicit esse sufficientem CAIET. in Summa verbo *delectatio morosa* §. *magna tamen*, ubi dicit, rationem esse, quod qui ita contemnit delectationem, dissensit saltem virtualiter, & solum est negligens in actu reprimendi eam, & ADRIANVS in 4. tractatu de eucharistia, quæst. 4. quæ incipit, *Quia dictum est*. §. *respondeo*; quamvis addit quod regulariter in isto casu propter extrinsecas circumstantias reperitur peccatum. *Tertia* est, necessarium esse ad reprimendum delectationem cessare ab occupatione aliqua honesta, necessaria, vel vtili, cuiusmodi, sunt lectio; vel cogitatio rerum venerearum necessaria ad docendum alios, & audire confessiones rerum turpium, & alia similia, de quibus videndus est CAIET. tomo 1. opus. tract. 22.

Sed mihi existis causis *prima* & *tertia* videntur sufficientes, & tales censentur ab omnibus; *secunda* vero nullo modo, quia non solum tenemur conari ad reprimendum delectationem propter periculum consentiendi formaliter, sed etiam quia ipsa secundum se est mala obiectiue, ut explicabo dubio sequenti; ergo nulla certitudo non consentiendi sufficit ad excusandum ab obligatione illa. Neque etiam sufficit dissensus virtualis, quam CAIETAN. dicit reperiri in illo casu, quia neque formalis sufficit, ut constat ex secunda conclusione. Et præterea ille dissensus virtualis videtur fictus.

VERVM CIRCA TERTIAM INQUIRI POTEST, quanta & qualis necessitas, vel utilitas sufficit? *Respondetur*, sufficere actionem esse necessariam, vel vtilem, non solum in ordine ad spiritualia, sed etiam in ordine ad temporalia; Probatur, quoniam alias, multis commodis priuarentur homines in utroque ordine, & sæpe essent perplexi sine sua culpa; & deberent seiplos separare à conuictu & consortio humano; & tandem finire peculiari Dei privilegio essent inepti ad exercendum multas actiones, quæ saluti animarum; & communi

bono reipublicæ sunt necessariae, ut patet in confessorijs, quibus sæpe est necessarium audire res turpes & cogitare de eis: & in medicis atque chirurgis, qui sæpe debent uti aspectibus & tactibus excitantibus libidinem. Ut autem magis in particulari possit hoc dijudicari, considerandum est primo, an actio ista, ex qua sequitur delectatio, sit ex natura sua valde determinata ad huiusmodi affectum, vel parum: & quo fuerit magis determinata tanto maior est exigenda utilitas in ea, ut censeatur sufficiens ad excusandum à prædicta obligatione. Unde in quibusdam actionibus, quæ sunt parum determinatæ, cuiusmodi sunt equitare, manducare cibos calidos, cubare hoc vel illo modo, parva requiritur utilitas; Secundo considerari debet qualitas concupiscentiæ, nam quanto grauior fuerit, tanto maiori cura est repellenda, & ita interdum oportebit relinquere aliquam actionem ad vitandam unam concupiscentiam, & non ad vitandam aliam minorem. Et tertio considerandum est tempus, nam magis tenemur vitare præsentem concupiscentiam, quam futuram; & magis eam quæ sequitur in vigilia, quam eam quæ sequitur in somno, quoniam in posterioribus reperitur minus perfecte voluntarium, & minor certitudo.

SED ARGUMENTOR CONTRA dicta ad explanationem conclusionis: nam audire confessiones rerum turpium, vel loqui, aut cogitare de eis, est ex natura sua causa delectationis libidinosa: ergo non potest illud esse voluntarium, quin etiã delectatio sit voluntaria, saltem virtualiter, aut interpretatiue, præsertim cum actu aduertatur, quod sequitur.

Ad hoc aliqui respondent, actus illos solum esse causas delectationis per accidens, & propter conditionem materiæ. Sed contra hoc est, quod (ut bene aduertit CAIET. tract. citato) multiplicata imaginatio venereorum est ex natura sua causa motus libidinosi. Item quod (ut D. THOM. docet sup. q. 20. art. 5.) causa per se appellatur in moralibus illa, ex qua regulariter, & ut in plurimum sequitur effectus.

Ideo aliter respondetur negando consequentiam, cuius duæ assignantur rationes à CAIETANO loco citato. Prima, quod actus illi non sunt voluti, quatenus sunt causæ delectationis, sed quatenus ordinantur ad alios fines bonos: Secunda, quod, ut effectus sit voluntarius in causa, non satis est, posse tollere causam, sed simul requiritur obligatio ad tollendum ipsam, quatenus est causa talis effectus: & hæc mihi magis placet, quoniam est cõformis doctrinæ D. THOM. supra quæst. 6. art. 3. de voluntario indirecte. Et præterea quoniam prior videtur supponere falsum; scilicet quod quando actio ordinatur ex natura sua ad duos fines, & adest aduertentia utriusque possit esse voluntaria respectu vnius, & non respectu alterius: hoc enim, si sit æqua obligatio ad vitandam ipsam respectu utriusque, est aperte falsum.

§ 4. Ad argumenta initio posita.

AD PRIMUM respondetur, quod præceptum negativum consequenter, & quatenus habet formam affirmatiui, potest obligare ad agendum, quatenus necessarium fuerit ad repellendum delectationem, quam prohibet; sicut supra quæst. 71. art. 5. dixi præceptum affirmativum consequenter

A obligare ad non agendum id, quod est causa omittendi actum, ad quem obligat.

AD SECUNDUM, patet solutio ex ultima conclusione, & eius explanatione.

AD VLTIMUM, respondetur, negando antecedens: & ad probationem potest primo negari maior, aut secundo ea admissa, potest negari minor, quorum rationes explicui in impugnatione secundæ solutionis argumenti, quo probavi primam conclusionem; & ex his patet solutio ad confirmationem.

DUBIUM VLTIMUM EST.

Quid requiratur ex parte obiecti, hoc est, qualis debet esse materia, de qua delectamur, ut concurrentibus alijs, quæ diximus ex parte deliberationis & consensus, ipsa delectatio sit peccatum mortale?

§ 1. Traditur regula de quaestio.

AD HOC RESPONDETUR hac regula: si id, in cuius cogitatione delectamur, est obiectum malum mortaliter: reperitur totum, quod ex parte obiecti requiritur, ut consensus in delectationem sit peccatum mortale; secus vero, si aut sit bonum, aut non ita malum, sed venialiter. Ita tenent RICARD. in 2. dist. 24. circa quartum principale, quæst. 4. DURANDUS eadem distinctione, quæst. 6. numero 5. CAIETANUS in summa verbo delectatio mortalis, cum explicat 4. quod ex parte rei, de qua est delectatio, dicit oportere discerni. SILVEST. eodem verbo, numero 2. §. secundum delectatio. SUMMA TABIENA verbo cogitatio mortalis numero 2. & 6. IOANNES DE MEDINA codice de restitutione, quæst. 21. §. nisi tamen: & NAVAR. in manuali cap. 11. numero 12. Et probatur PRIMO testimonio D. THOMÆ: nam in hoc articulo probat, delectationem, quæ habet pro obiecto cogitationem fornicationis, non esse peccatum mortale, sed interdum esse peccatum veniale; & interdum non esse peccatum: quia cogitatio, quæ est eius obiectum, non est mala mortaliter, sed interdum venialiter, & interdum nullo modo, sed potius bona; & postea dicit, delectationem, quæ habet pro obiecto fornicationem, esse peccatum mortale; & vniuersaliter, delectationem peccati mortalis esse peccatum mortale: ubi aperte continentur ambæ partes nostræ regulæ.

SECUNDO probatur ratione desumpta ex articulo: nam delectatio est obiectum liberi consensus, in quantum inclinatio & propensio appetitus in opus, ex quo talis delectatio consequitur, est etiam obiectum eiusdem consensus, quia sicut appetitus non delectatur in aliquo opere, nisi quia est inclinatus & propensus ad ipsum, ita nemo eligit ipsum esse propensum & inclinatum in tale opus; ergo qualis fuerit propensio appetitus in opus in ratione boni aut mali obiectiue, talis erit ipsa delectatio: sed inclinatio est bona, aut mala obiectiue, iuxta bonitatem aut malitiam operis, quod habet pro obiecto; ergo & delectatio.

¶ TERTIO. Delictum est operatio quæ tam appetitur, quam dicitur. THOMAS docet. CAETERUM supra quod 31. art. 4. ergo finis bonitatem aut malitiam obiectum est ergo obiecto, sicut de omnibus operatioibus docet D. THOMAS quæst. 18. art. 1. et perulatio: de exterioribus, sub quibus comprehenduntur omnes imperia, quæ sunt, aut sicut obiectum delationis est id, quod delectatur. ergo iuxta hunc bonitatem aut malitiam censenda est delictio bona vel mala. Scilicet aut minus mala.

EX HIS SEQUITUR PRIMO, ratio quare, cum delectamus in cogitatione reillicius mortaliter, si delectum habeam per obiecto delectationem, non est peccatum mortale, sed possit esse bona, aut mala tantum venturæ, si vero habeam per obiecto ipsam rem cogitatem, est peccatum mortale, ut D. THOMAS docet in conclusionibus articuli: *ca. vna* est, quod cogitatio mala non est per se mala obiecti. *Quia* si licet habeam per obiecto rem illicitam mortalem, tamen non terminatur ad eam nisi ratione mali, sed sub ratione veri, ergo neque delectatio, quæ habet eam per obiecto, æt vero ipsæ res illicita est per se mala obiecti, & ideo etiam delectatio, quæ habet eam per obiecto, est eudem modo mala.

*Præterea possumus discernere, quando delectatio habet pro obiecto delectationem: & quando rem illicitam cogitationem. ADVERTIT, quod quous in utroque casu concentrat cogitatio ad delectationem eius parie obiectis, tamen in posterius concentrit tantum vt proponens, aut applicans obiectum, & vt conditio sine qua non, & non vt motiuius ad delectandum, sive vt illi, quod non delectatur, in prout vero concurret vt motiuius & vt obiectum, quod delectatur: quare cum aliquis sentit se moueri ad delectationem ab opere illicito, habet pro obiecto rem cogitatum; cum vero sentit se formam moueri velâ cogitatione, vel ab aliquo modo aut perfectione cogitantis, vt quia cogitatio id, quod iusta nesciat, vel quia cognoscit clare certo aut facili: aut etiam quia cogitatur rem miram, nouam, vel difficilem: non habet pro obiecto rem cogitatum, sed cogitationem. Hanc regulam tradit CATER. in summa verbo delectationis *mirum, & sursum est parit rei*. Aut dicunt hoc differendum esse effecti & propensionis eius, qui delectatur: si enim illi alius habuerit affectum ad rem illicitam, signum est quod obiectum delectationis est res cogitata: tamen habuerit affectum ad cogitandum speculatiue, & tunc fierit doctor aut conuicator, ut in ad quem ratione proprii muneris, peccat in intrinsecis: has cogitationes, indistinctum erit ad iudicandum obiectum delectationis esse ipsam delectationem.*

Si vero quisque velit id, quod dubio præcedi-
ti dicendum, felicitate delectationem de relictis co-
gnitis non solum habere intentionem mortalem obiecti-
tatem, in quantum est intentionis ad opus, ex quo
ipsa consequitur, & quasi transiunt hominem in
periculo consentiendi illud opus: sed etiam fecerit
dum sit, & relictis omni periculo consentiendi.
Probat, quia secundum hoc, & quantum non exi-
steret appetitus ad consentiendum formaliter in
illud opus, habet quod sit obiectum liberi consen-
sus, ut subordinata alicui inclinationi appetitus,
autem virtuali, in tale opus, ut ex D. THOMAS
in secundo arguimus: *per prout* tanquam

A actio, habet ex suo directo maiusculi ut explicat in 3.

¶ Vltimo asseritur, sufficere ad peccatum mortale, quod quis consentiat deliberare in delectationem, quae percipitur ex cogitatione rei illicitae mortaliter, v.g. fornicationis; quamvis non consentiat in executionem talis rei, immo statuat in quantum coniectionum, et solum voluit esse rei cognata delectari. In hoc conveniunt D. Thom. 4. in hoc loco, et 2. 2. quæst. 34. art. 4. de veritate quæst. 17. art. 4. et omnes scholastici cum 14. et 15. in 4. diff. 24. et Summa illa verbo delectatio quæ regit materiam. Hinc, quodlib. 6. q. 28. Anselmus in 4. quæst. 4. de Eucharistia, supra citus, 8. per hoc, dico Parisius Super libro de institutione dei; dum tractat de peccatorum differentia sectione 9. Nam sic in manuali capit. 16. et probatur rationibus adductis pro eadem fuisse, nam repræsentatio talis delectatio est obiectum liberi consentis ut ibi dicitur inclinatio appetitus in opus ipsius; quod sic probat, appetitus non delectatur de acta, etiam ut cogitatur, nisi quia habet inclinationem ad ipsius ergo volens non consentit libere in hanc delectationem, nisi consentiat in hoc, quod appetitus ille inclinatur in actum.

1. *Negne adest quod voluntas actum formali abiciat opus illud, quantum hoc intelligitur de opere, quoad executionem, non autem quoad finem naturalem. Impossibile est, quod hoc modo displicat ipso, si placeat delectatio, quae ex ipso sequitur, quantumcumque noller accedere ad executionem talis operis.*

Et praeterea, obiectum delectationis, scilicet opus ipsum, habet eandem inordinatorem, atque cum eis a parte rei: ergo etiam ipsa delectatio habet eandem inordinatorem: probat antecedens, quoniam cogitatio in isto casu loquitur de habere se conditio sine qua non: ergo ratio: pro non immutatur, quantum ad inordinationem obiecti nam, opus cogitatum, & ex consequenti illi in inordinatum, ut cum eis a parte rei.

*Et confirmatur testimonio AUGUSTINI, qui libro 3. c. 12. de trinitate cap. 12. dicit, propter consensum in huiusmodi declarationem damnatum totum hominem; quod semen non potest propter dicti, nisi de peccato mortali. Nec vultus quod idem dicit AUGUSTINUS, dicendum esse pro omni transgressione peccati aliud orationis dominice: *Domine, non desinas nos*, quod iam ipse in Ezechiel. cap. 37. docet, dicendum esse pro transgressione venialium; nam (vt D. THOMAS docet in hoc art. ad 6. & de veritate quest. 17. artic. 4. ad primum) oratio dominice non solum contra peccata venialia dicenda est, sed etiam contra mortalia.*

Et si quaeratur, an hoc sit adeo certum, ut oppositum non sit probabile? Respondetur affirmative, quatenus dicit CORNELIUS. lib. 1. quest. 2. dubio 10. & probatur, quoniam haec sententia habet pro se argumenta sua efficacia, & communera sensum Theologorum: opposita vero nullum habet pro se neque apparentia argumentum, & in se ipsa nullum continet testimonium: Et sic videtur ex eo sequitur praesentia in conveniendis in moribus, quoniam praevalere occasione libidinis

& ruinæ animarum, quare pœnitens, qui adherendo illi sententiæ nollet desistere ab huiusmodi delectationibus, non esset absolendus.

§ 1. *Difficultates aliquot ex regula tradita emergentes dissoluntur.*

SED CONTRA REGVLAM istam obijci possunt nonnullæ difficultates, in quibus ex ipsa sumitur ratio dubitandi. PRIMA EST, *an sit peccatum mortale delectari de actu elicto cogitato sub conditione excludente emendatitudinem*: vt, si non esset peccatum, vel prohibitum, aut si, esset mea vxor? Pars negatiua videtur colligi ex regula; quoniam delectatio in isto casu habet bonum obiectum, aut saltem non malum mortaliter, quia conditio addita tollit ab eis malitiam: *Sed nihilominus RESPONDETUR affirmatiue*, cum CAIET. com. 1. opus. tractatu 14. dubio 1. & in summa verbo *delectatio mortalis*. NAVAR. in manuali cap. 16. numero 9. in fine: & de pœnit. dist. 1. cap. 13. num. 1. CORDV. lib. 1. quæst. 23. dubio 13. & ratio euidens colligitur ex CAIETANO loco citato, quoniam *delectatio* sequitur ad illum actum secundum suum esse, & *cogitatio* solum se habet vt conditio sine qua non: constat autem, quod actus ille secundum suum esse est maius, quia conditionalis nihil ponit in esse; Et ex hoc patet solutio argumenti. *Neque obicitur*, quod liceat consentire in illum actum sub conditione aut desiderare ipsum, vt concedunt CAIET. & NAV. locis citatis; *quoniam* (vt CAIET. aduertit) hoc est discrimen inter consensum, aut desiderium ex vna parte, & delectationem ex altera: quod consensus & desiderium possunt habere pro obiecto actum sub illa conditione, etiam si aliquando sit impossibilis, quoniam sunt actus inefficaces, & habent modum velleitatum; delectatio vero non potest habere pro obiecto eundem actum sub eadem conditione, quia, cum sit actus perfectus, & quantum est de se efficax, respicit obiectum secundum suum esse, & cum conditionibus pertinentibus ad ipsum secundum istam rationem. Quod vero hoc conueniat delectationi, colligitur ex propria ratione, quæ est, esse quietem quandam appetitus, propter consequutionem, aut præsentiam boni amati.

SECUNDA DIFFICULTAS est, *an sit peccatum mortale delectari de actu cogitato, qui fuit aut erit licitus*: nunc autem est illicitus mortaliter, v. g. an viduam delectari cum plena aduertentia, & perfecto consensu de rebus, quas recordatur se aliquando habuisse cum viro suo, sit peccatum mortale? & similiter an peccet mortaliter iuuenis, qui delectatur de re, quam sperat se habiturum cum ea, quæ futura est sua vxor? & ratio dubitandi sumitur etiam ex regula posita: Nam *pro parte negatiua* facit, quod actus, de quo sumitur ista delectatio, non est peccatum mortale, quoniam est actus coniugatorum; *pro affirmatiua* vero, quod ille actus non delectat, nisi vt præsens, & vt sic non est bonus. RESPONDETUR negatiue, cum CAIET. tract. citato dub. 2. & in summa verbo *delectatio mortalis* §. secundum an delectatio. SILVEST. eodem verbo numero 4. SYMMA TABIENA verbo cogitatio mortalis numero 8. vbi solum propter periculum dicit esse peccatum hanc delectationem (quamuis NAVAR. in manu. cap. 16. numero 10. in principio

A & de pœnit. dist. 1. cap. si cui, numero 2. dicat oppositum) & probatur aperte argumento CAIET. nam non est peccatum mortale approbare actus, ex quibus prouenit huiusmodi delectatio, & consentire in ipsos actus absolutos, & perfectos, ergo neque delectari de eis. Dixi *absolutos & perfectos* vt excluderem distinctionem delectationis à consensu inefficaci, & imperfecto, explicatam præcedenti difficultate.

Ad hoc aliqui concedunt antecedens, & negant consequentiam: & dicunt rationem discriminis esse, quod approbatio vel consensus respicit illos actus vt præteritos, delectatio vero vt præsentis, & ratione huius diuersitatis mutantur illi actus in ratione obiecti moralis, quia priori modo sunt boni, & posteriori mali.

Sed contra, quia delectatio solum respicit illos, vt præsentis in memoria, atque adeo vt præteritos.

Ex quo patet solutio argumenti propositi pro parte affirmatiua, quoniam actus, vt præsens solum in memoria, & vt præteritus, habet eandem B rationem obiecti moralis: quia in vtroque statu habet rationem præteriti.

Pro hac doctrina videndus est D. THOM. supra quæst. 32. art. 3. vbi explicat, quæ ratione memoria actus præteriti vt præteritus est, & spes futuri, sunt causæ delectationis. Ex quo patet non esse eandem rationem de 2. exemplo huius difficultatis, & de casu præcedentis, vt male obijcit NAVAR. contra CAIET. quoniam in isto exemplo non apprehenditur actus sub conditione, sed vt futurus, & cum æstimatione facultatis & potentie perueniendi ad ipsum, & hoc modo potest causare delectationem, vt ibi inquit D. THOM.

Quod si ita obijciat, oscula & tactus, si fiant cum libidine, sunt peccata mortalia, qui ordinantur ad fornicationem: ergo etiam quæcunque delectatio carnalis præsens est peccatum mortale, quia etiam ordinatur ad fornicationem. RESPONDETUR negando consequentiam, & ad probationem nego illam paritatem; & ratio discriminis est, quod oscula & tactus non consequuntur ad aliud, sed fiunt per se, & quia sunt dispositiones ad actum consummationem, & inchoationes ipsius, ideo ordinantur ad ipsum: at vero delectatio non fit per se, sed quasi consequenter ad actum aliquem, & ideo cum est præsens, non ordinatur ad actum futurum, sed ad eum, quem consequitur: sicut contingit in omnibus, quæ fiunt consequenter ad alia, vt in passionibus respectu essentiarum.

Vtrum aduertenda sunt duo cum CAIET. primum est, doctrinam istam intelligendam esse de hac delectatione per se, & quantum est ex parte sui obiecti: nam per accidens, ratione periculi pollutionis, aut nouæ vel maioris delectationis de illis actibus cogitatis vt præsentibus, vel consensus in fornicationem, poterit esse peccatum mortale; & ideo, si timeant, probabiliter periculum istud, de quibus loquimur, tenentur sub mortali vitæ huiusmodi delectationes, sicut pericula peccandi mortaliter. Alterum est, quod etiam his seclusis, sunt illæ delectationes peccata venialia, quia earent iusta necessitate, & vtilitate: non enim consequuntur huiusmodi delectationes carnales ex illis actibus, quatenus fuerunt actus virtutis temperantiæ & iustitiæ, sed quatenus fuerunt libidinosi, quoniam, vt

actus virtutis, non causant delectationem carnalem, sed spirituale.

TERTIA DIFFICULTAS est, an delectatio carnalis, quam alter coniux percipit de actu cogitato ut presentis in absentia alterius, sit peccatum mortale?

RESPONDETUR negative, dummodo non sit periculum pollutionis; ita **CAIET.** hoc loco, & in summa, verbo *delectatio morosa*, & sequitur eum **ARMIL.** eodem verbo, & colligitur aperte ex dictis: quoniam actus, ex quo in isto casu sequitur delectatio & consensus in ipsum, non est peccatum mortale. *Neque obstat*, quod non possit mandari executioni propter absentiam alterius coniugis; quoniam etiam in presentia possunt reperiri circumstantiæ, propter quas hoc contingit, ut agnatio, & similia. Et *præterea*; quia propter abtinentiam unus coniugis non omnino alter dominum in corpus ipsius, ratione cuius posset velle copulam cum ipso. Quare in hac re non est audiendus **NAV.** qui locis citatis sentit oppositum.

QUARTA DIFFICULTAS est, an sit peccatum mortale, delectari de opere, quod per se, & ex natura sua est peccatum mortale, excusatur autem propter ignorantiam, aut aliam causam?

AD HOC ALIQUI respondunt hac regula; nunquam est licitum gaudere de aliquo isto opere, aut consentire in ipsum, nisi tempore talis gaudij aut consensus sit eadem causa excusans ipsum à peccato; ita **PAL.** in 4. distinct. 9. quæstione 3. artic. 1. **SOTO** distinct. 12. quæstion. 1. artic. 7. & **Cordub.** lib. 2. quæstion. 13. **ALII** dicunt duo: primum est, licitum esse consentire in opus illud consenti in efficaci, & habente modum simplicis complacentiæ, propter bonum aliquem finem; & eodem modo delectari de ipso: non tamen esse licitum consentire in ipsum consenti efficaci, qui quantum est de se sit sufficiens ad executionem operis, & includit appositionem mediorum. Alterum est, esse peccatum mortale, delectari de illo opere, quatenus libidinosum est; ita **ADRIANVS** quæst. 4. de Eucharistia supra citata §. *his præmissis* & **NAV.** in manuali capite 16. numero 7. & hæc sententia videtur mihi verior; *Neque obstat contra primum*, quod delectatio & consensus habeat tunc pro obiecto opus malum; quoniam solum est malum materialiter, non tamen formaliter, & in ratione motui specificantis. *Neque etiam obstat contra secundum* id, quod diximus in casu secundæ difficultatis, qui videtur esse similis huic; quoniam est magnum discrimen; nam ibi opus, quod est obiectum delectationis & consensus, est secundum se bonum: hic autem secundum se est malum, & excusatur propter ignorantiam, aut impotentiam vitandi ipsum.

ULTIMA DIFFICULTAS est, quia nemo dicit peccare mortaliter eos, qui delectantur videndo duellum, aut aliquem ludum prohibitum iure humano sub mortali, aut cogitando de eo: & tamen actus isti sunt peccata mortalia.

RESPONDETUR, quod si isti delectentur de actibus secundum suam substantiam, cum aduertentia prohibitoris, proculdubio peccant mortaliter, ut contra **GABRIEL** 4. distinct. 15. quæst. 13. art. 3. dubio 1. tenet **IOANNES DE MEDINA** codice de Restitutione quæst. 21. §. *mihi tamen*; & ratio colligitur ex dictis, nam delectatio ista habet ob-

Actum malum mortaliter, si tamen solum delectentur de modo, quo huius modi actus sunt, non peccant mortaliter, ut idem **MEDINA** dicit, & **CAIET.** in summa verbo *delectatio morosa*; quod tamen intelligendum est, quando modus secundum se non importat malitiam, & potest separari & præscindi à substantia actus; & ut ita separatus est sufficiens ad delectandum, cuiusmodi est, sagacitas in excogitatione mediorum, ad committendum aliquod peccatum; & alia similia; & hoc est verum, siue peccata sint prohibita tantum iure humano, siue etiam naturali: bene liquidem potest aliquis delectari cogitando minus & extraordinarios modos, quibus potest committi furtum.

ARTICVLVS IX.

Vtrum in superiori ratione possit esse peccatum veniale, secundum quod est directiua inferiorum virium?

CONCLUSIO est affirmatiua.

ARTICVLVS X.

Vtrum in ratione reperiri possit peccatum veniale secundum seipsam?

CONCLUSIO est affirmatiua.

COMMENTARIVS.

Quatuor dubia explicantur.

CIRCA HOS articulos potest PRIMO DUBITARI, an quoties unque est peccatum in ratione inferiori, sit etiam in superiori & e converso: **RESPONDETUR** breuiter affirmative: cuius ratio ut capi dicere art. 7. est, quod omne peccatum est aliquo modo contra legem eternam Dei, & procedit ex inferiori aliquo motu, & ratione primi pertinet ad rationem superiorem, ratione vero secundi ad inferiorem; ut ibi explicui; quod quantum ad peccatum pure omissionis si daretur, deberet intelligi de motu interpretatiuo: In priori parte conuenit nobiscum **RICH.** in 2. d. 24. circa primum principale qu. 5. in posteriori vero dissentit, qu. 6.

SECUNDO INQUIRI potest, an in ratione superiori, quatenus est directiua virium inferiorum, possit dari peccatum veniale propter defectum deliberationis? **RESPONDETUR** affirmative: Et probatur, quoniam actus pertinens ad vires inferiores, qui ex genere suo sit peccatum mortale, & propter defectum deliberationis veniale, non est peccatum, nisi in quantum aliquo modo est contra legem eternam: ergo ut sit peccatum, necessarium est quod subordinetur deliberationi rationis superioris; quoniam ad eam pertinet inspicere illam legem; & ut sit peccatum tantum veniale,



ARTICVLVS II.

Vtrum peccatum habeat causam interiore?

CONCLUSIO Peccatum habet duas causas interiores, unam proximam, scilicet intellectum: & voluntatem: & alteram remotam scilicet imaginationem & appetitum sensitivum.

ARTICVLVS III.

Vtrum peccatum habeat causam exteriorem?

PRIMA CONCLUSIO. ea, quæ externa sunt, possunt esse causa peccati, in quantum movent ad peccandum.

SECUNDA CONCLUSIO solum possunt nocere duobus modis, scilicet aut mouendo rationem, sicut homo & demon mouent suadendo: aut mouendo appetitum, sicut bona sensibilia mouent ipsum tanquam obiecta.

TERTIA CONCLUSIO: Nunquam mouent ita efficaciter ad peccandum, ut necessario & infallibiliter sequatur peccatum.

VLTIMA CONCLUSIO sola voluntas est causa sufficiens peccati: externa vero sunt causa insufficienter inducentes ad ipsum.

COMMENTARIVS:

NOTA, quod cum D. THO. in fine articuli inquit, quod res exterius propositæ non mouent ex necessitate appetitum sensitivum, nisi forte aliquo modo dispositum: non est sensus, appetitum secundum se habere aliquam libertatem, ratione cuius possit resistere motioni factæ à sensibilibus, ut male intellexit CAJET. contra quem disputauimus qu. præcedenti; sed sensus est, non semper trahi appetitum à sensibilibus, sed pro ratione dispositionis, quæ est in ipso: nam propter diuersitatem dispositionum contingit appetitum vnius moueri à sensibili, à quo appetitus alterius non mouetur, ut cum quis in

die ieiunij mouetur ab aliquo cibo ad appetendum comedere, à quo alter nullo modo mouetur, quia ratione propriæ dispositionis est ipsi omnino intipidus.

ARTICVLVS IV.

Vtrum peccatum sit causa peccati?

CONCLUSIO. Vnum peccatum potest esse causa alterius in omni genere causa.

COMMENTARIVS.

NOTA PRIMO, quod, cum vnum peccatum dicitur causa per se alterius, quia producit dispositionem, vel habitum inclinante ad ipsum: non intelligitur de causa per se in rigore, quoniam habitus productus non pendet in operando ab actibus præcedentibus, sicut propter hanc rationem auus non dicitur causa per se nepotis: sed intelligi debet de causa per se late sumpta, ad quam satis est, concurrere ad entitatem effectus, saltem mediate, hoc est producendo causam, quæ immediate concurrit, hæc enim causa comparata cum ea, quæ solum concurrit remouendo prohibens, potest dici causa per se.

NOTA SECUNDO, quod, quamuis in sensu diuiso, & simpliciter nunquam sequatur vnum peccatum ex altero: tamen ex suppositione, & secundum quid potest sequi necessario; ut, supposito, quod parochus velit retinere concubinam, si subditus perat, quod audiat eius confessionem, sequitur necessario ex suppositione quod committat nouum peccatum; nam si nolit audire peccabit contra iustitiam; si vero audiat, peccabit contra reuerentiam debitam sacramento. *Neque tamen* sequitur istum esse simpliciter perplexum, ita ut sit simpliciter necessarium, quod quidquid faciat peccet, in quo sensu dicunt Theologi non contingere aliquem esse perplexum simpliciter; sed solum sequitur, esse perplexum sua culpa, & ex suppositione: nam simpliciter potest vitare peccatum dimittendo concubinam. Et in isto casu primum peccatum est causa secundi in genere causæ materialis: quia est occasio, ex qua sequitur necessario ex suppositione, non ex natura rei, sed propter malitiam peccantis; & occasio reducitur ad genus causæ materialis.

QVÆSTIO LXXVI.
DE CAUSIS PECCATI IN SPECIALI.
ET PRIMO DE IGNORANTIA.
ORDO ET CONNEXIO TRACTATIONIS.

CONTINUATIO huius quæstionis ad præcedentes & sequentes satis constat ex earum titulis: nam cum D. THOM. in quæstione præcedenti proposuerit, se disputaturum de causis peccatorum in generali, & in speciali; & ibi egerit de eis in generali, consequenter debet agere de eis in particulari, & prius de internis, quam de externis: quoniam internæ immediatius & principalius concurrunt. Quia tamen sunt tres causæ internæ peccatorum, scilicet *ignorantia* ex parte intellectus, *passio* ex parte appetitus & *malitia* ex parte voluntatis; ideo de eis agit tribus quæstionibus sequentibus, & in ista de prima, scilicet de ignorantia: de qua tria explicat, ad quæ vniuersa, quæ de ipsa dici solent, possunt reduci, scilicet *quando* sit causa peccati, *quomodo* ipsi secundum se conueniat formalis ratio peccati, & *qua ratione* se habeat ad quantitatem culpæ, hoc est, an minuat, an aliquando augeat ipsam.

§. Multiplex diuisio ignorantia.

SED ANTEQUAM ad litteram D. THOM. accedamus, præsupponendæ sunt nonnullæ diuisiones ignorantia, quæ ad eius, & eorum, quæ dicemus, intelligentiam sunt valde necessariæ. De quibus late agunt ALMAI. in moral. tract. 1. cap. 4. ALPHONSVS à Castro lib. 2. de lege pænali cap. 14. CORDV. lib. 2. quæst. 1. & DRIED. lib. 2. de libertate Christiana cap. 9. ut autem intelligatur, quid in eis significetur nomine ignorantia, ADVERTIS ex D. THOM. art. 2. huius quæst. & quæstion. 3. de malo art. 7. in corpore: & quæstion. 8 art. 1. ad 7. *nescientiam, ignorantiam, & errorem* hoc differre inter se, quod *nescientia* significat solam carentiam, aut negationem alicuius scientiæ, etiam si subiectum non sit ex natura sua aptum natum habere talem scientiam; ita ut subiecto neque ratione aptitudinis naturalis, neque ratione præcepti sit debita talis scientia; qua ratione D. THOM. locis citatis, & prima parte quæst. 58. art. 5. concedit, in angelis esse *nescientiam* respectu eorum, quæ supernaturaliter possunt cognosci: & desumpsit illud, ex DIONYSIO de celesti hierarch. cap. 7. ubi inquit, angelos scientiæ inferiorum purgari à *nescientia*, quam eius interpret Perionius appellat *ignorantiam*. *Ignorantia* vero significat priuationem scientiæ, & non puram negationem: quia supponit in subiecto *debitum*, aut *naturale* ratione aptitudinis naturalis, aut morale ratione præcepti habendi talem scientiam Prior

autem importat aliquid *positiuum* contrarie oppositum scientiæ, ut cum quis aliter iudicat de re, quam se habeat. verum quamuis voces istæ in rigore ita distinguantur: tamen interdum nomen ignorantia sumitur ut commune ad priuationem scientiæ, quam appellauimus ignorantiam, & ad errorem; & ita videtur eo ARIST. primo post. ap. 10. cum ignorantiam diuidit in *ignorantiam puram negationis* & *prauam dispositionis*: nam priuationem scientiæ, appellat puram negationem, non quia non supponat in subiecto aptitudinem requisitam ad priuationem, sicut diximus de *nescientia*; sed quia non importat aliquid positiuum contrarium scientiæ, sicut *error*, quam propterea ibi appellat *prauam dispositionem*. Et eodem modo videtur nos in hac quæstione nomine: non tamen in tota sua latitudine, sed prout supponit in subiecto debitum morale aut obligationem habendi scientiam oppositam; sepe enim erramus positiuè, aut habemus ignorantiam priuatiuam circa ea, quæ non tenemur scire, & huiusmodi error, aut ignorantia non pertinet ad disputationem hanc, quæ est de rebus pertinentibus ad mores.

Hoc SUPPOSITO, de ignorantia ita sumpta varietate traduntur à Theologis diuisiones. PRIMA est, quæ diuiditur ex parte obiecti in *practicam* & *speculatiuam*. *Practica* dicitur, quæ opponitur scientiæ practicæ: & *speculatiua* quæ opponitur speculatiuæ. Ad hoc autem ut aliqua scientia dicatur *proprie practica* requiruntur duo, scilicet quod obiectum eius suapte natum sit operabile ab eo, in quo ipsa est, ut in subiecto; & quod sit operabile notitia ipsa, vel

scientia

scientia dirigere potentiam ad operationem; quod tunc conuenit scientiæ, cū præscribit modū & regulas operandi circa obiectum, vel efficiendo ipsum, vel alio modo practice attingendo: & quocunque istorum deficiente non erit scientia proprie practica, sed dicitur practica materialiter, si obiectum sit operabile, & speculatiua formaliter & simpliciter. Et ita D. THOM. de veritate quæst. 14. art. 4. inquit, ad hoc ut notitia aliqua sit simpliciter practica, requiri, quod formaliter dicat de opere faciendo, & sit proxima regula operandi. Ex quo constant duo. *Primum*, illam ignorantiam dici in nostro casu practicam simpliciter, quæ opponitur dictamini, quod secundum se & formaliter est regula operandi dictando aliquid esse faciendum vel omittendum: & ideo non solum esse formaliter practicam illam ignorantiam, quæ consistit in defectu aliquo imperij efficacis, quo dicitur hic & nunc esse hoc faciendum, (ut aliqui volunt) sed etiam illam, quæ opponitur notitiæ dictanti in communi aliquid esse faciendum vel omittendum, quales sunt istæ, Deus est colendus, futurum non est committendum: quia etiam istæ notitiæ formaliter dicant de opere faciendo, licet non tam immediate, sicut imperium efficax; & ideo hoc imperium dicitur ab aliquibus *practicum practice* & notitia in communi dictans appellatur *practica speculative*. *Alterum* est quod ignorantia articulorum fidei non est formaliter practica, quoniam notitia opposita est formaliter speculatiua, quia formaliter non dicit de opere faciendo: nam quamuis v.g. ex eo quod Deus pro nobis assumpserit carnem, sequatur, esse diligendum; & ex eo quod sit iudicaturus omnes pro meritis vniuscuiusque, sequatur vitanda esse peccata: tamen hæc non continentur formaliter in illis propositionibus.

SACUNDO diuiditur ignorantia in communi ex parte obiecti materialis in *ignorantiam iuris* & *ignorantiam facti*. *Ignorantia iuris* est, quæ ignoratur id, quod iure decretum aut statutum est; & est multiplex, sicut ius quod ignorari potest est multiplex, nam sicut ius diuiditur in naturale & positium, & hoc subdividitur in diuinum positium sub quo comprehenduntur præcepta baptismi & confessionis, & multa alia tam in noua, quam in veteri lege; & in ius humanum positium, quod rursum diuiditur in ecclesiasticum, & sæculare, & demum sæculare diuiditur in ius gentium & ciuile: sic etiam ignorantia iuris potest in totidem membra diuidi, ita ut ignorantia quædam sit iuris naturalis, alia positium; & rursum ignorantia iuris positium diuidatur in ignorantiam iuris diuini positium, & humani, & ita consequenter de reliquis. Quomodo autem prædicta iura distinguantur inter se, explicandum est in materia de legibus. *Ignorantia facti* est, quando in ipso facto ignoratur id, ratione cuius cadit sub præcepto aut prohibitione, ut cum quis ignorat, cibum, quem sumit, esse mortiferum, aut hoc animal, in quod mittat sagittam, esse hominem, aut hunc hominem, quem alloquitur, esse nominatum hæreticum: quoniam in quocunque facto ex istis ignoratur id, unde pender id quod sit contra præceptum; & hanc ignorantiam habuit IACOBUS quando pro RAEBE & fuit supposita ipsi LIA quæ nondum erat sua; ignorabat enim, eam, ad quam accedebar, esse non suam. Ex quibus constat, posse hanc ignorantiam provenire ex tot capitibus,

A quot sunt ea, quæ factum ipsum reponunt in specie peccati, vel mutant speciem, aut intra eandem speciem mutant malitiam; & posse aliquem habere ignorantiam in ordine ad vnum, & scientiam in ordine ad aliud: ut, potest aliquis scire, esse hominem, eum, quem interficit, & ignorare esse proprium parentem; & ita Iudas cum accessit ad Thamar nurum suam, non habuit ignorantiam quoad peccatum fornicationis, quia sciebat eam non esse suam, & putabat esse meretricem: habuit tamen in ordine ad peccatum incestus, quia ignorabat esse nurum suam.

TERTIO diuiditur ignorantia in *habitualem* & *actualem*, quamuis aliqui nollent posteriorem appellare ignorantiam, sed inaduertentiam, vel obliuionem, aut inconsiderationem: verum D. THOM. supra quæst. 6. art. 8. inter membra cuiusdam diuisionis ignorantie, cuius ibi meminit, recenset *inconsiderationem actualem* & appellat eam *ignorantiam male electionis*. Ignorantia *habituale* est, quæ opponitur scientiæ habituali, ut cum quis caret scientia, & actu, & habitu; *actualis* vero dicitur, quæ opponitur scientiæ actuali, ut cum non considerat actum, ea, quæ habitualiter nouit: & utraque potest esse practica & speculatiua, quamuis actualis frequentius sit practica, & propterea sumserit nomen à mala electione, cuius est principium: potest etiam utraque reperiri tam respectu iuris, quam facti.

QUARTO diuiditur in *invincibilem* & *vincibilem* estque diuisio hæc celebris in materia morali: sed difficilis: quia difficile est explicare, quid requiratur, ut aliqua ignorantia sit invincibilis. D. THOM. art. 2. huius quæstion. dicit, eam ignorantiam esse invincibilem, quæ non potest studio superari, ex quo ut notum relinquit, omnem ignorantiam, quæ potest studio superari, esse vincibilem. Et in hoc, præter auctores citatos, conueniunt cum ipso DURAND. in 2. distinct. 12. quæstion. 4. GABRIEL. in eadem distinct. quæst. 2. art. 1. notabili. MARSIUS. in 2. quæstion. 15. articulo. 2. parum post principium. SILVESTER verbo ignorantia num. 8. & fere omnes.

SED RESTAT explicandum, quantum studium, & quanta diligentia debeat adhiberi ad hoc, ut ignorantia postea manens conueatur invincibilis. AD HOC ALIQUI RESPONDENT, adhibendam esse summam diligentiam, & totam quam homo potuerit præstare: pro qua sententia refertur HUGO. lib. 1. de sacramentis; & sequitur eam aperte DREDO loco citato, ubi ita inquit: *ignorantia invincibilis est, quam quis, etiam faciendo quantum potest, vincere aut superare non potest*. Et fauet eis hæc ratio: ignorantia dicitur invincibilis, quia non potest vinci, aut superari; ergo nisi homo præstet totum, quod potest, ad vincendum eam, non dicitur invincibilis respectu ipsius.

SED MELIUS RESPONDETUR cum GAB. ALMAI. CASTRO & CORDV. locis citatis, satis esse, adhibere diligentiam, ad quam pro tunc homo obligatur in ordine ad hunc effectum, qui est acquirere scientiam oppositam. Quare invincibilis ignorantia dicitur illa, quam homo non potest vincere, faciendo quod pro tunc facere tenetur ad acquirendam scientiam oppositam; & e contra, illa dicitur vincibilis, quam si homo illud faciat potest vincere, siue id omittat ex malitia, siue ex negligentia.

ADVERTIT autem recte ALMAIVS, definitio-
nem hanc ignorantia inuincibilis non esse intelli-
gendam absolute, de eo, quod homo facere tene-
tur: sed determinate, de eo, quod facere tenetur ad
acquirendam scientiam oppositam: vel (quod idem
est) ad expellendum ignorantiam, non enim desinet
aliqua ignorantia esse inuincibilis, quia possit aliquis
eam vincere, aut acquirere scientiam oppositam faci-
do id, quod alia de causa facere tenetur, dum non te-
neatur peculiariter id facere ad acquirendum scien-
tiam. Quod ipse ALMA, explicat optimo exēplo, Iudæi
degentis extra Hierosolymam in die pentecostes, quo
ab Apostolis est promulgata lex euangelica, & no-
lentis illuc ascendere sine vlla causa legitima; iste
enim etiam illo die diceretur ignorare inuincibi-
liter euangelium; quia licet, si ascenderet, sicut
tenebatur, acquireret eius notitiam: tamen non te-
nebatur ascendere, ut eam acquireret, sed alia de
causa, scilicet quia præcepto legis tenebantur om-
nes Iudæi vinis sexus cōuenire ex omnibus Iudæ-
sinibus in urbem Hierusalem ut sacris interessent
Ex. 23. estque hoc obseruandum pro ijs, quæ postea
dicemus, de ignorantibus inuincibilibus in particu-
lari. *Neque verum* est id, quod contra expositio-
nem hanc objicit quidam ex recentioribus, scilicet
in ea peti principium. Nam in dubio proposito in-
quirebatur, quanta diligentia sit adhibenda ad ex-
pellendum ignorantiam, ut si adhuc manserit cen-
teatur inuincibilis, & iuxta prædictam expositio-
nem responderetur, non esse adhibendam omnem
possibilem homini, sed solum eam, ad quam vnus-
quisque tenetur in ordine ad illum finem, quæ res-
ponsio est valde distincta ab interrogatione. Quod
autem sit vera, probatur à posteriori contra asse-
rentem requiri summam diligentiam: quia si quis
faciat totum quod debet ad acquirendam scien-
tiam oppositam ignorantia, circa ea quæ tenetur
scire, non poterit ipsi imputari ad culpam talis ig-
norantia, quamuis non faciat totum quod potest;
ergo neque erit vincibilis, sed inuincibilis: *confe-*
quentia patet, quia omnis ignorantia vincibilis cir-
ca ea, quæ tenemur scire, imputatur ad culpam,
ut docet D. THOM. art. 2. & *antecedens* probatur,
quia eo facto non erit illa ignorantia contra debi-
tum, aut contra legem, & id quod nullo modo
est contra legem, non potest habere rationem culpæ.

Confirmatur, quia ignorantia vincibilis semper est
voluntaria, aut formaliter, aut interpretatiue, at-
que adeo consequens, ut statim dicam: at ignorantia,
quæ adhibita prædicta diligentia permanet, non
est voluntaria formaliter, ut constat; neque interpre-
tatiue, quia nulla est obligatio faciendi aliquid am-
plius ad expellendum eam; ergo neque est vincibi-
lis, sed inuincibilis.

Dices, præceptum obligans ad expellendum ig-
norantiam, vel ad acquirendum scientiam oppo-
sitam, obligare ad adhibendam summam diligentiam
& ad faciendum totum, quod homo potuerit in or-
dine ad hunc finem; & ita non distingui in isto casu
diligentiam summam à debita.

Sed contra, reliqua præcepta non obligant ad ad-
hibendam summam diligentiam, ergo neque hoc.

Confirmatur quia aliàs sequitur, quod neque ig-
norantia Abimelech ducentis Saram uxorem A-
brahæ in domum suam Gen. 20. esset inuincibilis,
contra scripturam; neque ignorantia Iacob acce-

dentis ad Liam Gen. 29. quia vtrique potuit ma-
iorem diligentiam adhibere.

Quod si adhuc inquiras, quanta debeat esse in parti-
culari ista diligentia, ad quam obligat hoc præceptum,
supposito quod non debeat esse summa? Respondetur, de-
bere esse tantam, ut arbitrio prudentis, considera-
ta grauitate rei, & qualitate personæ, iudicetur
sufficiens moraliter ad expellendum ignorantiam,
vel ad acquirendum scientiam oppositam: de quo
plura dicam articulo 2. ubi explicabo in particulari
quarum rerum possit esse ignorantia inuinci-
bilis.

Et ad fundamentum oppositæ sententiæ respon-
detur, quod ignorantia non solum dicitur inuinci-
bilis naturaliter, sed etiam moraliter, ut autem sit
hoc modo inuincibilis, non requiritur, quod nullo
modo, etiam adhibita summa & extraordinaria
diligentia, possit vinci: sed satis est, quod non ex-
pellatur adhibita diligentia sufficienti moraliter,
& ad arbitrium prudentis; quoniam, quæ fieri
non possunt adhibitis medijs moraliter suffi-
cientibus, etiam moraliter reputantur impossi-
bilia.

Ex duobus membris huius diuisionis, secundum,
scilicet ignorantia vincibilis, subiudicatur in alia duo,
scilicet in ignorantiam affectatam, & crassam seu su-
pinam; *Affectata* est, quam quis formaliter & ex-
presse vult, iuxta illud psal. 35. noluit intelligere ut
bene ageret: & illud Iob 21. qui dixerunt Deo, recede à
nobis, & scientiam viarum nostrarum nolumus: & Ita. 30.
Filij nolentes audire legem Dei: qui aienius videntibus
noluit videre, & aspicientibus, noluit aspiciere nobis ea,
quæ recta sunt; etiam & hæc subiudicatur ab A-
PHOS. DE CAST. loco citato & ab alijs ex parte fi-
nis, propter quem aliquis recusat habere scientiam
oppositam ignorantia: hic enim potest esse multi-
plex, & est considerandus ad explicandum, an a-
liquando hæc ignorantia affectata minuat pecca-
tum, ut dicam art. 3. Ignorantia *crassa* & *supina*
est, cum quis, & si non intendat formaliter ipsam
ignorantiam, tamen ex negligentia magna addi-
cendi ea, quæ tenetur scire, ignorat aliquid; ex
quo ratio nominum desumpta est: dicitur enim
hæc ignorantia *crassa* & *supina*, ratione negligenti-
æ, ex qua prouenit; *supina* quidem, quoniam qui
supini iacent, negligenter, & sine vlla cura dege-
re videntur, *crassa* vero, *vel quia* negligentia, & mi-
nima rerum cura, soleat homines crassos efficere;
vel quia est de re adeo crassa, ut aperta, ut à quo-
vis, etiam parum diligenti, possit sciri. Est autem
hic aduertendum ex SILVEST. verbo *ignorantia*, nu-
mero 5. quod à Iurisperitis ignorantia vincibilis
diuiditur in plura membra; nam præter illa duo
hactenus explicata, constituunt alia duo, scilicet
lenem & *lenissimam*, quæ ab alijs reducentur ad v-
num membrum, quod nomine sui generis appel-
lant absolute, & sine addito ignorantiam vincibi-
lem. Ut autem intelligatur, in quo differat hæc ig-
norantia à duabus supra explicatis, sciendum est,
quod hæc prouenit ex negligentia, & non est expre-
sse volita, & in hoc differt ab *affectata*; at vero
negligentia habet latitudinem, & potest esse maior,
& minor, & ita à Iurisperitis diuiditur in *latā*, *lenem*
& *lenissimam*, de quarum distinctione, iam inter se,
quàm à malitia, & dolo, videndus est SILV. verbo
culpa numero 2. & NÁVAR. in manuali capit. 17.
numero 177. & sequenti. Quando negligentia

addit-

adducendi est lata, hoc est maxima, tunc ignorantia dicitur *crassa* vel *supina*, ut idem NAVAR. dicit, *crassa* propter superstitiam: quando vero negligentia, si *levis* aut *levissima*, tunc ignorantia appellatur propter negligentiam levi aut levissimam, vel absolutam, & sine addito, ignorantia vincibilis. Quod autem præter ignorantiam crassam sit ponenda alia etiam vincibilis, & propter negligentiam, videtur colligi aperte ex cap. *de animarum*, de constitutionibus lib. 6. ubi Bonifacius 8^{us} ita inquit, *ut animarum periculis obviaret, sententia quædam quæ ordinaverunt prælati legem nobiscum ignorantes, dum tamen eorum ignorantia crassa non fuerit aut supina*. Quod si præter ignorantiam crassam & supinam nulla alia daretur vincibilis, aut culpabilis, proventiens etiam ex negligentia, in nullo caso per statum illud obviaretur periculis animarum: non enim excipit ibi pontifex ignorantiam affectatam, quæ multo peior est, quàm crassa: neque etiam excipit invincibilem, aut omnino inculpabilem, quoniam de hac omnes supplicavit ut certum, quod exercebat illa pena.

ULTIMO dividitur ignorantia à D. THO. supra quæst. 6. art. 8. in *antecedentem concomitantem & subsequentem* quia divisio potest duobus modis explicari: aut enim comparatur ignorantia ad effectum, qui dicitur fieri ignoranter, aut ad actionem voluntariam, quæ est principium illius effectus; si comparatur ad effectum dicitur *antecedens*, quando fuerit eius causa, ut cum, ratione ignorantie, sit aliquid, quod est seclusum non fieret, quia causa antecedens suam effectum: & *concomitans* quando neque sequitur illum effectum sine actu, tanquam effectus ipsius, neque antecedit ut causa, sed concomitantem se habet ad ipsum, ut quando etiam seclusa ignorantia fuerit illi quod de facto sit cum ea, consequens verum non video quomodo possit dici respectu eiusdem effectus, quia cum ille effectus ex suppositione huius ignoranter, non poterit ipsa ignorantia esse posterior tanquam eius effectus. Et ita auctores, qui sequuntur hunc modum explicandi hanc divisionem, vel constituunt tantum duo membra ipsius, scilicet antecedentem ignorantiam & concomitantem: vel dicunt, ista duo membra explicanda esse per ordinem ad effectum, & tertium, scilicet ignorantiam consequentem, per ordinem ad actum voluntatis; & ita divisionem hanc partem in duas, unam respectu effectus, ignorantiam antecedentem & concomitantem: & alteram respectu actus voluntatis in antecedentem & consequentem: huius autem ignorantia comparatur ad actum voluntatis, dicitur *antecedens* quod fuerit eius causa, & *consequens* quando fuerit eius effectus, hoc est, voluta per eam, vel formaliter, vel interpretatur: & tandem *concomitans*, quando solum se habet ad eam concomitantem, quæ omnia satis sunt à me declarata loci citati, & exemplis propostis facile possunt explicari.

Et actus potest facile intelligi, quia ratione sit concedendum, vel negandum de viisqueque ex istis ignorantia, esse vincibilem, aut invincibilem. Si enim divisio hæc explicetur *prout modo*, dicendum est tantum ignorantiam antecedentem, quam concomitantem posse esse vincibilem & invincibilem: quia utraque potest esse omnino involuntaria, ut neque sit voluta formaliter, neque etiam interpretatur, propter impotentiam scilicet moralem

expellendi eam, & tunc utraque erit invincibilis: & similiter utraque potest esse voluntaria, quia potest esse voluta, aut formaliter, aut scilicet interpretatur, propter negligentiam admodum cum obligatione, & potentia vitandi eam; & tunc utraque erit vincibilis.

Et per ex hoc sequitur, dari aliquam ignorantiam vincibilem, quæ sit simpliciter & omnino antecedens aut concomitans, quia omnia illa ignorantia sunt in hoc casu aliquo modo consensu, scilicet respectu actus voluntatis, quo sunt voluta, aut formaliter, aut interpretatur: ut recte adducere ALMAT. Tract. 1. Moral. cap. 4.

Si vero divisio ista explicetur *potestati modo*, dicendum est, nullam ignorantiam esse vincibilem, præter consequentem, atque ita tam antecedentem, quàm consequentem esse semper invincibilem; quia ut aliqua ignorantia sit vincibilis, necesse est, quod præcedatur ea diligentia, quæ potest & debet adhiberi, ad expellendum ipsam; & in hoc involuntaria aliqui actus voluntatis aut formalis, aut interpretatur, ex quo proveniat ipsa ignorantia, quod satis est, ut sit consequens. Ceterum ista virtutem modum dicendum est peculiariter de ignorantia consequente, esse semper vincibilem, quia iuxta virtutem explicatur per ordinem ad aliquem actum voluntatis, vel formalem, vel interpretatur, ex quo provenit, tanquam eius effectus. Verum hic adverte, *posterior enim modum tractandi duos habet: scilicet magis conformem D. THO. illi loco ut aperte colligitur ex eius verbis, & propterea cum ibi sequatur sunt.*

PRAETER has divisiones ignorantie, CASTRO, DREDO, & CORDO. locis citatis insinuant alias duas: Primam in ignorantiam *inculpabilem*, & *culpabilem*, & alteram in *improbabilem*, & *probabilem*: Sed ambe reducuntur ad quartam ex istis, quæ proposuimus. Præter quidem, quia eo modo, quo aliqua ignorantia est culpabilis aut inculpabilis, hoc est, aut in se, aut in sua causa est etiam vincibilis aut invincibilis; atque ita sicut ignorantia, quæ ebrius facit aliqua mala, est invincibilis secundum se, quoniam qui iam factus est ebrius, non potest uti arbitrio liberare, & est vincibilis in sua causa, scilicet in superflua potatione, quia potuit abstinere ab ea: ita propter easdem rationes est inculpabilis secundum se, & culpabilis in sua causa. Posterior vero, quia non potest aliqua ignorantia esse probabilis, quin excuset ab obligatione inquirendi alia, & ex consequenti sit invincibilis, scilicet moraliter. Venit etiam tamen, quod ignorantia, quæ nullo modo vinci potest, quam nos supra appellavimus invincibilem naturaliter & metaphysice, non solet appellari probabilis, & ita ignorantia invincibilis minus patet quàm probabilis, atque propterea probabilis non reducitur ad eam, ut omnino eadem, sed ut inferior.



fit causa peccati alio modo, scilicet concursu politico, sicut voluntas humana.

Sed mihi non placet hæc solutio, quoniam Deus non tenetur impedire peccatum aliquod, conferendo maius auxilium; ergo quâvis non impediatur, non poterit tribui ipsi ut causæ tale peccatum; patet *consequentia*, quia ut effectus, qui sequitur ex negatione alicuius actus tanquam ex remotione prohibentis, tribuatur alicui ut causæ; necesse est quod possit; & teneatur exercere talem actum impeditum effectus, ut cum D. THOMA dixi supra quæst. 6. art. 3.

Et ex hoc patet solutio obiectionis; debet enim negari sequela: & ad probationem dicendum, esse disparem rationem; quoniam adhibere diligentiam ad acquirendum scientiam prohibitivam peccati, est debitum respectu voluntatis humanæ; sed conferre maius auxilium, quo impediatur peccatum, non est debitum respectu Dei.

AD SECUNDVM CONRAD. negat sequelam; & ad probationem dicit, D. THOM. loqui de peccato quoad suum materiale, & ideo solum posse colligi ex conclusione, ignorantiam inuincibilem esse causam peccati quoad materiale ipsius, non tamen quod etiam sit causa quoad formale; ut aduertit ADRIA. quodlibeto 4. art. 2. cum explicat, quid sit peccare ex ignorantia.

Sed uociam impugnatum est. Et præterea neque isto sensu concedendum est ignorantiam inuincibilem esse causam peccati, aut actus peccati: sed solum esse causam actus, qui esset peccatum, nisi excusaretur ignorantia inuincibili, quoniam licet actus ille esset peccatum seclusa ignorantia, tamen ut est effectus ipsius, non est peccatum, imo potest esse actus bonus.

SECUNDO respondet CAJET. concedendo sequelam, ut autem explicet; quomodo ignorantia inuincibilis excuset à peccato, & simul sit causa actus peccati formaliter, ut peccatum est: dicit in actu peccati posse distinguere tria, scilicet *entitatem* materialem ipsius actus, & *deordinationem priuatiuam*, & aliquid mediū inter hæc, scil. *contrarietatem cum virtute*; & ex his tertium tantum esse formale peccati, primum uero habere se ut materiam & subiectum ad formale, & tertium habere se consequenter ad ipsum, quamuis ratione tertij habeat peccatum, quod sit imputabile ad culpam; quoniam illa deordinatio priuatiua est ipsa auersio à lege, sine qua non potest intelligi, quod aliquis actus sit imputabilis ad culpam. Et subdit, ignorantiam inuincibilem posse esse causam peccati, quātum ad tertium, non tamen quantum ad secundum. Ex quo videtur deduci id, quod CAJET. intendit; nam ut aliqua ignorantia sit causa peccati formaliter; satis est quod sit causa eius quantum ad contrarietatem positiuam, quæ est formale ipsius; & ut excuset à peccato, etiam est satis, quod non sit causa eius quantum ad imputabilitatem, quia hoc modo excusat peccantem à culpa.

Sed neque hæc solutio, quamuis sit subtilis; mihi placet, quoniam supponit duo, quæ sunt omnino falsa. Primum est, posse actum, qui procedit ex ignorantia inuincibili alicuius obiecti, aut conditionis, habere malitiam moralem aut contrarietatem cum virtute, ratione illius obiecti, aut conditionis, quod esse falsum patet, quoniam actus ille quantum ad illud obiectum, vel conditionem,

A aut circumstantiam, nullo modo est voluntarius, cum sine cognitione, aut formali, aut interpretatiua, non possit reperiri aliquod genus voluntarij; ergo neque est malus moraliter; patet *consequentia*, quia impossibile est reperiri malitiam moralem, ubi non est voluntarium, ut supra dixi; & etiam ipse CAJET. fateretur; quod si actus ille non sit malus moraliter, non magis poterit dici peccatum formaliter, quam album formaliter sine albedine, cum ita malitia moralis sit forma peccati in genere moris, sicut albedo albi. Alterum est, posse reperiri à parte rei in actu humano malitiam moralem, & contrarietatem cum virtute, sine deordinatione à lege, & sine imputabilitate ad culpam, quod etiam est aperte falsum: nam quamuis demus CAJETANO posse primum tribui alicui actui tanquam causæ, & non secundum; de quo dicemus infra quæst. 79. tamen quod reperitur sine secundo à parte rei, est omnino impossibile ut etiam fateretur ipse CAJET. quæstione citata, art. 1. & ostenditur euidenter, quia impossibile est, esse aliquid contrarium virtuti formaliter, & non esse contra rectam rationem; & ex consequenti contra legem; & similiter etiam est impossibile, esse aliquid contra legem, & non esse imputabile ad culpam, quoniam culpa consistit in transgressione legis.

QUARE ALITER RESPONDETUR, negando sequelam: & ad probationem dico, D. THOMAM in prima conclusione, ideo dixisse absolute, esse causam actus peccati, quia nondum distinguebat inter ignorantiam vincibilem & inuincibilem, neque disputabat, an ignorantia excuset aliquando à tota culpa, an non; sed relinquendo hoc discutendum inferius.

Quod si ita obijciat. Ignorantia inuincibilis excludit scientiam, quæ, si adesset, impediret actum peccati: ergo est causa peccati; *consequentia* patet ex 1. conclusione articuli: & *antecedens* probatur; quoniam cum quis ex ignorantia inuincibili antecedenti interficit hominē, non id faceret, si sciret, esse hominem, alias ignorantia illa non esset antecedens sed concomitans, ut patet ex 1. conclusione articuli.

Respondetur, quod, cum D. THOM. dicat, illam ignorantiam esse causam peccati; quæ excludit scientiam, quæ, si adesset, impediret actum peccati; intelligi debet de actu, qui, cum sit, est vere peccatum, at vero in casu argumenti interfectio hominis non est vere peccatum formaliter, (ut probauit contra CAJET.) sed esset peccatum, nisi excusaretur ignorantia inuincibili; & ideo solum sequitur quod ignorantia illa sit causa actus, qui esset peccatum, si ignorantia non obstat; non tamen quod sit causa actus peccati, aut peccati.

Sed obijciat rursum, quia si in exemplo proposito ille homo sciret, eum, quē interficit, esse hominem, & ignoraret inuincibiliter esse suum patrem, iam actus ille esset vere peccatum homicidij, & tamē impediretur, si sciret esse patrem.

Respondetur, actum illum dupliciter posse considerari, scil. ut excusatur à malitia parricidij, & ut habet malitiam homicidij, & solum secundum priorē rationem procedere ex ignorantia inuincibili: non tamen secundum posteriorem, quoniam secundum istam procedit ex scientia, & posset procedere ex ignorantia inuincibili; videtur autē impossibile, eundē effectū secundum eandē rationē procedere ex scientia, aut ex ignorantia vincibili, & ex ignorantia inuincibili,

ut pater ex earum definitionibus. Et ad probationem oppositi, scilicet, quod si adesset scientia opposita illi ignorantie inuincibili, i. si cognosceretur pater, impediretur ille actus; non solum in ratione patricidij, sed etiam in ratione homicidij. *Respondetur*, quod in ratione patricidij impediretur per se, in ratione tamen homicidij non impediretur per se, sed tantum per accidens, & ratione alterius, hoc est, quia non posset impediri in ratione patricidij, nisi etiam impediretur in ratione homicidij; non enim posset in illo casu interfici homo, quin etiam interficeretur proprius parens. Cum vero dicit D. THO. ignorantiam esse causam peccati, quando remouetur scientia quæ, si adesset, impediret actum peccati; intelligi debet de eo, qui impediretur per se & ratione sui.

ARTICVLVS II.

Vtrum ignorantia sit peccatum?

PRIMA CONCLUSIO. Ignorantia eorum, quæ quis tenetur scire, est peccatum ratione negligentis.

SECUNDA CONCLUSIO. Ignorantia inuincibilis eorum, quæ quis scire tenetur, non est peccatum.

TERTIA CONCLUSIO. Ignorantia eorum, quæ quis non tenetur scire, sine sit inuincibilis, sine vincibilis, non est peccatum.

COMMENTARIVS.

Aliquam ignorantiam esse peccatum. Quæ tenemur scire, ea videntur ignorantia sit peccatum?

QUOD aliquando ignorantia sit peccatum (quod à D. THO. supponitur in his conclusionibus, & est secundum ex istis, quæ in principio huius questionis diximus, posse inquiri de ipsa) videtur esse certum secundum fidem nam non solum colligitur per euidenter consequentiam ex istis duabus propositionibus de fide, *tenemur habere notitiam aliquorum, & violatio cuiuscunque præcepti est peccatum*; sed etiam ex eo, quod in scriptura reprehenditur ignorantia, tanquam graue malum; & ex illo testimonio Pauli 1. ad Cor. 14. quod D. THO. adducit in argumento. *Sed contra*, Si quis videtur propheta esse, aut spiritus habet, cognoscat quæ scribo vobis, quia domini sunt mandata, si autem quis ignorat ignorabitur. Vbi PAULVS aperte inquit, ea, quæ dixerat, esse præcepta domini, & subdit (secundum sententiam AVGVST. 10. 2. epist. 102. AMBROSII. PRIMASII, & ANSELMII, & rursus HIERONIMI) super illud Amos 3. *Audite verbum* &c. quam etiam sequitur D. THO. hoc loco) quod si quis ex eis, quæ ibi loquitur, ignorauerit, punietur hac pena, quod *ignorabitur, i. reprobandur*, iuxta consuetudinem, quæ dici solet, Denique ignorare ea quæ non approbat ut Matth. 7. & Luc. 13. *non noni vos*. Cõstat autem, neminem esse dignum pena propter id, quod non est peccatum. *Neque obstat*, quod in græcis codicibus nõ habeatur passiuè, *ignorabitur*, sed, si autem quis ignorat, ignoret; neque quod hoc modo legerint & exposuerint CHRYSOSTOMUS, OECYMM & THEOPH. Nam imprimis lectio vulgata est retinenda iuxta decretum CONCILII TRIDENTINI, & præterea credendum est, nostrum interpretem, qui præcessit tempora CHRYSOSTOMI & aliorum qui post ipsum sequuti sunt, habuisse libros græcos, in quibus verbum illud, in quo est diuersitas, haberetur in voce passiuâ, & elegisse istam lectionem tanquam vetiorem, relicta alia, quæ forte haberetur in alijs,

A sicut nunc. Si enim in omnibus libris esset tunc verbum istud in voce actiuâ, nulla posset esse ratio, cur interpretes non ita verterit ipsum; præsertim cum id fecisset in verbis illis, *si autem quis ignorat*, vbi idem verbum haberetur. *Neque potest dici*, lectionem nostram ortum habuisse ab aliqua deprauatione librorum, & nõ ab interprete; cum eam sequantur omnes Sancti scripturati nulla facta mentione alterius. Et præterea AVGVST. 10. 9. tract. 98. in 102. & ex græcis. THEOPH. quâquam ex huius expositione nõ poruerim colligere certum, an ab ipso fuerit positum passiuè illud verbum, vel potius ab eius interprete. Et tandem ex illa lectione græcorum etiâ colligitur id, quod intendimus, scilicet, ignorantiam præceptorum aliquando esse peccatum: quoniam habet fere eundem sensum, quæ nostra, si ita exponatur: si quis nolit scire, sed velit ignorare ea, quæ vobis trado esse præcepta domini, ignoret, i. nolo decertare cum eo; satis sit admonuisse, ipse ignoret suo periculo; ita ut imperatiuum illud nõ cõrineat exhortationem aut permissionem absolutam, sed potius redargutionem; est enim in ea quædam ironia cum irrisione, ut Amos 4. *venite ad Beisbel, imple agros*. 102. 13. *quod facis fac cuius*, & Apoc. 22. *qui nocet, noceat adhuc*, quæ figura loquutionis aperte significatur, esse malum. & à Deo puniendum id, de quo fit sermo. Verum est quod CHRYSOSTOMUS & reliqui eius sequaces dicunt, Paulum vsum fuisse hoc genere locutionis, ut significat futurum esse leue peccatum quod committeret, qui ignoraret ea, quæ ipse præcipiebat sciri.

SED QUÆSTIO, supposito, quod ignorantia potest esse peccatum, quando est eorum, quæ tenemur scire: quænam sint ea, quæ tenemur scire, ut ex eo cõstet, quorum ignorantia possit esse peccatum? Ad hoc D. THO. in principio huius art. respondet hac regula generali; *unusquisque tenetur scire illa, sine quorum scientia non potest debum actum recte exercere*, & ex ea colligit, posse reduci ad tria capita, omnia illa, quæ tenemur scire; nã imprimis inquit, omnes teneri scire duo, scilicet, ea, quæ sunt fidei, & vniuersalia iuris præcepta; & præterea vnquemque teneri scire ea, quæ ad suum statum & officium spectant; vbi per ea, quæ sunt fidei, intelligit articulos de fide, de quorum notitia esse præceptum obligans probat D. THO. 22. q. 2. ar. 5. 6. 7. & 8. quo loco agendum est de hac re, & explicandum quo modo debeant sciri articuli fidei, ut satisfiat obligationi huius præcepti; per vniuersalia vero iuris præcepta intelligit ea, quæ pertinent ad ius naturæ, ut distinguitur à iure gentium, & ciuili, & continet non solum principia illa cõmunissima practica, *bonum est amplectendum, malum est fugiendum*; quod ubi fieri non vis alteri ne feceris, & alia similia, sed etiâ præcepta decalogi, quoniam omnibus hominibus in particulari scriptis necessarium est nosse ista omnia, ut possint recte exercere actiones debitas; quod tamen dici non potest de præceptis, quæ pertinent ad ius gentium, & multo minus de istis, quæ pertinent ad ciuile. Et tandem per ea quæ spectant ad statum vel officium cuiusque intelligit ea omnia, quæ necessaria sunt, ut aliquis se bene gerat in suo statu vel officio, siue vtrūque se cõmune multis, siue paucis, & siue vtrūque assumatur pro tota vita & ad plures actus, siue ad vnũ tantum actum. Ex quo sequuntur quatuor. *Primum* est, omnes fideles teneri scire eas leges ecclesiasticas, quæ communes sunt statui fidelium, v. g. quod in quadragesima sit ieiunandum, & quod in festis sit audiendum sacrum: nõ tamen illas quæ peculiariter pertinent ad aliquod officium, vel ad aliquem statum fidelium; nã has scire te-

nentur illi tantum, qui illam vite cōditionē sequuntur, v.g. leges pertinentes ad Sacerdotes nō tenentur scire laici, sed soli sacerdotes; & eas, quæ pertinent ad officiū iudicis, soli iudices tenentur scire. *Alium* est, quod, cū quis vult exercere officiū aliquod, aut ali- quā actionē, tenetur scire ea, quæ necessaria sunt, ut ea recte præstet, v.g. qui mercaturā exercere consti- tuitur, tenetur scire, an illud genus cōtractus, quod vult exercere, sit licitum, ne si hoc ignoret, committat al- liquam iniusticiam, & si quis velit conducere aut locare, tenetur scire leges, quarum obseruatio est necessaria ad istam conductionem seu locationem; & similiter, si quis velit tagita percussere feram, te- netur prius circūspicere omnia, quæ necessaria sūt, ut illi sine alterius periculo faciat. Et ex hoc sequitur tertium, scilicet, quod cum quis aut ex officio, aut ex libera voluntate dirigat actiones aliorum, tenetur scire leges, quarum obseruatio est necessaria, ut illæ actiones bene fiant, etiam si ipse neque teneatur, neque velit exercere actiones illas; probatur, quoniam alias non poterit recte præstare munus dirigendi alios; & præterea, quia, quamvis illæ ac- tionēs pertineant ad alios, quantum ad executio- nem, tamen ad ipsam pertinent quantum ad direc- tionem; & ita iudices & patroni causarum tenentur scire leges, quarum cognitio est necessaria ad recte scire leges, quarum munus suum; & confessorius, qui audit mercatorum confessions, tenetur scire ea, in quibus mercatores communiter solent peccare mor- taliter, saltem quantum fati est, ut munere illo re- cte fungi possit. *Postremum* est, quod quamvis lē- ges aliquæ sint communes multis aut omnibus ho- minum statibus, si tamē versentur circa aliquas par- ticulares actiones, quas liberū sit hominibus exer- cere, aut non exercere: non tenentur omnes homi- nes scire eas, sed illi tantum, qui actiones illas exercere volunt, ut, quamvis leges pertineant ad emptores & venditores & alios cōtractus sunt communes omnibus, ita vt omnes obligentur tamen non tenentur scire eas omnes homines, sed solum illi, qui volunt exercere illos cōtractus.

Circa primam conclusionem est

PRIMUM DUBIUM.

Virum ignorantia vincibilis eorum, qua- rum tenetur scire, sit in seipsa pecca- tum, an solum ratione negligentie?

§ 1. *Exponitur ritus & sensus dubitationis.*

PRÆ EXPLICATIONE ITALI ADVERTIT PRIMO, nomine ignorantie non solum intelligi habi- tualem ignorantiam, quæ opponitur habetui scientie, aut dispositioni quasi habituali; sed etiam actiuam; quæ opponitur considerationi ac- tuali, & solent appellari *inconsideratio*, aut *inaduer- tentia*. 2. ADVERTIT, duobus modis posse aliquid dici peccatum, primo *formaliter*, siue denominatio sumatur à malitia existente in ipso, ut contingit in ac- tibus malis elicitis à voluntate, siue à malitia existe- te in alio actu, siue actus potentiarum externarum denominatur malus, & peccata à malitia, quæ est in actibus voluntatis, à quibus imperatur. *Secundo vir- tualiter*, hoc est, tanquam effectus aut causa peccati; ut effectus quidē, siue pena peccati, est effectus pec- cati; & actus mali, qui sunt ab ipso, qui sunt omnino

ab ipso, & ante ebrietatē potuerunt ab ipso prauide- ri, dicuntur effectus, & sequuntur peccati; ut causa ter- ra, quia cōcurrit ad peccatum remouendū, id quod prohiberet ipsū, siue vñ peccati est causa alterius, tanquam remouens prohibens, vt D. THO. docuit, quæstione præcedenti, & priuatio gratiæ, est eodem modo causa peccati.

TARTO ADVERTIT negligentia nomen duplici- ter sumi posse, vt colligitur ex CAIET. hoc locum *primo* significat omissionem actus intem voluntatis, quia ipsa voluntas omittit velle scire ea, quæ debet scire, & actū quo ipsa voluntas vult nescire & igno- rantie enim actus dicitur etiam negligentia, quon- iam velle nō habere scientiā, supposita obligationē & potentia habendi, est negligere ipsam scientiā. *Secundo* significat defectum, aut omissionem extem ac- tionis, quæ ex parte aliarum potentiarum requiritur ad acquirendum scientiam, cuiusmodi sunt, in- terrogare viros doctos, legere libros, audire docen- tes, & alia similia.

Hic suppositis sensus propositæ dubitationis est, quæ ratione cōueniat virtuti ignorantie, scil. habi- tuali & actuali, esse peccatum, nam, vt ex ipso, quæ dixi- mus, colligitur, tribus modis potest intelligi, quod ignorantia sit peccatum: *Primo virtualiter*, quia est ef- fectus peccati, scil. negligentie acquirendi scientiā oppositum, ita vt peccatū formaliter compleatur in actu, vel omissione voluntatis, & in defectu applica- tionis mediocris, & ipsa ignorantia sequatur ex isto peccato, tanquam eius effectus; *Secundo formaliter*, quia cum actu vel omissione voluntatis constituit integrū subiectum materiale, quod à malitia mora- li, quæ est formale peccati, denominatur formaliter peccatū, quamvis ista malitia moralis sit instantia in voluntate, & ab ea deriuatur denominatione ex- trinseca ad ipsam ignorantiam, sicut dici solet de actu externo, & de interno voluntatis, in alijs peccatis. *Tertio etiam formaliter*, ita tamen vt malitia formalis sit intrinseca in ipsa ignorantia, & non solum de- nominatione extrinseca. Et iuxta tres istos modos explicandi quæ ratione ignorantia sit peccatum, sunt tres sententiæ in hoc dubio.

§ 2. *Tres sententiæ cum suis rationibus.*

PRIMA, est eorum, quibus placet sequens modus. Hanc sequitur DYRAND. in 2. dist. 22. quæ. 3. CAIET. & CONRAD. in hoc loco ACTORIUS & S. lib. 2. sum. tract. 19. cap. 1. q. 1. & 2. S. l. v. verbo ignorantia nu. 5. & CASTRO lib. 2. de lege penali c. 14. ignorantia solum facti, qui etiam refert pro ead- em sententiā BONAVENTURAM in 2. dist. 22. ar. 2, q. 2. verum est quod DYRAND. & CONRAD. in argu- mentis, quibus hanc sententiam confirmant, in- stituunt satis aperte, se tantū loqui de ignorantia ha- bituali, & non de actuali. Probat huc sententiā pri- mam, quoniam ignorantia secundū se non opponitur alicui virtuti morali, & quantum ad negligentiam ex qua procedit, opponitur virtuti moralis, ergo secun- dū se non est peccatū formaliter, & quantum ad neg- ligentiam, quā habet pro causa, est peccatum formaliter, & ex consequenti ipsa secundū se est solū ef- fectus peccati; consequentia patet, quoniam peccata, op- ponuntur virtutibus moralibus; & antecedens quoad priorem partem probatur, quoniam igno- rantia opponitur scientiæ, quæ non est virtus mor- alis, sed intellectualis; & quoad posteriorem etiā probatur, quoniam inconsideratio, quæ est virtus mor- alis residens in voluntate, opponitur deo vñ

externa, vnum per excessum, quod appellatur curiositas; & alterum per defectum quod nomine caret, & est negligentia addiscendi, vt docet **DIVVS THOMAS** secunda secundæ, quæst. 166. & colligitur ex propria ratione ipsius studiositatis; nam proxima materia, circa quam versatur, non est ipsa scientia, sed studium & diligentia addiscendi, in hac autem diligentia potest non seruari medium, aut excedendo per curiositatem, aut deficiendo per negligentiam, ergo negligentia sumpta pro defectu diligentie requisitæ ad addiscendū, opponitur virtuti morali studiositatis.

SECUNDO, si ignorantia secundum se esset peccatum, sequeretur, quod tamdiu peccaret homo, quamdiu ignoraret, quod videtur absurdum: *sequela patet*, quia in omnibus peccatis, conceditur alia similis; vt quia furtum est peccatum, sequitur quod quamdiu homo furatur, tamdiu peccet; & sic in cæteris: *absurditas vero consequentis* probatur, quia potest homo ignorare cum dormit, & actu tenente voluntate, imo & habente perfectam contritionem de negligentia, ex qua processit ignorantia, est autem absurdum, quod in his casibus homo peccet, quoniā sequeretur quod omnino involuntarius peccaret.

TERTIO probatur testimonijs **D. THOMÆ** nam imprimis in hac conclusione, quam explicamus, dicit expresse, ignorantiam esse peccatum ratione negligentie; & idem repetit in solutionibus argumentorum; & præterea in tota 2. 2. in qua sigillatim egit de vitijs & peccatis, nullibi disputabit de ignorantia, & tamen egit de negligentia, quæst. 54. ex quo aperte conuincitur, ipsum sensisse, ignorantiam secundum se non esse peccatum.

Est confirmatur testimonio **AVGVSTINI**, qui tomo 1. libro 3. de libero arbitrio cap. 19. ita inquit: *non tibi deputatur ad culpam, quod inuisus ignoras, sed quod negligens querere quod ignoras.*

VLTIMO, peccatum importat defectum rectitudinis in operatione, aut omissionem operationis debitæ: sed ignorantia nil horum importat, quoniam est priuatio scientiæ quæ est quidam habitus, ergo non est peccatum.

SECUNDA SENTENTIA est aliorum, quibus placet *secundus modus*: itaque isti dicunt sic loquendum esse de ignorantia quantum attinet ad præsentem dubitationem, sicut de actu externo imperato à voluntate: v.g. de homicidio: quare sicut solemus dicere, istud peccatum constitui complete ex actu externo & interno, ita vt uterque actus sit propriè & formaliter peccatum, & non effectus peccati tantum, quia vterque denominatur à malitia formali, quæ est forma constitutiva peccati, seruat tamen hoc ordine, quod internus denominetur primo & intrinsece, externus vero participatiue & extrinsece, quamuis malitia obiectiua primo & formaliter conueniat externo; ita dicunt isti, peccatum ignorantie constitui complete ex ignorantia siue actuali, siue habituali, tanquam ex actu imperato, siue omissione, & ex negligentia sumpta pro volitione formali, aut interpretatiua, non addiscendi, tanquam ex actu interno, & vtrique esse formaliter peccatum, & denominari à malitia formali, seruat eodem ordine quantum ad modum habendi malitiam & denominationem provenientem ab ipsa. Hanc sententiā sequuntur **RICHARDUS** in 2. d. 32. circa 2. principale q. 1. **ALEXAN-**

DER HALENSIS 2. p. quæst. 114. membro. 1. ad primum. **GERSON** Alphabeto 31. litera D. & alphabeto 32. litera Q. & **MARSILIUS** in 2. quæst. 13. art. 2. & probatur **PRIMO**, quia ommissio cuiuscunque actus debiti ratione præcepti affirmatiui, est propriè & formaliter peccatum, quamuis participet malitiam formalem à volitione formali, vel interpretatiua omittendi: sed ignorantia est defectus & quasi ommissio scientiæ, vel actualis, vel habitualis, debite ratione præcepti affirmatiui obligantis ad habendum talem scientiam; ergo est propriè & formaliter peccatum, licet participet malitiam formalem à volitione formali, vel interpretatiua ignorandi.

SECUNDO, error positivus circa res fidei, v. g. hæresis, est peccatum propriè & formaliter: ergo etiam ignorantia priuatiua; patet consequentia ex paritate rationis; quia sicut error est in intellectu subiectiue, ita etiam ignorantia: & sicut error est voluntarius, ita etiam ignorantia est voluntaria; & tandem sicut error opponitur præcepto negativo prohibenti assensus falsos, ita etiam ignorantia opponitur præcepto affirmatiuo obliganti ad habendam scientiam oppositam.

Confirmatur, quoniam **D. THOMAS** supra quæst. 74. art. 3. vt explicaret quomodo in ratione considerata secundum se, hoc est, prout est cognititiua veri & non vt est directiua aliarum virtutum, possit esse peccatum, dixit: quod tunc defectus in cognitione veri imputatur ei ad peccatum, quando habet ignorantiam, aut errorem circa id, quod potest, & debet scire, vbi aperte supponit, esse eandem rationem de ignorantia, & de errore, quantum ad hoc, quod est esse, aut non esse peccatum.

VLTIMO, ignorantia, siue sit actualis, siue habitualis, est mala obiectiue: ergo si ponatur in re dependeret à voluntate ipsius ignorantis, tanquam eius effectus, hoc est, voluntarie, erit peccatum propriè & formaliter; *consequentia* videtur euidentis; quia omne illud, quod habet malitiam obiectiuam, si voluntarie ponatur in re, est peccatum formaliter: sicut actus externus, aut imperatus, de quo negari non potest, quod sit peccatum propriè & formaliter, quamuis malitia formalis non sit in ipso inherenter, sed in actu voluntatis, quo imperatur. Et potest hoc explicari inductione facta in singulis peccatis: nam v. g. quia furtum externum, aut homicidium, est malum obiectiue, ideo satis est quod ab aliquo ponatur in re, aut fiat voluntarie, vt respectu ipsius sit peccatum propriè & formaliter: & similiter quia abscindere sibi aliquem propriam manum est malum obiectiue, ideo satis est, quod hoc fiat ab aliquo voluntarie, vt sit peccatum, & idem est in reliquis. *Antecedens* vero probatur, *nam quia* ignorantia prohibetur immediate, & ratione sui, & non ratione alterius, scilicet ratione negligentie: imo potius negligentia prohibetur consequenter & ratione ignorantie; si enim non prohiberetur ignorantia alicuius rei, neque negligentia in addiscendo eam prohiberetur: *nam etiam quia* alias non esset peccatum eligere ignorantiam, aut negligere scientiam oppositam, quia malitia electionis, aut negligentie voluntatis sumitur ex malitia obiecti, & ita vbi obiectum non est malum obiectiue, neque electio eius mala.

TERTIA SENTENTIA est eorum, quibus placet *tertius modus* supra explicatus, de quorum numero sunt aliqui ex recentioribus exppositoribus

D. THOM. & quoniam isti solum differunt ab autoribus præcedentis sententiæ in hoc, quod dicunt ignorantiam non solum esse peccatum, sed etiam malitiam formalem convenire ipsi primo, & non ratione alterius, scilicet ratione negligentiz, imo potius negligentiz convenire ratione ipsius, ideo solum adducam argumenta quibus hoc probant? PRIMO ergo sic argumentantur: omisso cuiuscunque actus est peccatum, & mala moraliter primo, & non ratione negligentiz præcedentis: Sed ignorantia est omissio scientiæ debite ratione præcepti, ergo est peccatum primo & ratione sui, & non ratione negligentiz addiscendi, probatur *maior*, nam omissio audiendi sacrum secundum se ipsam est peccatum, & non ratione negligentiz adeundi ecclesiam, & sciendi horam.

SECUNDO, in tantum aliquid est peccatum, in quantum est contrarium præcepto: sed ignorantia, de qua loquimur, est contraria præcepto ratione sui, & negligentia solum est contraria ratione ipsius ignorantiz, ergo ignorantia est peccatum ratione sui, & negligentia secundario, & ratione ipsius, probatur *minor*, *quia* utraque prohibetur præcepto affirmativo obligante ad habendum scientiam, & hoc prius & immediatius prohibet ignorantiam, quam negligentiam, quoniam immediatius opponitur scientiæ: sicut præceptum affirmativum, quod obligat ad audiendum sacrum, prohibet consequenter omissionem audiendi, & negligentiam circa ea, quæ necessaria sunt, & immediatius ipsam omissionem. *Tam etiam quia* ob id tenemur scire, & non contra, cuius signum est quod sine aliqua diligentia possemus scire ea, quæ tenemur scire, non tenemur adhibere diligentiam ad discendum; ergo ignorantia eorum, quæ tenemur scire, non opponitur præcepto ratione negligentiz, sed potius negligentia opponitur ratione ignorantiz.

ULTIMO D. THOM. supra quæst. 74. artic. 5. eo modo concedit, esse peccatum in intellectu, quando ignorat, aut errat circa ea, quæ potest & tenetur scire: quod art. 2. eiusdem quæstionis ad 3. negauerat esse peccatum in membris externis: sed cum hoc negavit, non loquebatur de peccato, quoad suum materiale, sed quoad formale: hoc est, quoad malitiam moralem; ergo eodem modo loquitur de eo, cum concedit illud, & ex consequenti iuxta sententiam D. THOMÆ, ignorantia non habet quod sit peccatum à malitia negligentiz voluntatis, sed à propria malitia, quæ est in intellectu.

§. 3. Ignorantia actualis eorum, quæ tenemur scire est peccatum; & quomodo?

PRIMA CONCLUSIO: Ignorantia vincibilis actualis eorum, quæ quis scire tenetur, sine sit positiva siue privativa, est proprie & formaliter peccatum. In hac conveniunt omnes auctores 2. & 3. sententiæ; & probatur evidenter argumentis adductis pro secunda sententia, quæ omnia respectu huius ignorantiz nullam habent solutionem.

Et confirmatur, quoniam ut aliquid sit proprie & formaliter peccatum, satis est, quod sit actus voluntarius contrarius legi, vel omissio voluntaria actus debite ratione præcepti: sed primum convenit in hoc casu ignorantiz positivæ, & secundum privativæ, ergo utraque est proprie & formaliter peccatum.

VERVM ADVERTO, quod, cum dicimus, hanc ignorantiam esse formaliter peccatum, non intelligimus esse peccatum distinctum numero à negligentia, siue negligentia sumatur pro volitione formali, aut interpretativa addiscendi, siue pro defectu sollicitudinis circa media necessaria ad addiscendum, dummodo non sit inter eas interruptio moralis: nam si negligentia sumatur priori modo, comparabitur ad ignorantiam sicut actus internus ad externum, vel sicut elicitus à voluntate ad imperatum; & ideo sicut ex his duobus actibus constituitur vnum numero peccatum in genere moris (ut D. THOM. docet supra quæst. 20. artic. 3.) ita etiam ex negligentia ita sumpta, & ex ignorantia constituetur vnum completum peccatum.

Eisdem est dicendum si negligentia sumatur posteriori modo; quoniam defectus ille sollicitudinis circa media, neque habet voluntarium distinctum à voluntario ignorantiz, quia solum est voluntarius quatenus procedit ex illa volitione, sicut diximus de ignorantia; neque etiam habet malitiam moralem distinctam à malitia ignorantiz, quia solum est malus quatenus ordinatur ad ignorantiam; & ubi vnum propter aliud, ibi vnum tantum. Et potest hoc confirmari ex ijs, quæ dicebamus supra, cum agebamus de omissione; nam v. g. omissio audiendi sacrum, & volitio formalis aut interpretativa non audiendi, & negligentia in adeundo ecclesiam aut in sciendo horam, quæ sit sacrum, non sunt tria peccata, sed vnum: & similiter voluntas interficiendi aliquem, & externum homicidium, & alij actus qui ut media ordinantur per se ad ipsum, constituunt vnum integrum peccatum in genere moris.

Addiscamen limitationem illam, quoniam moralis interruptio sufficit, ut sit voluntarium distinctum numero in his actibus aut omissionibus, & ex consequenti peccatum, ut in exemplis propositis constat de quo plura dixi loco citato.

SECUNDA CONCLUSIO, Malitia moralis, siue deformitas, quæ est formale constitutum huius peccati, est primo & intrinsece in negligentia sumpta pro volitione formali, aut interpretativa ignorandi, & ab ea derivatur secundum formalem denominationem extrinsecam ad ignorantiam & ad negligentiam sumptam pro defectu sollicitudinis circa media necessaria ad addiscendum. HANC CONCLUSIONEM statuo contra auctores tertie sententiæ; & conveniunt in ea nobiscum auctores secundæ; & potest probari argumentis illis, quibus supra quæst. 74. art. 2. ostendi, malitiam siue deformitatem, quæ est formale peccati, solum esse intrinsece in voluntate, & ab ea derivari secundum denominationem formalem extrinsecam ad actus aliarum potentiarum.

Et confirmatur, quoniam operatio intellectus non est per se libera formaliter, sed solum ut tubia- cer voluntati, sicut actus appetitus, & aliarum potentiarum: ergo eodem modo participat à voluntate bonitatem aut malitiam moralem, sicut actus aliarum potentiarum. Ex his duabus conclusionibus sequitur, ignorantiam actua- lem, & esse peccatum formaliter, quia denominatur formalitate peccati: & esse peccatum ratione negligentiz sumptæ pro volitione formali aut interpretativa non addiscendi; quoniam ab ea habet, & esse voluntariā & malitiā moralem, à qua denomi-

natur formaliter peccatum, & consequenter nō esse peccatum ratione negligentie sumptæ pro defectu sollicitudinis circa media, quoniam ab ea neutrum istorum habet, licet illa etiam concurrat ut conditio ad huiusmodi peccatum.

§. 4. *Ignorantia habitualis non est peccatum sed effectus peccati.*

TERTIA CONCLUSIO. *Ignorantia habitualis vincibilis eorum, quæ quis scire tenetur, non est peccatum formaliter, sed effectus peccati.* In hac conveniunt omnes autores citati pro prima sententia; & meo iudicio colligitur aperte ex D. THO. nam imprimis in conclusione, quæ explicamus, dicit, ignorantiam esse peccatum ratione negligentie: ubi non videtur esse eius sensus, quod à negligentia participat malitia, moralem, à qua denominetur formaliter peccatum sicut diximus de ignorantia actuali: quoniam si hoc intelligatur de ignorantia sumpta pro defectu in executione mediorum, falsum est; siue pro voluntate formalis aut interpretativa ignorandi est falsum quoniam negligentia sumpta priori modo non communicat malitiam moralem, sed potius participat eam à voluntate, sicut ignorantia actualis, ut dixi in præcedenti conclusione; & negligentia sumpta posteriori modo, quamvis possit communicare malitiam moralem, tamen requirit subiectum capax ipsius, cuiusmodi est tantum actus, aut ommissio actus, & non habitus, neque eius privatio, ut postea probabo. Item, si hic esset sensus D. THO. nulla esset ratio, cur potius de ignorantia, quam de quacunque omissione diceret, esse peccatum ratione ignorantie. Et præterea in solutionibus argumentorum apertius hoc explicuit D. THO. nam in solutione primi, ut explicet, quæ ratione ignorantie conveniat illa definitio peccati, dictum vel factum &c. quod requiritur ut sit formaliter peccatum, inquit, quod illis nominibus intelligendæ sunt etiam negationes oppositæ, & ita negligentia, secundum quam ignorantia est peccatum, comprehenditur sub illa definitione, in quantum præmittitur aliquid, quod debuit dici, vel fieri, vel concupisci ad scientiam debitam acquirendam: Constat autem quod in his non continetur ignorantia habitualis, cum opponatur ipsi scientie acquirendæ, & non alicui eorum, quæ fieri deberent ad acquirendum eam. Et in solutione tertij, ut explicet, quomodo ignorantia ipsa, & non solum negligentia, sit voluntaria, sicut requiritur ad peccatum, inquit, quod sicut ommissio est peccatum in quantum aliquammodo est voluntaria, ita negligentia sciendi, & ipsa inconsideratio est peccatum. Vbi quantum attinet ad ignorantiam habitualem, videtur admittere id, quod argumento intendebat, scilicet ignorantiam magis esse aliquid consequens ad peccatum, quam peccatum: quia per inconsiderationem non intelligitur ignorantia habitualis sed actualis: sicut per considerationem significatur actus, & non habitus scientie. Et idem docet quæst. 3. de malo art. 7. in corpore, & ad 1.

Et confirmatur primo, quoniam sup. q. 71. art. 6. ad 2. ita inquit, prima causa peccati est in voluntate, quæ importat omnes actus voluntarios, in quibus solum inveniuntur peccata, sed ignorantia habitualis neque est actus voluntarius, neque ommissio eius, ergo neque peccatum formaliter.

Confirmatur secundo: quoniam 1. p. quæst. 49. art. 5. & art. 6. ad secundum, docet hoc esse discrimen inter malum culpæ, & malum pænæ, quod malum culpæ consistit in subtractione operationis debitæ, aut rectitudinis debitæ, cum quis operatur; at vero malum pænæ consistit in subtractione formæ, prout distinguitur ab operatione, aut integritatis rei: sed ignorantia habitualis non est privatio operationis, neque rectitudinis in operatione, sed formæ, quæ habet rationem actus primi: ergo non est malum culpæ, sed potius pænæ.

Secundo probatur conclusio hac ratione; ignorantia habitualis non est contra legem vel præceptum: ergo non est peccatum formaliter; consequentia patet, quia omnes theologi, sequentes in hoc Augustinū, ita definiunt peccatū, *est dictū vel factū vel concupitū contra legem Dei, & antecedens* probatur, quia præcepta, iuxta communem sententiam theologorum, non imponuntur de habitibus, sed de actibus, aut de omissionibus actuum; ignorantia autem habitualis non est actus, aut ommissio actus, sed privatio habitus, aut cuiusdam dispositionis quasi habitualis, sc. memoriæ habitualis.

Dices, hanc ignorantiam secundum se non esse contra legem, sed ratione negligentie addiscendi; & ita non est peccatum secundum se, sed solum ratione illius negligentie.

Sed contra, aut, cum dicitur, ignorantiam ratione negligentie esse contra legem, est sensus, ipsam ratione negligentie adiunctam habere formaliter, quod sit contra legem; aut procedere ex negligentia, quæ est contra legem; *Primum* videtur falsum, quia ratione negligentie tunc solum est privatio aliqua, vel ommissio contra legem, quando id, cui opponitur, est præceptum ipsa lege, ut inductione constat in omnibus omissionibus: sed ignorantia habitualis opponitur privationi habitus scientie, de quo non est præceptum, sicut neque de reliquis habitibus: ergo ignorantia habitualis, etiam si habeat adiunctam negligentiam, non est contra legem. *Secundum* vero non est satis, ut ignorantia sit formaliter contra legem, sed solum ut sit effectus negligentie, quæ est contra legem; & esse hoc modo aliquid contra legem non sufficit, ut sit formaliter peccatum, sed solum ut sit effectus peccati.

Confirmatur, quia ut ommissio, vel privatio aliqua ratione negligentie sit formaliter contra legem, necesse est quod ipsa secundum se sit obiective contra eam, & prohibita per eam: ergo si hoc non convenit habituali privationi scientie, siue ignorantie, neque *primum* convenit; probatur *antecedens*, quia negligentia ipsa secundum se non potest esse formaliter contra legem, nisi supposito, quod ommissio, cuius est causa, sit lege prohibita, quoniam specificatur ab ea; & ita eadem negligentia ut causa omissionis prohibita contra legem, & comparata ad omissionem non prohibitam, non est contra legem; ergo multo minus poterit negligentia dare omissioni non prohibita, quod sit formaliter contra legem.

TERTIO probatur eadem conclusio, quoniam habitus erroris, productus propter negligentiam addiscendi, aut etiam voluntarie, formaliter non habet, etiam ut subordinatur negligentie aut actibus voluntariis, quod sit peccatum formaliter;

etiam

etiam ut actus externus, ergo nec ignorantia privativa; *consequentia* patet ex paritate rationis; & *antecedens* probatur; quoniam habitus virtuosus, qui sunt in voluntate, aut in appetitu sensitivo, non sunt formaliter peccata ut actus externi; etiam ut subordinantur actibus voluntariis, quibus sunt acquisiti, ergo neque habitus intellectualis.

ULTIMO: Scientia habitualis, cui opponitur ignorantia, non est formaliter meritum, ut actus externus, etiam si comparetur ad actus, quibus est acquisita aut recepta; ergo neque ignorantia habitualis est formaliter demeritum, ut actus externus, etiam si subordinetur similibus actibus, aut negligentis; ergo neque est peccatum formaliter; *prima consequentia* patet ex paritate rationis; & *secunda*, quia ut D. THOM. probat supra quæstion. 21. art. 3. & 4. ad peccatum necessario consequitur ratio demeriti; *antecedens* vero probatur, quia ratio meriti supponit in eo, quod denominat, libertatem in actu secundo, quæ tamen non convenit habitibus; & ita receptum est illud commune proloquium, *habitus neque meremur neque demeremur formaliter*.

SED CONTRA CONCLUSIONEM HANC probari potest duplici medio, ignorantiam habitualemente esse formaliter peccatum; scilicet, quia est contra præceptum, cum in multis casibus teneamur habere scientiam habitualemente; *Et præterea*, quia est voluntaria causa peccati, cum ex suppositione sit vincibilis; ex hoc enim bene sequitur, quod sit peccatum formaliter: quia cum aliquis præbet voluntarie causam alicuius peccati, committit actu peccatum eiusdem speciei cum illo; quod tamen non posset esse verum, nisi ipsa causa esset formaliter peccatum illius speciei; quoniam ipsa continet tunc malitiam illius peccati, & nihil aliud continet eam.

Sed ad primum respondebo in solutionibus argumentorum secundæ sententiæ. Et ad secundum dico, ignorantiam istam non esse causam voluntariam per modum actus, aut omissionis actus; sed per modum habitus, qui non est aliud, quam procedere ex voluntario defectu applicationis mediorum, quæ sunt necessaria ad acquirendum scientiam oppositam; & esse liberum voluntati expellere eam applicando illa media: ut autem aliquid sit peccatum formaliter, non satis est, esse isto modo voluntarium: sed requiritur, quod sit voluntarium tanquam actus, vel ommissio actus; hoc est, ut procedens à voluntate per modum actus secundi; alias omnes habitus virtuosus, & habitus erroris, deberent dici peccata formaliter, quoniam etiam isti habitus acquiruntur actibus voluntariis, & possunt eisdem expelli & sunt causa peccati.

Et ad id quod obijcitur de eo, qui præbet causam peccati Respondetur, istum peccare actu, & peccato eiusdem speciei, cum illo, cuius causam præbet; sed non ratione alicuius habitus, aut dispositionis quasi habitualis manentis in ipso, quamvis inde sequatur postea illud peccatum; sed ratione alicuius actus, aut omissionis actualis, unde illa dispositio procedit, quoniam in huiusmodi actu aut omissione continetur illa malitia. Et ita in nostro casu, qui habet ignorantiam vincibilem reum, quas tenetur scire, & videt, aut potest &

A tenetur videre, quod ratione illius ignorantie incidet in aliquod peccatum, iam tunc dicitur in actu & formaliter peccare peccato habente malitiam eiusdem speciei cum illo futuro; ceterum non ratione ignorantie habitualis, ita ut ipsa sit peccatum formaliter, sed ratione actualis defectus applicando media necessaria ad acquirendum scientiam oppositam, quoniam in huiusmodi defectu continetur malitia illius peccati, ut in causa voluntaria per modum actus secundi.

§. 5. Ad argumenta prima sententiæ.

AD ARGUMENTA PRIMA SENTENTIÆ, quatenus eis potest impugnari prima conclusio; AD PRIMUM respondetur negando antecedens quoad priorem partem; & ad probationem dicendum est, quod quamvis ignorantia actualis opponatur scientiæ, quæ est in intellectu, potest etiam opponi virtuti studiositatis, quæ residet in voluntate; nam scientiæ potest opponi quoad actum elicitum, & studiositati quoad imperatum: sicut actus potentiarum, quæ subduntur imperio voluntatis, possunt opponi virtutibus existentibus in voluntate, quoad actus imperatos ab ipsis.

Pro quo ADVERTE, quod sicut in virtute religionis, quæ est in voluntate, distinguimus duos actus, *unum elicitum*, qui est velle ea, quæ pertinent ad cultum Dei; & *alterum imperatum*, qui potest esse multiplex, & interdum est in intellectu ut actus orationis, interdum in membris externis, ut genuflectio, tussio pectoris, & alij similes: ita etiam in virtute studiositatis sunt duo actus, unus elicitus & alter imperatus; actus elicitus, est internus quidam actus voluntatis, quo voluntas vult & imperat, quod intellectus intelligat, & sciat quantum oportet, & quando oportet, & cum reliquis circumstantiis; & quod ceteræ potentie ea exequantur, quæ necessaria sunt, ut intellectus acquirat illam scientiam; Actus vero imperatus est *tum actus ipso* sciendi, qui imperatur, *tum etiam* omnes actus, etiam aliarum potentiarum, qui ad istum ordinantur ut media ad finem, cuiusmodi sunt interrogare viros doctos, applicare librum ad legendum, & alij similes.

Ex quo patet imprimis, actum sciendi elicitive pertinere ad intellectum, & ad habitum qui est in ipso, imperative autem ad voluntatem, & ad virtutem moralem quæ est in ipsa; & priori modo esse speculationem, posteriori vero esse praxim quoniam subordinatur imperio voluntatis, quo imperatur, & dictamini practico prudentiæ, quo iudicatur imperandum iuxta virtutem studiositatis.

Ex hoc ulterius patet inconsiderationem, quatenus opponitur considerationi intellectus, opponi virtuti studiositatis, quantum ad eius actus; quia consideratio est etiam eius actus: sicut ommissio orationis, quæ est actus intellectus, opponitur virtuti religionis, quantum ad eius actum, quia oratio est actus religionis. Neque tamen, cum in isto exemplo dicimus, actum orationis esse

imperatum à virtute religionis, volumus negare, posse dici elicium, in eo sensu, quo ab aliquibus ipsa appellatur scilicet quia religio concurret ad ipsam immediate in ordine ad virtutes, licet non in ordine ad potentias, hoc est, non media alia virtute, sed solum media alia potentia distincta ab ea, in qua est ipsa; vel sicut alij dicunt, quia est principium elicitiuum ipsius, non quoad substantiam, sed quantum ad modum, scilicet reditundinem moralem; de quo agendum est 2. 2. q. 81. vbi Caiet. art. 1. & 4. explicat duos istos modos dicendi.

Primum in hac solutione aduertenda sunt duo: *Primum* est, quod cum dicimus, ignorantiam actuale[m] opponi virtuti studiositatis, non est sensus quod semper opponatur, sed quod potest opponi, quamvis sit in intellectu, & studiositas in voluntate, quoniam hoc sufficit ad solutionem argumenti: examinate vero an semper opponatur, pertinet ad dubium sequens, in quo explicandum est, an peccatum, quod procedit ex hac ignorantia, habeat duas materias, vnam ratione huius oppositionis cum studiositate, & alteram ex propria materia. Et ita aliqui respondent huic argumento, ignorantiam opponi illi virtuti morali, ad quam pertinet preceptum, ratione cuius est debita scientia opposita; & pro necessitate materie, opponi diuersis virtutibus; & ita ignorantiam circa res fidei, opponi ipsi virtuti fidei; & ignorantiam circa ea, quæ quis tenetur scire ex iustitia, opponi iustitiae, & ignorantiam circa ea, quæ tenetur scire ex exercitio munus audiendi confessiones, opponi virtuti religionis, & sic de reliquis. *Alterum* est, aliquos exilimare, esse falsum id, quod à Caiet. supponitur verum in hoc argumento, scilicet, peccatum peccatio[n]is debere opponi alicui virtuti morali quoad suum actum; & assignant iustitiam in peccatis oppositis fidei & prudentiæ, & vniuersaliter in omnibus peccatis, quæ possunt esse in intellectu, iuxta doctrinam D. Thom. supra quæst. 74. art. 5. & in omissionibus actuum exteriorum, & hoc negato, dissoluit facile illud argumentum, dicunt enim, non esse necessariam, ignorantiam opponi alicui virtuti morali, ut sit peccatum.

Sed utrum vel decepti sunt, vel non bene intellexerunt Caiet., nam Caiet. non loquitur de virtute morali sumpta in rigore, prout distinguitur à virtutibus intellectualibus & theologis; sed magis late, prout est idem quod virtus pertinet ad mores, hoc est principium proximum operandi bene moraliter. Quod autem omne peccatum debeat opponi virtuti morali ita sumpta, videtur euidentius, quoniam cum peccatum importet oppositionem cum rectitudine aut bonitate morali, quæ est in nostris actibus, & ad hanc inclinetur sufficienter voluntas, vel à propria natura aliquando, ut ad volendum bonum in communi, vel à virtute superaddita; necesse est omne peccatum opponi principio ignorantiam voluntarie ad illam rectitudinem, & ex consequenti virtuti morali in sensu explicato. *Negat autem instantia adducta: nam imprimis, de fide & prudentia* D. Thom. supra quæst. 16. art. 3. docet, quod quia ex propria natura perficiunt intellectum subordinationem ad voluntatem, ideo quatenus importat hanc subordinationem, sunt virtu-

tes simpliciter, i. dantes non solum facultatem operandi, sed etiam rectum usum in genere moris, quod est esse virtutes pertinentes ad mores. Et de prudentia in particulari dicit, quæst. 58. art. 1. ad primum, quoniam quamvis secundum suam essentiam sit virtus intellectualis, tamen secundum materiam conuenit cum virtutibus moralibus, quia est recta ratio agibilium, & secundum hoc connumeratur virtutibus moralibus. De alijs vero posuit, quæ possunt esse in intellectu, & de omissionibus etiam actuum exteriorum, iam satis explicui in principio huius solutionis, quia ratione possunt opponi virtutibus moralibus, quamvis sint in alijs subiectis.

Ad secundum respondetur negando sequens, si consequens intelligatur de ignorantia actuali, hoc est de inconsideratione, sicut nos loquimur; & ad probationem dicendum est, cum D. Thom. in solutione 5. ignorantiam istam esse peccatum sicut omissionem actus; & ideo hoc in alijs omissionibus solo illo tempore peccat homo, pro quo preceptum obligat, & ipse potest exercere actum, ad quem obligat; ita etiam propter inconsiderationem solum peccabit in tempore, pro quo potest, & tenetur considerare actum; Et idem dicendum est de negligentia actuali, siue formalis pro omissionem actus volendi acquirere scientiam, siue pro defectu applicationis mediocri quoniam hæc etiam solum est peccatum in tempore, pro quo tenemur, & possumus acquirere scientiam.

Ad tertium, quantum attinet ad testimonia adducta ex isto articulo patet solutio ex eis, quæ dixi: nam de ignorantia actuali, in illatione posita post secundam conclusionem, explicui, quia ratione possit dici, quod est peccatum ratione negligentie, quamvis sit peccatum formaliter, & de habituali in tertia conclusione dixi, non esse peccatum formaliter, sed dici peccatum quia est effectus negligentie, quod est peccatum. Ad id vero quod obicitur ex secunda secunda, respondetur, quod de ignorantia, ut opponitur virtuti studiositatis, sufficienter egit D. Thom. 2. 2. questione 166. vbi de hac virtute differuit: ut autem opponitur alijs virtutibus; in tractatibus singularibus; quoniam ibi explicitur quid circa vnamquamque sit sciendum, aut cum egit de omissionem in communi, quoniam etiam ignorantia est quedam omisso. Et idem dicendum est de negligentia ex qua ignorantia procedit. *Negat obicitur quod quæst. 54. agat de negligentia, quamvis ibi aliter sumit negligentiam, scilicet prout est peccatum contra prudentiam, & est in intellectu, sicut ipsa prudentia, & consistit in defectu sollicitudinis præcipiendi in quacunque materia: ita tamen ut defectus non importet potam omissionem sed inefficaciam impetij, propter remissionem voluntatis.*

Ad confirmationem respondetur Augustinum non negare quod ignorantia actualis sit peccatum, sed solum docere, quod, ut imputetur ad culpam, debet esse voluntaria, & quod hoc habet ratione negligentie.

6. 6. *Ad argumenta secundæ sententiæ, ignorantiam habituales non esse villo præcepta prohibita.*

ARGUMENTA etiam secundæ sententiæ dissolvida sunt, quatenus eis impugnatur vltima conclusio. *Et ad primum*, concessa maiori neganda est minor, si intelligatur de ignorantia habituali, quoniam hæc formaliter importat defectum scientiæ, non actualis, sed habituales, quæ non est debita secundum se, sed solum quoad suam causam, hoc est, quoad actus, quibus debet sequi, ut magis explicabo in solutione vltimi.

Ad secundum respondetur, tam antecedens, quam consequens esse verum, si intelligatur de errore & ignorantia actualibus; & verumque falsum, si intelligatur de habitibus; si tamen antecedens intelligatur de errore actuali, & consequens de ignorantia habituali, nulla est vis consequentiæ, cum non ferretur propositio inter hæc: Et ad probationem, negandum est ita opponi præcepto affirmativo ignorantiam habituales, sicut opponitur negatio error actualis.

Ad vltimum respondetur negando antecedens, si intelligatur de ignorantia habituali sumpta secundum se, & non quoad omissionem actuum quibus debet acquiri scientia opposita, & de malo obiectivè per prohibitum, de quo solum est verum id, quod assumitur ad probationem consequentiæ, scilicet, omne id, quod est malum obiectivè, & ponitur in executione dependenter à voluntate, esse peccatum formaliter, & ad primum probationem antecedentis, negandum est, illam ignorantiam, prohiberi immediate ratione sui, quoniam solum prohibetur quantum ad suam causam, scilicet negligentiam circa actus necessarios ad expulsiorem ipsius, vel ad acquisitionem scientiæ oppositæ.

Et ad id, quod ad huius probationem adducitur, scilicet negligentiam non prohiberi, nisi ignorantia prohibetur Respondetur, etiam hoc esse falsum, loquendo semper de ignorantia habituali, quoniam negligentia prohibetur præcepto affirmativo consequenter, quatenus eo præcipiuntur actus necessarii ad acquirendam scientiam. *Ad secundam probationem* neganda est sequela, primo quia eligere ignorantiam vinibilem, etiam habituales, est virtualiter eligere omissionem actuum, qui sunt necessarii ad expellendum eam; & hæc omisso est prohibita, ut dixi; & idè dicendum est de negligentia scientiæ oppositæ, quoniam etiam huiusmodi negligentia consistit in omissione aliorum actuum. Et secundo, quia quicquid aliquid non sit malum obiectivè, ut prohibetur secundum se, potest esse peccatum vellespium, si aut sit malum naturæ, propter, vel alienum, ut non licet velle ubi, aut alteri mortē iniuste illat, quamvis ipsa mors nō sit peccatum formaliter, sed effectus peccati, aut si ratione eius efficiantur fragiores ad peccandum, & eius opposito retraheremur à peccato, ut Dv. a. dicit q. c. i. in solutione primam v. g. non licet velle permissionem proprii peccati, aut subtrahationem gratiæ, vel habituum virtutis, aut erroris; & de huiusmodi habui posse fieri idem argumentum, quod de ignorantia propositum est.

A Ceterum contra unionem hanc potest obijci, esse falsum id, quod in ea supponitur, scilicet ignorantiam habituales non esse prohibitam præcepto obliganti ad habendum scientiam habituales; & probatur argumento desumpto ex Dv. a. q. c. i. in numero 5. Præceptum affirmativum, quod obligat ad aliquid faciendū, tenet obligat ad habendum dispositionem necessariam ad faciendū illud, quoniam ratione præcepti ipsius fuerit faciendū, sed hæc dispositio requirit scientiam habituales præcepti, & suæ materiæ, & tollitur per ignorantiam habituales ergo præceptum illud obligat ad habendum scientiam habituales, & prohibet ignorantiam. *Asseritur* patet, quia si quis careat illa scientia, vel non faciat illud, ad quod obligat præceptum, nisi à casu, vel simpliciter non faciat, quia aliquando materia præcepti erit talis naturæ, ut sine scientia non possit fieri, ut si sit actus scientiæ. Et maior probatur, quia licet præceptum affirmativum non obliget ad hoc, ut semper impleatur, obligat tamen ad habendum oportunitatem dispositionem habituales, ut ratione eius sit semper homo sufficienter paratus proximè ad implendum ipsum, quoniam occurrerit tempus necessitatis.

Confirmatur primo, quia licet non decess præcepta de habitibus secundum se, & propter certam bene possunt dari, & de facto dantur de iis, quatenus necessarii sunt ad actus, de quibus est præceptum; ergo idem est dicendum de scientia habituali. *Consequenter* patet ex paritate rationis, quia etiam scientia potest esse necessaria ad actum, de quo traditur præceptum, ut si sine ea casu nullo modo, aut non sine peccato, possit exerceri, nam v. g. actus fidei circa materiam articulosum non potest fieri ab eo, qui non habet notitiam eorum habituales, & similiter necessarii non potest debito tempore bene exercere munus suum, si careat scientia habituali, quæ ad id est necessaria. Et idem est de omnibus qui carent ea scientia, quæ necessaria est ut possint bene fungi suis officiis. Et antecedens probatur, nā imprimis præceptum est obligans ministrantē sacramenta ad habendum gratiam. Et deinde D. Th. in 2. d. 21. q. 1. art. 1. dicit, esse peccatum non habere confessionem, aut vestem officio accommodatam; & tamē hæc important dispositiones quali habituales corporis, & non actus, neque omissiones actuum.

Confirmatur secundo, quia præcepto affirmativo obliganti ad aliquid actum non solum prohibetur omisso illius actus, sed etiam omne id, quod impedit, aut reddit impossibile executionem ipsius; ut, præcepto affirmativo obliganti ad audiendum sacramentum prohibetur somnus, & ebrietas, quidō præuidetur, aut potest prævideri, quod ex eis sequatur omisso facti; sed ignorantia habitualis reddit impossibile executionem actuum, ad quos obligat præcepta in casibus supra explicatis; ergo prohibetur eidem præceptis.

Ad argumentum respondetur ALIQUI cōcedendo maiore, & negando minore; quoniam habitus scientiæ non est dispositio necessaria ad exercendū actū, ad quē obligat præceptum affirmativū sit actus scientiæ quia habitus, præteritus acquisitus, non sunt simpliciter necessary ad operandū. Et ad probationē, negat, quod in illo casu defectus habitus scientiæ, aut etiam memoriæ habituales, sit sufficiens ad impediendū actū, ad quem pro illo tempore obligat præceptum, quia tūc est simpliciter possibile habere scientiam.

§. 2. Prima pars vera sententia declaratur.

PRIMA CONCLUSIO; Ignorantia, quæ opponitur scientia debita primo modo, solum est peccatum, quando per eam exponitur aliquis probabili periculo incidendi in aliquod peccatum: & tunc licet actus non sequatur tale peccatum, habet malitiam eiusdem speciei cum eo; non vero aliam propriam, quæ sit aliterius speciei. PRIMA PARS probatur, quia scientia, cui ista ignorantia opponitur, solum est debita, quatenus est necessaria ad exercendum, vel omittendum aliquem actum: ergo etiam ipsa solum est violatio debiti, vel obligationis, & ex consequenti peccatum, quando auferendo illam scientiam est occasio non exercendi actum præceptum, aut non omittendi prohibitum.

SECUNDA ETIAM PARS, scilicet, quod hæc ignorantia habeat malitiam eiusdem speciei cum peccato, cuius periculo per eam aliquis se exposuit, ita ut, si se exposuit periculo omittendi ieiunium, ignorantia sit mala malitia intemperantiæ, probatur, quia, cum aliquis faciendo aliquid, vel omittendo, exponit se probabili periculo incidendi in aliquod peccatum, tunc in eo, quod ita facit, aut omittit, peccat peccato illius speciei, quia in eo vult interpretari tale peccatum; ergo tali ratione in ignorantia vincibili erit malitia illius peccati, cuius periculo per eam aliquis se exponit. Et eadem ratione probatur, quod, si se exposuit periculo incidendi in plura peccata, eorum omnium malitia est virtualiter in ignorantia. Quare ad iudicandum quanta & qualis sit malitia ignorantie, respiciendum est ad culpas, quarum periculo per ipsam ignorantiam aliis se exposuit.

TERCIA DENIQUE PARS, scilicet, quod præter hanc malitiam non habeat huiusmodi ignorantia aliam speciem distinctam, probatur, quia quando aliquid solum est peccatum, in quantum est causa alicuius peccati, non habet malitiam specie distinctam à malitia peccati, cuius est causa: sicut quia ire in domum meretricis solum est malum propter periculum fornicandi, non est malum malitia alterius speciei à malitia fornicationis: sed ista ignorantia solum est mala, quia per eam exponitur aliquis periculo incidendi in aliquod peccatum ut patet ex prima parte huius conclusionis; ergo non habet malitiam distinctam specie à malitia illius peccati. Et confirmari potest hoc illis argumentis, quibus supra quest. 71. art. 5. probavi, actum, qui de se non est malus, aut prohibitus, si sit causa malæ omissionis, non habere malitiam distinctam specie à malitia omissionis.

SECUNDA CONCLUSIO, Quando ex ignorantia ista vincibili sequitur actus aliquod peccatum, ipsa quidem est peccatum, ceterum non distinctum, etiam numero, à peccato, quod ex ea sequitur: sed simul cum ea constituit unum integrum peccatum, quod habet tantam unam malitiam moralem numero. HÆC CONCLUSIO patet ex eis, quibus loco citato probavi, quod actus, qui de se esset bonus, si sit causa malæ omissionis, redditur malus eadem numero malitia morali cum omissione: ita ut ex ipso, & ex omissione integretur vnum numero peccatum in genere moris: Et ex his, quæ dixi dubio præcedenti post primam conclusionem ad explicandum,

A qua ratione negligentia voluntatis sit vnum numero peccatum cum inconsideratione actuali intellectus.

§. 3. Concellaria ex doctrina tradita.

Ex his conclusionibus sequitur primo, quod tres defectus cognitionis practice, qui possunt, et eliduntur, vel simul concurrere ad pravam electionem: & à D. THOM. 2.2. quest. 53. art. 2. & sequentibus, referuntur inter vitia opposita prudentie quoad suas partes, scilicet precipuatio, siue temeritas, quæ consistit in defectu concilij pertinentis ad eubuliam; inconsideratio, quæ est defectus iudicii pertinentis ad synesim & gnomen; inconstancia & negligentia, quæ importat inefficaciam imperij intellectus requisiti ad mouendum vel reprimendum potentias subditas voluntati non sunt distincta peccata aut specie, aut numero in genere moris, neque inter se, neque à prava electione, quæ ex his sequitur: sed simul cum ipsa electione constitunt vnum numero peccatum, cuius malitia moralis est malitia ipsius prave electionis. Probatur, quoniam obligatio ad actus oppositos istis defectibus, scilicet ad consultationem, iudicium, & imperium; solum provenit ex præcepto obligante ad bonam electionem, vel ad vitandum malam: ergo etiam malitia istorum defectuum non est distincta à malitia prave electionis, vel omissionis bonæ electionis. Consequentia patet ex his, quæ dixi in utraque conclusione; & antecedens probatur, quia finis totalis, propter quæ sunt necessarij illi actus, est directio ipsius electionis in particulari: ergo inde sumenda est eorum obligatio.

Confirmatur primo, quoniam actus illi prudentie non habent bonitatem formalem moralem distinctam à bonitate electionis: ergo neque defectus oppositi habent malitiam distinctam à malitia electionis. Probatur antecedens, quia non habent rationem meriti distinctam à merito electionis.

Confirmatur secundo, quia propter rectam directionem prudentie, nemo censetur dignus laude, sed quia cum recta intentione operatur bonum morale per electionem: ergo similiter non est censendus dignus vituperatione propter defectum directionis præcise sumptum, sed quia cum eo operatur aliquod malum, & ex consequenti non est peccatum defectus directionis ex parte intellectus, sed operari cum defectu directionis.

Nec obstat, quod D. THOM. loco citato dixerit, defectus istos esse diuersas species peccatorum contra prudentiam, quoniam (ut aduertit CAJET. circa solutionem tertij illius art. 2.) loquitur de his intra limites rationis, & intellectus, non vero quoad malitiam moralem, quoniam hæc vna est in omnibus, quando contingunt circa eandem materiam.

Verum aduerte, quod, cum dicimus, defectus istos cognitionis practice esse malos malitia electionis, quæ ex ipsis sequitur; debet intelligi de eis, non quatenus antecedunt electionem, sed quatenus aliquo modo subsequuntur eam; quoniam electio ut posterior, non poterit communicare ipsis suam malitiam, neque libertatem formalem, sine qua non possunt esse capaces malitiæ formalis, etiam quantum ad denominationem.

ET SI QUÆRAS, quæ ratione isti defectus possint subsequi pravam electionem, cum sint eius causa? RESPONDETUR, quod de defectu imperij dici solet, esse in vno genere causam electionis, & in alio eius effectum: nam sicut imperium efficax & perfectum, quamvis in genere causæ dirigentis, & quasi formalis, sit causa electionis, & prius ea, tamen in genere causæ mouentis, & efficientis est effectus ipsius, & posterius ea; quoniam ab ipsa participat efficaciam mouendi: ita etiam imperium inefficax & imperfectum poterit esse in eodem genere effectus electionis deficientis quantum ad efficaciam, quia poterit habere, quod sit inefficax, ex inefficacia & remissione voluntatis. De alijs vero duobus defectibus dicendum est, quod etiam aliquo modo sunt effectus electionis, non quidem secundum se, & absolute; sed quantum ad esse voluntarios in ordine ad obiectum electionis, nam hoc habent ab ipsa electione. Quod facile intelligitur, si aduersatur, quod ante electionem illi defectus neque sunt voluntarij directe in ordine ad illud obiectum, cum præsupponantur actui, quo possent esse ita voluntarij: neque indirecte, quia nulla est obligatio vitandi eos cum nemo teneatur, ante quam operetur, uti regula operationis. At vero quando voluntas eligit suum obiectum, tunc incipiunt esse voluntarij quasi indirecte; quia tunc potest, & tenetur voluntas uti perfecte regula rationis, atque proinde vitare illos defectus; sicut vnumquodque agens, cum actu operatur, tenetur uti regula suæ operationis, nec ret in ea.

SECUNDO SEQUITUR, quod ignorantia vincibilis facti, aut circumstantiæ, vel iuris particularis, non est speciale peccatum distinctum ab eo, quod ex ea sequitur v. g. si ignorat aliquis vincibiliter præceptum obligans ad ieiunandum hodie, & non ieiunat, quamvis peccet non solum non ieiunando, sed etiam ignorando; tamen non committit duo peccata, neque vnum habens duas malitias; sed vnum habens tantum vnā malitiam intemperantiæ; & similiter si quis, quoniam ignorat vincibiliter aliquam mulierem esse non suam, accedat ad eam, solum committit vnum peccatum, habens vnā tantum malitiam intemperantiæ. Probat, quia in his casibus scientia non est debita propter se, aut peculiari aliquo præcepto obliganti primo ad habendum eam; sed solum est debita quasi consequenter, hoc est, propter actum, ad quem ordinatur immediate, & præcepto obliganti primo ad eum actum, & consequenter ad ipsam, tanquam ad medium necessarium ad executionem actus; non enim est aliquod præceptum peculiari-ter obligans ad sciendum ver. gratia ieiunandum esse hodie, sed idem præceptum quod primo obligat ad ieiunandum, obligat secundo ad sciendum hoc.

SED OBJICIES, qui ex ignorantia vincibili iuris particularis, aut facti, incidit in aliquod peccatum, non solum peccat contra præceptum, aut virtutem, cui opponitur illud peccatum; sed etiam contra virtutem studiositatis; ergo in peccato ipsius sunt duæ malitiæ specie distinctæ: consequentia patet, quia iuxta numerum virtutum moralium, quarum rectitudines tolluntur peccando, multiplicentur malitiæ oppositæ, aut rationes

A formales peccatorum: & antecedens probatur, quoniam qui ex negligentia omittit scire id, quod tenetur scire, vndeunque proueniat ista obligatio, peccat contra virtutem studiositatis.

Respondetur, negando antecedens, si intelligatur de studiositate, ut est virtus specialis; & ad probationem etiam est negandum, quod, cum quis ex negligentia omittit scire ea, quæ solum, & proxime tenetur scire propter operationem, cuiusmodi sunt ea, quæ in argumento referuntur; peccat contra studiositatem; quoniam cum obligatio sciendi ista procedat solum ex præcepto faciendi vel omittendi aliquid, & non ex peculiari aliquo præcepto adhibendi diligentiam ad sciendum ea, quæ est præceptum pertinens ad studiositatem; non potest negligentia addiscendi ea opponi studiositati; sed solum illi virtuti, ad quam pertinet illud præceptum, ratione cuius est debita diligentia opposita; quia non dicitur aliquod peccatum esse contra aliquam virtutem, nisi in quantum est contra præceptum pertinens ad ipsam.

ET SI QUÆRAS, vnde colligatur, quod præceptum pertinens ad studiositatem non obligat simul ad sciendum ista, quæ referuntur in argumento? RESPONDETUR, colligi ex modo obligationis addiscendi ea, scilicet, quia obligatio addiscendi ordinatur proxime & per se ad operationem, & non ad sciendum, nisi consequenter: At vero præceptum pertinens ad studiositatem obligat per se ad sciendum, vel ad adhibendum diligentiam, quæ est ad id necessaria; & ita obligatio proueniens ex eo ordinatur per se ad sciendum. Ex hoc desumi potest alia ratio satis aperta, scilicet, quod præceptum pertinens ad aliquam virtutem non obligat, nisi in ordine ad motuum ipsius virtutis; at vero in isto casu non reperitur motuum proprium studiositatis, scilicet honestas aut bonitas diligentiz ordinata proxime & immediate ad sciendum.

§. 4. Altera pars vera sententiæ.

C VLTIMA CONCLUSIO. Ignorantia, qua opponitur scientiæ debite secundo modo, est peccatum per se quamvis non sit occasio alterius peccati; quando vero per eam exponitur aliquis probabili periculo incidendi in aliud peccatum, non solum habet malitiam eiusdem speciei cum illo peccato, sed etiam aliam propriam pertinentem ad aliam speciem. PRIMA PARS satis nota est, neque eget probatione; si enim ista ignorantia prohibita est aliquo præcepto, quamvis non sit occasio alterius peccati, etiam erit mala & peccatum si sumatur eodem modo; quia vbi- cumque reperitur transgressio legis, reperitur etiam peccatum.

SECUNDA VERO PARS probatur, & imprimis, quod ista ignorantia in casu proposito, scilicet quando per eam exponit se aliquis probabili periculo incidendi in aliud peccatum, habeat malitiam eiusdem speciei cum illo peccato, probari potest eisdem argumentis, quibus in prima conclusione probauimus idem de ignorantia opposita scientiæ debite primo modo: quoniam quantum ad hoc eadem est ratio de vtraque. Et ita etiam de hac ignorantia est dijudicandum iuxta duas

primas conclusiones, an habeat istam malitiam, de qua nunc loquimur, eandem numero vel solum secundum speciem cum peccato, cuius est occasio.

Quod autem præter istam malitiam habeat aliam distinctam speciem, probatur, quia ignorantia ista opponitur duobus præceptis habentibus distincta motiva: ergo habet duas malitias distinctas secundum speciem; consequentia patet, quia ex distinctione præceptorum habentium distincta motiva bene colligitur distinctio specifica peccatorum, quæ eis opponuntur, ut dixi supra, q. 72. art. 6. & antecedens probatur, quia præceptum, quo prohibetur ista ignorantia, quatenus est occasio incidendi in aliud peccatum, habet pro motivo honestatem, cui opponitur illud peccatum v.g. honestatem, iustitiam, si peccatum illud sit contra iustitiam, & sic de reliquis. At vero præceptum, quo prohibetur secundum se, habet pro motivo honestatem, cui opponitur negligentia addiscendi, hoc est, tantam diligentiam in addiscendo, ut neque in ea committatur excessus, neque defectus.

Confirmatur; præceptum, quod per se obligat ad habendum scientiam oppositam huic ignorantia, est affirmativum; & præceptum, quod prohibet ipsam, quatenus est causa, vel occasio incidendi in aliud peccatum, potest esse negativum: ut si peccatum illud sit peccatum commissionis: ergo ignorantia ista, quatenus opponitur his duobus præceptis, habet duas malitias specie distinctas: patet consequentia, quia, ut dixi loco citato, præcepta affirmativa & negativa habent distincta motiva, & ideo ex eorum distinctione optime colligitur distinctio specifica peccatorum, quæ eis opponuntur.

Ex hac conclusione sequitur, quod ignorantia articuloꝝ fidei, & præceptorum decalogi, & etiam eorum, quæ tenetur aliquis scire, non præcise & proxime ratione operationis, sed etiam ratione status, habet non solum malitiam peccati cuius periculo per eam aliquis se exponit; sed etiam aliam distinctam speciem v.g. si quis propter ignorantiam articuloꝝ fidei exponat se probabili periculo non habendi actum fidei tempore, pro quo obligat præceptum, committit peccatum; quod non solum habet malitiam, quæ consistit in transgressione illius præcepti, sed etiam negligentia addiscendi articulos. Et idem dicendum est de peccato eius, qui propter ignorantiam vincibilem decalogi incidit in furtum aut homicidium; & de peccato confessarii, qui propter similem ignorantiam eorum, quorum scientia est necessaria, ut recte exerceat munus suum, absoluit, quem non potest absolvere. Probatur, quia in omnibus istis casibus ignorantia opponitur duobus præceptis, scilicet & præcepto prohibenti peccatum illud, quod ex ea sequitur, & præcepto obliganti ad scientiam oppositam.

§. 4. Dne difficultates expenduntur.

SED RESTANT duæ difficultates. PRIMA est, *Squa ratione possis cognosce, an ignorantia sit solum prohibita eo præcepto, quo prohibetur peccatum, quod ex ea sequitur, vel etiam alio distincto.* Aut, quod id est, an solum sit prohibita ut causa & occasio alterius peccati, vel etiam secundum se. RESPONDETUR, colligendum esse hoc ex modo, quo scientia opposita est debita; nam quando scientia est debita solum quatenus proxime & immediate ordinatur ad opera-

tionem, vel omissionem necessariam ad impletionem alicuius præcepti, tunc ignorantia est prohibita solum primo modo: quando vero scientia est debita secundum se, & quamvis non ordinetur illo modo ad aliquam operationem, vel omissionem, tunc ignorantia est prohibita posteriori modo: quod explicare placet exemplis sumptis ex ijs, quæ à nobis dicta sunt, ut simul reddamus eorum rationem. Diximus, ignorantiam iuris particularis, & facti, aut circumstantiarum, esse prohibitam priori modo; & ignorantiam articuloꝝ, & decalogi, & eorum, quæ quis scire tenetur ratione status, esse prohibitam posteriori modo: huius autem discriminis ratio est, quia scientia opposita primo ignorantia solum est debita, quatenus proxime ordinatur ad operationem; nemo enim tenetur memoria retinere in particulari dies, quibus ieiunandum est, aut audiendum sacramentum, neque studium adhibere ad sciendum eos, antequam occurrant: sed unusquisque satisfaciet sufficienter obligationi habendi illam scientiam, si, cum occurrant, adhibeat sufficientem diligentiam per se, vel per alios, ad sciendum, quid in eis faciendum sit. At vero scientia opposita secundo ignorantia est debita secundum se, & quamvis non sit proxime necessaria ad operationem aliquam, & ita antequam adveniat tempus, pro quo aliquis tenetur elicere actum fidei, aut adimplere communia præcepta decalogi, aut ecclesiarum vel exercere actum sui muneris, tenetur adhibere sufficientem diligentiam, ad sciendum articulos fidei, & illa præcepta.

SECUNDA difficultas est, *cui virtuti opponatur, aut ad quam speciem pertineat illa deformitas, vel malitia propria & specialis ignorantia, de qua loquuti sumus in hac ultima conclusione.* RESPONDETUR, opponi virtuti studiositatis, & pertinere ad speciem negligentia, quæ est vitium oppositum ipsi per defectum, ut D. THOM. docet 2. 2. q. 166. art. 2. in 3. argumento, & eius solutione.

Quod si obijcias id, quod videtur esse fundamentum eorum, qui (ut retuli in dubio precedenti) sentiunt ipsam opponi diversis virtutibus, & pertinere ad diversas species, scilicet scientiam posse esse debitam ratione præceptorum pertinentium ad diversas virtutes, ut ibidem explicui. RESPONDETUR, scientiam, vel diligentiam ad acquirendum eam, solum esse debitam illis præceptis consequenter, hoc est, quatenus est necessaria ad actum ipsarum virtutum; tamen directe, esse debitam alij præcepto speciali pertinente ad virtutem studiositatis, & in huius præcepti violatione consistere deformitatem, de qua nunc loquimur.

Neque obstat diversitas materiæ, de qua potest haberi scientia aut ignorantia; quoniam tota ista diversitas est materialis respectu studiositatis, & vitij oppositi, & est fundamentum unius honestatis, scilicet unius conformitatis cum regula morum, & rationis opposita, à quibus virtus & vitium specificentur.

Neque etiam obstat, quod saltem ignorantia in rebus fidei videatur directe opponi virtuti fidei, & præceptis pertinentibus ad ipsam, idque possit probari; tum quia ignorantia tam quæ consistit in errore, quam quæ consistit in omissione actus credendi, prohibetur præceptis fidei, sum etiam quia, cum præceptum fidei obliget ad sciendum ea, quæ pertinent ad fidem, necesse est eorum ignorantiam esse ipsi contrariam.

Nam respondere potest, quod, quamvis ignorantia in rebus fidei, quæ opponitur scientiæ actuali,

hoc est error actualis, vel omisso actus credendi, sit directe contraria praecepto fidei (vt conuincitur prima probatione) tamen ignorantia, quae opponitur scientiae habituali, & habet malitiam, de qua loquimur, non est et contraria directe, sed solum consequenter; neque oppositum conuincitur secunda probatione; quoniam dici potest ad eam, praeceptum fidei solum obligare ad sciendum illa consequenter, scilicet quatenus ignorantia eorum potest esse occasio violandi ipsum errando, aut omit-tendo actum debitum: & hoc modo ignorantiam esse contrariam ipsi, & virtuti fidei. Cum hoc ta-men fiat, quod praeceptum studiositatis obliget directe ad sciendum illa, & quod eorum igno-rantia opponatur ipsi directe. Pro qua aduerte, aliud esse, habere actum fidei, scilicet credere firmiter; & aliud scire materiam, circa quam huiusmodi ac-tus versatur; & ex his primum pertinere directe ad fidem, & ad eius praeceptum; secundum vero tantum consequenter, & ad virtutem studio-sitatis directe, & haec secundo opponi directe igno-rantiam, de qua nos loquimur.

Circa secundam conclusionem explicandum est in particulari, quantum diligentiam teneatur homo adhibere in acquisitione scientiae ad hoc, vt si, etiam postquam eam adhibuit ignoret; censetur ignorare inuincibiliter. Ex quo etiam manebit explicatum quantum satis sit huic loco, quantum scire possit esse ignorantia inuincibilis. Et quoniam pro diuersitate materiarum diuersa & inaequalis requiritur diligentia, ideo claritatis gratia haec disputatio in dubia distincta est diuidenda, quorum primum est, & in ordine huius arti-culi

DE VBIUM III.

Quae diligentia requiratur vt ignorantia eorum, quae pertinent ad ius diuinum, censeri possit inuincibilis?

§. 1. Sensus dubij.

VBI NOMINE iuris diuini intelligimus mysteria fidei, quae in articulis, & in symbolo continentur, & praecepta sacramentorum Christi verbis gratia baptismi, confessionis, &c. in hac re primo separanda sunt certa apud omnes, aut quae certa esse debent, ab incertis, & controuersis. Pro quo aduer-tenda sunt duo; PRIMUM est, dupliciter posse contingere hominem habere istorum igno-rantiam: primo ita vt nullam vquam habuerit de eis notitiam, neque propria industria acqui-sitam, aut à Deo insusam, vel ab alijs homi-nibus acceptam, neque de obligatione in qui-rendi eam, neque vquam de his dubitauerit. Secundo ita, vt quomodo ignoret, tamen cognoscat se ignorare aliquam sibi necessaria ad salutem, vel quae tenetur scire, aut saltem de eo habeat probabi-lem dubitationem.

SECUNDO ADVERTE, duplicem dili-gentiam posse adhiberi ab homine, ad acqui-rendum scientiam istorum, de quibus loqui-mur; vnam ordinariam, & moralem, quam recta ratio & prudentia indicat, scilicet expen-dere rem apud se, consulere viros doctos & pius; & aliam maiorem, & extraordinariam, disponere se apud Deum orationibus & dolore peccatorum, ad obtinendam ab ipso revelationem interiorum, vel aliquod medium exterius, quo possit deuenire in istorum notitiam.

§. 2. Pervenit ea quae sunt certa in eadem sententia.

HIS SUPPOSITIS, certum mihi videtur PRIMO, esse, qui ignorat priori modo iam di-misso quatenus nullam omnino adhibens diligentiam, neque ordinariam, neque extraordinariam, ad acqui-rendam eius notitiam, habere ignorantiam inuincibi-lem ipsam. Probatur, quia, vt ignorantia sit vincibilis, requiritur quod sit voluntaria: sed in eo, qui ignorat illo modo ius diuinum, igno-rantia non est voluntaria; ergo neque vincibilis, & ex consequenti est inuincibilis. Probatur minor, primo, quia, vt ignorantia sit aliam volun-taria, requiritur, quod possit humano modo, & teneatur expellere eam, acquirendo scientiam oppositam, sicut de omnibus omissionibus a-quum docuit Dia. THOMAS supra quaestione 6. articulo 3. sed qui illo modo ignorat ius diuinum, non potest humano modo expellere à se hanc igno-rantiam acquirendo scientiam oppositam, quia nō habet cognitionem sufficientem, vt suspicari pos-sit, vel esse tale ius, vel se posse aliquo modo eius notitiam comparare: ergo ignorantia iuris diuini non est ipsi voluntaria.

Secundo probatur eadem minor, quia in isto caso non est situm in libera facultate voluntatis, quod ignorantia illa sit, vel non sit: ergo ignorantia non est voluntaria; consequentia patet, quia (vt ARIST. docet 3. Eth. cap. 1.) voluntas fieri dicitur, cuius principium est in nobis, vt sit, vel non sit 1. quod ita sit in nostra potestate situm quod fiat vel non fiat; & antecedens probatur, quia deest cog-nitio requisita vt voluntas possit applicare media ad expellendum ignorantiam, & acquirendum scientiam oppositam; cum enim nihil sit volitum quin prae cognitum, necesse est praeponi notitiam a-liquam ignorantiae, & scientiae oppositae, vt volun-tas velit applicare media ad expellendum illam, & acquirendum hanc.

Dices, ignorantiam in isto caso esse voluntariam, non secundum se, sed in sua causa, scilicet in defe-ctu diligentiae.

Sed contra, iste defectus diligentiae non est volun-tarius, saltem vt causa ignorantiae: ergo neque ignorantia est voluntaria in eo, vt in causa; conse-quentia patet, quia, vt effectus aliquis sit volunta-rius in sua causa, non satis est, quod causa secundum se sit voluntaria, sed requiritur, quod sit volunta-ria in quantum est causa talis effectus, & ita quomodo iactus lapidis ex quo sequitur mors sit voluntarius, tamen si non sit voluntarius in quantum causa moris, vt si fiat adhibita circum-

& ita, si sit de rebus, quas tenemur scire, non excusat à culpa; & antecedens probatur, quoniam in isto casu homo potest, & tenetur uti illis medijs ad expellendum à se ignorantiam: ergo si non utatur eis, ignorantia erit voluntaria: hæc consequentia patet, quia (ut supra dixi) ut omisso sit voluntaria indirecte, satis est, posse, & teneri facere, & non facere; antecedens vero probatur, quia imprimis potest, quoniam nihil deest ipsi, eorum quæ requiruntur ad exercendum actus illos, siue dicamus sufficere dolorem quendam imperfectum, qui possit haberi viribus naturæ; siue dicamus requiri contritionem; quæ sit dispositio ad gratiam; quoniam nunquam deest peccatori auxilium Dei necessarium ut convertatur ad ipsum, alioqui esset extra statum salutis. Et præterea tenetur; quod sic probatur; eodem præcepto, quo aliquis obligatur ad aliquem finem, vel effectum; obligatur etiam ad media, quæ per se & secundum legem ordinariâ Dei sunt necessaria ad ipsum: sed in isto casu oratio & dolor de peccatis sunt media necessaria, & per se ordinata ad obtinendum notitiam fidei: ergo præceptum quod obligat ad habendum istam, obligat etiam ad illa duo. Probatur ista minor, quia imprimis de oratione videtur certa, tum quia in isto casu recta ratio dicat, confugiendum esse ad Deum, cum ab hominibus non possit obtineri notitia necessaria, hoc autem fit per orationem; tum etiam quia si aliquando tenemur uti oratione, maxime in casu, quo solum à Deo potest obtineri id, quod est nobis necessarium ad salutem; quoniam oratio est medium per se ordinatum ad hoc, ut colligitur ex illo 2. Paralip. 30. sed cum ignoremus quid agere debeamus, hoc solum habemus residui, ut oculos nostros dirigamus ad se; & ex illo Math. 7. Petite & dabitur vobis, & Ioan. 16. Petite & accipietis. De dolore autem peccatorum probatur, quia sæpe in scriptura dicitur, quod Deus propter peccata hominum non solum suspendit influxum illuminationis, sed etiam permittit eos decipi & excæcari; idque multis modis; primo permittendo quod à malis doctoribus doceantur falsa, ut 3. Reg. 18. dicitur propter scelera Achab dedisse Deum spiritum mendacij in ore omnium prophetarum, ut cum consuleret eos deciperetur ab eis. Et Eze. 14. qui posueris immunditias in corde suo, & scandalum iniquitatis sue staueris contra faciem suam, & veneris ad prophetam interrogans per eum me: ego Dominus respondebo ei, in multitudine immunditiarum suarum. Et paucis interiectis: propheta cum erraueris, & loquutus fuerit verbum: ego dominus decepi prophetam illum, & extendam manum meam super illum, & delebo eum de medio populi mei Israel; & portabunt iniquitatem suam: iuxta iniquitatem interrogantis, sic iniquitas propheta erit. Secundo faciendo ut boni doctores taceant, & nihil dicant de necessarijs ad salutem ut Eze. 3. linguam tuam adharere faciam palato tuo, & eris mutus, nec quasi vir obiurgans: quia domus exasperans. Tercio faciendo ut, si aliqui doctores vera doceant, tamen peccatores ea non intelligant, neque percipiant, ut Isa. 29. & erit vobis visio omnium sicut verba libri signati: quem cum dederint scienti literas, dicent, lege istum: & respondebit non possum, signatus est enim, &c. ex quibus testimonijs, & alijs similibus, quæ passim reperiuntur in scriptura, & referuntur late à Castro & Cordu. locis citatis, aperte colligitur in tantum, scilicet, dolorem de

A peccatis ille medium necessariam ad obtinendum notitiam fidei, quoniam est medium ordinatum ad tollendum impedimentum, scilicet peccatum.

Confirmatur primo, quia præceptum, quod obligat hominem ad habendum notitiam mysteriorum fidei, obligat etiam ipsum ut faciat quod in se est ad habendum eam: ergo etiam obligat in casu, de quo loquimur, ut utatur oratione & dolore de peccatis; & ex consequenti, si non utatur his medijs, cum possit: dicitur ignorare invincibiliter, consequentia quoad hanc posteriorem partem satis patet ex dictis; & quoad priorem probatur, quoniam si homo non utatur oratione & dolore de peccatis, non faciet totum, quod in se est, cum prætermittat aliquid eorum, quæ potest facere: antecedens etiam probatur, quoniam cum aliquis tenetur ad finem, tenetur etiam ad medium ita necessarium, ut sine illo non possit obtineri finis; & eodem præcepto obligatur ad utrumque: sed homo tenetur ad habendum notitiam mysteriorum fidei, & in isto casu non potest habere eam, nisi faciat totum quod in se est: quoniam diligentia non sufficit ut supponimus: ergo illud præceptum, quod obligat ipsum ad primum, obligat etiam ad secundum.

Confirmatur secundo, quoniam quod homo non habeat notitiam mysteriorum fidei, necessariam ad salutem, nunquam stat per Deum, qui quantum est de se, est paratus illuminare omnem hominem venientem in hunc mundum: ergo quod homo, qui in casu nostro non utitur oratione ad Deum, & dolore de peccatis, non habeat talem notitiam, stat per ipsum hominem: ergo prætermittit aliquod medium, quod deberet adhibere, ut illuminaretur à Deo, quoniam alias non stabit per ipsum.

§. 4. Sententia contraria eligitur.

SIT CONCLUSIO, Quamvis in casu proposito non convertatur homo ad Deum per orationem & dolorem de peccatis, poterit habere ignorantiam invincibilem mysteriorum fidei; Ita tenent VICTORIA relectione de Indis. 1. p. numero 32. & 33. SOTO in 4. distinct. 5. quæst. unica art. 2. VEGA lib. 8. in Concilium Tridentinum cap. 18. & PETAVS SOTO libro de institutione sacerdotum 2. parte, tractatu de ratione medendi peccatis lect. 2. ubi inquit, obligationem illam convertendi se in Deum in ordine ad hunc finem, duriorum esse, quam ut omnibus imponi debeat. Et probatur PRIMO; quoniam dato, quod homo in casu proposito teneatur uti illa conversione in Deum per orationem & poenitentiam tanquam medio necessario ad obtinendum notitiam mysteriorum fidei, tamen contingere potest, quod ignoret invincibiliter hoc, scilicet illam conversionem esse tale medium; ergo etiam potest contingere, quod in illo casu ignorantia manens in homine propter omissionem illius conversionis sit invincibilis; antecedens patet; quia bene potest contingere, quod homo in casu illo ignoret invincibiliter obligationem utendi illo medio, cum etiam apud viros doctos non adeo sit notarium & quod ignoret illam conversionem esse medium aptum ut illuminetur à Deo, quia forte hoc nunquam ipsi in mentem ve-

nit, neque habet principia sufficientia ut facile & moraliter possit deduci in eius cognitionem; & *consequentia* probatur, quia tunc ignorantia, quia non esset voluntaria, non esset vincibilis; ut supra dicebam: quod autem non esset voluntaria probatur, quia omissio illius conversionis non esset voluntaria ut causa ignorantiae, quoniam sub ista ratione esset omnino incognita, & id quod est omnino incognitum non potest esse voluntarium; ergo neque ipsa ignorantia esset voluntaria: patet ista *consequentia*, quoniam effectus non potest esse voluntarius ratione causae nisi causa in quantum causa sit voluntaria, ut supra probavi.

Confirmatur, quoniam qui ita ignoraret, conversionem illam esse medium ad expellendum ignorantiam, excusaretur ab obligatione utendi ea in ordine ad illum effectum: ergo ignorantia, quae propter omissionem illius conversionis maneret in ipso, non esset ipsi voluntaria; atque adeo non esset vincibilis: probatur *consequentia*, quoniam ut effectus siue positivus, siue privativus, qui sequitur ex omissione alicuius actus tanquam ex causa, sit voluntarius, requiritur potestas cum obligatione sine excusatione ad exercendum actum, ut constat ex doctrina D. Tho. supra quest. 6. art. 1.

SECUNDO, conversio illa non est medium per se ordinatum ad obtinendum notitiam fidei: ergo etiam in casu, de quo loquimur, non tenetur homo uti ea in ordine ad istum finem; *consequentia* patet; quia quando aliquis obligatur ad aliquem finem, non tenetur adhibere omnia media possibilia, sed solū ea, quae per se sunt ordinata ad ipsum; ut qui ex officio docet, non tenetur adhibere omnem diligentiam possibilem ad investigandum veritatem, quam docet, sed solum illam, quae per se requiritur ad recte obeundum munus suum: & idem est de eo, qui res alienas administrat. Et *ante*, sedens probatur *tum* quia cognitio fidei magis pertinet ad intellectum speculativum, quam ad practicum: ergo non habet connexionem per se cum bonitate affectus, ad quam ordinatur illa conversio; *tum etiam* quia videmus, multos peccatores & malos scire multa, quae alij probi & boni ignorant, etiam usque ad finem vitae; & tamen qui praetermittit media per se requisita ad consequutionem finis, non potest regulariter excedere in huiusmodi consequutione cum, qui illis medijs utitur.

Confirmatur, quia vel requiritur, quod illi actus orationis & doloris sint supernaturales, & procedant ex auxilio supernaturali Dei; vel satis est quod sint naturales, & procedant ex viribus naturae: si *primum*, sequitur quod ad eos debeat praesupponi cognitio supernaturalis fidei, & ex consequenti quod ipsi non possint esse media per se ordinata ad obtinendum fidem, saltem simpliciter, & omnino, cum praesupponant aliqua; si *secundum*, sequitur quod sicut negamus, actus praecedentes ex viribus naturae esse dispositiones per se & proportionatas ad obtinendum dona supernaturalia, (de quo dicemus in materia de gratia) ita debet negari, actus istos esse media per se ordinata & proportionata ad obtinendum cognitionem fidei, quae est donum supernaturale, quia non sunt media nisi per modum dispositionum.

TERTIO, sequitur ex opposita sententia, quod etiam si aliquis infidelis consulat doctores ecclesiae

A & audiat praedicatores evangelij, teneatur uti conversione ad Deum per orationem, & dolorem de peccatis, ita ut si hoc non faciat, & assentiatur alicui errori, quem forte isti doctores aut praedicatores docent, dicatur habere ignorantiam vincibilem, & non invincibilem: probatur *sequela*, quia cum medium humanae doctrinae non sit semper & omnino certum ad consequendum veram notitiam, ut in exemplo posito constat, omnia argumenta quibus probauimus, quod cum non potest ipsum adhiberi, utendum est illa conversione, probant quod etiam ipso posito utendum sit ea; *consequens* tamen, quamvis aperte concedatur ab ALTISIODORENSI, GVIL. PARIENSI, & ADRIANO locis citatis, mihi videtur valde durum, quia iste quomodocunque se interius disponat, tenetur sequi doctrinam sibi convenienti modo propositam ministerio hominum, & oppositum dicere est favere errori haereticorum, affirmantium, sequendum esse in omnibus impulsu internum spiritus sancti, & secundum eum esse indicandum de veritate doctrinae.

B *Confirmatur*, quia ex scriptura videtur colligi, etiam in casu dubij, esse sufficientem diligentiam consulere doctores ecclesiae, & praecipue praelatos: nam Matth. 23. dicitur, *super Moysen cathedram sederunt scribae & pharisaei: omnia ergo quaecunque dixerint vobis servate & facite.* Et Luc. 10. *Qui vos audit me audit.* & Deutero. 17. *si difficile & ambiguum apud te iudicium esse perspexeris, &c. & nonnullis interiectis; Facies quodcumque dixerint, qui praesunt tibi, quem elegaris Dominus, & docuerint te iuxta legem eius, sequerisque sententiam eorum, nec declinabis ad dexteram, neque ad sinistram,* & Malachiae 2. *Labia enim sacerdotum custodiant scientiam, & legem requirant ex ore eius, quia angelus Domini exercituum est.* Ex quibus locis aperte constat, totam diligentiam, quam Deus praecipit adhiberi a nobis, esse, consulere doctores, & praelatos ecclesiae.

C SED CIRCA conclusionem hanc ADVERTA, aliquos ex eis, qui eam amplectantur, dicere, esse veram regulariter, & in communibus negotijs; tamen cum occurrit dubium de re gravissima, & valde necessaria ad salutem, & non sunt praesto doctores, qui de ea consulantur; necessarium esse uti conversione in Deum, non quidem per poenitentiam, sed per orationem; ut si haereticus incipiat dubitare de sua haeresi. *Verum mihi videtur*, non esse extendendam obligationem hanc ad omnes casus, in quibus occurrit dubium de re gravissima, sed solum ad duos, seclusa conscientia erronea. *Primum* est, quando is, qui incipit dubitare probabiliter de ea lege, quam proficetur, aut (si sit haereticus) de sua haeresi, ignorat invincibiliter medium ordinarium, & legitimum, ad obtinendum notitiam veritatis esse, consulere doctores & praelatos ecclesiae; tunc enim necessarium est confugere ad Dei providentiam, petendo manifestationem veritatis, aut medij convenientis ad perveniendum ad eius cognitionem: quoniam qui habet sufficiens lumen ad ita dubitandum de lege aut haeresi, quam proficetur, non potest ignorare invincibiliter se teneri obligatione inquirendi veritatem. & Deum habere perfectam providentiam de rebus humanis, atque adeo disposuisse certa, & convenientia media, quibus ipse possit illi obligationi satisfacere; & quod, cum haec media ignorantur, petenda est a Deo

dia & bonitate Dei: Neque requiritur esse debitum in ordine ad illum finem, scilicet ad obtinendum internam illustrationem, id, quod homo omittit in isto casu; quia non dicitur stare per hominem culpabiliter, aut ita ut ipsi imputetur ad culpam, sed solum quia tunc ipsi liberum non omittit id, quo posito illum meretur.

Ex solutione huius dubij sequitur resolutio alterius scilicet.

An possit dari ignorantia inuincibilis iuris diuini quoad mysteria fidei & quoad precepta positiva verbi gratia pertinentia ad sacramenta?

NAM RESPONDENDUM est affirmative. Ita tenent omnes authores adducti pro nostra conclusione cum D. THOM. 2.2. q. 10. art. 1. ubi expresso est agendum de hac re: & ratio colligitur a parte ex ijs, quæ diximus. Nam imprimis, contingere potest, esse aliquos infideles, ad quos nullus rumor euangelij peruenit: ergo isti, iuxta ea, quæ diximus in principio huius dubij, excusantur ab obligatione adhibendi aliquam diligentiam ad acquirendum notitiam fidei; & ex consequenti ignorantia est respectu ipsorum omnino inuoluntaria, & inuincibilis.

Confirmatur primo; ex illo Ioan 15. si non venissem & locutus fuissim eis, peccatum non haberent, scilicet infidelitatis, vt exponit AVG. to. 9. tract. 89. in Ioan. ergo illi, qui nihil omnino audierunt de Christo, excusabuntur à peccato infidelitatis. Et ad Rom. 10. Quomodo credent in quem non audierunt: ergo illi, qui nihil audierunt de Christo ignorant ipsum inuincibiliter.

Confirmatur secundo, quoniam sancti frequenter, cum agunt de obligatione habendi fidem, dicunt, excusari ab ea eos, qui nihil de fide audierunt ita vt propter ipsam non damnentur. Sic hoc dicunt IACOBVS frater domini epistola 3. quæ inscribitur de officio sacerdotum & clericorum. AVG. loco citato: & to. 3. epist. 95. & 105. & libro questionum veteris & noui testamenti questione 67. Et BERNARD. epist. 77. ad Hugonem de S. Victore parum post principium, ubi inter alia sic ait: Valde quippe iniuste exigitur obeditio, ubi non praecesserit auditio.

Quod si contra rationem hanc obiecias, supponere aliquid falsum, scilicet, esse aliquos homines, quibus non fuerit prædicatum euangelium, quoniam Paulus loco citato ita inquit, & quidem in omnem terram exiit sonus eorum. Respondetur, verba ista, quæ à Paulo adducuntur ex psal. 18. continere prophetiam de prædicatione euangelij faciendâ in toto orbe terrarum. De cuius adimplerione varie videntur sentire AVGUST. & CHRYSOST.

NAM AVG. tom. 2. epistola. 80. quæ est ad Hefychium de mundi fine, dicit, nondum fuisse suo tempore adimpletam, sed continue adimplendam esse, vsque ad finem mundi; & non obitare, quod verbum illud, exiit, sit præteriti temporis: quoniam more prophetarum sumitur pro futuro, propter certitudinem rei significatæ; Et iuxta expositionem hanc facile potest obiectio dissolui, si dicamus, ad veritatem illius prophetiæ satis esse, quod successu temporis sit prædicandum euange-

lium in toto orbe, & non oportere fuisse iam prædicatum.

An vero CHRYSOST. homil. 10 super epistolam ad Rom. videtur supponere, tempore, quo Paulus hæc dicebat, iam esse adimpletam illam prophetiam; nam ita exponit ea; ipse terrarum orbis, ipseque terra fines audierunt. Iuxta quam sententiam maior difficultas est in obiectione: sed responderi potest primo, vel CHRYSOST. loqui de orbe terrarum quoad præcipuas eius partes, & non quoad singula prouinciæ; vel quod quamuis tempore, quo hæc dicebat Paulus, fuisset prædicatum euangelium in omnibus prouincijs, potest nunc in multis reperiri ignorantia inuincibilis ipsius, quia potest negligentia maiorum excidere à memoria. Secundo Respondetur, CHRYSOST. non supponere, non fuisse omnino adimpletam illam prophetiam tempore Pauli sed solum exisse ad impleri, quantum ad hoc, quod in remotissimis à Iudea regionibus erat iam prædicatum euangelium; quoniam hoc solum exigit argumentum, quo ipse dicit, vt ibi Paulum, ad probandum, non potuisse tunc Iudeos excusari à peccato infidelitatis, quoniam nihil audiissent de euangelio; scilicet quod, cum iam illo tempore remotissimæ regiones audiissent euangelium, necesse erat Iudeos etiam audiuisse, cum Apostoli, à quibus fuerat diuulgatum, fuissent tanto tempore apud eos commorati; imo & ex ipsis prodijissent. Et ita possunt ad concordiam reuocari AVGUST. & CHRYSOST. nam AVG. non negat id, quod CHRYSOST. supponit esse certum, sed solum dicit, non fuisse suo tempore omnino adimpletam illam prophetiam, quia nondum fuerat tunc prædicatum in omnibus orbis partibus.

SED INQUIRI potest, an hoc, quod diximus (scilicet posse reperiri ignorantiam inuincibilem fidei) intelligatur etiam quantum ad illud obiectum supernaturale, cuius expressa, & actualis apprehensio, est necessaria ad iustificationem? supponimus enim vt certum, requiri ad iustificationem cognitionem supernaturalem, non solum ex parte principij, sed etiam ex parte obiecti. Respondetur affirmative, verum est, hanc ignorantiam inuincibilem solum excusare ab obligatione præcepti, & non à necessitate medijs, itaque qui inuincibiliter ignorat illud obiectum, excusabitur à peccato infidelitatis, non tamen iustificabitur, neque etiam saluabitur, si ita moriatur; quoniam caret medio necessario ad hunc finem, sed damnabitur propter peccata, quæ habebit contra legem naturæ. Et hæc est expressa sententia D. THOM. loco citato, ubi & in materia de gratia explicandum est id, quod poterat hic vltius inquiri, scilicet quomodo, qui laborat hac ignorantia, habeat auxilia sufficientia ad salutem, cum vnum ex necessarijs sit fides illius obiecti, cuius ipse habet ignorantiam, quam non potest vincere aut superare.

Secundum Dubium, circa eandem conclusionem, & in ordine articuli,

IV. DVBIUM.

De ignorantia iuris naturalis, quanta diligentia debeat precedere ad acquirendum scientiam oppositam, ut ipsa censeatur inuincibilis?

§. 1. De quasione.

VBI SUPPONENDUM est, quod loquimur in casu, in quo quis cognoscit aliquo modo, vel dubitat probabiliter, aut saltem potest humano modo, & debet cognoscere, esse præceptum iuris naturalis obligans ad id, quod ipse vult omittere, aut prohibens id quod vult facere: si enim detur casus, in quo quis nullam omnino habeat notitiam aut dubitationem de tali præcepto, neque in communi, neque in particulari, neque motuum ad dubitandum an sit tale præceptum; tunc quamuis nullam adhibeat diligentiam ad expellendum ignorantiam illius præcepti, dicitur ignorare ipsum inuincibiliter, quoniam non potest moueri ad adhibendum aliquam diligentiam in ordine ad hunc finem, quia penitus ignorat, se habere talem ignorantiam, aut esse aliquod præceptum, cuius notitiam conetur acquirere; sicut qui omnino ignorat esse aliquem finem, non potest moueri ad adhibendum media ad eius consequutionem, quia non potest habere actum intentionis, quo moueatur ad inquisitionem, & electionem mediorum. An vero possit dari talis casus in quo aliquis ita ignoret præceptum iuris naturalis, dicam statim.

AD HOC omnes authores, quos dubio præcedenti retulimus dixisse, requiri respectu iuris diuini ut oratione & penitentia, & non esse satis ut propria industria, & concilio doctorum; dicunt, requiri idem respectu iuris naturalis: quia vel expresse loquuntur etiam de eo, ut ADRIA. & ALPHON. A CASTRO; vel comprehendunt ipsum sub nomine iuris diuini, ut reliqui.

MIHI tamen consequenter ad ea, quæ ibi dixi, videtur nunc dicendum, sufficere adhibere moralem & humanam diligentiam, scilicet conari inuestigare veritatem propria industria, & consilio eorum, qui aut secundum communem existimationem, aut quantum ipse intelligere potest, sint sufficientes ad probandum ipsum pro qualitate & gravitate rei. Dixi sub distinctione, aut, quantum ipse intelligere potest, quia aliquando in eodem casu erit sufficiens diligentia consulere proprium parochum respectu vetulæ, aut hominis rustici, & non respectu alterius.

In hac sententia conueniunt omnes fere authores citati pro conclusione dubij præcedentis: & probari potest imprimis argumento primo quo illam conclusionem probauimus.

Est præterea, quia ius naturale, ut distinguitur à diuino supernaturali, obligat secundum dictamen rationis naturalis, quo applicatur & manifestatur nobis, ergo sicut ad satisfaciendum obligationi sciendi quid sit secundum rectam rationem naturalem, satis est adhibere humanam & moralem diligen-

tiam; quoniam hanc solum postulat prudentia & recta ratio naturalis; ita etiâ sufficit ad satisfaciendum obligationi sciendi quid sit secundum ius diuinum naturale.

Et tandem quia ex opposito sequeretur magna perplexitas animorum; cum enim sint plurimi contractus & innumerabiles casus, quibus controuertitur inter doctores an reperitur aliquid contra legem naturalem, oporteret in singulis uti conuersione in Deum per orationem, & penitentiam, ad sciendum quid sit consonum aut repugnans illi legi, & rursus, quia nemo potest esse certus, an perfecte usus fuerit ista conuersione, consequenter dicendum erit neminem posse in illis casibus esse tutum, an sit liber ab errore vincibili, & imputabilis ad culpam.

SED OBIECTES, quia sequitur ex hac sententia nunquam posse reperiri ignorantiam inuincibilem iuris naturalis, patet sequela; quia consulere lumen rationis est medium certum, & infallibile ad sciendum legem naturalem: sed iuxta nostram sententiam tenemur in ordine ad hunc finem consulere lumen rationis, & considerare quid dicat esse faciendum aut omittendum; ergo, nisi omittatur istud medium, scilicet consulere lumen rationis, (quod iuxta nostram sententiam est debitum) non potest ignorari lex naturalis; & ex consequenti nunquam potest ignorari inuincibiliter; quia ignorantia, quæ provenit ex omissione medij possibilis, & debiti in ordine ad acquirendum scientiam oppositam, non est inuincibilis. Minor patet, quia in illo consistit propria industria. Et maior probatur, quia lex naturalis est ipsum lumen rationis, quatenus est impressio quædam & participatio diuini luminis, seu legis æternæ, ut dixit D. THOM. infra quæstione 91. art. 1. ubi propterea inquit legem naturalem non esse aliud, quam participationem legis æternæ in rationali creatura.

OCCASIONE huius obiectionis explicandum est,

§. 2. An possit dari ignorantia inuincibilis legis naturalis.

IDQVE BREVITER, quoniam ex professo agit de eo D. THOM. infra quæst. 92. art. 6. ubi inquit, an lex naturalis deleri possit de corde hominis.

AD HOC aliqui absolute, & sine vlla distinctione respondent negatiue, de quorum numero sunt ALEX. ALEN. 2. par. q. 162. in 3. GRATIANVS 1. q. 4. cap. Turbatur §. Notandum quoque est. DURAN. in 3. d. 25. q. 1. ad primum. ALPH. A CASTRO lib. 2. de lege pœnali cap. 14. non multum à principio. & ALMAINVS in moralibus tract. 1. cap. 4. conclusione prima, quorum fundamentum est obiectio à nobis proposita. Et Confirmatur; quoniam ARIST. 3. Eth. cap. 1. docet ignorantiam vniuersalem non esse causam, ut aliquid inuitus quispiam faciat, quoniam propter eam homines reprehenduntur. Vbi DONATVS & alij expostores, per ignorantiam vniuersalem videntur intelligere ignorantiam iuris nature, quoniam explicant eam exemplo eius, qui ignorat adulterium non esse committendum.

SED DICO PRIMO. Præcepta iuris naturalis, quæ solum habet, rationem principiorum & non conclusio-

nam, quales sunt duo illa principia communissima. Bonum est faciendum, & malum vitandum: & quodlibet fieri non vis, ne feceris alteri, non possunt ignorari inuincibiliter. Probatur, quia sunt per se nota tam secundum se, quam quoad nos. Item quia sunt principia totius discursus practici, sicut quodlibet est vel non est; Non potest idem simul esse & non esse, sunt principia discursus speculativi; ergo sicut istorum cognitio est propter hanc rationem quasi indita nobis à natura, & habetur sine discursu virtute luminis naturalis; ita & cognitio illorum: quod ita docet D. THOM. infra quæst. 94. art. 1. Imo art. 6. dicit, huiusmodi principia non posse ignorari in vniuersali, sed solum in applicatione ad particulare operabile. Quod tamen solum est intelligendum de ignorantia sumpta pro errore contrario scientiæ, quoniam non est necesse intellectum semper habere actum circa ea, quia non semper se offert occasio iudicandi de eis.

DICO SECUNDO. Præcepta, quæ sunt conclusiones deductæ ex primis principijs iuris naturalis, si facile & sine ope externa doctrinæ deducantur ex eis, non possunt ignorari inuincibiliter. Probatur, quoniam ignorantia eorum, quæ quis tenetur scire, si facile & humana diligentia vinci possit, non est inuincibilis; Et huiusmodi videntur esse ea præcepta, quæ directe & expresse pertinent ad decalogum, si sumantur secundum se, & sine additione: quoniam est adeo perspicua malitia violationis ipsorum, ut à nullo quantumvis rudi, si modo habeat rationis usum sufficientem ad peccandum, possit ignorari: & hoc est satis, ut hæc præcepta facile possint deduci ex illo principio communissimo, malum est vitandum, &c.

Et Confirmatur testimonio D. THOM. qui 2. 2. quæst. 122. art. 1. inquit, præcepta decalogi esse prima principia legis, quibus statim naturalis ratio assentit, sicut manifestissimis principijs.

Neque obstat, quod circa hæc possit obscurari intellectus propter concupiscentiam, & propter contrarias persuasiones, & prauas consuetudines, aut habitus corruptos, ut D. THOM. docet infra q. 94. artic. 6. Imo & colligitur ex Paulo ad Rom. primo, & explicatur multis exemplis ab ALPH. de CASTRO loco citato; Quoniam nunquam ita obscuratur, ut propterea ignorantia sit inuincibilis, & homo excusetur à culpa.

Neque etiam obstat, quod aliqui dicant, posse dari ignorantiam inuincibilem Dei, & quod ea posita sequatur, ignorari inuincibiliter primum præceptum colendi Deum, quia fundatur in cognitione Dei: Quoniam (ut dixi supra quæst. 71. art. 6.) licet possit ignorari inuincibiliter Deus sub conceptu expresso & formali Dei, non tamen potest ita ignorari sub conceptu confuso & implicito v. g. sub conceptu superioris. Item dici potest illo primo præcepto directe & expresse excludi cultum falsum deorum, ut docet D. THOM. 2. 2. quæst. 122. art. 2. & colligitur aperte ex cap. 20. Exo. vbi proponitur sub forma negatiua. Ex quo solum potest colligi, non posse ignorari inuincibiliter esse malum colere idola, quod ego verum existimo; & probatur, quoniam vnusquisque potest facile per seipsum, & sine ope externi magistri, cognoscere ea, quæ attribuuntur diuinitati, esse maiora, quam vt idolis, aut creaturis attribui possint: ergo etiam potest eodem modo cognoscere, esse malum attri-

buere ea creaturis, & ex consequenti non potest ignorare inuincibiliter. Et Confirmatur, quoniam hoc argumento vtitur Paulus Rom. primo, ad probandum, philosophos, qui habuerunt aliquam cognitionem Dei, non potuisse excusari à peccato idolatriæ propter ignorantiam.

Dixi tamen cum limitatione; dummodo sumantur secundum se & sine additione; quia possunt sumi præcepta decalogi vt coniuncta cum talibus circumstantijs, vt possit de eis dubitari; & haberi ignorantia inuincibilis, vt v. g. potest ignorari inuincibiliter, esse illicitum interficere alterum priuata auctoritate in vindictam propriæ iniuriæ, aut quia verbis & factis Deo iniuriam infert, vel tyrannide opprimit rem publicam; & interficere seipsum in defensionem castitatis, aut alterius virtutis, aut pro bono communi: Et, furari ad subueniendum graui necessitati propriæ, vel alienæ, licet non extreme; Et non subuenire parentibus constitutis in egestate ad impendendum propria bona in sustentationem religiosorum, vel in ornatum templorum, & sic de alijs.

ET SI QUÆRAS, an saltem ad breue tempus possint ignorari inuincibiliter ea præcepta decalogi, de quibus loquimur, si sumantur secundum se & sine aliqua additione? RESPONDETUR, aliquibus recentioribus placere partem affirmatiuam; sed mihi veriorē videri negatiuam, quoniam ratio supra assignata eandem vim habet etiam in breui tempore. Neque obstat quod ad sciendum huiusmodi præcepta propria industria, sit necessarius discursus qui postulat, aliquod tempus: quoniam quod ad habendum scientiam requiratur discursus, si potest fieri facile, & virtute luminis naturalis sine ope humani doctoris, vt contingit in isto casu, vt inquit CAST. 2. 2. q. 12. art. 1. non satis est, vt ignorantia dicatur aliquo tempore inuincibilis, vt excuset à peccato, quoniam nullum est tam breue tempus, si moraliter & in ordine ad operationes debeat reputari pro aliquo, vt in eo non possit fieri iste discursus.

DICO VLTIMO; Præcepta naturalia, quæ non ita facile & immediate deducuntur ex principijs iuris naturalis, sed obscure & per multas consequentias, possunt ignorari inuincibiliter. Probatur, quoniam difficultas potest sufficere, vt aliquis censeatur non posse humano modo acquirere scientiam, quod satis est vt ignorantia sit inuincibilis; & ita quanto fuerit maior aut minor difficultas; tanto etiam erit maior aut minor inuincibilitas ignorantie. Ad ordinem horum præceptorum dicunt doctores pertinere præcepta, quatenus prohibent vfuram, fornicationem simplicem, mollitiam, etiam in ordine ad salutem corporis, pluralitatem vxorum, mendacium etiam ad liberandum innocentem. Verum ADVERTE, quod quamuis circa hæc possit reperiri ignorantia apud infideles; tamen apud fideles raro est admittenda, quoniam frequenter de his omnibus instruuntur. Quare confessarij circa peccata, quæ committuntur contra huiusmodi præcepta, cum non potuerit constare intervenisse ignorantiam inuincibilem, ita se debent habere ad cautelam, ac si in eis nunquam interueniret ignorantia inuincibilis: ita tamen vt intelligant posse aliquando idiotas & simplices excusari à peccato propter ignorantiam.

Ex his sequitur primo, vix dari casum, in quo aliquis

quis ita ignoret legem naturalem in eis, quæ sunt contra eam, ut excusetur ab obligatione adhibendi diligentiam ad examinandum an sit; quoniam cum lex naturalis promulgetur nobis per lumen internum rationis, semper oblata occasione proponitur nobis lex, saltem modo sufficienti ad excitandum in nobis probabile dubium de ea, & ex consequenti semper habemus sufficiens motuum ad inquirendum eam.

Secundo sequitur solutio obiectionis, cuius occasione hæc dicta sunt. Et ad testimonium ARIST. adductum pro altera sententia, dicendum est, ARISTOTELI per ignorantiam uniuersalem, non intelligere ignorantiam iuris naturalis, sed ignorantiam eius, quod faciendum est, vel fugiendum, quam dixerat paulo ante habere omnem improbum; & hanc appellare ignorantiam rei uniuersalis, & non uniuersalem, ut aliqui vertunt, quoniam est ignorantia eius, quod uniuersale est, & commune omnibus actionibus. Quomodo vero is, qui peccat, dicatur ignorare, quid sit faciendum, aut fugiendum dicemus quæst. sequenti.

Circa eandem conclusionem est tertium, & in ordine articuli

DVBIVM. V.

De ignorantia iuris positiui humani, quantum scilicet & qualis debeat adhiberi diligentia ad sciendum hoc ius, ut ignorantia circa ipsum, possit censeri inuincibilis.

AD hoc, supposito, quod loquimur de iure, quod quis scire tenetur, iuxta ea, quæ explicui in principio huius articuli.

DICO PRIMO. Quando aliquis neque scit esse impositam legem humanam, cuius observatio ad ipsam pertineat aliquo titulo, neque habet sufficiens motuum ad dubitandum de eo probabiliter, quamuis nullam omnino adhibeat diligentiam ad sciendum illam legem, habebit ignorantiam inuincibilem ipsum. Si vero vel sciat latam esse talem legem, vel habeat sufficiens motuum ad dubitandum de eo, & non adhibeat aliquam diligentiam ad intelligendum eius cognitionem: ignorabit ipsam vincibiliter. PRIMA PARS patet ex ratione proposita in principio dubij præcedentis; & SECUNDA probatur, quoniam qui in illo casu nullam adhibet diligentiam, negligit scire.

DICO SECUNDO, tunc aliquis habet sufficiens motuum ad dubitandum probabiliter, an sit lata aliqua lex, cuius cognitio sit ipsi necessaria, cum assumit aliquem statum, aut vult exercere aliquod officium particulare, vel aliquem eius actum. Probatur, quia eo ipso, quod aliquis assumit aliquem statum, aut vult exercere aliquod officium, habet probabilem rationem dubitandi, an sint latæ aliquæ leges de eo: quamuis nihil vnquam audierit de talibus legibus. Verum est tamen, quod hoc intelligendum est, dummodo officium non sit de numero

A eorum, de quibus constat, non habere aliquas leges particulares, & quod communiter ita existimatur, & ideo exercentur ab hominibus etiam rudibus, & valde ignavis legum.

DICO VITIMO, in casibus, in quibus necessarium est adhibere aliquam diligentiam ad sciendum ius posituum humanum, distinguendum est inter officia ad explicandum, quæ diligentia sit sufficiens; nam aut officia ex propria ratione, & secundum communem existimationem possunt exerceri ab hominibus idiotis; aut solum ab habentibus aliquam scientiam, cuiusmodi sunt officia confessarij, patroni causarum, doctoris theologi, & alia ad quæ peculiariter pertinet directio aliorum facta per scientiam; & respectu priorum, dicendum est, esse sufficientem diligentiam, consulere peritos in illis legibus, quarum notitia desideratur; respectu tamen posteriorum, dicendum est, non sufficere hanc diligentiam, sed requiri, quod exercentes ea habeant talem cognitionem legum, quæ ad ipsa pertinent, ut in communibus euentibus sciant verum, & in extraordinarijs sciant dubitare, quantum satis est, ut excitentur ad suspendendum executionem officij, donec inquirent veritatem, vel propria industria, vel ope aliorum; de quo bene ADRIANVS quodlibet 5. q. 2.

ET SI QUÆRAS circa priorem partem, quales, & quos viri periti, & docti debeant consuli. RESPONDEO, ad qualitatem pertinere integritatem vitæ, & doctrinæ, de utraque vero indicandum esse secundum communem existimationem, vel secundum capacitatem interrogantis, considerata gravitate rei; de numero vero dicendum est, satis esse, sequi consilium unius viri docti, qui prædicto modo censeatur sufficiens, ut tenent ADRIA. quodlib. 4. art. 1. littera n. in fine. Henriquez quodlib. 4. q. 33. & Nauar. c. 27. numero 263. hoc tamen videtur limitandum dupliciter; Primo dummodo non occurrant urgentes rationes, ut plures, atque grauiore, doctores pro contraria parte; nam tunc oportet consulere plures, & diligentius rem examinare. Secundo, dummodo intelligatur in rebus priuatis, nam in rebus publicis, quæ iudicio totius populi exponuntur, necesse est consulere multos, saltem ad vitandum scandalum.

C Ex HIS sequitur, in duobus casibus posse reperiri ignorantiam inuincibilem iuris humani. Primus est, quando nulla præcessit notitia, aut probabilis dubitatio de eo, qui potest esse valde frequens, quoniam non habetur sufficiens motuum ex lumine interno rationis ad dubitandum de isto iure, sicut ad dubitandum de iure naturali, ut dixi dubio præcedenti: sed solum ex fama, & relatione externa, quia ius hoc ex propria natura postulat proponi isto modo. Alter est, quando aliquis facta sufficienti diligentia, ut, sequendo doctorum consilium, decipitur.

ULTIMVM DVBIVM.

Que diligentia adhiberi debeat, ut ignorantia facti sit inuincibilis?

RESPONDETUR, quod, cum nomine facti intelligantur omnia, ratione quorum factum potest repugnare legi, ut dixi in principio huius quæstionis: & hæc sunt multiplicia, & valde variabilia: non potest certa regula vniuersali definiti, quanta diligentia sufficiat, ut ignorantia facti sit inuincibilis; sed in singulis casibus est hoc determinandum iudicio prudentiæ, consideratis omnibus, quæ ex parte facti postulant diligentiam. Est autem aduertendum, quod interdum ea, quæ pertinent ad factum, possunt cognosci à quocunque ignaro iuris; & interdum solum à peritis iuris diuini vel humani, vel in contractibus, & alijs, de quibus idiotæ non possunt cognoscere, an contineant aliquid, ratione cuius sint contra legem, & in isto casu necessum est consulere doctos, in quo seruandus erit modus traditus dubio præcedenti; & iuxta ibi dicta explicandum est, in quibus casibus ignorantia facti sit inuincibilis; nam etiam contingere potest, quod omnino ignoretur id, ratione cuius factum est contra legem, & quod facta sufficienti diligentia indicetur probabiliter, & secundum prudentiam, nihil esse tale in eo facto.

ARTICVLVS III.

Vtrum Ignorantia excuset à toto peccato?

PRIMA CONCLUSIO. Ignorantia, quæ non est causa actus peccati, siue sit consequens, siue concomitans ipsum, non excusat à peccato.

SECUNDA CONCLUSIO. Ignorantia, quæ est causa actus, hoc est, antecedens, quantum est de se, habet quod possit excusare à toto peccato.

TERTIA CONCLUSIO: Quod ignorantia, quæ est causa actus, non excuset aliquando de facto à toto peccato, potest provenire ex duplici parte. **PRIMO** ex parte ipsius rei ignoratæ, quia scilicet cum ignorantia alicuius circumstantiæ, cuius scientia impediret actum, remanet simul scientia ipsius actus, quantum ad aliquid, ex

A quo possit habere rationem mali & peccati. **SECUNDO** ex parte ipsius ignorantie, quia scilicet ipsa ignorantia est voluntaria, vel directe, ut cum aliquis studiose vult nescire aliqua, ut libenter peccet; vel indirecte, ut cum quis, propter laborem, vel propter alias occupationes, negligit addiscere id, per quod à peccato retraheretur.

ULTIMA CONCLUSIO. Ignorantia antecedens, si sit omnino inuoluntaria, siue quia est inuincibilis, siue quia est eius, quod quis scire non tenetur, excusat omnino à peccato.

COMMENTARIVS.

CIRCA primam conclusionem

EST DVBIVM.

Vtrum ignorantia concomitans excuset à peccato?

§ 1. Sensus primus quæstionis de re; & sententia prima, cum fundamentis.

VBI NON LOQVIMUR de quacunque ignorantia concomitante, sed solum de inuincibili: nam de vincibili, siue sit concomitans, siue antecedens, certum est, quod non excusat à peccato, saltem omnino, ut constat ex secunda conclusione; & de inuincibili potest quæstio ista duplicem sensum habere; **vnus** de re, & **alterum** de nomine. Sensus de re est, an actus, qui sit cum ignorantia concomitante inuincibili, habeat illam malitiam, quæ ipsi conuenire posset ratione circumstantiæ ignoratæ: vel potius sit ab ea liber; propter ignorantiam. Sensus vero de nomine est, an, dato, quod sit ita liber à prædicta malitia, sit hoc satis, ut ignorantia ista dicatur proprie excusare à peccato. Et quamuis aliqui confundant duos istos sensus, & propterea non satis explicent sententias doctorum circa quæstionem hanc; nos sigillatim, & seruatò ordine, dicemus de eis; & prius de primo, in quo aliqui sentiunt, actum, de quo loquimur, habere illam malitiam. Hanc sententiam sequuntur expresse **DURANDVS** in 2. d. 22. quæst. 4. numero quinto, ut patebit ex argumentò, quod statim proponam pro ea ex ipso. **GAUARI.** quæst. 2. articulo 1. in fine, ubi dicit, quod, cum actus de se malus sit cum hac ignorantia; non peccatur ex ignorantia, licet peccetur ignoranter. **MARTI.** in 2. quæst. 15. art. secundo, nam dubio 2. conclusione secunda dicit; ut opera; quæ sunt per ignorantiam inuincibilem, non sint voluntaria, requiri, quod adueniente scientia sequatur dolor, aut tristitia; & tamen certum est,

hoc non conuenire ignorantie concomitanti, sed solum antecedenti; & dubio tertio conclusionem prima, dicit, requiri idem, ut opera ista non sint peccata. N A V. in manuali, nam preludio sexto, numero octauo dicit, *primum* istorum, quæ retulimus ex MARSI LIO; & cap. 23. numero 46. dicit *secundum*, & COVARR. prima parte relectionis in caput alma mater §. 10. numero 15. verticulo 10. *perpensis*, ubi dicit, eum, qui percutit clericum, quem probabili ignorantia existimauit esse laicum; incidere in excommunicationem canonis, si fuerit ita animo affectus, ut nihilominus percuteret; quamuis sciret esse clericum; ex quo aperte sequitur actum percutiendi non esse in isto casu liberum à culpa, vel malitia, propter quam imposita est hæc pœna.

ET PROBATUR hæc sententia PRIMO argumento desumpto ex D V R A N D O. Ut circumstantia aliqua excuset, vel alleuiet, aut etiam aggrauet opus aliquod, requiritur, quod sit conditio operis informans ipsum, & non est satis quod sit conditio operantis concomitans opus; sed ignorantia concomitans non est conditio operis informans ipsum, sed solum est conditio operantis concomitans opus; ergo neque excusat, neque aggrauat opus. *Minor* patet, ex definitione ignorantie concomitantis; & maior probatur, quia in malis, circumstantia infidelitatis non dat malitiam actui morali hominis infidelis, nisi quando actus procedit ex infidelitate. Et ex hoc patet, dicendum esse idem in bonis, quia si circumstantia mala, quæ solum est assistens, aut concomitans, non dat operi suam malitiam: multo minus, si sit bona, dabit ei bonitatem; quia facilius actus contrahit deformitatem, quam rectitudinem, sicut facilius est deficere, quam recte agere, & ita D I V V S THOMAS supra quæst. 19. art. 7. docet vniuersaliter, neque bonitatem, neque malitiam intentionis concomitantis, & non causantis, redundare ad electionem.

SECUNDO probatur testimonio D. THOMAS, qui expresse in conclusione hac, quam explicamus, docet, ignorantiam concomitantem nunquam excusare à peccato; quod tamen non posset esse verum, si actus esset liber à malitia, quæ posset ei conuenire ratione circumstantie ignorantie: quoniam idem est, actum esse liberum à malitia ratione ignorantie, & excusari à peccato ratione ignorantie.

Confirmatur ratione, qua ipse D. THOMAS eam probat, quæ est huiusmodi, ignorantia ista non est sufficiens, ut actus, de quo loquimur, fiat inuoluntarius: ergo neque ut sit liber à malitia, quam, ipsa seclufa, haberet ex suo obiecto, antecedens est ARISTOTELIS 3. Ethic. cap. 1. & patet, quia in isto casu non reperitur id, quod ARISTOTELIS ibi dicit, esse signum inuoluntarij, scilicet dolere de opere, cum aduenit scientia eius, quod ignorabatur. Et consequentia probatur, quia, si actus ille non sit inuoluntarius, erit voluntarius, & ex consequenti nihil ipsi deerit ut habeat malitiam, quam ex obiecto potest habere.

ULTIMO probatur testimonio ARISTOTELIS, qui 5. Ethic. cap. 8. ita inquit: *sed ea, quæ faciunt, non ob ignorantiam, sed ignorantes quidem ob affectum, non naturalem, neque humanum, non sunt venia digna.* Ex quo loco sic argumentor, id, quod fit cum ignorantia concomitante, non dicitur fieri ex ignorantia, aut per ignorantiam, sed ignoranter, aut ab ignorantia, siue cum ignorantia: ergo non est dignum venia; & ex consequenti neque liberum à culpa vel malitia. Patet antecedens ex ARISTOTELIS 3. Ethic. cap. 1. Et ex D. THOMAS supra quæst. sexta, articulo 8. & ex rationibus nominum, quoniam tunc dicitur aliquid fieri *ex ignorantia*, aut *per ignorantiam*, cum ignorantia est causa, ut fiat; at vero *ignoranter* aut *ab ignorantia* dicitur fieri, cum ignorantia non est eius causa, sed est in operante, & comitatur ipsum opus.

§ 2. Contraria sententia eligitur & declaratur.

SIT NIHILOMINUS CONCLUSIO.

Actus, qui fit cum ignorantia concomitanti inuincibili obiecti mali, aut circumstantia male, non habet malitiam: qua ratione talis obiecti aut circumstantia conueniunt ipsi, seclufa ignorantia. Hanc sententiam videntur sequi ex antiquis ALEXAND. secunda parte, quæstione 112. num. 7. & 8. & RICARD. in. 2. dist. 21. circa secundum principale, q. 3. quoniam ambo dicunt absolute, ignorantiam inuincibilem excusare à peccato, quia tollit rationem voluntarij, quod etiam conuenit ignorantie inuincibili concomitanti, ut statim probabo. Et ex alijs CAIST. hoc loco, quamuis ab aliquibus perperam referatur pro opposita sententia non expresse dicit, quod hæc ignorantia, quia facit nescientem, & non causantem voluntarie, non dat, seu apponit peccatum, aut peccati circumstantiam ex ignoto. PAVS SOTO lib. de institutione Sacerdotum, titulo de ratione mendendi peccatis, lectione secunda, §. *tertia deum*: ubi ita inquit, *occiso itaque inimici, dum putatur occidi fera; tunc non fuit peccatum, quia inuoluntaria: erit tamen peccatum, cum placuerit.* Et ALMAINVS tractatu primo, moral. cap. 4.

Fundamentum huius conclusionis est hoc: actus qui fit cum prædicta ignorantia concomitante, non est voluntarius respectu eius, quod ignoratur, siue sit obiectum, siue circumstantia: ergo neque habet speciem malitiae, quæ ab eo sumi potest. Consequentia est evidens ex ipso, quæ dixi supra quæstione decima-octaua, articulo primo. Vbi probaui, necessarium esse, ut actus aliquis sumat speciem aliquam moralem ex obiecto, aut circumstantia, quod sit voluntarius respectu eius; & ex communi sententia Theologorum, qui cum D. AUGUSTINO docent, non posse aliquid esse peccatum, nisi sit voluntarium. Et antecedens probatur: PRIMO ex doctrina

ARISTOTELIS & D. THOM. NAM ARIST. 3. Ethic. cap. 1. distinguit tres modos operandi, scilicet *spon*te, aut *voluntarie*, *in*uise aut *in*uoluntarie, & non *spon*te aut non *voluntarie*, & dicit, quod is, qui cum ignorantia aliquid facit, cuius eum, cum aduenit scientia, non penitet, sicut contingit in eo, qui operatur cum ignorantia concomitante, non est dicendus agere. *Spon*te, quoniam caret cognitione, quæ necessaria est ad agendum voluntarie; neque *in*uire, aut *in*uoluntarie, quia non penitet ipsum facti, cum cognoscit quid fecerit; sed dicendus est agere non *spon*te, aut non voluntarie. Et DIVVS THOMAS supra quæstio. 6. artic. 8. loquens de hac ignorantia, ita inquit *talis ignorantia non facit inuoluntarium, ut Philosophus dicit, quia non causat aliquid quod sit repugnans voluntati, sed facit non voluntarium: quia non potest esse actu voluntarium quod ignoratum est; & in hoc articulo de eadem* sic ait: *ignorantia huius scientie, (scilicet qui non prohiberet actum propter inclinationem voluntatis in ipsum) non facit hominem inuoluntarium, sed non volentem.* Ex quibus sic arguor: actus factus cum ignorantia concomitanti est non voluntarius respectu eius; quod ignoratur; ergo non est voluntarius respectu eiusdem; patet ista consequentia; *in*uoluntarium & non voluntarium opponuntur contradictoriè, & ex consequenti non possunt simul convenire eidem actui in individuo respectu eiusdem obiecti aut circumstantiæ: *in*uoluntarium etiam quia modus positivus alicuius actus vel operationis non solum aufertur per alium modum positivum contrarium, sed etiam per negationem oppositam; imo multo magis, quoniam inter modum positivum & negationem ipsius est oppositio contradictoria, & inter duos modos oppositos contraria; & inter opposita contradictoriè est maior repugnantia ad conveniendum eidem subiecto, quam inter opposita contrarie; ergo, si per simpliciter inuoluntarium, cuius causa est ignorantia antecedens, aufertur ab actu voluntarium, ut omnes fatentur cum ARISTOTELE & DIVO THOMA locis citatis: etiam auferetur per inuoluntarium, cuius causa est ignorantia concomitantis. *

SECUNDO probatur *idem antecedens*, quia ut aliquis sit voluntarius respectu alicuius obiecti, aut circumstantiæ, requiritur aliqua cognitio illius obiecti, aut circumstantiæ, saltem interpretatiuæ, quæ consistit in potentia facili, & humana, & obligatione ad habendum talem cognitionem: sed in isto casu non reperitur talis cognitio, quoniam, ex suppositione, ignoratur illa circumstantia, aut illud obiectum inuincibiliter: ergo neque voluntarium respectu eius. *Ma*ior patet, quia ad voluntarium non sufficit, procedere à principio extrinseco: sed requiritur, procedere cum cognitione singularium, id est, circumstantiarum, in quibus actio versatur, ut cum ARISTOTELE tertio Ethic. cap. 1. & 5. libr. capite octavo, docent omnes Theologi & Philosophi, de quo egi supra quæstione sexta, ubi DIVVS THOMAS eandem tradit doctrinam, definiens, *volunta-*

rium esse quod est à principio intrinseco cum cognitione.

Confirmatur, quia *vel actus*, de quo loquimur, est voluntarius respectu circumstantiæ ignorantæ, *sicut actus elicitus à voluntate; vel sicut actus imperatus ab ipsa*, non enim potest aliquis actus esse alio modo voluntarius: sed *primum dici non potest*, quia si sit actus voluntaris, erit volitio illius circumstantiæ, aut applicandi & mouendi aliam potentiam ad operandum circa ipsam: & hoc est impossibile, quia voluntas neque potest velle id, quod est omnino ignotum, neque velle operari circa ipsum; & propter eandem rationem *non potest etiam dici secundum*, quia cum actus imperatus supponat imperantem, à quo procedat: si est impossibilis actus imperans, scilicet illa volitio ad applicandum aliam potentiam ad operandum circa illam circumstantiam, etiam erit impossibilis actus imperatus circa ipsam.

§ 3. *Actus cum ignorantia inuincibili concomitans factus, nunquam est voluntarius.*

SED AD MAIOREM EXPLICATIONEM huius fundamenti, & conclusionis propositæ; & ut melius intelligatur, qua ratione, in nullo euentu, actus, qui sit cum ignorantia inuincibili concomitanti, sit voluntarius respectu eius, quod ignoratur, & ex consequenti, neque habeat ex eo aliquam malitiam; ADVERTENDVM EST, in voluntate eius, qui operatur cum ista ignorantia, posse distinguere tres dispositiones, aut inclinationes ad opus, ratione quarum possit dici, & quod non se abstinere ab eo opere, quamuis haberet scientiam oppositam ignorantia, sicut requiritur ut ignorantia sit solum concomitans, & non causa; & quod voluntarie concurrat ad ipsum, sicut requiritur ut tale opus sit peccatum, & ponamus huiusmodi opus esse iactum sagittæ in id, quod merito, & prudenter putat esse feram, & tamen reuera est inimicus.

Prima est habitualis, ut si iste habeat magnam inimicitiam habitualement, aut vehementissimum odium habituale aduersus inimicum.

Secunda virtualis, ut si quis antea formali & expressa volitione proposuerit, occidere inimicum quocumque loco & tempore, & quacunque occasione oblata, & non habuerit postea oppositam volitionem, qua illam priorem retractauerit, censetur enim illa prior volitio in isto casu manere virtualiter.

Tertia actualis, ut si tunc habeat volitionem formalem, qua aliquo modo velit occidere inimicum.

Et quamuis aliqui eorum, qui nobiscum conveniunt in conclusione, dicant, sufficere

hanc ultimam dispositionem; ut occisio illa externa sit voluntaria, & peccatum, de quorum numero est *CORDVS*. libro secundo, quæstione decima nona, *mibi tamen* videtur evidens, nullam earum sufficere; & de priori, probatur aperte, quoniam ut actus aliquis externus procedat à voluntate, non satis est esse in voluntate habitum inclinantem ad ipsum, sed requiritur quod voluntas volitione sua applicet potentiam, quæ est principium illius actus, ad eius exercitium: quoniam aliter voluntas non operatur actu, & alias omnes actus mali in hominibus habentibus habitus prauos, & inclinationes malas, etiam si fierent sine consensu voluntatis, essent voluntarij & peccata.

Confirmatur primo quoniam actus externus non est voluntarius nisi ut imperatus: ergo ut sit voluntarium, requiritur imperium voluntatis, & non sufficit inclinatio habitualis.

Confirmatur secundo, quia ille actus non est voluntarius, & peccatum *ratione ignorantia*, quia ipsa ignorantia est inuincibilis, & ex consequenti inuoluntaria, & omnino libera à culpa: *neque ratione volitionis occidendi* id quod prudenter & inuincibiliter credit esse feram, quia hæc volitio non habet pro obiecto occisionem hominis, sed occisionem feræ, quæ est bonum obiectum, *neque ratione habitualis dispositionis*, tum quia iuxta commune axioma Theologorum, habitibus neque meremur, neque demeremur, tum etiam quia alias, etiam si occideretur fera, & non inimicus, committeretur peccatum eiusdem malitiæ, & eodem modo voluntarium: quia esset in homine eadem dispositio habitualis, quæ est sufficiens ratio utriusque; sicut conceditur utrumque de occisione feræ præcedente ex volitione formali occidendi hominem, quia volitio formalis occidendi hominem est sufficiens ratio ad communicandum utrumque actui externo procedenti, & imperato ab ipsa; quamvis talis actus per accidens, & præter intentionem operantis, non sit occisio hominis: ergo nihil habet ille actus in isto casu, ratione cuius sit voluntarius in ordine ad homicidium, & peccatum. Paret ista consequentia, quia, ex suppositione, nihil aliud est in homine sic operante, cui hoc attribui possit.

DE SECUNDA etiam probatur, quoniam iactus sagittæ nullo modo, *neque formaliter neque virtualiter* procedit ab illa volitione præcedenti: ergo non habet ratione eius quod sit voluntarius & peccatum. *Consequentia* patet, quoniam actus externus neutrum istorum participat ab interno, nisi quatenus procedit ab eo aliquo modo, scilicet aut formaliter, aut virtualiter: Et *antecedens* probatur, quia *imprimis non procedit formaliter*, quia ex suppositione non est formaliter & actu illa volitio, sed præcessit; *neque etiam procedit virtualiter*, quod hic probo, ut actus aliquis dicatur procedere virtualiter à volitione præcedenti, requiritur, quod saltem in principio fuerit imperatus ab illa volitione aliquo modo, hoc est, aut in communi, aut in particulari; & quod virtus talis imperij continetur in aliquo effectu suo, do-

A nec fiat talis actus: sed neutrum istorum dici potest de illa volitione occidendi inimicum, & de iactu sagittæ; ergo neque quod iactus sagittæ procedat virtualiter ab illa volitione. *Major* patet *quoad priorem* partem, quia si actus nullo modo imperatur à volitione, non poterit causari ab eius virtute, quoniam virtus volitionis non potest extendi ad effectus, qui nullo modo sunt voliti per ipsam volitionem. Et *quoad posteriorem* quia alias volitio nullo modo erit cum sit talis actus; & quod nullo modo est, non potest causare. Et *minor* probatur, quoniam neque iactus ille sagittæ, sicut hic & nunc fit, fuit vnquam imperatus à volitione præcedenti occidendi inimicum, neque ipsa volitio relinquit aliquem effectum, in quo maneret eius virtus.

Confirmatur primo, quia huic projectioni sagittæ, ex modo, quo fit, repugnat ordinari ab operante ad occisionem hominis, quoniam sit adhibita sufficienti diligentia ad cavendum, ne ex ea sequatur homicidium: ergo non procedit virtualiter ex volitione præcedenti occidendi inimicum, quia nullus actus dicitur procedere virtualiter ab aliqua volitione, aut intentione, nisi prout est ab operante, ordinetur, saltem virtualiter, ad obiectum, vel finem illius volitionis.

Confirmatur secundo, quoniam iste iactus sagittæ, non obstante illa volitione præcedenti, potest fieri bene ex parte obiecti, & omnium circumstantiarum: ergo non procedit virtualiter ab illa volitione, neque sumit ab ea aliquam malitiam.

Confirmatur tertio, quoniam, si inimicus in isto casu recederet ab eo loco, antequam sagitta configeretur, non procederet iactus sagittæ à volitione illa occidendi inimicum: ergo neque si non recedat; *consequentia* patet, quia non pender ex actu alterius, qui nullo modo est in mea potestate, quod actus meus sit; vel non sit voluntarius: sed ex modo, quo sum eius causa; & *antecedens* probatur, quoniam alias, qui semel habuit volitionem illam occidendi suum inimicum, & non reuocavit eam, non poterit iacere sagittam, aut exercere aliquem actum; ex quo possit sequi mors inimici, quin talis actus procedat virtualiter ex illa volitione, & habeat malitiam homicidij, quod est ridiculum.

TANDEM PROBATUR de ultima dispositione aut inclinatione, quoniam etiam si volitio illa occidendi inimicum sit præsens, non procedit ab ea projectio sagittæ in isto casu; ergo neque habet ab ea esse voluntarium, aut peccatum; *consequentia* patet, quia (ut sæpe dixi) actus externus neutrum istorum participat ab interno, nisi procedat ab eo ut à sua causa. Et *antecedens* probatur, quia *vel volitio* est velleitas conditionata, aut habens modum desiderij, qualis est illa, quæ explicatur his verbis, velim occidere inimicum hoc iactu sagittæ, aut, utinam isto actu occiderem inimicum; *vel est volitio absoluta*, quæ explicatur per indicativum, hoc modo, etiam si id,

quod

quod puto esse feram, sit inimicus, volo iacere in ipsum sagittam; aut ita volo iacere sagittam in illud, siue sit inimicus, siue non; aut si forte sit inimicus. Et de priori volitione certum est, non esse causam iactus sagittæ, quoniam ut volitio sit causa alicuius actus externi, debet esse absoluta, & efficax; illa autem, ex suppositione, est inefficax, & conditionata; atque ita in illo casu principium illius actus est sola volitio efficax occidendi feram; & propter eandem rationem dicendum est idē de posteriori, quoniam etiam illa volitio, quamvis explicetur per indicium, est inefficax, quod sic probo, illa volitio terminatur ad obiectum sub conditione, quam intellectus indicat absolute, & sine vlla dubitatione esse impossibilem, ergo non potest esse efficax, *antecedens* patet ex casu posito, & *consequentia* probatur, quia, ea voluntas non potest velle actu absoluto & efficaci id, quod ab intellectu iudicatur omnino impossibile.

Confirmatur, quia si homo in isto casu nullo modo scit, neque suspicatur, obiectum, in quod iacit sagittam, esse suum inimicum, ergo non potest habere volitionem efficacem occidendi illo iactu suum inimicum; quoniam, si saltem sub dubio id existimaret, non operaretur cum ignorantia inuincibili, sed cum vincibili, per depositionem dubij, atque adeo voluntaria, & culpabili, sicut dici solet de eo, qui operatur cum conscientia dubia absque depositione dubij. Patet *consequentia*, quia volitio efficax operandi circa aliquod obiectum secundum aliquam conditionem, præsupponit cognitionem obiecti secundum eandem conditionem; neque satis est, quod cognoscatur hæc conditio, verbi gratia, inimicitia in communi, & non in particulari, & ut existens in obiecto (in quo deceptus est *CONDVSB.*) quoniam volitio efficax terminatur ad obiectum, vel ad eius conditionem prout est in singularibus, & à parte rei, quia est principium efficax operationis, quæ semper est circa singularem, iuxta doctrinam *ARISTOTELIS*, I. Metaph. ergo præsupponit cognitionem obiecti, aut sue conditionis prout est à parte rei, & non solum in communi; & propterea *ARISTOTELIS* quotiescunque definit voluntarium, dicit, requiri ad ipsum cognitionem rerum singularium, in quibus actio consistit, ut supra retulimus lib. 5. Ethic. cap. 8. ubi dicit requiri, quod is, qui operatur, sit sciens, ita ut non ignoret eum, quem iniuria afficit.

● 5. 4. Argumenta prima sententia dissolvuntur.

AD PRIMUM oppositæ sententiæ, supposito quod per informationem in utraque præmissa intelligatur omnis modus causalitatis, aut determinationis, vel conditionis, qui pertineat ad actum, & non solum se teneat ex parte operantis, concedenda est maior, & negan-

Ada est minor, & ad probationem Respondetur, quod, cum dicimus, ignorantiam concomitantem non esse causam actus, intelligi debet de actu quoad suam substantiam, non tamen quantum ad modum ipsius actus, scilicet voluntarium, & inuoluntarium; nam quantum ad istum modum ignorantia concomitans est causa actus, quoniam auferendo cognitionem, quæ requiritur ex parte principij operarij, ut actus sit voluntarius, est causa quod sit non voluntarius; & hoc satis est, ut auferat ab actu malitiam, non quia dat ei formam oppositam, scilicet bonitatem, sed quia tollit fundamentum per se requisitum ad habendum eam, scilicet esse voluntarium.

AD SECUNDUM Respondetur, sensum *DIVI THOMÆ* esse, quod ignorantia concomitans non excusat operantem omnino à peccato circa rem ignoratam, ita ut nullum habeat actum circa eam, qui ipsi imputetur ad culpam, quia potest habere prauum affectum circa ea, vel desiderij, aut velocitatis in principio operis, ut dixi, vel complacentiæ in fine, cum aduenit scientia, & huiusmodi affectus, non obstante ignorantia, erit peccatum, & imputabitur ipsi ad culpam, non tamen quod non excuset à peccato, quantum ad actum externum, ita ut huiusmodi actus nullo modo imputetur operanti ad culpam; itaque *DIVVS THOMAS* in hoc loco solum vult constituere hoc discrimen inter ignorantiam inuincibilem, antecedentem, & concomitantem: quod illa excusat omnino à peccato, ita ut is, qui cum ea operatur, nullum habeat peccatum circa rem ignoratam; non vero ista, & hoc solum probat, & satis efficaciter, ratio discriminis, quæ à *DIVO THOMÆ* assignatur, scilicet quod tollit scientiam, quæ si adesset, impediret actum: ignorantia vero concomitans priuat scientia, quæ quamvis adesset, non impediret actum; nam ex hoc bene sequitur, quod, qui cum priori ignorantia, verbi gratia, interficit inimicum, neque habet tunc affectum voluntatis ad huiusmodi actum, neque postea adueniente scientia approbabit factum; qui vero cum posteriori ignorantia exercet eundem actum, potest tunc habere affectum ad eum, aut postea approbare factum. Et ad hanc rationem reducit altera, quam *DIVVS THOMAS* ex ea colligit, tanquam ex prima radice, scilicet, quod ignorantia antecedens causat inuoluntarium simpliciter; ignorantia vero concomitans non causat inuoluntarium, sed non voluntarium; nam inuoluntarium simpliciter excludit omnem affectum voluntatis ad opus, ac vero non voluntarium permittit secum aliquem affectum ad ipsum, vel desiderij in principio, vel approbationis in termino, ut dixi.

Et si obieciat, sequi ex hoc, quod opus ipsum sit peccatum in operante cum posteriori ignorantia, quoniam de se est malum, & est volitum ratione illius affectus. Respondetur, negando sequelam, quoniam non est volitum per modum effectus procedentis à voluntate medio illo affectu, sed per modum ob-

recti, ac si fieret ab alio; & ideo affectus ipse est malus, & peccatum: non tamen opus externum; & ex his patet solutio ad confirmationem.

AD VLTIMUM vt respondeamus, SUPPONENDUM est, ARISTOTELI per ea, quæ ignorantia facimus, intelligere ea, quæ facimus cum ignorantia concomitante; quoniam condistinguit ea ab ijs, quæ ob ignorantiam facimus, quæ proculdubio sunt illa, quæ facimus ex ignorantia, siue cum ignorantia antecedenti, vt constat ex doctrina eiusdem ARISTOTELIS 3. Ethic. cap. 1. quamvis DONATVS & EVSTRATVS dicant, verba ista intelligi de ignorantia iuris in vniuersali, vt cum quis ignorat furtum, aut adulterium esse illicitum, vel lege prohibitum. Et hoc suppositio respondetur, ARISTOTELI ibi non dixisse absolute, & vniuersaliter, non esse venia digna ea, quæ ignorantes facimus, & non ob ignorantiam, sed cum hac limitatione, quod faciamus ea, ob affectum non naturalem neque humanum. Itaque eius sententia accipienda erit tantum de ijs, quæ ignorantes facimus, propter huiusmodi affectum.

Quid autem ipse intellexerit per affectum non naturalem neque humanum, non vno modo exponi solet, nam EVSTRATVS, & DONATVS dicunt affectum naturalem esse eum, qui excitatur ex indigentia naturæ, vt si quis ad sedandam famem, vel sitim naturalem appetat cibum aut potum necessarium: non naturalem vero illum, qui solum excitatur ex appetitu voluptatis, vt si quis propter voluptatem appetat cibum aut potum non necessarium, sed talem, vt ex eo delectatio percipiatur. Et quamvis hac expositio videatur conformis modo loquendi ARISTOTELIS 3. Ethic. cap. 11. vbi diuidens cupiditatem in naturalem & propriam, dicit, naturalem esse eam, qua unusquisque appetit explere id, quod deest; non potest tamen adaptari huic loco, facta suppositione posita in principio huius solutionis, quoniam etiam quæ non propter indigentiam naturæ, sed etiam voluptatis gratia facimus, si faciamus ea cum ignorantia inuincibili concomitante, carent omni culpa, & sunt digna venia, vt constat ex argumentis, quibus probauimus conclusionem; & ideo aliter dicendum est, quod ARISTOTELES per affectus non naturales & non humanos, intellexit eas perturbationes; quæ & sunt aliquo modo voluntariæ, scilicet in sua causa, & omnino impediunt deliberationem rationis, cuiusmodi est ebrietas, in nimio potu, has enim appellat non naturales, quia non sunt necessariæ, sed voluntariæ in sua causa, sicut paulo superius appellauerat quosdam effectus naturales aut necessarios; quasi explicans, idem esse significare eos priori aut posteriori voce; & non humanos qui repugnant valde dignitati naturæ humanæ, quæ maximè elucet in usu rationis. Quomodo autem ea mala, quæ sunt ab ebrio, imputentur ipsi ad culpam, dixi supra quæst. 71. art. 5. & quæst. 73. articulo 3. Aut Secundo & facilius responderi potest, ARISTOTELI ibi non loqui de ignorantia concomitanti inuincibili, sed de defectu deliberationis, qui non est causa actus, & ideo non denominat operantem ex ignorantia, sed ignorantem, & sensum eius esse, quod ea, quæ sunt ex

A huiusmodi ignorantia, non sunt venia digna, etiam si fiant propter affectum non naturalem, neque humanum, vt hic doceat quod neque iste affectus, qui propter suam vim videbatur maxime posse efficere non voluntarium defectum deliberationis, sufficiens est, vt id, quod ita fit, sit dignum venia, ita vt hæc posteriora verba, non contineant limitationem, qua excludantur ab hac sententia ea, quæ ab ignorantibus fiunt propter affectum naturalem & humanum: sed potius cognitionem, qua supponatur vt certum, ista non esse venia digna; & explicetur id, de quo poterat esse dubium. Quid autem intelligatur per passiones non naturales & non humanas colligi potest ex ipso ARISTOTELI 7. Ethic. cap. 3. & 6. vbi dicit, affectus quosdam esse naturales & humanos, alios immanes & feroces; & priores dicit esse illos, qui & secundum genus suum, & secundum magnitudinem, non sunt alieni à natura humana, sed solent in homines cadere, vt ira & timor non nimium excedens modum; posteriores vero, illos qui aut secundum genus suum, aut secundum magnitudinem sunt alieni naturæ humanæ, vt bestialitas secundum genus suum, & nimia ira, aut etiam timiditas ratione magnitudinis; his enim affectibus agi, proprium est ferarum, & non hominum. Verum aduertendum est in vtraque expositione, quod cum ARISTOTELES refert ea quæ facimus ignorantes, inter ea, quæ sunt innite, non sumit in rigore particulam innite, prout est idem, quod repugnans inclinationi voluntatis; sed prout importat defectum deliberationis, vt EVSTRATVS, & alij expositores annotant, & colligitur aperte ex ipso contextu. Et hæc de primo sensu huius dubij.

Circa secundum sensum quem diximus esse de nomine, est

D V B I U M II.

An sufficiat actum externum carere culpa propter ignorantiam concomitantem, vt ipsa ignorantia proprie dicatur excusare à culpa?

ADVERTENDUM est, aliquibus placere absolute partem negatiuam; tamen sine villo fundamento. Nam imprimis aliqui eam probant argumento, quod ex DVRANDO. supra proposui, scilicet, quia cum hæc ignorantia non sit culpa actus, sed impertinenter se habeat ad eum, non excusabit ipsum, sicut passio non excusat opus, quod non procedit ex passione. Sed hoc iam ibi est satis solutum. Addunt etiam ita loqui ARIST. 3. Ethic. cap. 1. & D. THO. hoc loco; sed quod attinet ad D. THOMAM, iam dixi quem sensum habeat de ARISTOT. vero falsum est, quod ibi ita loquatur; non enim dixit in illo capite, ignorantiam concomitantem non excusare, sed non facere inuoluntarium, & simul concessit facere non voluntarium. CATET. etiam probat eam hoc

argumen-

argumento, ignorantia concomitans non excusat actum, de quo loquimur, ab eo, quod per se pertinet ad ipsum; sed solum ab eo, quod pertinet per accidens, ergo non est concedendum absolute, quod excuset actum, sed solum quod excuset à pertinentibus per accidens ad ipsum. Probat antecedens, quoniam ita ignorantia duo habet: *Primum* est, facere operantem non volentem id quod ignoratur; *alterum* est quod permittit actum, qui sit cum ipsa, esse totaliter & simpliciter voluntarium. Et ratione *primi*, habet quod excuset à culpa, quæ posset convenire actui ratione eius, quod ignoratur; ratione vero *secundi*, quod non excuset à voluntario, & ex his culpa convenit actui per accidens, & esse voluntarium per se.

Sed respondetur negando antecedens, & ad probationem, negandum est; ignorantiam istam habere illud *secundum*, quia ut aperte probavi, facit actum non voluntarium, & cum hoc non sit, quod simul sit voluntarius. Neque obstat id, quod ipse CAISTA. obijcit contra hoc, scilicet voluntarium non tolli, nisi per actum aliquem, & ex consequenti per involuntarium: sicut quamvis album possit auferri per non album, tamen quando auferatur per positivum contrarium, debet auferri per negativum; nam etiam hoc est falsum, quia voluntarium non est modus subiecti, scilicet voluntaris, sed actus; & ideo non est necessarium, quod auferatur per actum causantem modum oppositum, scilicet involuntarium: sed potest auferri per defectum alicuius conditionis ex ijs, quæ requiruntur ad voluntarium, scilicet per hoc, quod actus non sit à principio intrinseco, aut non cum cognitione.

Quare relicto isto extremo, videtur mihi non esse declinandum in oppositum, ita ut concedamus absolute, hanc ignorantiam excusare à peccato; sed incedendum esse *media via*, ita ut dicamus duo; scilicet, non excusare absolute & omnino à peccato circa rem ignorantiam, & excusare à peccato actus externi. Et ratio *primi* est, quod permittit esse secum peccatum pravi affectus; ratio vero *secundi* quod propter ipsam ille actus est non voluntarius & ex consequenti liber à culpa.

§. Annotationes circa 2. & 3. conclusionem articuli.

CIRCA 2. & 3. conclusionem NOTANDUM EST *primo*, ignorantiam antecedentem invincibilem excusare à tota ea culpa quæ actui posset convenire ratione eius, quod ignoratur; unde si quis totum illud, ex quo actus potest esse malus, ignoret invincibiliter, excusabitur à tota culpa; si vero partem tantum ignoret, excusabitur tantum ab ea parte culpæ, quæ possit convenire actui ratione eius, quod ignoratur: ut, si quis videns se interficere hominem, ignoret invincibiliter illum esse parrem aut clericum, excusabitur omnino à culpa patricidij, aut sacrilegij; non tamen à culpa homicidij. Ut autem hæc ignorantia excuset à culpa, non est necessarium, quod det actui bonitatem; sed satis est quod tollat ab eo malitiam, quam ratione eius, quod ignoratur, pos-

set habere; & quod, quantum est de se non impediat, ne fiat bene, quamvis aliunde possit vitium propter defectum alicuius circumstantiæ debita, vel propter adiectionem malæ; Quomodo vero actus, qui sit cum hac ignorantia, etiam quantum ad id, quod ignoratur, sit conformis dictamini vero, sicut requiritur, ut ex ea parte non sit malus, solet explicari supra, quæst. 19. art. 5. ubi disputatur, an sit debitum & bonum conformari conscientiæ erroneæ; & nunc dico breviter cum DURANDO in 2. distinet. 38. quæst. 1. numer. 9. dictamen, cui iste actus conformatur, quamvis procedat ex ignorantia esse verum practice, & non speculative, & hoc est satis.

2. NOTANDUM est, doctrinam istam esse intelligendam de omni ignorantia invincibili, tam iuris, quam facti: & ratio est eadem de utraque, scilicet, quod facit involuntariam violationem legis, aut conditionem facti, ratione cuius actus posset esse malus.

NEQUE OBSTAT, quod in iure admittatur excusatio propter ignorationem facti, & non propter ignorationem iuris; nisi in quibusdam casibus ut constat ex leg. 9. ff. de iuris & facti ignorantia. Cuius ratio redditur leg. secunda eodem titulo, his verbis: Cum ius finitum & possit esse & debeat: fidei interpretatio plerumque etiam prudentissimos fallat, & ex l. 2. ff. de origine iuris §. post hos ubi dicitur, turpe esse patricio & nobili & causas oranti, sui in quo versantur ignorare. NAM hoc intelligitur, quoad forum exterius, in quo non præsumitur, quod aliquis ignoret ius, præsertim illud, quod pertinet ad suum munus; nos vero loquimur in foro conscientiæ, in quo iudicandum est secundum veritatem rei, & non secundum præsumptionem. Neque etiam ut ignorantia facti excuset, oportet, quod detur opera rei illicitæ; quoniam etiam si detur opera rei illicitæ, potest esse invincibilis, ut probavi articulo præcedenti & de hoc plura dixi supra quæst. 73. artic. 8. an vero requiratur, ut excuset à pena iuris, ut sentiunt aliqui ex iurisperitis, in fine huius materiæ dicam.

TERTIO NOTANDUM est, tria contineri in tertia conclusione, & in eius rationibus, quæ videntur difficilia. *Primum*, ignorantiam antecedentem invincibilem causare involuntarium. *Secundum* ignorantiam vincibilem, siue sit antecedens siue consequens non sufficere, ut actus non sit voluntarius. *Tertium*, ignorantiam voluntariam siue directe, siue indirecte, non excusare totaliter à peccato. Sed de duobus primis dixi supra quæst. 6. art. 8. & de tertio dicam articulo sequenti, ubi explicabo, an quælibet ignorantia, etiam affectata, excuset aliquo modo, saltem diminuendo malitiam peccati.

CIRCA VLTIMAM conclusionem est

DUBIVM III.

An semper ignorantia actualis, quæ appellatur inconsideratio, vel inadvertentia, sit inuincibilis, aut æquivalet ignorantia inuincibili, quantum ad effectum excusandi omnino à peccato.

§. 1. Sensus quæstionis exponitur.

V BIPRO EXPLICATIONE tituli ADVERTENDVM EST PRIMO, intelligendum esse de inconsideratione tam *invis*, quam *facti*, comprehendendo nomine *facti* actum & omissionem; & de ipso facto non solum secundum suam entitatem, & naturam, sed etiam quantum ad malitiam, vel prohibitionem; potest enim contingere, quod aliquis habeat inconsiderationem circa factum duobus modis. *Primo*, quantum ad suam entitatem, ut cum quis non advertit diem, in quo verbigratia, comedit carnes, esse feriam sextam; *Secundo* quantum ad prohibitionem; ut cum licet hoc advertit, non tamen considerat, esse prohibitum; & idem est in omissionibus, potest enim aliquis omittere actum orandi, aut non advertendo quod non orat, aut advertendo hoc, & non considerando obligationem ad orandum.

SECUNDO ADVERTENDVM est, nos loqui in casu, quo habetur scientia habitualis utriusque, & solum deest consideratio actualis, aut utriusque, aut alterius eorum; ut cum quis scit habitualiter, non esse communicandum cum excommunicato, & Petrum esse excommunicatum; & tamen occurrente Petro, neutrum considerat, aut alterum tantum, & alloquitur eum. Atque ita sensus dubij est, *an in habente prædictam scientiam habitualement, & inconsiderationem operis, aut secundum suam entitatem, aut saltem secundum malitiam & prohibitionem, hæc inconsideratio sit censenda inuincibilis, & sufficiens ad excusandum à peccato.*

IN QUA RE, ut separentur certa ab incertis, ADVERTENDVM est, tria esse certa, & vnum dubium, atque difficile. NAM IMPRIMIS certum est, posse in casu proposito fieri, vel omitti opus aliquod, cum inadvertentia inuincibili, quantum ad utrumque. Et probatur *in experientia*, quæ constat, sæpe nos ita non considerare actum, quem aut exercemus, aut omittimus, neque legem prohibentem aut præcipientem ipsam, ut nullo modo videatur fuisse situm in nostra potestate considerare: *in etiam ratione*, quia contingere potest, quod careamus cognitione actuali sufficiente ut voluntas possit applicare intellectum ad considerandum utrumque, ergo tunc talis inconsideratio rei diceretur inuincibilis; *consequentia* patet, quia non poterit moveri voluntas ad apponendum medium, quod ex parte ipsius est necessarium ad vincendum eam, scilicet applicare intellectum; & *antecedens* probatur, quia contingere potest, quod nullo modo, hoc est; neque in particulari, neque

A in confuso, aut in communi, neque perfecte, neque imperfecte, cognoscamus actu illa duo; & voluntas sicut non potest velle id, quod est omnino ignotum, ita non potest velle applicare, aut excitare intellectum ad eius considerationem.

Et confirmatur à posteriori, quoniam alias multæ actiones & omissiones essent damnandæ in vitis probis. & qui magno studio curant placere Deo, quoniam sæpe excusari non possunt, nisi propter hanc inadvertentiam, aut inconsiderationem inuincibilem, ut constat ex ijs, quæ dixi de motibus concupiscentiæ q. 7. 4.

2. CERTVM est quod cum advertentia circa factum, quantum ad suam entitatem, potest reperiri inconsideratio inuincibilis circa ipsum, quantum ad malitiam, vel prohibitionem, quod potest probari eisdem rationibus, quibus id, quod diximus esse primo loco certum.

3. ADVERTENDVM est, quod quando quilibet prædictorum inconsiderationum fuerit inuincibilis, excusat à tota ea culpa, quæ ratione eius quod non consideratur, posset convenire actui, vel omissioni: idque siue inconsideratio sit antecedens, ut quando, si opposita consideratio adesset, impediretur talis actus, vel omisso; siue sit concomitans, ut cum homo est ita dispositus, vel affectus animo ad aliquid agendum, vel omittendum, ut quamvis actu consideraret se teneri ad oppositum, faceret idem. Et *de priori* probatur facile, quoniam illa inconsideratio reddit actionem, vel omissionem vel involuntariam si sit antecedens, vel non voluntariam, si sit concomitans; ergo excusat operantem à peccato illo, aut omnino, aut saltem quantum ad illam actionem vel omissionem. *Consequentia* patet ex ijs, quæ præcedenti dubio dixi de ignorantia inuincibili concomitante & antecedente; & *antecedens* probatur, quoniam ad voluntarium magis requiritur consideratio actualis, quam scientia habitualis, si quidem illa sufficit sine ista, & non è conuerso: ergo magis poterit facere involuntarium, aut non voluntarium, defectus considerationis actualis, quam defectus scientiæ habitualis. *De posteriori* etiam probatur, quoniam proportionaliter reddit actionem vel omissionem involuntariam aut non voluntariam, quantum ad violationem legis: ergo excusat à peccato; patet *consequentia*, quia ut actus sit peccatum, non sufficit quod sit voluntarius secundum suam entitatem, sed requiritur, ut etiam sit voluntarius quantum ad violationem legis.

Confirmatur, quia malitia peccati consistit formaliter in violatione legis, ergo nisi hæc sit voluntaria, neque illa erit voluntaria, & ex consequenti neque imputabitur ad culpam, quia nihil potest imputari ad culpam, nisi sit voluntarium.

Dubium tamen est, an semper inconsideratio actualis, siue sit prioris generis, siue posterioris, sit censenda inuincibilis, ita ut semper excuset ab ea culpa, quæ actui vel omissioni posset convenire ratione eius, quod non consideratur, & in hoc est diversitas sententiarum.

§ 2. *Varia sententia cum motiuit.*

PRIMA EST CAIETANI, supra quæst. 6. art. 8. & in sum. verbo *inconsideratio*, ubi sequitur partem *affirmatiuam*, cum ista limitatione, quod is, qui operatur vel omittit aliquid cum hac inconsideratione, habeat certam intentionem, aut firmum propositum nullo modo peccandi mortaliter: aut, sicut dicit in summa, sit ita dispositus, ut, si tunc actualiter aduerneret ad id, quod scit, non faceret; & quamuis CAIETANVS aperte non explicet, de qua inconsideratione loquatur, videtur tamen in modo loquendi, & in exemplis, quibus in utroque loco vitur, insinuare, se loqui de casu, quo non solum non aduertitur factum, de quo loquimur esse contra legem: sed etiam non consideratur conditio, secundum quam hoc ei conuenit, ut, verbi gratia, quod contractus sit usurarius, aut iniustus, aut quod dies, in quo comedit carnes, sit feria sexta.

Et probatur hæc sententia *PRIMO*, quoniam inconsideratio actualis in isto casu provenit ex causa, quam tollere, aut impedire non est in potestate nostræ voluntatis: ergo & vitare ipsam non est in potestate nostræ voluntatis; & ex consequenti est inuincibilis à nobis. Probatur *antecedens*, quoniam, cum non proveniat ex voluntate non considerandi, quia hæc voluntas non potest esse in eo, qui habet illud propositum non peccandi, tamen poterit provenire ex eo, quod non occurrit memoriæ obiectum illud, cuius inconsiderationem habemus; constat autem non esse in potestate nostræ voluntatis tollere hunc defectum occursum, quoniam non est in eius potestate facere, quod occurrant memoriæ ea, quæ scimus habitualiter, & ita defectus memoriæ non solet appellari voluntarius, sed naturalis.

Confirmatur, remissiſci omnium, excedit facultatem hominis; & remissiſci in particulari eius obiecti, cuius inconsiderationem habemus, non est nobis liberum, quia deest nobis conditio, qua moueamur remissiſci potius ipsius, quam aliorum: ergo non est in potestate nostræ voluntatis expellere hanc inconsiderationem.

SECUNDO, inconsideratio in isto casu non est consequens, quia non est voluntaria, alioquin non posset esse simul cum illo proposito non peccandi: neque etiam est concomitans, propter eandem rationem; ergo est antecedens. & ex consequenti facit inuoluntarium simpliciter, & excusat à peccato.

SECUNDA SENTENTIA est aliorum, quibus & placet eadem pars *affirmatiua* eo modo quo à nobis est explicata ex mente CAIETANI: addunt tamen aliam limitationem, præter eam, quam CAIETANVS requirit, scilicet, quod inconsideratio, vel obliuio non proveniat ex culpa nostra; hanc sequitur CORDV. lib. 2. quæst. 17. dubio 1. & fauet ei GABRIEL. in 2. dist. 41. quæstione 1. artic. 3. dub. 3. quatenus admittit, obliuionem, aut distractionem, quæ provenit ex culpa omittentis, ac tamen debitum non ex-

cusare à culpa. Fundamentum huius sententiæ, quantum ad hanc limitationem, est; quod inconsideratio proveniens ex culpa nostra, comparatur ignorantie ebriorum; & ideo sicut hæc non excusat à culpa, neque illa.

TERCIA SENTENTIA est quorundam recentiorum, qui etiam posteriorem inconsiderationem, siue priori existimant esse inuincibilem, & sufficere ad excusandum à peccato, ita ut quamuis cognoscatur ipsum factum secundum suam entitatem, & secundum eam conditionem, ratione cuius est malum; si tamen non cognoscatur actu ut malum, vel dubium, vel periculosum, aut dignum ut prius examinetur, non erit peccatum, nec imputabitur ad culpam. Huic sententiæ videtur fauere ALMAIVS, tract. 3. moral. cap. 14. ubi videtur supponere eam, ut certam, quantum ad motus appetitus sensitivi, quos appellamus secundo primos. Et probatur, quoniam homo in casu isto non tenetur aduertere ad malitiam, vel prohibitionem facti, de quo loquimur: ergo inaduerrentia circa eam erit inuincibilis: ergo etiam si adsit aduerrentia ad factum secundum suam entitatem, excusabit illa inaduerrentia à peccato; hæc *secunda consequentia* patet ex tertia suppositione; & *prima* etiam patet, quia ut inaduerrentia sit vincibilis, saltem ita ut non excuset à peccato, non satis est posse aduertere, sed requiritur posse & teneri. *Antecedens* vero probatur, quoniam nullo modo cognoscit esse talem obligationem, quia nihil cognoscit in ipso facto, ratione cuius obligatur.

Confirmatur, supposito quod aduertere ad malitiam, vel prohibitionem facti, non est aliud quam considerare, & examinare, an sit malum, vel prohibitum; nam vel homo tenetur ad hoc semper, quia semper videt, aut potest videre, se aliquid facere, vel omittere: vel solum in casu isto, quo actu videt, quid faciat, vel omittat; Sed *primum dici non potest*, quoniam esset onus intollerabile, neque scimus viros, etiam sanctissimos hanc sollicitudinem habuisse, vel consuliſse alijs, quod illam haberent; neque *secundum*, quia in isto casu non habet homo aliud quod motiuum, ad iudicandum, se ad id teneri, cum ex suppositione non cognoscat, esse dignum tali examine id, quod facit, vel omittit.

§ 3. *Resolvitur quæstio.*

PRIMA CONCLUSIO. Ut inconsideratio sit inuincibilis, ita ut excuset factum à peccato: non satis est, hominem non aduertere actu ad ipsum factum, sed requiritur & sufficit, quod tunc neque aduertat, neque humano modo & moraliter possit aduertere ad ipsum factum, non solum quantum ad suam entitatem, & naturam: sed etiam quantum ad malitiam vel prohibitionem.

PRIMA PARS probatur, quia cum homo actu non aduertit ad factum, potest habere moralem potentiam ad aduertendum: ergo

non

non satis est, hominem actu non advertere, ut eius inaduertentia sit inuincibilis, & excuset factum à peccato; *consequentia* patet, quia inaduertentia siue inconsideratio dicitur inuincibilis, quia vinci non potest, saltem humano modo, & moraliter, sicut ignorantia habitualis dicitur inuincibilis, quia non potest diligentia morali & humana superari, ut dixi articulo precedenti: Et *antecedens* probatur, quia, cum homo non aduertit ad factum, potest considerare aliquid aliud, quod sit ipsi sufficiens occasio aduertendi ad ipsum, ut explicabo conclusione consequenti.

Confirmatur, quia in isto casu homo tenetur advertere, quoniam præcepto, quo vel præcipitur, vel prohibetur factum, obligatur ad aduertendum, quia hoc est necessarium ad eius adimplerionem; & præterea potest potentia morali, & humana advertere, ut constat ex argumento; & non aduertit, ut supponimus; ergo inaduertentia est ipsi voluntaria, & ex consequenti non est inuincibilis, neque excusat à peccato; patet ista consequentia, quia, ut omisso cuiuscunque actus sit voluntaria, satis est B
VVS THOMAS docet supra quæstione sexta, artic. tertio.

SECUNDA etiam pars probatur, quia *imprimis*, quod sufficiat illa impotentia moralis, patet, quia ut ignorantia habitualis sit inuincibilis, non requiritur, quod nullo modo vinci posset, sed satis est quod adhibita diligentia morali & humana non possit vinci; quamuis adhibita extraordinaria possit vinci: ergo similiter, ut inconsideratio actualis sit inuincibilis, & excuset à peccato, satis est, quod humano modo & moraliter, non possit vinci. *Quod vero etiam sufficiat prædicta impotentia ad aduertendum ad actum*, quantum ad malitiam moralem & prohibitionem, probari potest eodem argumento, quia nulla est ratio, cur requiratur maior impotentia, ut inaduertentia respectu huius conditionis sit inuincibilis? Si autem sit inuincibilis, certum est, quod excusat à peccato, quamuis simul adsit aduertentia ad entitatem, aut naturam facti, ut constat ex tertia suppositione.

EX HAC conclusione sequitur primo, non esse sufficiens signum ad iudicandum, aliquem excusari à peccato in suo facto, quod nullo modo considerauerit ipsum, siue secundum suam naturam, siue tantum quantum ad malitiam, vel prohibitionem; sed examinandum esse vterius, an habuerit potentiam moralem ad aduertendum.

SECUNDO sequitur, impertinens esse, quantum ad effectum excusandi à peccato, quod inconsideratio sit cum proposito non incidendi in illud peccatum, quod non consideratur; nam etiam secluso tali proposito potest inconsideratio esse inuincibilis, ut, si desit potentia modo humano & morali ad considerandum, in quo nulla est repugnantia; & eo stante potest inconsideratio esse vincibilis, ut, si adsit potentia humana ad considerandum. *Verum est tamen*, quod in casu, quo reperitur huiusmodi

A potentia non erit illud propositum efficax, quoniam ex proposito efficaci vitandi aliquod peccatum sequitur consideratio, vel aduertentia, quæ ad id est necessaria, quando moraliter potest adhiberi.

VLTIMO sequitur, male aliquos ex recentioribus Thomistis supra quæstione sexta, art. 8. dicere excusari à peccato eum, qui cum proposito non peccandi mortaliter, & scientia habituali malitiæ alicuius actus, exercet eum propter obliuionem, quam potest vincere. Et probatur; quoniam si hæc obliuio potest vinci ab isto homine, ergo non est ei inuincibilis, neque excusat eum à peccato.

SECUNDA CONCLUSIO. *Ut is, qui actu non considerat factum, censetur habere prædictam potentiam moralem ad considerandum, hoc est moraliter & humano modo reducibilem ad actum: satis est, quod cogitet de re alia, quæ moraliter possit eum excitare, ad considerandum; ut si, verbi gratia, cogitet de re alia simili, vel habente connexionem cum facto præfati. Probatum, quoniam impotentia moralis ad considerandum in eo, qui habet intellectum solum, & scientiam habituales, solum potest provenire ex defectu excitantis ad considerandum; ergo si adsit excitans sufficiens moraliter, non reperietur talis impotentia.*

Confirmatur, in isto casu est cognitio sufficiens, ut voluntas possit applicare & mouere intellectum ad considerandum in particulari factum præfati; ergo homo dicitur habere potentiam moralem ad considerandum; *consequentia* patet, quia intellectum mouere ad considerandum in particulari aliquod obiectum, solum requiritur, quod ex parte intellectus sint remota impedimenta, & quod præsupponatur cognitio illius obiecti sufficiens, ut voluntas possit velle applicare intellectum ad eius considerationem; hæc enim cognitio semper est necessaria, quia voluntas non potest velle operari circa id, quod nullo modo cognoscitur, quia nihil volitum quin præcognitum. Et *antecedens* probatur, quia ut voluntas possit mouere intellectum ad considerandum aliquod obiectum in particulari, satis est, quod præsupponatur aliqua cognitio imperfecta illius obiecti, etiam in communi, & in conspectu, & in aliquo simili, vel habente aliquam habitudinem ad ipsum, etiam oppositionis, ut nunc suppono ex ijs, quæ dici solent in illa quæstione, an voluntas possit determinare intellectum de nouo ad considerationem alicuius obiecti particularis; de qua disputari debet apud DIVVM THOMAM supra quæstione nona, articulo secundo, & est expressa sententia ARISTOTELIS primo, libr. poster. cap. 3. & AUGUST. decimo, de Trinitate cap.

EX HAC CONCLUSIONE sequitur primo, quod quando aliquis est prohibitus iure naturæ, satis est advertere ipsum secundum suam entitatem, ut inaduertentia ad malitiam vel prohibitionem sit vincibilis & voluntaria; secus vero quando solum est prohibitus iure positivo; huius discriminis rationem assignavi supra quæst. 74. art. 8.

Secundo sequitur, nunquam reperiri peccatum

ex inconsideratione, sine aliqua consideratione actuali terminata ad ipsum, etiam quantum ad malitiam, vel prohibitionem: non tamen in particulari, & secundum se, sed in communi & in confuso, vel cum aliquo alio, cum quo habeat aliquam connexionem; & nihilominus dicitur peccatum ex inconsideratione, quia committitur cum inconsideratione ipsius in particulari; & ita supra questione sexta, articulo tertio dixi cum DIVO THOMA, posse dari voluntarium indirectè, etiam sine actu formali intellectus terminato ad ipsum, quia licet requiratur aliqua cognitio ipsius, non tamen est necessariū, cognitionem hanc terminari ad ipsum in particulari.

ULTIMA CONCLUSIO. *Ut inconsideratio actualis, in casu quo deest prædicta potentia moralis ad considerandum, reputetur inuincibilis, & excuset factum à peccato: satis est, quod eo tempore, quo homo peccaret, nihil cognoscit actu, neque de ipso facto quoad suam utilitatem, vel prohibitionem, neque de alia re, quæ moraliter possit eum excitare ad id considerandum; & hoc verum est, siue ista inconsideratio proveniat ex causa culpabili, siue inculpabili.* PRIMA PARS patet evidenter ex præcedentibus, quia in isto casu non est potentia moralis ad considerandum. SECUNDA vero, quam statuo contra auctores secundæ sententiæ, probatur, quia vel causa dicitur culpabilis, quia secundum se illicita, & peccatum; vel quia est voluntaria in ratione causæ talis inconsiderationis, siue secundum se sit peccatum, siue non: si priori modo dicatur, certum est non sufficere, ut inconsideratio non sit inuincibilis, sicut articulo præcedenti probavi non sufficere, quod ignorantia habitualis circa res fidei habeat pro causa peccata, propter quæ aliquis non illuminatur à deo, ut non sit inuincibilis. Si vero dicatur culpabilis posteriori modo, adhuc distinguendum est, nam, aut est voluntaria secundum se, & non ratione causæ; quia neque est præiudicium, quod ex ea sequeretur illa inconsideratio, neque debuit & potuit præiudicari; aut propter rationem oppositam est voluntaria, in quantum causa: Si primum, sequitur, quod non sufficiat, ut inconsideratio aliquo modo, & in sua causa sit voluntaria, & ex consequenti vincibilis; sicut neque, ut nocuum sit voluntarium, sufficit, ut eius causa sit voluntaria secundum se: Quod si secundum dicatur, sequitur, quod solum sufficiat, ut inconsideratio sit voluntaria in sua causa, non tamen ut sit voluntaria & vincibilis secundum se; & ex consequenti, quod factum imputabitur ad culpam solum in causa inconsiderationis; tamen secundum se excusabitur omnino à culpa, propter ipsam inconsiderationem, ita ut non possit dici peccatum formaliter, sed affectus aut sequela peccati, sicut dixi supra questione septuagesima-prima, articulo quinto de malis, quæ cum sunt, non subduntur libertati potestati facientis, sed solum quantum ad suam culpam.

EX HAC CONCLUSIONE sequitur primo quod, si quis vidit, aut potuit, & debuit videre, studium, aut aliud negotium, quod aggreditur, esse sufficiens ad impediendum, ne ad sed requiritur, quod sit voluntaria in ratione causæ.

Aduertat ad horam, quæ audiendum est sacrum, & ita se ipsa contingat, quod nullo modo aduertat, & non audiat sacrum; peccabit quidem contra præceptum obligans ad audiendum sacrum, ceterum culpa huius peccati non imputabitur ipsi, cum actu omittit sacrum, sed cum dat causam voluntariam huic omissioni, ut loco citato explicui.

Secundo sequitur, quod, ut inconsideratio excuset factum omnino à culpa, hoc est, & in se, & in sua causa, requiritur præter supradicta, quod non sit voluntaria in sua causa, hoc est, quod homo non se exposuerit voluntarie periculo incidendi in eam: Quare si quis tempore, pro quo tenetur audire sacrum, non aduertat actu ad hanc obligationem, neque ad aliquid aliud, quo moraliter possit excitari ad aduertendum, neque antea voluntarie se exposuerit periculo non aduertendi, (ut, quia non aduertit esse tale periculum, neque habuit simul potentiam cum obligatione aduertendi) excusabitur omnino à peccato, siue toto mane fuerit occupatus in rebus licitis, siue in illicitis & malis.

§ 4. Ad motiua aliarum sententiarum.

AD PRIMUM argumentum prima sententiæ, & ad eius confirmationem patet solutio ex secunda conclusione, in qua explicatum est, quæ ratione, non obstante inconsideratione actuali, possit reperiri in homine potentia moralis ad considerandum, etiam in particulari, id, propter cuius inconsiderationem committitur peccatum; cum vero dicitur, defectum memorie non esse voluntarium, sed naturalem; intelligi debet de eo, qui vel provenit ex impedimento naturali, ut ex læsione organorum, aut confusione vel debilitatione spirituum; vel ex defectu potentie moralis ad habendum actum memorie, ut cum nihil consideratur, quo moraliter possit homo excitari ad huiusmodi actum; aut ita est homo intentus alteri negotio, ut moraliter censeatur impossibile alijs intendere. Verum est tamen, quod cum defectus potentie moralis isto ultimo modo contingit, poterit esse voluntarius in sua causa, si aut præiudicatus est, aut potuit, & debuit præiudicari in illa nimia intentione ad alia.

AD SECUNDUM respondetur, negando antecedens, quia iam constat, illam inconsiderationem esse voluntarium, quando adest prædicta potentia moralis.

AD FUNDAMENTUM secunda sententiæ, patet solutio ex ultima conclusione, & eius probatione.

AD ARGUMENTUM tertiæ, cum sua confirmatione, patet etiam solutio ex secunda conclusione.

ARTICVLVS IV.

Verum ignorantia diminuat peccatum?

PRIMA CONCLUSIO. Ignorantia inuincibilis, & que totaliter à peccato excusat, non minuit peccatum, sed omnino aufert.

SECUNDA CONCLUSIO. Ignorantia, qua non est causa peccati, sed concomitanter se habet ad peccatum, nec minuit, nec auget.

TERTIA CONCLUSIO. Illa sola ignorantia potest peccatum minuire, qua est causa peccati, & tamen totaliter à peccato non excusat.

QUARTA CONCLUSIO. Quando ista ignorantia, qua est causa peccati, & non totaliter excusat à peccato, est directe & per se voluntaria, sicut cum aliquis sua sponte nescit aliquid vs. libetius peccet, non diminuit, sed potius auget peccatum.

VLTIMA CONCLUSIO. Quando vero eadem ignorantia non est directe voluntaria, sed indirecte, vel per accidens, tunc diminuit peccatum.

COMMENTARIVS.

CIRCA SECUNDAM conclusionem aduertendum est, intelligendam esse de peccato prauis affectus, quod repetitur potest cum hac ignorantia concomitante, etiam si sit inuincibilis, vt explicui articulo precedenti; non tamen de peccato actus externi, nam ignorantia concomitans, si sit inuincibilis, excusat omnino à culpa actum illum, vt ibidem dixi; si autem sit vincibilis, habet rationem consequentis, saltem respectu volitionis interpretatiue, quam in illo actu censetur homo habere: & ideo eodem modo iudicandum est de ipsa, quantum ad effectum diminuendi peccatum, sicut de ignorantia consequenti, aut inuoluntaria indirecte, de qua **DIVVS THOMAS** agit vltima conclusionem.

Neque obstat tertia conclusio, in qua **DIVVS THOMAS** dicit, requiri, ignorantiam esse causam peccati, vt diminuat peccatum; quoniam etiam ignorantia concomitans est aliquo modo causa illius actus, non quidem secundum substantiam, sed quantum ad modum, qui est, esse voluntarium, vel non voluntarium, nam (vt loco citato explicui) si ista ignorantia sit omnino inuincibilis, facit actum omnino non voluntarium, & consequenter si fuerit vincibilis faciet minus voluntarium.

QVARE si quis cum ignorantia vincibili & concomitante interficiat hominem, vt si non adhibuit sufficientem diligentiam ad cauendum, ne id, in quod proiciebat sagittam; esset homo, & habebat affectum, ratione cuius multo melius id faceret, si non haberet ignorantiam;

A non excusabitur à peccato totaliter, neque quantum ad affectum, neque quantum ad actum externum; imo neque culpa prauis affectus erit minor ratione ignorantie, quoniam cum ignorantia in isto casu non minuat cognitionem, quæ requiritur ad illum affectum, non potest reddere ipsum minus voluntarium, tamen culpa externi homicidii erit minor, quam si fieret à sciente.

SED OBIECTI potest, ignorantiam illam non minuire culpam actus externi, sed omnino tollere eam: quoniam actus ille externus in ratione homicidii non est malus, quia vt si nullo modo est voluntarius; quod sic probatur, actus ille ita sumptus non est voluntarius secundum se, vt constat, quia non est formaliter volutus; neque in causa, nam maxime in ignorantia, quæ tamen non est eius causa, quoniam est concomitans, vt supponimus; neque potest dici voluntarium ratione prauis affectus, quoniam sequitur, quod habeat eandem & æqualem malitiam cum ipso, sicut actus externus cum interno.

Respondetur, actum illum in ratione homicidii esse voluntarium secundum se, & formaliter, non tamen directe, sed indirecte; & ideo non esse necessarium, quod sit formaliter volutus, sed satis est, quod possit & debeat impediri, & non impediri. *Aut secundo* dici potest, quod eadem volitione, qua formaliter est volutus ille actus, in quantum est profectio sagittæ, est etiam interpretatiue volutus, in quantum est occisio hominis: quoniam sufficiens fundamentum est, velle proijcere sagittam, cum illo defectu diligentie requisitus ad vitandum homicidium, vt possumus interpretari voluntatem eius, qui habet rationem actum, dicendo, quod vult occidere hominem.

CIRCA EANDEM conclusionem, & sequentes, **ADVERTENDVM** est, quod per ignorantiam, qua est causa actus, non intelligit **DIVVS THOMAS** in hac conclusione, & in reliquis, ignorantiam antecedentem, prout ista distinguitur à consequenti; nam diuisio ignorantie in antecedentem & consequentem fit per respectum ad actum voluntatis, vt explicui in principio huius questionis; sed intelligit ignorantiam quæ aliquo modo est causa actus, hoc est, vel quoad substantiam, vel quoad modum; & nihilominus simul est consequens, quia est voluntaria, & vincibilis.

CIRCA quartam conclusionem, est

DVBIUM I.

Verum ignorantia, quæ est directe & expresse volita, siue quæ ab alijs appellatur affectata, diminuat aliquo modo peccatum?

§. 1. Ratio dubitandi: & fundamentum pro solutione; Affectata ignorantia duplex.

ET RATIO dubitandi pro utraque parte sumitur ex ipso D. THOMA, nam *partis negativæ* fauet aperte in hac conclusione, *affirmativa* vero in articulo præcedenti; ubi dicit, ignorantiam voluntariam directe, siue affectatam, non excusare totaliter à peccato, sicut neque ignorantiam voluntariam indirecte; in quo videtur supponere, utramque excusare eodem modo, scilicet non totaliter, sed partialiter, hoc est minuendo peccatum, & supra quæst. 6. art. 8. ubi primum refert duos modos, quibus ignorantia potest esse voluntaria, scilicet directe, ut cum est affectata, & indirecte; & postea subdit: *cum autem ipsa ignorantia sit voluntaria aliquo istorum modorum non potest causare simpliciter involuntarium: causat tamen secundum quid involuntarium, in quantum præcedit motum voluntatis ad aliquod agendum, qui non esset præsentis scientiæ; ex quibus verbis non solum habemus testimonium D. THOMÆ, sed etiam rationem ad probandum, ignorantiam affectatam causare aliquo modo involuntarium, & ex consequenti diminuire voluntarium; & ex hoc aperte colligitur intentum, scilicet quod diminuat peccatum, quia (ut D. THO. inquit in principio huius articuli) in tantum ignorantia potest diminuire peccatum, in quantum diminuit voluntarium.*

Ad huius solutionem advertendum, ignorantiam posse esse affectatam siue expresse volitam diversis modis, ut colligitur ex CAJETANO articulo præcedenti, & ex ALPHONSO de Castro lib. 2. de lege pænali cap. 14. & ratione atque experientia ostenditur, quoniam potest esse volita propter diversos fines, qui omnes possunt ad tres reduci; *primus* est, vitatio alicuius mali moralis, ut cum quis expresse vult ignorare aliquid, quia existimat esse peccatum, acquirere, aut recipere notitiam ipsius; & vult vitare hoc peccatum; aut credit exercere, opus prohibitum, cum notitia prohibitionis esse quoddam genus irreverentiæ contra legem prohibentem, & contra authoritatem legis, & ideo ut vitet hanc irreverentiam, vult ignorare prohibitionem. *Secundus* finis potest esse remotio alicuius mali naturalis, ut cum quis vult carere notitia alicuius rei, ut vitet laborem, quem in eius acquisitione deberet subire. *Tertius* est, executio alicuius operis, quod de se sit peccatum, & malum, ut cum quis vult ignorare prohibitionem talis operis, aut con-

Aditiones & circumstantias, quæ reddunt ipsum magis malum, ut ita liberetur à remorsu conscientie, & ab eius persuasione, & à tota difficultate, quam hac de causa pateretur in executione illius operis, & ita liberius, & iucundius ipsum exequatur, sicut si quis velit ut muliere non sua, & velit ignorare an sit coniugata, ne, si sciat esse coniugatam, retrahatur aliquo modo ab illo actu, propter maiorem malitiam, quam habebit ratione illius circumstantiæ; aut si quis velit exercere artem magicam, & velit ignorare eius prohibitionem, ut vitet renitentiam voluntatis, quæ posset oriri ex notitia prohibitionis. Hoc supposito,

§. 2. Responsio ad dubium propositum.

DICO PRIMO, quando ignorantia est affectata propter duos priores fines, minuit malitiam peccati, quod aut sit cum ipsa, aut procedat ab ipsa, ubi consulto loquor hoc modo, ut comprehendam ignorantiam affectatam; quæ dicitur concomitans & non solum eam, quæ est causa operis quoad substantiam. Probatur: ignorantia in isto casu minuit voluntarium in opere, quatenus tale opus est malum, aut peccatum; ergo etiam minuit malitiam, aut culpam; *consequentia* est evidens, quia si ad peccatum requiritur per se, quod sit voluntarium, impossibile est minui in ratione voluntarii, & non minui in ratione peccati; & *præterea*, quia in tantum opus, quod de se est malum, potest alicui imputari ad culpam, in quantum est voluntarium ipsi; & ita si nullo modo est voluntarium, nullo modo potest imputari; ergo similiter, si est imperfecte voluntarium, imputabitur imperfecte. Et *antecegens* probatur, quia ignorantia in isto casu non provenit ex maiori affectu ad peccatum, quia non est volita propter ipsum peccatum, sed potius ad vitandum peccatum, aut maiorem gravitatem peccati, vel laborem; & ex alia parte tollit cognitionem, quæ requiritur ad voluntarium, ergo simpliciter & absolute minuit voluntarium.

Confirmatur, quia in isto casu peccatum ratione ignorantie committitur cum minori contemptu, & irreverentia legis, quam si ad effectum scientia opposita, ergo etiam habet minorem malitiam.

Neque obstat, quod ignorantia in isto casu sit affectata, & expresse volita; quia non est volita propter peccatum, neque propter aliquam circumstantiam aggravantem peccatum; sed propter alios fines, ut supponimus; & ideo non est necesse, modum, quo ipsa est voluntaria, derivari aliqua ratione ad peccatum.

Neque etiam obstat, quod peccatum in isto casu habeat duas malitias, unam intrinsecam ex propria specie, alteram extrinsecam ratione ignorantie; nam respondetur primo, falsum esse, quod ignorantia habeat semper propriam malitiam distinctam à malitia peccati, quod sit cum ea, ut explicui articulo secundo huius questionis. *Aut secundo*, dici potest, quod etiam in casu, quo ignorantia ista haberet

propriam malitiam, diceretur minuire peccatum de quo loquimur, quia minueret propriam malitiam ipsius, quod est minuire peccatum intensiue, & intrinsece; & solum argueret ipsum extensiue, aut intrinsece, per additionem nouæ malitiæ, itaque vere & simpliciter diceretur de peccato sumpto secundum sibi propria, esse minus graue quam si committeretur à sciente; & solum diceretur grauius, propter adiuncta extrinseca, & accidentalalia.

Imo aliqui dicunt, contingere posse, ignorantiam detrahere plus de grauitate malitiæ illius peccati, quam addere ratione propriæ malitiæ: & ita peccatum ratione vtriusque malitiæ habere minorem grauitatem, quam haberet ratione propriæ malitiæ, si fieret sine ignorantia; & existimant, colligi hoc ex D. THOMAS ad secundum, sed procul dubio decipiuntur, quoniam D. THOMAS sibi non loquitur de ignorantia affectata, sed de crassa, siue voluntaria solum interpretatiue, aut indirecte; quia loquitur de ea, quæ diminit peccatum; & ipse solum de hac posteriori concedit expresse, diminuere peccatum, quamuis non neget hoc vniuersaliter de omni affectata.

DICO SECUNDO, ignorantia affectata propter terminum finem non minuit peccatum, quod sit cum ea, sed potius censetur augere ipsum, saltem ut signum, & à posteriori non extensiue solum, si habeat propriam malitiam, sed etiam intensiue, & quantum ad propriam & specificam malitiam salis peccati. Hæc conclusio est aperte DURANDI in 1. distinctione 28. quest. 3. GABR. quest. 2. artic. 2. conclusione 3. RICAR. eadem d. circa secundum principale questione 3. & MARSELLI in 2. questione 15. artic. 2. Dub. 3. conclusione 3. & ALMATINI tract. 1. mor. cap. 5. qui omnes loquuntur expresse in casu, quo quis eligit ignorare, ut liberius peccet.

Et probatur PRIMO testimonio D. THOMAS in hac conclusione, quam explicamus. Neque potest responderi, sensum eius esse, quod ignorantia affectata in isto casu solum augeret peccatum extrinsece, scilicet ratione propriæ malitiæ, quam ei addit; quoniam probat hoc ex eo, quod peccatum sic commissum est magis voluntarium, & procedit ex maiori affectu voluntatis, quod tamen constat intelligendum esse de ipso peccato, secundum propriam speciem.

SECUNDO probatur ratione, quoniam ignorantia in isto casu auget voluntarium respectu illius peccati, aut est signum maioris voluntarij; ergo eodem modo auget eius malitiam. Consequentia patet, quia quo aliquod peccatum est magis voluntarium, eo est grauius intra propriam speciem; & antecedens probatur, quia quanto aliquid est volitum cum maiori damno & incommodo, tanto est volitum cum maiori affectu voluntatis; est enim signum magni affectus circa aliquid, velle se exponere periculis, & damnis propter ipsum; ergo etiam, velle committere peccatum aliquod cum damno ignorantie, procedit ex magno affectu voluntatis ad tale peccatum.

Confirmatur, quoniam ignorantia in isto casu est volita tanquam medium ad committendum peccatum; ergo auget voluntarium circa

A ipsum peccatum, aut saltem est signum intentionis affectus ad ipsum; patet consequentia, quia difficultas aut malitia medij auget hoc modo voluntarium circa finem, ut explicui supra quest. 73. art. 7. & confirmaui exemplis adductis ex doctrina D. THOMAS, quibus potest addi aliud ex questione sequenti art. 6. vbi de passione consequente actum voluntatis inquit D. THOMAS, quod non diminuit peccatum, sed magis auget vel potius est signum magnitudinis eius, in quantum scilicet demonstrat intensiorem voluntatis ad actum peccati.

§. 3. Dna obiectiones contradiantiam doctrinam examinantur.

SED CONTRA conclusionem hanc arguitur, Ignorantia, quantumcumque sit affectata minuit voluntarium: ergo & peccatum; probatur antecedentum quia minuit, aut tollit cognitionem, quæ requiritur per se ad voluntarium; tum etiam quia propter ipsam peccatum, quantum ad malitiam, vel prohibitionem, quæ ignoratur, est voluntarium modo quodam minus perfecto, quam si adesset scientia; quia solum est voluntarium indirecte & interpretatiue; & tamen si adesset scientia, esset voluntarium directe, & expresse, & formaliter, aut saltem virtualiter; & voluntarium directe perfectius est voluntarium, quam indirecte.

SECUNDO, ignorantia in isto casu minuit contemptum legis, quoniam maior contemptus legis est transgredi eam scienter, quam cum ignorantia, etiam affectata; ergo minuit malitiam peccati.

Confirmatur ex illo LUCÆ 12. Seruus qui cognouit voluntatem domini sui, & non se præparauit, & non fecit secundum voluntatem eius, vapulabit multis.

AD PRIMUM respondetur negando antecedens, & ad utramque probationem respondetur, quod cum dicimus, diminutionem cognitionis, & esse voluntarium indirecte, diminuere perfectionem voluntarij; intelligi debet, dummodo cætera sint paria, ratione quorum potest voluntarium crescere; quoniam alias, quamuis ex his duobus capitibus voluntarium diminuat, poterit aliunde crescere: & ita contingit in presenti; nam vehementia propensionis ad actum peccati auget magis voluntarium, quam ignorantia diminuat auferendo scientiam, & faciendo quod ille actus sit voluntarius indirecte.

Quod si obijciat, sequi ex hoc, quod in isto casu non augeatur voluntarium, neque peccatum propter ipsam ignorantiam, sed propter propensionem voluntatis; Respondetur, concedendo sequentiam, & propterea consulto addidi in conclusione illa verba, saltem ut signum & à posteriori, quoniam cum ignorantia supponat affectum ad actum peccati, saltem ut rationem à priori ex parte obiecti, non potest esse causa lux vehementiæ, aut intensiorem, sed solum erit signum à posteriori; & hoc insinuat Diu. THOMAS, cum dixit de hac ignorantia, quod videtur augere, quia scilicet non est causa augmenti, sed signum

& in-

& indicium, ut aduertit CONRADVS, & clarius, cum dixit, ideo hanc ignorantiam augere voluntarium, quia ex intentione voluntatis ad peccandum prouenit, quod aliquis velit subire ignorantie damnum.

Neque ex hoc sequitur, quod in isto casu sola volitio, qua ignorantia est affectata, habeat maiorem malitiam; & non actus peccati, qui fit cum illa ignorantia; quia etiam iste actus procedit aliquo modo ab illa volitione, hoc est, median- te ignorantia, tanquam medio ordinato ad ipsum tanquam ad finem; & ideo etiam participat intentionem voluntarij ab illa volitione; Quod si iste actus sumatur ut discontinuatus moraliter ab illa volitione, ut cum quis nunc vult ignorare, prohibitum esse comedere carnali die futuro, ut ita liberius eas commedat, & postea aduentante illa die, sine repetitione huius volitionis, comedat carnes: non est necesse quod sit magis voluntarius, aut malus ratione precedentis volitionis; sed iudicandum erit de ipso iuxta modum scientiæ aut ignorantie, quam tunc habuerit homo.

Quod si vltterius queras, quid dicendum esset in casu, quod esset æqualitas ex parte affectus voluntatis ad peccatum? RESPONDETUR, quod esset grauius, & magis voluntarium peccatum commissum cum scientia, quam cum ignorantia affectata; cæterum non admitto casum, quia impossibile est, quod in eodem homine non procedat ex maiori affectu ad actum peccati, velle ignorare legem, ne retrahatur ab eo, quam velle non obstante notitia legis exercere ipsum, ut supra probauimus.

AD SECUNDVM respondent aliqui, quod quamuis in peccato scienter commissio reperitur, aliquis modus contemptus, qui non reperitur in peccato commissio cum ignorantia affectata; tamen in isto reperitur maior intensio voluntarij, & hæc conditio præponderat in ordine ad grauitatem peccati; & ideo ratione eius peccatum posterius dicetur simpliciter grauius, quamuis secundum quid, & per accidens sit minus graue. Sed mihi videtur, magis facere ad grauitatem peccati contemptum legis, quam intensiorem voluntarij. Et ideo aliter respondetur, negando antecedens, & ad probationem, dico, quod in illa volitione, qua quis, ut liberius peccet, vult ignorare legem: includitur maior contemptus legis & legislatoris, quam in peccato, quod committitur cum notitia legis; quoniam contemptus legis consistit in hoc, quod est nolle subijci ipsi, ut CAISTANVS explicat in sum. verb. contemptus, & ideo quanto hoc, quod est non subijci, est expressius, & formalius volitum, tanto contemptus est maior formaliter, & in ratione contemptus; constat autem, quod expressius vult non subijci regulæ, qui in casu nostræ conclusionis vult ignorare legem, quam qui cum notitia legis exercet illud opus; quoniam prior vult expresse remouere medium, quod directe ducit ad subiectionem respectu legis, scilicet applicationem eiusdem legis, quæ sit media notitia ipsius; quod tamen posterior non facit, sed solum non subijcitur legi, quod potest contingere sine hoc, quod velit expresse non subijci, aut relinquere medium per se ordinatum ad subiectionem; Et quod velle relinquere medi-

per se ordinatum ad subiectionem, pertineat per se ad contemptum legis, explicatur à simili ex doctrina D. THO. qua. 2. 2. q. 135. art. 2. ad secundum, inquit, quod contemptus illorum honorum, quæ directe ducunt ad penitentiam, & remissionem peccatorum, constituit peccatum intensissimum.

Ad confirmationem respondetur, ex illo loco solum probari, esse grauius peccatum, quod committitur scienter, quam id quod committitur cum ignorantia crassa, non affectata: quoniam per affectatam in ordine ad finem, de quo loquimur in vltima conclusione, scilicet ad non faciendum id, quod dominus vult: magis contemnitur voluntas domini, quam per scientiam, ut dixi.

Ex hac conclusione sequitur, ignorantiam, quam quis affectat ad vitandum penam, augere prædicto modo peccatum; ut si quis affectat ignorare legem, qua imponitur pena excommunicationis contra facientes scienter id, quod ipse vult facere: quia existimat quod ita excusabitur ab illa pena; aut si affectet ebrietatem, ut ita interficiat hominem, & possit apud iudicem excusari à pena in iure decreta contra homicidas, dicendo, se fuisse ebrium cum homicidium patrauit; & probatur, quoniam in isto casu ignorantia est affectata ad exercendum liberius actum peccati, hoc est sine metu penæ.

§. 4. Ratio dubitandi posita in principio dubij, dissoluitur.

AD RATIONEM dubitandi in principio propositam, respondetur, D. THOM. in isto articulo loqui tantum in casu secundæ conclusionis, ut constat ex eius verbis; & in articulo precedenti solum equiparasse ignorantiam affectatam cum voluntaria indirecte, in hoc quod neutra excusat totaliter à peccato; non vero in hoc, quod vtrique semper diminuat peccatum; quia hoc reliquit explicandum in hoc articulo.

Et ad testimonium adductum ex q. 6. Dico primo, quod quamuis negari non possit, D. THO. ibi loqui etiam de ignorantia affectata, cum dicit, ignorantiam, quæ contingit aliquo ex illis modis, quos enumerauerat, causare inuoluntarium secundum quid, ut ibi probauimus: tamen dici potest, quod non loquitur de ea vniuersaliter, & quomodo cumque sit affectata, sed indefinite; ad cuius veritatem satis est, quod aliquando causet inuoluntarium, scilicet quando est affectata in ordine ad duos priores fines, supra explicatos: non tamen est necessarium, quod etiam, quando est affectata in ordine ad tertium finem, causet inuoluntarium, & peccatum. Vt secundo, quod etiam si admittamus, D. THO. ibi loqui de ignorantia affectata vniuersaliter, & in omni euentu, etiam in casu, quo est affectata in ordine ad tertium finem; nihil sequitur contra doctrinam huius articuli: quoniam simul possunt esse in voluntate duæ volitiones, quarum vna sit formalis valde intensa, absoluta & efficax, & sit volitio exercendi actum peccati; & altera sit interpretatiua, conditionata, & inefficax, & sit velleitas non exercendi eundem actum, aut simpliciter, aut quantum ad modum, ut prædicto articulo explicui; & respectu primæ, erit actus voluntarius simpliciter, & cum magno conatu voluntatis, respectu vero secundæ, inuoluntarius secundum

quid, quia est contrarius inclinationi secundum quid voluntatis, & quia utraque volitio tribuitur aliquo modo ignorantie, prior quidem tanquam si *igno & posterior tanquam fundamento* illius interpretationis, ideo vere potuit dicere Div. THOMAS, duo illa de ignorantia affectata in isto casu, scilicet, & quod causat inuoluntarium secundum quid, & quod augeat voluntarium, & peccatum.

CIRCA ultimam conclusionem est,

D V B I V M II.

Utrum ignorantia crassa, seu indirecte voluntaria diminuat peccatum, reddendo ipsum leuius intra eam speciem quam haberet si fieret cum scientia, vel potius transferendo ipsum ad aliam speciem peccati leuiorem.

§. 1. Proponuntur varia opiniones.

QUONIAM est inquirere, an peccatum commissum cum praedicta ignorantia sit eiusdem speciei cum alio peccato scienter commissum circa eandem materiam; vel potius sit alterius speciei? In qua re est PRIMA SENTENTIA CAIETANI in hoc articulo, qui dicit quatuor. Primum est, peccata commissa ex ignorantia iuris naturalis esse eiusdem speciei directe, & per se, cuius essent, si scienter committerentur. Secundum, peccata commissa ex ignorantia voluntaria, priuante omnino usu rationis, qualia sunt peccata ebriorum & amentium voluntatis, non pertinere ad eam speciem, ad quam pertinerent, si essent facta scienter: sed pertinere ad speciem ignorantie, ex qua procedunt, scilicet ebrietatis, aut amentie voluntarie, tanquam circumstantias aggravantes eius malitiam. Tertium, peccata commissa ex culpabili ignorantia facti, non esse eius speciei, cuius essent, si scienter committerentur: sed pertinere ad speciem actuum volitorum, ex quibus procedunt, tanquam circumstantias aggravantes malitiam ipsorum; ut si quis, non adhibita sufficienti diligentia existimet se proijcere sagittam in feram, & configat hominem; effectus iste occisionis hominis non est in specie homicidij, sed in specie incaute sagittationis, tanquam eius circumstantia; & similiter si quis scienter interficiat hominem, quem culpabiliter ignoret esse clericum, effectus occisionis clerici non dat actus speciem sacrilegij, sed est circumstantia aggravans malitiam homicidij intra propriam speciem. Ultimum est, peccata commissa, quae sunt ex ignorantia culpabili iuris positivi, quae non sunt secundum se mala, sed solum, quia prohibita: esse in eisdem speciebus, in quibus essent, si committerentur a sciente, non ta-

men per se sed reduciue.

FUNDAMENTVM CAIETANI quantum ad haec omnia, est vnum: scilicet quod quamuis neque auersio a Deo, neque contrarietas ad legem, vel ad virtutem, debeat esse per se intenta, quia neutra specificat peccatum: tamen ea conditio, secundum quam obiectum habet, quod specificat peccatum, quae appellatur formale specificatum peccati in genere moris, debet esse intenta per se; & directe, & non solum per accidens, & consequenter; & hoc fundamentum saepe repetit CAIETANVS, vt explicui supra questione 73. art. 8. Dub. 2. vbi proposui argumenta, quibus probari potest, & simul retuli varia loca ipsius, & peculiariter vnum, in quo videtur ab isto fundamento dissentire; & specialiter ab eo, quod hic dixit secundo loco. Quomodo vero ex fundamento isto ipse colligat diuersitatem, quam in suis dictis constituit inter illas ignorantias, facile potest apud eum videri.

SECUNDA sententia est ALPHONSI DE CASTRO. 2. lib. de lege poenali cap. 14. vbi partim conuenit cum CAIETANO, & partim dissentit ab eo; nam quantum ad secundum eius dictum conuenit cum ipso expresse, vt constat ex §. prima principalis conclusio, circa finem, & de primo & ultimo nihil dicit aperte; tamen quantum ad tertium dissentit vt patet in vers. nec refert vbi dicit, in eo, qui ex ignorantia crassa facti aliquid facit, considerandum esse, an illud fecerit dando operam rei illicitae, vel licitae; & in priori casu, peccatum pertinere ad eam speciem, ad quam pertineret, si committeretur sine ignorantia; in posteriori vero pertinere ad aliam speciem leuiorem, vbi gratia si quis volens interficere hominem, aut exercendo alium actum sibi prohibitum, interficiat eum, quem ex ignorantia crassa nesciebat esse clericum, committet peccatum, quod habebit eam speciem culpae, quam haberet, si esset scienter commissum, scilicet homicidij, & sacrilegij, & similiter, qui accedens ad non suam, accessit ad eam, quam ex simili ignorantia nesciebat esse suam, non excusabitur a culpa fornicationis, & incestus; si tamen similes effectus cum eadem ignorantia sequantur ex actibus alias licitis, vt mors clerici ex venatione licita; & accessus ad consanguineam ex actu, quo quis volebat dormire cum sua vxore, quamuis sint peccata, tamen non pertinent ad eam speciem, ad quam pertinerent, si scienter fierent, scilicet primus ad speciem homicidij & sacrilegij, & posterior ad speciem fornicationis & incestus; hanc sententiam quoad omnia sequitur COVARRV. nam quantum ad id, in quo conuenit cum sententia CAIETANI, scilicet, quantum ad secundum eius dictum, sequitur eam in relectione cap. si furiosus, de homicidio voluntario 3. parte in initio numero. 2. vers. superest difficultas; & quantum ad id, in quo dissidet ab ea, scilicet quantum ad tertium dictum, in relectione cap. alma mater de sententia excommunicationis §. 10. num. 16. vers. illud sane.

FUNDAMENTVM huius sententiae quantum ad hoc ultimum est, quod malum non sequitur ex bono per se & necessario, neque vt in pluribus; & ideo respectu eius, qui solum est eius causa, medio actu bono & licito, non potest

esse

esse voluntarium per se, sed solum per accidens, quod non sufficit, ut habeat malitiam eiusdem speciei cum ea, quam haberet si fieret à sciente: ac vero malum sequitur per se ex malo, & ideo per se respectu eius, qui est eius causa medio actu malo, est voluntarium per se, & ex consequenti potest imputari ad culpam eiusdem speciei cum ea, quam haberet, si à sciente esset factum.

Et confirmat hoc COVARR. ex cap. in lectum 34. quest. 1. & 2. ubi dicitur, quod maritus, in cuius lectum iuit soror uxoris suæ, quam ipse cognovit, credens esse uxorem suam, agat penitentiam, quæ sibi indicta fuerit, sed legitimum suum coniugium habere permittatur. Ex qua decisione duo colliguntur. Primum, quod ille maritus habuit ignorantiam crassam, & culpabilem; quoniam iubetur agere penitentiam; & alterum, quod excusatus fuit à peccato incestus, quoniam aliqui priuaretur usu matrimonij, & petitione debiti, quibus si adiungamus, non posse assignari causam, propter quam fuerit ita excusatus, nisi quod dabat operam rei licitæ (putabat enim se accedere ad suam uxorem) constabit aperte intentum.

§. 2. Notatio pro vera sententia.

PRO SOLUTIONE aduersæ dupliciter posse requiri cognitionem obiecti, aut circumstantiæ, unde sumitur eius malitia. Primo præcise tantum conditionem requisitam; ut sit voluntarium respectu talis obiecti, aut circumstantiæ; non enim potest dici voluntarius aliquis actus, quatenus terminatur ad aliquod obiectum; si tale obiectum sit omnino ignotum, ut satis supra est explicatum. Secundo ut conditionem requisitam ex parte obiecti formalis specificantis peccatum, aut ex parte modi, quo peccatum aliquod committi debet, ut habeat complementum, ratione cuius significatur peculiari aliquo nomine; & punitur certis quibusdam penis: Estque magnum discrimen inter duos istos modos, quibus cognitio requiritur ad peccatum; nam primum est communis omnibus peccatis, non enim potest actus aliquis imputari ad culpam ratione aliquius obiecti, aut circumstantiæ, nisi in ordine ad illud obiectum, aut ad illam circumstantiam sit voluntarius. Secundus vero non est communis omnibus peccatis, sed proprius quibusdam speciebus ipsorum; sunt enim quedam rationes obiectiue peccatorum, quæ non dant peculiarem speciem actui, nisi sint expresse volitæ, & propterea, ut dent speciem exigunt in operante notitiam ipsarum, quia nihil potest esse volitum expresse, aut explicite, nisi eodem modo cognitum. Sicut dubio citato in solutione quarti argumenti dixi, de ratione obiectiua odij & in eodem articulo circa solutionem tertij argumenti de quibusdam conditionibus generalibus peccatorum; & D. THOM. id expresse docet de inobedientia 2.2. q. 105. art. 1. ad primum. Hoc supposito,

§. 3. Resolutio dubij.

DICO PRIMO, peccata, quæ solum priori modo postulanti cognitionem obiecti aut circumstantiæ dantur speciem malitiae, si committantur cum ignorantia crassa talis obiecti, aut circumstantiæ sunt eiusdem speciei, atque si cum notitia ipsius committantur; & hoc intelligendum est, siue sint actus voluntaria, cum committuntur, & secundum se, siue solum in sua causa, cuiusmodi sunt ea, quæ sunt ab ebrijs. Vtraque pars patet ex argumentis, quibus probavi secundam conclusionem dubij citati, & specialiter secunda ex ijs, quibus supra questione 71. artic. 5. probavi, omissiones factas ab ebrijs, aut dormientibus, habere eandem speciem malitiae, atque si fierent ab habentibus usum rationis: ubi etiam explicui, quæ ratione peccata, quæ sunt à carentibus usu rationis, non imputentur ipsis tunc, sed solum cum dederunt voluntariam causam eorum.

Ex hac conclusione sequitur contra secundam sententiam, impertinens esse ad propositum, quod peccatum committatur dando operam rei licitæ, aut illicitæ. Probatur, quia si pluries sequatur, aut sit natum sequi peccatum ex actione; quæ secundum se sit licita, non erit minus voluntarium, quam si eodem modo sequatur ex actione illicita.

Confirmatur primo, quia actione alias bona potest sequi tam frequenter effectus malus, sicut ex actione mala; ut ex iaculatione quæ vni sit licita; & alteri prohibita, potest, à quocunque eorum fiat, sequi eodem modo homicidium, si fiat per loca periculosa ubi probabile sit posse aliquem interfici.

Confirmatur secunda, quoniam effectus malus verbi gratia homicidium quando propter ignorantiam, aut inconsiderationem crassam sequitur ex iaculatione licita, imputatur ad peccatum: ergo istud peccatum pertinet ad aliquam speciem; sed non potest assignari alia species, ad quam pertineat; præter eam, ad quam pertinet si scienter fieret, quæ est species homicidij, quoniam non potest pertinere ad speciem iaculationis, cum hæc sit secundum se bona, ergo ad eam pertinet.

Neque potest dici, pertinere ad speciem incaute iaculationis; ut CAISTANVS dicit, primo, quia alias idem dicendum esset; si iaculatio esset illicita; quod tamen Authores huius sententiæ non admittunt. Et præterea, quia inconsideratio, ratione cuius iaculatio dicitur incauta, non est mala, neque prohibita, nisi quatenus est causa homicidij, & ex consequenti non potest habere aliam malitiam, præter dam, quæ consistit in transgressione præcepti prohibentis homicidium, & causas atque occasiones ipsius.

DICO SECUNDO, peccata, ad quæ posteriori modo requiritur scientia, si committantur cum ignorantia crassa, non sunt eius speciei, ad quam pertinerent si scienter committerentur. Probatur, quia deest conditio

requiritur ex parte obiecti specificatiui, ad specificandum, ut ex suppositione facta constat.

Ex hac conclusione sequitur, non esse hæreticum in foro conscientie eum, qui ex ignorantia crassa, & cū culpa mortali errat in eis, quæ sunt fidei; neque peccatum, quod ita errando committit, esse hæresim. Probatur, quia ad hæresim requiritur pertinacia, ut Dñs. THOMAS docet 2.2. quæstione 11. artic. 3. ad tertium, & fatentur omnes Theologi, & iurisperiti, qui illo loco solent referri; sed hæc pertinacia consistit in hoc, quod quis sciens aliquid esse contrarium fidei, prout ab ecclesia Catholica seu Romana traditur, assentiatur ei: ergo error sine hac scientia, aut cum ignorantia crassa ei opposita, non est hæresis.

Et si quæramus, an sit eadem ratio de errante ex ignorantia affectata? Respondetur, quod quamuis aliqui absolute respondent affirmatiue, & alij negatiue; tamen mihi, consequenter ad ea, quæ dixi dubio præcedenti, videtur distinguendum; si enim ignorantia sit affectata ad refugendum laborem, & ex pigritia, aut ad vitandum recessum ab ecclesia Romana, ut si quis existimet esse contra eius doctrinam id, quod ipsi proponitur: tunc error non erit hæresis, quia cum hac ignorantia non stat prædicta pertinacia; si tamen sit affectata ad errandum in fide, & ad recedendum ab eius regula, tunc error erit proprie & formaliter hæresis; quia, cum ignorantia in isto casu non minuat, sed potius augeat peccatum (ut dixi ex sententia Dñs. THOMAS) non extrahat errorem à propria specie hæresis ad aliam leuiorem. Sed hæc magis sunt examinanda loco citato.

§. 4. Ad fundamenta aliarum sententiarum.

AD FUNDAMENTVM CANTANT, Respondetur, solum esse verum in peccatis, de quibus proposita est secunda conclusio: non autem in omnibus, ut loco ibidem citato ostendi.

AD FUNDAMENTVM secunde sententia, patet solutio ex eius impugnatione.

Ad confirmationem, respondetur, primo, ignorantiam in illo casu fuisse inuincibilem, & penitentiam impositam fuisse ad maiorem cautelam, ut homo ille postea esset cautior; & ne disciplina ecclesiastica deferatur, ut ibidem dicit glossa verba penitentia; & confirmat alijs exemplis iuris, & aduertit, factum illud appellari in illo capite sequenti, non quia vere fuerit peccatum ex parte hominis; sed quia speciem peccati habuit.

Secundo Respondetur, quod quamuis ignorantia illa non fuerit inuincibilis. potuit procedere ex negligentia leui, aut leuissima inspiciendi, an illa mulier esset legitima vxor; & ita propter eam excusatur ille homo à culpa mortali incestus; non tamen à veniali; & ratione primi excusatur ibi à pœna incestus, quæ cum sit grauis non censetur imponi nisi pro incestu, qui sit peccatum mortale: ratione vero secundi, præcipitur, quod adimpleat leuem penitentiam sibi iniunctam.

PRO COMPLEMENTO huius materie, superest explicandum. Quando ignorantia excuset à pœna

in iure statuta. Ad cuius explicationem aduertendum est, quod loquimur quantum ad forum internum conscientie, & non quantum ad externum, in quo quia (ut supra dicebam) proceditur ex præsumptione, & regulariter loquendo ignorantia iuris non præsumitur inuincibilis; ignorantia vero facti saepe præsumitur; ideo statuitur regula quædam generalis, scilicet, ignorantiam falli & non iuris excusare; quæ habetur in locis supra citatis ex iure ciuili, & in canónico, de regulis iuris lib. 6. quam aduertit CASTRO (lib. 2. de leg. pen. cap. 14. vers. sicut dictum est) non esse intelligendam vniuersaliter; & in omni euentu, sed regulariter tantum: quia quoties probati potuerit, aliquem inuincibiliter, & sine sua culpa ignorasse ius, non minus admitteretur probatio talis ignorantie, quam si esset ignorantia facti; & pro hac sententia refert ANDREEM. c. 1. de constitutionibus; quæ autem probatio ignorantie censeatur in iure sufficiens, non est nostrum explicare, sed iurisperitorum, quorum sententias circa rem hæc refert CASTRO loco citato.

SECUNDO aduerte ex eodem CASTRO in eodem capite, in principio, pœnam, (quantum ad præsentem spectat disputationem) esse duplicem, alteram proprie dictam, qualis est illa, quæ imponitur propter peccatum, & ad eius punitionem, & vindictam, ut excommunicatio, & plures irregularitates, & multa alia; & alteram improprie dictam, qualis est illa, quæ non propter peccatum, sed propter aliam iustam causam statuitur, ut irregularitas, quam incurrit iudex, aut alius minister iustitiæ interficiendo iuste malefactorem; & irregularitas, quam incurrit bigamus, & inhabilitas ad sacros ordines & ad beneficia ecclesiastica, quæ ratione illi legitimitatis contrahitur.

TERTIO aduerte, quod etiam ignorantia (quantum ad propositum attinet) est multiplex, nam quædam est vincibilis, & alia inuincibilis; & rursus utraque subdiuiditur duobus modis, nam imprimis interdum est iuris, & interdum facti; & præterea interdum est culpe, siue eorum, quorum notitia requiritur ad culpam, scilicet legis prohibentis, & facti; & interdum pœnæ tantum. Et de his omnibus, & de utroque genere pœnæ, est nunc agendum, cæterum distinctis dubijs, ut clarius procedamus.

SIT Igitur, Primum & in ordine articuli.

III. DVBIUM.

Utrum ignorantia inuincibilis culpa excuset etiam à tota pœna proprie dicta, siue, quæ propter illam culpam est à iure statuta?

§. 1. Resolutio dubij.

AD HOC SIT CONCLUSIO ignorantia inuincibilis, siue sit iuris, siue facti, sicut excusatur à tota culpa, ita etiam in foro conscientie à tota pœna ei statuta, idque siue talis pœna sit ipso iure inflata, siue sit per iudicis sententiam inferenda. In hac conueniunt ADRIA. in 4. in ma-

teria de clauibus questione 2. quæ incipit *secundo principaliter* vers. *ad rationes* CASTRO lib. 2. de lege pœnali cap. 14. vers. *secunda principalis conclusio* SOTO in 4. dist. 22. quest. 1. artic. 2. COVARR. in relectione cap. *alma mater* 1. p. §. 10. numero 13. & 16. & CAINT. & alij expositores D. THOMAS hoc loco. Et probatur, quoniam qui habet hanc ignorantiam, excusatur à debito incurrendi illam pœnā, ergo & ab ipsa pœna; *consequentia* patet, quia cessante debito, aut ratione incurrendi pœnam, etiam cessat ipsa pœna; & *antecedens* probatur, quia debitum incurrendi illam pœnam, est effectus per se culpæ; & ablata causa, necesse est quod effectus pendens per se ab ipsa in fieri, auferratur, ita ut non incipiat esse.

Confirmatur ex capite *cognascentes* de constitutionibus, ubi dicitur: *rem, qua culpa caret, in damnum (hoc est pœnam) vacari non conuenit.*

EX HAC CONCLUSIONE SEQUITUR PRIMO, quod, cum aliquod opus habet plures malitias ratione diuersarum circumstantiarum, si quis ignoret inuincibiliter malitiam, cui peculiariter est statuta aliqua pœna, excusatur à tota illa pœna, quamuis scienter faciat ipsum opus, quatenus habet alias malitias; ut, si quis iniuste interficiat aliquem, quem cognoscit esse hominem, & ignorat inuincibiliter esse patrem, aut esse clericum excusatur à tota pœna statuta parricidio, aut sacrilegio interficiendi clericum: non tamen à pœna statuta homicidio; & idem est de pœna statuta homicidio, quod sine culpa sequitur ex venatione licita, vel illicita; ita tenent fere omnes authores citati. Et probatur facile, quoniam, ut constat ex conclusione, qui excusatur à culpa, excusatur à pœna statuta culpæ: sed qui ignorat inuincibiliter circumstantiam, aut effectum, unde oritur aliqua culpa, excusatur à tota illa culpa, siue actus (seclusa illa circumstantia aut illo effectu) sit bonus, siue malus; ergo etiam excusatur à tota pœna statuta illi culpæ.

Confirmatur ex capite *si vero secundo* de sententia excommunicationis: ubi, qui interfecit clericum nutriendem comam, & ex consequenti putauit, eum esse laicum propter defectum tonsuræ, atque adeo voluntarie dabat operam rei illicitæ, si ignorauit inuincibiliter esse clericum, excusatur à sententia excommunicationis.

SECUNDO sequitur, quod, si quis interficiat clericum, quem inuincibiliter credebat esse laicum, quamuis talem habeat affectum, ut, si sciret esse clericum nihilominus interficeret: excusatur ab excommunicatione; quamuis oppositum dicat COVARR. §. citato numero 15. vers. *decimo per pensis*. Et probatur, quoniam (ut supra ostensum est) ignorantia concomitans inuincibilis, quamuis non excuset à culpa prauum affectum, tamen actum externum excusat à tota culpa, quæ per eam ignoratur; ergo cum in isto casu ignorantia qualitatæ personæ, scilicet, quod sit clericus, sit inuincibilis, quamuis propter internum affectum sit tantum concomitans, excusabit actum externum à culpa sacrilegij interficiendi clericum; ergo etiam excusabit interfectorem ab excommunicatione. Patet *illa consequentia*, quia hæc pœna non imponitur propter culpam prauum affectum, sed propter culpam externæ occisionis.

TERCIO sequitur, quod, si quis ignorans inuincibiliter se esse excommunicatum, suspensionem, aut interdictum, celebret, non est irregularis: ita tenet CASTRO cap. citato in fine, & est expresse definitum in cap. *apostolica*, de clerico excommunicato; & ratio colligitur ex dictis, quoniam irregularitas in isto casu est pœna imposita propter culpam celebrandi cum excommunicatione.

VLTIMO sequitur, quod, si quis suspiciat sacros ordines, ignorans inuincibiliter se esse excommunicatum, non incurrit suspensionem, sed sine dispensatione aliqua potest susceperis ordines exercere, & ad alios promoueri. *Contrarium* affirmat COVARR. 1. p. relectionis citatæ §. 6. numero 6. *sed sine fundamento*, & ipse ibi refert INNOCEN. ABBATEM. FALINVM, & alios iurisperitos pro nostra sententia, quam etiam sequitur ALPHONSVS à CASTRO lib. citato cap. 15. vers. *Alterum quod circum oculis excommunicatos*. Et probatur, quoniam suspensio in isto casu est pœna statuta propter culpam suscipiendi sacros ordines cum excommunicatione contra prohibitionem Ecclesiæ. *Neque obstat*, quod sæpe suspendatur aliquis ab executione ordinis sacri, & fiat irregularis sine sua culpa, ut obijcit COVARR; *tum quia* nunquam hoc contingit sine iusta causa, quæ tamen in præsentem non reperitur, præter transgressionem prohibitionis & culpam, *tum etiam quia* in isto casu prius prohibetur prædicta susceptio ordinum, & postea ad eius punitionem imponitur pœna suspensionis, ut constat ex iuribus, ex quibus huiusmodi pœna colligitur, & (ut ipse COVARR. facit & probat ex glossa in capite *illud* & in capite *Apostolica* de clerico excommunicato) nullus absque propria culpa punitur pœnis in iure statutis aduersus eos, qui prohibitum actum fecerint.

SED OBJICES, quod, in cap. *v. de ordinatis ab episcopo*, qui episcopum renunciant, dicitur, quod, cum eo, qui non scienter suscepit ordines ab huiusmodi episcopo, nisi crassa & supina fuerit ignorantia, poterit discretus pontifex dispensare; ubi supponitur egere dispensatione eum, qui cum ignorantia magis excusante, quam crassa, hoc fecerit, quæ non potest esse alia, quam probabilis, & statim cap. 1. dicitur, quod cum clericis, qui ab episcopo excommunicato ignoranter ordines recipiunt, per suos poterit episcopos dispensari: & in cap. *cum illorum de sententia excommunicationis*, dicitur, quod qui cum excommunicatione suscipiunt sacros ordines, si vel ignorant factum, propter quod in illam pœnam inciderunt, vel ins, quo imponitur, poterunt à suis episcopis sine mandato sedis apostolicæ obtinere dispensationem.

RESPONDETUR, quod in duobus primis capitulis non fit sermo de dispensatione, quæ sit pœna imposita propter culpam, sed de ea, quæ sequitur ex aliquo defectu, scilicet ex defectu executionis ordinis sacri suscepti illo modo, & ita ibi solum dicitur esse necessariam dispensationem ad exercitium ordinis sacri suscepti ab episcopo, qui renunciat loco & dignitati, & ab excommunicato; non tamen ad exercitium aliorum ordinum, qui antea essent legitime suscepti; neque ad recipiendum alios: ratio vero huius defectus (ut aduertit ABBAS super illud caput primum, &

glos. ibidem verb. *ignorantia*, & NAVAR. in ma-
n. cap. 17. numero 221.) est, quod, qui non habet
executionem sui officij, cuiusmodi est episcopus,
qui ita renunciavit, aut qui est excommunicatus,
non potest eam alteri dare; quare in his casibus
solum incurritur ab ignorante inuincibiliter præ-
dicta suspensio, non tamen irregularitas; ac vero
in nostro casu loquimur de suspensione, quæ est
pæna imposita propter culpam. Nam quod ita or-
dinatus non habeat executionem ordinis, non pro-
uenit ex eo, quod episcopus non potuerit eam da-
re, cum nullo modo sit ea priuatus; sed ex propria
culpa, quam committit suscipiendo ordines cum
excommunicatione contra prohibitionem eccle-
siæ; & ideo, si propter ignorantiam excusatus fue-
rit ab hac culpa, etiam excusabitur ab illa pæna
suspensionis; & ad tertium caput, dico, cum SIL-
VÆS, verb. *irregularitas* numero 15. §. *quintum*, si
clericus, & cum SOTO in 4. dist. 22. q. 1. art. 2. non
esse intelligendum de ignorantia probabili, aut
inuincibili, sed de crassa.

Sed circa conclusionem restant tres difficulta-
tes explicandæ.

§. 2. PRIMA EST,

*An qui existimans se interficere Petrum,
quem scit esse sacerdotem, interficit
Franciscum sacerdotem, incurrat ex-
communicationem?*

AD HOC COVARR. §. 10. num. 14. vers.
octavo constat. Respondet affirmative, &
probat hoc, quia in isto casu nulla est
ignorantia, quæ occisori reddat inuolun-
tariam, aut non voluntariam occisionem sacerdo-
tis.

Sed mihi distinguendum videtur, aut enim ille iu-
dicabat probabiliter, aut poterat iudicare, illum,
quem interficiebat, esse sacerdotem, ut quia vi-
debat eum habere tonsuram, aut vestem sacer-
dotalem, vel aliqua alia de causa: aut ignorabat in-
uincibiliter illum esse sacerdotem, supposito
quod non esset Petrus, quem volebat occidere,
ut, si videret illum esse indutum vestibus laicorum,
quas non solum solebat gestare Petrus, & nullum pro-
prius haberet indicium, ad iudicandum eum esse sa-
cerdotem, supposito quod non esset Petrus; &
quod in isto casu ignorantia qualitatis personæ
esset inuincibilis; patet, quia seclusa volitione in-
terficiendi Petrum sacerdotem, esset inuincibilis
aut probabilis, quia prudenter posset iudicare,
illum hominem non esse sacerdotem; ergo etiam
si talis volitio adsit, erit inuincibilis. Patet conse-
quentia, quia illa volitio non tollit probabilita-
tem motiuorum, quibus illud iudicium innititur,
neque adducit indicia, aut motiua ad iudicandum
oppositum: & in priori casu dico, occisorem esse
excommunicatum, quia non ignorabat inuincibi-
liter, aut probabiliter, illum, quem occidebat, es-
se sacerdotem, supposito quod non esset Petrus;
in posteriori vero probabiliter existimo, non esse
excommunicatum: & probatur, quia ignorantia
inuincibilis in eo casu excusat omnino actum ex-

ternum à culpa sacrilegij interficiendi clericum;
ergo & à pæna, quæ contra huiusmodi culpam est
statuta.

Et Confirmatur, quia si is, qui occisus est, esset
reuera laicus, occidens non maneret excommuni-
catus, quamuis interficeret illum animo interfici-
endi Petrum clericum, ut ibidem aduertit ipse
COVARR. vers. *decimo* libet, ergo idem dicendum
est quando occisus est sacerdos, cum ignorantia
inuincibili quod sit sacerdos, supposito quod non
sit Petrus, & cum animo interficiendi Petrum sa-
cerdotem. Patet consequentia quia in utroque casu
est paritas quantum ad culpam actus interni &
quantum ad excusationem actus externi, à cul-
pa sacrilegij interficiendi sacerdotem, quatenus
contra eam est statuta pæna excommunicationis,
quoniam hæc pæna solum imponitur contra ex-
ternam occisionem sacerdotis, & in priori casu à-
ctus externus excusatur omnino ab ista culpa
propter ignorantiam inuincibilem, & in posteriori
non habet huiusmodi malitiam, quia reuera sit oc-
cisio sacerdotis, sed solum propter conscientiam
erroneam.

§. 3. II. DIFFICULTAS EST.

*An ignorantia inuincibilis damni, quod
per accidens sequitur ex opere alias illi-
cito, excuset à pæna obligationis resti-
tuendi.*

AD HOC DIU. THOMAS supra quæstione
73. artic. 8. respondet his verbis, *nocu-
mentum, neque prauisum, neque intentum, si
per accidens se habet ad peccatum, non aggra-
uat peccatum d. velle; sed propter negligentiam con-
siderandi nocumenta, quæ consequi possunt, imputantur
homini ad pænam mala omnia quæ eueniunt, si dabit
operam rei illicitæ. Ex quâ sententiâ videtur aperte
colligi, quod, ut damnum, quod sequitur per acci-
dens ex aliquo opere & non est intentum, neque
præuisum ab operante, imputetur ipsi ad pænam:
requiruntur duo, Primum, quod opus sit secun-
dum se illicitum; secundum, quod operans habeat
negligentiam aliquam circa ea, quæ debeat face-
re, ad vitandum ne ex suo opere sequeretur illud
damnum.*

Sed quoniam (ut aduertit ADRIA. in 4. in mate-
ria de restitutione quæstione 17. cuius initium
est: *Utrum in foro animæ §. pro huius solutione*) cul-
pa siue negligentia non eodem modo sumitur a-
pud Theologos, & apud Iurisperitos; & potest da-
ri ignorantia, quæ excusat omnino à culpa sum-
pta priori modo, & non à culpa sumpta po-
steriori modo; ideo potest ulterius requiri
an isto casu, damnum prædicto modo subsequen-
tum ex opere illicito imputetur, operanti ad obli-
gationem restituendi? ad cuius explicationem ad-
uertendum culpam, siue negligentiam, apud Theo-
logos semper esse cum aliquo peccato coniun-
ctam, ita ut apud eos nunquam culpe nomen vsur-
petur, nisi ad significandum peccatum, tamen a-
pud Iurisperitos abstrahere à peccato, ita ut apud
eos sæpe his nominibus significetur aliquid, quod
apud

apud Deum non est peccatum. Solet autem culpa à Iurisperitis diuidi in *lata*, *leuē*, & *lenissimam*, vt aduertunt ADRIAN. loco citato. NAVAR. in manuali cap. 17. numero 178. SILVUS. verb. *culpa*, & alij; *lata* est, quando quis prætermittit eam diligentiam, quam omnes communiter adhibere solent, & nemo, nisi sit nimium negligens prætermittit: vt si quis librum commodatum in ostio domus relinquat. *Leuē* est, cum quis prætermittit eam diligentiam, quam regulariter homines diligentes suæ professionis solent adhibere; ita vt qui cuius aliquando eam prætermittant, non tamē regulariter, vt si quis librum commodatum posuit in tuo cubiculo, sed abiens non clausit ostium; *Lenissima* dicitur cum quis prætermittit eam diligentiam, quam solum adhibere solent homines diligentissimi, ita vt etiam diligentes soleant eam prætermittere: vt si quis librum commodatum reposuit in proprio cubiculo cuius ostium clauē clausit, tamen oblitus est experiri, an vere clausisset, estque hoc discrimen inter has culpas iuridicas, quod *lenissima* fere semper caret culpa theologicā, hoc est peccato; *leuē* vero interdum habet adiunctum peccatum veniale, & interdum nullum habet; tamen *lata* pro ratione materiæ & maioris, vel minoris negligentiz, potest interdum habere adiunctum peccatum veniale, & interdum etiam mortale; & *quāuis* aliqui dubitent an culpa *lata* possit reperiri sine ullo peccato tam mortali quam veniali, & COVARRV. in relectione regulæ *possessor* secunda parte, & alij inclinent in partem negatiuā: *nihil tamen* opposita videtur probabilior, quam sequitur ADRIAN. loco citato. Et probatur, quia contingere potest, quod quis ignoret inuincibiliter ea, quæ communiter scire solent omnes suæ professionis; & dato quod habitualiter sciat ea, potest habere vel inuincibilem inaduerentiam, vel obliuionem naturalem. Hoc supposito.

RESPONDETUR, quod *is, qui in casu posito dedit damnum, quāuis habuerit culpam iuridicā: si tamen omnino caruit culpa theologicā, non tenetur in foro conscientia, ante iudicis condemnationem resarcire datum damnum illud.* Contrarium sentiunt ADRIAN. loco citato, & COVARRV. in epitome 4. decretalium parte 2. cap. 6. §. B. numero 12. & 13. sed nostram sententiam sequuntur SILVUS verb. *aduocatus* numero 16. §. ultimo & verb. *culpa* numero 5. & verb. *restitutio* 2. §. *duodecimo*, & §. *decimo septimo*, & multi iurisperiti, quos ipse his locis, & COVARRV. locis citatis referunt, & probatur aperte quoniam, vt docet DIU. THOMAS 2.2. quæst. 62. articulo 6. secluso contractu nemo contrahit obligationem restituendi, nisi ratione rei acceptæ, aut ratione iniuste acceptionis: sed qui ex sola culpa iuridica, & sine ullo peccato damnum intulit, neque habet apud se rem alienam, neque commisit iniustam acceptionem; quia ubi non est peccatum, non potest esse aliqua iniustitia; ergo non contrahit obligationem restituendi.

Apposui tamen illa verba, *ante iudicis condemnationem*, quia in casu posito læsus habet ius ad petendum in foro exteriori restitutionem, quāuis sciat damnum esse illatum per solam culpam iuridicā, & sine culpa theologicā, & iudex, tenetur per sententiam compellere eum, qui damnum intulit ad faciendum restitutionem, & ipse ad fa-

ciendum eam tenetur post latam sententiam. Quod probatur, quia in iure statutum est, vt is, qui damnum intulit, resarciat huiusmodi damnum, etiam si nocere noluerit, vt constat ex l. *sed & quicumque*; imo & ex toto titulo ff. *ad legem Aquiliam*. Sed hæc dispositio iuris est iusta, ergo dat iustam actionem læso, & sententia iuxta eam lata obligat in conscientia.

SED OBIICIT COVARRV. AS, lex ciuilis, modo iusta sit, & non pænalis, obligat subditos in foro conscientia, etiam ante iudicis sententiam: sed leges citatæ, quæ in isto casu iubent damnum solui, sunt iustæ, & non sunt pænales, *imm quia* nullam supponunt culpam, quam puniant, & quāuis supponant culpam iuridicā, tamen obligatio restituendi est pæna improporcionata ipsi, *imm etiam quia* restitutio damni ex parte læsi est inter esse & propriæ rei admissæ adquisitio.

Confirmatur primo, quia si is, qui intulit damnum, non tenetur in foro conscientia ad eius restitutionem, ergo lex, quæ obligat ipsum ad huiusmodi restitutionem, est iniusta. Patet consequentia, quia obligat eum ad soluendum id, quod non debet.

Confirmatur secundo, quia læsus habet ante iudicis sententiam ius ad petendum hanc restitutionem, ergo etiam is, qui læsit, tenetur ante iudicis sententiam eam facere. Patet consequentia, quia ius ad petendum supponit in altero extremo debitum ad reddendum.

AD ARGUMENTVM, ALIQVI respondent, legem illam esse aliquo modo pænalem, quia, etsi non supponat culpam Theologicā, supponit tamen culpam iuridicā, quæ etsi proprie non sit culpa & peccatum, tamen in iure culpa censetur; *adduntque, non obitare*, quod pæna hæc sit grauior, quam culpa, neque propterea legem censendam esse iniustam; *quia sapi* in iure grauioribus pænæ culpis leuioribus decernuntur, neque in eo tam grauitas culpe, quam publica pax & vtilitas consideratur; postulabat autem publica vtilitas, vt etiam propter culpam leuē iuridicā cogerentur homines resarcire damnum, præsertim cum illud intulerunt dando operam rei illicitæ; *imm vt* à rebus illicitis magis abstinerent, *imm etiam* vt in cauendo damno alieno, in quo negligentes esse soleant, fierent diligentiores. Secundo dici potest, quod etiam dantur leges iustæ, & non pænales, quæ non obligent in conscientia ante iudicis sententiam, quia legislatores non intendunt per eas aliter obligare; cuiusmodi sunt leges, quæ propter solum solemnitatis defectum irrita reddunt testamenta; & leges, quæ præcipiunt lucratum in ludo restitui perdenti; & alia similes, de quibus agendum est in materia de legibus, & in materia de restitutione; vbi latius est hoc examinandum.

Ad primam confirmationem respondetur, negando consequentiam, quia licet interens damnum in isto casu non teneatur absolute ad restitutionem, tamen, supposita sententia iudicis, tenetur, & ad hoc solum obligat lex, quod exemplo legum quas retulimus, explicari potest; & quāuis etiam obliget iudicem ad ferendum hanc sententiam, non est iniusta, quia ratione publicæ vtilitatis supra explicatæ potuit hoc iuste statui; sicut etiam propter reipublicæ tranquillitatem, & vt rerum dominia sint certa, & distincta, & finis imponatur

litibus, & contentionibus, iustę sunt leges præscriptionis, quę rei alienę transferunt dominium, non solum in foro exteriori, sed etiam in foro conscientię.

Ad secundam confirmationem, concessio antecedenti neganda est consequentia, quia læsus solum habet ius ad petendum in iudicio restitutionem, & hoc non est ius, ratione cuius sit sibi debita ante iudicis sententiam, sed solum ad petendum, quod ponatur conditio necessaria, ut fiat sibi debita, scilicet sententia iudicis, & poni hanc conditionem ipso petente est sibi debitum ratione legis. Neque mirum est, quod simul liceat lædenti non restituere, & læso petere iudicialiter restitutionem; nam in exemplis adductis est hoc idem concedendum; & quamvis COVARR. in c. cum esset testamentis numero 10. pronuntiato 6. dicat, ista duo esse inter se repugnantia, & contradicentia; tamen in secunda parte relectionis regulę peccatum §. 4. dicit hæc duo simul esse vera: *lucrant in ludo prohibito licet acquisitum lucrum possidere; & perdenti etiam licet lucrum perditum petere iudicialiter.*

§. 4. III. DIFFICULTAS EST.

An ignorantia invincibilis, quę excusat omnino à culpa theologica homicidij facti primata auctoritate, excuset etiam à pena irregularitatis?

VT, SI ALIQUIS sagitta cõfigat hominem, quem existimavit esse feram, adhibita prius sufficienti diligentia ad cauendum, ne esset homo. Ad hoc omnes respondent affirmatiue, in casu, quo is, qui fuit causa homicidij, dabat operam rei licitę: & potest hoc facile probari multis iuribus, in quibus est aperte definitum, quę referuntur ab authoribus statim citandis.

SED DUBIUM EST, an, idem sit dicendum in casu quo dabat operam rei illicitę? & in hoc multi ex iurisperitis sequuntur partem negativam, quos refert COVARR. secunda parte relectionis Clementine, si furiosus §. 4. & ex theologis SILVES. verb. homicidium 1. numero 2. reg. 3. & homicidium 3. numero 6. CONRAD. supra q. 73. art. 8. & CAJET. 1. 2. quæst. 64. art. 8. fauet eis DUB. THOMAS eisdem locis, & in addi. 3. parte quæstione 39. articulo 4.

SED RESPONDETUR affirmatiue, ita tenent SORTES lib. 3. de iustitia & iure, quæst. 1. art. 9. ALPHONSUS à Castro lib. 2. de lege pen. cap. 14. verbi. *prima principalis conclusio*, & verbi. *hic tamen admonet*. Et COVARR. late loco citato: & probatur, quoniam in isto casu propter ignorantiam fit, quod homicidium nullo modo sit voluntarium homini, qui est eius causa; ergo etiam fit quod non imputetur ipsi ad penam irregularitatis. *Antecedens patet*, quoniam alias ignorantia non excusaret à culpa: & *consequentia* probatur, quia irregularitas non incurritur propter homicidium, nisi sit voluntarium; & hæc est efficacior ratio pro hac sententia.

ALII probant eam hoc argumento: propter

A ignorantiam excusatur homo in isto casu à culpa homicidij, ergo etiam excusatur à pena irregularitatis; patet *consequentia* quia hæc pena non statuitur in iure contra homicidium factum privata auctoritate, nisi quatenus est peccatum; & *confirmatur*, quia irregularitas secundum communem Doctorum sententiam non incurritur, nisi in casibus in iure expressis: sed in iure pontificio non reperitur textus, in quo sit definitum, quod, qui omnino excusatur à culpa homicidij, quoniam adhibuit sufficientem diligentiam ad cauendum, ne ex suo opere sequeretur tale homicidium, incurrat irregularitatem, si dabat operam rei illicitę; ergo in isto casu non incurritur irregularitas. Solet etiam *confirmari* hæc sententia, quia ex opposita sequuntur multa inconuenientia, quę late refert COVARR. loco citato n. 10.

SED ADVERTENDUM est, quod SORTES & COVARR. locis citatis dicunt, sententiam istam limitandam esse ad casus, in quibus opus illicitum, ex quo sequuntur homicidium, non erat illicitum in quantum periculosum, ut ex eo sequeretur homicidium, sed alio titulo; pro quo *notant*, dupliciter posse aliquod opus in hac disputatione dici illicitum, aut prohibitum: *Primo*, quia periculosum, ut ex eo sequatur homicidium, sicut est prohibitum clericis uti hastiludio, & venatione quę sit iactu telorum, aut etiam tormentis bellicis; *Secundo*, non quia sit periculosum ut ex eo sequatur huiusmodi effectus, sed alio titulo verbi gratia, quia est indecens dignitati, aut statuzalis personę; sicut clericis interdicitur venatio, quę sit canibus, vel aucupiu; aut quia cedit in iniuriam tertij, sicut omnibus prohibetur venatio in nemoribus alienis, & furtum; aut quia cedit in damnum reipublicę, sicut prohibetur venatio & piscatio certis temporibus anni, ut animalia possint conservari, & multiplicari ad vsum omnium hominum. Et hoc supposito, dicunt prædicti authores, quod quando homicidium sequitur ex opere prohibito *priori modo*, etiam si adhibita sit sufficiens diligentia ad cauendum, ne sequatur, incurritur irregularitas: si tamen sequatur ex opere prohibito *posteriori modo*, & adhibita sit huiusmodi diligentia, non incurritur.

SED MIHI hæc distinctio & limitatio videtur plane falsa, aut non necessaria ad explicandum hanc difficultatem: nam licet, irregularitas sit in iure statuta contra homicidium factum sine culpa, non tamen statuta contra homicidium quod nullo modo sit voluntarium; sed homicidium factum privata auctoritate si sit voluntarium, non est sine culpa homicidij, nisi fiat in propriam defensionem; ergo cum homicidium factum privata auctoritate excusatur à culpa, etiam excusatur à pena irregularitatis.

Dices quod, quando opus est prohibitum, quia periculosum ut ex ipso sequatur homicidium, nulla diligentia excusatur à culpa homicidij respectu eius, cui prohibitum est: quamvis respectu aliorum excusetur, ut in exemplis propositis homicidium, quod, adhibita sufficienti diligentia ad cauendum ipsum, sequitur ex illis operibus, imputatur ad culpam homicidij clerico, & non laico, quia clerico sunt prohibita illa opera ut periculosa, & non laico.

Sed contra, quia vel per opus periculosum intelligitur

igitur illud, ex quo per se aut regulariter sequitur homicidium, vel illud ex quo aliquando sequitur homicidium, sed per accidens, & raro. Si *primum*, sequitur quod nulla diligentia sufficiat ad excusandum à culpa homicidij non solum clericum, sed etiam laicum. Patet *consequentia* quia ut D^{ivus} THOMAS docet supra quæst. 73. art. 8. quando damnum sequitur per se ex aliquo opere, etiam si non sit actu præiudicium, imputatur ad culpam operanti; quod verum est, etiam si summa diligentia adhibeatur ad cauendum illud damnum: quoniam qui vult causam, etiam vult virtualiter effectum, qui per se sequitur ex ipsa, nisi ignoret inuincibiliter quod sequitur; quod tamen in presenti non habet locum, quia cum adhibeatur diligentia ad cauendum, ne sequatur homicidium, non ignoratur inuincibiliter, quod potest sequi. Si vero dicatur *secundum*, sequitur, quod quicumque aliquem occidit adhibita diligentia ad cauendum ne sequatur homicidium, excusetur à culpa homicidij, & à pena irregularitatis. Probatur sequela, quia quando damnum sequitur per accidens ex aliquo opere, & non est actu præiudicium, non est voluntarium, si adhibeatur sufficiens diligentia ad vitandum ipsum. Et probatur hoc, quia in isto casu damnum non est voluntarium directe, ut constat; neque indirecte, quia non est obligatio ad vitandum opus illud, ne sequatur damnum, sed satis est adhibere diligentiam, & circumspectionem sufficientem secundum prudentiam, ne sequatur.

Dicitur, eum, cui prohibitum est opus illud, teneri ad omittendum ipsum, & ita, si non omittat, esse ipsi voluntarium indirecte damnum, quod ex eo sequitur.

Sed contra, quia non tenetur omittere opus ut causam damni; ergo hæc obligatio non sufficit, ut damnum sit voluntarium indirecte, *hæc consequentia* patet, quia ut supra probavi, non satis est teneri quomodo cumque ad omittendum aliquod opus, ut effectus, qui ex eo per accidens sequitur, sit indirecte voluntarius: sed teneri ad omittendum ipsum ut causam talis effectus. Et *antecedens* probatur, quia *imprimis*, non tenetur omittere ut causam per se, quia ex suppositione non est ex natura sua causa per se, & conditio operantis non sufficit ut sit causa per se; neque *etiam* tenetur omittere ut causam per accidens, quia lex non prohibet aliquem actum ut causam damni, quando ex eo non sequitur per se damnum, sed solum per accidens, & raro: quod probo, quia lex ita prohibens actum procedit ex iudicio intellectus, quo iudicatur, talem actum esse causam damni; & tamen hoc iudicium non esset verum, nisi ex tali actu sequatur damnum per se, saltem moraliter, hoc est regulariter, & ut plurimum.

Sed obijciunt authores oppositæ sententiæ duo argumenta.

Primum est, quod in c. dilectus, & cap. ex literis, & in c. significasti, de homicidio voluntario, definitur, quidam non incurrere irregularitatem, quavis ex eorum operationibus subsequuta fuerit aliorum mors, quia dabant operam rei licite; ergo à contrario, si dedissent operam rei illicitæ, & idem casus accidisset, incurrissent irregularitatem.

Confirmatur primo, ex Naua. in manuali. c. 17.

numero 202. quoniam argumentum ex istis capitibus desumptum non tantum est à contrario sensu, sed etiam à cessante ratione & causa, quod est validum in iure, & constat ex c. cum cessante de appellationibus.

Confirmatur secundo ex eodem, quia multi sunt textus in iure, in quibus pro regula statuitur, quod interficiens, vel mutilans alterum, sit irregularis: & ab hac regula solum excipiuntur in iure qui non sunt negligentes, & dant operam rei licitæ; ergo reliqui omnes sunt irregulares: patet consequentia, quoniam à regula non est discedendum nisi iure aut ratione cogente.

Secundum est, quod in cap. continebatur eodem titulo deciditur, diaconum quendam incurrere irregularitatem in casu, quo videtur non commisisse aliam culpam; quam quod dabat operam ludis sibi prohibito; & in e. sicut ex literarum, eodem titulo censetur irregularis quidam monachus illicitè ludens cum muliere pregnante, quia ex hoc subsequutus est abortus fetus animati, & tamen iuxta communem doctorum sententiam ludus ille non erat per se causa abortus, & solum erat illicitus, quia propter personarum conditionem continebat periculum coeundi carnaliter, ita quod ista irregularitas non contraheretur à fratre vel consanguineo ludente eodem modo. Et tandem in 2. *ma* nos eodem titulo definitur, incurrere irregularitatem quendam monachum, qui tumorem ferro aperuit, quoniam infirmus mortem obiit: & tamen constat ex eodem textu, eum adhibuisse omnem diligentiam, quam peritissimus chirurgus tenebatur adhibere; & ex consequenti, nulla restat causa, propter quam incurreret irregularitatem, nisi quod dabat operam rei illicitæ, non simpliciter, sed sibi, quia non poterat chirurgiam exercere media aduisione, vel incisione, iuxta cap. sententiam sanguinis. Ne clerici vel monachi.

Ad primum respondetur, negando consequentiam, quia argumentum à contrario sensu non semper est validum; & quamvis in alia materia valeret, tamen in materia irregularitatis non valet, quoniam irregularitas non per rationis collectionem, sed per expressionem iuris, est statuenda; & ita solum incurritur in casibus à iure expressis.

Ad primam confirmationem respondeo primo, argumentum à cessante causa non valere quando requiritur expressio iuris. *Secundo* respondeo solum valere, quando procedit à negatione causæ totalis & adæquatæ, at vero causa adæquata excusandi aliquem ab irregularitate non est dare operam rei licitæ, sed adhibere sufficientem diligentiam ad cauendum, ne sequatur homicidium; apponitur tamen etiam ista causa in iure, tanquam signum ex quo fit magis certum, fuisse adhibitam sufficientem diligentiam, quoniam minor diligentia reputatur sufficiens, cum datur opera rei licitæ, & ideo multa censentur involuntaria operanti licite, quæ essent voluntaria operanti illicitè, ut pollutio proveniens ex auditione confessionum fornicarum censetur involuntaria, quæ tamen si proveniret ex familiari colloquio cum eis, esset voluntaria.

Ad secundam confirmationem respondetur, illam regulam iuris intelligi tantum de homicidio

voluntario,

locum in casu, quo canon statuens penam continet ista verba: *Si quis scienter hoc fecerit, aut quis fecerit aut quis facere præsumpserit*, & ita NAVAR. in relectione cap. accepta, de restitutione spoliatorum, oppositione 8. num. 33. statuit regulam generalem, quod dispositio puniens aliquid præsumptum, non comprehendit eum, qui id bona fide ignoranter, aut imprudens, siue inanimaduertens facit; & probatur, quoniam ista verba *scienter aut præsumpserit*, exigunt scientiam in operante, & idem censet CAIET. 2. 2. q. 53. art. 3. de canone excommunicante, aut aliter puniente transgredientes temere, quoniam temeritas propriè sumpta importat inordinationem provenientem ex contemptu regulæ dirigentis, ut D. THOM. docet in eodem art. ad secundum, & in materia penali, utpote restringenda, proprietatis vocabulorum, quæ conducit ad restrictionem penarum, est amplectenda.

EX HOC CONSTAT, in multis casibus posse aliquos excusari à penis, propter ignorantiam, etià crassam; ut quando in legibus, quibus statuuntur penæ, apponuntur ista verba, ut recte aduertit NAVARRVS loco citato, neque oportet singulos inferre.

QUARTA CONCLUSIO. *Ignorantia vincibilis, quæ provenit ex tali negligentia, ut sufficiat ad culpam venialem, & non ad mortalem, excusat a pena, quæ solum statuitur contra culpam mortalem.* Probat, quia, ut supra dictum est, ignorantia, quæ excusat ab aliqua culpa, excusat à pena statuta contra eam; ergo similiter ignorantia, quæ excusat à quantitate culpæ, excusabit à pena statuta contra culpam; quatenus habet talem quantitatem.

EX HAC CONCLUSIONE sequitur primò, ignorantiam istam excusare à pena excommunicationis maioris; probatur, quoniam, ut dici solet in materia de excommunicatione ad incurrendum excommunicationem maiorem requiritur culpa peccati mortalis.

Secundo sequitur, etiam ignorantiam istam excusare à pena irregularitatis statuta contra culpam, & consequenter excusare ab ea, qua puniuntur culpa homicidij: ita tenent SOTO lib. 3. de iustitia quæst. 1. artic. 9. dubio ultimo, ante solutionem argumentorum: & NAVAR. in manuali cap. 17. num. 2. 2. circa finem, & num. sequenti contra CAIETANVM 2. 2. quæst. 64. artic. 8. & in summa verb. *ebrietas* & contra alios, & probatur, quia non videtur æquum, puniri culpam venialem tanta pena. Item quia alias nunquam fere excusaretur ab hac pena, qui in sui defensionem occideret inuadentem: quia difficillimum est non excedere moderamen inculpatæ tutelæ; saltem excessu sufficienti ad culpam venialem; Et ad capita intris, in quibus videtur decisum, incurri irregularitatem in casibus, in quibus solum reperitur culpa venialis, iam supra responsum est. Et ad quoddam argumentum Caietani respondet Navar. loco citato.

ULTIMA CONCLUSIO. *Quantum ad alias penas distinctas à censuris, & ab irregularitate, ignorantia vincibilis eo modo, quo excusat à parte culpæ, debet etiam excusare à parte penæ; ita ut mitius sit puniendus, qui ex ignorantia, quam*

A qui scienter peccavit; & tanto mitius, quanto in ignorantia fuit cum minori negligentia, comparando scientiam. Ita tenent COVARRV. & CASTRO locis citatis.

TERTIVM & in ordine articuli

QVINTVM DVBIVM EST,

An ignorantia penæ statuta excusat ab ipsa pena?

IN QVO supponenda est ut certa pars negativa, quantum ad alias penas distinctas ab excommunicatione, ut latè probat COVAR. cum communi doctorum in relectione cap. alma mater, p. 1. §. 10. num. 8. & sequentibus. Et probatur, quoniam leges statuunt penas condignas; ergo quando quis committit culpam, iuste punietur pena legibus statuta, quamvis ignoret eam.

Confirmatur, quia ridiculum est dicere, quod, ut fures, & alij malefactores, possint puniri, oporteat, ut antequam committant peccata, scient penas à iure statutas.

SED DIFFICULTAS est, an idem sit dicendum de pena excommunicationis? Ad hoc COVARRV. loco citato absolurè responderet affirmative, quando non est ignorantia culpæ; & alij respondent eodem modo, quantum ad aliquos casus, ut ex consequentibus constabit.

SIT PRIMA CONCLUSIO. *Quando canon, aut statutum prohibet aliquid, quod antea non erat sub mortali prohibitum, & statuit penam excommunicationis; tunc ignorantia talis canonis, aut statuti, quæ non fuerit crassa, excusat à pena excommunicationis.* In hac omnes conveniunt etiam COVARRV. & colligitur aperte ex præcedentibus, quoniam in isto casu ignorantia non solum est penæ, sed etiam culpæ mortalis: quia ignoratur non crasse statutum, unde pender, quod aliquid sit peccatum; & ex consequenti non committitur culpa mortalis, sine qua non incurritur excommunicatio maior.

SECUNDA CONCLUSIO. *Si canon, aut statutum, in quo statuitur pena excommunicationis, sit alicuius Episcopi, aut alterius prelati inferioris à summo pontifice, tunc ignorantia eius, quæ non fuerit crassa, excusat ab excommunicatione, quamvis excommunicatio imposita fuerit pro re alias prohibita iure divino & naturali, & committatur peccatum contra huiusmodi ius: Si vero ignorantia canonis aut statuti sit crassa vel supina, non excusat ab excommunicatione.* Hæc conclusio est communis Doctorum, ut fatetur COVARRV. loco citato; qui nihilominus ab ea dissentit quoad priorem partem. Sed utraque pars videtur definita in cap. vi. *animarum* de constitutionibus libr. 6. ubi BONIFACIVS 8. ita inquit:

ut animarum periculis obviatur, sententia per statuta quorumcumque ordinariorum prolatis ligari nolumus ignorantes, dum tamen eorum ignorantia exacta non fuerit, aut supina. Et videtur quod ibi agatur de re prohibita iure naturali, scilicet de furo, ut constat ex secunda parte illius textus.

TERTIA CONCLUSIO. Idem dicendum est, quando canon statuit panam excommunicationis pro re alia prohibita sub mortali, est summi pontificis, aut iuris communis. Ita tenent SOTUS in 4. dist. 2. 2. quæst. 1. art. 2. CASTRO cap. 14. supra citato versic. Sicut dictum est. SILVEST. verb. ignorantia, num. 15. & verbo excommunicatio 2. num. 5. & excommunicatio 10. num. 4. & NAVA. in summa c. 13. num. 47. & latius cap. 27. num. 16. & in capite fraternitas, 12. q. 2. contra ADRIANUM q. 3. de clauibus 5. ex his. & DRIEDONEM lib. 2. de libertate Christiana c. 10. Et probatur PRIMO, quoniam in cap. ut animarum supra cit. nomine ordinariorum, etiam intelligitur summus Pontifex, qui est supremus ordinarius ordinariorum; item, quia excommunicatio hoc habet peculiare inter omnes penas, quod solum statuitur contra contumaces, & inobedientes præceptis ecclesiæ, quia solum aduersus istos est concessa ecclesiæ à CHRISTO potestas excommunicandi, ut constat ex illo Matth. 18. Si ecclesiam non auiderit, sit tibi sicut Ethnicus & Publicanus; sed qui committit culpam mortalem violando ius diuinum, si ignoret inuincibiliter statutum summi Pontificis statuens pro eo excommunicationem, non est inobediens ecclesiæ, sed Deo, ergo non incurrit excommunicationem.

SED QUÆRIS, an, si is, qui scit aliquid infum esse ab ecclesia, & ignorat inuincibiliter, esse statutam panam excommunicationis, transgrediat tale præceptum, incurrat excommunicationem, aut possit statim sine alia monitione excommunicari.

AD HOC SOTO loco cit. responder negatiue: & quicquid sit de absoluta potentia ecclesiæ, mihi videtur, quod in isto casu de facto non incurratur excommunicatio, quia hoc videtur consonum intentioni ecclesiæ, quæ tantopere exigit monitionem ante excommunicationem, & cōfucto vsui excommunicandi.

VLTIMVM DVBIVM EST,

An ignorantia excuset aliquando à pena improprie sumpta, cuiusmodi est irregularitas quæ incurritur propter defectum decentiæ, aut leuitatis, aut significationis, sine aliqua culpa?

AD HOC SIT PRIMA CONCLUSIO. Quando causa irregularitatis non contrahitur per propriam actionem, sed per alienam, nulla ignorantia, siue iuris, siue facti excusat ab irregularitate, hæc patet in illegitimis, & in eo, qui ab alio deformatus est, ita ut decenter celebrare non possit.

SECUNDA CONCLUSIO. Quando irregularitas incurrenda est per propriam actionem licitam, nulla ignorantia iuris aut facti excusat ab irregularitate hominem habentem vsum rationis; Probat, quia lex in statuenda hac irregularitate non attendit ad culpam commissam, sed ad actiones, & conditiones personarum, propter quas idoneæ non sunt ad ministrandum in sacris ordinibus: sed ignorantia non tollit huiusmodi causam; ergo neque irregularitatem.

EX HAC CONCLUSIONE sequitur, quod neque ministri iustitiæ, neque bigami, propter ignorantiam iuris possunt excusari ab irregularitate, de quo CASTRO lib. 2. de lege penali c. 14. conclusione 1. Neque sufficit, quod aliquis ignoret inuincibiliter, se esse excommunicatum, ut collatio beneficii ei facta sit valida, de quo COVAR. c. *alma mater* l. p. 9. 7. n. 3. Neque etiam sufficit, quod bigamus ignoret factum, scilicet eam, cum qua contrahit, esse corruptam, ut excusetur ab irregularitate; neque quod is, qui accedit ad suam vxorē postquam ipsa cōmisit adulterium, ignoret inuincibiliter hoc factum, de quo COVAR. in clemen. *si furiosus* l. p. 9. 2. n. 2. & 3. Neque obstat contra hoc vltimum quod in l. 35. tit. 5. p. 1. exigatur scientia adulterij, ut in isto casu contrahatur bigamia; neque quod in cap. *si cōiur*, & in cap. *si laici*. d. 34. requiratur euident probatio adulterij vxoris, ut maritus non admittatur ad ministerium ecclesiæ, tanquam irregularis; quoniam ista iura intelligi debent quantum ad forum exterius, nos tamen loquimur in foro interiori.

QVÆSTIO LXXVII.

DE CAUSA PECCATI EX PARTE

APPETITVS SENSITIVI.

ARTICVLVS PRIMVS.

Vtrum voluntas moueatur à passione appetitus sensitivi?

PRIMA CONCLUSIO. Passio appetitus sensitivi non potest directe trahere, aut mouere voluntatem.

SECUNDA CONCLUSIO. Indirecta potest mouere eam, idque duobus modis; primo secundum quandam distractionem, quia quando una potentia in vera operatione intenditur, necesse est alias in suis actibus remitti, aut totaliter impediri: quia omnes in una essentia anima radicanter; Secundo ex parte obiecti voluntatis, quod est bonum ratione apprehensum: quia quando appetitus sensitivus passione sua fertur in aliquod obiectum, tunc apprehensio imaginaria & iudicium estimativa sequuntur illam passionem; & his plerumque conformatur iudicium rationis, & ita obiectum illius passionis apprehenditur per rationem. & proponitur voluntati ut bonum & prosequendum.

COMMENTARIVS.

VULT D. THOMAS in hac questione agere de secunda causa interna peccati, scilicet de passione appetitus sensitivi: & quoniam nihil, præter voluntatem, potest esse causa peccati, nisi quatenus incitat, aut mouet aliquo modo voluntatem ad peccandum, ideo prius explicat in isto articulo, quare ratione hoc potest fieri à passione appetitus.

IN HUIS autem doctrina duo continentur. Primum est, posse voluntatem moueri aliquo modo à passione, hoc est passionem esse voluntati incitamentum ad peccandum. Secundum est, modus in particulari, quo hoc fiat à passione, & de isto secundo nihil nunc dicam, quoniam de eo agit D. Tho. ex professo supra q. 9. . . vbi & in isto articulo videndus est CALET.

CIRCA PRIMUM vero aduertenda sunt tria; PRIMUM est, non solum constare quotidiano experimento, sed etiam esse certum secundum fidem, ut patet ex CONC. TRID. sess. 5. decreto de peccato originali. § 5. vbi definitur, concupiscentiam appellari ab Apostolo peccatum, quia ex peccato est, & ad peccatum inclinatur; & ex scriptura, nam Genes. 3. dicitur. *Vidit igitur mulier quod bonum esset lignum ad vescendum, & pulchrum oculis, aspectuque delectabile.* Dan. 13. *concupiscentia subvertit eorum iura.* Iacob. 1. *unusquis-*

A que sentatur à sua concupiscentia abstractus & illeceus. Et ad Roman. septimo. *Videam aliam legem in membris meis, &c.* ALTERVM est, non posse ex hoc colligi, quod appetitus sensitivus habeat naturalem inclinationem ad peccatum: quoniam, ut dicatur mouere ad peccatum, satis est, ut moueat ad bonum sensibile, seu delectabile, quod est peccatum, ut explicui supra questione 71. articulo tertio. POSTREMVM est, sensum externum mouere aliquo modo ad peccatum, ut etiam constat experientia, & ex scriptura, nam referuntur multa exempla, in quibus concupiscentia ortum habuit ex visu, ut in loco citato à Daniele dicitur, quod illi senes, qui viderunt pulchritudinem Susannæ, exarserunt in eius concupiscentiam, & 2. Regum 11. dicitur, quod Dauid, quia vidit Bethsabee lauantem se, & quod esset pulchra, concupiuit eam.

ARTICVLVS II.

Vtrum ratio possit superari à passione contra suam scientiam?

PRIMA CONCLUSIO. Quamuis voluntas nunquam in malum tendat, nisi cum aliqua ignorantia, vel errore rationis: tamen absolute concedendum est, posse aliquem sua voluntate ferri in malum, contra scientiam, quam habet.

SECUNDA CONCLUSIO. Duobus modis potest aliquis facere malum cum aliquo defectu rationis, & contra scientiam quam habet: PRIMO, si habeat scientiam universalem, puta, fornicationem non esse faciendam, & careat scientia particulari, scilicet hunc actum, qui est fornicatio, non esse faciendum: quia sic operabitur cum defectu scientia particularis, & contra scientiam universalem. SECUNDO si solum habitualiter habeat veramque scientiam perfectam, & careat aduertentia aut consideratione actuali, quia tunc operabitur cum defectu considerationis, & contra scientiam habitalem.

TERTIA CONCLUSIO. Passio potest contra scientiam universalem tantum, aut simul contra particularem habitalem mouere voluntatem, ad peccatum, impediendo actuale considerationem rei in particulari. Et hoc potest efficere tribus modis. PRIMO per quandam distractionem (ut D. THOMAS explicuit articulo precedenti) SECUNDO, per contrarietatem, in quantum passio inclinat eo modo,

quo potest, intellectum ad iudicandum oppositum eius, quod sententia vniuersalis dicitur. Et vtriusque per immutabilitatem corporalem, in quantum per passionem turbatur sensus interior, & aliter turbatur, etiam vbi ratio non turbatur & impeditur, & sic ratio trahitur ad iudicandum in particulari contra scientiam, quam habet habet in vniuersali.

COMMENTARIUS.

POSTquam D. THOMAS art. precedenti explicat modum, quo passio potest mouere voluntatem? vult in isto explicare, an ista motio sit adeo efficax, vt virtute ipsius inclinetur voluntas ad consentiendum in obiectum passionis, etiam contra id, quod ratio dicitur, aut contra scientiam, quam habet: & hoc est quod inquiritur in ist. articali. non enim est eius sensus, an ratio possit superare secundum se, ita vt perueniat scientiam, quam habet; sed, an passio superaret in ordine ad voluntatem, ita vt ipsa mouente media sua scientia voluntatem ad aliquod obiectum possit esse tanta vis passionis, vt contra talem motionem, siue contra scientiam, qua fit, trahat voluntatem in oppositum. Et questionem in isto sensu præbuit occasione opinio Socratis, quæ refertur in principio articuli ex Aristotele 7. Ethic. c. 1. Et eidem sensui respondet D. THO. directe tertia conclusionem, in qua docet, posse voluntatem moueri a passione contra scientiam, & explicat modum quo fiat.

Circa primam conclusionem est.

DUBIVM.

Verum sine ignorantia vel errore rationis, hoc est, posito pleno & perfecto iudicio rationis tã vniuersali quam particulari circa aliquod peccatum, possit voluntas siue propter passionem, siue propter aliã causam, velle & committere ipsum.

§ 1. Sententia affirmativa cum motione.

ET PRO explanatione tituli aduertenda sunt duo. Primum est, intelligendum esse de ignorantia vel errore pertinente ad intellectum, quatenus est directus voluntatis, quantum ad aliquem actum requisitum ad directionem voluntatis, ita vt vere & proprie sit defectus ipsius. Alterum est, quod quauis D. THOM. in hoc articulo peculiariter agat de peccatis, quorum causa est passio, & ita in 9. conclusione solum explicet, quomodo propter passionem repetatur in intellectu defectus, quæ requiritur, vt voluntas peccet; tamen, occasione sumpta ex opinione Socratis, proposuit conclusionem primam de omni peccato, siue sit commissum ex passione, siue ex scientia, & ideo nos propiussumus titulum dubij vniuersalem, & comprehendentem omnem modum peccandi.

In hac quaestione est prima sententia eorum, quibus absolute placet *pari affirmatio*, de quorum numero sunt SCOT. in 1. d. 37. q. 1. §. ad solutionem istorum, vbi expresse dicit, posse reperi defectum

in acta aliquo, propter defectum voluntatis, licet nullus præcedat defectus in cognitione, & clarius in 1. d. 26. q. 1. §. secundum articulum. GARR. ad d. quest. vltima. 2. p. art. 2. conclus. 3. Maior. q. 3. OKAM in 3. q. 12. circa 3. art. principalem art. 4. incidentalis concl. 1. Marsilius in 2. q. 16. art. 1. in fine, & art. 2. dub. 4. conclusionem 4. in eius probatione, & in solutione primæ & tertie rationis; & lastus art. 5. Et ex recentioribus multo adhaerent huic sententia, quomodo cum habitatione (quam etiam appositum MARSILIUS) quod regulariter, & moraliter loquendo, semper in omni peccato reperitur ignorantia, vel error intellectus. Probatur hæc sententia. PRIMO auctoritate AUGUSTINI, qui sæpe dicit, aliquos peccare, sciendo, esse malum id, quod faciunt. vt to. 8. super illud Psal. 121. *scit enim videri de hominibus nos*. & super illud Psal. 58. *scit mensura eorum coram ipso*. & præterea sapie etiam repetit, primum, & sufficientem causam peccandi, esse libertatem voluntatis; vt to. 1. lib. 1. tractat. c. 9. & lib. 1. de lib. arb. c. 25. & lib. 3. c. 4. & 40. 5. lib. 12. de ciuit. c. 6. vbi etiam addit, posse contingere, quod ex duobus equaliter affectis animo, & corpore, & equaliter intentis ad dæmonem, & eodem modo videntibus eandem corporis pulchritudinem, vnus ad illiuste persuadendum moueatur, & aliter in voluntate pudica stabilis perseveret.

Confirmatur primò ex quodam articulo patristici, qui ab authoribus citatis, & ab alijs refertur sub his verbis: *Nante scientia in vniuersali & in particulari, voluntatem non posse velle oppositum, error.*

Confirmatur secundo testimonio ARISTOTELIS 1. Ethic. c. 4. vbi dicit, scientiam parum aut nihil valere ad virtutes comparandas; quod tamen non posset esse verum, si cum perfectione scientiæ esset necessario coniuncta rectitudo voluntatis, ita vt non posset voluntas peccare sine defectu aliquo ex parte scientiæ; & lib. 3. de anima cap. 9. ita inquit: *præterea intellectus nonnumquam iubet ratio que suggerit aliquid, aut persequi dicit, at non obtemperat homo, neque mouetur, sed agit cupiditate, ut in ipso fieri solet incontinentem, & paucis interpositis sic ait: continenter, quantumque appetunt a que cupiunt, non tamen agunt ea, que cupiunt, sed intellectum ipsum sequuntur, rationisque obtemperant: vbi videtur insinuar hoc dictamen inter continentem, & incontinentem, quod continens existit dictamine rationis, quod aliquid sit faciendum, vel non faciendum, ei obedit voluntas; incontinentem vero, existente eodem dictamine, non obedit ei, sed vult potius sequi bonum patris sensitiue presentatum per rationem.*

Secundo, posito ex parte intellectus pleno & perfecto iudicio, non solum speculatio, sed etiam practico, tam in vniuersali, quam in particulari circa aliquod peccatum, potest voluntas velle ipsi ergo sine errore aut ignorantia potest voluntas peccare. Causa quæ patet, quia in casu antecedentis non relinquitur locus ignorantie, aut erroris, siue practico, siue speculatio. Et antecedenti probatur, quia detur, quod intellectus assensurus maiori & minori de conclusione syllogismi practici, qualis est iste, fornicatio non est faciendum, hic actus, ad quæ inclinatur passio, est fornicatio: ergo hic actus non est faciendum. Et argumentum fictum isto casu intellectus habet plenum, & perfectum iudicium.

iudicium in vniuersali, & in particulari circa fornicationem: quia utroque modo iudicat de ipso, sicut iudicandum est; & tamen voluntas relinquatur libera, & indifferens ad eligendum non fortificari, & oppositum, scilicet fornicari; ergo posito pleno iudicio practico, quod in primo antecedente refertur, potest voluntas peccare. Probatur *ista minor*, quæ videtur esse fundamentum huius sententia: PRIMO ex ARISTOTELE, qui 3. ethico. 5. probat, vnumquemque sponte sua fieri improbum, aut bonum, & agere bona aut mala; & tamen constat, quod apud ARISTOT. ea dicuntur fieri à nobis sponte, quæ sita sunt in potestate nostræ voluntatis, vt sint, vel non sint; vt patet ex capite 3. eiusdem libri; & *præterea*, quia alias sequeretur, libertatē seu indifferētiā contrarietatis ad volendum & nolendum indifferēter fornicationem oblatam, non esse formaliter in voluntate, & ex consequenti neque culpam, neque meritum; sed in intellectu iudicante hoc vel illo modo de fornicatione, quod videtur plus quam falsum, & contra ea, quæ supra diximus de subiecto peccati.

TERCIO, intellectus potest proponere voluntati, sine aliquo errore aut ignorantia, fornicationem sub ratione boni sufficientis ad mouendum voluntatem, ita vt actu velit eam; ergo voluntas potest velle fornicationem, & ex consequenti peccare sine errore aut ignorantia intellectus. Probatur *antecedens*, quia intellectus, dum iudicat, hanc fornicationem non esse bonam moraliter, neque volendam, eo quod sit contra legem Dei; potest simul vere iudicare, eandem esse bonum delectabile; ergo etiam potest sine vilo errore, aut ignorantia, proponere voluntati fornicationem sub ratione boni sufficientis ad mouendum voluntatem, ita vt velit eam. *Ista consequentia* patet, quia in casu antecedentis, intellectus, quatenus iudicat primū de fornicatione, habet perfectum iudicium, tam in vniuersali, quam in particulari de eius malitia: *antecedens* huius probationis patet, quia *alias* vel repugnantia proneniret ex parte rei, quæ est obiectum iudicij, quasi ipsi fornicationi repugnaret, iudicari illa duo de ipsa; *vel* ex parte intellectus, qui non potest iudicare illa duo simul; *vel* quia ad hoc est necessarium, habere simul iudicia opposita, & contraria de eadem re, aut saltem intelligere plura simul, & neutrum potest ipse præstare; *sed primum dicitur non potest*, quia, sicut non repugnat fornicationi, quod re ipsa contineant ipsi simul illa duo, scilicet, esse malum rationis, & esse bonum delectabile: ita etiam non repugnat, quod dicantur de ipsa; *neque secundum*, quia *imprimis* non est necessarium habere iudicia contraria, cum non affirmantur contraria de fornicatione, non enim opponuntur malum rationis, & bonum delectabile; *neque etiam* est necessarium, intelligere simul plura per modum plurium, quia illa duo possunt cognosci per modum vnius, scilicet quatenus vniuntur ad constituendum vnum syllogismum practicum, hoc modo: *bonum delectabile repugnans legi Dei non est volendum; sed ista fornicatio in individuo est bonum delectabile repugnans refectioni*, ergo non est volenda.

VLTIMO, secundum communem sententiā theologorum, peccatum ex malitia distinguitur à peccato ex ignorantia, quia peccatum ex malitia committitur ab eo, qui sciens, & absque vlla igno-

rantia operatur. Et colligitur ex illo lucæ 12. *seruus sciens voluntatem domini sui, & non faciens vapulabit multis*: vbi Christus supponit, esse aliquod peccatū, quod nulla ignorantia excusetur, & dicit, esse cæteris paribus, maius, quam peccatum ex ignorantia: ergo potest reperiri peccatum sine ignorantia, aut errore intellectus.

Neque potest responderi, peccatum ex ignorantia dici, quod committitur cum ignorantia habituali, & peccatū ex malitia, quod committitur cum inaduertentia, aut inconsideratione actuali, *quoniam*, iuxta communem doctorum sententiā, eodem modo excusantur, qui ex ignorantia, & qui ex inaduertentia operantur: & ita peccatum ex inaduertentia appellatur apud theologos peccatum ex ignorantia.

Confirmatur, quia experientia constat, multos peccare scientes in vniuersali, & in particulari, id, quod faciunt, esse peccatum: imo & habentes actualem aduertentiam ad vtrumque, cuius signum evidens est, quod peccant cum remorsu conscientie, & delectatione peccati miscent tristitiam de offensa Dei, & de amissione gratiæ, & reliquis damnis, quæ B propter peccatum incurrunt, quod non est sine aduertentia peccati, imo ex ipsa procedit.

§. 2. Sententia negativa: varijque modi ipsam explicandi.

SECUNDA SENTENTIA est aliorum, quibus placeat *pari negatiua*, & absolute affirmant, non posse voluntatem peccare, nisi ex parte intellectus sit aliquis error, aut aliqua ignorantia: hanc sequitur aperte D. THO. hoc loco, vt constat ex prima conclusione, & q. sequenti art. 1. ad 1. & 1. p. q. 63. art. 1. ad 4. & q. 3. de malo art. 9. & de veritate q. 24. art. 2. & 8. & alibi sæpe. ALEXAN. ALEN. 2. p. q. 129. memb. 4. DVYAN. in 2. d. 5. q. 1. num. 10. & 11. & d. 7. q. 1. n. 5. & 6. & d. 23. q. 1. num. 7. & d. 39. q. 1. HENRIC. quodlib. 10. q. 10. & ADRIA. quodlib. 4. art. 1. eandē sequuntur omnes discipuli D. THOMÆ VI CATET. hoc loco & quæstione sequenti art. 1. CAPRE. in 2. d. 39. q. vnica art. 3. in solutione ad 7. argumentum contra primam conclusionem & 3. d. 39. q. vnica art. 3. in solutione ad primum SCOTI contra primam conclusionem. PAVS SOTO lib. de institutione sacerdotum tract. de ratione medendi peccatis. lectione 2. vers. *tercia demum*: & fere omnes nostri temporis.

SED aduert. quod, quamuis omnes isti authores conueniant in hac sententia, vt à nobis proposita est: tamen in explicando in particulari, in quo consistat error, aut ignorantia cōcurrentes ad omne peccatum, valde differunt inter se, potestque eorum dissensio reduci ad quatuor modos explicandi rem hanc. PRIMVS est DVYANDI, qui, in locis citatis, sæpe repetit, in omni peccato reperiri ignorantiam, quæ opponitur scientiæ habituali, aut inconsiderationem eorum, quæ sciunt; aut errorem, quo falsa approbamus pro veris: sed specialiter hoc magis explicuit in priori loco, dicens, in omni peccato inueniri errorem iudicij practici, quo intellectus iudicat, aliquid esse appetendum vt bonum, & conueniens, quod tamen reuera nō est bonum. *Aduertit* tamen, hunc errorem *quandoque* contingere circa obiectum secundum se, & secundum suum genus, vt cum obiectum, quod intellectus dicit appetendū, est ex genere suo malū v. g. fornicationem.

cio, aut furtum, aliquando vero non contingere circa obiectum secundum se sumptum, sed in ordine ad circumstantias, quæ requiruntur, ut simpliciter sit bonum, & appetendum; ut cum obiectum secundum se, & ex suo genere est bonum, tamen, si sumatur sine aliqua circumstantia requisita ut ametur, non est simpliciter bonum, neque appetendum: & ideo intellectus, cum proponit ipsum voluntati sine tali circumstantia, quia non considerauit eam, & dicit esse bonum, & appetendum, errat; & quia simpliciter non est tale, hunc errorem dicit præcessisse peccatum angelorum, & primi parentis.

SECUNDVS MODVS explicandi hoc, est BVRDANI, qui septimo lib. Ethic. q. 7. dicit, ignorantiam, vel errorem, esse defectum actualis considerationis circa particulare, quod continetur in minori syllogismi practici; nam imprimis concedit, quod, si quis habeat perfectam scientiam, & considerationem circa vniuersale, & circa particulare, v. g. quod fornicatio non est facienda, & quod hic, & nunc in particulari, quem exercere vult, est fornicatio; non poterit eius voluntas velle exercere actum illum, & consequenter neque peccare; & deinde, ut explicet, quæ ratione possit esse inaduertentia, aut inconsideratio circa particulare eligendum, cum impossibile sit voluntatem eligere, nisi præiudicio dictamine particulari rationis; notat, dupliciter posse aduertiri ad particulare; uno modo perfecte, ut cum aduertitur ad ipsum, non solum secundum suam entitatem, sed etiam secundum speciem, & malitiam moralem; ut, si quis aduertit, actum, quem exercere vult, esse fornicationem; & alio imperfecte, ut cum solum aduertit ad illud particulare secundum suam entitatem, & non secundum speciem, ut, si in eodem exemplo aduertat, actum illum esse congressum cum muliere, & non aduertat esse fornicationem, quia non aduertit esse congressum cum muliere non sua, siue quæ non sit legitima uxor; & in priori casu dicit, non posse voluntatem velle exercere illum actum, supposita scientia circa vniuersale; in posteriori vero posse, propter defectum aduertentia circa particulare; quia licet aliquo modo aduertat ad ipsum, non tamen aduertit perfecte, & quantum ad eam conditionem, ratione cuius directe continetur sub vniuersali; & ideo addit, quod in isto casu voluntas non operatur directe, & formaliter contra scientiam vniuersalem, quia non mouetur ad exercendum actum illum secundum eam rationem, secundum quam intellectus scit, & dicitur in vniuersali, non esse faciendum: sed solum indirecte, & consequentive, quia vere ille actus habet conditionem illam, ratione cuius est contra id, quod dicitur scientia vniuersalis; licet moueat secundum eam formaliter voluntatem.

TERTIO MODO explicant hoc nonnulli ex Thomistis, qui dicunt, ignorantiam, vel errorem, esse defectum intellectus practici, non quoad actum, qui appellatur *iudicium*, & est immediata conclusio (syllogismi practici: sed quoad actum, qui appellatur *imperium*, & explicatur his verbis, *fac hoc*; itaque secundum istorum sententiam, bene potest esse peccatum in voluntate cum vero & perfecto iudicio practico intellectus, tam circa vniuersale, quam circa particulare, non tamen cum vero & perfecto imperio. Atque ut hoc explicent, supponunt, nunquam voluntatem eligere aliquod ob-

iectum, nisi intellectu percipiente; appetendum esse; & ex hoc colligunt, in electione mali obiecti reperiri defectum intellectus practici; non solum negatiue, quatenus deest imperium de eligendo bono, aut non faciendo malum; sed etiam positiue, quoniam adest imperium positiuum eligendi obiectum malum, licet sub aliqua ratione boni; saltem apparentis, & dicunt, sensum huius imperij non esse, quod illud obiectum sit appetendum secundum rectam rationem, sed absolute, quod hic & nunc est appetendum; & falsitatem eius non consistere in difformitate à re significata, sed in difformitate ab appetitu recto, qui est regula veritatis practice. Hunc modum explicandi rem hanc sequuntur CONRADVS & CAJET. hoc loco, quauis in fine concedat, præcedere alium defectum intellectus, saltem inconsiderationis; & CAPREO. in 3. d. 36. q. 1. art. 3 in solutione ad 2. arg. SCOTTI contra primam conclusionem, ubi dicit, hoc esse *magnam clauem* in hac materia.

VLTIMVS MODVS explicandi hoc, est, quem sequitur PETRVS DE SOTO loco citato, ubi dicit, ignorantiam, quæ est communis peccato, consistere in hoc, quod à peccante, aut non cogitatur aliquod principium, quod recte expensum auerteret à peccato; aut, si cogitatur, non satis penetratur & expenditur. Itaque iuxta sententiâ istâ, ut voluntas possit peccare, non requiritur, quod intellectus, aut circa vniuersale, aut circa particulare, habeat errorem, aut ignorantiam, quæ sit priuatio, vel carentia considerationis actus peccati, tam secundum suam entitatem, quam secundum malitiam, & omnes condiciones ad ipsam aliquo modo pertinentes, aut consequentes; sed satis est, quod habeat defectum in modo considerandi, ita ut, licet omnia illa consideret in particulari, tamen non consideret ea, consideratione penetratiua efficaci & viua, qualis requiritur ad excitandum affectum; sed (ut ita dicam) superficiali, aut externa, inefficaci, & quasi mortua, quæ non sufficit ad mouendum voluntatem; sicut quotidie experimur, quod quamuis sæpe consideremus insufficientiam bonorum temporalium, & excellentiam externorum, nullus in nobis excitatur affectus, aut relinquendi temporalia, aut appetendi æterna, quia non utimur circa hæc consideratione penetratiua & efficaci.

§ 3. Annotationes pro resolutione questionis.

PRO SOLVTIONE huius dubij ADVERTE quod circa actum peccati, quatenus malus est, & prohibitus, potest intellectus habere duplicem aduertentiam, aut cogitationem; *nam in vniuersali*, ut cum, oblata hac indiuidua fornicatione, considerat in communi, omnem fornicationem esse malam & prohibitam; & *alteram in particulari*, ut cum considerat in particulari, ipsam fornicationem, quæ in indiuiduo nunc offertur, esse malam & prohibitam.

2. ADVERT. utramque considerationem posse haberi duobus modis, scilicet *speculatiue* & *practice*: *priori modo* habetur, cum intellectus considerat malitiam, & prohibitionem actus, siue in vniuersali, siue in particulari, secundum se, & secundum suam naturam, & sine ordine ad operationem, & exercitium; ut cum considerat, for-

nicationem secundum se esse malam, & prohibitam, non considerando an propterea non sit volenda, & exercenda; *posteriori* vero modo habetur, cum intellectus considerat eandem malitiam, in ordine ad exercitium actus, ut, cum considerat, fornicationem non esse volendam, aut exercendam, quia est mala & prohibita.

3. ADVERT. utramque aduertentiam, siue sit practica, siue speculatiua, esse duplicem; *unam apprehensiuam, & alteram iudicatiuam.* *Apprehensiuam*, quantum attinet ad presentem disputationem, appellatur illa, qua apprehendimus, actum peccati esse secundum se malum, aut simul non volendum neque exercendum; non quidem elicendo assensum circa hoc, sed solum simpliciter cogitando de eis: ad eum modum, quo quis apprehendit aliorum opinionem, & cogitat de eis, non assentiendo eis; ut cum hæreticus, conuersus ad fidem, cogitat de sua hæresi antiqua, & tamen non assentit ei. *Iudicatiua* vero est, qua assentimur, vel dissentimur alicui complexo, siue hoc fiat formando propositionem, siue simplici intuitu, & sine compositione, sicut contingit in angelis; ut cum iudicamus, actum fornicationis esse malum, habemus iudicium speculatiuum; cum vero iudicamus non esse faciendum habemus iudicium practicum. *Sed si quæras* rationem, propter quam quidam ex istis actibus, dicantur practici, & alij speculatiui? *Dico* apprehensionem peccati dici speculatiuam, aut practicam, iuxta conditionem obiecti, quæ apprehenditur; scilicet abstrahentem ab exercitio, aut pertinentem ad ipsum; at vero iudicium, quamuis sit de bonitate aut malitia rei, & ex consequenti sit morale, dicitur speculatiuum, quando nihil dicitur de exercitio; & e conuerso practicum, quando dicitur aliquid pertinens ad exercitium. Cum isto iudicio practico confundunt aliqui actum intellectus, qui appellatur imperium, & negant distingui ab eo; sed decipiuntur; ut constat ex D. THOMA, supra quæst. 17. & ex eo, quod imperium explicatur per verba pertinentia ad modum imperandi, & intimantia sententiam iudicii, quod tamen non conuenit iudicio practico.

§ 4. Resolutio dubij propositi.

PRIMA CONCLUSIO. *Voluntas potest velle actum peccati, quamuis intellectus habeat apprehensionem, tam practicam, quam speculatiuam, imo & iudicium speculatiuum de ipso, etiam quantum ad malitiam & prohibitionem, sã in vniuersali, quã in particulari.* Probat, quia cum apprehensione tam speculatiua quam practica, & cum iudicio speculatiuo de malitia actus peccati in vniuersali, & particulari, potest intellectus habere iudicium practicum, quo dicit, exercendum esse hic & nunc actum illum; ergo non obstante illa apprehensione; & illo iudicio, potest voluntas velle exercere actum peccati. *Consequentia* patet, quia supposito illo iudicio practico, nihil deest voluntati, ut eligat vel appetat id, quod per ipsum dicatur esse appetendum. Et *antecedens* probatur, quia illud iudicium practicum non habet repugnantiam, neque cum illa apprehensione, neque cum iudicio speculatiuo.

Quod probatur imprimis de apprehensione, quia

A hæc non importat assensum intellectus, ergo quomodocunque per eam apprehendatur obiectum, non habet repugnantiam cum iudicio, quod est assensus; patet *ista consequentia*, quia diuerso modo terminantur duo isti actus ad obiectum, ut faciendum, & non faciendum, scilicet *vnus* apprehendendo tantum, & *alter* iudicando; & assentiendo.

Et *confirmatur* hoc experientia, nam non repugnat, quod, dum aliquis admonetur ab alio, non esse exercendum hunc actum fornicationis sibi oblatum, apprehendat hanc admonitionem, & nihilominus iudicet oppositum; sicut cum mihi refertur opinio alicuius circa hanc vel illam quæstionem, possum apprehendere eam, & nihilominus iudicare oppositum; ut in exemplo supra adducto, hæreticus conuersus ad fidem apprehendit suam antiquam hæresim, & nihilominus iudicat oppositum.

Et *idem* probatur de iudicio speculatiuo, nam quamuis hoc iudicium importet assensum vel dissensum, sicut iudicium practicum; tamen terminatur ad obiectum secundum rationem distinctam ab ea, secundum quam terminatur iudicium practicum; ergo non habet repugnantiam aut oppositionem cum eo. *Ista consequentia* patet; quia neque affirmatio & negatio, quamuis sint de eodem obiecto, habent inter se oppositionem, si sint de ipso secundum diuersas rationes. Et *antecedens* probatur, quia iudicium speculatiuum terminatur ad actum peccati secundum se, & sine ordine ad operationem, & solum dicit, illum actum esse malum, & prohibitum; at vero iudicium practicum terminatur ad illum actum ut exercendum, & solum dicit, exercendum esse; quod non repugnat primo, neque includit eius negationem, non enim est necesse, quod, qui dicit esse exercendum aliquem actum, neget ipsum esse malum, & prohibitum.

SED OBIECTIS, iudicium practicum dictans, exercendum esse actum peccati, supponit, aut includit iudicium speculatiuum de eius bonitate, aut conuenientia; nam sicut voluntas non potest prosequi aliquod obiectum, nisi sub ratione bonitatis neque intellectus potest proponere ipsum voluntati ut prosequendum, nisi sub eadem ratione; sed iudicium hoc de bonitate actus peccati, habet repugnantiam cum iudicio speculatiuo de eius malitia; ergo etiam iudicium practicum.

RESPONDEO, negando minorem, quoniam primum iudiciũ speculatiuum solum dicit, peccati esse peccanti malum, secundum rationem, & legem Dei, & esse malum spirituale; & malum culpæ, secundum vero, dicit esse eidem peccanti bonum vtile, & delectabile, & ista duo non repugnant, sed simul possunt esse vera.

EX HAC CONCLUSIONE sequitur, falsam esse sententiam BVRIDANI relataam supra 2. loco inter quatuor modos explicandi secundam sententiam: quoniam constat ex ea, quod etiam si nihil sit in actu peccati, quod non consideretur ab intellectu, potest voluntas peccare.

SECUNDA CONCLUSIO. *Existente in intellectu absoluto & efficiaci iudicio practico, distans tam in vniuersali, quam in particulari, non esse exercendum actum peccati, non potest voluntas velle ipsum.* Probat, voluntas non mouetur ad volendum aliquid,

nisi præcedat ex parte intellectus iudicium practicum, dictans, esse appetendum: sed existente in intellectu prædicto iudicio circa aliquem actum peccati, non potest simul esse in eo aliud iudicium, dictans, exercendum, aut appetendum esse eundem actum; ergo neque voluntas potest velle eum. *Mayor* est D. THO. supra q. 9. art. 1. ad 2. & ARIST. 3. de anima c. 9. & 10. & probatur ratione sumpta ex c. 9. quoniam motus voluntatis, quia semper est prosequutio aut fuga respectu sui obiecti, ideo necesse est, quod terminetur ad obiectum sub ratione fugiendi, vel prosequendi; ergo etiam est necesse, quod per intellectum proponatur ipsi sub ista ratione; at hoc non fit ab intellectu speculativo per actum intellectus speculativi, etiam si sit iudicium, sed solum per iudicium intellectus practici; ergo necessarium est huiusmodi iudicium, ut voluntas moveatur ad volendum aliquid; neque sufficit hoc iudicium in vniuersali, sed requiritur in particulari, quoniam actus voluntatis est circa obiectum, ut fugiendum vel prosequendum in particulari, ut ibidem dicit ARISTOTELIS. *Minor* etiam probatur, quoniam illa duo iudicia sunt opposita, & contraria, & non possunt esse simul in eodem intellectu.

Dicitur, illa duo iudicia non esse contraria, quia licet sint de eodem actu, tamen sunt de eo secundum diuersas rationes: quia vnum dictat, non esse volendum actum illum, quatenus est malus secundum rationem; & alterum dictat, esse volendum, quatenus est quoddam bonum delectabile, & conueniens inclinationi appetitus sensitui, quæ duo non sunt contraria, sed simul possunt esse vera sicut in explicatione præcedentis conclusionis diximus de duobus iudicijs speculatiuis terminatis ad istum actum secundum istas rationes.

Sed contra, quia iudicium practicum, de quo loquimur, quoniam est efficax, & quantum est de se sufficiens ad executionem, respicit obiectum secundum suum esse, & cum conditionibus pertinentibus ad ipsum secundum istam rationem, ut dixi supra quæst. 74. art. 8. de delectatione, quæ percipitur ex actu illicito, cogitato sub conditione excludente eius turpitudinem: sed actus, de quo loquimur, in suo esse habet adiunctam malitiam moralem cum bonitate delectationis; ergo etiam iudicium practicum, dictans, esse faciendum, aut appetendum, respicit ipsum cum vtraque conditione, & non cum vna tantum, & præciudicando ab altera; & ex consequenti necesse est, esse contraria duo iudicia practica quorum vnum dictat in particulari, aliquem actum esse faciendum, & alterum dictat, etiam in particulari, non esse faciendum; quia vtrumque terminatur ad ipsum secundum omnes conditiones pertinentes ad suum esse.

Ex quo patet non esse ad rem instantiam de iudicijs speculatiuis; quoniam iudicium speculatiuum, quia non est efficax, neque operatiuum, non respicit obiectum secundum esse, quod habet à parte rei, sed secundum esse, quod habet in intellectu; & ideo potest esse prædictum, & terminari ad obiectum secundum vnam conditionem, & non secundum aliam.

Verum aduerte quod, cum dicimus, iudicium practicum particulare terminari ad obiectum quantum ad omnes conditiones pertinentes ad eius esse, non est sensus terminari explicite & formaliter, ita

A vt v.g. expresse dicitur, appetendum esse actum peccati, quatenus habet bonitatem delectationis, & quatenus habet malitiam moralem; sed sensus est, terminari aliquo modo, saltem implicite & virtualiter, ita vt, dum dictat, appetendum esse illum actum, censetur amplecti ipsum cum omnibus suis conditionibus, non ignoratus inuincibiliter, sicut dici debet de volitione, quæ subsequitur ad hoc iudicium; nam expresse & formaliter terminatur ad obiectum, quatenus est bonum delectabile, & implicite aut virtualiter quatenus est malum morale.

EX HAC CONCISSIONE sequitur, esse falsum tertium modum, quo supra retuli, explicare aliquos Thomistas, secundam sententiam. Et probatur, quia ex ea constat, non posse voluntatem velle actum peccati, si nullum sit iudicium practicum, dictans in vniuersali & in particulari, non esse appetendum.

Et confirmatur, quia imperium intellectus, prout distinguitur à iudicio practico, non est necessarium secundum doctrinam D. THOMÆ, vt voluntas eligat, vel appetat aliquid, sed solum ad usum, vel executionem, ut constat ex ijs, quæ ipse dicit supra quæst. 17. artic. 1. vbi, inquit, imperium, quod exprimitur per verbum imperatiui modi, esse actum rationis, præsupposito actu voluntatis, in cuius virtute ratio mouet ad exercitium actus; ergo falsum est, quod sententia, quæ dicit voluntatem non posse peccare nisi præcedat error aut ignorantia, intelligatur de defectu huius imperij. Patet consequentia, quia volitio præcedit hoc imperium tanquam causa ipsius, & ex consequenti, si sit de obiecto malo, erit peccatum ante ipsum. Et ita existimo, CAJETANVM, per iudicium præceptiuium hoc loco intellexisse iudicium practicum in particulari, prout distinguitur à speculatiuo, etiam in particulari, & appellasse ipsum isto nomino, quia vbi necessarium est exercitium, præter volitionem, habet adiunctum imperium in doctrina D. THOMÆ, qui dicit, necessarium esse, semper esse actum istum ad usum.

ULTIMA CONCLUSIO, non potest reperiri peccatum commissionis, quod consistat in actu formali voluntatis, nisi præcedat defectus iudicij practici, non solum negatiui, sed etiam positivi: & idem de peccato omissionis regulariter loquendo, quamuis non repugnet oppositum. PRIMA PARS sequitur aperte ex præcedenti conclusione, quia vt voluntas velit actum peccati, necesse est, quod desit in intellectu iudicium particulare, dictans, non esse faciendum, in quo reperitur defectus negatiui; & quod sit iudicium, dictans, esse faciendum, in quo reperitur defectus positivi: quia per hoc iudicium indicatur positue aliter de re, quam iudicandum est.

SECUNDA VEROPARS probatur, quia peccatum omissionis regulariter non reperitur sine aliquo actu, qui sit eius causa, vel occasio, ut dixi supra quæst. 71. articulo quinto, ergo regulariter non reperitur sine iudicio dictante exercitium huius actus & sine defectu iudicij, dictantis, faciendum esse, actum præceptum, & consequenter non esse faciendum alterum, qui est causa vel occasio vt non fiat.

Quod vero non repugnet oppositum, probatur, quia posito in intellectu iudicio practico vniuersali, & particulari, quod dicitur, exercendum esse hunc actum, de quo est diuinum præceptum, adhuc manet voluntas libera quoad exercitium respectu illius actus; ergo potest non elicere eum, & ex consequenti potest peccare, quamuis nullus præcesserit defectus iudicii practici. Probatum antecedens, quia intellectus non mouet voluntatem quoad exercitium, sed solum quoad specificationem, & voluntas est primum mouens quoad exercitium, vt D. THOM. docet supra quæst. 9. art. 1. ergo intellectus non necessitat, vel determinat voluntatem ad exercitium actus, sed relinquit ipsam liberam. Patet consequentia, quia cum necessitas, vel determinatio exercitij, sit quidam modus ipsius exercitij, impossibile est, aliquid esse causam huius necessitatis, si nullo modo est causa exercitij.

Et confirmatur hoc, quia per iudicium practicum intellectus non proponitur voluntati exercitium huius actus vt summum bonum nullam habens rationem mali respectu hominis, neque vt habens necessariam connexionem cum aliquo obiecto, respectu cuius sit ipsa voluntas ab intrinseco determinata quoad specificationem: ergo etiam stante illo iudicio practico manet voluntas libera, & indifferens ad exercitium illius actus.

Neque potest responderi ad totum istud argumentum, non posse voluntatem non exercere actum illum, nisi actu positiuo volendo hoc, aut aliquid aliud, quod sit causa, vel occasio non exercendi, & ad istum actum requiri iudicium practicum, quod dicitur, esse faciendum, & ex consequenti repugnet priori iudicio.

Nam contra hoc obijci possunt illa argumenta, quibus loco citato probaui, posse reperiri omissionem voluntariam sine tali actu positiuo, quo voluntas velit aut omissionem actus, aut aliquid impossibile cum actu. Et quamuis, vt voluntas omitat actum habendo se positiue circa omissionem, hoc est, formaliter volendo omittere, requiratur iudicium: tamen, vt omitat habendo se negatiue, hoc est, non operando, non est necesse, quod præcedat iudicium dictans, omitrendum esse talem actum.

VERVM ADVERTO, quod consulto in priori parte huius conclusionis apposui illa verba, quod consistat in actu formali voluntatis, quia non repugnat reperiri peccatum, quod habeat malitiam commissionis, sine actu formali voluntatis, vt dixi supra quæst. 74. articulo 4. in fine, de negligentia voluntatis in reprimendo motum concupiscentiæ; & de isto peccato est iudicandum, sicut de omissione, quantum ad hoc, quod est, posse reperiri sine defectu iudicii practici.

NEQUE OBSTAT, quod contra hanc secundam partem ARISTOTELIS 7. Ethic. cap. 3. dicat, quod quando ex vniuersali & particulari sit una ratiocinatio, necesse est animum in speculabilibus continuo enuntiare, id est, fateri id, quod conclusum est; & in agibilibus statim agere. NAM RESPONDEO, intelligendum esse in casu, quo simul cum assensu intellectus circa maiorem vniuersalem (scilicet omnem actum præceptum a Deo esse faciendum) syllogismi practici, est in

A voluntate volitio efficax adimplendi id, quod per talem assensum iudicatur; quia durante hac volitione, & assumpta minore (scilicet, hunc actum esse a Deo præceptum) necessitatur ex suppositione voluntas ad executionem talis actus; sicut ex volitione efficaci finis sequitur necessario volitio medij, quod perfecte cognoscitur esse necessarium ad eius consecutionem. Ceterum non est necesse, quod cum assensu propositionis vniuersalis sit semper coniuncta illa volitio efficax.

Neque etiam obstat quod ARISTOTELIS 3. Ethic. cap. 1. dicat, omnem improbum ignorare, quænam sint agenda, & à quibus abstinendum; nam hoc non est contrarium nostræ sententiæ, quia licet sit vniuersaliter dictum, tamen est regula moralis, & ideo ad eius veritatem satis est, quod regulariter, & communiter ita contingat, quamuis non repugnet oppositum; sicut dicitur de illa propositione, omnis mater diligit filium suum; præsertim cum nos non de omni peccato, sed solum de peccato omissionis dicamus, non repugnare, reperiri sine defectu intellectus, & neque hoc posse regulariter contingere.

Et eodem modo responderi potest ad testimonia scripturæ, quibus videtur idem dici, vt Proverbia 24. Errant, qui operantur malum; & Sapientia 5. dicunt impij, ergo errantissimi à via veritatis, & iustitia lumen non luxit nobis, & solitudo intelligentia non est ortus nobis. Item qui sequuntur primam sententiam, respondent ad hæc testimonia, intelligenda esse de errore electionis, & non de errore intellectus: nam merito potest dici stultus, qui, data sibi eligendi facultate, eligit minus bonum, relicto præstantiori. Illud vero Ecclesiæ memorare nouissima tua, & in æternum non peccabis; non significat, quod memoria nouissimorum necessitabit voluntatem ad non peccandum: sed quod iuuabit vehementer. Et addi potest, verbum errandi in istis testimonijs significare errare via, potius quam intellectus, vt Psalmus 176. errant, sicut ovis, quæ perijt. Et illa 5. omnes nos, quasi ovis, errantissimi.

Neque ex hac sententia sequitur, quod possit esse perfecta prudentia cum peccato mortali omissionis, & consequenter sine virtutibus moralibus, saltem in esse virtutum; quoniam prudentia in sua perfectione pender ex recta intentione finis, & hanc non habet, qui quomodo-cunque peccat mortaliter.

§ 5. Dux difficultates examinantur.

SED RESTANT dux difficultates. PRIMA, San iudicium practicum, quod sequitur is, qui peccat, scilicet illud, quod dicitur in particulari, appetendum esse hunc actum peccati, sit falsum? Vt itatione eius sit verum id, quod DIUUS THOMAS docet, scilicet, ante omne peccatum voluntatis præcedere in intellectu errorem, aut ignorantiam.

RESPONDETUR affirmatiue, dum tamen intelligatur de illo iudicio, quatenus practicum est, & non quatenus includit, aut supponit iudicium speculatiuum. Itaque istud iudicium practicum, appetendum est hic actus peccati, v.g. hæc fornicatio,

est falsum.

est falsum; tamen iudicium speculativum, quo intellectus simul iudicat, illum actum esse bonum, quoddam delectabile, non est falsum, sed verum. Dicitur autem falsum illud iudicium practicum duobus modis: *Primo* per ordinem ad appetitum rectum, hoc est, quia est dissonum inclinationi appetitus recti, & bene dispositi in ordine ad finem, quia ratione etiam actus imperij, qui explicatur per verba imperativi modi, potest dici falsus, ut explicat hoc loco CAIET. *Secundo* in enunciando, hoc est, quia per ipsum aliter enunciat de re, quam ipsa res se habeat, nam (ut recte advertit CAIET. supra q. 38. art. 5.) per hoc iudicium enunciat, & asseritur, actum peccati esse appetendum simpliciter, hoc est, sine additione; & tamen ipse actus secundum se solum est appetendus secundum quid, quia solum est conveniens secundum quid, & in hoc differt ab actu imperij, per quem, quoniam explicatur per verba imperativi modi, nihil enunciat, sed solum intimatur voluntas superioris, & ex consequenti non habet veritatem aut falsitatem in enunciando.

Sed obicitur aliqui, non posse iudicium illud esse falsum in enunciando, nisi sit contra fidem, & ex consequenti, nunquam committi peccatum aliquod particulare, quin simul committatur aliud infidelitatis, ratione illius iudicii: quod est aperte falsum, & contra DIVVM THOMAM 2. 2. quæst. 20. artic. 2. probant vero illud assumptum, quia hoc iudicium, *faciendus est iste actus*, potest habere tres sensus; scilicet, *conveniens est, aut debitum secundum rectam rationem quod fiat*; aut, *dignus est ut fiat*; aut *faciendus est, quicquid inde eveniat*; sed ex his sensibus constat, duos priores esse contra fidem, quoniam de fide est, esse debitum secundum rationem, quod actus fornicationis non fiat; & etiam talem actum esse indignum, ut fiat; & præterea constat, tertium esse verum, quia solum importat futuritionem illius actus, hoc est, futurum esse illum actum, & ut hoc sit verum, satis est, quod homo postea reipia fornicetur, ergo aut iudicium illud non est falsum in enunciando, aut est contra fidem.

Respondetur, negando non posse iudicium illud esse falsum, nisi sit contra fidem. Et ad probationem, dicendum est, quod (ut colligitur ex D. THOMA 2. 2. quæst. 20. artic. 2. quem sequitur ADRIANVS quodlib. 4.) iudicium illud potest habere alium sensum, præter tres relatos, scilicet, *faciendum esse illum actum propter aliquam particularem dispositionem*, quam hic & nunc habet homo: aut, *faciendum esse quantum est ex vi syllogismi practici*, quo deducitur prædictum iudicium, tanquam conclusio, non curando, an, quod intellectus utatur tali syllogismo, potius quâ opposito, proveniat ex ignorantia, vel ex passione, vel ex malitia voluntatis; & hic sensus non est contra fidem; quia fides solum dicit, actum illum esse illicitum, & malum culpæ, & esse contra rectam rationem, quod fiat, & his omnibus potest assentiri, qui in sensu explicato habet illud iudicium; ut, si, quis, qui vult eripere alterum à damnatione ad mortem, vel ad aliam pñam, consilat, utendum esse mendacio, non dicit aliquid contra fidem, quia sensus huius consilij non est, licere, aut non esse peccatum, menti-

ari; sed, mentiendum esse ad consequendum finem intentum.

Sed obicitur, non esse falsum illud iudicium in sensu explicato, quia verum est, esse faciendum illū actum in ordine ad illam dispositionem, quia vere illa dispositio exigit, quod fiat; sicut in exemplo proposito est verum, esse utendum mendacio in ordine ad illum finem, quia vere est medium utile in ordine ad ipsum.

Respondetur, quod quamvis dispositio illa sit motiva, aut impulsiva intellectus ad illud iudicium; tamen iudicium non dicat, faciendum esse actum in ordine ad ipsam præcise, sed dicat faciendum esse simpliciter, hoc est, sine addito; quoniam est efficax, & respicit terminum secundum suum esse simpliciter, & non cum præcisione, ut supra explicui, & in hoc consistit eius falsitas in enunciando.

Et si quæras, an istud iudiciū: quatenus ut his duobus modis falsum præcedit electionē voluntatis, sit peccatum, siue secundum se malitia propria contra prudentiam, siue ut causæ malæ electionis, malitia ipsius electionis? *Respondetur negativè*, quoniam, ut antecedit, non est voluntariū, neque directe, neque indirecte, & ideo solum habet rationem defectus naturalis, & non moralis, ut explicui de defectibus cognitionis practice, quæstione præcedenti, art. 2. dub. 2. circa primam conclusionem; & ita respondet D. VRAKD. loco citato, & colligitur ex DIVO THOMA supra quæst. 75. articulo primo ad tertium, & prima parte, quæst. 49. articulo primo ad tertium, ubi videndus est CAIETANVS.

SECUNDA DIFFICULTAS est, unde proveniat, quod intellectus habeat istud iudicium practicum falsum, de quo nunc loquimur, præsertim quando habet verum iudicium speculativum, tam in communi, quam in particulari, circa malitiam & prohibitionem actus peccati? *Respondetur*, quod cum determinatio ista intellectus ad sic iudicandum, pertineat ad specificationem, necessario sumenda est ex parte sui obiecti; & ideo sufficiens causa ipsius est, quod actum peccati esse convenientem, & prosequendum habeat aliquo modo rationem veri; quamvis simpliciter non sit verum: quia cum verum sit perfectio intellectus, satis est, quod aliquod obiectum participet aliquo modo rationem veri, ut etiam habeat vim attractivam intellectus ad se. Quod autem obiectum illud sit aliquo modo verum, patet, quia (ut supra explicui, verum est, quod actus peccati sit conveniens, & appetendus in ordine ad talem dispositionem hominis, quamvis hoc solum sit verum secundum quid, & non simpliciter; hoc est, sine addito; & propterea intellectus iudicando errat, ut dixi. Illa vero dispositio, in ordine ad quam actus peccati est conveniens, est vel passio appetitus, vel malitia voluntatis, de qua in quo consistat, dicam quæstione sequenti.

§ 6. Argumenta contraria dissolvuntur.

AD PRIMUM Respondetur, testimonia AUGUSTINI, quibus dicitur, aliquos peccare scienter, intelligi de scientia speculativa, & non de iudicio

dicio

dicio practico in particulari, & testimonia, quibus dicitur, voluntatem esse primam & sufficientem causam peccati, non excludere defectum iudicii practici, sicut non excludunt, esse necessarium actum intellectus, ut voluntas quomodocunque operetur: sed solum excludere aliquod principium extrinsecum, quod sit per se causa mali culpæ. Ad ultimum vero testimonium, quod est difficile, dico *primo*. AUGUSTINUM non constituere æqualitatem inter illos duos homines, quantum ad actus, qui requiruntur per se, ut voluntas operetur. & à quibus incipit radicaliter libertas, & indifferentia voluntatis in actu secundo; quoniam isti computantur cum actibus voluntatis: sed solum quantum ad alia, quæ, licet inclinent, saltem per modum occasionum, voluntatem ad volendum actum peccati, non tamen requiruntur per se ad operationem voluntatis, & ideo non computantur cum ipsa, cuiusmodi sunt dispositiones, siue habitus, tam voluntatis, quam appetitus sensitui, & complexio corporea, & tentatio demonis, & alia, quæ tam in ipso homine, quam extra ipsum, mouent aliquo modo ad peccatum. *Secundo* respondetur, quod quamuis AUGUST. constituat æqualitatem inter illos duos homines, etiam quantum ad iudicium practicum: nihil dicit contra nostram sententiam; nam ex eo, quod etiam stante illo iudicio, unus peccet, & alter non peccet, non sequitur, quod is, qui non peccat, habeat actum positium, repugnantem iudicio intellectus: sed solum, quod non habeat volitionem peccandi, quod nos in ultima conclusione diximus posse contingere.

Ad primam confirmationem Respondetur, articulum illum debere intelligi, sicut priora testimonia Augustini, de scientia speculatiua, & non de iudicio practico.

Ad secundam confirmationem Respondetur, quod ARISTOTELES in primo testimonio loquitur de scientia morali, prout à philosopho traditur modo scientifico: non tamen de iudicio practico; & in secundo loquitur de iudicio dictante in vniuersali, aliquid esse faciendum, aut fugiendum, cuiusmodi est iudicium, quod habet incontinentes, circa maiorem syllogismi practici: non tamen de iudicio practico in particulari; & in tertio per intellectum & rationem, non intelligit iudicium practicum actu existens in intellectu, sed id, quod postulat recta ratio, quamuis hoc dictetur actu per iudicium practicum; & ita, quamuis illis verbis insinuet discrimen aliquod inter continentem, & incontinentem: tamen non constituit huiusmodi discrimen in hoc, quod ambo habeant in intellectu iudicium practicum, dictans in particulari id, quod rectum est, & primus obediat ei, & secundus resistat; sed in hoc, quod continens facit id, quod postulat recta ratio, relicta motione appetitus, quamuis id faciat præsupposito in intellectu prædicto dictamine; incontinentes vero non facit id, quod est rationi consonum, sed id, ad quod mouet appetitus, quamuis etiam id faciat præsupposito in intellectu alio iudicio practico. Et eodem modo exponendi sunt alij doctores graues, cum dicunt, malos operari contra id, quod recta ratio dictat.

A Ad secundum Respondetur, negando antecedens; ex suppositione quod sit tale iudicium in intellectu; & ad probationem ut respondeamus, *supponendum* est, quod iudicium practicum dictans non esse faciendum illum actum fornicationis, non dictat solum omissionem, aut negationem huius actus, sed positiuam nolitionem eius, siue volitionem non exercendi eum: quoniam cum iudicium practicum sit operatiuum, & efficax, non mouet voluntatem ad negationem actus, sed ad volitionem talis negationis, aut ad positiuam nolitionem actus; & hoc supposito, concedenda est maior illius probationis, & distinguenda minor; *si enim sit* eius sensus, quod in illo casu voluntas est indifferens ad volendum actu positiuo non fornicari & fornicari, falsa est; quia stante illo iudicio in intellectu, non potest voluntas velle fornicari, quia non potest esse in intellectu iudicium dictans volendum esse hoc, cum sit impossibile cum altero iudicio, quod est in ipso de facto; *si tamen sensus sit*, quod voluntas manet indifferens ad volendum positiuè non fornicari, & ad volendum negatiuè, id est, ad eliciendum volitionem circa illud obiectum, vera est. Ceterum in isto sensu non est ad propositum, & ita neganda est consequentia; quia ex eo, quod voluntas possit non elicere actum, quo velit non fornicari, non sequitur, quod etiam possit elicere actum, quo velit fornicari; quia ad illud non requiritur aliud iudicium practicum in intellectu, sicut ad istud. Et ad primam probationem minoris in primo sensu, respondetur, quod, ut in illo casu dicatur esse in potestate voluntatis illa volitio non fornicandi, satis est, quod voluntas sit indifferens ad eliciendum, & ad non eliciendum eam; & non oportet, quod etiam sit indifferens ad eliciendum volitionem positiuam obiecti oppositi. *Ad secundam* probationem respondetur, quod in isto casu utraque libertas conuenit voluntati, scilicet contradictionis, siue quoad exercitium, & contrarietatis siue quoad specificationem, ceterum non eodem modo; nam prior, non solum conuenit ei simpliciter, hoc est exclusa necessitate simpliciter, sed etiam exclusa necessitate ex suppositione, quia etiam stante illo iudicio potest voluntas non elicere actum, ad quem mouet: at vero posterior solum conuenit ei simpliciter, hoc est sine necessitate simpliciter, non tamen sine necessitate ex suppositione; quia licet simpliciter sit liberum voluntati, diuertere intellectum ab hoc iudicio, & mouere ad aliud, & ex consequenti habere actum repugnantem ipsi: tamen ex suppositione quod sit in intellectu hoc iudicium, necessitatur ipsa ad non habendum actum repugnantem, quod est necessitari tantum secundum quid, & stat cum libertate simpliciter; & sufficit voluntatem esse his duobus modis liberam in illo casu, ut etiam sit subiectum libertatis, & culpæ, atque peccati.

Et si obieciat, non posse voluntatem diuertere intellectum ab illo iudicio, & mouere ad aliud, nisi volendo facere hoc; & ad volendum hoc, requiri aliud iudicium, quod non erit in potestate voluntatis, aut dabitur processus in infinitum; Respondetur, quod, ut voluntas sic

moueat

moueat intellectum, non requiritur, quod velit mouere, ut falsò supponunt OKAM, & GABR. impugnantes hanc sententiam; sed satis est, quod non consentiat suo iudicio, quod potest facere negatiuè se habendo, & suspendendo omnem actum circa obiectum iudicij, & ex consequenti line alio iudicio; nam quoniam iudicium practicum particulare ordinatur proxime ad actum voluntatis, & propterea censetur constituere cum ipso vnā integram conclusionem syllogismi practici: ideo propter hanc subordinatiōem, satis est, quod voluntas non consentiat, ut intellectus non maneat firmus in suo iudicio, sed statim desistat ab eo; & rursum, quia intellectus in isto casu iam est applicatus ad inquirendum id, quod voluntas est factura: non desistit ab huiusmodi inquisitione, donec habeat aliquod iudicium, quod voluntas amplectatur. Ex quo patet, difficile posse solui hoc argumentum ab ijs, qui admittunt, necessitati voluntatem in isto casu, etiam quoad exercitium; quia hoc posito, nullus reinquitur modus, quo sit voluntati liberum, mouere intellectum à suo iudicio.

AD TERTIUM Respondetur, negando antecedens, & ad totam probationem, respondetur, non posse intellectum proponere voluntati illum actum sub ratione boni sufficientis ad mouendum ipsam, nisi medio iudicio dictante esse prosequendum, aut appetendum: & hoc iudicium esse falsum, ut constat ex solutione primæ difficultatis.

AD VLTIMUM Respondetur, quod, ut aliquis dicatur peccare ex malitia, sufficit, quod peccet sine passione, & cum scientia speculatiua, quamuis habeat errorem practicum.

Ad confirmationem Respondetur, sufficere scientiam speculatiuam vniuersalem, & particularem, ad excitandum remorsum conscientie.

ARTICVLVS III.

Verum peccatum, quod est ex passione, debeat dici ex infirmitate?

CONCLUSIO est affirmatiua.

ARTICVLVS IV.

Verum amor sui sit principium omnis peccati?

CONCLUSIO. Inordinatus amor sui in vnoquoque homine est principium omnis peccati.

COMMENTARIVS.

Hæc conclusio est communis omnium Theologorum, & AVGVST. 14. de ciuitate cap. 13. Sed contra eam argumentor, quoniam peccatum, quo quis infert sibi malum, verbi gratia mortem, non procedit

A ex amore sui, sed potius ex odio.

Secundò, quia sequitur, quod in quocunque peccato sint duo peccata, vnum inordinati amoris sui, & alterum, quod supponit istud, tanquam principium, ex quo procedat.

AD PRIMUM Respondetur, quod, qui infert sibi mortem, non id facit ex odio, aut displicentia sui, sed potius ex amore; quoniam non appetit mortem, ut malum, sed potius ut bonum quoddam, scilicet ut medium conueniens ad effugiendum mala, quæ sibi sunt molesta.

Ad secundum respondetur negando sequelam: & ad probationem, relicta solutione eorum, qui dicunt, inordinationem proprii amoris esse conditionem generalem omnium peccatorum, & ideo non dare speciem, nisi sit expresse voluta; Respondetur, quod amorem sui inordinatum esse principium omnium peccatorum, potest dupliciter intelligi, Primo ex parte actus, ut si præcedat vnus actus, qui sit amor inordinatus sui, & ex isto oriatur alius, qui sit appetitus inordinatus alicuius boni commutabilis;

Secundò ex parte obiecti, ut si vno actu appetat aliquis sibi inordinate aliquod bonum commutabile, nam tunc amor sui dicitur principium appetitus boni commutabilis ex parte obiecti, quoniam terminari actum istum appetendi ad ipsum appetentem, tanquam ad finem cui, est ratio à priori, ut terminetur ad bonum commutabile; & quamuis SCOTVS videatur intellexisse doctrinam istam in priori sensu in 2. dist. 6. q. 2. vbi propterea dicit, ante omnem amorem inordinatum concupiscentie, præcedere inordinatum amorem amicitie respectu eius, cui concupiscitur bonum, & ideo primum peccatum angeli non fuisse inordinatum appetitum propriæ excellentie, sed inordinatum amorem sui: tamen aperte deceptus est, ut probaui r. p. quæst. 63. art. 2. & ita dicendum est, intelligi posteriori modo, ut etiam docet D. THOMAS in hoc articulo, cum probat, quod appetere inordinate aliquod bonum, procedat ex inordinato amore sui, quia amare aliquem, est velle ei bonum; & articulo sequenti, vbi dicit, inordinatum amorem sui, esse causam omnis peccati, in quantum includit inordinatum amorem boni. Et 2.2. quæst. 19. art. 7. & q. 25. art. 7. Et consequenter etiam dicendum est; supponi falsum in illa probatione, scilicet, quod ad omne peccatum præsupponatur alius actus, qui sit inordinatus amor sui.

Sed obijciat, quia saltem sequitur, quod in omni peccato, saltem sint duæ malitiæ specie distinctæ, quia in quocunque duæ sunt inordinationes specie distinctæ; vna specialis, sumpta ex proprio obiecto, & altera communis omnibus peccatis, quatenus quodlibet peccatum est inordinatus amor sui.

Respondetur negando sequelam, & ad probationem etiam est negandum; quod peccatum, prout terminatur ad illa duo obiecta, habeat duas inordinationes; quoniam amor sui non est inordinatus, nisi quatenus est causa, vel ratio à priori ex parte obiecti appetendi inordinate alia obiecta, & ideo solum habet inordinationem, quæ reperitur in appetitu aliorum, & consequenter magis aut minus grauem, imo & mortalem, aut venialem, iuxta grauitatem illius ap-

petitus

peccatus. Ex quo etiam conitatur, non esse de necessitate confessionis dicere, peccatum habuisse ortum ex amore proprio, quando amor sui solum est malus predicto modo.

ARTICVLVS V.

Verum conuenienter ponantur cause peccatorum, concupiscentia carnis, concupiscentia oculorum & superbia vite?

CONCLUSIO est affirmatiua.

ARTICVLVS VI.

Verum peccatum alleuietur propter passionem?

PRIMA CONCLUSIO. Passio, ut antecedit actum liberi arbitrii, in quo est peccatum, minuit peccatum.

SECUNDA CONCLUSIO. Passio consequens actum liberi arbitrii non diminuit peccatum, sed magis augeat vel potius est signum magnitudinis eius: in quantum scilicet demonstrat intensiorem voluntatis ad actum peccati. De materia huius articuli egi supra q. 6. art. 7.

ARTICVLVS VII.

Verum passio totaliter excuset a peccato?

PRIMA CONCLUSIO. Quando passio, qua totaliter auferat usum rationis, est a principio voluntario, non excusat totaliter a peccato, sed actus cum ipsa factus imputatur ad culpam, quia est voluntarius in sua causa.

SECUNDA CONCLUSIO. Quando causa passionis, qua totaliter auferat usum rationis, non est voluntaria, sed naturalis, tunc actus redditur omnino inuoluntarius, & per consequens excusatur totaliter a peccato.

TERTIA CONCLUSIO. Passio, qua non auferat totaliter usum rationis, non excusat totaliter a peccato.

COMMENTARIVS.

DE MATERIA harum conclusionum egi supra questione 71. artic. 5. & questione 74. articulo 4. & sequentibus. Solum superest explicandum circa secundum & simul circa solutionem tertij.

DVBIUM.

An omissiones & commissiones contrarie preceptis que fiunt tempore infirmitatis, in quam aliquis voluntarie incidit, imputentur ei ad culpam?

ET LOQUIMUR de preceptis affirmatiuis & negatiuis pertinentibus ad ius positium: nam transgressio negatiuorum, quæ pertinet ad ius naturale, non potest excusari a peccato propter infirmitatem, quæ non priuat viuationem, verbi gratia si quis iudicans probabiliter, aut cum possit, & debeat iudicare, quod si comedat talem cibum, incidet in infirmitatem, comedit ipsum, & postea in illa infirmitate constitutus non audit sacrum diebus festiuis, aut non ieiunat in quadragesima, vel etiam comedit carnes. An hæc omnia imputentur ei ad culpam?

AD HOC D. THOMAS in solutione tertij videtur respondere affirmatiue, quoniam inquit, iudicandum esse de istis omnibus in casu posito, sicut si fierent tempore ebrietatis, in qua essent eodem modo voluntaria: quod tamen CALETANVS, & cum eo alij dicunt, intelligendum esse, quando ista fiunt durante affectu illius infirmitatis, nam post penitentiam de illo affectu, non imputabuntur ad culpam.

SED DICO PRIMO, illa omissiones & commissiones, supposito quod infirmitas eas postulet, non imputabuntur tempore quo fiunt, infirmo ad culpam; siue ipse penituerit de affectu ad infirmitatem, siue non. Probatur quia quomodocumque se habet infirmus circa affectum illum, excusatur ab obligatione implendi precepta, quibus opponuntur illæ omissiones, aut commissiones; ergo tunc non peccat ratione earum, & ex consequenti tunc non imputantur ipsi ad culpam. Patet consequentia, quia nullus peccat, nisi violando legem, & non violat legem qui aut simpliciter non obligatur lege, aut saltem excusatur ab eius obligatione.

DICO SECUNDO, si quis videns, & sciens, quod ex infirmitate aliqua sequuntur predictæ omissiones, & commissiones, ponat voluntarie causam talis infirmitatis, tunc, id est, cum ponit causam, imputantur ipsi ad culpam illæ omissiones, & commissiones: siue intendat expresse, quod sequantur, siue non. Probatur primo testimonio D. THOMAS in solutione ad tertium, ubi inquit, quod, si infirmitas sit voluntaria in suo principio, est eadem ratio de ipsa, & de passione, & ebrietate voluntaria, quantum ad hoc, quod est imputari ad culpam ea, quæ ex ipsa sequuntur contra legem. Quod tamen non est intelligendum quantum ad tempus, quo hæc imputantur, nam in hoc diuersa est ratio de passione, quæ neque tollit omnino usum rationis, neque excusat ab obligatione legis; & de ebrietate,

que facit primum; & infirmitate, quæ facit secundum; sed quantum ad hoc quod est absolute imputari.

Secundo si in isto casu homo excusaretur totaliter à culpa illarum omissionum, maxime quia præcepta, quibus opponuntur, non obligant nisi volentes adimplere ipsa: at hæc ratio est nulla; Quod *imprimis* probatur, quia alias sequeretur, quod, neque similes omissiones & commissiones imputarentur, quando sequuntur ex ebrietate voluntaria, vel ex somno, aut ex aliqua occupatione. *Item* quia sequeretur, quod omissiones recitandi non imputarentur proijcienti breuiarium in mare cum simili præuisione periculi non recitandi; & *tandem*, quia sequeretur, quod nullus effectus malus imputaretur ad culpam si tempore, quo fit, non potest impediri: quamuis in sua causa fuerit voluntarius, & potuerit impediri, contra ea, quæ dicta sunt supra quæst. 71. artic. 5.

Tertio, præcepta, quibus illæ omissiones & commissiones opponuntur, obligant absolute & simpliciter hominem, & non supposita conditione, quod non sit impeditus infirmitate, ab eorum obseruatione, quamuis propter huiusmodi impedimentum excusaretur à peccato homo non obseruans ea: ergo etiam obligant ad non apponendum scienter impedimentum infirmitatis (vt dixi loco citato in exemplis adductis) sed tempore, quo homo apponit hoc impedimentum non est aliqua causa, quæ ipsum excuset; ergo tunc violat obligationem illorum præceptorum, & ex consequenti peccat contra ea.

Dico *ULTIMO*, si non prouideatur alibi & formaliter, quod prædictæ omissiones & commissiones sequuntur ex infirmitate; non imputantur ad culpam etiam in causa, siue cum ponitur causa voluntaria infirmitatis. Probatur, quia alias non posset aliquis incidere in infirmitatem committendo solum peccatum intemperantiæ. *Item*, quia alias etiam imputarentur omnes illæ omissiones & commissiones incitanti alium ad comedendum intemperate cum præuisione periculi incidendi in infirmitatem, quamuis non aduertit, quod ex ea euident illa mala. Et *præterea*, quia etiam imputarentur ei, qui percutit, aut afficit

A iniuria alterum, cum præuisione periculi accipiendi ab eo graue aliquod vulnus; & *tandem* quia homines non tenentur aduertere ad periculum, cui se exponunt, incidendi in prædictas omissiones, & commissiones propter infirmitatem, ergo, quod non aduertant, non est ipsis voluntarium, & ex consequenti neque omissiones & commissiones quæ postea sequuntur, sunt voluntariæ in illa causa; *consequentia* patet, quia, vt inaduertentia sit voluntaria, non satis est posse aduertere, sed requiritur posse, & teneri; & *antecedens* probatur, quia ex voluntaria causa infirmitatis non sequuntur regulariter illæ omissiones, & commissiones, quia neque regulariter sequitur infirmitas adeo grauis & diuturna, vt propter ipsam sit necessarium vti eis; constat autem non esse obligationem prouidendi effectus, qui non sequuntur ex causa regulariter, quoniam computantur inter effectus per accidens, vt docet D. THOMAS supra.

Et secundo probatur, quia est valde incertum, & indeterminatum, quando & quousque erit necessarium vti illis omissionibus & commissionibus propter infirmitatem, & potest contingere, quod non sit necessarium statim in initio infirmitatis, & quod sit necessarium multo tempore; videtur autem excedere humanam prouidentiam, prævidere ea, quæ quoad suum initium, & quoad durationem, sunt adeo incerta; & ideo non est dicendum, quod præcepta, præsertim positina, obligent ad hoc, quia eorum obligatio exponenda est moraliter & humano modo.

Et confirmatur, quia alias esset res intollerabilis, & plena scrupulis. Et ex his patet, non esse eandem rationem de ebrietate voluntaria, neque protectione breuiarij in mare, quantum ad obligationem præuidendi omissiones aut commissiones, quæ ex eis possunt sequi.

ARTICVLVS VIII.

Verum peccatum, quod est ex passione, possit esse mortale?

CONCLUSIO est affirmatiua, ad cuius explicationem videnda sunt, quæ dixi supra q. 74.

QVÆSTIO LXXVIII.

DE CAUSA PECCATI, QVÆ EST MALITIA.

ARTICVLVS I.

*Utrum aliquis peccet ex certa
malitia?*

CONCLUSIO: *conspicitur aliquem peccare ex certa
malitia, hoc est ex industria, & quasi sciens eligendo
malum.*

COMMENTARIVS.

IN HAC quæstione vult D. THOMAS explica-
re tertiam causam internam peccati, scilicet
malitiã, aut peruersitatem voluntatis; & in hoc
articulo explicat quando peccatum procedat
ex ista causa.

CIRCA quod est,

DVBIVM.

Quid sit peccare ex malitia?

IN QVA RE est prima sententia eorum, qui di-
cunt, peccare ex malitia esse, velle peccatum ex
intentione mali, id est quatenus malum est, &
nullam habet rationem boni, neque veri, ne-
que apparentis. Huic sententiæ fauent omnes,
qui dicunt, voluntatem posse velle malum sub ra-
tione mali; & expresse SCORVS in 1. d. 43. q. 2. §.
si tenetur: vbi dicit, hoc supposito, posse facile di-
stingui peccatum in spiritum sanctum à reliquis
peccatis, quia peccare ex ista intentione, est pec-
care ex malitia, quæ secundum appropriationem
opponitur spiritui sancto, quoniam eodem modo
attribuitur ipsi bonitas. *Fundamentum* huius sen-
tentiæ est, quod peccatum ex malitia videtur si-
gnificare peccatum, quod procedit ex malo, tan-
quam ex motiuo: sed malum non potest habere
rationem motiui, nisi sit volitum sub ratione ma-
li; ergo peccatum ex malitia consistit in volitione
mali sub ratione mali.

SECUNDA sententia est etiam SCOTI loco cita-
to, & GABRIELIS eadem d. q. vnica art. 1. notab.
1. & 1. qui dicunt, peccatum ex malitia esse, quan-
do voluntas ex libertate sua, absque passione in
appetitu sensitiuo, & absque errore siue speculati-
uo, siue practico in intellectu, peccat. *Fundamen-*
tum istorum est, quod in peccato commisso præ-

A dicto modo reperitur plenissime ratio peccati, er-
go peccatum, quod ita committitur, est pecca-
tum ex malitia. *Consequentia* patet, quia peccatum
ex malitia est grauius peccato ex ignorantia, & ex
passione, cæteris paribus: & ideo in ipso debet re-
periri plenissime ratio peccati; & *antecedens* proba-
tur, quia, supposito, quod peccatum non possit
committi tendendo in malum sub ratione mali,
non potest esse in aliquo casu magis voluntarium
in ratione peccati, & mali, quam in isto, cum in eo
voluntas sine aliquo alliciente ad malum, & sine
aliqua occasione extrinseca, sed ex pura liberta-
te sua, determinetur ad volendum malum, & pec-
catum, quamuis non sub ratione mali.

TERTIA sententia est ALMAINI, qui tract. 3. mo-
rali c. 27. dicit peccatum ex malitia posse com-
mitti duobus modis: *Primo*, quando eligitur
peccatum, quatenus est peccatum & malum, ta-
men sub aliqua ratione boni, scilicet vtilis; vel
delectabilis; *Secundo*, quando ex aliqua inclina-
tione aut naturali, aut per consuetudinem acqui-
sita, sine impulsu passionis, & sine ignorantia
agendorum peccat. *Fundamentum* istius, quan-
tum ad priorem modum est, quod in eo malum
est maxime voluntarium, & consequenter in
eo reperitur maxima malitia; quod vero sic
possibile ita committi peccatum, probat, quia
potest aliquis intellectu apprehendere, quod vel-
le aliquod peccatum ea ratione, quæ est malum,
& peccatum, est sibi vtile, aut delectabile v.g. ad
experiendum propriam libertatem, ergo etiam
potest velle ipsum sub eadem ratione, & quantum
posteriori modum, quod illa inclinatio vel habi-
tus appellatur malitia.

DICO PRIMO. *Peccatum ex malitia ap-*
pellatur, quod procedit ex malitia, vel inordi-
natione voluntatis, tanquam ex principio; ita do-
cet D. THOMAS in corpore huius articuli, & in
solutione ad tertium, & *confirmatur* ratione
C ipsius, quia quod homo declinet in peccatum
non prouenit ex naturali inclinatione ipsius:
ergo prouenit ex aliqua inordinatione, aut cor-
ruptione principiorum hominis, id est, quæ
aliquo modo sunt principia humanorum ac-
tuum; sed hæc sunt tria, scilicet intelle-
ctus, appetitus, & voluntas, & peccatum
quod procedit ex defectu primi, dicitur igno-
rantia; & quod procedit ex defectu secundi, di-
citur ex passione, vel infirmitate; ergo super-
est, quod peccatum ex malitia dicatur, illud,
quod procedit ex inordinatione, aut corruptione
voluntatis.

DICO SECUNDO, *quamuis inordinatio volunta-*

nisi præcedat ex parte intellectus iudicium practicum, dictans, esse appetendum: sed existente in intellectu prædicto iudicio circa aliquem actum peccati, non potest simul esse in eo aliud iudicium, dictans, exercendum, aut appetendum esse eundem actum; ergo neque voluntas potest velle eum. *Major* est D. THOM. supra q. 9. art. 1. ad 2. & ARIST. 3. de anima c. 9. & 10. & probatur ratione sumpta ex c. 9. quoniam motus voluntatis, quia semper est prolecurio aut fuga respectu sui obiecti, ideo necesse est, quod terminetur ad obiectum sub ratione fugiendi, vel prosequendi; ergo etiam est necesse, quod per intellectum proponatur ipsi sub ista ratione; at hoc non fit ab intellectu speculativo per actum intellectus speculativi, etiam si sit iudicium, sed solum per iudicium intellectus practici; ergo necessarium est huiusmodi iudicium, ut voluntas moveatur ad volendum aliquid; neque sufficit hoc iudicium in vniuersali, sed requiritur in particulari, quoniam actus voluntatis est circa obiectum, ut fugiendum vel prosequendum in particulari, ut ibidem dicit ARISTOTELIS. *Minor* etiam probatur, quoniam illa duo iudicia sunt opposita, & contraria, & non possunt esse simul in eodem intellectu.

Dicitur, illa duo iudicia non esse contraria, quia licet sint de eodem actu, tamen sunt de eo secundum diversas rationes: quia vnum dictat, non esse volendum actum illum, quatenus est malus secundum rationem; & alterum dictat, esse volendum, quatenus est quoddam bonum delectabile, & conueniens inclinationi appetitus sensitui, quæ duo non sunt contraria, sed simul possunt esse vera sicut in explicatione præcedentis conclusionis diximus de duobus iudicijs speculatiuis terminatis ad istum actum secundum istas rationes.

Sed contra, quia iudicium practicum, de quo loquimur, quoniam est efficax, & quantum est de se sufficiens ad executionem, respicit obiectum secundum suum esse, & cum conditionibus pertinentibus ad ipsum secundum istam rationem, ut dixi supra quæst. 74. art. 8. de delectatione, quæ percipitur ex actu illicito, cogitato sub conditione excludente eius turpitudinem: sed actus, de quo loquimur, in suo esse habet adiunctam malitiam moralem cum bonitate delectationis; ergo etiam iudicium practicum, dictans, esse faciendum, aut appetendum, respicit ipsum cum vtraque conditione, & non cum vna tantum, & præciudendo ab altera; & ex consequenti necesse est, esse contraria duo iudicia practica quorum vnum dictat in particulari, aliquem actum esse faciendum, & alterum dictat, etiam in particulari, non esse faciendum; quia vtrumque terminatur ad ipsum secundum omnes conditiones pertinentes ad suum esse.

Ex quo patet non esse ad rem instantiam de iudicijs speculatiuis; *quoniam* iudicium speculatiuum, quia non est efficax, neque operatiuum, non respicit obiectum secundum esse, quod habet à parte rei, sed secundum esse, quod habet in intellectu; & ideo potest esse præciuium, & terminari ad obiectum secundum vnam conditionem, & non secundum aliam.

Verum aduerte quod, cum dicimus, iudicium practicum particulare terminari ad obiectum quantum ad omnes conditiones pertinentes ad eius esse; non est sensus terminari explicite & formaliter, ita

A ut v.g. expresse dicat, appetendum esse actum peccati, quatenus habet bonitatem delectationis, & quatenus habet malitiam moralem; sed sensus est, terminari aliquo modo, saltem implicite & virtualiter, ita ut, dum dictat, appetendum esse illum actum, censetur amplecti ipsum cum omnibus suis conditionibus, non ignorans inuincibiliter, sicut dici debet de volitione, quæ subsequitur ad hoc iudicium; nam expresse & formaliter terminatur ad obiectum, quatenus est bonum delectabile, & implicite aut virtualiter quatenus est malum morale.

EX HAC CONCLUSIONE sequitur, esse falsum tertium modum, quo supra retuli, explicare aliquos Thomistas, secundam sententiam. Et probatur, quia ex ea constat, non posse voluntatem velle actum peccati, si nullum sit iudicium practicum, dictans in vniuersali & in particulari, non esse appetendum.

Et confirmatur, quia imperium intellectus, prout distinguitur à iudicio practico, non est necessarium secundum doctrinam DIVI THOMÆ, ut voluntas eligat, vel appetat aliquid, sed solum ad usum, vel executionem, ut constat ex ijs, quæ ipse dicit supra quæst. 17. artic. 1. vbi, inquit, imperium, quod exprimitur per verbum imperatiui modi, esse actum rationis, præsupposito actu voluntatis, in cuius virtute ratio mouet ad exercitium actus; ergo falsum est, quod sententia, quæ dicit voluntatem non posse peccare nisi præcedat error aut ignorantia, intelligatur de defectu huius imperij. Patet consequentia, quia volitio præcedit hoc imperium tanquam causa ipsius, & ex consequenti, si sit de obiecto malo, erit peccatum ante ipsum. Et ita existimo, CAJETANVM, per iudicium præcepti hoc loco intellexisse iudicium practicum in particulari, prout distinguitur à speculatiuo, etiam in particulari, & appellasse ipsum isto nomine, quia vbi necessarium est exercitium, præter volitionem, habet adiunctum imperium in doctrina D. THOMÆ, qui dicit, necessarium esse, semper esse actum istum ad usum.

ULTIMA CONCLUSIO, non potest reperiri peccatum commissionis, quod consistat in actu formali voluntatis, nisi præcedat defectus iudicij practici, non solum negamus, sed etiam posuimus: *Et idem de peccato omissionis regulariter loquendo, quamuis non repugnet oppositum.* PRIMA PARS sequitur aperte ex præcedenti conclusione, quia ut voluntas velit actum peccati, necesse est, quod desit in intellectu iudicium particulare, dictans, non esse faciendum, in quo reperitur defectus negatiuus; & quod sit iudicium, dictans, esse faciendum, in quo reperitur defectus positiuus: quia per hoc iudicium iudicatur positue aliter de re, quam iudicandum est.

SECUNDA VERO PARS probatur, quia peccatum omissionis regulariter non reperitur sine aliquo actu, qui sit eius causa, vel occasio, ut dixi supra quæst. 71. articulo quinto, ergo regulariter non reperitur sine iudicio dictante exercitium huius actus & sine defectu iudicij, dictantis, faciendum esse actum præceptum, & consequenter non esse faciendum alterum, qui est causa vel occasio ut non fiat.

Quod vero non repugnet oppositum, probatur, quia posito in intellectu iudicio practico vniuersali, & particulari, quod dicitur, exercendum esse hunc actum, de quo est diuinum præceptum, adhuc manet voluntas libera quoad exercitium respectu illius actus; ergo potest non elicere eum, & ex consequenti potest peccare, quamuis nullus præcesserit defectus iudicii practici. Probatur antecedens, quia intellectus non mouet voluntatem quoad exercitium, sed solum quoad specificationem, & voluntas est primum mouens quoad exercitium, ut D. THOM. docet supra quæst. 9. art. 1. ergo intellectus non necessitat, vel determinat voluntatem ad exercitium actus, sed relinquit ipsam liberam. Patet consequentia, quia cum necessitas, vel determinatio exercitij, sit quidam modus ipsius exercitij, impossibile est, aliquid esse causam huius necessitatis, si nullo modo est causa exercitij.

Et confirmatur hoc, quia per iudicium practicum intellectus non proponitur voluntati exercitium huius actus ut summum bonum nullam habens rationem mali respectu hominis, neque ut habens necessariam connexionem cum aliquo obiecto, respectu cuius sit ipsa voluntas ab intrinseco determinata quoad specificationem: ergo etiam stante illo iudicio practico manet voluntas libera, & indifferens ad exercitium illius actus.

Neque potest responderi ad totum istud argumentum, non posse voluntatem non exercere actum illum, nisi actu positiuo volendo hoc, aut aliquid aliud, quod sit causa, vel occasio non exercendi, & ad istum actum requiri iudicium practicum, quod dicitur, esse faciendum, & ex consequenti repugnet priori iudicio.

Nam contra hoc obijci possunt illa argumenta, quibus loco citato probaui, posse reperiri omissionem voluntariam sine tali actu positiuo, quo voluntas velit aut omissionem actus, aut aliquid impossibile cum actu. Et quamuis, ut voluntas omitat actum habendo se positiue circa omissionem, hoc est, formaliter volendo omittere, requiratur iudicium: tamen, ut omitat habendo se negatiue, hoc est, non operando, non est necesse, quod præcedat iudicium dictans, omitrendum esse talem actum.

VERVM ADVERTE, quod consulto in priori parte huius conclusionis apposui illa verba, quod consistat in actu formali voluntatis, quia non repugnat reperiri peccatum, quod habeat malitiam commissionis, sine actu formali voluntatis, ut dixi supra quæst. 74. articulo 4. in fine, de negligentia voluntatis in reprimendo motum concupiscentiæ; & de isto peccato est iudicandum, sicut de omissione, quantum ad hoc, quod est, posse reperiri sine defectu iudicii practici.

NEQUE OBSTAT, quod contra hanc secundam partem ARISTOTELIS 7. Ethic. cap. 3. dicat, quod quando ex vniuersali & particulari sit una ratiocinatio, necesse est animum in speculabilibus continuo cunctari, id est, fateri id, quod conclusum est; & in agibilibus statim agere. NAM RESPONDEO, intelligendum esse in casu, quo simul cum assensu intellectus circa maiorem vniuersalem (scilicet omnem actum præceptum à Deo esse faciendum) syllogismi practici, est in

A voluntate volitio efficax adimplendi id, quod per talem assensum iudicatur; quia durante hac volitione, & assumpta minore (scilicet, hunc actum esse à Deo præceptum) necessitatur ex suppositione voluntas ad executionem talis actus; sicut ex volitione efficaci finis sequitur necessario volitio medij, quod perfecte cognoscitur esse necessarium ad eius consecutionem. Ceterum non est necesse, quod cum assensu propositionis vniuersalis sit semper coniuncta illa volitio efficax.

Neque etiam obstat quod ARISTOTELIS 3. Ethic. cap. 1. dicat, omnem improbum ignorare, quænam sint agenda, & à quibus abstinendum; nam hoc non est contrarium nostræ sententiæ, quia licet sit vniuersaliter dictum, tamen est regula moralis, & ideo ad eius veritatem satis est, quod regulariter, & communiter ita contingat, quamuis non repugnet oppositum; sicut dicitur de illa propositione, omnis mater diligit filium suum; præsertim cum nos non de omni peccato, sed solum de peccato omissionis dicamus; non repugnare, reperiri sine defectu intellectus, & neque hoc posse regulariter contingere.

Et eodem modo responderi potest ad testimonia scripturæ, quibus videtur idem dici, ut Proverbia 14. Errans, qui operatur malum; & Sapientia 5. dicunt impij, ergo erramus à via veritatis, & iustitia lumen non luxi nobis, & sol intelligentia non est ortus nobis. Item qui sequuntur primam sententiam, respondent ad hæc testimonia, intelligenda esse de errore electionis, & non de errore intellectus: nam merito potest dici stultus, qui, data sibi eligendi facultate, eligit minus bonum, relicto præstantiori. Illud vero Ecclesiæ memorare nouissima tua, & in æternum non peccabis; non significat, quod memoria nouissimorum necessitabit voluntatem ad non peccandum: sed quod iuuabit vehementer. Et addi potest, verbum errandi in istis testimonijs significare errare via, potius quam intellectus, ut Psalmus 176. erraui, sicut omnis, quia peristi. Et illa 5. omnes nos, quasi omnes, erramus.

Neque ex hac sententia sequitur, quod possit esse perfecta prudentia cum peccato mortali omissionis, & consequenter sine virtutibus moralibus, saltem in esse virtutum; quoniam prudentia in sua perfectione pender ex recta intentione finis, & hanc non habet, qui quomodo-cunque peccat mortaliter.

§ 5. Dna difficultates examinantur.

SED RESTANT duæ difficultates. PRIMA, San iudicium practicum, quod sequitur is, qui peccat, scilicet illud, quod dicitur in particulari, appetendum esse hunc actum peccati, sit falsum? Ut ita ratione eius sit verum id, quod DIVVS THOMAS docet, scilicet, ante omne peccatum voluntatis præcedere in intellectu errorem, aut ignorantiam.

RESPONDETUR affirmatiue, dum tamen intelligatur de illo iudicio, quatenus practicum est, & non quatenus includit, aut supponit iudicium speculativum. Itaque istud iudicium practicum, appetendum est hic actus peccati, v.g. hæc fornicatio,

est falsum.

est falsum; tamen iudicium speculativum, quo intellectus simul iudicat, illum actum esse bonum, quoddam delectabile, non est falsum, sed verum. Dicitur autem falsum illud iudicium practicum duobus modis: *Primo* per ordinem ad appetitum rectum, hoc est, quia est dissonum inclinationi appetitus recti, & bene dispositi in ordine ad finem, quia ratione etiam actus imperij, qui explicatur per verba imperativi modi, potest dici falsus, ut explicat hoc loco. CAIET. *Secundo* in enunciando, hoc est, quia per ipsum aliter enunciat de re, quam ipsa res se habeat, nam (ut recte aduertit CAIET. supra q. 38. art. 5.) per hoc iudicium enunciat, & asseritur, actum peccati esse appetendum simpliciter, hoc est, sine additione; & tamen ipse actus secundum se solum est appetendus secundum quid, quia solum est conueniens secundum quid, & in hoc differt ab actu imperij, per quem, quoniam explicatur per verba imperativi modi, nihil enunciat, sed solum intimatur voluntas superioris, & ex consequenti non habet veritatem aut falsitatem in enunciando.

Sed obiciunt aliqui, non posse iudicium illud esse falsum in enunciando, nisi sit contra fidem, & ex consequenti, nunquam committi peccatum aliquod particulare, quin simul committatur aliud infidelitatis, ratione illius iudicii: quod est aperte falsum, & contra DIVVM THOMAM 2. 2. quæst. 20. artic. 2. probant vero illud assumptum, quia hoc iudicium, *faciendus est iste actus*, potest habere tres sensus; scilicet, *conueniens est, aut debitum secundum rectam rationem quod fiat*; aut, *dignus est ut fiat*; aut *faciendus est, quicquid inde eveniat*; sed ex his sensibus constat, duos priores esse contra fidem, quoniam de fide est, esse debitum secundum rationem, quod actus fornicationis non fiat; & etiam talem actum esse indignum, ut fiat; & præterea constat, *tertium* esse verum, quia solum importat futuritionem illius actus, hoc est, futurum esse illum actum, & ut hoc sit verum, satis est, quod homo postea recipiat fornicetur, ergo aut iudicium illud non est falsum in enunciando, aut est contra fidem.

Respondetur, negando non posse iudicium illud esse falsum, nisi sit contra fidem. Et ad probationem, dicendum est, quod (ut colligitur ex D. THOMA 2. 2. quæst. 20. artic. 2. quem sequitur ADRIANVS quodlib. 4.) iudicium illud potest habere alium sensum, præter tres relatos, scilicet, *faciendum esse illum actum propter aliquam particularem dispositionem*, quam hic & nunc habet homo: aut, *faciendum esse quantum est ex vi syllogismi practici*, quo deducitur prædictum iudicium, tanquam conclusio, non curando, an, quod intellectus utatur tali syllogismo, potius quæ opposito, proveniat ex ignorantia, vel ex passione, vel ex malitia voluntatis; & hic sensus non est contra fidem; quia fides solum dicit, actum illum esse illicitum, & malum culpæ, & esse contra rectam rationem, quod fiat, & his omnibus potest assentiri, qui in sensu explicato habet illud iudicium; ut, si, quis, qui vult eripere alterum à damnatione ad mortem, vel ad aliam penam, consulat, utendum esse mendacio, non dicit aliquid contra fidem, quia sensus huius consilij non est, licere, aut non esse peccatum, menu-

ari; sed, mentiendum esse ad consequendum finem intentum.

Sed obicitur, non esse falsum illud iudicium in sensu explicato, quia verum est, esse faciendum illum actum in ordine ad illam dispositionem, quia vere illa dispositio exigit, quod fiat; sicut in exemplo proposito est verum, esse utendum mendacio in ordine ad illum finem, quia vere est medium utile in ordine ad ipsum.

Respondetur, quod quamvis dispositio illa sit motiva, aut impulsiva intellectus ad illud iudicium; tamen iudicium non dicit, faciendum esse actum in ordine ad ipsam præcise, sed dicit, faciendum esse simpliciter, hoc est, sine addito; quoniam est efficax, & respicit terminum secundum suum esse simpliciter, & non cum præcisione, ut supra explicui, & in hoc consistit eius falsitas in enunciando.

Et si quæras, an istud iudiciū: quatenus ut his duobus modis falsum præcedit electionē voluntatis, sit peccatum, siue secundum se malitia propria contra prudentiam, siue ut causæ malæ electionis, malitia ipsius electionis? *Respondetur negativè*, quoniam, ut antecedit, non est voluntariū, neque directe, neque indirecte, & ideo solum habet rationem defectus naturalis, & non moralis, ut explicui de defectibus cognitionis practice, quæstione præcedenti, art. 1. dub. 2. circa primam conclusionem; & ita respondet DURAND. loco citato, & colligitur ex DIVO THOMA supra quæst. 75. articulo primo ad tertium, & prima parte, quæst. 49. articulo primo ad tertium, ubi videndus est CAIETANVS.

SECUNDA DIFFICULTAS est, unde proveniat, quod intellectus habeat istud iudicium practicum falsum, de quo nunc loquimur, præsertim quando habet verum iudicium speculativum, tam in communi, quam in particulari, circa malitiam & prohibitionem actus peccati? *Respondetur*, quod cum determinatio ista intellectus ad sic iudicandum, pertineat ad specificationem, necessatio sumenda est ex parte sui obiecti; & ideo sufficiens causa ipsius est, quod actum peccati esse conuenientem, & prosequendum habeat aliquo modo rationem veri; quamvis simpliciter non sit verum: quia cum verum sit perfectio intellectus, satis est, quod aliquod obiectum participet aliquo modo rationem veri, ut etiam habeat vim attractivam intellectus ad se. Quod autem obiectum illud sit aliquo modo verum, patet, quia (ut supra explicui, verum est, quod actus peccati sit conueniens, & appetendus in ordine ad talem dispositionem hominis, quamvis hoc solum sit verum secundum quid, & non simpliciter; hoc est, sine addito; & propterea intellectus iudicando errat, ut dixi. Illa vero dispositio, in ordine ad quam actus peccati est conueniens, est vel passio appetitus, vel malitia voluntatis, de qua in quo consistat, dicam quæstione sequenti.

§ 6. Argumenta contraria dissolvuntur.

AD PRIMUM Respondetur, testimonia AUGUSTINI, quibus dicitur, aliquos peccare scienter, intelligi de scientia speculativa, & non de iudicio

dictio

dicio practico in particulari, & testimonia, quibus dicitur, voluntatem esse primam & sufficientem causam peccati, non excludere defectum iudicii practici, sicut non excludunt, esse necessarium actum intellectus, ut voluntas quomodocunque operetur: sed solum excludere aliquod principium extrinsecum, quod sit per se causa mali culpæ. Ad ultimum vero testimonium, quod est difficile, dico *primo*. AUGUSTINUM non constituere æqualitatem inter illos duos homines, quantum ad actus, qui requiruntur per se, ut voluntas operetur, & à quibus incipit radicaliter libertas, & indifferentia voluntatis in actu secundo; quoniam isti computantur cum actibus voluntatis: sed solum quantum ad alia, quæ, licet inclinent, saltem per quantum occasionum, voluntatem ad volendum actum peccati, non tamen requiruntur per se ad operationem voluntatis, & ideo non computantur cum ipsa, cuiusmodi sunt dispositiones, siue habitus, tam voluntatis, quam appetitus sensitivus, & complexio corporea, & tentatio demonis, & alia, quæ tam in ipso homine, quam extrinsece, movent aliquo modo ad peccatum. *Secundo* respondetur, quod quamvis AUGUSTINUS constituat æqualitatem inter illos duos homines, etiam quantum ad iudicium practicum: nihil dicit contra nostram sententiam; nam ex eo, quod etiam stante illo iudicio, unus peccet, & alter non peccet, non sequitur, quod is, qui non peccat, habeat actum positivum, repugnantem iudicio intellectus: sed solum, quod non habeat volitionem peccandi, quod nos in ultima conclusione diximus posse contingere.

Ad primam confirmationem Respondetur, articulum illum debere intelligi, sicut priora testimonia Augustini, de scientia speculativa, & non de iudicio practico.

Ad secundam confirmationem Respondetur, quod ARISTOTELES in primo testimonio loquitur de scientia morali, prout à philosopho traditur modo scientifico: non tamen de iudicio practico; & in secundo loquitur de iudicio dictante in universali, aliquid esse faciendum, aut fugiendum, cuiusmodi est iudicium, quod habet incontinentes, circa maiorem syllogismi practici: non tamen de iudicio practico in particulari; & in tertio per intellectum & rationem, non intelligit iudicium practicum actu existens in intellectu, sed id, quod postulat recta ratio, quamvis hoc dicatur actu per iudicium practicum; & ita, quamvis illis verbis insinuet discrimen aliquod inter continentem, & incontinentem: tamen non constituit huiusmodi discrimen in hoc, quod ambo habeant in intellectu iudicium practicum, dictans in particulari id, quod rectum est, & primus obediat ei, & secundus resistat; sed in hoc, quod continens facit id, quod postulat recta ratio, relicta motione appetitus, quamvis id faciat præsupposito in intellectu prædicto discrimine; incontinentes vero non facit id, quod est rationi consonum, sed id, ad quod movet appetitus, quamvis etiam id faciat præsupposito in intellectu alio iudicio practico. Et eodem modo exponendi sunt alij doctores graves, cum dicunt, malos operari contra id, quod recta ratio dicat.

A *Ad secundum* Respondetur, negando antecedens; ex suppositione quod sit tale iudicium in intellectu; & ad probationem ut respondeamus, *supponendum* est, quod iudicium practicum dictans non esse faciendum illum actum fornicationis, non dictat solam omissionem, aut negationem huius actus, sed positivam volitionem eius, siue volitionem non exercendi eum: quoniam cum iudicium practicum sit operativum, & efficax, non movet voluntatem ad negationem actus, sed ad volitionem talis negationis, aut ad positivam volitionem actus; & hoc supposito, concedenda est maior illius probationis, & distinguenda minor; *si enim sit* eius sensus, quod in illo casu voluntas est indifferens ad volendum actum positivum non fornicari & fornicari, falsa est; quia stante illo iudicio in intellectu, non potest voluntas velle fornicari, quia non potest esse in intellectu iudicium dictans volendum esse hoc, cum sit impossibile cum altero iudicio, quod est in ipso de facto; *si tamen sensus sit*, quod voluntas manet indifferens ad volendum positivum non fornicari, & ad volendum negativum, id est, ad eliciendum volitionem circa illud obiectum, vera est. Ceterum in isto sensu non est ad propositum, & ita neganda est consequentia; quia ex eo, quod voluntas possit non elicere actum, quo velit non fornicari, non sequitur, quod etiam possit elicere actum, quo velit fornicari; quia ad illud non requiritur aliud iudicium practicum in intellectu, sicut ad istud. Et *ad primam* probationem minoris in primo sensu, respondetur, quod, ut in illo casu dicatur esse in potestate voluntatis illa volitio non fornicandi, satis est, quod voluntas sit indifferens ad eliciendum, & ad non eliciendum eam; & non oportet, quod etiam sit indifferens ad eliciendum volitionem positivam obiecti oppositi. *Ad secundam* probationem respondetur, quod in isto casu utraque libertas convenit voluntati, scilicet contradictionis, siue quoad exercitium, & contrarietatis siue quoad specificationem, ceterum non eodem modo; nam *prior*, non solum convenit ei simpliciter, hoc est exclusa necessitate simpliciter, sed etiam exclusa necessitate ex suppositione, quia etiam stante illo iudicio potest voluntas non elicere actum, ad quem movet: at vero posterior solum convenit ei simpliciter, hoc est sine necessitate simpliciter, non tamen sine necessitate ex suppositione; quia licet simpliciter sit liberum voluntati, divertere intellectum ab hoc iudicio, & movere ad aliud, & ex consequenti habere actum repugnantem ipsi: tamen ex suppositione quod sit in intellectu hoc iudicium, necessitatur ipsa ad non habendum actum repugnantem, quod est necessitari tantum secundum quid, & stat cum libertate simpliciter; & sufficit voluntatem esse his duobus modis liberam in isto casu, ut etiam sit subiectum libertatis, & culpæ, atque peccati.

Et si obijcias, non posse voluntatem divertere intellectum ab illo iudicio, & movere ad aliud, nisi volendo facere hoc; & ad volendum hoc, requiri aliud iudicium, quod non erit in potestate voluntatis, aut dabitur processus in infinitum; Respondetur, quod, ut voluntas sic

moueat intellectum, non requiritur, quod velit mouere, ut falso supponunt OKAM, & GABR. impugnantes hanc sententiam; sed satis est, quod non consentiat suo iudicio, quod potest facere negatiue se habendo, & suspendendo omnem actum circa obiectum iudicij, & ex consequenti sine alio iudicio; nam quoniam iudicium practicum particulare ordinatur proxime ad actum voluntatis, & propterea censetur constituere cum ipso vnâ integram conclusionem syllogismi practici: ideo propter hanc subordinationem, satis est, quod voluntas non consentiat, ut intellectus non maneat firmus in suo iudicio, sed statim desistat ab eo; & rursus, quia intellectus in isto casu iam est applicatus ad inquirendum id, quod voluntas est factura: non desistit ab huiusmodi inquisitione, donec habeat aliquod iudicium, quod voluntas amplectatur. Ex quo patet, difficile posse solui hoc argumentum ab ijs, qui admittunt, necessitari voluntatem in isto casu, etiam quoad exercitium; quia hoc posito, nullus reinquitur modus, quo sit voluntati liberum, mouere intellectum a suo iudicio.

AD TERTIUM Respondetur, negando antecedens, & ad totam probationem, respondetur, non posse intellectum proponere voluntati illum actum sub ratione boni sufficientis ad mouendum ipsam, nisi medio iudicio dictante esse prosequendum, aut appetendum: & hoc iudicium esse falsum, ut constat ex solutione primæ difficultatis.

AD VLTIMUM Respondetur, quod, ut aliquis dicatur peccare ex malitia, sufficit, quod peccet sine passione, & cum scientia speculatiua, quamuis habeat errorem practicum.

Ad confirmationem Respondetur, sufficere scientiam speculatiuam vniuersalem, & particularem, ad excitandum remorsum conscientie.

ARTICVLVS III.

Virum peccatum, quod est ex passione, debeat dici ex infirmitate?

CONCLUSIO est affirmatiua.

ARTICVLVS IV.

Virum amor sui sit principium omnis peccati?

CONCLUSIO. Inordinatus amor sui in vnoquoque homine est principium omnis peccati.

COMMENTARIVS.

Hæc conclusio est communis omnium Theologorum, & AUGUST. 14. de ciuitate cap. 13. Sed contra eam argumentor, quoniam peccatum, quo quis infert sibi malum, verbi gratia mortem, non procedit

A ex amore sui, sed potius ex odio.

Secundo, quia sequitur, quod in quocunque peccato sint duo peccata, vnum inordinati amoris sui, & alterum, quod supponit istud, tanquam principium, ex quo procedat.

AD PRIMUM Respondetur, quod, qui infert sibi mortem, non id facit ex odio, aut displicentia sui, sed potius ex amore; quoniam non appetit mortem, ut malum, sed potius ut bonum quoddam, scilicet ut medium conueniens ad effugiendum mala, quæ sibi sunt molestæ.

Ad secundum respondetur negando sequelam: & ad probationem, relicta solutione eorum, qui dicunt, inordinationem proprii amoris esse conditionem generalem omnium peccatorum, & ideo non dare speciem, nisi sit expresse voluta; Respondetur, quod amorem sui inordinatum esse principium omnium peccatorum, potest dupliciter intelligi, Primo ex parte actus, ut si præcedat vnus actus, qui sit amor inordinatus sui, & ex isto oriatur alius, qui sit appetitus inordinatus alicuius boni commutabilis; Secundo ex parte obiecti, ut si vno actu appetat aliquis sibi inordinate aliquod bonum commutabile, nam tunc amor sui dicitur principium appetitus boni commutabilis ex parte obiecti, quoniam terminari actum istum appetendi ad ipsum appetentem, tanquam ad finem cui, est ratio a priori, ut terminetur ad bonum commutabile; & quamuis SCOTVS videatur intellexisse doctrinam istam in priori sensu in 1. dist. 6. q. 2. vbi propterea dicit, ante omnem amorem inordinatum concupiscentiæ, præcedere inordinatum amorem amicitie respectu eius, cui concupiscitur bonum, & ideo primum peccatum angeli non fuisse inordinatum appetitum propriæ excellentiæ, sed inordinatum amorem sui: tamen aperte deceptus est, ut probaui r. p. quæst. 63. art. 2. & ita dicendum est, intelligi posteriori modo, ut etiam docet D. THOMAS in hoc articulo, cum probat, quod appetere inordinate aliquod bonum, procedat ex inordinato amore sui, quia amare aliquem, est velle ei bonum; & articulo sequenti, vbi dicit, inordinatum amorem sui, esse causam omnis peccati, in quantum includit inordinatum amorem boni. Et 2.2. quæst. 19. art. 7. & q. 25. art. 7. Et consequenter etiam dicendum est; supponi falsum in illa probatione, scilicet, quod ad omne peccatum præsupponatur alius actus, qui sit inordinatus amor sui.

Sed obijciat, quia saltem sequitur, quod in omni peccato, saltem sint duæ malitiæ specie distinctæ, quia in quocunque duæ sunt inordinationes specie distinctæ, vna specialis, sumpta ex proprio obiecto, & altera communis omnibus peccatis, quatenus quodlibet peccatum est inordinatus amor sui.

Respondetur negando sequelam, & ad probationem etiam est negandum; quod peccatum, prout terminatur ad illa duo obiecta, habeat duas inordinationes; quoniam amor sui non est inordinatus, nisi quatenus est causa, vel ratio a priori ex parte obiecti appetendi inordinate alia obiecta, & ideo solum habet inordinationem, quæ reperitur in appetitu aliorum, & consequenter magis aut minus grauem, imo & mortalem, aut venialem, iuxta grauitatem illius ap-

petitus

peccatus. Ex quo etiam constat, non esse de necessitate confessionis dicere, peccatum habuisse ortum ex amore proprio, quando amor sui solum est malus prædicto modo.

ARTICVLVS V.

Verum conuenienter ponantur causa peccatorum, concupiscentia carnis, concupiscentia oculorum & superbia vite?

CONCLUSIO est affirmatiua.

ARTICVLVS VI.

Verum peccatum alleviatur propter passionem?

PRIMA CONCLUSIO. Passio, ut antecedit actum liberi arbitrij, in quo est peccatum, minuit peccatum.

SECUNDA CONCLUSIO. Passio consequens actum liberi arbitrij non dimittit peccatum, sed magis auget vel potius est signum magnitudinis eius: in quantum scilicet demonstrat intensiorem voluntatis ad actum peccati. De materia huius articuli egi supra q. 6. art. 7.

ARTICVLVS VII.

Verum passio totaliter excuset à peccato?

PRIMA CONCLUSIO. Quando passio, qua totaliter auferit usum rationis, est à principio voluntaria non excusat totaliter à peccato, sed actus cum ipsa factus imputatur ad culpam, quia est voluntarius in sua causa.

SECUNDA CONCLUSIO. Quando causa passionis, qua totaliter auferit usum rationis, non est voluntaria, sed naturalis, tunc actus redditur omnino inuoluntarius, & per consequens excusatur totaliter à peccato.

TERTIA CONCLUSIO. Passio, qua non auferit totaliter usum rationis, non excusat totaliter à peccato.

COMMENTARIVS.

DE MATERIA harum conclusionum egi supra questione 71. artic. 5. & questione 74. articulo 4. & sequentibus. Solum superest explicandum circa secundum & simul circa solutionem tertij,

DVBIUM.

An omissiones & commissiones contrariae præceptis qua fiunt tempore infirmitatis, in quam aliquis voluntarie incidit, imputentur ei ad culpam?

ET LOQUIMUR de præceptis affirmatiuis & negatiuis pertinentibus ad ius positium: nam transgressio negatiuorum, quæ pertinent ad ius naturale, non potest excusari à peccato propter infirmitatem, quæ non priuat vi rationis, verbi gratia si quis iudicans probabiliter, aut cum possit, & debeat iudicare, quod si comedat talem cibum, incidit in infirmitatem, comedit ipsum, & postea in illa infirmitate constitutus non audit sacrum diebus festiuis, aut non ieiunat in quadragesima, vel etiam comedit carnes. An hæc omnia imputentur ei ad culpam?

AD HOC D. THOMAS in solutione tertij videtur respondere affirmatiue, quoniam inquit, iudicandum est de istis omnibus in casu posito, sicut si fierent tempore ebrietatis, in qua essent eodem modo voluntaria: quod tamen CAJETANVS, & cum eo alij dicunt, intelligendum esse, quando ista fiunt durante affectu illius infirmitatis, nam post penitentiam de illo affectu, non imputabuntur ad culpam.

SED DICO PRIMO, illa omissiones & commissiones, supposito quod infirmitas eas postulet, non imputabuntur tempore quo fiunt, infirmo ad culpam; siue ipse penituerit de affectu ad infirmitatem, siue non. Probatur quia quomodoque se habet infirmus circa affectum illum, excusatur ab obligatione implendi præcepta, quibus opponuntur illæ omissiones, aut commissiones; ergo tunc non peccat ratione earum, & ex consequenti tunc non imputantur ipsi ad culpam. Patet consequentia, quia nullus peccat, nisi violando legem, & non violat legem qui aut simpliciter non obligatur lege, aut saltem excusatur ab eius obligatione.

DICO SECUNDO, si quis videns, & sciens, quod ex infirmitate aliqua sequentur prædictæ omissiones, & commissiones, ponat voluntarie causam talis infirmitatis, tunc, id est, cum ponit causam, imputantur ipsi ad culpam illa omissiones, & commissiones; siue intendat expresse, quod sequantur, siue non; Probatur primo testimonio D. THOMÆ in solutione ad tertium, ubi inquit, quod, si infirmitas sit voluntaria in suo principio, est eadem ratio de ipsa, & de passionibus, & ebrietate voluntaria, quantum ad hoc, quod est imputari ad culpam ea, quæ ex ipsa sequuntur contra legem. Quod tamen non est intelligendum quantum ad tempus, quo hæc imputantur, nam in hoc diuersa est ratio de passionibus, quæ neque tollit omnino usum rationis, neque excusat ab obligatione legis; & de ebrietate,

QVÆSTIO LXXVIII.

DE CAUSA PECCATI, QVÆ EST MALITIA.

ARTICVLVS I.

*Utrum aliquis peccet ex certa
malitia?*

CONCLUSIO: contingit aliquem peccare ex certa
malitia, hoc est ex industria, & quasi scienter eligendo
malum.

COMMENTARIVS.

IN HAC quæstione vult D. THOMAS explica-
re tertiam causam internam peccati, scilicet
malitiã, aut perversitatem voluntatis; & in hoc
articulo explicat quando peccatum procedat
ex ista causa.

CIRCA quod est,

DVBIVM.

Quid sit peccare ex malitia?

IN QVA RE est prima sententia eorum, qui di-
cunt, peccare ex malitia esse, velle peccatum ex
intentione mali, id est quatenus malum est, &
nullam habet rationem boni, neque veri, ne-
que apparentis. Huic sententiæ fauent omnes,
qui dicunt, voluntatem posse velle malum sub ra-
tione mali; & expresse SCOTVS in 1. d. 43. q. 2. §.
si tenetur: vbi dicit, hoc supposito, posse facile di-
stingui peccatum in spiritum sanctum à reliquis
peccatis, quia peccare ex ista intentione, est pec-
care ex malitia, quæ secundum appropriationem
opponitur spiritui sancto, quoniam eodem modo
attribuitur ipsi bonitas. *Fundamentum* huius sen-
tentiæ est, quod peccatum ex malitia videtur si-
gnificare peccatum, quod procedit ex malo, tan-
quam ex motiuo: sed malum non potest habere
rationem motiui, nisi sit volitum sub ratione ma-
li; ergo peccatum ex malitia consistit in volitione
mali sub ratione mali.

SECUNDA sententia est etiam SCOTI loco cita-
to, & GABRIELIS eadem d. q. vnica art. 1. notab.
1. & 2. qui dicunt, peccatum ex malitia esse, quan-
do voluntas ex libertate sua, absque passione in
appetitu sensitivo, & absque errore siue speculati-
uo, siue practico in intellectu, peccat. *Fundamen-*
tum istorum est, quod in peccato commisso præ-

A dicto modo reperitur plenissime ratio peccati, er-
go peccatum, quod ita committitur, est pecca-
tum ex malitia. *Consequentia* patet, quia peccatum
ex malitia est grauius peccato ex ignorantia, & ex
passione, cæteris paribus: & ideo in ipso debet re-
periri plenissime ratio peccati; & *antecedens* proba-
tur, quia, supposito, quod peccatum non possit
committi tendendo in malum sub ratione mali,
non potest esse in aliquo casu magis voluntarium
in ratione peccati, & mali, quam in isto, cum in eo
voluntas sine aliquo alliciente ad malum, & sine
aliqua occasione extrinseca, sed ex pura liberta-
te sua, determinetur ad volendum malum, & pec-
catum, quamuis non sub ratione mali.

TERTIA sententia est ALMAINI, qui tract. 3. mo-
rali. c. 27. dicit peccatum ex malitia posse com-
mitti duobus modis: *Primo*, quando eligitur
peccatum, quatenus est peccatum & malum, ta-
men sub aliqua ratione boni, scilicet vtilis; vel
delectabilis; *Secundo*, quando ex aliqua inclina-
tione aut naturali, aut per consuetudinem acqui-
sita, sine impulsu passionis, & sine ignorantia
agendorum peccat. *Fundamentum* istius, quan-
tum ad priorem modum est, quod in eo malum
est maxime voluntarium, & consequenter in
eo reperitur maxima malitia; quod vero sit
possibile ita committi peccatum, probat, quia
potest aliquis intellectu apprehendere, quod vel
aliquid peccatum ea ratione, qua est malum,
& peccatum, est sibi vtile, aut delectabile v. g. ad
experiendum propriam libertatem, ergo etiam
potest velle ipsum sub eadem ratione; & quantum
posteriorem modum, quod illa inclinatio vel habi-
tus appellatur malitia.

DICO PRIMO. Peccatum ex malitia ap-
pellatur, quod procedit ex malitia, vel inordi-
natione voluntatis, tanquam ex principio; ita do-
cet D. THOMAS in corpore huius articuli, & in
solutione ad tertium, & confirmatur ratione
C ipsius, quia quod homo declinet in peccatum
non provenit ex naturali inclinatione ipsius;
ergo provenit ex aliqua inordinatione, aut cor-
ruptione principiorum hominis, id est, quæ
aliquo modo sunt principia humanorum ac-
tuum; sed hæc sunt tria, scilicet intelle-
ctus, appetitus, & voluntas, & peccatum,
quod procedit ex defectu primi, dicitur igno-
rantia; & quod procedit ex defectu secundi, di-
citur ex passione, vel infirmitate; ergo super-
est, quod peccatum ex malitia dicatur, illud,
quod procedit ex inordinatione, aut corruptione
voluntatis.

DICO SECUNDO, quamuis inordinatio volunta-

contemptu eorum, quibus electio peccati posset impediri.

Secundo sequitur solutio fundamentorum primæ & secundæ sententiæ; & ad fundamentum tertiæ. Respondetur, non esse contra nos, quia nos etiam concedimus, posse illis duobus modis committi peccatum ex malitia; & D. THOMAS in solutione secundi admittit expresse primum & articulo sequenti secundum: quare sententia illa solum in eo deficit, quod tantum illis duobus modis dicitur peccari ex malitia, cum tamen possit peccare non volendo expresse peccatum; ut peccatum, etiam ut obiectum materiale, & in ordine ad aliquod bonum; sed solum virtualiter, quia ex electione, hoc est, sine ignorantia, & passione, appetitur bonum aliquod utile & delectabile, quia ita est coniunctum cum peccato, ut non possit appeti sine volitione, saltem virtuali, ipsius peccati; ita etiam potest peccare isto modo sine habitu & sine inclinatione, aut naturali, aut acquisita ad peccatum ut dicam art. 3.

ARTICVLVS II.

Verum quicumque peccat ex habitu peccet ex malitia?

CONCLUSIO. *Quandocumque is, qui habet habitum vitiosum, peccat utendo ipso habitu, peccat ex malitia.*

COMMENTARIVS.

SED CONTRA argumentum PRIMO, habitus, etiam si sit in voluntate, minuit libertatem, quia determinat voluntatem ad suum obiectum, quoniam est pondus & inclinatio ad ipsum; ergo peccatum, quod procedit ex habitu, non est ex electione, & ex pura libertate, & ex consequenti neque ex malitia. Patet *consequentia* ex ratione, qua hoc idem probatur de peccato ex passione.

SECUNDO sæpe habitus vitiosus acquiritur actibus, qui sunt passionibus; ergo peccatum, quod procedit ex habitu, ita acquisito, non erit ex malitia, sed potius ex passione. Patet *consequentia* quoniam habitus inclinat in virtute actum, quibus acquisitus est.

Confirmatur primo, quoniam aliquis habitus vitiosus potest esse solum in appetitu sensitivo, ut de habitu intemperantiæ dicunt communiter Thomistæ; ergo saltem peccatum, quod procedit ex isto habitu, non erit ex malitia, sed ex passione. Probat *consequentia*, *tum quoniam*, peccatum in isto casu procedit ex defectu, & inordinatione appetitus sensitivi, & D. THOMAS articulo præcedenti dixit, peccatum, quod ex tali inordinatione procedit, esse peccatum ex passione; *tum etiam quia*, cum iste habitus non sit in voluntate, non potest peccatum, quod procedit ex eo, provenire ex inordinatione voluntatis.

Confirmatur secundo, quia contingere potest, quod peccatum procedens ex habitu, etiam procedat ex passione, ut si, postquam aliquis habet ac-

Aquisitum habitum impudicitie, excitetur in ipso vehemens passio delectationis, & ita peccet concurrentibus simul ad peccatum habitu, & passione; ergo saltem in isto casu peccatum procedens ex habitu non erit ex malitia.

AD PRIMUM, respondetur, negando antecedens, & ad probationem dicendum est, quod habitus non determinat voluntatem minuendo eius indifferentiam, sed solum complendo ipsius actiuitatem, saltem quantum ad facilitatem; *Neque obstat*, quod inclinet, & moueat aliquo modo voluntatem, & antecedenter ad electionem, ut statim explicabo; *nam hac* motio non minuit libertatem voluntatis, neque impedit, ne voluntas ex pura libertate moueatur.

Pro quo ADVERTENDUM est, quod quamuis passio & habitus moueant voluntatem dispositiue, & per modum occasionis; quia in quantum voluntas est primo & principaliter appetitus totius, sufficit, quod aliquid fiat cōueniēs toti, siue rationi habitus, siue rationi passionis, aut alicuius cōplexionis corporalis, ut statim sit secundum hanc rationem magis diligibile à voluntate, & ut possit apprehendi ab intellectu ut tale, & ita proponi voluntati: tam inter passionem & habitum est triplex discrimin quantum ad hanc motionem; **PRIMUM**, quod (ut D. THOMAS inquit art. 4. huius questionis in corpore ad secundum) impulsio, quæ est ex passione, est quasi ex exteriori defectu respectu voluntatis; tamen per habitum inclinatur voluntas quasi ab interiori: cuius discriminis ratio est, quod passio non est voluntaria, in isto sensu, quod exciteretur dependenter à voluntate; at vero habitus est hoc modo voluntarius, quia (ut inquit D. THOMAS in principio huius articuli) uti habitu non est necessarium, sed subiaceret voluntati habentis, & propterea dici solet, quod habitibus utimur, cum volumus; quod intelligendum est de habitu, qui subordinatur imperio rationis, & de isto, quantum est ex sua natura, & seclusa suppositione; quod dico propter charitatem in patria. **SECUNDUM** discrimin est, quod habitus non mouet per modum actus secundi, sed per modum formæ quiescentis: nam habitus (ut dixi) non reducit ad actum secundum antecedenter ad actum voluntatis, sed dependenter ab ipso, & ideo habitus minus vehementer mouet, quam passio quia minus percipitur forma quiescens quam motio actualis, & ex hoc sequitur **tertium**, quod habitus non impedit, neque obnubilat rationem, neque indifferentiam ipsius in iudicando, sicut passio. Et ex his constat, quod habitus non ita inclinat ad operandum, ut impediatur, ne voluntas ex tota indifferentia & libertate sua feratur in opus sicut passio.

AD SECUNDUM concesso antecedenti neganda est *consequentia*, & ad probationem, dicendum est, ex eo solum posse colligi, quod habitus inclinet ad actus similes in specie, cum illis, quibus acquisitus est: non tamen quod inclinet eodem modo, neque quod non posset inclinare sine passione.

Ad primam confirmationem, posset PRIMO responderi, conclusionem D. THOMAS, intelligendam esse de habitu, qui est in voluntate. Sed huic obstat quod ipse D. THOMAS art. 4. huius q. dicit, cum ARISTOTELE 7. Ethic. c. 7. intemperantem peccare ex malitia: & loquitur de eo etiam, prout habet

II. DVBIUM EST.

An peccatum procedens ex naturali complexione corporis, quam D. Thomas appellat agitudinalem habitudinem, sit dicendum peccatum ex malitia?

VBI SUPPONIMVS iuxta diuersitatem complexionis corporalis, esse homines propensos ad diuersa vitia, vt aliquos ad delectationes ciborum, & alios ad venerea, & sic de alijs: non tamen quia ratione huius complexionis sit homo inclinatus ad peccatum formaliter, cum non detur inclinatio naturalis ad peccatum: sed quia ratione eius est inclinatus ad bona sensibilia, quibus est adiuncta malitia moralis in ordine ad liberum consensum voluntatis, sicut in principio huius materiz explicui de inclinatione appetitus sensitui.

AD HOC responderetur *affirmative*, & colligitur aperte ex D. THOMA in conclusione articuli, quem etiam in hoc sequuntur CAJETANVS CONRADVS, & alij. Verum *aduertendum* est, intelligendum esse hoc in casu, quo hæc complexio corporalis solum mouet voluntatem eo modo, quo articulo precedenti dixi, habitum existentem in appetitu sensitui mouere ipsam; hoc est, per seipsam tantum, & per modum dispositionis, vel occasionis, vt hæc vel illa obiecta sint homini conuenientia, & non excitando passionem in appetitu sensitui, quæ antecedit electionem voluntatis.

Neque contra hoc sunt alia argumenta, præter quædam similia illis, quæ articulo precedenti proposui contra similem sententiam D. THOMÆ de peccato procedente ex habitu appetitus sensitui; quæ etiam ita dissolui poterunt, sicut illa: de quo videndus est CAJET. qui optime explicat, quæ ratione complexio corporalis per seipsam, & sine passione appetitus, moueat voluntatem. Verum circa eius doctrinam *aduertendum* est, quod, cum dicit, peccatum proueniens ex complexione corporali, esse ex malitia voluntatis, & nõ peccatũ proueniens ex passione, quia complexio corporalis nõ est extranea voluntati, cū nõ pertineat ad aliud principium humanorum actuum, sicut passio, quæ pertinet ad appetitum; non est eius sensus, rationem discriminis esse, quod passio pertinet subiectiue ad appetitum sensituum, alias neque peccatum procedens ex habitu existente in appetitu sensitui esset ex malitia, contra id, quod diximus articulo precedenti; sed rationem dicit esse, quod passio pertinet ad appetitum, vt ad principium distinctum à voluntate, & sine subordinatione ad ipsam, quod tamen non conuenit habitui, vt loco citato dixi.

ARTICVLVS IV.

Vtrum ille, qui peccat ex certa malitia, grauius peccet, quam qui ex passione.

CONCLUSIO est *affirmativa*.

COMMENTARIVS.

CIRCA quam est aduertendum PRIMO, intelligendum esse in casu, quo cætera in his peccatis sunt paria, nam propter inæqualitatem ex parte obiecti contingere potest, quod peccatum ex passione sit grauius, quam peccatum ex malitia, vt homicidium ex passione potest esse grauius, quam furtum ex malitia.

SECUNDO aduertendum est, quod iuxta diuersitatem penes istos tres modos committendi peccata, explicatos à D. THOMA in istis tribus questionibus, scilicet ex ignorantia, ex passione, & ex malitia, potest fieri triplex comparatio inter peccata, quantum ad grauitatem, etiam quando cætera sunt paria. *Prima*, qua comparentur peccata ex malitia cum reliquis, siue sint ex passione, siue ex ignorantia; *Secunda*, qua comparentur peccata ex passione cum peccatis ex ignorantia; & *tertia*, qua comparentur peccata ex malitia inter se, vt comparetur peccatum procedens ex habitu, vel consuetudine, cum peccato, quod est ex sola voluntate, aut cum eo, quod procedat ex complexione corporali, & in *prima* comparatione est communis consensus doctorum, esse grauius peccatum, quod procedit ex malitia, quia tam ignorantia, quam passio minuit libertatem. Neque hoc negant authores, qui (vt statim referam) dicunt, secundum peccatum esse grauius quam primum, quia loquuntur in casu, quo solum est inæqualitas inter peccata ratione temporis, & cætera omnia sunt paria, & de ista comparatione loquuntur D. THOMAS in isto articulo, & ARISTOTELIS 7. Ethic. c. 7. & 8. nam quamuis expresse solum comparent peccatum ex malitia cum peccato ex passione; tamen ex ipsorum rationibus sequitur esse dicendum idem, si comparetur peccatum ex malitia cum peccato ex ignorantia, quia ignorantia magis minuit voluntarium, quam passio, vt statim dicam.

In *secunda* etiam comparatione videtur esse communis consensus doctorum, quod peccatum ex passione sit grauius, quam peccatum ex ignorantia: & colligitur totum hoc ex D. GREGORIO lib. 25. moral. c. 16. & refertur c. sciendum de penitentia d. 2. vbi ita dicitur, & *grauius quidem infirmitate, quam ignorantia: sed multo magis studio, quam infirmitate peccatur*. Et ratio est, quod, quamuis etiam passio minuat libertatem, tamen augeat voluntarium, quantum ad conatum voluntatis: vt D. THOMAS docet supra q. 6. art. 7. at vero ignorantia minuit libertatem, & non augeat voluntarium.

In *tertia* vero comparatione D. THOMAS nihil

dixit in particulari, sed solum in communi, quod quanto vehementior fuerit malitia, tanto est grauius peccatum, quod est ex malitia; sed cum sit quadruplex malitia, siue inordinatio pertingens ad voluntatem, vt ad principium peccati, vt diximus articulo præcedenti, scilicet *peccatum aliunde, habens sola imbecillitas voluntatis & complexio corporalis*; restat explicandum, quæ earum sit vehementior vt ita possimus cognoscere, quando vnum peccatum ex malitia sit magis; aut minus graue, quam alterum. Et ad hoc respondetur, inter istas inordinationes, priores, esse maiores, quam posteriores, eo ordine, quo propositæ sunt; & consequenter peccata, quæ procedunt ex prioribus, esse grauiora, quam quæ procedunt ex posterioribus. Et probatur, quoniam peccatum, quod est ex malitia priori modo, est peccatum in spiritum sanctum, & D. THOMAS 22. q. 14. art. 4. dicit, peccatum in spiritum sanctum, cæteris paribus, esse grauissimum omnium; & præterea, in isto peccato est maior contemptus, quam in cæteris, cum procedat ex contemptu, & exclusione directæ eorum, quæ possent retardare à peccando; & ex hoc habet, quod specialiter dicatur irremissibile, quantum est ex parte peccantis, vt D. THOMAS docet artic. 3. illius q. Et quod post hoc peccatum succedat statim illud, quod est ex secunda malitia, scilicet, *ex habitu*. Probatur, quoniam ratione habitus est magis voluntarium, & procedit ex maiori conatu voluntatis, & non est minus liberum, quam si committeretur sine habitu: quoniam habitus (vt dixi) non minuit libertatem. Item habet quasdam circumstantias multum aggrauantes eius malitiam: *Prima* est ingratitudinis beneficiorum Dei, nam maximum beneficium est, quod Deus expectet peccatores ad penitentiam; *Secunda* est contemptus eorundem beneficiorum, & diuinæ misericordiæ: *Tertia* est difficultatis ad resurgendum. Et *quarta* pericula incidendi in alia peccata grauiora, & confirmatur.

Ex his sequitur, decipi ALTISSIMODORENSEM lib. 2. sue summæ tract. 3. c. 1. q. 4. ALMAI. tract. 1. moral. cap. 9. & ANGELVM in moralibus c. 8. in textu, quo agit de circumstantia temporis & quod certum punctum, scilicet de consuetudine seu frequentia, qui omnes dicunt, primum peccatum (cæteris paribus) semper esse grauius secundo, & sequentibus, etiam si sequentia proueniant ex habitu, vel consuetudine. Neque obstant ea, quæ isti adducunt pro sua sententia, scilicet, quod primum peccatum nocet magis cum per ipsum amittantur gratia, & virtutes infusæ, & aliquando innocentia baptismalis. Et præterea, quod ratione gratiæ committitur cum maioribus auxilijs ad non peccandum, & propter defectum habitus, vel consuetudinis, committitur cum paucioribus motiuis inclinantibus, & trahentibus ad peccandum, quia committitur sine habitu, vel consuetudine; nam ad primum responderi potest, esse per accidens, quod per posteriora peccata non expellantur illa bona: non enim hoc prouenit ex eo, quod per se, & ex natura sua non sint tam sufficientia, vt expellantur per ipsa sicut primum, sed ex eo quod supponant ea expulsa per primum. Et ad secundum dicendum est, eum, qui committit secundum peccatum, non esse destitutum auxilio sufficienti ad vitandum ipsum, quāuis careat gratia habituali; & nō

A habere maiora motiua ad peccandum, quæ sint extranea respectu voluntatis, & minuant eius libertatem; quoniam habitus vel consuetudo pertinet ad voluntatem, & auget voluntarium vt dixi.

§. De diuisione peccati in peccatum ex ignorantia, passione, vt ex malitia. Duo dubia.


IN FINE huius quæstionis restant duo explicanda, circa ipsam, & duas præcedentes.

PRIMUM EST, an ista diuisio peccati in peccatum ex ignorantia, ex passione, & ex malitia, sit sufficiens, ita vt sub ea comprehendantur omnia peccata? AL-
TERVM, est qualis sit? ET AD PRIMUM respondetur, breuiter affirmatiue, nam quāuis D. THOMAS expresse in principio harum quæstionum solum dixerit, se velle agere de causis intrinsecis peccatorum: tamen in progressu satis insinauit, nulum esse peccatum, quod non procedat ex aliqua earum; imo hoc est necessario concedendum, vt constat ex ratione sufficienti, quam satis explicuit D. THOMAS articulo 1. huius quæstionis, vbi supponit, nunquam aliquem peccare ratione inclinationis naturalis, & ex consequenti semper peccatum procedere ex aliqua inordinatione alicuius principij humanorum actuum: & statim probat tantum esse tres inordinationes, scilicet, ignorantiam, passionem, & malitiam.

Quod si obijcias, peccatum ex suggestionem non procedere ex aliqua earum; Respondetur, falsum esse hoc, quoniam suggestio in hominibus fere semper fit excitando passionem; quod si aliquando fiat sine excitatione passionis, vt in primo homine, & in angelis; dicendum est, quod peccatum tunc est ex malitia, quoniam suggestio in eo casu solum fit suadendo, & proponendo obiectum, & hoc motiuum non impedit, ne voluntas ex pura libertate sua consentiat, quod sufficit ad peccatum ex malitia, vt dixi de complexione corporali.

QVOD si vltius obijcias, ignorantiam ipsam esse aliquando peccatum, & non procedere ex alia ignorantia, ne detur processus ipse infinitum; Respondetur, quod vt supra explicui, ignorantia est peccatum ratione actus voluntatis, vel formalis, vel interpretatiui, quo est voluntaria, & iste actus potest indifferenter procedere à quacumque ex illis causis, & non est necessarium, quod semper procedat ex ignorantia; & ita vitatur processus in infinitum. Et præterea, quia quāuis procedat ex alia ignorantia; tamen non est necesse, quod illa alia ignorantia, ex qua procedit, sit peccatum, & consequenter neque procedat ex aliqua ex his tribus causis, quas Diu. THOMAS solum dicit esse radices peccatorum.

AD SECVNDVM respondetur, cum D. THOMAS articulo secundo huius quæstionis ad secundum, diuisionem hanc non esse specificam, sed accidentalem, quia non sit per ordinem ad obiecta specificantia, sed ad diuersos modos peccandi; & ita idem peccatum secundum speciem potest esse ex ignorantia, & ex passione, & ex malitia.



QVÆSTIO LXXIX.

DE CAUSIS EXTERIORIBVS PECCATI.

S. Ratio ordinis.



EXPLICATIS causis intrinsecis peccati, accedit Diuus THOMAS ad agendum de extrinsecis; ex quibus tantum refert tres, scilicet, Deum, diabolum & hominem; quoniam istis solis conuenit peculiaris modus causalitatis respectu peccati; Deo quidem, vt concurrenti per modum causæ primæ, & vniuersalis ad totam entitatem, quæ est in peccato; diabolo vero, vt mouenti, & excitanti determinate ad peccandum; & homini non solum isto modo, sed etiam transfundendo in alium peccatum per generationem, tanquam caput ipsius, vel tanquam membrum, & quasi instrumentum capitis; reliqua, etiam si aliquo modo videantur causæ peccati, scilicet tanquam obiecta excitantia ad ipsum, aut tanquam occasiones peccandi; tamen neque hoc conuenit ipsis per se, quoniam cum ex propria natura sint bona, potius mouent ad bonum, quam ad malum; sed per accidens propter abusum hominum, qui quoniam male eis vtuntur, peccant. Et in hac quæstione agit D. THOMAS de prima causa, scilicet Deo, de qua agunt doctores scolastici in 2. d. 36. & 37.

ARTICVLVS I.

Vtrum Deus sit causa peccati?

PRIMA CONCLUSIO. *Deus non est directe causa peccati.*

SECUNDA CONCLUSIO; *Neque etiam est eius causa indirecte, hoc est quatenus non præbet auxilium, quo posito impediretur peccatum.*

COMMENTARIVS.

CIRCA conclusiones has, disputandum est.

Vtrum Deus sit causa peccati?

S. 1. Sensus dubij explicatur.

ET PRO explicatione tituli, ADVERTENDVM EST PRIMO, peccatum in ista disputatione dupliciter posse sumi: Primo pro malo, quod sit natura quædam substantia-

lis, aut eius pars, quæ vere sit mala; *Secundo* pro malo, quod sit actio humana mala defectuosa, per respectum ad legem, siue eius malitia sit priuatio aliqua, siue aliquid positium; & quamuis ex hæreticis antiquis aliqui dixerint, Deum esse causam peccati sumpti priori modo, de quorum numero fuerunt MANICHÆI, qui (vt D. AVGVSTINVS refert tom. 6. lib. de hæresibus ad QVODVVT DEVM hæresi. 46.) dicebant duo: primum duas esse naturas & substantias, vnâ boni, & alteram mali, ex quarum inter se pugna & commixtione procedat boni à malo purgatio, & boni, quod à malo purgari non potest, æterna damnatio; *Alterum* est, duo esse principia primâ inter se diuersa, atque aduersa, eademque æterna, & cœterna; ex quibus vnum esset causa substantiæ & naturæ bonæ, & alterum malæ; Et FLORINVS, licet Euseb. lib. 5. hist. c. 19. solum dicat, ipsum sensisse, Deum esse factorem malorum, & id confirmet testimonio IANENI in epistola, cui titulus est, *de monarchia, & quod Deus non sit factor malorum*, quæ

inter

inter eius opera non circumfertur: tamen AVGVST. lib. citato hæresi. 66. dicit, Florianos à FLORINO dictos sensisse, Deum creasse mala, hoc est naturas, & substantias malas; & idem videntur sensisse SELEVCIANI & HERMIANI, qui vt AVGVSTINVS refert eodem libro hæresi 59. asseriebant, malum aliquando esse à Deo, & aliquando à materia. Sed nos posteriori modo sumemus nunc peccatum, & aduersus istos hæreticos sufficiunt testimonia, quibus supra q. 71. art. 8. dixi, probari posse, malum, siue peccatum non esse substantiam aliquam.

SECUNDO aduertendum est, quinque modis posse intelligi, Deum esse causam peccati sumpti in posteriori acceptione: Primo quia voluntate sua, & ordinatione, aut decreto statuat apud se, quod ab aliqua creatura committatur aliquod peccatum: Secundo, quia propria actione efficiat ipsum; Tertio, quia interne moueat, & impellat efficaciter ad peccandum. Quarto, quia subtrahat ea auxilia, quibus vitarentur peccata. Et ultimo, quia velit & decernat, hominem committere aliquod peccatum in pœnam aliorum peccatorum, ita vt Deus non dicatur causa illius peccati, quatenus est peccatum; sed quatenus est pœna. Verum nos in hoc dubio solum agemus de tribus prioribus, quoniam de reliquis dicemus articulo tertio huius quæstionis, vbi D. THOMAS de eis agit; quare sepius præsentis difficultatis est, an Deus possit dici causa peccati, quod consilium in alio malo voluntatis creata, quia concurrat ad ipsum, omnibus illis tribus modis, vel aliquo eorum.

§ 2. Hæreticorum argumenta affirmatiua impie asserentium.

IN HAC RE multi ex hæreticis sequuntur partem affirmatiuam, inter quos primus fuit SIMON MAGVS, vt refert VINCENTIVS Lirinensis in libello, quem edidit aduersus prophanas omnium hæreseon nouationes, & postea LVTHERVS MBLANTON, CALVINVS & LIBERTINI, vt de his omnibus referunt PRATEOLVS in elencho de vitis & sectis hæreticorum, in verbis citatis; SANDERVS lib. 7. de visibili monarchia ecclesie, anno 1536. & laiffime STAPLETONVS lib. 11. de iustificatione cap. 1. & 3. & DECANVS tom. 1. art. 7. in ea parte, qua incipit respondere argumentis aduersariorum. Itaque isti hæretici dicunt, Deum illis tribus modis esse causam peccati, & consequenter Deum non solum permissiue, sed potenter, & efficaciter concurrere ad peccatum, quatenus peccatum est, ita vt non minus sit proprium Dei opus proditio Iudæ, vel aliud quodcunque peccatum, quam conuersio Pauli, vel quodcunque aliud bonum opus: imo addunt, ex efficacia diuinæ voluntatis, & sui concursus circa peccatum, provenire, quod voluntas creata, non quidem cogatur quasi ab extrinseco motu, sed tamen necessitetur ad peccandum, ita vt quantum ad hoc, tantum maneat libera libertate sumpta prout distinguitur à coactione, non tamen libertate sumpta pro indifferentia ad vtrumque. Et adducunt pro se plurima testimonia scripturæ, & etiam argumenta, ex quibus solum referemus ea, quibus probant, Deum esse illis tribus modis causam peccati; nam illa, quibus probant, necessitari voluntatem, dissoluen-

da sunt 1. p. q. 19. & q. 22. & 23. & in materia de libero arbitrio.

Sit ergo PRIMUM ARGUMENTVM ad probandum, Deum esse primo modo causam peccati, quia in scriptura sepe hoc dicitur, vt actor. secundo dicitur de Christo: *hunc desinito consilio, & scientia Dei traditum*, & c. 4. *conueniunt Herodes & Pilatus facere quia manus tua & consilium tuum decreuerunt fieri*, & Genes. 45. *dixit Ioseph fratribus suis, non vestro consilio, sed Dei voluntate huc missus sum*: & tamen nullus fuerat per iniustam venditionem, & rursus cap. 50. fratribus petentibus veniam de scelere, quod vendendo ipsum commiserant, dixit eis: *nolite timere: num Dei possumus resistere voluntati; vos cogitastis de me malum &c.* Et præterea, quoties dicitur, Deum præcepisse creaturæ, quod efficeret malum, & peccatum, videtur hoc idem significari, quia mouere præcepto, aut verbis habentibus formam imperatiui, ad faciendum aliquid, signum est voluntatis, quod fiat. Quod autem Deus sepe ita moueris creaturam ad peccandum probatur sequentibus testimonijs. 2. Regum. 16. dicitur de Semei, quod Dominus præcepit ei vt malediceret David. 3. Reg. c. ultimo: & ait Dominus quis decipies Achab. & post pauca: *egressus est autem spiritus & stetit coram Domino, & ait, ego decipiam illum*; & paucis interpositis: & dixit Dominus, decipies & prænalebis: *egredere & fac ita*. & Ioa. 13. dicit Christus ad Iudam volentem prodere ipsum, *quod facis fac citius*. Neque potest responderi, per præceptum aut verba imperandi in his modis significari permissionem, & non præceptum, tum quia, non posset scriptura vt alijs verbis, quibus magis proprie significaretur imperium aut præceptum; tum etiam quia hæretici obijcient nobis, si hæc expositio verbis imperandi nunc adhibeatur, non posse certo colligi præceptum ex alijs testimonijs, in quibus tamen propter similia verba intelligunt communiter expositores esse præceptum, vt Math. 18. *si peccauerit in te frater tuus, vade, corripe eum inter te & ipsum*.

Confirmatur primo, quia in scriptura sepe dicitur, Deum propter finem bonum à se intentum mouere aliquos homines ad opera, quæ ipsi non possunt exercere sine culpa, & peccato, ergo in his casibus concedendum est, Deum voluisse, & ordinasse, quod fierent huiusmodi opera; consequentia patet, quia intentio efficax semper habet adiunctam electionem; & ordinare aut velle, quod fiant ista opera, habet rationem electionis respectu finis intenti à Deo per ipsa; & antecedens probatur, quia 2. reg. 12. in vindictam & punitiōnem peccati, quod commiserat DAVID cum vxore VRAIA ait ei Dominus: *ego suscitabo super te malum de domo tua, & tollam uxores tuas de oculis tuis, & dabo proximo tuo, & dormiet cum vxoribus tuis in oculis solis huius*. & psal. 104. dicitur, quod cum Deus vellet ostendere potentiam suam, & beneuolentiam, qua populum suum prosequabatur, & id fieri non posset, nisi populo prius ab Egyptijs afflictō, ideo conuertis cor eorum, (scilicet Egyptiorum) vt odirent populum eius, & dolium facerent in seruos eius. Et huius rei exempla alia reperiuntur Isa. 5. & 7. Ezech. 12. & 17. & Ierem. 50. quibus locis Deus populum, de quibus volebat sumere vindictam, dicebat, se excitaturum alios, vt eis bellum inferrent, & deuasta-

rent eos, aut ducerent in captiuitatem.

Confirmatur secundo, quia Deus ab æterno, & ante præuisionem omnis peccati voluit multa, quæ non possunt in executione fieri sine peccatis, ergo etiam voluit, & ordinauit, ut committantur huiusmodi peccata; Patet *consequentia*, quoniam, qui efficaciter vult finem, vult etiam media, quæ ad ipsum sunt necessaria. Et *antecedens* probatur, quia illo modo voluit pati Christum & mortes martyrum, & quod aliquis haberet meritum penitentis & conuersionis post peccatum: imo ut aliqui dicunt, etiam damnationem reprobatorum; Et colligitur ex illo ad Rom. 9. *antequam quidquam boni aut mali gessent*, & Prouerb. 16. *omnia propter semetipsum operatus est Dominus, etiam impij in diem malum*.

Confirmatur tertio, quoniam Aug. 10. 7. lib. de correptione & gratia cap. 7. explicans illud Io. 6. *numme ego duodecim elegi vos?* inquit, Iudam electum esse à Christo ad effundendum sanguinem ipsius.

SECUNDVM argumentum sit, ad probandum, Deum esse secundo modo causam peccati, quoniam, qui libere efficit aliquam rem, saltem consequenter efficit ea, quæ ad ipsam necessario consequantur; sed Deus libere efficit actionem, quæ est in peccato, ut cum D. THOMA dicemus articulo sequenti; ergo etiam efficit, & operatur malitiam, quæ ad ipsam inseparabiliter & necessario consequitur, atque adeo efficit peccatum, quatenus peccatum est.

Confirmatur primo, quoniam, ut homo dicatur operari peccatum, satis est, quod velit, & efficiat actionem, cui malitia est necessario adiuncta, quæuis non intendat, imo etiam si detestatur ipsam malitiam, alias raro homines peccarent; ergo similiter, ut Deus dicatur operari peccatum, quatenus peccatum est, erit satis, quod velit, & efficiat ipsum actum, cui malitia est adiuncta, quamuis non velit ipsam malitiam.

Confirmatur secundo, quia nos supra quæstione 71. articulo 6. diximus, malitiam & deformitatem, quæ est formale peccati, esse aliquid positium: Ex quo tale desumitur argumentum, satis est, quod aliquis efficiat peccatum quantum ad eius materiale & formale, ut dicatur efficere ipsum quatenus peccatum est: sed Deus efficit peccatum quantum ad eius materiale & formale; ergo efficit ipsum, quatenus peccatum est. *Maiores* constat inductione in productione cuiusunque rei: nam qui efficit, vel disponit materiam leonis, & producit eius formam, dicitur producere leonem quatenus leo est, & idem est in reliquis siue naturalibus, siue artificialibus. Et *minores* probatur, quia non solum materiale peccati, quod est quidam actus, sed etiam formale, quod est ipsa malitia, est quædam entitas positua, siue realis participata; ergo utrumque est efficienter à Deo. Patet *istæ consequentia*, quia omne ens reale per participationem est efficienter ab ente per essentiam.

VTIMVM argumentum sit, ad probandum, quod etiam tertio modo sit Deus causa peccati; quoniam voluntas creata concurret ad peccatum ut causa subordinata Deo, tanquam causæ primæ; ergo concurret ut mota à Deo, ad peccatum; Patet *consequentia*, quia causa secunda non operatur, nisi ut mota à prima.

Confirmatur secundo testimonijs scripturæ, nam Psal. 106. dicitur, *errare fecit eos in initio, & non in via*. & Isai. 16. vocatur Assur *virga furoris Domini* ad Roma. 1. *propterea tradidit illos Deus in desideria cordis eorum in immunditiam*, & paulo post: *propterea tradidit illos Deus in passiones ignominie*, quibus verbis non tantum videtur significari, traditos esse, ut paterentur passionibus, sed etiam ut consentirent eis. Et huc pertinet illud Psal. 104. supra adductum: *conuersit cor eorum ut odirent populum eius*; huc etiam pertinent ea testimonia, quibus dicitur, Deum ingrauari & obdurare corda hominum, aut excæcare eos, aut immittere eis aliquem spiritum, vel impulsus, ita ut propter has internas dispositiones resisterent diuinis monitis, & faciant ea; quæ mala sunt, ut quantum ad indurationem constat de Pharaone Exo. 4. & 10. & de rege Schem Deutero. 2. & de illis, qui filijs Israel bello resisterunt Iosue 11. & de omnibus ad Roma. 9. & quantum ad excitationem Isa. 6. ad Roma. 1. & quantum ad internum spiritum 2. Apocalip. 21. ad Roma. 11. ad Thesal. 2.

Confirmatur tertio testimonio AUGUST. qui tom. 7. lib. 5. contra Iulianum cap. 3. sic ait: *multa alia commemorare possemus, in quibus liquido appareat, oculis indicio Dei fieri peruersitatem cordis, ut non audiantur, quod verum dicuntur, & inde peccentur*, & lib. de gratia & libero arbitrio, capite 21. ita inquit, *his & talibus testimonijs diuinorum eloquiorum, quæ omnia commemorare nimis longum est, satis quantum, existimo manifestatur, operari Deum in cordibus hominum ad inclinandas eorum voluntates quocunque voluerit siue ad bona, pro sua misericordia, siue ad mala pro meritis eorum, indicio utriusque suo aliquando aperto, aliquando occulto, semper autem iusto*.

§. 3. Deus permittit peccata fieri, etiam ut peccata sunt.

PRIMA CONCLUSIO. Deus ab æterno voluit permittere & in tempore permittit ea peccata, quæ à voluntate creata committuntur, etiam quatenus peccata sunt. In hac omnes conveniunt tam Catholoci, quam hæretici: Et probatur, nam imprimis, quod Deus in tempore permittat ista peccata, patet quia alias impediret ea, & ex consequenti non fierent.

Et *Confirmatur*, quia nihil sit, nisi Deo volente, aut saltem libere non impediente, cum possit impedire; sed peccatum non fit Deo volente; ergo fit ipso libere non impediente, ergo & permittente. Patet *istæ consequentia*, quia cum aduertentia & libere non impedire, quod quis potest impedire, est permittere.

Quod vero ab æterno voluerit Deus ita permittere peccata, probatur, quia eo modo, quo Deus in tempore se habet circa peccata nostra, voluit ab æterno se habere.

Confirmatur primo, quia, quod Deus in tempore ita permittat, siue non impediat peccata, non est à casu respectu ipsius; ergo est ex consilio, & deliberatione, & ex consequenti ex volitione permittendi.

Confirmatur secundo, quia hæc permissio peccatorum

is, ex qua peccatum istud procedit, possit esse aliqua superadditum voluntati, & distinctum ab ipsa, scilicet, vel habitus prauus, vel aliud peccatum procedens, ex quo subsequens peccatum oriatur (ut cum aliquis interficit seipsum desperando de diuina misericordia, aut impugnat fraternam gratiam ex inuidia: tamen nihil horum requirit, sed sine eis reperiri potest. Hæc conclusio tota est etiam D. THOMÆ hic ad tertium & quæst. 3. de malo articulo 12. & quoad priorem partem probatur, quia, ut Diu. THOMAS docet ad tertium, habitus malus appellatur ab ARISTOTELIS malitia, sicut habitus bonus dicitur virtus; & præterea, peccatum actuale habet actualem malitiam, ergo peccatum quod procedit ex habitu, vel actu malo, recte dicitur procedere ex malitia. Et quoad posteriorem etiam probatur, quia primum peccatum angeli fuit ex malitia, cum non fuerit ex ignorantia, neque ex passione: & tamen non processit ex habitu malo, neque ex alio peccato. Item quia cum homo peccat sine ignorantia, aut passione, peccat ex malitia; quoniam alias daretur aliquod peccatum, quod non reduceretur ad ista tria; & tandem potest contingere, quod peccet isto modo, quamuis neque habeat habitum prauum, neque aliud peccatum.

DICO TERTIO inordinatio, vel corruptio voluntatis, de qua loquimur, non consistit in hoc, quod possit velle peccatum & malum sub ratione mali; & ita velit ipsum; neque in hoc, quod possit velle peccatum sine ulla errore, aut defectu intellectus. Hæc conclusio statuitur contra primam & secundam sententiam. Et quoad priorem partem, supponitur, nunc, ut certa, ex ijs, quæ contra nominales, affirmantes, voluntatem posse velle malum sub ratione mali, dici solent supra quæstione 8. articulo 1. de quo etiam agit CAIETANVS 2.2. quæstione 14. articulo 1. Et quoad posteriorem patet ex ijs, quæ dixi quæstione præcedenti, art. 2. ubi probavi, esse impossibile, quod in voluntate sit peccatum, sine aliquo defectu intellectus.

Nec ex hoc sequitur, quod peccatum ex malitia sit etiam ex ignorantia; quoniam non dicitur peccatum ex ignorantia, quod procedit ex quocumque defectu intellectus, sed quod procedit ex defectu scientiæ habitus, aut actualis speculatiue, ut loco citato explicui.

DICO VLTIMO, inordinatio, vel corruptio voluntatis, ex qua procedit peccatum, quod dicitur ex malitia, consistit in hoc, quod voluntas ex seipsa, & ex pura libertate, hoc est, sine ignorantia, aut passione alliciente & mouente, possit vel le malum & peccatum, non quidem sub ratione mali, sed sub ratione boni, aut utilis aut delectabilis, & ita peccatum, quod hoc modo committitur, dicitur peccatum ex malitia. Hæc conclusio est expresse D. THOMÆ hoc loco & 2.2. quæst. 14. articulo 1. & conueniunt cum eo omnes discipuli ipsius, ut CAIETA. CONRAD. & recentiores, & alij RICHARD. in 2. distinctione 43. circa primum principale quæst. 1. & 2. DURAND. eadem dist. quæst. 1. ad secundum & ADRIAN. quodlib. 4. in principio, & probatur PRIMO, quia peccatum, quod ita committitur, non est peccatum ex ignorantia, neque ex passione, ut constat ex suppositione; ergo est peccatum ex ma-

litia. Patet consequentia, quia secundum communem sententiam theologorum, nullum est peccatum, quod non procedat ex aliqua ex illis tribus causis.

Et confirmatur, quoniam Theologi, cum Diuo THOMAS in argumento, sed contra, colligunt, posse reperiri peccatum ex malitia, ex illo Iob. 34. qui quasi de industria recesserunt ab eo, & omnes vias eius intelligere noluerunt. Et clarius ex ARISTOTELE, qui 7. Ethic. cap. 7. dicit, intemperantem sequi voluptates ex electione, vel (ut alij vertunt) ex consilio, & non propter aliam rem emententem, quod inferius magis explicat, dicens de eodem, quod fugit corporeos dolores, non quia sit inferior (vel ut alij vertunt) quia vincatur, sed ex electione, vel (secundum alios) quia consilium cepit ita viuendi; & postea dicit, quod non mouetur passione, vel cupiditate, & idem repetit in principio capitis 8. ex quibus locis sic argumentor, nunquam homo magis peccat de industria, & magis ex electione, aut consilio, & minus victus aut tractus ab alio, quam cum peccat ex propria libertate, & sine ignorantia, & passione; ergo tunc peccat ex malitia.

Verum ADVERTENDUM est, ex D. THOMAS art. 4. huius quæstionis ad 8. quod, cum peccatum istud ab ARISTOTELE, & ab ipso appellatur peccatum ex electione mali, non est eorum sensus, quod committatur eligendo malum: quoniam hoc commune est omnibus peccatis; sed quod electio sit eius principium simpliciter, ita quod voluntas non mouetur ex passione, neque ex ignorantia ad eligendum malum, sed ex pura libertate sua.

SECUNDUM OBIECTIONES: potentia ad peccandum isto modo, non est mala, neque habet aliquam malitiam; ergo peccatum quatenus procedit ab ea, non est dicendum peccatum ex malitia.

Respondetur, quod potentia illa non dicitur malitia, aut inordinatio à D. THOMAS quia sit mala moraliter, aut peccatum, sed quia (ut ipse docet art. sequenti) ut reducatur in actum, præsupponit in homine aliquam dispositionem corruptam, aut saltè remotionem impediens. Item quia (ut etiam ipse inquit infra q. 85. art. 3.) est quedam pronitas ad malum, & ita denominatur ab effectu. Et tandem, quia (ut ibidem dicit) est effectus peccati originalis, & ita denominatur à sua causa; & has duas posteriores rationes assignauit Conciliū TRIDENT. de tota concupiscentia scilicet 5. decreto de peccato originali. §. 5.

Ex dictis sequitur primum peccatum ex malitia (si sumatur in sensu à nobis explicato) differre à peccato in spiritum sanctum, etiam si non sumatur pro blasphemia dicta in spiritum sanctum, neque pro finali impenitentia sed pro peccato, quod committitur ex malitia, hoc est, ex ipsa electione mali; quoniam peccatum ex malitia, prout de eo loquitur D. THOMAS in hac quæstione, non est speciale aliquod peccatum, sed modus peccandi, & conditio quedam aggravans, generalis & communis omnibus peccatis: at vero peccatum in spiritum sanctum illo modo sumptum, est speciale genus peccati, quod sub se continet sex species ut D. THOMAS explicat 2.2. q. 14. art. 2. ratio autem discriminis (ut D. THOMAS docet art. 1. illius q. in corpore, & ad 1.) est, quod peccatum ex malitia solum importat, quod sit commissum ex electione: tamen peccatum in spiritum sanctum non solum importat hoc, sed aliquid aliud magis speciale, & determinatum; scilicet quod sit commissum cum

contem-

contemptu eorum, quibus electio peccati posset impediri.

Secundo sequitur solutio fundamentorum primæ & secundæ sententiæ; & ad fundamentum tertiæ. Respondetur, non esse contra nos, quia nos etiam concedimus, posse illis duobus modis committi peccatum ex malitia; & D. THOMAS in solutione secundi admittit expresse primum & articulo sequenti secundum: quare sententia illa solum in eo deficit, quod tantum illis duobus modis dicit peccari ex malitia, cum tamen possit peccare non volendo expresse peccatum; ut peccatum, etiam ut obiectum materiale, & in ordine ad aliquod bonum; sed solum virtualiter, quia ex electione, hoc est, sine ignorantia, & passione, appetitur bonum aliquod utile & delectabile, quia ita est coniunctum cum peccato, ut non possit appeti sine volitione, saltem virtuali, ipsius peccati; ita etiam potest peccare isto modo sine habitu & sine inclinatione, aut naturali, aut acquisita ad peccatum ut dicam art. 3.

ARTICVLVS II.

Verum quicumque peccat ex habitu peccet ex malitia?

CONCLUSIO. *Quandocumque is, qui habet habitum vitiosum, peccat utendo ipso habitu, peccat ex malitia.*

COMMENTARIVS.

SED CONTRA argumentum PRIMO, habitus, etiam si sit in voluntate, minuit libertatem, quia determinat voluntatem ad suum obiectum, quoniam est pondus & inclinatio ad ipsum; ergo peccatum, quod procedit ex habitu, non est ex electione, & ex pura libertate, & ex consequenti neque ex malitia. Patet *consequentia* ex ratione, qua hoc idem probatur de peccato ex passione.

SECUNDO sæpe habitus vitiosus acquiritur actibus, qui sunt passionibus; ergo peccatum, quod procedit ex habitu, ita acquisito, non erit ex malitia, sed potius ex passione. Patet *consequentia* quoniam habitus inclinat in virtute actum, quibus acquisitus est.

Confirmatur primo, quoniam aliquis habitus vitiosus potest esse solum in appetitu sensitivo, ut de habitu intemperantiæ dicunt communiter Thomistæ; ergo saltem peccatum, quod procedit ex isto habitu, non erit ex malitia, sed ex passione. Probat *consequentia*, tum quoniam, peccatum in isto casu procedit ex defectu, & inordinatione appetitus sensitivi, & D. THOMAS articulo precedenti dixit, peccatum, quod ex tali inordinatione procedit, esse peccatum ex passione; tum etiam quia, cum iste habitus non sit in voluntate, non potest peccatum, quod procedit ex eo, provenire ex inordinatione voluntatis.

Confirmatur secundo, quia contingere potest, quod peccatum procedens ex habitu, etiam procedat ex passione, ut si, postquam aliquis habet ac-

Aquisitum habitum impudiciæ, excitetur in ipso vehemens passio delectationis, & ita peccet concurrentibus simul ad peccatum habitu, & passione; ergo saltem in isto casu peccatum procedens ex habitu non erit ex malitia.

AD PRIMUM, respondetur, negando antecedens, & ad probationem dicendum est, quod habitus non determinat voluntatem minuendo eius indifferentiam, sed solum complendo ipsius actiuitatem, saltem quantum ad facilitatem; *Neque obstat*, quod inclinet, & moueat aliquo modo voluntatem, & antecederet ad electionem, ut statim explicabo; nam hac motio non minuit libertatem voluntatis, neque impedit, ne voluntas ex pura libertate moueatur.

Pro quo ADVERTENDUM est, quod quamuis passio & habitus moueant voluntatem dispositiue, & per modum occasionis; quia in quantum voluntas est primo & principaliter appetitus totius, sufficit, quod aliquid fiat cōueniēs toti, siue rationi habitus, siue rationi passionis, aut alicuius cōplexionis corporalis, ut statim sit secundum hanc rationem magis diligibile à voluntate, & ut possit apprehendi ab intellectu ut tale, & ita proponi voluntati; tamen inter passionem & habitum est triplex discrimin quantum ad hanc motionem; *primum*, quod (ut D. THOMAS inquit art. 4. huius questionis in corpore ad secundum) impulsio, quæ est ex passione, est quasi ex exteriori defectu respectu voluntatis; tamen per habitum inclinatur voluntas quasi ab interiori; cuius discriminis ratio est, quod passio non est voluntaria, in isto sensu, quod excitetur dependenter à voluntate; at vero habitus est hoc modo voluntarius, quia (ut inquit D. THOMAS in principio huius articuli) uti habitu non est necessarium, sed subiaceret voluntati habentis, & propterea dici solet, quod habitibus utimur, cum volumus; quod intelligendum est de habitu, qui subordinatur imperio rationis, & de isto, quantum est ex sua natura, & seclusa suppositione; quod dico propter charitatem in patria. *Secundum* discrimin est, quod habitus non mouet per modum actus secundi, sed per modum formæ quiescentis: nam habitus (ut dixi) non reducit ad actum secundum antecederet ad actum voluntatis, sed dependenter ab ipso, & ideo habitus minus vehementer mouet, quam passio quia minus percipitur forma quiescens quam motio actualis, & ex hoc sequitur *tertium*, quod habitus non impedit, neque obnubilat rationem, neque indifferentiam ipsius in iudicando, sicut passio. Et ex his constat, quod habitus non ita inclinat ad operandum, ut impediatur, ne voluntas ex tota indifferentia & libertate sua feratur in opus sicut passio.

AD SECUNDUM concesso antecedenti neganda est *consequentia*, & ad probationem, dicendum est, ex eo solum posse colligi, quod habitus inclinet ad actus similes in specie, cum illis, quibus acquisitus est: non tamen quod inclinet eodem modo, neque quod non posset inclinare sine passione.

Ad primam confirmationem, posset PRIMO responderi, conclusionem D. THOMAS, intelligendam esse de habitu, qui est in voluntate. Sed huic obstat quod ipse D. THOMAS art. 4. huius q. dicit, cum ARISTOTELIS 7. Ethic. c. 7. intemperantem peccare ex malitia: & loquitur de eo etiam, prout habet

II. DVBIUM EST.

An peccatum procedens ex naturali complexione corporis, quam D. Thomas appellat egritudinalem habitudinem, sit dicendum peccatum ex malitia?

VBI SUPPONIMVS iuxta diuersitatem complexionis corporalis, esse homines propensos ad diuersa vitia, vt aliquos ad delectationes ciborum, & alios ad venerea, & sic de alijs: non tamen quia ratione huius complexionis sit homo inclinatus ad peccatum formaliter, cum non detur inclinatio naturalis ad peccatum: sed quia ratione eius est inclinatus ad bona sensibilia, quibus est adiuncta malitia moralis in ordine ad liberum consensum voluntatis, sicut in principio huius materie explicui de inclinatione appetitus sensitui.

Ad hoc respondetur *affirmative*, & colligitur aperte ex D. THOMA in conclusione articuli, quem etiam in hoc sequuntur CAIETANVS CONRADVS, & alij. Verum *aduertendum* est, intelligendum esse hoc in casu, quo hæc complexio corporalis solum mouet voluntatem eo modo, quo articulo precedenti dixi, habitum existentem in appetitu sensitui mouere ipsam; hoc est, per seipsam tantum, & per modum dispositionis, vel occasionis, vt hæc vel illa obiecta sint homini conuenientia, & non excitando passionem in appetitu sensitui, quæ antecedit electionem voluntatis.

Neque contra hoc sunt alia argumenta, præter quædam similia illis, quæ articulo precedenti proposui contra similem sententiam D. THOMÆ de peccato procedente ex habitu appetitus sensitui; quæ etiam ita dissolui poterunt, sicut illa: de quo videndus est CAIET. qui optime explicat, quæ ratione complexio corporalis per seipsam, & sine passione appetitus, moueat voluntatem. Verum circa eius doctrinam *aduertendum* est, quod, cum dicit, peccatum proueniens ex complexione corporali, esse ex malitia voluntatis, & non peccatum proueniens ex passione, quia complexio corporalis non est extranea voluntati, cum non pertineat ad aliud principium humanorum actuum, sicut passio, quæ pertinet ad appetitum; non est eius sensus, rationem discriminis esse, quod passio pertinet subiectiue ad appetitum sensituum, alias neque peccatum procedens ex habitu existente in appetitu sensitui esset ex malitia, contra id, quod diximus articulo precedenti; sed rationem dicit esse, quod passio pertinet ad appetitum, vt ad principium distinctum à voluntate, & sine subordinatione ad ipsam, quod tamen non conuenit habitui, vt loco citato dixi.

ARTICVLVS IV.

Verum ille, qui peccat ex certa malitia, grauius peccet, quam qui ex passione.

CONCLUSIO est *affirmativa*.

COMMENTARIVS.

CIRCA quam est aduertendum PRIMO, intelligendum esse in casu, quo cætera in his peccatis sunt paria, nam propter inæqualitatem ex parte obiecti contingere potest, quod peccatum ex passione sit grauius, quam peccatum ex malitia, vt homicidium ex passione potest esse grauius, quam furtum ex malitia.

SECUNDO aduertendum est, quod iuxta diuersitatem penes istos tres modos committendi peccata, explicatos à D. THOMA in istis tribus questionibus, scilicet ex ignorantia, ex passione, & ex malitia, potest fieri triplex comparatio inter peccata, quantum ad grauitatem, etiam quando cætera sunt paria. *Prima*, qua comparentur peccata ex malitia cum reliquis, siue sint ex passione, siue ex ignorantia; *Secunda*, qua comparentur peccata ex passione cum peccatis ex ignorantia; & *tertia*, qua comparentur peccata ex malitia inter se, vt comparetur peccatum procedens ex habitu, vel consuetudine, cum peccato, quod est ex sola voluntate, aut cum eo, quod procedat ex complexione corporali, & in *prima* comparatione est communis consensus doctorum, esse grauius peccatum, quod procedit ex malitia, quia tam ignorantia, quam passio minuit libertatem. Neque hoc negant authores, qui (vt statim referam) dicunt, secundum peccatum esse grauius quam primum, quia loquuntur in casu, quo solum est inæqualitas inter peccata ratione temporis, & cætera omnia sunt paria, & de ista comparatione loquuntur D. THOMAS in isto articulo, & ARISTOTELIS 7. Ethic. c. 7. & 8. nam quamuis expresse solum comparent peccatum ex malitia cum peccato ex passione; tamen ex ipsorum rationibus sequitur esse dicendum idem, si comparetur peccatum ex malitia cum peccato ex ignorantia, quia ignorantia magis minuit voluntarium, quam passio, vt statim dicam.

In *secunda* etiam comparatione videtur esse communis consensus doctorum, quod peccatum ex passione sit grauius, quam peccatum ex ignorantia; & colligitur totum hoc ex D. GREGORIO lib. 25. moral. c. 16. & refertur c. sciendum de penitentia d. 1. vbi ita dicitur, & *grauius quidem infirmitate, quam ignorantia: sed multo magis studio, quam infirmitate peccatur*. Et ratio est, quod, quamuis etiam passio minuat libertatem, tamen augeat voluntarium, quantum ad conatum voluntatis: vt D. THOMAS docet supra q. 6. art. 7. at vero ignorantia minuit libertatem, & non augeat voluntarium.

In *tertia* vero comparatione D. THOMAS nihil

dixit in particulari, sed solum in communi, quod quanto vehementior fuerit malitia, tanto est grauius peccatum, quod est ex malitia; sed cum sit quadruplex malitia, siue inordinatio pertingens ad voluntatem, vt ad principium peccati, vt diximus articulo præcedenti, scilicet *peccatum actuale, habitus sola imbecillitas voluntatis & complexio corporalis*; restat explicandum, quæ earum sit vehementior vt ita possimus cognoscere, quando vnum peccatum ex malitia sit magis, aut minus graue, quam alterum. Et ad hoc respondetur, inter istas inordinationes, priores, esse maiores, quam posteriores, eo ordine, quo propositz sunt; & consequenter peccata, quæ procedunt ex prioribus, esse grauiora, quam quæ procedunt ex posterioribus. Et probatur, quoniam peccatum, quod est ex malitia priori modo, est peccatum in spiritum sanctum, & D. THOMAS 22. q. 14. art. 4. dicit, peccatū in spiritum sanctum, cæteris paribus, esse grauissimum omnium; & præterea, in isto peccato est maior contemptus, quam in cæteris, cum procedat ex contemptu, & exclusione directæ eorum, quæ possent retardare à peccando; & ex hoc habet, quod specialiter dicatur irremissibile, quantum est ex parte peccantis, vt D. THOMAS docet artic. 3. illius q. Et quod post hoc peccatum succedat statim illud, quod est ex secunda malitia, scilicet, *ex habitu*. Probatur, quoniam ratione habitus est magis voluntarium, & procedit ex maiori conatu voluntatis, & non est minus liberum, quam si committeretur sine habitu: quoniam habitus (vt dixi) non minuit libertatem. Item habet quasdam circumstantias multum aggrauantes eius malitiam: *Prima* est ingratitudinis beneficiorum Dei, nam maximum beneficium est, quod Deus expectet peccatores ad penitentiam; *Secunda*, est contemptus eorundem beneficiorum, & diuinæ misericordiæ: *Tertia* est difficultatis ad resurgendum. Et *quarta* pericula incidendi in alia peccata grauiora, & confirmatur.

Ex his sequitur, decipi ALTISSIMODORENSEM lib. 2. sup̄ summæ tract. 3. c. 1. q. 4. ALMAT. tract. 1. moral. cap. 9. & ANGESTM in moralibus c. 8. in textu, quo agit de circumstantia temporis *quod tertium punctum, scilicet de consuetudine seu frequentia*, qui omnes dicunt, primum peccatum (cæteris paribus) semper esse grauius secundo, & sequentibus, etiamsi sequentia proueniant ex habitu, vel consuetudine. Neque obstant ea, quæ isti adducunt pro sua sententia, scilicet, quod primum peccatum nocet magis cum per ipsum amittantur gratia, & virtutes infusæ, & aliquando innocentia baptismalis. Et præterea, quod ratione gratiæ committitur cum maioribus auxilijs ad non peccandum, & propter defectum habitus, vel consuetudinis, committitur cum paucioribus motiuis inclinantibus, & trahentibus ad peccandum, quia committitur sine habitu, vel consuetudine; nam ad primum responderi potest, esse per accidens, quod per posteriora peccata non expellantur illa bona: non enim hoc prouenit ex eo, quod per se, & ex natura sua non sint tam sufficientia, vt expellantur per ipsa sicut primum, sed ex eo quod supponant ea expulsa per primum. Et ad secundum dicendum est, eum, qui committit secundum peccatum, non esse destitutum auxilio sufficienti ad vitandum ipsum, quāuis careat gratia habituali; & nō

A habere maiora motiua ad peccandum, quæ sint extranea respectu voluntatis, & minuant eius libertatem; quoniam habitus vel consuetudo pertinet ad voluntatem, & auget voluntarium vt dixi.

§. De diuisione peccati in peccatum ex ignorantia, passione, vt ex malitia. Duo dubiola.


IN FINE huius quæstionis restant duo explicanda, circa ipsam, & duas præcedentes.

PRIMUM EST, an illa diuisio peccati in peccatum ex ignorantia, ex passione, & ex malitia, sit sufficientis, ita vt sub ea comprehenduntur omnia peccata? ALTERVM, est qualis sit? ET AD PRIMUM respondetur, breuiter affirmatiue, nam quamuis D. THOMAS expresse in principio harum quæstionum solum dixerit, se velle agere de causis intrinsecis peccatorum: tamen in progressu satis insinauit, nullum esse peccatum, quod non procedat ex aliqua earum; imo hoc est necessario concedendum, vt constat ex ratione sufficientiæ, quam satis explicuit D. THOMAS articulo 1. huius quæstionis, vbi supponit, nunquam aliquem peccare ratione inclinationis naturalis, & ex consequenti semper peccatum procedere ex aliqua inordinatione alicuius principij humanorum actuum: & statim probat tantum esse tres inordinationes, scilicet, ignorantiam, passionem, & malitiam.

Quod si obijcias, peccatum ex suggestionem non procedere ex aliqua earum; Respondetur, falsum esse hoc, quoniam suggestio in hominibus fere semper fit excitando passionem; quod si aliquando fiat sine excitatione passionis, vt in primo homine, & in angelis; dicendum est, quod peccatum tunc est ex malitia, quoniam suggestio in eo casu solum fit suadendo, & proponendo obiectum, & hoc motiuum non impedit, ne voluntas ex pura libertate sua consentiat, quod sufficit ad peccatum ex malitia, vt dixi de complexione corporali.

Quoniam si ulterius obijcias, ignorantiam ipsam esse aliquando peccatum, & non procedere ex alia ignorantia, ne detur processus ip̄ infinitum; Respondetur, quod vt supra explicui, ignorantia est peccatum ratione actus voluntatis, vel formalis, vel interpretatiui, quo est voluntaria, & iste actus potest indifferenter procedere à quacumque ex illis causis, & non est necessarium, quod semper procedat ex ignorantia; & ita vitatur processus in infinitum. Et præterea, quia quamuis procedat ex alia ignorantia, tamen non est necesse, quod illa alia ignorantia, ex qua procedit, sit peccatum, & consequenter neque procedat ex aliqua ex his tribus causis, quas Diu. THOMAS solum dicit esse radices peccatorum.

AD SECVNDVM respondetur, cum D. THOMAS articulo secundo huius quæstionis ad secundum, diuisionem hanc non esse specificam, sed accidentalem, quia non fit per ordinem ad obiecta specificantia, sed ad diuersos modos peccandi; & ita idem peccatum secundum speciem potest esse ex ignorantia, & ex passione, & ex malitia.



QVÆSTIO LXXIX.

DE CAUSIS EXTERIORIBVS PECCATI.

s. Ratio ordinis.



EXPLICATIS causis intrinsecis peccati, accedit Diuus THOMAS ad agendum de extrinsecis; ex quibus tantum refert tres, scilicet, Deum, diabolum & hominem; quoniam istis solis conuenit peculiaris modus causalitatis respectu peccati; Deo quidem, vt concurrenti per modum causæ primæ, & vniuersalis ad totam entitatem, quæ est in peccato; diabolo vero, vt mouenti, & excitanti determinate ad peccandum; & homini non solum isto modo, sed etiam transfundendo in alium peccatum per generationem, tanquam caput ipsius, vel tanquam membrum, & quasi instrumentum capitis; reliqua, etiam si aliquo modo videantur causæ peccati, scilicet tanquam obiecta excitantia ad ipsum, aut tanquam occasiones peccandi; tamen neque hoc conuenit ipsis per se, quoniam cum ex propria natura sint bona, potius mouent ad bonum, quam ad malum; sed per accidens propter abusum hominum, qui quoniam male eis vtuntur, peccant. Et in hac quæstione agit D. THOMAS de prima causa, scilicet Deo, de qua agunt doctores scolastici in 2. d. 36. & 37.

ARTICVLVS I.

Vtrum Deus sit causa peccati?

PRIMA CONCLUSIO. *Deus non est directe causa peccati.*

SECUNDA CONCLUSIO; *Neque etiam est eius causa indirecte, hoc est quatenus non præbet auxilium, quo posito impeditur peccatum.*

COMMENTARIVS.

CIRCA conclusiones has, disputandum est.

Vtrum Deus sit causa peccati?

s. 1. Sensus dubij explicatur.

ET PRO explicatione tituli, ADVERTENDVM EST PRIMO, peccatum in ista disputatione dupliciter posse sumi: Primo pro malo, quod sit natura quædam substantia-

lis, aut eius pars, quæ vere sit mala; Secundo pro malo, quod sit actio humana mala defectuosa, per respectum ad legem, siue eius malitia sit priuatio aliqua, siue aliquid positium; & quamuis ex hæreticis antiquis aliqui dixerint, Deum esse causam peccati sumpti priori modo, de quorum numero fuerunt MANICHÆI, qui (vt D. AVGVSTINVS refert tom. 6. lib. de hæresibus ad QVODVLT DEVM hæresi. 46.) dicebant duo: primum duas esse naturas & substantias, vnâ boni, & alteram mali, ex quarum inter se pugna & commixtione procedat boni à malo purgatio, & boni, quod à malo purgari non potest, æterna damnatio; Alterum est, duo esse principia prima inter se diuersa, atque aduersa, eademque æterna, & cœterna; ex quibus vnum esset causa substantiæ & naturæ bonæ, & alterum malæ; Et FLORINVS, licet Euseb. lib. 5. hist. c. 19. solum dicat, ipsum sensisse, Deum esse factorem malorum, & id confirmet testimonio IANÆI in epistola, cui titulus est, *de monarchia*, & quod Deus non sit factor malorum, quæ

inter

rent eos, aut ducerent in captiuitatem.

Confirmatur secundo, quia Deus ab æterno, & ante præuisionem omnis peccati voluit multa, quæ non possunt in executione fieri sine peccatis, ergo etiam voluit, & ordinauit, vt committantur huiusmodi peccata; Patet *consequentia*, quoniam, qui efficaciter vult finem, vult etiam media, quæ ad ipsum sunt necessaria. Et *antecedens* probatur, quia illo modo voluit pati Christum & mortes martyrum, & quod aliquis haberet meritum poenitentiae & conuersionis post peccatum: imo vt aliqui dicunt, etiam damnationem reproborum; Et colligitur ex illo ad Rom. 9. *antequam quidquam boni aut mali gessent*, & Prouerb. 16. *omnia propter semetipsum operatus est Dominus, etiam impium in diem malum*.

Confirmatur tertio, quoniam Aug. 10. 7. lib. de correptione & gratia cap. 7. explicans illud Ioa. 6. *nenime ego duodecim elegi vos?* inquit, Iudam electum esse à Christo ad effundendum sanguinem ipsius.

Secundum argumentum sit, ad probandum, Deum esse secundo modo causam peccati, quoniam, qui libere efficit aliquam rem, saltem consequenter efficit ea, quæ ad ipsam necessario consequuntur; sed Deus libere efficit actionem, quæ est in peccato, vt cum D. THOMA dicemus articulo sequenti; ergo etiam efficit, & operatur malitiam, quæ ad ipsam inseparabiliter & necessario consequitur, atque adeo efficit peccatum, quatenus peccatum est.

Confirmatur primo, quoniam, vt homo dicatur operari peccatum, satis est, quod velit, & efficiat actionem, cui malitia est necessario adiuncta, quæ tunc non intendat, imo etiam si detestatur ipsam malitiam, alias raro homines peccarent; ergo similiter, vt Deus dicatur operari peccatum, quatenus peccatum est, erit satis, quod velit, & efficiat ipsam actum, cui malitia est adiuncta, quamuis non velit ipsam malitiam.

Confirmatur secundo, quia nos supra quæstione 71. articulo 6. diximus, malitiam & deformitatem, quæ est formale peccati, esse aliquid positium: Ex quo tale desumitur argumentum, satis est, quod aliquis efficiat peccatum quantum ad eius materiale & formale, vt dicatur efficere ipsum quatenus peccatum est: sed Deus efficit peccatum quantum ad eius materiale & formale; ergo efficit ipsum, quatenus peccatum est. *Maiores* constat inductione in productione cuiuscunque rei: nam qui efficit, vel disponit materiam leonis, & producit eius formam, dicitur producere leonem quatenus leo est, & idem est in reliquis siue naturalibus, siue artificialibus. Et *minor* probatur, quia non solum materiale peccati, quod est quidam actus, sed etiam formale, quod est ipsa malitia, est quædam entitas positua, siue realis participata; ergo vtrumque est efficienter à Deo. Patet *illa consequentia*, quia omne ens reale per participationem est efficienter ab ente per essentiam.

Ultimum argumentum sit, ad probandum, quod etiam tertio modo sit Deus causa peccati; quoniam voluntas creata concurret ad peccatum vt causa subordinata Deo, tanquam causæ primæ; ergo concurret vt mota à Deo, ad peccatum; Patet *consequentia*, quia causa secunda non operatur, nisi vt mota à prima.

Confirmatur secundo testimonijs scripturæ, nam Psal. 106. dicitur, *errare fecit eos in iniurio, & non in via.* & Isai. 10. vocatur Assur virga furoris Domini ad Roma. 1. *propterea tradidit illos Deus in desideria cordis eorum in immundiciam*, & paulo post: *propterea tradidit illos Deus in passionem ignominia*, quibus verbis non tantum videtur significari, traditos esse, vt paterentur passionem, sed etiam vt consentirent ei. Et huc pertinet illud Psal. 104. supra adductum: *conuersus cor eorum vt odirent populum eius*; huc etiam pertinent ea testimonia, quibus dicitur, Deum ingrâuare & obdurare corda hominum, aut excæcare eos, aut immittere eis aliquem spiritum, vel impulsus, ita vt propter has internas dispositiones resisterent diuinis monitis, & faciant ea, quæ mala sunt, vt quantum ad indurationem constar de Pharaone Exo. 4. & 10. & de rege Schem Deutero. 2. & de illis, qui filijs Israel bello restiterunt Iosue 11. & de omnibus ad Roma. 9. & quantum ad excitationem Isa. 6. ad Roma. 1. & quantum ad internum spiritum 2. Apocalip. 21. ad Roma. 11. ad Thesal. 2.

Confirmatur tertio testimonio AVOYST. qui tom. 7. lib. 5. contra Iulianum cap. 3. sic ait: *multa alia commemorare possemus, in quibus liquido appareat, oculis indicio Dei fieri peruersitatem cordis, vt non audiantur, quod verum dicitur, & inde peccetur*, & lib. de gratia & libero arbitrio, capite 21. ita inquit: *his & talibus testimonijs diuinitus eloquiorum, quæ omnia commemorare nimis longum est, satis quantum, ex illo manifestatur, operari Deum in cordibus hominum ad inclinandas eorum voluntates quocunque voluerit siue ad bona, pro sua misericordia, siue ad mala pro meritis eorum, indicio utique suo aliquando aperto, aliquando occulto, semper autem iusto.*

§. 3. Deus permittit peccata fieri, etiam vt peccata sunt.

PRIMA CONCLUSIO. Deus ab æterno voluit permittere & in tempore permittit peccata, quæ voluntate creata committuntur, etiam quatenus peccata sunt. In hac omnes conueniunt tam Catholoci, quam hæretici: Et probatur, nam imprimis, quod Deus in tempore permittat ista peccata, patet quia alias impediret ea, & ex consequenti non fierent.

Et *Confirmatur*, quia nihil sit, nisi Deo volente, aut saltem libere non impediante, cum possit impedire; sed peccatum non fit Deo volente; ergo fit ipso libere non impediante, ergo & permittente. Patet *illa consequentia*, quia cum aduertentia & libere non impedire, quod quis potest impedire, est permittere.

Quod vero ab æterno voluerit Deus ita permittere peccata, probatur, quia eo modo, quo Deus in tempore se habet circa peccata nostra, voluit ab æterno se habere.

Confirmatur primo, quia, quod Deus in tempore ita permittat, siue non impediat peccata, non est à casu respectu ipsius; ergo est ex consilio, & deliberatione, & ex consequenti ex volitione permittendi.

Confirmatur secundo, quia hæc permissio peccatorum

corum ordinatur in fines volitos à Deo ab æterno, ergo etiam ipsa est ab æterno volita, ut medium ordinatum ad illos fines. Probatur antecedens, quoniam imprimis ordinatur in bonum naturæ rationalis in communi, scilicet ut libere, & cum indifferentia ad utrumque consequatur suam felicitatem, quia hoc est ipsi consonum, quoniam est libera; quæ ratione utitur DIONYS. circa finem capitis quarti de diuinis nominibus, ad probandum, non oportere impelli nos, & determinari per providentiam ad virtutem; & interdum etiam ordinatur in commodum ipsorum peccantium, aut ad aliorum utilitatem; & ut peccatorum occasione resplendeant diuina bonitas, misericordia, sapientia, potentia, & iustitia.

Confirmatur tertio, quia ordinare & dirigere homines in beatitudinem, ita ut possint, si velint, deficere per peccata, includit non impedire peccata, & ex consequenti permittere ea: sed *primum* est volitum à Deo ab æterno ergo & *secundum*.

Et tandem quia tribus modis possumus intelligere, se habuisse diuinam voluntatem ab æterno circa permissionem peccatorum, *Primo* volendo ipsam, & hoc est quod probare volumus, *Secundo* positiue nolendo eam, nolitione absoluta, & non signi, qualis colligitur ex præcepto, & hoc repugnat suæ omnipotentia, quia nolle hoc modo permissionem peccati, est velle impedire ipsum, & constat non semper impediri peccata; *Tertio* negatiue, hoc est neque volendo, neque nolendo eam, actu positiuo; & hoc videtur importare imperfectionem, vel aduertentiam, vel providentiam, circa modum agendi voluntatis creatæ, & ex consequenti non est concedendum de Deo.

Verum aduertendum est, quod in hac conclusione non loquimur de permissione pænali, (quoniam hæc non reperitur in omni peccato) sed de ea, quæ consistit in hoc, quod peccatum possit impediri à Deo, & non impediat, & est effectus providentiæ generalis.

§. 4. Deus actu positiuo ab æterno non decreuit committi ullum peccatum.

SECUNDA CONCLUSIO. Deus ab æterno non habuit actum, quo positiue voluerit, vel ordinaverit, aut decreverit committi peccatum aliquod à voluntate creatæ. In hac incipimus differre ab hæreticis, & est certa secundum fidem. Probatur *PRIMO* quoniam in scriptura aperto dicitur, Deum non velle, imo & odio habere peccatum, ut Psal. 5. non Deus volens iniquitatem in es. Sapientia. 14. odio sunt Deo impius, & impietas eius. Ecclesiastici 15. non dixeris, per Deum abest (scilicet sapientia) qua non oderit ne feceris. Et post pauca: omne excrementum erroris odit Dominus, & non eris amabile timentibus eum. Habacuc. 1. munda sunt oculi tui ne videas malum, & respicere ad iniquitatem non poteris, quod de scientia approbationis intelligitur. Ezechiel. 18. nunquid voluntatis mea est mors impij, dicit Dominus Deus, & non conuertatur à viis suis & vivat?

Sed respondet hæretici, distinguendum esse præceptum à voluntate diuina; siue volunta-

tem declaratam in scripturis per præcepta, à voluntate arcana, & non ita declarata; & testimonia hæc intelligi de præcepto, seu de priori voluntate, & ideo non esse eis contrarium id, quod ipsi asserunt, scilicet Deum voluisse, & ordinasse, quod committerentur peccata, quoniam hoc intelligatur de voluntate ut distinguitur à præcepto, seu de voluntate arcana.

Sed contra, quia in his testimonijs non dicitur, quod Deus non velit peccatum præcipiendo ipsum, aut declarando, quod vult; ergo non sunt restringenda ad illum modum volendi. Item, quia in eis significatur, Deum ex natura sua habere, quod non velit peccatum; ergo non solum colligitur ex ipsis, Deum non præcipere peccatum, sed etiam nullo modo velle ipsum; Et tandem, quia ex istis testimonijs & alijs similibus (ut etiam hæretici fatentur) constat, Deum habuisse actum, quo voluit legibus suis prohibere naturæ rationali omnia peccata, & graues statuare pænas contra ipsam, si aliqua commiserit; ergo non est dicendum, habuisse simul actum, quo voluerit, vel ordinaverit committi peccata ab eadem natura. Patet consequentia, quia duæ istæ volitiones sunt impossibiles, & repugnantes in eadem voluntate, cum de eadem se sit per eas volitum, quod sit, & non sit, aut quod fiat, & non fiat, quod implicat contradictionem.

SECUNDO PROBATUR definitionibus conciliorum, nam in concilio ARAUSICANO secundo cap. 25. & in TRID. sessione 6. decreto de iustificatione can. 17. damnatur, qui dixerit, esse aliquos diuina potestate prædestinatos ad malum. Et eis adiungi potest testimonium LEONIS 9. in epistola ad PATRUM Antiochenum Episcopum, quæ habetur in fine operum Leonis primi ubi sic ait: credo Deum prædestinasse solummodo bona, præscisse autem bona malaque.

TERTIO probatur testimonijs sanctorum, nam CHRYSOST. hom. 8. in Epistolam secundam ad Timoth. sic ait: hoc solum scio, quod Deus omnia providet, quod liberi arbitrij conditi sumus, quod alia quidem operatur, alia vero permittit, quod nihil mali vult fieri. & AUGUST. in lib. responsionum ad articulos sibi falso impositos, artic. 10. inquit, quod Dei prædestinatio nunquam extra bonitatem, nunquam extra iustitiam est; & postea ita ait: non ergo casus ruentium, nec malignitatem iniquorum, nec cupiditates peccantium prædestinatio Dei aut excitavit aut fuit, aut impulsit etiam; habetur autem liber hic in operibus æditi iuxta correctionem Theologorum Louanienfium in appendice tom. 7. & est secundus inter quatuor D. PROSPERI aduersus calumniatores doctrinæ B. AUGUSTINI & tom. 9. tract. 41. in Ioan. inquit, quod Deus odit omnia peccata DAMASCE. lib. 2. fidei ortho. 29. in principio sic ait: quod si providentia nihil aliud est quam Dei voluntas; omnia proculdubio, quæ providentia sunt, vel à ratione pulcherrime ac diuinitate fieri necesse est; & postea circa medium capitis: enimvero providentia opera, partim propensa Dei voluntate sunt, partim permissione. Propensa voluntate sunt ea omnia quæ citra controuersiam bona sunt: permissione; quæ nonnullam absurditatis

speciem præ se ferunt, & rursum in fine, ac vero ex his, quæ in nostro arbitrio consistunt, ea quidem, quæ bona sunt, primariè vult, gratiæque habet Deus. Mala contra nec primariè, nec secundariè, verùm libero arbitrio ea permittit: & in principio capitis sequentis præfuit, (scilicet Deus) ea quæ in nostra potestate liberoque arbitrio sita sunt: ac non solum ea, præfuit, nec enim vitium admittit vult. Et præterea ad hoc probandum adduci possunt ea testimonia Sanctorum, quibus solet probari, Deum non operari malum, de quibus dicemus postea, quoniam Deus, quicquid in tempore operatur, voluit ab æterno operari.

ULTIMO probatur ratione desumpta ex D. THOMA 1. p. q. 19. art. 9. quæ talis est: velle peccatum, quatenus peccatum, etiam sub ratione boni, & extra Deum, scilicet in voluntate creata, est velle & amare aliquid, plus quam Deum; sed hoc repugnat diuinæ voluntati; ergo & primum; Minor patet, quia voluntas Dei determinata est ad non diligendum aliquid plus, quam Dei bonitatē; & minor probatur, quia peccatum, quatenus peccatum est, etiam si sumatur sub ratione boni, & ubique sit, est auersiuum, id est, importat auersionem à Deo, & ab eius bonitate, ergo velle ipsam secundum istam rationem, est anteponeere aliquid Deo in amore.

Confirmatur, quia velle, quod fiat peccatum, etiam à voluntate creata, est malum, & dissonum à recta ratione, sicut ipsum obiectum; ergo repugnat Deo.

Ad hoc hæretici negant antecedens, respectu Dei, quia Deus non subditur legi, & præterea, quia ordinat peccatum creaturæ in finem bonum à se ipso intentum.

Sed contra priorem obijci potest, non sufficere ad excusandum illam volitionem in Deo ab hoc, quod reuera sit contraria rectæ rationi; & consequenter mala, sicut suum obiectum. Et contra posteriorem, non excusari actum à culpa propter bonum finem, quando obiectum est malum. Item quod (vt D. THOMAS docet art. cit. ad primum) peccatum non ordinatur ad bonum per se, sed per accidens; ergo quamuis ordinetur ad finem bonum, est obiectum malum, & ex consequenti reddit malam volitionem ipsius. Patet consequentia, quia nihil indicatur secundum illud, quod competit ei per accidens, sed secundum illud, quod cõpetit ei per se.

§ 5. Deus non operatur peccatum, vt peccatum est.

TERTIA CONCLUSIO. Deus in tempore non facit, aut operatur peccatum voluntatis creata, quatenus peccatum est. Probat per primo, quia oppositum repugnat aperte testimonijs adductis pro præcedenti conclusione; quia nihil operatur, aut facit Deus ad extra, quod non sit ab ipso libere volitum; ergo si repugnat Deo, quod velit peccatum, quatenus peccatum est: etiam repugnabit, quod efficiat, vel operetur ipsum secundum eandem rationem. Probat per antecedens ex D. THOMA quæstione citata, artic. 4. tum quia cum Deus ad extra nihil producat necessario, sed omnia libere faciat, necesse est, quod ex determinatione suæ voluntatis procedat, quod producantur isti, vel

illi effectus; tum etiam, quia voluntas Dei est principium productiuum suorum effectuum.

Et confirmatur, quoniam Sapientia 11. dicitur diligis omnia, quæ sunt, & nihil odisti eorum, quæ fecisti: nec enim odians aliquid constituisi, aut fecisti. constat autem ex testimonijs adductis pro prima conclusione, Deum odio prosequi, & non velle, neque approbare peccata.

Secundo probatur, quia in Concilio Tridentino sessione sexta, decreto de iustificatione damnatur, qui dixerit, Deum operari mala opera, ita vt bona, non solum permittit, sed etiam proprie & per se.

TERTIO probatur testimonijs Sanctorum qui absolute negant, Deum esse causam peccati, quatenus peccatum est, ita AVGVST. primo loco citato pro præcedenti conclusione: vbi ita inquit, detestanda est & abominanda opinio, quæ Deum eumque mala voluntatis, aut mala actionis credit auctorem, & tom. 7. lib. 2. de peccatorum meritis & remissione cap. 17. & 18. & tom. 3. libr. de Spiritu & lit. cap. 31. BASILIUS in homil. cui titulus est quod Deus non sit auctor malorum. ORIGENES libr. 3. periarcon cap. 3. DAMASCE. libr. 4. fidei orthodox. cap. 20. plura testimonia referunt SOTVS libr. 1. de natura & gratia cap. 17. & 18. VEGA libr. 2. super concilium Tridentinum cap. 15. CAN. libr. 2. de locis cap. 4. & latissime MOLINA in concordia liberi arbitrij cum gratia donis ad articulum 13. quæst. 14. primæ partis, disputatione 30.

ULTIMO probatur ratione D. THOMAE in hoc art. quæ mihi videtur evidens, & est huiusmodi: peccato vt peccatum est repugnat ordinari in Deum, vt in finem, quoniam consistit in recessu ab ordine in Deum, vt in finem; ergo etiam repugnat ei fieri, aut produci à Deo. Patet consequentia, quia Deus nihil potest efficere, quod non ordinet in seipsum, vt in finem; quoniam sicut concutit vt primum efficiens ad ea, quæ facit: sic etiam vt ultimus finis ipsorum; & ita Prouerbijs 16. dicitur: Vniuersa propter semetipsum, operatus est Dominus.

Et confirmatur, quia operari peccatum, quatenus est peccatum, est peccare, recedere à Deo, & errare, aut deniare à recta ratione; sed hæc repugnant Deo, ergo & facere peccatum, quatenus est peccatum.

Ex hac conclusione sequitur primo, cauendum esse modum loquendi IOANNIS MAIORIS in 1. dist. 42. quæstione vnica, & GABRIELIS in 2. dist. 37. quæst. vnica, articulo tertio, dubio primo, qui concedunt propositionem istam, peccatum Deus facit & causat; & negant istam, Deus facit peccatum: quorum fundamentum est regula illa dialecticorum, quod terminus connotatiuus positus à parte subiecti sumitur pro materiali; positus vero à parte prædicati sumitur pro formali: nam ex hac regula colligitur, sensum prioris propositionis esse, Deum esse causam peccati, quantum ad actum, qui est materiale in ipso, quod est verum, vt cum D. THOMA dicemus artic. sequenti: & sensum posterioris esse, Deum esse causam peccati, quantum ad id,

quo aliquis dicitur peccator, quod est formale in ipso, & hic sensus est falsus; & adhuc magis cauendus est modus loquendi OKAMI in 1. d. 47. quæst. 1. ubi dicit non asserendo, sed recitativo, posse de rigore sermonis, quamvis non secundum sententiam sanctorum, concedi utramque propositionem indistincte, & quod Deus vult, & facit malum, & peccatum. Et probat hoc isto syllogismo expositorio, hic actus sit à Deo, hic actus est malus, aut peccatum; ergo peccatum sit à Deo. Et addit, non posse responderi, comitti in eo fallaciam accidentis, vel figuræ dictionis; quoniam est similis huic, iste Petrus est homo, iste Petrus est albus, ergo album est homo: vel huic, ista dilectio Dei est à Deo, ista dilectio Dei est bona, ergo bonum est à Deo. Quod si ei obijcias, sequi ex hoc, Deum esse malum, & peccare, quoniam quicumque facit malum, est malus, sicut quicumque facit bonum est bonus. Respondet, negando sequelam: & ad probationem dicit, non esse idem facere, aut velle malum, & facere aut velle malum male, sicut non est idem facere opus meritorium, & facere ipsum meritorium, nec facere opus iustum, & facere ipsum iuste, & primum conuenire Deo, non autem secundum; quia non facit aut vult, quod tenetur non facere aut non velle, & ex primo non posse colligi illud consequens, sed solum ex secundo; sicut in exemplis propositis, quamvis Deus faciat actum meritorium, non sequitur quod mereatur, & quamvis aliquis faciat opus iustum, non sequitur quod sit iustus, nisi faciat ipsum iuste, vt ARIST. dixit 1. Ethic. c. 4.

Sed quicquid sit de sensu istorum authorum, qui forsan fuit verus, quoniam aperte non sumunt peccatum, pro formali, sed solum pro materiali, hoc est, pro actu peccati, quod magis explicuit GABRIEL. (quamvis per formale peccati non videatur intelligere malitiam, & deformitatem, sed modum faciendi peccatum, qui sufficiat ad denominandum peccatorem & malum, in quo etiam alij videntur decepti) tamen modus loquendi ipsorum omnino est fugiendus, vt fauens hæreticis, & repugnans testimonijs scripturæ, conciliorum, & sanctorum supra adductis; quoniam in eis absolute dicitur, Deum non velle & non facere peccatum. Et præterea, quia Deo non solum repugnat esse malum, aut peccare, sed etiam velle, aut facere peccatum, quatenus peccatum est; & hoc significatur illis propositionibus, secundum communem vsum loquendi. Et tandem, quia non satis est dicere, Deum non teneri non velle, aut non facere peccatum, vt quamvis velit, aut faciat ipsum, non faciat malum, nec sit malus, nec peccet: tum quia obiectum illud, scilicet voluntatem creatam peccare, est malum & dissonum à ratione, etiam respectu Dei; & ex consequenti reddit malum actum, quo fuerit volitum, aut factum. (Ex quo patet non esse aptum exemplum, quo isti vtuntur ad hoc explicandum, de duobus exercentibus eundem actum, qui vni eorum sit prohibitus, & non alteri; quoniam in isto casu actus non est malus respectu eius, cui non est prohibitus.) Tum etiam, quia Deum velle aut facere peccatum voluntatis creatæ, repugnat ordini suæ sapientiæ, quoniam repugnat eius bonitati & causalitati ultimi finis, quæ ipsi conueniunt

A respectu omnium, quæ facit; & præceptis, quæ iuxta suam sapientiam imposuit voluntati creatæ; ergo si Deus id posset, etiam posset deviare ab ordine sapientiæ, & erit defectibilis respectu boni, & ex consequenti non esset eius voluntas regula suarum actionum, sed egeret regula superaddita, & subderetur ei.

Neque fauet GABRIEL. regula illa dialecticorum, quoniam licet aliquando admittatur à Theologis, vt constat ex D. THOM. 3. p. q. 16. art. 7. ad 4. tamen quando per terminum connotarium importatur peculiaris modus efficientiæ alicuius causæ, non solet admitti: nam in hoc casu, siue iste terminus ponatur in subiecto, siue in prædicato, semper sumitur pro formali, vt constat in connotatiuis artificialibus; si enim aliquis fecit aut dedit materiam, ex qua facta est statua, & non fecit aut dedit statuam formaliter, non magis erit verum dicere, quod statuam fecit, quam quod dedit statuam, & de istorum numero est peccatum.

Neque etiam fauet OKAMO ille syllogismus expositivus, quoniam in eo aperte comittitur defectus; quia peccatum in minore sumitur materialiter, & in consequenti formaliter, quod multis exemplis sumptis ex diuinis, & ex rebus creatis solet explicari: vt quando probatur, relationes oppositas esse idem inter se, quia sunt idem cum essentia diuinæ; & actionem esse passionem, quia sunt vna entitas.

Neque obstat, quod opponit de alijs duobus syllogismis; quoniam in priori album, tam in minori, quam in consequente sumitur materialiter; & in posteriori non conceditur consequentia ratione formæ, sed ratione materiæ, scilicet quia Deus ad actionem bonam, etiam vt bona est, concurrat, excitando, consulendo, & præcipiendo vt postea explicabo.

§ 6. Deus non mouet directe voluntatem creatam ad peccatum, vt peccatum est.

VLTIMA CONCLUSIO. Deus non mouet directe voluntatem creatam ad peccatum, quatenus peccatum est. Vbi consulto dico in communi quod non moueat, quoniam quod non moueat cogendo aut necessitando, pertinet ad alia loca, vt supra dixi, & ex eis, quæ sæpe dicta sunt in hac materia, constat, non posse aliquid habere rationem peccati, nisi sit voluntarium & liberum. Apposui etiam illam particulam directe, vt excluderem motionem per modum occasionis non intentæ à Deo in ordine ad peccatum, sed ad aliquod bonum, de qua dicam postea. Iam probatur conclusio PRIMO ex illo Iacobi 1. nemo cum tentatur dicat, quoniam à Deo tentatur; Deus enim intentator malorum est, ipse autem neminem tentat, quod AVERROES. tom. 4. lib. quæstionum in Genesim q. 57. & lib. 2. de consensu Evangelistarum cap. 30. dicit, intelligendum esse de tentatione, non probationis, sed seductionis, siue, qua aliquis implicatur peccato; si ergo Dei naturæ repugnat tentare ad malum culpæ, quod videtur significari illis verbis; Deus enim intentator malorum est, etiam repugnabit ipsi mouere directe voluntatem creatam ad huiusmodi malum. Item ex illo Ecclesiast 15. Non dicas, ille me implauit: non enim necessarij sunt ei homines impii: vbi pro verbo implauit ponitur in Græco aliud, quod significat in

causam includere, aut impellere, ut Matth. 24. & Marc. 13. de hoc intelligitur de errore cuius, ut constat ex ratione, quæ subjicitur. *Præterea* non potest Deus mouere directe voluntatem creatam ad peccatum, quatenus peccatum est malum, & ordinem quod hæc ipsam peccatum: scilicet includendum repugnat Deo, ut patet ex secunda consuetudine, ergo & illud.

Ex hac conuersione sequitur non posse Deum inducere se sola habicum vitij, & infundere eam voluntatem creatam. Probatur, quoniam habicum vitij inclinat ad peccatum quatenus peccatum est, ergo si Deus infunderet eum, moueret ad peccatum. Pater consequenter, dare propensionem aut inclinationem ad aliquam operationem, est excitare, & mouere ad ipsam.

Confirmatur primo, quoniam actus procedens ex aliqua inclinatione, tribuitur auctoritatem ipsius inclinationis; ergo si Deus infunderet habicum vitij, tribueretur ipsi vitium procedens ex tali habito.

Confirmatur secundo, quia Deus non potest offere intellectui aliquis argumenta, & cõsilia, quæ directe & determinate moueant ad peccatum, quoniam esset causa peccati, & vellet peccatum, ut de alijs consuetudinibus malum solet dici: ergo propter eandem rationem non potest infundere habicum vitij. *Neque obstat*, quod voluntas possit, etiam post infusionem talis habicum, non peccare, siquidem habitibus vitium cum voluntate, quæ etiam homo consilio mouens alium ad peccandum, & demon tentans, relinquit eum liberum ut consentiat, vel dissentiat, & nihilominus uterque dicitur causa peccati.

Neque etiam obstat, quod infundendo hunc habitum, posset conferre æqualem vim gratiæ ad superandum eius inclinationem, & habens finem bonum; scilicet, quod homo magis mereatur resistendo illi habitui: *quoniam* totum hoc non tollit naturam habitum, quæ est inclinata ad operandum circa suum obiectum, & ex consequenti non sufficit ut Deus nõ dicatur mouere eo mediante ad peccatum.

§ 7. Dissoluentur argumenta hereticorum.

AD PRIMUM, respondetur, negando, in scriptura dici, Deum velle positiue, aut ordinare, quod fiant peccata à voluntate creatâ, & ad testimonia, quibus probatur, dicendum est PRIMO, in eis nomine voluntatis *consilij* & *precepti*, significari permissionem; & similiter verba habentia formam imperandi, non habere vim præcepti, sed permissionis, ita ut idem sit, Deum dicere, *exordere fac hoc*, atque dicere, *permittito tibi, ut egrediaris, vel ut facias*; ita voces *has*, & alias similes exponunt communiter sancti patres in locis supra citatis contra hereticos. Et quod ita sint exponenda colligitur ex ipsa scriptura, quia non repugnat tibi: dicit autem super Deum, neque velle, neque imperare peccata, ut constat ex testimonijs adductis prima conclusione; & ex illo Ecclesiasticæ 33. *non enim mandauit impij agere*.

Neque est insolens in scriptura, verbum habens formam imperij, imo & hanc vocem *preceptum*, ut parari pro permissione: nam Numer. 22. dixit dominus ad Balaam: sic vocare te *venire homines isti, surge & vadecum eis*; & tamen statim subiicitur, quod quæ profectus est cum eis, inuocati est dominus, & quod stetit angelus domini in via contra Balaam, & post multa dixit eis: *ego veni ut ad-*

uertarer tibi, quia peruersa est via tua, multique contraria. Et Marc. 10. dixerunt Pharisei ad Christum: *Magister permisso libellum repudiij scribere*; & Christus respondit eis: *ad duritiam cordis vestri, precepti vobis præceptum aliud*, ubi pro eodem sumuntur *permisso* & *preceptum*. Et hoc valetur explicatum apud Matth. cap. 19. ubi prius interrogauerant Pharisei 10. *quid ergo Moyses mandauit libellum repudiij*, & Christus respondit eis: *ad duritiam cordis vestri permisso vobis duritiam*.

Neque etiam est à ratione alienum, quod permisso appelletur illis nominibus: *Primo*, quia Deus vult & ordinat ipsam permissionem, & bonum, quod ex peccato permisso sequitur, quamuis non velit ipsum per tale medium. Et *præterea*, quia Deus dicitur permittere peccata, quia potest ea impedire, & non impedit, & aliquando subtrahit maiora auxilia, quibus impedirentur; imo & aliquid facit, ex quo homines malitia sua sumunt occasionem peccandi, ut explicabo artic. 3. & secundum communem consuetudinem loquendi (quam sæpe sequitur scriptura) his, qui prædicto modo se habent circa maiora operum altemus, dicitur velle, quod aliter faciat ea.

Et ex his patet solutio etiam ad ea, quæ diximas, posse ex parte hereticorum obijci contra expositionem hanc, nam *imprimis* constat, quod quamuis scriptura in prædictis locis vitium verbis significantibus imperium, aut preceptum: tamen ratione materiz debent exponi de permissione. Et *præterea*, constat etiam, non esse eandem rationem de omnibus alijs locis, in quibus scriptura vitur eisdem verbis: quoniam materia est longe diuersa, & talis ut non repugnet Deo velle ipsam.

SECUNDO Respondetur, posse aliter exponi quædam ex illis testimonijs; nam ad duo quæ adducuntur ex Genesi, dicit potest, consilium & voluntatem Dei non reſtiti ad peccatum, quod fratres Ioseph commiserant vendendo ipsum; sed ad bonum, quod Deus ex peccato illo eduxit, scilicet ad exaltationem Ioseph in Aegypto, & ad hoc ut ipse aleret in tempore famis patrem suum & fratres, ut constat ex verbis quæ in utroque loco habentur ante aut post illa, quæ in argumento. Et fauere huic expositioni transiitio 70. & paraphrasis Chaldaica, ut in eis videtur potest: habet etiam posterius testimonium alias expositiones consonas lectioni Hebraicæ, quæ V. A. TAB. EGYPT. & FORABRI ex locis referunt; & similiter in eis, quæ adducuntur ex actis Apostolorum, *Consilium* Dei refertur ad finem bonum intentum à Deo per Christi passionem, scilicet ad redemptionem hominum. Et tandem verba, quæ in alijs testimonijs habent formam imperij, possunt accipi ironice, sicut sæpe sumuntur similia verba in scriptura, ut alijs exemplis probauimus supra quæst. 7.

AD PRIMAM CONFIRMATIONEM Respondetur, negando antecedens, si intelligatur de motione positiua; & ad probationem, dicendum est, per actiones illas, & motiones intelligi permissionem illorum malorum, quæ Deus aliquibus committatur: nam scriptura sæpe solet permissionem Dei appellare actionem, & tribuere ipsi Deo mala, quæ permittit, tanquam efficiens, & positiue concurrenti ad ea, maxime cum ea

permittit in penam vel eorum, quæ ea faciunt, vel aliorum; aut in ordine ad aliquem alium finem peculiarem & bonum, ut docent Sancti supra citati, quibus addi potest EUTHIM. Ioann. 11. super Psal. 66. ubi hoc probat alijs testimonijs scripturæ. quæ refert MARTINEZ libr. 10. hypotyp. reg. 5.

SED OBIECTES, in testimonijs, quæ in isto argumento referuntur, dicitur. Deum usum fuisse operibus hominum malis in ordine ad fines peculiares & bonos ab ipso intentos; ergo sicut fines isti fuerunt à Deo voliti, & ordinati, & non solum permitti, ita etiam illa mala, fuerunt à Deo positive volita, & ordinata, & non solum permitti. Patet consequentia, quia ad eandem ordinationem & providentiam pertinent finis, & medium, quod ad ipsum assumitur. Respondetur negando antecedens, si non intelligatur de usu negativo, hoc est, de permissione, sed de positivo, hoc est de excitatione aut motivatione ad exercitiū illorum operum, sicut debet intelligi, ut sit ad propositum, & ratio huius est, quod illa testimonia intelliguntur de permissione ut dixi. Itaque cum Deus in vindictam scelerum, quæ ab aliquibus perpetrantur, comminatur, se excitatur alios, ut faciant contra eos ea, quæ sine peccato facere non possunt: v. g. ut cum vxoribus eorum adulteria committant, vel ut eis inferant bellum iniustum; non est sensus, quod positive excitabit, aut movebit tales homines ad faciendum huiusmodi mala, sed solum quod permittet ipsis ut faciant ea.

QVOD SI ULTERIUS obijcia: comminationes illæ fuerunt absolute, atque adeo infallibiliter implende, quoniam procedebant ex voluntate absoluta, & efficaci puniendi illos homines; ergo mala, per quæ erant adimplende, non solum fuerunt permitti à Deo; sed etiam volita voluntate absoluta. Patet consequentia, quoniam alijs, non potuit esse infallibilis earum adimpletio, quia non sufficit permitti aut non impediri aliquod malum in particulari, ut sit infallibile quod fiet. Respondetur negando consequentiam: & ad probationem, quod ut comminationes illæ fuerint infallibiles, quando factæ sunt illis hominibus malis, aut reuelatæ Prophetis, satis est, quod processerit ex scientia, quia Deus certo & infallibiliter cognoscebat futura esse illa mala. Neque modo placet disputare an ex vi solius permissionis, quatenus in tempore antecedit opus malum permittum, sit infallibile quod fiet tale opus in particulari, quoniam de hoc alibi est agendum.

Quod si inquiras: an Deus, sicut in tempore punit sceleratos medijs operibus malis aliorum, ita ab æternitate voluerit punire eos medijs eisdem malis. Respondetur, quod sicut in tempore punit medijs illis malis non excitando ad ea, sed solum permittendo: sic etiam ab æternitate voluit punire, permittendo huiusmodi mala, sed tamen supposita cognitione infallibili ipsorum, aut non sine ea.

Ad 2. confirmationem respondeo, negando antecedens, si intelligatur de bono, quod sine certo & determinato aliquo peccato fieri non potest, & de voluntate efficaci & absoluta, qualis est illa, de qua procedit argumentum: ut patet ex probatione consequentia, & ratio huius est aperta, quoniam alias sequeretur, quod volitio talis boni esset simul efficax & inefficax: nam in primis, quod esset efficax, patet ex suppositione; quod vero esset inefficax, probatur, quia, cum non haberet adiunctam cognitionem peccati, sine quo non posset fieri illud bonum,

A neque etiam esset factiva ipsius peccati, aut alterius rei, ex qua infallibiliter sequeretur, non posset terminari absolute ad illud bonum, sed solum sub conditione, aut ex suppositione quod fieret illud peccatum, atque adeo non esset voluntas absoluta sed conditionata, de qua certum est, non esse efficacem. Et ad probationem illius antecedentis, dicendum est, tria bona, quæ referuntur in tribus prioribus exemplis, vel non esse talia, ut sine certo & determinato aliquo peccato fieri non possint; vel, si sint talia, non fuisse volita à Deo voluntate absoluta, sine cognitione infallibili illius peccati: Appellavi autem bona, crucifixionem Christi, & mores martyrium, non quidem sumendo eas active & ut procedebant ab occidentibus, sed sumendo eas passive & ut receptas ex charitate & amore Dei.

De ultimo vero exemplo dico, mihi probabilius videri, Deum non voluisse aut ordinasse efficaciter damnationem alicuius ad supplicium, vel ad penam sine cognitione sui ultimi peccati. Et hoc concedunt etiam illi, qui sentiunt reprobationem fuisse consummatam sine visione finalis peccati, quia dicunt Deum non punire, & ex consequenti non statuisse punire aliquem propter peccatum ut permittum, neque ut committendum ab eo, sed solum ut commissum aut in tempore, aut saltem in cognitione Dei, quæ est visio. An vero ante damnationem ad supplicium censetur consummata reprobatio quantum ad suam essentiam? pertinet ad materiam de prædestinatione.

Neque obstat illud Proverborum 16. Omnia propter semetipsum operatus est Dominus etiam impiū in diem malum; quoniam sensus huius secundæ partis est quod etiam cum Deus damnat impiū propter sua peccata ad diem malum, vel ad supplicium: id facit propter semetipsum, hoc est, ut eius iustitia & indignatio contra malos cognoscatur.

Ad 3. confirmationem respondetur, AUGUSTINUM per electionem Iudæ, intellexisse permissionem.

AD 2. ARGUMENTUM DURAN. in 2. d. 37. q. 1. Respondet, negando minorem, existimat enim, Deum non concurrere immediate ad actionem, quæ est materiale peccati: sed solum mediate, quatenus dedit, & conseruat voluntatem, quæ est immediatum principium ipsius. Imo idem censet de omnibus actionibus causarum secundarum. Quod si ei obijcias, sequi ex hoc, quod neque actuum naturalium, neque bonorum sit Deus causa? Respondet, negando sequelam, & dicit, rationem discriminis esse, quod ad actus naturales fecit Deus principia determinata, & non indifferentia, & ad actus bonos mouet & inclinat principium, quod ipse fecit indifferens; at vero ad actus malos, fecit principium indifferens, & non inclinat ipsum ad eos, & ideo actus naturales reducuntur in Deum media determinatione sui principij, & actus liberi boni reducuntur media indifferentia sui principij, & media inclinatione huius indifferentiæ; actus tamen mali solum reducuntur media indifferentia sui principij ad bonum, & ad malum.

Sed hæc sententia merito rejicitur ab omnibus, ut dicat art. seq. Secundo respondens CAPREO. in 2. d. 35. q. 1. art. 3. ad 6. arg. GREG. contra primam conclusionem, & d. 37 q. 1. art. 3. ad 1. arg. AVREOLI contra 2. concl. CAJET. in hoc art. CONEA. in sequenti. FERRA. 3.

contra c. 71. in fine, & multi ex recentioribus Thomistis, quod, quando id, quod consequitur ad aliquem actum, non tam habet rationem effectus, quam defectus, cuiusmodi est malitia, siue deformitas peccati: non dicitur eius causa, quicquid etiã libere est causa talis actus; sed solum id, quod est causa deficiens; & quia Deus in agendo deficere non potest, ideo: quamvis libere concurrat ad actum, qui est materiale peccati, non sequitur, quod etiam concurrat ad malitiam, vel deformitatem, quæ sequitur ad huiusmodi actum, & est formale peccati.

Hæc solutio habet primo fundamentum in D. THOMA, qui expresse eam tradidit articulo sequenti ad 2. Secundo in ratione, quia quando id, quod sequitur ad actum, non consequitur ad ipsum absolute, sed prout importat peculiarem habitudinem ad specialem modum agendi alicuius causæ; non tribuitur cuicunque causæ ipsius actus, sed solum illi, cui conuenit ille specialis modus agendi; sicut comedere, aut videre, in actu exerciti, non tribuitur Deo, quamvis ipse sit causa istorum actuum, quia si sumantur ut exerciti, important habitudinem ad principium vitale. Tertio in exemplis, quorum primum est D. THOM. art. sequenti in fine corp. de homine claudicanti propter infirmitatem cruris; nam in isto casu, quamvis virtus motiua efficiat quicquid est motionis in claudicatione, tamen defectus ipse claudicationis non reducitur in virtutem motiuam ut in causam, sed in cruris imbecillitatem. Alterum est de optimo scriptore, qui aut malo calamo scribit, aut manum pueri ducit ad formandos characteres, nam in utroque casu defectus descriptionis non optimo scriptori, sed aut malo calamo, aut puero tribuitur.

Et eodem modo respondent isti ad primam confirmationem huius argumenti.

Et ad hanc solutionem reducitur ea quam sequitur SCOT. in 2. d. 37. quæst. vnica, §. ad solutionem istorum, & GABRIEL. cad. dist. & q. artic. 3. qui dicunt, quod quamvis voluntas diuina & voluntas creata simul concurrant ad actum peccati: tamen defectus non sequitur, ad hunc actum, quatenus est à voluntate diuina, sed solum quatenus procedit à voluntate creata; & ideo Deus non concurrat ad hunc defectum, sed solum voluntas creata. Et rationem huius discriminis dicunt esse, quod cum defectus iste non sit aliud, quam carentia seu priuatio rectitudinis debitæ inesse actui: non consequitur ad actum absolute, aut quomodocumque fiat, sed solum quatenus procedit à causâ quæ tenetur dare ei rectitudinem oppositam; & quia Deus non tenetur tribuere rectitudinem actibus voluntatis creatæ, cum quia non subijcitur alicui regulæ aut legi, sed est supremus legislator; immo etiam, quia ordo suæ sapientiæ videtur postulare oppositum, quoniam alias destrueretur libertas, & indifferentia voluntatis creatæ ad bonum, & ad malum; at vero ipsa voluntas creata tenetur tribuere rectitudinem suis actibus, & efficere eos, quales postulat recta ratio, quoniam est subiecta legi, & regulæ, ideo defectus ille non consequitur ad actum peccati quatenus efficitur à Deo, sed solum quatenus efficitur à voluntate creata. Potestque hoc explicari exemplis; nam imprimis intellectus & voluntas concurrunt ad actum volendi aliquod obiectum, & tamen de-

fectus malitiæ, qui est in isto actu, quando obiectum est malum, non tribuitur intellectui, sed solum voluntati; quia solum voluntas tenetur eligere bonum & respuere malum. Item ad actum ægroti comedendi carnes in quadragesima non consequitur defectus, aut malitia: & tamen ad similem actum sani consequitur; & ita ægrotus non est causa peccati, quamvis sit causa sui actus, & sanus est causa peccati; quia ægrotus non tenetur abstinere à carnibus: & sanus tenetur. Et tandem submersio nauis imputatur nauæ, qui ex officio tenetur cauere eam; & non alijs, qui ad id, non tenentur. Dixi tamen hanc solutionem reduci ad præcedentem, quia re non differt ab ea, sed potius est eius ratio, ideo enim dicunt authores prioris solutionis Deum non posse deficere in agendo, quia nulli subijcitur regulæ, sed potius est ipsa regulæ omnium.

Hæc solutio, ut explicata est, videtur apparens: sed reuera non est omnino sufficiens. Primo, quia in eo supponitur ut certum, Deum non posse deficere in agendo, & ex hoc colligitur, ipsum non esse causam actus peccati, quatenus ex eo sequitur defectus; & tamen oppositum illius videtur probari ipso argumento, si hoc modo proponatur. Deus concurrat ad actum, ad quem necessaribz consequitur defectus; ergo est causa defectus, & ex consequenti potest deficere in agendo, & ita in illa responsione aperte committitur petitio principij.

Confirmatur, quia, Deum non posse deficere in agendo, potest habere duos sensus: Primus est, quod non potest deficere in actu secundo; Alter est, quod non potest habere defectum, quasi in actu primo, ratione cuius tribuatur ipsi defectus actus secundi, sicut vniuersaliter solet dici, defectum actionis præsupponere aliquem defectum in suo principio, & propterea diximus supra, peccatum quodcumque præsupponere defectum aliquem in intellectu. Ex his autem duobus sensibus, prior supponit ut certum id, de quo est difficultas, ut probauimus; & posterior quamvis sufficiat ad colligendum Deum non esse causam per se defectus, quia non habet defectum in virtute actiua, & defectus actionis solum reducitur ut in causam per se in defectum principij, ut DIUYS THOMAS docet supra quæst. 75. artic. primo: tamen non videtur sufficere ad colligendum, non esse causam per accidens. Quod sic probat: defectus naturalis, verbi gratia, claudicatio tibiz, reducitur in Deum, non quidem ut in causam per se, hoc est habentem in se virtutem deficientem, ita ut ex eius defectu proueniat defectus actionis; sed ut in causam per accidens, quia est causa actionis positivæ, ad quam consequitur ille defectus; ergo idem est dicendum de defectu, qui consequitur ad actionem peccati.

Neque potest negari Deum esse causam defectus naturalis, si quidem defectus iste habet tantum rationem malitiam, cuius Deus est causa.

Neque etiam potest dici non esse inconueniens, quod Deus sit causa per accidens defectus peccati, quia sequitur, Deum ita concurrere ad hunc defectum, sicut ad malum panis.

Ad hoc aliqui respondent esse discrimen, quoniam ad defectus naturales concurrat Deus, non solum isto modo sed etiã ut causa moralis, scilicet ordinando eos in

finis à diuina providentia intentos, & illo modo non concurret ad defectus morales.

Sed hæc solutio nulla est, quia iuxta eam concedendum erit, absolute Deum esse causam peccati quatenus peccatum est, & concurrere ad ipsum, quamuis non concedatur velle peccatum, aut providentia sua ordinate ipsum in aliquem finem; & tamen illud est vnum ex eis, quæ contra hæreticos probauimus non esse concedenda. Item, quia sequitur, Deum facere defectum peccati eo modo, quo est factibilis, & quo fit à voluntate creata. Pater consequentia, quia defectus non potest fieri per se, sed solum consequenter ad positum, quod fit per se, vt D. THOMAS dixit loco citato, vbi & dicit, quod neque voluntas creata facit ipsum aliter, neque est necesse, quod voluntas creata velit directe defectum peccati, aut quod ordinet ipsum in finem à se intentum.

Secundo argumentor contra illam solutionem prout explicatur à SCOTO, quia quamuis Deus non subijciatur alicui legi, tamen in ipso est lex æterna, quæ dicat, quod sit malum absolute; ergo si Deus potest facere aliquid dissonum huic legi, cuiusmodi est peccatum quatenus peccatum est, poterit etiam deuiare ab illa lege: & vltius, ergo subijciatur legi. Prima consequentia patet, quia, vt aliquod agens dicatur deuiare à lege, satis est, quod faciat aliquid dissonum legi. Et secunda probatur, quoniam agens, quod potest deuiare à lege, non est lex per essentiam, & ex consequenti non est supremus legislator, sed habet aliam superiorem, cuius legibus subijciatur.

Confirmatur primo, quia quamuis Deus non subijciatur legi, dicimus ipsum non posse mentiri, neque præcipere peccata, neque consilio aut inclinatione aliqua mouere ad peccandum, quia si hæc faceret, deuiaret à lege æterna, & à sua bonitate.

Confirmatur secundo, quia si Deum non esse subiectum legi est satis, vt quamuis concurret ad actum peccati, non sit causa defectus, qui ad ipsum consequitur: sequitur, quod etiam sufficiat, vt quamuis consilio moueat ad eundem actum, non dicatur causa defectus, & ex consequenti, quod nulla possit assignari ratio, propter quam hoc ipsi repugnet.

Confirmatur tertio quia ex eo, quod Deus non subijciatur legi, solum sequitur, quod, quamuis concurret ad actum, ad quem consequitur, non violabit legem, neque deformitas imputabitur ipsi ad culpam, non tamen, quod non sit consequenter causa ipsius deformitatis, & hoc est quod hæretici dicunt, & quod nos supra contra ipsos probauimus, nullo modo esse concedendum.

Et tandem obijci potest contra hanc solutionem, quod exempla pro ipsa adducta parum efauent, nam in duobus prioribus, claudicatio reducitur in virtutem motiuam, & defectus scriptoris in optimum scriptorem, vt in causas per accidens, & hoc sufficit vt, si isti actus essent peccata, & virtus motiua, atque optimus scriptor concurrerent ad eos modo morali, & humano, dicerentur cause peccatorum. Et idem dicendum est ad primum ex eis, quæ propolita sunt pro SCOTO. In secundo vero & in tertio neque ægrotus est causa actus sani, ad quem sequitur deformitas, neque etiam is, qui non est nauis, est causa actus nauis, ex quo sequitur submersio nauis.

A *Quare aliter responderetur, consequenter ad ea, quæ dixi supra quæst. 71. art. 6. negando maiorem, si vniuersaliter accipiat: nam quando aliquid consequitur ad actum, non absolute, sed quatenus pendet ex peculiari causalitate alicuius cause, non est necesse, quod efficiatur à quacunque causa concurrente ad illum actum, sed solum fit ab ea, quæ concurret ad actum cum illo peculiari modo causalitatis; & quia malitia, siue deformitas, non consequitur ad actum peccati absolute, & quatenus procedit à quacunque causa, sed solum quatenus procedit à causa concurrente modo morali; & Deus solum concurret ad actum peccati concursu naturali, & non modo morali, neque vt agens morale, quia neque concurret vt subiectus regulæ, neque consulendo, suadendo, aut præcipiendo: ideo deformitas nõ fit à Deo, quamuis actus, ad quem consequitur, fiat ab ipso. Et in hoc sensu accipienda est solutio D. THOMAS ad 2. sequentis articuli, quam pro præcedenti solutione adduximus, quia idem est, hominem non subijci, cui debet, & hoc non conuenire Deo; atque, hominem esse causam moralem actus peccati, & Deum non esse causam; vt postea explicabo. Et ita respondent huic argumento ex recentioribus CANO. lib. 2. de locis cap. 4. ad 8. SOTO lib. 1. de natura & gratia cap. 18. & VEGA lib. 2. in Conc. Trid. c. 15. & ex antiquis satis eam innuit GREG. in 2. d. 35. q. vnica art. 3. in solutione ad primum versus finem. Et apertius RICAR. in 2. d. 37. circa 2. principale, q. 1. præsertim in solutionibus argumentorum, vbi ad hoc explicandum, vtitur diuisione cause in naturalem, & moralem, quamuis circa 3. principale q. 1. videatur sequi solutionem impugnata.*

Alium modum dicendi sequitur, & explicat latè MOLINA in concordia prædestinationis & liberi arbitrij ad art. 13. q. 14. disputatione 31. vide te ipsum.

An vero in hac nostra solutione sequatur, concedendum esse, deformitatem fieri à Deo concursu naturali, dicam in solutione secundæ confirmationis.

C *Et ex hoc patet solutio ad primam confirmationem, nam antecedens solum est verum, quia homo vult & efficit actionem peccati vt agens morale & modo morali, quod tamen non conuenit Deo, & ita neganda est consequentia.*

Ad secundam confirmationem CAIET. hoc loco, & supra, quæst. 71. art. 6. concedit, Deum esse causam peccati quantum ad rationem formalem, quæ constituit eius essentiam, & speciem: negat tamen esse causam peccati absolute, quia ad essentiam peccati consequitur necessario & intrinsece priuatio, cuius Deus non est causa; & ita ad formam argumenti, negat maiorem, quia solum est vera, quando is, qui efficit formale peccati, est etiã causa priuationis, quæ ad ipsum consequitur; & ad probationem dicit, inductionem illam solum habere locum in rebus, quæ solum sunt in vno genere: non autem in peccato, quod ratione sue essentiz est in vno genere, scilicet mali morali; & ratione priuationis est in alio genere, scilicet in genere mali simpliciter; & sic concedit, Deum esse causam peccati, quatenus est malum morale, & non simpliciter, quia non est causa ipsius, quatenus est malum simpliciter.



quelam, quoniam ex eo, quod Deus non concutit ad opera bona ut subiectus regulæ, solum sequitur, quod non sit causa moralis ipsorum priori modo, non tamen quod absolute non sit causa moralis, quia non solum interna illustratione, sed etiam exhortatione exterius proposita, & interdum etiam præcepto, mouet moraliter ad huiusmodi opera. Neque denegare Deo priorem modum concurrendi moraliter, est denegare ipsi aliquam perfectionem simpliciter: quia potius ille modus importat imperfectionem in genere entis, scilicet habere superiorem. Quod si alicui placuerit sententia eorum, qui dicunt, esse idem operari libere, & operari moraliter, poterit respondere ad argumentum cum SOTO lib. 1. de nat. & gra. c. 2. & 1. phys. q. 1. & Cano. loco citato, quod, licet Deus simpliciter & absolute concurrat libere ad omnes effectus causarum secundarum, tamen quatenus concurret concursu generali cum natura, non reputatur inter causas morales, sed inter naturales, quia concurret per modum naturæ, & non aliter, quam lex, & ordo naturalis postulat; ita ut si aliter faciat, sit miraculum, quod ipse facere potest supra totum ordinem naturæ; sicut intelligentiæ mouentes cælum, & medio motu concurrentes ad actiones horum inferiorum, quamuis libere & per voluntatem moueant, appellantur, causæ naturales, quia mouent per modum naturæ, & iuxta legem naturæ, ita ut non possint aliter mouere sine miraculo. Et ex hoc patet solutio ad primam confirmationem.

Ad secundam Respondetur, negando consequentiam, & ad probationem dicendum est, quod, quamuis formale peccati sit essentialiter aliquid morale, tamen non sit à Deo, ut est morale, sed ut est entitas quædam. *Neque obstat*, quod etiam ut est morale, sit entitas realis; quoniam hoc prouenit ex transcendentia entis, propter quam nullus gradus, quantumcunque simplex sit, potest præscindi ab ente, ita ut non includat intrinsicè rationem entis, alias esset nihil. Et ideo sicut alij effectus reales tribuuntur Deo secundum rationem entis, & alijs causis particularibus secundum alias rationes particulares, non quia sit aliquid reale in ipsis, quod non sit factum à Deo, sed quia totum illud reale habet quod terminet concursum Dei, secundum rationem entis; & secundum alias magis particulares, quod terminet concursus causarum particularium, ut ita seruetur proportio inter causas & effectus: sic etiam dicendum est de illo esse morali.

Ad secundum respondetur, quod (ut aduertit RICAR. in 2. d. 37. circa secundum principale, q. 1. parum ante solutionem argumentorum) Deus dupliciter habet rationem finis, scilicet moraliter, ut respectu actionum moralium; & naturaliter, ut respectu omnium naturarum, & entitatum; nam quæcunque entitas per participationem, ordinatur in ens per essentiam, ut in finem: sicut procedit ab ipso, ut à principio efficienti; & quamuis formale peccati sit quædam auersio à Deo, ut à fine moralitatis, tamen quatenus est quædam entitas per participationem, ordinatur ad ipsum ut in finem naturalem: & ita simul importat auersionem moralem à Deo, & physicè ordinatur in ipsum, ut in finem totius naturæ; neque hoc repugnat magis, quam prohiberi à Deo actum, qui ad ipsum isto modo ordinatur.

Ad confirmationem respondetur, antecedens solum esse verum, si intelligatur de formali peccati, quatenus est aliquid morale; non tamen, si intelligatur de eo, quatenus est quædam entitas naturalis; & ita neganda esse consequentiam, quia potius est consonum diuinæ bonitati & sapientiæ concurrere concursu naturali cum causis liberis, ad omnes actus liberos ipsarum, quantum ad omnes condiciones reales eorum, quatenus habent rationem entitatum.

Ad ultimum argumentum principale, concedendum est antecedens, si sensus eius non sit, voluntatem creatam subordinari Deo, ut causa primæ peccanti, vel concurrenti ad peccatum ut peccatum est; sed subordinari ipsi ut causæ primæ concurrenti concursu naturali, non solum ad actum peccati, sed etiam ad formale, quatenus est quædam entitas, & neganda est consequentia; & ad probationem, negandum est, non posse causam secundam operari, nisi prius motam & applicatam à prima ad operandum, de quo aliquid dicam articulo sequenti.

Ad primam confirmationem, respondetur, illa testimonia intelligenda esse de Dei permissione, & non de motione, aut excitatione positua ad malum, iuxta dicta in solutione primi. Cur vero permissio significetur vocibus importantibus motionem, dictum est.

Ad secundam confirmationem respondetur, sensum prioris testimonij AUGUSTINI esse, quod Deus permittit fieri perversitatem cordis. Et sensum posterioris esse, quod operatur ad inclinandas hominum voluntates ad malum, non quidem per se, & ex intentione inclinando eas ad malum, sed offrendo occasiones, quibus possent bene uti, & tamen propria malitia abutuntur ad malum.

§. 3. *An potentia peccandi sit à Deo.*

CIRCA solutionem tertij dubitant aliqui, an sit concedendum, potentiam peccandi esse à Deo & D. THOM. hoc loco supponit ut certam, partem affirmatiuam, quidquid dicant aliqui ex recentioribus: & ita intellexit eum CONRA. Neque dubitari potest, fuisse hunc eius sensum, quoniam alias facilius responderet argumento, negando minorem, scilicet Deum esse causam voluntatis, quæ est causa peccati. Neque etiam potest dubitari de veritate ipsius partis, si intelligatur, quod sit potentia ad peccandum, non enim est potentia aliqua per se, & ex natura sua, inclinata ad peccandum; & ita, quamuis Deus sit eius causa, non sequitur quod sit causa inclinationis, & ordinis ad peccatum: sed est liberum arbitrium, quatenus non est tantæ perfectionis, ut sit regula suarum operationum, & ex consequenti potest in operationibus deficere à regula, quod forte habet ex eo, quod est ex nihilo, & creatum, ut DRYVS THOMAS docet 1. p. q. 6. & totum hoc est à Deo, quia sicut Deus producit omnes entitates creatas, ita etiam producit eas limitatas ad certos gradus perfectionis, & consequenter cum defectibus, qui ad huiusmodi limitationem consequuntur.

Et confirmatur quia defectus iste, scilicet, posse deuiare à regula, non est malum culpæ, ergo est

à Deo.

à Deo, saltem consequenter. Item quia defectus naturalis, qui est, posse deficere per corruptionem, est à Deo, ergo etiam iste, qui etiam est naturalis, hoc est consequens limitationem naturæ.

Neque ex hoc sequitur, quod Deus, qui est causa huius potestatis, sit etiam causa peccati, ut optime explicat D. THOMAS in ista solutione. Ex qua potest desumi ratio, propter quam non sit concedendum, Deum esse causam peccati etiam in eo sensu, quo dicitur causa visionum, & actionum aliorum vitalium; quoniam potentia, ut est principium istarum actionum, importat inclinationem & propensionem naturalem ad eas, cuius Deus est causa.

ARTICVLVS II.

Verum actus peccati sit à Deo?

PRIMA CONCLUSIO. Deus est causa actionis, in quantum est actio.

SECUNDA CONCLUSIO. Non tamen est causa defectus & deformitatis consequentis ad hanc actionem.

CIRCA PRIMAM conclusionem est

DVBIVM.

Verum sit vera?

§ 1. Ponuntur sententia cum fundamentis.

IN QVO duæ sunt extremæ sententiæ. PRIMA est DVRANDI in 2. dist. 37. quæst. 1. ubi dicit Deum non esse causam proximam & immediatam actionis peccati, sed solum remotam, in quantum facit, & conservat voluntatem creatam, quæ ad ipsam immediate concurrat. Et adducit per se duo fundamenta. Primum sumptum ex illis argumentis, quibus in eodem libro dist. 1. quæst. 5. probauerat, Deum non concurrere proxime & immediate ad actiones causarum secundarum, sed solum remote, in quantum facit, & conservat huiusmodi causas; Et alterum desumptum ex difficultate, quam omnes sentiunt, in explicando, quæ ratione Deus sit causa actionis peccati, & non deformitatis, aut malitiæ consequentis ad ipsam.

SECUNDA SENTENTIA huic opposita in altero extremo est, quorundam recentiorum Thomistarum, qui dicunt, Deum non solum concurrere proxime, & immediate ad actionem peccati, sed etiam mouere, & applicare, & prædeterminare voluntatem creatam ad huiusmodi actionem, ita ut ipsa voluntas, ut principium talis actionis, & quatenus antecedit eam, saltem ordine naturæ, sit mota, & applicata, & prædeterminata à Deo, ad eius exercitium. Et probatur hæc sententia PRIMO, quia voluntas creata concurrat ad actum peccati, ut causa secunda

A subordinata Deo, ut causæ primæ; ergo & ut mota ab ipso; Patet consequentia, quia causa secunda non potest operari, nisi ut mota à prima.

SECUNDO, voluntas creata, ut principium actus peccati, subordinatur concursui Dei, vel non. Si primum, ergo antecedenter ad actum recipit aliquid à concursu Dei, quod non potest esse aliud, quam motus, & applicatio ad operandum; Si secundum, ergo est principium actus peccati, non subordinatum, & ex consequenti primum.

TERTIO, determinatio & applicatio voluntatis ad hunc actum peccati in particulari, præsupponitur, saltem ordine naturæ, ad ipsum actum; ergo voluntas antecedenter ad actum peccati recipit à Deo determinationem, & applicationem ad eam; Consequentia patet, quia ista determinatio, & applicatio, est aliquid reale, saltem tanquam modus ipsius voluntatis, & quicquid habet entitatem realem, etiam si sit modus, sit efficienter à Deo. Et antecedens probatur, quoniam alias nulla poterit assignari ratio, ex parte voluntatis creatæ, propter quam potius fiat actus peccati, quam actus bonus, si antecedenter ad operationem actualem semper est indifferens ad utrumque, imo neque cur potius operetur, quam non operetur.

ULTIMO, vel Deus determinatur ad concurrendum ad actum peccati cum voluntate creata antecedenter ad concursum voluntatis, vel ipso supposito, ita ut hæc causalis sit vera, quia voluntas creata concurrat, ideo Deus concurrat. Si primum, habetur intentum, quia non potest causa prima determinari ad actum causæ secundæ, non determinando etiam ipsam causam secundam, à qua per se pendet actus; Si vero dicatur secundum, sequitur, quod ante determinationem, & ex consequenti ante concursum causæ primæ, operetur causa secunda.

§ 2. Resolutio quæstionis.

PPRIMA CONCLUSIO. Deus non solum remote, sed etiam proxime & immediate concurrat ad actionem peccati. In hac conveniunt omnes Theologi, vno excepto DVRANDO, cuius sententiam aliqui dicunt esse erroneam. Et quoniam contra ipsum, quatenus vniuersaliter affirmat, Deum non concurrere immediate ad actiones causarum secundarum, disputari solet 1. p. quæst. 8. & quæst. 105. artic. 5. Ideo nunc breuiter probatur nostra conclusio, quæ in particulari constituitur de actione peccati: quoniam scriptura vniuersaliter docet, nullam operationem posse à nobis fieri, sine actuali concursu Dei, ut Isa. 26. Omnia opera nostra operatus es in nobis Domine. Ad Philipp. 2. Ipse operatur in nobis velle & perficere. Ioann. 15. Sine me nihil potestis facere. Et Act. 17. In ipso vivimus, movemur & sumus, sed nulla est ratio excipiendi actiones peccatorum, quatenus sunt actiones, & entitates recales; ergo etiam ista non possunt fieri sine actuali concursu Dei.

Ratione etiam probatur, quia etiam actio peccati est ens per participationem, & pendet in confer-

conseruatione ab actuali influxu Dei, ita ut eo cessante defineret esse: ergo etiam penderet ab illo quantum ad productionem.

Et confirmatur, quoniam alias non posset Deus impedire productionem, aut conseruationem actus peccati sola denegatione sui concursus; sed, ut hoc faceret, deberet producere aliquam dispositionem, vel formam; repugnantem ipsi: quod non solum est ridiculum, sed etiam contra scripturam, quæ vniuersaliter dicit, Deum sola voluntate sua posse omnia destruere, iuxta illud Sapientiz 11. *Quomodo autem posset aliud permanere nisi voluisset: aut quod a se vocatum non esset, conseruaretur.*

SECUNDA CONCLUSIO. *Deus non prædeterminat, neque applicat, neque præmouet voluntatem ad actum peccati, ita ut ipsa quatenus habet rationem principij in actu primo respectu talis actus, & ut præcedit eum saltem ordine nature, sit mota determinata & applicata ad efficiendum ipsum.* In hac conclusione non loquor vniuersaliter de voluntate quantum ad omnes actus suos, sed specialiter quantum ad actus malos, quoniam licet respectu omnium possit defendi, Deum esse primam causam eorum, quamuis non moueat prædicto modo voluntatem ad operandum, tamen respectu bonorum, possunt esse particulares rationes propter quas sit concedendum, de quibus agendum est apud D. THOMAM locis citatis; & respectu malorum est specialis ratio ad id negandum. Quæ est huiusmodi: *vel* motio aut applicatio voluntatis creatæ ad actum peccati, est aliquid reale receptum in ipsa voluntate antecedenter ad suum concursum, *vel* est sola subordinatio voluntatis ad Deum, ut antecedit actum volentem quod concurrat ad ipsum. *Primum* dici non potest, quoniam illud reale non potest esse aliud, quam inclinatio & propensio aliqua determinata ex sua natura ad illum actum; & Deus, ut probaui in principio huius materie, non potest esse author talis inclinationis, sicut neque potest se solo infundere voluntati habitum vitiosum. *Si dicatur secundum*, cum illa voluntas Dei debeat esse efficax, sequitur, quod Deus non solum permittat, sed etiam absolute velit, ante concursum voluntatis creatæ, & ante eius visionem, quod voluntas creatæ concurrat ad huiusmodi actum. Et ex hoc sequuntur tria inconuenientia,

Primum est, Deum voluntate absoluta velle contrarium eius, quod prohibet suis præceptis, quia præceptis suis prohibet voluntatem creatam concurrere ad actus peccatorum, & hoc idem vult illa voluntate absoluta.

Alterum est, quod Deus non permissiue solum, sed proprie, & per se operetur mala opera, quod est contra definitionem Conc. Trid. sess. 6. decreto de iustificatione can. 6. & quod hoc sequatur, patet, quia *imprimis* permissio sola non est voluntas absoluta & efficax; & præterea, ut Deus dicatur causa proprie, & per se alicuius effectus, satis est, quod voluntate absoluta, velit causam secundam concurrere ad ipsum.

Neque potest responderi, Concilium loqui de malis operibus, quatenus mala sunt, & non quatenus sunt actiones, *tum* quia Concilium absolute damnat dicentes, mala opera non permissiue solum, sed etiam proprie, & per se esse à Deo: *tum* etiam, quoniam Lutherani, quos ibi damnat con-

cilium, non utebantur tali distinctione, sed absolute contendebant, motionem Dei, ita præuenire nostram voluntatem, ut ex vi eius, necesse sit, voluntatem operari, & operando peccare: ergo in eodem sensu est accipienda definitio concilij, & ex consequenti non erit consonum ipsi dicere, quod Deus illo modo concurrat ad actiones malas.

Tertium inconueniens est, quod voluntas creatæ sit diuina potestate prædestinata ad operationes malas, & quod Deus prædefinierit fieri actiones peccatorum. Et quod hoc sequatur, quoad vitamque partem, patet, quia imprimis ex eo quod Deus voluntate absoluta destinauerit & ordinauerit, quod voluntas creatæ faciat opus malum, bene sequitur, quod destinauerit ipsam ad faciendum tale opus, & rursum, quia illa voluntas Dei præcessit ordine rationis visionem concursus voluntatis creatæ, sequitur, quod Deus non solum destinauerit, sed absolute prædestinauerit voluntatem creatam ad illud opus. Et ex hoc probatur aperte sequi alteram partem, quia id, ad quod Deus prædestinat causam, ante visionem sui concursus, etiam prædefinit, quia prædefinire actum causæ secundæ non est aliud, quam absolute statuere, quod fiat sine visione concursus talis causæ. Quod autem hoc sit inconueniens probatur, quoniam prior pars est damnata in CONCILIO ARAVSI. 2. c. 25. & in Trid. sess. 6. can. 17. cum utrobique damnetur, qui dixerit, esse aliquos diuina potestate prædestinatos ad malum. Et posterior est aperte contra testimonia LEONIS primi, AVGVSTINI, & DAMASCIENI adducta articulo præcedenti in probatione secundæ conclusionis.

Neque placet solutio eorum, qui dicunt, Concilia & sanctos loqui solum de malis operibus quantum ad deformitatem & malitiam, & non quantum ad substantiam operum, quoniam imprimis, concilia non hoc distinguunt, sed absolute loquuntur, & ideo saltem modo loquendi ipsorum non videtur satis consona hæc sententia, Et sancti expresse loquuntur de ipsis operibus, quibus adiuncta est malitia; ut ex verbis eorum supra adductis constare potest. Et præterea, quia si Deus prædestinat, aut prædefinit; quod voluntas creatæ libere exerceat tale opus, cui necessario est adiuncta deformitas; ergo saltem consequenter prædefinit, quod faciat ipsum cum deformitate; Patet *consequentia*, quia opus istud, ut factum libere à voluntate creatæ, non est indifferens ad habendum deformitatem, & ad carendum ea.

Neque etiam placet solutio eorum, qui dicunt, Deum non prædefinire actus istos, sed prædeliberare: quoniam si ante visionem concursus voluntatis creatæ, prædeliberat, quod fiant isti actus; ergo etiam iudicat, & vult, quod fiat, quod est prædefinire. Patet *consequentia*, quia deliberatio non est completa sine iudicio, quod est eius conclusio, & iudicium habet adiunctam electionem, aut volitionem absolutam & efficacem.

§ 3. Quomodo providentia Dei versetur circa actum peccati.

SED CONTRA conclusionem hanc, & contra eius probationem, obijciunt aliqui, quod sequatur, Deum non habere providentiam circa actus istos, consideratos secundum suam entitatem, & qua-

tenus

tenus sunt boni bonitate naturali. Et probant sequelam, quia providentia est ratio ordinis rerum in finem, *sive* hoc intelligatur simul de ordine causarum concurrentium ad rerum productionem, & de ordine ipsarum rerum in suos fines; *sive* solum de isto posteriori ordine, ut D. THOMAS, docet 1. p. quæst. 22. artic. 1. & 2. ergo non potest intelligi, quod aliquis actus quoad suam entitatem procedat ex providentia Dei, nisi ante eius existentiam, imo & ante visionem præsupponatur in intellectu Dei ratio ordinis, *sive* ipsius in suum finem, *sive* mediorum, quæ ad ipsum ordinantur, ut ad finem. Pater *consequentia*, quia ratio ordinis sumpti passive, *sive* causarum, *sive* ipsius actus, præsupponitur eius existentie, tanquam ratio & causa eius, & ex consequenti, etiam præsupponitur existentie actus, & eius visioni. Et ex hoc sequuntur tria opposita ipsi, quæ (ut constat ex probatione conclusionis) sequuntur ex ipsa: *Primum* est, Deum ante concursum voluntatis creatæ, & ante eius visionem, voluisse voluntate absoluta, quod fiant actus peccatorum, quoniam ratio illa ordinis, cum sit practica & efficax, includit huiusmodi voluntatem. *Secundum* est, Deum, etiam ante visionem concursus voluntatis creatæ, definivisse, quod fiat idem actus; quoniam Deum prædefinire, quod fiat aliquis actus, non est aliud, quàm velle hoc voluntate absoluta ante visionem concursus creatæ. *Tertium* est, Deum in tempore præmovere, & applicare voluntatem creatam ad faciendū eisdem actus, quoniam nō potuit Deus prædefinire quod fiat aliquis actus à voluntate creatæ, nisi prædefinire simul prædeterminare in tempore ipsam voluntatem ad faciendum eum; & voluntas non potest prædeterminari, nisi media præmotione, aut applicatione aliqua ad operandū.

RESPONDETUR negando sequelam. Verum ut explicemus, in quo sensu dicimus esse falsum, illud consequens, & ut simul respondeamus, Ad probationem sequelæ, duo sunt advertenda. *Primum* est, duobus modis posse intelligi, Deum habere providentiam de actu peccati: *Primo*, quia supposita existentia talis actus, vel eius visionem, aut certa & determinata cognitione, habet Deus hanc providentiam circa eum, quod ordinat ipsum in fines bonos à se intentos & volitos: *Secundo* quia ipse actus, quatenus est actus, & ens, habet aliquo modo ex divina providentia, quod sit & existat. Et isti duo modi providentiæ sunt inter se valde distincti: nam *prior* posset convenire Deo, circa illum actum, quamvis non haberet causalitatem circa ipsum, quantum ad eius entitatem, sed solum quantum ad directionem in fines illos, ut in humana providentia experimur: at vero *posterior* non potest Deo convenire, nisi aliquo modo sit causa, ut actus ille sit, & existat. Et quāvis aliqui videantur insinuare, satis esse, quod Deus habeat priori modo providentiam circa actus peccatorum, ut defendant, providentiam divinam extendi ad omnes effectus, ita ut nullus sit effectus, qui eam subterfugiat: tamen mihi videtur necessario concedendū, quod etiam *posteriori* modo habeat providentiā circa eos, quoniam alias sequeretur, actum illum, etiam quatenus est actus, & ens, non habere esse à Deo, ut à causa efficiendi, quia quidquid hoc modo accipit esse ab ipso, subditur eius providentiæ, quatenus accipit tale esse, ut probat

A D. THOM. 1. p. q. 22. art. 1.

SECUNDO ADVERTENDUM, Deum non ideo habere isto modo providentiam de actu peccati, quia, vel ipsum ordinaverit in finem ultimum sine visionem concursus voluntatis creatæ, vel ad ipsum, tanquam in finem à se intentum, ordinaverit, & præparaverit media, & causas, ut ita fieret; sed propter duas alias rationes, quarum prior est, quod ordinavit & præparavit causas, unde esse posset, quodvis non ea intentione id fecerit ut esset, aut fieret; sed potius ut essent aut fierent alia diversa nisi per liberum arbitrium statet. Sunt autem istæ causæ, permissio, quæ concurret ut conditio sine qua non posset esse, & liberum arbitrium, & concursus generalis, si consideretur, non ut actu efficiens, sed ut præparatus quasi in actu primo ad concurrendum cum voluntate iuxta eius exigentiam. *Altera* ratio est, quod actum ipsum, supposito concursu voluntatis creatæ, tanquam conditione requisita, vult esse, & ordinat ipsum, in finem totius naturæ. Et ex hoc patet solutio ad probationem illius sequelæ, manet siquidem explicatum, esse in Deo rationem ordinis in finem respectu actus peccati, & quomodo sit, scilicet quantum ad rationem ordinis causarum antecedenter ad visionem concursus voluntatis creatæ; quantum vero ad rationem ordinis ipsius actus in suum finem, non antecedenter, nec sine visione illius concursus.

Neque ex hoc sequuntur illa tria, quæ in ipsa probatione referuntur: quoniam *in primis*, cum ratio ordinis causarum, quæ sola præsupponitur visioni concursus voluntatis creatæ, non sit determinata ad productionem actus peccati, nisi supposita visione illius concursus; non est necesse, quod etiam antecedenter ad huiusmodi visionem habeat adiunctam huiusmodi volitionem absolutam; quæ Deus velit fieri actum peccati. Et ex hoc sequitur, quod neque ante visionem illam prædefiniret Deus, quod fiat actus peccati, neque in tempore præmovere, vel excitet voluntatem creatam ad faciendum ipsum, quoniam ista duo solum deducebantur in argumento ex suppositione, quod Deus haberet illam volitionem absolutam.

SED AD HVC obijciunt aliqui sequi saltem ex hac solutione, quod Deus non habeat providentiam circa actum peccati in particulari, sed solum quantum ad aliquid commune ipsi, cum actibus bonis; & probant sequelam, quia totum id, quod Deus ordinavit circa huiusmodi actum antecedenter ad visionem, aut suæ existentie, aut concursus voluntatis creatæ, non respicit ipsum determinate in particulari, & secundum suam specificationem, sed est indifferens ad actum bonum, & malum, ut ex dictis constat.

RESPONDETUR, negando sequelam; Et ad probationem dicendum est quod, ut providentia Dei verteretur circa actum peccati in particulari, satis est, quod hoc modo respiciat ipsum determinate, adiuncta visione concursus voluntatis creatæ ad eum; aut non sine hac visione.

Neque hoc derogat perfectioni divinæ providentiæ, quia potius provenit ex maxima perfectione Dei, quod non provideat fieri hunc actum peccati in particulari, nisi supposita illa conditione. Imo & in alijs rebus concedi solet, providentiam circa ipsas in particulari supponere visionem aliarum, aut non fuisse in Deo sine ea; non quia Deus non putaverit habere

habere prouidentiam circa eas aliter, hoc est, independentem à visione; sed quia ita voluit, & iudicauit esse conueniens, quod non est signum impotentiz, aut imperfectionis, sicut D. Tho. 3. p. qu. 1. artic. 3. ad quartum dicit, Deum prædestinasse opus incarnationis in remedium, humani peccati, supposita præscientia eiusdem peccati. Et 1. p. qu. 13. artic. 7. in corpore, inquit, numerum bouum, vel culicum, vel aliorum huiusmodi non esse per se præordinatum à Deo, sed tot eorum produci à diuina prouidentia, quot sufficiunt ad specierum conseruationem: Vbi aperte insinuat, prouidentiam circa numerum istorum indiuiduorum supponere præscientiam eius, quod requiritur ad conseruationem specierum. Et idem dici solet de effectibus, quorum Deus est causa, occasione alicuius peccati determinati & in particulari.

§ 4. Dissoluntur argumenta sententiarum
CONSTATIARUM.

AD FUNDAMENTVM primum DVRANDI respondendum est 1. p. qu. 8. & qu. 105. Et ad secundum pater solutio ex dictis art. præcedenti.

AD PRIMUM argumentum secundæ sententiæ, concessu antecedenti, neganda est consequentia. Et ad probationem dicendum est, quod, cum philosophi dicunt, causam secundam non operari nisi motam à prima, sensus eorum est, non operari, nisi virtute accepta à prima, & dependenter à concursu primæ.

AD SECUNDVM respondetur, quod voluntatem, ut principium actus peccati, subordinari concursui Dei, potest habere duos sensus; *Primus* est subordinari, quia quatenus antecedit suum actum, ut eius principium recipit aliquid à concursu, quo Deus actu concurret ad eundem actum. *Secundus*, est subordinari, quia non potest operari, nisi dependenter ab illo concursu, quod etiam est subordinari in ordine ad ipsum actum, & ex consequenti ut principium eius. Et primus est falsus, & secundus verus; & ex primo solum posset colligi intentum, non autem ex secundo, ut constat: & sufficit secundus, ut non sit verum, voluntatem esse principium non subordinatum.

AD TERTIVM respondetur, negando antecedens, si intelligatur de applicatione, & determinatione voluntatis, quæ sit aliquid receptum in ipsa voluntate, siue tanquam res, siue tanquam modus; & ratio huius est, quod cum voluntas, ut antecedit actum peccati, sit intrinsece indifferens ad agendum & non agendum, quia causa libera est, quæ positis omnibus requisitis ad agendum potest agere, & non agere; non est dicendum ipsam, ut priorem actu habere aliquid in se, quo intrinsece determinetur ad agendum. *Neque potest dici*, determinationem aut applicationem illam, esse indifferentem ad utrumque: quoniam poterit de ea fieri eadem obiectio, quæ in argumento sit de voluntate. Et ad probationem antecedentis negandum est sequi illud inconueniens, quoniam, quantum ad specificationem, hoc est, an voluntas operetur potius male, quam bene. sumi potest ratio ex parte intellectus, à quo voluntas mouetur ad specificationem; & quantum ad exercitium, hoc est, cur

A potius operetur, quam non operetur, potest sumi ratio ex libertate ipsius voluntatis, nam cum voluntas sit in homine primum mouens, quoad exercitium respectu potentiarum, quæ subduntur eius imperio, etiam erit sibi sufficiens, supposita propositione obiecti, ut exeat in suum actum, ita ut ad hoc non egeat alio mouente, aut determinante intrinsece in eodem genere; sicut in quocunque genere causa, cum peruentum fuerit ad id, quod est primum, non est inuestigandum aliud prius, sed ibi est sistendum, ne detur processus in infinitum.

AD VLTIMUM respondetur, quod, (ut supra dixi) in concursu Dei ad actum peccati possunt distinguiri, scilicet voluntas creata cum virtute agendi, quæ proculdubio est effectus Dei; & concursus, non quidem ut actu efficiens, sed ut preparatus, quasi in actu primo actualis, ad efficiendum; & tandem ipse concursus, ut constitutus in actuali exercitio. Et quantum ad duo priora Deus se determinat sua voluntate absoluta antecedenter ad concursum voluntatis creatæ, & ad eius visionem,

B tamen quantum ad tertium non ita se determinat, sed adiuncto concursu voluntatis creatæ, vel re ipsa, si loquamur de determinatione in tempore, vel viso à Deo, si loquamur de determinatione ab æterno; non tamen tanquam causa determinationis Dei, sed solum tanquam conditio, sine qua non se determinaret. Itaque ratio per se, quare Deus se determinat ad concurrendum in executione ad actum peccati, est volitio sua æterna, qua statuit concurrere cum voluntate creata iuxta eius exigentiam; tamen conditio requisita ut ita se determinet, est concursus voluntatis creatæ, vel eius visio. Et ita neque sequitur, quod Deus ratione suæ determinationis ad actum peccati prædeterminet ad eum voluntatem creatam, quatenus antecedit ipsum. Neque quod voluntas creata operetur ante determinationem & concursum causæ primæ. Et ratio primi est, quod in Deo non est illa determinatio, sine concursu voluntatis creatæ, aut eius visione, & consequenter non est aliquid, quod postulet determinati voluntatem creatam, ut antecedit suum cōcursum actualē.

C Ratio vero secundi est, quod concursus voluntatis creatæ non requiritur ad determinationem Dei, ut eius causa, sed solum ut conditio sine qua non, & ita non requiritur quod aliquo modo præcedat determinationem, aut concursum Dei.

QVOD SI QUÆRAS an inter concursus Dei & voluntatis creatæ, sit aliquis ordo, quamuis sint simul existentia, vel in tempore, vel in æternitate?

AD HOC aliqui respondent negatiuè; *Alij* vero dicunt, concursum Dei esse priorem in genere causæ efficientis, & concursum voluntatis creatæ esse priorem in genere causæ materialis.

Sed ego dico, esse quidem ordinem, quoniam alias non poterit explicari quomodo voluntas operetur ut causa essentialiter subordinata Deo, quia de ratione causæ essentialiter subordinatæ alteri est, quod ex natura sua pendeat ab ea in causando.

Cæterum addo, non consistere ordinem istum in hoc, quod concursus Dei attingat actum in aliquo priori siue concursu voluntatis creatæ; sed in hoc, quod voluntas creata, ut concurrat ad suum actum, pendet ex natura sua à concursu Dei, &

concursum

concurfus Dei non penderet ex concursu voluntatis, quamvis postulet ipsum tanquam conditionem necessario requisitam, aut sine qua non. Et iste ordo penes independentiam & dependentiam est quodammodo ordo secundum prioritatem & posterioritatem causalitatis: quia quanto aliqua causa concurret magis independentem, tanto est prior causalitate, & ita quae nullo modo pendet, est simpliciter prima.

ARTICVLVS III.

Utrum Deus sit causa excecationis
& indurationis?

PRIMA CONCLUSIO. *Quantum ad motum animi humani inhaerentis malo & auersa diuino lumine, Deus non est causa excecationis.*

SECUNDA CONCLUSIO. *Quantum ad subtractionem gratiae ex qua sequitur, quod mens non illuminetur, & cor non emolliatur ad recte viuendum, Deus est causa excecationis & obdurationis.*

COMMENTARIVS.

QUAESTIONEM hanc proponit D. THOMAS, ut doceat, quae ratione sint exponenda testimonia scripturae, in quibus dicitur, Deum excecare, aut indurare aliquos; & ut simul respondeat haereticis, qui eis vtuntur ad probandum, Deum esse authorem & causam peccati. Dicit autem in vtraque conclusione, sensum eorum esse, Deum indurare, aut excecare permissiue tantum, hoc est, non impediendo duritiam, aut remouendo ea quibus impediretur, non autem efficiendo ipsam, vel mouendo, aut excitando ad eam. Pro quo aduertit, in induratione, quae per ordinem ad diuersos effectus gratiae, quibus posset impediri appellatur diuersis nominibus, scilicet *induratio, excecatio, & aggrauatio* aurium, reperiri, duo, scilicet, motum animi inhaerentis malo, scilicet firmam adhesionem voluntatis ad malum; & subtractionem auxiliorum, quibus posset impediri, quae nomine gratiae significantur. Et de primo dicit, in priori conclusione, Deum non esse eius causam, quod intelligendum est de illa adhesionem, quatenus est malum culpae, non autem quatenus est quoddam ens naturale, & Deus est causa per concursum naturalem, & non per moralem, ut loco citato explicuit. Et de secundo dicit in posteriori conclusione Deum esse eius causam, quia voluntarie subtrahit illa auxilia. Quod intelligendum est, non de illis auxilijs, quae simpliciter sunt necessaria & sufficientia ad conuersionem, quoniam hanc Deus quantum est de se nemini subtrahit, ut late solet probari in materia de poenitentia, & in materia de gratia, sed de alijs magis specialibus cum quibus peccator conuerteretur, & sine quibus de facto non conuertitur.

A QVOD SI OBJECIAS sequi ex hoc, Deum saltem indirecte, esse causam indurationis sumptae pro adhesionem voluntatis ad malum, quoniam haec consequitur ad subtractionem illorum auxiliorum. Respondetur negando sequentiam, quia Deus non tenetur conferre huiusmodi auxilia, & effectus, qui sequitur ex omissione, non tribuitur tanquam causa nisi ei qui potest, & tenetur operari ad impediendum ipsum, ut D. THOMAS docet supra quaestione 6. articulo tertio. Quod si vltimus obieciat Deum hac intentione subtrahere huiusmodi auxilia ut voluntas induretur in malo, ut constat ex illo Isa. 6. *exceca cor populi huius, & aures eius aggraua, & oculos eius clande ne forte videat oculis, &c.* Quod sic refertur Ioan. 12. *excecauit eorum oculos & indurauit eorum cor, ut non videant oculis, &c.* & secundae ad Corin. 4. *Deus huius seculi excecavit mentes infidelium, ut non fulgeat scilicet eis illuminatio euangelij glorie Christi.* Et ad Roma. 1. *propter quod tradidit illos Deus in desideria cordis eorum, in immunditiam, ut contumelijs afficiant corpora sua in semetipsis; & paulo inferius, tradidit illos Deus in reprobum sensum, ut faciant, quae non conueniunt.*

Respondetur negando, subtractionem auxiliorum, aut permissionem indurationis, vel excecationis, ordinari a Deo in illum finem, & ad testimonia adducta, dicendum est, particulam *ut*, & alias similes, non importare causam finalem, sed consecutionem, & euentum, ut sit sensus, *& ita fiet, aut factum est.*

Quod si adhuc obieciat, verba, quibus in scriptura dicitur, Deum indurare aliquos significare actionem positivam Dei, & non negationem actionis, qualis est subtractio auxiliorum, aut permissio. Respondetur cum DAMASCO, lib. 4. ortho. c. 14. morem esse diuinae scripturae, permissionem Deivocare actionem, cuius rationem assignauit articulo primo huius quaestionis in solutione primi argumenti haereticorum; hunc modum explicandi testimonia scripturae, quod scilicet intelligantur de permissione, & non de actione positiva, quia Deus efficiat duritiam cordis sequuntur multi ex recentioribus, ut SOT. lib. 1. de natura & gratia cap. 18. & in 4. dist. 15. quaest. 1. art. 1. CASTRO lib. 10. aduersus haereticos verb. *malum & malitia* haereticis. DRIEDO lib. de captiuitate & redemptione generis humani, tract. 5. cap. 4. in solutione secundi argumenti, & libro secundo de gratia & libero arbitrio, tractatu secundo cap. 2. 2. p. in solutione septimi argumenti. HOSIUS in censura de dogmate contra adorandam Trinitatem iuxta medium. VEGA lib. 11. super concilium TRIDENTINVM cap. 12. Et in opusculo de iustificatione q. 7. Et CAIET. & ADAMVS ad Roma. 1. & 9. & ex sanctis & antiquioribus AVG. tom. 2. Epist. 105. ad Sixtum: & tom. 4. lib. de essentia diuinitatis post medium. & tom. 7. lib. de praedestinatione & gratia c. 4 & tom. 9. tract. 53. in 10a. super verba cit. Chrysostomus, Oecumenius & Theophylac. super Paulum locis citatis & ORIGEN. lib. 3. periar. c. 1.

SED Dubium est, an huic permissioni sit addendum aliquid ex parte Dei, quod sit actio positiva, quia Deus efficiat ipsam obdurationem, neque sola permissio. Ad hoc CANO lib. 2. de locis cap. 4. ad septimum

respondet, *affirmative*; & videtur sentire, non solum in aliquibus casibus, sed quoties in scriptura dicitur. Deum indurasse aliquos, debere addi, aliquid diuinæ permissioni. Quid sit autem hoc, referemus statim; estque eius fundamentum, quod alias omnes, qui sunt in peccato mortali, dicerentur execrati, & obdurati à Deo: quod tamen est contra modum loquendi scripturæ, quæ non de omnibus peccatoribus, sed de aliquibus peculiariter hoc dicit. *Alij* vero, inter quos est MICHAEL DE MEDINA in quadam enarratione capituli secundi Deuteronomij dicunt, in aliquibus casibus debere addi aliquid; quorum fundamentum est, quod sæpe id aperte postulant scripturæ verba. Sunt autem quatuor ea, quæ omnes isti dicunt Deum facere in peccatorum obduratione, præter permissionem. *Primum* est, auferre lumen, & suauitatem gratiæ; *Secundum* est, vti Satana tanquam ministro, ad exequendum iudicia sua, quibus statuit permittere aliquos indurari, & execrari, quod satis est, vt Deus dicatur indurare, & execrari eos; quoniam etiam Deus dicitur facere ea, quæ minister auctoritate ipsius facit; sicut iudex dicitur facere ea, quæ minister suo iussu exequitur. *Tertium* est, vti indulgentia cum peccatoribus, siue differendo flagella debita pro peccatis, siue citius afferendo eis remedium: Hinc enim ipsi occasionem suæ obdurationis in malis, vt AUGUST. tom. 10. Sermonem 88. de tempore probat ex scriptura, & colligitur ex illo Psal. 72. *in labore hominum non sunt, & cum hominibus non flagellabuntur, ideo tenuit eos superbia*, ad Roma. 2. *an ignoras, quoniam benignitas Dei ad penitentiam te adducit; in autem secundum duritiam tuam, &c.* & Deus id faciendo dicitur obdurare eos, quod ORIGENES loco citato explicat iuxta communem tropum, quo Dominus ad seruum, qui propter suam benignitatem factus est insolentior, dicere solet, ego te talem feci, ego te perdidisti, mea patientia te pessimum fecit. *Ultimum* est, facere aliquid, siue sit vti misericordia, siue immittere flagella, siue facere stupenda & prodigiosa opera; quod quidem de se bonum est & à Deo ordinatur in bonum finem; & tamen aliquibus, propter eorum malitiam, est occasio permanendi in peccatis, & alijs est occasio & motiuum diligendi Deum; ita vt eodem opere dicatur Deus misereri quorundam, & occasionaliter indurare alios, propter eorum malitiam. Quod ORIGENES loco citato HIERONIMUS in epistola 150. ad Hedibiam q. 10. THEOPHYLACTUS in illud Roma. 2. *quem vult indurat*, & IRENEUS lib. 4. aduersus hæreses cap. 49. explicant exemplo solis, qui eodem calore execat lutum, & liquefacit ceram; & eadem luce execat oculos debiles, & confirmat sanos. Et AUGUST. to. 4. quæst. 18. in Exo. exemplo lucis, quo avarus mouetur ad patrandum homicidium, & contemptor diuitiarum ad vitandum ipsum.

Sed respondetur, quod, quoties in scriptura dicitur, Deum execrari aut indurare aliquos, debet intelligi de sola permissione executionis, aut indurationis; & probatur, quoniam Deo non potest tribui aliquis effectus, nisi quia aut positue vult ipsum fieri, aut positue vult non impedire ne fiat, quod est permittere; sed induratio peccatoris non potest Deo tribui priori modo, ergo

solum tribuitur posteriori.

A Neque obstat fundamentum CANI, quoniam in scriptura non dicuntur indurati, quicumque sunt in peccato mortali, sed solum illi, qui ita firmiter adherent malis, & peccatis, vt ab eis difficillime possunt resurgere, quamuis non careant auxilio sufficienti ad resurgendum.

B Neque etiam obstat fundamentum aliorum; quoniam in omnibus illis, quæ in scriptura referuntur facta à Deo in aliquorum induratione, solum se habuit Deus permissiue, respectu indurationis sùptæ pro motu animi, quod in quatuor illis, quæ proposita sunt, potest facile explicari nam de primo certum est apud omnes, importare solum permissionem, quoniam est subtractio eorum, quibus impediretur induratio. De secundo etiam debet esse certum, quoniam, cum dæmon non possit dici minister Dei, quando tentat ad peccandum quia moueatur à Deo ad tentandum; alioqui Deus moueret ad peccatum, quia tentatio est peccatum dæmonis: sequitur quod solum possit dici eius minister, quatenus libi à Deo permittitur tentare; & ita explicat ORIGENES in illud *tradidit illos Deus in reprobandam mentem* ad Roma. 1. apud quem solum, & apud CANI, reperi hunc modum explicandi indurationem. Et de tertio probatur, quia sicut subtractio internæ gratiæ, qua impediretur peccatum, dicitur permissio peccati: ita propter eandem rationem subtractio flagellorum, quibus peccator deterretur aduerteretur à peccatis, debet dici permissio. Et tandem de quarto etiam probatur, quoniam illa opera Dei, neque ex natura sua, neque ex intentione Dei ordinantur ad indurationem peccatoris, neque conducunt ad eam ex parte Dei, nisi quatenus decreuit ea ita facere, vt non impediret, ne peccator malitia sua sumeret ex eis occasionem permanendi in peccatis: sed hoc tantum est permittere, ergo Deus medijs istis operibus tantum indurat alios permissiue.

C Verum hic placet addere, quod si permissio sumatur pro sola subtractione internæ gratiæ, bene potest dici in aliquibus casibus aliquid esse addendum diuinæ permissioni, vt ex dictis constat; & in hoc sensu accipiendum est, quod dixi de istis occasionibus artic. 1. huius quæstionis in solutione primi argumenti; & in solutione secundæ confirmationis, ultimi, vt explicarem quædam verba AUGUSTINI. Proposueram disputare hoc loco an Deus sit causa vnius peccati, quatenus est pæna alterius: sed quoniam ad hoc oportebat explicare, qua ratione vnum peccatum sit pæna alterius, de qua D. THOMAS agit infra q. 87. art. 1. ideo commodius ibi agemus de hoc dubio.

ARTICVLVS IV.

Utrum excecatio & obduratio semper ordinentur ad salutem eius, qui excecatur & obduratur?

PRIMA CONCLUSIO, excecatio ex sua natura & quantum est de se, ordinatur ad damnationem eius, qui excecatur.

SECUNDA CONCLUSIO, ex misericordia Dei, excecatio ad tempus temporalis in aliquibus, scilicet in predestinatis, ordinatur ad eum, qui excecatur, salutem.]

NOTANDVM D. THOMAM nomine excecationis, intelligere permissionem vt aliquis obdu-

retur, ex quo facile intelligitur id, quod ipse dicit in principio articuli, scilicet excecationem esse quoddam prambulum ad peccatum; nam licet interdum supponat in aliquibus peccatum, ad cuius punitionem ordinetur: tamen antecedit alia, in qua peccator, supposita illa permissione, incidit. De finibus autem, ad quos excecatio ordinatur à Deo, & quomodo ordinetur ad eos, scilicet an antecederet ad visionem peccatorum, quæ ipsa supposita sequuntur, vel potius non sine eorum visione; præcipue quando isti fines, quantum ad suam executionem, supponunt illa peccata; vt, si fines sint in vno damnatio æterna, in altero humiliatio, & conuersio ipsius, dictum est aliqua ex parte articulo primo huius questionis, & plenius dicendum est in materia de predestinatione.

QVÆSTIO LXXX.

DE CAUSA PECCATI, EX

PARTE DIABOLI.

ARTICVLVS I.

Utrum diabolus sit homini directe causa peccandi?

CONCLUSIO. Diabolus non est homini causa peccandi directe vel sufficienter: sed solum indirecte & insufficienter, hoc est per modum persuadentis, vel proponentis appetibile.

COMMENTARIVS.

NOTANDVM circa rationem conclusionis, propositionem illam: non contingit aliquid esse directe causam alicuius actus, nisi per hoc quod proprium principium illius actus mouet ad agendum; vt sit vniuersaliter vera, debere intelligi de eo, quod est causa distincta à proprio principio, & de motione, de qua artic. 1. quæst. præcedentis explicauimus, illam propositionem, causa secunda non operatur, nisi vt mota à prima; quod satis est ad efficaciam huius rationis, in qua videtur supponi, vt certum, quod, si diabolus moueret voluntatem humanam ad actum peccati in particulari, esset homini directe causa peccandi, quod est aduertendum contra sententiam, quam impugnauimus art. 2. q. præcedentis, quia si suppositio ista sit vera, vedetur sequi ex illa sententia, Deum esse homini directe causa peccandi.

ARTICVLVS II.

Utrum diabolus possit inducere ad peccandum interius instigando?

CONCLUSIO est affirmatiua.

COMMENTARIVS.

ET MODVS explicatur satis aperte in litera; & est valde notandus ad intelligendum temptationum aliquarum, & qua ratione sæpe contingat deceptiones circa visiones, & reuelationes; etiam quando homines vigilant, & non dormiunt; nam imprimis possunt decipi, quia existimant se re ipsa videre aliquid, quod tamen à parte rei non ita est, sed solum representatur ipsis in phantasia; & præterea, quia licet cognoscant visiones illas, vel reuelationes, esse imaginarias, & non externas: credunt se eas accepisse à Deo, cum tamen possint fieri operatione demonis & naturali commutatione humorum, & spirituum; quare non est facile credendum istis visionibus, & reuelationibus vt recte aduertit hoc loco Caietanus.

ARTICVLVS III.

*Verum diabolus possit, necessitatem inferre
ad peccandum?*

CONCLUSIO est negativa.

COMMENTARIVS.

HÆC cōclusio & est de fide, vt cōstat ex illo
1. Petri ultimo cui (scilicet diabolo) *resisti-
te fortes in fide*, ergo possumus libere resi-
stere suis tentationibus, & ex cōsequenti,
ipse non aufert nobis necessitatem ad peccandū
& Eccle. 15. *Dens ab initio constituit hominem, &
reliquit illum in manu consilij sui, adiecit mandatum
& precepta sua: si volueris mandata servare con-
servabunt te*: ergo liberum est homini servare
mandata ista, & ex consequenti non peccare; con-
stat etiam ex ijs, quæ sæpe diximus, de libertate
ad peccandum requisita; & in communi, quod
voluntas non necessitetur, neque quoad exerci-
tium, neque quoad specificationem ab obiecto,
quod sit bonum particulare, probat D. THOMAS
supra q. 10. art. 2. est autem eadem ratio, quantum
ad hoc, de diabolo, qui solum movet voluntatem
ex parte obiecti.

ARTICVLVS IV.

*Verum omnia peccata hominum sint
ex suggestione diaboli?*

PRIMA CONCLUSIO, Occasionaliter, & indire-
cte, diabolus est causa omnium peccatorum nostro-

Arum, in quantum induxit primum hominem ad pec-
candum, ex cuius peccato instantum vitata est hu-
mana natura, ut omnes ad peccandum proclines fi-
rent.

SECUNDA CONCLUSIO, non est causa om-
nium peccatorum directe ita quod singula peccata per-
suadeat.

COMMENTARIVS.

HÆC CONCLUSIO est ORIGEN. 3. lib. pe-
riar. c. 2. ubi eam probat, quod, quia li-
cet dæmones non essent, nihilominus ho-
mines, sicut haberent naturales affectus
famis & sitis, ita etiam concupiscerent carnis de-
lectationes. Et GREG. lib. 11. moral. cap. 25. &
AVGVST. tomo 3. lib. de ecclesiasticis dogmatibus
cap. 82. ubi dicit, non omnes malas cogitationes
excitari instinctu dæmonis, sed aliquando ex no-
stri arbitrij motu emergere. Et colligitur ex loco
Ecclesiæ citato: & ex illo Iacob. 1. *unusquisque
tentatur à concupiscentia sua abstractus & ille-
tus*.

B Neque obstat, quod aliquando sancti videantur
dicere, omnia peccata nostra provenire ex sugge-
stione dæmonis, vt DIONYS. cap. 4. de divi. nomi-
nibus. AVGVST. tomo. 10. serm. 68. ad fratres in
Eremo, AMBRO. lib. 4. in Lucam DAMAS. lib. 2.
fidei c. 4. & ORIG. hom. 15. in lib. Iesum naue, nam
intelligi possunt iuxta sensum primæ conclusio-
nis; vt D. THOMAS hic ad 1. exponit DIONYSIVM;
vel de eo, quod communiter, & frequenter acci-
dit, quia licet contingat peccatum dæmone igno-
rante, tamen, vt plurimum, ipse tentat nos, aut
tanquam principium tentationis, aut quia præsto
adest, & tentatione excitata à nostra concupis-
cētia utitur ea ad inducendū nos ad peccatum; &
propterea dixit Petrus in 1. Epist. cap. vlt. quod
circumit tanquam Leo rugiens querens quem de-
vorat.



QVÆSTIO LXXXI.
DE CAUSA PECCATI, EX
PARTE HOMINIS.

Ordo & methodus questionis.



TAVTEM rectius intelligatur titulus quæstionis aduertendum est, quod in presenti non est controuersia de peccato primi hominis absolute, de hoc enim agit D. THOMAS 2.2. quæstione 163. sed solum ea ratione, qua erat in omnes suos posteros transfundendum, quod ob id *peccatum originis* appellatur, quia ex eo præcise aliquis illò inficitur, quod ex Adam per naturalem propagationem originem trahit.

SECUNDO notandum est, quod de isto peccato quatuor sunt explicanda, scilicet an sit? quid sit? quod sit subiectum eius, & qui sunt eius effectus; de tribus prioribus agit D. THOMAS tribus his continuis quæstionibus; de ultimo vero non constituit hic peculiarem quæstionem, sed simul illud explicat cum effectibus peccati in communi; & 2.2. quæstione 164. ubi disputat de panis peccato originali respondentibus; & in materia de gratia, dum explicat necessitatem gratiæ in homine lapso.

In hac ergo quæstione explicat D. THOMAS an sit hoc peccatum secundum rationem in primo notabili dictam: quia actualitas peccati, prout origine traducitur non est aliud, quam actu traduci; & ideo disputare an peccatum primi parentis traducatur in posteros, & quomodo traducatur, est disputare, an illud peccatum sub illa ratione sit actu. *Neque obstat* vniuersalis regula tradita ab ARISTOTELE in libro de demonstratione, quod scientia supponit de suo obiecto *an sit, quoniam illa* non est intelligenda de actuali existentia, sed solum de essentia vera aut imaginaria; præsertim superiores scientiæ, quales sunt metaphysica, & theologia, sæpe probant contra negantes ea, quæ erant, vt certa, supponenda.

DE HAC materia agunt scolastici cum magistro in secundo distinctione 3. & sequentibus D. THOMAS ibidem & hoc loco, & quæstione quarta de malo, & opusculo 3. tractatu 2. à capite 11. & 4. contra gentes capite 5. ALEXANDER ALEN-
SIS 2. p. q. 122. ALTISIODORENS. libro secundo suæ summæ tractatu 27. CAIETANVS hoc loco, & in opusculo de conceptione Beatissimæ virginis. DECANVS in explicatione articulorum Louanensium, articulo secundo. Pighius controuersia de peccato originis Caterinus libro de casu primi hominis, & multi ex recentioribus, qui contra errores nostri temporis scripserunt, quos, & AVGVSTINVM, qui multis libris de hac re disseruit, referemus suis locis.

ARTICVLVS I.

*Verum primum peccatum primi hominis
traducatur per originem in
posteror.*

Conclusio est affirmativa.

COMMENTARIVS.

Circa quam est

DVBIUM I.

An sit vera?

§. 1. Fundamenta partis negativa.

TRIA SVNT, quae faciunt difficultatem in hac questione pro parte negativa : PRIMUM, quia si hoc peccatum per generationem traducitur, ergo praecessit eius commissio non solum liberum rationis usum, sed etiam existentiam aliorum hominum, sicut etiam generatio, per quam traducitur, praecedit eam; ergo non potest esse voluntaria respectu ipsorum, & ex consequenti neque poterit habere rationem peccati in eis: quia de ratione peccati est esse voluntarium, sic adeo, ut D. AVGVSTINVS in libro de vera religione dicat, peccatum adeo esse voluntarium, ut, si non sit voluntarium, non sit peccatum. SECUNDVM est, quia subiectum peccati est anima rationalis, sed generatio non attingit ipsam animam rationalem, quoniam non educitur ex potentia materis, sed creatur à Deo, ergo per generationem non potest in aliquem traduci peccatum. TERTIVM, quia videtur repugnare scripturae, quod primum Adæ peccatum traducatur in posteror, nam in Genesi habetur, quod, tunc primo passus est Adamus erubescentiæ, cum delicto comedit: ergo illud peccatum, quod tunc commisit, est quod ad posteror ipsius derivatur, patet ista consequentia, quia erubescencia illa fuit effectus sublate iustitiæ originalis; at iam antea comiserat peccatum superbiae, ut D. THOMAS probat 1. 2. q. 163. art. 10. in argumento; sed contra ex illo Ecclesiastici 1. initium omnis peccati superbiae, & de Eva id affirmat ex sententia D. AVGVSTINI prima parte q. 94. art. 4. ergo non traducitur in posteror primum Adæ peccatum, sed aliud.

§. 2. Varij errores.

IN HAC re antiqui philosophi varie erraverunt: Inam cum miseras humanæ naturæ in seipsis experirentur, neque peccatum originale, quod fuit prima eorum radix & causa, cognoscerent, interdum de natura ipsa conquerebantur, quod talem condidisset mundi huius principem; interdum vero fabulosas & fictas assignabant harum miserrum causas.

A HÆRESI etiam, quibus, teste D. PAVLO, credita sunt eloquia Dei, negant absolute peccatum originale, & inde inferunt, circumcissionem non esse datam antiquis, ut per eam deleteretur aliquod peccatum paruulorum, sed solum ut ea designarentur ciues populi Iudaici; & Messiam non esse promissum ad tollendum aliquod peccatum communenaturæ; contra quos multa scribit GALATIENSIS libro sexto de arcanis fidei Catholice capite 5. Porchettus in libro victorie contra Hebræos p. prima capite 17 MARCELLVS Ficinus de religione Christiana capite 33. BYRONIENSIS in scrutinio scripturarum parte prima dist. 3. capite 2. & 3. & quarto.

B PELAGIVS (ut refert D. AVGVSTINVS libro de hæresibus capite 88.) ait nullum peccatum primi parentis derivari per generationem ad posteror, & cum secutus est Cælestius ipsi coruus & contemporaneus, ut refert Præteolus de sectis hæreticorum libro 14. capite 14. & postea secuti sunt ALBANENSES, ut idem author refert, libro 1. cap. 22. & cap. 67. dicit idem tenuisse ARMENOS; & nostris temporibus hunc errorem excitauit ZVINGLIUS & alij ut idem author refert libro 21. capite 2.

C Ex Catholicis videntur hoc idem aliqui sentire, licet diuersimode se explicent: nam quidam dicunt, peccatum primorum parentum non traduci in posteror secundum culpam, sed solum secundum occasionem peccandi: ita ut peccatum Adæ in nos transfusum nihil aliud sit, quam occasio quædam, & incitatio ad peccandum, quatenus ex illo peccato mortalitatem corporalem contraximus, ex qua provenit, quod multis rebus indigeamus ad vitæ conseruationem, quibus cum sæpe careamus, excitatur in nobis appetitus eas adquirendi, & illis vtendi: qui quoniam sæpe medicritatis limites excedit, fit ut homines illi consentientes peccent; quia tamen possunt non consentire, ideo ex peccato Adami solum habent occasionem peccandi, & ex suo libero consensu peccatum, hoc videtur sentire THEODORIVS in expositione illius versiculi Psalmo 50, Ecce enim in iniquitatibus conceptus sum: & in commentariis ad cap. 5. Epistolæ ad Romanos super illa verba, in quo omnes peccauerunt & in Epitome diuinorum decretorum capite 9. ut refert SIXTVS SENENSIS libro 5. Bibliothecæ sanctæ annotatione 179. & libro 6. annotatione 237. Neque multum dissentire videtur ab ista sententia HIERONYMVS OSORIUS libro 7. de iustitia, dicens, esse quidem in paruulis peccatum, iniustitiam, & iniquitatem originalem; non vero culpam, scelus, aut crimen aliquod; existimat enim peccatum esse quemlibet errorem, vel declinationem à recta via, siue proveniat à nostra voluntate, siue non; culpam vero esse, quando aliquis volens, & præuidens aberrat à via, & declinat à recto; atque adeo dicit, in filiis Adæ esse peccatum originale, & iniquitatem, quia quamdiu gratia non succurrit, aberrant à sine vitæ æternæ, neque possunt seruare æquitatem diuinæ legis; non vero imputatur illis hoc peccatum ad culpam, quia non incurrunt illud voluntarie; unde definit peccatum originale nihil aliud esse, quam perturbatum quendam animi statum, ob defectum iustitiæ, crimine primi parentis amissæ; ad omnia flagitiorum genera sollicitantem; &

subdit

subdit, nihilominus hoc peccatum futurum in homine constituto in puris naturalibus, quam modo fit in descendens ab Adam.

At ii vero dicunt, peccatum primorum parentum non generatione, sed exemplo & imitatione traduci in posteros, non omnes, sed in eos, qui ad similitudinem prauaricationis Adæ sponte sua peccauerunt: hoc tribuit Sixtus Senens. libro 6. Bibliothecæ annotatione 238. auctori commentariorum in Paulum, qui inscribuntur nomine Hieronymi, in expositione capitis 5. Epistolæ ad Romanos super illa verba, capitis septimi *sine lege omne peccatum motum erat*, ubi sic habetur: insaniunt, qui de Adam per traducem asserunt ad nos deuenire peccatum; quare Marianus in censura operum, quæ sub nomine D. Hieronymi circumferuntur, in 8. tomo, dicit, quod commentarii illi non sunt Hieronymi. Hi omnes modi dicendi conveniunt in hoc, quod nihil à primo parente in posteros per generationem habet in eis rationem culpæ, quamvis de penis diversimode sentiant, ut in ultima parte dicemus.

§. 3. Pars affirmativa certa eligitur.

Sed contra omnes istos statuitur hæc (PRIMA CONCLUSIO) *A primo parente traducitur peccatum per generationem in posteros*, in hac conclusione loquimur indefinite, nō explicando, quod peccatum traducatur à primo parente, nec in quos posteros traducatur de facto, quoniam hæc duo inferius sunt examinanda.

Probatur ista conclusio PRIMO testimonijs sacre scripturæ, primum habetur Iob. 14. ubi iuxta nostram editionem, sic legitur: *quis potest facere mundum de immundo conceptum semina*, & sermo fit de immunditia aliqua spiritali: nam de corporea non potest ita vere dici, quod statim subicitur *nonne in, qui solus* i quare videtur significare, hominem ab origine trahere secum immunditiam aliquam spirituales quam appellamus peccatum originis, neque alium sensum habent verba Hebræa, ut advertit Eugubini. Consonatque hæc exposito intentioni Iob, qui, ut Deum ad commiserationem commoneat, vult recensere sigillatim miseras hominis, & inter alias refert hanc, quod in sua conceptione fuerit peccato infectus; Fauetque ei paraphrasis Caldaica, quæ aperte locum istum intellexit de immunditia, quæ sit peccatum: sic enim in ea dicitur *quis dabit mundum virum, qui est impollutus in peccatis, nisi Deus, qui unus est qui parcat ei*, & translatio. 70. quæ sic habet, *quis enim mundus erit à sordibus; sed nullus si & unus dies vita eius in terra*. Sed iuxta aliam lectionem, quam dicit esse antiquam Titelmanus in annotationibus supra idem caput, *nemo mundus à sordibus infans cum est unus dies vita super terram*, & sequuntur expositionem hanc omnes sancti patres, qui utroque modo referunt testimonium istud, sicut habetur apud Cyprianum libro tertio, testimoniorum adversus Iudæos, AUGUSTINUM tomo 7. lib. 5. Hipognost. capite 4. BERNARDUM sermone 4. in vigiliis natiuitatis Domini. Hieronymum in Psalmo 5. posteriori Chrysostomum tomo primo de Adam & Eva; Prosperum Aquitanum in Epistola ad Demetriadē, Augustinum tomo 8. in Psalmum 5. & in illud Isaia 54.

sicut in diebus Noe, &c.

ET ADVERTENDUM est, testimonium istud, ut à nobis relatum ex vulgata editione & ex translatione 70. esse omnino unum & haberi Iob. 14. etiam si CHRYSOSTOMVS, & Prosper advertunt, utramque translationem ut duo testimonia, & in margine Bernardi referatur ad cap. 25. ALTERVM testimonium est illud Psal. 50. ecce enim in iniquitatibus conceptus sum, id est, ecce enim in iniquitate conceptus sum, & statim, ut me mater mea concepit, peccatum mihi adhaesit; ita exponunt omnes sancti patres, & ex loco isto deducunt, esse peccatum originale, ut certam fidem, HIERONYMVS, AMBROSIVS, AUGUSTINVS, PROSPER, CHRYSOSTOMVS, BASILIUS, & alij locis citatis; & fauet huic expositioni textus Hebraicus, in quo in singulari dicitur, *ecce enim in iniquitate conceptus sum & in peccato peperit me mater mea*; videtur enim per hoc significari, de illo insigni & singulari peccato, quo in scimur in utero matris, & ita intellexerunt locum istum aliqui ex Iudæis, ut refert GENERAR. in eius expositione. Sed advertendum est, quod, quamvis in Hebræo nomina illa, *peccatum & iniquitas* habeantur in singulari: recte noster interpret transiit ea in plurali; non solum, quia aliquando pluralis numerus pro singulari accipitur; sed etiam quia peccatum originale, quod per eas significatur, est multorum actualium origo, & seminarium, & ita quodammodo illa in se continet, ut D. THOMAS docet questione sequenti articulo secundo ad primum, sicut propter eandem rationem illud Ioannis primo, *ecce qui tollis peccata mundi* explicat D. THOMAS de peccato originali 3. p. q. 1. articulo quarto in argumento, *sed contra*, & ita Leo primus Epistola 84. quæ est ad Nicetā Aquileiensem Episcopum, adducens locum istum in declaratione veritatis Catholice, inquit, *neque hic dixit in iniquitate, vel in peccato, cum hoc vellet dici possit, sed iniquitates & peccata dicere maluit, quia in illo uno, quod in omnes homines pertransiit, reperimur multa alia*.

Neque admittenda est explicatio Hæreticorum, qui (ut refert BASILIUS) dicebant, Davidem per peccata & iniquitates, intellexisse nuptias, quasi nuptiæ malæ sunt, propter concupiscentias, & delectationes, quæ admiscuntur in filiorum procreatione; quoniam certa fide tenendum est, neque nuptias, neque actus, quibus coniugati filios generant, aut delectationem ex eis resultantem esse peccatum, de quo in materia de matrimonio sumus etiam quia, parum consonat Davidis intentioni, quod hæc intelligantur de alienis peccatis, & non de aliquo, quod ipse contraxisset, ut statim dicam.

Neque etiam satisfacit solutio Hæreticorum nostri temporis, qui exponunt illa verba non de peccato originali, sed de penis, & defectibus propter peccatum primi parentis contractis; nam quamvis ille sensus admittatur, non sequitur quod noster sit reiiciendus, quem universi sancti patres sunt secuti, præsertim cum noster Davidis intentioni sit maxime conformis, vult enim peccatum suum coram Deo excusare ex eo, quod nihil videatur hominum animis magis inheum, quam peccatum, cum statim, atque concipimur, nobis adhæreat.

ULTIMUM, sed apertissimum testimonium est

illud ad Romanos 5. *propterea sicut per unum hominem peccatum in hunc mundum intravit; & postea in quo omnes peccaverunt.*

Ad hoc argumentum respondebant Pelagiani, verba ista intelligenda esse de peccato, non per propagationem originis contracto, sed per imitationem exempli. Nam quoniam Adam fuit peccando alijs exemplar & forma peccandi, ideo dicuntur per ipsum intrasse in mundum omnia peccata, quæ alijs ad eius imitationem committuntur.

Sed hæc explicatio repugnat ipsi Paulo, ut ex multis, quæ dicit, potest facile ostendi; nam imprimis dicit peccatum ad omnes pertransiisse, aut enim, in quo omnes peccaverunt, & inferius, *sicut per unius delictum in omnes in condemnationem;* at non omnes imitantur Adamum, ut de pueris est evidens.

Dicit, Paulum non loqui de omnibus hominibus, sed solum de illis, qui de facto committunt peccatum mortale, ita ut sit sensus, omnes quotquot peccant, id facere imitatione Adæ; contra quod modum dicendi aliqui explicant illam propositionem, *qui vult omnes homines salvos fieri.*

Sed contra, quia sequeretur, eos, qui propria voluntate non imitantur Adamum, non indigere gratia Christi, neque esse filios iuxta, contra sententiam illorum verborum, *sicut per unius delictum in omnes homines in condemnationem, sic & per unius iustitiam in omnes homines in iustificationem.* Et contra illud ad Galatas 3. *conclusio scriptura omnia sub peccato, ut gratia Dei abundet.* Item quia Paulus ita inquit, *sicut per unum hominem peccatum intravit in mundum, & per peccatum mors, & ita in omnes homines mors pertransiit;* quibus verbis aperte significat, non minus extendi ad homines peccatum, quam mortem; sed mors extenditur ad pueros, qui non imitantur peccatum Adæ, atque ita paulo inferius inquit Paulus, *regnavit mors ab Adam usque ad Moysen etiam in eos qui non peccaverunt in similitudine prævaricationis Adæ;* ergo etiam ad istos extenditur peccatum. Et tandem, quia multi ex his, qui peccant actualiter, nihil audiverunt de peccato Adæ, ergo neque isti imitantur ipsum, sicut ait AUGUSTINUS libro 6. contra Iulianum capite secundo.

Secundo respondent alij ut ZINGLIUS unus ex hæreticis nostri temporis, Paulum non intellexisse nomine peccati peccatum ipsum, aut culpam, sed pœnam, & effectus peccati iuxta illum modum loquendi, quo effectus nomine suæ causæ solet significari.

Sed contra, quia verba ista absque omni inconvenienti possunt intelligi proprie, & absque omni figura; ergo ita intelligenda sunt, iuxta regulam sanctorum patrum. Item quia Paulus inquit, *quia per unum hominem peccatum intravit in hunc mundum, & per peccatum mors;* ergo ingressus peccati in mundum præsupponit ad ingressum mortis, tanquam eius causa, & ex consequenti Paulus per peccatum non intellexit mortem, & alios effectus peccati. Præterea, si peccatum, quod per unum hominem intravit in mundum, solum est pœna, non potest quis dici liberari à Deo per iustificationem; & tamen Paulus dicit eodem loco, homines iustificari per meritum Christi, cum ab

eo peccato liberantur. Et confirmatur ea, quæ de hoc loco dixi, nam ita exponunt ipsum concilia, & sancti Patres, quorum testimonia referam statim.

Sed contra expositionem hanc obijci potest quod Paulus, post verba ista, ita inquit, *regnavit mors ab Adam usque ad Moysen, etiam in eos, qui non peccaverunt in similitudinem prævaricationis Adæ;* quibus verbis videtur aperte significari, non peccasse omnes homines, in quos mors pertransiit; sed illos dumtaxat, qui ad similitudinem, & imitationem Adæ transgressi sunt legem.

Confirmatur primo quia paulo inferius inquit, *quod unius delicti multi mortui sunt;* de postea, quod per inobedientiam unius hominis peccatores constituti sunt multi; ergo non omnes sunt mortui morte peccati, aut constituti peccatores; sed illi soli, qui propria electione imitantur Adæ peccatum.

Confirmatur secundo, quoniam Paulus comparat primum Adam cum Christo in hoc, quod sicut per delictum illius damnati sunt multi, & constituti peccatores; ita etiam per gratiam Christi, non redduntur homines iusti, nisi conformentur ipsi Christo imitatione sanctissimæ vitæ suæ; ergo neque delictum Adæ constituit homines peccatores, nisi imitentur ipsum suis pravis operibus.

Ad ARGUMENTUM, omisissis his, quæ circa varietatem lectionum, & sensum illius loci possent obijciari; Respondetur, per eos, qui non peccaverunt, intelligi tantum illos, qui non peccaverunt propria voluntate, quemadmodum Adam, quales sunt pueri; per quod non excluditur, quod habeant peccatum originale.

Ad Confirmationem primam, Respondetur, vocem illam *multi* (ut docet D. AUGUSTINUS libro 6. contra Iulianum capite 11.) lepe poni pro omnibus, ut Mathæo 23. *filius hominis venit dare animam suam redemptionem pro multis;* & cap. 26. *hæc est sanguis qui pro multis effundetur;* alia exempla referunt Martinez libro 6. Hypotypos cap. 3. & ratio huius est, quod multitudo non tam oppositè univèrsalitati quam singularitati; & ideo cum dicit Paulus multi mortui sunt, idem est, ac si diceret, non unus tantum singularis Adam, sed & multi alij per ipsum mortui sunt; quia tamen affirmat multos esse mortuos & constitutos peccatores per ipsum: non negat, omnes mortuos fuisse, præsertim cum id expresse affirmet ipse Paulus semel atque iterum in ipso loco.

Sed obijciat, quum Paulus inquit, *per obedientiam Christi multi constituti iusti;* non accipit multos pro omnibus; constat enim non omnes iustificari per Christum; ergo neque quædò dicit, *per inobedientiam Adæ peccatores constituti multi;* patet consequentia, quia absurdum videtur, in eadem periodo sumi equivoce vocem illam.

Respondetur negando antecedens, quia per obedientiam Christi omnes iustificati sunt, quæ ad sufficiency, iuxta illud, quod Paulus ante dixerat, *per unius iustitiam in omnes homines in iustificationem;* sed quantum ad efficaciam solum iustificati sunt, quia ab ipso regenerati sunt, per peccatum Adæ solum constituti peccatores, quæ ad efficaciam, quæ ex ipso geniti sunt corporaliter.

Ad secundam Confirmationem Respondetur,

negari.

negando minorem, quia iustitia Christi non solum reddit iustos eos, qui proprijs actibus ipsum imitantur: sed etiam illos, qui ab ipso regenerantur per baptismum, & participant eius spiritum, etiam sine proprijs actibus, ut patet in pueris baptizatis, imo ex comparatione illa confirmatur maxime nostra expositio: quia iustitia Christi non solum redundat in suos imitatione, sed & propagatione ex opere operato.

SECUNDO probatur ista conclusio definitionibus conciliorum, est enim definitum in concilio MILAVITANO capite secundo, ubi & dicitur de hoc peccato esse intelligendum testimonium à nobis citatum, ex Paulo, ad Romanos 5. & quod Ecclesia Catholica semper ita intellexit. Et in quodam Concilio AFRICANO contra Hæresim Pelagij & Cælestij congregato, quod habetur tomo primo conciliorum sub titulo Concilij Africani capite 77. ubi idem dicitur de eodem testimonio Pauli. Et in Concilio Prouinciali Arausicano capite primo, & secundo; & expresse in Concilio Tridentino sessione quinta in decreto de peccato originali.

Confirmatur etiam testimonijs summorum Pontificum, nam ita hoc docet Celestinus Papa Epistola prima ad episcopos Galliarum, capite quarto. Et Leo primus epistola 22. ad plebem Constantinopolitanam urbis, & Epistola 81. art. Palestinos monachos.

TERTIO probatur sanctorum testimonijs. AUGUSTINUS multis in locis eam affirmat, & ex professo docet, quæ optime colligit TORRES libro secundo confessionis Augustinianæ capite 1. an. 40. Et ipse Augustinus libro 1. contra Iulianum Pelagianum ad finem, citat sanctos non solum antiquiores, sed etiam sui temporis scilicet Hieronymum, Ciprianum, Hilarium, Ambrosium, Basilium, Innocentium, Ioannem Chrysostomum & alios.

SED hic placet aduertere, quod Pelagiani contendebant in suum fauorem adducere Chrysostomum: tamen optime defendit & explicat testimonia eius quæ videntur Pelagianis fauere Sixtus Henensis libro 6. Bibliothecæ sanctæ annotatione 136.

VLTIMO probatur rationibus sumptis ex principijs fidei, nam in primis Christus dicitur redemptor omnium, non solum quia meruit gratiam omnibus, sed potissimum, quia omnes liberat à peccato, de quo 3. p. q. 7. art. 4. Et præterea in lege Euangelica baptismus institutus fuit in remedium peccati originalis, & in lege veteri circumcisio, de quo in suis locis.

In hac conclusione sic generaliter proposita conueniunt omnes authores catholici, sed cum in particulari volunt explicare, quomodo peccatum à primo parente traducatur ad posteros, aliqui eorum valde à veritate defecerunt; nam cum ad peccatum requirantur duo, scilicet, quod sit defectus aliquis, aut malum morale, habens rationem culpæ, & quod sit voluntarium, aliqui dicunt traduci ad posteros Adæ defectum quandam qui sit in ipsis, & habeat rationem culpæ & peccati: addunt tamen non esse proprie peccatum, quia non est proprie voluntarium.

Pro hac sententia solet referri Durandus in 2. d. 30. questione 2. quem tamen alij conantur defen-

dere, quia non eam adeo aperte sequitur, ut dicam in solutione primæ difficultatis. Aliqui etiam referunt Gulihelmum Parisiensem Episcopum in libro de vitijs & peccatis, sed immerito, quoniam capite tertio (quod incipit post hæc pro vt prædiximus) sentit expresse oppositum.

ALIi vero dicunt nullum defectum, qui habet rationem culpæ, aut peccati traduci ad posteros Adæ, ita ut ipsis sit intrinsecus, & inherens, sed illud idem peccatum, quod commisit Adam, dici *actuale*, quatenus ab ipso propria voluntate commissum est; & *originale* etiam, quatenus est commissum à nobis, qui, pro vt eramus in ipso ut in origine generis nostri, peccauimus ipso peccante; dici autem traduci ad nos, quia traducuntur effectus & pœnæ in quibus ipsum peccatum quodammodo viuic, quamuis quoad actum transferit; hanc sententiam sequuntur CATERINVS in libro de casu hominis & peccato originali, & ALBERTVS PIATVS controuersia prima de peccato originali.

SECUNDA CONCLUSIO, peccatum quod in præsentia conclusione probauimus traduci à primo parente in posteros; per generationem, habet vere & proprie rationem peccati & culpa. Hanc statuimus aduersus DURANDVM, sed ut explicemus in quo gradu sit certa aduertendum est rationem peccati dupliciter posse considerari, scilicet, pro vt est communis ad peccatum actuale quod consistit in actuali violatione præcepti, siue fiat per actum, siue per omissionem; & ad habituale quod manet transacta violatione actuali, & ad personale & originale: aut pro vt est determinata ad aliquem statum, aut modum peccandi, si sumatur hoc posteriori modo & in particulari pro ratione peccati actualis certum est peccatum originale non habere proprie rationem peccati in nobis, quia non est peccatum actuale, neque commissionis, neque omissionis, si vero sumatur priori modo dicendum est peccatum originale habere rationem peccati, & esse absolute & proprie peccatum. Ita quod esse originale aut traductum per generationem in quo distinguitur peccatum istud à reliquis statibus aut modis peccati, non addit peccato in communi determinationem extrahentem ipsam à propria natura, sicut esse pictum aut mortuum respectu hominis, sed relinquentem ipsum in propria natura, sicut esse alatum vel bipes, aut quadrupes respectu animalis: & in hoc sensu existimo hanc conclusionem adeo certam, ut opposita sit erronea.

PROBATVR quoniam in Concilio Tridentino sessione quinta decreto de peccato originali, canone secundo ita diffinitur, si quis dixerit Adam non transfudisse in posteros peccatum quod est mors animæ, anathema sit, & canone quinto, si quis asserat per gratiam quæ in baptismo confertur non tolli totum id quod veram & propriam rationem peccati habet anathema sit.

Secundo probatur, quoniam in scriptura hoc peccatum appellatur nominibus conuenientibus dumtaxat peccati proprie & in rigore; dicitur enim prauaricatio, ut Osæ 6. ipsi autem sicut Adam transgressi sunt prauaricati sunt in me, id est, ut exponit Hieronymus, ipsi autem imitati sunt Adam, ut quod ille in paradiso fecerat prauaricatum meum legemque præteriens isti in terra facerent; & ibi (hoc est, in

est in paradiso) omnes prænati sunt in me. Appellatur etiam iniquitas, ut psalm. 50. ecce enim in iniquitatibus, &c. Dicitur præterea mors anima ut 1. ad Corinthios 5. si Christus mortuus est pro omnibus, ergo omnes mortui sunt, quæ verba de morte peccati intelligenda esse colligitur, & ex ipso contextu, & ex doctrina AUGUST. libro 6. contra IULIANVM, & tandem appellatur impietas & inimicitia, quæ est auersio à Deo; ut ad Romanos 5. ut quid enim Christus cum adhuc infirmus essemus secundum tempus pro impijs mortuus est & postea finem cum inimici essemus reconciliati sumus Deo per mortem filij eius, &c.

TERTIA CONCLUSIO; à primo parente derivatur in posteros per generationem peccatum ipsis intrinsicum; & inherens, quod non est idem numero quod fuit in Adam, sed in vnoquoque distinctum numero à peccato alterius, & à peccato Adæ. Hæc conclusio statuitur contra CATERINVM & PIGIVM; & probatur primo quia ad Romanos 5. dicitur per unum hominem intravit peccatum in hunc mundum, & per peccatum mors, sed mors intravit propria unicuique, & distincta à morte alterius, & à morte Adæ, ergo & peccatum. Deinde nisi hoc dicamus non verificatur proprie & sine figura peccatum intrasse in mundum, sed solum intrasse ratione effectuum & pænarum ipsi respondentium, quod tamen ex prima conclusione manet impugnatum. Præterea dicitur in illo capite, quod sicut per inobedientiam unius hominis peccatores constituti sunt multi, ita & per unius obedientiam iusti constituentur multi, sed per Christi obedientiam constituentur homines iusti intrinsece, & formaliter, ita ut unusquisque habeat iustitiam sibi inherentem, distinctam & à iustitia Christi, & à iustitia cuiuscunque alterius: ergo etiam per peccatum Adæ constituentur homines peccatores intrinsece, ita ut unusquisque habeat in se proprium peccatum, distinctum à peccato alterius & à peccato Adæ.

Et præterea hæc sententia videtur definita in Tridentino, sessione quinta, decreto de peccato originali, canone secundo ubi expresse dicitur, Adam non solum mortem, & pænâ corporis, in omne genus humanum transfudisse, sed etiam peccatum, quod est mors animæ; & canone tertio dicitur, peccatum originale, quod origine unum est, & propagatione non imitatione transfusum omnibus, inesse unicuique proprium; & canone quarto damnatur, parvulos vixit ex Adam trahere originalis peccati, quod regenerationis laacro necesse sit expiari, ad vitam æternam consequendam; & canone quinto dicitur, si quis per Christi gratiam, quæ in baptismo confertur reatum originalis peccati remitti negat, aut etiam asserit, non tolli totum id quod veram & propriam rationem peccati habet, sed illud dicit tantum radians non imputari, anathema sit. Quare licet credam oppositam sententiam differre ab errore PELAGII, quoniam eius authores absolute concedunt peccatum Adæ imputari suis posteris, non solum ad pænâ, sed etiam ad culpam, ita ut sit peccatum eorum, & mortem, & ceteros defectus, esse pænâ huius peccati, quæ duo negabat PELAGIVS & saltem primum omnes qui eum sequuntur; tamen existimo eum non solum ut falsam (ut arbitraturs SOTVS libro primo, de natura & gratia capite 9. sed ut erroneam, aut errori proximam, esse omnino rejiciendam, quoniam ad defendendum veritatem

harum definitionum, non satis est dicere posteros Adæ peccasse, ipso peccante, sed ulterius concedendum est eos contrahere, & habere in se aliquod quod vere & proprie habet rationem peccati;

Næque satis erit si dicas, quod in vnoquoque parvulo est proprius reatus ad pænâ cum ordine ad peccatum Adæ; quia iste reatus, non habet in vnoquoque rationem culpæ, sed miseriz solum, sicut filij qui nascuntur infames aut servi, propter delicta parentum, non dicuntur tales suo vitio sed parentum.

Sed objicit CATERIVS & PIGIVS illud ad Romanos 5. in quo omnes peccaverunt, & illud Osee. 6. ubi prænati sunt in me: quibus locis aperte videtur significari quod omnes, tunc peccavimus in ADAM, quando ipse peccavit, & ex consequenti quod peccatum illud sit originale, quo tota natura humana est infecta: & probant confirmantque ratione, quia de essentia peccati est quod sit prænatio siue transgressio legis, ut ex definitione AUGUSTINI colligitur, constat autem quod pueris quando concipiuntur, non potest tribui aliqua transgressio legis præter eam quæ in ADAM transgressi sunt legem.

UT AD HÆC respondeamus sit quarta Conclusio, Illud idem numero peccatum, quod comisit Adam, cum in paradiso est transgressus præceptum Dei, potest dici transfundi ad suos posteros non solum causaliter, quatenus ratione eius contrahunt sibi malitiam intrinsicam & inherentem, sed etiam formaliter, per denominationem extrinsecam, ita ut illud peccatum sit & reputetur ipsorum, & ab eo denominentur peccasse, ita tenent DRIEDO, libro primo, de gratia & libero arbitrio, tract. 3. p. 1. DECANVS articulo secundo, & CAVELLVS tractatu de peccato originali capite 6. Et probatur, quoniam cum Adam peccavit omnes filij eius quatenus continebantur in eo ut in principio generis sui, peccaverunt: ergo statim atque nascitur aliquis ut filius Adæ, habet ordinem ad illud peccatum ut ad peccatum à se commissum, atque proinde, illud peccatum formaliter & secundum se consideratum, reputatur ipsius. Patet consequentia quia peccatum aduale ideo reputatur esse alicuius quia commissum est ab eo, & non est ei remissum, & antecedens probatur primo ex illo ad Romanos 5. in quo omnes peccaverunt; nam si fiat relatio ad peccatum siue ad Adam quod verius est, quia in Græco significatur peccatum voce generis feminini sensus est, quod peccante Adam omnes peccaverunt.

Secundo probatur, quia omnibus hominibus pro ut erant in Adam, imposuit Deus præceptum servandum aut violandum per actus ipsius Adæ, ut infra dicemus, ergo cum Adam transgressus est illud præceptum, omnes transgressi sunt ipsum.

Ultimo probatur testimonijs AUGUSTINI, qui expresse, hoc concedit, tomo 5. libro 16. de civitate Dei, capite 27. & tomo. 7. 3. libro de peccatorum meritis & remissione, capite 7. & libro quarto contradias epistolas Pelagianorum, capite 4.

Ex HAC conclusione patet solutio ad testimonia, quæ pro se adducunt CATERIVS & PIGIVS, concedimus enim posteros Adæ quatenus continebantur in Adam, peccasse cum ipse peccavit, & illud peccatum reputari ipsorum, cum nascuntur,

negamus tamen ex hoc sequi, quod non translundatur ad eos aliquid intrinsecum ipsis & inherens, à quo intrinsece denominentur peccatores, sicut ex eo quod aliquis ex proprio actu peccaverit, non sequitur quod transacto actu non manet in ipso aliquid à quo denominetur peccator.

Ad confirmationem Respondetur primo definitionem AUGUSTINI intelligi de peccato actuali non de habituali, quale est originale. *Secundo dico* quod sicut peccatum originale est peccatum habituale, ita est habitualis prævaricatio, & habitualis aversio à lege. Superest modo dissolvere difficultates in principio propositas, quod efficiemus tribus dubijs in quibus res ista magis explicabitur.

§. 4. CIRCA primam difficultatem, sit primum Dubium, quod in ordine articuli est

II. D V B I V M.

An peccatum quod diximus à primo parente in suos posteros transfundi, sit voluntarium aliquo modo sufficienti, ad hoc ut in eis habeat propriam rationem peccati?

Paras negativæ proponitur cum argumentis.

PARTIM negativam sequitur DURANDVS, in 2. d. 30. q. 2. nam quamvis dicat se tantum negare, quod peccatum originale sit nobis ita voluntarium sicut requiritur ad peccatum actuale, tamen cum explicat qua ratione sit voluntarium voluntate ADÆ, fere excludit omnem modum quo possit dici nobis proprie voluntarium; eandem sequitur KENNETHVS, Hæreticus qui propterea ut refert PAIBA libro tertio orthodoxarum explicationum, negabat peccatum originale, esse vere & proprie ex natura sua peccatum.

Præ autem probemus hanc sententiam supponendum est quod cum dicimus requiri ad peccatum quod sit voluntarium, intelligitur de voluntario respectu illius cui tribuitur peccatum, si enim quis violat virginem reluctantem & renitentem stuprum, illud non erit peccatum respectu virginis, quoniam non est illi voluntarium atque ita ut peccatum originale sit peccatum in nobis, necessarium est quod nobis sit voluntarium, & non erit satis quod sit aut fuerit voluntarium ADÆ.

Hoc supposito probatur primo quia vel peccatum originis, est puero qui modo nascitur ex Adam voluntarium, voluntate propria, vel voluntate alterius, scilicet ADÆ. *Primum* dici non potest, quia puer neque cum nascitur, neque antea, potest propria voluntate præbere liberum consensum in peccatum aliquod, neque etiam potest dici secundum, tum quia id quod est voluntarium, voluntate alterius, non potest mihi esse voluntarium, nisi aut transulerim meum consensum in eum, cuius est illa voluntas, aut teneam & possim vitare, ne ille consentiat, aut saltem ratum habeam, quod ille

A fecit; sed in nostro casu puer non transiit, neque potuit transferre in Adam suum consensum, neque etiam potuit vitare ne Adam consentiret, aut traduceret peccatum, neque etiam ratum habet, quod ille fecit: ergo peccatum originale nullo modo potest dici voluntarium puero in quantum est voluntarium voluntate ADÆ: tum etiam quia sequitur quod peccatum originale, in quantum voluntarium, sit extrinsecum puero; & ex hoc sequitur ulterius, quod etiam in quantum peccatum, sit ei extrinsecum, quod est contra tertiam conclusionem. *Prima sequela* patet quia voluntas ADÆ, quæ est voluntarium, est extrinseca puero; & *secunda probatur* quia, ratio peccati vel includit intrinsece voluntarium tanquam gradum genericum, vel supponit ipsum in fundamento aut subiecto cui inest: ergo cui voluntarium alicuius peccati est extrinsecum, etiam ratio peccati erit extrinseca.

Secundo, puero cum concipitur non potest esse voluntaria aliqua deordinatio aut derivatio à lege, ergo neque potest ei esse voluntarium aliquod peccatum. *Consequentia* patet, quia de ratione peccati quomodocumque sumatur, est quod sit deordinatio à lege vel à regula morum, quoniam est malum morale, & antecedens probatur, quia tunc puer non est capax legis aut saltem excusatur ab eius obligatione.

Primo, ARISTOTELES 3. Ethicorum, capite 5. docet, ea vitia nobis esse voluntaria quorum primum est in nobis, ita ut sit in nostra potestate situm quod sint vel non sint; sed in puero qui nunc concipitur non est tale principium, respectu peccati originalis: ergo peccatum originale non est ipsi voluntarium.

Confirmatur primo, quia peccatum originale respectu pueri, non est dignum reprehensione: ergo neque voluntarium, patet consequentia quoniam ARISTOTELES docet loco citato, quod vitia corporis quæ sunt in nostra potestate, hoc est quæ sunt nobis voluntaria reprehenduntur, ex eo colligitur dicendum esse idem de quibuscunque vitijs animæ: Et antecedens probatur quia etiam docet ibi ARISTOTELES quod nemo reprehendit alium propter defectus qui ei conveniunt à causa quam vitare non potuit, ut nemo reprehendit eum qui est natura difformis, neque exprobrat excitationem ei cui vel natura vel morbo vel ictu aliquo cæcus sit.

Confirmatur secundo, quoniam D. AUGUSTINVS tomo primo libro tertio de libero arbitrio capite 18. inquit quod si causa peccati talis est ut ei non possit resisti sine peccato; ei ceditur; & paulo inferius docet neminem peccare in eo quod cavere non potest: ubi aperte supponit voluntarium requisitum ad peccatum consistere in eo quod vitari possit ab eo cui tribuitur peccatum, quoniam solum propter defectum voluntarij, docet in his casibus non reperiri peccatum, quo posito sic argumentor, puer neque potest resistere causæ, à qua contrahit peccatum originale, neque potest vitare ipsum peccatum: ergo peccatum originale non est ipsi voluntarium sicut requiritur ad peccatum.

§. 5. Resolutio dubij.

PRO SOLVITIONE supponendum est primo, peccatum dupliciter sumi posse, scilicet actualiter, & habitualiter, siue prout denominat peccantem, & prout denominat peccatorem. Peccatum *primo modo* sumptum nihil aliud est, quam actualis violatio legis, quam diu est in fieri; siue fiat per actum contrarium legi, siue per omissionem actus ad quem lex obligat. Peccatum vero sumptum *posteriori modo* est quædam habitualis aversio vel deordinatio quæ manet etiam postquam actuale peccatum transit, quid autem sit hæc habitualis deordinatio explicandum est inferius.

Nunc solum supponimus ut certum, ipsum relinqui in eo qui peccauit post transactum actum peccati aut post omissionem præteritam, & tamdiu permanere in eo quamdiu non assequitur peccati veniam, & ab ea etiam si dormiat aut nihil cogitet de peccato denominari peccatorem, & inuisum, atque exosum Deo.

Secundo supponendum est, quod quamuis ad utrumque peccatum requiratur quod sit voluntarium, tamen non requiritur eodem modo, nam sicut vnum habet diuersam rationem & naturam ab altero saltem metaphysice loquendo, ita etiam diuerso modo postulat ea quæ requiruntur ad peccatum. Pro quo *aduertendum est dupliciter* aliquid dici posse voluntarium, scilicet per modum actus secundi, ut cum libere procedit à voluntate directe aut indirecte, tanquam actus eius, siue sit actus, siue omisso: aut per modum actus primi, siue potius termini resultantis ex actu voluntario, vel ex omissione voluntaria; dixi siue potius termini quoniam istud voluntarium non dicitur habere modum actus primi, quia sit principium actus secundi sicut habitus, sed quia etiam in hoc assimilatur ei aliquo modo propter conuersionem saltem virtualem quam includit, ut postea dicam, & quia sic melius explicatur distinctio eius à voluntario in actu secundo.

Voluntarium primo modo, sumptum requiritur ad peccatum actuale, adeo ut ea ratione qua aliquid intelligitur auferre libertatem hanc, intelligatur etiam diminuire aut omnino tollere rationem peccati, & ita D. AUGUSTINUS loquens de hoc peccato libro tertio de libero arbitrio, capite 19. inquit illud proprie dici peccatum quod libera voluntate & à sciente committitur; voluntarium vero sumptum *secundo modo* sufficit ad peccatum habituale, si solum habeat rationem eorum, quæ intrinsece aut quasi intrinsece requiruntur ad ipsum seculis extrinsecis; nam cum peccatum hoc maneat in peccatore, etsi transierit actus peccati, imo etiam si nullus maneat actus voluntatis, non poterit esse voluntarium in actu secundo, quoniam voluntarium ita sumptum, consistit in actu voluntatis saltem interpretatiue; item quia repugnat etiam propriæ rationi ipsius, esse voluntarium isto modo, quia denominaret peccantem actu.

TERTIO supponendum est quod quamuis peccatum habituale non includit intrinsece volunta-

Arium per modum actus secundi ut explicatum est, tamen necessario præsupponit ipsum, quoniam resultat ex actu voluntario, aut ex omissione voluntaria, non enim potest intelligi quod subiectum sit habitualiter deordinatum, aut auersum à lege nisi præcesserit voluntaria transgressio, aut violatio legis, & hæc importat liberam actionem, contra legem, aut liberam omissionem actus, lege præcepti; quia tantum his duobus modis potest lex actu violati.

Quod si propter hoc quæras an peccatum habituale sit transgressio legis Respondetur quod solū in sua causa est transgressio legis, quia resultat ex actuali transgressione, aut quod idem est potest dici transgressio legis non per modum actionis aut omissionis qua violatur lex, sed per modum termini quia scilicet est quid relictum ex actuali legis transgressione, & ita non denominat hominem transgredientem, sed transgressorem, sicut non denominat peccantem sed peccatorem.

VLTIMO supponendum est quod cum ecclesia docet ad posteros derivari Adæ peccatum originale, quod sit ipsis intrinsecum, non loquitur de peccato actuale; nam cum aliquis concipitur, neque committit propria voluntate aliquod peccatum, neque recipit in se peccatum actuale Adæ, quoniam iam transit: sed loquitur, de peccato sumpto habitualiter, itaque docet quod sicut cum aliquis peccat resultat in ipso habitualis aversio, quæ vere peccatum est, & manet in eo, etiam si transeat peccatum actuale quousque reparatur per gratiam, ita etiam ex peccato actuale Adæ, resultabit in ipso, habitualis aversio, & quotidie resultat in omnibus qui ab eo per naturalem generationem descendunt.

HIS SYRPOSITIS sit prima conclusio. *Voluntarium per modum actus primi sine termini relictū ex peccato actuale, quod requiritur ad peccatum originale quod traducitur ad posteros Adæ ut proprium unicuique, est intrinsecum ipsis, ita ut sit in eis & non consistat solum in denominatione extrinseca.*

Hæc conclusio ex sola explicatione terminorum posita in 2. & 4. notabili redditur evidens, cum enim peccatum originale dicatur peccatum, sicut peccatum habituale, dicetur etiam voluntarium sicut ipsum: sed peccatum habituale esse voluntarium per modum actus primi est intrinsecum peccatori habenti tale peccatum, & non consistit solum in denominatione extrinseca, sumpta ab actu præterito; ergo etiam peccatum originale, esse isto modo voluntarium, est intrinsecum contrahenti ipsum.

Confirmatur, quia ut peccatum originale sit voluntarium, ut requiritur ad peccatum habituale, satis est quod importet ordinem ad voluntatem transgredientem actu legem, tanquam terminus resultans ex tali transgressione: sed quod defectus ille qui in puero habet rationem peccati originalis importet isto modo respectum ad voluntatem primi parentis transgredientis præceptum Dei, est quid intrinsecum puero & non est denominatio extrinseca: ergo etiam quod huiusmodi defectus sit ita voluntarius, est quid intrinsecum puero hoc est existens in ipso.

Sed quæres supposito quod nihil potest habere rationem peccati habitualis, nisi præcesserit voluntarium per modum actus secundi aut directe,

autem ad id, ut videtur, tertio notabili, an voluntas peccati non sit actus secundum quod præsupponitur, et peccatum quod dicitur sit intrinsecum voluntati, quod si peccatum sit intrinsecum voluntati, non potest peccatum esse in vero extrinsecum, quia si est quæritur, an actus transgressus dicitur peccatum, et quod respicitur inordinatio à qua potest, et sic accipitur peccatum, sit voluta ab ipso potest, non potest, an vero solum dicatur sit voluntaria, et ista denominatione extrinseca, quia scilicet sit à deo libera.

Ad hoc est secunda conclusio. *Voluntaria per modum actus secundi, quod præsupponitur ad peccatum voluntariæ, non est intrinsecum voluntati, sed extrinsecum.* Et tenet D. THOMAS 4. libro contra gentes, cap. 5. in solutione secundi argumenti, ubi inquit. *quid possit Adæ non dicatur vitium peccati, quia aliud est quod excedit, et FERRARIUS ibi. de Scot. in 4. po. q. 1. in solutione primi argumenti, quæ habet inquit, distans circa distinctionem in 5. ad argumenta questionis per ordinem, et 1. ad 2. vs. Næc actus super caput 1. epistole ad Romanos in distinctione de peccato originali, et 1. ad 2. vs. Paulus lib. 3. orthodoxorum explicationem.*

Probat per rationem tenet D. AUGUSTINUS nam tomo 7. lib. contra IULIANUM et PELAGIANUM, cap. 6. cõcedit, parvulos nullum habere peccatum proprium, quod (ut constat ex definitionibus concilii TERO. in 4. po. q. 1. in solutione primi argumenti, quæ habet inquit, distans circa distinctionem in 5. ad argumenta questionis per ordinem, et 1. ad 2. vs. Næc actus super caput 1. epistole ad Romanos in distinctione de peccato originali, et 1. ad 2. vs. Paulus lib. 3. orthodoxorum explicationem.) nisi vox illa proprium referatur ad actionem qua commissum est, & tenetur, nõ habere peccatum commissum propriam actionem, & tomo 1. libro 1. tractationum, cap. 13. inquit, *peccatum origini de non esse voluntarium in pueris voluntate propria, sed solum voluntate primi parentis, & cap. 15. ait, parvulus non tenet reus propriam voluntatem, sed originem.*

Secundo per rationem quoniam voluntarium per modum actus secundi, ex quo procedit peccatum originale, quod ad nos traditur, fuit quod actus elicitus aut impetratus à voluntate Adæ, sed ille actus, neque ex parte sui principij, neque ex parte subiecti, est nobis intrinsecus, ergo neque illud voluntarium. *Probat minorem.* quia principium illius actus fuit voluntas Adæ, quæ nobis est extrinseca, & subiectum fuit ipse Adam.

Confirmatur quoniam actus ille non procedit tanquam à principio efficiente à voluntate pueri, qui modo nascitur ex Adam, neque recipitur in ipso pueri, ut in subiecto: ergo solum potest tribui ei denominatione extrinseca.

Ad hoc aliqui Responsi. voluntatem Adæ ex qua processit illi actus, fuisse aliquo modo voluntatem suam posterorum, quia erat voluntas totius capitis naturæ, & ex consequenti erat voluntas omnium participantium naturæ humanæ tanquam suorum membrorum, & ideo actum illum ex parte sui principij esse aliquo modo intrinsecum posteris Adæ, quoniam habuit proprie quandam voluntatem, quæ fuit voluntas ipsorum, & ad hoc reducit id quod alij dicunt, sc. actum illi non processisse à voluntatibus posterorum Adæ prout sit in eis, sed quatenus continebatur in voluntate Adæ, tanquam in voluntate capitis.

Sed iste modus dicendi ex ignorantia procedit, quoniam eius auctores non bene percipiunt quomodo est actus attribuitur ei quæ ipsi conveniunt, prout habent esse in causa. Quare contra eum sic arguuntur, vel voluntas Adæ erat voluntas suorum posterorum, vel continebat ipsorum

voluntates ex ordinatione Dei, vel ex natura rei, si primum: ergo sicut ipsa ordinatio est extrinseca voluntati Adæ, ita erit ex extrinsecum id quod præsupponitur talis ordinationis attribuitur eis, & ex consequenti erit etiam eis extrinsecum, quod voluntas Adæ reputatur voluntas ipsorum, aut quod ipsorum voluntates continentur in voluntate Adæ. *Si ergo dicunt secundum.* prout quod quod ipsorum est solum, tunc aliud habet amplius ex natura rei voluntas Adæ respectu posterorum ipsius Adæ, quoniam voluntas eamque patiens respectu suorum suorum, etiam si adiungatur, non sufficit ad hoc, vel se actus, et voluntatis, sit intrinsecus posteris Adæ, quod hoc probat, voluntas Adæ solum potest dici ex natura rei voluntas posterorum, aut continere eorum voluntates, quatenus ipsi potest continetur in Adam tanquam in suo principio: sed posteris Adæ est extrinsecum contineri hoc modo in Adam, ergo est etiam eis extrinsecum, quod voluntas Adæ reputatur eorum, aut continet voluntates ipsorum, cum sequitur prout. quia quando aliquis status est extrinsecus alicui rei, etiam ea quæ ei conveniunt pateris, quatenus habet tale statum, sunt ei extrinsecæ: Et minor probatur, quia status queni habent posteris Adæ, quatenus continentur in Adam, est habere esse in potentia & in virtute cause; ergo non potest esse intrinsecum ipsis, siue nullo effectui est intrinsecum status in quo voluntas habuit esse in virtute suæ cause, neque quod fuerit productibilis à sua causa est aliquod intrinsecum ipsi, sed solum quædam denominatione extrinseca supra à virtute cause.

Secundo delectus aut perfectiones convenientes effectibus, quatenus habent esse in suis causis solum convenient eis extrinsecæ: ergo quod voluntas Adæ sit voluntas posterorum, aut quod contineat voluntates ipsorum prædicte, quatenus tales potest contineri in Adam, solum convenient eis extrinsecæ, consequentia patet ex partate rationis, & antecedens probatur, quia si natus ancilla dicuntur servi prout habent esse in ea, & tamen ista denominatio non est intrinseca ipsi naturæ, alias simul possent dici secundum suam entitatem intrinsecam servi & liberi, si liberate donentur, quia per hoc non tollitur quod habuerint esse in matre, & ex consequenti quod secundum istam rationem dicantur servi, item qui comburit arborem, non dicitur comburere fructus secundum propriam entitatem eorum, sed solum extrinsecæ, quia comburit principium productionis ipsorum.

ULTIMA CONCLUSIO. *Ut peccatum originale, quod est intrinsecum posteris Adæ, sit respectu ipsorum propriæ & vere peccatum, prout peccatum sumitur pro peccato habituali, fatis est quod voluntarium per modum actus primi, quod est requisitum ad huiusmodi peccatum, sit intrinsecum posteris Adæ, & quod voluntarium per modum actus secundi, quod debet præsupponi, conveniat eis extrinsecæ.* Hæc conclusio videtur necessario concedenda, si commode velimus defendere ea, quæ fides docet de peccato originali: quia si ad hoc vel aliquod sit peccatum peccatum, requiritur ut sit aliquo modo voluntarium, cum ille alius modus non possit convenire peccato, quod est in posteris Adæ, ut satis probabiliter ostenditur est, sequitur quod illud non sit peccatum peccatum: sed manifesta huius conclusionis ratio ex ipsius peccati originalis natura potest

defectum, nam quia est peccatum habituale & non denominat peccatum, sed peccatorem, non oportet quod sit voluntarium in actu secundo, cum traducitur ad posteros Adæ, sed satis est quod præsupponat huiusmodi voluntarium, & procedat ex eo quod vere non est peccatum personale, sed originale, & ex consequenti ab alio per generationem participatur: ideo non procedit, neque potest procedere ex actu personali, sed ex actu originis, hoc est eius, à quo participatur, & propterea etiā nō præsupponit voluntarium in actu secundo, in eodem supposito sed in alio.

Sed ex his nascitur difficultas, quoniam actus Adæ ex quo resultat ille defectus qui in suis posteris dicitur peccatum originale, non est neque fuit eis voluntarius, quoniam nunquam fuit in eorum potestate: ergo neque ille defectus est eis voluntarius sicut requiritur ut respectu ipsorum, sit proprie peccatum habituale; probatur consequentia, quia esse voluntarium, sicut requiritur ad peccatum, non est solum esse in voluntate, ut in subiecto, sed esse in potestate voluntatis, ut est potentia activa, hoc est, procedere aliquo modo ab ea: constat autem quod ille defectus non est ita in potestate voluntatis, quæ nullo modo fuit principium actus ex quo resultat.

Confirmatur primo, quia iniquum videtur imputari alicui ad culpā, & consequenter ad penā, id quod nullo modo est in potestate suæ voluntatis.

Confirmatur secundo, quia ex moribus etiam propriis & personalibus, quibus aliquis non præbet liberum consensum aut formalem, aut interpretationis, nō relinquitur aliquid in ipso quod proprie habet rationem culpæ, ergo multo minus relinquitur actibus ex alienis.

§ 6. *Premittuntur nonnulla ad solutionem argumentorum partis negativæ huius dubij secundi.*

Ad solutionem huius difficultatis, & argumentorum quæ in principio huius dubij proposuimus, advertendum est, quod Adam constitutus est à Deo caput omnium hominum, nō solum in esse naturali, sed etiam in esse morali: quoniam non solum statuit Deus ut ab ipso propagaretur tota natura humana, sed etiā quod ex ipso ad suos posteros derivaretur principia operandi bene moraliter, scilicet gratia, iustitia originalis, & virtutes; ita ut sicut ab ipso in esse naturali penderet multiplicatio naturæ humanæ: ita & ab eo ut ab agenti morali, penderet conservatio illius status, & in eius deliberatione situm esset quod status ille, quatenus erat donum toti naturæ humanæ concessum, permaneret aut amitteretur. Et quoniam Adam sic constituebatur caput à Deo suorum posterorum quoad esse morale, necessarium fuit ut etiam statueretur, quod eius voluntas esset aliquo modo voluntas posterorum, aut contineret eorum voluntates, ut quicquid Adam vellent, censerentur sui posteris coram Deo velle voluntate ipsius Adæ, nō quidem physice, sed moraliter, & secundum prudentem & moralem estimationem: quoniam cum voluntas sit primum principium operandi moraliter, non potest aliquis esse caput quoad esse morale, respectu aliorum nisi aliquo modo contineat eorum voluntates in sua; potestque hoc explicari isto exemplo, sicut si quis transferat suum consensum in alterum, ita ut probeatur se velle illud, quod alter voluerit, poterit dici moraliter velle voluntate alterius, id quod alter

A vult: sic etiā de posteris Adæ poterit dici, quod voluerit voluntate Adæ id quod Adā voluit, quoniam Deus constituit, eorum voluntates & consensus in voluntate Adæ; & ex hoc fit ulterius, ut præceptum impositum Adæ, quatenus sua voluntas erat voluntas suorum posterorum, obligaret etiam ipsos posteros ex consequenti quod Adamo transgrediente tale præceptum, etiam posteri censerentur transgredi ipsum. Verum hæc dignitas capitis in esse morali nō conveniebat Adæ quantum ad omnes actus suos, sed solum quantum ad illos ex quibus penderat conservatio vel amissio status innocentie, quatenus erat donum totius naturæ: & ideo quamvis commisisset aliqua peccata post amissum eum statum, non imputarentur suis posteris, ut postea dicam.

Quod si obicias, non potuisse Deum ita constituere in voluntate Adæ voluntates suorum posterorum sine consensu ipsorum. Respondetur falsum esse hoc, & gubernator rerum nostrarum iure suo & sine proprio consensu nostro potuit statuere, ut voluntas Adæ esset nostra, ita ut censeremur velle quod ipse vellent, & nolle quod noller; & obligare nos in ipso Adamo ad servandas quasunque leges, & quomodocunque ipse vellent. Neque quod ita hoc fecerit, potest iure alicui videri durum, quoniam in eo conservavit summam æquitatem, & maxime consuluit nostræ utilitati: primo sicut nos obligavit suis præceptis in Adam, quam diu ipse permaneret in iustitia originali, ita etiam concessit omnibus in ipso iustitiam originalem; deinde quia ut Adam nō transgrediretur sua præcepta munivit eum gratia, & innumeris auxiliis atque donis, & omnes interiores inimicos ei abstulit; & tandem quoniam propter transgressionem non imposuit nobis aliam penam, quam ut privaremur gratuitis, & quæ nostræ naturæ non erant debita.

Quod si rursum obicias quod quamvis filij nondum nati possunt in suo parente obligari ad exercendum proprias actiones, quando postea exstiterint, & id possit fieri lege stabili, ut in materia de legibus solet dici: tamen quod obligentur ad actiones parentis quæ non sunt in ipsorum potestate, ita ut parente peccante, etiam ipsi filij qui nondum sunt nati, censeantur vere & proprie peccare, videtur inauditum & impossibile.

Respondetur, quod quavis hoc nō possit fieri potestate humana, tamen alia est ratio de potestate divina, quæ sicut se extendit ad omnes res, & ad omnes modos earum: sic etiam obligare potuit omnes homines in primo parente, nō solum ad proprias ipsorum actiones futuras, sed etiā ad aliquam actionem primi parentis exercendam aut non exercendam; non ea ratione quæ ab eo sunt separati, sed eo modo quo erant in ipso. Neque hoc mirum est, immo propter orationes assignatas, immo quia etiam nos simpliciter nascamur peccatores singuli propter singula peccata quæ à prima illa transgressionem contrahimus: tamen sicut fructus arboris non dicuntur simpliciter comburi cum radix comburitur, sed eo modo quo sunt in radice, sic etiam nos non dicimur simpliciter commisisse transgressionem illam, sed eo modo quo in primo parente continemur.

Sed adhuc obicies, ex his, quæ diximus, solum colligi, potuisse Deum ita constituere Adamum caput morale omnium hominum: non tamen quod de facto id fecerit, & ideo hoc sine fundamento affirmari.

Refractarius vixit. colligi si recte intelligatur
quod est omni re eum Deus potius illi facere, & es-
se ei quod ipse facit reus debet facile explicari po-
tius. Quod illius de peccato originali & alio non
potest dici, quod fundamento quod illi fecerit, colligi
potest, etiam de eo quod facit & facit peccatum, nam
est illi illud. & postquam dixit quod potest per omnia
facere, potest etiam facere in omni. Subijcit in quo
omni potest facere, quod dicitur, & hoc per vna ha-
bitum non illi peccatum, quia potest facere omnes
peccatum, & hoc autem videtur necessarii colligi
multa. Ad id tunc aliquid videtur esse in pueris
non, quoniam alia actus sui non potest attrahi
quod a se facit dicitur peccare. licet ex partibus
dicitur, & tunc subijcit, & ita inquit, non potest
attrahi quod non potest facere, & quod quidem illud, ex
quo in manu peccat, & in eo a se peccat in fingit
quod potest facere, & tunc dicitur peccare non, de
omni illi de se dicitur. De cap. 27. & illi illa verba
Cuius est in manu, non est in manu, & tunc
5. inquit, & tunc illud facere potest quod non potest
facere, & tunc illi omni reus debet, & tunc
6. inquit, & tunc illi omni reus debet, & tunc
7. inquit, & tunc illi omni reus debet, & tunc
8. inquit, & tunc illi omni reus debet, & tunc
9. inquit, & tunc illi omni reus debet, & tunc
10. inquit, & tunc illi omni reus debet, & tunc
11. inquit, & tunc illi omni reus debet, & tunc
12. inquit, & tunc illi omni reus debet, & tunc
13. inquit, & tunc illi omni reus debet, & tunc
14. inquit, & tunc illi omni reus debet, & tunc
15. inquit, & tunc illi omni reus debet, & tunc
16. inquit, & tunc illi omni reus debet, & tunc
17. inquit, & tunc illi omni reus debet, & tunc
18. inquit, & tunc illi omni reus debet, & tunc
19. inquit, & tunc illi omni reus debet, & tunc
20. inquit, & tunc illi omni reus debet, & tunc
21. inquit, & tunc illi omni reus debet, & tunc
22. inquit, & tunc illi omni reus debet, & tunc
23. inquit, & tunc illi omni reus debet, & tunc
24. inquit, & tunc illi omni reus debet, & tunc
25. inquit, & tunc illi omni reus debet, & tunc
26. inquit, & tunc illi omni reus debet, & tunc
27. inquit, & tunc illi omni reus debet, & tunc
28. inquit, & tunc illi omni reus debet, & tunc
29. inquit, & tunc illi omni reus debet, & tunc
30. inquit, & tunc illi omni reus debet, & tunc
31. inquit, & tunc illi omni reus debet, & tunc
32. inquit, & tunc illi omni reus debet, & tunc
33. inquit, & tunc illi omni reus debet, & tunc
34. inquit, & tunc illi omni reus debet, & tunc
35. inquit, & tunc illi omni reus debet, & tunc
36. inquit, & tunc illi omni reus debet, & tunc
37. inquit, & tunc illi omni reus debet, & tunc
38. inquit, & tunc illi omni reus debet, & tunc
39. inquit, & tunc illi omni reus debet, & tunc
40. inquit, & tunc illi omni reus debet, & tunc
41. inquit, & tunc illi omni reus debet, & tunc
42. inquit, & tunc illi omni reus debet, & tunc
43. inquit, & tunc illi omni reus debet, & tunc
44. inquit, & tunc illi omni reus debet, & tunc
45. inquit, & tunc illi omni reus debet, & tunc
46. inquit, & tunc illi omni reus debet, & tunc
47. inquit, & tunc illi omni reus debet, & tunc
48. inquit, & tunc illi omni reus debet, & tunc
49. inquit, & tunc illi omni reus debet, & tunc
50. inquit, & tunc illi omni reus debet, & tunc
51. inquit, & tunc illi omni reus debet, & tunc
52. inquit, & tunc illi omni reus debet, & tunc
53. inquit, & tunc illi omni reus debet, & tunc
54. inquit, & tunc illi omni reus debet, & tunc
55. inquit, & tunc illi omni reus debet, & tunc
56. inquit, & tunc illi omni reus debet, & tunc
57. inquit, & tunc illi omni reus debet, & tunc
58. inquit, & tunc illi omni reus debet, & tunc
59. inquit, & tunc illi omni reus debet, & tunc
60. inquit, & tunc illi omni reus debet, & tunc
61. inquit, & tunc illi omni reus debet, & tunc
62. inquit, & tunc illi omni reus debet, & tunc
63. inquit, & tunc illi omni reus debet, & tunc
64. inquit, & tunc illi omni reus debet, & tunc
65. inquit, & tunc illi omni reus debet, & tunc
66. inquit, & tunc illi omni reus debet, & tunc
67. inquit, & tunc illi omni reus debet, & tunc
68. inquit, & tunc illi omni reus debet, & tunc
69. inquit, & tunc illi omni reus debet, & tunc
70. inquit, & tunc illi omni reus debet, & tunc
71. inquit, & tunc illi omni reus debet, & tunc
72. inquit, & tunc illi omni reus debet, & tunc
73. inquit, & tunc illi omni reus debet, & tunc
74. inquit, & tunc illi omni reus debet, & tunc
75. inquit, & tunc illi omni reus debet, & tunc
76. inquit, & tunc illi omni reus debet, & tunc
77. inquit, & tunc illi omni reus debet, & tunc
78. inquit, & tunc illi omni reus debet, & tunc
79. inquit, & tunc illi omni reus debet, & tunc
80. inquit, & tunc illi omni reus debet, & tunc
81. inquit, & tunc illi omni reus debet, & tunc
82. inquit, & tunc illi omni reus debet, & tunc
83. inquit, & tunc illi omni reus debet, & tunc
84. inquit, & tunc illi omni reus debet, & tunc
85. inquit, & tunc illi omni reus debet, & tunc
86. inquit, & tunc illi omni reus debet, & tunc
87. inquit, & tunc illi omni reus debet, & tunc
88. inquit, & tunc illi omni reus debet, & tunc
89. inquit, & tunc illi omni reus debet, & tunc
90. inquit, & tunc illi omni reus debet, & tunc
91. inquit, & tunc illi omni reus debet, & tunc
92. inquit, & tunc illi omni reus debet, & tunc
93. inquit, & tunc illi omni reus debet, & tunc
94. inquit, & tunc illi omni reus debet, & tunc
95. inquit, & tunc illi omni reus debet, & tunc
96. inquit, & tunc illi omni reus debet, & tunc
97. inquit, & tunc illi omni reus debet, & tunc
98. inquit, & tunc illi omni reus debet, & tunc
99. inquit, & tunc illi omni reus debet, & tunc
100. inquit, & tunc illi omni reus debet, & tunc

bedere. hoc dicitur quia an ve Adā constitutus caput hominum potestatem, quod est mori-
re, ut ve caput peccatum imputaretur etiam ipsi ad
culpam ducit, quod est errorum caput quod
efficitur: hoc, est quod in ipso contentus tota
natura humana vitii in principio & origine natu-
rali, an vero sit ineffabilis, quod interuenit
peccatum aliquod Deo cum Adam fecim, illo aut
alio finitudo, de quo testatur originale est le-
ge, & sic per se non parit, si est tibi et si se
potest, si non autem in se non & omnibus, &
sed et de quibus conuenit ad hunc.

Adm. Cist. Et. Pignus locustearis, Vaga
libro in Tulliano capite 1. & Scottus in 2.
capite 5. ubi argumentum quatuordecim per eruditionem,
in luppum & loppumque verum in cessum fuisse
proditum, & na de luppis interuenisse. Sicut ve-
ro libe lade iura & graia capite 6. inder luppis,
nam pactis, & dicit esse fabulam, & fuisse intro-
ductam sine ratione & sine refellimus & loppumque
in certum lani esse, quod tota natura continetur
in lona, ut in luppum esse peccato.

Adversarij tamen id valentur dicere. 1. Primum est, non sufficere quod tota natura humana contraxerit Adam naturam inoriginem, utpote Adami eamque moralem naturam potestatemque, ut eius peccatum impetrat id potestatem ad subitum. Probatur quodammodo, omnia proinde Adami transmissa sunt ad nos, omnia proinde parentum ad filios, sed de istis etiam non sufficit necesse est unum passum firmatum illa conditionalis promissione ex parte Dei, de expresse consensu ex parte Adæ acceptis, et neque de facto interueniente potestum. Probatur istius potestatem non fuisse necesse est colligere ex eo quod Deus noster dominus, potuit huius precepti obsequio Adamum, siue pro te toto siue pro te solo, condere, si tunc non expectatio aliquo consensu ipsi. Quod verò de facto non interuenit, probatur, ut

[illegible]

Quoniam enim ipsius decretum Dei quod statuit voluntatem Adæ habendam esse pro voluntate potestatis quando ad observationem, & transgressionem eius præceptum pertinet, quæritur an illud pœdbeat datum totum nature collatum Adæ. & quod huiusmodi decretum non intulisset ipsi Adæ. Et in primis decretum illud illud necessarium patet, quoniam non posuit aliunde promittere, quod voluntas Adæ repugnaret voluntati tunc potestatis. Quod vero sicut enim necessarium iustificari Adæ, probatur, quantum ad hæc transgressio duntaxat præcepti non esset voluntatis ipsi recepti, quia si collatum omnino ignorat, non potest esse omnino volens, & ex consequenti non esset peccati capax formaliter, sed particulariter persone, atque proinde non transgredetur in posterum, quia solum potest transgredi illud peccatum, quod commisit ipse capax.

Et si quas an potuisset Adam constitui caput morale reliquorum, ita ut eius peccatum imputaretur eis ad culpam, quamvis non esset caput eorum naturale?

Respondetur, de facto solum fuisse constitutum caput morale respiciendum, quoniam fuit caput naturale per femuralem propagationem, & propterea dicemus postea, hominem, qui produceretur miraculose tunc femine viui etiam ex humana carne vel sanguine non contraheret peccatum ex Adam, de potentia vero Dei absoluta dicendum est, potuisse illo modo constitui caput morale quous non esset caput naturale, vti si daretur ei iustitia pro se & pro alijs, ita etiam amitteret eam pro se & pro alijs, & consequenter dicunt esse possibile secundum potentiam Dei absolutam, quod peccatum aliquius angeli vel hominis, traduceretur in alium hominem suo carum & nasciturum ex alio homine, scilicet tantum quod illud peccatum non posset dici originale, quia non traduceretur ab origine naturæ.

Et si ab eis quæras, quæ actione traducere-
tur huiusmodi peccatum?

Respondetur forte non requiri actionem, sed sufficere non traduci iustum in cuius privatione consistit peccatum: sicut sufficit negativæ actionis quæ deberet produci aliqua forma in suo subiecto, ut sit in eo privatio talis formæ aut possit; traduci per morale quandam retentivum, de qua dicemus dubio sequenti.

*Sed multi verum viderut, nō posse aliquē hominē
cōstitui caput morale illo modo respectu hominis
habentis vsū rationis, qui requiritur ad discernēdū*

inter bonum & malum morale, quoniam ille non potest sine suo consensu obligari ad observationem alicuius legis per actus aliterius, qui non sunt in eius potestate, alias posset omnino mutus & renitente propria voluntate peccare in altero & participare in seipso peccatum & culpam: ut si cum alio peccaret contra illam legem, ipse detestaretur peccatū illud actuale, & vellet placere Deo super omnia & observare legem illam, si ibi esset possibile; & idem censetur probabiliter respectu nondum nati, sed nascitur ex alio homine, aut pueri tantum nati qui non habet illam vim rationis: Adde quoque in hanc sententiam, quia isti non sunt aliquid illius hominis ergo non potest fieri ius ipsorum inuria quod actus illius hominis imputentur ipsi ad culpam, patet consequentia, quia si imputentur ad penam quæ esset punitio culpe, fieret eis iniuria: ergo a fortiori si imputentur ad culpam. Item quia vel peccante illo homine dicentur pueri isti peccare quatenus in eo, vel quatenus sunt in seipsis. Primum dictum non potest, quia sunt omnino seorsim & separati ab eo; neque secundum quia nihil habent in seipsis ratione cuius dicantur peccare: ergo nullo modo dicentur peccare, & ex consequenti peccatum illius hominis, non imputabitur eis ad culpam.

Confirmatur testimonio AUGUSTINI qui in 1. epistola 25. quæ est ad BONIFACIUM ita inquit, *tam iniquum cum homo in seipso est, ab eo, qui genui, alter efficitur, peccato alterius sine sua consensione non tenetur obnoxari; & patris interpositio, non trahit alter ab altero, scilicet, peccatum, quoniam sua unusquisque propria vita vivente iam est unde dicitur, anima quæ peccaverit, ipsa morietur; & rursum aliquanto ante medium epistolæ, Caterum cum infans non redeat in partem, ut cum illo in illo unus homo sit, sed omnino alter sit, habens carnem suam & animam suam, anima quæ peccaverit ipsa morietur. Vbi sepe repetitur ad hoc probandum testimonium illud. Ezechielis 18. quæ ego licet credam non fuisse satis, quod ADAM esset caput naturale aliorum hominum, ut etiam esset caput morale: tamen ex ultimo fuisse necessarium saltem ut fundamentum. Ex his patet solutio huius difficultatis, manet si quidem explicatum quia ratione actus ADAM fuit voluntarius suis potestis.*

§ 7. Solvuntur argumenta adducta in initio huius secundæ dubij.

AD PRIMUM argumentum positum in principio huius dubij, Respondetur peccatum originale esse pueri voluntarium voluntate ADAM, quatenus erat voluntas suorum posterorum modo superius explicato; & ad primam objectionem contra hoc propositam, Respondetur maiorem, esse solum veram de eo, quod est mihi voluntarium, quatenus sum in meipso, nam prout etiam in alio potest mihi esse aliter voluntariū, aliquid scilicet statuere Deo, ut volūtas eius in quo etiam, reputaretur mea. Ad secundam vero partem solutio ex conclusionibus statuitur, & peculiariter ex vltima.

Ad secundam argumentum respondetur, & solutio patet ex tertia suppositione posita ante conclusionem, ubi explicatur quia ratione conveniat peccato habituali esse transgressionem legis siue deuminationem ab ea, & idem dicendum est de peccato originali quod contrahit in seipso, qui nascitur ex ADAM.

Ad ultimum argumentum respondetur, maiorem illam tantum esse intelligendam de peccato personalis, de quo ibi loquitur ARISTOTELIS, vel intelligendam sit de omni peccato, satis est, ad eam veritatem esse situm in nostra potestate, quod sit vel non sit, aut ratione propriæ voluntatis, aut alienæ, quæ reputatur nostra.

Ad primam confirmationem Respondetur, quod ut D. HIERON. expoluit sup. q. 21. art. 2. ARISTOTELIS per dignum reprehensione intelligit imputabile ad culpam, quoniam sumit ipsum prout opponitur laudabili quod continet operibus virtutum; & in hoc sensu peccatum originale in pueris oreit dici dignum reprehensione, quia imputatur ei ad culpam, & merito, quoniam per voluntatem ADAM, quæ ipsam doctam expoluit, erat sua, potuit vitare ipsum. Ex quo patet, non esse tandem rationem de defectibus naturalibus, qui in argumento referuntur, quoniam non sunt nobis voluntarii, neque voluntate propria, neque aliena quæ reputatur nostra, & ideo non possunt nobis imputari ad culpam. Quod si contendas Aristotelem sumere reprehensionem in pueri punitione aliqua dicam peccatum originale in pueris esse dignum punitione, quæ est a deo, non tamen ea quæ est pena hominis.

Ad secundam confirmationem Respondetur, peccatum potuisse refluere in casum peccati, & vitare sicut peccatum, non voluntate propria, sed aliena, quæ ad sentiam expoluit reputatur sua. Tachit in hoc dubio patet solutio primæ difficultatis, ostendit in principio huius articuli.

§ 8. Circa secundam conclusionem est

II. DIVERSUM.

Quod est tertium in ordine articuli.

Vtrum hoc peccatum per generationem traducatur ad posterum Adæ?

Proponitur pari negatiuum argumentum.

PARA NEGATIVA probatur primo, quia peccatum duxit, potest esse in anima rationali ut in subiecto: sed semen non habet vim ad producendum animam, neque ad agendum in ipsam, cum sit corpus, illa vero spiritus; ergo non potest per generationem traduci hoc peccatum a primo parente in posterum, patet consequentia, quia quæque parentes efficiunt in prole, virtute seminis efficiunt.

Secundo quando puer nascitur ex patribus baptizatus, non potest accipere peccatum ab eis: ergo non deuenit ad ipsum peccatum per generationem, patet consequentia, quia parentes sunt principia immediata generationis, & quod per generationem designatur, debet ipsis mediari: si communicari, antecedens vero probatur, quia illi patet, cum generat, non habent peccatum originale, quia iam est ipis per baptismum remissum, ergo non possunt illud communicare filio, quia nemo dat quod non habet.

Dicitur quod parentes illi communicant peccatum filio, quatenus sunt instrumenta ADAM, & ideo non est necessarium quod habeant in se peccatum illud, quia illa maxima intelligitur de causa principali, non de instrumentali.

Sed contra. quia neque ipse Adam habet peccatum originale cum generatur iste puer, ergo non potest proximus parens, etiam ut instrumentum Adæ, communicare hoc peccatum filio.

¶ *Umo,* eo modo traducitur peccatum originale à primo parente in posteros quo traduceretur iustitia originalis si ipse in ea permanisset: sed iustitia originalis non traduceretur virtute seminis, quia erat qualitas supernaturalis, quam habebat natura humana ex dono Dei: ergo neque modo traducitur peccatum ex vi seminis, & ex consequenti non traducitur per generationem.

§ 9. Referuntur varij modi dicendi.

IN HAC RE omnes catholici authores supponunt peccatum originale derivari per generationem à primo parente in posteros, quoniam ita est definitum in concilijs; nam in concilio MILEVITANO, cap. 2. dicitur: *in parvulis regeneratione mundari, quod per generationem traxerant.* Et in concilio TRID. sessione sexta, decreto de iustificatione, cap. tertio, ita dicitur: *nam sicut reuera homines, nisi ex semine Adæ propagati nascerentur, non nascerentur nisi cum ea propagatione per ipsum dum concipiuntur, propriam insuetudinem contrahant &c.* Sed in modo explicandi hoc differunt inter se, nam, ut refert D. THOM. hic, quidam contendebant, animas rationales produci virtute seminis, ut sic defenderent quod virtute seminis à ipsas potest perducere peccatum. Sed hanc sententiam appellat D. THOM. errorem hic & 1. p. q. 118. art. 2. appellat hæresim, & merito quia ex hoc sequitur, animam esse mortalem, quod est contra illud, *animam autem non possumus occidere*, ut determinatum est in Concilio LATERAN. 1. sub LEONE 10. sess. 8. ubi ex his & alijs, sacræ scripturæ verbis de fide esse decernitur, animam esse immortalem: neque ergo ista de traductione peccati originalis per generationem pender ex alia, de nostrarum animarum creatione, quamvis AVGVSTI. epistola 28. ad HIERONYMVM oppositum videatur sentire propter quod ita difficilis ei visa est ista, quæstio ut à HIERONYMO summis precibus contendat ut eum ab ea liberet, quoniam licet anima rationalis producat per creationem, non tamen creatur nisi ut sit pars naturæ humanæ.

Alij dixerunt à sibilis serpentis immixtam esse morbidam qualitatem corpoream primis parentibus, à qua à semine participata, inficitur caro proles; & ex coniunctione cum carne ita infecta, anima contrahit peccatum originale; ita quod illa morbidam qualitas in carne existens, non sit formaliter peccatum, sed occasio ut anima participet peccatum, ita tenet MAT. in 2. d. 30. & sequuntur illum GREGORIUS ibidem quæst. 1. & HENR. quod. 1. q. 21. & quodlibeto 2. q. 11. verum est quod iste author non reducit morbidam qualitatem seminis ad sibilum serpentis, ut ad causam, sed ad deordinationem voluntatis primi parentis, ex qua consecuta est rebellio carnis contra spiritum, quæ est illa morbidam qualitas, & idem videtur sentire ALMAI. in moralibus tractatu 3. cap. 19.

Hanc sententiam, ut refertur, secuti sunt antiquiores scholastici, & vete his authoribus occasionem dicendi hoc videtur dedisse AVGVSTINVS libro primo, de nuptijs & concupiscentia capite 25. ubi concupiscentiam, dicit esse affectionem quandam mala qualitatis in carne; & libro primo contra

IVLIANVM, ubi inquit, *eo modo, dum corporis unguentur, inquinari ab hac mala qualitate, sicut in vase vitiatum, aqua corrumpitur.* Quæ testimonia refert GREGORIUS loco citato.

Sed hæc sententia de qualitate morbida iam ab omnibus rejicitur, & merito: quia licet fictio illa de productione morbidæ qualitatis in semine admitteretur; restat explicandum id, de quo est tota difficultas, scilicet, quomodo illa qualitas, quæ corporea est, cum sit in subiecto corporeo, possit agere in animam immaterialem producendo in ea peccatum.

Alias rationes contra sententiam istam adducunt SCOTVS in 2. d. 31. q. unica, & habentur d. 32. contra istam viam, & DURANDVS d. 31. q. 1. n. 5. & sequentibus.

§ 10. Resolvitur quæstio secundum opinionem Dni Thomæ.

TERTIVS modus dicendi est D. THOMÆ hic in solutione secundi argumēti, ubi inquit, quod, licet anima rationalis non producat virtute seminis potest dici, quod ipsum semen habet virtutem ad producendum in ea peccatum, non quia immediate agit in ipsam, sed quia habet virtutem ad producendum naturam humanam, disponendo ad unionem animæ cum materia: & ad naturam ita derivatam virtute seminis ex primo parente consequitur peccatum, & iste modus dicendi continet veritatem si recte intelligatur.

¶ *QVARE AD EIVS* explicationem advertendum est dupliciter posse intelligi ex peccato Adæ infici naturam humanam, scilicet quo ad sufficientiam & quo ad efficaciam. quo ad sufficientiam, dicitur infici peccato, quia illud erat peccatum capitis, & ex consequenti erat totius naturæ humanæ, quatenus in illo capite continebatur, & ideo erat de se sufficiens ad faciendam actu omnem naturam individuum deductam virtute illius capitis ad actualem existentiam. Et isto modo erat vere infecta tota natura humana in Adam antequam aliquos filios generaret: at vero quo ad efficaciam dicitur natura humana infici ex peccato Adæ, quando actu participat peccatum in se ipsa, ad quod, ut patet necesse est ipsam existeret.

Hoc supposito sit PRIMA CONCLUSIO, ad hoc ut tota natura humana dicatur infecta quo ad sufficientiam, non est necessaria actualis hominum multiplicatio, per naturalem propagationem, sed sufficit ut Adam peccaverit, ut caput naturæ humanæ inesse morale, iuxta sensum explicationis; hæc conclusio ex dictis constat.

SECUNDA CONCLUSIO; ut alia natura humana distincta numero ab ea quæ fuit in Adam, dicatur infici, quo ad efficaciam, ex peccato Adæ; hoc est participet actu peccatum sibi in se ipsa; necessaria est actualis generatio, facta virtute seminis immediate, aut mediate derivata ab Adam. Dixi in conclusione distincta numero ab ea quæ fuit in ADAM, quoniam aliqui concedunt in ADAM peccatum originale, non solum causaliter, sed etiam formaliter, quod si verum sit (de quo dicemus infra) ad hoc ut natura, quæ fuit in ADAM, participaret illud peccatum, non fuit necessaria generatio, sed satis fuit peccatum actuale ipsius Adæ. Ista conclusio duas continet partes, prior est, esse necessariam actualem generationem; Et hoc probatur quia peccatum istud, non potest quo ad efficaciam participari, nisi à natura actu existente, ad hoc vero ut natura existat, necessaria est actualis generatio; Posterior est hanc generationem



que obstat quo I Paulus ad Romanos 5. dicit quod
per unum de hominibus omnes homines in
condemnationem sunt, sic & per quos iustitiam omnes homines in
viam salutis sunt: nam licet per condemnationem
non ligat peccatum quoniam opponit eam iustifi-
cationem, tamen non comparat iustitiam Christi
cum peccato Adæ quantum ad causalitatem per
modum meriti, sed quantum ad hoc quod licet
per peccatum A de transmissum est peccatum in om-
nes qui ex ipso per feminam propagationem du-
cunt originem, sic & per Christi iustitiam deriva-
tur iustificatio vix in omnes qui ex ipso secundum
ipsum renascuntur.

Ultima etiam pars probat ut primo quia peccatum
A dæ est causæ peccati, quod est in puero, & non
convenit physico, ut probatum est, ergo morali, ut
non per modum causæ meritorie, aut demeritorie,
ut modo dicebamus, ergo per modum causæ effi-
cientis moraliter, atque adeo per moralem quan-
dam resalutariam, quia non refert alius modus quo
possit concurrere efficienter. Item probatur testi-
monio D. THOMÆ qui questione 82. articulo se-
cundo, probat in vnoquoque nostrum esse vnum
numero peccatum originale ex veritate causæ, quasi
efficientis, quam dicit esse peccatum Adæ. Deinde
peccatum Adæ supposita ordinatione divinis, fuit
peccatum cõmuni, ergo ipso iure, atque aliquis
fuit membrum Adæ, hoc aliquis alia causalitate,
est ad ipsum derivandum illud peccatum.

Confirmatur quia peccatum personale actuale
sufficiens est in novissima causalitate ad incien-
dum subiectum, ita ut relinquat in eo deordinationem
habitualemente à qua ipso transacto denominetur
& sit homo intrinsece peccator, ergo etiam Adæ
peccatum est de se sufficiens ad hoc ut ex ipso deri-
vetur similis denominatio ad sua membra quæ cū
ipso constituant quodammodo vnum corpus &
explicari potest hoc, illo exemplo, si hominem ac-
tuali peccantem vel existentem in peccato habitu-
ali annihilaret Deus, & postea reproducat eundem
numero hominem per creationem sine gratia, sta-
tim habebit talis homo peccatum denominis pec-
catum: & tamen hoc peccatum non est produ-
ctum per creationem, neque per aliam novam ac-
tuum istius hominis, ut patet, ergo est subsequens
virtute præcedentis peccati actualis, supposita ac-
tuali existentia subiecti, quæ ipsi convenit ratio-
ne creationis, ergo eodem modo dicemus quod in
puero, qui nunc nascitur, est peccatum originale,
non quidem productum per generationem, sed
subsequens, & veluti resultans ratione peccati
Adæ, supposita actuali existentia subiecti, in esse
membrum ipsius Adæ quæ ei convenit ratione ge-
nerationis.

Ex his sequitur primo quomodo sit intelligen-
dum quod conciliis in principio citata dicunt, scilicet
peccatum originale propagatione transmissum aut ge-
neratione contrahi, non enim est sensus, quod traduci-
tur istud peccatum, per generationem tanquam
per actionem per se productivam peccati, sed quod
traducitur tanquam per conditionem necessariam
requisitam concomitantem, quia per ipsum sit mē-
brum Adæ, atque adeo subiectum cum debito &
debetur habendi peccatum, & ad hoc consequi-
tur ipsum peccatum. Neque obstat quod conciliis
TERTIO loco ibi citato comparat transmissam ex
CHRISTO cum propagatione ex ADAM, & quod

regeneratio quæ fit per baptismum sit productiva
gratiæ & iustitiæ, quoniam comparatio illa non de-
bet intelligi quantum ad omnem modum causali-
tatis, ut paulo superius ad maiorem comparatio-
ne facta à PAVLO ad Romanos 5.

Neque etiam obstat quod peccatum originale
non possit dici originale nisi traduceretur per ge-
nerationem, quoniam ad hoc non est necessarium quod
generatio sit productiva ipsius, sed facta est quod
conducit ad eius translationem modo explicato.

Secundo sequitur non esse suspensum in termino
ad hoc aliquam virtutem ei suspendendam, sed
visum esse quod sit decusum mediante aut immutante
sub ADAM, quia ex hoc habet quod possit efficere
filios Adæ.

Sed contra conclusiones has, sunt duo argu-
menta. Primum est, quia sequitur ex eis quod sem-
per si qui generat, peccet, quia dat operam rei ex
qua necessario, & infallibiliter legitur pecca-
tum in prole.

Respondetur negando sequela, qui non opera-
tur ut causa moralis, sed ut causæ naturalis, item
quia vivit iure suo & intendit bonum finem, scilicet
speciei conservacionem, ex quo per accidens
sequitur peccatum, sicut vi habens votum castita-
tis, peccat, si prius moueat uxorem ad actum con-
iugalem, vixi tamen cooperans tali actui non pec-
cat, sicut, & Deus præcians concursus generalem
ad actum nostre voluntatis malum non peccat, &
melius sicut Deus in exemplo prius per præce-
denti conclusionem creando illum hominem quem
ante annihilauerat non dicitur causa peccati,
quod in eo resisteret, quia non sequeretur tale
peccatum ex vi creationis, sed ratione mali actus
præcedentis, ita etiam pater generans filium non
peccat, quia non resultat in filio peccatum per se,
ex vi generationis, sed ratione mali actus sui capi-
tis, scilicet Adæ.

Sed obicitur rursus quia si hominem sequitur quod
ADAM semper peccet cum aliquis homo genera-
tur, quia ex vi sui actus per se communicatur pec-
catum tali homini.

Respondetur negando sequela, & aliqui red-
dunt rationem quod ADAM per penitentiam præ-
cedit causam destinationis talis peccati quantum
potuit ex parte sua, & ita fecit ne mali effectus sub-
sisteret, imputaretur hoc personæ tanquam volun-
tarii, sicut pollutio in somno, non imputatur ad
culpam ei qui sufficienter doluit de causa.

Sed motus videtur non esse necessarium recurrere
ad rationem istam, quia quamvis ADAM non egis-
set penitentiam de suo peccato si non diceretur pec-
care in actuali traditione peccati ad posteriorem qui
modo nascitur, quia illa traditio postquam ipse
peccavit non est libera, ita ut oppositum ipsi sit
aliquo modo possibile, ergo non potest dici propter
illam traditionem peccare actum, sicut qui in
somnia patitur pollutionem peccatum & peccatum
in sua causa, non dicitur tunc peccare: & vni-
uersaliter nihil eorum ad quorum opposita non est
libertas cum sunt, potest dici actuale peccatum,
etiam eo modo quo actus exterior dicitur pecca-
tum, quamvis sit culpabiliter prævoluntarius, sed dicitur
sequela & effectus præcedentis peccati ut ex-
plicui supra quest. 71. art. 3.

Quod si tandem vigeat quia quamvis ADAM non
peccet in actuali translatione peccati, sequitur



§ II. Circa tertiam difficultatem est Dubium tertium, quod in ordine articuli est

VLTIMVM DVBIVM.

Verum primum peccatum, quod de facto commisit Adam, sit illud, quod ad posterum eius traducitur?

Brevis responsio questionis.

SED QUONIAM DVBIUM istud pender ex decisione datam questionem pertinentium ad alia loca, scilicet quod sit primum peccatum quod commisit Adam, de qua agit DIVVS THOMAS quest. 163. articulo primo, & an status innocentie fuerit ei datus tanquam capiti dependenter ab observatione illius precepti positi Genesios 2. *Et quacunque enim die comederis &c.* vel potius casuque precepti obligantis ad mortale, de qua agitur in fine primae partis in materia de statum innocentie, ideo breviter est nunc dubium istud discutendum.

DICO ERGO PRIMO, si Adamus primo tempore, quando transgredietur preceptum non comedendi de ligno vitæ, commisset aliud peccatum mortale, posterius ipsius ex illo peccato contraheretur peccatum originale, & non ex alio commisso postea, in manducatione fructus ligni vitæ. Ita videtur D. THOMAS insinuate articulo sequenti, & DVBRANDVS in 1. dist. 33. questione prima, & probatur quoniam Adam propter illud peccatum amitteret iustitiam originale, ergo etiam amitteret dignitatem capitis moris, atque adeo postea neque in bonis, neque in malis voluntas eius reputaretur voluntas posterorum; Consequentia patet quia tandem potuit ad nos transfere iustitiam originalem, neque amplius duravit obligatio, qua omnes vi etiam in eo tenebamur servare divina precepta; Et antecedens probatur quoniam iustitia originalis adeo coniuncta erat cum gratia, ut non potuerit ea separari; Et ita DIVVS THOMAS prima parte, questione centesima, articulo primo, ad secundum, dicit, gratiam & rectitudinem quam in anima potuit, fuisse radicem iustitiæ originis; Constat autem per quodlibet peccatum mortale amitti gratiam.

Neque obstat quod Genesio secundo, solè imponatur pena mortis propter manducationem ex illo liqo, dicitur enim, *quacunque die comederis &c.* quoniam notum erat Adæ, se privandum esse gratia; & consequenter iustitia originali, propter quodcumque peccatum mortale, verum quia preceptum de non comedendo de ligno erat iuris positivi, & de re, quæ de se non erat mala, ideo peculiariter inclinandum fuit cum exceptione illius pænz.

Neque etiam obstat quod EVA prius tempore peccaverit, quam ADAM, & tamen non erubuerit propterea, ut constat ex illo Genesio tertio

tunc aperti sunt oculi amborum &c. quod videtur esse lignum amissæ tunc & non ante iustitiæ originalis. Nam dici potest divina dispensatione factum fuisse, ne tantum antea sentiret motum sensualitatis, ne ipsa experia iacturam quam fecisset, & pudore affecta, desinere testare virum, quem divina providentia permisit tentari per mulierem, sicut mulierem per serpentem.

DICO SECUNDO de facto in peccato primi parentis, quod ad nos traducitur, fuisse multum transgressum precepti de non comedendo fructum ligni vitæ. Probatur ex illo Genesio tertio, quia indistincte vocem *exeris tua*, & comeditis de ligno ex quo præceperam tibi ne comederis &c. ubi aperte dicitur, Adamum incurrisse penam mortis & alia damna propter transgressionem hanc; & Paulus ad Romanos 5. per idem peccatum quod ex primo parente intravit in mundum dicit *intrasse mortem*; & ita videtur explicatum à THOMAS RIVINO, sessione quinta decreto de peccato originali, canone primo: *si quis non confiteretur primum hominem Adam, cum mandatum Dei in paradiso fuisse transgressum &c.* loquitur enim de speciali isto mandato; & est communis consensus sanctorum.

DICO TERTIO, Adamus prius tempore quam transgredietur preceptum istud, nullum aliud peccatum commisit. Colligitur ex precedenti conclusione, quoniam aliis ex illo priori peccato, contraherent posterius Adæ peccatum originale, & non ex transgressionem huius precepti, dixi tamen prius tempore, quia dubium est an in illo peccato alia malitia præcesserit ordine naturæ malitiam indebitæ manducationis: Et DIVVS THOMAS loco citato sequitur partem affirmativam, dicit enim in illo peccato fuisse simul malitiam superbiæ & gloriæ, & malitiam superbiæ fuisse priorem ordine naturæ.

Primum advertendum est quod cum dicimus ADAMVM non commisisse prius tempore aliud peccatum, loquimur de omnino distincto, nam voluit interna potuit præcedere manducationem externam, & illa voluit esse peccatum; exterum non distinctum à manducatione, quæ esset eius consummatio & complementum.

DICO VLTIMO, primum peccatum Adam non consummatum opere externo, est quod ad eius posterum traducitur; Sequitur aperte ex precedentiibus.

Et si quærat an si ADAMVS solum peccasset actu interno contra illud preceptum, traduceret ad nos suum peccatum? Respondetur affirmative, & sequitur ex priori conclusione; verum est, quod potuisset Deus hoc aliter disponere, sicut ecclesia non punit pæna excommunicationis, aut irregularitatis, propter actum pure internum, sed propter externum.

Et ad argumentum propositum in principio huius articuli, cuius occasione hæc dicta sunt, Respondetur, quod in peccato Adæ, quod ad nos transfunditur, simul tempore fuit malitia, superbiæ & gloriæ, & quamvis prius præcesserit aliquo modo posterius, ut DIVVS THOMAS concedit, adhuc potest esse verum, quod primum peccatum ADAM transfunditur ad posterum, propter maximam similitudinem temporalem utraque deordinationis, ratione cuius potest dici illud

Und peccatum primum negative, id est ante quod non fuit aliud; & quia forte in intentione habuit primum locum violatio illius legis, quia potius potius pariter superbiere ut transgredereur preceptum, quo positum iam in genere causae finalis, haberet primum locum deordinatione resistens illa transgressione, aut etiam quantum prius in intentione appeteret inordinatam propriam excellentiam, ut inquit D. THOMAS loco citato, potius in executione appeteret primum inordinatam illam, quam medium ad obtinendam propriam excellentiam; quoniam uno actu possit appetere medium & finem, & unum prius altero, in diversis genere causae.

ARTICVLVS II.

Verum alia peccata primi parentis, vel proximorum parentum transmittantur in posterum?

CONCLUSIO est negativa.

COMMENTARIVS.

QUESTIO huius articuli duplicem potest habere sensum; alterum, verum supposito primo peccato ADAM, praeceperit illud, transmittantur in posterum suis alia peccata ipsius & proximorum parentum. Alterum vero de possibili, an si ADAM non peccasset, peccantibus suis filijs traderentur ipsorum peccata ad suos posteros.

Et ad questionem in primo sensu Respondet D. THOMAS conclusionem negatiua, quae videtur certa secundum fidem: nam in concilio TARENT. sess. 5. can. 3. dicitur, *peccatum originale esse vnum origine*, ergo vnum tantum est peccatum primi parentis; ex quo ad nos derivatur peccatum originale: nam ut supra explicauimus, illud non dicitur vnum peccatum, quod nos in nobis participamus, quia distincta numero peccata sunt in distinctis hominibus; sed dicitur vnum illud peccatum à quo ista derivantur. Et colligitur ex illo ad Romanos 5. *per vnum hominem peccatum intravit in mundum*, ex quo bene sequitur, quod non traditur de facto in posterum aliorum peccata patrum; & clarius infra, *nam iudicium quidem ex uno in condemnationem, gratia autem ex multis delictis in iustificacionem*: ubi vnum peccatum contraponitur multis. Ratio vero dicimus inter primum peccatum ADAM, aut illud quod commisit contra legem, ex quo pendebat consecratio status innocentiae, ut erat donum naturae, & reliqua peccata cum ipsius quam reliquorum parentum, delinuntur ex supradictis: quia ut peccatum alienum transmittatur in posterum, necessarium est ut sit caput eorum in esse morali, sed solum ADAM fuit constitutus caput aliorum hominum in esse morali; & ipse non per totam vitam, sed dum permaneret in statu innocentiae.

A ergo ipse solum potuit transfundere peccatum in posterum, & non semper, sed solum dum primum in illo statum: quare cum post primum peccatum amiserit eum, bene sequitur quod dixerat, potuerit transfundere illud peccatum in suos posterum; *probat minor*, quia ipse solum, potuit transfundere iustitiam originalem, & solum antequam eam amitteret, ergo ipse solum & duntaxat pro illo tempore est constitutus caput aliorum hominum in esse morali; *pari ista consequentia*, quia indignum videtur diuina bonitate, quod condiderit aliquem in esse capitis aliorum, solum in ordine ad malum, ita ut duntaxat possit in membra transfundere malum & non bonum. Item quia lex quae obliget membra in capite non valens transfundere in ipsa aliquid bonum, contineret quandam inaequalitatem; cum ex eius transgressionem derivaretur, malum culpe & paeae ad membra, & ex obsequantia nullum bonum participaret. Et ad hanc rationem est reducenda illa, quae D. THOMAS in 1. 2. M. 5. tenet in articulo, ut sit efficias: & hoc ex primo sensu.

Cum secundum aduertendum est, quod ut quilibet procedat, supponendum est quod etiam ADAM non perueniente in accepta in ista peccatione mortaliter de facto sui posterum, si eum auferretur in gratia confirmati, aut exterius de peccatione praueuientur, ita ut de facto non incidere in peccatum mortale, nullus reholueretur locus questioni in hoc sensu: sed de hoc disputare solent expolitores DICTI THOMAS prima parte, questione 100. articulo secundo ex professo, & occasione cuiusdam questionis conditionatæ similis multae rectae partis, questione prima, articulo quarto. Huc supposito quoniam D. THOMAS in articulo isto non respondet questioni in isto sensu, tamen questione quinta de malo, articulo quarto ad octauum capitulo tenet partem affirmatiua, & sequitur eum COCKFIELD in expositione huius articuli: Et DICTI DEO de captiuitate & redemptione generis humani tractatu primo, capite secundo, parte quarta in solutione primi arguentis positi, post quartam conclusionem. Et idem tenet SCOTVS in 1. distinct. 32. questione vltima, §. ad argumenta tertiam questionem.

Et probatur hae opinio, quia statim atque filius ADAM peccaret mortaliter, amitteret iustitiam originalem: ergo transfundere naturam humanam primatam iustitia originali, quia si ipse eam haberet, & ex consequenti cum peccato originali.

Confirmatur prime quia alie, antequam peccaret, haberet donum naturae, scilicet iustitiam originalem pro se & pro tota sua posteritate: ergo peccando amitteret iustitiam etiam pro se & pro tota sua posteritate, & ex consequenti illo peccato tota eius posteritas peccaret in eo.

Confirmatur secundo, quia in humanis dona recepta à Rege pro tota aliqua familia, non solum ab eo, cui primo collata sunt, deperdi possunt, sed etiam à quocunque posterorum; ut patet in primogenitis committentibus crimen proditoris, ergo eodem modo quicumque posterorum ADAM poterit amittere iustitiam originalem pro se, & pro sua posteritate.

Secundo alias sequitur quod filij nati in iustitia originali, ab illo filio Adæ qui peccauit mortaliter, essent ab ipso separandi, *consequens* enim videtur falsum, quia educatio filiorum, iure naturæ, pertinet ad parentem, ergo: & *sequela* probatur, quia omnes habentes iustitiam habitaturi erant in paradiso, alij vero non.

Sed his non obstantibus *verior est pars negativa*, cuius ratio videtur manifesta ex supradictis, quia ille solus in alios potest transfundere peccatum, qui est caput eorum in esse morali: sed præter Adamum nullum est à Deo constitutum caput aliorum in esse morali; ergo præter ipsum nullus potest in alios peccatum transfundere: *probatum minor* quia Adam constitutus est caput omnium hominum, ergo non est simul, verbi gratia, Cain, aut alij ex filiis Adæ, constitutus caput suæ posteritatis; *pateat consequentia*, tum quia hoc modo non esset Adam caput omnium hominum absolute, sed dependeret à deliberatione aliorum; *tum etiam* quia videtur repugnare, quod simul sint duo capita, quia de ratione capitis est, quod eo stante stent sua membra, quatenus sunt membra eius, & quod eo cadente cadant.

Secundo, solum Adam accepit iustitiam originalem ut erat donum naturæ, alij vero habuerunt eam ut erat donum personale; ergo solus ipse potuit transfundere priuationem eius, & ex consequenti peccatum: Hanc sententiam sequitur CATARINVS in libro de casu hominis, & peccato originali prope finem illatione 10. & alij ex recentioribus.

Ad primum respondetur, quod filius Adæ amitteret in illo casu iustitiam originalem ut erat donum personæ, non ut erat donum naturæ; & ideo non posset transfundere naturam cum priuatione iustitiæ originalis.

Et quando obijciatur quod ille haberet naturam cum priuatione iustitiæ originalis, ergo ita transfunderet eam; *Respondetur* distinguendo antecedens, si enim intelligatur de iustitia originali, ut erat *donum personæ*, verum est, quod ille diceretur priuatus ea; quia careret perfectione, quam esset aptus habere, supposita sua conditione: si tamen intelligatur de iustitia ut erat *donum naturæ*, falsum est; quia ille solum haberet negationem iustitiæ isto modo sumptæ, non enim esset aptus habere eam, ut est donum naturæ, quia hoc modo solum est in capite totius naturæ: & ita absolute neganda est consequentia, quia duntaxat potest colligi illud consequens ex antecedenti in secundo sensu.

Et si obijcias quod ille non transfunderet iustitiam, cum non haberet eam, ergo transfunderet peccatum; *Respondetur* negando antecedens, quia sicut modo parentes baptizati traducunt in filios peccatum capitis, in sensu supra explicato, ita tunc parentes peccatores transmitterent iustitiam capitis.

Ad primam confirmationem nego antecedens.

Ad secundam concesso antecedenti, neganda est consequentia, & ratio discriminis est;

A quod in casu antecedenti illa donatio fiat à Rege, cum illa conditione aut expressa, aut virtuali: at in nostro casu datus est status innocentie humanæ naturæ solum dependenter ab actibus Adæ, & ideo ipse solus potuit eum amittere, ut erat donum naturæ.

Ad secundum argumentum Respondetur, quod illa difficultas non nascitur ex hac nostra opinione, sed ex suppositione in principio admissa, ut locum haberet quæstio; de ea tamen agendum est in locis citatis.

Circa id, quod DIVVS THOMAS dicit in corpore articuli, scilicet, quod iustitia originalis traducatur à primo parente in posteros, simul cum natura, potest inquiri, an si primus parens non peccaret, traduceret iustitiam originalem ad posteros virtute seminis, aut per generationem?

Respondetur, quod iustitia in illo casu non traduceretur à primo parente per generationem, tanquam per actionem productivam ipsius, quoniam est qualitas supernaturalis; neque efficereetur media causalitate meritoria, quoniam à DAM non habuit gratiam capitis, quæ posset alijs mereri, neque media resultantia morali, sicut diximus de peccato originali, quoniam iustitia originalis non esset terminus alicuius actus Adæ, sicut peccatum habituale est terminus peccati actualis: sed concederetur à Deo homini statim atque haberet animam rationalem, sicut statim atque corpus est dispositum infunditur à Deo anima rationalis, ut inquit DIVVS THOMAS prima parte, quæstione centesima, articulo primo, ad secundum; diceretur tamen traduci ab ipso parente in suos posteros, non quidem sumendo verbum illud *traduci* in rigore, prout est idem quod produci virtute seminis, in quo sensu solet negari de anima rationali quod traducatur: sed magis late, prout est idem, quod communicari; quia ita erat data primo parenti, ut statim atque virtute seminis ab ipso decisi produceretur natura humana in posteris, infunderetur eis diuina actione iustitia originalis, sed de hoc latius agendum est illo loco.



latum cum apostolus ex peccatis conditibus in-
labatur omnes quidem derelictos, sed non omnes
emendatos, constat ex margine BERTI-
ANI COMPLUT. & ex HIERONYMO, in
Epistola 121. ad MINERIVM & ALEXAN-
DRIUM; & ex AVOYSTINO libro secundo de
ciuitate Dei, capite 10. & ex alijs quos re-
fert ERASMIUS in annotationibus, ad illum lo-
cum, omisso alia scriptura testimonia quoniam
hæc disputatio non est huius loci, sed agendum
est de ea, in additionibus textus partis quæ-
stione 78. articulo primo. Et agunt de ea scho-
lastici in quarto distinctione 45. Et CATAR-
INVS, super illum locum PAULI. Et in
libro de vniuersali omnium morte. SIX. SI-
MONI libro sexto Bibliothecæ sacre, annota-
tione 165. An vero lectio græca & Syriaca pro-
ut à nobis elata sunt, possint habere aliquem
sensum non repugnantem vulgari, non ad huius
loci.

5. 3. An beatâ virgo peccauerit
in Adâm.

SOLUTIO. quæ si hoc modo ex-
plicemus scripturæ testimoniâ, quæ de pec-
cato originali loquuntur, requiritur ut de fide,
quod Beatissima virgo de facto contraxerit pec-
catum originale, quia cum veritate illius pro-
positionis vniuersalis, omnes de facto contraxerint
peccatum originale, non ita veritas illius singularis,
virgo non contraxit.

Respondetur negando sequentiam, & ad proba-
tionem dicendum est, non esse quoniam ex vni-
uersalibus enumerationibus scripturæ, excipe-
re aliquos singulares, vt multis exemplis probat
MARTINVS libro sexto, Hypothesis. capite tertio,
neque id est rationi dissolu-
tum, quia nulla est tam vniuersalis enumera-
tio, quæ non sit intelligenda exceptis his
quæ iure excipienda sunt; quare autem Bea-
tissima virgo hic excipitur explicandum est
3. parte quæstione 27. vbi Dñs. THOMAS de hac
re agit.

Verum hic aduertendum est, quod cum
hic ex testimonijs adductis colliguntur due pro-
positiones vniuersales, prima, omnes qui natu-
ræ generatione descendunt ex Adâm pecca-
uerunt ipso peccato; secunda, omnes isti de fa-
cto cum contraxerint contraxerint peccatum, quod
est ipso intrinsecum; dubitari potest, an ista ex-
ceptio Beatissimæ virginis debeat fieri ab vtraque
propositione, vel ab altera tantum, & à qua erui-
t; & quoniam de hoc agendum est ex professo loco
citato,

Dico hic breuiter, debere fieri à secunda, non
vero à prima; Et probatur primum, quon-
iam alias nullo modo Beata Virgo esset per-
seruata à peccato originali; secundum vero
probatur, quoniam vel Deus, cum decreuit,
quod voluntas ADÆ reputaretur voluntas
suorum posterorum exemit Beatissimam Virgi-
nem ab illo decreto, quia voluit tunc, pro-
pter dignitatem & merita CHRISTI eligere

ipsum, ad perpetuam custodiam suam depen-
dentia à voluntate ADÆ; vel non exemit
eam; Si dicat hoc fecerunt, loquuntur aperte
peccate Beatissimam Virginem, cum pecca-
uit ADAM; patet sequela, quia tota ra-
tio propter quam nos peccauimus, hinc quod
voluntas ADÆ fuit nostra prout illud de-
creuit Dei; si ergo fuit volens in virginem in-
quirat, quod etiam virgo peccauit tunc; Si
vero dicat primum, loquuntur, quod Beatissima
Virgo neque contraxerit peccatum ex ADÆ
neque villo modo habuerit debitum aut neces-
sitarum contrahendi peccatum ex ipso; & ex
hoc sequitur vltimus, quod non licuit re-
dempta proprie per CHRISTVM; prima se-
quela patet, quia in primis non contraxit pec-
catum ex ADÆ, vt nunc supponimus;
quod vero nullo modo habuerit necessitatem
contrahendi, probatur, quia tunc ratio hu-
ius necessitatis in nobis est, quod voluntas
ADÆ fuit nostra, ex hoc enim colligimus
necessarium esse, quod ex voluntaria deor-
dinatione ADÆ deuenerit ad nos deor-
dinatio, licet ex voluntaria deordinatione adu-
li alienius voluntatis relinquitur deordinatio
habituali in eo, cuius est illa voluntas. Se-
cunda etiam sequela probatur, cum quæredi-
mus à peccato proprie, & inquirere est eripi
aliquo modo ab eo; constat autem quod pro-
prie non eripitur à peccato, is, qui neque est
in tali peccato, neque est subiectus neces-
sitati incidendi in ipsum; tum etiam quia quan-
uis post peccatum ADÆ statueret Deus
non redimere homines nec liberare eos à
peccato, Beatissima Virgo maneret libera;
ergo de facto non fuit liberata per CHRIS-
TVM.

Nique potest dici quod illa peruersitatio
virginis ab omni peccato, facta propter me-
rita CHRISTI, fuit proprie redemptio;
nam redemptio proprie sumpta supponit in
redempto captiuitatem vel subiectionem, aut
reipsum, aut fuit quantum ad necessitatem
incidendi in eam; item alia propter auxi-
lia quibus Deus præsuerat angelos, aut
primum parentem ante lapsum in omne pec-
catum, possent omnes isti dici redempti, si
Deus conferret eis huiusmodi auxilia pro-
pter merita CHRISTI; quod de auxilijs de
facto datis concedunt multi; Sed hæc latius
confutanda sunt loco citato, vbi simul est
explicandum, quæ ratione non repugnet,
quod Beatissima Virgo peccauerit in AD-
AM, & tamen ex illo peccato actuali non
fuerit deriuatum ad ipsam peccatum habi-
tuale.

Ad præteritum autem quod illa peruersitatio
virginis ab omni peccato, facta propter me-
rita CHRISTI, fuit proprie redemptio;
nam redemptio proprie sumpta supponit in
redempto captiuitatem vel subiectionem, aut
reipsum, aut fuit quantum ad necessitatem
incidendi in eam; item alia propter auxi-
lia quibus Deus præsuerat angelos, aut
primum parentem ante lapsum in omne pec-
catum, possent omnes isti dici redempti, si
Deus conferret eis huiusmodi auxilia pro-
pter merita CHRISTI; quod de auxilijs de
facto datis concedunt multi; Sed hæc latius
confutanda sunt loco citato, vbi simul est
explicandum, quæ ratione non repugnet,
quod Beatissima Virgo peccauerit in AD-
AM, & tamen ex illo peccato actuali non
fuerit deriuatum ad ipsam peccatum habi-
tuale.

5. 3. An peccatum originale ma-
neat aliquo modo in
remotis.

IN solutione ad secundum aduertendum est,
quod Dñs. THOMAS, vt explicet quomodo
puer baptizatus, & ex consequenti carens peccato





Dices nomine Adæ in his locis intelligi Euam ut HIERONIMVS exponens testimonium Pauli, inquit, *per unum hominem Euam*; & illud nomen, est commune utrique, ut constat ex illo Genesis. 5. *vocavit nomen eorum Adam in die quo creati sunt.*

Sed contra quoniam collatio illius hominis cum Christo, quæ in illis locis explicatur, non potest proprie intelligi de Eva; item communiter exponitur PAVLVS à sanctis de ADAMO; Neque obstat testimonium Genesis, nam ibi Adam non est nomen proprium, sed appellativum, & significat hominem; neque etiam obstat, quod ECCLESIASTICI 25. dicatur, *à muliere initium peccati*; & per illam omnes morimur: quoniam intelligi debet de initio per modum occasionis & suasionis, nam EVA incitavit ADAMVM ut fructum ligni vetiti comederet; neque etiam potest responderi, nomine illo intelligi, simul Euam & Adamum per modum vnius principij transfusionis peccati, tum quia etiam hoc admissio sequitur quod Adamo non peccante, nõ posset Eva transfundere peccatum; tum etiam quia in illis locis de vno homine tantum, & de vno eius peccato fit sermo; & ita PAVLVS dicit, *si enim vnus delicto multi mortui sunt, &c.* & paulo inferius, *nam iudicium ex vno, scilicet, peccato, in condemnationem.*

Circa rationem qua D. THOMAS probat hanc conclusionem, aduertendum est quod forsan poterit videri alicui inefficax, eo quod multi existimant verius, quod mater concurrat actiue ad prolis generationem. Verum de hac quæstione agendum est 3. p. quæst. 32. articulo. quarto, & hic supponemus cum D. THOMA probabiliorē esse partem negatiuam, quam ipse sequitur, & quamuis affirmatiua admitteretur nihilominus concluderet ratio D. THOMÆ, quia peccatum originale non traducitur nisi per virtutem actiuam principalem, à qua, virtus actiua alterius parentis (si vlla est) reducitur in actum, & hanc nemo negat in solis maribus existere; cæterum quia traductio peccati originalis, non fit præcise ex vi ipsius naturæ, sed supposita ordinatione Dei constituentis, aliquem hominem caput aliorum in esse morali, quod potest adeo indifferenter tribui viro & femine, ideo ex hac ratione non potest efficaciter concludi, quod potius traducitur in posteros peccatum Adæ quam peccatum Eux, sed ut plurimum quod id est magis consonum naturis rerum; quia ratio postulare videtur ut si aliquis sit constituendus caput filiorum in esse morali, potius hoc tribuatur viro quam femine quia in eo residet primaria virtus actiua generationis.

Sed rectius intelligatur quomodo Adam fuerit caput omnium hominum sit

DVBIVM VNICVM.

An etiam in eos, qui nascerentur antequam ipse peccasset, posset traducere peccatum.

§. 1. Resolutio dubij.

PRIMA CONCLUSIO, neque in Euam neque in filios ante peccatum genitos, sine illi essent adulti, sine non; imo quamuis in vteris matris continerentur, dummodo cessasset iam actio feminis, non potuisset Adam transfundere peccatum originale. Ita tenet DVRANDVS in 2. dist. 33. quæstione prima n. 7. contrarium tamen sentit CATERINVS in libro, de casu hominis & peccato originali, illatione 9. & 11. sed probatur nostra conclusio in primis testimonio AVGVSTINI qui psalmo 84. in illud, *non in æternum irascaris nobis*, ita inquit, *ea enim peccata parentum non pertinent ad filios, quæ faciunt parentes iam natis filijs*, & idem docet clarius, epistola 23. ad BONIFACIVM.

Deinde probatur ex fundamento posito art. primo, scilicet, quod Adam solum potuit transfundere peccatum in eos, quorum erat caput in esse morali; & quod saltem de facto non fuit caput in esse morali; nisi eorum quorū fuit etiam caput in esse naturali, constat autem quod istorum de quibus loquimur non esset hoc modo caput, cum peccaret, quia non penderent ab ipso quoad esse naturale. Item peccatum originale transfunditur per naturalem propagationem, ut ex concilij in primo articulo citatis, constat, sed circa filios iam natos nihil potuisset Adam efficere actione generatiua: ergo neque posset ad eos transfundere peccatum originale.

Confirmatur, quia Concilium Tridentinum, sessione 6. decreto de iustificatione can. 3. ita inquit, *nisi homines ex semine Adæ propagati nascerentur, non nascerentur iniusti, cum ea propagatione per ipsum, dum concipiuntur propriam iniustitiam, contrahant*; quibus verbis aperte insinuat, quod ideo per propagationem, siue generationem contrahitur peccatum, quia contrahitur ipso tempore conceptionis ex quo bene sequitur quod eo tempore transacto non posset contrahi per generationem.

Et de Eva, & filijs habentibus vsum rationis est peculiaris ratio, quia illi tunc possint repugnare actuali transgressioni Adæ, & ex charitate diligere Deum super omnia, ergo non cōtraherent peccatum; patet consequentia, quia non potest intelligi quod quiuis positius inuitus fiat peccator, & multo minus quod actu diligens Deum super omnia fiat ab eo auersus & inimicus ipsi.

Sed contra, Adamo fuit data iustitia originalis ut capiti totius naturæ, ergo ipso amittente eam per peccatum, omnes participantes naturam humanam, amitterent eam, & ex consequenti contraherent peccatum originale.

Confirmatur primo, quia Adamo non peccante, quamuis Eva peccaret, non amitteret ipsa iustitiam originalem; ergo è contrario Adamo peccante quamuis ipse non peccaret amitteret iustitiam, antecedens probatur, quia quovisque Adam peccauit, non sensit Eva erubescen-

tiam quæ tunc effectus amissæ iustitiæ originalis, quamvis ipsa iam antea peccasset.

Confirmatur quia alias homines essent in distinctas respublicas & in distinctos ordines diuidenti, cum aliqui eorum subiacerent peccato & morti, aliqui vero non; quod videtur absurdum.

Confirmatur tertio, quia si alicui det rex ius nobilitatis pro se & pro suis posteris, ipso propter crimen aliquod amittente ius illud, filij etiam eius iam nati amittunt illud: sed Adæ fuit data iustitia originalis pro se & suis posteris; ergo ipso amittente eam propter peccatum, etiam filij eius iam nati amitterent eam.

Ad argumentum Respondetur, quod Adamo fuit data iustitia originalis vt capiti totius naturæ, quatenus iustitia erat donum naturæ communicandum singulis hominibus cum ipsa natura: non tamen prout erat donum personale iam collatum alicui in particulari; & ideo ex eo quod Adam amitteret iustitiam, solum sequitur quod amitteret iustitiam totaliter vt erat donum naturæ, ita quod non communicaretur amplius cum ipsa natura, non tamen quod amitteretur vt erat donum personale.

Ad primam confirmationem Respondetur negando antecedens, & ad probationem dicendum est, quod Eva non statim sensit inordinatos motus concupiscentiæ, vel quia tempus illud, quod fuit vsque ad peccatum, fuit breuissimum, & illi motus non semper insurgunt; vel quia forte, nimium attendens ad inducendum virum vt de fructu illo ederet, non sensit illos motus; aut rectius, quia diuina prouidentia factum est ne insurgerent propter rationem assignatam articulo primo, dubio 3. in fine tertiæ conclusionis.

Ad secundam confirmationem Respondetur quod ad diuinam prouidentiam pertineret tunc constituere modum, quo homines illi aut in eadem republica, aut separati vitam agerent; de quo in materia de statu innocentiz.

Ad tertiam confirmationem Respondetur quod in illo casu ius nobilitatis perficit filium in ordine ad exteriorē rempublicam, in qua filius reputatur vt aliquid patris, & ideo habet illud ius dependenter à patre, & propterea non repugnat quod amittat ipsam propter delictum patris: at vero homo iam natus non est aliquid patris in ordine ad bona supernaturalia, nisi quantum ad extrinsecam gubernationem, & ideo non habet illa dependenter à patre.

A SECUNDA CONCLUSIO, si post conceptionem cum uxore sufficientem ad generationem peccaret primus parens, antequam terminaretur alio semine per unionem animæ cum materia, puer ille contraheret peccatum originale; probatur, quia fieret membrum Adæ peccatoris; ergo fieret peccator; Forte negabis antecedens, quia produceretur mediante semine deciso ab Adam antequam peccaret.

Sed contra de facto fieret membrum Adæ postquam Adam peccasset, ergo fieret membrum Adæ peccatoris.

Confirmatur, Adam amississet iustitiam originalem, vt erat donum naturæ, ergo non posset amplius iustitia communicari cum natura: sed cum anima vniretur corpori, communicaretur illi puero natura humana, ergo communicaretur ei sine iustitia originali, & ex cōsequenti cū peccato.

VITIMA CONCLUSIO. Si Adam habuisset filios ante peccatum, ipso postea peccante, nepotes sui, qui ex filijs post peccatum nascerentur, contraherent peccatum originale: probatur illi filij Adæ solum haberent iustitiam vt donum personale, ergo non generarent filios cum ea, & ex consequenti generarentur cum peccato.

Confirmatur si Adam perseveraret in iustitia, & filij eius peccarent, non traducerent peccatum ad posteros, vt articulo secundo probatum est: ergo neque in nostro casu generarent filios cum iustitia; Fateor tamen quod istæ duæ conclusiones non sunt mihi tam certæ sicut prima, sed qui concedit vnā, non video quomodo possit negare alteram, quia eandem virtutem habent ad generandum filium cum iustitia semen decisum ab Adam ante peccatum, & filius ab eodem genitus etiam ante peccatum.

Sed contra has duas conclusiones est argumentum, quia filius in vtroque casu genitus produceretur virtute seminis non infecti, vt pote decisi immediate aut mediate ab Adam ante peccatum ergo non contraheret peccatum.

Respondetur concedendo antecedenti, & negando consequentiam, quia ad translationem peccati non est necessarium, quod semen in seipso sit infectum, sed quod fiat membrum capitis ipsius actu infecti; vt si mihi esset abscissa manus, & virtute diuina restitueretur mihi cum essem in peccato, si illa manus esset capax peccati, ex eo precise, quod sit pars mea, participaret peccatum, pari ergo ratione, cum puer iste sit capax peccati, participabit illud ex eo precise quod sit membrum habentis peccatum.



cato habereimus omnes qualitates proprias humanæ naturæ, ergo nullo modo potest esse verum quod habeamus nos inclinationem aliquam inordinatam acquisitam per peccatum Adæ.

In hac re omnes vel ipso experimento victi supponunt esse in natura humana hanc inordinatam inclinationem; & ita D. THOMAS tomo 7. libro 4. contra Iulianum: Pelagius capite 15. & 16. dicit, Platonem & Ciceronem, & omnes antiquos philosophos hoc concessisse, ignorasse tamen eius rei causam: quoniam cum essent destituti lumine fidei non cognouerunt peccatum originale, unde Catholici vltcrius procedunt & dicunt, illam esse effectum peccati originalis, & colligitur ex Tridentino sessione quinta, decreto de peccato originali. §. penultimo; vbi dicitur hanc concupiscentiam vocari ab Apostolo peccatum, quia ex peccato est & ad peccatum inclinat; sed in modo explicandi quid sit huiusmodi inclinatio, & qua ratione sit effectus peccati Adæ diuisi sunt Catholici in varias sententias.

§. 2. Referuntur varia sententia circa hanc difficultatem & prima sententia est Gregorij.

PRIMA EST eorum qui in hoc conveniunt quod inclinatio ista inordinata quæ dicitur fomes, est qualitas superaddita omnibus qualitatibus humanæ naturæ; in explicando vero, quid sit hæc qualitas, & vbi sit tanquam in subiecto, differunt inter se, nam GREGORIUS in 2. d. 3. quæst. 1. articulo secundo dicit tria; primum est concupiscentiam siue fomitem esse quandam qualitatem morbidam in ipsa anima existentem, ut in subiecto, atque proinde spiritualement per quam ad malum inclinamur; secundum est, causam huius qualitatis, quæ est in anima, esse aliam qualitatem morbidam, quæ est in corpore ut in subiecto, atque proinde est materialis, nam ex hac corporis infectione fit, ut cum primum carni coniungitur anima, statim producat in ea alia qualitas, similiter vitiosa & ad malum inclinans, non corporea, sed pro ratione subiecti spiritualis. Tertium est, qualitatem istam corpoream quæ est causa qualitatis spiritualis productam fuisse, in primis parentibus, aut à cibo vitio, tanquam à veneno, aut ab ipso flatu serpentis venenosi, ad nos vero transferri ratione libidinose generationis. Et probat singula, rationibus & testimonijs AVGVSTINI. Verum quia rationes sunt debiles & infirmæ, quoniam supponunt illam qualitatem esse in anima & eam esse peccatum originale, & hoc negatorum, ideo omittam eas, & solum referam testimonia.

In primis ergo D. AVGVSTINVS tomo 7. libro primo, de concupiscentijs & nuptijs, capite 25. loquens de concupiscentia ita inquit, non enim substantialiter manet sicut aliquod corpus, aut spiritus, sed affectio est quadam mala qualisatis sicut languor; vbi aperte dicit esse qualitatem similem morbo; & libro 6. contra IULIANVM capite 18. sic ait: dixerunt eam, scilicet, libidinem (quidam Philosophi) partem animi esse vitiosam, & utique pars animi substantia est, quia substantia est ipse animus; sed ego vitium, quo animus vel ulla pars eius isto modo vitiosa est, libidinem dico, ut omni vitio sanata, salva sit tota

A substantia, quia & illi philosophi locutione tropicam habent vitiolosam partem animi appellasse libidinem in qua parte est vitium quod appellatur libido; sicut appellatur domus pro eis qui sunt in domo; quibus verbis, libidinis nomine, concupiscentiam intelligit, & hanc in anima ipsa esse vitium, quod est id quod primo loco dixit GREGORIUS.

Secundum vero colligitur ex libro quinto contra IULIANVM capite 4. vbi sic ait, aut utrumque, scilicet, corpus & anima vitiatum ex homine, trahitur; aut alterum, scilicet, anima, in altero, scilicet, in corpore, tanquam in vitiato vase corrumpitur.

Eandem vltimum colligitur ex libro 4. Ypognosticon. capite 2. vbi sic ait, cuius, scilicet, serpentis sibilo venenoso (ut supra iam dixi) hunc morbum quem non habuit ante culpam eius, scilicet, primi parentis delinquens natura concepit, & per eorum semen transmisit in posteros, & capite primo dicit, non esse hoc mirum, cum sibilo quorundam serpentum, aliquando homines afflati intereant, aliquando vero ad interitum graviter urgeantur.

B Alij tamen dicunt hanc inclinationem esse ipsam morbidam qualitatem in corpore existentem & in primo parente effectam fuisse ex vi ordinationis suæ voluntatis, ad nos autem per semen infectum derivari; ita tenet HENRICVS quodlibeto primo, quæst. 27. & quodlibeto 2. quæst. 11. quod etiam videtur sequi GABRIEL in 2. d. 3. q. 2. artic. 3. & in 3. d. 3. quæstione secunda articulo primo; & utrobique refert idem tenuisse OCAVVM.

§. 3. Proponitur secunda sententia, quæ est Durandi Scoti, & Caterini.

SECUNDA sententia est omnino huic opposita, quæ affirmat hanc inclinationem ex peccato resultantem non esse qualitatem superadditam qualitatibus humanæ naturæ, sed neque authores qui eam sequuntur conveniunt omnino inter se; nam DURANDVS in 3. d. 3. q. 3. n. 6. tenet duntaxat esse ipsam habitualement inclinationem appetitus sensitivi, qualis esset in homine constituto in pueris naturalibus; quæ interdum est maior, & interdum est minor, iuxta diversam corporis dispositionem; Alij vero dicunt præter hanc inclinationem appetitus, importare privationem iustitiæ originalis, & neque isti conveniunt nam quidam eorum dicunt istam inclinationem esse solum in appetitu sensitivo de quorum numero est SCOTVS in 2. d. 6. quæst. 2. in argumento 4. posito in principio quæstionis. Et CATERINVS, super illa verba ad Romanos 4. nunc autem non ego operor illud, alij vero concedunt illam esse etiam in voluntate.

§. 4. Refertur tertia sententia cum suis argumentis. Et est Iacobi Raclanti. Et Corduba.

TERTIA sententia est aliquo modo inter has media quæ affirmat quod ista inclinatio habitualis, quæ relicta est in natura humana ex peccato originali, non est inclinatio naturalis ad delectabilia carnis, qualis reperiretur in homine constituto in puris naturalibus, neque est qualitas ei superaddita, sed est ipsa inclinatio naturalis facta

præternaturalis, & vehementius inclinans ad bona sensibilia, præter & contra imperium rationis, quam inclinaret in partibus naturalibus, etiam si tunc inclinaret secundum ultimum suæ potentie; sicut febris est calor naturalis, factus præternaturalis; & fames canina est inclinatio præternaturalis ad cibum, id est, vehementius inclinans, quam ordo nature postulat; diciturque hæc sententia, causam huius inclinationis præternaturalis fuisse peccatum, quoniam corpus hominis distemperatum propter peccatum, est causa intrinseca vehementius talis inclinationis ad eum modum, quo sæpe propter variam corporis complexionem, quidam homines propensius feruntur in quædam delectabilia, quam alij; hunc modum dicendi sequitur IACOBUS NACCIANTUS super illa verba ad Romanos 5. *non ergo regnet peccatum*, &c. Et CORDUBA libro primo sui questionarij, questione 45. qui probat cum primo, quia hæc concupiscentia, quæ dicitur fomes, non est præcise inclinatio naturalis ad delectabilia secundum sensum absolute, neque est inclinatio naturalis ad hæc delectabilia contra rationem, neque etiam est ista inclinatio naturalis propter destituta iustitia originali; ergo est inclinatio naturalis facta præternaturalis; patet consequentia à sufficienti partium enumeratione, non enim potest dari aliud, in quo dici possit, rationem fomitis consistere, nisi velimus incidere in priorem sententiam; antecedens probatur, quoad primam partem, *inquit* quia alias ad quodcunque obiectum sensibile terminaretur illa inclinatio, esset dicenda fomes, quod tamen videtur inconueniens, *inquit etiam* quia cum illa inclinatio sit ab authore nature, sequeretur quod fomes esset effectus à Deo immediate; quoad secundam etiam partem probatur, quia contingit quod fomes inclinet ad actum bonum, ut, si prius inclinet ad actum malum, verbi gratia, comedendi carnes, tempore quo prohibitum est, & ille idem actus continuatus fiat bonus propter solam temporis mutationem, eodem modo inclinabit fomes ad actum illum, facta illa mutatione, sicut antea, quoniam est agens naturale manens in seipso inuariatum, & nullum est appositum extrinsecum impediens. Item quia sequeretur quod omnis inclinatio ad delectabile quodcunque illicitum esset fomes, quod videtur falsum. Et tandem quoad tertiam partem probatur, quia privatio iustitiæ originalis, est quid extrinsecum inclinationi naturali secundum suam essentiam & quidditatem, sicut etiam est extrinsecum ei consideratæ, secundum istam rationem, donum iustitiæ originalis; ergo non potest per illam privationem constitui intrinsece & formaliter in ratione fomitis, quia quod extrinsecum est, non potest esse ratio formalis essentiae rei.

Secundo probatur ista opinio, quia communis est sententia Theologorum, quod homo per peccatum est spoliatus gratuitis, & vulneratus in naturalibus, ut refertur communiter à Doctoribus in parabola de descendentibus in Ierico Lucæ 10. at illud vulnus non potest explicari, nisi dicamus quod aliqua inclinatio naturalis facta sit ratione peccati præternaturalis; quia non est dicendum quod homo totaliter amisit aliquam vim naturalem, neque quod totaliter fuerit ei addita aliqua qualitas inclinans ad malum, ergo.

A Confirmatur primo, quia in Concilio Tridentino sessione 5. decreto de peccato originali §. primo desinitur, totum Adam per peccatum, secundum corpus & secundum animam in deterius fuisse commutatum, ergo in corpore participavit aliquam malam inclinationem, quæ non potest esse aliud, quam appetitus sensitivus vehementius inclinans ad bona sensibilia, quam secundum suam naturam aptus esset movere.

Confirmatur secundo, exemplo desumpto ex D. ANSELMO libro, de conceptu virginali, capite quinto; ubi comparat appetitum destitutum iustitiæ originali feræ à vinculis solutæ; sicut ergo fera fractis vinculis, magis sævit: sic etiam appetitus destitutus freno originalis iustitiæ, vehementius inclinabit ad bona sensibilia, quam si nunquam fuisset illo freno impeditus, ut in puris naturalibus.

Confirmatur tertio, quia D. THOMAS in fine corporis huius articuli, appellat concupiscentiam istam, languorem nature; ergo importat aliquam infirmitatem ipsius nature secundum se consideratæ, & non privationem doni superadditi.

§. 5. Decisio questionis.

PRIMA CONCLUSIO: Habitualis dispositio inordinata, quam diximus relictam fuisse in humana natura ex peccato Adæ, non est aliqua qualitas superaddita qualitatibus nature humane, existens in corpore aut in anima. Hanc conclusionem statuo contra primam opinionem, & probō eam, quia seclusa omni qualitate superaddita, & relicto homine cum solis qualitatibus nature suæ, adhuc esset in eo difficultas ad bonum, & proclivitas ad malum, quæ est ista habitualis inclinatio inordinata; Deinde omnes modi, quibus illi Authores dicunt, hanc qualitatem produci in nobis, sunt improbables; nam in primis ubicumque ponatur, non potest dici, quod aliquomodo proveniat ex statu serpentis, quia serpens non est allocutus ADAMUM sed EVAM, & mirum est, quod tantam vim habere potuerit naturaliter status ille, ut totum genus humanum inficiat, ita ut nunquam ab eo infectio in semen derivata, successu generationum absolueretur; neque etiam potest dici quod sit effectus deordinationis ADAMI, ut dicebat HENRICVS, quia si peccatum ADAMI produxit ex natura sua illam qualitatem, pari ratione produceretur in nobis alia similis qualitas, ex similibus actibus inobedientiæ aut, superbiæ; si autem virtute divina produxit eam sequeretur quod fomes non esset in nobis ex peccato ut supponimus, sed esset proprie à Deo effectus.

SECUNDA CONCLUSIO. Ista inclinatio inordinata ex peccato relicta, non est appetitus sensitivus præcise sumptus secundum suam inclinationem naturalem, neque etiam est inclinatio naturalis eiusdem appetitus, facta præternaturalis, iuxta sensum tertie opinionis. Prima pars probatur, quia alioqui sequeretur in CHRISTO Domino, & in primis parentibus quamdiu erant cum iustitia originali, fuisse fomitem, siquidem in eis erat appetitus cum inclinatione naturali, in qua consistebat eius essentia, de quo videndus est D. THOMAS 3. p. q. 15. articulo 2. & questione 27. articulo 3. secunda etiam pars pro-

batur,

batur, quia inclinatio naturalis ad bonum sensibile, non suscipit magis & minus, ergo ratione peccati non potuit fieri intensio.

Dices quod quamvis ipsa in se non sit facta intensior, potest vehementius moueri propter corporis distemperiem: Sed contra quia homo constitutus in puris naturalibus posset in corpore pati similem distemperiem & alterationem; ergo neque ratione corporis mouet inclinatio naturalis vehementius ad bonum sensibile post peccatum, quam si suæ naturæ relinqueretur.

Confirmatur, quia ex causa naturali non sequitur propter remotionem impedimenti maior aut minor effectus, quam secundum naturam cause possit sequi; ut, graue non mouetur velocius, præcise ratione remotionis impedimenti, quam si à gravitate absolute moueretur: sed peccatum solum est causa huius inordinatæ inclinationis tanquam remouens iustitiam originalem prohibentem inordinatos motus appetitus, ergo propter peccatum non est factum, quod inclinatio naturalis vehementius mouet ad bona sensibilia.

ULTIMA CONCLUSIO: *habitualis dispositio inordinata relicta in natura humana ex peccato originali, non est adæquate solus appetitus sensitivus, etiam cum priuatione iustitiæ originalis: sed totalis propensio anime nostræ, ad id, quod est rationis dissonum, quæ non est determinata aliqua eius potentia, sed omnes quæ possunt aliquomodo conducere ad prosecutionem boni honesti, scilicet intellectus, voluntas, & vires sensitivæ, ut à voluntate possunt moueri, non tamen absolute, sed quatenus omnes ista potentia destituta sunt iustitiæ originali.* Hæc conclusio est expresse D. THOMÆ, in hoc articulo; nam in corpore, inquit quod ista dispositio inordinata provenit ex dissolutione illius harmoniæ, in qua consistebat iustitia originalis; ex quo bene sequitur quod sit inordinatio diversarum potentiarum, inter quas convenientiam illam efficiebat iustitia originalis; & in solutione ad primum, appellat eam inordinatam dispositionem partium; & sequuntur hanc sententiam DECANVS articulo secundo in fine in propositionibus, de concupiscentia, IACOBVS NACLANTVS, super caput quintum, epistolæ ad Romanos, in digressionem de peccato originali, ubi ait, *effrenitas concupiscentiæ est proclivitas virium nostrarum in sua obiecta sine fræne rationis, & legis divinæ in quacunque parte animæ contingat*; & TILLETANVS, in apologia, pro Concilio Tridentino, in defensione quintæ sessionis, ubi probat eam ex illo ad GALATHAS, quinto: *caro concupiscit adversus spiritum & spiritus adversus carnem*; ubi per carnem siue carnalem concupiscentiam intelligitur ista habitualis inclinatio inordinata, & tamen statim inter opera huius carnis, referuntur non solum vitia in delectatione carnali posita, sed etiam spiritus & mentis vitia, ut ex contextu patet.

Confirmatur autem autoritate AVGVSTINI libro 12. de civitate Dei capite 21. ubi referens mala, quæ ex hac dispositione inordinata procedunt, dicit, *ex radice erroris & perversi amoris veniunt*; constat autem quod perversus amor pertinet etiam ad voluntatem.

Possitque probari ratione conclusio, nam eo modo sumus ratione peccati primi parentis propensi habitualiter ad bona sensibilia, sicut per in-

A iustitiam originalem essemus habitualiter ordinati ad bonum rationis; sed iustitia originalis perfriceret habitualiter omnes potentias relatas in ordine ad bonum rationis (ut modo suppono ex materia de statu innocentie) ergo etiam per priuationem iustitiæ originalis, cuius causa fuit peccatum originale, manserunt illæ potentie habitualiter inordinate respectu boni rationis. *Addidi* tamen in conclusione, quod istæ potentie non sunt hæc inclinatio, de qua loquimur, si absolute sumantur, quatenus male dispositæ ad prosecutionem boni honesti: sed quatenus illa mala dispositio provenit ex priuatione iustitiæ originalis; quia habitualis indispositio, de qua loquimur, est effectus peccati originalis, ut in principio huius dubij probavi ex testimonio Concilij Tridentini, & tamen non est eius effectus absolute, quia etiam conveniret naturæ sibi relicte in suis naturalibus, sed solum quatenus provenit ex remotione iustitiæ originalis, quæ sanabat istam naturæ imperfectionem.

Sed contra conclusionem, est obiectio, quia ista habitualis dispositio inordinata appellatur in scriptura concupiscentia, quo nomine, significatur appetitus sensitivus aut eius actus, ergo non est omnes illæ potentie, sed solus appetitus sensitivus.

Confirmatur primo, quia D. PAVLVS ad Romanos 7. plane asserit, hanc habitualem dispositionem inordinatam esse in carne, ita enim inquit, *scio quod non habito in me, hoc est in carne mea, bonum; & paulo inferius, condeletor legi Dei secundum interiorem hominem, video autem aliam legem in membris meis repugnantem legi mentis, & captivantem me in lege peccati, quæ est in membris meis*; non ergo est dicendum quod sit intellectus & voluntas, sed solus appetitus sensitivus; facitque ad hoc, quod alias non esset dicenda inordinatio ista, rebellio carnis contra spiritum, sed rebellio etiam partis rationalis contra legem Dei.

Confirmatur secundo, quia voluntas in homine non mansit per peccatum Adæ inclinata ad bonum sensibile contra rationem: quoniam ex natura sua est inclinata ad bonum rationis; ergo ista inclinatio inordinata non est in voluntate, sed solum in appetitu sensitivo.

Ad argumentum Respondetur cum D. THOMÆ articulo tertio, huius questionis, ad 3. quod licet ista dispositio inordinata, comprehendat etiam intellectum & voluntatem, sumit nomen, ab appetitu sensitivo, quia in prosecutione mali & aversione à bono, obtinet primum locum, quoniam obnubilat & trahit ad sua obiecta rationem; & propter eandem rationem, communiter solet dici quod ista inordinatio est appetitus sensitivus, priuatus iustitiæ originali, & quod est vis mouens & inclinans ad bona sensibilia, quæ duo proprie videntur convenire ipsi appetitui.

Ad primam confirmationem Respondetur, quod caro quandoque sumitur pro tota vetustate, quam per carnalem generationem contraximus ex primo parente, ut distinguitur contra novitatem spiritus, quam per generationem in Christo participamus: & ita tota depravatio humanæ naturæ appellatur caro, siue sit in potentijs carnalibus, siue in potentijs spiritualibus; quia ratione eius istæ potentie sunt suo modo ab ea quæ carni placet

propen-

propensq; anima vero quatenus carnales affectus superat, appellatur *mens & spiritus*, quia sicut dicitur *mens*, quatenus per eam homo ceteris animantibus prestat: ita etiam quatenus relictis carnis affectibus, ad ea quæ sunt spiritus attingit, significatur nomine mentis & spiritus; hanc autem acceptionem carnis, explicat DE CANYS articulo secundo, testimonijs AVGVSTINI AMBROSII, & HIERONYMI.

Ad secundam confirmationem, aliqui respondent negando antecedens, & ad probationem dicunt, in voluntate esse duas inclinationes, alteram primariam ad id quod est bonum secundum rationem, & alteram secundariam ad bonum appetitus sensitivi, quatenus proponi potest, ut bonum totius hominis, cuius inclinatio est ipsa voluntas.

Sed mihi hæc distinctio non placet, propter rationes adductas supra q. 71. articulo secundo in solutione tertij argumenti propositi in dubio disputato, circa conclusionem articuli: & ideo consequenter ad ea, quæ ibi diximus, concedo antecedens, & nego consequentiam; quoniam ut ista inordinata dispositio sit aliqua ex parte in voluntate, non est necesse quod sit in ipsa inclinatio naturalis ad bonum sensibile, præter aut contra imperium rationis, sed satis est quod voluntas possit ferri in huiusmodi bonum; nam ex hoc provenit, quod ratione peccati potuerit manere ita male disposita, ut facilius sit ipsam ferri in illud bonum, & hoc appellatur aliquo modo maior inclinatio, siue aptitudo voluntatis ad ipsum; Et quod manserit ita male disposita patet ex D. THOMA infra q. 85. articulo tertio, ubi docet, naturam humanam accepisse quatuor vulnera propter peccatum originale, *unum* ignorantie in intellectu, *alterum* malitiae in voluntate, *tertium* infirmitatis in irascibili, & *ultimum* concupiscentiae in concupiscibili; ex his enim omnibus provenit quod voluntas difficilius tendat in bonum rationis, & ex consequenti facilius in bonum sensibile, non solum quia vehementius movetur ab appetitu sensitivo inclinante sine freno ad sua obiecta; sed etiam quia ipsa cum intellectu habet maiorem aptitudinem, ut patiatur huiusmodi motum propter remotionem iustitiae impediens, in qua consistunt illa vulnera, ut illo loco dicemus; Quod vero non repugnet voluntatem ferri in obiectum ad quod non habet naturalem inclinationem, explicui satis loco citato, ubi dixi, posse ipsam ferri in totam latitudinem obiecti specificantis, quæ comprehendit totum id quod ab intellectu potest proponi sub ratione boni totius hominis, & non habere naturalem inclinationem, nisi ad bonum naturale, & ad prosequendum ipsum, perfecto modo; hoc est, cum subordinatione ad regulam rationis.

§. 6. Respondetur ad argumenta prima sententia.

AD ARGUMENTA GREGORII Respondetur AVGVSTINVM in priori testimonio, loqui de hac concupiscentia, quam D. THOMAS hic appellat habitualement dispositionem inordinatam, & de ea dicere, quod quamvis maneat semper in hac vita etiam in regeneratis, tamen in resurrectione

propius est auferenda: quia non pertinet ad substantiam hominis, ut corpus & anima; sed accidentaliter & contingenter, & adhæret, scilicet, propter peccatum primi parentis; ex his autem non sequitur quod putaverit esse qualitatem naturæ superadditam, sed solum quod sit imperfectio, à qua possit natura sanari, & propterea appellavit eam qualitatem.

Ad secundum testimonium dico, quod, si AVGVSTINVS per *libidinem*, intellexit concupiscentiam, potuit recte dicere, quod est in anima, quia quantum ad potentias immateriales, est in ea non solum radicaliter; sed etiam subiective: & quantum ad materiales, est saltem radicaliter.

Ad testimonium vero quo GREGORIUS probat secundum, dici potest, AVGVSTINVM, non ideo dixisse animam infici cum in corpore recipitur, quia ab eo participat aliquam qualitatem vitiosam; sed quia, si ab eo esset separata, non contraheret peccatum originale, quia non constitueretur ex ipsa & corpore illud totale suppositum & individuum naturæ humanæ, quod virtualiter existens in Adam, ut in suo capite, fuit obligatum ad legis observationem, & in eo peccavit.

Et tandem ad testimonium quo probat tertium, Respondetur, AVGVSTINVM ibi loqui metaphoricè & per *fibulum* intelligere persuasionem diaboli, ita ut sensus eius sit, quod, quemadmodum venenati serpentes, suo statu solent interdum corpora inficere, sic diabolus sua persuasione infecit. primo quidem quoad peccatum, & deinde quo ad totum malum concupiscentiæ, quod fuit effectus peccati ut dictum est.

§. 7. Solvuntur argumenta tertiæ sententia.

AD PRIMVM argumentum tertiæ opinionis, Respondetur negando antecedens, quoad tertiam partem, & ad probationem distinguendum est eius antecedens, si enim nomine *extrinseci* intelligatur id quod non est de essentia rei, verum est; ceterum est extra rem, quoniam ex eo in isto sensu solum potest colligi, quod per istam privationem non constituitur formaliter inclinatio naturalis, in ratione inclinationis naturalis, non tamen quod non constituitur in ratione concupiscentiæ aut fomitis, quæ supra rationem inclinationis, aut potentie naturalis, addit quod sit deordinata privatione; si tamen nomine *extrinseci* intelligatur id, quod non est in naturali inclinatione, ut in subiecto, negandum est illud antecedens, sicut enim iustitia originalis intrinsece perficiebat & ordinabat potentias supra allatas, ita per privationem eius dicuntur intrinsece deordinatæ: quia privatio constituenda est in eo subiecto, in quo positivum, cui opponitur, atque ita illæ potentie constituentur in ratione concupiscentiæ per aliquid sibi intrinsecum, & quasi inherens, quia privatio non dicitur proprie inherere.

Ad secundum Respondetur, quod humana natura per peccatum originale dicitur vulnerata in naturalibus, si comparatur cum perfectione, quam habuit in primis parentibus ante peccatum: quia per peccatum amisit donum, quo suæ potentie perficiebantur intra latitudinem





ex quo se errorem suum deducere gloriantur ; nam libro primo de nuptijs & concupiscentijs. capite 25. ait *concupiscentiam carnis dimitti in baptismo, non ut non sit*, (scilicet peccatum) *sed ut in peccatum non imputetur*, & libro primo contra Iulianum cap. 3. vocat concupiscentiam carnis peccatum, & pœnam peccati, & causam peccati.

ULTIMO argumentantur hac ratione: quod in natura rationali à lege, dissidet, est peccatum: sed in lege prohibetur non solum ire post concupiscentiam, sed etiam ipsum concupiscere, ergo est peccatum.

§. 2. Stabilitur pars negativa, Catholicorum.

PRIMA CONCLUSIO: *concupiscentia sumpta in sensu explicato, in baptizatis non est vere & proprie peccatum*; probatur, quoniam per baptismum fit vere remissio, ergo nihil in baptizatis est, quod proprie habeat rationem peccati; Et ad hoc confirmandum contra hæreticos sufficit modo nobis definitio TRIDENTINI sessione 5. decreto de peccato originali, ubi sub anathemate præcipitur, ne quis dicat, per baptismum non tolli totum id, quod veram & propriam rationem peccati habet; sed solum radi, & non imputari; & post pauca, concedit concilium, manere concupiscentiam in renatis; & tandem sic concludit, *hanc concupiscentiam, quam aliquando Apostolus peccatum appellat, sancta Synodus declarat, ecclesiam Catholicam nunquam intellexisse, peccatum appellari, ut vere & proprie in renatis sit peccatum; sed quia ex peccato est, & ad peccatum inclinatur*; longior autem huius veritatis confirmatio tradenda est 3. parte q. 69. articulo primo, ubi disputatur, an sit effectus baptismi remissio omnium peccatorum.

SECUNDA CONCLUSIO, *concupiscentia ante baptismum non est vere & proprie peccatum, & ex consequenti non est formaliter peccatum originale*, hæc posterior pars sequitur manifeste ex prima, supposito (ex dictis in principio præcedentis quæstionis) peccatum originale esse vere & proprie peccatum. Sed prima pars probatur, quia concupiscentia non est proprie peccatum post baptismum: ergo neque antea; patet consequentia, quia eodem modo, inclinatur semper ad peccatum.

ITEM, actualis concupiscentia non est proprie peccatum, sed dicitur Iacobi primo *concupere & parere peccatum*, quia, cum caro incipit delectari suggestionem, quod est concipere, est quasi in partu peccati; quod tunc demum consummatur, dum accedit liber consensus; ergo multo minus erit proprie peccatum habitualis concupiscentia, de qua loquimur; patet consequentia, quia illa est proximior peccato, cum unusquisque tentetur & inclinetur ad malum à concupiscentia sua actuali.

Ultimo, concupiscentia, quæ nobis in est ante baptismum, est talis, qualis esset illa, quæ no-

A bis conueniret, si conditi essemus in puris naturalibus, quantum ad vim inclinandi ad malum; sed illa non esset peccatum, quia esset naturalis homini; ergo neque ista; Qui ampliorem desiderauerit contra hæreticos disputationem, legat AUGUSTINUM in locis citatis à HIERONYMO TYRRIANO, libro secundo confessionis Augustiniane capite secundo numero 2. 3. & 4. HOSIUM in confessione fidei Catholicæ capite 34. & 85. DECANVM, ALBERTVM PIGIVM, & IACOBVM PAIVA locis citatis & FRANCISCVM SONNIVM in libro demonstrationum religionis Christianæ tractatu 10. capite 2. & 3. & tractatu 1. de baptismo capite 16.

§. 3. Soluuntur argumenta Hæreticorum.

AD PRIMUM argumentum, R. quod Paulus in priori testimonio non loquitur de habituali concupiscentia, sed de actuali voluntaria; hæc enim sola prohibetur lege, quia sola est in nostra potestate; & ita sensus est, quod ex præscripto legis cognouimus, eam concupiscentiam, qua homo scienter & voluntarie concupiscit, esse peccatum ipsi ad culpam imputabile; In secundo vero testimonio loquitur Paulus de habituali concupiscentia, & appellat eam peccatum, non quia proprie est peccatum: sed quia (ut inquit Concilium TRIDENTINVM citatum in probatione primæ conclusionis) *ex peccato est, & ad peccatum inclinatur*; iuxta illam phrasim, qua nomina causarum tribui solent suis effectibus; ut Matthæi 16. Dominus vocauit Petrum Sathanam, quia à Sathana instigabatur; & quarti Regum 4. filij prophetarum ad Eliseum dicebant, *moris in illa vir Dei*; in tertio tandem & quarto testimonio sermo est de peccatis actualibus, non ita tamen intelligenda sunt, ut ex eis colligatur, quod contrarie & sine vlla intermissione simus semper in peccato: quia cum auxilio, quod de lege datur, potest homo esse sine peccato per paruum temporis spatium; sed referenda sunt ad totum vitæ decursum, & ad quodcunque longum tempus; sic enim verba illa, & Concilia aliqua, in quibus adducuntur (scilicet MILEVITANVM canone 7. & 8. ARAUSICANVM, & AFRICANVM) intelligenda esse, videtur declarasse Concilium TRIDENTINVM sessione 6. capite 11. & canone 23. dum impotentiam vitandi omnia venialia, ad totum vitæ decursum retulit; & addi potest, quod, quia peccata venialia minutissima sunt, & facillime latent, ideo quamuis nullius peccati sit aliquis sibi conscius, verissime tamen potest petere, *dimitte nobis, &c.* sed de hoc agendum est infra q. 109. art. 8.

AD SECUNDVM Respondetur; sensum AUGUSTINI in priori loco esse, concupiscentiam dimitti in baptismo, *non ut non sit*, id est, non ita ut non maneat in baptizatis; *sed ut in peccatum non imputetur*, id est, per baptismum fit, ne imputetur in peccatum; non quia ipsa proprie peccatum sit, & dimittatur per non imputationem: sed quia reatus, siue culpa, à qua antea

denominabatur remissa est: sic enim ipse ait 2. libro de peccatorum meritis & remissione capite 4. *Concupiscentia in parvulis baptisatis a reatu soluitur, ad agonem relinquitur.* Vide TURRIANVM ubi supra. In altero vero loco, disputat contra IULIANVM, qui dicebat, concupiscentiam bonam esse, atque laudandam, quoniam est p[er]na peccati: & contra illum obijcit, quod quamuis sit p[er]na peccati primi parentis, poterit esse peccatum, quia ex varijs scripturæ testimonijs, quæ ipse adducit, constat, quod vnum peccatum potest esse p[er]na alterius peccati, quod qua ratione sit intelligendum, dicemus suo loco: Ceterum suo instituto non est necessarium, quod concupiscentia sit proprie peccatum: sed satis est, quod sit peccatum, idest vitium, & deprauatio ipsius naturæ, quoniam hoc sufficiebat contra Iulianum, qui dicebat, ipsam esse bonam, & laudandam.

Et vt simul respondeamus ad omnia testimonia sanctorum, præsertim AVGVSTINI, quæ pro hæreticis adduci possunt, ADVERTENDVM est, quod dupliciter possimus loqui de concupiscentia: scilicet, aut *determinate* ante susceptionem baptismi, aut *absolute*, siue ante, siue post susceptum baptismum, *si primo modo loquamur* de ea, potest dici, quod existimauerint, ipsum esse *materiale peccati*, & ob id concedunt, ipsam esse peccatum, non intrinsece, & secundum se, quatenus est perversa inclinatio ad malum, vt hæretici id concedunt: sed sumpta denominatione ab auersione, quæ est forma originalis peccati: sic ut concedimus, lignum esse cathedram, aut æs esse staturam; *si vero loquamur de ea secundo modo*, potest dici, quod appellant eam peccatum, quia *ex peccato est*, & ad peccatum inclinatur. Aut, quia sumunt peccatum pro vitio & defectu: quomodo recte concupiscentia potest appellari peccatum, quia est defectus, & deniatio ab ea perfectione, quam natura humana habuit in sua prima institutione; aut *tandem* quia loquuntur de ea postquam ei præbemus liberum consensum.

AD VLTIMVM, Respondetur, solum id, quod formaliter repugnat legi, esse peccatum: non autem id, quod efficienter legi repugnat, vt, qui causat actum contrarium legi, non dicitur peccatum, sed dicitur peccare: & ipse actus est peccatum; concupiscentia vero non formaliter, sed quasi efficienter, scilicet trahendo & prouocando ad id quod est peccatum, repugnat legi; *insuper* dumtaxat id, quod repugnat legi vt prohibitum per eam, est peccatum: quare cum neque concupiscentia, neque motus eius, lege prohibeatur, sed tantum libere ei consentire; non dicitur proprie peccatum.

CIRCA eandem conclusionem est

II. DVBIUM.

An concupiscentia ante baptismum sit materiale originalis peccati?

§. 1. Proponitur sententia affirmans.

PROBATVR pars affirmativa, PRIMO sicuti peccatum actuale consistit in deordinatione actus, ita etiam peccatum originale consistit in deordinatione naturæ; sed deordinata conuersio, siue propensio actus in bonum commutabile, est materiale in peccato actuali, & ipsa inordinatio, siue auersio à bono incommutabili est formale; ergo deordinata conuersio, siue propensio humanæ naturæ in bonum commutabile, est materiale in peccato originali, & ipsa deordinatio, siue auersio à bono incommutabili est formale; at deordinata propensio naturæ in bonum commutabile, nihil aliud est, quam concupiscentia; ergo concupiscentia est materiale peccati originalis; quare cum peccatum originale non sit nisi ante baptismum, bene sequitur, quod concupiscentia ante baptismum sit materiale peccati originalis: Hæc ratio est Diui THOMÆ in secundo dist. 3. quæstione prima articulo secundo, vt refert CONRADVS hic.

SECUNDO, inordinatio aliarum virium à voluntate habet se vt materiale in peccato originali; sed talis inordinatio communi nomine dici potest concupiscentia; ergo concupiscentia habet se vt materiale in peccato originali; maior probatur, quia quando duo effectus conueniunt alicui rei, si alter sit alterius causa, ille, qui est causa, comparatur ad alterum, vt formale ad materiale: sed in peccato originali sunt duo effectus partiales, scilicet deordinatio voluntatis, & deordinatio virium aliarum, & prior deordinatio est causa secundæ; ideo enim in homine vires inferiores sunt deordinate, quia voluntas auersa est à Deo; ergo deordinatio aliarum virium habet se vt materiale in peccato originali, hæc ratio est D. THOMÆ in isto articulo.

Es potest confirmari ex eodem, quæstione quarta de malo articulo secundo, in fine corporis, quia in moralibus id, quod pertinet ad potentiam motam, habet se vt materiale, respectu eius, quod pertinet ad potentiam mouentem: vt actio manus habet se vt materiale respectu actus voluntatis mouentis ipsam manum ad aliquem actum bonum, vel malum moraliter; sed concupiscentia habitualis pertinet ad appetitum sensitivum, quæ quodammodo motus est ad habitualiter concupiscendum à voluntate humana

auer-

auertente se à Deo auersione peccati originalis, ergo huiusmodi concupiscentia habet se ut materiale respectu eius auersionis, quæ in peccato originali reperitur; & ex consequenti, est materiale, in peccato originali.

TERTIO probatur testimonijs D. THOMÆ, nam articulo primo huius quæstionis ad primum, ita inquit, *sicut agrotudo corporalis habet aliquid de priuatione in quantum tollitur aequalitas sanitatis; & aliquid habet positivum; scilicet ipsos humores inordinate dispositos: ita etiam peccatum originale habet priuationem iustitiæ originalis, & cum hoc inordinatam dispositionem partium animæ; unde non est priuatio pura, sed est quidam habitus corruptus; & in hoc articulo expresse ait, peccatum originale constare priuatione originalis iustitiæ, ut formali; & concupiscentia, ut materiali.*

ULTIMO, peccatum originale in nobis intrinsece importat auersionem à Deo, ut ab ultimo fine; ergo & conuersionem ad creaturam, ut ad ultimum finem; quia non potest reperiri auersio ab vno termino, sine conuersione ad terminum oppositum: sicut in motu locali non potest reperiri recessus à termino à quo, sine accessu ad terminum ad quem; & hæc conuersio non potest esse aliud, quam concupiscentia: quia non traducitur ad puerum aliquis actus aut habitus superadditus naturæ, qui sit conuersio ad bonum commutabile; ergo peccatum originale includit intrinsece concupiscentiam, & non ut partem formalem, ergo ut materiale.

§. 1. Eliguntur sententia negans.

IN HAC RE CAIETANVS & CONRADVS hoc loco, FERRARIENSIS 4. contra gentes capite 51. & CAPREOLVS in secundo distin. 30. quæstione prima articulo primo conclusione quarta, sequuntur partem affirmatiuam, conueniunt enim in hoc, quod peccatum originale includit duas partes, ex quibus componitur, alteram ut formalem, quæ est priuatio iustitiæ originalis, & alteram ut materiale, quæ est concupiscentia; differunt tamen in modo explicandi hoc, nam quamuis admittant in voluntate esse duo, scilicet auersionem à bono incommutabili, & inordinatam conuersionem habitualem ad bonum commutabile: tamen FERRARIENSIS dicit utramque pertinere ad id, quod est formale in peccato originali, & solum habere rationem materialis inordinatam conuersionem, quæ est in appetitu sensitiuo; CAIETANVS vero dicit, secundum pertinere ad id, quod est materiale, simul cum inordinatione partis sensitivæ.

SEN nobis non est multum in hac re laborandum, cum dixerimus articulo primo huius quæstionis, non esse productam in voluntate, ex peccato originali, aliquam inclinationem actiuam deordinatam ad bonum commutabile, sed solam passiuam, quæ consistit in

A hoc, quod possit deordinate trahi ab appetitu sensitiuo ad sua obiecta, & est quædam infirmitas, aut imbecillitas passiuæ ipsius voluntatis, ut loco citato dixi.

SIT CONCLUSIO: concupiscentia ante baptismum non est proprie materiale peccati originalis, hoc est, ita ut intrinsece componat ipsum simul cum eo, quod in ipso se habet ut formale. Probatur PRIMO, quia in baptismo non tollitur concupiscentia & fomes, & tamen tollitur totum id, quod est de essentia peccati originalis.

SECUNDO, quia alias vix poterit explicari, quomodo in anima separata maneat peccatum originale, quod sit eiusdem rationis, cum eo, quod habebat, dum erat vnita corpori: quia non manet in eo inordinatio partis sensitivæ, quia hæc, destructo corpore, corrumpitur, cum sit materialis; neque etiam manet inordinatio voluntatis, saltem ita, ut possit reduci in actum, quoniam hæc consistit in hoc, quod est posse facilius trahi à parte sensitiva.

D TERTIO, hoc peccatum est eiusdem rationis cum eo, quod mansit in Adam transacta actuali transgressione, & solum differt ab eo in medio, per quod participatur: sed peccatum illud non habebat in Adam concupiscentiam, tanquam partem materialem sibi correspondentem, cum nulla esset ratio, cur istud peccatum haberet eam, potius quam reliqua, quæ denominarent ipsum peccatorem; ergo neque in nobis.

ULTIMO materiale peccati in nulla opinione sequitur ex formali ut ex causa, imo in sententia eorum, qui dicunt, formale esse priuationem, præcedit ipsum, eo modo quo entitas caloris præsupponitur, cum disconuenientia quam habet respectu aquæ, ratione cuius dicitur ei mala; sed habitualis inclinatio inordinata ad bonum commutabile, quæ dicitur concupiscentia, est effectus auersionis à bono incommutabili, & simpliciter posterior ea: ergo non comparatur ad ipsam auersionem, ut materiale peccati ad formale.

§. 3. Soluuntur argumenta partis affirmantis.

C AD PRIMUM Respondetur; quod hoc peccatum originale, prout denominauit Adamum peccantem, & in eo totam naturam, habuit formale, scilicet auersionem; & materiale, scilicet conuersionem actualement: at vero, prout est in nobis denominans nos peccatores, habet formale, scilicet auersionem per modum termini, non tamen habet materiale, sed solum subiectum, ut magis explicabo in solutione ultimi. Quare ad argumentum in forma neganda est maior in rigore, nam in peccato actuali deordinatio comparatur ad actum, ut ad partem materialem, quam denominat peccatum; at vero in peccato originali deordinatio solum

comparatur ad naturam, ut ad subiectum, & ideo non denominatur eam peccatum, sed peccatricem.

Ad secundum, nego maiorem, & ad probationem dico, solum concludere, quod concupiscentia dicatur late materiale peccati originalis, ut dicam in solutione tertij, in explicatione sententiarum D. THOMAE.

Ad confirmationem Respondetur, non esse eandem rationem de actu exteriori comparato ad actum internum voluntatis, & de concupiscentia respectu actus voluntatis Adx: quia actus externus producit a voluntate, saltem mediate, & ordinatur ad suum obiectum, & ita participat ab eo suo modo malitiam moralem, & constituit simul cum actu voluntatis unum totale materiale, respectu malitiae formalis; non tamen ita se habet concupiscentia, quae est in puero, qui modo nascitur, ad actum Adx; non enim tenet se ex parte illius actus ut praecedat malitiam, sed potius praesupponit totam malitiam moralem, & sequitur ex ea per modum p[er]n[ae], & effectus, ad sensum in primo articulo explicatum.

Ad tertium, dico D. THOMAM in primo testimonio non loqui de eo, quod est proprie peccatum originale, sed de inordinata dispositione partium animae, quae ex peccato originali nascitur: & vocatur ab ipso *materiale* huius peccati propter rationem, quam statim assignabimus; & in hac vult contineri aliquid positium, & privationem, ut explicui articulo primo. In altero vero testimonio non appellavit concupiscentiam materiale peccati in rigore, sed late, eo modo quo secundarius effectus alicuius dicitur comparari ad primum, ut materiale ad formale; quia ergo iustitia originalis duos habet effectus, *alterum primum*, qui est subijcere habitualiter voluntatem Deo, & *alterum secundarium*, qui est, subijcere voluntati reliquas animae potentias in ordine ad bonum; ideo privatio eius suo modo causat duos effectus eodem ordine, scilicet utriusque rectitudinis provenientis a iustitia originali; & ob id Divus THOMAS dicit, peccatum originale, quod communiter appellatur privatio iustitiae originalis, importare duas deordinationes, quarum prior comparatur ad posteriorem ut formale ad materiale.

Ad ultimum, ut respondeamus placet brevit[er] disputare Dubium sequens.

DUBIUM. III.

An in peccato originali, quod ad nos traducitur, sit aliqua conversio habitualis ad creaturam, tanquam ad ultimum finem? ita ut ex ea, tanquam ex parte materiali, & ex aversione tanquam ex formali, constitutur intrinsece (sicut peccatum actuale constituitur ex conversione actuali ad bonum commutabile, quae est quidam actus,) & ex aversione a Deo.

§. 1. Argumenta partis affirmativae proponuntur.

PARS AFFIRMATIVA probatur PRIMO, quia non potest reperiri recessus termini a quo, sine accessu ad terminum ad quem; ergo neque potest reperiri aversio a Deo, sine conversione ad creaturam; patet *consequentia*, quoniam aversio a Deo est quidam recessus ab ipso, & iste recessus non potest intelligi sine termino ad quem, qui non potest esse aliud, quam creatura.

SECUNDO, quando omnes peccavimus in Adam, non solum fuit nostra aversio actualis ipsius Adx, sed etiam conversio ad bonum commutabile: & ita concedunt sancti, quod eo comedente delicto vetito, omnes comeditus ergo sicut ratione aversionis actualis traducitur ad nos aversio habitualis, ita etiam ratione conversionis actualis traducitur conversio habitualis.

TERTIO homo existens in peccato originali est aversus a Deo ut a fine ultimo: ergo debet esse conversus ad creaturam, ut ad finem ultimum; patet *consequentia*, quia necessario debet habere aliquem finem ultimum, & is si non est Deus, necessario debet esse creatura.

ULTIMO, peccatum habituale, quod mansit in Adam transacto actuali, includebat intrinsece aversionem habitualement a Deo, & conversionem habitualement ad creaturam: ergo etiam peccatum, quod traducitur ad nos; *antecedens* patet, quia ita solet concedi de quocunque peccato mortali; & *consequentia* probatur, *nam* quia alias non traduceretur ad nos quicquid pertinebat intrinsece ad peccatum habituale Adx, & ex consequenti peccatum nostrum non esset eiusdem rationis cum illo; cum tamen omnes dicant peccatum originale in nobis esse simile illi habituali; *nam etiam* quia Concilium TRIDENTINUM sessione 5. decreto de peccato originali §. 3. ita inquit: si quis hoc Ada peccatum, quod origine unum est & propagatione, non imitatione, transfusum omnibus

ineff

facit, unicuique proprium, &c. ex quibus verbis sic argumentor, ex illo peccato, quod fuit vnum origine, dicit Concilium, quod transfunditur ad omnes; sed propterea fuit origine vnum includebat conuersionem, & auersionem; ergo etiam propterea transfunditur.

§. 2. Pars negativa stabilitur, & argumenta opposita solvuntur.

SED HIS non obstantibus, mihi oppositum videtur verius, quia vel illa conuersio esset aliquid *physicum*, vel aliquid *morale*: non *primum*, quia neque est habitus; aut actus superadditus naturæ, quoniam nihil tale traducitur per generationem; neque est concupiscentia, propter rationes propositas; & nihil aliud *physicum* & reale potest esse; neque etiam est aliquid *morale*, hoc est consistens in imputatione, aut existimatione morali; quia imputatio moralis non est ficta, aut falsa, sed habet aliquod fundamentum: constat autem, quod nihil præsupponitur auersioni in puero, qui modo nascitur, ratione cuius possit censeretur conuersus ad creaturam, ut ad finem ultimum.

Verum est tamen, quod illa auersio potest aliquo modo appellari *conclusio virtualis*, seu interpretatiua ad creaturam, ut dixi articulo primo quæstionis præcedentis: quia est sufficiens fundamentum ut possimus interpretari voluntatem pueri, dicendo, quod est magis affecta ad creaturam, quam ad Deum; ceterum conuersio ita sumpta non potest simul cum auersione, & propterea pars materialis, constituere peccatum originale, quia potius fundatur in ipsa auersione, quam sit materia eius.

Quod si obieciat, ista deordinatio potentiarum, quæ appellatur concupiscentia, est habitualis quædam conuersio inordinata ad bonum commutabile: ergo peccatum originale in nobis habet conuersionem ut partem materiale; Respondetur, negando consequentiam, quia illa conuersio inordinata potentiarum est effectus auersionis à bono incommutabili, & simpliciter posterior ea, & ideo in rigore non est dicendum, quod cum ipsa constituat integrum peccatum originale, ut pars materialis cum formali.

AD PRIMUM Respondent aliqui, concedendo antecedens, & negando consequentiam; & dicunt, rationem discriminis esse, quod recessus importat motum actuale, & ideo non potest esse sine accessu; at vero auersio potest esse habitualis, & ideo non est necessarium, quod sit cum conuersione, sed satis est, quod præsupponat eam, vel in eodem homine, si auersio sit personalis, vel in capite, si sit originalis; & hoc mihi aliquando placuit, sed iam non placet, quia recessus, etiam in facto esse, hoc est, propterea sumitur pro termino recessus actualis à termino à quo, non potest reperiri sine propinquitate, aut accessu, etiam in facto esse, ad terminum ad quem: ergone-

que auersio effectus à Deo, etiam si terminatur pro termino auersionis actualis, potest reperiri sine approximatione, aut auersione habituali eiusdem effectus ad creaturam.

ideo aliter Respondetur, distinguendo antecedens, aut enim intelligitur de auersione *positiua*, & sic potest concedi consequentia: aut de auersione *primatiua*, quæ consistit in pura priuatione subiectionis aut conformitatis debite, cuiusmodi illa est, quæ reperitur in peccato originali; & sic potest negari consequentia: sicut in peccato habituali omissionis, quod manet transacto actuali, datur auersio isto modo sumpta sine conuersione habituali, præsertim in sententia eorum, qui dicunt, posse dari puram omissionem; & sicut in opinione eorum, qui dicunt, Angelum esse in loco tantum per operationem transeuntem, solet consequenter concedi, quod Angelus potest recedere ab uno loco, non accedendo ad alterum, quia non recedit per motum positium, sed per negationem rationis formalis existendi in loco, scilicet operationis.

AD SECUNDUM, concessio antecedenti neganda est consequentia, & ratio discriminis est, quia auersio, quoniam consistit in sola priuatione subiectionis debite, potest traduci: conuersio vero, quoniam requirit aliquid positium superadditum naturæ, non potest traduci per generationem: Item conuersio illa, prout respiciebat obiectum, fuit peculiari modo personalis, & ideo reatus pænæ sensus ipsi respondentis non traducitur ad nos, ut dicam in quæstione de pænâ peccati originalis.

AD TERTIUM Respondetur, concedendo antecedens, & negando consequentiam; & ad probationem dicunt aliqui, quod, qui solum habet peccatum originale, est auersus à Deo ut est finis supernaturalis, non vero ut est finis naturalis; & ideo, quamuis sit auersus à Deo, non sequitur, quod sit conuersus ad creaturam: quoniam inter hæc duo datur medium, scilicet esse conuersum ad Deum ut finem naturæ.

Sed hæc solutio mihi non placet, quoniam (ut dixi in materia de Angelis) non potest aliquis auerti, neque esse auersus à fine supernaturali, quin saltem consequenter sit auersus à fine naturali: & forsan probabo postea, esse hoc concedendum etiam in his, qui non per actum proprium, sed per actum sui capitis, sunt auersi.

ideo aliter Respondetur ad probationem illam, aduertendo, quod (ut docet Diu. Thomas supra quæstione prima articulo tertio) dupliciter potest homo habere aliquem finem ultimum, primo *naturaliter*, & eo modo, quo hoc conuenit omnibus creatoris, etiam irrationalibus, quæ dicuntur ordinari ad finem ultimum, in quantum habent aliquam eius participationem; secundo *moraliter*, hoc est agendo propter finem, & tendendo ad eius consecutionem ex cognitione & amore ipsius, & ordinando media in ipsum, quod est proprium creaturæ rationalis; estque discrimin inter hos duos modos habendi

comparatur ad naturam, ut ad subiectum, & ideo non denominat eam peccatum, sed peccatricem.

Ad secundum, nego maiorem, & ad probationem dico, solum concludere, quod concupiscentia dicatur late materiale peccati originalis, ut dicam in solutione tertij, in explicatione sententia D. THOMAE.

Ad confirmationem Respondetur, non esse eandem rationem de actu exteriori comparato ad actum internum voluntatis, & de concupiscentia respectu actus voluntatis Adx: quia actus externus producit a voluntate, saltem mediate, & ordinatur ad suum obiectum, & ita participat ab eo suo modo malitiam moralem, & constituit simul cum actu voluntatis unum totale materiale, respectu malitiae formalis; non tamen ita se habet concupiscentia, quae est in puero, qui modo nascitur, ad actum Adx, non enim tenet se ex parte illius actus ut praecedat malitiam, sed potius praesupponit totam malitiam moralem, & sequitur ex ea per modum p[er]n[ae], & effectus, ad sensum in primo articulo explicatum.

Ad tertium, dico D. THOMAS in primo testimonio non loqui de eo, quod est proprie peccatum originale, sed de inordinata dispositione partium animae, quae ex peccato originali nascitur: & vocatur ab ipso *materiale* huius peccati propter rationem, quam statim assignabimus; & in hac vult contineri aliquid positivum, & privationem, ut explicui articulo primo. In altero vero testimonio non appellavit concupiscentiam materiale peccati in rigore, sed late, eo modo quo secundarius effectus alicuius dicitur comparari ad primum, ut materiale ad formale; quia ergo iustitia originalis duos habet effectus, *alterum primum*, qui est subijcere habitualiter voluntatem Deo, & *alterum secundarium*, qui est, subijcere voluntati reliquas animae potentias in ordine ad bonum; ideo privatio eius suo modo causat duos effectus eodem ordine, scilicet utriusque rectitudinis provenientis a iustitia originali; & ob id Divus THOMAS dicit, peccatum originale, quod communiter appellatur privatio iustitiae originalis, importare duas deordinationes, quarum prior comparatur ad posteriorem ut formale ad materiale.

AD VLTIMUM, ut respondeamus placet breviter disputare Dubium sequens.

D V B I V M. III.

An in peccato originali, quod ad nos traducitur, sit aliqua conversio habitualis ad creaturam, tanquam ad ultimum finem? ita ut ex ea, tanquam ex parte materiali, & ex aversione tanquam ex formali, constitutur intrinsece (sicut peccatum actuale constituitur ex conversione actuali ad bonum commutabile, quae est quidam actus,) & ex aversione a Deo.

§. I. Argumenta partis affirmativae proponuntur.

PARS AFFIRMATIVA probatur PRIMO, quia non potest reperiri recessus termini a quo, sine accessu ad terminum ad quem; ergo neque potest reperiri aversio a Deo, sine conversione ad creaturam; patet consequentia, quoniam aversio a Deo est quidam recessus ab ipso, & iste recessus non potest intelligi sine termino ad quem, qui non potest esse aliud, quam creatura.

SECUNDO, quando omnes peccavimus in Adam, non solum fuit nostra aversio actualis ipsius Adx, sed etiam conversio ad bonum commutabile: & ita concedunt sancti, quod eo comedente de ligno vetito, omnes comeditus ergo sicut ratione aversionis actualis traducitur ad nos aversio habitualis, ita etiam ratione conversionis actualis traducitur conversio habitualis.

TERTIO homo existens in peccato originali est aversus a Deo ut a fine ultimo: ergo debet esse conversus ad creaturam, ut ad finem ultimum; patet consequentia, quia necessario debet habere aliquem finem ultimum, & si non est Deus, necessario debet esse creatura.

ULTIMO, peccatum habituale, quod mansit in Adam transacto actuali, includebat intrinsece aversionem habitualement a Deo, & conversionem habitualement ad creaturam: ergo etiam peccatum, quod traducitur ad nos; antecedens patet, quia ita solet concedi de quocunque peccato mortali; & consequentia probatur, *nam* quia alias non traduceretur ad nos quicquid pertinebat intrinsece ad peccatum habituale Adx, & ex consequenti peccatum nostrum non esset eiusdem rationis cum illo; cum tamen omnes dicant peccatum originale in nobis esse simile illi habituali; *tunc etiam* quia Concilium TRIDENTINUM sessione 5. decreto de peccato originali §. 3. ita inquit: si quis hoc Ada peccatum, quod origine unum est & propagatione, non imitatione, transfusum omnibus

inest, unicuique proprium, &c. ex quibus verbis sic argumentor, ex illo peccato, quod fuit vnum origine, dicit Concilium, quod transfunditur ad omnes; sed prout fuit origine vnum includebat conuersionem, & auersionem; ergo etiam prout transfunditur.

§. 2. Pars negativa stabilitur, & argumenta opposita solvuntur.

SED HIS non obstantibus, mihi oppositum videtur verius, quia vel illa conuersio esset aliquid *physicum*, vel aliquid *morale*: non *primum*, quia neque est habitus; aut actus superadditus naturæ, quoniam nihil tale traducitur per generationem; neque est concupiscentia, propter rationes propositas; & nihil aliud *physicum* & reale potest esse; neque etiam est aliquid *morale*, hoc est consistens in imputatione, aut existimatione morali; quia imputatio moralis non est ficta, aut falsa, sed habet aliquod fundamentum: constat autem, quod nihil præsupponitur auersioni in puero, qui modo nascitur, ratione cuius possit censerī conuersus ad creaturam, vt ad finem vltimum.

Verum est tamen, quod illa auersio potest aliquo modo appellari *conclusio virtualis*, seu interpretatiua ad creaturam, vt dixi articulo primo quæstionis præcedentis: quia est sufficiens fundamentum vt possimus interpretari voluntatem pueri, dicendo, quod est magis affecta ad creaturam, quam ad Deum; cæterum conuersio ita sumpta non potest simul cum auersione, & prout pars materialis, constituere peccatum originale, quia potius fundatur in ipsa auersione, quam sit materia eius.

Quod si obijcias, ista deordinatio potentiarum, quæ appellatur concupiscentia, est habitualis quædam conuersio inordinata ad bonum commutabile: ergo peccatum originale in nobis habet conuersionem vt partem materialem; *Respondetur*, negando consequentiam, quia illa conuersio inordinata potentiarum est effectus auersionis à bono incommutabili, & simpliciter posterior ea, & ideo in rigore non est dicendum, quod cum ipsa constituat integrum peccatum originale, vt pars materialis cum formali.

AD PRIMUM Respondent aliqui, concedendo antecedens, & negando consequentiam; & dicunt, rationem discriminis esse, quod recessus importat motum actuale, & ideo non potest esse sine accessu; ac vero auersio potest esse habitualis, & ideo non est necessarium, quod sit cum conuersione, sed satis est, quod præsupponat eam, vel in eodem homine, si auersio sit personalis, vel in capite, si sit originalis; & hoc mihi aliquando placuit, sed iam non placet, quia recessus, etiam in facto esse, hoc est, prout sumitur pro termino recessus actualis à termino à quo, non potest reperiri sine propinquitate, aut accessu, etiam in facto esse, ad terminum ad quem: ergone-

que auersio effectus à Deo, etiam si sumatur pro termino auersionis actualis, potest reperiri sine approximatione, aut auersione habituali eiusdem effectus ad creaturam.

ideo aliter Respondetur, distinguendo antecedens, aut enim intelligitur de auersione positiua, & sic potest concedi consequentia: aut de auersione priuatiua, quæ consistit in pura priuatione subiectionis aut conformitatis debite, cuiusmodi illa est, quæ reperitur in peccato originali; & sic potest negari consequentia: sicut in peccato habituali omissionis, quod manet transacto actuali, datur auersio isto modo sumpta sine conuersione habituali, præsertim in sententia eorum, qui dicunt, posse dari puram omissionem; & sicut in opinione eorum, qui dicunt, Angelum esse in loco tantum per operationem transeuntem, solet consequenter concedi, quod Angelus potest recedere ab vno loco, non accedendo ad alterum, quia non recedit per motum positium, sed per negationem rationis formalis existendi in loco, scilicet operationis.

AD SECUNDUM, concesso antecedenti neganda est consequentia, & ratio discriminis est, quia auersio, quoniam consistit in sola priuatione subiectionis debite, potest traduci: conuersio vero, quoniam requirit aliquid positium superadditum naturæ, non potest traduci per generationem: *Item* conuersio illa, prout respiciebat obiectum, fuit peculiari modo personalis, & ideo reatus pænæ sensus ipsi respondentis non traducitur ad nos, vt dicam in quæstione de pænâ peccati originalis.

AD TERTIUM Respondetur, concedendo antecedens, & negando consequentiam; & ad probationem dicunt aliqui, quod, qui solum habet peccatum originale, est auersus à Deo vt est finis supernaturalis, non vero vt est finis naturalis; & ideo, quamuis sit auersus à Deo, non sequitur, quod sit conuersus ad creaturam: quoniam inter hæc duo datur medium, scilicet esse conuersum ad Deum vt finem naturæ.

Sed hæc solutio mihi non placet, quoniam (vt dixi in materia de Angelis) non potest aliquis auerti, neque esse auersus à fine supernaturali, quin saltem consequenter sit auersus à fine naturali: & forsitan probabo postea, esse hoc concedendum etiam in his, qui non per actum proprium, sed per actum sui capitis, sunt auersi.

Idco aliter Respondetur ad probationem illam, aduertendo, quod (vt docet Dñ. THOMAS supra quæstione prima articulo tertio) dupliciter potest homo habere aliquem finem vltimum, primo naturaliter, & eo modo, quo hoc conuenit omnibus creaturis, etiam irrationalibus, quæ dicuntur ordinari ad finem vltimum, in quantum habent aliquam eius participationem; secundo moraliter, hoc est agendo propter finem, & tendendo ad eius consecutionem ex cognitione & amore ipsius, & ordinando media in ipsum, quod est proprium creaturæ rationalis; estque discriminem inter hos duos modos habendi

finem: nam *primus* temper conuenit actu homini, quoniam semper habet aliquam participatio- nem finis ultimi, scilicet Dei, secundus ve- ro conuenit ei actu, cum actu operatur; & ha- bitualiter, cum ratione alicuius propriæ opera- tionis manet ordinatus, & inclinatus ad ipsum. Et hoc supposito dico, quod qui est in peccato origi- nali habet priori modo aliquem finem ultimum, scilicet Deum, quoniam peccatum non tollit ab eo id, quod est ipsi naturale & intrinsecum, scilicet habere esse participatum à Deo; non ta- men secundo modo, quia neque operatur actu, neque habuit aliquam operationem, ratione cuius manserit aliquo modo inclinatus in finem; cum vero D. THOMAS articulo quarto quæstionis cita- re dixit, hominem habere aliquem finem vlti- mum, loquitur de eo respectu suarum operatio- num, quibus libere tendit in finem, ut constat ex rationibus, quibus probat suam sententiam, quæ omnes deducunt ad hoc inconuenientem negantes eam, quod concedere teneantur, non posse homi- nem actu operari.

AD VLTIMUM, transeat antecedens, & nego consequentiam; & ad omnes probationes dico, satis esse ad illorum omnium veritatem, ut tradu- catur ad nos peccatum simile peccato habituali, quod fuit in Adam, quantum ad formale ip- sius, hoc est quantum ad inordinationem vo- luntariam per respectum ad actum præceden- tem, quæ mansit in eo transacto illo actu.

CIRCA secundam conclusionem est difficilis Quæstio, & sit

DUBIUM IV.

Utrum ratio formalis peccati originalis consistat in priuatione iustitiæ originalis?

§. 1. Quid per iustitiam originalem intel- ligatur.

IN QUA RE omnes fere scholastici tenent par- tem affirmatiuam, secuti in hoc Diu. THO- MAM, & ANSELMUM libro de conceptu vir- ginali, capite 7 ubi sic ait, hoc peccatum, quod originale dico, aliud intelligere nequeo in ipsis in- fantibus, nisi factam per inobedientiam Adæ iustitiæ debite vnde statem.

Sed non omnes conueniunt in modo explican- di hanc difficultatem; ut tamen, in quo disse- rant, melius intelligatur, explicandum est quid per nomen iustitiæ originalis soleat intelligi. Pro quo ADVERTENDUM est, quod iustitia origi- nalis nihil aliud erat, quam donum, quod homi- nem in illo statu faciebat rectum in ordine ad finem; quoniam enim homo non haberet perfe- ctam & omnimodam rectitudinem, nisi esset perfectus non solum in ordine ad finem natura- lem, sed etiam in ordine ad finem supernatu- ralem: ideo nomine iustitiæ intelligi solet do-

num, quod hominem perfectum reddebat in or- dine ad utrumque finem, quod quidam dicunt unum fuisse tantum, scilicet gratiam & charita- tem, prout ex eis dimanabant in illo statu virtutes adeo perfecte, ut possint continere in officio om- nes potentias, quarum concursu posset impedi- ri, aut conseruari illa rectitudo; Alij vero diui- dunt ipsum in duo dona, scilicet in gratiam perficientem hominem in ordine ad finem su- pernaturalem; & in aliud donum perficiens ipsum in ordine ad finem naturalem quod qui- dam dicunt constare pluribus, quidam paucio- ribus habitibus, iuxta indigentiam potentia- rum.

SECUNDO aduertendum est, quod dona ista in hac quæstione dupliciter sumi solent, primo pro ipsis donis secundum se, secundo pro effectibus quos in homine efficiebant qui ad quatuor reduci solent quorum *primus* consistit in rectitu- dine supernaturali, quæ erat effectus gratiæ; *reliqui tres* consistebant in tribus rectitudinibus seu æqualitatibus, quibus homo perficiebatur in ordine ad finem naturalem, earumque *prima* erat in parte hominis rationali, quæ consiste- bat ex parte intellectus in plena scientia agibi- lium, & cognitione Dei ut est finis naturæ; & ex parte voluntatis in facili inclinatione ad obediendum & conformandum se diuinæ voluntati, ser- uata propria libertate; *secunda* rectitudo erat in parte sensitua quæ consistebat in conformitate apprehensionis sensitiuæ cum iudicio rationis, & plena subiectione appetitus sensitiui respectu vo- luntatis; *tertia* denique rectitudo erat corporis, per plenum & expeditum obsequium respectu animæ, ita ut nunquam anima per egritudinem aut lassitudinem corporis à suis operationibus impedi- retur.

§. 2. Adferuntur variae doctorum sen- tentiæ.

HIS suppositis est PRIMA OPINIO, quæ dicit peccatum originale formaliter consistere in priuatione voluntaria ipsius doni iustitiæ ori- ginalis debite haberi, non quidem in ordine ad finem supernaturalem, sed prout perficiebat hominem in ordine ad finem naturalem: ita te- net SCOTVS in 2. dist. 3. quæstione vnica §. quan- tum ad secundum, quem sequitur IACOBVS PA- RIVA libro secundo orthodoxarum explicationum estque hoc huius opinionis fundamentum: om- nis voluntaria priuatio alicuius perfectionis aut integritatis debite haberi, est culpa & peccatum; ut si quis se priuet vsu rationis, aut abscindat sibi digitum: sed priuatio originalis iustitiæ est huiusmodi; ergo est culpa; est autem deriuata per naturalem propagationem ab origine huma- ni generis, ergo est culpa originalis; in quo argu- mento duo sunt probanda, *primum* est, quod priuatio iustitiæ originalis sit voluntaria in puero, qui modo nascitur: quod probatur ex SCOTO in 2. §. ad argumenta opinionum, in solutione primi quia fuit voluntaria Adæ; à quo peccatum istud contrahitur.

Alterum, est quod in omnibus descendenti-

bus ab

bus ab Adam sit debitum habendi istam iustitiam, & hoc probat ipse Scōrvs in priori loco; quia Deus, quantum est ex se, voluntate antecedenti dedit omnibus hominibus iustitiam originalem, cum dedit eam Adæ, detinendam ad ipsos: ergo ex vi illius voluntatis omnes homines constituti sunt debitores habendi illam iustitiam.

Sed adhuc manet inefficax ista ratio, quia ex voluntate antecedenti, qua Deus vellet alicui conferre aliquam perfectionem, non constituitur debitor habendi eam, ita ut, si non accipiat, aut si acceptam amittat, peccet; non enim peccat, qui se conformat voluntati Dei antecedenti, nisi addatur præceptum ad id obligans; quare ulterius est hic probandum, quod diuino præcepto constituti sunt omnes homines in Adam debitores habendi iustitiam originalem: hoc autem probat PAIVA vbi supra, quia naturali lege obligamur ad conservandam nostræ naturæ integritatem & perfectionem; & ob id, qui sibi aliquod corporis membrum voluntarie abscindit, aut se in aliquam egritudinem scienter præcipitat, censetur violator illius præcepti naturalis: sed iustitia originalis, quamvis esset à Deo supernaturaliter data, pertinebat ad naturæ humanæ perfectionem, & integritatem, quoniam perficiebat ipsam in ordine ad finem sibi naturalem; ergo lex obligabat Adamum, & in eo nos omnes, ad eius conservationem.

Confirmatur, quia si quis voluntarie sibi inferret ea damna (quæ propter amissionem iustitiæ originalis ita sumptæ passæ est humana natura) intra ordinem naturæ, proculdubio censeretur legis naturæ violator; ergo eiusdem legis transgressor erit censendus, qui se voluntarie priuat iustitia originali, ex cuius absentia illa omnia damna profluxerunt.

SECUNDA opinio affirmat, peccatum originale esse privationem voluntariam iustitiæ originalis debite haberi, cum indignitate habendi eam, seu cum dignitate carendi ea, ita tenet DVRANDVS in secundo dist. 30. quæst. 3. *Et si obijcias, peccatum originale non posse intrinsece includere illa duo, scilicet carentiam iustitiæ, & dignitatem carendi ea; ad hoc videtur respondere DVRANDVS numero 10. in fine, peccatum originale formaliter consistere in sola dignitate carendi iustitia, quam alij (ut ipse dicit) reatum appellant; & merito, quia esse reum, est esse dignum pænæ, & reatus est dignitas pænæ, fundamentum huius sententiæ est, quod peccatum originale, cum sit malum, necessario importet carentiam alicuius perfectionis, & ob id dicitur carentia iustitiæ originalis; & quia est malum culpæ, dicitur talis carentia voluntaria; & ulterius, quia talis carentia non aliter fuit voluntaria, nisi quia Adam actu suæ voluntatis indignum se reddidit, & suam posteritatem, habendi illam perfectionem: ideo dicendum est, quod peccatum originale formaliter consistit in indignitate habendi iustitiam originalem.*

Et potest confirmari ex modo loquendi AUGUSTINI libro secundo de peccatorum meritis & remissione, c. 4. dicentis, concupiscentiam

in baptizatis a reatu solui, id est à culpa originali.

TERTIA opinio dicit, peccatum originale esse formaliter voluntariam privationem iustitiæ originalis, si iustitia sumatur pro dono sanante naturam in ordine ad finem naturalem, non tamen secundum se ipsam, sed quantum ad primum effectum ipsius, qui erat rectitudo habitualis voluntatis in ordine ad finem naturæ; ita tenet CAIETANVS & CONRADVS hic, & SORVS libro primo de natura & gratia capite 3. qui tamen sere nullum pro hac opinione adducunt argumentum, sed videntur supponere eam, tanquam certam; ex aliarum impugnatione; sed tamen CORDVBANVS, qui etiam eam sequitur, in libro sui quæstionarij quæst. 10. probat eam primo, quia peccatum originale est peccatum ab Adam in prolem per generationem transmissum, ut patet ex Concilio TRIDENTINO sessione quinta canone 3. ergo id; quod in Adam fuit formalis ratio peccati, & ad nos derivatum relinquitur in nobis per modum habitus, est formalis ratio peccati originalis in nobis; sed formalis ratio peccati illius fuit voluntaria deflexio ab ordine & lege Dei, seu rectitudine cum Deo, quam iustitia originalis efficiebat; ergo hæc eadem deordinatio per modum habitus in nobis cum natura ipsa participata, est propria ratio peccati originalis.

Secundo probatur ex opposito peccati originalis, quod est iustitia originalis, hoc est rectitudo potentiarum appetitivarum, quam efficiebat originalis iustitia; nam *formale* in illa rectitudine erat. subiectio voluntatis in ordine ad Deum, *materiale* autem erat ordinatio appetitus sensitivi; quæ ab illa subiectione pendebat: ergo *formale* in peccato originali erit auersio voluntatis à Deo, & *materiale* erit inordinatio appetitus sensitivi: sed illa inordinatio est privatio iustitiæ originalis quoad primum rectitudinem supra explicatam; ergo illa privatio est peccatum originale formaliter; & hæc est ratio D. THOMÆ, pro secunda conclusionem.

Confirmatur, quoniam peccatum originale est formaliter defectus aliquis culpabilis in nobis participatus, ex peccato Adæ: sed ex illo peccato dumtaxat participamus duos effectus, quibus ratio culpæ possit convenire, scilicet duas deordinationes habituales, alteram voluntatis, & alteram appetitus sensitivi; & ex his prima comparatur ad secundam ut causa ad effectum, & ex consequenti ut materiale ad formale; ergo prima deordinatio, quæ est privatio primarij effectus iustitiæ originalis, est peccatum originale formaliter.

Tertio peccatum originale est formaliter voluntaria auersio habitualis à Deo, ut patet: sed hæc auersio est idem quod illa privatio rectitudinis habitualis provenientis à iustitia originali, quia opposita utriusque sunt idem, scilicet subiectio habitualis, & rectitudo habitualis; ergo peccatum originale formaliter est privatio primæ rectitudinis, quam effi-

ciebat iustitia originalis in ordine ad finem naturalem.

QUARTA OPINIO aliorum est, qui dicunt, peccatum originale consistere formaliter in priuatione iustitiæ originalis sumptæ pro dono perficiente naturam in ordine ad finem supernaturalem, hoc est pro gratia, non quidem absolute & secundum se, sed quatenus conuertitur habitualiter hominem in Deum finem supernaturalem, siue hoc præstet in esse qualitatis, ut quidam dicunt; siue in esse gratiæ, ut alij volunt.

*Probat*ur hæc sententia primo, quia peccatum originale essentialiter est illa priuatio, quæ in baptismo primo & per se aufertur: sed nulla alia priuatio per se primo aufertur in baptismo, nisi priuatio gratiæ; quoniam primarius effectus ipsius est gratia regeneratiua: ergo in ea consistit formaliter peccatum originale; probatur maior, quia in Concilio MILEVITANO capite secundo dicitur, peccatum originale esse id, quod debet in baptismo mundari; & in TRIDENTINO sessione quinta decreto de peccato originali §. 4. dicitur, *parvulos ideo in remissionem peccatorum veraciter baptisari, ut in eis regeneratione mundentur, quod generatione contraxerunt*; & sessione quinta diffinitur, per baptismum tolli totum id, quod veram & propriam rationem peccati habet.

Secundo, peccatum originale est mors animæ, ut diffinitur in TRIDENTINO loco citato §. secundo, & in AFRICANO capite secundo: sed mors animæ est formaliter priuatio gratiæ quoad illum effectum, quia vita animæ consistit formaliter in conuersione habituali ipsius in Deum facta per gratiam; ergo peccatum originale est formaliter priuatio iustitiæ originalis.

Tertio, peccatum originale est formaliter priuatio rectitudinis inhærentis homini, aut saltem debiti inhærenti: sed non est priuatio rectitudinis naturalis, saltem per se primo & directe, ut omnes communiter fatentur, & nos postea dicemus: ergo est priuatio rectitudinis supernaturalis; sed non actualis, quia nulla rectitudo actualis est debita pueris in esse, dum concipiuntur; ergo est priuatio rectitudinis supernaturalis habitualis: at rectitudo supernaturalis habitualis non est, nec potest esse, nisi per gratiam; ergo priuatio gratiæ, quatenus est causa rectitudinis supernaturalis habitualis, est formaliter peccatum originale.

Ultimo, priuatio gratiæ & charitatis in pueris habet rationem defectus & vitij morales formaliter: ergo & peccati, & ex consequenti ipsa est peccatum originale; *prima consequentia* patet, quia illa est definitio peccati in moralibus; & *secunda* probatur, quoniam alias essent in paradisi duo peccata participata, scilicet illud, de quo loquimur; & illud aliud, quod esset formaliter peccatum originale; *antecedens* vero probatur, quia imprimis priuatio gratiæ in filiis Adæ non est pura negatio, sicut in homine condito in puris naturalibus; sed priuatio formæ debiti in esse ipsius, quoniam gratia fuit debita Adæ pro

se & pro suis posteris, & ita amisit eam sibi & posteris, ut colligitur ex TRIDENTINO loco citato §. 1. ubi dicitur, *Adam acceptam à Deo sanctitatem & iustitiam sibi perdidisse & nobis*; & præterea est priuatio voluntaria voluntate capitis, quia ex pacto Dei data fuit nobis gratia in ADAM dependenter ab eius voluntate, & ita ipso in ea perseverante, esset ad nos transfundenda; & ipso peccante nasceremur sine ea; & tandem, repugnat naturæ rationali ut rationalis est, *tum quia* repugnat vitæ rationis saltem consequenter, & indirecte, *tum etiam quia* repugnat ipsi naturæ, quatenus est capax beatitudinis supernaturalis, & amicitie erga Deum: ergo est vitium morale, patet ista consequentia, quia nihil aliud requiritur ad vitium morale.

*Confirmat*ur, quia ratione huius priuationis gratiæ, est puer dignus pœna: ergo hæc priuatio est defectus moralis; patet *consequentia*, quia de ratione defectus moralis est, esse dignum aliqua pœna, ut Diu. THOMAS docet supra questione 21. articulo quarto, & ratione probatur, quia meritum & demeritum, id est dignitas pœnæ, & præmij, consequuntur bonitatem & malitiam moralem; *antecedens* vero probatur, *tum quia*, si ADAM non peccasset, eius posteri nascerentur digni vitæ æternæ, non ex merito proprio, aut suorum parentum, sed ratione gratiæ & charitatis, quam in sua natiuitate acceperunt, quoniam ea fierent filij Dei, & consequenter hæredes regni cælorum; ergo similiter propter priuationem huius gratiæ & filiationis nascuntur digni priuatione regni cælorum, tanquam pœna; *tum etiam quia* statim, atque homo habet istam priuationem, est dignus priuatione regni cælorum, tanquam pœna; & non ratione alterius defectus prioris, quoniam nihil præsupponitur ei, præter naturam; ergo ratione huius priuationis formaliter habet homo, quod sit dignus pœna, scilicet priuatione beatitudinis.

§. 3. *Peccatum originale non est priuatio iustitiæ originalis, nec priuatio gratiæ, licet eam includat.*

PRO SOLVTIONE huius difficultatis, **SUPPONENDUM** est, quod, cum celebris fuerit inter Catholicos controuersia de ratione formali peccati originalis: tamen ex Concilijs, quæ errores de peccato isto exortos damnarunt, nullum est quod diffinitione sua controuersiam dirimat istam; & ita Concilium TRIDENTINUM, & alia tria antiquiora, scilicet MILEVITANUM AFRICANUM. Et AFRICANUM, quamuis diffiniant, peccatum originis vere esse peccatum vnicuique proprium, tamen eius rationem formalem non explicant; Quare videntur liberum reliquisse vnicuique in hac re opinari, præsertim cum neque doctores sacri, neque scholastici in ea omnino conueniant.

Hoc supposito sit PRIMA CONCLUSIO, peccatum originale formaliter non est privatio ipsius doni iustitiæ originalis sanantis naturam in ordine ad finem naturalem. Hæc conclusio statuitur contra primam opinionem, & conveniunt in ea expresse nobiscum Sorvs & CORDVA, locis citatis, & alij recentiores; probatur, Adamus non habuit præceptum servandi iustitiæ originale pro se & pro sua posteritate; ergo voluntaria amissio iustitiæ originalis non fuit in ipso neque in nobis formaliter peccatum; consequentia est nota, quia ubi non est lex non est peccaticio; & ex consequenti neque peccatum.

Dices, Adamum lege divina obligatum fuisse ad servandam iustitiæ originale pro se, & pro sua posteritate: non quidem positiva, sed naturali, ea scilicet, quæ unusquisque obligatur ad conservandum ea, quæ ad naturæ integritatem pertinent; cum enim Adam cognoverit se constitutum esse caput totius posteritatis, & ab ipso pendere conservationem illius doni necessarij ad naturæ integritatem, ex consequenti obligabatur ex vi illius legis ad iustitiæ conservationem.

Sed contra, ergo Adam in illa unica actione edendi de ligno vetito, commisit duo peccata, alterum quo præceptum positivum, prohibens esum ligni, transgressus est; & alterum quo contra legem naturalem se & suam posteritatem priavit dono iustitiæ originalis.

Fortè concedes hoc cum IACARO PAIVA ubi supra.

Sed contra, ergo etiam transfertur ad nos duplex peccatum originale, quod tamen est contra communem modum loquendi Ecclesiæ, & sanctorum: quia semper loquuntur de isto peccato, tanquam de uno peccato; sequela vero probatur, quia privatio iustitiæ originalis non potuit esse voluntaria, nisi quatenus fuit voluntaria transgressio præcepti prohibentis esum ligni; ergo si malitia, quæ consistit in amissione iustitiæ, fuit voluntaria ei ut capiti totius naturæ, etiam fuit ei ut capiti voluntaria malitia, quæ consistit in transgressione illius præcepti, & ex consequenti utraque traducitur ad eum, qui nascitur, ut filius & membrum Adæ, quia omnis & sola malitia, quæ fuit voluntaria ipsi ut capiti, traducitur ad sua membra.

Quod si propter hoc dixeris, Adamum non fuisse obligatum servare iustitiæ originale aliquo peculiari præcepto, sed omnibus præceptis, hoc est, sola obligatione non peccandi mortaliter contra aliquod præceptum, sicut nos modo obligamur ad servandum gratiam: & ideo illum non commississe duo peccata, sed unum duntaxat contra illam legem, propter cuius violationem amisit iustitiæ, sicut modo non committimus peculiare aliquod peccatum propter omissionem gratiæ, quia non obligamur peculiari aliquo præcepto ad eius conservationem;

Contra, ergo peccatum originale non est formaliter privatio iustitiæ, sed transgressio illius legis, ad quam consequitur privatio iustitiæ, tan-

quam pena & effectus,

Confirmatur, quia in statu gratiæ non est peculiare præceptum conservandi gratiam; quia homo perficitur in ordine ad finem supernaturalem: ergo neque in illo statu fuit speciale præceptum conservandi iustitiæ, quia homo sanabatur in ordine ad finem naturalem; quia sicut obligatio vitandi peccata mortalia est sufficiens custos gratiæ per modum præcepti: ita etiam per eandem obligationem esset sufficiens, prout sum per modum præcepti, conservationi iustitiæ originalis.

SECUNDA CONCLUSIO, peccatum originale non est formaliter indignitas habendi iustitiæ originale, quam quidam vocant reatum; hæc est contra secundam opinionem: Et probatur facile, quia reatus & indignitas habendi iustitiæ est effectus peccati originalis: ergo non est formaliter peccatum originale; probatur antecedens, quia hæc causalis est vera, quoniam iste est peccator, ideo est indignus habendi iustitiæ originale; & est dignus pena; & ita D. THOMAS infra q. 87. docet de reatu in communi, qui est effectus peccati.

TERTIA CONCLUSIO, peccatum originale formaliter non est privatio iustitiæ originalis, sumpta pro prima rectitudine, quam efficiebat in voluntate, quatenus erat donum sanans naturam humanam in ordine ad finem naturalem. Hæc est contra tertiam opinionem, & probatur, quia iustitiæ originalis solum efficiebat hanc rectitudinem, inclinando humanam voluntatem, ut se conformaret divinæ in omni materia moris per modum habitus, relinquendo illam liberam, ut posset averti à divina voluntate; ergo nullo modo potest peccatum originale consistere in privatione huius rectitudinis; probatur consequentia, quia etiam nunc aliqua virtus determinata inclinat voluntatem humanam, ut se conformet divinæ in aliqua determinata materia moris; & tamen peccatum in illa materia commissum non est formaliter privatio illius virtutis, neque illius rectitudinis habitualis, quæ causat in voluntate in illa materia determinata.

Secundo, iustitiæ originalis indifferenter inclinabat voluntatem humanam ad obediendum divinæ in omni materia moris; ergo peccatum originale non consistit formaliter in privatione huius rectæ inclinationis; patet consequentia, quia peccatum originale est determinatæ speciei: ergo importat formaliter defectum rectitudinis in certa aliqua specie moris.

Tertio, peccatum actuale Adæ non fuit formaliter privatio istius rectitudinis, neque includebat eam eo modo, quo, qui defendunt, rationem formalem peccati actualis esse positivam, solent dicere, includere, aut connotare privationem conformitatis ad regulam: ergo peccatum, quod in ipso mansit, quod transacto illo actu ad nos, traducitur, ut ad membra sua, non potest consistere in privatione illius rectitudinis, antecedens patet, quia peccatum actuale solum importat privationem rectitudinis, quæ consistit in conformitate cum lege, cui tale peccatum opponitur; consequentia vero probatur, quia

ciebat iustitia originalis in ordine ad finem naturalem.

QVARTA OPINIO aliorum est, qui dicunt, peccatum originale consistere formaliter in priuatione iustitiæ originalis sumptæ pro dono perficiente naturam in ordine ad finem supernaturalem, hoc est pro gratia, non quidem absolute & secundum se, sed quatenus convertit habitualiter hominem in Deum finem supernaturalem, siue hoc præstet in esse qualitatis, ut quidam dicunt; siue in esse gratiæ, ut alij volunt.

*Probat*ur hæc sententia primo, quia peccatum originale essentialiter est illa priuatio, quæ in baptismo primo & per se aufertur: sed nulla alia priuatio per se primo aufertur in baptismo, nisi priuatio gratiæ; quoniam primarius effectus ipsius est gratia regeneratiua: ergo in ea consistit formaliter peccatum originale; probatur maior, quia in Concilio MILEVITANO capite secundo dicitur, peccatum originale esse id, quod debet in baptismo mundari; & in TRIDENTINO sessione quinta decreto de peccato originali §. 4. dicitur, *parvulos ideo in remissionem peccatorum veraciter baptisari, ut in eis regeneratione mundaentur, quod generatione contraxerunt*; & sessione quinta diffinitur, per baptismum tolli totum id, quod veram & propriam rationem peccati habet.

Secundo, peccatum originale est mors animæ, ut diffinitur in TRIDENTINO loco citato §. secundo, & in AFRICANO capite secundo: sed mors animæ est formaliter priuatio gratiæ quoad illum effectum, quia vita animæ consistit formaliter in conversione habituali ipsius in Deum facta per gratiam; ergo peccatum originale est formaliter priuatio iustitiæ originalis.

Tertio, peccatum originale est formaliter priuatio rectitudinis inæherentis homini, aut saltem debiti inæherere: sed non est priuatio rectitudinis naturalis, saltem per se primo & directe, ut omnes communiter fatentur, & nos postea dicemus: ergo est priuatio rectitudinis supernaturalis; sed non actualis, quia nulla rectitudo actualis est debita pueris in esse, dum concipiuntur; ergo est priuatio rectitudinis supernaturalis habitualis: at rectitudo supernaturalis habitualis non est, nec potest esse, nisi per gratiam; ergo priuatio gratiæ, quatenus est causa rectitudinis supernaturalis habitualis, est formaliter peccatum originale.

Ultimo, priuatio gratiæ & charitatis in pueris habet rationem defectus & vitij morales formaliter: ergo & peccati, & ex consequenti ipsa est peccatum originale; prima consequentia patet, quia illa est definitio peccati in moralibus; & secunda probatur, quoniam alias essent in parvulis duo peccata participata, scilicet illud, de quo loquimur; & illud aliud, quod esset formaliter peccatum originale; antecedens vero probatur, quia imprimis priuatio gratiæ in filiis Adæ non est pura negatio, sicut in homine condito in puris naturalibus; sed priuatio formæ debiti in eis ipsis, quoniam gratia fuit debita Adæ pro

se & pro suis posteris, & ita amisit eam sibi & posteris, ut colligitur ex TRIDENTINO loco citato §. 1. ubi dicitur, *Adam acceptam à Deo sanctitatem & iustitiam sibi perdidisse & nobis*: & præterea est priuatio voluntaria voluntate capitis, quia ex pacto Dei data fuit nobis gratia in ADAM dependenter ab eius voluntate, & ita ipso in ea perseverante, esset ad nos transfundenda; & ipso peccante nascere-mur sine ea; & tandem, repugnat naturæ rationali ut rationalis est, tum quia repugnauit rationis saltem consequenter, & indirecte, tum etiam quia repugnat ipsi naturæ, quatenus est capax beatitudinis supernaturalis, & amicitie erga Deum: ergo est vitium morale; patet ista consequentia, quia nihil aliud requiritur ad vitium morale.

Confirmant, quia ratione huius priuationis gratiæ, est puer dignus pœna: ergo hæc priuatio est defectus moralis; patet consequentia, quia de ratione defectus moralis est, esse dignum aliqua pœna, ut Diu. THOMAS docet supra questione 11. articulo quarto, & ratione probatur, quia meritum & demeritum, id est dignitas pœnæ, & præmij, consequuntur bonitatem & malitiam moralem; antecedens vero probatur, tum quia, si ADAM non peccasset, eius posteri nascerentur digni vitæ æternæ, non ex merito proprio, aut suorum parentum, sed ratione gratiæ & charitatis, quam in sua natiuitate acceperunt, quoniam ea fierent filij Dei, & consequenter hæredes regni cælorum; ergo similiter propter priuationem huius gratiæ & filiationis nascuntur digni priuatione regni cælorum, tanquam pœna; tum etiam quia statim, atque homo habet istam priuationem, est dignus priuatione regni cælorum, tanquam pœna; & non ratione alterius defectus prioris, quoniam nihil præsupponitur ei, præter naturam; ergo ratione huius priuationis formaliter habet homo, quod sit dignus pœna, scilicet priuatione beatitudinis.

§. 3. Peccatum originale non est priuatio iustitiæ originalis, nec priuatio gratiæ, licet eam includat.

PRO SOLVTIONE huius difficultatis, SUPPONENDUM est, quod, cum celebris fuerit inter Catholicos controuersia de ratione formali peccati originalis: tamen ex Concilijs, quæ errores de peccato isto exortos damnarunt, nullum est quod diffinitione sua controuersiam dirimat istam; & ita Concilium TRIDENTINUM, & alia tria antiquiora, scilicet MILEVITANUM AFRICANUM. Et AFRICANUM, quamuis diffiniant, peccatum originis vere esse peccatum unicuique proprium, tamen eius rationem formalem non explicant; Quare videntur liberum reliquisse unicuique in hac re opinari, præsertim cum neque doctores sacri, neque scholastici in ea omnino conueniant.

Hoc supposito sit PRIMA CONCLUSIO, peccatum originale formaliter non est privatio ipsius doni iustitiæ originalis sanantis naturam in ordine ad finem naturalem. Hæc conclusio statuitur contra primam opinionem, & conueniunt in ea expresse nobiscum SORTES & CORDUBA, locis citatis, & alij recentiores; probatur, Adamus non habuit præceptum seruandi iustitiæ originalem pro se & pro sua posteritate; ergo voluntaria amissio iustitiæ originalis non fuit in ipso neque in nobis formaliter peccatum; consequentia est nota, quia ubi non est lex non est peccatio; & ex consequenti neque peccatum.

Dices, Adamum lege diuina obligatum fuisse ad seruandam iustitiæ originalem pro se, & pro sua posteritate: non quidem positua, sed naturali, ea scilicet, quæ unusquisque obligatur ad conseruandum ea, quæ ad naturæ integritatem pertinent; cum enim Adam cognouerit se constitutum esse caput totius posteritatis, & ab ipso pendere conseruationem illius doni necessarij ad naturæ integritatem, ex consequenti obligabatur ex vi illius legis ad iustitiæ conseruationem.

Sed contra, ergo Adam in illa vnica actione edendi de ligno verito, commisit duo peccata, alterum quo præceptum posituum, prohibens esum ligni, transgressus est; & alterum quo contra legem naturalem se & suam posteritatem priuauit dono iustitiæ originalis.

Fortè concedes hoc cum IACABO PAIVA ubi supra.

Sed contra, ergo etiam transfertur ad nos duplex peccatum originale, quod tamen est contra communem modum loquendi Ecclesiæ, & sanctorum: quia semper loquuntur de isto peccato, tanquam de vno peccato; sequela vero probatur, quia priuatio iustitiæ originalis non potuit esse voluntaria, nisi quatenus fuit voluntaria transgressio præcepti prohibentis esum ligni; ergo si malitia, quæ consistit in amissione iustitiæ, fuit voluntaria ei vt capiti totius naturæ, etiam fuit ei vt capiti voluntaria malitia, quæ consistit in transgressione illius præcepti, & ex consequenti vtrique traducitur ad eum, qui nascitur vt filius & membrum Adæ, quia omnis & sola malitia, quæ fuit voluntaria ipsi vt capiti, traducitur ad sua membra.

Quod si propter hoc dixeris, Adamum non fuisse obligatum seruare iustitiæ originalem aliquo peculiari præcepto, sed omnibus præceptis, hoc est, sola obligatione non peccandi mortaliter contra aliquod præceptum, sicut nos modo obligamur ad seruandum gratiam: & ideo illum non commisisse duo peccata, sed vnum duntaxat contra illam legem, propter cuius violationem amisit iustitiæ, sicut modo non committimus peculiare aliquod peccatum propter omissionem gratiæ, quia non obligamur peculiari aliquo præcepto ad eius conseruationem;

Contra, ergo peccatum originale non est formaliter priuatio iustitiæ, sed transgressio illius legis, ad quam consequitur priuatio iustitiæ, tan-

quam pena & effectus,

Confirmatur, quia in statu gratiæ non est peculiare præceptum conseruandi gratiam; quia homo perficitur in ordine ad finem supernaturalem: ergo neque in illo statu fuit speciale præceptum conseruandi iustitiæ, quia homo sanabatur in ordine ad finem naturalem; quia sicut obligatio vitandi peccata mortalia est sufficiens custos gratiæ per modum præcepti: ita etiam per eandem obligationem esset sufficiens, prouisum per modum præcepti, conseruationi iustitiæ originalis.

SECUNDA CONCLUSIO; peccatum originale non est formaliter indignitas habendi iustitiæ originale, quam quidam vocant reatum; hæc est contra secundam opinionem: Et probatur facile, quia reatus & indignitas habendi iustitiæ est effectus peccati originalis: ergo non est formaliter peccatum originale; probatur antecedens, quia hæc causalis est vera, quoniam iste est peccator, ideo est indignus habendi iustitiæ originale; Est dignus pena; & ita D. THOMAS infra q. 87. docet de reatu in communi, qui est effectus peccati.

TERTIA CONCLUSIO; peccatum originale formaliter non est priuatio iustitiæ originalis, sumpta pro prima rectitudine, quam efficiebat in voluntate, quatenus erat donum sanans naturam humanam in ordine ad finem naturalem. Hæc est contra tertiam opinionem, & probatur, quia iustitiæ originalis solum efficiebat hanc rectitudinem, inclinando humanam voluntatem, vt se conformaret diuinæ in omni materia moris per modum habitus, relinquendo illam liberam, vt posset auerti à diuina voluntate; ergo nullo modo potest peccatum originale consistere in priuatione huius rectitudinis; probatur consequentia, quia etiam nunc aliqua virtus determinata inclinat voluntatem humanam, vt se conformet diuinæ in aliqua determinata materia moris: & tamen peccatum in illa materia commissum non est formaliter priuatio illius virtutis, neque illius rectitudinis habitualis, quæ causat in voluntate in illa materia determinata.

Secundo, iustitiæ originalis indifferenter inclinabat voluntatem humanam ad obediendum diuinæ in omni materia moris; ergo peccatum originale non consistit formaliter in priuatione huius rectæ inclinationis; patet consequentia, quia peccatum originale est determinatæ speciei: ergo importat formaliter defectum rectitudinis in certa aliqua specie moris.

Tertio, peccatum actuale Adæ non fuit formaliter priuatio istius rectitudinis, neque includebat eam eo modo, quo, qui defendunt, rationem formalem peccati actualis esse positiuam, solent dicere, includere, aut connotare priuationem conformitatis ad regulam: ergo peccatum, quod in ipso mansit, quod transacto illo actu ad nos, traducitur, vt ad membra sua, non potest consistere in priuatione illius rectitudinis, antecedens patet, quia peccatum actuale solum importat priuationem rectitudinis, quæ consistit in conformitate cum lege, cui tale peccatum opponitur; consequentia vero probatur, quia

peccatum, quod manet transacto actu, eiusdem rationis & speciei, est in genere moris cum ipso peccato actuali; ergo importat priuationem rectitudinis eiusdem; ubi enim est priuatio diuersæ rectitudinis, etiam est diuersa species mali moralis.

Ultimo, si Adam amissa iustitia originali committeret aliquod peccatum contra illam legem, propter cuius transgressionem amiserat eam, proculdubio illud peccatum esset eiusdem speciei cum primo, quamuis esset minus graue, propter defectum circumstantiarum, quæ primum peccatum reddebant grauius; ut, quod erat peccatum capitis, & commissum ab homine habente naturam integram: sed illud secundum, peccatum non consisteret formaliter in priuatione illius primæ rectitudinis, sicut neque aliud ab alio homine commissum contra eandem legem; ergo neque primum.

QUARTA CONCLUSIO, peccatum originale includit de facto priuationem gratiæ in subiecto: non tamen consistit formaliter in huiusmodi priuatione, sed in aliquo præcedenti eam, **PRIMA PARS** probatur ex secundo argumento quartæ opinionis; & **SECUNDA** probatur, quia, si Deus nec Adamo, nec posteris in ipso, dedisset gratiam, & tamen obligasset eum & posteros in ipso, eo modo, quo nunc de facto obligauit: si Adamus peccaret, maneret transacto illo actu in peccato habitualiter, quemadmodum nunc manet, & posteri contraherent peccatum originale, sicut nunc contrahimus; & tamen illud peccatum non esset priuatio gratiæ, non enim potest esse priuatio gratiæ in natura non ordinata in finem supernaturalem, sed solum negatio: ergo aliquid aliud constitueret tunc Adamum, & suos posteros peccatores: & ex consequenti illud idem potest nunc Adamum & eius posteros constituere peccatores habitualiter.

Secundo in priuatione gratiæ, quæ ex peccato præcedenti relinquitur in subiecto, duo tantum reperiuntur, primo ipsa priuatio gratiæ per se sumpta, & secundo respectus, quem habet ad peccatum, à quo causatur & relinquitur in subiecto; sed neutrum horum habet rationem culpæ; ergo nec ipsa priuatio gratiæ, quatenus ex peccato relinquitur; *consequentia* patet, & *minor quoad priorem partem* probatur, quia si Deus tolleret ab aliquo gratiam sine ulla peccato præcedenti in eo, nemo diceret priuationem gratiæ habere in ipso rationem culpæ; & similiter *quoad posteriorem partem* probatur, quia respectus priuationis gratiæ ad peccatum præcedens, nihil aliud est, quam habitudo effectus moralis ad suam causam moralem, & demeritoriam; sed huiusmodi respectus non est culpa, quia potius opponitur relative culpæ, aut est ratio, & id quo priuatio gratiæ opponitur culpæ, sicut effectus ab ea demeritorie proueniens; & præterea, quia proprie est relatio pænæ, ergo nihil est in priuatione gratiæ, quod culpæ & peccati rationem habeat.

Confirmatur, quia priuatio gratiæ quantum ad utrumque est effectus Dei, ergo non

A est peccatum, probatur antecedens, quia *in primis de ipsa priuatione gratiæ*, certum est, esse effectum Dei in genere causæ efficientis, quia sicut agens, quod expellit formam à subiecto, est causa priuationis talis formæ, in illo subiecto: ita etiam Deus, qui tollit gratiam ab homine peccante, erit causa priuationis gratiæ in homine;

Quod vero idem sit dicendum de respectu probatur, quia priuatio gratiæ solum importat respectum ad peccatum, ut ad causam demeritoriam; sed Deus non quomodocunque causat priuationem gratiæ, sed ut pænā respondentem demerito peccati; ergo causat eam, quatenus importat respectum ad peccatum, ut ad causam demeritoriam, sicut cum confertur præmium, verbi gratia beatitudinis, est causa eius, quantum ad respectum, quem importat ad actus humanos præcedentes, tanquam ad causas meritorias, quia confert beatitudinem ut præmium respondens illis actibus.

B *Ultimo*, priuatio gratiæ solum procedit à peccato actuali, ut à causa dispositiua, vel demeritoria: ergo non habet proprie rationem peccati habitualis; probatur *consequentia*, quia si sufficeret ad rationem peccati habitualis; procedere illo modo à voluntate, sequeretur, quod quæcumque pænā esset peccatum habituale; quia procedit ex culpa aut peccato tanquam ex causa dispositiua & demeritoria.

Confirmatur, quia sicut solum dicitur peccare illa voluntas, quæ est principium effectiuium peccati actualis: ita etiam illa sola dicitur esse in aliquo peccato, quæ est eius principium effectiuium; sed priuationis gratiæ sola voluntas diuina est causa effectiua, & voluntas creata est causa dispositiua, aut demeritoria: ergo ratione priuationis gratiæ non dicitur proprie voluntas creata esse in peccato, & ex consequenti ipsa non potest habere rationem peccati habitualis, aut originalis.

QUOD SI PROPTER hæc argumenta dicas, formale peccati originalis non consistere in priuatione gratiæ secundum se, sed quantum ad eius effectum primum, quicquid conuertere habitualiter hominem in finem naturalem; Et idem argumentis poterit hoc etiam impugnari, quia, cum effectus primarius formæ non sit aliud, quam ipsam formam esse unitam subiecto: eodem modo erit aliquid causa priuationis formæ in subiecto, & sui effectus.

§. 4. Peccatum originale consistere in priuatione conformitatis ad legem, ut talis priuatio est terminus resultans ex actuali transgressionem Adam capitis nostri.

VLTIMA CONCLUSIO, peccatum originale, quod nos à primo parente participamus, est formaliter priuatio conformitatis ad legem, quam transgressus est Adam, ut caput nostrum: non quidem ut actualis transgressio, sed ut terminus resul-

resultans

resultans ex actuali transgressione, qua præcessit in Adam, eo modo quo in ipso remansit transactio actuali peccato, probatur primo à sufficienti partium enumeratione, quia ex impugnatione aliarum sententiarum constat, nihil aliud relinqui, quod sit formaliter huiusmodi peccatum.

Item actualis transgressio primi parentis fuit etiam nostra, ut patet ex supra dictis; ergo privatio conformitatis ad legem, quæ fuit formale, aut ut alij volunt, necessario annexa formali illius transgressionis, mansit habitualiter, & per modum termini, transactio illo actu in primo parente, & in nobis; patet consequentia, quia transactio actu peccati dicitur homo intrinsece disconformis legi Dei, & auersus ab ea; ergo habet aliquo modo privationem conformitatis cum lege; hæc autem habitualis privatio conformitatis est formale alicuius peccati habitualis: & non est aliud peccatum habituale, cuius forma esse possit, nisi originale; ergo.

Præterea, communis est omnium consensus, quod nullo modo potest esse peccatum, si non sit deviatio à lege, & privatio conformitatis cum ea; quia cum peccatum sit malum morale, necessario debet consistere in aliqua oppositione cum regula morum: ergo neque transactio actu potest in subiecto manere peccatum, si non maneat in ipso ista deviatio, & privatio aliquo modo.

Sed tamen quia non potest facile explicari, quomodo ista privatio conformitatis maneat in subiecto transactio actu; ideo dicunt aliqui, quod in peccato personali non est aliud quam privatio gratiæ; & alij quod est reatus pænæ, prout in virtute continet illam privationem, quatenus ab ipsa procedit; & quod in peccato originali est privatio iustitiæ originalis, aut reatus siue dignitas habendi eam, aut etiam privatio gratiæ.

Quare ut nos illud explicemus, Advertendum est, non solum esse debitum, quod omnes actus humani sint conformes legi & voluntati divinæ: sed etiam quod homines ipsi medijs suis actibus conformentur ei; & ideo in peccato aliquo præter deformitatem, quæ est in ipso actu peccati, quatenus est contrarius ipsi legi Dei, ut offendit eius voluntatem & amicitiam: resultare etiam in ipso homine, in ordine ad eandem legem siue ad Deum legislatorem, & eius voluntatem; nam sicut violatio illius debiti sufficit, ut actus sit disconformis legi: ita etiam sufficit, ut homo ipse sit ei disconformis; ut, si quis violat ius amicitiae, dicemus non solum actum eius esse contra amicitiam, sed etiam eum ipsum esse offensorem eius.

Est autem duplex discriminem inter istas duas deformitates; primum, quod prior consistit in oppositione actuali ad legem Dei, fundata in ipso actu, vel omissione; posterior vero consistit (ut aliqui volunt) in relatione quadam inequalitatis, aut inadæquationis morales, etiam ad legem, quæ est in ipso homine; vel (ut alij dicunt) in privatione confor-

mitatis ad legem, quam homo tenetur conservare in seipso, exercendo ea quæ ipsi præcipiuntur, & omittendo ea quæ prohibentur, quod mihi videtur probabilius; & est effectus prioris, quia si sit relatio, consequitur ad eam quasi ad rationem fundandi; si vero sit privatio, resultat ex ea, media quadam resultantia morali, quia ex eo, quod aliquis actu, vel omissione violat legem, sequitur, quod tollat à seipso conformitatem, quam tenebatur habere ad eam medijs suis actibus: & ex consequenti, quod relinquat in seipso privationem huius conformitatis. Alium discriminem est, quod prior, cum sit proxime in actu, tanquam in subiecto, non permanet sed transit, transeunte ipso actu. posterior vero permanet, etiam præterito ipso actu, & tamdiu permanet, quamdiu non remittitur peccatum; quod qua ratione fiat secundum legem ordinariam Dei, & quibus modis posset de potentia absoluta fieri, explicandum est in materia de gratia; & hæc deformitas est quædam auersio habitualis, & per modum termini, relicta ex peccato actuali, quod non permanet; nam sicut ipsum peccatum actuale est virtualiter auersio actualis à Deo; quia cum conservatio præceptorum sit necessaria ad consecutionem beatitudinis, (iuxta illud, si vis ad vitam ingredi serva mandata) non potest aliquis transgredi præcepta illa, quin eo ipso virtualiter auertatur à beatitudine, & consequenter à Deo, ut est finis ultimus supernaturalis: ita privatio conformitatis ad legem manens in subiecto, postquam actu transit, erit virtualiter auersio à Deo, dicitur tamen auersio habitualis; non quia sit formaliter privatio alicuius habitus in rigore, (in quo multi decipiuntur) sed ut distinguatur ab ea, quæ est in actu: Quia in hoc convenit cum habitu, quod permaneat in subiecto post actum, sicut manet habitus: Tandem, quia opponitur conformitati ad legem, quæ debet convenire subiecto. Et quod nunc dicimus de peccato personali, dicendum est suo modo de originali: nam Adam tenebatur, ut caput omnium, conformare se legi impositæ sibi, ut capiti: & quia hoc non fecit, sed potius transgressus est eam, resultavit in ipso, & in nobis inadæquatio ad illam legem, siue privatio conformitatis cum ea, per modum habitus & termini, in ipso quidem tunc, quoad actuale existentiam, in nobis vero tunc inchoantem, & quoad sufficientiam, actu vero, cum primum incipimus esse actu membra Adæ.

Et si quis quærat, cum in peccato Adæ fuerint saltem duæ malitiæ, & ex consequenti duæ deformitates distinctæ specie; altera superbiæ, & altera gula: an ambæ traducantur ad nos, an altera tantum, & quæ earum? Respondetur, mihi probabilius videri, quod una tantum traducatur, quia (ut dicebam articulo secundo huius questionis) concilia semper loquuntur de hoc peccato, ut de uno; & quamvis peccatum, quod commisit Adam, possit dici unum, licet habuerit illas duas malitiæ, ut ibi explicavi: tamen de peccato, quod est in nobis, non potest tam facile explicari; quia eum non habeat partem materiale, ut supra dictum est; nulla erit ratio, propter quam dicatur unum, si malitiæ sunt duæ. Et addo, malitiam fuisse eam, quæ consecuta est ex

transgressionem precepti, de non comedendo de ligno verito; atque vitiumque videtur mihi posse colligi ex illis verbis Concilij Tridentini sessione quinta, decreto de peccato originali §. 1. *si quis non confiteri, primum hominem Adam, cum mandatum Dei in paradiso fuisse transgressum, statim sanctitatem & iustitiam, &c.* nam ibi transgressi sunt eius mandati, atque proinde vni tantum iustitiam, imputantur amissioni iustitiae, & mors, atque reliqua damna, quae ex peccato Adae eveniunt: & inclinatur, mandatum fuisse illud, quod diximus, quoniam, cum illud fuerit peculiariter Adae impositum, intelligendum est, fieri sermonem de eo, nisi aliquid addatur, quo aliud significetur. Quo modo vero haec deformitas fuerit prima in peccato Adae, explicatum est in fine articuli primi questionis praecedentis.

SED CONTRA sententiam istam restant duae difficultates. PRIMA, quod, iuxta eam, peccatum, quod ad nos traducitur, non est eiusdem speciei, eam eo, quod fuit in Adam; nam formale peccati Adae, cum esset peccatum commissionis, debuit consistere in positivo, iuxta ea quae dixi supra, questione 71. articulo sexto; at vero illud, quod ad nos traducitur, consistit in privatione; RESPONDETUR, non traduci ad nos peccatum actuale Adae, sed habituale, quod etiam consistebat in privatione conformitatis debite inesse, non ad sui sed homini.

Et si obijciat, quod sequatur, peccatum habituale, quod mansit in Adam transacto actu, fuisse distinctum specie ab ipso actu; RESPONDETUR, negando sequelam, quia fuit terminus & complementum peccati actualis, & ideo quamvis in genere natura, distinctus ab eo, sicut primatio a positivo: tamen in genere moris constituebat unum cum eo peccatum integrum, atque vltimo completum, & terminatum, & vnam perfectam oppositionem cum virtute; quod etiam dicendum est de peccato personalis, ut explicabo infra questione 86.

SECUNDA difficultas est, quod, iuxta sententiam istam, recedendum sit à communi sententia scholasticorum, qui communi consensu concedunt, peccatum originale consistere formaliter in privatione iustitiae originalis; RESPONDETUR, negando, discrepare sententiam istam ab illa, quia possumus dicere, peccatum originale esse privationem iustitiae originalis casualiter, quia est causa dispositiva, & demeritoria huius privationis; aut etiam formaliter, si iustitia sumatur pro exte-
ritudine, aut conformitate cum lege, ad quam iustitia originalis inclinabat; neque est contra communem sententiam scholasticorum, sumere hoc modo privationem iustitiae, cum etiam ipsi differant inter se in explicando, quid per eam intelligant.

§. 5. Solvantur argumenta opinionum in principio adductarum.

AD FUNDAMENTVM prima sententiae, Respondetur, distinguendo maiorem, sicut in

Religatur de privatione, quae effectus procedit ab eo, qui patitur eam, potest concedi; si tamen intelligatur de privatione, quae solum procedit ab ipso dispositiva, aut demeritoria, neganda est; sicut privatio virtutis, aut mors data ab eo, qui se suspendit, est peccatum; ea tamen quae indignantur homini à ministro iustitiae, & respectu cuius lateri solum est causa demeritoria, non imputatur ipsi ad culpam, etiam si cognoverit, cum factum committebat esse puniendum hac poena; & ad maiorem dico, Adamum suo peccato solum hoc posteriori modo fuisse causam privationis iustitiae originalis; & ratio huius colligitur ex Divo THOMAS supra questione 73. articulo 8. ubi inquit, necumaturum penale, quod per se consequitur ex peccato, si sit praeiudicium, aggravare peccatum intra propriam speciem, quia à posteriori, in quantum est signum maioris affectus ad peccatum, continere aliquem graviores poenas, ut adimpleat voluntatem peccandi; & hoc modo concedimus, peccatum Adae, intra propriam speciem, ubi bi gratia gulae aut superbiae, fuisse praeiudicium privationis iustitiae originalis; negamus tamen habuisse peculiarem speciem maiorem quae consisteret in illa privatione aut in transgressionem precepti habendi iustitiam, & ex hoc patet solutio ad confirmationem.

AD FUNDAMENTVM secundae opinionis, patet solutio ex dictis; constat siquidem peccatum originale esse privationem conformitatis ad legem, debuit igitur homini; & ratione illius privationis, hominem esse indignum, ut Deus in eo conservet iustitiam originalem, & ex consequenti indignitatem habendi iustitiam, non esse formaliter peccatum, sed potius consequi ad ipsum.

AD PRIMUM ARGUMENTVM tertiae opinionis, concessa maiori, neganda est minor: propterea, quia peccatum actuale Adae non fuit privatio illius rectitudinis habitualis, quam immediate causabat in voluntate iustitia originalis, & pro qua in illa fuit voluntaria deflexio à lege; sed fuit privatio conformitatis ad legem, debuit igitur actui, aut potius repugnantis positiva cum actuali conformitate ad legem; haec autem conformitatem actualem non causaverat iustitia immediate, tanquam proprium effectum formalem, sed inclinando voluntatem per modum habitus.

Ad secundum Respondetur; quod peccatum originale non est privatio immediate opposita iustitiae originalis, siue suo primario effectui formali; sed potius est privatio relictiva subiecto ex peccato actu, & opponitur immediate rectitudini provenienti à iustitia per modum inclinantis, aut disponentis ad eam dumtaxat; quare, licet formale in iustitia originali esset illa prima rectitudo voluntatis, non sequitur, quod formale in peccato originali sit privatio eius, quoniam non sunt opposita.

Ad confirmationem patet solutio; explicamus siquidem quomodo ex peccato Adae denentur ad nos aliqui defectus morales, à quo intrinsece dicuntur peccatores.

Adter.

Ad tertium, concedo *maiores*, scilicet peccatum originale esse voluntariam auersionem habitusalem à Deo, in sententia à me explicato in declaratione vltimæ conclusionis: negotamen *maiores*, scilicet, quod hæc sit primario primæ rectitudinis immediate provenientis à iustitia originali; quia potius est (vt dixi) peccatum habitualis, (id est manens in subiecto) illius conformitatis ad legem, quam subiectum ipsum tenebatur habere medijs suis actibus. Et ad probationem minoris, Respondetur, nō esse idem oppositum harum datum privationū, nam privationis primæ rectitudinis, provenientis à iustitia originali, opponitur ipsi rectitudo habitualis, quæ est in voluntate per modum inclinationis, quia rectificat formaliter inclinationem voluntatis: at vero privationis, siue auersionis habitualis, in qua consistit formaliter peccatum originale, opponitur conformitas ad legem, quam subiectum tenebatur habere medijs suis actibus.

Ad ARGUMENTA quartæ opinionis, Respondetur primo, probare priorem partem notissæ vltimæ conclusionis, scilicet, in peccato originali includitur privationem gratiæ; quia tamen auctores illius sententiæ contendunt ex probare, formale huius peccati esse ipsam privationē gratiæ: oportet singula dissolvere, & ideo ad primam Respondetur, *maiores*, vt sit vera, intelligendum esse de privatione quæ in executione expellitur primo & per se: non autem de ea cuius expulsiō est primario intentus ab agente, & *minorem* in illo sensu esse falsā, quoniam in executione prius expellitur privatio illa conformitatis ad legem, in qua diximus consistere formale peccati originalis, quā privatio gratiæ; quoniam ex parte agentis sit primario intentus expulsiō privationis gratiæ, sicut & introductio ipsius gratiæ; vt in naturalibus primatio est intentus ab agente introductio formæ, & expulsiō suæ privationis, & tamen in executione, & in genere causæ materialis, prior est expulsiō formæ oppositæ, quod latius est explicandum in materia de gratia, vbi etiam disputabimus, an expulsiō privationis, in qua consistit peccatum, sit mutatio distincta ab introductione gratiæ, & expulsiō suæ privationis.

Ad secundam Respondetur, peccatum originale dici *mortem animæ* casualiter, quia consequitur ad ipsum huiusmodi mors: non tamen quia in eo consistit eius ratio formalis; sicut quodcumque peccatum mortale est mors animæ, & in hoc differt à peccato veniali, & tamen esse mortem animæ, non est eius ratio formalis, sed consequitur ad inordinationem, quæ complet & constituit rationem peccati, vt docet D. THOMAS supra quæst. 72. art. 5.

Ad tertiam Respondetur, præter rectitudinem actualem, quæ consistit in actuali operatione; & habitusalem, quæ immediate provenit ex gratia: dari aliam, quæ etiam dicitur habitualis, & consistit in conformitate, quam homo debet servare ad legem in seipso medijs suis actibus; hoc est, faciendo ea, quæ in ipsa præcipiuntur, & omitiendo ea, quæ prohibentur; & huic rectitudini opponi peccatum originale, & eius privationem.

Ad ultimam Respondetur, negando antecedens, si intelligatur de privatione gratiæ præcise

A sumpta, & prout consequitur ad inordinationem à nobis explicatam, & ad probationem, dico, privationem gratiæ esse voluntariam filijs Adæ, vt penam, quæ consequitur ex peccato voluntario; non vero ad culpam sicut latroni dicitur voluntaria mors, quæ puniendus est, quia voluntarie datur causam dispositionis, aut demeritoriam, ex qua sequatur, & similiter dico, repugnare naturæ rationali vt subiecto perfectiori ex Dei ordinatione per gratiam: non vero, vt videntur ratione, tanquam regula suarum actionum, quia recte ratio non prohibuit ipsam, neque directe, neque indirecte, neque consequenter: sed peccatum, ex quo sequitur, quando vero dicimus id, quod repugnat naturæ rationali, esse peccatum, aut malum morale, intelligitur de eo, quod repugnat hoc posteriori modo, alias mors, in exemplo proposito, haberet rationem peccati homicidij, respectu latronis.

Ad confirmationem etiam negandum est antecedens, si sumatur eodem modo privatio gratiæ; & ad primam probationem concedo antecedenti neganda est consequentia, quia ex illo antecedenti solum potest colligi, quod filij Adæ propter privationem gratiæ viderentur indigni gloria privationis, id est carentes dignitate ad gloriam, quam haberent ratione gratiæ, quæ esset eis filiationis aut hereditatis: non tamen quod nascentes indigne conari, id est, habentes demeritum culparum, aut peccati. Ad secundam probationem, Respondetur, negando minorem, quia privationi gratiæ præsupponitur inordinatio, aut privatio conformitatis ad legem in qua nos diximus consistere formale peccati originalis.

ARTICVLVS IV.

Utrum peccatum originale sit æquale in omnibus?

CONCLUSIO est affirmativa.

COMMENTARIVS.

LOQUITUR AUTEM D. THOMAS in corpore articuli de formali peccato originali: & de illo est eundem conclusio, & satis manifesta, si ex licetne formale huius peccati iuxta modum à nobis traditum in priori articulo; si enim auertio actualis fuit vna, etiam auertio habitualis, quæ ex vicijs prædictis resultat, quoniam multipliciter propter subiectorum multiplicitatem, erit æqualis.

CETERVM circa rationem, quæ D. THOMAS probat, privationem iustitiæ originalis esse æquale in omnibus, scilicet, quia privationes totaliter aliquid privationis non recipiunt maius aut minus, pulset esse dubium, quia quodcumque peccatum mortale totaliter auertit hominem à Deo: & tamen grauius peccatum magis auertit quā minus gratiæ. Item pena damni in damnatis est totius privatio

diuine visionis; & tamen est inæqualis, iuxta peccatorum inæqualitatem; ergo totalis priuatio fufcipit magis & minus.

Sed id primo diximus fupra quæst. 73. artic. 2. de fecundo dicemus infra q. 87. articulo 4. in folioribus argumentorum, ubi explicat D. THOMAS effectus peccati originalis æqualiter ab omnibus participentibus.

Per notandum est, quod, quamuis experientia conficit in aliquibus esse maiorem propensionem ad bona fenfibilia, quam in alijs: non ob id est cõcedendum, inæqualiter esse in eis priuationem iustitiæ originalis; quia hæc in ordine ad concupifcentiam inadequate conficitur in hoc, quod natura libi

relinquatur defutura perfectione iustitiæ originalis, quæ æqualiter est in omnibus poftita autem hac defitutione, ex varia corporis difpofitione prouenire poteft, quod potentia magis aut minus perficere eleuant fuas operationes; & quod in vno homine fit maior propenfio ad bona fenfibilia, quam in alio; ficut fuppolita æquali remotione prohibentis defenfum duorum lapidum, poteft vnum velocius defcendere, quam aliud, quia is habet maiorem grauitatem; & ratio huius est, quod priuatio iustitiæ originalis totum est caufa illarum effectuum, tanquam remouens prohibens, & ideo non est neceffarium, quod, fi ipfa fit æqualis, etiam effectus fint æquales.

QVÆSTIO LXXXIII.

DE SVBIECTO ORIGINALIS PECCATI,

ORDO ET METHODVS QVÆSTIONIS.

EXPLICATA ESSENTIA originalis peccati: accedit D. THOMAS ad explicandum eius *subiectum*, quod est tertium ex his, quæ præfupposuimus in principio huius materiæ; & debet intelligi de subiecto eo modo, quo priuationibus conuenit habere subiectum: quia (vt patet ex dictis in præcedenti quæftione) ratio formalis huius peccati confiftit in priuatione: Agunt vero de hac re communiter doctores d. 32. DVRANDVS d. 3. q. 3. & GABRIEL. ibidem q. vnica. D. THOMAS q. 4. de malo art. 3. 4. & 5.

ARTICVLVS I.

Verum originale peccatum fit magis in carne, quam in anima?

PRIMA CONCLVSIO. Peccatum originale omnium hominum fuit in Adam, ficut in prima caufa principali.

SECUNDA CONCLVSIO. ficut in caufa inftrumentali, est in fecunde alius attingente natura communicationem.

TERCIA CONCLVSIO. ficut in subiecto nullus modo poteft peccatum originale efle in carne, fed folus in anima.

COMMENTARIVS.

TITVLVS huius articuli intelligendus est de peccato originali fecundum fuam rationem formalem.

Circa primam conclufionem videnda funt, quæ dixi q. 71. articulo primo, præfentibus dubijs fecundo, vbi explicatur quomodo peccatum Adam tenet per fe caufa peccati originalis, quod ad vniuerfumque ex funt actibus determinatum cum in Adam fuerit actus actualis, & in actu manifestum in eo auerfus per medium habitum quousque ego participantem, ideo

DVBITARI POTEST

Ratione cuius auerfioni dicatur peccatum originale omnium hominum fuisse in Adam ficut in prima caufa?

AD QVOD *Respondetur*, quod ratione prime, & probatur, quia Ad rationem illius auerfionis fuit caufa peccati originalis in nobis, quæ ei conueniebat vt capiti noftro: fed folus fuit caput noftum, quatenus actu peccauit; ergo folus fuit caufa peccati in nobis ratione auerfionis actualis; minor probatur quia ratione auerfionis actualis amittit utilitatem originalem: ergo etiam amittit dignitatem capitis.

Confirmatur primo, quia nos dicimus peccasse in Ad ratione fui peccati actualis, & non ratione habitualis: ergo etiam ratione actualis traducitur ad nos peccatum originale. **Confirmatur 2. ratione** CONRAD. in explicatione folutionis fecundæ argumenti huius articuli, quia ratione auerfionis actualis corrupti Adam naturam in fe, & in alijs: & ita concedit hoc D. THOM. in folutione, dicens, quod peccatum originale, ficut in caufa principali, fuit in Adam, in quo fuit fecundum rationem peccati actualis.

Quod probatur, auerfio actualis Adæ non traducitur ad nos, ficut neque actus primo nulla auerfio actualis: fed tamen habitualis; ergo non fuit peccatum originale in Adam, vt in caufa, ratione auerfionis actualis; **Respondetur** negando confequentiam, quia illa auerfio actualis fuit caufa auerfionis

habituæ.

habitualis, quæ in Adam resultauit, & ad nos deriuatur, vt supra explicui; & ita ratione eius dicitur peccatum originale fuisse in Adam, vt in causa.

SOL ET etiam hic disputari

Vtrum sit concedendum fuisse in Adam peccatum originale?

AD QVON. Respondetur, quod si sermo sit de re, quæ vocatur peccatum originale, proculdubio concedendum est, fuisse in Adam; quia in ipso fuit auersio actualis à Deo, & transacto actu peccati mansit auersio per modum habitus, & vtræque erat eiusdem speciei in genere moris cum ea, quam vnusquisque in genere moris participat ab ipso per generationem: quia erat priuatio eiusdem rectitudinis & conformitatis.

Nec obstat, quod neutra fuerit per generationem participata ab Adam; quia diuersitas in modo participandi aliquod esse, nisi redundat in ipsum esse, non cauat distinctionem specificam in eo; vt, eiusdem speciei sunt duo homines, quamuis vnus sit productus per creationem, & alter per naturalem generationem: constat autem quod participari in nobis auersionem illam per generationem, & non in Adam, non redundat in aliquam diuersitatem ipsius auersionis, cum semper importet priuationem habitalem eiusdem rectitudinis.

Si tamē questio sit de nomine, an scilicet illud peccatum in Adam sit dicendum originale? Respondetur, quod neutra illarum auersionum potest dici peccatum originale passiuè, id est, per generationem contractum, sed prima, scilicet actualis dicitur peccatum originale actiuè, & tanquam causa, siue (vt alij dicunt) tanquam originans; secunda vero, scilicet habitualis, quia secundum suam speciem traducitur per originem, etiam si in suo subiecto non ita participetur. Videte D. THOMAM 3. 11. q. 8. articulo 1. ad primū CAJETANVM ibi & hic CONRADVM etiam, qui adducit varia D. THOMÆ testimonia de hac re.

CIRCA secundam conclusionem videnda sunt, quæ dixi locis citatis; ex eis enim constat, quod peccatum originale non dicitur esse in semine vt in instrumento, quia sit causa instrumentalis alicuius actionis, per quam per se producatur peccatum originale in nobis: sed quia est causa instrumentalis actionis necessario requisitæ, vt actu resultet in nobis peccatum; concurrunt enim instrumentaliter ad generationem, per quam sit subiectum capax peccati originalis, scilicet membrum Adæ: quo posito statim resultat in eo peccatū virtute peccati actualis sui capitis vt ibi dixi: Et eodem modo est intelligendum, quod in solutione quarti concedit D. VVS THOMAS, animam participare peccatum originale ex infusione in corpus, si habeatur respectus, non ad Deum infundentem, sed ad corpus, cui infunditur.

CIRCA tertiam conclusionem nota, negari non posse, quod subiectum peccati originalis sit totus homo: quia totus ab eo denominatur peccator, sicut etiam denominatur peccator à peccato personali, quod manet per modum habitus, transacto actu; nem quia totus homo, & non solum anima, renetur se diuinæ legi conformare:

quoniam ipsi imponitur, & non soli animæ: ergo ex eius violatione totus homo manet inordinatus, & auersus; Quia tamen homo non habet quod sit capax legis, & quod possit ei se conformare, aut ab ipsa discedere, ratione carnis, sed ratione animæ & suarum potentiarum: ideo D. THOMAS dixit, peccatum originale esse in sola anima, & nullo modo in carne, & ita explicant illum aliqui ex suis discipulis.

IN SOLUTIONE primi nota cū CONRADO, quod concupiscentia nō solum ante baptismum, sed etiā postea, habet rationem pænæ: sunt enim qui dicant, eam in baptismo non habere rationem pænæ, sed defectus naturalis; quod idem dicunt de morte, & cæteris pænalaribus.

Quod si obieciat pro eis, quia ablata causa auferatur effectus: ergo dimisso peccato originali, quod est causa harum pænalarum, non remanebūt ipse, saltem in ratione pænalarum; Respondetur, antecedens tantum esse verum, quando effectus in esse & conseruari pender à causa; quod non contingit in præfenti, quia quamuis pænā præsupponit culpam, potest propter alias causas conseruari: vt in ciuilibus remanent pænæ in medicinam, postquam culpa est iam dimissa, & pænā temporalis remanet dimisso peccato actuali quoad culpam. Aliam solutionem tradit D. THOMAS 3. p. q. 69. artic. 3. ad 3. Vbi ex professo est de hac re disputandum.

ARTICVLVS II.

Vtrum peccatum originale sit proprius in essentia animæ quam in potentijs?

CONCLUSIO. Anima secundum suam essentiam est primum subiectum peccati originalis.

COMMENTARIVS.

In hoc articulo est

DVBIVM.

An immediatum subiectum peccati originalis sit anima secundum suam essentiam, vel potius ratione voluntatis?

§ 1. *Varia sententia de proposito dubio.*

ET PRO EXPLICATIONE tituli aduertendum est, posse distinguere duplex subiectum respectu alicuius formæ; vnum appellatur quod siue primum, & principale; & est illud, cui inest principaliter talis forma; & alterum quo, siue proximum & immediatum, & est illud, mediante quo inest; sicut respectu accidentium corporalium substantia materialis est subiectum quod & quantitas est subiectum quo. In præfenti non quarimus, vtrum anima sit subiectum quod & primum illius priuationis, in qua diximus co-

istere formale peccati originalis; neque de hoc est inter doctores controuersia, sed ab omnibus supponitur ut certa pars affirmatiua: & potest facile probari, quia totus homo est subiectum peccati originalis, ut dixi articulo precedenti, & non ratione carnis; ergo ratione animæ.

Confirmatur, quoniam in anima separata manet peccatum originale, ergo ipsa est eius subiectum *quod*, & principale; patet *consequentia*, quia nihil remanet quod possit esse tale subiectum, nisi ipsa, vel aliqua potentia eius: & certum est potentiam non posse dici subiectum principale, facta comparatione ad substantiam, cui ipsa inhaeret; *sed difficultas* est, utrum etiam sit subiectum *quo*, & immediatum siue proximum, hoc est utrum formale peccati originalis immediate & proxime, & sine medio alio subiecto concurrente tanquam *quo*, sit in essentia animæ. Et in hac sunt diuersæ sententiæ doctorum.

PRIMA est DVRANDI, qui loco citato in titulo quætionis, dicit, peccatum originale esse, tanquam in subiecto proximo & immediato, in voluntate & in appetitu sensitivo, at non æqualiter, sed in voluntate principaliter, & in appetitu sensitivo minus principaliter; & probat suam sententiam, quoniam iustitia originalis proximè & immediate erat in illis duabus potentijs, in voluntate quidem principaliter, quoniam principaliter importabat rectitudinem voluntatis ad Deum; & in appetitu minus principaliter, quoniam secundario importabat rectitudinem virium sensitiuarum; ergo eodem modo est peccatum originale in iisdem potentijs; patet *consequentia*, quia peccatum originale est carentia & priuatio iustitiæ originalis, & priuatio est in eo subiecto, in quo deberet esse forma, cui opponitur.

SECUNDA SENTENTIA est aliorum, qui dicunt, voluntatem esse proximum & immediatum subiectum peccati originalis, ita quod substantia animæ non participat ipsum, nisi media voluntate tanquam subiecto *quo*, hanc sequitur SCOTVS in 2. dist. 32.

Ad argumenta secunda quætionis, in solutione 5. & pro eadem refertur D. BONAVENTURA eadem dist. quæstione secunda, & probatur primo, quia peccatum originale formaliter est auersio habitualis à Deo, siue habitualis priuatio rectitudinis debitæ inesse subiecto per respectum ad legem Dei, ut supra explicauimus: sed ista priuatio non inest nobis nisi media voluntate; ergo neque peccatum originale; probatur *minor*, quia non sumus proxime apti habere conformitatem cum lege, nisi media voluntate, & priuatio non inest nisi in subiecto apto habere formam oppositam.

Confirmatur, essentia animæ non est proxime capax obligationis inductæ per legem: ergo neque priuationis conformitatis cum hac lege; probatur antecedens, quoniam anima non potest seruare & transgredi legem, nisi medijs potentijs, quibus exerceat actus, qui ad hoc sunt necessarii.

Secundo, illi potentiæ, cui inest actus, inest etiam habitus relictus ex actu: sed peccatum actuale Adami, quod comparatur ad originale nostrum ut actus ad habitum, fuit in voluntate eius, quatenus erat voluntas totius generis humani; ergo etiam peccatum originale est proxi-

me & immediate in nostris voluntatibus.

Confirmatur, quia peccatum originale nostrum est eiusdem rationis in genere moris cum eo, quod mansit in Adam transacto peccato actuali; & solum differt ab eo in modo participandi ipsum: sed illud fuit in voluntate Adæ tanquam in proximo subiecto; ergo etiam nostrum est in nostris voluntatibus.

5. 2. Animam secundum suam essentiam esse immediatum subiectum peccati originalis.

TERCIA SENTENTIA est CAJETANI, CONRADII, & aliorum Thomistarum, qui dicunt, animam secundum suam substantiam esse immediatum subiectum peccati originalis; & mihi nunc hæc sententia placet, quamuis opposita non careat suaprobabilitate, imo & aliquando visâ fuerit mihi probabilior: & probatur primo testimonio D. THOM. nam quamuis in conclusione solum dicat, animam esse subiectum primum, ex quo non potest colligi, quod etiam sit subiectum immediatum: tamen ex ratione, qua eam probat, colligitur aperte, quod loquatur de subiecto immediato; neque excludit hoc, cum dicit, esse subiectum principale & primum, sed usus est his verbis, ut insinueret aliquid aliud, scilicet potentias esse aliquo modo subiectum peccati originalis, non quidem quantum ad eius formale, quod est principale in ipso: sed quantum ad effectum, qui consequitur, scilicet quantum ad deordinationem potentiarum, & est quid minus principale, ut dicemus articulis sequentibus.

Secundo probatur ratione D. VI THOMÆ, quæ est optima, quamuis aliquibus videatur parum efficax, & est huiusmodi; peccatum originale traducitur per generationem, sed generatio immediatius attingit animam ut terminum generationis, quatenus est forma corporis, & ex consequenti secundum suam substantiam, quam secundum potentiam; ergo etiam peccatum originale primo & principaliter recipitur in anima secundum suam substantiam.

Neque potest responderi, non esse actionem, qua per se producit peccatum originale; *quia satis* est, quod per eam producat subiectum capax huius peccati, ut explicauimus supra quæst. 81. articulo primo, dubio secundo.

Neque etiam potest responderi, requiri aliquid amplius ad subiectum immediatum peccati originalis, quam ad terminum immediatum generationis, scilicet, habere voluntatem: *quoniam* satis est esse terminum immediatum generationis factæ immediate, virtute seminis decisi ab Adam, ut sit forma constitutiva membri & filij Adæ: ergo & ut sit subiectum peccati originalis.

Confirmatur, quoniam homo natus per generationem factam virtute seminis decisi ab Adam contraheret peccatum originale, quamuis careret voluntate, Deo impediente emanationem eius ab anima; ergo non requiritur ad subiectum capax peccati originalis, quod habeat voluntatem; probatur antecedens, quoniam ille homo esset verus filius Adæ; & concilium TRIDENTINVM sessione 6. decreto de iustificatione capite 4.

dicir:

dicunt: iustificacionem esse translationem ab eo statu, in quo homo nascitur filius primi Adæ, in statum gratie &c. Vbi ut certum supponit, statum filij Adæ esse statum peccatoris; Et præterea esset verum dicere de illo homine, quod peccavit in Adam, & quod amisit in eo iustitiam, & sanctitatem: quoniam esset vere propago Adæ; & in TRIDENTINO sessione 5. decreto de peccato originali §. 2. diffinitur: *Adamum etiam sua propagatione perdidisse sanctitatem & iustitiam*; & tamen non esset præservatus à Deo per gratiam ne contraheret de facto peccatū, ergo de facto contraheret ipsum.

§. 3. Solvuntur argumenta aliarum sententiarum.

AD ARGUMENTUM primæ sententiæ Respondetur, nihil probare contra nos, qui articulo præcedenti diximus, formale peccati originalis non consistere in privatione iustitiæ originalis. Qui vero id concedant, dicunt cum D. THOMA hic ad ultimum; quod etiam iustitia originalis primordiale, hoc est quantum ad suam radicem, quæ erat gratia, pertinebat ad essentiam animæ.

AD PRIMUM secundæ sententiæ Respondetur, distinguendo minorem, *scilicet* sic eius sensus, non posse esse in nobis illam privationem, aut auersionem, nisi media voluntate concurrente tanquam causa, vera est: quoniam privatio illa est terminus actus voluntarij, comprehendendo nomine *actus* etiam omissionem actus, & iste actus dicit ordinem ad voluntatem tanquam ad principium; cæterum iste sensus est extra rem, quoniam in præsentibus non disputamus de concursu voluntatis in genere cause efficientis, sed de concursu genere cause materialis, ut habentis rationem subiecti; que *sententia* sic sensus, necessarium esse, ut privatio illa sit in nobis, quod voluntas concurret etiam ut subiectum quo, falsa est: quia nulla est ratio, propter quam ex actu, qui est in voluntate, non possit resultare in essentia animæ illa privatio conformitatis, aut auersio habitualis; neque hoc repugnat, quia anima secundum se sit incapax ipsius; cum privatio illa non consistat in actu, qui licet exercetur, ita etiam recipitur media potentia, sed in habitu, & anima ipsa secundum se sit radicaliter libera & rationalis; neque quia actus, ex quo resultat, sit subiective in voluntate: quia non est inconueniens quod ex actu, qui est in vno subiecto, resultet aliqua forma in altero, ut ex generatione, quæ est in genito, vel in eius materia, resultat in patre relatio paternitatis; & ex omni actione transeunte atque proinde existente in passio, resultat in agente relatio agentis. Et *saltem* hoc videtur necessario concedendum, quando privatio illa non resultat ex actu, qui debeat exerceri media voluntate alterius, scilicet capitis, ut contingit in nostro casu: nam sicut ex actu voluntatis Adæ, resultat in alio subiecto, scilicet in nobis, illa privatio, ita etiam potest resultare immediate in essentia animæ. An vero dicendum sit idem de peccatis personalibus, explicabitur infra q. 86. ubi D. THOMAS agit de macula, quæ ex eis remanet in anima; aut in materia de gratia, ubi agitur de oppositione inter gratiam & peccatum mortale.

Ad confirmationem concessio antecedenti neganda est consequentia, si consequens intelligatur de privatione, non actualis, sed habitualis, conformi-

ratum cum lege, de qua nos loquimur.

AD SECUNDUM Respondetur, maiorem solum esse veram de habitu operatio, non autem de privatione, quæ solum dicitur habitus, quia est terminus aut effectus resultans ex actu, & permanens in subiecto, & non transiens ut actus.

Ad confirmationem, posset negari minor, ut aliqua ex parte explicatur in solutione primi; cæterum quicquid sit de peccato personali, respondetur secundo, sufficere distinctionem in modo, quo utrumque peccatum participatum est in vno subiecto, ut non habeant idem subiectum immediatum aut proximum: quoniam in Adam remansit peccatum habituale immediate ratione actus, qui fuit in eius voluntate; ad nos autem derivatur peccatum originale etiam ratione illius actus, qui non est in nostris voluntatibus, & media generatione, quæ immediate habet pro termino animam secundum suam essentiam.

ARTICVLVS III.

Utrum peccatum originale per prius inficiat voluntatem, quam reliquas potentias?

CONCLUSIO est affirmatiua,

COMMENTARIVS.

QUÆSTIO, sicut & titulus articuli, non debet intelligi de peccato originali quoad suum formale, quoniam de hoc certum est, quod non subiectatur in alijs potentijs distinctis à voluntate, illæ enim non participant peccatū formaliter, nisi in quantum mouentur à voluntate; quare cum nulla motio actualis voluntatis deriuetur ad nos ex primo parente, non poterant potentie à voluntate distincte participare formaliter peccatum à primo parente ad nos derivatum; imo, ut articulo præcedenti dicebamus cum D. THOMA peccatum istud formaliter est immediate in essentia animæ. Quare intelligenda est doctrina huius articuli de concupiscentia, siue corruptione naturæ, de quo egimus quæstione præcedenti articulo 3. Et ita D. THOMAS non inquit in titulo articuli, in peccatum originale prius sit in voluntate, sed in prius inficiat voluntatem; & in corpore expresse docet, se loqui in hac comparisonem, de peccato originali sumpto pro inclinatione ad actum malum, ex ipso causatū: hæc autem inclinatio est ipsa concupiscentia, ut patet ex dictis loco citato.

CIRCA id, quod D. THOMAS assumit in ratione conclusionis, scilicet, *inclinacionem ad peccatū prius pertinere ad voluntatem, quam ad alias potentias*, nota, quod hæc inclinatio ad peccatū dicitur prius pertinere ad voluntatem, quia inclinationes aliarum potenciarum non sufficiunt ad peccandum, nisi voluntas prius inclinetur: alioquin satis patet, appetitum sensitiuum esse ex se inclinatum ad id, quod repugnat rationi materialiter sumptum: voluntatem autem non ex se, sed aliunde, ut loco citato explicauimus.

ARTICVLVS IV.

Virum præfata potentia sint magis infecta, quam alia?

CONCLVSIO, Quamuis omnes potentie anime participant infectionem peccati originalis: specialiter tamen potentia generatiua, vis concupiscibilis, & sensus tactus dicuntur magis infecta.

COMMENTARIVS.

HIC solum est aduertendum, quod hæc conclusio non contradicit conclusioni præcedentis articuli: quoniam ista potentia non dicuntur magis infectæ, quia participant magis inclinationem ad peccatum; sed quia participant magis vim infectiuam, quia huiusmodi potentia potissimum concurrunt ad actum generationis, per quem infectio peccati originalis traducitur, ut patet ex corpore articuli & ex solutione ad primum.

DE PÆNA PECCATI
originalis.

PRO COMPLEMENTO huius materie, disputandum est de pæna originalis peccati: Et quamuis hæc sit duplex, vna pertinet ad hanc vitam, & altera ad futuram; solum dicam de posteriori, quoniam de priori specialem instituit D. THOMAS disputationem 2. 2. quæst. 164. & de ista duo sunt explicanda, scilicet an peccato originali respondeat aliqua pæna post hanc vitam, quæ proprie habet rationem pænæ, & quanam sit ista pæna.

CIRCA primum duo sunt dubia.

PRIMUM DVBIUM EST.

An peccato originali Respondeat aliqua pæna, quæ proprie sit pæna?

CVI RESPONDETUR breuiter affirmatiue, probatur, quia ad Ephesios 2. dicit Paulus per originale peccatum constitui nos filios iræ, id est, dignos iræ, vindictæ, & punitiua iustitia: iuxta illam phrasim, quæ in scriptura filius mortis dicitur, qui dignus est morte; & colligitur manifeste ex supradictis; probauimus siquidem quæstione 81. articulo primo, peccatum originale, quod nos à primis parentibus contraximus, esse vere & proprie peccatum; ergo constituit nos reos alicuius pænæ, quæ proprie pæna sit; patet consequentia, quia reatus pænæ est effectus peccati, ut probat DIUYS THOMAS infra q. 87. articulo primo.

DVBIUM SECVNDVM EST.

Virum pæna respondens peccato originali, sit per se æterna: hoc est ex gravitate ipsius peccati.

PARS NEGATIVA probatur, quia motus primo primus blasphemiz vel infidelitatis habet pro obiecto materiam grauissimam, & tamen non est dignus pæna æterna, propter defectum pleni voluntarij, ergo peccatum originale, cum sit nobis minus voluntarium, ut pote participatum sine villo nostro consensu, multo minus erit digna pæna æterna.

Confirmatur, quia D. THOMAS infra quæst. 78. articulo 5. ad secundum dicit, quod peccato originali non respondet pæna æterna ratione suæ gravitatis. sed ratione conditionis subiecti, quia scilicet homo, in quo est tale peccatum, reperitur sine gratia, per quam solum sit remissio pænæ.

SED HIS non obstantibus; Responderetur affirmatiue, probatur, quia peccato mortali personali ob id per se respondet pæna æterna, quia pervertit ordinem, quantum est ex se, irreparabiliter, cum auferat principium ordinis, priuando charitate, per quam homo coniungebatur fini ultimo, qui est principium talis ordinis, ut docet DIUYS THOMAS q. 87. articulo tertio: sed peccatum originale etiam priuat charitatem, & gratiam, cum sit mors anime, & ex consequenti auferit principium ordinis, atque adeo priuat ordinem irreparabiliter, quantum est ex se; ergo etiam inducit ex se, & ex propria gravitate reatum pænæ æternæ.

AD ARGVMENTVM Responderetur, concedendo antecedens, & negando consequentiã, quia peccatum originale est nobis in nostro capite plene voluntarium, quod tamē non habet motus primo primus.

Ad confirmationem Responderetur, D. THOMAS respexisse ad gravitatem culpæ, quæ prouenit ex merito personæ secundum se; constat enim quod si personam secundum se respiciat, cum ei non sit voluntarium peccatum originale voluntate propria, si quid pænæ ex hac parte ipsi tribuendum esset, debere esse mitissimum: cæterum ex gravitate proueniente ex demerito capitis, quod participat sua membra, debetur ei pæna infinita, ut probatum est; hæc de primo.

CIRCA SECVNDVM, scilicet, quanam sit ista pæna æterna, quæ per se respondet peccato originali, sunt tria dubia.

PRIMUM. EST.

An ista pæna sit pæna damni, id est, carentia diuinæ visionis?

ET PROBATUR pars negativa, quia, ut AVGVSTINVS inquit in Enchiridio, mitissima pæna est eorum, qui pro solo peccato originali puniuntur; At pæna dāni est multo grauior, quàm omnis pæna sensus: hæc enim dicitur accidentalis, illa vero essentialis; hæc fini-

ta, illa

ta, illa infinita; & iuxta CHRYSOSTOMVM homilia 23. in Mattheum. pena damni peior est quam decem mille gehenna; & iuxta AVGVSTINVM & alios sanctos, absque comparatione superat quæcumque alia tormenta, quæ possunt excogitari; ergo pena, quæ respondet peccato originali, non est pena damni.

Confirmatur primo, quia pena damni non consistit in sola carentia diuinæ visionis, sed includit intrinsece & essentialiter odium Dei, & vermem conscientie, quæ tamen non concedimus esse in decedentibus cum solo peccato originali.

Confirmatur secundo, quia ex illa pena necessario afficerentur pueri maxima tristitia, cum viderent se in penam peccati tanto bono priuatos, atque adeo esset in eis pena sensus, quod tamen infra negabimus.

SIT NIHILOMINVS CONCLUSIO, pena damni, si sumatur pro sola carentia diuinæ visionis, Respondet peccato originali in futura vita. An vero ex ea sequatur aliqua tristitia, dicemus postea; probatur *imprimis*, quia in capit. maior 1 de baptismo & eius effectu, diffinitur penam peccati originalis esse carentiam diuinæ visionis. Item, qui non habet gratiam, non habet ius ad gloriam, & qui excedit ab hac vita sine gratia, (vt qui decedit cum peccato originali, quod est mortis anime, vt diffinit TRIDENTINVM sessione quinta, decreto de peccato originali) non obtinebit eam in futuro. Deinde probatur ex fundamento Theologorum, scilicet penam damni correspondere auersioni à Deo, nam peccatum originale in nobis importat auersionem à Deo, vt patet ex supra dictis, & in hac conclusione omnes conueniunt.

AD ARGVMENTVM Responderetur, quod si pena damni sumatur pro sola carentia diuinæ visionis, excedit quidem ex parte obiecti penam sensus, quoniam priuat diuinam visionem, quæ incomparabiliter est maius bonum, quàm propria integritas, cui pena sensus expugnat; & sic considerata est à sanctis, cum eius grauitatem extollunt. Ceterum respectu subiecti non est dicenda maior pena, sed minor, quia priuat bono supernaturali, & naturæ nostræ improporcionatæ; ea enim pena est alicui maior, quæ priuat bono magis proprio; vt maiori quis afficietur pena, si priuetur proprio patrimonio, quàm si impediatur à consecratione regni, quod sibi non debetur. *Secundo* potest dici ad sanctos, quod loquuntur de pena damni eorum, qui propter personalia peccata sunt damnati: hæc enim, præter carentiam diuinæ visionis, includit intrinsece apprehensionem & nohtionem eius, vnde summa prouenit tristitia; & vermem conscientie, & iram Dei, quæ tamen non importat pena damni, quæ puniuntur decedentes cum solo peccato originali; & ex hoc patet solutio ad primam confirmationem.

Ad secundam Respondebimus dubio ultimo.

SECUNDVM DVBIVM EST.

Vtrum etiam Respondeat peccato originali pena sensus?

INTELLIGIMVS autem per penam sensus, dolorem, aut tristitiam damnatorum, prouenientem ab extrinseco aliquo cruciatu, aut à quacunque alia causa alicuius gentis propter voluntariam conuersionem ad creaturam, seclusa pena damni: quoniam de tristitia prouenienti ex pena damni dicemus dubio sequenti; probatur *pars affirmatiua*, primo quia decedentes cum solo peccato originali non intrabunt in regnum celorum, iuxta illud Iohannis 5. nisi quis renatus fuerit ex aqua & spiritu nullo non intrabit in regnum Dei, ergo detruidentur in gehennam ignis: probatur consequentia, quia tantum duo loca disponuntur hominibus in die iudicii, scilicet celum, & gehenna ignis, vt patet ex eo quod Mattheus 25. dicit, omnes homines diuidendos esse in duos ordines, quorum alter collocabitur à dextris, & alter à sinistris iudicantis; & quod existentibus à dextris dicitur: Venite benedicti patris mei accipite regnum æternum; existentibus autem à sinistris: Ite maledicti in ignem æternum qui paratus est diabolo & angelis eius, ergo necessarium est, quod, si decedentes cum peccato solo originali excludantur à regno, referantur igni.

Confirmatur primo, quia ad Romanos 5. dicitur, iudicium ex uno in condemnationem; ergo peccato originali Respondet condemnatio; ad quod facit illud, si vero non credideris, condemnabitur; nam paruulus, qui decedit cum originali, non habuit fidem.

Confirmatur secundo testimonijs sanctorum, nam hoc tenet AVGVSTINVS libro de fide ad Petrum capite 3. & 27. & in sermone de baptismo paruulorum, & libro 5. contra Iulianum, & in Enchiridio ad Laurentium capite 93 Et libro primo de peccatorum meritis & remissione, capite 19. verba autem AVGVSTINI in omnibus his locis adducit SIXTUS Senent. lib. 5. bibliothecæ sanctæ, annotatione 137. vbi etiam refert, idem affirmare GREGORIUM lib. 9. moralium cap. 16.

Secundo, peccato ratione conuersionis respondet pena sensus, vt docet D. THOMAS infra quæ. 87. articulo quarto; sed in peccato originali eodem modo reperitur conuersio, quo auertio; ergo sicut ratione auersionis respondet pena damni, sic ratione conuersionis pena sensus; probatur *minor*, quia qui habet peccatum originale non dicitur actualiter auersus, cum nullum habeat actum, quo auertatur à Deo, sed interpretatiue duntaxat, in quantum auersio actualis Adæ fuit interpretatiue suorum posterorum: sed similiter conuersio actualis Adæ ad bonum commutabile, fuit interpretatiue suorum posterorum, ergo eodem modo dicitur auersus & conuersus qui habet peccatum originale.

Tertio, peccato originali respondet pena sensus in hac vita; ergo etiam in futura; consequentia patet, ex paritate rationis; & antecedens probatur, quia mors, & corporis dolores, atque infortuitates, sunt penæ peccati originalis, sic enim Genesis 2.

Sub pena mortis interdicitur usus ligni, ut patet ex illo, in quacunque hora comederis, morte morieris: quod latè probat D. THOMAS 1. 2. quæst. 164. & q. 5. de malo articulo 4. at hæc omnia non pertinent ad penam damni, quoniam ista consistit in carentia diuinæ visionis; ergo pertinent ad penam sensus: & ex consequenti peccatum originale punitur in hac vita pena sensus.

Primo, si duo homines decedant ab ista vita, alter cum solo peccato mortali personali, & alter cum alio mortali æqualis grauitatis, & simul cum originali, isti puniri debent inæqualibus pœnis: quoniam decedunt cum inæquali culpa, & pœna infligitur iuxta qualitatem culpæ: sed in pœna damni non erit inæqualitas, quoniam uterque carebit diuina visione; ergo in pœna sensus; & ex consequenti pœna sensus, quoad aliquem gradum, respondebit peccato originali.

Confirmatur, quia si aliquis ab hac vita decedat cum peccato originali & veniali, punitur pœna sensus æterna: sed non propter peccatum veniale, quoniam ei non correspondet pœna æterna; ergo propter originale.

SED HIS NON OBSTANTIBUS SIT CONCLUSIO *negativa*, quæ probatur *imprimis* ex communi opinione scholasticorum, vno excepto GREGORIO qui in 2. d. 30. Et tribus sequentibus q. 3. in fine, dicit se neutram partem huius quæstionis alteri præferre. Deinde probatur ratione D. THOMÆ q. 5. de malo articulo 2. Et loco supra citato in 2. argumento, quia pœna damni correspondet auersioni a Deo, & pœna sensus conuersioni ad creaturam: sed decedentes cum solo peccato originali non habent conuersionem ad creaturam, siquidem, neque habent, neque vnquam habuerunt in seipsis peccatum actuale; ergo non sunt puniendi pœna sensus. Verum est quod maior suam habet difficultatem proprio loco explicandam; Alias duas rationes adducit D. THOMAS quæstione citata.

AD PRIMUM concesso antecedenti neganda est consequentia, & ad probationem dicendum est, quod solum sit sermo de damnatis, qui propter peccata personalia condemnabantur; & ita assignantur pro causa suæ damnationis peccata personalia, ut patet ex illo *esurians enim* &c. Quare præter illas duas sententias in illo capite relatas, erit alia tertia, etiam vniuersalis, ferenda contra eos, qui originale peccatum contrahentes, nullum actuale addiderunt, neque originalis remissionem obtinuerunt.

Ad primam confirmationem Respondetur, quod per iram, odium & damnationem intelligitur tota priuatio gratiæ & gloriæ, non etiam iudicium ignis; & ad AUGUSTINUM, dico, quod forte fuit illius sententiæ, aut quod inclinauit in vnum extremum, fugiens alterum Pelagianorum, (qui dicebant, pueros nullum peccatum contrahere, ac proinde nulla esse dignos pœna) quod commune est sanctis contra hæreticos disputantibus.

Ad secundam Respondetur, quod, qui habet peccatum originale, habet in seipso intrinsece & actu auersionem, per modum termini, ut supra dictum est. Et ratione huius intrinsece est dignus pœna damni, non ratione auersionis, quæ fuit in Adâ. At vero, quia non habet in se culpabilem conuersionem ad bonum commutabile, ideo non debe-

at ei pœna sensus. Quare ad argumentum in forma neganda est minor.

Ad tertium, dicunt, *aliqui*, calamitates huius vitæ pertinere ad pœnam damni, quoniam consequuntur priuationem iustitiæ originalis. *Secundo* respondetur cum D. THOMÆ q. 5. de malo articulo 4. ad quartum, concedendo antecedens, & negando consequentiā, & ratio discriminis est, quia pœnalitates huius vitæ non habent rationem pœnæ taxatæ, sed concomitantur priuationem iustitiæ originalis, & ideo possunt respondere peccato non habenti conuersionem, quia ratione auersionis potest quis priuari auxilij superaddito, ex quo prouenit quod postea patiatur multa incommoda; At vero pœna sensus in alia vita est taxata, & definita immediate pro culpa, & ideo non responderet nisi peccato, habenti actualem conuersionem. Et si quæras, cur non dicamus in alia vita respondere peccato originali pœnam sensus concomitantem? Respondetur rationem esse, quod ibi ratione status omnes defectus taxantur pro culpa, & non deseruiunt ad profectum virtutis, vel ad euitationem peccati, ut D. THOMAS dicit articulo citato ad quintum.

Ad vltimum Respondetur cum Abulenfi super caput 25. Matthæi q. 619. in principio, & cum alijs recentioribus, quod illi duo homines in illo casu puniuntur pœna æquali. *Ad confirmationem* Respondetur negando casum, de quo infra q. 89. articulo 6. & 2. & eo admissio, dicendum est, quod illi puniuntur pœna sensus propter peccatum veniale: & illa erit æterna, non propter grauitatem culpæ, sed ratione subiecti, quod est sine gratia, sine qua non fit remissio culpæ.

TERTIVM DVBIVM EST.

Vtrum saltem respondeat peccato originali aliqua interna tristitia?

RESPONDETUR *primo* cum Abulenfi super caput citatum q. 666. circa finem, & tota q. 671. circa finem, & Soro 1. de natura & gratia capite 14. non esse inconueniens, admittere illam tristitiam in damnatis propter solum peccatum originale: ita tamen, ut dicamus, eam provenire dumtaxat ex eo, quod aliquo modo cognoscant, se esse priuatos diuinæ visionis: neque hoc repugnat supra dictis, quia ista tristitia non pertinet ad pœnam sensus, sed ad pœnam damni, ex qua sequitur; erit tamen tristitia illa mitissima pœna, quia apprehensio amissæ felicitatis, utpote boni supernaturalis, non erit nimis molesta, nec adeo impressa memoriæ, ut non posset ab ea cessare; Neque ex hoc sequitur quod voluntas illorum sit culpabiliter disconformis diuinæ voluntati, volenti in eis illam priuationem; quia voluntas recta solum debet esse conformis diuinæ, in eis, quæ voluntas diuina vult ipsam velle, sicut filius quantum in se est recte dolet de morte patris, de quo supra q. 18. & 19.

Secundo Respondetur, quod damnati propter solum peccatum originale nullam sentiunt tristitiam, ita D. THOMAS qu. 5. de malo articulo 3.

Et DURANDVS in 2. dist. 33. quæst. 3. & in 4. distinct. 44. quæst. 11. numero 11. & 12. Et GABRIEL. in 2. dist. 33. quæstione vnica, articulo tertio, dubio tertio, vbi etiam refert SCOTVM. Et CATARINVS in libello de statu futuro puerorum sine Sacramento decedentium: huius autem ratio est, quod non cognoscent se esse ordinatos ad beatitudinem supernaturalem, & in pœnam peccati priuari ea: quia neque viribus naturæ id possunt cognoscere, neque supernaturaliter est eis reuelatum.

Sed obicit, quia in iudicio ex cognitione sententiæ suæ damnationis scient hæc omnia: Item, quia de ratione pœnæ est repugnare voluntati; & tandem, quia ex detentione in loco limbi tristabuntur.

Ad primum Respondetur, quod nihil eorum cognoscent, illud ita disponente Deo; neque id est necessarium vt talis priuatio habeat rationem pœnæ, vt si alicui inficis comburatur domus.

Ad secundum, dico non esse de ratione pœnæ repugnare actuali voluntati, sed satis esse quod repugnet habituali, vt patet in exemplo adducto, ita D. THOMAS in loco citato ad 1.

Ad vltimum Respondetur, negando illud, quoniam scient se esse alterius status, & cum nunquam fuerint nobiscum versati, & videant non oportere se nostris rebus interesse, nullum habent appetitum existendi in hoc exteriori orbe: Item sciunt, non esse ipsis debitum alium locum meliorem, sicut inquit ABVLENSIS loco citato quæst. 665. Et id explicat exemplo 2.

animarum antiquorum patrum, quæ erant in sinu Abrahæ.

Sed quamuis hoc verum sit de animabus ante corporum resurrectionem, tamen si ibi postea derinerentur, cum sit locus sub terra omni carens luce, difficile est quod non afficiantur aliqua tristitia, cum priuentur luce corporea, & ex consequenti vsu potentiz vsuque sibi debito, & connaturali.

Ad hoc ABVLENSIS capite citato quæst. 666. dicit quod tristitia ista erit exigua, & pertinebit ad priuationem supernaturalium, quæ nullo modo erunt ipsis debita, quoniam non poterunt frui luce, nisi sint in isto externo orbe, & fruuntur in nouatione supernaturali elementorum; aut Deus miraculose in illis locis subterraneis producat aliquod luminare, & neutrum est ipsis debitum secundum suam naturam. Alij vero cum PALVDANO in 4. d. 45. quæst. 3. Et CATARINO in fine tractatus supra citati dicunt, quod illi post diem iudicij, habitabunt in hoc exteriori orbe in superficie, vt elementorum amantitate, & astorum luce fruuntur: ita tamen vt non possint corpoream lætionem pati, quia erunt incorruptibiles, & immortales: non quidem perdotes gloriæ sicut beati, sed tamen perfectiori modo quàm damnati. Et hæc sententia non videtur mihi improbabilis, quamuis circa illum exitum à limbo nihil tanquam certum statuam. Aliqui disputant, an qui decedunt cum solo peccato originali sint habituri beatitudinem naturalem? sed de hoc alibi agendum est.



QVÆSTIO LXXXIV.

DE CAUSA PECCATI,

Secundum quod vnum peccatum est causa alterius peccati.

ARTICVLVS I.

Vtrum cupiditas sit radix omnium peccatorum?

CONCLUSIO. Cupiditas, secundum quod est speciale peccatum consistens in appetitu inordinato diuitiarum, est radix omnium peccatorum.

COMMENTARIVS.

NOTANDVM PRIMO, quod, vt probet D. THOMAS hanc conclusionem, adducit imprimis testimonium Pauli qui 1. ad Timotheum vltimo, ita inquit: *radix enim omnium malorum est cupiditas*, & loquitur in par-

ticulari de cupiditate pecuniarum; quoniam vult probare id, quod ante dixerat, scilicet, *eos qui volunt diuites fieri, incidere in temptationem, & liquem diaboli*. Secundo adducit hanc rationem. Ea pars arboris, quæ præbet alimentum toti arbori, dicitur eius radix; sed cupiditas diuitiarum subministrat pabulum omnibus malis, quia per diuitias acquiritur facultas perpetrandi omnia mala, iuxta illud Ecclesiastes 10. *pecunia obediunt omnia*; ergo etiam cupiditas poterit dici radix omnium peccatorum.

SECUNDO NOTANDVM, omnes fere Theologos conuenire in hac conclusione, propter testimonium Pauli; quamuis BONAVENTURA in 2. dist. 41. dub. 4. circa litteram magistri, dicat, avaritiâ sumi pro immoderato amore alicuius boni creati: Cui fauet AVGVSTINVS tomo 3. lib. 11. de Gen. ad litteram cap. 15. & tomo 8. super Psal. 118 con-
tione 11. prope finem: & tomo 9. in expositione

prioris epistolæ Ioannis tractatu 8. quibus locis dicit, Paulum, per speciem intellexisse genus, hoc est per avaritiam specialem, quæ est amor pecuniæ, intellexisse avaritiam generalem, quæ est appetitus habendi plus, quam oportet. Tamen non negat BONAVENTURA, intelligi posse Paulum de avaritia, quæ est speciale peccatum; sed tam ipse, quam AUGUSTINUS hoc dicunt, ut concilient hanc Pauli sententiam, cum illa Ecclesiastici 10. *initium omnis peccati superbia*; de quo dicemus articulo sequenti. Et reuera negari non potest, esse conformius intentioni Pauli, explicare ipsum de speciali vitio avaritiæ, ut D. THOMAS probavit ex antecedentibus: & ita intelligunt ipsum communiter sui expositores. Et confirmari potest, quia pro avaritia ponitur in Græco vox philargyria, quæ proprie significat studium vel amorem pecuniarum, ut CASSIANUS, interpretatur libr. 7. de institutis renunciantium cap. 1. & 6. & BASILIUS epist. 76. in fine: & in illud Isaia 5. *propter hoc, quemadmodum comburetur stipula à carbone ignis* &c.

Sed hic polito

DUBIUM EST.

An conclusio sit intelligenda de radice peccatorum ordine intentionis, vel potius ordine executionis?

ET RATIO dubitandi est, quia sicut isti ordines distinguuntur inter se, ita diuersis rationibus erit explicanda prioritas in eis: nam ordine intentionis illud dicitur prius alijs, & radix eorum, quod fuerit in genere causæ finalis principium; in ordine executionis id, quod præbet facultatem, & oportunitatem ad exequendum cætera.

Ad hoc CABETANUS, CONRADUS, & omnes expositores D. THOM. hoc loco, cum CAPREOLUS in 2. dist. 43. q. unica, artic. 1. conclusione 3. & artic. 3. in solutione ad 2. DURANDI contra eandem conclusionem, dicunt, hanc sententiam D. THOM. intelligendam esse de radice ordine executionis.

Sed tamen DURANDUS in 2. dist. 42. quæst. 4. quamuis conueniat cum D. THOMA in conclusione, tamen dicit non esse intelligendam de radice ordine executionis, sed solum de radice ordine intentionis; ita ut avaritia dicatur radix omnium peccatorum, quia immoderatus appetitus congregandi diuitias, est motum ad transgrediendum quascunque leges humanas & diuinas, & ad committendum quæcunque peccata: propter quod dicitur de avaro Ecclesiast. 10. *Hic enim & animam suam venalem habet.*

Et probat hoc DURANDUS, quoniam avaritia est appetitus inordinatus retinendi pecunias; ergo non est radix peccatorum ordine executionis, hoc est quia præbet facultatem exequendi mala desideria & peccata; patet consequentia quoniam avaritia non potest præbere hanc facultatem, nisi media pecunia, & pecunia non præbet eam ut re-tenta, sed ut profusa per prodigalitem.

Confirmatur ex Paulo, nam ante ista verba, ra-

A dix enim omnium malorum &c. ita inquit, qui volunt diuites fieri incidunt in tentationem &c. quod non potest intelligi secundum ordinem executionis, quoniam desiderium habendi pecunias non præbet facultatem, aut opportunitatem committendi peccata; sed pecuniæ reipsa habitæ præstant eam. Et post eadem verba sic ait: *quam quidam appetentes aberrauerunt à fide*, quod etiam non potest illo modo intelligi, quoniam diuitiæ non præbent facultatem errandi in fide.

RESPONDETUR nihilominus, melius explicari conclusionem istam de radice ordine executionis. Probatur imprimis, quoniam D. THOM. aperte hoc modo eam intellexit, ut pater ex ratione, quam ex ipso adduximus ad eius confirmationem: & ex fine corporis articuli sequentis; & præterea, quia secundum ordinem intentionis, de quocunque peccato, cui aliquis sit magna propensione deditus, poterit dici, quod est radix omnium peccatorum, cum videamus eos, qui alicui vitio sunt ita dediti, exponere seipsum cuicunque periculo siue corporis, siue animæ, ut voluntatem suam expleant: & tamen

B Paulus loquitur peculiariter de vitio avaritiæ.

Neque potest dici, esse hoc peculiare in vitio avaritiæ, quod semper habeat adiunctam vehementem propensionem; quoniam hoc magis conuenire vitijs carnalibus docuit D. THOMAS supra quæst. 73. art. 5. & probat optima ratione, scilicet, quoniam habent in nobis ipsis vehementius impulsuum, id est, ipsam concupiscentiam carnis nobis innatam; Et propterea CASSIANUS lib. 7. de institutis renunciantium cap. 2. & 3. dicit, incitamenta horum vitiorum esse velut ingenta humanæ naturæ, & habere in nobis principia: & tamen cap. 5. id negat de avaritia, de qua dicit, extrinsecus contrahi; & D. THOMAS 2. 2. q. 118. art. 5. ad 3. dicit, eam oriri & augeri propter defectum humanæ naturæ.

C EST AUTEM advertendum, quod, cum dicimus, avaritiam esse hoc modo radicem omnium peccatorum, debet intelligi de eo, quod moraliter, id est regulariter, & ut plurimum accidit, ut D. THOM. ad 3. docet: quare non est necesse, nullum esse vitium in homine, quod de facto non habuerit ortum ex avaritia, aut nullibi reperiri avaritiam sine alijs vitijs, sed satis est, avaritiam, quantum est de se, esse sufficientem occasionem in sensu explicato, ut homo incidat in reliqua peccata.

AD ARGUMENTUM DURANDI responderetur, cum CAPREOLO, CAISTANO, & CONRADO locis citatis, avaritiam sumi duobus modis: Primo strictè pro vitio opposito prodigalitati, quo deficiamus in erogando pecunias; Secundo magis latè pro inordinato affectu circa pecuniam, prout abstrahit à nimia retentione, & à superflua erogatione; & hoc modo sumi à D. THOM. in hoc articulo: & ita sumptam deferuire etiam ad prodigalitem, quoniam inordinatus amor pecuniarum indifferenter inclinat ad male retinendum, & ad malè expendendum, & ideo ad argumentum, negandum esse antecedens.

Neque obstat quod D. THOM. utatur nomine avaritiæ; nam licet hoc nomen soleat tribui huic vitio sumpto priori modo, tamen negari non potest, quod etiam conueniat ei posteriori modo sumpto; & ad vitandam hanc æquiuocationem solet vitium ita sumptum appellari ab aliquibus nomine cōmuni cupiditas, & ab alijs, ut à Cassiano



latius vol' gae editionis i. quibus non discordant
Sicut & quomodo in pontificio sic habeatur, *mi-
nus superbia peccatum*, tamen in scholis obser-
vatur in alijs haberi, sicut nos legimus: *sum
seruus*, quia nostram sequuntur Sancti, vt *Ay-
dovs iayv* lib. 8. de musica cap. 13. & tomo
3. lib. 11. de Genesi ad litteram cap. 15. & to-
mo 7. lib. 12. de ciuitate cap. 6. & lib. 7. de
statu & gratia contra Pelagianos cap. 29. &
tomo 7. in Euangelium Iuannis tractatu 15. *Gaz-
dovs* lib. 11. moralium cap. 31. & homilia 18.
in Hierusalem. *Bernardus* sermone 1. de
Aduentu.

Secundo probatur ratione D. THOMAE,
quodam appetitus finis est principium & initium
(ordine intentionis) appetitus mediorum: sed
superbia est inordinatus appetitus finis omnium
temporalium, qui est propria excellentia; & res-
liqua peccata consistunt in inordinato appetitu
reliquorum temporalium; ergo superbia est ini-
tium reliquorum peccatorum ordine inten-
tionis.

Secundo aduerte ex Divo THOMA 1.2. quest. 162. D
articulo septimo ad primum, quod sicut articu-
lo precedenti diximus de auaritia, ita nunc di-
cendum est de superbia: non ideo appellari *ra-
dicem* omnium peccatorum, quia *de facto* sem-
per habet adiuncta alia peccata, aut quia
quodlibet peccatum in particulari ex ipsa ori-
tur: sed quia quodlibet genus peccati *natum est*
ex ipsa sequi.

AD PRIMUM DURANDI respondet D.
THOMAS ad tertium, ad idem pertinet, quod
ponatur initium omnis peccati superbia, huc
amor proprius: quod intelligi potest, *vel quia*,
(vt ait CATERANUS,) licet superbia sit pars
amoris proprii, tamen, vt extensa virtualiter ex-
tendatur ipsi, quia tanquam finis extenditur ad
omnia, ad quos amor proprius: *vel quia* (vt alij
dicunt) propria excellentia est id, quod amato-
res sui positimum expectant.

Secundo Respondetur, quod (vt explicui loco

citato in argumento) amor sui non dicitur prin-
cipium omnium peccatorum, tanquam pecca-
tum ab ipsis distinctum; at vero in hac que-
stione inquitur DIVVS THOMAS, an
unum peccatum sit causa alterius, & hoc mo-
do dicit superbia esse principium omnium pec-
catorum.

Ad secundum Respondetur, quod etiam tur-
pis delectatio, & fuga in bello, possunt appre-
hendi vt conducentia ad propriam excellen-
tiam: *vel quia*, taliter conducent ad habendam
abundantiam bonorum, de qua multi gloriatur,
vel quia deseruiunt ad vitandum alias ignomi-
nias, que ab ipsis reputantur iniuriosas, vt fuga
ad vitandum eas ignominias, quibus aliquis af-
flicti possit à suis inimicis, si in eorum manus in-
cideret; & fornicatio ad vitandum aliquod ma-
lum nomen apud homines.

ARTICVLVS III.

*Utrum prater superbiam & auaritiam
sint alia specialia peccata, que dici
debeant capitalia?*

CONCLUSIO est affirmatiua.

ARTICVLVS IV

*Utrum conuenienter dicantur septem
contra capitalia?*

CONCLUSIO est affirmatiua. De qua Divo
Gregorius lib. 31. moralium cap. 31.



QVÆSTIO LXXXV.

DE EFFECTIBVS PECCATI.

ARTICVLVS I.

Vtrum peccatum diminuat bonum naturæ?

PRIMA CONCLVSIO. Bonum natura, quod sunt principia, ex quibus ipsa natura constituitur, & proprietates ex his causata, nec tollitur, nec diminuitur per peccatum.

SECUNDA CONCLVSIO. Bonum natura, quod est donum iustitiæ originatis, totaliter est ablatum per peccatum primi parentis.

TERTIA CONCLVSIO. Bonum natura, quod est inclinatio naturalis ad virtutem, diminuitur per peccatum.

ARTICVLVS II.

Vtrum bonum humane naturæ possit auferri per peccatum?

CONCLVSIO. Bonum humane naturæ, quod est naturalis inclinatio ad virtutem, quamuis per peccatum diminuat, tamen non potest per ipsum totaliter ab homine tolli.

COMMENTARIVS.

IN his duobus articulis D. THOM. explicat eandem difficultatē, scil. quomodo peccatum noceat bono naturæ humane: nā in secundo solum addit ijs quæ dixerat in primo, doctrinam quandam necessariam ad dissoluendum primū argumentum ipsius. Quare nos circa tertiam conclusionem primi & circa conclusionem tertij, quæ eadem est cum ipsa, explicabimus vnum

DVBIVM:

An inclinatio naturalis ad virtutem possit in homine diminui per peccatum?

IN qua re SCOTVS in 2. dist. 37. quæ. vnica, ipsa quæstiones, & 5. contra primum istorum modorū, & GABRIEL. dist. 35. quæ. vnica, art. 2. concl. 2. sequuntur partem negativam: quamuis expresse dicant, se loqui de potentia secundum suam entitatem & essentiam; & clarius eam sequitur DVANDVS in 2. dist. 34. quæ. vlt. num. 7. vbi dicit in anima humana esse duplicem inclinationem ad virtutem; *vnā primā* & remotā, quæ est ipsa potentia secundum se, & *aliā propinquā*, quæ est habitus virtutis; & priorem non posse tolli nec diminui; *posteriorem* vero posse diminui, & tandē tolli

A per habitus oppositos; & ita expresse negat, inclinationem naturalem posse diminui per peccatum, quia inclinatio naturalis est, quæ conuenit potentie sine habitu. Et probatur hæc sententia.

Primo, quia inclinatio naturalis ad virtutem est vna ex proprietatibus, quæ habetur ex principiis humane naturæ: quoniam non est aliud, quā ipsa potentia: ergo si hæc potest diminui per peccatum, sequitur quod possit diminui bonum naturæ, prout importat ea, quæ consequuntur ex principiis humane naturæ, quod est contra primam conclusionem articuli præcedentis.

Secundo, inclinatio ista est finita, ergo si per peccatum diminuitur, poterit omnino tolli additione peccatorum, quæ potest fieri in infinitum: pater consequentia, quia *omne finitum ablatione finitū tandem finitur*, si ablatio non fiat per partes proportionales; vt D. THOMAS in hoc articulo docet non fieri in hoc casu.

B *Tertio* actus virtutum non augent inclinationem naturalem ad virtutem: ergo neque actus peccatorum diminuit eam.

SED HIS NON OBSTANTIBUS *sententia* D. THOM. est *verissima*, scil. *inclinationem naturalem ad virtutem posse diminui per peccatum*. In qua conueniūt præter CAIET. & CONRAD. hoc loco, & CAPREOLVM in 2. dist. 34. quæ. vnica, art. 1. cōcl. 3. & FERRARIENSIS EM 3. contra gentes cap. 12. & alios Thomistas recentiores, ALEXANDER 2. par. qu. 94. membro 3. art. 4. in corpore, & ad 2. RICHARDVS in 2. dist. 35. circa secundum principale qu. 1. & 2. GREGORIUS eadem dist. qu. vnica, art. 1. ad sextum contra primā conclusionem. MAIOR etiam ibidem qu. vnica in fine, & MARSIIVS in 2. qu. 21. art. 3.

C *Sed ad explanationem* & probationem huius sententiæ *aduerte primo*, quod in potentia, quæ est in homine principium operandi secundum rationem aut exercendi actus virtutum, possunt, præter actus & habitus, considerari alia duo: *primum* est ipsa entitas potentiæ, tam secundum suam essentiam, quam secundum quantitatem virtutis ad agendum; *secundum* est, quod sit prompta, & apta ad operandum secundum rationem; & hoc secundum appellatur à D. THOMA varijs nominibus in diuersis locis, in quibus hanc eandem sententiam docuit: nam hoc loco appellauit ipsum *inclinationem naturalem*, & prima parte, quæst. 48. art. 4. *habilitatem potentiæ*, & 3. contra gentes cap. 12. *apertitudinem naturalem*.

Secundo aduerte, hanc inclinationem naturalem, siue habilitatem aut apertitudinem ad virtutem, esse eandem ipsam entitatem potentiæ, consideratā non absolute, & secundum se, sed quatenus importat ordinē, & quasi approximationem ad consequendū suum terminum, scilicet actum virtutis: ex quo fit, vt dupliciter possit intelligi, ipsam

augeri & minui: *primo* secundum suam entitatē, ut si eius entitas intrinsece augeatur, vel diminuat, siue id fiat per additionem, aut detractionem alicuius gradus, qui sit eiusdem rationis cū ipsa, siue per maiorem aut minorem radicationem sui ipsius in subiecto, quemadmodum habitus virtutum per se augentur, & diminuuntur. *Secundo*, quatenus importat ordinem ad consecutionem sui actus, vel ad pertingendum ad eius exercitium, ut si aliquo modo fiat, quod facilius aut difficilius possit pertingere ad suum actum, quam posset secundum suam naturam, quoniam pro ratione maioris aut minoris facultatis est maior aut minor, quatenus importat illum ordinē, etiam si secundū suam entitatē maneat immutata. Et quāvis *priori* modo nō possit augeri, neq; minui per suos actus, sicut nec entitas potētiae: tamē posteriori modo bene potest augeri per actus virtutū, quoniam acquisitione virtutis potest facilius consequi suum actum; & per peccata diminuitur, quoniam difficilius potest consequi eundem actum propter appositionem impedimentorum.

Ex his sequitur *primo*, sensus conclusionis D. THOM. & eius ratio, nam conclusio est intelligenda de inclinatione naturali, nō secundum suā entitatem, sed quatenus importat ordinem ad consecutionem sui actus; & de diminutione eius, non per mutationem intrinsecā suæ entitatis, sed per appositionem impedimentorū. Et ratio eius est, quia (ut dixi) peccata quatenus inclināt ad oppositū virtutis, impediūt ne inclinatio naturalis cōsequatur ita facile actus virtutis, sicut sine eis posset consequi.

Secundo sequitur, duplex ratio, propter quam D. THOM. non dixerit, potētias diminui per peccata, etiam isto secundo modo, quantumcunque impediantur: *prima* est, quia ista diminutio non fit, nisi in ordine ad actum, & hic ordo magis exprimitur nomine inclinationis naturalis aut habilitatis, quā nomine potētiae, v.g. voluntatis. *Secunda* est, quia inclinatio ad virtutem ita diminuitur, ut nulla ex parte augeatur: volūtas vero, quamvis diminuat in ordine ad virtutem, tamen in ordine ad vitium augetur, & ideo simpliciter non diminuitur.

Tertio sequitur solutio cuiusdā obiectionis, quæ posset fieri cōtra conclusionē ita explicatā, sc. quod sequatur, charitatē diminui per peccata venialia, quatenus eis impeditur actus charitatis, quod tamen est contra id, quod communiter dici solet, cū D. THOM. 2. 2. quæst. 24. art. 11. Nam respondetur, negando sequelam, quoniam nomine charitatis, aut habitus non ita exprimitur ordo, aut approximatō ad actum, sicut nomine inclinationis aut habilitatis: quare de inclinatione, aut habilitate charitatis ad operandū, forte non erit inconueniens concedere, quod diminuat per peccata venialia, in eo sensu, quo id conceditur de inclinatione voluntatis ad opera virtutum; neque contrarium dicunt Theologi loco citato, quoniam loquūtur de diminutione charitatis intrinseca, & quantum ad eius entitatem: quamvis neque hoc sit necesse concedere, quoniam peccata venialia non impediunt absolute actum charitatis, quia non inclinant ad oppositum, sed solum feruorem ipsius.

Primo sequitur solutio alterius difficultatis, scilicet *conclusio sit intelligenda etiam de peccato omissionis*: nam respondetur, quod regulariter peccatū omissionis non est sine actū, & ita regulariter potest diminueri inclinationem ad virtutem; si tamen in a-

liquo casu fuerit sine omni actū, non poterit diminueri eam, quoniam pura omisso non inclinatur ad oppositum virtutis, & peccatum non diminuit inclinationem ad virtutem, nisi quatenus inclinatur ad oppositum.

Ad *primum* alterius sententiæ responderetur, cōcedendo consequentiam, si consequens intelligatur de diminutione, quæ fit per per appositionem impedimētū; neque hoc est contra primā conclusionē articuli præcedentis, quoniam intelligenda est de diminutione, quæ fit intrinsece in ipsa entitate rei per detractionem alicuius gradus ipsius.

Ad *secundum*, relicta solutione, quam D. THOM. impugnat in hoc articulo, & alijs multis, quas RICHARDVS q. 2. supra citata refert & impugnat; Respondetur, negando consequentiā: & ad probationem dicendū est cum D. THO. hoc loco, & 1. p. q. 48. art. 4. ad 3. *maximā* illam esse verā, quando ablatio aut diminutio sit intrinsece in ipsa etitate rei, nō tamen quando sit extrinsece per appositionē impedimentorū; quia quantumcunque impedimenta multiplicētur, nihil detrahatur de entitate potētiae, & ita semper manet inclinatio, aut habilitas intrinseca ipsi, ut patet in exemplis, quæ a D. THOMA adducuntur in locis citatis, de habilitate animæ ad gratiam, & diaphani ad lumen, quoniam neutra tollitur omnino, quantumcunque multiplicentur impedimenta ad recipiendum formam.

Quod si ita obijciatur, possunt apponi tot impedimēta, ut inclinatio ad virtutem, non solum difficilius possit exire in actum, sed etiam ut omnino nō possit; ergo ut etiam omnino auferatur; patet *cōsequentiā*, quia ut inclinatio potētiae dicatur diminui, satis est, quod ita impediatur, ut difficilius possit exercere suum actum; similiter ut dicatur tolli, erit satis, quod ita impediatur ut omnino non possit exire in actum. *Respondetur primo*, negando antecedens pro isto statu viæ, quia omnia impedimenta malarū inclinationum, quæ in isto statu adueniūt voluntati, subordinantur libertati ipsius, quoniam *habitus virtutis cū volumus*, & ita nunquam eis ita impeditur, ut omnino non possit operari. *Addit* tamen illa verba *pro isto statu*, quia de damnatis, qui sunt obstricti in malo, alia ratio est. *Secundo* responderetur, negando consequentiā; & ad probationē etiā est neganda consequentiā: & ratio discriminis est, quia ut inclinatio ista diminuat, satis est, quod aliquo modo fiat minor, siue intrinsece, siue extrinsece: ut autem omnino tollatur, requiritur, quod nullo modo maneat, etiam secundū suam entitatē, & hoc nō potest fieri per quæcūque impedimenta, etiā si adeo crescant, ut ratione ipsorum nullo modo posset inclinatio naturalis exire in actū. Ex quo etiam patet, manere in damnatis inclinationē naturālē ad virtutem, quamvis non possint exercere aliquem actum, qui simpliciter sit bonus moraliter, ut D. THOM. docet hic ad 3. & 1. par. q. 64. art. 2. ad 3. cuius signū est, quod manet in eis remorsus conscientie, iuxta illud Isaie 66. & Marci 9. *Vermis eorum non morietur*, & ratione probatur ex ijs, quæ modo dicebamus, quia potētiae naturæ rationalis manet in eis integræ, ut ex DIONYSIO 4. cap. de diuinis nominibus docet D. THOMAS articulo præcedenti ad 1. ergo etiam manet in eis radicaliter, & quantum ad suam entitatem, inclinatio naturalis ad virtutem.

ARTICVLVS III.

Verum conuenienter ponantur vulnera naturæ ex peccato consequentia, infirmitas, ignorantia, malitia & concupiscentia.

CONCLVSIO. Ista quatuor sunt vulnera inflicta toti humanæ naturæ ex peccato primi parentis, & etiam consequentia in unoquoque ex suis peccatis aduabunt.

COMMENTARIVS.

QUA hic dici poterant circa modum, quo ista vulnera inflicta sunt humanæ naturæ ex peccato primi parentis, & circa ipsorum rationes, hoc est an sint aliquid positium, superadditum naturæ, siue ut qualitas, siue ut modus: explicata sunt supra, qu. 82. art. 1. ubi egimus de concupiscentia; quare hic solum est aduertendum, duo illa peccata, scilicet actuale & originale, non esse eodem modo causas istorum vulnerum; nam actuale est causa per appositionem contrariæ inclinationis, ut articulo primo docuit DIVVS THOMAS: originale vero, per remotionem iustitiæ originalis, & donorum, quibus & ratio adiuuabatur, ut saltem circa agibilia communiter non erraret; & reliquæ potentie continebantur, ne absque signo rationis ferrentur in bona sensibilia; ex quo sequitur, quod vulnera ista, ut sunt effectus peccatorum actualium, sint inclinationes positivæ, quæ ex actibus in potentia generantur: tamen ut sunt effectus peccati originalis, sint ipsæ potentie, ut destituntur illis donis, quibus continebantur in officio.

ARTICVLVS IV.

Verum priuatio modi, speciei, & ordinis, sit effectus peccati?

CONCLVSIO est affirmativa: ad cuius explanationem videndus est D. THOMAS 1. par. qu. 5. art. 5. ubi docet, omne bonum consistere in modo, specie & ordine.

ARTICVLVS V.

Verum mors, & alij corporales defectus, sint effectus peccati?

CONCLVSIO. Peccatum primi parentis est causa mortis & reliquorum defectuum corporaliū, in humana natura, non quidem per se, sed per accidens & ut remouens prohibens, scilicet iustitiæ originalis.

COMMENTARIVS.

QUOD mors sit effectus peccati primi parentis, est de fide, ut constat ex illo Genes. 3. in quacunque hora comederitis &c. & ad Rom. 5. Et per peccatum mors; & est definitum in concilio MILLEVIANO cap. 1. & in AFRICANO cap. 76. & in TRIDENTINO sessione 5. in decreto peccati originalis §. 1. & 2. de quo agit D. THOMAS 1. par. qu. 97. art. 1. & 4. & 2. 2. q. 164. art. 1. Quod autem sit effectus peccati per accidens, hoc est: tanquam causa remouens prohibens, constat ex eo, quod propter peccatum Adæ amissimus ea, quibus à morte præseruaretur: quæ autem sint ista, explicari debet 1. par. loco citato.

ARTICVLVS VI.

Verum mors, & alij defectus, sint naturales homini?

CONCLVSIO. Mors est homini naturalis, non secundum inclinationem formæ, sed secundum inclinationem materiæ.

COMMENTARIVS.

NEQVE obstat huic conclusioni, quod in duobus prioribus Concilijs citatis articulo præcedenti damnetur, qui dixerint, quod Adæ ex necessitate naturæ moreretur: aliud est, hominem esse de facto moriturum necessitate naturæ, etiam secluso peccato; & aliud, hominem habere, quod sit mortalis, & corruptibilis, ex conditione suæ materiæ, & consequenter mortem esse consonam naturæ, & inclinationi materiæ; & Concilia damnant primum, & D. THOM. docet secundum; & est expresse sententia D. AVO. to. 7. lib. de peccatorum meritis & remissione cap. 5. ubi inquit, quod corpus Adæ ante peccatum erat mortale, sed non moriturum, si in eo statu permaneret.

QVÆSTIO LXXXVI.

DE MACVLA PECCATI,

ARTICVLVS I.

Verum peccatum causet aliquam maculam in anima?

CONCLUSIO est affirmatiua.

ARTICVLVS II.

Verum macula maneat in anima post actum peccati?

CONCLUSIO est affirmatiua.

COMMENTARIVS.

CIRCA hos duos articulos agendum est de macula peccati, de qua explicanda sunt quatuor, scilicet an sit, quid sit, quam causam habeat efficiētem, & quam materialem, hoc est ubi sit, tanquam in subiecto.

DVBIVM PRIMVM.

An sit macula ex peccato derelicta?

DE PRIMO fere nulla est difficultas, nam omnes conueniunt in duobus: quorū PRIMVM est, in homine post actum peccati, siue transeunte peccato actuali manere aliquid, quod vere habet rationem culpæ & peccati, & a quo ipse vere & proprie dicitur peccator, quādiu non assequitur peccati remissionem: & hoc colligitur ex communi modo loquendi Scripturæ: nā Lucæ 7. dicitur, quod erat mulier in ciuitate peccatrix: & cap. 5. dicitur de Christo quod manducabat cum peccatoribus: & ad Romanos 5. cum adhuc peccatores essemus &c. & sæpe in Scriptura homines propter peccata, quæ ante commiserant, appellantur peccatores, iniusti, & iniqui, & denique videtur etiam hoc colligi ex concilio TRIDENTINO: nam sess. 6. decreto de iustificatione cap. 7. dicitur, hominem, cum iustificatur, fieri iustum ex iniusto, ergo antequam iustificaretur, erat vere & proprie iniustus, & sess. 14. doctrina de Sacramento penitentiae c. 6. & can. 10. supponitur, posse Sacerdotes, cum exerceant munus absolvendi, tenere peccato, & esse in peccato mortalibus, quod antea commiserant.

A Et confirmatur, quoniam in Adamo post actum peccati, antequam pœniteret, mansit aliquid, quod vere & proprie haberet rationem culpæ & peccati: ergo & in ceteris hominibus, postquam actualiter peccant; antecedens probatur, quia in pueris, dum nascuntur ex Adam, est aliquid, quod verā & propriam rationem culpæ & peccati habet, ut supra ostēdimus ex eodem concilio sessione 5. decreto de peccato originali §. 5. ergo etiā in Adamo post peccatum mansit aliquid, quod vere haberet rationem culpæ; patet ista consequentia, quia pueri, dum nascuntur in peccato originali, nihil habent siue positium, siue priuatiuum, quod ad rationem illius peccati pertineat, quod nō habuerit Adamus post peccatum, antequam pœniteret.

A Alterum est, manere etiam in homine, post peccatum, maculam quandam, siue hæc sit omnino idem cum eo, a quo tunc homo formaliter dicitur peccator; siue addat illi aliquid, de quo postea dicemus, & hoc etiam colligitur ex communi modo loquendi Scripturæ, quod D. THOM. in argumentis sed contra istorum articulorum, probat ex illo Ecclesiast. 47. dedisti maculam in gloria tua, & ex illo Iosue 22. & usque in presentem diem macula huius sceleris in vobis permanet; sed in priori testimonio per maculam cōmuniter non solet intelligi macula peccati, sed infamia, quam Salomon per peccatum contraxit, quæ merito appellatur macula gloria ipsius: & in posteriori per maculam illius sceleris, non solet intelligi macula culpæ relictæ ex illo scelere, quia iam tunc quantum ad culpam erat condonatum, ut constat numerorum 21. sed vel infamia, vel contagio illius mali, hoc est affectio, quæ ex eo tempore manserat in aliquorum animis ad perpetrandum idem facinus; vel calamitates & pœnæ, quibus Deus iam cōdonata culpa decreuerat punire aliquos eorum: & hoc tertium placet magis Masio. Quare rectius probatur ex illo ad Ephesios 5. & exhiberet sibi gloriosam Ecclesiam, non habentem maculam neque rugam; quod etiam adducit D. THOM. art. 1. & ex eo quod in Scriptura peccata appellantur sordes, & dicuntur inquinare hominem: ut Apoc. 22. & Matthæi 15. & iustificatio appellatur ablutio & mundatio & alijs nominibus, quibus significatur, tolli à nobis aliquam maculam per ipsam, ut in materia de Gratia dicendum est. Neque contra hoc sunt aliquæ difficultates, præter eas, quæ oriuntur ex alijs, quæ proposuimus explicanda. Et hæc de primo.

Circæ secundum, scilicet

EST SECUNDVM DVBIVM.

Quid sit illud quod post actum peccati, habet in homine vere & proprie rationem peccati.

§ 1. *Varie sententia adferuntur.*

IN HOC DVBIO maior est difficultas, & varietas sententiarum. PRIMA est SCOTI in 4. dist. 14. q. 1. §. dico ergo, & dist. 16. qu. 2. §. respondet, ubi inquit, maculam, à qua homo, transiente actu peccati, dicitur peccator; esse ordinationem passivam ad penam, & hanc ordinationem dicit esse relationem quandam rationis, quæ convenit ei, in quantum est obiectum dimini intellectus, aut voluntatis, ordinantis ipsam ad penam correspondentem peccato, quod committit. Itaque, ordinationem peccatoris ad penam dicit esse secundum diversitas rationes maculam & reatum, & etiam offensam ex parte Dei propter peccatum: nam si sumatur passivè, potest considerari duobus modis, scilicet ut est *disponiens anima*, & sic dicitur eius macula; & quatenus est *obligatio ad penam*, & sic dicitur reatus; si tamen sumatur *active*, est actus existens in voluntate Dei, & sic dicitur *offensa*, quia offendi aut irasci in Deo non est aliud, quam velle vindicare, & punire peccatum commissum contra legem.

Verum est, quod aliqui contendunt; sententiam SCOTI esse, quod macula sit ordinatio ad penam, sumpta non pro ordinatione formali ad penam, sed pro radicali, quæ non est aliud, quam dignitas penæ, siue penam ipsa sequatur, siue non. Sed falluntur, quoniam SCOTVS aperte loquitur de ordinatione formali, ut constat ex eius verbis, & ex eo, quod ordinatio radicalis, siue dignitas penæ, consequitur ex ipsa natura peccati, quamvis à Deo non ordinaretur peccatum ad penam: at vero SCOTVS expresse loquitur de ordinatione, quæ convenit peccatori, quatenus est obiectum divini intellectus aut voluntatis, ordinantis ipsam ad penam.

Hanc etiam sententiam sequuntur OKAM in 4. qu. 1. in principio GABRIEL dist. 14. qu. 1. art. 1. notabili 2. IOANNES MAIOR eadem dist. & quæst. in principio & ALMAIN. ibidem art. 1. Solum differunt isti ab SCOTO in hoc, quod dicunt, ordinationem istam ad penam non consistere in relatione superaddita peccatori, sed in hoc, quod ipse peccator sit obiectum Dei ordinantis ipsam ad penam; ergo similiter esse aliquem peccatorem, est ordinari à Deo ad penam propter peccatum; probatur antecedens testimonio AUGUSTINI, qui tom. 8. in enarratione secunda psalmi trigelimi primi, super illud: *Et qui quorum remissa sunt iniquitates &c.* ita inquit: *cooperita sunt peccata, et facta sunt, aboluta sunt: sicutis peccata. Deus, noluit advertere, si noluit advertere, noluit animadvertere, si noluit animadvertere, noluit punire, si noluit agnoscere, malus agnoscere:* quibus verbis aperte dicit AUGUSTINVS, peccata aboleri, & condonari, non esse aliud, quam Deum nolle punire ea.

A Secundo, supponamus, aliquem habuisse plures actus meritorios, qui iam omnino transierunt, & non fuisse autem ipsi gratiam, nec charitatem; & hoc posito argumentor sic: iste dicitur magis benemeritus, hoc est habere maiora merita, solum quia est ordinatus à Deo ad gloriam respondentem illis meritis; ergo similiter, qui committit gravius peccatum, dicitur, postquam transiit actus peccati, esse in maiori peccato, quia est ordinatus à Deo ad penam respondentem illi peccato; patet consequentia, quia sicut opus bonum & meritorium importat ordinem ad præmium: ita opus malum, & demeritorium importat ordinem ad penam.

Ultimo, si quis offendant regem eo crimine, cui magna pena correspondeat, nihil remanet in ipso, postquam transiit actus, quo offendit, ratione cuius dicatur esse in offensa aut odio regis, præter ordinationem ad penam correspondentem illi crimini ex præcepto legis: ergo similiter qui offendit Deum, dicitur esse in peccato propter ordinationem ad penam respondentem peccato.

B SECUNDA SENTENTIA est aliorum, qui dicunt, maculam, à qua denominatur aliquis peccator postquam transiit actus peccati, esse dignitatem penæ, & hanc dignitatem non esse ordinationem peccatoris ad penam, provenientem ex voluntate, aut intellectu Dei, sed esse obligationem, aut quasi subiectionem quandam ad patiendum penam, quæ consequitur ex natura peccati, etiam seclusa ordinatione Dei, & non potest auferri à peccatore, nisi remisso peccato: & dicunt, eam indifferenter posse appellari *dignitatem*, aut *reatum* vel *debitum penæ*; quia hæc nomina non solum significant obligationem provenientem ex voluntate Dei, aut ex lege: sed etiam eam, quæ provenit ex natura peccati: Quod si ab eis queratur, *quid sit ista dignitas* Respondent, non esse aliquid reale, neque absolutum, neque relatum; sed esse relationem rationis, quæ consequitur ad actum peccati. Hanc sententiam sequitur expresse DURANDVS: nam quamvis in 4. dist. 14. q. 5. ad 2. dicat, quod remitti peccatum mortale per penitentiam, est tolli reatum penæ æternæ: tamen per *reatum* intelligit hæc dignitatem penæ, ut ipse explicat aperte in 2. dist. 10. q. 3. Probat hanc sententia, quia in Scriptura, & apud Sanctos, peccatum, quando remittitur à Deo, & ex consequenti manet post actum peccati, solet appellari *reatus*, *debitum*, & *dignitas penæ*, ut Exodi 32. *percussit Dominus populum pro reatu viulæ*, hoc est pro peccato, quod habebant propter adorationem vituli, Deuteronomij 21. *auferetur ab eis reatus sanguinis*, hoc est peccatum homicidij. Matthæi 6. *dimitte nobis debita nostra*, hoc est peccata relicta ex actibus peccatorum transcurrentibus, & ad Romanos 5. Paulus appellat peccatores *vasa ira apta in interitum*, & ad Ephesios 2. *natura filios ire*, quibus verbis, significatur dignitas vindictæ & punitionis.

C Confirmatur primo, quia Concilium TRIDENTINVM decreto de peccato originali §. 5. damnat eos, qui dixerint, per gratiam, quæ in baptismo confertur, non remitti reatum originalis peccati, qui non tolli totum id, quod veram & propriam rationem peccati habet; ubi pro eodem videntur sumi reatus peccati, & id, quod post actum peccati Adæ habet veram & propriam rationem peccati.

Confirmatur secundo testimonio Sanctorum: nam DIONYSIVS, quem D. THOMAS refert & sequitur, quæst. sequenti, art. 1. ad 2. ita inquit cap. 4. de divinis nominibus, non esse malum puniri, sed esse dignum pena, & AUGUSTINUS tom. 7. lib. 1. de nuptiis & concupiscentia cap. 26. ita inquit: Eorum peccatorum, quæ manere non possunt, quoniam cum fiunt, præterunt; reatus tantum manet, & nisi remittatur, in æternum manebit. Et post pauca: hoc est enim non habere peccatum, vñ non esse peccatū, & in fine capituli: Sed quomodo manent, (scilicet peccata,) si præterita sunt, nisi quia quæ actū præterierunt, manent reatu, & INNOCENTIUS 3. in cap. maiores de baptismo inquit, qui ab hac vitæ discedit sine remissione peccati mortalis, quod commisit, esse cruciandum in gehenna perpetuo, propter reatum criminis actualis.

TERTIA SENTENTIA est BASSOLIS in 4. dist. 14. quæst. 2. art. 1. §. quantum ad præsentem & IOANNIS DE MEDINA codice de penitentia tractatu 1. q. 7. qui dicunt, id, à quo denominatur homo formaliter peccator, postquam transiit actus peccati, esse ipsum peccatum actuale, prout non retractatum per penitentiam, siue non condonatum à Deo; & consequenter, esse peccatorem, consistere formaliter in denominatione extrinseca, sumpta ab illo peccato, quod iam transiit. Et ad hanc sententiam reducitur ea, quam sequuntur aliqui ex recentioribus, qui dicunt, peccatum, quod manet in homine, & denominat ipsum peccatorem, esse affectum quandam habitualem manentem in eius voluntate, non physice, sed moraliter, & secundum prudentem æstimationem, ratione cuius censetur averti à Deo, ut ab ultimo fine, & conuersus ad creaturam; nam cū actu suo voluerit averti à Deo, & conuertere ad creaturam, & non retractauerit hanc voluntatem, neque consecutus fuerit remissionem peccati: censetur manere cum ea habitualiter, & velle habitualiter, quod per eam voluit actu. *Dixi sententiam istam non deferre à priori*, quoniam licet, quæ eam sequuntur, dicant, denominationem peccatoris non sumi ab actu præcedenti, sed à forma intrinseca, scilicet ab affectu illo habituali, qui moraliter censetur fieri per illum actum, & manere in homine: tamen ista duo reuera non distinguuntur, quia æstimatio moralis non potest adderere aliquid reale intrinsecum ipsi, sed solam denominationem extrinsecam, aut relationem rationis: ut, cum moneta tribuitur valor ex æstimatione reipublicæ, quem non habet ex natura sua, non dicemus esse aliquid ipsi additum, præter denominationem extrinsecam, aut relationem rationis.

Probatur hæc sententia, quoniam (ut colligitur ex sacra scriptura) Deum remittere peccata, est non imputare ea ad penam: sed ad hoc non est necesse, quod post actum peccati habeat peccator, in se aliquid positivum, aut priuativum; sed satis est quod peccauerit, & non obtinuerit remissionem peccati; ergo hoc solum est quod post actum peccati maneat in ratione peccati & culpæ; probatur maior, quia psalm. 31. ita dicitur: Beati, quorum remissa sunt iniquitates, & quorum relictæ sunt peccata: & statim; Beatus vir, cui non imputauit Dominus peccatum. Ex Ezechielis 18. omnium iniquitatum eius, quas operatus est, non recordabor, & cap. 33. omnia peccata eius, quæ peccauit, non imputabuntur ei: & psal. 50. auerte faciem tuam à peccatis meis, constat autem,

A quod, Deum non imputare peccata, aut regere, vel non videre ea, aut obliuisci eorum, est non imputare ea ad penam.

Confirmatur, quia apud homines, ut is, qui offendit regem, dicatur vere offensus, & esse in statu offensæ, non est necesse, quod post actum offensæ habeat in se aliquid, siue positivum, siue priuativum; sed satis est, quod non obtinuerit veniam offensæ, aut quod non fecerit, quod in se est, ad satisfaciendum iniuriæ.

ULTIMA SENTENTIA est quorundam Thomistarum, qui dicant, maculam istam, à qua dicitur homo peccator formaliter, esse priuationem gratiæ. Cæterum quoniam gratia solet sumi multis modis, ideo non conveniunt inter se in explicando, quid hic sit intelligendum per priuationem gratiæ. Pro quo adverte quod gratia, quæ est qualitas inherens iustis, considerata in esse gratiæ, potest sumi duobus modis, scilicet secundum se, aut secundum aliquem effectum suum; & rursus distinguunt tres effectus gratiæ, quorum primus est, constituere hominem formaliter gratum Deo, & dilectum ab ipso, quoniam gratia, ut effectus dilectionis, qua Deus nos diligit, habet quod reddat nos gratos, & dilectos ipsi; ut SOTO explicat lib. 2. de natura & gratia, c. 17. Secundus est quidam nitor, & pulchritudo, aut lux, quam confert animæ, Tertius est dignitas habendi gloriam, non quod gratia sit ista acceptatio formalis, qua acceptamur ad gloriam à Deo, quoniam hæc est actus diuinæ voluntatis acceptantis, & in nobis est relatio rationis conueniens nobis, quatenus sumus obiectum illius actus, & terminamus illum: sed, quia per gratiam efficiamur digni, ut acceptemur à Deo; & hoc supposito, fere omnes concedunt, maculam istam non esse priuationem gratiæ sumptæ priori modo, sed sumptæ modo posteriori, scilicet pro effectui; & quidam dicunt esse priuationem primi effectus, de quorum numero est SOTO in 4. dist. 15. quæst. 1. art. 2. ubi inquit, quod transeunte actu peccati nihil manet in homine, à quo dicatur formaliter peccator, nisi relatio rationis, quæ ipsi conuenit, quatenus est obiectum diuinæ voluntatis, non quidem ordinantis ipsum ad ad penam, sed odio habentis ipsum, in quo aperte includitur priuatio illius primi effectus. Alij vero dicunt, esse priuationem secundi effectus gratiæ, & hoc placet quibusdam recentioribus (quamuis non satis distincte loquantur, sed simul dicant, maculam istam, siue peccatum habituale esse, animæ esse Deo iniunctam, & priuatam decore ac pulchritudine gratiæ) & CAJETANO atque CONRADO in hoc articulo, quamuis enim CAJETANUS dicat, maculam, prout denominat peccatorem, non esse formaliter priuationem nitoris, sed conuersionis in Deum; tamen statim dicit, hanc conuersionem esse effectum gratiæ, & charitatis, & vnam tantum priuationem secundum diuersas rationes opponi utrique, quauis ut opponitur nitori, dicatur macula; & ut opponitur conuersioni, denomet peccatorem; & tandem alij dicunt, esse priuationem tertij effectus, & hoc (ut aliqui referunt) sequitur Antoninus 1. par. 4. qu. 27. art. 4. qui dicant, effectum diuinæ dilectionis in nobis, qui per peccatum tollitur, esse gratiam, qua homo sit dignus vitæ æternæ, à qua peccatum mortale excludit. *Fundamentum* huius sententiæ, quantum ad id, in quo conveniunt omnes isti modi explicandi eam, est, quod communiter

dici solet, maculam & peccatum habituale esse privationem gratiæ; & quantum ad id, in quo differunt, quod nullus aliorum iudicatur ab authoribus aliorum sufficiens, & verus. Illud autem in quo omnes conveniunt, potest probari illis argumentis, quibus supra quæst. 182. art. 3. diximus, ab aliquibus probari idem de peccato originali; nam quantum ad hoc, videtur esse eadem ratio de originali, & habituali mortali; & *præterea*, quia gratia est formaliter nostra iustitia habitualis, ut constat ex Concilio TRIDENTINO sessione 6. decreto de iustificatione cap. 7. ergo privatio gratiæ est iniustitia habitualis; ergo etiam est peccatum habituale, quo denominamur peccatores, postquam transiit actus peccati: patet *istâ secunda consequentia*, quia peccatum habituale est iniustitia, & esse peccatorem idem est, quod esse iniustum.

AD HUIUS DIFFICULTATIS solutionem, oportet explicare, quid sit peccatum habituale, quo denominamur formaliter peccatores, postquam transiit actus peccati: & quid sit macula relicta ex peccato mortali, & an hæc duo differant inter se, pro quo subiciamus sequentes propositiones.

§ 2. Quid sit peccatum habituale.

SIT PRIMA: peccatum habituale, à quo denominatur aliquis peccator postquam transiit actus peccati, est aliquid in ipso vere manens, ita ut non sit sola denominatio extrinseca sumpta ab actu præterito. HANC statuo contra tertiam sententiam, & mihi videtur valde certa, quoniam id, quod in pueris est peccatum originale, fuit in Adam habituale, postquam transiit actuale; sed originale in pueris est aliquid intrinsecum ipsis, & non sola denominatio extrinseca sumpta ab actu præterito Adæ: ut patet ex Concilio TRIDENTINO sessione quinta, decreto de originali peccato, §. 3. ubi definitur, *transfundi propagatione ad omnes, & inesse unicuique proprium*: ergo etiam habituale in ipso Adam, & consequenter erit dicendum de habitualibus in vnoquoque nostrum.

Confirmatur, quia quidquid est in puero, quod vere & proprie habeat rationem peccati, fuit etiam in Adam ergo si est in puero aliquid, præter denominationem sumptam ab actu præterito Adæ, quod sit inhærenter in ipso, & habeat vere & proprie rationem peccati, etiam fuit in Adam.

SECUNDA CONCLUSIO. *Id, quod ita manet in peccatore denominans ipsum peccatorem, non est aliquid reale positum.* IN HAC conveniunt authores aliarum sententiarum, neque aliquem reperi, qui oppositum diceret, præter GREGORIUM, qui in 2. dist. 30. q. 1. art. 8. dicit, habitus vitiosos, qui ex pravis actibus acquiruntur in hominibus, habere rationem culpæ habitualis, & maculæ, donec eorum reatus per penitentiam dimittatur; contra quem agit CAPREOLUS eadem dist. q. unica, art. 3. in solutione ad primum argumentum aliorum à D. V. RANDO contra secundam conclusionem, & probatur nostra conclusio imprimis testimonio D. THOMÆ art. 2. huius quæstionis ad tertium, ubi inquit, quod macula non est aliquid positum in anima.

Deinde, vel illud reale, quod manet in anima est absolutum, vel relativum: non primum, quia maxime erit habitus, vel dispositio, contra quod obijci potest, quod non semper relinqui potest habitus

Aut dispositio permanens ex peccato actuali; ut si peccatum committatur cum exigua intentione, aut si sit omissio; & *præterea*, quod manente peccato habituali potest habitus corrumpi per contrarios actus, sicut per actus temperantiæ corrumpitur habitus intemperantiæ, quamvis non adiungatur penitentia necessaria ad remissionem peccati; & *sanctum*, quia etiam potest remitti peccatum manente habitu vitioso; *Neque etiam potest dici secundum*, scilicet quod peccatum habituale sit relatio realis; quoniam vel erit relatio *transcendentalis*, & sic habebit rationem inclinationis habitualis ad obiectum peccati, quod satis impugnatum est: vel *predicamentalis*, & hoc dici non potest, quoniam neque reperitur fundamentum neque terminus sufficiens, ut resulter talis relatio in peccante; & *de termino* patet, quia sæpe non existit realiter, ut cum quis peccat appetendo ea, quæ non sunt; & *de fundamento* probatur, quia licet actio, quæ transiit, fundamentum sit relationis ad terminum per ipsam productum, ut generatio activa est fundamentum paternitatis; tamen respectu termini, qui non producitur per eam, nunquam fundat relationem realem predicamentalem, ut constat in actionibus potentiarum cognoscitivarum, & appetitivarum, respectu suorum obiectorum.

B EX HAC CONCLUSIONE SEQUITUR, decipi quosdam ex recentioribus, qui dicunt, peccatum habituale, esse propensionem quandam habituale physicam ad bonum commutabile. quæ sit fundamentum avertionis habitualis à Deo, & distinguitur ab entitate animæ, aut voluntatis, saltem tanquam modus eius, & relinquatur in ipsa ex conversione peccati actualis, & potest hoc probari argumentis adductis pro conclusione.

TERTIA CONCLUSIO. *peccatum habituale non est formaliter relatio rationis, aut denominatio ordinationis passiva ad penam conveniens peccatori quatenus est obiectum actus, quo Deus ordinat ipsum ad penam correspondentem suo peccato. Neque est etiam relatio rationis debiti aut dignitatis pænæ.* HANC statuo contra duas priores sententias, & quoad PRIORAM PARTEM fere ab omnibus admittitur, etiam à sectatoribus SCOTTI, qui, ut dixi, contendunt, ipsum non fuisse illius sententiæ; & probatur facile, quia peccatum habituale est id, quo formaliter sumus mali, iniqui, & iniusti habitualiter: sed ordinatio passiva ad penam, siue sit relatio rationis, siue denominatio extrinseca, non est id, quo sumus mali & iniusti; ergo non est peccatum habituale; probatur *minor*, quia ordinatio ad penam non est culpa, aut iniustitia, sed potius supponit eam, & ita hæc causalis est vera, *quia iste manet in habituali peccato, aut habet peccatum habituale ideo ordinatur, aut manet ordinatus à Deo ad penam.*

Confirmatur, peccatum habituale non est bonum: sed ordinari ad penam, licet sit malum hominis, est tamen bonum iustitiæ, cuius Deus est per se & proprie causa; ergo ordinatio ad penam non est peccatum habituale.

SECUNDA ETIAM PARS probatur, quia illæ rationis supponit fundamentum, hoc est malum, ratione cuius aliquis est dignus pænâ, ac proinde hoc fundamentum, & non ipsa relatio, erit peccatum habituale; si erit relatio rationis, quæ aliquis dicitur dignus præmio, supponit fundamentum, quod est eius bonitas & perfectio.

Dices relationē hanc cōsequi immediate ad peccatum actuale, & ita non supponere aliquid aliud in subiecto, quod habeat rationē peccati habitualis.

Sed contra, quia sicut ista relatio quantum ad suū fieri præsupponit peccatum actuale, ita etiam quantum ad permanentiam præsupponit habituale: ideo enim permanet in homine, quia homo permanet in statu peccati. Quod si dicat, hominem permanere in statu peccati, nō esse aliud, quam peccasse actualiter, & non esse remissum ipsi peccatū; poterit obici, quod sequatur, esse denominationem extrinsecā, quod ex prima conclusione manet impugnatum.

QUARTA CONCLUSIO, peccatum habituale mortale in homine ordinato ad finem super naturalem, habet adiunctam priuationē gratiæ, tam secundum se, quā quoad effectus supra enumeratos, non tamen consistit formaliter in ea, sed in priuatione habituali conformitatis ad legem, quam aliquis est transgressus per peccatum actuale, quatenus huiusmodi priuatio manet in ipso per modum termini peccati actualis. Explicatio huius conclusionis petenda est ex ijs, quæ dixi supra q. 82. art. 3. cum agebam de quidditate peccati originalis, & quoad PRIOREM PARTEM, satis constat ex oppositione immediate, quam omnes fatentur esse, secundum legem ordinariā Dei, inter peccatum mortale, & gratiā, in homine ita ordinato ad finem supernaturalem: & quoad DVAS POSTERIORES, in quibus differimus ab alijs, sententijs, & peculiari ab ultima, habet auctores DOMINICVM à Soto lib. 2. de natura & gratia, c. 8. & 9. nā in octauo, dicit formale peccati originalis non esse priuationē iustitiæ originalis, neque gratiæ, neque inimicitiam cum Deo; & in nono dicit, esse deuiationē à lege Dei, quæ ex peccato actuali Adæ infixā est toti naturæ humanæ, per modum termini, & habitus: Et Capreolū in 4. d. 14. q. 1. art. 3. in solutione ad 2. Aureoli contra tertiam conclusionem: vbi expresse dicit, peccatum habituale, quod denominat peccatorem, non esse priuationem gratiæ, etiam ut relictam ex actuali peccato; sed esse peccatum præcedens, quatenus manet in suo effectu; & hunc effectum dicit, sæpe in illa quæstione, non esse aliquid reale positum, per modum habitus, vel respectus, neque reatū pænæ, sed inæqualitatem ad ius, quod Deus habet, ut suæ leges à nobis non violentur. Etiam FRANCISCVM SONNIVM, l. 2. demonstrationū religionis Christianæ, tracta. 9. c. 1. vbi inquit, quod peccare est deuiare à rectitudine legis, & habere peccatum est habere hanc deuiationē per modum habitus; & aperte distinguit eā à priuatione gratiæ, & à reatu pænæ, quæ duo cōnumerat inter effectus, qui sequuntur ex peccato & non pertinent ad eius essentiam. Et tandem PETRVM SOTO lib. de institutione Sacerdotū tractatu de Sacramento pœnitentiæ, lect. 3. vbi inquit, quod, sicut, cum anima peccat, separatur à mandatis Dei, & à rectitudine suæ legis: ita postquā peccauit, manet separata, & habet peccatum. Et probatur, utraque pars in primis testimonio D. THOM. qui, quamuis art. 1. huius quæst. dicat, maculam esse detrimentū nitoris resultans ex eo, quod voluntas per actum peccati adhæret alicui rei contra lumen rationis, & diuinæ legis; tamen art. 2. in corpore inquit, actum peccati, quoniam est recessus à lumine rationis, & diuinæ legis, relinquere in anima effectum distantiam ab eodem lumine: sicut motus localis, quoniam est recessus à loco, relinquit in nobis distantiam ab eodē loco: & ibidem etiā apertius

A in solutione ad tertium dicit, hanc distantiam esse distinctam à priuatione nitoris, & priorem esse sicut causam eius, quantum ad permanentiam, quia distantia ista impedit, ne animæ restituatur resurgens ista, quam habet ex coniunctione cum lege; quid autem sit hæc distantia, explicat in solutione ad 1. vbi inquit, non esse aliquid positum, sed priuationem coniunctionis cum illo lumine; vbi D. THOMAS aperte docet eam sententiā, quam sequimur: quoniam ista priuatio coniunctionis cum lumine legis, non est aliud, quā priuatio conformitatis cum ipsa lege, quam nos dicimus esse peccatum habituale.

Deinde probatur impugnatione aliarum sententiarū, & quoniam tres priores manent impugnatae ex probationibus aliarum conclusionum, argumentor primo contra ultimam, quoniam priuatio gratiæ, siue gratia sumatur secundum se, siue quoad suos effectus, est pœna volita & ordinata à Deo in vindictā & punitionē peccati, ergo nō est peccatū habituale.

Secundo: quomodocumq; gratia sumatur, priuatio eius præsupponit peccatū habituale, ergo non constituit ipsum, sicut eius ratio formalis. Probatur antecedens, quia hæc causalis est vera, quia iste est in peccato, ideo habet priuationē gratiæ, & dilectionis aut benevolentiae Dei, & nitoris, aut pulchritudinis gratiæ, & dignitatis gloriæ.

Dices, particulam quia non importare verā causalitatem, sed ordinatōis formalis, ad id, quod per eā constituitur, aut ordinē illationis, ut si dicamus, quod, quia Petrus est animal rationale, ideo est homo.

Sed contra, quia imprimis, si hoc esset verū, sequeretur, quod peccatū habituale esset ratio formalis illius priuationis, & non e conuerso: ut patet in exemplo propolito. Et præterea sequeretur, nō posse proprie dici, quod peccatū habituale impedit ablationē priuationis gratiæ, tam secundum se, quā quoad illos effectus: quia iuxta sententiā istā non distingueretur ab ipsa priuatione, sicut propter eandem rationem non dicimus priuationē luminis impedire ablationem sui ipsius item vel homo, qui est in peccato, non habet aliquid, ratione cuius sit dignus manere cum priuatione gratiæ, & illorū effectū, vel habet: si primum, sequitur non provenire ex culpa ipsius, quod ita manet: si secundum, vel est dignus propter peccatum habituale, & sic sequitur intentum, scilicet quod peccatū habituale, sit vera causa vel dementoria, vel dispositiua illius priuationis, quia est dignitas habendi eā: vel solū propter peccatum actuale; & hoc dici nō potest, quia sequitur, quod solum sit dignus denominatione extrinsecā, & ex cōsequenti, quod puer, qui habet peccatū originale, nō sit dignus illa priuatione propter peccatū quod inest ipsi, sed solum propter actuale Adæ.

Tercio argumentor, quia sequitur ex illa sententia, omnia peccata habitualia esse eiusdē speciei, & æqualia inter se; probatur sequela, quoad priorē partem, quia cū gratia vel effectus eius, cui opponitur, sit semper eiusdē speciei, etiam eius priuatio erit vnus speciei, quia priuationes specificantur per ordinem ad formas, quibus opponuntur; & quoad posteriorem, quia priuatio gratiæ, quæ sequitur ex quocūque peccato mortali, est totalis, aut in facto esse, & non in fieri; cum per quodcumque peccatū mortale excludatur omnino gratia, & hoc genus priuationis non suscipit magis & minus, iuxta doctrinam

nam D. THOMAS supra quæst. 73. art. 2. quam omnes admittunt.

Ad hoc respondent aliqui, peccatum habituale non esse priuationem gratiæ præcise, sed in ordine ad suam causam, scilicet ad actum peccati; & quia iste actus potest pertinere ad diuersas species, & habere diuersas grauitates, ideo hæc duo conueniunt etiam peccato habituali.

Sed contra, quia *vel* diuersitas & inæqualitas, intrinsece est solum in peccato actuali, *vel* etiam in habituali; *si primum*, sequitur quod, postquam transiit actus peccati, non sint in nobis peccata distincta secundum speciem & inæqualia, sed solum denominationes extrinsecæ distinctæ & inæquales. *Secundo* vero dici non potest, propter rationem assignatam in argumento.

Confirmatur, quia specificatio & quantitas priuationis non sumitur ex ordine ad causam efficientem, sed ex ordine ad formam, cui opponitur; ergo ubi forma est eiusdem speciei, & æqualiter expulsa, etiam priuatio erit eiusdem speciei, & æqualis, siue ex parte causæ sit distinctio & inæqualitas, siue non; probatur *antecegens*, quia esse priuationis non consistit in ordine ad causam efficientem, sed in ordine ad formam, cui opponitur: Quod probatur *in* quia causæ distinctæ secundum speciem possunt concurrere ad eandem priuationem eiusdem speciei, ut cõbulsio & percussio ad cecitatem; & econtrā causæ eiusdem speciei ad priuationes diuersarum specierum, ut duæ percussiones ad surditatem & cecitatem, *in* etiam quia totum esse priuationis consistit in negatione formæ, supposita aptitudine subiecti, ergo neque eius species, neque quantitas potest intelligi, nisi per ordinem ad formam, ita ut dicatur talis speciei potius, quam alterius, quia opponitur tali formæ, & non alteri; & sit tanta, & non maior, neque minor, quia excludit tantum de forma opposita, & non plus neque minus.

Neque obstat instantia de figura umbræ, quæ videtur importare ordinem ad corpus, quod est eius causa, & non ad lumen; *quoniam* dici potest, quod ad figuram corporis dicitur ordinem tanquam ad conditionem, quali causæ efficientis: nam, quia corpus habet talem figuram, ideo impedit, ne perueniat lumen ad spatium sibi proportionatum; & quasi terminatum eadem figura. *Ceterum* non specificatur ab isto ordine, sed ab ordine ad figuram, quam lumen, quo priuat, haberet ratione spatij; *vel* dici potest figuram non pertinere ad quidditatem neque ad intensionem umbræ, sed esse terminum extrinsecum ipsius, & ideo non mirum esse si determinetur per ordinem ad figuram causæ, cum etiam figura luminis possit determinari à corpore impediente, cum luminosum aliud effundat lumen.

VLTIMO probatur conclusio, quia ex opposita sententia sequeretur, quod in statu naturæ puræ, aut non esset peccatum habituale, aut distingueretur specie ab eo, quod reperitur in isto statu naturæ eleuata ad supernaturalia; quauis proueniret ex actu peccati eiusdem speciei v. g. ex actu furti: probatur *sequela*, quia in illo statu non reperiretur priuatio gratiæ, quia hæc supponit ordinationem naturæ ad dona gratiæ; ergo aut in eo non posset reperiri peccatum habituale, aut si reperiretur, deberet consistere in aliquo alio, quam in priuatione gratiæ, in qua nunc consistit.

Ad hoc respondent aliqui, quod etiam in illo sta-

tu peccatum esset priuatio gratiæ: quia quantum est de se, esset sufficiens ad excludendum eam, & omnes eius effectus.

Sed contra, quia negatio formæ non habet rationem priuationis, nisi quando in subiecto præsupponitur ius, vel aptitudo habendi eam: & ita iuxta communem sententiam, homo carens gratia comparatur *pro isto statu* homini spoliato vestibus; & *pro illo* comparatur homini nudo, qui neque habuit vestes, neque ius ad eas.

Alij dicunt, quod peccatum in illo statu esset priuatio gratiæ late sumptæ, hoc est, pro dignitate ad beatitudinem naturalem; & in illo statu esset priuatio gratiæ sumptæ strictè, hoc est pro dignitate ad beatitudinem supernaturalem.

Sed contra argumentor *primo*, quia sequitur, peccata habitualia in his duobus statibus distinguuntur specie, sicut distinguuntur specie gratiæ, quarum sunt priuationes. *Respondent* negando sequelam, quia specificatio sumitur ex ordine connotato ad peccatum actuale, quod in casu supposito est eiusdem speciei in utroque statu. *Sed hoc* iam est impugnatum in quarto argumento. ubi probaui, non posse sumi specificationem priuationis ex ordine ad actum qui est eius causa.

Secundo, *vel* gratia late sumpta esset extrinseca denominatio sumpta ab actu Dei ordinantis hominem ad beatitudinem naturalem, *vel* aliquid intrinsecum homini superadditum naturæ; *si primum* sequitur, quod peccatum habituale formaliter esset denominatio extrinseca, & præterea, cum ille actus Dei esset omnino immutabilis, non posset homo non denominari acceptus, & ordinatus ad beatitudinem, nisi ex parte sua esset aliqua mutatio, vel aliquid impedimentum, & hoc esset peccatum habituale, *si vero dicatur secundum*, sequitur, quod beatitudo illa non esset naturalis homini, siquidem dignitas habendi eam conueniret ipsi per aliquid superadditum suæ naturæ. *Neque potest dici*, quod hoc superadditum pertineret ad ordinem naturæ, & esset connaturale ipsi naturæ humanæ; *quoniam* frustra superadderetur, siquidem natura ipsa cum suis actibus esset tam proportionata, & consequenter tam digna in ordine ad illum finem, sicut per illam dignitatem sibi connaturalem. Et præterea, quia ea, quæ sunt connaturalia simpliciter, non excluduntur per peccata, atque adeo non potest peccatum consistere in priuatione ipsorum.

§ 3. Difficultates quædam contra doctrinam de peccato habituali datam solvuntur.

SED CONTRA vltimam partem conclusionis huius sic arguor, **PRIMO**, quia conformitas cum præcepto negatio consistit in negatione actus prohibiti per ipsum; ergo peccatum habituale, quod ei opponitur, non potest consistere in priuatione conformitatis cum ipso; patet *consequenter*, quia negationis non datur priuatio, sicut neque negatio, quæ semper opponitur affirmationi.

SECUNDO, quia sequitur, distinguere, non solum numero, sed etiam specie, peccatum habituale ab actuali commissionis; & hominem, quotiescunque committit peccatum, habere duo peccata; probatur *sequela*, quia *formalia istorum peccatorum differunt* inter se plus quam specie, quoniam formale peccati actualis est quid positiuum ut dixi sup. q. 7. art. 1.

& for-

& formale habitualis est privatio, iuxta conclusionē hanc, & *præterea habens distincta materialia*, quia formale peccati actualis recipitur in ipso actu peccati; & formale peccati habitualis non potest recipi in eo, cum maneat ipso transeunte; & ad multiplicationem peccatorum sufficit multiplicari formalia & materialia.

TERTIO, quia sequitur ex ea, non posse tolli peccatum habituale; probatur sequela *primo*, quia conformitas, qua priuat, non potest restitui, cum iam præterierit, & privatio nō tollitur, nisi restituatur forma, cui opponitur; & *secundo*, quia ista privatio sequitur inseparabiliter & necessario ad actualem transgressionem legis personalem, hoc est, ad hoc, quod est, peccasse proprio actu, ita ut nulla potentia fieri possit quod non sequatur: sed implicat contradictionem, tolli actualem transgressionē in eo, qui peccavit ita ut fiat, quod non peccaverit, sicut implicat, præteritum non fuisse; ergo etiam implicat tolli istam privationem.

AD PRIMUM horū patet solutio ex ijs, quæ dixi sup. q. 71. a. 6. ubi explicui, posse dari privationē negationis morales, hoc est debite inesse; quoniam negatio ita supra habet rationē formæ positivæ in genere moris, & præsupponit in subiecto debitū habēdum; & hæc duo sufficiūt, ut possit opponi ipsi negatio, quæ habeat rationem privationis.

AD SECUNDUM respondetur, negando sequelā, & ad probationem, dicendū est, formalia illa solum distingui specie in genere naturæ, non tamen in genere moris: quia constituunt unā deformitatem ultimo terminatam, & completam, & unam integram oppositionem cum virtute, ad quod cōcutit peccatum habituale ut terminus peccati actualis, & ut quid relictum ex ipso per modum sequelæ.

AD TERTIUM respondetur, negando sequelam, & ad utraq̃ probationem dici potest *primo*, habere eandem difficultatem in sententia eorū, qui dicunt, peccatū habituale esse privationē gratiæ, quomodocunque sumatur gratia: quoniam & gratia, quæ per peccatum expulsa est, transit; & sufficiens causa huius privationis, scilicet *peccasse*, manet; & idē posset dici de alijs sententijs supra relatis. *Secundo* respondetur, ad *primam probationem*, quod, ut tollatur privatio, non est necesse, restitui eandem numero formam, quæ præcessit; sed satis est, restitui eandem secundum speciem, ut patet, cum conferatur cæcitas, aut surditas: & ratio huius est, quia privatio non opponitur per se formæ secundum conditiones individuantes, sed secundum rationem specificam. Et ad *secundam* respondetur, quod quāvis ista privatio, quantum ad fieri, sequatur inseparabiliter actualem transgressionem personalem: tamen quantum ad permanentiam, non sequitur ipsam, sed supposita hac conditione, quod non fuerit remissa; quare, licet nulla potentia fieri possit, quod transgressio, quæ præterijt, non fuerit: tamen, quia potest remitti, ideo potest fieri, quod privatio, quæ ad ipsam est subsēcuta, non permaneat, & ita **D. THO.** 3. p. qu. 85. art. 1. ad 3. dicit, quod penitens, cum dolet de peccato, non id facit cum intentione conandi ad hoc, quod factum non fuerit, quia hoc esset inutiliter: sed cum intentione remouēdi sequelam facti, scilicet offensam Dei, & reatum pænæ. Et potest hoc explicari exemplo eius, quod apud homines contingit; nam ex furto actuali, vel ex iniuria irrogata alicui, sequitur inæqualitas contra iu-

stiam, aut privatio conformitatis cum ipsa: & tamen ut hæc auferatur, non est necesse, auferri furtum actuale, ita ut nunquam fuerit; sed satis est remitti, vel media cōpensatione oblata ab eo, qui cōmisit iniustitiam, vel sola condonatione offensæ.

§ 4. Quid sit macula peccati.

ULTIMA CONCLUSIO. *Macula, quæ post actum peccati manet in peccatore, consistit in illa privatione habitualis conformitatis cum lege, quam diximus esse peccatum habituale: & præterea in homine ordinato ad finem supernaturalem includit aliam privationē, scilicet nitoris & pulchritudinis gratia.* Hæc conclusio est expresse **D. THOM.** in his duobus articulis, & auctorum, quos retuli præcedenti conclusionē; & probatur **PRIMA PARS**, quia illa privatio maculat & deturpat hominem coram oculis Dei, & eorum, quibus Deus vult eā manifestare; sicut enim simus, & alię sordes, corporeæ maculant faciē hominis, quia non sunt ipsi convenientes secundū institutum naturæ: ita & multo magis illa privatio maculabit animam, quia est magis inconueniens ipsi secundum ordinem naturæ, & Dei institutum. *Verum adverte*, quod quamvis illa privatio sit peccatum habituale, & macula, tamen non convenit ei utrumque secundum eandem rationem: nam *esse peccatum convenit ipsi in ordine ad legem*, cui opponitur; & *esse maculam in ordine ad subiectum*, cui est inconueniens.

SECUNDA ETIAM PARS probatur similitudine sumpta ex rebus corporeis, quæ **D. THOMAS** vtitur art. 1. nam sicut in corpore privatio pulchritudinis & lucis corporeæ dicitur macula: ita in anima privatio pulchritudinis, & lucis spiritualis, dicitur macula spiritualis.

§ 5. Solvuntur fundamenta aliarum sententiarum.

AD PRIMUM SCOTT respondetur negando *antecedens*, scilicet, remitti peccatum, non est aliud, quam non imputari ad pēnam; & ad probationem, respondetur, ex illis verbis **AVGUSTINI** solum colligi, tunc peccata dici tecta, cum ad pēnam non imputantur; non tamen consistere in hoc formaliter ipsam remissionem peccati, quia potius hæc præsupponitur, tanquam ratio, ut peccata regantur in oculis Dei, scilicet ad vindictam & punitionem; & ita in psalmo prius dicitur: *Beati quorum remissa sunt iniquitates*, & postea, tanquam quid consequens & posterius, subiungitur, *& quorum tecta sunt peccata.*

Ad secundum respondetur, negando *antecedens*, quia in illo casu, homo non dicitur esse in statu maioris meriti, solum quia actu Dei extrinsece ordinatur ad maius præmium: sed quia ratione meritorum habet ius ad maius præmium, imo quia habet istud ius, ideo est obiectum, quod illo actu ordinatur, & acceptatur ad maius præmium.

Ad ultimum respondetur, negando *antecedens*, quia postquam aliquis offendit regem, violando eius legem, manet in eo privatio conformitatis cum illa lege, donec remittatur ei offensæ: & ratione huius privationis dicitur esse in statu offensionis, etiam si ad nullam pēnam ordinetur. Potest etiam dici, non esse eandem rationem de hominibus, & de Deo; quoniam cum ad homines non

pertineat remissio culpæ, sed exactio satisfactionis, vel per punitionem, aut vindictam; vel per compensationem: ideo tunc dicuntur remittere offensam, cum omnino remittunt satisfactionem debitam; At vero ad Deum non solum pertinet exactio pænæ, sed etiam remissio culpæ.

Ad FUNDAMENTVM *secundæ sententiæ*, respondetur cum PETRO DE SOTO, loco citato, & cū DECA. art. 2. §. ex his videmus: reatum interdū esse pænæ, & interdū culpæ; reatus pænæ est obligatio, siue dignitas ad pænā; reatus culpæ, est obligatio siue cōstrictio, qua sub peccato tenetur peccans, donec ipsi remittatur, ita ut reatus culpæ sit, quo reus cōstituitur; & hoc posteriori modo sumitur in testimonijs adductis ex Exodo & Deuteronomio: in alijs vero testimonijs per *debitum & dignitatem* pænæ, tanquam per effectum, significatur à posteriori culpa.

Ad primam confirmationem respondetur. Concilium per reatum peccati originalis intellexisse reatum culpæ: neque ex Concilio potest desumi argumentum ad confundendum reatum pænæ æternæ cum culpa, quæ manet post actum peccati: quoniam aperte distinguit ista duo, & agit de eorum remissione, tanquam de duplici effectū, sessione 6. decreto de Iustificatione cap. 14. & can. 30.

Ad secundam confirmationem respondetur. Sāctos per effectum peccati explicuisse ipsum peccatum: & secundo de AVGVSTINO & INNOCENTIO potest dici, loquutos fuisse de reatu culpæ.

Ad ARGVMENTVM *tertiæ sententiæ*, neganda est maior: quia quāvis, cum remittitur peccatum mortale, remittatur etiam pænā æternā: tamen remissio peccati non consistit formaliter in remissione pænæ: ut explicui in solutione primi argumēti SCOTI, & ad testimonia, quibus probatur illa maior, respondetur, quod Scriptura, cum dicit, Deum non imputaturū peccata, (& cetera quæ ibi referuntur, quibus significatur, non puniturum propter peccata,) supponit facturum remissionem culpæ, & non utrunque, sed omnino delendo eas, & emundando homines interius ab omni inquinamento ipsarum, quod facit infundendo gratiam, ut dicam in materia de gratia.

Ad confirmationem patet solutio ex priori solutione ultimi argumēti SCOTI.

Ad FUNDAMENTVM *ultimæ sententiæ* respondetur, quod, quando communiter dicitur, peccatum habituale esse priuationem gratiæ, nō debet accipi in sensu formali, ita ut significetur rationem formalem peccati habitualis consistere in priuatione gratiæ: sed in sensu causali, ita ut sit sensus quod ex peccato sequitur priuatio gratiæ, & est ipsi inseparabiliter adiuncta in isto statu; quod ita explicant auctores citati pro quarta conclusione, cum priuationem gratiæ connumerant inter effectus peccati.

Ad ea vero quibus solet probari, debere accipi in sensu formali, respondi loco citato in argumento, & ad id, quod nunc probatur, respondetur, cōcedendo antecedens, & primam consequentiam, & negando secundam; & ad probationem dicendum est, quod peccatum formaliter est iniustitia, prout opponitur iustitiæ, quæ consistit in eo, quod exigit debitū, & obligatio legis; at vero priuatio gratiæ formaliter est iniustitia, prout opponitur iustitiæ, quæ cōsistit in renouatione interna, hoc est in bona dispositione, siue rectitudine animæ, & potentiarum,

atque inter se, quā in ordine ad finem supernaturalem.

Neque ex hoc sequitur, quod in nobis sint duæ iustitiæ habituales: sed quod nostra iustitia includit duo, scilicet conformitatem cum lege, & internam renouationem, & sanctificationem, ut Concilium dicit eodem loco: & utrumque appellatur iustitia, secundum diuersas rationes; & utrumque est effectus gratiæ, licet non eodem modo; nam ad renouationem & sanctificationem internam cōcurrit immediate per se ipsam, tanquam ad effectum primariū; at vero ad conformitatem cum lege concurrit quasi consequenter, & mediate, hoc est, quatenus expellit peccatum, tanquam formam sibi oppositam; & ad ablationem peccati sequitur illa conformitas, quæ per peccatum impediatur; & ideo nō est necesse, quod priuatio illius conformitatis sit formaliter priuatio gratiæ, quod magis est explicandum in materia de iustificatione.

§ 6. *Confessaria quadam ex tota doctrina huius dubij.*

AD FINEM huius quæstionis, aduerte, ex eius solutione colligi, quæ ratione sint explicanda aliqua quæ in hac re solent esse difficilia. PRIMVM est, esse distinctionem specificam, & inæqualitatem inter peccata habitualia; cuius ratio est, quod cōformitates, quibus opponuntur, sunt specie distinctæ, & inæqualiter debita, quia dicunt ordinem ad præcepta, quæ habent motiua formalia distincta, & obligant inæqualiter, hoc est magis aut minus stricte, pro qualitate materiæ, & conuenientiæ, aut proportionis ad finem intentum, ut explicui supra q. 72. art. 6. Neque obstat illa propositio, *priuatio non suscipit magis & minus*; quoniam dici potest primo, intelligendam esse de priuationibus, quæ consistunt in facto esse, hoc est, quæ omnino excludunt formam oppositam; non tamen de illis, quæ consistunt in fieri, hoc est, quæ non excludunt omnino formam oppositam, sed partem eius, & quamuis quodlibet peccatum mortale excludat omnino à subiecto peculiarem conformitatem, cui opponitur, & non tantum partem eius, quia per ipsum simpliciter, & totaliter violatur præceptum, ad quod dicit ordinem illa conformitas: tamen, si omnes particulares conformitates considerentur, quatenus cōstituunt vnā totalem conformitatem cum ratione in omni materia, propter ordinem ad vnum finem, scilicet ad bonum rationis; sic bene potest dici, nullum peccatum excludere omnino à suo subiecto conformitatem cum ratione, sed vnumquodque excludere partem eius, & vnum maiorem quam aliud, iuxta quantitatem obligationis resultantis ex præcepto cui opponitur, ut explicui supra quæ. 73. art. 1. Aut secundo dici potest, quod quamuis priuationes, quæ opponuntur formis distinctis specie, & omnino excludunt eas, sint inter se æquales in ratione priuationis & negationis: tamen in ratione mali, possunt esse inæquales; ut si formæ, quas excludunt, sint inæqualiter conuenientes, & debite subiecto; & peccata excludant conformitates, quæ sunt inæqualiter debita, ut eodem loco explicui.

SECVDVM est, quod peccata habitualia, quæ proueniunt ex actualibus eiusdem speciei, sunt eiusdem speciei; siue loquamur de eis pro eodem statu naturæ humanæ, siue pro diuersis; & ratio huius est, quia conformitates, quibus opponuntur ista

peccata, sunt eiusdem speciei, siue natura humana consideretur in puris naturalibus, siue facta eleuatione ad finem supernaturalem.

TERTIVM est, quod, etiamsi homo consideretur in puris naturalibus, haberet maculâ peccati, postquam transiret actus peccati: non tamen haberet eam, quantum ad priuationem nitoris gratiæ, sed quantum ad priuationem conformitatis cum lege, quæ etiam est macula, ut explicui in vltima conclusione.

VLTIMVM est, quod etiam ex peccato veniali actuali manet peccatum habituale, & aliquo modo macula: quia eo modo, quo peccatû veniale actuali opponitur legi, qua prohibetur, tollit conformitatem cû ea, & relinquit in subiecto priuationem huius conformitatis, donec remittatur; de quo dicendum est infra, qu. 89. art. 1. & hæc de Secundo.

CIRCA tertium

EST DVBIUM TERTIVM.

Quid sit causa efficiens maculæ?

SUPPONENDVM ex vltima conclusione dubij præcedentis, quod in macula peccati mortalis pro isto statu includantur duo, scilicet habitualis priuatio conformitatis cum lege, & priuatio nitoris gratiæ: & hoc supposito respondetur, quod quantum ad primum, non habet causam efficientem physice, sed moraliter; & hæc est ipsum peccatum actuale, ex quo dimanat per moralem quandam resultantiam, ut explicui, cum agebam de peccato originali, supra qu. 81. art. 1. Et quantum ad secundum, habet pro causa dispositiua & demeritoria peccatum, quoniam ratione peccati est aliquis dignus priuari nitore gratiæ; & aliquo modo habet etiam pro causa Deû, non quidem ut concurrentem positiuo concursu; sed ut subtrahentem concursum necessarium ad gratiæ conseruationem.

Neque repugnat Deo, esse hoc modo causam huius priuationis; quoniam formaliter non habet rationem culpæ, sed potius pænæ ordinatæ ad culpæ punitionem. Ita D. THOMAS in 2. dist. 37. qu. 3. art. 1. & refertur ad CAPREOLO dist. 36. qu. 1. art. 1. in probatione 3. conclusionis, & ita DURANDVS in 2. dist. 30. quæst. 3. in solutione ad argumentum in oppositum, dicit, priuationem iustitiæ originalis esse in nobis à Deo, tanquam à subtrahente iuste à nobis donum suum, propter demeritum primorum parentum, quia in hac priuatione præcise non consistit formaliter peccatum originale. Et hæc de tertio.

CIRCA QVARTVM

EST DVBIUM QVARTVM.

Quid sit causa materialis, siue subiectum maculæ?

ALIIQVI NON SATIS distincte loquuntur, præsertim cum agunt de subiecto gratiæ, cui absolute concedunt opponi priuatiue ipsam maculam. Nos vero claritate gratia supponimus duo, primum est, quod non

A loquimur de subiecto quod, nam hoc certum est, esse ipsam essentiam animæ: quoniam anima est, quæ præcipue maculatur, & fædatur ex peccato; sed loquimur de subiecto quo, & inquirimus, an anima secundum substantiam immediate recipiat maculam & fæditatem, quæ relinquitur ex peccato actuali; an vero media aliqua potentia, scilicet voluntate. **Alterum** est, quod in macula, pro isto statu, includuntur duæ illæ priuationes, quas explicui dubio secundo, scilicet conformitatis cum lege, & nitoris siue, pulchritudinis gratiæ. Et his suppositis respondetur, maculam quantum ad priuationem conformitatis, in qua diximus peccatum habituale consistere, esse immediate in ipsa essentia animæ; tamen quantum ad priuationem nitoris siue pulchritudinis esse partim in essentia animæ, partim in voluntate, quamuis præcipue sit in essentia. **PRIMA PARS** probatur, quia forma, cui opponitur ista priuatio, scilicet conformitas habitualis cum lege, conuenit immediate animæ: ergo & ista priuatio; patet consequentia, quia cum priuatio sit in subiecto apto habere formam oppositam, necessatio debet conuenire in subiecto cum ipsa forma; & antecedens probatur, cum quia illa conformitas non disponit ad operationem, sed consistit formaliter in hoc, quod est, non commississe, aut omisisse aliquid contra legem; & in potentijs solum solent constitui ea, quæ disponunt ad operationem; cum etiam quia ut anima habeat hanc conformitatem, non est necesse, quod exerceat aliquam operationem, ut patet in anima pueri baptizati; ergo non pendet à potentijs, quæ sunt principia operationum, ad hoc ut sit subiectum eius: & tandem, quia hæc conformitas est effectus formalis gratiæ, in eo sensu, quem explicui dubio secundo; & gratia est immediate in essentia animæ.

Neque obstat, quod difformitas à lege, quæ conuenit peccato actuali, siue sit priuatio, siue positiuum, sit immediate in voluntate; quoniam est difformitas operationis, cuius immediatum subiectum est potentia.

Neque etiam obstat, quod priuatio conformitatis habitualis sit effectus peccati actualis; quod est in voluntate; quia non repugnat actui immanenti alicuius potentiæ, habere effectum in alia; ut patet in imperio voluntatis, & in alijs exemplis, quæ adduxi ad hoc explicandum, supra quæ. 83. art. 2. & multo minus repugnat, quod ex actu alicuius potentiæ resultet aliquis effectus, præsertim moralis, in substantia, vel essentia: ut ex promissione, quæ est actus intellectus, resultat obligatio, quæ est immediate in ipso homine.

SECUNDA PARS probatur, quia nitor & pulchritudo supernaturalis animæ consistit in dispositione conuenienti in ordine ad finem supernaturalem; & hæc dispositio non solum fit per habitum gratiæ, quæ est in essentia animæ, sed etiam per habitum charitatis, qui est in voluntate: ergo etiam est utrobique priuatio huius nitoris. **Verum** quia id, quod principalius concurrat ad hunc nitorem, est gratia, quæ est in essentia animæ; ideo etiam ibi est præcipue priuatio nitoris.

QVÆSTIO LXXXVII.

DE REATV PÆNÆ,

ARTICVLVS I.

Vtrum reatus pænæ sit effectus peccati?

PRIMA CONCLUSIO. *Reatus pænæ est effectus cuiuscumque peccati.*

SECUNDA CONCLUSIO. *Qui peccat, potest incurrere triplicem pænâ; unam quidem à seipso, scilicet remorsum conscientie, quatenus agit contra naturale lumen rationis; & aliam à superiore homine, quatenus agit contra eius legem; & tertiam à Deo, quatenus agit contra legem diuinam.*

COMMENTARIVS.

QUOD ex quocumque peccato sequatur reatus pænæ est certum secundum fidem: nam Matthæi 5. ita dicitur, *qui irascitur fratri suo, reus erit iudicio: qui autem dixerit vasha, reus erit concilio; qui vero dixerit fatne, reus erit gehenna ignis;* quibus verbis aperte significatur, propter diuersas istas, & inæquales iniurias irrogatas fratribus, incurreretur reatus inæqualium pænarum; *Item* quia ex scriptura constat, quod peccata sequuntur pænæ in Dei iudicio, ut patet Deuteronomij 32. *mea est ultio, & ego retribuam eis in tempore,* ad Romanos 2. *tribulatio & angustia in omnem animam hominis operantis malum* & Matthæi 25. *Ite maledicti in ignem æternum.* Et etiam constat (ut bene inquit hoc loco CAIETANVS) non posse aliquem iuste puniri propter peccata, nisi propter ipsa sit dignus punitione: quod est habere reatum pænæ. *Est* tandem quia in Concilio TRIDENTINO, sessione 6. decreto de iustificatione can. 30. supponitur, propter peccatum mortale incurrere reatum pænæ æternæ; & definitur posse illo remisso simul cum culpa, remanere reatum pænæ temporalis.



SED DVBIVM EST.

Quid sit iste reatus pænæ?

AD HOC SCOTVS loco citato quæst. præcedenti, Dub. 2. respondet, dum, qui peccauit, ordinari à Deo ad pænâ, & in hoc importari duo, scilicet *ordinationem actiuiam*, quæ est actus Dei ordinantis & deputantis peccatorem ad pænâ; & *passiuam*, quæ est relatio rationis, à qua ipse peccator dicitur ordinatus ad pænâ; & hanc ordinationem passiuam consideratam, non quatenus est disconueniens subiecto, sed quatenus est obligatio ad pænâ, esse reatum pænæ; Et idem videntur sentire alij ibidem citati, qui solum differunt ab SCOTO in hoc, quod dicunt, ordinationem passiuam non esse relationem rationis, sed denominationem extrinsecam conuenientem, peccatori, quatenus terminat actum Dei.

Alij vero dicunt, esse relationem rationis, resultantem immediate ex peccato actuali, à qua homo dicitur formaliter dignus pænâ; cæterum non distinguunt eam à peccato habituali vel macula; sed dicunt, eam esse formaliter reatum, siue dignitatem ad pænâ, & peccatum habituale; ita ut ab ipsa formaliter dicatur homo reus pænæ, siue dignus pænâ, & esse in peccato, & fundamenta istorum adduxi loco citato.

DICO PRIMO, *Reatus pænæ, qui sequitur ex peccato, est debitum, vel obligatio, quem quis contrahit ratione peccati, ad patiendum pænâ proportionatam ipsi peccato.* In hoc conueniunt omnes, & expresse DVANDVS in secundo dist. 42. quæst. 3. & probatur, quoniam quidquid fit apud alios, tamen apud Theologos *reus pænæ* dicitur, qui est debitor pænæ; ergo & reatus pænæ erit debitum pænæ; & colligitur ex ratione, qua Diu. THOMAS probat, reatum pænæ esse effectum peccati; nam si ex eo, quod aliquis peccando insurgit contra aliquem ordinem, est consequens, quod deprimatur à principio illius ordinis; & deprimi est pati pænâ; etiam fiet consequens, quod iure deprimatur, quod est ipsum manere obligatum ad patiendum pænâ. *Item*, quia ita se habet in peccatis reatus ad pænâ, sicut in bonis operibus dignitas ad præmium: ergo consistit

in aliquo titulo iustitiæ in ordine ad penam, quod in peccatore non potest esse aliud, quam obligatio ad patiendum eam.

DICO SECUNDO; *reatus pena, hoc est, ista obligatio ad penam, quæ sequitur ex peccato, non est formaliter ordinatio passiva, quæ peccator dicitur ordinatus à Deo ad penam, siue illa sit relatio rationis, siue denominatio extrinseca.* ita tenent CAPREOLVS in 4. dist. 14. q. 1. art. 3. in solutionibus ad argumenta SEOTI contra tertiam conclusionem; & SOTO, dist. 35. q. 1. art. 2. & probatur aperte, quia ex natura peccati sequitur hæc obligatio ad penam, ita ut peccator ratione sui peccati sit obligatus ad eam, quamvis à Deo non ordinaretur: ergo obligatio ad penam non consistit formaliter in hoc, quod est, peccatorem ordinari à Deo ad penam.

Confirmatur, quia, si Deus remitteret peccatori totam penam, & non culpam, non ordinaret ipsum ad penam; & nihilominus ipse peccator esset obligatus ad penam; ergo esse obligatum ad penam non est ordinari à Deo ad ipsam.

DICO TERTIO, *obligatio ad penam, quæ nascitur ex peccato, & dicitur reatus pena, non est aliquod accidens reale, siue absolutum, siue respectuum, sed est solum quidam moralis, qui formaliter & actu est quædam relatio rationis ad penam, & consequitur ad peccatum, supposita lege & regula superiori;* ita tenet CAPREOLVS loco citato; & probatur PRIMA PARS, quia *in primis*, non est accidens absolutum quia hoc non potest produci à quocunque peccato, præsertim si sit pura omissionis; neque etiam est relatio realis ad penam; quia pena est futura, & non existit actu, & relatio realis postulat terminum actu existentem. SECUNDA ETIAM PARS probatur, quia *in primis* quod sit titulus moralis, satis constat ex alijs obligationibus ad faciendum, vel patiendum aliquid; quod vero iste titulus sit formaliter, & actu relatio rationis, patet à sufficienti partium enumeratione, quoniam est aliquid de nouo adueniens, & non est reale, neque absolutum, neque respectuum: ergo est aliquid rationis, & non aliud, quam relatio, quia importat habitudinem ad penam.

Sed obijciat, sequi ex hoc, quod reatus solum habeat esse per operationem intellectus; & rursum ex hoc sequi alia duo, scilicet, quod peccatori solum per operationem intellectus conveniat esse reum penæ, & quod cessante hac operatione non sit reus penæ; Respondetur concedendo primam sequelam, sicut concedi solet de omnibus entibus rationis sumptis formaliter; & negando secundam, quoad utramque partem; pro quo aduertit ex doctrina D. THOMÆ q. 7. de potentia art. 11. esse duo genera relationum rationis: *primum earum*, quæ sunt per intellectum adiuventæ, & attribuantur rebus intellectis, cuiusmodi sunt generis, speciei, prædicati & subiecti & aliz similes. *Alterum earum*, quæ non sunt adiuventæ ab intellectu, sed ex quadam necessitate consequuntur modum intelligendi, cuiusmodi sunt rationes, quæ ideo sunt rationis, & non reales, quia deest aliqua conditio ex requisitis ad relationem realem; & hæc conditio ponitur ab intellectu, non quia intellectus affirmet eam convenire rebus, quia sic deciperetur, sed quoniam quantum ad modum concipiendi, ita se habet circa res intellectas, ac si conveniret eis; verbi gratia, ad relationem rea-

lem requiritur, quod extrema sint actu entia, & distincta inter se, & ex natura sua mutuo ordinabilia & propter defectum cuiuscunque ex istis conditionibus, non est inter extrema relatio realis, ut constat in relationibus prioritatis secundum durationem, identitatis numericæ, & tertij generis; at vero quia intellectus ita se habet in modo concipiendi circa ista extrema, ac si eis convenirent huiusmodi conditiones; ut cum confert quantum ad prioritatem, ea, quorum utrumque, vel alterum non est actu; vel quantum ad identitatem, ea, quæ non distinguuntur, vel quantum ad rationem mensuræ & mensurabilis, aut termini & terminabilis, ea, quæ non sunt mutuo ordinabilia: ideo tunc ad istum modum intelligendi consequitur necessario relatio inter hæc extrema. Et quamvis omnes istæ relationes conveniant in hoc, quod indigeant operatione intellectus ut existant, eo modo quo existere possunt: tamen etiam differunt in hoc, quod *relationes primi generis* non attribuantur rebus, neque denominant eas secundum suum esse, sed quatenus concipiuntur, & ita solum conveniunt eis, per operationem intellectus, & non denominant eas seclusa ista operatione, at vero *relationes secundi generis* attribuantur rebus, & denominant eas, secundum esse quod habent à parte rei, & non quia concipiuntur, aut per operationem intellectus, & possunt etiam cessante hac operatione intellectus denominare eas, saltem ex parte fundamenti; alias Deus non esset formaliter creator, nec Dominus creaturarum nec prior eis, neque divinæ personæ essent æquales, aut similes inter se, nisi per operationem intellectus; neque possent ista vlllo modo reperiri seclusa operatione intellectus. Et ratio huius discriminis est, quia ad *relationes primi generis* requiritur operatio intellectus, tanquam fundamentum non solum ut existant, sed etiam ut attribuantur rebus: sed ad *relationes secundi generis* solum est necessaria operatio intellectus ut existant, non ut attribuantur rebus, quia ad hoc in ipsis rebus à parte rei est sufficiens fundamentum; Et quoniam relatio rationis, in qua dixi reatum consistere, pertinet ad istud secundum genus, quia ex natura rei consequitur ad peccatum; & non quia concipitur ab intellectu: & solum dicitur *rationis*, propter defectum existentie sui termini; ideo non sequitur, quod solum denominet reum per operationem intellectus, neque quod peccator non sit reus seclusa operatione intellectus.

DICO QUARTO, *obligatio ista non est formaliter malum culpæ;* probatur, quia malum culpæ consistit in averfione à fine vel à lege; at vero ista obligatio consistit in relatione ad penam.

Et confirmatur, quia sæpe ablata tota culpa, manet reatus penæ, saltem temporalis, ut est definitum in Concilio Tridentino sess. 6. decreto de iustificatione, cap. 14. & can. 30. & sessio. 14. doctrina de Sacramento penitentiae cap. 8. & can. 12. & sessione 25. in principio.

Sed obijciat, quia per culpam homo est dignus penæ; ergo & obligatus ad eam, quia dignitas penæ est obligatio ad eam.

Confirmatur, reatus penæ est quoddam malum hominis; quia est ipsi disconveniens: & non est malum penæ, quia potius est obligatio ad penam; ergo est male in culpa, patet consequentia, quia



Negus enim aliterque modus, quo quætores statim citandi eas explicant, qui dicunt quod peccatum, ut extractio procedens à voluntate, est culpa; & ut est passio recepta in ipsa, est pena. Hanc sententiam ita explicatam sequuntur et Thomistæ. *Coma* ad hunc in hoc articulo, & contendit non esse diuersam ab ea, quam D. THOMAS sequitur in hac prima conclusione, & pro eadem refert ipsum D. THOMAM in secundo d. 36. q. 1. art. 3. & CAHYB lib. 1. de locis, cap. 1. in solutione ad 7.

Et probatur primo, quoniam privatio boni conuenientis potest esse pena: sed inordinatio peccati est privatio boni conuenientis, scilicet iusticie, & conformitatis cum lege; ergo potest esse pena.

Confirmatur, quoniam privatio boni utilis, scilicet honoris, & diuitiarum; aut boni delectabilis, potest esse pena: ergo etiam privatio recti ordinis debetur; patet consequentia, quia rectitudo est bonum honestum, & bonum honestum est malum bonum, & magis conuenient naturæ rationali, quam bonum vile, aut bonum delectabile.

Et hac idem argumentum fieri potest, si dicamus formale peccati esse aliquid positivum: quoniam recipere id, quod positive contrariatur bono conuenienti ipsi recipienti, etiam si sit minus bonum, & minus conueniens homini, quam bonum honestum, potest esse pena.

Secundo nulla ex conditionibus requisitis ad penam deest huic inordinationi, aut deformitati; ergo potest esse pena; probatur antecedens quoniam communiter solet dici, requiri ad penam duas condiciones, scilicet, quod sit malum æius, qui eam patitur; & quod sit inuoluntaria: & de prioribus satis constat conuenire deformitati peccati, quoniam est summum malum hominis; de posteriori videtur quod etiam conueniat ei, aut quod non sit necessaria; & *primum* illarum probatur, tum quia deordinatio solum est voluntaria indirecte, hoc est quatenus consequitur ad actum, qui est à nobis volutus; & hoc modo etiam pena potest esse voluntaria, ut cum quod sit inuoluntaria, videtur quod si interficiat alterum, incurrat hanc, vel illam penam, vult interficere eum; *tum etiam* quia quomodo deordinatio sit voluntaria isto modo, scilicet consequenter, potest esse expresse inuoluntaria; ut cum is qui peccat, nollit deordinationem esse adiunctam æui peccati, imo & propterea tristatur, quod multis accidit; & ad penam satis est; quod sit hoc modo inuoluntaria; ut in exemplo proposito, si quis occidat hominem, sciens esse sibi paratum supplicium, quod nollit pati, tunc supplicium est ipsi voluntarium consequenter, & inuoluntarium expresse, & habet proprietatem penæ; & *itaque*, quia illa deordinatio, licet non repugnet actui electo voluntatis, repugnat naturalis inclinationi ipsius. *Secundum* etiam probatur, tum quia sæpe penæ sunt directe & expresse voluntariæ, ut patet in actu peccati quoad suam substantiam, & cum inuoluntarie assumit penam ad satisfaciendum pro peccatis, aut optat, quod Deus sibi permittat exequi prauam voluntatem; *tum etiam* quia sæpe patiuntur penæ, saltem damni, qui non sunt iniusti aut repugnantes respectu earum, ut patet in poenæ decedentibus cum peccato originali, & vniuersaliter in omnibus, qui ignorant dampnum sibi inflicturn.

Tertio, peccatis peccati potest esse pena, si omnes latentur cum D. THOMA in secunda conclusione; ergo etiam id, quod permittitur, scilicet ipsum peccatum, formaliter sumptum.

Confirmatur primo, quia oblationis damnum, & induratio peccatorum, est pena, quatenus à Deo permittitur in punitionem præcedentium peccatorum; ergo etiam peccatum, quatenus eodem modo permittitur.

Confirmatur secundo, quia Deus potest permittere peccatum in punitionem & vltionem culpæ, ut omnes concedunt; ergo peccatum potest esse pena; patet consequentia, quia sicut præmium correspondet merito, ita pena correspondet culpæ; ergo sicut quodcumque bonum propositum, & respondens merito est præmium, ita quodcumque malum inflicturn aut permittum in punitionem culpæ est pena.

Primo probatur autoritate scripturæ & sanctorum, nam in primis in scriptura, sæpe dicitur: *Deum* in vltionem & punitionem aliquorum peccatorum permittere aliavt ad Romanos 1. cum Paulus reculisset de latram philosophum, subiunxit: *propter quod Deus tradidit illos in cupiditatem cordis eorum, in passiones ignominias, in reprobum sensum, ut faciant quæ non conueniunt, &c.* & ad hoc probandum faciunt alia testimonia adducta supra q. 79. art. 1. Item sancti sæpe hoc dicunt sed peccellatiter AVOGASTINVS, qui tom. 1. lib. 1. confessionum cap. 11. inquit, *in ipsi enim, & sic est, ut pena sua sibi sit omni inordinatio animi, & lib. 1. abstractionum, cap. 9. & lib. 3. de libero arbitrio cap. 18. & tomo 8. super illud psalmi 57. supercecum ignis, &c.* dicit, peccatum, & id quod male sit, esse penam; & *eandem* hoc ipsum latissime probat tom. 7. lib. de natura & gratia cap. 11. & lib. 3. contra Iulianum cap. 3. & libro de gratia & libero arbitrio cap. 20. & c. idem dicitur CHRYSOSTOMVS homilia de Adam & Eua, & GREGORIUS homilia 11. in Ezechielem, & lib. 25. moralium, cap. 11. qui etiam id probat scriptura & IERONIMVS l. 1. sententiarum de summo bono c. 39. num. 1.

§. 3. Sententia negatiua, quæ est D. Thomæ, præfertur.

SIT NIMIS OMNIS CONCLUSIO, Deformitas, aut inordinatio peccati, siue sumatur ut actus, hoc est, quatenus procedit à voluntate; siue ut passio, hoc est, quatenus recipitur in ea, non potest esse pena; hæc est CAIETANI hoc loco, & CATROLI in 2. dist. 36. q. vnica, art. 3. in solutione ad secundum AVAROLI contra primam conclusionem & DEKANDI eadem dist. q. 2. & probatur in primis testimonio D. THOMÆ, qui expresse dicit, peccatum per se consideratum, hoc est quantum ad suam inordinationem, nullo modo posse esse penam peccati; vbi (ut aduertit CAIETANVS) frustra addidisset illa verba nullo modo, si aliquo modo, hoc est quatenus recipitur in subiecto, & habet modum passionis, potest esse pena.

Secundo, pena (ut colligitur ex doctrina D. THOMÆ articulo 1. huius quætionis) ordinatur ad reparationem ordinis delectu per culpam; sed culpa siue sumatur ut actus, siue ut passio, non est medium aptum ad huiusmodi reparationem; ergo non potest esse pena; probatur *minor*. quia

noua culpa, quomodocunque sumatur, est noua destructio illius ordinis; ergo non est medium aptum ad eius reparationem.

Ad hoc BASSOLIUS, quæst. citata, art. 1. in solutione secundi argumenti; & GABRIEL art. 3. Dub. 4. respondent, quod culpa secundum diuersas rationes destruit, & reparat ordinem hominis ad legem: nam quatenus culpa est, destruit eum extrahendo hominem ab obedientia debita legi; ac vero quatenus est disconueniens homini, reparat eundem ordinem, subiiciendo hominem legi, non quantum ad obedientiam, sed quantum ad punitionem.

Sed contra, subiectio, quantum ad punitionem, deseruit ad reparandum ordinem obedientie; quatenus per eam fit quædam æqualitas, quæ consistit in hoc, quod sicut homo per culpam extrahitur ab obedientia debita legi, ita per penam, quam patitur ab eadem lege, & ab eius auctore, subiiciatur ei, & deprimatur ab ipsa; ergo id, quod repugnat illi ordini, cuiusmodi est culpa, non est medium aptum ad reparandum ipsum: patet consequentia, quia per additionem contrarij & repugnantis non potest fieri æqualitas, sed potius augetur inæqualitas; sicut per nouum furum non potest fieri æqualitas in materia iustitiæ, neque per nouam offensam amici potest fieri æqualitas in amicitia.

Tertio, de ratione culpæ est, quod sit voluntaria, ut egrediens à voluntate, tanquam à suo principio; ergo culpa non potest esse pœna; *antecedens* patet, quia solum imputatur ad culpam, quod est in potestate voluntatis, & solum dicitur esse in potestate voluntatis id, cuius ipsa est principium; & *consequentia* probatur, quia pœna per se, & quantum est ex sua natura, non habet, quod procedat à voluntate peccantis, ut à principio, sed potius quod proueniat ab extrinseco, ita ut peccans solum concurrat passiuè, quamuis per accidens possit aliquando procedere ab ipso peccante, quasi à ministro superioris.

Quarto probatur ratione desumpta ex D. THOMAS 1. parte quæst. 48. in corpor. & ad 4. & ex D. V. RANDO loco citato, quia de ratione pœnæ est, quod noceat agenti in seipso, hoc est in ijs, quæ pertinent ad eius integritatem; de ratione vero culpæ, quod noceat in sua operatione, hoc est in rectitudine, quam debet habere, cum agit: ergo distinguuntur inter se formaliter, & ex consequenti culpa secundum suam rationem formalem nō potest esse pœna. *Antecedens* quoad priorem partem, probatur, quoniam pœna consistit in passione alienius disconuenientis ut colligitur ex testimonijs AVOVSTINI, quæ hic refert CAIETANUS, & ex communi sententia Theologorum dicentium, quod propterea habet, quod per se, & quantum est ex natura sua, sit contraria voluntati, & ex ipsis terminis; & quoad posteriorem partem etiam probatur, quia solum imputantur nobis ad culpam defectus morales nostrarum actionum.

§. 3. Quomodo peccatum ut pœna, est, sit à Deo.

Vltimo, omnis pœna, qua peccata iuste puniuntur, est à Deo: sed inordinatio & deformitas peccati, siue sumatur ut actio, siue ut passio, non est, nec potest esse à Deo; ergo neu-

tro modo potest esse pœna peccati.

Ad hoc tribus modis solet responderi ab authoribus oppositæ sententiæ: nam in primis SCORVS quæst. citata. §. ad primum, respondet, peccatum, quatenus est pœna, esse à Deo, non ut ab affligente, aut efficiente positivè; sed ut à deferente voluntatem creatam propter demeritum præcedentis peccati.

Sed contra argumentum ex CAIETANO, quoniam pœna aliquo modo est à Deo, quo culpa non est ab ipso: sed culpa est à Deo, ut à permittente ipsam, & deferente voluntatem creatam; ergo pœna alio modo est ab ipso.

Confirmatur, quia si inordinatio peccati, quatenus est pœna prioris peccati, est à Deo; ergo etiam est statutum, & ordinatum à Deo, quod peccator afficiatur hac pœna in vindictam & punitionem prioris peccati: patet *consequentia*, quia pœna, quæ est à Deo, debet esse ab ipso, ut à legislatore, imponente & decernente ipsam in ordine ad finem proprium ipsius pœnæ, quæ est, punizio scelerum; ac consequens videtur plusquam falsum, *nam quia* indecens est tribuere Deo id, quod nulli prudenti legislatori tribueretur; scilicet, quod statuat punire transgressionem suæ legis, & propriam offensam, noua transgressionem, & noua offensam; *nam etiam quia* si Deus id statuit, ergo etiam voluit positivè in ordine ad illum finem, quod inordinatio peccati sit in peccatore, quia decretum diuini intellectus habet adiunctam volitionem; quod tamē non est concedendum, quia, quod inordinatio & malitia peccati sit in peccatore, est malum, & iniustum, & ex consequenti non potest esse positivè volitum à Deo.

Secundo respondent alij, concedendo, inordinationem peccati esse à Deo plusquam permittivè, scilicet aliquo modo positivè concurrente; non tamen quatenus est actio, sed quatenus est passio, quia secundum priorem rationem est culpa, & secundum posteriorem non est culpa, sed pœna; sicut passio Christi ut actio procedens à crucifigentibus ipsum, fuit culpa: tamen ut passio recepta in Christo, non fuit culpa, sed pœna satisfactoria pro nostris peccatis, & volita, atque intenta à Deo. Nō tamen explicant isti satis, an per concursum positivum Dei ad huiusmodi pœnam, intelligant efficientiam aliquam positivam, vel volitionem qua vult Deus peccatori illam passionem supposita actione mala ipsius, quam comitatur & sequitur. Hanc solutionem tribuit CANVS loco cito CAIETANO, qui super illud 1. Regum. 12. *Ecce ego suscito super te malum de domo tua*; ita inquit: *est sermo, non de malo culpa, sed de malo pœna*; Deus enim non est auctor peccati ut sic, sed quatenus pœna est peccantis, vel alterius, & super illud cap. 16. *Dominus præcepit ei ut malediceret David*, sic ait: *agnosce, & facietur David, maledictionem illam, quatenus penalem, sibi procedere à Deo propter peccata sua*.

Sed in primis hæc solutio immerito tribuitur CAIETANO, propter ista verba: nam in eis solum dicit, peccatum posse esse pœnam peccantis, vel alterius; & non explicat, an loquatur de ipso, quantum ad inordinationem sumptam passivè, vel potius quantum ad alia mala, quæ ad ipsum consequuntur, cuiusmodi sunt labor, infamia, & similia. Et præterea contra ipsam sic argumentor, inordinatio, peccati etiam ut recepta in anima, est

formaliter iniustitia & iniquitas; ergo etiam secundum istam rationem non potest esse à Deo plusquam permissiue; *consequentia* patet, quia Deus non est causa iniustitiae & iniquitatis; & *antececedens* probatur, quia homo dicitur formaliter iniustus, & malus ab inordinatione peccati, prout est in ipso.

Confirmatur, quia sequitur, Deum velle, quod inordinatio peccati recipiatur in anima; quod impugnari potest omnibus testimonijs, quibus solet probari, Deum non posse velle peccatum.

Confirmatur secundo, quia non potest aliqua causa concurrere ad receptionem huius inordinationis in anima, nisi concurrat ad processionem ipsius ab eadem anima; sed Deus non potest concurrere ad processionem, plusquam permissiue, ut etiam authores oppositae sententiae fatentur: ergo neque ad receptionem, probatur maior, quia receptio habet intrinsecam dependentiam à processione ex voluntate, neque potest fieri nisi ipsa mediante: ergo quod non est causa processionis ex voluntate, non potest esse causa receptionis in ipsa.

Neque fauet illi solutioni exemplum crucifixionis Christi, quia non erat formaliter ipsa malitia peccati, neque bonitas moralis satisfactionis, sed materiale, quod denominabatur iuxta exigentiam voluntatis, à qua habebat esse voluntariam; & quia ut actio habebat esse voluntariam à voluntate crucifigentium, à qua procedebat, quae erat mala; & ut passio recepta in Christo habebat esse voluntariam à voluntate Christi, quae erat bona; ideo *secundum priorem* rationem fuit peccatum, & mala; & *secundum posteriorem* rationem fuit bona, & opus satisfactionis. At vero inordinatio peccati est essentialiter & formaliter ipsa malitia peccati, ideoque siue consideretur ut procedens à voluntate, siue ut recepta in ipsa, non potest esse bona, sed semper est mala, quia semper retinet eandem essentiam. Et ratio huius est, quia idem materiale per ordinem ad diversa potest habere distinctas & oppositas denominationes: non tamen id, quod est ultimum formale respectu alicuius denominationis: ut, eadem albedo dicitur similis & dissimilis respectu diversorum, non tamen eadem similitudo in quantum est similitudo.

Tertio respondet CANVS loco citato, & cum eo aliqui ex recentioribus Thomistis, non omnem penam esse à Deo, sed solum illam, quae ita est pena, ut simul non sit culpa.

Sed hac solutio in primis est contra D. THOMAM, qui 1. p. q. 48. art. 6. docet absolute, & absque vlla limitatione, malum penae esse à Deo; & contra AUGUSTINUM, qui to. 1. lib. 1. retract. cap. 26. inquit, quod cum dixit, Deum non esse authorem mali, non est intelligendum de malo penae; quoniam malorum pena, licet mala sit ipsis malis, tamen in bonis Dei operibus est; quia iustum est ut mali puniantur, & bonum est omne, quod iustum est.

Et praeterea videtur esse contra illud Isaia 45. Ego Dominus creans malum. & Amos. 3. fies malum in ciuitate, quod Dominus non fecerit; quibus locis per malum intelligitur pena, ut HIERONYMVS, & omnes communiter exponunt.

Et tandem impugnatur hac ratione, si inordina-

tio peccati esset pena peccati, responderet ei, quatenus est violatio diuini regiminis; ergo debet esse à Deo, iuxta doctrinam D. THOMAE art. 1. huius questionis.

Et Confirmatur, quia omnis punitio iusta transgressionis alicuius legis pertinet ad authorem ipsius legis; ergo etiam punitio peccati, quatenus est transgressio diuinae legis, pertinet ad Deum.

Neque est admittenda distinctio ALMAINI tract. 3. moralium, cap. 29. in penam infligendam & contrariam; quoniam quaecumque pena, si sit punitio iusta transgressionis alicuius legis, debet provenire ab authore ipsius legis, vel ab eo, qui gerit vices ipsius.

§. 4. Dissoluntur rationes contrariae opinionis.

Ad primum, respondetur, negando maiorem, si intelligatur vniuersaliter, de priuatione cuiuscumque boni convenientis; nam priuatio boni honesti, & moralis, non potest esse pena, propter rationes adductas pro conclusione; & ex hoc patet solutio ad Confirmationem.

Ad secundum, respondetur negando antecedens, & ad probationem dicendum est, neutram conditionem conuenire inordinationi peccati; & ad id, quo probatur, primam conuenire ipsi, respondetur, quod (ut modo dicebam) non quodcumque malum potest esse pena, sed requiritur, quod non sit malum morale; Et ut respondeamus ad id, quo probatur idem de secunda, supponendum est, quod, sicut dupliciter dicitur aliquid voluntarium, scilicet quia procedit à voluntate ut à principio, & placet ipsi ut obiectum; ita etiam potest dici inuoluntarium dupliciter, scilicet quia non procedit à voluntate; & quia est contra eam, & displicet ei; & hoc supposito, respondetur primo, ad penam requiri, quod sit inuoluntaria primo modo, & culpam non posse esse inuoluntariam illo modo, cum sit de eius ratione, procedere à voluntate peccantis ut à principio. *Neque* contra hoc habent vim ea, quae obijciuntur in argumento: quoniam, quamuis inordinatio peccati aliquo modo sit expresse nolita, ut in priori exemplo; tamen procedit à voluntate, ut à principio; & pena in illo casu non ita procedit à voluntate, sed solum dispositiue, & demeritorie, & quamuis aliquando penae procedant à voluntate ut à principio, ut in alijs exemplis: tamen non id postulant, quatenus penae sunt, ut dixi in 3. ratione, qua probaui conclusionem.

Secundo Respondetur, admittendo, requiri ad penam quod sit inuoluntaria secundo modo; hoc est, quod sit contraria voluntati, sicut dici solet ab omnibus communiter, & à D. THOMA 1. p. q. 48. art. 5. & 3. contra gentes c. 141. & ad id, quo probatur, etiam hoc posse conuenire culpe, saltem eo modo quo conuenit veris peccatis; respondetur cum D. THOMA in hoc posteriori loco, esse discrimen inter inordinationem peccati, & penam, si absolute & secundum se considerentur, quoniam inordinatio peccati, licet non sit volita directe, quia nemo intendens ad malum operatur; tamen non est contraria voluntati, quatenus est inclina-



ARTICVLVS III.

*Vtrum aliquod peccatum inducat reatum
eterna pana?*

CONCLUSIO est affirmatiua. Quacunq[ue] peccatu[m] auertunt à Deo charitatem auferentia, quantum est de se, inducunt reatum eterna p[en]a.

COMMENTARIVS.

§. 1. *Diuisio pana peccati, in panam damni & panam sensus, est de fide.*

NOTANDUM, peccato mortali respondere duas p[en]as, unam damni, & alteram sensus, ut dicemus articulo sequenti, & utr[ut]r[um]que futuram esse æternam, ita ut nunquam habeat finem: & hoc est certum secundum fidem, ut patet Matthæi cap. 18. *clausa est ianua, & postea, ite maledicti in ignem æternum; & in fine, & ibunt hi in supplicium æternum.* 1. ad Corinthios 6. *an nescitis, quia iniqui regnum Dei non possidebunt? nolite errare, neque fornicarij, neque idolis seruientes, &c. regnum Dei possidebunt.* 2. ad Thessalonicenses. 1. *qui p[en]as in interitum æternum dabo.* Itaque ultimo, *vermis eorum non morietur, & ignis eorum non exstinguetur*; quæ verba ad p[en]as inferni referuntur Marci 9. ubi ita dicitur, *bonum est tibi introire in vitam claudum, quam duos pedes habentem mitti in gehennam ignis inextinguibilis, ubi vermis eorum non morietur, & ignis non exstinguitur.* Et Apocalypsis 14. *& fumus tormentorum eorum in sæcula sæculorum ascendet.* Et præterea idem ex Symbolo Athanasij habetur, & ex definitione Ecclesiæ, ut patet ex epistola SOPHRONII recepta in 6. synodo generali, act. 11. & ex Concilio LAT[IN]AN[ENS]I sub INNOCENTIO 3. & refertur c. firmiter de summa Trinitate & ex TRADANTINO, sessione 6. decreto de iustificatione cap. 14. & 15. & can. 30. & sessione 14. can. 5. de Sacramento p[en]itentia, & ex cap. *Maiores* de baptismo, & tandem habetur ex communi consensu fidelium, & ex traditione sanctorum; nam in hoc conueniunt AVGVSTINVS tom. 5. lib. 12. de ciuitate cap. 10. & lib. 21. cap. 2. 17. 18. 23. & 24. & tom. 8. super psalmum 49. in illa verba *ignis ante ipsum præbit.* GREGORIUS lib. 15. moralium, cap. 9. & lib. 4. dialogorum c. 43. HIERONYMVS in epistola ad Autum cap. 1. & 5. & in epistola ad Pammachium cap. 3. quibus locis damnat ut errorem, asserere oppositum de dæmonibus; & in apologia aduersus Rufinum, & in cap. 3. Ionæ. CYPRIANVS in tractatu de resurrectione Christi. CHRYSOSTOMVS hom. 25. & 31. in epistolam ad Romanos in expositione morali, & homilia 9. in priorem ad Corinthios in principio. & hom. 2. in priorem ad Thessalonicenses in principio. THEOPHILVS Alexandrinus in epistola secunda paschali quæ habetur tom. 1. Bibliothecæ sanctorum patrum. THEOPHILACTVS in illud Lucæ 16. *& super hac omnia inter vos & nos hiatus magnus firmatus est, ut hi qui volunt hinc transire ad vos, non*

A possint, neque inde transcendere ad nos. Ex quo loco dicit colligi aperte veritatem hanc: & super illud 2. ad Thessalonicenses 1. *qui p[en]am luent interitum æternum.* ORIGENIVS ibidem & IUSTINVS marty[ri] apologia 1. & 2. pro Christianis.

§. 2. *Excluduntur multi errores circa panas damnatorum.*

EX HAC veritate possunt refelli plures errores circa finem p[en]æ damnatorum. PRIMVS est eorum, qui absolute dicebant, supplicia, tam hominum, quam dæmonum, habitura aliquando finem. Hunc errorem tribunt ORIGENI HIERONYMVS in epistolis citatis, & in epistola ad Pammachium & Oceanum c. 1. & lib. 2. aduersus Pelagianos cap. 9. post medium, AVGVSTINVS tom. 6. lib. de hæresibus cap. 43. & tom. 5. lib. 21. de ciuitate Dei. c. 1. THEOPHILVS Alexandrinus loco citato, & THEOPHILACTVS locis citatis tribuit eum Origenistis, & ex recentioribus, CASTRO in opere aduersus hæreses, verbo *beatus* hæresi 3. & verbo *infernus* hæresi 2. *Verum est* quod alij conatur liberare Origenem ab hac nota, vtentes ad hoc communi illa excusatione, quod eius libri ab hæreticis, & maleuolis hominibus sint violati: ita PAMPHILVS marty[ri] in apologia pro Origene, PICVS MIRANDVLANVS in apologia quæst. 7. SOTO in 4. dist. 45. q. 2. art. 2. & dist. 50. q. vnica art. 1. post quartam conclusionem, & alij ex recentioribus. Quam tamen excusationem impugnat HIERONYMVS in epistola ad Pammachium & Oceanum. c. 4. ubi, & in prozimo librorum aduersus Pelagianos, contendit, apologiam, quæ nomine sancti PAMPHILII citatur, non fuisse ab ipso conscriptam, sed desumptam ex quodam libro EVSEBII Cæsariensis à Didymo, vel ab alijs, quod etiam late probat MARIANVS VICTORIVS in epistola ad lectorem, quæ habetur ante eandem apologiam, in secunda parte tom. 9. operum D. Hieronymi. *Verum* in hoc non est multum immorandum, cum difficile sit, & parum necessarium, colligere ex operibus Origenis, quæ habemus, quid circa rem hanc senserit: qui voluerit videre testimonia eius, quibus videtur fauere vtrique parti, & interdum sequi vnâ, & interdum alteram; legat SIXTVM SENENSEM lib. 5. bibliothecæ sanctæ annot. 131. & collectaneæ de rebus Origenis, quæ eius operibus præfixit GENEBRARDVS.

C NEQUE fauet huic errori HIERONYMVS, cum in illud ad Ephesios 1. *super omnem principatum & potestatem & virtutes, dixit, in angelis esse profectus, & honores, ascensiones, & descensiones, incrementa, & imminutiones, ut ei obijcit RUFINVS lib. 1. inuectiuarum contra ipsum Hieronymum*; nam, ut aduertit SIXTUS SENENSIS lib. 6. bibliothecæ sanctæ annot. 192. solum voluit significare, diuersa angelorum officia, imo ipse ita hæc exposuit loco statim citando ex apologia.

NEQUE etiam fauet ei in alijs testimonijs, quæ idem RUFINVS ibidem obijcit ipsi: scilicet, in illud ad Ephesios 1. *ut simus in laudem gloriæ, qui ante sperauimus in Christo*; & in illud capitis 2. *ut ostenderet in sæculis superuenientibus, &c.* & in illud capitis 4. *ex quo totum corpus compactum & conglutatum, &c.* nam in ipsis locis non loquitur ex

propria





culpe; & ita concedimus, propter peccatū mortale esse aliquem dignum pœna æterna, & nō propter peccatum veniale; & esse dignum pœna est mereri eam; & Matthæi 25. peccatores propter sua peccata damnantur, non solum ad pœnam absolute, sed etiam ad pœnam æternam, dicitur enim, *ite maledicti in ignem æternum*, & subiungitur ratio, *esurini enim & non dedistis mihi manducare, &c.* quæ ratio non esset sufficiens, nisi eiusmodi peccatis deberetur pœna æterna. Neque etiam potest negari, quod totum demeritum sit in actu peccato, sicut totum meritum gloriæ est in actu bono: quia solum meremur gloriā, aut pœnam, per actus bonos, aut malos, huius vitæ; quod etiam colligitur ex illo loco citato, ubi propter actus huius vitæ redditur præmium, & supplicium, æternum; nam bonis dicitur, *esurini & dedistis mihi manducare, &c.* malis autem, *esurini & non dedistis mihi, &c.*

Quare aliter respondetur, negando sequelam, & ad probationem dicendum est, quod peccatum actuale quoad actum internum, & affectum peccantis, est virtualiter æternum: primo quoniam qui tale peccatum committit, censetur virtute vel totum statum, & perpetuitatem eius: & præterea, quia, ut inquit S. THOMAS 3. con. gentes cap. 44. ratione 4. qui præfert fructum temporalem boni temporalis fructu æternæ ultimi finis, multo magis vellet frui in æternam illo bono temporali.

Et ex hoc patet solutio ad argumentum propositum; in principio huius difficultatis; quoniam dici potest, quod delectatio & malitia peccati actualis, licet sit actu brevis, tamen virtualiter, & quantum ad affectum peccantis, est æterna: & ideo in iudicio Dei, (ubi, ut inquit San. THOMAS voluntas pro facto reputatur, quia Deus inspicit hominum corda) punitur pœna æterna.

Ad primam confirmationem, respondetur cum D. THOMAS in 4. d. 46. q. 2. art. 2. verba illa glossæ nō esse intelligenda de excessu pœnæ ad culpam, quantum ad demeritum culpe, sed quantum ad eius durationem: quia pro delectatione momentanea infligitur pœna æterna.

Ad secundam confirmationem respondetur, quod (ut D. AUGUSTINUS refert tom. 5. lib. 21. de ciuitate Dei cap. 13.) quidam Platonici, quos etiam sequutus est Virgilius, existimauerunt, omnes pœnas adhiberi ad emendationem eorum, qui peccauerunt: & consequenter omnes esse purgatorias, & terminabiles; sed decepti sunt, quia sæpe pœnæ non infliguntur ad emendationem, sed ut debitus ordo seruetur in rebus per hoc, quod tanta pœna infligatur unicuique, quanta debetur suis operibus; quod non solum est verum in pœnis inferni, sed etiam in aliquibus pœnis, quæ in hac vita infliguntur ab hominibus: ut patet cum quis interficitur, aut mulctatur exitio perpetuo. Item quamuis pœnæ, non solum quando statuuntur, sed etiam quando infliguntur, ordinarentur ad emendationem morum: non esset necessarium intelligi hoc respectu eorum, qui eas patiuntur; quia possunt ordinari ad emendationem aliorum, iuxta illud Proverb. 19. *pestilente flagellato, stultus sapientior erit*. ita D. THOMAS loco citato, & DURAND. in 4. d. 46. q. 2. ad 2.

ARTICVLVS IV.

Verum peccato debeat pœna æterna, vel infinita secundum quantitatem?

PRIMA CONCLUSIO. Peccato ex parte auersionis respondet pœna damni, quæ est infinita, in quantum est amissio infiniti boni.

SECUNDA CONCLUSIO. Ex parte inordinatae conuersionis respondet pœna sensus, quæ est finita.

COMMENTARIVS.

CIRCA primam conclusionem est

I. DVBIUM.

Verum pœna damni sit æqualis respectu omnium peccatorum mortalium?

§. Sententia affirmatiua auctores & argumenta.

AD hoc respondent affirmatiue PATYDANVS in 4. d. 22. q. 1. conclusio. secunda, DURANDVS eadem dist. & q. num. 8. CAPREOLVS q. 2. art. 3. in solutione ad obiectiones DURANDI, & alij; quorum sententia probatur PRIMO, quoniam pœna damni consistit in priuatione totali diuinæ visionis: sed priuatio totalis non suscipit magis & minus, ut sæpe diximus supra: ergo neque pœna damni, & ex consequenti est æqualis respectu omnium peccatorum.

SECUNDO, pœna damni est infinita, ut D. THOMAS docet in hac conclusione: sed vnum infinitum non est maius alio; ergo neque vna pœna damni est maior alia; & ex consequenti semper est æqualis.

CONFIRMAT, quia D. THOMAS in argumento. Sed contra, supponit ut certum, quod, si peccato respondeat pœna infinita secundum quantitatem, sequatur, pœnas omnium peccatorum mortalium esse æquales.

VLTIMO, alias sequeretur, quod pœna damni, quæ respondet peccato originali in paruulis, sit grauissima; & maior quam illa, quæ respondet multis peccatis actualibus adultorum; probatur sequela; quoniam puer est auersus à Deo per peccatum Adæ, & habet auersionem habitualement similem illi, quæ fuit in Adam: ergo pœna damni, quæ respondet peccato originali in paruulo, est ea, quæ respondebat peccato Adæ; quoniam pœna damni commensuratur auersioni, ut D. THOMAS docet in hoc articulo: Sed pœna damni quæ respondebat peccato Adæ, necessario debuit esse grauissima, & maior quam illa, quæ respondet multis peccatis actualibus reliquorum hominum, si pœna damni

damni habet gradus, iuxta gravitatem peccatorum; quoniam etiam illud peccatum fuit gravissimum, & maius multis peccatis actualibus aliorum hominum; ergo idem dicendum est de pena damni respondente peccato originali in parvulis.

§. 2. Sententia negativa ut verior eligitur.

SED RESPONDETUR, mihi oppositum videri verius, scilicet, quod pena damni in ratione pena non sit equalis respectu omnium peccatorum; sed maior aut minor, iuxta maiorem aut minorem malitiam peccatorum. Ita tenent ABULENSIS in cap. 15. Math. q. 640. SCOTVS in 4. d. 16. q. 1. art. 1. & d. 50. q. unica art. 4. SUPPLEMENTVM GABRIELIS in 4. dist. 44. q. 3. art. 1. conclus. 2. & ALMAINVS cap. ultimo Moralium. Et probatur primo, quoniam alias sequitur, quod parvuli in limbo puniantur tanta pena damni, sicut adulti in inferno: quod videtur absurdum, quia inter penas damnatorum præcipua est pena damni; ergo qui habent maiorem culpam, cuiusmodi sunt adulti, etiam ista pena debent magis puniri, quam qui habent minorem culpam, cuiusmodi sunt pueri.

Secundo, meritis inæqualibus bonorum operum, respondet præmium essentiale inæquale: ergo etiam de meritis inæqualibus malorum operum debet respondere pena damni inæqualis; patet consequentia, quia sicut se habet meritum in bono opere, ad præmium essentiale, ita se habet demeritum in malo opere ad penam damni.

Tertio, auersiones à Deo in peccatis mortalibus sunt inæquales, ergo etiam penæ damni respondentes peccatis ratione auersionum sunt inæquales: probatur antecedens, tum quia auersiones actuales in peccatis mortalibus sunt ipsorum conversiones auersivæ, ut supra dixi; & auersiones virtuales commensurantur actualibus conversionibus, quia tanto magis censetur aliquis auerti à Deo, quanto convertitur ad obiectum, quod ipsi magis displicet: & similiter tanto censetur magis nolle finem ultimum beatitudinis, quanto convertitur ad opus, quod magis impedit eius consecutionem.

Sed difficultas est

§. 3. Penes quid attendenda sit inæqualitas in eiusmodi pena?

AD HOC, SUPPLEMENTVM GABRIELIS loco citato respondet, quod penes maiorem vel minorem quantitatem gloriæ, debitam ratione meritum, aut gratiæ, à qua quis cecidit: ita ut in eo sit maior pena damni, cui aliquando fuit debita maior gloria ratione meritum, & gratiæ, & ABULENSIS cap. citato q. 639. refert hanc sententiam, & non omnino reprobat eam.

Sed mihi non placet, quia sequitur ex ea, quod, qui post plura merita cecidit in aliquod peccatum mortale non multum graue, cum quo mortuus est habeat maiorem penam damni, quam qui pauca, aut nulla habuit merita, & lapsus est in plurima peccata mortalia gravissima; ex quo ulterius sequitur, quod non seruetur rectus ordo iustitiæ in penis damni, siquidem leuiori culpæ respondeat

maior pena, quam grauiori.

A Quod si obijcias argumentum, quo authores huius sententiæ eam confirmant, scilicet, carentiam boni non habere rationem penæ, nisi quatenus est priuatio boni debiti: & consequenter, non esse maiorem penam, nisi quatenus est priuatio maioris boni debiti, & gloriam non esse debitam nobis nisi ratione meritum & gratiæ; respondeatur, quod, ut carentia beatitudinis in nobis habeat rationem penæ, non est necesse, quod beatitudo sit nobis debita ratione meritum nostrorum, aut gratiæ, alias non esset pena in eo, qui non haberet merita neque gratiam: sed satis est, quod sit quasi debita naturæ humanæ, ratione elevationis, & ordinationis ad finem supernaturalem, in quo non importatur proprie debitum morale, sed aptitudo proxima ad habendam beatitudinem.

Secundo alij dicunt, inæqualitatem hanc, attendendam esse penes inæqualitatem peccatorum, ex quibus demeritorie, aut dispositive provenit priuatio visionis Dei; ita ut, tunc ista priuatio sit maior pena, quando provenit ex maioribus peccatis. Hanc sententiam sequitur SOTO & ALMAIN. locis citatis, & omnes illi, quos supra retulimus sentire, priuationem gratiæ, quatenus est culpa habitualis, suscipere magis & minus, per ordinem ad peccata, à quibus procedit: verum est tamen, quod isti authores differunt inter se in reddenda ratione huius solutionis; nam SOTVS dicit, rationem esse, quod priuatio diuinæ visionis tanto magis torquet, quanto provenit ex grauioribus peccatis, in quo non differt à sententia, quæ sequemur ut statim dicam; At vero ALMAIN. dicit, rationem esse, quod pena importet ordinem ad culpam, & ideo tanto est maior in ratione penæ, & peior patienti eam, quanto imponitur propter grauiorem culpam; & tandem posteriores dicunt, rationem esse, quod vniuersaliter omnes priuationes suscipiunt magis & minus per ordinem ad suas causas, quia quanto maiora & plura impedimenta apponuntur acquisitioni formæ, tanto subiectum est magis elongatum à forma, & ex consequenti magis priuatum ea; & ita dicunt, fieri, ut propter multitudinem, vel gravitatem peccatorum, vnus dicatur magis priuatus diuinā visionē, quam alius.

C Sed neque hæc sententia mihi placet, nam ex ratione, quam assignat ALMAIN. solum potest colligi, quod pena accidentaliter sit maior; sicut ex eo quod idem gradus gloriæ detur propter plura merita, aut propter plures titulos, non sequitur quod præmium essentiale sit maius, sed solum quod præmium accidentale, hoc est gaudium aliquod accidentale maius; & ratio posteriorum non sufficit, ut ipsa priuatio diuinæ visionis sit maior aut minor; quia priuationes, si sint totales, ita ut nihil relinquant in subiecto de forma sibi opposita, non suscipiunt magis & minus, etiam per ordinem ad suas causas, ut supra probauimus; & est expressa sententia D. THOMÆ supra quæst. 73. art. 1.

Ideo tertio responderetur cū SCOTO & ABULENSI locis citatis penam damni non solum continere carentiam diuinæ visionis, sed etiam nolitionem eiusdem carentiæ, & tristitiam ex ea consequentem: & ratione huius nolitionis & tristitiæ

posse

posse tulcipere magis & minus, quamvis ratione carentiz, aut priuationis, sit æqualis in omnibus; potest etiam addi; priuationem ipsam posse aliquo modo dici inæqualem in damnatis non quidem in ratione priuationis, sed in ratione pænæ: quia habet rationem pænæ quatenus, quantum est ex se, est causa displicentiz, & tristitiæ in voluntate: & ita ut sit inæqualis in ratione pænæ, satis est, quod quatenus est causa tristitiæ, sit inæqualis.

Et si quæras, unde proueniat, quod æqualis carentia diuinæ visionis sit causa tristitiæ inæqualis? respondetur, quod partim prouenit ex inæqualitate peccatorum; partim ex dispositione diuinæ iustitiæ, nam ex inæqualitate peccatorum prouenit, quod quanto aliquis ex hac vita discedit cum pluribus & grauioribus peccatis: tanto videat se esse in maiori odio, & inimicitia Dei, & ex consequenti priuari beatitudine à Deo, ut à maiori hoste & inimico.

Item videt, se, quantum est ex parte causarum, propter quas excluditur à beatitudine, esse firmitus exclusum ab ea; & tandem videt, se, propter grauiore culpas puniri illa pænâ; & istorum omnium consideratio auget in ipso tristitiam, & cruciatum: quoniam & pati pænâ à maiori inimico, & hoste, & dedisse causam maioris immutabilitatis in ipsa pænâ, & causam non qualemcumque, sed turpiorem, & fædiorem, est causa maioris tristitiæ, & cruciatu, etiam in hac vita; & hoc plane est quod sentit Soro loco citato; Et præterea prouenit ex dispositione diuinæ iustitiæ, quoniam Deus in vindictam scelorum facit, quod damnatus non possit suam mentem separare à consideratione istorum rerum, & quiescere in amore sui absolute, & insuper alijs modis nobis occultis facit, quod eadem exclusio à beatitudine sit vni magis molesta, quam alteri.

§. 4. Soluuntur argumenta prima sententia.

AD primum respondetur, quod pænâ damni, licet ratione priuationis sit æqualis, tamen ratione tristitiæ est inæqualis. Item etiam ratione priuationis est inæqualis, quatenus huiusmodi priuatio est pænâ, & est causa tristitiæ & cruciatu.

Ad secundum respondetur, quod pænâ damni solum est infinita secundum quid: tamen simpliciter est finita; nam duo sunt in pænâ damni, ut dixi, scilicet priuatio beatitudinis, & tristitia consequens; & priuatio solum est infinita, secundum quid, scilicet quatenus priuat Deo, qui est bonum quoddam infinitum, non tamen est infinita simpliciter, quia non priuat Deo ut est in seipso, sed ut est participabilis à creatura per visionem finitam & limitatam; & similiter tristitia habet quandam modum infinitatis, quia est de infinito bono amisso; tamen simpliciter est finita, tum quia est actus elicitus à creatura, & à creatura non potest elicere actus infinite intensus; tum etiam quia non est de amissione Dei in se, sed de amissione participationis finitæ & limitatæ.

Ad Confirmationem respondetur, D. THOMAM loqui de infinitate intensiua; quoniam de

ea agit in hoc articulo, ut recte aduertit CONTRA DVS; & loquendo de ea est verum, quod vnum infinitum non est maius alio.

Ad tertium respondetur, negando sequelam, & ad probationem, dicendum est, quod pænâ damni commensuratur auersioni actuali, quoniam in peccato actuali consistit tota ratio demeriti, ut dixi; ceterum non commensuratur ei iunctæ absolute, sed quatenus est voluntaria; & quoniam auersio peccati Adæ, quod derivatur ad eius postereros, non fuit voluntaria ipsis per propriam voluntatem, sed per voluntatem capitis; ideo ex hac parte multum minuitur in eis grauitas huius pænæ, & ita non est in ipsis causa tristitiæ, aut cruciatu, ut dixi supra q. 8; in fine, cum agebam de pænâ peccati originalis.

CIRCA eandem conclusionem, & simul circa secundam, est

II. DVBIUM.

An pænâ, quæ respondet peccato mortali, sit de facto finita in intensione?

POTEST hoc disputari de vtraque pænâ scilicet damni, & sensus; quoniam etiam pænâ damni habet suum modum intensiuitatis, secundum quem potest esse maior & minor; ut explicui dubio præcedenti. Et pars negatiua probatur primo de pænâ damni, quoniam hæc respondet auersioni: sed auersio est infinita; ergo etiam pænâ damni. Maior patet ex prima conclusione; & minor probatur, quia quantitas malitiæ auersionis sumitur ex dignitate, & perfectione obiecti, à quo peccator auertitur, ut videtur colligi ex doctrina D. THOMÆ supra quæst. 73. art. 9. ubi docet, malitiam peccati aggravari ex dignitate personæ, contra quam peccatur; sed qui peccat mortaliter auertitur à Deo, qui est infinite dignitatis; ergo malitia auersionis, quæ est in peccato mortali, est infinita.

Secundo probatur, idem de pænâ sensus: quoniam ista pænâ respondet conuersioni, sed conuersio in peccatis mortalibus habet infinitam malitiam: ergo respondet ei pænâ sensus infinita; probatur minor tum quia conuersio non est mala nisi ut adiuncta auersioni; ergo si auersio est infinita mala etiam conuersio; tum etiam quia conuersio peccati mortalis infinite excedit in malitia conuersionem peccati venialis, ergo habet infinitam malitiam.

Confirmatur primo, quia, si pænâ sensus debita peccato mortali esset finita, sequeretur, quod aliquod peccatum veniale posset æquari alicui mortali in pænâ sensus: aut saltem plura peccata venialia simul sumpta; consequens videtur esse falsum, quia sicut inter quæcumque peccata venialia, & vnum mortale, nulla est proportio quoad culpam: ita nulla debet esse proportio quoad pænâ.

Confirmatur secundo, quia saltē videtur hoc cōcedendum esse de pænâ sensus, quæ respondet aliquibus peccatis mortalibus; nam imprimis

odium Dei, quantum ad conuersionem, habet infinitatem ex parte obiecti, quia conuersio in peccato est actus positivus, qui terminatur ad obiectum & in odio Dei actus terminatur ad infinitum obiectum, scilicet ad Deum, & est contra ipsum. Et præterea actus, quo quis vult occidere infinitos homines, aut furari infinitum aurum, habet infinitam malitiam, quoniam obiectum habet infinitas partes non communicantes, quarum quævis potest dare actui positivo certum gradum malitiæ.

Primo probatur de vtraque pena simul, quoniam peccato mortali, quod durat per vnum instantem, respondet aliqua pena damni & sensus; ergo si continuatur per vnâ horam, respondebit ei vtraque pena infinita: patet consequentia, quia in vna hora sunt infinita instantia.

Sed respondetur, vtramque penam esse de facto finitam secundum intensiorem. Et de pena damni, in qua erat maior difficultas, satis probatum est hoc in solutione secundi argumenti dubij præcedentis; & de pena sensus probatur nunc, quoniam neque ignis inferni, aut quidquid aliud torqueat damnatos in inferno, potest efficere in eis aliquid, quod non sit finita intensio; neque dolor, qui inde nascitur, potest esse infinitæ intensio, cum sit actus potentie appetitiue finitæ.

Verum aduerte, esse (quantum ad modum finitatis) discrimen, inter penam damni, & penam sensus; quoniam pena damni, licet secundum intensiorem sit finita, ex parte tamen obiecti habet quandam infinitatem secundum quid, vt explicui loco citato: at vero pena sensus non solum est finita secundum intensiorem, sed etiam ex parte obiecti, quoniam obiectum pænæ sensus sumptæ pro ipso dolore est ea dispositio, quæ ab igne vel alio corpore torquente fit in damnato, quatenus est ipsi damnato mala & disconueniens; & huiusmodi dispositio non potest esse infinite disconueniens damnato.

Ad primum respondetur, quod auersio est infinita solum secundum quid ex parte obiecti, quoniam est recessus ab obiecto infinitæ dignitatis & bonitatis: tamen secundum intensiorem, & simpliciter, est finita, quoniam commensuratur conuersioni, & affectui peccantis, vt dixi dubio præcedenti, & forsitan explicabo magis quæstione sequenti, & ita seruetur proportio inter hanc auersionem; & penam damni, quæ ei respondet; quoniam etiam pena damni est infinita secundum quid ex parte obiecti, quia est amissio boni infiniti, & tristitia de hac amissione, & est finita simpliciter, vt explicui loco citato.

Ad secundum respondetur negando minorem: & ad primam probationem dicendum est, quod neque auersio habet infinitam malitiam, nisi secundum quid, scilicet ratione obiecti, vt dixi: & ad secundam respondetur concedendo antecedens in hoc sensu, quod malitia peccati mortalis distat infinite à malitia venialis, ita vt quantumcumque crescat malitia peccati venialis intra propriam latitudinem, nunquam adæquabit malitiam peccati mortalis, quia semper erit culpa levis: & negando consequentiam, quia

A vt vnum extremum excedat alterum infinite in aliquo prædicato, ita vt non possit habere cum eo equalitatem, non requiritur, quod habeat illud prædicatum in gradu infinito; sed satis est, quod habeat ipsum cum aliquo modo, ad quem alterum extremum non potest pertingere intra propriam latitudinem; vt patet in charitate viæ & patriæ, saltem quantum ad actum; & in perfectione viri & pueri; aut lucis matutinae, & meridiana; & in alijs multis exemplis; & ita contingit in comparatione hæc peccati mortalis & venialis; quoniam peccatum mortale habet malitiam cum modo quodam sufficienti vt sit culpa grauis; & iste modus non potest conuenire peccato veniali intra propriam latitudinem, vel ratione sua speciei, vel propter defectum conditionum, quæ requiruntur ex parte materiæ, aut modi operandi.

Ad primam Confirmationem aliqui respondent, negando sequelam, quia licet pena sensus respondens peccato mortali sit finita, tamen aliquo modo est alterius rationis à pena peccati venialis, & ideo quantumcumque ista crescat, nunquam poterit æquare eam: & ad hoc explicandum videntur exemplis paulo superius adductis. Sed melius respondetur concedendo sequelam, si secludamus penam remorsus conscientie, & solum fiat comparatio inter pænas, quæ proueniunt ab igne, vel alio corpore, & non quantum ad durationem, sed quantum ad acerbitatem & intensiorem, & ratio huius est quod illæ pænæ non sunt diuersarum rationum secundum speciem, neque vna illarum includit inseparabilem imperfectionem in suo genere, quæ careat altera; sicut contingit in exemplis adductis; & ideo cum ambæ sint finitæ quantum ad acerbitatem & intensiorem, non debet negari, quin sint proportionabiles, & quod vna possit æquare alteram; ita respondent CAIETANVS quæst. sequenti art. 4. & CONRADVS ibid. & art. 5. huius quæstionis circa solutionem primi. DURANDVS in 4. dist. 21. quæstione 2. ad primum GAPREOLVS in secundo dist. 5. quæst. vnica, artic. 3. ad 7. vbi refert pro eadem sententia GREGORIUM imo & D. THOMAM qui reuera multum ei fauet articulo sequenti, ad primum; vbi inquit, peccatum mortale & veniale non differre in infinitum ex parte conuersionis ad bonum commutabile; quoniam eodem modo dici poterit quod pena sensus respondens conuersioni peccati mortalis non differt in infinitum ab ea, quæ respondet conuersioni peccati venialis, & ex consequenti est ei proportionabilis; & quæst. sequenti art. 4. in corpore, vbi loquendo de istis pænis sensus, inquit, quod forte non sunt impropportionabiles quantum ad penam ignis.

Ad secundam Confirmationem, respondetur, quod neque de illis peccatis est concedendum respondere eis penam sensus infinitam intensiorem; & ad id; quod obijcitur de odio Dei, respondetur primo, quod pena sensus non respondet conuersioni, & actui peccati præcise quatenus terminatur ad obiectum; sed quatenus terminatur cum tali affectu peccantis, & tanto conatu, & cum tanta intensiorem; quod videtur significari in illis verbis Apocalypsis 18. quantum glorificauit se, & in delicijs fuit, tantum date illi tormentum & iustum. Et quoniam hæc omnia in odio Dei sunt

finita,

finita, ideo pena sensus, quæ ei respondet, est finita, quamvis obiectum ipsius sit infinitum. *Secundo* responderetur cum CAISTANO, quod odium Dei ex parte actus, siue conuersionis, solum habet infinitatem ex parte *obiecti quod* odio habetur, quoniam hoc obiectum est Deus, qui est infinitus; non tamen ex parte *obiecti quo*, hoc est rationis formalis sub qua Deus odio habetur; quoniam, cum obiectum odij sit malum verum, vel apprens, non potest Deus odio haberi nisi sub ratione mali apparentis; & quia non potest apprehendi ut malus, nisi quatenus priuans bono commutabili amato, & ista ratio est finita, sicut ipsum bonum commutabile est finitum: ideo Deus, quantum ad rationem formalem *sub qua* est obiectum odij, non habet infinitatem; & hæc solutio colligitur aperte ex doctrina D. THOMÆ 2.2. q. 34. art. 1.

Sed contra obijciunt aliqui, quia grauitas conuersionis non solum sumitur ex ratione *sub qua*, sed etiam ex obiecto *quod*, est directe volitum; sed id quod directe vult, qui odio habet Deum, est, Deum non esse, quod est infinitum malum; ergo actus, qui est conuersio in odio Dei, habet infinitatem ex hoc obiecto.

Confirmatur primo, quia quando aliquis vult interficere proximum, quia priuat eum diuitijs, quas inordinate amat, tunc actus ille, ut est conuersio, non solum habet grauitatem ex ratione volendi, sed etiam ex re volita, scilicet ex morte proximi.

Confirmatur secundo, quoniam alias odium Dei non haberet maiorem malitiam, quam inordinatus amor boni commutabilis.

Ad argumentum responderetur, distinguendo maiorem: si enim sit sensus, grauitatem conuersionis sumi aliquo modo ex obiecto, quod, vera est; si tamen sit sensus, sumi ex ipso adæquate, & in gradu proportionato suæ naturæ, falsa est; quia obiectum quod, non terminat conuersionem, nisi ut limitatum in ratione obiecti per rationem terminandi. Et *ad minorem* dicendum est, quod licet, Deum non esse, si Deus sumatur absolute, & secundum se, sit malum infinitum; tamen si sumatur ut subest rationi, secundum quam est ei volitum, non esse, non est proxime & immediate infinitum malum, quia illa ratio non est infinita; & quia ita terminat actum siue conuersionem formalem odij, ideo neganda est *consequentia*. Neque obstat quod actus charitatis terminetur immediate ad Deum secundum se, quoniam Deo secundum se potest convenire ratio boni, quam respicit actus charitatis, non tamen ratio mali, quam respicit odium.

Ad primam confirmationem, responderetur, non esse eandem rationem de morte proximi in illo casu, & de Deo, ut est obiectum odij: quoniam proximus secundum se habet sufficientem rationem mali, ut possit esse volita: ei mors per actum odij; at vero Deus, præcisa omni ratione finita, non potest apprehendi ut malus, sicut requiritur, ut possit terminare actum odij.

Ad secundam Confirmationem, responderetur, negando sequelam.

Ad id autem, quod in argumento principali obijciatur, de volitione occidendi infinitos homi-

nes, responderetur negando, quod actus iste habeat infinitam malitiam; & ad probationem dicendum est, quod quamvis crescant in infinitum partes æquales ex parte obiecti, quarum quævis de se sit sufficiens ad dandum actui certum gradum malitiæ, non sequitur quod actus, qui simul terminatur ad obiectum constans istis partibus, habeat infinitam malitiam: quia quanto plus augentur partes obiecti, tanto plus minuuntur in modo operandi conditiones requiritæ ad augmentum malitiæ, scilicet aduertentia intellectus, & conatus voluntatis, ut explicui supra cum q. 81. art. 1. agebam de peccato originali.

Ad vltimum responderetur, non respondere certam penam singulis instantibus durationis alicuius peccati, nisi forte primo & vltimo; sed certum gradum pænæ respondere adæquate toti durationi, & proportionaliter partibus eius, quatenus in eis continentur instantia continuatiua, sicut dici solet de præmio respectu continuationis meriti, in materia de gratia & de charitate.

CIRCA easdem conclusiones est,

III. DVBIUM.

An, dato quod de facto utraque pena sit finita intensiue, saltem quantum est ex natura & grauitate peccati mortalis sit infinita syncategorematicè; ita ut nunquam possit peccatum mortale puniri tanta pena secundum intensiorem, ut quantum est ex parte suæ grauitatis & malitiæ, non sit dignum maiori?

AD HOC ALMAIVS tractatu 3. Moralium cap. 29. respondet *affirmatiue*, de pænâ damni & sensus, ut ita explicet, quæ ratione Deus, etiam eos, qui sunt in inferno, puniat citra condignum, & probatur hæc sententia *primo*, quia nulla pænâ damni aut sensus, quantumque sit magna, potest esse tantum malum, sicut quæcumque culpa mortalis; ergo quæcumque pænâ exceditur à culpa mortali, & ex consequenti quæcumque pænâ data, adhuc culpa mortalis est digna alia maiori; probatur *antece-*
dens, quia quæcumque culpa mortalis est infinite magis detestabilis, quam quæcumque pænâ sensus aut damni.

Secundo, nulla pænâ, quantumcunque magna est sufficiens ad satisfaciendum pro culpa mortali; ergo quacumque signata pænâ adhuc culpa mortalis est digna alia maiori: probatur *consequentia*, quia pro culpa mortali debita est satisfactio, & iuste potest exigi à peccatore: ergo cum per nullam pænâ possit reddi hæc satisfactio, sequitur quod quacumque signata adhuc est debita alia maior.

Tertio malitia peccati mortalis est infinita; ergo quantum est ex sua natura est digna pœna infinita syncategorematicè; *consequentia* patet, quia nulla finita erit proportionata ipsi; & *antecedens* probatur, quoniam grauitas offensæ crescit ex dignitate personæ, contra quam committitur; vt D. THOMAS docet supra quæst. 73. art. 9. sed peccatum mortale est offensa commissa contra Deum qui est infinitæ dignitatis; ergo habet infinitam grauitatem.

Confirmatur; quia non minus crescit dignitas pœnæ in offensa ex dignitate offensi, quam valor satisfactionis in opere satisfactorio ex dignitate satisfaciens: sed opus factum à satisfaciente infinitæ dignitatis habet infinitum valorem, vt patet in operibus Christi; ergo etiam offensa commissa contra Deum, qui est infinitæ dignitatis, habet infinitum demeritum pœnæ.

PRIMA CONCLUSIO. *Peccato mortali de facto non respondet pœna infinita syncategorematicè*; probatur, quia de facto solum respondet cuiusque peccato ea pœna, quæ est taxata lege Dei: sed lege Dei taxatæ sunt certæ & definitæ pœnæ pro peccatis, sicut certæ & definitæ præmia pro meritis; ergo pœna, quæ de facto respondet cuiusque peccato mortali, non est infinita secundum intensionem syncategorematicè, sed habet certum & determinatum gradum.

SECUNDA CONCLUSIO: *Peccatum mortale, quantum est ex parte suæ grauitatis & malitiæ, non est dignum pœna, quæ sit infinita syncategorematicè*; probatur primo, quia D. THOMAS in hoc articulo & cum eo omnes Doctores dicunt, peccato mortali deberi finitam pœnam secundum intensionem.

Secundo probatur ratione D. THOMÆ, quia peccatum mortale neque ratione conuersionis neque ratione auersionis est dignum pœna infinita syncategorematicè: ergo nullo modo est dignum ea. *Consequentia* patet, quia nihil aliud est in peccato mortali, ratione cuius sit dignum pœna; & *antecedens* probatur, quia vtraque est finita intensiue, vt supra dictum est.

Confirmatur primo, quia si peccatum mortale esset dignum pœna infinita, maxime ratione auersionis, quæ habet quandam infinitatem, scilicet extrinsecam ratione obiecti: sed hoc non est dicendum, quia huic infinitati respondet alia similis in pœna damni, quia est amissio infiniti boni; ergo peccatum mortale nulla ex parte est dignum pœna infinita intensiue.

Confirmatur secundo, quia malitia peccati mortalis est simpliciter finita; ergo pœna infinita intensiue non habet proportionem cum ea.

Tertio, quia alias sequeretur, quod omnia peccata mortalia, quantum est ex parte suæ grauitatis & malitiæ, essent digna æquali pœna: quod videtur absurdum, quoniam habent inæquales deformitates, & malitias; & *antecedens* probatur, quia omnia sunt digna æquali pœna quoad durationem, scilicet æterna; & iuxta oppositam sententiam essent digna pœna æquali secundum intensionem, quia in infinito non datur maius & minus.

A **SED QUÆRES**, an saltem per extrinsecam ordinationem Dei possit fieri, quod peccatum mortale esset dignum pœna infinita secundum intensionem syncategorematicè? vt, si Deus statueret infligere pro quocumque peccato mortali pœnam ita infinitam. *Respondetur*; quod si Deus hoc faceret, non esset iniustus, neque irrogaret vllam iniuriam peccatori, vt probaui articulo primo huius quæstionis in simili dubitatione de æternitate pœnæ. An veroid, in quo ista pœna excederet gradum respondentem peccato ex natura sua, haberet propriè rationem pœnæ, & peccatum esset dignum eo non explicatur ab omnibus eodem modo. *Nam aliqui* absolute affirmant, & *alii* absolute negant; & *mibi* hoc secundum videtur probabilius, quia ille excessus pœnæ non haberet fundamentum in demerito culpæ, vt loco citato dixi de æternitate; quare non infligeretur à Deo, tanquam à iudice puniente peccata, sed vt à Domino, vt si iustum immitteret in infernum. *Item*, quia alias sequeretur, quod idem esset dicendum de pœna peccati venialis, si Deus statueret, quod esset isto modo infinita.

B *Neque obstat*, quod peccatum mortale habet infinitatem ex parte obiecti; *quia etiam* peccatum veniale suo modo habet eam; & præterea quia ista infinitas non est sufficiens fundamentum ad merendum pœnam infinitam intensiue, sed solum ad merendum pœnam, quæ sit eodem modo infinita ex parte obiecti, cuiusmodi est pœna damni.

Neque etiam obstat, quod excessus in præmio, ratione cuius dicitur à Theologis, quod Deus præmiat vltra condignum, habeat propriè rationem præmij, & sit debitum meritis ex iustitia; quoniam præmij condignitas ad excessum potest prouenire ex liberalitate, qua acceptantur aliqua opera in ordine ad ipsum, supposito fundamento ex parte ipsorum operum, quamuis non sufficienti secundum se ad tantum præmium; At vero condignitas ad excessum pœnæ non potest prouenire ex liberalitate, quia non est liberalitas ordinare opus aliquod ad pœnam maiorem ea, quæ secundum se est dignum. Quod si Deus diceret, se ea lege ordinare homines ad pœnam, vt pro quocumque peccato mortali punirentur infinita pœna secundum intensionem syncategorematicè; imo etiam si hoc acceptaretur ab hominibus: non haberet ille excessus pœnæ propriè rationem pœnæ aut punitionis pro culpa; sed conditionis, aut tributi, cui homines subirentur à suo Domino, vt fierent participes illius ordinationis.

C **SED QUÆRES VITERIVS**, an ea pœna, quam damnati de facto patiuntur in inferno, sit æqualis malitiæ & grauitati suorum peccatorum, atque adeo maxima, quam propter peccata meruerunt? *Respondetur* negatiue, quia iuxta communem sententiam Theologorum cum Magistro in 4. dist. 46. *Deus punit citra condignum*. Verum neque id, quod dicimus, neque ista communis sententia debet ita accipi, vt credatur, remitti aliquid de pœna taxata pro peccato in lege diuina: quoniam lex Dei est immutabilis: sed sensus est, Deum taxare sua lege singulis peccatis minorem

pœnam,

p[er]nam, quam ipsa peccata mereantur. Et ita constat, qua ratione in punitione damnatorum seruetur misericordia & iustitia: misericordia quidem, non totaliter liberans, sed allevians, ut inquit D. THOMAS 1. par. quest. 11. art. 4. ad primum, quia Deus aliquid relaxat ex sua liberalitate & misericordia de p[er]nis, quas potuerat statuere pro peccatis; considerata ipsorum gravitate; & iustitia vindicativa, licet non omnino rigorosa, in qua & servatur forma iustitiae commutativae, in quantum unusquisque recipit tantam p[er]nam, quantam ex lege divina meretur; & iustitia distributiva in quantum p[er]na unus tantum excedet p[er]nam alterius, quantum culpa fuerit maior quam culpa alterius. Et ita intelligitur illud Apocalipsis 18. *quantum glorificavit se, &c.* & illud Deuteronomij 7. *pro mensura peccati erit & plagarum modus*, & alia similia, in quibus significatur, p[er]nam futuram esse æqualem demerito culpæ, scilicet habita ratione eius, quod lege Dei est definitum.

AD PRIMUM, concessio antecedenti neganda est consequentia, & habet apertam instantiam in peccato veniali, quia etiam est maius malum, & magis detestandum quam quæcumque p[er]na; & alias etiam lex humana posset punire levissimas culpas p[er]nis acerbissimis; quare dicendum est, p[er]nam duobus modis posse considerari, scilicet ut malum quoddam, & ut remedium contra deordinationem culpæ per depressionem peccantis; & priori modo semper superari à culpa, quia est minus malum, & inferioris ordinis quam culpa, ut probat D. THOMAS 1. par. quest. 48. art. 6. tamen posteriori modo non semper superari, sed posse adæquare ipsam, secundum proportionem: ut si p[er]na sit tanta, ut sufficiat ad eius punitionem, & ad tantam depressionem peccatoris, quantam ipse meretur propter peccatum; sicut passiones naturæ substantialis non sunt æquales & proportionales ipsi absolute, quoniam sunt accidentia: & tamen in ratione proprietatum sunt æquales secundum proportionem, quia sunt tam perfectæ, quam exigit ipsa natura substantialis.

Ad secundum, respondetur, concedendo antecedens, & negando consequentiam: & ad probationem, quidquid sit de antecedenti (quia forte non potest exigi à peccatore, quod satisfaciatur pro peccato mortali, quia hoc est impossibile; sed solum quod operetur ex affectu satisfaciendi, quod facit, cum habet actum p[er]nitentiæ, de quo agendum est in materia de p[er]nitentia; tamen neganda est consequentia, quia p[er]na non ordinatur ad hoc, ut peccator satisfaciatur pro culpa mortali, sed ad hoc, ut satisfaciatur, hoc est patiatur & deprimatur quantum exigit gravitas culpæ; & hoc potest fieri per p[er]nam infinitam secundum durationem, & finitam secundum intensionem, quamvis per eam non possit satisfieri. Ratio autem propter quam peccator non potest satisfacere, & potest satisfaci pro culpa mortali, est, quod ad satisfaciendum requiritur proportio inter satisfaciendum, & eum, cui fit satisfactio, & hæc non potest reperiri in isto casu, propter impedimentum peccati mortalis; At vero ad satisfaciendum non requiritur ista proportio, sed solum rei ad rem, hoc est p[er]næ ad culpam, & hæc potest reperiri, & de

facto reperitur, ut constat ex dictis.

Ad ultimum respondetur, negando antecedens, si intelligatur de infinitate simpliciter, & intrinsece; & non de infinitate secundum quid, & extrinsece; & ad probationem dicendum est, quod ex infinita dignitate offensus, solum potest colligi, quod etiam offensus conveniat aliqua infinitas, scilicet extrinseca & secundum quid; hoc est, quod quantum est ex illa parte, non possit esse maior: cum quo stat, quod non sit simpliciter infinita, quia ex alijs partibus, scilicet ex obiecto, & circumstantijs, potest esse maior, ut illo loco dixi, & explicabo magis questione sequenti.

Ad confirmationem respondetur, negando maiorem; & ratio discriminis est, quod dignitas personæ offensus non concurret ad demeritum offensus, ut principium ipsius, sed ut obiectum, hoc est in quantum terminat eius habitudinem, & est commune omnibus obiectis, quod non refundant in actus, quos terminant, totam dignitatem, aut indignitatem, quam possent ex natura sua refundere, sed modificatam, & limitatam, iuxta modum, quo actus terminantur ad ipsa, ut constat in genere naturæ, quando eadem veritas terminat assensus diversarum scientiarum; & in genere moris, quando eidem personæ irrogantur diversæ & inæquales iniuriæ: nam neque illi assensus habent æqualem dignitatem, etiam ex parte obiecti; neque istæ iniuriæ æquale demeritum, cuius ratio est quod per ordinem ad modum, quo actus attingit obiectum, diversificatur ratio formalis sub qua in obiecto; At vero dignitas satisfaciens concurret ad valorem satisfactionis ex parte principij satisfaciens, cuius concursus non potest modificari ratione operis satisfactorij, & ideo semper dignificat opus, quantum potest, & ex consequenti quando est infinita, ut in Christo, reddit opus infinite dignum, & dat ei infinitum valorem meriti & satisfactionis.

Est autem advertendum, non posse colligi ex hoc quod omnia opera meritoria iusti habeant equalem dignitatem ratione gratiæ, scilicet totam eam, quam gratia potest eis communicare: quoniam est hoc discrimen inter gratiam iusti, & dignitatem personæ Christi, quantum ad modum communicandi dignitatem operibus; quod gratia communicat eam cum subordinatione ad voluntatem, quia influit in actus media charitate, quæ hoc habet commune cum reliquis habitibus, quod agit dependenter à libertate voluntatis: at vero dignitas personæ Christi non concurrebat ad valorem suorum operum cum ista dependentia à voluntate, sed quasi naturaliter; & ideo nullo modo modificabatur quantum ad hunc concursum, & communicabat operibus totum valorem, quem poterat communicare, scilicet infinitum.



CIRCA eadem conclusiones est,

IV. DVBIVM.

An sit verum, quod pena sensus respondet conuersioni ad bonum commutabile, & pena damni auersioni à Deo?

ET RATIO dubitandi pro parte negativa est, quod sunt aliqua peccata, quæ carent conuersione ad bonum commutabile, ut patet in peccato odij Dei, in quo actus, qui habet rationem conuersionis, non terminatur ad bonum commutabile, sed ad Deum; & in peccato puræ omissionis, in quo sicut nullus est actus, ita nulla conuersio.

Et confirmatur primo, quia conuersio non est digna pæna, nisi ratione malitiæ, & inordinationis: sed si sumatur prout distinguitur ab auersione, nullam habet malitiam aut inordinationem; ergo ut sic non est digna aliqua pæna.

Confirmatur secundo, quia etiam auersio est voluntaria, quoniam alias non esset peccatum: ergo etiam ipsi debet respondere aliqua pæna sensus.

SED RESPONDETUR, *veram esse hanc doctrinam* D. THOMÆ, quam etiam sequitur 3. par. q. 86. art. 4. & probat ex illo Apocalip. 18. *quantum glorificauit se, & in delicijs fuit, tantum date illi tormentum & lucrum*; Est autem aduertendum ad hanc explicationem, non esse eius sensum, quod sola conuersio puniatur pæna sensus, & sola auersio pæna damni: nam neque auersio & conuersio important duas malitias, quæ sint puniendæ duabus pænis, sed vnā tantum, cui respondet vna integra & totalis pæna, constans duabus partibus, scilicet pæna damni, & pæna sensus; neque conuersio potest separari ab auersione actuali, neque e contra, ut supra dixi: nam peccatum actuale, quatenus est appetitus boni auertentis à Deo, habet quod sit conuersio & auersio; quia ut appetitus boni, dicitur conuersio; & quatenus bonum istud est auertens appetitum à Deo, dicitur auersio; Quare doctrina ista accipienda est secundum quandam accommodationem & appropriationem, quæ consistit in hoc, quod sicut homo conuertitur inordinate ad creaturas, ita ab ipsis creaturis crucietur; & sicut auertitur à Deo, ita etiam priuetur ipso Deo, & suis bonis.

Et ad argumentum respondetur, quod in odio Dei reperitur dupliciter conuersio; primo indirecte, & radicaliter, quoniam quod aliquis odio prosequatur Deum, provenit ex eo, quod inordinate amat bonum aliquod commutabile (cui repugnat Deus) & in illo bono seipsum. Secundo directe, & formaliter, non tamen per modum prosecutionis, sed per modum fugæ, ut dixi supra q. 71. art. 5. ubi etiam explicui, qua ratione reperitur his duobus modis conuersio in peccato puræ omissionis; quomodo vero in odio Dei ista secunda conuersio terminetur ad bonum finitum, explicatur hoc loco à CAJETANO, & nos eius sententiam retulimus Dub. 2. in solutione secundæ

A confirmationis, secundi argumenti.

Ad confirmationes patet solutio ex sensu, in quo dixi, accipiendam esse hanc doctrinam D. THOMÆ.

ARTICVLVS V.

Vtrum omne peccatum inducat reatum pæne æternæ?

CONCLUSIO. Peccatis, per quæ non tollitur ordo ad ultimum finem, non respondet pæna æterna, sed temporalis.

COMMENTARIVS.

DE PÆNA, quæ de facto respondet peccato veniali, & quæ ipsum est dignum ex sua natura, dicemus quæstione sequenti; nunc autem solum est inquirendum circa solutionem ad tertium,

DVBIVM VNICVM.

An pæna, qua damnati puniuntur in inferno, pro peccatis venialibus, sit futura æterna?

QUOD DVBIVM potest habere duos sensus: PRIMVS est, an quando peccatum veniale non est dimissum damnato in hac vita, quoad culpam, puniatur in inferno pæna æterna? SECUNDVS est, an quando est dimissum quoad culpam, & non quoad panam, sit hac pæna futura æterna ratione statui, quamuis esset tantum temporalis, & de utroque dicemus.

5. De primo sensu.

ALIIQVI defendunt partem negativam, de quorum numero sunt SCOTVS in 4. dist. 21. q. 1. GABRIEL. dist. 16. q. 5. art. 3. Dub. 2. ubi approbat sententiam SCOTI, quam retulerat art. 1. notab. 2. VEGA li. 14. in Concilium TRIDENTINVM cap. 6. IOANNES DE MEDINA, codice de penitentia, tract. 2. capite, cuius titulus est, de confitendis peccatis venialibus in solutione quarti argumenti, & tractatu 3. q. 2. in fine. NAVARRVS de penitentia dist. 6. cap. 1. §. Sacerdos. num. 27. & 28. & ALMAIIVS tractatu 3. moralium cap. 23. ait hanc sententiam esse probabilem; & probatur primo; quia veniale per se, & quantum est ex parte suæ gravitatis, non meretur pænam æternam; ergo nunquam Deus punit ipsum pæna æterna; patet consequentia, ex illa sententia recepta ab omnibus Theologis, Deus punit citra condignum.

Confirmatur primo, quia culpa venialis ex eo quod sit in damnato, aut coniuncta cum mortali, non accipit maiorem gravitatem, quam sit illa, quæ ipsi convenit secundum se: ergo neque est digna maiori pæna; & ulterius, ergo neque de fa-

cto pu-

Ado punitur maiori p[en]a; patet *consequentia*, quia alias puniretur ultra condignum, & non citra, ut dicunt omnes Theologi.

Confirmatur secundo, quia secundum iustitiam humanam, si aliqua culpa sit digna p[en]a leui, non est puniendi maiori p[en]a, quia coniungatur cum alia p[en]a grauiori; ergo similiter secundum iustitiam diuinam, si peccatum veniale de se tantum est dignum p[en]a temporali, non est puniendum p[en]a aeterna, quia coniungatur cum peccato mortali in damnato.

Secundo, damnatus patiendo p[en]am temporalem, quae per se respondet peccato veniale, soluit totam p[en]am, quam debet pro tali peccato; ergo non est ab eo exigendum, quod patiat amplius, scilicet aeternam; *consequentia* patet quia secundum iustitiam, quam diximus seruari in punitione peccatoris, non est exigendum ab aliquo, quod patiat plus, quam debet; & *antecedens* probatur, quia pro nullo peccato est debitum pati maiorem p[en]am, quam sit per legem statutum: ergo, qui patitur p[en]am lege statutam, soluit totam p[en]am quam debet.

Confirmatur, quia si damnatus, patiendo illam p[en]am, non solueret totam p[en]am, quam debet, maxime, quia non patitur eam eo modo quo debet pati, scilicet in gratia, & amabiliter: *aut quia* non remittitur ipsi culpa venialis, propter quam debet huiusmodi p[en]am; & neutrum istorum dici potest; ut de primo patet, quia aliud est pati p[en]am ad placandum Deum, & aliud pati ad soluendum p[en]am debitam; & quamuis ad primum requiratur gratia & amicitia; tamen ad secundum non requiritur, sed satis est, quod seruetur aequalitas rei ad rem, id est, quod tanta sit p[en]a, quam quis patitur, quanta est ea, quam debet, sicut in solutionibus aliorum debitorum. Et de secundo probatur, quia si offensae contra regem commissae correspondeat p[en]a abscessionis manus, satis est quod offensor patiat huiusmodi p[en]am; et si patiat eam inuitus, & manens in inimicitia regis, ut rex non habeat ius secundum legem & iustitiam ad exigendum ab eo ulterius aliquam p[en]am.

SED NIHILO MINUS *opposita sententia est verior*, quam sequuntur D. THOMAS hoc loco & 3. par. q. 87. art. 4. & q. 7. de malo art. 10. & in 4. dist. 21. questione 1. artic. 2. questione uicula 3. RICHARDVS DE SANCTO VICTORE prima parte tracta. de differentia peccati mortalis & venialis RICHARDVS DE MEDIAVILLAN 2. dist. 42. circa secundum principale q. 2. ad 5. & in 4. dist. 16. circa quintum principale q. 2. & dist. 21. circa secundum principale q. 3. CAPREOLVS in utraque distinctione q. 1. SOTO dist. 19. q. 1. art. 4. in fine. CAJETANVS in hoc articulo & loco citato ex 3. par. & tom. 1. opusculo. tract. 6. q. 2. ADRIANVS in 4. in materia de satisfactione. Et probatur ratione D. THOMAE in solutione 3. quia quamdiu durat culpa peccati, tamdiu durat p[en]a, quae ei respondet: sed peccatum veniale, quod non fuit dimissum damnato manet in aeternum quoad culpam; ergo etiam quoad p[en]am.

AD HOC tribus modis responderi potest: primo cum SCOTO loco citato & dist. 15. q. 1. 5. de quarto: negando maiorem, quia quamuis maneat culpa, non est necesse manere p[en]am;

quoniam potest solui tota p[en]a, quae pro culpa debetur, quando est temporalis quamuis culpa & offensa non remittatur, ut constat in exemplo pro opposito, in fine confirmationis secundi argumenti, quod est SCOTI in secundo loco. *Sed contra* quia reatus p[en]ae inseparabiliter comitatur culpam, in hoc sensu, quod non potest remanere culpa sine ipso, ut supra dixi, cum agebam de reatu p[en]ae: ergo impossibile est, quod alicui remittatur p[en]a debita pro aliqua culpa, & quod talis culpa maneat in ipso.

Confirmatur, quia p[en]a ordinatur contra inordinationem, & inaequalitatem culpae; sed haec inordinatio manet; quamdiu culpa, quoniam est ipsa culpa; ergo etiam manet p[en]a.

Secundo respondent SCOTVS, GABRIEL, & ALMAIN. locis citatis, committi petitionem principij in isto argumento: quia cum culpa habitualis manens ex peccato veniali actuali non sit aliud, quam reatus, & obligatio ad p[en]am: non erit aliud remitti peccatum veniale, quoad culpam, quam quoad p[en]am; siue tolli reatum p[en]ae; At vero in ergumento proposito supponitur ut certum, non remitti in inferno culpam peccati venialis, & ex hoc concluditur, quod neque p[en]a remittatur; & ita ipsi dicunt, posse responderi, quod quia in inferno potest solui tota p[en]a debita pro isto peccato, ideo etiam ipsum peccatum, quoad culpam potest remitti, quia potest tolli totum id, quod habet rationem p[en]ae, scilicet reatus.

Sed contra quia, (ut probaui supra q. 86. art. ultimo) culpa habitualis, quae manet transiente actuali, distinguitur a reatu p[en]ae: & idem dicam de culpa habituali veniali, infra q. 89. art. 1. ergo non est idem, remitti culpam, & remitti p[en]am. Item falsum est, quod in inferno remittatur villo modo ista p[en]a, ut postea probabo.

Tertio respondent alij, posse in inferno remitti peccatum veniale quoad culpam.

Sed contra, quia vel remittitur ex sola liberalitate Dei, vel interueniente aliquo titulo iustitiae ex parte peccatoris; sed neutro modo potest remitti sine gratia; ergo damnato, qui non potest habere gratiam, non potest remitti aliquo modo peccatum veniale quoad culpam; probatur *minor*, quia in primis liberalitas illa non habet locum, nisi in amico & grato; & *titulus iustitiae* requirit etiam gratiam, quia vel est meritum de condigno, vel opus satisfactorium, & neutrum potest haberi sine gratia: & de merito admittunt omnes, & de satisfactione probatur ex illo Isaia 58. *quare ieiunamus, & non afflexisti, humilianimus animas nostras & mesceisti? ecce in die ieiunij vestri inuenitur voluntas vestra, &c.* Ecclesiasti 34. *Dona impiorum non probat altissimus.* & 2. ad Corint. 13. dicitur quod opera sine charitate nihil sunt, nihil profunt; prodesse autem plurimum, si ex iustitia valent ad obtinendam remissionem peccati venialis.

Dicet testimonium ista intelligi de satisfactione rigorosa, quae secundum se sit aequalis, & sufficiens: & ad remissionem peccati venialis sufficere satisfactionem quandam imperfectam, quae fundetur in acceptione Dei.

Sed contra, quia ista acceptatio fit ex gratia, & liberalitate Dei.

Confirmatur, quia remissio culpæ, etiam venialis, non fit, nisi propter merita Christi: ergo non conceditur damnatis; *antecedens* patet ex illo 1. Ioan. 2. *ipse est propitiator*, &c. & ad Romanos 3. *quem proposuit propitiatorem*, & cap. 5. & ad Hebræos (vt bene probat Vega. lib. 15. in Tridentini. cap. 10.) & *consequentia* probatur, quia damnati, cum neque vivant vita gratiæ, neque habeant fidem supernaturalem, non possunt habere vnionem cum Christo, quæ sufficiat ad hoc, vt eis applicentur merita Christi in ordine ad remissionem peccati venialis: Alias etiam infidelibus extra ecclesiam remitterentur peccata venialia per merita Christi, quia saltem sunt membra Christi in potentia, quia possunt vniri ei per fidem, & charitatem; de quo D. THOMAS 3. par. quæst. 8. art. 3.

Ex his sequitur, quod si per impossibile decederet aliquis ex hac vita cum originali peccato & veniali siue mortali personali, puniretur pena sentis æterna pro illo peccato veniali; ita D. THOMAS q. 5. de Malo art. 2. ad 1. & CAJETANUS 3. p. q. 87. art. 4. & probatur, quoniam est eadem ratio in isto casu, & in præcedenti, scilicet quod culpa manet in æternum; addidi tamen conditionem illam *si per impossibile*, quoniam iuxta sententiam D. THOMÆ, casus est impossibilis, vt dicam q. 89. art. 6.

AD PRIMUM, concesso antecedente neganda est consequentia, quia pena, quæ per se deberet esse temporalis, fit æterna per accidens; quia culpa, propter quam infligitur, est etiam æterna per accidens; hoc est, non ex sua natura, sed propter conditionem subiecti repugnantem remissioni, scilicet propter peccatum mortale; & ad probationem, dicendum est, cum D. THOMA q. 7. de malo art. 10. ad 7. quod pena peccati venialis in isto casu est citra condignum, non quantum ad durationem, sed quantum ad acerbitatem, & intensionem; quia potuisset Deus à principio statuere acerbiorē penam contra hoc peccatum.

Ad primam confirmationem respondetur, quod peccatū veniale ex coniunctione cum mortali non habet maiorem gravitatem, sed irremissibilitatem; & ita non respondet ipsi penæ intensior, sed diuturnior, scilicet æterna; quia intensio penæ respondet gravitati peccati, & æternitas irremissibilitati.

Ad secundam confirmationem, concesso antecedenti neganda est consequentia, & ratio discriminis est, quia in foro humano vnum peccatum non fit irremissibile propter coniunctionem cum altero, sicut in foro diuino.

Ad secundum respondetur, negando antecedens; & ad probationem dicendum est, statutum esse in communi lege diuina naturali, vt quamdiu durauerit culpa, tamdiu duret pena, quia tamdiu durat inæqualitas, & inordinatio peccati; & ex consequenti ratio, vt fiat æqualitas iustitiæ per penam; & quia peccatum veniale in nostro casu manet in æternum, ideo ratione illius legis debet puniri pena æterna: & ideo nunquam est verum dicere, quod damnatus est passus totam penam, quam ratione legis debet pari pro illo peccato.

Ad confirmationem respondetur rationem esse,

A quod non remittitur culpa; & ad obiectionem contra hoc factam, respondetur, esse discrimen inter illam penam & istam; quoniam leges humane, quæ continent penas contra delicta, non respiciunt ipsa delicta quoad culpam internam, & eius permanentiam; sed quatenus inferunt dñum reipublicæ; & quia huic damno occurritur sufficienter per hoc, quod cōmittentes ea patiantur penam quæ iudicata est proportionata ad emendationem eorum, & ad aliorum exemplum: ideo potest solui tota ista pena, etiam si feratur inuite, & culpa interna permaneat.

SED contra fundamentum harum solutionum potest obijci, quod æternitas culpæ habitualis nō est sufficiens ratio eternitatis penæ, nisi continetur virtualiter, & ex parte affectus peccantis, in peccato actuali: quoniam alias, æternitas penæ non caderet sub demerito peccantis, quod esse falsum probauit art. 1. huius quæstionis; sed in affectu peccantis venialiter non continetur virtualiter æternitas culpæ habitualis, quia non potest conuinci, quod vult perpetuo manere in tali peccato, cum huiusmodi peccatum non sit de se perpetuum, & irremissibile; ergo æternitas culpæ habitualis non est sufficiens ratio eternitatis penæ.

AD HOC aliqui respondent, quod in affectu peccantis venialiter continetur æternitas culpæ habitualis non absolute, sed sub conditione, quod ista culpa coniungatur cum mortali. *Sed melius respondetur*, maiorem esse intelligendam de penæ, quæ est æterna per se, hoc est, quia peccatum est per se irremissibile, cuiusmodi est pena respondens peccato mortali: non autem de illa, quæ solum est æterna per accidens, hoc est, quia peccatum est irremissibile per accidens; & hæc de primo sensu.

§. 2. De secundo sensu dubij propositi.

PARTEM negatiuam sequuntur omnes illi, qui circa præcedentem sequuntur eam; quibus addi potest DYRANDVS in quarto dist. 21. quæst. 1.

SED MIHI verior videtur opposita sententia, cum D. THOMA, & reliquis adductis pro parte affirmatiua in primo sensu: itaque pena, quæ debetur pro peccatis remissis quoad culpam, quamuis per se sit temporalis, tamen in inferno est æterna per accidens ratione status. tamen fundamentum huius sententiæ non est id quod ibi assignauimus, scilicet culpam esse æternam: quoniam ex suppositione non manet culpa, sed pena; sed quod solutio penæ apud Deum debet esse satisfactoria, & ad satisfaciendum Deo non satis est pati quomodocumque aliquam penam, sed requiritur pati eam volūtarie & in gratia, vt constat ex testimonijs adductis ad probandum, non posse extra gratiam satisfieri pro peccato veniali.

Confirmatur, quia in Concilio TRIDENTINO sessio. 14. doctrina de sacramentis penitentis, & extremæ vnctionis cap. 8. dicitur, quod nostra satisfactio pro pena temporalis est per Christum; & paulo inferius, quod à Christo habet vim, & ab ipso offertur Patri, & per ipsum acceptatur; quæ omnia supponunt vnionem nostram cum Christo per gratiā.

Sed ad hoc respondent, qui sequuntur oppositam sententiam, quod, quamvis solutio pænæ debita apud Deum non fiat in hac vita, nisi per satisfactionem: tamen in futura vita fieri potest per satisfactionem; & ad satisfactionem non requiritur, quod pænâ feratur voluntarie, & in gratia; sed satis est, quod sit æqualis debito; hoc est quod sit tanta, quanta debetur; & dicunt, rationem huius discriminis esse, quod pænæ, quas patimur in hac vita, sunt alterius ordinis à pænis debitis pro peccatis; Et ideo, ut per eas solvamus, necesse est, quod interueniat acceptatio Dei; Ac vero pænæ vitæ futuræ sunt per se statutz contra culpas, & ideo si sunt æquales debito, non requiritur acceptatio, aut liberalitas Dei, ut per eas solvamus.

Sed contra quia quidquid sit de nomine, hoc est, an solutio pænæ apud Deum semper sit dicenda satisfactio, an vero aliquando possit dici satisfactio: tamen hoc certum est, quod passio debet esse talis, quod relinquat patientem liberum ab obligatione patiendi ulterius illam pænâ; & hoc possumus argumentor sic; quamvis aliquis patiatur tantam pænâ, quantam debet apud Deum pro aliquo peccato, non potest liberari ab obligatione patiendi eam, nisi interueniente ex parte Dei acceptatione talis passionis in solutionem: Sed Deus non acceptat opera aut passiones eorum, qui sunt in inferno; imo neque existentium in peccato mortali; ergo quamvis isti patiantur tantam pænâ, quantam debent pro aliquo peccato, non liberabuntur ab obligatione patiendi eam; probatur maior; quia illa passio est debita Deo multis titulis, ergo nisi acceptetur à Deo in solutionem pro illa pænâ, non potest sufficere ad liberandum hominem ab obligatione patiendi eam.

Item probatur hæc sententia, quoniam alias sequeretur remitti aliqua ex parte pænâs damnatorum in inferno, contra testimonia adducta art. 1. huius quæstionis.

Et præterea, quia sequeretur posse nos otare pro damnatis, & applicare eis nostras operationes, ut liberentur à pænis temporalibus debitis pro peccatis remissis in hac vita; imo & summum pontificem posse applicare eis indulgentias, sicut existentibus in purgatorio, si verè solvunt pænâs illas: consequens tamen videtur contra communem sensum Ecclesiæ.

Sed obijciunt authores oppositæ sententiæ, quia pænâ, de qua loquimur, est temporalis; ergo cum Deus puniat citra condignum, non exigit pænâ diuturniorem; & sic aliquando pænâ ista absoluetur, & manebit homo liber ab obligatione patiendi eam.

Respondetur, quod quamvis pænâ ista per se sit temporalis, tamen per accidens sit æterna propter statum & conditionem subiecti, scilicet, quia est extra gratiam, sine qua nulla pænâ potest compensari aut solui. Neque in hoc punit Deus ultra condignum; quia quantumcumque homo in illo statu patiatur illam pænâ, non liberabitur ab obligatione patiendi eam: & ita semper erit dignus ea; quomodo vero ista pænâ sit citra condignum, patet ex solutione primi argumenti.

ARTICVLVS VI.

Utrum reatus pænæ remaneat post peccatum?

CONCLUSIO. Remota macula culpæ potest remanere reatus, non pænâ simpliciter, sed satisfactoria.

COMMENTARIVS.

CONCLUSIONEM hanc negant LUTHERANI, quorum fundamentum est, hominem iustificari per imputationem iustitiæ Christi, quæ cum sit infinita, & ita nobis imputetur, ac si esset nostra, sufficit ut remissa culpa, etiam condonetur tota pænâ; & ita negant necessitatem satisfactionis in hac vita, & in futura locum purgatorij: sed fundamentum illud damnatur à Concilio TRIDENTINO sessione 6. decreto de iusti. can. 11. & impugnari solet à Theologis infra, in materia de gratia. Et præterea etiam sententia damnatur eadem sessio. can. 30. & sessio. 14. in doctrina de sacramentis pœnitentiæ & extremæ unctionis cap. 8. & 12. & sessio. 15. decreto de Purgatorio, & impugnari debet 3. p. q. 86. art. 4. ubi D. THOMAS eandem quæstionem ex professo mouet.

ARTICVLVS VII.

Utrum omnis pænâ sit propter aliquam culpam?

PRIMA CONCLUSIO. Pænâ satisfactoria non semper respicit propriam culpam eius, qui patitur eam, sed aliquando culpam alterius.

SECUNDA CONCLUSIO. Pænâ simpliciter, quatenus habet rationem pænâ, semper importat ordinem ad culpam propriam, aliquando quidem ad actuale, aliquando vero ad originale.

TERTIA CONCLUSIO. Pænâ Medicinalis, (cuiusmodi est detrimentum, quod quis patitur in bonis æternis, & in sanitate corporis propter salutem animæ, & propter gloriam Dei) non proprie habet rationem pænâ, nec reducit ad culpam, sicut ad causam; quamvis habeat fundamentum in peccato originali, quatenus propter ipsum necessaria sunt exercitia pænalia, ut homo promoueat ad argumentum virtutis.

COMMENTARIVS.

IRCA primam conclusionem NOTA, quod D. THOMAS articulo præcedenti dicit, pænâ satisfactoriam diminueri aliquid de ratione pænæ, quia licet sit contra voluntatem absolute consideratam, non est tamen contra eam consideratam prout se habet hic & nunc: hoc est, supposita conditione, quod

intendat

intēdat aliquem finem per passionem huius pænæ; & ita est simpliciter voluntaria, & secundum quid inuoluntaria. Vt autem esset simpliciter pænā, oporteret, quod simpliciter esset contraria voluntati; & propterea D. THOMAS condistinguit eam hoc loco contra pænā simpliciter, & appellat pænā satisfactoriam; & de ipsa docet duo, in hac conclusionē; *primum est*, quod semper supponit aliquam culpam, & hoc est certum, quoniam satisfactio non habet locum, nisi supposito aliquo debito; *alterum est*, non semper supponere culpam in eo, qui patitur ipsam, sed quandoque in alio; & hoc est certum secundum fidem, ut patet in Christo, & etiam in iustis, qui possunt satisfacere pro peccatis aliorum, ut probari solet in materia de satisfactione: & fundamentum (ut hic inquit D. THOMAS) est, unio in charitate.

CIRCA secundam conclusionem adverte DURANDUM in 2. dist. 36. q. 3. negare eam, quia pueri non baptizati carent omni peccato actuali, & nihilominus patiuntur pænas, scilicet dolores, & infirmitates corporis, de quibus videtur certum, quod non respondeant peccato originali, quia pertinent ad pænā sensus, & peccatum originale non punitur pænā sensus.

Sed nihilominus sententia D. THOMAS est vera, quia culpa & pænā sunt correlatiua, si loquamur de pænā simpliciter. Item, quia Deus, cum sit infinite misericors non immittit homini malum, nisi ad eliciendum ex eo maius bonum, vel ad vindictam pro culpa; & tandem, quoniam AUGUSTINUS tom. 1. lib. 1. retractationum cap. 9. ita inquit: *omnis autem pænā, si iusta est, peccati pænā est, & supplicium nominatur.*

Neque obstat argumentum DURANDI, quoniam illa omnia sunt pænā peccati originalis, quia vel non pertinent ad pænā sensus, sed reducuntur ad pænā damni, ut aliqui dicunt; vel sunt pænā consequens, & concomitans priuationem iustitiæ originalis, ut dixi supra q. 83. in fine: at vero D. THOMAS hic loquitur de pænā, quæ est per se inflicta.

Sed adhuc est difficultas, quoniam in legibus humanis sæpe statuuntur pænæ contra eos, qui propter ipsarum transgressionem non incurrunt culpam aliquam: ut constat in statutis multarum religionum, & in multis legibus civilibus. Respondetur, quod pænæ illæ non sunt proprie pænæ; sed quantum attinet ad statuta religionum, sunt conditiones, cum quibus acceptatur libere status religionis, ut D. THOMAS inquit 22. q. 186. art. 9. & quantum attinet ad leges civiles, sunt conventiones & pacta, vel (ut alij dicunt) onera, & tributa imposita à superioribus, ad custodiam suarum legum.

Sed obijci potest, quia sapientiz 12. ita dicitur, *sum ergo sis iustus, iuste omnia disponis: ipsum quoque, qui non debet puniri, condemnas, & externum asstimas à tua virtute.* RESPONDETUR locum illum varie exponi; nam primo LYRANUS dicit, intelligi de pænā, quæ non ordinatur ad punitionem, sed ad probationem, & medicinam; Secundo dicit IANSENIVS, intelligi de ijs, qui nō habent peccata publica, propter quæ ab omnibus iudicentur digni pænā, & tamen habent peccata occulta, propter quæ apud Deum sunt digni pænā. Tercio dicunt alij, locum illum esse corruptum vitio librario-

rum, & legendum esse hoc modo, *ipsum quoque, qui non debet puniri, condemnare externum asstimas à tua virtute*, ut sit sensus, esse alienum à Dei patientia, & virtute, damnare eum, qui non debet puniri; & ita legitur in omnibus græcis codicibus & in aliquibus Latinis, cui depravationi potuit præbere occasionem terminatio verbi, *Condemnare*.

ARTICVLVS VIII.

Utrum aliquis puniatur pro peccato alterius?

PRIMA CONCLUSIO. Pænā satisfactoriam potest unus portare pro peccato alterius, in quantum sunt quodammodo unum ratione charitatis.

SECUNDA CONCLUSIO. Pænā inflicta pro peccato, quatenus habet rationem pænæ, non punitur unus pro peccato alterius: sed unusquisque pro peccato suo punitur.

TERTIA CONCLUSIO. Pænā corporali, hoc est pertinente ad bona corporis quatenus habet rationem medicinæ, potest unus puniri pro peccato alterius, non solum à Deo, sed etiam ab hominibus.

VLTIMA CONCLUSIO. Pænā spiritali, hoc est, quæ sit detrimentum in bonis animæ, nullus punitur pro peccato alterius.

DVBIVM I.

An in iudicio Dei puniantur filij pænā temporali propter peccata parentum?

DE quo multa dicunt AULENSIS Matthei 5. q. 310. & duabus sequentibus; & Iosue 6. q. 30. & 31. & cap. 7. q. 53. & 71. ADRIANVS quodlibet 12. CORDUBA lib. 1. q. 54. argumento quarto contra primam conclusionem. CASTRO lib. 2. de iusta hæreticorum punitione cap. 10. & 11. & COVARAVIAS lib. 2. variarum cap. 8.

Sed breviter dico primo, Deum, quamvis quodcumque damnum temporale inferat filiis innocentibus malorum parentum, nullam eis irrogare iniuriam. Probatur ex illo Sapientiz 12. *quis tibi impiabit, si perierint nationes, quas tu fecisti.*

Dico secundo, Deum de facto punire aliquando filios pænā temporali propter peccata parentum; & cines alicuius civitatis propter peccata principis, aut alienius de eadem civitate, vel congregatione. Ita D. AUGUSTINVS tom. 4. lib. 5. quæstionum veteris testamenti, quo continentur quæstiones in Deuteronomium; q. 42. & lib. 6. qui continet quæstiones in Iosue, quæst. 8. & 9. & tom. 7. lib. 6. contra Iulianum cap. 10. quem sequuntur D. THOMAS hoc loco & 2. 2. quæst. 108. art. 4. ad primum & omnes auctores citati. Et probatur, quoniam huius rei multa exempla habentur in scriptura. Ut Genes. 9. Iosue.

6. & 7. & lib. 2. Regum cap. 12. 21. & 24. & lib. 4. cap. 5.

Et Confirmatur, ex illo Exodi 20. & Deuterono. 5. *Ego sum Dominus Deus tuus fortis zelotes. visitans iniquitatem patrum in filios in tertiam & quartam generationem eorum, qui oderunt me.* & Exodi 34. *qui reddis iniquitatem patrum filijs, ac nepotibus, in tertiam & quartam progeniem.* & Ieremix 32. *qui facis misericordiam in millibus, & reddis iniquitatem patrum in sinum filiorum eorum post eos.*

DICO ULTIMO, nunquam Deum ita punire aliquem pro alieno peccato, quin ex parte eius, qui sic punitur, sit sufficiens causa, vel peccati, vel demeriti, vel alicuius utilitatis; ita tenent authores citati in principio, & D. THOMAS expresse in hoc articulo, nam solum dicit, posse aliquem puniri pena temporali pro alterius peccato, quando huiusmodi pena habet rationem medicinalis. Et probatur, quoniam vel pena ista est medicinalis, vel ordinatur ad vindictam, & punitionem culpæ: si primum, ergo cedit in utilitatem eius, qui patitur; si secundum, ergo supponit in eo culpam.

Neque satis est, quod si supponat culpam in alio cum quo is, qui patitur penam, coniungitur, vel unione naturali, ut si sit eius filius; vel unione civili, ut si sit eius concivis, vel subditus; quoniam tota ratio huius pænæ est culpa; ergo, ut pænna sit communis necesse est, quod etiam culpa sit communis.

Confirmatur primo, quia hoc est magis consonum diuine iustitiæ & misericordiæ.

Confirmatur secundo, quia multa sunt testimonia scripturæ, in quibus dicitur, Deum non punire iustos cum impijs: ut Gene. 18. Ecclesiastici 33. Ieremix 18. & Malachie 3.

Dixi tamen in hac conclusione sub disunctione, causam, quæ præsupponitur ex parte eius, qui punitur, debere esse vel peccatum vel aliquam utilitatem ipsius; quoniam aperte constat, non semper esse peccatum; ut secundi Regum duodecimo dicitur Davidi: *verumtamen quia blasphemare fecisti inimicos nomen Domini, propter verbum hoc, filius, qui natus est tibi, morte morietur.* Et tamen filius Davidis nullum habebat peccatum: quia credendum est applicatum ei fuisse remedium ante mortem, quo mundaretur à peccato originali, cum mors esset prænuntiata; & nullum potuerat committere actuale.

SED DIFFICULTAS EST, Quomodo cum testimonijs Exodi & Deuteronomij concilianda sint alia in quibus aperte dicitur neminem puniri propter peccata aliena sed unumquemque propter propria? ut Ezechielis 18. *anima qua peccauerit; ipsa morietur.* & inferius, *filius non portabit iniquitatem patris, & pater non portabit iniquitatem filij; iustitia iusti super eum erit, & impietas impij erit super eum.* & Ieremix 32. *in diebus illis non dicetur ultra, patres comederunt unam acerbam, & dentes filiorum obstupuerunt; sed unusquisque in iniquitate sua morietur, omnis homo qui comederit unam acerbam, obstupescant dentes eius.*

Ad hoc respondent aliqui, locum Exodi, cum reliquis, debere intelligi de pænis temporalibus; & istum Ezechielis de pænâ spirituali, &

A de morte animæ æternæ; & d. cum, rationem huius esse, quod filius, secundum corpus, aliquid est patris; quoniam à patre habet corpus; at vero secundum animam non est aliquid patris, quoniam animæ non generantur à parentibus sed à Deo creantur. Quod etiam dicunt colligi ex ipsis verbis Prophetæ: *Ece omnes animæ meæ sunt, ut anima patris, ita & anima filij mea est, anima qua peccauerit ipsa morietur.* Hanc expositionem sequitur D. THOMAS supra quæstione 82. artic. 2. ad primum & citat pro ea AVGVSTINVM in epistola ad Auium, quæ forte est epistola 75. ad Auxilium Episcopum.

SED HOC videtur difficile, quoniam in loco Ezechielis aperte fit sermo de morte corporali, quamvis sub ea possit spiritualiter intelligi mors animæ per peccatum, & æterna damnatio: quoniam Iudei, cum dicebant, *patres nostri comederunt unam acerbam, &c.* non queriebantur se puniri in bonis animæ, sed in bonis corporis & fortunæ, scilicet, quia civitas ipsorum erat vastanda, & ipsi ducendi in captivitatem; quare etiam reprehensio, quæ prohibetur ipsis vsus illorum verborum, debet intelligi de punitione in eisdem bonis; neque ex illis verbis; *ecce omnes animæ meæ sunt, &c.* colligitur bene oppositum; nam frequentissimum est interpretura, per animam, intelligi totum hominem, ut constat Genesis 46. Exodi 12. Ieremix 32. & alibi sæpe.

SECUNDO respondere videntur, AVGVSTINVS tom. 3. in Enchiridio, GREGORIUS lib. 15. Moralium cap. 22. & LEO Papa Epistola 84. vel 86. ad Nicetam Aquilegensis Episcopum; locum Ezechielis continere promissionem factam legi Evangelicæ, quantum ad eos, qui ad ipsam pertinerent, per regenerationem baptismi; ita ut in ijs sit verum, quod filius non portabit iniquitatem patris; & locum Exodi intelligendum esse de non baptizatis.

Sed hoc quantum attinet ad expositionem Ezechielis, satis impugnatum est ratione facta contra præcedentem solutionem; verum est, quod testimonium Ieremix videtur continere promissionem factam legi Evangelicæ, ut ibi aduertit HIERONYMVS.

C TERTIO respondent alij, locum exodi intelligi, non de quibuscunque filiis vniuersaliter; sed solum de ijs, qui imitantur peccata parentum, & ex consequenti habent propria peccata, propter quæ sint digni pænâ; & ita non repugnare testimonio Ezechielis, in quo solum dicitur, quod unusquisque punietur propter propria peccata. Addunt tamen, quod dum filij puniuntur, dicuntur puniri ipsorum parentes: quia filij sunt aliquid patris; & ita exponunt illum locum Exodi AVGVSTINVS tom. 6. lib. contra Adimantum manichæum cap. 7. GREGORIUS loco citato HIERONYMVS super Ezechielem, qui ait, colligi hoc ex illis verbis, *qui oderunt me.* quibus videtur significari, Deum non punire filios tertræ & quartæ generationis, quia patres eorum peccauerunt: sed quia ipsi peccando oderunt Deum; & THEODORETVS q. 40. in Exodum.

SED hæc expositio non satis videtur quadrare illi testimonio; nam ibi statim subditur: &

faciens misericordiam in multis, his qui delinunt tibi; sed hæc verba intelliguntur de patribus diligenti- bus Deum; & ita iudei postulabant à Deo mi- sericordiam propter patres; ergo etiam præce- dentia intelliguntur de patribus odientibus Deum. *Item*, quia, iuxta expositionem hanc, non explicatur, quia ratione visitet Deus pec- cata parentum, nam peccata, propter quæ iux- ta eam punit filios, non sunt peccata parentum, sed ipsorum filiorum.

QUARTO respondent alij, locum Ezechielis intelligi de pena mortis corporalis; & non de alijs penis temporalibus, de quibus intelligitur locus Exodi.

Sed etiam hoc habet difficultatem: quia sæpe in scriptura dicitur, vastatum esse integrum popu- lum, aut peste infectum, aut magnum nume- rum hominum perisse, propter vnius peccatum: ut constet ex testimonij adductis pro secunda conclusione.

Neque potest responderi, omnes habuisse tunc peccatum actuale, vel originale, propter quod di- gni essent illa pena: cum in tanta multitudine in- credibile sit, non fuisse aliquos iustos, vel ex adul- tis; vel ex patulis; & in exemplo adducto de fi- lio David est hoc satis notum. Dicere vero, quod hæc pena infligebatur pueris propter peccata pa- rentum, & non adultis: videtur volunta- rium.

Neque sanè huic solutioni illud decretum Deuteronomij 24. *Non occiditur filius pro patre, nã* ut AUGUSTINUS docet quest. 42. in Deutero. ci- tate pro secunda conclusione, sensus est, quod non occiditur ab homine, non tamen quod non occi- detur à Deo, aut eius iussu.

QUARE ALITER respondetur, cum MA- SIO in capite 6. Iosue; ADRIANO & CORD- VA locis citatis; locum Ezechielis intelligen- dum esse de pena temporali, siue sit mors corporalis, siue alia quacunque, quatenus habet rationem punitionis, & vindictæ; & lo- cum Exodi de quocunque etiam pena tempo- rali, non tamen determinate, quatenus habet rationem punitionis; sed indifferenter quate- nus interdum infertur in punitionem, & in- terdum in medicinam. *Pro quo adverte*, quod pena, quæ à Deo infligitur filiis propter pec- cata parentum, aliquando supponit ex parte filiorum culpam, propter quam sint ea digni: & tunc habet rationem punitionis, & respectu culpæ ipsorum filiorum, & respectu culpæ pa- rentum; quia culpa filiorum habet sufficiens demeritum, ut ita puniatur; & culpa parentum est motiuum, ut de facto puniatur; quia nisi præ- cessisset, aut non ita punirentur, aut non tam cito. Et in isto casu manifestum est, quod filius portat propriam iniquitatem, ut dicitur apud Ezechielem, & punitur propter peccata paren- tum, ut dicitur in Deuterono. *Aliquando vero* illa pena non supponit in filiis culpam, sed ordinatur ad ipsorum visitationem, quatenus per eam, si sit mors corporalis, extrahuntur omnino ab occa- sionibus peccandi; si vero sit alia calamitas, libe- rantur ab aliquibus occasionibus, & erudiuntur circa aliqua sibi necessaria; & tunc respectu filio- rum non est proprie pena, aut punitio, sed medi- cina; quia pena proprie sumpta aut punitio, sup-

ponit culpam; & medicina indigentiam, ad cuius remedium ordinatur; & respectu paren- tum est proprie pena, quia supponit in eis culpam, quæ (ut dixi) est motiuum, sine quo non inferretur filijs omnino, aut non tam cito; Et in isto casu etiam est manifestum, quod pec- cata parentum puniuntur in filiis, ut dicitur in Exodo: quia illa pena habet rationem pænæ respectu illorum; & quod ipsi filij non por- tant iniquitates parentum, quia non afficiuntur pænâ proprie dictâ, aut punitione, sed potius reci- piunt medicinam, & remedium.

QUOD SI ULTERIUS QUÆRAS, *int in Exodo apponantur illa verba; vique in tertiam & quartam generationem;* cum *Deus vltra illas ge- nerationes puniat filios habentes peccata propter quæ sunt digni pena,* aut etiam immutat illi damna temporalia in medicinam? Respondetur prima cum D. THOMA hic, ad primum, rationem esse, quod secundum communem cursum soleant parentes vivere vique ad illas generationes, & ita vique ad eas possint videre pænas filiorum, & cruciari propter eas. Neque obstat, quod ali-

quando moriantur ante, quoniam manent in memoria hominum; & in ea reputatur malum ip- sorum illud malum, quod patiuntur eorum fi- lij. *Aut secundo* dici potest cum HIERONYMO super Ezechielem, addita esse illa verba ad signifi- candum magnitudinem diuinæ misericordiæ, quæ tanta est, ut, cum Deus ad bene facien- dum filiis propter bonitatem parentum nul- lum habet terminum, sed extendatur in mil- lia: tamen ad puniendum eos, propter pec- cata parentum, habet terminum, & non ex- tenditur vltra tertiam, vel quartam generatio- nem.

Sed restat explicandum,

DVBIVM ALIVD.

An iudicio humano possint filij puniri ali- qua pena temporali propter pec- cata parentum?

AD QVOD respondetur ex doctrina D. THOMÆ secunda secunda questione 108. artic. 4. ad secundum quod non possunt puniri pænâ sensus, siue flagel- li, verbi gratia, morte, mutilatione, & verbera- tione; bene tamen pænâ damni temporalis, verbi gratia infamix, & priuationis diuitiarum; & hæc non directe, hoc est ut immediate impo- natur ipsis filiis; sed indirecte, & mediate, quia directe & immediate imponitur patri, & ab eo consecutione quadam derivatur ad filios, ut cum pater priuatur diuitijs, aut notatur infamia, etiam filius consequenter priuatur hereditate & sit in- famis, quia non potest filius succedere patri in bo- nis, quibus est priuatus, neque bona filij fama, quæ pendet ex bonâ fama patris, potest persistere, patre infamato. Et ita D. THOMAS inquit, quod filius in iudicio humano solum punitur propter

pecca-

peccatum patris in bonis, in quibus pender ab ipso, ex quo fit, ut non puniatur in bonis, quæ possidebat sine dependentia à patre, cum pater incidit in peccatum: quod etiam aduenit Dyrandus in 2. dist. 32. quæst. 1. num. 7.

Ex his sequitur, deceptum fuisse Nicolæum de Lici, super illud Deuterion. 34. non occiduntur patres pro filiis. Vbi inquit, posse filios, qui omnino carent culpa, interfici iudicio humano propter peccata parentum.

Neque obstat, quod Iudicum vigesimo, decem tribus pugnantes contra tribum Beniamin, occiderunt non solum viros, sed etiam mulieres, & pueros innocentes, quamvis Scriptura non reprehendat factum istud: nam responderi potest, decem tribus potuisse illud facere, si aliter non potuerunt obtinere victoriam, ad quam habebant ius, quia in bello iusto licite occiduntur innocentes indirecte, hoc est ad remouendum impedimentum victoriæ, ad quam res publica quæ gerit illud bellum, habet ius; quod si aliter potuerunt obtinere victoriam, non possunt excusari à peccato, quamvis scriptura non damnet factum ipsorum.

Neque etiam obstat, quod Iosue 7. pro furto Acham interficiantur cum ipso filij eius, & filij innocentes; quoniam vel dici potest, cum quibusdam Hebræis, (quos ipse Litanus & Martius referunt) tantum fuisse interfectum Acham, quamvis cum eo ducti fuerint filij eius ad spectaculum terroris causæ, vel cum Augustino quæ citata in lib. Iosue, occisos fuisse filios. non iudicio humano, sed diuino, cuius Iosue fuit executor.

Secundo sequitur cū CASTRO (loco citato) male in l. quibus cum militibus C. ad legem Iuliam; dici, quod ex imperatoria lenitate conceditur vita filiis eorum, qui regiam læserunt maiestatem: quoniam hoc non fit ex lenitate, sed est debitum ex iustitia. Neque obstat, quod Papa in cap. Pergens de hæreticis dicat, secundum legitimas functiones filius istorum solammodo ex misericordia conseruari vitam; quod etiam refert 6. quæ.

1. cap. si quis cum militibus quoniam ibi Papa non approbat istam sententiam, sed solum refert eam, ut ex eo, quod secundum leges, filij eorum, qui læserunt regiam maiestatem, puniuntur priuatione paternæ hereditatis, colligat maiori ratione sic esse puniendos filios hæreticorum.

Circa vltimam conclusionem aduersæ, intelligendam esse tam in iudicio diuino, quam in humano; & tam in hac vita, quam in futura: itaque neminem Deus priuat, tam in hac vita bonis spiritualibus, quam in futura ut beatitudine æterna, propter parentum peccata, sed propter propria: & ita intelligitur, quod dicit scriptura. *unumquemque recipietur mercedem secundum opera sua*: & quod dicit Concilium Tridentinum sessione sexta, decreto de iustificatione cap. 11. & 13. *Deum neminem deserere nisi prius deseratur ab ipso*; Quod tamen non est intelligendum secundum potentiam absolutam Dei, sed secundum ordinariam; nam de potentia absoluta bene posset Deus priuare filium nunc aliquibus donis supernaturalibus, & postea beatitudine, propter peccata parentum: quamvis ipse nullum haberet peccatum, neque in hoc irrogaretur ei aliqua iniuria, ut dixi in principio huius articuli de panis temporalibus, *verum est* tamen, quod in hoc casu priuatio ista non haberet propriæ rationem panis respectu filij, neque puniuit, quia hæc supponit culpam in eo, qui puniuit, neque medicinalis, quia non habet rationem medicinx, ut D. THOMAS docet vniuersaliter de priuatione honorum spiritualium.

SED DIFFICULTAS est circa rationem, quam assignat hic D. THOMAS, scilicet panis spiritualis non esse medicinales: quoniam hoc videtur falsum, quia permisso est pena spiritualis, cum consistat in subtractione pecuniarij auxilij: & tamen est medicinalis, quia ordinatur ad maius bonum animæ. scilicet, ut is, qui permittitur cadere, resurgat humilior, & cautiior. Respondetur, quod permisso non habet per se, quod possit ordinari ad maius bonum spirituale, sed ex diuina gratia, & misericordia; & de hoc plura dicit hic CASTR.



QVÆSTIO LXXXVIII.

DE PECCATO VENIALI ET MORTALI.

ARTICVLVS I.

*Vtrum peccatum veniale conuenienter
diuidatur contra mortale?*

CONCLUSIO est affirmatiua.

COMMENTARIVS.

CIRCA QUAM & vt melius intelligatur tota ista quæstio, in qua D. THOMAS agit de distinctione peccati mortalis à veniali: explicandum est in primis quid per has voces intelligamus, ne propter varias earum acceptiones decipiamur. Ex D. THOMA in hoc articulo VEGA, CASTRO & alijs infra citandis, peccatum dicitur mortale metaphoricè, ad similitudinem morbi qui inducit mortem corporalem; nam eadem ratione peccatum, quod infert mortem animæ, siue spirituale, dicitur mortale; & quoniam mors spiritualis est duplex, vna dicitur prima, quæ consistit in priuatione gratiæ, per quam anima viuunt spiritualiter, de qua dicitur Sapient. 16. *homo autem occidit quidem per malitiam animam suam*, & in Concilio TRIDENTINO sessione quinta, decreto de peccato originali §. 2. *peccatum appellatur mors*; & altera dicitur secunda, quæ est æterna damnatio, de qua fit mentio Apocalypsis 2. & 20. & Psalmo 48. dicitur *mors depascet eos*; ideo peccatum mortale sumitur pro peccato, quod est causa vtriusque mortis, scilicet priuationis gratiæ, & damnationis æternæ, saltem quantum ad reatum. At vero peccatum veniale tribus modis dici potest (vt D. THOM. docet art. sequenti) PRIMO ex euentu, scilicet quia obtinemus eius veniā, in quo sensu AVG. 10. §. lib. 21. de ciuitate Dei cap. vlt. inquit, *verba illa dimitte nobis debita nostra valere contra peccata illa, à quibus fidelium vita in melius penitendo mutata discedit, & tamen semper dicit valere contra peccata venialia*, & 10. 4. libro de vera & falsa penitentiā cap. 18. sic ait: *quadam sunt peccata mortalia & in penitentiā finis venialia*, & AMBROS. lib. de paradiso cap. 14. peccatum Euz dicit veniale, & sic ait, *venialis culpa, quam sequitur confessio delictorum*. SECUNDO ex causa, vel modo, quo committitur, scilicet, quia modus iste est talis, vt propter ipsum facile condonetur peccatum: qua ratione peccata ex ignorantia, vel infirmitate dicuntur venialia, etiamsi sint mortalia, & grauissima; sic Paulus, qui fuerat blasphemus, & persecutor, inquit 1. ad

A Timoth. 1. *miseritiam consecutus sum, quia ignorans feci*. TERTIO, quia est adeo leue, vt neque priuet gratia & charitate, neque inducat reatum pænæ æternæ: & hoc tertio modo sumimus nunc ipsum, quoniam sic cōdistinguitur à peccato mortali, vt constat ex explicatione sui nominis.

HOC SUPPOSITO est

DVBIUM PRIMVM.

Vtrum de facto sint quadam peccata mortalia, quæ & priuent gratia Dei, & inducant reatum pænæ æternæ: & alia venialia, quæ neutrum horum efficiant.

§ 1. Vary errores.

IN QVO FUIT primus error IOVINIANI qui, (vt referunt AVGVSTINVS 10. §. lib. de hæresibus cap. 82. & HIERONYMVS lib. 2. contra Iovinianum) sequutus Stoicos, dicebat, omnia peccata esse æqualia, & consequenter nullum esse discrimen peccati mortalis & venialis.

Deinde errauerunt alij hæretici, qui adittebant, aliquam esse differentiam inter peccata mortalia & venialia, non tamen eam, de qua propositum est dubium: nam dicebant, omnia peccata secundum se esse mortalia, & tamen propter conditionem aliquam personæ peccantis fieri, vt quædam illorum sint venialia; quia propter eam non imputatur ad pænā æternam; in hoc conueniunt post VVICLEPHVM multi ex hæreticis nostri temporis, quamuis differant in explicando conditionem hanc. Nam VVICLEPHVS (vt referunt THOMAS VALDENSIIS tom. 2. de Sacramentis cap. 154. & aliquibus sequentibus, & ALPHONSVS à CASTRO in opere aduersus hæreses, verbo *peccatum*, hæresi 12.) dicebat, omnia peccata reprobtorum esse mortalia, quia nullum eorum dimittatur eis; & omnia prædestinatorum esse venialia, quia dimittantur, LUTHERVS (vt refert idem CASTRO hæresi decimo & vndecimo) dicebat, omnia peccata in infidelibus esse mortalia; & omnia in renatis esse venialia, præter infidelitatem; quia putabat omnia peccata ex se esse mortalia, & tamen ex misericordia Dei nullum

imputari

imputari renatis ad primam, præter infidelitatem; in quo sequuntur LUTHERUM MELANCTHON & BUCERUS (vt refert CASTRO ibid. hæresi. 10. & PRATEPLVS in elenchæ hæresium verbo BUCERUS numero 1.) quamvis MELANCTHON (vt refert STAPLETONVS lib. 12. de iustificatione cap. 7.) addat, in renatis etiam esse mortalia omnia peccata, quæ ipsi scientes & prudentes, hoc est, ex malitia committunt: & idem alij tribuunt BUCERO. Tandem CALVINUS (vt etiam refert CASTRO hæresi. 11. & VEGA lib. 14. super Concilium Tridentinum cap. 3. negauit omnino, esse aliquod peccatum quod de se sit veniale: & quamvis isti auctores non tribuant ei, quod senserit, posse aliquod peccatum fieri veniale propter conditionem subiecti: tamen STAPLETONVS lib. citato, cap. 8. dicit, eum in hoc partim conuenisse cū VICLEFO, qui dicebat omnia peccata in electis esse venialia, & partim cū LUTHERO, qui dicebat hoc provenire ex eo, quod peccata condonantur per fidem; dissentiebat tamen ab eo, quia dicebat, electos nunquā excedere à fide, & ideo nunquā effundere spiritum sanctum, neque peccare mortaliter.

Fundamentum iustorum hæreticorum, quātum ad B id, in quo conueniunt, scilicet, omnia peccata secundū se esse mortalia, sunt illa testimonia scripturæ, quibus absolute & sine distinctione dicitur, peccatum inferre mortē animæ: vt ad Rom. 5. *Et respondens peccati mors*, & Ezechielis 18. *anima, quæ peccauerit, ipsa morietur*. Item illa, in quibus propter violationem cuiuscunque præcepti comminatur Deus maledictionem; vt Deuter. 24. *Maledictus qui non permanet in sermonibus legis huius, nec eos opere perficit*; & exclusionem à regno cælorum, vt Matthæi 5. *qui soluerit unum de mandatis istis minimis, & docuerit sic homines, minimus vocabitur in regno cælorum*.

Quantum vero ad id, in quo differunt: scilicet, ad conditionem ex parte subiecti, sufficit vt peccatū, quod secundum se est mortale, fiat veniale; habent varia fundamenta; nam VICLEPHVS videtur supponere, rationem peccati mortalis consistere in hoc, quod imputetur ad pœnam æternam, & nullum peccatum ita imputari prædestinatis; & econtra reprobis nullum remitti; & reliqui supponunt, iustificationem nostram consistere in fide, vel in fiducia, & ita solum appellant peccatū mortale, illud, quod potest excludere hanc iustitiam; quod quidam dicunt solum fieri per infidelitatem, alij per quodcunque peccatum commissum scienter, & ex malitia.

§ 2. Vera sententia.

PRIMA CONCLUSIO. *Dantur aliqua peccata, quæ non solum de se, sunt mortalia, hoc est, possunt privare gratia, & inducere reatum pœnæ æternæ: sed etiam de facto efficiunt utrumque, independentes ab omni conditione peccantis.* Hæc est certa secundum fidem: & quantum ad priorem partem admittitur ab hæreticis, vt constat ex dictis. Sed quantum ad utramque probatur, quia sæpe in Scriptura dicitur, esse aliqua peccata talis generis, quod, qui ea committunt, non possidebunt regnum Dei; vt ad Ro-

manos 1. primæ ad Corinthios 6. ad Galathas 5. ad Ephelios 5. *Item* de aliquibus peccatis dicitur, quod, qui ea committunt, non intrabunt in regnum cælorum; & quod mittentur in gehennam ignis, vt Matthæi 5. 18. & 25. & primæ Ioannis 3. & alibi sæpe.

Est aduertendum, non dici in his testimoniis, quod ista peccata possunt inducere hos effectus in animam, scilicet exclusionem à regno cælorum, & damnationem, ad gehennam: sed quod de facto inducunt eos, & hoc vallo habito respectu ad conditionem peccantis, scilicet quod sit prædestinatus, vel reprobus, fidelis, vel infidelis.

Confirmatur primo, quia, si peccata ista secundum se sunt inductiva privationis gratiæ, & reatus eterne pœnæ, repugnat, (saltem secundum potentiam ordinariam) diuinæ bonitati & iustitiæ, quod de facto non inducant utrumque effectum; dicere vero, quod non inducunt istos effectus, quia non imputantur à Deo, & remittuntur, est aperta contradictio; quia remissio peccati supponit imputationem; nam peccatum quod mihi nullo modo imputatur, hoc est neque ad culpam neque ad pœnam non indiget remissione.

Confirmatur secundo, quia, si propter aliquam conditionem peccantis, impeditur, ne huiusmodi peccata habeant in eo effectum, quem de se possent habere; vel ista conditio erit prædestinatio, vel fides: PATIMUS dici non potest, quia de multis prædestinatis constat, commisisse aliqua peccata, quæ ipsis sunt imputata ad culpam, & consequenter ad pœnam; vt constat de Davide, cui, postquam confessus est suum peccatum, dicens, *peccavi Dominum*, respondit Nathan, *Dominus quoque transiit peccatum tuum*, 2. Regum 12. & de D. Petro, qui *stetit amare* propter suum peccatum. Matthæi 27. & de D. Paulo, qui 1. ad Timotheum 1. postquam dixit, se fuisse blasphemum, persecutorem & contumeliosum; sic ait: *miserationem consecutus sum, quia ignorans feci*; & de muliere peccatrice, latrone & alijs; & tandem de primo parente, cuius primum peccatum fuit proculdubio in ipso mortale, in sensu explicato, cum & de ipso dicat Concilium TRIDENTINUM sessione quinta, decreto de peccato originali, § primo, quod propterea amisit sanctitatem, & iustitiam, & iniecit iram, & indignationem Dei, & mortem, & captiuitatem sub potestate diaboli; & de nobis, quod ratione illius peccati traditur ad nos peccatum, quod est mors animæ; *Item etiam* quia ista sententia supponit alium errorem; scilicet quod reprobis nunquam remittuntur peccata, quantumcunque videntur Sacramentis, quod est contra ea, quæ in Scripturis, & Concilijs traduntur de virtute Sacramentorum ad efficiendam remissionem peccatorum, & est damnatum in Concilio TRIDENTINO sessione sexta, decreto de iustificatione cau. 17. ubi damnatur, qui dixerit, iustificationis gratiam non nisi prædestinatis ad vitam contingere; & reliquos omnes, qui vocantur, vocari quidem, sed non accipere gratiam. Neque etiam potest dici SECVNDUM, quoniam Matthæi decimo-octavo ita dicitur: *si peccaueris in te frater tuus, &c.*

Ex postea, dic ecclesia, si ecclesiam non audieris, sit tibi tanquam Ethnicus & publicanus. Vbi aperte fit sermo de fratribus pertinentibus ad ecclesiam, & ex consequenti habentibus fidem; & tamen de ijs dicitur, quod possunt ita adhærere peccato, ut neque per correptionem fraternam emendentur; & Matthæi 24. Christus de Præposito malo, qui percutit conseruos, comedit, & bibit cum ebriolis &c. sic ait, *venies Dominus eius in die, qua non speras, & divides eum, partemque eius cum hypocritis ponet.* Vbi de præpositis Ecclesiæ agi docent HILARIUS, HIERONYMUS, CHRYSOSTOMUS, & communiter expositores in eum locum. Et Paulus 1. ad Cor. 1. dicit se scribere Ecclesiæ Dei, & consequenter fidelibus; & tamen cap. 5. sic ait, *audietur inter vos fornicatio, & talis fornicatio, qualis nec inter gentes &c.* vbi aperte loquitur de peccato mortali, non solum sumpto illo peccato secundum se, sed etiam respectu eius, qui commisit ipsum: quoniam præcepit, quod tolleretur per excommunicationem, & tradatur Sathana. Et tandem, quoniam habere fidem, aut esse renatum, non minuit gravitatem peccati, sed potius auget: & ita peccata Christianorum, cæteris paribus, censentur graviora, quam peccata infidelium; quoniam habent maiorem cognitionem obligationis non peccandi, & sunt devincti maioribus beneficijs.

Ex his sequitur primo, contra VVICLEPHUM, esse hæreticum, dicere, per nullum peccatum excludi de facto gratiam in prædestinatis, neque induci reatum æternæ pænæ; quoniam ex Scriptura constat, esse aliqua peccata, per quæ de facto fit vitiumque, & ista fuisse commissa ab aliquibus prædestinatis.

Secundo sequitur, contra LUTHERUM, esse etiam hæreticum, dicere, quod in tenatis sola infidelitas inducat privationem gratiæ, & reatum pænæ æternæ: probatur, quoniam de alijs peccatis dicit Scriptura, inducere vitiumque effectum, & ita est definitum in Concilio TRIDENTINO sessione 6. decreto de iustifi. can. 27.

Tertio sequitur, contra MELANTHONEM, esse etiam hæreticum, dicere, quod in tenatis sola peccata commissa scienter, & ex malitia, sunt mortalia: probatur, quia peccatum Davidis fuit ex passione; & peccatum Petri ex infirmitate & timore; & peccata Pauli fuerunt ex ignorantia, ut constat ex ipsius verbis: & tamen peccata ista in eis fuerunt mortalia; & idem essent si eodem modo committerentur à quibuscunque baptizatis.

SECUNDA CONCLUSIO: præter ista peccata mortalia, reperiantur alia venialia, quibus secundum se, & secunda omni conditione ex parte peccantis, aut non imputatione ex parte Dei, conveniunt non privare gratia, nec inducere reatum æternæ pænæ, quemadmodum mortalia faciunt. Hæc etiam est certa secundum fidem; & probatur PRIMO ex Scriptura, in qua multa dicuntur, quibus hoc aperte significatur: nam in primis dicitur, esse aliqua peccata, quæ non sunt puniendæ pænâ æternâ: ut Matthæi 5. ita dicitur, *qui irascitur fratri suo, reus erit iudicio; qui autem dixerit fratri suo Racha, reus erit Concilio, qui autem dixerit fatuo, reus erit gehenna ignis.* Vbi cum Christus soli postremo delicto comminetur pænâ gehennæ ignis, videtur aperte docere, priora delicta non esse puniendâ tantâ pænâ. Item Paulus 1. ad Corinth. 3. de eo, qui superædificat lignum,

A fenum, & stipulam, sic ait: *si cuius opus æstivum, detrimentum patietur, ipse autem salvus erit, scilicet tamen quasi per ignem;* quod cum de peccatis venialibus, & de igne purgatorii intelligatur, iuxta communem sententiam Sanctorum (ut cum D. THOMA dicimus artic. 2. quæstionis sequentis) significatur aperte in isto loco, huiusmodi peccata non esse puniendâ igne æternâ, sed temporalis. Secundo, dicitur in Scriptura, esse aliqua peccata, quæ non excludunt gratiam, iustitiam, & puritatem, quæ opponitur peccato mortali: quod colligitur ex illis testimonijs, in quibus, etiam de iustis perseverantibus in iustitia & gratia Dei, dicitur, quod committunt aliqua peccata: ut proverborum 24. *Septies in die cadet iustus, & resurget.* Ecclesi. 7. *non est homo iustus in terra, qui faciat bonum, & non peccet.* 1. Ioannis 3. *si dixerimus quoniam peccatum non habemus, ipsi nos seducimus;* vbi Ioannes loquitur aperte de iustis, cum connumeret seipsum, & Ioannis 13. dixit Christus, *qui lotus est non indiget, nisi ut pedes lauet, sed est mundus totus.* vbi Apostolos dixit esse mundos toros, scilicet, à peccato mortali; & tamen indigere lotione pedum, hoc est affectum à peccatis venialibus; & ita AUGUSTINUS in expositione eiusdem loci sic ait: *qui lotus est non indiget, nisi ut pedes lauet, quoniam qui iam à peccatis mortalibus mundatus est, tantum indiget detergere pulverem venialium peccatorum adhærentem pedibus, id est affectibus nostris, quemadmodum sumus in hac vita mortali.* Tertio dicitur in Scriptura, esse aliqua peccata, quæ non inferunt mortem animæ: ut Iacobi 1. *Concupiscentia, cum conceperit, parit peccatum: peccatum vero, cum fuerit consummatum, generat mortem;* vbi Iacobus supponit, reperiri peccatum aliquod in motibus concupiscentiæ, antequam sit peccatum perfectum, & completum; & solum de completo dicit, generare mortem.

Neque possunt hæretici respondere ad hæc testimonia, esse intelligenda de istis peccatis, non absolute, & secundum se: sed quando non imputantur à Deo propter aliquam conditionem peccantis, scilicet quia est prædestinatus vel renatus; nam in eis constat aperte fieri sermonem de huiusmodi peccatis secundum se, & respectu cuiuscunque peccantis.

SECUNDO potest probari ista conclusio testimonijs Conciliorum, nam in Concilio MILLEVITANO cap. 6. 7. & 8. damnantur, qui dixerint, in iustis non esse peccata, & istos non vere dicere, dimittite nobis debita nostra; aut dicere hoc pro alienis peccatis tantum, non pro proprijs; Quæ omnia non possunt intelligi, nisi de peccatis venialibus, cum mortalia gratiam & iustitiam excludant: Et in TRIDENT. sessione 6. decreto de iustificatione cap. 11. ita dicitur: *licet in hac mortali vita, quantumvis sancti & iusti, in levissima saltem, & quotidiana, qua etiam venialia dicuntur, peccata quandoque cadant: non propterea desinunt esse iusti, & sessione 14. doctrina de sacramentis penitentiae, & extremæ unctionis cap. 14. dicitur, nos teneri ad confitendum omnia peccata mortalia; nam venialia, quibus à gratia Dei non excludimur, iaceri citra culpam, multisque alijs remedijs expiari possunt.*

TERTIO probari potest testimonijs Sanctorum, dicentium, iustum in hac vita non posse vitare omnia peccata venialia; quæ referenda sunt in materia de gratia.

§ 3. Emergitur fundamentum errorum contrariorum.

AD FUNDAMENTUM hæreticorum, respondetur, duo priora testimonia non esse intelligenda de omnibus peccatis, sed solum de mortalibus: quoniam non continent vniuersales propositiones, sed indefinitas. Et ex alijs testimonijs constat, esse aliqua peccata, scilicet venialia, quæ non inferunt mortem animæ; & ad tertium testimonium dicendum est, per præcepta minima non intelligi illa, quæ obligant solum sub veniali, sed illa, quæ obligant sub mortali; quoniam ibi fit sermo de præceptis decalogi; appellauit autem Christus ista mandata minima, vel respectu sui qui tunc ea dedit, aut interpretatus est, quia (vt ait CHRYSOST. homil. 16. in Mattheum) conditurus legem seipsum humilior. Et mediocriter de seipso loquitur, vt nos quoque doceat seruare mediocritatem; vel quia inter mandata, quædam sunt minora alijs: sicut etiam inter peccata, quæ per ipsum prohibentur, quædam sunt minora alijs; & voluit docere, etiam minorem transgressionem, sufficere vt aliquis vocetur minimus, in regno celorum. Neque est inconueniens, quod per minima peccata, intelligamus minora; nam Apocal. 2. per primam charitatem, & 1. ad Timoth. 5. per primam fidem, solet intelligi prior; vel tertio, quia, quamuis ipsa essent maxima, tamen ab hominibus reputabatur minima; & Scriptura sæpe loquitur de rebus secundum æstimationem, & consuetudinem vulgi, vt multis locis declarat MARTINEZ, lib. 9. hypotyposeos regulæ.

DVBIVM SECVNDVM

Est inter Catholicos: supposito quod inter peccatum mortale & veniale sit ista differentia, quod veniale secundum se, & non propter aliquam conditionem ex parte peccantis, habeat non inducere priuationem gratiæ, neque reatum pænæ æternæ, sicut facit peccatum mortale,

An id habeat ex natura sua, vel ex sola misericordia Dei?

§ 1. Sententia ponens peccata esse venialia ex sola Dei misericordia.

AD HOC, IOANNES DE GERSON 3. parte tractatus de vita spirituali, lect. 1. corollario primo, ALMAINVS tract. 3. moralium cap. 20. & ROFFENSIS art. 21. contra Lutherum, dicunt, quodcumque peccatum, quantum est ex se, & natura sua, esse mortale, & mereri separationem à Deo, & cruciatus æternos: sed ex benignitate, & misericordia Dei fieri, vt quædam peccata imputentur solum vt venialia, & neque separent à Deo, neque priuent gratia, neque puniantur pænâ æternâ.

A Et probatur hæc sententia PRIMO, quia quodcumque peccatum est offensa Dei; ergo meretur pænâ æternam inferni; probatur consequentia, tum quoniam omnis offensa Dei est digna annihilatione, ergo à fortiori est digna pænâ æternâ, quæ est minus malum, quam annihilatio; tum etiam quia, quo persona, quæ offenditur, est maioris dignitatis, eo ipsa offensa est digna maiori pænâ; ergo si persona, quæ offenditur, sit infinitæ dignitatis, offensa erit digna infinita pænâ: sed quodcumque peccatum est offensa commissa contra Deum, qui est infinitæ dignitatis, & maiestatis; ergo quodcumque peccatum est dignum infinita pænâ, & ex consequenti pænâ æternâ inferni.

SECUNDO, vt DIVVS THOMAS docet questione præcedenti artic. 5. peccatum veniale adiunctum mortali, aut si sit in statu, in quo non possit remitti quoad culpam, punitur pænâ æternâ, ergo quantum est ex se, & natura sua, est dignum huiusmodi pænâ.

Confirmatur, quia, si existens sine gratia in puris naturalibus peccaret venialiter, non haberet principium vt deleri posset peccatum veniale; ergo hoc peccatum, quantum est ex sua natura, & seclusa Dei misericordia, est irremissibile, & ex consequenti meretur pænâ æternâ.

TERTIO, quodcumque peccatum habet malitiam infinitam, ergo ex se est mortale, & dignum pænâ æternâ: probatur antecedens, tum quia pro nullo bono, etiam infinito, assequendo, & pro nullo malo pænæ, etiam infinito, vitando: est committendum aliquod peccatum, quantumcumque sit leue: sed hoc non potest aliunde provenire, nisi quia quodcumque peccatum habet infinitam malitiam, quam nullum malum pænæ potest adæquare; ergo quodcumque peccatum habet infinitam malitiam; tum etiam quia quodcumque peccatum est contra Deum, qui est infinitum bonum, & habet infinitam dignitatem.

QUARTO probatur testimonijs Sanctorum; nam HIERONYMVS epistol. 14. quæ est ad Celantiam matronam, cap. 1. sic ait: Et sane nescio, an possimus leue aliquod peccatum dicere, quod in Dei contemptum admittitur, & AVGVSTINVS tomo quarto, lib. de vera & falsa pœnitentia, cap. 8. inquit, peccata venialia esse leuia ex Dei misericordia, vbi satis insinuat, esse magna ex natura sua. Et BASILIIVS in regulis breuioribus, in responsione ad interrogationem 293. sic ait; primo quidem scire illud conuenit, differentiam hanc maiorum & minorum (scilicet peccatorum) nusquam in nouo testamento reperiri: siquidem una est, & eadem sententia aduersus qualibet peccata, cum Dominus dixerit, qui facit peccatum, seruus est peccati. Et CHRYSOSTOMVS in sermone de leuium peccatorum periculis, suadens, declinanda esse omnia peccata, non solum enormia, sed etiam leuia, ita inquit: Maxime cum quidquid leue quis dixerit, comparatione prioris est leue; vbi aperte dicit, nulla peccata esse natura sua leuia, sed solum comparatione aliorum grauiorum. Et homil. 40. ad populum inquit, non esse leuissimum peccatum furari duos obolos, quam magnam aut quantitas.

ULTIMO probari potest argumentis D. THOM. quia peccatum veniale importat auersionem à Deo, tanquam à fine ultimo; & *præterea*, est contra legem Dei, ergo respondet ipsi pena damnationis æternæ. Verum de antecedenti quoad utramque partem dicemus dubio sequenti.

§ 1. *Esse aliqua peccata venialia ex sua natura.*

SED HIS non obstantibus *opposita sententia est* *superior*: imo aliqui ex recentioribus censent, hæc esse plusquam temerariam: in hac conclusione conveniunt RICHARDVS de sancto Victore, tractatu de differentia peccati venialis à mortali, ubi ait, quod peccatum veniale est reatus, cui, quantum est de se, inde mediante, nunquam debetur æterna damnatio; & D. THOM. hoc loco, ubi inquit, peccatum veniale esse reparabile, non solum per comparationem ad virtutem divinam, sed etiam per principium interius, & in 2. dist. 42. qu. 1. art. 4. & quæ. 7. de malo art. 1. SCOTVS in 4. dist. 28. q. 1. DURANDVS in 2. dist. 42. qu. 7. & CAPREOLVS eadem dist. quæst. unica.

Et probatur PRIMO quia Sæcra, & vniuersi Theologi, ut probent, aliquod peccatum esse tantum veniale, non id colligunt ex diuina misericordia, sed ex natura rei, considerata gravitate materiz, & deliberatione peccantis.

Secundo, quia qualis est proportio offensæ commissæ contra hominem, ad gratiam & amicitiam cum ipso homine; talis est offensæ commissæ contra Deum, ad gratiam & amicitiam cum Deo: sed offensæ, quam vnus homo committit contra aliū, si sit levis, & parvi momenti, non est digna priuatione gratiæ, & amicitiz; ergo similiter offensæ, quam homo committit contra Deum, si sit levis, cuiusmodi est verbum otiosum, & risus immodicus, non erit digna priuatione gratiæ, & amicitiz diuinæ.

Confirmatur, quia apud homines, quod propter leuem offensam, aut amicus non excludat amicum ab amicitia, aut pater filium à paterna domo, non tribuitur misericordiæ offensæ, quin potius oppositum tribueretur crudelitati: ergo idem dicendum est de Deo, cum non excludit hominem propter leuem offensam à loco filij adoptiui, aut ab amicitia.

Neque potest responderi, nullam offensam, quæ ab homine committatur contra Deum, esse leuem; *quoniam cum fides* hoc non doceat, & lumen naturale (considerata lenitate materiz in multis peccatis, & pronitate nostra ad malum, atque impossibilitate ad euadendum omnia peccata venialia, quamuis singula vitare possimus,) dicat oppositum, dicendum est huiusmodi peccata esse leues offensas.

Secundo, si peccata venialia ex natura rei sunt digna priuatione gratiæ, & pænæ æternæ: ergo habent malitiam & inordinationem dignam ista priuatione & pænâ, ergo de facto incurritur ista priuatio, & reatus huius pænæ; prima consequentia patet, quia peccatum non est dignum pænâ, nisi ratione malitiæ & inordinationis, ut patet ex quæstione præcedenti; & *secunda* probatur, quoniam alias non esset verum, quod Scriptura sæpe dicit, scilicet, *unumquemque recepturum mercedem aut pænâ secundum opera sua.*

Ad hoc dupliciter responderi potest; *primo*,

quod, quamuis peccata venialia habeant malitiam, quæ de se sit digna pænâ æternâ: tamen Deus sua benignitate noluit taxare ad eorum punitionem tantam pænâ, quamuis potuisset; sed minorem, scilicet temporalem; sicut quæstione præcedenti diximus, ipsum, respectu omnium peccatorum, taxasse pænâs citra condignum: & quando dicimus, unumquemque recepturum mercedem aut pænâ secundum opera sua, intelligitur, supposita taxatione mercedis, aut pænæ, facta per legem Dei.

Sed contra, quia quamuis Deus à principio taxauerit pænâs citra condignum culpæ, ut dixi quæ. præcedenti: tamen seruauit proportionem ad gravitatem cuiusque culpæ; nullam autem proportionem seruasse, si ad punitionem culpæ, quæ pro sua gravitate erat digna pænâ æternâ, taxasset solum pænâ temporalem: quia sicut pænâ temporalis non habet proportionem cum æternâ (quoniam finiti ad infinitum nulla est proportio) ita neque habebit eam cum gravitate culpæ, cui pænâ æternâ est ita proportionata; ergo non est dicendum, quod Deus taxauerit pænâ temporalem aduersus eam culpam, quæ ratione suæ gravitatis erat digna pænâ æternâ.

Confirmatur, quia, ut Deus taxet contra aliqua peccata pænâ æternâ, & contra aliqua temporalem, supponitur aliqua ratio ex parte ipsorum peccatorum: sed hæc non est alia, nisi quod malitia illorum est digna pænâ æternâ, & malitia istorum solum est digna pænâ temporali; ergo non est dicendum, quod aduersus peccata, quæ habent malitiam dignam pænâ æternâ, taxauerit pænâ temporalem.

Secundo responderi potest, quod, quando dicitur, peccata venialia esse ex natura rei digna pænâ æternâ; non est, sensus, quod de facto habent malitiam, propter quam sint digna tali pænâ: sed quod possint eam habere, quia possent à Deo prohiberi ut mortalia, & sub illa pænâ; quod facile intelligitur si supposuerimus, omnia, quæ Deus prohibuit creaturis ut peccata, oblata fuisse diuino intellectui; & Deum potuisse omnia prohibere, ut mortalia, & sub pænâ æternâ: & tamen usum fuisse benignitatis, & misericordiæ in hoc; quod tantum prohibuit hoc modo quædam eorum, & alia prohibuit ut peccata venialia, & sub pænâ temporali.

Sed neque hæc solutio est sufficiens, *primo*, quia iuxta eam non defenditur, quod peccata venialia sint ex natura sua digna pænâ æternâ, sed solum quod possent esse digna ista pænâ, quia possent prohiberi ut mortalia, & sub illa pænâ. *Item*, quia, vel Deus posset prohibere omnia peccata ut mortalia, & sub pænâ æternâ *lege naturali*, vel *positiua*: *PRIMUM* dici non potest, *tam quia* ratio naturalis dicat, aliqua peccata non esse prohibenda ut graui delicta, & non esse digna æternâ: ergo idem dicat lex naturalis, prout est in Deo, quoniam ratio naturalis est eius participatio; *tam etiam quoniam* alias de facto essent prohibita omnia peccata ut mortalia, & sub pænâ æternâ: quia lex naturalis non est libera, & indifferens in ordine ad rectitudinem, vel obliquitatem eorum, quæ ad ipsam directe pertinent: ut, non potest non dicere, homicidium factum priuata auctoritate, & sine necessitate propriæ, vel alienæ defensionis, & cum alijs conditionibus, esse malum, & esse malum malitia mortali;

alias

alias peccata, quæ sunt directe contra ius naturæ, non essent intrinsece mala mortaliter, sed possent non esse mala, aut omnino, aut mortaliter; vt explicui supra quæ. 71. art. 6. circa solutionem quarti argumenti, ex doctrina D. THOMÆ, & CAIETANI infra quæ. 100. art. 8.

Quod si propter hoc dicat, omnia peccata esse de facto prohibita vt mortalia: sed diuina misericordia fieri, vt solum impurentur ad pœnā temporalem; inter res in priorem solutionem, quia si de facto sunt prohibita vt mortalia, ergo de facto habent malitiam mortalem; non enim potest dici, fieri diuina misericordia, vt lex naturalis iam posita, & dictans a facto omnia peccata esse mortalia, solum obliget sub veniali in aliquibus casibus, scilicet peccatorum venialium: quoniam obligatio legis naturalis, quærum ad id, quod dicitur, est omnino immutabilis, & indispensabilis, non solum in toto, sed etiam in parte, vt D. THOMAS docet loco citato, & quæ. 94. art. 5. & ita nulla gratia, aut dispensatione, fieri potest, vt homicidium, in casu explicato, non sit peccatum, & peccatum mortale; quia sicut non potest fieri de malo bonum, propter immutabilitatem legis naturalis, ita propter eandem rationem non potest fieri de malo mortaliter, malum venialiter, nisi per accidens, propter defectum de liberationis ex parte agentis. *Neque etiam potest, dici secundum, scilicet, quod Deus posset præcepto posituro prohibere peccata venialia, vt mortalia, & sub pœna æterna; & vt hoc ostendam, supponendum est, quod, quamuis Deus posset, vt Dominus, statuere pœnam æternam contra peccata venialia, tamen non posset id facere vt iudex, & in vindictam & punitionem ipsorum peccatorum; neque talis pœna vt æterna haberet propriam rationem pœnæ, quoniam excederet grauitatē culpæ, vt constat ex ijs, quæ dixi, quæ præcedenti, art. 4. dubio 3. in alia difficultate simili, de infinitate intensiua pœnæ respectu peccati mortalis. Quod tamen intelligendum est respectu omnium peccatorum venialium, nam in particulari, bene posset Deus, vt iudex, prohibere aliquod peccatum, (quod ex parte materiae videretur leue) sub pœna æterna, ita vt talis pœna haberet propriam rationem pœnæ; quia possunt occurrere circumstantiæ, & rationes particulares, ad postulandum ab homine obedientiam stricte circa illam materiam: & ita præsupponeretur in transgressione malitia sufficiens ad pœnam æternam.*

Et hoc posito, argumentor sic, si Deus prohiberet peccata venialia sub pœna æterna, non haberet propriam rationem pœnæ tota ea ratio illius pœnæ, sed solum aliqua eius pars temporalis: ergo, etiam facta illa prohibitione, differrent peccata venialia à mortalibus in ordine ad pœnam, & ex consequenti, discrimen istud, prout nunc reperitur, non provenit ex misericordia, qua Deus noluit vt illa prohibitiones parerent ista consequentia, quia etiam posita prohibitione reperiretur.

Confirmatur, quia (vt dixi loco citato) quamuis Deus posset punire peccatum mortale pœna infinita in potentia secundum intensiorem, est verum dicere quod peccatum mortale ex natura sua non est dignum huiusmodi pœnæ: & quod non provenit ex sola misericordia Dei, quod non puniatur ea; ergo similiter, quamuis Deus posset in sensu explicato punire peccatum veniale pœna

æterna, est verum dicere, quod peccatum veniale non est ex natura rei dignum pœna æterna, & quod non provenit ex misericordia Dei, quod non puniatur ea.

Verum hic aduerte, quod VEGA cap. 16. supra citato, & cum eo alij, admittunt, quod, si Deus prohiberet omnia peccata venialia sub pœna æterna, omnia essent mortalia: in quo meo iudicio, appetere decipiuntur; quoniam ex æternitate pœnæ non potest colligi, quod peccatum, contra quod statuitur, sit mortale, nisi proprie habet rationem pœnæ: sicut propter eandem rationem, ex eo, quod Deus vellet aliquem iustum pati æternas pœnas (quod, vt supremus Dominus, posset facere) non posset colligi, in tali iusto esse peccatum mortale.

§ 3. Respondetur argumentis alterius sententia.

AD PRIMUM respondetur, concesso antecedenti, (si scilicet proportio in gradu inter offensam & peccatum, ita vt peccatum veniale, sit offensam etiam venialis) neganda est consequentia: & ad primam probationem, negandum est, quod quæcunque offensa Dei, etiam venialis, sit digna annihilatione: nam peccatum mortale habet peculiariter, quod, quantum est de se, etiam seculæ suppositione ordinis diuinæ iustitiæ de æterna punitione malorum, sit dignum huiusmodi pœna propter auersionem à Deo quæ importat, vt explicat CAIET. quæst. præcedenti, art. 4. circa solutionem ad primum. Et ad secundam probationem, concesso antecedenti, (si cætera sint paria) neganda est consequentia: & possunt assignari plures instantiæ; nam *primis*, opus bonum, quo est de meliori obiecto, eo est melius, & magis meritorium, cæteris paribus: nec tamen propterea sequitur, opus, quod est de obiecto infinite bono, vt est amor Dei, habere infinitam bonitatem, & infinitum meritum; item, peccatum odij, quo est de meliori persona, eo est grauius; & tamen odium Dei non habet infinitam grauitatem, quamuis Deus sit infinite bonus. *Præterea*, quanto nocuentum, quod intenditur, est maius, tanto peccatum est grauius, & maiori dignum pœna secundum intensiorem: & tamen non sequitur, quod actus, quo quis vult inferre damnū infinitis hominibus (verbi gratia, occidere eos) sit infinite malus, & dignus infinita pœna secundum intensiorem, sicut neque actus, quo quis vult prodesse infinitis hominibus, est infinite bonus, neque dignus infinito præmio. Et quod nulla ex istis consequentijs valeat, patet, quoniam alias nullus ex istis actibus, in eo, in quo crescit ratio obiecti infiniti, haberet proportionem cum alio eiusdem rationis terminato ad obiectum non infinitum: vt, amor Dei cum amore proximi, odium Dei cum odio proximi; voluntas occidendi infinitos homines, cum voluntate occidendi vnum, aut duos; & sic de reliquis. ratio autem negandi has, & similes consequentias, (vt explicui quæ. præcedenti, art. 4. dubio 3. in solutione confirmationis ultimi argumenti) est, quod incrementum bonitatis, malitiæ, meriti & demeriti, siue dignitatis pœnæ, in actibus, non sumitur adæquate ex dignitate obiecti considerati secundum se: sed seruata proportionem ad modum, quo attingitur moraliter per ipsos actus; & quia per actus non attingitur infinite (nam quia affectus operantis non est infinitus,

nam etiam quia reliquæ conditiones, quæ ex parte actus concurrunt, ut sic attingat obiectum, non habent infinitatem) ideo, quamvis crescente dignitate obiecti, crescant aliquo modo illæ conditiones in actibus, non sequitur, quod si dignitas obiecti crescat infinite, etiam conditiones illæ crescant infinite.

SED OBIOIES, sequi ex hoc, quod malitia peccati mortalis non sit infinita; & ex consequenti, quod non debeat ei pœna æterna; & probatur sequela, quia non habet unde sit infinita, nisi quia est contra infinitam bonitatem, quod tamen iuxta solutionem hanc non sufficit.

Respondetur primo, quod quamvis malitia peccati mortalis non esset infinita, non sequeretur, quod non deberetur ei pœna æterna: quia æternitas pœnæ non respondet infinitati malitiæ, sed irremissibilitati, quæ peccato mortali convenit positivè ex natura sua, ut supra explicatum est. *Secundo* responderetur, ex illa solutione solum sequi, quod malitia peccati mortalis non sit infinita simpliciter, & intrinsece; non tamen, quod non habeat quandam infinitatem obiectivam, quatenus est contra infinitum bonum, quæ solum est *infinitas extrinseca*, & secundum quid, ut explicui loco citato in argumento: *an vero etiam malitia peccati venialis sit ista modo infinita*, dicam in solutione tertij.

AD SECUNDVM responderetur, quod in casu antecedentis, non responder per se peccato veniali pœna æterna, hoc est propter eius gravitatem, aut quia sit per se irremissibile; sed per accidens, hoc est, quia de facto non remittitur culpa, sed manet in æternum, propter coniunctionem cum mortali, ut loco ibidem citato explicui, & ideo neganda est consequentia.

Ad confirmationem, respondent aliqui, quod homo in puris naturalibus haberet aliquem modum obtinendi remissionem peccati mortalis, non ex iustitia, neque ex gratia gratum faciente; sed ex quadam liberali providentia, consentanea illi statui naturæ; & ideo peccatum veniale in illo statu non esset per se irremissibile, & ex consequenti neque dignum pœna æterna: quia tunc homo carens peccato mortali, quamvis haberet peccatum veniale, esset bene ordinatus respectu finis ultimi, hoc est non averfus ab eo, sed subditus ipsi ratione sue naturæ, & media quadam amicitia naturali, & ideo haberet principium intrinsecum ad tollendam inordinationem peccati venialis. *Secundo* responderetur, quod, si homini in illo statu non remitteretur peccatum mortale, cui esset coniunctum veniale, neque veniale ipsum remitteretur, & ex consequenti puniretur pœna æterna; ceterum utrumque esset per accidens ratione irremissibilitatis peccati mortalis, & non proveniret ex natura peccati venialis; & ita non sequitur, quod peccatum veniale per se, & ex natura sua, sit dignum pœna æterna.

AD TERTIVM responderetur, negando antecedens, & ad primam probationem neganda est minor, quia, quod peccatum veniale pro nullo bono assequendo, aut malo vitando sit faciendum, non provenit ex eo, quod eius malitia sit infinita; sed ex eo, quod intrinsece habet esse illicitum, supposito quod sit peccatum, & ideo implicat, quod propter aliquam rationem possit licite fieri. *Ad secundam probationem* responderetur, quod, quamvis peccatum mortale dicatur infinitum malum ob-

iectivè, & extrinsece, propter infinitatem Dei offensam per ipsum: non sequitur quod etiã isto modo peccatum veniale dicatur infinite malum; & ratio discriminis est, quod peccatum mortale ita est contra Deum, ut omnino avertat ab eo, & dissolvat amicitiam cum ipso: peccatum vero veniale nec avertit à Deo, nec dissolvit eius amicitiam; & ideo infinitas obiectiva, aut extrinseca, quæ solum convenit peccato ratione aversionis, (ut D. THOMAS docet quæst. præcedenti art. 4. in corp. & ad 2.) reperitur simpliciter & absolute in peccato mortali, & non in veniali, nisi valde improprie, quatenus est offensa, quamvis levis, contra Deum.

AD QUARTVM responderetur, HIERONYMVM illis verbis solum voluisse significare, peccatum veniale esse grave, & non contemnendum, cum eo offendatur maiestas Dei; esse tamen grave in suo ordine, scilicet infra peccata mortalia, quæ dissolvunt amicitiam cum Deo, & sunt digna pœna æterna, & eodem modo exponendum est *primum* testimonium CHRYSOSTOMI; & ad secundum dicendũ est, intelligi de eo, qui habet intentionem furandi pluram, si posset: tamen re ipsa solum furatur duos obolos, quia non plus reperit, ut patet ex contextu; & ad testimonium AUGUSTINI responderetur, quod AUGUSTINVS dicit, peccata venialia esse parva ex Dei misericordia, non secundum se, sed quoad effectum, quem neglecta possunt inducere; nam quando negliguntur, possunt esse causa peccati mortalis, & ex misericordia Dei provenit, quod nõ negligamus ea: ideoque dixit, esse parva ex Dei misericordia, scilicet quoad effectum; & quod hic sit eius sensus, constat ex ipsius verbis, quæ sunt eiusmodi: *Hæc peccata, etsi sint parva per Dei misericordiam, sunt magna in peccatoribus negligentia; nullum enim peccatum adeo parvum est, quod non crescat neglectum*. Et ad testimonium BASILII responderetur VEGA libro citato cap. 5. non esse ab ipso conscriptum, quoniam super caput quintum Isa. & hom. in psal. 114. & homil. in initium proverborum, agnoscit discrimen inter peccata venialia & mortalia. *Sed fallitur VEGA*, quoniam tota illa responsio habetur eodem modo in operibus græcis BASILII; quare aliter responderetur, BASILIVM loqui de peccatis mortalibus; & ex his dicere, nullum esse parvum; & patet hoc, quoniam dicit, utendum esse remedio correptionis fraternæ procedendo per omnes gradus traditos in euangelio cum illis, qui ut manerent in aliquibus peccatis, vrebantur hac excusatione, quod essent parva. *Potest etiam dici ad omnia ista testimonia*, quod sancti ex magno affectu divini amoris sæpe loquuntur secundum quandam exaggerationem; & dicunt, non esse censendum leve id, quo Deus quomodocumque offenditur.

AD VLTIMVM responderetur, peccatum veniale non importare aversionem peccantis ab ultimo fine: & quod quamvis sit contra aliquam legem, non est contra legem, cuius observatio sit necessaria ad consecutionem ultimi finis, ut postea explicabo.

DVBIVM TERTIVM EST

Supposito quod peccatum mortale & veniale distinguuntur ex natura rei

Quid sit id, in quo primo distinguantur?

§ 1. Peccatum veniale est contra aliquam legem, & contra aliquod præceptum.

AD CUIUS SOLVTIONEM aduerte, quod, (vt colligitur ex doctrina Diui Thomæ superius quæst. 72. artic. 3. & hoc loco) quadruplex solet constitui discrimen inter peccatum mortale, & veniale; *primum* est, quod peccatum mortale inducit priuationem gratiæ, & reatum pænæ æternæ; & peccatum veniale non excludit gratiam, & inducit reatum pænæ temporalis; *Secundum* est, quod peccatum mortale est contra legem & præceptum; & peccatum veniale est præter legem; *Tertium* est, quod peccatum mortale importat inordinationem circa finem; & peccatum veniale circa media; *Vltimum* est, quod peccatum mortale importat conuersionem ad creaturam, vt ad vltimum finem, & auersionem à Deo vt ab vltimo fine; & peccatum veniale neutram importat, & de his omnibus explicandum est sequentibus conclusionibus, quomodo sint intelligenda, & quo ordine conueniant istis peccatis.

SIT PRIMA CONCLUSIO. *Quamuis peccatum mortale & veniale differant inter se in hoc, quod veniale ex natura sua habet non inducere priuationem gratiæ, & reatum pænæ æternæ; tamen hoc discrimen non est primum eorum, quæ inter ipsa reperiuntur.* **PRIMA** pars patet ex dictis dubio præcedenti; & **SECUNDA** probatur, quia obligatio ad pænâ consequitur culpam, & est posterior ipsa, vt dixi quæstione præcedenti; ergo etiam obligationes siue reatus ad pænâs distinctas, & inæquales, consequuntur ad culpas distinctas, & inæquales, & ex consequenti non potest sumi ex ipsis prima distinctio inter culpas.

SECUNDA CONCLUSIO. *Peccatum veniale est contra aliquam legem, & contra aliquod præceptum: quamuis quantum attinet ad modum loquendi non sit dicendum simpliciter, & sine addito, quod sit contra legem aut contra præceptum.* **IN PRIORI** **PARTI** conueniunt, CAIETANVS in fine huius articuli, & superius quæst. 72. artic. 3. & tomo primo opusc. tractatu 25. **DVRAND.** in 2. dist. 42. q. 6. in solutione ad primum. **ABRUA.** quodlibet. 6. art. 2. **VEGA** lib. 14. in Concilium Tridentinum cap. 13. **Castro** lib. 1. de lege pænali cap. 5. **Navar.** in manuali præludio 7. num. 11. & præludio 9. num. 7. **PIGHIVS** libr. 4. ecclesiasticæ hierarchiæ cap. 2. & **VICTORIA** in relectione de potestate ciuili, num. 18. & 19. & probatur **PRIMO**, quia vel peccatum veniale prohibetur aliqua lege, vel non; si *primum*, ergo est contra aliquam legem, scilicet contra illam, qua prohibetur; si *secundum*, ergo non est malum morale, neque peccatum; patet consequentiâ, quia (vt dicitur ad Romanos

A tertio) *ubi non est lex* (scilicet prohibens, vel præcipiens) *non est præuaricatio; & præterea*, quia (vt probaui superius, quæst. 18.) malitia moralis non potest reperiri sine violatione alicuius legis.

Confirmatur quoniam **AVGVSTINVS** (vt reuertitur superius quæst. 71. art. 6.) definiens vniuersaliter peccatum, tam veniale, quam mortale, inquit, esse *dictum, vel factum, vel concupitum contra legem Dei*; & hanc definitionem acceptant vniuersi Theologi, & **AMBROS.** lib. de paradiso c. 8. inquit, *esse præuaricationem legis diuinæ, & castissimi inobedientiam mandatorum.*

SECUNDO, peccata venialia sunt contra rectam rationem, nam recta ratio dicitur, non licere mendacium iocosum, & prodigalitatem; & idem est de reliquis: sed recta ratio prohibens aliquid, aut dictans, non esse licitum, est lex Dei, vel ostendit ipsam, iuxta illud ad Romanos 2. *qui offendunt opus legis scriptum in mensibus eorum*; ergo sunt contra legem Dei.

TERTIO aliqua lex prohibet quodcunque mendacium, iuxta illud **Leuit. 19.** *non mentiemini*, & **Ecclesiastici 7.** *noli velle mentiri omne mendacium.* Item aliqua lex prohibet verbum otiosum, quoniam alias non esset reddenda ratio de eo in iudicio, sicut dicitur **Matthæi 12.** & *præterea*, quodcunque præceptum decalogi, sicut prohibet peccatum mortale in sua materia, ita etiam prohibet peccatum leue; vt, præceptum non furandi non solum prohibet graue furtum, sed etiam leue; ergo quodcunque peccatum veniale ex istis est contra aliquod præceptum, scilicet contra illud, quod prohibetur.

VLTIMO, vel peccatum veniale est contrarium legi, vel consonum, vel neque contrarium, neque consonum; si *primum*, habetur intentum; si *secundum*, ergo bonum est, quia vel est consonum vt consilium, vel tanquam id, quod præcipitur; si *tertium*, ergo nihil amplius habet in ordine ad legem, quam opus indifferens, siue sit indifferens in specie, siue in indiuiduo.

SECUNDA ETIAM pars, in qua conueniunt **CAIET.** & **VEGA** locis citatis. **PETRVS SOTO**, tractatu de discrimine peccatorum lectione sexta in fine, & alij, probatur *primo*, quoniam in Scriptura nomen legis, aut præcepti absolute sumptum, solet tribui solum præceptis, quorum observatio est necessaria ad consecutionem vite æternæ, & ad permanendum in charitate, & dilectione Dei: sed peccata venialia non sunt contra huiusmodi præcepta; ergo non est dicendum simpliciter & sine addito quod sint contra præceptum, aut contra legem; Probatur *maior*, nam **Matthæi 19.** dicitur: *Si vis ad vitam ingredi, serua mandata.* **Ioann. 14.** *si diligitis me, mandata mea seruate*, 1. **Ioann. 2.** *qui dicit, se nosse eum*, (scil. per fidem charitate formatam) *& mandata eius non custodit, mendax est.*

Confirmatur, quoniam ad **Romanos 13.** dicitur quod, *qui diligit proximum, legem implet*, & postea; *plenusque legis est dilectio*; & tamen potest quis dicere, quod diligit proximum, quamuis violet illud præceptum, quo prohibetur peccatum veniale; & **Iacob. 2.** *quicumque totam legem seruauerit, offendat autem in vno, factus est omnium reus*; quod tamen non potest dici de eo, qui offendit in illo præcepto, cui opponitur peccatum veniale.

Secundo

Date	Description	Amount
1890	Jan 1 Balance	100.00
1891	Feb 15	50.00
1892	Mar 10	25.00
1893	Apr 5	75.00
1894	May 1	120.00
1895	Jun 15	30.00
1896	Jul 10	60.00
1897	Aug 5	40.00
1898	Sep 1	80.00
1899	Oct 15	15.00
1900	Nov 10	90.00
1901	Dec 5	20.00
1902	Jan 1	100.00
1903	Feb 15	50.00
1904	Mar 10	25.00
1905	Apr 5	75.00
1906	May 1	120.00
1907	Jun 15	30.00
1908	Jul 10	60.00
1909	Aug 5	40.00
1910	Sep 1	80.00
1911	Oct 15	15.00
1912	Nov 10	90.00
1913	Dec 5	20.00

de bono cum aliqua obligatione, & ex consequenti, cuius oppositum est malum; at vero consilium est de bono sine aliqua obligatione, & ex consequenti, cuius oppositum non est malum, de quo discrimine plura dicit CAIET. 10. 1. opusc. tract. 25.

Confirmatur, quia (vt CAIET. inquit superius q. 72. art. 5.) nullus dicit, peccare aliquem, quia non faciat ea, quæ pertinent ad consilia: v. g. quia non ingrediatur religionem, aut non seruet cælibatum, sed ducat uxorem; imo oppositum constat ex Paulo 1. ad Corinth. 7. vbi cum dixisset de virginibus præceptum Domini non habeo, consilium autem dicit subiunxit, si autem acceperis uxorem, non peccabis; & si nupserit virgo non peccauit. Verum est quod aliqui contendunt, SCOTVM non vti nomine consilij in significatione stricta, qua distinguitur ab omni præcepto: sed in alia magis lata, qua distinguitur solum à præcepto strictè sumpto, & comprehendit ea omnia, quæ non obligant ad aliquid, tanquam necessarium ad salutem, siue sint præcepta obligantia sub veniali, siue consilia, quæ nullam inducunt obligationem sub peccato. Sed quicquid senserit SCOTVS: hæc acceptio consilij est nimis lata, & parum in vsu.

SED OBIECTIS, posse aliquid esse peccatum, in quantum est contra consilium; quoniam actus, quo quis vult oppositum eius, quod est de consilio, v. g. non ingredi religionem, aut non penitere, quando non tenetur, non est bonus, quia non habet unde cohonestetur; & tamen solum est malus, quia est contra consilium, nam ex suppositione non opponitur alicui præcepto; ergo actus in quantum opponitur consilio, potest esse malus.

Respondetur, quod actus iste ex obiecto est indifferens, & in indiuiduo erit bonus, si habuerit bonum finem; sin minus, erit malus, sicut actus orisus: non tamen præcise in quantum est contra consilium penitendi, aut ingrediendi religionem; sed quia est contra præceptum, saltem apponendi bonum finem nostris actibus.

TERTIA CONCLUSIO. Peccatum mortale & veniale non differunt in hoc, quod mortale importet inordinationem circa finem, hoc est circa Deum, tanquam obiectum; & veniale circa media, hoc est circa obiecta creata: sed vtrumque potest habere pro obiecto finem, & media, hoc est Deum aut creaturam. Probatur aperte, quoniam actus infidelitatis, desperationis, & odij Dei, si sint plene deliberati, sunt peccata mortalia, si vero sint subiti, & semiplene tantum deliberati, sunt peccata venialia: & tamen in vtroque casu habent eodem modo finem, aut Deum pro obiecto; & similiter furtum, & adulterium sunt peccata mortalia, & motus subiti circa ista sunt peccata venialia: & tamen habent idem obiectum creatum.

Neque DIUUS THOMAS docet contrarium in hoc articulo, & supra quæst. 72. artic. 5. quia non est eius sensus, quod peccatum mortale semper sit circa finem, hoc est circa Deum, tanquam circa obiectum: & veniale circa medium, hoc est circa creaturam, ita vt semper differant hoc modo ex parte obiecti; imo aperte dicit oppositum supra, cum concedat, in eadem specie, & ex consequenti respectu eiusdem obiecti, posse reperiri vtrumque; sed sensus est, quod peccatum mortale importat inordinatio-

A nem auertentem eum, qui peccat, ab ultimo fine: & ex consequenti, irreparabilem, quantum est ex parte principij intrinsece; at vero peccatum veniale importat inordinationem sine auersione à fine, non tamen sine auersione, aut quasi auersione ab ijs, quæ sunt vtilia ad finis consequutionem: & ita vtraque inordinatio sumit ex sua auersione, quod dicat, esse circa finem, aut circa media. Ex quo patet, deceptum fuisse SCOTVM loco citato, vbi supponit, DIUVM THOMAM intellexisse hoc discrimen in priori sensu: & propterea reprehendit ipsum; & quamuis CAIETAN. hoc loco aliter videatur explicare DIUVM THOMAM: tamen supra quæst. 72. artic. 5. ita explicuit hoc discrimen, sicut à nobis expositum est.

§ 3. Peccatum mortale & veniale differunt penes gravitatem & leuitatem offensæ diuinæ.

B **VLTIMA CONCLUSIO.** Discrimen inter peccatum mortale & veniale consistit in hoc, quod mortale habet tam ex parte obiecti aut materiae, quam ex parte modi, quo committitur, totum, quod requiritur, vt sit gravis offensæ Dei, & repugnans amicitia & charitati erga ipsum: veniale vero propter defectum in aliquo istorum est offensæ levis, & non dissoluit amicitiam cum Deo. Hæc est expressa sententia DIUI THOMÆ supra, quæst. 72. artic. 5. & hoc loco: nam vtrobique dicit, peccatum mortale consistere in deordinatione, siue auersione à fine ultimo, cui coniungimur, & subordinamur per charitatem; & articulo sequenti in corp. & ad primum, vbi inquit, peccatum mortale esse, quod repugnat charitati, per quam homo ordinatur in ultimum finem; & RICHARDI de Sancto Victore in tractatu de differentia peccati mortalis à veniali in fine, vbi ait, peccatum mortale esse, quod non potest à quoquam committi, sine grandi corruptione sui, aut contemptu Dei, aut graui læsione proximi; & reliqua omnia esse venialia; & sequuntur eum DVRANDVS in 2. dist. 42. quæst. 6. num. 11. CAIETANVS in locis citatis DIUI THOMÆ & in summa, verb. peccatum mortale. VEGA lib. 14. in Concilium TRIDENTINVM cap. 11. & PATRVS SOTVS libro de institutione Sacerdotum, tractatu, de discrimine peccatorum, lectione 10. & videtur esse communis sententia Theologorum, qui per ordinem ad leuionem charitatis explicant discrimen inter peccata mortalia & venialia; & probatur, quia certum est, reperiri istud discrimen inter peccatum mortale & veniale, & ex eo oriuntur reliqua, quæ constitui solent: ergo ipsum est primum inter omnia; maior patet ex testimonijs, quibus dubio primo probauimus contra hæreticos, per quodlibet peccatum mortale excludi gratiam, & charitatem; & minor probatur, nam quatuor potissimum tribuuntur peccato mortali, quatenus distinguitur à veniali, scilicet reatus ad penam eternam, expulsio gratia, irreparabilitas per ordinem ad principium intrinsecum, & auersio à Deo vt ab

ultimo fine, cum conversione ad creaturam ut ad ultimum finem. Et de duobus prioribus corruptum est, quod supponunt peccatum mortale esse gravem offensam, & sufficientem ad dissolvendam amicitiam cum Deo: quoniam tam *pæna eterna*, quam *primatio gratiæ* est pæna inimici, & ex consequenti supponit culpam sufficientem ad constituendum inimicum; & de tertio probatur, quoniam ideo peccatum mortale est irreparabile per principium intrinsecum, quia tollit ordinem ad finem ultimum, qui est principium ordinis in humanis actibus, & ex consequenti, reparationis ordinis ablati per peccatum: sed peccatum mortale tollit ordinem in finem ultimum, in quantum tollit aequalitatem, per quam ordinamur in finem ut unimur ipsi; ergo ex eo, quod peccatum mortale repugnat charitati, provenit, quod sit irreparabile per principium intrinsecum; & tandem de quarto probatur, quoniam, qui peccat mortaliter, dicitur auerti à Deo ut ab amico, & ut à fine ultimo, quia peccatum quod committit, repugnat amicitiam cum Deo, & consecutioni ipsius Dei in ratione finis ultimi, & ipsi Deo ut amato per modum finis ultimi, hoc est super omnia: ergo prius est, quod peccatum habeat totum, quod requiritur, ut fundet repugnantiam ad hæc omnia, quam quod peccatum ratione eius dicatur auerti à Deo.

Sed ut rectius intelligatur, quare ratione in peccato mortali hæc auersio à Deo reperitur cum conversione ad creaturam, & non in peccato veniali, ADVERTENDUM primo, contra ADRIANVM quodlibet. 7. quæst. 3. negari non posse, quod reperitur in peccato mortali, quoniam in Concilio TRIDENTINO sessione sexta decreto de iustificatione cap. 5. dicitur de peccatis mortalibus, quod per ea homines aueruntur à Deo; & in Scriptura dicitur, quod peccatores diligunt magis creaturam, quam Deum: ut *Matthæi 10. Qui diligit Patrem, plusquam me*; & *Ioann. 12. dilige: aut magis gloriam hominum, quam gloriam Dei*; & Sancti frequenter hoc dicunt, præsertim AVGVST. tom. 1. lib. 3. de libero arbitrio, cap. 24. & tom. 3. lib. 10. de trinitate, cap. 10. & tom. 5. lib. 14. de civitate cap. 24. & 28. & lib. 21. cap. 26. & tom. 4. lib. 8. quæstionum q. 30. & Chrys. hom. 13. super epistolam ad Philip.

Secundo advertendum, quod ista auersio & conversio non consistit in hoc, quod, qui peccat, velit expresse & formaliter non habere amicitiam cum Deo, aut non consequi beatitudinem, aut non habere Deum pro ultimo fine, sed creaturam, ita ut ad eam referat se, & omnia sua, ut in finem: sed in hoc, quod virtualiter & interpretative vult omnia ista, quatenus ita se gerit, ac si vellet ea; nam imprimis, qui vult committere gravem offensam contra amicum, cuiusmodi est peccatum mortale contra Deum, etiam vult virtualiter non habere amicitiam cum ipso, quoniam graves offensæ dissolvunt amicitias; & qui omittit media necessaria ad consecutionem finis, virtualiter vult non consequi finem, & observatio mandatorum obligantium sub mortale est medium necessarium ad consequendum beatitudinem, iuxta illud: *si vis ad vitam ingredi, serva mandata*; & tandem, qui propter amorem alicuius boni creati non vult placere Deo obediendo præceptis suis gravibus, amat virtualiter

magis illud bonum creatum, quam Deum, & ex consequenti denegat Deo locum ultimi finis, de cuius ratione est, amari super omnia, ut bene advertit CAJETANVS in summa verb. *peccatum mortale*. Ex his facile possunt dissolvi argumenta, quibus ADRIANVS loco citato confirmat suam sententiam.

Tertio advertendum, quod, propter oppositas rationes, peccatum veniale non importat auersionem & conversionem istam; nam imprimis non est offensa gravis, sed levis; neque opponitur præcepto, cuius observatio sit necessaria ad consecutionem beatitudinis; neque repugnat divinæ voluntati manifestatæ per præceptum grave: & ideo ex eo, quod aliquis committat ipsum, non potest colligi, quod virtualiter velit dissolvere amicitiam cum Deo, aut non consequi beatitudinem, aut præferre amorem alicuius boni creati divinæ voluntati. Arguenda vero, quibus probari solet, peccatum veniale auertere à Deo, ut à fine ultimo, quoniam habet pro fine ultimo bonum creatum, dissolvi solent supra quæstione prima, artic. 5. ubi nos de hac re egimus.

§ 4. Regula ad discernendum peccatum mortale à veniali.

EX RESOLUTIONE huius dubij sequitur, quare ratione sit discernendum, an aliquod peccatum sit mortale, vel veniale: nam, si propter suam gravitatem repugnauerit charitati, qua ordinamur in ultimum finem, dicendum est mortale, sin minus, veniale: ad cognoscendum autem, quæ peccata ita repugnent charitati, solent tradi à doctoribus nonnullæ regulæ, quas colligunt PATRVS SOT. tractatu citato de discrimine peccatorum lect. 10. VEGA lib. 14. in Concilium TRIDENTINVM cap. 12. STAPLETONVS lib. 12. de iustificatione cap. 5. & ex eis nos aliquas referemus; prima est huiusmodi, illa peccata, quæ secundum se, & ex parte sui obiecti, sunt contra charitatem & subiectionem Deo debitam, ut infidelitas, blasphemia, & inobedientia, vel contra charitatem debitam proximo, ut homicidium, furtum, verba iniuriosa, & similia, vel contra charitatem propriam, ut interficere seipsum, aut inferre sibi damnum in bonis spiritualibus vel in bonis necessarijs ad corporis conservationem; censenda sunt mortalia ex genere suo; quæ vero ex parte sui obiecti continent aliquam inordinationem, sed non ita repugnant dilectioni Dei, aut proximi, aut propriæ, censeri debent venialia ex genere suo; hæc regula est DIVI THOMÆ articulo sequenti, & colligitur ex verbis RICARDI de sancto Victore supra relatis, & recipitur ab omnibus doctoribus.

Secunda, non semper peccatum, quod est ex parte obiecti est contrarium dilectioni Dei, aut proximi, vel propriæ, est de facto, & in individuo peccatum mortale: quoniam vel propter defectum deliberationis, ut cum committitur cum semiplena deliberatione; vel propter parvitatem materiæ, ut furtum oboli, posset esse tantum veniale. Hæc etiam regula est DIVI THOMÆ articulo sequenti, & ratio eius est

manifesta, quoniam, cum offensa debeat esse actus humanus, ratio dicitur, non esse grauem offensam dilectionis, quæ sit sine plena deliberatione, quoniam non est perfecte actus humanus; & ulterius, cum per offensam paræ qualitatis parum lædatur bonum offensi, etiam dicitur eadem ratio, non esse offensam grauem, quoniam offensa consistit in læsione offensi, quæ tum ad aliquod bonum ipsius.

Tertia, ad cognoscendum, quanta deliberatio sit sufficiens ad peccatum mortale; & quanta non; Et quando materia, quæ ex suo genere est grauis, sit in indiuiduo tanta, ut efficiat peccatū mortale; non potest assignari certa regula, sed horum iudicium relinquendum est arbitrio prudenti, sicut sepe fit in moralibus; nā licet sciamus, sufficere ad peccatum mortale aduertentiam formalem ad deformitatem, vel prohibitionem peccati, & aduertentiam interpretatiuam, quæ consistit in potentia morali, hoc est expedita & facili ad habendum aduertentiam formalem; tamen difficillime cognosci potest, quando reperiatur ista aduertentia interpretatiua; & in multis casibus quando reperiatur formalis; & similiter, quamuis sciamus, furari obolum nō esse peccatū mortale, & furari viginti aureos esse peccatum mortale; tamē utrū furari quantitatem vnius argentei, sit peccatū mortale, & excludat à charitate & amicitia Dei, non potest ita certo sciri; verū ad iudicandum de primo consideranda sunt quæ dixi supra q. 74. art. 3. ubi explicui, quando deliberatio sit plena, & quando semiplena. Ad iudicandū vero de secundo, scilicet de quantitate materiæ, considerandum est *imprimis*, an peccatum, de cuius grauitate dubitatur, sit prohibitum aliqua lege scripta, & dato quod sit prohibitum, consideranda sunt verba legis, hoc est, an sint præceptiua; & quantitas pænæ, quæ statuitur, contra transgressores: & ex his poterit colligi, an tale peccatum sit mortale; quod maxime locum habet, quando peccatum solum est prohibitū lege scripta; secundo respiciendum est ad illa, de quibus scriptura loquitur, ut de mortalibus, quia scilicet dicit esse digna gehenna ignis, exclusionē à regno Dei, morte, interitū æterno, & similib. & ad illa, de quibus loquitur ut de venialibus, quia scilicet vitur circa ea mitioribus verbis, sicut de stultitio, & scurrilitate Paulus ad Ephesios 5. solum dixit, quod ad rem non pertinent, hæc autem consideranda sunt, non solum ut de prioribus peccatis dicamus esse mortalia, & de posterioribus esse venialia: sed etiam ut ex his facta comparatione ad alias materias, possimus colligere, quid in eis sit iudicandum v. g. cū Christus dixit Matth. 5. *omnis qui irascitur fratri suo, reus erit iudicio; qui autem dixerit fratri suo Racha, reus erit cōsilio; qui autem dixerit, fatue, reus erit gehenna ignis;* aperte significauit ex his tribus peccatis tertium esse mortale, & duo priora venialia; ex hoc ergo loco poterimus colligere, iniuriā æqualem illi, quæ fit fratri, cum aliquis ferio dicit ei fatue, ut eū contumelia afficiat (siue sit in diuitijs, aut in bonis corporis, aut famæ, siue in bonis animæ) esse peccatū mortale, & eodē modo poterit iudicari de alijs, ex obseruatione eorum locorum, in quibus scriptura plura alia peccata condemnat ut mortalia; & hanc regulam ad discernendū inter peccata leuia & graua tradit AVG. tom. 3. in Enchiridio ad Laurentiū c. 78. & in principio capitis 79. ita inquit: *sunt autē quædam, quæ leuissima putarentur, nisi in scripturis de-*

monstrarentur opinione grauiora. Et continuo apponit exemplū ex testimonio à nobis adducto; *Tertio* respiciendum est ad ea, de quibus cōcilia & decreta pontificum loquuntur ut de mortalibus. *Quarto* respiciendum est ad ea, quæ sapientes iudicant esse mortalia, & quæ communiter in Ecclesia habentur ut mortalia; & ad ea, quæ habentur ut venialia; & ex eis fieri poterit cōiectura ad iudicandū in alijs materijs. *Verum illud summe aduertendū est*, non esse considerandam materiam peccati absolute, sed habita ratione circūstantiarum concurrentiū: nam v. g. materia furti, quæ respectu diuitis nō est grauis poterit esse grauis respectu pauperis, propter circūstantiam paupertatis; & verbū, aut factum contumeliosum, quod respectu hominis de infima plebe non est grauis cōtumelia, erit grauis respectu nobilis, quia ex dignitate personæ offense crescit iniuria; Atque hæc dici possunt in cōmuni circa modum discernendi peccata mortalia à venialibus: reliqua vero magis particularia relinquenda sunt unicuique materiæ.

Circa solutionem ad primum est

D V B I V M. IV.

Utrum peccatum diuidatur analogice in mortale & veniale: ita ut prædicetur de eis secundum prius & posterius, & tanquam de participantibus inæqualiter rationem communem peccati.

§. I. Sententia affirmans.

AD HOC CAPRE. in 2. d. 43. q. unica art. 1. conclusionē prima, & art. 3. in solutionibus ad argumenta DV RANDI contra eandem conclusionem, CAIET. & CONRAD. in hoc articulo, & VEGA lib. 14. in Conciliū TRIDENTINUM c. 13. Respondent affirmatiue, & cum eis cōsentit aliqua ex parte DV RAND. in 2. d. 41. q. 6. scilicet, quantum ad peccata, quæ solum sunt venialia propter defectū plenæ deliberationis; quamuis quantum ad reliqua dissentiat ut postea dicamus. Sed aduertunt CONRAD. & VEGA, non consistere analogiam istam in hoc, quod ratio peccati solū dicatur absolute, hoc est sine addito, & intrinsece, hoc est secundum intrinsecam denominationē, de peccato mortali: & de veniali cum addito, & secundum denominationem extrinsecam, sicut sanum dicitur de animali, & de medicina; & homo de viuo & picto; quoniam etiam peccatū veniale dicitur absolute, simpliciter & intrinsece peccatū, in sensu explicato; sed in hoc solum, quod ratio illa cōmunis in peccato mortali sit perfecte, & in veniali imperfecte, & cū attributione & ordine ad mortale; ut vero explicet, quomodo in analogia, etiam proportionis, utrumque extremū dicatur tale simpliciter, & denominatione intrinseca, adducunt in exemplum prædicata cōmunia Deo & creaturis, & ens respectu substantiæ & accidentis; nam & creatura dicitur v. g. bona, & sapiens, sine addito & denominatione intrinseca; & accidens dicitur ens intrinsece, & non secundum extrinsecam denominationem: & ad hoc significandum dicunt D. T. vsum fuisse exemplo diuisionis entis in substantiam & accidens, potius quam alterius analogi.

Et probatur hæc sententia primo autoritate D. THOMÆ in hac solutione, & in secundo d. 42. q. 1. art. 3. & q. 7. de malo art. 1. ad primum, quibus locis expresse dicit, peccatum esse commune analogice ad mortale & veniale.

Secundo, quia in scriptura sæpe nomine peccati absolute posito significatur peccatum mortale, quia propter suam gravitatem per excellentiam dicitur peccatum: quod est signum analogie vt. 1. Ioan. 3. qui facit peccatum, ex diabo est; & postea omnis, qui natus est ex Deo, peccatum non facit; quæ verba de solo peccato mortali intelligi possunt, quoniam iusti sæpe faciunt peccata venialia, & tamen non ideo dicuntur esse ex diabo. Iacob. 3. si autem personam accipitis, peccatū operamini, quod etiam intelligitur de peccato mortali, vt constat ex verbis sequentibus, quicumque autem totam legem seraueris, offendas autem in uno, &c. quæ non possunt intelligi de peccato veniali, quoniam ratione eius non dicitur, quod aliquis sit omnium reus. & Ezechielis 16. anima, quæ peccauerit ipsa morietur, vbi ex pæna constat, fieri sermonem de peccato mortali.

Tertio, peccatum consistit in deuotione, & auersione à fine intento per legem: sed peccatū veniale non auertit simpliciter à fine legis, sed solum secundū quid, quatenus auertit à medijs vtilibus, scilicet à familiaritate, & seruire charitatis, vt supra dictum est; ergo non est peccatum simpliciter, sed solum secundum quid, & ex consequenti non conuenit vniuoce, & æqualiter cum peccato mortali in ratione communi peccati.

Confirmatur, quia inordinatio humorum corporis non est secundum rem infirmitas, neque intelligitur vt talis, nisi in ordine ad inordinationem quæ tollit principium vite, quæ est infirmitas mortalis: ergo similiter inordinatio moralis, quæ non auertit à fine, non est peccatum, neque intelligitur habere rationē peccati, nisi in ordine ad deordinationē, quæ tollit principium vite moralis, scilicet finem vltimū; quæ deordinatio est peccatū mortale.

Primo probatur argumento DURANDI, quod saltem sic hoc dicendum de peccato, quod solum est veniale propter defectum deliberationis: quia huiusmodi peccatum non est simpliciter, & plene voluntarium, aut in nostra potestate; ergo neque est simpliciter peccatum: patet consequentia, quia de ratione peccati est, esse voluntarium.

§. 2. Resolvitur questio per distinctionem.

DICO PRIMO, peccata venialia, hoc est, siue sint venialia ex obiecto siue ex circumstantia, sunt peccata simpliciter & absolute. & ita sunt appellanda, siue villo addito, probatur, quoniam in scriptura ita appellantur vt. 1. Ioan. 1. si dixerimus, quoniam peccatum non habemus, &c. quod de veniali intelligitur, cum loquatur de iustis, vt supra dixi Iacobi 1. concupiscentia, cum concipitur parit peccatum, quæ verba intelliguntur de peccato veniali, propter defectū deliberationis; & sequentia de mortali, prouerb. 10. in multis loquor non deeris peccatum & Ioan. 20. quorum remisistis peccata, &c. vbi nomine peccatorum, non solū intelliguntur mortalia, sed etiā venialia, alias confessio venialium non esset sacramentalis, neque remissio eorum fieret virtute clauum, contra communem sensum Ecclesie, &

A contra Conciliū TRIDENTINVM scilicet 14. in doctrina de sacramento penitentiarum cap. 5. vbi dicitur, peccata venialia recte, & vtiliter exprimi in confessione, quamuis non sint necessario confitenda; & can. 7. vbi datur, qui dixerit, non licere confiteri peccata venialia. Item sancti ea sic appellant, vt de AVGVSTINO constat, qui in libris contra mendacium, & de mendacio, appellat mendacium peccatū; & tandem concilia, cum definiunt, non posse homines in tota vita omnia peccata vitare, nisi ex speciali Dei privilegio. Ratione etiam probatur, quia peccatum veniale est absolute & simpliciter contra rectam rationem, & contra aliquam legem, vt probavi dubio præcedenti: ergo etiam est absolute & simpliciter malum moraliter, & peccatum.

SED obijcies, quod, quamuis ita sit in re, tamen in modo loquendi apponi debet aliquod additum, quia eo modo potest aliquid dici peccatum, quod posset dici contrarium legi: sed peccatum veniale non dicitur contrarium legi simpliciter, & sine addito, vt dubio præcedenti probavi: ergo neque peccatum.

B Respondetur, quod, quamuis peccatum veniale non dicatur sine addito contrarium legi, aut præcepto: posset dici sine addito contrarium alicui legi, aut alicui præcepto, vt ibidem dixi; & hoc satis est, vt possit dici simpliciter & sine addito peccatum, quia ad rationem peccati satis est, quod sit contrarium alicui legi.

DICO SECUNDO, si ratio peccati consideretur metaphysice, sicut alia natura æternum, dicendum est, ipsum non analogice, sed vniuoce dici de peccato mortali & veniali, ita tenet DURANDVS loco citato, quamquā extipiat peccata, quæ sunt venialia propter defectum deliberationis plenæ, vt dixi; & probatur, quia peccata, quæ sunt venialia ex circumstantia, hoc est, propter defectum deliberationis, aut paruitatem materię, sunt eiusdem speciei cum peccatis mortalibus, quæ versantur circa eandē materiam: tum quia conueniunt cum eis in obiecto, à quo peccata sumunt speciem; tum etiam quia expresse hoc ita docet D. THOMAS, art. sequenti, & supra q. 72. art. 3. ergo conueniunt cum eis vniuoce in eodem gradu specifico contento sub peccato in communi: ergo etiam conueniunt in ratione peccati in communi; prima consequentia patet, quia species non dicitur analogice de suis inferioribus, sed vniuoce; & secunda probatur, quia per hunc gradum specificum essentialiter participatur ratio peccati in communi ab huiusmodi peccatis mortalibus & venialibus; ergo si iste gradus participatur ab eis vniuoce, & non analogice, etiā ratio in communi participatur ab eis vniuoce; & ex hoc argumento deduci potest, etiam peccatū, quod est veniale ex genere suo, conuenire vniuoce cum mortali, in ratione peccati in communi: quia peccata venialia ex suo genere, tam proprie participant rationem peccati in communi, sicut venialia ex circumstantia; ergo si venialia ex circumstantia participant eam vniuoce cum mortalibus, etiam venialia ex suo genere participant eam vniuoce cum eis.

Ad hoc aliqui, vt defendant oppositam sententiā respondent, antecedens huius argumenti esse verum, si intelligatur de illis peccatis ex parte conuersionis; non tamen si intelligatur de eis ex parte auer-

te auersionis, quoniam nulla dantur peccata venialia, quæ ex parte auersionis, sint eiusdem speciei cum mortalibus: & ex eo solum posse colligi, quod peccatum solum ex parte conuersionis dicatur vniuoce de mortali, & veniali: non tamen quod etiam ex parte auersionis dicatur vniuoce; itaque dicunt, rationem auersionis in communi analogice, & rationem conuersionis dici vniuoce.

Sed contra, quia, loquendo de auersione formali intrinseca peccato, impossibile est, quod conuersiones duorum peccatorum sint eiusdem speciei, & quod auersiones differant specie: quod probatur facile, quia auersio, quæ est intrinseca peccato, consistit in oppositione ad legem, siue contraria, vt nos diximus, quæ sit ordo positius ad obiectum dissonum legi; siue *primatiua*, vt alij dicunt, quæ sit priuatio conformitatis cum lege; & quomodocumque sumatur, necesse est, quod sit eiusdem speciei, vbi conuersio est eiusdem speciei: quia si sumatur *priori modo*, est ipsa conuersio auersiva; si vero sumatur *posteriori modo*, est priuatio formæ eiusdem rationis, scilicet conformitatis, cum eodem præcepto, quia eodem præcepto prohibentur conuersiones eiusdem speciei, siue fiant cum æquali deliberatione, & ad æqualem materiam, siue non; Quod si quæras; quomodo, si auersiones sunt eiusdem speciei, vna est auersio à fine ultimo, & non altera ad hoc respondebo articulo sequenti.

DICO VLTIMO, si ratio peccati sumatur Theologice, & secundum moralem estimationem, dicendum est, ipsam non dici vniuoce de peccato mortali & veniali, sed analogice, & secundum prius & posterius. Probat, quia peccatum sumitur Theologice, quando consideratur quatenus auertit à Deo, vt habet rationem ultimi finis, & lædit amicitiam cum ipso: sed ratio peccati ita considerati participatur simpliciter in peccato mortali, & in veniali solum secundum quid, & in ordine ad mortale; ergo peccatum ita sumptum dicitur de eis analogice; probatur *minor*, quia peccatum mortale auertit simpliciter à Deo, vt à fine ultimo, & destruit vniionem & amicitiam cum ipso, quia tollit charitatem per quam habemus vniionem & amicitiam cum Deo: at vero peccatum veniale, non auertit simpliciter à Deo, vt à fine ultimo, nec destruit vniionem & amicitiam cū ipso, sed solum secundum quid, quatenus aliquo modo in ordine ad mortale turbat coniunctionem animæ cum Deo, & refrigerat charitatem, impediendo eius seruiorem, & disponit ad mortale, per quod sit simpliciter auersio.

Confirmatur primo, quia secundum moralem estimationem parum pro nihilo reputatur; ergo læsio amicitie, quæ fit per peccatum veniale, cum sit tam levis, fere reputatur pro nulla.

Confirmatur secundo, quia moraliter peccatum veniale potissimum æstimatur, quatenus disponit ad mortale.

Ex his sequitur primo, qualis sit illa diuisio peccati in mortale & veniale: nam si peccatū sumatur Theologice, iuxta sensum secundæ conclusionis, dicenda est analogi in sua analogata; si vero sumatur metaphysice, iuxta sensum secundæ, dicenda est subiecti in accidentis; quoniam habere ea, quæ constituent grauem offensam, aut ea quæ solū constituent offensam leuem, sunt differentie acciden-

tales respectu peccati: sicut habere perfectionem virilem, aut solum puerilem, respectu hominis.

Sequitur secundo, solutio trium argumentorum exijs, quæ in principio proposuimus, nam apud D. THOMAM, & in scriptura, sepe sumitur peccatum Theologice, & secundum moralem estimationem & eodem modo sumitur, cum dicitur, quod eius ratio consistit in auersione à fine intento per legem, si intelligatur de fine ultimo, qui est extrinsecus respectu legis, & in eo sensu est ad rem illa similitudo infirmitatis corporalis; & ad vltimum quod est DURANDI Respondetur, quod ratio peccati consistit in hoc, quod est esse contra aliquam legem Dei; & esse voluntarium solum requiritur vt conditio, siue qua non, ex parte subiecti malitiæ moralis; & peccata, quæ propter defectum deliberationis sunt venialia, habent primum simpliciter, vt explicatum est dubio præcedenti, & tantum voluntarij quantum sufficit vt absolute & simpliciter dicantur peccata.

ARTICVLVS II.

Vtrum peccatum mortale & veniale differant genere?

PRIMA CONCLUSIO. Peccatum veniale sumptum pro eo, quod non tollit ordinem ad vltimum finem, potest habere genus determinatum; ita vt aliquod peccatum dicatur veniale, ex genere, & aliquod mortale ex genere.

SECUNDA CONCLUSIO. Quandoque contingit, quod id, quod est peccatum veniale ex genere, hoc est ratione sui obiecti, sit mortale ex parte agentis, vel quia in eo constituit finem vltimum, vel quia ordinat ipsum ad aliquid, quod est peccatum mortale ex genere.

TERTIA CONCLUSIO. Peccatum, quod ex suo genere est mortale, potest fieri veniale ex parte agentis, scilicet, quia non est actus perfectius, id est, plene deliberatus.

COMMENTARIVS.

NOTA PRIMO per genus, intelligi obiectum, vt D. THO. aperte docet, & colligitur ex eius exemplis: & ita idem esse conuenire, aut differre genere, atque conuenire aut differre obiecto, & similiter esse peccatum mortale, aut veniale ex genere, & ex obiecto.

SECUNDO Nota, quod (vt ex doctrina huius articuli colligitur) ex triplici capite provenire potest, quod peccatum aliquod sit veniale ita vt propter suam leuitatem non tollat ordinem ad vltimum finem, nec dissoluat amicitiam inter nos & Deum: scilicet, *vel ex genere suo*, siue obiecto, vt cum versatur circa id, quod suapte natura non repugnat charitati Dei aut proximi, vt verbum otiosum; *vel quia*, licet ex parte obiecti considerati secundū suā naturā, sit graue, & pugnans cum charitate: tamen propter paruitatem ipsius obiecti sit leue, vt furari obolum; *vel propter imperfectionem actus ex parte principij*, vt cum sit sine plena deliberatione.

TERTIO notandum, etiam manere explicatum ex doctrina huius articuli, quando peccata venialia differant specie à mortalibus, nam cum species

peccatorum iunguntur ex obiecto, tunc peccata distinguuntur inter se specie, cum habuerint distincta obiecta: & tunc erunt eiusdem speciei, quando habuerint idem obiectum; & consequenter, peccatum, quod fuerit veniale ex genere suo, distinguetur specie à mortali, quoniam habebit obiectum distinctum ab obiecto peccati mortalis; quod vero solum fuerit veniale propter defectum deliberationis, vel, propter paruitatem materię, poterit esse eiusdem speciei cum mortali, quia poterit convenire cum ipso in obiecto, ut patet in furto magnę & parvę quantitatis, & in motibus adulterij, quorum unus sit plene deliberatus, & alter non.

Verum advertendum cum CAIST. quod, cum dicimus, peccatum mortale aliquando differre specie à veniali: non est sensus, quod formaliter distinguantur specie per differentias mortalis & venialis, ita ut ipsa gravitas vel levis sit differentia constituentes distinctas species in huiusmodi peccatis; sed quod istę differentię in illo casu præsupponunt species distinctas, quę sumuntur ex obiectis distinctis.

§. 1. mortale & veniale aliquando differunt specie.

SED obijci potest esse impossibile, quod in aliquo casu peccatum mortale non distinguatur specie à veniali, quoniam tam averſiones istorum peccatorum, quam cõversiones distinguuntur inter se specie: ergo nihil est in istis peccatis, ratione cuius possint esse eiusdem speciei; *consequentia* patet, quia nihil est in eis præter averſiones & cõversiones; & *antecedens* probatur, quoniam averſiones distinguuntur specie, siquidem una est à fine ultimo, & altera non, & averſiones sumunt distinctionem ex terminis, à quibus sit recessus; ergo etiam cõversiones distinguuntur inter se specie, patet *ista consequentia*, quia dubio ultimo articuli præcedentis in probatione secundę conclusionis dictum est, esse impossibile, quod cõversiones aliquorum peccatorum sunt eiusdem speciei, & quod averſiones differant specie.

Respondetur negando primum antecedens, vel ut respondeamus ad eius probationem, *supponendum* est, quod in peccato mortali sunt duę averſiones, quarum una est ab obiecto, proximo virtutis oppositę, siue à lege, qua prohibetur; & altera à fine ultimo; nam quod propter peccatum mortale auertamur ab utroque obiecto certum est, ex supra dictis: quod vero istę averſiones distinguantur, patet, *tum quia* habent terminos distinctos, *tum etiam quia in secunda* conveniunt omnia peccata mortalia; & *in prima* differunt, sicut differunt virtutes, aut præcepta, quibus opponuntur; & ex his averſionibus, *prima* est formalis, & intrinseca, atque essentialis ipsis peccatis, secundum suos gradus específicos, siue consistat in positiva contrarietate, ad rationem ut nos diximus, siue in privatione conformitatis ad legem aut rectitudinis, ut alij dicunt; & consequenter pertinet ad distinctas species, quando peccata differunt specie, & ad eandem speciem, quando peccata sunt eiusdem speciei *secunda* vero est virtualis, & non est intrinseca, & essentialis peccatis mortalibus, sed consequitur ad eorum essentias; & *hoc supposito* ad formam illius probationis, concedendum est

antecedens, quoniam intelligitur de secunda averſione peccati mortalis, & neganda est *consequentia*, neque obstat id, quod refertur ex articulo præcedenti, quia intelligitur de prima averſione.

Sed obijciens, quia sequitur ex hac solutione, quod in peccatis, quę solum sunt venialia propter defectum deliberationis, aut propter paruitatem materię, reperitur averſio à Deo ut ab ultimo fine, probatur sequela, quia in his peccatis est essentia peccatorum mortalium, quę versantur circa eandem materiam, ut dictum est: ergo etiam est in eis averſio ab ultimo fine, quę consequitur ad hanc essentiam in peccatis mortalibus; patet *ista consequentia*, quia proprietates comitantur inseparabiliter essentias ad quas consequuntur.

Respondetur, negando sequelam, & ad probationem dicendum est, quod illa averſio non cõsequitur ad essentiam peccati mortalis absolute, sed supposito quod in individuo habeat perfectionem ex parte materię, & ex parte agentis, quę sufficiat, ut sit offensa gravis: & ideo non est necesse, quod reperitur, ubicumque fuerit illa essentia; sed ubi fuerit cum prædicta perfectione, aut gravitate: cuius rei multa sunt exempla in naturalibus; nam vir & puer habent eandem essentiam hominis, & tamen vir, quoniam habet hanc essentiam cum perfectione requisita in individuo potest generare, & puer non potest, quia caret illa perfectione; & calor intensus & remissus sunt eiusdem speciei, & tamen intensus expellit formam aquę, quod remissus non potest facere; & tandem, febris intensa & remissa possunt esse eiusdem speciei, & tamen prior tollit principium vitę, & posterior non tollit ipsum, sed solum est causa alicuius deordinationis in corpore; potest etiam addi, quod illa averſio ab ultimo fine non consequitur essentiam peccati mortalis per modum proprietatis phisicę, sed cõcomitatur ipsam, quia est virtualiter & interpretative volita, quod est exponendum secundum moralem quãdam & prudentem interpretationem voluntatis eius, qui peccat mortaliter, ut colligitur ex D. THOMA in solutione ad primum huius articuli, ubi, ut explicet, qua ratione peccatum mortale auertat à Deo, ut à fine ultimo, & ab eius amicitia ita inquit: *ex hoc ipso, quod aliquis eligit id, quod repugnat divinę charitati, convincitur præferre illud charitati divinę, & recta prudentia dicitur, quod concurrere tali quantitate, materię, & perfectę deliberatione ad offensam sit illa offensa sufficiens ad dissolvendum amicitiam & non aliter: & consequenter solum qui vult cõmittere offensam contra Deum cum illis cõditionibus, vult separari à divinã amicitia & charitate.*

§. 2. Sed non semper differunt specie

VLTIMO notandũ, quod aliqui existimant, semper peccata venialia, etiam si solum sunt venialia propter paruitatem materię, vel propter defectum deliberationis, differre specie à peccatis mortalibus, non quidem ex parte obiecti, quoniam in obiecto possunt convenire cum eis, ut constat in exemplis supra adductis; sed propter quandam aliam differentiam specificam moralem, quę communis est omnibus peccatis mortalibus, & non venialibus, etiam si conveniant cum eis in obiecto; quod ita probat, *peccatum mortale non solũ*

impo rtat

importat deformitatem in ordine ad suum obiectum, sed etiam in ordine ad finem ultimum, quatenus est virtualis auersio ab ipso: sed ista deformitas distinguitur specie ab illa; ergo peccatum mortale importat duas deformitates specie distinctas, & ex consequenti duas differentias specificas malitiæ moralis. Maior est nota, quia non minus est malum, auerti à fine ultimo, quam conuerteri ad obiectum prohibitum, ut repugnans ordini ad ipsum finem; & minor probatur, quia illæ deformitates diuersis rationibus aduersantur rectæ rationi, nam prior aduersatur ei, quatenus est regula iustitiæ, temperantiæ, &c. posterior vero, quatenus est regula amoris, & subiectionis ad Deum, ut ad ultimum finem; & ita isti dicunt, deformitatem secundam esse eiusdem speciei in omnibus peccatis mortalibus, & reduci ad speciem malitiæ odij Dei, quoniam opponitur amoris debito Deo, ut fini ultimo; sicut malitia, quæ oritur ex circumstantia indirecte volita, reducitur ad illud vitium, ad quod pertineret, si esset directe volita.

Sed hæc sententia mihi non placet, quoniam peccatum mortale nihil habet, ratione cuius fundet auersionem ab ultimo fine, potius quàm veniale, cum quo conuenit in obiecto, nisi excessum in deliberatione, aut in quantitate materiæ: ergo propter illam auersionem non habet malitiam distinctam specie à malitia illius peccati venialis, sed maiorem malitiam intra latitudinem eiusdem speciei; probatur consequentia, quia excessus in deliberatione, aut in quantitate materiæ, est differentia penes magis & minus, & ex consequenti pertinet ad circumstantiam quid, ut D. THOMAS docet supra q. 7. art. 3. ad tertium; ergo non dat nouam speciem malitiæ, sed augeat præexistentem: patet ista consequentia, ex D. THOMAS, qui supra q. 18. art. 11. docet, quod circumstantia, quæ, ut sit bona vel mala, supponit aliquam aliam conditionem, per quam actus habeat, quod sit bonus vel malus moraliter; non dat actui peculiarem speciem bonitatis aut malitiæ, sed augeat illam, quæ sumitur ex conditione præsupposita; & apponit exemplum in magna & parua quantitate respectu furti.

Ex hoc patet solutio ad argumentum illius sententiæ, nam cum auersio ab ultimo fine non sit aliquid formaliter in peccato, præter quantitatem ex parte deliberationis & materiæ, ratione cuius fundat illam interpretationem; sicut ista quantitas non importat malitiam distinctam specie ab ea, quæ sumitur ex obiecto, ita nec ipsa auersio importabit eam; & ad formam argumenti, neganda est minor; & ad probationem, negandum est, quod auersio ab ultimo fine aduersetur rectæ rationi secundum aliam rationem distinctam ab ea, quæ aduersatur ipsi essentia peccati; quoniam formaliter, & actu nihil addit essentia præter quantitatem supra explicatam, & hæc non importat ordinem ad rationem, nisi ut modus ipsius essentia; & ita plenitudo deliberationis, & magnitudo materiæ secundum se non importat determinate repugnantiam ad rationem, sed potest importare repugnantiam, aut conuenientiam, iuxta naturam materiæ, cui adiungitur, ut retuli ex D. THOMAS.

ARTICVLVS III.

Vtrum peccatum veniale sit dispositio ad mortale?

SUPPONIT D. THOMAS, dupliciter posse vnum actum disponere ad alium, scilicet directe, hoc est inclinando, & mouendo ad ipsum; aut indirecte, hoc est tanquam remouens prohibens, & hoc supposito statuit tres conclusiones, quarum

PRIMA est ista, peccatum veniale ex genere non potest per se primo disponere priori modo, hoc est directe, ad peccatum mortale ex genere.

SECUNDA CONCLUSIO, peccatum veniale ex genere potest per quandam consequentiam disponere directe ad peccatum, quod licet ex obiecto esset veniale, tamen ex parte agentis sit mortale, in quantum ille, qui peccat, constituit in peccato veniali finem suum.

TERTIA CONCLUSIO, indirecte, hoc est remouendo prohibens, potest peccatum veniale ex genere disponere ad mortale ex genere.

COMMENTARIVS.

CIRCA primam conclusionem est DUBIUM, quia D. THOMAS in solutione ad tertium, constituit hoc discrimen inter opus bonum, & peccatum veniale, quantum ad hoc, quod est disponere ad peccatum mortale: quod opus bonum non est per se dispositio ad peccatum mortale; sed solum potest esse per accidens occasio vel materia peccati venialis: at vero peccatum veniale per se disponit ad mortale; ergo contradicit huic conclusioni, quatenus negatur, peccatum veniale disponere per se ad mortale.

AD hoc respondet CONTRA D. quod particula, per se, in illa solutione, non determinat actu disponendi, ita ut sit sensus, peccatum veniale disponere per se ad mortale; sed determinat peccatum, ita ut sit sensus, peccatum veniale per se. i. in quantum tale, siue ex propria natura habere, quod disponat ad mortale, quamuis non disponat per se, sed per accidens; in quo differt ab actu virtutis, qui non habet, in quantum talis, siue ex propria natura, disponere villo modo ad peccatum mortale, neque ex propria natura est occasio peccandi, sed solum propter prauum affectum operantis, qui vitio suo ex bonis operibus sumit occasionem male agendi; & ideo appellatur occasio non data, sed accepta; sicut de eo, qui laborat vitio inanis gloriæ, docet CASSIANVS lib. 11. qui est de spiritu cænoxiæ, per multa capita, & collatione 5. cap. 10. quod ex ipsis virtutibus sumit occasionem propriæ elationis; & hæc solutio est optima, nam quamuis dici posset; D. THOMAS in conclusione non negare, quod peccatum veniale disponat per se ad mortale; sed solum quod disponat

per se primo, & ita in secunda admittere, quod disponat per quandam consequentiam, quod est disponere aliquo modo per se; tamen sic non explicatur omnino discrimen inter peccatum veniale, & opus bonum, quantum ad vim disponendi, quod in illa solutione vult docere D. T. quoniam ulterius posset inquiri, an, quantum ad modum disponendi indirecte, qui etiam conuenit peccato veniali per se. i. ex propria natura, sit aliquod discrimen inter ipsum, & bonum opus? & hoc explicatur optime in solutione CONRADII.

CIRCA secundam conclusionem, posset inquiri, quia ratione ex parte agentis proneniat, quod peccatum veniale ex genere fiat mortale; sed hoc dicam articulo sequenti.

CIRCA tertiam conclusionem, aduertendum, quod præter rationem, qua D. THOMAS eam confirmat, posset reddi alia, scilicet, quod, qui non cauet peccata venialia, priuatur aliquibus auxilijs, quibus facilius posset vitare mortalia.

SED adhuc inquiri posset, circa has conclusiones, cur D. THOMAS in eis non meminit peccati venialis ex defectu plena deliberationis & ex paruitate materia, sed solum venialis ex genere? RESPONDETUR cum CAISTANO, rationem esse, quod sit notum, illa peccata directe disponere per se primo ad mortalia ex genere, quoniam comparatur ad ipsa sicut perfectum, & imperfectum in eadem specie formæ, aut actus: itaque, sicut calor remissus disponit ad maiorem, ita odium non plene deliberatum, tanquam forma imperfecta, disponit ad plene deliberatum, vt ad formam perfectam; & sicut paruum ad magnum.

Ex doctrina huius articuli colligitur, quanta cura sint cauenda peccata venialia, siquidem tot modis disponunt ad mortalia; pro quo facit illud Ecclesiastici 19. qui spernit modicum, paulatim decidet; & de hoc multa dicunt Sancti, quorum testimonia refert CANISIVS in Cathecismo, capite de peccatorum expiatione; §. 2. neque tamen propterea sequitur, peccare mortaliter eum, qui ex consuetudine committit peccata venialia: quoniam periculum, quod ex hac parte imminet peccandi mortaliter, non est tam proximum, vt sufficiat ad peccatum mortale; quod tamen intelligendum est per se, & quantum est ex parte periculi prouenientis ex frequentia peccatorum venialium: nam ex alio capite poterit esse peccatum mortale, sc. ratione scandali, conscientie erronee, & periculi proximi prouenientis ex alia parte, vt cum quis videt, quod ex continuatione, aut frequentatione alicuius colloquij, exponitur proxime periculo incidendi in peccatum mortale, propter suam infirmitatem.

ARTICVLVS IV.

Vtrum peccatum veniale possit fieri mortale?

PRIMA CONCLUSIO. Idem numero actus non potest primo esse peccatum veniale, & postea mortale.

SECUNDA CONCLUSIO. Peccatum veniale ex ge-

nerere, potest fieri mortale ex genere, ex parte agentis, & hoc duobus modis: primo, quoniam agens constituit in ipso vltimum finem; secundo quia ordinat ipsum ad aliquid, quod est peccatum mortale, sicut ad finem.

TERTIA CONCLUSIO. Plura peccata venialia non possunt constitumere vnum peccatum mortale integraliter. i. ita vt ex ipsis integretur peccatum mortale bene tamen id possunt dispositine, in quantum multa peccata venialia disponunt ad peccatum mortale duobus modis explicatis articulo precedenti.

COMMENTARIVS.

CIRCA primam conclusionem est Dubium.

§. 1. Vtrum sit vera?

ET PARS affirmatiua probatur aperto testimonio D. THOMÆ; negatiua vero, quia idē actus numero potest esse successiue bonus & malus, vt docet D. Tho. supra q. 20. art. 6. ergo etiam poterit esse successiue malus venialiter, & mortaliter.

IN hoc dubio, non inquirimus vtrum idem numero actus possit simul habere malitiam venialem, & mortalem: quoniam in hoc certa est pars affirmatiua, nam si quis dicat simplex mendacium propter aliquod peccatum mortale, actus eius habebit malitiam venialem mendacij contra veritatem, & malitiam mortalem ex parte finis: sed solum inquirimus, vtrum idem numero actus possit esse successiue peccatum veniale, & mortale? hoc est ita vt primo sit veniale, & postea mortale. Et est difficultas de actu externo & interno; & de utroque, tam in genere naturæ, quam in genere moris.

DICO PRIMO, idem actus numero in genere naturæ, siue sit externus, siue internus, potest esse successiue peccatum veniale & mortale; ita hoc concedit ALMAINVS tract. 3. moral. cap. 21. & idem tenentur concedere, qui dicunt, eundem numero actum in genere naturæ, siue internum, siue externum, posse esse successiue bonum, & malum, de quorum numero sunt CAIET. supra q. 20. art. 6. & DURANDVS in 2. d. 4. q. 3. & multi ex recentioribus; & probatur primo QUOD ACTVM EXTERNVM, quia eadem visio externa manens omnino immutata in sua entitate naturali, potest primo ordinari ad finem malum venialiter, & postea ad finem malum mortaliter; & hoc idem argumentum fieri potest de quocumque actu interno, etiam voluntatis, prout habet rationem imperati, deinde probatur QUOD ACTVM INTERNVM, qui tantum sit elicited a voluntate, primo, quia eadem volitio obiecti potest continuari, si maneat eadem apprehensio bonitatis, propter quam est volitum, quāvis in principio conscientia probabiliter dictet, esse tantum peccatum veniale, & postea accedat conscientia siue vera, siue erronea, dictans esse peccatum mortale: ergo in isto casu idem numero actus voluntatis erit prius peccatum veniale, & postea mortale; probatur antecedens, quia manente eadem apprehensione bonitatis, quæ mouet voluntatem ex parte obiecti, potest manere eadem volitio, quamuis mutetur dictamen conscientie circa gravitatem peccati.

Secundo

Secundo, circa obiectum mortale potest continuari idem numero actus voluntatis, quamvis in principio non sit in intellectu deliberatio sufficiens ad peccatum, & postea sit deliberatio semiplena; quæ sufficit ad veniale; & tandem plena, quæ sufficit ad mortale: quia cū ista mutatione deliberationis potest manere eadem apprehensio bonitatis quæ mouet ex parte obiecti; ergo idem numero actus voluntatis potest primo carere omni culpa, & postea habere culpam venialem, & tandem mortalem.

Tertio idem numero actus voluntatis potest in principio habere parvam intensiōem, & postea maiorem; ergo etiam potest primo terminari ad materiam leuem, v.g. ad mendacium simplex, & postea extendi ad grauem, si accedat prohibitio grauis, ipso homine aduertente in aliquo casu; neque potest negari, quod possit prohiberi sub mortali id, quod de se tantum est malum venialiter: cum eius ligni vetiti fuerit ita prohibitus primis parentibus, qui tamen de se non erat malus, & ex consequenti potest esse primo peccatum veniale, & postea mortale.

DICO SECUNDO actus internus voluntatis manens idem numero in genere moris, potest primo esse peccatum veniale, & postea mortale & idem est dicendum de actu externo, aut interno imperato à voluntate; PRIMA PARS probatur, quia in casibus argumentorum, quibus probauimus præcedentem conclusionem, manet in actu voluntatis eadem malitia moralis secundum speciem: ergo etiam in individuo; ergo actus voluntatis manet idem numero in genere moris. PRIMA consequentia patet, quia nulla est ratio, cur, si manet eadē in specie, non maneat eadem in individuo, quandoquidem non mutatur subiectum; & ex hoc patet secunda, quoniam actus voluntatis dicitur esse formaliter in genere moris, quatenus habet malitiam aut bonitatem moralem; & actus, de quo loquimur, retinet eandem malitiam in individuo; secunda etiam pars probatur, quia eadem numero malitia moralis est in actu interno voluntatis, & in externo, aut in quocumque imperato.

AD TESTIMONIUM D. THOMÆ, respondetur, intelligi de actu externo in genere moris, & de interno voluntatis, etiam in genere naturæ: non tamen in rigore metaphysico, & ita ut repugnet oppositum; sed iuxta id, quod regulariter accidit, quia regulariter solet mutari actus voluntatis; cū cognoscitur maior obligatio ad oppositum, aut incipit maior aduertentia intellectus ad huiusmodi obligationem.

5. 2. Quibus modis veniale peccatum fieri solet mortale.

CIRCA secundam conclusionem, aduertendum, multis modis posse contingere, quod peccatum veniale ex genere, fiat mortale; primo, propter conscientiam erroneam; secundo propter periculum proximum incidendi in peccatum mortale; tertio, quia ordinatur ad peccatum mortale ut ad finem. Quarto propter contemptum. Quinto, quia constituitur in ipso, aut in eius obiecto, ultimo finis; & de tribus prioribus modis nulla est

difficultas: de quarto vero, & quinto est difficultas.

Nam circa quartum inquiri potest, quid intelligatur per contemptum? ad quod respondetur, cum CAIET. in summa verbo contemptus, intelligi contemptum formalem legislatoris aut legis, qui consistit in hoc, quod est absolute nolle subijci; & ita peccare venialiter, ex contemptu, est peccare ex proposito non subijciendi se legi absolute; ex quo fit ut peccare venialiter ex contemptu peccati venialis ut veniale est, non sit peccatum mortale; quia iste contemptus non terminatur ad præceptum absolute, sed cum determinatione ad materiam leuem; neque est eadem ratio, si quis peccaret venialiter ex contemptu peccati in genere, siue ut est commune ad mortale & veniale: quia contemptus in isto casu terminatur ad præceptum absolute, & sine determinatione ad leuiam propter communitatem & indeterminationem generis, quæ non continetur ad æquate in qualibet specie, quamvis contineatur eius actualitas.

De quinto etiam potest inquiri, quid sit constituere ultimum finem in obiecto peccati venialis: ad quod ADRIAN. quodlibeto. 7. art. 2. respondet, esse, diligere magis intensius illud obiectum, quam Deum; in quo tamen aperte decipitur primo, quia supponit fundamentum falsum, scilicet, quod diligere aliquid super omnia, aut per modum ultimi finis, est diligere maiori intensiōe quam reliqua; ut late probari solet in materia de charitate.

Deinde, quia alias sequeretur, quod, qui cum hac intensiōe diligeret aliquod obiectum bonum extra Deum, peccaret mortaliter; & tandem, quia, ut homo dicatur diligere illud obiectum magis quam Deum est, quod fiat comparatio in intensiōe ad aliquam dilectionem Dei, & tamen neque hæc erit summa, qua homo posset habere cum auxilio Dei, tum quia nulla datur summa in intensiōe, tum etiam quia non obligatur ad eam; neque ea, quam de facto habet, cū ita diligit illud obiectum, quia tunc non diligit actu Deum; neque aliqua alia determinata, quia nulla est signata, qua non posset homo habere aliam intensiorem cum auxilio Dei; & ex consequenti, sequeretur quod si homo diligeret obiectum peccati mortalis dilectione æqualis intensiōis cum illa signata, peccaret mortaliter, quamvis habeat charitatem intensiorem, & possit diligere Deum multo intensius.

Et Confirmatur, quia cum non cognoscatur quanta sit ista intensiō, sequeretur, quod, quotiescumque homines ardentem amant obiectum peccati venialis, possit merito dubitare, an peccarent mortaliter; & ex consequenti, quod propter hoc dubium teneantur confiteri huiusmodi peccatum, quod est nimis durum.

QUARE dicendum est, quod diligere obiectum peccati venialis ut finem ultimum, est diligere ipsum appetitiue plusquam Deum; quod potest contingere duobus modis, primo, explicitè, ut cum homo expresse vult constituere in ipso suam ultimam felicitatem, quod raro contingit, & est grauissimum peccatum; secundo implicitè, ut cum homo ita diligit illud obiectum, ut ex vi sui affectus & amoris sit paratus transgredi propter ipsum præcepta obligantia sub mortali, & ita hoc explicat D. THOMAS 2. 2. q. 132. art. 3. & in 2. d. 24. q. 3. art. 6. CAIET. in summa verbo ambicio & Siluester verbo peccatum primo numero 3. & iuxta hanc

sentum exponendum est dictum AUGUSTINI, quod refertur in decreto d. 25. c. *unum orarium* §. 1. *nullum peccatum est adeo veniale, quod non fiat criminale, dum placet*; nam intelligitur, si placet ut ultimus finis, vel ratione contemptus, atque ita exponitur ibi à glossa.

§. *An plura venialia possunt constituere unum mortale.*

Circa ultimam conclusionem, advertendum, esse proculdubio veram, ut colligitur ex ratione D. THOMÆ, & ex alijs quibus ad eius confirmationem videtur ipse q. 7. de malo, art. 3. & VEGA lib. 14. in Concilio Tridentinum, cap. 9.

Neque obstat, quod AUGUSTINUS in lib. 50. homil. homilia ultima (& refertur de penitentia d. 1. c. *tres sunt*) dicat, loquens de peccatis venialibus, quod si collecta contra nos fuerint, ita nos gravabunt, & opprimunt, sicut unum aliquod grave peccatum; nam intelligitur, quod gravabunt dispositivè, quia disponent ad mortale. Quod non satis intellexit glossator ibid. & eodem modo exponenda sunt alia testimonia similia AUGUSTINI, & ita exponuntur à D. THOMÆ hic ad primum, & supra, ad primum; quæ etiam refert VEGA. loco citato.

Neque etiam obstat, quod malitia peccati mortalis sit finita simpliciter, & quod quælibet quantitas finita possit additione adequari, & superari; nam cum hoc stat, quod sit infinita extrinsece, i. ratione obiecti, & quod sit altioris ordinis in ratione offensæ, quia est offensa gravis; & tamen veniale, quantumque multiplicetur, semper est offensa levis, & in rebus diversorum ordinum nunquam inferior potest aliqua additione pervenire ad quantitatem & perfectionem superioris, etiamsi sint eiusdem speciei; ut multis exemplis explicui questione præcedenti; & ita respondet D. THOMAS q. 7. de malo art. 3. ad 15.

Neque tandem obstat, quod facta levia multiplicata constituent peccatum mortale, cum in eis pervenitur ad magnam quantitatem; & idem est de omissionibus levis aliquarum partium officij divini, & de violationibus in materia levi alicuius voti; nam respondetur, quod in his & similibus dupliciter possunt multiplicari actus, vel omissiones in materia levi: primo sub vna numero volitione continuata vel formaliter, vel virtualiter; secundo sub diversis volitionibus; & in priori casu constituunt unum peccatum mortale, quando in eis pervenitur ad materiam gravem: non quia sint multa venialia simul sumpta, sed quia respectu volitionis constituunt unum obiectum grave, & sufficiens ad peccatum mortale; in posteriori vero non constituunt unum peccatum mortale; sed plura venialia; Quod si aliquis ex-

A multiplicatione furtorum leviū redneat apud se magnam quantitatem, tunc peccabit mortaliter: non propter multiplicationem peccatorum venialium, sed quia tunc habet unum actum vel omissionem contra obligationem restituendi in materia gravi; & ideo tunc etiam poterit incurere excommunicationem, de quo videndi sunt VEGA loco citato, Nauarrus manual. cap. 17. n. 140. Soto lib. 5. de iustitia q. 3. art. 3. ad 3. & Cordus, visum q. 70.

ARTICVLVS V.

Vtrum circumstantia possit facere de veniali mortale?

CONCLUSIO, sola circumstantia, quæ adfert deformitatem alterius generis facit de peccato veniali mortale.

COMMENTARIVS.

INTELLIGITUR de veniali ex genere, ut constat ex ratione articuli: & ita non obstat, quod quantitas materiæ in furto, quæ non dat novam speciem, & plenitudo deliberationis in motu adulterij, faciat de peccato veniali mortale.

Quod si obijcias casum primum secundæ conclusionis articuli præcedentis; scilicet, quando constituitur finis ultimus in obiecto peccati venialis? Respondetur, quod tunc illa circumstantia dat peccato novam speciem aut infidelitatis, aut idolatriæ, aut contra charitatem; ut ibi explicatum est; & ita peccatum in illo casu habet duas species, scilicet hanc, & aliam sumptam ex proprio obiecto.

ARTICVLVS VI.

Vtrum peccatum mortale possit fieri veniale?

CONCLUSIO. Peccatum mortale non fit veniale per hoc, quod ei addatur aliqua deformitas pertinet ad genus peccati venialis: sed per quandam subtractionem, scilicet, deliberatam rationis, per quam subtractionem soluitur species. Et intelligitur, de solutione speciei quantum ad gravitatem accidentalem; non quantum ad essentiam, quoniam hæc manet eadem in peccato veniali.

QVÆSTIO LXXXIX.

DE PECCATO VENIALI SECUNDUM SE.

ARTICVLVS I.

Vtrum peccatum veniale causet maculam in anima.

CONCLUSIO. Peccatum veniale proprie loquendo non causet maculam in anima, sed secundum quid, in quantum impedit nitorem, qui est ex actibus virtutis.

COMMENTARIVS.

CIRCA conclusionem hanc inquiri potest, an transacto actu peccati venialis maneat aliquid in homine, quod habeat rationem peccati habitualis, & macule: & quid sit illud?

AD HOC SCOTVS in 4. d. 21. q. 1. & GABR. d. 16. q. 5. art. 1. notab. 2. dicunt, nihil remanere transacto actu peccati venialis, præter reatum ad pœnam temporalem ipsi respondentem: in quo loquuntur consequenter ad id, quod retul. q. 86. articulo ultimo, dixisse ipsos de peccato mortali.

SED consequenter ad ea, quæ ibi dixi de macula peccati mortalis, DICO PRIMO transacto actu peccati venialis manet in homine aliquid, quod habeat rationem peccati habitualis, & aliquid quod habeat rationem macule. PRIMA PARS patet ex illo 1. Ioa. 1. si dixerimus, quoniam peccatum non habemus, ipsi nos seducimus, & veritas non est in nobis; quod & de iustis intelligitur, cū IOANNES seipsum connumeret & potest intelligi de ijs etiam, cum actu non peccant venialiter; & ex illo Matth. 6. dimitte nobis debita nostra, quod esse iustorum vocem humilem & veracem, definitur in Concilio TRIDENTINO sessione sexta decreto de iustificante cap. 11. Item, quia, postquam transit actus peccati venialis, aufertur peccatum veniale: & non quia fiat quod actus non fuerit, neque solum quia remittatur pœna debita pro ipso; ergo quia aufertur culpa habitualis, quæ mansit, postquam transit actus. SECUNDA etiam probatur testimonio D. THOMÆ, qui 3. p. q. 87. art. 2. ad tertium docet aperte, ex peccato veniali relinqui maculam in anima; & videtur colligi ex locis scripturæ, in quibus generaliter dicitur, nullum in hac vita esse omnino sine macula; nam hoc videtur verificari ratione huius maculæ, quia sæpe homines sunt sine peccato actuali, & sine macula peccati mortalis; & ex illo 1. Ioa. 13. qui lotus est, non indiget, nisi ut

A lauet pedes, nam si pedes, (per quos ut exponit AUGUSTINVS tomo 9. tract. 56. & 57. Ioa. significatur affectus terreni, qui sunt in sanctis & iustis sine peccato mortali, non tamen sine veniali) dicuntur lauari, supponitur aperte ipsos esse quoddam genus immunditiei, & maculæ.

DICO SECUNDO, culpa habitualis, quæ manet transiente actu peccati venialis, consistit formaliter in priuatione habituali conformitatis cum lege, cui peccatum veniale opponitur. Hoc patet ex ijs, quæ loco citato dixi de peccato habituali mortali: & est intelligendum de priuatione conformitatis proportionata oppositioni cum lege, quæ fuerit in peccato actuali nam si in peccato actuali fuerit imperfecta contrarietas ad legem, cui opponitur, vel propter defectum deliberationis, vel propter paruitatem materiæ, etiam peccatum habituale erit imperfecta priuatio conformitatis cum eadem lege;

B DICO TERTIO, Macula, quæ manet ex peccato veniali, consistit in ista priuatione habituali conformitatis cum lege: & præterea in homine elevato ad finem supernaturalem importat priuationem eius nitore seu decentiæ, quam anima habet ex eo, quod exercet actum, vel elicium, vel imperatum à charitate. PRIMA PARS patet ex ijs, quæ dixi loco citato de macula peccati mortalis, quia etiam ista priuatio conformitatis cum lege, inquinat, & fædat suo modo animam; & SECUNDA probatur in primis testimonio D. THOMÆ, qui tam hic, quam loco citato ex tertia parte, constituit maculam peccati venialis in priuatione illius nitore. Et præterea ratione, quia, cum ex actibus charitatis resultet in anima anima quædam pulchritudo, & decentia, quam D. THOMAS appellat nitorem, & fulgorem actualem: necesse est, quod ablatio istorum actuum sit quædam macula; quod vero peccatum veniale sit causa ablationis istorum actuum, probatur, quia, licet non auferat eos omnino, tamen impedit, ne eliciantur, non solum apponendo, quantum est de se, impedimenta prauorum habituum & passionum insurgentium; sed etiam reddendo hominem indignum, non quidem gratia, & charitate, sed quadam familiaritate, & specialissimis auxilijs, quibus feruor charitatis excitatur, & potentia redduntur habiles, & promptæ ad eius actus.

C Sed aduerte, maculam istam peccati venialis non esse simpliciter maculam, sicut maculam peccati mortalis: sed solum secundum quid; nec denominare hominem simpliciter iniustum, imo nec peccatorem; sed secundum quid; non quia peccatum veniale non sit simpliciter peccatum: sed

quia



capite 22. qui omnes dicunt, potuisse Adamum in illo statu committere peccatum, quod esset veniale ex genere suo, aut ex paruitate materię; imo & ex defectu deliberationis, siue ex surreptione, non quidem appetitus sensitui, sed rationis, cuiusmodi esset motus subitus, & indeliberatus infidelitatis; aut desperationis.

Probatur hæc sententia PRIMO, quia gratia & charitas in illo statu non minus perfecte coniungunt hominem Deo, aut legi, quam coniungeret iustitia originalis in statu innocentię: sed homo in illo statu cum gratia & charitate potest peccare venialiter; ergo etiam in statu innocentię cum iustitia originali.

SECUNDO, posset homo in illo statu dicere verbum otiosum, aut mendacium non perniciosum: ergo posset committere peccatum, quod esset veniale ex genere suo; Probatur *antecedens*, quia homo in illo statu non esset minus liber ad mentiendum absolute, quam ad mentiendum cum iuramento, vel ad committendum homicidium, vel aliud peccatum mortale. Et idem argumentum fieri potest de furto veniali propter paruitatem materię.

Confirmatur, quia sicut Deus prohibuit primis parentibus esum ligni vetiti sub mortali, ita potuisset prohibere solum sub veniali, cum esus ipse de se non esset malus: sed eo dato posset homo violare præceptum illud, ergo posset peccare venialiter.

ULTIMO, posset homo in illo habere motum infidelitatis, non plene & perfecte deliberatum: ergo & committere peccatum veniale ex defectu deliberationis, siue ex surreptione; *consequentia* patet, quia motus ille esset malus, & propter defectum deliberationis non esset peccatum mortale; & *antecedens* probatur, quia, cum motus iste possit provenire ex deordinatione, aut defectu virtutis superiorum sine villo motu appetitus sensitui (vt D. THOMAS docet, & probat superius q. 74. art. 10.) & illam deordinationem non impediret iustitia originalis; non est cur homo in illo statu non posset habere huiusmodi motum.

§. 2. Sententia D. Thome id negans præfertur & stabilitur.

SIT CONCLUSIO, homo in statu innocentia nullo modo posset peccare venialiter; hoc est non posset committere peccatum, quod vel propter paruitatem materię, vel propter defectum deliberationis, vel ex genere suo esset veniale; in hac conclusione conveniunt D. T. hoc loco, & in 2. d. 21. q. 2. art. 2. & q. 7. de malo art. 7. ALEXANDER 2. p. q. 104. membro. 6. RICARDVS in 2. d. 31. circa tertium principale q. 1. BONAVEN. ead. d. art. 3. q. 1. DURAND. q. 4. CAPREO. q. 1. CAIST. & CONTRA. hic SOTO lib. 1. de nat. & gratia capite sexto in fine, & MARTEL. in 2. q. 14. art. 2. & probatur PRIMO quia D. AUGUSTINVS lib. 14. de ciuit. c. 10. appellat statum illum beatum & felicem, & præterea de ipso ita inquit, *nec aberat quicquam, quod bona voluntas adipisceretur; nec inerat, quod carnis animusque hominis feliciter vivens offenderet*; constat autem, quod peccatum veniale offenderet animam hominis, iudicantem de rebus secundum rectam rationem.

SECUNDO, ex peccato veniali sequitur reatus

pænæ, etiam sensus; sed repugnat felicitati illius status, quod homo, quamdiu esset in eo, pateretur aliquam pænā, aut haberet debitum patiendi eā; ergo & quod peccaret venialiter.

AD HOC SCOTVS loco citato respondet, quod quamvis ex peccato veniali sequeretur tunc reatus alicuius pænæ, tamen hæc pænā solū esset quedam displicentia, quæ non repugnaret illi statui.

Sed contra, quia displicentia interna non minus repugnaret illi statui, quam alia pænā externa; & præterea, quia peccatum, cui ista displicentia responderet, offenderet animam hominis, atque adeo non esset verum id, quod ex AUGUSTINO reulimus, scilicet, quod in illo statu nihil esset, quod offenderet animam hominis; & tandem, quia, si homo ante translationem ex paradiso non haberet illam displicentiam, deberet puniri alia pænā post translationem.

SECUNDO respondetur, quod ex peccato veniali tunc non sequeretur reatus pænæ, sed debitum habendi ferventiorē actum charitatis, quam si nō fuisset commissum peccatum; & per huiusmodi tenuiorem consumeretur peccatum.

Sed neque hoc placet, quoniam actus charitatis habet, quod sufficiat ad remissionem peccati venialis, quatenus est virtualis pænitentia de ipso: ita quod, si cogitatio peccati occurreret, exiret in pænitentiam, & displicentiam formalem, vt dicitur solent in materia de pænitentia; ergo si in illo statu potest reperiri actus charitatis vt remedium contra peccatum veniale, etiam poterit reperiri pænitentia, aut displicentia formalis, quod est impugnatum. Item quia, quamvis nunc etiam sufficiat ad remissionem peccati venialis actus charitatis, quatenus est pænitentia virtualis: negari non potest, quod ex peccato veniali sequatur reatus pænæ temporalis; ergo idem est dicendum de peccato veniali in illo statu: quia eodem modo esset culpa, & ex culpa per se & ex natura rei sequitur reatus pænæ; & tandem, quia sequitur ultimum inconueniens obiectum contra præcedentem solutionem.

Et *Confirmatur* hæc omnia, quia minus conueniens erat illi statui quævis culpa, etiam leuissima, quam quæcunque pænā, aut infirmitas corporalis: quoniam est maius malum, & maior miseria, ergo si pænā, aut infirmitas corporalis non potuit esse in eo, sequitur, quod neque culpa venialis poterit reperiri.

TERCIO, si homo in illo statu posset (verbi gratia) mentiri iocose, sequeretur, quod isto actu sæpe repetito acquireret habitum mentiendi: at iste habitus non potuit esse in illo statu, quoniam inclinaret ad malum, & ex consequenti inferret difficultatem aliquam in euitatione peccati, & in prosecutione boni, quod esset contra felicitatem illius status; ergo neque actus mentiendi iocose.

Ad hoc ALMAINVS loco citato respondet, quod iustitia originalis impediret, ne generaretur iste habitus.

Sed contra, quia iustitia originalis non haberet oppositionem formalem cum illo habitu. Item, quoniam habitus supernaturales & intus non impediunt, ne ex actibus vitiosis generentur mali habitus naturales.

Alij dicunt, quod Deus impediret hanc generationem.

Sed ne-

Sed neque hoc placet; quia, si, propter dignitatem illius status, impediret Deus generationem habitus, multo magis impediret actum, qui peior est, saltem in genere moris, quam habitus.

Dicunt alij, quod, quamvis generaretur ille habitus, tamen à iustitia originali impediretur, ne inclinaret ad suum actum; sicut appetitus sensitivus ligabatur, ne insurgeret contra rationem.

Sed contra, quia, si iustitia originalis posset ita impedire huiusmodi habitum, melius posset ligare potentiam, ne exiret in actus peccatorum venialium.

ULTIMO potest probari hæc conclusio ratione Divi THOMÆ, quæ optima est, & videnda apud ipsum.

SED RESTAT difficultas,

§. 3. quomodo conveniret homini in illo statu non posse peccare venialiter.

ET UT intelligatur ratio dubitandi, *adverte*, quod quatuor modis potest intelligi hoc convenisse homini in illo statu; primo, quia quodcumque peccatum in illo statu foret mortale, quamvis de se esset veniale; *Secundo* quia per quodcumque peccatum, etiam veniale, amitteretur ille status, & ita nunquam manente illo statu peccaret homo venialiter; *tertio*, quia ratione intrinsecæ dispositionis esset homo ita perfectus in illo statu, quod non posset peccare venialiter; *quarto*, quia externa providentia Dei, & protectione particulari fieret, ut non peccaret venialiter. *Inquirimus ergo quo ex istis modis conveniret homini in illo statu non posse peccare venialiter?*

AD HOC; DICO PRIMO, non conveniret ipsi primo modo, quamvis tribuatur D. BONAVENTURÆ à GABRIELE loco citato, & ab alijs; & probatur ratione D. THOMÆ, quia status, vel dignitas personæ, quamvis sit circumstantia aggravans peccatum, non tamen facit ut peccatum, quod de se esset veniale, sit mortale, nisi interveniat specialis inobedientia, vel votum, aut iuramentum, vel aliquid huiusmodi: sed constat nihil tale intervenisse in illo statu; ergo.

Quod si ita obijcias, quodcumque peccatum in illo statu esset ex contemptu, quia neque esset ex infirmitate, neque ex ignorantia: ergo esset mortale; *Respondetur*, negando antecedens, & ad probationem dicendum est, solum sequi, quod omnia peccata in illo statu essent ex malitia: quod non est satis, ut sint ex contemptu, prout contemptus importat particularem speciem, neque ut sint mortalia, alias mendacium iocosum, quod nunc diceretur scienter, esset mortale.

DICO SECUNDO, neque secundo modo conveniret illud homini in illo statu; probatur, quia in primis iuxta illum modum non verificatur absolute, quod homo in illo statu non posset peccare venialiter; sicut non verificatur propter similem rationem, quod non posset peccare mortaliter, aut quod modo non posset in statu gratiæ: sed solum verificatur facta compositione status, non cum potentia ad peccandum, sed cum ipso peccato; quod potius est, statum ipsum non potuisse manere cum peccato veniali, quam hominem in eo non potuisse peccare venialiter. *Item*, quia falsum est, quod, si homo peccasset tunc venialiter, amisisset illum statum: ut constat ex doctrina D. THOMÆ ad tertium, ubi hoc

A constituit discrimē inter peccatum mortale & veniale; quod mortale corrumpet illum statum, non vero veniale; & ex communi consensu omnium, quia omnes videntur sentire, ita datam fuisse homini perfectionem illius status, ut, nisi peccando mortaliter, non eam amitteret. *Et præterea*, quia amissio illius status, non propter eius perfectionem in se, sed propter mala inde consequentia; gravius pena erat, quā ut pro veniali peccato esset imponenda; & tandem, quia perfectio illius status vel proveniebat ex gratia, ut aliqui volūt; vel saltē fundabatur in ea: ergo sicut propter peccatum veniale non amitteretur gratia, ita neque perfectio status.

Sed obijcies, status ille erat status innocentie: At si Adam peccaret venialiter, amitteret innocentiam; ergo & statum; probatur minor, quoniam innocentia nihil aliud est, quam immunitas ab omni peccato: at, si Adam peccaret venialiter; non esset immunis ab omni peccato; ergo amitteret innocentiam.

Ad hoc RICARDVS loco citato respondet, quod si Adam peccaret venialiter, amitteret innocentiam, quatenus innocentia importat immunitatem ab omni peccato; non tamen quatenus significat immunitatem à peccato mortali; & addendum est, quod isto modo sumitur innocentia, cum status ille appellatur status innocentie.

Sed præcudubio innocentia significat immunitatem ab omni peccato: & negare hoc, est ignorare vim vocis, & communem usum. *Et ideo aliter* respondetur, quod status ille non consistebat in ipsa innocentia, hoc est in immunitate ab omni peccato: sed in habitibus & donis, atque auxilijs, quibus natura conservabatur in sua rectitudine; quare licet venialiter peccando amitteret innocentiam non sequitur quod etiam amitteret statum: quoniam non amitteret habitus illos. *Neque obstat*, quod status ille appellaretur status innocentie; quoniam ratio huius non est, quod consisteret formaliter in innocentia; sed quod haberet eam adiunctam, & quasi contineret radicaliter, in quantum ita perficiebat animam, ut posset in innocentia conservari.

DICO TERTIO, quod homo in illo statu non posset peccare venialiter ex surreptione appetitus sensitivi, proveniebat ex intrinseca dispositione, & rectitudine ipsius naturæ: & idē videtur probabile de peccatis venialibus ex surreptione voluntatis. **PRIMA PARS** patet, quia peccata venialia ex surreptione appetitus sensitivi dicuntur, quando propter motum appetitus sensitivi fit, ut voluntas sine plena deliberatione consentiat: sed per dona habitualia ita perficiebatur appetitus in seipso intrinsece, ut nolum haberet motum inordinatum, quo præveniret rationem, aut insurgeret contra eam; ergo ex intrinseca dispositione hominis proveniebat in illo statu, quod homo non posset peccare venialiter.

SECUNDA etiam pars probatur, quia peccatum veniale ex surreptione voluntatis appellatur, quando executio actus fit à voluntate, antequam consulatur, vel consuli possit lex Dei, ut D. THO. docet in hoc articulo, & superius q. 74. art. 10. sed quod voluntas possit ita operari, est imperfectio naturæ, quæ & poterat sanari, & de facto sanabatur per dona habitualia pertinentia ad iustitiam originalem; ergo ex hac sanitate, & rectitudine intrinseca, quæ natura humana habebat ratione istorum habituum, proveniebat, quod homo in illo statu non posset

peccare

peccare venialiter ex surreptione voluntatis. Probatur minor, quia in primis, quod imperfectio illa posset sanari per dona habitualia, non est dubium; quod vero de facto sanaretur, probatur, quia non minus erat necessarium ad rectitudinem (quam natura humana in illo statu in seipsa & intrinsece habebat) sanari hanc imperfectiorem voluntatis, quam sanari imperfectiorem appetitus sensitivi.

Confirmatur, quia, licet motus isti subiti sint circa objecta supernaturalia & spiritualia, tamē ferē se per oriuntur ex defectu aliquo partis sensitivæ, sc. vel ex motu appetitus, vel ex vehementi & subita apprehensione imaginativæ, vel etiā ex tarditate in operatione, quæ ex parte ipsius requiritur ad discursū, & deliberationem rationis; & ita huiusmodi motus subiti non reperiuntur in angelis, neque in anima separata: sed totus iste defectus partis sensitivæ sanabatur, in illo statu per dona habitualia; ergo etiam efficiebatur per eadem dona, quod non essent in voluntate prædicti motus subiti.

DICO VLTIMO quod homo in illo statu non potuit committere peccatum veniale ex genere suo, vel propter parvitatem materiæ, quod semper fit cū plena deliberatione, non proveniebat ex intrinseca aliqua dispositione nature humanæ, sed ex particulari providētia & protectione, quā a Deo impediebatur, ne ita peccaret. Ita CANVS secunda parte relectionis de Sacramentis in genere, in solutione secūdi, ubi inquit, quod Adā nō poterat ante peccare venialiter, quam peccasset mortaliter, idque Deo specialiter procurante, ne cōtra communem legem in statu innocentie cum culpis admittamus & penas. PRIMA PARS probatur, quia non obstante dispositione intrinseca nature humanæ, poterat homo peccare, eligendo cum plena deliberatione objectum mortale ex genere, & ex gravitate materiæ: ergo etiam, non obstante eadem dispositione, poterat peccare, eligendo plene libere objectum, quod nō esset mortale, vel ex genere suo, vel propter parvitatem materiæ. Patet consequentia, quia non potest intelligi, quod alicui dispositioni ex propria natura repugnet indifferentia ad eligendum cum plena deliberatione minus malū, & non repugnet indifferentia ad eligendū maius malum.

Confirmatur primo, quia tota dispositio, quam Adam habuit in illo statu, non potuit impedire, ne transgrediretur legem obligantem sub mortali; ergo neque posset, quantum est ex natura sua, impedire, nec transgrediretur eandem legem, si solum obligaret sub veniali.

Confirmatur secundo, quia, vel dispositio illa esset habitualis, hoc est, habitus aliquis, vel actualis, hoc est actus; & præter has nulla fingi potest: si primum sequitur, quod nō posset impedire omnino, ne homo peccaret venialiter, quia cū habitus in non videntibus Deum subijciantur libertati voluntatis, (quoniam habitibus vivimus, cum volumus) sequitur, quod, quantum esset ex natura illius habitus, non esset minus liberum homini peccare venialiter cum eo, quā sine ipso; Secundum vero dici non potest, quia neque ille actus esset voluntatis, ut cōstat, neque intellectus, quoniam Adam non semper considerabat actū omnia, alias neque mortaliter peccaret; ergo non habuit Adā ex aliqua dispositione intrinseca, quod non potuisset peccare venialiter.

SECUNDA ETIAM pars probatur, scilicet, quod habuerit hoc ex particulari providētia, & protectione Dei; quia non erat conveniens, hominem,

quādiu retineret illū statum, habere aliquā culpam, ut patet ex conclusione; & non potuit hoc impediri per intrinsecam aliquam dispositionē hominis, ut modo dicebam: ergo impediri fuit per particularem Dei providētiā; patet consequentia, quia providētia Dei non deest in ijs, quæ sunt necessaria, aut convenientia ad statum, in quibus res condidit.

ET SI QUÆRASUR sicut Deus sua particulari providētia custodivit hominē ne peccaret venialiter, non ita custodivit eum, ne peccaret mortaliter? RESPONDETUR rationem esse quod status ille non postulabat ex natura sua, quod esset inamissibilis: & ideo non pertinebat ad providētiā Dei præservare infallibiliter a peccatis, propter quæ posset amitti, cuiusmodi sunt peccata mortalia; at vero postulabat, quod non esset cum ipso aliqua culpa, & ideo ad providētiā Dei pertinebat, præservare infallibiliter hominem ab illis peccatis, propter quæ nō amitteretur, cuiusmodi sunt peccata venialia: sine præservatio ista fieret per dispositionem aliquam intrinsecam ipsi homini, sine per extrinsecam protectionem Dei.

§ 4. Ad rationes Scoti.

AD PRIMUM Respondetur, quod (ut bene inquit CAIETA.) committitur in eo iste defectus, quod assumitur pro causa conclusionis, id, quod vere non est causa: nam causa, propter quam homo in statu innocentie non posset peccare venialiter, non est coniunctio hominis cum Deo, ut cum fine ultimo; sed quod per iustitiam originalem, saltem quatenus habet adiunctam Dei providētiā, impediebatur eo modo, quem explicuimus, ne ita peccaret.

AD SECUNDUM respondetur, negando antecedens, & ad probationem dicendum est, quod non proveniret hoc ex defectu libertatis, sed ex particulari providētia, quā Deus, propter rationem paulo superius explicatam, impediret peccata venialia, & non mortalia.

Ad confirmationem respōdetur, concedēdo maiorem, & distinguendo minorem: si enim sit eius sensus, quod posset, quantum est ex vi libertatis & potentie intrinsecæ, vera est; si tamen sensus sit, quod posset ita, ut non impediretur, falsa est; quia (ut modo dicebam) dato illo casu, impediretur per providētiā Dei, ne transgrediretur illud præceptum.

AD VLTIMUM Respondetur, negando antecedens, & ad probationem, negandū est, quod iustitia originalis non impediret in voluntate illā imperfectiōne operandi subito, & sine plena deliberatione.

ARTICVLVS IV.

Utrum Angelus bonus vel malus, possit peccare venialiter?

CONCLUSIO est negatiua.

CIRCA QUAM nota, angelum posse cōsiderari quatuor modis, sc. ut beatus, & ut dānatus; & ut creatus in gratia antequam peccaret; & ut creatus in puris naturalibus; hoc est, quantum ad id, quod ipsi convenit ex

conditione iuxta naturæ. Et quidem si primo modo consideretur, certa est conclusio D. THOMÆ, quia non minus repugnat peccatum veniale beatitudini angeli, quam beatitudini hominis: quare sicut homo beatus non potest peccare venialiter, ita neque angelus beatus; Et similiter, si angelus consideretur secundo modo, videtur certa illa conclusio, saltem propter conditionem communem omnium damnatorum, qui ita sunt obstinati in odio Dei, & in superbia, ut ad omnia, quæ agunt, moueantur ex eius intentione, quod aliqui colligunt ex illo psalmo 73. *superbia eorum, qui se odierunt, ascendit semper.* Et idem dicendum videtur si angeli considerentur tertio modo, quoniam angeli non sunt creati à Deo cum minori perfectione, & felicitate, quam homo: si ergo homo in statu, quo conditus est à Deo, non potuit peccare venialiter, sequitur quod idem, & maiori ratione, sit dicendum de angelis; & ita D. THOMAS in argumento *sed contra*, vitur hac ratione. *Et confirmatur*, quia alias aliqui ex tanto numero peccassent venialiter, dum erant in via: quod tamen *neque de beatis* dici potest propter rationem propositam, *neque de damnatis*, quoniam primum peccatum ipsorum fuit mortale, cum propter illud fuerint damnati.

Si TAMEN angeli considerentur quarto modo, non videtur certa ista conclusio, propter argumenta, quibus probauimus, non habuisse hominem in statu innocentie ex intrinseca dispositione, quod non potuerit peccare venialiter cum plena deliberatione: quoniam eadem vim habent in angelis; neque D. THOMAS intellexit eam in isto sensu.

Neque obstat, quod ad probandū eam usus fuerit ratione desumpta ex modo operandi, qui cōuenit voluntati angelorum secundum suam naturam, scilicet, quod, quidquid vult, referat in vltimum finem, sicut intellectus ipsorum cognoscit conclusiones in principiis; *nam non intellexit*, esse hoc ita certum, ut oppositū sit impossibile: sed solum, esse valde consentaneū naturæ angelicæ, ut ita colligat, esse etiam ipsi consentaneū, quod neque boni, neque mali angeli possint peccare venialiter: sed illi operentur ex feruentissima dilectione Dei, & isti ex odio magno, aut ex fine superbiz, in quo sunt obstinati, quod magis est examinandum 1. p. q. 64.

Quod vero ratio illa non sit ita certa & efficax, patet; quia, quidquid sit de intellectu respectu conclusionum, tamen de voluntate videtur falsum, quod non possit velle aliquid, quod non referat actu in vltimum finem, & ratio discriminis est aperta, quoniam conclusiones habent necessariam cōnexionem cum principiis: at vero appetibilia particularia non habent necessarium ordinem ad finem, quem angelus peccando assumpsit. Item angelus ex natura sua non est determinatus ad actualem considerationem illius finis: ergo neque ad referendum actu in ipsum omnia, quæ vult. Sed hæc loco citato explicari solent.

ARTICVLVS V.

Utrum primi motus sensualitatis in infidelibus sint peccata mortalia?

CONCLUSIO est negatiua.

CIRCA quā vidēda sunt, quæ dixi sup. q. 74. ubi probaui, motus sensualitatis, qui accedunt omnē aduertentiā rationis, nō esse peccata, neque venialia.

ARTICVLVS VI.

Utrum peccatum veniale possit esse in aliquo cum solo originali?

CONCLUSIO. Impossibile est, peccatum veniale esse in aliquo cum originali peccato, absque mortali.

COMMENTARIVS.

HÆC SENTENTIA D. THOMÆ multis visa est difficilis & fere nullis placet, præterquā suis discipulis; & præcipue quia fundamentum ipsius videtur inefficax, & supponere multa falsa & quibus datis, non bene colligitur sententia intentā: quare ut ordine cōprehendamus ea, quæ circa conclusionem hanc disputari solēt, & melius explicemus quantū veritatis habeat, proponemus prius eius fundamentū; & deinde ea quæ cōtra ipsum obijciūtur: quorū occasione dubitationes quasdam excitabimus, in quibus & fundamentū, & consequenter conclusionē ipsam, confirmabimus.

Sed ut fundamentū melius intelligatur, duo sunt explicanda, scil. *quid sit peruenire ad usum rationis*; & *quid intelligatur per primum instans usus rationis*; & quamvis circa hæc dicat multa VIET. prima parte relectionis, de eo, ad quod tenetur homo veniens ad usum rationis: tamen breuiter dicendū est, quod cum ratio significet intellectum, quatenus est vis ad discurrendum, & hoc possit fieri circa plures materias, scil. circa naturales, artificiales, & morales; *peruenire ad usum rationis* est, peruenire ad eum statum, in quo homo habet facultatem discurrendi, non qualemcunque, nam hanc habet etiam pueri, & mentes; neque circa quamcunque materiā, sed sufficientem, & expeditam ad discernendum inter bonum & malum, & inter consonum & dissonum legi in materia morali. Et primum ad hoc perueniendum est, primum instans huius status, *nam per primum* sumptum metaphisice pro illo instanti indubitable, in quo homo incipit esse bene dispositus ad discurrendum prædicto modo, quod est primum non esse alterationis, qua remouentur impedimenta huius discursus ex parte viriū deterioriū intellectui ad ipsum, & primū esse huius status: sed sumptū moraliter, & humano modo, pro toto illo tēpore, quod necessariū est, ut intellectus absoluat perfectē suā deliberationē, usque ad conclusionē iudicij. Itaque ut homo dicatur esse in primo instanti usus rationis, non satis est, quod sit in eo instans indiuisibili, quo primo incipit esse bene dispositus, prædicto modo; *neq;* quod inceperit deliberare: *sed requiritur*, quod habeat sufficiens tempus, ut absoluat deliberationem, quod pro diuersitate complexionū, & dispositionum individualium requiritur interdum maius, & interdum minus. Et ratio huius est, quod citra tempus istud non habebit homo deliberationem, neque formalem, neque virtualem, & ex cōsequenti nō habebit usum rationis in sensu explicato, neque imputabitur ipsi ad culpam violatio præcepti.

HIS SUPPOSITIS fundamentū, quo D. THOMAS confirmat suam conclusionem, est hoc, homo ante primū instans usus rationis nō potest peccare venialiter, & in ipso primo instanti necesse est quod aut peccet mortaliter, aut iustificetur, & ita remittatur ipsi peccatū originale; ergo nūquā potest habere peccatum veniale.

cum venia-

veniale solum cum originali; consequentia videtur evidens, à sufficienti enumeratione temporum, in quibus hoc posset contingere; & antecedens, quoad priorem partem probatur, quia tunc defectus usus rationis excusat hominem à peccato mortali, ergo multo magis excusabit eum à peccato veniali; & quoad secundam partem etiam probatur, quia homo in primo instanti usus rationis tenetur se convertere ad Deum, sed si hoc faciat, iustificabitur, & obtinebit remissionem peccati originalis; si vero non se converterat, violabit illud præceptum, & consequenter peccabit mortaliter; ergo necesse est, quod in illo instanti, aut iustificetur, & sic sine peccato originali, aut peccet mortaliter.

SED CONTRA hoc fundamentum innumera obijciunt auctores oppositæ sententiæ, quæ tamen omnia possunt reduci ad quatuor capita: quorum PRIMUM est, sufficere minus perfectum usum rationis ad peccandum venialiter, quam ad peccandum mortaliter; & hominem prius peruenire ad illum usum rationis minus perfectum, quam ad perfectiorem; & consequenter posse peccare venialiter, priusquam sit in illo statu, in quo necesse sit ipsum, aut peccare mortaliter, aut obtinere remissionem peccati originalis. SECUNDUM est, esse si quidem illud præceptum convertendi se in Deum in primo instanti usus rationis: atque adeo hominem, qui in illo instanti non se converterat, neque peccare mortaliter, quia nullum violat præceptum; neque iustificari, quia ad hoc necessaria est conversio in Deum; & consequenter, posse habere peccatum veniale cum solo originali: quia tunc est omnino liber ad peccandum venialiter, nec ullo modo impeditur, ne id faciat. TERTIUM est, etiam admissio illo præcepto, posse violari in primo instanti usus rationis, aut omnino sine culpa, ut si tunc ignoretur innuncibilibiter eius obligatio; aut solum cum culpa veniali, ut si violatio fiat cum levi negligentia, quæ sufficit ad culpam venialem; & non ad mortalem, & consequenter tunc peccatum originale sine mortali posse esse simul, aut cum ipso peccato veniali lenis negligentia, aut cum alio quod homo velit committere. ULTIMUM, etiam admissio illo præcepto, & eius adimplerione per conversionem in Deum, non esse necesse hominem statim iustificari, & obtinere remissionem peccati originalis: quia non est necesse, cum statim habere ea, quæ requiruntur ad iustificationem; & consequenter, posse committere peccatum veniale, quod sit cum originali solo. Istæ obiectiones longum poscebant disputationem, quam nos quatuor dubijs breuiter absoluemus.

DUBIUM PRIMUM.

Utrum possit aliquis peruenire ad eum statum, in quo habeat usum rationis sufficientem ad peccandum venialiter & non ad peccandum mortaliter?

PARTEM AFFIRMATIVAM amplectuntur DURAND. in 4. d. 16. q. 2. num. 7. & Paracios ead. d. q. 1. quæ probatur, PRIMO, quia semper plena deliberatio sufficit ad peccandum venialiter, & non ad peccandum mortaliter; sed potest aliquis peruenire ad eum statum, in quo possit imperfecte deliberare, & tamen perfecte nondum possit, ergo potest

Aperuenire ad statum in quo habeat deliberationem, huc usum rationis sufficere ad peccandum venialiter, & non mortaliter; maior admittitur ab omnibus & potest confirmari ex ijs, quæ super q. 73. diximus de motibus subitis circa materiam peccati mortalis; & minor probatur, tum quia minor capacitas requiritur ad deliberationem imperfectam, quam ad perfectam; tum etiam quia impedimenta, quæ obstant, quo minus intellectus pueri possit deliberare, tolluntur successive per transformationem successivam qualitaturnaturalium: ergo etiam ipse intellectus successive peruenit ad facultatem deliberandi, & ex consequenti, priusquam habeat integram, & perfectam facultatem deliberandi, habet imperfectam. SECUNDO, in adultis, quando ex somno excitantur, potest dari tempus, in quo sufficientem habeant usum rationis ad peccandum venialiter, & non mortaliter; & idem dicendum est, quando post vehementem iram, aut amentiam, aut ebrietatem, incipiunt reducere ad se: ergo similiter potest hoc contingere in pueris, cum primum incipiunt uti ratione. Consequentia patet, quia eadem videtur esse ratio, quantum ad modum perueniendi ad usum rationis, in eo, qui nunquam habuit eum, aut in eo, qui propter somnum, aut aliam passionem naturalem, amiserat eum: quoniam uterque carebat usu rationis propter impedimentum aliquod ex parte viriù detrahentium intellectui ut uterque deber peruenire ad eum media alteratione dispositiva, qua remoueat illud impedimentum; & antecedens probatur, quia, quando incipiunt excitari, & nondum sunt in perfecta vigilia, tunc eorum intellectus potest uti aliqua deliberatione: non tamen plena, quia nondum est perfecte expeditus, sicut requiritur ad plene deliberandum; & illa imperfecta deliberatio sufficit ad peccatum veniale, & non ad mortale; tum etiam quia deliberatio, quæ illo tempore haberi potest, sufficit, ut opera de se mala, quæ tunc fiunt, sint opera humana: & ex consequenti ut habeant aliquam malitiam, non quidem mortalem, quia ipse est imperfecta, sed venialem; & tandem, quia propter hanc rationem concedunt omnes, complacentiam, quæ tempore imperfectæ vigiliæ habetur de pollutione nocturna, esse peccatum veniale, & non mortale.

CULTIMO vel oppositum est necessarium ratione peccati venialis, quod non potest committi sine usu rationis sufficienti ad peccandum mortaliter; vel ex parte morali, quo peruenitur ad usum rationis vel ipsius usus, scilicet, quia non potest haberi imperfecte, quin etiam habeatur perfecte; primum dici non potest vniuersaliter, quia, licet sit verum in peccatis, quæ sunt venialia ex genere suo: tamen in peccatis quæ sunt venialia ex defectu deliberationis, est omnino falsum; & hoc est satis ad impugnandum sententiam D. THOMÆ neque secundum, quia in casibus antecedentis argumenti præcedentis constat, quod acquiritur & habetur imperfecte usus rationis, & non perfecte: ergo nulla ex parte posset assignari ratio, propter quam non possit perueniri ad usum rationis sufficientem ad peccandum venialiter, & non mortaliter.

§ 2. Sententia D. Thomæ proferitur & probatur.

NILHOMINVS opposita sententia est vera, scilicet, non posse aliquem peruenire ad eum statum, in quo habeat usum rationis qui sufficiat ad peccandum venialiter, & non ad peccandum mortaliter. Hæc est DAVID THOMÆ expresse in hoc articulo, & quod 7. de malo art. 10 ad octauum, & in 2. dist. 9. q. 42.

in expositione litteræ, & q. 1. art. 5. ad 7. quæ in hoc sequuntur CAIET. & CONRAD. & recēiores expolitores hoc loco. CAPR. in 4. d. 16. q. 1. art. 3. in solutione ad secundū DVRANDI contra tertiam conclusionē, & VIET. secunda parte relectionis citatæ n. 11. & probatur PRIMO quia facilius est discernere malitiam peccati mortalis à bono morali, quā discernere malitiam peccati venialis: ergo non potest aliquis peruenire ad vsum rationis, qui sit sufficiens ad peccatum veniale, & non ad mortale; *consequentia* patet, quia peruenire ad vsum rationis (vt dixi) non est aliud, quam peruenire ad eum statum, in quo habetur facultas sufficiens ad discernendum inter bonum & malum morale; & *antecedens* probatur, quia malitia peccati mortalis est maior, & magis distincta à bono morali, quam malitia peccati venialis: ergo facilius potest discerni ab eo. Est autem *aduersendum*, quod in antecedenti non comparamus singula peccata mortalia singulis venialibus, quoniam bene posset contingere, nō esse notioem malitiam alicuius peccati mortalis in particulari, v. g. alicuius vsuræ, quā malitiam alicuius peccati venialis, v. g. mēdaci; sed cōparamus peccatū mortale in comuni ad peccatum veniale. & in hoc sensu dicimus, facilius discerni posse malitiam peccati mortalis à bono morali, quam malitiam peccati venialis. & ex consequenti, non posse reperiri facultatem ad secundum, sine facultate ad primum.

Neque potest responderi, quod, quamuis cognoscatur facilius, quod peccatum mortale sit malum: tamen quantum ad hoc, quod est esse mortale, sine quantum ad gradum malitiæ, non cognoscatur facilius; *nam imprimis*, vt aliquis possit peccare mortaliter, non requiritur, quod cognoscat, quid sit esse peccatum mortale: sed satis est, quod cognoscat totam malitiā, quæ conuenit peccato; *item*, quia facilius est cognoscere gradū malitiæ in peccato mortali, quam in veniali; & quid sit esse peccatū mortale, quam quid sit esse peccatum veniale.

SECUNDO, vsum rationis, qui sufficit ad peccandum venialiter, sufficit ad operandum bene moraliter: ergo ad peccandum mortaliter; *antecedens* patet, quia cum quodcunque peccatum consistat formaliter, aut in priuatione honestatis, & conformitatis cum ratione, aut in contrarietate voluntaria ad honestatem, & ad id, quod est rationi consonū: necesse est, quod præsupponat in operante potentiam ad operandum honeste, & prout exigit recta ratio, & consequenter, vsum rationis, qui sit ad hoc sufficiens; *consequentia* vero probatur, quia ad operandū bene moraliter nō sufficit semiplena deliberatio, sed requiritur plena, & hæc sufficit ad peccandum mortaliter. Quod vero ad operandum bene moraliter requiratur plena deliberatio, probatur, quoniam ARIST. 2. Ethic. cap. 4. inquit, non esse satis, vt quis temperare aut iuste operetur, quod opus ipsum sit secundum se iustū, aut temperatū: sed ulterius requiri, quod operetur sciens, & eligens talia opera propter ipsa, hoc est propter eorum bonitatem; de quo solet agi supra q. 19. art. 3.

Neque potest responderi, posse hoc fieri, cum imperfecta & semiplena deliberatione; *quoniam* deliberatio solū dicitur imperfecta, aut quia non includit aduertentiam ad opus secundū rationē morālē; aut quia est infirma, & formidolosa, vt explicui sup. q. 78. a. 8. cōstat autē, quod nihil horū habet delibe-

ratio, ex qua procedit iste modus eligēdi, de quo loquitur ARIST. *Item*, quia electio mali propter eius malitiam, si esset possibilis, non procederet ex deliberatione semiplena: ergo neque electio boni propter eius bonitatem.

ULTIMO, vsum rationis, qui sufficit ad peccandum venialiter, sufficit etiā (quantum est de se) ad operandum meritorie: ergo & ad peccandum mortaliter; *antecedens* patet, quoniam alias viator sine sua culpa esset in statu peccandi, & non merendi; & *consequentia* probatur, quoniam vsum rationis, qui sufficit ad merendum, sufficit etiā vt operans referat se, & suam actionem ad vltimum finem: ergo & vt nō referat, quando tenetur, vel vt auertatur ab vltimo fine, quod est peccare mortaliter.

§ 3. Ad argumenta contrarie sententie.

AD PRIMUM respondetur, distinguendo maiorem si enim intelligatur de imperfectione deliberationis quantum ad exercitiū, vera est; si tamen intelligatur de imperfectione quoad facultatē deliberandī, falsa est: quoniam licet ad peccandum venialiter sufficiat imperfectus vsum rationis in exercitio, tamē istud imperfectū exercitiū est inseparabile à facultate perfecta, vt in nullo possit reperiri exercitiū imperfectū, quod sufficiat ad peccatum veniale, sine facultate ad deliberandum perfecte. Et ita neganda est minor, & ad primam probationē negandum est, requiri ex parte facultatis minorem capacitatē ad semiplenam deliberationem, quam ad plenam; & ad secundam respondetur primo, concedendo antecedens, & negando consequentiam; licet enim impedimenta remoueantur successiue, & per motū: tamen ipsa facultas nō ita adquiritur, sed in instanti, scil. in primo nō esse impedimentorū; sicut dispositiones impediētes introductionem formæ ignis excluduntur per alterationē successiuam, & tamē ipsa forma introducit in instanti. Secundo dici potest quod, quāuis puer paulatim perueniat ad perfectū vsum rationis, & prius habeat aliquē modum discursus; tamen donec habeat facultatem perfectam ad deliberandum, non erit dominus suorum actuum, neque committere aliquod peccatum, etiam veniale.

AD SECUNDVM respondetur, negando antecedens, sumendo vsum rationis, non pro exercitio, sed pro facultate, vt dixi: & ad primā probationem respondetur, quod, si homo in illo statu non habeat sufficiens lumen, & sufficientem facultatem ad deliberandum perfecte, non peccabit venialiter; & ad secundū dicendum est, cōplacentiam illā in pollutione nocturna, non propterea esse peccatū veniale, quia homo tunc nō habeat facultatem sufficientem ad deliberandū perfecte: sed quia actu nō deliberat perfecte.

Quod si obiciat, actus istos, si fiant cū illa imperfecta deliberatione sine facultate perfecta, esse humanos, atq; proinde capaces bonitatis, aut malitiæ; & ex cōsequenti esse malos salte venialiter, Respondeo negādo esse humanos, quia iste modus deliberationis non sufficit, vt operans habeat eorū dominium vt dixi. Quod si rursus obiciat, defectū deliberationis actualis non excusare in isto casu à culpa mortali, quoniam est volūtatius ratione potentiz, & obligationis ad deliberandū perfecte. Respondeo, negādo, quod sit voluntarius: quoniam ad hoc non sufficit quæcunque potentia, sed requiritur talis, vt possit facile reduci in actum, sicut supra dictum est; Itaque homo in casibus huius argumenti dicitur habere facultatem ad perfecte deliberandū,

scire, quamvis ad illud instans pervenerit, esse liberandum in eo illud præceptum; probatur *antecedens* cum quia nemo est, qui novaverit, se tunc primo pervenisse ad usum rationis; *tamen* quia est adeo parum discriminis inter usum rationis in illo instanti, & in tempore immediate præcedenti, ut non possit in illo instanti percipi discrimen aliquod.

Et confirmatur, quia in illo instanti non potest perfici deliberatio humana, ergo non est ponenda in eo obligatio sub mortali ad aliquem actum; patet *consequentia*, quia hæc obligatio postulat subiectum, quod vel actu deliberet vel possit deliberare.

SECUNDA CONCLUSIO, *etiamsi primum instans usus rationis sumatur moraliter pro tempore sufficienti ad perficiendum deliberationem, non tenetur homo in eo ad convertendum se in Deum explicitè per actum amoris ipsius*. In hac conveniunt fere omnes Thomistæ recentiores cum CAJETANO in hoc articulo, & 2. 2. q. 10. art. 4. & cum VICTORIA 3. parte relectionis citatæ num. 11. (quamvis contrarium sentiant CAPRÆ. in 2. dist. 40. quæstione unica, art. 3. in solutione ad tertium DURAN. contra primam conclusionem lib. 1. de natura & gratia. SORTVS lib. 2. de iustitia & iure, qu. 3. art. 10. in solutione tertie rationis propositæ contra primam conclusionem, & NAVAR. in manuali cap. 11. num. 8. qui dicunt, præceptum dilectionis Dei super omnia obligare pro primo instanti huius rationis,) & probatur nostra conclusio argumento CAJETANI, quia non prius tenetur homo ad explicitè diligendum Deum, quam ad explicitè cognoscendum: sed non tenetur homo ad explicitè cognoscendum Deum, quamprimum venit ad usum rationis; ergo neque ad explicitè diligendum; *maior* patet, quia dilectio proportionatur cognitioni, in hoc, quod non potest esse explicita, si cognitio non sit explicita; ergo qui non tenetur ad explicitè cognoscendum, non tenetur ad explicitè diligendum; & ita Paulus ad Romanos primo reprehendit philosophos, *quia cum Deum cognovissent, non sicut Deum glorificaverunt; & minor* probatur, quia Deus, ut est finis supernaturalis, non omnibus proponitur in illo instanti propositione sufficienti ad obligandum eos ad credendum, ita ut non excusentur: quoniam hæc fit per eternam predicationem, ut colligitur ex illo ad Romanos 10. *quomodo credent, quem non audierunt? quomodo autem audient sine predicante?* & post pauca, *quam speciosi pedes evangelizantium pacem* &c. quod de omnibus intelligitur, constat autem non omnibus in illo instanti sic proponi Deum, ut est finis supernaturalis; ut autem est finis naturalis non potest ab omnibus tunc cognosci, quia naturaliter non comparatur eius cognitio, nisi per multos & difficiles discursus, præsertim ab ijs qui educantur inter infideles, ut docet DIVVS THOMAS 1. parte, quæst. 2.

Neque potest responderi, quod ut finis naturalis cognoscitur tunc ab omnibus revelatione interna a supernaturali; *quoniam* hæc non sufficeret, ut non habeat ignorantiam invincibilem, quæ excuset eos ab obligatione illius præcepti; *Et confirmatur*, quia non est credibile, Deum obligasse hominem, nisi pro tempore, quo primo incipit uti ra-

tionem, ad executionem præcepti maximi & difficillimi.

ULTIMA CONCLUSIO, *probabile est, hominem in primo instanti usus rationis, sumpto moraliter pro tempore requisito ad perfecte deliberandum, teneri præcepto obligante sub mortali ad convertendum se in Deum implicite, per propositum vivendi secundum præscriptum rationis, aut faciendi quod honestum est; vel per amorem, & acceptionem boni honesti in communi; quæ omnia sunt idem*. Hæc est expressa sententia D. THOMÆ hoc loco, quia non dicit, hominem teneri in illo instanti convertere se in Deum absolute: sed secundum quod in illa ætate est capax discretionis; & clarius q. 14. de veritate art. 11. ad primum, & sequuntur eum CAJETANVS & VICT. locis citatis, & communiter Thomistæ recentiores; & hanc sententiam esse probabilem dicunt CANVS secunda parte relectionis de Sacramentis in genere, in solutione ad argumenta contra primam & secundam conclusionem, & CORDV. lib. 2. quæstionarij, q. 5. in solutione ad quartum contra primam propositionem; *appello autem aliud illud conversionem implicitam ad Deum*, quoniam licet explicitè terminetur ad aliud obiectum, scilicet ad id, quod est bonum secundum rationem, aut ad bonum honestum: tamen implicite terminatur ad Deum, quoniam obiectum illud secundum suam naturam ordinatur ad ipsum.

Et probatur conclusio primo ratione D. THOMÆ in hoc articulo, quia primum, quod tunc homini cogitandum occurrit, est deliberatio de seipso, hoc est deliberare, ad quem finem sit ordinaturus se & suas actiones: ergo obligatur tunc ad eliciendum actum, quo proponat vivere secundum rationem, aut facere id, quod honestum est; *antecedens* probatur optime à CAJETANO hoc modo, finis omnium concupiscibilium est ipse homo, iuxta illud, *amabile quidem bonum, unicuique autem proprium*. &c. *amicabilia quæ sunt ad alios ex amabili ad se*; ergo amor quorumcunque concupiscibilium supponit amorem sui ipsius; patet *istâ consequentia*, quia (ut inquit D. THOMAS in solutione ad tertium) finis est prior in intentione; & ex hoc sequitur ulterius, quod etiam deliberatio circa quæcunque concupiscibilia præsupponat deliberationem circa seipsum, quod est id, quod in antecedenti dicitur, scilicet, id, quod primo occurrit habenti usum rationis, esse deliberare de seipso: *patet istâ consequentia*, quia iste ita est finis concupiscibilium, ut etiam sit medium ordinatum ex natura sua in proprium finem: ergo sicut est primum amatum inter omnia, ita est primum, cuius cura sollicitat hominem; & hoc est, occurrere primo cogitationi hominis, tanquam id, de quo debeat deliberare in ordine ad eius finem; & *consequentia principalis* argumenti probatur quia supposito, quod tunc deliberet homo de modo, & ratione vivendi in futura vita, ratio naturalis postulat, ut se subijciat, legi rationis, & ordinet suos actus in finem ultimum, quod sit per propositum vivendi secundum rationem, quoniam nisi hoc faciat censetur velle non subijci regulæ, sed vivere atque operari ad libitum suæ voluntatis, sine aliqua subiectione, & constituere finem suarum actionum in creatura; & *præterea*, quia posita illa deliberatione, non posset voluntas saltem facile suspendere omnem actum circa eius

conclu-

conclusionem, quæ erit iudicium dictans, viuendum esse secundum rectam rationem; sed non licet habere actum contrarium ei; ergo debitum est habere actum conformem, qui est propositum, de quo loquimur.

Et si obijciat, hac ratione solum probari, quod homini in illo principio vsus rationis occurrat primo deliberatio de seipso: non tamen quod occurrat primo deliberatio in ordine ad finem honestum, quia non est necesse, quod primo occurrat ei cogitatio de isto fine, cum possit excitari in eo cognitio actualis occasione phantasmatum aliorum obiectorum; *Respondetur*, quod finis hominis secundum se totum non est bonum aliquo particulari, sed bonum honestum, & ideo impossibile est, quod homo deliberet, non secundum aliquem respectum particularem, sed secundum se totum, & quod non deliberet in ordine ad finem rationis; prima autem deliberatio, quam vnusquisque habet, est circa seipsum totum, quia sic, & non secundum respectus particulares, habet rationem primi amari.

Neque obijciat, quod obijciatur de phantasmatis aliorum obiectorum: *Quoniam* quæcunque phantasmata deseruire possunt ad cognitionem sui ipsius, & boni honesti in communi: & de facto excitatur ista cognitio propter rationem assignatam.

Confirmatur primo, quia cogitatio de bono honesto est facilissima, & statim occurrat homini in principio vsus rationis, vt ex isto argumento constet, & conuersio in ipsum est valde necessaria, vt opera sequentia procedant ex appetitu boni honesti; ergo obligatur tunc homo ad huiusmodi conuersionem.

Confirmatur secundo, quia negari non potest, quod ista conuersio sit humano modo necessaria ad rectitudinem vitæ: sicut in omni modo viuendi est necessarium præfigere sibi scopum intentum in eo, vt operationes omnes habeant rectitudinem, quam postulat ille modus viuendi: ergo tenetur homo non differre huiusmodi conuersionem vsque ad finem vitæ, neque ad longum tempus, & nulla est ratio, aut difficultas, cur debeat differri ad aliquod tempus post principium vsus rationis; ergo facienda est in ipso principio.

Confirmatur tertio, quia si quis haberet curam alterius quoad omnes eius actiones, ita vt ab eo salus aut perditio illius dependeret, teneretur providere salutem eius, quamprimum posset, præsertim si statim periclitaretur eius vita: ergo multo magis teneretur providere sibi ipsi quamprimum posset, & ex consequenti, in principio vsus rationis, quia tunc potest alia argumenta videri possunt apud VICTORIAM loco citato.

Quod vero hoc præceptum obliget sub mortali probatur, quoniam est de re magni momenti, scilicet de ordinatione operationum in finem debitum, & præterea quia est grauissima negligentia, quod aliquis non disponat de ratione vitæ suæ & proponat honeste viuere, præsertim eo tempore, quo ad malum declinare posset.

§ 3. Ad argumenta partis negativæ.

AD PRIMUM respondetur, quod quamvis præceptum hoc non contineatur expresse in scri-

ptura, potest tamen colligi ex testimonijs, in quibus præcipitur conuersio in Deum, & vt non differatur de die in diem. *Sacelli* etiam & *Theologi* Scholastici, quamvis expresse non sequantur hanc sententiam, tamen non reijciunt eam. & aliqui referunt pro ea BASILIVM super psalmum 1. & auctoritas D. THOMÆ debet esse magui ponderis in hac re, præsertim cum habeat satis firma fundamenta, vt ex argumentis adductis constet; ex quibus etiam patet, falsum esse id, quod obijciatur; scilicet, præceptum hoc non colligi ex ratione naturali. *Neque* argumenta illa habent vim in eo, qui labitur in peccatum mortale, *quoniam* non probant esse necessariam hanc conuersionem ad remedium peccati originalis; *neque* in eo, qui post somnum aut ebrietatem, vel amentiam, incipit vt ratione: *quia* isti iam habuerunt vsum rationis & ordinaverunt vitam suam & operationes in finem. Quod si nunquam habuerunt vsum rationis, quia forte somnus vel ebrietas, vel amentia accidit eo tempore, quo perficiebatur dispositio potentiarum requisita ad vsum rationis; dicendum est, quod principium vsus rationis est, cum impedimenta ista remouentur: & quod tunc obligat istud præceptum.

Ad primam confirmationem, respondetur, securitatem illam interdum, & frequenter provenire ex ignorantia huius præcepti; & interdum ex eo, quod aliqui sunt parum solliciti de sua salute; & interdum ex eo, quod aliqui probabiliter existimant se satisfecisse huic præcepto; aut etiam esse verioris sententiam eorum, qui negant esse tale præceptum.

Ad secundam confirmationem respondetur, concedendo sequelam, quia, cum hoc præceptum sit de iure naturali, non excusat ab eo susceptio baptismi; & ad objectionem contra hoc factam Sorus loco citato dicit, in more esse christianis huiusmodi prætermittæ culpam cōfiteri cōuersionis ubi satis insinuat, peccatum hoc in dubio esse confitendum. CAISTANVS etiam dicit, confitendum esse, non tamen in particulari, sed in communi scilicet, comprehendendo ipsum in confessione occultorum, & incertorum, quia satis notum est hoc peccatum contineri inter incerta, cum incertitudo de adimplerione huius præcepti sit omnibus communis: quæ sententia poterit esse vera, nisi alicui constet, se omisisse illud præceptum; aut habeat de eo peculiarem rationem dubitandi, præter communem omnibus, quæ potius consistit in ignorantia adimplerionis, quam in motiuo aliquo ad dubitandum de ea: quoniam in isto casu necessarium erit confiteri illud peccatum specialiter, & in particulari; tertio potest dici, omnes excusari ab obligatione confitendi hoc peccatum, *vel quia* possunt sequi opinionem negantium esse præceptum, de quo agimus, quæ etiam est probabilis: *vel quia*, cum plerumque præceptum istud adimpleatur, poterit vnusquisque merito existimare, fuisse etiam à se impletum; nisi forte alicui constet oppositum. Quod autem plerumque præceptum hoc adimpleatur à baptizatis, colligit CAISTANVS hoc loco ex eo, quod, cum charitas non soleat esse otiosa, exhibet in actum potissimum illo tempore: præsertim, cum nondum impediatur vitiosis habitibus; nisi forte in aliquibus obstat prava assuerudo ante tempus vsus rationis, & corrupta educatio.

AD SECUNDAM respondetur, negando antecedens, quia vnusquisque in actu exercito cognoscit

tempus, quo primo libi aduenit usus rationis; neque opus est quod id cognoscat in actu signato, aut alio actu reflexo.

Ad confirmationem respondetur, primo, negando sequelam, & ratio discriminis est, quod in primo instanti occurrit primo unicuique cogitatio deliberandi de seipso, & vehementius urget, non autem postea. *Secundo* respondetur, quod, qui in primo instanti non adimpleuit illud præceptum, tenetur postea per se loquendo; neque tamen sequitur, quod continue peccet actualiter, aut multipliciter peccata, donec adimpleat ipsum: quia excusatur propter inaduertentiam ad rem hanc, & ad obligationem præcepti; quare cum primum aduerterit, & cogitauerit de ista re, & senserit obligationem huius præcepti, tenebitur adimplere ipsum.

Ad ultimum respondetur, præceptum istud intelligi de conversione in Deum secundo modo, hoc est, de conversione explicita in bonum rationis in communi. Et ad id, quod contra hoc obijciuntur. *Respondetur*, quod præceptum conuertendi se in bonum virtutis in communi, siue in bonum rationis, est particulare, & obligat quotiescunque homo tenetur conuerrere se in finem debitum, & non habet perfectiorem cognitionem huius finis. Et si quæras, ad quam virtutem pertineat hoc præceptum, & cuius speciei sit peccatum, quod contra ipsum committitur? *respondetur*, quod de peccato omnes dicunt, esse omissionem huius præcepti; cæterum de ipso præcepto aliqui dicunt pertinere ad virtutem religionis, inter quos videtur esse Soto, ut constat ex verbis eius, quæ retuli in solutione secundæ confirmationis primi argumenti; alij dicunt, pertinere ad charitatem, & reduci ad præceptum de dilectione Dei, & hoc videtur probabile.

TERTIVM DVBIVM EST.

An admissa obligatione huius præcepti pro tempore, quo homo primo incipit uti ratione, possit contingere, quod committatur in isto tempore peccatum veniale, prius quam mortale?

ET ratio dubitandi pro parte affirmativa est, quod videtur posse hoc contingere tribus modis. *Primo*, si homo tunc inuincibiliter ignoret obligationem huius præcepti: nam hoc posito, quamuis non se conuertat in Deum, non committeret peccatum mortale contra istud præceptum, quia excusabitur ignorantia; & nulla est ratio, cur non possit dicere mendacium officiosum, aut committere aliud peccatum veniale, priusquam peccet mortaliter contra aliquod ex alijs præceptis.

Secundo, si in illo medio tempore, quod est inter instans indiuisibile, quo incipit usus rationis, & aliud instans, in quo potest perfici delibe-

A cendi mendacium, aut committendi aliud peccatum veniale; nam in isto casu videtur evidens, quod possit homo peccare venialiter, priusquam mortaliter: quia in illo medio tempore non potest peccare mortaliter, quia non habet tempus ad perfecte deliberandum, sicut requiritur, ut obligetur præcepto, de quo loquimur, imo ut absolute possit peccare mortaliter; & tamen posset committere illud peccatum veniale, cuius occasio ipsi offertur.

Tertio, si in illo instanti exerceat actum conversionis quoad substantiam, tamen cum aliqua circumstantia mala venialiter, verbi gratia, propter inanem gloriam: nam hoc posito implebit præceptum de conversione in Deum; sicut dando elemosinam propter inanem gloriam, adimpletur præceptum elemosinæ, & non transgreditur aliquod aliud præceptum obligans sub mortale, & nihilominus committet peccatum veniale inanis gloriæ.

SED RESPONDETUR conclusionem negativam, cuius ratio partim colligitur ex ijs, quæ diximus in dubijs præcedentibus, & constabit magis ex solutione huius argumenti: quoniam in ea explicabitur, qua ratione omnes isti modi peccandi venialiter, priusquam mortaliter, sint impossibiles; Et de primo, videtur notum ex ratione DIVI THOMÆ, in hoc articulo, quam explicuimus dubio præcedenti: quoniam cum ex ea constat, primum, quod homini occurrit cogitandum, esse, deliberare de seipso in ordine ad finem, dicendum est consequenter, nullum habere tunc ignorantiam inuincibilem obligationis conuertendi se ad finem debitum.

Sed obijciunt aliqui, ex hac ratione non sequi, quod non possit reperiri ignorantia inuincibilis præcepti, quia bene stat quod aliquis cogitet de deliberatione, & tamen quod ignoret inuincibiliter, esse illud præceptum, aut obligare sub mortali: ut, quamuis aliquis cogitet de audiendo sacrum, potest non aduerrere, esse diem festum, aut obligans præceptum sub mortali ad audiendum.

Respondetur, negando, quod non sequatur, non posse reperiri illam ignorantiam inuincibilem; & ut hoc intelligatur, aduertendum, quod per usum rationis in hac disputatione, non intelligimus quemcunque discursum intellectus, sed eum, qui fit cum lumine sufficienti ad discernendum inter bonum & malum secundum regulam morum: quoniam sine isto non potest committi aliquod peccatum; & idem est dicere, quod homo deliberat de seipso in ordine ad finem, & quod deliberat an sit bonum secundum prædictam regulam sequi bonum honestum, vel potius sequi bonum sensibile: ubi aperte includitur cognitio debiti, aut obligationis in ordine ad illam regulam. Ut autem homo, qui ita cognoscit hanc obligationem, cognoscat eius quantitatem, & vim, ita ut eius omissio imputetur ipsi ad peccatum mortale, non est necesse, quod sciat, quid sit peccatum mortale, aut in quo distinguatur à veniali: sed satis est, quod pro suo capto apprehendat eam, ut rem magni momenti.

ET SECUNDO ETIAM MODO dicendum est, esse impossibilem, quoniam, si in illo medio tem-

pore non habet, neque potest habere deliberationem, quæ sufficiat ad peccatum mortale: non poterit peccare venialiter; iuxta ea, quæ dicta sunt in primo dubio.

Quod si obiciat, saltem posse tunc hominem impedire deliberationem inceptam, diuertendo ad considerationem alterius rei, sine causa, & in hoc peccare: quoniam præceptum obligat, ut conuersio fiat quam primum fuerit possibile; & non peccare mortaliter, quia nondum tenetur conuerrere se in finem, atque proinde peccare venialiter;

Respondetur, quod, si distractio sit lenis, non est peccatum, quia pro nihilo reputatur: si tamen sit notabilis, est peccatum mortale, quia est impedimentum conuersionis; & licet tunc nondum teneatur puer conuerrere se in finem, tenetur tamen non impedire, ne conuersio fiat tempore, pro quo præceptum obligat; sicut supra dixi de actibus, qui sunt causæ omissionum ante tempus, pro quo obligant præcepta affirmatiua.

ET TANDEM de tertio modo est dicendum idem, & ad obiectionem respondetur, conuersionem factam propter inanem gloriam non esse simpliciter conuersionem in bonum rationis, & ideo per eam non impletur præceptum, de quo loquimur; secus tamen est de elemosina in casu argumenti.

VLTIMVM DVBIVM EST.

An in ipso instanti, quo puer adimplet præceptum illud, iustificetur, & consequatur remissionem peccati originalis?

ET VT MAGIS appareat ratio dubitandi; pro parte negativa, suppono ex materia de gratia, & ex materia de fide, ad iustificationem adulti requiri in intellectu fidem supernaturalem, non solum ex parte principij, & rationis formalis assentiendi: sed etiam ex parte obiecti materialis; & in voluntate conuersionem etiam supernaturalem ex utraque parte: & hoc supposito probatur pars negativa, quia multi in illo instanti carent medio necessario, ad habendum huiusmodi fidem, scilicet, externa prædicatione.

Confirmatur, quia impossibile videtur, quod puer in illo instanti habeat simul tot actus, scilicet in intellectu cognitionem boni rationis, & fidem obiecti supernaturalis; & in voluntate piam affectionem, quæ requiritur ad fidem, & duas conuersiones, vnâ naturalem ad bonum rationis, & alteram supernaturalem ad finem supernaturalem.

AD HOC DVBIVM multi respondent affirmatiue, sed negant suppositionem factam in argumento, & dicunt, puerum in illo instanti præueniri auxilio supernaturali, ut habeat assensum in intellectu, & conuersionem in voluntate circa bonum rationis: & hoc satis esse, ut ha-

beat fidem supernaturalem implicitam obiecti supernaturalis, & conuersionem supernaturalem ad ipsum; & ex consequenti ut sit sufficienter dispositus ad iustificationem. Alij vero, de quorum numero sunt CANVS & CORDVBA locis citatis, & alij recentiores, qui sentiunt suppositionem illam esse omnino admitrendam, respondent, non esse necesse, quod puer iustificetur in illo instanti; sed satis esse, quod proxime, vel post aliquam moram temporis, iuxta diuinæ providentiæ dispositionem, iustificetur: & interim poterit erudiri de veritatibus supernaturalibus, vel externa prædicatione, vel interna illustratione.

Et si obiciat, posse puerum interea peccare venialiter, & ita posse repetiri peccatum veniale cum solo originali; *Respondetur*, non repugnare ex natura rei, puerum peccare tunc venialiter: sed impediri diuina providentia, sicut impeditur ne tunc moriatur, ne contra communem legem homo adultus sit in limbo; Et sicut impeditur ab eadem providentia, ne homo in statu innocentie peccaret venialiter, ne contra naturam illius status essent in eo pænæ simul cum culpis.

Sed mihi duo videntur dicenda, PRIMUM est, admittendam esse illam suppositionem; ALTERVM est, puerum in ipso momento, quo adimplet illud præceptum, iustificari; & de PRIMO agendum est in locis citatis; SECVDVM vero probatur, quoniam alias non bene defenditur, non posse peccatum veniale esse cum solo originali: quia cur dicemus Deum cum inimico ut illa particulari providentia, ut omnino impediat, ne incidat in aliquod peccatum veniale: quia non vitur, secundum communem legem, cum iustis & amicis? Et præterea alias sequeretur, quod adultus, qui nullum omnino violauit præceptum, sed potius fecit totum, quod debuit: non possit saluari, si tunc moriatur: quod videtur esse contra illud Matth. 19. *Si vis ad vitam ingredi serua mandata*. Et ad hoc probandum possunt adduci illa argumenta, quibus Theologi probant, Deum non denegare suam gratiam facienti quod in se est; & peccatorem posse in quocunque instanti iustificari: de quibus agendum est in materia de gratia. Et tandem hæc videtur esse sententia D. THOM. in hoc articulo, quoniam nulla facta mentione illius providentiæ (quæ dicit CANVS impediri peccata venialia) inquit, quod, si puer se conuertat in finem debitum, consequetur per gratiam remissionem peccati originalis, antequam peccet venialiter.

Et ad argumentum Respondetur, quod, si puer adimpleat illud præceptum, illuminabitur a Deo supernaturaliter, ut habeat fidem obiecti supernaturalis: & ita illuminatus poterit cum auxilio supernaturali elicere actus supernaturales voluntatis, quibus sufficienter disponatur, ut per gratiam infusam obineat remissionem peccati originalis. Neque quod ita illuminetur est miraculum: quia pertinet ad supernaturalem providentiæ gratiæ.

Et ad confirmationem Respondetur, non esse impossibile, quod puer tunc adiutus gratia Dei habeat

habeat simul omnes illos actus, qui pertinent ad diuersas potentias, & quatenus pertinent ad eandem habent inter se modum vnius propter subordinationem. Et si quæras, quid sit prius, puerum conuerti ad bonum rationis: vel illuminari, & moueri supernaturaliter? Respondetur vtrumque esse simul tempore; & conuerti est prius in genere causæ materialis, non vt dispositio sufficiens, sed vt remotio impedimenti, scilicet violationis præcepti: quamuis etiam de hoc dicant aliqui, non fieri sine auxilio gratiæ Dei,

& ad id probandum adducant testimonium D. THOM. infra quæst. 109. artic. 6. vbi nos agemus de hac re, & explicabimus, quem sensum habeat illa maxima recepta à Theologis: *Facienti quod in se est, Deus non denegat gratiam*; & qua ratione sequendo hanc sententiam possit defendi, posse reperiri ignorantiam inuincibilem finis supernaturalis, aut eius obiecti supernaturalis, cuius fides requiritur ad iustificationem.

INDEX

QVÆSTIONVM ARTICVLORVM ET DVBIORVM LECTVRÆ SEXTÆ.

QVÆSTIO LXXI.

De vitijs & peccatis secundum se.

Ratio ordinis & conexio.
ARTICVLVS I. Vtrum vitium contrarietur virtuti?

Commentarius.

DVB. 1. An bonitas consequatur ad essentiam virtutis.

§ 1. Rationes dubitandi.

§ 2. Responsiones Caietani, Conradi, Medina refutantur.

§ 3. Vera sententia. Bonitas duplex moralis, & transcendentalis.

§ 4. Satisfactio rationibus dubitandi.

DVB. 2. Quo genere oppositionis opponatur malitia virtuti.

DVB. 3. De veritate tertie conclusionis.

ARTIC. 2. Vtrum vitia sint contra naturam.

Commentarius.

DVB. vnica. An conclusio sit vera:

§ 1. Partis negativæ argumenta proponuntur.

§ 2. Fundamenta pro responsione.

§ 3. Decisio dubij.

§ 4. Argumenta vitio dubij proposita dissoluntur.

ARTIC. 3. Vtrum vitium sit peius quam actus vitiosus.

Commentarius.

§ 1. Actus excedunt habitus in genere moris.

§ 2. Habitus infusi supernaturales excedunt actus in genere entis.

§ 3. An habitus acquisiti excedant actus in genere entis.

ARTIC. 4. Vtrum peccatum possit esse simul cum virtute.

Commentarius.

DVB. vnica. An actus, qui est peccatum veniale, possit remittere aut destruere virtutem mortalem acquisitam.

§ 1. Sensus dubij exponitur.

§ 2. Decisio.

§ 3. Argumenta contra decisionem traditam.

§ 4. Respondetur ad argumenta prædicta.

ARTIC. 5. Vtrum in quolibet peccato sit aliquis actus?

Commentarius.

Peccatum, commissio & omissio. Tres modi quibus actus aliquis potest adinseverari peccato omissionis.

DVB. 1. An possit inueniri peccatum omissionis, sine aliquo actu qui concurrat ad ipsum?

§ 1. Sententia Alexandri, requiri actum qui sit volutio omissionis.

§ 2. Sententia Capreoli, Caietani, Conradi, requiri aliquem actum, non tamen necessarium cum qui sit volutio omissionis.

§ 3. Resolutio, posse inueniri peccatum omissionis sine ullo actu: licet plerumque aliquis interueniat.

§ 4. Ad argumenta primæ sententiæ quomodo in peccato pura omissionis interueniat auersio & conuersio.

§ 5. An per peccata omissionis multiplicata generentur habitus.

§ 6. Ad argumenta secundæ sententiæ.

DVB. 2. An omnes actus conueniant peccato omissionis sine etiam peccata?

§ 1. Exponitur sensus dubij, & varia sententiæ adferuntur.

§ 2. Resolutio quæstionis.

§ 3. Quomodo possit cognosci an aliquis actus sit causa omissionis, vel solum se habeat concomitanter.

§ 4. Argumenta contra doctrinam traditam proponuntur & solvuntur.

§ 5. Qua malitia sit moraliter malus actus ille, qui est causa omissionis.

§ 6. Argumenta Henrici & aliorum contra opinionem dissoluntur.

DVB. 3. Quando peccet quis peccato omissionis.

§ 1. Referuntur varia sententiæ cum motibus.

§ 2. Decisio proposita difficultatis.

§ 3. Dissoluntur motus aliarum sententiarum.

§ 4. Quando & quomodo incipiat peccatum omissionis.

ART.

ART. 6. *Utrum conuenienter definatur peccatum, esse delictum, vel factum, vel concupiscitum contra legem eternam.*

Commentarius.

DVB. 1. *An ratio formalis constitutina peccati commissionis sit aliquid positium, vel priuatum, vel ex viroque coniunctum.*

§ 1. Explicatur dubium istud.

§ 2. *Prima sententia, peccatum actuale commissionis constituitur in priuatione.*

§ 3. *Sententia altera constituitur eius rationem in positum.*

§ 4. *Sententia tertia, constituit formaliter in positum & priuatum.*

§ 5. *Formale peccati commissionis non est priuatum diuinitatis.*

§ 6. *Non est denominatio extrinseca, nec relatio rationis, nec positum & priuatum simul.*

§ 7. *Constitutio in ordine positum reali ad obiectum diffinitum legi.*

§ 8. *Soluntur argumenta aliarum sententiarum.*

DVB. 2. *An omne peccatum ideo sit peccatum, quia aliqua lege prohibitum.*

§ 1. *Sententia dubia. Afferitur pars affirmativa.*

§ 2. *Sententia negatiua Scoti proponitur.*

§ 3. *Argumenta Scoti dissoluntur.*

DVB. 3. *An peccatum eo ipso quod sit contra rationem, sit etiam contra Deum?*

§ 1. *Ponitur pars affirmatiua vera.*

§ 2. *Obiectionis cuiusdam solutio.*

QVÆSTIO LXXII.

De distinctione peccatorum vel vitiorum.

ARTICVLVS I. *Utrum peccata distinguantur specie secundum obiectum?*

Commentarius.

§ 1. *Peccati commissionis formaliter constituitur positum.*

§ 2. *Recessus à Dei lege non est per se intentus à peccante.*

ARTIC. 2. *Utrum distinguantur peccata carnalia à spiritalibus?*

Commentarius.

ARTIC. 3. *Utrum peccata distinguantur specie secundum causas?*

§ 1. *Argumenta contra conclusionem D. Thom.*

§ 2. *Fundamenta quibus declaratur conclusio.*

§ 3. *Dissoluntur argumenta contraria.*

ART. 4. *Utrum peccatum conuenienter distinguatur in peccatum in Deum, in seipsum & in proximum?*

Commentarius.

§ 1. *Diuisionem hanc essentialem esse, & in species subalternas.*

§ 2. *Soluitur quidam dubitatio de diuisione peccatorum in carnalia & spiritalia.*

ARTIC. 5. *Utrum diuisio peccatorum que est secundum reatum, diuersi ceterum speciem?*

Commentarius.

ARTIC. 6. *Utrum peccatum commissionis & omissionis differant specie in genere motus?*

Commentarius.

§ 1. *Sententia negans Caietani.*

§ 3. *Resolutio questionis: Differre specie, quando viroque secundum eundem peccatum.*

§ 3. *Ad argumenta pro Caietano facta.*

DVB. 3. *Utrum ex distinctione preceptorum pos-*

sit colligi distinctio specifica peccatorum?

§ 1. *Posse, quando ratio precipiendi de eadem re est diuersa, non posse si sit eadem.*

§ 2. *Quomodo cognoscatur, quando ratio precipiendi eandem rem sit eadem vel diuersa.*

§ 3. *Conferantur quedam ex hac deest ina.*

ARTIC. 7. *Utrum conuenienter diuidatur peccatum in peccatum cordis, oris, & operis?*

Commentarius.

ARTIC. 8. *Utrum superabundantia & defectus diuersificent species peccatorum?*

Commentarius.

ART. 9. *Utrum peccata diuersificentur specie secundum diuersas circumstantias?*

Commentarius.

QVÆSTIO LXXIII.

De comparatione peccatorum.

ARTIC. 1. *Utrum omnia peccata sint connexa?*

Commentarius.

ARTIC. 2. *Utrum omnia peccata sint paria?*

Commentarius.

§ 1. *Fundamentum erroris Stoicorum & Ioniniani declaratur.*

§ 2. *Fundamentum Stoicorum dissoluitur. Quomodo priuatio suscipiat magis & minus. Quomodo peccatum comparatur secundum aliquam bonitatem moralem.*

§ 3. *Etiā peccata, que tantum sunt mala quia prohibita possunt esse inæqualia.*

ARTIC. 3. *Utrum grauitas peccatorum varietur secundum obiecta?*

Commentarius.

§ 1. *Peccati grauitas seu grauitas essentialis, & accidentalis, que intensiua aut numeralis.*

§ 2. *An grauitas accidentalis possit æquare aut superare essentialem.*

ARTIC. 4. *Utrum grauitas peccatorum differat secundum dignitatem virtutum quibus opponuntur?*

Commentarius.

§ 1. *Declaratur prima conclusio articuli.*

§ 2. *Argumenta contra conclusionem iam explicatam obiciuntur & dissoluntur.*

§ 3. *Examinantur solutiones quas D. Thomas addidit argumentis in principio articuli factis.*

ARTIC. 5. *Utrum peccata carnalia sint minoris culpa quam spiritualia?*

Commentarius.

ARTIC. 6. *Utrum grauitas peccati attendatur secundum causam peccati.*

Commentarius.

§ 1. *Exponitur conclusio prima articuli quando explicanda in confiscatione intentio & commutatio actus.*

§ 2. *Exponitur secunda conclusio articuli. An motum seu finis operationis augeat vel minuat grauitatem peccati.*

ARTIC. 7. *Utrum circumstantia aggrauet peccatum?*

Commentarius.

DVB. 1. *Quando circumstantia que dat speciem mali (nam de hac loquitur ibi D. Thom.) transferat peccatum in aliam speciem?*

DVB. 2. *Utrum circumstantia que dat effectui aliquam speciem mali, non solum aggrauet peccatum, quia dat illam speciem, sed etiam quoniam augeat in-*

nitiam,

luntati, quæ sumitur ex obiecto intra latitudinem propriæ speciei.

§ 1. *Paria affirmativa proponitur.*

DVB. 2. *Circumstantia contra obiecto ut medium cum finali maxime non augeat: autem vera unita obiecto, ut ratio formalis seu motum cum materia, aut quasi medio, aut conditione fuit quæ non.*

§ 3. *Ad argumenta paria affirmativa.*

DVB. 3. *Utrum circumstantia quæ aggravat multiplicando rationem peccati deest alius unum numero malitiam vel plures numero distinctas?*

ARTIC. 8. *Utrum gravior peccati augeatur secundum maius nocuumtum?*

Commentarius.

DVB. 1. *An nocuumtum quod sequitur ex peccato aggravat ipsum peccatum cum alia sequatur ex eo vel potius cum committitur peccatum quod est eius causa?*

DVB. 2. *An, ut nocuumtum aggravat peccatum dando ei novam speciem, requiratur, quod sit expresse intentum à peccatore?*

§ 1. *Argumenta paria affirmativa.*

§ 2. *Fundamenta pro resolutione questionis proponitur.*

§ 3. *Verba sententia declaratur.*

§ 4. *Solvuntur argumenta contraria.*

DVB. 3. *Quid in illis D. Thom. per illas voces directe & indirecte, cum interdum dicit nocuumtum aggravare peccatum directe, & interdum aggravare indirecte?*

DVB. 4. *Utrum sit verum?*

§ 1. *Paria negativa argumenta.*

§ 2. *Resolutio questionis.*

§ 3. *Concessoria quedam ex hac doctrina tradita.*

§ 4. *Respondetur argumentis initio positis de nocuumto reali & penali.*

DVB. 5. *An inducitur mulierem ad fornicandum gravior peccet quam homicida?*

§ 1. *Proponuntur varia sententia cum fundamentis.*

§ 2. *Verba sententia declaratur & probatur.*

§ 3. *Ad argumenta aliarum sententiarum.*

ARTIC. 9. *Utrum peccatum aggravatur ratione personæ in quam peccatur?*

Commentarius.

ART. 10. *Utrum magnitudo personæ peccantis aggravat peccatum?*

Commentarius.

QVÆSTIO LXXIV.

De subiecto peccatorum.

Ratio ordinis.

ARTICVLVS I. *Utrum voluntas sit subiectum peccati?*

Commentarius.

DVB. *An debet intelligi de omni peccato, ita ut sensus sit, omne peccatum esse in voluntate, ut in subiecto?*

§ 1. *Paria negativa.*

§ 2. *Re solvitur quæstio pro parte affirmativa.*

ARTIC. 2. *Utrum voluntas sit subiectum peccati?*

Commentarius.

DVB. *Utrum conclusio sit vera?*

§ 1. *Fundamenta pro explanatione dubij.*

§ 2. *Resolutio dubij.*

§ 3. *Concessoria ex hac doctrina.*

ARTIC. 3. *Utrum in sensualitate possit esse peccatum?*

Commentarius.

DVB. 1. *An in sensualitate hoc est in appetitu sensu secundum se possit esse peccatum?*

§ 1. *Sententia affirmativa Cæterani.*

A § 2. *Refelluntur paria negativa.*

§ 3. *Censura de sententia Cæterani.*

§ 4. *Ad argumenta pro Cæterani sententia.*

DVB. 2. *Utrum omnes motus appetitus sensus in causa illicita sint peccati?*

§ 1. *Sententia affirmativa argumenta.*

§ 2. *Edigitur sententia negativa ut certa.*

§ 3. *Contra Henricum & harense explicationem, itemque contra Henricum & Dædorem solennem.*

§ 4. *Quando motus circa illicita sint vel non sint peccati.*

§ 5. *Ad argumenta initio dubij proposita.*

ARTIC. 4. *Utrum in sensualitate possit esse peccatum mortale?*

Commentarius.

DVB. 1. *An conclusio arti. sic vera?*

DVB. 2. *An quando motus appetitus est peccatum mortale, aut veniale, propter negligentiam voluntatis in reprimendo ipsum, sit peccatum commissum vel ommissum?*

§ 1. *Sententia affirmativa esse peccatum ommissionis.*

§ 2. *Aliter sententia Cæterani esse peccatum commissum.*

§ 3. *Solvitur fundamentum Scoti.*

ARTIC. 5. *Utrum in ratione possit esse peccatum?*

Commentarius.

ART. 6. *Utrum peccatum mortale delectationis sit in ratione?*

Commentarius.

ARTIC. 7. *Utrum peccatum in aliam rationem confectum sit in ratione superioris?*

Commentarius.

ARTIC. 8. *Utrum consensus in delectationem sit peccatum mortale?*

Commentarius.

DVB. 1. *Quid requiratur ex parte deliberationis sine advertentia intellectus, ut delectatio de obiecto illicito cogitata sit peccatum mortale?*

§ 1. *Prima sententia Oceanum sufficere deliberationem eam quæ sufficit ad peccatum veniale.*

§ 2. *Revolvitur questio. Deliberatio semiplena & plena explicatur.*

§ 3. *Ad argumenta initio proposita.*

DVB. 2. *Quid requiratur ex parte consensus voluntatis, ut delectatio de illicito obiecto cogitata sit peccatum mortale?*

§ 1. *Sensus questionis. Ex prima opinio cum suis fundamentis.*

§ 2. *Resolutio questionis.*

§ 3. *Quamvis conatus requiratur ad reprimendum, quæ causa rationalis sit, & quæ voluntas sufficiens ad non reprimendum.*

§ 4. *Ad argumenta initio posita.*

VLT. DVB. *Quid requiratur ex parte obiecti, hoc est quid debet esse materia de qua delectamur ut concurrentibus aliis, quæ dicimus ex parte deliberationis & consensus, ipsa delectatio sit peccatum mortale?*

§ 1. *Traditur regula de quæstio.*

§ 2. *Difficultates aliquæ ex regula emergentes dissolvuntur.*

ARTIC. 9. *Utrum in superiori ratione possit esse peccatum veniale, secundum quod est doctrina inferiorum virorum.*

ARTIC. 10. *Utrum in ratione reperiri possit peccatum veniale secundum se?*

Commentarius.

§. Quatuor dubia explicantur.

Vlt. Dvb. An in ratione sine in portione superioris sint motus primo primi, quia quamvis versentur circa obiecta mala, tamen propter defectum deliberationis careant omnino culpa; sicut diximus de iisdem moribus in appetitu sensitivo.

QVÆSTIO LXXV.

De causis peccatorum in generali.

ART. 1. V. Peccatum habeat causam?

Commentarius.

ART. 2. V. Peccatum habeat causam interiorem?

Commentarius.

ART. 3. Vtrum Peccatum habeat causam exteriorem?

Commentarius.

ART. 4. Vtrum peccatum sit causa peccati.

Commentarius.

QVÆSTIO LXXVI.

De causis peccati in speciali, & primo de ignorantia.

Ordo & connexio tractationis.

§. Multiplex divisio ignorantia.

ART. 1. Vtrum ignorantia possit esse causa peccati.

Commentarius.

Dvb. An intelligatur de peccato quoad formale peccatum & prout pertinet ad genus moris, vel potius quoad essentiam materiale, & prout pertinet ad genus natura.

ART. 2. Vtrum ignorantia sit peccatum.

Commentarius.

§. Aliquam ignorantiam esse peccatum. Qua sententia sciretur ut eorum ignorantia sit peccatum?

Dvb. 1. V. ignorantia vincibilis eorum qua quis tenetur scire, sit in seipsa peccatum an solum ratione negligentia.

§. 1. Exponitur titulus & sensus dubitationis.

§. 2. Tres sententia cum suis motibus.

§. 3. Ignorantia actualis eorum qua tenemur scire est peccatum; & quomodo.

§. 4. Ignorantia habitualis non est peccatum sed effectus peccati.

§. 5. Ad argumenta prima sententia.

§. 6. Ad argumenta secunda sententia, ignorantia habitualis non esse ullo precepto prohibitam.

§. 7. Soluuntur tertia sententia motiva.

Dvb. 2. An eo modo, quo ignorantia vincibilis est peccatum sit speciale peccatum?

§. 1. Sensus questus.

§. 2. Prima pars vera sententia declaratur.

§. 3. Consecutaria ex doctrina tradita.

§. 4. Altera pars vera sententia.

§. 5. Dua difficultates expenduntur.

Dvb. 3. Qua intelligentia requiratur ut ignorantia eorum qua pertinent ad ius divinum, censeri possit in vincibilis.

§. 1. Sensus dubij.

§. 2. Ponuntur que sunt certa in omni sententia.

§. 3. De medio extraordinario diligentia adhibendo, sententia prima.

§. 4. Sententia contraria eligitur.

§. 5. Soluuntur fundamentum prima sententia. An possit dari ignorantia in vincibilis iuris divini quoad mysteria fidei & quoad precepta positiva v.g. pertinentia ad sacramenta.

A Dvb. 4. De ignorantia iuris naturalis quanta diligentia debeat precedere ad acquirendam scientiam oppositam ut ipsa censetur in vincibilis?

§. 1. De questu.

§. 2. An possit dari ignorantia in vincibilis iuris naturalis.

Dvb. 5. De ignorantia iuris positivi humani, quantum scilicet & qualis debeat adhiberi diligentia ad sciendum hoc ius ut ignorantia circa ipsum possit censeri in vincibilis.

Dvb. vlt. Qua diligentia adhiberi debeat ut ignorantia facti sit in vincibilis.

ART. 3. V. ignorantia excuset à toto peccato.

Commentarius.

Dvb. V. ignorantia concomitans excuset à peccato?

§. 1. Sensus primus questionis de re; & sententia prima, cum fundamentis.

§. 2. Contraria sententia eligitur & declaratur.

§. 3. Actus cum ignorantia in vincibili concomitante factus, nunquam est voluntarius.

§. 4. Argumenta prima sententia dissolvuntur.

Dvb. 2. An sufficiat actum externum carere culpa propter ignorantiam concomitantem ut ipsa ignorantia proprie dicatur excusare à culpa.

B §. Annotationes circa 2. & 3. conclusionem articuli.

Dvb. 3. An semper ignorantia actualis, qua appellatur inconsideratio, vel inadvertentia, sit in vincibilis, an aequaleat ignorantia in vincibili quantum ad effectum excusandi omnino à peccato?

§. 1. Sensus questionis exponitur.

§. 2. Varia sententia cum motibus.

§. 3. Resolvitur questio.

§. 4. Ad motiva aliarum sententiarum.

ART. 4. V. ignorantia diminuat peccatum?

Commentarius.

Dvb. 1. V. ignorantia que est directe & expresse voluntaria, siue que ab alijs appellatur affectata, aliquo modo minuat peccatum.

§. 1. Ratio dubitandi, & fundamentum pro solutione; affectata ignorantia duplex.

§. 2. Responsio ad Dubium propositum.

§. 3. Duæ obiectiones contra traditam doctrinam examinantur.

§. 4. Ratio dubitandi posita in principio dubij dissolvitur.

Dvb. 2. V. ignorantia crassa, seu indirecte voluntaria minuat peccatum, reddendo ipsum lenius infra eam speciem quam haberet si fieret cum scientia, vel potius transferendo ipsum ad aliam speciem peccati leniorem.

§. 1. Proponuntur varia opiniones.

§. 2. Notatio pro vera sententia.

§. 3. Resolutio dubij.

§. 4. Ad fundamenta aliarum sententiarum.

Dvb. 3. V. ignorantia in vincibilis culpe excuset etiam à tota pena proprie dicta, siue, que propter illam culpam est à iure statuta?

§. 1. Resolutio dubij.

§. 2. An qui existimans se interficere Petrum quem scit esse sacerdotem, interficiat Franciscum sacerdotem incurrat excommunicationem.

§. 3. An ignorantia in vincibilis damni quod per accidens sequitur ex opere alius illicito, excuset à pena obligationis restituendi.

§. 4. An ignorantia in vincibilis que excusat omnino à culpa theologica homicidij facti primata auctoritate excuset etiam à pena irregularitatis.

Dvb. 4. V. ignorantia vincibilis culpa excuset à pena.

DVB. 5. *An ignorantia penultima excuset ab ipsa pena.*

DVB. 6. *An ignorantia excuset aliquando a pena improprie sumpta, cuiusmodi est irregularitas qua incurritur propter defectum decentis, aut lenitatis, aut significativitatis, sine aliqua culpa?*

QVÆST. LXXVII.

De causa peccati ex parte appetitus sensitivi.

ART. 1. *Primum voluntas maneat a passione appetitus sensitivi.*

Commentarius.

ART. 2. *P. ratio possit superari à passione contra suam sententiam.*

Commentarius.

DVB. 1. *Vir, sine ignorantia vel errore rationis, hoc est, passio plena & perfecta iudicio rationis tam universali quam particulari circa aliquod peccatum, possit voluntas sine propter passionem sine propter aliam causam velle & committere ipsum?*

§. 1. *Sententia affirmativa cum motibus.*

§. 2. *Sententia negativa: variegque modo explicanda.*

§. 3. *Annotationes pro resolutione quaestionis.*

§. 4. *Resolutio dubij propositi.*

§. 5. *Una difficultas examinatur.*

§. 6. *Argumenta contraria dissolvuntur.*

ART. 3. *P. peccatum quod est ex passione, debeat dici infirmitas.*

ART. 4. *P. amor sui sit principium omnis peccati.*

Commentarius.

ART. 5. *P. concupiscenter ponantur cause peccatorum concupiscentia carnis, concupiscentia oculorum & superbia una.*

ART. 6. *V. peccatum alienetur propter passionem.*

ART. 7. *P. passio totiusque excuset a peccato?*

Commentarius.

DVB. *An omissiones & commissiones contraria praeceptis qua sunt tempore infirmitatis, in quam aliquis voluntarie incidit imputetur ei ad culpam?*

ART. 8. *P. peccatum quod est ex passione possit esse mortale?*

QVÆSTIO LXXVIII.

De causa peccati quod est malitia.

ART. 1. *V. aliquis peccet ex certa malitia?*

Commentarius.

DVB. *Quid sit peccare ex malitia?*

ART. 2. *P. quicunque peccat ex habitu peccati ex malitia.*

Commentarius.

ART. 3. *P. ille qui peccat ex certa malitia peccet ex habitu?*

Commentarius.

DVB. 1. *V. passio reperiri peccatum ex malitia in homine quod non procedit ex aliqua ex istis tribus inordinatibus, scilicet ex habitu, aut ex dispositione corporali, aut ex alio peccato procedenti.*

DVB. 2. *P. peccatum procedens ex naturali complexionem corporis, quam D. Tho. appellat aggründalem habundinem sit dicitur peccatum ex malitia.*

ART. 4. *V. ille qui peccat ex certa malitia gravius peccet quam qui ex passione?*

Commentarius.

§. *De divisione peccati in peccatum ex ignorantia, ex passione, & ex malitia. Dns. Dubiola.*

QVÆSTIO LXXIX.

De causis exterioribus peccati.

§. *Ratio ordinis.*

ART. 1. *P. Dni sit causa peccati.*

Commentarius.

§. 1. *Sensus dubij explicatur.*

§. 2. *Hæreticorum argumenta impie assertentium affirmativam.*

§. 3. *Dni permittit peccata fieri etiam ut peccata sunt.*

§. 4. *Dni alii passivo ab aeterno non decrevit committi ullum peccatum.*

§. 5. *Dni non operatur peccatum ut peccatum est.*

§. 6. *Dni non movet directe voluntatem creaturæ ad peccatum ut peccatum est.*

§. 7. *Dissolvuntur argumenta hæreticorum.*

§. 8. *An potentia peccandi sit a Deo.*

ART. 2. *P. alii peccati sit a Deo.*

Commentarius.

DVB. *V. sit vera conclusio articuli.*

§. 1. *Ponuntur sententiae cum fundamentis.*

§. 2. *Resolutio quaestionis.*

§. 3. *Quomodo providentia Dei versetur circa alium peccati.*

§. 4. *Dissolvuntur argumenta sententiarum contrariarum.*

ART. 3. *V. Dni sit causa excitationis & inductionis?*

Commentarius.

ART. 4. *P. excitatio & obduratio semper ordinatur ad salutem eius, qui excitatur & obduratur.*

Commentarius.

QVÆSTIO LXXX.

De causa peccati ex parte diaboli.

ART. 1. *P. Diabolus sit homini directe causa peccandi?*

Commentarius.

ART. 2. *V. Diabolus possit inducere ad peccandum interius insigendo?*

Commentarius.

ART. 3. *P. Diabolus possit necessitatem inferre a peccandum?*

Commentarius.

ART. 4. *P. omnia peccata hominum sint ex suggestione diaboli?*

Commentarius.

QVÆSTIO LXXXI.

De causa peccati ex parte hominis.

Ordo & methodus quaestionis.

ART. 1. *V. Primum peccatum primi hominis tractatur per originem in posterum?*

Commentarius.

DVB. 1. *An conclusio articuli sit vera?*

§. 1. *Fundamenta partis negativæ.*

§. 2. *Varij errores.*

§. 3. *Parti affirmativæ certa eligitur.*

DVB. 2. *An peccatum quod dicitur à primo peccato in suis posteris transiendi, sit voluntarium aliquo modo sufficienti ad hoc ut in eis habeat proprie rationem peccati?*

§. 4. *Parti negativæ proponitur, cum argumentis.*

§. 5. *Resolutio dubij.*

§. 6. *Proponuntur novæ nulla ad solutionem argumentorum partis negativæ huius dubij secundo.*

§. 7. *Solvuntur argumenta adducta in introitu.*

diol

ambij secundis.

DVB. 2. *Quod est tertium in ordine articuli. Utr. hoc peccatum per generationem traducatur ad posteros Ada?*

§. 8. *Propositur pars negativa cum argumentis.*

§. 9. *Referuntur varij modi dicendi.*

§. 10. *Resolvitur questio secundum opinionem D. Thoma.*

DVB. ult. *V. primum peccatum quod de facto commisit Adam, sit illud, quod ad posteros eius traducitur. Brenis resolutio questionis.*

ART. 2. *V. alia peccata primi parentis, vel proximarum parentum traducantur in posteros?*

Commentarius.

ART. 3. *Utr. Peccatum primi parentis transcat per originem in omnes homines?*

Commentarius.

§. 1. *An omnes de facto contrahant peccatum originale, aut solum debitum contrahendi incurrant?*

§. 2. *An beata virga peccaverit in Adamo.*

§. 3. *An peccatum originale maneat aliquo modo in renatis.*

ART. 4. *V. si aliquis ex humana carne formaretur miraculose, contraheret peccatum originale?*

Commentarius.

ART. 5. *Utrum, si Adam non peccasset, Eua peccante, filij originale peccatum contraherent?*

Commentarius.

DVB. vnic. *An etiam in eos qui nascerentur antequam ipse peccasset posset traducere peccatum?*

§. *Resolutio dubij.*

QVÆST. LXXXII.

De essentia peccati originalis.

Ratio ordinis.

ARTIC. 1. *Utrum originale peccatum sit habitus.*

DVB. vnic. *An ex actu Ada participemus nos, aliquam habitalem inclinationem, qua nobis per naturalem generationem communicetur?*

§. 1. *Ratio dubitandi pro parte negativa.*

§. 2. *Referuntur varia sententia circa hanc difficultatem & prima sententia est Gregorij.*

§. 3. *Propositur secunda sententia qua est Durandi, Scoti, & Caterini.*

§. 4. *Referuntur tertia sententia cum suis argumentis & est Jacobi Raelanti. Et Corduba.*

§. 5. *Decisio questionis.*

§. 6. *Respondetur ad argumenta prima sententia.*

§. 7. *Soluntur argumenta tertia sententia.*

ARTIC. 2. *Utrum in uno homine sint multa originalia peccata?*

Commentarius.

ART. 3. *Utr. peccatum originale sit concupiscentia.*

Commentarius.

DVB. 1. *An concupiscentia sit proprie & formaliter peccatum originale?*

§. 1. *Sententia affirmativa haeticorum.*

§. 2. *Stabilitur pars negativa Catholicorum.*

§. 3. *Soluntur argumenta Haeticorum.*

DVB. 2. *An concupiscentia ante baptismum sit materiale originale peccati?*

§. 1. *Propositur sententia affirmans.*

§. 2. *Eligitur sententia negans.*

§. 3. *Soluntur argumenta partis affirmantis.*

DVB. 3. *An in peccato originali, quod ad nos traducitur, sit aliqua conversio habitualis ad creaturam, tanquam ad ultimum finem, ita ut ex ea, tanquam ex*

A parte materiali, & ex aversione tanquam ex formali, constitutur intrinsece, sicut peccatum actuale constituitur ex conversione actuali ad bonum commutabile, qua est quidam actus & ex aversione a Deo.

§. 1. *Argumenta partis affirmativa proponuntur.*

§. 2. *Pars negativa stabilitur, & argumenta opposita soluntur.*

DVB. 4. *Utrum Ratio formalis peccati originalis consistat in privatione iustitiae originalis?*

§. 1. *Quid per iustitiam originalem intelligatur?*

§. 2. *Adferuntur varia sententiae Doctorum.*

§. 3. *Peccatum originale non est privatio iustitiae originalis, nec privatio gratiae licet eam includat.*

§. 4. *Peccatum originale consistere in privatione conformitatis ad legem, ut talis privatio est terminus resultans ex actuali transgressionem Adam capitis nostri.*

§. 5. *Soluntur argumenta opinionum in principio adductarum.*

ART. 4. *Utrum peccatum originale sit aequaliter in omnibus?*

Commentarius.

QVÆSTIO. LXXXIII.

De subiecto originalis peccati.

Ordo & methodus questionis.

ART. 1. *Utrum originale peccatum sit magis in carne quam in anima?*

Commentarius.

DVB. 1. *Ratione cuius aversionis dicatur peccatum originale omnium hominum fuisse in Adam sicut in prima causa?*

DVB. 2. *V. sit concedendum fuisse in Adam peccatum originale?*

ART. 2. *Utrum peccatum originale sit proprius in essentia anima quam in potentia.*

Commentarius.

DVB. *An immediatum subiectum peccati originalis sit anima secundum suam essentiam, vel potius ratione voluntatis?*

§. 1. *Varia sententia de proposito dubio.*

§. 2. *Animam secundum suam essentiam esse immediatum subiectum peccati originalis.*

§. 3. *Soluntur argumenta aliarum sententiarum.*

ART. 3. *U. peccatum originale per primum inficiat voluntatem quam reliquas potentias?*

Commentarius.

ART. 4. *V. praefata potentia sint magis inflecta quam alia.*

Commentarius.

APPENDIX.

De pena peccati originalis.

DVB. 1. *An peccato originali respondeat aliqua pena, qua proprie sit plena?*

DVB. 2. *V. pena respondens peccato originali sit per se aeterna? hoc est ex gravitate ipsius peccati?*

DVB. 3. *An ista pena sit pena damni, id est, carentia divina visionis?*

DVB. 4. *Utrum etiam peccato originali respondeat pena sensus?*

DVB. 5. *Utrum saltem respondeat peccato originali aliqua interna tristitia?*

QVÆSTIO. LXXXIV.

De causa peccati secundum quod unum peccatum est causa alterius peccati.

ART. 1. *U. cupiditas sit radix omnium peccatorum.*

Commentarius.

DVB. An conclusio sit intelligenda de radice peccatorum ordine intentionis, vel potius ordine executionis?

ART. 2. V. superbia sit initium omnis peccati.

Commentarius.

ART. 3. V. prater superbiam & amaritiam sint alia specialia peccata qua dici debeant capitalia?

ART. 4. Vir. convenienter dicantur septem vitia capitalia?

QVÆSTIO. LXXXV.

De effectibus peccati.

ART. 1. Vir. peccatum diminuat bonum naturæ?

ART. 2. V. bonum humanæ naturæ possit auferri per peccatum?

Commentarius.

DVB. An inclinatio naturalis ad virtutem possit in homine diminui per peccatum?

ART. 3. V. convenienter ponantur vulnera naturæ ex peccato consequentia, infirmitas, ignorantia, malitia & concupiscentia?

Commentarius.

ART. 4. Virum privatio modi, speciei, & ordinis, sit effectus peccati?

Commentarius.

ART. 5. Virum mors, & alij corporales defectus sint effectus peccati.

ART. 6. Virum mors, & alij defectus sint naturales homini?

Commentarius.

QVÆSTIO. LXXXVI.

De macula peccati.

ART. 1. V. peccatum causet aliquam maculam in anima?

ART. 2. V. macula maneat in anima post actum peccati?

Commentarius.

DVB. 1. An sit macula ex peccato derelicta?

DVB. 2. Quid sit illud quod per actum peccati, habet in homine vere & proprie rationem peccati?

§. 1. Varia sententia adferuntur.

§. 2. Quid sit peccatum habituale?

§. 3. Difficultates quadam contra doctrinam de peccato habituali datam solvuntur.

§. 4. Quid sit macula peccati?

§. 5. Solvuntur fundamenta aliarum sententiarum.

§. 6. Confellaria quadam ex tota doctrina huius dubij.

DVB. 3. Quid sit causa efficiens macula?

DVB. 4. Quid sit causa materialis sine subiectum macula?

QVÆSTIO LXXXVII.

De reatu penæ.

ARTIC. 1. Virum reatus penæ sit effectus peccati?

Commentarius.

DVB. Quid sit iste reatus penæ?

ARTIC. 2. Virum peccatum possit esse pena peccati?

Commentarius.

DVB. V. peccatum secundum propriam rationem formatam (hoc est deformitatem & inordinationem sine hac sit privatio sine aliquid positum) possit esse pena peccati?

§. 1. Sententia affirmativa rationes.

§. 2. Sententia negativa qua est D. Thomas praefertur.

§. 3. Quomodo peccatum ut pena est, sit à Deo?

A

§. 4. Dissolvuntur rationes contrariae opinionis.

ART. 3. V. aliquod peccatum inducat reatum penæ æternæ?

Commentarius.

§. 1. Divisio penæ peccati in penam damni & penam sensus, est de fide.

§. 2. Excluduntur multi errores circa penas damnatorum.

§. 3. An pena æterna sit proportionata culpa, an vero sit maior quam culpa ipsa mereatur.

ART. 4. V. peccato debeatur pena æterna, vel infinita secundum quantitatem?

Commentarius.

DVB. 1. V. pena damni sit aequalis respectu omnium peccatorum mortalium?

§. 1. Sententiæ affirmatiæ authores & argumenta.

§. 2. Sententia negativa vi verior eligitur.

§. 3. Penes quid attendenda sit inæqualitas in eiusmodi penæ?

§. 4. Solvuntur argumenta primæ sententiæ.

DVB. 2. An pena, qua respondet peccato mortali, sit de facto infinita.

DVB. 3. An pena qua respondet peccato mortali sit saltem syncategorematice infinita.

DVB. 4. An pena sensus respondeat conversioni in peccato mortali, & penæ damni aversioni.

ART. 5. Virum omne peccatum inducat reatum penæ æternæ?

Commentarius.

DVB. vnic. An pena, qua puniuntur dampnati in inferno pro peccatis venialibus, sit futura æterna?

§. 1. De primo sensu dubij.

§. 2. De altero sensu dubij propositi.

ART. 6. Virum reatus penæ remaneat post peccatum?

Commentarius.

ART. 7. Virum omnis pena sit propter aliquam culpam.

Commentarius.

ART. 8. Virum aliquis puniatur, pro peccatis alterius.

DVB. 1. An in iudicio Dei puniantur filij penæ temporali propter peccata parentum.

DVB. 2. An in iudicio humano possint filij puniri aliqua penæ temporali propter peccata parentum.

QVÆST. LXXXVIII.

De divisione peccati in mortale & veniale.

C

ART. 1. V. peccatum veniale convenienter dividatur contra mortale.

Commentarius.

DVB. 1. V. sint aliqua peccata mortalia, & aliqua venialia?

§. 1. Varij errores.

§. 2. Vera sententia declaratur.

§. 3. Errorum fundamenta evertuntur.

DVB. 2. An ex natura sua, vel ex sola Dei misericordia sit veniale aliquod peccatum.

§. 1. Sententia asserens hoc ex sola Dei misericordia provenire.

§. 2. Vera sententia.

§. Prioris sententiæ argumenta solvantur.

DVB. 3. Quid sit id quo primo distinguitur peccatum mortale à veniali.

§. 1. Peccatum veniale esse venia contra aliquam legem.

§. 2. Non ideo peccatum veniale est, quia tantummodo sit contra consilia.

§. 3. Pec-

§. 3. Peccatum mortale & veniale differunt penes gravitatem & lenitatem offensa.

§. 4. Regula ad discernendum peccatum mortale à veniali.

Dyb. 4. An ratio peccati dicatur analogica de mortali & veniali, an vero univoce?

§. 1. Sententia affirmans.

§. 2. Resolvitur dubium sub distinctione.

ART. 2. Virum peccatum mortale & veniale differant genere?

Commentarius.

§. 1. Aliquando differunt specie.

§. 2. Non vero semper.

ART. 3. Virum peccatum veniale sit dispositio ad mortale?

Commentarius.

ART. 4. Virum peccatum veniale possit fieri mortale?

Commentarius.

§. 1. An prima conclusio articuli sit vera.

§. 2. Quibus modis veniale fiat mortale.

§. 3. An plura venialia constituere possint unum mortale.

ART. 5. An circumstantia possit facere mortale de veniali?

ART. 6. Virum peccatum mortale possit fieri veniale?

QVÆST. LXXXIX.

De peccato veniali secundum se.

ART. 1. Virum peccatum veniale causet maculam in anima?

Commentarius.

ART. 2. Virum peccatum veniale convenienter per lignum, fenum & stipulam designatur?

ART. 3. Virum homo in statu innocentia poterit peccare venialiter?

Commentarius.

§. 1. Sententia Scoti hoc affirmantis.

§. 2. Sententia D. Thomae negantis eligitur.

§. 3. Unde pronoveris, quod non potueris peccare venialiter.

§. 4. Ad rationes Scoti.

ART. 4. Virum Angeli boni vel mali possint peccare venialiter?

Commentarius.

ART. 5. Virum primi motus sensualitatis in infidelibus sint peccata mortalia?

ART. 6. Virum peccatum veniale possit esse in aliquo cum solo originali?

Commentarius.

Dyb. 1. An possit aliquis pervenire ad eum statum in quo habeat sufficientem usum rationis ad peccandum venialiter & non ad peccandum mortaliter?



LECTURA SEPTIMA.

DE
GRATIAE NECESSITATE,
ESSENTIA, DIVISIONE,
ET CAUSA.

Ad D. Thomae questionem 109. 110. 111. 112;

Index ad calcem Lecturae
apponitur.

QVÆSTIO CIX.

DE EXTERIORI PRINCIPIO HUMANA- norum actuum, scilicet de gratia.

PROÆMIUM.

IN HAC, & sequentibus quæstionibus vsque in finem huius libri, continetur ultima eius pars, in qua D. THOM. agit de quodam principio humanorum actuum, scilicet de gratia. Vt autem rectius intelligantur ea quæ de ipsa docet D. THOM. præsupponenda sunt tria.

§. 1. *Varia acceptiones gratia.*

PRIMUM est, nomen gratia varias habere significationes in scriptura, & apud sanctos, vt referunt Soto li. 2. de nat. & grat. c. 3. DRIEDO l. de captiu. & redempt. generis humani tract. 6. c. 1. p. 2. in fine & l. 1. de grat. & lib. arb. c. 2. p. 1. & STAPLETONIVS lib. 4. de iustif. c. 2. ex quibus potissimæ & quæ magis ad rem faciunt sunt duæ: PRIMA est qua sumitur pro omni eo dono, quod à donante omnino gratis ex parte eius, & sine vlllo debito conceditur. Estque significatio ista tam lata, vt comprehendat omnia, quæ prædicto modo donantur, siue supernaturalia sint, siue naturalia: atque ita iuxta eam appellatur gratia, qua creati sumus à Deo, quod ab eo accepimus tale esse, tales potētias, atque perfectiones naturales, & quod semper habeamus eius concursum, & influxum necessarium ad exercitium nostrarum operationum. Nam quamuis ex his omnibus, quæ ad naturæ ordinem spectant, solum *creari* sit omnibus modis non debitum nobis, hoc est, neque absolute & secundum se, neque à Deo; & reliqua magna ex parte sint aliquo modo debita, non quidem ratione meritorum, sed ratione perfectionis & integritatis, quam quævis natura postulat quantum ad suas partes, & potētias, vt supposito, quod homo creetur, debentur ipsi partes requiritæ ad constitutionem naturæ humanæ, & potentiæ tali esse proportionatæ; & concursus generalis necessarius ad earum operationes: tamen etiam cum hæc nobis conferuntur à Deo, reperitur prædictus modus gratiæ; quia licet ipsa secundum se sint debita, tamen Deus non ex debito, sed liberaliter & gratis ea nobis confert. Hanc significationem gratiæ admittit AUGUST. tom. 3. epist. 105. ad Sixtum, & tom. 7. l. de nat. & grat. c. 55. & multis alijs in locis, cum distinguit gratiam redemptoris à gratia qua conditi aut creati sumus; & eadem vtitur 6. Synodus generalis quæ est vna ex Constantinop. art. 11. in epist. Sophronij, cum inquit, gratiam Dei promi-

A videre Angelis immortalitatem; cū tamen constet, eos secundum suam naturā esse immortales, & incorruptibiles, vt iam docent communiter Theologi cum D. THOM. 1. p. q. 9. art. 2. & q. 50. art. 5. Et iuxta eam Sap. 16. dicitur, gratiam Dei esse nutrimentum omnium rerum. Et à Paulo 2. ad Cor. 8. Beneficentia erga indigentes dicitur gratia.

SECUNDA significatio huius vocis est, qua sumitur pro dono liberaliter & gratis collato à Deo humanæ naturæ in ordine ad finem, aut operationem, vel effectum, ad quem ipsa non possit proprijs viribus pertingere, siue huiusmodi donum sit intrinsecum ipsi naturæ, siue extrinsecum, & siue habeat modum concursus actualis, siue habitus. Soletque gratia ita sumpta diuidi multis diuisionibus, de quibus dicemus in sequentibus.

B ET AD has duas significationes gratiæ reducitur ALIA, qua sumi solet pro gratia *increata*, hoc est pro voluntate & beneplacito Dei conferre hominibus huiusmodi dona; nam cum dona sunt naturalia, voluntas conferendi ea dicitur gratia priori ratione, scilicet quia non est debita: cum vero dona sunt supernaturalia, voluntas dicitur gratia posteriori ratione, scilicet non solum quia non est debita, sed etiam quoniam habet terminum supernaturalem.

C EX HIS duabus acceptionibus gratiæ, PELAGIVS solum agnoscebat priorem; & ita quamuis conuictus à Catholicis, concederet, necessarium esse gratiam ad hominis reparationem & iustificationem post peccatum, & ad bene viuendum; tamen dicebat, huiusmodi gratiam non esse donum aliquod superadditum naturæ, sed esse gratiam creationis, siue ipsam naturam humanam cum insita sibi à Deo conditore libertate, & possibilitate indifferenti ad bonum & malum; & cum reliquis potentijs: quoniam hæc omnia habent rationem gratiæ, quatenus proueniunt à Deo liberaliter, & gratis, & nullis præexistentibus meritis ex parte nostra, vt constat ex AUG. locis citatis, & tom. 6. lib. de hæresibus c. 88. Verum Catholici omnes semper admiserunt posteriorem acceptio-

nem: & gratiam ita sumptam appellabant *gratiam Christi*, & *gratiam redemptoris*, quia propter merita Christi redemptoris conceditur nobis: ut etiã cõstat ex *Av.* locis citatis; & illa acceptio est frequentissima in nouo testamento, præsertim apud Paulum, in Concilijs, aduersus Pelagium, & eius sectatores, ut postea dicemus: Et de gratia ita sumpta instituitur à D. Tho. præfens disputatio.

§. 2. Ordo & connexio huius materiæ.

SECUNDO aduertendũ (ut intelligatur ordo tam huius partis ad præcedentes, quam eorũ, quæ in ipsa continentur, inter se) D. THOMAS in hoc libro agere vltimo loco de principijs extrinsecis humanorum actuum; Nam de intrinsecis debuit prius agere, quoniam prius agendum erat de fine vltimo, & de actibus, quibus peruenitur ad ipsam & consequenter de peccatis, quæ ipsis opponuntur & de principijs intrinsecis istorum actuum; cæterum quoniam extrinsecæ sunt duo, scilicet *lex intrinsecæ* media cognitione, & *gratia* æternus vel æternus affectus ad operandum, & ea quæ pertinent ad cognitionem sunt priora, quam ea quæ pertinent ad effectum: ideo prius egisse de legibus, quam de gratia. Et rursum de ista gratia explicare quinque, scilicet, *an sit, quid sit, in quas species seu partes dividitur, quas causas habet, & quos effectus*. Inter quæ facile potest explicari ratio ordinis, quoniam quæritio, *an sit*, semper præcedit quæstionem, *quid sit*, & essentia seu quidditas rei præsupponitur divisioni; & *divisio*, quoniam aliquo modo includit diuisum, & versatur circa ipsum secundum se, est magis extrinsecæ, quam *causæ & effectus*; & tandem inter ista duo quæ sunt omnino extrinsecæ, *causæ* sunt priores quam *effectus*. Recensemus autem gratiam inter principia extrinsecæ humanorum actuum; quod etiam fecit D. Tho. non quia sepe non sit habitus intrinsecus, & inhærens essentia animæ, vel potentij: sed quia prouenit à Deo extrinsecus infundente ipsam; in quo differt ab habitibus acquisitis, qui, quoniam à nobis acquiruntur, ideo dicuntur principia intrinsecæ nostrorum actuum.

§. 3. Methodus huius quæstionis. Quinque status naturæ humanæ.

VLTIMO aduertendum, id quod peculiariter pertinet ad hanc primam quæstionem, D. THOMAS ad probandum gratiam esse, ostendere esse nobis necessariam: quod argumentum videtur satis ellicax; quoniam sicut in naturalibus diuina providentia non desit in necessarijs: ita non deerit in supernaturalibus; & ideo si gratia est necessaria, bene sequitur quod Deus eam conferat. Et præterea quia certum est, Deum non desinere negare hominibus auxilia necessaria ad salutem, ut postea dicemus, & solet probari late in materia de prædestinatione. Colligit autem D. Tho. necessitatem gratiæ in hac prima quæstione: ex duplici capite, scilicet ex imbecillitate naturæ humanæ, tam ad perficiendum bonum, quam ad vitandum malum, & ex supernaturalitate finis aut boni consequendi; quia cum media debeant esse commensurata & proportionata fini: necesse est, quod, si finis est supernaturalis, etiam media sint supernaturalia; sed

quoniam imbecillitas naturæ, & ex consequenti indigentia gratiæ, quæ ex ipsa prouenit, non est æqualis in omni statu naturæ humanæ, sed maior aut minor pro diuersitate statuum, quos habet, aut potest habere; ideo D. THOMAS, distinguendo huiusmodi status, & in singulis explicat, quantalies indigentia gratiæ, ratione huiusmodi imbecillitatis.

Quæ omnia verèctius intelligantur aduerte, CAIETANUS ait, 2. huius quæstionis distinguere quinque status, secundum quos natura humana potest considerari: quorum PRIMVS est *status naturæ humanæ in partibus naturalibus*, in quo natura consideratur nuda in solis suis naturalibus, scilicet perfectionibus, vel imperfectionibus, quæ vel ipsam consequuntur, vel ipsi debentur, & sine gratia, & iustitia originali, aut alio dono sanctæ ipsam, & sine peccato, & effectu peccati. Quæ si homo crearetur in hoc statu, sicut haberet intellectum & voluntatem, ita etiam haberet appetitum sensitiuum cum sua inclinatione ad bona sensibilia præter ordinem rationis: & ex consequenti pateret difficultatem in prosecutione boni honesti, & esset facilis ad malum ratione delectionis allicientis; haberet etiam omnes defectus, qui ad corporis constitutionem naturaliter consequuntur, scilicet famem, sitim, æritudines, mortem, & similia. Hunc statum nunquam natura humana habuit, neque vnquam habebit: quomodo philosophi naturales in eo crederent fuisse conditam. *An vero potuerit in eo creari*, solet disputari in prima parte, in materia de statu primi hominis, & de hoc itatim aliquid dicemus.

SECUNDVS status, appellatur à CAIETANO *status conformis naturæ rationali, & status naturæ integræ*; & constituitur in hoc, quod pars superior hominis, scilicet rationalis, sit subiecta Deo ut principio, & fini naturali omnium rerum; & pars inferior, scilicet sensitiua, subijciatur rationi, ita ut quomuis possit, quantum ei de se, rebellare contra ipsam, non tamen permittatur id facere. Ex quo patet ratio nominum, quoniam vivere cum prædicta subiectione naturale est homini, non ut floens ex principijs naturæ humanæ, sed ut conueniens ipsi secundum vltimum & specificum gradum, quo à cæteris omnibus distinguitur: atqui quod hoc modo conuenit alicui rei dicitur conformem fieri naturæ, sicut D. THOMAS supra q. 7. art. 2. dixit virtutem esse secundum naturam humanam, quatenus homo est, & vitium esse contra eam. Et præterea huiusmodi dispositio & ordinatio partium naturæ humanæ est perfectio, & bonum ipsius naturæ intra ordinem naturalem, & in ordine ad suum finem naturalem: & ideo pertinet ad eius integritatem naturalem, & ex consequenti, natura, quatenus eam habet, dicitur integra; & è contra, quatenus ea caret, dicitur corrupta, sicut quæcumque res dicitur integra, quando nihil ei desit eorum, quæ ei sunt naturalia, siue constituent eam, aut siue ex ipsa, siue solum sui secundum eius naturam; quando vero aliquid istorum desit, dicitur corrupta, aut non integra. Quomodo autem, & à quo tanquam à principio formali, possit natura humana habere hanc rectam dispositionem, dicemus statim.

TIERTIVS status appellatur *status innocentie*, siue *in ipsa originali*, in quo natura humana creata est à

est à Deo; & consistebat in perfecta quadam dispositione naturæ humanæ, per quam & pars rationalis erat subiecta Deo; & pars sensitiva rationali, ita ut nullo modo insurgeret aduersus eam, nec præueniret eam, & corpus subdebatur animæ ita ut nullo modo aut detractione, vel alio defectu, impediret operationes partis rationalis: ut homo sic liberatus à rebellione appetitus sensitivi, & à molestia corporis, posset facile & suauiter viuere secundum rationem.

QUARTVS STATUS, est *natura lapsa* in peccatum, siue *corrupta* per peccatum: & consistit in corruptione illius integritatis & rectitudinis, quæ natura humana haberet in secundo statu, & in tertio; quare, ut humana natura dicatur corrupta, satis est, quod sit in ipsa peccatum, vel effectus peccati, qui sit illa corruptio: & hoc modo manet corrupta in Adamo post peccatum, & est in omnibus, qui ab ipso per naturalem propagationem descendunt; & ideo, etiam in homine iustificato, in quo per gratiam est aliquo modo reparata; dicitur corrupta in sensu, quo nunc loquimur, hoc est, non integra; quoniam per gratiam non restituitur illa rectitudo naturalis, in qua diximus consistere integritatem naturæ. Et ita natura humana hoc modo corrupta potest habere varias dispositiones, aut enim est cum solo peccato originali, aut cum originali & mortali actuali; aut cum solo actuali; aut caret utroque, & est iustificata per gratiam.

VLTIMVS STATUS est *gratia gratum faciens*, in quo natura humana, siue habeat integritatem naturalem secundi & tertij status, siue careat ipsa, tamen per gratiam gratum facientem, & per virtutes infusas est ordinata in beatitudinem supernaturalem, quæ consistit in clara Dei visione; & potest exercere actus, quibus eam promereatur.

Ita enumerat Caietanus loco citato status istos; sed circa eorum distinctionem inter se sunt nonnullæ difficultates.

§. 4. *Prima est an primus status distinguatur à secundo, ita ut possit ab eo separari.*

QVOD est inquirere, an possit homo creari in solis suis naturalibus sine integritate naturæ? In qua re, ex ijs, quæ diximus, colligitur pars affirmativa; quoniam diximus, secundum statum includere integritatem naturæ, quam non includit primus. Et Confirmatur primo, quia si status in puris naturalibus includeret integritatem naturæ, sequeretur quod non amitteretur huiusmodi integritas propter peccatum, & ex consequenti, quod homo post lapsum retineret eam; *sequelam* concedit D. THOMAS in 1. d. 28. q. 3. num. 8. & probatur aperte, quia ea, quæ pertinent ad naturam, siue quia fluunt ex eius principiis, siue quia sint debita naturæ, non amittuntur per peccatum, ut constat in potentijs, & proprietatibus, quæ fluunt ex principiis naturæ; & in concursu generali, qui est debitus naturæ, & tamen nihil istorum amittitur propter peccatum alias natura lapsa in peccatum esset monstrum in naturalibus.

Et Confirmatur secundo, quia contrarietas appetituum in homine sequitur naturaliter ex intrinseca constitutione ipsius; ergo neque sequitur ex natu-

ra hominis, neque debetur ipsi subordinatio inter istos appetitus, in qua consistit integritas naturæ humanæ. Antecedens patet, quia homo ex propria ratione habet, quod componatur ex duabus partibus, scilicet ex natura rationali, & ex sensitiva; & ex priori sequitur naturaliter inclinatio ad bonum rationis, & ex posteriori sequitur inclinatio ad bonum sensibile, quod sæpe est contrarium bono rationis. Et consequentia probatur, quia nulla natura postulat ut fluens ex ipsa, aut tanquam sibi debitum remedium illius defectus, qui sequitur naturaliter ex intrinseca constitutione ipsius: ut, quia ex intrinseca constitutione hominis secundum corpus sequitur quod sit mortalis, & quod moriatur, ideo non sequitur ex eadem, neque est ipsi debitum remedium, ut non moriatur.

Sed probant aliqui, integritatem naturæ pertinere ad statum hominis in puris, naturalibus, quoniam alias sequitur, quod natura humana non possit habere integritatem per sua naturalia, & ex consequenti, quod, ut habeat eam, indigeat aliquo dono superante totam perfectionem suorum naturalium; & ex hoc sequitur ulterius, quod status naturæ integræ sit status gratiæ, quoniam donum illud, quo potest constitui, est gratuitum, & supra totam naturam.

Confirmatur primo, quia, si natura humana in puris naturalibus non est integra, ergo deest ei aliquid ipsius naturæ; & ex consequenti, non habet omnia naturalia.

Confirmatur secundo, quia res naturales, cum habent perfecta sua naturalia, habent etiam naturam perfectam, & integram: ut constat inductione in Angelis, brutis, plantis, &c. ergo etiam homo; patet consequentia, quia non est deterioris conditionis natura humana, quam reliquæ naturæ.

Confirmatur ultimo, quoniam homini condito in puris naturalibus debentur vires, quibus possit consequi finem suum naturalem, ad quem naturaliter ordinatur: quoniam alias necessario erit miser, cum non possit consequi finem, in quo sita est sua felicitas, & beatitudo naturalis; ergo etiam debetur ei integritas naturæ, & ex consequenti, huiusmodi integritas pertinet ad statum hominis in puris naturalibus; hæc secunda consequentia patet, quia (ut supra dixi), ad hunc statum pertinent omnes perfectiones, quæ vel consequuntur ad naturam, vel sunt ipsi debite; & prima probatur, tum quia, si homo ita conditus posset viribus suis consequi finem suum naturalem, ergo etiam posset operari omne bonum proportionatum huic fini, & adimplere omnia præcepta, & ad hoc requiritur natura integra; tum etiam quia, si homo ille non haberet integritatem naturæ, laboraretur necessario in aliquod peccatum, & cum non posset resurgere ab eo (quoniam ad hoc requiritur gratia, quæ in illo statu non reperitur, ut supponimus) non posset consequi finem, in quo consisteret sua beatitudo, quia propter illud peccatum esset dignus supplicio æterno, & exclusionem à beatitudine.

AD ARGUMENTVM respondetur, concedendo primam sequelam, & negando secundam; & ad probationem dicendum est, quod donum illud, quod superaret pura naturalia, computaretur inter dona naturalia, quia ex natura sua ordinaretur ad integrandam perfectionem naturæ, & ad tollendo de-

dos defectus naturales ipsius: & non ad aliquem effectum vel finem supernaturalem; & solum esset gratuitum secundum quid, scilicet quantum ad conditionem non debiti, quia non esset debitum naturæ, quod CAIETANVS appellat *esse gratuitum possessum*.

Ad primam confirmationem respondetur, quod quamuis naturæ humanæ existenti in puris naturalibus desit integritas naturæ, non sequitur quod desit ei aliquid ipsius naturæ, aut suorum naturalium, si per naturalia intelligantur ea, quæ consequuntur ad naturam, aut debentur ipsi; quoniam subordinatio appetituum, in qua consistit ista integritas, non appellatur integritas naturæ, quia pertineat ad perfectiones debitas naturæ; sed quia est secundum naturam rationalem, ut supra explicauimus.

Ad secundam confirmationem, concesso antecedenti, neganda est consequentia, & ratio discriminis est, naturam humanam habere hoc peculiare inter omnes naturas, quod constituatur ex partibus, ex quibus dimanant inclinationes adeo distantes.

Ad ultimam respondetur concedendo antecedens, & negando primam consequentiam; & ad primam probationem, neganda est consequentia, quia, ut homo in illo statu posset consequi suum finem, non est necesse, quod posset operari omne bonum proportionatum illi fini, & adimplere omnia præcepta *colligere*, ad quod requiritur natura integra; sed satis est, quod possit perficere aliquod opus bonum moraliter, & adimplere aliquod præceptum in particulari, ut statim explicabo; & ad hoc non requiritur natura integra, imo etiam si sic lapsa in peccatū, poterit illud præstare, ut concedunt omnes Theologi. Ad secundam probationem respondetur, negando id, quod in ea obijciatur, scilicet, quod homo in illo statu, non possit consequi suum finem naturalem; nam *imprimis* multi possent mori antequam peruenirent ad usum rationis, & ex consequenti, absque omni peccato; *deinde* ex ijs, qui peruenirent, aliqui possent in principio usus adimplere præceptum conuertendi se in Deum, & mori antequam incideret in aliquod peccatum mortale; & *tandem*, illi, qui peccarent mortaliter, possent obtinere remissionem sui peccati, vel sola remissione liberali facta à Deo, vel saltem media acceptatione alicuius actus naturalis ipsorum hominum per modum compensationis; neque adhuc esset necessaria gratia supernaturalis ex parte Dei, cum peccatum in illo statu non importaret auersionem à Deo sine supernaturali; sed sufficeret quædam beneuolentia naturalis.

§. 5. Secunda difficultas est, An primus & quartus status differant penes hoc, quod natura humana in quarto statu sit infirmior, quam in solis naturalibus creata existeret.

CVI DIFFICULTATI ex ijs, quæ diximus constat, respondendum esse *negatiue*; quoniam diximus, quod homo in primo statu haberet inclinationem appetitus sensitui ad bonum sensibile, sine trano aliquo reprimente ipsum; & ex consequenti, haberet contrarietatem appetituum, quæ

A est causa infirmitatis naturæ humanæ ad prosequendum bonum.

Neque potest dici, quod inclinatio appetitus ad bona sensibilia sit maior in quarto statu, quam esset in primo, vel propter aliquam qualitatem superadditam ipsi ratione peccati originalis, vel quia ipsa facta sit intentior & vehementior, ut probauimus *supra* q. 81. art. 1. ubi etiam dissolui argumenta quæ contra hoc solent obijci.

QUOD si quæras, An differant hi duo status aliquo modo penes infirmitatem hanc? **R**ESPONDETUR, differre quidem, non tamen quia ipsa sit maior in vno, quam in altero; sed quia defectus maioris virtutis in primo haberet rationem negationis & conditionis naturalis; & in quarto, rationem primationis & pænæ; quoniam naturæ humanæ in primo statu non esset debita maior virtus, in quarto vero, est ipsi debita, quatenus in suo capite, scilicet Adamo, habuit ius ad eam; quia si Adamus permansisset sine peccato, conseruasset iusticiam originalem sibi & suæ posteritati. Et ad explicandum hoc discrimen videtur CAIETANVS optimo exemplo nuditatis duorum hominum, quorum vnus nunquam habuit vestes, neque ius ad eas; alter vero fuit prius vestitus, & postea denudatus ad castigationem alicuius criminis, nam nuditas in vtroque est æqualis, & tamen in primo habet rationem negationis, & in secundo primationis & pænæ.

QUOD si obijcias, id, quod dixi in solutione præcedentis difficultatis, scilicet, hominem in primo statu posse proprijs viribus consequi suum finem naturalem, quod tamen homo in quarto statu, hoc est, lapsus in peccatum, non potest; **R**ESPONDETUR, hoc non prouenire ex inæqualitate facultatis & virtutis ad operandum bene moraliter; sed ex eo, quod homo in statu naturæ corruptæ est ordinatus in finem supernaturalem, & cecidit à gratia supernaturali: quia ex hoc prouenit, quod indigeat beneuolentia & gratia supernaturali Dei, ut obtineat remissionem peccati, per quod impeditur adeptio finis, etiam naturalis; & ita stat bene quod homo in isto statu possit viribus naturæ facere illa opera bona moraliter, quæ posset facere si crearetur in puris naturalibus; & tamen non possit eisdem viribus consequi finem naturalem, quia non potest eis solis tollere impedimentum peccati. Et idem dicendum est de impotentia, quam homo habet in quarto statu ad diligendum Deum finem suum, ita ut se & omnia sua absolute referat in Deum; quam tamen non haberet in primo; quia etiam hoc non prouenit ex defectu virium ad operandum bene moraliter, sed ex impedimento peccati.

QUOD si ulterius obijcias D. THO. *supra* q. 85. art. 2. docere inclinationem naturalem ad virtutem minui per peccatum. **R**ESPONDETUR in primis D. THOMAM loqui tantum de peccatis actualibus, & non de originali, per quod natura humana est corrupta; ait namque, inclinationem illam minui extrinsece per appositionem impedimentorum, scilicet actuum, quibus generantur habitus vitiosi inclinantes ad oppositum virtutis; quod de solis peccatis actualibus potest intelligi, & non de originali, ex quo certum est, nullum actum aut habitum posituum fuisse superadditum naturæ humanæ. *Deinde dico*, non posse negari absolute di-

minutam fuisse inclinationem naturalem naturæ humanæ ad virtutem; quoniam ablata iustitia originali per peccatum originale, homo minus inclinatur ad bonum, quā de facto inclinabatur antequam peccaret, & ita hoc concedit CAIET. art. 3. illius quæstionis; verum intelligendum est de inclinatione comparata ad eam perfectionem, quam habuit in statu iustitiæ originalis; & non ad eam, quam haberet, si conderetur in puris naturalibus. sicut nos loquimur de eo.

5. 6. *Ultima difficultas est, An secundus status distinguatur à tertio.*

ET RATIO dubitandi pro parte negativa est, quod integritas naturæ, in qua consistit secundus status, est effectus iustitiæ originalis, quoniam primus homo habuit hanc integritatem, cum conditus est à Deo, & non habuit eam ex vi suorum naturalium, neque poterit assignari in ipso aliquid, præter iustitiam, quod fuerit eius causa: ergo iustitia originalis pertinet ad secundum statum, tanquam principium integritatis in qua consistit.

IN HAC REPROBABILIOR MIHI VIDETUR PARS AFFIRMATIVA, quam CAIET. & alij recentiores defendunt, cuius ratio constabit ex solutione huius argumenti. Ad quod varie solet responderi; nam quidam concessio antecedenti, negant consequentiam, si consequens intelligatur de iustitia originali, quatenus constituerebatur tertium statum: pro quo supponunt, iustitiam originalem posse sumi duobus modis, scilicet pro dono sanante naturam, & conferenti ipsi rectitudinem præcise in ordine ad finem naturalem; & pro dono conferente naturæ humanæ totam rectitudinem, quam homo habuit in tertio statu, in quo non solum habuit rectitudinem in ordine ad finem naturalem, sed etiam in ordine ad finem supernaturalem, siue donum hoc fuerit vnus & idem habitus gratiæ gratum facientis, qui pro illo statu extendebatur ad sanandum naturam, vt sentit SOTO l. 1. de nat. & grat. c. 5. & 6. siue includit duo distincta, scilicet gratiam gratum facientem, & iustitiam originalem præcise sumptam pro dono sanante naturam, vt vult CAIET. 1. p. q. 95. art. 1. quæ duo appellantur *vnus donum*, quia pro illo statu erant inseparabilia, & primum erat quasi radix & fundamentum secundi, vt CAIET. dicit. Et præterea dicuntur, *donum iustitiæ*, quia conferebant homini rectitudinem, quæ appellatur iustitia. Et tandem dicuntur *donum iustitiæ originalis*, quia tota ista rectitudo erat transferenda in posteros per originem, si homo non peccasset. Et hoc supposito, dicunt, integritatem naturæ esse effectum adæquatum iustitiæ originalis sumptæ priori modo, non tamen si sumatur posteriori modo; & hoc satis esse ad distinctionem istorum actuum: quæ, si donum sanans naturam distingueretur realiter à gratia, esset realis, qualis reperitur inter includens & inclusum, quia tertius status includeret totum quod secundus, & aliquid amplius realiter distinctum; si vero non distingueretur realiter, non esset realis, sed secundum diuersas rationes formales.

Sed hæc solutio mihi non placet, quia licet verum sit, primum hominem creatum fuisse in gratia, & non habuisse iustitiam originalem sine gratia: tamen status iustitiæ originalis in ipso, etiam seclusa gratia distinguebatur à statu naturæ integræ; alias

A status iustitiæ originalis constitueretur per gratiam gratum facientem, quoniam iuxta solutionem istam, nihil aliud includit, quod non sit commune ipsi cum secundo statu.

Aliter respondet CAIET. loco citato, negando antecedens, & ad probationem dicit, quod integritas naturæ in primo homine fiebat formaliter per vigorem quendam rationis seu superioris partisanimæ ad conservandum statum in nullo rationi dissonum, reprimendo appetitum, & continendo ipsum, ne insurgeret contra rationem. Et si quæratur à CAIETANO causam huius vigoris siquidem non resultabat ex principiis naturæ? Respondetur, quod ratio participabat hunc vigorem in coniunctione ad donum iustitiæ originalis, quoniam vniuersale est, inferiora in coniunctione ad superiora perfici, non solum participando perfectionem superiorum, sicut dici solet, *supremum infimi attingere infimum supremi*; sed etiam in ordine ad proprias operationes, vt cogitativa in homine propter coniunctionem cum intellectu perfectius operatur, quam in brutis; & vegetativa in brutis propter coniunctionem cum natura sensitiva perfectius operatur, quam in plantis.

B Sed restabit CAIETANO explicandum, à quo, tanquam à principio efficiente, participabat ratio illum vigorem in coniunctione ad iustitiam originalem, si non participabat eam ab ipsa iustitia originali? nam in priori exemplo cogitativa participat illam perfectionem ab intellectu, tanquam à principio dirigente, vt insinuat CAIETANVS, cum inquit, quod non operaretur tam perfecte, si intellectus taceret; aut in vtroque exemplo, potentia minus perfecta participat illam maiorem perfectionem ab anima, à qua dimanant per quandam resultantiam naturalem, vt alij volunt. Respondetur, quod ratio participabat illum vigorem à Deo, vt à principio illius status: non tamen participabat eum, nisi in coniunctione ad iustitiam originalem.

Potest etiam alijs duobus modis dissolui argumentum propositum, primo, dicendo, integritatem naturæ non esse effectum per se iustitiæ originalis, sed per accidens, quia potest aliunde procedere, scilicet à supernaturalibus dotibus gloriæ, vel ab excellenti gratia & virtutibus, sicut CAIET. dicit processisse in beatissima virgine; vel à diuina assistentia; & ideo non esse necesse, quod iustitia originalis pertineat ad statum naturæ integræ, in quo solum consideratur integritas, non curando an procedat à iustitia originali necne? Aut secundo, dicendo, integritatem naturæ esse effectum inadæquatum iustitiæ originalis, quia iustitia originalis ad plura alia se extendit, etiam intra ordinem naturæ, & seclusa gratia gratum faciente: & hoc esse satis, vt inter illos duos status sit distinctio, saltem sicut inter includens & inclusum; pro quo aduertere, quod homo in statu iustitiæ originalis non solum haberet rectam subordinationem potentiarum in ordine ad bonum, sed etiam non posset peccare venialiter priusquam mortaliter, vt cum D. THOMA supra quæst. 89. artic. 3. docuimus; & non posset intellectu decipi, aut errare, nec mori, aut pati ægritudines, quamdiu in eo permaneret, vt D. TH. docet 1. p. in materia de statu primi hominis: at vero ad statum naturæ integræ nihil istorum trium requiritur, sed sufficit illa subordinatione potentiarum.

ARTICVLVS I.

*Verum homo sine gratia aliquod verum
cognoscere possit?*

PRIMA CONCLUSIO. *Ad cognitionem cuiuscun-
que veri homo indiget auxilio diuino, ut intellectus à
Deo moueatur ad suum actum.*

SECUNDA CONCLUSIO. *Ad cognoscendum ve-
ritates non supernaturales, non indiget nona illustratio-
ne superaddita naturali illustrationi.*

TERTIA CONCLUSIO. *Ad cognoscendum verita-
tes supernaturales, indiget illustratione gratiæ.*

COMMENTARIVS.

CIRCA PRIMAM conclusionem notan-
dum, per *auxilium diuinum* in ea, intelli-
gi concursum generalem, quo Deus con-
currit ad omnes effectus causarum secun-
darum, & sine quo nulla causa secunda po-
test operari: quod satis explicuit D. THOMAS
cum dixit, hoc auxilium esse necessarium, ut in-
tellectus à Deo moueatur ad suum actum; quo-
niam paulo superius dixerat, nullum agens crea-
tum posse operari, nisi moueatur à Deo ad agen-
dum. In quo vero consistit ista motio, & an sit
aliquid receptum in ipso agente creato antece-
denter ad suam actionem, explicatur obiter à
CAIETANO in principio huius articuli, cum di-
cit, esse cooperationem Dei cum causa secun-
da; & à nobis explicatum supra quæst. 79. art.
secundo, ubi etiam diximus contra DV-
RAN-
DVM, necessarium esse hunc concursus Dei,
ut quæcunque causa creata operetur, & non suf-
ficere, quod Deus dederit ipsi esse, & principia
operatiua, & conferuet omnia ista. De quo
videndus est DI-
VVS THOMAS prima parte quæ-
st. 103. art. 5. & 3.

CIRCA secundam conclusionem aduertendum,
veritates naturales esse duplices, scilicet, *specula-
tiuas*, & *practicas*; *speculatiue* dicuntur, quæ non
pertinent ad operationem, sed solum ad cogni-
tionem; *practice* vero, quæ ordinantur ad opera-
tionem, vel mouendo ad operandum, aut di-
rigendo operationem, & de vtrisque est nunc
disputandum; Ex primum de *speculatiuis*: Circa
quas est

DVBIVM

In ordine articuli PRIMVM.

*Verum sine illustratione, vel auxilio
gratiæ possit homo cognoscere om-
nes veritates naturales
speculatiuas?*

ET pro explicatione tituli aduertendum est
primo, per illustrationem vel auxilium gra-
tiæ, non intelligi gratiam gratum facien-
tem, sed quodcunque donum gratis col-

latum humanæ naturæ, & superans eius faculta-
tem, siue tale donum sit infusio specierum, siue
ordinatio phantasmarum, aut confortatio lumi-
nis naturalis per aliud lumen superius, vel habitum
infusum, siue aliquid aliud, quod adiuuet natu-
ram ad cognoscendum, vel plura obiecta, vel
perfectius, quam proprijs viribus posset.

SECUNDO ADVERTENDVM, veritatem
aliquam dupliciter dici naturalem, scilicet ex parte
rei, ut cum consistit in ipsis rebus naturalibus,
cuiusmodi sunt, Deus ut author & finis naturæ,
& omnia quæ ordinantur ad istum finem, &
nullo modo respiciunt finem supernaturalem; aut
ex parte modi aut luminis, quo cognoscuntur, ut
cum cognosci possunt lumine naturali nostri in-
tellectus; & quia hoc lumen solum est sufficiens
ad ea intelligibilia cognoscenda, in quorum no-
titiā per sensibilia possumus deuenire (quia
omnis nostra cognitio incipit à sensibus) ideo
illæ tantum veritates dicuntur hoc modo natu-
rales, quæ ex sensibilibus cognosci possant: &
hoc posteriori modo loquimur in hoc dubio de
veritatibus naturalibus, nam ex ijs, quæ dicun-
tur naturales primo modo, certum est multas
non posse cognosci ab homine viribus suæ naturæ,
ut patet in futuris contingentibus, & in cogitatio-
nibus cordium, & in numero lapidum, qui iacet in
flumine, ut D. THO. docet 1. p. q. 94. art. 3. & de
verit. q. 18. art. 4. in principio corporis, & ad pri-
mum, & ad 11. & 14. & eodem modo sumit eas
D. THO. in hoc art. quoniam illas veritates, quæ nō
possunt ex sensibilibus cognosci, dicit esse altiores
lumine naturali nostri intellectus, & quod noster
intellectus nō potest eas cognoscere, nisi fortiori lu-
mine perficiatur, sicut lumine fidei, vel prophetiæ.

VLTIMO ADVERTENDVM, dubium hoc posse
habere locum in omnibus statibus naturæ huma-
næ, quos supra retulimus, sed potissimum in tribus
intermedijs, scilicet naturæ integræ, & iustitiæ ori-
ginalis, & naturæ corruptæ, quoniam status in pu-
ris naturalibus, quantum ad potentiam, vel impo-
tentiam ad operandum, reducitur ad statum natu-
ræ corruptæ; & status gratiæ, quantum ad vi-
res naturales ad cognoscendum, vel reducitur ad
eundem, vel ad statum iustitiæ originalis, quia cum
his duobus statibus fuit coniunctus status gratiæ.

§ 2. *Varia sententia.*

HIS SUPPOSITIS, est prima sententia eorum, qui
dicunt, absolute hominem posse viribus na-
turæ & sine auxilio gratiæ cognoscere omnes verita-
tes naturales *collektive*, hoc est, ita ut actu acquirat
notitiam omnium, nulla relictā. Hanc sententiam
tribuit aliqui CAIETANO in hoc art. & DV-
RAN-
DO in 2. dist. 28. quæst. 1. num. 5. quamuis vter-
que possit exponi iuxta verum sensum; ut statim
dicemus. Sed cuiuscunque sit hæc sententia, pro-
batur testimonio D. THOM. qui in conclusione
proposita absolute, & sine vlla exceptione docet,
posse hominem sine auxilio gratiæ cognoscere
veritates non supernaturales.

Confirmatur primo, ratione ex ipso desumpta,
quia quæcunque res creata potest viribus suis exire in
actum proportionatum formæ, per quam consti-
tuitur in actu ad agendū: sed lumini naturali, quod
est quasi forma intellectus humani, est propor-

ionatum cognoscere omnes veritates naturales speculativas; ergo intellectus humanus potest viribus suis, & sine auxilio gratiæ, cognoscere eas; probatur minor; quia omnes istæ veritates sunt obiectum proportionatū lumini naturali nostri intellectus; ergo etiā earū cognitio est ei proportionata.

Confirmatur secundo, quia homo naturaliter appetit cognitionem omnium istarum veritatum; ergo naturaliter potest eam consequi; *Antecedens* patet, quoniam ARIST. 1. metaphys. c. 1. inquit, *omnes homines naturaliter appetere scire*, & cū sit intelligendum de veritatibus naturalibus, & non magis de vna, quam de alia, intelligitur de omnibus. Et *consequentia* probatur, quoniam alias appetitus naturalis intra ordinem naturæ esset frustra.

Confirmatur ultimo, quia homo potest sine auxilio gratiæ cognoscere veritates pertinentes ad Deum, ut statim dicemus; ergo & reliquas omnes simul.

SECUNDA SENTENTIA est aliorum, qui (ut ait ABULENSIS in cap. 19. Matth. q. 176. & CONTRA D. refert hoc loco ex D. THOM. in 2. dist. 28. q. 1. art. 1.) dicebant, hominem nihil de nouo cognoscere, nisi per emissionem radij intelligibilis ab intellectu agente, quem ponebant separatam, atque adeo suis viribus solis non posse cognoscere, neque vnā veritatem in particulari. Sed isti nullum habent fundamentum.

§ 3. Resolutio quæstionis.

PRIMA CONCLUSIO, *Homo in quocunque statu potest sine auxilio gratiæ cognoscere omnes veritates naturales speculativas diu sive*; hoc est, habet facultatem naturalem, qua possit, cū voluerit, quācunque earum actu cognoscere, ita D. THOM. hoc loco, & ABULENSIS loco citato; & iuxta sensum huius conclusionis possunt exponi CAJETANVS & DURANDVS. Et probatur *in primis*, quia quācunque ex illis veritatibus in particulari est obiectum proportionatum lumini naturali intellectus humani, ergo potest ab eo cognosci viribus naturæ, & sine auxilio gratiæ: patet *consequentia*, quia quācunque potentia potest suis viribus attingere obiectum sibi proportionatum. *Deinde*, illas veritates, quæ pertinent ad Deum, & quæ videtur difficiliiores, potest homo cognoscere suis viribus; ergo etiam reliquas. Probatur *antecedens* ex illo ad Romanos primo, *inuisibilia enim ipsius* (scilicet Dei) *à creatura mundi per ea, quæ facta sunt, intellecta conspiciuntur, sempiterna quoque eius virtus & diuinitas*, & Sapient. 13. *à magni diuis speciei & creaturæ cognoscibiliter poterit creator hominum videri*. De quo argumento multa dicit AUGUST. tom. 1. lib. 6. conf. c. 6. 7 & 8. & 10. 3. l. de spir. & lit. c. 12. & 10. 10. serm. 53. de verbis Domini.

SED ADVERTE, conclusionem hanc pro statu naturæ corruptæ non esse intelligendam de quibuscunque hominibus, sed de illis, qui ingenio pollent; nam aliqui sunt adeo inepti, ut neque propria inuentione, neque aliorum doctrina possint acquirere notitiam aliquarum veritatum naturalium imo ut paucas ex eis possint percipere: & ita D. THOM. 1. contra gent. cap. 14. dicit, aliquos ratione complexionis esse naturaliter indispositos ad sciendum.

A SECUNDA CONCLUSIO: *homo in statu naturæ corruptæ, quantum est ex parte virtutis, quæ requiritur in intellectu ad intelligendum, potest sine auxilio gratiæ acquirere notitiam omnium veritatum speculativarum, cū iam collectine: tamen simpliciter & absolute, hoc est, consideratis omnibus quæ ad id requiruntur, non potest*. PRIMA PARS probatur, quia tota collectio istarum veritatum est obiectum proportionatum virtuti, quam intellectus humanus habet pro isto statu ad intelligendum; ergo homo in isto statu habet sufficientem virtutem ex parte intellectus ad cognoscendum totum illud obiectum, & ex consequenti, quantum est ex parte virtutis, quæ requiritur in intellectu, potest cognoscere ipsum. *Consequentia* patet, quia sufficit proportio inter virtutem actiuam & obiectum, ut talis virtus in suo genere sit sufficiens ad attingendum obiectum, & ex consequenti, ut de posse, quantum est ex parte virtutis requiritur in principio actiuo. Et *antecedens* probatur, quia totum illud obiectum non est inproportionatum propter supernaturalitatem, cū nihil contineat supernaturale; neque quia debet cognosci successiue & per partes, nam ex multiplicatione actuum non debilitatur aut infirmatur virtus intellectus, sicut contingit in sensibus.

SECUNDA ETIAM PARS probatur, quia, ut homo acquirat cognitionem istarum veritatum, multa alia requiruntur præter virtutem actiuam intellectus; nam primo requiritur longissimum tempus, cū quia veritates istæ sunt innumera; cū etiam quia homo naturaliter non acquirit notitiam veritatis nisi medio difficili ac longo discentu & studio, præsertim ubi veritates non adeo manifeste ostenduntur; Secundo, perfectum & facile ministerium ex parte sensuum; tertio, cessatio à moribus passionum & perturbationibus corporis, ut D. THOM. & FERRAR. loco citato, & lib. 2. c. 55. colligunt ex ARISTOT. 7. Phil. cap. 3. rex. 10. ubi inquit, quod *anima quiescendo fit sapiens*; quarto, magna propensio & applicatio ad huiusmodi studium; quinto, bona dispositio ex parte corporis ad subeundum laborem, qui ad hoc studium est necessarius; sexto, animus liber ab alijs curis & sollicitudinibus. & tamen hæc omnia, aut omnino defunt homini in hoc statu, aut sunt valde imminuta; nam *in primis*, *vita est brevis*, ut dixit HIPPOCRATES, sensus interni difficile & imperfecte ministrant intellectui, appetitus suis passionibus perturbat animi tranquillitatem, & mouendo atque inclinando ad alia, minuit inclinationem ad hoc studium; corpus est causa defatigationis & tardij, iuxta illud Sapient. 9. *Corpus quod corrumpitur, aggrauat animum*, & curæ, & sollicitudines circa res externas minuunt conatum mentis & consumunt tempus impendendum huic studio.

Confirmatur primo, quia duobus modis potest homo naturaliter acquirere notitiam veritatis, scilicet propria inuentione, & doctrina ab alio accepta; & priori modo iam constat, non posse hominem in hoc statu acquirere notitiam omnium istarum veritatum; posterior autem modus supponit priorem, saltem in docente; nisi dicas, potuisse vnum hominem edoceri à Deo, vel ab Angelo, & ab isto alios: sed hoc, præterquam quod supponit, saltem ex parte magistri, modum discendi non connaturalem, esset impossibile pro hoc statu, quia propter impedi-

impedimenta telata non possunt alij homines diffundere ab illis omnibus veritatibus naturalibus; & ita quantum Adamus habuerit omnes scientias naturales infusus à Deo, & credendum sit, quod voluisset diffundere eas suos filios, de nullo legitimis, quod eas didicerit.

Confirmatur secunda, quia de eo, quod habentis factum non est, merito indicatur, non possit fieri secundum naturam: sed hactenus nullas hominum acquisivisse notitiam istarum veritatum; ergo impossibile est quod naturaliter aliquis eas acquirat.

SED QUARTA. An secunda pars hujus conclusionis sit etiam intelligenda de homine in statu iustitiæ originariæ? Ad hoc aliqui respondent negativè, & censent esse sententiam D. THOMÆ p. in materia de statu primi hominis; *Sed quantum attinet ad sententiam D. THOMÆ aperte discipulorum*, quoniam q. 94. ar. 3. solum dicit, quod primus homo habuit à principio sine conditione scientias omnium rerum naturalium infusus sibi à Deo, ubi non loquitur de virtute naturali, ad acquirendum eas; & art. 4. docet, hominem in illo statu non potuisse errare aut decipi: & cum hoc bene fiat, quod non possit suis viribus acquirere notitiam omnium veritatum naturalium; quoniam carentia huius notitiæ non est error, aut deceptio, & quantum possit esse occasio errandi: tamen homo tunc propria prudentia, & Dei providentia, præservaretur ab illo malo, quod conceditur de pueris, qui nascuntur in illo statu D. THOMÆ & omnes qui dicunt, quod non habent innatam sibi à principio scientiam rerum naturalium, & quæst. 101. art. 1. docet, quod pueri in statu innocentie non nascerentur perfecti in scientia, sed eam in processu temporis obsequè difficultate acquirerent inveniendo, vel addidendo: ubi non explicat, an possent acquirere scientiam omnium veritatum collectivè, vel omnium distinctivè; quæ ratione potest etiam exponi aliud testimonium ipsius in quæst. 18. de verit. artic. 7. in corp. ubi ita inquit: *Non oportuit filios Adam maxime omnium scire veritatem habuisse, sed ad eam tempore profectus pervenire*, & non est alius locus in toto illo tractatu, in quo de hac re agat. *Quoniam vero actiones ad rem ipsam*, mihi dicendam, videtur, quod homo in illo statu simpliciter, & absolute, posset acquirere istarum veritatum scientiam. Ita tenet expresse BARNARDUS PARAVIVUS libro 1. commentationum in Genesim, disputatione prima, quæstione quinta, & idem videtur insinuate Sorz libro primo de natura, & gratia cap. 6. conclusione secunda, cum inquit, quod posset homo in illo statu per sua naturalia tum cognoscere, tum velle & operari bonum proportionatum sue nature. *Prebatur*, quoniam ex parte intellectus haberebat sufficientiam viventem, & ex parte aliorum, quæ diximus requiri, nihil illi deeret, neque parceretur aliquam difficultatem.

Confirmatur quia DIVVS THOMAS in duobus vltimis testimonijs multum fuit huic sententiæ.

Quod si abiciatur, hominem in illo statu non habuisse tempus requisitum ad acquirendum notitiam istarum veritatum, quia oportere tempus hoc esse longissimum, cum quia in brevi tempore non posset homo experiri omnia, vt æ-

quiveret omnium species, quod est necessarium ad acquirendum scientiam omnium; *tum arguitur* quia haberet aliquæ impedimenta, quorum diceretur, & sumeret cibum, vt docet DIVVS THOMAS prima parte, quæstione nonagesimaseptima, articulo secundo ad secundum, & exerceret alias actiones naturales, vt docet DIVVS THOMAS articulo tertio illius quæstionis, & quæstione nonagesima octava sequenti, & tamen nulla sese offert ratio propter quam sit dilendum, hominem esse deridendum in illo statu tanto tempore, sine translatione ad statum beatorum.

Ad hoc aliqui respondent, quod homines propter magnam vigorem rationis tunc ex paucis rebus sensu percepta posset acquirere omnium scientiam, colligendo ex effectibus causas, & ex causis effectus, & ex similibus similia, & ex contrarijs contraria; & ita non indigerent tam longo tempore; & desumitur hæc solutio ex DIVO THOMA qui ita respondet ad simile argumentum propositum contra scientiam acquirentiam Christi tertia parte, quæst. 11. art. 1. ad primum, & secundum.

Sed hoc quicquid sit de Christo, (qui potuit adinquiri ad hoc scientia beata, & infusa, quibus clare & distincte omnia noverat,) de alijs dici non potest, quia neque posset experiri omnes effectus causarum naturalium, nisi longissimo tempore: neque ex cognitione aliorum rei colligere, quor modis posset habere cum alijs contrarietatem aut convenientiam.

Quare aliter respondeo, quod vita hominis in illo statu, quantum erat ex natura ipsius status, non haberet terminum, quia non finiretur per mortem; neque vero status iste, quantum est de se, postulat translationem hominis ad statum beatorum, sed hoc pertineret ad statum gratiæ; & hoc satis est, vt homini in illo statu, quantum est ex parte ipsius status, non deeret tempus requisitum ad comparandam scientiam, de qua loquimur.

Aut secundo de melius responderetur, quod quomodo nobis non constet, quærum esset tempus, quo homines manerent in illo statu, antequam traducerentur ad statum beatorum; tamen videtur probabile, quod esset tantum, vt in eo posset acquirere scientiam istam, quia pertineret ad perfectionem ipsius status, quod non deeret homini tempus requisitum, vt pars rationalis acquireret totam perfectionem sibi proportionatam in illo genere; & præterea, cum vita in illo statu esset adeo felix propter copiam bonorum, & securitatem à malis: non erat adeo brevis finienda. Neque tamen propterea oportere, tempus illud absolute fore longissimum: quia homo tunc haberet tot adiumenta ad acquirendum scientiam, & esset ita expeditus ab omnibus impedimentis, vt sine proportionis egeret ad id minus tempore, quam nos. *Verum est* tamen, quod, si tempus illud comparatur ad tempus nostre vite, esset valde longum: similiter & tempus pascuorum hominum, facta eadem comparatione, videtur fuisse longissimum.

Ex his sequitur, quid dicendum sit, quantum ad hoc de statu naturæ integræ: nam cum in eo homo non haberet eos adiumenta, sicut in statu intellectus originalis: neque haberet ita remota impedimenta, ut constet ex ijs, quæ dixi, cum explicabam distinctionem inter istos duos status; manifestum est, quod non posset acquirere notitiam omnium statuum veritatum.

ULTIMA CONCLUSIO, *etiam respectu naturæ corruptæ, quantum cognitionem hominis in statu naturæ corruptæ potest propriis viribus acquirere, non potest sine auxilio gratiæ procedere in eorum inquisitione sine errore: ita ut in omnibus aliisque rebus.*

Ad huius explicationem, & probationem advertendum est, quod hæc conclusio est intelligenda de omnibus istis veritatibus collectivis, quia in singulis diversis bene poterit homo veritatem consequi, ut constet ex secunda conclusione. Et præterea debet intelligi de impossibilitate materiali, quæ tunc reperitur in aliqua re, cum in ea est tanta difficultas, ut vir prudens merito iudicet, esse impossibile: non tamen de impossibilitate logica, aut metaphysica, quæ importat ex natura rei repugnantiam: quia non repugnat, aliquem ita institui à principio, & à Deo præstare ingenio, & prudentia, & dispositione sensuum, & vi ad investigationem statuum veritatum tam assiduo labore, & tanta attentione, ut sine errore consequatur earum cognitionem.

Hæc conclusio sic explicata probatur, quia humano modo videtur impossibile, hæc omnia reperiri in aliquo homine.

Et confirmatur, quia de nullo homine legimus, quod propriis viribus fuerit affectus cognitionem statuum omnium veritatum sine errore; imo de præstantissimis philosophis referri solent errores, in quos circa illas veritates sunt lapsi, ut de PLATONE, ARISTOTELE, CICERONE. Quod si de aliquo non referantur errores circa eas, non constat, quod haberit omnium notitiam.

ET SI QUÆRAS quid sit dicendum, quantum ad hoc, de homine in statu iustitiæ originalis, & in statu naturæ integræ? Respondeo, quod in priori, non posset habere errorem, aut deceptionem in intellectu; ut supra dixi, & est expressa sententia D. THOMÆ prima parte, quæst. 94. articulo quarto in posteriori vero posset habere errorem, & mihi videtur quod circa omnes istas veritates collectivæ non posset carere eo. Quoniam integritas naturæ, quæ consuebat illum statum, non postulabat rectam subordinationem potentiarum in ordine ad verum speculativum, sed solum in ordine ad bonum rationis.

Item non excluderat aggritudines & defectus ex parte corporis, & curas arque labores circa necessaria ad vitæ conservationem; & ex his proveniret sæpe inadvertentia in studio veritatis.

§ 4. *Vulnus ignorantie, etiam intellectui speculativo insitum ex peccato.*

EX DIVINIS vltimis conclusionibus sequitur, quantum veritatis habeat illud, quod CAISTANVS dicit in principio huius articuli; scilicet, vulnus ignorantie, quod relictum est in humana natura ex peccato originali, pertinere solum ad intellectum practicum, & non ad speculativum; nam, si sit eius sensus, naturam humanam nullo modo fuisse vulneratam in intellectu speculativo; falsum est: quoniam homo dicitur vulneratus in naturalibus per peccatum originale, in quantum ratione huius peccati amisit perfectionem, & virtutem, quam in statu iustitiæ originalis haberet in suis potentijs in ordine ad objecta naturalia ipsarum: sed (ut ex ijs, quæ diximus, constat) homo in statu iustitiæ originalis haberet has perfectiones pertinetes ad intellectum speculativum, quia posset scire omnes veritates speculativas naturales, & collectivæ sumptas, & non posset errare, aut decipi; & vitæque caret propter peccatum originale ergo vulneratus est in intellectu speculativo. Si vero sensus sit, quod, facta comparatione inter istos intellectus quantum ad vulnus ignorantie, potest dici, speculativum non fuisse vulneratum; verum est: quoniam practicus, quia difficultas attingit veritatem propter dependentiam à rectitudine appetitus, & difficultatem considerandi particulares circumstantias, ideo est magis vulneratus. Et ita DIVVS THOMAS articulo secundo huius quæstionis ad tertium inquit, naturam humanam esse magis corruptam per peccatum, quantum ad appetitum boni, quam quantum ad cognitionem veri, & propter hanc rationem D. THOMAS supra quæstione octuagesima-quinta, articulo tertio, constituit vulnus ignorantie in intellectu, quatenus est subiectum prudentiæ; ubi non negat, etiam pertinere ad intellectum speculativum, ut CAISTANVS existimabat; imo in fine corporis illius articuli, inquit, *intellectum per peccatum præcipue debetur in agendis*; quibus verbis satis insinuat, debetur etiam aliqua modo in ordine ad verum speculativum.



§ 5. Solutio argumentorum.

AD PRIMAM primæ sententiæ respondetur, **D. THOMAM** in illa conclusione indifferenter loqui de veritate naturali, tam speculatiua, quam practica; quare sicut respectu veritatis practicæ exponitur eius sententia seruata proportionem ad statum, in quo fuerit homo, ita ut respectu status iustitiæ originalis intelligatur de omni veritate collectivæ, & respectu status naturæ corruptæ intelligatur de omni diuisione sic etiam poterit exponi de veritate speculatiua.

Ad primam confirmationem respondetur, maiorem esse intelligendam respectu alicuius actus in particulari, non tamen respectu omnium actuum collectivæ: & ratio huius est, quia ad collectionem omnium actuum multa requiruntur, præter vim & efficaciam formæ, quæ est principium agendi; scilicet tempus, vigor, commoditas, & magna applicatio ad agendum; quæ tamen non requiruntur in tanto gradu ad aliquem actum in particulari. Et idem responderi potest, si fiat argumentum de proportionem inter totam collectionem veritatum, quæ sunt obiectum intellectus, & ipsum intellectum.

Ad secundam confirmationem, concessio antecedenti neganda est consequentia, si consequens intelligatur de omnibus veritatibus collectivæ; nam sicut materia habet appetitum naturalem ad omnes formas, & tamen non potest informari omnibus simul, sed diuim: ita etiam, quamuis homo habeat naturalem appetitum ad cognoscendum omnes istas veritates, non est necesse, quod possit omnes simul cognoscere naturaliter, sed satis est si possit diuim.

SECUNDVM DVBIVM EST
circa veritates practicas.

Verum sine auxilio gratiæ possit homo cognoscere omnes veritates naturales practicas?

§ 1. Declaratur dubij titulus & sensus.

VBI PRO EXPLICATIONE tituli, præter ea, quæ obseruauimus dubio præcedenti, quæ communia sunt huic, solum est **ADVERTENDVM**, ex veritatibus practicis, quasdam pertinere ad factibilia, circa quæ versantur artes; & quasdam alias ad agibilia, hoc est, ad actiones & mores hominum. Et rursum, ex veritatibus pertinentibus ad mores, quasdam esse vniuersales, cuiusmodi sunt prima principia, & conclusiones vniuersales, quæ ex eis deducuntur, & alias particulares, cuiusmodi sunt determinationes harum conclusionum vniuersalium ad singularia, verbi gratia, quod pauperi sit danda eleemosina, est veritas moralis vniuersalis: quod tamen hic & hunc sit huic in particulari danda eleemosina, est veritas particularis.

A In hoc dubio non agimus de veritatibus practicis pertinentibus ad artes, quoniam de ijs, quantum ad hoc, est eadem ratio, atque de veritatibus speculatiuis; neque de veritatibus moralibus primi generis, quoniam illæ pertinent ad philosophiam moralem; nam de ijs etiam est eadem ratio, atque de speculatiuis; sed solum agimus de veritatibus moralibus secundi generis; & quamuis ad cognoscendum illas veritates sepe concurrat etiam veritas speculatiua, ut in exemplo proposito. ad hoc ut intellectus iudicet, hic & nunc dandam esse huic eleemosinam, oportet quod prius iudicet repetiri tunc in particulari circumstantias, quæ ex parte dantis, & recipientis requiruntur, ut detur eleemosina; & in isto iudicio potest esse duplex veritas, vna speculatiua, quæ consistit in hoc, quod reipia reperiantur tales circumstantiæ, & altera practica, quæ consistit in hoc, quod reperiantur saltem secundum prudentem æstimationem; tamē nos solum agemus de veritate practica. Et ita sensus huius dubij erit, an homini ad cognoscendas veritates morales in particulari, hoc est, ad iudicandum vere veritate practica de agibilibus in particulari, sufficiant vires naturæ sine gratia particularis auxiliij.

§ 2. Negatiua sententia fundamenta.

IN NOVA RE quidam, de quorum numero sunt **GREGOR.** in 2. dist. 16. & duabus sequentibus q. 1. art. 1. conclusione 2. **CAPRIBOLVS** dist. 21. q. 1. art. 3. in solutione ad argumentum **GREGORII** secundo loco propositum contra primam conclusionem, & **CASALIUS** de quadripartita iustitia lib. 1. cap. 19. & 32. negant homines in statu naturæ corruptæ posse, absque speciali auxilio Dei, cognoscere sufficienter in ijs, quæ ad moralem vitam pertinent, quid volendum, vel nolendum; agendum vel vitandum sit. Et probatur hæc sententia **PRIMO** ex testimoniis sacre scripturæ ad Romanos 8. *Spiritus adiuvat infirmitatem nostram: nam quid oportet sicut oportet nescimus.* 2. ad Corinthios 3. *Non quod sufficientes simus a nobis cognitare aliquid, quasi ex nobis: sed sufficientia nostra ex Deo est.* 2. Paralippo. 20. *Cum ignoremus, quid agere debeamus, hoc solum habemus relictum, ut oculos nostros dirigamus ad te.* Hierem. 10. *Cognoui Dominum, quia non est in homine via eius, nec viri est ut ambulet, & dirigat gressus suos.*

C Confirmatur, quia sæpe in scriptura imploratur diuinum auxilium ad cognoscendum, quid sit faciendum; ergo non potest hoc cognosci ab homine viribus suæ naturæ: antecedens patet. Psal. 24. *Vias tuas Domine demonstra mihi, & semitas tuas edoce me.* Psal. 141. *notam fac mihi viam in qua ambulem, & postea, doce me facere voluntatem tuam, quia Deus meus es tu, & Sapient. 9. Da mihi sedulum marum assistentem sapientiam, & postea, memento illam de calis sanctis tuis, & à sede magnitudinis tue, ut mecum sis, & mecum labores, ut sciam quid acceptum sit apud te.* Et consequentia probatur, quia hoc argumento vitur quoddam concilium **CARTHAGINENSE**, in epistola ad Innocentium primum his verbis; *quis non ea videns innititur à Domino peti & fallaciter orari, cum orando poscuntur,*

est à Deo; & consistebat in perfecta quadam dispositione naturæ humanæ, per quam & pars rationalis erat subiecta Deo; & pars sensitiva rationali, ita ut nullo modo inurgeret aduersus eam, nec præueniret eam, & corpus subdebatur animæ ita ut nullo morbo aut detractione, vel alio defectu, impediret operationes partis rationalis: ut homo sic liberatus à rebellionem appetitus sensitivi, & à molestia corporis, posset facile & suauiter viuere secundum rationem.

QUARTVS STATUS, est *natura lapsa* in peccatum, siue *corrupta* per peccatum: & consistit in corruptione illius integritatis & rectitudinis, quæ natura humana haberet in secundo statu, & in tertio; quare, ut humana natura dicatur corrupta, satis est, quod sit in ipsa peccatum, vel effectus peccati; qui sit illa corruptio: & hoc modo manet corrupta in Adamo post peccatum, & est in omnibus, qui ab ipso per naturalem propagationem descendunt; & ideo, etiam in homine iustificato, in quo per gratiam est aliquo modo reparata, dicitur corrupta in sensu, quo nunc loquimur, hoc est, non integra; quoniam per gratiam non restituitur illa rectitudo naturalis, in qua diximus consistere integritatem naturæ. Et ita natura humana hoc modo corrupta potest habere varias dispositiones, aut enim est cum solo peccato, originali, aut cum originali & mortali actuali; aut cum solo actuali, aut caret utroque, & est iustificata per gratiam.

VLTIMVS STATUS est *gratia gratum facientis*, in quo natura humana, siue habeat integritatem naturalem secundi & tertij status, siue careat ipsa, tamen per gratiam gratum facientem, & per virtutes infusas est ordinata in beatitudinem supernaturalem, quæ consistit in clara Dei visione; & potest exercere actus, quibus eam promereatur.

Ita enumerat Caietanus loco citato status istos; sed circa eorum distinctionem inter se sunt nonnullæ difficultates.

§. 4. *Prima est an primus status distinguatur à secundo, ita ut possit ab eo separari.*

QVOD est inquirere, an possit homo creari in solis suis naturalibus sine integritate naturæ? In qua re, ex ijs, quæ diximus, colligitur pars affirmativa; quoniam diximus, secundum statum includere integritatem naturæ, quam non includit primus. Et Confirmatur primo, quia si status in puris naturalibus includeret integritatem naturæ, sequeretur quod non amitteretur huiusmodi integritas propter peccatum, & ex consequenti, quod homo post lapsum retineret eam; *sequelam* concedit D. R. ANDRVS in 2. d. 28. q. 3. num. 8. & probatur aperte, quia ea, quæ pertinent ad naturam, siue quia fluunt ex eius principijs, siue quia sint debita naturæ, non amittuntur per peccatum, ut constat in potentijs, & proprietatibus, quæ fluunt ex principijs naturæ; & in concursu generali, qui est debitus naturæ, & tamen nihil istorum amittitur propter peccatum alias natura lapsa in peccatum esset monstrum in naturalibus.

Et Confirmatur secundo, quia contrarietas appetituum in homine sequitur naturaliter ex intrinseca constitutione ipsius; ergo neque sequitur ex natu-

ra hominis, neque debetur ipsi subordinatio inter istos appetitus, in qua consistit integritas naturæ humanæ. Antecedens patet, quia homo ex propria ratione habet, quod componatur ex duobus partibus, scilicet ex natura rationali, & ex sensitiva; & ex priori sequitur naturaliter inclinatio ad bonum rationis, & ex posteriori sequitur inclinatio ad bonum sensibile, quod sæpe est contrarium bono rationis. Et consequentia probatur, quia nulla natura postulat ut fluens ex ipsa, aut tanquam sibi debitum remedium illius defectus, qui sequitur naturaliter ex intrinseca constitutione ipsius: ut, quia ex intrinseca constitutione hominis secundum corpus sequitur quod sit mortalis, & quod moriatur, ideo non sequitur ex eadem, neque est ipsi debitum remedium, ut non moriatur.

Sed probant aliqui, integritatem naturæ pertinere ad statum hominis in puris, naturalibus, quoniam alias sequitur, quod natura humana non possit habere integritatem per sua naturalia, & ex consequenti, quod, ut, habeat eam, indigeat aliquo dono superante totam perfectionem suorum naturalium; & ex hoc sequitur ulterius, quod status naturæ integræ sit status gratiæ, quoniam donum illud, quo potest constitui, est gratuitum, & supra totam naturam.

Confirmatur primo, quia, si natura humana in puris naturalibus non est integra, ergo deest ei aliquid ipsius naturæ; & ex consequenti, non habet omnia naturalia.

Confirmatur secundo, quia res naturales, cum habent perfecta sua naturalia, habent etiam naturam perfectam, & integram: ut constat inductione in Angelis, brutis, plantis, &c. ergo etiam homo; patet consequentia, quia non est deterioris conditionis natura humana, quam reliquæ naturæ.

Confirmatur ultimo, quoniam homini condito in puris naturalibus debentur vires, quibus possit consequi finem suum naturalem, ad quem naturaliter ordinatur: quoniam alias necessario erit miser, cum non possit consequi finem, in quo sita est sua felicitas, & beatitudo naturalis; ergo etiam debetur ei integritas naturæ, & ex consequenti, huiusmodi integritas pertinet ad statum hominis in puris naturalibus; *hec secunda consequentia* patet, quia (ut supra dixi), ad hunc statum pertinent omnes perfectiones, quæ vel consequuntur ad naturam, vel sunt ipsi debite; & prima probatur, *tum quia*, si homo ita conditus posset viribus suis consequi finem suum naturalem, ergo etiam posset operari omne bonum proportionatum huic fini, & adimplere omnia præcepta, & ad hoc requiritur natura integra; *tum etiam quia*, si homo ille non haberet integritatem naturæ, haberetur necessario in aliquod peccatum, & cum non posset resurgere ab eo (quoniam ad hoc requiritur gratia, quæ in illo statu non reperitur, ut supponimus) non posset consequi finem, in quo consisteret sua beatitudo, quia propter illud peccatum esset dignus supplicio æterno, & exclusionem à beatitudine.

AD ARGUMENTVM respondetur, concedendo primam sequelam, & negando secundam; & ad probationem dicendum est, quod donum illud, quævis superaret pura naturalia, computaretur inter dona naturalia, quia ex natura sua ordinaretur ad integrandam perfectionem naturæ, & ad tollen-

dos defectus naturales ipsius: & non ad aliquem effectum vel finem supernaturalem; & solum esset gratuitum secundum quid, scilicet quantum ad conditionem non debiti, quia non esset debitum naturæ, quod CAIETANVS appellat *esse gratuitum possessum*.

Ad primam confirmationem respondetur, quod quamvis naturæ humanæ existenti in puris naturalibus desit integritas naturæ, non sequitur quod desit ei aliquid ipsius naturæ, aut suorum naturalium, si per naturalia intelligantur ea, quæ consequuntur ad naturam, aut debentur ipsi; quoniam subordinatio appetituum, in qua consistit ista integritas, non appellatur integritas naturæ, quia pertinet ad perfectiones debitas naturæ; sed quia est secundum naturam rationalem, ut supra explicauimus.

Ad secundam confirmationem, concesso antecedenti, neganda est consequentia, & ratio discriminis est, naturam humanam habere hoc peculiare inter omnes naturas, quod constituatur ex partibus, ex quibus dimanant inclinationes adeo distantes.

Ad ultimam respondetur concedendo antecedens, & negando primam consequentiam; & ad primam probationem, neganda est consequentia, quia, ut homo in illo statu posset consequi suum finem, non est necesse, quod posset operari omne bonum proportionatum illi fini, & adimplere omnia præcepta *collelline*, ad quod requiritur natura integra; sed satis est, quod possit perficere aliquod opus bonum moraliter, & adimplere aliquod præceptum in particulari, ut statim explicabo; & ad hoc non requiritur natura integra, imo etiam si sic lapsa in peccatū, poterit illud præstare, ut concedunt omnes Theologi. Ad secundam probationem respondetur, negando id, quod in ea obijciatur, scilicet, quod homo in illo statu, non possit consequi suum finem naturalem; nam *imprimis* multi possent mori antequam peruenirent ad usum rationis, & ex consequenti, absque omni peccato; *deinde* ex ijs, qui peruenirent, aliqui possent in principio usus adimplere præceptum conuertendi se in Deum, & mori antequam incideret in aliquod peccatum mortale; & *tandem*, illi, qui peccarent mortaliter, possent obtinere remissionem sui peccati, vel sola remissione liberali facta à Deo, vel saltem media acceptatione alicuius actus naturalis ipsorum hominum per modum compensationis; neque adhuc esset necessaria gratia supernaturalis ex parte Dei, cum peccatum in illo statu non importaret auersionem à Deo sine supernaturali; sed sufficeret quedam beneuolentia naturalis.

§. 5. Secunda difficultas est, An primus & quartus status differant penes hoc, quod natura humana in quarto statu sit infirmior, quam in solis naturalibus creata existeret.

CVI DIFFICULTATI ex ijs, quæ diximus constat, respondendum esse *negatiue*; quoniam diximus, quod homo in primo statu haberet inclinationem appetitus sensitiui ad bonum sensibile, si ne traheretur aliquo reprimente ipsum; & ex consequenti, haberet contrarietatem appetituum, quæ

est causa infirmitatis naturæ humanæ ad prosequendum bonum.

Neque potest dici, quod inclinatio appetitus ad bona sensibilia sit maior in quarto statu, quam esset in primo, vel propter aliquam qualitatem superadditam ipsi ratione peccati originalis, vel quia ipsa facta sit intentior & vehementior, ut probauimus *supra* q. 81. art. 1. ubi etiam dissolui argumenta quæ contra hoc solent obijci.

Quod si quæras, An differant hi duo status aliquo modo penes infirmitatem hanc? Respondetur, differre quidem, non tamen quia ipsa sit maior in vno, quam in altero; sed quia defectus maioris virtutis in primo haberet rationem negationis & conditionis naturalis; & in quarto, rationem privationis & pænæ; quoniam naturæ humanæ in primo statu non esset debita maior virtus, in quarto vero, est ipsi debita, quatenus in suo capite, scilicet Adamo, habuit ius ad eam; quia si Adamus permansisset sine peccato, conseruasset iusticiam originalem sibi & suæ posteritati. Et ad explicandum hoc discrimen videtur CAIETANVS optimo exemplo nuditatis duorum hominum, quorum vnus nunquam habuit vestes, neque ius ad eas; alter vero fuit prius vestitus, & postea denudatus ad castigationem alicuius criminis, nam nuditas in vtroque est æqualis, & tamen in primo habet rationem negationis, & in secundo privationis & pænæ.

Quod si obijcias, id, quod dixi in solutione præcedentis difficultatis, scilicet, hominem in primo statu posse proprijs viribus consequi suum finem naturalem, quod tamen homo in quarto statu, hoc est, lapsus in peccatum, non potest; Respondetur, hoc non provenire ex inæqualitate facultatis & virtutis ad operandum bene moraliter; sed ex eo, quod homo in statu naturæ corruptæ est ordinatus in finem supernaturalem, & cecidit à gratia supernaturali; quia ex hoc provenit, quod indigeat beneuolentia & gratia supernaturali Dei, ut obtineat remissionem peccati, per quod impeditur adeptio finis, etiam naturalis, & ita stat bene quod homo in isto statu possit viribus naturæ facere illa opera bona moraliter, quæ posset facere si crearetur in puris naturalibus; & tamen non possit eisdem viribus consequi finem naturalem, quia non potest eis solis tollere impedimentum peccati. Et idem dicendum est de impotentia, quam homo habet in quarto statu ad diligendum Deum finem suum, ita ut se & omnia sua absolute referat in Deum, quam tamen non haberet in primo; quia etiam hoc non provenit ex defectu virium ad operandum bene moraliter, sed ex impedimento peccati.

Quod si vltius obijcias D. THO. supra q. 83. art. 2. docere inclinationem naturalem ad virtutem minui per peccatum. Respondetur in primis D. THOMAM loqui tantum de peccatis actualibus, & non de originali, per quod natura humana est corrupta; ait namque, inclinationem illam minui extrinsece per appositionem impedimenti, scilicet actuum, quibus generantur habitus vitiosi inclinantes ad oppositum virtutis; quod de solis peccatis actualibus potest intelligi, & non de originali, ex quo certum est, nullum actum aut habitum positivum fuisse superadditum naturæ humanæ. Deinde dico, non posse negari absolute di-

minutam fuisse inclinationem naturalem naturę humanę ad virtutem; quoniam ablata iustitia originali per peccatum originale, homo minus inclinatur ad bonum, quā de facto inclinabatur antequam peccaret, & ita hoc concedit CAIET. art. 3. illius quęstionis; verum intelligendum est de inclinatione comparata ad eam perfectionem, quam habuit in statu iustitię originalis; & non ad eam, quam haberet, si conderetur in puris naturalibus. sicut nos loquimur de eo.

S. 6. *Prima difficultas est, An secundus status distinguatur à tertio.*

ET RATIO dubitandi pro parte negativa est, quod integritas naturę, in qua consistit secundus status, est effectus iustitię originalis, quoniam primus homo habuit hanc integritatem, cum conditus est à Deo, & non habuit eam ex vi suorum naturalium, neque poterit assignari in ipso aliquid, præter iustitiam, quod fuerit eius causa: ergo iustitia originalis pertinet ad secundum statum, tanquam principium integritatis in qua consistit.

IN HAC RE probabilius mihi videtur pars affirmativa, quam CAIET. & alij recentiores defendunt, cuius ratio constabit ex solutione huius argumenti. Ad quod varie solet responderi; nam quidam concessio antecedenti, negant consequentiam, si consequens intelligatur de iustitia originali, quatenus constituebat tertium statum: pro quo supponunt, iustitiam originalem posse sumi duobus modis, scilicet pro dono sanantis naturam, & conferenti ipsi reſtitutionem præcise in ordine ad finem naturalem; & pro dono conferente naturę humanę totam reſtitutionem, quam homo habuit in tertio statu, in quo non solum habuit reſtitutionem in ordine ad finem naturalem, sed etiam in ordine ad finem supernaturalem, siue donum hoc fuerit vnus & idem habitus gratię gratum facientis, qui pro illo statu extendebatur ad sanandum naturam, vt sentit SOTO l. 1. de nat. & grat. c. 5. & 6. siue includit duo distincta, scilicet gratiam gratum facientem, & iustitiam originalem præcise sumptam pro dono sanante naturam, vt vult CAIET. 1. p. q. 95. art. 1. quę duo appellantur *vnus donum*, quia pro illo statu erant inseparabilia, & primum erat quasi radix & fundamentum secundi, vt CAIET. dicit. Et præterea dicuntur, *donum iustitię*, quia conferebant homini reſtitutionem, quę appellatur iustitia. Et tandem dicuntur *donum iustitię originalis*, quia tota ista reſtitutio erat transferenda in posteros per originem, si homo non peccasset. Et hoc supposito, dicunt, integritatem naturę esse effectum adæquatum iustitię originalis sumptę priori modo, non tamen si sumatur posteriori modo; & hoc satis esse ad distinctionem istorum actuum: quę, si donum sanans naturam distingueretur realiter à gratia, esset realis, qualis reperitur inter includens & inclusum, quia tertius status includeret totum quod secundus, & aliquid amplius realiter distinctum; si vero non distingueretur realiter, non esset realis, sed secundum diuersas rationes formales.

Sed hæc solutio mihi non placet, quia licet verum sit, primum hominem creatum fuisse in gratia, & non habuisse iustitiam originalem sine gratia: tamen status iustitię originalis in ipso, etiam seclusa gratia distinguebatur à statu naturę integrę; alias

status iustitię originalis constitueretur per gratiam gratum facientem, quoniam iuxta solutionem istam, nihil aliud includit, quod non sit commune ipsi cum secundo statu.

Alter respondet CAIET. loco citato, negando antecedens, & ad probationem dicit, quod integritas naturę in primo homine fiebat formaliter per vigorem quendam rationis seu superioris partisanimę ad conferendum statum in nullo rationi dissonum, reprimendo appetitum, & continendo ipsum, ne insurgeret contra rationem. Et si quæratur à CAIETANO causam huius vigoris siquidem non resultabat ex principiis naturę? Respondetur, quod ratio participabat hunc vigorem in coniunctione ad donum iustitię originalis, quoniam vniuersale est, inferiora in coniunctione ad superiora perfici, non solum participando perfectionem superiorum, sicut dici solet, *supremum infimi attingere infimum supremi*; sed etiam in ordine ad proprias operationes, vt cogitativa in homine propter coniunctionem cum intellectu perfectius operatur, quam in brutis; & vegetatiua in brutis propter coniunctionem cum natura sensitua perfectius operatur, quam in plantis.

Sed restabit CAIETANO explicandum, à quo, tanquam à principio efficiente, participabat ratio illum vigorem in coniunctione ad iustitiam originalem, si non participabat eam ab ipsa iustitia originali? nam in priori exemplo cogitativa participat illam perfectionem ab intellectu, tanquam à principio dirigente, vt insinuat CAIETANVS, cum inquit, quod non operaretur tam perfecte, si intellectus taceret; aut in vtroque exemplo, potentia minus perfecta participat illam maiorem perfectionem ab anima, à qua dimanant per quandam resultantiam naturalem, vt alij volunt. Respondetur, quod ratio participabat illum vigorem à Deo, vt à principio illius status: non tamen participabat eum, nisi in coniunctione ad iustitiam originalem.

Potest etiam alijs duobus modis dissolui argumentum propositum, primo, dicendo, integritatem naturę non esse effectum per se iustitię originalis, sed per accidens; quia potest aliunde procedere, scilicet à supernaturalibus dotibus glorię, vel ab excellenti gratia & virtutibus, sicut CAIET. dicit processisse in beatissima virgine; vel à diuina assistentia; & ideo non esse necesse, quod iustitia originalis pertineat ad statum naturę integrę, in quo solum consideratur integritas, non curando an procedat à iustitia originali necne? Aut secundo, dicendo, integritatem naturę esse effectum inadæquatum iustitię originalis, quia iustitia originalis ad plura alia se extendit, etiam intra ordinem naturę, & seclusa gratia gratum faciente: & hoc esse satis, vt inter illos duos status sit distinctio, saltem sicut inter includens & inclusum; pro quo aduertere, quod homo in statu iustitię originalis non solum haberet rectam subordinationem potentiarum in ordine ad bonum, sed etiam non posset peccare venialiter priusquam mortaliter, vt cum D. THOMA supra quęst. 89. artic. 3. docuimus; & non posset intellectu decipi, aut errare, nec mori, aut pati ægritudines, quamdiu in eo permaneret, vt D. TH. docet 1. p. in materia de statu primi hominis: at vero ad statum naturę integrę nihil istorum trium requiritur, sed sufficit illa subordinatione potentiarum.

ARTICVLVS I.

*Vtrum homo sine gratia aliquod verum
cognoscere possit?*

PRIMA CONCLUSIO. *Ad cognitionem cuiuscun-
que veri homo indiget auxilio diuino, ut intellectus à
Deo moueatur ad suum actum.*

SECUNDA CONCLUSIO. *Ad cognoscendum ve-
ritates non supernaturales, non indiget nona illustratio-
ne supernaturali naturalis illustrationi.*

TERTIA CONCLUSIO. *Ad cognoscendum verita-
tes supernaturales, indiget illustratione gratiæ.*

COMMENTARIVS.

CIRCA PRIMAM conclusionem notan-
dum, per *auxilium diuinum* in ea, intelli-
gi concursum generalem, quo Deus con-
currit ad omnes effectus causarum se-
cundarum, & sine quo nulla causa secunda
potest operari: quod satis explicuit D. THOMAS
cum dixit, hoc auxilium esse necessarium, ut in-
tellectus à Deo moueatur ad suum actum; quo-
niam paulo superius dixerat, nullum agens crea-
tum posse operari, nisi moueatur à Deo ad agen-
dum. In quo vero consistit ista motio, & an sit
aliquid receptum in ipso agente creato antece-
denter ad suam actionem, explicatur obiter à
CAIETANO in principio huius articuli, cum di-
cit, esse cooperationem Dei cum causa secun-
da; & à nobis explicatum supra quæst. 79. art.
secundo, ubi etiam diximus contra DV-
RAN-
DUM, necessarium esse hunc concursum Dei,
ut quæcunque causa creata operetur; & non suf-
ficere, quod Deus dederit ipsi esse, & principia
operatiua, & conseruet omnia ista. De quo
videndus est DIUUS THOMAS prima parte quæ-
st. 103. art. 5. & 3.

CIRCA secundam conclusionem *aduertendum*,
veritates naturales esse duplices, scilicet, *specula-
tiuas*, & *practicas*; *speculatiuæ* dicuntur, quæ non
pertinent ad operationem, sed solum ad cogni-
tionem; *practica* vero, quæ ordinantur ad opera-
tionem, vel mouendo ad operandum, aut di-
rigendo operationem, & de vtriusque est nunc
disputandum; Ex primum de *speculatiuis*: Circa
quas est

DVBIVM

In ordine articuli PRIMVM.

*Vtrum sine illustratione, vel auxilio
gratiæ possit homo cognoscere om-
nes veritates naturales
speculatiuas?*

ET pro explicatione tituli *aduertendum* est
primo, per *illustrationem* vel *auxilium gra-
tiæ*, non intelligi gratiam gratum facien-
tem, sed quodcunque donum gratis col-

atum humanæ naturæ, & superans eius faculta-
tem, siue tale donum sit infusio specierum, siue
ordinatio phantasmatum, aut confortatio lumi-
nis naturalis per aliud lumen superius, vel habitum
infusum; siue *aliquid aliud*, quod adiunget natu-
ram ad cognoscendum, vel plura obiecta, vel
perfectius, quam proprijs viribus possit.

SECUNDO *ADVERTENDVM*, veritatem
aliquam dupliciter dici naturalem, scilicet ex *parte
rei*, ut cum consistit in ipsis rebus naturalibus,
cuiusmodi sunt, Deus ut author & finis naturæ,
& omnia quæ ordinantur ad istum finem, &
nullo modo respiciunt finem supernaturalem; aut
ex *parte medijs aut luminis*, quæ cognoscuntur, ut
cum cognosci possunt lumine naturali nostri in-
tellectus; & quia hoc lumen solum est sufficiens
ad ea intelligibilia cognoscenda, in quorum no-
ticiam per sensibilia possumus deuenire (quia
omnis nostra cognitio incipit à sensibus) ideo
illæ tantum veritates dicuntur hoc modo natu-
rales, quæ ex sensibilibus cognosci possunt: &
hoc posteriori modo loquimur in hoc dubio de
B veritatibus naturalibus, nam ex ijs, quæ dicun-
tur naturales primo modo, certum est multas
non posse cognosci ab homine viribus suæ naturæ,
ut patet in futuris contingentibus, & in cogitatio-
nibus cordium, & in numero lapidum, qui iacet in
flumine, ut D. THO. docet 1. p. q. 94. art. 3. & de
verit. q. 18. art. 4. in principio corporis, & ad pri-
mum, & ad 11. & 14. & eodem modo sumit eas
D. THO. in hoc art. quoniam illas veritates, quæ nō
possunt ex sensibilibus cognosci, dicit esse altiores
lumine naturali nostri intellectus, & quod noster
intellectus nō potest eas cognoscere, nisi fortiori lu-
mine perficiatur, sicut lumine fidei, vel prophetiæ.

ULTIMO *ADVERTENDVM*, dubium hoc posse
habere locum in omnibus statibus naturæ huma-
næ, quos supra retulimus, sed potissimum in tribus
intermedijs, scilicet naturæ integræ, & iustitiæ ori-
ginalis, & naturæ corruptæ, quoniam status in pu-
ris naturalibus, quantum ad potentiam, vel impo-
tentiam ad operandum, reducitur ad statum natu-
ræ corruptæ; & status gratiæ, quantum ad vi-
res naturales ad cognoscendum, vel reducitur ad
eundem, vel ad statum iustitiæ originalis, quia cum
C his duobus statibus fuit coniunctus status gratiæ.

§ 1. *Varia sententia.*

HIS SUPPOSITIS, est *prima sententia* eorum, qui
dicunt, absolute hominem posse viribus natu-
ræ & sine auxilio gratiæ cognoscere omnes verita-
tes naturales *collectiue*, hoc est, ita ut actu acquirat
noticiam omnium, nulla relictæ. Hanc sententiam
tribuunt aliqui CAIETANO in hoc art. & DV-
RAN-
DO in 2. dist. 28. quæst. 1. num. 5. quamvis vtr-
que possit exponi iuxta verum sensum; ut statim
dicemus. Sed cuiuscunque sit hæc sententia, pro-
batur testimonio D. THOM. qui in conclusione
proposita absolute, & sine vlla exceptione docet,
posse hominem sine auxilio gratiæ cognoscere
veritates non supernaturales.

Confirmatur primo, ratione ex ipso desumpta,
quia quæcunque res creata potest viribus suis exire in
actum proportionatum formæ, per quam consti-
tuitur in actu ad agendū: sed lumini naturali, quod
est quasi forma intellectus humani, est propor-

ionatum cognoscere omnes veritates naturales speculativas; ergo intellectus humanus potest viribus suis, & sine auxilio gratiæ, cognoscere eas, probatur *minor*, quia omnes istæ veritates sunt obiectum proportionatū lumini naturali nostri intellectus: ergo etiā earū cognitio est ei proportionata.

Confirmatur secundo, quia homo naturaliter appetit cognitionem omnium istarum veritatum: ergo naturaliter potest eam consequi; *Antecedens* patet, quoniam ARIST. I. metaphys. c. 1. inquit, *omnes homines naturaliter appetere scire*, & cū sit intelligendum de veritatibus naturalibus, & non magis de vna, quam de alia, intelligetur de omnibus. Et *consequentia* probatur, quoniam alias appetitus naturalis intra ordinem naturæ esset frustra.

Confirmatur ultimo, quia homo potest sine auxilio gratiæ cognoscere veritates pertinentes ad Deum, ut statim dicemus: ergo & reliquas omnes simul.

SECUNDA SENTENTIA est aliorum, qui (vtriusque ABULENSIS in cap. 19. Matth. q. 17. & COMARAD. refert hoc loco ex D. THOM. in 2. dist. 18. q. 1. art. 1.) dicebant, hominem nihil de nouo cognoscere, nisi per emissionem radij intelligibilis ab intellectu agente, quem ponebant separatam, atque adeo suis viribus solis non posse cognoscere, neque vnam veritatem in particulari. Sed isti nullum habent fundamentum.

§ 3. Resolutio quæstionis.

PRIMA CONCLUSIO, *Homo in quocunque statu potest sine auxilio gratiæ cognoscere omnes veritates naturales speculativas diu sine*; hoc est, habet facultatem naturalem, qua possit, cum voluerit, quæcunque earum actu cognoscere, ita D. THOM. hoc loco, & ABULENSIS loco citato; & iuxta sensum huius conclusionis possunt exponi CAJETANVS & DURANDVS. Et probatur *in primis*, quia quæcunque ex illis veritatibus in particulari est obiectum proportionatum lumini naturali intellectus humani, ergo potest ab eo cognosci viribus naturæ, & sine auxilio gratiæ: patet *consequentia*, quia quæcunque potentia potest suis viribus attingere obiectum sibi proportionatum. *Deinde*, illas veritates, quæ pertinent ad Deum, & quæ videtur difficiliiores, potest homo cognoscere suis viribus: ergo etiam reliquas. Probatur *antecedens* ex illo ad Romanos primo, *inuisibilia enim ipsius* (scil. Dei) *à creatura mundi per ea, quæ facta sunt, intellecta conspiciuntur, sempiterna quoque eius virtus & diuinitas*, & Sapient. 13. *à magnitudine speciei & creaturæ cognoscibiliter poterit creator hominum videri*. De quo argumento multa dicit AUGUST. tom. 1. lib. 6. conf. c. 6. 7 & 8. & 10. 3. I. de spir. & lit. c. 12. & 10. 10. term. 55. de verbis Domini.

SED ADVERTE, conclusionem hanc pro statu naturæ corruptæ non esse intelligendam de quibuscunque hominibus, sed de illis, qui ingenio pollent; nam aliqui sunt a deo inepti, ut neque propria inuentione, neque aliorum doctrina possint acquirere notitiam aliquarum veritatum naturalium imo ut paucas ex eis possint percipere: & ita D. THOM. 1. contra gent. cap. 14. dicit, aliquos ratione complexionis esse naturaliter indispositos ad sciendum.

A SECUNDA CONCLUSIO: *homo in statu naturæ corruptæ, quantum est ex parte virtutis, quæ requiritur in intellectu ad intelligendum, potest sine auxilio gratiæ acquirere notitiam omnium veritatum speculativarum, etiam collectivè: tamen simpliciter & absolute, hoc est, consideratis omnibus quæ ad id requiruntur, non potest*. PRIMA PARS probatur, quia tota collectio istarum veritatum est obiectum proportionatum virtuti, quam intellectus humanus habet proprio statu ad intelligendum: ergo homo in isto statu habet sufficientem virtutem ex parte intellectus ad cognoscendum totum illud obiectum, & ex consequenti, quantum est ex parte virtutis, quæ requiritur in intellectu, potest cognoscere ipsum. *Consequentia* patet, quia sufficiens proportio inter virtutem activam & obiectum, ut talis virtus in suo genere sit sufficiens ad attingendum obiectum, & ex consequenti, ut dei posse, quantum est ex parte virtutis requisitæ in principio activo. Et *antecedens* probatur, quia totum illud obiectum non est inproportionatum propter supernaturalitatem, cum nihil contineat supernaturale; neque quia debet cognosci successivè & per partes, nam ex multiplicatione actuum non debilitatur aut infirmatur virtus intellectus, sicut contingit in sensibus.

B SECUNDA ETIAM PARS probatur, quia, ut homo acquirat cognitionem illarum veritatum, multa alia requiruntur præter virtutem activam intellectus; nam primo requiritur longissimum tempus, tum quia veritates istæ sunt innumera; tum etiam quia homo naturaliter non acquirit notitiam veritatis nisi medio difficili ac longo discurfu & studio, præsertim ubi veritates non adeo manifeste ostenduntur; Secundo, perfectum & facile ministerium ex parte sensuum; tertio, cessatio à motibus passionum & perturbationibus corporis, ut D. THOM. & FERRAR. loco citato, & lib. 2. c. 55. colligunt ex ARISTOT. 7. Phil. cap. 3. tex. 10. ubi inquit, quod anima quiescendo fit sapiens; quarto, magna propensio & applicatio ad huiusmodi studium; quinto, bona dispositio ex parte corporis ad subeundum laborem, qui ad hoc studium est necessarius; sexto, animus liber ab alijs curis & sollicitudinibus. & tamen hæc omnia, aut omnino desunt homini in hoc statu, aut sunt valde imminuta; nam *in primis*, *vita est brevis*, ut dixit HIERONYMUS, sensus interni difficile & imperfecte militat intellectui, appetitus suis passionibus perturbat animi tranquillitatem, & movendo atque inclinando ad alia, minuit inclinationem ad hoc studium; corpus est causa defatigationis & tædij, iuxta illud Sapient. 9. *Corpus quod corrumpitur, aggravat animum*, & curæ, & sollicitudines circa res externas minuunt conatum mentis & consumunt tempus impendendum huic studio.

C *Confirmatur primo*, quia duobus modis potest homo naturaliter acquirere notitiam veritatis, scilicet propria inuentione, & doctrina ab alio accepta; & priori modo iam constat, non posse hominem in hoc statu acquirere notitiam omnium istarum veritatum; posterior autem modus supponit priorem, saltem in docente; nisi dicas, potuisse vnum hominem edoceri à Deo, vel ab Angelo, & ab isto alios: sed hoc præterquam quod supponit, saltem ex parte magistris, modum discendi non connaturalem, esset impossibile pro hoc statu, quia propter impedi-

impedimenta clara non possunt alij homines discernere ab illis omnibus vegetabilibus naturalibus; & ita quamvis Adamus haberet omnes scientias naturales infusus à Deo, & credendum sit, quod voluerit docere eas suos filios, de nullo legimus, quod eas docuerit.

Conferatur secunda, quia de eo, quod habet nas factum non est, merito indicatur, non posse fieri secundum naturam; sed hactenus nullus hominum acquisivit notitiam illarum veritatum; ergo impossibile est quod naturaliter aliquis eam acquirat.

DEO Q. ART. 2. An secunda pars huius conclusionis sit etiam intelligenda de homine in statu culturae originalis? Ad hoc aliqui respondent negative, & sentent esse sententiam D. THOMAE. p. in materia de statu primi hominis; sed quantum attinet ad sententiam D. THOMAE aperte discipulantur, quoniam q. 94. art. 1. solum dicit, quod primus homo habuit à principio sine conditione scientiam omnium rerum naturalium infusus sibi à Deo, ubi non loquitur de virtute naturae, ad acquiriturum eas; sed art. 4. docet, hominem in illo statu non potuisse errare aut decipi: & cum hoc bene fiat, quod non possit suis viribus acquirere notitiam omnium veritatum naturalium; quoniam carentia huius notitiae non est error, aut decipio, & quantum possit esse necessaria erandi; tamen homo tunc propria prudentia, & Dei providentia, praeservaretur ab isto malo, quod conveleat de pueris, qui nascuntur in illo statu D. THOMAE. & omnes qui dicunt, quod non habent innatum sibi à principio scientiam rerum naturalium, & quæst. 101. art. 1. docet, quod pueri in statu innocentie non nascerentur perfecti in scientia, sed eam in processu temporis absque difficultate acquirerent, immenso, vel addiscendo; ubi non explicat, an possent acquirere scientiam omnium veritatum collectivè, vel omnium distinctivè; quæ ratione potest etiam exponi aliud testimonium ipsius in quaest. 18. de veritate. artic. 7. in corp. ubi ita inquit: *Non operetur filius Adam magis minus scientiam scientiam habuisse, sed ad eam tempore proficiens pervenisset*, & non est alius locus in toto illo tractatu, in quo de hac re agat. Quantum vero ad rationem ipsam, mihi dicendum, videtur, quod homo in illo statu simpliciter, & absolute, posset acquirere illarum veritatum scientiam. Ita tenet expresse BARNARDUS PARAVIVUS libro 3. de generatione in Genesim, disputatione prima, questione quinta, & idem videtur insinuate Sorio libro primo de natura, & gratia cap. 6. conclusio secunda, cum inquit. quod posset homo in illo statu per sua naturalia tum cognoscere, tum velle & operari rectum bonum proportionatum suæ naturæ. *Preterea*, quoniam ex parte intellectus haberet sufficientem virorem, & ex parte aliorum, & quæ diximus requiri, nihil illi deeret, neque pateretur aliquam difficultatem.

Conferatur quia DIVVS THOMAS in duobus vltimis testimonijs multum fuit huc currentem.

Quod si obicitur, hominem in illo statu non habiturum tempus requiritum ad acquirendam notitiam illarum veritatum, quia oporteret tempus hoc esse longissimum, tunc quia in brevi tempore non posset homo experiri omnia, vt ac-

quireret omnium species, quod est necessarium ad acquirendum scientiam omnium; *non erigitur* quia haberet aliqua impedimenta, quoniam dormiret, & fameret cibum, vt docet DIVVS THOMAS prima parte, questione nonagessima-septima, articulo secundo ad secundum, & exerceret alias actiones naturales, vt docet DIVVS THOMAS articulo tertio illius questionis, & tamen nulla sese offert ratio propter quam sit dicendum, hominem esse detinendum in illo statu tanto tempore, sine transiitione ad statum beatorum.

Ad hoc aliqui respondent, quod homines propter magnam vigorem rationis tunc ex paucis rebus sensu perceptis possent acquirere quantum scientiam, colligendo ex effectibus causas, & ex causis effectus, & ex similibus similia, & ex contrarijs contraria; & ita non misgerent tam longo tempore; & desinunt hæc solutio ex DIVO THOMAE qui ita respondet ad simile argumentum propositum contra scientiam acquisitam Christi tertia parte, quaest. 12. art. 1. ad primum, & secundum.

Sed hoc quicquid sit de Christo, (qui potuit adinquiri ad hoc scientia beata, & infusa, quibus clare & distincte omnia nouerat,) de alijs dici non potest, quia neque possunt experiri omnes effectus causarum naturalium, nisi longissimo tempore; neque ex cognitione alieuius rei colligere, quorū modis possit habere cum alijs contrarietatem aut convenientiam.

Quare aliter respondeo, quod vita hominis in illo statu, quantum erat ex natura ipsius status, non haberet terminum, quia non suspenderetur per mortem; neque vero status ille quantum est de se, postulat transiitionem hominis ad statum beatorum, sed hoc petieret ad statum gratiæ; & hoc satis est, vt homini in illo statu, quantum est ex parte ipsius status, non deeret tempus requiritum ad comparandam scientiam, de qua loquimur.

Aut sciendum & melius responderetur, quod quomodo nobis consistet, quantum esset tempus, quo homines manerent in illo statu, antequam traderentur ad statum beatorum; tamen videtur probabile, quod esset tantum, vt in eo posset acquirere scientiam istam, quæ pertineret ad perfectionem ipsius status, quod non deeret homini tempus requiritum, vt pars rationalis acquireret totam perfectionem sibi proportionatam in illo genere; & preterea, cum vita in illo statu esset adeo felix propter copiam bonorum, & securitatem à malis non erat adeo brevis finienda. Neque tamen propterea oporteret, tempus illud absolute fore longissimum: quia homo tunc haberet tot adiumenta ad acquirendum scientiam, & esset ita expeditus ab omnibus impedimentis, vt sine propositione egeret ad id minori tempore, quam nos. *Verum est* tamen, quod, si tempus illud computaretur ad tempus nostre vite, esset valde longum: similiter & tempus priorum hominum, facta eadem comparatione, videtur fuisse longissimum.

§ 3. Solutio argumentorum.

AD PRIMAM primæ sententiæ responderetur. **A**D THOMAM in illa conclusione indifferentem loqui de veritate naturali, tam speculatiua, quam practica; quare sicut respectu veritatis practiciæ exponitur eius sententia seruata proportionem ad statum, in quo fuerit homo, ita ut respectu status iustitiæ originalis intelligatur de omni veritate collectiue, & respectu status naturæ corruptæ intelligatur de omni diuisione: sic etiam potest exponi de veritate speculatiua.

Ad primam confirmationem responderetur, maiorem esse intelligendam respectu alicuius actus in particulari, non tamen respectu omnium actuum collectiue: & ratio huius est, quia ad collectionem omnium actuum multa requiruntur, præter vim & efficaciam formæ, quæ est principium agendi; scilicet tempus, vigor, commoditas, & magna applicatio ad agendum; quæ tamen non requiruntur in tanto gradu ad aliquem actum in particulari. Et idem responderi potest, si fiat argumentum de proportionem inter totam collectionem veritatum, quæ sunt obiectum intellectus, & ipsum intellectum.

Ad secundam confirmationem, concessio antecedenti neganda est consequentia, si consequens intelligatur de omnibus veritatibus collectiue; nam sicut materia habet appetitum naturalem ad omnes formas, & tamen non potest informati omnibus simul, sed diuim: ita etiam, quamuis homo habeat naturalem appetitum ad cognoscendum omnes istas veritates, non est necesse, quod possit omnes simul cognoscere naturaliter, sed satis est si possit diuim.

SECUNDVM DVBIVM EST

circa veritates practicas.

Verum sine auxilio gratiæ possit homo cognoscere omnes veritates naturales practicas?

§ 1. Declaratur dubij titulus & sensus.

VBI PRO EXPLICATIONE tituli, præter ea, quæ obseruauimus dubio præcedenti, quæ communia sunt huic, solum est **ADVERTENDVM**, ex veritatibus practicis, quasdam pertinere ad factibilia, circa quæ versantur artes; & quasdam alias ad agibilia, hoc est, ad actiones & mores hominum. Et rursum, ex veritatibus pertinentibus ad mores, quasdam esse vniuersales, cuiusmodi sunt prima principia, & conclusiones vniuersales, quæ ex eis deducuntur, & alias particulares, cuiusmodi sunt determinationes harum conclusionum vniuersalium ad singularia, verbi gratia, quod pauperi sit danda elemosina, est veritas moralis vniuersalis: quod tamen hic & nunc sit huic in particulari danda elemosina, est veritas particularis.

A In hoc dubio non agimus de veritatibus practicis pertinentibus ad artes; quoniam de ijs, quantum ad hoc, est eadem ratio, atque de veritatibus speculatiuis; neque de veritatibus moralibus primi generis, quoniam illæ pertinent ad philosophiam moralem; nam de ijs etiam est eadem ratio, atque de speculatiuis; sed *solum* agimus de veritatibus moralibus secundi generis; & quamuis ad cognoscendum istas veritates sepe concurrat etiam veritas speculatiua, ut in exemplo proposito. ad hoc ut intellectus iudicet, hic & nunc dandam esse huic elemosinam, oportet quod prius iudicet reperiri tunc in particulari circumstantias, quæ ex parte dantis, & recipientis requiruntur, ut detur elemosina; & multo iudicio potest esse duplex veritas, una speculatiua, quæ consistit in hoc, quod reipsa reperiantur tales circumstantiæ, & altera practica, quæ consistit in hoc, quod reperiantur saltem secundum prudentem estimationem; tamē nos solum agemus de veritate practica. Et ita sentus huius dubij erit, an homini ad cognoscendas veritates morales in particulari, hoc est, ad iudicandum vere veritate practica de agibilibus in particulari, sufficiant vires naturæ sine gratia particularis auxilij.

§ 2. Negatiue sententiæ fundamenta.

IN QUA RE quidam, de quorum numero sunt **A** GREGOR. in 2. dist. 26. & duabus sequentibus q. 1. art. 1. conclusionem 2. **CAPREOLVS** dist. 21. q. 1. art. 3. in solutione ad argumentum **GREGORII** secundo loco propositum contra primam conclusionem, & **CASALIUS** de quadripartita iustitia lib. 1. cap. 19. & 32. negant homines in statu naturæ corruptæ posse, absque speciali auxilio Dei, cognoscere sufficienter in ijs, quæ ad moralem vitam pertinent, quid volendum, vel nolendum; agendum vel vitandum sit. Et probatur hæc sententia primo ex testimoniis sacre scripturæ ad Romanos 8. Spiritus adiuvat infirmitatem nostram: nam quis oramus sicut oportet nescimus. 2. ad Corinthios 3. Non quod sufficientes sumus in nobis cognoscere aliquid, quasi ex nobis: sed sufficientia nostra ex Deo est. 2. Paralip. 10. Cum ignoremus, quid agere debeamus, hoc solum habemus reliquum, ut oculos nostros dirigamus ad te. Hierem. 10. Cognosce Domine, quia non est in homine via eius, nec viri est ut ambulet, & dirigat gressus suos.

C Confirmatur, quia sepe in scriptura imploratur diuinum auxilium ad cognoscendum, quid sit faciendum; ergo non potest hoc cognosci ab homine viribus suæ naturæ: antecedens patet. Psal. 24. Viæ tuas Domine demonstra mihi, & semitas tuas edoce me. Psal. 142. notam fac mihi viam in qua ambulem, & postea, doce me facere voluntatem tuam, quia Deus meus es tu, & Sapient. 9. Da mihi secundum magnam assistentem sapientiam, & postea, mitte illam de celis angelis tuis, & a sede magnitudinis tuæ, ut mecum sit, & mecum laboret, ut sciam quid accipere sit apud te. Et consequentia probatur, quia hoc argumento vitur quoddam concilium **CARTHAGINENSE**, in epistola ad Innocentium primum his verbis; quis non ea videat manere a Domino peti & fallaciter orari, cum orando poscuntur,

qua natura, iam ita condita, sufficientibus viribus
ubriuerunt, & ipse INNOCENTIUS Papa in rescripto
ad idem concilium ita inquit: *David orationis
ignarus, & sua natura nesciens, accensetur: quia enim
scias tantum in sua natura esse, adiutorem sibi Deum,
orationibus pronus exoptat, & rursus idem ponti-
fex in rescripto ad concilium MILLEVITANUM,
referens illud Psal. 123. adiutorium nostrum in no-
mine Domini; & illud Psal. 20. adiutor meus esto
&c. ita inquit: quæ in casum dixeris, si tantum in
eius erat positum voluntate, quod à Domino fle-
bilis oratione poscebat. Et habentur hæc testimonia
tomo 1. conciliorum inter decreta INNOCENTII
primi & in operibus AUGUSTINI tomo 2. epistola
90. 91. & 93. & eodem argumento vitur tomo 7.
lib. 2. de peccatorum merit. & remissis. cap. 6. ubi
ita inquit: *Quis autem optat quod in potestate sic
habet, ut ad faciendum nullo indigeat adiumento?
& lib. de natura & gratia, cap. 18. ubi sic ait:
Quid scitis, quam optare ut facias, quod in pote-
state habes.**

SECUNDO probatur testimonijs conciliorum;
nam in concilio MILLEVITANO celebrato circa
tempora INNOCENTII primi cap. 4. definitur,
utrumque esse donum Dei, & scire quid facere debemus,
& diligere ut faciamus, & refertur de consec.
dist. 4. cap. quamvis dixerit; & in concilio A-
RAUSICANO 2. celebrato circa tempora LEONIS
primi, cano. 9. ita dicitur: *divini est munus, cum
& recte cogitamus, & pedes nostros à falsitate & in-
iustitia tenemus, & can. 21. nemo habet de suo, nisi
mendacium & peccatum. Et CELESTINUS papa,
epist. 1. ad episcopos Gallie cap. 9. inquit: omnem
sanctam cogitationem, & piæ consilium esse ex Deo,
& refert ZOSIMVM papam, in epistola ad to-
tius orbis episcopos de diuinæ gratiæ opitulatio-
ne, dixisse, in omnibus actibus, causis, cogitatio-
nibus, motibus, adiutorem & protectorem orandum
esse Deum.*

TERCIO probatur testimonijs AUGUST. nam
tomo 7. lib. 6. contra Iulianum cap. 16. supposito,
quod quilibet ex natiuitate sua habeat ignorantiam,
& concupiscentiam, ita inquit: *ignorantia
minuitur veritate magis magisque lucente; concupis-
centia minuitur charitate magis magisque fervente:
nihil boni horum duorum est in nobis: sed per vera
iudicia practica minuitur ignorantia, ut ibidem
inquit AUG. ergo; si à nobis habemus hæc iudi-
cia, etiam habemus à nobis diminutionem igno-
rantia, & lib. 2. de peccatorum meritis & remissione
cap. 17. nolunt homines facere quod iustum est siue
quia laet, an iustum sit, siue quia non delectat; &
paucis interpositis, ut autem innotescat, quod late-
bat, & suave fiat, quod non delectabat: gratia Dei
est, qua hominum adiuvat voluntates, & tom. 1.
epist. 105. ad Sixtum presbyterum: nemo recte sa-
pit, recte intelligit, recte consilio & fortitudine præ-
ualeat, nemo scienter pius est, vel pius sciens, nemo
amore casto Deum timet: nisi acceperit spiritum sa-
pientia, & intellectus, consilij & fortitudinis, scientia
& pietatis & timoris Dei, sed ad iudicandum
vere de rebus pertinentibus ad mores, necesse est
recte intelligere, & recte uti consilio: ergo etiam
est necessarium accipere spiritum sapientia, & in-
tellectus & consilij.*

ULTIMO probatur ratione, quoniam homo
in peccatum peccati primi parentis contraxit igno-

rantiam circa agenda; & non potest suis viribus,
& sine gratia Deise ab ea liberare; ergo indiget
auxilio gratiæ, ut cognoscat vere quid sit fugien-
dum, aut prosequendum circa mores; consequen-
tia patet, & antecedens quoad priorem partem est
AUGUST. tom. 1. lib. 3. de libero arbitrio, cap.
20. & tom. 2. in Enchirid. cap. 24. & quoad utrâ-
que in priori testimonio; & clarius tom. 1. lib. 1.
tractat. cap. 9. prope finem. Vbi ita inquit:
*Ad quam miseriam iusta damnationis pertinet ig-
norantia & difficultas, quam patitur omnis homo
ab exordio natiuitatis suæ, nec ab isto malo, nisi Dei
gratia, quisquam liberatur.*

§ 2. Prima pars vera sententiæ.

PRIMA CONCLUSIO homo in statu natura cor-
rupta potest per vim suæ naturæ, & absque ulla
gratia particularis auxiliij, cognoscere aliquas veri-
tates practicas pertinentes ad mores. In hac con-
ueniunt RICHARD. in 2. distinct. 28. circa
primam partem principalem quæst. 1. DURAN.
distinct. 38. quæst. 1. & 2. SCOT. distinct. 28.
quæstione vnica, §. contra hoc argumentum: ubi
inquit, hominem non habere tantam executionem
in intellectu, ut non possit sine gratia ha-
bere rectam deliberationem in multis, de quibus
tentatur. GABRI. eadem distinct. quæst. vnica,
artic. 2. in probatione secundæ conclusionis.
CAJETAN. in hoc artic. SOTO lib. 1. de natura
& gratia cap. 20. conclus. 1. DECANVS artic. 7.
§. doctores autem scholastici, & recentiores om-
nes; & probatur PRIMO ex scriptura, nam Paul.
ad Rom. 10. dicit, philosophos fuisse inexcusabiles,
quia cum cognouissent Deum, non sicut Deum glori-
ficauerunt, aut gratias egerunt, ubi aperte suppo-
nit eos cognouisse Deum esse dignum tali cultu,
& veneratione: quoniam alias propter cognitio-
nem, quam haberent de Deo, non essent ita
inexcusabiles; & hoc proculdubio pertinet
ad veritates practicas, de quibus nunc lo-
quimur.

Dicit, illos philosophos caruisse quidem su-
pernaturali fide infusa, tamen suscepisse particu-
laria auxilia, in ordine ad vitanda noua pecca-
ta, vel alios fines: & ita non habuisse illam co-
gnitionem de Deo, sine particulari auxilio
gratiæ.

Sed hac solutio ex ipso contextu rejicitur: nam
in verbis præcedentibus aperte loquitur D. Pau-
lus de cognitione comparata viribus naturæ, sine
particulari auxilio gratiæ; ita enim inquit: *quod
notum est Dei manifestum est in illis: Deus enim
illis manifestauit.* Et statim explicans modum
quo illis manifestauit, subdit: *inuisibilia enim sp-
sui, à creatura mundi; per ea, quæ facta sunt, in-
tellecta, conspiciuntur.* Quasi diceret Deum hoc
illis aperuisse, non reuelatione aliqua superna-
turali, aut exterius proposita, aut interius inspi-
rata; sed conditione huius mundi: quoniam
Deus, qui oculis corporeis cerni non potest,
conspicitur mente per ea, quæ facta sunt, intelle-

ita; hoc est, per cognitionem tam admirandi opificij, in quo sui authoris dignitas, & perfectio, ut in speculo quodam relucet. Et statim appositæ verba, de quibus loquimur, ita ut sint inexcusabiles. Sc. quorum sensus est ex eo, quod Deus ira seipsum eis manifestauerit, prouenisse ut sint inexcusabiles, quia non tanquam Deum glorificauerunt. Sc. quoniam particula, ut, hoc loco, non causam, sed consequentiam denotat; & ita exponunt locum istum CHRYSOST. THEOPHIL. & OECUMEN. THEODORET. ANSELM. ibidem.

Neque obstat, quod ANSELMVS dicat, illos philosophos peruenisse ad hanc cognitionem illuminante Dei gratia; quoniam per gratiam intelligit totum id, quod homini est à Deo collatum in ordine ad istum finem, præter vim naturalem sui intellectus, atque adeo comprehendit productionem, & gubernationem vniuersi, ut ipse paulo superius explicuit.

Item cap. 2. eiusdem epist. cum enim gentes, qua legem non habent, naturaliter ea, qua leges sunt faciunt, eiusmodi legem non habentes: ipsi sibi sunt lex, qui ostendunt opus legis scriptum in cordibus suis. Vbi per verbum, naturaliter, intelligunt naturales rationationes, & ductum luminis naturalis, autores supra citati, præter ANSELM. & ex recentioribus CASSIANVS. Et quamuis AVGVSTINVS tom. 3. libro de spiritu & litte. cap. 26. exponat locum istum de gentibus ad fidem conuersis, atque proinde videntibus ratione perfecta lumine fidei; tamen non improbat præcedentem expositionem, quæ procul dubio videtur germana; ut colligitur, tum ex intentione Pauli, qui vult ostendere, omnes, tam Gentiles, quam Iudæos, egere euangelio, & gratia Christi: atque proinde non loquitur de iam conuersis ad fidem, tum etiam ex ipso contextu; & ex illo verbo, naturaliter, quo secundum propriam vim potius significatur id, quod conuenit secundum naturam absolute consideratam, quam id, quod conuenit secundum naturam sanatam gratia, vel adiutam C auxilio supernaturali.

Neque vero oportet intelligere in illo verbo istud auxilium; quia Paulus dicit, gentes facere qua leges sunt, quoniam non dicit semper, aut omnia, ut explicabo art. sequenti.

Aliqui etiam hoc probant ex Psal. 4. vbi nomine aliorum proponit David hanc interrogationem, quis ostendit nobis bonum? & responderet, signatum est super nos lumen vultus tui Domine, quæ verba, licet aliis modis solent exponi, tamen à latinis communiter intelliguntur de lumine rationis naturalis, quæ demonstrat quid agere, vel fugere debeamus.

RATIONE etiam probatur hæc conclusio, quoniam istæ veritates sunt obiectum proportionatum intellectus humani, cum non excedant lumen naturæ: ergo saltem aliquæ earum possunt ab eo cognosci pro isto statu; patet consequentia, quia potentia naturalis suapte natura ferri potest in obiectum sibi proportionatum, saltem cum non est aliqua difficultas, aut impedimentum.

A Confirmatur primo, quia propter hanc rationem homo conditus in puris naturalibus posset habere vera iudicia practica circa veritates istas, alias non haberet omnia, quæ essent debita suæ naturæ, scilicet ea, quæ requiruntur ad exercitium operationis naturalis, & proportionatæ; ergo etiam in stata naturæ corruptæ: patet consequentia, (quia ut supra dixi) quantum ad moralia nihil minus potest natura corrupta quam posset in puris naturalibus condita.

Confirmatur secundo, quoniam alias intellectus practicus per peccatum non solum esset vulneratus, sed omnino extinctus, quod est absurdum; patet sequela, quia virtus actiua, quamuis sit infirmata, tamen, si non sit omnino extincta, potest exercere aliquam operationem circa obiectum, sibi proportionatum, licet non quancunque; sicut homo agrotus potest ex se aliquid operari, quamuis non quicquid sanus.

B Item homo pro statu naturæ corruptæ potest cognoscere aliquas veritates naturales speculatiuas, ut probauimus dubio præcedenti, & conceditur à GREGO. & CAPREOLO: ergo etiam potest cognoscere aliquas veritates naturales practicas; patet consequentia quia multæ veritates speculatiuæ cognoscuntur difficultius, quam aliquæ ex practicis: ut, difficultius cognoscuntur veritates mathematicæ, quam istæ naturales, quod tibi non vis, alteri ne feceris, patentes sunt honorandi, & aliæ similes. Quod si istæ veritates ita sumptæ in vniuersali naturaliter possunt cognosci: nulla est ratio, cur etiam non possint cognosci in particulari. Præsertim cum sæpe sine vlla difficultate possint cognosci in obiecto singulari circumstantiæ, quæ requiruntur ad determinandum veritates istas vniuersales ad particularia. Præterea ignorantia istarum veritatum secluso auxilio gratiæ esset omnino inuincibilis, & ex consequenti excusaret omnino à peccato, ac proinde homo conditus in puris naturalibus non posset peccare, etiam contra legem naturæ.

VLTIMO PROBATVR testimonijs Sanctorum, qui sæpe dicunt, mansisse in natura humana post lapsum Adæ cognitionem boni & honesti, & iudicium rationis sufficiens ad discernendum inter bonum & malum; Ita expostores supra citati super Paulum. BASILIUS in regulis fufius disputatis, in responsione ad secundam interrogationem: vbi nos ad exequendum ea, quæ à Deo nobis præcipiuntur, accepisse inquit ab ipso naturales facultates HIERONYM. in epistol. ad Aglasiæ quæstio. 8. vbi testimonium Pauli ad Romanos secundo, supra adductum explicat de lege naturali, & dicit, nullum hominem esse, qui hanc legem nesciat. AVGVSTINVS tomo tertio, libr. 5. de spiritu & litte. cap. 28. in principio, vbi admittens expositionem illius testimonij supra propositam, ita inquit: non vltimo ad o in anima humana imago Dei terrenarum affectionum labe detrita est, ut nulla in ea videretur lineamenta extrema remanserint; unde merito dici possit, etiam in ista impietate vitæ sue facere aliqua legis, vel sapere. Et postea,

nquit, omnibus hominibus inesse vim illam naturæ, quæ legitimè aliquid anima rationalis, & sentit & facit, & tom. 7. lib. 3. hypognos. cap. 4. inquit, in omnibus hominibus esse liberum arbitrium habens iudicium rationis, per quod sit idoneum peragere opera vitæ præsentis, tam bona, quam mala.

Aliqui etiam dicunt AUGUST. retractasse id, quod lib. 2. soliloquiorum videbatur scripsisse iduersus hanc sententiam, quoniam tom. 1. lib. 1. retractationum cap. 4. ita inquit: non approbo, quod in oratione dixi, Deus qui non nisi mundos verum scire voluisti: responderi enim potest, multos etiam non mundos multa scire vera. Sed hoc non multum fauet nostræ sententiæ, quoniam potest responderi, immundos peccatores extra gratiam posse suscipere particularia auxilia necessaria ad cognoscendum istas veritates. Idem dicunt CYRIL. ALEXAN. lib. 3. contra Iulianum apostatam fol. 1. ubi etiam refert, antiquos sapientes dixisse, animas vitam eligere, quam vnaquæque voluerit, eo quod potestatem prouidentia acceperint; & CASSIA. colla. 13 cap. 22. & tandem D. THOM. in hac conclusione, quæ non minus est intelligenda de veritatibus practicis, quam de speculatiuis: quoniam ratio, quæ confirmatur, eandem vim habet respectu omnium; quare immerito GREG. & CAPRE. adducunt ipsum pro sua sententia.

Neque obstat duo testimonia, quibus id probant, quorum primum habetur hic ad 3. ubi D. THOM. inquit, quod semper indigemus diuino auxilio ad cogitandum quodcumque, & idem repetit art. seq. ad 3. loquens de cognitione veri naturalis. Alterum habetur art. 9. huius quæstionis, ubi inquit, quod etiam ille, qui est in gratia, indiget auxilio gratiæ, ad cognoscendum, quid ipsi expedit. Nam in priori testimonio per auxilium diuinum intelligit concursum generalem, ut dixi in explicatione primæ conclusionis huius art. & in posteriori loquitur de cognitione indeficienti pro omni tempore, & respectu eorum, quæ expediunt, non solum in ordine naturæ, sed etiam in ordine gratiæ: & ita exponunt hæc testimo. CAJET. & CONRAD. & colligitur hoc ex D. THOM. quæ. 24. de veritate art. 9.

Sed QUÆRES, an hæc conclusio intelligenda sit de omnibus veritatibus moralibus diuinitus sumptis, vel potius cum exceptione aliquarum, scilicet difficilium? Ad hoc aliqui respondent, intelligendam esse cum hac exceptione, & dicunt homines in statu naturæ corruptæ ad cognoscendam moralia, quæ sunt intellectu difficilia, indigere particulari Dei concursu; & hoc non caret sua probabilitate, quoniam fundamenta adducta pro conclusione non habent vim in contrarium, imo potius fauent multum huic sententiæ, quoniam virtus actiua si infirma sit, aut impedita, non potest exercere quemcumque actum etiam circa obiectum sibi proportionatum: ut ægrotus non potest operari quicquid sanus; & sæpe actus sunt ita difficiles, ut postulent perfectum robur in principio actiui, & remotionem impedimentorum; & Sancti sicut non loquuntur generaliter de quacunque veritate, sed cum quadam limitatione: Nihilominus tamen contrarium vi-

detur mihi probabilius, quoniam imprimis nulla ex istis veritatibus excedit obiectum proportionatum nostri intellectus, ergo nulla est, quæ non possit cognosci à nostro intellectu considerato secundum eam virtutem, & perfectionem quæ aut est ipsi intrinseca secundum suam entitatem, aut saltem debita; quia obiectum dicitur simpliciter proportionatum alicui potentia, quando non excedit hanc virtutem; sed intellectus propter peccatum nihil amisit de ista perfectione; ergo nulla est de istis veritatibus moralibus, quæ non possit cognosci ab intellectu nostro, etiam pro statu naturæ lapsæ in peccatum.

Confirmatur, quia homo conditus in puris naturalibus posset cognoscere quamcunque veritatem moralem; ergo etiam in statu corruptæ naturæ; consequentia patet ex eo, quod sæpe diximus de equalitate virium naturæ humanæ in ordine ad moralia in utroque statu; & antecedens potest probari illa ratione, qua probauimus idem de veritatibus speculatiuis dubio præcedenti.

ULTIMO, respectu cuiuscunque veritatis moralis, potest homo facere totum, quod in se est, ut non erraret: sed si id faciat non errabit practice, quamuis contingat errare speculatiue: ergo respectu cuiuscunque veritatis moralis potest habere verum iudicium practicum.

Neque obstat exemplum de homine ægrotato: quoniam virtus actiua in ipso est infirma, propter defectum perfectionis conuenientis naturaliter, tanquam pertinet ad eius entitatem; vel tanquam debita: & ideo non mirum est, si non possit totum, quod potest cum hac perfectione. At vero intellectus humanus non dicitur vulneratus per peccatum, quia ratione peccati caret aliqua perfectione, quæ esset ipsi naturalis isto modo: sed quia caret perfectione, quam haberet in statu iustitiæ originalis; & ideo factus est, quod non possit operari totum, quod posset in illo statu; & non oportet, quod etiam non possit operari totum id, ad quod prædicta perfectio extendi potest, & illa perfectio, (ut diximus) potest extendi ad quamcunque veritatem moralem.

Et si obijcias, sequi ex hoc, quod homo in statu naturæ corruptæ possit lumine naturali iudicare, Deum, ut est author & finis naturæ, esse diligendum super omnia: & ex consequenti, quod possit viribus naturæ ita diligere ipsum; Resp. concedendo primam sequelam si consequens intelligatur de iudicio speculatiuo, vel practico speculatiue, cui non semper responderet facultas in voluntate ad executionem; & negando eam, si intelligatur de iudicio practico practice, nisi sermo fiat de ea dilectione Dei super omnia, quam potest habere, qui est in peccato, ut magis explicabimus articulo tertio huius quæstionis.



§ 3. *Ad vera parti vere sententia.*

SECUNDA CONCEPTIO. non possit homo in statu naturæ corruptæ sine auxilio gratiæ, habere iudicia vera, & vera prædicta circa omnes veritates morales collatas semper; sed sapa eius iudicia sunt incerta, & permixta cum magna dubitatione, & expostione errandi, imo & actu falsa.

In hac conveniunt omnes, neque potest meo iudicio negari; quoniam solum hoc videtur colligi ex testimonijs conciliorum, & sanctorum supra adductis; & ex illo Sapient. 9. *Cogitationes mortalium timide, & incerta providentia nostra: Corpus enim, quod corrumpitur, aggravat animam: & terrena habitatio deprimit sensum multa cogitantem.* Quo loco sapienter affirmat, iudicia nostra esse incerta, & salutaris subiecta: & præterea docet, causam esse huius commercij, quod habet anima cum corpore; nam ex illo commercio provenit, quod voluntas moveatur passionibus, & inclinationibus corporis, & appetitibus sensibus; & ex consequenti, quod lumen rationis perturbetur & obnubilatur, ut non possit bene iudicare de agendis; quoniam (vt ducit ART. 1. §. Ethicor.) *qualis visus quisque est, talis etiam visus videtur.* Et quoniam voluntas posset in singulis casibus lapsare appetitum passionum; tamen in omnibus collectione non posset, vt posset explicabimus, Item hoc docet experientia, & eandem argumenta, quibus dubio præcedenti probavimus similem conclusionem de veritatibus speculativis, habent maiorem vim respectu moralium; quoniam passionibus & pravi affectus multo magis impediunt veritatem iudicij practici, quam speculativi, vt dixi de isto præcedenti; & præterea non sufficit ad veritatem iudicij practici cognitio principiorum universalium, sicut ad veritatem speculativam, sed requiritur cognitio particularium circumstantiarum, in qua solet esse magna difficultas.

SED QUÆRI potest, quid dicendum sit quantum ad hoc de homine in statu naturæ integre, & in statu iustitiæ originalis? nam supponimus, quod in puris naturalibus patereetur eandem difficultatem vt supra dixi. Respondetur, quod in priori statu non posset homo semper, & circa omnia moralia collectivè sumpta, habere vera iudicia practica; quoniam (vt supra diximus) homo in illo statu posset incidere in aliquod peccatum vt aiale; imo non posset diu & per longum tempus vitare peccata venialia, quoniam hoc est effectus iustitiæ originalis, ergo similiter non posset vitare, quin incidere in aliquem errorem practicum; patet ista *consequentiā*, quoniam vti huiusmodi error peccat quodcumque peccatum (vt Divus THOMAS docet) essentialiter peccata sunt occasione incidendi in ipsum. Item homo in illo statu non posset cognoscere omnes veritates speculativas collectivè sumptas; ergo neque practicas, patet *consequentiā*, quia (vt dixi paulo superius) difficultas cognoscunt omnes istæ veritates, quam dixi. In posteriori vero statu posset homo semper, & circa omnia moralia collectivè sumpta, iudicare verè probatur, quoniam homo in statu iustitiæ originalis poterat vitare omnia peccata, tam mortalia, quam venialia; ergo & poterat vitare omnem errorem

practicum, patet *consequentiā*, quia nullus est error practicus, qui non sit occisus, vel effectus peccati. Item homo in illo statu cognoscereet veritates principia morales, & nihil haberet, quod ipsi esse impedimento, ne deduceret bene conclusiones particulares ex huiusmodi principijs; ergo posset habere veram cognitionem omnium moralium in particulari, & hec est expressa sententia D. THOM. 1. p. q. 94. art. 4.

§ 4. *Dividuntur fundamenta contraria opinionis.*

AD PRIMUM respondetur, nullam ex illis tribus testimonijs favere oppositæ sententiæ; nam primum intelligitur de eo, quod oportet orare in ordine ad salutem æternam, de qua Paulus in præcedentibus inquitur; & sensus est, iuxta expositionem CHRYSOSTOMI, THEOPHYLACTI, & OBSCURUM. Spiritum sanctum adiuvare in similitudinem nostram, quæ tanta est, vt neque valeamus cognoscere, quæ nobis magis expedit ad consequendam finem istum, vt ad id Deo oratione peramus; cuius signum est, quod sepe in istis casibus, in quibus non est præceptum aliquo definitum, quid sit ad salutem necessarium; vt cum Paulus petebat, anseri à se simulum carnis, & Moyses petebat ingredi terram promissionis.

Et secundum testimonium intelligitur de cognitione rerum pertinentium ad finem supernaturalem, quia expressè fit ibi sermo de officio ministrandi in novo testamento, & concurrendi, saltem ministerialiter, ad eius effectum; nam cum Paulus dixisset, se assumptum fuisse ad huc ministerium, & reversus hunc admandum eius effectum, quia ipso ministro Christus inscripserit, non attamen, sed spiritu Dei vini legem, non in tabulis lapideis, sed in cordibus Corinthiorum, humilians se, tribuit hoc Deo, sicut solet facere, quocumque magnum aliquid dicat de ipso, & ideo inquit: *Non quod sufficiens sumus.* Quia si diceret, non est hoc tribuendum nostris viribus, sed gratiæ Dei; nam nos, quantum attinet ad facultatem naturæ nostræ, impares sumus, non solum ad tantum ministerium, sed etiam ad concipiendum mente ipsi excellentiam. Quare ex testimonio isto non posset colligi infirmitas naturæ humanæ ad cognoscendum veritates practicas naturales: sed solum ad cognoscendum veritates pertinentes à salutem æternæ vitæ, ad quam etiam pertinebat ministerium, de quo loquitur Paulus, & ita exponitur testimonium hoc ab authoribus supra citatis, & in eodem sensu adducitur concilio ARABICANO 1. cap. septimo.

PRIMUM est, quod Divus THOMAS dicit hic ad tertium, sentiam esse, quod semper indigamus diuino auxilio ad cognoscendum quodcumque, in quantum mouet intellectum ad operandum; ubi per *diuinum auxilium*, intelligit concursum generalem, quo omnes causæ secundæ mouentur à Deo ad operandum; sed non placet, cum quia Paulus loquitur de effectu supernaturali, ad quem non sufficit concursus generalis: cum

& peculiariter de cognitione, quæ habetur per fidem, probatur, quia propria ratio credendi fidei catholica est diuina reuelatio: ergo sublata ista reuelatione non potest intellectus habere assensum, qui sit fidei catholice.

Non tamen est necessarium, hanc reuelationem, siue propositionem fieri singulis immediate a Deo, sed satis est, fieri semel, & postea singulis applicari sufficienter; ut explicari solet in materia de fide.

Verum quantum ad secundum non est ita receptum apud omnes requiri auxilium gratiæ, nam aliqui hæretici simpliciter negant requiri; & catholici non conueniunt in reddenda ratione, propter quam requiritur, ut statim dicemus. Et de hoc proponitur præsens dubitatio, quare sensus tituli est, *utrum facta sufficienti reuelatione, & propositione istarum veritatum, possit intellectus viribus suis, & cum solo concursu generali Dei, assentiri eis, an vero ad hoc indigeat speciali auxilio gratiæ.*

IN HAC RE dissentiant hæretici à catholicis, & catholici inter se; & ut intelligatur, in quo differunt, aduerte, assensum de quo loquimur, posse tribus modis considerari, scilicet *in ordine ad aliquem finem extrinsecum*, ad quem diuina institutione ordinatur, verbi gratia, ad iustificationem, vel ad salutem æternam; & *secundum suam substantiam* & primariam entitatem, intelligendo isto nomine id, quod in ipso habet simpliciter rationem primæ & essentialis specificationis; & *quantum ad aliquid accidentale* siue hoc sit præcise modus illius primæ specificationis, siue alia specificatio; quæ, quoniam præsupponit illam dicatur accidentalis, & extra substantiam actus.

§ 2. Hæresis Pelagij.

HOC supposito fuit PRIMA SENTENTIA Pelagij qui, ut refert AVO. tom. 6. lib. de hæresi cap. 88. & multis alijs in locis, & constat ex concilijs Milenit. & Arausicano contra ipsum congregatis, dicebat posse hominem cum solo concursu generali & sine auxilio gratiæ habere assensum circa veritates supernaturales perfectum omni ex parte, & sicut requiritur ad iustificationem & salutem. *Et fundamentum eius* est illud propter quod affirmat hoc idem de omnibus actibus necessarijs ad salutem etiam si versentur circa obiecta supernaturalia, scilicet quod alias non erit situm in potestate hominis exercere actus istos, sicut non est situm in eius potestate habere auxilium gratiæ.

§ 3. Sententia aliquorum Catholicorum.

SECUNDA SENTENTIA, est aliquorum ex catholicis qui dicunt posse hominem sine auxilio gratiæ habere assensum circa veritates istas similem & eiusdem speciei quantum ad substantiam actus cum illo quem haberet adiutus auxilio gratiæ; tamen dissimilem quantum ad reliqua, quia neque erit qualis requiritur ad iustificationem, neque tam perfectus vel quantum ad omnem specificationem, ut aliqui dicunt expresse, vel

A saltem quantum ad intensionem & certitudinem, aut alios modos ex ijs qui solent conuenire actibus intellectus ut alij dicunt. Non negantes primam hanc sententiam sequuntur SCOT. in 3. dist. 23. quæst. 1. GABRI. eadem distinct. quæst. 2. art. 2. in probatione secundæ conclusionis, quamvis postea art. 3. in solutione primi dubij dicat habitum fidei infusæ perficere animam in actu secundo, quoniam anima cum fide infusa, & potentia causar perfectiorem actum credendi, & quantum ad actus substantiam, & quantum ad intensionem, & quantum ad assentiendi firmitatem. ALMAINVS q. 3. in solutione primi dubij post ultimam conclusionem, DURAN. in 2. dist. 18. q. 2. MOLINA lib. de concor. lib. arb. cum gratiæ donis ad art. 13. quæst. 14. disp. 7. CAPRA. in 3. d. 24. quæst. 1. art. 3. in solutione ad primum, & quantum SCOTI contra secundam conclusionem, & CAIET. in hoc art. & art. 4. sequenti. FUNDAMENTUM huius sententiæ est hoc, veritatibus fidei sufficienter explicatis & propositis tanquam reuelatis à Deo, potest homo viribus naturæ cum solo concursu generali assentiri, & sine auxilio gratiæ, sed actus quo homo sic assentitur est eiusdem speciei quantum ad substantiam actus cum eo quo assentitur eidem veritatibus adiutus auxilio gratiæ, ergo homo viribus suæ naturæ & sine auxilio gratiæ potest habere assensum circa veritates fidei similem quantum ad substantiam actus cum eo quæ habet adiutus auxilio gratiæ. *Maiores* ab autoribus citatis probatur multis argumentis de quibus postea dicemus aliquid, & referuntur atque explicantur late à MOLINA libro de concordia liberi arbitrij cum donis gratiæ art. 13. q. 14. disp. 7. *minores* etiam probatur quoniam assensus elicitus auxilio gratiæ habet speciem naturalem, siue simul habeat aliam supernaturalem, siue non, de quo modo non disputamus, & hæc species necessatio erit prima & ex consequenti substantialis in isto actu, quia vel erit in eo sola, vel si fuerit coniuncta cum altera supernaturali præsupponetur ei ut fundamentum ipsius sicut natura præsupponitur perfectionibus supernaturalibus. *Quod vero* actus iste habeat hæc speciem naturalem probatur tripliciter, *primo* quia obiectum quod determinat actum elicitum viribus naturæ etiam terminat actum istum de quo loquimur ergo sicut dat speciem naturalem illi assensui ita etiam dat huic. *Secundo* quia intellectus secundum propriam virtutem naturalem præbet influxum ad istum assensum & est eius principium, alias totus influxus esset ab auxilio & intellectus nihil ageret, ergo iste assensus habet speciem naturalem: patet *consequentia*, tum quia ut docet DIVVS THOMAS supra quæst. 1. art. 3. actiones sumunt speciem à principijs efficientibus, & ex consequenti ubi principium actionis fuerit naturale etiam actio habebit speciem naturalem: *tum etiam* quia principio efficienti semper respondet in obiecto aut termino ratio formalis proportionata, ergo si assensus iste habeat principium naturale sequitur quod etiam terminetur ad obiectum secundum aliquam rationem formalem naturalem, & ex consequenti nihil ipsi deerit ut habeat speciem naturalem. *Tertio* quia iste assensus habet ab intellectu secundum proprias vires illius quod sit intellectio potius quam actus alterius poten-

tiæ, & quod sit assensus potius quam dissensus, ergo & quod sit in aliqua specie quæ cum non possit esse supernaturalis quoniam intellectus non cōcutitur ad eam virtute supernaturali erit necessario naturalis.

Confirmatur totum hoc fundamentum quoniam CONCILIUM ARAUSICANVM canon. 6. & TRIDEN. sess. 6. decreto de iustificatione canon. 3. non definiunt absolute necessarium esse auxilium gratiæ ad credendum, sed ARAVS. addit. *sicut oportet*, & TRIDEN. *sicut oportet ut iustificationis gratiam conferatur*, quibus verbis concilia satis innuunt distingui in actu fidei substantiam, hoc est, speciem substantialem à modo superaddito substantiæ; & ad primum non requiri auxilium gratiæ sed solum ad secundum; quoniam verbum *sicut oportet* videtur significare modum & non substantiam.

4. Ostendit non posse hominem viribus natura assensu veritatibus fidei sicut oportet ad salutem, sed indigere auxilio supernaturali ex parte intellectus & voluntatis ad ipsam substantiam actus; licet possit naturaliter elucere alium alium ordinis naturalis, & specie distinctum ab eo qui requiritur ad iustificationem.

PRIMA CONCLUSIO, non potest homo suis tantum viribus naturalibus & cum solo concursu generali assensu veritatibus fidei, sicut oportet ad iustificationem & salutem, sed indiget ad id peculiari, & supernaturali auxilio Dei. In hac conveniunt omnes catholici contra Pelagium & eius sectatores, & est certa secundum fidem. Probatur primo, quoniam est expresse definita in CONCILIO ARAUSICANO 2. & TRIDEN. quorum testimonia referemus statim.

Confirmatur quoniam alias sequeretur quod initium iustificationis esset à nobis, contra doctrinam CONCILII TRIDENTINI sessione sexta. decreto de iustificatione cap. 5. ubi sic habetur: *declaras præterea ipsius iustificationis exordium in adultis à Dei per CHRISTVM IESVM præueniente gratia sumendum esse; & probatur sequela*, quoniam idem CONCILIUM statim ut explicet qua ratione exordium hoc sumatur à gratia, inquit, *vocantur scilicet peccatores, ut qui per peccata adeo averti erant, per eius excitantem atque adiuvantem gratiam ad convertendum se ad suam ipsorum iustificationem, eidem gratia libere assentiendo & cooperando disponantur*, quod vero peccatores incipiant disponi per fidem docet cap. sequenti his verbis: *disponantur ad ipsam iustitiam, dum excitati divina gratia & adiuvi fidem ex auditu concipientes libere monentur in Deum credentes vera esse qua divinities revelata & promissa sunt*. SECUNDO PROBATVR EX SCRIPTURA, nam ad Philippenfes primo, dicitur, *vobis datum est pro Christo non solum ut in eum credatis, sed etiam ut pro illo pati mini*; ad Ephesios 2. *gratia salvi facti estis per fidem non ex vobis, Dei enim donum est; quæ testimonia CONCILIUM ARAUSICANVM cap. 3. intelligit de ipsa fide, & non solum de tolerantia laborum pro CHRISTO & de gratia*. Ioan. 6. *hoc est opus Dei ut credatis in eum quem misit ille, & inferius, nemo potest venire ad me nisi pater qui misit*

A me traxerit eum, & intelligitur de venire per fidem, ut constat ex antecedentibus, & ex CONCILIO ARAUSICANO cap. 8. ubi testimonium hoc adducitur ad probandum neminem posse solis viribus liberi arbitrii per semetipsum conquerere mysterium salutis æternæ. Et ad idem adducitur ibidem illud 1. ad Corinthios 12. *nemo potest dicere Dominum Iesum Christum nisi in Spiritu sancto*, plura alia testimonia referunt SOTO lib. 1. de natura & gratia cap. 8. DRISDO lib. de captiv. & redempt. generis humani tract. 4. corp. 2. p. 2. 4. & 5. & VEGA lib. de iustific. quæst. 9. Rationes & testimonia AUGUST. pro hac conclusione adducemus postea.

SED CIRCA eam advertendum est debere intelligi de illo assensu non solum quando coniunctus est cum alijs actibus supernaturalibus, quibus homo disponitur, verbi g. spei, charitatis &c. aut cum ipsa actuali receptione gratiæ iustificantis, sed etiam quando est solus & separatus ab his omnibus, itaque assensus ille si sit qualis requiritur ad iustificationem, habet per se & intra latitudinem cognitionis tantam perfectionem ut non possit elici sine supernaturali auxilio gratiæ. Probatur quoniam hæc CONCLUSIO ex quibus colligitur ista conclusio sæpe enumerant simul cum actu fidei, alios actus; tamen loquuntur distincte de unoquoque eorum ut constabit ex eorum verbis quæ paulo inferius referemus & peculiariter. TRIDEN. cap. 6. supra citato dicit fidem quatenus antecedit liberam conversionem peccatoris in Deum provenire à gratia excitante & can. 28. definit fidem quæ manet amissa gratia per peccatum esse veram fidem & sufficientem ut qui eam habet sit christianus.

Sed quærit, an homo solum ex parte intellectus indigeat auxilio gratiæ ut habeat prædictum assensum circa veritates fidei, vel etiam ex parte voluntatis.

Ad hoc sit SECUNDA CONCLUSIO, *auxilium Dei supernaturalis requiritur non solum ex parte intellectus, sed etiam ex parte voluntatis ut homo assentiatur veritatibus fidei, sicut oportet ad iustificationem & salutem*. Contrarium senserunt quidam hæretici qui ut refert HILARIUS in epistol. ad AUGUST. quæ habetur inter opera ipsius AUGUST. tom. 7. ante librum de prædest. 55. dicebant voluntatem credendi esse naturalem, ita ut viribus naturæ, & sine auxilio gratiæ possumus velle assentiri veritatibus fidei nobis propolis, & ut ibidem refert HILARIUS adducebant pro suo errore AUGUSTINVM qui tom. 4. in libro expositionis quo explicat quasdam propositiones ex epistol. ad Rom. propositione 60. 61. & 62. verum ipse AUGUST. occasione huius epistolæ scripsit librum de prædestinatione Sanctorum in quo potissimum intendit probare non solum augmentum fidei, sed etiam initium per quod intelligitur illa voluntas credendi esse donum Dei, & ita cap. 3. illius lib. faretur se antequam esset episcopus fuisse in illo errore & retractat eum, & refert se idem fecisse lib. 1. retract. cap. 27. & in eadē persistit sententia 10. 3. de spirit. & lit. cap. 33. & tom. 7. lib. 1. de gratia CHRISTI cap. 31. & lib. 1. contra duas epistol. Pelagianorum cap. 3. & 19. & lib. 4. cap. 5. & lib. de domino perseverantiæ cap. 2. Et PROBATVR PRIMO

testimo-

testimonij Conciliorum: nam in primis M^{ag}ist^{er} B^{ea}tus A^{ug}ustinus capite 4. definitur gratiam Dei esse necessarium, ut quod faciemus cognouerimus etiam facere diligamus atque valeamus, ergo postquam huius proponitur credenda esse mysteria fidei necessitate est gratia Dei, ut velit credere, & ut possit credere.

Neque potest, negari quod Concilium loquatur de gratia supernaturali, quæ distinguitur à comuni generali, ut dixi duplo præcedenti & colligitur ex eo quod in principio illius capituli gratia cuius necessitas in eo explicatur, in eo non appellatur simpliciter gratia Dei; sed cum hoc ad iustitiam per Iesum Christum Dominum nostrum, quæ tantum solet apponi cum sit sermo de gratia pertinente ad Christum. Item, in Concilio ARABICANO secundo, capite quinto sic habetur, *scopus sicut argumentum ita etiam initium fides ipsam credulitatem assilum, quo in eam credimus quæ insinuat impium, non per gratia donum id est per inspirationem spiritus sancti corrigentem voluntatem nostram ab infidelitate ad fidem, & naturaliter nobis inesse dicit, Apostolicis dogmatibus aduersarius probatur, &c.* quibus verbis & affectus creditus, & contestatio voluntatis ab infidelitate ad fidem appellatur donum gratiæ, & capite 7. si quis per naturam vigorem bonum aliquid quod ad salutem pertinet vult æterna cogitare, eligere sine salutari idem euangelizanti prædicationis euangelizante confirmari absque illuminatione, & inspiratione spiritus sancti, quod dat omnibus suauitatem in consensuendo, & credendo veritati heretici fallatur spiritum. Vbi CONCILIVM semper replicat vtrumque adiutorium, & ambas operationes requisitas ad credendum sicut oportet ad iustificationem. Et tandem Concilium TRIDENTINVM sessione 6. capite 5. supra citato docet ut homo disponatur ad iustificationem, necessarium esse, quod Deus per spiritum sancti illuminationem tangat eius cor; ubi nomine cordis non intelligitur nudus intellectus; sed simul cum voluntate ut constat ex eo quod statim inquit CONCILIVM hominem, ita accipere illam inspirationem ut possit eam abijcere, & non possit sine gratia Dei mouere se ad iustitiam libera sua voluntate, & ex principio capitis 6. sequentis, vbi sic habetur *diffunduntur autem ad ipsam iustitiam, dum excitati diuina gratia & adiuti fidem ex auditu concipientes libere mouentur in Deum credentes vera esse quæ diuinitus reuelata & promissa sunt.* Vbi Concilium actum illius credendi appellat liberum motum, & ex consequenti supponit necessarium esse adiutorium gratiæ excitantis ex parte voluntatis, quæ est principium formale libertatis in nostris actibus ut homo eliciat actum credendi. Et idem colligitur cano. 3. eiusdem sessionis, & ex CALYSTINO primo epistola prima ad episcopos Gallicæ capite 9. IT. & 12. & ex INNOCENTIO primo epistola 21. & 26.

Secundo probatur ex scriptura, nam in primis omnia testimonia quibus probatur necessarium esse auxilium gratiæ ad credendum confirmant hanc conclusionem, quoniam credere quamuis sit actus intellectus tamen est actus voluntarius, & quantum ad hoc pendet ab actu voluntatis, tanquam à forma. Et præterea

Actum 16. dicitur, *cuius* (scilicet Iudæ purpurariz) Dominus aperuit cor intendere his, quæ dicebantur à Paulo. Hoc est ut crederet. ubi nomine cordis significatur voluntas & Psal. 118. *inclina cor meum in testimonium Ezechiel. 16. Ad omnes idoli mundati vos, & dabo cor novum, & sapie alibi, & Ioan. 12. præsertim non poterant credere, quia iterum dixit Esayas, excacauit eorum oculos, & indurauit eorum cor.* hoc est, quia non illuminauit eorum intellectus, nec emolliuit voluntates, nam dicitur excacare, & indurare quatenus subtrahit auxilia non quidem ea quæ sunt necessaria simpliciter, sed maiora & efficaciora, ut explicui in materia de peccatis; ergo ad credendum requiritur duplex auxilium quorum vnum hoc est illuminatio intellectus, & alterum emolliuio voluntatis.

Tertio probatur ratione, quoniam ad credendum requiritur pia affectio voluntatis, quæ efficaciter determinet & moueat intellectum, ergo etiam requiritur auxilium supernaturale ex parte voluntatis: patet consequentia, quia voluntas non potest suis viribus solis mouere efficaciter ad actum supernaturalem cuiusmodi est credere, sicut oportet ad iustificationem.

Confirmatur, quoniam illa pia affectio voluntatis habet obiectum supernaturale, ergo ad eam requiritur auxilium supernaturale. Patet consequentia, quia ex supernaturalitate obiecti, colligitur optime supernaturalis actus, & ex hac necessitate gratiæ in principio elicitus; quare nullo modo est tolleranda sententia SCOTTI, qui in 3. dist. 25. questione 2. dicit vniuersaliter posse voluntatem suis viribus naturalibus mouere intellectum ad assensendum veritatibus supernaturalibus assensu supernaturali ex habitu fidei.

Secundo aduertat decipi aliquos ex recentioribus Theologis circa sensum huius conclusionis, nam dicunt auxilium gratiæ solum requiri ex parte voluntatis quando actus credendi est coniunctus cum omnibus actibus, qui requiruntur ad vltimam dispositionem ad gratiam, & cum ipsa iustificatione, non tamen quando est solus, & sepeatur ab his omnibus, quæ sententia mihi videtur plus quam falsa, neque amplius dico, quoniam Concilia expressè solum distant requiri auxilium ex parte voluntatis ad actum credendi sicut oportet ad salutem, & non explicant in particulari an hoc sit intelligendum de isto actu quando est coniunctus cum iustificatione, vel etiam quando est ab ea separatus.

Sed quod dixi colligitur ex eis satis apparenter, quoniam non loquuntur determinate de actu credendi, quando est coniunctus cum reliquis actibus, qui requiruntur ad iustificationem, & cum ipsa iustificatione; sed vniuersaliter quando est talis ut quantum ex parte cognitionis, & inter propriam laudandam sit sufficiens ad iustificationem siue postea subsequantur reliqui actus requisi & ipsa iustificatio, siue non.



vel terminatiuam supernaturalem. Et mihi quidem videtur negari, non posse quod iudicium illud sit saltem priori modo supernaturale, quia in CONCILIO MILEVITANO cap. 4. definitur esse donum Dei scire, quid facere debeamus, ex quo bene sequitur quod etiam iudicare quid facere debeamus circa receptionem fidei sit donum Dei & effectus suæ gratiæ. Et in ARAUSICANO secundo cap. 7. definitur non posse nos sine auxilio gratiæ cogitare bonum aliquid quod ad salutem vitæ æternæ pertineat & cap. 9. definitur esse diuini muneris quod recte cogitemus. CELESTINVS PRIMVS in epistola prima ad episcopos Galliarum cap. 9. definit omnem sanctam cogitationem, & pium Concilium esse ex Deo, & ad idem refert testimonium ex quadam epistola ZOSIMI PAPÆ, & AVGVST. tom. 7. lib. 2. contra duas epistolas Pelagij cap. 8. vt probet quod ad volendum bonum indigemus adiutorio gratiæ adducit illa verba 2. ad Corinth. 3. *non quia idonei sumus cogitare aliquid à nobis quasi ex nobis, &c.* & inquit nos cogitare omne quod cupimus, & minus esse cogitare quam cupere, quare si primum non possumus sine gratia Dei minus poterimus secundum; & lib. de prædestinatione cap. 2. colligit ex eodem testimonio quod ante actum credendi est in intellectu alius actus quia etiam sit donum Dei, & non ex nobis hoc est ex sola virtute naturali, quoniam prius est cogitare quam credere, nullus enim credit aliquid nisi prius cogitauerit esse credendum, & non sumus idonei cogitare, &c. *Et quamuis* dicendo iudicium illud esse *supernaturale priori modo* sufficienter satisfiat omnibus illis testimonijs quoniam in eis solum definitur necessarium esse auxilium ad illud iudicium, & non explicatur an necessitas proveniat ex parte obiecti formalis vel aliunde, scilicet ex fine extrinseco, & etiam respondeatur probationibus minoris quam negabimus siquidem conceditur iudicium illud ex parte obiecti formalis, & quoad substantiam & speciem esse naturale, & consequenter esse evidens, atque adeo ad ipsum non requiri piam affectionem; *tamen* mihi vltius videtur dicendum esse *supernaturale posteriori modo*, quia si ratio formalis obiectiua aut terminatiua illius iudicii est naturalis? ergo etiam ratio formalis terminatiua actus voluntatis est naturalis, quod est contra dicta. Pater consequentia, quia voluntas non potest velle facere aliquid propter aliquod motiuum nisi per intellectum proponatur huiusmodi motiuum; ergo neque potest velle credere propter motiuum credendi supernaturale nisi præcedat iudicium dictans, esse credendum propter illud motiuum.

Dices, quod iudicium illud simul versatur, circa materiam supernaturalem, & circa rationem credendi supernaturalem, tamen versatur circa vtramque materialiter, & sub ratione quadam naturali, hoc est quatenus vtramque inuenitur vt manifestatam per signa & motiua humana, & ideo ipsum iudicium est naturale ex parte obiecti formalis, & nihilominus potest mouere voluntatem ad volendum credere propter rationem credendi supernaturalem.

A *Sed contra*, quia bonitas vel conuenientia, quæ est in ratione credendi supernaturali, si tantum cognoscatur per signa & motiua humana non est formaliter motiuum supernaturale; ergo quando intellectus proponit voluntati hanc bonitatem ita cognitam non proponit ei motiuum supernaturale formaliter, & ex consequenti voluntas sequens istam propositionem non operatur formaliter propter motiuum supernaturale.

Et sequendo hanc sententiam negandum est ad primam probationem illius minoris quod obiectum formale illius iudicii sit naturale, quia intellectus non solum iudicat credendum esse propter rationem credendi supernaturalem, & propter bonitatem supernaturalem, quæ est in tali actu credendi sed etiam ad hoc illustratur supernaturaliter à Deo, & non ducitur motiuis aut signis humanis.

B *Et ad secundum* dicendum est iudicium illud esse ineuidens, & nihilominus non requiri ad ipsum piam affectionem voluntatis, quia est necessarium & non liberum, sicut infra dicemus de alijs actibus pertinentibus ad gratiam prouenientem & excitantem.

Et ad tertium dicendum est, quod quamuis istud iudicium sit supernaturale, potest fides appellari initium & fundamentum iustificationis, *tamen* quia iudicium sicut & pia affectio ordinatur ad ipsum actum credendi, & ideo moraliter reputatur vnus actus, sicut diximus de pia affectione, & actu credendi; *tamen* etiam quia cum hoc dicitur de actu fidei sit comparatio tantum inter actus liberos, & ita non negatur quod alij actus supernaturales si non sint liberi possint esse priores, neque Concilia negant esse priorem vocationem & excitationem Dei. *Est autem aduertendum*, quod cum dicimus iudicium illud esse supernaturale non negamus quod intellectus sepe habeat iudicium naturale, & fundamentum in discursu practico naturali, vt cum ex eo quod ea quæ proponuntur tali modo, & cum talibus circumstantijs sunt credenda, & quod mysteria fidei ita proponuntur colligitur mysteria fidei esse credenda, sed solum negamus quod hoc iudicium sit sufficiens & proportionatum ad mouendum voluntatem ad volutionem supernaturalem credendi, & dicimus quod cum intellectus hoc facit & quasi præstat quod in se est, tunc Deus vel quando alias sibi placet inserit se per dona sua supernaturalia & illustrat supernaturaliter intellectum, vt producat iudicium illud supernaturale; diciturque Deus illustrare intellectum, quia suo particulari, & supernaturali influxu concurrat cum ipso ad illud iudicium.

Et si quæras, an posito isto iudicio necessario sequatur pia affectio voluntatis ad credendum, *Respondetur* negative alias primus actus fidei, non esset liber, quod non est dicendum.

Et si vltius quæras, ad quam speciem cognitionis supernaturalis pertineat illud iudicium. *Respondetur* non pertinere ad fidem, quia præsupponitur ad piam affectionem quæ est causa primi actus fidei, sed pertinere ad speciem prudentiæ supernaturalis, quia est dictamen de aliquo

agibili

agibili in particulari, tamen non pertinere ad eam directe & simpliciter; sed reductiue tanquam inchoationem quandam prudentiæ, & ideo non esse conclusionem syllogismi deliberatiui neque præsupponere intentionem finis supernaturalis; neque cognitionem principiorum fidei, sicut etiam in naturalibus, quando voluntas primo habet actum volendi bonum honestum non est necesse, quod iudicium intellectus, quod præsupponitur ad huiusmodi actum sit conclusio syllogismi deliberatiui, neque quod præsupponit intentionem boni honesti, aut finis naturalis.

TERTIA CONCLUSIO. Sed promittit ex motione auctoris natura auxilium gratiæ quod diximus requiri ad assensum circa veritates fidei, qui sit sicut oportet ad iustificacionem non est necessarium solum propter aliquem modum ipsius assensus, sed propter eius essentiam & entitatem, ita ut cum solo concursu generali non possit homo elicere alium assensum, qui sit similis & eiusdem speciei cum isto quantum ad substantiam. Hæc conclusio statuitur contra auctores secundæ sententiæ; & probatur, quoniam assensus, qui est qualis requiritur ad iustificacionem est supernaturalis quoad substantiam & entitatem; ergo non potest produci etiam quoad substantiam cum solo concursu generali; sed requiritur ad eum auxilium supernaturale; consequentia patet, cum quia concursus Dei ad aliquem effectum est idem cum ipso effectu prout est à Deo, ut postea dicemus; ergo si effectus est supernaturalis cuiusmodi est substantia huius assensus non potest produci cum solo concursu generali, qui pertinet ad ordinem naturæ: tum etiam quia concursus generalis prout distinguitur ab auxilio supernaturali accommodatur rebus pertinentibus ad ordinem naturæ; ergo non extenditur neque est sufficiens ad effectus supernaturales. Antecedens probatur multipliciter.

Primo, quia obiectum formale à quo iste assensus sumit speciem est supernaturale; ergo etiam eius substantia, & entitas est supernaturalis. Consequentia patet, quia si obiectum à quo sumitur species, & essentia huius assensus est supernaturale, etiam eius species, & essentia erit supernaturalis, & ex consequenti idem dicendum erit de substantia & entitate ipsius, quia nihil magis pertinet ad entitatem & substantiam cuiuscumque rei, quam eius species & essentia. Antecedens vero probatur explicando, in quo consistit supernaturalitas obiecti formalis huius assensus. Pro quo aduertit, quod ut assensus iste sit qualis requiritur ad iustificacionem non est satis, quod quomodocumque terminatur ad veritates fidei, sed requiritur quod terminetur ad eas, non innitendo euidentiæ, aut rationi vel authoritati humanæ, sed solum diuinæ authoritati, ita ut quamuis multæ rationes, & indicia atque signa naturaliter cognita, & authoritas humana inducant intellectum ad assentiendum, tamen ipse omnia ista transcendat, & quodammodo relinquat, & non propter ipsa, sed propter diuinam authoritatem assentiatur. Hoc autem excedit virtutem naturalem nostri

A intellectus, tum quia intellectus noster non potest extendi ad assentiendum alicui veritati, nisi manifestetur saltem eius probabilitas aut credibilitas per lumen naturale, vel immediate, ut sit in primis principiis, vel mediate ut in conclusionibus: tum etiam quia assensus iste superat in certitudine, quæ sumitur ex parte obiecti formalis, aut rationis assentiendi omnes naturales: ergo & obiectum formale ipsius superat in perfectione omnia obiecta formalia pertinentia ad ordinem naturæ, quoniam ad omnia ista possunt terminari assensus naturales, & ex consequenti ipsum pertinet ad ordinem supernaturalem.

Secundo probatur idem antecedens, quia non potest bene defendi necessitas gratiæ ad istum assensum, quam ex conciliis collegimus si dicamus ipsum non esse supernaturalem quantum ad substantiam; sed solum quantum ad aliquem modum, quod probatur discurrendo per singulos modos explicandi modum accidentalem in quo consistit supernaturalitas huius assensus.

B *Primus est* SCOTTI, qui in fine quæstionis citatæ dicit modum illum esse maiorem gradum intentionis.

Sed hoc facile impugnatur, tum quia vniuersaliter est falsum, quod perfectio requisita in actibus necessariis ad salutem consistat in intentione sicut probari solet in materia de charitate cum explicatur quid sit diligere Deum super omnia appetitiue, tum etiam quia si assensus iste est naturalis quantum ad substantiam; ergo etiam quantum ad totam intentionem, quia cum intentio non importet entitatem distinctam ab entitate actus, sed gradum ipsius, est necesse quod sit eiusdem ordinis cum ipsa; ergo sicut virtus naturalis cum concursu generali est proportionata ad substantiam huius assensus, ita etiam ad quamcunque intentionem ipsius, aut saltem sufficiet augeri conatum virtutis naturalis & concursum generalem sine auxilio superioris ordinis.

Secundus modus est DURANDI loco citato ubi inquit fidem infusam requiri ad assensum ipsum, ut homo assentiat faciliter contra intellectus duriciem ac firmiter & discrete contra intellectus errorem: atque ita constituit supernaturalitatem huius assensus in facilitate & firmitate, quæ elicitur.

Sed hoc etiam potest facile impugnari, quia imprimis non potest dici quod propter solam facilitatem requiratur auxilium supernaturale ad istum assensum: tum quia CONCILIA super adducta definiunt necessariam esse gratiam ad assentiendum simpliciter & absolute, & non ad assentiendum facilius, & ita in MILEVITANO cap. 5. damnatur qui dixerit gratiam requiri, ut qui dixerit, ut quod facere per liberum arbitrium iubemur facilius possimus implere tanquam etiam si gratia non daretur, non quidem facile, sed tamen possimus implere; tum etiam quia ista maior facultas, potest consuetudine comparari. Et tandem, quia falsum est requiri facultatem illam ad actus necessarios ad salutem.

Neque satis est addere firmitatem, quia si firmitas sumatur pro certitudine quæ conuenit assensui ex

parte sui obiecti formalis, siue rationis assentiendi, sequitur quod obiectum formale sit supernaturale, & ex consequenti quod etiam ipse assensus quoad substantiam sit supernaturalis, ut argumento precedenti deducebamus; si vero sumatur pro *adhensione intellectus*, quæ non provenit ex meritis rationis formalis assentiendi, sed ex parte subiecti falsum erit consistere in tali formalitate supernaturalitatem huius assensus, aut propter eum requiri auxilium supernaturale, cum sæpe hæretici ita firmiter adhæreant suis erroribus sicut multi Catholici adhærent veritatibus fidei.

Ultimus modus dicendi est quem sequitur MOLINA loco citato paragrapho, nostram sententiam in fine ubi inquit modum illum in quo consistit supernaturalitas huius assensus esse speciem quandam accidentalem superadditam ipsius substantiæ, itaque dicit actum illum habere duas species unam naturalem quæ quoniam est prior pertinet ad eius substantiam, & alteram supernaturalem quæ quoniam est posterior & supponit naturalem est extra eius substantiam & dicitur accidentalis sicut supra q. 18. diximus actus pertinentes ad genus moris habere duas species unum in genere naturæ, & alteram in genere moris, & in priori consistere eorum substantiam & primam entitatem, posteriorem vero esse accidentalem, quamvis intra genus moris facta comparatione ad alias species morales quæ ei possunt adiungi dicatur essentialis vel substantialis & prima: & eandem sententiam defendit tam isto assensu quam de reliquis actibus nostris supernaturalibus, ut de contritione spe, & dilectione disput. 32. ad eundem articulum.

Sed ut intelligatur in quo consistit secundum istam sententiam una quævis harum specierum adverte non esse eius sensum quod assensus iste habeat duas species pertinentes ad genus cognitionis, hoc enim impossibile est, sicut est impossibile intellectum in eodem assensu habere duo obiecta formalia, siue duas rationes formales assentiendi, ut explicabo in explicatione fundamenti secundæ sententiæ: sed quod habet duas species quarum prior pertinet ad genus cognitionis & consistit in quadam determinata ratione cognitionis, quæ sumitur ex obiecto formali, siue ex ratione assentiendi, posterior vero est extra genus cognitionis, & consistit in quadam ratione formali secundum quam iste assensus habet accommodationem, & commensurationem ut à Deo acceptetur per modum dispositionis in ordine ad formam, & finem supernaturalem, & ideo huiusmodi species non sumitur ex ratione assentiendi quia non est species cognitionis, sed ex eo unde iste assensus habet prædictam commensurationem; & quia pure naturalia non possunt habere eam, quia esse aliquid commensuratum ad finem supernaturalem est transcendere ordinem ad finem naturalem quem pure naturalia respiciunt, ideo huiusmodi species sumitur à principio & termino à quibus iste assensus habuerit quod sit supernaturalis, & consequenter convenit ipsi assensui quatenus procedit à principio supernaturali, & ordinatur in finem supernaturalem. Et hæc sententia proculdubio est CAPREOLI in 1. d. 17. q. 1. art. 3. in solutione ad argumenta Aureoli contra primam conclusionem, & ad argumenta 3. loco posita contra eam.

A dem conclusionem, & CAIETANI com. 1. opusculorum tractatu 4. q. 1. *verum* CAPREOLI loquitur solum de actu charitatis & constituit speciem secundariam & supernaturalem in efficacia ipsius ad merendum finem supernaturalem. Et CAIETANUS loquitur de actu charitatis ut antecedit gratiam, & videtur insinuare solum convenire ei supernaturalitatem propter extrinsecam acceptionem Dei nullo præsupposito ex parte actus ipsius ratione cuius sit commensuratus ut acceptatur à Deo tanquam dispositio in ordine ad formam supernaturalem, in quo minus bene loquutus est quoniam ad acceptionem præsupponitur ex parte actus commensuratio, atque adeo supernaturalitas ut acceptetur ut infra dicemus. *Hic modus* explicandi rem hanc sufficit ad satisfaciendum consilijs adductis quoniam quotiescumque dicunt necessariam esse gratiam ad istum assensum addunt aliqua verba quibus significant se loqui de eo quatenus habet accommodationem, & commensurationem ad finem supernaturalem, neque amplius postulabat error pelagianorum quem damnare volebant, & idem author docte advertit disputatione 15. ad articulum citatum, & eodem modo explicat testimonia scripturæ.

Sed adhuc potest impugnari primo, quia falsum est quod species huius assensus quæ sumitur ex obiecto formali sit naturalis, quia obiectum formale est supernaturale ut probavi argumento precedenti, deinde, quia videtur ficta illa species secundaria supernaturalis; nam imprimis non satis explicatur quid sit præter hoc quod est assensum procedere à principio supernaturali, & tamen de hoc est controuersia quorsum debeat procedere à principio supernaturali si in seipso non habet aliquid supernaturale dicens esse ordinem ad finem supernaturalem.

Sed contra, quia vel causa huius ordinis in isto assensu est præcise principium supernaturale ut distinctum ab intellectu, vel ipse intellectus, ut elevatus supernaturaliter. Primum dici non potest, quoniam principium supernaturale in isto casu concurret elevando potentiam ad agendum ergo nullam speciem producit in assensu ad quam non concurrat & ipsa potentia, & alias assensus quantum ad illam speciem non esset actus vitalis.

C *Si vero* dicatur secundum, sequitur quod terminus formalis illius ordinis sit obiectum cognitum ab intellectu cum producit assensum, & ex consequenti quod obiectum formale intellectus sit supernaturale, probatur sequela, quia intellectus ut exercens actum cognitionis non causat in suo actu ordinem ad obiectum nisi ut cognitum, sicut neque voluntas ut exercens actum volendi causat in ipso actu ordinem ad obiectum, quod non sit aliquo modo volitum.

Et Confirmatur, quia cum ista species non pertineat ad genus cognitionis, sequitur quod ratione eius non conveniat assensui certitudo sumpta pro infallibilitate quoniam hæc certitudo est proprietas cognitionis quatenus est cognitio, & ex hoc sequitur ulterius quod assensus fidei Christianæ non excedit in hac certitudine assensum fidei hominæ, quia quoad substantiam non excedit iuxta sententiam istam.

ULTIMA CONCLUSIO, sine auxilio gratiæ potest homo

homo assensu veritatibus fidei, etiam ut reuelatis à Deo, tamen assensu naturali, & qui etiam quantum ad substantiam & speciem distinguitur ab eo qui requiritur ad iustificationem. PRIMA pars fere ab omnibus admittitur. Et probatur imprimis testimonio D. Th. qui 2. 2. q. 5. art. 3. in corp. & ad primū inquit hæreticum qui errat cum pertinacia circa unum articulum fidei assentiri proprio iudicio, & propria voluntate reliquis articulis circa quos non errat, & eadem ratione videtur admittendus, quod etiam possit ex suis naturalibus assentiri omnibus, cum additio vnius articuli supra reliquos parum addat difficultatis.

Secundo probatur ratione, quia veritates fidei possunt proponi infidelibus cum argumentis & motibus quibus sufficienter ostendantur credendas esse ipsas esse à Deo reuelatas: ergo infideles possunt viribus suæ naturæ id credere propter illa motiva. Antecedens probari solet multis medijs in materia de fide, & consequentia nunc probatur, quia quotiescumque sunt rationes & argumenta quæ rem aliquam reddunt credibilem possumus nostris viribus præbere assensum.

Et confirmatur, quia non minorem vim habent autoritas ecclesiæ & miracula atque reliqua motiva quæ sunt in religione Christiana ad persuadendum veritates fidei esse reuelatas à Deo quam autoritas historiographorum ad persuadendum vere contigisse ea quæ narrant aut esse in hoc mundo multa mirabilia quæ referunt de fontibus & alijs rebus naturalibus: ergo sicut viribus naturæ possumus ista omnia credere innixi auctoritatē narrantium, ita etiam possumus ipsidem viribus credere veritates fidei esse à Deo reuelatas, innixi illis motibus. Plura argumenta pro hac conclusione adducunt auctores citati pro secunda sententia & præcipue MOLINA.

Verum circa omnia est aduertendum, non probare quod ratio formalis assentiendi in isto casu sit diuina reuelatio, sed solum quod pertinet ad obiectum quod est materiale, quia licet id quod creditur sit veritates illas esse reuelatas à Deo, tamen assensus non innititur diuinæ reuelationi, sed lumini naturali quo indicatur motiva illa esse sufficientia ad assentiendum; & ex hoc patet secunda pars conclusionis, quoniam quando ratio formalis assentiendi est naturalis, assensus est naturalis & distinguitur quoad substantiam & speciem ab eo cuius ratio formalis est supernaturalis cuiusmodi est ille qui requiritur ad iustificationem ut diximus.

§. 5. Ad argumenta proposita pro prima & secunda sententia.

AD FUNDAMENTVM pelagianorum respondetur quod ut dicatur esse sicum in potestate nostra exercere actus supernaturales satis est quod auxilium supernaturale sit nobis præsto, & quod sit nobis liberum ei cooperari aut etiam resistere de quo plura dicemus postea.

AD FUNDAMENTVM secundæ sententiæ respondetur concedendo maiorem in sensu explicato in vltima conclusione, & negando minorem, & ad probationem negandum est quod assensus qui ratione obiecti formalis elicitur auxilio supernaturali habeat speciem naturalem.

A Et ad primam huius probationem negandum est antecedens si intelligatur de obiecto formali, quod dat speciem assensui, nam licet eadem veritas terminet utrumque assensum, tamen ratio formalis est diuersa quia terminat assensum elicitem viribus naturæ quatenus est cognoscibilis per rationem assentiendi supernaturalem.

Et si quæras cur non possit terminare secundum utramque rationem posterius assensum, & ita dare ei duas species, sicut obiectum voluntatis secundum duas rationes obiectivas, scilicet naturalem, & moralem terminat eius actum & ita dat ei duas species vnā in genere naturæ, & alteram in genere moris. Respondetur, difficile esse assignare rationem discriminis inter intellectum & voluntatem in communi quantum ad hoc, nisi dicamus ex ipso concilio, & modo operandi istarum potentiarum colligi hanc, quod rationes formales assentiendi nunquam subordinantur inter se, ut rationes assentiendi cum vna comparatur ad alteram, ut materiale ad formale ita ut prior non se habeat ut ratio formalis assentiendi, sed pertineat ad obiectum quod & materiale, & sic tota certitudo assensus commensuratur posteriori, ut cum hæreticus propter motiva humana assentitur alicui articulo fidei ut reuelato à Deo aut cum aliquis assentitur alicui propositioni ut probabiliter propter medium demonstratiuum quo hoc manifestatur: at vero rationes formales volendi subordinantur inter se etiam, ut rationes volendi ut cum volumus obiectum propter diuersas bonitates quas habet ordinando vnā ad alteram, & forte radix huius discriminis est quod voluntas propter suam libertatem potest ita operari propter quācumque ex illis bonitatibus ordinando eas inter se, intellectus tamen quia non est ita liber mouetur secundum exigentiam vltimæ rationis formalis, aut etiam est ratio huius quod rationes assentiendi distinctæ semper sunt causæ proprietatum impossibilem & repugnantium in eodem assensu scilicet inæqualis certitudinis & charitatis: quod in casu de quo loquimur est manifestum quoniam ratio assentiendi naturalis est causa certitudinis cui non repugnat subesse falsum; ratio vero assentiendi supernaturalis est causa certitudinis, cui omnino repugnat subesse falsum.

C Ad secundam probationem respondetur negando antecedens, si intelligatur de virtute naturali intellectus sumpta præcise secundum se, & sine eleuatione quæ fit per auxilium supernaturale neque ex hoc sequitur absolute quod intellectus nihil agat, quia agit ut eleuatus per auxilium, ut infra explicabo latius.

Et eodem modo, respondetur ad tertiam probationem negando antecedens si intelligatur de viribus intellectus præcise sumptis.

Ad confirmationem respondetur, concilia apposuisse illa verba ut explicarent quod definire intendebant & solum voluerunt definire necessariam esse gratiam ad credendum sicut oportet ad iustificationem & salutem; an vero quod actus credendi sicut oportet ad istum finem sit aliquid pertinens ad eius substantiam vel potius modus accidentaliter ipsius noluerunt definire, quoniam non erat necessarium ad definitionem fidei contra Pelagianos, sed reliquæ

runt Theologis disputandum atque explicandum ut dixi in fauorem secundæ sententiæ, & ita ex illis verbis neutra pars potest colligi non solum ut definita, sed neque ut insinuat a consilijs. *Aut secundo dici potest concilia per illa verba intelligere modum substantialem & specificum actus credendi, & non accidentalem, ita enim circumloquuntur actum fidei Christianæ, quoniam hic est conueniens, & proportionata dispositio in ratione cognitionis ad iustificationem.*

ARTICVLVS II.

Verum homo possit velle aut facere bonum absque gratia?

PRIMA CONCLUSIO. *Homo tam in statu naturæ corruptæ quam in statu naturæ integræ indiget auxilio diuino ad faciendum vel volendum quodcumque bonum sicut primo momento.*

SECUNDA CONCLUSIO. *In statu naturæ integræ poterat homo per sua naturalia velle & operari bonum sua naturæ proportionatum quale est bonum virtutis acquisitiuæ.*

TERTIA CONCLUSIO. *In statu naturæ corruptæ quamuis homo possit per virtutem suam naturæ facere aliquod bonum particulare tamen non potest operari totum bonum sibi connaturale ita quod in nullo deficiat.*

VLTIMA CONCLUSIO. *In utroque statu indiget homo virtute gratuita superaddita virtuti ad operandum & volendum bonum supernaturale quale est bonum virtutis infusæ.*

CIRCA primam conclusionem aduerte, per auxilium diuinum in ea intelligi concursum generalem & appellari à D. THOM. primum mouens, quoniam est à Deo ut primo mouente ad omnes actus causarum secundarum ut explicui circa primam conclusionem articuli præcedentis.

CIRCA secundam conclusionem dubitat CAISTANVS, quia vel per naturam integram intelligit D. THO. naturam ut erat in statu innocentie cum dono iustitiæ originalis, & videtur falsa ista conclusio, quia quod homo potest per donum iustitiæ originalis non potest per sua naturalia, cum donum istud non reputetur inter naturalia. sed sic gratis concessum homini à Deo, & præterea etiam videtur falsa altera pars conclusionis vltimæ, quia in illo statu homo habebat gratiam, & ex consequenti non solum poterat bona moralia, sed etiam supernaturalia: vel intelligit naturam in puris naturalibus absque peccato & dono iustitiæ originalis, & gratiæ, & sic etiam est falsa ista conclusio, quia homo in puris naturalibus non amplius possit operari opera moraliter bona quam nunc in statu naturæ corruptæ.

Ad hoc multa dicit CAISTANVS, sed breuiter respondetur D. THO. per naturam integram intelligere naturam cum dono iustitiæ originalis quatenus integrabat perfectionem naturæ, & tollebat naturales defectus, & præscindendo à gratia siue iustitia originalis distingueretur realiter ab ipsa siue solum formaliter per ordinem ad diuersos

A effectus: quia ratione sumpta iustitia originalis constituerebat statum innocentie, ut dixi in principio huius materiæ; & ad obiectionem dicendum est tam illam rectam dispositionem potentiarum quæ iustitiam originalem computari inter naturalia, ut etiam explicui loco citato.

An vero etiam sit intelligenda ista conclusio de secundo statu quem ibi cum CAISTANO distinximus ab statu iustitiæ originalis, & diximus appellari statum consonum naturæ rationali, & statum naturæ integræ pendet ex gradu perfectionis quam continet ille status, si enim solum contineret subiectionem appetitus ad rationem & non remotionem impedimentorum tædij defatigationis & distractionis quæ proueniunt ex parte corporis, & erroris ex parte intellectus, probabilior mihi videtur pars negativa saltem pro longo & diuturno tempore, quoniam non sufficeret illa subiectio ut homo longo tempore operaretur in omnibus bene moraliter, ita ut nunquam deficeret saltem venialiter, sicut propter hanc rationem dixi art. præcedenti quod non possit homo in illo statu sine auxilio gratiæ cognoscere practice omnes veritates practicas naturales collectivæ.

SED inquiri potest an hæc conclusio sic explicata sit vera. **R**ESPONDITVR affirmatiue, & hæc est sententia D. THO. hoc loco, & ex professio 1. p. q. 95. & q. 100. quibus locis constituit perfectionem illius status in ordine ad operationem boni in omnibus requisitis ad bene operandum, & in remotione omnium impedimentorum, & docet hanc perfectionem fuisse in ADAM, & fore transfundendam ad omnes, qui ex eo nascerentur quamdiu maneret in illo statu.

ET PROBATVR aperta ratione, quoniam quicumque natura habet efficaciam & virtutem ad omnia opera, quæ sunt sibi connaturalia, & proportionata, si non sit infirma & impedita: ergo etiam natura humana in illo statu posset per sua naturalia operari omne bonum sibi connaturale, & proportionatum, cuiusmodi est bonum morale: patet consequentia, quia natura humana in illo statu non esset infirma & impedita ad bene operandum cum haberet remotam omnem difficultatem, quæ in executione bonorum operum, prouenit ex repugnantia appetitus sensitui, & ex imbecillitate corporis, & ex defectu directionis ex parte intellectus, & solum pateretur tentationes externas, & inaduertentiam aliquam circa modum appetendi bona ad quæ haberet naturalem inclinationem; quæ omnia facile posset superare; & in hoc conveniunt omnes SCHOLASTICI præter GREGOR. in 2. dist. 39. q. vnica art. 1. conclusione 2. ubi inquit Adamum ante lapsum non fuisse per suas vires naturales, & cum generali Dei influenza sufficientem ad efficiendum aliquem actum moraliter bonum seu vere virtuosum, sed ultra ista omnia indiguisse alio Dei auxilio speciali, & eum sequitur CAPRIVS eadem dist. q. vnica art. 1. conclusione 4. verum isti nullum adducunt argumentum pro hac sententia præter illa quibus idem probant de homine in statu naturæ corruptæ, de quibus dicemus statim solus GREGOR. adducit nonnulla testimonia AVGVST. ex quibus duo tantum referam, quoniam in reliquis AVGVST. non loquitur simpliciter de exercitio bonorum operum, sed de perseverantia in

bono vique in finem de qua postea est agendum. *Primum testimonium* habetur fol. 7. libro. de corrupt. & gratia cap. 11. vbi AUGUST. inquit, *Adamum ante lapsum habuisse gratiam sine qua etiam cum libero arbitrio bonus esse non posset.* Et postea ita inquit: *nec ipsum ergo Deus esse voluit sine sua gratia, quam reliquit in eius libero arbitrio, quoniam liberum arbitrium ad malum sufficit, ad bonum autem nihil est nisi adiunctum ab omnipotenti bono.* Ex quo testimonio sic argumentor. Adamus in statu innocentie non poterat esse bonus, nec sufficiebat ad bonum per suum liberum arbitrium, sed indigebat gratia superaddita & adiutorio Dei; ergo non poterat sine auxilio gratiæ operari omne bonum morale, patet consequentia quoniam alias esset bonus & sufficeret ad bonum sine gratia.

Alium testimonium habetur tom. 5. lib. 12. de ciuita. Dei cap. 9. vbi ait angelos non potuisse suis viribus facere seiplos meliores, quam à Deo facti sunt, & post pauca, ita inquit: *aut si non potuerunt seiplos facere meliores, quoniam eos ille fecerat, quo nemo melius quicumque facit: profecto & bonam voluntatem, qua meliores essent nisi operante adiutorio creatoris, habere non possent.* Ex quibus verbis supponendo prius quod maiori ratione sit hoc dicendum de homine in statu innocentie, bene sequitur quod non potuerit tunc homo sine adiutorio Dei exercere omnia opera bona moraliter, quoniam multiplicatione bonorum operum redditur unusquisque melior.

AD PRIMUM Respondetur AUGUSTINUM ibi per bonum non intelligere quodcumque bonum opus in particulari, sed perseverantiam in bono vique in finem, quoniam vult explicare quæ ratione fuerit datum Adæ quod posset perseverare si veller; & per gratiam intelligere iustitiam originalem, quam ideo appellat gratiam quia liberaliter, & gratis fuit concessa homini à Deo, quamvis propter rationem superius explicatam computetur à Scholasticis inter naturalia.

AD SECUNDUM respondetur AUGUSTINUM in illo cap. loqui de bonitate in ordine ad finem supernaturalem, quæ sit per gratiam iustificantem, & per charitatem, & ita prope finem capitis, inquit, *etiam de Angelis sanctis intelligi illud ad Rom. 5. charitas Dei diffusa est in cordibus nostris, etc. & non solum hominum, sed & angelorum bonum esse illud psal. 72. michi autem adherere Deo bonum est.* Reliqua quæ circa conclusionem hanc disputari possunt commodius explicabuntur articulis sequentibus vbi D. THO. de eis agit.

CIRCA TERTIAM conclusionem SUPPONENDUM EST IMPRIMIS, res bonitates posse reperi in actibus humanis, etiam intra ordinem naturæ, ex quibus una est naturalis, quæ est ipsa entitas actus prout importat appetibilitatem siue formaliter sumpta ut aliqui, siue fundamentalis, de quonunc non disputo. *Altera est artificialis* quæ consistit in conformitate cum regulis artis. *Et tertia moralis*, quæ consistit in conformitate cum regulis morum, quam tunc habet aliquis actus humanus cum tam ex parte obiecti, quam ex parte finis, & omnium circumstantiarum est qualis secundum rectam rationem debet esse. *Ex quo patet* quod ut actus sit bonus moraliter non requiritur, quod sit meritorius vite æternæ, neque quod ordinetur in finem supernaturalem, aut dis-

ponat ad iustificationem, quoniam nihil istorum postulat recta ratio in actibus humanis ad eorum bonitatem.

SECUNDO SUPPONENDUM est, ut certum secundum fidem hominem in statu naturæ corruptæ imo etiam si sit in peccato originali, vel actuali mortali posse facere aliqua opera, quæ sint moraliter bona, siue cum auxilio speciali Dei, siue cum solo concursu generali; in quo errant LUTHERVS (qui ut referunt authores statim citandi) asserbat quodcumque opus non solum peccatoris, sed etiam hominis iusti esse peccatum, quia dicebat procedere aut contaminari à concupiscentia peccato vitata & corrupta. Et quantum ad opera peccatoris secutus est eum KAMNITIVS ut refert TILLETANVS loco infra citando. Et probatur quoniam in Bulla LEONIS DECIMI contra errores LUTHERI, quæ habetur quarto tomo Conciliorum in fine Concilij LATRANENSIS sub IULIO SECUNDO, & ab eodem LEONE celebrati damnantur inter alios isti tres errores LUTHERI. In omni opere bono insus peccat. opus bonum optime factum, est veniale peccatum. liberum arbitrium post peccatum est res de solo titulo: & dum facis, quod in se est, peccat mortaliter. Et in Concilio TRIDENTINO sessione sexta decreto de iustificatione cano. 7. damnatur qui dixerit omnia opera, quæ ante iustificationem fiunt, quacumque ratione facta sint, vere esse peccata vel odium Dei mereri, aut quanto vehementius quis nititur se disponere ad gratiam tanto eum gravius peccare, & canone 8. damnatur qui dixerit, gehennæ metum per quem ad misericordiam Dei de peccatis dolendo confugimus, vel à peccando abstinemus, peccatum esse. Et in Concilio MILEVITANO, & ARAUSICANO supra citato aperte supponitur posse nos efficere aliqua opera quæ sunt bona & Deo placencia.

Item, quia scriptura sæpe testatur, orationem, humiliationem, dolorem, gemitus, lacrymas peccatoris, esse opera, quæ sic Deo placent, ut per ea disponamur ad obtinendam remissionem peccatorum; quod tamen de operibus, quæ vere essent peccata non posset dici: *Neque potest responderi scripturam loqui solum de his operibus quando fiunt ab eo cuius sunt remissa peccata, quoniam expresse testatur ista opera debere fieri, & ab aliquibus esse facta ad obtinendam remissionem peccatorum, & præterea*, quia oppositum docet aperte AUGUST. tom. 7. lib. 2. contra epistolam Parmeniani cap. 8. vbi explicans iustificationem Publicani, quæ refertur Lucæ 18. sic ait, *quamquam iustificatus deservit esse peccator tamen ut iustificaretur peccator orabat, & peccator confitebatur: & exauditus iustificatus est, ut d. sineret esse peccator: non utique desineret esse peccator, nisi prius exaudiretur peccator.* Et colligitur aperte ex doctrina Concilij TRIDENTINI decreto citato cap. 6. ubi explicatur modus preparationis ad iustificationem. ex secunda parte canonis septimi supra citati.

ET PRÆTEREA ratione, quia negari non potest aliquando accidere quod is, qui est in peccato mortali, honoret parentes, aut misereatur indigentium, vel laboret ad sustentandum familiam siue appositione mali finis vel alterius malæ circumstantiæ: ergo in isto casu iste actus erit bonus moraliter, ut patet ex prima suppositione, & ex consequenti non erit peccatum.

Confirmatur, quia Deus lege naturali obligat ad huiusmodi actus ergo non est dicendum, quod quomodocumque fiant sunt contra legem Dei, alias lex Dei esset sibi contraria, & ex consequenti neque quod sunt peccata, quia ratio peccati consistit in contrarietate cum lege; *Neque satis est*, respondere peccatorem posse dolere de peccato ut obtineat eius remissionem, quoniam neque lege obligante ad illos actus, neque alia peculiari obligatur ad hoc.

Et præterea, quia LVTHERVS loquitur etiam de operibus iustorum, & ideo peculiariter contra ipsum potest obijci illud Iob ultimo. *in omnibus his non peccavit Iob.* & 1. ad Corinth. 6. *non peccasti nubat;* & Ioh. 3. *noli peccare ne deterius tibi aliquid contingat:* Et præterea alia definitio Concilij TRIDENTINI sessio citata cap. 11. & cano. 15. ubi damnatur qui dixerit iustum in quolibet bono opere peccare saltem venialiter, aut quod intolerabilius est mortaliter.

Plura in Confirmationem huius veritatis, & solutiones ad argumenta LVTHERI referunt ROFFENSIS art. 31. & 32. contra LVTHERVVM SOTO lib. 1. de natura & gratia cap. 19. CASTRO lib. 11. adversus hæreses verbo opera hæresi prima. VILGA lib. 6. super Concilium Tridentinum cap. 39. & 40. & 11. cap. 24. & sequentibus TILLETANVS in prima parte Apologiæ pro Concil. Trident. in c. de operibus infidelium seu non renatorum. & STAPLETONVS lib. 1. de iustificatione cap. 14. & duobus sequentibus.

His suppositis est inter Catholicos controversia,

DUBIVM. I.

Vtrum homo in statu naturæ corruptæ cum solo concursu generali Dei, absque speciali auxilio possit efficere opus bonum?

PARTEM negativam defendunt GREGO. in 2. dist. 26. 27. 28. q. 1. CAPRE. dist. 28. q. vnicæ art. 1. conclusionem secundam, & art. 5. in solutione ad argumenta contra secundam conclusionem. ROFFENSIS art. 26. contra LVTHERVVM & CASALIVS prima parte de quadripartita iustitia lib. 1. à c. 19. vsque in finem libri & NAVARRÆ: in summa cap. 27. nu. 29. non tamen ita defendunt isti authores hanc partem, ut incidant in errorem hæreticorum quem paulo superius impugnauimus; nam neque dicunt neque sequitur eorum sententia omnia opera peccatoris aut iusti in statu naturæ corruptæ esse peccata. Et in primis quod id non dicant, patet, quia licet affirmant necessarium esse auxilium speciale Dei ut homo in isto statu faciat aliquod opus bonum moraliter tamen non negant dari huiusmodi auxilium hominibus pertinentibus ad hunc statum etiam si sint in quocumque peccato siue actuali, siue originali & ita GREGO. quæst. citata art. 3. ad 9. cum obiecit sec sequi ex sua sententia omnia opera infidelis

A aut fidelis existentis in peccato mortali esse peccata, negat sequelam propter rationem assignatam & expresse affirmat fieri ab infidelibus & peccatoribus cum speciali auxilio Dei multa opera, quæ sint bona moraliter; & idem dicit CAPREO. q. citata art. 3. in solutione ad 9. contra secundam conclusionem. *Quod vero id non sequatur* ex eorum sententia patet, quia licet gratia iustificans non sit in infidelibus, aut in alijs peccatoribus, tamen auxilia specialia, & gratuita motiones ad bene operandum sæpiissime conceduntur eis.

ET PROBATVR hæc sententia primo testimonijs sacre scripturæ nam Ioan. 15. dixit CHRISTVS *sine me nihil potestis facere*, quæ verba de fructibus mandatorum, & consequenter de operibus bonis exponuntur à Concilio MILEVITANO cap. 5. & expresse de omnibus bonis operibus à TRIDENT. sessio. 6. decreto de iustificatione cap. 16. & D. Paulus 1. ad Corinth. 4. *quid autem habes quod non accepisti,* & cap. 12. *nemo potest dicere Dominus Iesus nisi in Spiritu sancto,* & secundæ ad Corinth. 3. *non quod sufficientes simus cogitare aliquid à nobis quasi ex nobis sed sufficientia nostra ex Deo est,* ad Philip. 2. *Deus enim est qui operatur in vobis & velle & perficere pro bona voluntate,* & Sapientiæ 8. & *scimus quoniam aliter non possumus esse continens nisi Deus det;* & tamen continentia est quoddam opus morale.

SECUNDO probatur testimonijs Conciliorum & pontificum; nam in Concilio MILÆ capite 4. damnatur qui dixerit non præstari nobis per gratiam Dei ut quid faciendum cognouerimus etiam facere diligamus atque valeamus. Et postea dicit esse donum Dei, & scire quid facere debeamus, & diligere ut faciamus, & in Concilio ARAVSIC. 2. cap. 9. ita dicitur, *divini muneris est, cum & recte cogitamus, & pedes nostros à falsitate & iniustitia reuocamus, quoties enim bona agimus Deus in nobis atque nobiscum operatur ut operemur,* & cap. 20. multa in homine bona sunt, quæ non facit homo, nulla vero facit homo bona, quæ non præstet Deus ut faciat homo, & cap. 22. *nemo habet de suo nisi mendacium & peccatum;* si quis autem homo habet veritatem & iustitiam ab illo fonte est quem debemus sistere in hac exco. & cap. 23. *quando autem ita faciunt (scilicet homines) quod volunt ut divina seruiant voluntati, quamvis voluntates agant quod agunt, illorum tamen voluntas est à quo præparatur, & obitur quod volunt.*

ITEM INNOCENTIVS primus in rescriptione ad Concilium Carthaginense postquam dixit multa de insufficientia liberi arbitrij, ad bene operandum sine adiutorio Dei, & reprehendens Pelagium & Cælestium quod dicerent nos non egere eo, ita inquit; *cum omnes sancti nihil se sine hoc scilicet adiutorio agere posse testentur;* & in rescripto ad Concil. Milevi. ita: inquit, *qua cum ita sint cumque in omnibus divinis paginis voluntati libera non nisi adiutorium Dei legamus esse necessarium eamque nihil posse Cælestibus prædijs destitutam,* &c. habentur hæc duo rescripta tomo primo Conciliorum inter decreta ipsius Innocentij epistola 25. & 26. & inter opera Aug. tom. 2. epistola 91. & 93. & Cælestinus primus in epistola 1. ad episcopos Galliarum cap. 7. refert & approbat sententiam eiusdem Innocentij in epistola ad Milevitanum Concilium dicentis quod *nemo nisi per gratiam libero bene utatur*

arbitrio

arbitrio, & cap. 8. inquit: *non enim alio modo Deo placere, nisi ex eo quod ipse donauerit*. Et pro eadem sententia refert testimonium Zosimi Papae in quadam epistola ad totius orbis episcopos, & responsum Africanorum Episcoporum ad eundem, in quo inter alia sic habetur: *preparatur voluntas a Domino, & ut boni aliquid agant paternis inspirationibus suorum ipse tangit corda fidelium*. Et paucis interpolitis, in bonis quibusque voluntatis humanae singulis modis, magis illius (scilicet Dei) valere non dubitemus auxilium, & cap. 9. inquit, *omnem motum bona voluntatis esse ex Deo*, & subdit rationem, *quia per illum aliquid boni possumus, sine quo nihil possumus*. Et idem rursus confirmat testimonio Zosimi.

Tertio probatur testimonijs sanctorum, nam in primis Aueyrt. hoc dicit expresse tom. 2. epist. 106. quod est ad Bonifacium, vel ad Paulinum, iuno & refert inter quodam alia quae dicit semper tenuisse Catholicam Ecclesiam, & esse credenda à quocumque fidele secundum auctoritatem eiusdem Concilij Pallesini, in quo Pelagius compulsum est anathematizare suos errores, & in epistola sequenti, quae est ad vitalem, ubi inquit esse Pelagianorum malum, & ab ipsorum Pelagii damnatam sententiam gratiam Dei non ad singulos alii dari. Et postea inter duodecim sententias quas dicit pertinere ad fidem Catholicam constituit hanc tertio loco: *scimus maioribus hoc esse vitiosis libere arbitrio dari ad singulos alios gratiam Dei*.

Secundum est, hominem sine adiutorio Dei non posse aliquid boni velle aut efficere. Et hoc dicit tom. 7. lib. de natura & gratia cap. 16. ubi id explicat exemplo oculi corporei, qui quamvis sit plenissime sanus, tamen nisi candore lucis adiutus non potest cernere, & lib. 1. contra duas epistolas Pelagianorum capite 1. ubi ita inquit: *nec potest homo boni aliquid, nisi adiutor ab eo qui malum non potest velle, hoc est gratia Dei per Jesum Christum*. Et idem affirmat lib. 2. capite 5. 7. & 8.

Tertium est, liberum arbitrium post peccatum manifeste à Deo infirmum, ut sine gratia Dei non habeat vires ad bonum, sed solum ad malum, & ad peccatum, & hoc etiam dicit expresse tom. 7. lib. 1. contra duas epistolas Pelag. cap. 5. ubi ita inquit: *peccato Adā liberum arbitrium de hominum natura petiisse non dicimus, sed ad peccandum valere in hominibus solutis diabolo: ad bene autem persequendum non valere nisi ipsa voluntas hominis Deo gratia fuerit liberata, & ad omne bonum altitans, cognoscant, sermonis adiuta*. Et idem dicit in lib. de dono perseverantiae cap. 7. & tom. 3. epist. 39. quae est ad Hilarium parum post principium. Et pro eodem referuntur à Grego. alia duo testimonia vnum ex libro de praedestinatione sanctorum tom. 7. & alterum ex sermone 13. de verbis Apostoli tom. 20. item, pro hac sententia Gregorius & Cassianus adducunt testimonia Hieronymi in expositione Catholicae fidei ad Damascum. Et in epistola ad Ibas corinthensem, & lib. 1. & 3. dialogorum contra Pelagianum Ambrasio lib. 1. de vocatione gentium cap. 2. & 9. & lib. 2. cap. 4. & lib. 3. in Lucam cap. 44. Gregorius 11 lib. 23. moral. in illud Job. 31. Si osculatus sum manum meam ore meo, & hominibus in illud Ezechielis 2. fili hominis ita super peccet tuos. Et in explanatione septimi

psalmi penitentialis circa illud anima mea sicut terra sine aqua lib. 2. de gratia & libero arbitrio cap. 19. & super illud ad Ephesios 2. ipse enim sumus factura DAMASCENI lib. 2. de fide orthodoxa cap. 30. & Prosper in lib. de gratia Dei & libero arbitrio contra Collatorem.

Quarto probatur rationibus primis, quia sine de non potest fieri aliquid bonum opus ut constat ex illo ad Rom. 14. *quod non est ex sole peccatum est*, & fides non potest haberi sine auxilio divinae gratiae, ut supra diximus.

Sicundum, quia ut opus aliquid sit bonum debet referri in Deum, ut in ultimum finem, ut colligitur ex illo primo ad Corinth. 10. *Omnia in gloriam Dei facite*, & ad Collocenses 3. *omnia quaecumque facitis in verbo aut in opere, omnia in nomine Iesu Christi, gratias agentes Deo, & patri per ipsum*.

Et praeterea, quoniam alias deficit ei circumstantia ultimi finis, quia necessarium est quod omnis actus humanus habeat aliquem ultimum finem & nihil praeter Deum potest esse ultimum ut ultimus finis, ut autem aliquis referat finem actum in Deum, ut in ultimum finem requiritur auxilium divinae gratiae, quia hoc non potest fieri nisi amando Deum ut ultimum finem, atque adeo super omnia, ad quod saltem in statu naturae corruptae requiritur auxilium gratiae, ut cum D. Thom. dicimus art. sequenti.

Tertio, quia homo non potest suis viribus vincere aliquam tentationem, ut colligitur, tum ex illo psal. 45. *in te inimicos nostros ventis turbamus coram*, & illo primo ad Corinth. 10. *fideles autem Dei qui non potuerunt vos tentari, &c.* Tum etiam ex eo quod Pelagius in quodam Concilio Pallesino, ut refert Aug. tom. 2. epist. 106. supra citata retractavit id quod dixerat victoriosius arbitrio non ex Dei adiutorio esse, sed ex libero arbitrio.

Et tandem, quia exemplis sanctorum, & oratione Dominica docemur implorandum esse divinum auxilium, contra tentationes, quod tamen non deberet fieri si nostris viribus possemus eas superare, ut artic. praecedenti probauimus multis testimonijs, ergo neque potest proptijs viribus efficere aliquid opus moraliter bonum, patet consequentia, quia in singulis operibus virgetur homo tentationibus demonum, & aliorum inimicorum, & tentationibus ad malum optime resistitur faciendo bonum oppositum.

Quarto, quia homo non potest sine auxilio gratiae adimplere divina praeccepta, ut colligitur ex Concilio Mileuitano cap. 4. & 5. & ex Caelestino primo in epist. citata cap. 10. ubi refert & confirmat haec duo decreta, ergo neque potest sine eodem auxilio efficere opus bonum moraliter, patet consequentia, quia omne opus moraliter bonum, vel est adimpletio alicuius praeccepti vel est opus Concilij, & opera conciliorum ceteris partibus sunt difficiliora quam opera praecceptorum.

Quinto, quia homo ad actum peccati indiget concursu generali Dei; ergo ad actum moraliter bonum indiget alio auxilio, & concursu scilicet speciali, patet consequentia, quia alius sequitur quod Deus eodem concursu concurret ad opus bonum & ad malum, & ex consequenti quod eodem modo sit vtriusque operis causa, quod demonstratur ab Aueyrtino contra Pelagium tom. 7.

Confirmatur, quia Deus lege naturali obligat ad huiusmodi actus ergo non est dicendum, quod quomodocumque fiant sunt contra legem Dei, alias lex Dei esset sibi contraria, & ex consequenti neque quod sunt peccata, quia ratio peccati consistit in contrarietate cum lege; *Neque satis est*, respondere peccatorem posse dolere de peccato ut obtineat eius remissionem, quoniam neque lege obligante ad illos actus, neque alia peculiari obligatur ad hoc.

Es præterea, quia LVTHERVS loquitur etiam de operibus iustorum, & ideo peculiariter contra ipsum potest obijci illud Iob ultimo. *in omnibus his non peccavit Iob.* & 1. ad Corinth. 6. *non peccatis in nubibus;* & Ioh. 5. *non peccare ne deterius tibi aliquid contingat:* Et præterea alia definitio Concilij TRIDENTINI sessione citata cap. 11. & cano. 15. ubi damnatur qui dixerit iustum in quolibet bono opere peccare saltem venialiter, aut quod intollerabilius est mortaliter.

Plura in Confirmationem huius veritatis, & solutiones ad argumenta LVTHERI reserunt ROFFENSIS art. 31. & 32. contra LVTHERV M SOTO lib. 1. de natura & gratia cap. 19. CASTRO lib. 11. aduersus hæreses verbo opera hæresi prima. VERA lib. 6. super Concilium Tridentinum cap. 39. & 40. & 11. cap. 24. & sequentibus TILSTANVS in prima parte Apologiæ pro Concil. Trident. in c. de operibus infidelium seu non renatorum, & STAPLETONVS lib. 1. de iustificatione cap. 14. & duobus sequentibus.

His suppositis est inter Catholicos controuerfia,

D V B I V M. I.

Vtrum homo in statu naturæ corruptæ cum solo concursu generali Dei, absque speciali auxilio possit efficere opus bonum?

PARTEM negativam defendunt GREGO. in 2. dist. 26. 27. 28. q. 1. CAPRE. dist. 28. q. vni- ca art. 1. conclusionem secundam, & art. 5. in solutione ad argumenta contra secundam conclusionem. ROFFENSIS art. 26. contra LVTHERV M & CASALIVS prima parte de quadripartita iustitia lib. 1. à c. 19. vsque in finem libri & NAVARR. in summa cap. 27. nu. 29. non tamen ita defendunt isti authores hanc partem, ut incidant in errorem hæreticorum quem paulo superius impugnauimus; nam neque dicunt neque sequitur ex eorum sententia omnia opera peccatoris aut iusti in statu naturæ corruptæ esse peccata. Et in primis quod id non dicant, patet, quia licet affirmant necessarium esse auxilium speciale Dei ut homo in isto statu faciat aliquod opus bonum moraliter tamen non negant dari huiusmodi auxilium hominibus pertinentibus ad hunc statum etiam si sint in quocumque peccato siue actuali, siue originali. & ita GREGO. quæst. citata art. 3. ad 9. cum obiecit sequi ex sua sententia omnia opera infidelis

Aut fidelis existentis in peccato mortali esse peccata, negat sequelam propter rationem assignatam & expresse affirmat fieri ab infidelibus & peccatoribus cum speciali auxilio Dei multa opera, quæ sint bona moraliter; & idem dicit CAPREO. q. citata art. 3. in solutione ad 9. contra secundam conclusionem. *Quod vero id non sequatur* ex eorum sententia patet, quia licet gratia iustificans non sit in infidelibus, aut in alijs peccatoribus, tamen auxilia specialia, & gratuita motiones ad bene operandum sæpiissime conceduntur eis.

ET PROBATUR hæc sententia primo testimonijs sacræ scripturæ nam Ioan. 15. dixit CHRISTVS *sine me nihil potestis facere*, quæ verba de fructibus mandatorum, & consequenter de operibus bonis exponuntur à Concilio MILEVITANO cap. 5. & expresse de omnibus bonis operibus à TRIDENT. sessio. 6. decreto de iustificatione cap. 16. & D. Paulus 1. ad Corinth. 4. *quid autem habes quod non accepisti,* & cap. 12. *nemo potest dicere Dominus Iesus nisi in spiritu sancto,* & secundæ ad Corinth. 3. *non quod sufficientes simus cogitare aliquid à nobis quasi ex nobis sed sufficientia nostra ex Deo est,* ad Philip. 2. *Deus enim est qui operatur in vobis & velle & perficere pro bona voluntate,* & Sapientiæ 8. & scimus quoniam aliter non possumus esse continens nisi Deus det; & tamen continentia est quoddam opus morale.

B SECUNDO probatur testimonijs Conciliorum & pontificum; nam in Concilio MILI. capite 4. damnatur qui dixerit non præstari nobis per gratiam Dei ut quid faciendum cognouerimus etiam facere diligamus atque valeamus. Et postea dicit esse donum Dei, & scire quid facere debeamus, & diligere ut faciamus, & in Concilio ARAYSC. 2. cap. 9. ita dicitur, *divini muneris est, cum & recte cogitamus, & pedes nostros à falsitate & iniustitia reuocamus, quoties enim bona agimus Deus in nobis atque nobiscum operatur ut operemur,* & cap. 20. *multa in homine bona sunt, quæ non facit homo, nulla vero facit homo bona, quæ non præstat Deus ut faciat homo,* & cap. 22. *nemo habet de suo nisi mendacium & peccatum; si quis autem homo habet veritatem & iustitiam ab illo fonte est quem debemus fuisse in hac eremo.* & cap. 23. *quando autem ita faciunt (scilicet homines) quod volunt ut divina seruiant voluntati, quamuis voluntates agant quod agunt, illorum tamen voluntas est à quo præparatur, & obitur quod volunt.*

C Item INNOCENTIVS PRIMUS in rescriptione ad Concilium Carthaginense postquam dixit multa de insufficientia liberi arbitrij, ad bene operandum sine adiutorio Dei, & reprehendens Pelagium & Cælestium quod dicerent nos non egere eo, ita inquit; *cum omnes sancti nihil se sine hoc scilicet adiutorio agere posse sentiant;* & in rescripto ad Concil. Milevi. ita: inquit, *quæ cum ita sint cumque in omnibus diuinis paginis voluntati libera non nisi adiutorium Dei legamus esse necessarium eamque nihil posse Cælestibus præsidijs destitutam,* &c. habentur hæc duo rescripta tomo primo Conciliorum inter decreta ipsius Innocentij epistola 25. & 26. & inter opera Aug. tom. 1. epistola 91. & 93. & Cælestinus primus in epistola 1. ad episcopos Galliarum cap. 7. refert & approbat sententiam eiusdem Innocentij in epistola ad Milevitanum Concilium dicentis quod nemo nisi per gratiam libero bene utatur

arbitrio

arbitrio, & cap. 8. inquit: *nominem alimunde Deo placere, nisi ex eo quod ipse donauerit.* Et pro eadem sententia refert testimonium Zosimi Papæ in quadam epistola ad totius orbis episcopos, & responsum Apłycanorum Episcoporum ad eundem, in quo inter alia sic habetur: *preparatur voluntas a Domino, & ut boni aliquid agant paternali inspiratione suorum ipse tangit corda fidelium.* Et paucis interpositis, in bonis quibusque voluntatis humanae singulis moribus, magis illius (scilicet Dei) valere non debemus auxilium, & cap. 9. inquit, *omnis motum bona voluntatis esse esse Deo, & subdit rationem, quia per illum aliquid boni possumus, sine quo nihil possumus.* Et idem rursus confirmat testimonio Zosimi.

TERCIO probatur testimonio sanctoꝝum, nam in primo AVOGASTI. hoc dicit expresse tom. 2. epist. 106. quæ est ad Bonifacium, vel ad Paulinum, & refert inter quorundam alia quæ dicit semper tenuisse Catholicis Ecclesiam, & esse credenda à quocumque fidei secundum auctoritatem cuiusdam Concilii Palestini, in quo Pelagius compulsum est anathematizare suos errores, & in epistola sequenti, quæ est ad vitalem, ubi inquit, esse Pelagiorum malum est ad ipso etiam Pelagio damnatam sententiam gratiam Dei non ad singulos alius dari. Et postea inter duodecim sententias quas dicit pertinere ad fidem Catholicam constituit hanc tertio loco: *scimus maioribus hoc est vitentibus libero arbitrio dari ad singulos alius gratiam Dei.*

Secundum est, hominem sine adiutorio Dei non posse aliquid boni velle aut efficere. Et hoc dicitur tomo 7. lib. de natura & gratia cap. 26. ubi id explicat exemplo oculi corporis, qui quamvis sit plenissime sanus, tamen nisi candore lucis adiutor non potest cernere, & lib. 1. contra duas epistolas Pelagianorum capite 1. ubi ita inquit: *nec potest homo boni aliquid, nisi adiungetur ab eo qui malum non potest velle, hoc est gratia Dei per Iesum Christum.* Et idem asseruit lib. 2. capite 5. 7. & 8.

Tertium est, liberum arbitrium post peccatum mansisse à Deo infirmum, vt sine gratia Dei non habeat vires ad bonum, sed solum ad malum, & ad peccatum, & hoc etiam dicit expresse tomo 7. lib. 1. contra duas epistolas Pelag. cap. 5. ubi ita inquit: *peccato Adæ liberum arbitrium de hominum natura perisse non dicimus, sed ad peccandum valere in hominibus subditis diabolo: ad bene autem proque vitandum non valere nisi ipsa voluntas hominis Deo gratia fuerit liberata, & ad bene bonum actionis, cogitationis, sermonis adiuta.* Et idem dicit in lib. de dono perseverantie cap. 7. & tom. 3. epist. 89. quæ est ad Hilariū parum post principium. Et pro eadem referuntur à Grego. alia duo testimonia vnum ex libro de prædestinatione sanctoꝝum tom. 7. & alterum ex sermone 12. de verbis Apostoli tom. 10. Item, pro hac sententia Gregorius & Cassius adducunt testimonia HIERONYMI in expositione Catholice fidei ad Damasum. Et in epistola ad Hesychionem lib. 2. & 3. dialogorum contra Pelagium AMBROSII lib. 1. de vocatione gentium cap. 2. & 9. & lib. 3. cap. 4. & lib. 2. in Lucam cap. 44. GREGORIUS lib. 23. moral. in illud Iob. 31. Si osculatus sum manum meam ore meo, & hominē 9. in illud Ezechielis 2. fili hominis ita inquit pedes tuos. Et in explanatione septimi

psalmi penitentiis circa illud anona mea sicut terra sine aqua ubi BERNARDUS lib. de gratia & libero arbitrio cap. 19. & super illud ad Ephesios 2. ipsius enim sumus factura. DAMASCENI lib. 1. de fide orthodoxa cap. 30. & Properi in lib. de gratia Dei & libero arbitrio contra Collatorem.

VLTIMO probatur rationibus primo, quia sine fide non potest fieri aliquid bonum opus vt colligit ex illo ad Rom. 14. quod non est ex fide peccatum est, & fides non potest haberi sine auxilio diuinæ gratiæ, vt supra diximus.

SECVNDO, quia vt opus aliquid sit bonum debet referri in Deum, vt in vltimum finem, vt colligitur ex illo primo ad Corinth. 10. Omnia in gloriam Dei facitis, & ad Collocenses 3. omnia quæcumque facitis in verbo aut in opere, omnia in nomine Iesū Christi, gratias agentes Deo, & patri per ipsum.

Et præterea, quoniam alias deficit ei circumstantia vltimi finis, quia necessarium est quod omnis actus humanus habeat aliquem vltimum finem & nihil præter Deum potest esse volitum vt vltimus finis, vt autem aliquis referat suum actum in Deum, vt in vltimum finem requiritur auxilium diuinæ gratiæ, quia hoc non potest fieri nisi amando Deum vt vltimum finem, atque adeo super omnia, ad quod saltem in statu nature corruptæ requiritur auxilium gratiæ, vt cum D. THOM. dicemus art. sequenti.

TERCIO, quia homo non potest suis viribus vincere aliquam tentationem, vt colligitur, tum ex illo psal. 45. in te inimicus nostros occidit, tum certum, & illo primo ad Corinth. 10. fidelis autem Deus qui non patitur vos tentari, &c. Tum etiam ex eo quod Pelagius in quodam Concilio Palestino, vt refert Aug. tom. 2. epist. 106. supra citata retractavit id quod dixerat victoriam nostram non ex Dei adiutorio esse, sed ex libero arbitrio.

Et tandem, quia exemplis sanctoꝝum, & oratione Dominica docemur implorandum esse diuinum auxilium, contra tentationes, quod tamen non deberet fieri si nostris viribus possemus eas superare, vt artic. precedenti probauimus multis testimonijs; ergo neque potest proprijs viribus efficere aliquid opus moraliter bonum, patet consequentia, quia in singulis operibus viget homo tentationibus demonum, & aliorum inimicorum, & tentationibus ad malum optime resistitur faciendo bonum oppositum.

QUARTO, quia homo non potest sine auxilio gratiæ adimplere diuina præcepta, vt colligitur ex Concilio Mileuitano cap. 4. & 5. & ex Cælestino primo in epist. citata cap. 10. ubi refert & confirmat hæc duo decreta; ergo neque potest sine eodem auxilio efficere opus bonum moraliter, patet consequentia, quia omne opus moraliter bonum, vel est adimpletio alicuius præcepti vel est opus Concilij, & opera concilioꝝum cæteris paribus sunt difficiliora quam opera præceptorum.

QUINTO, quia homo ad actum peccati indiget concursu generali Dei; ergo ad actum moraliter bonum indiget alio auxilio, & concursu scilicet speciali, patet consequentia, quia alias sequitur quod Deus eodem concursu concurrat ad opus bonum & ad malum, & ex consequenti quod eodem modo fit vtriusque operis causa, quod damnatur ab AVOGASTINO contra Pelagium tomo 7.

arbitrium dicatur extinctum respectu eorum, non satis est quod non possit eos elicere sine concursu supernaturali, sed requiritur, quod etiam cum eo non possit: at vero cum opere moraliter bono de quo loquimur cum sit naturale conuenit in ordine concursus, qui non sit supernaturalis, sed naturalis, ergo ut liberum arbitrium dicatur extinctum in ordine ad bonum morale satis est quod cum concursu naturali, & sine supernaturali non possit efficere aliquod opus moraliter bonum.

ULTIMO probatur hæc conclusio testimonijs, nam in primis multum ei fauet Concilium TRIDENTINUM sessione sexta, decreto de iustificatione canone primo cum damnat eum qui dixerit hominem suis operibus, quæ vel per vim humanæ naturæ, vel per legis doctrinam fiant absque diuina per IESUM CHRISTUM gratia posse iustificari coram Deo: nam his verbis satis insinuat posse fieri per solam vim humanæ naturæ, & sine auxilio supernaturali opera moraliter bona: quia non propterea quod omnia ista opera sint mala dicit Concilium, non sufficere ad iustificationem, sed propter insufficienciam naturæ & doctrinæ legis ad liberandum hominē à peccato.

Item LEO DACIMVS in bulla supra citata cum damnauit id quod ibi retulimus dixisse LVTHERVM, scilicet liberum arbitrium dum facit quod in se est: peccare mortaliter, etiam fauet huic conclusioni, quia licet non explicet esse hoc intelligendum de libero arbitrio cum facit quod in se est viribus naturæ, & sine auxilio supernaturali; tamen illo modo loquendi videtur hoc significari. Præterea etiam potest probari ex illo ad Romanos secundo. *Gentes quæ legem non habent naturaliter quæ leges sunt faciunt*, nam illud verbum *naturaliter*, non solum excludit legem scriptam, sed etiam adiutorium supernaturale, ut explicui articulo præcedenti.

Et tandem etiam potest confirmari testimonijs AVGVSTINI, nam imprimis tomo tertio, libro de spiritu & littera capite 17. in fine & toto capite 18. sæpe admittit posse impios & peccatores facere opera, quæ sint moraliter bona, & quæ secundum regulam iustitiæ i. cito recteque laudamus, & loquitur de ijs prout operantur viribus naturæ, & sine auxilio supernaturali, quoniam capite 20. loquens de Iudæis ita inquit: *nam ipsi homines erant, & vis illa natura inerat eis quæ ligatum aliquid anima rationalis, & sentit, & facit*. Et tomo septimo libro tertio Hypognost. capite 4. ita inquit: *esse fatemur liberum arbitrium omnibus hominibus, habens quidem iudicium rationis non per quod sit idoneum quæ ad Deum pertinent sine Deo aut inchoare, aut certe peragere: sed tantum in operibus viæ præsentis tam bonis quam etiam malis*. Dices AVGVSTINVM non loqui de bonis moralibus quoniam statim explicans, quæ sint ista bona ita inquit *bonis dico quæ de bono natura oriuntur id est velle laborare in agro, velle manducare & bibere, velle habere amicum, &c.*

Sed contra, quia August. loquitur de his omnibus quatenus sunt volita cum deliberatione, & iudicio rationis, & ex consequenti

quatenus regulari debent per regulam moris, quod est pertinere ad genus moris quare cum appellauerit ea bona videtur significare esse bona moraliter. Item, quia solum denegat homini posse per liberum arbitrium sine gratia bonum quoddam Deum pertinet scilicet ut sit finis supernaturalis: Præterea quia post verba ista dicit vniuersaliter posse hominem velle quicquid bonum ad præsentem pertinet vitam: vbi etiam includitur bonum morale.

Et tandem, quia per mala intelligit mala moralia, quoniam ita inquit: *malis vero dico ut est, velle idola dolere, velle homicidium, velle adulterium facere, &c.* quæ omnia sunt peccata; ergo etiam per bona intelligit bona moralia. Hoc etiam dicunt aperte CHRYSOSTOMVS, THEOPHIL. & OECUMENVS in expositione testimonijs D. Pauli superius adducti, & omnes qui concedunt mansisse in nobis post peccatum scientiam boni & semina quædam virtutum atque propensiones ad ea quæ recta sunt ut BASIL. in regulis tuius disputatis in responsione ad interrogationem secundam: AMBRO. Epist. 71. HIERO. Epist. 151. ad ALGASIAM. quæstione 8. CIRRILLVS lib. 3. contra Iulianum CHYSOST. homil. 9. de penitentia DAMASCENVS lib. 3. fidei orthodox. cap. 14. CASSIA collat. 13. cap. 11. & D. THOM. supra q. 63. art. 1.

SECUNDA CONCLUSIO. *Homo in statu naturæ corruptæ cum solo concursu generali Dei, & sine alio speciali sumpto secundo modo hoc est pertinens etiam ad ordinem naturæ potest efficere opus moraliter bonum*. In hac conclusione conueniunt omnes Scholastici in secunda distinctione 28. BONAVEN. artic. 2. quæst. 3. RICAR. circa primum principale quæst. 1. DURAN. q. 2. SCOT. quæst. unica paragrapho. contra hæc arguitur GAB. eadem quæst. art. 2. quæstione 1. VERA lib. 2. super Concilium Triden. cap. 11. & in opusculo de iustificatione quæst. 12. D. LUDDO lib. de cap. & redemp. ge. humani tract. 4. cap. 2. parte 2. prope finem, & lib. 1. de libero arbitrio capite 4. parte secunda in solutionibus obiectionum. DICANVS art. 7. & quia articulus insinuare videtur, & latius toto articulo 11. ABVLEN in expositione 19. Matth. quæst. 174. & 175. SOTO lib. 1. de natura & gratia cap. 20. CAISTANVS & CONRADVS, & omnes THOMISTÆ præter CAPREOLVM. Verum est, quod aliqui ex istis non satis distinguunt hoc auxilium speciale de quo nos loquimur in hac conclusione à supernaturali & videntur solum loqui de supernaturali.

PROBATVR hæc conclusio imprimis testimonijs D. THO. qui in hac conclusione quam explicamus dicit expresse hominem in statu naturæ corruptæ posse per virtutem suæ naturæ aliquod bonum particulare agere: vbi aperte excludit non solum auxilium supernaturale, sed etiam quodcunque speciale distinctum à concursu generali quamuis pertineat ad ordinem naturæ, quia non dicimus hominem posse per virtutem suæ naturæ id ad quod requiritur aliquod ex his auxilijs cum verumque sit gratuitum & nullo modo debitum naturæ. Neque potest responderi D. THO. non loqui de bono morali; sed de naturali ut CAPREOLVS colligit ex eo quod statim illud explicat his exemplis, sicut edificare domos, plantare

vineas, & alia huiusmodi: *nam quamvis hæc opera sint bona quædam naturalia, tamen possunt esse moraliter bona, & ita loquitur de ijs Diu. THOMAS* vt colligitur, *nam ex eo quod secundum ipsius sententiam quam explicuimus supra quæstione 18. artic. 9. non datur opus diliberate factum in indiuiduo quod neque sit moraliter bonum neque malum, sed indifferens; quare cum hic loquatur de his operibus quatenus fiant cum deliberatione, & appellet ea simpliciter bona, satis insinuat se loqui de eis quatenus sunt bona moraliter, & non solum in genere naturæ: sumendum ex eo quod in secunda conclusione loquitur de bono morali, quoniam aperte dicit se per bonum naturæ proportionatum intelligere bonum virtutis acquirere: ergo etiam in tertia. Patet consequentia, quia de eodem bono loquitur in utraque, quoniam in his duabus conclusionibus comparat vires hominis in ordine ad bonum in statu naturæ corruptæ ad vires ipsius in statu naturæ integræ, & dicit hominem in posteriori statu non posse totum bonum quod potuit in priori, sed aliquod particulare, quod non posset dici bene & proprie nisi de eodem bono quia comparatio semper debet fieri respectu eiusdem.*

Et Confirmatur hoc ex ratione qua ipse probat tertiam conclusionem, nam cum in eius antecedenti quod est hoc, natura humana per peccatum non est totaliter corrupta, vt scilicet toto bono naturæ priuetur, loquatur D. THOMAS de bono morali, vt patet ex illo exemplo, quo in secunda conclusione explicuit quid intelligeret per bonum proportionatum naturæ, bene sequitur quod in consequente quod est hæc tertia conclusio loquatur etiam de bono morali.

Neque obstat prima conclusio, quoniam in ea D. THOMAS per auxilium diuinum intelligit concursus generalem vt dixi.

Neque etiam obstat, quod artic. 9. dicat Diu. THOMAS hominem iam constitutum in gratia indigere diuino auxilio ad bene operandum, quia duas rationes assignat ibi D. THOMAS huius indigentia: vnam communem homini cum omnibus causis creatis, & quantum ad hanc, nomine diuini auxilij intelligitur concursus generalis. Et alteram propriam hominis scilicet infirmitatem, & corruptionem humanæ naturæ, & quantum ad hanc licet per auxilium diuinum intelligatur auxilium speciale tamen non est sensus Diu. THOMAS esse necessarium huiusmodi auxilium ad efficiendum aliquod opus moraliter bonum, sed ad operandum bene moraliter absolute, & in omnibus, vt ibi exponit CAIETANVS.

Secundo probatur hæc conclusio, quia homo in statu innocentia poterit operari omne bonum morale cum solo concursu generali vt dixi circa secundam conclusionem; ergo in statu naturæ corruptæ potest operari aliquod bonum morale cum eodem concursu, patet consequentia, quia vt inquit Diu. THOMAS natura humana per peccatum non est totaliter corrupta vt toto bono naturæ priuetur.

Confirmatur, quia liberum arbitrium ita se habet in his duobus statibus in ordine ad bonum morale sicut se habet homo eger & sanus in or-

*dire ad operationes naturales, quoniam vt re-
tuli ex Concilio TRIDENTINO liberum arbitrium per peccatum non est extinctum; sed attenuatum & infirmatum; ergo sicut homo eger licet non posset omnia, quæ sanus, tamen potest aliqua, ita etiam liberum arbitrium in statu naturæ corruptæ licet non possit cum solo concursu generali efficere totum bonum morale sicut poterat in statu innocentia tamen poterit efficere aliquod.*

tertio vnaquæque forma indita rebus creatis à Deo habet efficaciam cum solo concursu generali respectu actus sibi proportionati siue in quem potest secundum suam proprietatem, vt Diu. THOMAS dixit artic. præcedenti, & est euidens in naturalibus: ergo etiam natura humana cum eodem concursu habet efficaciam ad aliquem actum moraliter bonum. Patet consequentia, quia non minus proportionatum & & connaturale est naturæ humanæ aliquod opus moraliter bonum, quam cuiuscumque naturæ creatæ suum proprium opus verbi gratia ad exhibendum honorem parentibus, vel ad tribuendum elemosinam pauperi ex naturali commiseratione.

quarto natura humana in isto statu habet principia sufficientia & non impedita ad efficiendum aliquod opus moraliter bonum: & præterea concursus generalis habet proportionem cum huiusmodi opere, ergo cum solo isto concursu potest efficere aliquod opus moraliter bonum. Consequentia patet, quia vt quæcumque causa creata possit efficere aliquod opus satis est, quod ex parte sua habeat virtutem sufficientem simpliciter, & non impeditam ad operandum, & quod ex parte Dei præbeatur ipsi concursus proportionatus tali operi. Et antecedens probatur, quia in primis de concursu generali nemo negat habere proportionem cum aliquo opere moraliter bono. Quod vero homo habeat principia sufficientia, & non impedita ad huiusmodi opus probatur, quoniam habet lumen intellectus sufficiens ad iudicandum in particulari & practice faciendum esse; & virtutem voluntatis sufficientem ad volendum facere ipsum; & neutra potentia patitur impedimentum aliquod propter quod non possit exequi munus suum, vt de intellectu constat ex ijs quæ dixi artic. præcedenti, & de voluntate potest facile probari, quia vel hoc impedimentum est intrinsecum ipsi voluntati, & hoc dici non potest quia habet voluntas in se propter quod non potest sequi iudicium practicum intellectus, vel est extrinsecum, scilicet tentatio aliqua demonis, vel motus appetitus sensitui ad oppositum, & neque hoc dici potest, nam quia sicut nihil istorum impediuit iudicium practicum, & particulare intellectus ita non impedit voluntatem, ita vt non possit sequi huiusmodi iudicium, nam etiam quia potest dari casus in quo neque sit aliqua tentatio neque motus appetitus sensitui ad oppositum vt si intellectus iudicet faciendum esse aliquod opus quod de se sit facillimum, & præterea placeat appetitui quia est conueniens ad vitæ conseruationem & in opposito nulla est ratio delectationis aut non maior.

Neque potest responderi, quod quamvis voluntas faciat illud cum solo concursu generali; tamen opus ipsum erit malum vel propter appositionem alicuius malæ circumstantiæ, vel propter defectum circumstantiæ finis debiti; *quia neque* est aliquid quod necessitet voluntatem ad opponendam malam circumstantiam suo operi, *neque etiam* deest aliquid voluntati, ut referat ipsum in finem ultimum, eo modo quo debet referri ut sit moraliter bonum, quia ex parte intellectus potest procedere cognitio finis ultimi naturalis & iudicium dictans faciendum esse illud opus propter huiusmodi finem; quod si non præcedat, satis est quod opus sit ex obiecto suo bonum, dummodo aliunde non vitietur, aut ab operante expresse non referatur in malum finem, ut eo ipso referatur virtualiter & implicite in illum finem, quia eo ipso est conforme rectæ rationi, & ex consequenti suapte natura ordinatum in finem, ad quem dirigit recta ratio, & ideo satis est quod sit secundum se volitum propter finem ultimum naturalem, & iste modus relationis in finem sufficit ad bonitatem operis materialis ut dicam in solutione ultimi.

ULTIMO PROBATUR hæc conclusio impugnando id in quo auctores oppositæ sententiæ constituunt auxilium speciale, quod dicunt esse necessarium ad singulos actus moraliter bonos: *pro quo adverte* quod GREGORIUS articulo tertio quæstionis citatæ in solutione duodecimi argumenti, quem in hoc etiam sequitur CAPREOLUS, dicit se per auxilium speciale intelligere motionem quandam, qua Deus movet voluntatem creatam tanquam instrumentum quoddam liberum ad hoc ut eliciat suum actum, ita ut voluntas sic mota & adiuta eliciat actum quem si non moueretur, non eliceret, itaque Deus secundum sententiam GREGORII duobus modis concurrat ad actum bonum voluntatis creatæ, scilicet concausando ipsum simul cum voluntate, sicut concurrat ad omnes actus secundarum causarum, & ad actus malos ipsius voluntatis; & præterea excitando atque movendo ipsam voluntatem ad operandum; & priorem modum appellat concursum generalem quoniam est communis omnibus causis secundis, & quodammodo debitus ipsis: posteriorem vero appellat auxilium speciale, quoniam neque est communis omnibus causis creatis, sed solum conceditur voluntati, neque ipsi voluntati est aliquo modo debitus: dicit tamen hoc auxilium pertinere ad ordinem naturæ, & non esse supernaturale, quoniam est à Deo, ut auctore naturæ, & non ordinatur in finem supernaturalem.

Sed hic modus explicandi hoc auxilium continet imprimis difficultatem illam communem, an motio voluntatis ad operandum antecedens operationem repugnet libertati ipsius, de qua dicendum est infra. *Et præterea* quamvis possit dari aliqua motio quæ non repugnet, tamen in isto casu non est necessaria, *quia vel* requiritur propter causalitatem primæ causæ ita ut non possit defendi nisi admissa illa motione, *vel* propter indifferentiam voluntatis ad utramque

A partem, quia scilicet ut voluntas operetur, debet prius determinari aliquo modo ad alteram partem, & quia *non potest* determinari à seipsa ideo necessarium est, quod determinetur ab alio, & ad hoc requiritur illa motio: *vel* propter bonitatem operis. *Et nihil istorum* potest dici: *quod de primo probatur* quia etiam Deus est prima causa actus mali quantum ad entitatem actus, & tamen non movet voluntatem ad eum ut probavi in materia de peccatis, & conceditur à GREGORIO, & CAPREOLO.

Et præterea, quoniam alias illa motio pertinebit ad concursum generalem, quia satis est hunc esse necessarium ad aliquem actum, ut etiam sit ad eum necessaria causalitas primæ causæ.

Neque etiam potest dici secundum, *tum quia* indeterminatio, & indifferentia ad utrumque non solum convenit voluntati respectu actus boni, sed etiam respectu mali, & ideo si propter eam est necessaria illa motio, sequitur quod etiam sit necessaria ad actum malum; *tum etiam* B quoniam alias sequeretur quod illa motio sit debita voluntati, siquidem nullo modo potest sine ea operari, & ex consequenti quod pertineat ad concursum generalem.

Neque potest dici tertium, quia sola bonitas moralis actus non facit ipsum improporcionatum aut non conditionatum voluntati.

Ex his sequitur non loqui satis consequenter quosdam recentiores THOMISTAS, qui reprehendunt sententiam GREGORII in hac quæstione, & tamen cum explicant modum, quo voluntas pendet in operando à Deo dicunt necessariam esse illam motionem ad omnem actum aut saltem ad actus bonos, nam isti in re conveniunt cum GREGORIO, & solum differunt in modo loquendi: quoniam motionem quam GREGORIUS appellavit auxilium speciale ipsi appellant concursum generalem.

Sed inquiri potest an hæc sententia sit intelligenda de quocumque opere moraliter bono sumpto per se, & in particulari, etiam si sit valde difficile, aut ex parte obiecti aut propter insurgentes tentationes, & motus appetitus sensitivi trahentes ad oppositum.

C *Ad hoc* VEGA loco citato respondet negative; existimat enim ad opera difficilia cuiusmodi sunt magna abstinentia, elemosina magnæ quantitatis & similia necessarium esse auxilium speciale, & ita dicit se in hac quæstione sequi mediam viam.

Sed alijs oppositum videtur probabilius nec sine ratione, quando huiusmodi opera non includunt diuturnitatem, ut dicemus in sequentibus articulis, dummodo excipiat dilectio Dei super omnia de qua agemus articulo sequenti.

Et hoc loquendo de auxilio supernaturali potest facile probari argumentis propositis pro prima conclusione, excludendo vero etiam auxilium speciale pertinens ad ordinem naturæ potest probari tertio argumento propositum pro secunda, quia nullum est ex istis

operibus quod per se sumptum non sit proportionatum naturæ humanæ etiam in statu naturæ corruptæ.

Neque obstat, quod homo infirmus non habet vires ad opera difficilia sani, ut in solutione alterius argumenti propositi ad probandum defectum virium naturæ humanæ ad cognoscendum quantumque veritatem naturalem diuine sumptam explicari articulo præcedenti, & hoc constabit magis articulo sequenti, tamen excipienda est dilectio Dei super omnia de qua agemus articulo sequenti.

5. Respondetur ad argumenta.

AD PRIMAM respondetur fere omnia illa testimonia esse intelligenda de operibus quæ ad supernaturalem finem conducunt, vel meritorie, ut merita vitæ æternæ; vel dispositiue tanquam dispositiones ad iustificationem, aut etiam ministerialiter tanquam ministeria alijs exhibita in ordine ad eundam finem.

Quod de primo testimonio constat ex ipso contextu, nam paulo ante dixerat CHRISTVS, *ego sum vitis vos palmites*, quare sicut ista verba intelliguntur de vnione supernaturali per fidem cum Christo tanquam cum vite & capite in eius corpore, quod est ecclesia, ita etiam verba sequentia quæ adducuntur in argumento debent intelligi de fructu proportionato huic viti & vnioni palmitum cum ipsa, & ex consequenti de fructu qui pertineat ad finem supernaturalem, & ita exponuntur communiter à SANCTIS, imo & à Concilio TRIDENTINO loco citato in argumento vbi expresse loquitur de operibus meritorijs.

Et de secundo etiam testimonio id constat, quoniam PAVLVS dixit illa verba ad deprimendam arrogantiam eorum qui se extollebant propter ministerium Euangelij.

Et de tertio, quoniam ibi loquitur. PAVLVS de donis Spiritus sancti.

Et de quarto est expositum articulo præcedenti.

Et de quinto constat, quoniam prius dixerat PAVLVS cum metu & tremore vestram salutem operamini, & statim ne diffiderent adiecit illa verba relata in argumento.

De ultimo vero dici potest per esse continentem non significari exercitium alicuius operis moralis in particulari, sed seruare modum in omnibus, non excedendo aut deficiendo in aliquo; aut perseueranter abstinere ab omnibus illicitis voluptatibus. *Aut etiam* potest dici sensum illorum verborum esse, & sciui quod aliter non possem possidere aut consequi sapientiam nisi dono Dei: quod colligitur tum ex voce *ingratis*, quæ in Greco respondet illis verbis *esse continens*, quæ habet hanc vim, tum etiam ex antecedentibus & consequentibus nam paulo ante cum retulisset SALOMON multa bona quorum est causa sapientia, inquit, *circuibam querens, ut mihi illam assumerem*, & statim paucis interpositis apposuit verba relata in argumento, quibus significat se cognouisse modum quo posset consequi sapientiam, quod illo verbo, *circuibam*, explicauerat se summe defi-

Aderare. Et quoniam modus hic erat petere eam à Domino, ideo postea subiunxit, *adij Dominum es deprecatus sum illum*, & continuo in principio capituli noni refert deprecationem suam, quæ postulabat à Domino, non virtutem continentie sed sapientiam, vbi & dixi articulo præcedenti loquitur etiam de sapientia requisita in ordine ad finem supernaturalem, aut omnium veritatum moralium collectivæ, aut quatenus earum cognitio deseruire potest ad finem supernaturalem.

Neque obstat, quod noster interpretes vertit esse continentem nam his verbis poterit significari id quod nos diximus, vel quoniam habere sapientiam est causa sobrie viuendi, ut constat ex capite sequenti, & deducet me in operibus meis sobrie, & custodiat me in sua potentia, vel quia continere aliquando significat apud latinos tenere, & quasi attripere aut intra se habere, Ecclesi. 6. *inuestiga illam*, scilicet sapientiam, & manifestabitur tibi, & continens facies ne delinquas eam, & 15. *qui continens est insititia apprehendit eam* (scilicet sapientiam.)

BAD SECUNDVM respondetur omnia illa testimonia debere intelligi de bonis operibus pertinentibus ad pietatem & finem supernaturalem, quod de quibusdam eorum explicatum est articulo præcedenti, & de omnibus potest colligi ex errore quem Concilia & Pontifices illis locis volebant damnare, quoniam iuxta doctrinam Theologorum, ad sciendum quid sit quod in aliquo Concilio definitur, est maxime obseruandum, quem errorem Concilium velit damnare, ut seruata proportionem ad errorem intelligatur factam fuisse definitionem à Concilio, alioqui esset extranea talis definitio. Constat autem omnes definitiones in argumento adductas esse contra Pelagianos, qui non loquebantur de operibus moraliter tantum bonis sumptis diuine, sed de istis omnibus collectivæ, & de operibus pertinentibus ad æternam salutem, ut constat ex AUGUST. tom. 6. lib. de hæresibus cap. 88. vbi eorum hæresim reducit ad quatuor capita, præter alia quæ ad istorum defensionem refert eos dixisse. *Primum est*, sine gratia Christi posse hominem facere omnia diuina mandata. *Secundum* charitatem qua pie viuatur non esse donum Dei. *Tertium* conuersionem ad Deum, fidem, & eius augmentum & perseuerantiam haberi ab hominibus proprijs viribus, & non ex dono Dei. Et tandem *quartum* gratiam Dei qua liberamur ab impietate dari secundum merita nostra, & tomo 7. lib. de dono perseuerantia capite 2. ita inquit: *nam tria sunt quæ maxime aduersus eos*, scilicet Pelagianos, *Catholica defendit Ecclesia, quorum est unum gratiam Dei non secundum merita nostra dari quoniam Dei dona sunt, & Dei gratia etiam conferuntur merita vniuersa istorum; alterum est in quantacumque iustitia sine qualibuscumque peccatis in hoc corruptibili corpore neminem viuere. Tertium est obnoxium nasci hominem peccato primi hominis*; quibus locis nullam mentionem facit AUGUSTINVS de operibus moraliter bonis sumptis diuine, sed solū de eis sumptis collectivæ, & de operibus pertinentibus ad finem supernaturalem: quare de eisdem sunt intelligendæ prædictæ definitiones.

Neque obstat, quod in testimonio adducto ex cap. 21. Concilij secundi ARAUSICANI dicatur

nemi-

neminem habere de suo nisi mendacium & peccatum, quoniam his verbis non continetur huius capitis definitio; sed in reliquis adductis in argumento ex eodem capite, quæ intelliguntur de veritate & iustitia perseverantibus respectu multorum operum aut omnium collectivæ, aut ad longum tempus; & in istis continetur ratio istius definitionis, quoniam non intelliguntur de mendacio, & peccato actuali, sed de fragilitate ad incidendum in ista mala, ut sit sensus hominem de se esse adeo imbecillum & infirmum, ut si relinquitur suis viribus facillime & sæpe decipiatur, & peccet; ex quo optime sequitur illa definitio quam diximus contineri verbis sequentibus, scilicet quod perseverantia in veritate & iustitia, vel ad longum tempus, vel respectu multorum aut omnium operum collectivæ provenit ex gratia Dei, & in hoc videtur Concilium alludere illud Psal. 115. qui adducitur à Paulo ad Roma. 3. *omnis homo mendax*, quod est in eodem sensu accipiendum.

Ad tertium respondetur in primis omnia illa SANCTORUM testimonia posse exponi sicut exposita sunt testimonia Conciliorum. Deinde peculiariter ad ea quæ obijciuntur ex AUGUSTINO. Respondetur, quod quando Augustinus inquit ad singulos actus dari adiutorium divinæ gratiæ, loquitur de actibus conducentibus aliquo modo ad æternam salutem, quoniam ut ex ipso reruli de his loquebatur Pelagius adversus quem ipse hoc dicebat.

Et sic similiter, quando inquit hominem sine Dei adiutorio non posse velle aut efficere aliquid boni, non loquitur de bono morali; sed de bono pertinenti ad finem supernaturalem, quod in nonnullis ex testimonijs adductis ipse satis explicuit & apertius tomo septimo lib. 4. adversus Iulianum capite 3. ubi ita inquit: *Scito nos illud bonum hominum dicere sine Dei gratia, quæ datur per unum mediatorem Dei, & hominum nemini posse conferri, per quod solum homo potest ad æternam Dei donum regnumque perducere*. Neque est à ratione alienus iste modus loquendi; nam cum reliqua non deferant ad finem supernaturalem nisi valde remote non debent censi inter bona ubi disputatur de nostris operibus quatenus ad consequendum illum finem possunt deferuire, & propter hanc rationem, ut advertit ROFFENSIS artic. 36. contra Lutherum aliquando in scriptura ea opera, quæ non sunt meritoria vitæ æternæ quamvis procedant ex auxilio supernaturali dicuntur nihil, ut Ioan. 15. *qui manet in me, & ego in eo hic feret fructum multum, quia sine me nihil potestis facere*: nam hæc ultima verba à quibusdam, & præsertim ab AUGUSTINO exponuntur solum de operibus meritorijs. Et ad CORINTH. 3. *si linguæ hominum loquor & Angelorum, & si habuerim prophetiam, & non erim mysteriorum omnia, & omnium scientiam, & si habuerim omnem fidem ita ut montes transferam charitatem autem non habuerim nihil sum*. Et eodem modo est explicatum quod AUGUST. dicit loco citato nulla esse bona opera, quæ sint sterilia, hoc est non fructuosa in ordine ad vitam æternam; siue tanquam me-

rita ipsius, quod AUGUSTINUS videtur insinuaré; siue tanquam dispositiones ad iustificationem.

Et tandem quando dicit id quod tertio loco proponitur, scilicet liberum arbitrium post peccatum mansisse adeo infirmum, ut non habeat vires ad bonum, sed solum ad malum & peccatum, intelligit per bonum id quod est ita perfectum ut habeat proportionem in ordine ad finem supernaturalem; è contra vero per malum id quod deficit ab ista perfectione, quamvis intra ordinem naturæ sit bonum; ita ut hoc dicatur malum, non quia sit malum & peccatum, sed quia est non bonum, scilicet illa bonitate quæ consistit in accommodatione & proportionem ad finem supernaturalem: & ita exponit hanc sententiam AUGUSTINI DECANVS locis citatis.

Potest etiam dici AUGUSTINUM, cum disputat adversus Pelagianos extolles nimium vires humanæ naturæ declinasse aliquo modo in alterum extremum, & fuisse usum hac hyperbolica locutione, ut ita magis significaret nulla ratione extendi hominis vires ad bona proportionata fini supernaturali sicut affirmabat Pelagius.

Ad ultimum, ut respondeamus dissolvendæ sunt singulæ rationes in eo propositæ. Et ad primam, respondetur negando non posse sine fide fieri opus moraliter bonum & ad testimonium; PAULI dici potest cum AMBROSIO, CHRYSO. & THEOPHILACTO per fidem ibi intelligi dictamen conscientie, & sensum esse id quod dubitante aut reclamante conscientia agimus esse peccatum. Alias expositiones referunt D. THOM. & eius expositores 2. 2. quæst. 10. artic. 4. & DECANVS artic. 11. paragrapho quintus locus scripture.

Ad secundam rationem respondetur, ut dixi in quarta probatione secundæ conclusionis ab bonitatem moralem actus non requiri relationem expressam & formalem in finem ultimum, sed sufficere ad hanc vel virtualem ratione actus præcedentis vel implicitam ratione obiecti, quod habet intrinsece inclusam ordinationem ad finem ultimum, quia ex natura sua est quidam gradus ad ipsum.

Neque obstant testimonia adducta ad probandum esse necessariam relationem explicitam, quia vel solum continet consilium ita operandi, vel si contineant præceptum tantum obligat ad hoc ut opera nostra sint talia ut ex natura sua tendant in Deum, & non ordinentur à nobis in alios fines pravorum.

Et ad id quo probatur non posse referri opus in Deum, ut in finem ultimum sine auxilio speciali. Respondetur ad nullam istarum trium relationum requiri dilectionem Dei efficacem super omnia, ad quam dicemus articulo sequenti esse necessarium auxilium speciale, & hoc de ultima est satis notum, & de prima probatur quia bene potest quis velle habere Deum pro ultimo fine alicuius operis determinati quamvis non velit iam respectu sui ipsius, & reliquorum omnium operum suorum, & in isto casu illud opus ordinabitur expresse in Deum, ut in finem ultimum

dilectione efficaci Dei super omnia, & ex hoc sequitur à fortiori esse dicendū idem de secunda relatione, *neque* impedit aliquam ex istis tribus relationibus quod operans cum sit in peccato mortali, sit aversus à Deo, & conuersus ad creaturam, ut ad finem vltimum, *quoniam* non oportet quod omne opus procedat à quacumque dispositione habituali operantis siue mala siue bona, neque quod cōueniat in fine cum ipso operante sicut patet de imperfecto dolore de peccatis, & de timore gehennæ elicitō à peccatore, ut definitum est à Concilio TRIDENTINO sessi. 6. decreto de iustificatione canone 8. & de peccato veniali commissio ab existente in gratia.

Ad tertiam rationem respondetur in primis solum probare quod opera, quæ impediuntur tentationibus non possint fieri sine auxilio speciali non tamen, quod nullum opus moraliter bonum possit fieri sine eo, quia non quodcumque opus impeditur tentationibus; *sed quia dixi* quodcumque opus moraliter bonum, si sumatur in particulari, & diu siue posse fieri sine auxilio speciali.

IDEO SECUNDO respondetur tentationes quibus impugnamur in ordine ad opera moraliter tantum bona de quibus nunc loquimur exclusis pertinentibus ad finem supernaturalem posse duobus modis considerari scilicet in ordine ad omnia ista opera collectivè sumpta, aut in ordine ad opera determinata; *si priori modo considerentur* dicendum est requiri ad resistendum eis auxilium speciale sicut requiritur ad efficiendum omnia illa opera ut dicemus postea; *si vero considerentur posteriori modo* adhuc est distinguendum, nam *vel sit* comparatio tentationis diuturnæ & perseverantis ad huiusmodi opera determinata, & in isto casu dicendum est requiri auxilium speciale ad resistendum tali tentationi, *vel sit* comparatio momentaneæ, & brevis tentationis, & in isto casu dicendum est sufficere concursum generalem, & hoc satis est ut cum isto concursu possit fieri quodlibet opus moraliter tantum bonum quoniam ad hoc non requiritur diu perseverare in bene operando.

Et ad primam probationem partis oppositæ respondetur, in priori testimonio DAVIDEM postulare à Deo auxilium contra inimicos populi sui. Et in posteriori PAVLUM solum significare posse tentationem esse adeo vehementem, ut difficillime possimus ei resistere; nam quod est valde difficile solet moraliter dici impossibile, & in scriptura sæpe ita appellatur verum est quod CHRYSOSTO. THEOPHIL. & OCYME. videntur supponere tunc tentationem esse supra id quod possumus cum est diuturna & permanet, non autem si sit brevis, & ita dicunt sensum sequentium verborum esse istum; cum tentatione id est statim atque vos ceperit adoriri tentatio, faciet proveniunt vel exitum scilicet ab ipsa tentatione ut possitis sustinere, hoc est faciet eam non perseverare, ut ita sit vobis tollerabilis.

Ad secundam probationem dicendum est Pelagium fuisse damnatum, quia loquebatur de tentationibus etiam diuturnis, & de omnibus collectivè, & de resistentia meritoria vite æternæ.

Et ad ultimam probationem dicendum est,

A quod propter rationes propter quas loco ibi citato diximus implorari divinum auxilium ad cognoscendum veritates naturales practicas possumus nunc dicere implorari etiam contra tentationes, *Et potest addi* alia scilicet propter periculum diuturnitatis, & perseverantiæ ipsarum tentationum.

Neque contra hanc sententiam obstant aliqua testimonia Sanctorum, quibus videntur tribuere gratiæ divinæ resistentiam contra tentationes, quia loquuntur de testimonijs diuturnis & perseverantibus, vel de resistentia meritoria gloriæ, aut certe id dicunt, quia gratia & misericordia Dei est non permittere, quod dæmon vehementius nos tentat ut colligitur ex testimonio PAVLI, nunc exposita de qua re plura dicemus cum disputabimus, an detur aliqua tentatio tam vehemens seclusa diuturnitate, ut non possimus ei resistere cum solo concursu generali.

AD QUARTAM rationem respondetur, quod quamvis omnia præcepta naturalia collectivè sumpta non possit homo adimplere per suas vires tamen singula diu siue potest, ut cum D. THOMA dicemus articulo quarto huius questionis.

AD QUINTAM concessio antecedenti neganda est consequentia. *Et ad probationem* respondetur, quod si loquamur de concursu actuali in genere naturæ concedenda est sequela.

Neque hoc est quod ab AVEVGSTINO, & Concilio TRIDENTINO damnatur locis citatis, sed Deum ita operari mala opera sicut bona, quod non sequitur ex eo quod eodem concursu generali in genere naturæ concurrat ad omnia ista opera, quoniam adhuc repetitur duplex discrimen.

Primum est in genere naturæ scilicet quod ad bona opera dedit Deus inclinationem naturalem non autem ad mala, & ita D. THOMAS supra questione 71. art. 2. dicit bona esse secundum naturam hominis, & mala esse contra eam, & ex hoc provenit, quod bona etiam in genere naturæ dicantur per se intenta à Deo quia dedit propensionem, qua dirigit & movet ad ipsa, & mala propter contrariam rationem non ita dicantur intenta, sed solum permissa.

C *Alterum pertinet* ad genus moris, & ut bene advertunt SOTO & VEGA locis citatis consistit in hoc quod ad bona opera concurrat Deus ut causa moralis modo quodam morali, scilicet præcipiendo, consulendo, præmiando quia nullum est bonum morale, quod non sit meritorium præmij saltem intra ordinem suum, & apud Deum, ut D. THOMAS supra questione 21. articulo quarto, colligit ex illo ECCLESIASTES ultimo. *cuncta que sunt adducet Deus in iudicium sine bonis sine malis.* Et præterea ad quodcumque bonum morale movet, & excitat Deus vel interna inspiratione naturali per lumen rationis vel præcepto aut consilio exterius proposito aut in particulari aut saltem in communi quale est illud ECCLESIASTES 9. *quodcumque facere poteris manus tua, instanter operare.*

AD SEXTAM rationem respondetur concedendo sequelam, si consequens intelligatur de virtutibus moralibus acquisitis, quia tamen istæ virtu-

tes sine

tes sine charitate non habent perfectum statum virtutum, licet quicuis earum habeat propriam essentiam specificam, tum quoniam sine charitate habent, quod non possunt disponere ad optimum simpliciter, & non solum in proprio genere scilicet ad finem ultimum supernaturalem: tum etiam quia sine auxilio gratie non potest homo in statu nature corrupte acquirere omnes virtutes, sicut nemo diu se potest exercere in actibus omnium virtutum moralium, & tamen connectio virtutum requiritur ad earum perfectionem ideo Av. tom. 5. lib. 5. de ciuitate Dei cap. 11. & 18. & tom. 7. lib. 4. contra Iulianum cap. 12. & 19. docet in infidelibus & peccatoribus non esse virtutes, & aliquando hoc dicit non quia non possunt esse, sed quia de facto sunt solum apparentes, sed de hoc videndus est D. THO. supra q. 65. artic. 2. & 22. q. 23. artic. 7. & CAIET. eisdem locis, & 22. q. 10. artic. 4.

AD VLTIMAM rationem respondetur negando sequelam, & ad probationem dicendum est esse discrimen, quoniam demon licet possit velle aliquod obiectum in suo genere bonum, tamen semper apponit aliquam malam circumstantiam, qua actus vitiatur, quia omnis actus ipsius procedit vel formaliter, vel virtualiter ex affectione mali finis in particulari, ad quem semel se determinauit aut ex odio Dei siue hoc proueniat ex immutabilitate nature angelice in eo quod semel eligit cum completa deliberatione, siue ex conditione aliqua communitati omnium damnatorum hoc est hominum & angelorum de quo agendum est 1. p. q. 64. artic. 2.

ARTICVLVS III.

Vtrum homo possit diligere Deum super omnia ex solis naturalibus sine gratia?

PRIMA CONCLUSIO, homo in statu nature integra sine dono gratie superaddita naturalibus, & cum solo generali auxilio, poterat diligere Deum super omnia.

SECUNDA CONCLUSIO, in statu nature corrupte indiget auxilio gratie ut possit diligere Deum super omnia.

COMMENTARIVS.

Explicatur actus dilectionis, de quo est questio.

CIRCA DOCTRINAM huius articuli notandum est primo D. THOMAM nomine dilectionis Dei super omnia non intelligere amorem naturalem siue non elicitum quo tanquam pondere quodam & inclina-

atione naturali vniuersę res creatę dicuntur suo modo amare Deum super omnia ut ipse inquit hoc loco, & 1. parte quest. 60. artic. 5. & 22. quest. 26. artic. 3. sed amorem qui sit actus elicitus a potentia appetitiva, & terminetur ad Deum ut ad obiectum dilectum super omnia quoniam per peccatum non amittitur vis ad amandum Deum super omnia priori modo ut ipse D. THOMAS inquit de demonibus prima parte questione 64. artic. 2. ad quintum, & de primo homine quodl. 1. artic. 8. & constat evidenti ratione quoniam per peccatum non amittitur inclinatio naturalis, & tamen in secunda conclusione huius articuli expresse D. THOM. negat posse hominem in statu nature corrupte diligere Deum super omnia, ergo non loquitur de prioriamore, sed de posteriori.

SECUNDO NOTANDUM est, quod sicut Deus potest considerari dupliciter vno modo, ut est principium & finis bonorum supernaturalium, & obiectum beatificum, & quantum ad ea quę de ipso cognoscuntur solum per lumen fidei, & non per rationem naturalem. Et altero modo quatenus est author, & finis boni naturalis a quo vniuersę res naturales habent esse, & ad quem tanquam ad finem naturalem ordinantur, & denique quantum ad ea omnia, quę de ipso per lumen naturale possunt cognosci, ita etiam ipse habet duplicem rationem obiecti respectu amoris, qui est actus elicitus, vnā supernaturalem quę conuenit ipsi quatenus potest proponi voluntati ut diligendus secundum priorem considerationem, & alteram naturalem quę ei conuenit quatenus potest proponi ut diligendus secundum posteriorem, & similiter nos possumus habere duplicem dilectionem ipsius, quę sit actus elicitus quarum vna terminetur ad ipsum secundum priorem rationem, & altera secundum posteriorem, & in hoc articulo solum agimus de secunda quoniam de prima satis constat esse supernaturalem, & non sufficere ad eam vires nostre nature; sed requiri auxilium gratie, ut multis testimonijs solet probari 22. questione 24. artic. 2. & potest facile colligi ex supranaturalitate obiecti, & ita D. THOMAS in prima conclusione non dixit diligere absolute; sed cum additione diligere naturaliter, & in solutione ad primum apertius hoc explicuit, an vero possit viribus nature elici aliquis actus, qui sit eiusdem speciei quantum ad substantiam cum ista dilectione supernaturali, & solum differat ab ea in aliquo modo superaddito substantię, quod est inquirere an ista dilectio sit supernaturalis quantum ad substantiam vel solum quantum ad aliquem modum forte disputabitur infra & potest facile explicari, ex ijs quę articulo primo dicta sunt de actu fidei.

TERTIO NOTANDUM, quod ut amor qui est actus elicitus sit dilectio super omnia Dei quatenus est principium, & finis nature non satis est quod implicite terminetur ad ipsum, ut ad finem ultimum naturalem, neque quod terminetur virtualiter imo neque quod quomodocumque terminetur actualiter & expresse quoniam ad primum sufficit terminari ad obiectum, quod suapte natura ordinetur in Deum

dummodo non apponetur aliquis malus finis, vel alia circumstantia qua vitietur actus, & ad secundum satis est procedere ex alio actu cuius virtute ordinetur in Deum, quamvis tunc operans non habeat actualem cognitionem Dei, & ad tertium quamvis requiratur terminari in Deum, ut expresse propositum voluntati per rationem tamen sufficit terminari ad ipsum, ut ad finem ultimum obiecti particularis, quod per talem actum est actu, & expresse ordinatum ad eum ut ad ultimum finem, & ex consequenti satis est præferre ipsum illi obiecto particulari, quamvis non præferatur tali actu reliquis obiectis creatis, ut cum quis vult dare eleemosynam ut placeat Deo solum ordinat eleemosynam in Deum non tamen reliqua omnia quæ potest velle, & ex consequenti per hunc actum non præfert Deum cunctis obiectis creatis, sed solum eleemosynæ; at vero ad dilectionem Dei super omnia requiritur, quod terminetur in Deum explicite & formaliter hoc est ut actu, & expresse cognitum per intellectum, & quod terminetur ad eum, ut ad finem ultimum non solum alicuius obiecti particularis, sed omnium ad quæ potest extendi voluntas, & ex consequenti quod per hunc actum præferatur omnibus obiectis creatis, quod est esse dilectum super omnia diligibilia, ex quo duo sunt certa.

Primum est, non esse idem habere Deum pro ultimo fine alicuius actus non solum implicite aut virtualiter, sed etiam explicite, ut diligere Deum super omnia, imo neque requiri aut debere præsupponi hoc ad illud in quo deceptus est GREGORIUS, ut dixi articulo præcedenti.

Alterum est, quod in opinione quam diximus esse probabilem eorum, qui dicunt hominem etiam in statu naturæ corruptæ posse sine auxilio gratiæ operari bene moraliter non solum in facilioribus operibus & casibus; sed etiam in omnibus divisiue sumptis referendo ipsa opera explicite, & non solum implicite in Deum etiam est dicendum quod possit diligere Deum super omnia divisiue sumpta, quia cum voluntas ordinat explicite aliquod opus in Deum, ut in ultimum finem diligit Deum magis quam illud opus; ergo si potest referre omnia sumpta divisiue etiam potest diligere Deum super omnia sumpta eodem modo quare nomine dilectionis Dei super omnia hoc loco non intelligitur ista dilectio super omnia divisiue sumpta, quia in rigore non est dilectio super omnia, sed super singula, & non est aliud quam in singulis operibus habere Deum pro ultimo fine quantum ad ipsa divisiue sumpta, sed intelligitur dilectio super omnia collectiue sumpta cuius dilectionis præstantia non consistit in intentione ita ut per eam Deus diligatur intensius quam reliqua omnia, sed in appretiatione, quæ explicatur per hoc, quod voluntas ita diligit Deum, ut quantum est ex vi talis dilectionis velit relinquere omnia diligibilia collectiue sumpta potius quam recedere ab amore Dei.

A QUARTO NOTANDUM est, quod ista dilectio super omnia est duplex quædam perfecta siue efficax alia imperfecta siue inefficax, dilectio perfecta & efficax appellatur, quæ tantam habet perfectionem & firmitatem, ut extendatur ad executionem eorum omnium, quæ necessaria sunt ad perseverandum in amicitia cum Deo, ut est author & finis naturæ, & ad exclusionem eorum omnium, quæ huic amicitie repugnant atque proinde includit observationem omnium mandatorum obligantium sub mortali, quæ ad legem naturalem, & ad finem hominis naturalem pertinent, & hoc non ad breve aliquod tempus; sed ad totam vitam ab eo tempore, quo quis exipit diligere Deum & contra dilectio imperfecta & inefficax appellatur actus, quo quis vult placere Deo in omnibus & super omnia tamen est ita imperfectus ut non extendatur ad executionem: & ex his patet ratio nominum quoniam quicumque actus voluntatis, cui respondet aliqua executio appellatur efficax quando extenditur ad eam. Et inefficax quando non extenditur & similiter amor tum solum dicitur perfectus cum extenditur ad ea, quæ sunt necessaria ad conservationem amicitie cum amato, & nihil admittit ei repugnans & quod ita sint explicandæ rationes istarum dilectionum patet, quoniam dilectio perfecta est mensura imperfectæ in hoc sensu quod penes maiorem vel minorem defectum eorum quæ pertinent ad perfectam dicitur aliqua dilectio magis vel minus imperfecta; ergo recte explicatur ratio dilectionis imperfectæ per defectum illius extensionis ad executionem quæ convenit dilectioni perfectæ, quod vero ad rationem perfectæ dilectionis pertineat illa extensio, probatur tum quia inter homines non censetur perfecta dilectio illa, quæ quantum est ex se aut non extenditur ad vitandas graves offensas amici, aut solum extenditur ad hoc pro tempore brevi & determinato, & non sine termino intra durationem vitæ, tum etiam quia de dilectione naturali Dei super omnia, ita loquendum est sicut de supernaturali, & constat ex scriptura dilectionem supernaturalem Dei, quæ necessaria est ad consecutionem vitæ æternæ includere observationem præceptorum nam Ioan. 14. ita dicitur: *qui habet mandata mea, & servat ea, ille est qui diligit me, qui autem diligit me diligitur a patre meo, & ego diligam eum, & manifestabo ei meipsum, & postea si quis diligit me sermonem meum servabit.* ad Roma. 13. *qui diligit proximum legem implet.* Et postea propositis præceptis quæ ad dilectionem Dei pertinent subiungitur: *& si quod est aliud mandatum in hoc verbo instauratur, diliges proximum tuum sicut teipsum;* & paucis interpositis concludit: *plenitudo ergo legis est dilectio.* & 1. Ioannis 2. *qui dicit se nosse Deum & mandata eius non custodit mendax est, & in hoc veritas non est: qui autem servat verbum eius in hoc charitas Dei perfecta est.* Et cap. 3. in hoc cognoscitur quoniam diligimus natos Dei cum Deum diligamus, & mandata eius faciamus: *hæc est enim charitas Dei ut mandata eius custodiamus.*

ET EX HIS dilectionibus solum disputamus de priori, nam de posteriori sine ulla difficultate admittitur ab omnibus posse elici cum solo concursu generali ab homine siue existente in puris naturalibus, siue lapsio in peccatum, ut recte concedit Sor. libro primo de natura & gratia cap. 22. & potest facile probari quoniam dilectio Dei super omnia si sit inefficax non includit adimpletionem omnium preceptorum: ergo non importat tantam difficultatem, ut non possit elici ab homine in statu predicto cum solo concursu generali; *patet consequentia*, quia de dilectione efficaci ideo dicunt authores importare tantam difficultatem, quia includit adimpletionem preceptorum.

Et Confirmatur, quia seclusa adimpletionem preceptorum, & repugnantia cum omnibus peccatis mortalibus non continet maiorem difficultatem actus quo quis vult placere Deo in omnibus, & super omnia, quam actus, quo vult idem respectu amici aut alicuius obiecti creati: sed homo cum solo concursu generali potest elicere hunc secundum actum; ergo & primum.

Verum aduerte, quod consulto tantum dixi dilectionem efficacem excludere ea peccata, quae repugnant amicitiae cum Deo, & non dixi absolute excludere omnia peccata propter peccata venialia, quae quoniam sunt leues offensae licet sint praeter charitatem & amicitiam non tollunt amicitiam, & ita cum illa dilectione se compatiuntur. Et quamvis reperiatur dilectio Dei super omnia, quae sit adeo perfecta ut excludat etiam leues offensas Dei, tamen ista perfectio dilectionis non pertinet ad statum viz in quo nullus nisi ex particulari privilegio potest vitare omnia peccata venialia ita ut in nullum incidat; sed pertinet ad statum beatitudinis, imo neque requiritur ad habendum Deum pro ultimo fine simpliciter, & ad praefendum ipsum cunctis diligibilibus, quia licet obiecta peccatorum venialium appetantur, & non ordinentur in Deum, quia non sunt ordinabilia tamen subiiciuntur ipsi in affectu eius qui sic diligit Deum, quoniam ille quantum est ex modo diligendi ita subordinatur Deo fini ultimo, & principio suarum actionum, ut ratione huius subordinationis sit propensus ad excludendum a se inordinationem peccati venialis & habeat sufficiens principium ut eam excludat, & ad praefendum Deum cunctis diligibilibus satis est ordinare ad ipsum, aut saltem subiicere ipsi ea quae diliguntur ut explicui supra quest. 1. artic. 3.

ULTIMO NOTANDUM EST, quod ista dilectio de qua loquimur potest *dupliciter esse efficax*. vno modo, *quasi extrinsece & ratione effectus*, ut cum re ipsa extenditur ad excludendum ea omnia quae repugnant amicitiae cum Deo, & ita non est vnus simplex actus, sed includit omnes actus qui necessarij sunt ad observationem preceptorum obligantium sub mortali. Altero modo potest dici *efficax intrinsece*. *Et secundum propriam speciem*, ut cum secundum propriam rationem est talis, & ita firmiter atque perfecte coniungit voluntatem cum Deo, ut det ipsi virtutem sufficientem ad adimplendum omnia precepta obligantia sub mortali, & ad resistendum

A omnibus quae repugnant amicitiae cum Deo, quamvis ex accidenti, scilicet, vel quia nihil occurrit vitandum aut faciendum, vel propter aliquod impedimentum voluntas non praeter hoc ad quod inclinat suus amor, imo & in secundo casu desistit ab ipso amore, & ita est formaliter vnus & simplex actus internus qui virtute continet multos, siue internos, siue externos tanquam principium eorum; neque quod dilectio ita efficax possit esse vnus tantum actus potest negari, *imm* quoniam amor cum sit ex natura sua vnicius voluntatis cum re amata bene poterit esse tam perfectus ut quantum est ex sua natura sit sufficiens ad vitandum omnia quae grauiter offendunt rem amatam; *imm* etiam quia ut supradixi de amore naturali Dei loquendum est proportionaliter sicut de supernaturali; sed dilectio supernaturalis efficax est vnus tantum actus, quo ita amatur Deus ut finis supernaturalis super omnia appetitiue, ut voluntas sit parata quantum est ex natura huius amoris relinquere omnia, quae repugnant amicitiae cum Deo; ergo similiter dilectio naturalis efficax est vnus simplex actus qui eundem habet effectum in voluntate in ordine ad Deum finem naturalem ex quo patet decipi Sor. libro primo de natura & gratia capite 22. in diuisione quadam dilectionis Dei super omnia quam proposuit ante tertiam conclusionem, & in probatione eiusdem conclusionis. Vbi supponit ut certum dilectionem efficacem Dei super omnia non posse esse simplicem actum internum quo aliquis proponat placere Deo in omnibus; & super omnia, sed importare collectionem omnium actuum qui necessarij sunt ad permanendum in amicitia cum Deo, & ideo etiam non satis aperte explicuit difficultatem huius articuli, quoniam absolute dixit dilectionem Dei super omnia, quae est vnus simplex actus voluntatis posse haberi viribus naturae non vero dilectionem, quae includit adimpletionem omnium preceptorum; & nihil dixit de dilectione efficaci, quae est vnus simplex actus, nisi forte fuit in ea sententia ut existimauerit hanc etiam posse haberi viribus naturae. Nos vero supponentes posse inueniri huiusmodi dilectionem efficacem, de ea solum agemus in hoc articulo, & explicabimus an vires naturae humanae cum solo concursu generali sufficiant ad eliciendum eam, & quid sit dicendum circa hoc in vnoquoque statu. Nam de adimpletionem omnium preceptorum infra est agendum. His suppositis est,



CIRCA primam conclusionem est

I. DVBIUM.

An homo in statu nature integre potuerit cum solo concursu generali elicere illum actum quem hactenus explicauimus esse dilectionem efficacem Dei, ut est finis naturalis super omnia.

5. 1. Negatus partis fundamenta.

IN quo solent referri pro parte negatus **ALEXAN.** secunda parte quaestione 3. membro primo articulo secundo, in secunda parte illius articuli paragrapho secundo, ubi absolute dicit ex natura nisi eleuetur per gratiam non posse diligi Deum summe propter seipsum, sed solum diligi aut appeti, ut maximum bonum tamen propter ipsum appetentem, ita ut apte sit ratio appetendi, vel amandi & significat iste author nomine naturæ etiam naturam integram quoniam loquitur præcise de angelo antelapsum. Et **Alisiodorus** lib. 2. summae cap. 1. quaest. 11. ubi eodem modo loquitur de dilectione naturalium angelorum verum adhuc isti auctores negant, quod illa dilectio naturalis habeat pro ultimo fine creaturam: quoniam qui illo modo diligunt Deum non ideo dicuntur diligere eum propter seipsos quia delectentur in suo esse & velint frui eo, sed quoniam diligunt Deum propter sui conseruationem. Et eandem sententiam videntur sequi **GREGO.** in secunda distinctione 19. quæstione vnica articulo primo conclusiones 2. & **CAPREO.** eadem distinctione quamvis propter aliud fundamentum, scilicet, quia existimat hominem in illo statu non posse cum solo concursu generali, & sine auxilio speciali facere aliquid opus moraliter bonum, ut retuli art. C præcedenti.

ET PROBATUR hæc sententia primo quia si homo in statu naturæ integre absque particulari auxilio poterit diligere Deum in quantum est finis, & author naturæ, ergo etiam poterat in eodem statu cum solo concursu generali, saltem posita prædicatione seu cognitione fidei, qua intelligebat Deum esse autorem & finem gratiæ; & obiectum beatitudinis supernaturalis diligere ipsum consideratum secundum istam rationem. *Patet consequentia*, quia tanto est facilius actus amandi, quanto plures rationes amandi proponuntur ex parte obiecti, quia tanto magis allucitur & mouetur ad amandum: sed quando Deus cognoscitur ut author & finis gratiæ, proponuntur voluntati maiores, & plures rationes diligendi ipsum, quam cum solum cognoscitur ut author & finis naturæ, quia non

A solum proponuntur rationes naturales, & beneficia naturalia; sed etiam rationes gratiæ, & amicitia diuinæ, & beneficiorum supernaturalium, quæ sunt longe præstantiores; ergo multo facilius est amare Deum cognitum, ut est author & finis gratiæ quam ut est author & finis naturæ, & ex consequenti si dilectio Dei cogniti secundum hanc posteriorem rationem erat tam facilis homini in illo statu, ut non indigeret ad eam speciali auxilio maiori ratione esset tam facilis ipsi dilectio Dei cogniti, ut est author & finis gratiæ.

Confirmatur primo, quoniam difficultas in actu efficaci diligendi Deum super omnia aut provenit ex ratione diligendi, vel obiecto formali, scilicet ex bonitate diuina, aut ex modo diligendi, scilicet ex eo quod est dilectio super omnia: sed ex priori capite non esset homini in illo statu difficultas diligere Deum, ut est author & finis gratiæ, quam ut est author & finis naturæ ut iam probauimus neque etiam ex posteriori, quia secundum utramque rationem proponeretur Deus ut diligendus super omnia, & ut præferendus omnibus alijs diligibilibus; ergo nulla ex parte esset homini in illo statu difficultas diligere Deum, ut est author & finis gratiæ, quam ut est author & finis naturæ, & ex consequenti si cum solo concursu generali poterit hoc secundum, etiam possit cum eodem concursu primum.

Confirmatur secundo, quia sequitur quod videns Deum etiam si non haberet habitum supernaturalem voluntatis; neque vllum auxilium speciale pertinens ad voluntatem possit diligere Deum, ut est obiectum beatificum. *Probatur sequela* eadem ratione, nam ille cognosceret euidentissime & clarissime plures rationes & maiores diligendi Deum quam homo in illo statu per lumen naturæ.

SECUNDO dilectio Dei super omnia est vltima dispositio ad gratiam ergo si homo in illo statu viribus naturæ poterit diligere efficaciter Deum super omnia, etiam poterit eisdem viribus disponere se ad gratiam, quod est Pelagianum. *Probatur antecedens*, quoniam ut doctores communiter docent vltima dispositio ad gratiam est ad quam infallibiliter eodem instanti subsequitur gratia; sed ad dilectionem efficacem Dei super omnia infallibiliter subsequitur gratia, siquidem per eam homo refert se & omnia sua in Deum, & facit quod in se est, ut obtineat gratiam, ergo est vltima dispositio ad gratiam.

TERCIO homo habet naturalem inclinationem ad diligendum se plus quam Deum; ergo non poterat viribus naturæ in statu naturæ integre diligere Deum plus quam seipsum; ergo neque poterat diligere efficaciter Deum super omnia.

Hæc secunda consequentia patet, quoniam ut aliquis diligit isto modo Deum requiritur quod præferat eum cunctis diligibilibus, & ubi ipse ut est dictum in tertio notabili, quod tamen facere non potest qui diligit se plus quam Deum: Et prima etiam patet in eo quia op-

positum

§. 3. Respondetur ad argumenta.

AD PRIMUM respondetur negando consequentiam, & ad probationem dicendum est quod si loquamur de voluntate considerando præcise secundum suam virtutem naturalem, & seclusa supernaturali, sicut in præsentī loquimur maior solum est vera quando fit comparatio inter rationes diligendi pertinentes solum ad ordinem naturæ non tamen si fiat comparatio inter rationes diligendi ex quibus aliquæ sint naturales, & aliæ supernaturales sicut contingit in casu argumenti, nam rationes diligendi Deum, ut est author & finis naturæ sunt naturales at vero rationes diligendi ipsum, ut est author, & finis gratiæ, & obiectum beatificum sunt supernaturales, & ratio huius discriminis est duplex.

Prima & quasi radicalis est, quod quando rationes diligendi sunt ordinis naturalis, tunc omnes constituunt obiectum formale dilectionis naturale. Et ex consequenti proportionatum virtuti naturali voluntatis hoc est eiusdem ordinis cum ipsa, & ideo quanto huiusmodi rationes diligendi sunt præstantiores, tanto voluntas in natura integra potest facilius diligere ipsum, quia tanto magis reluctet in obiecto ratio obiecti non solum terminativi aut specificantis, sed etiam motivi aut proportionati respectu voluntatis scilicet ratio boni connaturalis.

Dixi in natura integra, quoniam in statu naturæ corruptæ multa impedimenta habet voluntas propter quæ non potest tanto facilius diligere efficaciter aliquod obiectum, quanto proponitur ut magis ac præstantius bonum etiam intra ordinem naturæ sicut sæpe supra explicatum est exemplo virtutis actiue hominis sani & infirmi de quo dicam dubijs sequentibus. At vero quando ex rationibus diligendi quædam sunt naturales; & aliæ supernaturales, illæ quæ sunt supernaturales non constituunt obiectum formale dilectionis naturale, sed supernaturale; & ex consequenti improporcionatum virtuti naturali voluntatis etiam in statu naturæ integræ, & ideo licet sint præstantiores quam rationes naturales non potest voluntas viribus naturæ diligere obiectum quatenus proponitur ut diligendum propter eas, quatenus possit diligere ipsum quatenus proponitur ut diligendum propter rationes naturales, quia ista maior præstantia rationum supernaturalium extrahit obiectum à latitudine obiecti proportionati, & connaturalis virtuti naturali voluntatis & transfert ipsum ad ordinem obiecti supernaturalis, & excedentis illam virtutem, quia causat in ea bonitatem, & ex consequenti diligibilitatem supernaturalem.

Et ex hac ratione discriminis provenit se-

A *cunda*, scilicet, quod quia quando rationes diligendi sunt naturales, satis est quod actus dilectionis, qui terminatur ad ipsas sit naturalis. At vero quando sunt supernaturales requiritur quod actus qui formaliter terminatur ad eas sit secundum substantiam, & entitatem supernaturalem, ideo quando augmentum in rationibus diligendi sit intra ordinem naturæ sufficit concursus generalis, cum virtute naturali voluntatis ad eliciendum dilectionem, & propterea quanto maiores sunt huiusmodi rationes tanto facilius potest voluntas elicere actum diligendi saltem in statu naturæ integræ, quando tamen augmentum sit ascendendo ad rationes diligendi supernaturales non sufficit concursus generalis ad eliciendum dilectionem, sed requiritur auxilium supernaturale, & propterea quamvis istæ rationes diligendi sint maiores quam naturales non sequitur, quod voluntas virtute propria possit facilius diligere obiectum, ut diligibile propter eas quam ut diligibile propter rationes naturales; quia voluntas neque facile, neque difficile potest virtute propria, & cum concursu generali elicere actum, qui sit secundum suam substantiam, & entitatem supernaturalem.

Et si obijcias, quod saltem sequatur potuisse hominem in statu naturæ integræ, cum solo concursu generali diligere efficaciter Deum super omnia etiam ut est obiectum supernaturale, quia supposita in intellectu manifestatione & persuasionem ipsius obiecti supernaturalis, siue per fidem infusam, siue per acquisitam nulla est ratio cur voluntas maneret suspensa, & non possit elicere actum dilectionis circa ipsum.

Respondetur negando sequelam, & ad probationem dicendum est, quod in illo casu homo possit elicere aliquam dilectionem circa Deum ita cognitum ceterum ista dilectio quantum terminaretur aliquomodo ad Deum in quantum est obiectum supernaturale, quia terminaretur ad ipsum præsupposita persuasionem, quod est obiectum supernaturale, tamen solum terminaretur ad eam secundum istam rationem materialiter, & non formaliter quia cum actus, & obiectum formale debeant proportionari non potest Deus habere formaliter rationem obiecti supernaturalis in quantum est obiectum dilectionis naturalis, itaque sicut assensus quo hæreticus qui errat circa aliquem articulum fidei assentitur alijs, terminatur ad eas aliquo modo ut sunt supernaturales, qui terminatur ad eas supposita persuasionem, quod sunt veritates supernaturales, & tamen non terminatur formaliter ut sunt supernaturales, sed materialiter tantum, & ut substantiæ cuidam rationi formali assentiendi naturali, & humanæ; sic etiam dicendum est in nostro casu dilectionem terminari ad obiectum supernaturale materialiter, & ut substantiæ cuidam rationi formali diligibilitatis naturali.

Et si quæras, quamnam sit ista ratio for-

malis.

lis. *Respondetur* esse rationem magni cuiusdam boni vel benefactoris quæ licet sit singularis & individua, quoniam terminat ut applicata obiecto materiali singulari actu voluntatis tamen consideratur sine determinatione ad bonum naturale vel supernaturale, quoniam intellectus neque affirmat expresse esse magnum bonum naturale, quia decipitur neque esse supernaturale, quia voluntas non posset diligere ipsum & hæc ratio ita sumpta est sufficiens, ut propter eum voluntas diligat aliquod obiectum, quia est sufficiens ad fundandum diligibilitatem, quæ possit mouere voluntatem, sicut eadem ratio ut applicata alicui bono creato, cuius perfectio non potest nobis satis explicari, verbi gratia, dulcedini spirituali est sufficiens, ut propter eum diligamus vel appetamus illud bonum creatum, & quamvis ista ratio consideretur sine determinatione ad bonum naturale vel supernaturale, tamen vere est naturalis, & est obiectum proportionatum virtuti naturali voluntatis, quoniam in formali conceptu magni boni aut benefactoris non includatur aliquid supernaturale, & ita experitur naturaliter nos excitari ad appetitum vel amorem obiecti, quod nobis proponitur sub ratione magni boni quod intelligitur hoc exemplo: si quis velit explicare homini delictum lumine supernaturali aliquas veritates esse supernaturales, aut aliqua bona esse supernaturalia, efficacia hoc si dicat illas veritates quas ipsi proponit esse excellentes, & superantes capacitatem naturalem intellectus, & illa bona esse adeo magna, ut excedant omnia bona naturalia, ergo ratio veritatis excellentis, ut sic aut magni boni non est formaliter supernaturalis, sed naturalis; *pateat consequentia*, quoniam alias non posset ille homo cum solo lumine naturali iudicare hoc ita esse. An vero in nostro casu intellectus vno actu fidei supernaturalis assentiat huic veritati, quod Deus clare vultus est finis ad quem Deus sua gratia ordinavit homines, & simul iudicat esse magnum bonum & dignum amari, & ita mouet voluntatem, ad dilectionem naturalem, vel potius iudicat ista duo duobus actibus, quorum vnus sit supernaturalis, & terminatur ad primum formaliter & aliter naturalis, & terminatur ad secundum formaliter, & ad primum materialiter, & hoc secundo mouet voluntatem, non est hoc loco disputandum, & mihi facilius videtur hoc secundum, quia ita seruatur melius proportio inter mouens & mobile, & inter proportionem obiecti amabilis, & actum potentie appetitiuæ.

Verum in exemplo proposito est aduertendum quod non negamus rationem veritatis excedentis capacitatem naturalem intellectus aut boni superantis omnia bona naturalia esse supernaturalem reipsa, sed solum in esse conceptu, hoc est quantum ad modum quo concipitur ab eo, qui est destitutus lumine supernaturali, quoniam iste totum illum excessum concipit proportionando ipsum cum excessu qui repetitur inter veritates naturales,

aut inter bona naturalia, & quamvis dicatur verbi gratia, illud bonum quod proponitur esse maius cunctis naturalibus tamen in exitu, dum concipitur huic excessum non transgreditur ordinem nature.

AD PRIMAM CONFIRMATIONEM
Respondetur, quod difficultas in dilectione efficaci Dei super omnibus loquitur de voluntate considerata sine auxilio gratie, non prouenit ex eodem capite in dilectione Dei, ut est author & finis nature, & in dilectione ipsius ut est finis supernaturalis; nam in priori non prouenit ex bonitate obiecti, quoniam terminatur ad bonitatem naturalem, & ex consequenti proportionatam voluntati, sed ex modo dilectionis; scilicet quia debet esse dilectio efficaciter super omnia, atque adeo debet includere illa omnia que supra recensuimus, & quoniam illa omnia non excedunt absolute & in quocunque statu vires voluntatis, quia non excedunt statum nature integre, sed in alijs statibus ut postea dicemus, ideo illa dilectio est possibilis voluntati cum solo concursu generali in isto statu, & non in alijs.

At vero in posteriori dilectione prouenit ex bonitate obiecti, scilicet quia ut explicus terminatur ad bonitatem supernaturalem, & ex consequenti disproportionatam virtuti naturali voluntatis, & quoniam bonitas supernaturalis est disproportionata virtuti naturali absolute & secundum suam naturam, ideo voluntas in nullo statu potest cum sola virtute naturali elicere actum, qui ad ipsum formaliter terminetur, & ex consequenti, neque in statu nature integre potest aut facile aut difficile diligere efficaciter ipsum super omnia, quia ad diligendum ipsum hac modo præsupponitur tantquam fundamentum posse habere ipsum pro obiecto; quare dato hoc impossibili quod voluntas humana posset viribus nature elicere dilectionem qua terminaretur formaliter ad Deum, ut est finis supernaturalis, concedendum esset consequenter, quod in statu nature integre posset diligere efficaciter ipsum super omnia, etiam ut est finis supernaturalis, quia in illo casu virtus nature esset proportionata illi obiecto, & præterea esset integra & non infirma neque impedita.

AD SECUNDAM CONFIRMATIONEM
Respondetur, negando sequelam si consequens intelligatur de dilectione que terminaretur formaliter ad Deum, ut est obiectum beatificum.

Et ad probationem dicendum est, quod rationes diligendi Deum, ut est tale obiectum, quas cognosceret homo videns Deum non essent in illo casu voluntati proportionatæ propter celsitudinem & superexcellentiā ipsarum. Quomodo vero homo in illo casu posset diligere Deum, propter illas rationes supernaturales explicandum est iuxta ea que dixi in solutione argumenti de homine in statu nature.

integritate cognoscere Deum ut est finis supernaturalis.

AD SECUNDVM ARGVMENTVM responderetur negando antecedens, si intelligatur de dilectione naturali, quæ terminatur ad Deum, ut est author & finis naturæ de qua nos loquimur, quoniam dispositio vltima ad aliquam formam est ei proportionata, & eiusdem ordinis cum ipsa, & ideo sicut gratia est quædam forma supernaturalis, ita etiam vltima dispositio ad ipsum debet esse supernaturalis.

Et ad probationem illius antecedentis est dicendum imprimis supponi in ea aliquid repugnans sententiæ quam defendimus, scilicet ad actum dilectionis naturalis subsequi gratiam, atque adeo hominem qui eam elicit esse ordinatum in finem supernaturalem quod aperte repugnat sententiæ quam defendimus. Nam supposito quod homo sit ordinatus in finem supernaturalem, etiam si sit in statu naturæ integræ, non potest habere hanc dilectionem de qua loquimur sine auxilio supernaturali, quia hæc dilectio in illo casu includit adimplerionem præceptorum supernaturalium, ut constabit ex ijs quæ dicemus dubio tertio.

Deinde admissu quod posset eum habere responderetur non satis esse ut aliquis actus sit vltima dispositio ad gratiam quod ad eam infallibiliter & in eodem instanti sequatur gratia, sed ulterius requiri quod ut subsequatur non sit necessarius concursus aut interuentus alterius posterioris dispositionis, at vero quamvis posita illa efficaci dilectione naturali Dei super omnia sequeretur infallibiliter gratia, tamen non sequeretur sine concursu actuum supernaturalium fidei, spei, & charitatis, quibus homo disponeretur ad eam, & ad huiusmodi actus non sufficerent vires naturæ, sed necessarium esset auxilium supernaturale, quod Deus præberet homini in eodem instanti quo haberet prædictam dilectionem, sicut dici solet communiter à doctoribus de homine in primo instanti vsus rationis conuerrente se in Deum finem naturæ.

Est autem aduertendum, quod non daretur tunc homini auxilium supernaturale ex vi illius dilectionis naturalis, neque tanquam meriti, neque tanquam dispositionis, sed ex misericordia & bonitate Dei, cum vero etiam in statu naturæ lapsæ quotiescunque homo viribus suæ naturæ facit quod potest ut se conuertat in Deum, detur ei in eodem instanti auxilium supernaturale ut se disponat perfecte ad gratiam & obtineat eam dicendum est infra.

AD TERTIVM RESPONDETUR negando antecedens ut probari solet apud DIVVM THOMAM locis citatis in principio huius articuli, in quibus diximus ipsum docere oppositum. Et ad primam probationem dicendum est, quod quamvis ad dilectionem requiratur quod obiectum pertineat aliquo modo ad diligentem, & habeat aliquam unionem cum eo non sufficit hoc, sed ulterius requiritur bonitas obiecti quæ quo maior est eo plus movet, si autem fiat comparatio in his duobus

inter proprium suppositum diligentis & Deum licet proprium suppositum vincat in priori conditione, quoniam vnitur cum diligente per identitatem, & Deus solum sicut causa dans ei esse & sicut bonum vniuersale, & totale cum particulari & partiali, tamen vincitur in posteriori: & quia ita vincitur ut excessus in vniione compensetur, & superetur per excessum in bonitate, ideo maior vnitas, quam homo habet secum, quam cum Deo, non impedit, ne naturaliter magis inclinetur ad diligendum Deum quam seipsum. Et ad secundam probationem dicendum est, ex nullo illorum testimoniorum posse colligi aliquid, contra nostram sententiam; nam sensus prioris est, ut aliquod obiectum sit alicui amabile, debere esse bonum ipsi, quod est esse bonum pertinet ad ipsum; ex quo non sequitur, tanto aliquod bonum esse magis amabile, quanto magis pertinet ad amantem: quia supposito, quod pertineat ad ipsum, potest ratione maioris bonitatis esse magis amabile, ut explicui. Et in posteriori testimonio solum loquitur ARISTOTELES de operibus pertinentibus ad amicum, qui est bonum quoddam particulare, cuiusmodi est quicumque homo: non autem de pertinentibus ad amicum, qui est bonum vniuersale, cuiusmodi est Deus, ut exponit ipsum DIVVS THOMAS secunda secundæ, quæstione vigesima sexta, articulo tertio ad primum; & sensus eius est, opera quæ erga amicos fieri debent, mensuranda esse ex ijs, quæ vnusquisque circa seipsum agit: ita ut eum dicamus esse alteri vere amicum, qui eadem ei vult, & exoptat, quæ sibi ipsi. Et ad tertiam probationem dicendum est, quod facta illa suppositione, esset rationi consonum, quod homo eligeret potius proprium esse, quam esse Dei, quia in illo casu non penderet per se à Deo, siquidem posset permanere in suo esse non manente Deo in suo; & ex consequenti Deus non esset vniuersale bonum neque Deus.

Neque ex hoc sequitur, quod homo non habeat naturalem inclinationem ad diligendum Deum plus quam seipsum; quia ad diligendum hoc modo Deum non est necesse, velle potius permanere esse diuinum, quam suum, etiam posita illa conditione, qua aufertur ratio propter quam Deus ita diligitur, scilicet quia est bonum vniuersale.

AD VLTIMVM RESPONDETUR, negando minorem, si intelligatur de obseruatione præceptorum naturalium, & de homine quatenus præcise erat constitutus in statu naturæ integræ, sine ordinatione in finem supernaturalem, sicut nos loquimur de ipso, cum dicimus, potuisse elicere efficacem dilectionem Dei super omnia, ut explicui in solutione secundi argumenti; & ad primam probationem, dicendum est, quod (ut optime aduertit MOLINA in concordia liberi arbitrii cum gratiæ donis, disputatione quarta, ad articulum decimum-tertium, quæstionis 14.) consilium in illo capite intendit definire hanc conclusionem aduersus Pelagianos: Homo salutem spirituales, quam amisit, recuperare non potest sine gratia;

hoc

hoc est, sine supernaturali Dei adiutorio, ut autem eam probaret, præmisit verba, quæ in argumento obijciuntur. Cæterum sicut conclusio intelligitur de recuperatione illius salutis, quam homo amisit per peccatum, quæ proculdubio fuit supernaturalis, quamvis simul etiam amisit integritatem naturalem: ita etiam illa verba debent intelligi de conseruatione eiusdem salutis; quod videtur aperte significasse concilium, cum distinxit eam salutem, de qua loquebatur, ab integritate naturæ. Quare sensus illorum verborum est, quod natura humana, etiam in illa integritate (scilicet naturali, quæ fiebat per iustitiam originalem, quatenus perficiebat naturam in ordine ad finem naturalem) in qua est condita, permaneret, nullo modo seipsam, creatore suo non adiuuante, seruaret, scilicet in salute supernaturali. Quare ex illo testimonio solum potest colligi, quod homo, etiam in statu naturæ integræ, præter donum integrans naturam, indigebat adiutorio supernaturali Dei ad perseuerandum in salute supernaturali, quæ respiciebat finem supernaturalem. Ex quo satis aperte constat, non bene probari illam minorem in eo sensu, in quo à me est negata, & in quo debet accipi, ut sit ad propositum; quoniam ex eo, quod homo in statu naturæ integræ indiguerit auxilio gratiæ ad perseuerandum in salute supernaturali, non sequitur, quod etiam, si non esset ordinatus in finem supernaturalem, indigeret illo auxilio ad obseruationem omnium præceptorum naturalium, & ad perseuerandum in huiusmodi obseruatione. An vero concilium per adiutorium supernaturale, quo dicit, hominem indiguisse in illo statu, ut seipsum seruaret in salute supernaturali, intelligat solum habitus supernaturales, qui ei fuerunt infusi in creatione, ita ut huiusmodi habitus cum solo concursu generali fuerint tunc homini satis ad perseuerandum in illa salute; an potius adiutorium aliquod supernaturale distinctum ab illis habitibus, quod videtur verius; & an hoc dato intelligat per huiusmodi adiutorium, illud auxilium supernaturale, quod secundum legem ordinariam supernaturalem correspondet habitibus supernaturalibus, vel aliud donum supernaturale distinctum ab eo; postea est explicandum. Et ad secundam probationem respondetur, AUGUSTINUM in priori testimonio loqui de potentia ad vitandum omnia peccata, etiam contra præcepta supernaturalia: & quamvis loqueretur solum de peccatis contra præcepta naturalia, possit dici, quod per minus Dei, quo inquit datam fuisse homini potentiam ad vitandum ista peccata, intelligit donum iustitiæ originalis, quoniam hoc datum est ipsi à Deo liberaliter; & eisdem modis exponi possunt reliqua testimonia, præter secundum, quod exponi debet, sicut testimonium concilij: siquidem in utroque continentur eadem verba; & ad tertiam probationem dicendum est, DIVVM THOMAM ibi per auxilium Dei intelligere concursum generalem, quoniam statim inquit, quod eo substracto, etiam ipsa natura in nihilum decideret.

SECUNDVM DVBIVM EST.

Verum homo conditus in puris naturalibus posset cum solo concursu generali elicere illam dilectionem efficacem Dei super omnia, de quo loquimur in isto articulo?

§ 1. Affirmativa sententia fundamenta.

AD HOC MULTI respondent affirmatiue de quorum numero sunt HENRICVS quodlibero 4. quæstione vndecima, RICARD. in 2. distinct. 28. circa primum principale quæst. 3. in capite & ad secundum. SCOT. in 3. distinct. 27. quæstione unica paragrapho, quantum ad illum articulum ubi inquit, quod ex puris naturalibus potest quæcunque voluntas saltem in statu naturæ institutæ diligere Deum super omnia; ubi per statum naturæ institutæ videtur intelligere statum in puris naturalibus; nam non intelligit statum naturæ corruptæ per peccatum, quia peculiariter ad distinctionem huius status videtur uti hac forma loquendi: neque statum naturæ integræ, quoniam hunc statum solet appellare SCOTVS illo nomine, aut statum innocentie; & præterea quia quod homo potest, quatenus est in isto statu, non dicitur posse ex puris naturalibus, & DURANDVS in secunda distinct. 28. quæstione tertia, numero 10. & quæst. 4. numero sexto, quibus locis aperte concedit posse hominem sine gratia præstare ea quæ diximus includi in hac dilectione, scilicet vitare omnia peccata mortalia contra præcepta iuris naturalis, & adimplere omnia ista præcepta, & quamvis expresse solum videatur excludere necessitatem gratiæ habitualis, tamen ex eius rationibus & modo loquendi colligitur quod excludat omne adiutorium distinctum à virtute naturali voluntatis præter concursum generalem. ABULENSIS super caput decimum-nonum Matthæi quæst. 177. & omnes qui hoc ipsum affirmant de homine in statu naturæ corruptæ, quos referam dubio sequenti.

ET PROBATVR HÆC SENTENTIA primo, quia homo habet naturalem inclinationem ad diligendum Deum super omnia; ergo si crearetur in puris naturalibus posset cum solo concursu generali & sine auxilio gratiæ reducere in actum hanc inclinationem eliciendo actum quo diligeret Deum super omnia. Antecedens suppono ut certum ex ijs quæ dici solent apud DIVVM THOMAM locis citatis in prin-

capio huius articuli. Et probatur late à VICTORIA in relectione de homicidio numero decimo; & *consequentia* probatur tum quoniam alias illa inclinatio naturalis esset frustra, siquidem nullo modo posset reduci in actum, quoniam ille status non includeret auxilia gratiæ quæ ad id essent necessaria, *tum etiam* quia inductione constat nullam esse inclinationem ad actum naturalem, & ad obiectum naturale cuiusmodi est ista de qua loquimur, quæ nullo modo possit per vires naturæ reduci in actum.

Et tandem quia Deus ut author naturæ imprefit homini hanc inclinationem, ergo etiam ut auctor naturæ dat ei vires ad exercitium sui actus, & ex consequenti ad hoc non requiritur auxiliū gratiæ; *pater ista consequentia* quoniam oppositum consequentis repugnat perfectioni & suauitati providentiæ quam Deus ut est auctor naturæ, habet circa res à se creatas.

Neque potest responderi hanc inclinationem in illo statu esse infirmam aut impeditam, & ideo non posse viribus naturæ reduci in actum, quia non est infirma aut impedita propter peccatum, cum ille status neque includat aliquid supernaturale, neque peccatum: neque propter appetitum sensitiuum, quia licet appetitus sensitiuus impediat aliquo modo illam inclinationem non reddit omnino impossibile exercitium ipsius, quoniam alias ab intrinseco & à sua institutione haberet natura humana, quod illa inclinatio esset in ea frustra.

Neque etiam potest responderi animam rationalem cum est à corpore separata habere naturalem inclinationem ad corpus, & non posse suis viribus reducere eam in actum, quoniam est longe diuersa ratio, quia inclinatio animæ non est actiua, sed formalis & quasi passiuæ, scilicet ad hoc ut ab alio vniatur, at vero inclinatio de qua loquimur, est actiua & ad obiectum sibi connaturale, & proportionatum, & ad actum etiam secundum propriam speciem, & substantiam naturalem.

SECUNDO HOMO conditus in puris naturalibus haberet præceptum diligendi Deum super omnia, quia tunc esset tota ratio quæ est fundamentum huius præcepti, scilicet Deum esse authorem & conseruatorem, & vltimum finem ipsius; & præterea quia proculdubio teneretur diligere Deum, quare cum non æqualiter cum rebus creatis, neque minus quam eas, quia vtrumque esset inordinatum, dicendum est quod teneretur diligere Deum super omnia creata, ergo posset ita diligere ipsum, quoniam alias Deus præciperet ipsi aliquid impossibile, quod est blasphemum, ut constat ex CONCILIO TRIDENTINO sessione 6. decreto de iustificatione cap. 11. & tamen non posset viribus gratiæ, quia neque haberet eas, neque posset habere ex suppositione status, ergo posset viribus naturæ.

Ad hoc respondent aliqui satis esse quod præceptum hoc possit aliquo modo adimpleri, scilicet viribus gratiæ, ut ratione eius non dicatur Deum præcipere aliquid impossibile.

Sed contra quia si homini condito in puris naturalibus imponeret Deus præcepta supernaturalia præciperet impossibilia, quia homo in

illo statu, neque haberet neque posset habere vires gratiæ, quæ sunt necessariae, ad adimplenda huiusmodi præcepta, ergo similiter ratione huius præcepti diceretur Deus præcipere impossibilia, quamuis posset adimpleri viribus gratiæ, quia etiam respectu huius præcepti, non haberet homo in illo statu vires gratiæ.

Item CONCILIUM TRIDENTINUM loco citato explicans qua ratione Deus non præcipiat impossibilia, ita inquit: *nam Deus impossibilia non iubet, sed iubendo monet, & facere quod possis, & petere quod non possis, & adiuvat ut possis.* Ex quibus verbis aperte constat quod ut Deus non præcipiat impossibilia, non satis est quod aliqua virtute supernaturali possint fieri ea quæ iubet, sed requiritur quod homo possit habere hanc virtutem.

Dices quod homo possit obtinere has vires gratiæ à Deo, quia posset facere quod in se esset viribus naturæ, ut se conuerteret in Deum, & tunc Deus conferret ei huiusmodi vires.

Sed contra quia etiam si homo conditus in illo statu faceret quod in se esset non conferret ei Deus vires gratiæ, quoniam gratia neque ratione alicuius meriti ex parte hominum neque ratione alicuius legis, aut promissionis vel misericordiæ ex parte Dei haberet connexionem cum illo statu, aut cum aliqua eius operatione, alioqui non esset dicendus status in puris naturalibus; aut saltem homo dum in eo maneret non posset adimplere illud præceptum; si quidem statim ac haberet gratiam non esset in puris naturalibus, & ex consequenti intra limites illius status esset impossibile adimplere illud præceptum.

Neque potest responderi, quod impleteret illud præceptum faciendo quantum posset viribus naturæ ut se conuerteret in Deum, quia ut iam probauimus etiam in illo statu homo obligaretur ad diligendum Deum super omnia.

TERTIO HOMO in illo statu cum solo concursu generali posset intellectu iudicare diligendum esse Deum super omnia, ergo cum eodem concursu posset voluntate ita diligere ipsum. *Antecedens* patet ex ijs quæ dixi articulo primo; & *consequentia* probatur, quia voluntas non haberet tunc minores vires ad eliciendum illum actum, quam intellectus ad iudicandum esse eliciendum, & præterea voluntas haberet naturalem inclinationem ad eum, ut dictum est in primo argumento.

Ad hoc aliqui respondent antecedens solum esse verum de iudicio speculatiuo non autem de practico, quod requiritur ut voluntas operetur.

Sed contra quia iudicare practice nihil aliud est, quam iudicare hic & nunc in particulari aliquid esse faciendum, aut esse conueniens, sed homo in illo statu cum solo concursu generali posset iudicare hic & nunc & adhibere omnibus circumstantijs requisitis esse diligendum Deum super omnia; quia non esset difficile iudicare hoc ita in particulari quam abstracte, & etiam videretur colligi ex ijs quæ dicta sunt articulo primo, ergo etiam posset iudicare hoc practice.

Alij respondent negando consequentiam, quia maiores vires requiruntur ad faciendum, & ex consequenti ad volendum efficaciter facere aliquid, quam ad iudicandum esse faciendum.

Sed contra quia nihil potest intellectus naturaliter dictare esse faciendum in quod quatenus ita dictatum non possit voluntas naturaliter tendere, & alias voluntas non esset libera ad prosequendum quodcumque bonum sibi ostensum naturaliter per rationem.

Item quia si requiruntur maiores vires in voluntate, vel hoc provenit ex aliqua depravatione voluntatis, & hoc dici non potest præsertim in nostro casu in quo loquimur de homine in puris naturalibus, *tum quia* homo esset sine peccato aut vicio depravante voluntatem, & alias voluntas esset naturaliter depravata, *tum etiam* quia voluntas in illo statu quantum esset de se, non haberet maiorem depravationem, aut minores vires quam in statu naturæ integræ: *aut provenit* ex aliquo impedimento, scilicet ex appetitu sensitivo, & alijs tentationibus extrinsecis, & neque hoc dici potest, quia ista impedimenta non semper occurrunt, neque in quocumque instanti, & quando occurrunt licet reddunt actum difficiliorem, non reddunt eum simpliciter impossibilem, quia quamdiu non absolvetur usus rationis nullis tentationibus aut passionibus ita impeditur voluntas ut non possit operari contra eas; & *advertendum est* quod non loquimur de collectione multorum actuum, neque de actu perseverante longo tempore, sed de actu quodam singulari & instantanea, aut durante brevi tempore.

QUARTO HOMO IN ILLO statu cum solo concursu generali posset diligere se plus quam omnia bona creata, & Deum plus quam se ergo cum eodem concursu posset diligere Deum super omnia. *Antecedens* quoad priorem partem satis notum est. & *quoad posteriorem probatur tum quia* posset diligere aliquod bonum creatum plus quam se, ergo & Deum *tum etiam*, quia posset exponere se morti propter Deum, sicut posset id facere propter honorem & voluptatem, & sicut ARISTOTELIS libro tertio Ethicorum, capite nono, inquit, quod vir fortis perferet vulnera & mortem, quando honestum est ea ferre vel turpe non ferre: & libro nono, capite nono, aut quod vir probus exponit se morti pro amicis, & pro republica, & pro honestate, & sicut hæreticus se exponit morti pro suo errore & gentilis pro falio Deo.

Neque potest negari quod qui exponit se morti propter Deum diligit magis Deum quam seipsum; *quia* quando ex duobus volumus unum non esse ut aliud sit magis diligimus id quod volumus esse, siquidem bonum ipsius præferimus bono alterius.

QUINTO SI DILECTIO de qua loquimur esset in illo statu omnino extra ordinem gratiæ, & non haberet connexionem aliquam cum supernaturali, ergo esset proportionata naturali virtuti liberi arbitrij, ergo posset libe-

rum arbitrium cum solo concursu generali elicere eam. *Antecedens patet*, quia illa dilectio haberet obiectum formale naturale, ut dictum est supra, & neque ratione sui haberet talem connexionem cum supernaturalibus ut patet, neque ratione subiecti, quoniam homo non esset ordinatus in finem supernaturalem. *Et prima consequentia etiam patet*, quia solum posset esse improporcionata, quia vel esset supernaturalis, vel haberet aliquam connexionem cum supernaturalibus. *Et secunda probatur*, quia nulla est causa naturalis cui non sufficiat concursus generalis ad effectum vel actum sibi proportionatum & connaturalem.

Dices dilectionem illam quamvis esset proportionata virtuti naturali liberi arbitrij in hoc sensu, quod esset eiusdem ordinis cum ea, scilicet ordinis naturalis, non tamen esse perfecte & omnino proportionata, quoniam est actus difficillimus in quantum includit saltem virtualiter multa ad quæ non sufficeret in statu virtus naturalis liberi arbitrij.

Sed contra quia licet tollere reipsa & longo tempore ea quæ repugnant amicitie cum Deo, sit difficillimum; tamen tollere ista omnia in aliquo instanti aut brevi tempore facillimum, & multo facilius est habere actum instantaneum volendi facere hoc.

ULTIMO PROBATUR hæc sententia testimonijs DIVI THOMÆ: nam imprimis in argumento sed contra, huius articuli, videtur supponere ut certum, quod primus homo si esset constitutus in solis naturalibus, ut quibusdam ponitur, posset diligere Deum super omnia.

Item articulo sequenti ad tertium solum negat quod homo ex puris naturalibus possit adimplere præceptum dilectionis Dei, secundum quod ex charitate adimpletur, & quodlibet. 1. articulo 8. docet expresse quod homo vel Angelus in puris naturalibus diligit Deum plusquam seipsum dilectione naturali.

§ 2. Homo in puris naturalibus posset elicere dilectionem Dei super omnia efficacem per auxilium non supernaturale, nec generale tantum, sed speciale naturale.

PRIMA CONCLUSIO. Homo constitutus in puris naturalibus non posset elicere dilectionem Dei, de qua loquimur cum solo concursu generali Dei. Ita tenet expresse CONRADVS in fine expositionis corporis huius articuli, & videtur supponere esse sententiam SANCTI THOMÆ: quia probat hoc ea ratione qua DIVVS THOMAS probat tertiam conclusionem articuli de homine in statu naturæ corruptæ, scilicet quia natura humana etiam in illo statu sequeretur bonum privatum propter naturalem inordinationem sensualitatis, & propter compositionem quam haberet ex ratione & sensualitate.

ET PROBATVR quoniam homo in illo statu non posset cum solo concursu generali vitare diu omnia quæ repugnant amicitia cum Deo, & efficere omnia quæ ad permanendum in ea essent necessaria, ergo neque posset cum eodem concursu elicere illam dilectionem Dei de qua loquimur. *Antecedens patet* quia vt omnes fatentur & infra ostendemus non posset diu vitare omnia peccata mortalia, & adimplere omnia præcepta collectivè sumpta. Et *consequentia* probatur quia vt dictum est in ultimo notabili, illa dilectio includit taliter virtualiter omnia ista.

Ad hoc respondent aliqui negando consequentiam, & ad probationem dicunt dilectionem illam non includere ista omnia reipsa & in executione, sed solum virtualiter tanquam propositum & volitionem faciendi ea, & esse multo difficilius facere aliquid reipsa quàm proponere aut velle facere, & ideo non recte colligi esse impossibile hoc secundum, ex eo quod primum sit impossibile.

Sed contra, quia voluntas quam includit dilectio de qua loquimur, est efficax respectu eorum omnium ad quæ diximus extendi ipsam dilectionem, ergo si virtus naturæ in illo statu non esset sufficiens cum solo concursu generali ad executionem illorum omnium, sequitur quod neque esset sufficiens ad eliciendam ipsam dilectionem. *Antecedens patet* ex ultimo notabili, vbi diximus dilectionem de qua loquimur esse quantum est de se efficacem respectu eorum ad quæ extenditur. Et *consequentia probatur*, quia voluntas non dicitur efficax, nisi quantum est de se sufficiat ad executionem respectu cuius dicitur efficax, ergo impossibile est quod virtus quæ non est sufficiens ad aliquam executionem, sit sufficiens ad eliciendam volitionem efficacem respectu ipsius, & propterea D. THOM. supra quæst. 10. art. 4. dixit actum externum non addere bonitatem aut malitiam supra internam efficacem.

Confirmatur, quia homo in statu naturæ corruptæ non potest cum solo concursu generali elicere hanc dilectionem de qua loquimur propter difficultatem quam continet ratione eorum quæ diximus includi in ipsa virtualiter vt ostendemus dubio sequenti: ergo neque in puris naturalibus possit cum eodem concursu elicere eam. *Patet consequentia*, quia vt dixi in principio huius materiæ homo conditus in puris naturalibus non haberet maiores vires, neque pateretur minorem difficultatem ex parte appetitus sensitivi, & bonorum sensibilium ad operandum bonum honestum, quam in statu naturæ corruptæ.

Alij respondent quod homo in puris naturalibus posset breui tempore vitare omnia quæ repugnant amicitia cum Deo, quia breui tempore posset adimplere omnia præcepta naturalia, & non haberet aliqua supernaturalia, & ex consequenti eodem tempore posset vitare omnia peccata mortalia quæ sola repugnant amicitia cum Deo, & in hoc dicunt differre hominem in illo statu ab homine in statu naturæ corruptæ, quoniam homo in isto statu, habet præcepta supernaturalia, quæ neque in vno instanti potest adimplere sine auxilio gratiæ.

Sed neque hæc solutio mihi placet *primo*, quia dilectio de qua loquimur, est quantum est de se & secundum propriam speciem sufficiens ad vitan-

A dum in executione omnia quæ repugnant amicitia, & non solum est sufficiens ad hoc pro tempore aliquo breui, sed etiam pro longo tempore & pro tota vita vt explicui in quarto notabili. *Secundo*, quia neque discrimen illud sufficit ad respondendum confirmationi, nam quamvis homo in statu naturæ integræ fuerit de facto ordinatus in finem supernaturalem, & habuerit præcepta supernaturalia docet D. THOM. quod cum solo concursu generali potuit diligere Deum super omnia, vt est author & finis naturæ, quia licet non potuerit cum solo isto concursu vitare omnia peccata mortalia simpliciter, siquidem non potuit vitare ea quæ opponuntur iuri supernaturali, tamen potuit vitare ea quæ directe opponuntur iuri naturali, ergo propter eandem rationem concedendum est, quod homo in statu naturæ corruptæ potest cum solo illo concursu diligere eodem modo Deum super omnia, si ad ita diligendum est satis posse cum illo concursu vitare breui tempore omnia peccata mortalia.

Verum in quo sensu debeat accipi ista sententia D. THOM. iam est explicatum aliqua ex parte dubio præcedenti, & explicabitur latius dubio sequenti; *Et tertio*, quia quod homo in puris naturalibus possit breui tempore cum solo concursu generali vitare omnia peccata mortalia, provenit ex eo quod breui tempore non occurrerent omnes occasiones peccandi mortaliter, sed similiter homini in statu naturæ corruptæ non occurrunt in quocunque breui tempore omnes occasiones peccandi mortaliter contra præcepta naturalia, neque aliqua peccandi contra præcepta supernaturalia, quia potest dari aliquod tempus pro quo nullum præceptum supernaturale obliget, neque sit aliquod motum ad peccandum contra supernaturalia; ergo etiam in statu naturæ corruptæ poterit homo cum solo illo concursu diligere Deum super omnia dilectione naturali efficaci.

Sed est obiectio contra rationem conclusionis, quia dilectio charitatis supernaturalis est efficax dilectio Dei super omnia quamvis auxilium supernaturale, qua elicitur non sufficiat ad vitandum longo tempore omnia quæ repugnant amicitia supernaturali cum Deo, sed ad hoc requiratur aliud auxilium speciale, ergo falsum est quod virtus naturæ quæ sufficit ad eliciendum efficacem dilectionem Dei naturalem de qua loquimur, debet esse sufficiens ad evitandum in executione omnia quæ repugnant amicitia cum Deo.

Respondetur negando consequentiam, & ratio discriminis est duplex, *prima* est, quod auxilium gratiæ à quo procedit dilectio supernaturalis est sufficiens quantum est de se ad vitandum omnia peccata, & tota difficultas executionis provenit ex imbecillitate naturæ humanæ, & ex parte appetitus; & ideo requiritur aliud auxilium quo superatur ista difficultas, at vero virtus naturæ à qua deberet procedere dilectio naturalis, non sufficeret ad hoc in illo statu quantum esset de se: *secunda* ratio est, quia in auxilio gratiæ quo homo convertitur in Deum per dilectionem supernaturalem continetur aliquo modo tanquam in radice eiusdem ordinis alterum illud auxilium quo homo indiget ad vitandum diu & per longum tempus omnia quæ repugnant amicitia supernaturali cum Deo, ita quod Deus semper præsto est conferre

nobis huiusmodi auxilium, neque nobis deest nisi per nos stetere, ut colligitur ex CONCILIO TRIDENTINO sessione sexta decreto de iustificatione cap. 11. & 13. at vero cum virtute naturæ humanæ non haberet hanc connexionem auxilium, quod in illo statu esset necessarium ad eundem effectum.

SECUNDA CONCLUSIO. *Homo conditus in puris naturalibus non indigeret auxilio supernaturali ad eliciendam istam dilectionem de qua nunc loquimur.* In hac conveniunt omnes præter auctores relatos dubio præcedenti pro parte negativa, & quantum ego intelligo, probatur satis efficaciter primo argumento & secundo ex ijs, quæ in principio huius dubij proposita sunt.

ULTIMA CONCLUSIO. *Ut homo conditus in puris naturalibus eliceret dilectionem de qua loquimur, indigeret auxilio Dei speciali, & distincto à concursu generali, tamen pertinente ad ordinem naturæ.* Ad explicationem & probationem huius conclusionis supponendum est ex articulo præcedenti, quod etiam intra ordinem naturæ possunt separari auxilia specialia, distincta, à concursu generali; & hoc supposito PROBATUR CONCLUSIO, quia sequitur aperte ex præcedentibus, nam si homo in illo statu non posset cum solo concursu generali elicere eam dilectionem de qua loquimur, neque ut eam eliceret indigeret auxilio supernaturali, bene sequitur quod indigeret aliquo auxilio naturali speciali, & distincto à concursu generali.

Sed quæres in quo consisteret tunc istud auxilium speciale, & quomodo distingueretur à concursu generali. Ratio dubitandi est, quod cum daretur ad singularem actum & non permanentem longo tempore, non consisteret in providentia particulati qua Deus removeret impedimenta, & offerret occasiones ad operandum, sicut dici solet de auxilio ad perseverandum in bonis operibus, sed esset concursus Dei ad illum actum, & ex consequenti nihil peculiare haberet propter quod distingueretur à concursu generali.

Et confirmatur primo, quoniam concursus Dei qui requiritur ut causæ naturales exercent operationes sibi connaturales est concursus generalis: sed dilectio de qua loquimur, esset connaturalis homini in illo statu, quoniam absolute est ipsi connaturalis, ut D. THOM. docet in hoc articulo: ergo concursus qui tunc esset necessarius, ut homo eliceret hanc dilectionem, esset concursus generalis.

Confirmatur secundo, quoniam iste concursus esset debitus naturæ humanæ in illo statu, ergo esset concursus generalis. Consequentia patet, quia concursus qui est debitus causis secundis ad operandum appellatur concursus generalis; & antecedens probatur quoniam natura humana sine isto concursu in illo statu esset manca & imperfecta, siquidem careret concursu necessario ad exercitium operationis præstantissimæ inter omnes sibi proportionatas & connaturales, & ex consequenti esset deterioris conditionis quam reliquæ naturæ creatæ: ergo deberetur ipsi huiusmodi concursus; patet ista consequentia, quoniam unicuique naturæ creatæ dicimus esse debitum id, quod requiritur ut non sit manca & imperfecta, sicut homini dicimus esse debitum habere duos pedes & duas manus.

AD HANC DIFFICULTATEM Respondetur, quod auxilium istud esset aliquid tenens se ex parte

A liberi arbitrij, quatenus in actu primo præsupponeretur saltem ordine naturæ ad exercitium illius dilectionis de qua loquimur. Quid autem esset hoc non eodem modo exponitur ab omnibus, nam quidam dicunt esse ipsum actum secundum quatenus in diversis generibus causarum vel secundum diversarum rationes formales, potest considerari ut prior & posterior.

Alij dicunt esse motionem quandam, vel applicationem voluntatis ad operandum; & tandem alij dicunt esse subordinationem liberi arbitrij ad Deum, sibi intime unitum & assistentem, sine ulla inhesionem aut informationem, quatenus ratione huius subordinationis vel unionis elevaretur liberum arbitrium, non quidem ad operandum supernaturaliter, sed ad eliciendum eum actum naturalem, quem proprijs viribus non posset elicere. Quod qua ratione sit intelligendum explicabo postea cum agam de auxilijs supernaturalibus. Et ex hoc patet solutio ad rationem dubitandi, nam auxilium quo liberum arbitrium fit potens in actu primo ad operandum, satis aperte distinguitur à concursu generali qui in nobis est ipsa actualis operatio quatenus procedit a Deo.

Et ad primam confirmationem responderetur, maiorem solum esse veram loquendo de causis naturalibus perfectis, & integris: nam si aliqua causa naturalis habeat aliquam infirmitatem non appellabitur concursus generalis ille qui requiritur ut exerceat operationem sibi connaturalem ad quam sit necessaria sanitas & integritas in operante, ut patet in auxilio quod requiritur, ut homo claudus currat velociter; & quoniam liberum arbitrium etiam in homine condito in puris naturalibus non esset sanum, sed infirmum & imbecillum, quamvis infirmitas in ipso non haberet rationem privationis, aut pænæ, sed negationis & conditionis naturalis, ut supra explicui; ideo auxilium quod requiritur ut eliciat hanc dilectionem de qua loquimur, quæ est actus naturæ sanæ & integre non appellatur, neque est concursus generalis.

Ad secundam confirmationem responderetur negando antecedens, & ad probationem responderetur, quod natura humana sine isto auxilio esset manca & imperfecta solum negative, non autem privative, & ideo non sequitur quod esset sibi debitum, sicut etiam non esset ipsi debita integritas quam habuit in statu innocentie, quamvis sine ea esset infirma & imperfecta, quia esset non integra: & quando dicimus esse debitum alicui naturæ id, quod requiritur ut non sit manca & imperfecta, sumimus has voces privative & non negative, ut patet in exemplis propositis.

§ 3. Solvantur argumenta proposita à principio.

AD PRIMUM ARGUMENTUM respondentaliqui concedendo antecedens, & negando consequentiam, & ad probationem dicunt, quod tunc natura humana esset impedita & infirma, ita ut non posset cum solo concursu generali reducere in actum secundum illam inclinationem naturalem non quidem propter peccatum, sed propter intrinsicam compositionem ex partibus habentibus inclinationes oppositas, saltem materialiter,

scilicet ex natura rationali & sensitiva, nam ratione huius compositionis non posset in executione vitare omnia quæ repugnarent amicitie cum Deo; atque adeo neque habere volitionem efficacem vitandi ea. Et quoniam peculiare est in natura humana inter omnes naturas creatas reperiri hanc compositionem, & ideo non mirum est si etiam sit hoc in ea peculiare, quod inclinatio naturalis non possit reduci in actum secundum cum solo concursu generali.

Neque tamen propterea sequitur quod ista inclinatio naturalis esset tunc frustra, *quoniam* non deesset tunc homini illud auxilium speciale ordinis naturalis quod in secunda & tertia conclusione diximus esse necessarium in illo statu ad eliciendum dilectionem de qua loquimur; & hoc pertineret ad providentiam & bonitatem Dei, quamvis non esset debitum ut statim explicabo.

Sed certe videtur difficile quod inclinatio activa naturalis ad actum singularem sine ullo impedimento aut diminutione præter id, quod habet ex sua institutione non possit reduci in actum cum solo concursu generali, *Et ideo aliter respondetur* distinguendo antecedens, si enim intelligatur de inclinatione quæ primario sit ad diligendum bonum in communi, siue indeterminatæ, & secundario ad diligendum Deum, tanquam bonum contentum sub bono in communi, verum est; si tamen intelligatur de inclinatione quæ primario sit ad diligendum Deum super omnia, falsum est, quia impossibile est eandem potentiam esse inclinationem primario ad aliquid commune, & ad particulare sub ipso contentum, & negari non potest voluntatem quæ in homine est inclinatio ad diligendum bonum esse primario inclinationem ad diligendum bonum in communi siue indeterminatæ.

Et negatur consequentia, & ad primam probationem dicendum est, quod ut aliqua inclinatio naturalis non sit frustra, satis est quod possit reduci in actum respectu aliquorum obiectorum ex ijs quæ secundario respicit, quamvis non possit respectu omnium. *Et ad secundam probationem* dicendum est, oppositum esse certum in inclinatione, quam habet intellectus noster ad cognoscendum substantias immateriales per proprias species quæ in hoc statu quo anima est corpori unita, non potest naturaliter reduci in actum, & in inclinationem qua materia unius cæli habet ad formam alterius cæli, aut ad formam rerum corruptibilium, & materia rerum corruptibilium ad formas celorum, supposito quod istæ materiæ non differunt specie inter se. *Et ad tertiam probationem* dici potest imprimis non esse necessarium, quod si Deus ut author naturæ impressit rebus creatis aliquas inclinationes, det etiam ut author naturæ media quibus possint reduci in actum respectu omnium obiectorum, quæ secundario respiciunt; sicut patet in exemplis propositis; & *secundo respondetur*, quod auxilium necessarium ut inclinatio naturalis illa reduceretur in actum in homine in illo statu non esset supernaturale sed naturale quamvis distinctum à concursu generali, & concederetur à Deo, quatenus est author naturæ, ut constat ex secunda & tertia conclusione.

AD SECVNDVM patet solutio ex secunda &

A tertia cōclusionē, vbi explicuimus qua ratione auxiliū quod in illo statu esset necessarium ad eliciendum istam dilectionem de qua loquimur, non pertinet ad ordinem gratiæ; sed ad ordinem naturæ, & nihilominus distingueretur à concursu generali.

Neque ex distinctione inter hoc auxilium & concursum generalem sequitur quod Deus obligans hominem in illo statu ad hanc dilectionem obligaret eum ad impossibile, quia cum hoc auxilium pertineret ad ordinem naturæ, etiam pertineret ad illum statum, & ex consequenti non esset homini impossibile habere ipsum, atque perinde vires requisitas ad istam dilectionem, & ad satisfaciendum suæ obligationi.

AD TERTIVM respondetur utramque solutionem ibi assignatam posse defendi, & ita *sequendo priore* negatur antecedens, si intelligatur de iudicio practico practice (cui soli respondet semper in voluntate facultas sufficiens ad executionem) & de dilectione Dei super omnia quæ sit perfecta & efficax, sicut nunc loquimur de ea, nam de inefficaci iam dixi supra posse elici viribus naturæ etiam ab homine existente in peccato mortali, & ex consequenti etiam intellectus poterit iudicare practice esse eliciendum.

Et ad probationem dicendum ad iudicium practicum practice non sufficere quod sit iudicium dictans hic & nunc, & in particulari faciendum esse aliquid, sed requiri ulterius quod dicat hoc cum subordinatione ad appetitum, qui est principium mouens quoad exercitium, nam cum proprium sit huius iudicii dirigere proxime, & sufficienter, ad exercitium operis necesse est quod aliquo modo subordinetur voluntati quæ primo mouet quoad exercitium. Et propterea CAJETANVS supra quæstione 57. art. 5. dixit, quod hoc iudicium & quoad esse, & quoad veritatem pender ab appetitu, neque modo disputo an ista subordinatio debeat esse ad actum secundum voluntatis, ut quidam dicunt, vel solum ad facultatem & vires voluntatis per modum actus primi qui nobis satis est & à nullo potest negari, quare licet homo constitutus in puris naturalibus iudicaret hic & nunc, & cum omnibus circumstantiis requisitis diligendum esse Deum dilectione illa de qua loquimur, tamen huiusmodi iudicium, non esset practicum practice, sed practicum speculative, quia non commensuraretur facultati appetitus ad eliciendum illam dilectionem, sed naturæ obiecti, sicut posito quod intellectus videret Deum in seipso, & voluntas nullum haberet auxilium supernaturale ad diligendum ipsum, quamvis intellectus iudicaret in particulari diligendum esse Deum formaliter quatenus est obiectum supernaturale, non esset huiusmodi iudicium practicum practice, sed solum practicum speculative, neque haberet veritatem per ordinem ad appetitum iudicantis, sed per ordinem ad rem ipsam cui commensuraretur.

Neque obstat quod articulo primo huius quæstionis dubio secundo, in fine primæ conclusionis dictum sit esse probabilius, quod homo viribus naturæ potest cognoscere quancunque veritatem naturalem practicam, & quod ibi loquamur de cognitione practica etiam in particulari, ut constat ex explicatione tituli illius dubij, quoniam ibi solum loquebamur de iudicio practico in particulari,

non autem de iudicio practico practice quamuis etiam illud iudicium particulare ad distinctionem vniuersalis quod etiam est practicum soleat appellari practicum practice; & *præterea* quamuis illud intelligeretur de iudicio practico practice, non debet extendi ad iudicium de quo nunc loquimur, quoniam ibi loquebamur de cognitione veritatis singularis, & de iudicio requisito ad operationem quæ omnino sit vna & singularis, ac vero iudicium de quo nunc loquimur, requiritur ad operationem quæ licet formaliter & actu sit vna, tamen virtute continet plures, vt explicatum est superius. *Sequendo vero posteriorem* solutionem *negatur consequentia*, & ad primam probationem dicendum est, quod vt voluntas sit libera ad sequendum quodcunque bonum sibi naturaliter ostensum per rationem satis est, quod possit hoc facere cum auxilio pertinente ad ordinem naturæ, quamuis huiusmodi auxilium debeat esse speciale & distinctum à concursu generali. Et *ad secundam probationem* respondetur, quod ratione infirmitatis supra explicatæ essent necessariæ maiores vires in voluntate, & hæc infirmitas in illo statu non esset deprauatio voluntatis, sed cōditio naturalis. Neque impossibilitas in voluntate ad eliciendū cum solo concursu generali dilationē de qua loquimur, proueniret ex passionibus aut rērationib. quæ actu occurrunt voluntati cum intellectus iudicaret esse eliciendum, sed ex omnibus quæ possent occurrere, quoniam ad vincendum omnes deberet esse sufficiens illa dilectio quantum esset ex propria ratione, & vires naturæ rationalis in illo statu non essent sufficientes ad producendum actum ita perfectum cum solo concursu generali, vt dixi in probatione primæ conclusionis.

Et hæc solutio habet fundamentum in D. THO. qui articulo præcedenti ad tertium inquit, magis esse corruptam naturam humanam per peccatum quantum ad appetitum boni, quam quantum ad cognitionem veri, nam consequenter videtur insinuare D. THO. quod etiam in puris naturalibus esset in homine infirmior vis appetitiua boni quam cognoscitiua veri.

AD QUARTVM respondetur negando *antecedens*, quoad secundam partem, scil. quod homo in illo statu posset cum solo concursu generali diligere Deum plus quam seipsum si hoc intelligatur de dilectione efficaci, quæ esset ex propria ratione sufficiens, vt si homo in ea permaneret potius eligeret relinquere non solum propriam vitam, sed etiam omnia bona quæ ad ipsum pertinerent quam recedere ab amicitia cum Deo.

Quod si de aia dilectione intelligatur non erit ad propositum ad inferendum conclusionem intentam quæ intelligitur de dilectione Dei super omnia quæ sit efficax & sufficiens quantum est de se ad totum hoc, quoniam de ea solum disputamus, vt sæpe dixi: Et *ad primam probationem* illius partis dicendum est quod quamuis homo posset diligere plus quam se aliquod bonum creatum, nõ sequitur quod etiam possit diligere Deum, non solum quia Deus est magis separatus à bonis sensibilibus quæ efficacius nos mouent, sed etiam quoniam dilectio boni creati non postulat, quod relinquantur omnia peccata mortalia quæ etiam connumerantur inter bona quæ pertinent ad ipsum hominē, quia motiui proprii quod committuntur

A est aliquod bonū appetitus sicut postulat dilectio Dei, & *eodem modo* respondendum est si quis ita argueretur: posset homo in illo statu diligere creaturam vltimum finem, sicut modo conuertitur ad eam vt ad vltimum finem, cum peccat mortaliter ergo & Deum. Et *ad secundam probationem* dicendum est, quod quamuis homo posset in illo statu cum solo concursu generali exponere se morti propter Deum non sequitur quod possit diligere ipsum plus quam se dilectione illa efficaci de qua loquimur, quoniam illa dilectio est, quantum est de se sufficiens vt homo relinquat non solum vitam, sed etiam omnia bona quæ ad ipsum possunt pertinere potius quam recedat ab amicitia cum Deo, & quamuis homo illo statu posset proprijs viribus primum, non sequitur, quod etiam posset secundū, quia primum est facere aliquod particulare opus bonum & breui tempore, secundum vero est facere omnia bona opera collectiue, & omittere omnia mala, & longo tempore aut toto vitæ tempore.

AD QVINTVM respondetur concedendo *antecedens*, & primam consequentiam, si in consequenti per esse proportionatum intelligatur esse eiusdem ordinis, & negando secundam consequentiā. Et *ad probationem* bene ibi responsum est. & addi potest quod natura humana habet hoc peculiare inter reliquas naturas creatas, quod componitur ex partibus & inclinationibus oppositis, scilicet materialiter; & ideo si produceretur in puris naturalibus haberet hanc imperfectionem & infirmitatem quod non posset cum solo concursu generali elicere omnem actum, qui esset eiusdem ordinis cum ipsa, saltem hunc de quo loquimur propter rationem ibi assignatam. Et *ad objectionem* in contrarium factam, dicendum est quod dilectio de qua loquimur, debet esse sufficiens quantum est de se ad tollendum omnia quæ repugnant amicitia cum Deo, & pro longo tempore aut pro tota vita.

AD VLTIMVM respondetur, quod D. THOM. in primo testimonio per hominem constitutum in solis naturalibus intelligit hominem cum integritate naturæ quæ proueniebat à iustitia originali, quatenus erat donum sanans naturam in ordine ad finem naturalem, & sine gratia gratum faciente; nam quoniam ista integritas computatur inter naturalia (vt supra explicui) ideo homo vt in ea constitutus, & sine gratia gratum faciente, recte potest dici constitutus in solis naturalibus, quia nihil habet quod non sit naturale, & ita interpretatur D. THOM. CONRAD. in explicatione eiusdem argumenti: & eodem modo exponendus est cum in secundo testimonio, videtur admittere aut non negare quod homo ex puris naturalibus potest adimplere præceptum diligendi Deum, quatenus est author & finis naturæ. Verum est quod aliqui dicunt præceptum illud, vt dicatur per lumen naturale non obligare ad dilectionem tam perfectam, sicut est ea de qua loquimur, & ita concedunt quod possit adimpleri cum solo concursu generali ab homine qui esset conditus in puris naturalibus sine illa integritate naturæ; sed de hoc forsā dicemus aliquid art. sequenti.

In ultimo testimonio impugnatur D. THOM. eos qui dicebant hominem vel angelum in puris naturalibus, naturali dilectione diligere seipsum plus quam Deum amore amicitia, & postea docet

creaturam rationalem habere naturalem inclinationem ad diligendum Deum plusquam seipsam amore intellectuali naturali, & id probat quia est omnibus creatoris communis inclinatio naturalis ad diligendum suo modo Deum plusquam seipsam, sicut in hoc articulo idem probat, ex quo tamen nihil sequitur contra nostram sententiam, quia non inquit D. THOM. quod homo in puris naturalibus posset cum solo concursu generali elicere illam dilectionem naturalem.

Item dici potest quod cum D. THOM. in illo loco loquatur eodem modo de homine, & de angelo, & angelus habeat suam naturalem integram, intelligit per hominem in puris naturalibus hominem cum integritate naturalis supra explicata & sine gratia.

ULTIMUM DUBIUM EST.

Verum homo in statu nature corruptæ possit proprijs viribus cum solo concursu generali elicere illam dilectionem Dei, de qua loquimur in hoc articulo?

§ 1. *Respondunt auctores pro parte affirmativa.*

AD HOC ALIQUI respondunt affirmative, de quorum numero sunt GABRIEL in 3. dist. 27. questione unica, art. 3. dub.

2. ALMAINVS eadem distinct. & questione in solutione secundi dubij propositi post octavam conclusionem, & LYCHARTVS eodem loco, qui omnes purant fuisse in eadem sententia, SCOTVS ibidem paragrapho istis ergo rationibus, verum est quod SOTO lib. 1. de natura & gratia cap. 23. & VEGA quest. 10. supra citata concordant SCOTVM sensisse oppositum, & id probant ex quodlibet 17. art. 1. eandem sententiam loquitur DYKANDVS, loci citatis dubio precedenti, & in 3. d. 17. q. 3. num. 8. vbi aperte loquitur de homine in statu nature corruptæ, & CAISTANVS in hoc articulo, quia solum negat hominem in statu nature corruptæ posse ex suis naturalibus Deum diligere super omnia quatenus dilectio Dei super omnia excludit omne peccatum tam mortale, quæ veniale, non tamen quatenus solum excludit peccata mortalia. Et clarior tomo primo opusculorum trise. p. 1. vbi etiam loquitur de dilectione Dei, quatenus est obiectum beatus finis supernaturalis. Et MOLINA in concordia liberi arbitrij cum gratia donis ad artic. 11. questionis 14. disputacione 14. membro 3. nam quamvis tam ibi quam membro 2. precedenti concedat requiri auxilium speciale ad efficacem dilectionem Dei super omnia, tamen per dilectionem efficacem intelligit eam, quæ reipsa habet ad iuncturam adimplerem præceptorum naturalium tota vi a tempore quo quis incipit hoc modo diligere Deum, ita ut non sit posita in simplici actu quo quis affectu Dei & amore statuit ea omnia ferre, sed dependeat ab actuali impletione eius, quod illo actu vel proposito est statutum, sicut tanquam à conditione, sine qua ille actus non fortiter ratione dilectionis efficacis Dei super

omnia, & præter hanc dilectionem Dei efficacem & alteram quæ explicatur ad modum actus conditionati & consili in velleitate, quæ quis est affectu amoris & dilectionis velle ferre mandata omnia, tamen simpliciter & absolute id non vult dici esse aliam dilectionem Dei super omnia quæ sit absoluta, quia consistit in voluntate absoluta, quæ quis ex eodem aff. aff. vult illud idem, & tamen sit inefficax propter defectum conditionis requisitæ, scilicet quia posset opere non complet id, quod proposuerat & hanc dilectionem si tantum terminetur ad Deum, ut est author & finis nature, & ad mandata naturalia dici posse elici ab homine in hoc statu cum solo concursu generali. Neque potest negari quod iste author sentiat hanc dilectionem esse efficacem in sensu quo nos sumus loquuti in hoc articulo, scilicet quantum est de se & secundum propriam speciem, præteritum cum quantum ad hoc comparat eam cum dilectione supernaturali charitatis, & eodem modo appelleret utramque absolutam & inefficacem.

PRO HAC SENTENTIA fere nulla sunt argumenta præter illa quæ dubio precedenti proposita sunt pro parte affirmativa, imo potissimum argumentum pro ea est, quod cum homo constitutus in puris naturalibus posset cum solo concursu generali ita diligere Deum, sequitur quod etiam in statu nature corruptæ id posset, quia vi dei in principio huius nature æquales sunt vires nature humane ad operandum bonum mortale in his duobus statibus.

AD SOLVTIONEM HUIUS DUBII supponendum est, quod loquimur de homine in statu nature corruptæ modo quo de facto est in tali statu, hoc est supposito quod sit caducus in finem supernaturalem, & talis huius solus habeat peccatum originale, sicut aliqui admittunt posse contingere in adulto, quamvis contrarium dicatur in cum D. THOM. supra in fine materiae de peccatis, sive simul habeat aliud peccatum personale mortale, aut solum illud condonato originali, siue eam careat utroque, & sit constitutus in gratia.

§ 2. *Ad dilectionem efficacem Dei super omnia, ut est finis nature, requiritur auxilium supernaturale.*

PRIMA CONCLUSIO. Homo in statu nature corruptæ non potest variis liberi arbitrij & cum solo concursu gratiæ alio diligere Deum super omnia dilectione naturali, de qua loquimur in hoc articulo: ita tenet ARVERENSIS in cap. 19. Matth. q. 177. SOTO lib. 1. de natura & gratia cap. 22. vbi inquit quod sicut homo in statu nature corruptæ non potest sine speciali auxilio adimplere omnia mandata, ita neque potest habere actum referendi legitime omnia in Deum, & in 4. distinct. 27. q. 2. artic. 5. Verum est quod iste author vt supra dixi videtur sentire quod huiusmodi actus includitur in executione ad impletionem omnium præceptorum & in priori testimonio dixit quod habet eam annexam vt circumstantialiam, & MAIOR eadem distinct. q. 1. & VEGA in opusculo de iustificacione q. 10. & lib. 6. supra CONCILIVM TRIDENTINVM cap. 18.

HAC CONCLUSIO aperte sequitur ex prima dubij precedenti, quoniam si homo constitutus in puris

in puris naturalibus non posset hoc facere, bene sequitur quod etiam in statu naturæ corruptæ non possit. Et probatur imprimis testimonio D. THOM. qui expresse hoc docet in tertia conclusione huius articuli. *Ad quod respondet imprimis CAJET.* intelligi de dilectione excludente omne peccatum tam mortale quam veniale.

Sed hæc expositio est contra mentem D. THOM. quoniam de eadem dilectione loquitur cum negat posse elici ab homine in hoc statu proprijs viribus, & cum concedit posse elici cum auxilio gratiæ sanantis naturam. Sed cum dicit hoc secundum non loquitur de dilectione excludente omnia peccata venialia, quoniam etiam cum auxilio gratiæ secundum legem ordinariam, & secluso privilegio non potest in hoc statu habere dilectionem Dei tam perfectam ut sufficiat ad vitandum omnia peccata venialia; ergo neque cum dicit primum.

Secundo respondet alij intelligi de dilectione firma & diuturna, non autem de momentanea aut permanente tantum brevi tempore, quasi hæc posterior sit possibilis in hoc statu per solas vires naturæ & non prior. *Sed & hæc responsio est aliena à mente D. THOM.* quoniam ratio qua probat illam est ista; voluntas rationalis in hoc statu propter corruptionem naturæ sequitur dilectione bonum privatum, hoc est bonum proprium, ut distinguitur à bono rationis, ergo sine auxilio gratiæ sanantis naturam non potest referre ad amorem Dei dilectionem simplicius & aliorum omnium quæ diligit, & ex consequenti neque potest diligere Deum super omnia, quia cum Deus ita diligatur, refertur ad eius amorem dilectio omnium aliarum rerum, hæc autem ratio eandem vim habet siue dilectio sit diuturna, siue solum instantanea, quia tota ratio propter quam excedit vires voluntatis refertur dilectionem aliorum omnium ad amorem Dei, non est quod actu habeat dilectionem aliquorum repugnantem amoris Dei, sed quod propter corruptionem naturæ est propensa ad habendum eam, quia notum erat non esse naturam humanam adeo corruptam per peccatum, ut etiam in vno instanti aut brevissimo tempore non possit carere dilectione quæ sit peccatum mortale, item postea impugnabimus hanc dilectionis distinctionem.

Tertio respondet MOLINA disputatione citata, membro secundo D. THOMAM loqui de dilectione quæ includit actualem observationem omnium mandatorum obligantium sub culpa mortali, sed hæc expositio quamvis sit probabilior præcedentibus, tamen etiam potest impugnari, quia D. THOMAS aperte loquitur de vno simplici actu qui sit sufficiens ad referendum in Deum, ut in ultimum finem omnia quæ diliguntur.

SECUNDO PROBATVR hæc conclusio illa ratione, qua probauimus primam conclusionem dubij præcedentis: nam etiam in hoc statu non potest homo proprijs viribus adimplere omnia præcepta naturalia obligantia sub mortali: ergo neque potest elicere efficacem dilectionem naturalem Dei super omnia; *pateet consequentia* quoniam dilectio ista includit voluntatem sufficientem & efficacem ad executionem eorum omnium quæ requiruntur ad permanendum in amicitia naturalium Deo.

Ad hoc ut ibidem diximus respondent aliqui hominem in statu naturæ corruptæ posse proprijs viribus adimplere omnia illa mandata breui tempore, quamvis non possit longo tempore aut tota vita, & ita posse iisdem viribus elicere dilectionem instantaneam, aut exiguae durationis, quamvis non possit elicere dilectionem firmam & diuturnam.

Sed quoniam adimplere omnia præcepta quæ in aliquo instanti aut breui tempore occurrunt seruanda, non est adimplere simpliciter omnia: ergo quamvis homo proprijs viribus possit primum, non sequitur quod etiam possit elicere dilectionem efficacem Dei super omnia instantaneam vel parue durationis; *pateet consequentia*, quoniam ista dilectio quamvis sit instantanea, debet esse secundum propriam speciem sufficiens & efficax ad secundam.

CONFIRMATUR PRIMO, quia vel ista dilectio habet quod sit parue durationis ex propria natura & specie, vel ex parte subiecti, scilicet hominis qui propter impedimenta occurrentia non permanet in ea, si primum sequitur quod non sit absoluta, & perfecta, quoniam absoluta & perfecta dilectio habet quantum est de se quod possit diu permanere. Si secundum ergo illa dilectio est secundum propriam speciem diuturna & firma, & ex consequenti sufficiens ad executionem eorum omnium quæ requiruntur ad permanendum in amicitia cum Deo etiam longo & diuturno tempore.

CONFIRMATUR SECUNDO, quia quamvis concedatur hominem in hoc statu posse vitare proprijs viribus omnia peccata venialia in vno instanti, aut breui tempore, tamen nullus concedit quod possit eisdem viribus elicere dilectionem Dei super omnia quæ excludat omnia peccata tam mortalia quam venialia, siue huiusmodi dilectio sit diuturna siue instantanea aut brevis durationis, sed omnes dicunt hanc perfectionem dilectionis pertinere tantum ad statum beatitudinis & ad statum innocentie: ergo similiter quamvis homo possit in aliquo breui tempore vitare proprijs viribus omnia peccata mortalia contra præcepta naturalia, non est dicendum quod possit elicere dilectionem efficacem Dei super omnia quæ excludit omnia peccata mortalia. Et ratio respectu vtriusque dilectionis est eadem, scilicet quod vis dilectionis efficacis non limitatur ad illud instans aut breue tempus.

SED QUÆRITUR an hæc conclusio sit adeo certa ut opposita non possit defendi absque aliqua nota? *Ad hoc aliqui respondent* affirmative, idque propter duo argumenta, quorum primum desumitur ex CONCILIO SECUNDO ARAUSICANO cap. 25. ubi ita dicitur secundum supra scriptas sententias sanctarum scripturarum, vel antiquorum patrum definitiones, hoc Deo propitiante, & predicare debemus, & credere quod per peccatum primi hominis ita inclinatum, & attenuatum fuerit liberum arbitrium, ut nullus postea aut diligere Deum, siue oportuit, aut credere in Deum, aut operari propter Deum, quod bonum est, possit, nisi gratia eius & misericordia diuina prouenerit, ex quo loco sic argumentantur concilium his verbis loquitur de dilectione Dei naturali, hoc est quæ terminatur ad ipsum ut est author & finis naturæ, & hanc dilectionem dicit non posse elici ab homine in statu naturæ corruptæ,

autores citati precedenti, quia non solum dicunt non sufficere vires naturæ, & concursus generalem ad hanc dilectionem, sed etiam requiri auxilium supernaturale.

ET PROBATVR, quoniam homo in hoc statu non potest sine auxilio gratiæ facere omnia quæ requiruntur ad permanendum in amicitia cum Deo etiam quatenus est author & finis naturæ & tollere omnia, quæ repugnant huic amicitia. Ergo neque potest habere hanc dilectionem de qua loquimur *consequentia patet*, ex ijs quæ dixi supra pertinere ad rationem dilectionis efficaciæ.

Et antecedens probatur, quia non potest sine illo auxilio adimplere præcepta supernaturalia, quæ in hoc statu sunt ipsi imposita, ut nunc suppono & impletio istorum præceptorum requiritur ad permanendum in amicitia cum Deo etiam quatenus est author naturæ, quod sic probo impletio istorum præceptorum requiritur ut homo non auertatur à Deo quatenus est author gratiæ, & ut permaneat in eius amicitia, ergo etiam requiritur ut non auertatur ab ipso ut est author naturæ & ut permaneat in amicitia cum ipso considerato secundum istam rationem, *probatvr ista consequentia*, quia ut probavi in materia de peccatis non potest aliquis auerti à Deo ut est finis supernaturalis quin auertatur ab ipso ut est author & finis naturæ, quia non potest auerti nisi propter violationem alicuius præcepti obligantis sub mortali, & violatio cuiuscunque præcepti etiam supernaturalis est saltem indirecte contra rectam rationem naturalem quæ sicut dicitur in communi obediendum esse cuiuscunque superiori legitime præcipienti supposito quod innotescat nobis eius mandatum, & quod habeamus vires ad exequendum id quod præcipitur, ita consequenter dicitur obediendum esse Deo etiam ut est author supernaturalis suppositis eisdem conditionibus, de quo forte dicam plura infra questione 113. artic. 2. contra CAJETANVM, qui tam ibi quam articulo septimo huius questionis inquit quod potest homo per aliquod peccatum auerti à Deo ut est finis supernaturalis, & seruare rectitudinem aut subiectionem in ordine ad ipsum quatenus est author & finis naturæ.

13. 3. Corollaria ex precedenti doctrina.

EX HIS SEQUITVR primo, quod homo in hoc statu etiam si solum habeat peccatum originale aut etiam si habeat aliud personale mortale, & ignoret inuincibiliter se esse in peccato non potest sine auxilio gratiæ habere hanc dilectionem de qua loquimur. In quo decipiuntur aliqui ex recentioribus qui conueniunt nobiscum in hac conclusione, & tamen excipiunt casum in quo homo aut solum habet peccatum originale, aut ignorat inuincibiliter se esse in peccato. **Et probatur**, quia nos non dicimus impotentiam ad eliciendum dilectionem hanc de qua loquimur provenire ex auersione habituali à Deo quam habet is qui manet in statu peccati, sed ex intrinseca imbecillitate ad exequendum omnia quæ in illa dilectione includuntur.

Secundo sequitur quod quomodo Deus possit diligere dilectione efficaci & super omnia dupliciter scilicet ut finis naturæ, & ut finis supernaturalis, tamen ab homine existente in hoc statu naturæ corruptæ non potest ita diligere secundum priorem rationem, quin etiam diligatur secundum posteriorem. **Probatvr**, quia homo supposito, quod sit ordinatus in finem supernaturalem non potest habere voluntatem efficacem placendi Deo in omnibus ad quæ obligat ut author naturæ, quin etiam velit placere ipsi quantum ad præcepta supernaturalia, & ex consequenti ut est finis supernaturalis ad quem huiusmodi præcepta dirigunt, quoniam ut supra dixi, & ut author naturæ obligat saltem indirecte, & ex consequenti ad seruandum ista præcepta suppositis conditionibus ibi explicatis.

TERTIO sequitur quod dilectio efficax Dei super omnia quam homo habet in hoc statu differt specie à quacunque Dei dilectione elicitā viribus naturæ, & cum solo concursu generali siue sit imperfecta & inefficax cuiusmodi potest haberi in hoc statu, siue perfecta & efficax qualis possit haberi in statu naturæ integræ, & etiam à perfecta & efficaci quam homo constitutus in puris naturalibus possit habere cum auxilio quodam speciali pertinente ad ordinem naturæ ut supra est explicatum. **Probatvr**, quoniam ista dilectio ex propria ratione habet quod ad ipsam requiratur auxilium supernaturale, ergo secundum propriam rationem est superioris ordinis quam reliquæ dilectiones ad quas non requiritur tale auxilium, & ex consequenti distinguitur specie ab eis.

Confirmatur, quoniam ratio formalis sub qua aliquis actus attingit suum obiectum proportionatur principio à quo procedit, ergo si dilectio ista procedit ab auxilio supernaturali sequitur quod terminatur ad Deum sub ratione formali supernaturali, & ex consequenti quod distinguatur specie à reliquis quæ terminantur ad ipsum sub ratione naturali quantum ad modum agendi ut scilicet ex charitate fiant.

6. 4. Proponuntur & solvuntur argumenta contra rationem secundæ conclusionis.

SED CONTRA rationem huius conclusionis argumentor primo, quia supposito quod homo in hoc statu cognoscat quatenus est author, & finis naturæ & habeat ignorantiam inuincibilem ipsius ut est author gratiæ, & finis supernaturalis, & etiam præceptorum supernaturalium, sequitur quod possit sine auxilio supernaturali habere dilectionem efficacem Dei super omnia quatenus est author, & finis naturæ. **Probatvr** sequela quia homo in isto casu non excusabitur ab obligatione naturali diligendi Deum dilectione naturali, ergo poterit adimplere huiusmodi obligationem, & non per dilectionem quæ terminatur ad Deum ut ad finem supernaturalem, quoniam ignorat inuincibiliter secundum istam rationem, ergo per dilectionem quæ terminatur ad Deum præcise ut est author naturæ, & ex consequenti elicitam concursu vel auxilio aliquo naturali, quoniam dilectio esset omnino naturalis.

Secundo, quia sequitur quod homo in hoc

statu habeat minores vires ad operandum bene moraliter, quam si esset constitutus in puris naturalibus, quod est contra ea quæ dixi in principio huius materiæ. *Probatnr sequela*, quoniam nunc non potest cum aliquo auxilio naturali habere dilectionem Dei efficacem super omnia, imo nullo modo potest habere hanc dilectionem naturalem, & tamen in illo statu possit.

Confirmatur, quia vel homini in hoc statu datur illud auxilium speciale naturale cum quo in puris naturalibus posset habere dilectionem efficacem Dei super omnia quatenus est author, & finis naturæ vel non.

Si dicatur primum, sequitur quod etiam in hoc statu possit habere illam dilectionem: *Pater sequela*, quia Deus etiam potest nunc distinguere obiectum dilectionis naturale. Et ut obiectum supernaturale quoniam habet rationem authoris naturæ, & gratiæ & voluntas hominis habet illud auxilium, quo potest diligere ipsum efficaciter super omnia secundum priorem rationem, & non secundum posteriorem; *Et præterea*, quoniam alias frustra dabitur homini hoc auxilium si nullo modo potest reduci in actum.

Si vero dicatur secundum sequitur quod desit homini in hoc statu aliqua perfectio naturalis quam haberet in puris naturalibus.

Ultimo argumentor, quia sequitur quod homo in statu innocentie non potuerit cum solo concursu generali habere efficacem dilectionem Dei super omnia, ut est author & finis naturæ quod videtur esse contra ea quæ diximus dubio primo huius articuli. *Probatnr sequela*, quia etiam in illo statu fuit homo re ipsa ordinatus in finem supernaturalem & habet præcepta supernaturalia.

Ad primum respondetur negando sequelam, & iam admissio illo casu. *Et ad probationem* dicendum, quod homo in illo casu adimpleret illam obligationem actu supernaturali, & elicit cum auxilio supernaturali, quia supposito quod faceret id quod potuit viribus naturæ, ut conuerteretur in Deum in tempore pro quo urgeret illa obligatio, Deus illuminaret ipsum circa supernaturalia sicut dici solet de homine primo proveniente ad usum rationis.

Ad secundum respondetur negando sequelam, & ad probationem dicendum est, quod illud non provenit ex defectu potentie, sed ex eo quod homo est ordinatus ad finem altiore, & habet præcepta supernaturalia, nam propterea indiget auxilio supernaturali ad illum actum.

Ad confirmationem respondetur imprimis, quod etiam si homo in hoc statu haberet illud auxilium speciale naturale non posset elicere dilectionem de qua loquimur, quia illud auxilium non sufficeret ad servandum præcepta supernaturalia.

Deinde dico Deum non dare homini in hoc statu illud auxilium, sed aliud præstantius, scilicet supernaturale: *Neque est inconueniens*, quod desit homini illud auxilium si quidem non est debitum ipsi ut supra di-

xi, & præterea defectus compenatur per aliud præstantius.

Quod si obijciat, quod adhuc sit imperfectus homo in naturalibus sine illo auxilio, quia possit esse simul cum supernaturali & perficeret peculiari modo naturam ad operandum, quo non perficeret ipsam auxilium supernaturale, scilicet connaturaliter sicut dicunt Theologi cum D. THOM. 3. parte quest. 9. artic. 3. quod intellectus animæ Christi esset imperfectus si careret scientia acquisita, quamvis per infusam quæ est præstantior cognoscat omnia quæ possunt sciri per acquisitam, quia duæ istæ scientiæ possunt esse simul in eodem intellectu, & unaquæque earum habet proprium & peculiarem modum perficiendi in illum. *Respondetur* non esse eandem rationem primo, quia istæ duæ scientiæ ita sunt in eodem intellectu quod quævis earum potest habere proprium actum, at vero illud auxilium naturale in homine in hoc statu forte non posset concurrere ad aliquam dilectionem efficacem Dei super omnia etiam ad naturalem quia hæc non potest reperiri in hoc statu propter rationem assignatam in priori solutione confirmationis secundi argumenti.

Secundo, quia scientia acquisita est debita intellectui debito naturæ & ideo eius defectus non haberet rationem puræ negationis in intellectu animæ Christi, sed privationis & imperfectionis; at vero illud auxilium speciale naturale non esset aliquo modo debitum homini ut dixi & ideo carere ipso non habet rationem privationis, sed puræ negationis.

Ad ultimum responderi potest, primo solum probare quod homo in statu innocentie supposito, quod fuit ordinatus in finem supernaturalem, & habuit præcepta supernaturalia non potuit sine auxilio supernaturali habere hanc dilectionem de qua loquimur, quia non potuit sine huiusmodi auxilio vitare omnia quæ repugnarent amicitie etiam naturali cum Deo, scilicet transgressionem præceptorum supernaturalium.

Neque hoc est contra id quod diximus dubio primo imo potius in solutione secundi argumenti capimus dicere hoc idem, & in conclusione loquebamur de homine ut præcise esset in statu naturæ aut quantum ad vires quas haberet ex parte integritatis naturæ; neque quod de facto non potuerit cum eis solis habere prædictam dilectionem provenit ex eo quod huiusmodi vires fuerint in eo imminutæ, sed potius ex eo quod ipse fuit subleuatus ad altiora ut in solutione secundi dixi de homine in hoc statu.

Et eodem modo exponi potest prima conclusio, & solutio ad primum huius articuli. Et solutio ad tertium sequentis articuli ubi D. THOMAS, ut dixi in solutione ultimi argumenti dubij primi loquitur de homine in statu naturæ integre.

Neque D. THOM. negat quod homo in illo statu sicut de facto conditus est, hoc est cum præceptis supernaturalibus, & supposita ordinatione in finem supernaturalem, indiguerit auxilio supernaturali ad habendum dilectionem de qua loquimur, sed solum quod indiguerit auxilio gratiæ sanantis naturam quo dicit indigere ipsam in hoc statu,

itaque

itaque cum ex duplici capite possit provenire quod auxilium supernaturale sit necessarium ad habendum hanc dilectionem, scilicet ex ordinatione ad supernaturalia, & ex defectu virium naturalium propter corruptionem, & depravationem naturæ dicendum est quod in illo statu proveniebat tantum ex priori capite in isto vero etiam ex posteriori.

Secundo Respondetur negando sequelam & ad probationem dicendum est, quod ad habendum dilectionem naturalem de qua loquimur satis est posse tollere omnia, quæ directe & per se repugnant amicitia cum Deo, ut est author & finis naturæ; & quia ad hoc satis est posse adimplere omnia præcepta naturalia obligantia sub culpa mortali, & hoc poterat præstare homo in illo statu proprijs viribus, & sine auxilio supernaturali, ideo etiam poterat eisdem viribus habere prædictam dilectionem.

Et si quæras, cur homo non poterit in hoc statu habere eandem dilectionem cum illo auxilio naturali, quod homini constituto in puris naturalibus esset satis ad habendum eam. *Respondetur* rationem constare ex secunda solutione confirmationis secundi argumenti, quæ relicta prima est amplectenda si velimus sequi istam sententiam; itaque ratio non est quod illud auxilium non sufficeret, sed quod non datur homini in hoc statu; quod vero non detur provenit ex providentia, quam Deus habet de homine in hoc statu, quæ est valde ab ea distincta, quam haberet de ipso constituto in puris naturalibus: nam sicut nunc ipsa natura humana cum suis actionibus est ordinata in finem supernaturalem, ita etiam Deus providentia supernaturali dat ei auxilia necessaria ad suppleendum defectum virium naturalium, & ex consequenti dat auxilia supernaturalia, quæ sint proportionata ipsi providentiæ, & fini ad quem natura est subleuata.

Ex resolutione horum dubiorum potest facile responderi ad dubium quod CAJETANVS proponit in fine huius articuli, scilicet cuius virtutis moralis actus sit ista dilectio Dei de qua loquimur; *nam dicendum est*, quod in hoc statu non est actus virtutis moralis, sed Theologicæ scilicet charitatis, neque per eam producit aliquis habitus acquisitus, qui sit principium similem actum naturalium, & in puris naturalibus esset actus virtutis acquisitæ ad diligendum illo modo Deum ut est finis, & author naturæ. Neque hoc est contra D. THOM. supra q. 56. articulo 4. ubi inquit quod voluntas non indiget virtute quantum ad bonum sibi proportionatum quoniam bonum diuinum etiam ut est author naturæ, quamvis ut quomodocunque diligendum hoc est inefficaciter, non excederet facultatem humanæ naturæ, tamen ad diligendum efficaciter super omnia excederet eam in illo statu ut dictum est in secundo dubio; at vero in statu innocentie si ista dilectio esset supernaturalis pertineret ad charitatem supernaturalem sicut in hoc statu, si tamen esset naturalis non pertineret ad aliquam virtutem acquisitæ, quia tunc sufficeret ad eam propria virtus naturæ propter eius integritatem; & hoc est consonum doctrinæ D. THOM. loco citato. Neque

placeat, quod CAJETANVS dicit hunc actum pertinere immediate ad religionem quæ cultum Deo exhibet, quoniam iste actus habet pro obiecto immediato Deum, & religio cultum exhibitum Deo.

ARTICVLVS IV.

Vtrum homo sine gratia per sua naturalia legis præcepta implere possit?

PRIMA CONCLUSIO. Homo in statu nature integra potuit sine gratia omnia mandata legis implere quantum ad substantiam operum.

SECUNDA CONCLUSIO. Homo in statu nature corrupta non potest sine gratia sanante implere omnia mandata diuina quantum ad substantiam operum.

TERTIA CONCLUSIO. In neutro statu potest homo sine gratia implere mandata legis quantum ad modum agendi ut scilicet ex charitate fiant.

VLTIMA CONCLUSIO. in utroque statu indiget homo auxilio Dei mouentis ad mandata implenda.

COMMENTARIVS.

CIRCA TITVLVM & doctrinam huius articuli. Nota primo præcepta legis communi diuisione in tria genera distingui: quia quædam sunt pure naturalia, quæ simpliciter & sine vlla suppositione deriuantur ex ratione naturali, cuiusmodi sunt præcepta decalogi: & alia sunt quæ ex parte obiecti proprii & finis ultimi ad quem nos dirigunt, sunt supernaturalia, & solum dicuntur naturalia ex suppositione, siue quoad modum suppositionis scilicet, quia supposita eleuatione humanæ naturæ in finem supernaturalem resultant naturaliter; hoc est sine concursu liberæ impositionis, & sunt consona rationi naturali prout habet adiunctum lumen fidei. Itaque dicuntur naturalia non quia deriuantur ex ratione naturali; sed quia facta prædicta suppositione sunt ei consona, & ad distinctionem præceptorum quæ sola voluntate libera legislatoris instituuntur, & hæc iuxta mentem D. THOMÆ supra quæst. 99. articulo quinto explicatam ibi à CAJETANO, sunt præcepta trium virtutum Theologicarum, fidei spei & charitatis. Et tandem alia sunt supernaturalia non solum ex parte obiecti & finis, sed etiam quoad modum suæ institutionis, quia non resultant etiam facta prædicta suppositione, sed requirunt liberam impositionem cuiusmodi sunt præcepta de receptione, & administratione sacramentorum: & solet dubitari an Diu. THOMAS loquatur de his omnibus generibus præceptorum, vel tantum de aliquo aut aliquibus eorum, & quamvis CAJETANVS §. in articulo quarto dicat debere intelligi priori modo

tamen multo melius CONRADVS in principio articuli, & alij recentiores expositores dicunt debere intelligi tantum de primo genere, tum quia de eo solum potest intelligi ratio primæ & secundæ conclusionis, vt in eius expositione dicam, tum etiam quia testimonium ad Romanos secundo, *gentes quæ legem non habent, naturaliter ea quæ legis sunt faciunt*, adducit in primo argumento & supponit in eius solutione intelligi de præceptis legis naturalis, & explicat ex AVGVSTINO quo sensu dicantur fieri siue impleri naturaliter quamuis impleantur gratia Dei: scilicet, quia id fit spiritu gratiæ, vt imaginem Dei in qua naturaliter facti sumus, instauret in nobis, hoc est spiritum qui dicitur naturalis quia instaurat & reparat in nobis eam perfectionem, quam naturaliter accepimus à Deo. Et non obstat id quod CAIETANVS pro se adducit: scilicet in titulo articuli proponi questionem indistincte de præceptis legis, & in prima conclusione fieri sermonem vniuersaliter de omnibus mandatis legis, quia ex eius doctrina & verbis est colligendum de qua lege loquatur.

SECUNDO NOTA distinctionem qua D. THOMAS vtitur in his conclusionibus de obseruatione præceptorum, *quoad substantiam operum*, & *quoad modum* esse necessario admittendam, *sum* propter rationem in qua fundatur de qua dicimus statim: *sum etiam* quia in bulla edita à Pio quinto anno 1567. & confirmata à Gregorio 13. anno 1579. (in qua damnatur etiam oppositis grauibz notis variz propositiones assertæ à MICHAEL BAIO Doctore Louanienſi) continetur hæc num. 38. celebris illa Doctorum sententia diuinæ legis mandata bifariam impleri: altero modo quantum ad præceptorum operum substantiam tantum, altero ad certum quendam modum videlicet secundum quem valeant operantem perducere ad regnum æternum, hoc est ad modum meritorum commentitia est, & explodenda.

Et ad huius distinctionis explicationem aduerte, in materia alicuius præcepti affirmariui, hoc est in opere ad quod tale præceptum obligat distinguere duo à D. THOMA. *Primum est substantia operis*, quæ est ipsamet actio, & executio operis præcepti. v.g. audire sacrum aut ieiunare. *Secundum est modus*, quo ipsa executio operis fit, & hoc secundum vt colligitur ex D. THOMA supra q. 100. art. 10. & 22. q. 44. articulo primo ad primum, & CAIETANO ibidem subdividitur in modum intrinsecum & extrinsecum. *Modus intrinsecus est*, qui non extrahit actum extra speciem propriæ virtutis, & transfert ad speciem alterius virtutis, sed intra propriam speciem perficit eum, siue vt reddens actum perfectiorem accidentaliter, sicut intensio aut promptitudo voluntatis, siue vt necessario requisitus vt actus habeat speciem virtutis, sicut in dilectione charitatis esse ex toto corde, & in solutione debiti ex iustitia, solui quantum debetur, & in omni actu virtutis fieri à sciente & eligente propter hoc ipsum, & omittimus aliam conditionem quam ARISTOTELIS 2. Ethic. c. 4. adiungit, scilicet fieri immobiliter & firmiter, quia pertinet ad habitum, & non ad actum. *Modus vero extrinsecus est*, qui extrahit actum ad speciem alterius virtutis, sicut ordo ad finem pro-

A prium alterius virtutis, scilicet imperantis, vt cum actus ordinatur ad finem charitatis aut penitentiz, & quamuis sine modo intrinsecus, qui est necessarius vt actus pertineat ad speciem virtutis non possit seruari præceptum de exercitio alicuius virtutis, quia in actu non habente speciem talis virtutis non exercetur ipsa virtus tamen sine modo intrinsecus, qui non requiritur ad speciem virtutis; sed tantum ad maiorem actus perfectionem accidentalem, bene potest propter oppositam rationem seruari præceptum, scilicet quia sine eo retinet actus speciem talis virtutis: & maiori ratione est dicendum idem de modo extrinsecus, quia cum addat speciem extraneam ipsi actui non cadit sub præcepto proprio de exercitio virtutis ad quam actus per se pertinet.

B *Verum* cum plures possint esse in hoc sensu modi extrinseci in opere alicuius præcepti, sicut varij sunt fines proprii aliarum virtutum ad quos tale opus potest ordinari, tamen quia hoc quod est esse ex charitate & ordinari in eius finem proprium in quo includitur esse meritorium pertinet maxime ad disputationem Theologicam, ideo peculiariter & absolute appellatur à Theologis modus extrinsecus operum præceptorum, & de eo solum agit nunc D. THOM. vt constat ex eius verbis. Possumusque magis confirmare non esse necessarium hunc modum ad præceptorum obseruationem, quia in bulla citata damnatur hæc propositio n. 16. non est vera legis obedientia, quæ sit sine charitate.

C TERTIO NOTA posse dubitari an D. THO. in titulo & in conclusionibus nomine gratiæ intelligat auxilium gratiæ actualis vel potius gratiam iustificantem, quæ est habitualis. Et VASQVIZ tom. 2. in I.2. disputatione 196. c. 2. dicit eum intelligere gratiam habitualement, ita vt sensus tituli sit, an sine gratia remissionis peccatorum quam dicimus habitualement possit homo seruare legis moralis præcepta; & in conclusionibus cum negatur vel asseritur necessarium esse gratiam, intelligatur de hac eadem gratia habituali & fundamentum eius est, tum quia in secunda conclusione expresse loquitur D. THO. de gratia sanante, & hoc nomine nõ significatur auxiliu gratiæ actualis, sed gratia iustificans, cui tribuitur sanare nos, scilicet à peccatis, sicut articulo præcedenti cum inquit hominem in statu nature corruptæ non posse diligere Deum super omnia vt authorẽ nature nisi sanetur per gratiam Dei, intelligit gratiam sanantem à peccatis atque adeo habitualement, *sum etiam* quia in vltima conclusione per auxilium Dei mouentis intelligit D. THO. auxilium gratiæ actualis, quare in alijs conclusionibus debet explicari de gratia habituali, ne sit sibi contrarius, & hoc fundamentum ipse dicit se latius ostendisse disputatione 190. c. 3. discursu facto per omnes articulos huius questionis.

Sed mihi videtur certum in titulo nomen gratiæ sumi magis late scilicet prout comprehendit omne donu gratiæ, siue actuale, siue habituale, quia in eo expresse cõdiuiditur gratia naturalibus eũ quærat utrum homo per sua naturalia sine gratia, &c. & per naturalia intelliguntur vires quæ ad implendũ præcepta cõueniunt homini cõsiderato præcise quoad ea quæ ipsi sunt debita secundũ suã naturã, & idem existimo probabilius de corpore articuli, *sum quia*

tem si huiusmodi operibus sit tribuenda vis aliqua A
initij aut occasionis admodum impetrationis, de
quo dicemus aut articulo 6. huius quæstionis, aut
infra q. 112. art. 1. ubi etiam explicabimus quæ ratio-
ne sint intelligenda testimonia scripturæ in quibus
promittitur auxilium gratiæ operibus miseri-
cordiæ.

CIRCA secundam conclusionem est

II. DVBIUM.

*Utrum homo in statu naturæ corruptæ so-
lis viribus liberi arbitrij cum solo con-
cursu generali Dei, & sine villo gratiæ
auxilio possit obseruare omnia præce-
pta legis naturalis obligantia sub culpa
mortalis.*

§. 1. Explicatur titulus, & ad tituli
explicationem

NOTA PRIMO nomine auxilij gratiæ in-
telligi omne donum ex gratia superaddi-
tum naturæ, siue sit habituale siue actuale
quia de utroque est difficultas in hoc casu
an sit necessarium ad præceptorum obserua-
tionem.

NOTA SECUNDO præcepta sumi secundum se,
& quoad difficultatem quam habent in sua obser-
uatione ex propria gravitate præcise considerata
sine ordine ad longam vel breuem durationem
temporis, ac si omnia simul proponerentur seruan-
da intra spatium temporis sufficiens ut obseruatio
vnius non impediret obseruationem alterius. Et
potest explicari exemplo eius qui ad examinan-
dum vires alterius ad deferendum pondus, inquir-
ret an posset sustinere pondus v. g. centum li-
brarum, non quidem determinando tempus aut
spatium aliquod, sed absolute. Oportetque hoc
advertere ne confundantur duæ quæstiones, quæ
sunt inter se valde distinctæ, scilicet. An homo in
statu naturæ corruptæ habeat ex natura sua vires
sufficientes cum solo concursu generali Dei ad
superandum difficultatem quæ est in obseruatio-
ne omnium præceptorum legis naturalis, & an
possit id præstare toto tempore vitæ suæ aut sal-
tem longo tempore. Quoniam in priori compa-
rantur vires naturæ cum sola difficultate ipso-
rum præceptorum, & in posteriori cum aliâ quæ
provenit ex longitudine temporis & tentationi-
bus, & alijs occasionibus violandi præcepta. Et
prior pertinet ad hunc articulum & posterior ad
art. 8. huius quæstionis.

§. 2. Referuntur varia sententia.

IN HAC RE est prima sententia eorum qui ab-
solute asserunt posse hominem sine villo auxilio
gratiæ siue habituales siue actualis adimplere om-
nia hæc præcepta. Et pro ea referuntur à recentio-
ribus exppositoribus D. THOMAS, DVRANDVS in

2. d. 28. q. 3. & 4. SCOTVS eadem d. q. 1. §. ad quæ-
stionem GABR. q. 1. art. 2. conclusionem 3. & ABV-
TENSIS in cap. 19. Matthæi q. 177. & 178. *Verum*
VASQVEZ tom. 2. in 1. 2. disputatione 189. cap. 1.
contendit referri male hos Authores, pro hac
sententia, quia cum dicunt hominem sine gratia
posse obseruare omnia præcepta naturalia per gra-
tiam, non intelligunt auxilium gratiæ actualis, siue
mouentis, sed gratiam habituales. Sed quamuis
hi Authores, præcipue loquantur de gratia habi-
tuali negari non potest saltem tres priores asse-
re etiam non esse necessariam gratiam actuales,
quod de SCOTO constat §. citato §. contra hoc ar-
guitur versio: contra istas duas vias, & §. ad ar-
gumenta, & ita cum intellexit suus expositor LV-
THERVS, & de DVRAND. num. 3. quæst. cit. & de
GABRIELE est magis manifestum, quam ut egeat
probatione, quia in illa conclusione & duabus
præcedentibus, & art. 3. Dub. 2. expresse distinguit
donum gratiæ à naturalibus, hoc est viribus pro-
prij liberi arbitrij.

ET PROBATVR hæc sententia Primo tribus te-
stimonijs scripturæ, quorum primum est illud
B Deuterono. 30. *Mandatum hoc quod ego precipio
tibi hodie non supra te est neque procul positum, nec in
calo situm, &c.* ubi MOYSES per mandatum intelli-
git totam legem, quia multis verbis ante & post
in eo capite adhortatur populum ad obseruatio-
nem omnium præceptorum quæ continentur in
lege quam eis proposuerat, & per non esse tale man-
datum supra populum neque procul positum, aut in ca-
lo, significat non esse supra vires eorum.

Secundum habetur Ecclesiastici 15. *Deus ab ini-
tio constituit hominem, & reliquit illum in manu
consilij sui, adiecit mandata & præcepta sua: si volue-
ris mandata seruare conseruabunt te.* Vbi aperte signi-
ficatur esse positum in voluntate vniuscuiusque
seruare diuina mandata. Et ita AVGVSTINVS tom.
7. lib. 3. hypognost. prope initium, adducens hæc
verba, sic ait: *quod est autem & reliquit illum in ma-
nu consilij sui, nisi dimisit eum in possibilitate liberi
arbitrij sui, in manu enim possibilitas intelli-
gitur.*

Tertium est illud ad Romanos 2. *gentes quæ le-
gem non habent, naturaliter ea quæ legis sunt faciunt.*
Vbi PAVLVS per legem intelligit legem natura-
lem, quia distinguit eam à scripta, quam dicit non
habuisse gentes sicut Iudeos, & loquitur de om-
nibus præceptis ad eam pertinentibus, & non de
vno aliquo & singulari præcepto, quia dicit abso-
lute, & sine limitatione *ea quæ legis sunt*, quod sic
intellexit CHRYSOSTOMVS in eius loci commen-
tario, cum inquit, omnia quæ legis sunt imple-
se gentiles, & per *facere naturaliter*, significat viri-
bus naturalibus exequi ea quæ legis sunt, siue præ-
cepta legis.

SECUNDO omnia præcepta legis naturalis sunt
proportionata viribus proprijs naturæ nostræ, er-
go per eas solas & sine auxilio gratiæ superaddito
possunt esse obseruari, antecedens patet, quia non pos-
sunt esse improporcionata nisi quia sint superna-
turalia, & tamen omnia illa præcepta etiam colle-
ctiue sumpta continentur intra ordinem natura-
lem, ut distinguitur à supernaturali. Et consequentia
probat, quia alias superarent & excederent vires
naturæ nostræ atque adeo non essent eis propor-
tionata.

Confr.

Confirmatur, quia homo in statu naturæ integræ posset sine auxilio gratiæ adimplere omnia præcepta legis naturalis, ut dixi Dubio præcedenti, ergo etiam potest in statu naturæ corruptæ. *Pater consequentia*, quia per peccatum non sunt diminutæ vires naturales potentiarum animæ.

Dices non valere consequentiam argumenti, quia natura post peccatum, non est sana sed infirma, & ideo non potest totum quod est proportionatum sibi ut est sana & integra, & propter eandem rationem negabis consequentiam confirmationis.

Sed contra, quia ex infirmitate naturæ non est colligendum ipsam naturam non posse omnia quæ poterat sana, sed solum non posse æque facile, quod sic probo. Per hanc infirmitatem quæ consistit in pugna sensus contra rationem, non sunt intrinsece imminutæ vires liberi arbitrij, sed solum impeditur quasi per impedimentum extrinsecum subiectum ipsi arbitrio ergo non obstante hac infirmitate, vires liberi arbitrij sunt intrinsece tam integræ & perfectæ sicut in homine sano: & ulterius ergo ex hac infirmitate non est colligendum hominem non posse omnia quæ poterat sanus, sed solum non posse æque facile *antecedens patet*, ex eo in quo constituitur infirmitas. *Et ex hoc patet prima consequentia*, & *secunda probatur* inductione in omnibus impedimentis quæ extrinsece apponuntur causis, ita ut possint ab eis superari.

Et non est simile exemplum hominis ægri corpore, qui propter ægritudinem non potest sine baculo iter facere, aut ad tantam distantiam sicut sanus, quia vires hominis ægroti sunt per ægritudinem intrinsece imminutæ, & ideo ægrotus non habet vires integras sicut sanus.

TEXTIO, alias sequeretur Deum ut authorem naturæ præcipere aliquid impossibile ad observandum, quod est absurdum. *Sequela probatur*, quia ut author naturæ præcipit observari totam legem naturalem, & tamen ut talis author naturæ, non dat vires sufficientes ad observandum eam totam, quia solum dat ea quæ aliquo modo pertinent ad donum creationis, inter quæ non connumeratur gratia habitualis neque auxilium gratiæ actualis.

Et absurditas consequentis probatur quia in Concilio **TRIDENTINO** sessione 6. decret. de iustificatione cap. 11. sic habetur: *nemo temeraria illa & à Patribus sub anathemate prohibita voce uti, scilicet, debet, Dei præcepta homini iustificato ad observandum esse impossibilia, nam Deus impossibilia non iubet, sed iubendo monet, & facere quod possis & petere quod non possis.* & can. 18. *Si quis dixerit Dei præcepta homini iustificato & sub gratia constituto esse ad observandum impossibilia, anathema sit.* *Dices* Concilium cum apposuit illa verba homini iustificato, limitasse doctrinam suam ad hominem iustificatum, & ex consequenti ad Deum ut Authorem gratiæ.

Sed contra, quia Concilium loquitur de Deo absolute ut imponit præcepta, siue ut author gratiæ, siue ut author naturæ ita ut sensus eius sit Deum secundum neutram rationem imponere homini præcepta impossibilia ad observandum, ut recte notavit **VAS** A. lib. 11. super Concilium **TRIDENTINUM** c. 19. prope finem.

A *Et id colligo imprimis* ex ratione quam Concilium assignavit in priori loco, scilicet, *nam Deus impossibilia non iubet*, quia hæc ratio videtur sumi ex eo quod est consentaneum naturæ divini.

Et deinde ex testimonijs Patrum quorum auctoritate Concilium utitur in eodem loco, quia omnes dicunt repugnare Dei bonitati & iustitiæ aut omnipotentia esse eius præcepta impossibilia quasi debet id provenire ex defectu in aliquo ex his attributis sic loquitur **BASILIUS** in oratione in illud, attende tibi non procul ab initio, & in regulis brevioribus interrogatione 176. **AVGVST.** tom. 6. lib. de fide contra Manicheos cap. 9. & 10. & tom. 7. lib. de natura & gratia cap. 43. ex quo loco desumpsit Concilium verba prioris sui testimonij, & ibidem cap. 69. & lib. 2. de peccator: merit. & remiss. cap. 6. & tom. 10. sermone 61. de tempore. **Chrysostomus** homilia 8. de penitentia circa medium, & homilia 16. & 19. super Epistolam ad Hebræos. & homilia 2. super epistolam ad Philip. & homilia 39. in Matthæum & **Leo** sermone 16. de passione Domini.

B *Ultimo potest* homo in statu naturæ corruptæ suis viribus & sine auxilio gratiæ observare aliquod vnum præceptum legis naturalis; ergo & omnia præcepta. *Antecedens* supponatur ex articulo secundo præcedenti, & *consequentia probatur* duobus medijs, & ad utrumque *supponendum* est præcepta legis naturalis non esse infinita, sed contineri numero finito, scilicet denario.

Et hoc posito sit primum, quia si homo suis viribus adimpleat vnum præceptum, etiam poterit eisdem viribus adimplere aliud, quia ex observatione vnius non manet minus potens ad observandum aliud, sed potius ipsa exercitatione virtutis efficitur fortior & promptior, atque expeditior ad bonum, & eadem ratione poterit observare aliud, & ita consequenter poterit successive adimplere omnia usque ad ultimum, quia hæc ratio habet vim facta comparatione inter quæcunque duo præcepta, quorum vnum sit observatum & aliud observandum; ergo si potest observare vnum præceptum, etiam potest observare omnia. *pater consequentia*, quia ut homo possit observare omnia præcepta, satis est eum posse conservare ea illo modo, quo ipsa occurrunt observanda constat autem omnia præcepta non occurrere alicui simul observanda, sed successive, & vnum post aliud.

C *Secundum medium* est, quia si homo potest observare vnum præceptum, & non potest omnia decimus propter medium præcedens, eum observasse novem, & tunc inquiri an possit observare decimum, vel non.

Si dicatur primum habemus intentum, scilicet valere illam consequentiam, potest homo observare vnum præceptum ergo & omnia.

Secundum vero dici non potest, quia neque vires liberi arbitrij sunt defatigatæ aut diminutæ propter præcedentes observationes aliorum præceptorum, neque ipsum liberum arbitrium determinatur ad vnam partem ab obiecto opposito, cum nullum sit obiectum creatum in hac vita, quod necessario moveat voluntatem motu deliberato, hoc est non subito. *imo ex opposito* in quocunque horum casuum sequeretur non imputari

voluntati ad peccatum talem violationem præcepti, quia neque ubi desunt vires, neque ubi voluntas mouetur necessario, adest libertas requisita ad culpam.

Confirmatur, quia si homo potest obseruare vnum præceptum, ergo potest singula præcepta illius numeri siue collectionis obseruare nullo prætermisso: & vltimus ergo potest omnia collectiue.

Prima consequentia patet ex primo medio quo probauimus consequentiam huius argumenti principalis.

Et secunda probatur, quia si de facto homo obseruaret singula præcepta illius collectionis nullo prætermisso, etiam obseruaret omnia collectiue, quia cum in nullo præcepto deficeret obseruaret totam collectionem, ergo si potest singula obseruare nullo prætermisso, etiam potest, obseruare omnia collectiue, *patet hac consequentia ex regula summularum, si conditionalis bona est consequentia & additur verbum, potest, antecedenti & consequenti, etiam est bona consequentia*, vt si habet albedinem est album; ergo si potest habere albedinem potest esse album.

Secunda sententia est aliorum qui dissentiunt à præcedentibus, quia dicunt esse homini in statu naturæ corruptæ necessariam gratiam actualem ad obseruanda omnia præcepta legis naturalis; & conueniunt cum eis quia dicunt non esse necessariam ad hoc gratiam habitualement ex parte principij, sed solum ex parte termini siue concomitanter in quantum Deus obseruanti totam legem decalogi dabit spiritum penitentiae vt iustificetur. Hanc quoad vtramque partem sequitur VASQUEZ tom. 2. in 1. 2. disputatione 196. c. 3. & refert pro ea quo ad 2. partem SCOTVM loco citato pro prima sententia, & HENRIQUEZ quodlibeto 5. quæstione 20. & posset referre eos quos retulimus pro præcedenti sententia; quia vt ipse aduertit magis excludunt necessitatem gratiæ habitualis quam actualis. Et quoad eandem partem *probat* hac sententia. *Primo*, quia controuersia Patrum & Conciliorum cum Pelagio de necessitate gratiæ ad seruanda mandata non erat de gratia habituali, sed de actuali: ergo ex patribus & Concilijs non est fundamentum ad ponendam hanc necessitatem gratiæ habitualis, & ex consequenti sine sufficienti fundamento introducit talis necessitas.

Probat antecedens testimonio AVGVSTINI tom. 2. Epistola 105. quæ est ad Sixtum aliquantulum à principio. vbi cum inquireret de qua gratia loqueretur Pelagius quando in Concilio Palæstino anathematizauit eos, qui dicunt gratiam Dei secundum merita dari, sic ait, *possunt quidem dicere, scilicet Pelagiani, remissionem peccatorum esse gratiam, quæ nullis præcedentibus meritis datur, quid enim habere boni meriti possunt peccatores? sed nec ipsa remissio peccatorum sine aliquo merito est, si fides hanc impetrat, neque enim nullam est meritum fidei, quæ fide illa dicebat, Deus propitius esto mihi peccatori, & descendit iustificatus merito fidelis humilitatis*. Ex quibus verbis sic argumentor. AVGVSTINVS probat gratiam de qua Catholici contra Pelagianos contendebant dari sine meritis non esse gratiam remissionis peccatorum, quia hæc non datur omnino sine meritis, sed propter meritum

A impetrationis quod cit in fide, ergo iuxta eius sententiam etiam est dicendum illam gratiam non esse gratiam iustificantem, quia per eam quasi per formam fit remissio peccatorum, quare superest vt sit gratia auxilij actualis, & ita ipse ex hoc concludit statim primam vocationem ad fidem esse illam gratiam quam Pelagiani debebant confiteri, dari sine meritis sic dicens: *restat vt ipsam fidem non humano quo isti extolluntur, tribuamus arbitrio, nec ullis præcedentibus meritis, quoniam inde incipiunt bona quæcumque sunt merita, sed gratuitum donum Dei esse fateamur, si gratiam veram, id est, sine meritis cogitamus*.

Secundo, ratio propter quam homo in statu naturæ corruptæ indiget gratia ad obseruandum totam legem naturalem non tam est infirmitas quoad mentem, quæ appellatur macula aut status peccati, quam infirmitas quoad partem sensitivam, quæ consistit in rebellionem eiusdem partis contra rationem; ergo gratia qua indiget non est gratia habitualis, sed actualis, *antecedens patet*, quia difficultas quam homo patitur in exercitio operum quæ requiruntur ad obseruationem legis magis prouenit ex posteriori infirmitate quam ex priori.

Et hoc probatur tum quia hæc difficultas nascitur ex propensione & inclinatione ad oppositam, & propensio habitualis ad bonum commutabile, quæ potest poni in macula siue statu peccati est parum efficax quia moralis est, at vero propensio partis sensitivæ ad bonum sensibile est valde efficax quia est physica & vehementissima, *tum etiam* quia quamuis homo sanetur à priori infirmitate per gratiam habitualement, quia non sanatur à posteriori infirmitate patitur fere eandem difficultatem ac si non esset sanus à priori, quod licet nobis non constet euidenter, quia nemo ita cognoscit se esse in gratia, tamen colligitur ex Paulo ad Romanos 7. vbi ex persona hominis iustificati, sic ait: *condeletor lege Dei secundum interiorem hominem, video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis, infelix ego homo, quis me liberabit de corpore mortis huius? &c.* *Et consequentia probatur*, quia homo vt dixi in tertio notabili posito in principio huius articuli, non omnino sanatur in hac vita ab illa posteriori infirmitate, sed solum accipit maiores vires, vt ea non obstante operetur iuxta præscriptum legis, & has vires magis accipit per auxilia actualia quam per gratiam habitualement.

Confirmatur, quia si homo existens in peccato corroboraretur per auxilia actualia ad bene operandum in materia omnium præceptorum legis naturalis, posset obseruare totam legem naturalem, quamuis non obtineret antea remissionem peccati per gratiam habitualement; ergo homini in statu naturæ corruptæ, non est necessaria gratia habitualis ex parte principij ad obseruandam totam legem naturalem. *Dices* Deum non dare hæc auxilia particularia nisi iustificatis. *Sed contra*, quia nullum est fundamentum neque in scriptura, neque in Concilijs, neque in doctrina sanctorum Patrum ad hoc dicendum. Item quia sæpe videmus homines existentes in peccatis moueri subito ad insignia opera virtutum, quæ non sunt nisi præsupposita aliqua sanitate, & ad quæ non mouentur

uenturalij, de quibus ex multis signis possumus probabiliter conijcere esse in gratia.

VLTIMO sæpe solet accidere vt homines existentes in peccatis promoueantur paulatim ex auxilio gratiæ per bona opera & obseruatione præceptorum ad remissionem peccatorum, & gratiam iustificantem, ergo saltem de his non potest negari obseruare præcepta toto illo tempore, quod potuit esse non breue cum auxilio gratiæ actualis, & sine gratia habituali ex parte principij.

CONFIRMATUR, quia obseruatio omnium præceptorum legis naturalis in quantum procedit ex auxilio gratiæ potest esse dispositio mediata & remota ad gratiam habitualement, ergo secundum hanc rationem est possibilis per auxilium gratiæ actualis sine gratia habituali concurrente ex parte principij. *Paret consequentia, tum ex argumento communi ad omnes dispositiones requisitas ad introductionem formarum, quod in vltima dispositione ad gratiam iustificantem reputatur à multis conuincere; tum etiam quia de dispositionibus mediatis, & remotis tam in naturalibus quam in supernaturalibus concedunt omnes non procedere à formis ad quas disponunt.*

9. 3. Homo in natura corrupta indiget ex parte principij auxilio actuali & gratia habituali vt obseruet omnia præcepta legis quoad substantiam operum.

PRIMA CONCLUSIO. Homo in statu natura corrupta non potest proprijs viribus & sine auxilio gratiæ obseruare omnia præcepta legis naturalis quantum ad substantiam operum. In hac cōueniunt omnes Theologi præter citatos pro prima sententia. Et aliqui ex recentioribus dicunt sententiam oppositam esse hæresim Pelagianorum, quod videtur sentire. SORVS lib. 1. de natura & gratia c. 22. §. quo ergo in diuerticulum, vbificat: non solum damnatum est aduersus Pelagium quod possumus meritorie implere mandata, sed etiam quod possumus omnia quantum ad substantiam.

Et probatur primo authoritate Conciliorum & Pontificum; nam in Concilio MILEVITANO can. 4. sic habetur, quisquis dixerit eandem gratiam per Iesum Christum Dominum nostrum propter hoc tantum nos adiuuare ad non peccandum, quia per ipsum nobis reuelatur, & aperitur intelligentia mandatorum, vt sciamus quid appetere, quid vitare debeamus, non autem per illam nobis præstari, vt quod faciendum cognouerimus, etiam facere diligamus, atque valeamus, anathema sit.

Dices Concilium agere aut de præceptis supernaturalibus, quia loquitur de eis quorum notitia habetur ex reuelatione, vt constat ex illis verbis: per ipsam nobis reuelatur, &c. aut de quibuscunque præceptis, non tantum quoad substantiam, sed etiam quoad modum charitatis, quia statim vt probet suam doctrinam, sic ait: cum enim dicat Apostolus 1. Corinth. 8. scientia inflat, charitas vero adificat: valde impium est, vt credamus ad eam quæ inflat nos habere gratiam Christi: ad eam quæ adificat non habere.

Sed contra, quia Concilium loquitur vniuersaliter de omni eo quod appetere aut vitare debe-

Amus ad recte instituendum vitam nostram, & hoc non continetur in solis præceptis supernaturalibus, sed potissimum in præceptis decalogi, & non includit modum charitatis, sed solum substantiam operum; ergo hæc præcepta ita sumpta intellexit nomine mandatorum. Et de beneficio dandi nobis legem decalogi potuit Concilium dicere per ipsam reuelari, & aperiri nobis intelligentiam mandatorum: tum quia nisi nobis data fuisset hæc lex, non haberemus notitiam mandatorum, tum etiam quia ex ipsa lege cognoscimus materiam mandatorum, scilicet, quid agere aut vitare debeamus; quare Concilium ibi non loquitur de reuelatione supernaturali legis supernaturalis. Et de obseruatione eorundem præceptorum potuit etiam dicere provenire ex charitate, quia charitas reddit facilem & suauem obseruationem omnium præceptorum legis naturalis: & can. 5. sequenti, sic loquitur Concilium. *Item placuit vt cuiusque dixerit, ideo nobis gratiam iustificationis dari, vt quod facere per liberum habemus arbitrium, facilius implere possumus per gratiam, tanquam etiam si gratia non daretur, non quidem facile, sed tamen possumus etiam sine illa implere diuina mandata anathema sit, &c.* Vterque canon habetur eisdem verbis in Concilio Africano cap. 79. & 80. sub titulo Concilium contra hæresim Pelagij & Cælestij, & ad hunc etiam solet responderi Concilium loqui de mandatis supernaturalibus, quia statim probat suam doctrinam ex verbis Christi Ioannis 15. *sine me nihil potestis facere*, quæ intelligenda sunt de supernaturalibus, & conducentibus per se ad salutem animæ.

Sed neque hæc solatio est sufficiens, quia obseruatio omnium præceptorum decalogi etiam conducit ad salutem animæ iuxta illud Christi Matth. 19. *si vis ad vitam ingredi serua mandata*, quod ipse Christus continuo explicuit debere intelligi de præceptis decalogi, quia illa enumerauit vt explicaret quæ præcepta essent seruanda.

CONFIRMATUR hanc esse mentem horum Conciliorum, quia Patres Concilij CARTHAGINENSIS, in epistola ad Innocentium Pontificem quæ habetur apud AVEVSTINVM tom. 2. & c. 90. ita dicunt, *isti autem, scilicet Pelagiani, asserunt in eo Dei gratiam esse deprecandam, quod talem hominis instituit creaturæ naturā, quæ per propriam voluntatem legem Dei posset implere, siue naturaliter in corde conscriptam, siue in literis datam eandem quoque legem ad gratiam pertinere, quod illam Deus in adiutorium hominibus dedit; vbi illa distinctione siue naturaliter in corde etiam intelligunt & gentiles qui naturalem legem habent in cordibus impressam sine externa scriptura, & Iudæos qui eam habebant exterius scriptam, & hanc legem dicunt à Pelagianis appellari gratiam Dei.* Et idem Innocentius Epistola sequenti apud AVEVSTINVM respondens huic Epistolæ commendat maxime horum patrum doctrinam contra Pelagium, & in Pelagij damnationem hæc verba profert: *quisquis ergo huic assentiens videtur esse sententia, quod dicat adiutorio nobis non opus esse diuino, inimicum se Catholica fides, & Dei beneficijs proficitur ingratum.* & idem colligitur ex Epistola Patrum Concilij MILEVITANI (quorum vnus fuit AVEVSTINVS) ad eundem Innocentium, quæ est apud AVEVSTI-

NVM 93. & ex epistola eiusdem Innocentij ad eol-
dem patres quæ est 93. videnda est etiã pro hac re
Epistola sequens 94. quæ est Augustini ad Hilariũ,
& Epistola 95. quæ est Augustini & aliorum Epis-
coporum ad Innocentium, & Epistola 96. in qua
Innocentius eisdem responderet. Et eis adiungatur
Epistola Cælestini primi ad Episcopos Gallie,
quæ in editione Romana Epistolarũ decretalium
habetur tom. 1.2. parte n. 8. inter suas, quia in eius
c. 10. referuntur prædicti duo canones Cõcilij Mi-
leuitani, sub nomine Carthaginensis, & dicit Pon-
tiffex se eos vt proprios Apostolicę sedis amplecti,
& quamvis verisimilius credã capitula quæ à ter-
tio habentur in illa Epistola non esse Cælestini, sed
ab aliquo addita, quia PROSPER lib. cõtra Collate-
rem. c. 41. referens illã Epistolam, nõ meminit illo-
rũ capitulorum, quæ multũ fauebant suę doctrine,
& propter alia fundamenta quæ sunt alibi explicã-
da, tamen negari non potest esse magnę autori-
tatis, & propter suam antiquitatem, & quia in om-
nibus codicibus apponuntur illę Epistolę. Dices ex
his testimonijs non probari conclusionem, quia
intelliguntur de collectione omnium præceptorum
tam naturalium quam supernaturalium, siue de obser-
uatione præceptorum fructuosa in ordine ad con-
sequendũ vitam æternam.

Sed contra, quia quamvis hæc solutio quæ ma-
gnum proculdubio habet fundamentũ in ipsis te-
stimonijs, sufficiat vt non dicamus oppositã senten-
tiam esse expresse in eis damnatã, nõ sufficit vt non
dicamus esse temerariã, imo & errori proximã. Tũ
quia Concilia & Pontifices peculiariter videntur
tribuere hanc impotentiam ad seruandum omnia
præcepta homini vt redimendo per Christũ atque
adeo post lapsum primi parẽtis, pro quo etiam est
notandum testimonium adductum pro conclusio-
ne dubij præcedentis ex Cõcilio ARYSTICANO. 2.
can. 1. & tamẽ quoad præcepta supernaturalia aut
obseruationem fructuosam etiam ante peccatum
carebat homo viribus ex natura sua, tum etiã quia
non dicunt rationem huius impotentię esse super-
naturalitatem operũ, sed fragilitatem nostrę natu-
rę, & tandem quia de obseruatione fructuosa po-
tuit idem dici de quocunque singulari præ-
cepto.

SECUNDO probatur testimonijs scripturę quæ
late referunt BELLARMINVS tom. 3. lib. 5. de gra-
tia & libero arbitrio c. 4. VASQUEZ tom. 2. in 1. 2.
disp. 189. c. 4. VEGA lib. 11. super Conciliũ Trid.
c. 11. & in opusc. de iustificat. q. 8. & MOLINA in
concordia ad art. 13. quæstionis 4. disp. 17. cõclu-
sione 2. & 3. & ex omnibus vnum tantum adducam
ex Paulo ad Rom. 7. *Videō autem aliam legem, in*
membris meis repugnantem legi mentis meę, & capti-
uantem me in lege peccati, quæ est in membris meis. Vbi
iuxta expositionem CHRYSOSTOMI, per legem quę
est in membris intelligit carnis rebellionem & pu-
gnam contra rationem, siue legem naturalem quã
appellat legem mentis & ideo addidit repugnantẽ
legi mentis meę, hoc est menti impressã, & hanc re-
bellionem appellat *legem* non propter eius dignita-
tem, sed quia tam vehementer mouet vt videatur
ad instar legis compellere homines ad obedi-
endum ipsi, & ad significandam hanc vehementiam
apposuit verba sequentia; & *captiuantem me in lege*
peccati quæ est in membris meis, & statim ad expli-
candam hanc tyrannidem & vim concupiscentię

A & hominem ex sua natura catere viribus ad reli-
stendum ei, exclamat. *In salix ego homo quis me li-*
berabit de corpore mortis huius. Et respondet *gratia*
Dei per Iesum Christum, quasi diceret, neque per le-
gem naturalem aut Moisaicam, neque per naturę
vires possumus ab hac tyrannide liberari, sed so-
lum per gratiam Christi, quod saltem debet intel-
ligi quoad obseruationem totius legis natu-
ralis.

ULTIMO probatur ratione quam D. THOMAS
insinuat in hoc articulo scilicet, quia homo in hoc
statu non est sanus vel simul quoad mentem vel
partem sensitiuam, si maneat in peccato, vel saltẽ
quoad partem sensitiuam si sit iustificatus, & ser-
uare totam legem naturalem est opus postulans
maximam sanitatem. Et potest hæc ratio confirmari
authoritate Concilij Trident. sess. 6. decreto de iu-
sificatione c. 13. quia loquẽs de iustificatis ita inquit,
formidare enim debent scientes quod in spem gloria &
nondum in gloriam veniunt, de pugna quæ superest
eum carne cum mundo cum Diabolo in qua victores
esse non possunt, nisi cum Dei gratia Apostolo obtem-
perent dicenti: debitores sumus non carni, vt secun-
dum carnem viuamus, si enim secundum carnem vine-
ritis moriemini, si autem spiritu facta carnis mortifi-
caueritis, uiuetis. Vbi Concilium etiam in renatis,
hoc est iustificatis dicit rationem propter quam
non possunt esse securi de perseverantia in ob-
seruatione præceptorum esse hanc pugnam carnis,
& ad superandum eam non sufficere vires naturę,
imo neque gratiam iustificantem, sed requiri gra-
tiam specialis auxilij.

Ex HAC conclusione sequitur neque ad bre-
uissimum tempus posse aliquem sine auxilio gra-
tię seruare omnia hæc præcepta positivę siue vo-
luntarie aut humano modo vbi consulto addo
particulam illam, *positivę siue voluntarie*, aut hu-
mano modo, quia dupliciter potest dici aliquem
servare omnia præcepta *Primo negativę*, ad quod
satis est non facere aut amittere aliquid cõtra præ-
cepta, & quia pro illo tempore nullum præce-
ptum affirmativum obligat, neque insurgit aliquis
motus appetitus sensitiui prouocans ad violandũ
præcepta negativã, neque habetur aliquis actus
voluntatis quo sit volitũ non violare præcepta, &
appellatur hæc obseruatio præceptorũ negativã,
quia nihil includit positivum voluntarium neque
actualiter, neque virtualiter aut interpretatiue,
& posset eodem modo reperiri in dormiente.
Secundo *affirmativę* ad quod requiritur non face-
re aut omittere aliquid contra præcepta in tem-
pore pro quo ipsa præcepta obligant, & suffi-
cienti ad omnium obseruationem, & habere ali-
quem affectum ratione cuius sit voluntarium non
violare præcepta negativã, & hæc illatio intel-
ligitur de posteriori modo seruandi omnia præce-
pta, & non de priori de quo loquuntur BELLAR-
MINVS tom. 3. lib. 5. de gratia, & libero arbitrio
c. 5. in principio, & aliqui recentiores, qui dicunt
saltẽ ad breue tẽpus posse hominẽ sine auxilio gra-
tię seruare omnia præcepta. Et colligitur esse hunc
eorum sensum ex ratione quam assignant scilicet,
quia potest contingere vt in aliquo breui tempo-
re non occurrat aliquod præceptum affirmativum
servandum neque moveat nos aliqua tentatio ad
violandum præcepta negativã.

Sed nostra illatio intellecta de posteriori modo

seruandi præcepta probatur quia difficultas quæ provenit ex ipsa gravitate præceptorum considerata secundum se, & sine respectu ad durationem temporis, æqualis est in quocumque tempore siue longo siue brevi, ergo si difficultas ita sumpta est tanta ut propter eam homo non possit sine auxilio gratiæ observare omnia præcepta & obstabit ne homo ad breve tempus possit ea observare.

Confirmatur primo, quia propter hanc rationem est dicendum non posse hominem sine auxilio gratiæ habere naturalem dilectionem Dei super omnia efficacē suę æquivalentē observationi omnium præceptorum naturalium etiam ad breve tempus.

Confirmatur secundo, quia si ponenda sit infallibilis connexio iustificationis cum observatiope omnium præceptorum poterit ex hac observatione facta viribus naturæ ad breve tempus colligi idem inconueniens quod solet inferri ex diuturna & longi temporis observatione scilicet posse hominem ex viribus naturæ apponere aliquod initium ad quod per se sequatur infallibiliter iustificatio, & non erit sufficiens instantia de homine in statu naturæ integrę ut explicui dubio præcedenti in solutione ultimi argumenti.

SECUNDA CONCLUSIO. *Auxilium gratia quod homo in statu naturæ corrupta indiget ex parte principij ad observationem omnium præceptorum naturalium includit duo diversimode, scilicet auxilium speciale aduale tanquam virtutem per se adiutantem ad talem observationem, & gratiam habitualement tanquam conditionem necessariam requisitam ex lege Dei ordinaria ut deus homini hoc auxilium speciale.* Hæc conclusio duas habet partes, quarum prima in qua asseritur necessitas auxilij specialis, admittitur ab omnibus Theologis præter citatos pro prima sententia, & potest probari argumentis factis pro præcedenti conclusione, quia cum ex eis habeatur requiri gratiam, & non sufficiat gratia habitualis, bene sequitur requiri auxilium speciale. *Dico autem non sufficere gratiam habitualement, quia quamvis ipsa cum charitate & alijs virtutibus infusus inclinet ad bonum, & ex consequenti addat nobis vires actiuas, & reddat potentias nostras efficaciores & potentiores ad operandum, alioqui essent imperfectiores virtutibus & habitibus acquisitis; tamen huiusmodi vires sunt exiguæ, & nos indigemus etiam in ordine ad legem moralem maioribus viribus.* Et hoc specialiter colligitur ex testimonio Concilij TRID. adducto in fine probationis conclusionis præcedentis, & ex alijs quæ adducemus art. 9. huius quæstionis. *In secunda parte dicitur necessariam esse gratiam habitualement, non concomitanter solum, ut dicunt authores secundæ sententiæ, sed ex parte principij, tamen ut conditione requisitam ex lege Dei ordinaria ad hoc ut detur auxilium speciale ubi non negamus id quod nunc dixi, scilicet habitus gratiæ & virtutum infusarum adiuuare aliquo modo tanquam virtutem per se concurrentem ad observationem præceptorum: neque etiam negamus posse Deum sua potestate absoluta dare alicui existenti in peccato mortali, auxilium speciale requisitum ad observationem omnium præceptorum; sed dicimus non sufficere hoc adiutorium gratiæ habitualis, & auxilium speciale non dari alicui secundum legem Dei ordinariam nisi præsupposita in eo gratia habituali, & in hac parte ita explicata conueniunt HENRIQVÆZ quod*

A libeto 5. q. 20. RICHARDVS in 2. d. 28. art. 2. q. 2. Sor. lib. 1. de natura & gratia c. 21. conclusione 2. quia quamvis interdum loquatur de auxilio gratiæ inouentis, tamen eam conclusionē de gratia habituali & remissionis peccatorum videtur intelligere CAJET. CONRAD. & alij recentiores Thomistæ in commentarijs ad hunc articulum BELLARMINVS tom. 3. lib. 5. de gratia & libero arbitrio c. 5. in principio VEGA lib. 11. super Concilium Tridentinum c. 11. & 21. & in opusculo de iustificatione q. 13. conclusione 6. MOLINA in concordia ad art. 13. quæst. 14. disp. 17. post 1. conclusionem 5. de eo vero homine status naturæ corruptę, & VALENTIA. 1. 2. disp. 8. q. 1. puncto 5. in tota probatione secundæ assertionis & expressius in solutione ad 5. argumentum contra eam positum, &c.

PROBATVR primo, quia ex concilijs videtur constare necessariam esse gratiam habitualement ex parte principij ad observandum omnia præcepta naturalia in statu naturæ corruptę, & non potest esse alio modo necessaria, quam eo qui nunc est à nobis explicatus, & quod dico de Concilijs probatur quia in Concilio MILEVITANO can. 3. sic habetur: *item*

B *placuit ut quicumque dixerit gratiam Dei in qua iustificamur per Iesum Christum Dominum nostrum ad solam remissionem peccatorum valere quæ iam commissa sunt, non etiam ad adiutorium ut non committantur, anathema sit, ubi Concilium per gratiam in qua iustificamur, & quæ valet ad remissionem peccatorum intelligit gratiam habitualement, quia hæc sola est proprie & immediate gratia iustificationis & remissionis peccatorum, & per valere ad adiutorium ut non committantur de nouo peccata intelligit valere ad adiutorium ut observentur præcepta in quorum transgressione committitur peccatum, & cum continuo post hunc canonem sequantur duo alij canones citati pro præcedenti conclusione scilicet quartus & quintus, videtur etiā eos esse intelligendos de eadem gratia habituali quod in 5. est expressum quia gratia quæ in eo dicitur esse necessaria appellatur gratia iustificationis, & etiam canon tertius refertur ut approbatus à sede Apostolica in Epistola CELESTINI superius citata c. 10. & in Concilio AFRICANO ibidem citato c. 78. Ad hoc testimonium Respondet VASQUEZ tom. 2. in 1. 2. disp. 196. c. 4. cum VEGA q. 13. de iustificatione in solutione primi argumenti principalis Concilium per gratiam in qua iustificamur siue iustificationis non intelligere gratiam habitualement, quæ tanquam forma iustificamur, sed totam seriem auxiliorum quibus ad iustificationem promouemur, quod ipse ibi probat testimonio AVG. in Epistola citata in suo primo argumento, & latius disp. 218. c. 5. Sed ex ijs quæ diximus constat hanc explicationem non habere locum in testimonio adducto, & nunc omitto alibi explicandum. An apud patres aut Concilia series auxiliorum quibus promouemur ad iustificationem appelletur absolute, & sine addito gratia iustificationis aut gratia in qua iustificamur. Et deinde possumus addere testimonium Concilij Tridentini sess. 6. decreto de iustificatione cap. 11. nam ut ostendat Dei præcepta non esse homini iustificato impossibilia ad observandum, sic ait: *qui sunt filij Dei Christum diligunt: qui autem diligunt eum ut ipse testatur seruant sermones eius, quod utique cum diuino auxilio præstare possunt, ubi quamvis Concilium tantum loquatur de ius-**

tificatis,

stificatis, tamen significat non esse eis impossibilem observationem præceptorum, quia auxilium diuinum, quod ad eam requiritur adest eis semper, atque adeo videtur, exigere filiationem Dei atque iustificationem tanquam conditionem requisitam ut non desit huiusmodi auxilium. Et ideo explicuit paucis interpositis sic dicens. *Deus namque suam gratiam semel iustificatos non deserit nisi ab eis prius deseratur, & rursum c. 13. ubi ut ostendat firmissime operandum non defuturum diuinum auxilium ad perseuerandum in gratia habituali, sic ait: Deus enim nisi ipsi illius gratia defuerint, sicut caput opus bonum, ita perficiet operans velle & perficere.*

Secundo probatur ex ratione congruentiæ propter quam Deus hoc instituerit, ea vero est, quia homo per peccatum est prius deordinatus quoad mentem, quam quoad partem sensitivam; ergo etiam per gratiam prius sanatur quoad mentem, quod fit per gratiam habitualem, quam quoad partem sensitivam, quod fit per auxilium speciale, & ex consequenti congruum fuit ita institui à Deo, ut non daretur auxilium speciale adiuuans contra rebellionem partis sensitivæ ad seruandum omnia præcepta naturalia, nisi præsupposita gratia habituali. *Confirmatur primo*, quia hoc voluit significare D. THOM. in hac conclusione cum dixit requiri gratiam sanantem naturam ut homo in statu naturæ corruptæ possit implere omnia præcepta naturalia quia per gratiam sanantem intelligit eam quæ sanat deordinationem & corruptionem naturæ, atque adeo priori loco gratiam habitualem per quam sanatur deordinatio prima naturæ, scilicet, quoad mentem, & posteriori loco auxilium speciale per quod sanatur licet non omnino in hac vita deordinatio secunda quoad partem sensitivam, sicut art. 9. sequenti propter hanc rationem, sic ait: *in statu naturæ corruptæ indiget homo gratia habituali sanantem naturam ad hoc quod omnino à peccato obstineat, quæ quidem sanatio primo fit in presenti vita secundum mentem, appetitum carnalem nondum reparato, scilicet omnino.* *Confirmatur secundo*, quia hæc est protectio & providentia particularis propria filiorum & amicorum, & ideo congruum est ut secundum legem ordinariam semper supponat gratiam habitualem.

Sed quæres, an auxilium speciale quod in hac conclusione dicitur esse necessarium ad observationem totius legis naturalis sit secundum suam substantiam ordinis supernaturalis, vel potius ordinis naturalis. Ad hoc VASQUEZ tom. 2. in 1. 2. disp. 189. c. 4. & latius c. 16. Respondet auxilium illud secundum suam naturam & substantiam suam esse ordinis naturalis & nihilominus esse gratiam, quia Deus liberaliter, & ex misericordia instituit dare illud nobis, cum tamen posset non dare, permanente integro dono creationis & conseruationis, & esse gratiam proximam, quia propter eius merita Deus decreuit uti nobiscum hac misericordia. *Et probatur*, quia in tota collectione præceptorum legis naturalis, siue etiã observationum responsentium unicuique eorum in particulari, nihil est supernaturale; ergo auxilium quod datur ad observationem horum omnium præceptorum est secundum suam naturam ordinis naturalis, *pater consequentia*, quia inter auxilium & exercitiũ ad quod datur debet esse proportio quoad ordinem sicut inter vim actiuam, & operationem, ergo sicut Deus non dat vim actiuam supernaturalem ad operationem quæ secundum suam

naturam est naturalis, ita neque dat auxilium supernaturale ad observationem præceptorum quæ etiam est secundum substantiam naturalis. *Et non potest responderi* observationes singulorum præceptorum esse naturales, & observationem omnium supernaturalem, quia observatio omnium præceptorum non est aliud quàm singulares observationes respondentes singulis præceptis in particulari. *Confirmatur*, quia auxilium gratiæ quod daretur homini condito in puris naturalibus ad obseruandum omnia præcepta legis naturalis esset ordinis naturalis secundum suam naturam & substantiam; ergo & auxilium quod in statu naturæ corruptæ datur homini ad obseruandum eadem præcepta, *antecegens patet*, quia in eo includuntur tria quæ sunt apud omnes certa. *Primum est* hominẽ conditum in puris naturalibus non posse viribus suæ naturæ obseruare omnia præcepta legis naturalis. *Et hoc patet*, quia homo in illo statu pateretur eadem rebellionem appetitus sensitivi contra rationem quam patitur in statu naturæ corruptæ solumque est discrimen, quia rebellio in illo statu haberet rationem conditionis naturalis, & in hoc pænæ, vulneris, & ægitudinis. *Secundum est* Deum homini constituto in illo statu daturum fore auxilium gratiæ specialis quo posset obseruare totam legem naturalem; *Et hoc etiam patet*, quia pertineret ad suauitatem diuinæ providentiæ non relinquere hominẽ tam imperfectum, ut non possit obseruare totam legem suæ naturæ ex quo plurima alia inconuenientia ipsi provenirent. *Tertium est* huiusmodi auxilium esse ordinis naturalis secundum suam substantiam, & hoc etiam patet quia in illo statu nihil esset suapte natura supernaturale, & *consequentia probatur in eo* quia in homine post peccatũ manserunt integra naturalia. *Tum etiam* quia nulla est ratio discriminis ex parte obiecti à quo sumitur specificatio auxilij, atque adeo esse secundum substantiam ordinis naturalis, vel supernaturalis.

Sed mihi duo videntur dicenda. *Primum est* non esse necessarium ex natura rei esse prædictũ auxilium ordinis supernaturalis, secundum suam naturam & substantiam; *Et hoc probatur* satis argumẽtoposito. *Alterum est* de facto & re ipsa tale auxilium esse hoc modo ordinis supernaturalis; *Et hoc probatur*, tum quia homo in statu naturæ corruptæ est à Deo eleuatus ad consequendum finem supernaturalem per observationem omnium præceptorum obligatiũ sub mortali iuxta illud Matthæi. *si vis ad vitam ingredi, serua mandata* ergo dantur ei à Deo auxilia ad hanc observationem præceptorum proportionata eidem fini, atque adeo pertinentia ad ordinem supernaturalem secundum suam substantiam, *pater consequentia*, quia vires quæ dantur ad apponendum media ad consecutionem alicuius finis, debent esse proportionata quoad ordinem cum eodem fine, alias tales vires non erunt sufficientes ad consequendum talẽ finem. *Tum etiam* quia hæc auxilia dantur ex aliqua providentia Dei erga homines, & non ex naturali providentiã, sed ex supernaturali, quia providentia circa media debet esse proportionata fini ad quem talia media ordinantur, ergo etiam ipsa auxilia sunt ordinis supernaturalis quoad suam substantiam; *Et tandem* quia hæc auxilia dantur homini propter merita Christi, ut etiam fatentur authores oppositæ sententiæ, ergo ordinantur secundum suam substantiam & naturam ad finem redemptio- nis nostræ, ac proinde sunt supernaturalia.

Confirmatur, quia si hæc auxilia sint secundum suam substantiam & naturam supernaturalia poterunt nos adiuuare ad obseruationem præceptorum naturalium melius, & efficacius, quam si sint naturalia ut statim explicabo, ergo dicendum est ea esse hoc modo supernaturalia, *pates consequentia* quia hoc est magis consentaneum dignitati meritorum Christi & misericordiae qua Deus propter ipsa merita prosequitur genus humanum.

Et ad argumentum oppositæ sententiæ concessio antecedenti neganda est consequentia, quia ex antecedenti solum sequitur non esse necessaria hæc auxilia supernaturalia, non tamen non dari de facto & re ipsa. Et ad probationem dico esse discrimen inter vim actiuam, & hæc auxilia quantum ad modum respiciendi operationem ad quam dantur, quia virtus actiua respicit suam operationem tanquam obiectum proprium & immediatum à quo specificatur, & ideo si operatio sit secundum substantiam suam naturalis, etiam virtus ipsa debet esse naturalis; & idem maiori ratione est dicendum de concursu actuali ad aliquam operationem. At vero hæc auxilia, quia consistunt in illustrationibus intellectus & inspirationibus voluntatis, non habent pro obiecto proprio & immediato operationem aut obseruationem præceptorum, sed quoad illustratiores veritates quæ proponuntur intellectui, & quoad inspirationes bona ad quæ monetur voluntas, & quia hæc obiecta sunt supernaturalia ideo etiam auxilia ex ordine ad ipsa sunt supernaturalia, quamuis totum id in quo consistit obseruatio præceptorum sit secundum suam substantiam naturale; & ex eodem ordine ad huiusmodi obiecta habent hæc auxilia posse efficacius & magis adiuuare nos ad obseruationem præceptorum etiam naturalium, quam auxilia ordinis naturalis, quia etiam ipsa obiecta habent maiorem vim ad mouendum & trahendum nos.

Ad confirmationem concedendum est antecedens & neganda est consequentia; Et ad primam probationem dicendum est illam propositionem intelligi de naturalibus quæ pertinent ad constitutionem naturæ aut sunt ei debita ratione creationis, & conseruationis; Et ad secundam probationem patet ratio discriminis, exijs quæ nunc dicebam de obiectis proprijs & immediatis utrorumque auxiliorum.

§. Argumenta aduersariorum solvuntur.

AD PRIMVM argumentum primæ sententiæ respondebimus explicando illa tria testimonia scripturæ eo ordine quo posita sunt, & ad primum fere omnes admittunt Mosem nomine mandati intelligere totam legem ceremoniale & morale, & ad verba sequentia quidam de quorum numero sunt LYRANVS ABVLENSIS, & OLEASTER in commentarijs eiusdem loci, & BELLARMINVS tom. 3. lib. 5. de gratia & libero arbitrio c. 6. dicunt Mosem ibi non loqui de facilitate obseruandi legem, sed de facilitate cognoscendi eam ne Iudæi ignorantem obtenderet sicut fortassis ante legis promulgationem possent obtendere, quasi diceret *mandatum hoc non supra se est, neque procul positum*, hoc

est non est in loco excelso vel longinquo, ut non valeas facile illud cognoscere; & ad utrumque explicandum dicunt apposuisse Mosem verba quæ post hæc sequuntur, in quibus de loco sublimi ait: *non est in calo sum, ut possis dicere, quis nostrum valebit ad calum ascendere ut deferat illud ad nos ut audiamus atque opere compleamus?* & de longinquo ait: *neque transmare possumus, ut causeris & dicas: quis est nobis poterit transfratere mare, & illud ad nos usque transferre, ut possimus audire & facere quod præceptum est?* & concludit *sed iuxta te est sermo valde in ore tuo, & in corde tuo ut facias illum*, imo addunt confirmari hanc expositionem ex Paulo ad Romanos 10. vbi alludens ad hunc locum Deuteronomij, sic ait: *quæ ex fide est iustitia, sic dicit, ne dixeris in corde tuo quis ascendet in calum? id est Christum deducere, aut quis descendet in abyssum? id est, Christum à mortuis reuocare, sed quid dicit? prope est verbum in ore tuo, & in corde tuo, &c. ut ostendat Romanis quemadmodum non fuit opus Iudæis in calum conscendere, aut transfratere ut legem haberent, & intelligerent, quam seruare debebant, quia Mosem eam plane, & aperte promulgantem habuerunt: sic etiam eis opus non esse in calum ascendere, aut descendere in infernum ut Christi incarnationem & resurrectionem crederent cum Apostolos haberent eam palam prædicantes.*

Hanc expositionem aliqui de quorū numero sunt CAIET. ADAMVS, & TOLETVS in commentarijs ad testimonium citatum ad Rom. 10. reiiciunt quia nomine *mandati* dicunt Mosem non intellexisse totam legem, sed speciale præceptum internæ conuersionis in Deum per penitentiam ad obtinendum remissionem peccati in eiusdem legis violatione.

Sed hoc cuiuslibet attente legenti contextum constabit esse falsum. Et idem authores, & cum eis VASQVIZOM. 2. in I. 2. disputatione 189. cap. 18. impugnant rursus eam quod dicat Paulum alludere tantum ad verba Deuteronomij quasi diceret iustitiam fidei recte uti posse illis verbis quibus Moses ibi usus est; quia censent necessarium esse ad explicandam efficaciam doctrinæ Pauli dicere ipsum non solum adduxisse verba Moysis, sed etiam expressisse sensum quem apud eum habent.

Sed neque hoc est alicuius momenti, & ideo ob id solum videtur mihi prædicta expositio insufficiens quia quamuis negati non possit Mosem loqui de facilitate ad habendum notitiam legis, debet etiam concedi eum loqui de facilitate ad obseruandum eam quoniam alias non excluderet Iudæis omnem viam ad excusationem, cum possent excusari propter impossibilitatem ad obseruandum legem: & hoc videtur iudicare ipse Moyses cum in verbis relatis dixit *ut audiamus* siue *ut possimus audire* quod pertinet ad cognitionem, & *ut opere compleamus*, siue *ut faciamus*, quod pertinet ad executionem, & in fine addidit, *sed iuxta te est sermo valde, in ore tuo, & in corde tuo ut facias illum*, vbi per effectum executionis explicat quomodo præceptum sit iuxta.

Secundo Respondetur Mosem illis verbis significare Iudæos posse facile obseruare totam legem, non quia id possent præstare proprijs viribus, sed quia in promptu ipsis erat diuinum auxilium quod diximus esse necessarium ad legis obseruationem. Et hoc auxilium aliqui dicunt

dicunt esse sanationem per gratiam; quod BELLARMINVS loco citato tribuit AVGVSTINO lib. de perfectione iustitiæ prope finem. Sed VASQUEZ loco citato dicit se nihil tale potuisse inuenire in eo libro, & ipse atque alij dicunt esse spiritum fidei, quod est idem, quia huiusmodi spiritus est gratia ad quam per fidem, & non per literam legis perueniebatur. Et OLEASTER aduertit denotari necessitatem huius diuini adiutorij illis verbis eiusdem capituli: *Circumcidit Dominus Deus tuus cor tuum, & cor feminis tui, ut diligas Dominum Deum tuum in toto corde tuo, & in tota anima tua, ut possis vivere*, scilicet seruando legem, quasi necessarium sit ad hoc rescari à Deo superflua desideria nostra.

De secundo testimonio: dico cum AVGVSTINO loco citato intelligendum esse de primo homine in eo statu in quo est à Deo conditus. Et ideo ipse AVGVSTINVS post verba ibidem relata subdit: *ipsa*, scilicet, *possibilitas est prima gratia qua primus homo stare potuisset si seruare mandata Domini voluisset*. Deinde quoniam Author illius libri videtur loqui ad homines sui temporis imo, & ad homines vniuersos. Dico cum IANSENIO in commentario illius loci VEGA de iustificatione, quæst. 8. & BELLARMINO loco citato iuxta doctrinam AVGVST. tom. 7. lib. de gratia & libero arbitrio cap. 15. & 16. apponi illa verba ad demonstrandum esse in nobis liberum arbitrium per quod præcepta implenda sunt, sed non excludi gratiam sine qua impleri non possunt, sicut etiam in alijs locis asseritur necessitas gratiæ, & non excluditur liberum arbitrium.

De tertio testimonio: Dico cum D. THOMA in solutione ad primum huius art. ex AVGVST. tom. 3. lib. de spiritu & litera 27. dictione naturaliter non significari naturam sine gratia, sed reparatam per gratiam ad eam perfectionem, quæ quamuis sit supernaturalis, appellatur naturalis in quantum est consentanea ipsi naturæ, ad distinctionem vitij quod est contra naturam, ita exponit hanc doctrinam AVG. BELLARM. tom. 3. lib. de gratia primi hominis c. 5. §. 1. naturale. Deinde dico cum VEGA & VASQUEZ locis citatis per illam dictionem non excludi gratiam, sed legem scriptam quam habebant Iudæi, & non gentiles; & tandem dico cum BELLARMINO loco citato PAVLVM ibi loqui de singulari aliquo mandato, & non de omnibus; & ad testimonium CHRYSOSTOMI respōdeo sensum eius esse gentes adimplere omnia, quæ ad vnam aliquam legem pertinent, ita ut in ea seruanda nihil peccauerint, non tamen seruare omnes leges.

AD SECUNDVM respondetur optimam esse solutionem ibidem assignatam tã ad ipsum argumentum quam ad confirmationem, quia neque in argumento colligitur bene ex proportionem quoad ordinem inter obseruationem omnium præceptorum, & vires naturæ posse per easdem vires sine gratia obseruari omnia præcepta, si vires sint infirmæ propter rebellionem quam patiuntur ex parte appetitus sensitiui. Neque in confirmatione colligitur bene ex eo quod homo sine gratia poterat in statu naturæ integræ, posse etiam cum idem in statu naturæ corruptæ, quia in priori statu vires hominis erant sanæ, & integræ, & in posteriori sunt infirmæ & ægræ. Et est optimum exemplum

A quod adducitur ex simili comparatione inter hominem infirmum & sanum corporaliter quoad motum progressiuium, quia quamuis huiusmodi motus sit proportionatus homini sano & infirmo quoad ordinem; in quantum respectu vtriusque est naturalis & corporeus, non potest perfici neque ad tantam distantiam, neque tam expedite & sine adiutorio ab infirmo, sicut à sano. Et ad obiectionem contra hoc factam dicendum est ex hac infirmitate naturæ recte colligi naturam non posse omnia quæ poterat sana, & non solum non posse æque facile. Sicut in exemplo posito ex ægritudine corporeâ non solum colligitur hominem ægrotum non posse æque facile, moueri ad aliquam distantiam atque sanum, sed etiam non posse moueri sine adiutorio cui innitatur.

Et ad probationem oppositi concedendum est antecedens si intelligatur de viribus quæ conueniunt libero arbitrio secundum suam intrinsicam entitatem, & in eodem sensu sumpto consequenti primæ consequentiæ, concedenda est ipsa consequentia, quia cum per peccatum non sit immutata ipsa entitas intrinseca liberi arbitrij neque eius vires propriæ & intrinsecæ erunt imminutæ, ceterum *neganda est secunda consequentia*.

Et ad probationem, Dico esse magnum discrimen inter impedimenta illa in quibus dicitur posse fieri inductionem, & impedimentum quod apponitur libero arbitrio per rebellionem appetitus, quia illa impedimenta ita sunt extrinseca virtutibus actiuis quibus apponuntur ut non habeant fundamentum in eis, & ideo cum subijciuntur ipsis tanquam inferiora aut minus valida, non sufficiunt ut virtutes actiue non possint absolute quod possent remotis talibus impedimentis, sed solum ut non possint facile. Et potest hoc explicari in graui quod si cum descendit deorsum impediatur supposita tabula aut alia re quam possit suo pondere impellere, non impediatur ita ut non possit perficere totum motum quem remoto tali impedimento perficeret, sed ita ut non facile id efficiat. At vero in nostro casu impedimentum, quod est rebellio appetitus quamuis sit extrinsecum libero arbitrio, quia est extra id ipsum, habet fundamentum in eo, quia voluntas cum sit appetitus totius non solum inclinat ad bonum conforme rectæ rationi, sed etiam ad bonum appetitus in quantum proponitur ei ut bonum totius, & ideo ita impedit liberum arbitrium, ut non possit totum quod posset eo remoto.

Et idem dicendum est ad id quod obijecitur contra exemplum hominis ægri corpore quia etiam in eo virtuti loco motiue non imminuuntur vires propriæ, sed solum apponitur impedimentum extrinsecum, quod est infirmitas in membro per quod est exercendus motus, & tamen quia hoc impedimentum habet fundamentum in ipsa virtute motiua quæ non potest exercere motum nisi per tale membrum, ideo sufficit ut virtus motiua non possit sine aliquo adiutorio totum quod posset impedimento sublato.

AD TERTIVM Respondetur negando sequentiam, & ad probationem tribus modis solet responderi, nam primo aliqui etiam ex D. THOMA. expositoribus negant Deum ut autorem naturæ præcipere obseruationem totius legis siue quod

idem est, collectionis omnium præceptorum, quia non imposuit vnum aliquod præceptum obligans ad observandum huiusmodi collectionem, sed particularia præcepta quorum vnumquodque tantum obligat ad sui ipsius observationem, & ita quamvis Deus vt author, & conservator naturæ non det vires sufficientes ad observandum totam collectionem præceptorum non sequitur eum præcipere aliquid impossibile.

Verum hac solutio aliquibus non placet; Primo quia in scriptura habetur præceptum non peccandi absolute, siue nullum peccatum committendi, ergo & observandi omnia præcepta; *consequentia patet*, quia idem est nullum peccatum committere, & observare omnia præcepta in quorum violatione consistit peccatum, & *antecedens probatur* ex illo 1. Ioannis 2. *hac scribo vobis vt non peccetis*, & Psal. 36. *declina à malo*, &c.

Secundo, quia hic actus nolo observare omnia præcepta obligantia sub mortali, est peccatum mortale; ergo est contra aliquod præceptum obligans sub mortali, & hoc præceptum non esse aliud quam illud quod obliget ad observandum omnia præcepta, probatur, quia nulla est ratio cur ex particularibus præceptis sit vnum potius quam aliud.

Tertio, quia saltem collectione omnium præceptorum præcipit Deus observare totam legem siue totam collectionem ipsorum præceptorum, & eandem absurditatem continet præcipere aliquid impossibile, siue vno præcepto siue collectione diversorum præceptorum. *Sed mihi id* quod in hac solutione supponitur sc. nō dari speciale præceptū legis naturalis obligans ad observandum totam collectionem præceptorum eiusdem legis, videtur certum quia non potest observari tota hæc collectio nisi per particulares adimpletiones singulorum præceptorum ergo frustra ponitur præceptū observandi totam collectionem, quod sit speciale, & distinctum à singularibus præceptis obligantibus ad particulares adimpletiones sibi respondentibus. *Et non* obstat primum argumentum contra hoc factum, quia ex priori testimonio solum colligitur non esse peccandum per violationem alicuius præcepti particularis, & ex posteriori declinandum esse à malo seruando singula præcepta.

Neque etiam obstat secundum, quia concessio antecedenti neganda est consequentia, cuius ratio est quia ille actus æquivaleret huic, volo deficere in observatione alicuius præcepti obligantis sub mortali, quod est velle committere aliquod peccatum mortale, & hic actus non est contra determinatum præceptum obligans sub mortali, neque in materia determinata sufficienti ad peccatum mortale, sed contra aliquod præceptum vage sumptum, & in materia etiam vage sumpta, & hoc est satis vt habeat specialem malitiam, vt explicari solet supra quæstione 18. articulo secundo, quare non est admittenda sententia eorum qui dicunt illum actum esse tantum peccatum veniale, sicut actum otiosum, & nihilominus ipsam solutionem censo insufficientem, quia non potest responderi ad argumentum tertio loco positum contra eam, scilicet, cur sit minus absurdum præcipere aliquid impossibile pluribus præceptis quam vno, vt recte ostendit Vasa lib. 14. super Concilium Tridentinum c. 21.

A *Secundo respondent* alij ex illa probatione non colligi esse impossibile seruare totam legem naturalem sine auxilio gratiæ impossibilitate physica aut metaphysica cuius oppositum implicet contradictionem, sed tantum impossibilitate morali, cuius oppositum nunquam fiet, quamvis ex natura rei non repugnet fieri, & sententiam illam Deus non præcipit aliquid impossibile debere intelligi de impossibili impossibilitate physica aut metaphysica, & non morali.

Contra hanc solutionem obijcit VASQUEZ tom. 2. in 1. 2. disputatione 189. cap. 19. quia vel hæc impossibilitas moralis consistit in defectu virium quæ requiruntur intrinsece in libero arbitrio ad observandum præcepta, vel solum in difficultate maxima proveniente ex ægitudine naturæ. Si dicatur primum sequitur impossibilitatem hanc non esse moralem, sed physicam aut metaphysicam, quia si vires quæ requiruntur in libero arbitrio sunt insufficientes ad observandum omnia præcepta repugnantiam inuoluit per eas solas observari omnia. Si vero dicatur secundum sequitur gratiam solum esse necessariam ad facile seruandam legem, quia sine gratia posset quævis cum difficultate observari; quod videtur esse contra canonem quintum Concilij Milevitani adductum in probatione primæ conclusionis, vt constabit ex eius verbis ibidem relatis.

Sed responderi potest impossibilitatem moralem non consistere in quacumque difficultate etiam magna, sed in tanta, vt arbitrio prudentis merito iudicetur rem nunquam euenturam; quando enim difficultas est tanta reputatur moraliter, & humano modo pro impossibilitate simpliciter, quando vero difficultas solum est tanta, vt eodem arbitrio iudicetur aliquando licet admodum raro, & cum magna difficultate rem eandem euenturam, dicitur etiam impossibilitas moralis non simpliciter, sed secundum quid. Et de hac posteriori difficultate loquitur Concilium, cum difficultatem distinguit ab impossibilitate morali. Et eodem modo sunt intelligendi alij Patres cum contra Pelagium asserunt non solum esse difficile, sed etiam impossibile sine auxilio gratiæ observari omnia præcepta.

C *Verum adhuc* mihi non placet hæc solutio quia in ea non assignatur aliquod fundamentum sufficiens vt prudenter possit iudicari de libero arbitrio nunquam esse re ipsa observaturum omnia præcepta naturalia, eū in ea supponatur vires quas in hoc statu habet liberum arbitrium quoad intellectum & voluntatem, esse sufficientes non solum secundum se, sed etiam vt patiuntur rebellionem partis sensitivæ ad observandum omnia præcepta naturalia. Et supponi hoc vt certum in hac solutione patet, quia præcepta naturalia imposita sunt homini vt habet liberum arbitrium coniunctum appetitui sensitivo potenti rebellare contra rationem; ergo etiam potentia physica ad observandum omnia hæc præcepta debet ei convenire, vt ita coniuncto appetitui sensitivo.

Et ideo tertio Responderetur ex D. THOMA, in solutione ad secundum huius articuli non esse impossibile homini id quod potest auxilio diuino, quia vt dixit ARISTOTELIS 3. Ethic. cap. 3. *qua per amicos possumus, aliquantulum nos possumus*. Et colligitur hæc

tur hæc

tur hæc solutio ex Concilio TRIDENT. sessione 6. decreto de iustificatione cap. 11. ubi ut ostendat Dei præcepta non esse ad obseruandum impossibilia, sic ait: *nam Deus impossibilia non iubet, sed iubendo monet, & facere quod possis & petere quod non possis, & adiuvat ut possis*, ex qua ratione colligitur aperte, satis esse ut præcepta diuina non sint homini impossibilia ad obseruandum posse ab eo seruari cum diuino auxilio. Et non sequitur ut authorem naturæ præcipere aliquid impossibile, quod quamuis ut author naturæ præcipiat obseruantiam totius legis, & non det ea auxilia gratiæ, quæ diximus esse in hoc statu necessaria ad obseruandam totam legem; quia ad vitandum hoc inconueniens satis est Deum ut præcipit talem obseruantiam esse paratum ex sua benignitate & misericordia dare homini auxilia quæ ad eam fuerint necessaria, siue ex particulari prouidentia accommodata statui hominis det in executione auxilia pertinentia ad ordinem gratiæ supernaturalis, ut de hoc statu dictum est, siue pertinentia ad ordinem gratiæ naturalis, qualia essent ea, quæ Deus daret homini condito in puris naturalibus. Dico autem Deum esse paratum ad dandum auxilia ex sua benignitate, & misericordia quia nulla ex his auxilijs sunt debita naturæ humanæ ratione creationis & conseruationis, sicut est debitus concursus generalis, sed omnia etiam si pertineant omnino ad ordinem naturæ dantur à Deo liberaliter, & hæc proueniunt ex speciali prouidentia quam intra ordinem naturæ haberet Deus erga hominem conditum in puris naturalibus.

Sed obijciat homo conditus in puris naturalibus teneretur ratione omnium præceptorum legis naturalis ad obseruandum omnia; ergo esset ei debitum auxilium quo id posset præstare. *Respondetur* negando consequentiam, quia cum homo ex sua natura constet appetitu sensitivo pugnante contra rationem quo non impeditur ab obseruatione singulorum præceptorum, nisi forte quoad præceptum diligendi Deum super omnia, & impeditur ab obseruatione omnium, solum postulat tantum sibi debitum concursum generalem, quo singula possit obseruare, & non auxilium quo possit omnia collectivè sumpta obseruare, quia hoc est supra suam conditionem naturalem, quare ex illo antecedenti solum potest colligi esse consentaneum diuinæ misericordię, ut cum homine in illo statu constituto utatur speciali prouidentia qua det ei auxilia requisita ad operandum in omnibus iuxta exigentiam sui finis naturalis.

Ad ultimum concessio antecedenti neganda est consequentia, & admissa suppositione facta ad utrumque medium suæ probationis, *Respondetur* ad primum negando antecedens quantum ad illud discursum per omnia præcepta ex primo usque ad ultimum, non solum quia potest contingere ut præceptum quod posterius occurrit seruandum sit grauius & difficilius quam quod prius occurrerat, sed etiam quia hæc est natura virtutis operatiuæ quæ est ægrotæ aut infirmæ, ut non possit suis viribus solis efficere opus adæquate respondens virtuti sanæ, & in nostro casu liberum arbitrium est ægrotum & infirmum, & seruare omnia præcepta est opus adæquatum arbitrio sano. Et idem dico de homine condito in puris na-

turalibus mutato nomine ægritudinis in nomen conditionis naturalis, & ad rationem qua probatur posse fieri illum discursum, scilicet, quia ex obseruatione vnius præcepti non redditur infirmius liberum arbitrium ad obseruandum aliud, sed fortius & robustius. *Respondetur*, quamuis ita sit quantum ad aliquam assuefactionem ad bonum quam acquirit liberum arbitrium tamen absolute & omni ex parte potius infirmari vires liberi arbitrij, quia in quantum est virtus ægrotæ habet ut sola continuatione crescat in ipso difficultas ad operandum sine defectu.

Et si obijciat rationem hanc ægritudinis habere vim respectu obseruationis præceptorum ad longum tempus, in quo possunt occurrere plurima impedimenta, & non respectu obseruationis præceptorum, prout hic considerantur, scilicet, præcise secundum suam grauitatem, & abstrahendo à tempore, quia & ipsa sunt pauca numero, & non habent adiuncta alia impedimenta. *Respondetur* rationem hanc non fundari in defatigatione aliqua virtutis operatiuæ proueniente ex impedimentis occurrentibus, sed in conditione propria virtutis ægrotæ quæ habet intrinsecam hanc limitationem ut non possit extendi ad tam perfectum opus sicut sana, & ex consequenti neque ad opus adæquatum sanæ: & colligitur hoc ex ratione quam ex D. THOMA adduxi ultimo loco pro prima conclusione, & ex testimonijs Conciliorum, & Patrum adductis pro eadem conclusione, quia in omnibus assignatur pro radice huius impotentię defectus sanitatis, & ex eo patet solutio ad argumentum quo MOYNA in concordia ad articulum 13. quest. 14. disputatione 20. impugnatur exemplum hominis ægroti, scilicet, quia talis homo quo diutius operando laborat eo infirmior redditur ad operandum, quod non potest dici de homine in nostro casu; nam respondendum est hoc exemplum solum adduci quantum ad limitationem prouenientem ex ægritudine.

Ad secundum medium respondetur non esse admittendum illum casum, neque esse designabile præceptum, in cuius obseruatione incipiat deficere liberum arbitrium, quia in re non datur tale præceptum. Et si ita argumenteris liberum arbitrium ut limitatum ratione ægritudinis habet pro termino extrinseco ad quem non potest extendi omnia præcepta, ergo ad ea quæ sunt citra omnia potest extendi, & ex consequenti cum nouem sint citra omnia quæ sunt decem, poterit extendi usque ad nouem. *Respondetur* non esse designandum terminum extrinsecum in omnibus præceptis sumptis diuini, quia ratione sumuntur in hoc argumento quia decem determinate comparatur ad nonum, atque adeo vnum numeratur post aliud, quod est diuidi ab inuicem; sed in omnibus sumptis collectivè, quia ratione sumuntur cum non comparatur vnum determinatum ad aliud determinatum, sed tota collectio eorum nullo excepto ad omnia excepto aliquo vage sumpto, ita ut sensus sit, non posse adimplere totam collectionem præceptorum nullo excepto, sed posse obseruare omnia deficiendo in aliquo vage sumpto.

Ad Confirmationem Respondetur distinguendo consequens primæ consequentiæ, si enim intelligatur de singulis præceptis etiam nullo præter-

nullo sumptis diuise, concedenda est consequentia: si tamen intelligatur de singulis sumptis collectiue, neganda est consequentia. Et non probatur sufficienter ex primo medio, ut patet ex eius solutione; & ideo etiam est neganda secunda consequentia, & ad eius probationem, concessio antecedenti neganda est consequentia, ad cuius probationem dicendum est regulam illam summularum intelligendam esse quando nullus committitur defectus, qui tamen in hoc casu committitur, quia illa probatio æquiualeat huic syllogismo: si homo seruaret singula præcepta nullo prætermisso, seruaret omnia collectiue: sed potest seruare singula nullo prætermisso, ergo potest seruare omnia collectiue, in quo aperte committitur defectus, cum minor intelligatur de singulis præceptis sumptis diuise, & consequens de omnibus collectiue, & est exemplum in hoc simili syllogismo: si album esset nigrum idem esset simul album & nigrum, sed album potest esse nigrum, ergo idem potest esse simul album & nigrum, quia etiam in hoc proceditur à sensu diuiso ad compositum.

AD PRIMUM secundæ sententiæ, quicquid sit de antecedenti neganda est consequentia, quia cum Pelagius assereret sufficere vires naturæ ad obseruandum omnia præcepta, solum debuit ostendi à Patribus oppositum, quod est requiri auxilium actuale, & non oportuit explicari an ut detur huiusmodi auxilium debeat præsupponi tanquam conditio gratiæ habitualis. Neque tamen propterea asseritur debere eam præsupponi sine magno fundamento, ut constat ex probatione nostræ secundæ conclusionis.

AD SECUNDUM concessio antecedenti neganda est consequentia, & ad probationem; dico solum conuincere non requiri gratiam habitualementanquam virtutem per se adiuuantem ad obseruationem omnium præceptorum, non tamen non requiri ut conditionem necessariam ex lege Dei ordinaria, ut detur alicui auxilium actuale, ut in secunda conclusione est explicatum, & eodem modo Respondetur ad confirmationem sicut in ipsa dictum est.

Et ad primam obiectionem contra hoc factam patet solutio ex probatione secundæ conclusionis ubi explicui fundamenta propter quæ est dicendum gratiam habitualement esse in prædicto sensu necessariam.

Et ad secundam probationem, dico auxilia gratiæ quibus interdum Deus mouet peccatores ad insignia quædam opera virtutum non importare sanitatem hominis quoad partem sensitivam nisi secundum quid, scilicet quoad illa opera in particulari, & ideo non præsupponere sanitatem quoad mentem, iuxta rationem congruentiæ propter quam ponitur hæc lex ordinaria explicata in secunda probatione secundæ conclusionis: & idem dico si quis vim faciat in auxilio quod datur ad actus qui sunt vltima dispositio ad gratiam, supposita sententia eorum qui dicunt huiusmodi actus non procedere ex habitibus infusis.

AD VLTIMUM concedendum est antecedens, & neganda consequentia, si consequens intelligatur de omnibus præceptis.

Ad Confirmationem negandum est antecedens,

A supposita lege ordinaria superius explicata, & non colligitur ad oppositum ex testimonijs scripturæ in quibus obseruationi præceptorum promittitur vita æterna quale est illud Matth. 6. *Si vis ad vitam ingredi, serua mandata*, quia in eis non promittitur gratia iustificans; sed vita æterna obseruationi præceptorum, quam supponitur habituram conditiones requisitas, ut sit meritoria.

CIRCA tertiam conclusionem solet disputari de necessitate gratiæ ad obseruandum præcepta naturalia, & vitandum peccata contra ea, sed de hoc dicemus art. 8.

ARTICVLVS V.

Utrum homo possit mereri vitam æternam sine gratia?

B CONCLUSIO EST NEGATIVA. De materia huius articuli agendum est infra quæstione 114. artic. 2.

ARTICVLVS VI.

Utrum homo possit seipsum ad gratiam præparare per seipsum absque exteriori auxilio gratiæ?

PRIMA CONCLUSIO. Homo non potest se præparare per opera meritoria ad consequendum Dei fruitionem sine dono gratiæ habitualis.

SECUNDA CONCLUSIO. Ad hoc ut ultimo se præpararet ad suscipiendum donum gratiæ habitualis non oportet præsupponere aliquod aliud donum habituale in anima.

TERTIA CONCLUSIO. Homo non potest se præparare ad suscipiendum donum gratiæ habitualis nisi per auxilium gratuitum Dei innotius momenti.

COMMENTARIVS.

CIRCA primam conclusionem Nota esse positam à D. THOMA ad explicandos duos modos præparationis qui possunt homini conuenire in ordine ad gratiam, scilicet per merita in ordine ad gratiam consummatam, quæ est beatitudo nostra & fruitio Dei, & per alios actus bonos in ordine ad donum gratiæ habitualis, & eius difficultas est explicanda loco citato in articulo præcedenti.

CIRCA secundam conclusionem, Nota cum in ea dicitur non præsupponi aliud donum habituale ad illam præparationem, non intelligi de habitibus fidei, & spei de quibus docuit D. THOMAS supra quæst. 65. art. 4. & 5. & 32. q. 4. art. 7. & q. 19. art. 7. & 8. præsupponi ordine generationis ad habitum charitatis, & ex consequenti ad habitum gratiæ, sed de alio habitu gratiæ supernaturalis qui proportionem habeat cum gratia habituali

habituali, & distinguitur ab ea quoniam alias esset inefficax ratio qua D. THOMAS probat hanc conclusionem, scilicet quia ex opposito sequeretur dari processum in infinitum: non enim potest inferri hoc inconueniens nisi illa duo concedantur de hoc habitu, scilicet esse distinctum à gratia habituali, & habere proportionem cum ea ut non minus possit esse dispositio nem ad quam debeat præsupponi alius habitus quam ipsa gratia habitualis, de quo videndus est D. THO. de veritate q. 24. art. 15. in principio corporis.

Sed obijciat sequi ex hac explicatione huius conclusionis non fuisse à D. THO. sufficienter ostensum non debere præsupponi donum gratiæ habitualis ad illam præparationem. *Probatur sequela*, quia duobus modis potest quis asserere præsupponi donum gratiæ habitualis ad illam præparationem, scilicet, vel quia præsupponitur alius habitus gratiæ supernaturalis distinctus à gratia habituali, vel quia præsupponitur ipsa gratia habitualis tanquam eius principium effectuum: & quicumque ex his duobus modis esset verus sufficiens ut absolute esset concedendum debere præsupponi donum habitualis gratiæ ad præparationem illam, quod de priori supponitur in hac conclusione, & de posteriori constat ex prima conclusione, in qua propter eum conceditur id absolute de præparatione meritoria ad consequendam gloriam, & tamen iuxta hanc explicationem conclusionis solum rejicitur prior modus neque contra posteriorem habet ullam vim eius ratio, cum ex eo non sequatur processus in alium habitum gratiæ distinctum ab ipsa gratia habituali; & non potest responderi, D. THOMAM prætermisisse posteriorem modum tanquam impossibilem, quia multi ex eius discipulis defendunt ex ipsius sententia, infra quæst. 113. art. 2. has duas actiones, scilicet continentem & dilectionem quæ sunt vltima dispositio ad gratiam habitualem procedere ab ipsa gratia habituali ut ab efficiente: & aliqui contendunt esse hoc magis consentaneum veræ Philosophiæ de vltimis dispositionibus ad formas substantiales.

Respondetur negando sequelam, & ad eius probationem respondetur primo optimam esse solutionem hic assignatam, scilicet D. THOMAM noluisse impugnare posteriorem modum, quia existimant eum esse falsum, & hanc esse eius sententiam colligitur satis aperte ex tertia conclusione, & eius probatione, in qua docet gratiam sine qua homo non potest habere illam præparationem esse auxilium Dei mouentis quod est distinctum à gratia habituali de quo agemus articulo citato.

Secundo Respondetur admissa opposita sententia potiusse DIO. THOMAM prætermisere illum modum ut insufficientem ad asserendum debere præsupponi donum habitualis gratiæ ad illam præparationem, quia quoniam constituto quæ est vltima dispositio ad gratiam habitualem procedat re ipsa ab ipsa gratia, non intelligitur quatenus est dispositio subiecti ad suscipiendam gratiam habitualem, ut procedens ab ea, cum disponere animam sit reddere eam idoneam & aptam ad suscipiendum habitum gratiæ, & in hoc non importetur ordo ad principium efficiens, sed ad subiectum, hanc solutionem explicat late VASQVÆZ

A disputatione 221. cap. 6. nu. 43. & nos eam examinabimus loco citato.

CIRCA tertiam conclusionem, Nota per auxilium gratuitum Dei interius mouentis significari non solum internam inspirationem, sed etiam concursum actualem pertinentem ad ordinem gratiæ supernaturalis, ita ut sensus sit debere præsupponi ad illam præparationem, non solum inspirationem internam ad finem supernaturalem, sed etiam concursum actualem proportionatum conuersioni ad eundem finem; de quo agimus infra quæst. 112. art. 2. & in art. 3. sequenti disputatione an ad auxilium actuale procedat ex parte nostra aliqua præparatio? & explicabimus propositionem hanc, facienti quod in se est Deus non denegat gratiam, de qua D. THO. etiam agit in solutione ad 2. huius articuli.

ARTICVLVS VII.

B *Verum homo possit resurgere à peccato sine auxilio gratiæ?*

CONCLVSIO. *Ad hoc ut homo à peccato resurgat requiruntur auxilium gratiæ, & quantum ad habituale donum, & quantum ad interierem Dei mouentem.* De materia huius articuli agendum est infra quæstione 115. peculiariter articulo 2. & 3.

ARTICVLVS VIII.

Verum homo sine gratia possit non peccare?

PRIMA CONCLVSIO. *Homo in statu nature integra poterat sine gratia habituali non peccare, nec mortaliter, nec venialiter non tamen id poterat sine auxilio Dei in bono conseruanti.*

SECUNDA CONCLVSIO. *Homo in statu nature corrupta si sit sanatus per gratiam habitualem quoad mentem potest abstinere ab omni peccato mortali, non tamen ab omni peccato veniali.*

C TERTIA CONCLVSIO. *Homo in statu nature corrupta antequam reparetur per gratiam insufficiens non potest singula peccata mortalia vitare & secundum aliquod tempus, ita ut non sit necesse eum continuo peccare in actu, sed non potest diu manere absque peccato mortali.*

COMMENTARIVS.

CIRCA TITVLVM Nota primo nomine gratiæ comprehendi omne donum gratiæ siue actuale, siue habituale, ut distinguitur à viribus nature. & à concursu generali eis debito, ut explicui artic. 4. in tertio notabili posito circa titulum. Quare deceptus est VASQVÆZ in commentario huius articuli ubi dixit

D. THO.

D. THOMAS in eo non agere de necessitate auxiliij gratiæ mouentis ad vitandum peccata, sed de necessitate gratiæ habitualis. Et contra eum sufficientia ea, quæ in illo notabili sunt dicta, quibus adde etiam in secunda conclusione huius articuli insinuari hoc à D. THOMA, quia in ea loquitur de homine sanato per gratiam habitualement, & non habente auxilium speciale ad vitandum omnia peccata venialia.

Et si queratur D. THOMAS in his conclusionibus solum meminerit gratiæ habitualis, & non actualis. Respondetur rationem esse quia voluit explicare radicem ex qua possumus colligere esse aut non esse necessarium auxilium actuale; nam cum habitualis gratia sola non sufficiat ad non peccandum, sed requiratur etiam auxilium actuale, & hoc secundum legem Dei ordinariam non datur nisi præsupposita gratia habituali, vt explicui art. 4. in dubio circa secundam conclusionem articuli in 2. conclusione satis fuit dicere pro quo data sit aut non sit necessaria gratia habitualis ad non peccandum, vt inde colligamus esse dicendum idem de auxilio actuali.

SECUNDO NOTA occasione illius particulæ, non peccare posse obijci non distingui difficultatem huius articuli ab ea quam D. THOMAS disputauit art. 4. præcedenti quia cum peccatum sit legis præuaricatio, idem erit non peccare, & non transgredi legem, & ex consequenti etiam erit idem obseruare præcepta de quo egit D. THO. art. 4. & non peccare, de quo agit in isto.

Ad hoc respondent aliqui difficultatem esse eandem, & solum distingui hos articulos penes motiua dubitandi, quia in illo articulo motiua sumuntur ex eo ad quod præcepta obligant, scilicet, quia obligant non solum ad substantiam operum, sed etiam ad modum qui est fieri ex charitate & meritorie, & in hoc sumitur ex corruptione naturæ humanæ, scilicet, quia huiusmodi corruptio sit tanta vt non possit homo per vires suæ naturæ & sine auxilio gratiæ non peccare.

Sed solutionem hanc esse insufficientem constat aperte ex discursu vtriusque articuli, quia in vtroque sumitur ratio dubitandi ex viribus quæ conueniunt naturæ humanæ in vnoquoque statu siue ratione integritatis, siue ratione corruptionis; & non colligitur oppositum ex distinctione obseruationis præceptorum quoad substantiam, & quoad modum explicata in illo articulo, & non in isto; quia oportebat explicari huiusmodi distinctionem in aliquo articulo ad tradendum perfectam doctrinam de obseruatione præceptorum secundum vtramque rationem, pro quocunque statu, & factum est in illo, vt in priori, & ex eo supponitur in hoc.

Et ideo aliter respondetur ex ijs quæ dixi articulo quarto in dubio circa secundam conclusionem articuli in secundo notabili posito ad explanationem sui tituli, negando disputari eandem difficultatem in his duobus articulis, quia quamuis idem sit non peccare, & obseruare siue non violare præcepta, tamen hoc potest considerari duobus modis, scilicet, aut habita solum ratione difficultatis quæ prouenit ex propria grauitate ipsorum præceptorum, aut habita ratione difficultatis quæ prouenit ex diuturnitate temporis, in quo præcepta sunt obseruanda; & in priori sensu dis-

A putatur hæc difficultas art. 4. & in hoc in posteriori. Quare sensus huius tituli est, an homo possit viribus naturæ, & sine auxilio gratiæ vitare ad longum tempus omnia peccata.

Et si obijcias nullam fieri neque in titulo, neque in corpore art. mentionē longi temporis. Respondetur in primis in titulo esse hoc virtute explanationis, quia cum dicitur absolute non peccare, significatur vitare omnia peccata, quod non potest intelligi nisi de longo tempore: cum in breui non occurrant multa peccata vitanda, sed pauca; & deinde dico etiam expresse esse id explicatum in tertia conclusione, iuxta quam sunt intelligendæ præcedentes.

Circa primum conclusionem est

I. DUBIUM.

B Virum homo in statu naturæ integræ potuerit per suum liberum arbitrium cum solo concursu generali Dei, & sine alio auxilio specialis vitare ad longum tempus omne peccatum tam mortale quam veniale, quod esset contra legem pure naturalem?

VBI consulta addo illa verba contra legem pure naturalem, vt excludam peccata contra præcepta supernaturalia, aut etiam naturalia, prout indirecte aut mediate obligant ad aliquid supernaturale, quia cum hæc peccata sint vitanda per obseruationem præceptorum supernaturalium, non habet homo maiores vires ad hoc in vno statu quam in alio, & ideo de eis agemus in fine huius articuli abstrahendo ab vtroque statu naturæ, siue integræ, siue corruptæ. Cum vero dico hæc omnia peccata tam mortalia, quam venialia esse contra legem, non id sumi in rigore prout solet disputari in materia de peccatis an conueniat peccatis venialibus, sed magis late vt importat aliquem modum defectus à lege.

C IN hoc dubio possunt citari pro parte negativa auctores quos articulo quarto in dubio circa primam conclusionem articuli retuli pro eadem parte. Quæ probatur primo, quia liberum arbitrium in illo statu poterat pati tantam difficultatem ex tentatione Dæmonis, sicut nunc ex pugna carnis contra rationem; ergo etiam in illo statu indigebat gratia Dei ad non peccandum, consequentia patet, quia vbi difficultas eodem modo excedit virtutem actiuam, & est necesse addi eodem modo vires ab extrinseco. Et antecedens probatur, quia posset tentatio in illo statu esse tanta quoad vehementiam & frequentiam vt esset libero arbitrio tam difficile resistere ei, sicut est in hoc statu resistere pugne carnis contra rationem.

Confirmatur, quia obseruatio alicuius præcepti posset

posset esse tam difficilis homini in illo statu ratione materiæ & circumstantiarum, sicut est nunc propter pugnam carnis contra rationem ergo in tali casu non minus indigeret homo tunc gratia Dei ad observandum præceptum, & ex consequenti ad non peccandum quam nunc. *Probatur antecedens*, quia si Deus præciperet homini in illo statu aut Angelo, ut ad manifestandam virtutem obedientiæ, vellet perpetuo esse in inferno, non minorem difficultatem sentiret homo aut Angelus in observatione illius præcepti; quam homo in hoc statu sentiat in observatione aliorum præceptorum propter pugnam appetitus contra rationem.

SECUNDO probatur quatuor testimonijs **AVGVSTINI** in quibus docet primum hominem quamvis non amisisset illum statum per peccatum indiguisse auxilio Dei adiuvantis ad non peccandum. *Primum* habetur, tom. 2. Epistola 106. quæ est ad Bonifacium prope finem: *natura humana si in illa integritate in qua condita est, permaneret nullo modo seipsam creatore suo non adiuvante servaret. Secundum* tom. 3. in enchiridio cap. 106. *Et si peccatum in solo libero arbitrio erat constitutum non tamen iustitia retinenda sufficiebat liberum arbitrium nisi participatione immutabilis boni divinum adiutorium præberetur*; & idem apertius repetit in fine eiusdem capituli, & iterum capite sequenti. *Tertium* tom. 5. lib. 14. de civitate cap. 27. *sic erat institutus (scilicet primus homo), ut si de adiutorio Dei fideret bonus homo malum Angelum vinceret, si autem creatorem atque adiutorem Deum superbe sibi placendo desereret, vinceretur. Ultimum* tom. 7. lib. de correptione & gratia cap. 11. tunc ergo dederat homini Deus bonam voluntatem, in illa quippe cum fecerat, qui fecerat rectum, dederat adiutorium, sine quo in ea non posset permanere si vellet, &c.

Confirmatur auctoritate **D. THOMÆ** in hac ipsa conclusione, quia dicit expresse non potuisse hominem in illo statu non peccare sine auxilio Dei in bono conservantis, & per auxilium hoc intelligit auxilium gratiæ mouentis, tum quia non appellavit ipsum generale, quasi nolens significare esse eiusdem rationis cum auxilio quo Deus concurret cum causis naturalibus; tum etiam quia alias sequeretur ex sententia **D. THOMÆ** potuisse hominem in illo statu perseverare usque in finem vite sine peccato mortali proprijs viribus quod est absurdum. *Et ex hoc potest sumi tertium argumentum pro hac parte*, quia ex opposita sequeretur huiusmodi inconueniens, scilicet non indiguisse hominem in illo statu auxilio gratiæ ad perseverandum usque in finem vite sine peccato mortali. *Ultimo probatur* hæc pars peculiariter quoad peccata venialia, quia homo in statu innocentie non poterat peccare venialiter antequam integritatem illius status admitteret peccando mortaliter, ut **D. THOMAS** docet supra quæstione 89. art. 3. ergo habebat ex auxilio gratiæ illum modum non peccandi venialiter. *Probatur consequentia*, quia ad hoc ut homo non possit peccare venialiter, non sufficiebat integritas naturæ, sed requirebatur specialis providentia Dei.

SIX CONCLUSIO. *Homo in statu naturæ integre poterat suis viribus cum solo concursu generali sine auxilio gratiæ vitare omne peccatum tam mortale,*

A *quam veniale contra præcepta pure naturalia etiam ad longissimum tempus.* In hac conveniunt omnes auctores citati articulo quarto pro alia simili conclusione posita in dubio circa primam conclusionem articuli. *Et probatur* ratione desumpta ex hoc articulo, quia homo in statu naturæ integre poterat suis viribus & sine auxilio gratiæ etiam ad longissimum tempus non recedere ab eo quod est conforme naturæ rationali; ergo & poterat non peccare nec mortaliter, nec venialiter. *Consequentia patet*, quia peccare nihil aliud est quam recedere ab eo quod est secundum naturam rationalem, & *antecedens* probatur, quia homo in illo statu erat sanus quoad facultates non deficienti ab eo quod est conforme naturæ rationali, & propter diuturnitatem temporis aut impedimenta quæ in longo tempore possent occurrere non amitteret hanc sanitatem, ergo poterat viribus suis & sine auxilio gratiæ etiam ad longissimum quodcumque tempus non deficere ab eo quod esset conforme naturæ rationali. *Et potest hæc consequentia probari* ex ijs quæ adducta sunt in secunda probatione conclusionis citatæ.

B *Et Confirmatur* argumento ibidem posito ex auctoritate Conciliorum & Patrum, quatenus dicunt ex infirmitate quam natura nostra ex peccato contraxit, provenire, ut homo in statu naturæ corruptæ non possit sine auxilio gratiæ observare totam legem, quia idem videtur intelligere de defectu potentie ad vitandum omnia peccata contra eandem legem ad longum tempus: imo **AVGVSTINVS** ita id expresse concedit tom. 2. Epistola 106. ubi de Pelagio loquens, sic ait: *aliquando autem quotidiano gratia Dei munis nos conficitur auxilio, quamvis habeamus ad non peccandum forte ac firmum liberum arbitrium, quod visque inualidum & infirmum debuit confiteri, donec sanarentur omnes languores anima nostra, & tom. 3. in Enchiridio cap. 106. ubi ita inquit; post illam rainam, hoc est post primum peccatum maior est misericordia Dei, quando & ipsum liberum arbitrium liberandum est a servitute, cui dominatur cum morte peccatum, nec omnino per seipsam, sed per solam Dei gratiam, quæ in fide Christi posita est liberatur.*

C *Ad hoc* respondent aliqui rationem hanc sumptam ex ægritudine naturæ humanæ esse sufficientem, ut sine gratia Dei non possit homo vitare omne peccatum non tamen esse adæquatam, & ideo propter alias rationes v. g. propter explicatas in primo argumento potuisse hominem in statu naturæ integre indigere gratia ad vitandum omne peccatum.

Sed contra, quia in testimonijs pro hac confirmatione ibi adductis assignatur hæc ægritudo tanquam ratio unica indigentie gratiæ, si enim daretur alia non debuisset prætermitti. Item quia **AVGVSTINVS** in testimonijs nunc adductis videtur significare hominem liberum ab hac ægritudine non indigere gratia ad vitandum omne peccatum nam in priori testimonio dicit liberum arbitrium indigere gratia quamdiu non sanentur omnes languores anima nostra, & in posteriori quamdiu ipsum non liberatur a servitute peccati, & expresse id docet tom. 7. lib. de correptione & gratia cap. 11. ubi sic ait: ille, scilicet, Adam, opus non habebat adiutorio quod implorant isti cum dicunt, video aliam legem in membris meis repugnantem legi mentis meæ, &c. &

paucis

paucis interpolitis: quoniam in eis caro concupiscit aduersus spiritum, & spiritus aduersus carnem, atque in tali certamine liberantes atque periclitantes, dant sibi pugnandi vincendique virtutem per Christi gratiam possunt, quo loco assignat in statu naturæ integræ sanitatem ab hac ægitudine pro ratione non indigendi gratia, & in statu naturæ corruptæ ipsam ægitudinem pro ratione indigendi gratia Christi.

Ad PRIMVM respondetur negando antecedens, & ad probationem dico vim tentationis dæmonis, & vim rebellionis appetitus posse considerari duobus modis, scilicet aut secundum se, & quasi in actu primo, aut quoad effectum mouendi & trahendi liberum arbitrium, & quasi in actu secundo, si considerentur priori modo non potest negari vim tentationis posse esse tantam ratione suæ vehementiæ, & frequentiæ, ut adæquet homo & superet vim rebellionis appetitus. Si vero consideretur posteriori modo dicendum est nunquam posse vim tentationis esse æqualem vi rebellionis appetitus, quod sic docere videntur AUGUSTINVS tom. 5. lib. 14. de ciuitate c. 15. ubi sic ait, quisquis damnationem Adæ vel iniustam vel iniustam patet metiri profecto nescit quanta fuerit iniquitas in peccando, ubi tanta erat non peccandi facilitas. Et apertius c. 27. in verbis relatis in secundo argumento & D. THO. 2. 2. q. 165. art. 1. in corpore dicit Adamum in statu Innocentiæ potuisse sua voluntate facile resistere tentationi Dæmonis: & in solutione ad tertium inquit, non fuisse, penam tunc homini tentari à Dæmone, quia poterat absque omni difficultate tentationi resistere, & ratio huius doctrinæ est, quia tentatio Dæmonis mouet omnino extrinsece liberum arbitrium, & non habet fundamentum aliquod in eo, quia voluntas non est ex sua natura propensa ad id quod vult Dæmon at vero appetitus ita mouet extrinsece ut habeat fundamentum in ipso libero arbitrio, quia ut explicui art. 4. in dubio circa secundam conclusionem articuli voluntas quoniam est appetitus totius est ex natura sua propensa ad bonum appetitus sensitiui in quantum ei proponitur ut bonum totius; & ideo nunquam posset esse tam difficile libero arbitrio in statu naturæ integræ resistere tentationi Dæmonis sicut est in hoc statu resistere rebellionis appetitus sensitiui, imo neque posset esse absolute difficile, quia voluntas secundum se non habet propensionem ad aliquod obiectum nisi proponatur ut bonum conueniens naturæ appetenti, & rationes extrinsecæ, quæ nullum aut paruum habent fundamentum in tali natura, sunt parum efficaces ad hoc, & colligitur hæc ratio ex illis verbis Iacobi c. 1. suæ Epistolæ unusquisque vero tentatur à concupiscentia sua abstractus & illeceus; non enim est eius sensus non posse fieri tentationem à Dæmone sine concupiscentia, sed nullam tentationem habere vim nisi per concupiscentiam quasi inescantem & allicientem transferatur ad liberum arbitrium.

Ad Confirmationem respondetur primo negando antecedens si intelligatur de præceptis legis naturalis de quibus nunc loquimur, & ad probationem dicendum est præceptum illud tantum dici naturale, quia non est supernaturale, siue de actu supernaturali, & non quia pertineat ad legem naturalem, cum sit positium.

Secundo Respondetur negando antecedens absolute, quamuis intelligatur de omni præcepto quod

lit naturale, quia non est supernaturale ex parte actus ad quem obligat. Et ad probationem dico ex suppositione illius status non esse consentaneum suauitati diuinæ prouidentie imponere homini præceptum volendi aliquid impossibile cum eius felicitate & perfectione, & tale esset præceptum volendi detineri perpetuo in inferno, etiam seculo cruciatu, quia esse in tam vili & abiecto loco, si sumatur ut pæna, non potuit præcedere culpam, quæ nulla fuerat in illo statu, si vero sumatur ut malum quoddam molestum in quantum esset disconueniens perfectioni illius status, etiam repugnaret ei. Et idem dicendum est de quocumque alio præcepto quod ratione suæ materiæ haberet repugnantiam cum perfectione & felicitate illius status, & propterea D. THO. in prima parte q. 97. art. 2. docet hominem in illo statu fuisse impassibilem quoad animam, & quoad corpus passionem quæ remoueret ipsum à sua naturali dispositione.

Ad SECUNDVM Bellarminus tom. 3. lib. 1. de gratia primi parentis c. 48. de tertio autem dono. Respondet concedendo Adamum indiguisse tunc auxilio adiuuante, quod dicit distingui, & à dono habituali dante naturæ integritatem, & ab eius conseruatione, & consistere in cooperatione Dei cum homine per generale auxilium in operationibus naturalibus, & per speciale in supernaturalibus. Sed mihi hæc solutio non placet, quia loquimur de homine in statu naturæ integræ præscindendo à gratia habituali, & à toto ordine gratiæ supernaturalis, & tantum respectu peccatorum quæ sunt contra legem pure naturalem, atque adeo respectu operum pure naturalium, & in homine ita considerato cooperatio diuina tantum habet rationem cōcursus generalis, ut etiam fatetur ipse BELLARMINVS, & cōcursus hic quamuis appelletur auxilium Dei, non est auxilium gratiæ, neque intra ordinem supernaturalem neque intra naturalem, quia est debitus ipsi naturæ. Et ideo aliter respondetur explicando singula testimonia eo ordine quo proposita sunt. Et ad primū ex quo Conciliū ARAVS. secundū cōfecit suum can. 19. ut retuli art. 4. in dubio circa primam conclusionem art. in secundo argumento partis negatiuæ. Respondetur (sicut etiam ibi dixi) ad idem testimoniū propositum nomine Concilij AVE per creatorem adiuuantem non intellexisse auxilium aliquod speciale, & gratuitū distinctum à dono habituali dante naturæ ipsam integritatem, sed hoc donum ut conseruatum à Deo, & concursus Dei proportionatum ipsi, quamuis tam AVE quam Concilium sub hoc dono comprehendant gratiam iustificantem cum virtutibus infusis quæ ad eam consequuntur, quia loquuntur de homine prout de facto habuit hanc integritatem, ut loco citato etiam supposui. Et ut melius intelligatur obiectio contra hanc expositionem ibidem facta, scilicet quia ex ea sequitur sensum Concilij esse non potuisse hominem permanere in integritate naturæ sine ipsa integritate, & solutio ei data.

Aduertendum est, AVEVSINVM illo loco ut cōstat ex antecedentibus velle impugnare hanc propositionem Pelagij, quotidiano gratiæ Dei nos munimur auxilio, quamuis habeamus ad non peccandum forte ac firmum liberum arbitrium, cuius sensum AVEVSINVS paulo inferius dicit esse, cōcedi nobis auxilium gratiæ tanquam ex abundantia, id est, ut etiam si non concedatur, habeamus

tamen

tamen ad non peccandum forte ac firmum liberum arbitrium, & ut eā impugnet adducit in primis quædam testimonia scripturæ, & postea apponit verba de quibus agimus, in quibus sic argumentatur, quamuis homo vincendo primam tentationē permaneret in illa integritate, in qua conditus est non haberet ex fortitudine & firmitate propria liberi arbitrij seipsam seruare, scilicet sine peccato, sed ex creatore adiuuante, hoc est ex dono integritatis conseruato sibi à suo creatore; ergo multo minus amissa per peccatum integritate habebit ex fortitudine & viribus proprijs liberi arbitrij esse sine peccato, & quia in verbis relatis solum continetur antecedens huius argumenti subiecit AUGUSTINVS ad inferendum conclusionem hæc alia verba, cum igitur sine Dei gratia salutem non posses custodire quam accepisti, quomodo sine Dei gratia potest reparare quam perdidisti? ubi esse semper sine peccato appellat salutem perditam, quia supponit habuisse eam hominem in statu naturæ integræ, & amisisse per peccatum, ex quo etiam colligo sensum CONCILII ARAUSICANI in canone citato esse hominem, quamuis denicta prima tentatione permaneret in statu integritatis naturæ non fuisse habiturum ex viribus sui arbitrij eam salutem quæ est esse semper sine peccato, sed ex dono integritatis conseruato sibi à Deo, & ideo multo minus in hoc statu eandem salutem amisissam per peccatum primi hominis posse reparari viribus proprijs & sine auxilio gratiæ. Atque ita manet explicatum non posse colligi sensum concilij esse non potuisse hominem permanere in integritate naturæ sine ipsa integritate, siquidem effectus ad quem dicimus ex concilio necessarium fuisse adiutorium Dei quod esset integritas naturæ non est permanentia in ipsa integritate, sed permanentia sine peccato; quia tamen in dubio citato agebamus de perseverantia in gratia habituali, oportuit explicare quæ ratione non esset frivolum dicere requiri ipsam gratiam habitualement ad permanendum in ea, & eodem modo est exponendum secundum testimonium, quia sensus est in illo statu ad retinendam iustitiam, hoc est ad non amittendam eam per peccatum mortale quod esset contra legem naturalem, necessarium fuisse diuinum adiutorium, quod consisteret in dono integritatis naturæ conseruato à Deo, & idem dico de tertio testimonio, quia in eo per Deum creatorem & adiutorem intelligitur Deus, ut creator naturæ & dator atque conseruator doni seu integritatis. Et hoc est aperte explicatum in ultimo, quia in eo de illo adiutorio quod Deus dederat homini in sua conditione, quod est ipsum donum integritatis naturæ dicitur fuisse ei necessarium ad permanendū in bona voluntate.

Ad confirmationem Responderetur DIVVS THOMAS per auxilium Dei in bono conseruantis non intelligere auxilium gratiæ mouentis, sed concursum generalem quo Deus conseruaret ipsum donum integritatis naturæ, & appellare eum conseruationem in bono ratione eiusdem doni, quia ipsum secundum se erat bonum naturæ, & dabat vires ad perficiendum bonum virtutis, & hoc colligo ex verbis quæ statim addidit DIVVS THOMAS quo scilicet auxilio abstracto, etiam ipsa natura in nihilum decideret, nam cum relatiuum quo referat determinate auxilium Dei

A conseruantis, & non solum Dei, ut putauit VASQVIZ disputatione 190. cap. 3. num. 20. necesse est dicere D. THOMAS, utrobique loqui de eodem auxilio, at in posterioribus verbis aperte loquitur de concursu generali, quo Deus conseruat naturam, quia de nullo alio esset verum, eo subtracto naturam decidere in nihilum, imo potius hoc concursu posito, & omni alio auxilio subtracto conseruabitur, ergo etiam in prioribus verbis loquitur de concursu conseruatiuo.

Dico autem hos duos concursus esse idem auxilium; non quia sunt eiusdem rationis, cum debeant differre pro diuersitate entitatum ad quas terminantur, sed quia conueniunt in communi ratione conseruationis. Et ad primam rationem oppositi. Responderetur fuisse satis explicatum hoc à DIVO THOMA cum & auxilium hoc dixit esse Dei conseruantis, quia Deus conseruat entitatem quamcunque creatam concursu ei proportionato, & statim comparauit ipsum cum eo auxilio sine quo natura non consisteret in suo esse. Et ad secundam probationem patet solutio ex ijs quæ dixi dubio sæpe citato ex art. 4. in solutione secundi, quia ibi explicui, quæ ratione homo in illo statu non indiguerit auxilio gratiæ distincto à dono integritatis naturæ & à concursu Dei proportionato ad perseverandum vsque in finem vitæ sine peccato mortali contra legem pure naturalem. Neque tamen ex eo sequitur potuisse hominem id prestare viribus proprijs, hoc est, naturæ fortitudine & firmitate liberi arbitrij, quia ut nunc dicebam in explicatione testimonij AUGUSTINI & concilij, solum id poterat virtute doni integritatis naturæ, & ex his patet solutio ad argumentū quod tertio loco sumitur ex hoc inconuenienti, de quo plura dicemus art. 10. ubi D. THOMAS agit de dono perseverantiæ.

AD VLTIMUM ut respondeamus supponendum est non esse idem, hominem in illo statu non posse peccare venialiter, & posse non peccare venialiter, quia primum importat in homine repugnantiam ut peccet venialiter, & secundum tantum importat vires quibus possit non peccare venialiter. Sicut etiam propter eandem rationem est aliud hominem in eo statu non posse peccare mortaliter ab eo quod est posse non peccare mortaliter, & ex his secundū esse ei concessum, per donum integritatis naturæ & concursum generalem, & primum neque per hoc donum, neque per aliud auxilium gratiæ. Et similiter est aliud eum non posse mori, ab eo quod est posse non mori. Et hoc secundum est ei concessum, & non primum sicut de priori exēplo docet AUGUST. 10. s. lib. 22. de ciuit. c. 30. & de posteriori lib. 13. c. 23. Et hoc supposito dico nos loqui de secundo quod est posse non peccare venialiter, & de eo asserere fuisse datum homini in illo statu per donum integritatis naturæ & concursum generalem ei proportionatum, & argumentum procedere de primo, quod est non posse peccare venialiter, & de eo multos ex scholasticis negare fuisse villo modo, neque per donum integritatis naturæ, neque per aliud auxilium datū tunc homini. Et quāuis D. THO. loco citato in argumēto id concedat, non est eius sensus, ex vi doni integritatis cū solo cōcursu generali fuisse id datū primo homini quo ad omnia peccata venialia, sed solū quo ad ea quæ poterāt prouenire ex rebellionē

partis sensitivæ contra rationem, nam quantum ad alia quæ poterant provenire ex liberrate voluntatis, non negat fuisse necessariam peculiarem assistentiam & providentiam Dei, ut homo non possit ea committere, sicut eodem loco explicui.

CIRCA SECUNDAM CONCLUSIONEM nota continere duas partes, quarum prior est hominem in statu naturæ corruptæ si sit sanatus per gratiâ habituales posse vitare omnia peccata mortalia, & posterior est eundem hominem quamvis sit ita sanatus non posse vitare omnia peccata venialia, & prior non est intelligenda de sola gratia habituali, etiam cum habitibus virtutum omnium infusarum, quasi sola gratia habitualis cum prædictis habitibus & concursu generali proportionato operibus per quæ sunt vitanda peccata, sufficiat ut homo possit per totam vitam, aut per longum tempus vitare omnia peccata mortalia, sed ut habet adiunctum auxilium speciale, ut expresse docet D. THOMAS art. sequenti, ubi probabimus non sufficere gratiâ habituales sine hoc auxilio & cum eo sufficere, & simul explicabimus quale debeat esse huiusmodi auxilium, quia in auxiliis specialibus dantur gradus; & si queras cur D. THOMAS solum meminerit gratiæ habitualis, si ipsa sola sine auxilio speciali non sufficiat ad vitandum omnia peccata mortalia.

Respondetur rationem esse explicatam in notabili primo posito circa titulum art. ubi dixi auxilium speciale de quo loquitur habere certam connectionem ex lege Dei ordinaria cum gratia habituali tanquam conditione, sine qua non datur, & qua posita Deus præsto est ipsum conferre.

Sed obicies sequi ex hac expositione esse falsam posteriorem partem conclusionis, quia si hoc auxilium speciale addatur gratiæ habituali sufficiet ut homo possit per longum tempus, aut etiam per totam vitam vitare omnia peccata venialia.

Occasione huius est CIRCA hanc conclusionem.

DUBIVM SECUNDVM.

Utrum homo in statu naturæ corruptæ si sit sanatus per gratiam habituales, & habeat auxilia specialia quæ eidem gratiæ secundum legem Dei ordinariam respondent, possit vitare omnia peccata venialia per longum tempus, aut etiam per totam vitam?

§ 1. Ponuntur quadam notabilia pro solutione dubij.

IN QUA RE ut separemus certa ab incertis: Nota tria esse supponenda ut certa. Primum est hominem ita sanatum dum est in hac vita quantumcunque habeat intensam gratiam habituales & virtutes infusas posse peccare venialiter, in quo erravit IOANNES HUS, qui

A existimabat iustum non posse peccare venialiter, quia dicebat omne opus hominis iusti esse bonum, quoniam virtus vivificat omne opus hominis virtuosum ut refertur in CONCILIO CONSTANTIENSI sess. decima-quinta sub hoc tit. artic. damnati Ioannis Hus. nu. 16. & sessione yltima sub hoc titulo, tenor articulorum Ioannis Hus, nu. 16. & etiam erravit IOVINIANVS qui ut inquit HIERONYMVS lib. 2. aduersus eundem asserbat hominem qui semel per gratiam fuerit iustificatus non posse amplius peccare, quod etiam tribuit Pelagio AVGVSTINVS in lib. de hæresibus num. 88. ut refert CASTRO loco statim citando, contra quos sufficit damnatio citata ex concilio Constantiensi, & alia facta à Concilio Tridentino sessione sexta, decreto de iustificatione can. 23. ubi profertur anathema contra eum qui dixerit hominem semel iustificatum amplius peccare non posse, quod si intelligatur de peccato mortali maiori ratione, erit intelligendum de veniali, & contra hoc etiam quamvis non tam plene, erraverunt Begardi & Beguinæ qui dicebant homines in hac vita posse ad talem gradum sanctitatis pervenire, ut quasi in termino constituti non possint peccare venialiter, contra quos disputat CASTRO libr. 12. aduersus hæreses verb. peccatum hæresi 9. & extat definitio concilij Viennensis relata in Clement. ad nostram de hæreticis, ubi inter octo eorum errores proponitur hic primo loco.

Secundum est iustos posse vitare aliqua peccata venialia, contra quod erravit LUTHERVS qui dicebat iustos etiam adiutos quocunque auxilio divino non posse vitare neque vnum peccatum veniale, quia non possunt facere opus quod in iudicio Dei sit omnino iustum, & nullam habeat culpam saltem venialem admixtam, ut constat ex bulla LEONIS 10. contra errores Martini Lutheri quæ habetur in fine concilij Lateranensis sub eodem Leone, ubi nu. 31. damnatur hæc propositio, in omni opere bono iustus peccat, & num. 32. hæc opus bonum optime factum, est veniale peccatum. & sequutus est eum KEMNITIVS in examine concilij Tridentini, ut referunt BELLARMINVS tomo 3. lib. 4. de iustificatione cap. 10. & TILLETAN. in apologia pro concilio Tridentino parte 1. sub tit. de observatione mandatorum circa c. 11. sessione 6. Sed contra eos præter damnationem relata ex Leone est expressa definitio concilij Trident. c. 11. citato ubi sic habetur: Unde constat eos oribodoxæ religionis doctrinæ adversari, qui dicunt iustum in omni bono opere saltem venialiter peccare: & can. 25. ubi damnatur qui dixerit iustum in quolibet bono opere peccare saltem venialiter & plura adducunt contra eos BELLARMINVS & TILLETAN. locis citatis SOT. lib. 3. de natura & gratia cap. 4. & 5. & VEGA lib. 11. super concilium Tridentinum c. 24. Tertium est hominem in hoc statu naturæ corruptæ non posse viribus suæ naturæ vitare omnia peccata venialia toto vitæ tempore. Cuius contrarium asserbant PELAGIANI ut colligitur ex Hieronymo lib. 2. contra eosdem c. 1. & in epist. ad Ctesiphontem c. 1. & ex AVGVST. to. 2. epist. 89. & 95. & to. 3. lib. de spiritu & lit. c. 2. & tom. 6. lib. de hæresibus n. 88. & to. 7. lib. de perfectione iustitiæ cap. 8. & libr. 1. contra duas epistolas Pelagian. cap. 14. contra quos sufficient quæ dicemus circa

tertiam

tertiam conclusionem, ad probandum non posse hominem in eodem statu viribus proprijs vitare per longum tempus omnia peccata mortalia, quia difficilius est vitare omnia venialia cum minorem requirant deliberationem, & sæpius occurrant, ex quibus etiam poterit impugnari id quod dicit DVRANDVS in 2. d. 28. q. 3. nu. 8. scilicet hominē in statu naturæ corruptæ posse viribus proprijs vitare omnia peccata venialia ex genere suo, & solum non posse vitare ea quæ sunt venialia ex imperfectione actus; quia etiam priora sunt multa, & sæpiissime occurrunt, & facillime committuntur propter leuitatem materiæ, vt mendacium, verbum otiosum & aliqui actus ex gestis corporis male compositi, & alia similia.

§ 2. Argumenta pro parte affirmatiua.

HÆC SVNT CERTA, quod autem vertitur in dubium est; An homo cum auxilijs quæ secundum legem ordinariam respondent gratiæ habituali possit vitare omnia peccata venialia per longum tempus, aut per totum tempus vitæ.

Et probatur pars affirmatiua, quia non vitare omnia peccata venialia etiam pro toto tempore vitæ, imputatur homini ad culpam & ad punitionem, ergo habet homo potentiam ad vitandum omnia per auxilia diuina, quæ secundum legem ordinariam respondetur gratiæ habituali. *Antecedens probatur*, tum quia in scriptura sæpe præcipitur absolute & in communi, vt non peccemus quod est vitare omnia peccata etiam venialia, vt 1. Corin. 12. *enigilate iusti & nolite peccare*. 2. Petr. 1. *hæc enim facientes non peccabitis aliquando*, hoc est nunquam peccabitis, 1. Ioan. 2. *hæc scribo vobis vt non peccetis*. Ephes. 36. *declina à malo; tum etiam quia hoc obiectum, committendum est aliquod peccatum veniale, est intrinsece dissonum rectæ rationi; ergo & non vitare omnia peccata venialia, atque adeo potest imputari ad culpam & ad penam. Et consequentia probatur*, quia non potest imputari ad culpam quod non est liberum, & non est liberum, nisi id quod est in potestate nostra saltem per vires gratiæ, quas possumus habere secundum legem Dei ordinariam.

Confirmatur primo, quia tenemur vitare omnia peccata venialia; ergo & possumus per vires gratiæ: *antecedens patet*, quia ei opponitur contradictorie hæc propositio; aliquod peccatum veniale non tenemur vitare, quæ est omnino falsa. Et hoc constabit manifestius si hæc duæ propositiones reducantur ad has duas sibi æquivalentes; omnia peccata venialia sunt vitanda, aliquod peccatum veniale non est vitandum.

Et consequentia probatur, quia alias sequeretur Deum præcipere nobis aliquid impossibile, quod est contra omnia testimonia adducta articulo quarto in dubio circa secundam conclusionem in tertio argumento primæ sententiæ.

Et sequela probatur, quia non tenemur omnia peccata venialia vitare, nisi ratione præcepti diuini siue sit vnum præceptum, siue sint plura præcepta & iuxta doctrinam CONCILII TRIDENTINÆ sessione sexta, decreto de iustificatione cap. 11. ideo Deus non iubet impossibilia, quia

A iubendo monet & facere quod possis, & petere quod non possis, & adiunat vt possis, quod est intelligendum de petitione eius quod est nobis concedendum secundum legem ordinariam Dei, & non solum per miraculum.

Confirmatur secundo, quia in oratione Dominica perimus absolute liberari à malo, hoc est ab omni peccato, & vt non permittamur vinci à tentatione, ergo est possibile concedi nobis hoc secundum legem Dei ordinariam.

Confirmatur tertio, quia alias esset nobis licitum nolle vitare omnia peccata venialia aut velle non vitare; *patet sequela*, quia est nobis impossibile secundum legem Dei ordinariam, & licitum est nobis nolle id quod non est nobis possibile sine miraculo.

§ 3. Cum auxilio gratiæ ordinario potest homo paruo tempore esse sine peccato veniali, non vero longo tempore: licet & hoc possit ex speciali priuilegio, quod tamen nulli concessum est præterquam D. virgini.

PRIMA CONCLUSIO. Auxilia gratiæ quæ secundum legem Dei ordinariam respondent gratiæ habituali non sufficiunt vt homo possit vitare omnia peccata venialia per totum tempus vitæ suæ, aut per longum tempus. *PROBATVR PRIMO*, quia in multis testimonijs scripturæ dicitur de omnibus hominibus in genere, atque adeo etiam iustis imo & sanctissimis passim peccare, ergo non sufficiunt auxilia quæ secundum legem ordinariam respondent gratiæ habituali quantumcunque intensæ ad vitandum omnia peccata venialia, neque per totam vitam, neque per longum tempus; *consequentia patet*, quia viri sanctissimi habent valde intensam gratiam, & magno studio curant vitare omnia peccata etiam minima, & Deus quantum est ex se est paratus dare auxilia proportionata suæ gratiæ & suo studio; *Et antecedens probatur*, 3. Reg. 8. *non est homo qui non peccet*. Prouerb. 24. *sepius in die cadit iustus*. Ecclesiastes 7. *non enim est homo iustus qui faciat bonum & non peccet*. Matth. 6. *dimitte nobis debita nostra*. 1. Ioan. 1. *si dixerimus quod peccatum non habemus ipsi nos seducimus, & veritas in nobis non est*. De quibus duobus testimonijs probabimus statim ex Concilijs debere intelligi secundum veritatem etiam de iustis. Et Iacob. 3. *in multis enim offendimus omnes*. Hæc & plura alia testimonia scripturæ referunt AVGVST. & HIERON. locis supra citatis contra Pelagianos, DRISSO libr. 1. de gratia & libero arbitrio cap. 5. parte prima. VERA libr. 14. super Concilium Tridentinum cap. 17. & VALENT. 1. 2. dist. 8. quæst. 1. puncto 5. in probatione quartæ assertionis.

SECUNDO PROBATVR autoritate Conciliorum, nam in CONCILIO MILLEVI. can. 6. ita dicitur: *Item placuit quod ait sanctus Ioannes apostolus, si dixerimus quod peccatum non habemus, nos ipsos seducimus, & veritas in nobis non est: quisquis sic accipiendum putauerit, vt dicat propter humilitatem oportere dici, nos habere peccatum, non quia ita vere est anathema sit.* & can. 7. *Item placuit vt quicumque dixerit in oratione Dominica, ideo dicere sanctus dimitte nobis debita nostra, vt non pro seipsis hoc dicant; quia non est eis iam necessaria ista petitiō, sed pro alijs qui*

sunt in suo populo peccatores, anathema sit; & Can. 8. item placuit ut quicumque verba ipsa dominica orationis, ubi dicimus dimitte nobis debita nostra; ita volunt à sanctis dici, ut humiliter, non veraciter, hoc dicatur anathema sit. Et hi tres canones eisdem verbis habentur in concilio AFRICANO sub hoc tit. conc. contra hæresim Pelagij & Celestij c. 81. 82. & 83. & CONC. TRIDENT. sess. 6. decreto de iustificat. cap. 11. loquens de iustificatis dicit, eos quantumvis sancti & iusti sint, in levissima saltem & quotidiana quæ etiam venialia dicuntur, peccata quandoque cadere, & subdit hanc rationem; nam iustorum illa vox est & humilis & verax, dimitte nobis debita nostra. Et postea ex hac doctrina hanc definitionem conficit. can. 23. si quis dixerit hominem semel iustificatum posse in tota vita peccata omnia etiam venialia, vitare nisi ex speciali privilegio, (quemadmodum de beata virgine tenet ecclesia) anathema sit. Vbi sensum Concilij esse non sufficere auxilium, quod de lege ordinaria datur iustis ad vitandum omnia peccata venialia per totam vitam; probatur quia in c. 11. immediate ante doctrinam propositam dixit, iustificatos cum diuino auxilio (scilicet quod eis nunquam denegatur secundum legem ordinariam) posse servare divina mandata in quantum eorum observatio est necessaria ut non desinant esse iusti; hoc est in quantum obligant sub mortali, & statim subiecit, eosdem iustos cum eodem auxilio non posse vitare quin aliquando incidant in peccata venialia. Tum etiam quia in canone auxilium quo possunt vitare omnia peccata venialia per totam vitam, appellat speciale privilegium, & tamen quod secundum legem communem & ordinariam datur, non potest appellari privilegium, ne dum speciale privilegium cum privilegio sit exceptio alicuius à communi lege.

Et tandem quia indicat huiusmodi privilegium non omnibus dari, cum dicit solum fuisse datum BEATÆ VIRGINI, & tamen auxilia quæ secundum legem ordinariam respondent gratiæ habituali paratus est Deus omnibus iustis dare, nisi per ipsos steterit, ut etiam docet ipsum Concilium in illo capite 11. TERTIO PROBATVR TESTIMONIIS SANCTORVM, sed quia ea late referunt DRIEDO, VEGA, & VALENT. locis citatis, & VASQVEZ tom. 2. in 1. 2. disp. 189. c. 16. nu. 148. solum proponam tria ex AVGVSTINO.

Primum ex tom. 3. lib. de spiritu & lit. c. 2. ubi sic ait: nam si testimonia scripturarum quibus existimo definitum nullum hominem hic viventem, quantumvis vitare libero arbitrio inveniri sine peccato &c. & paulo inferius quin etiam si nemo est, aut fuit, aut erit, quod magis credo tali puritate perfectus &c.

Secundum habetur cap. ultimo eiusdem libri ubi postquam posuit aliqua testimonia scripturæ ad hoc probandum, ita inquit: illud esse consequens video, ut quamlibet vel quantamlibet in hac vita potuerimus definire iustitiam, nullus in ea sit hominum, qui nullum habeat omnino peccatum.

Tertium habetur tomo septimo, libr. de perfectione iustitiæ cap. 4. ubi sic ait: quia peccatis voluntas secuta est peccantem peccatum habendi duna necessitas, donec tota sanetur infirmitas &c.

ULTIMO PROBATVR RATIONE desumpta ex

A DIVO THOMA in hoc art. quia homo iustus in hac vita solum est sanatus per gratiam habitualement quoad mentem, & non quoad appetitum sensitiuum, ergo iustus in tota vitâ aut etiam in longo tempore non potest vitare omnia peccata venialia; antecedens probat D. THOMAS ex Paulo ad Rom. 7. in persona hominis reparati & iusti dicente: ego ipse mente servio legi Dei, carni autem legi peccati: & consequentiam etiam probat, quia in longo tempore frequentissimi & multiplices sunt motus in appetitu sensitiuo ad bonum sensibile, quod non sit consentaneum rectæ rationi, ergo voluntas quamvis possit resistere singulis his motibus non poterit omnibus; patet hac consequentia tum quia dum conatur resistere uni, insurgit alius, tum etiam quia ratio non potest esse in continua vigilia ad resistendum huiusmodi motibus.

SED RESTANT tres difficultates circa conclusionem hanc ut magis explicetur vis suarum probationum. Prima est; An intelligatur tantum de venialibus peccatis ex surreptione siue ex defectu plenæ deliberationis, an etiam de peccatis venialibus ex obiecto? & videretur esse dicendum primum, quia ultimum argumentum quod est fundamentum D. THOMAS solum habet vim respectu peccatorum primi generis, ut patet ex probatione suæ ultimæ consequentiæ, in qua ideo dicitur voluntatem non posse resistere omnibus motibus appetitus sensitiui, quia cum subito & frequentissime insurgant non potest ratio perfecte attendere & vigilare ad resistendum eis.

Ad hoc CONRAD. in expositione huius argumenti. Respondet peccata venialia ex obiecto dupliciter committi posse, scilicet aut cum plena & perfecta deliberatione, aut cum imperfecta, quia scilicet occurrunt subito, & in priori casu non esse conclusionem hanc intelligendam de eis, sed solum in posteriori quod probat, tum quia in priori casu eadem est ratio de eis atque de mortalibus quantum ad hoc quod est posse aut non posse vitari, & de mortalibus D. THOMAS in secunda conclusione docet posse omnia vitari ab homine existente in gratia cum auxilijs eidem gratiæ respondentibus, tum etiam quia in causis adequatis sicut negatio est causa negationis, ita affirmatio est causa affirmationis; ergo sicut ex negatione attentionis & vigiliæ colligit DIVVS THOMAS non posse hominem vitare omnia peccata ex surreptione, ita etiam ex affirmatione eiusdem attentionis & vigiliæ in nostro casu colligemus posse hominem vitare omnia hæc peccata venialia ex obiecto. Et SORTVS libro tertio de natura & gratia cap. 4. in probatione tertiæ conclusionis adducens hoc idem argumentum DIVI THOMAS dicit non esse improbabile, sententiam Durandi asserentis solum peccata venialia ex surreptione esse quæ non possumus vitare omnia, & addit esse verisimilius, neque peccata venialia ex obiecto posse omnia à nobis vitari, quia occasiones horum peccatorum sunt frequentissimæ, & nos reddimur segniore ad vitandum huiusmodi peccata, quia intelligimus per ea non amitti Dei gratiam, nec incurri æternam damnationem.

DICO SECUNDO. *Hac potentia datur homini per donum gratiæ quo impeditur & quasi loquatur appetitus sensitivus, ne prorumpat in aliquem motum inordinatum qui præueniat rationem; probatur quia tota ratio propter quam diximus ex doctrina conciliorum, & sanctorum non posse hominem iustificatum omnia peccata venialia cum gratia habituali & auxilijs ei respondentibus, esse rebellio appetitus sensitivi contra rationem, ergo ut homo iustificatus possit vitare omnia peccata venialia, necesse est aut omnino auferri aut saltem ligari hanc rebellionem appetitus, & cum non sit dicendum auferri omnino, quia consequenter esset concedendum hominem per hoc privilegium reduci ad statum naturæ integræ, sequitur esse dicendum impediri aut quasi ligari appetitum, ne prorumpat in talem rebellionem.*

Confirmatur autoritate DIVI THOMÆ, qui in hoc articulo dicit rationem propter quam iustificatus non possit cum omnibus auxilijs gratiæ vitare omnia peccata venialia, esse quia per hæc auxilia non impeditur ne insurgant prædicti motus, in appetitu sensitivo, ergo consequenter docet ut homo possit vitare omnia peccata venialia, necessarium esse donum quo impediuntur omnes hi motus appetitus, & in locis statim citandis docet expresse hominem vitare omnia peccata venialia, si per huiusmodi donum comprimantur in eo omnes hi motus.

Et si obiciatur ex hac ligatione appetitus solum dari homini ut possit vitare omnia peccata venialia, quæ sunt ex surreptione, imo & ut non possit committere hæc peccata, quia ligato appetitu non remanet in eis locus, non tamen ut possit vitare etiam peccata venialia ex obiecto, siue quæ committuntur ex libertate voluntatis & sine subreptione.

Respondetur circa hæc peccata venialia ex obiecto sumpta per se sola & non permixta alijs hominem iustum non pati tantam difficultatem ut cum communibus auxilijs gratiæ, non possit ea vitare ut superius dixi, & ideo satis esse auferri difficultatem quæ provenit ex peccatis ex surreptione, ut absolute & simpliciter dicamus convenire ei potentiam ad vitandum omnia peccata venialia.

DICO TERTIO. *Donum per quod homini confertur prædicta potentia supponit perfectionem gratiæ habituales, & virtutum infusarum secundum gradum excellentem tanquam inchoationem sui & conditionem necessario requisitam ex suavitatem divinam dispositionis, & completur atque constituitur intrinsece per divinam providentiam non permittentem insurgere in fomite aliquem motum inordinatum. Prima pars probatur tum quia habitus gratiæ & virtutum infusarum, in gradu perfecto & excellenti disponunt intrinsece hominem, ut facile & suaviter exerceat opera virtutum in quacunque occasione, quod est valde necessarium ad vitandum quæcunque peccata etiam venialia, tum etiam quia sequitur ex secunda parte, nam quamvis Deus possit uti illa providentia cum homine existente in peccato mortali, vel habente minimam gratiam habitua-lem tamen suavitatem divinam dispositionis postulat, ut non utatur ea nisi cum amicis & filiis, imo & habentibus intrinsecam dispositionem proportionatam ad tam perfectum gradum iustitiæ & san-*

ctitatis. Secunda etiam pars probatur, quia gratia habitualis cum suis auxilijs non potest id præstare, quia per eam neque aufertur, neque ligatur fomes.

Confirmatur utraque pars autoritate D. THOMÆ qui 3. p. quæ. 27. art. 3. in corpore explicans quæ ratione in beata virgine per gratiam fuerit impedita rebellio appetitus contra rationem, dicit fuisse impeditam per abundantiam gratiæ quam in sanctificatione recepit, & perfectius per divinam providentiam sensualitatem eius ab omni inordinato motu prohibentem. Et art. sequenti ad primum loquens de eadem ligatione fomitis in virgine, ita inquit: & licet ad hoc scilicet, ut ligaretur fomes, opera eius gratia sanctificationis, non tamen sufficiebat, & paucis interpositis. Unde oportet dicere quod complementum illius ligationis fuit ex divina providentia quæ non permittit aliquem motum inordinatum ex fomite provenire, & idem docet de veritate q. 24. art. 9. & iuxta hanc doctrinam est explicandus in 3. d. 3. q. 1. artic. 2. q. 3. in corp. ad 2. ubi loquens de beata virgine dicit per gratiæ infusionem fuisse hoc ei datum, quia scilicet eius est fuisse inchoatum per gratiam habitua-lem & completum per divinam providentiam, saltem in prima sanctificatione in utero, quia de secunda quæ facta est in conceptione carnis Christi non est tam certum eum idem sensitisse, de quo agendum est loco citato ex 3. p.

Sed hic solet etiam quæri an possit concedi de aliquo ex sanctis, præterquam de beata virgine vitasse omnia peccata venialia, per totam vitam ex vi huius privilegij quod fuerit ei datum, ubi supponimus ut certum de fide neminem sine hoc privilegio potuisse unquam vivere sine peccato veniali. Ad hoc CATHARINVS lib. 2. de eximia prædestinatione Christi post medium dicit ex ijs, quos ipse appellat insigniter electos & prædestinatos, aliquos tamen quam paucissimos fuisse ab omni peccato actuali etiam veniali præservatos, & apponit exemplum, ut Ioannes & Ieremias, & si qui alij in utero sanctificati & spiritu Sancto repleti fuerunt. Et probat hoc in communi de aliquibus quia dari hunc gradum sanctitatis in aliquibus est possibile per Dei gratiam, & pertinet ad gloriam ipsius gratiæ, ut manifestetur in hoc effectu, & ad perfectionem Ecclesiæ ne desit in ea hic gradus sanctitatis, & ad excellentiam meritum Christi, ut etiam de facto voluerint ad hoc ut aliquibus daretur gratia qua possint pervenire ad tantam sanctitatem, & in particulari de Ioanne id probat, tum quia de eo canit ecclesiæ, ne levis saltem maculare vitam famine possit, ut intelligamus eum qui neque verbo offendit esse perfectum, iuxta Iacob. cap. 3. suæ epistolæ tum etiam quia Ecclesiæ natiuitatem eius celebrat, ut sanctam, quod non faceret nisi talis fuisset in eo tunc sanctitas quæ nullam esset subitura maculam etiam peccati venialis. Sicut propter oppositam rationem alios sanctos celebrat post mortem, scilicet quia tunc est manifestum eorum sanctitatem esse immutabilem. Et tertio possumus nos id probare testimonijs sanctorum. Nam ATHANASIUS sermone 4. contra Arianos dicit permultos fuisse viros sanctos puros ab omni crimine, & ponit exemplum in Ioanne Baptista, & GREGOR. lib. 3. cap. 5. longo discursu per totam vitam Ioannis probat perpetuam eius inno-

centiâ. Et BEDA in homilia de decollatione Ioannis Baptiste sic ait, & si principali sententia constat, quia in multis offendimus omnes, quis tamen nostrum dicere audeat beatum Ioannem actu, vel dicto vel habitu, vel motu peccasse? & plura testimonia sanctorum, in quibus valde extollitur Ioannis sanctitas CANISIVS lib. 1. de corruptelis verbi Dei c. 10. Sed nihilominus sit.

QUARTA CONCLUSIO. Non est dicendum de aliquo sancto præterquam de beata virgine vitasse omnia peccata venialia per totam vitam, etiam ex vi huius privilegii quod fuerit ei datum. In hac conveniunt omnes scholastici & peculiariter videndi sunt recentiores expositores D. THO. hoc loco, & VASQUEZ in 1. 2. diip. 189. c. 16. in fine, & SVAREZ tom. 2. in 3. partem disp. 24. sec. 4. & aliqui eam probant 1. quia AVGVST. tom. 7. lib. 5. contra Iulian. c. 9. existimat recte inferri eum qui caruit actuali culpa, carere etiam originali. Ex quo possumus sic argumentari, omnes sancti præter virginem habuerunt peccatum originale, ergo & actuale saltem veniale.

Et confirmatur, quia AVGVSTINVS & sancti de nullo sancto præterquam de beata virgine concedunt caruisse fomitem, vel habuisse eum ligatum, ergo etiam de nullo alio sancto concedunt caruisse peccato veniali; patet consequentia, quia habere fomitem liberum, & eum hoccare peccato veniali maius miraculum & specialius privilegium est quam habere ligatum fomitem, & carere omni peccato veniali. Sed mihi neque argumentum, neque confirmatio videtur efficax. Nam ad argumentum potest responderi AVGVSTINVM, si alicubi id dixit loqui in casu quo quis sine speciali privilegio careret peccato actuali, quia hoc necessario proveniret ex integritate naturæ, quæ non esset amissa per peccatum originale, non vero in casu quo quis ex speciali privilegio careret omni peccato actuali, quia hic modus carendi peccato actuali, nullam dependentiam habet ex carentia peccati originalis, cum possit hoc privilegium ex Dei misericordia concedi etiam ei qui sit conceptus in peccato originali, neque oppositum postulet suavitas diuinæ providentiæ. Et ita D. THOM. qui concedit B. Virginē fuisse conceptam in peccato originali, negat eam habuisse actuale, & ecclesia quamvis non definierit beatam virginem fuisse immunem à peccato originali, definiuit eam nunquam peccasse neque venialiter.

Et ad confirmationem responderi potest eum qui dixerit aliquem sanctum caruisse peccato actuali consequenter esse dicturum habuisse saltem ligatum fomitem, quia hoc includitur in privilegio sine quo idem sanctus non potuisset vitare omne peccatum actuale.

Secundo eam probant, quia Apostoli etiam post Apostolatam & confirmationem in gratia ac plenitudinem Spiritus sancti habuerunt peccata venialia, ergo idem est concedendum de alijs quibuscunque sanctis. Antecedens colligitur ex testimonio concilij Milevitani adducto in probatione secundæ conclusionis, quia in eo id dicitur de Iacobo Apostolo pro eo tempore quo scripsit suam epistolam. Et ex illo ad Galat. 2. cum autem venisset Cephas Antiochiam in faciem ei restitit, quia reprehensibilis erat, nam non diceret PAVLVS Petrum fuisse reprehensibilem, nisi propter aliquam culpam, saltem venialem, & consequentia

A probatur ex doctrina DIVI THOMÆ ad Roman. 8. lect. 5. ubi quia Paulus dixit, nos ipsi primitias spiritus habentes, sic ait: ex quo patet quod Apostoli sunt omnibus sanctis quacunque prerogativa præfulgeant sine virginitatis, sine doctrina, sine Martyrij præferendi tanquam abundantius spiritum habentes; & paulo inferius id confirmat hac ratione unicuique dat gratiam proportionatam ei ad quod eligitur sicut homini Christo data est excellentissima gratia, & post eum habuit maximam plenitudinem gratia beata Maria, quæ ad hoc est electa ut esset mater Christi inter ceteros autem ad maiorem dignitatem sunt electi Apostoli, ut scilicet immediate ab ipso Christo accipientes alius traderent ea quæ pertinent ad salutem, & sic in eis Ecclesia quodammodo fundaretur. Et idem dicit 1. Cor. 12. lect. 3. occasione illorum verborum Pauli: quosdam quidem posuit Deus in ecclesia, primos Apostolos &c. & ad Ephes. 1. lect. 3. ubi circa hæc verba: quæ scilicet gratia abundavit in nobis, ita inquit: ex quo apparet temeritas illorum (ut non dicam error) qui aliquos sanctos præsumunt comparare Apostolis in gratia & gloria.

Sed neque hoc argumentum est satis efficax, quia solum concludit de gratia habituali, & de auxilijs quæ ei respondent secundum legem ordinariam, non autem de alijs privilegijs quæ præter hanc communem legem Deus concedit aliquibus hominibus, si non sint necessaria ad exequendum munus Apostolatus, sicut non videtur necessarium privilegium de quo agimus ut explicuit PAVLVS ad Roman. 7. ex propria persona dicens: Video autem aliam legem in membris meis repugnantem legi mentis meæ &c. ut probat AVGVSTINVS tom. 7. libr. 1. contra duas epistolas Pelagianorum cap. 11. Quare aliter probatur hæc conclusio, quia nullum hominem quantumcunque sanctum vitare omnia peccata venialia per totam vitam est generalis regula fidei, ut patet peculiariter ex secunda conclusione, ergo sine sufficienti fundamento, non est aliquis sanctus excipiendus ab hac regula generali. At in nullo sancto est sufficiens fundamentum, neque ex scriptura, neque ex doctrina conciliorum aut sanctorum, ut patet ex probationibus primæ & secundæ conclusionis, neque ex ratione sumpta ex munere ad quod est electus, ut patet ex eo quod nunc dicebamus de Apostolis, ergo nullus est excipiendus ab hac regula.

Confirmatur, quia CONCILIUM TRIDENT. & AVGVST. locis citatis pro tertia conclusione solum excipiunt beatam virginem, imo BERNARDVS epistola 174. aperte dicit Ioannem Baptistam habuisse peccatum veniale.

Et si QUERAS an propter hoc argumentum opposita sententia sit digna aliquanota. Respondetur negative cum DRIEDONE libro primo de gratia & libero arbitrio cap. 5. parte 2. & probatur primo autoritate aperta AVGVSTINI, nam tom. 2. epistola 95. quæ nomine ipsius & aliorum quatuor episcoporum scripta est ad Innocentium circa finem, sic ait: illud vero quod dicunt posse hominem esse sine peccato, & mandata Dei facile custodire si velit, quamvis cum hoc per adiutorium gratiæ, quæ tamen per incarnationem unigeniti eius regulata atque donata est, dicitur, tolerabilius dici videatur &c. & tom. 3. libr. de spiritu & lit. cap. 2. ita inquit: quin etiam si nemo est aut fuit, aut erit, quod

magis credo tali puritate perfectum, scilicet ut sine peccato vivat, & tamen esse aut fuisse aut fore defenditur & putatur, quantum ego iudicare possum; non multum erratur, nec perniciosum cum quadam quisque benevolentia fallitur. Si tamen qui hoc putat, seipsum talem esse non putet, nisi remota ac liquido talem se esse perspexerit, & 10. 7. lib. de perfectione iust. cap. ultimo, si excepto illo capite nostro, sui corporis salutem afferuntur vel fuisse, vel esse in hac vita aliqui homines iusti sine aliquo peccato, non nimis existimo relictandum. Scio omni quibusdam esse visum, quorum de hac re sententiam non audeo reprehendere, quamquam nec defendere valeam. Secundo probatur ex CONC. TRID. nam sessione 6. decreto de iustificatione cap. 12. & can. 16. definit neminem posse esse certum de sua prædestinatione aut perseverantia, nisi ex speciali revelatione, & tamen qui diceret aliquem sanctum habuisse hanc revelationem & consequenter certitudinem de sua prædestinatione aut perseverantia, non esset dignus aliqua nota: ergo similiter quamvis definiat loco citato neminem posse sine speciali privilegio vitare omnia peccata venialia per totam vitam, non erit dignus aliqua nota qui dixerit aliquem sanctum habuisse hoc privilegium, & ex consequenti vitasse omnia peccata venialia.

Confirmatur quia CONC. cum in illo can. citato definit iustificatum non posse sine speciali privilegio vitare omnia peccata venialia, & hoc privilegium fuisse datum beatæ virginis non negat fuisse datum alijs sanctis, ergo relinquit locum opinionibus circa rem hanc.

Et si obijcias esse dignum gravi nota eum qui diceret aliquem sanctum præter beatam virginem esse præservatum à peccato originali; ergo etiam erit dignus nota qui dixerit datum fuisse privilegium, de quo agimus alicui sancto præterquam beatæ virgini. Respondetur negando consequentiam, & ratio disparitatis sumitur ex inæqualitate ipsorum privilegiorum & fundamentorum, propter quæ dicimus ea fuisse communicata alicui sancto, nam præservari à peccato originali multo maius est privilegium quam habere potentiam sufficientem ad vitandum omnia peccata venialia per totam vitam. Et ideo etiam maius fundamentum requiritur ad dicendum primum privilegium fuisse datum alicui sancto quam ad dicendum fuisse datum ei secundum, & ex consequenti quamvis ut dicamus sine nota temeritatis aliquem sanctum fuisse præservatum à peccato originali, requiratur definitio vel saltem approbatio virtualis Ecclesiæ, tamen ut eundem dicamus habere potentiam ad vitandum omnia peccata venialia, sufficienti testimonio aliquorum sanctorum aut coniecturæ probabiles. Sicut etiam quia maius privilegium est habere potentiam ad vitandum omnia peccata venialia, quam habere specialem revelationem de propria prædestinatione aut perseverantia requiritur maius fundamentum ad asserendum fuisse datum alicui sancto primum quam secundum.

Et non obstant ea quæ pro Catharino sunt proposita, nam ad probationem de aliquibus sanctis in communi. Respondetur in primis idem argumentum fieri posse de præservatione à peccato originali.

Et deinde dico præponderare rationem propter

A quam concilium Tridentinum lect. 5. decreto de peccato originali num. 5. dicit concupiscentiam manere in baptizatis, scilicet ad agonem. Et ad primam probationem de Ioanne. Respondetur illis verbis hymni ecclesiastici significari studium Ioannis ad vitandum etiam leuissima peccata, non tamen eum id fuisse cepta assecutum ut omnia vitaverit. Et ad secundam probationem dico sufficere Ioannem fuisse ab vtero matris sanctificatum, & confirmatum in gratia ut ecclesia possit merito celebrare eius natiuitatem quia ex eo tempore habuit sanctitatem immutabilem & inamissibilem ex suppositione confirmationis, quæ tamen ratio non habet locum in alijs sanctis. Et ad tertiam probationem quantum ad testimonium ATHANASII. Respondetur in eo per crimen non intelligi quodcumque peccatum, sed solum mortale iuxta doctrinam AUGUSTINI tomo septimo, libro primo contra duas epistolas, Pelagian. cap. 14. ubi sic ait: multi quippe baptizati fideles sunt sine crimine, sine peccato autem in hac vita neminem dixerim. Et quantum

B ad alia duo testimonia Respondetur GREGORIVM & BADAAM ut ostendant iniquissimam fuisse Ioannis damnationem ad mortem, uti illo modo loquendi, quo non tantum significant Ioannem non commisisse peccatum aliquod græue dignum morte, sed etiam in nullo actu extremo commisisse peccatum quod iudicio humano possit cognosci, cum quo stat eum potuisse habere peccata venialia occulta alijs imo & sibi. Neque CANISIVS his & alijs testimonijs vult probare Ioannem vixisse omnino sine peccato; sed habuisse excellentem gradum sanctitatis & gratiæ contra sectarios.

ULTIMA CONCLUSIO. Per paruum temporis spatium potest homo iustus cum auxilio quod secundum legem ordinariam datur esse sine aliquo peccato veniali & reatu peccati. In hac etiam conveniunt expostores DIVI THOMÆ. VEG A lib. 14. sup. concilium Tridentinum cap. 19. SORTVS libro tertio de nat. & gratia, & libero arbitrio cap. 4. in fine explicationis tertiæ conclusionis, & DREDO lib. 1. de gratia & libero arbitrio cap. 5. parte secunda in explicatione tertiæ sententiæ. Et probatur primo testimonijs sanctorum, nam HIERON. libr. 3. adversus Pelagianos capite primo sic ait: ego impossibile hoc in homine esse respondeo, scilicet sine peccato esse: non quia statim à baptismo homo peccato non careat: sed illud tempus, quando sine peccato est, nequaquam possibilitati humana, sed Dei gratiæ deputatur, & circa finem eiusdem capituli ita inquit: hoc & nos dicimus, posse hominem non peccare, si velit, pro tempore pro loco, pro imbecillitate corporea, quamdiu intentus est animus, quamdiu chorda nullo vitio laxatur in cithara: quod si paululum remiserit, quo modo qui adverso flumine Lembum trahit, si remiserit manus, statim retro labitur, & fluentibus aquis quo non vult ducitur: sic humana conditio si paululum se remiserit, discedit fragilitatem suam, & multa se non posse cognoscit. Et cap. 4. repetens principium huius sententiæ sic ait: hoc est quod tibi in principio dixeram; in nostra esse positum potestate, vel peccare, vel non peccare, sed hoc pro modo, & tempore, & conditione fragilitatis humane. Et paucis interpositis: nec quia ad breve

possum coges me ut possim inger. Et AVGVSTI-
NVS tomo septimo, libro de natura & gratia
capite 62. vsque ad 65. eandem sententiam con-
firmat authoritate HILARII, AMBROSII,
HIERONYMI, CHRYSOSTOMI, & beati SIXTI
Romani Pontificis. Et DIVVS THOMAS tertia
parte, quæst. 79. artic. 4. ad secundum, cum in
argumento probasset non posse remitti per Eu-
charistiam omnia peccata venialia, quia alias se-
queretur frequenter aliquem absque omni pec-
cato contra illud 1. Ioannis 1. *si dixerimus quia
peccatum non habemus.* Et ita responderet, *illud
verbum non est intelligendum, quin aliqua hora
possit homo esse absque omni reatu peccati venialis:
sed quia vitam istam sancti non ducunt sine pec-
catis venialibus.*

*Secundo probatur ratione sumpta ex primo te-
stimonio HIERON.* quia per bonam susceptio-
nem baptismi consequitur quis remissionem
omnium peccatorum venialium, & totius pænæ
eis respondentis, ut ostendit DIVVS THOMAS
tertia parte, quæst. 69. articulo primo & secun-
do, & non est necesse eum continuo peccare,
ergo poterit per breue temporis spatium perma-
nere sine vilo peccato veniali, & sine eius
reatu.

Confirmatur, quia potest homo iustus vel per
feruentissimum actum charitatis, vel per aliqua
sacramentalia consequi remissionem omnium
peccatorum venialium quo ad culpam, & per
indulgentias & opera satisfactoria, etiam quo ad
pœnam, ergo pro illo momento quo hæc omnia
finiantur, erit liber ab omnibus peccatis veniali-
bus, & ab eorum reatu. Et ulterius, ergo, si cum
Dei gratia adhibeat illud studium ad vitandum
omnia peccata venialia, quo viri perfectissimi
conantur vitare etiam leuissima poterit perma-
nere in eodem statu saltem per breue aliquod spa-
tium temporis.

*Et si quæras quantum sit hoc spatium tempo-
ris?* Respondent. VEGA & SOTO locis citatis
esse integrum diem. Sed DRIEDO loco citato
non audet definire quantum sit. Et mihi videtur
non esse spatium vnius integri diei, sed ad sum-
mum trium vel quatuor horarum, tum quia fa-
cillimum est incidere in peccata venialia minu-
tissima quæ ex surreptione committuntur, ut con-
stat ex ratione D. THOMÆ, in hoc articulo, tum
etiam quia CONC. TRIDENTINVM sessione 6.
decreto de iustificatione cap. 11. & sancti peccata
venialia appellant quotidiana, quia quotidie
committuntur, & tandem quia HIERONYM.
AVGVST. & DIVVS THOMAS locis supra citatis,
minus spatium quam integri diei videntur signi-
care, imo DIVVS THOMAS, quamvis nomine
non intelligat præcise vnam horam; sed tempus
breuissimum non potest explicari de die integro.
Vnde AVGVSTINVS tomo nono in append. ho-
milia 2. in Apocalyp. sic ait: *non tantum laici,
sed etiam sacerdotes una die esse non debent sine pa-
nitentia, quia nullus dies est in quo homo possit esse
sine peccato.* Aliqui etiam hoc probant, quia Pro-
verb. 24. dicitur. *Septies, id est sæpe, in die cadit
iustus,* quod de leuibus & venialibus peccatis iu-
storum intelligendum esse dicunt super eadem
verba. LYRAN. gloss. ordin. BEDA & author com-
mentariorum in proueria, qui sub nomine

A HIERONYMI circumferuntur.

Sed ex illo loco parum probatur; quia in eo non ha-
betur in die, & quamvis non exponatur solum de
casu in tribulationes ad humilitatem perducen-
tes, ut videtur exponi ab AVGVST. tomo quinto,
lib. 11. de ciuitate cap. 31. Sed etiam de casu in
peccata venialia poterit habere hunc sensum; no-
li scrutari vitam & actiones iusti, quia licet fre-
quenter cadat in ea peccata sine quibus hæc vita
peragi non potest, ab eis omnibus facile resurget,
ex quo nullo modo probatur non posse iustum per
totam diem vitare omnia peccata venialia.

Sed obicitur, quia 1. Ioannis 1. dicitur: *si dixe-
rimus quia peccatum non habemus &c. & in
CONC. TRIDENT.* loco nunc citato & expressius
Milleuitano can. 8. definitum est quemcumque
iustum suo nomine veraciter dicere *dimitte nobis
debita nostra,* & tamen si per aliquas horas
posset iustus esse sine omni peccato, etiam pos-
set tunc cum veritate dicere se peccatum non ha-
bere, & pro eodem tempore non posset proprio
nomine veraciter dicere, *dimitte nobis debita
nostra.*

Respondetur quantum ad verba Ioan. 1. cum
DRIEDONE loco citato iustum qui illo tempore
est sine peccato non posse id cognoscere, cum
neque sciat an præstiterit omnia quæ requiruntur
ad obtinendum remissionem omnium peccatorum
venialium, neque an tunc cum ea præstabat cõmi-
serit aliquod peccatum veniale, & ideo non posse
vere & sine præsumptionis nota dicere se nullum
habere peccatum quod videtur docere AVGVST.
to. 7. lib. de perfectione iustitiæ c. 19. vbi circa il-
lud Prouerb. 20. *quis gloriabitur casum se habere
eor,* sic ait: *quantalibet enim iustitia sit pradius homo,
cogitare debet, ne aliquid in illo quod ipse non videt
inueniatur esse culpandum.* Et ex hoc patet quid sit
respondendum quantum ad illa verba, *dimitte
nobis &c.* nam cum vnusquisque possit & debeat
merito timere an habeat aliquod peccatum vel a-
licuius peccati reatum, cuius nondum remissio-
nem obtinuerit, hoc satis erit ut vere & ex corde
postulet dimitti sibi peccata quod etiam sic docet
HIERON. lib. 3. contra Pelagianos cap. 5. vbi ex-
plicans quomodo illi qui de fonte baptismatis
procedunt sine vitio, iubeantur dicere, *dimitte nobis
debita nostra,* ita inquit: *non humilitatis menda-
cio, ut tu interpretaris, sed pauore fragilitatis humana
sua conscientiam formidantis,* & contra hanc sen-
tentiam sic explicatam non habet vim hæc obie-
ctio, quæ aliquibus videtur difficilis: iustus per
tres aut quatuor horas cum auxilio quod secun-
dum legem ordinariam responder gratiæ, potest
viuere sine peccato, ergo si postquam peruenit
ad perfectum vsum rationis, viuat tantum per il-
las tres aut quatuor horas, poterit per totam vitam
cauere omnia peccata venialia, quod est contra
testimonia conciliorum citata pro prima conclu-
sione. Nam responderi potest conc. per tempus
vitæ intelligere tempus diuturnum & longum,
ut explicui in solutione secundæ difficultatis po-
sitæ circa eandem primam conclusionem.

§. 3. Soluuntur argumenta adducta in principio.

AD ARGUMENTUM positum in principio huius dubij Respondet VEGA lib. 14. super Conciliū Trid. c. 20. concedendo antecedens, & distinguendo consequens, si enim intelligatur de potentia morali quæ ita sit ab impedimentis expedita ut facile possit in actum reduci, dicit esse negandam consequentiam, si autem intelligatur de potentia physica aut metaphysica, quæ sit virtus sufficiens ex parte principij tamen ita impedita ut nunquam sit in actum reducenda, dicit esse concedendam consequentiam.

Et ad eius probationem dicit ut non vitare omnia peccata venialia possit nobis imputari ad culpam, & punitionem sufficere potentiam physicam ad vitandum ea. Et eodem modo Respondet ibidem ad tres confirmationes & latius c. 21. sequenti, ubi eis vitatur ad probandum suam sententiam de potentia sufficienti physice siue quantum est ex parte principij ad vitandum omnia peccata venialia per totam vitam & hæc solutio placet multis ex recentioribus expositoribus D. THOMÆ; & videtur eam insinuare Sor. lib. 3. de natura & gratia cap. 4. in explicatione tertie conclusionis ubi inquit non ideo dici impossibile vitari omnia peccata venialia, quia non possit per gratiam Dei fieri, sed quia nondum est factum neque fiet.

Sed contra eam sufficiant quæ dixi in responsione ad tertiam difficultatem positam circa primam conclusionem, & ex eis etiam potest impugnari id quod alij addunt, scilicet, Deum quantum est de se esse paratum, ut si iustus bene utatur prioribus auxilijs quibus eum vocat ad perfectionem & ad studium vitandi quæcunque leuia peccata det ei maiora auxilijs quibus per aliquod tempus, & postea per maius, & consequenter per totam vitam possit omnia vitare, quia si Deus est paratus dare huiusmodi auxilijs sufficientia ad vitandum omnia peccata venialia per totam vitam, sequitur in primis iustum posse peruenire ad eum gradum perfectionis & sanitatis in quo cum auxilijs ipsi debitis ex communi lege gratiæ siue quæ Deus est paratus ei conferre, possit vitare omnia peccata venialia per totam vitam, cuius contrarium est ostensum in secunda conclusione.

Et deinde sequitur iustum per hæc auxilijs habere potentiam ad vitandum omnia peccata venialia, non solum physicam, sed etiam moralem & reducibilem in actum, quia huiusmodi auxilijs non solum crescunt respectu temporis, sed etiam respectu difficultatum & impedimentorum, & hoc est repugnans ipsi solutioni.

Et tandem sequitur potestiam ad vitandum omnia peccata venialia per totam vitam non posse appellari speciale privilegium, quia auxilijs quæ Deus secundum communem legem gratiæ est paratus dare ijs qui bene utuntur prioribus auxilijs, non habet rationem privilegij, quod est contra definitionem Concilij Trid. explicatam in citata responsione.

Secundo Respondet Bellarminus tom. 3. lib. 4. de iustificatione cap. 14. in solutione quartæ ob-

Aiectionis negando antecedens, si intelligatur de culpa proprie sumpta, quia sicut peccatum veniale non est proprie contra legem, sed præter ita neque est proprie, & simpliciter culpa, sed imperfecte & secundum quid, & de ijs quæ solum hoc modo imputantur ad culpam, negat consequentiam. Et ad primam probationem antecedentis dicit illa testimonia principaliter esse intelligenda de peccato mortali. Et ad secundam negat antecedens si intelligatur de obiecto dissono vel contrario recte rationi quia illud obiectum scilicet, committendum est aliquod peccatum veniale, non est contrarium recte rationi, sed præter eam. Et ad probationem consequentis videtur concedere posse nobis imputari ad culpam secundum quid, & imperfectum id ad quod vitandum non habemus potestatem.

Sed hæc solutio mihi non placet primo quia Av. tom. 7. lib. de perfectione iustitiæ c. 8. respondens huic argumento proposito nomine Celestij: præceptum est homini ut absque peccato sit, ergo potest esse absque peccato, atque adeo vitare omnia peccata venialia, ita inquit, ad hoc respondemus non verum præceptum sit queritur, quod valde manifestum est, sed ipsum quod præceptum esse constat, verum in corpore mortis huius possit impleri, &c. Et inferius dicit hoc præceptum contineri in illo diliges Dominum Deum tuum ex toto corde tuo, & ex tota anima tua, & ex tota mente tua, quia non diligitur Deus ex tota anima quamdiu caro concupiscit adversus spiritum quod non dicit propter solum motum carnis, sed propter consensum saltem interpretativum voluntatis in eum. De quo agendum est in materia de peccatis.

Secundo, quia si hæc solutio esset sufficiens sequeretur non posse hoc argumento probari iustum cum omnibus auxilijs gratiæ habere vires ad vitandum singula peccata venialia per se sumpta, imo neque vnum solum, quia non convenit magis proprie vni soli esse contra legem aut imputari ad culpam, & penam quam omnibus simul sumptis.

Confirmatur ex illa sententia AUGUSTINI recepta ab omnibus Theologis peccatum in tantum est peccatum in quantum voluntarium, de qua est agendum in materia de peccatis; ergo eodem modo quo peccatum veniale fuerit peccatum aut culpa erit etiam voluntarium atque adeo in voluntate erit potentia ad vitandum ipsum.

CUltimo quia quamvis non vitare omnia peccata venialia non esset proprie contra præceptum, atque adeo neque proprie imputaretur ad culpam est proprie contra divinam exhortationem, & non solum repugnat Deo obligare, sed etiam exhortari ad id quod etiam per viros ordinarijs gratiæ est nobis impossibile.

TERCIO Respondet VALENT. 1.2. disp. 8. q. 1. punct. 5. in solutione 5. argumenti & alij imputari ad culpam non vitare omnia peccata venialia, non ratione alicuius communis præcepti obligantis ad non peccandum, sed ratione particularium præceptorum obligantium ad vitandum singula peccata, & ideo solum posse inferri in consequentiam in nobis potentiam ad vitandum singula peccata venialia, & non ad vitandum omnia. Sed de hac solutione egi art. 4. precedenti.

QUARTO aliter Respondetur distinguendo antecedens, si enim sit eius sensus imputari

homini ad culpam non vitare omnia peccata venialia, quia non vitat omnia in communi, aut collectiue sumpta negandum est, quia sicut in hoc non potest includi exercitium alicuius actus, aut omisio voluntaria exercitij debiti, cum exercitium versetur circa singulalia, ita neque potest reperiri imputatio ad culpam, vel peccatum. *Si tamen sensus sit imputari non vitare omnia quia non vitat singula in particulari aut diuisione, concedendum est, quia in hoc includitur exercitium actus moralis, vel omisio exercitij debiti, & ideo neganda est consequentia, quia non potest valere nisi antecedens sit verum in priori sensu, cum solum possit inferri esse in nobis potentiam ad vitandum id quod si non vitamus imputatur secundum se, & ratione sui ad culpam.*

Et ad primam probationem antecedentis dico in illis testimonijs scripturæ præcipi in communi ut non peccemus ratione singulorum peccatorum.

Et ad secundam probationem dico illud obiectum, scilicet committendum est aliquod peccatum, posse sumi duobus modis, nempe ut obiectum determinatum alicuius actus nostræ voluntatis, ut cum quis dicit volo committere aliquod peccatum veniale, & ut affectus siue potius defectus qui sequitur ex impotentia & imbecillitate voluntatis, si priori modo sumatur est dissonum secundum se rectæ rationi: si tamen sumatur posteriori modo non est dissonum secundum se, sed ratione singularis peccati quod committitur. Et hæc solutio colligitur aperte ex D. THOMA, quia in corpore huius articuli sic ait: cuius (scilicet appetitus sensualitatis) motus singulos quidem ratio reprimere potest (& ex hoc habent rationem peccati & voluntarij) non autem omnes, & supra q. 74. art. 3. ad secundum, ita inquit, & ideo non potest homo vitare omnes huiusmodi motus, scilicet sensualitatis, propter corruptionem prædictam, sed solum sufficit ad rationem peccati voluntarij quod possit vitare singula. Et sensus horum verborum non est, ut quidam volunt sufficere potentiam ad vitandum singula peccata venialia, ut sit peccatum & voluntarium non vitare omnia collectiue, quamuis ad hoc non sit in homine potentia sine speciali privilegio, sed potius è conuerso non obstante hac impotentia ad vitandum omnia peccata venialia collectiue sumpta sufficere potentiam ad vitandum singula, ad hoc ut singula peccata venialia habeant rationem voluntarij & peccati. Quare D. THOMAS supponit rationem peccati & voluntarij, atque adeo impurabilitatis ad culpam non consistere immediate in eo, quod est vitare omnia peccata venialia collectiue sumpta, sed in eo quod est non vitare singula, & decet sufficere ad hoc potentiam ad vitandum singula sine potentia ad vitandum omnia.

Et si obijcias explicari aliter à D. THOMA in hoc articulo ad 1. qua ratione non obstat in potentia ad vitandum omnia peccata collectiue ne in singulis peccatis reperiatur ratio peccati & voluntarij: nam cum proposuisset hoc argumentum nullus peccator eo quod vitare non potest ut AVERROES docet, ergo si homo existens in peccato mortali non possit vitare peccatum videtur quod peccando non peccet, non respondet peccare tunc hominem quia habet potentiam sufficientem ad

vitandum singula peccata, quamuis careat potentia ad omnia vitandum, sed quia provenit ex eius defectu non habere hanc potentiam ad vitandum omnia quia non vult se preparare ad gratiam sine qua non habebit eam. Respondetur D. THOMA ibi non loqui de peccatis venialibus, quia respectu eorum non esset vera sua doctrina, cum non sufficiat gratia habitualis cum suis auxilijs ad habendum potentiam ad vitandum omnia collectiue, sed de peccatis mortalibus ad quæ committenda sicut requiritur plena & perfecta deliberatio, ita & perfecta advertentia ad vitandum omnia, ut dicam dubio sequenti; at vero in locis citatis loquitur de peccatis venialibus, quæ possunt sine plena & perfecta deliberatione committi; Et si adhuc sic obijcias, non potest homini aut Angelo imputari ad culpam v. g. non elicere actum intellectionis aut voluntatis in singulis instantibus horum aut non efficere diuisionem singulorum partium continui neque de hoc potest imponi ei à Deo præceptum, & tota huius ratio est impotentia ad id præstandum in omnibus instantibus collectiue sumptis, aut circa omnes partes continui collectiue sumptas; ergo similiter non potest imputari homini ad culpam non vitare singula peccata venialia, si non habet potentiam ad vitandum omnia collectiue.

Respondetur negando antecedens si intelligatur de singulis instantibus, aut de singulis partibus continui sumptis diuisione, hoc est per se, & sine ordine ad reliqua instantia vel ad reliquas partes, quia in quocumque instanti determinato, & per se sumpto est liberum homini elicere talem actum & quaecumque partem continui ita sumptam potest dividere, secus tamen esset posito illo ordine ad reliqua instantia, vel ad reliquas partes quia tunc mutaretur sensus diuisionis in collectivum, & idem est dicendum de peccatis venialibus, quamuis impossibilitas non proveniat ex eorum infirmitate, sicut in partibus & instantibus, sed ex infirmitate principij.

Ad primam confirmationem concedendum est antecedens, si intelligatur de omnibus peccatis ratione singulorum, & negandum si intelligatur de omnibus secundum se & ratione sui, quia licet nullus peccat immediate, quia non vitat omnia in communi, sed quia non vitat singula, ita neque tenetur vitare omnia nisi ratione singulorum; & eodem modo est distinguendum consequens, si enim intelligatur de viribus ad vitandum singula peccata concedenda est consequentia, si tamen intelligatur de viribus ad vitandum omnia collectiue, debet negari. Neque probatio antecedentis & consequentis aliud convincit.

Ad secundam confirmationem. Respondetur cum CASSIANO collatione 9. cap. 22. in illis verbis peti duo. Primum est ne in tentatione positi superemur ab ea, quod est petere gratiam ad resistendum tentationi: Alterum est ne Deus permittat nos tentari à Dæmone supra id quod possumus, & quantum ad primum sequitur cum D. THOMA 22. quest. 83. art. 9. quamuis per liberationem à malo intelligat liberationem à penalitatibus huius vite. Si tamen quis illa verba intelligat de gratia ad vitandum peccata, dicat ea referri ad singula peccata, & non ad omnia collectiue.

Ad tertiam confirmationem nego sequelam, A quia ut dicebam in solutione argumenti principalis, obiectum huius actus, volo non vitare omnia peccata venialia est intrinsece dissonum recte rationi, quia in tali obiecto, quod est non vitare omnia peccata venialia includitur virtualiter committere aliquod. *Ex hoc patet* solutio ad probationem, quia quamvis vitare omnia peccata venialia sit nobis impossibile sine speciali privilegio, tamen in opposito quod est non vitare omnia continetur virtualiter committere aliquod peccatum in particulari, & ideo non licet aut velle hoc, aut nolle illud. *Et non est eadem ratio* de actu nolendi id quod non est nobis possibile sine miraculo v.g. restituere visum cæco, quia eius oppositum, quod est non restituere non est intrinsece dissonum recte rationi cum neque formaliter, neque virtualiter includat aliquid malum.

Circa tertiam conclusionem est,

III. DVBIUM.

Verum homo in statu nature corrupte, B qui est in peccato mortali possit solis viribus sua nature cum concursu generali Dei & sine auxilio gratie vitare per longum tempus omnia peccata mortalia que opponuntur legi naturali?

ET PRO titulo Nota ex ijs que observavi circa titulum huius articuli & latius circa titulum art. 4. precedentis nomine auxilij gratie comprehendere omne donum superadditum nature siue sit habituale siue actuale, & addi illa verba per longum tempus ut distinguatur hoc dubium ab alio simili explicato in art. 4. precedenti circa observationem omnium preceptorum obligantium sub mortali.

§. 1. Adfert varias sententias.

IN hac re sunt varie sententiæ. *Prima est*, eorum qui absolute asserunt posse hominem in hoc casu viribus sue nature sine vlla auxilio gratie tam habituali quam actuali vitare omnia peccata mortalia, & in ea conveniunt DURAND. in 2. dist. 28. q. 3. & 4. SCOT. eadem d. q. 1. §. ad questionem, & 1. contra hoc arguitur, & GARR. q. 3. conclusionem 3. imo & D. THOMAS eadem d. q. 1. art. 2. in corpore, & ad probandum tam possunt deferuire omnia argumenta quibus art. 4. precedenti in dubio circa secundam conclusionem probavimus primam sententiam eorum qui asserunt posse hominem in eodem statu sine auxilio gratie adimplere omnia precepta legis naturalis obligantis sub mortali, si addamus circumstantiam longi temporis, quia idem est adimplere omnia hæc precepta per longum tempus, & vitare omnia peccata mortalia contra ipsa. *Et nunc in particulari probatur primo*, quia homo tenetur vitare singula peccata mortalia prout occurrunt, scilicet successive nullo pretermisso; ergo & potest vitare singula nullo pre-

termisso, & ulterius ergo absolute potest vitare omnia prout occurrunt successive per idem tempus; *antecedens patet*, quia alias non imputaretur homini ad culpam non vitare singula peccata prout occurrunt nullo pretermisso, quia nihil potest imputari ad culpam, nisi supposita obligatione ad ipsam; *Et prima consequentia etiam patet*, quia alias obligaretur homo ad impossibile, quod multis testimoniis probavi esse absurdum art. 4. precedenti, in dubio circa secundam conclusionem art. in 3. argumento primæ opinionis; *Et secunda probatur*, quia in individuis si sint numero finita, bene valet argumentum, à singulis sumptis successive nullo excepto ad totam collectionem siue ad omnia sumpta etiam successive; quod sic ostendo: tota individuum collectio, aut omnia ea si sumantur successive non important aliquid amplius quam singula nullo excepto, neque quoad numerum cum utrobique includantur omnia individua, neque quoad modum, cum utrobique sumantur successive; ergo in hoc genere arguendi non potest assignari defectus propter quem non valeat consequentia; & tale argumentum conficitur ex consequentibus illarum duarum consequentiarum, si supponamus id quod est certum, scilicet numerum peccatorum mortalium que possunt occurrere in longo tempore, aut etiam in tota vita esse finitum.

Secundo non posse hominem vitare omnia peccata mortalia in casu posito, neque provenit ex impotentia physica ad id prestandum, neque ex impotentia morali; ergo simpliciter potest homo ea vitare, *consequentia patet*, quia non posse importat defectum potentie, atque adeo impotentiam, & *antecedens* probatur in primis quoad priorem partem, quia alias sequeretur potentiam liberi arbitrij ad vitandum peccata esse intrinsece, & secundum suam entitatem limitatam, ita ut non possit extendi ad omnia que possunt occurrere in longo tempore. Et ex hoc sequitur ulterius liberum arbitrium, cum successive vitat peccata, posse devenire ad certum aliquod & determinatum peccatum, quod non possit vitare, quod est absurdum.

Prima consequentia patet, quia potentia physica cuiuscunque principij activi consistit in virtute intrinseca eiusdem principij, qua possit extendi ad talem vel tantum effectum; ergo & impotentia physica consistit in limitatione eiusdem virtutis qua non possit extendi ad tantum effectum; *Et ex hoc probatur secunda consequentia*, quia omnis potentia limitata secundum suam intrinsecam entitatem habet terminum quoad sphaeram sue activitatis, ultra quem non potest extendi; ergo si potentia liberi arbitrij est ita limitata, habet terminum quoad numerum peccatorum mortalium, que potest vitare in longo tempore, ita ut postquam pervenerit ad hunc terminum, non possit ulterius progredi vitando aliud peccatum quod de novo occurrat, ut autem ostendatur absurditas huius consequentis, ponamus terminum hunc esse numerum octo peccatorum, & hoc posito sic argumentor, vel octavum peccatum est terminus intrinsecus, hoc est ad quem liberum arbitrium possit pertinere, & non ulterius progredi vel terminus extrinsecus hoc est, ad quem non possit pertinere, & ad quemcumque minorem possit.

Si dicatur primum, sequitur liberum arbitrium postquam vitaverit octavum peccatum, non posse extendi ad vitandum novum quod statim aut elapso parvo tempore occurrat, quia est extra sphærâ suæ actiuitatis, atque adeo non vitando peccatum mortale cum plena & perfecta deliberatione, non peccare mortaliter quia nullas peccat in eo quod vitare non potest.

Secundum etiam dici non potest, quia cum numerus peccatorum contentus circa octavum sit finitus, & determinatus, poterit fieri idem argumentum de ultimo eorum quod est septimum respectu octavi.

Et deinde probatur idem antecedens quoad posteriotorem partem, tum quia impotentia moralis non consistit in defectu virtutis ex parte principij actus, sed in difficultate propter impedimenta extrinseca, ergo liberum arbitrium poterit sua intrinsicâ virtute superare aliquando licet raro hâc difficultatem & vitare omnia peccata mortalia, tum etiam quia sequeatur esse aliquando tam difficile vitare aliquid determinatû peccatû mortale sicut vitare omnia per totam vitam, atque adeo in tali casu esse concedendum hominem nō posse vitare unum determinatum peccatum mortale. *Probatur sequela*, quia poterit occurrere tentationes tam vehementes, & aliæ circumstantiæ & respectu aliorum determinati peccati ut æqualeant difficultati provenienti ex numero peccatorum & longitudine temporis.

Tertio, si tempus longum intra quod nō potest homo lapsus vitare omnia peccata mortalia sit spatium vnius anni, & intra ipsum non occurrat nisi vnum peccatum mortale vitandum poterit homo viribus suæ nature, & sine auxilio gratiæ vitare tale peccatû, ergo eodem modo poterit vitare alia quæ intra idem tempus occurrant; *antecedens patet*, quia iuxta sententiâ D. Th. o. in hac conclusione potest talis homo vitare vnum peccatum determinatum, imo & quodcumque in particulari, & *consequens* probatur, *nam* quia homo vitando vnum peccatum, & vincendo vnam tentationem non redditur impotentiôr aut imbecillior, sed potius fortior ad vitandum alia peccata & vincendum alias tentationes propter assuetudinem ad bonum, *nam* etiam quia si homo non vitaret priora peccata, posset vitare posteriora, quamvis per peccatum diminuantur naturalia in ordine ad bonum, ergo multo melius, si vitet priora peccata, poterit vitare succedentia quia bene operando non solum non minuuntur vires ad bonum sed etiam augentur.

Ultimo alias sequerentur duo inconuenientia. *Primum* est posse aliquem certo scire se esse in gratia, contra id quod dicemus infra q. 112. art. 3. *Probatur sequela*, quia potest quis certo cognoscere se in longo tempore non habuisse plenam & perfectam deliberationem committendi aliquid peccatum mortale, sicut requiritur ad peccandum mortaliter. *Secundum* est, teneri est qui certo scit se commisisse aliquid peccatum mortale, ut statim remedium aliquo, scilicet sacramentis penitentia vel contritione ut resurgat à peccato & sit in gratia, quod est contra communem sententiam Theologorum, & contra veritatem ut ostendi solet in addit. ad 3. partem q. 1. art. 3. *Et probatur sequela*, quia si existens in peccato mortali non potest lon-

go tempore vitare omnia peccata mortalia, ergo est in periculo probabili peccandi mortaliter, & ex consequenti teneretur ut aliquo ex prædictis remedijs ut exeat ab illo periculo, & ex consequenti à peccato. *Pater* *hæc consequens*, quia præcepto diuino tenemur vitare pericula probabili incidendi in peccatum mortale, ut colligitur ex illo Ecclesi. 3. qui amat periculum peribit in illo.

Secunda sententia est CAISTANI in hoc articulo 5. verum quia, & expressius 5. verum aduertit; ubi supponit duobus modis posse aliquem esse in peccato mortali, primo non solum facto, sed etiam affectu, siue formaliter, siue virtualiter, ut cum quis aut scit se esse in peccato mortali & nō providet sibi de remedio, hic enim formaliter scit, & vult se esse in peccato: aut scit se fecisse aliquem contractum quem ex ignorantia iuris putavit non esse peccatum mortale, cum tamen re ipsa sit peccatum, & nullo vitetur remedio, hic enim non formaliter sed virtualiter, & interpretatione vult se esse in peccato, quia vult esse in eo facti quod culpabiliter ignorat esse peccatum mortale.

Secundo modo soluit peccatum, ut cum quis sine vlla ignorantia commisit peccatum mortale, & vel oblitus est eius, & adhibita diligentia, licet non sufficienti ad examinandum se ipsius non recordatur eius, vel si non est oblitus, conuertitur ad Deum per dolorem insufficientem, quem putat esse contritionem, cum tamen non sit, hic enim quamvis re ipsa & de facto sit in peccato tamen neque scit, neque vult se esse in peccato mortali aut in aliquo facto habente peccati mortalis rationem. Et hoc supposito statuit duas propositiones. *Prima* est, cum qui priori modo est in peccato mortali non posse longo tempore vitare omnia peccata mortalia. *Secunda* est, cum qui posteriori modo est in peccato mortali posse longo tempore vitare omnia peccata mortalia. *Fundamentum* eius quoad primam propositionem est doctrina D. Th. o. in hoc articulo, de quo agemus postea & fundamentum quoad secundam propositionem, est, quia talis homo non est affectu suo propensus ad malum suum; ergo non habet ex sine præconcepto inclinationem ipsi infectam ad obiecta consentanea malo fini, cuiusmodi sunt peccata mortalia, atque adeo non erit ipsi impossibile resistere omnia hæc obiecta.

Confirmatur, quia hic homo computandus est inter eos, qui incipiunt per diuinam gratiam reparari, cuius signum est eum si nullo statu recipiat sacramentum non peccare mortaliter, ergo non est ei impossibile vitare peccata mortalia per que auertatur à Deo.

Tertia sententia est aliorum qui ab authoribus primæ dissentient quia dicunt hominem in casu posito non posse longo tempore vitare omnia peccata mortalia sine auxilio gratiæ mouentis, & conuenienter cum eis qui dicunt non esse hominibus ad id necessariam gratiam habitalem ex parte principij, sed solum ex parte termini siue concomitantem, in quantum non contingit ut homo existens in peccato præueniatur auxilio gratiæ mouentis ad vitandum peccata mortalia, & vsus hoc auxilio vitauerit omnia peccata mortalia per longū aliquod tempus, quin impetret à Deo maiora auxilia ad penitentiam & remissionem peccatorum, &

confli-

constituatur statim in statu gratia habitualis. Hanc sententiam defendit VASQUEZ in breui commentario huius articuli, ubi dicit se eam explicasse disputatione 195. cap. 3 & ex antiquis sequuntur eam RICHARD. in 2. d. 28. art. 1. quest. 3. ubi inquit esse ad hoc necessariam gratiam saltem gratis datam quamvis art. 2. quest. 2. dicat requiri gratiam gratum facientem & MARSELLIVS in 2. q. 18. art. 1. conclusione 4. & 5. ubi inquit ut homo existens extra gratiam & in peccato mortali permaneat longo tempore in observatione preceptorum, & vitet aliud peccatum, requiri & sufficere donum Dei speciale gratis datum, quod dicit forte fuisse in aliquibus philosophis. *Fundamenta* huius sententia quoad hanc secundam partem proposita sunt art. 4. huius questionis in dubio circa secundam conclusionem articuli.

§. 2. *Concludis, hominem in statu natura corrupta in peccato existentem posse cum solo concursu generali vitare singula peccata mortalia contra legem naturalem: non tamen diu. & quot titulis ad hoc indiget gratia.*

PRIMA CONCLUSIO. *Homo in casu posito non potest per solas vires natura & sine auxilio gratia vitare longo tempore omnia peccata mortalia que sunt contra legem pure naturalem.* Hæc statuitur contra primam sententiam, & conveniunt in ea omnes præter citatos pro illa sententia. Et potest probari eisdem argumentis & testimonijs quibus articulo quarto præcedenti in dubio circa secundam conclusionem articuli probavimus primam conclusionem huic similem de observatione omnium preceptorum naturalium obligantium sub mortali: quia in casu huius conclusionis reperitur tota difficultas quæ est in observatione omnium illorum preceptorum, & additur alia specialis proveniens ex diuturnitate temporis, & ideo hæc conclusio tam certa est contra primam sententiam sicut illa.

SECUNDO, probatur ratione D. THOMÆ in hoc art. & 3. contra gentes c. 160. quia homo in statu nature corruptæ existens in peccato mortali habet multa tam intrinseca quam extrinseca provocantia ipsum ad peccandum, & in longo tempore frequenter, & non potest esse in continua vigilia, & meditatione ad resistendum eis; ergo non potest viribus suæ nature, & sine auxilio gratia resistere omnibus atque adeo nec vitare omnia peccata mortalia; *consequentia patet*, quia ad agendum contra multa frequenter inclinatio ad malum necessaria est continua vigilantia, & attenta præmeditatio.

Et antecedens quoad priorem partem probatur, quia intra se habet homo rebellionem appetitus contra rationem & voluntatem averfam a Deo ut ab ultimo fine & converfam ad bonum commutabile ut ad finem ultimum & præconceptum atque præceptum hunc malum finem, & ex consequenti propensionem ratione huius mali finis ad objecta ei convenientia, & interdum habitus vitiosos: & extra se habet sollicitudinem & vehementiam Dæmonis ad tentandum, propter quæ dixit Petrus in 1. Epistola c. 5. *fratres sobrii estote & vigilate quia adversarius vester Diabolus sicut Leo rugiens circumit querens quem devoret*, &

A Paulus ad Ephel. 6. *non est nobis colluctatio adversus carnem & sanguinem, &c.* & societatem pravorum hominum qui suis exemplis & consilijs inducunt ad peccandum.

Et quoad posteriorem partem probatur, quia imprimis corruptio corporis impedit continuam vigiliam & attentionem, iuxta illud sapientia 9. *corpus quod corrumpitur aggravat animam*, & *terrena inhabitatio deprimit sensum multa cogitantem*, & deinde etiam impedit eam quædam naturalis mutabilitas humane nature, quæ tædio afficitur ex perseverantia in consideratione & meditatione circa easdem res.

SED obijcies contra rationem hanc, quia ut homo per voluntatem agat contra omnia illa quibus in antecedenti dicitur cum provocari ad malum, non est necessaria in intellectu continua & attenta eorum præmeditatio; ergo quamvis antecedens sit verum quoad utramque partem non valet consequentia, *probatnr hoc antecedens*, quia in voluntate quantum est ex vi corruptionis nature & peccati mortalis nulla est inclinatio habitualis aut quasi habitualis ad consentiendum in aliquod ex illis obiectis præter inclinationem ad bonum commutabile relictam ex peccato actuali, præcedenti, in qua loquimur de homine cui remissum sit peccatum originale per baptismum, & non habente habitus vitiosos, sed tantum peccatum habituale, *sum etiam quia D. THO.* solum meminit huius inclinationis, cum ut explicaret cur ex inclinatione ad objecta quæ sunt peccata proneniat difficultas ad vitandum ea, assumpsit hanc propositionem, *homo in occasionibus repentinis*, hoc est subito occurrentibus operatur secundum inclinationem finis præconcepti aut habitus præexistentis, ut docet Arist. 3. Eth. c. 8. ergo homo sine illa præmeditatione intellectus poterit per voluntatem agere contra prædicta omnia mouentia ad malum, *probatnr hæc consequentia*, quia unusquisque experitur se facile resistere quibuscunque motibus in materia ad quam non habet inclinationem, & tamen conversio habitualis, quæ sola manet in hoc casu ex peccato actuali exigua aut potius nullam importat inclinationem ad operandum cum non sit aliquid positivum physicum, sed vel privativum vel morale, de quo agi solet in materia de peccatis.

AD HOC CAJETANVS & CONRADVS in hoc articulo & FERRAR. 3. contra gentes c. 160. & ad evidentiam secundi dubij negant antecedens, & ad probationem admittunt non esse in voluntate aliquam inclinationem ad objecta mala præter conversionem peccati habitualis ad malum finem, & dicunt eam sufficere ut homo sine continua præmeditatione, non possit non consentire in aliquod objectum consentaneum eidem fini, atque adeo malum, quod diversimode explicant; nam FERRAR. & CONRAD. dicunt illam conversionem non esse habitum vitij, sed adhesionem habitualem voluntatis, ad finem inordinatum, hoc est ad bonum commutabile, & hanc adhesionem esse inclinationem habitualem voluntatis ad objecta consentanea eidem fini.

Sed hæc explicatio mihi videtur insufficiens, quia de hac adhesionem habituali voluntatis potest proponi eadem difficultas, cum non possit negari adhesionem hæc esse ipsam conversionem habitualem quæ includitur in peccato habituali. CAJET. vero

dicat illam conversionem esse affectu habitualem ad peccatum ut ad ultimum finem, & ad permanendum in eo, & consequenter etiam esse inclinationem habitualem ad alia obiecta consentanea eidem fini atque adeo mala.

Sed similiter contra hanc explicationem potest proponi eadem difficultas, quia etiam de hoc affectu habituali est concedendum esse ipsam conversionem peccati habitualis. Et ideo aliter RESPONDETUR ad probationem illius antecedentis negando antecedens.

Et ad primam probationem Respondetur, ipsam voluntatem quatenus est inclinatio ad bonum totius, esse etiam consequenter inclinationem ad bonum appetitus sensitivi, & hanc inclinationem esse satis vel sit homini difficile imo & impossibile non consentire in aliquod ex illis motiuis, si non seipsum cohibeat continua & attenta præmeditatione rationis.

Et ad secundam probationem concedo D. THOMAM dixisse inclinationem habitualem quæ est ipsa conversio peccati habitualis esse causam ut homo non possit vitare omnia peccata mortalia, non quia inclinet physice ad ipsa peccata, sed quia inclinat moraliter & media conceptione intellectus neque quia sit causa adæquata, cum articulo sequenti doceat etiam iustificatos, qui carent prædicta inclinatione habituali non posse vitare omnia peccata mortalia per longum tempus viribus nature & sine speciali auxilio, sed quia vera est causa & propria, respectu eius qui est in peccato mortali, & non prætermisit D. THOMAS occasionem, & causam adæquatam quæ est rebellio appetitus sensitivi imo paulo superius meminerit eius cum agebat de peccatis venialibus, & propterea noluit iterum agere de ea.

Est autem obiter aduertendum D. THOMAM non appellasse illas occasiones peccandi quæ occurrunt ex prædictis motiuis subitaneas quia excludant deliberationem plenam, & perfectam quæ requiritur ad peccatum mortale, scilicet per quam cognoscatur esse peccata mortalia, & contra Deum, sicut male ipsum intellexit DURAND. in 1. d. 28. q. 3. n. 8. sed quia impedit maiorem deliberationem per quam cognoscatur hoc idem magis in particulari scilicet quoad miseriam quam includit, quia ex eius perfecta cognitione moueretur voluntas ad non consentiendum ut recte notarunt CONRAD. in hoc articulo & FERRAR. cap. citato §. ad secundum Dubium ex D. THOMA de veritate q. 24. art. 12.

Ex his sequitur contra secundam sententiam quæ est CAJETANI non esse admittendam limitationem qua ipse vitatur, scilicet, ut hæc D. THOMAS doctrina intelligatur tantum de hominibus qui sunt in peccato mortali quoad affectum, & non solum quoad factum. Probat, tum quia Concilia, Pontifex, & sancti absolute & sine vlla limitatione asserunt, non posse hominem in hoc statu viribus propriis vitare omnia peccata mortalia per longum tempus, tum etiam quia adæquata causa impotentia ad vitandum omnia illa peccata est deordinatio appetitus sensitivi, ut paulo superius dicebam, & hic etiam reperitur in eo qui solum factus, & non affectu est in peccato mortali, quamvis si verum esset quod CAJETANVS, & alij videntur supponere ex D. THOMA, scilicet, causam ad-

A æquatam huius impotentia esse propensionem habitualem inclusam in peccato mortali cum auersione à Deo, satis consequenter loquatur CAJETANVS.

SECUNDA CONCLUSIO. Tribus modis requiritur gratia habitualis ex parte principij in casu posito ad vitandum per longum tempus omnia peccata mortalia, scilicet tanquam remouens prohibens, in quantum auferret inclinationem ad oppositum, quæ est ipsa conversio peccati habitualis, & tanquam causa per se in quantum ipsa cum charitate habituali & reliquis virtutibus infusis dat inclinationem ad bonum, & tanquam conditio sine qua non, in quantum ipsa non præsupposita non dabitur nobis secundum legem Dei ordinariam auxilium speciale requisitum ad vitandum omnia illa peccata. Hæc statuitur contra tertiam sententiam. Et in ea supponitur in communi necessariam esse gratiam habitualem aliquo modo ex parte principij ad vitandum omnia peccata mortalia. Et hoc probatur satis efficaciter testimonio Concilij Mileuitani can. 3. adducto in dubio sæpe citato ex articulo quarto in probatione secundæ conclusionis & deinde explicantur in particulari, tres modi quibus ipsa gratia habitualis potest nos adiuuare ad vitandum omnia peccata mortalia.

Primus est remouendo prohibens, & hic manet explicatus ex doctrina de inclinatione habituali, quæ includitur in peccato habituali ad peccata mortalia explicata in argumento desumpto ex hoc articulo pro præcedenti conclusione: si tamen ei addamus id quod infra, quæstione 113. est ostendendum, scilicet remissionem peccati mortalis atque adeo remotionem impedimenti prouenientis ex prædicta inclinatione habituali esse effectum gratia habitualis.

Secundus modus est dando inclinationem ad bonum, & hic est satis manifestus ex proprijs rationibus gratia & virtutum, nam gratia facit nos confortes diuinæ nature & virtutes infusæ dant potentiam in quibus sunt ut in subiecto, vim ad operandum bene in suis materijs.

Tertius est, constituendo subiectum aptum ex lege Dei ordinaria, ut cum eo Deus utatur peculiari prouidentia & protectione, & det ei specialia auxilia quæ requiruntur ut possit per longum tempus vitare omnia peccata mortalia, & huius rationem assignauit articulo quarto præcedenti in dubio circa secundam conclusionem articuli in probatione secundæ conclusionis. Et nunc possumus addere aliam rationem, scilicet vires ad vitandum omnia peccata mortalia non esse dandas ei qui affectu adhæret peccato & vult in eo permanere.

VITIMA CONCLUSIO. Homo in hoc casu potest viribus sua natura cum concursu generali Dei, & sine auxilio gratia vitare singula peccata mortalia, quæ sunt contra legem pure naturalem. Ad cuius explicationem & ut intelligatur qui authores dissentiant ab ea, Notandum est per singula peccata intelligi vnumquodque peccatum nullo excepto, si sumatur per se, & sine ordine ad alia etiam successiue occurrentia. Et quamvis difficultas vitandi aliquod peccatum possit prouenire ex triplici capite, scilicet ex difficultate, & gravitate materie ad quam obligat præceptum cui opponitur, aut ex violentationum tam internarum quam externarum mouentium ad idem peccatum, aut ex longitudine tempo-

temporis in quo peccatum est vitandum, & tentationes vrgent, tamen in hac conclusione non agimus de tertia ratione difficultatis, quia quantum ad eam idem censendum est de vno solo peccato quod de multis longo tempore occurrentibus dictum est in precedentibus conclusionibus: atque ita *sensus huius est*, nullum esse peccatum tam difficile ut vitetur, siue ratione materiz, siue ratione tentationum, ut per se sumptum sine ordine ad alia, & in tempore breui non possit in casu posito vitari ab homine per vires sue nature, & sine auxilio gratia. Et ab hac conclusione sic intellecta dissentiunt VEGA, qui in opuscul. de iustificatione q. 12. in conclusione dicit esse aliqua peccata adeo difficilia vel ex gravitate materiz, vel ex maxima vi tentationum, ut homo ad ea vitanda indigeat auxilio gratia. Et apponit exemplum in magna abstinencia à cibo & copiosa elemosina & alijs similibus. Et BELLARMIN. qui tom. 3. lib. 5. de gratia & libero arbitrio cap. 5. dicit idem de peccato incontinentie propter illud sapientia 8. *scini quoniam aliter non possem esse continens nisi Deus det*, & 1. Corinth. 7. de continentia virginum & coniugatarum: *unusquisque donum suum habet ex Deo*, & cap. 7. de quocunque peccato ad quod vitandum necesse sit superare aliquam veram tentationem, propter multa testimonia scripturæ, Conciliorum Pontificum & Sanctorum quæ congerit ad probandum nullam tentationem sine Dei auxilio vinci posse.

Sed conveniunt in ea CAIET. & CONR. in hoc articulo CAPRE. in 2. d. 28: quest. 1. art. 3. in solutionibus ad argumenta contra quartam conclusionem, & specialiter in solutione secundi FERRARIENS. 3. contra gentes cap. 160. §. ad primum contra tertium dictum. DECA. art. 7. §. hæc confirmantur & SOT. lib. 1. de natura & gratia cap. 22. in explicatione secundæ conclusionis, & expressius conclusione 4. in cuius probatione explicat doctrinam huius articuli.

ET PROBATUR PRIMO, autoritate D. THOMÆ, qui & in hoc articulo in ea conclusione quam explicamus, & 3. contra gentes cap. 160. prope finem expresse hoc concedit.

Confirmantur, quia supra quest. 10. art. 2. docet à nullo subiecto necessitari posse in hac vita voluntatem ad exercitium actus, sed semper manere liberam ut eliciat, aut non eliciat actum, & art. 3. dicit à nulla omnino passione atque adeo nec à timore mortis imminenti posse necessitari voluntatem, quamdiu iudicium rationis omnino non oborbetur aut ligatur; ubi notanda sunt verba CAIET. qui propter hanc libertatem quæ in eo casu est in voluntate dicit contra Gregorium non esse necessarium miraculum, ut voluntas non eliciat actum ad quem movetur à passione appetitus, & non obstat id quod BELLARMIN. cap. 8. sequenti in fine respondet, scilicet D. THOMAM negare voluntatem necessitari physice à passione, non tamen necessitari moraliter, ut paulo inferius ostendam.

SECUNDO probatur ratione quam D. THOMAS locis citatis insinuat, quia alias homo non peccaret non vitando peccatum in his occasionibus, quod est absurdum. *Sequela patet*, quia nullus peccat in eo quod vitare non potest & absurditas consequentis probatur, quia homo in hoc casu

habet sufficientem & liberum usum rationis ad plenam & perfectam deliberationem quæ requiritur ad peccatum mortale, ut supponimus; ergo ex voluntate deliberata violat præceptum, & cum hoc non stat ipsum non peccare, quia deliberate transgredi legem est defectus moralis, atque adeo peccatum.

Ad hoc solet responderi duobus modis, nam primo BELLARMIN. & alij negant sequelam, & ad probationem dicunt hominem in illo casu habere libertatem sufficientem ad vitandum peccatum, & ex consequenti ad peccandum si non vitet vel quia potest se disponere ad gratiam cum Dei auxilio quod nulli denegatur, vel quia habet potentiam physicam ad vitandum illud peccatum, & solum caret potentia morali, & potentia physica sufficit ad peccatum.

Sed hac solutio facile impugnari potest, quia prior modus salvandi libertatem non videtur sufficiens tum quia neque D. THOMAS, neque aliquis ex Scholasticis eo utitur respectu singularis peccati, tum etiam quia sequeretur teneri hominem in eo casu ad convertendum se in Deum per penitentiam, ut vitet determinatum illud periculum incidendi in novum peccatum mortale, & tamen absque ratione poneretur talis obligatio cum non possit cognosci quando tentatio est tam vehemens ut non possit sine gratia vitari.

Neque etiam posteriori modo defenditur libertas requisita ad peccandum, quia potentia physica si sit sufficiens ad vitandum illud peccatum facta comparatione ad totam difficultatem provenientem ex tentatione & alijs circumstantijs præsentibus erit moralis. Si vero non sit ita sufficiens neque homo ratione eius habebit libertatem quæ requiritur ad peccandum, quia hæc libertas non convenit homini nisi in quantum est in eius potestate ut spectatis omnibus circumstantijs tunc concurrentibus possit indifferenter vitare & non vitare peccatum.

SECUNDO respondent alij de quorum humero est VEGA questione sequenti concedendo sequelam, & ad obiectionem qua probatur esse absurdum consequens. Respondent non excusari eam transgressionem à culpa propter defectum cognitionis aut ignorantiam in intellectu, sed propter defectum potentia in voluntate ad observandum præceptum.

Sed hac solutio quantum ad obiectionem illam nullum habet fundamentum, quia si in intellectu est usus rationis perfectus quantum requiritur ad plenam deliberationem, bene sequitur etiam in voluntate esse libertatem, atque adeo potentiam ad utramque partem, ergo repugnantiam involuit esse in intellectu deliberationem sufficientem, ut homo per voluntatem sequatur utramque partem, & non esse in voluntate potestatem ei proportionatam, atque adeo sufficientem ad sequendum utramque partem. *Pater antecedens* ex ratione qua D. THOMAS 1. parte quest. 83. art. 1. probat indifferentiam & indeterminationem iudicii in intellectu esse radicem libertatis in voluntate. Et ad testimonia quæ BELLARMIN. adducit pro sua sententia, Respondetur intelligenda esse de continentia, & castitate servanda per longum tempus, aut per totam vitam; & peculiariter ad testimonium ex sapientia 8. Dico cum IANSEN. & auctore

Scholiarum codicis Pontificij latini 70. interpretum non esse necessarium in eo per continentem intelligi castum aut temperatum, sed posse intelligi compotem scilicet sapientiæ, de qua ibi fit sermo: sicut Ecclesiast. 6. & continens fallus, ne derelinquas eam, ita ut sensus sit cum scirem me non aliter posse fieri compotem voti mei, & obtinere sapientiam desideratam, imo sic esse exponendam illam vocem colligitur ex voce quæ pro ea ponitur in græco, & ex oratione quæ continuo in principio capitis 9. subiungitur pro obtinenda sapientia.

§. 3. Respondetur argumentis aduersariorum.

AD PRIMUM primæ sententiæ concedendum est antecedens in sensu explicato dubio præcedenti, scilicet de omnibus peccatis ratione singulorum: & prima consequentia etiam est concedenda, si in eius consequenti per illa verba nullo prætermissio, non denotetur collectio & collectio omnium peccatorum, sed conditio & proprietas quæ singulis peccatis sumptis per se, & sine ordine vnius ad aliud etiam nullo excepto connat, scilicet posse vitari ab homine in casu posito ceterum neganda est secunda consequentia, quia fit in ea transitus à peccatis diuise sumptis, ad peccata sumpta collectivæ, quia consequens primæ consequentiæ intelligitur de singulis peccatis sumptis diuise hoc est sigillatim, & sine ordine vnius ad aliud; & consequens secundæ consequentiæ intelligitur de singulis peccatis sumptis collectivæ, hoc est prout vnum facit integram quandam collectionem cum altero, & importat ordinem ad alterum, ut ad compartem eiusdem collectionis, & non obstat sumi peccata in utroque consequenti successiue prout occurrunt, quia etiam in ipsa successione possunt considerari aut singula per se sine ordine vnius ad alterum, atque adeo diuise, aut quatenus in ipsa successione vniuntur secundum ordinem ad constituendum vnā collectionem successiuam atque adeo collectivæ.

Et contra hoc non habet vim regula adducta in probationem secundæ consequentiæ quia intelligitur de singulis indiuiduis sumptis successiue cum ordine vnius ad aliud.

Et ad eam probationem negandum est antecedens quantum ad identitatem modi quo sumuntur indiuidua in utroque casu quia per collectionem indiuiduorum etiam in successione importatur ipsa indiuidua prout vniuntur seruato ordine inter se ad constituendum vnum totum successiuum, at vero per singula indiuidua nullo excepto importantur eadem indiuidua sigillatim & sine vlla vnione ad constituendum aliquod totum, quare cum convenientia quoad modum qui est successio est magna differentia quoad alium modum secundum quem indiuidua sumuntur in his duobus casibus.

Sed obijciens contra hanc solutionem, quia iuxta eam libertas & potentia ad vitandum peccata quæ requiritur ad peccatum, tantum ponitur circa singula peccata in particulari, & non circa omnia, ergo non ponitur libertas & potentia sufficiens ad

A peccatum. Antecedens patet ex ipsa solutione, in qua propter hanc rationem admissio antecedenti argumenti conceditur prima consequentia, & negatur secunda.

Et consequentia probatur primo, quia primum argumentum huius articuli est idem cum hoc nostro, scilicet quia nullus peccat in eo quod vitare non potest, si ergo homo existens in peccato mortali non potest vitare peccata, sequitur eum peccando non peccare, & tamen D. THOMAS non responderet hominem habere potestatem ad vitandum singula peccata, & hanc sufficere sine potestate ad vitandum omnia; sed dicit prædictam impotentiam provenire ex defectu hominis qui non vult se disponere ad gratiam, cum qua posset vitare omnia peccata, & ideo talem impotentiam non sufficere ut homo excusetur à peccato.

Secundo probatur eadem consequentia duobus exemplis, primum est, si quis sit omnino necessitate constrictus ad transeundum fluvium, & id possit efficere solum aliquo ex quatuor modis, scilicet aut cymba aut equo vectus, aut per pontem aut natando. Vera in hoc casu cum necessitate ad transeundum aliquo ex his modis stat libertas circa singulos modos in particulari & tamen neque potest homini præcipi, ut nullo ex illis modis transeat, neque si præcipiatur alicui erit peccatum transire aliquo ex eis.

Alterum est, in quocunque homine, qui quantum constat corpore debet necessario consistere in aliquo loco, & habet libertatem ad non existendum in quocunque determinato loco, & tamen hic modus libertatis non sufficit, ut aut ei præcipiatur ut in nullo loco consistat, aut si præciperetur ut existeret in quocunque determinato loco nullo excepto sit peccatum. Respondetur negando consequentiam: & ad primam probationem dico integram solutionem illius argumenti apud D. THOMAM constare duabus partibus quarum prior est, eum qui est in peccato mortali posse vitare singulos actus peccati mortalis, non tamen omnes nisi per gratiam.

Et posterior est, non posse eundem hominem excusari à peccato, quia non habeat gratiam, quia hoc provenit ex defectu ipsius qui non vult se ad gratiam disponere. Vbi in priori parte continetur solutio à nobis assignata, quia cum difficultas argumenti sumatur ex impotentia ad vitandum peccata, idem fuit dicere hominem posse vitare singula peccata atque dicere hanc potentiam sufficere ut ex defectu potentie non inferatur inconueniens quod in argumento deducitur scilicet hominem peccando non peccare.

Et in posteriori proponitur ex abundanti alia solutio, quæ est ea quæ in hac obiectione refertur non quia sentiat D. THOMAS necessariam esse potentiam, ad vitandum omnia peccata, & non sufficere potentiam ad vitandum singula, ad hoc ut singula habeant rationem voluntarij & peccati; sed ut explicet quid de facto habeamus ex Dei misericordia quantum ad potentiam vitandi omnia peccata mortalia, & ut simul excludat apparentem excusationem quam peccator posset prætere, scilicet, senō habere gratiam quæ necessaria est ad vitandum omnia peccata quasi diceret D. THOMAS non esse hanc excusationem sufficientem

cum ex defectu peccatoris proueniat enim carere gratia, scilicet quis ipse non vult se disponere ad eam.

Et esse hanc sententiam D. THOMAS probatur imprimis, quia in corpore huius articuli, dicit sufficere potentiam ad reprimendum singulos motus appetitus inordinatos, ut singuli habeant rationem voluntarij & peccati; ergo idem sentit de actibus qui sunt peccata mortalia; quia cum hac potentia admittat secum plenam & perfectam deliberationem, quæ requiritur ad peccatum mortale, nulla poterit assignari ratio disparitatis; Et præterea quia 3. contra gentes cap. 160. prope finem proponit primo loco secundam harum solutionum, & postea subiungit primam dicens sufficere potentiam vitandi singula peccata mortalia sine potentia vitandi omnia ad hoc ut singula sint voluntaria & imputentur ad culpam. Et iuxta doctrinam hanc est exponendum id quod D. THOMAS respondet ad aliam similem difficultatem de defectu potentie in homine peccatore ad obseruandum omnia præcepta articulo quarto huius questionis in solutione ad secundum, & id quod nos ipsum sequuti respondimus ad eandem difficultatem respectu hominis conditi in peccatis naturalibus in dubio circa secundam conclusionem illius articuli in solutione ad tertium primæ sententiæ, scilicet auxilium quod Deus daret homini in illo statu ad obseruandum omnia præcepta, & vitandum omnia peccata mortalia, non esse ei debitum; nam hoc supposito poterit aliquis vterius interrogare an si Deus denegaret huiusmodi auxilium excusaretur homo ab obligatione præceptorum, & à peccato si ea transgrederetur.

Et respondendum est negatiue, quia homo in illo statu cum concursu Dei generalis posset adimplere singula præcepta, & vitare singula peccata; & hoc esset satis, ut neque excusaretur ab obligatione præceptorum, neque à culpa, si ea transgrederetur.

AD SECUNDAM probationem eiusdem consequentiæ. Respondetur esse duplex discrimen inter illa duo exempla & casum nostrum. Primum est, quia in exemplis necessitas prouenit ex parte obiecti voluntatis, scilicet, in primo ex necessitate alicuius ex illis quatuor modis ad transcendendum flumen quia supponimus non posse fluium pertransiri sine aliquo ex eis: & in secundo ex natura corporis, quod non potest esse extra locum, & ideo est determinatum ad existendum in aliquo vago sumpto, esset autem durum obligari hominem ad vitandum id quod ex parte sua atque adeo ex natura rei est impossibile vitari. At vero in casu nostro necessitas non prouenit ex parte obiecti, sed ex infirmitate naturæ humanæ quæ non potest longo tempore persistere in bono, ita, ut non cadat in aliquod peccatum mortale: & non est durum obligari hominem ad vitandum omnia peccata mortalia, quod secundum se non est impossibile, quamuis ipse ratione propriæ infirmitatis non possit vitare omnia, sed necessario debeat cadere in aliquod, quia cum hoc habet potestatem ad vitandum singula.

Secundum discrimen est, quia in exemplis illud commune quod respicit necessitas est coniunctum cum exercitio circa aliquod singulare determinatum, nam neque homo potest non vitare exercitio

A aliquo ex illis modis ad transcendendum flumen, neque corpus potest non esse actu in aliquo loco determinato, & ita simul cum necessitate circa illud commune est etiam necessitas circa aliquod singulare determinatum & in exercitio, & ex consequenti non est perfecta libertas circa singularem in particulari, tamen in nostro casu commune quod respicit necessitas non est coniunctum cum exercitio circa aliquod singulare determinatum cum non sit necesse hominem in quocunque breui tempore committere aliquod peccatum mortale, & ita datur perfecta libertas circa singula peccata mortalia in particulari.

AD SECUNDUM argumentum CAIST. in hoc articulo 1. & in his hominibus dicit doctrinam hanc de impotentia ad vitandum per longum tempus omnia peccata mortalia intelligi de impotentia morali, & ideo esse verum more moralium, scilicet ut in pluribus, & conueniunt cum eo aliqui ex recentioribus quantum ad modum impotentie quamuis non dicant expresse doctrinam esse veram solum ut in pluribus.

B Sed hac solutio mihi non placet: primo propter primam rationem in ipso argumento positam contra eam, qua CAIST. conuictus dixit doctrinam hanc esse solam veram, ut in pluribus. Deinde quia non datur potentia physica sufficiens respectu præsentis occasionis sine morali ut ostendi in vltima conclusione, & tandem quia impotentia moralis non prouenit ex defectu virtutis in principio efficienti, sed ex impedimentis extrinsecis, & tamen hominem non posse per longum tempus vitare omnia peccata mortalia non prouenit ex impedimentis omnino extrinsecis, sed simul ex inclinatione intrinseca voluntatis ad sequendum id quod proponitur ut bonum appetitus sensitui, ut superius explicui.

C QUARE aliter respondetur impotentiam in hoc casu esse physicam, & ad probationem oppositi, concedenda est prima sequela, & neganda secunda; Et ad eius probationem debet concedi antecedens & consequentia; Et ad obiectionem quæ probatur esse hoc absurdum, admitto suppositionem, scilicet terminum potentie liberi arbitrii ad vitandum peccata esse numero octo peccatorum, quia supponitur non esse plura peccata mortalia quæ possint occurrere longo tempore, & hac suppositione admissa dico potentiam hanc non habere pro termino siue intrinseco, siue extrinseco octauum peccatum determinate sumptum, aut aliquod aliud determinatum, sed habere pro termino extrinseco totam collectionem, ita ut dicamus potentiam hanc non extendi ad vitandam totam collectionem octo peccatorum, & extendi ad omne id quod est citra totam collectionem.

Verum ut explicemus, quid nunc intelligamus per totam collectionem, & per id quod est citra eam, ex quo pendet præcipua difficultas huius obiectionis. Aduertendum est totam collectionem posse sumi duobus modis, scilicet determinate & confuse prior modo sumitur quando consideratur ut determinata, per determinatum peccatum quod est octauum, & tunc dicitur esse citra eam immediate illud peccatum quod proximius accedit ad hunc terminum, quod est septimum, & ita consequenter retrogrediendo vsque ad primum, & posteriori

modo sumitur quando consideratur ut nullum peccatum ei deest ex ijs quæ pertinent ad prædictum numerum peccatorum, & tunc dicitur *esse extra eam*, illud totum quod superest excluso aliquo peccato vage sumpto, quod sicut in te non est determinatum, sed indifferenter potest esse quod libet ex tota collectione, ita non est determinate cognoscibile. Et hoc posteriori modo sumitur in presenti. Quare sensus doctrinæ positi est potentiam naturalem liberi arbitrii ad vitandum peccata, non posse extendi ad hoc, ut vitet omnia nullo excepto & posse extendi ad vitandum omnia excepto aliquo in quod necessum sit ipsum cadere: & quia huiusmodi peccatum est indeterminatum, & potest esse primum aut secundum, aut quodcumque aliud, ideo non est admittendus casus in quo liberum arbitrium vitando singula peccata progrediatur à primo usque ad septimum sine defectu. Sicut in simili difficultate de observatione præceptorum dixi artic. 4. præcedenti in dubio circa secundam conclusionem articuli in solutione ad ultimum primæ sententiæ. *Et eodem modo* est respondendum si hoc argumentum fiat de termino brevis temporis intra quod diximus posse hominem in hoc casu vitare omnia peccata mortalia, quia terminus hic non est intrinsecus, sed extrinsecus & tempus quod est citra ipsum non est aliquid determinatum, sed indeterminatum, ita ut sensus sit non posse citra illum terminum designari aliquod tempus ultra quod non sit aliud intra quod necesse sit liberum arbitrium cadere in aliquod peccatum antequam perveniat ad ipsum terminum.

Ad tertium, Respondetur concedendo antecedens si peccatum illud non moveat hominem continue aut frequenter in longo tempore, quia tunc ut supra dixi reputabitur pro pluribus peccatis; & negando consequentiam.

Et ad primam probationem, Respondetur ex continuatione vitandi peccata crescere aliquo modo virtutem liberi arbitrii propter assuetudinem, sed absolute, & simpliciter magis diminui, quia est potentia limitata & ægrota, & ideo non potest continue operari per longum tempus sine aliquo defectu.

Ad secundam probationem concessio antecedenti, neganda est consequentia, & ratio disparitatis est quia in casu antecedentis non datur perseverantia & continuatio operandi sine defectu quæ repugnat virtuti limitatæ & ægrota, sicut in casu consequentis.

Ad ultimum quantum ad primum inconueniens neganda est sequela; & ad probationem Dico, quicquid euincat de deliberatione formali & actuali, nullam habere vim de deliberatione virtuali siue interpretatiua quæ etiam sufficit ad peccatum mortale, ut cum quis potest facile & tenetur advertere seu deliberare, & non id facit, quia hic defectus advertentiæ non potest facile cognosci nec si cognoscatur retinetur longo tempore in memoria, & ad hoc propositum citat CAJET. illud Psal. 18. *delicta quis intelligit? ab oculis meis munda me Domine*, & alij adducunt illud 1. Cor. 4. *nihil mihi conscius sum, sed non in hoc iustificatus sum*. Et quantum ad secundum inconueniens etiam est neganda sequela; ad cuius probationem dicendum est hominem existentem in peccato mortali, non esse voluntarie in periculo proximo incidendi in aliud non um peccatum mortale, *nam quia* non cognoscit

A quando est extra breve tempus intra quod potest vitare omnia peccata mortalia, *nam quia* quavis id cognoscat & reuera sit extra illud tempus, potest pro qualibet parte brevis temporis longi vitare omnia peccata, imo & pro longo tempore singula. *Et eadem* quia inclinatio habitualis ad peccandum, quæ ex peccato mortali habituali additur infirmitati naturæ est parvæ efficacis, & ideo sicut velle esse in statu puræ naturæ non est velle esse in proximo periculo peccandi mortaliter, ita neque voluntarie esse in statu peccati mortalis per longum tempus, alias etiam qui est in gratia si secludamus illud auxilium speciale quod D. THOMAS art. sequenti docet requiri ad perseverandum in gratia & sine peccato mortali, esset in proximo periculo peccandi mortaliter, & ex consequenti teneretur uti continua oratione qua peteret huiusmodi auxilium.

AD FUNDAMENTUM secundæ sententiæ quoad suam secundam propositionem, in qua dissentit à nobis patet solutio ex probatione primæ conclusionis, & ex illatione in fine eius posita, quia ibi est explicatum causam adæquatam impotentis ad vitandum omnia peccata mortalia per longum tempus esse deordinationem appetitus sensitivi; & hanc reperiri in eo qui solum facto, & non affectu est in peccato mortali.

AD FUNDAMENTA tertie sententiæ patet solutio ex loco ibidem citato.

CIRCA eandem conclusionem est

ULTIMUM DUBIUM.

Verum homo viribus sue nature cum concursu generali Dei sine auxilio gratiæ possit vitare peccata quæ sunt contra præcepta supernaturalia?

C ET PRO titulo Nota intelligi solum de potestate quæ requiritur ad superandam difficultatem quæ provenit ex supernaturalitate quæ est in materia ad quam obligant huiusmodi præcepta, quia quantum ad potentiam requisitam ad superandum difficultatem provenientem ex numero horum peccatorum, aut ex dunturnitate temporis in quo sunt vitanda, idem omnino debet esse iudicium de his peccatis, & de alijs quæ opponuntur legi naturali, & quia supernaturalitas convenit materiæ horum præceptorum facta cōparatione ad hominem quoad ea quæ ei conveniunt intra ordinem naturæ & sine donis supernaturalibus, & sic est homo non solum in statu naturæ corruptæ, & in puris naturalibus, sed etiam in statu naturæ integræ, quia quavis de facto habuerit integritatem naturæ simul cum gratia supernaturali, tamen ipsa integritas per se non postulabat hanc coniunctionem, ideo in hoc dubio non distinguimus hos status, sed absolute agimus de homine prout destitutus est omni auxilio gratiæ supernaturalis in quocunque sit prædictorum statuum, & quavis etiam in titulo fiat sermo absolute, & in communi de præceptis supernaturalibus, tamen solum est agendum de præceptis pertinentibus ad tres virtutes theologicas, scilicet fidem, spem, & charitatem, & ad sacramentorum administrationem & susceptionem, quia licet dantur virtutes morales

per se

per se infusæ, quarum actus sunt etiam supernaturales non dantur præcepta affirmatiua obligantia ad eorum operationes, sed in qualibet materia virtutum moralium satisfacit homo præceptis per operationes ex fine virtutum acquiritarum, & non tenetur operari ex fine supernaturali, quem respiciunt virtutes per se infusæ.

§. 1. Referuntur sententia.

IN hoc dubio errauerunt primo Pelagiani, qui ut refert Ave. tom. 6. lib. de hæresibus c. 88. assererebant posse hominem per liberum arbitrium & sine gratia Dei seruare omnia mandata, atque adeo vitare omnia peccata contra ipsa. Et nomine mandatorum non solum intelligebant præcepta decalogi, sed etiã ea quæ pertinent ad virtutes Theologicas; quod Avgvst. paulo inferius explicuit his verbis: *illam vero gratiam sine qua nihil boni possumus facere, non esse dicebat nisi in libero arbitrio, quod nullis suis præcedentibus meritis ab illo accepit nostra natura ad hoc tantum ipso adiunãte per suã legem atque doctrinã, ut discamus quæ facere, & quæ sperare debeamus; quæ verba intelliguntur de omnibus operibus quæ ad promerendam, & comparandã æternam salutem sunt necessaria; & expressius postea cū ita dicat: *dirigunt etiam orationes quas facit ecclesia, sine pro infidelibus & doctrina Dei resistentibus, ut conueriantur ad Deũ, sine pro fidelibus, ut augeatur eis fides, & perseuerent in ea, hoc quippe non ab ipso accipere, sed à seipsis homines habere cõtendunt*: ubi aperte loquitur de prima susceptione fidei Christianæ, & de eius augmento, & idem eos sensisse quoad obseruationem omnium præceptorum ex charitate, quia dicebant charitatẽ viribus nostris absque dono Dei acquiri. Refert etiam Ave. tom. 2. Epist. 89. quæ est secunda ad Hilarium Monachum, & Epist. 200. prope initium, quæ est ad Asellicum Episcopum.*

SECUNDA sententia est quorundam Scholasticorum qui supponunt in actibus virtutum Theologicarum distingui substantiam à modo supernaturalitatis, quia substantia consistit in tendentia ad obiectum sub tali ratione formali v.g. in actu fidei in assensu quo credimus veritates fidei ut reuelatas à Deo, & in actu spei in eo quod est sperare æternam salutem ut promissam à Deo; & modus supernaturalitatis consistit in cõmensuratione & proportionem secundum quam tales actus deseruiunt ad conseruandam vitam æternam, aut tanquam merita, aut tanquam dispositiones; & hanc proportionem dicunt CAIET. & MOLIN. locis statim citandis non esse aliud quam vnumquemque ex his actibus procedere ex proprio habitu aut ex auxilio supernaturali supplẽte vicem habitus, & hoc supposito dicunt tales actus secundum substantiam esse naturales & posse à nobis effici viribus naturæ, & sine auxilio gratiæ, & quoadmodum esse supernaturales, & non posse à nobis produci sine auxilio gratiæ. Et consequenter dicunt præcepta de his actibus posse à nobis adimpleri viribus naturæ quoad substantiam ipsorum actuum, atque adeo etiã posse vitari peccata contra ipsa ut habent vim mandatorum respectu substantiæ actus. Hanc sententiam, ita explicatam sequitur CAIET. art. 4. huius quæstionis §. obuiat secundo & SQT. lib. 1. de natura & gratia c. 22. §. ex his tria eliciuntur illatione secunda, ubi inquit nullum esse actum in vitro iusto, cuius

A similis, quantum ad substantiam non possit esse in eo qui est extra gratiam Dei. Et quamuis ibi non explicet posse peccatorem habere hunc actum solis viribus naturæ, id expressit lib. 1. cap. 14. prope finem. Et MOLINA in concordia ad art. 13. q. 14. disp. 6. & 7. ubi plures alias refert pro eadem sententia & disp. 15. verum hi authores non explicant an actus elicitus quoad substantiam viribus naturæ, sufficiat saltem ad vitandum omnino peccatum contra præceptum supernaturale, & CAIET. videtur id explicuisse in hoc art. in solutione primi dubij, vbi dicit duo.

Primum est non sufficere talem actum ad implendum præceptum, & hoc probat quia præcepta virtutum Theologicarum obligant ad actus qui procedant ex auxilio supernaturali aut habituali, aut actuali; ergo actus procedens ex solis viribus naturæ non est sufficiens ad implendum præceptum consequentiã probat, quia obligatio horum præceptorum postulat in actibus illum modum; ergo non potest adæquate adimpleri per actus qui careant illo modo.

Secundum est illum actum esse sufficientem ad vitandum peccatum omissionis contra hæc præcepta, & hoc probat quia ad vitandum peccatum omissionis nõ est necesse hominem elicere actum ex dono supernaturali, sed satis est eum non apponere obicem, & facere totum quod potest ad non resistendum gratiæ Dei; sed hoc præstat homo in casu posito; ergo vitat peccatum, probatur maior, quia vel homo id faciens vitat peccatum, vel non fidetur primum, habetur intentum.

Si vero dicatur secundum, sequitur esse impossibile homini pro tali statu vitare huiusmodi peccatum, & ex consequenti non posse ei imputari ad culpam, quia nemini potest imputari ad culpam id quod vitare non potest.

TERTIA sententia est Durandi qui in 2. d. 28. q. 3. n. 12. & q. 4. n. 6. dicit præcepta de receptione sacramentorum non posse obseruari sine gratia habituali, atque adeo non posse vitari peccatum contra ipsa, & videtur indicare requiri gratiam habitualemente ante ipsam receptionem sacramenti, & ex consequenti ante adimplerionem præceptorum, & probat hoc, *inquit* quia habere gratiam ad recipiendum sacramentum cadit sub præcepto ut materia præcepti, ergo non potest adimpleri hoc præceptum, nisi præsupposita gratia, *etiam*, quia vel qui accedit ad sacramentum examinat sufficienter suam conscientiam, vel non. *Si dicatur secundum* sequitur talem hominem peccare mortaliter. *Si vero dicatur primum* sequitur eundem hominem per contritionem generalem, quæ requiritur ad sufficientiam examinis, consequi ante sacramentum remissionem peccatorum & gratiam habitualemente.

§. 2. *Præcepta virtutum Theologicarum sine gratia actuali impleri nequeunt, tamen possunt ea quæ de susceptione sacramentorum sunt obuiari.*

PRIMA CONCLUSIO. *Præcepta affirmatiua de actibus trium virtutum Theologicarum non possunt adimpleri, neque quoad substantiam sine auxilio gratiæ supernaturalis; probatur, quia actus sunt supernaturales quoad substantiam; ergo præcepta obli-*

gantia

gan. ad habendum eos non possunt adimpleri sine auxilio gratiæ supernaturalis; *consequentia patet*, quia non potest adimpleri præceptum obligans ad aliquem actum nisi per eundem actum secundum substantiam; & *antecedens probatur*, quia supernaturalitas horum actuum, non consistit in modo qui est intensio, quia tota latitudo intensiōis alicuius formæ est eiusdem rationis, & præterea quia si entitas actus est naturalis, etiam intensio debet esse naturalis. *Neque in esse meritorio* quia alias actus fidei & spei separati à charitate non essent supernaturales, cum non sint meritorij. *Neque in habitu* ad principium productivum supernaturale, vel habituale vel actuale, ut retuli ex CAIET. & MOLINA, *sum quia* supernaturalitas actus non consistit in habitu ad causam efficientem supernaturalem, sed potius ad causam materiale, scilicet quia nulli naturæ creatæ potest esse connaturalis, *sum etiam* quia alias nulla poterit assignari ratio ex parte ipsorum actuum, propter quæ aut virtutes quæ sunt eorum principia sint supernaturales, & per se infusæ, aut virtutes naturales, & acquisitæ nō possint esse eorum principia; ergo à sufficienti partium enumeratione consistit supernaturalitas horum actuum in propria eorum substantia; *patet hac consequentia*, quia non est maior ratio ad dicendum supernaturalitatem horum actuum consistere in alijs modis quam in relatis. Plura ad probationem primi antecedentis solent adduci art. 3. huius quæstionis & 2.2. in proprijs materijs de fide, spe, & charitate.

SECUNDA CONCLUSIO. *Ad observandum præcepta de his actibus non requiritur ex parte principij gratia habitualis, sed sufficit gratia actualis.* Hanc sequitur VEROA in opusc. de iustificatione q. 10. §. ultimo, & lib. 6. in trid. c. 15. obiectione 7. & lib. 11. c. 22. & conveniunt in ea omnes qui dicunt actus harum virtutum non procedere efficienter ab eorum habitibus. Et quantum ad præcepta de actibus fidei, & spei probatur facile respectu gratiæ iustificantis, quia possunt adimpleri ab homine existente in peccato mortali; & quantum ad præcepta de omnibus his actibus potest probari respectu suorum habituum ratione illa generali, scilicet quia præsupponuntur ad eos ut veræ & propriæ dispositiones, quæ examinandæ est infra q. 113. *Dico autem* non requiri gratiam habitualem ex parte principij, quia concomitanter, & ex parte termini habitus omnes sunt adiuncti suis actibus, & gratia iustificans actui charitatis.

TERTIA CONCLUSIO. *Per se loquendo nullus homo potest vitare peccata contra hæc præcepta sine auxilio gratiæ supernaturalis.* In hac conveniunt FAXAR. 3. contra gentes c. 160. prope finem & CONRAD. in hoc art. & probatur ex D. THOMA qui supra q. 63. art. 2. ad secundum ita inquit *sunt etiam quadam peccata mortalia, quæ homo sine gratia nullo modo potest vitare, quæ scilicet directe opponuntur virtutibus Theologicis, quæ ex dono gratiæ sunt in nobis.* *Secundo probatur* ratione quia per se loquendo nō aliter vitatur peccatum contra aliquod præceptum, quam adimplendo ipsum cum ergo præcepta hæc non possint adimpleri sine auxilio gratiæ supernaturalis, ut ostensum est in secunda conclusione, sequitur neque peccata contra ipsa posse per se loquendo vitari sine eodem auxilio. *Probatur antecedens*, quia vitare per se peccatum contra aliquod præceptum condiscitur ab eo quod est vitare eorum

deni, scilicet ratione ignorantie aut impotentie. *Dico vero per se loquendo*, quia ex accidenti ignorantie invincibilis obligationis talium præceptorum aut denegationis auxilij sufficientis adimplendum ea, excusabitur quis ab eorum obligatione, & ex consequenti non poterit peccare contra ea, atque adeo vitabit peccata, & forte CAIET. loquitur in eo casu quo non concederetur auxilium supernaturale.

QUARTA CONCLUSIO. *Præcepta affirmativa, hoc est contra quæ peccatur solum peccato omissionis, de susceptione sacramentorum possunt adimpleri sine gratia habituali sine antecedenter sine consequenter, & eodem modo possunt vitari peccata contra ipsa.* Hæc statuitur contra tertiam sententiam, & explicat eam bene VASQ. 2. tom. 2. in 1.2. disp. 196 c. 4. & probatur quia potest quis recipere vera & integra tria hæc sacramenta, Baptismum Eucharistiam & Pœnitentiam, quamvis accedat ad ea in peccato mortali, & nō consequatur eius remissionem per ipsa sacramenta; ergo etiam potest adimplere præcepta affirmativa de susceptione sacramentorum sine gratia habituali, siue antecedenter siue consequenter *consequentia patet* quia præceptum affirmativum de susceptione alicuius sacramenti solum obligat ad suscipiendum verum, & integrum sacramentum. *Et antecedens probatur*, quia si quis cum obice respectu gratiæ recipiat baptismum & Eucharistiam, recipiet verum & integrum sacramentum, neque de hoc potest esse Dubium, & quamvis de sacramento pœnitentiæ aliqui asserant in nullo casu dari verum & integrum sacramentum, & informe, hoc est sine affectu gratiæ, & consequenter debeant dicere non posse adimpleri præceptum de susceptione huius sacramenti sine gratia, concomitanti ex parte termini, tamen communior est opinio defendens oppositum, & ideo licet hæc conclusio non sit tam certa quantum ad hoc sacramentum sicut quantum ad baptismum & Eucharistiam, est valde probabilis.

Confirmatur quia in casu antecedentis non manet quis obligatus ad iterum recipiendum hæc sacramenta; ergo adimplevit præcepta de eorum susceptione. *Patet hoc antecedens* quia non tenetur qui sic recepit hæc sacramenta, iterum recipere, vel simpliciter in baptismo, vel pro eodem tempore in reliquis, in quibus est hoc intelligendum non solum de præcepto Ecclesiastico, sed etiam de diuino, quia præceptum Ecclesiasticum solum est determinatio diuini ad certum tempus. *Ad hoc* VEROA lib. 11. in trid. c. 21. in principio & latius in opusc. de iustificatione q. 13. n. 4. varijs modis cōatur respondere, ex quibus nullus habet apparentiam præter ultimum, in quo dicit præceptum de suscipiendo aliquod sacramentum, & præceptum de non suscipiendo indigne siue in peccato mortali, non esse duo præcepta, sed unum dumtaxat constans duabus partibus; & ideo quamvis in casu posito ad impleatur hoc præceptum quoad priorem partem non adimpleri simpliciter, quia non adimpletur quoad totum quod includit.

Sed neque hanc solutionem esse sufficientem ostendam conclusionem sequenti. *Et si quis* an idem sit dicendum de gratia sumpta pro auxilio actuali. *Respondetur* quantum ad baptismum & Eucharistiam esse idem dicendum, non tamen quantum ad sacramentum pœnitentiæ.

Est ratio primæ partis est, quia ad recipiendum illo modo baptismum, & Eucharistiam sufficit ex parte recipientis voluntas & intentio recipiendi, & hic actus potest haberi sine auxilio gratiæ; tum propter facilitatem, tum etiam quia licet obiectum eius, scilicet sacramentum sit quid supernaturale, non est volitum sub ratione supernaturali, sed sub ratione analogica communi ad alia remedia & bona naturalia.

RATIO vero posterioris partis est, quia ad sacramentum Pœnitentiæ requiritur dolor aliquis de peccatis, qui sit dispositio ex parte recipientis & pars ipsius sacramenti, & sicut secundum posteriorem rationem debet esse ex auxilio supernaturali; ut optime fateretur CAIET. articulo 4. præcedenti; ita etiam secundum priorem. Sed de hoc agendum est in materia de pœnitentia.

QVINTA CONCLUSIO. Præcepta negativa de susceptione sacramentorum, scilicet quæ obligant ad non suscipiendum indigne sacramenta; & contra quæ peccatur peccato commissionis, non possunt adimpleri per se & secunda ignorantia circa dispositionem requisitam sine gratia habituali, aut antecedenter ut in Eucharistia aut saltem consequenter, ut in baptismo & pœnitentia.

*IN HAC conveniunt fere omnes, quia si quis nullam irroget iniuriam sacramento, accedet tum dispositione requisita, atque adeo nulli labore ignorantia circa huiusmodi dispositionem, recipiet gratiam vel eius augmentum, quia sacramenta novæ legis dant gratiam accedentibus cum debita dispositione. Sed est discrimen inter sacramenta, quia in quibusdam eorum, quoniam sunt *vincula* ut Eucharistia, requiritur gratia antecedens. In alijs veto quia sunt *motus*, ut baptismus & pœnitentia, non requiritur gratia ut dispositio antecedens, sed sufficit attritio ut per ipsa sacramenta recipiatur gratia.*

Sed obicies hæc præcepta de quibus loquimur in his duabus conclusionibus non esse duo præcepta distincta, sed unum quod principaliter est affirmativum, & obligat ad suscipiendum sacramentum, & ex consequenti habet modum negativum, & obligat ad non recipiendum ipsum indigne. Respondetur esse duo præcepta omnino distincta, tum quia unum est affirmativum, & alterum negativum, tum etiam quia contra unum peccatur peccato omissionis, & contra alterum peccato commissionis, & tandem quia adimpleta obligatione unius violatur alterum. Et si queratur an possit adimpleri utrumque præceptum sine auxilio gratiæ actualis?

§. vii. Solutio Vasquez non admittitur.

AD HOC VASQUEZ loco citato Responder affirmativè, quia si quis cum dispositione requisita recipiat hoc sacramentum ex intentione inanis gloriæ, receptio illa erit peccatum, & tamen homo consequetur gratiam aut eius augmentum, & adimplebit præceptum, & sine auxilio gratiæ actualis; quia hoc auxilium non datur ad opus perfectum ex malo fine. Et citat pro se Sorum, in 4. d. 18. q. 3. art. 3. ad 3. argumentum. Sed mihi oppositum videtur probabilius; existimo enim posse dari auxilium gratiæ, ad opus quod secundum suam speciem & substantiam, & omnes circumstantias intrinsecas sit bonum, quavis ex circumstantiis extrinsecis appositæ ex parte operantis sit malum: & item existimo dolorem illum, qui cum sacramento sufficit ad gratiam esse dispositionem eiusdem ordinis, non solum

& extrinsecatione coniunctionis cum sacramento, sed etiam secundum se. Verum de his alibi est agendum.

ULTIMA CONCLUSIO. *Præcepta de administratione Sacramentorum ex parte ministris, si sint affirmativa possunt adimpleri sine gratia habituali, & per opus quod sit peccatum mortale: si vero sint negativa, non possunt adimpleri sine gratia habituali, saltem secundum existimationem non solum committens aut consequens, sed etiam ut prævia dispositione. Hanc statuo contra VEGAM, qui solus in locis citatis loquitur eodem modo de administratione & de susceptione sacramentorum & eius explicatio sumenda est ex duabus præcedentibus, & conveniunt in ea Ioannes de Medina, codice de conf. q. de confess. line pœnitentiæ cordis. SORUS & VASQUEZ locis citatis, & hic est magis notanda distinctio horum præceptorum, quia affirmativum pertinet ad iustitiam aut misericordiam erga proximum, & negativum ad religionem erga ipsum sacramentum. Ad fundamentum CAIET. patet solutio ex 3. conclus. Ad fundamentum DVA. quoad priorem partem, negandum est antecedens iuxta distinctionem præceptorum explicatam in 4. & 5. conclus. & quoad posteriorem partem dico non requiri examen illud ad vitandum peccatum contra præceptum affirmativum de susceptione sacramentorum, ut explicatum est in 4. conclus. & quamvis requiratur examen ad vitandum peccatum contra præceptum negativum, de quo egimus in 5. conclus. non est necesse includi in eo contritionem, quia si quis præmissis examine non sit conscius alicuius peccati mortalis, digne accedit ad quodlibet sacramentum, saltem quantum satis est ad vitandum novum peccatum mortale. Si tamen recordetur alicuius peccati poterit cum sola attritione & sine gratia habituali, accedere etiam fructuose ad sacramentum baptismi & pœnitentiæ.*

ARTICULVS IX.

Vtrum ille qui iam consequutus est gratiam per se ipsum possit operari bonum, & vitare peccatum absque auxilio gratiæ?

PRIMA CONCLUSIO. Homo in gratia existens non indiget alio auxilio gratiæ, quasi aliquo alio habitu infuso ad agendum.

SECUNDA CONCLUSIO. Indiget tamen alio auxilio gratiæ, scilicet Dei muneris ad recte agendum. Circa secundam conclusionem est

DUBIVM.

Vtrum sit vera?

§ 1. Explicatur ratio dubitandi.

RATIO dubitandi pro parte negativa est, quia vel intelligitur de bona operatione supernaturali, & de vitatione peccati contra præcepta supernaturalia, vel de vitæque in ordine ad præcepta naturalia. Si dicatur primum, sequitur esse falsam; quia præcepta supernaturalia neque sunt multa, neque occurrunt frequenter servanda,

sed raro, ergo ad exercendum operationes supernaturales, & vitandum peccata contra præcepta supernaturalia sufficit gratia habitualis, cum concursu supernaturali ei debito & non requiritur aliud specialius auxilium. Si vero dicatur *secundum*, potest ulterius inquiri, an intelligatur de *singulis* operibus bonis moraliter, & de vitatione singulorum peccatorum contra illa præcepta, vel de omnibus *collective* sumptis: *Primum* dici non potest, quia sequeretur etiam iustificatum indigere alio auxilio speciali gratiæ, ad efficiendum aliquod opus bonum moraliter, & ad vitandum aliquod particulare peccatum contra præcepta naturalia. Neque etiam potest dici *secundum*, quia sequeretur non habere maiores vires iustificatum quam peccatorem ad vitandum peccata contra præcepta naturalia & operandum bene moraliter, pareretur sequela, quia de eo qui est in peccato mortali docuit D. THOM. articulo præcedenti posse vitare singula peccata mortalia, & efficere quodcumque opus bonum moraliter & non omnia.

PRIMA CONCLUSIO. *Homo in statu nature corruptæ constitutus in gratia gratum faciente non potest sine speciali Dei auxilio per longum tempus vitare omnia peccata mortalia, quæ sunt contra præcepta naturalia, & exercere omnia opera bene moraliter: Et in hoc sensu est intelligenda secunda conclusio art.* In hac conveniunt CAIE. in hoc art. SOT. lib. de nat. & gratia c. 4. & MOLINA in concord. ad art. 13. q. 14. disp. 17. concl. 2. Et probatur prima pars, scil. ipsam sententiã esse verã. Primo ex concilijs nã in concilio ARAUS. secundo can. 10. sic habetur: *Adiutorium Dei etiam renatis & sanctis semper est implorandum, ut ad bonum finem possint pervenire, vel in bono possint opere perdurare.* Vbi distingui videntur hæc duo, scil. *pervenire* ad bonum finem, & in bono opere *perdurare*, & ad utrumque definitur etiam iustificatis esse necessarium adiutorium Dei; & nisi quis dicat illa duo distingui à concilio, non potest negari esse hanc sententiã ab eo definitã. Item cõc. Trid. sess. 6. decreto de iustif. can. 13. de iustificatis dicitur *solum posse collocare spem perseverandi & non cadendi in peccatum in Dei auxilio*, & subiungitur hæc ratio: *Deus enim nisi ipsi illius gratia defuerint, sicut capis opus bonum ita perficies operans velle & perficere*, quod de auxilio speciali est intelligendũ: & paulo inferius de eisdem dicitur in pugna quæ eis superest cum carne, cū mundo, cum diabolo, *non posse esse victores nisi cum Dei gratia*, & est intelligendũ de gratia distincta ab ipsa gratia habituali, & can. 22. definitur *iustificatum non posse sine speciali Dei auxilio in accepta iustitia perseverare*. Et quãvis possit aliquis dicere conciliũ loqui de perseverantia usq; ad finem vitæ, quia definitio canonis refertur ad doctrinã capituli, in cuius initio sic habetur: *similiter de perseverantia munere*, de quo scriptũ est: *qui perseveraverit usque in finem* &c. tamẽ ratio quã ibi assignat conciliũ, scil. *pugna cum carne* &c. etiã habet vim in perseverantia ad longũ tempus; quãvis non coniungatur cum fine vitæ. Et idẽ definitur ab Innoc. 1. in epist. ad conc. Carthag. quæ inter suas est 25. vel 37. & inter epist. AVG. 91. vbi circa finem sic ait: *nã quamvis demissos hominem à præteritis ille peccatis, tamen sciens iterũ posse peccare, ad reparationem sibi, quemadmodum posses illum & post ista corrigere, nulla servavit, quotidiana præstat ille remedia, quibus nisi freti confisique nitamur, nullatenus vincere humanos poterimus errores, necesse est enim, ut quo auxiliante vincimus, eo iterum non adiuvante vincamur*, & à Celestino epist.

A sua 8. vel 1. quæ est ad Galliarum episcopos, vbi ita inquit: *hominem etiã baptismatis gratia renouatũ idem esse ad superandas diaboli insidias, & ad vincendas carnis concupiscentias, nisi per quotidianũ adiutorium perseverantia boni operis acceperit.* Et statim ad hoc propositũ refert verba quæ proposuimus ex Innoc. Sicut enim potest probari testimonijs scripturæ quæ adducuntur ab auctoribus citatis. TERTIO probatur ratione D. THOM. in art. quia gratia habitualis sanat nos quantum ad mentem; non tamen quantum ad rebellionem carnis contra rationẽ, neque quantum ad obscuritatem ignorantie in intellectu, ratione cuius ut dicitur ad Rom. 8. *quid oremus scire oportet nescimus*: ergo, ut possimus resistere tot occasionibus peccandi, & perseveremus in gratia, necessarium est speciale Dei auxilium. *Et si quis obijciat quod in conc. MILLÆVIT. can. 3. damnatur, qui dixerit, gratiam Dei in qua iustificamur, ad solam remissionem peccatorum valere non etiam ad adiutorium, ut non committamur.* Ad hoc aliqui cum VAGA li. 12. in trid. c. 12. Respondent conciliũ per gratiã iustificationis non intelligere gratiã gratũ facientẽ; sed auxilium gratiæ quo Deus adiuvat infirmitatẽ nostrã, ut iustificemur, & in accepta gratia perseveremus.

Sed hanc expositionem impugnauit art. præced. vbi etiam explicui tres modos, quibus per gratiam habitualem adiuuamur ad vitandum peccata, de quibus dicam in solutione ad rationem dubitandi.

§ 2. Sententiã explicatã esse D. THOM. probatur.

SECUNDA ETIAM pars, scil. hanc esse sententiã D. THOM. in art. præsentis probatur, quia ratio quæ ex ipso proposuimus, non potest intelligi de actibus nostris, ut sunt meritorij vitæ æternæ, sicut aliqui explicant D. THOM. quia ex pugna appetitus contra rationẽ non impeditur exercitiũ operandi meritorie; nisi quatenus impeditur operari conformiter ad rectã rationẽ, quod est operari bene moraliter. Et eodẽ modo probatur non esse intelligendam de operibus requisitis ad obseruationem præceptorũ supernaturalium, & præterea quia obseruatio horum præceptorum raro cõcurrit etiam in longo tẽpore. Neque tandem potest intelligi de singulis operibus bonis moraliter, neque de vitatione singulorum peccatorum mortalium contra legem naturalem.

Cõfirmatur primo, quia hoc videtur denotare D. THOM. cum absolute & sine vlla limitatione inquit, an iustus possit operari bonum & vitare peccatum sine auxilio gratiæ.

Cõfirmatur 2. quia hoc modo distinguuntur facile quæstiones art. præcedentis, & huius, & sequentis, quia quæstio præcedentis est de virtute hominis ad vitandũ longo tẽpore peccata contra legẽ naturalem abstrahẽdo ab omni statu, & ita agit in eo de omnibus statibus, & peculiariter de statu naturæ corruptæ existentis in peccato mortali: & quæstio huius est de virtute hominis iustificati ad idẽ præstãdũ; & quæstio sequentis art. est de eius virtute ad perseverandũ usq; ad finem vitæ sine peccato mortali.

§ 3. Soluitur obiectio Vasquez.

Sed contra hanc partem VASQUEZ 10. 2. in 1. 2. disp. 193. c. 1. contendit D. THOM. in secunda conclusione docere non posse hominem etiam iustificatum facere aliquod opus bonum moraliter, aut vitare aliquod peccatum mortale sine auxilio gratiæ, idque probat multis argumentis quorum

potissimum est, quia prima ratio qua D. THOMAS probat illam conclusionem sumitur ex conditione communi omnibus virtutibus creatis, quæ non possunt operari sine motione primæ causæ; & hæc ratio probat de singulis operibus, quia ad singula requiritur huiusmodi motio.

Respondetur D. THOMAS non uti hac ratione tanquam sufficienti ad probandum suam conclusionem, quia hæc motio respectu gratiæ habitualis non appellatur in rigore gratia cum sit ei debita sicut cuicunque virtuti creatæ est debita motio primæ causæ ad operandum, sed tanquam præambula ad explicandum qua ratione gratia habitualis quantumcunque sit perfecta possit indigere auxilio Dei ad operandum; & constat aperte ex solutione ad primum: ubi postquam D. THOMAS ostendit gratiam, quia est forma creata dependere ex diuina motione, exemplo gratiæ in statu gloriæ, ubi etiam dependet ab ea, dixit gratiam in via dependere ex alia speciali motione, quia est aliquantulum imperfecta, in quantum hominem non totaliter sanat.

SECUNDA CONCLUSIO. *Nomine auxilij specialis in precedenti conclusione non intelligitur generalis concursus Dei in ordine gratiæ: sed specialis quadam protectio & directio Dei circa tentationes & occasiones peccandi mortaliter.*

§ 4. *Premittuntur aliqua ad explanationem & probationem conclusionis.*

AD huius explanationem & probationem aduertendum est, sicut in ordine naturæ ad operationem formarum naturalium est necessarius concursus generalis Dei proportionatus eisdem formis & eis debitus lege Dei ordinaria; ita etiam in ordine supernaturali ad operationes formarum supernaturalium, scilicet gratiæ & virtutum infusarum, necessarium esse concursum actualem Dei proportionatum eisdem formis, ut sunt principia operandi, & eis debitus ex lege ordinaria gratiæ; & quamuis hic concursus possit appellari auxilium speciale facta comparatione ad hominem secundum suam naturam; quia non est ei debitus, tamen alia ratione potest appellari auxilium generale, & concursus generalis, scilicet intra ordinem gratiæ; quia facta comparatione ad hominem, ut habet gratiā, est debitus ex connaturalitate ad ipsam gratiam, sed in ordine gratiæ propter hoc auxilium datur aliud specialius, quod sicut D. THOMAS docet in fine corporis huius art. & in solutione secundi consistit in tribus. *Primum* est directio extrinseca qua Deus rationem viuendi alicuius dirigit & ordinat per media quibus adiutoria ad observandum præcepta, & vitandum peccata mortalia. *Secundum* est protectio etiam extrinseca qua Deus remouet impedimenta siue mouentia ad peccandum, siue retardantia a prosecutione boni. *Tertium* est copia internarum illustrationum & inspirationum valde efficacium: & hoc auxilium appellatur simpliciter speciale, quia non solum non est debitus homini secundum suam naturam, sed neque ut habet gratiam, imo datur ei ex noua misericordia, & de eo intelligitur nostra conclusio, ita ut sensus sit non sufficere gratiam habitualement cum habitibus virtutum infusarum & concursu generali ei respondente intra ordinem gratiæ, ut homo in statu naturæ corruptæ possit per longum tempus vitare omnia peccata mortalia; sed

A ulterius requiri hoc secundum auxilium speciale. Et probatur quia concilia & pontifices in testimonijs citatis videntur hoc sentire. *Primo*, quia dicunt requiri speciale auxilium, non solum respectu hominis, sed etiam respectu hominis iustificati, & ut iustificatus est, & auxilium debitum gratiæ non dicitur speciale respectu hominis iustificati, sed solum respectu hominis secundum suam naturam. *Secundo*, quia dicunt rationem propter quam homo iustificatus requirat auxilium speciale esse continuam pugnam contra carnem mundum & diabolum, & in hoc indicant satis aperte se non loqui de auxilio debito gratiæ, quia tale auxilium requiritur ratione ipsius gratiæ & virtutum infusarum, & non solum ratione subiecti, scilicet propter pugnam quam subiectum gratiæ, hoc est homo patitur.

Ex hac conclusione sequitur quomodo cum hac indigentia auxilij in homine iustificato ostent aliqua quæ de virtute gratiæ sanantis naturam dici solent, scilicet minimam gratiam sufficere ad non peccandum iuxta illud 1. Ioann. 3. *omnis qui natus est ex Deo peccatum non facit, quoniam semen ipsius in eo manet*; & gratiam ei efficaciorē esse iustitia originali: hæc enim & similia ut recte aduertit CAJET. §. & debes scire, intelliguntur de gratia quantum est ex parte sua, & non quatenus est in tali subiecto.

ULTIMA CONCLUSIO. *Deus nunquam denegat iustis hoc auxilium speciale, sed potius quantum est ex parte sua semper est paratus dare, nisi per eos steterit, vel non viuatur oratione, nec alijs operibus cum conditionibus requisitis ad impetrandum ipsum.* Probatur quia in testimonio citato in concil. Arausic. pro prima conclusione dicitur: *semper esse iustus implorandum hoc auxilium.* Et in oratione Dominica iusti petunt ipsum, cum dicunt: *fiat voluntas tua sicut in celo & in terra*, & postea: *ne nos inducas in tentationem*, ut D. THOM. inquit in fine corp. huius art. ergo semper est Deus paratus dare ipsum alias frustra præciperetur iustis ut petunt; & idem significatur aperte in verbis scilicet ex concil. TRID. pro eadem conclusione.

Ex hac conclusione sequitur ratio propter quā auxilium quod requiritur ad vitandum omnia peccata venialia per longum tempus dicatur speciale privilegium, & hoc non ita appellatur: ea vero est quia Deus non est paratus semper dare omnibus iustis illud auxilium sicut hoc.

Et si quæras an si Deus denegaret iustis hoc auxilium, excusaretur iusti a peccato propter impotentiam ad vitandum peccata. *Respondetur* negative, quia ut explicui art. precedenti sufficit potentia ad vitandum singula peccata, non obstante impotentia ad vitandum omnia.

Ad rationem dubitandi resp. conclusionem D. THO. intelligi de operibus bonis moraliter, & de vitazione omnium peccatorum; & ad obiectionē contra hoc factā neganda est sequela, quia ut dicebā in argumēto posito contra primā conclus. tribus modis explicatis art. præced. adiuuamur gratia habituali ad vitandum peccata; *primo* quia per eam, & virtutes infusas, augetur in nobis inclinatio etiam ad bonū morale; *secundo* quia etiam peream aufertur inclinatio habitualis ad malum; *tertio* quia est conditio requisita ex parte subiecti secundum legem ordinariam, ut detur nobis auxilium sufficiens ad vitandum omnia peccata mortalia per longum tempus.

ARTICVLVS X.

Verum cōstitutus in gratia indigeat auxilio gratiæ ad perseverandum.

PRIMA CONCLUSIO. *Perseuerantia sumpta pro habitu infuso per quem homo confirmatur in bono cōtra tristitia; videntes infunditur homini simul cum gratia.*

SECUNDA CONCLUSIO. *Idem dicendum est de perseuerantia sumpta pro habitu secundum quem homo habet propositum perseverandi in bono usque in finem.*

TERTIA CONCLUSIO. *Vi homo constituitur in gratia habeat perseuerantiam sumptam pro continuatione quadam boni usque ad finem vite, non indiget aliqua alia habituali gratia, sed diuino auxilio ipsum dirigente & protegente contra tentationum impulsus.*

§ 1. *Transiuntur nonnulla circa doctrinam Conclusionum.*

CIRCA titulum & doctrinam harum conclusionum notandum D. THO. 2. 2. q. 137. art. 4. duas tantum referre acceptiones perseuerantia. Prima est, qua sumitur pro virtute morali cuius munus est firmare nos in bono contra difficultatem quæ provenit ex diuturnitate ipsius actus virtutis, quia diu insistere alicui rei difficili specialem habet difficultatem. Secunda est, qua sumitur pro actu perseuerantia durante usque ad mortem; ubi per actum non intelligit singularem aliquem actum huius virtutis, quia nullus est qui usque in finem perseueret; sed ipsam actualem executionem perseverandi in bono usque ad mortem; & tamen non ideo est sibi contrarius, quamvis in his conclusionibus referat tres perseuerantia acceptiones; quia cū distinguit perseuerantia quæ cōfirmat nos ad superandum difficultates, ab ea quæ est principium propositi permanendi in opere bono usque in finem, non distinguit duos habitus, sed duas rationes eiusdem habitus in ordine ad actum immediate elicited, & ad executionem quasi imperatam eo mediante; ut si quis diceret habitum iustitiæ confirmare nos ad superandum difficultates quæ sunt in executione satisfactionis, & esse principium propositi satisfaciendi, & omnes has tres acceptiones explicuit q. citata, ex 2. 2. art. 1. ad 2. Vbi inquit, nomen perseuerantia quandoque sumi pro habitu quo quis eligit perseverare; & quandoque pro ipsa electione, sine proposito perseverandi, & cum executione usque ad aliquod tempus, & non completa usque ad finem vite; & quandoque pro executione completa usque in finem, & de perseuerantia in duabus primis conclusionibus posse haberi cum gratia habituali sine alio auxilio speciali, quia dicit ipsam virtutem moralem sumptam prout est per se infusa infundi simul cum gratia, sicut infunduntur reliquæ virtutes morales, quæ sunt secundum suam naturam infusæ. Et ex hoc sequitur aperte non esse necessarium aliquod auxilium speciale ad habendum hanc virtutem distinctam, ab eo quod requiritur ad infusionem gratiæ, & consequenter est dicendum idem de proposito perseverandi: quia hæc virtus cū auxilio sibi debito sufficit ad eliciendum ipsum; de perseuerantia vero in tertia acceptione dicit expresse requiri ad habendum eam auxilium consistens in directione & perfectione contra tentationes, de quo est manifestum ex art. præ-

A ced. distingui, & ab ipsa gratia habituali, & ab auxilio ei correspondente & debito secundum legem ordinariam gratiæ: ex quo etiam constat difficultatem huius articuli esse distinctam ab ea, de qua D. THO. agit in articulo præcedenti: quia aliud est perseverare in gratia per longum tempus, & aliud perseverare usque ad mortem; ita ut gratia cum morte coniungatur, & potest quis habere primum sine secundo, & de primo agit D. THO. articulo præcedenti, & de secundo agit in hoc, & ideo est à nobis nunc dubijs distinctis disputandum ut res hæc melius intelligatur.

DVBIVM PRIMVM.

An sit necessarium speciale donum distinctum à gratia habituali & virtutibus infusis, & auxilio eis debito ad moriendum in gratia?

§ 1. *Probatio partis negative.*

PARS NEGATIVA probatur primo, quia ratio qua D. THO. imo & cons. (ut postea dicam) vitur ad probandum necessitatem huius doni est hæc: Postquam quis est iustificatus movetur multis tentationum impulsibus ad peccandum, ergo ut perseueret in gratia, indiget speciali Dei directione & perfectione contra easdem tentationes. At hæc ratio non habet locum semper in perseverantia usque ad mortem; quod sic probatur. Potest quis post susceptam per baptismum gratiam vivere tantum duabus horis, ergo & potest sine speciali dono perseverare in gratia usque ad mortem; antecedens patet, quia tunc potest mori vel morbo, vel extrinseca vi; & consequens probatur, quia in tam brevi tempore non est necesse insurgere tot tentationes, ut ad vincendum eas non sufficiat gratia habitualis cum auxilio ei debito. Dices hoc argumento solum probari non esse tunc necessarium donum speciale quod sit operativum vincendo tentationes, non tamen absolute non esse necessarium, quia ipsa coniunctio gratiæ cum morte est effectus specialissimæ providentiæ Dei quæ est maximum donum.

Sed contra 1. quia ad hanc coniunctionem sufficit virtus gratiæ & causarum naturalium, ergo non requiritur hæc specialissima providentia Dei. Consequentia patet ex doctrina Patrum qui dicunt non esse necessariam gratiam ad eum effectum quem viribus naturæ præstare possumus; & antecedens probatur, quia virtus gratiæ cum auxilio sibi debito est sufficiens ad vitandum omnia peccata mortalia pro illo brevi tempore, ut constat ex art. præced. & virtus causæ naturalis etiam est sufficiens ad inferendum mortem; imo morbus potest esse talis, ut sine miraculo non possit impediri ne ferat mortem; ergo virtus gratiæ & causa naturalis sufficit ad coniunctionem gratiæ cum morte.

Secundo si homini existent in gratia minetur Tyrannus mortem nisi neget fidem, potest talis homo virtute gratiæ & auxilij sibi debiti vitare illud peccatum, & Tyrannus virtute sua naturali potest statim eum interficere; ergo potest talis homo sine speciali dono permanere in gratia usque ad mortem. Probatur antecedens quoad priorē partē, quia ut ostensum est art. præced. sufficit quæcunque gratia

habitua-

habitualis cum auxilio sibi debito ad vitandum quodcunque peccatum mortale in particulari pro brevi tempore occurrens; & quoad *posteriores* partem probatur, *nam* quia Tyrannus malicia sua & sine vlla depēdētia ex gratia vel speciali prouidētia potest occidere illū hominem; *nam* etiā quia si ille homo in eo casu negaret fidem, & Tyrannus vellet eum occidere, posset virtute sua naturali id exequi; ergo etiam potest quamuis non neget fidem.

Confirmatur, quia alias sequeretur puerum baptizari non posse mori ante vsū rationis, sine dono isto speciali perseverantiæ, quod videtur falsum, *sequētia* probatur quia iuxta oppositam sententiam nullus potest mori in gratia, sine speciali dono perseverantiæ; & *consequentis* falsitas patet, quia puer in illo tempore non potest amittere gratiam, ergo nō indiget dono aliquo ad perseverandum in gratia intra illud tempus; sicut propter hanc rationē non indiget Eucharistia, quæ est cibus institutus ad cōservationem vitæ spiritualis. *Ultimo* amicitia hominis cum Deo debetur auxilium necessarium ad suā cōservationē; ergo homini constituto in gratia debetur auxilium ad perseverandum in gratia vsq; in finem vitæ & vltimus, ergo auxilium ad perseverandum, non est donum speciale distinctum à gratia & eius auxilio. *Antecedens* patet, quia de ratione amicitia est firmitas, ergo debetur auxilium necessarium ad suam cōservationem; & *prima consequentia* etiā patet, quia tam diu durat amicitia cum Deo, quam diu durat in anima eius gratia, & *secunda* probatur, tum quia auxiliū quod debetur alicui formæ nō est donum speciale respectu eius, tum etiam quia si debetur, ergo non datur ex noua misericordia & gratia, atque adeo non est donum speciale.

Confirmatur, quia virtus moralis infusa quæ dicitur perseverantia confirmat nos ad perseverandū longo tempore in obseruatione præceptorū, & vitiatione peccatorum mortalium, contra difficultates quæ proueniūt ex diuturnitate temporis; ergo debetur ei auxilium quod ad id requiritur, & ex consequenti non est donum speciale; *Antecedens* patet ex doctrina D. THOMÆ 2. 2. q. 137. art. 4. superius relata, & *prima consequentia* etiam patet, quia vnicuique formæ est debitum auxilium ad eius operationem; & *secunda* probatur, quia vt in argumento dicebam, auxilium debitum alicui formæ non appellatur auxilium speciale respectu eius.

SIT CONCLUSIO *ad perseverandum in gratia vsq; ad mortem sine per longum, siue per breue tempus requirunt donum speciale Dei distinctum à gratia habituali, & ab auxilio ei correspondenti.*

§ 3. Pars dubij affirmatiua explicatur.

AD HUIVS explicationem notandum, duobus modis posse contingere vt aliquis in gratia vsque ad mortem perseveret: *primo* modo cum paulo ante mortem gratiam acceptam, retinet breui illo temporis spatio quod transigendum est vsque ad mortem. *Secundo* cum suscipit gratiam longo tempore ante mortem, & eam retinet toto illo tempore vsque ad mortem, & de vtroque modo perseverandi intelligitur hæc nostra conclusio; & ita eam intellexerunt CAIET. & reliqui expōitores D. THOMÆ & expresse VALENT. 10. 2. qui est in 1. 2. disp. 8. q. 1. puncto 6. §. prima igitur quæstio, vbi etiā explicat hos duos modos perseverandi; & statuitur imprimis

A contra Pelagianos, qui dicebant posse hominē suis viribus perseverare vsque ad mortem in gratia: quā etiam asseriebant propria virtute obtineri vt refert S. AVG. 10. 1. epist. 94. & 10. 6. lib. de hæresibus c. 8. & deinde contra eos qui admittentes contra PELAGIANVM necessariam esse Dei gratiam ad perseverandum, dixerint hanc gratiam non esse aliā quam gratiam gratum facientem; & contra quosdam ex recentioribus, qui dicunt requiri donū speciale distinctum à gratia ad perseverandum longo tempore, & non ad perseverandum breui tempore vsque ad mortem, & probatur quoad vtramque partem.

Primo auctoritate conc. & Pontificum dicentium absolute & sine vlla limitatione ad longū aut breue tempus neminem post lapsum primi hominis etiam iustificatum perseverare vsque ad mortem, nisi per speciale auxilium datum ad perseverandum: nam in conc. Araul. 2. can. 10. sic dicitur: *ad adiutorium Dei etiam renatis & sanctis est implorandum vt ad finem bonū pervenire, vel in bono possint opere perdurare.* Vbi advertendum est denotari tria: *Primum* est dici implorandum esse hoc adiutorium à renatis & sanctis, quo significatur ipsum distingui, & à gratia iustificante, & ab auxilio ei debito. *Secundum* est non apponi limitationem longi temporis, quo denotatur esse necessarium hoc adiutorium ad perseverandū vsque in finem vitæ, siue in longo, siue in breui tempore. *Tertium* est distingui hæc duo pervenire in bonum finem & in bono opere perdurare, quo iudicatur requiri hoc adiutorium ad perveniendum in bonum finem, etiam cum non est in longo tempore, in bono opere perdurandum. Item conc. TRIENT. sess. 6. decreto de iustif. cap. 13. ita inquit: *similiter de perseverantia munere de quo scriptum est qui perseveraverit usque in finem, hic salvus erit* &c. vbi cum loquatur consilium de perseverantiæ munere distincto à gratia iustificante & auxilio ei debito, vt constat ex toto cōtextu eius capituli, & de eo dicat esse intelligēda ea verba Matt. 10. & 24. aperte significat vñquemque ex his duobus modis perseverandi vsque in finē superius relatis, sicut satis ad consequendam salutem; ita esse effectum muneris perseverantiæ distincti à gratia habituali, & ab auxilio ei debito, & can. 16. sic ait: *si quis magnum illud vique in finem perseverantia donū se certo habuerit* &c. vbi aperte supponit vt certum, necessarium esse magis perseverantiæ donū, atque adeo speciale, & distinctum à gratia habituali & suo auxilio, ad perseverandum vsque in finem, idque absolute & sine limitatione ad breue, vel longum tempus, & de eo definit, neminem posse habere infallibilem certitudinem, nisi ex speciali Dei revelatione; & can. 22. *Si quis dixerit iustificatum vel sine auxilio Dei in accepta iustitia perseverare posse, vel cum eo non posse anathema sit.* Vbi expresse damnat eū qui dixerit iustificatum sine speciali auxilio, atque adeo distincto à gratia iustificante & eius auxilio, posse perseverare in accepta iustitia, scil. vsque in finem. Ptererea Celestinus in sæpe citata ep. 6. l. 1. quæ est ad GALIAT. episcopos ca. 6. sic scribit: *neminem etiam baptismatis gratia renouatum idoneum esse ad superandas diaboli insidias, & ad vincēdas carnis concupiscentias, nisi per quotidianum adiutorium Dei perseverantiam bonæ conversationis acceperit.* Vbi etiam loquitur de auxilio ad perseverandum distincto à gratia renouationis internæ; & subiungit idē fuisse definitū ab LENOCC. 10. & refert eius verba ex epist. 11. quæ est ad patres conc. CARTHAG. & inter

epistolas AVG. est, 91. & omitto alia testimonia eiusdem INNOCENTII & concil. MILLBIVT. & CARTHAG. quæ solent pro hac sententia adduci quia expresse loquuntur tantum de necessitate gratiæ, ut distinguitur à facultate naturæ ad vitandum peccata, & ad observandum præcepta; & non ut distinguitur à gratia habituali, & eius auxilio. Secundo probatur testimonijs sanctorum, nam id expresse docent AVG. multis in locis quæ colligit HIERON. Tor. libr. 2. confessionis Augusti. cap. 5. §. 23. & peculiariter tom. 7. lib. de dono perseverantiæ cap. 2. & 3. de corrept. & gratia c. 6. ubi id probat ex CYPRIANO in expositione orationis Dominicæ. circa illa verba: *sanctificetur nomen tuum*. HIERON. 2. lib. contra Pelag. Cyril. lib. 11. in Ioan. cap. 21. Chryl. hom. 80. in Ioan. Greg. libr. 23. in moral. cap. 28. Hilar. in psal. 126. Bernard. serm. 3. in cant. ubi inter alia sic ait: *non sum omnino contentus priori gratia, quia iam malorum sum panis, nisi & secundam accepero, ut videlicet dignos faciam fructus paenitentia, & deinceps non reuertar ad vomitum*. Et alij quorum verba refert VEGA lib. 12. in Trid. cap. 21. Tercio probatur testimonijs scripturæ, nam ab August. lib. de corrept. & gratia cap. 6. adducuntur sequentia testimonia pro hac veritate, Luc. 22. *Petre rogamus pro te ne deficiat fides tua*. 2. ad Corinth. 13. *oramus autem ad Deum ne quid faciatis malum*. ad Philip. 2. *confidens hoc ipsum quoniam qui capit in vobis bonum, ipse perficiet*. ad Colos. 4. *Salutat vos Epaphras qui ex vobis est servus IESU CHRISTI, semper certans pro vobis in oratione, ut steteris perfecti & pleni in omni voluntate Dei*; Et dicit illud, ut steteris non esse aliud quam ut perseveretis, sicut de diabolo dictum est Ioan. 8. *in veritate non stetit*, quia fuit ibi, sed non permanit In epist. Iudæ: *ei autem qui potens est conservare vos sine offensione & constanter ante conspectum gloriæ suæ immaculatos in laetitia*. Matt. 10. & 24. *qui perseveraveris usque in finem, hic salvus eris*. Matt. 6. & Luc. 11. in oratione Dominica *sanctificetur nomen tuum*: quo petimus ut in sanctitate, quæ in nobis per baptismum effecta est perseveremus; & ita in nobis sanctificetur Deus. Et hunc sensum confirmat testimonio Cypriani. Plura alia testimonia adducit VEGA lib. cit. c. 20. & VALENT. loco citato. Ultimo probatur duabus rationibus.

Prima est, quia donum perseverantiæ est effectus prædestinationis; quia ad perseverandum usque in finem, siue per longum tempus, necessariū est donum quod est effectus prædestinationis, ita inseparabilis ab ea, ut neque ipsum donum possit separari à prædestinatione, neque è conuerso prædestinatio à dono, ergo requiritur auxilium speciale siue donum distinctum à gratia habituali, & ab auxilio ei respondente; antecedens patet quia perseverare usque in finem habet hanc connexionem cum consecutione æternæ salutis, atque adeo cum prædestinatione; ut constat ex illis verbis Matt. 10. & 24. *qui perseveraveris usque in finem &c.* & id probat SVAREZ tomo 1. summæ Theologiæ tract. 2. lib. 8. cap. 3. nu. 5. ergo etiam donum quod est causa perseverandi usque in finem; & consequentia probatur, quia neque gratia habitualis, neque auxilium ei respondens habet talem connexionem cum æterna salute, aut cum prædestinatione, sed indifferenter potest reperiri etiam in nobis.

Secunda ratio sumitur ex D. THOMA in hoc artic. & potest ad hanc formam reduci per donum

A quod datur ad perseverandum usque in finem, habet homo non solum vires, quibus possit perseverare, sed etiam ipsam executionem perseverandi usque in finem; ergo donum perseverantiæ distinguitur à gratia habituali & ab auxilio ei respondente. Et probatur consequentia, quia multis datur gratia, quibus non datur perseverare usque in finem; & antecedens probatur, quia ad utrumque, scilicet ad posse perseverare, & ad actu perseverandum datur auxilium proportionatum quod magis est explicandum dubio sequenti, ubi dicemus in quo consistat hoc donum perseverantiæ.

§ 4. Respondetur argumentis in oppositum.

AD PRIMUM concessio antecedenti neganda est consequentia; & ad probationem, optima est solutio ibid. assignata, quia in eo casu perseverantia quoad id quod est sibi proprium, non consistit in opere aliquo faciendo, nec in vincenda tentatione occurrente, sed præcise in coniunctione gratiæ cum morte; & ad hanc sufficit donum externæ protectionis quo fiat ut mors contingat eo tempore quo homo est in gratia. Et ad obiectionem contra hoc factam, negandum est antecedens, ad cuius probationem concedendum est antecedens, scilicet quæcumque ex illis duabus causis esse sufficientem ad inferendum suum effectum; & distinguendum est consequens. Si enim sit sensus duas illas causas sufficere ad modum causæ per accidens, concedenda est consequentia, si vero sensus sit sufficere ad modum causæ per se debet negari, cuius ratio est, quia causa per se appellatur illa quæ ex vi propriæ causalitatis ordinatur ad effectum; & gratia, & morbus non ordinatur in hoc casu ex vi propriæ causalitatis ad effectum qui est coniunctio gratiæ cum morte; & ideo ut datur causa huius effectus per se, necesse est ponere aliud donum distinctum à gratia, quo fiat ut mors contingat eo tempore quo homo est in gratia. Et hoc donum dicimus esse specialem & externam protectionem & providentiam Dei, sicut quamvis ex effossione terræ continentis thesaurum, sequatur huius thesauri inuentio, tamen effossio non est causa per se huius effectus, nisi quatenus ab aliqua causa ordinatur ad eum. Debere autem respectu huius effectus qui est coniunctio gratiæ cum morte dari causam per se intra ordinem gratiæ colligitur ex eius præstantia & excellentia. Et eodem modo respondetur ad secundum, quia admissio antecedenti neganda est consequentia, si consequens intelligatur de potentia causæ per se ad hunc effectum qui est permanere in gratia usque ad mortem.

Ad confirmationem aliqui negant sequelam; & ad probationem dicunt, hanc doctrinam non esse intelligendam in pueris, cum moriuntur ante usum rationis, propter rationem ibid. assignatam, scilicet quia sicut tunc pueri non possunt amittere gratiam, ita non indigent dono quo in ea permanent.

§ 5. Proponitur sententia authoris.

Sed mihi hæc sententia non placet, quia si pueri non consequuntur æternam vitam sine prædestinatione, ergo nec sine dono perseverantiæ, patet consequentia, quia ut dixi in prima ratione facta

pro conclusionem donum perseverantiæ est effectus prædestinationis, habens cum ea infallibilem connexionem. Et ideo melius respondetur cum AVG. 10. 7. lib. de dono perseverantiæ cap. 37. concedendo sequelam; & ad probationem falsitatis consequentis. Respondetur pueros quamvis in ea ætate non possint peccare, atque adeo nec amittere gratiam, posse peruenire ad ætatem in qua per peccata gratiam amittant; & ideo mori tunc in gratia ante quam ad pericula maioris ætatis perueniant esse speciale donum perseverantiæ, quod AVGVSTIN. ibi explicuit his verbis: *Videte iam à veritate quam sit alienum negare donum Dei esse perseverantiæ usque in finem huius vite, cum vite huius quando voluerit ipse dei finem, quem si dat ante imminuentem lapsum facit hominem perseverare usque in finem, sed mirabiliter & fidelibus evidenter largitas bonitatis Dei est qui etiam paruulis quibus obedientia non est illius ætatis ut deitur, datur hæc gratia ubi imprimis docet dari alicui gratiam perseverantiæ cum datur ei mors qua recipitur à periculis amittendi gratiam iustificantiem. Et deinde explicat hac etiam ratione dari paruulis ante usum rationis eandem gratiam perseverantiæ, quamvis in ea ætate non sint capaces obedientiæ, cuius debitum violando amittant gratiam, quia per mortem fit ut non possint amittere gratiam acceptam in baptismo, & illa speciale gratiam eripi per mortem à periculis peccandi. Probat S. AVGVST. eodem 10. lib. 4. contra IULIAN. c. 8. & ex illo Sap. 4. *Raptus est ne malitia mutaret intellectum eius*, 10. 2. epist. 107. ad Vitalem circa medium, & tom. 4. lib. 2. quæst. ad Simplicianum q. 1. & tom. 7. lib. de prædestinatione SS. cap. 14. Et ad id quod obijcitur de Eucharistia. Respondetur esse diuersam rationem: quia Eucharistia est instituta ad confirmationem vite spiritualis ad modum cibi sumendi spiritualiter, & quia pueri in illa ætate non sunt capaces talis modi manducandi, ideo in eis tunc Eucharistia non est medium necessarium ad conseruationem gratiæ. Et ex hoc patet solutio ad rationem, qua in principio argumenti primi dixi, consilia & patres uti ad probandum esse necessarium donum perseverantiæ, ut magis explicabo dubio sequenti.*

AD VLTIMUM respondetur distinguendo antecedens, si enim intelligatur de auxilio, hoc est de concursu necessario ad conseruationem entitatis habitus, qui est amicitia cum Deo, scilicet charitatis, concedendum est, si tamen intelligatur de auxilio requisito ad tollendum impedimenta, ex quibus potest provenire ut non permaneat amicitia, negandum est, & ideo est neganda prima consequentia, & consequenter secunda, & ad probationem antecedentis dicendum est ex firmitate amicitie non sequi esse ei debitum auxilium ad vitandum longiori tempore offensas, scilicet graues contra Deum. Ex quo etiam patet quia ratione amicitie non solum debeat concursus necessarius ad conseruationem sue entitatis, sicut debeat alijs virtutibus; sed etiam debeat speciale auxilium ad vitandum maiori promptitudine & longiori tempore malum, quo offendatur Deus amicus.

Et si rursus obijcias communem illam sententiam, *amicorum omnia sunt communia*, quæ potissimum est intelligenda de necessarijs ad permanentiam amicitie. Respondetur quamvis deceat amici-

am communicatio bonorum aliquorum non esse ad eam necessariam quamcunque communicationem quorumcunque bonorum.

Ad confirmationem Respondetur ex doctrina D. THOMÆ 2. 2. quæst. 137. art. 1. ad 2. & art. 4. in corp. concedendo antecedens, & negando primam consequentiam; & ad eius probationem dicendum est, solum conuincere esse debitum illi virtuti auxilium requisitum ad habendum actum internum electioni perseverandi usque ad mortem; non tamen esse debitum auxilium requisitum ad executionem perseverandi completere usque ad mortem, quia vbi inquit DIVVS THOMAS, plerumque cadit sub nostra potestate electio, sed non executio.

DVBIVM SECVNDVM EST

B In quo consistit hoc donum speciale, quod diximus esse necessarium ad actu perseverandum in gratia, usque ad mortem?

§ 1. Exponitur ratio dubitandi.

RATIO DVBITANDI sumenda est, ex effectu qui per hoc donum confertur homini, nam cum ordinetur ad aliquem effectum sibi proprium, sicut cætera auxilia, aut etiam habitus operatiui, ex ordine ad hunc effectum colligendum est, quale sit aut non sit ipsum donum secundum se.

Et potest argumentum hac forma proponi: *vel per hoc donum confertur homini solum potentia sufficiens ad perseverandum in gratia usque in finem, sed indifferens, & indeterminata ad utramque partem vel potentia quæ non solum sit sufficiens, sed etiam inferat infallibiliter executionem perseverandi: vel ipsa actualis executio perseverandi, primum dici non potest, quia sequerentur tria inconuenientia.*

Primum est, non distingui hoc donum ab auxilio speciali, quod articulo præcedenti dixi esse necessarium ad vitandum peccata mortalia, vel perseverandum in gratia per longum tempus, etiam si non coniungatur cum fine vite.

Secundum inconueniens est, non omnes qui habent donum perseverantiæ, consequi æternam salutem; *patet sequela*, quia ex auxilio sufficienti & indifferenti ad utramque partem, non sequitur in omnibus eius effectus, ergo similiter ex potentia quæ ita est sufficiens ad perseverandum usque in finem, ut sit indifferens ad utramque partem non sequitur omnes qui habent talem potentiam perseverare, atque adeo nec consequi salutem. Esse autem hoc inconueniens probatur, quia iuxta doctrinam CONCILII TRIDENT. sessione sexta decreto de iustificat. cap. 13. omnes qui habent donum perseverantiæ permanent usque in finem, atque adeo saluantur, quia dicit de eo intelligi illud Matt. 10. & 24. *Qui perseveraverit usque in finem, hic saluus erit.*

Tertium inconueniens est, non distinguere donum perseverantiæ quod datur homini in statu naturæ corruptæ, ab eo quod datum est ei in statu naturæ integræ ante peccatum; *patescitur*, quia iuxta *AVGVST.* tomo 7. lib. de correp. & gratia cap. 11. etiam primo homini ante peccatum data est illa potentia, sic enim ait: *istam gratiam non habuit homo primus quamquam vellet esse malus: sed sane habuit in qua si permanere vellet, nunquam malus esset, & sine qua etiam cum libero arbitrio, bonus esse non posset; sed eam tamen per liberum arbitrium deserere posset:* & idem nonnullis interpositis reperit, & æquiparat primum hominem, cum angelis, quos etiam dicit accepisse à Deo hoc genus perseverantiæ. Esse autem hoc consequens inconueniens probatur, quia est contra eundem *AVGVST.* qui prope finem eiusdem capituli explicat discrimen inter hos duos status naturæ humanæ, quantum ad donum perseverantiæ his verbis: *Tanto amplius dicitur, per IESVM CHRISTVM dominum nostrum, quibus id dare Deo placuit, ut non solum adsit, sine quo permanere non possumus, etiam si velimus; verum etiam tantum ac tale sit, ut velimus, est quippe in nobis per hanc Dei gratiam in bono recipiendo, & perseveranter tenendo, non solum posse quod volumus, verum etiam velle quod possumus, quod non fuit in homine primo; unum enim horum in illo fuit, alterum non fuit &c.* & idem discrimen repetit cap. 12. sequenti. Vbi etiam ut explicet quale fuerit donum perseverantiæ, quod primus homo habuit, vitur exemplo alimentorum, quæ non faciunt ut homo viuat, sed tamen sine illis non potest vivere. Neque etiam potest dici secundum, primo quia illa potentia non determinaret voluntatem ad unam partem, sed relinqueret eam indifferentem ad utramque, scilicet ad perseverandum & non perseverandum; ergo non inferret infallibiliter alteram partem, scilicet, perseverare; *patescitur consequentia*, quia ex vi principij indifferentis ad utramque partem, non potest inferri infallibiliter altera determinata. Secundo quia ex eo sequitur non dari omnibus auxilium necessarium ad consequendum salutem, quod est absurdum; *patescitur consequentia*, quia alias omnes etiam reprobi infallibiliter perseverarent, & consequerentur vitam æternam. Et propter hanc rationem non potest etiam dici tertium, quia alias sequeretur aut non omnibus dari auxilium necessarium ad consequendum vitam æternam, aut dari etiam reprobis hoc auxilium, quod est perseverantia actualis, atque adeo etiã reprobos perseverare actu usque in finem, & consequi salutem.

5. 2. Quædam præmittuntur ad questionis decisionem.

PRO SOLVTIONE nota primo perseverantiæ, de qua nunc loquimur pertinere ad statum viæ, & non ad statum gloriæ quod probatur imprimis ex ratione sui nominis, quia ut *AVGVSTINVS* inquit tomo 7. lib. de dono perseverantiæ cap. 1. *perseverantia in hac disputatione sumitur pro eo quod est perseverare in Christo usque in finem huius vite:* & in hoc aperte importatur respectus ad viam seu tendentiam in finem; & deinde quia omnia testimonia ex scriptura, consilijs & patribus adducta dubio præcedenti, pro necessitate doni specialis

Ad habendum hanc perseverantiæ intelliguntur de tempore huius vitæ, & peculiariter illa in quibus pro ratione huius necessitatis assignatur rebellio carnis contra rationem, & item illa in quibus significatur nullum posse esse certum & secutum de sua perseverantia, quia nihil horum habet locum in statu beatitudinis, & ita *D. THOM.* in hoc art. & 2. 2. q. 137. art. 4. & 3. contra gentes cap. 155. ubi agit de necessitate doni specialis ad perseverandum usque in finem, colligit hanc necessitatem ex tentationibus & impulsibus quibus homo movetur ad peccandum, & ex vertibilitate liberi arbitrij (etiam sanati per gratiam habitualem) ad malum, quæ omnia solum possunt dici de statu huius vitæ. Et propterea infra q. 114. art. 9. distinguit duas perseverantias, quarum una dicitur pertinere ad statum gratiæ, & consistere in omnimoda determinatione ad bonum per gratiā consummatam, & alteram in inclinatione ad bonum usque in finem, quæ est ex diuina morione.

SED POTEST obijci *AVGVST.* sæpe significare non haberi perseverantiæ quæ est effectus huius doni in statu viæ quousque perueniatur ad mortem, nam tomo 7. lib. de dono perse. cap. 1. sic ait: *Hanc certe de qua nunc agimus perseverantiæ, quæ in Christo perseveratur, usque in finem, nullo modo habuisse, dicendus est qui non perseveraverit usque in finem, potius quam hanc habuit unus anni fidelis, & quantum infra cogitari potest, si donec moreretur fideliter vixit, quam multorum annorum si exiguum temporis ante mortem à fidei stabilitate defecit.* & cap. 6. de illa perseverantia loquimur, quæ perseveratur usque in finem, quæ si data est, perseveratum est usque in finem; si autem non est perseveratum usque in finem, non est data. Et postea distinguit perseverantiæ ab alijs donis Dei his verbis: *dicimus castum, quem nominamus castum, sine sit, sine non sit, in eadem castitate manserit, perseverantiæ autem usque in finem quoniam non habet quisquam nisi qui perseveraverit usque in finem, multi eum possunt habere, nullus amittere.* Et tandem ut explicet qua ratione possit dici perseverantia amitti quamvis non habeatur, ita inquit: *sed tunc amitti quodammodo, scilicet dicatur perseverantia, quando agit homo per contumaciam, ut ad eam pervenire non possit: sicut dicimus hominem qui non perseveraverit usque in finem a viisse vitam æternam, vel regnum Dei, non quod iam acceperat & habebat, sed quod acciperet & haberet, si perseverasset: verborum controuersias auferamus, & nonnulla etiam quæ non habentur, sed haberi sperantur, posse dicamus amitti.*

Respondetur cum *CATET.* 2. 2. quæst. 137. art. 1. parag. in eadem responsione, executionem perseverandi usque in finem, quæ appellatur perseverantia, posse considerari duobus modis. Primo secundum suum esse, quod consistit in successiva & continuata, siue non interrupta permanentia in bono; secundo ut consummata per suum terminum, scilicet per finem vitæ. Sicut motus potest considerari secundum suum esse quod consistit in successionem continua, & ut consummatus per suum terminum. Si consideretur primo modo dicendum est eam esse quamdiu continuatur in ordine ad finem, etiã si non sit peruentum ad finem. Si tamen consideretur secundo modo, dicendum est enim esse primo in suo termino, quia tunc incipit esse consummata, nec aliud esse requirit, sicut & motus incipit

esse consummatus in termino, quamvis autem fuerit quoad suum esse.

SECUNDO NOTA ex hoc fuisse ortam diuersitatem sententiarum circa effectum qui nobis confertur per hoc donum, & circa id in quo ipsum donum consistit. Si enim pertinet ad hanc vitam & datur hominibus in ea, ante mortem, necesse est explicare, an ut ita antecedit mortem, det homini indeclinabiliter persistere in bono usque ad mortem vel solū posse persistere, & de hoc sunt duæ oppositæ sententiæ.

PRIMA est eorum qui dicunt hoc donum secundum se, & ut antecedit cooperationem liberi arbitrij, solum dare vires sufficientes ad perseverandum usque in finem. Hanc sequuntur omnes illi qui dicunt prædestinationem ut importat infallibilem ordinationem alicuius ad gloriam non esse factam sine visione nostri consensus, aut nostræ cooperationis, quia eodem modo dicunt perseverantiam importare auxilium quod ad perseverandum sit satis, non tamen quod vel inferat infallibiliter, vel virtute suæ efficacitatis cōstituat æternalem perseverantiam usque in finem, & antecedenter ad cooperationem liberi arbitrij & eius visionem.

SECUNDA SENTENTIA huic opposita est aliorum, qui dicunt donum hoc perseverantiæ dare nobis infallibiliter perseverare usque in finem, quamvis neque hi conveniant in explicando modo quo donum hoc, quod ex propria natura relinquit in voluntate, libertatem & indifferentiam ad perseverandum & non perseverandum, det ineffabiliter perseverare, ita ut sit omnino certum & infallibile, eum cui in hac vita confertur hoc donum, esse perseveraturum usque in finem, nam aliqui dicunt sufficere & requiri ad hoc esse tale ipsum donum quale Deus per scientiam conditionatam novit esse congruum & accommodatum ut homo constitutus in tali tempore & cum talibus circumstantijs, perseveret usque in finem; & hanc sententiam sequitur MOLINA in concord. ad art. 4. & 5. q. 23. disp. 1. memb. ult. § secundum est, qui etiam eodem modo explicat infallibilitatem non peccandi mortaliter in dono confirmationis in gratia 1. p. qu. 14. art. 13. disp. 18. memb. 4. in solutione 7. argumenti, & SVAREZ lib. 3. de auxilijs diuinæ gratiæ c. 11. n. 13. Alij vero dicunt sufficere ad hoc, virtutem & efficacitatem ipsius auxiliij, quæ est tanta ut relinquendo voluntatē liberam moveat ipsam efficaciter ad perseverandum, ita ut quamvis voluntas simpliciter possit non perseverare, tamen ex suppositione huius efficacis motionis necessario sic perseveratura. Et tandem alij dicunt non convenire hoc huic dono secundum se, neque ut subordinatur scientiæ Dei conditionatæ, sed ut subordinatur absolutæ prædefinitioni diuinæ voluntatis, qua Deus voluit hūc hominem perseverare usque in finem, & ad eius executionem dat ei in tempore donum perseverantiæ; itaque hoc donum secundum se, & ex propria virtute solū dat posse perseverare, sed ut procedit ex diuina prædefinitione & ordinatione ad eū finem qui est actu perseverare, dat infallibiliter & certo perseverare.

§ 3. Resolvitur quæstio.

PRIMA CONCL. Donum perseverantiæ, dat alim & infallibiliter perseverare in gratia usque ad mortem, ita ut gratia coniungatur cum morte. In hac conveniunt omnes expolitores D. THO. in hoc art. DRIBD.

A lib. 5. de concord. lib. arb. & prædestinationis c. 3 in solutione ad difficultates quæ in tertio argumento proponuntur contra liberum arbitrium. CUNERVS trac. de gratia CHRYSOST. cap. 12. TILMATA. 1. p. apologiz pro conc. Trident. sub titulo de fide, in q. an vera fides iustificans, sit fiducia vel dubitatio de remissione peccatorum. SVAREZ & MOLINA locis citatis: Et probatur primo auctoritate D. THOM. qui in hoc art. ad 3. ex AVG. tom. 7. lib. de nat. & gra. c. 48. ita inquit: nunc per gratiam Christi multi accipiunt & donum gratia quo perseverare possunt, & ulterius eis datur quod perseverent, & idem dicit 2. 2. quæst. 137. art. 4. ad 2. ex AVG. tom. 7. lib. de corrept. & gra. cap. 12. & lib. 3. c. ge. c. 155.

Secundo probatur auctoritate AVGUST. qui hoc expresse docet in testimonijs citatis in ratione dubitandi in probatione 3. inconuenientis deducti ex prima parte, & c. 12. nunc citato ex lib. de corrept. & gratia, ut explicet rationem propter quam Deus voluerit in hoc statu naturæ corruptæ dare tale auxilium ad perseverandum. Sic ait: Subueniunt igitur infirmitati voluntatis humane, ut diuina gratia indeclinabiliter & inseparabiliter ageretur, & ideo quamvis infirma, non tamen deficeret, neque aduersitate aliqua vinceretur; & lib. 1. de dono perseverantiæ c. 1. ita inquit: hanc certe de qua nunc agimus perseverantiam, quam in Christo perseveratur usque in finem, nullo modo habuisse dicendus est qui non perseverauerit usque in finem; & c. 6. de illa perseverantia loquimur qua perseveratur usque in finem, qua si data est, perseveratum est usque in finem, si autem non est perseveratum usque in finem, non est data.

Tertio probatur ex concil. T. 1. sess. 6. decreto de iustificatione can. 16. ubi sic habetur. Si quis magnum illud usque in finem perseverantia donum se certo habiturum, absoluta & infallibili certitudine dixerit, nisi hoc ex speciali revelatione didicerit anathema sit. Dico autem colligi ex hoc canone, conclusionem nostram, quia, ut quis dicat se certo habiturum auxilium sufficiens, quo possit nisi per ipsum stererit perseverare usque in finem, non esse opus speciali revelatione, videtur docere idem CONCIL. cap. 13. illius decreti. Vbi de munere perseverantiæ agens, ita inquit: nemo sibi certi aliquid absolute certitudine polliceatur (scilicet de illo munere) tamen in Dei auxilio firmissimam spem collocare & reponere omnes debent, Deus enim nisi ipsi illius gratiæ defuerint, sicut caput opus bonum ita perficiet, operans velle & perficere.

Ultimo probatur ratione, quia donum hoc procedit ex voluntate absoluta & efficaci dandi gloriam, ergo non solum dat posse, sed etiam de facto perseverare usque in finem.

Confirmant, quia AVGUST. utitur hoc argumento lib. de dono perseverantiæ cap. 9. nam proponens dubitationem cur ex duobus pijs, huic donetur perseverantia usque in finem, illi autem non donetur, dicit imprimis pertinere ad infirmatiora Dei iudicia, & statim respondet, his verbis; Illud fidelibus debet esse certissimum, hunc esse ex prædestinatis, illum non esse; & ad id confirmandum adducit illud 1. Ioan. 2. non erans ex nobis, nam si fuissent mansissent utique nobiscum, & pro non esse ex nobis, explicat non esse prædestinatos: vide SVAREZ 1. p. sum. Theol. trac. 2. lib. 2. qui est de prædestinationis effectibus cap. ult. nu. 11.

SED OBIECTES quia sequitur non differre donum

num perseverantiz, à dono confirmationis in gratia, atque proinde concedendū esse omnes prædestinatos in hac vita, esse confirmatos in gratia pro eo tempore quo habent donum perseverantiz, quod tamen videtur absurdum cum de omnibus sanctis concedendum sit habuisse donum perseverantiz, sicut & fuisse prædestinatos, & tamen non concedatur de omnibus fuisse in gratia confirmatos.

Respondetur negando sequelam, & ratio discrimini est, quia ut quis habeat donum perseverantiz satis est cum in tempore indeterminato, quod est immediate coniunctum instanti negatio terminatio huius vitæ habere gratiam, & mori in eodem instanti per primum sui non esse ita ut infallibilitas permanendi in gratia non sit pro aliquo instanti determinato, neque pro aliqua certa parte illius temporis indeterminati, sed solum pro aliquo tempore immediato illi instanti terminatio vitæ. Dico autem illud tempus esse aliquid indeterminatum, quia neque potest esse instans, cū non dentur duo instantia immediata, neque certū & determinatū aliquod tēpus, quia cū hoc sit diuibile necesse est dari aliud eo minus quod sit magis immediatū illi instanti terminatio; at vero ut quis habeat donū confirmationis in gratia pro aliquo tempore requiritur ut in toto eo & singulis eius momentis dentur ei à Deo talia auxilia, ut ex vi eorum sit infallibile ipsum non esse casurum in aliquod peccatū mortale, ex quo satis aperte constat quomodo distinguatur confirmatio in gratia, à dono perseverantiz, & potest adhuc fieri magis manifestum si ponamus Deū dare alicui homini pro aliquo certo tempore donum confirmationis in gratia & non ultra illud tempus; quia tunc talis homo ex vi doni confirmationis, aut erit confirmatus in gratia pro illo tēpore & non ultra, neque habebit donum perseverantiz.

Et si quæras in quo distinguatur à confirmatione, donum perseverantiz pro longo tēpore ante mortem? *Respondetur* hoc donum dupliciter posse conferri homini, scilicet aut tantum quoad potentiam ad vitandum omnia peccata mortalia etiam collectiue, aut simul quoad infallibilitatem vitandj eas; & in priori casu distingui à confirmatione, quia nō includit infallibilitatem, non vero in posteriori.

SECUNDA CONCLUSIO. Donum perseverantiz, consistit in quatuor quasi partibus, scilicet, ordinatione mediocum exteriorum adinuicem ad perseverandū in bono; remotione temptationum, & impediendum à prosecutione boni, magna copia illustrationum & inspirationum interiorum, & tandem in tali dispositione circa mortem, ut contingat quando quis est in gratia. Probat^r primo auctoritate D. THO. qui in omnibus locis citatis pro præcedenti conclusione appellat donum hoc specialem directionem & protectionem Dei contra tentationes & occasiones peccandi; Deinde probatur ex AVG. qui lib. de dono perseverantiz, c. 9. sic ait: *ut enim non dicam quam sit possibile Deo auersas & aduersas in fidem suam hominum convertere voluntates, & in eorum cordibus operari, ut nullis aduersitatibus cedant, nec ab ipso aliqua superati temptatione discedant; cum possit (& quod ait Apost. 1. Cor. 10.) facere ut non eos permittat tentari supra id quod possunt, ut ergo id non dicam, certe poterit illos Deus præsciens esse lapsuros antequam id fieret auferre de hac vita.*

ULTIMA CONCLUSIO, nullus de facto perseverat in gratia usque in finem vitæ, sine hoc dono, tamen sine

A eo, habent omnes paratum quantum est ex parte Dei, auxilium sufficiens ad perseverandum. Prima pars probatur ex conc. TRID. sess. 6. decreto de iustificatione cap. 13. ubi dicitur de perseverantiz munere scriptum esse, Matt. 10. & 24. *qui perseveraverit usque in finem, hic saluus erit;* & ex hoc bene sequitur cum qui non habuerit hoc donū, non perseverare usque in finem, & can. 22. *si quis dixerit iustificatum, vel sine auxilio speciali Dei in accepta iustitia perseverare posse, vel cum eo non posse, anathema sit;* & per speciale auxilium intelligitur donum perseverantiz.

Et secunda pars probatur, in quia alias, multis hominibus, scil. omnibus non prædestinatis esset denegatum auxilium sufficiens ad perseverandū; tum etiam quia conc. TRID. c. 13. supra citato sicut de omnibus dixit: *qui scil. Deus potens est cum qui stat, statinere, ut perseveranter stet, & eū qui cecidit restituere,* ita de omnibus servata proportionem intellexit hæc verba, quæ statim appoluit: *tamen si in Dei auxilio firmissimam spem collocare & reponere omnes debent. Deus enim nisi ipsi illius gratia defuerint sicut cepit opus bonum, ita perficiet.* Dico autem servata proportionem, quia hæc verba intelliguntur immediate de iustificatis, & mediate de existentibus in peccato mortali, scil. quatenus possunt per auxilium quod quantum est ex parte Dei semper eis præsto adest iustificari, & postquā fuerint iustificati possunt similiter nisi per ipsos steterint, habere auxilium speciale, ad vitandum peccata mortalia per longum tempus, ut explicui articulo præcedenti.

Et si quæras unde constet ex tanta multitudine hominum quanta est reproborum, qui carent hoc dono, & habet auxilium sufficiens ad perseverandū, nullum perseverasse. *Respondetur* hanc difficultatem esse eandem cum alia simili de prædestinatione, & dicendum esse ad utramque constare hoc nobis ex scriptura & concilij & doctrina SS. Patrum.

§ 4. Respondetur ad rationem dubitandi in principio positam.

Ad rationē dubitandi in principio positā respondetur, per hoc donū auferri hominibus secundam & tertiam, scil. infallibiliter perseverare, & ipsam executionem perseverandi. Et ad obiectiones contra utrumque factas, patet solutio ex dictis, præsertim ex ultima conclus. hic tamen placet advertere in hoc modo explicandi donū perseverantiz, præsupponi fuisse cōpletam & absolutam prædestinationem sine visione nostræ cooperationis. Et ideo negato hoc fundamento consequenter etiam esse aliter explicandum donum perseverantiz, de quo agendum est in materia de prædestinatione.

CIRCA SOLUTIONEM ad tertium solet dubitari an primus homo in statu innocentia indiguerit speciali dono perseverantia ad perseverandum in iustificatione? *Respondetur* iuxta doctrinam AVG. in locis citatis, in ratione dubitandi præcedētis dubij, & in probatione 1. concl. primū hominem tunc indiguisse auxilio gratiz dante ei posse, non tamen infallibiliter perseverare, & addo id quod ex hoc sequitur, nō esse hoc auxilium distinctū à dono integritatis naturæ & gratia habituali, cum virtutibus infusis & concursu eis debito; quidquid dicant CAJET. in fine art. præced. & VASQUEZ to. 2. in 1.1. disp. 197. c. 2. & non obstat id quod ipse obiecit ex can. 19. CONC. 2. ARAUS. quia ille canon, explicatus est à me sufficienter art. 4. & 8. huius quæstionis.

QVÆSTIO CX.

DE GRATIA QVANTVM AD eius essentiam.

ARTICVLVS

Verum gratia ponat aliquid in anima?

PRIMA CONCLUSIO. Si gratia sumatur pro dilectione speciali, qua Deus creaturam rationalem trahit supra conditionem sue nature ad participationem boni æterni, quod est ipse Deus, non est aliquid in nostra anima.

SECUNDA CONCLUSIO. Gratia sumpta pro dono gratis collato secundum quod homo dicitur habere gratiam Dei, aut esse Deo gratus, est aliquid supernaturale in homine existens.

TERTIA CONCLUSIO. Si gratia capiat pro recompensatione beneficii gratis dati, secundum quod dicimur agere gratias beneficiorum ponis aliquid in eo qui gratiam accipit.

CIRCA primam conclusionem est

DVBIVM.

An ipse actus quo Deus diligit creaturam rationalem, in ordine ad finem supernaturalem, possit appellari gratia?

RATIO dubitandi est, quia AUGUST. tom. 7. lib. de predestinatione Sanctorum cap. 10. sic ait: inter gratiam porro & predestinationem hoc tantum interest, quod predestinationis est gratia preparatio, gratia vero iam ipsa donatio. Et postea, quocirca predestinatio Dei qua in bono est, gratia est (ut dixi) preparatio; gratia vero est ipsius predestinationis effectus; quare idem videtur dicendum de dilectione illa speciali & supernaturali, scilicet esse preparationem gratiæ, non vero ipsam gratiam.

Respondetur dilectionem illam optime appellari gratiam, non absolute sed æternam, & increatam, ita sentiunt BELLAR. tom. 3. lib. 1. de gra. & lib. arbit. c. 2. CASAL. 1. p. iustitiæ quadripartitæ libr. 1. cap. 4. & SVAREZ tom. 1. sum. Theol. tract. 2. lib. 1. c. 19. n. 9. & probatur imprimis autoritate D. THOMÆ qui in fine corporis huius articuli sic ait: quandoque tamen gratia Dei dicitur ipsa æterna Dei dilectio; secundum quod dicitur etiam gratia predestinationis. Deinde probatur ratione ipsius; quia nomen gratiæ communi vsu scripturæ attribuitur cuiusque beneficio, quo Deus nos, gratuito & sine ulla nostris meritis prosequitur, & non potest negari amorem quo Deus homines ab æterno di-

Alexit, & eorum predestinationem aut electionem, esse singulare Dei beneficium erga eos, ad quod nulla ex parte, ipsorum hominum præsupponuntur merita.

Confirmatur ex illis verbis quæ ipse adducit ex illo ad Ephes. 1. predestinavit nos in adoptionem filiorum secundum propositum voluntatis sue, in laudem gloria gratiæ sue. Vbi nomine gratiæ significatur vel predestinatio, vel vehemens & magna Dei dilectio, quæ ut exponit CHRYSOST. intelligitur per propositum voluntatis sue, ut sit sensus, Deum prædestinasse nos aut valde amasse & desiderasse nostram salutem, non ob merita nostra, sed ut nos laudemus gloriam Dei quæ confurgit ex hac gratia, & ita ipsa fiat notior & manifestior.

BEt ad testimonium AUGUST. Respondetur ipsum non sumere nomen gratiæ in tota hac latitudine, sed magis strictè prout solum comprehendit effectus predestinationis aut dilectionis æternæ in ordine ad finem supernaturalem.

CIRCA secundam conclusionem est

DVBIVM.

An gratia sumpta pro dono quo homo dicitur habere Dei gratiam, aut esse Deo gratus, sit aliquid supernaturale in ipso homine existens?

§ 1. Exponitur status questionis.

AD tituli explicationem notandum, esse valde inter se distinctas has duas quæstiones, quarum prior est, an formalis causa qua homo efficitur formaliter Deo gratus sit aliquod donum in ipso intrinsece existens, vel sola dilectio Dei æterna. De qua DIVVS THOMAS in prima conclusione, docuit non esse aliquid in anima nostra, & posterior est, an causa formalis nostra iustificationis, sit aliquod donum in nobis existens, sine sit hoc idem, sine aliud distinctum, vel potius sit donum aliquod extrinsecum nobis & applicatum nobis aut à quo modo factum nostrum in eo tempore quo iusti efficiuntur. Distingui vero has duas quæstiones inter se, constat ex distinctione effectuum formalium in ordine ad quos exiguntur in eis donum intrinsecum nobis, aut extrinsecum. Nam in priori, effectus, talis doni, est esse gratum Deo, & hoc non est aliud quam esse acceptum ad divinum amorem, sine quia actu ametur, sine quia est obiectum congruum &

propor-

proportionatum ut ametur, & in posteriori, effectus, est, esse iustum; & hoc est idem, atque esse rectum in ordine ad regulam, atque proinde ita se habere & secundum se, & secundum suam operationem sicut ipsa regula exigit, & de priori quæstione sumus nunc acturi: & de posteriori infra quæst. 113. quare sensus tituli huius dubij est; *an homo sit Deo gratus. & habeat eius gratiam ratione alicuius doni in ipso formaliter existentis, vel potius ratione dilectionis quam Deus habet erga ipsum.*

§ 2. Adducuntur errores hæreticorum nostri temporis circa gratiam facientem nos Deo gratos, & argumentis confirmantur.

IN QUA RE aliqui referunt hæreticorum errores circa id in quo consistit gratia, quæ est principium operandi; & circa propriam rationem gratiæ, quæ est causa formalis nostræ iustificationis: sed immerito, quia de gratia ut est principium bene operandi, disputatum est quæst. præced. & de gratia ut est formalis causa nostræ iustificationis, agendum est infra quæst. 113. quare solum erit ad rem, adducere errorem multorum hæreticorum nostri temporis circa gratiam facientem nos Deo gratos, nam aliqui eorum dicunt hanc gratiam ita sumptam non esse donum aliquod nobis infusum, & in nobis existens, sed extrinsecum Dei fauorem & amorem, ut de CALVINO, KEMNITIO, & HYSSIO, refert BELLARM. tomo 3. libr. 1. de gratia & lib. arbit. cap. 3. & ad eundem errorem accessit PRÆHIVS vir alioqui catholicus, qui lib. 5. de grat. & lib. arb. tribus folijs à principio §. gratiæ acceptionem sic ait: *gratia acceptionem non ex se habet, sed ex divinis scripturis petemus, quandoquidem in illis fere imaginantur gratiam Dei qualitate aliquam increatam anima nostræ à Deo, vel eandem cum charitatis habitu, vel distinctam ab eodem, qua commentitia uniuersa existimo, nec habere ullam auctoritatem ex scripturis.*

Et probatur primo ex scriptura in qua per inuenire aliquem hominem gratum apud alium, siue hominem, siue Deum, non significatur accipere ab eo aliquod donum quo tanquam forma afficiatur in seipso intrinsece gratus ei, sed esse obiectum benignæ affectionis & gratuitæ dilectionis quæ alteri sit ratio ad conferendum ipsi beneficium aliquod, ergo similiter per esse gratum alteri, siue homini siue Deo, significatur esse eodem modo obiectum affectionis & dilectionis gratuitæ, & non accipere in seipso aliquod donum. *Consequentia patet*, quia inuenire gratiam apud aliquem, idem est atque habere gratiam apud eum siue esse ei gratum, quare etiam erit eadem utriusque significatio; & antecedens probatur discursu facto per varia loca scripturæ, nam Genes. 6. dicitur *NOE vero inuenit gratiam apud Deum*, & statim explicatur gratiam hanc fuisse benignam affectionem Dei ad eripiendum ipsum ab interitu uniuersæ carnis faciendo per diluuium. Et cap. 18. *ABRAHAM* ad tres viros qui ipsi occurrerunt dixit *Dominus si inueni gratiam in gentibus meis*, & continuo petijt, *ne transcas seruum tuum*, quasi diceret si benigne es affectus erga me ne prætereas hospitium famuli tui, quia diueras ad ipsum, & cap. seq. *LOTH* ad Angelum dixit: *Inueni seruum tuum gratiam coram te*; & ut explicaret hanc gratiam subiicit. *Magnificasti*

A gloriam & misericordiam tuam quam fecisti mecum ut saluares animam meam: & cap. 39. inuenitque Ioseph gratiam coram Domino suo; & similiter explicatur statim in quo consisteret hæc gratia, cum dicitur à quo præpositis omnibus *Ecce. Daniel 1. Dedit autem Deus DANIELI gratiam & misericordiam in conspectu Principis eunuchorum*, hoc est, fecerat Deus ut princeps eum, misericordia & gratia prosequeretur; & tandem Luc. 1. Angelus ad B. Virginem dixit: *inuenisti enim gratiam apud Deum*; & continuo explicuit quæ esset hæc gratia dicens. *Ecce concipies Ecce.* quod ita intellexit BERN. serm. 3. de annunciatione Dominica. Vbi ita inquit: *ne timeas MARIA inuenisti enim gratiam apud Dominum, quantum gratiam plenam, gratiam singularem Ecce.*

SECUNDO causa formalis à qua vnus homo habet formaliter ut sit gratus alicui, est extrinseca beneuolentia alterius, & non aliquid in ipso existens, ergo similiter causa formalis à qua dicitur gratus Deo est sola dilectio Dei extrinseca.

Confirmatur, quia sicut vnum hominem esse gratum alteri homini non est aliud, quam esse dilectum ab eo & acceptum ad sua bona, ita etiam esse gratum Deo non potest esse aliud, quam esse dilectum ab ipso & acceptum ad sua bona, ergo in utroque casu causa formalis effectus, qui est esse gratus & acceptum, est extrinseca dilectio & acceptatio. *Probatur consequentia*, quia causa formalis cuiuscunque effectus, est quæ immediate per seipsam dat denominationem & essentialis effectus, ut patet inductione facta per omnes causas formales.

VLTIMO neque requiritur hæc forma creata, in nobis existens ad hoc ut simus grati Deo, quia esse gratus sit effectus formalis huius formæ, neque quia Deus non possit efficere nos gratos sibi, nisi producendo in nobis huiusmodi formam; ergo nulla est ratio propter quam requiratur in nobis hæc forma tanquam causa formalis ad hoc ut simus grati Deo. *Consequentia patet*, quia solum potest intelligi requiri aliquam causam formalem in ordine ad aliquem effectum, vel ex parte ipsius effectus, vel ex parte causæ efficientis; & antecedens quoad priorem partem probatur, quia alias sequeretur, non esse possibile etiam secundum potentiam Dei absolutam, aut hanc formam esse in aliquo subiecto, nisi reddat ipsum gratum Deo, aut nos esse gratos Deo sine hac forma, quod est falsum. *Sequitur patet*, quia neque forma potest esse in subiecto, nisi det ei suum effectum formalem, neque e contra effectus formalis potest reperiri sine forma quæ est eius causa, quia effectus non est aliud quam ipsa forma ut vnita suo subiecto. Et falsitas consequentis quoad priorem partem probatur, quia ex eo sequitur hanc formam positam in lapide, aut conseruatam in homine existente in peccato mortali, dare lapidi & homini esse gratum Deo, & similiter probatur quoad posteriorem partem, *tum quia* non potest assignari ratio sufficiens propter quam repugnet dari intra ordinem supernaturalem plures formas distinctas specie quæ sint participationes diuinæ naturæ, sicut datur intra ordinem naturalem, & hoc posito darentur plures formæ specie distinctæ facientes nos gratos Deo, quia unicuique

eatum conveniret ratio habendi hunc effectum, scilicet, esse consortium aut participationem diuine naturæ in ordine supernaturali, imo de facto gratia vñionis dat humanitati Christi esse formaliter gratiam Deo, & esse distinctam secundum speciem à gratia habituali: *inmeriam* quia sine maiori intentione huius formæ possumus esse magis grati Deo, etgo & simpliciter sine hac forma possumus simpliciter esse grati Deo: *Hac consequentia* patet ex regulā dialecticorum, sicut magis ad magis, ita simpliciter ad simpliciter, *Et antecedens probatur* ex doctrina communiter recepta apud Theologos, scilicet gratiam posse esse maiorem in esse gratiæ & acceptationis ad gloriam, quam in esse qualitatis & formæ: quia ex ea bene sequitur gratiam posse facere nos magis acceptos ad gloriam, atque adeo magis gratos, quamuis ipsa non sit magis intensa.

Et explicatur exemplis. Nam imprimis, propter hanc doctrinam dicunt aliqui eum qui meretur per actus remissiores, gratiam quam habet, esse statim magis acceptum ad gloriam quamuis non accipiat statim maiorem intentionem gratiæ. *Item multi* dicunt idem de eo qui resurgit à peccato in quod cecidit postquam habuit gratiam & opera meritoria, scilicet accipere solum gratiam intensam iuxta exigentiam præsentis dispositionis, & resurgere simul ad eam acceptationem ad gloriam quæ respondet gratiæ & meritis præcedentibus, *Et tandem* multi dicunt gratiam Christi in genere entis esse finitam, & habere finitam intentionem & in genere gratiæ esse infinitam, & ex consequenti denominare subiectum infinite gratum. *Deinde probatur* idem antecedens principale quoad secundam partem quia neque id habet dilectio diuina ex communi ratione dilectionis, cum vnus homo possit alterum perfectissime diligere, & acceptare ad sua bona, non producendo in eo aliquam formam; *Neque* etiam id habet ex particulari ratione dilectionis diuinæ, quoniam hominem constitutum in puris naturalibus, possit Deus diligere vt amicū in ordine ad finem naturalem, & tamen non produceret in eo hanc formam & non poterit facile explicari quam aliam produceret. *Neque* tandem id habet in particulari hæc dilectio diuina in quantum est supernaturalis & efficax aut absoluta vt distinguitur à velleitate; *inmeriam* quia cum Deus absolute odio habet peccantem contra finem supernaturalem, non producit in eo aliquid ratione cuius dicatur formaliter odio habitus aut ingratus vel inuisus, ergo similiter cum diligit hominem efficaciter & absolute in ordine ad finem supernaturalem, non producit in eo aliquid ratione cuius dicatur formaliter gratus ipsi, *inmeriam* quia sæpe reperitur dilectio diuina absoluta vt distinguitur à velleitate, & in ordine ad finem supernaturalem, sine huiusmodi forma producta in obiecto dilecto; vt patet in prædestinatione adulti existentis in peccato mortali, aut pueri existentis in originali, quia prædestinatio includit electionem, quæ est dilectio absoluta & efficax, & in voluntate antecedenti qua Deus vult omnes homines saluos facere quoad sufficientiam, hæc enim est absoluta, quia explicatur per indicatiuum, & respicit finem supernaturalem; & terminatur ad multos qui neque gratiam gratum facientem, neque a-

A liquod auxilium supernaturale receperunt actu à Deo in seipsum.

§ 3. Deciditur questio.

Prima Conclusio simpliciter & absolute concedendum est gratiam gratum facientem, sine qua est causa formalis dans homini esse formaliter Deo gratum, esse donum aliquod creatum in ipso homine intrinsece existens, quod ideo à theologis appellatur gratia gratum faciens. In hac conveniunt omnes Catholici præter ALBERTVM PIGHIVM. Supra relatum, quamuis in modo explicandi eam, differant inter se vt postea dicam.

Et probatur primo testimonijs scripturæ, nam in aliquibus locis gratia gratum faciens, comparatur pignori, sigillo, vñioni & semini, quæ omnia sunt res creatæ communicatæ subiectis aut quasi subiectis distinctis à suis causis. vt 2. ad Corinth. 1. qui vñxit nos Deus, & signauit nos; Et dedit pignus spiritus in cordibus nostris. ad Ephes. 1. in quo & credentes signati estis spiritu promissionis sancto, qui est pignus hereditatis nostræ. 1. Ioan. 2. Vñctionem quam accepistis ab eo, maneat in vobis. Et capite tertio. Qui natus est ex Deo peccatum non facit, quia semen eius manet in eo; Vbi notanda sunt etiam illa verba in vobis, & in cordibus vestris. Et peculiariter est notandum verbum. Signauit pro quo in Græco habetur verbum *σφραγίζω* quod non significat quomocunque signare, sed obsignare quasi sigillo impressio. Et his adiungi potest illud Ioan. 4. aqua quam ego dabo ei, fiet in eo fons aquæ salientis in vitam æternam. quoniam ibi per fontem hunc intelligi gratiam existentem in nobis quæ est principium operum, quibus meremur vitam æternam; colligitur tum ex capite septimo sequenti; vbi quum Christus dixisset: qui credit in me sicut dicit scriptura flumina de ventre eius fluent aqua viue. Subiungitur: hoc autem dixit de spiritu, quem accepturi erant credentes in eum. *inmeriam* quia ita illa verba exponunt CYRIL. lib. 2. in Ioan. c. 82. THEOPHYLAC. in cap. 4. IOAN. HIRCANI. Isa. 55. BASIL. in psal. 45. AMBROS. lib. 1. de SS. cap. 19. & CHRYSOS. homilia 21. in Ioannem, imo & CONC. TRID. sess. 6. decreto de iustificatione. cap. 16. Item in alijs locis significatur gratiam hanc diffundi siue fundi in cordibus nostris, vt ad Roman. 5. charitas Dei diffusa est in cordibus nostris per spiritum sanctum qui datus est nobis. Et ad Tit. 3. Saluos nos fecit per lachrymam regenerationis & renouationis spiritus sancti, quem effudit in nos abunde. Et quamuis hac locutione, aliqui inter quos est CHRYSOS. dicunt significari, magnam abundantiam diuinæ dilectionis, nullus negat significari etiam ipsam charitatem infundi à Deo in corda nostra; atque adeo esse aliquid creatum receptum & existens in nobis, & ita primum testimonium exponitur in CONCIL. TRID. sess. 6. decreto de iustificatione. c. 7. Et tandem ad EPHES. 1. Sic habetur in laudem gloriæ gratia sua in qua gratificauit nos in dilecto filio suo. Vti relatum in qua refert gratiam vel gloriā gratiæ, per quā dixi dubio primo significari æternā dilectionē. Et pro gratificauit vt notat

Chrysost. & *Theophil.* non habetur in Græco *ἐχαρίετο* à verbo *χαρίεσθαι* quod significat donare gratis, sed *ἐχαρίτωρετο* à verbo *χαρίω* quod significat facere gratum & charum, ut sit sensus *in qua*, id est, per quam dilectionem, non solum liberavit nos à peccato sed etiam fecit sibi gratos & amabiles, scilicet, communicando nobis gratiam & pulchritudinem & adducunt ad hoc explicandum illud *Psalm.* 44. *Concupiscet Rex decorem tuum*, Et utuntur exemplo eius qui hominem lepra & scabie laborantem & morbo atque senio confectum, non solum liberaret à morbis, sed etiam efficeret formosum, & pulchrum, & restitueret floribus iuuentutis, atque ita redderet amabilem cunctis; Solet etiam adduci illud 3. *Petri* 1. *Per quem maxima & pretiosa nobis promissa donavit, ut per hac efficiamini diuinæ naturæ consortes*. Quia per promissa intelligitur gratia gratum faciens, & non dicitur una res habere consortium naturæ cum alia re, per id quod non est in ipsa, sed de hoc testimonio forsitan postea dicam aliquid.

Secundo probatur testimonio *Concil. Trid. Sess. 6.* decreto de iustif. ca. 7. ubi dicitur *iustificacionem non esse solam remissionem peccatorum sed & sanctificationem & renovationem interioris hominis, per voluntariam susceptionem gratiæ, & donorum*; ubi per gratiam intelligitur gratia gratum faciens. Et de ea dicitur *esse renovationem interioris hominis per voluntariam eius susceptionem in ipso homine*. Et postea dicitur *formalem causam nostræ iustificacionis esse iustitiam Dei, quæ renovamus spiritum mentis nostræ, & quam in nobis recipimus, & Spiritus sanctus paritur singulis secundum propriam cuiusque dispositionem*, Et paulo inferius dicitur *iustificacione diffundi charitatem Dei in cordibus eorum, qui iustificantur, atque ipsis inhære, & hominem accipere, hac omnia simul infusa, scilicet, fidem, spem, & charitatem*. Et can. 11. damnatur qui dixerit hominem iustificari exclusa gratia & charitate quæ in cordibus eorum diffundatur, atque illis inhæreat, aut hanc gratiam esse tantum favorem Dei.

Tertio probatur autoritate sanctorum, quia ita videntur sentire *Dionys.* lib. de Eccles. Hierar. 1. p. c. 2. aut c. 5. *Trinans* libro quinto adversus hæreses c. 6. *Cyprian.* libro secundo, epist. 2. ad Donatum. *Basil.* lib. de SS. c. 16. *Ambros.* lib. 6. exameron. c. 8. *Nazian.* oratione in sanctum lavacrum ante medium: *Hierony.* præfatione Comment. in threnas *Ierem.* *Chrysost.* homilia 40. in priorem ad Corinth. Et in locis supra citatis ex *Epist.* ad Ephes. *Cyrl.* lib. 4. Comment. in Isa. in illa verba capitis 44. *Memento horum Iacob & Israel*, &c. *Aug. tom.* 7. lib. 10. de peccatorum meritis & remissione. cap. 9. & 10. & alijs locis quæ refert *Hieronymus Torrentis* libro secundo Confess. Augustianæ n. 13. & hæc omnia testimonia cum suis verbis referunt *Hofius* in Confessione fidei Catholicæ c. 70. *Vioa.* lib. 7. in *Trid.* cap. 14. *Decan.* art. 8. Et *Bellarmin.* tomo tertio, lib. 1. de gratia & lib. arb. c. 4.

Quarto probatur rationibus theologicis quas *Bellarmin.* proponit loco citato sed ex eis solum referam eam quæ D. THOMAS utitur in hoc art. quæ potest ad hanc formam reduci: hominem esse gratum Deo est diligere ab ipso Deo,

ergo est effectus in genere causæ formalis alicuius doni producti in ipso homine per divinam dilectionem; antecedens patet quia secundum communem modum loquendi, militem esse gratum regi seu habere gratiam regis, non est aliud quam regem habere eum gratum sibi, quod est diligere eum; ergo similiter hominem esse gratum Deo sive habere gratiam Dei non est aliud quam Deum habere eum gratum sibi, quod etiam est amare eum; Et consequentia probatur, quia amor divinus & humanus conveniunt inter se in eo quod est terminari ad obiectum secundum aliquam bonitatem, tanquam rationem formalem, & differunt quia humanus supponit in obiecto talem bonitatem, & divinus facit eam, ergo amor specialis quo Deus diligit hominem in ordine ad finem supernaturalem producit in eo aliquam bonitatem supernaturalem quæ sit ratio formalis secundum quam terminatur ad ipsum, & ex consequenti hæc bonitas producta in homine est causa sive ratio formalis dans formaliter homini esse terminum divinæ dilectionis, quod ut dixi est esse gratum Deo, Prima ex his duabus consequentijs patet, quia si amor hic specialis & supernaturalis producit in obiecto, aliquam bonitatem, & hæc bonitas non est naturalis, alias amor specialis & supernaturalis non differret ex parte sui obiecti formalis ab amore generali & naturali, bene sequitur eam esse supernaturalem. Et ex hac manet probata. Secunda quia homo non terminat divinam dilectionem nisi ratione huius bonitatis supernaturalis, & idem est in eo terminare hanc dilectionem specialem & esse gratum Deo, ut in principio huius argumenti supposui ex communi modo loquendi. Antecedens vero huius probationis quantum ad convenientiam inter amorem divinum & humanum, potest facile probari ex doctrina communi de obiecto appetitus, quod est bonum quoad actus qui habent modum prosecutionis de quorum genere est amor ut rectè explicuit CAJET. sup. quæst. 25. art. 2. §. in corpore secundi articuli, sed quantum ad differentiam inter eosdem amores, non potest ita facile probari, & à D. THO. in hoc art. probatur hac ratione. Omne bonum creaturæ provenit ex voluntate Dei tanquam ex causa, ergo ex dilectione qua Deus diligit creaturam ut bonam, sine ratione alicuius bonitatis necesse est provenire talem bonitatem, at vero voluntas hominis non est causa bonitatis secundum quam diligit rem aliquam sed potius movetur & prouocatur ad diligendum eam à bonitate præexistenti in ipsa, vel vera, vel æstimata. Ergo ex dilectione qua homo diligit alium hominem non provenit in homine dilectio ea bonitas quæ est ratio ut diligatur & hæc probatio est eadem cum ea qua D. THO. 1. p. q. 20. art. 2. v. citus ad probandum idem discrimen inter amorem divinum & humanum est que in ea advertendum D. THO. supponere id quod supra. q. 26. art. 4. docuit. ex ARIST. li. 2. *Rhetor.* c. 4. scilicet amare v. g. aliquem hominem esse velle ei bonum, & ideo distinguere duas bonitates quas actus amoris respiciat, quarum una est in homine amato, & est ei ratio formalis ut terminet actum amoris, & altera est, in obiecto quod est ei volitum, & etiã est ratio formalis ut sit volitum homini amato, & hæc probatio non

intelligitur de hac posteriori bonitate, sed de prioribus; quare D. THO. in ea concludit, non posse per actum amoris terminatum ad aliquem hominem, esse ei volitum aliquod bonum, nisi in ipso homine sit aliud bonum proportionatum bono volito, ut ratione eius possit terminare actum amoris.

Sed obijciens sequi ex hac ratione sic intellecta repugnare etiam per respectum ad potentiam Dei absolutam Deum diligere amore hoc supernaturalem, siue in ordine ad finem supernaturalem aliquem hominem, nisi eadem dilectione producat in eo, aliquam bonitatem supernaturalem, siue actualem, siue habitualem. Probatur sequela quia repugnat esse amorem aut alium quemcunque actum sine suo actu formali, & in hoc casu obiectum formale amoris est bonitas supernaturalis quæ est in homine dilecto, & cum hæc bonitas non præsupponatur ad dilectionem diuinam ut paulo superius dicebam necessario erit producenda per eam.

Ad hoc aliqui concedunt sequelam, & alij absolute negant eam, de quorum numero est SOTUS lib. 2. de natura & gratia c. 17. circa medium ubi proposita hac ratione sic ait: *non concluditur ratio, necessitatem neque vero ullus ambigit, quin absque ulla infusa qualitate, posset nos Deus habere gratos, sed suppositis testimonijs scriptura, quibus infusio gratia infundatur, est optima ratio.*

Sed mihi quidquid sit dicendum circa questionem ipsam, an Deus per potentiam suam absolutam possit diligere hominem in ordine ad finem supernaturalem sine infusione alicuius doni supernaturalis, de qua acturi sumus infra q. 113. videtur quantum attinet ad rationem hanc utendum esse distinctione aut enim amor diuinus, sumitur pro beneuolentia qua Deus vult homini bonum supernaturale, aut pro amore amicitie; si sumatur priori modo, neganda est sequela, & ad probationem concedo dilectionem supernaturalem habere pro obiecto bonum aliquod supernaturale; & nego debere hoc bonum existere in homine dilecto, quia neque requiritur ad specificationem ipsius dilectionis nostro modo intelligendi, cum possit specificari à bono supernaturali, quod per eam est volitum homini: neque ad hoc ut huiusmodi bonum possit homini esse volitum; quia sicut bonum supernaturale v. g. visionis beatificæ, posset de potentia Dei absoluta communicari homini in quo nullum præcessisset bonum supernaturale; sed solum præsupponeretur potentia obedientialis, ita etiam idem bonum posset ei esse volitum per eius dilectionem, quamuis in ipso nihil præsupponeretur præter potentiam obedientialem; & diceretur in eo casu homo gratus & dilectus Deo, non à forma existente in ipso, sed ab extrinseca dilectione actuali; nec solum pro tempore futuro, quo dandum ei esset illud bonum, sed etiam pro instanti præsentis, quia ita est ei volitum, ut si in hoc instanti moriatur sit ei statim dandum; quod potest explicari exemplo prædestinati, qui est in peccato mortali, quia si per impossibile moriatur in instanti quo est in peccato, non dabitur ei beatitudo ad quam est prædestinatus; si tamen sumatur posteriori modo concedenda est sequela, & ratio quæ ad hoc me mouet, est quia amor amicitie quo alicui est volitum aliquod bonum, importat duos respectus, vnum ad personam dilectam, &

alterum ad bonum quod est ei volitum; & ratione prioris est amor amicitie, & ratione posterioris amor concupiscentie; non enim amor amicitie & concupiscentie, sunt duo actus, sed vnus cum hoc duplici respectu, ergo ad amorem amicitie requiritur tanquam obiectum bonum, ei proportionatum in persona dilecta, & non solum in bono quod est ei volitum, atque adeo si amor est supernaturalis, & bonum in persona dilecta debet esse supernaturale, patet consequentia, quia amor amicitie potius specificatur ex respectu ad personam dilectam, & ad bonum quod est in ea, quam ex respectu ad bonum, quod est ei volitum; quare qui voluerit defendere posse Deum de potentia sua absoluta diligere hominem in ordine ad finem supernaturalem, non producendo vel efficiendo in eo bonitatem aliquam proportionatam eidem fini, etiam pro instanti aut statu præsentis.

Ad ARGUMENTVM quod sumitur pro contraria parte ex antecedenti probationis primæ consequentiæ huius rationis D. THOMÆ, in quo dicitur amorem diuinum, & humanum conuenire in eo quod est terminari ad personam amatam, secundum aliquam bonitatem, &c. poterit respondere, antecedens illud esse verum si intelligatur de amore amicitie, qui primario respicit personam, & non de amore sumpto pro quadam beneuolentia, quia hic amor ut terminatur ad bonum volitum personæ, non præsupponit ex parte ipsius personæ intrinsecam proportionem ad tale bonum; sed solum capacitatem, ut nunc dicebam, & hoc est intelligendum etiam de amore humano, quia si sit amicitia præsupponit in persona amata bonitatem proportionatam tanquam motiuium ad amandum, si tamen sit beneuolentia præsupponit capacitatem.

SECUNDA CONCLUSIO. Si esse gratum sumatur pro eo quod est diligere formaliter per actum diuinæ dilectionis, hoc est huiusmodi actum versari circa hominem tanquam circa obiectum, non est effectus formalis doni creati existentis in homine, sed potius est conuerso respicit ipsum donum tanquam effectum suum in genere causæ efficientis. In prima parte huius conclusionis omnes conueniunt, & probatur primo auctoritate D. THO. qui in locis statim citandis pro secunda parte, expresse docet dilectionem ut versatur circa hominem, tanquam circa suum obiectum, concurrere efficienter ad huiusmodi donum; & causa efficiens non potest provenire in genere causæ formalis à suo effectui;

Et Confirmatur quia in colore esse visum, & in obiecto intellectus esse cognitum est denominatio extrinseca proveniens tanquam effectus secundarius ab actu visionis & cognitionis, in genere causæ formalis; ergo etiam in casu nostro, hominem esse dilectum à Deo, est denominatio extrinseca proveniens tanquam effectus secundarius à diuina dilectione in genere causæ formalis, & ex consequenti non potest in eodem genere, scilicet causæ formalis, provenire à forma aliqua intrinseca cuiusmodi est donum de quo loquimur; antecedens supponatur ut notum ex communi sententia, & prima consequentia patet ex paritate rationis: quia sicut in colore esse visum, & in obiecto intellectus esse cognitum, non est

aliud quam visionem & cognitionem versari circa ipsum tanquam circa obiectum extrinsecum, hoc est non afficiendo ipsum immediate per suam entitatem; ita etiam in homine in casu nostro esse dilectum, non est aliud quam divinam dilectionem versari circa ipsum tanquam circa obiectum, quod non afficit immediate per suam entitatem; & ex hoc manet probata, *secunda consequentia*, quia effectus secundarius alicuius formæ supponit saltem naturaliter effectum primum, atque adeo etiam naturaliter non potest provenire ab alia forma quæ non possit dare effectum primum.

In secunda etiam parte conveniunt omnes & ex ea potest amplius probari præcedens sicut patet ex argumento quod pro ea desumpsi ex testimonijs D. Tho. quæ pro hac dixi esse adducenda: Quare hæc probatur primo auctoritate D. Tho. qui in corp. huius artic. de omni dilectione qua Deus vult creaturæ bonum, sic ait; *per quamlibet Dei dilectionem sequitur aliquod bonum in creatura causatum*; & postea id applicans ad specialem dilectionem qua Deus creaturæ rationali vult bonum æternum, quod est ipse, ita inquit; *sic igitur per hoc quod dicitur homo gratiam Dei habere significatur quiddam supernaturale in homine à Deo proveniens*; Et in solutione ad primum dicit; *causari ex divina dilectione id quod est in homine Deo gratum*. Et idem docet 1. p. q. 20. art. 2. & 3. c. ge. c. 150. num. 2. & de veritate q. 27. art. 1. Et præterea potest probari ex discrimine inter amorem divinum & humanum explicatum in ultima probatione præcedentis conclusionis.

TERTIA CONCLUSIO. *Si esse gratum sumatur pro eo quod est esse obiectum proportionatum divinæ dilectionis est effectus formalis doni creati existentis in homine.*

§. 4. *Præmittuntur quedam ad explicationem conclusionis necessaria.*

AD CUIUS explicationem notandum est gratum Deo posse sumi, & pro eo quod est diligere, aut esse formaliter dilectum à Deo; & pro eo quod est esse obiectum proportionatum ut diligatur, & inter hæc esse magnum discrimen; quia primum est denominatio extrinseca sumpta ab actuali dilectione, ut dixi conc. præcedenti. Et secundum est bonitas ratione cuius obiectum aliquod est proportionatum ut diligatur à Deo; sicut in obiecto visus est discrimen inter esse visum, & esse proportionatum obiectum ut videatur; quia primum est tantum denominatio extrinseca sumpta à visione corporea; & secundum est id ratione cuius obiectum est visibile, sine sit natura coloris siue aliqua participatio lucis; quamvis etiam sit discrimen inter hoc exemplum, & casum nostrum quia in exemplo esse proxime visibile præsupponitur ad actualem visionem, & movet ad eam; & in nostro casu esse obiectum proportionatum ut diligatur, non præsupponitur ad dilectionem, sed potius est effectus & terminus eius. Et hæc conclusio intelligitur de secundo, ita ut sensus sit hominem esse obiectum proportionatum ut terminet gratiam sumptam pro dilectione speciali Dei, esse effectum formalem doni creati quod existit intrinsece in ipso homine.

A Et probatur primo auctoritate D. Thom. nam imprimis in corp. huius art. intendit probare hoc quod est esse gratum Deo, non esse solum denominationem extrinsecam sumptam à divina dilectione, sed etiam esse bonum aliquod existens in ipso homine; & hoc non potest intelligi nisi de obiecto ad quod divina dilectio proxime terminatur. Et deinde in eodem corp. comparat hoc quod est esse isto modo gratum Deo, cum eo quod est esse bonum movens ad dilectionem humanam & terminans eam. Et tandem in solutione ad primum sic ait; *in hoc quod dicitur aliquis habere gratiam hominis intelligitur in aliquo esse aliquid quod sit homini gratum, sicut & in hoc quod dicitur aliquis gratiam Dei habere*. Vbi sicut per id quod est esse gratum homini non potuit intelligere denominationem sumptam ab humana dilectione, sed bonum quod ex parte obiecti placet amanti, ita neque per habere gratiam Dei, intellexit habere denominationem extrinsecam, sed habere bonum secundum quod homo placet Deo. Et hoc magis explicuit, cum statim ut constitueret discrimen inter bonum quod est obiectum amoris humani, & bonum quod est obiectum amoris divini, ita inquit; *Illud quod est homini gratum in alio homine præsupponitur eius dilectioni, causatur autem ex dilectione divina quod est in homine Deo gratum*, quia cum dicat, id quod est homini gratum in alio homine præsupponi eius dilectioni, satis indicat se non intelligere per hoc denominationem sumptam à dilectione; quia hæc denominatio non præsupponitur dilectioni, sed subsequitur eam; quare cum D. Tho. in principio corporis dicit esse gratum homini aut Deo esse diligere ab homine vel à Deo; quod retuli in principio ultimæ probationis primæ conclusionis, non sumitur diligere formaliter pro eo quod est esse obiectum proportionatum dilectionis.

B Secundo probatur ratione sumpta ex illa probatione primæ conclusionis; quia homo est obiectum proportionatum divinæ dilectionis, ratione bonitatis in eo productæ per ipsam dilectionem; ergo & ratione doni creati in ipso existentis; consequentia patet, quia illa bonitas est donum supernaturale creatum existens in homine; & antecedens satis est ostensum in illa probatione, ex discrimine posito inter amorem divinum & humanum & in obiectione contra eandem probationem facta ex discrimine inter benevolentiam & amorem amicitie.

§. 5. *Ex doctrina conclusionis rejiciuntur assertiones Durandi.*

EX HAC conclusione sequitur falsa esse duæ quæ DURAND. dixit in 1. d. 17. q. 1. n. 5. & 6. Primum est posse hominem prius natura vel tempore esse gratum Deo, hoc est dilectum denominatione extrinseca sumpta ab actu divinæ dilectionis, quam habeat donum hoc creatum in ipso formaliter existens.

Secundum est, ad esse hominem hoc modo gratum Deo denominatione extrinseca, non sequi necessitate absoluta hominem habere vel aliquo modo habiturum in seipso donum hoc creatum, sed solum necessitate conditionata, scilicet ex suppositione

ordina-

ordinationis, qua Deus itauit nemini conferre beatitudinem supernaturalem, nisi prius in vita conferat ei donum hoc: & contra vtrumque sumitur argumentum ex hac conclusione, quia si ab hoc dono creato tanquam à forma habet homo esse obiectum proportionatum diuine dilectionis: ergo dilectio Dei non potest terminari ad hominem nisi in quantum habet in se huiusmodi donum, & ex consequenti neque potest tanquam forma dare homini denominationem dilecti, nisi habeat tale donum. *Prima* consequentia patet quia nullus actus potest terminari nisi ad obiectum sibi proportionatum. Et ex hac sequitur *secunda*, quia dilectio non dat obiecto denominationem dilecti, nisi in quantum terminatur ad ipsum. Ex quo manet impugnatum *primum* dictum DVRAND. quantum ad prioritatem, inter denominationem dilecti, & productionem huius doni in homine: Et simul etiam manet impugnatum *secundum* quia sicut ad hoc vt denominatio dilecti conueniat homini, requiritur necessitate *absoluta* actum dilectionis terminari ad ipsum; ita eadem necessitate requiritur, esse in ipso bonitatem quæ est obiectum proportionatum dilectionis. Verum hæc necessitas non est constituenda etiam per respectum ad potentiam Dei absolutam, nisi dilectio sumatur pro amore amicitie; quia si sumatur pro quadam beneuolentia qua sit à Deo volitum homini bonum æternæ beatitudinis, bene poterit de potentia Dei *absoluta* terminari ad hominem & dare ei denominationem dilecti, quamuis nullam in eo producat bonitatem supernaturalem; vt dixi in solutione obiecti posite contra ultimam probationem primæ conclusionis. Et nunc addo, idem quod dixi de amicitia esse etiam dicendum de beneuolentia, sumpta pro amore prout non solum importat actum quo alicui est volitum aliquod bonum, sed etiam complacentiam in bono eius, vt docet D. THO. supra q. 25. art. 1. quia hæc complacentia est actus quo placet amanti bonum quod est in amato. Et ad hoc non requiritur eam attingere totam perfectionem amicitie in quantum est mutua beneuolentia non latens.

ULTIMA CONCLUSIO. Donum hoc creatum existens in homine dat ei hunc effectum qui est esse gratum tanquam obiectum proportionatum diuine dilectionis ex natura sua & sine dependentia ab institutione libera Dei.

§. 6. Prænotanda ad explicationem conclusionis.

AD huius explicationem notandum dupliciter posse intelligi donum hoc dare homini esse gratum; primo ex natura sua, sicut alie formæ siue naturales siue supernaturales dant suos effectus subiectis suis; *secundo* ex institutione Dei, scilicet, quia Deus instituerit habere sibi gratos omnes & solos homines habentes donum hoc; sicut ex libera hominum impositione habent voces significare, & sicut ex institutione Regis habet moneta eum valorem qui appellatur artificialis; & in *priori* sensu intelligitur hæc conclusio; quæ probatur quia alias sequeretur donum hoc non esse causam formalem illius effectus per suam entitatem intrinsecam, neque per aliquid sibi intrinsecum; quod videretur esse contra primam conclusionem, & contra omnia testimonia, quæ pro ea adduxi-

Amus, *sequela* patet, quia si donum hoc non est causa formalis ex natura sua, sed ratione diuine institutionis; ergo tantum est causa ratione eiusdem institutionis, de qua est certum esse ei omnino extrinsecum. Et *consequens* hoc repugnare primæ conclusioni & testimonijs pro ea adductis, probatur, quia iuxta ipsum non defenditur aliquid intrinsece existens in homine esse causam dantem homini esse gratum, cum diuina institutio quæ est ad quærat ratio causandi, neque in dono neque in homine ponat aliquid reale intrinsecum.

Confirmatur primo, quia vel donum hoc est causa formalis physica, vel moralis; si dicatur *primum* sequitur donum esse causam ex natura sua, quia supponimus in causis formalibus non dari causas instrumentales, quæ virtute superioris agentis exerceant causalitatem formalem. Si vero dicatur *secundum* sequitur nihil esse in homine intrinsecum ex quo proueniat iste effectus.

Confirmatur secundo, quia vel donum hoc per seipsum dat homini esse gratum, vel solum est signum determinatum ex diuina institutione ad hoc vt eo posito in homine Deus habeat talem hominem sibi gratum, per subsequentem dilectionem vel acceptationem ad beatitudinem. Si dicatur *primum* habemus intentum; quia non potest donum hoc per seipsum dare talem effectum, nisi det eum virtute suæ naturæ, & nullo ei superaddito. Et *secundum* dici non potest quia cum subsequens dilectio vel acceptatio sit omnino extrinseca homini, sequeretur hominem solum extrinsece esse gratum Deo.

Confirmatur tertio, ratione sumpta ex vltima probatione primæ conclusionis; quia Deus in hoc casu diligit hominem secundum se, amore supernaturali proprie sumpto; ergo facit eum amabilem aut dignum siue proportionatum vt ametur amore supernaturali, & ex consequenti producit in eo bonitatem supernaturalem, quæ in quantum est bonitas, atque adeo ex natura sua reddit ipsum ita amabilem; patet vtrique consequentia ex discrimine, quod in eadem probatione dixi esse inter amorem diuinum & humanum.

§. 7. Colliguntur ex doctrina conclusionis.

CEX HAC conclusione sequitur *primo* DVRAND. in 1. d. 17. n. 8. non assignasse sufficientem rationem propter quam donum hoc inter alia multa dona supernaturalia quæ gratis dantur nobis appelletur simpliciter gratia. Dicit enim eam esse quia per hoc donum acceptantur actus nostri vt meritorij vite æternæ, & non per reliqua dona supernaturalia; & tamen vt constat ex hac conclusione, ratio est quia hoc donum dat homini esse gratum & amabilem quoad personam simpliciter & absolute, & reliqua dona non dant ei esse hoc modo amabilem, sed solum *secundum quid*, & quoad ipsa dona; & ita omnia præter charitatem possunt esse simul cum peccato mortali in eodem homine.

Et Confirmatur, quia satis est donum hoc dare nobis hunc effectum quamuis actibus nostris non daret esse acceptos & meritorios in ordine ad vitam æternam, vt simpliciter ei debeatur nomen gratiæ gratum facientis.

Secundo sequitur male VEGAM lib. 7. in Trid. c. 25. §. cur non ergo & in supernaturalibus explicare modum quo donum hoc faciat nos gratos Deo ; dicit enim id præstare quia Deus statuit, & voluit omnes ipsum habentes gratos sibi & charos habere ; & hoc est idem atque dicere donum hoc non habere ex natura sua, sed ex institutione & quasi pacto Dei facere nos gratos, quod est directe contra hanc conclusionem.

§. 8. Respondetur argumentis in oppositum.

AD PRIMUM Respondetur cum D. THOMA in solutione ad primum huius articuli in omnibus testimonijs scripturæ in quibus illa locutio aut alia similis inuenitur ; significari per eam esse obiectum alteri gratum, non quomodocumque, sed ratione alicuius boni in ipso existentis, quod tamen efficiatur per amorem diuinum, & non per humanum, sicut superius est satis explicatum.

AD SECUNDUM iuxta eandem solutionem D. THO. respondetur negando antecedens si per esse gratum in eo intelligatur esse obiectum quod secundum se sit gratum, quia homini etiam respectu alterius hominis conuenit esse hoc modo gratum ratione alicuius bonitatis in ipso existentis.

Ad confirmationem Respondetur negando antecedens si esse dilectum sumatur *formaliter* pro eo quod est diligi, quia esse gratum etiam respectu alterius hominis importat aliquid amplius quam diligi scilicet esse obiectum dignum vel proportionatum ut diligatur.

Ad vltimum Respondetur negando antecedens quoad vtramque partem, si in vtraque sumatur esse gratum in sensu explicato in duabus conclusionibus vltimis. Et ad probationem primæ partis quidquid sit de quæstione illa an per potentiam Dei absolutam sit possibile formam illam vniri, quod vel propter naturam suam, vel propter impedimentum peccati mortalis sit incapax huius effectus, qui est esse gratum Deo ; de qua agendum est infra q. 113. Respondetur saltem ex vi huius argumenti neutram partem probari ; quare qui in illa quæstione voluerit defendere partem affirmatiuam respondebit ad hoc argumentum negando sequelam ; ad cuius probationem quoad priorem partem consequentis varie solet responderi ; nam primo dicunt aliqui formam posse vniri subiecto dando ei effectum suum primarium, siue secundario ; sicut quantitas dat corpori Christi in Sacram. suū effectum primarium, qui est habere partes extensas in ordine ad totum, siue effectū secundario, qui est habere easdem partes extensas in ordine ad locum, & hoc quod est esse gratum Deo non esse effectum primarium huius formæ sed secundarium.

Secundo respondent alij gratiam cuiusque subiecto dare cum effectum qui est habere ipsam, non tamen cum qui est esse gratum, sed solum subiecto capaci, quale non est subiectum naturæ irrationalis, aut infectum peccato mortali ; & dicunt rationem huius esse, quia forma ut det suum effectum formalem postulat determinatum & certum sub-

A iectum, scilicet aptum ad recipiendum eum, & ideo si vnatur subiecto incapaci non dabit ei talem effectum ; & explicant hoc exemplis ; nam propter hanc rationem anima rationalis si miraculose vnatur corpori celesti, non dabit ei esse humanum & negatio visus, non dat cuiusque subiecto esse cæcum, sed tantum subiecto apto nato habere visum.

Sed neque hæc solutio mihi placet, quia subiectum dicitur habere formam in quantum informatur & actuatur per eam ; ergo & in quantum recipit ab ea esse suum, & suam perfectionem, atque adeo si subiectum aliquod habeat hanc formam quæ est gratia gratum faciens recipit ab ea suum esse quod est esse gratum ; & non obstant exempla pro eo adducta, quia anima rationalis non potest secundum suum gradum specificum informare corpus quod sit ineptum ad recipiendum esse humanum ; & negatio visus sumpta secundum suum gradum specificum habet pro effectu formali carente visu, & non esse cæcum ; quia esse cæcum non prouenit tanquam à forma à negatione visus sola, sed ut habet adlunatam aptitudinem ad habendum visum.

Tertio respondens alij effectum formalem huius doni non esse, hominem esse actū dilectum à Deo, sed esse diligibilem, & non repugnat hominem ratione huius doni esse diligibilem, siue dignum ut diligatur ; & ratione peccati esse odibilem sine dignum ut odio habeatur ; sicut non repugnat hominem conditum in puris naturalibus cum omnibus virtutibus naturalibus retenta hac perfectione naturali committere peccatum mortale, atque adeo ratione naturæ cum perfectione naturali esse dignum diligi in ordine ad finem naturalem, & ratione peccati esse dignum odio haberi.

Sed etiam hæc solutio est insufficiens, quia donum hoc dat homini esse dignum & proportionatum obiectum ut diligatur simpliciter, & secundum suam personam, & peccatum mortale dat ei esse dignum ut odio habeatur simpliciter & secundum suam personam, & repugnat eundem hominem esse simul dignum & proportionatum ut hoc modo diligatur & odio habeatur. Et propter hanc rationem videtur mihi insufficiens solutio aliorum, qui dicunt hoc donum dare homini *physice* esse obiectum proportionatum ut diligatur & peccatum dare ei moraliter esse obiectum dignum ut odio habeatur, & non repugnare eundem hominem simul esse his duobus modis obiectum proportionatum ut diligatur & odio habeatur : quod explicant exemplo posito precedenti solutione.

§. 9. Proponitur solutio authoris.

QUARE aliter respondetur sequendo & quasi explicando primam solutionem posse distinguere duos effectus formales huius doni ; quorum primus est habere subiectū in se participationē perfectissimā intra ordinem supernaturalem diuinæ naturæ ; & secundus idem subiectum esse dignum & proportionatum ut diligatur à Deo amore perfecto ; imo & amore amicitie, & inter hos duos effectus est discrimen : quia primus prouenit ab-

iplo dono absolute sumpto & sine ordine ad aliquid extrinsecum, & ideo per nullam potentiam fieri potest ut donum hoc informet aliquid subiectum, & non det ei talem effectum. *Secundus* vero non provenit ab hoc dono absolute & secundum se sumpto, sed ut importat ordinem ad aliquid extrinsecum, scilicet ad Deum diligentem & amante, & ideo ex impedimento aut defectu aliquo in subiecto ad terminandum amorem Dei potest provenire, ut non det ei huiusmodi effectum, sicut species visibiles prout sunt in medio dant ei effectum qui est habere in se participationem quamdam obiecti visibilis, & non alterum effectum qui est consistere in actu primo ad videndum, quia prior effectus provenit à specie visibili secundum se, & absolute sumpta, & posterior provenit ab ea ut dicit ordinem ad operationem quæ postulat principium talis naturæ in particulari. Et similiter actio transiens prout recipitur in subiecto extrinseco dat ei effectum, qui est habere in se tendentiam ad terminum, & non dat effectum qui est esse agens in actu secundo, quia hic effectus importat ordinem ad extrinsecum scilicet ad principium agens, & tandem gratia habitualis in Christo non dat ei effectum formalem qui est esse filium adoptivum, quia repugnat ex parte personæ quæ est eius incapax.

Si quis tamen voluerit in illa questione defendere partem negativam, scilicet, non posse etiam per potentiam Dei absolutam, donum hoc, esse in eodem simul cum peccato mortali; *Respondetur* ad idem argumentum negando sequelam, & ad probationem falsitatis consequentis, dicit supponi in ea oppositum eius quod conceditur, scilicet, per potentiam Dei absolutam posse formam hanc poni in lapide aut conservari in homine existente in peccato mortali.

Et ad probationem eiusdem sequelæ quoad posteriorem partem consequentis qua inferitur non posse nos etiam per potentiam Dei absolutam esse gratos sine hac forma, *Respondetur* supposita ex D. THOM. art. sequenti negatione talis sequelæ non esse effectum formalem huius formæ, esse utrumque gratum Deo, sed esse gratum peculiari & determinato quodam modo, scilicet, intrinsece connaturaliter, & permanentemente; & hoc modo etiam per potentiam Dei absolutam non posse hominem fieri gratum sine hac forma, sed alio modo, scilicet aut extrinsece, ut per solam extrinsecam dilectionem Dei; sicut dixi in solutione obiectiæ positæ contra ultimam probationem primæ conclusionis; aut etiam intrinsece, sed non connaturaliter & permanentemente tanquam per formam propriam, ut per motionem auxilij actualis vel aliquem actum nostrum sicut docet D. THOM. art. sequenti, cum vero dicitur effectum formalem non posse reperiri sine forma quæ est eius causa, debet intelligi de effectu sumpto determinate quoad modum quo provenit à tali forma, quia non est inconueniens eundem effectum diuersis modis provenire à formis distinctis; & contra hoc nullam habent vim duæ probationes oppositæ partis, nam in prima si per formam quæ sit participatio diuinæ naturæ intra ordinem supernaturalem, intelligatur forma, quæ sit in nobis permanentemente ad modum habitus, supponitur falsum, scilicet esse possibilem talem formam, & non pro-

A batur bene ex multiplici participatione diuinæ naturæ intra ordinem naturalem, quia participationes diuinæ naturæ intra illum ordinem, solum sunt virtuales & non formales, ut postea dicam: si vero intelligatur donum aliquod supernaturale siue extrinsecum, quod non dicatur participatio tanquam effectus, sed quia nobis communicatur; siue intrinsecum quod sit actuale, aut tanquam motio aut tanquam actus; dicendum est huiusmodi donum non facere nos gratos eo modo quo id præstat forma de qua loquimur, sed aut extrinsece aut si intrinsece non connaturaliter & permanentemente, & ad donum extrinsecum pertinere gratiam unionis respectu humanitatis Christi.

Et in secunda probatione antecedens est falsum si in eo, esse magis gratum sumatur, in eo sensu quo diximus esse effectum formalem huius formæ esse gratum, scilicet, pro eo quod est esse intrinsece & connaturaliter magis gratum; & ad eius probationem dico sententiam illam non esse omnium Theologorum, sed aliquorum, & non esse contrariam nostræ, quia sensus eius est gratiam non auctam secundum suam entitatem posse facere nos magis acceptos ad gloriam, non intrinsece & connaturaliter, sed ratione alicuius extrinseci ad quod importat ordinem, ut in primo exemplo ad actus præsentis, remissiores consideratos non in ratione dispositionum; sed in ratione meritum; quia sic habent proportionem cum maiori gratia & gloria, & in secundo ad merita præcedentia quæ erant mortificata & nunc reuiuiscunt; & in tertio ad gratiam unionis, quia gratia habitualis ex coniunctione cum ipsa, habet quandam infinitatem in genere gratiæ, scilicet, esse principium infiniti meriti & merendi infinitis hominibus; dicunt autem convenire hoc gratiæ in ratione gratiæ, & acceptationis ad gloriam, & non in ratione entis aut formæ vel qualitatis, quia dare esse acceptum, convenit gratiæ secundum propriam rationem gratiæ, & non secundum communem rationem entis.

Et deinde ad probationem eiusdem antecedentis principalis, quoad secundam eius partem, concedo dilectionem diuinam non habere ex communi ratione dilectionis producere neque hanc formam de qua loquimur, neque aliam; alias etiam dilectio creaturæ id haberet; & nego non habere ex particulari ratione dilectionis diuinæ producere bonitatem aliquam in obiecto secundum quam terminetur ad ipsum, quia de ratione dilectionis est terminari ad bonum; & dilectio diuina differt ab humana quia non præsupponit bonum ad quod terminatur tanquam motium ad eam, sed potius efficit ipsum ut superius explicui ex doctrina D. THOM. quare etiam si dilectio diuina sit omnino naturalis, ut cum terminatur ad naturam rationalem secundum rectitudinem naturalem in ordine ad finem naturalem, producit ipsam entitatem naturæ cum sua perfectione, & conservat eam; non enim præsupponitur entitas naturæ tanquam obiectum motium ad dilectionem, sed eius effectus. Et similiter si dilectio sit supernaturalis hoc est in ordine ad finem supernaturalem producit saltem secundum legem ordinariam bonum aliquod supernaturale in homine dilecto, quod tamen non est æquale neque eiusdem rationis in omni dilectione; nam quando dilectio non

fertur in personam simpliciter & secundum se tale bonum, est bonum aliquod supernaturale, quod non facit hominem simpliciter gratum & dilectum, sed solum quoad illud donum, quando vero dilectio fertur in personam simpliciter, & secundum se, quod per eam producit est forma de qua loquimur quæ hominem facit simpliciter gratum & dilectum. Quare semper dilectio divina producit aliquam bonitatem, quæ tamen est diuersi ordinis & inæqualis pro modo & ratione ipsius dilectionis.

Et ad primam probationem oppositi Respondetur cum CAPREOL. in I. d. 17. q. 1. art. 3. in solutione ad 4. AVRIOL. contra tertiam conclusionem, concedendo antecedens, & negando consequentiam, & ratio discriminis est, quia amor terminatur ad bonum cuius Deus potest esse causa, at vero odium terminatur ad malum culpæ, quod non potest esse à Deo.

Et ad secundam probationem, negandum est dari in Deo dilectionem quæ pro statu & tempore quo terminatur ad obiectum non producat in eo bonitatem aliquam sibi accommodatam.

Et non obstat id quod obijcitur de prædestinatione respectu eius qui est in peccato mortali, & voluntate antecedenti saluandi omnes homines respectu eius qui nullum beneficium supernaturale recepit à Deo in seipso, quia neutra est dilectio hominis saltem simpliciter pro tali statu. Ad cuius explicationem aduerte ex D. THOMAS. 1. p. quæst. 23. artic. 4. prædestinationem posse considerari duobus modis, scilicet secundum seipsam formaliter, & quoad actus quos supponit. Si consideretur primo modo est ordinatio & destinatio hominis per certa media ad consequendum beatitudinem, & secundum hanc rationem includit voluntatem conferendi hæc media, quæ voluntas prout terminatur ad medium, quod est gratia gratum faciens, est dilectio hominis simpliciter, & prout terminatur ad alia dona supernaturalia, quæ etiam conducunt ad consecutionem beatitudinis supernaturalis, appellatur dilectio hominis non simpliciter, sed quoad talia dona, si tamen consideratur secundo modo supponit nostro modo intelligendi electionem, & hæc supponit dilectionem quæ terminatur ad hominem pro statu, quo est habiturus gratiam; vt docet D. THO. 1. p. q. 20. art. 4. ad 5. quare prædestinatum cum est in peccato mortali non diligit Deus simpliciter, & vt amicum, sed potius odio habet vt inimicum, quamuis possit cum diligere secundum quid, scilicet quoad dona aliqua supernaturalia quæ in ipso conseruat. Et ad hanc sententiam videtur reducenda distinctio qua vtitur SVARES 1. p. sum. Theol. tract. 2. e. 11. num. 5. vbi dicit amorem diuinum sumptum pro ordinatione hominis ad aliquod bonum, terminari ad prædestinatum cum est in peccato mortali, non tamen sumptum pro actuali collatione talis doni; quia ordinatio illa non habet rationem amoris nisi vt includit actum voluntatis, qui non respicit hominem pro statu quo est in peccato mortali. Et idem est dicendum de voluntate antecedenti, scilicet, solum importare dilectionem hominum, pro statu quo in se habebunt actu eius effectus, & non pro statu quo nondum habent & sunt habituri eos.

Et si obijcias, quia vtrique est actus Dei æternus

ergo pro vtrique diligitur homo à Deo ab æterno; atque proinde semper.

Confirmatur, quia prædestinatio etiam pro statu quo est in peccato conuenit simpliciter denominatio prædestinati, ergo & dilecti.

Ad argumentum Respondetur distinguendo consequens secundæ consequentiæ, nam aut particula, semper tenet se ex parte Dei, vt sit sensus Deum semper habere actum, qui est dilectio hominis, aut tenet se ex parte hominis, vt sit sensus, hunc actum terminari ad hominem semper, hoc est, omni statu & tempore. Si sumatur primo modo, concedenda est consequentia. Si tamen sumatur secundo modo debet negari.

Et ad confirmationem concessio antecedenti, neganda est consequentia; & ratio discriminis est, quia prædestinatio nostro modo intelligendi, non includit formaliter dilectionem, sed ordinationem ad bonum, quæ potest terminari ad hominem etiam cum est in peccato.

ARTICVLVS II.

Virum gratia sit qualitas anima?

PRIMA CONCLUSIO. Si gratia sumatur pro effectu gratuita Dei voluntatis, quo anima hominis mouetur à Deo ad aliquid cognoscendum, vel volendum, vel agendum, non est qualitas, sed motus quidam anima.

SECUNDA CONCLUSIO. Si sumatur pro dono habituali ex gratuita Dei voluntate infuso anima, ad suauiter, & prompte, & conaturaliter faciendum opera necessaria ad consequendum æternum bonum, est qualitas quedam.

CIRCA PRIMAM conclusionem posset disputari quo sensu dicat D. THOMAS auxilium gratiæ mouentis animam hominis ad actus supernaturales cognitionis, aut volitionis esse motum quendam animæ nostræ. Sed quia de hoc est agendum quæstione sequenti ideo nunc solum est aduertendum ex CONRADO D. THO. non ideo dicere auxilium hoc non esse qualitatem, sed motum animæ, quia senserit non esse vere qualitatem, & esse motum proprie sumptum prout identificatur cum actione & passione, pertinentibus ad hæc prædicamenta; sed quia non habeat modum essendi qualitatis, scilicet esse permanens, & significatur per modum actionis transeuntis; & ideo non sufficit ad denominandos nos simpliciter gratos, quod tamen requiritur vt sit simpliciter & absolute qualitas, vt colligitur ex eius definitione tradita ab ARIST. in prædicamentis, cap. de qualitate; vbi inquit: *qualitatem esse secundum quam quales esse dicimur*. Sicut etiam ipse ARIST. ibidem propter hanc rationem dixit, *raborem pronientem ex pudore, non esse qualitatem*, scilicet, quia cum non habeat esse permanens, non

potest

potest denominare nos simpliciter & absolute rubros, sed solum passos ruborem.

CIRCA SECUNDAM conclusionem; Nota debet intelligi de qualitate habente esse permanens in anima nostra ad modum habitus; & in hoc sensu probatur primo, quia colligitur evidenti consequentia ex prima conclusione dubij propositi, art. precedenti, si ei adiungamus aliquid ex suis probationibus, nam in ea diximus, gratiam cuius effectus formalis est hominum esse gratum Deo, esse donum quoddam creatum, existens intrinsece in ipso homine, & ex hoc possumus sic argumentari; donum hoc existens in homine non est substantia neque relatio, neque actio, aut passio, & ex consequenti, neque motus, qui cum eis identificatur, ergo est qualitas; *consequentia patet* à sufficienti partium enumeratione, quia supponimus ut certum multo minus posse donum hoc pertinere ad aliquod aliud ex prædicamentis prætermis in antecedenti.

Et antecedens probatur in primis quoad primam partem quæ est de substantia, quia duobus modis potest dici donum hoc, esse substantiam, scilicet, aut quia est ipsa hominis substantia, aut quia est alia substantia ei coniuncta & unita; & neutrum horum posse dici probat D. THOMAS in solutione secundi, duobus argumentis distinctis. *Primum* quidem quia substantia alicuius rei, vel est ipsa natura rei vel pars nature, scilicet, materia vel forma; & gratia non potest esse aliquid istorum in homine, quia est supra naturam hominis. *Secundum* vero, quia quod substantialiter est in Deo, non potest participari in anima nostra, nisi medio aliquo accidente; ergo participatio ipsius nature divinæ, non communicatur media substantia, sed media forma accidentali; & ex consequenti gratia, quæ est huiusmodi participatio, non est aliqua substantia coniuncta anime nostræ, sed aliquod accidens, est autem in antecedenti huius argumenti advertendum per id quod substantialiter est in Deo intelligi attributa, quæ quamvis comparentur ad divinam naturam sicut proprietates ipsius, non sunt in Deo accidentaliter, sed substantialiter, & sunt ipsa substantia Dei, & ideo appositum est exemplum in scientia Dei, & de his attributis, inquit D. THOMAS, eorum participationes, non communicari creaturis medijs substantijs, sed medijs formis accidentalibus, & ex hoc colligit esse maiori ratione dicendum idem, de participatione ipsius nature divinæ, cuiusmodi est gratia gratum faciens.

Et potest hoc secundum confirmari, tum quia forte non potest dari (etiam per potentiam Dei absolutam) substantia supernaturalis creata, tum etiam quia substantia non inhæret, & tamen Concilium TRIDENTINUM, loco citando, dicit charitatem nobis inhærere.

Et tandem, quia neque talis substantia est materialis, quia substantia materialis non potest interiori uniri anime nostræ, sicut unitur gratia; neque immaterialis saltem ex ijs quas scimus fuisse à Deo conditas in hoc universo, scilicet, ex Angelis, quia Angeli non sunt supernaturales, neque eis conveniunt ea, quæ de gratia dicuntur in testimonijs citatis pro illa conclusione.

Deinde probatur hoc antecedens quoad secundam partem, quæ est de relatione, quia neque est relatio

A rationis, cum hæc non habeat verum esse, sed sit quid fictum neque vere inhæreat; neque permaneat cessante operatione intellectus, nisi ut plurimum, secundum quandam denominationem extrinsecam aut secundum fundamentum huius denominationis, quæ omnia non possunt dici de gratia sine manifesto errore contra fidem. Neque etiam est relatio realis, quia hæc non confurgit nisi præsupposito fundamento; ergo ut in homine resultat relatio realis, quæ det ei esse gratum Deo, necessum est præsupponi in eo aliquod esse supernaturale, & hoc erit ipsa gratia.

Confirmatur, quia si aliqua relatio sit donum hoc quod dat homini esse gratum Deo, maxime erit relatio unionis anime cum Deo, hæc autem resultare non potest, nisi supposita tanquam fundamento actione unitiva extremorum, & termino eius, scilicet unione extremorum in facto esse, quæ in hoc casu non solum poneretur omnino voluntarie, sed etiam posita, non posset explicari neque concipi.

Et tandem probatur idem antecedens quoad ultimam partem, quæ est de actione, tum quia actio ex propria ratione, non est quid permanens, sed transiens; at vero gratia est quid permanens in anima, ut constat ex testimonijs sacre scripturæ, citatis pro illa conclusione in quibus gratia comparatur pignori, sigillo impresso, vincti, semini, & fonti, & ex alijs in quibus comparatur gemmis, luci, vestimenti nuptiali, & thesauro, quæ omnia habent esse permanens; tum etiam quia pueri baptizati & iusti adulti, cum dormiunt sunt grati Deo per gratiam, quæ est eiusdem rationis cum ea qua ceteri sunt grati, & tamen non habent aliquem actum.

Et tandem quoniam actus quicunque extra tempus pro quo præceptum obligat, potest finire esse in homine sine peccato, & tamen donum hoc, quod est gratia gratum faciens, non amittitur, nisi per peccatum mortale; ex quo etiam patet non posse responderi huic argumento, solum convincere hanc gratiam esse qualitatem, non tamen esse habitum, cum possit esse qualitas imperfecta quoad modum essendi, scilicet, dispositio, quæ habeat modum essendi transeuntem, & non permanentem, quia contra hoc sumitur aperta obiectio ex ijs testimonijs in quibus hæc gratia comparatur cum rebus quæ habent esse permanens, completum, & perfectum in suo genere, quod non dicitur de dispositionibus.

Secundo probatur testimonijs Conciliorum, nam in CLEMENT. unica de summatrinitate, quæ de sumpta est ex Concilio VIENEN. sub CLEMENT. 5. sic habetur: *opinionem quæ dicit, tam parvulis, quàm adultis conferri in baptismo, informantem gratiam, & virtutes, scilicet, quantum ad habitum, & non quantum ad usum, tanquam probabilior, & diutius sanctorum, ac Doctorum modernorum Theologia, magis consonam & concordem sacro approbante Concilio, duximus esse eligendam.* Ex quibus non tantum colligitur ut volunt Sor. lib. 2. de nat. & gratia, cap. 18. & alij Theologij infra citandi, esse probabilius dicere gratiam & virtutes infusas esse qualitates & habitus nobis inhærentes, sed etiam esse habendum ut omnino certum, quod sic ostendo; in illo loco irra continentur omnino distincta.

Primum est, id quod tunc erat certum apud omnes, & hoc est gratiam & virtutes infusas esse formas informantes & habitus.

Secundum est, id de quo tanquam dubio, tunc erant contrariæ Theologorum sententiæ, & hoc est an parvulis per baptismum, solum remittatur culpa; an vero simul, etiam infundantur virtutes, & gratia informans quoad habitum.

Tertium est, determinatio Concilij, circa hanc controuersiam, & hoc est, approbatio sententiæ, quæ asserit virtutes infundi, & gratiam quoad habitum, tanquam probabilioris & magis consentaneæ dictis Sanctorum & Doctorum Theologorum. Et in hoc dicendum est, approbati tanquam probabilius id de quo tunc erat dubitatio, scilicet, gratiam & virtutes infundi quoad habitus; non tamen id de quo nulla erat dubitatio, sed apud omnes supponebatur ut certum, scilicet, gratiam & virtutes esse habitus; quoniam etiam huic addatur aliqua confirmatio ex illa approbatione, quia non potuit Conciliū approbare ut probabilius infundi per baptismum, gratiam & virtutes quoad habitus, nisi supponeret conuenire eis ratione habitus. Et hoc modo est intelligendum id quod INNOCENTIUS tertius dicit in cap. maiores de baptismo, scilicet, fuisse inter Theologos controuersum, an pueris in baptismo infundatur gratia & virtutes; quibusdam eorum id absolute negantibus, & alijs affirmantibus quoad habitus, quia ibi etiam significatur, fuisse tunc apud Theologos certum, gratiam & virtutes posse sumi pro habitibus, & non solum pro actibus. Item Concilium TRIDENT. sess. 6. decreto de iustificatione cap. 7. aperte videtur id significare cum in principio capituli, dicit, *iustificationem non esse solam remissionem peccatorum, sed etiam sanctificationem & renouationem interioris hominis, per voluntariam suceptionem gratiæ, & donorum*; nam cum prius dixisset, hanc iustificationem prout complectitur peccati remissionem, & internam renouationem per suceptionem gratiæ, consequi ad dispositionem, quam cap. præcedenti constituerat in actibus fidei, spei, & charitatis, aperte distinguit, gratiam hanc ab actibus transcuntibus, atque adeo significat esse habitum, aut habere modum essendi permanentem, ad instar habitus: non enim potest dici ipsum loqui de relatione, quæ non suscipitur, nisi supposito fundamento sibi proportionato; ut in præcedenti probatione dicebam. Et cum inferius hanc gratiam, quam docet esse causam formalem nostre iustificationis, inquit; *diffundi in cordibus eorum, qui iustificantur, atque ipsis inhaerere*; quia inhaerere non dicitur de substantia, sed de accidentibus, & ex accidentibus non dicuntur proprie diffundi actus, qui procedunt à potentijs, sed ea quæ ab extrinseco agente recipiuntur in eis; neque relationes ad quas non est per se motus, & ideo necessario debet intelligi de qualitate habente modum essendi habitus: Supponimus enim ratione materiæ, non posse hanc doctrinam Concilij intelligi de quantitate, neque de qualitatibus corporeis, neque de accidentibus quæ important denominationem extrinsecam, vel modum extrinsecum, qui per eum explicetur.

Et tandem propter eandem rationem, cum statim inquit, in ipsa iustificatione, cum remissione pec-

catorum simul infundi fidem, spem & charitatem eaque animæ inhaerere.

Et Confirmatur, quia cano. 3. Concilium damnatum cum, qui dixerit hominem sine Spiritus Sancti inspiratione, & adiutorio posse credere, sperare, diligere aut panitere sicut oportet ut ei iustificationis gratia conferatur. Vbi aperte distinguit, gratiam iustificationis ab his actibus, tanquam quid consequens ad eos. Et cano. 11. definit gratiam iustificationis non esse externum Dei fauorem, sed charitatem, quæ in cordibus eorum qui iustificantur diffundatur per Spiritum Sanctum, atque illis inhaereat.

Dices posse hæc testimonia exponi de qualitate aliqua imperfecta, quæ habeat esse transiens ad modum dispositionis, & non permanens ad modum habitus.

Sed contra, quia ex doctrina illius capituli 7. colligitur satis aperte; Conciliū loqui de dono, quod habeat esse permanens, quia in eius fine sic ait: *Itaque veram, & Christianam iustitiam accipientes, eam, seu primam stolam pro illa, quam Adam sua inobedientia sibi, & nobis perdidit, per Iesum Christum illis donatam, candidam & immaculatam, iubentur statim renati conseruare, ut eam profectus ante tribunal Domini nostri Iesu Christi.* Vbi duo sunt notanda.

Primum est, iustitiam comparari cum stola, quæ habet esse permanens, & de ea fieri sermonem, ut de re quæ suapte natura habet esse permanens, cum dicitur renatos iuberi conseruare eam, usque ad tribunal Christi.

Secundum est, hæc verba intelligenda esse, de iustitia quæ tam adultis quam etiam parvulis confertur per baptismum, quia per hoc, significatur iustitiam hanc esse in eis eiusdem naturæ, & habere eundem modum essendi, & ex consequenti, sicut in parvulis, ita etiam in adultis iustitiam hanc, habere modum essendi permanentem, & non transientem; quod de parvulis est manifestum; quia in eis iustitia non est actus aliquis virtutum Theologiarum, quem ipsi non possunt habere; ut ex propria ratione harum virtutum patet, & in testimonio Concilij VIENÆ. & in cap. maiores superius adducto; supponitur ut certum, neque etiam est auxilium motionis actualis, quia hoc auxilium, datur ad operationem cuius parvuli sunt in capaces; neque tandem est qualitas aliqua incompleta quæ neque sit actus, neque habitus, sed quædam dispositio transiens; quia hoc videtur repugnare permanentiæ, quam iustitia habet in parvulis, scilicet, à tempore quo baptizantur, usque ad tempus quo habeant usum rationis sufficientem, ad peccandum mortaliter; & hæc ratio est communis ad omnem qualitatem, aut formam intrinsecam, quæ non habeat ex natura sua esse permanens.

TERTIO potest hæc conclusio probari testimonijs sanctorum adductis pro illa conclusione, quia etiam in eis habentur multa verba, quibus significatur hæc permanentia gratiæ gratum facientis.

ULTIMO probatur hæc ratio de sumpta ex D. THO. in hoc articulo Deus cum creaturis in ordine ad habendum bonum naturale, talem providentiam habet, ut non solum moueat eas ad operationes naturales proportionatas eidem bono, sed etiam det eis formas & virtutes, quæ sunt

princi-

principia earundem operationum. Ergo etiam cum hominibus in ordine ad consequendum bonum supernaturale æternum, utitur simili modo providentiæ, ut non solum moueat eos ad operationes supernaturales proportionatas bono supernaturali, sed etiam infundat eis aliquas formas seu qualitates supernaturales, quæ sint principia operationum supernaturalium. *Antecedens* patet, quia illud pertinet ad suauitatem diuinæ providentiæ, ut ita creaturæ facile, & connaturaliter moueantur à Deo ad suas operationes; & cōcedendum est diuinam providentiam de facto esse suauem, iuxta illud sapientiæ 8. *Et disponit omnia suauiter.* & ex hoc patet consequens, quia non est conueniens Deum uti minus suauis providentiæ cum hominibus quos diligit ad supernaturale bonum habendum, quam cum creaturis quas diligit ad habendum bonum naturale. Et ex hac ratione constat secundum sententiam D. THO. non esse necessariam gratiam habitualem per respectum ad potentiam Dei absolutam, ut homo sit gratus Deo, in sensu explicato in arti. præcedenti, sed solum secundum legem Dei ordinariam, & secundum id quod exigit suauitas diuinæ providentiæ, scilicet, ut homo sit gratus connaturaliter, & permanentemente, & ut promptè, & suauiter exerceat operationes suo statui proportionatas.

Sed quæritur, an hæc conclusio ita explicata sit certa secundum fidem? Ad hæc SOTO. lib. 2. de natura & gra. cap. 18. & 19. & in 4. dist. 6. q. 1. ar. 3. distinguit, *triatempora*. *Primum est*, ante CONCILIVM VIENN. & in eo tempore dicit ecclesiam nihil circa rem hanc decreuisse, ut constat ex cap. Maiores de Baptismo. ubi INNOCENTIVS rem hanc ut dubiam inter Theologos reliquit. *Secundum est* post CONCILIVM VIENN. & ante TRID. & in eo dicit, conclusionem hanc fuisse habitam ut probabiliorē, & dictis sanctorum, & Theologorum magis conformem propter determinationem CONCILII VIENN. superius adductam. *Tertium est*, post CONCILIVM TRID. & in eo dicit, conclusionem hanc intellectam de iustitia inherente & intrinsece existente in nobis, esse certam secundum fidem, ita ut qui eam negauerit sit censendus hæreticus: addit tamen in fine illius capi. 19. quid concilium subiecit nomen habitus, & qualitatē, non esse errorem negare, iustitiam esse habitum aut qualitatem; sed esse ingentissimam temeritatem. Et in hac sententia cōueniunt VEGA. lib. 7. in TRID. cap. 14. SVA. Tom. 3. in 3. parte, disp. 16. sect. 1. & CANVS. lib. 7. de locis cap. 2. qui tamē deceptus est in eo quod addidit, scilicet, questionem hanc, *An gratia iustificans sit qualitas animæ impressa, esse de numero earum questionum quæ citra inclinationem pietatis ignorari possunt non modo ab imperitis sed etiam à doctis.* Et hi authores eodem modo quantum ad hoc loquuntur de iustitia nostra & de virtutibus Theologicis. Alij tamen scholastici antiquiores, hoc concilio, de quorum numero sunt GABRIEL in 1. dist. 17. q. 1. ar. 2. concl. 1. & in 3. dist. 33. q. 2. ar. 2. conclu. 3. & ALMAYN. tract. 2. mor. c. 1. loquentes de virtutibus theologicis, videntur dicere, esse de fide eas esse habitus infusos, imo & (ut aliqui referunt) GVIDO connumerat inter hæreses oppositam sententiam.

Sed mihi in hac re, tria videntur dicenda. Pri-

A *mmum est*, ante CONCILIVM TRIDEN. Conclusio nem hanc non fuisse certam secundum fidem; sed solum in eo gradu ut sine magna temeritate non posset negari, *Prima pars* admittitur ab omnibus. & potest facile probari, quia hæc conclusio neque colligitur apertè ex scriptura, neque ex traditione ecclesiastica, neque tunc erat definita ab aliquo concilio, aut pontifice. quod satis aperte significatur, in cap. Maiores de baptismo, & in CLEMENT. vnica de summa trinitate supra citatis. *Secundam* videtur sequi BELLARM. tom. 3. lib. 1. de gratia, & libero arbi. cap. 3. quia dicit conclusionem hanc non solum esse communem sententiam omnium theologorum, sed etiam totius ecclesiæ, & hoc est satis, ut sine magna temeritate non posset negari. esse autem sententiam totius ecclesiæ, probat testimonio CONCILII VIENN. supra adducto, quatenus in eo statuitur, esse recipiendam sententiam, qua asserit infundi in baptismo, tum paruulis, tum adultis, habitus gratiæ, & virtutum; & erit hæc probatio magis efficax, si admittatur ea expositio concilij, quam supra proposui, quia iuxta eam, concilium non approbat tanquam probabiliorē sententiam quæ asserit gratiam & virtutes esse habitus, sed ea supposita ut indubitata & recepta apud omnes approbat opinionem quæ dicit infundi hos habitus tam paruulis quam adultis, in baptismo. Et præter fundamentum, quo ibi probauit debere ita exponi concilium, potest nunc amplius confirmari, quia ratio quam concilium assignat pro sua decisione, est generalis efficacia mortis Christi, quæ per Baptismum applicatur pariter omnibus baptizatis, & ex hac ratione non potest efficaciter inferri gratiæ & virtutes esse habitus: Et hoc supposito infertur, optime huiusmodi habitus omnibus conferri per baptismum.

Secundum est post CONCILIVM TRIDEN. esse certum secundum fidem, gratiam esse formam creatam existentem intrinsece & permanentem in anima nostra, atque ei inherentem. In hoc etiam conueniunt omnes, & sufficit ad eius confirmationem testimonium ipsius Concilij, pro eadem conclusione secundo loco adductum.

C *Tertium est* etiam post idem concilium non esse certum secundum fidem formam hanc quæ est gratia esse habitum, aut qualitatem, aut accidens sed esse certum tanquam conclusionem theologice. In *prima parte* conueniunt omnes supra citati præter BELLARM. qui dicit concilium TRID. quævis noluerit definire an gratia sit habitus proprie dictus, an alia qualitas, definisse satis aperte ipsam esse qualitatem. *Sed contra* eum probatur hæc pars quia concilium nihil definiuit sub nomine habitus, neq; qualitatē, neq; accidentis ergo ex eo non potest colligi tanquam expresse definitum hanc formam esse habitum, aut qualitatem, aut accidens. Patet consequentia quia definitiones conciliorum, tantum comprehendunt expresse ea, quæ per ipsas expresse significantur.

Confirmatur primo quia intentio concilij, cum dicit prudentiam diffundi in cordibus eorum, qui iustificantur & eis inherere, est damnare errorem hæreticorum, qui dicebant gratiam qua homines iustificantur, consistere in aliquo extrinseco, scilicet, vel in sola applicatione iustitiæ Christi, vel in sola remissione peccatorum, sine interna renoua-

tionem, per voluntariam susceptionem gratiæ, vel in solo favore extrinseco Dei, ut patet ex cano. 11. sess. 6. supra citato; ergo solum definiuit id quod necessariū erat ad confutationē huius erroris, scilicet, gratiam esse aliquid reale intrinsece existens in nobis. *Patet consequentia* quia regula generalis est recepta ab omnibus Theologis ad discernendum quid in concilijs definiatur tanquam de fide, id solum definiiri quod necessarium est ad damnandum errorem contra quem definitio conficitur.

Confirmatur secundo ex solutione argumenti quo potissimum probatur opposita sententia, scilicet, quia concilium definiuit gratiam inherere animæ, & ex hoc sequitur eam esse accidentem, cum propria ratio accidentis consistat in inherencia, nam *responderi potest* non haberi immediate ex definitione concilij, gratiam esse accidentem aut qualitatem, sed deduci per consequentiam in qua, propositioni à concilio definitæ, adiungitur alia, nota ex lumine naturali. Scilicet, propriam rationem accidentis consistere in inherencia, & ex hoc probari potest *secunda pars* quia colligitur per eundem consequentiam ex duabus propositionibus, quarum una est de fide, & altera evidens in lumine naturali: Ut si ita argumentemur. Omnis forma quæ inheret subiecto, est accidentem; sed gratia est forma inherens animæ nostræ, ergo est accidentem, & addendo reliqua quæ ex concilio sunt relata, poterit eodē modo colligi ipsam esse qualitatem, & habitum permanentem, ubi *consequentia* est euidenter bona, & minor est certa secundum fidem, & maior est euidentem in lumine naturali.

Dices in hoc argumento committi defectum, quia verbum inherendi in *maiori* significat modum proprium quo accidentem distinguitur à substantia, & in *minori* significat id quod intrinsece convenit alicui rei, ut distinguitur ab eo quod est convenire secundum extrinsecam denominationem.

Sed contra quia nulla est ratio quæ cogat ad hoc ut verbum inherendi non sumatur in significatione propria, ergo concedendum est ita sumi, quia si in sacra scriptura aut concilijs liceret relinquere pro libito proprias vocum significationes, nihil haberemus ex eis certum, & hoc est satis ut sit erroneum hoc tempore negare hanc veritatem; & non obstat id quod idem concilium, sess. 5. decreto de peccato originali.

¶ Tertio, definit peccatum originale inesse unicuique proprium ubi verbum, *in esse*, non importat propriam inherentiam accidentis realis, nam verba concilij sunt accipienda accommodata ad naturam rei de qua loquimur. Et ita cum peccatum originale consistat in quadam privatione; quando concilium dicit ipsum inesse hominibus, non significat inesse tanquam accidentem positivum & reale, sed eo modo quo privatio potest inesse, quod tamen dici non potest de gratia, prout constat ex modo loquendi sacræ scripturæ conciliorum & sanctorum, quæ est quid positivum & reale, nec etiā obstant hæc verba quæ BELLAR. pro se adducit ex catechismo eiusdem concilij, in tractatu de sacramento Baptismi. Est autem gratia quemadmodum TRID. Synodus ab omnibus credendum pœna Anathematis proposita decrevit, non solum per quam peccatorum sit remissio, sed diuina qualitas in anima inherens, ac veluti splendor quidam & lux quæ animarum nostrarum maculas omnes de-

let, ipsasque animas pulchriores, & splendidiore reddit, nam responderi potest catechismum, explicuisse non solum id quod expresse definitur à concilio, sed etiam id quod colligitur ex eius definitione, aut sumplisse nomen qualitatis in significatione latiori qua comprehendit omnem formam, sicut etiam sumplisse late nomina splendoris & lucis, atque pulchritudinis.

Circa solutionem secundi posset disputari, An gratia sit perfectior quam anima cui inheret.

Circa solutionem tertij, An producat per creationem, sed de his agemus infra q. 112.

ARTICVLVS III.

Vtrum gratia sit idem quod virtus.

PRIMA CONCLUSIO. Gratia distinguitur realiter à virtutibus infusis.

SECUNDA CONCLUSIO. Gratia est participatio diuina nature, quæ presupponitur virtutibus infusis, sicut earum principium & radix.

CIRCA primam conclusionem est

D V B I V M.

An gratia distinguitur à charitate.

§. 1. Explicatur titulus dubij & proponitur sententia asserentiū gratiam & charitatē esse eundē habitū.

PER gratiam hic intelligitur gratia habitualis & hæc comparatur solum cum charitate, quia supponitur ut certum, eam distinguere realiter à fide, & spe, ex doctrina certa secundum fidem, scilicet, has duas virtutes, posse manere in peccatore sine charitate vel gratia. In qua re aliqui asserunt gratiam, & charitatem esse eundem habitum in re, qui ut exornat animam, & dat ei esse gratam Deo est gratia; & ut eam perfecit in ordine ad operationem diligendi Deum, est charitas. ita sentiunt ALEX. 3. p. q. 69. mem. 2. art. 4. HENR. quodli. 4. q. 10. ALBER. in 2. dist. 16. ar. 3. RICAR. ar. 1. q. 1. & 4. DVR. q. 1. n. 7. & 8. GABRI. q. vnica. concl. 4. in art. 1. SCOT. disp. 27. q. 1. MARCI. in 2. q. 18. ar. 1. concl. 1. & 2. VEGA. l. 7. in CONC. TRID. ca. 25. & duobus sequentibus. CASSA. lib. 1. de quadripartita iustitia cap. 8. & 9. & BELLAR. tom. 3. lib. 1. de gratia & libero arbitrio, cap. 6. & 7. verum hi non omnino conveniunt inter se quantum ad modum explicandi prædictam distinctionem in hoc habitu; quia ALEXAN. & ALBER. dicunt esse formalem: DVRAN. secundum nomen, reliqui secundum rationem, & cum his refert D. THO. in hoc articulo *magistrum* in secundo. dist. 16.

Et probatur hæc sententia. 1. quia concilium TRID multis modis significat iustitiam qua formaliter sumus iusti, & sancti coram Deo esse charitatem ergo ipsa charitas est gratia gratum faciens. Conseq. patet quia videtur esse maxime proprium gratiæ habitualis reddere nos iustos & sanctos coram Deo. Et antec. probatur quia in primis sess.

6. decreto de iustific. cap. 7. ut doceat quid sit causa formalis nostre iustificationis sic ait: *Demum ut unica formalis causa est iustitia Dei, non qua ipse iustus est, sed qua nos iustos facit; & paucis interpositis explicat quid sit hæc iustitia his verbis. Quanquam enim nemo possit esse iustus, nisi eius merita passionis Domini nostri IESU CHRISTI communicentur, id tamen in hac impij iustificatione fit, dum eiusdem sanctissimæ passionis merita, per spiritum sanctum charitas Dei diffunditur in cordibus eorum, qui iustificantur atque ipsi inheret, & continuo referens habitus, qui in iustificatione infunduntur, sic ait: Unde in ipsa iustificatione, cum remissione peccatorum, hac omnia simul in se accipit homo Iesum Christum; cui inceditur per fidem, spem & charitatem, & deinde in eodē capite dicit, fidem ut habet adiunctam spem, & charitatem, unirens perfecte Christo, & efficere membra vna corporis eius; & paulo post inquit, hanc fidem vitam, hoc est, coniunctam cum spe & charitate, esse id quod catechumeni ex Apostolorum traditione petunt ab ecclesia, cum petunt, fidem, vitam eternam, præstantem, & in fine capitis addit, hanc ipsam fidem vitam esse veram & christianam iustitiam: quam seu primam volem propterea quam Adamus suadobediētia sibi & nobis perdidit, per Christum donatam candidam, & immaculatam inbeant renati conservare, & cap. 10. docet huius iustitie incrementum postulari ab ecclesia cum orat, da nobis domine, fidei, spei & charitatis augmentum: & tandem can. 2. damnat eum qui dixerit homines iustificari exclusa gratia & charitate; & statim subdit in singulari, quæ in cordibus eorum diffundatur, atque illis inhereat ut iudicaret se duobus illis nominibus gratiæ & charitatis, vnum tantum habitum vere significare.*

Probatur secundo, quia in sacra scriptura tribuuntur charitati, ea omnia, quæ authores oppositæ sententiæ tribuunt gratiæ tanquam habitui à charitate distincto, ergo gratia & charitas non sunt duo habitus realiter distincti: probatur antecedens, quia primo tribuitur gratiæ, esse id quo homo constituitur filius Dei, & hoc etiam sacra scriptura tribuit charitati, ut 1. Ioan. 3. videte qualem charitatem dei nobis pater ut filij Dei nominemur & simus. & cap. 4. omnis qui diligit, ex Deo natus est; Secundo, tribuitur gratiæ facere hominem dilectum & gratum, & hoc etiam tribuitur charitati. Ioan. 14. si quis diligit me diligetur à patre meo, & cap. 15. vos amici mei estis, si feceritis quæ ego precipio vobis. 3. tribuitur gratiæ esse vitam animæ & de charitate dicitur, 1. Ioan. 3. qui non diligit manet in morte, & nos scimus quia translati scimus de morte ad vitam quia diligimus fratres. 4. per gratiam dicitur spiritus sanctus habitare in nobis, & ad Romanos 5. legimus, charitas Dei diffusa est in cordibus nostris per spiritum sanctum qui datus est nobis, & 1. Ioan. 4. qui manet in charitate in Deo manet & Deus in eo. 5. per gratiam dicimur à peccato iustificari, & hoc etiam dicitur de charitate. Lucæ 7. remittuntur ei peccata multa, quia dilexit multum. 6. dicunt gratiam esse fontem & radicem omnium virtutum, & hoc etiam dicitur de charitate; Nam propterea, 1. ad Cor. 13. adscribuntur ei actus & munera omnium virtutum. Charitas patiens est, benigna est &c. omnia credit, omnia sperat, omnia sustinet &c. & ad Rom. 13. ait: plenitudo legis est dilectio. 7. dicitur, gratiæ promissa vita æterna, & Iacob. 1. dicitur, coronam vitam repromissam esse diligentibus Deum. 8. gratia præfertur omnibus alijs Dei donis, & de charitate

A dicitur 1. ad Cor. 13. si habuerim omne scire, ita ut moniter transferam, charitatem autem non habuerim, nihil sum, & si distribuero omnes facultates meas in cibos pauperum, & si tradidero corpus meum ut ardeam, charitatem autem non habuerim, nihil mihi prodest: ad Col. 3. super omnia autem charitatem habete, quia est vinculum perfectionis. 9. gratia dicitur coniungere hominem Deo, & hoc etiam dicitur de charitate, 1. Ioan. 4. qui manet in charitate, in Deo manet & Deus in eo.

Confirmatur 1. quia sancti etiam multas ex his proprietatibus tribuunt charitati, nam Dion. de eccl. hierar. c. 2. dicit, dilectionem sine charitate esse id quo regeneramur & constitumur in esse, seu statum divino & efficiamur Deo similes atque ipsi Deo coniungimur. AvG. tom. 7. lib. de gratia Christi, cap. 30. & lib. de natura & gratia, c. 42. 63. & 70. dicit: charitatem esse ipsam iustitiam qua in nobis iusti sumus GR. 10. hom. 27. in euang. ait, charitatem esse fontem omnium virtutum, & hom. 36. dicit charitatem esse vestem illam nuptialem, qua qui carent, mittuntur in tenebras exteriores. BERN. ler. 3. super cant. ostendit, nihil esse quod magis hominem Deo coniungat quam charitatem, & ideo inquit charitate maritatur animam Deo, & PROSP. lib. 3. de vita contemp. cap. 13. ait: charitatem esse mortem criminum, vitam virtutum, & animam sanctarum mentium.

Confirmatur 2. quia iuxta hæc testimonia nullus est effectus proveniens à gratia habituali, qui non possit provenire à charitate, ergo sine necessitate & ratione atque adeo frustra, ponitur habitus gratiæ distinctus, ab habitu charitatis.

3. Probatur ratione, quia si gratia habitualis & charitas distingueretur realiter sequeretur posse divinitus, vnam ab altera separari, cōsequens est falsum; ergo non est dicendum eas distingui realiter; maior patet, quia supposita distinctione reali inter eas, nulla poterit assignari ratio, propter quā repugnet vna earum ab altera separari; & minor probatur, quia si v.g. homo moreretur cum gratia sine charitate, sequeretur eum salvari, quia ratione gratiæ esset acceptus ad vitam æternam, & non salvari; quia sine charitate quæ est vestis nuptialis, nemo admittitur ad vitam æternam, hæc enim vestis dividit filios regni à filiis perditionis, & idē inconueniens sequeretur si homo moreretur cū charitate sine gratia habituali, qui cū caretet gratia, quæ est acceptatio ad vitam æternam, non esset acceptus ad eā atque adeo nō saluaretur, & cum haberet charitatem esset amicus & esset translatus à morte ad vitam: sicut dicitur 1. Ioā 3. & ex consequenti saluaretur. Ultimo si propter aliquam rationem esset ponendus habitus gratiæ distinctus realiter ab habitu charitatis, maxime ut gratia constitueretur tãquã essentia in genere supernaturali, à qua pederet virtutes infusæ, sicut potētia in naturalibus pendet ab essentia, à qua dimanant ut D. TH. docet in hoc art. at hæc ratio nō est admittenda, quia sequeretur illa amissa, amitti omnes virtutes infusæ, hoc est, non solū charitatē, sed etiam fidem & spem, sicut pēcente essentia & substantia alicuius rei, necesse est desinere potentias eiusdē essentia. Dicitur cum CAIET. fidem & spem non pēdere simpliciter à gratia, sed solū quoad rationes, ut sint perfectæ & formatae per gratiā & ut habeāt rationem virtutis. Sed contra, quia fides & spes quāvis nō sint formatae per charitatē, sūt habitus supernaturales, quib. formatio solū addit denominationem extrinsecā, ergo præsupponūt gratiā tãquã substantiā & essentiā in ordine supernaturali ad quā cōsequatur sicut eius potētia.

§ 2. *Eligitur sententia D. THOM. afferentis, gratiam & charitatem, esse duos habitus realiter distinctos.*

PRIMA CONCLUSIO, *Gratia habitualis & charitas, sunt duo habitus realiter distincti.*
Hæc est expressa sententia D. THOM. hoc loco, & de veritate quæst. 27. artic. 2. & in 2. distinct. 26. quæst. 1. art. 4. quam sequuntur omnes eius discipuli, ut CAJETAN. & CONRAD. & alij recentiores expositores in hoc articulo. Antonin. 4. parte, tituli nono, cap. secundo, §. tertio & quarto. Capreol. in secunda distinct. 26. quæst. prima, artic. 1. conclusione prima, & artic. 3. in solutionibus ad argumenta contra eandem conclusionem, & Sotus libro secundo de natura & gratia capite decimo-septimo, & ex alijs Bonau. in secunda distinct. 26. artic. 1. quæst. 1. & in 3. distinct. 27. artic. 1. quæst. tertia & quarta. Thomas de Argentina eodem locis. Egidius in secunda distinct. 26. quæst. 2. articulo primo, & Capusia. ibidem pro ratione DIVI THOMÆ in hoc articulo quæ potest ad hanc formam reduci, virtutes infuse disponunt hominem in ordine ad naturam divinam participatam, ergo præsupponunt eam præexistentem in homine, & ex consequenti distinguuntur realiter ab ea. *Antecedens probatur*, quia Aristotel. 7. phil. text. 17. & 18. sic definit virtutem, *virtus est quedam dispositio perfecti.* Dico autem *perfectum*, quod est dispositum secundum naturam; ubi aperte significat virtutem in vnaquaque re esse eius dispositionem consentaneam suæ naturæ, ergo etiam virtutes infusæ disponunt hominem prout exigit eius natura. *Et virtutes* cum talis natura non sit ipsa natura humana, neque alia naturalis, quia nulla est proportionata fini supernaturali, ad quem disponunt virtutes infusæ, sequitur eam esse aliam altiore naturam, hoc est divinam naturam participatam quæ est ipsa gratia habitualis, iuxta illud, 1. Petri 10. *maxima & pretiosa vobis promissa donavit ut per hac efficiamini divina consortes natura*; & ex hoc manet, probata utraque consequentia: *prima* quidem quia nisi detur talis ordo inter dispositionem & naturam, non poterit intelligi quomodo dispositio superaddatur subiecto secundum id, quod exigit sua natura. *Secunda* vero, quia virtutes infusæ non adveniunt divinæ naturæ participatæ in homine eo modo quo relatio advenit fundamento, sed addendo entitatem requisitam ad complementum & perfectionem talis naturæ; & explicat hoc. D. THOM. exemplo virtutum acquisitarum, quæ quia disponunt hominem in ordine ad lumen naturale rationis, aut ad naturam qua homo est, præsupponunt idem lumen præexistens in homine, & distinguuntur ab eo realiter.

Ad hoc argumentum etiam reduci debet aliud quod DIVVS THOM. habet quæst. 27. de verit. artic. 2. quod est huiusmodi ad consecutionem alicuius finis, tria prærequiruntur; scilicet, natura vel essentia proportionata tali fini; potentia quæ sit principium proximum motus & tenden-

tiæ in eundem finem, & ipse motus. Ergo etiam ad consecutionem finis supernaturalis ad quem Deus subleuavit hominem prærequiruntur hæc tria in ipso homine, scilicet natura quæ sit eiusdem ordinis cum tali fine, quæ ut dixi non potest esse alia, quam diuina natura participata, & potentia quæ sit principium proximum motus in eundem finem, quæ est charitas cum alijs virtutibus infusis, & ipse motus qui consistit in actibus earundem virtutum; & ulterius, ergo sicut in naturalibus semper natura distinguitur realiter à potentia operatiua, ita etiam in supernaturalibus diuina natura participata quæ est gratia, distinguitur realiter à charitate & reliquis virtutibus infusis.

Confirmatur quia possibile fuit hominem ita perfici in ordine ad finem supernaturalem, ut prius recipiat aliquid quod habeat rationem naturæ eiusdem ordinis cum hoc fine, & postea potentias quæ sint principia prima motus & tendentiæ ad eum; ergo ita perficitur de facto & secundum legem ordinariam; *antecedens patet*, quia nulla est ratio repugantiæ, & consequentia probatur, quia id pertinet ad suauitatem diuinæ providentiæ, & totus hic discursus ut refert D. THOM. loco citato, desumptus est, ex DIOXY. de Eccles. Hierarc. cap. 1. parte 1. Vbi inquit, *non posse quem habere duas operationes, nisi prius accipiat esse diuinum, sicut nihil potest habere operationem alicuius naturæ, nisi prius habeat esse in tali natura.*

Ad hoc argumentum ut propositum est secundo loco. *Respondent* aliqui cum DVRANDO quæstione citata, numero quinto, naturam vel essentiam substantialem quam appellat DVRAND. *primum principium essendi quod dat esse substantiale*, distingui realiter à potentia quæ est principium proximum operandi, non tamen naturam vel essentiam accidentalem quam DVRAND. appellat *principium essendi secundarium*, quod dat esse accidentale: sicut eadem forma caloris quæ dat subiecto esse accidentale, scilicet, esse calidum; & ex consequenti, est veluti statuta & essentia accidentalis; est etiam principium proximum operandi, scilicet, calefaciendi, & quia gratia habitualis, est natura & essentia accidentalis, & dat subiecto esse accidentale, ideo non est necesse eam distingui realiter à charitate, quæ est principium proximum agendi, scilicet, diligendi Deum. Et potest hæc solutio applicari argumento, etiam ut propositum est primo loco, quia potest negari antecedens: & ad probationem dicendum est, definitionem ARISTOTELIS intelligi de virtute proportionata, alicui naturæ substantiali, & non de ea quæ non est proportionata naturæ substantiali, sed potius eleuat eam ad altiore ordinem; quia sicut esse in hoc ordine, est omnino accidentale, respectu rei quæ eleuatur ad ipsum; ita eadem forma potest esse principium huius esse, & operationis ei proportionatæ, ut patet in exemplo caloris superius adducto.

Sed quoniam hac solutione defendatur optime esse possibile per respectum ad potentiam Dei absolutam, eandem formam dare homini esse gratum & iustum; & primum esse, ordinis supernaturalis, & esse principium proximum diligendi Deum, & ad hoc propositum sit satis

accommodata distinctio, de esse substantiali, & accidentali, præsertim iuxta sententiam D. I. V. T. H. O. M. A. qui existimat repugnare etiam per respectum ad potentiam Dei absolutam eandem formam esse principium primum essendi & principium operandi: tamen non est absolute sufficiens, quia iuxta eam non satis defenditur fuisse de facto ita dispositum à Deo, cum quantum ad hoc magnam vim habeat suavitatis diuinæ providentiæ, cui est magis consensaneum præstari hos effectus per formas distinctas, quando enim non præstatur eodem modo, ad vitandum inconuenientiam superfluitatis, sicut in hoc casu non præstatur, ut dicam in solutione 2.

CONCLUSIO SECUNDA. Neque in doctrina conciliorum, nec in testimoniis sacra scripturae, aut patrum, habet fundamentum: ita sententiam hanc defendit GABRIEL VASQUEZ tomo secundo in primam secundæ, disput. 198. cap. 3. num. 11. Vbi propterea asserit, posse etiam oppositam sententiam probaliter defendi, & probatur contra aliquos ex recentioribus expositores D. T. H. O. M. respondendo ad testimonia quibus ab eis confirmatur hæc sententia. Primo ergo probatur ab eis, quia in concilio VIEN- NENSI, ut refertur in Clementina unica de summa Trinitate, approbatur ut probabilior sententia, quæ asserit, infundi in baptismo gratiam & virtutes, & in CONCILIO TRID. sessione sexta, decreto de iustificatione cap. 7. dicitur: *iustificationem non esse solam remissionem peccatorum, sed etiam renovationem interioris hominis per voluntariam susceptionem gratiæ, & donorum*: & can. 11. damnatur, qui dixerit iustificari homines exclusa gratia & charitate; in quibus locis, gratia distinguitur à virtutibus & donis, & in particulari ab ipsa charitate.

Et secundo quia in sacra scriptura licet non expresse tradatur hæc distinctio gratiæ habitualis à charitate, videtur varijs modis insinuari, nam in primis significatur cum dicimur iustificari per gratiam aut iustitiam, nulla facta mentione charitatis, magis quam fidei vel spei à quibus certum est gratiam distingui realiter; ut ad Romanos tertio: *iustificari gratis, per gratiam ipsius*, & cap. 5. *gratia autem ex multis delictis in iustificationem*, & inferius, *multo magis abundantiam gratiæ & donationis, & iustitiæ accipietis*, & postea, *ubi autem abundauit delictum superabundauit & gratia*.

Deinde etiam significatur cum dicitur gratiam prius naturæ, dari nobis ut radicem & fontem charitatis, ut ad Romanos quinto: *charitas Dei diffusa est in cordibus nostris, per spiritum sanctum, qui datus est nobis*; ubi diffusio charitatis, tribuitur spiritui sancto iam dato à nobis, scilicet, per gratiam; & ad Galatas quinto: *fructus autem spiritus, est charitas, gaudium, pax, &c.* Vbi etiam charitas refertur ut quid proueniens ex spiritu, qui est gratia habitualis; & tandem significatur cum referuntur tanquam distincta inter se, nos diligere à Deo, & diligere Deum, ut Ioannis decimo-quarto: *qui autem diligit me, diligetur à patre meo, & ego diligam eum*; & primæ Ioannis 4. *non quasi nos dilexerimus Deum, sed quoniam ipse dilexit nos*: quia ex hoc

A sequitur, gratiam habitualement, quæ est terminus actus quo Deus nos diligit, distinguitur realiter à charitate, quæ est principium actus, quo nos diligimus Deum.

Et tertio idem probatur testimonijs: A. V. G. V. S. nam tomo tertio, libro de spiritu & litera cap. 31. sic ait: *Charitas Dei, diffusa est diffundi in cordibus nostris, non quæ nos ipse diligit, sed quæ nos facit dilectores suos*; sicut iustitia Dei, quæ iustis, eius munere efficiuntur, & Domini salus, quæ nos saluos facit, & fides I. E. S. V. C. H. R. I. S. T. I., quæ nos fideles facit. Vbi de iustitia, quæ iusti sumus, loquitur tanquam de re distincta à charitate, non minus quam de charitate ut de re distincta à fide, & tomo septimo, libro de gratia Christi, capite trigesimo ita inquit, *gratiam quæ iustificamur*, id est, *quæ charitas Dei diffunditur in cordibus nostris, per spiritum sanctum, qui datus est nobis*, in PELAGII & CELESTII scriptis nusquam eas inuenit, quemadmodum consistenda est consistere; in quo loco A. V. G. V. S. intelligit sanctum spiritum per gratiam quæ iustificamur, tanquam per radicem diffundi charitatem in cordibus nostris; quod non potuisset dicere si existimaret gratiam & charitatem esse eandem entitatem sicut neque charitatem diffundi per seipsam.

Sed hæc nullam vim habent, nam ad testimonia conciliorum respondent optime V. I. O. A. BELLARMINUS, & VASQUEZ locis citatis, nominari in eis distincte gratiam & virtutes, vel gratiam & dona; aut quia gratia, non identificatur cum omnibus virtutibus & donis, sed solum cum charitate, & ita per gratiam intelligunt charitatem, & per virtutes & dona, reliquas virtutes, aut quia hæc voces, idem significant & earum expressione, res hæc magis explicabatur, & hoc secundo modo intelligendus est, canon II. CONCILII TRIDENTINI, quia cum utrumque nomen conueniat gratiæ iustificanti, recte potuit concilium utroque simul uti ad eandem rem significandam; ut autem intelligamus ibi utrumque nomen sumi pro eadem re, notant optime authores prædicti, non subsequi in numero plurali, quæ in cordibus eorum infunduntur, sed in singulari diffundatur.

Et ad testimonia sacre scripturæ, primi ordinis, dicendum est, nomine gratiæ & iustitiæ, significari donum gratuitum, siue gratis & sine meritis datum, quo intrinsece iustificamur, siue sit ipsa charitas, siue aliud donum ab ea realiter distinctum.

Et ad testimonia secundi ordinis, negandum est significari in eis gratiam habitualement, dari nobis ut fontem & radicem charitatis; nam sensus primi est, charitatem siue quæ est in nobis, siue qua Deus nos diligit, (nam de utraque exponitur ex sacris scripturis) esse diffusam in cordibus nostris, hoc est, abunde communicatam per sanctum spiritum, hoc est, quia sanctus spiritus infundit nobis dona sua, & in eis dat seipsum, & sensus secundus est, charitatem esse fructum non alterius doni creati præcedentis in nobis, sed ipsius spiritus sancti.

Et ad testimonia 3. ordinis, respondetur ex reali distinctione, inter actum quo nos diligimus, &

actum quo Deus diligit nos, non posse colligi esse similem distinctionem inter principium *primum*, & obiectum *secundum*, quia eidem charitati, secundum diversas rationes, scilicet, ut respicit subiectum, & ut inclinat ad operationem, potest utrumque convenire.

Et ad *primum testimonium* AUGUST. respondetur. Ave. in illis verbis PAULI, per charitatem Dei intelligere semper charitatem, quæ est in nobis, & propterea explicare quæ ratione, possit hæc charitas appellari charitas Dei, & non solum charitas quæ est in ipso Deo; & ad hoc adducere reliquas locutiones huic similes, in iustitia, salute, & fide, non vero quia supponat esse inter res significatas per tales locutiones, eandem distinctionem realem.

Et ad *secundum testimonium* dico AUGUSTIN. etiam ibi supponere PAULUM per charitatem, quæ diffunditur in cordibus nostris, intelligere charitatem quæ est in nobis, & hoc supposito dixisse de hac charitate, diffundi per gratiam, qua iustificamur non ut significaret, gratiam distingui à charitate tanquam causam vel radicem eius; sed ut significaret modum quo nobis convenit hæc charitas, scilicet, non per naturam vel liberum arbitrium, sed per gratiam Dei; itaque sicut cum in principio, dixit, gratiam qua iustificamur, non significavit gratiam & iustitiam nostram esse duas formas realiter distinctas, sed iustitiam convenire nobis ex gratia Dei, ita etiam cum statim subiicit, id est, *qua charitas diffunditur in cordibus nostris*, solum voluit significare charitatem communicari nobis, per gratiam; quod tamen non potuisset dicere, si solum videretur nomine charitatis, quia hoc nomine, non importatur specialis ille modus, quo aliquid dicitur nobis convenire per gratiam Dei, hoc est non per naturam.

§ 3. Solvuntur argumenta adducta in principio dubij.

AD PRIMUM RESPONDETUR negando antecedens, ad cuius probationem ut respondeamus, oportet explicare testimonia conc. TRID. eo ordine quo proposita sunt. Et de primis verbis c. 7. dico, conc. ibi non dixisse causam formalem nostre iustificationis esse charitatem, sed iustitiam Dei, non quia ipse iustus est, sed quia nos iustos facit: cum vero paulo inferius solum de habitu charitatis dicit: *per Spiritum sanctum in cordibus eorum qui iustificantur*, non significat infundi, solum hunc habitum, imo sub nomine charitatis, intelligit etiam gratiam habitualement; vel quia iuxta quorundam opinionem sunt idem realiter; vel quia quamvis iuxta alorum opinionem distinguantur realiter, habent inter se inseparabilem connexionem, saltem secundum legem Dei ordinariam; & non meminit expresse utriusque, ne videretur approbare sententiam eorum, qui ponunt realem distinctionem, inter gratiam & charitatem; neque etiam meminit gratiæ, prætermittit charitatem, *tum quia* adducebat illud testimonium PAULI ad probandum iustitiam, qua sumus iusti, esse in nobis intrinsece, & in eo solum sit mæto charitatis; *tum etiam quia* ex actu charitatis, est magis nota hæc doctrina,

Ad de habitu charitatis, quam de habitu gratiæ: & eodem modo sunt exponenda reliqua omnia quæ adducuntur ex illo cap. quia in eis, nomine charitatis, intelligitur etiam gratia, & ponitur potius hoc nomen, quam nomen gratiæ, propter rationes explicatas, propter quas etiam cap. 10. per augmentum fidei, spei, & charitatis, significatur augmentum iustitiæ; non quia sint idem realiter, sed quia habent inter se connexionem inseparabilem. Et *denique* quia cum in can. 11. facta expressa mentione gratiæ & charitatis dicitur, in singulari *diffundatur & inherere*, potest esse verum vel propter realem identitatem vel propter inseparabilem connexionem ut dictum est.

AD SECUNDUM RESPOND. in illis testimoniis sacre scripturæ, tribui charitati multa, quæ de gratia dici solent, non quia sint idem realiter, sed quia secundum legem Dei ordinariam, charitas in nullo reperitur sine gratia habituali, quod recte explicuit CAJET. in solut. ad 1. argumentum, positum contra conclusionem articuli, dicens in prædictis testimoniis, non tribui charitati formaliter, omnes illas excellentias. Et præcipue constituere filios Dei, & iustificare nos à peccatis, sed solum concomitantem.

ET EODEM MODO RESPOND. ad primam confirmationem quæ sumitur ex testimoniis sanctorum.

Et ad *secundam confirmationem* Respondetur 1. negando antecedens, quia ut nunc dicebam multi ex illis effectibus, non tribuuntur charitati formaliter, sed solum concomitantem, propter adiunctam gratiam habitualement. Respond. 2. quoad effectus gratiæ, qui tribuuntur formaliter etiam charitati, non provenire eodem modo ab utraque, sed à gratia, ut à principio primo & radicali & habente modum nature; & à charitate ut à principio proximo & habente modum potentie operariæ; & ideo neutram superflue, quia ad perfectam dispositionem hominis in ordine ad finem supernaturalem, oportet in eo esse utrumque principium inter eundem ordinem.

AD TERTIUM RESPOND. concedendo maiorem, & negando minorem, & ad probationem quantum ad primum casum, dico, hominem illum salvati, quia gratia convenit formaliter reddere nos iustos & gratos Deo & acceptos ad vitam æternam: cum vero charitas appellatur *visus nuptialis*, debet intelligi concomitantem, scilicet, propter inseparabilem connexionem, quam secundum legem Dei ordinariam, habet cum gratia habituali, pertinebit autem tunc ad suavitatem divinæ providentiæ restituere homini illi, habitum charitatis, ne in statu beatitudinis careret illa perfectione. Et quantum ad secundum casum GABR. VASQ. loco citato concedit hominem illum salvati, quia existimat charitatem, licet ponatur habitus distinctus à gratia, debere constitui talis nature ut vere sit iustitia animæ & sufficiens emundare à peccato; imo idem dicit esse probabile de solo affectu dilectionis.

Sed mihi oppositum videtur verius, de quo agendum est infra, q. 113. & ideo, dico hominem in illo casu non salvati, quia *neque* esset positivè & intrinsece iustus & gratus Deo, *neque* acceptus ad vitam æternam; quia iuxta sententiam asserentem gratiam & charitatem distingui realiter inter se, dicendum est,

est,

est, vnamquamque earum, habere proprium effectum, qui alteri non tribuatur formaliter; & constat hunc effectum respectu gratiæ potissimum esse, facere nos gratos Deo, & iustos, atque adeo acceptos ad vitam æternam; non tamen est concedendum hominem illum in tali casu damnari, quia supponimus eum esse liberum ab omni peccato mortali; & propterea dicendum est pertinere ad diuinam providentiam in eo casu, supplere hunc effectum, vel dando huic homini gratiam habitua-lem, vel efficiendo vt sola charitas non quidem connaturaliter & intrinsece, sed ex institutione & quasi moraliter daret homini hunc effectum.

Ad obiectionem contra hoc factam, Respondetur proprium effectum charitatis, vt distinguitur à gratia, non esse dare homini esse amicum aut iustum, sed constituere ipsum potentem in actu primo ad diligendum Deum amore supernaturali, neque de facto ipsam solam & separatam à gratia, dare homini diligere actu Deum, amore amicitiae, quia deest fundamentum, scilicet, conuenientia in natura diuina; sicut etiam virtus amicitiae acquisita, solum dat homini posse proxime diligere alium hominem amore amicitiae, non tamen actu esse amicum aut diligere actu ipsum si desit conuenientia in perfectione aut conditione requisita ad amorem amicitiae.

Ad vltimum omissa solutione CAISTAN. ibi relata. Respondetur virtutes infusas respectu gratiæ habitualis, non comparari cum potentis respectu essentiae, quantum ad modum dependentiae, quem potentia habent ab essentia qui est dependere vt ab efficiente, & conseruante vt à subiecto, non enim pendent his modis virtutes infusae à gratia habituali, sed quantum ad hoc quod est esse principia proxima operationum supernaturalium, quibus ex suauitate diuinæ providentiæ responderet in anima gratia habitualis, tanquam essentia & natura eis proportionata intra ordinem supernaturalem; & ita potentia ex natura rei postulant essentiam à qua oriuntur & conseruentur, & ex consequenti naturaliter non possunt permanere destructa essentia; at vero virtutes infusae solum postulant gratiam habitua-lem in anima, ex suauitate rerum ordinatione & dispositione, & non ex natura rei; & quamuis hæc ordinatio quantum est ex parte Dei, non sit immutanda, tamen ex culpa hominum potest prouenire, vt immutetur, scilicet, quia ipsi peccata committunt quæ repugnantiam habent cum gratia habituali, & non cum fide aut spe.

Sed adhuc hoc explicato, inquirenda restat vltima differentia gratiæ; quam DRYVS THOM. explicat verbis propositis in secunda conclusione, quæ desumpta sunt. vt patet in corpore artic. ex 1. cap. epistolæ secundæ D. PETRI vbi dicitur: *Per quem maxima & pretiosa nobis promissa donauit, vt per hac efficiamini diuina conserues natura*. Quæ verba explicauit difficillima sunt. Vt igitur illa explicemus, veritatemque declaremus,

CIRCA secundam conclusionem est

CONTROVERSA.

Utrum ex illis verbis D. Petri, colligatur gratiam esse formalem participationem diuinæ naturæ secundum id, in quo prima & essentialis ratio ipsius consistit?

§ 1. Explicentur difficultates termini & status questionis declaratur.

PRO DECLARATIONE tituli, explicandi sunt tres termini, scilicet gratia, formalis participatio diuinæ naturæ, & prima & essentialis ratio diuinæ naturæ. Et quamuis oporteret etiam explicare quid Apostolus intellexerit per maxima & pretiosa promissa, & per esse conserues diuinæ naturæ; tamen quia de his est agendum in argumentis quæ fauent parti negatiuæ, & in eorum solutionibus, ideo nunc solum dicemus de tribus terminis propositis.

Et circa primum est aduertendum nomen, gratia, habere varias significationes, quæ ab scholasticis referuntur in principio huius materiæ de gratia: ex quibus illa est magis recepta apud patres, & concilia qua sumitur pro dono aliquo supernaturali excedente totum naturæ ordinem, & ita sumitur in titulo. Verum quia hoc donum potest esse multiplex, scilicet aut auxilium aliquod supernaturale ad exercendum actus supernaturales, aut etiam ipse actus supernaturalis, aut habitus; ideo etiam nomen, gratia, ita sumptum extenditur ad omnia hæc significata, & à nobis nunc sumitur pro habitu supernaturali. Et quoniam habitus supernaturalis diuiditur in habitum, qui est principium operandi, & in habitum qui dat esse per modum naturæ in ordine supernaturali. siue hæc diuisio sit in membra realiter distincta, vt vult D. THOMAS, siue in diuersas rationes eiusdem habitus secundum rem, vt vult SCOTVS: ideo etiam gratia sumpta pro habitu supernaturali, habet hæc duo significata, & à nobis sumitur nunc prosecundo, quod à Theologis appellatur gratia gratiam faciens, aut iustificans, vel seruans aut sanctificans.

Circa secundum terminum, scilicet, formalis participatio diuinæ naturæ. Notandum est, quod sicut representatio est duplex, quædam formalis, quæ consistit in hoc, quod est esse formaliter ipsum obiectum representatum, non secundum modum essendi, quem obiectum habet in se ipso, sed secundum modum essendi representatiuum: sicut imago CÆSARIS est formaliter CÆSAR in esse representatiuo, & quæcunque imago est eodem modo, suum obiectum, quod representat. Et alia est virtualis, quæ non consistit in hoc, quod est esse formaliter obiectum, quod dicitur representari, sed in hoc quod est gerere vicem eius, tãquam ipsius virtutis in ordine ad aliquem effectum: sicut sæpe effectus gerit vicem suæ causæ, in ordine ad alium effectum eiusdem causæ: vt semen gerit vicem arboris, ad producendum aliam arborem limitè priori: & de speciebus, quæ deseruiunt potentis cognoscitiuis, quidam censent representare sua obiecta priori modo, & quidam posteriori: ita etiam

participatio diuinæ naturæ potest esse duplex. Quædam *formalis*, quæ consistit in hoc, quod est esse formaliter ipsam naturam diuinam, quantum ad id, quod ex ipsa dicitur participari, non secundum modum essendi, quem habet in ipsa, qui est esse illud per essentiam, & sine vlla limitatione: quoniam hic modus est inparticipabilis, & inuoluit repugnantiam, quod participetur: quia sequeretur quod esset, & non esset participatus, aut limitatus, sed secundum alium modum, qui est esse id, secundum quod diuina natura dicitur participari, non per essentiam, & sine limitatione, sed per participationem, & cum limitatione. Et hoc modo perfectiones creaturæ, quæ appellantur à Theologis, simpliciter simplices, possunt dici, participationes formales diuinæ naturæ, quantum ad easdem perfectiones, quæ sunt in ipsa formaliter, remotis imperfectionibus limitationis, aut participationis, & accidentalitatis. Et alia est participatio *virtualis*, quæ consistit in hoc, quod est esse aut formaliter id, quod in Deo est tantum eminenter, aut virtualiter, per modum effectus, id quod in Deo est formaliter. Et hoc modo perfectiones creaturæ, quæ à Theologis appellantur, perfectiones secundum quid, possunt dici participationes virtuales diuinæ naturæ: quia sunt formaliter id, quod in Deo est tantum eminenter. Aut sunt virtualiter per modum effectus, id quod in Deo est formaliter, ut albedo habet formaliter esse albedinis, quod in Deo est tantum eminenter: & habet virtualiter per modum effectus esse diuinæ omnipotentis, quod est formaliter in Deo: quoniam in effectu est virtualiter sua causa. Dico autem *virtualiter* per modum effectus, ut distinguam hunc modum essendi virtualiter ab eo, quo causa dicitur esse virtualiter suus effectus.

Circa tertium terminum, scilicet, *prima, & essentialis ratio naturæ diuinæ*, notandum est quod quamuis in Deo nulla sit distinctio realis præter eam, quæ reperitur inter diuinas personas, neque formalis actualis; tamen noster intellectus per ordinem ad ea, quæ sunt in creaturis realiter distincta, distinguit eadem proportionaliter in Deo cum aliquo fundamento ex parte ipsius Dei: quod interdum est distinctio realis personarum, & interdum infinitas, & eminentia eius. Quare, sicut in creaturis reperiuntur hæc *quatuor* realiter distincta, scilicet, *natura*, quæ est prima radix, & fundamentum reliquorum; *proprietates*, & *potentia*, quæ sunt principia proxima operationum; *operationes ipsæ*, & *personalitas*, aut *hypostasis*, quæ constituit suppositum, cui conuenit operari, ut quod operatur. Ita etiam proportionaliter distinguit hæc eadē noster intellectus in Deo, & *in primis* concipit aliquid per modum radicit, & fundamenti reliquorum, atque adeo per modum naturæ, quod est, & appellatur essentia, & natura diuina; *secundo*, concipit alia per modum potentiarum, quæ sunt principia operationum; cuiusmodi sunt intellectus, & voluntas, & per modum proprietatum talis naturæ; cuiusmodi sunt bonitas, sapientia, iustitia, & reliqua attributa. *Tertio* concipit alia, per modum operationum procedentium ab his potentijs, cuiusmodi sunt intelligere & velle. *Et demum* concipit alia per modum personalitatum determinantium id, quod habet rationem naturæ ad constitutionem personarum, quibus conueniat

A operari, ut id, quod operatur. Inter hæc autem quatuor, quamuis à parte rei non sit ordo, sicut neque distinctio actualis; neque etiam processio, aut emanatio aliqua, sed omnia sunt formaliter idem; tamen noster intellectus concipit ea per respectū ad creaturas cum ordine simili, & cum distinctione explicata, & id quod concipit per modum naturæ, & ut radicem, & fundamentum reliquorum, habet primum locum secundum hunc modum concipiendi: & hoc intelligimus in titulo per primam, & essentialem rationem essentis diuinæ.

Ex his sequitur, sensum tituli huius questionis esse, an ex verbis in eo propositis colligatur, *gratiam gratum facientem, sine iustificante*, esse secundum suam intrinsecam entitatem, participationem formalem naturæ diuinæ, non quantum ad aliquam perfectionem, quæ habeat rationem potentis, aut attributi, vel operationis, aut actus secundi, sed quantum ad id, quod concipitur per modum naturæ, & essentis præsuppositæ ad hæc omnia. Ita ut sicut dicimus, lumen gloriæ esse formaliter lumen diuinum participatum, & sapientiam creatam esse formaliter diuinam sapientiam participatam: ita etiam dicamus gratiam iustificantem esse formaliter diuinam naturam participatam?

§ 2. Argumenta pro parte negativa.

Pars *negativa*, probatur primo, quia per *promissam*, per quæ dicit Apostolus, nos efficiendos consortes diuinæ naturæ, non intelligitur gratia habitualis: ergo ex hoc testimonio non colligitur, hanc gratiam esse formalem participationem diuinæ naturæ, secundum rationem naturæ. *Consequentia patet*, quia ex hoc testimonio solum potest colligi de eo, quod intelligitur per *promissam*, debere esse talem participationem diuinæ naturæ, ut reddat nos consortes ipsius. *Antecedens probatur* tribus medijs.

Primum est, quoniam per illa *promissa* intelligitur hoc loco sacramentum Eucharistiæ. Quod probatur testimonijs sanctorum, qui peculiariter tribuunt Eucharistiæ, dare nobis consortium cum Deo, quod est reddere nos consortes diuinæ naturæ. Nam in primis Dionys. lib. de Ecclesiastica hierarchia, cap. 3. cui titulus est, de ijs, quæ in Synaxi perficiuntur, inquit: *Cum Eucharistia peculiariter tribuatur nomen communionis, aut societatis, vel consortij, & Synaxis, aut collectionis; cum vnum quodque sacramentum suo modo operetur unionem, & societatem hominū cum Deo*. Et respondet cōmunionibus aliorum sacramentorum, perfectionem accedere ex hoc sacramento. Et addit rationem his verbis. *Non enim fere licet vllum sacramentum perfici Hierarchicum, nisi diuina Eucharistia, ut caput omnium, quæ sigillatim perficiuntur, eius, qui initiatus est ad id, quod est vnum, coniunctionem sanctis operetur, & diuinitus tradita virtute perficientium sacramentorum consummet eiusdem ad Deum communionem*. Vbi Dionysius aperte docet, esse proprium Eucharistiæ, dare nobis consortium diuinæ naturæ. Et vbi legimus *communionem*, habetur in Græco, *nomen* deductum à verbo, quo Petrus, hoc loco est usus ad significandum, fieri consortes. Et per id, quod

est unum debet intelligi *Dens*, ut ipse DIONYSIUS verbis sequentibus exposuit, & colligitur aperte ex Græco, ubi vox, *unum*, ratione articuli præpositi habet emphasim, & significat id, quod per excellentiam dicitur *unum*. Et ita exponunt DIONYSIUM MAXIMUM in scholijs eiusdem capitis, & PACHYMERAS in paraphrasi. Et postea DIONYSIUS in fine eiusdem capitis, ut explicet, qua ratione Christus instituerit fieri nostrum, cum sua diuinitate consortium apponit hæc verba. *Quod unum simplex, & occultum est in Iesu diuinissimo verbo humanitatis nostræ assumptione ad id, quod concretum est & visibile sine ulla mutatione pro sua erga nos beniguitate, & humanitate exiuit, & nostri secum communionem, qua unum facit, benigne procurauit, ea, quæ in nobis humilia sunt, cum diuinissimis eius summe coniungens, sicut enim nos, ut membra corporis congruenter coagmentemur ipsi.*

Vbi in primis notanda sunt illa verba: *Nostris secum communionem, qua unum facit benigne procurauit ea, quæ in nobis humilia sunt, cum diuinissimis eius summe coniungens.* Quoniam per communionem, & coniunctionem summam, cum Christo, & cum diuinissimis eius: significatur proculdubio illud consortium, cum diuina natura, de quo loquitur PETRVS. Et per verbum: *Benigne procurauit*, denotatur, hanc communionem, & vnionem esse distinctam ab vnione per incarnationem: quoniam significatur fuisse procuratam à verbo post incarnationem. Et vltius notanda sunt illa verba: *Sicut enim nos, ut membra corpori congruenter coagmentemur ipsi.* Quoniam significant, non posse nos peruenire ad prædictam vnionem, nisi per Eucharistiæ summationem: quia per eam coagmentamur Christo, sicut membra corpori. Et ita ex hoc loco aperte colligitur iuxta DIONYSII sententiam tribuendum esse Eucharistiæ hunc effectum, qui est reddere nos consortes diuinæ naturæ.

Quod autem Dionysius senserit, nos coagmentari corpori Christi, sicut membra eius per summationem Eucharistiæ, constare potest facile. Tum, quia, ex professo agit ibi, de institutione Eucharistiæ. Tum etiam, quia in his verbis alludit ad illud Pauli ad Ephesios capite quinto. *Quia membra sumus corporis eius, de carne eius, & de ossibus eius.* Vbi Paulum significare nos effici membra corporis Christi per summationem Eucharistiæ, tradunt Irenæus libro quinto aduersus Hæreses capitulo secundo, Cyrillus Alexandrinus libro secundo in Ioannem, capitulo vigesimo-sexto, & vigesimo-septimo, Hierosolymitanus loco statim citando, Chrysostomus homilia quadragesima-quinta, in Ioannem, & homilia sexagesima-prima, ad populum Antiochenum, Theodoretus in expositione eiusdem testimonij, & Augustinus libro secundo in aduersarios legis, & prophetarum capitulo nono.

Neque solum Dionysius tribuit hoc Eucharistiæ, sed & Cyrillus Hierosolymitanus catechesi quarta mystagogica, ubi sic ait: *Sic Christiferi orimus, hoc est Christum ferentes, cum eius corpus & sanguinem in membra nostra rebeperimus. Atque ita ut B. PETRVS dicit, diuina natura consortes efficiemur.* Et Damascenus lib. 4. fidei cap. 14. ubi sic ait: *Participatibus autem, etiam hoc sacramentum dicitur, quia per illud diuinitatis IESU participes efficiemur.* Imo & Ecclesia videtur sentire hoc idem, quoniam in ea

A oratione, quam sacerdotes in missa dicunt, cum admiscunt aquam vino consecrando, sic habetur: *Tribue nobis, quesumus, per huius aquæ & vini mysterium eius diuinitatis esse consortes, qui humanitatis nostræ fieri dignatus est particeps.*

SECUNDVM MEDIUM ad probandum idem antecedens est, intelligi, per illa promissa, incarnationem verbi Diuini: non quatenus per eam est nobis communicata gratia, de qua disputamus, sed quatenus ratione vnionis humanitatis Christi cum persona Verbi, omnes (quatenus cum Christo conuenimus in humanitate, & in ipso continemur, tanquam in capite, dicimur euetrad consortium cum diuina natura. Quod in primis probatur testimonio Oecumenij, qui in expositione horum verborum, sic ait: *Diuina autem natura consortes facti sumus per Domini ac Dei aduentum, qui nostra natura primitias in se ipso assumpsit, & assumendo sanctificauit. Quod si primitia sancta, sancta est & massa. Porro massa primitiarum non alia est, quàm illa, ex quibus sunt primitie.* Et deinde probatur testimonio Leonis primi, qui sermone primo in Natiuitate Domini ita inquit: *Deponamus veterem hominem, cum actibus suis: & adepti participationem generationis Christi, carnis renunciamus operibus. agnosce, o Christiane, dignitatem tuam, & diuinam consortis factus natura, noli in veterem vitiatem degeneri conuersatione recidere.*

ET DEMVM probatur ratione: quia per promissa absolute, intelligitur, per excellentiam Christus qui fuit promissus primis parentibus à principio mundi in nostram reparationem: & postea ABRAHAMÆ, & DAVIDI, & in omnibus sacrificijs, & ceremonijs veteris legis adumbratus. Et ita apud Iudeos, significatur absolute, nomine *veniri*. Et hoc denotat in Græco articulus, præpositus voci, *promissa*, quasi diceretur, *illa promissa*.

TERTIVM MEDIUM est, quoniam hoc loco fit sermo de promissis, quæ eo tempore, de quo loquitur PETRVS, scilicet, in aduentu Christi, fuerunt primo donata, & antea solum erant promissa: at gratia iustificans non fuit primo data in noua lege: quia multi in veteri lege fuerunt vere iusti: atque adeo habuerunt huiusmodi gratiam: ergo hoc loco per promissa non intelligitur gratia iustificans.

Secundo probatur eadem pars negatiua: quia per consortes diuinæ naturæ non significatur hoc loco, habere aliquam conuenientiam, & vnitatem physicam cum diuina natura: sed solum significatur, habere quandam conuenientiam, & communionem moralem cum ipsa: quæ consistit in consensione quo ad voluntatem, & affectum. Ergo quamuis per promissa, intelligatur, gratia iustificans, non potest colligi ex hoc testimonio, illam esse participationem formalem diuinæ naturæ. *Consequentia patet:* quia ex hoc testimonio ita explicato solum potest colligi, gratiam debere esse talem participationem diuinæ naturæ, ut possit esse in nobis causa, siue formalis, siue efficiens consortij: quod consistit in prædicta conuenientia morali. Ad hoc autem satis est, quod ipsa gratia per se, & per virtutes, atque auxilia sui ordinis, det nobis vires ad habendum hanc conuenientiam: & hoc bene potest intelligi conuenire ipsi gratiæ, quauis, non sit talis participatio formalis diuinæ naturæ, qualis describitur in explicatione tituli. Et

antecedens probatur primo, quia videtur esse ita explicatum à Petro illis verbis, quæ statim subiecit: *Fugientes eius quia in mundo est, concupiscentia corruptionem*, quoniam per ea explicantur præcedentia, & quid sit intelligendum, per esse consortes diuinæ naturæ. Quasi diceretur, tunc nos futuros esse cōsortes, cum alienari ab operibus corruptis & prauis, quæ sunt in mundo per concupiscentiam adhaeremus Deo per consensionem cum eius voluntate. Hoc est, seruauerimus nos puros à peccatis, & ab omnibus, quæ ab huiusmodi consensione distrahunt.

Secundo probatur idem antecedens: quia idem intellexit PETRVS hoc loco per esse consortes diuinæ naturæ, quod IOANNES in prima epistola capitulo primo, intellexit per societatem cum Patre & Filio, cum sic ait: *Quod fuit ab initio, quod audimus &c.* Et paucis interpositis de Verbi incarnatione. *Quod vidimus, & audimus, annunciamus vobis; ut & vos societatem habeatis nobiscum, & societas nostra sit cum Patre & cum Filio eius Iesu Christo.* Quod pater, tum ex identitate doctrinæ de hoc consortio cum Deo in utroque loco: quia utrobique sit sermo de consortio dato hominibus tempore aduentus filij Dei in carne. Tum etiam ex identitate vocis, quæ in Græco ponitur in his duobus locis pro consortio, & societate. Sed IOANNES, per societatem intellexit convenientiam moralem, quæ consistit in similitudine, & vnitate cum Deo, quod ad affectum, ut ipse explicuit paulo inferius, declarans, qua ratione amittatur aut retineatur in nobis prædicta societas, his verbis: *Si dixerimus quoniam societatem habemus cum eo, & in tenebris ambulamus, mentimur, & veritatem non facimus. Si autem in luce ambulamus, sicut ipse est in luce, societatem habemus ad invicem.* Ergo etiam Petrus per esse consortes diuinæ naturæ intellexit habere eandem convenientiam moralem.

TERTIO, ut per gratiam iustificantem detur nobis consortium physicum cum diuina natura, non est necesse quod ipsa gratia sit participatio formalis diuinæ naturæ in sensu explicato in titulo. Ergo etiam si hoc testimonium intelligatur de gratia iustificante, & de consortio physico, non potest colligi ex eo, quod gratia sit talis participatio. *Consequentia patet*: quia tunc maxime poterit hoc colligi, cum dno illi termini ipsius testimonij accipiantur in prædicto sensu.

Et ut probemus antecedens supponendum est, posse intelligi duplex consortium physicum inter nos, & naturam diuinam media gratia. *Unum* est per modum convenientiæ in prædicato communi sumpto à forma, quæ formaliter sit in Deo, & in nobis; ita ut ratione naturæ diuinæ, quæ est in Deo formaliter, & ratione gratiæ, quæ in nobis est etiam formaliter, conueniamus, & simus vnum cum Deo, in hoc prædicato, *Deus*, sumpto pro natura diuinā in concreto, ut comprehendit naturam diuinā per essentiam; & participatam, ad eum modum, quo PORPHYRIUS capite de specie dixit, plures homines participatione speciei, scilicet naturæ humanæ esse vnum hominem.

Et alterum per modum vnionis & coniunctionis physice cum ipsa substantia Dei, ita ut dicamur physice vniti & coniuncti Deo secundum suam substantiam ratione gratiæ, tanquam dispositionis, aut conditionis requisitæ ad habendum hanc

vnionem, ad eum modum, quo Theologi dicunt, Deum & personas diuinas, secundum suam substantiam, esse in iusto ratione gratiæ, modo quodā speciali, & distincto à cōmuni, quo est in omnibus rebus per essentiam, præsentiam, & potentiam.

Et hoc suppositio sic argumentor, Si PETRVS loquatur de consortio physico cum diuina natura, non potest intelligi de priori, sed necessario est intelligendus de posteriori. Tum quia posterius est magis perfectum, & magis repugnans peccato, iuxta omnes sententias Theologorum circa repugnantiam gratiæ cum peccato: atque adeo videtur esse potissimum intelligendum per consortium factum per promissā, de quibus loquitur PETRVS. Tum etiam quia Theologi omnes & Sancti, cum loquuntur de eo modo, quo Deus est in iusta ratione gratiæ, solum meminerunt posterioris consortij, & non prioris, ut constat ex DIVO THOMA, prima parte, quæstione octaua, articulo tertio, & quæstione quadragesima-tertia, articulo tertio. Sed ut per gratiam habeamus posterius consortium physicum cum Deo, non requiritur, quod ipsa gratia sit participatio formalis diuinæ naturæ secundum primam, & essentialem rationem ipsius, ut nunc suppono ex his, quæ locis citatis dici solent de hoc consortio. Ergo ut per gratiam detur nobis consortium physicum cum diuina natura, de quo loquitur PETRVS, non est necesse, quod gratia sit talis participatio diuinæ naturæ.

VLTIMO id, quod in Deo habet modum naturæ, siue primæ & essentialis rationis, non est participabile formaliter, imo repugnat, quod ita participetur. Ergo gratia iustificans non potest esse participatio formalis diuinæ naturæ, secundum prædictam rationem: & ex consequenti non colligitur hoc ex testimonio PETRI, in quo nihil, quod non sit verum potest contineri. *Probatur antecedens*: quia in Deo, id quod habet modum naturæ, siue primæ & essentialis rationis, est *esse ens per essentiam*: sed non est participabile formaliter, *esse ens per essentiam*: ergo neque est participabile formaliter id, quod in Deo habet modum naturæ, siue primæ & essentialis rationis. *Minor patet*: quia (ut dicebam in explicatione secundi termini contenti in titulo) inuoluit repugnantiam, quod *ens per essentiam* participetur participatione formali: quia si daretur talis participatio, sequeretur, quod in ea esset formaliter *ens per essentiam*: quia hoc requiritur ad formalem participationem (ut ibidem dixi.) Et vterius sequeretur quod huiusmodi ens esset & non esset intrinsece & secundum se participatum & non participatum, limitatum & non limitatum: quia si est formaliter *ens per essentiam*, ergo continet totam latitudinem essendi; & ex consequenti secundum se, & intrinsece non est participatum, nec limitatum. Si vero est formaliter *ens per participationem*, ergo secundum se & intrinsece est participatum, & limitatum.

Maiores eiusdem syllogismi probatur duobus medijs. *Primum* est, quia illud in Deo habet rationem naturæ, quod est ita proprium Dei, ut nulli naturæ creatæ nec creabili possit formaliter conuenire: sed omnia quæ in Deo possunt concipi per modum naturæ, prout natura distinguitur à potentijs, & proprietatibus, & actibus secundis, possunt conuenire formaliter naturis creatis, præter esse ens per essentiam; quoniam hæc sunt, tantum

esset, scilicet, esse ens per essentiam, esse viuentis, de esse creature rationalis: & ex his duo posteriora conueniunt formaliter naturis creatis intellectibus. Ergo solum essentia per essentiam habet in Deo rationem naturæ.

DEUS autem est aliam Deo, quæ possunt concipi per modum naturæ, & sunt in propria ipsius, ut nulli naturæ creatæ nec creabili possint formaliter conuenire, scilicet, posse cognoscibiliter subsistere sine tali diuisione in tribus personalitatibus realiter distinctis: & esse conuenialiter intellectum suprà, prout est in se, & comprehenditur.

Sed contra verumque obijci potest, præsupponere in Deo esse ens per essentiam, tanquam rationem à priori: quia eo quod natura diuina, est ens per essentiam, prout est, quod posset tres personalitates realiter distinctas in quibus subsistat sine diuisione, & quod sit cognoscibilis ipsi ipsius comprehenditur: & ex hoc loquuntur aperte neutrum habere in Deo modum naturæ.

Secundum modum est, quia esse ens per essentiam in Deo præsupponitur omnibus, quæ in ipso reperiuntur, tanquam radix & fundamentum eorum nostro modo concipiendi, aut tanquam ratio à priori, sicut dictum est immutabilitatem in Deo esse rationem à priori respectu eternitatis, ergo in Deo quod habet modum naturæ, siue primæ & essentialis rationis, est esse ens per essentiam. **Hæc conueniens** a patet ex ipsi, quæ dat in explicatione, recte terminantur utroque concessis, & antecedens probatur. **Tum** quia in Deo vane reperitur esse ens per essentiam, & non tanquam gradus communis analogice ipsi cum creaturis: quia nullo modo conuenit creaturæ esse ens per essentiam, sicut conueniunt prædicata quæ sunt analogice communis ipsi cum Deo: neque tanquam attributum, aut proprietas consequens nostro modo intelligendi ad aliquod aliud prædicatum. Quia sicut esse ens per participationem in creatura, non præsupponit aliud prædicatum, ad quod consequatur: ita neque in Deo esse ens per essentiam. Ergo reperitur in Deo tanquam gradus particularis & proprius ipsius, & ut primus, atque adeo, ut specificus nostro modo intelligendi. **Tum etiam** quia sicut, quia ens determinatur per esse per se, & per esse in alio, ad constituendum id, quod est primum in naturis substantiæ & accidentiæ: ita nostro modo intelligendi determinatur per esse per essentiam ad constituendum id, quod est primum in natura infinita, quæ est diuina. Ergo sicut esse ens per se præsupponitur ad omnia, quæ conueniunt naturæ substantiæ, tanquam radix eorum: & esse ens in alio ad omnia, quæ conueniunt naturæ accidentiæ: ita esse ens per essentiam præsupponitur nostro modo concipiendi ad omnia, quæ conueniunt naturæ diuinæ tanquam radix & fundamentum eorum, aut tanquam ratio à priori. **Et denique** quia hæc causalis est vera, quia Deus est ens per essentiam, ideo est viuens & intellectus, & bonus & sapiens, & habet reliqua omnia, quæ ipsi attribuantur. Ergo esse ens per essentiam præsupponitur in Deo ad omnia, quæ sunt in ipso tanquam ratio à priori, aut tanquam radix & fundamentum nostro modo concipiendi. Sicut diximus immutabilitatem in Deo esse rationem à priori respectu eternitatis, quoniam hæc causalis est vera, quia

A. Deus est immutabilis ideo est eternus.

§ 2. Ostenditur quid intelligatur D. PATRVS per illum certumque promissa.

PRIMA CONCLUSIO. Quoniam non fit necesse, dicere PATRVM per promissa, intelligere aliquod aliud nostris inherens, per quod formaliter efficiatur consortis diuina naturæ: tamen prohibetur minus, & conformis doctrina Ecclesiæ & Sanctorum & verbis Petri loquentis, qui id asserunt.

Prima pars videtur satis nota ex testimoniis sanctorum & alijs fundamentis, quæ in primo argumento adduximus ad probandum PATRVM per promissa, non intelligere huiusmodi donum, sed aliquid aliud, siue aliud sit sacramentum Eucharistiæ siue incarnatio Verbi diuini.

Secunda vero pars probatur. Et in primis illud esse conformis doctrina Ecclesiæ probatur. **Primo**, quia ex Ecclesiæ doctrina, habemus nos re-

B nasci ex Deo, & transferri statum filiorum Dei cum accipimus gratiam, quæ iusti efficiunt nobis inherens, ut constat ex Concilio Tridentino sessione sexta, de decro de iustificatione, cap. 3. & 4. sed nasci ex Deo & fieri filium Dei est accipere naturam diuinam, sicut nasci ex homine & fieri filius hominis, est accipere naturam humanam: ergo iuxta hanc Ecclesiæ doctrinam, accipere gratiam iustificationis est accipere naturam diuinam.

Et vbi quia hoc est fieri consortes diuinæ naturæ, sequitur, quod sit conforme huic doctrina Ecclesiæ asserere PATRVM per promissa, quibus efficiuntur consortes diuinæ naturæ intelligere gratiam iustificationis.

Dicas, hoc argumento solum conueni, conuenire nobis consortium diuinæ naturæ ratione gratiæ iustificationis, non tamen PATRVM loqui de hoc consortio: quia potest nobis conuenire consortium alijs medijs, scilicet, ratione incarnationis Verbi, & ratione assumptionis Eucharistiæ: & non est necesse dicere PATRVM, loqui de terminato de eo consortio, quod nobis tribuitur media gratiæ iustificationis. Sicut non est necesse quodlibet dogma nostræ fidei contineri in quocunque testimonio scripturæ.

Sed contra: quia hoc sufficit ad defendendum priorem partem conclusionis, scilicet, non esse necesse asserere PATRVM loqui de hoc consortio, non tamen ad negandum posteriolem: quia negari non potest esse conformis doctrina Ecclesiæ, asserere PATRVM loqui de eo consortio, quod ecclesiæ tradit, quando in verbis aut sensu PATRVS nihil est quod repugnet.

Secundo, iuxta doctrinam Ecclesiæ, nobis non solum est datum per Christum consortium diuinæ naturæ extrinsecum & virtuale, & commune omnibus, quale est illud, quod habemus in ipso Christo, quatenus in eo, ut in capite nostro virtutibus continemur: neque solum est datum consortium quod sit aliquo modo intrinsecum, scilicet, per vniorem aliquam ad ipsam diuinitatem, & formaliter conueniens unicuique nostrum secundum se & in particulari, quale est illud quod vniuique nostrum potest habere per vniorem ad corpus Christi in Eucharistiâ: sed etiam est conior-

tium intrinsecum simpliciter, scilicet, per inhærentiam & formaliter atque actu conueniens vnici- que nostrum in particulari: quale est illud quod per gratiam iustificantem habent qui iustificantur. Et ex his consortijs, solum ratione huius vltimi dicimur iuxta doctrinam Ecclesiæ simpliciter con- sortes diuinæ naturæ: quia solum ratione eius red- dimur formaliter iusti & renati ex Deo, atque fi- lij Dei, vt nunc suppono, ex materia de iustifica- tione. Ergo magis consonum est huic doctrinæ Ecclesiæ dicere PATRVM hoc loco quamuis pos- sit intelligi de duobus primis consortijs, debere etiam intelligi de tertio, quam id negare. *Pate- consequentia:* quoniam alias esset consequenter con- cedendum PATRVM non explicuisse sufficienter consortium diuinæ naturæ, quod Ecclesia docet esse nobis datum per Christum.

Confirmatur Quia duo prima consortia, sepa- rata à tertio, non sufficiunt iuxta doctrinam Eccle- siæ, vt aliquis dicatur consort diuinæ naturæ: quia possunt conuenire alicui simul cum peccato mor- tali, atque adeo cum consortio spiritus dæmonis.

Pro quo notanda sunt hæc verba Concilij Trid. sessione sexta, decreto de iustificatione cap. 3. *Sicut re vera homines, nisi ex semine Adæ propagati, nasce- rentur, non nascerentur iniusti; cum ea propagatione, per ipsum dum concipiuntur, propriam iniustitiam contrahant: ita, nisi in Christo renascerentur, nun- quam iustificarentur; cum ea renascentia per meri- tum passionis eius gratia, quæ iusti sunt, illis tri- buatur.* Vbi Concilium aperte docet non esse re- vera renatos ex Deo, neque iustos, atque adeo ne- que consortes diuinæ naturæ eos, qui non habent gratiam iustificantem; quia saltem secundum le- gem Dei ordinariam, non potest aliquis dici for- maliter & actu consort diuinæ naturæ, nisi sit actu iustus & renatus ex Deo, & filius Dei. Ergo cum dicendum sit, PATRVM loqui de promissis, quæ re vera reddant nos consortes diuinæ naturæ; con- sequenter etiam dicendum est ipsum per promissa, intelligere gratiam iustificantem.

Obicitur, hoc argumento impugnari primam partem conclusionis, quia necesse est dicere PA- TRVM per promissa intelligere donum quod re ve- ra reddat nos consortes diuinæ naturæ. Ergo cum nihil aliud præter gratiam iustificantem possit hoc præstare, sequitur esse necesse dicere PATRVM per promissa intelligere gratiam iustificantem.

Respondetur, solum probari hac obiectione, se- qui ex prima parte conclusionis, non esse necesse dicere PATRVM explicuisse in particulari id, quo formaliter & complere efficitur consortes diuinæ naturæ; non tamen non explicuisse id ex quo tan- quam ex radice & principio, ad nos dimanat hoc formale & completum consortium.

Et deinde quod eadem secunda pars sit magis conformis doctrinæ Sanctorum, probatur: Quia aliqui ex eis aperte explicant hoc testimonium de gratia iustificante. Et alij allusione facta ad ip- sum, tribuunt gratiæ hunc effectum reddendi nos consortes & participes diuinæ naturæ. Nam in pri- mis Athanasius oratione secunda contra Arrianos quarto folio à principio sic ait: *Filij autem partici- patum sentiunt, omnia, ex eius per spiritum gratia.* Et paucis interpositis subiungit. *Qui filij participes sunt. Etiam Dei participes fieri dicuntur, & hoc est quod Petrus dixit: vt diuina natura efficiamini com-*

munione. Et in libro ad Serapionem contra eos qui dicunt Spiritum sanctum creaturam esse sexto folio à principio, postquam dixit Spiritum sanctum appellari vnguentum & sigillum, ita inquit. *Vn- guentum enim fragrantiam & habitum inunctis ha- bet, quo cum inuncti fuerint, & participes redditi di- cunt de se, Christi bonus odor sumus: Sigillum porro formam Christi sigillantis habet, eiusque participes ef- ficiuntur qui signantur secundum eam speciem conse- cratis dicente Apostolo, Filij mei, quos iterum par- turo, donec formetur Christus in vobis: ita porro consignati, merito consortes efficiuntur diuinæ naturæ, vt PATRVS dixit. Vbi aperte Athanasius intelligit hoc testimonium de dono, quo dicuntur inungi & sigillari à Spiritu sancto, quod proculdubio est gratia iustificans. Et August. epistola 102. quæ est ad Honoratum cap. 4. docens nos per Christi gra- tiam fieri Dei filios, ita inquit: *Descendit ergo ille scilicet Dei filius, vt nos ascenderemus & manens in natura sua factus est participes nature nostræ, vt nos manentes in natura nostrā efficeremur participes na- turæ ipsius.* Vbi AVEVER. alludit ad hoc consortium diuinæ naturæ, de quo loquitur PATRVS, & dicit dari nobis per gratiam CHRISTI, per quam effici- mur filij Dei: quare eandem gratiam intellexit si- gnificari hoc loco à Petro per promissa, per quæ di- cit nos effici consortes diuinæ naturæ. Et hoc ipsū videtur sentire Cyrillus Alexand. lib. 3. thesauri, cap. 3. & dialogo de adoratione in spiritu & veri- tate primo folio, & lib. 9. contra Iulianum parum à principio, cum in his omnibus locis sæpe repetit esse in nobis similitudinem & imaginem diuinæ naturæ per donum gratiæ quod per approbationē tribuitur Spiritui sancto. Et D. THOM. 1. 2. quæst. 110. art. 3. intelligit expresse hoc testimonium de gratia iustificante. Et in eius expositione dicit hoc consortium inchoari in hac vita per gratiam iusti- ficantem, & consummari in futura per lumen gloriæ.*

Confirmatur prima, quia omnes sancti pro eodem accipiunt habere consortium, aut participa- tionem vel imaginem aut similitudinem diuinæ naturæ, & esse filios Dei adoptiuos. Quare cum dicant fieri nos filios Dei adoptiuos per gratiam iustificantem, consequenter videntur docere per promissa, quibus efficitur consortes diuinæ natu- ræ intelligi eandem gratiam.

Confirmatur secunda, quia etiam sancti, de qui- bus in argumentis diximus intelligere per promissa aut Incarnationis Verbi, aut Sacramentum Eucharistiæ non excludunt gratiam iustificantem, tanquam necessariam, vt in nobis perficiatur illud genus consortij, aut vnionis cum diuina natura, quod dicunt dari nobis per illa duo media.

Et deinde esse eandem secundam partem ma- gis consentaneam verbis Petri. Probatur: quoniam Petrus per promissa intelligit donum, quod in ve- teri testamento fuit promissum, & significatum va- rijs sacrificijs, & ceremonijs, & prænuntiatum à Prophetis, & in nouo re ipsa datum, & hoc non potest dici esse solam Verbi Incarnationem, aut Sacramentum Eucharistiæ, sed necessario dicendū est esse renouationem, & sanctificationem inter- nam hominum à peccatis, & adoptionem in filios Dei, quæ formaliter sit per gratiam iustificantem: ergo conformius est verbis PETRI asserere ipsum per promissa intelligere gratiam iustificantem.

Major pater, quia per promissa absolute, & sine addito non potest aliud intelligi. Et minor probatur primo, ex ipsis promissionibus veteris testamenti, & ex vaticinijs Prophetarum.

Ex promissionibus quidem, quia nisi emundaremur intrinsece à peccato per internam sanctificationem, non confringeretur perfecte caput serpentis, sicut promissum fuerat Genesis 3. nec benedicerentur perfecte homines per Christum, sicut etiam fuerat promissum Genesis 18. & 26.

Ex vaticinijs vero Prophetarum, quia Prophetæ aperte significant fœdus & pactum, quod Deus intererat cum hominibus esse de danda eis hac satisfactione & emundatione interna per gratiam iustificantem, ut constat Isaia 4. 9. 40. 49. & 61. & Hieremias 3. 16. 23. & 31. & Ezechielis 11. 34. 36. 37. & alibi sæpe.

Secundo probatur, eadem minor, quoniam Christus docuit esse ita intelligenda testimonia veteris testamenti, in quibus promittebatur, aut significabatur aduentus ipsius, scilicet, non promitti hunc aduentum solum ut fieret, sed ut per ipsum daretur hominibus perfecta salus, & iustitia interna, nam propterea Christus dixit Iudæis Ioann. 5. Scrutamini scripturas, quia vos putatis in ipsis vitam habere. Et illa sunt quæ testimonium perhibent de me, & non vultis venire ad me, ut vitam habeatis. Et Lucæ 14. tunc aperuit illis sensum, ut intelligerent scripturas. Et dixit eis, quoniam sic scriptum est, & sic oportebat Christum pati, & resurgere à mortuis tertia die, & predicari in nomine eius penitentiam & remissionem peccatorum in omnes gentes.

Tertio probatur eadem minor testimonio Apostolorum, quæ eodem modo explicuerunt veteres scripturas. Nam Paulus ad Romanos 3. sic ait: Nunc autem sine lege iustitia Dei manifestata est, testificata à lege & Prophetis. Iustitia autem Dei per fidem Iesu Christi in omnes, & super omnes qui credunt in eum. Et cap. 10. Finis enim legis, Christus in salutem omni credenti &c. Et Actuum 18. idem dicebat Iudæis, consentientibus ipsum testificantem regnum Dei, suadensque eis de Iesu ex lege Moysi, & Prophetis à mane usque ad vespertam. Et Petrus in prima epistola cap. 1. De qua salute exquisierunt atque scrutati sunt Prophetæ qui de futura in vobis gratia prophetaverunt, scrutantes in quod vel quale tempus significaret in eis spiritus Christi. Et Actuum 3. Iudæos sic alloquitur, Moyses quidem dixit: quoniam Prophetam suscitabit Dominus Deus vester de fratribus vestris, tanquam me: ipsum audite iuxta omnia quæ locutus fuerit vobis. Et paucis interpositis: Vos estis filij Prophetarum, & testamenti, quod disposuit Deus ad patres nostros, dicens ad Abraham, in semine tuo benedicentur omnes familia terre. Vobis primum Deus resuscitans filium suum misit eum benedicientem vobis, ut converteretis unusquisque de nequitia sua. Vbi aperte explicat PETRVS promissionem de aduentu Christi esse intelligendam de aduentu ad dandum hominibus prædictam salutem. Et his addi potest optimum testimonium ex CONCILIO TRIDENTINO sessio sexta, decreto de iustificatione, cap. 2. vbi sic habetur: Quo factum est, ut celestis pater misericordiarum, & Deus totius consolationis, Christum Iesum, filium suum, & ante legem, & legi tempore multis sanctis Patribus declaratum, ac promissum, cum venit beata illa plenitudo temporis, ad homines miseris, ut & Iudæos, qui sub lege erant, redimo-

Ante, & gentes quæ non sciebantur iustitiam, iustitia apprehenderent, atque omnes adoptionem filiorum receiverent. Vbi tam aperte explicantur prædicto modo promissiones in veteri testamento factæ de aduentu Christi, ut de eo nulla possit esse dubitatio.

§ 3. Probabiliter est PETRVM hominem fuisse de consorcio physico.

CONCLUSIO SECUNDA. Quamvis possit intelligi testimonium hoc de consorcio morali, explicato in secundo argumento parvi negativa, ita ut dicamus gratiam iustificantem reddere nos consortes diuinæ nature, in quantum per se & per virtutes sui ordinis, atque auxilia quæ ipsi respondent sanant nos à peccatis, & dat nobis vires, ut in nostris actionibus & affectibus conformemur Deo & eius voluntati: tamen probabilius & magis consentaneum est, intentioni Petri, dicere esse intelligendum de consorcio physico, quod consistit in quadam participatione formalis diuinæ nature, quantum ad id quod in ipsa habet per ordinem ad nostros conceptum, videlicet naturam & primam & essentialis rationis, ita ut gratia iustificans sit secundum suam essentiam intrinsecam, huiusmodi participatio formalis.

Prima pars huius conclusionis probatur primo, quia nihil est in toto hoc contextu quod nos cogat, ut dicamus fieri sermonem de alio genere consortij, quamvis per promissa intelligamus gratiam iustificantem. Et non est parva dignitas gratiæ, dare nobis hoc genus consortij & participationis diuinæ nature.

Secundo probatur, quia de huiusmodi consorcio exponunt hoc testimonium Origenes hom. 4. in Leviticum. Vbi per esse consortes naturæ diuinæ dicitur significari id quod primus Ioan. 1. dicitur habere societatem, cum patre & cum filio eius IESU CHRISTO, & quod Paulus dixit, 2. ad Corinth. 6. ante quæ societas lucet ad tenebras. Quibus locis aperte fit sermo de consorcio morali, ut de priori ostendimus in argumento citato, & de posteriori colligitur ex antecedentibus & sequentibus, & Radolphus Flagiensis, lib. 15. in Leviticum capit. 1. vbi exponens illa verba, capit. 21. Sit ergo factus, quia & ego sanctus sum. Ita inquit ad Dei similitudinem imitamur, iuxta quod Apostolus PETRVS gratiam Domini nostri Iesu Christi nobis commendavit: per quem, inquit, maxima & pretiosa nobis promissa donata sunt, ut per hac efficiamur diuina consortes nature. Et fauet multum huic sententiæ DIBLYNIUS, qui cap. 3. Ecclesiasticæ Hierarchiæ post verba, quæ ultimo loco adduximus ex ipso in primo argumento, sic ait: Secundum similitudinem incorruptæ & diuinæ vitæ, & non passionibus interitum afferentibus mortui. Vbi aperte videtur constituere coagmentationem nostram cum Christi corpore ad instar membrorum, & communionem diuinæ nature, de qua in verbis præcedentibus fuerat locutus in hac similitudine vitæ Christi, & fuga à passionibus, & proculdubio alludit ad illa verba PETRI: Fugientes eam, quæ in mundo est concupiscentia corruptionem. Et hoc ipsum explicat apertius paulo inferius his verbis: oportet enim nos, si hanc cum Christo communionem operamus in diuinam eius, quam ut homo egit vitam inspicere, & eius in non peccando

imitatione ad diuinum & incorruptum statum
entis.

Secunda etiam pars, quæ non solum intelligitur de consortio physico, ut distinguitur à pure morali, sed etiam ut distinguitur ab eo consortio physico, de quo in tertio argumento diximus, consistere in speciali vnione cum Deo secundum suam substantiam, quæ iustis conuenit ratione gratiæ probatur. Quia ut ostendimus in probatione primæ conclusionis, PAVLVS loquitur de consortio diuinæ naturæ, quo intrinsece, & formaliter participamus in nobis iustitiam, sanctitatem, renascētiā ex Deo, & adoptionem ipsius: sed hæc omnia non ita proprie reperiuntur in consortio pure morali, neque in physico, quod consistit in sola illa vnione speciali ad Deum, sicut in consortio physico, quod consistit in participatione formali diuinæ naturæ: ergo probabilius est, & cōformius intentioni PETRI explicare ipsum de hoc ultimo cōsortio, quam de duobus prioribus. Probatur minor: quia per consortium morale sumptum pro principio operandi conformiter ad diuinam voluntatē, quamuis possit reperiri formalis, & interna iustitia, & sanctitas, sicut constituitur à SCOTO, & suis

seclatoribus, qui non distinguunt gratiam iustificātem ab habitu charitatis, tamen renascentia, & adoptio, non ita proprie potest reperiri. Quod sic probō. Non dicitur quis nasci ex homine quatenus accipit principium operandi conformiter ad naturam humanam, sed quatenus accipit ab homine ipsam naturam humanam: ergo similiter non dicitur quis renasci ex Deo quatenus participat principium operandi conformiter ad diuinam voluntatem, aut etiam naturam, sed quatenus participat formaliter ipsam naturam diuinam.

§ 4. Quid sit, gratiam esse formalem participationem diuinæ naturæ.

SED SUPPOSITO colligi ex hoc testimonio gratiam iustificātem esse participationem formalem diuinæ naturæ secundum eam rationem, quæ nostro modo intelligendi habet in ipsa modum naturæ præsuppositæ ad proprietates & potentias, & actus secundos, inquiri potest, in quo consistat aut

A quid sit in ipsa gratia esse talem participationem. Quod est inquirere quæ sit illa ratio in Deo, secundum quam gratia iustificans dicitur participatio formalis diuinæ naturæ?

Ad hoc Ioannes Vincentius Dominicanus in relectione de habituali gratia Christi pagina 14. & multis sequentibus, & cum 30 alij sui instituti dicunt consistere in hoc, quod gratia est formalis participatio diuinæ naturæ, secundum quod est ipsum esse per essentiam, & imparticipatum, & independentes præhabēs omnem essendi plenitudinem, atque adeo abyssus, & pelagus perfectionum continens omnem perfectionem, quæ intra latitudinem entis potest reperiri.

Probantque hanc suam sententiam primo, quia colligitur primo ex scriptura, ad quod confirmandum plura confarcinant scripturæ testimonia: quæ claritatis gratia ad tres classes reducemus.

IN PRIMA collocabimus ea testimonia, in quibus dicunt tribui gratiæ dare esse per essentiam, & imparticipatum, aut esse absolute, & sine limitatione quale non est aliud quam esse per essentiam. Et in primis tribui gratiæ dare esse per essentiam probant ex Paulo qui 1. ad Corint. 13. sic ait: *Gratia Dei sum id quod sum*. Vbi dicunt notandam esse geminationem illam verbi, *Sum*, quia videtur similis illi, quæ Deus vsus est Exodi 3. dicens: *Ego sum qui sum*, atque proinde sicut Deus hac geminatione significauit se esse per naturam, ipsum esse per essentiam & imparticipatum: ita PAVLVS significat se etiam esse, ipsum esse per essentiam, non natura sua, sed virtute gratiæ.

Et deinde etiam tribui gratiæ dare esse absolute, & sine vlla limitatione, aut restrictione dicunt colligi non solum ex hoc PAVLI testimonio, sed etiam ex eo, quod sæpe in scriptura iusti quoniam habent Dei gratiam dicuntur esse simpliciter, ut ad Ephes. 1. vbi nos legimus, *Sanctis qui sunt Ephesi*, Basilii libro 2. contra Eunomium legit: *Sanctis qui sunt*, detracta voce, *Ephesi*, quæ verbum *sunt*, determinatur, & restringitur ut non significet esse simpliciter, sed esse in tali loco. Et addit BASILIUS ita ante ipsum antiquos expositores legisse, & ita habere in vetustioribus codicibus. Et ad Galatas 5. vbi nos legimus: *Qui sunt Christi*, carnem suam crucifixerunt. Hieronym. legit: *Qui sunt carnem suam crucifixerunt*. Quasi pro eodem reputet esse *Christi* siue esse iustos, & esse simpliciter, & sine addito, Et opposita ratione peccatores, scilicet, quia carent Dei gratia, dicuntur simpliciter non esse, aut esse nihil. Pro quo adducunt testimonium HIERONYMI qui exponens illud ABRAM: *Et erunt quasi non sint*. Reddit hanc rationem: *qui enim perit ei qui est, & qui dicit ad MOYSEM, qui est misit me ad vos, secundum regulam scripturarum non esse dicitur*. Vnde in HESTER capit. 14. legimus. *Ne tradas Domine regnum tuum his qui non sunt*. Et idem reperit in illud Osee 7. *reuerſi sunt ut essent absque ingo*. Ut reddat rationem lectionis Septuaginta interpretum, qui ibi verterunt: *Conuerſi sunt in nihilum*. Et addunt illud Pauli 1. Corinth. 13. *charitatem autem non habuero, nihil sum*.

IN SECUNDA classe ponemus alia testimonia, in quibus dicunt tribui gratiæ nomina, & titulos, quibus significatur ipsa plenitudo essendi. Atque adeo cum gratiæ non possit hoc conuenire per essentiam, sed solum per participationem denota-

tur gra-

tur gratiam esse participationem diuinæ naturæ. secundum quod est ipsa plenitudo essendi. Primum nomen est, *gloria*, de quo duo probant. Unum est, tribui in scriptura gratiæ, quod ostendunt ex illo ad Romanos 3. *omnes peccauerunt & egent gloria Dei*. Vbi nomine gloriæ aperte significatur gratia, quoniam ea indigent qui peccauerunt, ut emundentur à peccatis. Et 2. ad Cor. 1. *Gloria nostra, hoc est, testimonium conscientie nostræ*. Hoc est, totum esse quod habemus per gratiam, consistit in testimonio bonæ conscientie; & Psalm. 29. *ut cantes tibi gloria mea*, id est, totum esse quod habeo per gratiam. Alterum est *gloria* significare plenitudinem essendi, & totum esse. Quod probant in primis, quia Hebræi vruntur nomine *Ghabob* pro gloria, & significat totum esse rei, ut periti linguæ Hebræicæ tradunt. Et deinde, quia sæpe in scriptura etiam nomen Latinum sumitur pro toto esse rei, ut Genesis 25. *IOSEPH* dixit fratribus suis: *Annuntiate patri meo universam gloriam meam*: id est, me habere totum esse, & summam auctoritatem in Ægypto. Et Iudith. 15. *IOACHIM* summus Pontifex dixit ad Iudith: *Tu gloria Hierusalem*, id est, totum esse. Et Iob 19. *spoliasti me gloria mea*, id est, abstulisti à me totum meum esse. Et ita *PAVLVS* ad Hebræos 1. ut significaret filium Dei accipere à patre ipsam plenitudinem essendi, dixit: *Qui cum sit splendor gloria*, id est, totius esse, & plenitudinis essendi.

Ex his autem duobus, meo iudicio colligunt intentum hoc argumento, cum gratia appellatur *gloria*, atque adeo totum esse, non potest intelligi de toto esse in aliquo genere limitato, & determinato, sicut in exemplis propositis auctoritas appellatur totum esse in regno Ægypti, & liberatio populi appellatur totum esse eiusdem populi; sed de toto esse absolute, & non per essentiam, sed per participationem; at esse absolute totum esse per participationem, non est aliud quam esse participationem Dei secundum quod est totum esse; ergo cum gratiæ tribuitur nomen *gloria* significatur ipsam esse participationem Dei, secundum quod est totum esse, & ipsa plenitudo essendi.

SECUNDVM NOMEN, est *Regnum Dei*. De quo etiam probant duo. Primum est tribui in scriptura gratiæ iustificanti. Quod probant, quia Christus dixit Lucæ 17. *Eccce enim Regnum Dei intra vos est*, id est, gratia, quæ appellatur Regnum Dei. Et Mat. 6. *Primum querite regnum Dei*: id est, gratiam iustificantem, ut explicatur verbis sequentibus, & *iustitiam eius*. Et Matthæi 12. & Lucæ 11. *Pervenit in vos regnum Dei*. Et 1. ad Thessalon. 2. *qui vos vocavit in suum regnum & gloriam*, id est, ad gratiam, quæ est regnum Dei. Et quod *PAVLVS* dixit ad Colossen. 1. *qui eripuit nos de potestate tenebrarum, & transtulit in regnum filij dilectionis sue*. CONCILIVM TRID. sessione sexta, decreto de iustificatione cap. 3. & 4. explicuit de iustificatione, per quam impius transfertur de statu peccati in statum gratiæ, & adoptionis filiorum Dei.

ALTERVM est, nomine *regni Dei* significari totum esse. Et hoc probant, quia Deus non solum appellatur in sacris literis, *gloria*, quæ, ut dictum est, significat totum esse, sed etiam appellatur *Rex gloria*, ut patet Psalm. 23. Et huius denominationis ratio videtur esse, quod sicut Rex in suo regno, omnibus præminet, sic etiam Deus, non solum est totum esse, quod ut diximus, significatur

A nomine gloriæ, sed etiam præminet toti esse, & excedit ipsum tanquam Rex & princeps eius: ergo regnum Dei, non solum significat *totum esse*, sed etiam hanc regiam dignitatem, & celsitudinem quæ convenit Deo respectu totius esse.

Et ex his duobus colligunt intentum hoc argumento: Cum gratia appellatur regnum Dei significatur ipsam, non quomodocunque esse totum esse, sed cum celsitudine, & eminentia quasi regia, respectu eius non quidem natura sua, sed participatione: at hoc non est aliud quam ipsam esse participationem Dei, secundum quod habet huiusmodi celsitudinem, & eminentiam; ergo cum gratia appellatur regnum Dei significatur ipsam esse participationem Dei secundum quod est totum esse, & insuper habet prædictam excellentiam respectu eius.

TERCIVM NOMEN est, *semen Dei*, quod tribui gratiæ probant: quia primæ Petri 1. de iustificatis per gratiam ita dicitur: *renati non ex semine corruptibili, sed incorruptibili per verbum Dei vivum, & permanentis in æternum*. Et primæ Ioannis tertiz, *omnis qui natus est ex Deo peccatum non facit, quoniam semen ipsius in eo manet*. Et ex hoc colligunt intentum hac ratione: Semen excelsum à viuenti continet totam perfectionem viuentis incomplete, & imperfectæ & ita reductiue ponitur in eadem specie viuentis: ergo similiter gratia, quæ appellatur *semen Dei* continet totum esse Dei, saltem incomplete, & imperfectæ, & reductiue, aut per participationem.

IN TERTIA CLASSI constituemus alia testimonia, in quibus tribuuntur gratiæ, quædam proprietates, quæ non possent convenire ipsi, nisi esset formalis quædam participatio diuinæ naturæ, quatenus Deus est ipsum esse imparticipatum, & independens. Et hoc totum probant hoc argumento. Scriptura tribuit gratiæ esse immutabilem, indefectibilem, & æternam, & dare nobis esse invariabile, indefectibile, & stabile: sed huiusmodi proprietates non possunt convenire gratiæ, nisi ipsa sit participatio Dei, secundum quod Deus est ipsum esse per essentiam imparticipatum, & independens. Ergo gratia est participatio formalis diuinæ naturæ. Secundum hanc rationem. *minorem auctores* huius sententiæ supponunt ut certam, quia Deus non haberet huiusmodi perfectiones, scilicet, immutabilitatem, indefectibilitatem, & æternitatem in summo gradu, scilicet, per essentiam, nisi esset ipsum esse imparticipatum, & independens. Ergo neque gratia haberet easdem perfectiones in gradu inferiori, scilicet, per participationem, nisi esset formalis participatio ipsius esse imparticipati, & independens.

Et maiorem probant duplici medio, quorum primum est, quia scriptura dicit de gratia esse radicem vitæ æternæ, atque adeo vitæ immutabilis, & indefectibilis. Pro quo adducunt testimonium *PAULI*, qui ad Romanos sexto sic ait: *Gratia Dei vita æterna*. Vbi dicendum sit, gratiam appellari vitam æternam; non quia sit formaliter & actu ipsa vita, & beatitudo æterna, sed quia est eius radix. Et testimonium Christi qui Ioannis quarto loquens de gratia, ita inquit: *Aqua, quam ego dabo si, fiet in eo fons aqua salientis in vitam æternam*.

Vbi etiam Christus non alia ratione videtur gratiam appellasse fontem, ex quo promanat aqua continuo fluxu decurrens in vitam æternam, nisi quia est prima radix, ex qua indeficienter (nisi per nos steterit) promanant dona supernaturalia, & opera, quibus peruenitur in vitam æternam, quod est esse radicem vitæ æternæ. Ex eo autem, quod gratia sit radix vitæ æternæ colligunt esse eiusdem ordinis cum ipsa vitæ æterna, atque adeo esse ex propria natura immutabilem, indefectibilem, & æternam; sicut vita æterna est invariabilis, & indefectibilis quoniam alias non haberet debitam proportionem cum vitæ æterna in ratione principij, & radicis.

SECUNDUM MEDIUM est, quia etiam dicit scriptura gratiam quantum est ex propria natura, & ex proprijs meritis, & seclusa imperfectione subiecti, esse omnino invariabilem, & indefectibilem atque æternam. Quod ostendunt ex PAVLO qui ad Hebræos 12. sic ait: *Contemplantur, ne quis deficiat gratia Dei*, quasi diceret, gratiam sua natura, non esse principium alicuius defectus, aut mutationis, sed potius indefectibilem, & æternam vitam animæ præstare. Et deinde ex illo Hierem. 31. *Dabo leges meas in cordibus eorum, & in visceribus eorum scribam eas*. Vbi Propheta loquitur de lege Evangelica, quæ principaliter consistit in spiritu gratiæ diffuso in corde humano: & dicit hanc legem, quæ est diuina gratia esse inscribendam cordibus fidelium, ad denotandum, ut AUGUSTINVS inquit, super Psalmum 44. eius stabilitatem, & indefectibilitatem, quia scriptura in hoc potissimum differt à verbo, quod verbum cito transit, *volas enim irrevocabile verbum, scriptura vero inscripta permanet, & fixa*.

Et demum ad hoc probandum adducunt testimonium conc. TRID. II. 6. decreto de iustif. c. 13. Vbi statuitur, quod Deus sua gratia semel iustificatos non deserit, nisi prius ab ipsis deseratur. Ex quo loco bene sequitur gratiam quantum est ex proprijs meritis, & seclusa imperfectione subiecti, esse immutabilem & indefectibilem.

SECUNDO PROBANT: hi authores suam sententiam hac ratione. Visio beatifica est invariabilis, & indefectibilis: ergo etiam gratia quantum est ex proprijs meritis: ergo est formalis participatio Dei, quatenus habet esse imparticipatum & independens: hæc secunda consequentia patet: quia cum non sit invariabilis, & indefectibilis per essentiam, sequitur quod sit talis per participationem, quod non est aliud, quam esse participationem formalem Dei quatenus habet esse invariabile, & indefectibile per essentiam, atque adeo imparticipatum, & independens. Antecedens patet, quia esse invariabilem, & indefectibilem requiritur ad beatitudinem formalem, quæ, ut hunc suppono, consistit in visione beatifica. Et præterea, quia Theologi communiter dicunt visionem beatificam propter suam immutabilitatem mensurari eternitate participata. Et prima consequentia probatur, quia gratia est principium primum & radicale visionis beatificæ. Quia sicut gratia in via est principium, ad quod per modum potentiarum, consequuntur fides supernaturalis in intellectu, & charitatis eum reliquis virtutibus supernaturalibus in voluntate, ita etiam gratia consummata in patria est principium, ad quod consequuntur etiam rationem potestatem gloriæ in intellectu, loco fidei: & in voluntate charitas, & virtutes supernaturales quæ possunt ma-

inere in patria: ergo gratia est ex propria natura tam immutabilis, & indefectibilis sicut lumen gloriæ, & visio beatifica. Patet hæc consequentia: quia quod est principium radicale alterius, non solum est eiusdem ordinis cum eo, sed etiam habet in eo ordine, æqualem perfectionem entitativam cum ipso, & ex consequenti habet æqualem immutabilitatem & indefectibilitatem. Et præterea id, quod est ita principium, habet tanquam connaturale sibi id, cuius est principium, atque adeo est æquale ipsi in immutabilitate, & indefectibilitate: quia id, quod est immutabile non potest esse connaturale, tanquam lux radici, & principio rei mutabili, & defectibili.

Tertio probant idem, hac alia ratione, id quod in Deo, nostro modo intelligendi, habet rationem naturæ, & primæ, & essentialis rationis, est esse ipsum esse per essentiam & imparticipatum, & independens: ergo si gratia est participatio diuinæ naturæ, secundum id quod nostro modo intelligendi habet in ipsa ratione naturæ, sequitur quod sit participatio ipsius secundum quod habet esse per essentiam, & imparticipatum, & independens. Et ad probandum antecedens supponendum est, quod in Deo, nostro modo concipiendi distingui potest, duplex modus perfectionis: Primus est perfectionis quasi partialis, & determinatæ ad certum genus, ut sapientia importat perfectionem in genere sapientiæ, & intellectus in ratione virtutis intellectivæ, & voluntas in ratione virtutis appetitivæ. Alter modus est perfectionis quasi totalis importantis nostro modo intelligendi, totam perfectionem, quæ est in Deo absolute, & sine determinatione ad aliquod genus, qualem explicamus huius terminis: abyssus & pelagus perfectionum. Et ex his duobus modis perfectionum solus posterior nostro modo intelligendi habet in Deo modum naturæ, & primæ, & essentialis rationis; quia cum sit nostro modo intelligendi minus limitatus, & determinatus, & magis totalis, habet maiorem proportionem cum eo, quod in rebus creatis habet modum naturæ: & ideo habet maius fundamentum, ut à nobis concipiatur per modum naturæ. Et hoc supposito probatur illud antecedens: quia nihil est in Deo per quod nostro modo intelligendi, ita explicetur hic modus perfectionis totalis, sicut esse per essentiam, & imparticipatum & independens, ut constabit facile facta comparatione inter ipsum, & reliqua omnia, quæ sunt formaliter in Deo: ergo nihil est in Deo quod nostro modo concipiendi, ita possit habere modum naturæ, & primæ, & essentialis rationis, nisi esse per essentiam & imparticipatum, & independens.

Confirmatur, quia gratia excedit omnes naturas substantiales, & accidentales, tam creatas, quam creabiles, siue intra ordinem naturalem, siue intra supernaturalem in hoc, quod est præstantior, & melior participatio Dei secundum illum modum perfectionis, qui in Deo nostro modo intelligendi est maior, & minus determinatus: ergo debet esse participatio Dei secundum posteriorem modum perfectionis, atque adeo, secundum esse imparticipatum, & independens. Consequentia patet ex ijs, quæ modo diximus de duplici perfectione Dei. Et antecedens probatur: quia gratia excedit omnes illas creaturas in hoc quod est præstantior, & melior participatio Dei: sed esse meliorem participationem consistit in hoc, quod est esse participationem Dei secundum illum modum perfe-

ctionis,

tionis, qui in ipso, Deo nostro modo intelligendi est maior & minus determinatus: ergo gratia excedit omnes illas creaturas in hoc, quod est participatio Dei, secundum hunc modum perfectionis.

Ultimo probans hanc sententiam testimonijs D. THOMÆ, qui in multis locis videtur docere gratiam esse formalem participationem diuini esse, quod esse per essentiam. Nam in primis. 1.2. q. 110. art. 2. ad 2. inquit, *gratiam in hoc excedere reliquis creaturas, & etiam animam, in qua est, quod est expressio vel participatio diuina bonitatis*. Vbi per bonitatem intelligit, perfectionem non quidem eam, quæ ut in argumento precedenti dictum est, intelligitur à nobis ut partialis: quoniam hoc modo, gratia non excederet reliquis creaturas, sed eam, quæ intelligitur ut *totalis*, atque adeo significat gratiam esse participationem, & expressionem perfectionis, quæ in Deo nostro modo intelligendi est *totalis*, quæ est ipsa plenitudo essendi. Et q. 112. art. 1. in corpore, inquit, *gratiam esse participationem diuine nature, quatenus excedit omnem aliam naturam, scilicet, creatam, & creabilem*. Vbi aperte significat gratiam esse participationem Dei quatenus est ens per essentiam, & imparticipatum, quia Deus in hoc excedit totam latitudinem entis creati, & creabilis, quod est ens per essentiam, & imparticipatum, imo per hoc nostro modo intelligendi intelligitur esse primo extra huiusmodi latitudinem. Et ibidem inquit *Diuus Thomas*: *Deum producendo in nobis gratiam deificare nos, quia communicat nobis consortium diuine nature per quandam similitudinis participationem*. Vbi etiam videtur significare gratiam dare nobis formaliter esse diuinum, & imparticipatum, quatenus est eius participatio formalis. Et idem videtur inuenire. 3. par. quæst. 2. artic. 10. ad 1. vbi inquit, *gratiam esse quandam similitudinem diuinitatis participatam in homine, & quæ*. 3. artic. 4. ad 3. Vbi ait *gratiam esse quandam participationem diuine nature, secundum assimilationem ad bonitatem illius*. Qui modus loquendi videtur conuenire cum eo, quem primo loco retulimus ex 1. 2. & ideo eodem modo est exponendus. Et apertius, quæstione 61. artic. 2. in corpore. Vbi citans doctrinam in 1. 2. traditam de gratia, inquit, *quod gratia secundum se considerata, perficit essentiam animæ, in quantum participat quandam similitudinem diuini esse*. Dico autem *DIUVM THOMAM* in hoc testimonio apertius fauere huic sententiæ, quoniam certum est, esse proprium diuini esse, quod sit imparticipatum, & independens, & in hoc distinguere ab esse creaturarum. Et ideo cum *DIUVS THOMAS* inquit, *gratiam participare similitudinem diuini esse*, videtur significare, gratiam esse participationem ipsius, quatenus est esse per essentiam.

Et his adiungi potest elegans testimonium ex 2. 2. quæst. 14. artic. 7. vbi *DIUVS THOMAS* probat charitatem secundum rationem propriæ speciei non habere terminum augmenti, quia est participatio infinite charitatis diuinæ. Quæ ratio, ut vim habeat indiget duplici expositione. Prima est ut intelligatur de participatione formali, siue cum conuenientia formali, quæ postulat esse charitatem formaliter in utroque extremo, sicut ibi loquitur *CARITANVS*: quoniam alias etiam conuinceret calorem secundum propriam speciem, non habere terminum augmenti, quia

etiam est participatio entis infiniti. *Secunda est*, ut intelligatur de charitate diuina quatenus formaliter est infinita: quoniam alias esset hæc ratio inefficax: quia responderi potest, quod quamuis diuina charitas sit infinita, non sequitur, charitatem creatam, quia sit eius participatio formaliter non habere terminum augmenti: quia non est participatio ipsius quatenus formaliter est infinita. Et ita infinitas diuinæ charitatis materialiter, & impertinenter se habet ad colligendum charitatem creatam habere hunc modum infinitatis. qui est carente termino augmenti. Et ita ex hac ratione sic intellecta videtur conuinci secundum sententiam *DIUVM THOMAM*, charitatem secundum propriam speciem, esse formalem participationem diuinæ charitatis, quatenus formaliter est infinita. Et ulterius quia potest reddi eadem ratio ad probandum gratiam habitualem secundum propriam speciem non habere terminum augmenti, scilicet, ipsam esse participationem infinite naturæ diuinæ. Videtur etiam sequi gratiam habitualem secundum propriam speciem esse formalem participationem eius, quod in Deo habet modum naturæ, quatenus formaliter est entitas infinita, & imparticipata. Ut rem hanc explicemus sic

§. 5. Ostenditur gratiam non esse formalem participationem diuini esse, quatenus est ens per essentiam.

CONCLUSIO TERTIA. Gratia habitualis, non ideo dicitur participatio formalis Dei, secundum id quod nostro modo intelligendi, habet in ipso, modum naturæ, quia sit participatio formalis ipsius quatenus est ens per essentiam, & imparticipatum, aut ipsa plenitudo essendi, aut abyssus omnium perfectionum & pelagus, imo neque est possibile, aliquam creaturam esse hoc modo formalem participationem Dei.

HÆC CONCLUSIO. Videtur satis certa ex nouitate oppositæ sententiæ, quæ tanta est, ut, quod ego sciam, non sit asserta ab aliquo ex scholasticis, neque habeat fundamentum in modo loquendi scripturæ, conciliorum, aut Sanctorum, de gratia habituali. Nā quamuis ex eis colligatur ipsam esse participationem formalem diuinæ naturæ, quatenus dicunt dare nobis esse filios Dei, renatos ex Deo, & consortes diuinæ naturæ, tamen non est aliquod testimonium ex quo, vel apparenter colligatur esse participationem formalem siue cum conuenientia formali Dei secundum rationes prædictas, nec ad defendendum ea, quæ retulimus dici de gratia, est hoc necessarium.

Sed ut conclusionem nostram euidentius ostendamus oportet explicare quid intelligamus per tres illos terminos, quibus in ea dicimus significari ab authoribus oppositæ sententiæ, eā ratione Dei, secundum quam gratia est Dei participatio formalis. *Primus* est, ens per essentiam, & imparticipatum, & independens. *Secundus*, plenitudo essendi. *Tertius*, abyssus aut pelagus omnium perfectionum. Et re vera omnes significant in Deo eandem perfectionem, aut modum habendi perfectionem, scilicet, infinitatem simpliciter, & in genere entis. Licet expriment eam, secundum

distinctas rationes. Nam in primis, *ens per essentiam*, A non sumitur, ut importat existentiam actualem, quæ conveniat rei ex vi suæ essentiae, & sine dependentia ab aliquo extrinseco. Quia licet hic modus existendi sit intrinsecus, & essentialis divinæ naturæ, tamen nostro modo concipiendi, non habet rationem naturæ, sed potius modi ipsius naturæ, sicut existentia creaturarum, per ordinem ad quam concipimus existentiam divinam, est extra ordinem naturarum, & pertinet ad modos earum: sed sumitur, ut importat entitatem per modum essentiae, aut quidditatis, quæ in rebus creatis appellatur gradus entis, & non importat hanc entitatem absolute, sed quantum ad quendam modum, quem significamus hac voce, per essentiam, quæ proculdubio, non significat habere per suam essentiam formaliter hanc entitatem, quia hoc modo quilibet creatura posset dici ens per essentiam, cum habeat talem gradum entis formaliter ratione suæ essentiae: sed significat habere entitatem sine participatione & dependentia ab aliqua causa, quia nihil videtur minus participatum, & independens ab extrinseco quam quod cuicumque rei convenit ratione suæ essentiae. Et ita idem est omnino ens per essentiam, & imparticipatum, & independens. Et quia habere hoc modo entitatem est esse infinitum in genere entis, quia ex eo quod aliquid est ita infinitum, provenit quod non egeat causa extrinseca, à qua participet suam entitatem: ideo esse ens per essentiam, & imparticipatum, & independens significat habere infinitatem simpliciter, & in genere entis.

Et deinde, plenitudo essendi significat habere entitatem sine vlla limitatione in genere entis, de quo notius est, esse idem quod habere infinitatem simpliciter & in eodem genere: quia sicut infinitum dicitur quod caret sine, & termino, ita dicitur infinitum simpliciter, & in genere entis quod simpliciter, & in genere entis caret omni limitatione.

Et demum abyssus, aut pelagus perfectionum significat continere, aut formaliter, aut eminenter omnes perfectiones quæ possunt reperiri in tota latitudine entis. De quo etiam est notum esse idem quod habere infinitatem simpliciter, & in genere entis. Atque ita constat prædictos tres terminos, cum attribuuntur Deo significare modum habendi entitatem, aut perfectionem, qui est infinitas simpliciter, & in genere entis, & explicare eam secundum diversas rationes, nā ens per essentiam significat hanc infinitatem per negationem dependentiæ à causa extrinseca; plenitudo essendi per exclusionem limitationis; pelagus & abyssus perfectionum per habitudinem continendi perfectionum quæ possunt reperiri in latitudine entis.

Quare sensus nostræ conclusionis est. Gratia non ideo dici formalē participationē Dei secundum id quod nostro modo intelligēdi habet in ipso rationē naturæ: quia sit eius participatio quatenus habet prædictā infinitatē, siue explicemus eā per ens per essentiam, & imparticipatum, siue per plenitudinem essendi, siue per abyssum perfectionum. Imo neque esse possibile aliquam creaturam esse formalem participationem Dei secundum hanc rationem.

Et probatur prima pars primo, quia infinitas

non importat nostro modo intelligendi in Deo naturam, sed modum naturæ: ergo gratia non ideo dicitur participatio Dei secundum id quod in ipso habet modum naturæ, quia sit eius participatio secundum infinitatem in genere entis. Probatur antecedens tribus medijs. Primum est, quia ita se habet infinitas respectu Dei, sicut finitas respectu creaturæ. Sed in creatura finitas non est natura, sed modus naturæ: ergo similiter infinitas in Deo nostro modo concipiendi non est natura, sed modus naturæ.

Secundum medium est, quia infinitas præcise sumpta solum importat hunc modum qui est carere termino, & ita communis est distinctis naturis: nam & attribuitur entitati, & magnitudini, & multitudini, & distinctis speciebus horum generum: ergo in Deo, nostro modo intelligendi, non habet modum naturæ, quia concipitur à nobis secundum rationem explicatam in antecedenti. Patet consequentia: quia intensio in accidentibus ideo non habet rationem naturæ, quia importat modum, qui est esse, verbi gratia, ut tria, vel ut quatuor, & ita est communis diversis speciebus accidentium: B & idem debet dici propter hanc rationem de intensione infinita.

Tertium medium est quia infinitas præcise sumpta, non concipitur à nobis, ut principium primum, & radicale actus secundi, siue operationis immanentis in Deo: ergo neque per modum naturæ. Consequentia patet, quia ratio naturæ consistit in hoc, quod est esse principium primum & radicale actus secundi. Et antecedens probatur, quia in Deo nostro modo intelligendi, tantum distinguimus duos actus secundos, scilicet intelligere, & velle, ommissis processionibus personarum, & non concipimus infinitatem, ut eorum principium radicale, sed naturam intellectualem. Et hoc medium explicabimus magis in probatione sequētis conclusionis.

Confirmatur, discurrendo sigillatim, per tres terminos in conclusione propositos. Nam in primis possumus argumentari de primo termino, qui est esse per essentiam, & imparticipatum: quia sicut se habet in creaturis esse per participationem, & dependenter ab alio, ita nostro modo concipiendi se habet in Deo esse per essentiam, aut sine participatione, & dependentia. Sed in creaturis esse per participationem, & dependenter ab alio, non importat naturam, sed modum naturæ, & entitatis: ergo etiam in Deo esse per essentiam, non est nostro modo concipiendi natura, sed modus naturæ.

Et idem argumentum conficere possumus de secundo termino, scilicet, de plenitudine essendi, quia etiam ita se habet respectu Dei, nostro modo concipiendi, plenitudo essendi, sicut respectu creaturæ limitatio, & in creatura limitatio essendi, non est natura, sed modus naturæ. Et demum possumus eodem modo argumentari de tertio termino, qui est pelagus, aut abyssus perfectionum. Quia etiam correspondet huic in creaturis limitatio perfectionis.

Secundo potest probari hæc eadem pars simul cum secunda. Et ad probationem supponendum est, quod perfectiones, quæ sunt formaliter in Deo, sunt duplicis generis. Primum genus est eorum, quæ secundum suas rationes formales consideratas præcise, & cum abstractione ab hoc, quod sunt

sunt in Deo, important modum proprium Dei quatenus distinguitur ab ente creabili, ut actus purus, infinitas in genere entis, & omnimoda immutabilitas; quantumcunque abstrahatur ab hoc, quod sunt in Deo, si concipiantur secundum suas rationes formales, non possunt separari a modo proprio Dei quatenus distinguitur a tota latitudine entis creabilis: quia esse actum purum, & esse infinitum in genere entis, & esse omnino immutabilem quamvis sumantur ut sic & præciendo ab hoc, quod conveniunt Deo important aliquid proprium Dei & nulla abstractione possunt ab eo separari. Secundum genus est earum perfectionum, quæ secundum suas rationes formales sumptas præcise, & cum abstractione ab hoc quod sunt in Deo non important aliquem modum proprium Dei, ut distinguitur ab ente creabili, ut sapientia, misericordia, & iustitia si sumantur abstracte ab hoc, quod sunt in Deo, possunt concipi secundum suas rationes formales, ut separari ab omni modo proprio Dei. Nam ratio formalis iustitiæ aut sapientiæ, ut sic non importat aliquid proprium Dei.

Et inter perfectiones horum generum est tantum discrimen quod perfectiones primi generis non possunt communicari creaturis secundum convenientiam formalem, quod est non posse participari in creaturis participatione formali. At vero perfectiones secundi generis, possunt communicari creaturis secundum convenientiam formalem, quod est posse participari in eis participatione formali. Et ratio huius discriminis est manifesta: quia cum perfectiones primi generis secundum suas rationes formales abstracte sumptas important aliquid proprium Dei, ut distinguitur a creaturis, sequitur, quod secundum suas rationes formales non possint esse formaliter in creaturis: quia illud quod est proprium alicui rei ut distinguitur formaliter ab alia, non potest esse formaliter in utraque; ut rationale quod est proprium hominis, ut distinguitur formaliter ab equo, non potest esse formaliter in equo. E contra vero, quia perfectiones secundi generis, secundum suas rationes formales abstracte consideratas non important aliquid proprium Dei ut distinguitur a creaturis, sequitur, quod saltem ex hac parte non repugnat eas esse formaliter in creaturis.

Et hoc supposito sic argumentor: Ens per essentiam, aut imparticipatum & independens, & plenitudo essendi, & pelagus aut abyssus perfectionum omnium, pertinent ad primum genus perfectionum: ergo non possunt communicari gratiæ, aut alteri creaturæ secundum convenientiam formalem. Et ulterius: ergo neque gratia, neque aliqua alia creatura potest esse participatio formalis Dei secundum has rationes. Hæc secunda consequentia patet: quia idem est esse participationem formalem alicuius perfectionis, & habere communicaram per participationem eandem perfectionem secundum convenientiam formalem, ut patet ex ijs quæ in explicatione tituli diximus, de participatione formali. Et prima etiam patet ex fundamento nunc præsupposito. Et antecedens probatur: quia illa tria quantumcunque abstrahantur ab hoc, quod est esse in Deo, important secundum suas rationes formales, aliquid proprium Dei, quatenus distinguitur a tota latitudine entis creabilis.

Et confirmatur, quia si illa tria quæ in hoc antecedenti referuntur, participaretur in gratia, aut in aliqua alia creatura, participatione formali, sequeretur,

quod talis creatura esset formaliter ens per essentiam, & imparticipatum, & independens, & ipsa plenitudo essendi, & abyssus aut pelagus perfectionum omnium; quod tamen manifestam involuit repugnantiam, quia simul convenirent formaliter eidem creaturæ opposita prædicata, scilicet, esse talem per essentiam & per participationem.

Dices, illa tria prædicata posse duobus modis considerari, scilicet, sine limitatione aut per essentiam: & cum limitatione aut per participationem, & priori modo esse propria Dei, ut distinguitur a creaturis, & ut sic non posse communicari creaturis, secundum convenientiam formalem; at vero posteriori modo non includere aliquid proprium Dei ut distinguitur a creaturis: & ideo ut sic posse communicari secundum convenientiam formalem, & ex hoc non sequi quod conveniant creaturæ illa prædicata opposita.

SED HÆC SOLUTIO facile impugnari potest. Primo quia hæc distinctio non potest habere locum in perfectionibus primi generis, si ergo hæc tria prædicata, de quibus agimus pertinent ad illud genus, sequitur quod non possint ita distinguui. Probatur antecedens, quia perfectiones primi generis quantumcunque abstrahantur ab hoc quod est esse in Deo, includunt intrinsicè alicuiusmodi proprium huiusmodi essendi, qui est esse per essentiam & sine limitatione in genere entis, ut distinguitur a modo essendi per participationem & cum limitatione, sicut in exemplis propositis actus purus, & omnimoda immutabilitas, etiam si considerentur secundum illam abstractionem includunt earentiam potentialitatis, & immutabilitatis, quæ est propria entis per essentiam & illimitati, ut distinguitur ab ente per participationem & limitato: quia ex limitatione, in genere entis, provenit potentialitas, & ex hac mutabilitas: ergo non possunt distinguui per hos duos modos, qui sunt esse per essentiam, & per participationem, aut illimitate, & limitate. Patet hæc consequentia: quia in perfectionibus secundi generis ideo habet locum hæc distinctio, quia si sumantur secundum illam abstractionem non includunt aliquid proprium alicuius ex his duobus modis essendi, ut distinguitur ab altero: ut quia in ratione formali sapientiæ ita abstracta non includitur aliquid proprium alterius ex his modis, ideo potest cum quocumque eorum repetiri.

CONFIRMATUR: quia hoc est maxime certum in his tribus prædicatis: de quibus agimus: quia non solum includunt aliquid proprium modi essendi per essentiam & illimitate, sed etiam sunt formalissime ipse modus ita essendi: ergo non possunt distinguui per hos duos modos essendi. Hæc consequentia patet a simili: nam rationale non potest dividi per rationale, & irrationale, neque esse in alio potest dividi per esse per se & in alio. Et antecedens probatur: quia primum prædicatum est ens per essentiam & imparticipatum; & hoc quantumcunque abstrahatur non potest denudari ab esse per essentiam, ut distinguitur ab esse per participationem, & reliqua sunt plenitudo essendi, & abyssus omnium perfectionum, & hæc etiam nulla abstractione possunt denudari ab illimitatione in genere entis, ut distinguitur a limitatione.

Secundo potest impugnari illa solutio, quia si in his prædicatis, de quibus agimus admittatur hæc distinctio destruitur omnino opposita sententia, quod sic probo. Si gratia est per participationem, & cum limitatione participatio Dei secundum quod est ens per essentiam, & imparticipatum, sequitur ipsam non esse formalem participationem Dei secundum hanc rationem, quod est contra oppositam sententiam. Patet sequela, quia ut diximus in explicatione tituli, ad formalem participationem requiritur formalis convenientia in prædicato, secundum quod est participatio, & diversitas in modo essendi: ut sapientia est formaliter in Deo, & in creatura, & in Deo est per essentiam, & in creatura per participationem: Sed si gratia per participationem sit participatio Dei secundum, quod est ens per essentiam & imparticipatum non potest habere convenientiam formalem cum Deo secundum hanc rationem, quia inuoluit repugnantiam, quod eadem entitas, & secundum eandem rationem formalem sit formaliter ens per essentiam, & imparticipatum; & simul sit formaliter ens per participationem: ergo neque potest esse formalis participatio Dei secundum eandem rationem. Quod est destrui oppositam sententiam.

§ 6. Respondetur ad argumenta quibus probatur sententia Joannis Vincentij posita in hac conclusione.

ET ad primum argumentum pro ea factum respondetur, quo ad testimonia primæ classis negando, quod in eis tribuatur gratiæ dare esse per essentiam aut esse absolute, & sine limitatione. Et ad primum testimonium, quo id probatur dicendum est, expositionem illam non solum esse præter expositionem, quæ communiter illi testimonio assignatur à sanctis; sed etiam esse parum consonam ei, & sensui literæ. Nam ut CHRYSOSTOMVS, THEOPHILACTVS, OLYMENIVS, & THEODORIVS, notant, S. PAVLVS non utitur illis verbis: *sum id quod sum*, ut sibi excellentem aliquem titulum tribuat, sicut se vera tribueret, si significaret se gratia Dei, habere id, quod Deo natura sua conuenit, scilicet esse per essentiam, & imparticipatum, sed potius, ut se humiliet: non solum tribuendo gratiæ Dei omne bonum, quod habebat, sed etiam ipsum bonum explicando verbis humilibus, & modestis. Nam, quia magnū quid erat fuisse assumptum ad dignitatem apostolatus, etiam si id gratia Dei fuisset factum, & non propter eius merita qui fuerat persecutus Ecclesiam Dei, sicut in Regibus, & Pontificibus pertinet ad excellentiam, & auctoritatem dicere se esse Reges, aut Pontifices, quamuis in eo humilitatem, & modestiam ostendant quod simul fateantur se ex Dei gratia habere eam dignitatem, ideo S. PAVLVS id, quod in ipso pertinebat ad excellentiam & ad bonitatem, scilicet, fuisse donatū dignitate apostolica, & gratia remissionis peccatorum, explicat illis verbis, *sum id, quod sum*, quasi ita diceret: si quid sum, si quod bonum habeo, id gratiæ Dei acceptum refero. Et hoc postulat ordo literæ. Nam cum S. PAVLVS seipsum deiecisset, di-

acens se esse minimum Apostolorum, & indignum vocari Apostolum, quia fuerat persecutus Ecclesiam Dei, subiicit statim hæc verba, quibus illud Ignitaris quod sibi videbatur tribuisse attenuet faciendo Deum sua gratia fuisse eius autorem: & ut inquit THEODORIVS, utendo verbis, quibus divinitas spirituales, quæ in eo continentur occulter. Et quod additur de geminatione verbi, *sum*, etiam fauet huic expositioni, quia non ponitur hoc verbum secundo loco absolute, si quidem non dicit S. PAVLVS, *sum qui sum*, sed potius cum limitatione, *id quod sum*, ratione cuius sit, ut hoc verbum nullo modo possit sumi pro ipso esse absolute, sed pro illo esse particulari, & determinato quod Paulus habebat ratione apostolatus, & remissionis peccatorum, & quod volebat humiliter, & modeste significare. Et propterea etiam hæc geminatio non est similis illi, quæ adducitur ex Exodo, quoniam ibi verbum, *sum*, ponitur absolute, & sine vlla limitatione: dicit enim Deus, *de se, ego sum qui sum*, & postea præcipit MOYSE, ut diceret filijs Israel: *quis est misit me ad vos*. Comprehendens hoc verbo, ut Damascenus inquit libro 1. de fide capite 12. *ipsum esse veluti quoddam pelagus substantia infinitum, & interminum*, quod etiam ex Hebræo, & Græco posset facile ostendi. Et ad alia testimonia, quibus probatur tribui gratiæ in scriptura dare esse absolute, & sine vlla limitatione, respondetur cum MARTINO MARTINEZ libro decimo hypotypo. regula 38. qui illa, & alia multa testimonia adducit pro illo discrimine inter iustos, & peccatores, & cum FRANCISCO RIBERA super caput secundum Hose. numero quinto, scripturam ideo dicere de peccatoribus, *non esse*, quia nullius pretij sunt apud Deum, & contraria ratione dicere de iustis absolute, & sine vlla limitatione *esse*, non vero, quia peccatores non sunt, aut iusti sunt ipsum esse per essentiam. Et simili modo loquendi solemus nos homines abiectos, & viles in republica distinguere à nobilibus, & præcipuis.

§ 7. Respondetur ad testimonia secundæ classis.

AD testimonia secundæ classis respondetur, negando tribui gratiæ in scriptura nomina, & titulos, quibus significetur ipsa plenitudo essendi. Et de primo nomine, quod est *gloria*, dico in primis, non intelligi per ipsum gratiam iustificantem in testimonijs adductis. Quoniam in primo intelligitur misericordia Dei, propter rationem statim assignandam. Et in secundo id, quod quis potest de se prædicare. Et in tertio status cum felicitate cumulatus, aut anima. Et deinde admissio significari gratiam, nego gloriam sumi in scriptura, aut pro ipsa plenitudine essendi, aut pro toto esse rei absolute. Pro quo advertendum est ex FRANCISCO RIBERA super caput 14. Hose. num. 16. *gloriam*, in vna quaque re appellari quod ipsam magnificat, & claram ac venerabilem reddit. Et ideo splendor aut aliquid aliud simile apparens cū Deus videtur, appellatur *gloria*, ut Exo. 40. *operuit nubes tabernaculum testimonij, & gloria Domini implevit illud. ex 3. Regum 8. non poterant sacerdotes intrare, & ministrare propter nebulam, impleverat enim gloria Domini domum Domini*. Et propterea

etiam

etiam diuitur in homine appellantur gloria, vt Matthæi sexto. nec Salomon in omni gloria sua cooperatus est, sicut unum ex illis. Et propter eandem rationem diximus in principio huius solutionis per gloriam in testimoniis adductis ad probandum significari gratiam, non significari gratiam, sed in primo misericordiam & bonitatem Dei, quia hæc est, quæ ipsum nobis maxime colendum, & venerabilem reddit. Et in secundo, id quod quis de se prædicare potest quasi enim gloriacione, sicut Hispanice dicimus: *puedome alabar de esso*. Quoniam PAVLVS ibi significat se posse de se ipso prædicare, esse sibi suum animum testem, & conscium fuisse in Euangelio versatum non ad ostentationem, aut alicuius quæstus gratia, sed in simplicitate cordis, & sinceritate Deo probata; & in tertio felicitatem, aut animam quoniam vtraque est decus, & ornamentum hominis.

Et ita possumus respondere ad testimonia quibus probatur gloriam sumi pro toto esse, decipi eos, qui id sentiunt. Nam in primo sumitur pro felicitate, & summa autoritate, qua IOSEPH poteratur in Ægypto. Et in secundo pro eo, quod sacerdos ille reputabat esse optimum, & maximæ pretij in IERUSALEM, & quod eam urbem, & regionem maxime ornat. Et in tertio pro opibus, & diuitijs IOB. Quæ omnia propter rationem assignatam nomine gloriæ significantur.

Et demum ad argumentum, quod ex his omnibus testimonijs colligitur, dicendum est. Etiam admissa gloriæ sumi pro gratia iustificante, solum probare gratiam esse id, quod in nobis est optimum, & maioris pretij, & quod nos maxime ornat. Et de secundo nomine, quod est *Regnum Dei*, concedimus per regnum Dei, & Christi, & per regnum celorum, aliquando in scriptura significari gratiam iustificantem, quia per ipsam formaliter eripimur de regno, & potestate demonis, & transferimur in eum statum in quo Deum, vt Dominum, & Regem agnoscimus, & suis mandatis paremus, vt IANSENIVS bene explicat referens varias huius vocis acceptiones, super caput decimum-tertium suæ concordie Evangelicæ, & super caput 41. Ceterum negamus per *regnum Dei*, significari totum esse, quia nullus est ex sanctis, qui cum explicat significata quæ vox hæc habet in Euangelio, vbi potissime reperitur, meminerit huius. Et addimus non posse colligi oppositum ex eo quod psalm. 23. Deus appelleretur *Rex gloriæ*, quia ibi iuxta sanctorum expositionem fit sermo de Christo, qui appellatur Rex gloriæ, sicut, & primæ ad Corint. 2. non solum quia est gloriosus Rex & gloria ac claritas est ipsi propria, sed etiam quia gloriam suis tribuit. Et eadem ratio huius nominis reddi potest, quamuis ibi fiat sermo de Deo secundum se, quia genitiuus, *gloria*, sumitur iuxta phrasim Hebraicam pro adiectiuo importante excessum per modum superlatiui, vt sit idem quod gloriosissimus, & ita Deus appellatur *Rex gloriæ*, quia sit Rex gloriosissimus, & illustrissimus, non vero propter excellentiam, & præminentiam plusquam regiam, quam habet respectu totius esse. Neque hoc potest colligi ex significatione huius nominis, *gloria*, quia vt paulo superius ostendimus, non sumitur in scriptura pro toto esse, sed pro eo, quod re quamcunque maxime ornat, & claram ac venerabilem reddit.

Et de tertio nomine quod est, *semen Dei*, dicimus potius ex eo colligi oppositum, quia semen non est participatio formalis rei cuius est semen, sed virtualiter tantum, quia cum in semine non sit formaliter ea res, cuius est semen, sed tantum virtualiter tanquam in effectu, non qualicumque, sed gerente vices eius, non potest semen dici participatio formalis, sed tantum virtualis, vt patet ex ijs, quæ notauimus in explicatione tituli huius controuersie.

§ 8. Quare gratia vocetur semen Dei.

ET si quæras, quomodo gratia appelletur *semen Dei*, si vt diximus non est participatio formalis diuinæ naturæ. Respondetur appellari hoc nomine propter similitudinem, quam habet cum seminibus. Quia sicut per semina sunt viuentium generationes, ita per gratiam regeneramur in filios Dei, & sicut semen est virtus viuentis gerens vices ipsius: ita etiam gratia potest appellari virtus Dei, & gerit vices ipsius in nostris animis quo ad multos effectus: & demum sicut semen est participatio imperfecta viuentis: ita etiam gratia quamuis sit participatio formalis Dei, & perfectissima inter omnes creaturas, tamen si comparatur cum celsitudine Dei est imperfecta, & valde inadæquata.

§ 9. Respondetur ad testimonia tertia classis.

AD testimonia tertia classis respondetur, negando tribui in scriptura gratiæ aliquas proprietates quæ non possint conuenire ipsi, nisi sit participatio formalis Dei, quatenus est ipsum esse imparticipatum, & independens. Et ad probationem quoniam in ea non agitur de veritate rei, sed de eo quod colligitur ex scriptura, & contingit multas opiniones etiam in Theologia esse veras, quæ non colligantur ex scriptura, oportet primum explicare quid in hac re colligatur ex scriptura, & quid non, siue id, quod non colligitur sit verum siue falsum, ne opinionibus Theologorum præiudicemus. Et ideo respondetur primo maiorem posse intelligi duobus modis, quia sicut illæ proprietates, scilicet immutabilitas, & indefectibilitas, possunt accipi duobus modis: nempe vt conueniunt rei ab intrinseco & ex propria natura; & vt conueniunt per solam voluntatem extrinsecam Dei, qui rem aliquam defectibilem vult in perpetuum conseruare, ita propositio illa potest habere duos sensus. Primus est tribui illas proprietates gratiæ in scriptura, quia conueniunt ei ex propria natura, & ab intrinseco. Secundus est, tribui ei quia conueniant per voluntatem Dei qui decreuit conseruare gratiam in iusto, quando ipse per peccatum mortale non se reddiderit indignum gratia. Et hoc supposito, dico maiorem esse veram in hoc secundo sensu, & non in primo, & ita argumentum nullas habere vires, quia neganda est minor, cum debeat intelligi de his proprietatibus sumptis sicut accipiuntur in maiori, scilicet, pro immutabilitate, & indefectibi-

litate proveniente ab extrinseca voluntate Dei, ne si alio modo accipiantur, argumentum laboraret in æquivoco. Et constat has proprietates ita sumptas posse convenire rebus, quæ non sunt participationes formales Dei secundum quod in ipso intelligitur per modum radicis proprietatum eiusdem denominationis, quia indifferenter possunt convenire quibuscunque rebus, licet in quibusdam habeant maiorem congruentiam cum earum naturis, quam in alijs. Et ratio huius est manifesta, quia hæ proprietates ita sumptæ non conveniunt in vna ratione formali analogica cum illis, quæ in Deo intelliguntur esse ab illa radice.

§ 10. Respondetur ad primum medium quo probatur maior.

ET ad primum medium, quo probatur illa maior respondetur, ex scriptura non colligi gratiam esse radicem vitæ æternæ, eo modo quo natura aliqua est radix suarum proprietatum, quod tamen esset necessarium vix eo posset colligi, gratiā habere eandem immutabilitatem, & indefectibilitatem, quam habet vita æterna, sed solum quia est principium meritorum, quibus certo, & infallibiliter comparatur vita æterna, si ex hac vita in gratia decedamus. Et ita exponit primum testimonium ibi adductum. Augustinus epistola. 105. quæ est ad Sixtum presbyterū. Et libro de gratia, & libero arbitrio à capite 6. vsque ad 11. ubi ait: *gratis dari vitam æternam, non quia ex meritis non debetur, sed quia gratis data est gratia bona vita*, hoc est gratia, quæ est principium bonæ vitæ, qua meremur vitam æternam. Et re vera hunc sensum postulat ipse contextus, quia præcesserant hæc verba: *stipendia peccati mors*, id est quod Deus rependit peccanti, est mors gehennæ. Et consequenter debebat subijci, stipendia autem iustitiæ, vita æterna, & tamen PAVLVS, vt indicaret fontem iustitiæ cui responderet stipendium vitæ æternæ, hoc est unde proveniunt opera meritoria quibus tanquā merces ex iustitia debita redditur vita æterna dixit: *gratia autem Dei vita æterna*. Et eodem modo exponitur secundum testimonium in CONCILIO TRIDENTINO sessione sexta, decreto de iustificatione capite decimo-sexto. Vbi ad probandum nihil deesse operibus iustorum quæ ex gratia procedunt, vt sint meritoria vitæ æternæ, & vt re ipsa suo tempore reddatur eis ipsa vita æterna, si tamen iusti in gratia decesserint, adducitur illud testimonium. Ex quo aperte colligitur sensum eius esse quod gratia est fons, & principium operum, instar aquæ fluentis salientium, hoc est decurrentium in vitam æternam, quia infallibiliter attingunt, & consequuntur eam, si is cuius sunt, in gratia ab hac vita decedat.

§ 11. Respondetur ad secundum medium.

AD SECUNDUM MEDIUM respondetur, negando colligi ex scriptura gratiam esse ex propria natura, & ab intrinseco invariabilem, &

A indefectibilem. Et ad primum testimonium quod probatur dicendum est cum CHRYSOSTOMO, & alijs expositoribus, nomine gratiæ ibi comprehendendi non solum gratiam iustificantem, sed etiam fidem & reliqua auxilia, quæ nobis sunt in hac vita necessaria ad viuendum sicut oportet ad consequendum beatitudinem; & PAVLVM admonere eos, ad quos scribit, vt unusquisque non tantum propriæ, sed etiam aliorum salutem inuigilet, & ita communi studio omnes curent, ne quis in hoc cursu quo ad beatitudinem pergitur, deficiat gratiæ Dei qua ad beatitudinem ducitur, & efficiatur alienus ab ea sanctitate, quæ necessaria est ad consequendum beatitudinem, & quam per gratiam Dei habere potest. Et quamvis hac admonitione insinuetur provenire ex nobis ipsam defectionem à gratia, & non ex parte ipsius gratiæ, atque adeo gratiam nunquam nobis deficere nec deesse quantum est ex parte sua, tamen ex hoc non potest colligi convenire gratiæ immutabilitatem, & indefectibilitatem ab intrinseco, & ex natura sua. Tum quia pari ratione posset idem colligi de omnibus auxilijs pertinentibus ad ordinem gratiæ, cum etiam hæc auxilia comprehendantur hoc loco nomine gratiæ, vt dixi. Tum etiam quia vt verum sit gratiam siue iustificantem, siue auxiliantem nunquam nobis deesse, quantum est ex parte sua, satis est quod ad gratiam iustificantem, Deum statuisse semel nobis datam conservare semper quamdiu ex parte nostra non fuerit appositum impedimentum peccati mortalis; & quod ad auxiliantem esse paratum ad conferendum nobis eam quamdiu per nos non steterit. Et ad secundum testimonium concedendum est ibi fieri sermonem de lege Evangelica vt exponit PAVLVS ad Hebræos 8. adducens idem testimonium ad probandum distinctionem noui testamenti à veteri. Cæterum quod hæc lex dicatur scribenda in cordibus hominum, potest duobus modis intelligi, scilicet, aut de gratia Spiritus sancti, quæ vt contendit DIVVS THOMAS 1. 2. quæstione 106. artic. 1. non solum est id, quod præcipuum est, inter omnia quæ continet nouum testamentum: sed etiam dicitur absolute lex evangelica; aut de præceptis circa credenda, & agenda. Et quidem si intelligatur de gratia facile patet, quare dicatur scribenda in cordibus hominū, quia gratia infunditur animis nostris. Si vero intelligatur de præceptis, nō est ita facile, cū præcepta hæc cōtineantur scripta in Evangelio, & in epistolis Apostolorū; potest tamen exponi dupliciter. Primo dicendo cum Chrysostomo super locum citatum ex PAVLO, intelligi de Apostolis, qui nihil scriptum acceperunt à CHRISTO, sed in cordibus, & maxime per Spiritum sanctum. Et propterea dixit CHRISTVS: Ioannis 14. *Hæc locutus sum vobis apud vos manenti, paracletus autem Spiritus sanctus, quem mittet pater in nomine meo, ille vos docebit omnia, & suggeret vobis omnia quacunque dixerō vobis*. Secundo dicendo, intelligi de ipsis præceptis ratione abundantæ gratiæ, quæ in nouo testamento diffunditur in cordibus nostris, qua non solum sciamus, sed etiam impleamus diuina mandata. Ita vt ratione propensionis, & facilitatis, quam ex hac abundantia gratiæ participat homines ad adimplendū diuina præcepta dicatur ipsa præcepta infixæ, & inscriptæ cordibus

cordibus hominum quantum ad sui obseruationem. Sicut solemus dicere ea, quæ vehementer cupimus esse nobis in corde posita. Et hunc sensum tradit AUGUSTINUS lib. de spiritu, & litera cap. 24. Cum vero AUGUSTINUS per discrimen inter *scripturam*, & *vocem*, dicit significari immutabilitatem dicendum est, locutum fuisse de immutabilitate ab extrinsecorrespectu gratiæ, & de affixione hac in cordibus hominum quantum ad præcepta. Et ad testimonium CONCILII TRID. respondetur sicut ad testimonium PAVLI primo loco positum. Et ex ipso contextu Concilij intelligitur aperte esse hunc eius sensum, quoniam appositum illa verba, ut doceret, non esse impossibile iustificatis implere præcepta Dei: quia quantum est ex parte Dei nunquam ipsis deest gratia, quæ ad id est necessaria.

§. 12. Secunda responsio ad totum argumentum.

Secundo respondendum est, aliter ad totum hoc argumentum, quod desumitur ex gratiæ immutabilitate, & indefectibilitate, si non agatur præcise de eo, quod colligitur ex scriptura, sed de re ipsa absolute. Et ut clarius procedamus in hac solutione, proponatur maior argumenti hoc modo: Gratiæ conuenit esse immutabilem, & indefectibilem. Et hoc posito respondetur concedendo maiorem, etiam si intelligatur de his proprietatibus, ut conueniunt rei ab *intrinseco*, & ex propria natura, & non per solam voluntatem Dei *extrinsecam*, iuxta distinctionem in præcedenti solutione explicatam, & negando minorem. Et ad probationem concedendum est *antecedens*: quia si Deus non esset ens per essentiam, non esset actus purus, & ex consequenti haberet aliquam potentialitatem, cum qua non stat omnimoda immutabilitas, & indefectibilitas. Et neganda est *consequentia*: quia immutabilitas, quæ conuenit, aut gratiæ, aut cuicumque alteri creaturæ, non est participatio *formalis* diuinæ immutabilitatis, & indefectibilitatis, sed *virtualis* dumtaxat, quamuis in nomine conueniat cum ea: & ideo non est necesse quod id, quod in gratia, aut quacumque alia creatura est radix suæ immutabilitatis, & indefectibilitatis, sit participatio formalis eius, quod in Deo intelligitur per modum radices, aut rationis à priori suæ immutabilitatis.

Ut autem hoc rectius intelligatur aduertendum est ex D. THO. 1. part. quæst. 9. arti. 1. quod cum mutabilitas, & defectibilitas importent potentiam ad mutationem & defectum, possunt distinguui *tres gradus* immutabilitatis, & indefectibilitatis, penes tres modos, quibus hæc potentia potest aut impediri aut tolli. *Primus* est earum rerum, quæ habent potentiam intrinsecam ut mutantur, & deficient, & ex consequenti sunt simpliciter, & ab intrinseco mutabiles, & defectibiles, tamen per voluntatem Dei habent hunc modum immutabilitatis, quod nunquam mutantur aut deficient: quia Deus decreuit ita impedire illam potentiam, ut nunquam possit reduci in actum. Et huius modi res dicuntur immutabiles, & indefectibiles tantum *secundum quid*, & ab *intrinseco*. *Secundus gradus* est aliarum rerum, quæ nul-

Alam habent potentiam intrinsecam, ut mutantur, & deficient. Habent tamen non repugnantiam intrinsecam, & potentiam extrinsecam, per quam possunt mutari, & deficere. Et huiusmodi res dicuntur *simpliciter*, & *absolute* immutabiles, & indefectibiles. Cum vero dico has res carere *potentia intrinseca*, ut mutantur, & deficient, loquor de eis, *quo ad suam substantiam*, non *quoad accidentia*; quia nulla est res ex ijs, quæ per potentiam extrinsecam sunt mutabiles, & defectibiles, quæ non habeat potentiam intrinsecam, ut mutetur, & deficient *quoad accidentia*. *Tertius gradus* importat exclusionem omnis potentie, tam intrinsecæ quæ extrinsecæ ad mutationem, & defectum siue secundum substantiam siue secundum accidentia. Ex his autem tribus gradibus *primus* potest conuenire cuicumque creaturæ, quia nulla est creatura, quæ non possit à Deo conservari in perpetuum sine omni mutatione, & defectu, aut quo ad substantiam aut etiam quoad accidentia. Et *secundus* conuenit de facto multis creaturis, ut Angelis, & animis rationalibus, & secundum magis receptam sententiam corporibus celestibus. *Tertius vero* neque conuenit neque potest conuenire alicui creaturæ, sed est proprius Dei. quia sicut est incommunicabile creaturæ, quod non habeat esse dependenter à libero influxu Dei: ita etiam est ei incommunicabile quod non possit per potentiam Dei mutari, & deficere. Et ex hoc manet explicatum, quæ ratione neque in gratia, neque in aliqua alia creatura sit participatio formalis diuinæ immutabilitatis, quia manet explicatum, quæ ratione in nulla earum sit *formaliter* ille gradus immutabilitatis qui conuenit Deo: quamuis sumatur præcise secundum propriam rationem abstractam ab hoc quod est esse in Deo vel in creatura. Et contra hanc solutionem nullam vim habent testimonia adducta in illa tertia classe, quia in nullo eorum significatur conuenire gratiæ tertium gradum immutabilitatis, quod tamen esset necessarium ut ex immutabilitate quæ in eis tribuitur gratiæ conuinceretur ipsam esse participationem formalem Dei, *quatenus* est ens per essentiam, & im-participatum.

§. 13. Respondetur ad secundum argumentum de immutabilitate.

Ad secundum argumentum respondetur distinguendo antecedens, si enim intelligatur de *secundo* gradu inuariabilitatis, & indefectibilitatis hunc explicato, verum est: si tamen intelligatur de *tertio*, falsum est. Et facta eadem distinctione consequentis primæ consequentiæ, potest ipsa consequentia concedi, si illæ proprietates sumantur priori modo. Et hoc solum conuincit eius probatio, quamuis admittatur id, quod in ea supponitur, scilicet, gratiam in patria esse principium radicale luminis gloriæ, eo modo quo natura aliqua est radix suarum proprietatum, quæ ad ipsam naturaliter consequuntur. Cæterum secunda consequentia absolute est neganda. Et ad eius probationem dicendum est, quod quamuis gratia non habeat hunc modum immutabilitatis per essentiam, sed per participationem à Deo, non

sequitur.

sequitur, quod secundum eam sit formalis participatio diuinæ immutabilitatis, quia non conuenit cum ipsa in vnaratione formali immutabilitatis etiam analogæ, sed solum quod sit participatio virtualis: vt superius est expositum. Et ad primam probationem antecedentis quatenus deseruire potest ad probandum ipsum in secundo sensu, in quo diximus esse falsum, respondetur, Quod ad beatitudinem formalem sufficit prior modus immutabilitatis, qui est secundus inter explicatos in solutione præcedentis argumenti. Et ad secundam probationem respondetur non valere hanc consequentiam: Visio beatifica propter suam immutabilitatem mensuratur æternitate: ergo secundum suam immutabilitatem est formalis participatio diuinæ immutabilitatis. Et ratio huius est, quia neque æternitas participata, quæ mēsuratur, est formalis participatio diuinæ æternitatis. Quod vt explicemus aduertendum est ex D. Tho. 1. parte q. 10. posse per respectum ad tres gradus immutabilitatis, quos distinximus in solutione præcedentis argumenti, distingui alios tres gradus æternitatis, supposito quod per æternitatem intelligamus durationem rei interminatam versus eam partem respectu cuius dicitur æterna. Primus est earum rerum, quæ nec à parte ante, nec à parte post habent ex propria natura durationem sine termino: tamen per voluntatem Dei possunt eam habere: vt posset Deus rem aliquam ex propria natura generabilem, & corruptibilem produxisse ab æterno, & conseruare in æternum. Secundus gradus est earum rerum, quæ ex propria natura habent durationem sine termino non quidem à parte ante, sed à parte post, & cum dependentia à libero influxu Dei, per cuius potentiam possunt destrui, & habere terminum suæ durationis. Tertius gradus excludit omnino terminum durationis tam à parte ante, quam à parte post, & tam per potentiam intrinsecam, quam per extrinsecam. Et ex his gradibus æternitatis primus potest conuenire cuicumque creaturæ saltem permanenti, iuxta probabilem sententiam asserentium, potuisse Deum producere mundum ab æterno, & conseruare in æternum, etiam quoad naturas generabiles, & corruptibiles. Secundus conuenit de facto multis creaturis vt angelis secundum suam substantiam, animis rationalibus, corporibus cælestibus, & omnibus rebus, quæ suapte natura non sunt corruptioni, & defitioni obnoxie. Verum quia in his rebus dantur durationes specie distinctæ, aut penes naturalitatem, & supernaturalitatem, aut penes maiorem, & minorem immutabilitatem, ideo hic secundus gradus diuiditur in distinctas species æternitatis, ex quibus vna appellatur *annum*, & altera *æternitas participata*: & prior conuenit substantiæ angeli, & animæ rationali, & corporibus cælestibus, & posterior conuenit visioni beatificæ, & eadem conuenit gratiæ, & habitibus supernaturalibus, quia ipsam consequuntur, non ratione status imperfecti, sed absolute, & secundum suam naturam. Quia quamuis hæc omnia in hac vita sepe desinant esse, tamen hoc non prouenit ex propria natura ipsorum, sed ex imperfectione subiecti cum quo non habent connaturalitatem: cuius signum est, quod si constituantur in subiecto, quod non possit ha-

bere peccatum, non poterunt desinere esse. Hæc autem quæ diximus de distinctione harum durationum, & de propria ratione durationis visionis beatificæ, & gratiæ habitualis, non sunt hic latius examinanda, quia pertinent ad quæstionem decimam primæ partis. Tertius vero gradus æternitatis non conuenit, neque potest conuenire etiam per potentiam Dei absolutam alicui creaturæ: quia sicut est incommunicabile creaturæ, quod non possit per Dei potentiam habere initium, & finem suæ durationis: ita etiam est incommunicabile, quod habeat illum gradum æternitatis. Et ita manet explicatum id, quod diximus, scilicet æternitatem quæ conuenit visioni beatificæ, non esse participationem formalem diuinæ æternitatis; quia ex distinctione horum graduum æternitatis, constat æternitatem quæ conuenit Deo, si sumatur secundum suam rationem formalem, quamuis abstrahatur ab hoc quod est esse in Deo, non esse formaliter in visione beatifica, & distingui omnino formaliter ab eius æternitate.

§. 14. Respondetur ad tertium argumentum de diuina perfectione.

Ad tertium argumentum respondetur negando antecedens. Et ad probationem admissa illa distinctione diuinæ perfectionis dicendum est, falsum esse id, quod supponitur ad argumentum, quod ex ea desumitur, scilicet, illum modum perfectionis qui à nobis concipitur in Deo, vt totalis habere nostro modo concipiendi in Deo rationem naturæ. Quia neque perfectio partialis neque totalis, sed id, respectu cuius nostro modo concipiendi perfectio talis se habet vt modus, habet rationem naturæ, sicut dixi de infinitate in probatione primæ partis tertie conclusionis. Et ratio est eadē, scilicet, quod perfectio vt sic, in nulla re importat naturam, siue primam entitatem, sed modum eius, quia semper se habet, vt qualitas modalis respectu rei cui attribuitur. Et hoc in Deo debet intelligi secundum nostrum modum concipiendi, & in creaturis secundum rem. Vt in homine perfectio entitativa non habet rationem naturæ sed modi eius quod est natura, scilicet naturæ rationalis. Et in calore perfectio intensiua non habet rationem naturæ caloris, sed modi eius. Et in Deo secundum nostrum modum concipiendi perfectio attributi sapientiæ non habet rationem attributi sapientiæ, sed modi eius. Quare similiter perfectio totalis siue abyssus, & pelagus perfectionum in Deo, nostro modo concipiendi, non habet rationem naturæ, sed modi eius. Et ita manet solutum argumentum quod ex illa suppositione sumitur ad probandum antecedens, quia supponitur in eo perfectionem totalem nostro modo intelligendi habere in Deo rationem naturæ, quod tamen est falsum.

Ad confirmationem respondetur, negando antecedens, quia sicut est impossibile, quod detur participatio formalis illius perfectionis quæ in Deo concipitur, per modum perfectionis totalis, quæ appellatur abyssus, & pelagus perfectionum: ita est impossibile, quod gratia excedat omnes alias creaturas

in hoc

in hoc quod sit formalis participatio Dei secundum illum modum perfectionis qui in ipso est nostro modo intelligendi maior, & minus determinatus. Et ad probationem responderetur, quod ad hoc ut gratia sit melior, & præstantior participatio Dei quam reliquæ omnes creaturæ satis est, quod sit formalis participatio eius, quod nostro modo intelligendi habet in ipsa rationem naturæ.

§ 15. Responderetur ad ultimum argumentum ex testimonio D. THOM. desumptum.

AD ultimum respondebimus explicando singula testimonia D. THOM. quæ in eo adducuntur eodem ordine, quo posita sunt. Et ad primum dicendum est, quod per divinam bonitatem in eo loco non intelligitur divina perfectio siue totalis, siue partialis: sed id quod in Deo nostro modo intelligendi habet rationem naturæ, cui est connaturale illud bonum divinum, ad quod anima eleuatur per gratiam & habitus supernaturales, qui ad ipsam consequuntur. Et hunc esse sensum D. THOM. patet, quia ut probet gratiam esse quandam naturam nobiliorem quam naturam animæ, quamuis in modo essendi sit minus perfecta dicit ipsam esse expressionem, vel participationem formalem diuinæ bonitatis, hoc autem supponit, ut probatum ex corpore articuli. Vbi ex eo quod per gratiam formaliter, & intrinsicè, eleuatur homo ad bonum connaturale diuinæ naturæ, colligit ipsam esse participationem formalem diuinæ naturæ superadditæ animæ, ut veram qualitatē, atque adeo pro eodem sumit D. THOM. esse expressionem, vel participationem diuinæ bonitatis, & diuinæ naturæ. Et hoc magis explicuit ipse D. THOM. art. 3. sequenti. Vbi inquit virtutes infusæ præsupponere gratiam tanquam naturam diuinam participatam, sicut virtutes acquisitæ præsupponunt naturam rationalem. Quare D. THOM. in tota illa quæstione in qua agit de essentia gratiæ in hoc constituit eius essentiam, quod sit participatio formalis, & expressio diuinæ naturæ. Quid autem intellexerit per diuinam naturam, non explicuit aperte, quamuis satis insinuauerit, ut dicam in probatione ultimæ conclusionis.

Ad secundum testimonium responderetur, quod cum D. THOM. inquit, *Gratiam esse participationem diuinæ naturæ quatenus excedit omnem aliam naturam*, non loquitur de omni eo, in quo natura diuina excedit omnem aliam naturam, sed de eo in quo excedit per modum naturæ, quod nostro modo intelligendi, non est esse ens per essentiam, & impati-
cipatum, ut ostendimus in probationibus tertiæ conclusionis. Et quod D. THOM. non loquatur de omni eo, ratione cuius diuina natura excedit omnem aliam naturam, etiam debet admitti ab authoribus oppositæ sententiæ, quoniam alias sequeretur colligi ex hoc testimonio gratiam esse participationem formalem Dei, quatenus est actus purus, & increatus. quia etiam in his natura diuina excedit omnem aliam naturam. Et eodem modo responderetur ad tertium testimonium: quia ut Deus comunicando nobis gratiam deificet nos satis est, quod gratia sit participatio formalis eius, quod nostro modo intelligendi habet in Deo modum naturæ. Et hoc intellexit ibidē, & in reliquis testimonijs adductis ex tertia parte per participationem similitudinis diuinitatis, aut bonitatis diuinæ, aut etiam diuini esse.

A Et ad ultimum testimonium responderetur, quod quamuis, ut ratio D. THOM. habeat vim, necessaria sit prima limitatio, scilicet, ut intelligatur de participatione formali: non tamen est necessaria secunda, scilicet, ut intelligatur de diuina charitate formaliter quatenus est infinita, ita ut charitas creata sit participatio formalis suæ infinitatis.

§ 16. Quid sit charitatem posse in infinitum augeri.

ET solutio, quæ ad hoc probandum adhibetur illi rationi D. THOM. potest facile impugnari quia D. THOM. non colligit charitatem creatam, non habere terminum augmenti, ex eo, quod sit formalis participatio infinitatis charitatis diuinæ, quia sic probaret ipsam habere infinitatem actu, & formaliter, & non solum in potentia: sed ex eo, quod est formalis participatio charitatis diuinæ, quæ est infinita, & nullum habet terminum. Vis autem argumenti consistit in hoc, quod cum intentio in accidentibus sit modus essentię, & proportionetur ipsi, bene sequitur si charitas creata secundum suam essentiam habet conuenientiam formalem cum charitate diuina, quæ est infinita, quod quantum est ex parte huius essentię, non determinet sibi terminum in intentione, sed possit in infinitum augeri. Quia determinatio, quæ conuenit accidentibus ex parte suæ essentię, quæ ad intentionem prouenit ex eo, quod essentia nullo modo habet infinitatem, & ideo non habet proportionem neque connaturalitatem cum augmento infinito quo ad intentionem. At verò essentia charitatis creatæ, quamuis non sit formalis participatio infinitatis diuinæ charitatis, & ex consequenti, non sit formaliter infinita etiam per participationem, tamen habet hunc modum infinitatis, quod est ordinis infinitarum secundum conuenientiam formalem; quia conuenit formaliter cum charitate Dei infinita: & ideo quantum est ex parte sua est capax augmenti intentui in infinitum. Sicut diuina charitas postulat sibi infinitatem simpliciter, & hoc modo multi dicunt de Cæter. in principio primæ partis, practicum, & speculatiuum conuenire formaliter nostræ Theologiæ; quia non diuidunt scientiam in communem, sed finitam, & Theologia nostra habet hunc modum infinitatis, quod est quædam impressio, & participatio specialis diuinæ scientiæ. Et idem solet dici de habitu fidei.

Sed quæres, in quo secundum nostram sententiam consistat gratiam esse participationem formalem eius, quod in Deo nostro modo intelligendi habet rationem naturæ. Ad hoc sit

ULTIMA CONCLUSIO. Gratia ideo dicitur formalis participatio diuinæ naturæ, quia est formalis participatio per modum naturæ intellectualitatis diuinæ.

§ 17. Intellectualitas quomodo conueniat Deo.

AD huius conclusionis explicationem, & probationem supponendum est primo, quod Deo conuenit formaliter intellectualitas siue vita intellectualis distincta, & eleuata super omnem intellectualitatem substantialem creatam, & creabilem, non solum quantum ad modum ac-

tingendi per operationes huius vitæ intellectualis eorum objecta, sed etiam quantum ad excellentiam ipsorum objectorum, quæ tanta est, ut hæc objecta nulli substantiæ intellectuali creantur, aut creabili possint esse connaturalia, aut proportionata per modum objecti motui, vel quo ad efficaciam, aut quantitatem virtutis potentiarum talis naturæ. Et hoc quantum ad *priorem partem*, scilicet esse in Deo intellectualitatem siue vitam intellectualem excedentem omnem intellectualitatem creatam, & creabilem: aut potius Deum esse ipsam intellectualitatem, est adeo notum, ut non indigeat probatione. Quo ad *posteriorem* vero partem, scilicet, diuinam intellectualitatem excedere ex parte illius objecti omnem intellectualitatem creatam, & creabilem probatur ratione satis efficaci desumpta, ex ea qua D. THO. 1. p. q. 12. art. 5. vitur ad probandum intellectum creatum indigere lumine gloriæ ad videndum Deum, quæ potest ad hanc formam reduci. Intellectualitas diuina excedit quo ad modum essendi omnem intellectualitatem creatam, & creabilem: ergo, & quo ad efficaciam siue facultatem sufficientem, non solum secundum perfectionem essentialem quo ad essentiã, sed etiam secundum quantitatem virtutis. Et ulterius: ergo & quo ad obiectum proportionatum huic efficaciam siue facultati. Antecedens supponitur, ut certum, quia Deus ita habet esse, ut sit suum esse subsistens, quod nulli creaturæ est communicabile. Et *prima* consequentia probatur. Quia in omnibus virtutibus cognoscitiuis efficacia, siue facultas ita sufficiens commensuratur modo essendi ipsarum. Ut quia vis cognoscitiua sensitiva habet modum essendi omnino *materialem*, non habet efficaciam ad cognoscendum nec immaterialia, nec materialia sub aliqua abstractione à materia, & quia intellectualitas animæ rationalis habet hunc modum essendi perfectiorem: quia quamvis ex propria ratione sit actus, & forma corporis potest subsistere separata à corpore, & habet intellectum, qui non est actus organici corporis, ideo habet efficaciam maiorem, secundum quam potest ex propria natura cognoscere aliquo modo immaterialia, scilicet, per species materialium, & materialia sub abstractione à materia individuali. Et tandem, quia intellectualitas Angeli, habet modum essendi omnino separatum à materia, ideo habet efficaciam perfectiorem quam virtus sensitiva, & quam intellectualitas animæ rationalis, secundum quam potest ex propria natura cognoscere Deum per imaginem in ipso relictentem, & creata immaterialia per proprias species: ergo similiter, quia intellectualitas diuina excedit omnem intellectualitatem creatam, & creabilem in modo essendi sequitur, quod etiam excedat eam in efficacia, siue facultate sufficienti in sensu explicato. Et ex hoc manet probata *secunda consequentia*, quia ex hac inductione constat, quod quando una virtus cognoscitiua excedit aliam in efficacia etiam excedit eam in obiecto commensurato & proportionato eidem efficaciam.

Secundo supponendum est, quod obiectum proprium, in quo diuina, intellectualitas, quo ad efficaciam excedit omnem intellectualitatem creatam, & creabilem est ipse Deus ut attingibilis per actus secundos intellectualitatis, aut virtutum vel potentiarum quæ ei respondent, scilicet per actus intellectus, & voluntatis qui sunt intelligere, & amare.

A In Deo autem ut obiecto attingibili per actus secundos intellectualitatis, possunt distinguere tres rationes per respectum ad tres efficacias siue facultates omnino sufficientes quæ sunt connaturales tribus intellectualitatibus superius explicatis, scilicet humanæ, angelicæ, & diuinæ: & suprema inter has consistit in hoc, quod est Deum esse intelligibilem per actum intellectus terminatum ad ipsum ut est in se, qui appellatur visio, & amabilem per actum voluntatis terminatum ad ipsum secundum rationem eiusdem ordinis cum hac intelligibilitate: & hæc constitunt proprium obiectum, in quo intellectualitas diuina excedit efficaciam, aut quantitatem virtutis, vel facultatem completam cuiuscunque intellectualitatis creatæ, & creabilis.

Tertio supponendum, quod quamvis efficacia ad attingendum Deum secundum prædictam rationem non possit esse connaturalis intellectualitati humanæ vel angelicæ, aut cuicunque alteri creabili quantumcunque sit perfecta siue immediata secundum suam substantiam, siue mediante aliquo accidenti superaddito, quod sit ei connaturale; tamen mediante aliqua virtute, aut elevatione supernaturali bene poterit ei communicari, ut nunc suppono ex ijs quæ dici solent 1. p. q. 12. Et quamvis hæc elevatio potuerit fieri, aut per solam virtutem superadditam potentijs intellectui, scilicet & voluntati, siue per modum *habitus*, siue per modum *auxilij*, aut per *formam* aliquam superadditam naturæ intellectuali creatæ per modum *naturæ* supernaturalis ad quam consequantur in potentijs ipsius naturæ intellectualis creatæ habitus per modum proprietatum; tamen de facto sit posteriori modo, & gratia quæ infunditur essentiæ animæ rationalis, vel Angeli habet rationem cuiusdam naturæ intellectualis supernaturalis, ad quam consequuntur in intellectu, & voluntate habitus luminis gloriæ, & charitatis quorum operationibus attingitur Deus, secundum prædictam rationem obiecti connaturalis, & proportionati efficaciam intellectualitatis diuinæ. Itaque sicut anima rationalis, vel Angelus secundum suam substantiam est quædam natura intellectualis ordinis naturalis, quæ medijs suis potentijs, scilicet, intellectu, & voluntate attingit obiecta sibi connaturalia. Sic etiam gratia habet modum cuiusdam naturæ intellectualis ordinis supernaturalis & diuini, ad quam consequuntur per modum proprietatum aut potentiarum prædicti habitus. Verum est *discrimen*: quia anima vel angelus est natura intellectualis *simpliciter*, & *absoluite*, quia per modum substantiæ habet intellectualitatem. At vero gratia non dicitur absolute natura intellectualis, quia non habet intellectualitatem radicalem per modum substantiæ, sed per modum accidentis, quod cum suis habitibus tanquam cum proprietatibus, & potentijs eleuat naturam intellectualem creatam ad diuinam intellectualitatem, non quidem *adequate*, sed secundum quandam *participationem formalem*, quia ipsa in sensu explicato est formalis participatio diuinæ intellectualitatis, non solum quo ad rationes communes participabiles connaturaliter in substantijs intellectualibus creatis, sed etiam quo ad rationem propriam superantem ex parte obiecti omnem intellectualitatem substantialem creatam, & creabilem.

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME
BY
JOSEPH NEALE
OF BOSTON

IN TWO VOLUMES.

VOLUME I.
FROM THE FIRST SETTLEMENT
TO THE YEAR 1700.

BOSTON:
PUBLISHED BY
JOSEPH NEALE,
AT THE SIGN OF THE
CROWN, IN CORNHILL.

1790.

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY
JOSEPH NEALE
OF BOSTON



primario constituere nos filios Dei adoptiuos, nec etiam gratos Deo, aut dilectos amore amicitiae, nec acceptos ad vitam æternam, nec expellere à nobis peccatum mortale, & ex consequenti potest ab his omnibus effectibus separari per potentiam Dei absolutam. *Et probatur*, quia gratia dicitur formalis participatio diuinæ naturæ, quia est formalis participatio intellectualitatis diuinæ per modum naturæ, aut principij primi, & radicalis, ut explicatur est in vltima conclusione: ergo consortium diuinæ naturæ, quod nobis dat tanquam effectum suum primarium, solum consistit in hac intellectualitate participata, ut recepta in nobis. Et vltius: ergo reliqua omnia, quæ retulimus connumerari inter eius effectus non pertinet ad effectum primarium, sed ad effectus secundarios. *Prima consequentia* patet, quia effectus primarius formæ non est aliud quam ipsa forma *secundum suam essentiā* ut participata, & recepta in subiecto. Et ex hac sequitur aperte *secunda*, quia nullus ex illis effectibus pertinet intrinsecè ad prædictam intellectualitatem in qua consistit essentiā gratiæ. Et ex vtraque sequitur id, quod dicebamus in fine illationis, scilicet omnes illos effectus posse per potentiam Dei absolutam separari à gratia, ita ut sit in anima sine eis, quia quæcunque forma potest hoc modo separari à suo effectus secundario.

§. 22. Ad argumenta principalia initio quæstionis posita respondetur.

AD primum argumentum propositum in principio huius controuersie respondetur negando antecedens. Et ad primum medium, quia probatur, responderetur primo negando intelligi hoc loco à Divo Petro per promissa Sacramentum Eucharistiæ. Et ad testimonia Dionysii, quibus id probatur, dicendum est Dionysium non loqui de eo genere consortij diuinæ naturæ de quo loquitur Petrus, nam Dionysius in vtroque testimonio per consortium, aut communionem intelligit vnionem cum Deo, quā in hoc Sacramento participamus media vnione cum corpore Christi, & hoc ipse aperte explicuit in posteriori testimonio, cum inquit nos coniungi diuinissimis Christi, si ipsi Christo coagmentemur, sicut membra capiti, supposito, quod per hanc coagmentationem intelligat vnionem cum corpore Christi, quam per summptionem Eucharistiæ participamus. At verò Petrus per consortium diuinæ naturæ intelligit participationem formalem ipsius, quæ nobis communicatur per formam nobis intrinsecam, & inhaerentem. Et non obstat Dionysius ad significandum consortium, de quo loquitur, vti eadem voce Græca, quæ Petrus vtitur, quoniam eadem vox potest esse communis ad significandum vtrumque genus consortij. Et eodem modo exponendum est testimonium DAMASCENI, in quo redditur eadem ratio, propter quam Sacramentum Eucharistiæ appellatur participatio, scilicet nos per ipsum effici participes diuinitatis, quod intelligendum est de participatione, quæ consistit in vnione. Et de eadem vnione loquitur CYRILLVS HIEROSOLYMITANVS. Et ad probandum, seu potius

explandum eam adducit hæc verba PETRI per quandam allusionem, & non quia sentit esse intelligenda de vnione, de qua ipse loquitur. Et eodem modo potest exponi id, quod refertur ex oratione missæ.

Secundo responderetur, quod quamuis per promissa, intelligatur Sacramentum Eucharistiæ non sequitur non intelligi etiam gratiam habituales, imo videtur necessario esse intelligendam: quia vnio cum Christi corpore, quæ sit per summptionem Eucharistiæ non est perfecta, neque efficit nos simpliciter consortes diuinæ naturæ, nisi extendatur ad dandum nobis hanc formalem participationem diuinæ naturæ, quæ est gratia. Et ita FRANCISCVS TYRRI. NVS tractatu 2. de Sacramento Eucharistiæ. c. 16 & 17. refert illa verba 1. PETRI 1. In quem (scilicet Christum) nunc non videntes, quoque creditis, credentes autem exultatis lætitia inenarrabili, & glorificata, reportantes finem fidei vestræ, salutem animarum vestrarum. Et dicit ex sententia THEODORETI, & ex collatione cum alijs testimonijs Scripturæ, & ex proprietate ipsorum verborum, esse intelligenda de Christo in sacramento Eucharistiæ hoc sensus: cum non videatis ipsum, scilicet præsentem in propria specie, creditis adesse præsentem sub speciebus sacramentalibus, & ita credentes exultatis lætitia inenarrabili, hoc est maiori quàm dici potest, & quæ omnem humanam lætiam superet. Causa vero tantæ lætitiæ, & exultationis est, quod reportetis finem fidei vestræ, qui est salus animarum vestrarum. Et ut explicet quomodo in Eucharistia reportemus salutem animarum, confert illud testimonium cum hoc, & dicit per salutem ibi intelligi consortium diuinæ naturæ, de quo hic loquitur PETRVS; de quo est certum non esse perfectum, ita ut possit appellari salus animarum, nisi habeat adiunctam gratiam, quæ est salus, & vita formalis, & in æterna animarum.

Ad secundum medium respondetur per promissa non intelligi incarnationem Verbi diuini, nisi quatenus per Christum nobis communicatur gratia, qua efficiamur consortes diuinæ naturæ. Cuius ratio facile intelligitur ex ijs quæ diximus in probationibus primæ conclusionis. Ea vero est, quod ratione vnionis humanitatis Christi ad Verbum reliqui homines non dicuntur consortes diuinæ naturæ simpliciter, & actu, & intrinsecè in seipsis sed secundum quid, & virtualiter: & extrinsecè tanquam in capite suo, & per gratiam, quæ ex illa vnione ad eos derivatur sunt actu, & intrinsecè in seipsis consortes. Et PETRVS significat nos per hæc promissa fieri simpliciter, & in nobis ipsis cōsortes diuinæ naturæ. Et ad testimonia Occumenij, & Leonis dicendum est, tribui in eis incarnationi reddere nos participes, & consortes diuinitatis tanquam fonti, & origini, vnde ad nos derivatur gratia, per quam prædicto modo efficiamur consortes.

Et ad rationem respondetur quod quāuis Christus fuerit promissus in nostram reparationem, tamen hanc reparationem ita perfecte operatus est, ut ratione ipsius non solum habeamus consortium diuinitatis extrinsecum, sed etiam intrinsecum per participationem formalem ipsius diuinitatis in nobis receptam. Et ideo PETRVS cum

vult excellentiam promissi, quod iam erat donatū explicare per effectum, qui est consortium diuinæ naturæ, non loquitur de quocunque consortio, sed de perfecto, & intrinseco, atque adeo nomine promissi quamvis aliquo modo denotet Christum, scilicet vt fontem, tamen absolute intelligit gratiam, vt causam formalem huius perfecti consortij.

Ad tertium medium respondetur continere difficultatem communem multis testimonijs Scripturæ, in quibus significatur excellentia gratiæ noui Testamenti, quæ nobis est datā per aduentum Christi, & explicatur varijs modis, vt IOAN. 1. per facere nos filios Dei, cum dicitur: Dedit eis potestatem filios Dei fieri &c. Et alibi per facere amicos, & non seruos. Et hoc loco per facere consortes diuinæ naturæ.

§. 23. In quo excedat gratia noui testamenti gratiam veteris.

DICO AUTEM illam difficultatem esse communem omnibus his locis, quoniam in omnibus possumus hoc argumentum conficere: gratia, quæ iustis dabatur in veteri testamento, erat eiusdem rationis specificæ cum ea, quæ datur in nouo: ergo eodem modo faciebat tunc homines filios Dei, & amicos, & iustos, & sanctos, & consortes diuinæ naturæ sicut nunc.

Quoniam hæc difficultas peculiarem postulat disputationem, ideo nunc breuiter respondetur, quod huiusmodi excellentiæ tribuuntur gratiæ pro tempore noui testamenti, non quia gratia, aut non fuerit data multis hominibus, qui in veteri testamento, & tempore legis naturæ placuerunt Deo, & fuerunt ei grati, aut quantum erat de se non habuerit eandem excellentiam, & perfectiones, sed propter tres alias rationes.

Prima est, omnes homines quibus ante aduentum Christi data est gratia pertinuisse secundum spiritum ad nouum testamentum, & ad Christum eius autorem: & cum dicitur gratiam fuisse datam tempore noui Testamenti, & aduentus Christi, & antea solum fuisse promissam, non fieri comparationem cum hominibus, qui præcesserunt aduentum Christi, quomodocunque sumptis, sed determinatè prout pertinebant ad vetus testamentum, aut ad legem naturæ, secundum quam rationem non habebant gratiam, sed eius promissionem, aut significationem.

Secunda est, gratiam, quæ data est hominibus ante aduentum, & mortem Christi fuisse quasi impeditam, ita vt neque extraheret homines à conditione seruorum, quoad statum, in quo ducebantur timore, & non ad mittebantur ad eam familiaritatem cum Deo quam voluit significare Christus cum dixit: *Omnia quæcumque accepi à Patre meo nota feci vobis.* Neque etiam perduceret eos ad consummationem, & perfectionem, quæ iusti habent in beatitudine, quoad omnes illas excellentias gratiæ, in qua habent filiationem completam per actualem possessionem bonorum, ad quæ antea habebant ratione filiationis ius hereditarium. Et præterea habent amicitiam Dei inamissibilem, quam tamen antea poterant amittere.

A Et tandem habent cōsortium diuinæ naturæ, quoad intellectualitatem in actu secundo perfecto, quia actu vident Deum in seipso.

Tertia ratio est, esse in nouo Testamento instituta plura, & efficacia mediā ad participandum hanc gratiam, cuiusmodi sunt Sacramenta, & ipsam gratiam dari in maiori quantitate, & cum auxilijs efficacioribus ad superandum carnis concupiscentiam: quod videtur fuisse significatum per pacem internam, & suauitatem in obseruantia diuinæ legis, quā Prophetæ prædixerunt habituros esse iustos tempore noui Testamenti.

Ad secundum respondetur negando antecedens, quia quamuis per esse *consortis diuinæ naturæ* significetur habere conuenientiam moralem, quæ consistit in consensione quoad voluntatem, & affectū, non significatur *primario*, sed tanquam effectus conuenientie physice cum diuina natura, quæ nobis communicatur per participationem formalem eiusdem naturæ superius explicatam, quia per hanc expellitur à nobis peccatum, & dantur nobis vires, vt voluntatem nostram conformemus diuinæ.

Et ad primam probationem dicendum est, PATRVM illis verbis non explicuisse *rationem formalem consortij diuinæ naturæ*, sed eius effectum, quāsi diceret datum esse nobis fieri consortes diuinæ naturæ tam perfecte vt possumus effugere eam, quæ est in mundo, concupiscentiæ corruptionem. Ex quo desumi potest argumentum ad confirmandū id, quod in fine solutionis argumenti præcedentis diximus de efficacia gratiæ, & auxiliorum post aduentum Christi ad superandum concupiscentiam. Aut etiam dici potest, PATRVM illis verbis explicuisse conditionem requisitam ad retinendum consortium diuinæ naturæ, & ideo ab aliquibus conditionaliter exponuntur hoc modo: Si tamen effugiaris eius, quæ in mundo est, concupiscentiæ corruptionem.

Ad secundam probationem responderetur primo, IOANNEM quamuis loquatur de consortio cum Deo, quod hominibus est datum tempore aduentus Christi, expressisse solum conuenientiam *moralem*, & virtute significasse etiam *physicam*, tanquam eius causam. Aut *secundo* responderetur, ipsum per societatem cum Deo intellexisse hanc conuenientiam *physicam*, & in verbis sequentibus non explicuisse rationem formalem societatis, de qua loquebatur, sed conditionem requisitam ad retinendum eam.

Ad tertiam probationem respondetur, solum conuincere dari per gratiam consortium *physicum* cum diuina natura, quod tantum importet illum modum vnionis, & coniunctionis physice cum substantia Dei mediante gratia, tanquam dispositione, aut conditione, non tamen, quod de facto sit separatum ab altero consortio physico, quod importat conuenientiam formalem in prædicato communi sumpto à forma, quæ sit in Deo, vt in nobis. Et ad primam probationem oppositi dicendum est, quod vt primum consortium repugnet peccato debet sumi prout importat non *qualem-cunque* vnionem cum substantia Dei, sed *amicabilem*: & si hoc modo sumatur *secundum* consortium, etiam repugnat peccato mortali. Et præterea *primum* consortium includitur in secundo, & nobis est nobilius, & melius, quod dispositio

secundum

secundum quam habemus primum consortium cum Deo, sit *formalis participatio diuine nature*, quam quod sit effectus alius minus perfectus. Et ad secundam probationem dicendum est, quod Theologi cum D. THOMA locis ibidem citatis meminerunt tantum primi consortij, & non secundi, quia solum illud erat necessarium ad explicandum diuersos modos, quibus Deus dicitur esse in rebus: at vero in materia de gratia, & in aliis locis, ubi explicanda est præstantia, & quidditas gratiæ expresse meminerunt secundi, ut constat ex probationibus nostrarum conclusionum.

§ 24. *Natura diuina potest communicari creaturæ secundum unitatem eiusdem rationis formalis analogicæ.*

AD ultimum argumentum respondetur negando antecedens. Et ad probationem negatur maior, si intelligatur de eo, quod nostro modo intelligendi habet in Deo rationem naturæ, sicut in tota hac controversia loquimur. Et ad primum medium, quo probatur eadem maior respondetur, maiorem distinguendo: si enim sit eius sensus id, quod in Deo habet rationem naturæ esse ita proprium Dei, ut nulli creaturæ possit conuenire formaliter secundum unitatem eiusdem rationis formalis proportionalis, aut analogicæ, falsa est: si tamen sit eius sensus debere illud esse ita proprium Dei, ut nulli creaturæ possit conuenire formaliter secundum unitatem numericam, aut specificam, vera est. Caterum minor si intelligatur de hac conuenientia formali est falsa, quia ut ibidem dicitur, & latius est explicatum in suppositionibus factis ad explicationem ultimæ conclusionis, esse conaturaliter intellectuum Dei per visionem eius ut est in ipso, est ita proprium ipsius Dei, ut nulli creaturæ possit conuenire formaliter secundum hanc unitatem numericam, aut specificam: unde nec gratiæ conuenit hoc modo, sed solum secundum unitatem eiusdem rationis formalis analogicæ, quod est conuenire formaliter per participationem, aut per participationem formalem. Et hic modus incommunicabilitatis sufficit ad id, quod habet rationem naturæ: Et ad obiectionem contra hoc factam negandum est, quod esse ens per essentiam præsupponatur in Deo ad huiusmodi intellecturalitatem, ut in solutione sequentis medij magis explicabo.

Sed obijciens, quia natura specifica cuiuscunque creaturæ est ita ipsi propria, ut non possit alteri creaturæ specie distinctæ conuenire formaliter, nec secundum unitatem numericam, aut specificam, nec secundum unitatem eiusdem rationis formalis analogicæ: ergo etiā id quod nostro modo intelligendi habet in Deo modū naturæ quasi specificæ debet esse ita ipsi proprium, ut neutro modo possit conuenire formaliter alicui creaturæ. Paret consequentia, quia magis differt Deus à quacunque creatura, siue creata, siue creabili, quam vna creatura differt ab alia, quæ ab ipsa distinguitur specie, aut etiam genere.

§ 25. *Quare natura diuina possit communicari secundum eandem rationem formalem analogicam, non vero alia natura creata.*

Respondetur primo, quidquid sit de antecedenti negando consequentiam. Et ratio discriminis est, quod natura specifica cuiuscunque creaturæ includit intrinsece & formaliter terminum, ratione cuius est distincta formaliter à quacunque natura, quæ ab ipsa specie distinguitur, & ideo non potest à natura specifica alicuius creaturæ abstrahi eius ratio formalis, ita ut in ipsa sic abstracta non includatur aliquid incommunicabile formaliter alteri naturæ, quæ ab ipsa distinguitur specie, scilicet eius proprius terminus, quo ab aliis naturis distinguitur formaliter: & hincprouenit, quod sit impossibile naturam specificam alicuius creaturæ conuenire formaliter secundum unitatem eiusdem rationis formalis analogicæ alteri creaturæ specie distinctæ. At vero id, quod in Deo nostro modo intelligendi habet rationem naturæ, quasi specificæ, non includit intrinsece terminum aliquem, ratione cuius distinguitur formaliter à naturis specificis creaturarum, imo neque fundamentum aliquod, quia omnis distinctio provenit ex limitatione extremorum: & ita dici solet distinctionem inter Deum, & creaturas non habere fundamentum in Deo, sed in limitatione creaturarum, & ideo ab huiusmodi natura potest abstrahi sua ratio formalis, ita ut nihil includat incommunicabile formaliter omni creaturæ, & ex consequenti ipsa natura potest secundum hanc rationem, sic abstractam conuenire formaliter alicui creaturæ. Sicut dici solet de multis attributis diuinis, quæ etiam sunt in creaturis per participationem formalem, & tamen proprietates vnius naturæ specificæ creaturæ, non sunt communes formaliter rebus aliarum specierum.

Ad secundum medium respondetur negando antecedens. Et ad primam probationem concedendum est in antecedenti, quod esse ens per essentiam reperitur in Deo, & non tanquam gradus communis analogicæ ipsi, & creaturis, sed tanquam quid proprium Deo, & omnino incommunicabile formaliter creaturis.

§ 26. *Quomodo esse per essentiam præsupponit naturam diuinam.*

CETERVM, quod additur in eodem antecedenti, scilicet, quod esse ens per essentiam non præsupponit, nostro modo intelligendi, aliquod prædicatum, ad quod consequatur, distinguendum est: si enim sit eius sensus, quod non præsupponit aliud prædicatum, à quo possit præscindi, sicut æternitas nostro modo concipiendi præsupponit immutabilitatem, & præscinditur ab ea, verum est, quia nulla abstractione intellectus potest à diuina natura præscindi esse ens per essentiam, sicut neque illimitatio, & infinitas in genere entis. Si tamen sensus sit, quod

absolute non præsupponit aliud prædicatum ex ratione, quia modus, qui non est constitutivus naturæ, sicut esse per se constituit naturam substantiæ, præsupponit naturam, cuius est modus quantumcunque sit ei intrinsecus, falsum est, quia præsupponit divinam intellectualitatem sicut modus eius: hæc enim est taliter ens, quod est ens per essentiam & illimitatū, & infinitū in genere entis. Et ideo neganda est *consequentia*, quatenus in cōsequenti dicitur, quod *esse ens per essentiam* reperitur in Deo tanquam gradus primus, & specificus secundum nostrum modum intelligendi. Et totum hoc declaratur optime exemplo, quod ad probationem illius antecedentis adducitur ex eo, quod est *esse ens per participationem in creaturis*, quia quamvis non possit præscindi ab intellectualitate creata, quatenus creata est, nihilominus præsupponit eam, sicut modus non constitutivus ipsius, & ideo non habet rationem primi prædicati, neque naturæ sed modi.

Ad secundam probationem respondetur, negando antecedens. Et ratio discriminis constat ex his, quæ modo dicebamus, scilicet, quia *esse per se* & *esse in alio* determinant ens ad constituendum naturas substantiæ, & accidentis, quia sunt modi constitutivi ipsarum naturarum: at vero *esse ens per essentiam* non ita determinat ens, quia secundum nostrum modum intelligendi non est modus constitutivus divinæ naturæ, sicut neque vitalitatis, aut principij primi, & radicalis operationum, sed naturæ constitutæ: quod etiam dicendum est de *esse per participationem*, quia propter eandem rationem non constituit naturam aliquam creaturæ: sed est modus communis omnibus naturis creatis, esse increatum, & creatum ut sic non explicant naturas aliquas, sed modos earum.

Ad tertiam probationem respondetur, quod illa propositio: *quia Deus est ens per essentiam, ideo est vivens, & intellectivus, & bonus, & habet reliqua omnia, quæ ei attribuntur*: non est proprie causalis, saltem quantum ad esse intellectivum, & viventem, & reliqua quæ in esse intellectivo includuntur quasi rationes superiores, quia non explicat rationem a priori respectu horum, sed quasi a posteriori, & sumptam ex modo quodam habendi entitatem sine limitatione, qui convenit intrinsece divinæ intellectualitati, ut in solutione præcedentis probationis exposui: ut si diceremus, Deum, qui est purus actus, aut infinitus in genere entis, ideo esse intellectivum, aut è contra, creaturam, quia est ens per participationem, ideo habere talem modum cognoscitivi.

ARTICVLVS IV.

Vtrum gratia sit in essentia animæ sicut in subiecto, an in aliqua potentiarum?

CONCLUSIO: Gratia est in essentia animæ sicut in subiecto.

Circa hanc conclusionem, nota primo esse duplex subiectum alicuius accidentis,

A quorum vnum appellatur *quod*, etque id cui accidens inhaeret, sicut substantiæ inhaerent omnia accidentia: & alterum appellatur, ut *quo*, & est id quo mediante accidens inhaeret subiecto principali & *quod*: sicut vnum accidens potest mediante altero inhaerere substantiæ, ut habitus & actus intellectuales inhaerent mediante intellectu substantiæ animæ nostræ, & hæc conclusio intelligitur de primo subiecto, non quomodocunque sumpto, sed, ut est immediatum & proximum, & excludit aliud, quod sit immediatius; non solum tanquam *quod*, sed etiam tanquam *quo*, ita ut quantum tam gratia quam etiam charitas inhaereat substantiæ animæ, quia vnum accidens, cuiusmodi est voluntas, non est per se subiectum cui alteri accidens cuiusmodi est charitas possit inhaerere, tamen quantum ad subiectum *quo*, sit discrimen, quia charitas non inhaeret substantiæ animæ, nisi ut subest voluntati; quod est habere voluntatem pro subiecto *quo*; gratia vero inest ei secundum se, & ut præsupponitur voluntati; sicut docet D. THOMAS loquens de habitibus, qui proxime inhaerent potentis supra quæst. 30. art. 2. ad 2.

NOTA SECUNDO, conclusionem hanc sic intellectam; colligi evidenter ex conclusione præcedentis articuli, quia præcipua ratio asserendi distinctionem realem, inter gratiam & charitatem, est ut in ordine ad operationes respicientes finem supernaturalem, sit in homine aliquid, quod habeat modum essentiae, & quasi principij radicalis atque primi, scilicet gratia habitualis, ad aliquid quod habeat modum potentiae; & principij proximi earundem operationum, scilicet, charitas, ergo gratia recipitur in substantia & essentia animæ, tanquam in subiecto proximo & immediato; *patet consequentia*, quia sic servabitur melius proportio inter perfectionem & suum perfectibile; non solum quia essentia respondebit essentiae, sed etiam quia ut aliqua perfectio sit proportionata potentiae, debet disponere proxime ad operationem sicut ipsa potentia est principium proximum operandi. Et ita conveniunt in hac conclusione omnes citati pro conclusione articuli præcedentis, præter BONAVENT. qui in secundo, distinct. 26. artic. 1. quæst. 5. dicit, utrumque habitum inesse potentiae, tanquam subiecto proximo & immediato, & ex alijs HEN. & RICHAN. supponentes essentiam & potentiam esse idem secundum rem; dicunt illum habitum qui est gratia & charitas, prout habet rationem gratiæ gratum facientis per modum formæ, inesse substantiæ animæ, prout ipsa habet rationem essentiae; & eundem habitum quatenus habet rationem charitatis & virtutis ad operandum, inesse substantiæ animæ, prout habet rationem potentiae.

SED CONTRA conclusionem hanc obijcitur primo, quia gratia nec est habitus disponens in ordine ad naturam, neque in ordine ad operationem, ergo nullo modo est habitus; *consequentia patet*, quia habitum de prædicamento qualitatis divisit adzquate ARIST. libr. 5. metaph. cap. 20. in illos duos modos disponendi subiectum, & cum sequitur D. THO. supra q. 49. art. 2. & 3. & antecedens quoad priorē partē probatur quia essentia animæ, est cōpletiva naturæ humanæ, & non ordinatur ut quid potentiale ad naturam, ergo non est susceptiva habitus quo disponatur in ordine ad naturam, & quoad posteriorem etiam probatur, quia alias

seque-

sequeretur eam esse potentiam, quæ est principium proximum operandi.

SECUNDO peccatum est in voluntate ut in subiecto proximo, ergo etiam gratia habitualis; *antecedens patet*, quia peccatum cum sit voluntarium non potest committi neque recipi ab anima, nisi media voluntate, atque adeo est in voluntate tanquam in subiecto proximo. & *consequentia probatur*; quia inter peccatum & gratiam, est oppositio, aut contraria aut privativa; ergo sunt in eodem subiecto proximo, quia contraria versantur circa idem subiectum à quo mutuo se expellunt, & privatio est negatio in subiecto apto nato habere formam oppositam.

AD PRIMUM RESPONDETUR cum D. THO. supra quæst. 10. art. 2. gratiam esse habitum disponentem in ordine ad naturam, non quidem humanam, sed superiorem, scilicet, divinam, cuius anima potest esse particeps iuxta illud 1. Petri 1. *ut per hac efficiamini, divina consortes nature*; & contra hoc nullam habet vim obiectio ibi facta, quia ex ea solum intelligitur non posse animam disponi per habitum, in ordine ad naturam, quam ipsa compler, scilicet, humanam, non tamen in ordine ad quamcunque naturam, etiam superiorem, cuius ratio est manifesta, nam anima rationalis non constituit hanc naturam superiorem, sed potius est in potentia obedienti ad eam, & cum indifferentia ad utramque partem, scilicet, ad habendam eam vel carendam ea, & fere idem dicit de veritate quæst. 17. art. 2. ad 7. & artic. 6. in c. & ad 1. & in 2. distinct. 16. q. 1. art. 4. ad 1. & 3. quamvis in aliquibus ex his locis, addat gratiam, quia non disponit ad operationem, non esse proprie habitum, saltem ex ijs quos philosophi cognoverunt, aliqui tamen ex recentioribus de quorum numero sunt GAB. lib. 1. in 2. dist. 88. c. 4. num. 22. & FON. lib. 5. metap. c. 14. q. 2. sect. 2. §. significatur etiam & lib. 9. c. 5. q. 3. sect. 1. in principio, agentes de hac divisione habitus, videntur rem hanc paulo aliter explicare, nam per habitum disponentem in ordine ad naturam, non intelligunt habitum comparatum ad naturam aliquam superadditam suo subiecto, sed comparatum ad ipsum subiectum sumptum secundum se, hoc est, non in ordine ad operationem, & consequenter dicunt morbum, & sanitatem atque pulchritudinem & deformitatem disponere hoc modo totum compositum, scilicet, ut bene aut male se habeat secundum se, & sine ordine ad operationem, & similiter dicunt gratiam ita disponere animam rationalem, quia dat ei quoddam esse spiritale, ratione cuius ipsa bene se habet secundum se, hoc est, non ad operationem.

AD SECUNDUM respondetur primo, quicquid sit de antecedenti, negando consequentiam, & ad pro-

hibitionem negandum est antecedens, siue intelligatur de peccato actuali, siue etiam de habituali, quod manet in homine transacto actuali, & ratio de utroque peccato, quantum ad oppositionem contrariam est eadem, scilicet non convenire cum gratia in eodem genere proximo: & quantum ad oppositionem privativam etiam potest assignari una ratio communis, scilicet, neutrum formaliter consistere in privatione gratiæ, sed actuale in deordinatione actus vel omissionis actualis à lege, quæ pro illo tempore obligat, & habituale in habituale deordinatione per modum habitus relictæ in nobis ex peccato actuali.

ET SI OBJICIAT nisi peccatum & gratia habeant inter se aliquam oppositionem, non posse assignari rationem propter quam non possunt esse simul in eodem subiecto, & vix posse explicari quam habeant oppositionem, præter contrariam aut privativam.

Respondetur gratiam saltem ut dat homini etiam suum effectum secundarium habere cum peccato virtualiter & immediate oppositionem contradictoriam, quia ex gratia ut dat illum effectum (sicut explicui art. 1. huius quæstionis in dubio circa secundam conclusionem articuli, in solutione ultimi) sequitur hominem esse iustum & sanctum & dilectum à Deo, amore amicitiæ; & ex peccato, sequitur eundem hominem esse iniustum & infectum culpa & odio habitum à Deo, & hoc genus oppositionis sufficit, ut quamvis sint in subiectis proximis distinctis, non possunt simul esse in eodem homine.

Respondetur secundo cum D. THOM. de ver. q. 17. art. 6. ad 2. distinguendo antecedens: si enim intelligatur de peccato quoad deordinationem actualem, concedendum est, si tamen intelligatur, de eodem peccato quoad deordinationem habitualem, quæ manet transacta actuali debet negari, neque contra hoc habet vim eius probatio, quia ex ea solum sequitur deordinationem actualem, esse in voluntate ut in subiecto proximo, non tamen habitualem; quia ex deordinatione actuali, quæ committitur per voluntatem potest in totum hominem, siue in essentia resultare deordinatio habitualis ut explicui, in communi de peccato prout transacta actuali denominat hominem peccatorem supra q. 8. & specialiter de originali q. 83. art. 1. & consequenter est neganda consequentia, quia ut valeret oportere antecedens, esse verum, in posteriori sensu, quia peccatum quoad deordinationem actualem, non opponitur gratiæ formaliter & immediate, sed causaliter & consecutivæ, & quantum ad deordinationem habitualem, opponitur ei formaliter, sicut dici solet de omnibus actibus habituum oppositorum.

QVÆSTIO CXI.

DE DIVISIONE GRATIÆ,

ARTICVLVS I.

Vtrum Gratia conuenienter diuidatur per gratiam gratum facientem, & gratiam gratis datam.

PRIMA CONCLUSIO est affirmatiua.

SECUNDA CONCLUSIO. *Ha dua gratie differunt inter se; quia gratia gratum faciens est, per quam ipse homo Deo coniungitur: Et Gratia gratis data appellatur illa, per quam unus homo cooperatur alteri ad hoc, ut ad Deum reducat.*

COMMENTARIVS.

Circa istas conclusiones est

D V B I V M.

Vtrum sint vera?

§. 1. *Rationes dubitandi.*

ET PARS NEGATIVA probatur. PRIMO *vel diuisio* huius diuisionis est gratia secundum communem rationem gratiæ, hoc est, prout excludit debitum, & importat absolute id quod datur gratis, & sine villo debito, *vel secundum specialem rationem* gratiæ, hoc est prout excludit debitum, non in omni materia, sed intra ordinem supernaturalem, & importat specialiter id, quod supra naturam datur sine debito. *Primum dici non potest*, quia alias sequeretur, insufficientem esse hanc diuisionem: cum in eo pretermittatur tertium membrum, quod contineat dona naturalia, quæ intra ordinem naturæ conceduntur hominibus à Deo, sine villo debito, tam respectu ipsius naturæ humanæ; quam respectu singularis personæ, cuiusmodi sunt, præstantia ingenij aut memoriæ, bona corporis valetudo, & bona externa. *Neque etiam potest dici secundum*, quia sequeretur habitus virtutum infusarum, qui (iuxta ea, quæ diximus q. præcedenti art. 3.) comparantur ad gratiam habituales sicut potentia ad essentiam & naturam, non pertinent ad hanc diuisionem; patet consequentia, quia huiusmodi habitus dantur homini à Deo, ut debiti gratiæ habituali: Sicut potentia naturales sunt debiti respectu naturæ, & essentia, à qua declinant.

SECUNDO, *Diuisum*, huius diuisionis non est vnum unitate vniuersale, neque analogica: Ergo hæc diuisio solum est enumeratio diuersorum significatorum eiusdem vocis; Et non est diuisio rei. Probatur *antecedens*, in primis quoad priorem partem, Quia gratia gratis data dicitur gratia quia ordina-

A tur ad gratiam gratum facientem, ut dispositio ad eam: sicut medicina dicitur sana, quia ordinatur ad sanitatem animalis, ut eius causa; & accidens dicitur ens, quia ordinatur ad substantiam, ut complementum eius accidentale. Et deinde probatur *quoad posteriorem partem*, quia quoad rationem communem gratiæ, quod est dari gratuito, & sine aliquo debito, non pendet vnum ex his duobus membris ab altero: ergo diuisum non est respectu eorum vnum unitate analogica.

Tertio, gratia gratum faciens continetur sub gratia gratis data: est enim gratia sine debito, & gratuito data; ergo non bene diuiditur gratia in gratiam gratis datam, & gratum facientem: patet consequentia, quia membra bonæ diuisionis debent esse inter se condistincta,

Vltimo gratiæ gratis datæ sæpe cadunt in bonum eorum, qui eas accipiunt: Et è conuerso, gratia gratum faciens cadit in maiorem aliorum utilitatem; ergo non bene distinxit **DIVVS THOMAS** in secunda conclusione membra huius diuisionis; Probatur *antecedens*, in primis *quoad priorem partem*, tum quia **GRÆGORIVS** hom. 17. in Ezech. prope finem, expresse id fatetur, *tum etiam*, quia nulla potest assignari ratio, propter quam, qui habent gratias gratis datas non possint eis adiuuari, sicut alijs, vel ad hoc, ut simpliciter conuertantur in Deum, vel ad hoc ut perfectiori modo ei coniugantur. Deinde probatur etiam *quoad posteriorem partem*, quia iusti & sancti suis orationibus possunt alios adiuuare, ut in Deum conuertantur.

C *Confirmatur*, quia si vera sit hæc ratio distinctionis inter membra huius diuisionis, sequeretur, esse aliqua dona gratiæ, quæ sub nullo ex his membris contineantur: Probatur sequela, quia fides & spes informes, & auxilia quibus adiuuamur ad vincendum tentationes, & exercendum opera virtutum, neque continentur sub gratia gratis data, quia potius ad propriam, quam ad alienam pertinent utilitatem; neque sub gratia gratum faciente, *tum quia* non faciunt nos gratos Deo, sed potius admittunt secum peccatum mortale: tum etiam *quia* distinguuntur a gratia habituali, quæ sola est gratia gratum faciens, sicut sola est gratia iustificans; Et ita hoc docet **DIVVS THOMAS** in solutione ad primum huius articuli, ubi sic ait, *gratia non dicitur gratum facere effectiue sed formaliter. scilicet quia per hanc homo iustificatur, & dignus efficitur vocari Deo gratus; quod certum est solum posse dici de gratia habituali.*

§. 2. Stabilitur diuio a D. Thomã tradita.

CONCLUSIO PRIMA. *Rele diuiditur gratia supernaturalis creata, sine temporanea, in gratiam gratum facientem, & gratiam gratis datam.*

Vbi suppono, diuisionem hanc esse *subdiuisionem* alterius diuisionis, quæ gratia propriè sumpta pro beneficijs, quæ hominibus non solum sine meritis, sed etiam supra naturam conceduntur, diuiditur in *gratiam increatam, & æternam*, cuiusmodi est amor, quo Deus nos ab æterno dilexit in ordine ad finem supernaturalem; & in *gratiam creatam & temporariam*, quæ comprehendit ea dona, quæ nobis à Deo in ordine ad eundem finem in tempore conceduntur; nam hoc secundum mēbrum, subdividitur nūc in alia duo mēbra, quæ sunt *gratia gratum faciens & gratis data*, probatur conclusio. quia ex scripturis constat, dari quandam gratiam, quæ nos gratos facit, & iustos; & aliā, quæ nō facit nos gratos, & nihilominus appellatur gratia, vt de priori dicitur ad Rom. 3. *Iustificati gratis per gratiam ipsius.* ad Eph. 1. *In laudem gloria gratia sua, in qua gratificauit nos in dilecto filio suo.* Et secundæ Petri 1. *Preiosa nobis & maxima promissa donauit, vt per hac efficiamini diuina consortes nature;* & de posteriori primæ ad Cor. 12. *Diuisiones gratiarum sunt, &c. alij quidem per spiritum datur sermo sapientia, alij autem, sermo scientia, & cæ. & in fine capitis, quosdam quidem posuit Deus in Ecclesia, primum apostolorum secundo prophetas & cæ. ad Ephes. 3. cuius (scilicet euangelij sanctorum) Factus sum ego minister, secundum donum gratia Dei, qua data est mihi, secundum operationem virtutis eius.* Vbi Paulus significat, se accepisse donum gratiæ, quo esset aptus ad ministerium euangelij & c. 4. *quosdam quidem apostolos, quosdam prophetas, &c.*

CONCLUSIO SECUNDA. *Hæc duo mēbra huius diuisionis differunt inter se, quia gratia gratum faciens datur potissimum ad coniungendum cum Deo, eum, in quo est; & gratia gratis data principaliter ordinatur ad conuertendum alios homines ministerialiter in Deum.*

IN HAC conclusione explicatur primarius finis & effectus vtriusque gratiæ: quia ex eo est sumenda præcipua ratio differentia inter ipsas gratias; & probatur PRIMO constituendum esse de facto hoc discrimen inter has gratias, quia constituitur aperte in testimonijs sanctæ scripturæ adductis pro præcedenti conclusione: nam in tribus prioribus expresse dicitur, esse quandam gratiam reddentem nos gratos & iustos; & in reliquis etiam non obscure significatur, dari aliam gratiam, qua ministerialiter possimus cooperari ad aliorum reductionem in Deum, quia primæ ad Corinth. 12. ante verba prioris loco relata, sic habetur, *Unicuique datur manifestatio spiritus ad utilitatem;* & postea Paulus explicat diuisiones gratiarum, exemplo partium corporis, quæ habent distincta, & inæqualia munera; tamen ordinata, ad utilitatem vnius corporis, quod constituunt; & ad Ephes. 3. aperte, inquit, *se accepisse illud donum ad euangelizandum, & cap. quarto post verba relata, subiicit ad consummationem sanctorum, in opus ministerij, in adificationem corporis Christi.* & Petrus de hac eadem gratia loquens in secunda epistola cap. 4. ita inquit,

A *Unusquisque, sicut accepit, gratiam in alterutrum illam administrantes, sicut boni dispensatores multiformis gratia Dei.*

DEINDE explicatur ratio congruentiæ, propter quam Deus nobis has duas gratias sic distinctas communicauerit, ex argumento, quo DIUUS THOMAS vtitur in articulo, quod potest ad hanc formam reduci: Coniunctio hominum cum Deo, (quæ consistit in eorum iustificatione, & sanctificatione) potest considerari vt proueniens ex duplici gratia, scilicet, *ab una formaliter*, tanquam à forma dante esse iustum, & sanctum ei, in quo est; & *ab altera quasi efficienter*, tanquam à virtute, qua quidam homines ministerialiter cooperantur ad aliorum iustificationem, & sanctificationem: ergo conueniens fuit, dari nobis has duas gratias distinctas penes hos duos modos concurrendi ad omnem iustificationem & sanctificationem; *Antecedens quoad priorem partem* patet, quia unusquisque est iustus per iustitiam, quæ est in ipso; Et *quoad posteriorem* probatur, quia (vt dicitur ad Rom. 13.) *ea, quæ à Deo sunt, ordinata sunt;* ergo etiam salus & iustificatio hominum fit à Deo,

B seruato hoc ordine, vt quidam homines ministerio aliorum ad eam perueniant; & *consequenter* probatur, quia gratia datur hominibus à Deo, vt ad ipsum conuertantur per iustificationem & sanctificationem; ergo quor modis hæc hominum conuersio prouenit ex gratia, tot modis datur eis gratia à Deo. Ex HAC conclusione sequitur aliud discrimen inter has duas gratias scilicet, gratiam gratum facientem amitti per quodlibet peccatum mortale, saltem secundum legem Dei ordinariam; at vero gratiam gratis datam posse simul esse cum peccato mortali. Probatur *quoad priorem partem*, quia per gratiam gratum facientem fit formaliter homo amicus, & gratus Deo; & per peccatum mortale fit inimicus, & dignus odio: ergo effectus formalis huius gratiæ, habet repugnantiam, cum peccato mortali; Et opposita ratione probatur *posterior pars* quia gratia gratis data non facit amicum, & gratum Deo, eum, in quo est; sed datur ad aliorum utilitatem: ergo nihil includit, ratione cuius non possit esse simul cum peccato mortali. *Confirmatur hæc posterior pars*, quia ex sacra scriptura constat, multis peccatoribus datas fuisse à Deo gratias gratis datas. Nam Math. 7. inquit Christus, *multos dicturos in die iudicij nonne in nomine tuo prophetauimus, & demonia eiecimus, & virtutes multas fecimus, qui tamen audiens, nescio vos, & discedite à me omnes operarij iniquitatis.* & primæ ad Corinth. 13. inquit Paulus, *si linguis hominum loquor, & angelorum, charitatem autem non habeam; factus sum velut æsonans, & cymbalum tinniens; Et si habuero prophetiā, & nouero mysteria omnia, & omnem scientiam, & si habuero omnem fidem, ita vt montes transferam: charitatem autem non habuero; nihil sum.* Vbi aperte supponit, dona, quæ requiruntur ad hæc omnia præstanda, posse reperiri in aliquo sine charitate, & consequenter cum peccato mortali; & de Caipha perditissimo homine dicitur, *prophetaſſe quoniam erat pontifex anni illius.* & de Balaam, quem sacra scriptura appellat *ariolum*, & c. 4. inquit, *quasi misse anguria, dicitur 22. & 23. Domini fuisse ad eum loquū, & posuisse in ore eius verbum.* de quo videndus est D. THO. 2. 2. q. 172. a. 4. & a. 6. ad primum.

ULTIMA CONCLUSIO. *Hæc diuio est adequata*

GRATIA

gratia considerata secundum communem rationem gratia creata supernaturalis. Contrarium asserit GAB. VASQUEZ. in breui notatione circa hunc articulum, & fundamentum eius est confirmatio nostri ultimi argumenti, & propter eandem rationem videtur idem insinuare Soto lib. 2. de natura & gratia. c. 3. in principio. Probatur nostra conclusio, *sum quia* alias aliquid contineretur sub diuisione huius diuisionis, quod ad nullum eius membrum pertineret, quod est contra legem bonæ diuisionis; *sum etiam quia* rationes, propter quas in precedenti conclusione diximus, distinguere membra huius diuisionis, continent sub se omnes has gratias creatas supernaturales, quia nulla est earum, quæ non ordinetur, vel ad sanctificationem eius, qui eam recipit, vel ad aliorum salutem.

S. 3. Resolutio argumentorum.

AD PRIMVM respondetur, *gratiam esse diuisum huius diuisionis* secundum posteriorem acceptionem, ut explicatum est in prima conclusione, & ad obiectionem contra hoc factam, respondetur, habitus virtutum infusarum solum præsupponere gratiam habitualem in essentia animæ ex suauitate diuinæ providentiæ, & non ex natura rei: ut dixi quæstione precedenti. ar. 3. & ideo eos non debere ex natura rei gratiæ habituali, sicut potentia naturalis debetur essentia; & Deinde dico non obstaré, prædictos habitus esse debitos gratiæ habituali, ut non contineantur sub gratia sumpta secundo modo: quia talis gratia solum excludit debita præuenientia ex merito, & ex conditione naturæ & prædicti habitus solum dicuntur debiti gratiæ habituali titulo connaturalitatis & nullo modo sunt debiti naturæ humane, cum non sit ei debita ipsa gratia habitualis.

AD SECUNDVM respondetur, negando antecedens, & ad probationem, omiſſa sententia CONTRARIORUM dicentis, *diuisum esse vnum analogicè*; Respondetur, esse vnum vniuocè: & ad obiectionem pro contraria parte factam, patet solutio ex argumento, quo ibidem probatur, non esse vnum analogicè, quia gratia gratis data non dependet à gratia habituali, quoad participationem rationis communis gratiæ; quia quamuis esset impossibile gratiam habitualem dari nobis omnino gratis, & sine ullo debito: posset gratia gratis data donari ut omnino indebita; Et non obstat, gratiam gratis datam ordinari ad gratum facientem; quia etiam habitus ordinantur ad perfectionem potentiarum, & nihilominus conueniunt cum eis vniuocè in ratione qualitatibus; & actus disponunt ad habitus, & conueniunt similiter cum eis in ratione accidentis; & (ut multi arbitrantur) in ratione qualitatibus.

AD TERTIVM Respondetur cum DIVO THOMA in hoc articulo, in solutione tertij, nomen *gratia gratis data* sumi dupliciter; nam primo sumitur ut est nomen genericum, significans omne donum supernaturale, quod nobis à Deo gratis, & sine debito conceditur: & hoc modo non significat alterum membrum huius diuisionis distinctum à gratia gratum faciente, sed ipsum diuisum commune, sub quo certum est huiusmodi gratiam contineri; atque proinde posse ipsam in hoc sensu appellari gratiam gratis datam; secundo sumitur ut est nomen specificum, significans do-

num supernaturale, gratis collatum hominibus à Deo, quod ordinatur ad aliorum salutem. & hoc modo significat adæquatè alterum membrum huius diuisionis, distinctum à gratia gratum faciente.

AD VRTVM respondetur, discrimen illud esse intelligendum de eo, ad quod per se & principaliter ordinatur vnaquæque ex his gratiis: cum quo stat, ut se cūdario; & minus principaliter gratia gratis data possit cōducere ad salutem eius, qui eā accipit; & gratia gratū faciens ad salutem aliorum; & in hoc sensu est verum antecedens, & probatur efficaciter ratione pro eo posita; Ad confirmationem neganda est sequela: & ad probationem dico, fidem, & spem informem, & auxilia, quibus adiuvamur ad vincendum tentationes, & bene operandum, contineri sub gratia gratum faciente, & ut respondeamus ad vtramque probationem oppositi, *supponendum est*, gratiam gratum facientem sumi dupliciter. Scilicet *proprie* & *in rigore* pro ea gratia qua formaliter iustificamur qualis est sola gratia habitualis; & *magis late*, pro omni gratia, quæ ad propriam iustificationem conducit, siue *antecedenter*, sicut motio actualis, quæ ad eius introductionem disponimur, siue *consequenter*, sicut ordinantur ad eius conseruationem & complementum virtutis infusæ supernaturales, quæ ad eam consequuntur; & hoc supposito, dico gratiam gratum facientem in hac diuisione sumi posteriori modo: quod etiam videtur significare DIUVS THOMAS. a. 4. seq. in solutione secundi, cum ad fidem, ut est quædam virtus ordinata ad hominis iustificationem in seipso; & spem, & charitatē, quatenus per eas homo in Deum ordinatur; rejicit à numero gratiarum, quæ hic appellātur gratiæ gratis datæ; & dicit, pertinere ad gratiam gratum facientem; & in solutione quarti, cum dicit, sapientiā & scientiam non computari inter gratias gratis datas, ut per eas mēs est bene mobilis à spiritu sancto ad ea, quæ sunt sapientiæ & scientiæ: quia sic sunt dona spiritus sancti, & pertinent ad coniunctionē hominis cū Deo, & consequenter ad gratiam gratum facientem: Ad primam illarum probationem respondetur fidem & spem, & auxilia præuenientia iustificationē non facere nos gratos Deo simpliciter, nec expellere peccatum mortale: & nihilominus posse comprehendī in hac diuisione sub gratia gratum faciente, quia *antecedenter* conducunt, & ex natura sua ordinantur ad iustificationem, & expulsionē peccati; & ex defectu hominis proueniunt, ut ad hunc effectum non perueniunt; Et ex hoc patet solutio ad secundā probationem; & eodem modo est exponendus D. THO. in solutione primi.

ARTICVLVS II.


Verum gratia conuenienter diuidatur per operantem & cooperantem.

CONCLUSIO PRIMA. Gratia, siue sumatur pro auxilio diuino, quo nos mouet Deus ad bene volēdū, & agēdū; siue pro dono habituali nobis diuinitus indito, diuiditur cōuenienter per operantē & cooperantem.

CONCLUSIO SECUNDA. Gratia sumpta pro auxilio, dicitur operans, prout Deus mouet mentem humanā ad actū interiorem voluntatis; & præsertim, cum voluntas incipit bonum velle, quod prius malum volebat; & dicitur cooperans respectu actus exterioris imperantis a voluntate.

CONCLUSIO TERTIA. Gratia, sumpta pro dono habituali, dicitur operans, in quantum dat esse animæ; hoc est eam facit, vel iustificat siue gratiam Deo facit; &

cooperans



sentus illorum verborum pendet ex antecedentibus, in quibus AUGUSTINUS docuerat, non posse hominem velle facere Dei mandatum, hoc est obseruare legem Dei, nisi prius habeat voluntatem bonam; & non habere hanc voluntatem bonam, nisi per charitatem, aut magnam & robustam, qualis est illa, de qua dicitur 1. Ioan. 4. perfecta charitas foras mittit timorem; aut parvam & inualidam atque imperfectam, qualem habebat Petrus, qui cum Ioan. 13. dixisset Christo, animam meam pro te ponam, tamen timore ipsum negauit; & postea de hac parua charitate dixerat; & quis istam, & si parvam dare caperat charitatem, nisi ille, qui preparat voluntatem? & continuo subiunxit verba in argumento posita: & cooperando perficit, quod operando incepit: quoniam ipse, ut velimus, operatur incipiens, qui volentibus cooperatur perficiens; quare sicut in verbis prioribus per voluntatem bonam intelligit AUGUSTINUS voluntatem habentem charitatem, & per preparare voluntatem, dare ei charitatem; sic etiam in verbis posterioribus, quæ illis immediate succedunt, dicendum est, eum per incipere operando, intelligere primam infusionem charitatis; & per perficere cooperando, adiuuare voluntatem, ut ex charitate operetur; & ita in toto illo capite vsque in finem agit de viribus, quas voluntas accepit à charitate habituali à Domino, ad obseruandum Dei præcepta & potest confirmari, esse hunc sensum illorum verborum, ex duobus capitibus præcedentibus: quia c. 15. sic habetur, gratia Dei semper est bona, & per hanc fit, ut sit homo bone voluntatis, qui prius fuit voluntatis malæ; per hanc etiam fit, ut ipsa bona voluntas, quæ iam esse cepit, augetur, & tam magna fiat, ut possit implere diuina mandata, quæ voluerit, cum valde, perfecteque, voluerit & capite sequenti, ita inquit, certum est nos velle, cū volumus, sed ille facit, ut velimus bonum, de quo dictum est, quod paulo ante posui, preparatur voluntas à Domino prouerb. 8. ut explicet quomodo preparatur voluntas à Domino, paucis interpositis subiungit: certum est nos facere, cum facimus: sed ille facit ut faciamus, prebendo vires efficacissimas voluntati, qui dixit Ezech. 36. faciam ut in iustificationibus meis ambulatis, & iudicia mea obseruetis, & faciat; cum dixit faciam ut faciatis: quid aliud dicit nisi, auferam à vobis cor lapideum, unde non faciatis; & dabo cor carneum, unde faciatis &c. quæ omnia de magna copia charitatis & gratiæ sunt intelligenda. TERTIVM TESTIMONIUM habetur etiam eodem tomo libro tertio hypognosticon. c. 5. vbi hanc doctrinam late explicat, & postea sic ait: cum dicit per prophetam Dominus Ezech. 36. & dabo in vos cor carneum, & spiritum novum, quid aliud significat, nisi voluntates hominum lapsas prauaricatione veteris hominis, per Christum novum hominem reparari, & preparari ad Dei voluntatem; sic ut scriptum est Prouerb. 8. preparatur voluntas à Domino: Iterum Apostolus Paulus, Deus est, inquit, qui operatur in vobis & velle & perficere pro bona voluntate; ea usque, quæ est in eis, ut dixi, à Domino tam reparata, quam preparata, ut esset bona &c.

TERTIO PROBATVR ratione desumpta ex doctrina AUGUSTINI in his testimonijs, & potissimum in secundo: pro qua supponendum est, AUGUSTINUM distinguere hæc duo, scilicet velle & perficere; ita ut per velle non intelligat quamcumque actualem volitionem, sed ipsam voluntatem bonam, aut bene affectam ad obseruandum præcepta; & per

A perficere intelligat obseruationem præceptorum, siue consistat in solo actu interno voluntatis, siue etiam in actu externo, & ut primum horum tribuat gratiæ operanti, & secundum gratiæ cooperanti; & AUGUSTINUM intelligere hæc duo per velle & perficere, patet; & in primis quantum ad velle, quia expressè dicit, nos velle cum habemus voluntatem bonam hoc est, sanatam à corruptione peccati, & preparatam, atque confortatam à Deo, ad habendum propositum seruandi mandata; & deinde quantum ad perficere, quia in obseruatione præceptorum consistit perfectio, & consummatio operis; & tribuere primum horum gratiæ operanti, & secundum cooperanti, probatur, tum quia sanitatem tribuit gratiæ præuolenti, & degeatationem in sanitate accepta gratiæ subsequenti: tum etiam quia dicit, Deum operando incipere, quod est conferre sanitatem, à qua sumit initium opus bonum; & cooperando perficere, quod est dare complementum boni operis; & hoc supposito sic argumentor: gratia habitualis & charitas, quatenus dat animæ esse iustam, & gratam, dat ei esse bonam & sanam, ut constat ex verbis AUGUSTINI in illo testimonio relatis; & præterea, quia sanat ipsam à morbo peccati, & emundat ab eius sordibus: ergo quatenus dat illud esse, pertinet ad gratiam cooperantem; & similiter quatenus dat animæ cooperari meritorie, dat ei perficere suum opus: ergo quatenus principium cooperandi meritorie pertinet ad gratiam cooperantem.

Confirmatur primo, quia anima per esse, quod accipit à gratia habituali & suis virtutibus, preparatur ad volendum adimplere præcepta: ergo gratia, quatenus dat illud esse animæ est gratia operans. Et rursum, anima per eandem gratiam cum suis virtutibus, & auxilio proportionato, habet vim ad operandum meritorie, & adimplendum præcepta: ergo gratia habitualis secundum hanc rationem pertinet ad gratiam cooperantem.

Confirmatur secundo, quia consentaneum est intentioni AUGUSTINI in eo libro de gratia & libero arbitrio, nomine gratiæ significari gratiam habituale: quia AUG. vult impugnare errorem quorundam Pelagianorum qui existimantes ex defensione gratiæ sequi esse negandum liberum arbitrium ut vitarent hoc inconueniens, dicebant; gratiam dari propter merita, quæ possumus habere per vires liberi arbitrij: & huiusmodi merita consistere in eo, quod est, accedere ad Deum, & habere propositum placendi ei, & seruandi sua mandata; ut constat ex capite primo illius libri adiuncto capite 5. & ex libro secundo retractat. capite 66. ut autem impugnet hanc errorem, ostendit in capitibus superius citatis, non posse nos per vires nostræ voluntatis accedere ad Deum, & habere perfectum propositum seruandi sua mandata, nisi prius ipsa voluntas reddatur in se bona, & sana, & ita preparatur à Deo per suam gratiam, & hoc necessario est intelligendum de gratia habituali.

s. 3.

A D PRIMUM respondetur, negando antecedens, & ad probationem, concedendo theologos desumpsisse diuisionem hanc gratiæ potissimum ex AUGUSTINO loco ibidem citato; & ad verba, quæ ex illo referuntur, dico, AUG. per velle ibidem intelligere solam actualem volitionem, sed sanitatem & præ-

Parationem voluntatis; & hanc esse effectum gratiæ habitualis, quatenus dat animæ esse iustam & gratam. Et similiter ad testimonium Pauli, quod ibidem adducit AUGUSTINVS, scilicet, *Demonstrat qui cooperatur in nobis velle & perficere*, dicendum est, Paulum accipere velle pro habere voluntatem bonam, & sanam, atque præparatam ad volendum seruare mandata, & per perficere, mandatorum impletionem quod & insinuauit CRYSTOSTO. qui exponens hæc verba, per velle intelligit propensionem habitualement ad bene operandū, sic enim ait: *Propensionem voluntatis ipsi nobis dat, & operationem.*

Ad confirmationem respondetur cum MOLINA in concordia ad articulum 13. quæstionis 14. disputatione quarta. *Solutio autem*, & disputatione 19. memb. 5. 6. *quo loco*, patres, cum aduersus Pelagianos definiebant, hominem indigere auxilio gratiæ, nomine auxilij comprehendere id omne, quod superadditur viribus liberi arbitrij ad aliquid prestandum, siue sit habitus supernaturalis concurrēs cum potentia, siue actualis motio sine habitu. Et ad id quod obijciunt ex AUGUSTINO scilicet, nullā fuisse catholicis cum Pelagianis concertationem de gratiæ remissionis peccatorum, respondetur hoc non colligi ex illa epistola: quia AUGUSTINVS in ea, tria dicit de hac re, *Primum* est, Pelagium in ecclesiastico iudicio Palestino anathematizasse eos, qui dicunt gratiam Dei secundum merita dari; *Secundum* est, discipulos eius rogatos, quam gratiam intelligeret Pelagius sine vllis meritis precedentibus dari, Respondisse, intelligere ipsam humanam naturam, in qua conditi sumus; *Tertium* est, potuisse dicere, remissionem peccatorum esse gratiam, quæ nullis precedentibus meritis datur, vbi Avo. nihil affirmat de hac gratiā ex Pelagianorum sententia. Imo addo, colligi oppositū ex AUGUSTINO in alijs locis. Nam lib. de gratiā & libero arbitrio cap. 10. dicit, se in libris suis disputasse contra eos, qui gratiam quā a nostris malis meritis liberamur, & per quam bona merita comparamus, quibus ad vitam perueniamus æternam, negare ausi sunt; & cap. 60. eiusdem libri, inquit, Pelagianos aliquando dixisse, hanc solum esse, non secundum merita nostra gratiam, quā homini peccata dimittuntur, vbi aperte significat non id semper fuisse capssos.

Ad secundum respondetur, distinguendo antecedens, aut enim intelligitur de cooperatione liberi arbitrij cōcurrente dispositioni, aut de cōcurrente efficienter ad ipsam gratiā habitualement; si intelligatur priori modo, debet concedi, quia (vt dicemus quæstione sequenti) homo per actus liberi arbitrij disponitur ad gratiam habitualement, ceterum neganda est consequentia, quia non posset valere, nisi antecedens sit verum in posteriori sensu, & ad eius probationem dicendum est, cum D. THOMAS docet, eum effectum pertinere ad gratiam cooperantem, ad quem mēs nostra mouet seipsam; debere intelligi de motionē, quā mens nostra non solum deponit, sed etiam efficienter attingat talem effectum, & ad probationem antecedentis, quatenus applicatur ei, sumpto in secundo sensu, concedendum est antecedens, & neganda consequentia; ad cuius probationem dico, doctrinam illam in naturalibus esse veram, quia in eis dispositiones ex natura rei disponunt ad vñtionē formę cū subiecto, & propter oppositā rationem non esse veram in supernatura-

libus, quia scilicet in eis dispositiones solū ex diuina institutione fundata in quadam proportionē ex connaturalitate, habeat rationem dispositionum, vt in citata quæstione sequenti est explicandum.

Ad tertium nego antecedens, & ad probationem respondetur, vt gratia habitualis dicatur cooperans, hoc est simul operans cum libero arbitrio respectu operis meritorij, satis esse, eam esse principij talis operis secundo ex illis duobus modis, scilicet quoad valorem meriti, quamuis non sit eius principij primo modo, scilicet quoad eius substantiā. Et ita ad casus ibi reiatos, omitta solutione eorum, qui defendūt, in omnibus actum quoad substantiā procedere efficienter à gratiā habituali medijs virtutibus infusis (de qua agendum est inf. q. 113. & 114.) dico in eis actū meritorium procedere à gratiā habituali quoad valorem meriti; & ad primam probationem oppositi nego antecedens, quia vis moralis in gratiā non proportionatur quoad intentionem virtutis phisicę, sed quicumq; gradus gratiæ sufficit ad cōmunicandū valorem meriti cuiusq; operi, & quantum cumq; intenso, vt explicandum est inf. q. 114. & ad 2. probationem dico, *imprimis* causalitatem formalem posse appellari late cooperationem, sicut in obiectione posita contra primā conclusionem dixi de gratiā operante, & cōceditur à D. THOMA in solutione ad primum huius argumenti; & deinde dico, causalitatem gratiæ quoad hunc valorem meriti, posse reduci ad genus causę efficientis, secundum quandam resultantiam quasi moralem, in quantum dignitas filij Dei, & iustitiam amici, quam ipsa gratia habitualis dat formaliter supposito operanti, redonat in eius operationem, & dat ei dignitatem siue valorem meriti in ordine ad æternam beatitudinem.

Ad confirmationem respondetur, cōcedendo antecedens, si intelligatur de vltima dispositionē vt subsequitur gratiā habitualement, & supponit eā in anima; & negando consequentiā & ad probationē, dicendū est cū D. THOMA in solutione ad vltimū huius articuli nō esse in cōueniēs, eandē gratiā simul & in eodē instanti esse operantē, & cooperantē, respectu diuersorū effectū, & ita in hoc casu gratiā habitualement dici operantē, quatenus dat animæ esse iustam, & gratiā & cooperantē, quatenus dat illi dispositioni dignitatem siue valorem meriti.

Circa secundam conclusionem notandū, nō posse negari, Avo. magis ex professo noluisse explicare diuisionē hanc gratiæ in operantē & cooperantē in auxilio motionis gratiæ, quam in gratiā habituali, vt cōstat ex eius verbis adductis in primo argumento dubij præcedentis: quod etiam dicendum est de Divo THOMA, sed de explicatione huius diuisionis sic intellectę agemus in fine huius quæstionis.

ARTICVLVS III.

Virum gratia conuenienter diuidatur in præuenientem & subsequentem.

PRIMA CONCLUSIO, gratia qualitercumque accipitur, hoc est, siue sumatur pro gratia habituali, siue pro motione gratuita, recte diuiditur in præuenientem & subsequentem, secundum diversos effectus.

SECUNDA CONCLUSIO, quinque sunt effectus gratiæ in anima, quod ad propositum spectat, primus sanare eam, secundum velle bonum, tertius efficienter operari bonum quod vult, quartus perseverare in bono, quintus peruenire in gloriam.

TERTIA CONCLUSIO, gratia respectu diversorum effectuum dicitur præueniens, ut est causa prioris effectus, & subsequens ut est causa posterioris; & respectu eiusdem effectus dicitur præueniens, quatenus talis effectus comparatur ad alterum posteriorem: & subsequens, quatenus idem effectus comparatur ad alterum priorem.

COMMENTARIVS.

CIRCA TITVLVM NOTANDVM, DIVISVM huius diuisionis esse gratiæ gratū facientem, sumptū in tota ea latitudine, quæ in diuisione explicata art. primo cōdistinguitur à gratia gratis data: ita ut hæc diuisio sit subdivisio illius quoad hoc membrū, & nulla sit gratia gratū faciēs sumpta in tota latitudine, quæ non sit præueniēs, aut subsequens, iuxta sensum tertiæ conclusionis; an vero hæc diuisio sit eadem cum diuisione gratiæ in operantem & cooperantem de qua egimus art. præcedenti, constabit ex eius explicatione.

CIRCA CONCLUSIONEM NOTANDVM PRIMO, effectus gratiæ, (qui in secunda conclusione afferuntur, & in ordine ad quos in tertia explicatur, quid sit gratia præueniens & subsequens,) posse attribui gratiæ habituali, & actuali: non quidem tanquam causæ completæ, & totali quoad omnes; sed saltem ut causæ requisitæ. Quod imprimis de gratia, habituali posset facile explicari: nam iuxta doctrinam D. THOMÆ art. præcedenti, quam nos ibidem explicauimus, hæc gratia habet duos effectus in homine, scilicet, reddere ipsum iustum & sanctum, & dare suis operibus valorem & dignitatem meriti: & in horum priorum includitur primus ex contentis in secunda conclusione, quia non posset homo nunc fieri iustus, nisi sanetur à peccato; & in posteriori tertius, quia habitualis dicitur principium boni operis, saltem quantum ad hunc valorem. Et non obstat, D. THOMAM ibitantum meminisse horum

A duorum effectuum gratiæ habitualis, quia loquebatur de effectibus eius in via, & quorum ipsa per se est causa totalis & completa; & ideo possumus addere, tertium effectum pro statu beatitudinis, qui appellatur gratiæ consummatio; quia (ut inquit D. THOMAS in solutione ad secundum huius articuli) sicut charitas viz, quia in sua ratione non importat imperfectionem, manet eadem numero, sed magis perfecta, in patria: ita etiam gratia habitualis, quæ est in via, quia in sua propria ratione nullam includit imperfectionem, potest eadem numero manere in patria, cum maiori perfectione, non solum quoad intensiōem, sed etiam quoad vim sanandi naturam humanam: quia non solum sanat eam secundum mentem, sicut in via, ut docet DIVVS THOMAS supra quæst. 109. art. 8. sed etiam secundum appetitum carnalem, ut etiam docet DIVVS THOMAS in eadem q. art. 9. ad 1. siue id præstet ipsa gratia sola, siue cum alijs donis habitualibus quæ ad illam pertineant in illo statu, & similiter possumus addere duos alios effectus, pro statu viz, scilicet velle bonum, & perseverare in bono; quia velle bonum, si sumatur pro habituali, propensione ad bonum, est ipsa sanitas animæ, ut ex AUGUSTINO explicui art. præcedenti; si vero sumatur pro actuali proposito recte viuendi, & seruandi præcepta, præsupponit eandem sanitatem, ita ut sine ea haberi non possit, ut ibidem dixi; Et hæc ratio habet etiam vim respectu perseverantiæ, quia quamuis ad eam requiratur speciale auxilium, distinctum à gratia habituali: tamen huiusmodi auxilium non datur, nisi præsupposita ipsa gratia habituali, ut explicui supra quæst. 109. art. 4. 9. & 10. Quare manet explicatum, quia ratione ex his quinque effectibus gratiæ, tres, scilicet primus; tertius, & quintus, sint effectus gratiæ habitualis, tanquam propriæ causæ: & reliqui duo, tanquam conditionis necessario requisitæ ex Dei institutione.

Et deinde etiam potest explicari, quo modo prædicti quinque effectus tribuantur gratiæ motionis actualis, Nam solum potest esse quantum ad hoc difficultas de primo, tertio, & ultimo: de quibus diximus, esse effectus gratiæ habitualis tanquam propriæ causæ; & ex his primis, si sumatur pro sanitate à peccato (ut de eo nunc loquimur) tribuitur quoad suam inchoationem ei, scilicet, quia Deus instituit, nullum adultum sanare à peccato, nisi supposita ex parte eius libera conversione ad ipsam, quæ est effectus gratiæ actualis quoad conseruationem, & permanentiam, tanquam causæ propriæ, ut docet D. THOMAS sup. q. 109. art. 9. in corp. & ad 1. & art. 10. & hoc modo tribuitur ei tertius effectus, non solum quia in multis casibus actus meritorius quoad suam substantiam non procedit efficienter ab habitibus supernaturalibus, ut explicui in solutione secundi argumenti dubij propositi in art. præcedenti sed etiam, quia, quando est supernaturalis, procedit à concursu actuali supernaturali, qui habet modum auxilij actualis; & tandem ultimus tribuitur ei tanquam causæ propriæ, quantum ad multa necessaria, vel ad conseruationem, vel ad perfectionem illius status, ut expresse docet D. THOMAS sup. q. 109.

art. 9. ad 1. ubi licet in statu gratiæ, quando gratia erit omnino perfecta homo diuino auxilio indigebit.

SECUNDO NOTANDUM, D. THOMAM adaptare diuisionem hanc utrique gratiæ, hoc est habituali, & actuali, in ordine ad prædictos effectus duobus modis: scilicet, aut in ordine ad distinctos effectus, aut in ordine ad eundem effectum comparatum ad diuersos effectus, quorum aliqui sunt ipso priores, & alij posteriores, ut satis est explicatum in vltima conclusionis. Verum quia de hac diuisione, ut adaptatur gratiæ actuali, agemus in fine huius questionis, nunc solum est aduertendum circa eam, ut accomodatur gratiæ habituali, interdum eius membra ita sumi, ut gratia viz, quantum ad primū effectum, dicatur *præueniens*, & quantum ad secundum, vel alium posteriorem, dicatur *subsequens*; & interdum ita ut tota gratia viz, etiam quoad vltimum effectum, dicatur *præueniens*, & sola gratia patriz, dicatur *subsequens*; & utroque modo (ut D. Tho. in art. aduertit) videtur eam sumpsisse AUGUSTINVS to. 7. lib. de natura & gratia cap. 31. priori quidem, cum ita inquit, *præuenit autem ut sanemur, quia & subsequetur ut etiam sanati vegetemur*; Posteriori vero, cum statim subiungit *præuenit ut vocemur, subsequetur ut glorificemur, præuenit ut pie vivamus, subsequetur ut cum illo semper vivamus*; de quo etiam videndus est D. Tho. in solutione ad secundum huius articuli, & de veritate q. 17. art. 5. peculiariter in solutione ad sextum.

SED CONTRA diuisionem hanc sic explicatam de gratia habituali, VASQUEZ. to. 1. in primam partē, disputatione 88. cap. 10. & to. 2. in primam secundę, disputatione 185. cap. 10. dicit, eam posse esse veram, & apud scholasticos valde vtitam: nō tamen esse iuxta mentem AUGUSTINI, & discipulorum eius; idque probat, tum, quia AUG. (ut constat ex eius epistola 105.) non disputauit contra Pelagium de gratia remissionis peccatorum, quæ est habitualis: sed de auxilio gratiæ Dei mouentis; ergo cum eam gratiam, de qua cum Pelagio contendit, diuiserit in præuenientem & subsequentem: sequitur, non esse secundum eius mentem diuisionem gratiæ habitualis in præuenientem & subsequentem, tum etiam quia verba ex AUGUSTINO adducta pro hac diuisione alium sensum habent, nam cum dicit, *præuenit ut sanemur*, non intelligit, ipsam sanationem à peccato esse effectū formalem gratiæ præuenientis, sed auxilium gratiæ præueniēs, ut ad iustificationem vel sanationem præparemur; & propterea non dixit, *præuenit sanando, sed præuenit ut sanemur*; Quare in omnibus illis verbis per gratiam *præuenientem* intelligitur gratia actualis præcedens iustificationem; & per *subsequentem* alia gratia etiam actualis, quæ subsequatur iustificationem; & de hac gratia debent hæc exponi: *præuenit* scilicet iustificationem, ut ad eam præparemur, *subsequitur*, scilicet, ipsam iustificationem, ut bonis operibus in ea vegetemur, *præuenit ut vocemur* scilicet ad iustificationem, *subsequitur* scilicet ut in ea perseverantes glorificemur; *præuenit ut pie vivamus* scilicet usquequo iustificemur, *subsequitur*, scilicet iam iustificatos, ut cum illo semper vivamus; hoc est, ut in ea iustitia perseverantes ad vitam perueniamus æternam.

VERVM QUAMVIS negari non possit, AUGUSTINVM in aliquibus locis explicuisse, diui-

sionem hanc de gratia actuali: tamen simul est etiam concedendum, ipsum in alijs locis accomodasse eam gratiæ habituali; ita ut hæc diuisione de utraque gratia sit intelligenda ex AVGVSTINI & sententia sicut articulo præcedenti dixi de diuisione gratiæ in operantem & cooperantem.

Et non obstat prima probatio partis oppositæ, quia (ut dixi in solutione confirmationis primi argumenti dubij in illo articulo, positi) non constat ex AVGVSTINI epistola 105. ipsam non habuisse controuersiam cum Pelagianis de gratia remissionis peccatorum: & tunc addo ex STAPLATO no li. 5. de iustificatione cap. 4. Pelagianos non concessisse gratiam habitualem qua interne iustificamur, sed omnino eam negasse; ut constat ex AVGVSTINO tom. 7. lib. de gratia Christi cap. 30. 36. & 47. & tom. 1. lib. 2. retractat cap. 42. quare si aliquando concesserunt gratiam remissionis peccatorum, non intellexerunt hoc nomine gratiam habitualement, sed solam remissionem peccatorum sine interna renouatione, quæ sit per infusionem gratiæ & virtutum supernaturalium; quod etiam videtur significare AVGVSTINVS to. 6. li. de heresibus c. vlt.

Neque etiam obstat secunda probatio, quia falsum est, verba illa AVGVSTINI non habere eum sensum, quem ex D. THOMA retulimus; nam in verbo *præuenit* intelligitur misericordia Dei, siue Deus vtens nobiscum misericordia; quoniam præcesserant hæc verba, *misericordia eius*, scilicet, Dei, *præuenit nos*, & statim sequitur, *præuenit autem ut sanemur* &c. & ita sensus est, *misericordia Dei præuenit nos* hoc est, dat nobis gratiam præuenientem, ut sanemur scilicet per eam, tanquam per causam formalem sanationis; quia hoc verbo significatur, finem, ob quem datur nobis gratia præueniens, esse, ut participemus suum effectum formalem, qui est sanari à peccato: ut, si diceretur, infundi animæ corpori, ut viuificetur; non significaretur, finem, ob quem anima infunditur, esse ut corpus participet effectum alterius formæ, sed ut participet effectum formalem eiusdem animæ, qui est viuificari, aut esse viuum; & hoc sensu est intelligendum quod ex AVGVSTINO lib. de gratia & libero arbitrio cap. 17. retuli in argumento primo dubij positi art. præcedenti, ut velimus, operatur incipiens & postea ut ergo velimus sine nobis operatur hoc est, Deus dat nobis gratiam operantem in hunc finem, ut per eam, tanquam per formam, sanetur nostra voluntas: ita ut possimus habere propositū seruandi præcepta; & eodem modo possunt exponi reliqua verba.

ARTICVLVS IV.

Utrum gratia gratis data conuenienter diuidatur ab Apostolo.

COMMENTARIVS.

CONCLUSIO est affirmatiua quæ, simul cū titulo, intelligitur de diuisione gratiæ gratis datę posita ab APOSTOLO 1. Cori. 12. & eius probatio consistit in ratione, propter quam Paulus illo loco has gratias, & nō plures, neq; pauciores enumerauit: quam D. THO. satis aperte explicat in litera, & in commentario ad illum locum lectione secunda & 2. 2. q. 171. in præmio.

Et non

Lequel est id, quod solet obijci, de potestate ordinis ad conferendum Sacramentum Eucharistiae, vel conferendum absolutionem a peccatis, aut sacramentum ordinis: quoniam huius potestas pertinet ad ministeria & officia ecclesiastica; & praeterea quamvis fundetur in charactere, qui est qualitas supernaturalis infusa animae à Deo supernaturaliter secundum rationem potentiae: forte non importat vim aliquam physicè effectivam, sed quasi designationem quandam moralem, quae posset appellari potentia moralis ad exercendum hoc ministerium; & ideo non pertinet ad gratias gratis datas. Et omitto alias rationes, quas referunt BELTAMUS. tom. 3. libr. 2. de gratia & libero arbitrio cap. 10. §. Quinto quaeritur; & VALENTIA. 1. 2. disputatione 8. q. 3. puncto primo, in fine; apud quos etiam possunt videri alia, quae contra sufficientiam huius divisionis possunt obijci.

Solet etiam hic disputari, an gratia gratis data sint habitus vel auxilia actualia? sed hoc non pos-

set accommodè explicari, nisi prius constet, quae una quaeque earum in particulari, de quo nunc agendum, sed apud DRYDEN THOMAM 1. 2. à questione 171. usque ad 17 ubi ipse agit de aliquibus earum & explicat difficultatem hanc: ex quo posset facili colligi, quid dicendum de reliquis.

ARTICVLVS V.

Utrum gratia gratis data sit dignior quam gratia gratum faciens.

CONCLVSIO gratia gratum faciens est magis excellentior quam gratia gratis data.



art. 9. ad 1. ubi licet in statu gratie, quando gratia erit omnino perfecta homo diuino auxilio indigebit.

SECUNDO NOTANDUM, D. THOMAM adaptare diuisionem hanc utrique gratie, hoc est habituali, & actuali, in ordine ad predictos effectus duobus modis: scilicet, aut in ordine ad distintos effectus, aut in ordine ad eundem effectum comparatum ad diuersos effectus, quorum aliqui sunt ipso priores, & alij posteriores, ut satis est explicatum in ultima conclusione. Verum quia de hac diuisione, ut adaptetur gratie actuali, agemus in fine huius questionis, nunc solum est aduertendum circa eam, ut accommodatur gratie habituali, interdum eius membra ita sumi, ut gratia viz, quantum ad primum effectum, dicatur *præueniens*, & quantum ad secundum, vel alium posteriorē, dicatur *subsequens*; & interdum ita ut tota gratia viz, etiam quoad ultimum effectum, dicatur *præueniens*, & sola gratia patris, dicatur *subsequens*; & utroque modo (ut D. THO. in art. aduertit) videtur eam sumpsisse AUGUSTINVS to. 7. lib. de natura & gratia cap. 31. priori quidem, cum ita inquit, *præuenit autem ut sanemur, quia & subsequetur ut etiam sanati uegetemur*; Posteriori vero, cum statim subiungit *præuenit ut uocemur, subsequetur ut glorificemur, præuenit ut pie uiuamus, subsequetur ut cum illo semper uiuamus*; de quo etiam videndus est D. THO. in solutione ad secundum huius articuli, & de veritate q. 17. art. 5. peculiariter in solutione ad sextum.

SED CONTRA diuisionem hanc sic explicatam de gratia habituali, VASQUEZ. to. 1. in primam partē, disputatione 88. cap. 10. & to. 2. in primam secundę, disputatione 185. cap. 10. dicit, eam posse esse veram, & apud scholasticos valde usitatam: nō tamen esse iuxta mentem AUGUSTINI, & discipulorum eius; idque probat, sum, quia AUG. (ut constat ex eius epistola 105.) non disputauit contra Pelagium de gratia remissionis peccatorum, quæ est habitualis: sed de auxilio gratie Dei mouentis; ergo cum eam gratiam, de qua cum Pelagio contendit, diuiserit in præuenientem & subsequentem: sequitur, non esse secundum eius mentem diuisionem gratie habitualis in præuenientem & subsequentem, sum etiam quia uerba ex AUGUSTINO adducta pro hac diuisione alium sensum habent, nam cum dicit, *præuenit ut sanemur*, non intelligit, ipsam sanationem à peccato esse effectū formalem gratie præuenientis, sed auxilium gratie præueniēs, ut ad iustificationem vel sanationem præparemur; & propterea non dixit, *præuenit sanando, sed præuenit ut sanemur*; Quare in omnibus illis uerbis per gratiam *præuenientem* intelligitur gratia actualis præcedens iustificationem; & per *subsequentem* alia gratia etiam actualis, quæ subsequatur iustificationem; & de hac gratia debent hæc exponi: *præuenit* scilicet iustificationem, ut ad eam præparemur, *subsequitur*, scilicet, ipsam iustificationem, ut bonis operibus in ea *uegetemur*, *præuenit ut uocemur* scilicet ad iustificationem, *subsequitur* scilicet ut in ea perseverantes *glorificemur*; *præuenit ut pie uiuamus* scilicet usquequo iustificemur, *subsequitur*, scilicet iam iustificatos, ut cum illo semper uiuamus; hoc est, ut in ea iustitia perseverantes ad uitam perueniamus æternam.

VERVM QUAMVIS negari non possit, AUGUSTINVM in aliquibus locis explicuisse, diui-

lionem hanc de gratia actuali: tamen simul est etiam concedendum, ipsum in alijs locis accommodasse eam gratie habituali; ita ut hæc diuisione de utraque gratia sit intelligenda ex AUGUSTINO & sententia sicut articulo præcedenti dixi de diuisione gratie in operantem & cooperantem.

Et non obstat prima probatio partis oppositæ, quia (ut dixi in solutione confirmationis primi argumenti dubij in illo articulo, positi) non constat ex AUGUSTINI epistola 105. ipsam non habuisse controuersiam cum Pelagianis de gratia remissionis peccatorum: & tunc addo ex STAPLETONO li. 5. de iustificatione cap. 4. Pelagianos non concessisse gratiam habitualem qua interne iustificamur, sed omnino eam negasse; ut constat ex AUGUSTINO tom. 7. lib. de gratia Christi cap. 30. 36. & 47. & tom. 1. libr. 2. retractat cap. 42. quare si aliquando concesserunt gratiam remissionis peccatorum, non intellexerunt hoc nomine gratiam habitualem, sed solam remissionem peccatorum sine interna renouatione, quæ fit per infusionem gratie & virtutum supernaturalium; quod etiam videtur significare AUGUSTINVS to. 6. li. de heresibus c. vi.

Neque etiam obstat secunda probatio, quia falsum est, uerba illa AUGUSTINI non habere eum sensum, quem ex D. THOMA retulimus; nam in uerbo *præuenit* intelligitur misericordia Dei, siue Deus utens nobiscum misericordia; quoniam præcesserant hæc uerba, *misericordia eius*, scilicet, Dei, *præuenit nos*, & statim sequitur, *præuenit autem ut sanemur* &c. & ita sensus est, *misericordia Dei præuenit nos* hoc est, dat nobis gratiam præuenientem, ut sanemur scilicet per eam, tanquam per causam formalem sanationis; quia hoc uerbo significatur, finem, ob quem datur nobis gratia præueniens, esse, ut participemus suum effectum formalem, qui est sanari à peccato: ut, si diceretur, infundi animam corpori, ut uiuificetur; non significaretur, finem, ob quem anima infunditur, esse ut corpus participet effectum alterius formæ, sed ut participet effectum formalem eiusdem animæ, qui est uiuificari, aut esse uiuum; & hoc sensu est intelligendum quod ex AUGUSTINO lib. de gratia & libero arbitrio cap. 17. retuli in argumento primo dubij positi art. præcedenti, ut uelimus, operatur incipiens & postea ut ergo uelimus sine nobis operatur hoc est, Deus dat nobis gratiam operantem in hunc finem, ut per eam, tanquam per formam, sanetur nostra uoluntas: ita ut possimus habere propositū seruandi præcepta; & eodem modo possunt exponi reliqua uerba.

ARTICVLVS IV.

Utrum gratia gratis data conuenienter diuidatur ab Apostolo.

COMMENTARIVS.

CONCLUSIO est affirmatiua quæ, simul cū titulo, intelligitur de diuisione gratie gratis datę posita ab APOSTOLO 1. Cori. 12. & eius probatio consistit in ratione, propter quam Paulus illo loco hæc gratias, & nō plures, neq; pauciores enumerauit: quam D. THO. satis aperte explicat in litera, & in commentario ad illum locum lectione secunda & 2.2. q. 171. in præmio.

Et non

Et non opor-
tetur ordinem ad conferendum Sacramentum Eu-
charistiae, vel conferendum absolutionem ad pec-
catum, aut sacramentum ordinis: quoniam hæc
potestas pertinet ad ministeria & officia ecclesia-
stica; & præterea quamuis fundetur in chara-
ctere, qui est qualitas supernaturalis infusa ani-
mæ à Deo supernaturaliter secundum rationem
potentiæ: forte non importat vim aliquam phy-
sicè effectiuam, sed quasi designationem quan-
dam moralem, quæ posset appellari potentia
moralis ad exercendum hoc ministerium; &
ideo non pertinet ad gratias gratis datas. Et
omitto alias rationes, quas referunt BELTA-
MUS tom. 3. libr. 1. de gratia & libero arbitrio
cap. 10. §. Quinto quaeritur; & VALENTIA.
1. 2. disputatione 8. q. 3. puncto primo, in
fine; apud quos etiam possunt videri alia, quæ
contra sufficientiam huius diuisionis possunt
obijci.

Solent etiam hic disputari, an gratia gratis data
sint habitus vel auxilia adualia? sed hoc non pos-

set accommodè explicari, nisi prius conset, qui
sit una quæque earum in particulari, de quo no-
est nunc agendum, sed apud D. THOMAM
2. 2. a questione 171. usque ad 173
ubi ipse agit de aliquibus earum & explicat diffi-
cultatem hanc: ex quo posset facile colligi, quid sit
dicendum de reliquis.

ARTICVLVS V.

*Utrum gratia gratis data sit di-
gnior quam gratia gratum
faciens.*

CONCLUSIO gratia gratum faciens est mi-
to excellentior quam gratia gratis data.



TRACTATUS

DE GRATIA ACTUALI PERTINENTE AD GRATIAM GRATVM FACIENTEM

PROÆMIOLVM.

Quoniam diuifio gratiæ in habitualem & actualem eft communis gratiæ gratum facienti & gratiæ gratis datæ, vt de priori conftat ex 2. & 3. artic. huius quæftionis, vbi cum D. THOMAS diximus, diuifiones gratiæ gratum facientis ibidem explicatas poffe indifferenter adaptari & gratiæ habituali & actuali; & de pofteriori, ex art. 4. vbi à nobis eft fuppoſitum vt certum gratiam gratis datam poffe habere rationem habitus & auxiliij actualis: ideo in hoc titulo proponitur agendum determinatè de gratia actuali pertinente ad gratiam gratum facientem, vt excludatur gratia actualis, quæ pertinet ad gratias gratis datas & eft valde diftincta ab ea, quæ pertinet ad gratiam gratum facientem. De hac autem tria ſumus explicaturi ſcilicet, quæ ſit eius propria ratio & natura quas habeat ſpecies ſiue partes, & quomodo, huiusmodi partes comparantur inter ſe: & quamuis vt hæc exactè explicarentur oporteret plura dubia diſputare, nos tamen breuitati conſulentes, reducemus ad quatuor dubia præcipuas difficultates huius materiæ.

PRIMUM DVBIVM.

Quid ſit gratia actualis.§. 1. *Explicatio & ſenſus tituli.*

AD TITVLV explicacionem, *Nota primo*, nomine gratiæ intelligi id, quod ſine vilo debito aut meriti, aut connaturalitatis datur naturæ humanæ ad recte viuendum, ſicut oportet ad conſequendum finem ſupernaturalem, qui eſt æterna beatitudo: hoc eſt, ad reſiſtendum tentationibus, & vitandum peccata, & adimplendum præcepta. Et quamuis hoc poſſit intelligi de omnibus ſimul, aut per longum tempus, ſiue vſque ad finem vitæ; hoc eſt, de vitatione peccatorum mortalium, aut omnium collectiue, aut per longum tempus, aut per totam vitam: nos tamen ſolum agimus de eo, quod datur in ordine ad ſingulos actus, vel ad vitandum ſingula peccata; quia de eo, quod datur ad vitandum omnia peccata mortalia collectiue ſumpta, vel per longum tempus, vel vſque ad finem vitæ, iam explicuimus in quo conſiſtat, ſuprà. q. 109. art. 4. 8. 9. & 10. Neque ſolum agimus de hac gratia in ordine ad actus ſupernaturales virtutum infuſarum, & ad vitandum peccata

A contra præcepta ſupernaturalia. Sed etiam in ordine ad actus bonos moraliter, & ad vitandū peccata contra præcepta purè naturalia; ſiue requiratur ad ſingulos ex his actibus & ad vitandum ſingula peccata, & ad vincendū ſingulas tentationes, vt aliqui volunt: ſiue (quod probabilius exiſtimo) non requiratur quidem, ſed detur tamen ex Dei benignitate & miſericordia.

B SECUNDO NOTANDVM, cum hæc gratia appellatur actualis, ſignificari, eam non habere modum eſſendi permanentem, & inſtar habitus ſed facile mobilem, & tranſeuntem: quare ſenſus tituli eſt, *in qua poſſa ſit & conſiſtat hæc gratia, qua ſine vilo debito datur, aut poſeſt dari tranſeuntem ad vitandum ſingula peccata cōtra præcepta ſiue ſupernaturalia ſiue purè naturalia, & exercēdum ſingulos actus, ſiue ſupernaturales, ſiue bonos tantum moraliter.*

C IN QVA RE certum eſt apud omnes, dari hæc gratiam actualem, diſtinctam ab habitibus virtutū infuſarum, qui ſolum (inter habitus huius ſtatus) habent rationem gratiæ: quia habitus acquiſiti ſunt debiti titulo cōnaturalitatis actibus. (per quos acquiruntur) aut tanquā ſuis cauſis efficientibus aut tanquā diſpoſitionibus, & probatur eſſe cōcedendam hæc gratiā, quia in ſcriptura ſæpe dicitur, nos moueri actu à Deo ſpecialiter ad huiusmodi opera; vt Ioan. 6. *nemo poſeſt venire ad me, niſi pater.* (qui

misit me, traxerunt enim Threnor. 5. conuertere nos Domine ad te, & conuertemur, Ezechiel. 36. facia ut in preceptis meis ambuletis, & iudicia mea custodiat, & operemini, & ad hoc pertinet omnia loca, ex quibus colligitur, nostra opera bona, præsertim illa, quæ conducunt aliquo modo ad pietatē, & ad cōsequēdū eternam vitā, fieri virtute diuinæ gratiæ: vt Ioā. 15. sine me nihil potestis facere. Item illa, quibus significatur, actum alicuius virtutis esse in nobis à Deo, vt deinde dicitur ad Philip. 1. vobis datum est, nō solū ut in eum credatis, sed etiam ut pro illo patiamini, & de pœnitentia Act. 11. ergo & gentibus dedit Deus pœnitentiam ad vitam. Probatur etiam ratione desumpta ex D. Tho. sup. q. 109. art. 1. res aliæ creatæ respectu suorum finium naturalium, non solum habent à Deo formas, & perfectiones permanentes, quæ sint principia operationum, quibus tendant in tales fines: sed etiā mouētur ab ipso ad huiusmodi operationes; ergo similiter creatura rationalis in ordine ad finē supernaturalē eternæ beatitudinis, non solū habet à Deo virtutes habituales, quæ sint principia operationū, quibus cōducant in eū finē; sed etiā mouētur ab ipso ad huiusmodi operationes, atque adeo recipiunt gratiam actualem; quia hæc motio habet rationem gratiæ actualis.

§. 2. *Varia sententia Theologorum proponuntur.*

SED QUAMVIS in hoc cōueniant omnes Theologi: tamē de eo, in quo hæc gratia actualis cōsistat, variæ sunt eorū sententiæ. PRIMA est eorum, qui dicunt, eā consistere in speciali Dei concursu, quo Deus est causa in nobis prædictarum actionū: & hi appellant hunc concursū *specialem*, vt distinguant eum à *generali*, qui nō pertinet ad ordinem, gratiæ, cum sit aliquo modo debitus causis creatis, scilicet ex suppositione diuinæ providentiæ. Hanc sententiam sequuntur CAPRE. in 2. d. 25. q. vnica art. 1. conclusionē secūda & art. 3. in solutionibus ad argumenta contra eandē conclusionē; CONRAD. 1. 2. q. 109. art. 1. & 6. CASALIA prima parte de iustitia quadruparti c. 7. §. hac de huiusmodi re & SOTVS lib. 1. de natura & gratia cap. 2. & 16. & probatur hæc sententia autoritate D. Tho. qui 1. 2. q. 109. art. 1. dicit, creaturam intellectualem, & quodcumque agens creatum in sua actione depēdere à Deo, quantum ad duo: scilicet, quantum ad perfectionē, siue formam, per quam agit, quia habet eam à Deo, vt à causa efficiente & cōseruante; & quantum ad *motionem* ad agendum, quia ab ipso mouetur ad agendum; & ex hac doctrina dicunt hi authores, colligi hanc sententiam: quia *imprimis* D. Tho. per hanc *motionem* intelligit actualem cōcursum Dei, ad ipsam actionem, *tum quia* alias omnino prætermisisset eum, atq; adeo non explicuisset sufficēter dependentiā agentis creati in sua actione à Deo, *tum etiā quia* non apparet, quid aliud potuerit intelligere; & *tandem*, quia comparat eam cū concursu corporis cœlestis ad motus corporū inferiorum; Et deinde, per hunc concursum intelligit *auxilium Dei*, quia in hoc articulo & in sequenti appellat ipsum *auxilium diuinū*, quo Deus mouet intellectum, & hominē ad agendum. Et art. 3. & 4. appellat *auxilium Dei momentis* ad diligendum Deū naturaliter supra omnia, & ad mandata implenda & *tandem* hoc auxilium Dei mouētis appellat *auxilium gratuitū*, vel gratiæ articulo sexto respectu

A præparationis ad gratiā habitualem: quia hæc præparatio excedit vires naturæ humanæ; & art. 9. respectu hominis in statu naturæ corruptæ, sanati per gratiam habitualement; vbi expresse assignat duplicem huius rei rationem: *vnā generalem*, scilicet, quia nulla res creata potest in quemcumq; actum prodire, nisi virtute motionis diuinæ; & *aliā specialem*, scilicet, quia homo in statu naturæ corruptæ, quamuis per gratiam sanetur quoad mentem, non sanatur quoad corruptionem carnis. Quare cū D. THOM. hunc concursum Dei specialem, qui est ad actus excedentes facultatem naturæ humanæ, appellat *auxilium gratiæ*, sequitur iuxta ipsius sententiam gratiā actualem Dei consistere in huiusmodi concursu speciali.

Et confir. quia quæstione 110. art. 2. referens doctrinam hanc de duplici gratia Dei, adiuuante hominem, scilicet habituali, & habente modū motionis, qua anima hominis à Deo mouetur ad aliquod cognoscendum, vel volendum, vel agendum, dicit hanc non esse qualitatem, sed motum quendā animæ, quia *actus momentis in moto, est motus*, vt dicitur in 3. phisic. constat autem hunc motum, vt tenet se ex parte Dei, non esse aliud quā specialem & gratuitū concursum Dei ad eundem motum siue actum.

SECUNDA SENTENTIA est aliorū, qui dicūt, gratiam actualem siue auxilium speciale, vt distinguitur à gratia habituali, esse motionē Dei, qua homo ad operationes, quæ naturā suam aliquo modo superant, adiuuatur: hæc sequitur BELLARMI. to. 7. li. 1. de gratia, & libero arbitrio, c. 30. §. *tertia partitio*, & videtur cum eo consentire VALENTIA in primā secundę disputatione 8. q. 3. pūcto secūdo, in principio; & quāuis hæc sententiā quoad voces differat à præcedenti, quia nomē *motionis* differt à nomine *concursum*: tamē quoad res significatas, vt explicatur ab his authoribus, nō satis differt, quia BELLARMI. hanc *motionē*, appellat *auxilium speciale*, & cōparat ipsum cū auxilio generali, quo Deus concurret ad operationes omnium causarū secundarū & constituit duplex discrimen inter hæc duo auxilia, quæ nos postea referemus; & VALENT. probat suā sententiam ex doctrina D. Tho. quam pro præcedenti sententiā adduximus, ex q. 109. art. 1.

Et fundamentum eorum est, quia gratiā actualis differt ab habituali, & non potest explicari in quo differat, nisi quia hæc consistit in habitu, & illa in motione actuali.

Confirm. ex illo modo loquendi, *Deus facit ut faciamus, & ut velimus*, qui colligitur ex AVG. to. 4. li. 1. ad Simplician. q. 2. to. 7. lib. de gratia & libero arbitrio, cap. 6. & 17. quia ex hoc videtur sequi, initium gratiæ debere constitui in motione, qua Deus nos moueat ad operandum.

TERTIA SENTENTIA est, quā sequitur VASQUEZ. to. 1. in primā partē, disputatione 88. c. 6. & 9. & to. 2. in primam secundę, disputatione 185. in eisdē capitibus, vbi dicit, gratiā actualem consistere in sancta, & pia cogitatione, & in affectu, siue motu voluntatis ad bonū, orto ex eadem cogitatione, antecederet ad omnem nostram deliberationem: & propterea motum voluntatis appellat *subitum & indeliberatum*; addit tamen in fine capitij 7. cogitationem quam appellat *illustrationem*, ex parte intellectus, solere naturaliter excitare affectum ante deliberationem, licet id nō semper accadat: quare in eo casu videtur constituere gratiam actualem in

sola illustratione intellectus Dei in hac sententia, licet non tam explicata conveniunt ALF. DE CASTRO li. 7. aduersus hæreses verbo gratia, hæresi 1. assertionem 3. ubi dicit, speciale auxilium, quod ipse arbitratu requirit, ut nostrum liberum arbitrium possit bonum aliquod operari, consistere in præcedente aliqua monitione, aut attractione, aut inspiratione, quam Deus mere gratis, quibus ipsi placet donat. & inferius in solutione ad secundam objectionem Pelagianorum, dicit, consistere in monitione, præuentione & excitatione, aut exhortatione, qua Deus mouet voluntatem nostram. Decanus art. 7. §. & potest homo per liberum arbitrium, ubi gratiam, quam ipse appellat semel sanctam & operum pietatis, dicit consistere in quibusdam actibus primis intellectus & voluntatis, qui sunt cogitatio salutaria & complacencia sine affectu boni & placendi Deo; & postea, hos actus dicit antecedere nostram deliberationem & consultationem tanquam eius principia DREDO. lib. 1. de gratia & libero arbitrio tract. 2. cap. 2. parte prima, parum ante finem, ubi dixit gratiam hanc esse internam motionem, uocationem Dei, suasionem, inspirationem & id genus alia. Molina in concord. ad art. 13. questionis 14. disp. 8. 40. & 45. B & Cunerus li. de gratia Christi c. 11 & 13. & omitto VEGAM, quia (ut dicit dubio sequenti) male explicat, quales sint huiusmodi actus indeliberati intellectus, & voluntatis, in quibus etiam dicit consistere gratiam actualem.

Fundamentum huius sententiæ est, quia gratia actualis est, sine qua non possumus recte uouere, neque operari, sicut oportet ad consequendum æternam beatitudinem, ut dixi in primo notabili, posito ad explicationem tituli: ergo consistit in prædictis illustrationibus intellectus, & inspirationibus, siue moribus voluntatis; probatur hæc consequentia testimonijs sanctorum, & peculiariter in quibus dicitur, non posse hominem operari, sicut oportet ad consequendum remissionem peccatorum, & æternam vitam, nisi à Deo præueniatur per hos motus intellectus, & voluntatis, nam Prosper lib. 1. de uocatione gentium, cap. 26. aut secundum aliam diuisionem cap. 9. ut doceat, gratiam Dei in iustificatione præminere, hoc est præuenire, & primum bonum tenere, sic ait: gratia quidem Dei in omnibus iustificationibus principaliter præminet, suadendo exhortationibus, monendo exemplis, terrendo periculis, incitando miraculis, dando intellectum, inspirando consilium, corque illuminando, & fides affectionibus imbuendo. Vbi nullum aliud principium bonarum operationum, pertinens ad gratiam, constituit; præter illustrationes intellectus & affectus voluntatis & hoc principium docet esse ante omnem iustificationem, & consensum voluntatis, & paulo inferius in eodẽ capite ita inquit: Ipsa gratia hoc omni genere medendi atque auxiliandi agit, in eo quẽ vocat, primum sibi recepticem & famulam donorum suorum præparet voluntatem, ubi etiam primum auxilium gratiæ constituit in gratia vocante, per quam dicit præparari voluntatem ad consentiendum; & in principio capitis 22. aut secundum aliam diuisionem, paucis interpositis in eodem cap. 90. explicat gratiã, ex qua generatur liber consensus voluntatis, his verbis: Huius autem consensus non solum cohortatio, prædicatio, & incitamentum doctrina: sed & motus gignit; propter quod scriptum est: principium sapientiæ timor Domini, quantumlibet terroribus inferatur, non aliud agit, quam ut, quem facere timeantem, faciat & volentem: nec solum volentem, sed etiam sapientem. ubi per incita-

mentum doctrina, intelligit etiam illustrationes internas intellectus, & per motum, affectum voluntatis, qui sequitur ex eisdẽ illustrationibus, & BERNARDUS tract. de gratia & libero arbitrio fol. vlt. explicans simul hæc duo testimonia 2. ad Corin. 3. non quod sufficientes simus cogitare aliquid ex nobis, quasi ex nobis, sed sufficientia nostra ex Deo est; ad Philip. 2. Deus est, qui operatur in vobis, & velle, & perficere; sic ait: Si ergo Deum tria hæc (hoc est, bonum cogitare, velle, perficere) operatur in nobis, primum profecto sine nobis secundum nobiscum, tertium per nos facit; si quidem immittendo bonam cogitationem nos præuenit; immittendo etiam malam voluntatem, sibi per consensum iungit; ministrando etiam consensui facultatem foras per apertum opus nostrum internus episcopus inuadit. & inferius, ipsa (scilicet gratia Dei) liberum excitat arbitrium, cum seminas cogitatum: facit, cum immutat affectum; roborat, ut producat ad actum; seruat ne sentiant defectum. ubi BERNARDVS totam gratiam actualem, qua Deus nos præuenit, ut possimus consentire, & bene operari constituit in cogitatione, quam Deus in nobis sine nobis operatur. Et AVG. to. 3. lib. de Ecclesiasticis dogmatibus cap. 21. ita inquit, manet itaque ad querendam salutem arbitrij libertas, id est, rationalis voluntas: sed admonente prius Deo, & inuitante ad salutem, ut vel eligat, vel sequatur, vel agat occasione salutis, hoc est, inspiratione Dei & cap. 26. præparatur voluntas à Domino: &, ut boni aliquid agant, paternis inspirationibus suorum ipsi tangit corda filiorum & cap. 27. ita Deus in cordibus hominum, atque in ipso libero operatur arbitrio; ut sancta cogitatio, primum consilium, omnisque motus bona voluntas ex Deo sit. Vbi AVG. eam gratiam, qua præuenit possumus bone operari, constituit solum in diuina inspiratione, & in sancta cogitatione. Dices librum illum, (ut constat ex censura Theologorum Louanienſium ei appositã) non esse AVG. sed GERNADII, qui cū Semipelagianis sentit. Sed contra, quia idem dicit AVG. tom. 3. lib. de spiritu & littera ca. 34. Vbi sic ait: Visorum suasionibus agit Deus ut uelimus, & ut credamus; sine extrinsecis per euangelicas exhortationes, sine intrinsecis, ubi nemo habet in potestate quid ei uenias in mentem; sed consentire, vel dissentire propria voluntatis est. Huius ergo modis, Deus agit cum anima rationali, ut ei credat; neque enim credere potest quodlibet libero arbitrio, si nulla sit suasio, vel uocatio cui credat &c.

Confirmatur, quia verba, quæ retulimus ex c. 26. & 27. habentur in epistola CALISTINI primi ad Gallicanorum episcopos, quæ est octaua, aut secundum aliam diuisionem i. c. 8. & 9. ubi referuntur ex ZOZIMO Papa in epistola ad totius orbis episcopos: & ex ipso additur, omnia bona opera nostra referenda esse in Deum, ut in auctorem suum, quia procedunt ex eius instinctu; fuisse quæ hoc tanta ueneratione susceptum ab Afris episcopis ut ad eundem rescripserint, se ex eo intellexisse, illos, qui contra Dei adiutorium exsolunt liberi arbitrij libertatem, tanquam districto gladio amputari; ubi satis aperte significatur, gratiam, quæ necessaria est ad bene operandum consistere in instinctu hoc est in inspiratione Dei.

§. 3. Gratiam actualem non consistere in concursu speciali tantum.

PRIMA CONCLUSIO. Gratia actualis, quæ ex parte principij, hoc est liberi arbitrij, datur nobis ad nostras operationes, non consistit in concursu actuali Deo ad easdem operationes, siue generali, siue speciali & per-

sinente

tenere ad ordinem gratiæ. Ad huius conclusionis explanationem & probationem NOTANDVM PRIMO, distinguendum à Theologis duplicis generis actus nostri liberi arbitrij: quia quidam sunt *supernaturales ex proprio genere*, qui ideo ita vocantur, quia ex proprio genere excedunt vires naturæ humanæ, ita ut per eas solas, etiã si considerentur in natura sana & integra, sine elevatione ad finem supernaturalem, non possint fieri; quales sunt actus virtutũ Theologicarum, scilicet fidei, spei & charitatis; neque modo disputo, an huiusmodi actibus conveniat, esse supernaturales secundum suam substantiã & speciem primã, & substantialem; vel potius secundum aliquem modum, aut speciem quasi secundariã: quamvis mihi primũ horum videatur non solum probabilius, sed etiã valde certum. Alij vero sunt *ex proprio genere naturales*, qui ideo ita appellantur, quia quantum est ex propria natura non excedunt vires naturæ humanæ, sed possunt fieri per eas consideratas sine ulla elevatione ad finem supernaturalem.

SECUNDO NOTANDVM, nullũ ex his actibus posse fieri sine immediato Dei cõkursu & influxu in eius entitatẽ: quia cum quicumque actus noster sit ens per participationem, necesse est, ut habeat esse ab ente per essentiam, quod est, accipere esse depẽdens ab eius concursu & influxu actuali. Verum in hoc cõkursu respectu horum actuum est duplex discriminẽ *unum* secundum rem & *unum* quoad nomẽ, quia respectu actuum *supernaturalium*, concursus etiã est supernaturalis, & gratiæ, & appellatur *specialis*; & respectu *naturalium* est naturalis, & non habet rationem gratiæ (saltem quando tales actus non excedunt vires connaturales liberi arbitrij) & appellatur *generalis*; & ratio utriusque discriminis secundum rem est, quia concursus Dei ad actus nostri liberi arbitrij, si sumatur *passive*, non est aliud, quàm ipsa entitas actus, ut depẽdens, & data à Deo: & ideo debet esse eiusdem ordinis cum ea; si vero sumatur *active*, est actio, qua Deus eisdẽ actibus, ut procedunt à libero arbitrio, dat esse; & hæc actio, etiam si sit formaliter immanens in Deo, (ut vult D. THO.) debet esse proportionata entitati actuũ, & virtuti, secundum quam liberum arbitrium eos efficit, & ideo debet esse eiusdem ordinis quoad naturalitatẽ, vel supernaturalitatem, cum entitate actuum, & cum virtute, secundum quam liberum arbitrium est eorum causa: & eodem modo habet rationẽ gratiæ, aut debiti respectu eiusdem liberi arbitrij: dico autẽ hunc cõkursum *non habere rationẽ gratiæ* respectu actuũ naturalium, quãdo tales actus non excedunt proprias & connaturales vires liberi arbitrij: quia eo modo, quo excedunt eas, scilicet aut simplicitet, (ut quidam dicunt de quocũque actu bono moraliter) aut saltẽ quoad maiore facilitatem, est etiam ipse cõkursus non debitus libero arbitrio; & ex cõsequenti habet rationẽ gratiæ. Et ex his patet ratio discriminis quoad appellationem, seu nomen; quia prior *modus cõcurrẽdi* cõvenit Deo, & est absolute prima causa totius entitatis creatæ, & ideo appellatur *generalis*, scilicet ad totã latitudinẽ entis creati; posterior tamẽ cõvenit ipsi ut est speciali modo prima causa, hoc est, ut est causa effectuum supernaturalium, & pertinentium ad ordinem gratiæ, & ideo appellatur *specialis*, scilicet respectu particularis ordinis horum effectuum.

TERTIO NOTANDVM, præter hunc cõkursũ Dei, qui est immediatus influxus in entitatem alicuius

actus; requiri virtutẽ, quæ à Deo superaddatur gratuitò, & sine ullo debito (tã meriti, quàm connaturalitatis) ipso libero arbitrio ad omnẽ actũ excedẽtẽ ipsius vires naturales; Potest autẽ aliqua singularis operatio duobus modis superare vires naturales liberi arbitrij: *primo simpliciter & absolute*, ut si operatio ex genere suo sit altioris ordinis, quàm sint vires naturales liberi arbitrij; quales (ut dixi in primo notabili) sunt operationes, quæ ex suo genere sunt supernaturales, & iuxta aliquorũ sententiam, etiã, sunt huius generis quæcũque operationes bonæ moraliter, vel quæ non possunt fieri sine victoria alicuius rãtationis, vel saltẽ quæ insignẽ cõtinent difficultatẽ: quia quavis huiusmodi operationes non sint ordinis supernaturalis, superant omnino (iuxta suã sãcãtã) vires naturales liberi arbitrij; & ideo ipsi cẽsent, ad tales operationes requiri ex parte liberi arbitrij virtutẽ, quæ quamvis non sit supernaturalis secundum substantiã, habet tamen rationem gratiæ, in quantum non est debita ipsi libero arbitrio; *secundo non simpliciter, sed quoad facultatẽ*, quales (iuxta magis cõmunem sententiã) sunt operationes bonæ moraliter, quæ insignem cõtinent difficultatem saltem respectu hominis existentis in statu naturæ corruptæ; & ratio huius est, quia in utroque casu deest libero arbitrio considerato quoad ea, quæ habet ex sua natura, virtus actiua proportionata, effectui.

ET EX HIS CONSTAT, sensum huius conclusionis esse, gratiã actualem suprà pro virtute actiua, quæ superadditur libero arbitrio, ut est principium nostrarũ operationum; non consistere in cõkursu, & influxu immediato Dei, siue generali, siue speciali ad entitatem earundem operationum; & in hoc sensu debent eam concedere authores citati pro tertia sententia: quia certum est, illustrationes & inspirationes internas distinguere ab actuali concursu Dei ad operationes, ad quas ipsæ inspirationes ordinantur; & expresse eam concedunt C V N S A V S tractatu citato de gratia Christi cap. 7. parum à principio, & SVAREZ in opusculis libr. 3. de auxilijs diuinæ gratiæ cap. 3. & probatur, quia concursus ita sumptus non dat virtutem libero arbitrio, per quam possit elicere suas operationes: ergo neque est gratia actualis, quæ ex parte liberi arbitrij datur nobis in ordine ad nostras operationes; *consequentia* patet, quia non potest explicari, quem effectum habeat in libero arbitrio gratia, quæ ponitur ex parte eius, nisi dare ipsi virtutem ad operandum, quam secundum se non habet, & *antecedens* probatur, quia concursus hic consistit in influxu immediato in operationem, ut cõstat ex secundo notabili; ergo non dat libero, arbitrio virtutem ad operandum.

Confirmatur; quia vel concursus Dei sumitur *active* vel *passive*, si sumatur *active*, est actio, qua Deus producit operationem liberi arbitrij; & hæc, si sit formaliter immanens in Deo, (ut vult DIVVS THOMAS) non potest habere rationem gratiæ creatæ, de qua sola nunc loquimur: imo quamvis consideretur ut terminata per effectum vel quoad habitudinem rationis ad ipsum, non datur libero arbitrio ut virtus, per quam agit: *si sumatur* (ut alij volunt) *si formaliter transiens*, identificabitur cum passione, & cum operatione producta, atque

Deo non potest præsupponi ex parte sui principij, tanquam virtus eius; & propter hanc rationem non potest dici, concursus Dei in hoc casu *semper passivus*, quia cōcurfus ita sumptus nō est aliud, quam dependentia effectus à principio efficiēti, & ex consequenti, non potest præsupponi ut virtus effectus ex parte alicuius principij sui.

Ad hoc solent respondere alij duobus modis: nam PRIMUM dicunt aliqui hunc Deum concursum posse utrumque præstare, scilicet, & dare per modum actionis entitatem operationi, & per modum formæ dare libero arbitrio virtutem ad exercendū eandem operationem, sicut idem calor, qui est in ferro, producit efficienter calorem in alio subiecto; & in genere causæ formalis dat ipsi ferro virtutem ad producendum eundem calorem.

Sed contra, quia quomvis hoc admittatur in forma, quæ est principium actionis: nō potest defendi in actione quæ est productio effectus; quod sic probat; calor prius tempore, aut saltem natura, informat suum subiectum, quam producat calorem in alio subiecto: ergo datur sufficiens prioritas, inter caloris informationis & efficientiam, ad hoc, ut possit calor informare prius suū subiectum, atque adeo dare ei virtutem ad calefaciendum, quæ simul cū eo producat efficienter alium calorem; At vero productio alicuius effectus non informat prius, neque tempore, neque natura, suum subiectum, quam producat effectum: cum negare intelligi possit productio, secundum propriam rationem productionis, sine termino producti; ergo nō datur sufficiens prioritas inter huiusmodi productionis informationis, & efficientiæ, ad hoc, ut productio prius informet suū subiectum, atque adeo det ei virtutem ad actum, quæ cōcurrat efficienter ad effectum.

Cōfirm. primo, quia actio ut productio sui effectus, nō potest prius natura suum subiectum informare, quam concurrat efficienter ad talem effectum: ergo non potest dare suo subiecto virtutē ad producendū eundem effectum; *autecedens* patet; quia productio non potest intelligi sine termino producti, & ex consequenti nullo genere prioritatis, etiā nature, potest, præsupponi ex parte principij productui talis effectus; & *consequentia* probatur, quia virtus actualis ex parte principij debet præsupponi saltem ordine nature, ad effectum.

Cōfir. secundo, quia influxus immediatus in operationem transeuntem alicuius causæ creatæ non præsupponitur ex parte ipsius causæ, tanquam virtus eius ad operandum: ergo neque influxus immediatus in actionem immanentem liberi arbitrij præsupponitur ex parte eiusdem liberi arbitrij, ut est principium eiusdem actionis; patet *consequentia*, quia in utroque casu est eadem ratio, propter quam influxus in actionem non possit præsupponi tanquam virtus actualis in suo principio: scilicet, quia huiusmodi influxus, sicut & suus effectus, est posterior principio completo quoad totam suam virtutem actiuam.

§ 4. An cōcurrat specialis Dei actus in ipsam potentiam, aut in eius actum tantum.

SECUNDO RESPONDETUR *aff.* supponi falsum in hoc argumento, scilicet, concursum Dei esse solum influxum immediatum in operationem liberi arbitrij: quia antecedenter saltem ordine nature

Ad operationem, est influxus in ipsum liberum arbitrium, quo movetur & applicatur, & ex consequenti redditur potens ad agendum.

Sed neque hoc solutio est sufficiens & contra eius fundamentum, de hoc influxu in liberum arbitrium disputant late M. O. I. N. A. in concordia ad artic. 13. quæstionis 14. disputatione 26. & quatuor sequentibus BALLARINI. to. 3. libr. 4. de gratia & libero arbitrio cap. 14. SVAREZ in opusculis libr. 1. de concursu Dei, à capite 3. usque ad 11. VASQUEZ tom. 1. in 1. disputatione 185. cap. 4. & FONSECA libr. 6. methaph. cap. 2. q. 5. sectione 8. 9. & 10. & 13. Ergo hoc unico argumento ipsum impugno: *ut hic* influxus in liberum arbitrium, ut præsupponitur tanquam principium ad suas operationes, requiritur ratione gratiæ actualis, quæ datur antecedenter ad easdem operationes, scilicet quia hæc gratia consistit adæquate in tali influxu aut saltem non est completa sine eo, vel ratione propriæ causalitatis primæ causæ, & subordinationis secundarum causarum ad eam, scilicet, quia ea est dignitas primæ causæ, ut non possit concurrere cum secundis, nisi movendo, & applicando eas mediante hoc influxu, & tanta est dependentia secundarum causarum à prima, ut non possint operari, nisi iusta morte & applicatæ à prima; *utlandum* ratione indifferentiæ, quam liberum arbitrium, ut principium suarum operationum, habet ad utramque partem; scilicet, quia principium operandi, quod secundum se est indifferens, & indeterminatum ad utramque partem, nō habet vim sufficientem ad determinandum seipsum ad unam partem potius quam ad aliam, & ideo debet determinari ab agente extrinseco, quod est Deus. PRIMUM horum duo nō potest, quia ex eo sequuntur tria incōvenientia. PRIMUM, nullum hominū, qui nō operatur ex gratia, habere, neque posse habere gratiā sufficientem ad operandū; probatur sequela, quia quicquid accipit à Deo hūc influxum, operatur actu; & sine eo nō habet quā virtutē sufficientem ex parte principij, & nemo potest præstare aliquid ex parte sua, neque viribus nature, neque gratiæ, cū quo habeat certā cōnexionem, dandum esse ipsi à Deo huiusmodi influxum: cū Deus pro suo beneplacito det eū, cui vult, sine vilo respectu ad actus nostros antecedentes, aut subsequētes; quod tamen videtur incōveniens, quia ex eo lequenter, omnes, qui violat aliquod præceptū, ad cuius adimpletionem sit necessarium auxilium gratiæ, esse à Deo destitutos huiusmodi auxilio.

SECUNDUM INCONVENIENS est, nō sufficere gratiā internæ vocationis & inspirationis sine hoc influxu, liberū arbitriū possit cooperando eidē vocationi, converti & operari. Probat sequela, quia (ut in ipsa ratione, quam impugnamus, supponitur) nulla gratia interna sine hoc influxu in liberū arbitriū est sufficiens, & cōpleta ad actualē cōversionē, & operationē: quod tamē videtur esse contra multa testimonia sanctorū, quæ ab authoribus supra citatis referuntur, & peculiariter cōtra CONC. TRIDENTIN. sess. 6. decreto de iustificatione ca. 5. ubi in principio dicit, *inimū iustificationis esse secundū à gratia prævenientis*, hoc est à gratia, quæ Deus nos prævenit ex parte liberi arbitrij, ut est principium actionum, quibus disponimur ad iustificationem; & statim explicans, quæ sit hæc gratia præveniens, inquit, *hæc est ab eius vocatione*, & nihil aliud dicit pertinere ad

gratiam



sequenti, ubi etiam explicabimus, an prædicta motio ordinis gratiæ habeat certam & infallibilem connexionem cum libero consensu voluntatis.

Ex his sequitur ratio, propter quā etiā nō potest dici TERTIVM, ea vero est, quia per volitionē boni in communi est voluntas sufficienter constituta in actu, ut possit seipsam determinare ad alterā partē per iudicium rationis respectu boni particularis, ut ex D. THOMA ostendimus; quod CAJETANVS in commentario illius art. 6. explicat exemplo intellectus, qui per assensum principiorū constituitur in actu, ut possit seipsam determinare ad assensum conclusionis; & hinc rationi addo, sequi ex eo inconveniens, quod deduximus contra secundum, scilicet, etiam ad materiale peccati nō posse voluntatē determinare seipsam, & ideo necessariū esse influxum in ipsam voluntatem, quo à Deo immediate moueatur ad actū peccati: probatur sequela, quia tota ratio, propter quā est necesse, determinati voluntatē per hūc influxū Dei, est indifferentia ipsius voluntatis ad utraq; partē: & hæc indifferentia equalis est respectu utriusq; extremi, scilicet boni & mali.

SED ADHUC aliqui obijciunt contra id, quod negauimus, scilicet, cōcursum Dei importare influxū in liberum arbitrium, quo infallibiliter applicetur & moueatur ad operandum: quia ex eo sequitur, prouidentiam Dei circa actus liberi arbitrij nō esse infallibilem, & certam, ante visionē eorūdem actū; probatur sequela, qui à antecedēter ad ipsos actus nullus effectus est diuinæ prouidentię ex quo sequatur certo & infallibiliter eos esse futuros: ergo ex vi diuinæ prouidentię, & sine visione actū, aut negationis oppositæ, nō est certum & infallibile, eos esse futuros, aut non futuros.

Ad hoc variè solet respondēri, sed mihi videtur negandā esse sequelā, de quo dicā dubio sequenti ubi similem difficultatem circa gratiam operantem & cooperantem aut præuenientem & adiuuantem dissoluemus.

§. 5. Gratiam actualem consistere in inspirationibus internis, & simul in eleuatione potentia.

SECUNDA CONCLUSIO hac gratia actuali, quæ ex parte liberi arbitrij datur ad eius operationes, consistit partim in illustrationibus, quibus à Deo interne mouemur ad bonū; & partim in eleuatione intellectus & voluntatis ad aliquos actus supernaturales, quæ eis cōmunicatur, per immediatā & intimā unionem Dei cū ipsis, sine vlla imperfectione, & sine medio aliquo dono creato eis inharere. In hac cōclusionē cōueniunt auctores citati pro tertia sentētia, quia quamuis expresse solū loquatur, de illustrationibus & inspirationibus, nō negāt requiri eleuationē intellectus, & voluntatis ad eliciendum actus supernaturales, & hanc fieri, saltem quoad aliquos ex his actibus, per aliquid distinctum ab ipsis illustrationibus, & inspirationibus; imo SVAREZ lib. 3. de auxilijs diuinæ gratiæ cap. 4. n. 6. asserit, eā quoad omnes actus supernaturales fieri per prædictā unionē Dei cū potentijs animæ nostræ: & probatur PRIMA PARS argumēto facto pro tertia sentētia, quia ex eo vt minimum colligitur, prædictas illustrationes & inspirationes esse dicendas gratiam actualem, in eo sensu, quo nunc loquimur de ea, scilicet, in quantum per eas dantur vires nostro libero ar-

bitrio ad recte viuendum, & SECUNDA PARS probatur, quia potentijs nostræ saltem ad eliciendū actus, in quibus huiusmodi illustrationes & inspirationes consistunt, quādo sūt supernaturales quoad substantiā, indigēt virtute actiua supernaturali sibi superaddita, quatenus sūt principia taliū actū; ergo in hac virtute actiua, & non solum in illustrationibus & inspirationibus internis, consistit gratia actualis, de qua nunc agimus; hac consequentia patet, quia ipsæ illustrationes & inspirationes non possūt esse huiusmodi virtus superaddita potētij, alias idem respectu sui ipsius esset virtus actiua; & ulterius, hæc virtus respectu illorum actuum, non est habitus, cum etiam actus ipsi præsupponantur ad actus liberos, quibus disponimur ad recipiendum habitus; neque actus, quia alias daretur processus in infinitum in huiusmodi actibus; neque aliqua qualitas imperfecta, quæ in eo differat ab habitu, quia non habet esse permanens, ne, cum hæc qualitas non habeat ex sua natura efficere illos actus, cogamur concedere, eam indigere alia virtute superaddita, & ita dare processum in infinitum;

B quare à sufficienti partium enumeratione sequitur, virtutem hanc esse Deum vt per se ipsum immediate & intime vnitum nostris potentijs, sine vlla imperfectione & eleuatē eas ad eliciendos actus illos. Sed hæc omnia magis sunt explicanda dubio sequenti, ubi etiam ostendemus, id, quod nunc supponimus, scilicet, illustrationes, & inspirationes internas esse actus efficienter productos à nostris potentijs; & simul disputabimus, an Deus hoc modo etiam eleuet ipsas potentias ad eliciendum actus liberos, qui tanquam dispositiones præsupponuntur infusioni habituum.

§. 7. Soluuntur argumenta aliarum opinionum.

AD ARGVMENTVM PRIMÆ SENTENTIAE vt respondeamus, oportet explicare, quo modo colligantur ex doctrina D. THOMÆ in articulis citatis ex quæstione 109. hæc tria, scilicet per motionem ad agendum intelligi in articulo primo actualem concursum Dei ad actionem creaturæ intellectualis; & hunc concursum tam in eodem articulo, quam in tertio & quarto, appellari auxilium Dei; & tandem in art. 6. & 9. appellari auxilium gratuitum, siue gratiæ; Et de primo dico esse certum, quia aperte distinguit D. THO. illam motionem à virtute, quæ est principium effectuum actionis: quamuis censem addendum, cum concursus ille appellatur motio ad agendum, debere intelligi de ipso, non ratione sui, quia est influxus in actionem & non in potentiam, quatenus est eius principij, sed ratione inclinationis, quā complet intra ordinē proportionatum, aut naturæ, aut gratiæ, vt superius explicui; & de secundo dico, appellari hūc concursum auxilium Dei, non quia addat libero arbitrio nostro virtutem ad eliciendum suos actus, neque intra ordinem naturæ, neque intra ordinem gratiæ: sed quia adiuuat ipsum, coagendo cū eo, ita vt sine hoc concursu non esset liberum arbitrium potens simpliciter ad operandum: sicut cum vnus homo simul cum altero deferat pondus, quod alter solus non posset deferre, dicitur præ-

bere ei auxilium, non quia addit ei vires ad portandum pondus, sed quia adiuvat ipsum coagendo eum eo ad effectum, quem solus non posset præstare; & DE TERTIO dico, prædictum concursum in eodem sensu appellari *auxilium*, & *auxilium gratiæ* siue *gratuitum*, scilicet, non quia addat libero arbitrio vires gratiæ, quibus in seipso reddatur potens ad operandum: sed quia sine illo debito adiuvat ipsum ad effectum, ad quem ipsum arbitrium solum non sufficeret.

Verum quænam hæc tria in sensu nunc explicato sint concedenda, non probatur ex eis, quod asseritur in illa opinione, scilicet, gratiam actualem, de qua nunc agimus, constitui à D. THO. in actuali concursu Dei ad nostras operationes, quia (ut dixi in explanatione tituli huius dubij) gratia actualis in eo sumitur pro virtute superaddita libero arbitrio in seipso, ut per eam maiores vires habeat ad exercendum suas operationes; & hanc D. THOM. in omnibus articulis ibicitatis distinguit à concursu actuali Dei ad easdem operationes, etiam si sit concursus specialis, hoc est distinctus à generali; quod de articulo primo, qui quantum ad hanc doctrinam est fundamentum reliquorum, est satis manifestum ex illis verbis; sic igitur dicendum est, quod ad agnitionem cuiusque veri, homo indiget auxilio diuino, ut intellectus ex Deo moueatur ad summum altum: non autem indiget ad cognoscendam veritatem in omnibus nona illustratione superaddita naturali illustrationi, sed in quibusdam que excedunt naturalem cognitionem, ubi Divus THOMAS aperte distinguit illustrationem superadditam lumini naturali intellectus à motione ad actum intellectus, in qua constituit concursum generale, aut speciale, iuxta naturam ipsius actus; & idem potest facile ostendi in reliquis articulis, peculiari-ter in 6. nam ibi Divus THOMAS loquens de auxilio gratiæ requisito ad dispositionem ad suscipiendum gratiam habitualem, sic ait, oportet præsupponi aliquod auxilium gratuitum Dei interius animam mouentis, sine inspirantis bonum propositum his enim duobus indigemus auxilio diuino ut supra dictum est. Et in his verbis distinguit hos duos modos auxilij à gratia habituali, quia neuter est habitus; & inter se, quia vnus est motus, & alter inspiratio: quo nihil apertius dici potuit ad significandum, motionem, quæ est concursus actualis, distingui ab inspiratione, quæ est gratia actualis.

Ad confirmationem respondetur D. THO. ibi nomine *motus* comprehendisse, quicquid non est qualitas habitualis, siue sit concursus actualis, qui tamen (quatenus sumptus, passiuè, identificatur cum actu, qui est motus, aut mutatio) potuit etiã hoc nomine appellari; siue sit interna inspiratio, quam, (ut habet rationem inclinationis & propensionis) dixi superius posse appellari motionem.

Ad fundamentum secundæ sententiæ, respondetur, etiam inspirationem, ut distinguitur ab habitu, posse appellari motionem actualem, propter rationem nunc assignatam.

Ad confir. respondetur illum modum loquendi AVO. debere intelligi de gratia, quæ præsupponitur ex parte liberi arbitrij antecedenter ad suas operationes, de quo plura dicenda sunt in dubijs sequentibus.

Ad fundamentum tertiæ sententiæ respondetur, solum probare priorē partem nostræ tertiæ conclusionis, & si obijciat, in omnibus illis testi-

monijs solum constitui gratiam requisitam in illustrationibus & inspirationibus internis, nulla facta mentione alterius elevationis, quam nos in illa conclusione diximus pertinere ad gratiam actualem: Respondetur, sanctos non meminisse illius elevationis, quia noluerunt rigorosè examinare, an dentur actus nostri supernaturales quoad substantiam; sed solum voluerunt ostendere id, quod erat cum Pelagianis controuersum, scilicet, vires ad recte viuendum in ordine ad finem supernaturalem non conuenire nobis ex natura, sed ex gratia Dei, & ad hoc satis erat, probare, nos habere has vires per prædictas inspirationes & illuminationes, superadditas ex gratia Dei.

SECUNDVM DVBIVM EST,

Utrum gratia actualis recte diuidatur in gratiam operantem & cooperantem.

§. I. Diuisionem gratiæ propositam fundari in scriptura & concilijs & patribus.

IN QUARE aliquid est certum, & aliquid dubium; nam certum est apud Catholicos, hanc diuisionem gratiæ in operantem & cooperantem, non fuisse voluntarie confictam à scholasticis, sed habere fundamentum in scriptura, concilijs & sanctis; & probatur IMPRIMIS EX SCRIPTURA, nam ad gratiam operantem videtur pertinere illud 1. ad Cori. 12. idem vero Deus, qui operatur omnia in omnibus & postea, hac autem omnia operatur vnus atque idem spiritus. Et illud ad Philip. 2. Deus est enim, qui operatur in vobis & velle & perficere; & ad cooperantem pertinet illud ad Romanos 8. scimus autem quoniam diligentibus Deum omnia cooperantur in bonum & illud 1. ad corin. 15. abundanti illis omnibus laboramus, nō ego autem sed gratia Dei mecum; & ad utramque illud ad Philip. 1. confidens hoc ipsum, quia qui capit in vobis opus bonum, perficiet usque in diem Christus IESU; ubi verbum perficiet idem valet, atque cooperabitur nobis libere operantibus & consentientibus, ut exponunt CHRYSOST. ibidem & AVO. 10. 7. lib. de gratia & libero arbitrio cap. 17. & DEINDE PROBATVR EX CONCILIIS, nam in CONCILIO ARAUSCANO. 2. can. 9. sic dicitur, quoties enim bona operamur, Deus in nobis, atque nobiscum, ut operemur, operatur. Vbi verbū, operatur si coniungatur parti, in nobis, denotat gratiam operantem; si vero coniungatur parti, nobiscum, ut operemur, indicat gratiam cooperantem; & can. 20. multa in homine bona sunt quæ nō facit homo, ubi notatur gratia operans; & continuo, nulla vero facit homo bona, quæ non præstet Deus, ut faciat homo; ubi significatur gratia cooperans, & CONC. TRIDENT. sess. 6. decreto de iustificatione cap. 5. sic ait, declarat præterea ipsius iustificationis exordium in adultis, à Dei per Christum Iesum praueniēte gratia sumendum esse.

Et tandem colligitur ex sanctis patribus, nam GREGORIUS li. 16. Moral. cap. 11. ita inquit, superna pietas prius agit in nobis aliquid sine nobis, ut subsequente quoque nostro libero arbitrio, bonum,

quod

quodam appropinquamus, agamus nobiscum. Et li. 2. c. 12. exponens illa verba Iob. 33. *Liberans animam suam ne pergeret in interitum*; ita inquit; Quia praeueniente divina gratia in operatione bona nostrum liberum arbitrium sequimur, nosmetipsos liberare dicimur, qui liberant nos domino consentimus. Et statim explicat in eodem sensu testimonium supra adductum ex Paulo 1. Cor. 15. Et idem dicunt ANSELMVS in eadē verba. BERNARDVS li. de gratia & libero arbitrio, in principio; & PROSPER li. de vocatione gentiū. c. 9. & AMBROSIVS lib. 1. in Lucam. c. 12. ubi inquit, *virtus Dei studiis cooperatur humanis*; & COLESTINVS primus in epistola prima ad Episcopos Gallie, ca. 12. appellat eos *cooperatores gratia Dei*.

SED DVBIUM est, & valde cōtrouersū inter scholasticos, quid sit gratia actualis operantis, & quid gratia cooperantis, & cur sic vnaquāque earum appelletur, & potissima ratio dubitandi sumitur ex verbis, quibus AVO. est vsus ad explicandum quid sit vnaquāque earū; & ex verbis Pauli ex quibus AVO. videtur accepisse diuisionem hanc; nam verba Pauli sunt ad Philip. 2. *Deus est enim qui operatur in nobis velle & perficere pro bona voluntate* & AVO. ut explicet hec verba co. 3. li. de gratia & libero arbitrio c. 17. ita inquit, *cooperando perficitur* (scilicet Deus) *quod operando incipit*; quoniam ipse ut velimus operatur incipiens, qui volentibus cooperatur perficiens; & rursum inferius, *ut ergo velimus, sine nobis operatur*; cum autem volumus, & sic volumus, ut faciamus, nobiscum operatur; & in his verbis non solum est difficile explicare, quid intelligatur per *velle*, quod tribuitur Deo operanti, & quid per *perficere*, quod tribuitur Deo cooperanti: sed etiā est apparatus quedam contradictio; quia *velle* est actus elicitus à voluntate nostra, & ex consequenti repugnat esse à Deo operante sine nobis efficiēter cōcurrentibus ad eundem actum; & ad explicandū difficultatem hanc scholastici varios excogitarunt modos.

§. 2. Sententia Durandi rejicitur.

PRIMVS EST DVRANDI in 2. d. 26. q. 3. n. 4. ubi inquit, *gratiam operantem esse in actu interiori voluntatis, qui est velle, præcipue quando volūtas incipit velle bonum, quæ antea malum volebat*; & *gratiam cooperantem in actu exteriori, qui subiaceret imperio voluntatis*.

Fundamentum eius est, quia AVO. actum volendi sumptum absolute dicit esse à gratia operante, & actum volendi, quo sic volumus ut faciamus, scilicet, opere externo, dicit esse à gratia cooperante; & aliqui ex recentioribus tribuunt hanc sententiam D. THO. art. 2. huius quæstionis, nec sine fundamento, ut patet ex secunda conclusione illius articuli, quæ eadem omnino verba cōtinet, quæ retulimus ex DVRANDO.

SED HÆC sententia neque est AVGVSTINI, neque D. THO. neque vera; nam IMPRIMIS AVGVSTINVS non omnem actum internum voluntatis, qui sit *velle*, tribuit gratiæ operanti: sed aliquem etiam tribuit gratiæ cooperanti; quoniam in verbis, quæ DVRANDVS pro se adducit, non solum dicit, actum externum pertinere ad gratiam cooperantem, sed etiam actum internum voluntatis, quo sic volumus ut faciamus; & in verbis præcedentibus, quæ nos priori loco retulimus, dicit, Deum etiam cooperari

nobis volentibus, & QVANDI D. THOMAS in solutione ad tertium illius art. dicit, præsupposita intentione finis, gratiam cooperari nobis ad actus ex ea consequentes; & constat, ex intentione finis non solum cōsequi actus externos, sed etiam internos, ET TANDEM ipsa sententia in se est falsa, quia ad actus internos voluntatis, qui procedunt ex perfecta deliberatione, nō minus perfecte mouet se homo, neque cum minus perfecto dominio, quam ad actus externos; & DIVS THOMAS in eodem articulo docet, vniuersaliter illos actus pertinere ad gratiam cooperantem, in quibus voluntas ita adiuuatur à Deo, ut etiam ipsa se moueat. Item, quia actus bonus externus procedit ab actu interno voluntatis: ergo Deus non aliter cooperatur actui externo, quam cooperando interno, à quo procedit; quo modo autem sint intelligenda verba D. THO. dicemus postea.

§. 3. Sententia Caietani & Scoti refutatur.

SECUNDVS MODVS explicandi hanc difficultatē SEST CAIETANI in commentario ad articulum secundum huius quæstionis §. ad hoc dicitur dupliciter, in priori solutione; & SCOTI lib. 1. de natura & gratia c. 16. §. *At præter testimonia hæc*, qui dicunt, gratiam operantem non esse in quocumque actu interno, sed solum in eo, qui est intentio & volitio finis, non tantum in principio totius vite, sed etiam in principio cuiusque deliberationis, aut consultationis, etiam si talis actus sit liber; & gratiam cooperantem esse in actu, qui est electio mediorum in ordine ad finem intentum; dicunt autem, in priori actu voluntatē habere se *ut motam à Deo*, & non ut mouentem seipsam, quia quamuis ipsa concurrat efficiēter, imo & libere ad talem actum, atque adeo simpliciter mouēdo seipsam non se mouet ex deliberatione, aut virtute prioris actus præcedentis; & propter oppositam rationem dicunt, in posteriori actu eam habere se non solum ut motam à Deo, sed etiam ut mouentem seipsam; & eodem modo explicat CAIET. duo, quæ diximus habere difficultatem in hoc dubio iuxta sententiam AVGVSTINI: nam quantum ad primum dicit, per *velle* intelligi actum, quo volumus præcise ut moti à Deo, & nō mouendo nos ipsos: cum quo stat, ut etiam aliquis actus volendi sit effectus gratiæ cooperantis, scilicet ille, quo volumus mouendo ipsos; & similiter quantum ad secundum, dicit, hunc actum fieri à Deo sine nobis mouentibus nos ipsos virtute alterius prioris actus.

Fundamentum eorum est, quia hoc modo recte explicatur omnia, quæ AVO. dixit de hac diuisione, & quia D. THO. volens explicare eius mentem, quā melius reliquis omnibus est assequutus, non dixit vniuersaliter, omnem actum internum voluntatis esse effectum gratiæ operantis: sed indefinite, actum internum, quod reliquit intelligendum iuxta doctrinam à se traditam supra q. 9. art. 4. ubi dixerat, *respectu prioris actus*, voluntatem habere se tantum ut motam, & Deum ut mouentem, & ad hoc denotandum addidit art. 2. huius quæstionis, & præsertim cum voluntas incipit bonum velle, quæ prius malum volebat.

Et non obstat, D. THO. in eodem art. absolute dixisse, gratiam cooperantem dari ad actus externos; quia sæpe D. THOMAS ipsam electionem voluntatis

tis appellat actum externum, comperando eam ad intentionem, à qua procedit, vt patet supra q. 16. art. 4. & q. 18. art. 6.

Hanc explicationem vt falsam continentem doctrinam impugnât VEGA lib. 6. in Trid. c. 5. Et VASQ. 12 to. 2. in primam secundæ disputatione 185. c. 3. n. 12. quamuis concedat eam continere veram doctrinam, dicit tamen esse parum consentaneam verbis & intentioni AVO. quia ad primum consensum voluntatis liberum, etiam si sit intentio finis, concurrat non solum gratia operans, sed etiam cooperans; Et mihi hoc solum argumentum videtur efficax contra hanc solutionem: In quocunque libero consensu voluntas operatur, non solum physice, hoc est eliciendo talem consensum, sed etiam moraliter, aut humano modo, hoc est cū dominio circa talem actum sufficienti, quantum est ex parte sua, ad meritum & peccatum: ergo gratia ad huiusmodi consensum non concurrat præcise vt operans, sed etiam vt cooperans voluntati. Dico autem hoc solum argumentum videri mihi efficax, quia aliquando refutavi hanc solutionem argumento, quod inter alia adducit VEGA loco citato, scilicet, quia motus, quo Deus incipit convertere ad se peccatorem, pertinet ad gratiam operantem, & tamen iste motus non semper est intentio finis, sed sæpe est timor diuinæ iustitiæ, aut spes obtinendi veniam à diuina misericordia, vt constat ex CONCIL. TRID. sessione 6. decreto de iustificatione ca. 6. Sed ad hoc argumentum respondere posset, hos affectus timoris aut spei in hoc casu habere rationem intentionis finis, ex qua mouetur homo ad apponendum medium penitentiae, & contritionis vt Tridentinum docet cap. nunc citato & can. 8.

§. 4. Sententia recentiorum insufficiens.

TERTIUS MODVS respondendi est BILLAMI. to. 3. lib. 1. de gratia & libero arbitrio cap. 1. & VALENTIA in primam secundæ disputatione 8. quæstione 3. puncto 5. §. & quidem, qui dicunt, gratiam operantem esse auxilium speciale, quo Deus efficit primam conversionem deliberatam hominis in Deū, siue per liberam susceptionem fidei, siue per penitentiam de peccatis, & gratiam cooperantem esse auxilium speciale quo Deus efficit ætæna liberos consequentes hanc conversionem, v. g. velle orare, velle quære- re sacerdotem, velle bona opera facere, & alios similes, Et si obijcias, AVOGVSTINVM in his verbis superius relatis docere, effectum gratiæ operantis fieri à Deo per auxilium gratiæ; & à nobis mouentibus nos ipsos cum plena deliberatione: Respondent Deum duobus modis esse causam illius conversionis, scilicet physice hoc est concurrando ad eius entitatem, & moraliter, hoc est suadendo, exhortando & consulendo; & priori modo, etiam voluntatem nostram deliberatam esse causam illius conversionis; non tamen posteriori modo, quia voluntas concurrat quidem deliberate ad entitatem illius conversionis, at non suadet, neque consulit sibi ipsi, neque exhortatur seipsam ad eliciendum actum, qui est hæc conversio; & ideo vtrumque potest dici, scilicet, hunc actum fieri à Deo non sine nobis, scilicet concurrentibus ad eum physice, cum plena libertate, & deliberatione; & fieri à Deo sine

A nobis, scilicet concurrentibus ad eum illo speciali modo, quem diximus esse proprium Dei, hoc est suadendo, exhortando & consulendo; Et propter rationem oppositam dicunt, actus consequentes esse effectus gratiæ cooperantis, scilicet, quia voluntas post illam primam conversionem non solum concurrat physice, ad eos, sed etiam moraliter, in quantum per eam potest seipsam iucitare, & impellere ad eos, Quare auxilium proprium gratiæ operantis dicunt consistere in illustrationibus & inspirationibus internis, quibus Deus voluntatem nostram mouet, excitat, & quasi exhortatur vt se cōuertat; An vero requiratur aliud auxilium distinctum ad causalitatem physicam, quæ conuenit voluntati respectu liberæ conversionis, & in quo consistat auxilium ad actus consequentes cōversionem, non explicatur ab his authoribus in locis citatis, sed in alijs de quo dicam postea. Et meo iudicio hæc explicatio gratiæ operantis desumpta est ex CONRADO in commentario articuli secundi super illa verba textus, est autem in nobis duplex actus &c. vbi ex D. THO. in 2. d. 26. art. 5. ad tertium inquit.

Hucusque processerat in hac quæstione sapientissimus Magister CVRIEL; sed quia tum mandatū summi pontificis in Hispania promulgatum fuit, quo silentiū aliquantisper imponebatur disputationi de auxilijs: CVRIEL pro sua in sedem Apostolicam pietate & obedientia, ita abruptis filiū lecturæ suæ, vt non solum in schola amplius de hac materia nihil dūctauerit, sed ne in priuatis quidem schedis aliquid scriptū reliquerit, quod quidem à nobis potuerit inueniri: quæ autem sequuntur, dictauerat antea idem sapientissimus Magister in prima lectione super hac quæstione, quæ propterea nolimus omittere, Sed huic quæstioni adaptare, nulla prorsus adeius verba additione facta.

§. 5. Notationes pro decisione ambij propositi.

AD HUIVS REI explicationem SUPPONENDVM est, quod (vt aduertunt SOTVS & VEGA locis citatis DRIBDO lib. 1. de gratia & libero arbitrio tract. 2. c. 6. & lib. 2. tractat. 1. c. 2. & 3. & in libr. de concordia liberi arbitrij & prædestinationis 2. parte c. 3. in fine solutionis primi argumēti contra liberum arbitrium, & STAPLETONVS lib. 4. de iustificatione c. 7.) ad tria genera reducuntur ea, quibus homo perducitur in finem supernaturalem. PRIMI GENERIS sunt ea, quæ antecedunt omnem deliberationem, & nullo modo pendent ex nostri arbitrij libertate, & hæc interdum sunt extrinseca potentijs, quibus conuertimur in Deū, cuiusmodi sunt, externa admonitio, prædicatio verbi Dei, & multæ occasiones, quæ speciali Dei prouidentia nobis occurrunt, vt faciamus bona, & vitemus mala; & interdum sunt intrinseca ipsis potentijs, hoc est intra eas recepta, cuiusmodi sunt illustrationes & inspirationes, quas Deus nobis, nihil de eis cogitātibz immittit ad eundē finē, quæ recipiuntur in nostro intellectu & voluntate; quoniam illustrationes illæ nihil aliud sunt, quam subitæ quædā cogitationes, quibus nobis representatur malitia peccati; aut

periculum

periculū æternæ dñationis in quo versemur, vel diuina bonitas, & alia similia; Inspirationes autē sūt imperfecti quidā, & nō absoluti actus, quibus subito amamus diuinā bonitatē, aut bonū virtutis, vel desideramus bonā æternā, aut etiā odio habemus seditatē peccati, vel timemus damnationē æternā, aut alij similes affectus in voluntate. Quod autem illi actus sint subiti & indeliberati, atq; proinde necessarii, potest facile intelligi exemplo affectuum, quos vnusquisq; experitur in seipso circa obiecta bona subito, & quando nihil de eis deliberauerat, aut cogitauerat; & exēplo motuum circa obiecta mala, quos solemus appellare *primoprimes*, & iuxta cōmunem sententiā sunt etiā actus voluntatis.

SECUNDI GENERIS sunt illa bona, quæ recipiuntur in anima & potētij ipsius hominis, sine aliqua efficiētia eius in ipsa, nō tamē sine libera dispositione: cuiusmodi sūt habitus supernaturales, scilicet gratiā gratū faciēs & virtutes supernaturales tā theologales, quam morales. **TERTIJ GENERIS** sunt alia bona, quæ pendēt ex libertate nostri arbitrij, quia procedūt ab ipso efficiēter: cuiusmodi sunt actus liberi, quibus vel disponimur ad suscipiendū gratiam & habitus supernaturales, vel post susceptos istos habitus, meremur vitam æternam.

SECUNDO SUPPONENDVM est, quod omnes isti effectus procedūt à diuina gratia, tanquā ab eorum causa, sed nō eodem modo: Nā effectus primi & secūdi generis procedūt ab ea vt operante sine nobis, quia procedūt sine efficiētia aut cōcursu in genere causæ efficiētis nostri liberi arbitrij, siquidē nos vt agētes libere ad nullū eorū cōcurrimus efficiēter, (quāuis ad effectus secūdi generis cōcurramus dispositiue) & ideo huiusmodi effectus dicūtur procedere à gratia vt efficiēte præcise. At vero effectus tertij generis non procedūt à gratia sine nobis cōcurrētibus libertate nostra ad eos efficiēter, sed ita procedūt ab ea, vt etiā procedāt efficiēter à nostro libero arbitrio; & ideo dicūtur procedere à gratia vt cooperāte nobis, & vt cōcurrēte nobiscū ad eos. Ex quo fit gratiam operantē esse id, quo Deus est causa effectūū primi & secūdi generis; & gratiam cooperantē esse id quo est causa effectūū tertij generis; quāuis ab aliquibus etiam ipsi effectus appellantur gratiæ operantis & cooperantis, sicut nomina causarum sæpe solent tribui suis effectibus.

TERCIO SUPPONENDVM est, vt hoc magis in particulari explicetur, quod effectus, quos diximus procedere à gratia operante, nō eodem modo cōmunicantur nobis à Deo; nam effectus secūdi generis sunt à Deo sine efficiētia vōstrarum potentiarum, tamen recipiuntur in eis; & ex effectibus primi generis, quidam sunt omnino extrinseci potētij eorū, quibus conceduntur; & alij sunt actus procedentes efficiēter ab ipsis potētij, quamuis sine libertate; & ideo non potest eodem modo explicari, quid sit gratia operans respectu istorum omnium effectuum. Nam respectu effectūū, qui nō procedunt effectiue à potētij, gratia operans non est aliquod auxilium collatum aut concessum in ordine ad huiusmodi effectus, sed est vel voluntas diuina efficiendi aut ordinandi istos effectus ad vtilitatem eorū, quibus communicantur; vel si effectus isti dent aliquod esse potētij & animæ, vt cōtingit in effectibus secūdi generis, erit forma, vel habitus qui est principij formale istius esse, vt cū D. THO. dixit art. 2 huius quæstionis, quāuis priori

A modo magis propriè explicetur vis nominis *gratia operantis*. At vero respectu effectūū, qui procedūt effectiue à potētij, dicendum est auxilij aliquod eis collatū, vt valeat concurrere ad eos efficiēter. Et de gratia operante in ordine ad istos effectus agendū est nunc in particulari: quoniam de ea, quatenus ad reliquos effectus comparatur, sufficiunt quæ dicta sunt.

§. 6. *Resolutio quæstionis: in quo constituitur gratia operans, & in quo gratia cooperans.*

HIS SUPPOSITIS RESPONDETUR, *Gratiam operantem sumptam hoc modo, esse auxilium speciale, quo potentia nostra subleuatur & constituitur in alium primo ad eliciendum actus illos subitos & indeliberatos, qui appellantur illustrationes & inspirationes immixta nobis à Deo; Et gratiam cooperantem esse auxilij supernaturale quo nostrum liberum arbitrium, quatenus per modum actus primi antecedit saltem ordine naturæ suas operationes, subleuatur ad eliciendum actus liberos, quibus Dei inspirationibus & vocationibus libere cōsensus.*

B **Q**UOD SI VLTERRIS QUÆRAS, quid sint in particulari vnūquodq; istorū auxiliōrū: RESPONDETUR, *AUXILIUM PRIMUM, consistere in subordinatione nostrarum potentiarum ad Deum ipsi vnūq; immediate in ratione momentis & applicantis ipsas efficiēter ad eliciendos illos actus; Ad quod non est necesse, Deū efficiēter producere in ipsis potētij aliquid eis inhærens distinctū ab illis actibus, quo moueātur & inclinentur ad eliciendum eos; (sive hoc sit aliqua forma vel qualitas habēs modum transeuntis sive vera passio aut mutatio;) neq; per seipsum inherere potētij, aut eas informare: sed satis est, velle efficiēter & absolutē, quod potentia eliciant illos actus. Quod enim Deus sola voluntate efficaci possit mouere & applicare nostras potentias ad agendum, negari non potest, quia sicut nos per motū corporaliē applicamus physicē agentia corporalia ad operandū, vt calami ad scribendū; & per imperij mouemus moraliter agentia libera ad agendū: ita, & multo melius Deus sola voluntate aut imperio efficaci potest mouere & applicare physicē omnes creaturas, & ex consequenti nostras potentias ad eliciendum proprias operationes. Quod autē ratione huius unionis & subordinationis nostrarū potentiarū ad Deum possint ista potentia subleuari ad agendū, quāuis neq; Deus, neq; aliquid ab ipso productum inhæreat eis, aut eas informer, potest explicari duobus exemplis; Nam imprimis iuxta sententiā D. THO. dicentis accidentia non virtute propria, sed virtute substantiæ posse producere substantiā, concedendum est quod calor naturalis vt subordinatus & vnitus formæ substantiali viuētis, producit substantiam; & tamen forma substantialis neq; per seipsam informat calorem aut inhæret ei, vt constat; neque per aliquid à se productum; quoniam hoc neque est aliquid antecedens actionem productiua caloris, quia hoc deberet produci immediatē à forma substantiali, & tamen iuxta sententiā D. THO. forma substantialis non est proximum principium operandi; neque est ipsa actio productiua caloris in qua quoniam hæc est posterior subleuatione caloris ad concurrendum ad eam, & est eius effectus, in eam*

quia est actio transiens, & non recipitur in ipso calore. Et præterea iuxta sententiã à Theologis magis receptam intellectus beati nõ constituitur in actu primo ad videndum Deum per aliquam speciem accidentalem sibi inhærentem, sed per essentiam diuinam sibi unitã in ratione speciei intelligibilis sine imperfectione inhærentis aut informationis.

At vero AUXILIUM SECUNDUM, quod Deus dat nostris potentijs ad actus liberos consistit in actibus subitis & necessarijs, ita quod per eos nostra potentia subleuantur & consilium in actu primo ad eliciendum actus liberos supernaturales. Quod tamen intelligendum est in casu, quo potentijs nostræ non habent habitus proportionatos actibus liberis: nam quando habent huiusmodi habitus, non est necesse quod præcedant illi actus indeliberati, ut potentijs constituantur in actu primo ad eliciendum actus liberos sibi proportionatos, quoniam per habitus sunt sufficienter constitutæ in actu; quamvis propter alias rationes posset aliquando esse necessarium, ut dicemus postea, cum agemus de necessitate gratiæ excitantis. Neque est peculiare in hac materia, quod potentia per unum actu constituitur in actu primo ad eliciendum alium: sed in multis alijs casibus contingit, ut intellectus per assensum principiorum constituitur in actu ad assentiendum conclusioni, ita quod etiam assensus principiorum concurrat efficienter ad assensum conclusionis, & voluntas per intentionem finis constituitur eodem modo in actu ad eliciendum electionem mediorum.

§. 7. Respondetur nonnullis difficultatibus contra doctrinam traditam.

SED CONTRA hæc possunt obijci duo. PRIMUM est, quod *primum auxilium* adiuuat potentias ad eliciendum illos actus indeliberatos: ergo debet dici gratia cooperans, sicut *secundum auxilium*; patet consequentia, quia gratia cooperans appellatur diuinum auxilium, quatenus adiuuat nos, & cooperatur nobis ad operandum.

ALTERUM est, quod actus illi priores, quos diximus esse indeliberatos, sine supernaturales, nõ minus quam actus posteriores, quos diximus esse liberos: ergo sicut ad actus posteriores requiritur auxilium aliquod inhærens potentijs, ita etiam requiritur ad priores; aut si ad priores non requiritur, neque etiam ad posteriores erit necessarium. Patet consequentia, quia tota ratio propter quam est necessarium auxilium, est supernaturalitas actuum: ergo cum supernaturalitas sit eadem in omnibus istis actibus, etiam auxilium debet esse idem.

AD PRIMUM istorum, concessio antecedenti neganda est consequentia, & ad probationem dicendum est, quod gratia non dicitur cooperans quia quomodocumque adiuuat nos; sed quia adiuuat & dat virtutem ad actus respectu cuius operamur ut mouētes nos ipsos, & non præcise ut moti à Deo: & quia ad actus indeliberatos & subitos cōcurrimus ut moti, & nõ ut mouētes nos ipsos, ideo illi actus tribuuntur soli Deo, quāuis producatur efficiēter à nostris potētīs; & auxiliū, quod ad eos datur, appellatur gratia cooperans. Neque vero, quādo dicim⁹, quod ad actus indeliberatos cōcurrimus præcise ut moti à Deo, & nõ ut mouētes nos; loquimur de motionē physica, qua omnia viuentia dicuntur

mouere se: sed de motionē morali, qua peculiariter agētia libera dicuntur mouere seipsa, & agere propter finē, quatenus scilicet agūt ex propria deliberationē & perfectā cognitionē. Et iuxta solutionē hāc possunt exponi verba D. TH. adducta pro sententiã DURANDI, ita ut dicamus D. THO. per actū ex seipso intellexisse omnē actū, ad quē nos cōcurrim⁹ mouēdo nos ipsos virtute propriæ deliberationis, & non præcise ut moti à Deo, sine huiusmodi actus sit ipsum velle voluntatis, siue sit actus elicitus ab alia potentia & imperatus à voluntate.

AD 2. Resp. solum probare, quod etiā requiratur auxiliū supernaturale ad actus illos primos indeliberatos, & hoc solū conuincitur ex supernaturalitate ipsorū: non tamē quod auxiliū hoc debeat esse aliqd receptū in nostris potētīs & inhærens eis, quale est auxiliū, quod Deus nobis cōfert ad actus deliberatos. Et ratio discriminis est, quod Deus cōcedit hæc auxilia supernaturalia, seruata proportione ad naturalia, & ideo sicut in naturalibus, cū operamur præcise ut moti, nõ agimus propter finē ex intrinseca directionē, sed ex directionē autoris naturæ; quādo vero operamur mouēdo nos ipsos, tunc virtute propriæ & intrinsece directionis agimus propter finē, ita etiam ad actus supernaturales, ad quos cōcurrimus præcise ut moti à Deo dat nobis Deus auxiliū supernaturale quod cōsistat in motionē & applicationē supra explicatā, & non inhæreat nostris potētīs: at vero ad actus supernaturales, ad quos concurremus mouēdo nos ipsos, dat auxiliū inhærens nobis.

EX HIS SEQUITUR T. CŌTRA CHARNITIVM, & alios hereticos (cōtra quos disputat STAPL. li. 4. de iustificatione c. 1. & sequētib⁹) quod nõ solū opera, quæ sūt post acceptā sanitatē, quæ gratia cōfert animæ, nõ sūt à Deo sine nobis libere cōcurrētib⁹ ad ea, sed neque ipsa cōuersio actualis in Deū (quæ præsupponitur gratiæ habituali) sit sine cooperationē nostri liberi arbitrij, ita quod huiusmodi cōuersio sit per actus, non solū elicitos & productos efficiēter à nobis, sed etiā libere productos, nõ quidē proprijs virib⁹, sed cū auxiliō gratiæ cooperantis.

Secūdo sequitur, quod nõ solū sunt effectus gratiæ cooperantis illi actus, qui præsupponūt in homine gratiā habitualē, & sūt ei proportionati: sed etiam omnes actus supernaturales, ad quos cōcurrit cooperatio nostri liberi arbitrij, ita quod libere à nobis sūt, sine subsequatū iustificationē, siue antecedat eā, nõ solū natura, sed etiā tēpore. In quo deceptus est CAIET. qui dicit, solū illos actus esse effectus gratiæ cooperantis, qui secūdu sū entitatē procedūt à gratia habituali tanquā effectus ei proportionati, nõ tamē hoc dicit, quia sciat cū hereticis, reliquos actus esse à Deo sine cooperationē nostri liberi arbitrij sicut dicitur de effectibus gratiæ actualis operantis: sed quia existimat quod solū operamur mouēdo nos ipsos, quādo habemus formam, cuius virtute operamur.

SED RESTAT OBJECTIO, quoniam Avo 10. 7. li. de gratia & lib. arbit. c. 17. multa dicit in quibus videtur significare, ad gratiā operantē pertinere ipsam gratiā habitualē cū omnibus actibus supernaturalibus præcedentibus eā & cū vltima dispositionē, etiā quatenus, ut subsequitur eā, est meritoria gloriæ; & ad cooperantē, reliqua auxilia gratiæ, quæ Deus nobis cōfert; ut mereamur vitā æternam adimplēdo legē, & superādo occurrētes difficultates.

Nā imprimis ita inquit: *Si velimus operatur incipies, qui volētibz cooperatur perficiēs, propter quod ait Apostolus, certius sum quoniam qui operatur in vobis, opus bonū, perficiēs vsq; in diē Christi Iesu.* Vbi cū per diē Christi significetur dies, quo vita cuiusq; consummāda est (quia tūc Christus vnūquēq; nostrū iudicaturus est particulari iudicio, & pro meritis cuiusq; redditus) videtur sequi, quod quādo Ave. dicit, quod Deus *cooperatur perficiēs*, significet quod cooperetur adiuvādo ad operādū meritorie; quod sit post acceptā gratiā iustificātē, quia Paulus in isto sētū videtur accipere verbum *perficiēs*. Et postea ita inquit: *ut ergo velimus, sine nobis operatur Deus, cum autem volumus, & sic volumus ut faciamus, nobiscum cooperatur*, vbi Ave. per *velle* quod dicit fieri à Deo sine nobis, nō intelligit illud *velle*, quo disponimur ad iustificationē, quoniā hoc certū est secūdū fidē nō esse à Deo sine nobis, scilicet libere cooperantibus; neq; etiā intelligit omne *velle* pure internū, quasi asserat, omne *velle* esse à Deo sine nobis, & solū actū externū, qui à voluntate imperatur, esse à Deo nobis cooperāte: quoniam hoc esset aperte contra fidē. Quare restat quod intelligat potestātē volēdi bonū, quā accipimus, cū per gratiā iustificātē sanatur nostra voluntas; siue cōversionē & ordinationē ad Deū, ut in finē vltimū, quā per ipsā gratiā habitualē participat nostra voluntas; quia ista ordinatio potest appellari *velle*, quatenus, quia per eā subijcitur voluntas Deo ut fini vltimo, continet quoddā virtuale propositū placēdi Deo in omnibz & super omnia. Atq; ita sensus illorū verborū erit, quod bonum illius potentiz & sanitatis, aut illius propositi virtualis, est à solo Deo per gratiā operātē. Quod tamē postea reipsa exequamur ea, quę tūc statuimus (quod est perficere id, quod Deus per iustificationē in nobis incipit) est simul à nobis & à Deo per gratiam cooperantem.

Cōfirmatur, quoniā conciliū provinciale Coloniense videtur ita intelligere diuisionē hanc: nā in tract. de sacramētis noui testamētī, c. de sacramēto poenitentię. §. *sed interim impij*, ita inquit: *Operas ergo gratia est, quæ prænūciat, ac praparat voluntatē. nō ut fiat voluntas (quia & ante hanc gratiā voluntas erat) sed ut voluntas bona fiat, & quæ prius erat serua peccati; liberetur; Cooperas vero gratia voluntatē in bonā fallā subsequitur, ut quod in vult bonū, perficere possit.* & §. *superest ut de gratia subsequēte*, inquit, quod postquā per gratiā iustificātē voluntas hominis sanata & à captiuitate, quæ facta est serua peccati, liberata est, indiget gratia Dei ad cōcupiscētiās cōtinentesq; vitandas, & ad operādū bonū; & hęc gratiā appellauerat prius cōciliū subsequēte & cooperātē. & §. *dicitur autē*, sic ait: *Dicitur autem hac gratia subsequens seu cooperans comitari voluntatem nostram, quod voluntas nostra sanata per gratiam iustificantem, iam nulla sit aliquam libertatem repugnandi infirmitati suæ, & bene operanda non quidem iam timore pœnæ sed amore Dei & iustitiæ.*

Ad hanc obiectionem respondetur, quod quāuis propter hęc testimonia Molina in cōcordia liberi arbitrij cū gratiæ donis disp. 40. ad art. 13. quæst. 14. 1. partis, existimauerit, Ave. & Conc. Coloniense fuisse illius sentētię: tamē mihi oppositū videtur dicēdū; ne faueamus hzeticis; quoniā si dixerimus solos actus, qui fiunt post acceptā gratiā iustificātē, esse effectus gratiæ cooperantis; & omnes, qui eā præcedūt, esse effectus gratiæ operantis; colligēt hzetici, ex sētētia Ave. omnes

actus, quibus disponimur ad gratiā, fieri à Deo sine nobis, hoc est, sine libera cooperatione nostrā; (quoniam Ave. definit, effectū gratiæ operantis esse, *quem Deus in nobis sine nobis operatur*) quod tamen est aperte hzeticū, & cōtra definitionem Conc. Trid. sess. 6. decreto de iustific. c. 5. & can. 4. Neq; testimonia adducta id probāt. Nā imprimis priora verba Ave. potius fauēt nostrę sentētię; quoniā in eis Ave. solū tribuit gratiæ operantis *inchoationē*, siue *prapARATIONē*, ut velimus; quæ nō est aliud, quā actus illi indeliberati, quos supra explicuimus: tamē *quod volumus*, dicitur esse effectū gratiæ cooperantis; Quod magis explicuit paulo inferiorius, cum ita inquit, *sine illo operante ut velimus* (hoc est, per gratiā cooperātē dante nobis dispositionē & prapARATIONē qua possumus velle) *vel cooperante cū volumus* hoc est, per gratiā cooperātē cōcurrentē nobiscū, & cooperātē nobis ad actū quo volumus, *ad bona pietatis opera nihil volumus*, hoc est, non habemus vires ad exercēdū actus accommodatos & proportionatos ad iustificationē & finē supernaturālē. Et eodē modo exponēda sunt posteriora verba, quæ ex eodē Ave. retulimus; nā per *velle*, quod dicit operari Deū in nobis sine nobis, neq; intelligit vltimā dispositionē ad gratiā, neq; omne *velle* pure internū, neq; illā sanitatē aut subiectionē voluntatis ad Deum ut ad vltimū finē, quæ est effectus gratiæ iustificantis; sed illud *velle indeliberatum* & necessariū, quod diximus esse effectū gratiæ operantis; Et per *velle quia volumus ut faciamus*, intelligit *velle liberum*, & procedens ex nostra deliberatione, quod diximus esse effectū gratiæ cooperantis; ut contra Dyrandum explicuimus.

Ad cōfirmationē respondetur, verū esse, quod cōciliū in illis locis explicuit distinctionē inter gratiā operātē & cooperātē, per ordinē ad effectus gratiæ habitualis; & appellauit gratiā operātē, ipsam gratiā habitualē, quatenus est causa sanitatis in voluntate; & cooperātē appellauit eādem gratiā, habitualement, quatenus cooperatur nobis ad operādū meritorie, & ad resistendū tentationibus & passionibus. Ceterum ex hoc nō sequitur, quod senserit, omnes actus præcedentes gratiam habitualement esse effectus gratiæ operantis; quoniā in istā distinctio inter gratiā operātē & cooperantē explicatur per ordinē ad gratiam actualement; Et ita idem cōciliū in eodem c. §. *Hanc autē gratiā*, dicit expresse, *quod à Deo prænūmimur & excitamur*, vbi explicat effectū gratiæ operantis, & *Deo excitantis & prænūmianti consentimus libere, & tunc cooperamur ipsi*, vbi explicat effectū gratiæ cooperantis. Et est Notandum quod testimonia ista non habentur inter canones huius cōciliij, sed in Enchiridio Christianę institutionis in eodem concilio edito, & ita minorem habent auctoritatem.

TERTIVM DVBIVM.

Utrum gratia recte diuidatur in excitantem & adiuvantem.

Hęc diuisio nō proponitur à D. Thom. in hac quæstione inter diuisiones gratiæ actualis; sed necessario est explicāda, ut meli⁹ intelligatur ea, quę dici solēt de necessitate gratiæ actualis, & insufficiētia liberi arbit. ad nostrā cōversionē in Deū. Ecce circa eam sunt tria explicāda, sc. An gratia actualis

recte ita diuidatur; & quid sit utrūque membrum huius diuisionis; & quomodo hæc diuisio se habeat ad præcedentem.

S. CIRCA PRIMUM

RESPONDETUR AFFIRMATIVE. quoniam hæc diuisio colligitur ex scriptura, nā Apocalypsis 3. ita dicitur. *Ecclesio ad ossum & pulso*, quod est munus gratiæ excitantis; *quis audis vocem meam*. & *aperis mihi ianuam*, scilicet, libere consentiendo meis pulsationibus & vocationibus, quod est effectus gratiæ adiuuantis, *intrabo ad illū*, & *conabo eū ille*, & *ipse mecum*, scilicet, per gratiam iustificantem. Et Ioan. 6. *audire, discere, & venire* tribuuntur gratiæ. Tandem *aperire aurem, loqui, & vocare* pertinent ad excitationem, & hæc omnia tribuuntur Deo Iſai. 50. Pſa. 54. & Actū 9. Colligitur etiam ex concilijs, nam in Trid. sess. 6. decreto de iustificat. cap. 5. ita dicitur: *Ut qui per peccata à Deo auersi erant, per eius excitantem & adiuuantem gratiam ad conuertendum se &c.* & cap. 6. *Disponuntur autem ad ipsam institutionem dum excitati diuina gratia & adiuti &c.* & can. 3. *Siquis dixerit sine præueniente spiritus sancti inspiratione, atque eius adiutorio &c.* Et can. 4. *Siquis dixerit liberum hominis arbitrium à Deo motum & excitatum &c.* Et in ARAUSICANO secundo, cap. 25. dicitur, *quod Deus primus nobis inspirat & fidem & amorem sui, & ut baptismi sacramenta fideliter requiramus, & post baptismum eum ipsius adiutorio ea, quæ ipsi sunt placita implere possimus.* Præterea COLASTINVS primus in epistola ad Episcopos Galliarum c. 8. & 9. meminit utriusque auxiliij, & in ecclesiæ oratione dicitur. *Aliones nostras quasumus domine aspirando præueni & adiuuando prosequere; Et tandem colligitur ex sanctis.* Nam D. AUGUSTINVS tom. 3. in Enchiridio cap. 31. sic ait, *qui, scilicet Deus, Homini voluntatem bonam & præparat adiuuandam, & adiuuat præparatam &c.* tom. 7. lib. 2. contra duas epistolas Pelagianorum c. 9. ita inquit, *Homini propositum bonum adiuuat quidem subsequens gratia, sed nec ipsum efficit, nisi præcederet gratia; studium quoque hominis, quod dicitur bonum, quamuis, cum esse capere, adiuuetur à gratia non tamen incipit sine gratia, sed ab illo inspiratur, de quo dicit Apostolus, gratia autem Deo, qui dedit idem studium pro vobis in corde Titī. Si studium quisque ut pro alijs habeat Deus dat: ut pro seipso habeat quis alius est datus.* Et li. de prædestin. & gratia cap. 10. inquit, *à Deo homines nullis existentibus meritis vocari; & vocatos, ut boni aliquid operentur, Deo adiutulis indigere.* Et lib. 2. de peccatorum meritis & remiss. c. 18. *Quod ad Deum nos conuerimus, nisi ipso excitante & adiuuante, non possumus.* Et BERNARDO etiam lib. de gratia & lib. arbitrij referantur ista verba: *conatus nostri cassi sunt, si non adiuuentur, & nulli si non excitentur.* Et hæc de primo.

S. 2. Quid sit gratia excitans & quid adiuuans

AD 2. Respondetur, GRATIAM EXCITANTEM esse omne id, quo à Deo misericorditer excitamur & inducimur ad prosecutionem boni, et ad fugam mali: hoc autem quo ita excitamur continet duo genera bonorum, *vnus eorum*, quæ sunt nobis extrinseca, ad quod pertinent omnes occasiones externæ, quæ speciali Dei providentiā ordinantur ad hoc,

ut eis moueamur ad prosequendum bonum, & ad fugiendum malum; cuiusmodi sunt externæ admonitiones vel predicationes, & perfectio diuinæ providentiæ in conditione, conseruatione & gubernatione huius vniuersi, & multa etiā quæ vnusquisque tam in seipso quam in alijs hominibus videt acciderere siue prospera, siue aduersa: quoniam his omnibus possumus à Deo misericorditer excitari ad eundem finem. *Alterum genus* est eorum bonorum, quæ sunt nobis intrinseca, hoc est in nobis recepta; ad quod genus pertinent illæ subita & indeliberatæ illustrationes seu illuminationes intellectus, & similes inspirationes voluntatis, de quibus egimus dubio præcedenti. Nam Deus immittendo nobis huiusmodi illuminationes & inspirationes excitat nos ad boni prosecutionem & ad fugam mali. Vtrumque genus istorum bonorum explicuit AUGUSTINUS 3. li. de spiritu & litera c. 34. vbi sic ait, *Triformis in actionibus agit Deus ut velimus, & ut credamus sine extrinsecis, per euangelicam exhortationem, vbi & mandata legis aliquid agimus, siquidem ad hoc admovent hominem infirmitatis suæ, ut ad gratiam iustificatæ crederet confugiat: sine intrinsecis, vbi nemo habet in potestate quid ei veniat in mentem, sed consentire, vel dissentire propria voluntatis est.* Ex his autem duobus generibus bonorum, secundum est præcipuum in gratia excitante, & de eo peculiariter nunc agemus.

DE GRATIA VERO ADIUVATA dicendum est, esse id quo Deus nos adiuuat ut libere efficiamus actuali conuerſione ad ipsum, vel aliquid aliud operemur, quod tribus naturæ præstare non possumus. Id autem, quo Deus sic nos adiuuat, continet duo, ex quibus vnū habet rationem principij per modum actus primi, quod est ipsa inspiratio & illuminatio interna, quatenus informat nostras potetias, & constituit eas in actu primo supernaturali & proportionato, ad eliciendum liberas operationes supernaturales; & alterū habet etiam rationem principij per modum actualis concursus supernaturalis, quo Deus ad easdem operationes cōcurrit, & sine quo non possent produci à nostris potetijs, quantumcumque haberent virtutem per modum actus primi. Et quod ista duo requirantur ad effectum gratiæ adiuuantis, patet, Nam quoniam iste effectus est supernaturalis, requiritur quod potentia nostra, à quibus procedit, constituantur in actu primo supernaturali ad operandum, ut ita seruetur proportio inter causam efficientem & suū effectum, Et rursum, quoniam nostræ potentia non cōcurrūt ad hunc effectum ut præcise motæ, sed ut mouētes seipsas ex propria deliberatione, (siquidem supponimus cōcurrere libere) ideo non cōstituuntur in actu primo per solā subordinationem ad Deum, ut paratū concurrere cū ipsis ad operationem, ad quam excitauit eas: sed per aliquid receptū in eis, & eis inherens, cuius rationem assignauimus dubio præcedenti, quando explicui rationem discriminis quantum ad hoc inter gratiā operantem & cooperantem. Et tandem quoniam nulla virtus aut causa creata potest operari sine cōcursu causæ primæ, & iste cōcursus est naturalis aut supernaturalis iuxta naturā effectus; quoniam licet actus sopitus sit actio Dei manens in ipso, iuxta sententiam D. THOMÆ tamē si passim sumatur, non est aliud quam ipse effectus ut procedens à Deo: ideo etiam ad effectum huius gratiæ requiritur concursus actualis Dei, & quod iste cōcursus sit supernaturalis, quoniam iste effectus est operatio aliqua supernaturalis.

QVOD VERO ID, quo nostræ potentie constitu-
tur in actu primo, & habent vim ad eliciendū ope-
rationes, de quibus loquimur, consistat in internis
inspirationibus & illuminationibus, patet primo,
quoniā non potest facile explicari, quid aliud reci-
piatur in nostris potētis, (quādo carēt habitibus)
cui possit hoc tribui. Et præterea, quia hoc est cōso-
nū naturis rerū: nam in naturalibus per amorem
boni accipit voluntas vires ad inquirendū, & assu-
mendū media, quibus tale bonū cōsequatur; Et in
intellectus per cognitionē principiorū accipit vires
ad colligendū ex eis per discursū cōclusiones: ergo
similiter per cogitationes & affectus supernatura-
les accipimus vires ad progrediendum ad alios
bonos motus supernaturales. Et tandem, quia D.
Ave, ut explicet, quā ratione, quamvis consentire
Deo vocanti, aut converti ad ipsū, sit nobis liberū,
non tamē fiat nostris viribus solis, sed cum auxilio
gratiæ, dicit, "quod præcedit vocatio Dei, quæ (ut
ōnes fatētur) cōstitit in prædictis illuminationib⁹
& inspirationibus; Et tamen hoc non sufficeret ad
explicandū hanc difficultatē, nisi vocatio ita præce-
deret, ut adiuuaret nos ad consentiendū. Et ita hoc
videtur cōcedere expresse to. 3. li. de gratia Christi
c. 3. & lib. de spiritu & litera c. 34. & to. 4. lib. 83. q. 9.
p. 68. & to. 7. li. de ecclesiasticis dogmatibus c. 21.
Cuius verba refert DECANVS art. 7. parum ante
propositiones, quibus explicat concordiam liberi
arbitrii & gratiæ, qui etiā sequitur hanc sententiā.
Sed restant nonnullæ difficultates: quarum

5. 3. Prima est. An illa illuminationes & inspiratio-
nes, quas diximus esse ipsam gratiā excitantem, pro-
ducantur efficienter a nostris potētis.

AD HANC DIFFICULTATEM patet solutio ex
ijs, quæ de istis illuminationibus & inspiratio-
nibus diximus dubio præcedēti, ubi sequuti sumus
partē affirmatiuā, & explicuimus quā ratione no-
stræ potētis subleuētur supernaturaliter ad pro-
ducendū eas. Et potest nunc confirmari hæc pars,
quoniā isti motus sunt actus vitales nostri intelle-
ctus & nostræ volūtatē, ergo producūtur efficiē-
ter ab eisdē potētis; consequentia patet; quoniam
vel repugnat, actū vitalem non procedere à princi-
pio intrinseco vitali; vel, si non repugnet, ut volunt
nonnulli auctores, quos sequitur VEGA loco statim
citando, saltē est præter naturalem ordinem, atque
adeo miraculū, quod sine vlla necessitate admitti-
retur in isto casu; & antecedēs probatur, in quoniam
intellectū illuminari in actu secundo circa aliquam
veritatem, non videtur esse aliud, quam habere co-
gnitionem eiusdem veritatis; in etiam quoniā alias
nō possent istæ illuminationes & inspirationes sē-
tiri, aut percipi à nobis, quod est contra rationem
excitationis; non enim potest aliquis excitari per
id, quod nullo modo percipit. Atq; ita de hoc sen-
tiunt DREDO, SOTVS, ET STAPLETONVS locis ci-
tatis dubio præcedenti, MOLINA in cōcordia disp.
43. ad art. 13. quæstionis 1. primæ part. & DECA-
NVS loco paulo superius citato.

EX QVO PATET, decipi VEGAM li. 6. super Cōc.
Tridē. c. 8. ubi inquit, immutationes istas, quibus
Deus ad bonum nos excitat, produci efficiēter ab
ipso Deo, & nostrum intellectū atq; voluntatem
solū passivè concurrere recipiendo eas in se. Neq;
obstant ea quæ VEGA adducit pro sua sententia, nā

duo sunt, quæ videntur habere aliquam vim.

PRIMUM est quod in Cōc. ARAVSICANO 2. c. 20.
sic habeatur; *Assuta in homine bona sūt, quæ non facit
homo.* Videtur autem quod conciliū in priori parte
huius definitionis loquatur de supernaturalibus
actibus, sicut in posteriori, & non de alijs, quam de
illis illustrationibus, & inspirationibus divinis.

RESPONDETUR, priorē partē illius definitionis
posse intelligi de virtutibus supernaturalibus infu-
sis, ad quas solus Deus efficiēter cōcurrit. Et quā-
vis etiā intelligatur de illis inspirationibus & illu-
strationibus, nihil inde colligitur contra nostram
sententiā: quia conciliū dicit, eas non fieri ab ho-
mine, nō quia nullo modo fiat ab ipso, sed quia nō
sūt liberæ; sunt enim quidā repentini motus instar
naturalium coruscationū, & antecedūt omnē delibe-
rationē nostrā, & omnē nostræ libertatis conten-
sum, sicut motus nostri naturales; qui dicūtur pri-
moprimi. Neq; mirū est, quod propter hanc ratio-
nē dicat conciliū, *non fieri a nobis.* quoniā actus, qui
non sunt liberi, non dicuntur humani, neq; solent
tribui homini; neq; proprie in genere moris homo
dicitur facere, quod non ex libertate facit. Et pro-
pter hanc rationē dixi dubio præcedenti, auxilium,
quod datur ad istos actus, appellari gratiam ope-
rantem & non cooperantem.

Quod vero immutationes istæ nō sūt nobis liberæ;
cōstat, in proprio experimēto, nā unusquisq; expe-
ritur se habere eos subito, & sine vlla prorsus de-
liberatione siue formali siue virtuali circa eas & ea-
rū obiecta; Et præterea testimonio Ave. quito. 7. li.
de spiritu & lit. c. 34. ut retuli paulo antequā expli-
care quid sit gratia adiuuās, inquit, quod *Deus agit
ut velimus*, etiā *intrinsece*, & subdit, *ubi nemo habet
in potestate quid eo veniat in mentem: sed consentire vel
dissentire propria volūtas est.* Quibus verbis aperte
docet Ave. non esse in nostra potestate habere, aut
non habere istas immutationes, sed solum consen-
tire vel dissentire eis.

Et si quæras unde proveniat, quod ista immutationes
sint necessaria & non libera? RESP. provenire ex eo,
quod Deus movet nos ad eos præveniēdo omnē
nostram deliberationem; quod posse ab ipso fieri,
admittitur ab omnibus sine controversia.

Quod si viderim QUERAS, quomodo hoc faciat Deus?
RESPONDETUR quod intellectū movet & applicat
per seipsū ad sanctas & bonas cogitationes, & vo-
luntatē movet medijs istis cogitationibus, quoniā
sunt ipsa ex sua natura est apta moveri medio in-
tellectu, ita Deus eā movet. Quod autē sufficiat illi
cogitationes ut involūtate insurgāt subito illi act⁹,
supposito auxilio requisito ex parte ipsius volūta-
tis quatenus est eorum principium, potest explicari
exēplo desūpto ex eo, quod in naturalibus accidit;
nā appetitus sēsitivus media cognitione intellectus
mouet voluntatē ad actus omnino naturales, quas
appellamus motus primo primos; & ex eo quod in-
tellectu apprehēdamus rē aliquā ut multū amabi-
lē, statim insurgit in volūtate motus quidā, quo ad
eā afficimur. Quare Ave, to. 1. li. 3. de li. arb. c. 25. sic
ait: *volūtatē nō allieit ad faciendū quodlibet, nisi aliquod
visum: quid autem quisque vel sumat, vel respiciat est in
potestate: sed quo viso tangatur, nulla potestas est.*

Quod si tandem QUERAS, an ista motus, quo
sic tangitur, vel afficitur voluntas, sit volūtas? RES-
PONDETUR affirmatiue, quia in voluntate
nullus est actus, qui non habeat rationem

volitionis aut nolitionis. Verum est, quod aliqui nolunt appellare eum, volitionem, quia non procedit ex propria hominis deliberatione: atque ita DECANVS loco citato appellat eum *placitum* rei suae, & MOLINA *affectionem* ad rem cognitam.

SECUNDO obijci VEGA, quod in scriptura, ubi-
cūque sit sermo de his inspirationibus & vocatio-
nibus, tribuuntur soli Deo: & ad hoc probandum
adducit nonnulla testimonia, ex quibus potissimum
est illud Apocalyp. 3. *Ece ego ad ostium & pulso, si quis
audierit vocem meam, & aperuerit mihi ianuam* &c.
Vbi Deus & sibi soli ascribit pulsationem, siue ex-
citationem cordis, & praeterea comparat eā pulsa-
tioni ostij, ad quam constat solum pulsantem cō-
currere actine, ipso ostio pulsato habente se mere
passive; imo & habitatore domus, qui solum habet
libertatem & efficiētiam ad audiendum pulsatio-
nem, vel ad occcludendum aures, ne eam percipiat,
& ad aperiendum ostium, vel non aperiendum.

RESPONDETUR, non recte colligi, quod pulsatio
cordis non fiat per actus elicitos à nostris potentijs,
ex eo quod soli Deo tribuatur in scriptura: quia
hoc potest fieri, *vel* propter rationem assignatam
in solutione praecedētis obiectionis; *vel* quoniam,
licet ista actus procedat à nostris potentijs, scilicet
ab intellectu & voluntate, tamen non videtur ha-
bere rationem pulsationis, aut excitationis quate-
nus procedunt ab eis, sed quatenus sunt à Deo; Nō
enim intellectus & voluntas seipsa pulsat, sed pul-
santur à Deo per huiusmodi actus. Neque etiam
colligitur ex eo, quod pulsatio cordis comparetur
pulsationi ostij materialis: nam ex similitudine nō
sumitur efficax argumentum quantum ad omnia,
sed quantum ad id, quod Deus voluit per eam si-
gnificare; per hanc autē similitudinem voluit Deus
significare, quod non deferat nos, & quod ita ex-
citet & vocet nos, ut non vi illa aut coactione, sed
nobis libere consentientibus ingrediatur ad inha-
bitandum corda nostra per gratiam. Quod autem
noluerit significare, quod pulsatio cordis fiat sine
nostra efficiētia, sicut pulsatio ostij materialis fit
sine efficiētia tam ipsius ostij quā habitatoris
domus; colligitur ex eo, quod aliud postulant na-
tura rerum; nam pulsatio ad id ordinatur ex natura
sua, ut is, qui pulsatur, percipiat eam, & inde mo-
ueatur ad faciendum id, ad quod inuitatur, scilicet
ad respondendum, vel aperiendum; Est autē quan-
tum ad hoc magnum discrimen, inter ostium ma-
teriale, & nostrum cor; nā ut percipiatur pulsatio
ostij materialis, non est necesse quod fiat efficiēter
vel ab ipso ostio, vel ab habitatore domus; ut vero
percipiatur pulsatio cordis nostri, necesse est quod
 fiat per actus efficiēter productos ab ipso corde,
hoc est, ab intellectu & voluntate; quia istae potē-
tiae experiuntur suos actus eliciendo eos, & ita ho-
mo hoc experimento deprehendit eos in se, sicut
etiam deprehendit operationes vitales reliquarum
potentiarum, tam cognoscentium, quam appetē-
tium. Si autem fieret haec pulsatio per aliquid aliud,
ad quod istae potentiae solum concurrant passive,
& recipiendo, non posset ita deprehendi, aut perci-
pio ab homine, quia non posset haberi de eo expe-
rimentum.

5. 4. Secunda difficultas. An gratia excitans & adiuvans distinguantur inter se?

EX his, quae diximus, videtur colligi, quod gra-
tia excitans & adiuvans non distinguantur in-
ter se: quia diximus utramque consistere in illis
illustrationibus & inspirationibus mentis nostrae,
quod tamen videtur esse contra testimonia supra
adducta ex CONCILIO TRIDENTINO, & ex oratione
ecclesiae, & ex AUGUSTINO, in quibus aperte
videtur significari, praeter totam gratiam excitans-
tem, requiri novum genus gratiae, ut perficiamus
actus nostros supernaturales, quod appellatur
gratia adiuvans.

RESPONDETUR, quod de gratia adiuvante pos-
sumus loqui duobus modis: scilicet, *vel quantum
ad actum id, quod includit; vel precise quantum ad
id, quod inhaeret potentis*, quatenus antecedunt suos
actus tanquam principium eorum, & dant ipsis
potentis virtutem ut efficiēter concurrant ad
eos; Et, si loquamur de ea *priori modo*, dicendum
est, quod non includit solam gratiam excitantem,
sed aliquid etiā amplius, scilicet concursum su-
pernaturalem Dei ad eosdem actus, quo etiam
adiuvantur nostrae potentiae, quia pendunt ab eo
in operando, sicut intra ordinem naturae omnes
causae secundae pendunt à concursu naturali causae
primae. Si tamen loquamur de ea *posteriori modo*,
dicendum est, esse unam & eandem rem cum gra-
tia excitante, & solum distingui ab ea penes diver-
sum modum causandi. Et imprimis quod sit idem
realiter cum gratia excitante, colligitur ex DIVO
THOMA art. 2. huius questionis, in solutione ad
4. ubi ita inquit, *Gratia operans & cooperans est
eadem gratia, sed distinguuntur secundum diversos ef-
fectus*; ubi per gratiam operantem intelligit eius ef-
fectum, qui consistit in istis illuminationibus &
inspirationibus, quibus Deus excitat & tangit cor
hominis; & per gratiam cooperantem, intellexit
etiam adiuvantem; nam DIVVS THOMAS hoc lo-
co non meminit huius divisionis gratiae in excitans-
tem & adiuvantem, sed comprehendit eam sub
divisione in operantem & cooperantem. Imo &
videtur colligi ex CONCILIO TRIDENTINO, sess. 6. decreto de
iustificatione c. 5. nam in illis verbis Threnorū. 5.
CONverte nos Domine ad te, & converteremur, non est
dubium quin petamus auxilium, quod requiritur ad
actualem conversionem: & tamen concilium in-
quit, quod quādo respondemus, *convertere nos Do-
mine & converteremur*, Dei nos gratia praeveneri cō-
fitemur; quare videtur supponere, esse idem reali-
ter, gratiā qua praevenerimur, siue excitamur, ad con-
versionem, & gratiam qua adiuvamur ad eā. Quod
vero gratia adiuvans distinguatur ab excitante penes
diversum modum causandi, poterit facile intelligi, si
prius explicuerimus, respectu cuius effectus cōfir-
tuenda sit ista diversitas, in modo causandi; pro quo
adverte, quod quāvis ad istos actus, in quibus cōsistit
gratia excitans, detur nobis auxiliū supernaturale, ut
explicui dubio praecedēte: tamē huiusmodi auxiliū
nō appellatur gratia excitans, quia non excitat nos,
immo neq; potest excitare proprie, quia non potest
percipi à nobis, neque etiam appellatur gratia ad-
iuvans, quoniam adiuvare dicitur qui aliquid o-
peratur, & nos non dicimur operari respectu illo-
rum actuum, ut ex CONCILIO AUGUSTINO retuli; sed

ipsi actus dicuntur gratia excitans & adiuuans, non A quidem respectu sui, quia neq; excitatio inuitat & mouet ad seipsam, neq; auxiliū adiuuat ad seipsū; sed quatenus ordinatur ad aliud, scilicet ad alios actus liberos, quibus perficiatur libera cōuersio in Deū. Quare respectu istorū actū debet explicari propria causalitas gratiæ excitantis & adiuuantis, & ex cōsequenti etiā respectu ipsorū est constituēda diuersitas in modo causalitatis. Et hoc supposito dicēdū est, esse potissimū duplex discriminē in modo causalitatis inter gratiā excitantē & adiuuantē. *Primum* est, quod gratia excitans concurret ad actus illos liberos causalitate quadam morali, scilicet per modū consulentis & proponentis obiectū, atq; alliciētis & attrahētis: gratia verō adiuuans cōcurret causalitate physica, scilicet cōstituēdo nostras potētias in actu primo physico ad operandū, atq; adeo per modum virtutis efficiētis. *Aliud* est, quod (vt aduertit VAGA li. 6. super conc. c. 9.) gratia excitans potest propter libertatē nostrā separari reipsa ab effectu, ad quē mouet, ita vt talis effectus propter nostrā resistentiā non sequatur: at verō gratia adiuuans semper est cū effectu, ad quem datur, vt, si Deus B nos adiuuat ad credendū, credimus; si ad diligendū, diligimus &c. Et ex hoc discrimine ipse VAGA colligit aliud, scilicet, quod nō sēper, qui preueniuntur maiori gratia excitante, vt excitans est, conuertuntur melius in ipsū Deū: tamen semper illi, quibus Deus magis fauet gratia adiuuante, cōuertuntur melius.

SED OBIECTIO CONTRA HOC SECUNDUM DISCRIMEN, quia sequitur ex eo, quod non cooperemur liberē gratiæ adiuuanti, ita vt possimus ei resistere, si quidem hæc gratia nō potest separari à suo effectu: quod tamen videtur esse contra CONCORDIAM TRIDENTINAM sess. 6. decreto de iustificatione, c. 5. vbi sic habetur, *Vt qui per peccata à Deo auersi erāt, per eius excitantē atq; adiuuantem gratiā ad conuersendū se ad suam ipsorum iustificatiōem, eidem gratia libere assentiendo, & cooperādo disponantur.* & c. 6. sequenti, *Disponuntur autem ad ipsam iustitiā dū excitati diuina gratia & adiui, fidē ex auditu cōcipientes, libere mouentur in Deū.* Et can. 4. *Si quis dixerit, liberū hominis arbitriū à Deo motum & excitatum, nihil cooperari assentiendo Deo excitanti atque vocanti, neque posse dissentire, si velit, anathema sit.*

AD HOC VAGA loco citato quasi tacite respōdens inquit, quod libertas nostrā respectu gratiæ adiuuantis saluatur in hoc, quod, cum gratia adiuuans ordinetur ad omnes dispositiones, quæ præcedunt iustificationē, ex quibus quædam sunt præuix ad alias, possumus habere priores, & relinquere posteriores: vt si quis habitis per gratiam adiuuantem fide & spe, relinquat penitentiam & charitatem, & ita partim, hoc est quantum ad vnum effectū, consentire gratiæ adiuuanti, & partim, hoc est quantum ad alium effectum, dissentire ipsi.

SED HÆC solutio non videtur sufficiens, quoniā conciliū absolute loquitur de gratia adiuuante, & non magis respectu vnius effectus, quā respectu alteri: & tamen inquit, quod liberē cooperamur & consentimus ipsi. Et cōfirmatur, quoniam gratia adiuuans, eundem habet modum concurrendi respectu omniū effectuum suorū quantū ad hoc, quod est inferre nobis necessitatem ad cōsentiendū ipsi, vel relinquere nos liberos ad cōsentiendū vel dissentiendum: ergo dicendum est, quod respectu omniū effectuum gratiæ adiuuantis sumus liberi ad resistendum ipsi gratiæ, vel non sumus liberi sed

necessario consentiamus.

STAPLETONVS li. 4. de iustificatione c. 8. adhibet tres solutiones huic difficultati. *PRIMA* est, quia infallibilitas distinguitur à necessitate, & ad gratiā adiuuantem sequitur noster cōsensu infallibiliter, nō tamē necessario, nisi ex suppositione: sicut quæ Deus præsciuit futura, & quæ nos videmus fieri, infallibiliter quidē fiūt, nō tamē necessario, nisi ex suppositione. *SECUNDA* est, nō cōuenire cuiusq; gratiæ adiuuanti, quod infallibiliter coniugatur cum effectu ad quem datur, sed magnē tantum & efficiaci. *TERCIA* est ea, quam ex VAGA retulimus.

SED DE ISTIS solutionibus agemus dubio sequenti, nūc consequenter ad ea, quæ dixi, RESPONDETUR, quod gratia adiuuans potest cōsiderari duobus modis, scilicet in actu primo, hoc est, quatenus cōstituie nostras potētias in actu primo; aut in actu secundo, hoc est quatenus actu concurret cū ipsis potētijis ad earū operationes; si *priori modo* consideretur, dicēdū est, quod potest separari à suo effectu propter nostrā resistentiā, vel propter defectū nostræ cooperationis: quia, prout ita consideratur, est idē realiter cū gratia excitante, cui iuxta omnium sententiam possumus resistere, & sæpe resistimus, iuxta illud actorū 7. *vos semper spiritui sancto resististis*, sicut & patres vestri. Si verō consideretur *secundo modo*, dicēdū est quod in nobis est potentia vt separaretur à suo effectu, quia suus effectus est nostra cooperatio, & ad hanc nos concurrimus libere, & cum potentia ad oppositū: tamen reipsa nunquam separatur, neq; separabitur, quia hæc gratia dicitur adiuuans in actu secundo, quatenus actu & exercitio adiuuat ad operandū, & ex cōsequenti nō est sic adiuuans sine suo effectu presenti, *Neque hoc derogat nostræ libertati*, quia quod hæc gratia sic cōsiderata nō separatur à suo effectu, nō prouenit ex eo, quod à nobis auferatur potētia ad nō consentiendū ipsi: sed ex efficacia ipsius gratiæ, tanquā ex ratione perse, & ex præsentia sui effectus, qui est noster, cōsensu, tanquā ex conditione sine qua non esset adiuuans in actu secundo. Atq; ita ex hoc non sequitur maior necessitas in nostro consensu, quam sit illa, quæ consistit in hoc, quod est ipsū consensum esse præsentē, de qua dixit ARISTOTELIS *omnequod est, quando est necesse est esse*; & huiusmodi necessitas est solum necessitas secundum quid, aut ex suppositione, respectu cuius est in nobis potentia ad oppositū, & ideo non repugnat libertati simpliciter. An vero præter hanc gratiam adiuuantem, & præter excitantem requiratur alia quasi media inter eas, quæ nostra voluntas, quatenus in actu primo præcedit suam operationem, determinetur ad eliciendum eam, explicabitur dubio sequenti.

¶ 5. *Tertia difficultas est, an vtrique gratia, hoc est excitans & adiuuans sit necessaria ad singulos actus supernaturales?*

RESPONDETUR quod de adiunāte sine dubio admittitur ab omnibus, esse necessariam ad singulos actus: quoniā, vt constat ex ijs, quæ diximus, indigemus virtute supernaturali, qua nostræ potētiz subleuentur, & præterea concursu actuali Dei, vt efficiamus huiusmodi actus. Et hæc duo cōtinentur in gratia adiuuante. Tamen de gratia excitante

non sic

non sic admittitur ab omnibus: sed solent distinguere tres hominum status. *Primum* est fidelium, qui sunt in gratia; *Secundus* fidelium qui sunt in peccato mortali, *Tertius* infidelium.

ET DE HOMINIBUS PRIMI STATUS *dicendum est* quod si iustificati sunt per baptismum, & postea ita sunt instituti & educati, ut nullam omnino habeant notitiam veritatum fidei, indigent gratia excitante, non minus, quam si non essent iustificati; quia indigens propositione istarum veritatum, & huiusmodi propositio est illustratio intellectus, quam diximus pertinere ad gratiam excitantem. Si tamen non careant doctrina fidei, non indigent gratia excitante ad actus proportionatos suis habitibus, sed solum ad excellentia opera, & ad ea quæ excedunt vim actuum istorum habituum. Hoc sequitur aperte ex illis, quæ diximus de hac gratia excitante: nam huiusmodi gratia datur, ut per eam excitemur & inuitemur ad operandum, & ut nostræ potentie subleventur ad operandum supernaturaliter: ergo huiusmodi gratia non est necessaria ad actus proportionatos habitibus, sed solum ad improporcionados, quia ad istos non sunt nostræ potentie sufficienter subleuatz per ipsos habitus.

ET SI OBICIAS, quandoque hominem iustum incipere de nouo operari supernaturaliter, ut cum excitatur a somno, vel cessat ab alijs operibus, quæ vel sunt peccata venialia, vel non pertinent ad ordinem supernaturalem, atque adeo tunc indigere gratia excitante, ut excitetur & applicetur ad operandum supernaturaliter; *Respondetur*, posse excitari a Deo, vel ab alijs occasionibus, quamuis non habeat illos actus supernaturales necessarios, in quibus diximus consistere gratiam excitantem. verum est quidem, quod habere motum & occasiones operandi supernaturaliter, est peculiaris gratia Dei, quæ potest ad excitantem reduci.

QVOD SI RURSUS OBICIAS, esse multa testimonia, in quibus satis aperte significatur, nullum esse opus supernaturale, quod non proueniat a gratia excitante; Nam AVO. to. 7. lib. de gratia & lib. arbit. c. 16. ita inquit, *Certum est, nos velle, cum volumus: sed ille facit ut velimus bonum, de quo dictum est, quod paulo ante posui, preparatur voluntas a domino.* Et cap. 17. *sine illo* (scilicet Deo) *vel operante velimus, vel cooperante cum volumus, ad bona pietatis opera nihil valimus.* Et concil. ARAUSICANVM 2. c. 18. 20. & 23. dicit, *ad omne pietatis opus præniti nonstram voluntatem a Deo.* Et CONC. TRIDENT. sess. 6. decreto de iustific. c. 16. inquit, *quod Christum in opus iustificatos impulerit virtutem influit, quia virtus bona eorum opera semper antecedit, & comitatur, & subsequitur.* *Respondetur imprimis*, testimonia AVO. & Concilij ARAUSICANI intelligi de operibus eorum, qui nondum sunt per gratiam sanati; Et deinde quamuis intelligatur etiam de operibus iustorum, dici potest, quod & istorum opera prænitiuntur a gratia excitante, aut quia quantum ad suum initium, scilicet primam conversionem in Deum, præsupponat huiusmodi gratiam; aut quia Deus multa motiva eis offert ad bene operandum, quæ, ut dixi, possunt reduci ad gratiam excitantem. Et ad testimonium CONC. TRIDENT. respondetur, posse etiam exponi hoc posteriori modo; aut debere intelligi de gratia adiuuante, quæ dicitur antecedere iustorum opera, non solum quia est eorum causa, sed etiam quia concursus Dei ad huiusmodi o-

pera est prior ordine naturæ quam nostræ. Et in his conueniunt DECANVS & SOTVS locis citatis, & DRESDO lib. de gratia & lib. arbit. tractat. 2. c. 3. parte 1.

QVOD SI TANDEM OBICIAS, etiam iustum intelligere gratia adiuuante ad singulos actus supernaturales; & gratiam adiuuantem quantum ad id, quod in ea habet rationem actus primi, & distinguitur ab actuali concursu, non esse aliud quæ gratiam excitantem, ut superius dictum est. *Respondetur*, quod ibi loquebamur de gratia adiuuante in eo, qui non habet habitum proportionatum actui, nam in habente habitum ita proportionatum, ipse habitus cum concursu supernaturali Dei est gratia adiuuans.

DE HOMINIBUS VEROSCVNDI STATUS *dicendum est* quod ad singulos actus fidei proportionatos suo habitui, non indigent gratia excitante propriè sumpta, hoc est interna & supernaturali, quæ omnino antecedit nostram libertatem: ad reliquos tamen actus, qui requiruntur ut disponantur ad iustificationem, & ut iustificentur, indigent huiusmodi gratia excitante.

IN PRIMA PARTE conueniunt DECANVS art. 7. concl. 6. ex illis, quæ secundo loco proposuit, ubi inquit, quod, ut fidelis per lumen fidei credat ea, quæ sunt fidei, non indiget alio auxilio, quam cōseruatione luminis & cooperatione Dei pertinere ad ordinem gratiæ, hoc est, supernaturali, sicut effectus ipse est supernaturalis; & CVMARVS in tractatu de gratia Christi. c. 12. ubi ad exercitium habitus fidei dicit sufficere cōseruationem ipsius, & spiritus aspirationem & directionem; Et per *aspirationem* intelligit cooperationem actualem, & per *directionem*, prouidentiam externam, qua Deus curam hominis gerit contra pericula & tentationes, ut patet ex capite præcedenti, ubi ista tria sic explicata dicit sufficere ad exercitium habituum infusorum in iustis. *Es probatur imprimis* argumento DECANVS, quia lumen fidei tam proportionatum principium est ad credendum ea, quæ sunt fidei, sicut lumen rationis naturalis ad cognoscendum veritates naturales: ergo sicut lumen rationis naturalis ad hoc non indiget excitatione aliqua interna, ita neque lumen fidei ad illud.

Item, quia ita se habet fidelis ad actus tantum fidei, sicut iustus ad actus iustitiæ: sed iustus non indiget gratia excitante ad singulos actus supernaturales virtutum; ergo neque fidelis ad singulos actus fidei.

Confirmatur primo, quia quamuis fides in peccatore sit mortua, hoc est, careat vita gratiæ; est tamen vera fides, & sufficiens ad eliciendum actus fidei sibi proportionatos.

Confirmatur secundo, quia si esset necessaria gratia excitans, maxime ut peccator inuiteretur & applicetur ad cōsiderandum veritates fidei, & ad assentiendum eis: (quoniam non est necessaria ut potentie subleuetur, siquidem ad hoc sufficit virtus habitualis) sed constat experientia, quod postquam audiuimus has veritates, possumus ad hoc applicari & moueri alijs occasionibus; ergo non est necessaria gratia excitans.

CONTRARIUM videtur sentire DRESDO lib. de captiuit. & redempt. generis humani tract. 5. c. 2. parte 2. ubi dicit, in Christiano lapsio in peccatum requiri tractum & pulsum Dei, qui excitet fidem

dormien-

dormientem. **Sed fallitur**, quia (ut modo dicebam) multis occasionibus externis potest fidelis excitari ad considerationem veritatum fidei, quamvis non adsint illi tractus & pulsus interni. *Neque oppositum conuincitur ex eo quod fides in peccatore non solum sit dormiens, sed etiam mortua: quoniam non dicitur mortua in ordine ad proprios actus absolute sumptos, sed in ordine ad actus meritorios & dignos vite æternæ; sicut opera moraliter bona, quæ sunt ab existente in peccato mortali, dicuntur mortua, quia carent vite gratiæ, & non sunt meritoria vite æternæ.*

Sed est difficilis obiectio. Quoniam in CONCILIO TRIDENTINO sess. 6. decreto de iustificat. cap. 6. sic habetur; *Disponuntur autem ad ipsam iustitiam dum excitati diuina gratia & adiuti, fidem ex auditu concipientes libere mouentur in Deum, credentes vera esse, quæ diuinitus reuelata & promissa sunt.* Vbi aperce dicitur, quod gratia excitans præsupponitur ad actum fidei. Et Can. 3. *Siquis dixerit sine præueniente spiritus sancti inspiratione, atque eius adiutorio, hominem credere, sperare, diligere, aut penitere posse, sicut oportet ut ei iustificationis gratia conferatur, anathema sit.* Vbi per inspirationem non intelligitur habitus fidei, sed ista excitatio interna, de qua nunc loquimur. Et idem videtur definitum in concilio ARABICANO 2. c. 6. vbi dicitur, *scripsi per inspirationem sancti spiritus, ut credamus sicut oportet.*

Respondetur quod CONCILIUM TRIDENTINUM in illo cap. 6. peculiariter loquitur de conuersione hominis infidelis, & de primo actu credendi, ut patet ex illis verbis, *fidem ex auditu concipientes*, nam non solent dici de ijs, qui iam antea receperunt fidem. Et præterea, quia loquitur de illis, qui nondum susceperunt baptismum, & ideo inter dispositiones requisitas ad conuersionem, refert eam penitentiam, quam ante baptismum agi oportet; & propositum suscipiendi baptismum; Et non meminit propositi suscipiendi sacramentum penitentiae: atque ideo non est necesse extendere omnia, quæ ibi concilium docet, ad omnes, qui disponuntur ad iustitiam, sed solum ad eos, in quibus est eadem ratio. Quare sicut non intelligitur de illis, qui antea receperunt fidem, quod *fidem ex auditu concipientes* credunt, nisi habito respectu ad principium, quo receperunt fidem; neque de iam baptizatis, quod disponantur per eam penitentiam, quæ præcedit baptismum, & per propositum suscipiendi baptismum: ita neque intelligitur de illis, qui iam habent fidei habitum, & aliquando habuerunt assensum, & sufficientem doctrinam, quod indigeant excitatione illa interna, (de qua loquimur) ut habeant actum credendi proportionatum suo habitui; quia *neque ut possint credere* indigent huiusmodi excitatione, quoniam habitus confert eis hanc potentiam; *neque ut excitentur & applicentur actum ad credendum*, quia hoc potest fieri alijs modis, ut iam dixi. Et idem dicendum est ad canonem, qui proculdubio respondet doctrinæ illius capituli sexti; Et ad testimonium concilij ARABICANI; ex quo concilio etiam potest apertius colligi, quod, quando dicitur, requiri ad credendum, quod præcedat interna inspiratio, intelligatur de initio

credendinam expresse in capite præcedenti, vbi definit, necessariam esse internam illustrationem & inspirationem ad credendum, loquitur de ijs, qui conuertuntur ab infidelitate ad fidem.

SECUNDA ETIAM PARS, (in qua conueniunt autores adducti pro præcedenti, & DRUIDO locis citatis) probatur imprimis, quoniam actus illi sunt supernaturales: ergo ut possimus elicere eos, requiritur, quod nostra potentia, quatenus in actu primo præcedunt eos, subleuetur per virtutem aliquam a diuinam supernaturalem: quoniam alias non erunt in actu, qui sit eiusdem ordinis cum ipsis actibus, atque adeo non habebunt proportionem principij efficientis respectu eorum; Sed huiusmodi virtus supernaturalis non potest esse aliud in isto casu, quam illuminationes & inspirationes, de quibus loquimur, quoniam nihil aliud recipitur in potentijs, quatenus præcedunt illos actus, quod possit esse causa efficiens eorum, aut virtus causæ efficientis, ut ex supradietis constat; quia supponimus, non procedere actus illos ab habitibus; ergo necesse est quod in isto casu præcedant huiusmodi inspirationes, (quæ intelliguntur nomine gratiæ excitantis) ut homo eliciat illos actus.

Deinde probatur testimonij CONC. TRIDENT. Nam sess. citata cap. 5. inquit, *exordium iustificationis in adultis sumit a vocatione Dei;* Et postea explicans modum conuersionis, subiicit, *esse per excitantem atque adiutantem gratiam;* & tandem docet, hanc excitantem gratiam esse internam illuminationem & inspirationem, qua Deus tangit cor hominis. Item ad hoc faciunt verba superius adducta ex cap. 6. & Can. 3. Et quamvis ibi peculiariter fiat sermo de conuersione infidelium: tamen quantum ad actus, de quibus loquimur, videtur esse eadem ratio indigentia gratiæ excitantis, saltem quantum ad munus subleuandi potentias, etiam in ijs, qui habent fidem. Et cap. 14. vbi expresse fit sermo de conuersione fidelium, sic habetur, *Qui vero ab accepta iustificationis gratia per peccatum exciderunt, rursus iustificari poterunt, cum, excitante Deo per penitentia sacramentum, merito Christi, amissam gratiam recuperare procurauerint.*

Ab hac sententia dissentit VEGA lib. 6. super concil. Trident. cap. 7. vbi inquit, quod in ijs, qui sunt fideles, vel aliquando beneficio gratiæ excitantis ad fidem aut conuersionem suam sunt incitati, sufficiat gratia adiuvans sine excitante, ut perfecte se præparent ad suam iustificationem; Et sequuntur eum alij ex recentioribus saltem quantum ad fideles. Et ad testimonia concilij respondet ipse VEGA, intelligenda esse de tria & communi via conuersionis peccatorum, & de illis, qui non sunt vel fide iam illuminati, vel aliqua excitante gratia præueni; Et alij respondent, quod etiam si homo in isto casu non habeat gratiam excitantem, de qua loquimur: tamen adhuc est verum, quod conuertitur ad Deum, & disponit se ad iustitiam excitatus ab ipso Deo, *nam quoniam* per actum credendi excitatur homo ad actus voluntatis, qui postea sequuntur, & actus credendi est à Deo & ab eius gratia: ergo homo elicit illos actus voluntatis

ut excitatus à Deo; *tum etiam quia*, licet actus credendi in isto casu non procedat ab aliqua excitatione præsentis, tamen præsupponit eam saltem præteritam, & in ea fundatur: ergo tota motio voluntatis, quæ procedit ex actu credendi, fundatur in excitatione Dei.

Sed hæc sententia impugnari potest, *tum quoniam* in nullo casu potest homo elicere actum supernaturalem, nisi potentia, quæ est proximum principium talis actus, constituatur in actu primo per virtutem aliquam activam supernaturalem: & in isto casu voluntas, quæ est principium proximum illorum actuum, nihil habet supernaturale, quo constituatur in actu primo respectu eorum, si secludamus gratiam excitantem, ut dixi; *tum etiam quia* concilium loquitur de *excitatione præsentis*, quoniam ea, quæ præcessit, & cuius peccator iam est oblitus, parum potest conducere ad præsentem conversionem: & tamen uniuersaliter definit, necessariam esse excitationem diuinam ad actus, quibus homo disponitur ad iustificationem; ergo concedendum est, necessariam esse ad singulos sine ulla limitatione, aut exceptione.

Confirmatur, quia *vel concilium intellexit*, necessariam esse gratiam excitantem solum ut excitet nos, ita ut nō præbeat nobis vires ad efficiendū id, ad quod excitat; sed sufficiat ad hoc vires nostræ naturales; ad eum modum, quo, cum quis excitat dormientem ad actiones humanas, solum tollit impedimentum somni, &, non tribuit vires ad agendum, sed vires quæ dormienti ex nativitate insunt, inchoant & efficiunt operationes; *vel intellexit*, esse necessariam non solum ut excitet nos ad actus supernaturales, sed etiam ut simul præbeat nobis vires ad exercendum huiusmodi actus, quia vires nostræ naturales ad id non sufficiunt. *Si dicatur primum*, sequitur iuxta sententiam concilij per facultatem nostræ naturæ inchoari & perfici actus supernaturales: quoniam excitatio, quæ præcedit, non tribuit vires ad agendum, ut constat in exemplo excitationis hominis dormientis. Et ita hoc obiebat Kemnicius hereticus **CONCILIO TRIDENTINO**, quoniam definit, liberum arbitrium gratiæ excitanti libere assentiri & cooperari: & ipse intelligebat hoc modo hanc definitionem, ut refert **TILETANVS** prima parte apologiæ pro Concilio Tridentino contra Kemnicium, in tractatu de libero arbitrio in principio. *Si vero dicatur secundum*, sequitur, quod iuxta sententiam concilij sit necessaria gratia excitans eo tempore, quo eliciuntur actus, de quibus loquimur: sicut tunc est necessarium quod liberum arbitrium habeat vires supernaturales.

Neque potest responderi, quod habebit has vires per concursum actualem Dei ad eosdem actus; *Quoniam* iste concursus, ut sæpe dixi, non est aliud in nobis, quam entitas ipsa actus ut procedit à Deo: ergo non potest dare vires ad agendum nostris potentijs, quatenus in actu primo præcedunt eandem entitatem.

Sed obicit VEGA, quia possumus subito odisse, quos amamus: & è contra amare, quos odimus, nulla suborta occasione, sed solum ex libito nostræ voluntatis: er-

go similiter peccator non vocatus; neque excitatus à Deo novis aliquibus inspirationibus, potest subito per eius gratiam adiuuantem dolere de peccatis, quæ antea ipsi placebant, & habere propositum emendationis.

Confirmatur primo, quoniam sæpe homines subito convertuntur, nulla immissa eis diuina inspiratione.

Confirmatur secundo, quoniam alias non poterit defendi, quod semper, & in quocumque instanti poterit peccator converti in Deum: quia neque semper homini datur ista gratia excitans; neque est immediate positum in hominis potestate habere eam, quia, ut dixi, antecedit nostram libertatem.

Confirmatur tertio, quoniam per actum fidei sufficienter possunt excitari & moveri peccatores ad habendum dolorem de suis peccatis, & propositum emendæ, & dilectionem Dei: ergo non requiritur ad hoc alia specialis excitatio; probatur *antecedens*, *tum quoniam CONCILIVM TRIDENTINVM* videtur tribuere illud fidei, nam cap. 6. sæpe citato, ita inquit, *disponuntur autem ad ipsam insitiam, dum excitati diuina gratia & adiuti, fidem ex auditu concipientes libere mouentur in Deum &c.* *tum etiam quia* per fidem possunt considerari omnia; quæ solent mouere homines ad huiusmodi actus, scilicet, maiestas & bonitas Dei offensi, turpitudine peccati, periculum gehennæ &c.

Ad argumentum respondetur, quod si per gratiam adiuuantem intelligatur in consequente, non solum concursus actualis Dei ad illos actus, sed etiam id, quod adiuvat voluntatem per modum actus primi; concedenda est consequentia, neque ex eo sequitur aliquid contra nos: quia id, quod sic adiuvat voluntatem, est ipsa gratia excitans, ut supra explicui; si autem intelligatur solus concursus actualis (ut ab ipso **VEGA** intelligitur) neganda est consequentia; neque obstat exemplum adductum in antecedente, quoniam ad illos actus, quia sunt naturales, habet voluntas ex natura sua vires sufficientes, & proportionatas.

Ad primam confirmationem respondetur, quod etiam subito, & eodem temporis momento potest concurrere auxilium gratiæ excitantis & adiuuantis.

Ad secundam confirmationem respondetur negando sequelam, quia vel nonquam desunt homini aliquæ inspirationes sufficientes ad eius conversionem, nisi ipse aggrauet aures; vel saltē Deus nunquam denegat eas, sed quantum est ex se, est paratus ad dandum, si ex parte nostra remoueatur impedimentum; de quo agendum est infra.

Ad tertiam confirmationem respondetur, quod quamuis per solum actum fidei possint utcumque excitari peccatores: non tamen ita, ut simul præbeantur ipsis vires supernaturales requisitæ ex parte voluntatis ad eliciendum actus illos; quia solus actus fidei, cum sit in intellectu, non potest præbere voluntati vires istas, sed mouet eam quoad specificationem & ex parte obiecti tantum.

Neque

Neque obstat testimonium illud concilij, quia in eo non dicitur, quod cum solo actu fidei moueantur peccatores ad conuersionem in Deum: sed potius quod *excitati* & credentes conuertantur. *Neque etiam* obstat, quod per fidem possint considerari ea omnia, quibus homines soleant induci ad conuersionem; Quia præter hoc requiritur, quod potentia, quæ est principium conuersionis actualis, scilicet voluntas, habeat vires proportionatas, ipsi conuersioni, atque adeo supernaturales; Sicut etiam per externam prædicationem possunt proponi veritates fidei cum motiuis quibus homines solent induci ad credendum: & nihilominus dicimus, quod non sufficiat externa prædicatione ut homines credant actu supernaturali, sed requiritur interna motio, & inspiratio supernaturalis. Et hæc de secundo.

§. 6. *Quomodo se habeat hæc diuisio ad præcedentem.*

RESPONDETUR, quod, si per gratiam operantem intelligamus subleuationem potentia per modum actus primi ad eliciendum actus gratiæ operantis,

proculdubio distinguitur à gratia excitante sicut causa à suo effectu; quoniam (ut dixi) ipse actus gratiæ operantis, scilicet, interna inspiratio, est gratia excitans, & est effectus illius subleuationis; atque ita saltem ex hac parte habet illa diuisio membra realiter distincta à membris illius. Si tamen intelligamus ipsum actum gratiæ operantis, non erit distinctio realis inter membra istius diuisionis & illius, sed considerationis in ordine ad diuersa; Nam pertinent ad primam diuisionem quatenus considerantur in ordine ad modum, quo Deus nobis cōfert hanc gratiam, scilicet, sine nostra libertate; aut cum ea; & ad secundam, quatenus considerantur in ordine ad causalitatem ipsius gratiæ, scilicet, excitandæ vel adiuuandæ.

C Restabat disputandum de diuisione gratiæ in præuenientem, concomitantem, & subsequentem: Sed nihil inuenimus à CVRFELE hac de re scriptum, licet in præcedentibus se ad istam referat disputationem.



QVÆSTIO CXII.

DE CAUSA GRATIÆ.

P R O O E M I V M.



AGGREDITVR D. THOMAS agere de causis gratiæ, quod est quantum ex ijs, quæ in principio huius tractatus diximus, in eo contineri. Vbi AD VIATENDVM EST PRIMO, quod quamuis in genere possunt distingui quatuor causæ alicuius rei, scilicet, finalis, efficiens, formalis, & materialis; tamē D. THOMAS hic non agit de causa formali gratiæ, quoniam ipsa est quædā forma, & (vt docet CONC. TRIDENTINVM sess. 6. decreto de iustificat. c. 7.) est causa formalis nostræ iustificationis; & formæ, aut causæ formalis, quamuis detur quidditas, aut ratio formalis composita ex genere & differentia, non tamen datur alia forma aut causa formalis, saltē *intrinseca*: quod addo propter causam exemplarem, quæ ab aliquibus reducitur ad causam formalem, cæterum appellatur ab eis *formæ extrinseca*; & gratia nostra habet hoc modo causam formalem, vt statim dicam.

Neque vero obstat, quod iustificatio habeat causam formalem; *Quoniam* iustificatio non est forma aut causa formalis, sed effectus ipsius: quia est *effectus* aut *factus hominem iustum*, quod est effectus inherētis iustitiæ in genere causæ formalis; sicut etiā esse aut fieri hominem album, est effectus albedinis in genere causæ formalis, & habet eam pro causa formali, & tamē ipsa albedo non habet aliā causam formalem.

Neque etiam obstat, quod vnus habitus dicatur forma aliorum habituum & actuum, quibus etiam conuenit esse formas: vt charitas dicitur forma virtutum, atq; etiam gratia, & vtrique dicitur forma actuum, quibus meremur, vt docet D. THOM. 2. 2. q. 23. art. 8. ad 2. *Quoniam* vnus habitus respectu alterius non dicitur forma informans, quantum ad essentiam rei, sed imperans, quia suo imperio ordinat actus alterius habitus ad finem suum, quē non respicit alter habitus consideratus secundum se. Et ita charitas dicitur forma virtutum, quia suo imperio ordinat actus aliarum virtutum in finem vltimum simpliciter. Et per hanc informationem, habitus, qui dicitur informari, non participat in seipsa aliquid reale, sed denominationem extrinsecam; & eius actus nihil participat, quod tanquam forma pertineat ad suam entitatem intrinsecam, sed nudam relationem superadditam ad finem habitus imperantis; de qua vtrum debeat esse actualiter, vel virtualiter, aut solum habitualiter in actibus imperatis à charitate, vt sint meritorij, dici debet infra q. 114. vbi etiam explicari debet, quid sit illa dignitas, quæ eodem modo resultat in actu meritorio ratione gratiæ existentis in operante.

ADVERTE SECUNDO, quod CONCIL. TRIDENT. loco citato reliquit nobis explicatas has causas respectu gratiæ, & alias, quæ ad eas reducuntur: nam quod dixit de iustificatione, intelligendum est etiā

de Gratia, (quæ est eius causa formalis) præterquā id quod dixi de causa formali, propter rationem assignatam. Docuit autem ibi concilium, causam finalem iustificationis esse gloriam Dei & Christi, & vitam æternam eius, qui iustificatur; & efficiens, esse ipsum Deum; & meritorium, Christum, qui passione sua meruit nobis iustificationem, & pro nobis Deo patri satisfacit; & instrumentalem, sacramentum baptismi; & materialem, hoc est subiectū, nos ipsos; quoniam definit, iustitiam, qua iusti sumus, inherere nobis; & causam dispositivam, esse propriam cuiusque cooperationem, quoniam inquit, quod recipimus gratiam secundum mensuram, quam spiritus sanctus partitur singulis, prout vult, & secundum propriam cuiusque dispositionem & cooperationem; & de cæteris latius cap. 5. & 6. præcedenti. Quare habendum est vt certum, gratiam habere has easdem causas. Verum D. THOM. in hac quæstione non agit de omnibus, sed solum de efficiēti principali, & de dispositiva, & obiter, atque occasione argumentorum, dicit aliquid de instrumentali: quoniam de reliquis agit in suis proprijs locis; vt de meritoria in materia de incarnatione; vbi etiam agit de causa exemplari, quæ est ipsa gratia Christi, vt constat ex illo ad Roman. 8. *quos præferimus, & prædestinamus cōformes fieri imaginis filij sui*; & ratione probatur, quia primum in vnoquoque genere, est causa exemplaris cæterorum. Et de causa instrumentali, quantum attinet ad humanitatem Christi & eius actiones atq; passionem, agit etiam in materia de incarnatione; & quantum attinet ad sacramenta, in materia de sacramentis. Et de causa finali, quantum attinet ad finem vltimum simpliciter, nullibi egit expresse, sed in hac quæstione virtutis ostendit, esse ipsum Deum; nam ex eo quod Deus sit prima causa gratiæ (quod ostendit D. THOMAS art. 1. huius quæstionis) bene sequitur, quod etiā ipse sit eius finis vltimus simpliciter, quia primum efficiens & vltimus finis coincidunt. Et quantum attinet ad nō vltimum simpliciter, sed magis principalem inter non vltimos, & extrinsecum, qui est Christus (vt patet ad Ephes. 1. ad Philip. 2. & ad Hebr. 1. Jagit in materia de incarnatione. Et quantum attinet ad finem non vltimum simpliciter, sed intrinsecum nobis, qui est nostra beatitudo supernaturalis (vt patet ex illo ad Roman. 6. *Habentes fructum in sanctificationem, finem autem vitam æternam*; & ex eo, quod, sicut homo secundum suam naturam habet pro fine suā beatitudinem naturalem; ita vt iustus, beatitudinē supernaturalem) egit in materia de beatitudine. Et tandem de causa materiali sumpta pro subiecto gratiæ, egit supra q. 110. art. 4. quoniam aliter non potuit explicare distinctionem gratiæ à charitate, atque adeo neque essentiam ipsius gratiæ, de qua ibi agebat. Plura de omnibus istis causis videri pos-

sunt

unt apud VEGAM lib. 7. super CONCIL. TRIDENT. A
a principio.

ARTICVLVS I.

Virum solus Deus sit causa
Gratiae?

CONCLUSIO impossibile est, quod aliqua creatura
gratiam causet;

COMMENTARIVS.

DVBIUM PRIMVM.

Qua certitudine sit tenenda conclu-
sio de facto?

CONCLUSIO intelligitur de causa principali:
nam in solutionibus argumentorum docet ex-
presse D. THOMAS, humanitatem Christi & sacra-
menta esse causas instrumentales gratiae. Atq; ita,
intellecta, & loquendo, secundum legem ordina-
riam, est certa secundum fidem.

§. I Conclusionem D. THOMAE certa fide tenen-
dam.

PROBATUR, quoniam in scriptura refertur tan-
quam proprium Dei, esse causam gratiae, & ef-
fectuum, qui ei tribuuntur, vt ad Roma. 3. *quoniam
vultus est Deus, qui iustificat* &c. Et c. 8. *Quos vocauit,
hos & iustificauit.* Et 1. Cor. 1. *Qui autem confirmat
nos vobiscum in Christo, & qui vinxit nos Deus, & si-
gnauit nos, & dedit pignus spiritus in cordibus nostris.*
Et Ioh. 14. & Mar. 1. dicitur proprium esse Dei mū-
dare a peccato, & remittere peccata. Isaie 45. *Ego sū
qui deleo iniquitates tuas, narra siquid habes vt iustifi-
ceris.* Et tandem, in scriptura peculiariter Deo tri-
buitur, esse saluatore, vt multis testimonijs probat
Vas a lib. 7. Sup. Conc. Trident. cap. 4.

Confirmatur primo testimonio CONC. TRIDENT.
supraadducto, vbi dicitur, quod efficiens causa no-
strae iustificationis est misericors Deus, qui gratui-
to abluat & sanctificat, signās & vngēs spiritu pro-
missionis sancto; quod intelligitur de causa princi-
pali; (quonia paulo inferius dicit conciliū, baptis-
mum causam instrumentalem gratiae) & tamē hoc
nō posset ita absolute dici de Deo, si aliquid aliud,
præter ipsum, esset causa propria & principalis isto-
rum effectuum.

Confirmatur secundo testimonio AVG. qui tom. 7.
lib. 1 de peccatorum meritis. c. 14. inquit, *Quisquis
ergo ausus fuerit dicere, iustifico te; consequens est vt
dicat etiam crede in me;* Vbi AVG. loquitur de iusti-
ficante per modum causae propriae, & non ministe-
rialiter aut instrumentaliter; quare cū iuxta ipsius
sententiam non possit dici, quod credimus in ali-
quem, præterquam in Deum (vt explicat D. Tho
1. 2. q. 2.) bene sequitur, quod neque sit dicendum,
aliquē alium esse causam propriam aut principalem
gratiae. Et to. 8. super psal. 118. cōcione 16. exponēs

illa verba, *Fecit iudicium & iustitiam*, ita inquit, *in
iustitia nomine hoc loco non ipsa virtus, sed opus eius fi-
gnificatum est, quis enim facit in homine iustitiam, nisi
qui iustificat impium?* hoc est, per gratiam suam ex
impio facit iustum.

Neque potest responderi ad hæc testimonia, esse
intelligenda de causa prima, quæ non pendet à su-
perioris cōcursu, & non de principali secundaria.
Quoniam respectu cuiuscunq; effectus est proprius
Dei, esse causam primam, & independentem ab
alia superiori.

SECUNDO probatur hæc sententia ratione D.
THOM. in hoc articulo, quæ est huiusmodi: Gratia
excedit omnē facultatem naturæ creatæ; ergo non
potest esse effectus alicuius creaturæ tanquā causæ
principalis; Consequens patet, quia nulla res potest
agere vt causa propria & principalis ultra tuam
speciem; Et antecedens probatur, quia gratia nihil
aliud est, quā quædam participatio diuinæ naturæ,
quæ excedit omnem aliam naturam.

B §. 2 Examinatur ratio, qua D. THOMAS conclusio-
nem suam probat.

SED VT MAGIS appareat efficacia huius rationis,
S obijcitur contra eam; Nam in antecedenti, per
facultatē naturæ creatæ, VEL intelligitur virtus acti-
ua, & sic committitur petitio principij, quia sup-
ponitur vt certum id, de quo est disputatio, nā idē
est, gratiam excedere virtutem actiuam cuiuscunq;
naturæ creatæ, & non posse produci ab aliqua creatura
vt à causa principali; vel intelligitur perfectio, &
sic videtur falsū illud antecedens, quia substantia
est perfectior quam accidens, ergo etiam substantia
creata est perfectior quam gratia, quæ est accidēs.
Et idem argumentum fieri potest, contra proba-
tionem illius antecedētis; nam cum dicitur, quod
gratia est quædam participatio diuinæ naturæ, quæ ex-
cedit omnem aliam naturam, ista verba, quæ excedit
omnem aliam naturam, non referuntur ad diuinam
naturam, quia etiam reliquæ naturæ creatæ sunt
quædam participationes diuinæ naturæ & bonita-
tis. Si vero referantur ad participationem, quæ est
gratia, potest inquiri, an huiusmodi participatio
excedat omnem aliam naturam, quantum ad vir-
tutem actiuam ipsius naturæ, vel quantum ad per-
fectionem, & possunt fieri obiectiones factæ con-
tra antecedens.

RESPONDETUR quod D. THO. per facultatē na-
turæ creatæ intellexit perfectionem, vt patet ex pro-
batione illius antecedētis; & ad obiectionē con-
tra hoc factam, negandum est quod antecedens ita
intellectum sit falsum; & ad id quo probatur esse
falsum, scilicet quia gratia est accidēs, & aliqua
natura creata est substantia; Respondetur cum D.
THO. sup. q. 1. o. art. 2. ad 2. solū probari hoc argu-
mento, quod gratia non excedat perfectionē sub-
stantiæ creatæ quantum ad modum essendi, quia
gratia, supposito quod sit accidēs, inheret; substantia
verō est per se, & perfectius est esse per se quam inhe-
rere; Non tamen quod non excedat eam quan-
tum ad naturam & essentiam. Quod vero gratia
excedat hoc modo omnem substantiam creatam,
probat optime D. THOMAS loco citato, & in isto
articulo; quia licet substantia creata sit partici-

patio diuinæ bonitatis, & similiter gratia sit eius participatio: tamen participatio, quæ est gratia, est maior & perfectior, quam participatio quæ est substantia creata.

Neque contra hoc obstat, quod participatio, quæ est gratia, sit accidens: quia ex hoc solum sequitur quod sit minus perfecta quantum ad modum essendi, ut iam dixi. Et eandem tradit doctrinam D. THOMAS loquendo de charitate 2. 2. q. 21. art. 3. ad 3. ubi ita inquit; *omne accidens secundum suum esse est inferior substantiæ: quia substantia est ens per se, accidens autem in alio: sed secundum rationem suam speciei; accidens quod causatur ex principis subiecti, est indignius subiecto, sicut effectus causa: accidens autem quod causatur ex participatione alicuius superioris nature, est dignius subiecto, in quantum est similitudo superioris nature; & hoc modo charitas est dignior anima, in quantum est participatio spiritus sancti.*

Quod autem gratia sit magis perfecta secundum naturam & essentiam, supponit D. THOMAS in isto articulo ex ijs, quæ dixit q. 110. de essentia & quidditate gratiæ: nam ibi docuit, gratiæ dare nobis, quod sitimus grati Deo & dilecti ab ipso; & præterea, dare essentiam nostræ animæ quoddam esse, ratione cuius sint nobis debite virtutes supernaturales, quasi quædam potentia ad exercendum operationes diuinas; hoc est, attingentes ipsum Deum ut obiectum, secundum quandam rationem excedentem omnem modum cognoscendi & amandi connaturalem creaturis. Et ex hoc optime sequitur id, quod diximus, scilicet, gratiam, quantum ad essentiam & naturam, esse magis perfectam participationem diuinæ bonitatis, quam substantiam creatam: quoniam ex eo quod aliqua natura habeat perfectiores potentias & operationes, bene colligitur à posteriori, quod in ratione naturæ & essentia sit maior participatio diuinæ bonitatis.

Confirmatur, quia gratia appellatur simpliciter & sine addito participatio diuinæ nature & consortium ipsius: ergo est participatio ipsius secundum ea, quæ sunt ipsi propria & non communicata alijs naturis creatis; & ex consequenti est maior & perfectior participatio, quā reliquæ naturæ creatæ; *Consequentia patet*, quia nulla natura creata, quamuis sit participatio diuinæ bonitatis, appellatur simpliciter & sine addito participatio aut consortium diuinæ nature; Et antecedens probatur sum ex communi usu sanctorum & theologorum; sum etiam ex illo 1. Petr. 1. *Maxima & pretiosa vobis promissa donantur, ut per hæc efficiamini diuina consortes nature.* Et tandem ex eo, quod quatenus accipimus gratiam, dicimus *regenerari in filios Dei*; ergo gratia est quodammodo ipsa natura diuina, scilicet participata, patet consequentia, quia non dicitur generari aut nasci filius, nisi quatenus accipit naturam patris.

Sed contra solutionem hanc argumentor primo, quia esse vel existentia (quod idem est) sequitur perfectionem essentia, cuius est terminus, ita ut perfectioris essentia perfectior sit existentia, & è contra: ergo si gratia quantum ad essentiam est perfectior quam substantia creata, etiam quantum ad modum essendi, siue quantum ad existentiam erit perfectior; aut si secundum existentiam est imperfectior, etiam secundum essentiam erit imperfectior.

Secundo. Species perfectioris generis est perfectior secundum essentiam, quam species generis imperfectioris: sed substantia creata pertinet ad genus magis perfectum, cum pertineat ad substantiam, quam gratia, quæ pertinet ad qualitatem; ergo substantia creata est perfectior secundum essentiam, quam gratia.

Confirmatur, quia saltem videtur, quod præstantissima substantia, creatæ, quales sunt Angelus & anima nostra, sint perfectiores secundum essentiam quam gratia; quia id quod sub genere perfectiori est perfectissimum, est perfectius quā id, quod sub genere minus perfecto est præstantissimum.

Ad primum istorum respondent aliqui cum CAIET. loco citato, ex 1. 2. quod cum D. THOMAS inquit, gratiam aut charitatem secundum rationem speciei esse perfectiorem animæ, non est eius sensus quod sit perfectior simpliciter, hoc est quantum ad differentiam specificam consideratam secundum id, quod est ipsi proprium: Sed quod est perfectior secundum quid, hoc est, quantum ad differentiam specificam consideratam non secundum id quod est ipsi proprium, sed solum secundum id, quod ipsi conuenit, quatenus pertinet ad altiorem ordinem, scilicet, supernaturalem & diuinum. Et quando dicimus, quod existentia sequitur perfectionem essentia, intelligitur de perfectione, quæ conuenit essentia simpliciter, & non de ea, quæ solum conuenit ipsi secundum quid.

Sed mihi hæc solutio non placet. Primo, quoniam D. THOMAS, locis citatis non præfert gratiam animæ, quia præcise est ordinis supernaturalis: sed quia est maior & perfectior participatio diuinæ nature. Item infra q. 113. art. 9. in corp. inquit, quod iustificatio impij, quia terminatur ad bonum æternum diuinæ participationis, est maius opus quantum ad magnitudinem termini, quam creatio cæli & terræ, quæ terminatur ad bonum nature mutabilis. *Neque potest dici* quod nomine cæli & terræ non comprehendat D. THOMAS Angelos & animas nostras, quibus conuenit immutabilitas quoad substantiam; *Quoniam* in illa cōparatione solum excepit gloriam. Et tandem gratia non solum excedit perfectionem substantia creatæ, quia pertinet ad altiorem ordinem: sed etiam quia est maior participatio diuinæ nature, & principium radicale virtutum supernaturalium & operationum diuinarum; & hoc conuenit ipsi secundum suam differentiam specificam consideratam secundum ea, quæ sunt ipsi propria.

Quare aliter respondetur, negando maiorem, si vniuersaliter intelligatur; nam quando ea, quæ sunt propria nature superioris, communicantur inferiori, necesse est quod communicentur medijs accidentibus: & ex consequenti quod huiusmodi accidentia, quamuis habeant perfectiorem essentiam, quam aliqua substantia, tamen modum essendi habeant imperfectiorem. Et in nostro casu est hoc necessario dicendum, quia nullus est, qui neget, gratiam esse perfectiorem secundum speciem aliquibus substantijs, saltem imperfectis & corruptibilibus: & tamen omnes dicunt, ipsam habere imperfectiorem modum existendi quacumque substantia, propter rationem assignatam. Quare maior illa potissimum est intelligenda in existentijs substantia-

rum, aut quantum ad gradus communes substantiæ & accidentis; quia existentia substantiæ est existentia per se, & existentia accidentis est inherens.

Ad secundum respondetur negando maiorem, quæ habet plures instantias; nam imprimis opinio, cum sit habitus intellectualis, habet præstantius genus, quam iustitia, quæ est habitus voluntatis: & nihilominus iustitia secundum speciem est perfectior, quam opinio; Et charitas est perfectior fide, quæ est virtus intellectualis; & cælum, secundum multorum sententiam, est perfectius multis viventibus.

Ad confirmationem respondetur, gratiam secundum rationem explicatam esse perfectiorem etiam anima nostra & Angelo: & ita de anima hoc concedit expresse D. THOMAS locis citatis; & ad id, quo probatur potissimum, respondetur, illam maximam non esse veram, quando genus minus perfectum potest contrahi per differentiam superioris ordinis; ut in isto casu contrahitur genus qualitatis, aut habitus per differentiam gratiæ. Aut dici potest, præstantissimam substantiam esse Deum, qui est causa gratiæ.

§. 3. Corollaria doctrine iam tradita. Nullam creaturam esse causam efficientem principalem virtutum infusarum; Neque Christi humanitatem gratia nostra.

EX HAC conclusione ita explicata, sequitur primo, nullam creaturam esse causam efficientem principalem virtutum supernaturalium; Probat, quia istæ virtutes comparantur ad gratiam, sicut passionēs ad essentiam, vel formam principalem; ut sæpe dictum est cum D. THOM. sup. q. 110. ergo sicut nihil potest esse causa principalis passionum, quod non sit principalis causa formæ, ad quā consequuntur: ita nihil potest esse causa principalis istarum virtutum, quod non sit causa principalis gratiæ. Quare si nulla creatura potest esse causa efficiens principalis gratiæ, bene sequitur quod neque possit esse eodem modo causa istarum virtutum. Item si aliquid esset causa efficiens principalis istarum virtutum, maxime actus supernaturales eis similes, qui (ut nunc supponimus) possunt procedere à potentijs cum auxilio supernaturali, & sine habitu: At hoc dici non potest, quia siue ipsi actus sint tales causæ, siue nostræ potentiæ medijs ipsis actibus tanquam instrumentis, sicut contingit in naturalibus; sequitur falsam esse definitionem virtutis infusæ, quam ex AVG. lib. 2. de lib. arbit. c. 15. & 19. recipiunt omnes Theologi, scilicet, est bona qualitas mentis, quæ recte vivitur, quæ nemo male vivit, quam Deus in nobis sine nobis operatur; Nam non dicitur fieri sine nobis id, ad quod nostri actus concurrunt efficienter ut causæ principales. Et tandem videtur hoc insinuari in CONC. TRIDENT. c. 7. sup. citato, nam ibi dicitur, causam efficientem principalem nostræ iustificationis esse Deum; & postea inter ea, quæ pertinent ad hanc iustitiam, enumerantur, fides, spes, & charitas. An vero a-

Actus nostri, de quibus propositum est secundum argumentum, sint causæ efficientes instrumentales istorum habituum, explicabitur art. 2. sequent.

Secundo sequitur, decipi vehementer quosdam ex recentioribus Theologis, qui explicantes D. THOMAM 3. p. q. 13. dicunt, Christum, quatenus homo est, esse causam efficientem principalem nostræ gratiæ, non quidem primam, sed secundam post Deum, qui est causa prima. In qua sententia certum est, quod non loquuntur de eo modo causandi, qui Christo in quantum est homo, specificatiue sumendo particulam in quantum, hoc est, subsistenti in humanitate convenit ratione divinitatis: nam isto modo non dicitur causa secunda, sed prima; quia per hoc quod subsistat in humanitate, nihil amisit ex ijs, quæ ipsi conveniunt ratione divinitatis; sed loquuntur de eo modo causandi, qui Christo convenit ratione humanitatis tanquam naturæ, per quam operatur: atque ita sensus eorum est, quod humanitas in Christo ut natura, quæ siue per quam suppositum operatur, habeat virtutem ad efficiendum gratiam per modum causæ principalis; sicut eadem humanitas habet ex natura sua virtutem ad concurrendum ad proprias actiones per modum causæ principalis, non quidem ut suppositum, sed ut natura; Quod meo iudicio est valde salutum: quoniam, (ut constat ex testimonijs scripturæ supra adductis) ita proprium est Dei esse causam efficientem principalem gratiæ, ut nulli puræ creaturæ conveniat secundum legem ordinariam; ergo neque humanitati Christi. Patet consequentia, quia neque præcise ratione unionis ad personam verbi redditur humanitas intrinsece, & per modum causæ principalis potentior ad operandum ad extra; neque per dona, quæ ratione unionis participat, constituitur in esse causæ principalis respectu nostræ gratiæ, quoniam omnia sunt creata; & ex consequenti non minus est contra testimonia adducta, tribuere eis hanc causalitatem, quam tribuere eam reliquis creaturis. Vide D. TH. 3. p. q. 64. art. 1. ubi probat, solum Deum esse causam principalem gratiæ, quia solus Deus illabitur animæ, in qua gratia existit; non autem potest aliquid immediate operari, ubi non est; Et hæc ratio etiam habet vim respectu humanitatis Christi, quia non illabitur animæ. Non tamen potest adduci contra causalitatem instrumentalem, quoniam instrumentum, saltem Dei, potest operari ubi non est. Plura possent obijci contra illam sententiam de quibus agendum est 3. p. q. 13. ubi etiam examinanda sunt eius fundamenta, quæ fere nulla sunt, præter speciem quandam pietatis & reverentiæ erga Christum.

SED ADHUC contra conclusionem hanc possunt obijci nonnulla testimonia scripturæ, in quibus dicitur, quod homo sanctificat se, & est causa suæ iustitiæ, & c. 1. Ioann. 3. Omnis, qui habet spem hanc in eo, sanctificat se, sicut ille sanctus est. Et Ecclesiastici. 2. Qui timeant dominum præparabunt corda sua, & in conspectu illius sanctificabunt animas suas. Ezechiel. 18. Cum averteris se impius ab impietate sua quam operatus est, & feceris iudicium & iustitiam: ipse animam suam vivificabit.

RESPONDETUR, hæc & alia similia dici, quoniam homo cum auxilio Dei est causa

sue dispositionis ad iustitiam & sanctitatem. Neq; *obstat*, quod aliqui dicant, ultimam dispositionem concurrere efficienter ad ipsam iustitiam; *Tū quoniam* hoc falsum est, *Tū etiam*, quoniam loquitur de concursu instrumentali, & non causæ principalis.

DVBIVM SECVNDVM.

An saltem secundum potentiam Dei absolutam possit alicui creatura convenire esse causam efficientem principalem gratiæ?

§. 1. Ratio dubitandi.

ET VT probemus partem affirmativam, ADVARTE duobus modis posse intelligi, quod hoc cōveniat alicui creaturæ: primo, si Deus crearet aliquam substantiam, quæ per se ipsam, & cum ijs, quæ sunt ipsi connaturalia, & sine additione alicuius extraneæ qualitatis, haberet virtutem sufficientem ad producendum gratiam; sicut ignis habet virtutem ad calefaciendum, & ad producendum alterum ignem. Secundo si Deus alicui naturæ creatæ superadderet aliquam qualitatem ipsi extraneam, & non connaturalem, per quā haberet virtutem sufficientem ad producendum gratiam: sicut aqua per calorem, qui ipsi non est connaturalis, habet virtutem ad calefaciendum. Et probatur quod utroque modo sit hoc possibile de potentia Dei absoluta.

ET PRIMVM, quod sit possibile PRIMO MODO, Quia Deus potest facere, substantiam, cui sit connaturalis virtus sufficiens ad producendum gratiā, ergo possibile est reperiri creaturam, quæ primo modo sit causa principalis gratiæ. Probatur *antecedens*, quoniam, ut virtus aliqua sit sufficiens ad producendum gratiam, satis est, quod sit supernaturalis, & magis perfecta, quam gratia, quamvis sit finita: quia ipsa gratia est supernaturalis, & neque est infinite perfectionis; neque ex parte modi, quo producit, requirit infinitatem in sua causa: ergo potest Deus facere substantiam, cui hæc virtus sit connaturalis; Probatur *istā consequentia*, quia quævis substantia signata, potest Deus facere aliam magis perfectam; ergo tandem poterit producere aliquam, quæ habeat perfectionem requisitam & proportionatā, ut sit ei connaturalis hæc virtus productiva gratiæ.

Dices, requiri, quod substantia sit supernaturalis, ut sit ei connaturalis hæc virtus, quæ est supernaturalis: & Deum non posse producere substantiā supernaturalem.

Sed contra, quia Deus secundum eam rationem, secundum quam est autor effectuum supernaturalium, non minus est participabilis in substantia, quā in accidente; ergo sicut potest producere accidentia supernaturalia, ita & substantias. *Item* quia quodcunque accidens est connaturale alicui substantiæ, quoniam, cum non sit propter se, sed propter substantiam, habebit pro fine & subiecto connaturalem illam substantiam, propter quam est: sed accidentia supernaturalia non sunt connaturalia substantiæ

increatæ, quia est incapax accidentium; ergo sunt connaturalia substantiæ creatæ, & ex consequenti potest reperiri substantia creata, quæ sit eiusdem ordinis cum ipsis, atque adeo supernaturalis. *Et ita dem*, quia quod accidens aliquod sit supernaturale, est perfectio finita: sed omni substantia creata potest Deus facere perfectiorem; ergo potest facere aliquam, quæ attingat ad perfectionem accidentis supernaturalis.

SECUNDO probatur, quod etiam sit possibile SECUNDO MODO, quia non implicat, fieri à Deo aliquā qualitatem siue formam supernaturalem, quæ per modum principij quo, siue formalis, sit causa efficiens principalis gratiæ, & hanc qualitatem communicari alicui substantiæ ordinis naturalis, tanquam subiecto, aut supposito, quod per eam agat medijs suis potētijs; ergo neque implicat reperiri creaturam, quæ primo modo sit causa principalis gratiæ, & ex consequenti, est possibile secundum potentiam Dei absolutam. Probatur *antecedens* quoad PRIMAM partem, *tum quia* de facto reperitur habitus, qui illo modo sit causa principalis actuum supernaturalium; & in sacerdote *Character* est qualitas effectiue concurrens ad consecrationem Eucharistiæ, & ad iustificationem peccatoris, atque adeo ad productionem gratiæ; *Tum etiam quia* non repugnat dari qualitatem, quæ illo modo sit factiva miraculorum; & *tandem*, quia tota perfectio gratiæ est finita, & distat infinite à perfectione diuina; ergo non repugnat produci à Deo aliam qualitatem perfectiorem gratia, & productivam ipsius; Et quoad SECUNDAM partem etiam probatur, quia quod hæc forma communicetur alicui substantiæ creatæ supposito quod sit possibilis, neque repugnat ratione ipsius formæ, hoc est, propter eius supernaturalitatem; neque ratione substantiæ, hoc est quia substantia erit naturalis, atque adeo inferioris ordinis, quam talis forma; quia ut seruetur debita proportio inter subiectum & formam supernaturalem, non requiritur, quod etiam subiectum sit supernaturale, sed satis est, quod habeat potentiam obedientialem ad recipiendum talem formam; ut constat in essentia animæ nostræ, respectu gratiæ, & in potētijs respectu virtutum infusarum

§. 2. Resolutio questionis pro parte negativa.

SIT NIHILOMINVS CONCLUSIO: Non potest reperiri aliqua creatura, etiam de potentia Dei absoluta, cui conveniat esse causam efficientem principalem gratiæ. Probatur *imprimis*, quia hoc est valde consonum testimonijs scripturæ supra adductis, in quibus videtur significari, esse adeo proprium Dei esse causam principalem gratiæ, ut nulli creaturæ possit communicari. Et *præterea* hoc videtur significare D. THOMAS, cum inquit, quod esse hoc modo causam gratiæ excedit omnem facultatem naturæ creatæ: quoniam ea ratione, qua probatur, quod excedat omnem facultatem naturæ creatæ, potest probari quod excedat facultatem naturæ creabilis.

Deinde probatur ratione, impugnando duos modos, quibus in principio huius dubij diximus

posse

posse intelligi, quod hoc conveniat alicui creaturæ. Et imprimis CONTRA PRIMUM argumētum, quia gratia propter suam excellentiam non potest esse connaturalis alicui substantiæ creatæ: ergo neque virtus productiva gratiæ per modum causæ principalis; *consequentia* patet, quia virtus productiva per modum causæ principalis, vel est tam perfecta sicut suus effectus, vel magis perfecta, quia nihil producit, ut a causa principali, nisi ab eo, quod est tale formaliter, aut eminenter. Et *antecedens* probatur, quia gratia dat formaliter nobis esse amicos Dei & dilectos ab ipso, vel (ut alij dicunt) esse obiecta proportionata ut diligamur ab ipso amore amicitiae: sed repugnat quod hoc sit connaturale alicui substantiæ creatæ; ergo etiam repugnat quod gratia sit ei connaturalis; Probatur *istud minus*, quia ea, quæ sunt connaturalia alicui, sunt debita ipsi, ut proprietates naturales, ut ea quæ pertinent ad integritatem alicuius naturæ vel substantiæ, quia sunt connaturalia, dicuntur ei debita: sed amicitia cum Deo non potest esse debita alicui puræ creaturæ, quia quantumcūque sit perfecta, est servus Dei in summo gradu servitutis; & servus non est debita amicitia cum domino suo, sed solū admittitur ad eam per gratiā Domini sui; quod colligitur aperte ex multis, quæ ad amicitiam requiruntur: & ex illo Ioann. 15. *Iam non dicam vos servos, sed amicos*; non enim est servus, quod Apostoli desinerent esse servi; sed quod, cum essent natura sua servi, tamē per gratiam facti erant amici; Ergo amicitia cum Deo non potest esse connaturalis alicui puræ creaturæ.

Ad hoc potest responderi primo, non esse necessario coniunctam amicitiam divinam cum gratia; siquidem iuxta probabilem multorum sententiam, potest Deus de potentia absoluta conservare gratiam in eo, qui est in peccato mortali: & ideo non sequi, quod amicitia cum Deo esset debita illi substantiæ, ex eo quod gratia esset illi debita.

Sed hac solutio facile impugnari potest; Quia licet gratia possit de potentia Dei absoluta reperiri sine isto effectu, qui est, esse amicum & gratū Deo: tamen ex natura rei habet necessariam connexionem cum eo, tanquam cum effectu formali, saltem secundo; ergo cui est debita gratia, etiam est debitū ex natura rei, quod sit amicus & gratus Deo. Sicut quantumvis quantitas possit reperiri sine effectu, qui est extensio partium in ordine ad locum, ut patet in quantitate corporis Christi in sacramento altaris: tamen cui est debita quantitas, etiam est debitus ex natura rei iste effectus, quoniam ex natura rei habet necessariam connexionem cum quantitate. Et idem est in passionibus respectu essentiae, quibus isti effectus formales secundarii solent assimilari.

Secundo responderi potest, non esse inconueniens quod amicitia cum Deo sit debita alicui puræ creaturæ, ex suppositione quod ab ipso Deo producatur in tali ordine rerum, scilicet, supernaturalium: sicut ex suppositione quod Deus confert alicui esse naturale, debetur ipsi amicitia naturalis cum Deo; & ex suppositione quod confert gratiā, debetur amicitia supernaturalis.

Sed etiam hac solutio potest impugnari; Quia quod est debitum ut connaturale simpliciter, non dicitur debitum ex suppositione, sed simpliciter, ut patet in exemplis adductis, & alijs similibus. Item

A quia nulla suppositio, præter gratiam, sufficit ut sit debita servus amicitia cum domino: & tamē quod substantia illa produceretur in illo ordine rerum, cui esset connaturalis gratia cum suis effectibus, non esset gratia; quia licet creari sit gratia, id est, non debitum: tamen supposito quod illa substantia crearetur, nō esset hoc modo gratia, quod pertineret ad ordinem rerum supernaturalium, cui esset connaturalis gratia; Sicut supposito quod homo crearetur, non est gratia; quod habeat talem essentiam; cui debeantur intellectus & voluntas. Neque exempla adducta pro hac solutione favent ipsi: quoniam in primo supponitur falsum, scilicet, esse debitam amicitiam divinam naturalem ei, cui Deus confert esse naturale; nam Deus conservat hoc esse, imo & dona supernaturalia fidei & spei, esistenti in peccato mortali, cum quo tamen nullam habet amicitiam nec naturalem nec supernaturalem. Neque oportet quod dilectio, ex qua procedit donum a Deo collatum alicui, sit semper amor amicitiae: sed satis est, quod sit benevolentia quædam limitata quantum ad illud donum. Et in secundo, suppositio includit gratiam Dei non debitam, sed gratis collatam.

B Item potest obijci contra illum modum, quod substantia, cui esset connaturalis virtus causativa gratiæ, deberet esse supernaturalis, quia huiusmodi virtus est supernaturalis; & rei ordinis inferioris non potest esse connaturale id, quod pertinet ad ordinem superiorem: At vero substantia ordinis supernaturalis non est possibilis; quod probatur, *tum quia*, si esset possibilis, etiam esset facta: quoniam credibile est Deum produxisse omnes gradus substantiarum possibiles; sicut argumentatur D. THOMAS 1. p. q. 50. artic. 1. & q. 51. artic. 1. ad probandum esse Angelos, qui sunt substantiæ intellectuales, separatae omnino a materia. *Tum etiam*, quia cum supernaturalitas dicatur quia excedit naturam & connaturalia, vel dicitur quia excedit omnem naturam tam creatam, quam creabilem; vel solum quia excedit omnem naturam creatam; *sic dicitur primum*, sequitur quod inuoluet contradictionem produci aliquam substantiam supernaturalem, quoniam ex suppositione talis substantia erit supernaturalis; & præterea iuxta definitionem supernaturalitatis sequitur quod non sit supernaturalis: quia licet eius perfectio excedat omnem naturam, quæ nunc est creata in uniuerso, non tamen excedat omnem naturam creabilem, quia non excedat ipsam, aut aliam similem substantiam. *Secundum*, vero dici non potest, quia sequeretur, quod supernaturalitas non excederet simpliciter naturalitatem, sed solum secundum quid, hoc est per respectū ad naturas creatas: nam si Deus crearet substantiam supernaturalem, id ratione cuius esset formaliter & intrinsecè supernaturalis, esset naturale ipsi, & solum diceretur supernaturale per respectum ad reliquas substantias creatas, aut ad aliquas earum, si forte essent creatæ alie supernaturales. Item, quia, cum esse creatas has vel illas naturas in uniuerso, pendeat ex libera voluntate Dei, sequeretur, quod etiam ex ea pendeat, quod res sint supernaturales, & non conveniat ipsis secundum suam essentiam invariabilem; quia productis paucioribus naturis, quam nunc sunt in uniuerso, essent supernaturales aliquæ

quæ nunc sunt naturales, quia excederent omnes naturas creatas; & productis pluribus, essent naturales illæ, quæ nunc dicuntur supernaturales, quia non excederent omnes creaturas. Plura de hac re videri possunt apud CAIETANUM I. p. q. 12. art. 5.

SECUNDO argumentor contra SECUNDUM modum, Quia vel illa qualitas esset eiusdem speciei cum ipsa gratia, vel esset ab ea distincta secundum speciem: *primum dici non potest*, quia una gratia non est factiva alterius gratiæ, quod duplici signo ostenditur: *primum* est, quod unus homo aut Angelus, qui habet gratiam, non potest producere similem gratiam in alio; *alterum* est, quod virtutes, quæ gratiam comitantur, ut charitas, & reliquæ insusæ, quamvis sint principia proxima operandi, non possunt tamen efficere alias similes qualitates in alijs subiectis; quoniam habitus operativi ex propria ratione habent, quod non sint productivi aliorum similium habituum, sed actuum tantum: & videtur, quod quantum ad hoc sit eadem ratio de gratia, quæ non est principium operandi, saltem proximum, sed ut plurimum radicale, & medijs ipsis virtutibus. *Neque etiam potest dici secundum*, quia, ut illa qualitas esset sufficiens ad producendum gratiam, deberet esse perfectior participatio diuinæ naturæ, quam sit ipsa gratia: at non est possibilis participatio diuinæ naturæ maior aut perfectior secundum speciem, quam sit ipsa gratia: ergo neque est possibilis qualitas distincta secundum speciem à gratia, quæ sit productiva ipsius gratiæ per modum causæ principalis. *Maior* patet, quia gratia secundum speciem suam est participatio diuinæ naturæ, & omnis causa efficiens principalis, si sit vniuoca, est formaliter talis qualis est suus effectus; Si vero sit æquiuoca, (qualis esset illa virtus, si quidem ex suppositione distingueretur specie ab ipsa gratia) est eminenter talis. Et *minor* probatur, quia non potest esse perfectior participatio secundum speciem operationum diuinarum, scilicet, cognitionis, qua Deus cognoscit seipsum, & dilectionis, qua se amat; quam per cognitionem, cuius principium proximum est lumen gloriæ, & per dilectionem, cuius principium est charitas; quia Deus non potest esse obiectum istorum actuum in creaturis secundum aliquam rationem perfectiorem secundum speciem in genere obiecti, quam prout est obiectum luminis gloriæ & charitatis; ergo neque potest esse participatio diuinæ naturæ perfectior secundum speciem, quam illa, quæ est gratia; patet *istâ consequentia*, quia (ut supra dixi) gradus perfectionis, quæ conuenit participationi alicuius naturæ, colligitur optime ex gradu perfectionis, quæ conuenit participationi operationum eiusdem naturæ.

§. 3. Satisfit rationibus dubitandi insio propositis.

AD PRIMUM respondetur negando *antecedens*, & ad probationes dicendum est, quod siue virtus productiva gratiæ debeat esse infinita, siue non, de quo dicemus in solutione secundi; tamen nulli substantiæ creatæ potest esse connaturalis, quantumcumque huiusmodi substantia sit perfe-

cta; *Primo*, quia, etiam si esset supernaturalis, includeret conditionem seruitutis respectu Dei, quia esset eius serua, & ratione huius conditionis repugnaret quod esset ei connaturalis gratia, ut patet ex primo argumento proposito pro conclusione; Et quantum ad hoc eadem est ratio de virtute sufficiens ad producendum gratiam, ut ibidem ostendi. Quare licet substantiæ creatæ supernaturales, tamen ista duo, quamvis habeant finitam perfectionem, non possent esse ipsi connaturalia, propter repugnantiam ex parte illius conditionis, quæ nunquam auferatur omnino, nec minuitur, quantumcumque crescat perfectio creaturæ, quia semper est serua Dei. Sicut quamvis intellectus & voluntas habeant finitam perfectionem, & quacunque signata substantia materiali possit Deus facere aliam perfectiorem: nunquam tamen dabitur aliqua, cui sint connaturales intellectus & voluntas, quia nunquam auferetur à substantia materiali imperfectio materialitatis, propter quam repugnat, quod sint ipsi connaturales potentiz omnino immateriales. *Secundo*, quia ut in ipso argumento dictum est, repugnat fieri à Deo substantiam supernaturalem, & ita potest apertius explicari defectus argumenti in exemplo adducto; Et ad *primam* probationem oppositi respondetur negando antecedens, sicut esse principium proximum operandi, & representare alia à se per modum speciei intelligibilis, participatur in accidentibus, & non in substantia creata. Et ratio in omnibus istis est eadem scilicet quod substantiæ factæ sunt primo & per se ut sint: accidentia vero facta sunt propter substantiam, hoc est ad supplendum defectum, quem substantia secundum se potest habere intra proprium genus, & ut substantiæ ordinis inferioris communicetur perfectio ordinis superioris. Et ex hoc etiam provenit quod accidentia possint dici supernaturalia, quamvis non excedant omnem naturam creatam & creabilem, tam substantialem quam accidentalem; & tamen substantia non dicatur supernaturalis, nisi simpliciter excedat omnem naturam: quoniam accidentia, sicut sunt propter substantiam, ita in ordine ad eam dicuntur naturalia, vel supernaturalia; nam si nulli substantiæ creatæ aut creabili possint esse connaturalia, dicuntur supernaturalia; secus vero, naturalia. At substantia, cum habeat esse absolute, & non propter aliud, non dicitur supernaturalis, nisi excedat omnem naturam, tam creatam, quam creabilem. *Ad secundam* probationem respondetur negando maiorem, quoniam (ut nunc dicebam) accidentia supernaturalia nulli substantiæ creatæ nec creabili possint esse connaturalia. *Neque obstat*, quod etiam ista accidentia sint facta propter substantiam creatam; *Quoniam* ad hoc satis est, quod sint facta, ut ipsis mediantibus tanquam principijs formalibus, substantia creata participet perfectionem ordinis supernaturalis. *Ad tertiam* probationem, concessa maiori & minori negatur consequentia, quia sit transitus de perfectione ordinis inferioris ad perfectionem ordinis superioris: nam minor intelligitur de augmento perfectionis intra ordinem naturæ, & consequens cum maiori, de perfectione supernaturali, quod genus argumentandi esse viciousum, potest ostendi hoc exemplo, & alijs similibus: perfectio Angeli est finita, sed data quacumque

specie

specie animalis, potest Deus producere aliam perfectiorem; ergo potest producere aliquam, quæ adæquet perfectionem Angeli.

Ad secundum argumentum respondetur negando antecedens quoad priorem partem, & ad primam probationem dicendum est, non ideo repugnare, dari virtutem creatam, quæ sit sufficiens per modum causæ principalis ad producendum gratiam, quia gratia sit quomodocumque supernaturalis: sed quia ita est supernaturalis, ut nō possit dari perfectior participatio diuinæ naturæ; nam ex hoc bene sequitur, quod non sit possibilis talis virtus productiva ipsius, ut patet ex secunda ratione conclusionis; non autem habet hoc locum in actibus supernaturalibus. Ad secundam probationem, dicendum est, quod character, vel non concurrat efficienter ad illos effectus; vel saltem non concurrat ut causa principalis, sed ut virtus instrumentalis, constitutus vnum integrum & totale instrumentum cum ministro, & verbis, aut sacramento, ut inquit, D. THOMAS 3. p. q. 63. art. 2. & q. 64. art. 1. & CAIETA. ibidem. Ad tertiam probationem, negandum est, esse possibilem qualitatem, quæ per modum causæ principalis sit factiva miraculorum, ut docet D. THOMAS 1. 2. q. 178. art. 1. ad 1. Ad ultimam probationem, concessio antecedenti neganda est consequentia; quia licet gratia sit finita, tamen non potest fieri alia qualitas, quæ sit participatio diuinæ naturæ perfectior ista secundū speciem, sicut requiritur, ut sit causa principalis ipsius, ut supra ostendi.

CIRCA SOLUTIONEM ad primum & ad secundum, potest inquiri, an humanitas Christi & sacramenta nouæ legis concurrant efficienter physice ut causa instrumentales ad productionem gratia? Et quamvis ratio dubitandi pro parte negatiua possit sumi ex multis capitibus: tamen nunc solum adducam eam, quæ sumitur ex modo, quod gratia producit, ut sic explicem, quo genere productionis fiat gratia, quoniam hoc pertinet ad hanc questionem, in qua agitur de causis gratiæ, & de reliquis agendum est in materia de incarnatione, & de sacramentis in genere. Quare sic argumentor: gratia producit per creationem; sed creature, cuiusmodi sunt humanitas Christi, & sacramenta nouæ legis, non possunt concurrere ut instrumenta physica ad creationem, iuxta doctrinam D. THOM. 1. p. q. 45. art. 4. ergo neque ad productionem gratiæ.

Occasione huius argumenti inquirō

DUBIUM TERTIUM.

An gratia fiat creatione, an productione alterius speciei?

§. 1. *Varia Doctorum sententia.*

IN QUA RE tres sunt sententiæ. PRIMA est eorum, qui dicunt fieri creatione, hanc sequitur SCOTVS 2. d. 37. q. vnica. §. eadem argumenta. DURANDVS d. 18. q. 2. nume. 13. & 14. Et

Aliter idem autores, & RICARDVS, GABRIEL PALVDANVS, & CAPREOLVS in 4. d. 1. HENRICVS quodib. 4. q. 37. VI GA lib. 7. super CONCIL. TRID. c. 13. Et probatur istorum sententia.

PRIMO, quia in scriptura dicitur creati illud esse, quod nobis confert gratia, ut ad Ephes. 2. *Creati in Christo IESU*, scilicet, quantum ad esse gratiæ; Et vita gratiæ appellatur *NON ACTIVA* 2. Cor. 5. Et ad Galatas 5.

CONFIRMATUR, quia etiam dicitur in scriptura, gratiam infundi nobis à Deo, ut ad Roman. 5. *Charitas Dei diffusa est in cordibus nostris per spiritum sanctum, &c.* ergo non educitur ex potentia subiecti, sed aduenit de foris.

SECUNDO. Anima rationalis producit per creationem, ergo & gratia; patet consequentia, quia gratia magis dilatat à materia, quam anima, in quoniam est perfectior quam anima, ut dixi in principio huius articuli, *sum etiam, quoniam*, anima informat materiam, & dat ei esse corporis vegetatiui ac sensitiui: gratia vero est in anima, aut in Angelo, & dat ei esse spirituale supernaturale & diuinum, & consortium diuinæ naturæ.

TERTIO, gratia non educitur ex potentia subiecti, in quo est, ergo creatur; patet consequentia, quia respectu formarum non datur medium inter educi ex potentia subiecti & creari, sed necesse est conuenire eis alterum istorum. Et antecedens probatur, non continetur in potentia subiecti, ergo neque educitur ex potentia huiusmodi subiecti, probatur hoc antecedens, quia neque continetur in potentia naturali; Tum quia cuiusque potentia naturali passiuæ correspondet potentia actiua naturalis, & tamen non datur potentia actiua naturalis respectu gratiæ; Tum etiam, quia, sicut forma naturalis non potest contineri in potentia supernaturali, ita etiam neque à conuerso forma supernaturalis, cuiusmodi est gratia, poterit contineri in potentia naturali. Neque etiam continetur in potentia supernaturali, quia vel huiusmodi potentia est ipsa entitas animæ, & sic erit naturalis, sicut anima, alias eadem entitas simul erit naturalis & supernaturalis; vel est aliqua entitas superaddita animæ, & de hac erit eadem questio, an producat per creationem, vel alio modo; quia nō poterit dici quod sit aliquid increatum, quia non erit aliquid distinctum à Deo, & Deus non potest habere rationem potentia passiuæ.

CONFIRMATUR, quia si gratia produceretur à Deo extra subiectum, & postea infunderetur alicui subiecto, penderet quantum ad suum esse à subiecto, eodem modo, quo nunc pendet; sed in illo casu esset producta per creationem, ergo & nunc.

ULTIMO, ut forma aliqua educatur ex potentia subiecti, & non creetur, non satis est, quod producat in materia, aut in subiecto, alias anima rationalis non crearetur; sed ulterius requiritur, quod subiectum habeat causalitatem, aut cōcursum aliquem in ipsam formam: sed subiectum gratiæ non potest habere huiusmodi causalitatem circa ipsam gratiam, quia non est eiusdem ordinis cum ipsa, sed longe inferioris, quoniam pertinet ad ordinem naturæ, & gratia ad ordinem supernaturalem; ergo gratia non educitur ex potentia subiecti, sed creatur.

CONFIRMATUR. Quia vel subiectum gratiæ habet

hinc

hanc causalitatem circa gratiam *virtute propria*, & hoc dici non potest, propter improprietatem, quæ est inter gratiam, & suum subiectum; vel *virtute divina*, & neque hoc dici potest, quia sequeretur, quod illa causalitas, quæ est propria causæ materialis, conveniret subiecto ut instrumento Dei; quod videtur absurdum, quia ex hoc sequeretur ulterius, quod Deus haberet rationem causæ principalis in eodẽ ordine, scilicet in ordine causarum materialium, quoniam instrumentum, & causa principalis, cui subordinatur, debent pertinere ad eundem ordinem causarum.

SECUNDA SENTENTIA est aliorum, qui dicunt, gratiam non creari absolute, sed *concreari* ad creationem hominis grati, qui primo & per se creatur in esse hominis grati & in se. Hanc sequitur expresse SOTUS 4. d. 1. q. 3. art. 1. Et FERRAR. lib. 4. contra gent. cap. 57. Et aliqui tribuunt eam CAISTANO, quoniam supra q. 110. art. 2. occasione sumpta ex quibusdam verbis D. THOMÆ in solutione ad 3. inquit, gratiam non creari, sed secundum ipsam hominem creari in tali esse. Sed quicquid sit de isto testimonio, in alijs aperte sentit oppositum, ut statim dicam.

Fundamentum huius sententiæ est, quod gratia non educatur ex potestate subiecti, sed fiat ex nihilo, ut probatur argumentis præcedentis sententiæ; sed non fit hoc modo per se primo, sed ad productionem alterius, scilicet quod est subiectum, quatenus secundum ipsam incipit habere tale esse; quoniam est accidens; ergo fit ex nihilo ad productionem alterius, quod est concreari.

Confirmatur primo, quia si gratia non produceretur hoc modo, maxime quia pendet in suo esse a subiecto tanquam accidens: sed hæc dependentia non sufficit, ut non dicatur concreari, quoniam gratia data Adæ & Angelis concreata fuit cum eis, quamvis haberet similem dependentiam; & intellectus ac voluntas concreantur ad creationem animæ rationalis & Angeli, habentque eandem dependentiam; materia etiam & forma cæli cõcreantur sunt, ad creationem cæli, & tamen una pendebat ab altera; ergo gratia concreatur ad creationem totius accidentalis, aut subiecti in esse grati.

Confirmatur secundo, quoniam D. THO. sup. q. 110. artic. 2. ad 3. ita inquit: *proprie loquendo nihilum accidens neque fit neque corrumpitur; sed dicitur fieri vel corrumpi secundum quod subiectum incipit vel desinit esse in actu secundum illud accidens; Et secundum hoc etiam gratia dicitur creari, ex eo quod homines secundum ipsam creantur, id est, in novo esse constituuntur ex nihilo.*

TERTIA SENTENTIA est aliorum, qui dicunt, gratiam non creari, sed educi ex potentia obedientiali sui subiecti, scilicet animæ aut Angeli. Hanc sequitur expresse CAISTANUS 3. p. q. 8. art. 1. & q. 13. art. 2. & q. 61. art. 1. quibus locis ait, infusionem gratiæ non esse creationem, sed immutationem quandam animæ de non grata in gratam Deo, & mutationem hanc pertinere ad ordinem gratuitorum ad cælestem patriam, & supponere in anima potentiam, secundum quam fiat, sicut omnes mutationes naturales supponunt eam in suis subiectis, non tamen *naturalem* sicut illæ, sed *obedientialem*. Vbi aperte CAISTANUS mutavit sententiam quā in 1. 2. fuerat sequutus, aut certe explicuit, quia ratione esset intelligenda. Et quamvis videatur in eis-

dem locis dicere, admisceri cum hac mutatione aliquem modum creationis, non id concedit absolute ex propria sententia, sed ut explicet, quia ratione cum sententia eorum, qui dicunt gratiam creari, stet, quod ad eius infusionem concurrant efficienter humanitas Christi & sacramenta; Nam inquit, quod non concurrunt ad creationem, sed ad mutationem, qua anima ex non grata fit grata; Et quod hæc sit eius mens, constabit facile legenti ipsum attente, præsertim in ultimo loco. An vero ita sit, quod præter mutationem animæ reperiatur creatio gratiæ, dicam statim.

§. 2. *Productio gratiæ nec est creatio aut concreatio nec alteratio, sed generatio secundum quid, de potentia obedientiali.*

PRIMA CONCLUSIO. *Productio gratiæ neque est creatio, neque concreatio ad creationem alterius.* In hac conveniunt omnes Thomistæ nostri temporis; & intelligitur de productione, qua producit gratia modo sibi connaturali, sicut dicendum est produci, quotiescunque Deus eam nobis infundit. Nam si produceretur extra subiectum; aut in subiecto, tamen independentem ab ipso quantum ad fieri: tunc eius productio esset creatio; ceterum ita produci, non esset ipsi connaturale, sed supra eius naturam.

Et probatur ista conclusio QUOD PRIMAM PARTEM. PRIMO testimonij D. THOMÆ, nam supra q. 110. artic. 2. ad 3. ita inquit: *Gratia dicitur creari ex eo, quod homines secundum ipsam creantur, id est, in novo esse constituuntur ex nihilo, & statim, ut explicet quid intelligat per illa verba, ex nihilo, subiungit, id est non ex meritis; ubi non excludit concursu physicum materiale ex parte subiecti, sed solum morale, qui consistit in valore, meriti: & tamē ad creationem physicē sumptam requiritur, quod non reperiatur prior concursus.* Item infra q. 113. art. 9. inquit, quod creatio ex parte modi agendi *excedit iustificationem, quia in creatione fit aliquid ex nihilo; ubi & creationi condistinguit iustificationem; & præterea docet, in iustificatione non fieri gratiam ex nihilo.* Et 3. p. q. 13. art. 2. in corpore, & in solutione ad 1. distinguit creationem, ab immutatione creaturarum quantum ad ordinem gratiæ. Et q. unica de virtutibus in communi, art. 10. ad 13. dicit, quod *virtutes infusa sunt in potentia in anima, ita ut non sint nata educi in actum, nisi per virtutem divinam, quod est; esse in potentia obedientiali.*

SECUNDO probatur ratione. Quoniam gratia secundum suam naturam pendet in esse & in conservari a suo subiecto, ergo & in fieri; ergo productio, quæ ipsi secundum suam naturam est proportionata, non potest esse creatio. *Antecedens patet, tum quoniam gratia est accidens, ut probavi supra q. 110. art. 2. & omne accidens habet duo, ex quibus potest colligi intentum: primum est, quod inheret, quoniam inherere, ut convenit accidenti, nihil aliud est, quam uniri subiecto per informationem accidentalem ad habendum esse; Alterum est, quod eius existentia naturaliter non est substantia, aut existentia per se, alias nõ distingueretur*

etiam







positione, si prius explicetur in particulari, in quibus actibus consistat ipsa dispositio, quod faciendum est illo loco.

§. 2. *Non requiritur in ijs, qui non videntur, nec potuerunt videri.*

PRIMA CONCLUSIO; *In ijs, qui neque possunt, neque unquam potuerunt videri, non requiritur dispositio ad suscipiendum gratiam.* Hæc est certa secundum fidem, quoniam paruuli, qui non habent usum rationis, suscipiunt gratiam per baptismum, & tamen neque habent, neque secundum potentiam ordinariam Dei possunt habere illos actus, in quibus consistit dispositio requisita ad percipiendum fructum baptismi; & eadem ratio est de amentibus, qui nunquam habuerunt usum rationis. In quo errauerunt Lutherani, qui (ut referunt ALBERTVS PIGHIVS controuerf. 2. quæ est de fide & iustificatione, & SOTVS lib. 2. de natura & gratia c. 10.) quamuis negent ex parte nostra requiri dispositionem aliquam ad iustificationem: tamen, ut vniuersaliter defendant suum errorem de sola fide, siue potius fiducia iustificante, dicunt, pueros, cum per baptismum iustificentur, habere huiusmodi fidem; & loquuntur, non de habitu fidei, sed de actu fidei.

Neque obstat illud Matthæi ultimo, Qui non crediderit, condemnabitur, quod Lutherani pro se adducunt; Nam vel intelligitur solum de adultis, qui cum possint uti ratione, possunt apprehendere veritates fidei sibi propositas, & eis assensu præbere, ut exponitur in c. maiores, de baptismo; vel, si intelligatur de paruulis, dici potest, quod illi credant, non quia habeant actum credendi, sed quia suscipiant baptismum, qui est sacramentum fidei, ut docet CONCILIVM TRIDENTINVM sess. 6. decreto de iustif. cap. 7. Imo sess. 7. decreto de sacramentis, tractatu de baptismo, Can. 13. damnatum, qui dixerit, paruulos, eo quod actum credendi non habeant, susceptos baptismi inter fideles computandos non esse. Quam expositionem sequitur AVE. to. 7. lib. 1. de peccator meritis c. 19. & 20. & lib. 3. c. 2.

Sed obijciunt, Quia D. THOMAS in hac conclusione absolute & sine limitatione affirmat, requiri dispositionem ex parte hominis susipientis gratiam, Et confirmatur, quia ratio, quæ ipse eam probat, scilicet, quia nulla forma potest esse, nisi in materia disposita, eandem vim habet respectu paruulorum, & respectu adultorum.

Propter hoc aliqui ex discipulis D. THOMÆ, quamuis concedant, in paruulis non præsupponi ad receptionem gratiæ eam dispositionem, de qua loquimur, scilicet, quæ sit actus ipsorum paruulorum: dicunt tamen requiri aliquam dispositionem, licet non conueniant inter se in explicando quid sit ista dispositio; Nam CAIETANVS hoc loco dicit, esse actum Christi capitis, hoc est meritum ipsius, propter quod Deus supplet in paruulis dispositionem, quæ deberet consistere in actu proprio. Et CAPREOLVS in 4. d. 1. q. 1. art. 3. in solutione ad 1. argumentum

A D. THOMÆ, contra 1. conclusi. dicit esse characterem, aut, si desit character, ut in ijs qui sine sacramento iustificati sunt in utero matris, esse ornatum aliquem, quem Deus producit in eorum animis, tanquam dispositionem præuiam ad gratiam. Et tandem alij dicunt, esse habitus virtutum Theologicarum, scilicet fidei, spei, & charitatis, qui simul infunduntur cum gratia, & habent rationem dispositionis respectu ipsius.

Sed contra CAIETANVM obijci potest, quod dispositio debet conuenire subiecto cum forma introducenda, alioqui non poterit præparare subiectum ad eam. Et præterea, quia meritum Christi potius habet rationem causæ vniuersalis in suo ordine, quam propriæ dispositionis. Et contra CAPREOLVM multa dici solent 3. p. q. 62. Et contra vltimos, satis sit, quod illi habitus solum habent rationem dispositionum concomitantium, sicut proprietates naturales respectu formarum, à quibus dimanant: & tamen nos loquimur de dispositione antecedente formæ, saltem ordine naturæ.

B *Et ideo aliter respondetur ad obiectionem, quod conclusio D. THOMÆ non intelligitur de paruulis, neque de adultis, qui nunquam habuerunt usum rationis; sed solum de adultis, qui vel habent, vel aliquando habuerunt usum rationis: quoniam priores non possunt moueri libere ad suscipiendum gratiam; posteriores vero vel possunt, vel saltem potuerunt, & ideo quamuis actu careant usu rationis, non possunt consequi gratiam per baptismum aut aliud sacramentum, exterius applicatum, nisi prius, scilicet, cum poterant ratione uti habuerint propositum suscipiendi sacramentum, & dispositionem requisitam ad percipiendum eius fructum; Et ita hanc sententiam explicat D. THOMAS infra q. 113. art. 3. ad 1.*

Ad confirmationem respondetur, solum probare, quod hæc dispositio non requiratur ex natura gratiæ; nam quando forma ex natura sua postulat in subiecto aliquam dispositionem, non potest produci modo sibi connaturali, & sine miraculo, nisi præsupposita illa dispositione: & nullo minus in subiecto quod est eius incapax; Tamen cum hoc stat quod requiratur ex institutione Dei, aut etiam; (ut alij volunt) ex natura rei, non quidem simpliciter, sed supposito quod sit excludenda à subiecto auersio libera à Deo; sicut excluditur in iustificatione adulti peccatoris, & non in iustificatione paruuli, de quo dicemus postea.

§. 3. *Requiruntur in ijs qui possunt, aut aliquando potuerunt videri.*

SECUNDA CONCLUSIO, *ut adultis, qui vel possunt, vel aliquando potuerunt videri, recipiendi post peccatum gratiam, requiritur ex parte ipsorum præui dispositio.* Hæc etiam est certa secundum fidem, & probatur IMPRÆMISSIS testimoniis CONC. TRID. sessione 6. decreto de iustificatione cap. 5. ubi dicitur, exordium iustificationis in adultis sumi à diuina vocatione, ut qui per peccata à Deo auersi erant

per eius excitantem, atque adiuuantem gratiam, ad convertendum se ad suam ipsorum iustificationem, eidem gratia libere assentiendo, & cooperando, disponantur. Et capite 6. ubi describitur in particulari modus, quo adulti disponuntur ad iustitiam, & cap. 7. ubi dicitur de dispositione explicata precedenti capite, quod eam consequitur ipsa iustitia; & postea, quod servata proportione ad eam infunditur singulis iustitia. Et Can. 4. ubi damnatur qui dixerit, liberum hominis arbitrium à Deo movens & excitatum nihil cooperari assentiendo Deo excitanti atque vocanti, quo ad obtinendam iustificationis gratiam se disponat, ac preparat. Et Can. 7. ubi damnatur, qui dixerit, quanto vehementius quis nititur se disponere ad gratiam, tanto cum graviori peccare. Et Can. 91. ubi dicitur, qui dixerit, impium sola fide iustificari, ita ut non sit necesse eum preparari atque disponi motu sua voluntatis, ut iustificationis gratiam consequatur.

Secundo probatur testimonijs scripturæ, nam in ea sæpe postulaturs peccatoribus, quod convertantur in Deum, tanquam quid necessarium ad obtinendam remissionem suorum peccatorum, ut patet Isaïæ. 31. & 45. Ierem. 3. & 15. Ezechiel. 18. & 32. Ioel. 2. Zachariæ. 1. Matthæi ultimo & Apocalypsis 3.

Tertio probatur testimonijs sanctorum, quæ adducemus infra q. 113. cum agemus in particulari de necessitate actuum, in quibus consistit ista dispositio. Et testimonia AUGUSTINI videri possunt apud HIERONYM. Torrensem lib. 2. confess. AUGUSTINIANÆ c. 5. n. 4. ubi in fine adducit ex to. 10. libr. de verbis Apostoli serm. 15. illam celebrem sententiam, qui fecit te sine te, non te iustificat sine te.

Ultimo probatur rationibus. Prima sit illa, qua utitur D. THOMAS supra q. 109. art. 6. ad 3. & in isto articulo, scilicet quod omnis forma constitutiva alicuius in aliqua natura, requirit materiam dispositam ad illam: sed gratia est forma subleuans hominem in naturam diuinam per participationem; ergo requirit in homine dispositionem ad ipsam. Altera est illa, qua utitur D. THOMAS infra q. 113. art. 3. scilicet, quod Deus mouet omnia secundum naturam vniuscuiusque: ergo cum hominem, (qui secundum propriam naturam habet quod sit liberi arbitrij) mouet ad iustitiam, simul etiam mouet eius liberum arbitrium ad acceptandum ipsam iustitiam; quod est mouere ut se disponat ad eam, ut ibi exponit CAJET.

Sed aduerse, quod istæ rationes non sunt demonstratiuæ sunt tamen optimæ congruentiæ ad explicandum, quare Deus instituerit non conferre adultis gratiam, qua post peccatum iustificentur, nisi supposita in ipsis aliqua dispositione.

Ex hac conclusione cum suis probationibus manet impugnatus error Lutheranorum, qui (ut referunt auctores supra citati, & VEGA lib. 6. sup. CONC. TRIDENT. c. 1.) negant requiri ex parte peccatoris aliquam dispositionem ad gratiam, quorum fundamenta dissoluemus infra q. 113. art. 3. quoniam fere omnia supponunt, hanc dispositionem esse motum liberi arbitrij, vel aliquid pertinens ad id, in quo in particulari consistit, de quo agendum est illo loco.

Secundo etiam manet impugnata sententia Scotti, qui in 4. d. 14. q. 4. §. quantum ad 3. art. dicit, ad

A recipiendum gratiam per sacramentum non requiri aliquam dispositionem, præter voluntatem recipiendi sacramentum, & non repugnantiam cum gratia ratione complacentiæ formalis aut virtualis in peccato mortali, vel alterius peccati mortalis actualis.

§. 4. Hæc dispositio est in suo ordine causa gratia.

ULTIMA CONCLUSIO. Hæc dispositio requisita ex parte hominis, est in suo ordine causa gratia, & remissionis peccati. Ita loquuntur communiter Doctores contra Lutheranos, & expresse SORTES in 4. d. 15. q. 1. art. 6. Vbi inquit, esse erroneum negare in proprio sensu hanc propositionem, penitentia, ut est virtus, est causa remissionis peccatorum. & lib. 2. de natura & gratia cap. 9. ubi dicit, actus qui sunt dispositiones & præparationes ad gratiam, esse causas materiales ipsius gratiæ. DECAVVS art. 8. & VEGA lib. 3. sup. CONC. TRIDENT. ca. 8. in fine & toto cap. 9.

Et colligitur ex modo loquendi CONC. TRIDENT. sessione 6. decreto de iustificatione; Nam cap. 7. in principio dicitur quod dispositionem iustificatio consequitur, Et postea, quod spiritus sanctus partitur singulis iustitiam prout vult, & secundum propriam cuiusque dispositionem & cooperationem. Et Can. 9. definitur, quod homo per hanc dispositionem cooperatur ad consequendam iustificationis gratiam: ubi per verbum cooperandi proculdubio significatur aliquod genus causalitatis.

Item colligitur ex modo loquendi scripturæ, nã (ut bene aduertit SORTES in 4. vbi supra) testimonia scripturæ, in quibus dicitur, esse certam connexionem inter conversionem peccatoris & remissionem peccati, atque gratiam, cuiusmodi sunt ea quæ adducta sunt pro secunda conclusione: habent sensum causalem. Et iste sensus aperte exprimitur in aliquibus, ut Lucæ 7. remittuntur ei peccata multa quoniam dilexit multum. Ioan. 14. Qui diligit me, diligitur à patre meo. Et Apocalypsis 3. Siquis audierit vocem meam, & aperuerit ianuam, intrabo ad illum & cenabo cum illo.

Et tandem probatur ratione, quoniam secundum veram Philosophiam, dispositio ad formam habet in suo genere rationem causæ respectu ipsius formæ, aut quantum ad eius entitatem, aut saltem quantum ad unionem cum subiecto. Sed quæritur in quo genere ista dispositio sit causa gratiæ? ad hoc respondebimus dubio sequenti.

Circa eandem conclusionem est



II. DUBIUM.

In quo genere cause ista dispositio ad gratiam sit causa gratia, & consequenter expulsionis peccati

§. 1. Sensu quasi ponitur.

VBinon disputamus de morali genere causae, cuiusmodi est genus causae meritoriae, siue de condigno, siue de congruo; & genus causae satisfactoriae, in quo dicunt aliqui concurrere actum contritionis ad expulsionem peccati, quatenus est offensa Dei; quoniam de priori agendum est infra q. 114. & de posteriori in materia de penitentia; & solet etiam de eo disputari in principio materiae de incarnatione; Sed inquirimus de alio genere causae magis physico, scilicet, de causa materiali, formali, efficiendi, & finali.

Et vt separemus certa ab incertis, **ADVERTE**, tria esse certa & ab omnibus admissa, & vnum dubium, ac controuersum. Nam primo certum est, dispositionem istam esse causam gratiae in genere causae materialis: quia disponit & preparat subiectum vt eam recipiat; nam quoniam hoc est munus proprium dispositionum, scilicet, preparare subiecta ad recipiendum formas: ideo causalitas dispositionum reducitur à Philosophis ad causalitatem materiale. Secundo certum est, dispositionem istam non esse causam formalem neque finalem gratiae: quoniam potius gratia est finis ad quem haec dispositio ordinatur: sicut quaecunque forma est finis ad quem ordinatur sua dispositio; & praeterea etiam gratia est eius forma aliquo modo, scilicet quantum ad conditionem requisitam ex parte subiecti vt habeat valorem meriti. Tercio certum est, hanc dispositionem, quantum ad actum penitentiae consideratum quatenus est pars sacramenti penitentiae, esse causam efficientem gratiae, secundum legem ordinariam Dei: quoniam omnia sacramenta nouae legis sunt secundum legem ordinariam causae efficientes gratiae, vt nunc suppono ex materia de sacramentis in genere. Et ex hoc fit etiam certum, hanc dispositionem tam quoad actum penitentiae consideratum non prout est pars sacramenti, sed secundum se, quam quoad actum dilectionis, posse de potentia Dei absoluta esse causam efficientem gratiae; quoniam non magis repugnat hoc actui penitentiae ita considerato, & actui dilectionis, quam ipsi actui penitentiae considerato prout est pars sacramenti: & ex consequenti non minus est possibile per respectum ad potentiam Dei absolutam.

Dubium tamen est, an huiusmodi dispositio quando est vltima, hoc est, coniuncta cum productione gratiae, (vt si sit contritio, & actus supernaturalis dilectionis Dei super omnia) sit physica causa gratiae in genere causae efficientis secundum legem Dei ordinariam?

§. 2. Sententia affirmans dispositionem esse causam efficientem gratiae.

AD quod aliqui respondent affirmatiue, de quorum numero est **VIA** lib. 8. super CONCIL. TRIDENT. ca. 9. vbi non solum probat, conuenire huic dispositioni causalitatem circa gratiam: sed etiam causalitatem, quae sit efficiendi. Et Stapletonius lib. 4. de iustific. c. 1. vbi inquit, praeparatione, quae habetur per gratiam & liberi arbitrij cooperatione, debere reduci ad causam efficientem ipsius iustificationis, sicut reducuntur reliquae omnes dispositiones, & instrumentales causae; Quamuis postea c. 7. aperte dicat oppositum. Probatur istorum sententia,

PRIMO ex modo loquendi scripturae. Nam improprie in ea dicitur, quod sumus adiutores, operatores & cooperatores respectu nostrae salutis. 1. ad Cor. 3. *Dei enim sumus adiutores.* ad Philipp. 3. *Cum meum & tremore vestram salutem operamini.* Et in 3. Cathol. Ioann. *Nos ergo debemus suscipere huiusmodi* (scilicet fratres) *vt cooperatores simus veritatis.* Item dicitur, quod sanctificamus, & viuificamus nos ipsos, & mundamus & abluimus, atque castificamus nos à peccatis: vt Ecclesiasti. 2. *Qui timeant dominum preparabit corda sua, & in conspectu illius sanctificabunt animas suas.* 1. Ioann. 3. *Omnis, qui habet spem hanc in eo, sanctificat se, sicut & ille sanctus est.* Ezechielis. 18. *Si impius auerterit se ab impietate sua, & fecerit iustitiam & iudicium, ipse animam suam viuificabit.* Luc. 17. *Quicumque perdidit illam* (scilicet animam suam) *uiuificabit eam.* 2. Timot. 2. *Siquis emundauerit se ab istis, fiet vas in honorem.* Ierem. 4. *Abluo à malitia cor meum.* Et 1. Petri. 1. *animas vestras castificant.* Ex quibus testimonijs sic argumentor; Per ista verba significatur, quod nos habemus aliquam causalitatem circa gratiam: ergo debent intelligi de efficiendi proprie sumpta; Tum quoniam, quando verba sine vilo inconuenienti possunt accipi in sensu proprio, non debent exponi in improprio & metaphorico; Tum etiam quia ex simili modo loquendi scripturae & conciliorum de sacramentis nouae legis, colligunt Theologi, ea esse proprie causas efficietes gratiae: & tamen habent minorem proportionem cum ipsa gratia, quam actus, quibus disponimur ad eam; quoniam isti actus sunt immateriales & supernaturales, sacramenta autem sunt materialia.

Confirmatur primo, quoniam in CONCIL. TRID. sess. 6. decreto de iustificat. cap. 5. dicitur, quod homo per excitantem & adiuuantem gratiam ad conuertendum se ad suam iustificationem, eidem gratiae libere assentiendo & cooperando disponitur. Et Can. 9. damnatur, qui dixerit, quod homo non cooperatur ad consequendam iustificationis gratiam, Et tamen verbum cooperandi significat efficientiam.

Confirmatur secundo, quoniam **AVEYST.** tom. 9. sup. 1. Epist. Ioann. tract. 4. exponens illa verba cap. 3. *qui habet hanc spem in eo sanctificat se*, pro sanctificat, legit castificat, & ita inquit: *Quis nos castificat, nisi Deus? sed Deus te nolentem non castificat. Ergo quod adiungis voluntatem tuam Deo, castificas teipsum. Castificas te, non de te, sed de illo, qui venit, vt habueris in*

Et super Euang. Ioann. tract. 72. exponens illa verba capitis 14. *Qui credit in me, opera, qua ego facio, & ipse faciet, & maiora horum faciet*; ut explicet qua ratione intelligatur, non solum de Apollis, sed etiam de singulis credentibus ea fide, quæ per charitatem operatur, inquit, hoc esse verum, quia quicunque ex ista cum timore & tremore suam salutem, & iustificacionem operatur, quæ est quid maius, quam celum & terra, & quacunque cernuntur in alo & in terra. Et postea ita inquit: *Et vique minus est verba ista predicare, quod fecit nobis preter nos, quam impios iustificare, quod ita facit in nobis, ut faciamus & nos.* Item DAMASCENVS lib. 4. fidei Orthodox. c. 20. adducens illud ad Rom 4. *An non habet potestatem signis &c.* dicit, quod quamvis Deus faciat vasa honorabilia, non tamen ipse solus ea facit, sed sua cuiusque voluntas animique institutū; & id probat testimonio Pauli 2 Timot. 2. supra adducto. Et tandem CHRYSOSTOMVS homil. 42. ad populum prope finem, inquit, quod abluere & mundare nos à peccatis non solum est Dei, sed etiam nostrum, quod probat testimonio Ieremias supra adducto.

Secundo, Id quod est causa efficiens ultimæ dispositionis ad formam aliquam, est etiam, media eadem dispositione, causa efficiens ipsius formæ, aut quantum ad eius entitatem, si sit forma, quæ educitur de potentia materiæ; aut saltem quantum ad unionem cum materia, si producat per creationem: Sed homo est causa efficiens ultimæ dispositionis ad gratiam; ergo, media eadem dispositione, est etiam causa gratiæ, aut quantum ad eius entitatem, aut saltem quantum ad unionem eius cum subiecto; & videtur dicendum hoc secundum iuxta nostram sententiam, quoniam nos diximus articulo præcedenti gratiam non creari, sed educi de potetia obedientiali animæ. Minor patet, quoniam ultima dispositio consistit in actibus intellectus & voluntatis productis à nobis non solum efficienter, sed etiam libere, ut dicemus infra q. 1. 3. Et maior probatur, quoniam alias non poterit explicari, quæ ratione generans sit causa efficiens generis, si neque est causa materiæ, ut constat, neque formæ, saltem quantum ad unionem.

Neque obstat, quod aliqui negent, dispositiones concurrere efficienter ad formas substantiales; Tum quia saltem non negant, quod producentes dispositiones concurrat efficienter ad formam secundum aliquam ex illis rationibus, & consequenter ad genitum; & hoc satis est ad probandum, quod etiam homo sit eodem modo causa efficiens gratiæ, & quod efficienter faciat seipsum iustum, & sanctum, & gratum Deo; Tum etiam, quoniam ratio propter quam illud negant respectu formarum substantialium (scilicet, quia dispositiones præcedentes non manent in instanti, quo introducit forma substantialis, quoniam cum illæ dispositiones subiectentur in toto composito sicut reliqua accidentia, necesse est quod corrumpantur corrupto ipso composito) non habet locum respectu gratiæ, quia ultima dispositio ad eam subiectatur in anima nostra medijs suis potetijs immaterialibus, & nihil istorum definit esse, cū gratia introducit; Et tandem, quia illa opinio in Philosophia est parum recepta.

Tertio, Actus, quibus ultimo disponimur ad gratiam, scilicet actus fidei, spei, charitatis & peni-

tentiz, concurrunt efficienter ad habitus infusos productivos similium actuum: ergo eodem modo concurrunt ad ipsam gratiam; Consequentia patet, quoniam isti habitus consequuntur ad gratiam, sicut proprietates & essentiz ad potentiam & naturam: & iuxta sententiam omnium Philosophorum, id quod est causa efficiens consequentium ad formam, est etiam causa efficiens ipsius formæ; quoniam aliàs non poterit esse verum id, quod est ab omnibus receptum, scilicet, quod qui dat formam, dat consequentia ad formam. Et antecedens probatur, tum quoniam actus supernaturales, quales sunt illi, ita proportionati sunt habitibus infusis, sicut actus naturales habitibus acquisitis: sed actus naturales concurrunt efficienter ad habitus acquisitos; ergo & supernaturales ad infusos; Tum etiam quia hæc est natura actuum, si secundum se considerentur, scilicet, esse causas efficientes habituum; & nulla est ratio specialis, cur hoc negandum sit in actibus supernaturalibus respectu habituum infusorum; nam neque obstat, quod habitus sint supernaturales, quia etiam actus sunt supernaturales; neque quod habitus sint infusi, quia ut sint infusi, satis est, quod non efficiantur actibus nostris, hoc est, productis à nobis virtute naturæ, quamvis efficiantur actibus productis à nobis virtute diuinæ; sicut etiam ipsi actus supernaturales possunt dici infusi actus, quamvis efficiantur à nostris potetijs, quia non efficiuntur ab eis virtute propria, sed virtute diuina. Imo etiam gratia & virtutes supernaturales dicuntur habitus infusi, quamvis effectiue producantur ab actu penitentiz, quatenus est pars sacramenti. Et tandem, quoniam assensus Theologicus secundum suam substantiam & essentiam est supernaturalis, quoniam habet certitudinem supernaturalem, utpote excedentem rationem certitudinis cognitionis naturalis, ut D. THOMAS docet. 1. p. q. 1. art. 5. & certitudo pertinet ad essentiam & intrinsecam entitatem assensus, quia sumitur ex ratione formali sub qua ex parte obiecti, quæ specificat ipsum assensum; & similiter habitus Theologicus est supernaturalis, quoniam est principium assensus in supernaturalium, & cōuenit cum eis in ratione formali ex parte obiecti; & tamen assensus præcedentes habitum concurrunt efficienter ad ipsum, sicut dici solet de assensibus aliarum scientiarum respectu suorum habituum.

Confirmatur: quoniam isti actus augent efficienter habitus supernaturales, ergo & producant; consequentia patet, quia gradus, secundum quem augetur quicunque ex his habitibus, est eiusdem speciei cum eo, secundum quem producit: & ideo, quantum est ex sua natura, ab ea causa, à qua potest efficienter augeri, potest & produci. Et antecedens probatur; quoniam D. THOMAS supra q. 1. art. 4. ad 3. inquit, quod actus, qui producantur ex habitu infuso, non causant aliquem habitum, sed confirmant habitum præexistentem; & non apparet quomodo confirmant, nisi augendo. Et q. 1. de virtutibus in communi art. 10. ad ultimum, inquit, quod actus virtutis infusæ non causant habitum, sed per eos augetur habitus præexistens; & id explicat exemplo actuum virtutis acquisitæ: quare cum isti efficienter augent virtutem acquisitam præexistentem, videtur quod idem senserit D. THO. de illis, respectu augmenti virtutis infusæ.

Vltimo, homo per ultimam dispositionem ad gratiam

No.	Name	Address
1	J. H. Smith	123 Main St.
2	W. J. Brown	456 Oak St.
3	T. R. Green	789 Pine St.
4	M. L. White	101 Elm St.
5	C. D. Black	234 Cedar St.
6	A. S. Gray	567 Birch St.
7	R. E. Hall	890 Spruce St.
8	L. K. Young	123 Willow St.
9	H. M. King	456 Ash St.
10	J. P. Lee	789 Hickory St.
11	S. W. Clark	101 Magnolia St.
12	D. F. Lewis	234 Dogwood St.
13	K. A. Walker	567 Redwood St.
14	N. B. Hall	890 Cypress St.
15	P. C. King	123 Sycamore St.
16	Q. D. Lee	456 Juniper St.
17	R. E. Clark	789 Fir St.
18	S. F. Lewis	101 Hemlock St.
19	T. G. Walker	234 Larch St.
20	U. H. King	567 Alder St.
21	V. I. Lee	890 Basswood St.
22	W. J. Clark	123 Cottonwood St.
23	X. K. Lewis	456 Elm St.
24	Y. L. Walker	789 Maple St.
25	Z. M. King	101 Oak St.
26	A. N. Lee	234 Pine St.
27	B. O. Clark	567 Spruce St.
28	C. P. Lewis	890 Willow St.
29	D. Q. Walker	123 Birch St.
30	E. R. King	456 Cedar St.
31	F. S. Lee	789 Elm St.
32	G. T. Clark	101 Maple St.
33	H. U. Lewis	234 Oak St.
34	I. V. Walker	567 Pine St.
35	J. W. King	890 Spruce St.
36	K. X. Lee	123 Willow St.
37	L. Y. Clark	456 Birch St.
38	M. Z. Lewis	789 Cedar St.
39	N. A. Walker	101 Elm St.
40	O. B. King	234 Maple St.
41	P. C. Lee	567 Oak St.
42	Q. D. Clark	890 Pine St.
43	R. E. Lewis	123 Spruce St.
44	S. F. Walker	456 Willow St.
45	T. G. King	789 Birch St.
46	U. H. Lee	101 Cedar St.
47	V. I. Clark	234 Elm St.
48	W. J. Lewis	567 Maple St.
49	X. K. Walker	890 Oak St.
50	Y. L. King	123 Pine St.





CON. TR 10. definitur aperte, hominem *actiue se disponere & preparare ad gratiam*; ergo homo est causa dispositionis ad gratiam, quatenus habet rationem dispositionis; *consequentia* patet, nam alias non poterit propriè dici, quod homo seipsum disponat; ut, quamuis aliquod agens producat in subiecto aliqua accidentia, quæ possint esse dispositiones ad formam equi, si tamen non sit causa eorum quatenus habent rationem dispositionum, non diceretur propriè disponere ad talem formam; Et *antecegens* probatur, quia scilicet 6. decreto de iustific. can. 4. *damnatur, qui dixerit, liberum hominis arbitrium à Deo motu & excitatum, nihil cooperari assentiendo Deo excitanti & vocanti, quo ad obinendam iustificationis gratiam se disponat ac prepares*. Et Can. 7. *Damnatur, qui dixerit, tanto grauius aliquem peccare, quanto vehementius nititur se disponere ad gratiam, ubi aperte supponitur, quod homo actiue se disponat. Et confirmatur; quoniam Can. 3. damnatur qui dixerit, hominem sine prauis incitamento spiritus-sancti inspiratione, & eius adiutorio, posse credere, sperare, diligere, aut pantere sicut oportet ut ei iustificationis gratia conferatur*. Vbi aperte insinuat, quod homo cum illo auxilio possit esse causa istorum actuum *sicut oportet*, &c. & tamen per hoc verbum *sicut oportet* significatur quod huiusmodi actus sint tales, ut habeant rationem dispositionum ad gratiam, siue hoc sit modus, siue substantia eorum.

DEINDE *vel actus isti secundum suam entitatem habent rationem vltimæ dispositionis ad gratiam; vel secundum aliquid sibi superadditum*; Si dicatur *primum*, sequitur quod homo, qui est causa eorum secundum suam entitatem, sit etiam causa eorum quatenus habent rationem vltimæ dispositionis; Si vero dicatur *secundum*, restat explicandum, quid sit illud superadditum, quod non poterit facile explicari.

Et tandem, ratio illa tantum probat, quod solus Deus sit causa principalis illorum actuum, quatenus habent rationem vltimæ dispositionis: non tamen quod homo ut instrumentum Dei non possit esse eorum causa secundum istam rationem.

Confirmatur primo, quoniam Deus non est causa istorum actuum quatenus sunt dispositiones ad gratiam, per seipsum, & solus, sed adiuuando suo auxilio hominem, ut per huiusmodi actus se conuertat ad suam iustificationem: ergo etiam homo ut subordinatus huic motui, est causa eorum quatenus sunt dispositiones; sicut si calor naturalis, ut est virtus formæ animalis, est causa accidentium, quæ disponunt ad formam carnis: etiam ut talis virtus, est causa eorum, quatenus habent rationem dispositionum; Et idem est de semine respectu accidentium, quæ disponunt ad formam geniti.

Confirmatur secundo, quoniam in illa ratione aperte committitur petitio principij: nam ad probandum, quod homo nullo modo sit causa istorum actuum quatenus sunt dispositiones, supponitur ut certum, quod nullo modo, hoc est, neque principaliter, neque instrumentaliter est causa gratia; & tamen de hoc est tota controuersia.

ET IDEO *aliter respondetur, maiorem solum esse veram*, quando dispositio vltima habet, quod sit dispositio, ex natura ipsius formæ, quia

scilicet forma ad quam ordinatur, postulat eam ex sua natura; & actus istos non habere, quod sint dispositiones ad gratiam, ex natura ipsius gratia (ut dixi dubio precedenti) sed ex institutione diuina: hoc est, quia Deus statuit secundum legem ordinariam nulli adulto conferre gratiam, nisi præsupposita ex parte ipsius habet dispositione. Cuius signum est, quod est connaturale gratia infundi sine hac dispositione, ut patet in pueris; atque etiam conseruari sine ea, ut patet tam in pueris, quam in adultis: & tamen quando forma aliqua ex sua natura habet, quod postulet dispositionem in suo subiecto, non potest modo sibi connaturali produci aut conseruari sine ea.

Aliqui etiam dicunt, maiorem illam solum esse veram respectu formarum naturalium, non tamen respectu supernaturalium, quoniam istæ, quia sunt per se infusæ, non possunt nostris actibus produci, sed à Deo, quamuis actus nostri sint dispositiones ad eas.

AD TERTIUM respondetur *negando antecedens*; Et ad primam probationem neganda est maior, quoniam licet utrique actus conueniant in hoc, quod sint eiusdem ordinis cum habitibus, ad quos comparantur: tamen in hoc differunt, quod naturales sunt proportionati in causando respectu habituum acquiritorum; at vero supernaturales non sunt ita proportionati respectu habituum supernaturalium, propter rationes supra explicatas in probatione conclusionis. *Ad secundam probationem* respondetur esse duas rationes, propter quas specialiter de actibus supernaturalibus negandum est, quod sint causæ efficientes habituum supernaturalium. *Prima* est, quod isti habitus sunt supernaturales; *neque obstat*. Quod etiam ipsi actus sunt supernaturales *quoniam* adhuc sunt imperfectiores habitibus, & non subordinantur alicui principio existenti in nobis, quod sit perfectior habitibus, ut ita possint producere habitus, neque etiam ad hoc eleuantur à Deo sicut instrumenta, ut explicui in secunda ratione, qua confirmaui conclusionem. *Alteræ* est, quod isti habitus sint infusi per se, & ideo actus nostri quantumcunque sunt supernaturales, neque virtute sibi propria & connaturali possunt eos producere; neque ut possint, eleuantur à Deo secundum legem ordinariam, ut ostensum est in prima ratione proposita pro conclusione: *Neque obstat*, quod habitus supernaturales propria virtute & potentia ut eleuantur à Deo producant actus supernaturales; *quoniam* actus, etiam si sint supernaturales, non dicuntur propriè infusi, sicut habitus. *Neque etiam obstat*, quod actus pœnitentiæ ut pars Sacramenti pœnitentiæ, producat efficienter gratiam, & consequenter virtutes infusas; *quoniam* non facit hoc virtute propria, sed ut eleuatus à Deo tanquam instrumentum, & non repugnat habitibus infusis produci per actus nostros ut per instrumenta Dei. Cur vero iste actus ita consideratus eleuetur à Deo ad producendum habitus infusos potius, quam secundum se & extra sacramentum, tam est explicatum in illa ratione. *Ad tertiam probationem* respondent *aliqui*, quod si actus theologiæ habeat certitudinem supernaturalem, non producant efficienter habitus theologiæ, sed solum disponunt ad eum, & Deus ad ipsorum præsentiam eum producit: sicut quando vltima dispositio ad formam viuentis producit ab aliquo agente, quod

non habet virtutem sufficientem ad producendum talem formam, Deus supplet eius defectum, & solus ad præsentiam dispositionis producit formam, ut multi dicunt contingere in ea generatione viventium, quæ tribuitur celo. *Secundo* responderetur, actum theologiæ non habere certitudinem supernaturalem intrinsecam sibi, sed quasi extrinsecam, quatenus innitur certitudini supernaturali alicuius præmissæ: & ideo non oportere, quod secundum suam substantiam & entitatem intrinsecam sit supernaturalis, & ex consequenti, neque quod habitus ipsi correspondens sit intrinsecè supernaturalis. *Tertio* responderetur, dato quod actus theologiæ sit intrinsecè supernaturalis, atque etiam habitus, non esse eandem rationem de ipsis, & de actu ac habitu alicuius virtutis supernaturalis ex ipsis, de quibus loquimur in argumento, quantum ad hoc, quod est, habitum produci efficienter per actum: quia licet quicumque ex istis duobus actibus, si secundum se consideretur, sit imperfectior suo habitu, tamen actus theologiæ supponit in intellectu habitum fidei, (qui est habitus principiorum theologiæ, & perfectior ipso theologiæ habitu) & ideo, ut subordinatus huic habitui, est perfectior habitu theologiæ, & potest producere ipsum; sicut de actu scientiæ speculatiue quatenus subordinatur intellectui principiorum, aut potentia intellectus quantum ad productionem scientiæ dictum est ex sententia D. TH. in secunda probatione conclusionis. At verò alter actus virtutis supernaturalis, ut antecedit suum habitum, nihil præsupponit in nobis: quod sit perfectior habitu, ut quatenus subordinatur ei possit producere habitum, ut ibidem dictum est.

Sed contra hoc est magna difficultas. Quia sequitur, quod virtutes morales infusæ possint produci efficienter per suos actus: Probat sequela, quoniam ad istos actus præsupponuntur in nobis virtutes theologiæ, quæ nam se habent ad virtutes morales infusas, sicut se habent principia naturalia ad virtutes acquisitas morales & intellectuales, ut **DIVVS THOMAS** docet expressè supra quæstione sexagesima sexta art. 3.


Respondetur negando sequelam, & ad eius probationem potest dici primo, ex ea solum colligi, non posse probari, quod actus illarum virtutum quatenus antecedunt eas, non sint earum cause, ex eo quod nullo modo sint eis perfectiores, hoc est, neque secundum se, neque quatenus procedunt ex altiori principio: tamen ex alio capite poterit hoc probari, scilicet ex eo, quod istæ virtutes sunt habitus infusi per se, ad quod poterit fieri argumentum simile primo, quo probavi conclu-

A sionem. Aut *secundo* potest dici, quod virtutes istæ tantum habent unum modum productionis sibi connaturalem, & iste est, quod infundantur consequenter ad gratiam & virtutes theologicas; & non quod fiant per nostros actus, etiam ut subordinatos virtutibus theologicis, tanquam principijs; quia si deberent fieri per istos actus, sequeretur quod homo sæpe haberet gratiam & virtutes theologicas sine moralibus supernaturalibus; & ex consequenti, quod haberet perfectionem supernaturalem incompletam: quia perfectio supernaturalis inchoatur per gratiam & virtutes theologicas, & ideo nisi consequantur virtutes morales supernaturales, manebit incompleta; sicut si perfectio naturalis haberet tantum prima principia naturalia virtutum, & non virtutes reliquas, esset tantum inchoata, & non completa.

Ad confirmacionem responderetur negando antecedens, quoniam actus supernaturales solum augent habitus supernaturales, præexistentes in nobis, dispositivè & meritoriè, non tamen efficienter physicè; & ita exponenda sunt duò testimonia D. THO. quæ adducuntur ad eius probationem; *Neque* in secundo adducit exemplum actus virtutis acquisitæ, quia eo modo quo iste auget virtutem acquisitam, augeat actus supernaturalis virtutem supernaturalem; sed quia uterque auget suam virtutem, & non producit novam.

AD VLTIMUM responderetur negando antecedens, quia dispositio ad gratiam solum convenit dispositivè ad expulsionem peccati: Et *ad primam probationem* negandum est, quod conversio actualis, quæ est ultima dispositio ad gratiam, sit formaliter & ex natura rei impossibilis cū aversione, in qua consistit peccatum habituale: non solum quia (ut aliqui dicunt) hæc est habitualis, & illa actualis, & actus non habet impossibilitatem cum habitu opposito; sed etiam quia aversio, in qua consistit peccatum habituale, est moralis privatio conformitatis cum regula, & huic non opponitur formaliter illa conversio actualis, sed solum per modum compensationis aut dispositionis, ut à Deo per gratiam misericorditer eam acceptante, remittantur peccata, de quo dicemus infra q. 113. *Ad secundam probationem*, responderetur, quod **DIVVS THOMAS** non loquitur de efficientia physica, sed de morali, quæ consistit in eo modo compensationis, qui convenit alicui penitentiæ, de quo est agendum suo loco.

CIRCA SECUNDAM CONCLUSIONEM potest inquiri.



DVBIUM TERTIVM.

*An homo possit viribus nature dispo-
re se ad gratiam: vel potius ad hoc
indigeat auxilio gratia.*

QUÆRIMUS hic in communi, nam in particula-
ri, quodnam auxilium gratia requiratur ut
homo se disponat ad gratiam, an scilicet requi-
ratur ipsa gratia habitualis, saltem respectu vlti-
mæ dispositionis: vel potius respectu cuiuscun-
que dispositionis, etiam vltimæ, sufficiat auxilium
actuale; agemus infra q. 113. Nunc solum agemus
in communi.

§. 1. *Varia sententia cum funda-
mentis.*

IN QVO, & hæretici errarunt, & aliqui et-
iam Catholici decepti sunt, sed non omnes
eodem modo. Ut autem melius intelligan-
tur eorum sententia, & in quo differant in-
ter se, *Aduertendum* est, dupliciter posse intel-
ligi, quod requiratur auxilium gratia, ut homo se
præparet ad gratiam; *Uno modo intrinsecè*, ita
ut per hoc auxilium homo habeat vires, quibus
possit exercere actus, qui sunt dispositiones; siue
huiusmodi auxilium sit donum aliquod habitua-
le, siue actualis motio, de quo nunc non dispu-
tamus. *Altero modo extrinsecè*, ita ut per hoc
auxilium homo non accipiat vires ad operandum;
sed solum opera, quæ ipse potest viribus suis face-
re, acceptentur a Deo extrinsecè, tanquam dispo-
sitiones ad gratiam.

HOC SUPPOSITO, fuit **PRIMA SEN-
TENTIA** Pelagianorum, qui dicebant, neu-
tro modo requiri auxilium gratia, ut homo se
præparet ad gratiam: sed hominem viribus suæ
naturæ posse operari ea, quæ requiruntur, ut con-
uertatur in Deum, & obtineat remissionem pec-
catorum, in qua sola ipsi constituiebant nostram
iustitiam; & non oportere, quod ad hoc a Deo
misericorditer acceptentur opera, quibus homo
sic conuertitur in Deum, quoniam est ipsis debi-
ta remissio peccatorum. Ita refert istorum er-
rorem **AVGUSTINVS** tom. 6. lib. de hæres.
cap. 88. & alijs locis, quæ infra referemus. Et
istos sequutus est **MELANTHON**, qui ex
Lutherano & Manichæo factus est Pelagianus,
ut refert Præcolus in elencho hæresum, verbo
MELANTHONICI, hæresi 1. & pro istis argumen-
tor.

PRIMO testimonijs scripturæ, nam in ea ali-
quando tribuitur homini, quod se disponat ad
gratiam, ut proverb. 16. *Hominis est præparare
animam*. Et postea, *Cor hominis disponit viam
suam*. Et præterea sæpe postulatur ab homine ut
conuertatur in Deum, & se disponat ad gra-
tiam: & tamen videtur non esse petendum ab

homine, nisi quod ipse potest suis viribus præ-
stare. Sic 1. Regum 7. *Si in toto corde vestro re-
uertimini ad dominum &c.* & postea, *præparate
corda vestra domino*. Et 1. Paralipom. 28. *Si qua-
sieris eum, inuenies*. Isaïa. 30. *Expectat dominus
ut misereatur vestri*. & postea, *ad vocem clamoris
tui, statim ut audierit, respondebit tibi*. Et cap. 55.
*Derelinquat impius vocem suam, & vir iniquus co-
gitationes suas, & reuertatur ad Dominum, & mi-
sererebitur eius*. Zachar. 1. *Conuertimini ad me, dicit
dominus, & ego conuertar ad vos*. Et ad Rom. 10.
*Quicumque innocauerit nomen Domini, saluum e-
rit*.

SECUNDO, si requiritur auxilium gratia ut
homo disponatur ad gratiam, sequitur, quod vel
homini sit impossibile disponi ad gratiam; vel,
quando disponitur, non libere, sed necessario dis-
ponatur; probatur sequela, quia ille, cui Deus
non confert huiusmodi auxilium, non poterit
disponi, quia caret auxilio necessario ut dispona-
tur; & ille, qui confert, non poterit non dis-
poni, quia voluntati diuinæ nemo est qui resi-
stat; atque adeo necessario disponetur, & non
libere.

TERTIO Facienti quod in se est Deus non de-
negat gratiam, ut receptum est communiter a-
pud Theologos, & colligitur ex illo Matthæi 7.
Deus dat spiritum bonum petentibus se. Et Ioan. 15.
*Si quid petieritis patrem in nomine meo, dabit
vobis*; Sed homo viribus naturæ & sine auxilio
gratia, potest facere quod in se est, ut conuer-
tatur in Deum; ergo etiam potest facere to-
tum, quod requiritur, ut Deus ei conferat gra-
tiam.

Confirmatur, quia si non sufficit, quod aliquis
naturæ viribus faciat, quod in se est, ut Deus ei
conferat gratiam iustificantem, sed requiritur,
quod per auxilium supernaturale disponatur, in-
quiro, an Deus secundum legem infallibilem
conferat hoc auxilium cuicumque facienti, quod
in se est, viribus naturæ; vel potius ex duobus
hoc facientibus, vni conferat huiusmodi auxilium,
& alteri denegat; Si dicatur *primum*, sequitur
quod saltem virtualiter, & mediâtè poterit homo
viribus naturæ habere sufficientem dispositionem
ad gratiam, quia potest viribus naturæ præstare
id, cum quo secundum legem infallibilem est
coniunctum totum auxilium, quod requiritur ad
huiusmodi dispositionem. Si vero dicatur *secun-
dum*, sequitur quod Deus sit acceptor persona-
rum, quod est valde absurdum; probatur *ista
sequela*, quia dum confert hoc auxilium, non
respicit dispositionem aut causam ex parte homi-
nis, cum hæc sit æqualis in isto casu; sed personam,
quam acceptat.

VLTIMO, totalis causa ut homo non dispo-
natur ad gratiam, est liberum arbitrium, scilicet,
quod non vult conuertere in Deum, ergo totalis
causa ut disponatur est etiam liberum arbitrium,
scilicet, quod vult conuertere; patet *consequentia*,
quia in causis totalibus, si negatio est causa ne-
gationis, etiam affirmatio est causa affirmatio-
nis.

SECUNDA SENTENTIA est quorundam
Theologorum, qui dicunt, quod requiritur *secun-
dum* auxilium, hoc est, acceptatio extrinseca Dei,
& non *primum*; Ita quod homo suis viribus possit

exercere eos actus, qui sunt ultima dispositio ad gratiam, non tamen sequitur gratia ad huiusmodi actus ex debito, aut ex natura rei, sed ex misericordia Dei volentis uti huiusmodi actibus ut ultima dispositione ad suum proprium opus, quod est infusio gratiæ; Et ideo homo ut habeat ultimam dispositionem ad gratiam, non indiget auxilio, quod sit principium operis, sed solum externa dilectione gratuita Dei, quæ vult acceptare actus elicitos viribus naturæ ut ultimam dispositionem ad gratiam. Hanc sententiam sequuntur *D. ANDRVS 2. d. 28. q. 5. num. 7. GABR. q. vnica art. 2. in vltima probatione primæ conclusionis & art. 3. dub. 1. & 2. Qui etiam tribuit eam SOTO ead. d. Et multi dicunt quod sequatur eam 4. d. 14. q. 1. art. 2. & ad vltimum, quamvis VEGA in opusculo de iustificatione q. 11. eam latè in meliorem sensum interpretetur. Eandem sequutus est D. THOMAS 1. d. 28. q. vnica artic. 4. & CAIETAN. tom. 1. opusc. tract. 4. q. 1. Et probatur hæc sententia.*

PRIMO ex CAIETANO, quoniam dilectio Dei super omnia, & contritio, siue displicentia peccati sub ratione summe odibilis, & propter Deum summe dilectum, sunt vltima dispositio ad gratiam: sed homo viribus naturæ, & sine auxilio gratiæ potest elicere actus istos; ergo & habere vltimam dispositionem ad gratiam. *Maiores* patet, quia in istis actibus consistit perfecta conuersio actualis hominis ad Deum, & hæc conuersio est vltima dispositio ad gratiam, ut patet ex omnibus testimonijs scripturæ, in quibus petitur conuersio hominis ad Deum, ut necessaria, & sufficiens ad obtinendam remissionem peccatorum, & gratiam iustificantem. Et *minores* probatur, quoniam *imprimis* potest homo habere illam dilectionem, quia potest constituere sibi pro vltimo sine delectatione venerationem, aut honorem, aut aliud bonum temporale; ergo etiam Deum, prout est beatitudo sanctorum, & ex consequenti potest diligere ipsum super omnia; quoniam velle habere Deum, pro vltimo fine, est velle præferre ipsum in voluntate nostra omnibus, quæ desiderari aut haberi possunt, quod est, diligere super omnia diligibilia; & ex hoc patet, quod *etiam* possit habere homo illud *dolorē*, quoniam cui Deus est summe amabilis, etiā eius offensa est summe odibilis, & propter ipsum Deum summe dilectum.

SECUNDO probatur ex *D. V.* quia, bonum morale est vltima dispositio ad gratiam: sed homo sine auxilio gratiæ potest efficere opus bonum moraliter; ergo etiam potest habere vltimā dispositionē ad gratiam. *Minor* patet ex ijs, quæ contra Greg. diximus su q. 109. & *maior* probatur, quia illud bonum, quod habet immediatum ordinem ad gratiam, est vltima dispositio ad ipsam; sed bonum morale habet immediatum ordinem ad gratiam, ergo est vltima dispositio ad eam.

TERTIA SENTENTIA est aliorum Theologorum, qui dicunt, quod in aliquo particulari casu, scilicet, quando fit iustificatio per sacramentum penitentia, potest homo viribus naturæ, & sine auxilio gratiæ, habere vltimam dispositionem ad gratiam. Hanc sequitur *SOTO* lib. 2. de natura & gratia cap. 3. & in. 4. d. 14. quæst. 2. artic. 5. & *CANVS* in relect. de penitent. 5. parte, cum agit de confessione infirmi, ubi inquit, quod attritio proce-

dit ab amore naturali Dei super omnia, & forsitan dispositio est idonea ut virtute sacramenti baptismi & penitentia gratia conferatur. Et probatur istorum sententia, Quoniam attritio, quæ procedit ex consideratione turpitudinis peccati, vel ex metu gehennæ & pænarum, disponit sufficienter ad gratiam in sacramento penitentia, ut definitum est in CONCIL. TRIDENT. sessio. 14. in doctrina de sacram. penitent. cap. 4. Sed hanc attritionem potest homo habere absque auxilio supernaturali; ergo etiam potest absque eo habere sufficientem & vltimam dispositionem ad gratiam in sacramento penitentia; Probatur *minor*, tum quoniam illa motiua attritionis non sunt supernaturalia, quia naturaliter potest aliquis timere pænas inferni supposita notitia earum; sicut naturaliter potest diligere seipsum dilectione sufficienti ad causandum timorem illius mali, & naturaliter potest considerare turpitudinem peccati, quatenus est contra bonum rationis; Tum etiam quoniam hæc attritio est facilissima, ergo non indigemus ad tam auxilia aliquo particulari.

CONFIRMATUR, quia viribus naturæ potest homo habere attritionem quæ excludat omnem complacentiam in peccato: ergo etiam potest habere sufficientem dispositionem ad gratiam in sacramento penitentia; *consequenter* patet, quia ad recipiendam gratiam per hoc sacramentum sufficit dolor, qui tollit complacentiam in peccato; & obiectum sacramenti; & *antecegens* probatur, quia dilectio naturalis Dei super omnia, qualis potest haberi viribus naturæ, est sufficiens principium illius attritionis.

5. 2. Quid tenendum de dispositione vltima extra sacramentum.

AD SOLUTIONEM huius quæstionis, *AD VERT* ex *SOTO* lib. 2. de natura & gratia cap. 3. quod sicut respectu formæ naturalis reperitur duplex dispositio, *vna improporcionata*, quæ valde improprie dicitur dispositio, quia non ordinatur ad formæ introductionem, cuiusmodi est calor aeris respectu formæ ignis; & *alia proporcionata*, quæ ordinatur ad introductionem formæ, cuiusmodi est quicquid gradus caloris productus ab igne in ligno; Ita respectu gratiæ reperitur istæ duæ dispositiones, & *improporcionata* dicitur, quæ non est eiusdem ordinis cum gratia, neque per se & proprie præparat viam ad obtinendam gratiam, cuiusmodi est opus bonum moraliter tantum, quoniam hoc non disponit per se ad gratiam, sed per accidens, quatenus aliquo modo adiuvat, ut homo non resistat diuinæ vocationi; *Proporcionata* vero est, quæ per se & secundum Dei institutionem & legem parat viam ad obtinendam gratiam. Et rursum sicut respectu formæ naturalis dispositio proporcionata interdum est *prima & remota*, interdum *ultima aut proxima* ipsi formæ; ita etiam respectu gratiæ, ut D. TH. docet in hoc art. in solutione ad 2. & 3. Et *remota* appellatur, quæ non est sufficiens, neque vltima dispositio ad gratiam, sed alia posterior dispositio necessaria est, ut perueniatur ad iustificationem; *Ultima* vero dicitur, quæ non solum aliquo modo disponit, sed est ita proporcionata

& suff.

& sufficiens ad obtinendam iustificationis gratiam, ut ad eam immediatè, & alterius posterioris dispositionis, subsequatur gratia. In præsentente non agimus de dispositione improporcionata, quia neque meretur nomen dispositionis; sed de proportionata, siue sit remota, siue vltima; & siue vltima sit coniuncta cum sacramento, siue ab eo separata.

PRIMA CONCLUSIO. *Ut peccator habeat ultimam dispositionem ad gratiam, non sufficiunt vires liberi arbitrij cum solo concursu generali Dei, sed requiritur auxilium supernaturale.* Ita D. THOMAS supra q. 106. art. 6. & 3. contra gent. cap. 149. & verit. q. 24. art. 15. Et eum sequuntur eius discipuli CAJETAN. CORRADVS, & FERRARA eisdem locis, & CAPREOLVS 2. d. 28. q. 1. art. 1. concl. 5. Et SOTVS lib. 2. de natura & gratia cap. 3. Ideo sentiunt BONAVENTURA 2. d. 28. art. 2. q. 1. Marsilius 2. q. 17. art. 1. dub. 1. conc. 4. VEGA lib. 6. super CONCIL. TRIDENT. cap. 1. 3. & 4. & in opusc. de iustificatione q. 3. & 11. DECANVS art. 7. Roffensis art. 36. contra Lutherum. DRYNDON lib. de concordia liberi arbitrij & prædestinationis c. 4. & lib. 1. de gratia & lib. arbit. tract. 2. cap. 6. & lib. de captiuitate & redemptione generis humani tract. 4. cap. 2. Et intelligitur hæc conclusio de vltima dispositione ad gratiam extra sacramentum atque ita intellecta est adeo certa, ut sine aperto errore in fide non possit negari.

PROBATVR PRIMO, quoniam est aperte definita in concilijs, TRIDENTINO sess. 6. decreto de iustificat. c. 5. dicitur, quod *peccatores disponuntur ad gratiam liberè assensu & cooperando diuinæ gratiæ excitanti atque adiuvanti.* Et Can. 3. damnatur, qui dixerit, sine præueniente spiritu sancti inspiratione atque eius adiutorio, hominem credere, sperare, diligere, aut penitere posse, sicut oportet ut eo iustificationis gratia conferatur. Est etiam definita contra Pelagium olim in Concilio MILEVITANO cap. 4. & in ARAUSICANO secundo, cap. 4. 5. 6. 8. & 25. Et in concilio PALÆSTINO, cuius meminit AUGUSTINVS tom. 2. ep. 106. ad Bonifacium vel Paulinum & tom. 7. lib. contra duas epistolas Pelagianorum c. 4. & 19. Et in quodam concilio Carthagenensi congregato contra Pelagium, ut constat ex eius epistola ad Innocentium 1. Papam, quæ refertur inter epistolas AUGUSTINI, & est. 90. Est etiam definita à CÆLESTINO 1. n. epist. 1. ad Episcopos Galliæ cap. 1. & 4. Et ab INNOCENTIO 1. in duobus rescriptis ad Concilium Carthagenense & Mileuitanum, quæ habentur inter epistolas AVG. & sunt 91. & 93.

SECUNDO probatur testimonijs scripturæ, nam Act. 11. ita dicitur, *His auditis tacuerunt, & glorificauerunt Deum, dicentes, ergo & gentibus dedit Deus penitentiam ad vitam.* Et 2. Timot. 2. *Nequando det illis Deus penitentiam ad cognoscendam veritatem, & respiciant &c.* Ierem. 31. *Postquam conuersisti me, egi penitentiam.* Ezechiel. 36. *Auferam cor lapideum de carne vestra, & dabo vobis cor carneum, & spiritum meum ponam in medio vestri, & faciam ut in præceptis meis ambuletis, & iudicia mea custodias, & operemini.* De quo testimonio videndus est AUGUSTINVS tom. 7. lib. 4. contra duas epistolas Pelagianorum capite sexto.

TERCIO probatur, quia iste est sensus communis sanctorum, quorum testimonia late referunt SOTVS, VEGA, DECANVS, & ROFFENSIS locis supra citatis, & testimonia AUGUSTINI videri possunt apud Hieronymum Turrianum libro 2. confessionis AUGUSTINIANÆ cap. 3. num. 12.

VLTIMO probatur ratione, quoniam gratia est forma supernaturalis, ut supra dictum est; ergo etiam vltima dispositio ad eam debet esse supernaturalis; patet consequentia, quia vltima dispositio debet esse proportionata formæ ad quem ordinatur, & eiusdem ordinis cum ipsa. Hanc rationem insinuat D. THOMAS art. sequenti, ubi inquit, quod, si dispositio ad gratiam consideretur quatenus est à libero arbitrio, nullam necessitatem siue infallibilitatem habet ad gratiæ consequutionem, quia donum gratiæ excedit omnem præparationem virtutis humanæ. Et eandem magis explicuit supra q. 109. art. 6. ubi sic argumentatur, præparatio ad gratiam est conuersio in Deum quatenus est finis supernaturalis: sed homo suis viribus, & sine auxilio gratiæ non potest esse causa huius conuersionis; ergo neque vltimæ dispositionis ad gratiam; Probatur minor, quoniam secundum ordinem finium est ordo agentium, siue mouentium ad ipsos fines, ita ut quando finis alicuius effectus sit magis vltimus, tanto necesse sit huiusmodi effectum ordinari & moueri ad finem istum à causa superiori, ut inductione constat: ergo homo non potest esse causa suæ conuersionis in Deum quatenus est finis vltimus supernaturalis, nisi ut motus ab ipso Deo quatenus est agens & mouens supernaturale; patet ista consequentia, quoniam alias non seruabitur proportio inter mouens siue ordinans effectum ad istum finem, & ipsum finem. Et quamuis rationes hæc impugnet DRYANDVS q. citata: defendunt eas CAJETANVS in illo artic. 6. SOTVS 2. de natura & gratia cap. 3. & CAPREOLVS 2. d. 28. art. 3. in solut. ad 1. contra 5. conclusionem. Et potest his rationibus addi altera, scilicet quod homo nunc per peccatum auertit se à Deo, ut est finis supernaturalis; ergo ut ei remittatur peccatum, & restituatur iustitia amissa, merito exigitur ab ipso, quod se conuertat ad eundem finem supernaturalem, quod tamè facere non potest viribus proprijs sine auxilio gratiæ, quia nullum agens operatur viribus suis ultra finem suæ naturæ proportionatum.

SECUNDA CONCLUSIO. *Ut homo habeat ultimam dispositionem ad gratiam, requiritur auxilium per modum principij intrinsecè mouentis & perficientis ad operandum: et nõ sufficit extrinseca acceptatio Dei.* Hæc etiam conclusio intelligitur de dispositione ad suscipiendum gratiam extra sacramentum, & conueniunt in ea omnes autores citati pro præcedenti, præter CAJETANVM; & mihi videtur fere adeo certa sicut præcedens, neque dubitarem dicere, oppositam sententiam esse erroneam. Et probatur imprimis, quoniam in testimonijs conciliorum & summorum Pontificum, adductis pro conclusione præcedenti, aperte fit sermo de auxilio, quo adiuvamur & recipimus vires ad operandum; imo sepe dicitur, quod indigemus huiusmodi auxilio propter infirmitatem naturæ humanæ; Et hoc auxilium in Concilio ARAUSICANO & TRIDENTINO appellatur illuminatio ac inspiratio diuina; & in TRIDENT. dicitur, quod auxilium, quo disponimur

ad gratiam, excitat & adiuuat nos, ut constat ex verbis relatis.

Item quia hoc etiam colligitur aperte ex testimonijs adductis ex scriptura, dicitur enim in eis, quod Deus dat nobis penitentiam, & quod conuertit nos, & quod dat nobis cor carneum, id est, molle ad consentiendum ipsi, & quod facit ut ambulemus in præceptis eius, & custodiamus eius iudicia & operemur.

Et præterea idem colligitur ex testimonijs sanctorum, ut videri potest apud autores citatos; Et ad hoc faciunt multa testimonia AUGUSTINI adducta supra q. 111. circa diuisiones gratiæ actualis.

Et confirmantur hæc omnia, quoniam vltima dispositio ad gratiam consistit in actibus fidei, charitatis, & penitentiae, ut dicemus infra q. 112. Ad istos autem actus requiritur auxilium; inspiratio spiritus sancti, & auxilium adiuuans nos ad operandum, ut definitum est in CONCILIO TRIDENTINO sessio. 6. decreto de iustificat. Can. 3.

Et tandem rationes, quibus probauimus præcedentem conclusionem, confirmant etiam istam satis efficaciter.

Sed quæres, an propter hæc omnia dicendum sit, CALETANVM & reliquos Theologos, qui sequuntur secundam sententiam, errasse contra fidem? Respondetur, quod quamuis sententia, quatenus contraria est huic conclusioni, possit appellari erronea: tamen ipsi multis de causis possunt excusari; scilicet, quia non adeo aperte loquuntur, cum multi eos interpretentur in alium sensum; Et quia scripserunt saltem ante CONCILIUM TRIDENTINUM, quando res hæc non erat multum aperta.

5. 3. Quid tenendum de dispositione remota extra sacramentum.

TERTIA CONCLUSIO. Nullam dispositionem, non solum vltimam, sed etiam remotam, quæ proprie & per se disponat nos & præparet ad obtinendam gratiam, possumus habere solis viribus naturæ, & sine auxilio supernaturali. Hæc etiam est certa secundum fidem, & probatur imprimis testimonijs conciliorum. Nam in concilio ARABICANO secundo damnatur, qui non confitetur, quod non solum purgari nos à peccatis, sed etiam velle purgari, fiat per sancti spiritus infusionem & operationem in nos: & tamen prima voluntas, qua incipimus velle liberari à peccato, computatur inter remotas dispositiones. Et cap. 7. damnatur, qui dixerit, quod absque illuminatione & inspiratione spiritus sancti possumus cogitare aut eligere bonum aliquod, quod ad salutem perueniat æternæ vitæ, aut saluari prædicationi consensive credendo, & tamen constat quod solus actus credendi non sit vltima dispositio ad gratiam; & quod quæcunque dispositio, quæ disponit per se ad salutem æternam, sit computanda inter bona, quæ pertinent ad eam. Et cap. 25. ita dicitur, hoc etiam salubriter profitemur & credimus, quod in omni opere bono non nos incipimus, & postea per Dei misericordiam adiuuamur: sed ipse nobis, nullis præcedentibus bonis meritis, & fidem & amorem sui prius inspirat,

ut & baptismi sacramenta fideliter requiramus &c. Item in CONCILIO TRIDENTINO, scilicet 6. decreto de iustificat. cap. 5. dicitur, quod ex ordinis iustificationis in adultis sumitur à gratia Dei præueniente, hoc est ab eius vocatione: sed dispositiones remotæ, quando reperiuntur in eo qui iustificatur, pertinent ad initium iustificationis; ergo procedunt à gratia præuenienti; Et statim dicitur, quod homines disponuntur ad gratiam libere consentiendo gratia excitanti & adiuuanti; vbi indifferenter fit sermo de quacunque dispositione, & non solum de vltima. Quod adhuc magis explicatur cap. 6. sequenti, vbi describitur in particulari modus, quo adulti regulariter iustificantur per baptismum, & explicatur qua ratione à dispositionibus remotis progrediantur vsque ad vltimam, scilicet, ab actu credendi ad timorem diuinæ iustitiæ, & ad spem de diuinâ misericordia propter Christum & inde ad dilectionem Dei, & ad eam penitentiam, quam ante baptismum agere oportet; Et tamen istorum omnium principium dicitur esse gratiam excitantem. Et Can. 3. definitur, requiri auxilium supernaturale ad credendum sicut oportet ad iustificationem: & tamen ibi non solum fit sermo de isto actu, quando coniungitur cum reliquis, qui constituunt vltimam dispositionem ad gratiam, sed etiam quando est qualis in suo genere requiritur ad iustificationem, quod apertius est definitum in concilio ARABICANO secundo cap. 5. vbi damnatur qui dixerit initium fidei, ipsum credulitatis affectum, non per gratia donum, (id est per inspirationem spiritus sancti) & naturaliter nobis inesse: Et constat, quod initium fidei, & affectus credulitatis, non est dispositio vltima, sed remota.

Secundo probatur testimonijs scripturæ, nam Ioann. 6. dixit Christus, nemo potest venire ad me, nisi pater, qui misit me, traxerit eum; sed ire ad Christum, est paulatim, & quasi per gradus quosdam tendere ad ipsum; ergo etiam dispositiones remotæ, quibus sic accedimus ad Christum, sunt dona Dei mouentis nos per internos impulsus ad eas.

Neque est admittenda expositio DURANDI, qui dicit, hoc loco venire ad Christum, esse, accipere gratiam habitualement, quam solus Deus infundit, & ideo solus trahit ad eum; non autem disponi, ad eam, quod vnusquisque potest facere viribus naturæ; Tum quoniam venire significat tendere, & ire: & cum quis accipit gratiam habitualement, non dicitur tendere, aut ire ad Deum, sed esse in termino tendentiæ; Tum etiam quia non dicitur quis trahi ad gratiam, cum infunditur ipsi, sed cum ipse disponitur ad obtinendum eam; Et tandem quia ex ipso contextu colligitur, quod venire ad Christum ibi sit credere; Nam cum Iudæi murmurarent, quia dixerat Christus, Ego sum panis viuus qui descendi de calo; dixit eis Christus, nolite murmurare inuicem, & reddens rationem, quare non deberent murmurare, subiunxit, nemo potest venire ad me &c. quasi dicere, non est mirum, si hoc non capiatis, cum in me non credatis; & ideo non creditis, quia nemo venit ad me &c. vos autem non trahimini à patre propter duritiem & obstinationem vestram. Quod magis explicuit ipse Christus verbis sequentibus: Omnis, qui audit à patre, & didicit, venit ad me, Ex quibus etiam verbis constat, non posse præcedentia intelligi de solo concursu generali, (ut aliqui dicunt) præsertim adiunctis illis verbis, & erunt omnes doctibiles Dei, quibus proculdubio significa-

tur ali-

tur aliquid peculiare & supernaturale.

Item super dicitur in scriptura, quod nihil possumus eorum, quæ pertinent ad nostram salutem spirituales, sine auxilio gratiæ: ut 1. Corinth. 4. *Quid habes quod non accepisti?* &c. Et 2. Cor. 3. *Non quod sufficientes simus à nobis cogitare aliquid quasi ex nobis, sed sufficientia nostra ex Deo est.* Et Ioan. 15. *Sine me nihil potestis facere.* Neque potest dici hoc testimonium intelligi solum de concursu generali, & non de auxilio supernaturali; *Tum quoniam* ibi loquitur Christus de operibus, quæ facimus, quare nus ipse est caput nostrum; *tum etiam* quia in Concilio ARAVSICANO secundo cap. 7. explicatur hoc testimonium, & illud quod secundo loco adduximus ex Paulo, de auxilio supernaturali.

TERTIO potest probari hæc conclusio testimoniis sanctorum, & præsertim AUGUSTINI, qui to. 1. li. 1. retractation. c. 9. refert multa loca, in quibus dixerat voluntatis nostræ esse velle & posse recte vivere; & postea ne ab aliquo adducerentur in fauorem Pelagianorum, quoniam nulla sit in eis mentio gratiæ, ita inquit: *Voluntas ergo ipsa, nisi Dei gratia liberetur à sermone, quæ facta est serua peccati, & ut vitia superes, adiuvetur: velle pieque vitiis à mortalibus non potest* &c. Et cap. 23. eiusdem libri retractat id, quod aliquando dixerat, scilicet, *inimum fide esse à nobis*, & idem facit tom. 7. lib. de prædestinatione sanctorum cap. 5. & lib. de bono perseverantiæ cap. 2.

Tandem potest etiam probari ratione, Quia omnis dispositio, etiam remota, dummodo per se disponat ad formam aliquam, debet esse eiusdem ordinis cum ipsa forma, quia nihil inferioris ordinis potest disponere per se ad rem superioris ordinis; Sed actus, qui à nobis producuntur viribus naturæ, & sine auxilio gratiæ, sunt inferioris ordinis, quam gratia habitualis, quia sunt naturales, & gratia est supernaturalis; ergo non sunt dispositiones proportionatæ & per se, etiam non ultima, ad gratiam.

Confirmatur, quia cum isti actus sint naturales, non possunt per se ordinari ad finem supernaturalem: ergo neque possunt per se disponere ad perfectam conversionem in finem supernaturalem, quæ fit per gratiam.

QUOD SI OBSTACIAS, in scriptura dici de aliquibus operibus bonis moraliter, quod conducant, & disponant, saltem remotè, ad obtinendam gratiam & remissionem peccatorum: ut de elemosyna dicitur Danieli 4. *Peccata tua elemosynis redime.* Et Tobie 4. *Elemosyna ab omni peccato & à morte liberat.* Et de orationibus & elemosynis Centurionis dicitur Actor. 10. *Orationes tuæ & elemosyna tua ascenderunt in memoriam in conspectu Dei.* RESPONDETUR, primum testimonium intelligi de penis peccatorum; & secundum de elemosyna facta cum fide & auxilio supernaturali, quoniam hæc disponit remotè ad obtinendam perfectiorem dispositionem: aut de elemosyna facta in gratia, quæ dicitur liberare à peccato, quia præservat à casu in peccatum, obtinendo à Deo auxilium ad non cadendum. Et tertium de orationibus & elemosynis hominis iusti, quoniam tunc Cornelius erat iustus, & habebat fidem Christi implicitam, quæ, ante maiorem promulgationem Evangelij, sufficiebat ipsi ad salutem.

Ex hac conclusione sequitur, cautè esse legendam observationem ad secundam CASSIANI propositionem, quæ habetur in eius editione Romana: ubi eius author, ut explicet quandam doctrinam CASSIANI, inquit, quod quamvis non possimus habere proximam dispositionem ad gratiam, nisi Deo supernaturaliter adiuuante, tamen remotam possumus habere solâ naturæ vi: licet aliquando peccator sit tanta peccatorum sarcina oppressus, ut reipsa neque hanc remotam dispositionem habeat, nisi Spiritu sancto stimulante incitetur.

5. 4. Quid tenendum de dispositione ultima per sacramentum.

ULTIMA CONCLUSIO. *Neque ad recipiendum gratiam per sacramentum potest homo habere ultimam dispositionem solis viribus naturæ, & sine auxilio gratiæ.* Hanc statuo contra ultimam sententiam SOTI & CANTI: & licet non sit adeo certa, sicut præcedentes, tamen mihi adeo certa videtur, ut oppositam sententiam existimem parum tutam esse in fide; quamvis non censeam esse appellandum errorem, ut bene advertit MOLINA in concordia liberi arbitrij cū donis gratiæ ad art. 13. quæstionis 14. 1. partis disp. 14. memb. 5. in fine.

Et probatur hæc conclusio PRIMO testimonij conciliorum. Nam in Concilio ARAVSICANO secundo cap. 3. *conferuntur alienis à fide, qui alium Dei misericordia, & alium per liberum arbitrium, ad baptismum gratiam posse pervenire contendit*: sed ad baptismi gratiam non venit ut sine ultima dispositione; ergo nullus potest habere ultimam dispositionem ad gratiam baptismi per solum liberum arbitrium, & sine auxilio gratiæ. Et cap. 25. definitur, *quod Dei sua misericordia, & nullis precedentibus bonis meritis, fidem & amoris sui prius inspirat, ut baptismi sacramenta fideliter requiramus.* Et in CONC. TRIDENT. sess. 6. decreto de iustificat. cap. 6. dicitur, *quod, ut adulti disponantur ad recipiendum gratiam per baptismum, præsupponitur, quod excitentur divina gratia ad eos actus, qui vel solent regulariter concurrere, vel sunt simpliciter necessarij ad ultimam dispositionem requisitam ad gratiam baptismi*; & inter huiusmodi actus computantur, non solum fides, & spes, sed etiam dilectio Dei, & penitentia de peccatis, qualis requiritur ad baptismum, & propositum suscipiendi baptismum, & inchoandi novam vitam, & servandi divina mandata. Et sess. 13. doctrina de sacram. penitentia cap. 4. definitur, eam attritionem, quæ peccatorem ad Dei gratiam in sacramento penitentia impetrandam disponit, esse donum Dei, & spiritus sancti impulsus, non adhuc quidem inhabitantis, sed tantum mouentis & adiuuantis.

Neque possunt respondere prædicti auctores, satis esse ad mentem istorum conciliorum, quod præsupponantur actus fidei & spei supernaturales, ratione quorum actus dilectionis & penitentia dicantur dona Dei, & supernaturales, quamvis secundum se sint naturales; *Tum quoniam* ultima dispositio ad gratiam magis consistit in his duobus actibus, quam in præcedentibus; imo actus fidei & spei non habent quod sint ultimæ dispositiones

simpliciter, nisi quatenus coniunguntur cum istis; *Tum etiam* quia concilia expresse loquuntur de actibus dilectionis & penitentiarum; *Et tandem* quia, ut actus isti dicantur dona Dei, non satis est, quod ad eos præsupponantur actus supernaturales fidei & spei, nisi etiam procedant ex eis; quod si procedant ex eis, sequitur quod secundum se sint supernaturales, aut secundum substantiam, ut nos supra diximus; aut saltem quantum ad modum, ut alij dicunt, de quo supra disputauimus.

Secundo probatur ratione, quoniam licet cum sacramento baptismi & penitentiarum minor dispositio sufficiat ad gratiam, quam sine eis: tamen non sufficit dispositio improporcionata gratiæ, & inferioris ordinis quam ipsa: ergo requiritur dispositio supernaturalis, procedens ex auxilio supernaturali, & ex consequenti, nulla naturalis erit proportionata gratiæ, ut dixi in probatione primæ conclusionis.

§. 5. Respondetur argumentis Pelagianorum.

AD PRIMVM PELAGIANORVM, respondetur, B quod (ut inquit D. Tho. supra q. 109. artic. 6. homini tribuitur *preparare et disponere se ad gratiam*, quia id facit per suum liberum arbitrium; non tamen quia ad id sufficiant ipsi vires naturæ, & non indigeat auxilio supernaturali Dei mouentis, & trahentis eum ad se. Et ita, quia requiruntur ista duo, scilicet, noster liber consensus, & auxilium gratiæ: ideo in scriptura dispositio ad gratiam interdum tribuitur nobis, interdum Deo; quod est sic explicatum in CONC. TRIDENT. sess. 6. decret. de iustif. cap. 5. ubi sic habetur: *unde in sacris literis, cum dicitur, Convertimini ad me, et ego conuertar ad vos, libertatis nostra admonemur: cum respondemus, Conuerte nos domine ad te, et conuertemur, Dei nos gratia praueneri confitemur.* Neque in scriptura solum petitur ab homine id, quod ipse potest suis viribus præstare: sed etiam id, ad quod requiritur liber ipsius consensus; quamuis ad huiusmodi consensum requiratur diuina gratia; quia ista gratia præsto adest nobis, & nunquam deerit, nisi per nos steterit.

Ad secundum respondetur negando sequens, & ad probationem dicendum est, quod quantum est ex parte Dei, nulli deest auxilium requisitum ut se disponat ad gratiam, sed omnibus præsto adest: & ita propter defectum huius auxilij nulli est impossibile se disponere. Et quando alicui confertur hoc auxilium, non inferitur necessitas suæ voluntati, sed relinquitur libera ad resistendum, vel simpliciter, & quantum est ex natura voluntatis, si huiusmodi auxilium consideretur, prout (adiuncto concursu actuali) cooperatur actu, libero arbitrio in ipsa operatione; vel etiam ex suppositione talis auxilij, si huiusmodi auxilium consideretur prout recipitur in nobis per modum actus primi, antecedenter ad actum secundum, & ad concursu actuale ad ipsum. *Neque hoc* est resistere diuinæ voluntati; *quoniam* potius est voluntas Dei, quod hoc auxilium ita recipiatur in nobis, ut libere possimus ei resistere, aut consentire; ut explicui quæstione præcedenti, cum agebam de gratia actuali cooperante & adiunante.

Ad tertium respondetur, quod, si illa maxima intelligatur de gratia habituali, (sicut intelligenda

A est, ut sit ad propositum) etiam intelligi debet de faciente quod in se est ut motus auxilio supernaturali scilicet consentiendo & non resistendo diuinæ motioni ut D. Tho. docet sup. q. 109. artic. 6. ad 2. Quare falsa est minor, scilicet, quod homo solis viribus naturæ faciat quod in se est sicut requiritur in ordine ad gratiam habituale. Dicitur autem homo facere quod in se est, quamuis operetur cum auxilio supernaturali, non solum excitante, sed etiam adiunante & cooperante: quoniam etiam posito auxilio excitante, potest homo libere ei consentire & resistere, & non resistit, sed consentit; & id, quod auxilium adiunans & cooperans addit supra excitans (quod necessarium est ut homo consentiat) præsto adest cuicunque homini supposita excitatione, ita ut non desit, nisi per ipsum steterit.

Ad confirmationem respondetur primo, non esse inconueniens concedere, quod cuicunque facienti quod in se est viribus naturæ ut se conuertat ad Deum, dat Deus auxilium supernaturale sufficiens ut possit habere ultimam dispositionem ad gratiam; non tamen quia facere hoc modo, quod in se est, sit meritum, aut dispositio ad obtinendum huiusmodi auxilium: sed quia Deus ex sua pura liberalitate & misericordia vult dare tale auxilium ei, qui ita facit quod in se est. *Neque* ex hoc sequitur, quod etiam mediate possit aliquis viribus naturæ habere ultimam dispositionem ad gratiam; *Quoniam* auxilium requisitum ad hanc dispositionem non est coniunctum cum eo, quod homo facit viribus naturæ, ita ut virtute eius, quod sic facit, homo per modum autem quæ meriti, aut quæ dispositionis, inferatur tale auxilium: sed ex misericordia & benignitate Dei; Et ita non sequitur, quod ex operibus virtutis naturæ factis iustificetur homo: quia id, quod ita sit, nullam habet virtutem, ut iam dixi neque per modum meriti, neque per modum dispositionis, ut homo perueniat ad iustitiam. *Secundo* respondetur, quod quamuis ex duobus æqualiter facientibus viribus naturæ, quod in se est, ut conuertantur in Deum, unus det Deus hoc auxilium, de quo loquimur, & non alteri; non sequitur, quod sit acceptor personarum; *primo quoniam* (ut D. Tho. docet 2. 2. q. 63. & dici solet in materia de prædestinatione, acceptio personarum non habet locum in ijs, quæ nullo modo debentur ex iustitia, sed mere gratis, & liberaliter conceduntur, sicut conceditur hoc auxilium; & *secundo quoniam* Deus quantum est de se paratus est concedere omnibus hoc auxilium, & nullum relinquit sine eo, nisi propter aliquod demeritum, scilicet, propter aliquod peccatum actuale, aut saltem originale.

C *Ad ultimum*, concesso antecedenti neganda est consequentia; & ad probationem dicendum est, requiri etiam ad veritatem illius maximæ, quod negatio sit eiusdem ordinis cum affirmatione: nam si negatio est proportionata viribus alicuius agentis, & affirmatio est improporcionata, non sequitur, quod, si aliquod agens est proprijs viribus totalis causa negationis, sit etiam causa affirmationis; Et in isto casu, non conuersi in Deum finem supernaturalem est proportionatum viribus nostræ naturæ, & conuersi excedit eas.

§. 6. Ad argumenta aliarum sententiarum.

AD PRIMUM *secunda sententia*, respondetur primo, quod dilectio Dei super omnia, & displicentia de peccato sub ratione summi odibilis, tunc habent rationem perfectæ conuersionis actualis in Deum, & ultimæ dispositionis ad gratiam, quando actus sunt supernaturales, & terminantur ad sua obiecta secundum rationes aliquas supernaturales formaliter; scilicet dilectio ad Deum, quatenus est finis supernaturalis; & displicentia ad peccatum, quatenus est auersum a Deo, & offensa ipsius, ut est autor, & finis gratiæ, & bonorum supernaturalium. Et homo non potest suis viribus, & sine auxilio gratiæ habere actus istos, ut ostensum est supra q. 109. art. 3. Vbi etiam dissoluta est illa ratio, quæ ex CAISTANO adducitur ad probandum oppositum. Secundo respondetur, quod neque potest homo pro isto statu suis viribus, & sine auxilio supernaturali habere efficacem dilectionem Dei super omnia, etiam quatenus est autor & finis naturæ, ut ibi etiam dictum est.

AD SECUNDUM respondetur negando maiorem, & ad probationem negandum est, quod opus bonum tantum moraliter habeat immediatum ordinem ad gratiam habitualement: quoniam inter hæc duo est aliquod medium, scilicet opus bonum procedens ex auxilio supernaturali. Item quamuis haberet immediatum ordinem, non sequeretur, quod esset dispositio: quia est omnino improporcionatum, & inferioris ordinis respectu gratiæ habitualis.

AD ARGUMENTUM *tertia sententia*, respondetur negando minorem, si intelligatur de illa attritione, de qua concilium illo in loco dicit, esse sufficientem dispositionem ad recipiendum gratiam in sacramento penitentiae; ut ex ipso concilio probatum est in fauorem ultimæ conclusionis. Et ad primam probationem dicendum est, quod quamuis duo illa motiua, scilicet, *timor penarum, & consideratio surpindinis peccati*, quatenus præcise est contra bonum rationis, possint esse naturalia: tamen attritio, quæ ex eis procedit, debet esse supernaturalis, ut sit dispositio ad gratiam. Neque est aliquod inconueniens, quod hæc attritio sit superioris ordinis, quam motiua ex quibus procedit, quæ non procedit ex eis tanquam ex causis & motibus per se, sed tanquam ex occasionibus: sicut solet dici, quod timor penarum introducit charitatem. Pro quo est aduertendum, quod concilium ibi de illo eodem timore dicit, quod *Ninivitis eo conuicti penitentiam operantur, & misericordiam à Domino impetrant*; ubi aperte docet, quod ille timor fuit Ninivitis motiuum ad habendum eam penitentiam, quæ fuit sufficiens dispositio ad gratiam extra sacramentum. Ad secundam probationem respondetur, quod illa attritio debet esse supernaturalis, ut possit esse dispositio ultima ad gratiam: & ideo, siue sit facilis, siue difficilis, non potest haberi sine auxilio supernaturali. Quod autem debeat esse supernaturalis patet, in eo quod, ut diximus, si non sit supernaturalis, non erit proporcionata gratiæ in ratione dispositionis, quia non erit eius-

dem ordinis cum ipsa, *Tunc etiam quia debet procedere ex fide supernaturali; & tandem quia debet esse cum spe veniæ, & proposito vitandi omnium peccata mortalia, etiam illa, quæ opponuntur præceptis supernaturalibus: quoniam alias non excludet simpliciter voluntatem peccandi, sed solum voluntatem peccandi contra præcepta naturalia.*

Ad confirmationem, respondetur primo negando antecedens, & ad probationem etiam est negandum, quod dilectio Dei super omnia, qualis potest haberi viribus naturæ, sit sufficiens principium attritionis, quæ ex propria natura habeat excludere complacentiam in quocunque peccato: quoniam dilectio illa non respicit Deum ut autorem præceptorum supernaturalium, & ideo, quantum est ex se, non excludit complacentiam in peccatis quæ sunt contra huiusmodi præcepta. Secundo respondetur, quod, ut aditus recipiat gratiam per sacramentum, non sufficit, quod careat complacentia formali, & virtuali in peccato: sed requiritur etiam quod habeat dispositionem proporcionatam gratiæ.

ARTICVLVS III.

Vtrum necessario detur gratia se preparanti ad gratiam? vel facienti quod in se est.

PRIMA CONCLUSIO. Si preparatio ad gratiam consideretur secundum quod est à libero arbitrio, nullam necessitatem habet ad gratiam consequutionem.

SECUNDA CONCLUSIO. Si vero consideretur secundum quod est à Deo mouente, habet necessitatem ad id, ad quod ordinatur à Deo: non quidem coactionis, sed infallibilitatis.

TERTIA CONCLUSIO. Si ex intentione Dei mouentis est, quod homo, cuius cor mouet gratiam consequatur, infallibiliter eam consequitur.

COMMENTARIVS.

Quamuis D. THOMAS solum agat in hoc articulo de gratia habituali, & de ea solum proponat hanc quæstionem: tamen nos non solum dicemus de ea, sed etiam de actuali, scilicet de auxilio supernaturali, quo Deus nos excitat; & adiuvat, atque mouet ut disponamur ad gratiam habitualement, ut sic magis explicetur, an aliquo modo, & saltem mediatè possimus viribus naturæ parare nobis viam ad gratiam habitualement. Quare de habitu sic

D V B I V M.

An facienti quod in se est ad obtinendam gratiam habitualement, hoc est, disponenti se ultimo ad gratiam, detur statim & infallibiliter gratia habitualis.

§. 1. Sententia negativa fundamenta.

Vbi aperte excludimus, non solum dispositiones improporcionatas, hoc est, quæ non sunt supernaturales, & eiusdem ordinis cum gratia: sed etiam eas, quæ sunt hoc modo proportionatæ; dummodo non sint ultimæ, sed tantum remotæ; Et solum disputamus de dispositione ultima, siue proxima, & inquirimus, an ad eam statim, & infallibiliter sequatur gratia. Et in hoc dubio ita intellecto, & sub his terminis, nullum reperio autorem, qui sequatur partem negativam: tamē sub alijs videntur eam sequi aliqui ex Scholasticis, qui fatentur, posse reperiri dolorem de peccato sub ratione summè odibilis, & propter Deū summè dilectum, etiam ut est obiectum beatitudinis sanctorum, & tamen gratiam habitualement non statim consequi ad ipsum. Et de his dico, non sequi partem negativam quæstionis sub terminis propositis, sed sub alijs: quoniam ipsi dicunt, hunc dolorem non esse ultimam dispositionem ad gratiam, nisi habeat alias condiciones, quas non statim habet infallibiliter, & illis positis, concedunt, esse ultimam dispositionem ad gratiam, & ad eam statim consequi gratiam; atque ita non negant consequi gratiam ad ultimam dispositionem, loquendo de ea sub isto nomine *ultima dispositionis*: tamen eo suppresso, & re ipsa id negant, quoniam reuera ille dolor est ultima dispositio ad gratiam, ita ut nulla posterior, neque alia conditio ex parte ipsius requiratur ad obtinendum gratiam habitualement, ut statim ostendam.

In hac sententia conveniunt CAIETANVS to. 1. opuscul. tract. 4. q. 1. ADRIANVS in 4. tractat. de sacram. penitentiæ q. 2. & SCOTVS in 4. d. 14. q. 2. art. 1. quamvis differant inter se in explicando, quæ sint illæ condiciones, quæ requiruntur, ut iste dolor, de quo loquimur, sit ultima dispositio ad gratiam. Nam CAIETANVS dicit, prædictum dolorem fieri ultimam dispositionem ad gratiam, per gratuitam Dei motionem, hoc est, ex eo, quod Deus, non per aliquod donum habituale superadditum, sed per suam dilectionem gratuitam dignatur uti huiusmodi dolore nostro, ut ultima dispositione ad infundendum gratiam & charitatem. Videtur tamen existimare CAIETANVS, non fieri hoc statim, atque homo habet prædictum dolorem, sed aliquo temporis intervallo interiecto, certo quidem, & definito apud Deum, sed nobis tamen incognito. Et fundamentum CAIETANI est, quod, si prædictus dolor secundum se, & sine aliquo addi-

Ato, est ultima dispositio ad gratiam, sequitur, quod homo possit cognoscere certo & evidenter se esse in gratia; probat sequelam, quia homo certo & evidenter experitur, se detestari peccatum super omne odibile quatenus est offensa Dei summè dilecti; & scit certo, quod Deus, tam in naturalibus, quam in gratuitis, dat semper subiectis ultimo dispositis formam, pro qua sunt ultimo disposita. Neque potest responderi, quod propter supernaturalitatem istius actus non potest homo naturaliter esse certus de eo; sicut responderi solet de actu charitatis infusæ; Quoniam CAIETANVS supponit, hunc actum, quantum ad omnes illas condiciones esse purè naturalem, & elici solis viribus naturæ, ut dixi articulo præcedenti. Quod vero conditio requisita, ut iste dolor sit ultima dispositio, debeat esse illa extrinseca acceptatio Dei, probat CAIETANVS impugnando alias condiciones, quæ ab alijs assignantur, cuiusmodi sunt, intensio, continuatio, &c. de quibus dicemus statim.

B At vero ADRIANVS dicit, requiri, quod prædictus dolor sit elicitus summa intentione, & ex toto conatu; & probat hoc, quoniam Deuteronom. 4. de filiis Israel propter peccatum eiectionis à terra promissionis, ita dicitur: cum quæseris ibi Dominum Deum tuum, invenies eum, si in toto corde quæseris. Et psalm. 118. Beati qui scrutantur testimonia eius, in toto corde exquisierunt eum. Vbi CASSIODORVS sic ait: non prius ergo beati, quam in toto corde Deum exquisierint; Et ibidem postea ita dicitur: In toto corde meo exquisivisti, ne repellas me à mandatis tuis. Et Ierem. 48. dicitur, maledictus omnis, qui facit opus Dei negligenter; Qui autem converteritur ad Deum, & non ex toto conatu, aut summa intentione, negligens videtur in sua conversione. Et HIERONYMUS in epist. ad Cresiphontem, ita inquit, sepius discipulum non amat Christus; & in epistola obiurgatoria eius, qui se falso iactavit penitere, miseretur (inquit) tibi dominus, si hac, cum legeris, facias, & per obedientiam penitentiam sequaris; verum si de toto corde penitentiam egeris, &c. neque oportebat uti hac limitatione, si dolor cuiuscunque intentionis sufficeret ad obtinendam gratiam.

C Et ab utroque differt SCOTVS, quoniam ut prædictus dolor sit ultima dispositio ad gratiam, non dicit, requiri externam illam acceptationem, sicut CAIETANVS; neque summam intentionem, sicut ADRIANVS: sed quod tamdiu à peccatore continetur, donec perveniat ad eum terminum durationis, quem Deus eidem præfixit; Et quoniam huiusmodi terminus est hominibus ignotus, ideo dicit, nullum posse certo scire, utrum gratiam & charitatem sit assequutus, quamvis prædictum dolorem in se experiat. Neque adducit SCOTVS fundamentum aliquod pro hac sua sententia.

§. 2. Sententia affirmativa prefer-
tur ut certa.

PRIMA CONCLUSIO. Facienti quod in se est, ex
motione Dei & auxilio supernaturali, ut se dis-
ponat ad gratiam; hoc est, habenti ultimam disposi-
tionem ad gratiam, Deus eodem paullo temporis
infallibiliter infundit gratiam. Hæc est **DIVI**
THOMÆ in hoc loco & questione sequenti, art.
7. quem sequuntur communiter Theologi in 2.
d. 28. & 29. & in 4. d. 14. & 15. & specialiter
SOTO d. 17. q. 2. art. 5. ubi eam probat contra
CAIETANVM & lib. 2. de natura & gratia. c. 14.
ubi etiam probat eam contra continuationem
& intensionem, quam **SCOTVS** & **ADRIANVS**
dicunt requiri Et **VEGA** lib. 13. sup. CONCIL.
TRIDENT. c. 23. Et mihi videtur adeo certa, ut
opposita sit periculosa, & parum iuta in fide,
Probatur primo, quia licet non colligatur aperte
& evidenter ex scriptura, tamen colligitur valde
probabiliter: nam **Ezechielis** 33. ita dicitur, Im-
pietas impij non nocet ei, in quacunque die conuer-
sit fuerit; ubi per quancunque diem intelligi
quodcunque tempus, & quodcunque momen-
tum temporis, colligitur tam ex communi expo-
sitorum sententia; tum etiam ex præcedentibus,
iusticia iusti non liberabit eum, in quacunque die
peccaverit; Nam ibi certum est, per diem intelligi
quodcunque momentum temporis, liquidem
quocunque momento iustus peccat mortaliter, a-
mittit vitam spiritalem & gratiam. Ex quo sumi
potest argumentum aliud pro hac conclusione: Si
enim, in quocunque momento homo se avertit
à Deo per peccatum mortale, amittit gratiam:
nulla est ratio cur eam non recuperet in quo-
cunque instanti fecerit quod in se est ex auxilio
gratiæ, ut se convertat ad Deum, cum Deus pro-
nior sit ad miserendum, quam ad puniendum.
Et idem explicat ipse **Ezechiel.** c. 18. dicens,
Cum avertieris se impius ab impietate sua, animam
suam vivificabit; quasi diceret, tunc, & eodem
temporis momento, quo avertit se ab impietate sua.
Item **Zachari.** 1. dicitur, Convertimini ad me, & ego
converterar ad vos; quasi diceret, in quocunque in-
stanti peccator se converterit ad me, conversione
perfecta, etiam ego converterar ad ipsum per gratiæ
infusionem, & remissionem peccatorum. Et **A-**
pocaly. 3. See ad ostium & pulsā, si quis aperuerit mo-
lus scilicet, cooperando meæ pulsationi, acque a-
deo disponendo se ipsum, intrabo ad illum, scilicet,
per gratiam.

Et præterea etiam colligitur ex CONCIL. **TAN-**
TINIANO sess. 6. decreto de iustificatione capi-
te septimo in principio, ubi, postquam capite
præcedenti explicuerat actus, quibus disponi-
mur ad gratiam, inquit, hanc dispositionem gra-
tis consequitur.

SECUNDO probatur ratione, quoniam cum ho-
mo habet ultimam dispositionem ad gratiam,
facit totum, quod potest, per auxilium gratiæ, ut
se convertat in Deum, & obtineat gratiam: er-
go statim ei confert Deus gratiam habitualement;
probatur ista consequentia, tum quia alias non
esset infallibiliter & statim coniuncta infusio
gratiæ & remissio peccatorum cum conversione
perfecta peccatoris in Deum, sicut videtur fig-

nificati in testimonijs adductis ex scriptura, tum
etiam quia alias non esset respectu gratiæ habi-
tuali illa maxima recepta ab omnibus Theolo-
gis, facienti quod in se est, Deus non dene-
gat gratiam; Tum præterea, quia videtur, quod
non possit convenienter exigi ab homine am-
plius ad gratiæ infusionem, quam quod per
auxilium gratiæ faciat quod in se est ut se
convertat in Deum; Et tandem quoniam in na-
turalibus, in eodem instanti, quo subiectum
habet ultimam dispositionem ad aliquam for-
mam, producit ipsa forma; ergo etiam in su-
pernaturalibus eodem instanti, quo quis habet
ultimam dispositionem ad gratiam, infunditur
ipsi gratia.

SECUNDA CONCLUSIO. Si a-
ctus, in quibus consistit ultima dispositio ad gra-
tiam, scilicet actus dilectionis supernaturalis Dei su-
per omnia & contritionis; habeat rationem ultime
dispositionis, sufficit quod sint, quales requiruntur se-
cundum suas species: ita quod neque requiruntur non
acceptatio exterior, quæ eis datur, quod sint ultima
dispositio; neque certa continuatio, aut intentio. In
hac conclusione conveniunt **SOTVS** & **VEGA** lo-
cis citatis, & probatur

Primo, quoniam in scriptura absolute, & si-
ne huiusmodi conditionibus, promittitur gratia
& remissio peccatorum peccatori convertenti se
in Deum, ut patet ex testimonijs adductis pro
conclusionem præcedenti.

Secundo, quia concilium **TRIDENTINVM** non
constituit perfectionem ultimæ dispositionis in
his conditionibus, sed in modo diligendi Deum, &
detestandi peccata.

Tertio, quia ex sententijs eorum, qui di-
cunt, requiri aliquam ex illis conditionibus,
sequuntur gratia inconuenientia; Nam ex sen-
tentia **CAIETANI** sequitur, hominem, nulla
facta mutatione ex parte liberi arbitrij, & nullo
adhibito Sacramento, accipere gratiam, qua an-
te carebat; & secundo sequitur, cum æquali dis-
positione quoad perfectionem intrinsecam, pos-
se vnum hominem damnari, & alium saluari
sine sacramento; Si enim vnus moriatur cum ac-
tibus, de quibus loquimur, priusquam accep-
tentur à Deo pro ultima dispositione ad gra-
tiam, damnabitur; & alius, qui cum eisdem acti-
bus, & æque perfectis vixerit, donec accepten-
tur à Deo, saluabitur, quod est valde absurdum.

Tertio sequitur, hominem nunquam posse in
instanti iustificari, sed, ut iustificetur, necessario
requiri aliquam temporis durationem, qua fini-
ta acceptentur eius actus pro vltima dispositione.
Contra quod **VEGA** loco citato adducit multa
testimonia Pontificum & sanctorum, quæ vide-
ri possunt apud ipsum: & nobis nunc sufficiat
deducere ex eo hoc inconueniens, quod possit
dari tempus, in quo homo in via adhuc exi-
stens, sit extra statum salutis, quod est valde
absurdum, & contra scripturam diuinam. Et
tandem videntur contrarium testimonijs adductis
pro præcedenti conclusione, quod peccator non
obtainat gratiam & remissionem peccatorum
statim atque facit totum quod in se est cum au-
xilio gratiæ, ut se convertat in Deum. Et hæc
eadem inconuenientia deduci possunt ex senten-
tia **SCOTI**.

Neque potest responderi pro his authoribus, sententiam eorum esse, requiri aliquam durationem temporis (vt CAIETANVS dicit) vel aliquam continuationem ipsorum actuum, (vt dicit SCOTVS) non tamen certam & determinatam, sed quacunque data sufficere minorem; Quoniam inconuenientia illa eodem modo possunt deduci ex eo, quod requiratur quacunque duratio vel continuatio, etiam indeterminata; Et præterea, quoniam lex Dei, vt rectè aduertit VEGA, non est arctanda ad huiusmodi argutias sophisticas. Et minus minus responderi potest, non requiri æqualem durationem aut continuationem in omnibus casibus; nam ex scriptura & concilio aperte colligitur, requiri semper & pro quocunque eueniat eadem conditiones in nostris actibus, vt sint vltima dispositio ad gratiam. Et præterea, quia sequeretur concedendum esse, quod pro diuersitate casuum, siue in vno homine, siue in diuersis, cum æquali dispositione quantum ad totam perfectionem intrinsecam interdum non sit iustificatio, & interdum sit, pro arbitrio diuinæ voluntatis, nam in hoc nulla lex est statuta.

Ex sententia vero Adriani non sequuntur ista inconuenientia, quoniam tota illa intentio, quam ipse dicit requiri, vt isti actus sint vltima dispositio potest eis conuenire in quocunque instanti. Sed nihilominus sequitur ex ea, quod possit reperiri perfectus actus charitatis supernaturalis & contritionis in eo, qui manet in peccato mortali, & sine gratia. Probatur sequela, quia vt actus charitatis sit perfectus satis est, quod sit dilectio Dei super omnia appetitiue, hoc est, talis, vt, quantum est ex vi eius, sit homo paratus ad relinquendum omnia alia potius, quam Deum; Et similiter vt actus contritionis sit perfectus, satis est, quod sit detestatio peccati super omne detestabile appetitiue, hoc est, talis, vt, quantum est ex parte eius, mallet homo quoduis aliud damnum pati, quam in peccatum mortale incidisse. Sed vt homo habeat hanc dilectionem Dei, & hanc detestationem peccati, non requiritur quod operetur cum summa intentione; ergo neque vt habeat perfectos actus charitatis supernaturalis & contritionis, & ex consequenti, si, vt peccatori remittatur peccatum & infundatur gratia, requiritur quod diligat Deum, & doleat de peccato summa intentione, poterit contingere, quod aliquis habeat perfectos actus charitatis & contritionis, & nihilominus maneat in peccato mortali, & absque gratia. Maior est communiter recepta ab omnibus Theologis, & ad eius probationem solent dici multa. 1. in materia de charitate; & in additionibus 3. p. q. 1. art. 1. quæ ibi videntur possunt.

VLTIMA CONCLUSIO *Infalibilitas consequentis gratia ad istos actus, qui sunt vltima dispositio ad gratiam, non provenit ex natura ipsorum actuum, sed ex voluntate & ordinatione Dei, quæ est convenientissima naturæ rerum.* PRIMA PARS, scilicet, quod ista infalibilitas non proveniat ex natura actuum, sed ex voluntate Dei, Probatur, nam imprimis ipsi actus, quamuis sint supernaturales, non habent ex natura sua quod sint vltima dispositio ad gratiam, sed ex voluntate & institutione Dei, vt supra diximus; ergo ex eadem voluntate habent, quod ad eos consequatur infalibiliter gratia, & non ex natura sua, quia non sequitur ad eos statim gratia, nisi vt

habent rationem vltimæ dispositionis ad ipsam. Et præterea de voluntate Dei remittendi peccata, & infundendi gratiam statim atque homo habet prædictos actus, quibus se conuertit ad ipsum, constat nobis ex testimonijs scripturæ adductis pro prima conclusione.


SECUNDA VERO PARS, scilicet, quod hæc voluntas congruit naturis rerum, probatur, quoniam *moraliter loquendo* congruit naturis rerum, quod facienti quod in se est ad compensandum iniuriam alicui introgatam, remittatur talis iniuria, & *ph. sic loquendo* etiam congruit naturis rerum, quod posito actu perfecto, & eiusdem ordinis cum habitu, deinde habitus.

EST AVTEM *adnotandum*, quod, cum D. THO. in hoc articulo dicit, istos actus non habere necessitatem, siue infalibilitatem ad gratiæ consequutionem, vt procedunt à libero arbitrio, sed vt procedunt ex auxilio Dei mouentis hominem vt consequatur gratiam; non negat requiri secundum legem ordinariam, & aliquid etiam conferre libertatem nostram subordinatam diuinæ motioni: sed solum explicuit causam, à qua principaliter habent nostri actus talem infalibilitatem; neque etiam negat requiri voluntatem, quæ Deus statuerit conferre gratiam habenti actus istos: sed potius loquitur de motione præsupponente talem voluntatem. Itaque sensus D. Tho. est, actus nostros habere hanc infalibilitatem principaliter quatenus procedunt ex motione Dei præsupponente voluntatem & legem conferendi gratiam habenti ipsos actus.

§. 3. Soluntur aliter sententia fundamenta.

AD FUNDAMENTVM CAIETANI respondebimus articulo vltimo huius quæstionis; & interim dici potest, falsum esse, actus illos esse naturales, & posse elicià nobis solis viribus naturæ; vt supra ostendimus: & hoc satis esse, vt homo non possit euidenter cognoscere se habere eos, quoniam non potest experimento discernere, an sint supernaturales, propter similitudinem, quam habent cum alijs actibus naturalibus, quos ipse potest habere circa obiecta istorum actuum sumpta materialiter, licet sub alia ratione formali.

AD FUNDAMENTVM ADRIANI responderetur, quod, vt homo diligat Deum & detestetur peccatum ex toto corde suo, ita vt etiam satisfaciat præceptis charitatis & penitentiae, satis est, quod diligat Deum super omnia diligibilia appetitiue, & quod detestetur peccatum super omne detestabile, etiam appetitiue; neque oportet quod eliciat actus istos summe intentos; imo neque præcepta solent dari de intentione actuum, vt suis locis dicendum est.



DVBIVM SECVNDVM EST.

De gratia actuali, hoc est auxilio
supernaturali.

*Vtrum facienti aut conanti viribus nature
facere quod in se est, vt conuertatur in
Deum, detur infallibiliter & statim au-
xilium supernaturale sufficiens vt pos-
sit conuerti in Deum finem supernatura-
lem, & obtinere gratiam atque remis-
sionem peccatorum.*

IN QVO ALIQUOTA sequuntur partem affirma-
tiuam, vt concedant, hoc, quod est hominem
facere viribus nature quod in se est, habere
quandam rationem motiui, aut conditionis,
sive per modum dispositionis, siue per modum
meriti de congruo, vt Deus det illi auxilium gratiæ,
quo possit perfecte conuerti ad ipsum, & iustificari.
Pro hac sententia possunt referri ALEXAN. 3. p.
q. 69. art. 3. ALTISSIODORENSIS lib. 3. Summæ q.
89 art. 6. ALBERTVS MAG. in. 2. d. 28. q. 1. Et ma-
iori ratione alij Theologi, de quibus articulo præ-
cedenti retulimus sentisse, hominem viribus natu-
ræ posse elicere actus, qui sunt vltima dispositio ad
gratiæ. Et ERASM. in paraphrasi ad illud Ioan. 6
nemo potest venire ad me nisi pater meus &c. vbi in-
quit: non impertit illo (scilicet Patri) tantum munus,
hoc est internas inspirationes fidei, nisi volentibus
& anidis: quisquis autem promeruerit sua propria
voluntate, pioque studio, vt attrahatur à Patre, per
me vitam æternam consequatur. Et DECANVS artic. 7.
antequam proponat argumenta aduersariorum, §.
Doctores autem Scholastici. Vbi inquit non deroga-
re diuinæ gratiæ qui dixerit, hominem ex solis in-
genitis naturæ stimulis sese modo quodam præpa-
rare, aptumque facere, ad quem adiuuandum ve-
niat Deus: non quod adiuuari mereatur, vt dicebat
Pelagius, sed quod se tam docilem, & tractabilem
exhibeat, vt deceat Deum, & dignum sit eius boni-
tate illum adiuuare. Et postea inquit, quod ad præ-
standum internam suauitatem & excitationem gra-
tiæ inuitatur Dei bonitas bono vsu naturalium,
non tanquam merito, sed vt dispositione, quam eū
non decet contemnere.

ET PROBATVR hæc sententia PRIMO testimo-
nijs sanctorum, qui videntur significare, aliquid
præcedere ex parte nostra, quo mereamur, & ido-
nei efficiamur, vt trahamur ad fidem. Nam impri-
mis CHRYSOSTOMVS homil. de cōuersione Pauli,
& lib. 1. de conpunctione cordis, venit (inquit)
ad unumquemque gratia Dei, sed apud eos, qui digne
expleant ea, quæ in ipsis sunt, permanet; absijs vero, qui
minus digne agunt, cito discedit, ad eos autem, qui nec
institum faciunt conuertendi ad Dominum, omnino nō

A venit. Et homilia 19. in acta, loquens de Eunuchō
Candaces Regina, ita inquit. Non viderat Iesum
Christum, non viderat signum: vlt. i. viderat quis sta-
tus Hierosolymis, & credidit Philippo. Unde igitur ta-
lis factus est? Sollicita erat anima illius, attendit scriptu-
ris, vacauit lectionibus. Et THEOPHYLACTVS in
illud Ioan. 6. Nemo potest venire ad me nisi pater
&c. ita inquit: Illos trahit Pater, qui habent volunta-
tis aptitudinem, eos autem, qui seipso non faciunt ido-
neos, non trahit ad fidem; nam sicut magnēs non omnia,
sed solum ferrum attrahit: ita, & Deus ad omnes quidē
appropiat, eos autem, qui magis idonei, & familiari-
tatem erga Iesum præ se ferunt, trahit. Et EUTHYMIVS
in illud eiusdem capituli, Omne quod dat mihi Pater,
sic ait, Verum si venis is ad filium, qui datur à Patre:
culpa ergo carebit, qui non venit, vt potest non darius à
Patre, sed illos Pater dat, in quibus præcedit bona
voluntas. Et CASSTANVS lib. 12. de institutis renū-
tiantium. c. 14. videtur dicere, Conuersionem inci-
pere ex humanis conatibus, non tamen consummari sine
gratia Dei; & quod, quamuis pulsatio, petitio, & inqui-
sitiō nostra non sit condigna ad impetrandum vel inue-
niendum id, quod querimus: tamen est occasio, qua ob-
lata, præsto adest misericordia Dei ad hac omnia confo-
renda. Et collatione 13. c. 7. inquit, quod quantu-
lancunque scintillam bonæ voluntatis Deus in nobis
perspexerit, statim eam conseruat, & exsuscitat, & sua
inspiratione confortat. Et cap. 11. inquit, quod cum
Deus nos viderit ad bonum velle desistere, oc-
currit, dirigit, ac confortat; & explicat ibidē quid
nos præstemus nostris viribus, & quid auxilium
Dei. Et cap. 13. inquit, quod gratia Dei nonnun-
quam à nostro libero arbitrio quosdam conatus
bonæ voluntatis vel exigit, vel expellat, ne peni-
tus dormienti, aut inerti otio dissoluto sua videat-
ur dona conferre; occasiones quodammodo que-
rens, quibus humana segnitie tepore discusso, neque
irrationabilis munificencia sue largitas videatur,
dum ea sub colore cuiusdam desiderij, & laboris
impertit.

SECUNDO probatur ratione, quoniam nisi dica-
mus, Deum ei, qui viribus suis facit totum quod
potest, vt exurgat à peccato, aut conuertatur ad
ipsum, conferre lege infallibili auxilium superna-
turale, quod ad hoc est necessarium: non poterit
explicari, qua ratione sit nobis semper liberum &
possibile conuerti in Deum, & exurgere à peccato,
sicut colligitur ex scriptura. Et probatur sequela,
quoniam vt semper, & pro quocunque instanti
possit peccator conuerti in Deum, & iustificari, ne-
cesse est quod, aut semper habeat in se respectū
auxilium supernaturale, quod ad hoc requiritur,
aut saltem possit suis viribus efficere aliquid, cum
quo habeat infallibilem connexionem, dari ipsi
tale auxilium.

Quod si dicatis, ex hoc solum sequi, dari hoc auxi-
lium homini viribus naturæ facienti quod in se est,
vt se conuertat in Deum: non tamen dari, quia sic
facit quod in se est, tanquam propter disposi-
tionem aut meritum de congruo, &c.

Nec plura inuenimus à Curiele super hac questione dictata in scholis, aut separatim scripta; nec aliunde volumus quæstiones supplere; quia id nobis iniunxit obedientia, ut Curielis opera exhiberemus lectori fideliter, etiam cum hiatus illis, quos imperfectos reliquit. Nimirum ut insignium pictorum etiam inchoatas tabulas libenter intuemur, quamvis illis ultima artificum manus non acceperit; ita iudicant, quibus obedire vicia nostra ratio iubet, optimi Præceptoris nostri etiam imperfecta fragmenta præcedentibus lecturis attestare.



INDEX

QVÆSTIONVM, ARTICVLORVM, ET DVBIORVM HVIVS LECTVRE.

QVÆSTIO CIX.

De exteriori principio humanorum actuum, scilicet de gratia, cuiusque necessitate.

PROOEMIUM.

- §. 1. *Varia actiones gratia.*
- §. 2. *Ordo & connexio huius materie.*
- §. 3. *Methodus huius questionis. Quinque status naturalium.*
- §. 4. *An primus status distinguatur à secundo, ita ut possit ab eo separari; hoc est status naturæ puræ à natura integræ.*
- §. 5. *An in istam naturam corrupta sit infirmior homo quam in statu puræ naturæ esset, si in ea crearetur.*
- §. 6. *An status naturæ integræ distinguatur à statu innocentis?*

ART. 1. *Virum homo sine gratia aliquid verum possit cognoscere.*

Commentarius.

DVB. 1. *Virum sine auxilio gratia possit homo cognoscere omnes veritates naturales speculativas?*

- §. 1. *Varia sententia.*
- §. 2. *Resolutio questionis.*
- §. 3. *Unde ignota etiam intellectui speculativo insitum ex peccato.*
- §. 4. *Salutatio argumentorum.*

DVB. 2. *Virum sine auxilio gratia possit homo cognoscere omnes veritates practicas.*

- §. 1. *Declaratur dubij inulus & sensus.*
- §. 2. *Negativa sententia fundamenta.*
- §. 3. *Prima pars veræ sententiæ, posse aliquos.*
- §. 4. *Alteræ pars veræ sententiæ, non posse omnes colligere sumptis.*
- §. 5. *Derivatur fundamenta contraria opinionis.*

DVB. 3. *Virum ad cognoscendas veritates supernaturales sine satis vires naturæ, an patitur requiratur auxilium gratia?*

- §. 1. *Tripliciter explicatio.*
- §. 2. *Methodus Pelagij.*
- §. 3. *Opiniones catholicorum.*
- §. 4. *Non posse sine gratia hominem assentiri veritati-*

A bus supernaturalibus ut oportet ad salutem.

§. 5. *Ad argumenta.*

ART. 2. *Virum homo possit velle & facere bonum sine gratia.*

Commentarius.

Posse hominem etiam in peccato existentem aliquid opus moraliter bonum efficere.

DVB. 1. *Virum homo in statu naturæ corruptæ cum solo concursu generali Dei absque speciali auxilio possit efficere opus bonum?*

§. 1. *Pars negativa Gregorij Ariminensis.*

§. 2. *Conclusio affirmativa.*

§. 3. *Ad argumenta à Gregorio.*

ART. 3. *Virum homo possit diligere Deum super omnia ex solis naturalibus sine gratia?*

Commentarius.

Explicatur altus dilectionis de quo est questio.

DVB. 1. *Virum homo in statu naturæ integræ cum solo concursu generali possit elicere alium efficacem dilectionis Dei super omnia ut est finis naturalis?*

- §. 1. *Negativa sententia fundamenta.*
- §. 2. *Conclusio affirmativa de dilectione naturali.*

§. 3. *Respondetur ad argumenta.*

DVB. 2. *Virum homo cecidens in partibus naturalibus posset cum solo concursu generali elicere prædictum alium dilectionis?*

§. 1. *Affirmativa sententia fundamenta.*

§. 2. *Non posset sine auxilio speciali; & cum eo, pertinere tamen ad ordinem naturæ possit.*

§. 3. *Salutatio argumentorum.*

DVB. 3. *An homo in statu naturæ corruptæ posset propriè verum cum solo concursu generali elicere prædictum alium dilectionis.*

§. 1. *Referuntur auctores pro parte affirmativa.*

§. 2. *Requiri auxilium supernaturalis.*

§. 3. *Corollaria ex tradita doctrina.*

§. 4. *Examinatur ratio quæ conclusio probatur.*

ART. 4. *Virum homo sine gratia per sua naturalia possit legè præcepta implere.*

Commentarius.

Præcepta naturalia & supernaturalia, ex parte obiecti modi, finis, & institutionis. Obstantia præceptorum quoad substantiam operis, & quoad modum.

DVB. 1. *Virum homo in statu naturæ integræ po-*

invenit sine ullo auxilio gratia servare totam legem naturalem.

§.1. Adferuntur antitheses, & argumenta pro parte negativa.

§.2. Potuisse quoad substantiam operum.

§.3. Solutio argumentorum.

DVB.2. An homo in statu naturae corruptae, sine omni auxilio gratiae possit observare omnia praecepta legis naturalis obligantis sub mortali.

§.1. Explicatur titulus.

§.2. Referuntur varia sententia.

§.3. Indiget ad hoc homo auxilio actuali & gratia habituali.

§.4. Argumenta adversaria solvantur.

ARTIC.5. Virum homo possit mereri vitam aeternam sine gratia.

ARTIC.6. Virum possit seipsum ad gratiam preparare per seipsum absque exteriori auxilio gratiae?

Commentarius.

ARTIC.7. Virum homo possit resurgere à peccato sine gratia.

ARTIC.8. Virum homo sine gratia possit non peccare?

Commentarius.

DVB.1. Virum homo in statu naturae integrae sine ullo auxilio speciali possit vitare ad longum tempus, omne peccatum tam mortale, quam veniale contra legem purè naturalem.

§.1. Pars negativa proponitur.

§.2. Pars affirmativa eligitur.

§.3. Solvantur argumenta.

DVB.2. An homo in statu naturae corruptae sanatus per gratiam habituales cum auxiliis specialibus eidem gratiae ordinariè correspondentibus possit vitare omnia peccata venialia per longum tempus, aut etiam per totam vitam.

§.1. Ponuntur quaedam notabilia pro solutione dubij.

§.2. Argumenta pro affirmativa.

§.3. Potest pro parvo tempore; non pro longo; licet hoc possit ex speciali privilegio soli virgini concesso.

§.4. Solvantur argumenta.

DVB.2. V. homo in statu naturae corruptae & in peccato mortali existens possit sine auxilio gratiae solis viribus naturae per longum tempus vitare omnia peccata mortalia opposita legi naturali.

§.1. Adfert varias sententias.

§.2. Possit vitare singula, non tamè diu, & quot titulis ad hoc indiget auxilio gratiae.

§.3. Respondetur argumentis adversariorum.

DVB.2. Virum homo viribus naturae sine auxilio gratiae possit vitare peccata opposita praeceptis supernaturalibus.

§.1. Referuntur sententiae.

§.2. Praecepta virtutum Theologicarum sine gratia servari nequeunt: possunt tamen ea quae dantur de susceptione sacramentorum.

§.3. Rescinditur solutio Vasquez.

ART.9. Virum qui consequens est gratiam per seipsum possit operari bonum & vitare peccatum absque auxilio gratiae.

DVB. An indiget homo in gratia existens auxilio moneute ad bene agendum.

§.1. Explicatur ratio dubitandi; & solutio pro affirmativa.

§.2. Esse hanc D. Thomae sententiam.

§.3. Solvitur obiectio Gab. Vasquez.

§.4. Praemittuntur aliqua ad explicationem conclusionis. Nunquàm denegari iustis hoc auxilium speciale.

ARTIC.10. Virum constitutus in gratia indigeat auxilio gratiae ad perseverandum.

Commentarius.

Sensus conclusionum D. Thomae.

DVB.1. An sit necessarium speciale donum distinctum à gratia habituali, & virtutibus infusis, & auxilio eius debito, ad moriendum in gratia.

§.1. Probatio partis negativae.

§.2. Eligitur & declaratur pars affirmativa.

§.3. Respondetur argumentis in oppositum.

§.4. De dono perseverantiae in pueris.

DVB.2. In quo consistat donum speciale perseverantiae?

§.1. Explicatur ratio dubitandi.

§.2. Praemittuntur quaedam ad quaestionis decisionem. Donum hoc pertinere ad statum viae; & quid oportet in eo dari.

§.3. Resolutio quaestionis.

§.4. Resp. ad rationem dubitandi.

QVÆSTIO CX.

De gratia quantum ad eius essentiam.

ARTIC.1. Virum gratia ponat aliquid in anima.

DVB.1. An ipse actus, quo Deus diligit creaturam rationalem in ordine ad finem supernaturalem, possit appellari gratia.

DVB.2. An gratia, qua homo dicitur 'Deo gratus', sit aliquid supernaturale in ipso homine existens.

§.1. Exponitur status quaestionis.

§.2. Errores hareticorum.

§.3. Deciditur quaestio. Esse formam intrinsecam.

§.4. Effectus formalis eius est esse obiectum proportionatum divinae dilectioni.

§.5. Impugnatur Durandus.

§.6. Effectus formalis gratiae datur per eam ex natura rei sine dependentia ab institutione libera Dei.

§.7. Corollaria.

§.8. Respondetur argumentis initio positis.

§.9. Duo effectus formales gratiae inter se distincti.

ARTIC.2. Virum gratia sit qualitas animae.

Commentarius.

Esse formam permanentem in anima. Et hoc esse iam de fide.

ARTIC.3. Virum gratia sit idem quod virtus.

DVB. An gratia distinguatur à charitate.

§.1. Explicatur titulus. Sententia affirmans esse eundem habitum cum charitate.

§.2. Eligitur sententia S. Thomae affirmantis esse duos habitus realiter distinctos.

§.3. Solvantur argumenta prioris sententiae.

CONTROVERSIA SOLENNIS.

Virum ex illis verbis D. Petri. Per quem maxima & pretiosa nobis promissa donavit ut per hac efficiamini divinae consortes naturae (2.ep.c.1.) colligatur gratiam esse formalem participationem divinae naturae secundum id, in quo prima & essentialis ratio eius consistit.

§.1. Explicantur termini, & status quaestionis aperiuntur.

§.2. Argumenta partis negativae.

§.3. Quid intellexerit D. Petrus per Promissa.

§.4. Probabilius est Petrum loqui, unum fuisse de consortio Physico.

§.5. Quid sit gratiam esse formalem participationem divinae naturae.

§.6. Gratiam non esse formalem participationem divinae naturae, quatenus est ens per essentiam.

§.7. Respondetur argumentis Ioannis Vincentij. Ad

testimonia prima classis.

§. 8. Ad testimonia 2. classis ab eo producta.

§. 9. Quare gratia vocetur Semen Dei.

§. 10. Ad testimonia tertia classis.

§. 11. Ad primum medium rationis 1.

§. 12. Ad secundum medium.

§. 13. Ad 1. argumentum responsio alia.

§. 14. Ad secundum argumentum de divina immutabilitate.

§. 15. Ad 3. argumentum de divina perfectione.

§. 16. Ad ultimum argumentum ex auctoritate D. Thome desumptum.

§. 17. Quid sit, charitatem posse in infinitum augeri.

§. 18. Intellectualitas quomodo conveniat Deo.

§. 19. Quomodo gratia sit participatio divina natura.

§. 20. Explicantur aliqua testimonia D. Thome.

§. 21. Gratia pertinet ad gradum intellectualem.

§. 22. Intellectualitatem concipimus ut rationem naturam in Deo.

§. 23. Ad argumenta principalia.

§. 24. In quo gratia novi testamenti excedat gratiam testamenti veteris.

§. 25. Natura divina potest communicari creatura secundum unitatem eiusdem rationis formalis analogica.

§. 26. Cur natura divina sic communicari potest, non vero alia natura creata.

§. 27. Quomodo esse per essentiam presupponat naturam divinam.

ARTIC. 4. Verum gratia sit in essentia anime sive in subiecto, an in aliqua potentiarum.

COMMENTARIUS.

QUESTIO CXI.

De divisione gratia.

ARTIC. 1. Verum gratia convenienter dividatur per gratiam gratum facientem & gratiam gratis datam.

DVB. De veritate conclusionum D. Thome.

§. 1. Rationes dubitandi.

§. 2. Stabilitur divisio à D. Thoma tradita.

§. 3. Resolutio argumentorum.

ARTIC. 2. Verum gratia convenienter dividatur per operantem & cooperantem.

COMMENTARIUS.

DVB. Verum gratia habitualis recte, & secundum mentem D. Augustini dividatur in operantem & cooperantem?

§. 1. Sententia negativa Vega & Vasquez.

§. 2. Sententia affirmativa verior.

§. 3. Ad argumenta contraria.

ARTIC. 3. Verum gratia convenienter dividatur in praevenientem & subsequenter.

COMMENTARIUS.

ARTIC. 4. Verum gratia gratis data convenienter dividatur ab Apostolo.

COMMENTARIUS.

ARTIC. 5. Verum gratia gratis data sit dignior quam gratia gratum faciens.

TRACTATUS

De Gratia actuali

PROOEMIUM.

DVB. 1. Quid sit gratia actualis.

§. 1. Explicatio tituli. §. 2. Varia sententia Theologorum.

§. 3. Non consistit in concursu specialitatis.

§. 4. An concursus actualis Dei detur in ipsam potentiam, aut in eius actionem.

§. 5. Quid intelligat D. Thomas per motionem primae causa.

§. 6. Gratia actualem consistere in inspirationibus intermis simul

cum elevatione potentiae. §. 7. Soluntur argumenta aliarum sententiarum.

DVB. 2. Verum gratia actualis recte dividatur in operantem & cooperantem.

§. 1. Divisionem propositam fundari in scriptura, concilijs, & patribus.

§. 2. Rejicitur sententia Durandi. §. 3. Caietani, item & Scoti.

§. 4. Sententia recentiorum insufficiens. §. 5. Notationes pro decisione dubij.

§. 6. Resolutio dubij.

§. 7. Respondetur nonnullis difficultatibus circa doctrinam traditam.

DVB. 3. Verum gratia recte dividatur in excitantem & adiuvantem.

§. 1. Verum recte sit illa divisio.

§. 2. Quid sit gratia excitans, & quid adiuvens.

§. 3. An illuminationes & inspirationes, in quibus confusus gratia excitans, producantur efficienter à nobis potentijs.

§. 4. An gratia excitans & adiuvens distinguantur inter se.

§. 5. An utraque gratia praedicta sit necessaria ad singulos actus supernaturales.

QUESTIO CXII.

De causa gratiae.

ARTIC. 1. Verum solus Deus sit causa gratiae.

DVB. 1. De facto possit aliqua creatura esse causa principalis gratiae?

§. 1. Conclusio negativa de fide.

§. 2. Examinatur ratio qua D. Thomas eam probat.

§. 3. Corollaria ex doctrina tradita.

DVB. 2. An de potentia absoluta possit aliqua creatura esse causa principalis gratiae.

§. 1. Ratio dubitandi.

§. 2. Conclusio negativa.

§. 3. Satisfit rationi dubitandi.

DVB. 3. Quo genere productionis fiat gratia.

§. 1. Varia sententia.

§. 2. Nec creatione nec concreatione nec alteratione, sed educitur de potentia subiecti, & generatur secundum quid.

§. 3. Soluntur argumenta.

ARTIC. 2. Verum requiratur aliqua preparatio & dispositio ad gratiam ex parte hominis.

DVB. 1. An requiratur dispositio ad introductionem gratiae ex parte susipientis.

§. 1. Sensus tituli. §. 2. Non requiritur in ijs qui nec dū vivunt, nec vti poterunt ratione.

§. 3. Requiritur in ijs qui vivunt, aut poterunt vti ratione. §. 4. Dispositio hac est in suo ordine causa gratiae.

DVB. 2. In quo genere est dispositio causa gratiae. §. 1. Sensus quaesiti ponitur. §. 2. Sententia affirmans esse causam efficientem. §. 3. Sententia contraria eligitur, eiusque varia fundamenta examinantur. §. 4. Verior eius probatio. §. 5. Ad argumenta.

DVB. 3. An possit homo vivibus natura se disponere ad gratiam sine auxilio gratiae? §. 1. Variæ sententiae cum fundamentis. §. 2. Quid tenendum de dispositione ultima extra Sacramenta. §. 3. Quid de remota etiam extra sacramenta. §. 4. Quid de ultima per Sacramentum. §. 5. Ad argumenta Pelagianorum. §. 6. Ad argumenta aliorum Catholicorum.

ARTIC. 3. Verum necessario detur gratia facienti quod in se est.

DVB. An facienti quod in se est, statim infallibiliter detur gratia habitualis. §. 1. Sententia negat. §. 2. Eligitur affirmativa. §. 3. Ad argumenta.

LECTURA
OCTAVA,
QVÆ EST

DE IVSTIFICATIONE.

Ad D. Tho. 1. 2. quest. 113.

Index huius Lecturę habetur
ad calcem ipsius.

QVÆSTIO CXIII.

DE EFFECTIBVS GRATIÆ ET PRIMO
DE IUSTIFICATIONE IMPII.

PROOEMIUM.

Quid nominis iustificationis, & iustitiæ hic intelligatur.



IN HAC QVÆSTIONE incipit D. THO. agere de eo, quod in principio huius materiæ diximus esse in ea explicandum ultimo loco, scilicet de effectibus gratiæ: verum antequam aggrediamur explanationem suæ doctriinæ, quæ grauissima est, & valde utilis ad fidei defensionem, & ad impugnationem errorû, qui in ecclesia, antiquis temporibus, & potissimum hoc nostro tempore sunt exorti, tria sunt aduertenda;

PRIMUM est, quod (vt ex ipso D. THO. diximus supra, quæstione III. art. 2.) gratia habitualis duplicem habet effectum, *vnum* in genere causæ formalis, qui est quoddam esse, quo homo dicitur formaliter iustus, & gratus ipsi Deo, & *alterum* quasi in genere causæ efficientis, qui est *valor & dignitas* meriti conueniens notis operibus in ordine ad præmiû æternæ, & supernaturalis beatitudinis, & *prior* immediatus & prius conuenit ipsi gratiæ, quam *posterior*, vt in vniuersû cuiusque formæ conuenit prius & immediatus effectus cuius est causa in genere causæ formalis, quam qui ab ea procedit in genere causæ efficientis: ideo D. THO. de priori agit in hac quæstione, & de posteriori in quæstione sequenti.

2. ADVERTENDUM, quod sicut respectu alicuius *esse* proueniētis à forma naturali, v. g. *esse albi*: quod prouenit ab albedine in genere causæ formalis, distinguimus *acquisitionem passiuam* tenentem se ex parte subiecti, quæ nō est aliud, quàm transitus, vel motus subiecti à termino à quo ad tale esse, tanquam ad terminum ad quem; & quasi *productionem*, vel potius causationem formalem, tenentem se ex parte formæ, quæ est causa formalis talis esse, quæ in cōmuni solet appellari causalitas formalis, & formalizatio, qua forma intelligitur dare illud esse subiecto; & vtraque, hoc est, tã à acquisitione passiuâ, quam causalitas formalis, in exēplo posito appellatur albefactio; nam & de subiecto dicimus, albefieri, quatenus de non albo trāsīt ad esse albū, & de albedine, albefacere suū subiectū, quatenus dat ei esse albū. ita etiã respectu illius esse, quo formaliter dicimur iusti, distinguenda sūt illa duo, scilicet transitus, vel motus, aut mutatio subiecti à negatione vel priuatione talis esse, tanquam à termino à quo, ad ipsum esse, tanquam ad terminū ad quē; & causalitas, siue formalizatio formæ, scilicet gratiæ, dātis tale esse; & vtrūq; appellatur *iustificatio*, nā & subiectū dicitur iustificari, quatenus de non iusto mutatur ad esse iustū; & gratia dicitur iustificare suū subiectū, quatenus dat ei formaliter esse iustū.

3. ADVERT. iustitiam, siue esse iustū, (respectu cuius, tãquàm termini, dicitur iustificatio vtroque modo sumpta, hoc est passiuæ, & actiuæ) habere varias acceptationes, quas latè referunt Sor. lib. 2. de natura & gratia c. 6. VEGA. li 5. super cōc.

Trident. c. 3. STAPLETONIVS lib. 5 de iustificatione, prolegomeno 2. & 3. DECANVS articulo 8. de iustificatione: & ALBER. PIGHIVS controuersia 2. quæ est de fide, operibus, & iustificatione hominis. Sed, quæ ad propositum pertinent, possunt hoc modo facile comprehendī: iusticia, siue esse iustum, est esse rectum, & bene dispositum secundum exigentiam suæ regulæ, & ideo primo diuiditur in iniusticiam actuum humanorum, & in iusticiam ipsorum hominum; & vtrique potest esse naturalis, siue moralis tantum; & supernaturalis: quoniam tam actus humanus, quam ipse homo, potest ita se habere, sicut exigit vtraque regula, scilicet naturalis, & supernaturalis; & relicta iusticia actuum, illa, quæ conuenit ipsis hominibus, duplex est: *vna partialis*, quæ consistit in bona dispositione hominis ad operandū secundum exigentiam suæ regulæ in particulari aliqua materia; & *altera totalis* quæ consistit in bona dispositione hominis ad operandū in omni materia secundum exigentiā suæ regulæ. Iusticia *priori* modo appellatur, quæcunque virtus moralis, quoniam per quācunque virtutē moralem disponitur, & inclinatur homo ad operandum secundū exigentiā regulæ in particulari aliqua materia: vt per temperantiam in materia ciborū, & sic de reliquis; & peculiariter appellatur isto modo iusticia, duæ virtutes morales, quæ inclināt ad faciendū id quod iustū, & æquale est in ordine ad alterū, quarū *altera* appellatur *iusticia particularis*, quæ respicit iustū respectu alterius particularis hominis, & *altera legalis*, quæ id præstat respectu totius communitatis, aut multitudinis, & propterea ARIST. 5. eth. c. 5. refert duos modos iniusti & iusti, nam dicit, posse appellari *iniustum*, & *illum*, qui legi nō obtemperat, atque adeo aliquid committit contra eam; & *illum*, qui sibi plus vendicat, & inæqualis est; & similiter posse dici *iustum*, & *illum*, qui legibus pareat, & *illum*, qui æquus, siue æqualis est. At vero *posteriori* modo non dicitur iusticia quæcunque virtus, sed aggregatum omnium virtutum, quoniam non per quācunque virtutem, sed per omnes, disponitur homo ad operandū secundū exigentiā suæ regulæ in omni materia; & *tandem* hæc *iusticia totalis*, alia est *naturalis*, & *moralis tantum*, quæ consistit in correspondētia, & cōmēsuratione ad legem naturalem, & cōprehēdit tantū omnes virtutes naturales: de qua dixit ARIST. loco citato *tum solemus hoc vti prouerbio, iusticia vna alias virtutes continet omnes* & postea: *ergo hæc iusticia non virtutis pars est, sed virtus vniuersa, neque ei contraria iniusticia, pars vitij est, sed integrum vitium, atque vniuersum.* & alia est *supernaturalis*, quæ consistit in bona dispositione hominis in ordine ad legē, & finē supernaturalē, hoc est in quadam cōstitutione, & perfectione essentiæ animæ, & partium eius, siue potentiarum, ratione cuius optime se habeant; & in seipsis, & respectu operationū, tam inter se, quam in ordine ad Deum finē supernaturalē, & secundū exigentiā legis supernaturalis; & hæc rursū subdiuidit AVG. li. de perfectione iustitiæ, in responsione ad ratiocinationē 8. & li. de peccatorū meritis & remissione c. ult. *in eam, quæ propria est beatorum*, & est adeo perfectā, vt nullum omnino admittat peccatum, etiam veniale; & *in eā quæ propria est viatorum*, quæ licet sit in suo genere perfectā, & excludat omnia peccata mortalia, tamen compatitur secum peccata venialia.

Nos in præsentī solum agimus de iustitia supernaturali, quæ est propria viatorum, & de iustificatione, quæ ipsam respicit, solet autem hæc iustitia sumi, non solum pro initio illius rectæ dispositionis, sed etiam pro eius augmento; & similiter iustificatio appellatur non solum prima acquisitio, aut productio ipsius, sed etiam augmentatio sumpta passiue pro motu subiecti ad maioem iu-

litiam, vel pro causalitate formali, qua ei communicatur, ut patet ex illo Apo. 1. *Quisultus est iustificetur adhuc.* & Ecclesiastici. 18. *Ne verearis usque ad mortem iustificari,* id est, in finem accepta iusticia crescere. Quæ duo testimonia simul cum alijs, adducuntur ad huius rei confirmationem à concilio Tr. sess. 6. decreto de iustificatione cap. 10. & quamvis potissimum sit nunc agendum de hac iustitia supernaturali, supra priori modo: tamen aliquid dicemus de ea sumpta posteriori modo. Neque oportet nunc immorari, in referendis varijs nominibus, quæ ei solent tribui in scriptura; quæ late referuntur ab authoribus supra citatis, & maxime ab STABLETON. quoniam comòdius adducuntur postea, ad explicandū in particulari ea, quæ pertinent ad hanc iustitiam, quoniam ex nominibus, quæ sibi tribuuntur in scriptura, poterunt illa colligi.

ARTICVLVS PRIMVS.

Virum iustificatio impij sit remissio peccatorum.

CONCLUSIO. Infidelitas non, quia est remissio ei
mentis totius, interit de corpore et sanguine, sed
Non in quadam transmutatione de sanguine in alia
sine infamia, et est remissio prolessum.

C O M M E N T A R I U S.

Quemado multificatus decurrit a Thomei rectus.

CIRCA hanc conclusionem duo sunt ar-
gumenta. Primum, conclusio addita cili-
da, *quod si ferantur rationes istae*. Nam
si idem addit in acquisitione iustitiae dupliciter po-
telligi. videlicet, per modum *causae* et per
modum *effectus*. ut cum dicitur *nihil preestit con-
tra iustitiam*, intelligitur, quia ratione facta non in angustia,
sed in primis preiudiciis, in primis iustitiae fer-
nditionibus, per modum *causae* et modum, quod si con-
trahitur in contrarium, ut cum sit, qui habet aliquod
peccatum mortale iustificatur; & conclusio intelli-
gitur rationem de eo iustificatione, quia acquiritur ius-
ticia sibi non modo.

*Et obsequar, saltem esse, utam iustificacionis esse pro modum moras, qui est a conseruare in conseruare. Significatque est transire a iis peccatis, qui consistit in p[er]uersione gratie, aut fustione, aut libere gen[er]ati, atque adeo est magis pro modum solum gen[er]ationis, qui est a p[er]uersione forme, comp[ar]at[ur] termino a quod ad p[er]uersione fustione, tanquam ad terminum ad quera. *Respondeo* statum peccati, qui est terminus a quo huius iustificacionis, consistit quidem aliqua p[er]uersione: Ceterum non in p[er]uersione gratie, sed in p[er]uersione conformitatis cum lege, quod debet conuenire per se media ubertatis p[er]uersione, contra quod committit est peccatum, ut explicui supra, in materia de peccatis: sed illo p[er] se considerat peccatum habitualis ue fustione quando polluitur op[er]um gratie, p[ro]p[ter]ea iustificacionis que habet pro termino a quo hoc peccatum comp[ar]at[ur] a D[omi]no mouet, qui est conseruare in conseruare, sed non simpliciter gen[er]ationis que habet pro termino a quo p[er]uersionem, aut ergationem forme, quod est terminus ad quera non ulla significat, h[ab]et iustificacionis esse uerum modum p[er]uersionem habere cum*

A. hanc conversionem, quam explicamus.

Nequeque multi solent quosdam, qui dicunt, i peccatis et pro formis consistere in primis, tamen pro materialibus infusare aliquid positivum, cum quoniam hoc possit dici de peccato actuali, tamen de habituali dici non potest, quoniam neque pro materialibus, neque pro formis importat aliquid positivum reale, sed privationem aliquam, vel relationem rationis, & quando D. Titus dicit hanc infirmitatem, habere pro terminis quo peccatur, non loquitur de actuali, sed de habituali, hoc de statu peccati. Ex hoc loco potest colligi peccatum habituale (secundum duodam D. Titus) non consistere formaliter in privatione gratie, quoniam aliter compararet D. Titus in infirmitationem mutationis, quod est a privatione ad formam positivam, & non motum, qui est a contrario in contrarium.

2. Anv. n. r. aliquid esse certum in hac conclusione, & aliquid dubium: nam certum est secundum fidem, in infirmitate, de qua loquimur, remitti peccata mortalia: & ita diffinitum est in concilio Tric. in ill. 6. decreto de infirmitate cap. 4. ubi infirmitatem vel defensionem, Et exaudi nos o domine, quod sumus infirmi primi adde, ubi istam gratiam & adiutorium filiorum Dei, per secundum Adam istum Christum Salvavimus nos & cap. 7. ubi de infirmitate ita dicitur: quia non est infirmitas peccatorum illorum & infirmitas &c. & colligitur aperte ex illis id Coloss. 1. Gratias agimus tibi, qui dignus nos feci in potestate fortis facillimum in domine, & ex ipso potestatem remissionis, quod pertinet ad remissionem peccatorum, & ita scilicet 1. hanc peccata, & transiit in regnum filii dei scilicet, quod pertinet ad statum gratie & iustitie, in quo habemus remissionem & remissionem peccatorum: & ita Conc. cap. 4. supra citat dicit, his verbis infirmis de infirmitate infirmitationis, quam ex ipso certum. Quare etiam certum Murt. & Novat. qui negaverunt posse latere in peccatum mortale remissionem ab eo, & obtrine eius remissionem namque iustificatio impij est possibilis, & in ea sit remissio peccatorum bene loquitur, impij posse obtinere remissionem huius peccati. Sed contra istos disputant theologi in materia de penitentia, & nos id facimus 3. p. 4. art. 1. q. 1. Aliter autem, & quod dicitur posse in dubio revocari, est, an, cum inquit, D. 2. de iurisdictione in remissionem peccati, sit sensus, est si remissionem remissionem, vel potestatem addere, aut non potestatem, unde videtur

dicemus art. 6. huius questionis. Sed adhuc circa conclusionem sic explicatam est,

DV BIVM.

Qualis sit ista remissio peccatorum qua fit in iustificatione: hoc est an sit vera ablatio & abolitio peccati, vel sola non imputatio ad penam.

§. 1. Hæreticorum sententia, & fundamenta.

IN QVO. LUTHERVS, MELANCTHON, KEMNITIVS, & fere omnes hæretici nostri temporis, dicunt, peccata quidem remitti ijs, qui iustificantur; non tamen quia omnino tollantur, aut aboleantur, ita ut nullo modo maneant; sed quia teguntur iustitia Christi, & propter eam non imputantur ad penam. Itaque concedunt, id quod vere & proprie peccatum est, manere reuera in eo, qui iustificatur: & solum remitti, quia propter iustitiam Christi, hoc est, propter eius merita & passiones, non imputatur iustificato ad condemnationem.

Et probatur hoc. PRIMO, quia concupiscentia manet in iustificatis, iuxta illud Pauli ad Rom. 3. iam non ego operor illud, sed, quod habitas in me, peccatū, id est, concupiscentia; & ita CONC. TRI. sess. 5. de peccato originali. §. vlt. definit, eam manere in reatu; at vero concupiscentia sæpe à Paulo appellatur peccatum, ut patet in testimonio adducto, & ad Rom. 6. 7. & 8. & ad Hebræos. 11.

SECUNDO ex illo Psalmi. 31. *Beati quorum remissa sunt iniquitates, & quorum tecta sunt peccata.* ubi prior pars versus explicatur per posteriorem, sicut sæpe fit in Psalmis: & sensus est, *Beati quorum remissa sunt iniquitates*, hoc est quorum peccata teguntur, scilicet per Dei misericordiam, & non imputantur ad penam, & ita statim sequitur, *beati viri in non imputatis Dominus peccatum.*

§. 2. Sententia Catholica certa de fide, peccata per iustificationem vere tolli & deleri.

SED NIHIL OMNINO SIT CONCLVSTO, in iustificatione ita remittuntur peccata mortalia, ut omnino tollantur, & aboleantur quoad culpam, & nihil, quod habeat rationem culpæ, maneat in iustificatis. & est certa secundum fidem, ita ut oppositum sit aperta hæresis. Probatur primo quia continetur aperte in scriptura, nam Ioan. 8. ita dicitur: *Si vos filius liberaverit, vere liberaveritis*; ergo iustificari, quos Christus liberat à servitute peccati (de qua ipse ibi loquitur) sunt vere liberi à peccato. atque adeo non per solam non imputationem, sed per ablationem, & abolitionem peccati. & c. 15. *iam vos mundi estis*: at non potest dici mundus, qui habet peccatum mortale, quamvis non imputatur; & c. 17. dixit Christus patri de electis: *Sanctifica eos in veritate*: ubi quamvis CHRYSOST. & CYRILL. per veritatem intelligant doctrinam euangelicam, quoniam sequitur, *sermo tuus veritas est*: tamen etiam potest intelligi vera sanctitas, ut in verbis sequentibus; & pro eis ego sanctifico meipsum, ut sint & ipsi sanctificati in veritate; at non potest dici sanctus vera sanctitate, qui habet in se, quod vere, & proprie peccatum est. & licet per veritatem intelligamus doctrinam euangelicam, potest hoc idem colligi: nam sensus erit, *sanctifica eos*, non ea sanctitate, quam tradit doctrina philosophorum, sed ea quam tradit doctrina euangelica, quæ procul dubio est sanctitas vera, atque proinde non copatur secum id, quod vere & proprie est peccatum mortale; sicut ipsa doctrina euangelica est vera, & non habet admixtam falsitatem. & 1. Ioan. 3. *Vide-*

te qualem charitatem dedit nobis pater, ut filij Dei nominemur, & simus; & postea: *qui fuerit iustus, sicut & ille, iustus est*: constatarem, non esse reuera filium Dei, neque iustum, sicut Deus iustus est, qui in seipso habet peccatum mortale, quantumvis tectum, aut non imputatum. & 1. ad Corinth. 6. *Hæc fuitis aliquando*, (scilicet, idolatrar, fornicatores adulteri, &c. Sed abluti estis, sed iustificati estis, sed in iustificati estis, ubi ablutio significat deletionem macularum, & sordium, quas iniecerat peccatum.

SECUNDO PROBATVR testimonio CONC. TRI. sess. 5. decreto de peccato originali. §. vlt. ubi datur, *qui dixerit, per gratiam, que in baptismo conferunt, non tolli totum id, quod in peccato originali verum, & propriam peccati rationem habet, sed illud tantum radi, aut non imputari*; & procul dubio idem sentit Concil. de a. & qualibus mortalibus peccatis, quoniam eadem est ratio de eis, quantum ad hoc; & satis id expressit postea sess. 6. decreto de iustificatione capit. 7. ubi inquit, causam formalem nostræ iustificationis esse *iustitiam, qua non modo reputatur, sed vere iusti nominamur, & sumus*, & Can. 11. ubi definit, homines *iustificari non per solam imputationem iustitiae Christi, sed per gratiam, & hanc gratiam non esse tantum favorem Dei, sed aliquid nobis inherens*. constat siquidem non convenire alicui, esse vere iustum, ut hoc distinguitur à reputari iustum, si in seipso habet id, quod est vere peccatum mortale; neque posse negari, iustificari aliquem sola imputatione iustitiæ Christi, aut per gratiam, quæ tantum sit favor Dei, si non auferatur ab eo peccatum propter quod est iniustus, sed solū propter iustitiam Christi, & misericordiam Dei non imputatur ei ad condemnationem.

TERTIO probatur ratione, quoniam vel peccatum mortale, quod (ut dicunt hæretici) manet in iustificato, & propter iustitiam Christi non imputatur ei, repugnat divinæ legi vel non si dicatur primum, ergo est iniustus, & iniquitas, & ex consequenti hominatio eius est vere iniustus, & iniquus: quod repugnat iustificationi; Si vero dicatur secundum, sequitur, illud peccatum non esse vere peccatum, quia impossibile est, id quod est vere peccatum, non repugnare divinæ legi, siquidem ratio peccati consistit in aversione ab ea.

CONFIRMATVR, quia vel ratione illius peccati, quod ita manet in iustificato, Deus odio habet iustificatum; vel peccato non obstante, diligit ipsū: hoc secundum deus non potest, quia impossibile est, quod Deo placeat peccatum, aut is qui habet peccatum, siquidem peccatum mortale, si vere peccatum est, repugnat divinæ voluntati; & bonitati; & præterea Sap. 14. dicitur, *odio sunt Deo impius, & impietas eius*. Si vero dicatur primum, sequitur, iustum non esse amicum Deo, & dilectum ab ipso, & filium adoptivum ipsius: quia impossibile est hæc convenire ei, quem Deus odio habet; quod tamen est contra testimonia, quæ adduximus. Plura pro hac conclusione, & contra hæreticos, dicunt SOTO. lib. 1. de natura & gratia c. 11. & lib. 2. c. 9. VACA lib. 5. super Concilium TRI. cap. 7. Stapletonius toto libro tertio de iustificatione, & Fraciscus Sonnius li. 1. demonstrationum religionis Christianæ ex verbo Dei tract 9. §.

§. 3. Ad fundamenta hæreticorum.

AD PRIMUM responderetur, ex testimonio Concilij TRI. ibidem adducto, concupiscentiam non appellari peccatum, quia vere, & proprie peccatum

lit: sed ratione causæ, vel effectus, scilicet, quia ex peccato est & ad peccatum inclinat, de quo plura dixi in materia de peccato originali.

Ad SECUNDUM respondetur, ex utraque parte illius versus constare, per peccata *scilicet* non intelligi peccata, quæ, cum vere sint, aliquando tamē *segniuntur* per iustitiam Christi, & misericordiam Dei, ut non imputentur ipsi ad pœnam; nam, cum præcesserint illa verba; *beati quorum remissa sunt iniquitates*, quæ intelligenda sunt de vera remissione, satis insinuat, illa peccata dici *scilicet*, quæ propter præcedentem remissionē, & quia sunt omnino deleta, non videntur oculis Dei ad vindictā & punitionē; quod genus loquendi est metaphoricum, & simile illi quo Ezech. 18. dicitur de Deo, *iniquitatum præsertarum non recordari*, & 1a. 38. *post tergum projecisse omnia peccata Ezechia*. & eodem modo sunt explicanda verba illa sequentis versus: *Beatus vir cui non imputantur Domini peccata*, scilicet, vere illud sua gratia remittens.

ARTICVLVS II.

Primum ad remissionem peccati, quæ est iustificatio impii, requiritur gratia infusio.

CONCLUSIO, Non potest intelligi remissio peccati, si non adesset infusio gratiæ.

COMMENTARIVS.

INTELLIGITUR hæc conclusio de gratia habituali, de qua suprà q. 110. art. 1. & 2. ostendimus, esse qualitatem, & habitum nobis inherētem; quare sensus eius est, non posse intelligi iustificationē impii, nisi ei à Deo infundatur gratia ista, quæ est qualitas inherens nobis: Sed circa eam est

DVBIVM I.

An secundum legem ordinariam Dei remissio peccati sit effectus ultimi gratiæ.

§. 1. *Hereticorum error, & Alberti Pighii & Francisci Senni Catholice.*

IN quo heretici, quos retulimus articulo præcedenti etiam errauerunt: nam cōsequenter ad ea, quæ asserunt de remissione peccati per non imputationem peccati, dicunt, remissionem peccati non esse effectum gratiæ nobis inherētis, sed alia tria ad eā concurrere, scilicet, *iustitiā Christi* nobis imputatam, & *factam nostram*, ut causam formalem; *misericordiā Dei* gratiæ imputantis nobis hanc Christi iustitiam, & reputantis eam tanquam nostram, ut causam principālē, & quasi efficientē; & ex parte nostra *actū fidei*, quo certo credimus, nobis imputari iustitiā Christi, & propterea, atq; eius intuitu, remitti nobis peccata, hoc est, non imputari ad pœnam; dicunt tamen, hūc actū non esse causam formalem remissionis peccatorum, sed cōditionem requisitam, ut nobis applicetur, & fiat nostra, iusticia Christi, quæ est causa formalis; & in hunc errorem lapsus est ALBERT. PIGHIVS vir alioquinus, & catholicus, Controversia 2. quæ inscribitur de fide, operibus, & iustificatione hominis; ubi, ut probet, iustitiam, quæ coram Deo iusti sumus, nō consistere formaliter in habitibus, & virtutibus nobis infusis, sed in Christi iusticia imputata nobis, & *facta nostra*, dicit, hanc iustitiam consistere in

A nostrorum peccatorum remissione, & hanc remissionem fieri per non imputationem eorundē peccatorum, hoc est, per misericordem condonationē, quæ Deus nobis ea condonat, non propter aliquam satisfactionem oblatam ex parte nostra, sed propter satisfactionem, & iustitiam Christi factam nostrā, & applicatam nobis. Probant isti suum errorem,

PARTIO, quoniam iustitia, quæ coram Deo iusti sumus, consistit formaliter in Christi iusticia nobis imputata: ergo per eandem Christi iusticiā sit formaliter remissio peccatorū; cōsequens patet, quoniam peccatū est iniusticia nostra, & id, quo in iudicio Dei sumus formaliter iniusti; ergo auferretur formaliter per id, quod formaliter est nostra iustitia, nam iniustitia auferretur formaliter per iusticiā, sicut quæcunque forma expellitur formaliter per formā sibi oppositam; Si ergo iustitia Christi est formaliter iustitia nostra, bene sequitur, per ipsam auferri formaliter à nobis peccatum; & antecedens probatur multis testimonijs scripturæ, in quibus id dicitur, ut ad Ro. 9. *iustitia autem Dei per fidem lesu Christi in omnes, & super omnes, qui credunt in eum*. & c. 5. *per obedientiam unius, scilicet Christi, in ipsi constituntur multi*. & c. 10. *Ignorantes enim Dei iustitiam, & suam querentes statuerunt, iustitia Dei non sunt subiecti*. 1. ad Cor. 1. *qui (scilicet Christus) factus est nobis sapientia à Deo, & iustitia, & sanctificatio, & redemptio*. 2. ad Corinth. 5. *eum, qui nō novimus peccatum, pro nobis peccatum fecit, ut nos efficeremur iustitia Dei in ipso*. ad Gal. 3. *Scientes autē, quod non iustificatur homo ex operibus legis, nisi per fidem lesu Christi: & nos in Christo lesu credidimus, ut iustificaremur ex fide Christi, & postea, si vero querentes iustificari in Christo inuenimus sumus, & ipsi peccatores dec. & ad Phi. 3. & inueniamur in illa non habens meam iustitiam, quæ ex lege est, sed illam, quæ ex fide est Christi, quæ ex Deo est iustitia in fide*. & alia similia passim repertiuntur in scriptura, præsertim apud Paulū, in quibus aduersarij dicunt, unam iustitiam Christi, quæ nobis imputatur, appellari *iustitiam Dei*, quoniam Deus gratiæ, & misericorditer eam nobis imputat, & pro nostra reputat; & *iustitiam Christi*, quoniam consistit in eius obedientia, quæ perfectissime voluntatem patris sui perfecit in omnibus; & *iustitiam fidei*, quoniam supposito ex parte nostra actu fidei, siue fiducie, applicatur nobis, & fit nostra per imputationem.

C Et confirmat hoc ALBERTVS PIGHIVS, quoniam iustitia, quæ sumus iusti coram Deo, debet esse tam perfecta, ut exactē correspondeat regulæ; & legi diuinæ, hoc est, contineat omnia, quæ lex diuina à nobis exigit, & nihil habeat, quod ei repugnet: at impossibile est tantam perfectionem iustitiæ reperiri in nobis; ergo etiam est impossibile nos esse iustos coram Deo per iustitiam, quæ sit in nobis; & ex eonsequenti, ut simus iusti coram Deo, necesse est recurrere ad iustitiā Christi nobis imputatā, quoniam illa sola exactissime responderet regulæ diuinæ iustitiæ; *maiorē* supponit iste author ut certam, quoniam iustum in creaturis dicimus, quod exacte responderet suæ regulæ, & iustitiam, correspondentiam exactam ad regulam; & *minorem* probat, quoniam regula iustitiæ, quam Deus à nobis exigit, est lex diuina quoad omnes eius partes, ita ut nō possit dici iusticia coram Deo, nisi quoad omnes partes correspondeat diuinæ legi, iuxta illud ad Galat. 3. *Maledictus qui non permanserit in omnibus, quæ scripta sunt*

in fuisse in libro legis, ut facias e. & iacob. 2. Quicunque
totam legem servauerit, offenderit autem in uno, factus
est omnino reus; At certissimum est, neminem in
hac vita ita correspondere quoad omnia diuine le-
gi, iuxta illud 1. Ioan. 1. Si dixerimus, quoniam pec-
catum non habemus, ipsi nos seducimus, & veritas in
nobis non est: Ita. 64. Facti sumus in immunditiam omnes,
& quasi pannus menstruatus, vniuersa in istis nostris:
& Eccles. 7. non est homo iustus in terra, qui faciat
bonum, & non peccet; & propterea sepe dicitur in
scriptura, non posse hominem iustificari coram Deo,
aut, si in iudicio diuino examinetur sua iustitia, vt
Psal. 129. Si iniquitatem obseruaueris Domine, Do-
mine quis sustinebit. & Psal. 142. non intres in iudi-
cium cum seruo tuo, quia non iustificaberis in conspectu
tuo omnis uiuentis, Tob. 9. non iustificabitur homo com-
passus Deo, & c. 25. nunquid iustificari potest homo
cōparatus Deo, aut apparere mūltis natus de muliere?

SECUNDO remitti alicui peccata, est, ipsum reco-
ciliari cum Deo: sed reconciliatio hominum cum
Deo in scriptura tribuitur soli iustitiæ Christi, &
misericordiæ Dei; ergo ipsi soli est tribuenda remis-
sio peccatorum; probatur minor: ad Rom. 3. Quem
proposuit Deus propitiationem per fidem in sanguine ip-
sius & c. 5. iustitiam cum effemus, reconciliati sumus Deo
per mortem filij eius &c. & postea: non solum autem
sed & gloriamur in Deo per Dominum nostrum Iesum
Christum, per quem nunc reconciliationem accepimus,
& 2. ad Cor. 5. Omnia autem ex Deo, qui nos recon-
ciliauit per Iesum Christum, & paucis interpositis:
Deus erat in Christo mundum reconcilians sibi.

TERTIO, remissio peccati non est aliud, quam
eius condonatio: sed vt Deus condonet nobis pec-
cata, solum requiritur secundum legem ordinari-
actus suæ voluntatis, quod id velit, & satisfactio pec-
cati oblata pro nostris peccatis; ergo etiā ad re-
missionem peccatorū sufficiunt ista duo secundū legē
ordinariā, & nō requiritur infusio gratiæ; maior pa-
teret, quia remittere offensam nō est aliud quā con-
donare eam, & non potest intelligi, quod, postquā
est condonata, non sit remissa; & minor probatur,
quoniam imprimis requiritur actus diuine voluntatis,
siquidem Deus libere condonat offensas contra ip-
sum commissas, imo aliter non posset intelligi con-
donatio offensæ; & præterea etiam requiritur satis-
factio ex parte Christi, quia licet potuerit Deus ho-
minibus condonare offensas nulla postulata satis-
factione: tamen, vt satisficeret suæ iustitiæ, noluit ita
id facere, sed postulauit, vt Christus offerret satis-
factionem pro hominibus, qui eam offerre non
poterant; & tandem nihil aliud requiritur, quoniam
satisfactio Christi fuit sufficientissima ad cōpēsan-
dū omnia peccata nostra, & ita fuit acceptata a Deo
in redemptionem omnium peccatorum, vt passim
dicitur in scriptura; & apud homines ad remissionem
offensæ non requiritur, quod offensus aliquid
producat in offensore, sed satis est quod offensus of-
ferat satisfactionē cōdignā, & offensus accipiet eā
§. 2. Per infusionem gratiæ peccatum remittitur, & gra-
tiam esse causam formalem huius remissionis.

PRIMA CONCLUSIO, quando homines remittuntur
peccata, simul etiam eis infunditur gratia habitualis
inherens ipsi. Hanc conclusionē admittunt ALEX. & T.
PIORIVS lococitato, & aliqui ex hæreticis, qui de-
fendunt sententiam propositam in principio huius
dubij, vt de KEMNITIO refert TILLETANVS l. p. apo-
logiz pro concilio TRID. titulo de discussionē &

A ministerio aduentus Christi, & est certa secundū fidē
primam, quoniam ex scriptura colligitur aperte, quod
in eo, cui remittuntur peccata, sit quædam renoua-
tio interna, & quædam ablutio de uisificatione, & sancti-
ficatione; quibus omnibus significatur, infundi formā
aliquam formaliter renouantem, & abluentem, & vi-
sificantem & sanctificantem, quæ non potest esse al-
ia, quā gratia, de qua loquimur: Quod vero illud
colligatur aperte ex scriptura, probatur: quoniam Ezech.
nata dicitur: & spiritum novum tribuit in uisceribus
eorum. ad Tit. 3. secundum misericordiam suam saluos
fecit nos per lauacrum regenerationis, & renouationis
spiritus sancti. ad Coloss. 1. & vos aliquando, cum effe-
tus alienati, & inimici sensu, in operibus malis: nūc au-
tem reconciliati in corpore carnis vris per mortē exhibe-
re vos sanctos, & immaculatos, & irreprehensibiles eo-
rum ipso. ad Eph. 2. Deus autem, qui est Pater in mis-
ericordia, propter uim charitatis (nam, quæ de excus-
nos, cū effemus iniqui peccatores, uisificauit nos Christo,
cuius gratia in salutem, & donum imputationis. &c. & 1. ad
Cor. 6. Hac aliquando fuistis (scilicet fornicatores, a-
dulteri &c.) sed abluti estis, sed sanctificati estis

SECUNDO probatur definitione Concilij TRID.
nam sess. 6. decreto de iustificatione cap. 5. ita dicitur:
hanc dispositionē iustificationis ipsa consequitur, quæ nō
est sola remissio peccatorum sed & sanctificatio & renou-
atio interioris hominis per uoluntariam susceptionem
gratiæ, & donorum, &c. & postea: in ipsa iustificatione
cum remissione peccatorū hac omnia simul infusa accipit
homo per Iesum Christum, cui inferitur, per fidē, spēs &
charitatem. & Can. 11. Dicitur, quod dicitur, homi-
nes iustificari sola remissione peccatorum, exclusa gra-
tia, & charitate, quæ in cordibus eorum per Spiritum san-
ctum diffundantur, atque illis inhaerent, quibus locis a-
perite docet concilium, semper cū remissione pec-
catorum coniungi infusionem gratiæ inherens, &
donorum supernaturalium.

TERTIO probari potest testimonijs sanctorum,
quæ late referunt CANISIVS in Catechismo, in ap-
pendice de hominis lapsu & iustificatione, §. 11. V. 8
c. 1. lib. 5. super Concilium TRID. c. 8. STAPLET. fe-
re toto lib. 5. de iustificatione. SOTO lib. 1. de natura
& gratia c. 11. & lib. 2. c. 19. & 20. DECANVS art. 8. §.
pro maiori explicatione.

SECUNDA CONCL. Gratia habitualis, quæ infun-
ditur, cum remittuntur peccata, non solum se habet cō-
comitantē ad remissionem peccatorum, sed etiam est e-
ius causa formalis. Hanc statuo cōtra omnes autho-
res & defensores erroris propositi in principio huius
dubij: nam licet aliqui ex eis (vt dixi) cōcedant, in-
fundi gratiam simul, cum sit remissio peccatorum;
tamen nolunt concedere, remissionem peccatorū
esse effectum formale ipsius gratiæ: ne consequēter
cogantur concedere doctrinam catholicā de iusta-
tia inherens; sed defendunt suum dogma hæreti-
cum de iustitia imputatiua, nam cum iustitia no-
stra, vt ipsi dicūt, includat remissionem peccatorū,
si gratia inherens esset causa formalis remissionis
peccatorum, sequeretur ipsam etiam esse formaliter
nostram iustitiam: & ideo ne hoc cōcedant, di-
cunt, infundi quidem gratiam cum remittuntur
peccata, sed tamen peccata non remittuntur formaliter
per ipsam gratiam quæ infunditur, sed per iustitiam
Christi imputatam, & applicatam peccatori; & in
hoc etiam decepti sūt aliqui ex catholicis, qui om-
nino abijciunt errorem illum de iustitia imputatiua,
de quorum numero sunt TRISTANVS l. p. apolo-
giz

pro Concil. TARD. tit. de dispensatione & ministerio aduersus Christi, & FRANCHESCUS SONNIVS li. 2. demonstrationum religionis Christianæ ex verbo Dei tract. 9. c. 5. qui dicunt, remissionem peccatorum non esse effectum gratiæ reuocantis nos interius, sed misericordie Dei condonantis, & non imputantis ea propter merita Christi, & nihilominus differunt ab hereticis, non solum quia dicunt, semper cum remissione peccatorum esse coniunctam infusionem gratiæ, quod (vt dixi) nonnulli etiā ex hereticis admittunt: sed etiā, quia cōcedūt, peccata vere tolli, & aboleri per liberā cōdonationē Dei, & non solū regi iustitia Christi, vt heretici contendūt, & *præterea*, quia dicūt, ipsā gratiā, quæ nobis infunditur, esse formaliter nostrā iustitiā, quā iusti sumus corā Deo, quod heretici negāt; atque ita isti authores, vt suā sententiā separent ab errore hereticorū, dicunt distingui remissionem peccatorum à iustificatione, quamuis ambæ semper fiant simul.

Sed vt etiam aduersus istos confirmemus nostrā conclusionē, & vt eius sensus rectius intelligatur, ADVERTA nos non negare, requiri ad remissionem peccatorum actū Dei misericorditer cōdonantis ea propter merita Christi; neque vero intelligere, hūc actū per remissionem peccatorum, sed terminū, aut effectū ipsius, scilicet expulsiōnē, aut deletionē, vel ablationem peccatorum, & de ea asserere, esse effectum formale gratiæ. Verū cum hoc asserimus, non sumimus effectū *formalem* in rigore, prout solū dicitur de *esse sine substantiali sine accidentali*, quod forma dat suo subiecto: sed magis latē, prout cōprehēdit etiā effectū quēcūq; cuius forma per seipsam, & sine media actione, est causa; vt expulsiō frigiditytatis à suo subiecto solet appellari effectus formalis caloris producti in eodem subiecto, quoniam fit ab ipso calore per se ipsum, & non media aliqua actione; quāuis ab aliquibus dicatur effectus caloris in genere causæ efficientis. Itaque sicut ad expulsiōnē frigiditytatis ex aqua, concurrir, in genere causa efficiēti, ignis sua actione, quæ immediate est productiua caloris, & per calorem productū est expulsiua frigiditytatis; & in genere causa formalis, calor productus actione ignis: sic etiā dicimus, ad expulsiōnē peccati concurrere in genere causa efficiēti Deū sua actione, quæ immediate est productiua gratiæ, & per gratiā est expulsiua peccati, quod est esse remissiū ipsius; & in genere causa formalis, gratiā producta actione Dei. Neque in hac cōparatione supponimus, actionē Dei cōcurrere eodē modo efficientiæ ad verū effectū, scilicet physicē, sicut actio ignis efficientia physica est productiua caloris, & expulsiua frigiditytatis; quoniam hoc pēdet ex alia quæstione, an, sicut calor productus ab igne habeat oppositionē formale physicā cū frigiditytate, ita etiam gratia à Deo producta habeat oppositionem physicā, & ex natura rei, cū peccato, vel solū morale, & ex Dei institutione, aut ordinatione, de qua agemus postea.

Hæc conclusio ita explicata, videtur mihi *certa secundum fidem* & probo esse hoc gradu certā: primo, quia in nonnullis testimonijs scripturæ, ex ijs, quæ adduximus pro conclusione præcedēti, non solū dicitur, in remissione peccatorum infundi gratiā in hærentē, sed etiā ipsā remissionē fieri per hanc gratiā, & esse eius effectum, vt ad Tit. 3. *secundum misericordiam suā saluus fecit nos per lavacrum regenerationis & renouationis Spiritus sancti*; ubi Paulus per illa verba: *saluus fecit nos*, significat, fuisse liberatos à peccatis à

A Deo; & dicit, non quomodo cūq; id fuisse à Deo factū sed per *lavacrum regenerationis & renouationis Spiritus sancti*, hoc est per *lavacrum*, quo spiritualiter regeneramur & renouamur, atque adeo tribuit causalitatem circa remissionem peccatorum ipsi *regenerationis & renouationis* internæ; nā particula *per* hoc loco causalitatem aliquā importat: & 1. ad Cor. 6, *Idcirco aliquando fuistis* (sc. idololatræ fornicatores &c.) *sed abluti estis, sed sanctificati estis, sed iustificati estis*. hoc est: aliquando vobis his peccatis fuistis coinquinati, sed iā ab eis *abluti estis*, & *sanctificati*, & *iustificati*, id est, iā vobis remissas sunt illa peccata, non quomodo cūq; sed per gratiā, quæ abluti estis, & mundati à maculis eorum, & sanctificati, & iustificati.

Sed SONNIVS loc. cit. & c. seq. vt defendat suam sententiā, aliter exponit hoc testimoniū, ait enim, Paulū his verbis docere, in remissione peccatorum, præter cōditionē offensæ, seu culpæ, fieri tria omnino distincta, & inter se, & ab ipsa cōdonatione offēse, scilicet, abluionē, quæ tollitur maculæ & sordes peccatorum; *sanctificationem*, quæ tollitur profanatio, quæ peccatū reddit hominē cōmunē, 1. efficit, vt nō ut peculiari ter dicatur Deo, & *iustificationem*, quæ homo est rectē dispositus in seipso, & in suis viribus, prout oportet ad finē supernaturalē. & æternā beatitudinē; & *affa tria* dicit, esse effectus gratiæ in hærentis, tamen cōdonationē offēse dicit, non esse eius effectū, sed misericordie Dei cōdonantis, & remittētis offēsam propter merita Christi; quāsi Paulus solū voluit dicere, quod, quāuis homo possit remittere offēsas per solā cōdonationē, & non imputationē earū: tamen Deus nō ita remittit, sed cū cōdonatione offensæ, cōcurrētibus simul istis tribus, scilicet *abluione, sanctificatione & iustificatione*.

Sed hæc *expositio* mihi nō placet, quoniam Paulus per hæc tria dicit, illos, ad quos scribit, esse liberos à peccatis, quibus antea erāt infecti; neque meminit *aliquis non imputationis, aut cōdonationis distinctæ*; ergo in illis tribus comprehendit remissionem peccatorum. Item, quoniam *ablui* peccatore à maculis peccatorum, est tolli ab eo id, quod habebat rationem offensæ, & culpæ habitualis.

Secundo probatur hæc conclusio, quoniam in scriptura remissio peccatorum appellatur nominibus importantibus aliquid intrinsecū, & in hærens nobis, & internā mutationē, scilicet nomine *mūdationis, abluionis, visificationis, sanationis*, & similibus, vt Psal. 50. *dele iniquitatem meā, & statim amplius lava me ab iniquitate mea, & à peccato meo munda me*. & postea: *cor mundū crea in me Deus*. Illa, 6. *ne forte videas oculis suis, & auribus suis audiat, & corde suo intelligat, & conuertatur, & sanem eum*, scilicet data remissione peccatorum. ad Eph. 5. *Christus dilexit ecclesiam, & seipsum tradidit pro ea, vt illam sanctificaret, mundans eam lavacro aqua in verbo vite, vt exhiberet ipse sibi gloriosam ecclesiam, non habentem maculam aut rugam*. ad Colofenses 2. *vos, cum mortui estis in delictis, & præputio carnis vestræ, conuiscamini cum illo, donans vobis omnia delicta*. hoc est, conuiscamini condonando vobis delicta, quibus mortui eratis: quasi *condonatio delictorum* sit ipsa *conuiscatio*, aut saltem fiat per eam: & apo. 1. *Gratia vobis & pax à Iesu Christo, qui dilexit nos, & lavit nos à peccatis in sanguine suo*.

Tertio probatur testimoniū CON. TRI. n. sess. 6. decreto de iustific. c. 7. in princ. ita dicitur: *hanc dispositionem, seu preparationem iustificatio ipsa*

consequitur, quæ non est sola peccatorum remissio, sed *A* & sanctificatio & renovatio interioris hominis. Ex quibus verbis aperte colligitur, iustificationem non in sola remissione peccatorum, neque in sola innovatione interna, sed in utraque consistere: nõ enim voluit concilium docere, iustificationem non esse solâ remissionem peccatorum, quia nullo modo sit remissio peccatorum, aut eâ includat; sed quia non est sola remissio peccatorum, sed simul est renovatio interna; & ut hoc insinuat, nõ est vsum sola particula aduersativa, sed adiunxit ei copulativam cum dixit: *sed & sanctificatio &c.* & statim concilium explicat causas huius iustificationis, quâ sic docuerat constare remissione peccatorum, & renovatione interna, & dicit, causam formalem ipsius esse iustitiam, quæ donatur a Deo, renouamur spiritum mentis nostra, & non modo reputamur, sed vere iusti nominamur & sumus, iustitiam in nobis recipientes. Quæ verba intelligantur de iustitia siue gratia inherente, & idem videtur definitum Can. 11. eiusdẽ sess. Item cap. 14. vbi traditur doctrina de lapsis, & eorum reparatione, inquit concilium, eos, qui ab accepta iustificationis gratia per peccatum exciderunt, posse rursus iustificari, cum, excusante Deo per penitentiam sacramentum, merito Christi amissam gratiam recuperare protraxerint. Et statim subdit, hic enim iustificationis modus est lapsis reformatio. Ex quibus bene sequitur, quod, sicut per recuperationem gratiæ lapsi iustificantur, ita etiam per eam reparentur, atque adeo liberentur à peccatis.

Et tandem probatur, quia de fide est, quædã sacramenta nouæ legis esse per se instituta, ut per ea nobis conferatur remissio peccatorum: at sacramenta non sunt causæ remissionis peccatorum, nisi quatenus sunt causæ gratiæ, quæ expelluntur peccata; ergo gratia est causa formalis expulsiõis peccatorum.

§. 3. Ad argumenta contrarij erroris.

AD PRIMUM respondetur, negando antecedens, & ad probationem respondebimus explicando singula testimonia, eo ordine, quo propõita sunt & in primo, per iustitiam Dei, intelligitur iustitia, nõ quæ ipse iustus est, sed quæ nos facit iustos formaliter, & quæ nobis cõmunicat ut simus iusti coram ipso: quæ dicitur iustitia Dei, quia nõ est ex nostra præsumptione, aut ex nostris viribus, sed ex dono gratiæ Dei, ut docet Avo. to. 3. lib. de spiritu & lit. c. 9. & 28. & to. 7. lib. 3. contra duas epistolas Pelagianorum c. 7. & Conc. Trid. sess. 6. decreto de iustificatione c. 7. cum vero de ista iustitia inquit Paulus, per fidem Iesu Christi, & non docet eâ formaliter consistere in fide Iesu Christi, hoc est in actu credendi; sed explicat modum, quo obtineri possit: quasi diceret, iustitiam illam non posse obtineri per solam legem, neque per vires nature, sed per fidem Iesu Christi; & ut explicet, qualis debeat esse ista fides, & quibus communicetur iustitia Dei, hoc est, an solis Iudæis, vel omnibus; subiecit in omnes, & super omnes, qui credunt in eum; quasi diceret, non solum ad Iudæos, quibus lex data est, neque solum ad gentiles, qui destituti sunt lege scripta, perveniet ista iustitia: sed ad omnes, qui credunt in eum (scilicet) Christum hoc est, qui non quomodo docung; credunt, sed actu, cui sit adiunctus verus amor ipsius, cū voluntate firma obediendi in po-

iterū suis mandatis, & vitandi peccata, atque delectandi per penitentiam peccata præcedentia. Et in secundo sensus est causalis, non enim significatur illis verbis, per obediendum Christi, tanquã per formam, constitui homines iustos formaliter: sed per eâ, tanquã per causam meritoriam, communicari hominibus iustitiam, quæ sit formaliter iusti. Et in TERTIO per iustitiam suam, quæ ibi distinguitur à iustitia Dei, non intelligitur iustitia hominibus inherens, quæ (ut diximus) etiam appellatur iustitia Dei: sed intelligitur iustitia proprijs viribus cõparata, & non habita dono & gratia Dei, ita ut de ijs, qui viribus suæ nature præsumunt, se posse esse iustos corâ Deo, dicatur, quod iustitia Dei non sunt subiecti. Et in QUARTO etiã est sensus causalis, sicut in tertio, nõ non dicitur Christus factus nobis sapientia, iustitia & sanctificatio, quia extrinsece dicamur sapientes, iusti & sancti à sapientia, iustitia & sanctitate, quæ sunt in ipso; sed quia varijs modis fuit causa, ut hæc nobis cõmunicetur & insint; fuit enim causa exemplaris meritoria, & finalis nostræ iustitiæ, & sanctitatis, ut declarat Conc. Trid. sess. 6. decreto de iustificatione, & colligitur ex innumeris testimonijs scripturæ, quæ adduci solent in materia de merito Christi, & videri possunt apud authores sup. citatos.

Neque est insolens, hi scriptura prædicationes istas, quæ videtur formales, aut idèice, debere accipi in sensu causalis: ut cū Christus Jo. 11. de seipso dixit Martha, ego sũ resurrectio & vita, noluit significare, nos esse victuros formaliter ea vita, quæ ipse vivit in celis; aut esse resurrecturos ea resurrectione, quæ ipse resurrexit: sed ipsum futurum esse nobis causam resurrectionis, & vitæ; & de Deo dixit Moyses populo suo Deutero. 30. ipse est vita, tua, & logitudo dierum tuorum. Et David dixit Deo Psal. 70. Tu es sapientia mea, & si quæras, cur Paulus ad hoc significandũ usus fuerit hoc modo loquedi, & non potius dixerit, qui factus est nobis causa sapientia, iustitia & sanctificationis. Respondet Theophylactus, ut largitatem doni, & exuberantiã ostenderet, perinde ac si diceret, seipsũ nobis tradidit, ut essemus sancti, & iusti per iustitiam, & sanctitatem, quam Deus propter eius merita nobis cõmunicaret. Potest etiã addi alia ratio, scilicet, ut significaret, Christum esse totalem causam nostræ iustitiæ, & sanctitatis, ita ut neque lex Moysæ, neque virtus nature sit eius causa.

ET HOC MODO exponendum est QUINTVM testimonium, nam sensus est, eũ, qui non nocuit peccatũ, id est, qui nullũ cõmiserat peccatum, sed erat totius peccati expertus, pro nobis peccatũ fecit, hoc est, hostiam pro peccato, ut nos efficeremur iusti Dei in ipse, hoc est, quã Deus nobis communicaret, & infunderet; & in sexto sensus est, homines pervenire ad iustitiã inherentiẽ, nõ per legis opera, sed per fidẽ, aut ex fide Iesu Christi: vbi nomine fides non significatur solus actus credendi, sed simul cū reliquis actibus, qui, iuxta scripturæ doctrinã, requiruntur ad ultimã dispositionẽ ad gratiã; aut per fidem Christi nõ intelligitur ipse actus credendi, sed id, quod fide creditur, scilicet, Christum esse nostrũ redemptorem, & Salvatorem; ita ut sensus sit, scientes nõ sufficere opera legis ad iustitiam, concludimus, confugiendum esse ad Christum, tanquam ad fontem, & principium totius iustitiæ, & nos in Christo Iesu credimus, id est, accessimus per fidem ad ipsum, ut iustificaremur ex fide Christi, id est, ut per

iplum, & eius merita, consequeremur iustitiam & hoc intelligi à Paulo per *fidem Christi*, quoties fidē legi, aut legem & eius opera opponit fidē, tradit FRANCISCVS SONNIVS lib. 1. demonstrationū religionis Christianæ ex verbo Dei tract. 2. c. 1. Et tunc in vltimo testimonio Paulus non dixit absolute, *ut inueniatur non habens iustitiam*, sed, *ut inueniatur non habens meam iustitiam, quæ ex lege est*; quibus verbis non significatur absolute iustitia, quæ esset in ipso: sed tantum illa, quæ per opera legis cōparari posset; & præterea adiecit, *sed illam quæ ex fide est*, quasi diceret, sed inueniatur in me habens illam iustitiam, quæ ex fide est, quæ etiam est iustitia Dei, & nobis interinteca; appellat autem hanc iustitiam, *iustitiam ex fide & in fide*, aut quia per fidem simul cum alijs actibus, quibus disponimur, peruenimus ad eā; aut quia per id, quod credimus, scilicet per Christum, & eius merita, nobis confertur.

Ad confirmationem respondetur, concedendo maiorem, si intelligatur de correspondentia ad regulā & legem, cuius violatione auertimur à Deo, ut habet rationem finis vltimi; & negando minorem, si intelligatur de perfectione iustitiæ in eodem sensu, hoc est, quæ consistat in correspondentia ad legem, cuius violatione auertimur à fine vltimo; & ad probationem, dicendum est, regulam iustitiæ, quam Deus à nobis exigit pro isto statu ut simpliciter, & absolute dicamur iusti, non esse legem diuinam quoad omnes eius partes, hoc est, quoad quæcunque præcepta, siue obligent sub mortali, siue sub veniali: sed solum quoad omnes partes, quarum transgressio iussit ut auertamur à fine vltimo, hoc est, quoad præcepta obligantia sub mortali: Neque testimonia, bi adducta aliquid probant contra hoc, nam in primo, quamuis Paulus per *maledictum* intelligat eum, qui supplicij æternis futuræ vitæ addictus est: tamen non est eius sensus, esse hoc modo *maledictum* eum, qui quomodocūque non permaneret in omnibus verbis legis; sed pro ratione & gravitate declinationis à lege, ita ut si gravis fuisset declinatio, mereretur illam maledictionem, si autem levis, non mereretur tã gravem penam sed puniretur minori pœna, infligenda à patre, vel amico; & in secundo Iacobus non loquitur de peccatis quotidianis, & venialibus, sed de grauioribus & mortalibus; quomodo vero dicat Iacobus de his peccatis, quod, *quis in vno offendit factus est omnium reus*, explicat D. Tho. sup. q. 73. ar. 1. ad 1. & nos de eo ibi aliquid diximus; Et in hac vita potest homo carere peccato, quod sit auctuū à Deo tanquam à fine vltimo, siue mortale. Neque oppositum colligitur ex testimonio Iohannis, quod proculdubio intelligitur de peccatis quotidianis, & venialibus; ut constat ex sanctorum, & conciliorum expositionibus; & eodem modo exponenda sunt verba ecclesiast; testimonium vero Iste, ut colligitur ex commentario Hieron. & ex ipso contextu, non intelligitur de iustitia Evangelica: sed de iustitia legis Moysæ, hoc est, de iustitia operū, quam populus Iudaicus sibi comparabat oblatione legis; & adhuc hoc modo intellectū non est accipiendum ut dictum in persona Iste, & piorum, siqui alij in illo populo tunc erant; sed in persona prauorum, & impiorum; ita ut sensus sit, quod sicut pannus menstruatus in quibusdā partibus nitorem retinet, & nihilominus maculis sanguinis est ita sœdatus, ut non possit in

conspicui hominū prodire: sic etiam operatio hominū, quamuis viderentur fulgere obseruantis legis, tamen maculis peccatorū sic omnia erant polluta, ut in conspectū Dei non possent prodire. Reliqua etiā testimonia, in quibus dicitur, non posse hominē iustificari coram Deo, non sunt ad propositū: nā intelliguntur de homine considerat quātum ad ea, quæ suis viribus facere potest, & seclua gratia Dei, & de Deo examinante & iudicāte opera hominū solo rigore iustitiæ, & seclua misericordia: nō quod singula opera hominū, etiam hoc posito, sine peccata, & ut talia dāanda, in illo rigorofo examine, & iudicio Dei; sed quoniam nullus est homo, qui tota vita (ita sibi elictus) careat peccato mortali, propter quod Deus agēs solo rigore iustitiæ, & nō utēs misericordia, non possit iuste dāare ipsum; & peculiariter, in testimonijs adductis ex psalmis, cōsiderandus est status personæ, sub qua ibi loquitur D. quid, nā loquitur sub persona hominis peccatoris, & cōsiderandis manifestat Dei, quem offenderat; & propterea petē is, ut non tecum agat Deus rigore iustitiæ, sed potius misericordia: atque hūc affectū, & animū videntur verba illa exprimere, & propterea dicūt aliqui, omnia illa testimonia posse intelligi de iustificatione hominis, in qua eius iustitia exigitur ad perfectionē diuinæ iustitiæ, ita ut sentus ut, nō posse hominē iustificari aut apparere iustū, si iustitia eius cōparetur cum puritate diuinæ iustitiæ; & hoc peculiariter vidētur significare verba adducta ex Iob.

Per hanc in ista solutione sunt duo adhuc obseruanda. Primum est, supponi in ea, iustitijs quæ in hac vita iusti sumus, admittere secū peccata venialia, quoniam cōsistit in perfecta cōuersione ad Deum ut ad vltimū finē, quæ nō tollitur per peccata venialia, quia nō auertit, à Deo ut habet rationē finis vltimi. Alterū est, quod, cū cōcedimus iustitiam nostram cōsistere in correspondētia ad legē diuinā intelligimur nomine correspondētiæ, nō solum per opera, quibus cōformamur diuinæ legi, sed etiam habitus supernaturales, quibus sumus dispositi iuxta exigētiā legis; nō quia lex immediate, & primario obliget ad habēdū gratiā & reliquos habitus supernaturales, sed quia lex dirigit nos in finem, & per habitus disponimur, tã quoad esse, quam quoad operari, sicut oportet in ordine ad eundem finem.

Ad secundum respondetur, quod cū in scriptura significatur, iustitiā Christi esse causā nostræ reconciliationis cū Deo, intelligendū est de causa meritoria, nō autē de formali: nā causa formalis nostræ reconciliationis, sūptz passiū, est ipsa gratia habitualis, per quā dicimur formaliter reconciliati Deo.

Ad tertium respondetur, concedendo maiorem, & negando minorem; & ad probationē, negandum est, non requiri aliquid aliud, præter actū diuinæ voluntatis, & satisfactionem Christi; nam vltius requiritur terminus, siue effectus illius actus voluntatis diuinæ, scilicet, gratia habitualis, nam Deus infundendo huiusmodi gratiam condonat peccata. Neque hoc derogat sufficientiæ satisfactionis Christi, quoniam non requiritur gratia habitualis ad supplendum valorem, qui deficit ipsi, sed potius ad eius applicationem, & ut terminus, siue effectus illius actus, quo Deus, respiciēdo ad Christi satisfactionem, cōdonat nobis peccata, & ut effectus ipsius satisfactionis Christi, tanquam causæ meritoriz; quod potius est signū sufficientiæ

aplius satisfactionis, quæ tanta est, ut non quomodo-
docunque sit, sufficiens pro omnibus peccatis, sed
ita, ut simul sit causa meritoria formæ existentis in
nobis, per quam nobis condonentur peccata. Ne-
que etiam obstat, quod apud homines ad remissio-
nem offensæ non requiratur, quod offensus pro-
ducat aliquid in offensore; quoniam hoc provenit
ex inefficacia actus, quo homines remittunt offe-
sas, non enim est tam efficax, ut possit aliquid pro-
ducere in eo, cui remittitur offensa; sicut etiam pro-
pter eandem rationem, actus, quo unus homo dili-
git alterum, non producit aliquid in dilecto: & ta-
men actus, quo Deus nos diligit, producit in nobis
gratiam habituales, ratione cuius dicimur forma-
liter dilecti à Deo, ut explicui sup. q. 110. art. 1.
Circa eandem conclusionem est

DUBIUM SECUNDUM.

*Utrum ad remissionem peccatorum ita re-
quiratur divina gratia, ut sine ea, etiã B
de potentia absoluta, non possint remitti
peccata.*

§. 1. *Explicatur sensus dubij. Gratia extrinseca, in-
trinseca, & hæc habitualis, vel actualis.*

VBI AD TITULI EXPLICATIONEM ADVER-
TE PRIMO, quod nomine peccati non intelligo
remissionem pænæ debitæ pro peccato, nam
hæc nullus unquam dubitavit posse à Deo
remitti sine infusione gratiæ inherenti peccatori
neque de hoc potest esse ulla ratio dubitandi: si-
quidem non est aliqua connexio necessaria inter
condonationem pænæ debitæ, & infusionem gra-
tiæ, ratione cuius connexionis non possit fieri illa
cōdonatio sine hac infusione; præsertim cū, manē-
te in homine peccato, propter quod debetur pœ-
na, possit per potētiam Dei absolutam remitti pœ-
na, quia cum Deus nulla necessitate constringatur
ad puniendum peccatores, poterit sua potentia ab-
soluta non punire eos; sed intelligo statum peccati,
siue peccatum habituale, à quo homo, postquam
peccatū actuale transijt, habet denominari, & esse
vere peccatorē; de quo quid sit, & in quo formaliter
cōsistat, explicatum est in materia de peccatis,
& loquor de vera remissione huius peccati, hoc
est, quæ nō sit sola occultatio, vel fictio ipsius fa-
cta imputatione iustitiæ, aut applicatione imputa-
tione, ut dicūt hæretici; neque, sola non imputatio ad
pœnā: sed perfecta ablatio, & deletio ipsius, ita ut
nihil maneat in peccatore, neque moraliter, hoc est,
secundum prudentē & moralē æstimationē, neque
physice, hoc est secundū suam entitatem aut modū
entitatis, quod vere & proprie habeat rationem
peccati.

SECUNDO ADVERT. quod nomine gratiæ divine
requiritur ad ablationem, & deletionē illius pecca-
ti habitualis, duo possūt intelligi: primum est, aliquid
extrinsecum nobis, scilicet actus quidā immanēs in
Deo, quo ipse Deus peccatorē diligat in ordine ad
finē supernaturalē, & acceptet ad suā amicitia, &
ad illū finē, & bona supernaturalia; qui actus meri-

to dicitur gratia, quia per eū admittitur homo, &
acceptatur ad bona supernaturalia; alterū est ter-
minus, & effectus aliquis huius actus, qui in ipso pec-
catore recipiatur ut forma dans ei esse gratū Deo,
& acceptū ad amicitia cū eo, & ad finē supernatu-
ralē: qui effectus merito etiā, propter eandē ratio-
nē, dicitur gratia; & quāvis in hoc dubio præcipue
agendum sit de necessitate gratiæ sumptæ secundo
modo, quoniam in hac quæstione agit D. Th. de gra-
tia, quæ est in nobis, & quæ formaliter efficiuntur ius-
ti, & nos de ea diximus, dubio præcedenti, esse cau-
sam formale expulsionis peccatoris; tamen necesse
est etiā aliquid dicere de gratia priori modo sumpta,
quoniam alias non bene poterit explicari difficul-
tas huius dubij, etiam ut intelligitur de gratia sum-
pta posteriori modo.

TERTIO ADVERT. gratiā sumptā posteriori mo-
do: scilicet pro effectu divinæ dilectionis, posse ad-
huc sumi duobus modis, primo, pro actu aliquo
nostro, efficienter elicitō à nobis cū auxilio super-
naturali Dei, qui appellatur gratia actualis, quoniam
& actus esset, & per eum in illo casu acceptaretur
homo ad amicitia Dei, & ad bona supernaturalia,
secundo pro forma aliqua reali recepta in nobis non
tamē producta à nobis efficienter, sed à solo Deo;
quæ nō sit actus, sed habitus, vel habeat modū ha-
bitus, per quem nobis formaliter communicetur
acceptatio ad amicitia Dei, & ad beatitudinem su-
pernaturalē; siue huiusmodi forma sit ipsa gratia
gratū faciens, siue alius habitus supernaturalis ab ip-
sa specie distinctus, aut aliquod accidēs supernatu-
rale, quod in hoc habeat modū habitus, quod non
sit actus productus à nostris potētij, & hæc dicitur
gratia habitualis, quoniam vel erit habitus, vel
habebit modū habitus; & de ea potissimū agemus
in hoc dubio: nā de gratia actuali solum dicemus,
quāvis ad unā causam, propter quā posset esse ne-
cessaria ad expulsionē peccati, quæ est ipsi cōmu-
nis cū gratia habituali, scilicet, esse aliquid existens
& receptū in nobis, & nō extrinsecum, sicut actus
Dei; quāvis ad alterā tamē, quæ est ipsi propria, sci-
licet, esse actū liberū nostrū, agemus artic. sequenti,
ubi D. Th. agit de necessitate motus liberi arbitrij
ad impij iustificationē; & ita indifferēter disputabi-
mus nūc de isto actu nostro, qui appellatur gratia
actualis, siue sit libere productus à nobis, siue ne-
cessario, & cū determinatione ad unū. Quare sen-
sus huius dubij, est an per potentiam Dei absolutam
possit fieri vera remissio, aut expulsio peccatorum, non
concurrente ad eā aliqua divina gratia, hoc est, neq. cō-
currente gratia recepta in nobis, siue per modū habitus,
siue per modū actus; neq. gratia extrinsecum nobis, scilicet,
dilectione, qua Deus nos acceptat ad suā amicitia, & ad
supernaturalia bona: an vero nō possit fieri nisi concu-
rente ad eam aliqua divina gratia.

§. 2. *Sententia Caietani, non posse remitti peccatum
sine gratia, etiam de potentia Dei absoluta.*

IN QUA R. 1. inveniō tres sententias distinctas.
PRIMA est assertorium, etiā per potentia Dei ab-
solutā, nō posse remitti peccatū sine infusione illius
gratiæ habitualis, quæ appellatur gratia gratū fa-
ciens, & per quam diximus, secundum legem Dei
ordinariā, fieri expulsionem peccatoris; hæc sequi-
tur CAIET. & CONRAD. hoc loco, CAPR. in 4. d. 1.
q. 2. artic. 1. in solutionibus ad argumenta SCOTI

& D. V. R. A. N. D. I., contra 2. conclusionem F. E. R. A. 3. A
 contra gentes 57. & quamvis aliqui dicant, C. O. N. R. A. D. Y. M. & F. E. R. R. A. R. I. E. N. non sequi hanc senten-
 tiam, sed aliam quasi mediam inter eam, & alteram
 extremam (nam dicunt, eos sentire, peccatum ab-
 solute, quantum ad id, quod proprie habet rationem
 peccati, posse remitti sine gratia habituali; non tamē
 quantum ad reparationem omnium bonorum, quæ
 quis peccando amisit) proculdubio decipiuntur,
 quoniam isti auctores tria distinguunt in peccato, per
 quæ dicunt peccatorem priuari tribus bonis, *primū*
 est, auersio ab incommutabili bono, per quæ pec-
 cator priuatur coniunctione ad ipsum; *secundum* est
 offensa Dei sumpta tam active, pro iniuria contra
 ipsum commissa, quatenus is, qui peccat, præfert
 amore suo creaturam ipsi Deo; quam passive pro
 offensa, qua Deus dicitur inensus peccatori, non
 ordinatio ipsum sua dilectione ad bona æterna; per
 quam peccator priuatur dignitate, & acceptione
 ad illa bona; *tertium* est reatus pænæ, & præcipue
 pænæ dāni, per quæ priuatur peccator æterna glo-
 ria, & libertate ab æternis cruciatibus, quibus sub-
 jicitur; & quæ ad hoc tertium dicunt, posse peccatum
 remitti sine gratia habituali; non tamē quæ ad duo
 priora, in quibus ipsi constituunt propriam & essen-
 tialē rationem peccati, quare sine dubio sentiunt,
 peccatum, quantum ad id, quod proprie peccatum est,
 non posse remitti sine gratia.

PROBATUR hæc sententia PRIMO testimonijs
 D. T. H. Nam imprimis in hoc articulo, in corpore,
 ita inquit: *& ideo non possit intelligi remissio culpe, si
 non adesset infusio gratiæ*, quod non solet dici, nisi de
 ijs, quæ inuolunt contradictionē, & ex consequē-
 ti sunt impossibilia, etiā per respectum ad potentiam
 Dei absolutam; quia quicquid non inuoluit repu-
 gnantiam, & contradictionē, est intelligibile, & ex
 consequenti possibile, & in solutione ad 2. & q. 24.
 de verit. art. 2. ad 4. inquit, *gratiam & peccatum res-
 pectu hominis lapsisse immediate opposita*; sed immedia-
 te oppositorum hæc est natura, ut nulla potentia
 possit vnum eorum expelli à subiecto; nisi altero
 introducto: ut patet in lumine & tenebris, & in ce-
 citate & visu; ergo iuxta sententiā D. T. H. non potest
 fieri, etiā per potentiam Dei absolutam, expulsio
 peccati sine introductione gratiæ habitualis. Et su-
 pra q. 109. art. 7. dicit, *peccatum, quantum ad macu-
 lam, non posse remitti sine gratia, quoniam macula con-
 sistit in priuatione decoris gratiæ*, ubi satis insinuat, se
 loqui etiā per respectum ad potentiam Dei abso-
 lutam, quia priuatio, etiā per potentiam Dei ab-
 solutam, non potest tolli, nisi introducat forma
 opposita, ut tenebræ non possunt expelli sine lumine.

SECUNDO probatur ratione D. T. H. in hoc art.
 quæ talis est: non potest, etiā de potētia Dei abso-
 luta, remitti peccatum, nisi Deus diligat peccatorem;
 ergo neque sine infusione gratiæ habitualis; *antece-
 dens* patet quia peccatum est offensa Dei, & offēsa non
 remittitur, nisi per hoc, quod animus offēsi pæa-
 tur offētori: at hæc pax in Deo non potest consistere
 in alio, quā in dilectione, quā ipse diligat peccatorem;
 ergo ut Deus alicui remittat peccatum, necesse est,
 quod diligat eum; & *consequentia* probatur, *tum* quia
 gratia habitualis est terminus dilectionis, qua Deus
 diligit nos, & inseparabilis ab ea, quoniam dilectio
 Dei hoc habet peculiare, quod sit efficax, & produ-
 cat bonitatē, ad quā terminatur (ut probat D. T. H.
 sup. q. 110. art. 1.) *in etiam* quia, quādo Deus remittit

peccatum, incipit de nouo diligere peccatorem, quem
 antea non diligebat, & non quia incipiat tunc esse
 actus, quo diligit, quoniam est æternus; ergo quia
 incipit terminus eius, vel effectus

TERCIO peccatum habituale consistit formaliter
 in priuatione gratiæ gratū facientis: ergo neque per
 potentiam Dei absolutam potest auferri sine infu-
 sione huiusmodi gratiæ; *consequentia* videtur euidēs,
 quia nulla potentia fieri potest, ut priuatio aufera-
 tur à subiecto, nisi introducta forma opposita; ut
 nulla potentia possunt expelli tenebræ ab aëre nisi
 introducto lumine; neque cæcitas potest auferri ab
 oculo nisi posito visu; & *anteceps* probatur tripli-
 citer. *Primo* quoniam peccatum habituale appellatur
 à Theologis *macula animæ*, in quā importat pri-
 uationem pulchritudinis, nitore, & luminis ipsius
 animæ: cōstat autē pulchritudinem & nitore, atque
 lumen animæ, esse ipsam gratiam habituale. *Secundo*
 peccatum habituale non consistit formaliter in
 aliquo positivo, sed in priuatione alicuius formæ
 debite inesse: at nulla forma est debita inesse pec-
 catori, præter gratiam; cuius signum est, quod ipsa
 sola, & præcise posita in eo, non deest ei aliqua for-
 ma debita inesse; ergo peccatum habituale consi-
 stit formaliter in priuatione gratiæ habitualis. *Ter-
 tio* quia peccatum habituale personale est simile
 peccato originali; sed originale consistit in priua-
 tione gratiæ habitualis, quia consistit in priuatione
 rectitudinis debite inesse, & nulla alia rectitudo est
 debita inesse puero, in quo est peccatum origina-
 le, quā rectitudo gratiæ habitualis, quia puer non
 est capax alterius rectitudinis; ergo etiam peccatum
 habituale personale consistit in priuatione gratiæ
 habitualis.

CONFIRMATUR, quoniam peccatum habituale cō-
 sistit in priuatione rectitudinis, & iustitiæ habitua-
 lis debite inesse homini, quia est quædam obliqui-
 tas, & iniustitia habitualis, ergo per nullā potētiā
 potest auferri ab homine, nisi posita in homine re-
 ctitudine, & iustitia habituali opposita; at in nobis
 nulla est rectitudo, & iustitia habitualis, præter
 gratiā iustificantem, ut videtur definitum in CONC.
 TRID. sess. 6. decreto de iustificat. c. 6. ubi dicitur,
*causam formalem nostræ iustitiæ esse gratiam nobis in-
 habentem*, ergo per nullam potentiam potest ex-
 pelli peccatum sine infusione gratiæ habitua-
 lis.

QUARTO in homine ordinato in finem superna-
 turalem peccatum & gratia habitualis sunt imme-
 diate opposita: ergo in eo per nullam potentiam
 potest auferri peccatum sine infusione gratiæ ha-
 bitualis; *consequentia* est euidēs, quoniam hæc est
 natura immediate oppositorum, ut non possit vnum
 auferri nisi posito altero, & propterea appellantur
 immediate opposita, quia carent medio respectu
 sui subiecti, ita ut necesse sit alterum eorum esse in
 eo; & *anteceps* probatur, quia in homine ordina-
 to in finem supernaturalē peccatum continet tria,
 quæ opponuntur priuatiue, & ex consequenti im-
 mediate gratiæ habituali. *Primum* est, auersio ha-
 bitualis à Deo, ut est obiectum charitatis; nam sicut
 peccatum actuale continet auersionē actuale, vel est
 ipsa auersio actualis à Deo, ut est obiectum charita-
 tis: ita peccatum habituale continebit auersionem
 habitualem ab eodem obiecto, derelictā ex actua-
 li. *Secundum* est, carentia acceptionis ad amicitiam
 Dei, & ad beatitudinē æternam. *Tertium* est, reatus

potestatem, præsertim quantum ad potestatem dandi; *Quod autem ista tria in homine, de quo loquimur, opponantur privationi gratiæ habituali, probatur; nam imprimis aversio à Deo ut est obiectum charitatis, habet rationem privationis, quia importat negationem conversionis ad idem obiectum, in subiecto, cui est debita conversio, ratione elevationis & ordinationis in finem supernaturalem; & huic aversioni opponitur, tanquam forma, conversio habitualis ad Deum, ut est obiectum charitatis, quæ conversio est effectus formalis ipsius charitatis, & gratiæ habitualis; Item carentia acceptationis ad beatitudinem in homine isto non est pura negatio, sicut in homine condito in puris naturalibus; sed habet rationem privationis, quia est negatio acceptationis debite convenire subiecto hic & nunc &c. & huic carentiæ opponitur tanquam forma acceptatio ad illa bona, quæ est effectus formalis gratiæ habitualis, ut videtur colligi ex ijs, quæ cū D. Th. dixi supra q. 110. art. 1. & ex eo, quod non poterit explicari, quid aliud sit primarius effectus formalis huius formæ & tandem reatus peccati damni est obligatio, aut dignitas carenti beatitudine supernaturali, nō quidem merè negativè, sed privative, quia est in subiecto elevato, & ordinato ad beatitudinem istam, atq; adeo ratione termini cesset habere modum privationis, & est velutique dā privatio in radice; & huic privationi opponitur, tanquam forma acceptatio ad eandem beatitudinem, quæ (ut modo dicebamus) est effectus formalis gratiæ habitualis.*

Confirmatur, quia in homine isto nō potest tolli peccatum, nisi auferatur offensa, qua Deus odio habet peccatorem, & est insensus ipsi, in quantum non acceptat eum ad suam amicitiam, & ad bona æterna: ergo neque sine infusione gratiæ habitualis; antecedens patet, quoniam aliās homo, postquam ei condonatum esset peccatum, posset esse non acceptus privative ad amicitiam Dei, & bona supernaturalia; & consequentia probatur quoniam non acceptatio privativa non potest tolli, nisi per acceptationem, positivā, quæ est effectus formalis gratiæ, ut in hoc argumento dicebam.

§. 3. *Sententia asserens posse remitti sine gratia habituali, non tamen sine aliqua gratia intrinseca.*

SECUNDA SENTENTIA est eorum, qui dicunt, per potentiam Dei absolutam posse remitti peccatum sine gratia habituali, non tamen sine aliqua gratia divina intrinseca ei, cui remittitur peccatum, *sive sit actus elicited ab ipso cum auxilio supernaturali, sive forma aliqua, aut modus accidentalis à Deo productus in ipso, & inherens ipsi.* Hanc sententiam sequuntur aliqui ex recentioribus Thomistis, & referunt pro ea Sorvus lib. 1. de natura & gratia c. 18. quoniam inquit, non posse, etiam per potentiam Dei absolutam, remitti peccatum sine gratia, non quatenus est qualitas, sed quatenus formaliter est gratia. Sed Sorvus ibi expresse dicit, se per gratiam formaliter sumptam intelligere divinam dilectionem, qua Deus nos admittit ad suam amicitiam, & ad sua bona & non loquitur de gratia, quæ sit accidens receptum in nobis; Fundamenta huius sententiæ, quantum ad priorem eius partem, scilicet, posse per potentiam Dei absolutam remitti peccata sine gratia habituali, adducemus postea. Quantum ad

A posteriorem vero partem, scilicet, non posse remitti sine aliqua gratia divina intrinseca ei, cui remittitur, potest probari, *imprimis* tribus ultimis argumentis factis pro præcedenti sententia, quæ ad hoc probandum sunt magis efficaciæ; nam *secundum* solum probat, requiri terminum aliquem productum per divinam dilectionem in ipso, cui remittitur peccatum, non tamen determinate hunc terminum debere esse propriæ habitum; & *tertium* solum probat, requiri ad ablationem peccati aliquem nitorem, & aliquam formam positivam, & aliquam rectitudinem in eo, à quo auferitur peccatum; non tamen requiri propriæ habitum, & non sufficere actum, aut formam aliquam, vel modum accidentalem, cui conveniat esse nitorem animæ, & formam, atque rectitudinem debitam inesse ipsi; & tandem *ultimum* argumentum solum probat, requiri conversionem in ultimum finem supernaturalem intrinsecam ei, cui remittitur peccatum, & acceptationem ad amicitiam Dei, & bona æterna; non tamen, quod ad hæc non sufficiat actus aliquis, aut forma accidentalis, quæ non sit propriæ habitus, aut aliquis modus accidentalis.

SECUNDO, probatur hæc sententia, quoniam, cum alicui remittitur peccatum, fit transitus à contradictorio in contradictorium, tam ex parte eius, quam ex parte Dei: nam ipse antea erat odio habitus, saltem negativè (quod sufficit ad contradictionem) & similiter Deus antea odio habebat peccatorem, & erat ei infestus; & remisso peccato non prosequitur ipsum odio; ergo necesse est, quod interveniat aliqua mutatio, quia nō potest fieri transitus à contradictorio in contradictorium si res eodem modo, & omnino immutata maneat, siquidem ab eo quod res est, vel non est, propositio dicitur vera vel falsa: at ex parte Dei non potest intervenire aliqua mutatio, quoniam est omnino immutabilis, ergo necesse est quod interveniat ex parte hominis, cui remittitur peccatum; sed homo in isto casu non potest mutari, nisi recipiendo aliquid reale, quod antea non habebat, quoniam alias habebit se quantum ad omnia, quæ in ipso sunt, eodem modo, atque prius, cum nihil sit ipsi detractum, neque additum, & mutari est aliter se habere nunc, quam prius; ergo necesse est ad remissionem peccati, eum, cui remittitur, habere aliquid reale in seipso, quod antea non habebat, sive illud sit actus, sive forma, aut modus accidentalis.

TERTIO, peccatum habituale est privatio rectitudinis, & iustitiæ, non solum naturalis, sed etiam supernaturalis: ergo non potest expelli, nisi introducta aliqua rectitudine supernaturali, quia (ut sæpe dixi) privatio per nullam potentiam potest auferri, nisi posita forma, cui opponitur: at rectitudo supernaturalis necessario debet esse aliquid distinctum ab entitate naturali eius, cui remittitur peccatum, sive tanquam actus, sive tanquam forma, aut modus accidentalis, quoniam alias per propriam entitatem naturalem posset aliquis habere rectitudinem supernaturalem; ergo sine aliquo istorum non potest etiam per potentiam Dei absolutam, remitti peccatum.

§. 4. *Sententia asserens posse sine intrinseca gratia remitti peccatum, non tamen sine extrinseca.*

TERTIA SENTENTIA est aliorum, qui dicunt, posse per potentiam Dei absolutam remitti peccatum *sine omni gratia intrinseca* ei, cui remittitur, aut recepta in eo, siue per modum habitus, aut actus, vel formæ, aut modi accidentalis; non tamen *sine gratia extrinseca*, hoc est, sine diuina dilectione, qua Deus cum, cui remittitur peccatum, acceptet ad suam amicitiam, & ad beatitudinem eternam. Hanc sententiam sequitur Scotus loco citato; & fundamenta eius *quoad priorem* partem adducemus postea; & *quoad posteriorem* potest probari *secundo* argumento, & *ultimo* ex his quæ proposita sunt pro prima sententia; nam *in secundo* probatur, requiri ad remissionem peccati, quod Deus diligat peccatorem; & in *ultimo*, quod acceptet eum ad suam amicitiam, & ad beatitudinem supernaturalem: hoc autem fit per actum diuinæ dilectionis.

ULTIMA SENTENTIA est eorum, qui dicunt, posse per potentiam Dei absolutam remitti peccatum sine gratia, tam intrinseca ei, cui remittitur, quam extrinseca. Itaque dicunt, posse Deum remittere alicui peccatum, quamuis nullum habitum, neque actum, aut formam, vel modum accidentalem ei infundat; neque acceptet eum extrinsecè (hoc est, solo actu immanente in ipso Deo) ad suam amicitiam, & ad beatitudinem supernaturalem. Hanc sententiam sequitur Scotus in 4. d. 1. q. 6. §. contra istam opinionem & §. ad argumenta pro opinione præcedenti. Vbi expresse dicit, posse Deum remittere alicui peccatum sine infusione gratiæ habitualis, aut alicuius accidentis realis, & sine acceptatione ad suam amicitiam, & ad beatitudinem supernaturalem, & relinquendo eum; ac si conditus fuisset in puris naturalibus. & d. 16. q. 2. §. respondeo, ubi inquit, infusionem gratiæ, & remissionem, siue expulsionem peccati, esse duas mutationes, non quidem ambas reales, sed *illam* positiuam & realem, & *istam* priuatiuam, & non solum *illam* posse fieri sine *illa*, ut in Angelis & primis parentibus; sed etiam & conuerso *istam* sine *illa*, per potentiam Dei absolutam, sine vlla mutatione reali ipsius peccatoris. Scotus sequuntur aliqui ex nominalibus & expressius GABRIEL in 4. d. 14. q. 1. art. 1. notab. 3. *fundamenta* huius sententiæ adducam postea, præter illud, in quo supponit Scotus, non esse aliud remitti peccatum, quam non imputari ad penam, aut tolli reatum penæ; nam hoc fundamentum est falsum, & non potest convenire cum eo, quod in materia de peccatis dixi, scilicet, peccatum habituale, quod aufertur cum peccatum remittitur, non consistere in extrinseca imputatione ad penam, neque in reatu ad penam existente aliquo modo in ipso peccatore (hoc est aut physice aut moraliter) sed in aliquo præsupposito ipsi reatu, & existente etiam in peccatore; quia ex hoc bene sequitur, remissionem peccati non consistere formaliter in ablatione reatus, sed in ablatione eius, quod præsupponitur reatu: quamuis ex ablatione reatus interatur à posteriori ablatio illius.

A PRO SOLVTIONE huius dubij ADVERTE PRIMO, posse intelligi de homine constituto in puris naturalibus; aut in statu naturæ integræ sine gratia supernaturali; & de homine ordinato, & eleuato in finem supernaturalem per gratiam.

SECUNDO ADVERTE, supponi ab omnibus verum, loquendo de utroque homine, non posse remitti peccatum, etiam per potentiam Dei absolutam, nisi interueniente liberalitate Dei, qua Deus liberaliter condonet peccatum: quia cum homo non possit satisfacere pro iniuria Deo irrogata, necesse est, Deum ut liberalitate, cum remittit peccata, quia non potest fieri remissio offensæ ex iustitia, cum ex parte offensoris non offertur digna satisfactio. Verum nomine gratiæ diuine in hoc dubio non intelligimus hanc liberalitatem, quæ solum excludit debitum iustitiæ, & potest intelligi sine extensione ad communicationem bonorum spiritualium, vel ad acceptationem ad eas; sed liberalitatem, quæ ad hanc communicationem & acceptationem extendatur.

§. 5. *Homini in puris naturalibus potuisset remitti peccatum sine omni gratia intrinseca & extrinseca.*

PRIMA CONCLUSIO: homini condito in puris naturalibus posset Deus remittere peccatum sine vlla gratia, tam intrinseca, quam extrinseca, hoc est, sine acceptatione ad amicitiam supernaturalem cum Deo, & ad beatitudinem eternam: siue per huiusmodi acceptationem intelligatur aliquid infusum peccatori, quo dicatur acceptus, siue solus actus Dei acceptantis. Hanc conclusionem negant aliqui ex recentioribus Thomistis, & dicunt, se in eo sequi CAISTANVM sed CAISTANVS nihil tale dicit, nam quamuis dicat in homine condito in naturalibus post lapsum opponi immediate peccatum & gratiam, & non posse tolli peccatum sine infusione gratiæ: tamen per hominem conditum in naturalibus, intelligit hominem sine gratia habituali; non tamen sine ordinatione & eleuatione ad finem supernaturalem, & sine præceptis supernaturalibus; imo expresse videtur exemplo hominis, qui esset conditus in naturalibus, & peccaret contra præcepta fidei; Et probatur

PRIMO, quoniam alias impossibilis esset remissio peccatorum respectu hominis conditi in puris naturalibus, & manentis in eo stato: probatur sequela, quoniam per acceptationem ad amicitiam supernaturalem cum Deo, & ad beatitudinem eternam, (quæ iuxta oppositam sententiam esset necessaria ad remissionem peccati) educeretur homo à statu puræ naturæ, & constitueretur in statu gratiæ.

CONFIRMANTUR, quoniam alias etiam sequeretur, hominem, cuius vita in illo statu per aliquod tempus longum duraret, futurum esse necessario miserum, & non posse consequi suum finem naturalem: probatur sequela, quoniam homo conditus in puris naturalibus non posset diu vitare omnia peccata mortalia, & postquam laboraret in aliquod, non haberet remedium, quo posset ab eo resurgere.

Dices, sufficere ad vitandum hoc inconueniens,

quod

quod homo ille posset per gratiam Dei resurgere a peccato.

Sed contra sum quia homini manenti in illo statu impossibile esset habere gratiam, *sum etiam quia*, quamvis Deus posset uti gratia cum illo homine, tamen, ut ipse ratione gratiæ diceretur posset resurgere a peccato, necesse esset, quod, cum providentia respondente illi statui, haberet aliquam connectionem collatio gratiæ; quod tamen dici non potest, quoniam providentia illa esset pure naturalis, & non extenderetur ad ea, quæ pertinerent ad ordinem gratiæ; de quo dixi plura in principio huius materiæ & supra q. 109. art. 6.

Secundo, peccatum ab homine in illo statu commissum neque tolleretur aliquod bonum, ad cuius reparationem esset gratia necessaria; neque relinqueretur aliquod malum, ad cuius deletionem, aut expulsionem, gratia esset necessaria; ergo bene posset remitti sine gratia; *consequentia* patet, quia gratia solum potest esse necessaria ad remissionem peccati, vel propter reparationem boni, quod destruxit; vel propter expulsionem mali, quod induxit, & *antecedens* probatur, quia cum homo in illo statu non esset ordinatus ad bona supernaturalia, neque ad finem supernaturalem, non priuaretur per peccatum bono aliquo supernaturali, aut acceptatione ad ipsum; neque contraheret aversionem, aut de ordinationem a fine supernaturali.

Confirmatur, quoniam homo in illo statu non peccaret contra Deum; ut est author & finis gratiæ, & bonorum supernaturalium, sed solum quatenus est author & finis naturæ: ergo posset Deus per providentiam, quæ ipsi convenit præcise, quatenus est author, & finis naturæ, statuere modum, quo ei remitteretur peccatum, vel liberaliter condonando ipsum, vel simul exigendo ab eo per modum compensationis eam conversionem, quam viribus naturæ posset præstare: *antecedens* patet, quoniam homo in illo statu non esset ordinatus in Deum quatenus est finis, & author gratiæ: ergo suum peccatum non esset offensivum Dei considerati secundum istam rationem, quoniam respectu talis hominis ita se haberet Deus consideratus secundum illam rationem, ac si non esset, aut ipsi non conveniret illa ratio; & *consequentia* probatur, quoniam alias evidentiæ naturalis non esset perfecta, & sufficiens ad perducendum hominem in finem, ad quem per eam ordinatur, nisi adiungatur providentia supernaturalis, per quam removeantur impedimenta peccatorum.

Sed contra conclusionem hanc obijciunt *primò*, quoniam homo in illo statu, peccando mortaliter, auerteretur ab ultimo fine, non solum naturali, sed etiam supernaturali; ergo non posset ei remitti peccatum sine conversione in eundem finem supernaturalem, atque adeo sine gratia; probatur *antecedens*, *sum quia* homo ille post peccatum non maneret conversus in finem supernaturalem; ergo maneret averfus ab eo; quia inter ista duo in homine lapsus non datur medium; *sum etiam quia* homo ille post peccatum non posset converteri in Deum finem supernaturalem, nisi ablato peccato: ergo peccatum in eo importaret aversionem a Deo, ut est finis supernaturalis: quia sola aversio a fine est impossibilis cum conversione ad ipsum; & ita peccata venialia, quia non auerunt a fine ultimo, possunt esse simul cum conversione ad ipsum.

Confirmatur, quoniam homo in illo statu peccando mortaliter poneret obicem divini amicitia, & efficeretur indignus divina amicitia: ergo non posset deleri hoc peccatum, nisi ablata huiusmodi indignitate; sed ista indignitas non posset tolli, nisi per dignitatem, & acceptationem supernaturalem; ergo non posset deleri peccatum sine gratia.

Secundo quando homini illi remitteretur Peccatum, fieret transitus a contradictorio in contradictorium, tam ex parte ipsius, quam ex parte Dei: quoniam ipse ante remissionem esset dignus odio divino, & re ipsa Deus eum odio prosequeretur; & non post remissionem: ergo necesse esset, quod interveniret aliqua mutatio, quia non fit transitus a contradictorio in contradictorium sine aliqua mutatione; at huiusmodi mutatio non posset fieri in Deo, qui est omnino immutabilis: ergo deberet fieri in ipso homine, & ex consequenti necessaria esset aliqua immutatio, & renovatio interna, quæ esset quædam gratia ad remissionem illius peccati.

Tertio, si peccatum mortale, commissum ab homine constituto in puris naturalibus, posset ei remitti sine gratia, sequeretur, etiam nunc de facto remitti peccatum sine gratia hominibus, qui ita peccant mortaliter, ut habeant ignorantiam invincibilem finis supernaturalis: probatur sequela, *sum quoniam*, qui ita peccant, non magis offendunt Deum, ut est finis supernaturalis, quam si essent in puris naturalibus, cum invincibiliter eum ignorat, *sum etiam quia* peccatum, quod ab istis committitur, non magis destruit bonum, ad cuius reparationem requiratur gratia; aut inducit malum, ad cuius expulsionem sit necessaria gratia, quam peccatum commissum ab homine constituto in puris naturalibus; siquidem non magis privat rectitudine supernaturalem, aut acceptationem ad bona supernaturalia, neque magis inducit aversionem a fine supernaturali.

Et confirmatur quia utrumque peccatum tantum privat rectitudine naturali, & non supernaturali; ergo utrumque potest sufficienter auferri, posita rectitudine naturali, sine supernaturali; & ex consequenti, sine gratia: patet consequentia, quia quæcunque privatio sufficienter auferretur per formam oppositam.

Ad primum horum respondetur negando antecedens, & ad *primam probationem* dicendum est, quod homo in illo casu, neque esset conversus ad finem supernaturalem, neque averfus ab eo privative, sed solum negative, hoc est, non conversus: cum vero dicitur, non dari medium respectu hominis lapsi inter conversum in finem supernaturalem, & aversum ab eo; si loquamur de averso privative, non solet intelligi respectu hominis constituti in puris naturalibus, sed respectu hominis elevati, & ordinati in finem supernaturalem; & adhuc respectu istius, non est univocaliter verum, sed solum secundum potentiam Dei ordinariam; nam per potentiam eius absolutam bene potest fieri, ut homo elevatus, & ordinatus in finem supernaturalem, neque sit conversus in ipsum positive, neque averfus ab eo privative, ut postea dicemus; & ad *secundam probationem*, dicendum est, quod quamvis ille post peccatum non posset converteri in finem supernaturalem, nisi ablato pecca-

to: non inde sequitur, peccatum in ipso importare formalem auersionem priuatam à Deo, vt est finis supernaturalis: quia cōuersio in finem supernaturalem non solum impeditur per auersionem ab eodem fine, sed etiam per auersionem à fine naturali, quatenus per hanc aufertur cōuersio in finem naturalem, quæ, tanquam fundamentum, requiritur ad cōuersionem in finem supernaturalem, quia cōuersio gratiæ supponit rectitudinem nature. Neque ex eo, quod auersio à fine naturali impediatur hoc modo cōuersionem in finem supernaturalem, sequitur, quod non possit tolli sine ea; nam ad ablationem priuationis eius perfectionis, quæ se habet vt fundamentum alterius maioris & superioris perfectionis, sufficit positio inferioris perfectionis, quamuis non ponatur superior. Neque per hoc volo concedere, requiri cōuersionem positiuam in finem ad ablationem peccati, quod importat auersionem ab ipso; sed eo supposito (quoniam de eo est postea agendum) & vt magis ostendatur vis argumenti, dissolui ita ipsum.

Et ex his patet solutio ad confirmationem, nam ille obex & illa indignitas, non opponitur immediate amicitie supernaturali cum Deo: sed tãquam remotio fundamenti, quod ad eam requiritur, scilicet, rectitudinis in ordine ad finem naturæ; quoniam amicitia supernaturalis cum Deo supponit in homine istam rectitudinem; & ideo falsum est, illam indignitatem non posse tolli, nisi per dignitatem & acceptionem supernaturalem.

Ad secundum quamuis posset negari, non posse fieri transitum à contradictorio in contradictoriũ sine mutatione aliqua positua, aut saltem physica, (vt postea explicabo) tamen, vt constet, quam vim habeat argumentum istud contra conclusionem, respondetur aliter, concedendo, requiri mutationem aliquam in ipso homine ad remissionem peccati, de quo loquimur, & negando sequi ex hoc, requiri etiam gratiam diuinam: quoniam mutatio ista posset esse actus aliquis elicetus ab homine vitiis suæ nature, & acceptatus à Deo per modum compensationis, vbi nulla interueniret gratia supernaturalis, nam neque actus esset eius effectus, sed nature, cum concursu Dei naturali; neque acceptatio quamuis esset gratuita, id est, non debita, esset gratia supernaturalis, cum per eam non acceptaretur actus, aut homo ad aliquem effectum supernaturalem.

Ad tertium, respondetur, distinguendo consequens, *si enim sit eius sensus*, posse per potentiam Dei absolutam sine gratia remitti peccatum homini, qui in hoc statu peccat cum ignorantia inuincibili finis supernaturalis, concedenda est sequela, & hoc probatur satis efficaciter illo argumento: *si tamen sensus sit*, etiam de facto, & secundum legem ordinariam remitti sine gratia peccatum homini, qui in hoc statu peccat mortaliter cum illa ignorantia, neganda est sequela, neque contra hoc sunt efficaces eius probationes: quoniam ex æqualitate illa inter peccatum commissum ab homine in puris naturalibus, & peccatum hoc, de quo loquimur, solum colligitur, nihil esse, ratione cuius repugnet remitti vnum, magis, quam alterum, sine gratia supernaturali; non tamen, Deum instituisse secundum legem ordinariam, & de facto, remittere sine gratia hoc peccatum, de quo loquimur, si-

cut remitteret peccatum commissum ab homine in puris naturalibus.

Et si quæram, cur non instituerit Deus secundum legem ordinariam remittere sine gratia peccatum istud, de quo loquimur? respondetur, sufficere voluntatem suam, de qua nobis constat ex scriptura, & definitionibus ecclesiæ; & huius voluntatis possumus nos assignare tres rationes: Prima est, hominem in hoc statu esse eleuatum ad consequendum finem supernaturalem per media supernaturalia, ita vt, non nisi culpa sua amittat eum: nam propterea merito statuit Deus, non remittere ei peccatum, nisi infundendo gratiam, quæ sit intrinsece proportionata, & acceptata ad illum finem; Secunda est, Deum posse exigere ab homine aliquam cōuersionem ad ipsum, vt remittat ei peccatum: & in hoc statu merito exigere cōuersionem supernaturalem, quoniam est magis proportionata dignitati status, & ipse omnibus confert sufficiens auxilium gratiæ, quo possunt eam habere; Tertia est, hominem, qui modo peccat cū ignorantia inuincibili finis supernaturalis, esse auersum etiam à fine supernaturali, saltem ratione peccati originalis; & auersionem vnius peccati, aut non posse auferrī, aut non esse auferendam, sine auersione alterius: nam propterea Deus statuit, non remittere peccatum posterius, de quo loquimur, nisi infundendo gratiam, quæ tollatur auersio peccati originalis.

§. 6. Homini eleuato potest sine gratia habituali remitti peccatum, & restitui cōuersio in Deum, & acceptatio ad amicitiam supernaturalem.

SECUNDA CONCLUSIO, homini ordinato, & eleuato ad finem supernaturalem, potest, per potentiam Dei absolutam, remitti peccatum sine gratia habituali: non solum ista, vt tollatur id, in quo formaliter consistit peccatum habituale, sed etiam ista, vt restituantur cōuersio intrinseca homini ad finem supernaturalem, & acceptatio ad amicitiam Dei, & ad beatitudinem æternam. In hac conclusione conueniunt omnes, præter authores citatos pro prima sententia; & ad eius explicationem, & probationem

SUPPONENDVM EST PRIMO in peccato habituali posse distinguī duo, scilicet id, in quo ipsum peccatum formaliter consistit, & priuationem bonorum, quæ antea erant in anima, quam habet annexam & cōiunctam; nam sicut homo ante peccatum erat per gratiam intrinsece cōuersus in finem supernaturalem, & acceptus ad amicitiam Dei, & ad beatitudinem æternam: ita post peccatum est priuatus cōuersione intrinseca in finem supernaturalem, & acceptatione etiam intrinseca ad amicitiam Dei. Quare sensus nostræ conclusionis est, per potentiam Dei absolutam, non solum posse tolli *primum* sine gratia habituali, sed etiam *secundum* scilicet priuationem illius cōuersionis, & acceptationis; ita vt homo maneat liber à peccato, & intrinsece cōuersus in finem supernaturalem, & acceptus ad amicitiam Dei, & ad beatitudinem.

SECUNDO SUPPONENDVM est, nos non negare, fieri

re, fieri hoc convenientius naturis rerum per infusionem gratiæ habitualis: sed solum explicare, quid possit fieri per potentiam Dei absolutam.

His suppositis probatur PRIMA PARS conclusionis, quia in eo nulla est implicatio contradictionis: ergo non est denegandum diuinæ potentie; nam solum dicimus esse impossibile respectu potentie Dei absolute id, quod inuoluit contradictionem; probatur *antecedens*, quia si aliqua esset implicatio, maxime, peccatum habituale consistere formaliter in ipsa priuatione gratiæ habitualis & implicare contradictionem, tolli priuationem nisi per formam ei oppositam: at hæc ratio supponit falsum, nam (ut probauimus in materia de peccatis) peccatum habituale non consistit formaliter in priuatione gratiæ habitualis, sed in deordinatione habituali, & priuatione conformitatis ad legem, quæ præsupponitur ipsi priuationi gratiæ.

Confirmatur primo quia priuatio gratiæ non potest habere rationem culpæ, nisi quatenus est voluntaria: sed potest fieri à Deo sine infusione gratiæ habitualis, quod priuatio gratiæ non sit voluntaria; ergo etiam potest fieri ab ipso sine infusione gratiæ, quod non maneat in homine id, quod formaliter habet rationem peccati; maior patet, *sum quoniam* nihil habet rationem peccati, nisi sit voluntarium, *sum etiam quia* priuatio gratiæ, quatenus non est voluntaria peccati, potius habet rationem pœnæ, & est à Deo; & minor probatur, quia primo posset priuatio gratiæ fieri inuoluntaria per actum aliquem oblatum per modum compensationis, ex parte eius, qui peccauit, & acceptatum à Deo, quantum ad remissionem offensæ; & secundo sine villo actu ex parte peccatoris, sed per solam remissionem & condonationem Dei, qua fieret, ut priuatio, quæ antea imputabatur moraliter ipsi peccatori, non amplius imputetur ei; ut explicabo in conclusione sequenti.

Confirmatur secundo quia per potentiam Dei absolutam, non solum potest fieri sine infusione gratiæ habitualis, quod priuatio gratiæ non sit voluntaria, sed etiam quod non habeat rationem priuationis, sed puræ negationis: ergo etiam potest fieri per eandem potentiam, quod non habeat rationem peccati, probatur *antecedens*, quia homo cum auxilio supernaturali, & sine gratia habituali, potest elicere actum supernaturalis dilectionis, & contritionis; in compensationem pro offensâ; & Deus per potentiam suam absolutam potest sine infusione gratiæ habitualis acceptare huiusmodi compensationem, quantum ad remissionem offensæ, quia in his nulla est repugnantia; ergo etiam potest Deus per potentiam suam absolutam sine infusione gratiæ habitualis reconciliare sibi peccatorem, ita ut non amplius maneat insensus peccatori, neque habeat ipsum odio, quoniam ad hoc ordinatur acceptatio compensationis pro offensâ; at hoc facto, impossibile est, priuationem gratiæ habere rationem priuationis; quia non est in homine debitum habendi eam, cum sine sua culpa, aut indignitate, non infundatur; sicut, si Deus utens sua potentia absoluta non conseruaret gratiam habitualement in iusto, cum dormit, & nullo modo peccat; ergo per potentiam Dei absolutam potest fieri, sine infusione gratiæ habitualis, quod eius priuatio non habeat rationem priuationis.

Sed obijciunt, quia etiam per potentiam Dei ab-

olutam non potest fieri, quod priuatio forme potestius non habeat rationem priuationis, nisi introducta forma opposita: ut, non potest fieri, quod cæcitas, aut surditas non habeat rationem priuationis, nisi restitutus visu, aut auditu; ergo idem dicendum est de priuatione gratiæ habitualis.

Ad hoc respondent aliqui, gratiam posse considerari duobus modis, scilicet *materialiter*, hoc est in esse qualitatis, & habitus; & *formaliter*, hoc est in esse gratiæ, siue quatenus formaliter facit hominem gratum Deo, & acceptum ad eius amicitiam, & ad beatitudinem supernaturalem; & ut carentia qualitatis, aut habitus, non habeat rationem priuationis gratiæ, dicunt, sufficere restitutionem gratiæ in esse gratiæ, hoc est, hominem fieri gratum Deo, & acceptum ad eius amicitiam, etiam si non fiat gratus per habitum inherenter, sed per actum, aut per modum aliquem accidentalem sibi infusum à Deo, imo & per solum actum Dei diligētis ipsum, & acceptantis ad suam amicitiam.

Sed hæc solutio mihi non placet, quia in hac qualitate, quæ dicitur gratia gratum faciens, ratio qualitatis, aut habitus, & ratio propria gratiæ, comparantur inter se sicut genus, & differentia; quoniam ille habitus constituitur in vltima specie per propriam rationem gratiæ, tanquam per differentiam: & non potest assignari alia differentia, siue ordinis naturalis, siue supernaturalis, per quam constituitur: ergo non potest fieri, quod carentia gratiæ non habeat rationem priuationis gratiæ in esse gratiæ, nisi simul fiat, quod nec habeat rationem priuationis eiusdem gratiæ in esse qualitatis, aut habitus; sicut non potest fieri, cæcitate non habere rationem priuationis respectu visus, quatenus est visus: nisi simul habeat rationem priuationis respectu visus, etiam quatenus est potentia, & accidens.

Quare aliter responderetur, carentiam gratiæ non habere rationem priuationis, nisi supponatur in subiecto debitum habendi eam, ut in homine condito in puris naturalibus non haberet rationem priuationis, propter defectum huius debiti: & quoniam debitum habendi gratiam consistit in obligatione ad non committendum peccatum, propter quod homo reddatur indignus gratia, & priuetur ea: ideo satis est, tolli peccatum, & consequenter indignitatem, respectu gratiæ, ut tollatur debitum habendi eam, ut patet in exemplo supra posito de homine iusto, cui sine culpa ex parte sua auferret Deus gratiam habitualement, quod fieri posset per potentiam absolutam Dei, concedunt omnes; & in baptizatis, in quibus carentia iustitiæ originalis non habet rationem priuationis, quia remisso peccato originali auferretur indignitas habendi eam.

SECUNDA ETIAM PARS conclusionis probatur, quia non implicat contradictionem, Deum, medio actu supernaturali peccatoris, aut aliquo accidente, vel modo accidentali ei infuso, conuerrere ipsum, & ordinare in finem supernaturalem, & acceptare ad suam amicitiam, & ad beatitudinem æternam: ergo per potentiam Dei absolutam fieri potest, quod homo sit ita conuersus, & acceptus intrinsece sine gratia habituali; quia illa omnia sunt in ipso homine; probatur *antecedens*, quia neque conuersio in finem supernaturalem, neque acceptatio ad amicitiam Dei, sunt ita effectus formales gratiæ habitua-

lis, ut non possint fieri per alias formas, ut dicemus in solutionibus argumentorum primæ sententiæ.

Confirmatur, quia potest Deus per potentiam suam absolutam facere hominem actu participem beatitudinis supernaturalis, prout in actibus consistit, hoc est, elevare eum ad eliciendum huiusmodi actus, sine infusione alicuius habitus, sed solum per auxilium supernaturale: ergo etiam potest sine infusione habitus acceptare hominem in hoc statu ad hoc, ut postea conferatur ei eadem beatitudo; patet *consequentia* quia non est minus, elevare hominem ad participationem actualem beatitudinis, quam acceptari ad eam. Verum adverte in hac *secunda* parte, hominem, dato isto casu, non esse habiturum intrinsecam conversionem, & acceptationem tam perfecte, neque sicut habet eam in hoc statu per gratiam habituales, ut in solutionibus argumentorum dicemus.

Sed obicitur, actus productus ab homine non est ita permanens, ut duret, quamdiu homo non labitur in aliquod peccatum mortale, aut saltem homo posset ab eo cessare sine ulla culpa: ergo per eum homo in illo casu non esset conversus, & acceptus, aut dilectus permanentemente, neque ita, ut solum per culpam suam amitteret conversionem, & acceptationem. *Respondetur*, imprimis, hoc argumento, probari, non restitui hoc modo acceptationem & conversionem intrinsecam, quæ sit tam perfecta, sicut illa, quæ fieret per habitum. *Secundo* respondetur, quod, sicut ex peccato actuali relinquitur in homine aliquid, à quo intrinsece, & de non denominatione extrinseca, dicitur peccator, *sive* illud sit ipsum peccatum actuale, quod, quatenus non est retractatum, censetur moraliter manere in affectu peccantis quantum ad conversionem, & aversionem; *sive* sit relatio inæqualitatis ad legem; *sive* privatio conformitatis cum ipsa lege: ita etiam ex illo actu, quo homo in illo casu converteretur in finem supernaturalem, & acceptaretur à Deo, maneret aliquid in ipso, à quo denominatione intrinseca diceretur conversus, & acceptatus, *sive* illud esset ipse actus, qui, quamdiu nullum ex parte hominis apponeretur impedimentum culpæ, censetur moraliter manere, quantum ad illos effectus conversionis, & acceptationis passivæ; *sive* esset aliqua relatio ordinationis passivæ in finem supernaturalem, & acceptationis ad amicitiam Dei quæ consequeretur ad ipsum actum, & maneret, eo transacto, sicut filiatio consequitur ad generationem & manet ea transacta. *Tertio* respondetur, non esse necesse, quod in illo casu fieret conversio, & acceptatio passiva per actum ipsius hominis, quamvis non fieret per habitum infusum à Deo; quia posset fieri per modum aliquem accidentalem, qui non haberet perfectionem habitus, sive talis modus esset absolutus simpliciter & relatiue secundum dici, sive esset relatio aliqua.

9. 7. Potest hoc idem fieri etiam sine omni gratia extrinseca.

TERTIA CONCLUSIO, homini ordinato, & elevato in finem supernaturalem, potest per poten-

tiam Dei absolutam remitti peccatum sine infusione habitus, & cuiuscunque doni intrinseci, & sine ulla mutatione physica facta in ipso homine sine per habitum, sive per actum, aut modum accidentalem; ita ut non solum tollatur id, in quo formaliter consistit peccatum, sed etiam homo diligatur à Deo, & acceptetur ad eam amicitiam, & ad beatitudinem æternam. *PRIMA* pars probatur, quia, si requiritur aliquid reale de nouo productum in peccatore, ut Deus ei remittat peccatum, aut requiritur tanquam forma, cui peccatum opponitur, sicut privatio habitui, aut tanquam forma contrariè & formaliter opposita peccato, sicut calor, quoniam habet hanc oppositionem cum frigiditate, requiritur ad eius expulsionem; aut tanquam dispositio necessaria, ut ipsum peccatum expellatur, sicut accidentia, quibus subiectum disponitur ad receptionem nouæ formæ, requiruntur ad expulsionem antiquæ. *Primum* dici non potest, quia peccatum habituale (ut supra dixi) non consistit formaliter in privatione alicuius effectus supernaturalis, productum in peccatore, sive per modum habitus, sive per modum actus: sed in privatione conformitatis ad legem relicta ex peccato actuali; si vero dicatur *secundum*, aut *tertium*, sequitur manifeste, posse per potentiam Dei absolutam expelli peccatum, quamvis in homine nihil reale producat de nouo: quia Deus potest sua potentia absoluta supplere concursum dispositionis ad introductionem nouæ formæ, & expulsionem antiquæ, & concursum formæ introducendæ ad expulsionem præexistentis; ut, sine calore potest introducere formam ignis, & expellere formam aquæ; & similiter nullo introducto calore potest expellere frigiditatem à subiecto.

Item sine quocunque dono intrinseco per se sumpto potest Deus remittere peccatum, ergo & sine omnibus donis: probatur *antecedens*, sine infusione habitus gratiæ, posito solum in peccatore aliquo actu, aut modo accidentali, posset Deus remittere ipsi peccatum, ut ostensum est in conclusione præcedenti; & contra etiam, posset remittere peccatum per infusionem habitus gratiæ, sine actu peccatoris, aut aliquo alio modo accidentali producto in ipso, sicut remittit peccatum originale parvulis cum baptizantur. *Nam quod aliqui respondent*, scilicet, peccatum originale non esse effectum, aut terminum proprii actus, sicut peccatum adulti; ad sufficit, quia, etiam peccatum originale dicitur ordiné ad actum voluntatis creatæ, scilicet ad actum voluntatis Adæ, de quo plura dicemus infra, cum agemus de necessitate liberæ dispositionis ad iustificationem; & *consequentia* probatur, quoniam, si remissio peccati deberet fieri per aliquid inherens peccatori, ita ut sine eo non posset fieri, oporteret illud esse aliquid determinatum, quia non posset aliter fieri proveniret ex eo, quod inter illud donum inherens, & peccatum, esset oppositio immediata, & privativa: at constat non esse hoc genus oppositionis nisi inter extrema determinata.

Confirmatur, quia dato, quod Deus remitteret alicui peccatum per infusionem habitus, sine actu, aut alio modo accidentali producto in ipso, posset Deus auferre ab ipso homine habitum, non infundendo loco eius aliud donum inherens, neque hoc negatur ab aliquo; ergo homo ordinatus in finem supernaturalem maneret tunc sine culpa, quia iam

fuerat

fuerat ei remissa, & non potuit iterum imputari neque reproduci à Deo; & sine habitu supernaturali, aut actu, vel dono aliquo inherente, ut supponimus: ergo etiam potuit Deus à principio remittere illi homini peccatum sine infusione habitus, & cuiuscunque doni inherenti, & sine actu eius, patet *ista consequentia, tum quia*, quod Deus potest facere media illa infusione, & corruptione habitus, potest etiam facere sine ea: quoniam virtus, & potentia Dei non pendet ex illis transmutationibus; tum *etiam quia* non habet magis immediatam oppositionem peccatum cum dono inherente, quam è converso donum inherens cum peccato; Si ergo potest per potentiam Dei absolutam ab homine iustificato auferri habitus, quāvis nec præcesserit in eo actus, nec infundatur ei de nouo aliquid, quod gerat vicem habitus, nec ipse habeat culpam, aut antiquam, aut nouam: etiam poterit per eandem potentiam expelli peccatum sine actu ipsius hominis, & sine infusione habitus, aut alterius doni inherenti.

Præterea peccatum habituale consistit in morali priuatione conformitatis cum lege: ergo non requiritur ad eius expulsionem mutatio aliqua physica subiecti, siue per actum, siue per habitum, aut modum accidentalem; sed sufficit condonatio, aut remissio facta ab eo, qui ius habebat, ut non violaretur lex, scilicet à Deo; patet *consequentia*, quia ita seruatur proportio inter formam expellendam, & causalitatem requisitam ad eius expulsionem.

Confirmatur, quia inter homines, cum alicui irrogatur iniuria, is, qui eam irrogat, quamdiu non offert condignam satisfactionem, aut non obtinet remissionem ab offenso, manet cum priuatione conformitatis ad ius offensi, quod violauit, aut cum inæqualitate respectu eius, in qua consistit ratio offentæ habitualis denominantis hominē offendorem, postquam transacta est offensa actualis: quo supposito, sic argumentor; ista priuatio, aut inæqualitas inter homines potest auferri duobus modis, scilicet, aut exhibita satisfactione, quam offensus postulat, vel quæ ipsi debetur; aut sola condonatione, & remissione liberali ipsius offensi: ergo ad expulsionem priuationis conformitatis cum lege, quantum est ex propria ratione ipsius, non requiritur aliqua mutatio physica, & ex consequenti, potest fieri à Deo in peccatore sine huiusmodi mutatione.

Tandem, potest probari hæc pars ex sequenti; nam, si Deus potest peccatorem admittere pro isto tempore ad suam amicitiam, & acceptare ad beatitudinem æternam, sine vlla mutatione physica: ipsius, per actum, aut aliquod donum inherens: ergo etiam potest remittere ei peccatum sine eadem mutatione, quia stat illa acceptatio cum peccato.

SECUNDA ETIAM PARS probatur, quia Deus medio aliquo dono inherente, quod sit effectus suæ dilectionis, potest facere hominem gratum sibi, & acceptum ad suam amicitiam, & ad beatitudinem æternam: ergo idem potest facere per solum actum suæ dilectionis, sine dono aliquo producto in homine; probatur *consequentia*, quia si donum illud esset necessarium, ita ut sine eo non posset homo per solum actum diuinæ dilectionis fieri gratus, & acceptus, maximè *propter duas rationes*:

A scilicet, *quia* esse gratum, & acceptum, est effectus formalis primarius doni inherenti; *aut quia* actus diuinæ dilectionis propter suam efficaciam nō potest terminari ad hominem, nisi producendo in eo donum inherens, quod sit bonitas; secundum quā diligitur; At nulla ex his rationibus videtur sufficiens; & *de priori* probatur, *tum quia* humanitas Christi, quāvis careret omnibus donis inherentibus, esset grata Deo, & dilecta ab ipso, atque accepta ad eius amicitiam, & ad beatitudinem æternam, propter solam gratiam vniōis; *tū etiam quia* effectus formalis primarius formæ inherenti habet pro causa aliquam formam inherentem determinatæ naturæ, & speciei; quoniam per ordinem ad hūc effectum intelligitur natura, & species formæ, quæ est eius causa: cum ergo ostensum sit, hūc effectum, scilicet, esse gratum, & acceptum Deo, posse communicari homini per habitum, sine actu, aut alio modo accidentali, & è converso, per modum aliquem accidentalem, aut actum, sine habitu; sequitur manifeste, non esse effectum formale primarium formæ inherenti; *de posteriori* etiam ratione probatur, quia quamuis dilectio Dei propter suam efficaciam id habeat, ut ex ea possit resultare aliquod donum in re dilecta: tamen Deus non concurret necessitate aliqua ad productionem talis doni, sed omnino libere, & ita poterit per suā potentiam absolutam non concurrere ad eam.

Secundo, potest Deus esse ita affectus erga hominem istum, ut nolit in eo producere aliquod donum inherens, & tamen velit, & paratus sit hic, & nunc, secundum præsentem statum, conferre ipsi beatitudinem, si tunc moriatur, & communicare ei omnia bona, quæ concedit suis amicis, si eis indigeat; ergo iste homo sine aliquo dono inherente sibi dicetur gratus Deo, & dilectus ab ipso, & acceptus ad æternam beatitudinem; *consequentia* patet, quoniam actus diuinæ dilectionis, & acceptationis potest dare has denominationes suo obiecto; & *antecedens* probatur, quia nulla ex parte repugnat, Deum habere illum actum, scilicet, *per*, ex parte hominis, cum remittatur ei peccatum, quod repugnabat amicitia cū Deo; *neque* ex parte Dei, quia licet per prædestinationem ordinat ad beatitudinem hominem, in quo nunc nihil producit: ita poterit sic diligere hominem, in quo nihil producit, ut velit ei considerato secundum præsentem statum conferre bona, quæ communicat suis amicis, si eis indigerit.

Confirmatur primo, quia de ratione amicitia, nō est actualis communicatio bonorum, sed præparatio animi ad communicandum amico bona, si eis indigerit: ergo potest Deus admittere aliquem ad suam amicitiam, quāvis nihil in eo producat.

Confirmatur secundo, quia homo potest admittere aliquem ad suam amicitiam, & acceptare eum ad bona sua, quamuis actu nullū ei communicet; ergo etiam Deus.

Verum aduerse, quod in isto casu non dicetur homo gratus Deo, & acceptus ad beatitudinem, tam perfecto modo, sicut per habitum, aut aliud donum intrinsecū: sed solum denominatione extrinseca; an vero diceretur conuersus in finem supernaturalem, dicemus in solutionibus argumentorum primæ sententiæ.

§. 8. Potest remitti peccatum sine omni gratia intrinseca & extrinseca.

VLTIMA CONCLUSIO, homini ordinato in finem supernaturalem potest per potentiam Dei absolutam remitti peccatum sine omni gratia, tam intrinseca, quam extrinseca, hoc est, sine infusione doni, inherrentis, & sine acceptatione ad divinam amicitiam, & ad beatitudinem æternam; Hanc negant multi ex ijs, qui admittunt tertiam conclusionem: sed meo iudicio non satis consequenter, nam expulsio peccati in casu illius conclusionis non fieret formaliter per acceptationem ad amicitiam Dei, & ad beatitudinem, sed per remissionem, & condonationem, quæ cum acceptatione esset coniuncta: ergo secunda acceptatione sufficeret remissio, & condonatio ad expulsionem peccati; & absolute probatur ista conclusio ratione simili illi, quæ usus sumus in confirmationem duarum præcedentium conclusionum, scilicet, quia nullam involuit contradictionem, quod Deus huic homini remittat peccatum, quamvis non admittat eum ad suam amicitiam, neque acceptet ad beatitudinem æternam: quod sic probatur, si in hoc esset aliqua contradictio, maxime quia peccatum habituale consisteret formaliter in privatione amicitie divinæ, & acceptationis ad beatitudinem: at hoc in materia de peccatis probavimus esse falsum, ergo.

SECUNDO SI REMISSIO offensæ, & acceptatio ad amicitiam, & ad beatitudinem considerentur secundum naturam rei, non sunt idem formaliter, neque habent necessariam connexionem, ita ut remissio non possit fieri sine acceptatione: ergo per potentiam Dei absolutam potest remitti peccatum homini, de quo loquimur, quamvis non acceptetur ad amicitiam Dei, neque ad beatitudinem; probatur antecedens, quia imprimis distingui formaliter est satis notum, tum quia remissio habet pro termino ad quem, deletionem offensæ; acceptatio vero habet pro termino amicitiam divinam, & beatitudinem; tum etiam quia non est idem remittere offensam, & communicare propria bona; & præterea non habere ex natura rei necessariam connexionem probatur, quoniam ex remissione offensæ non sequitur necessario communicatio aliorum bonorum, neque requiritur ad eam, quia bene intelligitur fieri remissionem offensæ, sine illa communicatione.

Confirmatur, quia homo potest alteri remittere offensam, quodvis non admittat eum ad suam amicitiam, neque communiæ ei bona sua: ergo etiam Deus.

Dicit, in Deo acceptationem illam sequi ex remissione offensæ, aut esse coniunctam cum ea necessario ex suppositione; & hanc suppositionem esse tum ordinationem huius hominis in finem supernaturalem, quoniam ea supposita non potest homo esse extra amicitiam divinam, & carere acceptatione ad beatitudinem, nisi sit privatus ipsa, atque adeo habeat culpam; tum etiam modum, quo Deus remittit offensam, qui, cum consistat in dilectione, qua Deus incipit diligere peccatorem, quæ antea propter peccatum non diligebat, sed odio habebat, (quia Deum remittere alicui offensam,

A est uti cum ipso dilectione & benevolentia) non poterit esse simul cum carentia divinæ amicitie.

Sed contra, quia neque ex ordinatione hominis in finem supernaturalem sequitur, quod non possit homo carere divina amicitia, & acceptatione ad beatitudinem omnino negative, & sine sua culpa, ut ex confirmationibus duarum hominis præcedentium conclusionum constat; Neque ex eo, quod in remissione offensæ interveniat usus alicuius dilectionis, & benevolentie divinæ, sequitur, quod requiratur usus dilectionis & benevolentie, quæ pertineat ad perfectam amicitiam; nam benevolentia, aut dilectio, quæ præcise requiritur ad remissionem offensæ, non est dilectio hominis simpliciter, aut benevolentia erga eum simpliciter & absolute, sed solum quantum ad illum effectum, qui est remissio, & condonatio offensæ, & non tam est dilectio, aut benevolentia, quam liberalitas excludens debitum iustitiæ, ut explicabo in solutione secundi argumenti primæ opinionis.

Tertio, Deus posset per solam infusionem habitus gratiæ remittere huic homini peccatum, & postea posset auferre ei habitum, nulla existente in eo culpa, neque etiam acceptando eum ad suam amicitiam, & ad beatitudinem, siue per aliquod donum inherrens, siue per solum actum ipsius Dei: ergo etiam posset à principio sine his transformationibus remittere huic homini peccatum sine dono inherrente, aut intrinseco, & sine acceptatione extrinseca ad amicitiam, & ad beatitudinem. Tota vis huius argumenti, & veritas eorum, quæ in ipso assumuntur, patet ex alio simili, proposito in favorem præcedentis conclusionis. An vero homo iste, post remissionem peccati ita factam, esset dicendus conversus in finem supernaturalem, vel aversus ab eo, dicemus in solutione ultimi argumenti primæ sententiæ.

§. 9. Solvantur argumenta primæ sententiæ. De oppositione gratiæ & peccati.

SUPEREST modo dissolvere argumenta primæ & secundæ sententiæ, quæ directe pugnant contra conclusiones statutas: & AD PRIMAM PRIMAM, respondetur, D. THOMAM in primo testimonio loqui de eo, quod fieri potest secundum potentiam Dei ordinariam, & non per respectum ad potentiam absolutam: Neque obstat, quod dicat, non posse intelligi remissionem culpæ, sine infusione gratiæ; nam loquimur suppositis ijs, quæ secundum legem ordinariam sunt disposita; aut secundo dici potest, eum loqui de remissione tam perfecta, ut non solum auferatur id, in quo formaliter consistit peccatum habituale, sed etiam reparatur totum damnum factum per peccatum, & restituitur homini omne id, quod peccando amiserat; nam constat, hanc remissionem non posse fieri, etiam per potentiam Dei absolutam, sine infusione gratiæ habitualis, quoniam per peccatum amittitur huiusmodi gratia. Neque est alienum à doctrina Thomistarum hoc loco, quoniam D. THOMAS proculdubio loquitur de gratia habituali, & tamen multi ex ipsis dicunt, non esse contrariam huic testimonio sententiam, quæ affirmat, posse per potentiam Dei

tiam Dei



tatem, aut bonitatem supernaturalem. Neque tamen propterea dilectio divina diceretur tunc *inefficax*, quia non solum esset efficax respectu finis voliti homini dilecto, sed etiam haberet virtutem ad efficiendum in ipso homine bonitatem commensuratam illi fini; & solum diceretur *non efficax*, secundum quid, scilicet, in quantum re ipsa non haberet huiusmodi effectum. Ex hac autem efficacia divinæ dilectionis optime potuit colligere D. THOMAS, quod de facto, & secundum legem ordinariam, producat per eam in homine dilecto gratia habitualis, qua intrinsece sit commensuratus, & proportionatus fini supernaturali, in ordine ad quem diligitur: quia & potest produci, ut constat ex discrimine posito inter dilectionem divinam & creatam; & re ipsa produci est magis consonum efficacie divinæ dilectionis; & hunc esse ipsius sensum, tenentur fateri omnes, qui dicunt, posse per potentiam Dei absolutam remitti peccatum sine infusione gratiæ habitualis, quamvis addant, requiri aliquod donum inherens: quoniam D. THOMAS determinate loquitur de gratia habituali.

Et si quæras, quomodo in isto casu diceretur homo dilectus à Deo, & commensuratus, aut proportionatus in ordine ad finem supernaturalem? respondetur, quod non diceretur dilectus denominatione intrinseca, sed extrinseca, sumpta ab actu divinæ dilectionis: quamvis diceretur dilectus pro tempore præsentis, & secundum præsentem statum; & ratione eiusdem actus diceretur etiam extrinsece commensuratus, & proportionatus fini supernaturali, quia esset acceptatus ad eum; & acceptatio haberet rationem dignitatis, & proportionis ad illum finem, & ad beatitudinem æternam: sicut apud homines dilectio amicitie, quæ vnus acceptatur ad bona alterius, satis est, ut is, qui sic acceptatur, dicatur extrinsece dignus illis bonis, & commensuratus, atque proportionatus eis.

Ad secundam probationem eiusdem consequentiz, possemus respondere, explicando varios modos, quibus intelligi potest, hominem incipere diligere Deo, sine aliquo dono producto in ipso per divinam dilectionem, & sine vlla mutatione Dei; tamen, quia de eis dicemus in solutione secundi argumenti secundæ sententiæ, nunc breuiter respondetur, Deum ab æterno potuisse habere actum, quo voluerit diligere hominem, non pro quolibet tempore, sed pro tali tempore determinato; & satis esse aduenire huiusmodi tempus, ut Deus dicatur incipere de nouo diligere hominem, quamvis neque in Deo, neque in homine sit vlla mutatio: quoniam per aduentum talis temporis ponitur conditio requisita ex parte obiecti, ut terminet actum divinæ dilectionis. Itaque, ut Deo conveniat de nouo ista denominatio, non requiritur vlla mutatio in ipso, vel in obiecto, sed sufficit positio conditionis requisitæ ex parte obiecti.

AD TERTIUM ARGUMENTUM respondetur, negando antecedens, & ad primam probationem dicendum est, peccatum habituale appellari à Theologis *maculam animæ*, duabus de causis, quarum prior est, priuationem conformitatis cum lege, in qua

formaliter consistit ipsum peccatum habituale, et se magnam sordiditatem, & turpitudinem animæ; & propterea CAIET. supra q. 86. art. 1. dicit in peccatore duas esse maculas, quasi partiales, ex quibus integratur vna totalis, scilicet hanc priuationem cōformitatis cum lege, & priuationem gratiæ; & posterior ratio est, ipsum peccatum habituale, in homine ordinato in finem supernaturalem, habere de facto adiunctam priuationem gratiæ; de qua, quomodo, si remitteretur peccatum sine infusione gratiæ, non haberet rationem priuationis, neque maculæ, explicui in solutione primi argumēti.

Ad secundam probationem, concessa maiori neganda est minor, sumendo *formam late*, prout non solum comprehendit formas physicas reales, sed etiam negationes debitas convenire subiecto, quæ in genere moris habent rationem formarum: nam præter gratiam, est debita inesse homini conformitas habitualis, cum lege, siue potius carentia difformitatis habitualis ab ipsa lege, ut patet in homine constituto in puris naturalibus, cui procul dubio esset debita inesse ista conformitas, & non gratia; & ad *figuram*, quo probatur oppositum, scilicet, quia posita gratia in homine non deest ei aliqua forma debita inesse; dicendum est, hoc ideo esse, quia per infusionem gratiæ remittitur peccatum; si tamen posset esse gratia simul cum peccato mortali per potentiam Dei absolutam, (ut quidam arbitrantur) eo dato, scilicet gratiam infundi manenti in peccato mortali, intelligeretur facile, quæ ratione habenti gratiam deesset aliqua forma debita inesse, scilicet conformitas supra explicata.

Ad tertiam probationem, concedenda est maior, & neganda minor, si intelligatur de eo, in quo formaliter consistit peccatum originale; & ad id, quo probatur, dicendum est, puerum esse capacem illius conformitatis, siue carentiæ difformitatis, quam hactenus explicuimus; quia sicut potuit in Adamo, tanquam in suo capite, violare præceptum, & ex eo contrahere difformitatem ad illud præceptum sibi intrinsecam: ita etiam posset in eodem Adamo servare præcepta obligantia sub mortali, & ex eo contrahere conformitatem habitualem, ad huiusmodi præcepta, siue carentiam difformitatis ab eis, quam proculdubio haberet puer, si Deus utens sua potentia absoluta remitteret ei peccatum originale sine infusione gratiæ habitualis, aut alterius doni inherētis.

Ad confirmationem respondetur, peccatum habituale consistere in priuatione conformitatis ad legem, & hanc conformitatem posse appellari *restitutionem*, & iustitiam; non quidem eo modo, quo gratia habitualis appellatur *iustitia Christiana*: sed sicut homini constituto in puris naturalibus sola carentia difformitatis ad legem appellaretur *restitutio* & iustitia illius status. Verum est, quod illa conformitas in hoc statu non est appellanda *iustitia nostra simpliciter*, sed *pars nostra iustitiæ*: quoniam nostra iustitia pro hoc statu constat hac conformitate, quæ sit per remissionem peccatorum, & renovationem interiorum, ut CONCILIVM TRIDENTINVM docuit. Neque hoc est contra id quod adducitur

ex eodem concilio, scilicet, causam formalem nostræ iustitiæ esse gratiam nobis inhzrentem; quoniam non solum renouatio interna, sed etiam remissio peccati fit formaliter per gratiam, licet non eodem modo, vt supra dixi.

AD QUARTVM respondetur, negando antecedens, si intelligatur absolute, & per respectum ad potentiam Dei absolutam: quamvis de facto, & secundum legem ordinariam, peccatum & gratia dicantur immediate opposita, in hoc sensu, quod nunquam homo reperitur sine altero eorum; & ad probationem, respondetur, concedendo, reperiri illa tria in peccato habituali, aut esse ei adiuncta, vt statim dicam, & negando, opponi priuatiue, & immediate gratiæ habituali; & de singulis dicemus eo ordine, quo propolita sunt, & in primis ad id, quo probatur, auersionem ab obiecto charitatis, quæ est in peccato habituali, opponi isto modo gratiæ habituali: respondetur, quod in peccato habituali hominis ordinati in finem supernaturalem duplex auersio distingui potest, *vna moralis*, quæ formaliter est ipsum peccatum, & consistit in priuatione conformitatis ad legem obligantem sub mortali, & appellatur *auersio a Deo vt est obiectum charitatis*, quoniam per eam homo recedit ab amicitia cum Deo, vt est author gratiæ; *altera physica*, quæ est ipsa priuatio gratiæ, & charitatis, quæ ideo appellatur *auersio physica a Deo vt est obiectum gratiæ & charitatis*, quia sicut per habitus gratiæ & charitatis conuertimur physice in Deum, sic consideratum, vt per alios habitus conuertimur in sua obiecta: ita etiam per priuationem istorum habituum auertimur physice a Deo, quatenus est eorum obiectum; quoniam priuatio conuersionis, est auersio. Ex his autem auersionibus prior non opponitur priuatiue gratiæ habituali: sed potius per modum formæ contrariæ, (vt in principio articuli præcedentis explicui ex sententia D. THOMÆ) & potest tolli, per potentiam Dei absolutam, sine infusione gratiæ habitualis, aut alterius doni inhzrentis, per solam liberam remissionem, & condonationem Dei, siue huic accedat extrinseca acceptatio ad amicitiam Dei, & ad beatitudinem æternam, siue non, vt dixi in vltima conclusione. At vero posterior auersio opponitur priuatiue, & immediate gratiæ habituali: & ideo non potest tolli sine eiusdem gratiæ infusione; non quidem præcisè quantum ad rationem priuationis hoc est, ita, vt non maneat in ratione priuationis: sed absolute, hoc est ita, vt nullo modo maneat, neque in ratione priuationis, neque in ratione negationis, nam (vt explicui in vltima probatione primæ partis secundæ conclusionis) si Deus sine infusione gratiæ habitualis remitteret alicui peccatum, propter quod est priuatus gratia, tunc maneret in eo priuatio gratiæ, non in ratione priuationis, sed in ratione negationis. Quare ex his est satis manifestum, auersionem, in qua consistit formaliter peccatum habituale, non opponi priuatiue, & immediate gratiæ habituali: & alteram auersionem, scilicet priuationem gratiæ, quæ est priori coniuncta in homine ordinato in finem supernaturalem, quamvis opponatur priuatiue gratiæ habituali, posse tolli sine infusione gratiæ; non ita, vt omnino de-

linat esse; sed ita, vt non habeat rationem priuationis, & maculæ, aut deformitatis.

Sed contra, quia prior auersio opponitur priuatiue conuersioni supernaturali, quoniam ex suppositione opponitur conuersioni in Deum, vt est obiectum charitatis: ergo non potest expelli à suo subiecto, nisi posita in eodem subiecto conuersione aliqua supernaturali in Deum ita consideratum in eodem homine, à quo expellitur illa auersio: quoniam nulla priuatio potest tolli, nisi posita in eodem subiecto forma, cui opponitur immediate; at in homine non potest esse aliqua conuersio supernaturalis, quæ non sit habitus supernaturalis, aut aliquid aliud donum supernaturale inhzrens ipsi: ergo non potest tolli auersio, in qua formaliter consistit peccatum habituale, & ex consequenti neque remitti ipsum peccatum, sine infusione doni inhzrentis, quod est contra 3. & 4. conclusionem.

Confirmatur, quoniam illa auersio est quædam malitia moralis priuatiua: ergo opponitur priuatiue alicui bonitati morali; ergo non potest expelli à suo subiecto, nisi posita in eodem subiecto aliqua bonitate morali; at hæc bonitas de necessitate debet esse aliquis actus, aut habitus; ergo sine aliquo istorum non potest tolli illa auersio, neque remitti peccatum habituale.

Ad argumentum respondetur, negando antecedens, scilicet, quod illa auersio opponatur priuatiue conuersioni supernaturali; neque obstat, quod opponatur conuersioni in Deum, vt est obiectum charitatis; nam hæc conuersio non est aliquid physicum, sed morale, & consistit formaliter in illa carentia difformitatis à lege, quam supra explicui, non tamen considerata sicut conueniret homini constituto in puris naturalibus, sed supposita ordinatione, & eleuatione hominis in finem supernaturalem; qua ratione supposita, potest explicari, si dicamus, esse carentiam difformitatis, aut inæqualitatis, quæ homo excluderetur ab amicitia cum Deo, vt est obiectum charitatis, & à consecutione ipsius, vt est vltimus finis supernaturalis. Hæc autem carentia difformitatis non est aliquid supernaturale secundum suam entitatem, quia non importat entitatem aliquam physicam superadditam naturæ: sed dicitur supernaturalis, quia, postquam amissa est, non potest restitui nisi à Deo, vt est autor finis supernaturalis, sicut antea amissa est propter offensam commissam contra ipsum ita consideratum; Et poterit hoc facile intelligi, si supponamus, Deum à principio ordinasse, & eleuasse hominem in finem supernaturalem, non quidem per habitus ipsi infundendos, aut per alia dona inhzrentia: sed per solam dilectionem suam extrinsecam, qua acceptaret ad suam amicitiam, & ad beatitudinem supernaturalem, eos homines, qui nullam grauem offensam contra ipsum committerent, aut si committerent eam, obtinerent eius remissionem per solam liberam condonationem Dei; quod potuisse à Deo à principio ita statui per potentiam ipsius absolutam, nullus est, qui neget. Nam hoc

casu supposito, facile intelligeretur, carentiam A
difformitatis à lege non esse aliquid supernaturale
inhærens homini, siue consideraretur homo ante-
quam committeret aliquid peccatum mortale, si-
ue postquàm commissum peccatum remitteretur
ipsi à Deo.

Secundo respondetur quod, quamvis illa auersio
opponeretur priuatiuè conuersioni supernatura-
li, posset expelli à suo subiecto sine introductione
cōuersionis supernaturalis: quia posset expelli per
meram quasi destructionem ipsius; *Pro quo aduer-*
te, quod quamvis in naturalibus priuatio non pos-
sit destrui in suo subiecto manēte, & nō corrupto,
nisi introducta forma opposita: tamen in morali-
bus bene potest destrui sine corruptione sui sub-
iecti, & sine introductione formæ oppositæ, quia
potest auferri à subiecto conditio requisita, vt ca-
rentia formæ habeat rationem priuationis, scilicet,
debitum habendi talem formam; sicut carē-
tia modi debiti inesse alicui actui ratione præce-
pti, & ex consequenti habens rationem priuationis,
potest per solam ablationem præcepti, quod
erat causa debiti, destrui in ratione priuationis, B
ita vt habeat rationem puræ negationis, quamvis
neque actus desinat esse, neque ponatur in eo ille
modus; Et quoniam Deus potest per potentiam
suam absolutam auferre ab homine, etiam eleua-
to in finem supernaturalem, debitum habendi
conuersionem supernaturalem in hunc finem, aut
indignitatem, propter quam carentia huiusmodi
conuersionis habet rationem priuationis, per hoc
solum, quod condonet, & remittat peccatum,
quod est fundamentum illius indignitatis, quamvis
non efficiat in homine illam conuersionem (vt su-
pra explicui:) ideo etiam potest destruere priua-
tionem illius connexionis supernaturalis in ho-
mine manente, & non corrupto, quamvis non
ponatur in eo conuersio supernaturalis opposi-
ta.

Et si quæras, an in isto casu homo, cui remitte-
retur peccatum, maneret conuersus supernatura-
liter in finem supernaturalem, *respondetur*, quod si
Deus remitteret peccatum & simul acceptaret ho-
minem ad beatitudinē supernaturalem, posset dici
homo conuersus, id est, ordinatus & commensura-
tus fini supernaturali denominatione extrinseca,
vt supra explicui; si tamen solum remitteret pec-
catum, & non acceptaret hominē ad beatitudinē,
non diceretur homo conuersus in finem superna-
turalem.

Ad confirmationem, respondetur, quod eo modo,
quo difformitas, siue priuatio cōformitatis, in qua
consistit peccatum habituale, dicitur malitia mo-
ralis, potest etiam cōformitas ei opposita dici bo-
nitas moralis, hoc est, non actualis, sed habitualis;
& quantum ad hoc eandem patiuntur difficulta-
tem, qui dicunt, non posse fieri remissionem pec-
cati sine infusione habitus: quoniam in habitu non
est bonitas moralis actualis, sed habitualis, & tan-
quam in principio operandi bene moraliter.

Et si quæras, an bonitas moralis, quæ in isto casu
poneretur in homine, esset naturalis, aut superna-
turalis? *respondetur*, quod esset intrinsece natura-
lis, sicut in solutione argumenti explicui de ipsa
conformitate, & non esset intrinsece aliud, quàm
ipsa bonitas naturæ, non habens aliquam admixtā
malitiam.

Deinde respondendum est ad id, quod in eo-
dem quarto argumento adducitur, ad proband-
um, carentiam acceptationis ad beatitudinem
in homine ordinato in finem supernaturalem op-
poni priuatiuè gratiæ habituali; & ad hoc re-
sponderi potest duobus modis, iuxta duos casus,
quibus in tertia & quarta conclusione explicui-
mus, posse per potentiam Dei absolutam remit-
ti huic homini peccatum absque infusione gra-
tiæ habitualis, aut alterius doni inhærentis. *Nam,*
si remittatur peccatum, & simul homo acceptetur
ad amicitiam Dei, & ad beatitudinem per dilectio-
nem Dei extrinsecam, dici potest, quod accepta-
tio ad beatitudinem non est effectus formalis
primarius gratiæ habitualis: sed vt pluri-
mum secundarius; & ideo non solum potest
communicari homini per gratiam habitualement,
aut aliam formam inhærentem: sed etiam per di-
uinam dilectionem, sine vlla inhærentia, aut ali-
qua vnione inter ipsam & hominem, cui com-
municatur, præter illam, quæ reperitur inter ac-
tum dilectionis, & suum obiectum; quoniam
acceptatio passiuæ amicitiam, & ad bona alte-
rius, est effectus communis formæ *inhærentis*, vt
cum sit à Deo per gratiam inhærentem; aut *non*
inhærentis, sed vnita, aliquo modo substantiali, vt
si à personalitate diuina vnita hypostaticè huma-
nitati, communicetur ipsi humanitati, vt qui-
dam dicunt; & *soli dilectioni extrinsecæ*, vt cum sit
ab hominibus per solam dilectionem nihil pro-
ducendo in re dilecta; Quare homo, cui hoc
modo remitteretur peccatum, non careret om-
nino acceptatione passiuæ ad beatitudinem, &
consequenter non esset priuatus ea: sed solum
careret modo acceptationis, scilicet inhærentia
ipsius, aut vnione aliqua cum subiecto acce-
pto, quæ sit maior, quàm ea, quæ reperit-
ur inter actum dilectionis & suum obiectum.
Neque tamen carentia acceptationis inhæren-
tis, quæ maneret in illo homine, haberet ra-
tionem priuationis: quoniam Deus remitten-
do ei peccatum, & communicando aliam ac-
ceptionem, auferret ab eo debitum habendi
acceptationem inhærentem; si vero remittatur
C
peccatum, & homo nullo modo acceptetur ad ami-
citiam Dei & ad beatitudinem, dicendum est,
carentiam acceptationis, quæ in isto casu ma-
nebit in homine, non habere rationem priua-
tionis, sed puræ negationis, vt explicatum
est.

Et tandem ad id, quod ultimo loco adducit-
ur in eodem argumento, ad probandum, rea-
tum pœnæ damni, qui consequitur peccatum
mortale, opponi priuatiuè gratiæ habituali;
respondetur, quod iste reatus non est forma-
liter priuatio beatitudinis, aut acceptationis ad
eam: sed potius habet modum formæ contrariæ;
nam sicut peccatum habituale opponitur
per modum contrarij gratiæ, & suis effecti-
bus, ita etiam reatus pœnæ damni, qui con-
sequitur peccatum, opponitur eodem modo
huic effectui gratiæ, qui dicitur acceptatio ad
beatitudinem. Item supponitur falsum in isto ar-
gumento, scilicet, quod reatus pœnæ damni ma-
neret in homine, cui remitteretur peccatum sine
infusione gratiæ habitualis: nā remisso peccato nō
maneret in homine obligatio, aut dignitas carenti-





Conferuntur, quia pactione requiritur, potest aliquem habere sicut peccatum mortale, & habitum charitatis, quoniam gratia habitualis excludit habitum charitatis, sicut essentia suam proprietatem, & potentiam habet contrarietatem cum illa, quoniam impossibile est Deum esse amicum hominis, & diligere ipsum amore amicitie, & hominem esse in peccato, & potestatem esse impossibile, hominem habere habitum charitatis, & esse in peccato mortali, patet consequentia quoniam habitus charitatis est amicitia hominis ad Deum, & impossibile est hominem esse amicum Deo, & Deum non esse amicum ipsi, & diligere ipsum amore amicitie, quoniam de ratione amicitie est mutuum amor.

Veritas, peccatum habituale, est confusio formaliter in privatione gratie habitualis, vel habet admodum infirmitatis huiusmodi privatione, ita ut nullo modo fieri possit, hominem habere peccatum mortale, & non habere privationem gratie habitualis, ergo per nullam potentiam fieri potest, eundem hominem habere simul gratiam habitualem, & peccatum mortale, patet consequentia, quia per nullam potentiam fieri potest, quod finis sit in eodem subiecto privatio & forma et opposita, ut scilicet & lux, aut cecitas & visus.

§. 2. Sententia affirmativa etiam eligitur.

SIT MIHI OMNIVIS COMESTIO, per potentiam Dei absolute potest esse qualitas gratie habitualis, & quoniam in peccato mortali, aut est mortalis, quia alio peccato mortali: In hac convenient omnes patet SENTENTIA in quibus 6. & 14. q. 1. & GABRIEL, ibidem 107. lib. 2. de natura & gratia c. 18. & in 4. d. 1. q. 1. art. 2. & multo ex secutionibus Thomisticis. Sed ad eius expositionem advertenda sunt duo, primum est, consilium ex prelosum fuisse in hac conclusionem, quod loquimur de ipsa qualitate gratie, quoniam de gratia sumpta per dilectionem patitur, & acceptatione ad diuinam amicitiam, hoc est, pro eo, quod est esse dilectum a Deo, & acceptum ad eius amicitiam, ad hoc in hoc ipsius gratie habituales, sive talis adus diuinus, quo Deus nos diligit, & acceptat ut in amicitiam dicemus in solutione primi argumenti oppositae sententiae.

Alterum est, quod si adus ex eis, qui admittunt hanc conclusionem, ita tam limitare, ut tunc videantur negantem dicere, hoc, quod est, qualitate gratie est simul cum peccato mortali, potest considerari subiecto mortali, scilicet aut per ordinem ad nullam potentiam Dei absolute, aut per ordinem ad eam habitatem, sententiam, & eius prudentiam, & prout modo dicunt, esse possibile, quia res ipsa nullam repugnantiam involuit, at vero postea in modo dicunt, esse impossibile, quia repugnat diuinae bonitati & sapientiae, communicare intimis, & peccatori diuinam gratiam, quoniam nullum a-busum recipere, neque repugnare potest perfectis secundum speciem virtutis. Hoc secundum modo non placet, quia ut dixi de istiusmodi privatione ipsam conclusionem quod sic probat, quia ad quod repugnat diuinae sapientiae, & bonitati, aut alteri auctori diuino, non potest esse visum a Deo

legemque potest ad ipsam fieri per ipsam potentiam absolutam, ut, Deus non potest esse causa per se habitus, quoniam loquimur de habitate, quoniam non de modum, aut modum morale sed solum modum quodam naturalis quoniam ipse conque saltem repugnat ipsi Deo, quoniam est prima veritas, & ergo repugnat diuinae bonitati, & sapientiae, dari gratiam consistentem in peccato mortali, bene loquimur, esse impossibilem per se ipsam potentiam absolute.

Neque etiam mihi placet modus loquendi, quo alij explicanti hanc limitationem, quoniam dicunt absolute repugnare sapientiae & bonitati Dei, sed non deesse diuinam bonitatem, & sapientiam, & bonitatem, quod autem non est consonum hominibus rebus, et illam eis, & quod ad repugnans, & non habet videtur, esse dicere de re aliqua, non deesse diuinam bonitatem, & sapientiam absolute considerantem id, quod est, quod repugnet et. Quare ego solum dicendum non deesse sapientiam et bonitatem, quia Deus secundum legem ordinariam creaturas administrat, et eis sua dona distribuit, aut, quoniam sit consonum diuinae sapientiae et bonitati considerat absolute, et sine limitatione ad legem ordinariam esse minus consonum, et minus deesse respectu ipsius, quoniam in his datur gradus, et non solum est possibile per potentiam Dei absolute id, quod est maxime consonum, & deesse respectu aliorum attentorum, sed etiam id, quod non est tam consonum, quoniam neque istud consonum elevat potentiam aliquam ad operandum per solum auxilium, & sine habitu, non est consonum, hoc est, repugnans naturae istarum potentiarum, quoniam non sit tam consonum, sicut elevat per habitum, & potest fieri a Deo, saltem per potentiam suam absolutam. Quod autem in nostro casu non sit tam consonum diuinae sapientiae, & bonitati, conferte gratiam habitualem peccatori, patet ex ratione aliorum, quod vero non sit simpliciter consonum, & repugnans, sed potius consonum, probatur, quoniam diuina sapientia absolute considerata, potest habere plures rationes, quas nos non adsequimur, propter quas deest, & sit consonum communicari excellentissimam qualitatem gratie illi, qui est in peccato mortali, quoniam Deus cum summo odio protequantur, & scilicet, Deum selein hoc ostendere dominum liberos, & absolute, quod habet in communicatione finium bonorum. Hoc supposito probatur conclusio.

Primum quia non repugnat, quoniam non dicitur subiecto esse simpliciter absolute gratiam Deo, & acceptum ad amicitiam cum eo, et ad hoc beatitudinem ergo neque repugnans ipsam beatitudinem consistens esse in eodem subiecto ad simul cum peccato mortali, & assequitur patet, quia potissima ratio repugnantis est gratiam habere debet effectus, quia repugnat cum peccato mortali, & amicitiam probatur, quia rei gratia non est causa diuinae electionis physice, et ex sua natura, sed solum moraliter, et ex infirmitate Dei, vel aliquid dicuntur, nec natura sua habet esse eorum causam, sed ipsi effectus non comparantur ad eam, & effectus primarius, sed secundarius, et ipsorumque rationes se habent, constat, non repugnare per



super bonos & malos, & plus super iustos & iniustos: & in posteriori, & eritis filij altissimi, quia ipse benignus est super ingratos & malos.

*Ad hoc respondeamus pro CATETANO, explicandum est, unde proveniat, Deum non posse non se habere per modum offensus respectu eius, qui est in peccato mortali; & dicendum est, provenire ex malitia ipsius peccati mortalis, prout comparatur ad divinam bonitatem, nam peccatum mortale est adeo malum, ut Deus, qui summe bonus est, non possit admittere ad suam amicitiam eum, qui est in peccato mortali, imo neque possit eum non habere odio, iuxta illud Ecclesiast. 11. *Altissimus odio habet peccatores & Sap. 14. odio sunt Deo impius, & impietas eius.* Et Habacuc 1. *mundi sunt oculi tui, ne videas malum, ubi aperte significatur, Deum non posse probare ea, quæ mala sunt, & iniusta; nam Deus dicitur nescire, quæ non approbat, ut Lucæ 13. dicitur, dominum dicturum esse damnatis, nescio vos unde sitis, discedite a me omnes operarii iniquitatis.* Et Matth. 25. dicitur virginibus imprudentibus: *nescio vos.* Ex hoc autem, quod Deus non possit probare malum, bene sequitur, quod neque possit eum, qui est in peccato mortali, admittere ad suam amicitiam, aut acceptare ut amicum ad beatitudinem.*

SECUNDO respondent alij, concedendo antecedens, & negando consequentiam: & ut respondeant ad probationem, supponunt, non esse effectum formalem gratiæ habitualis facere hominem actu gratum, & dilectum Deo, sed facere obiectum congruum, et proportionatum divinæ dilectioni, hoc est, ut diligatur à Deo: ita ut homo quatenus præcise recipit gratiam habitualement non dicatur actu dilectus à Deo amore amicitie: neque ratione ipsius gratiæ habitualis, neque ratione divini actus, quo communicatur, & cuius est effectus: sed solum dicatur dilectus benevolentia quadam supernaturali, qua Deus in eo causat donum istud gratiæ habitualis; & obiectum proportionatum ut diligatur amore amicitie per alium actum, qui distinguatur secundum rationem à precedenti, quo producit gratia, & non sit productio huius qualitatis, sed dilectio obiecti, quod per eam fit ipsi commensuratum, & hoc supposito, respondent, negando antecedens illius probationis, scilicet, esse effectum formalem huius qualitatis facere actu gratum & dilectum; quoniam eius effectus formalis est facere obiectum congruum, & proportionatum dilectionis.

Sed contra solutionem hanc solet obijci hoc argumentum, implicat contradictionem, hominem aliquem esse obiectum congruum divinæ dilectionis supernaturalis, & non diligeri à Deo: ergo etiam implicat contradictionem, habere qualitatem gratiæ & peccatum mortale; sicut esse dilectum, & odio habitum; probatur antecedens, tum quia implicat contradictionem, esse obiectum congruum divinæ dilectionis naturalis, & non diligeri à Deo dilectione naturali: ergo idem dicendum est de dilectione supernaturali; tum etiam quia implicat contradictionem, esse propter peccatum mortale obiectum congruum odij divini, & non odio haberi à Deo: ergo etiam implicat contradictionem, esse ratione qualitatis gratiæ obiectum congruum divinæ dilectionis, & non diligeri.

Verum ad hoc respondent, qui sequuntur illam sen-

tentiam, negando antecedens, quoniam Deus per potentiam suam absolutam potest non facere, quod postulat congruitas, & proportio obiecti, sicut beatus est proportionatus gaudiis æternis, & improporionatus æternis suppliciis: & nihilominus Deus, non obstante hac proportionem, & improporionem, potest per potentiam suam absolutam torquere eum æternis cruciatibus in inferno; & ad primam probationem, negant antecedens, si intelligatur de dilectione simpliciter, quæ habeat rationem eius amicitie, quæ posset reperiri inter Deum & hominem constitutum in puris naturalibus, & non de quadam benevolentia terminata præcise ad ipsam entitatem naturalem, communicativa illius entitatis naturalis, & terminativa ad ipsam præcise; aut de approbatione eius, postquam facta est, de qua intelligitur illud Genes. 1. *Vidit Deus cuncta quæ fecerat, & erat valde bona,* & illud Sap. 11. *diligis omnem quæ sunt, & nihil odisti eorum quæ fecisti:* & patet hoc in exemplo adducto in 1. probatione nostræ conclusionis, nam illum hominem non diligeret Deus simpliciter, sed potius odio haberet simpliciter ratione peccati, & solum diligeret secundum quid, hoc est quantum ad perfectionem naturalem quam ei tribuit & conservat. Ad secundam probationem respondent, concedendo antecedens, & negando consequentiam, & dicunt rationem discriminis esse, quod actus odij in Deo respectu eius, qui est in peccato mortali, est necessarius & naturalis, ut constat ex ijs, quæ dixi contra primam solutionem; at vero dilectio amicitie terminata ad aliquem, quatenus habet gratiam, est actus supernaturalis, & liber, & gratuitus, & ideo quævis repugnet, Deum non habere actum odij respectu eius, qui est in peccato mortali: non sequitur etiam repugnare, non habere actum dilectionis respectu eius, qui habet qualitatem gratiæ.

Hæc solutio satis probabilis est, sed nihilominus non possumus eam sequi, quoniam sup. q. 110. art. 2. diximus, esse effectum formalem gratiæ facere aut gratum, aut dilectum, & non facere obiectum congruum ut diligatur. Item contra eam sic argumentor, qualitas gratiæ secundum legem ordinariæ est causa formalis remissionis, vel expulsionis peccati mortalis, & renovationis internæ: ergo procedit ex dilectione, simpliciter; ergo, ut terminus dilectionis huius, facit actu dilectum, & actu gratum, & non solum diligibile, vel congruum ut diligatur.

Confirmatur, quia secundum legem Dei ordinariam, statim atque aliquis accipit à Deo gratiam, præcise quacumque, alia nova, & posteriori dilectione, intelligitur translatus de statu inimici in statum filij Dei, & iustus, & sanctus: ergo non requiritur nova alia dilectio Dei, ut sit actu dilectus, & amicus Deo.

Tertio respondent alij cum GABRIELE loco citato, concedendo antecedens, & negando consequentiam, & ad probationem dicunt, esse gratum, & dilectum Deo, esse quidem effectum formalem qualitatis gratiæ, ceterum qualitatem ipsam non habere ex propria natura esse causam talis effectus, sed ex institutione Dei, scilicet, quia Deus instituit facere media ista qualitate homines sibi gratos, & acceptos ad suam amicitiam, & ad beatitudinem.

Sed neque hæc solutio mihi placet, quia iuxta eam, esse gratum, & iustum, non consideret formaliter in effectu gratiæ inhærentis, sed in extrinseca

imputatione Dei, hoc est, in hoc, quod Deus in-
stituerit; reputari iustum & gratum cum, qui fuerit
ornatus hac qualitate, quod est contra CONCIL.
TRIDENT.

QVARE CONCESSO ANTECEDENTI & negata
consequentia illius argumenti, ad eius probatio-
nem aliter respondendum est, pro quo *aduersandum*
est, primum effectum huius qualitatis secundum
suam naturam consistere in participatione quadam
accidentali diuinæ naturæ, secundum ea, quæ ipsi
sunt maxime propria, & explicari posse per ordi-
nem ad operationes, si dicamus, esse naturam quā-
dam accidentalem, supernaturalem, cui, tanquam
proprietas, debentur virtutes supernaturales,
quæ sint principia proxima earum operationum,
quibus attingitur Deus secundum rationem obie-
ctiuam, quam nulla creatura naturalis, neque natu-
ra totalis, & perfecta, qualis est substantia, potest
connaturaliter, & proprijs viribus attingere. Ex
hoc autem habet ista qualitas, quod natura sua det
subiecto esse gratum, & dilectum simpliciter: quia
natura sua postulat produci per dilectionem sim-
pliciter, hoc est naturæ suæ est magis consonum;
quare hoc non comparatur ad istam qualitatem
ut effectus primarius, sed potius ut effectus secū-
darius, non quidem distinctus realiter à priori, sed
secundum rationem, & per ordinem ad aliquid ex-
trinsecum, scilicet, ad Deum; & ideo, ut qualitas ista
communiatur suo subiecto hunc effectum, non re-
quititur noua, aut distincta informatio ipsius, sed
remotio impedimentorum: sicut etiam ut quanti-
tas det substantiæ esse extensionem in ordine ad locū,
non requiritur noua inherencia, præter eam, quæ
necessaria est, ut det ei esse extensionem in ordine ad
totum, sed satis est, non impediri.

Et hoc supposito, ad formam illius probationis
respondetur, concedendo antecedens, si intelligatur
de effectū secundario, & negando consequentiam; &
ad eius probationem dicendum est, bene posse im-
pediri, ne forma det suo subiecto effectum suum
secundarium: quia ad informandum satis est dare
primarium, ut patet in exemplo proposito quan-
titatis, quæ in corpore Christi in sacramento alta-
ris est sine extensione in ordine ad locum; ita er-
go in nostro casu dicemus, quod quamuis gratia
ex natura sua habeat dare subiecto esse gratum, &
dilectum simpliciter; tamen propter impedimen-
tum peccati mortalis non daret hunc effectum, ne-
que homo in isto casu diceretur dilectus simplici-
ter ratione gratiæ, sed solum secundum quid, hoc
est, quantum ad donum, quod esset ista qualitas; &
diceretur odio habitus simpliciter ratione pecca-
ti, quia bonum confurgit ex integra causa, & ma-
lum ex quoque defectu. Neque etiam dile-
ctio diuina, qua produceretur gratia, diceretur di-
lectio simpliciter, & amicitia, propter defectum
conditionis requisitæ ex parte obiecti, scilicet, ex-
pulsionis impedimentorum, quæ vel antecedit, vel
tunc fiat: sed diceretur dilectio, aut beneuolentia
supernaturalis secundum quid, hoc est, quantum
ad donum istius qualitatis. Sicut etiam actus, quo
Deus peccatori communicat habitus supernatu-
les fidei & spei, habet rationem amoris, & bene-
uolentiæ, non simpliciter, sed secundum quid, quā-
uis non sit tanta beneuolentia, sicut illa, qua pro-
duceretur ista qualitas in eo, qui esset in peccato
mortali, sicut neque isti habitus sunt tam perfecti,

sicut qualitas gratiæ.

Ad primam confirmationem respondetur primo,
dupliciter posse hominem esse acceptum ad glo-
riam, & dignum ea, scilicet physice, ut cum habet
in se ipso formam aliquam, ratione cuius ex natu-
ra rei aptus, & dispositus, atque commensura-
tus ad illum finem; & secundo moraliter, ut cum ha-
bet titulum aliquem moralem, verbi gratia, meriti,
aut gratiæ acceptationis extrinsecæ ad eun-
dem finem, & per gratiam ex natura rei sit homo
acceptus ad beatitudinem *priori modo*; quia sicut
per virtutes supernaturales, quæ ad gratiam con-
sequuntur vel ei debentur, disponitur recte homo
ex natura rei ad exercendum operationes propor-
tionatas fini supernaturali: ita etiam per ipsam grati-
am ex natura rei sit proportionatus, & acceptus ad
eundem finem; ut in naturalibus, quia per poten-
tias, & virtutes naturales ex natura rei disponi-
tur recte homo ad exercendum operationes ne-
cessarias ad consecutionem finis naturalis, colligi-
mus ipsum per naturam suam esse aptum, & pro-
portionatum in ordine ad eundem finem. Ceterum
per peccatum habituale formaliter consideratum
non redditur homo indignus, & improporciona-
tus in ordine ad beatitudinem physice, sed solum
moraliter, quia formaliter consistit in quadam morali
priuatione, aut inæqualitate, ut supra explicatū
est: quāvis secundum legem Dei cum indignitate morali
sit cōiuncta indignitas, & improporatio physica, quæ
est priuatio physica qualitatis gratiæ, quia Deus
secundum legem ordinariam non conseruat huius-
modi qualitatem in eo, qui est in peccato mortali;
& quoniam non repugnat, aliquem physice, & at-
tentam naturam rei, esse dignum, & aptum, atque dis-
positum ad aliquem finem, & simul ratione actus
mali præsentis, vel præteriti, esse moraliter indi-
gnum eodem fine: ideo non repugnat ex natura rei,
aliquem simul esse per habitum gratiæ acceptum
ad beatitudinem, & per peccatum mortale indignū
ea; & explicatur hoc exemplis, nā imprimis filius
naturalis alicuius hominis est physice, & secundum
rei naturam, dignus, & aptus, atque proportionatus
ad hereditatem paternam: & simul ratione delicti
potest esse moraliter indignus eadem hereditate;
Item si crearetur homo in poris naturalibus cum
omnibus potentijs naturalibus, & virtutibus mo-
ralibus requisitis ad finem naturalem, & pec-
caret mortaliter, manebit illis bonis integris, &
non diminutis in genere entis, esset proculdubio
physice dispositus ad illum finem, & moraliter indi-
gnus eo; & ad formam argumenti respondetur, di-
stinguendo antecedens. si enim intelligatur de dignitate,
& indignitate eiusdem rationis, hoc est de utraq; mo-
rali, aut utraq; physica, verū est; si tamen intelligatur
de dignitate physica & indignitate moralis, falsum est, ut
constat ex ijs, quæ diximus; & per qualitatem gra-
tiæ, & peccatum mortale, homo in isto casu esset
physice acceptus ad beatitudinem: & moraliter in-
dignus ea.

Secundo respondetur, quod esse acceptū ad beati-
tudinem non est effectus primarius huius qualitatis,
sed secundarius; nā primo dat hæc qualitas suo sub-
iecto illā participationē accidentalem diuinæ naturæ,
quæ explicuimus in solutione argumenti principa-
lis; & ex hoc sequitur, ut etiam det ei esse gratū Deo,
& dilectū ab ipso, & in hoc includitur esse acceptū
ad beatitudinem, & ad bona Dei, quoniam ex dile-

atione simpliciter, qualis est dilectio amicitiæ, sequitur acceptatio ad bona amici, vel continetur in ea; & ideo non repugnat, reperiri hanc qualitatem in aliquo subiecto sine isto effectu; ut ibidem explicui; & ita quamvis aliquis homo haberet hanc qualitatem simul cum peccato mortali, non sequeretur, eum esse simul acceptum ad beatitudinem, & indignum ipsa.

Ad secundam confirmationem respondetur, concedendo antecedens, si intelligatur de iustitia integra, id est, quantum ad omnia, quæ continet, & non solum de aliqua eius parte: & negando consequentiam. Et ut respondeamus ad probationem, advertendum est, quod in nostra iustitia continentur duo, scilicet, remissio, aut expulsio passiva peccati, & interna renouatio, ut constat ex CONCILIO TRIDENTINO in principio illius capituli, ubi ita dicitur, *hanc autem dispositionem seu preparationem iustificatio ipsa consequitur, quæ non est sola peccatorum remissio, sed & sanctificatio & renouatio interioris hominis*; ubi satis aperte dicitur, remissionem peccati distingui à renouatione interna, & utramque includi in ipsa iustificatione. Et quamvis gratia inherens, & habitualis, sit veriusque causa formalis, ut colligitur ex illo loco concilij, tamen non est eodem modo causa; nam ad expulsionem peccati concurrunt moraliter, ut id, quo ex benevolentia & misericordia Dei fit remissio peccati, & sine quo posset fieri per potentiam Dei absolutam, & tanquam ad effectum secundarium, ut explicui in primo dubio huius articuli: ad renouationem vero concurrunt physice, & tanquam ad effectum primum, quoniam per renouationem, ut distinguitur à remissione peccati, non intelligimus transiit a vetustate, & corruptione peccati, ad novitatem filij Dei & amici, quia hoc modo includit expulsionem peccati, sed intelligimus bonam dispositionem physicam, & realem animæ, tam quoad suam essentiam, quam quoad potentias quæ immediate opponitur privationi physice bonæ dispositionis tanquam vetustati & depravationi & ad hanc dispositionem, gratia, cum virtutibus, quæ ipsi debentur, cōcurret physice, & dando illud esse, quod diximus esse suum effectum primum; Hoc supposito, ad illam probationem dicendum est, quod quamvis gratia non possit esse in aliquo subiecto sine ista renouatione physica, quæ nunc explicuimus: tam bene potest non dare ei esse iustum quoniam esse iustum non solum includit istam renouationem, sed etiam expulsionem, aut remissionem peccati, & ab isto effectu potest suspendi gratia per potentiam Dei absolutam, non solum quia concurrat ad eam moraliter, sed etiam, quia, licet cōcurrat physice, non concurreret ut ad effectum primum, sed tanquam ad secundarium de quo aliquid dicam statim in solutione ultime confirmationis huius argumenti.

Et si obijciat, sequi ex hoc, non posse gratiam esse in aliquo subiecto, quin det ei esse sanctum, quoniam (ut modo dicebamus) per nullam potentiam fieri potest, ut non det ei esse renouatum, & esse renouatum est esse sanctum, ut colligitur ex verbis relatis ex CONC. TRID. in quibus renouatio interna, etiam ut distinguitur à remissione peccati, appellatur sanctificatio: at vero implicat contradictionem, aliquem esse sanctum, & habere peccatum mortale; Respondetur, negando consequentiam, & ad probationem dicendum est, concilium loqui de renouatione interna, sicut fit secundum legem ordinariam: nam fit re-

motu impedimento peccati mortalis, & ideo non solum est renouatio, sed etiam sanctificatio.

Ad tertiam confirmationem respondetur, non implicare contradictionem, aliquem simul esse conuersum physice ad finem supernaturalem, & auersum ab eo moraliter: sicut non repugnat, aliquem simul esse aptum, & dispositum physice ad aliquem finem, & moraliter indignum eo, ut explicui in solutione primæ confirmationis. At in nostro casu, homo, qui simul haberet gratiam, & peccatum mortale, esset per gratiam conuersus solum physice in finem supernaturalem, & per peccatum mortale esset auersus ab eo moraliter, ut explicui in dubio præcedenti, in solutione quarti argumenti principalis primæ sententiæ.

Ad ultimam confirmationem respondetur, gratiam concurrere moraliter, & non physice ad expulsionem, siue remissionem peccati: & ideo per potentiam absolutam Dei posse fieri, ut non expellat peccatum mortale, quod est in suo obiecto; & addi potest, dicendum esse idem, quamvis concurreret physice: quoniam expulsio peccati non est effectus primarius qualitatis gratiæ, sed secundarius, & ad eum modum, quo expulsio vnius formæ accidentalis appellatur effectus formalis alterius formæ contrariæ, ut expulsio frigiditatis dicitur effectus formalis caloris, ut explicui dubio primo huius articuli; & sine huiusmodi effectu formali bene potest reperiri forma per potentiam Dei absolutam.

Hoc addo in gratiam aliquorum, qui dicunt, gratiam concurrere physice ad expulsionem peccati, quorum sententiam nunquam satis potui intelligere & contra eam sic argumentor, gratia non habet oppositionem physicam cum peccato habituali; ergo non concurrat physice ad eius expulsionem, consequentia patet, quia forma aliqua non concurrat ad expulsionem alterius, nisi ratione alicuius oppositionis; ergo si oppositio non est physica, sed moralis, etiam expulsio erit moralis, & non physica; & antecedens probatur, quia si inter gratiam & peccatum habituale esset oppositio physica, aut talis oppositio esset contraria, & hoc dici non potest, cum peccatum habituale non consistat formaliter in aliqua forma positiva reali; aut esset privativa, siue sicut inter habitum & privationem, & neque hoc dici potest, quia peccatum habituale non consistit formaliter in privatione habitus gratiæ, ut sæpe dictum est supra.

Sed contra potest obijci, quia sequitur ex hac sententia, non expelli peccatum per gratiam inherentem, quod videtur esse contra CONC. TRIDENT. loco citato, ubi de tota iustificatione, hoc est, prout constat remissione peccati, & renouatione interna, dicitur, causam formalem ipsius esse gratiam, siue iustitiam inherentem nobis; & probatur sequela; quia per gratiam non expellitur moraliter peccatum, quia gratia contineat valorem meriti, propter quod expellatur, aut remittatur; sed quia infusioni gratiæ est adiuncta benevolentia Dei, qua remittitur peccatum: Respondetur negando sequelam, & ad probationem, dicendum est, ideo per gratiam expelli moraliter peccatum in genere causæ formalis, quia Deus non vult remittere peccatum nisi infundendo gratiam, & media ipsa gratia, quamvis posset sine ea remittere: aut etiam ea posita non remittere.

Ad secundum argumentum respondetur, concedendo

dendo sequelâ, & negando minore, scilicet, con-
quês esse falsum, & ad primâ probationem, dicendum
est, nō repugnare, eundem hominē esse simul aue-
sum à Deo per peccatū habituale, & conuersum in
ipsum per actus illos: quoniam auersio, in qua cōsistit
peccatū habituale, est moralis, & habitualis: at ve-
ro conuersio, quæ sit per illos actus, est actualis, &
physica tantū; & neq; repugnat, conuersionē phy-
sicā esse simul cū auersione morali, vt paulo superi-
dixi, neq; habitū esse cum actu oppositū, vt, habitus
temperantiæ esse potest in eo, qui exercet actum
intemperantiæ.

Sed obijciat, quia ex auersione actuali relinquatur
in homine auersio habitualis, & moralis, ergo pari-
ratione ex cōuersione actuali relinquatur cōuersio
habitualis, & moralis: & ex cōsequēti ratione huius
termini repugnabit cōuersionem, quæ sit per illos
actus, esse simul cū peccato habituali. Respondetur,
negando consequentiā, & ratio discriminis est, quod
ad inferendū iniuriā Deo sufficiunt nostri actus
per se, & ideo ipsi sunt sufficētes ad relinquēdum
auersionē habituale, & morale à Deo, quoniam hu-
iusmodi auersio cōsistit in priuatione cōformitatis
cū lege, quæ necessārio sequitur ex offensa actuali
nō remissa; At vero actus nostri nō sunt sufficētes
per se ad reparandū iniuriā irrogatā Deo, sed cō-
currūt dispositiue, & per modū cōpensationis; &
præter eos requiritur liberalis & gratuita acceptatio
Dei, quā Deus secūdū legē ordinariā facit, infundē-
do gratiā habituale, & posset de potentia absoluta
nullo modo facere, & ideo actus nostri, quāviscūq;
sint secūdū suū gen^{us} perfecti, nō sufficiūt per se, nisi
accedat acceptatio Dei ad tollēdū auersionē habi-
tuale, & morale relicta ex peccato mortali actuali,
& ex cōsequēti neq; ad causādū oppositā cōuersionē
habituale & morale; Et si quæritur, quē terminū
haberēt in illo casu illi actus? Respondetur quod ter-
minū habebūt falsū esse ipsos: nā non solū non ter-
minarentur ad conuersionē morale habituale, sed
neq; ad aliquā physicā, quia per eos, secūdum com-
munē sententiā omnīū Theologorū, nō producū-
tur habitus supernaturales; & secūdū probabiliorē
sententiā, neq; naturales, & saltem nō produceren-
tur isti sine repetitione illorum actuum.

Ad secundā probationē respondetur eodē modo,
quod per illos actus redificaretur homo actuali-
ter, & physicē in ordine ad finē supernaturale, nō
autē habitualiter, & moraliter: & ideo per eos non
colleretur obliquitas peccati habitualis, quæ est
habitualis & moralis.

Ad terciā probationē respōdetur, quod in illo ca-
su homo per illos actus diligeret quidē Deū, non
tamē amore amicitie, prout amor amicitie impor-
tat mutuū amorē, neq; etiā Deus diligeret, ipsum
propter impedimentū peccati; & ad illud testimo-
niū Ioan. dicendū est, intelligi de eo, quod sit secū-
dū legē ordinariā, nā secūdū hanc legē Deus acce-
ptat illos actus infundēdo gratiā habituale & re-
mittit peccatum, & ita diligit amore amicitie, cū
qui habet illos actus.

Ad confirmatiōē respōdetur, cōcedendo sequelâ,
si consequēs intelligatur per respectū ad potentiā
Dei absolutā; & ad obiectionē contra hoc factā
cōcedendū est antecedēs, & negāda est cōsequēcia
& vt respondeamus ad eius probationē, aduerte in
amicitiā, sumpta siue pro actu, siue pro habitu, re-
periri duo, scilicet beneuolentiā, quā alteri bonū vo-

lumus propter se, vt distinguitur ab amore cōcu-
piscētiā; & mutuū vinculū huius beneuolentiæ, siue
mutuā beneuolentiā in utroque extremo, propter
quod amicitia ita definitur ab Arist. 8. Eth. est mu-
tua beneuolentia non latens; ex his autē duobus primū
est essentialē amicitie, quæ est in quo cūq; extre-
mo; secundum vero est ei accidentale, quāvis, be-
nevolentia nō dicatur simpliciter & absolute ami-
citia, si desit ei secundum, quoniam nomen amicitie
est veluti collectiuium, & significat immediatē
vinculū mutuæ beneuolentiæ; & hoc suppositū;
Respondetur ad illā probationem, charitatem ap-
pellari amicitiam hominis ad Deū, quoniam est
habitus, quo homo diligit Deū beneuolentia su-
pernaturali, cui secūdū legem ordinariā est ad-
iuncta mutuā beneuolentiā simpliciter ex parte Dei;
& ita secūdum legem ordinariā semper habet ra-
tionem amicitie, non solum quantū ad essentialē,
scilicet, quantū ad beneuolentiā, sed etiam quantū
ad perfectionem, quæ ei accedit ex cōrespōdentia
beneuolentiæ ex parte Dei. Ceterū quia non repu-
gnat, non respondere huic beneuolentiæ ex parte
hominis, aliam similem ex parte Dei: quia posset
Deus per potentiam suā absolutam non acce-
ptare actus hominis habentis huiusmodi beneuo-
lentiā erga ipsum, neq; remittere ei peccatū, atq;
adeo non diuigero eum beneuolentiā amicitie; ideo
etiam non repugnat, hominem habere erga Deum
beneuolentiā amicitie, siue actualē, siue habitua-
lē, & non diligere à Deo simili beneuolentiā; atque
adeo esse in peccato mortali. Quādo vero dicimus,
de ratione amicitie esse mutuū amorē, loqui-
mur de amicitia sumpta quoad perfectionem acci-
dentale, & non solum quoad id, quod adibus, vel
habitibus extremorum est essentialē.

Ad vltimū respondetur, peccatum mortale
habituale non consistere formaliter in priuatione
physicæ gratiæ habitualis, neque habere eam inse-
parabiliter adiunctam per respectum ad potentiā
Dei absolutam, sed solum secūdum legem Dei
ordinariā.

ARTICVLVS III.

Vtrum ad iustificationem impj requiratur
motus liberi arbitrij?

CONCLUSIO, in eo, qui habet vñ liberi arbitrij, nō
sit motio à Deo ad iustitiā, absq; motu liberi arbitrij.

COMMENTARIVS.

ADVERTA PRIMO circa titulū, ex tribus quæ-
stionibus, quas sup. q. 112. art. 2. diximus, pos-
se disputari circa necessitatē dispositionis ad gra-
tiam, scilicet, an requiratur aliqua dispositio; quæ
vires sint in nobis necessariæ vt eā habeamus; & in
quo consistit in particulari, an scilicet sit actus
q̄ster, & qualis actus: iam D. T. mo. incipere agere de
hoc vltimo, & ita inquirere, an requiratur ad reci-
piendū gratiam dispositio ex parte nostra, quæ sit
motus liberi arbitrij. Vbi nō loquitur de omnibus,
qui recipiūt gratiā: sed solum de illis, qui post pec-

catum eam recipiunt, & habent, aut aliquando habuerunt usum rationis; nam de ijs, qui sine peccato sunt iustificati, (vt de angelis, & de primis parentibus,) agit in alijs locis, vt ibidē diximus: & propterea non inquit absolute, an ad iustificationem requiratur motus liberi arbitrij? sed cum addiro, vtum requiratur ad iustificationem impij, & de paruulis, aut adultis, qui nunquam habuerunt vsu rationis, alia est ratio: quoniam isti non possunt recipere gratiam sine sacramento, & nulla indigent dispositione, vt docet D. THO. in solutione 1. arg. huius arti. & nos de eo egimus partim cōtra hæreticos, & partim cōtra aliquos ex catholicis, loc. cit.

SECUNDO ADVERTENDVM est, quod ista quæstio, *namus* solum intelligatur de his, qui habent, aut aliquando habuerunt usum rationis, & post peccatum, siue originale, siue actuale iustificatur; potest habere duplicem sensum; *primus* est, an requiratur huiusmodi motus liberi arbitrij secundū legem Dei ordinariam; & *secundus*, an etiam requiratur per respectum ad potentiam Dei absolutam, ita vt sine eo, neque per potentiam Dei absolutam possit impius (de quo agimus) iustificari: & de utroque dicemus duobus dubijs distinctis. Est ergo

PRIMUM DVBIUM.

Vtrum ad iustificationē impij, qui vel habet, vel aliquando habuit usum rationis, requiratur ex parte ipsius dispositio, quæ sit motus liberi arbitrij.

§. 1. Hæreticorum error, negantium.

IN quo Lutherani sequuntur partem negatiuā, nam quāuis cōcedāt, præcedere actus aliquos (in quorū numero nō omnes conueniūt), tamē negant huiusmodi actus habere proprie rationem dispositionū, & elici à libero arbitrio peccatoris; & dicunt, esse effectus gratiæ Dei, ipso peccatore cōcurrēte *aut solū passim*, & recipiendo, sicut cetera concurrūt ad figuram, quæ ei imprimitur; aut *saluē necessario*, & sine vlla libertate, non quidem vt opponitur coactioni, aut violentiæ, sed vt sumitur pro indifferentia ad utrūq; & opponitur determinationi ad vnū; sicut lapis descendit deorsū sine coactione, aut violentia: non tamen cum indifferentia ad descendendū, & non descendendum, sed cū naturali determinatione, ad descensum. Per hos gradus Lutherani errorem istum paulatim mitigauerūt, nā LUTHER. eorū magister, qui partim propter corruptionem naturæ, & partim propter infallibilitatem diuinæ præscientiæ, dixit, humanam voluntatem esse omnino determinatā ad vnum respectum mali, ita vt nihil possit boni agere, sed semper necessario peccet; dicit consequenter, nullum actū, aut motum liberi arbitrij, siue productum ab eo, siue receptum ab extrinseco, requiri ad iustificationem. At vero MELAN. & aliqui qui cōcedūt homini libertatē, tum in operibus malis, tum etiā in operibus humanis, & indifferentibus, & quoad bona moralia, & ciuilia, & solum eam denegant ipsi, quoad opera spiritualia, inter quæ connumerant eos actus, qui requirūtur ad iustificationē: dicūt, requiri ad iustificationē actus aliquos, qui sint in libero arbitrio, hoc est, in potētia, aut potētij rationalibus; Ceterum huiusmodi actus, neque libere, neque efficiēter vllomodo produci à libero arbitrio, sed à gratia Dei, & recipi in ipso libero arbitrio ha-

Abente se mere patiunt circa ipsos. Et tandem KEMNITVS, qui cōcedit, hominē, postquā sanatus est per gratiā, habere libertatē, etiā circa opera spiritualia, & antequā sanetur habere efficiētiā circa ea, & libertatē vt liberas distinguitur à coactione, aut vi, non tamen vt distinguitur à determinatione ad vnū: dicit, requiri ad iustificationē actus aliquos, qui nō solū recipiūtur, in intellectu & voluntate, sed etiā producūtur ab eis efficiēter, & aliquomodo voluntarie, hoc est sponte, & non coacte aut violēter, non tamen cum indifferentia ad utrūq; ita errorē istū referunt ROFFENSIS art. 36. contra Lutherum SOTVS lib. 1. de natura & gratia. c. 16 & lib. 2. cap. 1. VEGA lib. 6 super CONC. TRIDENT. STAPLET. lib. 4. de iustific. c. 1. & TILLETANVS 1. parte apologiæ pro Concil. TRID. tit. de fide, vbi explicat doctrinam Concilij de necessitate præparationis ad iustificationē in adultis. Fūdamenta præcipua istorum hæreticorum sunt quinque.

PRIMUM EST, hominem post peccatum primi parentis non habere libertatē ad bonū, sed in omni opere suo peccare, vt colligitur ex Isa. c. 64. dicēte, *omnes iustitias nostras esse sicut pannum mēstruatum*, & ex Paulo ad Philip. 3. *omnia sua opera & iustitias pro reiectamētis aut dānis habente*. & ad Rō 7. *Dānamus omne obedientiā, quā præstabat legi, quia tota vituabatur propter innatū vitium concupiscentiæ*. & ex sententiā Christi Luc. 17. & Mat. 6. *inuentis etiam sanctissimos consilijs, se esse ferros inimiles; & perpetuo perire cōdonationē*; ac impiū est dicere, quod per peccatum aliquis disponatur ad obtinendam gratiam Dei.

SECUNDVM EST, nostrā iustitiā formaliter esse ipsā iustitiā Christi, & hāc nobis applicari, præsupposito solū ex parte nostra actu fiduciæ, quo certo credimus, eā benignitate Dei, & meritis Christi, fieri nostrā: quæ actū dicūt nō esse dispositionē ad iustitiā, sed apprehensionem ipsius, & ista duo hæretici nostri tēporis cōfirmāt multis argumentis, ex quibus multa adduximus art. præced. dub. 1. & reliqua adducemus art. sequenti.

TERTIVM EST, quod gratia iustificans nō datur ex operibus nostris, aut ratione nostrorū operū, sed gratis & ex diuina misericordia, vt inquit Paulus ad Rom. 3. & 11. Ad Ephes. 2. ad Tit. 3. ergo nō requiritur ad eam actus, qui sit noster, hoc est; procedens à nostro libero arbitrio.

4. EST, quod in scriptura ita tribuitur Deo esse causā gratiæ & iustitiæ nostræ, vt excludatur cōcurs⁹ nostræ libertatis, vt Ioan. 15. *non vos me elegistis, sed ego elegi vos*. & ad Rō. 9. *nō est volētis, neque currētis, sed Dei miserētis*. & Oleez. 3. *perditio tua ex te Israel, tantummodo in me auxilium tuum*.

VLTIMVM continet nulla testimonia, ex quibus duo priora sunt scripturæ; nā Ioā. 6. dicitur, *nemo potest venire ad me nisi pater meus traxerit eū*; nō dicitur autē trahi, qui sua voluntate liberaverit: & Luc. 14. *cōpelle eos intrare*, ad id autē, ad quod quis cōpelli-tur, non requiritur suus liber consensus. *Tertium testimonium* est Concilij secundi ARAVSI CANI ca. 4. vbi dānatur, qui dixerit, *Deū, vt à peccato purgemur, expectare voluntatē nostrā*. Reliqua sūt D. AVEVS. quæ late refert VEGA lib. cit. c. 5. & ex eis solū habet difficultatē vnam ex to. 7. in Enchiri. c. 52. vbi sic ait: *propterea dictum est, nō est volētis, neque currētis, sed Dei miserētis, quia ex virog; fit, id est, voluntate hominis, & misericordia Dei: cur non è contrariū dicitur nō miserētis est Dei, sed hominis volētis, quia id misericor-*

da. *Dei sola non impetratur quod tamen nullus Christianus dicere audeat.* Ex quibus verbis videtur colligi, quod nō requiratur cooperatio nostra libera, aut motus nostri liberi arbitrij simul cum efficientia Dei ad gratiam.

Et simile argumentum possumus nos efficere ad huius confirmationem, quia sequitur, quod, sicut Christus dicit Ioan. 3. *sine me nihil potestis facere*, ita & nos possumus dicere de Deo, quod sine nobis nihil potest facere, siquidem requiritur motus nostri liberi arbitrij.

§. 2. Catholica sententia affirmans.

SED NIHILOMINUS SIT CONCLUSIO, ad impij iustificationem requiritur, tanquam dispositio, motus liberi arbitrij, secundum legem Dei ordinariā. Hæc est certa secundum fidem, & probatur PRIMO ex scriptura, quoniam in scriptura sæpe petitur à peccatoribus, ut ad Deum conuertantur, tanquā quid necessarium ad obtinendum ab ipso remissionem peccatorum, & iustitiam: at hoc sine causa, & frustra peteretur, si peccatores per liberum arbitrium nihil cooperarentur ad huiusmodi conuersionem. sed mere passiuè se haberent; ergo requiritur motus liberi arbitrij ad remissionem peccatorum, & iustificationē; probatur maior Ioel. 2. *Conuertimini ad me in toto corde vestro.* Isai. 45. *Conuertimini ad me, & saluati eritis.* & Ierem. 2. *reuertere avertatque Israel.* & post pauca, *conuertimini filij reuertere.* & cap. 15. *Seconuerteris, conuertam te, & ante faciem meam stabis.*

Confirmatur primo, quoniam alias sine causa daretur probro peccatoribus obstinatio in peccato, & non respondere Deo vocanti: ut Prouerborum primo, *vocanti, & renuisti* & ad Rom. 2. *an diuitias bonitatis eius, & patientia, & longanimitatis contemnitis,* &c. Item frustra Deus peteret in nobis, ut aperiamus ei ianuam, ut ingrediatur ad nos per gratiā, ut Cant. 5. *aperi mihi foras mea* &c.) & Apocalyp. 3. *Ece sto ad ostium, & pulso, si quis audierit vocem meā, & aperuerit ianuam, intrabo ad illum, & cenabo cum illo, & ipse mecum.*

Confirmatur secundo, quoniam hæc duo testimonia sunt aperta, Prouer. 16. *hominis est animam præparare,* & ad Philip. 2. *cum mecum & tremore vestram salutem operamini.*

SECUNDO probatur testimonio Con. Tr. 1. sess. 6. de iustific. Can. 4. ubi ita dicitur, *si quis dixerit, liberū hominis arbitrium à Deo motum, & excitatū, nihil cooperari assentiendo Deo excitanti, atq; vocati quoad obtinendā iustificationis gratiam se disponat, ac præparet, neque posse dissentire, si velit, sed veri uti inanimè quoddam, nihil omnino agere, mereq; passiuè se habere, anathema sit.* in quo Can. nō solum damnatur, qui dixerit, hoc vltimum, scilicet hominem tanquā inanimè quoddā nihil omnino agere, quo se disponat ad iustificationē, & mere passiuè se habere: sed etiam, qui negauerit, hominem non solū efficiēter aut solum spontaneè, id est non coacte, sed etiā cū indifferentia ad consentiendum & resistēdū auxilio excitati concurrere ad ipsam dispositionem.

TERCIO potest probari ratione D. THOMÆ hoc articulo, quæ est huiusmodi, Deus omnes creaturas mouet secundū modū vniuscuiusq; sed iustificatio est quædā mutatio, qua homo mouetur à Deo ad iustitiā, sicut calefactio passiuæ est mutatio subiecti ad calorem; ergo nō fit hæc mutatio in homine, nisi se-

condū modū ipsius hominis; quare cū homo ex natura sua sit liberi arbitrij, fiet ista mutatio ipso homine libere acceptatē iustitiā, quod est libere disponi ad eā. Verum hæc ratio nō est demonstratiua, quoniā multi dicūt, angelos & homines in primo instanti suæ creationis non habuisse dispositionem præuiam ad iustificationē, quāuis & tūc fuerint iustificati, & essēt liberi arbitrij: sed est optima tamen cōgruentia, præsertim in iustificatione, quæ fit præsupposito peccato, qualis est ea, de qua loquimur; quoniā consentaneū est rationi, ut homo, qui libere peccādo recessit à Deo, etiā libere conuertēdo se in Deū, perueniat ad iustitiā, & ad gratiam Dei.

Neque obstat cōtra rationē hanc id, quod aliqui obijciūt de gratia excitante, per quā & mutatur homo, & tamē non recipitur in eo libere, sed necessario; siquidem, ut diximus supra, quæst. 111. consistit in actibus nostris subitis, & præuenientibus omne nostrā deliberationē; nam dei potest, maximā illam, De^o omnes creaturas mouet secundū modū vniuscuiusq;, nō intelligi de mutationibus, ad quas creaturæ nō cōcurrūt mouendo se ipsas: sed solū ut motæ, præsertim quādo nō sūt mutationes perfectæ & vltimæ, sed veluti inchoationes earū, cuiusmodi sūt mutationes illæ subitæ, & necessariæ pertinentes ad gratiā excitantē; sicut etiam in naturalibus sæpe mouetur homo actibus voluntatis, & intellectus ab autore naturæ, sine vlla libertate sua.

EX HAC conclusione sequitur, etiam ad accipiendū gratiā per sacramentū, requiri dispositionē, quæ sit motus, vel actus liberi arbitrij. Vtrum autē requiratur huiusmodi motū esse formaliter, cum recipitur gratia per sacramentū, vel potius sit satis, esse tunc virtualiter, & præesse formaliter; dicemus postea, cū agemus in particulari de actibus, in quibus consistit iste motus liberi arbitrij.

§. 3. Fundamenta hæreticorum dissoluiuntur.

AD I. FUNDAMENTVM hæreticorū, patet solutio ex ijs, quæ dixi supra q. 109 a. 1. vbi probauimus, hominē, cū est in peccato mortali, nō obstante corruptione naturæ, etiā cū solo cōcursu generali, posse efficere aliqua opera, quæ nullo modo sint peccata, sed bona moraliter; nam ex hoc cōstat, nō repugnare, hominē per motū liberi arbitrij disponi ad recipiendū gratiā, quia careat libertate ad bonū, & in omni opere suo peccet; & ibi explicui illa testimonia, quæ nunc adducuntur in confirmationē huius fundamenti & alia similia.

AD SECUNDVM Respondetur falsū esse, nostram iustitiā, qua dicimur formaliter iusti, esse ipsā iustitiā Christi, excludentem iustitiā inhærentē in nobis, ut ostendimus dubio primo præcedenti; & etiā est falsū, aut fidem, quæ requiritur ad iustificationē, esse illā fiduciā, quam constituunt hæretici; aut illā fidem, quæ requiritur, non esse dispositiuam.

AD 3. Respondetur ex doctrina Con. Tr. 1. sess. 6. de iustific. c. 8. quod dicimur iustificari gratis, & ex diuina misericordia, & non ex operibus: quia nihil eorū, quæ iustificationem præcedunt, siue fides, siue opera, ipsam iustificationis gratiā promerentur; itaq; illud verbū, *ex operibus*, significat *ex vi & valore operū*; & cum negatur, iustificationē fieri ex operibus nostris; non negatur cōcursus nostrorū operū per modū dispositionū, sed solū concursus per modum meriti, quoniā iste cōcursus repugnat puræ gratiæ, & misericordie; non autē primus.

Ad quartum Respondetur, duo priora testimonia intelligi de prædestinatione, & electione, & de particularibus auxiliis, quæ Deus antecedenter ad humanæ libertatem confert quibusdā hominibus potius quam alijs; & in tertio non excludi concursum nostræ libertatis, sed solū significari, nostrū liberum arbitrium per se sufficere ad malū, & æternā damnationem, non autem ad bonum, & ad æternā beatitudinē, nisi adiuueretur auxilio diuinæ gratiæ.

Ad vltimum respondetur, duo priora testimonia, quæ sunt scripturæ, intelligi de attractione, & compulsionē voluntaria, nam proprie & latine dicitur *trahi*, qui per suam voluntatem venit, iuxta illud, *trahis sua quemque voluntas*, & hoc videtur significari illis verbis Cant. 3. *trahem te post te, curtemus in odorem*, &c. Item peccatores libere & voluntarie dicuntur venire, aut intrare, cū nō ex necessitate, aut coactione, sed ex incusso inferni timore compelluntur venire, aut intrare; Et ad tertium testimonium, quod est Concilij ARAUSICANI: Respondetur, concilium solum definire, nostram voluntatem non incipere proprijs viribus, cum à peccatis purgamur, sed præueniri à Deo sua gratia & auxilio, non tamen quod voluntas præuenta diuino auxilio non cooperetur libere consentiendo ipsi auxilio, & conuertendo se in Deum. Et ad testimonium AUGUSTINI respondetur, quod fieri ex utroque nostram conuersionem; scilicet, ex misericordia Dei & ex nostro consensu libero, potest habere duplicē sensum, primus est, fieri ex utroque, tamen ex duobus principijs æqualiter concurrentibus & independentibus ab inuicem; alter est, fieri ex utroque, quia utrumque requiritur; scilicet, gratia & misericordia Dei, & noster liber consensus, non tamen æqualiter, sed noster consensus ut dependens ex gratia, & auxilio Dei, & subordinatus ipsi, & non è conuerso; & in priori sensu, est falsū & in posteriori est verum; & ita AUGUSTINVS illo loco impugnatur sententiam eorum, qui dicebant, ideo Paulum dixisse, *non esse volentis*, &c. quia requiritur utrumque, scilicet liber consensus noster, & misericordia Dei, & loquebatur in priori sensu, & propterea obiicit contra eos, quod pari ratione dici posset, non est miserentis Dei, sed hominis volentis; quæ obiectio non haberet locum, si illi loquerentur in posteriori sensu.

Neque tamen illud sumptum in posteriori sensu posset reddi pro ratione, propter quam Paulus dixerit, *non esse volentis*, &c. imo potius, quia noster consensus presupponit gratiam, & misericordiam Dei, ideo potest dici, quod *non est volentis*, &c. quia quod libere consentiamus, prouenit ex ipsa gratia, & misericordia Dei, & non ex solis viribus liberi arbitrij.

Ex hac patet solutio ad confirmationem, quia non solum non possumus Deo dicere, *sine nobis nihil potes facere*, quia Deus per potentiam suam absolutam potest sine nostro consensu remittere nobis peccatum & infundere gratiam: sed etiam quia illis verbis, prout à Deo dicuntur nobis, significatur, quod sine Deo conferente nobis virtutem ad agendum, nihil possumus facere, quod sit proportionatum fini supernaturali: at vero, quamuis secundum legem Dei ordinariam requiratur noster consensus ad iustificationem, non ita requiritur, neque ut independens à Deo, sed ut effectus virtutis, quam nobis communicat ad agendum.

SECUNDVM DVBIVM EST.

Verum motus liberi arbitrij requiratur tanquam dispositio ad iustificationem, etiam per respectum ad potentiam Dei absolutam, hoc est ita, ut neque per potentiam Dei absolutam possit alicui remitti peccatum, nisi concurrente ex parte eius per modum dispositionis motu liberi arbitrij?

VBI SOLVM loquimur de peccato personali, quod propriæ voluntatis actu committitur, & de isto, non quatenus actu committitur, sed quatenus manet habitualiter transacto affectu actuali ad peccatum; & non loquimur de motu liberi arbitrij, quoad eius perfectionem, hoc est, qui sit supernaturalis, aut etiam attingat ad rationem contritionis; sed absolute, & in communi, quoniam qualis debeat esse iste motus liberi arbitrij explicandum est articulis sequentibus.

ET MIHI VIDETUR certum, quod sicut Deus instituit, ut cum sacramento baptismi, aut poenitentiae sufficere ad iustificationem minor dispositio, quam sine eo: ita etiam posset per suam potentiam absolutam instituire, ut sufficeret quicūque motus liberi arbitrij, hoc est, siue esset contritio, siue non; & siue esset supernaturalis, siue tamen naturalis: quousque aliqui oppositum censeant in homine ordinato in finem supernaturalem, saltem, si nulla forma supernaturalis ei infundatur.

9. Sententia negativa rationes.

AD hoc dubium in communi patet solutio ex his, quæ diximus dubio præcedenti; nam ibi explicuimus, quæ ratione per potentiam Dei absolutam possit remitti peccatum sine omni mutatione phyfica peccatoris, tam habituali, quam actuali; solum restat nunc explicandum in particulari, an ratione voluntarij & liberi, quod repetitur in peccato habituali personali, requiratur ad eius expulsionem motus liberi arbitrij: ita ut neque per infusionem gratiæ, aut alterius habitus supernaturalis, possit sine eo remitti, & in hoc aliqui sequuntur partem negatiuam: quæ potest probari.

PRIMO quia peccatum habituale consistit formaliter in priuatione; aut auersione libera, & voluntaria: ergo non potest auferri, nisi posita conuersione libera, & voluntaria; quoniam priuatio non potest auferri, nisi per formam oppositā, & priuationi, aut auersioni liberæ nō opponitur nisi conuersio libera: at non potest intelligi conuersio libera sine motu liberi arbitrij; ergo non potest tolli peccatum habituale sine motu liberi arbitrij.

CONFIRMATUR 1. quoniam peccatum personale habituale dicit essentialiter ordinē ad auersionē actualem propriæ voluntatis: ergo non potest tolli, nisi per rectitudinem, aut conuersionē habituale, quæ dependeat essentialiter à conuersione actuali propriæ voluntatis.

Confirmatur secundo quia, peccatum habituale consistit formaliter in auersione morali, quia est malum morale: ergo non potest tolli, nisi posita conuersione morali, quæ non potest intelligi sine actu voluntatis.

Secundo, ei qui habet voluntatem, vel affectum virtualem ad peccatum, non potest remitti peccatū, etiam per potentiam Dei absolutam, quamdiu habet talem affectum; sed qui habet peccatum habituale, habet affectum virtualem ad peccatum, quamdiu non habet appositum actum, ergo non potest ei remitti peccatū; probatur *minor in quoniam* qui peccauit, & non se auertit sua voluntate à peccato, censetur habere voluntatem adhaerentem virtualiter peccato; *item etiam quoniam* voluntas manet in peccato, ergo vel voluntarie formaliter, vel virtualiter, quoniam tantum his duobus modis potest aliquid esse voluntarium.

§. 2. Opposita sententia, affirmans, est verior.

SED NIHILOMINUS oppositum videtur verius. scilicet, posse per potentiam Dei absolutam tolli peccatum sine motu liberi arbitrii, non solum per habitum aliquem infusum à Deo, sed etiam sine vilo habitu; & *PRIMA PARS* probatur, quoniam pueris Deus remittit peccatum originale infundendo eis gratiam, sine vilo motu liberi arbitrii ex parte ipsorum.

Dicitur esse discrimen: quoniam peccatum originale non dicit ordinem ad actum propriæ voluntatis, sicut peccatum personale.

Sed contra, quia sicut peccatum personale dicit ordinem ad actum propriæ voluntatis, ita peccatū originale dicit ordinem ad actum voluntatis capitis; sed potest Deus per potentiam suam absolutam remittere peccatum originale, sine ordine ad actum voluntatis alicuius mediatoris, in quo esset voluntaria iustitia paruuli: ergo etiam potest per eandem potentiam remittere peccatum personale, & iustificare adultum, sine ordine ad actum suæ voluntatis, in quo sit voluntaria receptio iustitiæ.

Confirmantur, quia Deus potest per potentiam absolutam infundere gratiam adulto, de quo loquimur, quamuis nullum habeat actum liberi arbitrii; & gratia sufficit ad expulsionem peccati, aut ex natura rei, aut ex Dei institutione; ergo per potentiam Dei absolutam potest iustificari impius adultus sine motu sui liberi arbitrii.

Et ex his potest probari *SECUNDA PARS*, quia si potest remitti peccatum personale per actum, sine habitu, ut fatentur aliqui ex authoribus oppositæ sententiæ; & per habitum sine actu, ut hunc probauimus: bene sequitur, quod possit remitti sine vtroque, ut dictum est articulo præcedenti, vbi plura dixi ex quibus vtrique pars potest confirmari.

§. 3. Ad argumenta sententiæ negatiuæ.

AD PRIMUM Respondetur primo negando consequentiam, quicquid sit de antecedenti; & ad probationem dicendum, quod priuatio li-

bera, vel auersio, in qua consistit peccatum habituale, quoniam est moralis, potest duobus modis tolli, scilicet per positionem oppositæ conuersionis, & per omnimodam distinctionem sui ipsius, & sine introductione alicuius formæ oppositæ.

Secundo Respondetur distinguendo antecedens, aut enim est eius sensus, priuationem, vel auersionem, in qua consistit peccatum habituale, esse liberam, & voluntariam, quia dicit ordinem ad liberam auersionem actualem, tanquam eius terminus: & in hoc sensu est verum, cæterum non valet consequentia, quæ ex eo ita sumpto inferitur, non posse tolli illam auersionem sine conuersione libera, ut explicabo in solutione primæ confirmationis; aut est sensus, esse liberam, quia est formaliter priuatio liberæ conuersionis, & in hoc sensu, quo illud antecedens esset aptum ad inferendum consequentiam, est falsum, quoniam peccatum habituale non est priuatio alicuius actus liberi, sed rectitudinis habitualis.

Ad primam confirmationem concessio antecedenti neganda est consequentia, & ratio discriminis est, quod peccatum habituale est quid malum, & non potest fieri, nisi à voluntate deficiente, & ideo essentialiter importat ordinem ad eius actum: at vero iustitia, quæ opponitur peccato, non ita pendet à voluntate deficiente, quia Deus per se est sufficiens causa ipsius; & est exemplum in iustificatione puerorum, de qua probaui superius, posse fieri, per potentiam Dei absolutam, sine ordine ad voluntatem alicuius mediatoris: Neque oportet, ut, si damnum aliquod incurritur voluntarie, etiam reparetur voluntarie; ut, quamuis voluntarie aliquis se proiciat in puteum, potest etiam inuitus inde extrahi; & iniuria integre voluntarie, potest remitti sine actu voluntario offendentis.

Ad secundam Confirmationem, Respondetur primo, negando consequentiam, quoniam auersio illa potest tolli per meram destructionem, sine introductione conuersionis oppositæ.

Secundo Respondetur, negando, quod non possit intelligi conuersio habitualis moralis opposita peccato habituali sine actu propriæ voluntatis, siue huiusmodi conuersio fiat per gratiam habitualem, ut extenditur ad effectum expellendi peccatum; siue sine ea, ut explicui articulo præcedenti.

AD SECUNDVM TRANSITIONEM, & negatur minor, quoniam habere affectum virtuale ad peccatum, est habere aliquem actum formalem, in quo virtualiter continetur volitio peccati, aut complacentia in eo; & verò ex eo, quod aliquis sit in peccato, non sequitur quod habeat huiusmodi actum; & ad primam probationem dicendum est, solum censeri illum hominem habere voluntatem adhaerentem habitualiter peccato, hoc est conuersam ad ipsum, non tamen virtualiter. & ad secundam dicendum est dari medium inter voluntarium formale, & virtuale, scilicet habituale, aut per modum termini, ut explicui in materia de peccatis. Item quāuis aliquis actu formali velit manere in peccato habituali, non sequitur quod habeat affectum, & complacentiam virtuale ipsius peccati, quia non tenetur exire à peccato, vel habere actus, quibus disponatur ad obtinendum remissionem; sed solum sequitur quod non vult adhibere remedium ut exeat à peccato, aliàs continue peccaret actualiter, quia scienter maneret in peccato.

ARTICVLVS. IIII.

Verum ad iustificationem impij requiratur motus fidei.

CONCLUSIO est affirmatiua. Circa quam est

D V B I V M.

Verum requiratur actus fidei ad iustificationem, & de quo obiecto debeat esse huiusmodi actus?

§. 1. *Hæresis Lutheranorum & protestantium de fide speciali.*

IN quo omnes, tam Catholici, quam hæretici conveniunt in hoc, quod ad iustificationem requiritur actus fidei: sed in duobus potissimum differunt hæretici à Catholicis; primum est, modus, quo iste actus requiritur, alterum est obiectum huius actus.

NAM CIRCA PRIMUM, omnes fere hæretici nostri temporis, post LUTHERVM, ita affirmant requiri actum fidei, vt etiam sufficiat, neque requiratur alius actus, vel aliud opus: qui error cepit à temporibus Apostolorum, vt constat ex AUGUSTINO tomo quarto, libro de fide & operibus, cap. 14. vbi ita inquit, *temporibus Apostolorum, non intellectus quibuscumque subobscuris sententijs apostoli Pauli, hoc eam arbitratu suum dicere scilicet, sufficere ad salutem solam fidem sine operibus: & paucis interpositis subiungit: quoniam ergo hac opinio tunc fuerat exorta, alia apostolica epistola Petri, Iohannis, Iacobi, Iude, contra eam maxime dirigunt intentionem, & vehementer asserunt fidem sine operibus nihil prodesse. & quauis illi negarent necessitatem quorumcumque operum, præter fidem, siue antecedentium iustitiam, siue subsequentiū; tamen nunc solum agemus de operibus prærequisitis ad obtinendum ipsam iustitiam; quod vero isti dicunt, scilicet, sufficere actum fidei ad iustitiam, potest habere duos sensus, primus est, præter fidem, non requiri aliquam formam existentem in nobis, vt simus formaliter iusti, sed ipsam fidem esse nostram iustitiam, aut per eam applicari nobis iustitiam Christi, & fieri nostram per imputationem. Alter sensus est, præter fidem non requiri ex parte nostra alium actum, quo mediante obtineamus iustitiam; & quamuis hæretici in utroque sensu dicant sufficere fidem ad iustitiam, tamen de priori egimus iam articulo 2. huius quæstionis, & ideo nunc solum dicemus de posteriori.*

CIRCA SECUNDVM, vero scilicet, circa obiectum fidei requiritur ad iustificationem, etiam inter se differunt ipsi hæretici, & vt eorum errores intelligantur, aduertendum est, ipsos distinguere duas fides, quarum vnā appellant *generalem* & *historicā*, & dicunt, per eam credi omnia ea, quæ nobis proponuntur in verbo Dei, non propter aliquas argu-

Amentationes, sed quia certi sumus esse tradita & proposita à Deo, qui verax est, & omnipotens; & alteram appellant *specialem*, per quam dicunt, non credi omnia, quæ in vniuerso Dei verbo traduntur, sed aliquod speciale obiectum; & supposita hac distinctione, dicunt, fidem *generalem* per se non sufficere ad iustificationem, sed presupponi ad eam, quæ sufficit, quæ est fides illa *specialis*, & includi in ea; quoniam si fides illa *generalis* vacillauerit, non poterit consistere fides *specialis*; Et in explicando obiecto huius fidei *specialis* & an sufficiat nudus assensus intellectus circa huiusmodi obiectum, differunt inter se: nam LUTHERVS dixit, obiectum esse diuinam promissam, & Deum esse veracem, ita vt fides hæc *specialis* non sit aliud, quam credere promissis Dei, & habere bonam opinionem de Deo, quod sit verax. Alij vero posteriores dicunt, obiectum non esse omnes diuinas promissiones, sed eam *specialem* promissionem, in qua propter Christum promittuntur remissio peccatorum, iustificatio, & vita æterna; & alij dicunt esse omnes articulos fidei, & in his expresse, & in particulari articulo de remissione peccatorum; & alij esse promissionem gratuite reconciliationis donatæ per Christum mediatorem. Et tandem alij magis in particulari hoc explicantes dicunt, non solum esse, illam promissionem in vniuersali pertinere ad omnes, sed in particulari ad se quoque; eam pertinere, & se quoque includi, & comprehendere in illa vniuersali promissione, & in se adimpleri. His modis explicatur à LUTHERO & à suis discipulis obiectum fidei *specialis*; & quoniam secundum omnes ad obiectum istud pertinet diuina promissio, ideo ab istis hæreticis fides hæc appellatur *fides promissionis*. Differunt etiam inter se isti hæretici, quoniam quidam eorum per fidem hanc intelligunt solum assensum intellectus, siue vt assensus est, siue vt est apprehensio & applicatio illius promissionis gratuite: Alij hunc actum cum adiuncta fiducia voluntatis, aut cum alio actu voluntatis, quo is, qui iustificatur, quiescat in diuinis promissionibus; & tandem alij dicunt esse formaliter actum voluntatis, & presupponere actum intellectus; ita hunc errorem referunt FRANCISCVS SORNIYS libro primo demonstrationum religionis Christianæ tractatu secundo, cap. lxxxi. TILLETANVS 1. parte apologiæ pro Concilio TRIDENTINO titulo de fide, cum explicat in particulari, quid sit vere & proprie fides iustificans, & latissime STAPLETONVS, libro 8. de iustificatione cap. 3. & sequentibus. Fundamentis istorum hæreticorum adducemus postea.

§. 2. *Contraria sententia Catholica Ecclesiæ, circa de fide.*

PRIMA CONCLUSIO, *ad iustificationem requiritur alius fidei supernaturalis tanquam dispositio.* Hæc est certa secundum fidem: Probatur ex illo ad Hebræos 11. *Sine fide impossibile est placere Deo.* ad Romanos 5. *iustificati ergo ex fide &c.* Marci ultimo *qui non crediderit condemnabitur.* & Ioan. 3. *Qui non credit in eum iam iudicatus est.* & est expresse definita in Concilio TRIDENTINO sess. 6. decreto de iustificatione cap. 6. *Dico tamen, requiri alium fidei supernaturalis, quoniam certum est secundum fidem, actum fidei, qui requiritur ad*

iustificationem, non esse cognitionem aliquam naturalem, ut definitur in Concilio TARD. decreto citato can. 3. Vtrum autem requiratur, quod iste actus sit supernaturalis quoad substantiam, vel solum quoad modum, agendum est in materia de fide, ubi etiam explicandum, an requiratur, quod iste actus sit supernaturalis ex parte obiecti materialis, vel potius sufficiat, quod sit supernaturalis ex parte rationis formalis obiecti. *Dico etiam hunc actum requiri tamquam dispositionem, contra hereticos, qui dicunt, eam requiri ut apprehensionem iustitiae, & non ut dispositionem, contra quos egi de hac re. ar. 1. huius questionis.*

SECUNDA CONCL. *Fides, quae requiritur ad iustificationem, non est fides illa specialis, sine promissione, prout ab hereticis distinguitur ab universali, & dogmatica.* Ad huius explicationem **SYMPONENDVM** est, duos sensus posse habere id, quod heretici dicunt de fide speciali, & de eius obiecto: *primus est, ad eam fidem pertinere solum, ut obiectum, promissionem remissionis peccatorum per Christum, siue articulum istum absolute sumptum, & non reliqua, quae ad fidem generalem pertinent, hoc est, ea omnia, quae nobis ab ecclesia proponuntur credenda, ut reuelata à Deo, aut quae Deus nobis per Ecclesiam reuelat. Alter sensus est, pertinere ad illud obiectum promissionem remissionis peccatorum per Christum, non quidem sumendo veritatem hanc absolute, sed cum determinatione ad eum, qui vult iustificari, ita ut ab eo, qui vult iustificari, credendum sit in particulari, sibi tunc remitti peccata, aut remissa esse, vel se esse iustum: & contra utrumque sensum statuitur haec conclusio, & contra utrumque est à nobis confirmanda.*

ET CONTRA PRIMUM Probatur. *Primo* quoniam Paulus, cum fidei videtur tribuere iustificationem, nihil dicit, ex quo possit intelligi, ipsum loqui de fide speciali ut distinguitur a generali, sed absolute loquitur de fide, ut ad Rom. 1. de evangelio: *Veritas Dei est in salutem omni credenti; & Ratio: iustitia enim Dei in eo (scilicet evangelio) reuelatur ex fide in fidem.* & c. 3. *Iustitiam Dei per fidem Jesu Christi, in omnes & super omnes, qui credunt in eum.* Et similia alia reperiuntur apud Paulum.

Secundo probatur, quoniam in scriptura expresse ponitur aliud obiectum fidei iustificantis, praeter promissiones illas, quas dicunt heretici, esse eius obiectum, ut Paulus ad Rom. 4. loquens de fide Abraham, ita inquit, *non scriptum est autem propter ipsum tantum, quia reputatum est illi ad iustitiam, sed & propter nos, quibus reputabitur credentibus in eum qui suscitavit Iesum Christum Dominum nostrum à mortuis, qui traditus est propter delicta nostra, & resurrexerat propter iustificationem.* ubi expresse docet, pertinere ad obiectum fidei, quae requiritur ad iustificationem nostram, Deum, ut causam resurrectionis Christi, & ipsam Christi resurrectionem. Et capit. 10. loquens de fide cui tribuitur iustitia, sic ait: *hoc est verbum fidei quod predicamus, quia si confitearis in ore tuo Dominum Iesum, & credideris in corde tuo, quod Deus illum suscitavit à mortuis, saluus eris.* Vbi non solum dicit de obiecto huius fidei idem, quod verbis praecedentibus, sed etiam ad illud obiectum pertinere verbum quod predicavit Paulus, & constat verbum quod predicavit Paulus, esse verbum totius evangelicae predicationis, & non solum huius articuli, quod per Christum nobis remittitur pec-

ATA & paulo inferius sic ait, *Omnis enim, quicumque invocaverit nomen Domini, salvus erit.* Quomodo, invocabimus in quem non crediderimus? aut quomodo credent, quem non audierimus? quomodo autem audient sine praedicatione? ubi indistincte dicit, eas veritates, quae continentur in predicatione evangelica, pertinere ad obiectum fidei, quae requiritur ad invocandum Deum, sicut requiritur ad consequendum salutem. Quod ipse Paulus magis expressit paulo inferius, dicens, *Sed non omnes obedimus evangelio &c.* & ad Hebr. 11, de ea fide, quam ibi definit, *esse substantiam sperandarum rerum, &c.* & de qua statim dicit, *in iustificationem consecutus esse sensu, sic ait: fide intelligimus apostata esse secula verbo Dei, ut ex invisibilibus visibilia fierent, ubi aperte docet, pertinere ad obiectum illius fidei articulum creationis, & inferius postquam dixit, *sine fide impossibile est placere Deo, ut explicet, quid per hanc eandem sit credendum, aut quod sit eius obiectum, ita inquit: credere enim oportet accedere ad Deum, quia est, & inquisitionibus se remanentia sit.* ubi per quia est, intellexit ea, quae pertinent ad Deum secundum se. Et Ioan. 20. *Hac scripta sunt ut credatis, quia Iesus est Christus filius Dei, & ut credentes vitam habeatis in nomine eius.* & Acto. 8. Eunnuchus credens Christum esse filium Dei, baptizatur à Philippo, & iustificatur.*

Tertio probatur, quoniam in scriptura aperte dicitur de tota doctrina evangelica pertinere ad fidem, quae requiritur ad salutem, ut Marci 16. *enimvero praedica evangelium omni creatura, qui crediderit & baptizatus fuerit, salvus erit, qui vero non crediderit, condemnabitur.* & 1. ad Corinth. 15. *notum facio vobis fratres evangelium, quod predicavi vobis, quod & accepistis, in quo & statis, per quod & salvamini.* & postea recitat principales articulos fidei.

CONTRA SECUNDVM ETIAM SENIVM hereticorum, probatur haec conclusio.

Primo quoniam in scriptura; cum sit sermo de fide, quae requiritur ad iustitiam, exigitur à nobis fides Dei, & Christi, & aliarum veritatum; non autem remissionis peccatorum, aut iustificationis, quae tunc fiat in nobis, ut patet ex omnibus testimonijs adductis.

Secundo probatur, quia sunt quaedam testimonia scripturae, in quibus, ad significandum, non debere eum, qui iustificatur, credere certitudine fidei infallibilis remitti sibi peccata, apponitur particula, forte, ut Act. 8. *Poenitentiam itaque age ab nequitia tua haec, & roga Deum, si forte remittatur tibi haec cogitatio cordis tui.* & idem habetur Daniel. 4. Ionae 3. Joel. 1. in quibus locis id adducit Averr. 11. vvs.

Tertio probatur communi traditione sanctorum, qui, cum docent, fidem esse necessariam ad salutem, solum explicant, esse credenda per hanc fidem ea, quae in symbolis continentur, quorum testimonia referunt **ST. APL. ROMANVS** lib. ci. cap. 7. & alij auctores, qui illam haereseos impugnant.

Et tandem haec conclusio est definita contra illum sensum in **Con. TARD.** sess. 6. decreto de iustificatione cap. 9. & can. 13. & procul dubio ille sensus involvit contradictionem: nam an requam fiat remissio peccatorum, non potest aliquis habere certitudinem fidei de ea, propter periculum propriae indispositionis, & infirmitatis; si vero haec fides solum requiritur post factam remissionem, sequitur eam non presupponi ad iustificationem, ne-

que ut eius apprehensionem, neque ut dispositionem ad eam.

Sed *adversanda* sunt duo circa hanc conclusionem. *Primum* est, quod cum dicimus contra hereticos, fidem generalem, & non illam specialem ab ipsis confictam, requiri ad iustificationem, non consentimus cum eis in nomine, quod tribuunt fidei generali, appellantes eam *fidem historicam*, quoniam hoc nomine videtur significari, fidem hanc esse similem illi, quam adhibemus rebus, quæ in historiis humanis narrantur, & non pertinere ad virtutem aliquam Christianam, sed ad nudam quandam scientiam, & (ut CALVINUS loquitur, & refert STAPLETONUS lib. cit. cap. 3.) ad simplicem ex notitia assensum. *Alterum* est, quod cum dicimus, fidem generalem & dogmaticam esse eam, quæ requiritur ad iustificationem: non intelligimus, credere explicite singula dogmata fidei, sed necessariam esse fidem, quæ saltem implicite ad ea extendatur, & quæ non sit ita determinata ad aliquod speciale obiectum, ut reliqua dogmata fidei excludantur; sicut dicebant heretici. Quid autem necessarium sit credere explicite, & an hoc fuerit idem in omni statu, scilicet legis naturæ, scriptæ, & gratiæ: vel potius diuersum; explicandum est in materia de fide.

§. 3. Argumenta hereticorum dissolvuntur.

Sed *contra*, hanc conclusionem sunt duo argumenta, *PRIMUM* est pro primo sensu erroris hereticorum, & est tale, ex omnibus obiectis pertinentibus ad verbum Dei, atque à Deo credendis, nullum conducit ad reconciliationem peccatoris cum Deo, præter gratuitam promissionem misericordiae Dei, qua propter Christum gratis remittuntur peccata nostra: ergo hæc sola promissio est obiectum credendum per fidem, quæ requiritur ad iustificationem; *consequenter* patet, quia fides, quæ requiritur ad iustificationem, debet esse de obiecto, quod aliquo modo conducit ad ipsam iustificationem, & ex consequenti ad reconciliationem peccatoris cum Deo; & *antecedens* probatur, quia in verbo Dei quatuor continentur, scilicet *historia rerum gestarum*, *comminationes poenarum propter peccata*, *impositio præceptorum*, & *promissio illa*, sed ex his omnibus sola promissio conducit ad reconciliationem, quia historia rerum gestarum potius augeat timorem, & desperationem; quis enim non desperabit se consecuturum à Deo veniam, videns nulla alia victimam potuisse Deum placari, nisi morte filii sui? & *comminatio poenarum* potius est occasio refugendi à Deo, quam querendi ipsum, sicut requiritur ad reconciliationem; & tandem etiam impositio præceptorum augeat desperationem, quia in hoc statu non reperitur plena impletio præceptorum, præsertim præcepti diligendi Deum, neque opera nostra requiruntur ad reconciliationem, alias fieret ex operibus, & non gratis.

Confirmatur primo quoniam Paulus expresse docet, fidem iustificantem habere pro obiecto illam promissionem, ut ad Rom. 2. *Quem proposuit Deus propitiacorem per fidem in sanguine ipsius*. & ad Gal. 3. *Sciatis, quod non iustificatur homo ex operibus legis, nisi per fidem Iesu Christi*. & nos in Christo Iesu

A credimus, ut iustificemur ex fide Christi & non ex operibus legis.

Confirmatur secundo, quoniam in Concilio Tridentino sess. 6. decreto de iustificatione cap. 6. videtur hoc idem dici, nam ibi de fide, qua peccatores disponuntur ad iustitiam, sic habetur: *credentes quæ divinitus revelata & promissa sunt, atque illud imprimis, a Deo iustificari impium per gratiam eius, per redemptionem, quæ est in Christo Iesu*; ubi primo explicatur, obiectum generale fidei esse omnia revelata, & promissa à Deo; & deinde explicatur, obiectum speciale esse, Deum propter Christum remittere peccata.

SECUNDUM ARGUMENTUM est pro secundo sensu hereticorum, quoniam Christus ab ijs, quibus remittebat peccata, exigebat ut certo crederent, sibi remitti peccata, iuxta illud Matth. 9. *confide fili, remittuntur tibi peccata tua*.

A D P R I M U M Responderetur, negando antecedens, & ad probationem dicendum est,

Primo necessarium esse ad iustificationem assensum omnibus contentis in verbo Dei, non quidem explicite, & in particulari, sed implicite, quatenus intellectus se subiecit divinae revelationi, & consequenter acceptat virtualiter omnia, ad quæ ipsa extenditur. *Dico autem hunc assensum esse necessarium ad reconciliationem*, quoniam per eum homo incipit converti in Deum, & subijcere seipsum Deo: non solum quia convertitur, & subiecit suum intellectum eo modo, quo potest converti & subijci; sed etiam quia illo assensu, pro diversitate suorum obiectorum, excitatur homo ad habendum varios actus, quibus moveatur ad relinquendum peccatum, & ad querendum Deum.

Secundo dicendum est, omnia illa, quæ ibi referuntur contineri in verbo Dei, posse tuo modo conducere ad reconciliationem peccatoris cum Deo; nam *imprimis*, ex historia rerum gestarum varia possunt desumi exempla, quibus homo moveatur ad querendum Deum, cuiusmodi sunt conversiones peccatorum in Deum, & graves punitiones eorum, qui in peccatis obstinati permanserunt; id autem quod dicitur de necessitate mortis filii Dei ad placandum ipsum Deum media perfecta satisfactione, etiam adiuvat, non solum tanquam maximum argumentum divini amoris erga homines, & vehemens motivum ad diligendum Deum: sed etiam ex ijs, quæ Christus passus est pro peccatis nostris, cognoscitur melius gratitas peccati, & poenarum, quæ pro ipso sunt sustinende; & cognitio miseræ alicuius status, & malorum imminentium, solet excitare vehemens studiū refugendi in Deū; & propter eandem rationem est dicendum idem de comminationibus poenarum, & de impositione præceptorum etiam constare multum conducere, quoniam præceptis dirigimur ad id, quod faciendum est, ut iustificationem consequamur, & præcipue ut in ea obtemperantes consequamur. Id autem quod dicitur de impossibilitate adimplendi perfectæ præceptum diligendi Deum, patet esse falsum, ex ijs, quæ diximus sup. q. 109. Si intelligatur, præsupposito auxilio supernaturali, & de ea perfectione, quæ requiritur pro isto statu. Neque quod ad reconciliationem requirantur aliqua opera, tanquam dispositiones, est satis, ut reconciliatio fiat ex operibus nostris, & non gratis, ut explicui acti. præcedenti & super q. 112.

dendo sequelâ, & negando minorem, scilicet, con-
quês esse falsum, & ad primâ probationem, dicendum
est, nō repugnare, eundem hominē esse simul auctu-
sum à Deo per peccatū habituale, & conuersum in
ipsum per actus illos: quoniam auersio, in qua cōsistit
peccatū habituale, est moralis, & habitualis: at ve-
ro conuersio, quæ fit per illos actus, est actualis, &
physica tantū, & neq; repugnat, conuersionē phy-
sicā esse simul cū auersione morali, vt paulo superi-
dixi, neq; habitū esse cum actu oppositū, vt, habitus
temperantiæ esse potest in eo, qui exercet actum
intemperantiæ.

Sed obijciunt, quia ex auersione actuali relinquitur
in homine auersio habitualis, & moralis; ergo pari-
ratione ex cōuersione actuali relinquitur cōuersio
habitualis, & moralis: & ex cōsequēti ratione huius
termini repugnabit cōuersionem, quæ fit per illos
actus, esse simul cū peccato habituali. *Respondetur*,
negando consequentiā, & ratio discriminis est, quod
ad inferendū iniuriā Deo sufficiunt nostri actus
per se, & ideo ipsi sunt sufficētes ad relinquēdum
auersionē habituale, & morale à Deo, quoniam hu-
iusmodi auersio cōsistit in priuatione cōformitatis
cū lege, quæ necessario sequitur ex offensa actuali
nō remissa; At vero actus nostri nō sunt sufficētes
per se ad reparandū iniuriā irrogatā Deo, sed cō-
currūt dispositiue, & per modū cōpensationis, &
p̄ter eos requiritur liberalis & gratuita acceptatio
Dei, quā Deus secūdū legē ordinariā facit, infundē-
do gratiā habituale, & posset de potentia absoluta
multo modo facere, & ideo actus nostri, quātūcūq;
sint secūdū suū gen^{us} perfecti, nō sufficiūt per se, nisi
accedat acceptatio Dei ad tollēdū auersionē habi-
tuale, & morale relicta ex peccato mortali actuali,
& ex cōsequēti neq; ad causādū oppositā cōuersio-
nē habituale & morale; *Et si queratur*, quē terminū
habeat in illo casu illi actus? *Respondetur* quod ter-
minū habebūt falsū esse ipsorū: nā non solū non ter-
minantur ad cōuersionē morale habituale, sed
neq; ad aliquā physicā, quia per eos, secūdum com-
munē sententiā omnīū Theologorū, nō producū-
tur habitus supernaturales; & secūdū probabiliore
sententiā, neq; naturales, & saltem nō produceren-
tur isti sine repetitione illorum actuum.

Ad secundā probationē respondetur eodē modo,
quod per illos actus redificaretur homo actuali-
ter, & physicē in ordine ad finē supernaturale, nō
autē habitualiter, & moraliter: & ideo per eos non
colleretur obliquitas peccati habitualis, quæ est
habitualis & moralis.

Ad tertiam probationē respōdetur, quod in illo ca-
su homo per illos actus diligeret quidē Deū, non
tamē amore amicitie, prout amor amicitie impor-
tat mutuū amorē, neq; etiā Deus diligeret, ipsum
propter impedimentū peccati; & ad illud testimo-
niū Ioan. dicendū est, intelligi de eo, quod fit secū-
dū legē ordinariā, nā secūdū hanc legē Deus acce-
pat illos actus infundēdo gratiā habituale & re-
mittit peccatum, & ita diligit amore amicitie, eū
qui habet illos actus.

Ad confirmatiōē respōdetur, cōcedendo sequelâ,
si consequēs intelligatur per respectū ad potentiā
Dei absolutā; & ad obiectionē contra hoc factā
cōcedendū est antecedēs, & negāda est cōsequēcia
& vt respondeamus ad eius probationē, aduerse in
amicitiā, sumpta siue pro actu, siue pro habitu, re-
periri duo, scilicet beneuolentiā, quæ alteri bonū vo-

luntus propter se, vt distinguitur ab amore cōsu-
piscētiā; & mutuū vinculū huius beneuolentiæ, siue
mutuā beneuolentiā in vtroque extremo, propter
quod amicitia ita definitur ab Arist. 8. Eth. *est mu-
tua beneuolentia non latēs*; ex his autē duobus primū
est essentiale amicitie, quæ est in quo cūq; extre-
mo; secundum vero est ei accidentale, quāuis, be-
nevolentia nō dicatur simpliciter & absolute ami-
citia, si desit ei secundum, quoniam nomen amicitie
est veluti collectiuium, & significat immediate
vinculum mutuæ beneuolentiæ; & hoc supposito;
Respondetur ad illā probationē, charitatem ap-
pellari amicitiam hominis ad Deū, quoniam est
habitus, quo homo diligit Deū benevolentia su-
pernaturali, cui secūdū legem ordinariā est ad-
iuncta mutuā beneuolētia simpliciter ex parte Dei;
& ita secūdum legem ordinariā semper habet ra-
tionem amicitie, non solum quantū ad essentiale,
scilicet, quantū ad beneuolentiā, sed etiam quantū
ad perfectionem, quæ ei accedit ex correspondētia
beneuolentiæ ex parte Dei. Ceterū quia non repug-
nat, non respondere huic beneuolentiæ ex parte
hominis, aliam similem ex parte Dei; quia posset
Deus per potentiam suā absolutam non acce-
ptare actus hominis habentis huiusmodi beneuo-
lentiā erga ipsum, neq; remittere ei peccatū, atq;
adeo non diligeret eum beneuolētia amicitie; ideo
etiam non repugnat, hominem habere erga Deum
beneuolentiā amicitie, siue actualē, siue habitua-
lē, & non diligi à Deo simili beneuolentiā; atque
adeo esse in peccato mortali. Quādo vero dicimus,
de ratione amicitie esse mutuū amorē, loqui-
mur de amicitia sumpta quoad perfectionem acci-
dentale, & non solum quoad id, quod actibus, vel
habitibus extremorum est essentiale.

Ad vltimū respondetur, peccatum mortale
habituale non cōsistere formaliter in priuatione
physicæ gratiæ habitualis, neque habere eam inse-
parabiliter adiunctam per respectū ad potentiā
Dei absolutam, sed solum secūdum legem Dei
ordinariā.

ARTICVLVS III.

*Vtrum ad iustificationem impij requiratur
motus liberi arbitrij?*

CONCLUSIO, in eo, qui habet vñ liberi arbitrij, nō
fit motus à Deo ad iustitiā, absq; motu liberi arbitrij.

COMMENTARIVS.

ADVERTA PRIMO circa titulū, ex tribus quæ-
stionibus, quas sup. q. 112. art. 2. diximus, pos-
se disputari circa necessitatē dispositionis ad gra-
tiam, scilicet, an requiratur aliqua dispositio; quæ
vires sint in nobis necessariæ vt eā habeamus; & in
quo cōsistit in particulari, an scilicet sit actus nō-
ster, & qualis actus: iam D. Th. incipere agere de
hoc vltimo, & ita inquirere, an requiratur ad reci-
piendū gratiam dispositio ex parte nostra, quæ sit
motus liberi arbitrij. Vbi nō loquitur de omnibus,
qui recipiūt gratiā: sed solum de illis, qui post pec-

catur eam recipiunt, & habent, aut aliquando habuerunt usum rationis; nam de ijs, qui sine peccato sunt iustificati, (vt de angelis, & de primis parentibus), agit in alijs locis, vt ibidē diximus: & propterea non inquit absolute, an ad iustificationem requiratur motus liberi arbitrij? sed cum addito, vtrum requiratur ad iustificationem impij; & de paruulis, aut adultis, qui nunquam habuerunt vsu rationis, alia est ratio: quoniam isti non possunt recipere gratiam sine sacramento, & nulla indigent dispositione, vt docet D. THO. in solutione 1. arg. huius arti. & nos de eo egimus partim cōtra hæreticos, & partim cōtra aliquos ex catholicis, loc. cit.

SECUNDO ADVERTENDUM est, quod ista quæstio, quamuis solum intelligatur de his, qui habent, aut aliquando habuerunt usum rationis, & post peccatum, siue originale, siue actuale iustificantur, potest habere duplicem sensum; *primus* est, an requiratur huiusmodi motus liberi arbitrij secundū legem Dei ordinariam; & *secundus*, an etiam requiratur per respectum ad potentiam Dei absolutam, ita vt sine eo, neque per potentiam Dei absolutam possit impius (de quo agimus) iustificari: & de vtroque dicemus duobus dubijs distinctis. Est ergo

PRIMUM DVBIVM.

Vtrum ad iustificationē impij, qui vel habet, vel aliquando habuit usum rationis, requiratur ex parte ipsius dispositio, quæ sit motus liberi arbitrij.

§. 1. Hæreticorum error, negantium.

IN quo Lutherani sequuntur partem negatiuā, nam quisvis cōcedat, præcedere actus aliquos (in quorū numero nō omnes conueniūt), tamē negant huiusmodi actus habere proprie rationem dispositionū, & elici à libero arbitrio peccatoris; & dicunt, esse effectus gratiæ Dei, ipso peccatore cōcurrēte aut solū passivē, & recipiendo, sicut cetera concurrūt ad figuram, quæ ei imprimitur; aut salū necessario, & sine vlla libertate, non quidem vt opponitur coactioni, aut violentiæ, sed vt sumitur pro indifferentia ad vtrūq; & opponitur determinationi ad vñ; sicut lapis descendit deorsū sine coactione, aut violentia: non tamen cum indifferentia ad descendendū, & non descendendum, sed cū naturali determinatione, ad descensum. Per hos gradus Lutherani errorem istum paulatim mitigauerūt, nā LUTHER. eorū magister, qui partim propter corruptionem naturæ, & partim propter infallibilitatem diuinæ præscientiæ, dixit, humanā voluntatem esse omnino determinatam ad vñ respectu mali, ita vt nihil possit boni agere, sed semper necessario peccet; dicit consequenter, nullum actū, aut motum liberi arbitrij, siue productum ab eo, siue receptum ab extrinseco, requiri ad iustificationem. At vero MELAN. & aliqui qui cōcedūt homini libertatē, tum in operibus malis, tum etiā in operibus humanis, & indifferentibus, & quoad bona moralia, & ciuilia, & solum eam denegant ipsi, quoad opera spiritualia, inter quæ connumerant eos actus, qui requiruntur ad iustificationē: dicūt, requiri ad iustificationē actus aliquos, qui sint in libero arbitrio, hoc est, in potētia, aut potētij rationalibus; Ceterum huiusmodi actus, neq; libere, neque efficiētē vllomodo produci à libero arbitrio, sed à gratia Dei, & recipi in ipso libero arbitrio ha-

Abente se mere passivē circa ipsos. Et tandem KEMNITIVS, qui cōcedit, hominē, postquā sinatus est per gratiā, habere libertatē, etiā circa opera spiritualia, & antequā sanetur habere efficientiā circa ea, & libertatē vt liberas distinguitur à coactione, aut vi, non tamen vt distinguitur à determinatione ad vñ: dicit, requiri ad iustificationē actus aliquos, qui nō solū recipiuntur, in intellectu & voluntate, sed etiā producuntur ab eis efficiētē, & aliquomodo voluntarie, hoc est sponte, & non coacte aut violētē, non tamen cum indifferentia ad vñ: ita errorē istū referunt ROFFENSIS art. 36. contra Lutherum SOTVS lib. 1. de natura & gratia. c. 16. & lib. 2. cap. 1. VEGA lib. 6. super Conc. TRIDENTIN. STAPLET. lib. 4. de iustific. c. 1. & TILLETANVS 1. parte apologiæ pro Concil. TRIDENTINO. tit. de fide, vbi explicat doctrinam Concilij de necessitate præparationis ad iustificationē in adultis. Fundamenta præcipua istorum hæreticorum sunt quinque.

PRIMUM EST, hominem post peccatum primi parentis non habere libertatē ad bonū, sed in omni opere suo peccare, vt colligitur ex Isa. c. 64. dicēte, omnes iustitias nostras esse sicut pannum mēstruatum, & ex Paulo ad Philip. 3. omnia sua opera & iustitias pro seclatamēis aut dānis habente. & ad Rō 7. Dānamē omne obedientiā, quā præstabas legi, quia tota vituabatur propter innatū vitium concupiscentiæ. & ex sententiā Christi Luc. 17. & Mar. 6. iubentis etiam sanctissimos confiteri, se esse seruos iniuriæ; & perpetuo petere cōdonationē; at impiū est dicere, quod per peccatum aliquis disponatur ad obrinendam gratiam Dei.

SECUNDUM EST, nostrā iustitiā formaliter esse ipsā iustitiā Christi, & hāc nobis applicari, præsupposito solū ex parte nostra actu fiduciæ, quo certo credimus, eā benignitate Dei, & meritis Christi, fieri nostrā: quæ actū dicūt nō esse dispositionē ad iustitiā, sed apprehensionem ipsius, & ista duo hæretici nostri rēponis cōfirmāt multis argumentis, ex quibus multa adduximus art. præced. dub. 1. & reliqua adducemus art. sequenti.

TERTIUM EST, quod gratia iustificans nō datur ex operibus nostris, aut ratione nostrorū operū, sed gratis & ex diuina misericordia, vt inquit Paulus ad Rom. 3. & 11. Ad Ephes. 2. ad Tit. 3. ergo nō requiritur ad eam actus, qui sit noster, hoc est procedens à nostro libero arbitrio.

4. EST, quod in scriptura ita tribuitur Deo esse causā gratiæ & iustitiæ nostræ, vt excludatur cōcursus nostræ libertatis, vt Ioan. 15. non vos me elegistis, sed ego elegi vos. & ad Rō. 9. nō est volētis, neq; currētis, sed Dei miserētis. & Osee. 3. perditio tua ex te Israel, tantummodo in me auxilium tuum.

VLTIMUM continet nulla testimonia, ex quibus duo priora sunt scripturæ; nā Ioā. 6. dicitur, nemo potest venire ad me nisi pater meus traxerit eū; nō dicunt autē trahi, qui sua voluntate liberaverint. & Luc. 14. cōpelle eos intrare, ad id autē, ad quod quis cōpelli-tur, non requiritur suus liber consensus. Tertiū testimonium est Concilij secundi ARAVICANI ca. 4. vbi dānatur, qui dixerit, Deū, vt à peccato purgemur, expellere voluntatē nostrā. Reliqua sūt D. AUGUST. quæ late refert VEGA lib. cit. c. 5. & ex eis solū habet difficultatē vñ ex 10. in Enchir. c. 52. vbi sic ait: si propterea dictum est, nō est volētis, neque currētis, sed Dei miserētis, quia ex vtroq; fit, id est, voluntate hominis, & misericordia Dei: cur non ē contrariū dicitur nō miserētis est Dei, sed hominis volētis, quia id misericor-

da *Dei sola non impletur; quod tamen nullus Christianus dicere audeat.* Ex quibus verbis videtur colligi, quod nō requiratur cooperatio nostra libera, aut motus nostri liberi arbitrij simul cum efficiētia Dei ad gratiam.

Et simile argumentum possumus nos efficere ad huius confirmationem, quia sequitur, quod, sicut Christus dicit Ioan. 3. sine me nihil potestis facere, ita & nos possumus dicere de Deo, quod sine nobis nihil potest facere, siquidem requiritur motus nostri liberi arbitrij.

§. 2. Catholica sententia affirmans.

SED NIHILOMINUS SIT CONCLVSIO, ad impij iustificationem requiritur, tanquam dispositio, motus liberi arbitrij, secundum legem Dei ordinariā. Hęc est certa secundum fidem, & probatur PRIMO ex scriptura, quoniam in scriptura sepe petitur a peccatoribus, vt ad Deum conuertantur, tanquā quid necessarium ad obtinendum ab ipso remissionem peccatorum, & iustitiam: at hoc sine causa, & frustra peteteretur, si peccatores per liberum arbitrium nihil cooperarentur ad huiusmodi conuersionem. sed mere passiuē se haberent; ergo requiritur motus liberi arbitrij ad remissionem peccatorum, & iustificationē; probatur maior Ioel. 2. *Conuertimini ad me in toto corde vestro.* Isai. 45. *Conuertimini ad me, & saluati eritis.* & Ierem. 3. *reuertere avertitrix Israel.* & post pauca, *conuertimini filij reuertere;* & cap. 15. *Si conuerteris, conuertam te; & ante faciem meam stabis.*

Confirmatur primo, quoniam alias sine causa daretur probro peccatoribus obstinatio in peccato, & non respondere Deo vocanti: vt Prouerbiorum primo, *vocati, & renuisti;* & ad Rom. 2. *an diuitias bonitatis eius, & patientia, & longanimitas contemnitis,* &c. Item frustra Deus peteret in nobis, vt aperiamus ei ianuam, vt ingreditur ad nos per gratiā, vt Cant. 5. *aperi mihi foras mea &c.* & Apocalyp. 3. *Eccce sto ad ostium, & pulso, si quis audierit vocem meā, & aperuerit ianuam, intrabo ad illum, & cenabo cum illo, & ipse mecum.*

Confirmatur secundo, quoniam hęc duo testimonia sunt aperta, Prouer. 16. *hominis est animam preparare,* & ad Philip. 2. *cum metu & tremore vestram salutem operamini.*

SECUNDO probatur testimonio CON. TR. 1. sess. 6. de iustific. Can. 4. vbi ita dicitur, *si quis dixerit, liberū hominis arbitrium à Deo motum, & excitatū, nihil cooperari assentiendo Deo excitanti, atq; vocati, quoad obtinendā iustificationis gratiam se disponat, ac preparat, neque posse dissentire, si velit, sed veniti inanimē quoddam, nihil omnino agere, mereq; passiuē se habere, anathema sit.* in quo Can. nō solum damnatur, qui dixerit, hoc vltimum, scilicet hominem tanquā inanimē quoddā nihil omnino agere, quo se disponat ad iustificationē, & mere passiuē se habere: sed etiam, qui negauerit, hominem non solū efficiēter aut solum spontaneē, id est non coactē, sed etiā cū indifferentia ad consentiendum & resistēdū auxilio excitati concurrere ad ipsam dispositionem.

TERCIO potest probari ratione D. THOMÆ hoc articulo, quæ est huiusmodi, Deus omnes creaturas mouet secundū modū vniuscuiusq; sed iustificatio est quædā mutatio, qua homo mouetur à Deo ad iustitiā, sicut calefactio passiuā est mutatio subiecti ad calorem; ergo nō sit hęc mutatio in homine, nisi se-

A cūdū modū ipsius hominis; quare cū homo ex natura sua sit liberi arbitrij, fiet ista mutatio ipso homine libere acceptate iustitiā, quod est libere disponi ad eā. Verum hęc ratio nō est demonstratiua, quoniā multi dicūt, angelos & homines in primo instanti suæ creationis non habuisse dispositionem præuiam ad iustificationē, quāuis & tūc fuerint iustificati, & essēt liberi arbitrij: sed est optima tamen cōgruentia, præsertim in iustificatione, quæ sit præsupposito peccato, qualis est ea, de qua loquimur; quoniā consentaneū est rationi, vt homo, qui libere peccādo recessit à Deo, etiā libere conuertēdo se in Deū, perueniat ad iustitiā, & ad gratiam Dei.

Neque obstat cōtra rationē hanc id, quod aliqui obijciūt de gratia excitante, per quā & mutatur homo, & tamē non recipitur in eo libere, sed necessario; siquidem, vt diximus supra, quæst. 111. consistit in actibus nostris subitis, & præueniētibz omnē nostrā deliberationē; nam dicitur potest, maximā illam, De omnes creaturas mouet secundū modū vniuscuiusq;, nō intelligi de mutationibus, ad quas creaturæ nō cōcurrūt mouendo seipsas: sed solū vt motæ, præsertim quādo nō sūt mutationes perfectæ & vltimæ, sed veluti inchoationes earū, cuiusmodi sunt mutationes illæ subitæ, & necessariæ pertinentes ad gratiā excitantē; sicut etiam in naturalibus sepe mouetur homo actibus voluntatis, & intellectus ab autore naturæ, sine vlla libertate sua.

Ex hac conclusione sequitur, etiam ad accipiēdū gratiā per sacramentū, requiri dispositionē, quæ sit motus, vel actus liberi arbitrii. Vtrum autē requiratur, huiusmodi motū esse formaliter, cum recipitur gratia per sacramentū, vel potius sit satis, esse tunc virtualiter, & præcise formaliter; dicemus postea, cū agemus in particulari de actibus, in quibus consistit iste motus liberi arbitrij.

§. 3. Fundamenta hæreticorum dissoluiuntur.

AD 1. FUNDAMENTVM hæreticorū, patet solutio ex ijs, quæ dixi supra q. 109 a. 2. vbi probaui, hominē, cū est in peccato mortali, nō obstante corruptione naturæ, etiā cū solo cōcursu generali, posse efficere aliqua opera, quæ nullo modo sint peccata, sed bona moraliter; nam ex hoc cōstat, nō repugnare, hominē per motū liberi arbitrij disponi ad recipiendū gratiā, quia careat libertate ad bonū, & in omni opere suo peccet; & ibi explicui illa testimonia, quæ nunc adducuntur in confirmationē huius fundamenti & alia similia.

AD SECUNDVM Respondetur falsū esse, nostram iustitiā, qua dicimur formaliter iusti, iesse ipsā iustitiā Christi, excludentem iustitiā inherētē in nobis, vt ostendimus dubio primo præcedenti; & etiā est falsū, aut fidem, quæ requiritur ad iustificationē, esse illā fiduciā, quam constituunt hæretici; aut illā fidem, quæ requiritur, non esse dispositiuam.

AD 3. Respondetur ex doctrina CON. TR. 1. sess. 6. de iustific. c. 8. quod dicimur iustificari gratis, & ex diuina misericordia, & non ex operibus: quia nihil eorū, quæ iustificationem præcedunt, siue fides, siue opera, ipsam iustificationis gratiā promerentur; itaq; illud verbū, *ex operibus*, significat *ex vi & valore operū*; & cum negatur, iustificationē fieri ex operibus nostris; non negatur cōcursus nostrorū operū per modū dispositionū, sed solū concursus per modum meriti, quoniā iste cōcursus repugnat puræ gratiæ, & misericordiz; non autē primus.

Ad quartum Respondetur, duo priora testimonia intelligi de prædestinatione, & electione, & de particularibus auxiliis, quæ Deus antecedenter ad humanæ libertatem confert quibuslibet hominibus potius quam alijs; & in tertio non excludi concursum nostre libertatis, sed solū significari, nostrū liberum arbitrium per se sufficere ad malū, & æternā damnationem, non autem ad bonum, & ad æternā beatitudinē, nisi adiuvetur auxilio diuinæ gratiæ.

Ad ultimum respondetur, duo priora testimonia, quæ sunt scripturæ, intelligi de attractione, & compulsionē voluntaria, nam proprie & latine dicitur *trahi*, qui per suam voluntatem venit, iuxta illud, *trahit sua quemque voluntas*, & hoc videtur significari illis verbis Cant. 3. *trahem te post te, curramus in odorem*, &c. Item peccatores libere & voluntarie dicuntur venire, aut intrare, cū nō ex necessitate, aut coactione, sed ex incusso inferni timore compelluntur venire, aut intrare: *Et ad tertium* testimonium, quod est Concilij ARAVSTICANI: Respondetur, concilium solum definire, nostram voluntatem non incipere proprijs viribus, cum à peccatis purgamur, sed præueniri à Deo sua gratia & auxilio, non tamen quod voluntas præueniat diuino auxilio non cooperetur libere consentiendo ipsi auxilio, & conuertendo se in Deum. Et ad testimonium AVEVSTINI respondetur, quod fieri ex utroque nostras conuersionem; scilicet, ex misericordia Dei & ex nostro consensu libero, potest habere duplicē sensum, *primus est*, fieri ex utroque, tamen ex duobus principijs æqualiter concurrentibus & independentibus ab inuicem; *alter est*, fieri ex utroque, quia utrumque requiritur; scilicet, gratia & misericordia Dei, & noster liber consensus, non tamen æqualiter, sed noster consensus ut dependens ex gratia, & auxilio Dei, & subordinatus ipsi, & non ē conuersio; & in priori sensu, est falsū & in posteriori est verum; & ita AVEVSTINVS illo loco impugnāt sententiam eorum, qui dicebant, ideo Paulum dixisse, *non esse volentis*, &c. quia requiritur utrumque, scilicet liber consensus noster, & misericordia Dei, & loquebatur in priori sensu, & propterea obiecit cōtra eos, quod pari ratione dici posset, non est misericordis Dei, sed hominis volentis; quæ obiectio non haberet locum, si illi loquerentur in posteriori sensu.

Neque tamen illud sumptum in posteriori sensu posset reddi pro ratione, propter quam Paulus dixerit, *non esse volentis*, &c. imo potius, quia noster consensus præsupponit gratiam, & misericordiam Dei, ideo potest dici, quod *non est volentis*, &c. quia quod libere consentiamus, prouenit ex ipsa gratia, & misericordia Dei, & non ex solis viribus liberi arbitrij.

Et ex hoc patet solutio ad confirmationem, quia non solum non possumus Deo dicere, *sine nobis nihil potes facere*, quia Deus per potentiam suam absolutam potest sine nostro consensu remittere nobis peccatum & infundere gratiam: sed etiam quia illis verbis, prout à Deo dicuntur nobis, significatur, quod sine Deo conferente nobis virtutem ad agendum, nihil possumus facere, quod sit proportionatum sui supernaturali: at vero, quamuis secundum legem Dei ordinariam requiratur noster consensus ad iustificationem, non ita requiritur, neque ut independentē à Deo, sed ut effectus virtutis, quam nobis communicat ad agendum.

SECUNDVM DVBIVM EST.

Verum motus liberi arbitrij requiratur tanquam dispositio ad iustificationem, etiam per respectum ad potentiam Dei absolutam, hoc est ita, ut neque per potentiam Dei absolutam possit alicui remitti peccatum, nisi concurrente ex parte eius per modum dispositionis motu liberi arbitrij?

VBI SOLVM loquimur de peccato personali, quod propriæ voluntatis actu committitur, & de isto, non quatenus actu committitur, sed quatenus manet habitualiter transacto affectu actuali ad peccatum; & non loquimur de motu liberi arbitrij, quoad eius perfectionem, hoc est, qui sit supernaturalis, aut etiam attingat ad rationem contritionis; sed absolute, & in communi, quoniā qualis debeat esse iste motus liberi arbitrij explicandum est articulis sequētibz. Et *MINI VIDETVR* certum, quod sicut Deus instituit, ut cum sacramento baptismi, aut poenitentiae sufficere ad iustificationem minor dispositio, quàm sine eo: ita etiam posset per suam potentiam absolutā instituere, ut sufficeret quicūque motus liberi arbitrij, hoc est, siue esset contritio, siue non; & siue esset supernaturalis, siue tantum naturalis: quævis aliqui oppositum censeant in homine ordinato in finem supernaturalē, saltem, si nulla forma supernaturalis ei infundatur.

9. Sententia negatiua rationis.

AD hoc dubium in communi patet solutio ex his, quæ diximus dubio præcedenti; nam ibi explicuimus, quā ratione per potentiam Dei absolutam possit remitti peccatum sine omni mutatione physica peccatoris, tam habituali, quàm actuali; solum restat nunc explicandum in particulari, an ratione voluntarij & liberi, quod repetitur in peccato habituali personali, requiratur ad eius expulsionem motus liberi arbitrij: ita ut neque per infusionem gratiæ, aut alterius habitus supernaturalis, possit sine eo remitti. & in hoc aliqui sequuntur partem negatiuam: quæ potest probari.

PRIMO quia peccatum habituale cōsistit formaliter in priuatione; aut auersione libera, & voluntaria: ergo non potest auferri, nisi posita conuersione libera, & voluntaria; quoniam priuatio non potest auferri, nisi per formam oppositā, & priuationi, aut auersioni liberæ nō opponitur nisi cōuersio libera: at non potest intelligi conuersio libera sine motu liberi arbitrij; ergo non potest tolli peccatum habituale sine motu liberi arbitrij.

Confirmatur 1. quoniā peccatū personale habituale dicitur essentialiter ordinē ad auersionē a ctualem propriæ voluntatis: ergo non potest tolli, nisi per rectitudinem, aut conuersionē habituale, quæ dependeat essentialiter à conuersione actuali propriæ voluntatis.

Confirmatur secundo quia, peccatum habituale consistit formaliter in auersione morali, quia est malum morale: ergo non potest tolli, nisi posita conuersione morali, quæ non potest intelligi sine actu voluntatis.

Secundo, ei, qui habet voluntatem, vel affectum virtualem ad peccatum, non potest remitti peccatū, etiam per potentiam Dei absolutam, quamdiu habet talem affectum; sed qui habet peccatum habituale, habet affectum virtualem ad peccatum, quamdiu non habet appositum actum, ergo non potest ei remitti peccatū; probatur *minor in quonia* qui peccauit, & non se auertit sua voluntate a peccato, censetur habere voluntatem adhaerentem virtualiter peccato; *item etiam quoniam* voluntas manet in peccato, ergo vel voluntas formaliter, vel virtualiter, quoniam tantum his duobus modis potest aliquid esse voluntarium.

§. 2. *Opposita sententia, affirmans, est verior.*

SED NIHILOMINUS, oppositum videtur verius, scilicet, posse per potentiam Dei absolutam tolli peccatum sine motu liberi arbitrij, non solum per habitum aliquem infusum à Deo, sed etiam sine vilo habitu; & *PRIMA PARS* probatur, quoniam pueris Deus remittit peccatum originale infundendo eis gratiam, sine vilo motu liberi arbitrij ex parte ipsorum.

Dicitur esse discrimen: quoniam peccatum originale non dicit ordinem ad actum propriæ voluntatis, sicut peccatum personale.

Sed contra, quia sicut peccatum personale dicit ordinem ad actum propriæ voluntatis, ita peccatū originale dicit ordinem ad actum voluntatis capitis; sed potest Deus per potentiam suam absolutam remittere peccatum originale, sine ordine ad actum voluntatis alicuius mediatoris, in quo esset voluntaria iniuria parvuli: ergo etiam potest per eandem potentiam remittere peccatum personale, & iustificare adultum, sine ordine ad actum suæ voluntatis, in quo sit voluntaria receptio iniuriæ.

Confirmatur, quia Deus potest per potentiam absolutam infundere gratiam adulto, de quo loquimur, quamvis nullum habeat actum liberi arbitrij, & gratia sufficit ad expulsiōem peccati, aut ex natura rei, aut ex Dei institutione; ergo per potentiam Dei absolutam potest iustificari impius adultus sine motu sui liberi arbitrij.

Et ex his potest probari *SECUNDA PARS*, quia si potest remitti peccatum personale per actum, sine habitu, ut fatentur aliqui ex authoribus oppositæ sententiæ; & per habitum sine actu, ut nunc probauimus: bene sequitur, quod possit remitti sine vtroque, ut dictum est articulo præcedenti, ubi plura dixi ex quibus vtrique pars potest confirmari.

§. 3. *Ad argumenta sententiæ negatiuæ.*

AD PRIMUM Respondetur primo negando consequentiam, quicquid sit de antecedenti: & ad probationem dicendum, quod priuatio li-

bera, vel auersio, in qua consistit peccatum habituale, quoniam est moralis, potest duobus modis tolli, scilicet per positionem oppositam conuersionis, & per omnimodam distinctionem sui ipsius, & sine introductione alicuius formæ oppositæ.

Secundo Respondetur distinguendo antecedens, aut enim est eius sensus, priuationem, vel auersionem, in qua consistit peccatum habituale, esse liberam, & voluntariam, quia dicit ordinem ad liberam auersionem actualem, tanquam eius terminus: & in hoc sensu est verum, ceterum non valet consequentia, quæ ex eo ita sumptis inferitur, non posse tolli illam auersionem sine conuersione libera, ut explicabo in solutione primæ confirmationis; aut est sensus, esse liberam, quia est formaliter priuatio libertatis conuersionis, & in hoc sensu, quo illud antecedens esset aptum ad inferendum consequentiam, est falsum, quoniam peccatum habituale non est priuatio alicuius actus liberi, sed rectitudinis habitualis.

Ad primam confirmationem concessio antecedenti neganda est consequentia, & ratio discriminis est, quod peccatum habituale est quid malum, & non potest fieri, nisi à voluntate deficiente, & ideo essentialiter importat ordinem ad eius actum: at vero iustitia, quæ opponitur peccato, non ita pendet à voluntate deficiente, quia Deus per se est sufficiens causa ipsius; & est exemplum in iustificatione puerorum, de qua probaui superius, posse fieri, per potentiam Dei absolutam, sine ordine ad voluntatem alicuius mediatoris: Neque oportet, ut, si damnum aliquod inuenitur voluntarie, etiam reparetur voluntarie; ut, quamuis voluntarie aliquis se projiciat in puteum, potest etiam inuitus inde extrahi; & iniuria itrogata voluntarie, potest remitti sine actu voluntario offendentis.

Ad secundam Confirmationem, Respondetur primo, negando consequentiam, quoniam auersio illa potest tolli per meram destructionem, sine introductione conuersionis oppositæ.

Secundo Respondetur, negando, quod non possit intelligi conuersio habitualis moralis opposita peccato habituali sine actu propriæ voluntatis, siue huiusmodi conuersio fiat per gratiam habitualement, ut extenditur ad effectum expellendi peccatum; siue sine ea, ut explicui articulo præcedenti.

AD SECUNDUM transeat maior, & negatur minor, quoniam habere affectum virtuale ad peccatum, est habere aliquem actum formalem, in quo virtualiter continetur volitio peccati, aut cōplacencia in eo; at vero ex eo, quod aliquis sit in peccato, non sequitur quod habeat huiusmodi actum; & ad primam probationem dicendum est, solum censeri illum hominem habere voluntatem adhaerentem habitualiter peccato, hoc est conuersam ad ipsum, non tamen virtualiter. & ad secundam dicendum est dari medium inter voluntarium formale, & virtuale, scilicet habituale, aut per modum termini, ut explicui in materia de peccatis. Item quoniam aliquis actu formali velit manere in peccato habituali, non sequitur quod habeat affectum, & cōplacenciam virtualem ipsius peccati, quia non tenetur exire à peccato, vel habere actus, quibus disponatur ad obtinendum remissionem; sed solum sequitur quod non vult adhibere remedium, ut exeat à peccato, alias continue peccaret actualiter, quia scienter maneret in peccato.

ARTICVLVS IIII.

Verum ad iustificationem impij requiratur motus fidei.

CONCLUSIO est affirmatiua. C I R C A quam est

D V B I V M.

Verum requiratur actus fidei ad iustificationem, & de quo obiecto debeat esse huiusmodi actus?

§. 1. *Hæresis Lutheræorum & protestantium de fide speciali.*

IN quo omnes, tam Catholici, quam hæretici conueniunt in hoc, quod ad iustificationem requiritur actus fidei: sed in duobus potissimum differunt hæretici à Catholicis; *primus* est, modus, quo iste actus requiritur, *alterum* est obiectum huius actus.

NAM CIRCA PRIMUM, omnes fere hæretici nostri temporis, post LUTHERVM, ita affirmant requiri actum fidei, vt etiam sufficiat, neque requiratur alius actus, vel aliud opus: qui error cepit à temporibus Apostolorum, vt constat ex AVGVSTINO tomo quarto, libro de fide & operibus, cap. 14. vbi ita inquit, *temporibus Apostolorum, non intelligitur quibuldam subobscuris sententijs apostoli Pauli, hoc eam arbitratum fuisse dicere scilicet, sufficere ad salutem solum fidem sine operibus: & paucis interpositis subiungit: quoniam ergo hoc opinio tunc fuerat exorta, alia apostolica epistola Petri, Iohannis, Iacobi, Iude, contra eam maxime dirigunt intentionem, & vehementer asserunt fidem sine operibus nihil prodesse. & quãvis isti negarent necessitatem quorumcunque operum, præter fidem, siue antecedentium iustitiam, siue subsequen- C tium; tamen nunc solum agemus de operibus prærequisitis ad obtinendum ipsam iustitiam; quod vero isti dicunt, scilicet, sufficere actum fidei ad iustitiam, potest habere duos sensus: *primus* est, præter fidem, non requiri aliquam formam existentem in nobis, vt simus formaliter iusti, sed ipsam fidem esse nostram iustitiam, aut per eam applicari nobis iustitiam Christi, & fieri nostram per imputationem. *Alter* sensus est, præter fidem non requiri ex parte nostra alium actum, quo mediante obtineamus iustitiam; & quamvis hæretici in vtroque sensu dicant sufficere fidem ad iustitiam; tamen de priori egimus in articulo 3. huius quæstionis, & ideo nunc solum dicemus de posteriore.*

CIRCA SECUNDVM, vero scilicet, circa obiectum fidei requiritur ad iustificationem, etiam inter se differunt ipsi hæretici, & vt eorum errores intelligantur, aduertendum est, ipsos distinguere duas fides, quarum vnã appellant *generalem* & *historicã*, & dicunt, per eam credi omnia ea, quæ nobis proponuntur in verbo Dei, non propter aliquas argu-

A metationes, sed quia certi sumus esse tradita & proposita à Deo, qui verax est, & omnipotens, & alteram appellant *specialem*, per quam dicunt, non credi omnia, quæ in vniuerso Dei verbo traduntur, sed aliquod speciale obiectum; & supposita hæc distinctione, dicunt, fidem generalem per se non sufficere ad iustificationem, sed presupponi ad eam, quæ sufficit, quæ est fides illa specialis, & includi in ea; quoniam si fides illa generalis vacillauerit, non poterit consistere fides specialis; Et in explicando obiecto huius fidei specialis & an sufficiat nudus assensus intellectus circa huiusmodi obiectum, differunt inter se nam LUTHERVS dixit, obiectum esse diuinam promissam, & Deum esse veracem, ita vt fides hæc specialis non sit aliud, quàm credere promissis Dei, & habere bonam opinionem de Deo, quod sit verax. Alij veto posteriores dicunt, obiectum non esse omnes diuinas promissiones, sed eam specialem promissionem, in qua propter Christum promittuntur remissio peccatorum, iustificatio, & vita æterna; & alij dicunt esse omnes articulos fidei, & in his expresse, & in particulari articulum de remissione peccatorum; & alij esse promissionem gratuite reconciliationis donatæ per Christum mediatorẽ. Et tandem alij magis in particulari hoc explicantes dicunt, non solum esse, illam promissionem in vniuersali pertinere ad omnes, sed in particulari ad se quoque; eam pertinere, & se quoque includi, & comprehendere in illa vniuersali promissione, & in se adimpleri. His modis explicatur à LUTHERO & à suis discipulis obiectum fidei specialis; & quoniam secundum omnes ad obiectum istud pertinet diuinæ promissiones, ideo ab istis hæreticis fides hæc appellatur *fides promissionis*. Differunt etiam inter se isti hæretici, quoniam quidam eorum per fidem hanc intelligunt solum assensum intellectus, siue vt assensus est, siue vt est apprehensio & applicatio illius promissionis gratuite: Alij hunc actum cum adiuncta fiducia voluntatis, aut cum alio actu voluntatis, quo is, qui iustificatur, quiescat in diuinis promissionibus; & tandem alij dicunt esse formaliter actum voluntatis, & presupponere actum intellectus; ita hunc errorem referunt FRANCISCVS SORNIUS libro primo demonstrationum religionis Christianæ tractatu secundo, cap. 16. TILLETANVS 1. parte apologiæ pro Concilio TRIDENTINO titulo de fide, cum explicat in particulari, quid sit vere & proprie fides iustificans, & lausime STAPLETONVS, libro 8. de iustificatione cap. 3. & sequentibus. Fundamenta istorum hæreticorum adducemus postea.

§. 2. *Contraria sententia Catholica Ecclesiæ, circa de fide.*

PRIMA CONCLUSIO, ad iustificationem requiritur actus fidei supernaturalis tanquam dispositio. Hæc est certa secundum fidem: Probatur ex illo ad Hebræos 11. *Sine fide impossibile est placere Deo.* ad Romanos 5. *iustificati ergo ex fide &c.* Marci vltimo *qui non crediderit condemnabitur.* & Ioan. 3. *Qui non credit in eum iam iudicatus est.* & est expresse definita in Concilio TRIDENTINO sess. 6. decreto de iustificatione cap. 6. *Disco tamen, requiri actum fidei supernaturalis, quoniam certum est secundum fidem, actum fidei, qui requiritur ad*



Ad primum confirmationem respondetur, quod quamvis in illis testimonijs Paulus solum meminerit expresse promissionis remittendi peccata, propter Christum: tamen in alijs meminit aliorum obiectorum, ut constat ex ijs, quæ adduximus in confirmatione conclusionis.

Ad secundam confirmationem Respondetur, Concilium illo loco non excludere reliquas veritates reuelatas ab obiecto fidei, quæ requiruntur ad iustificationem, nam in generali dixit: *credentes quæ reuelata sunt*, ubi nihil excludit ex reuelatis. Neque obstat quod addiderit, *etque illud in primis &c.* quoniam hoc fecit, ut explicaret obiectum, quod pro hoc statu est necessarium credere explicite, & cuius consideratio maxime conducit ad excitandum in nobis amorem Dei, & odium peccati, & spem consequendi veniam, & alio affectus, quibus in Deum convertimur.

Ad secundum argumentum Respondetur primo, Christum illo loco, & alijs similibus, non petere fidem in particulari eius remissionis peccatorum, quam tunc faciebat, sed suæ diuinitatis, & potestatis ad remittendum peccata: sicut in eodem capite cæcis accedentibus ad eum, ut visum reciperent, dixit, *credetis, quia hoc possum facere?* Secundo Respondetur illo loco in verbis præcedentibus, scilicet, *videns Iesus fidem illorum*, fieri sermonem de fide diuinitatis Christi, & potestate ad conferendam sanitatem illi paralytico: tamen verbum illud *Confide*, non esse intelligendum de ipsa fide, sed de fiducia, siue spe consequendi sanitatem; & sensum esse, *bono animo esse sperantem* te consecuturum sanitatem corporis, nam remittuntur tibi peccata, propter quæ in morbum istum incidisti, & ita exponitur hoc testimonium à IANSENIO in caput 32. concordia evangelicæ; & hanc esse significationem illius verbi, *confide*, colligitur ex eo, quod loco eius habetur in Græco, quod noster interpret Matthei. 14. *venit habere fiduciam*, & ibi est idem, quod, *estote bono animo*, & ne timeatis, nam discipulis in mari timentibus eo quod putarent se phantasma videre, dixit Christus: *habete fiduciam, ego sum, nolite timere*, Et Marci 6. *Confidite, ego sum, nolite timere*.

§. 4. Fides requisita ad iustificationem non est fiducia, sed actus intellectus.

TERTIA CONCLUSIO ista fides generalis, quæ requiritur ad iustificationem non consistit in fiducia voluntatis, sed in actu intellectus, qui est credere & assentiri reuelatis. Probatur PRIMO quoniam Paulus ad Hebr. 11. de ea fide, de qua dixerat, *sine ea impossibile est placere Deo*; dicit, consistere in credendo, namque statim subditi: *credere enim oportet accedentem ad Deum, quia est*, &c. & statim recenset varia obiecta, quæ crediderunt patres, qui placuerunt Deo, constat autem quod credere Deum esse, & reliqua obiecta, quæ ibi Paulus connumerat, est assentiri eis per intellectum.

Confirmatur quoniam Paulus in eodem capite definit illam fidem, *ess. substantiam*, id est, fundamentum sperandarum rerum: ergo non consistit in ipso actu fidei, vel fiducia, sed in alio, qui ei præsupponatur, qui non potest esse alius, quam actus intel-

lectus; & paulo inferius de eadem fide inquit Paulus: *fide intelligimus operata esse salutem*, intelligere autem pertinet ad intellectum, & non est actus fiducia.

Confirmatur secundo, quoniam fides non tantum est de futuris, sed etiam de præteritis, ut constat ex his verbis Pauli, & ex aliquibus testimonijs, ex ijs quæ adduximus pro conclusione: at spes & fiducia respiciunt futura, ergo fides non consistit in actu spei vel fiducia.

Secundo hæc fides est prima radix & fundamentum iustificationis, & in hoc sensu solet tribui ipsi iustificatio, ut postea dicemus: ergo hæc fides non consistit in actu fiducia, parer consequens, quoniam fiducia non est fundamentum, sed potius ipsa fundatur in fide, ut patet ex illo ad Ephes. 3. *in quobus habemus fiduciam & accessum in confidentiam per fidem eius*, & 1. ad Timotheum. 3. *qui enim bene inuenerint, gradum suum bonum acquirunt, & multam fiduciam in fide, quæ est in Christo Iesu*.

ULTIMO Probatur ratione, quia intellectus est prior potentia quam voluntas, & veluti dux ipsius voluntatis; ergo prius debemus subijci Deo per intellectum credendo actu supernaturali ea, quæ ab ipso reuelata sunt: imo alias non poterimus habere in voluntate actum spei vel fiducia, qui sit proportionatus iustificationi, & ex consequenti supernaturalis.

§. 5. Fides sola non iustificat.

ULTIMA CONCLUSIO. Hæc fides intellectus non sufficit tanquam dispositio ad iustificationem, sed præter ea requiritur aliquid aliud ex parte voluntatis. Hæc etiam est certa secundum fidem, & est expresse definita in Concilio TRID. sess. 6. de creto de iustificatione cap. 3. & can. 9. & poterit facile probari articulo sequenti, ubi explicabimus in particulari, quid sit id, quod requiritur ex parte voluntatis; & nunc probatur, quoniam in scriptura petiit à peccatoribus, ut converterent se in Deum, & ut præparerent se, ut Osee. 14. *Convertere, Israel & Amos 4. præpara te in occursum Domini*. His autem verbis proculdubio significatur motus libere voluntatis.

Confirmatur quia homo per voluntatem suam auertitur a Deo cum peccauit: ergo ut remittatur ei hoc peccatum, debet converteri per actum voluntatis.

Sed hæretici contra hanc conclusionem obijciunt primo multa testimonia scripturæ; in quibus absolute, & nulla facta mentione actus voluntatis, tribuitur fidei iustificatio, ex quibus plura adduximus in confirmatione postre secundæ conclusionis.

Secundo obijciunt alia testimonia, in quibus soli fidei, & cum exclusione aliorum operum, tribuitur iustificatio, ut ad Romanos 1. ad Gal. 3. & quotiescunque Paulus docet, iustificationem non fieri ex operibus nostris, aut ex operibus legis.

Confirmatur hoc testimonijs sanctorum, qui sæpe dicunt, solam fidem Christi iustificare, de quorum numero sunt HILARIUS super caput 8. Matthei. ORIGEN. super illud ad Romanos 3. *arbitramur hominem iustificari ex fide sine operibus legis* CHRY-

ape illis verbis in tempore significatur ira & indignatio, quod iudicare videtur. HIERONYMUS, his verbis: *A facie servandus tua concupiscentia & paritatem carnis & operum non carnis liberas, sed spiritum. De de spe sine fiducia addit Cōcilium illud MAT. 1. & MAT. 9. Confide fili, remittuntur tibi peccata tua. & L. IOH. 1. dicitur: qui habet hanc spem iustificat se. & ad ROM. 8. Super salutem facti estis. & PAL. 36. liberauit nos quoniam speramus in eo. De dilectione Dei facti misericorditer citatur in margine Concilii illud. PAL. 41. *Quod desideramus desiderat Deus ad finem amatum: non desiderat amare nos ad se. & LUC. 7. dicitur, remittuntur peccata multa quoniam dilexit multum. IOH. 14. Qui dilexit me, diligetur a patre meo, &c. & L. IOH. 1. transiit sumus de morte ad vitam, quoniam dileximus fratres. & L. ad CORINTH. 13. inquit Paulus quod quamvis dona habeamus linguarum & scientiarum si carum charitatem non habuerit, nihil est: & statim si desidero in cibis pauperum omnes facultates meas, & si stridero corpori meo ita ut ardeam, charitatem autem non habuerit nihil mihi prodest. De penitentia addit Concilium illud ACT. 2. penitentiam agite, & baptizetur unusquisque vestrum in nomine Iesu Christi in remissionem peccatorum vestrorum & accipietis donum Spiritus sancti. & ECCLESIASTICUS 1. dicitur: penitentiam non spernit, iustus tamen in meritis Dei. & LUC. 13. non dico vobis, sed si penitentiam non habueritis, nonne simul peribitis. & pro necessitate huius actus ad iustificationem faciunt omnia testimonio, in quibus praedicatur penitentia in remissionem peccatorum. De proprio respectu scilicet amemus, quod necessarium est ad remissionem peccatorum ei, qui vult iustificari, intelligitur illa testimonio, ubi testamentum ponitur ut medium necessarium ad iustitiam, quoniam ex eo colligitur, nemini iustificari, nisi in te, vel in voto suscepit: & ita concilium addit illud ACT. 2. Baptizatur unusquisque vestrum. & illud MARTI. ultimo, & LUC. 24. *Quia ergo datus omnes gentes, baptizantes eos, &c. & adduci potest illud IOH. 1. Nisi quis renatus fuerit ex aqua &c. & item illud IOH. 10. quoniam remiserit peccata, &c. Et idem de proprio respectu dicitur nonne votum aut secundum divina mandata, quod idem est, quoniam vita consistit in observatione preceptorum, intelliguntur ea testimonio, in quibus ad remissionem peccatorum exigitur observatio mandatorum, & vitae iustitiae, nam cum remissio peccatorum non pendet ex futuro, necesse est, ut cū remittuntur peccata, fiat vitae iustitiae, & observentur praeccepta, non quidem verba, sed quantum ad posterum voluntatis. Et propterea Concilium addit illud MARTI. ultimo & LUC. 24. quod subiungitur vobis paulo superius propositis: *Docetis vos servare quaeunque mandata dabo, & potest adduci illud ad EPH. 4. & in istis verbis istis. deponere vos secundum profectum conversationem veterem hominem, qui corruptus est secundum desideria erroris, remittimus autem vos in membris vestris. & continuo quasi explicans Paulus, quomodo ut deponet veterem hominem, inquit. Propter quod deponetis membra vestra quae sunt vitia, &c. & illud EZECH. 18. Si impius egrediatur puerum suum & esset aduersa omnia praeccepta mea, vita eius non est. Quae queritur.****

§. 2. De alia timore.

SECUNDO ADVERTE, quod quamvis Concilium doceat, omnes istos actus concurrere ad dispositionem impij, ad obtinendum iustitiam: non ideo est sciendum, omnes concurrere eodem modo, aut esse aequaliter necessarios, nam timor positum, qui servilis appellatur, de quo nunc agitur, quamvis sit bonus, & utilis (vt Concilium ibi desinit, & probari solet contra Lutheranos 1. 2. q. 19. artic. 4. tamen non pertinet proprie, & per se ad virtutem dispositionem, sed est remota quoad dispositionem, quoniam ipsa transitio possit manere actus ex quibus constituitur virtus dispositio ad gratiam, tam ex parte intellectus, quam ex parte voluntatis; neque etiam est simpliciter necessarius ad habendum actus illos, quamvis sit valde utilis.

Et in primo non est necessarium, parer, quoniam potest quis cognito Deo per fidem, quamvis nullus habeat timorem positum, neque recordetur eorum. Operare de Dei misericordia veniunt peccatorum, & diligere Deum super omnia, & habere perfectam continentiam de peccatis si est communis.

Esse autem valde utilem patet impemiss, quoniam Concilium loco citato inquit, quod hoc timore positum videtur concutitur, & CAN. 8. inquit, quod per hunc timorem ad iustificandum Dei de peccatis delendo confugimus. Item in scriptura aperte fit sermo de hoc timore, tanquam de principio religiosorum actuum, qui requiruntur ex parte voluntatis ad iustificationem: nam Ecclesiastici 1. dicitur: qui timet Dominum diliget eum, & postea, qui timet Dominum in iudicium mandata illius, dicitur, & penitentiam habebunt effusio ad iustificationem illius, dicitur, & penitentiam non spernit, inquit, in iudicium Domini: & propterea tam in veteri quam in novo testamento ex hoc timore positum ad penitentiam, & vt se convertant in Deum, solet inchoari in continentione peccatorum, & in continentia timoris, vt multis exemplis vixique de scriptis confirmat IAC. VRO. libro sexto super Concil. TATO, cap. 27. & idem testatur IAC. CEPRIANVS AVGVST. GREG. BASIL. BERNAR. & alij, quoniam in scriptura testatur idem VRO. cap. 24. inquit. Quae ad iustitiam Concilij intelliguntur est de eo modo quo regulariter & communiter homines disponuntur ad iustificationem, nam sicut semper incipit a timore servili.

§. 3. De alia spei.

SECUNDO DICENDUM est de alia spei, de quo omnes conceduntur, primum est, esse viam, vt colligitur ex testimonio adducto pro isto actu, in primo notabili, & ex eo quod naturale est hominibus aliter ad operandum fore poterit esse praemij. Alterum est, requiri necessarium actus spei, vel formalem, vel virtutalem, & probatur, quoniam Concilium TATO. capitulo sexto supra citato eodem modo loquitur de actu spei & de reliquis, & in-

lum de actu timoris dicit, quod eo homines virtualiter concutuntur; ergo licet reliqui sunt necessarii, vel formaliter, vel virtualiter: ita etiam est necessarius actus spei. Item Can. 3. eiusdem sessionis, definit Con. *nemine posse absq[ue] Spiritus sancti adiutorio credere, sperare, diligere & p[er]uenire sicut oportet ad consequendum iustificationis gratiam*, ubi satis insinuat oportere habere aliquo modo actum spei. & colligitur ex Paulo ad Hebr. 11. postquam dixit *sine fide impossibile est placere Deo*, statim quasi assignans rationem huius inquit: *credere enim oportet accedente ad Deum, quia est*, & inquit *in quibus se remunerat* sit, ubi videtur dicere necessariū esse ad iustificationem, credere Deum, ut remuneratorem, atque adeo habere actum spei, quoniam remuneratio est obiectum proprium spei; & in eodem capite definit, fidem esse *substantiam sperandorum rerum*, ubi videtur insinuare necessitatem fidei ad placendum Deo, sumit etiam ex eo, quod est fundamentum spei, atque adeo ipsam spem esse necessariam.

Dubium tamen est, an necessarium sit ad iustificationem habere actum spei formaliter, vel potius sufficiat eum habere virtualiter; & Sorvs 2. lib. de natura & gratia cap. 12. videtur sentire, necessariū esse habere actum spei formaliter, quoniam eodem modo loquitur de necessitate actus fidei & charitatis ad consequendum gratiam: At vero VEO A lib. 6. super Concilium Trid. cap. 27. dicit, satis esse habere actū spei vel formaliter vel virtualiter: Sed non explicat, an semper sufficiat sperare virtualiter, vel solum quando præcessit actus formalis sperandi, quamvis videatur propendere ad primum.

Pro quo adverte, dupliciter posse aliquem sperare virtualiter, scilicet, *aut quoniam* habuit aliquem actum formalem spei, qui, quamvis formaliter & actu pertransierit, tamē virtute maneat, ita ut virtute eius eliciantur alij actus; *aut quoniam*, licet non habuerit actum formalem spei, elicit alios actus ad destructionem peccati, sicut si ad id moueretur actus spei præsentis, vel præcedentis, ut cum quis vult recipere sacramentum cum dispositione requisita in remedium sui peccati, non quia actu speret se consecuturum veniam peccati per illud medium, sed quia fide credit illud remedium esse à Deo institutum contra peccatum. Et VEO A videtur sentire, satis esse ad iustificationem, sperare virtualiter hoc posteriori modo; itaque existimat, sufficere actum p[en]itentiz, quatenus ordinatur ad consequendum veniam peccatorum, in quo virtualiter continetur actus spei; & in hoc sensu sequuntur sententiam istam aliqui ex recentioribus, qui dicunt, sufficere spem, quatenus virtute continetur in actu timoris p[en]arum, aut in actu dilectionis, vel in actu p[en]itentiz, siue sit vera contritio, siue attritio cum sacramento: & probant hoc, quoniam non est magis necessarius ad iustificationem actus spei, quam dilectionis Dei, aut actus p[en]itentiz: Sed potest homo consequi remissionem peccatorum & gratiam absque dilectione formali; nam Concilium Trid. sess. 14. doctrina de sacramentis p[en]itentiz, & extremæ unctionis, ca. 4. definit; attritionem, quæ ortum habet ex consideratione turpitudinis peccati, vel gehennæ, & p[en]arum metu, esse sufficientem dispositionem ad obtinendum Dei gratiam in sacramento p[en]itentiz; constat autem hanc attritionem non esse formaliter actum diligendi Deum: & inter scholasticos disputari solet, utrum ad iustificationem

A sufficiat formalis actus contritionis, qui virtualiter est actus dilectionis; vel formalis actus dilectionis, qui virtualiter est actus contritionis: ergo etiā poterit homo sine expresso & formali actu sperandi iustificari.

MIHI TRIA videntur dicenda. PRIMUM est, esse valde consonum doctrinæ Concilij Trid. requiri actum formalem, & expressum sperandi à Deo veniam, quod probō, *in quoniam* in testimonijs supra citatis eodem modo loquitur de isto actu, & de actibus dilectionis, & p[en]itentiz; tum etiam quia sess. 14. cap. 4. dicit expresse, *Contritionem, quæ quovis tempore necessaria fuit ad impetrandum veniam peccatorum in homine post baptismum lapsō, preparare ad remissionem peccatorum, si coniuncta sit cum fiducia d[omi]ni misericordiz*; & postea, cum loquitur de attritione, dicit, quod, *si excludat voluntatem peccandi cum se venia, disponit ad impetrandum Dei gratiam in sacramento p[en]itentiz*; ubi Concilium loquitur de fiducia, aut spe, & de p[en]itentia, tanquam de actionibus distinctis, & docet, non sufficere p[en]itentiam sine spe.

B SECUNDUM est; non requiri necessario in ipso puncto iustificationis expressum & formalem actum spei, sed sufficere formalem aut virtualem; ad hoc confirmandum nullum reperio efficax argumentum, nam quamvis non sit ex natura rei necessarium, coniungi actum spei cum actibus dilectionis & p[en]itentiz cum sit iustificatio, poruit Deus postulare quod coniungeretur: quare ob id potissimum hoc dico, quia quanto minus multiplicantur actus formales in puncto iustificationis, tanto facilius redditur modus acquirendi iustitiam, pro quolibet instanti, & præterea quia per actus dilectionis & p[en]itentiz, cum reliquis, quæ ad ipsam pertinent, perficitur liber recessus à peccato, & accessus ad Deum, & homo reddit honorem Deo, & subijcit se ipsi Deo, ut vltimo fini: quare cum propter hoc potissimum requiratur in illo puncto libera dispositio, videtur rationi consonum quod nō postulaverit Deus à peccatore, tanquam necessarium, actum formalem spei. Quod autem postulaverit virtualem, qui procederet aliquo modo ex formali præcedenti, ut statim dicam, habet fundamentum in naturali modo operandi nostræ voluntatis, qui est, quod actus spei ordine generationis præcedat amorem, ut D. THOMAS docet supra q. 62. ar. 4. Et ad testimonium Concilij responderi potest, quod contritio vel attritio etiam dicitur esse coniuncta cum fiducia, ergo eam non continet virtualiter.

TERTIUM est, necessarium esse, quod saltem præcesserit formalis & expressus actus spei, & ita relinquat hominem dispositum & affectum, aut ita maneat, ut aliquo modo virtute eius homo eliciat eos actus voluntatis, qui requiruntur in ipso puncto iustificationis. Probat, quoniam aliàs non diceretur homo tunc sperare virtualiter, quia non potest dici aliquis actus esse in alio virtualiter, nisi aut tanquam in effectu, aut tanquam in causa: sed actus sperandi non est virtualiter in reliquis actibus voluntatis, qui requiruntur ad iustificationem tanquam in causis suis, quia potius præsupponitur ad eos; ergo nisi sit aliquo modo eorum causa, non diceretur esse in eis virtualiter; Sed ad advertendum est, quod in isto casu actus spei, qui præcessit, solū dicitur esse causa actus subsequenter, ut movens ali-

quo modo, aut tanquam disponens ad eum, quatenus actu spei precedente excitatur homo, & redditur facilius ad apponendum mediū, quo consequatur remissionem peccatorum; quam speravit ex divina misericordia.

Dices, aliquem ex illis actibus appellari spem virtualiter secundo modo, scilicet, quia præsupponit id, quod faceret expressus actus sperandi, scilicet, mouere, & excitare hominem ad vitandum remedium contra peccatum.

Sed contra, quia hoc non est sperare virtualiter; Item, quia pari ratione ille actus esset appellandus timor poenarum virtualiter, quia etiam supplet eius vicem quantum ad munus mouendi ad conversionem in Deum, & applicationem remedium contra peccatum; atque adeo non magis necessarius esset ad iustificationem actus spei, quam actus timoris servilis.

Et si obijcias, requiritur in puncto iustificationis expressus, & formalis actus fidei, ergo & actus spei; ad hoc aliqui respondent, negando antecedens, quod si res obijcias, non posse voluntatem ferri in aliquod obiectum, nisi simul cognoscatur per intellectum, atque adeo cum in illo puncto voluntas diligat Deum secundum rationem, quæ cognoscitur per fidem, necesse est quod tunc intellectus habeat actum fidei circa ipsum; Respondens sufficere, quod præcesserit actus fidei; & ad eum fuerit subsēcuta motio practica ad diligendum, quæ manet in illo puncto, & dicunt, hanc motionem non esse formalem actum fidei, sed prudentiam infusam.

*Sed hac solutio mihi non placet, primo, quia fidei solet peculiariter tribui iustificatio, tanquam fundamento, & radici actuum, qui ex parte nostra requiruntur ad eam: ergo oportet quod maneat simul cum actibus, quibus ultimo & perfecte disponimur ad iustitiam. Item quia aperte est contra B. Th. q. 28 de virtutibus art. 4. ad 9. ubi cum obieisset pertinere ad fidem multos articulos, atque proinde si fides esset necessaria ad iustificationem, etiam esset necessarium cogitare omnes illos articulos, quod subito fieri non potest; Respondet, non oportere cogitare in ipso instanti iustificationis omnes articulos fidei, sed tantum Deum esse iustificatorem, & remittentem peccata, in quo includitur implicite articulus incarnationis & passionis Christi, & aliorum, quæ ad nostram iustificationem requiruntur; ubi aperte admittit, necessarium esse habere formalem actum fidei in ipso instanti iustificationis. Et tandem quia motio practica ad diligendum, si sumatur pro actu imperij, qui explicatur his verbis, *fac hoc*, non sufficit, ut voluntas diligat illud obiectum, nisi simul adsit in intellectu cognitio illius obiecti: quia voluntas non potest ferri in incognitum; & illud imperium præcise sumptum non importat cognitionem obiecti sed exhortationem, & motionem ad diligendum ipsum. & idem est dicendum, si sumatur pro iudicio, quod est immediata conclusio syllogismi practici, nisi habeat adiunctum assensum speculativum circa Deum secundum rationes, secundum quas intellectus iudicat esse diligendum; & ille assensus formaliter pertinet ad fidem.*

Quare aliter respondetur, concedendo antecedens, & negando consequentiam, quia magis necessarius est in puncto iustificationis actus formalis fidei, quam actus spei, propter rationes nunc assignatas.

§. 4. De actu dilectionis.

TERTIO DICENDUM est de actu dilectionis, de quo mihi certum videtur requiri formalem dilectionem, & non sufficere virtualem: quod colligitur in primis ex illis testimoniis scripturæ, & concilij TRIDENTINI, in quibus fit sermo de isto actu ut de dispositione necessaria ad iustificationem; & est optima congruentia ea, quæ D. THO. videtur in articulo, scilicet, quod sicut homo, cum peccat, libere recedit a Deo, & convertitur ad creaturam: ita etiam oportet ut, cum iustificatur, libere recedat a bono commutabili, & convertatur ad Deum; conversio autem libera ad Deum fit per amorem, sicut recessus a bono commutabili fit per dolorem. Item quia principium omnium motuum appetitus circa aliquod obiectum est amor eiusdem obiecti; Et tandem, quia homo cum iustificatur, fit amicus Dei: ergo oportet quod ipse formaliter, & expresse amet Deum; plura de hoc dicunt SOTUS lib. 2. de natura & gratia c. 16. & VEGA lib. 6. super Concilium Tr. cap. 28. 29. & 30.

Sed inquiri potest, qualis & quanta debeat esse ista dilectio, quæ requiritur ad iustificationem? an scilicet debeat esse dilectio Dei super omnia, vel potius sufficiat, quod sit absolute dilectio Dei, quævis per eam non præferatur Deus omnibus diligibilibus; Et ad hoc respondendum est, cum distinctione, aut enim fit sermo de iustificatione, quæ fit per sacramentum, aut de ea, quæ fit extra sacramentum; & ad priorem dicendum est, non semper requiri dilectionem Dei super omnia, sed sufficere minorem; quod probō, quoniam ad recipiendum gratiæ per sacramentum baptismi, & poenitentiae, non requiritur perfecta contritio, neque vera, neque existimata, ut patet ex testimonio Concilij Tr. paulo superius adducto: ergo neque requiritur perfecta dilectio Dei super omnia; patet consequentia, quoniam dolor de peccato in eo, qui actu formali diligit Deum super omnia habet rationem perfectæ contritionis, & est dispositio sufficiens ad iustificationem etiam extra sacramentum, ut etiam docet Concilium in eodem loco; ubi eam contritionem dicit esse sufficientem ad reconciliandum peccatorem extra sacramentum, quæ est ex charitate perfecta. Et similiter argumēti possumus de sacramento Eucharistiæ, nam ad recipiendum per ipsum primam gratiam sufficit, iuxta magis communem sententiam, dolor, qui aut vere, aut secundum estimationem eius, qui recipit sacramentum, sit perfecta contritio: ergo etiam sufficit dilectio, quæ aut reuera, aut secundum eiusdem estimationem, sit dilectio Dei super omnia; Ad posteriorem vero iustificationem dicendum est requiri dilectionem Dei super omnia, quod probatur, cum quoniam testimonia scripturæ, ex quibus colligitur requiri hunc actum, videntur intelligi de perfecta dilectione Dei super omnia, de quibus videndi sunt SOTUS & VEGA locis citatis: cum etiam quoniam actus isti scilicet, fidei, spei, & charitatis, ita disponunt ad recipiendum gratiam habituales, ut quicquid eorum, quantum est de se, disponat ad recipiendum habitum virtutis sibi respondentis: ergo sicut habitus, qui respondet dilectioni, est charitas, ita oportet quod ipsa dilectio pertineat ad speciem actum charitatis, & ex consequenti sit dilectio Dei super omnia; Et tandem, sicut homo per peccatum aversus est a Deo ut ab ultimo fine, ita oportet quod per dilectionem

conuertatur ad ipsum ut ad vltimum finem, quod non potest fieri, nisi per dilectionem Dei super omnia.

Quod autem requiratur, ut dilectio sit tam perfecta, ut possit appellari dilectio Dei super omnia explicandū est in materia de charitate, & nunc breuiter dico, non requiri, quod qui diligit Deum dicat expresse, & in actu signato, se diligere Deum super omnia, neque quod diligit summa intensiōe, aut maiori, quam sit ea, qua diligit cætera obiecta; sed satis esse, quod diligit Deū tali dilectione, ut quantum est ex parte ipsius dilectionis paratus sit relinquere omnia bona diligibilia, potius quā relinquere Deū, aut quam committere contra ipsum aliquod peccatum mortale; & huiusmodi dilectio est formaliter, & non tantū virtualiter dilectio Dei super omnia, quoniam formaliter terminatur ad Deū, ut ad dilectū super omnia obiecta diligibilia. Vnde infero deceptū fuisse VEGAM c. 30. sup. citato ubi ait eam dilectionē Dei ad gratiā esse necessariā & sufficere, quæ satis est, ut de peccatis mortalibus cōtra ipsū cōmissis doleamus & mandata ipsius seruare proponamus; nisi loquatur de dolore perfecto, & proposito efficaci, nā ex dilectione Dei imperfecta potest provenire, quod aliquis doleat imperfecte de peccatis mortalibus, & velit proposito inefficaci seruare omnia mādata Dei obligantia sub mortali. Cæterū dilectio, quæ est tā perfecta, ut inferat dolorem perfectum, & propositū efficacem, non est appellanda dilectio Dei super omnia, aut formaliter aut virtualiter, sicut appellatur à VEGAM, sed formaliter.

§. 5. De actu penitentia.

QUARTO dicendum est de actu penitentia sue doloris de peccatis, de quo apud omnes Catholicos supponitur ut certū, requiri aut formalem, & expressum, aut saltem virtuale; & intelligitur per actū virtualem penitentia, ipsum actū charitatis, qui ut causa actus penitentia continet eū virtualiter. tria vero solent inter eos vocari in controuersia: *primū est utrum requiratur actus formalis & expressus penitentia*. 2. dato quod requiratur actus formalis, *utrum requiratur semper in omni euentu, vel potius regulariter*, & in aliquibus casibus sufficiat actus virtualis; 3. est dato etiā quod requiratur actus formalis *utrum huiusmodi actus debeat esse distinctus realiter ab actu charitatis, vel potius sufficiat vnus tantum actus secundum rem quo quis doleat de peccatis propter Deū summe dilectū, sicut vno actu assentimur cōcelsioni, propter præmissas, & vno actu volumus mediū propter finē*. Sed de his disputari solet in materia de penitentia, quāvis hoc vltimū dubium sit idē cū eo, quod in communi solet disputari, *utrum cū voluntas vult aliquid aut desistat propter finem, sit vnus actus voluntatis circa vnumq., vel potius sint duo actus quorum vnus sit ratio alterius*, & eodē modo sit dissoluendum, de quo videndus est D. TH. sup. q. 8. ar. 1. quæstus vero aut qualis debeat esse huiusmodi actus, hoc est, an debeat esse contritio, vel potius sufficiat attritio, saltem cū sacramento, & qualis attritio, & an huiusmodi dolor debeat terminari expresse & formaliter ad omnia peccata in particulari, vel solum in communi: explicandum est in materia de penitentia.

Est autem aduertendum, quod, cū dicimus, requiri actū penitentia ad iustificationē, loquimur de iustificatione adultū, qui habet aliquod peccatū mortale personale; nam si solū habeat peccatū originale, non indigebit actū penitentia, ut obtineat eius remissionē, sed cū actibus fidei spei & charitatis, & proposito recipiendi baptisimū, & seruandi diuina mandata, poterit iustificari, quia sicut non se auertit à Deo actū propriæ voluntatis, ita non requiritur quod utatur compensatione penitentia aut dolore aliquo.

§. 6. De proposito recipiendi sacramenta, & obseruandi mandata.

VLTIMO dicendum est de duobus alijs actibus, scilicet de proposito recipiendi sacramentum & seruandi diuina mandata aut inchoandi nouam vitam. De quibus disputari solet an requiratur huiusmodi proposita, expressa & formalia, vel potius virtualia & implicita, quatenus continetur in actibus charitatis & penitentia; & de proposito recipiendi sacramentū fere omnes cōueniunt sufficere, quod sit virtuale, & implicitū; de proposito vero seruandi mādata diuina, aut nō peccandi mortaliter, siue emendandi vitā, magis cōmunis sententia affirmat, requiri quod sit formale, & id tribuitur D. TH. 3. cōtra gētes c. 118. & 4. cōtra gentes c. 32. & 3. p. q. 85. ar. 3. & 5. & q. 86. ar. 2. & in eo cōueniunt omnes Thomistæ, excepto vno PETRO SOTO lib. de institutione sacerdotum tractatu de penitentiale actione 17.

ET MIHI HÆC sententia videtur verior, quāvis nō existimē oppositā esse parum tutā, aut esse periculosam, sicut dicit aliqui ex Thomistis, inter quos est SOTVS in 4. dist. 15. q. 1. art. 2. & LEDESMA 1. p. quarti q. 32. ar. 1. dub. 4. imo neque existimo istā sententiā esse aperte D. THO. quoniam in locis citatis ex libris cōtra gētes solum dicit, requiri propositum emendandi vitā, non tamen explicat, an huiusmodi propositū debeat esse formale, vel sufficiat esse virtuale; & in reliquis locis citatis ex 3. parte dicit, requiri propositum emendē, cæterum per emendam intelligit correctionem peccati commissi, quæ fiat per satisfactionem, & compensationem aliquam verum de his ex professo agendum est in materia de penitentia.

SED CONTRA EA quæ diximus de omnibus istis actibus, potest obijci, quod D. THOMAS in hoc articulo solum dixit, requiri ex parte voluntatis ad iustificationem duos actus, scilicet desiderium, quod pertinet ad spem, & actum penitentia, & non meminit aliorum actuum.

Respondetur quod D. THOMAS nomine desiderij, intellexit etiam amorem, cuius expresse meminit in solutione ad primum; & nomine penitentia, intellexit etiam propositum recipiendi sacramentum, & propositum seruandi mandata diuina, quoniam ista omnia requirit, aut continet penitentia, ut docet CONCILIUM TRENTINUM. scilicet 14. doctrina de sacramento penitentia capite 4.

SED RESTAT nunc explicandum dubium quod art. 3. præcedenti reliquimus explicandum in isto, scilicet,

S. 7.

AN illa dispositio qua requiritur ad iustificationem debeat esse formaliter in ipso puncto iustificationis qua fit per sacramentum, an vero satis sit quod antea fuerit formaliter, & in illo puncto sit tantum virtualiter.

Vbi CONSULTO inquirimus de iustificatione, quæ fit per sacramentum, nam in ea, quæ fit sine sacramento, certum est requiri, quod in ipso puncto iustificationis habeat homo formaliter eos actus, quibus ultimo disponitur ad gratiam: neque de hoc aliquis dubitat: In qua re aliquid est certum & aliquid dubium, nam certum est, quod si is, qui iustificatur per sacramentum, est puer, qui nondum peruenit ad usum rationis, aut adultus, qui nunquam eum habuit, non requiritur quod dispositio ad gratiam existat formaliter in puncto iustificationis, neque quod præcesserit; & præterea etiam est certum, quod si is, qui aliquando habuit usum rationis, habeat formaliter eam dispositionem quæ requiritur ad recipiendum gratiam per aliquod sacramentum, & petat sacramentum, & postea priuatur usu rationis, vel per amenciam, vel per somnum, satis erit, quod illa dispositio maneat virtualiter, ut recepto sacramento iustificetur; hæc duo docet aperte DIVVS THOMAS in illo articulo in solutione ad primum & 2. p. quæst. 63. articuli 9. & 12.

Dubium tamen est, utrum, ut iustificetur per aliquod sacramentum, illi, qui actu polent usu rationis, sit satis, quod dispositio requisita ad recipiendum gratiam per tale sacramentum præcesserit formaliter, & maneat virtualiter, cum sumitur sacramentum, & in ipso instanti, quo per ipsum est producenda gratia; an vero requiratur, quod etiam tunc existat formaliter dispositio ad gratiam: Nam hoc posterius asseritur à CAIETANO & loquimur expresse de dispositione, quæ voluntas mouetur in Deum principium gratiæ, per amorem ipsius Dei, & per detestationem peccatorum; & probat hoc ex doctrina D. THOM. in illo articulo quoniam Deus neminem iustificat, aut mouet ad iustitiam, nisi secundum conditionem suæ naturæ: sed qui polent usu rationis sunt capaces recipiendi gratiam concurrente suo libero arbitrio; ergo nullus ex eis recipit gratiam siue per sacramentum, siue sine sacramento, nisi actu concurrente libero arbitrio.

Sed hæc sententia CAIETANI solet communiter impugnari à Theologis hoc loco, & in materia de sacramentis, quod satis est vix falsa reputetur; & præterea possumus contra eam obijcere, quod iuxta definitionem CONCILII TRIDENTINI sessio. 7. decreto de sacramentis Can. 1. de sacramentis in genere, sacramenta nouæ legis conferunt gratiam non ponentibus obicem: sed qui in casu nostro recipit sacramentum, non ponit obicem gratiæ; ergo sacramentum confert ei gratiam; probatur minor quoniam alias, qui propter culpabilem euagationem mentis careret tunc a

Actuali dispositione, peccaret mortaliter, quod videtur durum.

Et ad argumentum CAIETANI respondetur, solum probare, requiri motum liberi arbitrij in omnibus adultis, qui habent usum rationis, non tamen requiri, quod in omnibus sit formaliter, simul cum infusione gratiæ, sed solum in illis, qui iustificantur sine sacramento; nam in ijs qui iustificantur per sacramentum, satis est, quod motus liberi arbitrij sit virtualiter simul cum infusione gratiæ.

Et si quæras rationem huius discriminis. Respondetur, rationem potissimam esse voluntatem Dei, de qua nobis constat ex iis, quæ diximus, & huius voluntatis posse assignari hanc congruentiam, quod sicut sufficit minor dispositio ad recipiendum gratiam per sacramentum, quam ad recipiendum eam sine sacramento; quoniam per sacramentum infunditur gratia ex opere operato, & sine sacramento ex opere operantis; ita etiam propter eandem rationem in priori casu sufficit virtualis præsentia dispositionis, & in posteriori erit necessaria præsentia actualis & formalis.

ARTICVLVS VI.

Utrum remissio peccatorum debeat numerari inter ea, quæ requiruntur ad iustificationem impij?

PRIMA CONCLUSIO, ad iustificationem impij requiruntur tria, scilicet infusio gratiæ, motus liberi arbitrij per accessum ad terminum ad quem, & recessum à termino à quo, sine per delationem Dei, & detestationem peccati, & remissio culpe.

SECUNDA CONCLUSIO, remissio culpe requiritur ad iustificationem tanquam consummatio ipsius & peruentio ad terminum.

COMMENTARIVS.

CIRCA TITVLVM & doctrinam huius articuli, aduertendum D. THOMAM nolle explicare absolute, an remissio peccatorum requiratur ad impij iustificationem, nam de hoc iam articulo primo huius quæstionis docuerat esse certam partem affirmatiuam, sed potissimum velle explicare modum, quo remissio peccatorum concurret ad iustificationem impij; nam cum plura alia concurrant ad huiusmodi iustificationem, ut D. TH. in 1. conclusionem huius articuli supponit ex articulis

preceden-

præcedentibus, & vnumquodq; suo peculiari modo, scilicet infusio gratiæ, quasi ex parte causæ efficientis; motus liberi arbitrii dispositiue; restabat explicandū quā ratione cōcurrat ad eam remissio peccatorum, & vt hoc explicet D. Tho. dicit, tria: nam in secunda conclusione huius articuli inquit concurrere *sanguam consummationem ipsius*, & tanquam peruentiōem ad terminum; & in solutione ad primum, ait infusionem gratiæ & remissionem culpæ esse idem secundum substantiam.

Sed circa doctrinam istam sunt tria dubia.

PRIMUM EST.

Verum remissio culpæ sit consummatio & peruentio ad terminum respectu iustificationis?

§. 1. Ratio dubitandi.

ET RATIO DUBITANDI pro parte negativa est, quoniam remissio peccati habet se in iustificatione, vt expulsio termini à quo: ergo non vt terminus ad quem; patet consequentia, cum quoniam expulsio termini à quo in nullo motu habet rationem termini ad quem, vt neque expulsio frigiditatis habet rationem termini ad quem in calefactione, neque expulsio tenebrarum in illuminatione, cum etiam quia terminus ad quem in quocunque motu est id, quod per talē motum acquiritur, vt in calefactione calor, & in illuminatione lumen: sed id, quod per motum iustificationis acquiritur, est gratia, & iustitia; ergo ipsa, & non remissio peccati est terminus ad quem iustificationis.

Confirmatur primo, quoniam D. Tho. art. 1. huius quæstionis inquit, iustificationem impij habere rationem motus qui est à contrario in contrarium & propterea importare transmutationem quandā de statu iniustitiæ, siue peccati, ad statum iustitiæ; & ex Conc. Trib. sess. 6. decreto de iustificatione c. 4. colligitur hæc definitio iustificationis: *est translatio ab eo statu, in quo quis nascitur filius primæ Adæ, siue à statu peccati, in statum gratiæ, & adoptionem filiorum Dei*; ergo in iustificatione est recessus à peccato, tanquā à termino à quo, & accessus ad gratiā tanquam ad terminū ad quem; ergo acquisitio gratiæ quæ, est accessus ad ipsam gratiam, & nō remissio peccati, quæ est recessus ab ipso peccato, habet rationem peruentiōis ad terminum ad quem, & de consummationis, respectu iustificationis.

Confirmatur secundo, quoniam ipse D. Tho. ibidem ex illa definitione iustificationis colligit, quod, quia motus denominatur magis à termino ad quem, quā à termino à quo, ideo hæc transmutatio, quā aliquis transmutatur à statu iniustitiæ per remissionem peccati, sortitur nomen à termino ad quem, & vocatur iustificatio impij; vbi aperte dicit, remissionem peccati esse recessum à termino à quo, & iustitiam, siue gratiam, esse terminum ad quem.

§. 2. Resolutio.

AD HOC DVBIUM respondetur, negatiuō posse, terminū ad quem iustificationis impij esse iustitiam: siquidem impius per iustificationem ex iniusto fit iustus, & transit, à statu iniustitiæ ad statum iustitiæ; sed quoniam iustitia, quam iniustus acquirit per iustificationem, includit duo, scilicet remissionem peccati, & renouationem internam, vt supra dixi ex Conc. Trib. ideo dubitari potest, quid istorū sit vltimum in termino ad quē iustificationis, siue in ea iustitia, quæ per ipsam acquiritur; & D. Tho. dixit remissionem peccati esse vltimum, & ideo appellauit eam consummationē iustificationis, & peruentiōem ad terminum ipsius. Quod vt intelligatur aduerte, ex doctrina ipsius D. Tho. quod quando in termino ad quem alicuius motus, reperiuntur duo, scilicet introductio formæ intente, & expulsio oppositi; dupliciter potest considerari ordo inter hæc, scilicet aut ex parte mobilis, aut ex parte agentis: & ex parte mobilis solet dici, esse priorem expulsionem oppositi, quoniam requiritur denudari mobile ab opposito, vt recipiat nouam formam, sicut requiritur ærem denudari à tenebris, vt recipiat lucem, at vero ex parte agentis prior est introductio formæ intente, quoniam agens per huiusmodi formam agit ad expulsionem oppositi, vt sol per lumen agit ad expulsionem tenebrarum; atque ita in nostro casu quomodo ex parte mobilis sit aliquo modo prior remissio peccatorum, quam renouatio interna, siue gratia, vt renouans: tamen ex parte agentis, scilicet Dei, prior est renouatio interna, aut gratia vt renouans.

§. 3. Ad argumentum negative.

ET AD rationē dubitandi concessio antecedenti neganda est consequentia: & ad primam probationem dicendum est, quod expulsio termini à quo, quamuis non habeat rationem termini ad quem primarij, potest habere rationē termini secundarij, atque adeo magis vltimi respectu agentis, vt patet in exemplis ibi adductis: nam ignis introducendo calorem est causa expulsionis frigiditatis, & lumen introducendo lumen est causa expulsionis tenebrarum. Et eodē modo dicendum est ad secundam probationē, maiorem esse veram de termino ad quem primario, & cum hoc stare, vt etiā expulsio oppositi pertineat secundario ad ipsum terminum ad quem.

Ad primā confirmationē respondetur cōcedendo primā consequentiam, & negando secundā, si cōsequens intelligatur de peruentiōe ad terminū ad quē vltimū ex parte agentis, siue secundarij; & de consummatione sumpta pro vltimo in eodem sensu, sicut nos loquimur.

Ad 2. confirmationē respōdetur, D. Th. ibi loqui de termino ad quē primario; aut nomine iustitiæ cōprehendere totū id, quod in ea reperitur, scilicet remissionem peccati, & renouationem internam.

Sed hæc solutio dubij propositi aliquibus nō placet, & obijciunt contra eam, falsum esse, quod expulsio peccati sit vltimum in iustificatione, etiam si ordo inter ea, quæ sunt in iustificatione impij, consideretur ex parte agentis, si sumamus vltimum in eo sensu, quo sumitur

A D. THOMAS scilicet, pro eo quod se habet vt. A consummatio iustificationis, & vt peruentio ad terminum; idque probant, quoniam consummatio motus appellatur id, quod est eius perfectio, constat autem expulsionem peccati non esse perfectionem iustificationis, quoniam expulsio termini à quo nunquam est perfectio motus, vt inductione constat in illuminatione, calefactione, & reliquis motibus, & præterea, quoniam remissio peccati, neque tanquam finis, neque quoad executionem est ultimum eorum, quæ sunt in iustificatione; ergo nullo modo dicendum est esse ultimum inter ea; probatur antecedens, quoniam in primis non habet rationem finis, siquidem agentia creata, quæ possunt habere finem, non intendunt primario expulsionem formæ oppositæ, sed introductionem formæ, in qua assimilant sibi passum; & in iustificatione introductio gratiæ non ordinatur ex parte agentis ad expulsionem peccati, tanquam ad finem, sed potius è conuersio; & ex hoc sequitur, quod neque quoad executionem remissio peccati habeat rationem ultimi, quoniam ultimum in executione appellatur id, quod est primum in intentione, hoc est finis, si ergo introductio gratiæ est finis, etiam erit ultimum in executione, etiam ex parte agentis, & non remissio peccati.

Sed hæc obiectio ex ignoratione procedit, quia non intelligit quid per ultimum, & per consummationem, aut peruentionem ad terminum significetur: nam per hæc omnia solum intelligit D. THOMAS id, quod fit ultimo ex parte agentis, siue sit magis perfectum, siue minus; & siue sit finis simpliciter, siue non; & ex hoc patet solutio prioris partis illius obiectiois, quoniam in ea supponitur, per consummationem motus intelligi perfectionem ipsius; & ad posteriorem dicendum est, remissionem peccati non appellari ultimum, quia habeat rationem finis simpliciter respectu introductionis gratiæ, sed quia quoad executionem est ultimum eorum, quæ sunt in iustificatione, si consideretur ordo inter ea ex parte agentis. Et ad obiectioem contra hoc factam, respondetur, illam maximam, primum in intentione est ultimum in executione, intelligendam esse quando id quod est prius in intentione non habet aliquam causalitatem in genere causæ efficientis respectu eorum, quæ sunt in executione, vt quoniam substantia est aliquo modo causa efficiens suarum proprietatum, scilicet quatenus dimanant ab ea, ideo quamuis sit prioris in intentione, est etiam prior in executione, & quoniam gratia est quodammodo causa efficiens expulsionis peccati, quia comparatur ad eam sicut forma ad suum effectum secundarium, ideo quamuis sit prior in intentione, est etiam prior in executione.

SECUNDVM DVBIUM EST.

Utrum remissio peccati concurrat ad iustificationem tanquam terminus à quo ipsa iustificatio sumat speciem.

§. 1. Ratio difficultatis pro utraque parte.

ET RATIO DVBITANDI est, quoniam pro parte affirmatiua præter auctoritatem D. THOMAS illa solutio potest proponi hæc ratio, iustificatio impij differt specie à iustificatione non impij, qualis fuit iustificatio Angelorum, & prima iustificatio primorum parentum: sed non potest differre ex parte termini specificantis, nisi quoniam in eo præter receptionem gratiæ includit expulsionem peccati, quam non includit altera iustificatio: ergo remissio peccati pertinet ad terminum specificationis iustificationis impij; probatur maior, quoniam iustificatio impij habet rationem motus, qui est à contrario in contrarium, vt D. THOMAS docuit art. 1. huius quæstionis: at vero iustificatio non impij non habet rationem talis motus: & acquisitio formæ quæ habet rationem motus differt specie ab ea acquisitione, quæ non habet rationem motus: vt acquisitio caloris, aut ubi quæ fit per generationem rei in loco, aut cum calore, differt specie ab ea acquisitione, quæ fit per motum localem, aut per veram alterationem; & non ob aliam rationem, nisi quia vna habet rationem motus, qui est à contratio in contrarium, & non altera.

Pro parte vero negatiua solet proponi hoc argumentum, specificatio motus non sumitur à quoconque termino ad quem, sed solum à primario: vt illuminatio specificatur à lumine & non ab expulsionem tenebrarum, quoniam lumen est terminus ad quem primarius, & expulsio tenebrarum secundarius, sed remissio peccati est terminus ad quem secundarius respectu iustificationis impij, & receptio gratiæ est terminus primarius vt diximus dubio præcedenti; ergo terminus specificans iustificationem impij non est remissio peccati, sed receptio gratiæ.

Et confirmatur, quoniam in alijs motibus specificatio non sumitur ab expulsionem termini à quo, sed potius ab acquisitione termini ad quem.

§. 2. Sententia Caietani ponitur.

AD HOC DVBIUM CAIETANVS in hoc articulo respondet affirmatiue, & consequenter dicit, iustificationem impij differre specie à iustificatione non impij, quod vt explicet, & simul respōdeat argumento proposito, pro parte negatiua aduertit mutationes esse duplicis generis, primi generis dicit esse illas in quibus ad acquisitionem, vel introductionem

termini,



præcise in quantum dat esse illuminatum; secundum vero in quantum dat esse illuminatum, per quod expelluntur tenebræ.

Sed contra, quia expellitur a tenebris, est effectus secundarius, & consequens ad lumen, quatenus terminat illuminationem, ergo non mutat speciem luminis in ratione termini; patet consequentia, *nam quia* quod posterius est non mutat speciem prioris; *inversum quia* inductione constat, nunquam propter extensionem formæ ad suum effectum secundarium, aut defectum huius extensionis, mutari speciem ipsius formæ in ratione termini actionis, per quam producit.

Confirmatur, quia eiusdem speciei est generatio substantiæ, quamvis Deus supernaturaliter impediat emanationem passionum; & similiter est eiusdem speciei productio quantitatis, quamvis Deus supernaturaliter impediat, ne quantitas det subiecto suum effectum secundarium.

S. 4. Vera solutio dubij propositi.

QUARE ALITER respondetur consequenter ad ea, quæ diximus dubio præcedenti, remissionem peccatorum pertinere ad terminum à quo specificatur iustificatio, scilicet ad terminum ad quem, non quidem primario sed secundario, & consequenter: & ideo non dare speciem iustificationi, neque iustificationem habere diversam speciem, quia fiat cum remissione peccatorum, vel sine ea.

Et ad testimonium D. THOM. respondetur, sensum eius esse, quod remissio peccatorum pertinet aliquo modo ad terminum à quo iustificatio sumit speciem, scilicet secundario, & consequenter; *Et in eodem sensu* accipiendum est, quod D. THOM. dixit articulo primo huius quæstionis, scilicet, iustificationem esse ipsam remissionem peccati, ex quo sumpsit occasionem in argumento primo huius articuli, ad probandum, remissionem peccati non connumerari inter ea, quæ requiruntur ad iustificationem; quia substantia rei non connumeratur inter ea, quæ ad rem requiruntur; *nam dici potest*, quod iustificatio est, & appellatur remissio peccati, quia remissio peccati pertinet secundario ad terminum à quo specificatur ipsa iustificatio, sicut propter eandem rationem calefactio potest appellari expulsio frigiditatis; & hoc solum admittit D. THOMAS in solutione illius argumenti, & eo supposito respondet ad argumentum, recte posse remissionem peccati connumerari inter ea, quæ requiruntur ad iustificationem, sicut terminus connumeratur inter ea, quæ requiruntur ad motum.

Et ad rationem propositam cum isto testimonio pro parte affirmativa, respondetur, primo, negando maiorem; & ad probationem dicendum est, quod cum D. THOMAS inquit, iustificationem impij, habere rationem motus, qui est à contrario in contrarium, sensus eius est, iustificationem non esse simplicem acquisitionem termini ad quem, sed simul includere expulsionem termini à quo oppositi contrarie: & in hoc sensu loquendo de motu, negandum est, quod acquisitio formæ, quæ est motus, differat specie ab acquisitione eiusdem

formæ, quæ non sit motus; hoc est, quæ non includat expulsionem contrarij, quoniam expulsio contrarij, ut dixi, non dat speciem acquisitioni. *Et ad exemplum*, quo probatur oppositum, dicendum est, quod acquisitio loci, aut caloris per generationem, differt specie ab ea, quæ sit per motum localem, aut alterationem: quia sit consequenter per generationem, quæ est actio distincta specie à motu locali, & ab alteratione; non vero præcise quia non habet rationem actus, qui est à contrario in contrarium. *Secundo* respondetur, concedendo, iustificationem impij, in quantum est motus, distinguui specie à iustificatione non impij, quoniam hæc non est motus: Ceterum ex hoc non sequitur, quod etiam iustificatio impij considerata præcise quatenus est mutatio ad iustitiam, & acquisitio eius, distinguatur specie; quoniam sic non habet rationem motus; sed ad hoc debet considerari, quatenus habet adiunctam aliam mutationem scilicet expulsionem peccati, ut dicemus dubio sequenti.

TERTIVM DVBIVM EST.

Utrum infusio gratiæ, & remissio peccati, sint duæ mutationes.

S. 1. Sensus quæstionis aperitur.

VBI AD TITVLI EXPLICATIONEM *adnotandum est primo*, non esse dubium de his *actibus* sumptis, scilicet de actione, qua Deus infundit gratiam & expellit peccatum; sed sumptis *passivis*, scilicet, pro expulsionem passivam peccati, & pro infusione passivam gratiæ hoc est, acquisitione, aut receptione eius, nam si *actiue* sumatur certum est esse eisdem realiter, & distinguui ratione, ita ut eadem sit secundum substantiam actio, qua Deus infundit gratiæ, & expellit peccatum: & tamen per ordinem ad terminos, siue obiecta distinguatur ratione, quia per ordinem ad gratiæ est infusio, & per ordinem ad peccatū, expulsio. & in hoc conveniunt omnes cum D. THOM. in solutione ad 2. huius articuli, ubi expresse id affirmat, & explicat ex æplo generationis, & corruptionis, quæ non sunt plures actiones secundum rem, sed una tantum, & plures secundum rationem, scilicet per ordinem ad formam, quæ introducit, & ad formam quæ expellitur.

Secundo adnotandum est, non esse dubium de distinctione rationis, quia notum est, non esse minorem rationem huius distinctionis ex parte obiectorum inter passiones, quam inter actiones: sed de distinctione reali, non quidem positive sumpta, & in rigore qualis est illa, quæ reperitur inter entia realia, quorum unum non est aliud; sed negative sumpta, & late, qualis est illa, quæ reperiri potest inter extrema, quorum unum non est alterum, & tamen, vel alterum, vel utrumque non est ens

reale; nam certum est peccatum habituale, quod expellitur, non esse ens reale, sed priuationem quandam, atque adeo neque mutationem, quæ est expulsio passiva ipsius esse ens reale, & ex consequenti non posse distingui realiter proprie, & positive, ab aliquo alio extremo.

§. 2. Negativa sententia Caietani.

IN HAC RE EST SENTENTIA CAIETANI in hoc articulo & aliorum, qui sequuntur partem negativam: quæ probatur PRIMO testimonio D. THOMÆ nam in solutione secundi dicit expresse, infusionem gratiæ, & remissionem peccati, distinguuntur generationem, & corruptionem; constat autem, quod generatio & corruptio, ut actiones, non distinguuntur realiter, sed solum secundum rationem; quoniam D. THOMAS ibi explicat infusionem gratiæ & remissionem peccati esse idem secundum substantiam, & distinguuntur ratione, exemplo generationis & corruptionis, quod ut minimum debet intelligi de ijs sumptis ut sunt actiones; & ex hoc sequitur, esse dicendum idem de eis sumptis ut sunt passionibus, quia cum actio sit idem realiter cum passione, si duæ actiones sunt idem realiter, bene sequitur etiam passionibus, cum quibus identificantur, esse idem realiter. Item art. 1. huius quæstionis, inquit, iustificationem impij habere rationem motus, qui est à contrario in contrarium, scilicet à peccato in gratiam: ubi aperte significavit, recessum à peccato per eius expulsionem, & accessum ad gratiam per eius infusionem, aut acceptionem, esse tantum unum motum.

SECUNDO, termini à quibus infusionis gratiæ, & remissionis peccati, sunt idem realiter, & similiter terminantur ad quos, sunt idem realiter: ergo etiam infusio gratiæ, & remissio peccati sunt una mutatio secundum rem; consequentia patet, quia ubi est unus terminus à quo secundum rem, & unus terminus ad quem, non potest esse nisi una tantum tendentia & fluxus, & ex consequenti una mutatio; & antecedens probatur, quia terminus à quo expulsionis peccati, est esse ipsius peccati, & hoc est idem secundum rem cum non esse gratiæ, quod est terminus à quo infusionis gratiæ, & similiter terminus ad quem expulsionis peccati est non esse ipsius peccati, & hoc est idem secundum rem cum esse gratiæ, quod est terminus ad quem infusionis gratiæ.

Confirmatur, quia iustificatio non impij tantum habet unum terminum à quo, scilicet negationem gratiæ, & unum terminum ad quem, scilicet positionem, vel affirmationem gratiæ: & ita est una tantum mutatio secundum rem; ergo idem dicendum est de iustificatione impij, antecedens notum est, & consequentia probatur, quia illæ duæ iustificationes solum differunt ex parte terminorum in hoc, quod una est à simplici negatione gratiæ ad gratiam, & altera à priuatione gratiæ ad gratiam; sed negatio gratiæ in priori iustificatione non constituit duos terminos à quibus, secundum rem, sed unum tantum; ergo etiam priuatio gratiæ in posteriori iustificatione constituit tantum unum terminum à quo secundum rem; patet consequentia, quia negatio gratiæ, & priuatio gratiæ, non sunt duo

termini, sed priuatio contrahit negationem; ergo sicut negatio constituit unum tantum terminum, ita etiam priuatio.

TERTIO peccatum est priuatio gratiæ, ergo expulsio peccati & introductio gratiæ, non sunt duæ mutationes secundum rem, sed una tantum: probatur consequentia, quia in priuatione oppositis, expulsio priuationis & introductio formæ oppositæ tantum sunt una mutatio secundum rem: ut expulsio tenebrarum, & introductio luminis in aëre non sunt duæ mutationes, sed una tantum.

Confirmatur, quia ut priuatio desinat esse, non requiritur aliqua mutatio, per quam corrumperetur; sed sufficit, quod priuatur forma ei opposita: ergo ut peccatum habituale desinat esse, non requiritur aliqua mutatio præter introductionem gratiæ; patet consequentia, quia peccatum habituale constituit in quadam priuatione.

§. 3. Præfertur sententia affirmativa.

SED NIHILOMINUS SIT CONCLUSIO, expulsio peccati, & introductio gratiæ, sunt duæ mutationes realiter distinctæ, in sensu supra explicato hanc tenet SCOTVS in 4. d. 16. q. 2. §. respondeo. & ex Thomistis CONRAD. circa solutionem ad 2. huius articuli; & probatur imprimis testimonio D. THOMÆ nam art. 1. huius quæstionis, inquit, iustificationem impij esse secundum rationem motus, qui est à contrario in contrarium: ergo iustificatio includit duas mutationes, quarum una sit desitio termini à quo, & altera acquisitio termini ad quem; patet consequentia, quia desitio unius contrarij, non est idem secundum rem, cum acquisitione alterius, quamvis sit ei coniuncta, ut patet in expulsionem frigiditatis, & productionem caloris; & in corruptionem formæ substantialis existentis in materia, & productionem alterius. Item in solutione secundi huius articuli, comparat remissionem peccati, & infusionem gratiæ, corruptioni & generationi: constat autem ex communi sententia, quam etiam sequitur CAIETANVS hoc loco, generationem & corruptionem, si considerentur ut sunt passionibus, esse mutationes realiter distinctas. Et q. 23. de verit. art. 1. in corpore inquit, quod remissio peccati, & infusio gratiæ, ut sunt quædam mutationes, non sunt idem, nisi per concomitantiam, & art. 6. dicit expresse, remissionem peccati, & infusionem gratiæ non esse idem secundum rem.

SECUNDO probatur ratione, quia remissio peccati, & infusio, habent duos terminos à quibus, & duos terminos ad quos, distinctos realiter, in sensu explicato: ergo sunt mutationes distinctæ realiter in eodem sensu; consequentia videtur evidens ex ijs; quæ dici solent de distinctione reali mutationum: & antecedens probatur, quia infusio gratiæ est à non esse, vel à priuatione gratiæ, ad esse gratiæ; & remissio peccati est ab esse peccati ad non esse peccati: constat autem quod priuatio gratiæ non est realiter, & secundum substantiam, idem cum esse peccati, quamvis sit ei coniuncta; & similiter esse gratiæ non est secundum substantiam idem cum non esse peccati, quamvis etiam ista duo fiant simul in iustificatione, quod satis manet explicatum ex ijs, quæ diximus art. 2. huius quæstionis.

§. 4. *Ad argumenta pro Cassani sententia.*

AD PRIMUM respondetur, D. THOMAM in priori testimonio comparare remissionem peccati, & infusionem gratiæ, generationi, & corruptioni, quantum ad identitatem, vel distinctionem: quare quæ dixit de eorum identitate secundum substantiam & distinctione secundum rationem, debere intelligi de eis, ut sunt actiones, non vero ut sunt mutationes; sicut etiam generatio & corruptio ut sunt actiones sunt idem realiter, & distinguuntur ratione: at vero mutationes distinguuntur realiter.

Et si obieciat, non posse esse maiorem distinctionem inter passionem aut mutationem, quam inter actiones, quoniam actiones sunt idem realiter cum passionibus; *Respondetur* imprimis, hoc in nostro casu non habere difficultatem, quoniam actio, qua Deus infundit gratiam, & expellit peccatum, non est formaliter transiens, sed immanens in ipso Deo, & ex consequenti non est idem realiter cum passionem, aut mutationem, quæ ipsi respondet in creatura; & deinde dato, quod Deus operaretur actione transeunti, vel in casu generationis & corruptionis, dici potest, non esse inconueniens, vni actioni respondere duas passionem realiter distinctas, quando vna earum consequitur ad alteram, siue utraque passio sit positua, siue tantum primaria sit positua, & secundaria priuatiua; quia in isto casu actio non identificatur cum utraque passione, sed cum primaria, & secundariam respicit ut effectum, & ut aliquid primariæ.

In altero vero testimonio solum docet D. THOMAS, expulsionem peccati, & infusionem gratiæ esse vnum motum; non tamen esse vnam mutationem. *Neque sequitur*, quod si sint vnus motus, sint etiam vna mutatio; *nam* ut D. THOMAS q. 28. de verit. art. 1. colligit ex ARISTOTELE 5. physicorum cap. 1. motus est à subiecto in subiectum, aut è conuerso, hoc est, inter terminos oppositos secundum affirmationem & negationem; quare cum in iustificatione impij tantum sint duo termini positui, scilicet gratia, & peccatum, quod licet consistat in quadam priuatione, tamen consideratur per modum formæ positivæ; & sint quatuor termini oppositi secundum affirmationem & negationem, scilicet esse, & non esse peccati, & non esse & esse gratiæ: ideo iustificatio impij est vnus motus, & duæ mutationes, cuius doctrinæ fundamentum supponimus nunc ex physicis.

AD SECUNDUM respondetur negando antecedens; & ad probationem etiam est negandum, quod esse peccati sit idem secundum rem cum non esse, aut priuatione gratiæ; & similiter, quod non esse peccati sit idem cum esse gratiæ, nam potius esse peccati est veluti causa, & impedimentum ut gratia non sit; & non esse peccati est, auferri huiusmodi impedimentum.

Ad confirmationem concessio antecedenti neganda est consequentia, & ad probationem etiam est negandum antecedens, si intelligatur præcise de priuatione gratiæ excludendo omnia, quæ includit, aut præsupponit ut habeat rationem pri-

uationis; quia licet priuatio gratiæ non sit sine peccato, tamen ipsa & peccatum non sunt idem; & ita constituunt duos terminos à quibus, & ideo iustificatio impij non est tantum à priuatione gratiæ ut à termino à quo, sed à peccato, & à priuatione gratiæ; quare iustificatio impij, & iustificatio non impij, non ita se habent ex parte termini à quo, sicut illuminatio medijs obtenebrati, & illuminatio medijs non obtenebrati: sed sicut duæ itæ illuminationes, quando, quod medium sit obtenebratum, prouenit ex aliquo impedimento, cuius remotio sit necessaria ad luminis introductionem; nam in isto casu concurrunt duo ex parte termini à quo illuminationis, scilicet impedimentum, & priuatio luminis.

AD VLTIMUM negatur antecedens.

Ad confirmationem respondetur primo, quod quamuis peccatum habituale sit priuatio, non tamen est formaliter priuatio gratiæ; & ideo, quamuis ad delectionem priuationis non requiratur aliqua mutatio circa ipsam, sed sufficiat introductio formæ oppositæ, non sequitur, quod etiam ad delectionem peccati non requiratur aliqua mutatio, præter introductionem gratiæ. *Secundo* respondetur, quod quamuis peccatum habituale consistat in quadam priuatione, habet rationem formæ contrariæ, & impedimenti positivi respectu gratiæ, quod in priuationibus moralibus peculiare est, quia possunt habere rationem demeriti, & indignitatis, respectu formæ introducendæ.

ARTICVLVS VII.

Utrum iustificatio impij fiat in instanti vel successine?

CONCLUSIO est affirmativa.

COMMENTARIVS.

§. 1. *Declaratur doctrina S. Thomæ.*

AD CUIVS explicationem aduertit, duo posse considerari in iustificatione impij scilicet dispositionem priuatiuam, & infusionem gratiæ cum remissione peccati, & de utroque esse intelligendam doctrinam D. THOMÆ. ceterum non eodem modo: nam de vltima dispositione ad gratiam duo dicit D. THOMAS. *primum* est, posse perueniri ad eam in instanti, & hoc probat D. THOMAS, quia virtus Dei, quæ requiritur ad habendam huiusmodi dispositionem, potest superare omnem defectum, qui ex parte nostra requiritur tempus; & confirmari potest, quoniam alias non esset possibile peccatori, pro quolibet instanti, conueniri in Deum, & iustificari.

Alium est, regulariter perueniri ad eam successine, & in tempore; probatur, quoniam homines regulariter conueniuntur in Deum medijs

muleis actibus, scilicet actibus fidei, timoris seru-
lis, spei, &c. & media deliberatione circa multa
in particulari, & ut hæc omnia perficiantur modo
magis connaturali ipsi homini, requiritur tempus.
*Dixi autem perueniri ad eam, & non dixi ipsam vlti-
mam dispositionem fieri*, quoniam de vltima di-
positione in ratione vltimæ tam certum debet esse
fieri in instanti, sicut fuerit certum formam, quæ
ad eam consequitur, introduci in instanti: quia in
eodem instanti, & simul sunt vltima dispositio ad
formam, & ipsa forma; & tamen potest continge-
re, propter resistantiam ex parte passi, aut propter
defectum virtutis ex parte agentis, quod peruenia-
tur successiue ad eam perfectionem, quæ requiri-
tur ut dispositio sit vltima, ut in naturalibus media
alteratione successiua peruenitur ad gradum vlti-
mæ dispositionis; & ita D. THOMAS in solutione
ad primum huius articuli, inquit, quod motus de-
testationis peccati, & dilectionis Dei super omnia,
in quo consistit vltima dispositio ad gratiam, fit
subito, & in instanti, tamen contingit quandoque
quod ad huiusmodi motum requiratur præuia cõ-
sultatio, & deliberatio, quæ non fit in instanti, sed
in tempore.

De infusione tamen gratiæ, & remissione pecca-
ti, docet D. THOMAS semper fieri in instanti; & hoc
probat, quia peccatum non remittitur per par-
tes, sed totum simul, atque adeo in instanti: ergo
etiam infusio gratiæ fit in instanti; & hoc aliter ef-
fer probandum ex natura ipsius gratiæ, cui cõuenit
incipere per primum sui esse, & ex consequenti in
instanti: sed de hoc agendum est in physicis, & vi-
denda est solutio ad vltimum huius articuli, ubi D.
THOMAS docet peccatum definere per primum non
esse, & gratiam incipere per primum sui esse: ita ut
idem instans sit primum non esse peccati, & primum
esse gratiæ.

§. 2. Argumenta contrarietatis doctrinæ.

SED CONTRA hæc obijciunt aliqui primo, quo-
niam motus liberi arbitrij, in quo consistit vlti-
ma dispositio ad gratiam, non potest definere esse
in ipso instanti, quo incipit esse, sed necessariò debet
amplius durare, alias simul inciperet & definirer
esse.

Secundo, quoniam voluntas non potest habere
in vno instanti omnes actus, qui requiruntur ad vlti-
mam dispositionem ad gratiam.

Et tertio quia vel status peccati definit per pri-
mum non esse, vel per vltimum sui esse; si primum,
sequitur, quod necessariò debeat durare aliquo tẽ-
pore, & ex consequenti, quod in tali tẽpore homo
sit extra statum salutis, & non possit iustificari, quod
videtur absurdum. Si vero dicatur secundum, sequi-
tur, quod gratia non incipiat esse per primum sui
esse, & in instanti, sed in tempore, probatur seque-
la, quia gratia non potest incipere esse in illo instan-
ti, quod est vltimum esse peccati, nisi extrinsece &
negative, alias gratia esset in eodem subiecto simul
cum peccato mortali; neque in alio instanti imme-
diato, quia in tempore non datur duo instantia
immediata, ergo incipit in tempore immediato,

A aut in illo instanti negative: ita ut sit verum dicere:
nunc non est gratia in anima, & immediate post
hoc erit; quod est incipere esse in tempore; & a sup-
pono, non incipere in alio instanti immediato: alias
tempore intermedio subiectum esset sine pecca-
to, & sine gratia.

Confirmatur, quia cum infusio gratiæ immedia-
te succedit peccato actuali, siue actui peccanti, vel
peccatum actuale definit esse per primum non esse,
vel per vltimum sui esse. si primum, sequitur, quod
peccatum actuale necessariò debeat durare aliquo
tempore, atque à Deo quod tunc homo neque sit
liber ad non peccandum, quod est contra rationem
peccati actualis, neque possit iustificari. Si vero di-
catur secundum, sequitur, infusionem gratiæ non
fieri in instanti sed in tempore, quod succedit post
instans, quod fuerit vltimum, esse peccati, ut in ar-
gumento ostensum est. Et potest aliter proponi
hoc argumentum isto modo: Actus voluntatis, qui
sit peccatum, incipit per primum sui esse; ergo vel
gratia potest incipere esse in tempore immediato,
& sic habetur inuentum; scilicet infusionem gra-
tiæ fieri in tempore, & non in instanti; vel non
potest incipere esse, nisi in alio instanti: & sic, cum
duo instantia non possint in tempore nostro esse
immediata, sequitur, quod in tempore intermedio
debeat durare actus peccati, & ex consequenti
quod illo tempore homo neque sit liber ad cessan-
dum à peccato: neque possit iustificari.

§. 3. Responsio ad superius allatas ob- iectiones.

AD PRIMUM respondetur, falsam esse senten-
tiam eorum, qui dicunt, non posse actum indi-
uisibilem secundum substantiam durare tantum
vno instanti, ita ut illud instans sit primum, & vlti-
mum sui esse; neque est inconueniens, simul in-
cipere, & definere esse, in hoc sensu, quia ex hoc
non sequitur simul esse, & non esse; & deinde, ad-
missa illa sententia, nihil sequitur contra nos, quo-
niam actus, qui secundum suam naturam deberet
durare ultra primum instans sui esse, posset in illo
instanti habere totum, quod requiritur, ut sit vlti-
ma dispositio ad gratiam, quia ad hoc non requiri-
tur continuatio.

AD SECUNDUM respondetur, cum D. THOMAS
in solutione secundi huius articuli, & q. 28. de ve-
ritate art. 1. ad 1. bene posse eandem potentiam ha-
bere simul distinctos actus, quando sunt inter se
subordinati, ita ut vnus sit ratio alterius, quia sic
habent modum vnus.

AD TERTIUM respondetur, quod status pecca-
ti, siue peccatum habituale, definit esse per pri-
mum non esse, ita ut non detur vltimum instans
esse peccati, sed vltimum tempus, & primum non
esse ipsius peccati; ut D. THOMAS docet in solutio-
ne vltimi argumenti huius articuli; & ad obiectionem
cõtra hoc factam, respondetur, tempus, quod
requiritur, ut sit vltimum respectu esse ipsius pec-
cati, non esse determinatum, sed indeterminatum,
& minus quocunque signato; & ita nullum posse
signari tempus, aut instans, in quo peccator sit ex-
tra statum salutis, aut non possit iustificari; quia

signato quocunque instanti, est verum dicere, quod a præcessit tempus sufficiens, ut esset *ultimum durati-
onis*, aut esse peccati habitualis.

Et eodem modo respondetur, ad confirmationem, quod in illo caso peccatum actuale definit per primum *non esse*, & quomodo ex hoc sequatur, dari tempus, quod sit ultimum durationis, aut esse ipsius peccati actualis: tamen quia tempus hoc non est determinatum, sed indeterminatum, & ita, ut quolibet signato sufficiat minus, ideo nullum est tempus, neque instanti, in quo non sit liberum homini, non peccare actualiter, & iustificari, quia quocunque instanti assignato verum est dicere, præcessit tempus, quod fuerit ultimum esse peccati. atque adeo, in illo instanti hominem, posse cessare ab actu peccati, & posse iustificari, & idem dicendum est ad aliam tueram huius argu-
mentum.

ARTICVLVS VIII.

Verum gratiæ infusio sit prima in ordine naturæ inter ea, quæ requiruntur ad iustificacionem impij?

PRIMA CONCLUSIO, cum ad iustificacionem im-
pij requiruntur ut concurrant quatuor, scilicet infusio
gratiæ, motus liberi arbitrij in Deum, motus liberi ar-
bitrij in peccatum, & remissio peccati, nullum
est prius alteri ordine temporis, sed omnia sunt si-
mul.

SECUNDA CONCLUSIO, ordine naturæ primum in
iustificacione impij gratiæ infusio, secundum motus
liberi arbitrij in Deum, tertium motus libe-
ri arbitrij in peccatum, & ultimum remissio pec-
cati.

COMMENTARIVS.

CIRCA PRIMAM CONCLUSIO-
NEM nulla est difficultas, quia ex ar-
ticulis precedentibus constat, infusio-
nem gratiæ, & remissionem peccati
requiri ad iustificacionem impij, & non fieri
nam sine altera, & vterius etiam constar, motus
illos liberi arbitrij requiri tanquam ultimam
dispositionem ad iustificacionem, atque proinde
debere esse simul tempore cum ipsa.

CIRCA SECUNDAM CONCLUSIO-
NEM est

D V B I V M.

*Utrum gratiæ habitualis sit prior natu-
ra in genere causæ efficientis, quàm mo-
tus liberi arbitrij in Deum, & in pec-
catum.*

QVOD SIT INQUIRERE, utrum gratiæ habi-
tuali, saltem medijs variis infusio, sit
causæ efficiens actum dilectionis Dei super o-
mnia, & contritionis de peccati; in quibus
confessio & iudicium ad gratiam; & loquimur
peculiariter de istis actibus, quoniam duo propo-
sita, scilicet remissionem tunc, & recipiendi sacra-
mentum, includuntur in contritione; & actus ipse,
vel non requiritur formaliter in ipso puncto iusti-
ficationis, ut superius dictum est, vel potest præ-
supponere habitum specificum actus fidei potest præ-
supponere habitum fidei existentem prius tem-
pore in eo, qui iustificatur.

§. 1. Varias sententiarum afferitur cum
fundamentis.

IN HAC RE DVASVNT oppositæ sententiæ. Pri-
ma, est eorum, qui absolute sequuntur partem af-
firmatiuam, de quorum numero sunt Sorus lib. 2.
de natura & gratiæ c. 18. & in 4. 1. 14. q. 1. art. 6. Fer-
rariensis 1. contra gentes cap. 15. & CANVS pri-
ma parte relectionis de penitentia. Et posset probari
PRIMO testimonijs D. THOMÆ: nam in primis supra
q. 11. art. 2. in corpore, dicit, gratiam habitua-
lem dici cooperantem respectu operis meritorij, quia
concurrit ad ipsum simul cum libero arbitrio, ita-
quam ipsius principium; ubi aperte loquitur de
principio in genere causæ efficientis, quoniam non
loquitur de principio materiali, ut constar; neque
de formali cōcurrente causalitate formali, scilicet,
dando esse, & non per modum virtutis adiuvæ, tam
quæ dicit, gratiam hoc modo habere alium effectum,
ratione cuius dicitur operans, scilicet, iustificare
animam, vel sanare, aut gratum Deo facere; tam
etiam quia comparat gratiam habituaalem reliquis
formis in hoc, quod est, habere duos distinctos ef-
fectus, scilicet, esse, & operationem; quare cum reli-
quæ formæ ad effectum, qui est esse, concurrant ita-
tum causalitate formali; & ad effectum, qui est o-
peratio, causalitate efficienti; & ut virtutes adieci-
sequitur ex sententijs D. THOMÆ. etiam gratiam ha-
bituaalem concurrere ad esse in genere causæ for-
malis, & ad opus meritorium, ut principium acti-
onis, sed actus dilectionis, & contritionis, quibus
disponimur ad gratiam, sunt meritorij primæ glo-
riæ, ut nunc supponimus ex sententijs D. THOMÆ. Ju-
pra q. 11. art. 2. ad 1. & art. precedentis ad quartum,
ergo procedunt efficienter ad ipsam gratiam habitua-
lem. Item in illo articulo ad secundum, dicit, quod

NOTA

motus, quo disponimur ad gratiam, non est causa gratiæ, sed effectus; & loquitur de gratia habituali; & de effectu in genere causæ efficientis. *Præterea* in hoc articulo in corpore dicit expresse, infusionem gratiæ esse priorem ordine naturæ quàm motum liberi arbitrii: quod non potest intelligi, nisi de prioritate in genere causæ efficientis.

Næque potest responderi, ipsum nomine gratiæ non intelligere gratiam habitualement, sed auxilium supernaturale, quoniam de eadem gratia loquitur illo loco, & postea in solutione ad secundum, cum dicit, motum liberi arbitrii, tanquam dispositionem, esse priorem ordine naturæ, quàm consecutionem gratiæ; sed in solutione ad secundum loquitur de gratia habituali, quoniam motus liberi arbitrii non concurret tanquam dispositio ad consecutionem auxilij supernaturalis, quod est eius principium: ergo etiam loquitur de ea in corpore articuli.

SECUNDO PROBATVR ratione, quia non repugnat, gratiam habitualement medijs habitibus supernaturalibus esse causam efficientem actuum, quibus ultimo disponimur ad eam; & est magis consentaneum naturis rerum, ipsam esse eorum causam: ergo gratia est causa efficiens istorum actuum, patet *consequentia*, quia receptum est apud omnes Theologos, sic Deum disposuisse res in ordine supernaturali, sicut est magis consentaneum naturis ipsarum rerum, ubi nulla est ratio repugnantis; & *antecegens*, quoad posteriorem partem, etiam patet, quia magis consentaneum est naturæ intellectus, & voluntatis, eleuari ad producendum illos actus supernaturales per habitus; quàm eleuari per auxilium, quia eleuari priori, modo est eleuari per modum causæ principalis, cui proprium est agere per formam permanentem, & inherentem sibi; & eleuari posteriori modo, est eleuari per modum causæ instrumentalis, cui proprium est agere per motionem, aut formam habentem esse transeuntem, & non permanentem. *Quoad priorem vero partem* probatur, quia si repugnetur maximè quia sequeretur, idem respectu eiusdem esse effectum & causam, & consequenter prius & posterius: at hoc in isto casu non sequitur intra idem genus causæ, sed in diuerso genere, nam gratia erit causa, & ex consequenti prior in genere causæ efficientis; & in isto genere motus liberi arbitrii erit effectus & posterior; & in alio genere causæ, scilicet, materialis, idem motus erit causa & prior, & gratia erit effectus & posterior, & non est inconueniens idem respectu eiusdem esse in diuerso genere causæ, causam, & effectum, & prius & posterius; quod tribus exemplis, quæ ab omnibus admittuntur, potest probari; nam *imprimis*, quando aer suo motu aperit fenestram, & ingreditur; omnes concedunt ingressum aeris esse in genere causæ efficientis causam, & ex consequenti priorem, respectu apertionis fenestræ, quoniam aer ingrediendo aperit fenestram; & è contra in genere causæ materialis eandem apertionem fenestræ esse causam, & priorem respectu ingressus aeris, quoniam apertio fenestræ est dispositio, aut condicio requisita, ut aer ingreditur. *Item*, qui dicunt in genera-

tionem substantiali huius resolutionem usque ad materiam, ne concedant formam introduci in materiam indispositam, dicunt, in eodem instanti, quo introducitur forma substantialis, introduci etiam accidentia, quæ sunt dispositiones ad eam, non tamen sine ordine, sed ita, ut forma substantialis sit causa, & ex consequenti prior respectu accidentium, in genere causæ efficientis; & accidentia sint causa, & ex consequenti priora respectu eiusdem forme substantialis, in genere causæ materialis, & dispositiua, quo exemplo videtur D. THOMAS in solutione ad 2. huius articuli. *Præterea*, introductio alicuius forme est causa, & prior in genere causæ efficientis, respectu expulsiõis forme oppositæ, quoniam agens introducendo suam formam expellit aliam formam præ-existent in subiecto; at in genere causæ materialis expulsio forme oppositæ est causa & prior respectu introductionis alterius forme, quia, ut aliqua forma introducatur, requiritur tanquam conditio, expulsio forme oppositæ; quod D. THOMAS in solutione ad primum huius articuli explicat in aëris illuminatione, & expulsionem tenebrarum.

TERCIO sic argumentor, si actus dilectionis & contritionis non procedunt efficienter à gratia, sequitur, quod simpliciter, & omnibus modis præsupponantur ordine naturæ ad ipsam gratiam, & ex hoc sequuntur duo inconuenientia, *primum* est, remissionem peccati esse simpliciter ordine naturæ priorem, quàm gratiam, & ex consequenti non esse eius effectum formalem, cuius contrarium diximus in principio huius quæstionis ex doctrina CONC. TRIDENT. *Alterum* est, hominem prius ordine naturæ, quàm infundantur ei habitus gratiæ, & charitatis, diligere Deum, & diligere à Deo amore amicitie, quod videtur contra communem sententiam Theologorum, qui dicunt, Deum infundendo gratiam diligere eos amore amicitie. *Es sequela* probatur quoad *primum inconueniens*, quoniam actus charitatis, qui præsupponitur gratiæ, est sufficiens ad expellendum peccatum; quod probatur quoniam homo per illum actum diligit Deum super omnia, & plus quam se: ergo per eum conuertitur in Deum, ut in ultimum finem, & ex consequenti per huiusmodi actum tollitur auersio à Deo, & conuersio ad creaturam, in quo consistit peccatum, quoniam alias homo erit simul auertus & conuersus respectu eiusdem finis, & simul habebit duos ultimos fines, scilicet Deum, & creaturam; *Item etiam quoniam* actus charitatis essentialiter est actus amicitie erga Deum: ergo respondet ei dilectio amicitie ex parte Dei, quoniam amicitia includit mutuum amorem; ergo expellit peccatum ab homine, quia repugnat, aliquem esse in peccato mortali, & diligere à Deo amore amicitie; & ex hoc manet probata *sequela quoad secundum inconueniens* quia manet probatum, actum charitatis esse actum amicitie, erga Deum, & non posse requiri in nobis hunc actum, nisi respondeat ei ex parte Dei alius actus, quo Deus nos diligit amore amicitie: ergo, si actus charitatis præsupponitur gratiæ, etiam præsupponitur ei nos diligere Deum, & diligere ab ipso amore amicitie; & præterea potest probari ex illo 1. Ioann. 4. *In hoc est charitas, non quasi nos dilexerimus Deum, sed quoniam ipse dilexit nos*, nam ex hoc bene

sequitur;

sequitur, dilectionem, qua Deus diligit nos, præsupponi ad dilectionem, qua nos diligimus ipsum, & ex consequenti non posse dilectionem, qua diligimus Deum, præsupponi ordine naturæ ad gratiam, nisi etiam præsupponatur ad eam dilectio, qua Deus nos diligit.

Confirmatur primo, quia si actus illi non procedunt ex gratia, neque villo modo præsupponunt eam, sed potius simpliciter & absolute præsupponuntur ad eam, inquiri potest, an ex vi eorum, quatenus ita præsupponuntur ad gratiam, intelligitur homo esse sine peccato, & dilectus à Deo amore amicitie: & si respondeatur affirmative, habetur intentum, scilicet, sequi ex ista sententia duo illa inconuenientia quæ in argumento deducuntur, nempe remissionem peccati, & hominem diligi à Deo amore amicitie, præsupponi ordine naturæ ad gratiam, & ex cōsequenti neutrum non fieri per eam, sicut neque sunt actus, qui sufficiant ad utrumque: Si vero respondeatur negative, sequitur, non esse prius, hominem diligi à Deo, quam Deum diligi ab homine, quod videtur esse contra testimonium adductum ex Ioanne. Itē sequitur quod, si Deus posterius natura non infunderet gratiam, quod per potentiam suam absolutam posset facere & haberet homo perfectam contritionem, & perfectam dilectionem Dei super omnia, & tamen esset in peccato, & ex consequenti non diligeretur à Deo, sed potius odio haberetur, quod videtur esse contra illud Io. *Qui diligit me, diligetur à patre meo*. Et contra illud sapientie. *Ego diligentes me diligo*.

Confirmatur secundo, quia vel homo, ut præsupponitur ad istos actus tanquam eorum principium effectuum, præsupponitur amicus Dei, vel inimicus: si primum, ergo præsupponitur ut habens gratiam, & ex cōsequenti gratia habet sufficientem prioritatem respectu istorum actuum, ut si eorum principium effectuum, sicut ipse homo: si vero dicatur secundum, sequitur, quod secundum legem Dei ordinariam homo inimicus Dei habeat perfectissimos actus contritionis & charitatis.

QUARTO in CONCIL. TRIDENT. sess. 6. decreto de iustificatione capite 7. sic habetur: *In iustificatione, cum remissione peccatorum hac omnia simul infusa accipit homo per Iesum Christum cui inseritur, fidem, spem, & charitatem: nam fides nisi ad eam spes accedat, & charitas, neque vnit perfecte cum Christo, neque corporis eius membrum verum efficit*. In quibus verbis insinuat concilium habitus virtutum Theologicarum concurrere efficienter ad perfectam unionem nostram cum Christo, & ad hoc, ut simus vera membra ipsius, in quo consistit nostra iustificatio, ex quo potest desumi hoc argumentum, in puncto, quo iustificamur, nihil est in nobis, ad quod isti habitus possint concurrere efficienter, præter actus credendi, sperandi, & diligendi: ergo concurrunt efficienter ad huiusmodi actus.

Confirmatur, quoniam vivere spiritualiter, non potest esse, nec intelligi sine operatione vitæ spiritualis: ergo si habitus isti efficienter faciunt nos membra vera Christi, etiam concurrunt efficienter ad operationes vitæ spiritualis, quas tunc habemus.

VLTIMO actus contritionis, & charitatis, quibus ultimo disponimur ad gratiam, sunt meritorij primæ gloriæ, ut nunc suppono ex doctrina D.

THOM. loco citato in primo argumento: ergo procedunt efficienter à gratia; patet consequentia, quia nullus actus potest esse meritorius vitæ æternæ, nisi procedat à persona grata, atque adeo ab ipsa gratia.

Dices, actus non procedere à gratia secundum suam substantiam, sed secundum esse meritorium, quod in ea fundatur.

Sed contra, quia esse meritorium consistit in relatione condignitatis ad præmium: ergo, si actus illi quoad esse meritorium procedunt efficienter à gratia, etiam secundum suam substantiam procedunt efficienter ab ea; patet consequentia, quia relatio non producit per se, sed consequenter ad productionem fundamenti, quoniam, iuxta ARISTOTELEM, ad relationem non est per se motus; ergo gratia non potest esse causa efficiens istorum actuum quoad esse meritorium, nisi eodem modo sit causa eorum quoad substantiam.

SECUNDA SENTENTIA huic opposita, est eorum, qui sequuntur alterum extremum, & dicunt, actus, de quibus loquimur, non procedere à gratia habituali, neque ab habitibus cum ea infusis, ut à principio efficienti. Hanc sequuntur DYRANDVS in 4. d. 17. q. 1. num. 8. GARR. d. 14. q. 1. art. 2. concl. 3. CAPR. eadem d. q. 1. artic. 3. in solutione ad argumenta Henrici. VEGA lib. super Concilium Tridentinum cap. 18. & MOLINA in concordia liberi arbitrij cum gratiæ donis disputatione 44. ad artic. 13. q. 14. primæ partis fundamenta huius sententiæ adducemus postea.

TERTIA SENTENTIA, quæ inter has est quodammodo media, est CAJETANI, in hoc articulo qui distinguit infusionem gratiæ ab eius consecutione: nam per infusionem gratiæ intelligit actionem Dei inductiuam, & productiuam gratiæ; & per consecutionem intelligit receptionem gratiæ, tenentem se ex parte subiecti; siue, gratiam esse in subiecto, & dicit, motum liberi arbitrij esse naturam posteriorem, quam infusionem gratiæ, & procedere ab ea ut à principio efficienti; tamen esse priorem, quam consecutionem gratiæ, & non procedere ab ea, ut à principio efficienti; & ut hoc explicet CAJETANVS, aduertit, actionem, qua Deus infundit gratiam, dupliciter posse concurrere ad eam, scilicet, aut medio motu liberi arbitrij, ut in adultis peccatoribus, aut sine eo, ut in pueris, qui ante usum rationis baptizantur, & esse discrimen inter hos duos modos concurrenti; nam in posteriori, actio Dei solum habet duo officia, scilicet inducere gratiam, & expellere peccatum, & ita solum respondent ei duæ mutationes ex parte subiecti, & ambæ per modum naturæ, scilicet receptio gratiæ, & expulsio peccati; at in priori præter illa duo officia habet etiam aliud, scilicet, mouere liberum arbitrium ad actus charitatis, & contritionis, & ita non solum respondent ei ex parte subiecti duæ illæ mutationes, scilicet consecutio gratiæ, & expulsio passiva peccati, sed etiam duo motus liberi arbitrij, scilicet dilectio Dei, & detestatio peccati, & sic intelligitur facile, qua ratione isti duo motus, quamuis sint effectus in genere causæ efficientis, & posteriores respectu actionis, qua infunditur gratia, tamen respectu cōsecutionis gratiæ sint priores &

causa dispositiva. Et hanc sententiam sic explicat tam legimus CORRAD. circa solutionem ad secundum hanc rationem:

Forma autem ipsa huius sententiæ est, esse eam D. THOMAM, quod probatur, quoniam D. THOMAS in huius articulo, quam in præcedentibus, ut explicet ordinem, qui reperitur inter eas, quæ concurrunt ad iustificationem, vitæ exemplo motus naturalis, & inquit, quod sit in quolibet motu naturalis. *Primum* est motus motantis, siue agentis, *secundum* est dispositio materiae, siue motus ipsius mobilis, & tertium est consummatio, & terminus ipsius motus, sic in iustificatione, quæ est quidam motus à statu peccati ad statum iusticie, *primum* est actio Dei, quæ est ipsa infusio gratiæ, *secundum* dispositio substantiæ, quæ est motus liberi arbitrii, *tertium* Consummatio, terminus ad quem per hoc possumus accipere notari iuxta doctrinam D. THOMAM, in hoc articulo, *tertium* ad quem iustificationis, non solum includit consummationem peccati, sed etiam consummationem gratiæ ergo iuxta doctrinam D. THOMAM liberi arbitrii præcedit tanquam dispositio consummationem gratiæ, & est posterior actione infusio gratiæ, tanquam eius effectus. Item quia D. THOMAS in solutione ad alium articulum dicit expressè, quod sicut dispositio substantiæ præcedit ordine nature susceptionem forme, & sequitur actionem agentis, sic etiam motus liberi arbitrii præcedit ordine nature consummationem gratiæ, & sequitur infusionem gratiæ, ubi aperte distinguit infusionem gratiæ ab eius consummatione, & infusionem dicit esse priorem, & consummationem posteriorem respectu motus liberi arbitrii.

§. 1. Prima pars veræ sententiæ, arguitur.

PRIMA CONCL. *Actus contritiōis, & dispositiōis, quibus virtutis dispositiōis ad gratiam, non procedit in ipsa potestate contritiōis efficienter physice à gratiæ habitibus, neque ab habitibus virtutis à se legibus, dicitur esse pūilla iustificatiōis, quoniam aliud est in continuatione, si eam habuerint illi actus, sicut possunt habere: imo & moraliter semper habent post illud instanti. Dicit etiam efficienter physice, quoniam nullum esset incontinens, admittere quendam modum efficientiæ moralis, respectu esse meritorij, quod in illo instanti habet huiusmodi actus, ut dicam in solutione ultimi argumenti pūille sententiæ. Ad id etiam neque ab habitibus infusis, propter CANVM, qui loco citato, quædam neget actus illas procedere efficienter ab habitu gratiæ, concedit procedere ab habitibus infusis. Probatur hæc conclusio PRIMO, testimonijs, cum imprimis, videtur valde consona modo loquendi Concilij T. 1. de principio effectus istam actionem.*

Secundo, Probatur, quoniam actus istius pūillo iustificationis habent causalitatem dispositivam respectu gratiæ habitus, & virtutis rheologicarum, ergo tunc non procedunt efficienter à gratia, neque virtutibus antecedenti quantum attinet ad gratiā, tam late probatur est supra q. 112. art. 2. sub 3. cum relatione vltima, ex communis modum habet rheologicarum, & ex verbis Concilij T. 1. sess. 6. decreto de iustificatione cap. 7. & Can. 9. & ex modo loquendi sapienter, & nunc pūille amplius coherere.

1. quoniam negari non potest, quod actus istius veri & proprie dispositio ad gratiam, neque quod effectus imponit aliquam causalitatem, item quia, iuxta ordinem nature, dispositio ad formam appellatur causa formæ. *Præterea*, quia dispositio ad formam præparat substantiam ad eam, & ex consequenti, sicut substantiam ad causam materiam formæ, ita & dispositio, & tandem quæ rheologicarum admittit dispositivam ex parte nostra respectu primi effectus, prædestinationis, adiungit causam prædestinationis quod effectus. *Item* quoniam actus iste ad habere virtutem rheologicarum, probatur etiam antecedenti, merito, quoniam Concilium T. 1. capite 7. tripliciter, videtur loco citato obiter, tripliciter causalitatem dispositivam in ordine ad gratiam habentem, eodem modo significat eam in ordine ad habere virtutem rheologicarum, nam inquit, *hæc dispositio in præparationem iustificationis præcedit, quia non est sola peccati causa remota, & pūille dicitur, & remota per salutariam dispositionem, actus, & donum, & nonum dicitur præcedendum intelligi habere virtutem rheologicarum. Et postea in eodem capite dicitur, ostendit, quia actus, donum, & donum est proprie triplex, quæque dispositio, & continuo dicitur, dispositio, & donum, non remota, præcedens ad effectum, sed causa formæ, substantiæ, sicut, idem, item, & dicitur, ubi factus infusio, cum his habitibus continetur ad dispositivam, quæ nulli fuerit. Et CAN. 9. dicitur, *Infusio virtutis confertur gratiæ, & charitati.**

Et PRÆTEREA, Probatur ratione, actus isti, sunt proprie, & vere dispositio in respectu virtutis, non minus quam respectu gratiæ habitus: ergo etiam sunt cause dispositivæ, respectu ipsius virtutis, sicut respectu gratiæ. Et antecedens hoc probatur imprimis, quoniam nulla est ratio, cur actus, qui sunt proprii ipsorum habituum, & recipientium in eorum habetibus, disponant essentiam agentis ad receptionem gratiæ, & non disponant potentiam ad receptionem ipsorum habituum. Item quoniam hæc causalitas est vera, quia fidelis convertitur ad fidem per actum credendum, recipit habitum fidei, nullus est ratio, cur potius Deus infunderet ei huiusmodi habitum, quam illi, qui non habet actum repugnans fidei, neque etiam credit actus: & tamen ista causalitas non importat causalitatem meritoriam, quæ actus iste in ista causa fidei meritorius habet, ergo istam importat causalitatem dispositivam. Et ratio quoniam actus isti habent quicquid requiritur, ut disponant ad habentem, nam & sunt eiusdem ordinis cum ipso habitibus, & eiusdem speciei cum actibus, quæ postea producantur eis, et convenient substantia cum habitibus, & habent sufficientem proportionem, ut disponant ad eos: siquidem præparantur ad gratiam, quæ per naturam infunditur essentia animæ, quam habitus infunditur potentia, IAM PRÆTEREA, ARGUMENTUM arguitur propositum, quoniam videtur invidere contradictionem, esse aliud causam suæ cause efficientis, quantum ad eius causam, quæ & quærit, idem respectu eiusdem, & in eodem genere causæ, præsupponi ut habens effectum, & non habens effectum, & loquitur de esse simpliciter, præcedit, ut contra esse secundum quod, quod sic probatur, est aliud causa sua cause efficientis, quantum ad eius effectum: ergo in genere, in quo

prima gratia.

Sed contra, quia *in primis* in hac ratione *discriminis* petitur principium, siquidem supponitur ut certum id, de quo est disputatio, scilicet actus illos procedere efficienter à gratia; & *præterea* sic argumentor, tota ratio, propter quam principium esse actuum meriti non cadit sub merito, est, quod repugnat, aliquid habere causalitatem meritoriam circa suam causam efficientem, quia esset causa suæ causæ efficientis; sed hoc idem inconueniens sequitur, si dicas, actus, de quibus loquimur, esse causas dispositiuas respectu gratiæ, à qua procedunt efficienter, ergo nulla est ista ratio discriminis.

Neque potest responderi, actus illos, ut dispositiones, esse causas gratiæ in alio genere causæ, scilicet dispositionis, & non efficientis; quia etiam ut meritorij respectu gratiæ, à qua procederent, essent causæ in alio genere causæ, siquidem ab habitibus gratiæ, & virtutibus, procederent ut à principio efficienti, & non essent causæ efficientes ipsorum, sed mentorum; & causalitas causæ meritorij est valde distincta à causalitate efficientis physice.

Et Confirmatur, quoniam actus magis intensus, quo quis meretur augmentum gratiæ, & charitatis, habet rationem dispositionis, & meriti, respectu augmenti; & tamen iuxta oppositam sententiam non minus procedit efficienter, saltem quantum ad maiorem intensiorem, ab augmento, quam actus, de quibus loquimur à prima gratia: quia quantum ad maiorem intensiorem non possunt procedere à gradu gratiæ & virtutum, qui præsupponitur in subiecto; ergo non magis repugnat merito, procedere efficienter ab eo, quod habet rationem præmij, quam dispositioni procedere etiam efficienter à forma ad quam disponit.

TERTIO PROBATUR CONCLUSIO, testimonio Concilij **TATON.** in cuius sess. 6. decreto de iustificatione, aliqua dicuntur, quæ videntur eam confirmare: nam *in primis* cap. 5. ita dicitur: *ut qui per peccata à Deo auersi erant, per eius excitantem atque adiutantem gratiam, ad conuertendum se ad suam ipsorum iustificationem, eidem gratia libere assentiendo & cooperando, disponantur: ut tangente Deo cor hominis per spiritus sancti illuminationem, neque homo ipse nihil agat, inspirationem illam recipiens, quippe qui illam & abijcere potest, &c.* ex quibus verbis aliqua colliguntur apertè, quæ multum faciunt ad propositum;

Primum est, causam efficientem actuum, quibus ultimo disponimur ad iustificationem, esse gratiā Dei excitantem, & adiutantem, quod etiam definitur Can. 3. sub nomine *præuenientis inspirationis*, & Can. 4. sub nomine *excitationis & motionis*, ex quo sic argumentor, actus, quibus ultimo disponimur ad gratiam, procedunt efficienter physice à gratia illa excitante, siue præueniente, ut constat ex concilij doctrina: ergo non procedunt eodem modo etiam à gratia habituali; probatur consequentia *itaque quia*, quæcunque ex his duobus gratiis concurrat efficienter physice ad actus illos, debet concurrere informans, & constituendo in actu primo ad operandum illas potentias, quarum sunt huiusmodi actus. & constat nullam potentiam constitui in actu primo sufficienti per duas distinctas rationes agendi, siue virtutes actiuas, simul, & respectu eiusdem operationis; *itaque etiam quia* gratia excitans concurret cum libero arbitrio ad illos actus prius

A ordine naturæ, quam gratia iustificans habeat esse, & ex consequenti, quam possit operari, quoniam ipsi actus præsupponuntur ordine naturæ ad gratiam iustificantem, & ipsa gratia excitans non est effectus iustificantis; ergo non potest gratia iustificans concurrere efficienter ad eosdem actus simul tempore cum gratia excitante; patet *istā consequentia*, quia difficulter explicari potest, quomodo idē effectus possit ita procedere efficienter à duabus causis, ut ab vna procedat prius natura, quam ab alia: nisi dicamus, prioritatem & posterioritatem consistere in subordinatione vnius causæ ad aliam, in ordine ad cōcursū actualē, sicut dici solet de causis particularibus, & vniuersalibus; & in hoc casu constat, gratiā iustificantē nō subordinari excitanti.

Secundo dicit concilium, eisdem in locis, *liberam arbitrij excitantem & præuenientem à Deo, ita libere concurrere ad illos actus, ut possis non concurrere, etiam in eo instanti, quo concurris, & supposita gratia, quæ est eorum principium*; ex quo sic argumentor, Gratia habitualis cum virtutibus non potest esse principium effectuum illorum actuum, nisi ut præexistēs, & informās, atque constituens in actu primo animam, & eius potentias; inquit ergo, an ita præsupposita gratia cum virtutibus in anima & potentijs, maneat homo determinatus ad eliciendum actus illos, vel potius maneat indifferens ad eliciendum, & non eliciendum; & videtur non posse dici primum, quia repugnat Concilio, ponere determinationem, ubi concilium definit esse indifferentiā; Si vero dicatur secundum, sequitur, posse gratiam recipi in homine sine vlla dispositione.

Dices hominem manere simpliciter liberum, & indifferente ceterū ex suppositione, quod præsupponatur gratia, necessū esse, quod eliciat illos actus

Sed contra, quia licet in alijs casibus libertas aut indifferentiā simpliciter possit esse simul eū necessitate & suppositione: tamen in isto casu hæc duo videntur repugnare; quod sic probatur: suppositio gratiæ secundum suum esse, quæ præsupponitur ad cōcursū hominis ad illos actus, requirit, præsupponi etiam ipsos actus, tanquam dispositionē ad gratiam: ergo non relinquit in homine indifferentiā simpliciter ad concurrendum, vel non concurrendum ad eosdem actus.

Tertio dicit concilium, c. 7. illius sessionis, *gratiā infundi vnicuique maiorem, vel minorem, secundū propriam cuiusque dispositionem & cooperationē*, ubi videtur significare, non præsupponi gratiam, saltē quantum ad gradum, quem est habitura, ad dispositionē subiecti, sed potius subleui.

Et tandem concilium in illo cap. 5 & can. 3. & 4. ita explicat ordinem, quo homo disponitur ad gratiam, & recipit eam, ut dicat, *præsupponi gratiam excitantem & præuenientem, tanquam principium requisitum, ut homo se conuertat in Deum, & ut elicias actus credendi, sperandi, diligendi, & prouidendi sicut oportet, ut ei iustificationis gratia conferatur*: id est, sufficientes ut sint quales requiruntur, ut ex eis constituatur vltima dispositio ad gratiam; & postea ab isto principio simul cum libero arbitrio fieri vltimam dispositionem, & ea supposita infundi gratiam & habitus virtutum; ubi Concilium non collocat gratiam habitualem ex parte principij requiriti ad vltimam dispositionem, sed absolute dicit consequi ad ipsam dispositionem.

VI. TERTIO PROBATUR TESTIMONIJS D. THOM. NAM IN-

primum supra q. 112. art. 2. dicit expresse ad gratiam habituale præquiri dispositionem, & hanc dispositionem esse effectum auxilij Dei mouentis ad bonum, & ad hoc auxilium non præquiri aliam dispositionem, quia quæcunque præparatio in homine esse potest, est ab auxilio Dei mouentis animâ ad bonum; ubi aperte D. Th. distinguit auxilium, quod est principium ultimæ dispositionis, à gratia habituali; quoniam non esset verum de quacunque dispositione, quæ in homine possit esse, procedere à gratia habituali; & articulo sequenti dicit, gratiam habitualement consequi infallibiliter ad nostrâ præparationem; quatenus est à Deo mouente cor hominis; ut consequatur gratiam; ubi totam rationem infallibilis consequentis, reducit in intentionem Dei mouentis, ut homo consequatur gratiam; quod tamē non esset necessarium, si ipsa gratia habitualis cum virtutibus præsupponeretur in homine, tanquam principium suæ præparationis Item 1. p. q. 62. art. 2. ad 3. ita inquit. *triplex est conversio in Deum, una quidem per dilectionem perfectam, quæ est creatura iam Deo fruentis, & ad hanc conversionem requiritur gratia consummata; alia conversio est, quæ est meritum beatitudinis, & ad hanc requiritur habitualis gratia, quæ est merendi principium; tertia conversio est, per quam aliquis præparat se ad gratiam habendam, & ad hanc non exigitur aliqua habitualis gratia, sed operatio Dei ad se animam convergentis*, quibus verbis nihil potuit dici apertius pro nostra sententia. & 3. p. q. 86. art. 6. ad 1. inquit D. Th. actus fidei, & penitentis, qui sunt in homine cum iustificatur, esse effectus gratiæ operantis; & tamen constat ex doctrina D. Th. supra q. 111. art. 2. gratiam habitualement non dici operantem respectu actuum liberi arbitrij, sed solum quatenus dat esse, quare ibi D. Th. vel dicit, illos actus esse effectus gratiæ operantis, prout omnia, quæ antecedunt iustificationem, solent isto nomine comprehendere, ut ex aliorum sententia retuli supra in fine q. 111. in tractatu de diuisione gratiæ actualis dubio primo: vel, quia vere sunt effectus gratiæ, quæ, licet respectu eorum sit *cooperans*, tamen *secundum se est operans*, scilicet, illustrationis & inspirationis, quæ appellatur gratia operans à nomine suæ causæ, scilicet auxilij, quo Deus mouet ad illos actus, qui appellantur illustrationes, & inspirationes. Et tandem eadem 3. p. q. 89. art. 1. ad 2. ita inquit, *actus primus penitentis se habet ut ultima dispositio ad gratiam consequendam, scilicet contritio, alij vero sequentes actus penitentis procedunt tam ex gratia & virtutibus.*

§. 3. Altera pars vera sententia negatiua.

SECUNDA CONCLUSIO; *Ultima dispositio ad gratiam non procedit efficienter ab infusione gratiæ habitualis, si præcise sumatur pro actione Dei, quatenus per eam producitur gratia habitualis, neque ab ipsa gratia habituali, sine consideratione secundum suum esse absolute, sine prout terminat infusionem.* Hæc conclusionem statuo tot verbis contra sententiam CAIETANI, ut comprehendam omnes modos, quibus illa sententia solet intelligi; nam proculdubio littera CAIETANI est difficilis.

Et prima pars huius conclusionis, scilicet, *ultimam dispositionem non procedere efficienter ab actione Dei, quæ producitur gratia*, debet intelligi, vel absolute de illa actione, si Deus operetur ad extra actione transeuntis, vel saltem præcise, quatenus est actio

A productiua gratiæ habitualis, si Deus non operetur actione formaliter transeuntis; & ita explicata probatur; quia vel per illam actionem producitur ultima dispositio *immediate*, hoc est, ita ut nihil producat prius ordine nature; vel *mediate*; hoc est, ita, ut prius producat gratia habitualis, & ea mediate, aut saltem præsupposita, producatur ultima dispositio; si dicatur *primum*, habetur intentum, scilicet non produci ultimam dispositionem per actionem Dei præcise consideratam, quatenus est infusio gratiæ, quoniam si illa actio sit formaliter transeuntis, identificabitur cum termino producto, & ex consequenti, cum terminus productus sit duplex, & sine subordinatione, quia uterque producitur immediate, etiam actio erit duplex; suppono tamen, non posse dici, ultimam dispositionem produci immediate, & ea mediante produci gratiam habitualement, sicut in naturalibus media dispositione producitur forma substantialis; quoniam ultima dispositio ad gratiam nullo modo concurret ad eam efficienter, ut supra ostendi; Si vero dicatur *secundum*, aut præsupponitur gratia ut causa efficiens ultimæ dispositionis, sicut essentia præsupponitur ad passionem, & hoc impugnabitur statim in secunda parte conclusionis; aut præsupponitur solum in genere causæ materialis, & ordine generationis, & ex hoc sequitur, gratiam habitualement habere rationem dispositionis, & esse minus perfectam respectu ipsius ultimæ dispositionis; quia semper ea, quæ sunt priora ordine generationis, si non sint simul priora in genere causæ efficientis, sunt dispositiones, & minus perfectæ, ut patet in gradibus eiusdem formæ substantialis.

SECUNDA etiam pars, scilicet *quod gratia neque ut terminat actionem quæ producitur, neque considerata secundum suum esse absolute, & præcise sumendo à receptione eius in subiecto, non sit causa efficiens ultimæ dispositionis*, probatur, quia, gratia non potest esse causa dispositionis, nisi quatenus simul cum habitibus virtutum informat, & constituit in actu primo suum subiectum, scilicet animam, & potentias; siquidem ultima dispositio consistit in actibus ipsarum potentiarum; ergo, cum non possit, quatenus est in subiecto, esse causa efficiens ultimæ dispositionis, ut ostensum est in obelusione præcedenti, sequitur, quod nullo modo sit causa eius efficiens. Quare meo iudicio ista distinctio gratiæ, quæ ex CAIETANO refertur, est omnino inutilis ad defendendum, gratiam esse aliquo modo causam efficientem ultimæ dispositionis.

SED ADVERTI, alios excogitasse aliud modum, quo intelligi possit, ultimam dispositionem esse priorē gratia, ut dispositionem; & nihilominus procedere ab ea, ut à causa efficiēti; dicunt enim, quod sicut, iuxta doctrinā CAIETANI 1. p. q. 76. a. 6. circa solut. ad primū, forma substantialis habet distinctos gradus, scilicet communem formæ corporeæ, & specialem atque particularem talis formæ; & quantum ad priorē gradum non indiget dispositionibus in materia, sed solum quantum ad posteriorē, quia materia de se, & ex propria natura, est satis determinata, & proportionata ad recipiendum formam substantialem, aut corpoream, non tamen ad recipiendum formam talis speciei, & tale esse; & quantum ad priorē gradum est simpliciter prior ultimæ dispositioni, & causa efficiens ipsius; tamē quantum ad posteriorē non est prior, neque causa, sed posterior & effectus in genere causæ materialis, & dispositiue; sic etiam gratia habet distin-

ctos gradus, nam & est perfectio animæ, & talis perfectio, vel, ut alij distinguunt, sanat naturā confortādo eā, etiam quoad naturalia; ut possit elicere dilectionem Dei super omnia; & præterea, iustificat eā & facit confortem diuinæ naturæ; & quantum ad priorem gradum, est causa efficiens vltimæ dispositionis, & quantum ad posteriorem non est causa efficiens, sed effectus in genere causæ dispositiue.

Verum hac distinctio, quamuis in formis substantialibus locum habeat, quoniam vltima dispositio non est tantæ perfectionis, ut postulet in forma vltimum gradum, ad hoc ut procedat ab ea efficienter, sed forma, secundum priorem gradum est principium satis proportionatum respectu ipsius: tamē respectu gratiæ non potest habere locum, quoniam vltima dispositio ad eam consistit in actibus dilectionis & contritionis, qui non possunt procedere à gratia, nisi quatenus habet adiunctos habitus virtutum, quantum ad vltimos gradus pertinentes ad ipsorum specificationem; nam respectu actus charitatis non erit proportionatum principium efficientium habitus charitatis, prout est perfectio animæ, aut voluntatis in communi, nisi includat vltimum gradum suæ specificationis.

§. 4. Argumenta ab auctoritatibus sententiarum dissoluntur.

AD PRIMUM respondebimus, explicando tria testimonia D. THO. eo ordine, quo in ipso ponuntur; Et DE PRIMO, dicendum est D. THO. loqui de principio effectiuo, nō quidē proprio, aut physico, sed per quandam redundantiam morālē, quatenus scilicet ex eo, quod subiectum sit gratiæ, & acceptum Deo, redundat moraliter, & secundū moralem & prudentem estimationem in actū procedentem ab eo, ut etiā sit gratus, & acceptus Deo in ordine ad finē supernaturālē: & iste modus causalitatis ab aliquibus appellatur *informatio*, quia ex eo quod gratia informando subiectum reddit ipsū gratum, & acceptum, sequitur, quod etiam opus eius sit gratum; & à D. THO. reducitur ad efficientiam late loquendo de ipsa. Et DE SECUNDO dicendū est, quod cum D. THO. dicit, motum liberi arbitrii, quo disponimur ad iustitiā, non esse causā gratiæ, sed effectum: intelligit nomine *gratiæ* auxiliū supernaturālē; & tandem de TERTIO dici potest, nomine *infusionis gratiæ*, ibi intelligi omnem actionem, quæ Deus concurret ad gratiam, siue producendo eam, siue conferendo virtutem supernaturālē, quæ subiectum disponatur ad eam: & quamuis Deus concurret ad hæc omnia distinctis actionibus, ut supra ostendimus; tamen D. THO. sumere eas, tanquā vnā actionem totālē, & appellare eam infusionē gratiæ, & de hac actione, quæcum ad hoc secundū, dicere, esse priorem ordine naturæ, quā motū liberi arbitrii, quia est prior in genere causæ efficientis; sicut nomine generationis solet sæpe significari actio, quæ producit formā, & quæ producuntur dispositiones præcedentes formā; & ita solet dici, generationē actiue sumptā esse priorem ordine naturæ, quā dispositiones præcedentes, scilicet quatenus includit productionem eorum.

Neque contra hoc obstat id, quod obicitur ex solutione ad 1. quoniam admittimus, quod, sicut ibi fit sermo de consecratione gratiæ habitualis, etiam in verbis, quæ explicamus, fit sermo de infusione gratiæ habitualis; cæterum non quantū ad productionem gratiæ habitualis, sed quantum ad produ-

ctionem dispositionis.

Ad secundum, Respondetur primo negando antecedens quoad posteriorem partem, scilicet, esse magis consonū naturis rerū, quod actus, quibus vltimo disponimur ad gratiā, procedat efficienter ab ipsa gratia, & virtutibus infusis; immo quia in naturalibus, actus, quibus disponimur ad habitus acquisitos, nō procedunt efficienter ab ipsis habitibus; immo etiam quia, licet absolute loquendo sit magis consonū naturæ intellectus, & voluntatis, eleuari ad operandum per habitum, quā per auxiliū: tamen supposito, quod operationes, ad quas eleuatur, debeant esse dispositiones præcedentes respectu habituum, magis consonum est eleuari per auxiliū, quoniam naturale est ipsis, ut dixi, quod actus, quibus disponimur ad habitus acquisitos, non sint effectus ipsorum habituum. Secundo respondetur negando idē antecedens quoad priorem partē, scilicet, non repugnare, quod gratia habitualis sit causa efficiens actuum quibus vltimo disponimur ad eam; & ad probationē, dicendū est maximā illā, non repugnare idem respectu eiusdē efficiens causam & effectum. Et prius & posterius in diuerso genere causæ, esse omnino falsam, quādo sit cōparatio inter causā efficientē, & aliquā ex reliquis, præter finalem; ut in præsentī sit cōparatio inter gratiā ut causā efficientē, & actus nostros ut causā materiale, & dispositiui; ad quod ostendendū sufficiens ratio implicationis explicata est in primo argumento, quo confirmauimus primā conclusionē, scilicet, quod illa alia causa, quæ esset causa sui efficientis, præsupponeret in suo genere, ut habens esse, & ut non habens esse.

Et si obieciat, nō esse necessariū ad causalitatem materiale vel formale, præsupponi causā ut habentem esse, sicut in illo argumento supponitur, siquidē forma saltē materialis, informat materiā, quod est exercere causalitatem formale, prius quā sit; & materia & forma prius secundū proprias causalitates concurrunt ad constitutionē totius, quā ab eo participant existētiā; & ex consequenti, quā habent esse, supposito quod partes cōpositi physici nō habeant proprias existētiās; Respondetur, quod cū hæc dicuntur, non significatur, materiā & formam in aliqua prioritate exercere has causalitates, in qua nō habeant esse, quia ad quācunque harū causalitatum præsupponitur causalitas causæ efficientis, quæ non potest terminari ad eā, nisi prout habet esse; sed solum significatur dependentia aliqua in modo participandi esse ab efficiēti, scilicet, quod nō participant esse immediate ab efficiēti; sed per totū, nō tanquā per causā, sed quasi per mediū; & derivari immediate ad eas ab efficiēti esse, sed mediante toto; Et ad exempla adducta in hoc argumento, dicendū est, in primo, causam efficientem apertionis fenestæ nō esse ipsum ingressum aeris, sed motū, quo aer motus ab agente extrinseco mouet, atque impellit extrinsecus fenestrā; & apertionē fenestæ nō esse causā dispositiui respectu huius motus & impulsus, sed solum respectu ingressus aeris; qui ad eum consequitur: itaque primū non esse motus, qui est impulsus, siue primū esse motui esse, est vltimus non esse apertionis fenestæ, & ingressus aeris; & apertio fenestæ nullo modo pender ab ingressu aeris tanquā à causa, neque est posterior eo, sed simpliciter & absolute est prior. Et ad secundum exemplum dicendum est, accidentia, quæ producuntur in eo instanti, quo introducit forma substantialis, non

esse dispositiones præcedentes, sed concomitantes, neque disponere, aut esse causas dispositivas ad esse formæ, sed ad bene esse; aut secundo dici potest, cum CATATA loco citato accidentia illa procedere efficienter à forma, secundum priorem gradum, & disponere ad eandem secundum posteriorē gradum; Et tandem ad tertium exemplum dici potest primo, non esse ad propositum, quia expulsio formæ præexistentis est effectus formalis secundarius formæ, quæ introducit, & in genere causæ efficientis solum est effectus generantis, quod introducendo formam incōpossibilem formaliter formæ præexistenti, expellit eam. Aut secundo dici potest, expulsionem vnius formæ nullo modo esse causam materiale, aut dispositivam introductionis alterius formæ, sed esse quid consequens ad eam: appellari tamen priorem in genere causæ materialis, quia requiritur ex parte materiz, tanquam condicio, non quidem ipsa expulsio, sed formam ita fuisse, ut tunc verum sit dicere non esse.

AD TERTIUM responderetur, concedendo primam sequelam, & negando, ex eius consequenti sequi illa duo inconuenientia. Et ad probationē primam, patet solutio ex ijs, quæ diximus art. 1. huius q. dub. 3. in solutione secundi argumenti, ubi explicui, quæ ratione actus charitatis non sufficiat ad expellendum peccatum, sed solum concurrat dispositiue, & ulterius requiratur liberalis acceptatio, & remissio ex parte Dei, quam Deus facit infundendo gratiam; & per ipsam gratiam; Et per hoc patet solutio ad primam probationem secundum inconuenientiam; Et ad secundam descendendum est, hominem, priusquam eliciat illum actum charitatis, diligere à Deo, non quidem dilectione amicitiz, sed beneuolentiæ, quantum ad hoc, quod est, conferre ei, auxiliū supernaturale ad habendum actum charitatis, & eleuare hominem ut possit habere amicitiam cum Deo.

Et ex eodem loco petenda est solutio ad primam confirmationem; Et ad secundam descendendum est, quod homo quatenus præsupponitur ordine naturæ ad istos actus, tanquam eorum principium, non præsupponitur ut amicus, neque ut inimicus, quia ut non præsupponatur ut amicus, satis est, quod quatenus præsupponitur ad actus, præsupponatur etiam consequenter ad gratiā, quæ actus præcedunt ordine naturæ tanquam dispositiones ad eam; Et ut non præsupponatur ut inimicus, satis est, quod in instanti temporis, quod continet has prioritates naturæ, non habeat peccatum.

Neque ex hoc sequitur, dari aliquem statū hominis, in quo ipse homo, neque sit amicus Dei, neque inimicus, quia prioritates naturæ, non importāt durationem, neque constituunt statum;

Et si obieciat, quia homo, sicut in illo instanti temporis non habet peccatum, ita habet gratiam; & sicut quatenus ordine naturæ præsupponitur ad actus, est prior quam gratia ita etiam est prior, quæ expulsio peccati, quæ est effectus secundarius gratiæ; ergo nulla est ratio, propter quam, ut præsupponitur ad actus, dicatur non inimicus, & non dicatur amicus. Respondetur esse discrimen, quia negatio ex sua natura habet negare totum, & ideo satis est hominem in illo instanti temporis non habere peccatum, ut pro nulla prioritate naturæ cōferta in illo instanti, præsupponatur ut habens peccatum, vel ut inimicus. Et hoc idem argumentum cum suis confirmationibus potest fieri contra eos, qui

A dicunt, vltimam dispositionē procedere efficienter ab ipsa gratia; quia inquiri potest, utrū homo, quatenus præsupponitur cum gratia ad actus charitatis & penitentiz, præsupponatur ut habens peccatum, vel ut carens peccato, ut amicus, vel ut inimicus, &c.

AD QUARTUM Responderetur, Concilium per verbum *vero* & *efficere membrum vniū*, non significare efficientiam, sed causalitatem formalem, sicut D. THO. cum gratiam habitualement, quatenus dat esse, appellat operantem, ut dixi supra q. 111. a. 2.

Ad confirmationem, negatur antecedens, quia iustus, quamuis nullum opus exerceat, quod procedat à vita spirituali, viuunt vita spirituali.

AD VLTIMUM Responderetur, concedendo antecedens, & negando consequentiam, si consequens intelligatur de actu, quoad substantiā, aut aliquid physicum in ipso existens, & superadditū suæ substantiæ, siue absolutum, siue relatiuum; quoniam, ut actus sit meritorius, supposito quod habeat reliquas condiciones, scilicet bonitatem moralem, & ordinem aliquem in finem supernaturalem, (quas vltima dispositio habet, quatenus procedit ex auxilio supernaturali) solum requiritur quædam dignitas & acceptatio in ordine ad æternam vitam; huius autem acceptationis, & dignitatis causa potest esse ipsa gratia, supposito quod inhereat, sine vlla causalitate physica, & solum per quandam redundantiam moralem, quæ consistit in hoc, quod acceptatio, & dignitas, quam gratia communicat subiecto, deriuatur moraliter in actum, ita ut etiam ipse actus possit prudenter, & moraliter iudicari dignus, & acceptus in ordine ad æternam vitam. Itaque actus, qui prius natura productus erat, succedente gratia, qua subiectum fit gratum, & acceptum in vitam æternam, redditur etiam gratus, & acceptus in ordine ad eam, per hoc solum, quod procedit à subiecto grato, & accepto; ut cepi explicare in solutione primi argumenti primæ sententiæ.

ARTICVLVS VIII

Vtrum iustificatio impij sit maximum opus Dei.

PRIMA CONC. Ex parte modi agendi maius opus est creatio, quam iustificatio impij.

SECUNDA CONC. Ex parte rei facta, maius opus est iustificatio impij, quam creatio cali & serræ.

TERTIA CONC. Glorificatio iustorum, est maius donum, quam gratia iustificans impium, si quantitas doni absolute consideretur.

ULTIMA CONC. Si quantitas doni consideretur per respectum ad eum cui conferitur, maius donum est iustificatio impij, quam glorificatio iustorum.

COMMENTARIVS.

CIRCA PRIMAM Conclusionem aduerte, ex ea colligi, gratiā non produci per creationem, de quo egi supra q. 112. art. 1.

CIRCA 2. Conclusionē posset inquiri;

Vltimum

Utrum gratia sit perfectior omnibus cunctis creatis, non solum accidentibus, tam naturalibus, quam supernaturalibus, sine ulla sine patris, sed etiam substantiis, tam materialibus quam immaterialibus sed de hoc egi supra. & peculiante de comparatione inter gratiam & charitatem egi q. 100. art. 3. in resolutione. & tunc argumentis debij populi, circa principalem conclusionem articuli.

CIRCA DIVERSITATEM conclusiones, adverte, iuxta doctrinam eandem, esse dissoluendum aliud dubium, quod D. THOMAS proponit 1. 2. q. 100. art. 2. scilicet, an deum innocentia sit maius deum gratia deum penitentie.

ARTICVLVS X.

Utrum iustificatio impij sit miraculosa?

PRIMA CONCLUSIO, si per miraculum intelligatur, quod solum potest fieri deum virtute, iustificatio impij est miraculosa.

SECUNDA CONCLUSIO, si miraculum dicatur quod

super naturalem potentiam vel sensu, iustificatio impij non est miraculosa, quia naturaliter anima est gratie capax.

TERCIA CONCLUSIO, si miraculum appetatur, quod si prater consuetudinem modum, iustificatio impij regulariter non est miraculosa, licet aliquando sit miraculosa.

CIRCA PRIMAM conclusionem, videnda sunt, quae dixi supra q. 112. de causa effectus gratiae.

CIRCA SECUNDAM conclusionem adverte D. THOMAS non concedere, esse in anima potentiam naturalem ad gratiam; sed capacitatem quandam, quam nos appellamus potentiam obiectivalem super q. 112. art. 1. cum videri inquit, iustificationem non esse miraculosa ex parte recipientis, quia prima est huiusmodi capacitas naturalis respectu gratiae & suscitacionem motum esse miraculosa, quia est supra naturalem potentiam corporis, non negat, in corpore esse naturalem capacitatem respectu animae rationalis, sed quia capacitas animae respectu gratiae reducitur in actum ab agente, quod ipsa suapte natura postulat, scilicet, non ab agente creato naturali, sed à Deo, ideo dicit iustificationem impij ex parte materiae non esse miraculosa, & suscitacionem motui ex eadem parte esse miraculosa.

INDEX

ARTICVLVS ET DVBIORVM
LECTURAE OCTAVAE DE IUSTIFICATIONE.

QVÆSTIO CXXII.

De iustificatione impij.

PROOEMIUM.

Varie acceptiones iustitiae & iustificationis.

ART. 1. *Utrum iustificatio impij sit remissio peccatorum.*

Commentarii.

DVB. VNIC. *An remissio peccatorum sit vera abolitio eorum, vel sola non impeditur ad penam.*

§. 1. *Haereticorum sententia, & fundamenta.*

§. 2. *Sententia Catholicorum veritas & abolitio peccata, & non tantum re.*

§. 3. *Ad fundamenta haereticorum.*

ART. 2. *Utrum ad iustificationem impij requiratur gratia iustificans?*

Commentarii.

DVB. 1. *An de lege ordinatur remissio peccati sit formalis effectus gratiae?*

§. 1. *Haereticorum praesentium, & error Alberti Primi &*

Francisci Secundi.

§. 2. *Sententia Catholica affirmans gratiam esse causam formalem remissionis peccatorum.*

§. 3. *Ad argumenta contrarii erroris.*

DVB. 2. *An de potentia absoluta possit remitti peccatum sine infusione gratiae?*

§. 1. *Explicatur sensus debij. Varie gratia accipitur, pro extrinseca, intrinseca, habituali, actuali.*

§. 2. *Causa sententia negatoria, non posse sine gratia habituali.*

§. 3. *Aliarum sententia posse sine habituali, non tamen sine aliqua intrinseca.*

§. 4. *Alia sententia, posse sine omni intrinseca, non tamen sine extrinseca.*

§. 5. *Resolutio. Homini in parvi naturalibus possit remitti peccatum sine omni gratia intrinseca & extrinseca.*

§. 6. *Homini clivato possit remitti peccatum sine naturali gratia, ut vi restitatur illi commissa in Deo, & acceptata ad amissionem supernaturalem.*

§. 7. *Posse idem fieri sine omni gratia intrinseca.*

§. 8. *Peccatum posse eadem remitti sine omni gratia, etiam extrinseca.*

§. 9. *Solventur argumenta prima sententiae. Oppositio gratiae & peccati declaratur.*


§. 10. *Solventur argumenta aliarum sententiarum.*

DVB. 3.

- Dub. 1.** An prima habitualis passio esse formaliter in preteritis rationis subiectis.
- §. 1.** Prima sententia negat id esse possibile.
- §. 2.** Altera sententia veritatem affirmat fieri posse.
- §. 3.** Priori sententia argumenta dysoluntur, ubi de formalis effectus gratia.
- Art. 3.** Primum ad iustificacionem impij requiratur aliquis motus liberi arbitrij.
- Commentarius.**
- Dub. 1.** Primum ad iustificacionem impij, qui vel habet, vel aliquando habuit usum rationis, requiratur dispositio aliqua, qui sit motus liberi arbitrij?
- §. 1.** Harofa (substantivum & Preteritum) aliorum ad negant.
- §. 2.** Sententia Catholicorum certa de fide, ad affirmand.
- §. 3.** Ad sententiam Lutherianorum.
- Dub. 2.** An per potentiam Dei abiectionem possint remitti peccata sine motu aliquo liberi arbitrij.
- §. 1.** Sententia negativa rationis.
- §. 2.** Sententia affirmativa preferitur.
- §. 3.** Solutio rationum opposita opinionum.
- Art. 4.** Primum ad iustificacionem impij requiratur motus fidei.
- Commentarius.**
- Dub. vnic.** An fides, & concubitus fidei requiratur ad iustificacionem.
- §. 1.** Error haresicum de fide specialis.
- §. 2.** Contraria sententiaque §. 1. a fide Catholica habetur.
- §. 3.** Soluuntur rationes haresicum.
- §. 4.** Fides requiritur ad iustificacionem, non est fiducia, sed alius intellectus.
- §. 5.** Fides sola non iustificat.
- Art. 5.** Primum ad iustificacionem impij requiratur motus liberi arbitrij in peccatum.
- Commentarius.**
- §. 1.** Quomodo alia libertas arbitrij ad peccacionem concurrunt.
- §. 2.** De alia ratione.
- §. 3.** De alia spei.
- §. 4.** De alia dilectionis.
- §. 5.** De alia penitentia.
- §. 6.** De proposito recipiendi sacramenta, & observan-

- di precepta.
- §. 7.** An ista dispositio debet esse formaliter in ipso paulo iustificacionis?
- Art. 7.** Primum remissio peccatorum debet numerari inter causas requiruntur ad iustificacionem impij.
- Dub. 1.** Primum remissio culpa sit consummatio, & peremptio ad remissionem respectu iustificacionis?
- §. 1.** Ratio dubitandi pro parte negativa.
- §. 2.** Resolutio pro affirmativa.
- §. 3.** Argumenta utriusque solvuntur.
- Dub. 2.** Primum remissio peccati concurrat ad iustificacionem, id est, quomodo a quo ista iustificacio formalis fit?
- §. 1.** Dubitatio ratio pro utraque parte.
- §. 2.** Sententia Catholicorum.
- §. 3.** Reguntur casus sententia.
- §. 4.** Veritate sancta.
- Dub. 3.** Primum iustificacio gratis, & remissio peccati sine dote ministrantur?
- §. 1.** Sententia que sita speritur.
- §. 2.** Negat Catholicorum.
- §. 3.** Affirmat etiam sententia.
- §. 4.** Argumenta solvuntur.
- Art. 7.** Primum iustificacio impij fit sine iustitia, nec mercedem.
- Commentarius.**
- §. 1.** Declaratur doctrina D. Thomae.
- §. 2.** Obiectio huius opposuitur.
- §. 3.** Alia ad eandem solvuntur.
- Art. 8.** Primum gratis iustificacio fit prima ordine natura inter causas requiruntur ad iustificacionem impij.
- Commentarius.**
- Dub. vnic.** Primum gratis habitualis fit prior natura in genere causis. Scilicet quam motus liberi arbitrij in Deum, & in peccacionem?
- §. 1.** Paritas peccacionis, & causae dubitandi.
- §. 2.** Prior pars vera, & mentis negatur.
- §. 3.** Altera pars vera sententia.
- §. 4.** Ad argumenta priora opinionum.
- Art. 9.** Primum iustificacio impij fit maximum opus Dei.
- Art. 10.** Primum iustificacio impij fit opus mirabile sum.

Gloria Patri & Filio, & Spiritui sancto vni trinoque Deo optimo maximo, Laus B. Virgini, B. Benedicto & omnibus sanctis Dei. Amen.



INDEX QVÆSTIONVM

ET DIFFICVLTATVM PRÆCIPVARVM QVÆ IN
HIS LECTVRIS EXAMINANTVR PER LOCOS COMMV-

NES, ORDINE ALPHABETICO DIGESTVS.

ACCIDENS.

AN accidens supernaturale sit mobilis substantia
naturalis, 77.2

ACTIO.

Utrum passionibus accipiant speciem à principijs efficien-
tibus, à quibus dimanant, 26.1

ACTIO VITALIS.

An producta à solo Deo, vel ab aliquo intellectu crea-
to possit vniuersaliter intellectui, per modum actus se-
cundi, 90.1

ACTIO HUMANA.

Quamuis actiones dicantur proprie humane, 3

An intentio finis ultimi sit actio humana, pag. 5. 1

An amor Dei clare visi sit actio humana, ibid.

An actiones infantium & amentium sint proprie hu-
mane, 6. 2

An omnes & sola actiones humane sint propter finem,
pag. 7. col. 1

An actio imperata aut elicitā possit habere rationem
ultimi finis, 14.1

An omnis actio humana sit bona vel mala moraliter,
219.1. Vide Bonitas moralis.

An actiones humane sumant bonitatem & malitiam
ex obiecto, circumstantijs & fine, 250.2. Vide Bo-
nitas moralis.

Specificatio actuum ex obiecto bono & fine bono; & ob-
iecto malo ac fine malo, 281.2. Ex obiecto bono & fi-
ne malo, ibid. De obiecto malo & fine bono. 285.2

Utra species primo conueniat actibus ex obiecto operis,
an ex fine operantis, 288.1

Utrum species actuum quæ est ex fine contineatur sub
specie, quæ est ex obiecto, sicut sub genere, & e con-
uerso, 291.1

ACTVS INDIFFERENS.

An detur actus indifferens secundum speciem suam,
292.2

An detur aliquis actus indifferens secundum indini-
dum, 295

ACTVS.

Actus excedit habitum in genere moris, 374.2

Habitus infusi & supernaturales potiores entitate sunt
suis actibus, 376.1

Probabile est habitus acquisitos esse potiores actibus in
genere Entis: sed oppositum est probabilius, 377.2

ADAMVS.

An fuerit constitutus à Deo caput omnium hominum
in esse naturali & morali, 601.1

An Adamus adhuc semper dicendus sit peccare, 607.2

Quomodo conueniebat ei in statu innocentie non posse

peccare venialiter,

708.2

AMOR.

An amor ex propria ratione habeat unire potius quàm
visio, 101.1

An amor Dei prærequiratur ad beatitudinem ut ratio
secundum quam obiectum terminet visionem, 106.2

An amor consequens visionem requiratur ad beatitu-
dinem ut pars eius essentialis, aut connotatum, aut
dispositio ex parte obiecti, vel subiecti, 108.2

ANGELVS.

An angelus bonus vel malus possit peccare venialiter.

APPETITVS.

An appetitus ex sua ratione propria sit assequens finis,
103.2

An propria inclinatio appetitus sensitiui sit ad malum
rationis, 370.1

An appetitus sensitiui sit peccatum, 474.2. & 483

An appetitus sensitiui habeat aliquam libertatem, 477.1

An omnes motus appetitus sensitiui circa illicita, sint
peccata, 478.2

Rebellio appetitus an habeat difficultatem intrinsecam
libero arbitrio, 797.2. & 804.1

Arrogantia. Vide Superbia.

ARS.

Voluntas vitatur habitu artis ad id quod in opere artis est
bonum, & non quantum ad id quod est malum, 325.1

AXIOMATA.

Declaratur axiomata omnia quæ sunt in aliquo genere
deriuantur a principio illius generis. 13. col. 2.

Axioma. Cognitio principiorum inscientijs specula-
tiuis non extenditur ultra id, ad quod cognitio sensi-
bilium potest ducere. 60. col. 1. & 2.

Axioma. Nihil perfectius ab inferiori, nisi secundum
quod in inferiori est aliqua participatio superioris.

1. BEATITVDO.

Tractatus de beatitudine incipit a pag. 49. ordo & me-
thodus eiusdem. ibid.

2. BEATITVDO OBJECTIVA.

An consistat in diuinitis, 51. col. 1.

An in honoribus, ibid. col. 2.

An in gloria, 52. col. 1.

An in potestate, 53. col. 1.

An in aliquo bono corporis, ibid.

An in voluptate corporali, ibid.

An in aliquo bono animæ, 54. col. 1.

An in aliquo bono creato, ibid. col. 2.

3. BEATITVDO FORMALIS.

An sit aliqua beatitudo formalis supernaturalis. 64.1.

An ea possit secundum rationem suam essentialem per-

fectionem

Index rerum memorabilium.

fectionem acquiri in hac vita,	64.2
Quid nomine beatitudinis formalis intelligatur.	ibid.
An significet coniunctionem cum summo bono, qua sufficiat ad satietatem appetitum,	65.2
An sit aliquid increatum,	56.1. & 81.1 & 84.1.2
An sit unio summi boni cum substantia anima,	67.1. & 75.2
An consistat in aliquo habitu,	78.1
An sit operatio,	57.1. & 79. & 83.1
An sit operatio partis intellectus tantum, pag.	57.2. & 90.2
An sit operatio intellectus vel voluntatis; vel utriusque.	57.2. & 91.2
An sit operatio intellectus speculativi, an practici,	58.1. & 112.1
An consistat in consideratione scientiarum speculativarum,	58.2
An consistat in cognitione substantiarum separatarum,	62.1
An consistat in visione divina essentia, pag. 70. col. 1. & pag. 98. col. 1	
An consistat in delectatione voluntatis consequente visionem & amorem Dei, pag. 92. col. 2. & pag. 97. 2. & pag. 115. col. 1	
An consistat in amore amicitie erga Deum, pag. 93. 2. & pag. 115. 2	
An consistat in pluribus actibus, pag. 96. col. 1. & pag. 114. 1	

4. BEATITUDINIS ADIVNCTA.

An ad beatitudinem requiratur delectatio, pag. 117. 1	
Vita sit principaliter in beatitudine, visio, an delectatio,	137.1.
An ad beatitudinem requiratur comprehensio, pag. 137. col. 2	

5. BEATITUDINIS ADEPTIO.

Utrum homo possit consequi beatitudinem, pag. 139. col. 1	
An sit demonstrabile aliquam beatitudinem in particulari posse ab homine obtineri.	140.1
An unus homo possit esse beatorum altero, pag. 143. col. 2. & seqq.	
An quilibet gradus beatitudinis obtinens satiet appetitum beati,	146. & 147
Qua sit ratio praeclara satietatis.	148.1
In quo consistat inaequalitas beatitudinis, pag. 150. col. 2. & pag. 151	
Utrum quis in hac vita possit esse beatus. pag. 153. col. 1	
Utrum beatitudo habita possit amitti,	153
An sit inamissibilis ex sua natura, an vero tantum ex Dei dono,	153.1
An homo per sua naturalia possit acquirere beatitudinem,	157.1
An lumen gloria praesupponat in intellectu potentiam actus respectu visionis, an passivam tantummodo.	pag. 158
An omnis homo appetat beatitudinem,	171.1

6. BEATI.

BONITAS.

Bonitas moralis quomodo distinguatur a transcendentali,	364.2
Bonitas actuum consistit in plenitudine essendi,	219.1

Per quid tanquam per formam constituitur bonitas moralis in communi,	235.2
An consistat in aggregato requisitorum & carcerum prohibitorum secundum rationem,	236.1
An in relatione conformitatis ad rationem rationem, secundum legem tanquam regulam,	237.1
An in modo quodam absoluto,	238.2
An in aliquo reali inhaerenti ipsis actibus,	239.1
An in relatione transcendentali ad obiectum quod habet conformitatem obiectivam cum recta ratione,	242.2
Utrum bonitas aut malitia moralis actus humani prima & specifica desumatur ex eius obiecto ut est obiectum bonum moraliter.	252.2. & 699.
An bonitas sumpta ab obiecto sit essentialis actui secundum gradum specificum ultimum,	256.2
An in obiecto ipso actus requiratur proportionata bonitas aut malitia,	260.2
An bonitas aut malitia moralis actuum sumatur ex circumstantiis,	261.2
An talis bonitas aut malitia sit accidentalis,	263.2
Quadruplex bonitas actuum humanorum,	280.1
An actus bonus ex obiecto & circumstantiis possit esse malus ex fine adiuncto,	281.1
An bonum & malum tanquam differentia per se differens speciem in actibus humanis,	281.2

BONUM.

Quomodo bonum & finis sint obiectum voluntatis,	pag. 10. col. 2
Quomodo bonum sit diffusivum sui,	29.1
Quid sit bonum perfectum substantialiter, & accidentaliter, formaliter & radicaliter,	66.2

BRUTA.

An bruta agant propter finem,	21.2
An sit in eis voluntarium,	174
Casus. Vide Forinna.	

CAUSA.

An ad causalitatem materiale & formale praesupponatur esse causa,	1013.2
---	--------

CHARITAS.

An Charitas in patria habeat novum modum essendi, quem non habebat in via,	73.2
An sit habitus realiter distinctus a gratia iustificante,	852.2
Quid sit, charitatem posse in infinitum augeri,	875.2

CIRCUMSTANTIA.

An omnes actus humani sumant bonitatem aut malitiam morale accidentalem a circumstantiis,	263.2
De circumstantiis speciem actus mutantibus,	265.2. & 301.2 & 448.2 & 449.
An quando circumstantia dat speciem actui, actus habeat duas species in genere moris, vel unam tantum.	306.1
An tunc circumstantia habeat rationem circumstantiae, vel potius principii conditionis aut differentiae specificae obiecti,	301.1
Qua sint circumstantiae actuum intrinsecae & quae extrinsecae,	319.1
An circumstantiae aggravantes multiplicando rationem peccati, dent unam numero malitiam, vel plures numero distinctas,	451.2

COMPREHENSIO.

An requiratur ad beatitudinem,	137.2
CONCUPISCENTIA.	
Utrum concupiscentia causet involuntarium,	205.2

Utrum

Index rerum memorabilium.

Utrum augeat vel minuat voluntarium, 106.1
An que sunt ex concupiscentia sint iuxta ex voluntario & involuntario, 209.1
An concupiscentia sit propria & formaliter peccatum originale, 624
An concupiscentia ante baptismum sit materiale originalis peccati, 626.2

CONCURSUS DEI.

Concursus de generali duplex in ordine natura & gratia, 831.1
An concursus specialis Dei detur in ipsam potentiam, aut in eam actionem tantum, 898.1
Quid intelligat D. Thomas per motionem primæ causæ, 900.1

CONSENSUS.

An peccatum consensus in actu sit in ratione superiori, 486.2
An consensus in delectationem sit peccatum mortale, 487.2 & seqq.
Quis consensus facit ut delectatio de objecto illicito sit peccatum mortale, 492.2

CONTINUATIO ACTVVM.

Quomodo augeat bonitatem vel malitiam moralem actum, 267. & seqq.
Quando in confessione explicanda continuatio & intensio actus, 445.2

CONTRADICTIONVM.

An transitus de contradictorio in contradictorium possit fieri sine ulla mutatione intrinseca, aut extrinseca, 977.1

CREATURA.

An creatura sint utiles Deo, 19.2

DÆMON. DIABOLVS.

An diabolus sit homini directe causa peccandi, 391.1
An possit inducere ad peccatum interioris instigando, ibid. 2
An possit inferre necessitatem peccandi, 392.1
An omnia peccata hominum sint ex suggestione diaboli, ibid. 2

DELECTATIO.

An requiratur ad beatitudinem tanquam quid eam comitans, 121.1
Quodnam sit obiectum delectationis in patria, Deus, an visio beatifica, an utrumque simul, 122.2
An actus delectationis in patria eliciatur à voluntate per habitum, an sine habitu, 128.1
An ille habitus sit virtus spei, 139.1
An sit charitas, ibid. 2
An delectatio sit necessario adiuncta beatitudini formalitè possit pro libertate voluntatis beati ab ea separari, 130.2
An qui haberet visionem sine delectatione dicendus esset beatus, 133.1
An delectatio possit esse in aliquo non præsupposita ulla cognitione obiecti, 134.1
Vera sit principalior in beatitudine, visio an delectatio, 137.1

DELECTATIO MOROSA.

Quando delectatio de objecto illicito sit peccatum mortale, 490. & seqq.
Quantum conatus requiratur ad reprimendum salem delectationem, 495.1
Quæ causa sit rationalis, & quæ utilitas sufficiat ad non reprimendum, ibid.
Quæ materia sufficiat, ut concurrente deliberatione

& consensu fiat delectatio morosa, 496.2
An delectatio de re illicita sit obiectum mala moraliter, etiam secluso periculo consentiendi, 497.1
An sit peccatum mortale delectari de actu illicito cogitato cum conditione excludente eius turpitudinem, 498.1

An sit mortale delectari de actu cogitato, qui suis, aut erit licitus, nunc autem est illicitus, ibid.
An delectatio carnalis de actu coniugali, quam habet alter coniux in absentia alterius sit peccatum mortale, 499
An sit peccatum mortale delectari de opere quod per se, ex natura sua est peccatum mortale, excusetur autem propter ignorantiam aut aliam causam, ibid.

DELIBERATIO.

Deliberatio plena & semiplena explicatur, 489.1
Quæ deliberatio facit ut delectatio de obiecto illicito sit peccatum mortale, ibid.

I. DEVS ET ESSENTIA DEI.

An Deo conveniat agere propter finem quoad actiones eius omnino immanentes, 17.1
An quoad actiones formaliter vel virtualiter transcurrentes, 18.2
An Deus capiat utilitatem ex creaturis, 19.2

2. CONCURSUS DEI.

Utrum Deus sit causa peccati, 371. & seqq.
An Deus permittat peccata fieri, etiam ut peccata sint, 375.2
An Deus alio posito ab æterno decrevit committi vilius peccatum, 376.1
An Deus operetur peccatum ut peccatum est, 377.1
An Deus moueat directe voluntatem ad peccatum ut peccatum est, 378.2
An peccatum debeat reduci ad causam deficientem, non ad Deum efficientem, 381.1
An formale peccati non sit à Deo, quia est entitas deficient, 383.1
An possit concedi simpliciter, & sine addito, Deum esse causam naturalem peccati, 383
An potentia peccandi sit à Deo, 384.2
Utrum alius peccati sit à Deo, 385.1
An Deus proxime concurrat ad actionem peccati, 385.2
Quomodo providentia Dei versetur circa peccati actum, 386.2
An Deus sit causa indurationis, 389
An Deus ut autor natura præceperit impossibilia, 790.

3. ESSENTIALIS RATIO DEI.

Quomodo perfectio essendi habeat rationem naturæ in Deo, 858.1. & 874.2
Quomodo intellectualitas conveniat Deo, 875
An intellectualitas in Deo habeat rationem naturæ, 878.1
Quomodo esse per essentiam præsupponit naturam divinam, 881.2
Diabolus. Vide Dæmon.

DILECTIO.

Actus dilectionis Dei super omnia efficax & inefficax ut Deus est finis naturalis, & prout est finis supernaturalis in quo differunt, 763.1
Comparatio dilectionis divinæ & creatæ quantum ad id quod ponunt, vel supponunt in obiecto, 973.2

DISPOSITIO.

An sit necessaria dispositio ad gratiam, 928.1
An causa efficiens dispositionis ultima ad formam, sit etiam causa forma, 936

Index rerum memorabilium.

Dispositio ad firmam proportionata & impropor-
tionata, remota & proxima, 940.2

DIVITIAR.

An sint summum bonum, seu beatitudo obiectiva, pag.
51. col. 1.

ESSENTIA.

Quid sit Ens per essentiam, 869.2

Quomodo esse per essentiam presupponit divinam natu-
ram, 881.2

FIDES.

An sola fides insufficit homines. 989.1

FINIS.

An homini conveniat agere propter finem, 3. & 9.2

An intentio finis ultimi sit propter finem, pag. 5. col.
1. & col. 2.

An omnes & sola actiones humanae sint propter finem.
pag. 7. col. 1

An actio quae habet rationem ultimi finis possit esse
propter finem, 10.1

An actiones beatorum possint esse propter finem,
pag. 10. col. 2

Quomodo finis & bonum sit obiectum voluntatis,
ibidem.

An actus imperatus aut elicitus à voluntate possit ha-
bere rationem ultimi finis, 14.1

An agere propter finem sit proprium rationalis crea-
turae, 16.1

An Deus agat propter finem, ibid.

An actiones Dei immanentes sint propter finem, pag. 17.
col. 1

An actiones Dei transientes sint propter finem, pag. 18
col. 2

An agentia determinatos effectus debeant habere deter-
minatos fines, 20.2

An irrationalia operentur propter finem, 21.2

An inanimata agant propter finem, 21.2

An sit proprium rationalis creaturae agere propter fi-
nem, 24.2

An creaturae irrationales debeant moveri in fines suos
ab aliqua voluntate rationali, 25.1

An ex fine recipiant speciem actus humani, pag. 26.
col. 1

An finis sit principium actuum humanorum, pag. 27
col. 2

Utrum actio hominis sit bona vel mala ex fine.
279

An actio bona ex obiecto & circumstantiis possit esse
mala ex fine adiuncto, 281.1

De specie actuum ex fine & obiecto. Vide Actio hu-
mana.

Quomodo debeat actio referri in finem, pag. 299.
col. 2

FINIS ULTIMVS.

An sit aliquis finis ultimus humanae vitae, pag. 27.
col. 2

An in finibus per se subordinatis detur processus in in-
finitum, 28.1

An in finibus per accidens subordinatis possit dari pro-
cessus in infinitum, 28.2

An unus hominis possint esse plures ultimi fines,
29.1.

De pluribus finibus ultimis copulativè, aut disjunctivè
sumptis. 32.1

Quis sit finis ultimus peccantis mortaliter, 33.1

Quis sit finis ultimus peccantis venialiter, pag. 34.
col. 2.

An omnia velit homo propter ultimum finem.
38.2. & seqq.

FORNICATIO.

An fornicatio sit minoris culpa quam furtum,
443.2

An inducens mulierem ad fornicandum gravius peccet,
quam homicida, 463.1

FORTITUDO.

An fortitudo sit praestantior temperantia, 443.2

GENVS.

An genus manere possit idem in aliqua specie, destru-
cta eius differentia essentiali, 229.1

GLORIA.

Gloria seu fama an sit summum bonum, aut beatitudo
obiectiva, 51.1

1. GRATIA.

Variae acceptiones nominis Gratiae, 728.1

Quinque status naturae humanae in ordine ad gratiam
comparatae, 729.2. & 857.2

Quomodo sit communis specialibus gratiis, hoc est,
gratia insistenti, auxilianti, & gratis data, 884.1

2. GRATIA NECESSITAS.

Utrum homo sine illustratione vel auxilio gratiae possit
cognoscere omnes veritates naturales speculativas
distinctive in quocunque statu, 733.1. & 734.1

An possit ita cognoscere omnes veritates naturales spe-
culativas obiectivè in statu naturae corruptae, 734.2

An etiam in statu infusae originalis, 735.1

Utrum sine auxilio gratiae possit homo cognoscere ali-
quas veritates naturales practicas, in statu naturae
corruptae, 740.1

An possit sine auxilio gratiae habere iudicia certa &
vera practice circa omnes veritates morales colle-
ctivas, in statu naturae lapsae, 742.1

Quid circa hoc dicendum in statu naturae integre, & in
statu innocentiae, ibid.

An possit homo assentiri veritatibus fidei sicut oportet
ad salutem sine auxilio gratiae tamen ex parte intelle-
ctus, quam ex parte voluntatis, 743

An cum solo auxilio generali possit homo viribus natu-
rae sine gratia elicere assensum veritati fidei simi-
lem, & eiusdem speciei cum assensu supernaturali,
quantum ad substantiam, 749.1

An possit homo in statu naturae integre & innocentiae
velle & operari bonum suae naturae proportionatum,
per sola naturalia sine gratia, 752.1

An in statu naturae corruptae sine auxilio supernaturali,
vel pertinente ad ordinem naturae, cum solo concursu ge-
nerali possit homo facere opus bonum moraliter, 754.1

An homo in statu naturae integre cum solo concursu ge-
nerali sine gratia auxilio potuerit elicere dilectionem
efficacem Dei, ut est finis naturalis super omnia, 766.1

An homo conditus in partibus naturalibus potuerit sine
gratia actum illum efficacem dilectionis Dei super
omnia, 771.1

An possit homo in statu naturae corruptae illum efficacem
dilectionem Dei super omnia sine auxilio gratiae eli-
cere, 779.1

An homo in statu naturae integre potuerit sine ullo gra-
tiae auxilio servare totam legem naturalem, 785.2

An homo in statu naturae corruptae sine ullo gratiae au-
xilio possit observare omnia praecepta legis natura-
lis obligantiae sub mortali, 789

An homo possit sine gratia mereri vitam aeternam, 800.2

Index rerum memorabilium.

An homo in statu naturæ integræ sine speciali auxilio possit vitare ad longum tempus omne peccatum contra legem naturalem, 802. 2
 An homo in statu lapsus, per gratiam sanatus cum auxilijs specialibus eidem gratia secundum legem ordinariis debeat, possit diu, aut semper vitare omnia peccata venialia, 806. 1
 An vitare omnia peccata venialia sit privilegium soli B. Virgini concessum, 807. 2
 In quo consistat tale privilegium, 812. 2
 An saltem parvo tempore possit quis cum specialibus auxilijs vitare omnia venialia, 815. 2
 An in statu naturæ corruptæ, homo in peccato mortali existens possit sine aliquo auxilio gratia vitare per longum tempus omnia mortalia, quæ opponuntur legi naturæ, 819. 1
 Quot modis & titulis ad hoc indigeat gratia? 822. 2
 Utrum homo viribus naturæ, cum concursu generali Dei sine auxilio gratia actuali possit implere præcepta supernaturalia virtutum theologicarum, 827. 1
 An saltem sic possint adimpleri præcepta supernaturalia de susceptione sacramentorum, 828. 2
 An constitutus in gratia possit per seipsum absque auxilio gratia bonum operari, & vitare peccatum, 829. 2
 An Deus unquam deneget iustis hoc auxilium, 831. 2
 An præter gratiam habitualement & auxilium ei correspondens, requiratur speciale donum ad moriendum in gratia, 832. 2
3. GRATIA AUXILIARIS, SEU ACTUALIS.
 Quid sit gratia actualis, 894. 1
 An sit tantum specialis concursus Dei, 896. 2
 An consistat simul in inspirationibus internis & elevatione potentia, 901
 An gratia actualis recte dividatur in operantem & cooperantem, 901. 2
 An gratia operans sit in actum interiori, cooperans in exteriori, 903. 1
 An gratia operans sit in intentione finis, cooperans in electione mediorum, 903. 2
 In quo consistat tantum gratia operans & cooperans, 907
 An gratia excitans, hoc est illuminationes & inspirationes, producantur efficienter à nostris potentijs, 909. 2
 An gratia excitans & adiuuans distinguantur inter se, 910. 2
 An utraq; gratia excitans & adiuuans sit necessaria ad singulos actus supernaturales, 911. 2
 Quomodo se habeat divisio gratia actualis in excitantem & adiuuantem, ad divisionem eiusdem in operantem & cooperantem, 915
4. GRATIA HABITUALIS.
 An sit necessaria ad observationem omnium præceptorum naturalium, in statu lapsu, 794
 An sit aliquid supernaturale in ipso homine existens, 840. & seqq.
 An diligere Deo sit formalis effectus gratia, vel potius à converso gratia sit effectus dictus quo Deus diligit hominem, 843. 2
 An gratia ex sua natura, aut solum ex divina acceptatione faciat hominem obiectum proportionatum divinæ dilectionis, 845. 1. & 981

An acceptum esse ad gloriam sit effectus primarius aut secundarius gratia, 982
 Quomodo gratia concurrat ad expulsiōem peccati, 983. 2
 Duo formales effectus gratia, participare divinam naturam, & esse eius dilectionis obiectum proportionatum; quomodo distinguantur, 846. 2. & 981. 1
 An gratia habitualis sit qualitas permanens in anima, 848. 1. 2
 An gratia habitualis distinguatur realiter à charitate, 852. 1
 Quid sit participatio divina natura, quam dat gratia habitualis, 857. 2
 An hac participatio per gratiam dicat consortium divinæ naturæ physicum, an mortale tantum, 863. 2
 An gratia sit formalis participatio divinæ naturæ, secundum quod est ipsum esse per essentiam imparticipatum & independens, 864. 2
 Quare gratia vocatur semen Dei, 871. 2
 An gratia sit radix vitæ æternæ, eo modo quo natura est radix suarum proprietatum, 872. 1
 An gratia sit ab intrinseco & ex propria natura immutabilis, & indefectibilis, 872. 1. & 873
 An gratia sit formalis participatio divinæ intellectualis, 875. 2
 Quomodo gratia sit similitudo Dei, 877. 1. & 881. 1
 An gratia perveniat ad gradum intellectualem, 877. 2
 An gratia sit in essentia animæ tanquam in subiecto, aut in aliqua potentiarum, 882. 1
 Utrum gratia habitualis recte dividatur in operantem & cooperantem, 887. 1
 An etiam recte dividatur gratia habitualis in prævenientem & subsequens, 891. 1
 An gratia & peccatum immediate opponantur, 965. & 972
5. CAUSA GRATIÆ.
 Varia causa gratia explicantur, 916. 1
 An solus Deus sit causa gratiæ, 917. 1
 An vlla creatura possit esse causa principalis gratia, 919 & seqq.
 An gratia possit esse connaturalis alicui substantia creatæ, 921. 1
 An possit dari qualitas productiva gratia, 922. 1
 Quæ productione producat gratia, 923. 1. & 935. 1
6. DISPOSITIO AD GRATIAM.
 An ad suscipiendam gratiam habitualement requiratur aliqua dispositio aut preparatio, 929. & seqq.
 An hac dispositio sit aliquomodo causa gratiæ, 931
 An viribus naturæ possit homo se disponere ad gratiam, 939. 1. extra Sacramentum; & in Sacramento ibid. & seqq.
 An preparanti, seu facienti quod in se est, detur statim & ineffabiliter gratia habitualis, 946
7. GRATIA GRATIS DATA.
 An gratia gratis data principaliter ordinatur ad convertendum alios homines ministrare realiter in Deum, 885. 1
 Quomodo distinguatur à gratia insufficiente, ibid.
 An recte enumerentur ab apostolo gratia gratis data, 892. 2
HABITVS.
 Actus excedit habitum in genere moris, 374. 2
 Habitum infusi & supernaturales sunt essentialiter potiores suis actibus, 376. 1

Index rerum memorabilium.

Habitus acquisitos potiora esse suis actionibus emittentibus, est probabile: sed oppositum est probabilius, 377.2
Vide virtutes infusae.
HOMO. NATURA HUMANA.
Quinque status naturae humanae: in primis naturalibus; in natura recte instituta; in infusis originali: lapsa in peccatum: sanata per gratiam, 729.2
HONOR.
An sit summum bonum, seu beatitudo abiectius, 51.2
IGNORANTIA.
Quotplex sit ignorantia, 212.1. & 502
An ignorantia concomitans causas involuntarium, 213.1
An ignorantia consequens causas simpliciter involuntarium, 214.1
An causas eadem involuntarium secundum quid, 215.1
An ignorantia antecedens causas involuntarium, 215.2
Quanta diligentia debeat adhiberi, ut ignorantia post causam manens censetur invincibilis, 503.2
An ignorantia sit peccatum, 508.1
Qua teneamur scire, ut eorum ignorantia sit, vel non sit peccatum, ibid.
An ignorantia vincibilis eorum, qua teneamur scire, sit peccatum in seipso, an solum ratione negligentia, 509.1
Quomodo ignorantia actualis eorum, qua teneamur scire, sit peccatum, 511.1
An ignorantia habitualis sit peccatum, aut tantum effectus peccati, 512.1
An ignorantia actualis opponatur virtuti studiositatis, 513.2. & 519.2
An ignorantia habitualis sit ullo praecepto prohibita, 515.1
An ignorantia vincibilis sit speciale peccatum, 516.2
Qua diligentia sufficit, ut ignorantia eorum qua pertinet ad ius divinum, sit invincibilis, 520.1
De medio extraordinario diligentia adhibendo ad vitandam ignorantiam iuris divini, 521.2
An possit dari ignorantia invincibilis iuris divini quoad mysteria fidei & praecepta posita, & sacramentalia, 525.2
Qua ignorantia iuris naturalis censeri debeat invincibilis, 526.1
An possit dari ignorantia invincibilis legis naturalis, ibid.2.
Qua ignorantia iuris positi censeri debeat invincibilis, 528.1
Qua ignorantia facti sit invincibilis, 529.1
Utrum ignorantia excuset à toto peccato, ibid.
Utrum ignorantia concomitans excuset à peccato, 529.2
An alius cum ignorantia invincibili concomitante factus sit voluntarius, 531.2
An ignorantia excuset à culpa, quando alius externus caret culpa propter ignorantiam concomitantem, 534.1
Quomodo ignorantia antecedens excuset à culpa, 534.1
An ignorantia actualis, seu inconsideratio & inadvertentia semper aequaleat ignorantia invincibili, quoad effectum excusandi à peccato, 536.1
An ignorantia diminuat peccatum, 540.1
An ignorantia directe expressa, volita, qua appellatur affectiva, diminuat peccatum, 541.1
An ignorantia indirecte volita, qua appellatur crassa diminuat peccatum intra speciem, quoad haberes

cum scientia, vel transferendo ipsum ad aliam speciem peccati leniorem, 544.1
An ignorantia invincibilis culpa excuset à sola poenae sententia, 546.1
An invincibilis ignorantia damni, quod per accidenti sequitur ex opere alio illicito, excuset ab obligatione restituendi, 548.2
An ignorantia invincibilis, qua excuset à culpa theologica homicidii primata auctoritate facti, excuset etiam à poena irregularitatis, 550.1
An ignorantia vincibilis culpa, excuset à poena, 552.1
An ignorantia poenae statuta excuset ab ipsa poena, 552
An ignorantia aliquando excuset ab irregularitate, 554.

ILLAPSVS.

De illapsu immediato Dei in substantiam animae, quem posuisse putatur Henricus Gandavensis. Vide Vno Dei cum substantia animae.

INDIVISIBILIA.

Vide dispositionem de Consummatione altaris.

INFINITVM.

Quid sit infinitas praecise sumpta, 868

INTELLECTIO. INTELLECTVS.

An intellectio sit perfectior alius quam volitio, 99.2

An intellectio possit esse primum obiectum voluntatis, 105.1

An intellectus sit causa principalis, an instrumentalis respectu visionis beatae, 166

Intellectualitas quomodo conveniat Deo, & quomodo homini per gratiam, 875.2

INTENSIO.

De intensione actuum moralium, 278.1

Involuntarium. Vide voluntarium.

IUSTIFICATIO.

Quid intelligatur nomine iustificationis, 976.1

Quomodo iustificatio sit motus, 956.1

An iustificatio sit vera abolitio peccati, an solum tollit, & non imputatio, 957.1

An remissio peccati secundum legem ordinariam Dei sit effectus gratiae habitualis, 958.1

An remissio peccatorum possit de potentia absoluta fieri sine gratia iustificante, aut aliqua gratia intrinseca vel extrinseca, 963.1

An ad iustificationem requiratur aliqua dispositio per motum liberi arbitrii, 985

An sine tali aliqua dispositione possit Deus de potentia absoluta iustificare hominem, & remittere peccatum, 987

An ad iustificationem requiratur motus sui, 989

Cuius obiecti fides requiratur, ibid.

An ad iustificationem requiratur alius timoris, 994.1

An etiam alius spei, ibid.2

An etiam alius dilectionis, 996.2

An etiam alius poenitentiae, 997.1

An etiam propositum recipiendi sacramenta, & observandi mandata, 997.2

Quando & quo in puncto requiratur dispositio ad iustificationem, 998.1

An consummatio & peremptio ad terminum iustificationis sit remissio culpa, 999.1

An remissio peccati sit terminus à quo iustificatio specificationem sumit, 1000.2

An infusio gratiae & remissio peccati sint duo motus in iustificatione, 1002.2

An



Index rerum memorabilium.

Penes quid attenduntur inaequalitas in poena damni,
672. 1
An utraque poena respondens peccato mortali sit de fa-
cto finita intensius, 673. 2
An sit ex natura & gravitate peccati mortalis infinita
synecategorematica. 675
An poena sensus respondeat conversioni in peccato, poena
damni avertioni, 678. 1
An poena damnatorum pro venialibus sit futura ater-
na, 678. 2
Utrum omnis poena sit propter aliquam culpam.
681. 2
Utrum puniatur quis pro peccato alterius, 683. ut filij
pro parentum peccatis in iudicio Dei; & an etiam
in iudicio hominum, 684. 2
7. PECCATUM ACTUALE.
Utrum in quolibet peccato sit aliquis actus, 381. 1
Peccatum actuale qua communitate sit commune ad
omissionem & commissionem, 418. 1
8. PECCATUM HABITUALE.
Quid sit peccatum habituale, 655. 1
Quomodo sit distinctio specifica & inaequalitas inter
peccata habitualia. 659. 2
9. PECCATUM COMMISSIONIS.
Divisio peccati in peccatum commissionis & omissionis
381. 1
Definitio peccati commissionis ex Augustino. 407. 1
An peccatum commissionis actuale constituitur for-
maliter in privatione, an positivo; an in utroque simul,
407. 2. & seqq. & 423. 1
An formale peccati commissionis sit relatio rationis,
aut denominatio extrinseca, 414. 1
An formale peccati commissionis sit ordo positum ad
obiectum dissonum legi, 415. 2
An avertio qua est in actu peccati commissionis sit
privatio, 418. 2
An conversio in peccato commissionis possit praescindi
ab avertione, ibid.
An malum morale quod est formale peccati commissio-
nis, continetur sub malo quod opponitur bono trans-
cendenti, 419. 2
An avertio sit per se intenta a peccante, 424. 1
10. PECCATUM OMISSIONIS.
An possit reperiri peccatum omissionis sine aliquo actu
positivo, qui concurrat ad ipsum, 382. 2
Quomodo in peccato pura omissionis reperiantur avertio
& conversio, 388. 1
An per peccata omissionis multiplicata generari possint
habitus inclinantes ad similes omissiones, 389. 1
Utrum omnes actus coniuncti cum omissione sint pec-
cata, 392. 2
Quomodo possit cognosci an aliquis actus sit causa o-
missionis, vel solum se habeat ad eam concomitan-
ter, 393. 2
Qua malitia sit moraliter malus actus qui est causa
omissionis, 395
Quando peccet quis peccato omissionis, 399. 2
Quando & quomodo incipiat peccatum omissionis,
405. 2
Peccatum motus appetitus sensus, propter negligen-
tiam voluntatis reprimentis, sitne peccatum omis-
sionis, an commissionis, 484. 1
11. PECCATUM EX MALITIA.
Quid sit peccare ex malitia, 565. 1
An quisque peccet ex habitu, peccet ex malitia.
567. 1
An peccatum ex malitia possit reperiri, quod non pro-

cedat ex habitu, aut dispositione corporali, aut pec-
cato precedenti, 568. 2
Utrum peccatum ex naturali complexione corporis sit
peccatum ex malitia, 569. 1
Utrum qui peccat ex malitia graviter peccet, quam qui
peccat ex passione, 569. 2
12. DISTINCTIO PECCATORUM.
Utrum distinguantur peccata spiritalia a carnalibus,
424. 2 & 427. 1
Utrum distinguantur specie peccata secundum causas.
425. 1
Utrum peccatum convenienter distinguatur in pecca-
tum in Deum, in proximum, & in se ipsum.
426. 2
An divisio peccatorum secundum reatum diversificet
speciem, 427. 2
An peccatum commissionis & omissionis differant
specie. 428. 1. & seqq.
Utrum ex distinctione preceptorum possit colligi di-
stinctio specifica peccatorum, 431. 2
Divisio peccati in peccatum ex ignorantia, malitia, &
passione, 570. 2
An convenienter dividatur peccatum in peccatum cor-
dis, oris, & operis, 433. 1
An superabundantia & defectus diversificent species
peccatorum, 434. 1
An peccata diversificentur specie secundum diversas cir-
cumstantias, 434. 2
13. COMPARATIO PECCATORUM.
Utrum omnia peccata sint connexa, 435. 1
Utrum omnia peccata sint paria, 435. 2
Peccato gravitas essentialis, accidentalis, intensiva, &
numeralis, 439. 1
An gravitas accidentalis in peccato possit superare ef-
sentialem, 440. 1
An gravitas peccatorum varietur secundum obiecta,
439. 1.
An secundum dignitatem virtutum quibus opponun-
tur, 442. 1
An motuum operantis augeat vel minuat peccati
gravitatem, 446. 2
An circumstantia aggravet peccatum, 448. 2
Utrum peccata carnalia sint minoris culpa quam spi-
ritualia, 445. 2
Utrum gravitas peccati attendatur secundum causam
peccati, 445. 2
Utrum gravitas peccati augeatur secundum maius no-
cumentum, 452. & seqq.
Quando nocumentum aggravat peccatum, ibid. 2. An
ut aggravet peccatum, debeat esse expresse intantum,
453. 1
Quando nocumentum aggravet peccatum directe, &
quando indirecte, 457. 1
Quando nocumentum per accidens sequitur ad pecca-
tum, quomodo aggravet, 459
An peccatum aggravetur ratione persona in qua pec-
catur, 465. 2
Utrum magnitudo persona peccantis aggravet pecca-
tum, 467. 2
I. PECCATUM ORIGINALE QUOAD
EXISTENTIAM.
An a primo parente traducatur peccatum in posterum,
594. 1
An hoc peccatum quod traducitur habeat verè & pro-
prie rationem peccati & culpe, 597. 2
An hoc peccatum inhereat posteris, & non sit idem nu-
mero quod fuit in Adam, 598. 1
An

Index rerum memorabilium.

An sit aliquo modo voluntarium posteris. 599.1
An peccatum originale traducatur in posteris per generationem, 604.2
An peccatum originale sit qualitas morbida à venenato serpentis fibilo immisa, 605.1
An peccatum Adam sit causa physica, vel moralis peccati traducti in posteris, 606.1
An primum peccatum quod de facto commissi Adamus, sit illud quod ad posteris traducitur, 609.1
An alia peccata primorum parentum traducantur in posteris, 610.1
An omnes de facto contrahant peccatum originale: aut solum debitum contrahendi incurrant, 612.1
An B. Virgo peccaverit in Adamo, 613.1
An peccatum originale maneat aliquo modo in venatu, 613.2
An formatus ex humana carne miraculose contraheret peccatum originale, 615.1
An si Adam non peccasset, Eua peccato filij contraxisset originale peccatum, 615.2
An potuisset traduci peccatum in eos qui nati fuissent ante peccatum, 616.2

2. ESSENTIA PECCATI ORIGINALIS.
An peccatum originale sit habitus, 618.1
An ex peccato Ade communicetur nobis per generationem aliqua habitualis inclinatio, 618.2
An in uno homine sint multa originalia peccata, 623.1
An concupiscentia sit proprie & formaliter peccatum originale, 624.2
An concupiscentia ante baptismum sit materiale peccati originalis, 626.2
An peccatum originale constituasur ex conversione habitualis ad creaturam tanquam parte materiali, & aversione à Deo tanquam formali, 628.2
An ratio formalis peccati originalis consistat in privatione iustitie originalis, 630.1
An in privatione gratia, 633.1
An in privatione conformitatis ad legem tanquam termino resultantem ex transgressione Adam, 634.1
An peccatum originale sit aequaliter in omnibus, 637.2

3. SUBIECTVM ORIGINALIS PECCATI.
An fuerit peccatum originale in ipso Adamo, 639.
An peccatum originale sit magis in carne quam in anima, 638.1
An sit magis proprie in essentia anima, quam in potentijs, 639.2
An immediatum subiectum peccati originalis sit essentia anima, 640.2
An peccatum originale prius inficiat voluntatem, quam reliquas potentias, 641.2
An peccatum veniale possit esse in aliquo cum solo originali, 710.2

4. POENA PECCATI ORIGINALIS.
An peccato originali respondeat aliqua poena propria dicta, 642.1
An sit per se aterna, ibid. 2
An ista poena sit poena damni, ibid.
An etiam poena sensus ei debeat, 643
An respondeat ei aliqua interactiva, 644.2

PECCATVM VENIALE ET MORTALE.
An sint de facto aliqua peccata venialia, & alia mortalia, 686.2
An hac distinctio mortalis & venialis sit ex ipsa natura peccatorum, an ex sola misericordia Dei, 68.9
In quo primo distinguatur peccatum veniale à mortali, 691.1

Regula ad discernendum peccatum mortale à veniali, 696.2
An peccatum pradicetur analogice per prius & posterius de mortali & veniali, 697.2
An mortale & veniale differant genere, 699.2
An semper, aut aliquando differant specie, 700.1

PECCATVM VENIALE.
An sit contra aliquam legem & preceptum, 693.1
An sit contra consilium, 694
An peccatum veniale sit dispositio ad mortale, 701.2
An & quibus modis veniale possit fieri mortale, 703.2
An peccatum mortale possit fieri veniale, 704.2
An peccatum veniale possit remittere aut destruere virtutem moralem acquisitam, 704.2
An peccatum veniale causet maculam in anima, 705.1
An convenienter peccata venialia per lignum, formam & stipulam designentur, 706.1
An homo in statu innocentia potuit peccare venialiter, 706.2
An angelus bonus & malus possint peccare venialiter, 709.2

PERSEVERANTIA.
Perseverantia significatio varia, 832.1
An donum perseverantia sit distinctum à gratia habituali, & ab auxilio eidem gratia respondente, 833.1
An etiam infantibus in gratia moris debetur donum speciale perseverantia, 834.2
An donum perseverantia pertineat duntaxat ad statum viae non ad statum gloriae, 836.1
An deo homini indeclinabiliter persistere in bono, an vero solum posse persistere, 837.1
In quo consistat donum perseverantia finalis, 838.1

POTENTIA.
Quid sit coaptatio potentia ad suum obiectum specificatum. 162.2
An sit distincta coaptatio illa à quantitate virtutis, quae potentia respicit obiectum motuum, ibid.
Quid sit virtus altima potentia, 167.2
Potentia & impotentia physica & moralis ad non peccandum, 819.1. & 817.1. & 809.2. & 823.2. & 825. & seqq.

POTENTIA OBEIENTIALIS.
An detur, & sine naturali aut supernaturali, 920. & seqq.

POTESTAS.
An in ea consistat beatitudo obiectiva, 53.1

PRECEPTVM.
Quid sit esse difformem respectu precepti, 391.1
Duplex conformitas ad preceptum affirmativum, 391.2
An ex distinctione preceptorum colligatur distinctio specifica peccatorum, 431.1
Quomodo cognoscatur quando ratio precipiendi eadem ratio sit eadem, vel diversa, 431.2
An dentur precepta de habitibus, 515
Precepta naturalia & supernaturalia quomodo distinguantur, 783.2
Observatio preceptorum quoad substantiam operis, & quoad modum, an recte distinguantur. 784.1
An precepta Dei sint impossibilia, 790.1. & 798.2
Primi parentes. Vide Adamus,

PRIVATIO.
Quomodo privatio suscipiat magis & minus, 4.6.2
De privationibus quae sunt in peccati actu, 407. & seqq.

QUALITAS.
An possit dari qualitas productiva gratiae, 922.1

RATIO. RATIONIS. VSVS.

An sit proprium rationalis creature agere propter finem, 24. 2.
An in ratione repertum possit peccatum, 484. & 499.
An quicunqueque sit peccatum in ratione inferiori, sit etiam in superiori, 499.
An in ratione superiori possit esse peccatum veniale per defectum deliberationis, ibid.
An in ratione superiori sit motus primo-primi, 500.
Ut rationis plene iudex rationum circa peccatum, possit voluntas ipsam ex passione vel alia causa committere, 556. 1.
An iudex rationis practicum quod sequitur ut qui peccat, sit falsum, 561.
Unde pronuntiat quod iudicio speculativo existente verum, habeat peccator iudicium rationis practicum falsum, 562. 1.
Discrimen inter iudicia rationis speculativa & practica, apprehensiva & indicativa, 554. & seqq.
An homo in primo instanti usus rationis tenetur praecepto obligante sub mortali, conseruare se in Deum, 713. & 799.
An adimpleta obligatione talis praecepti possit prius committere peccatum veniale, quam mortale, 716.
An ex instanti, quae puer adimplet aliud praeceptum, insensibiliter, & consensu transiuntem originalis, 717. 1.
Sanctificatio, unde insensibiliter.

SVBSTANTIA.

An possit creari substantia supernaturalis, 931. 1.
TESTAMENTVM NOVVM ET VETVS.
Gratia testamenti in quo excedat gratia veteris testamenti, 830. 1.

THEOLOGIA.

An deus Theologia in se habet legem ordinatam, 349. 2. & 937. 2.
THEOLOGIA MORALIS.
Quod sit eius obiectum, & quae materia circa quam versetur, 1.
An sit practica vel speculativa, 2. 1.
Quid sit ordinis utriusque Theologia tractatus, ibidem, 2.
Distributio tractatus prima partis huius Theologiae.

VIOLENTVM.

An violentia possit inferri voluntati quoad alium imperatum, 188. 1.
An etiam quoad alium electum, 190. 2.
An potentia vitalis possit cogi, 192. 1.
An alius secundum voluntatem possit illi esse violentus, 194. 1.
An voluntas possit violententer impediri ab aliis elicitis, 197. 2.
An voluntas possit violententer recipere aliquem habitum aut formam distinctum ab alio secundum vel operationem, 199. 1.
Utremque violentia causat involuntarium, 200. 1.
B. VIRGO.
An B. Virgo peccauerit in Adam, 613. 1.
An B. virgo sit habens privilegium vitandi omnia peccata venialia, 807. 1.

VIRTVS.

Multiplex acceptio nominis virtus, 305. 1.
An virtus humana sit habitus essentialiter vel per modum subiecti tantum & materialiter, 306. 2.
An virtus humana sit habitus operatum, 311. 1.
An virtus humana sit habitus boni, 315. 2.
An ut est formalis ratione sua habitus boni possit con-

currere ad inclinatio ad alium ex obliquo malum, 316. 1.

An idem numerus habuit secundum substantiam positi successus esse virtuti & vitio, 317. 2.
An virtus secundum propriam rationem virtutis moralis possit concurrere ad alium malum ex circumstantia, 319.
An possit concurrere saltem quatenus est habitus, aut affectus quidam, 322. 1.
An virtus moralis possit concurrere ad alium materialiter malum, qui propter vincibilem aut inuincibilem ignorantiam vel inadvertentiam putatur bonum, 323. 1.
De definitis virtutis ex dictis S. Augustini, 331. 2.
De finibus virtutis ex Aristotele, 332. 1.
Quae bonitas consequatur ad essentiam virtutis, 333. 1.

VIRTVS ACQUISITA.

Quomodo virtutes secundum inclinationem sunt homini naturales, 335.
An quoad consummationem infusis nobis à natura, 336. 2.
An virtus circa bonum moralitatem per regulam rationis humanae positi ex alio bono humano causari, 338. 2.
An virtus acquisita sit eisdem speciei cum infusa, 341.
An inclinatio naturalis ad virtutem possit dimitti per peccatum, 649. 1.

VIRTVS INFUSA.

An in iustificazione secundum legem ordinariam situm enim gratia infundantur virtutes morales, 341. 1.
Quae censura digna sit sententiae negari virtutes morales infusas, 344. 1. & 850. 1. & 851. 1.
An virtutes morales infusa requirantur ad substantiam operis, 343.
An etiam propter supernaturalitatem operis, ibid.
Quomodo virtutes morales infusa opponantur vitio, 343. 2.
An virtutes morales infusa dent facilitatem potestatis, 351. 1.
An vita creatura positi esse causa principalis virtutum infusarum, 919. 1.
An alius supernaturalis sit causa efficiens virtutum supernaturalium, 927. 2. & 938. 1.

VIRTVS INTELLECTUALIS.

An virtutes intellectuales sint perfectiores moralibus, 351. 1.
Primum intellectualis concurrat ad sua opera mediante discurso practico, 325. 2.

VIRTVS MORALIS.

Virtus moralis non concurrat ad opera sua mediante discurso practico, 325. 1.

VISIO DEI.

An ex propria ratione visus Deo, petiti quoniam amor Dei, 101. 1.
An sit principaliter in beatitudine, quoniam delectatio, 137. 2.

VITA. VITALIS POTENTIA.

An potentia vitalis possit cogi, 191. 2.

VITIUM.

Varia acceptio vocis vitium, 362. 1.
Quomodo vitium contrarietur virtuti, 165. 1. & 366.
An vitium sit contra naturam, 367. 1.
An vitium sit prius quam alius vitiosus, 375. 1.

VIRIO DEI CVM ANIMA.

Quomodo dari possit visio Dei cum anima morali, aut physica, mediante dono supernaturali, aut sine eo, 69. 1.

Index rerum memorabilium.

An dari possit, aut de facto deum visio moralis Dei cum animae dono supernaturale. 69.1
An deum visio physica Dei cum substantia anima mediante dono gratia. 70.1
An sit possibilis visio physica Dei cum substantia animaeque aliquo effectui communicato anima. 71.2
An ille effectus possit esse tantum novus modus, an debeat effectus inferens veram mutationem. 72.2
An illa visio Dei cum anima de novo incipiat in patria. 73.2
Visio Dei cum intellectu in ratione speciei intelligibilis. 76.1

VOLUNTAS.

An voluntas habeat duplicem inclinationem, unam ad bonum rationis, & alteram ad bonum appetitus sensitiui. 371.1
An actus elicitus à voluntate possit esse primum obiectum voluntatis. 105.1
An actus voluntatis sit ex se perfectior quàm actus intellectus. 99.2
An voluntas possit aliquo modo necessitari ad actus imperatos, aut ab eis impediri. 188.1
An etiam quoad actus elicitos. 140
An actus secundus voluntatis possit illi esse violentus. 194.2
An possit voluntas coactè aut violentè impediri ab aliis elicitis. 197.2
An possit violentè recipere aliquem habitum aut formam distinctam ab actu secundo. 199.2
An voluntas sit determinata ad aliquem actum vagè & indeterminatè exercendum. 386.1

Verum voluntas moveatur à passione appetitus sensitiui. 35.1

VOLUNTARIUM ET INVOLUNTARIUM.

Verum in humanis actibus distinguatur voluntarium. 171. 173
Quid sit voluntarium. 173
Verum voluntarium immutatur in brutis. 174
An voluntarium possit esse absque omni actu. 175.2
Quae conditiones requirantur ad voluntarium directum. 180
Verum violentia causet involuntarium. 200.1
Verum metus causet involuntarium. 201.2
Verum ea quae sunt metu sine simpliciter voluntaria. 203.2
Verum concupiscentia causet involuntarium. 205.2
An augeat, vel minuat, vel tollat voluntarium. 206.1
An quae sunt ex concupiscentia sint mixta ex voluntario & involuntario. 209.1
Verum ignorantia causet involuntarium. 212.1. & deinceps.
Quomodo intelligatur divisio voluntarij in voluntarium per se & per accidens. 386.1

VOLUPTAS CORPORIS.

An in ea sit beatitudo obiectiva seu summum bonum. 53.1

FINIS INDICIS.



BENEVOLO LECTORI

FOELICITATEM ÆTERNAM.

TREPIDANTIBVS nobis à formidabili flagello Dei, quo ciuitas hæc nostra fuit iam per biennium afflicta; non mirum est si exciderint errata quamplurima, quæ nullatenus commissa fuissent, si periculum illud quotidie ceruicibus nostris non imminuisset. Itaque dum non tam assidue aut nos pralo assistere, aut operarij nostras ades consilij causa possunt adire, hæc inter cetera maioris momenti animaduertimus emendationis limam postulare. Quæso benigne Lector, boni consule, & quæ hic vno aspectu tibi subijcimus, calamo fauente suis quæque locis corrige & supple. Vale.

Pagina 5. columna 2. linea 11. infra litteram C, lege *finis propriæ*. Pag. 61. col. 1. A. 3. l. *conducentis*, Pag. 64. col. 1. B. 1. *Pi-*
nalis l. *formalis*. Pag. 70. col. 1. B. 6. l. *essentia anima secundum se*. Pag. 87. col. 1. B. 1. l. *ad primam & secundam confirma-*
tionem. Ead. pag. & col. B. 16. l. *Ad tertiam*. Pag. 90. col. 1. B. 10. l. *Secundum*. ead. pag. & col. C. 6. l. *solutionis*. Pag. 91.
col. 1. C. 30. l. *obiecto*. Pag. 125. col. 2. A. 4. l. *viso*. Pag. 130. col. 2. A. 15. l. *ad amorem*. Pag. 146. col. 1. C. 15. l. *perfectionem*.
Pag. 147. col. 1. C. 1. l. *Confirmationem*. Pag. 163. col. 1. C. 6. l. *intensionem*. l. *essentialem*. Pag. 167. col. 2. B. 10. & 23. l. *existen-*
tiæ. Pag. 168. col. 2. C. 7. l. *completa*. Pag. 174. col. 1. B. 17. l. *voluntarium*. Pag. 178. col. 1. A. viii. *Oppositio*. l. *operatio*, & col.
2. B. 3. l. *ergo si nulla*. Pag. 180. col. 1. B. 13. *Alibi non facere*. l. *teneri facere*. Pag. 181. Col. 1. C. 2. & 10. l. *omissio*. & col. 2. B.
11. *Pro omnino*. l. *non*. Pag. 182. col. 1. C. 11. l. *Tertio*. Pag. 183. col. 1. A. Penult. l. *Secundo*, & C. 12. *Potissimum*. l. *Postimum*, &
col. 2. B. 2. *delectatur ut*. Pag. 186. col. 2. B. 11. *ultima*, l. *Prima*. Pag. 188. col. 2. B. 10. l. *In argumento sed contra*. Pag. 190. col. 2. B. 15.
l. *offensione*. P. 200. col. 2. A. 13. l. *intrinsecus*. Pag. 213. col. 1. B. 9. l. *multa*. Pag. 224. col. 1. A. 23. l. *nunc non operari*. Pag. 229. col. 2.
C. 18. *actus*. l. *artus*, pag. 232. C. 7. l. *Intrinsicæ*. Pag. 233. col. 2. C. 31. l. *relationibus*. Pag. 241. col. 1. C. 19. l. *quarto*. Pag. 243. col. 2.
C. 12. *Reale*. l. *rationalis*. Pag. 246. col. 2. C. 6. *Calefactio*. l. *applicatio*. Pag. 248. col. 1. A. 17. l. *modum*. Pag. 249. col. 1. A. 15. l. *subiecto*.
Pag. 254. col. 2. B. 2. l. *aut mali moralis*. pag. 255. col. 2. B. 17. l. *procedit*. Pag. 260. col. 1. B. 2. *actus*. l. *gradus*. pag. 263. c. 2. C. 17. l. *exter-*
nos, & 12. *accidentibus*. l. *liberibus*, & 18. *oppositum*. l. *operantem*. pag. 273. c. 1. C. 9. *manferit*. l. *moritur*. pag. 283. c. 1. A. 15. l. *indetermi-*
natum. & B. 7. l. *extrinsecum*, & col. 2. B. 21. l. *secundum partes partibus*, ita. pag. 284. c. 1. A. 7. l. *post elemosynam*. intertere sequen-
tia: propter finem charitatis aut penitentia: veritas non solum sumit speciem ex fine adiuncto, sed etiam ex obiecto, ut diximus in prima
conclusionem; ergo similiter cum quis vult dare elemosynam. pag. 288. col. 2. B. 22. *Non*. nam. p. 290. c. 2. B. 19. quod D. Thomas nomi-
ne finis comprehendit. l. quod finis specificans actum voluntatis comprehendit. pag. 295. c. 2. C. 12. *Benitatem & malitiam*. dele. *bonita-*
tem & pag. 301. col. 1. A. 15. l. *obiectum non ordinatur*. p. 306. c. 1. C. 3. l. *Præcendendo ab ordine ad operationem*. quem. pag. 305. c. 1.
B. 19. l. *& confirmationem*. & col. 2. B. 9. l. *unum vni tantum esse*. P. 370. c. 2. B. 1. lege continuando præcedenti lineæ, *Secundo*
p. 372. c. 1. A. 16. l. *exerendo operationem*. P. 380. col. 1. B. 17. l. *intensum*. P. 390. c. 1. C. 16. l. *vitium negligentia* & P. 395. col.
2. A. 1. *maior*. P. 403. c. 2. A. 22. l. *tertia*. p. 411. c. 2. A. 11. l. *suo obiecto*. & C. 11. l. *potentia & 10. l. moralis*. nisi. P. 426. c. 1. A. 6. l. *prima-*
tio & 15. l. *obiectum*. P. 425. c. 2. C. 5. *efficientia*. l. *apprehensio*. P. 435. c. 1. A. 4. l. *conuertuntur*. P. 464. col. 2. C. 8. l. *reparabile*. P. 474.
c. 2. B. 5. l. *tertio*. P. 479. c. 1. C. 10. l. *tertio*. P. 485. c. 2. C. 5. *delectatur non*. P. 497. col. 1. A. 19. B. 2. C. 8. *pro delectationem*.
l. *cogitationem*. P. 505. col. 2. A. 17. l. *concomitantem*. P. 512. col. 1. A. 18. l. *negligentia*. P. 517. c. 2. B. 21. l. *directione*. P. 518. c.
2. B. 1. l. *voleitatis*. P. 564. c. 1. A. 6. l. *potentis*. P. 583. c. 1. A. 10. l. *deficientem*. P. 514. c. 1. A. 5. l. *nihil*. P. 531. c. 1. C. 15. l. *in-*
trinsecus. P. 629. s. B. 5. l. *conuersio virtualis*. P. 749. col. 1. A. 14. illa verba, *Sed præuenit ex motione auctoris natura*. pertinent ad
lineam præcedentem. ita vt conclusio incipiat, *Auxilium &c.* P. 751. c. 2. A. 12. l. *Sic enim*. P. 857. *Post Controuersia*: addes in
illud D. Petri. 1. c. 1. *Per quem maxima & pretiosa nobis promissa donauit*, ut per hæc efficiamus diuina confortes natura. & deinde
Vtrum, &c.

5-2

